

**TARQUINII
GALLUTII SABINI E
SOCIETATE IESU
IN ARISTOTELIS
LIBROS QUINQUE...**





SC. SUP. H. P. I. A.

Ponus Jenuis Med.
1643.

—y 2: 10. 2.

I

TARQVINII
GALLVTII
EXPLANATIO
ET
QVÆSTIONES
IN
ARISTOTELIS
MORALIVM
LIBROS.



Petri Jacobi Martii



TARGVINII
GALLVTTII
EXPLANATIO
ET
QUESTIONES
IN
ARISTOTELIS
MORALIVM
LIBROS

Handwritten signature



TARQUINII
GALLVTII
SABINI
E SOCIETATE IESV
IN
ARISTOTELIS
LIBROS QVINQVE PRIORES
MORALIVM
AD NICOMACHVM.
NOVA INTERPRETATIO
COMMENTARIVM QVÆSTIO-
NES.



Cum Privilegio Regis Christianissimi 1632

A. Picart sculpit



PARISIIS.

Sumptibus SEBASTIANI CRAMOISY, via Iacobæa sub Ciconijs.







VRBANO VIII.

PONT. MAX.

TARQVINIVS GALLVTIVS
F.



EATISSIME PATER,

Primus hic Aristotelis de beatitudine liber, haud incuriosis à me lucubrationibus exploratus, ad te venire iam gestit: & quoniam id non vetas, audet in conspectum se dare Beatitudinis tuae; ubi colligata simul & conserta cernuntur omnia, quae sparsim

a. uij

diffuséque apud alios sunt inchoata
præsidia felicitatis. In isto quidem apice
conditionis humanæ quicumque de-
mum statuitur, è cælestium domicilio
mutuatum Beatitudinis titulum ha-
bet, quia par idoneusque non inuenitur
in terris: sed quæ omnium in supremo
culmine communis appellatio est, ea
tibi tam propriè congruit, ut tua pri-
uatim esse, tibi que nominatim indita
videatur. Non simplex aut nuda, nec,
ut Stoici putarunt, uniusmodi beati-
tudo mortalium est: sed ita multiformis
ac varia, ut uniuersæ Virtutis
ornari varietate velit, & omni bono-
rum externorum genere colorari. Fit
adeò, ut diuisa potius & quasi per in-
ciles corruata deprehendatur in multis,
quàm ut tota in uno eodémque pror-

sus homine tanta rerum complexione
 perficiatur. Ex hoc numero unus om-
 nium eximendus es Tu, qui toto bea-
 titudinis instrumento singulariter ex-
 cultus, quod aliorum nemini dari posse
 credidimus, tibi tributum, unigue tri-
 bui totum posse, tuo demum exemplo
 demonstraſti. Enituit in aliis virtus
 illa, quæ mores expolit, sed est desiderata
 quæ mentem informat: aliis doctrina
 non defuit; sed defuere corporis orna-
 menta, quibus utitur animus: alii spe-
 ciem habuerunt. regno natam & di-
 gnam imperio; sed externa bona, quæ,
 si minùs efficiunt, explent certè felici-
 tatem, non habuerunt. Tibi morum
 probitas, tibi multiplicis linguæ facun-
 dia, tibi mirè capax ad res omnes intel-
 ligendas ingenium, tibi, quæ solos Da-

masos aliosque perpaucos est comitata
Pontifices, flexanima illa poesis ac di-
uina Siren, tibi maiestas oris & corporis
dignitas, hoc est, pulchrioris animi pul-
cherrima domus, tibi cetera bona si qua
sunt, ad regnum longo agmine praeue-
runt: & ne quidquam in tanto bono-
rum complexu requireremus ipsa te,
quantumvis bene dotata, opulentum &
diuitem sponsum accepit antè, quàm fe-
cit Ecclesia. ut non tam ab Honore ti-
tulum hausisse Beatitudinis, quàm ad
Honorem domo tecum attulisse prome-
ritum videaris. Vnum fuit, quod Bea-
titudinem istam in Petri solio iam con-
stitutam, non dicam euertere, sed ali-
quantulum obnubere potuerit, & qui-
busdam quasi nebulis infuscare. illas ego
turbas & tonitrua bellorum hic loquor,

2
quæ tui Principatus initio statim audi-
ta, & subinde promota, te custodem tu-
torémq; publicæ quietis interpellarunt.
Sed verticem istum circumsonant ful-
mina, non attingunt: amplificata luce
illuminant fulgura, non demisso com-
burunt incendio. nimirum apparatus
hi bellici, quemadmodum à Deo rerum
moderatore speramus, spectacula potius
erunt, quàm conflictus armorum; & ea
munimenta, quæ turbidâ tempestate
nunc paras, constituta post modum pa-
ce, ornabunt potius Urbem provin-
ciâsque, quàm tegent. Quapropter hæc
quoque procella ita gratiam futura pa-
cis & tranquillitatis augebit, ut leta-
turi propemodum aliquando simus, præ-
cessisse turbines, qui depulsi, partem se-
renitatem cariorem facient, & tui no-

minis gloriam in meliori lumine collocabunt. Cùm ergo Beatitudinis absolute formam, quam hic liber adumbrat, tibi tam propriam esse, & sic ad viuum in te viderem expressam; haud equidem dubitavi, quem illi Patronum ac Præsidentem darem; sed veritus sum, ne inde iudicarer audacior. Istam tamen ex animo meo suspicionem abstersit cognita mihi iam olim humanitas tua, quæ nunc etiam ex tanto fastigio descendit ad me. Itaque spei plenus, hoc veluti donarium ex inopi facultate ad aram depono benignitatis tuæ, Deum Optimum Maximum impensè precatus, ut te diutissimè conseruato, ipsam, ad quam natus & delectus es, tueatur ac seruet excurrentis seculi felicitatem.

AD LECTOREM.

DVO præloqui me tecum oportet, quorum alterum ad nouam horum librorum interpretationem, alterum ad Itylū pertinet. De primo sic habet: Cū operi me accinxi, ea quæ Aristotelis Græca essent, cœpi Latine sic vertere, vt in Latio nata videri possent; idque aliquantò etiam contractius, quàm Lambinus egisset. Ac rem planè confeceram, cū animaduerti, me scopulum non defugisse, quem studio declinabam. Quippe id præcauere conabar, vt, cū Latinus esse vellem in Græcis, ad paraphrasim, quod factum difficillimum est, ne diuerterem. Cū ergo res ex animi mei sententia mihi non caderet, redordiri omnia volui; nec Horatij censoria deterritus virgula, verbum verbo reddidi, ac singula propemodum singulis respondentia feci, ad eorum voluntatem, opinor, qui vel Græcis imbuti sunt leuius, vel cupiunt curiosius vtraque comparare.

De stylo paucioribus agam. Lege, si libet & otium est, ex tribus orationibus meis, quas in operis aditu proposui, primam, & eam quidem extremam. intelliges, potuisse me limatiorem esse, sed ratione atque consilio noluisse.

Summa Privilegij Christianissimi Regis.



VDOVICI XIII. Galliar & Navarra Regis autoritate cautum est, ne quis in regno suo, aliisve locis ditioni suæ subiectis, intra proximos decem annos, à die impressionis primæ inchoandos excudat, vendat, excudendum, vendendumque quovis modo, ac ratione librum qui inscribitur, TARQUINII GALLVTII SABINI, è Societ. IESV, in Aristotelis quinque priores Moralium libros ad Nicomachum, Nova interpretatio, explanatio, quæstiones. Præter SEBASTIANVM CRAMOISY, Bibliopolam iuratum & Ciuem Parisiensem, aut illos, quibus concesserit, sub pœnis originali diplomate contra delinquentes expressis. Datum Parisiis 14. Augusti 1631.

De mandato Regis. Signatum, PETIT.

Hæc prima editio perfecta fuit 20. Martij 1632.

APPROBATIO R. P. GENERALIS.

MVTIVS VITELLESQVS, Societatis IESV Præpositus Generalis. Cùm Commentarios, & Quæstiones in primos quinque libros Moralium Aristotelis ad Nicomachum, P. TARQUINII GALLVTII nostræ Societatis; tres eiusdem Societatis Theologi, quibus id commissum fuit, recognouerint; & in lucem edi posse probauerint: facultatem concedimus, vt typis mandentur, si ita iis, ad quos pertinet, videbitur. In quorum fidem has literas manu nostra subscribeas, & sigillo nostro munitas dedimus. Romæ 13. Octobris 1629.

MVTIVS VITELLESQVS.

EX insigni opere P. TARQUINII GALLVTII in Aristotelis Ethica vidi Commentarios, & Quæstiones in quinque priores libros mihi transmissos, iussu Reuerendissimi Patris & Domini mei NICOLAI RICCARDI sacri Palatii Magistri recognoscendos. In iis nihil offendi non castigatè dictum, sed omnia tanta cum facilitate, & erudita facundia, tamque subtiliter explicata, vt Aristoteles ipse Romanè loqui videatur. Dignum proinde opus existimo, quod typis euulgetur, vt in posterum Aristoteles tantus Latinis appareat, quantus est suis.

Ita censeo IO. HIERON. SAPRONIS in Rom. Societatis IESV Collegio studiorum Præfectus.

Imprimatur.

P. NICOLAVS RICCARDVS
S. Palatii Apost. Mag.

INDEX



INDEX
CAPITVM; SVMMARVM
ET QVAESTIONVM QVAE IN
LIBROS MORALIVM ARISTOTELIS
hoc opere discutiuntur.

CAPVT PRIMVM
LIBRI PRIMI.

*De boni appetitione omnium communi,
deque finium varietate.*

SVMM A.

Ad bonum omnia ferri, pluresque re-
rum agendarum esse fines, quorum
præstantissimus sit qui est postremus.
pag. 43. 44. & seqq.

QVÆSTIONES.

1. *De Boni definitione, quam probat Ari-
stoteles, an perfectæ censeri debeat: & cu-
rus boni definitio sit.* 51.
2. *An vere dici possint omnia appetere pri-
mum bonum, cum bonum appetunt uni-
uersi.* 53.
3. *An bonum & finis idem sint, atque inui-
cem conuoluantur.* 54.
4. *Cur in definitione Boni haud ulla sit ha-
bita ratio pulchri, sicut est habita finis.* 56.
5. *An homo naturaliter sit animal sociale.* 58.
6. *Vtrum homo ita sit natura politicum
animal ut solitarium esse non possit.* 62.
7. *An solitarij, erronei, aut erratici qui-
dam homines discendi sint Ciues, & in ci-
uitate retinendi.* 64.
8. *An æconomica rectè finem assignauerit
Aristoteles, cum suum singulis artibus defi-
gnauit.* 69.

CAPVT SECVNDVM.

De ultimo fine.

SVMM A.

Vltimum hominis finem vnum eumque
optimum esse; de quo agere ciuilis sit
facultatis. 71. 72. & seqq.

QVÆSTIONES.

1. *An ab Aristotele tradita rationes verè
demonstrent, vltimum aliquem esse oportere finem actionum humanarum.* 82. 83.
2. *An semper homo finem hunc spectet vltimum inter agendum.* 84.
3. *An debeat unusquisque in agendo propo-
situm habere finem vltimum.* 85.
4. *Rationes aliqua aduersus ea quæ de fine
Politica dicta sunt, confutantur.* 86. 87.

CAPVT TERTIVM.

De methodo huius doctrine.

SVMM A.

Certam quandam docendi rationem ac
viam, certosque Auditores ab hac
morum doctrina postulari. 89. 90.

QVÆSTIONES.

1. *An aliqua possint esse demonstrationes in
Ethica.* 99.
2. *Cuiam hominum ordini sit utilis Phi-
losophia moralis.* 100.

CAPVT QVARTVM.

*De summo bono, deque bona Auditoris
institutione.*

SVMM A.

Felicitatem esse vltimum hominis fi-
nem, cuius inuestigatio ab iis, quæ no-
ta nobis sunt, aggredienda sit: adeo-
que auditorem huius disciplinæ, bene
institutum esse oportere. 105. & seqq.

CAPVT QVINTVM.

*De iis in quibus Beatitudo posita
non sit.*

SVMM A.

Non voluptatem, non honorem, non
c.

I N D E X.

virtutem, non opes ipsam esse felicitatem. 114. 115. & seqq.

QVÆSTIONES.

1. An felicitas in voluptate posita sit. 124.
2. An aliquo corporis bono ponenda felicitas videatur. 127.
3. An in honore sita felicitas sit. 129.
4. An felicitas in virtute, siue in virtutis habitu posita sit. 132.
5. An felicitas in diuitiis posita sit. 139.
6. An in aliquo bono corporis, aut externo collocari beatitudo possit. 140. 141.

CAPVT SEXTVM.

De Idea.

S V M M A.

Vltimum hominis finem & summum bonum Ideam ipsam boni esse non posse. 141. 142. & seqq.

QVÆSTIONES.

1. An amicitia posthabenda sit veritati. 158.
2. An Aristotelis rationes aduersus Ideam boni vincant, nullum bonum separatim esse felicitatem humanam. 162.

CAPVT SEPTIMVM.

De Beatitudinis definitione.

S V M M A.

Ex multiplici Beatitudinis proprietate definitio colligitur: præcepta in vnaquaque seruanda scientia describuntur. 163. 164. & seqq.

QVÆSTIONES.

1. Verum perfectius sit, quod propter se tantum expetendum est, quam id quod & propter se & propter aliud est expetendum. 184. 185.
2. Quid vita perfecta nomine intelligi velit Aristoteles. 186.

CAPVT OCTAVVM.

De antiquorum dictis, deque tribus bonorum generibus felicitati consentaneis.

S V M M A.

De Felicitatis notione sibi cum antiquis Philosophis conuenire, ac definitione beatitudinis à se propositam cum ipsis omnino congruere. 188. & seqq.

QVÆSTIONES.

1. An voluptas siue delectatio constituenda felicitati necessaria sit. 200.
2. An delectationis sibi inuicem aduersentur. 202.

3. An bona corporis necessaria præsidia sint felicitatis humana. 204.

4. An externa siue fortuna bona necessaria felicitati sint. 209.

CAPVT NONVM.

De ratione paranda felicitatis.

S V M M A.

Felicitatis causam non esse fortuitam, sed vel diuinam, vel humanam, neque mutas animantes, neque pueros felicitatis esse posse participes. 218. 219. & seqq.

QVÆSTIO VNICA.

Quanam sit causa felicitatis, fortuitane an humana, aut etiam diuina. 225.

CAPVT DECIMVM.

De tempore, quo quis dicendus sit felix.

S V M M A.

Licetne quempiam, dum viuit, verè beatum ac felicem dicere. 226. 227. & seqq.

QVÆSTIONES.

1. An hominum quisquam verè possit in vita felix dici. 240.
2. An virtutes sint scientiis constantiores & firmiores. 244.

CAPVT VNDECIMVM.

De amicorum posterorumque fortunis ad defunctos pertinentibus.

S V M M A.

Bonam vel malam fortunam in amicos quoque redundare, cum viuentes, tum mortuos. 247. 248. & seqq.

QVÆSTIO VNICA.

An ipso intereunte homine intereat prorsus, humana felicitas. 252. 253.

CAPVT DVODECIMVM.

De honore qui felicitati debetur.

S V M M A.

Beatitudinem aliquid diuinum videri, propterea quòd honore potius quàm laude digna sit. 252. 253. & seqq.

QVÆSTIO VNICA.

Indene an honore digna felicitas sit. 259.

CAPVT TERTIVM.

DECIMVM.

De duplici anima parte, duplici virtute, duplici felicitate.

I N D E X.

S V M M A.

Altera pars animæ, rationis est simplici-
ter & per se compos, altera per parti-
cipationem. In ea virtutes sunt intelli-
gentes & cogitantes; in hac morales &
agentes, & vtriusque felicitas. 262. 263.
& seqq.

Q V Æ S T I O N E S.

1. Vtrum virtus sit in anima potentia. 276.
2. An aliqua vera virtutes in intelligentia sint. 276. 277.
3. An virtus moralis possit esse sine intelle-
ctiva, vel contra, intellectiva sine morali.
280.
4. In quonam appetitu virtutes morales po-
sita sint. 283.
5. Vtrum una eademque virtus possit esse in
pluribus potentiis tanquã in subiecto. 289.

CAPVT PRIMVM

LIBRI SECVNDI

De procreatione virtutis tum moralis,
tum intellectiva.

S V M M A.

Rationis, intelligentiæque virtutem do-
ctrina: moralem vsu & consuetudine
comparari. 297. 298. & seqq.

Q V Æ S T I O N E S.

1. An virtus iusta nobis sit à natura, quibus-
ne gignatur ex causis. 305.
2. An virtus generetur ab assuetudine atque
ex actionibus frequentatis. 309.
3. An ad virtutem parandam necessaria sint
actiones externa. 312.
4. An unico actu possit virtus moralis ali-
quando comparari. 314.
5. Quid sit recta institutio, quam vilis,
quidem emendet. 316. 317.
6. De alia quadam institutionis ratione per
pueritia partes distributa. 321.
7. An enumerata iam artes & exercitatio-
nes verè utiles institutioni aut necessaria
sint. 324. 325.

CAPVT SECVNDVM.

De iis rebus quibus gignitur aut cor-
rumpitur virtus.

S V M M A.

Mediocritate gigni virtutem, eandem
exuperantia & defectu corrumpi. 329.

Q V Æ S T I O N E S.

1. An actus virtutis antecedentes habitum,
ab iis qui eandem consequuntur, differant
specie. 334.

2. An virtus augeri, imminui, & corrumpi
possit. 334. 335.
3. Quibus modis, quã veratione virtus augea-
tur. 336.
4. An quolibet opere virtutis, virtus ipsa au-
geatur. 337.
5. Quibus rebus, quã veratione virtutis ha-
bitus corrumpatur. 339.

CAPVT TERTIVM.

De parte virtutis indicii.

S V M M A.

Delectationem atque tristitiam signa
esse quibus intelligi possit vtrum vir-
tus parva perfecte sit. 340. 341. & seqq.

Q V Æ S T I O N E S.

1. Qua ratione omnis moralis virtus in de-
lectatione tristitiæque versetur. 346. 347.
2. An ars & virtus in opere difficili versen-
tur & arduo. 349.
3. An difficilius sit voluptati repugnare
quam ira. 350. 351.

CAPVT QVARTVM.

Iusta agere, & agere iuste quid
differant.

S V M M A.

Qui iusta & temperata faciunt opera,
eos non statim esse iustos ac tempe-
rantes. 353. 354. & seqq.

CAPVT QVINTVM.

De affectu, habitu, & facultate.

S V M M A.

Virtutem, neque affectum, neque facul-
tatem esse, sed habitum. 358. 359. & seqq.

Q V Æ S T I O N E S.

1. De affectus, perturbationisque definitione.
363.
2. De numero perturbationum. 364.
3. Quid poni debeat tanquam genus in de-
finitione virtutis. 365.

CAPVT SEXTVM.

Quid sit virtus?

S V M M A.

Differentia traditur & tota definitio
virtutis. 368. 369. & seqq.

Q V Æ S T I O V N I C A.

An virtutis moralis verè consistat in me-
dio inter exuperantiam & defectum.
379.

INDEX.

CAPVT SEPTIMVM.

De virtutum numero, deque mediocritatum dispositione inter extrema.

S Y M M A.

Non esse satis, vniuersè, summamque de virtute præcipere, sed cognoscendas particulatim esse singulas, earumque mediocritates quæ laudabiles sunt; & extrema quæ vituperationem habent. 383. 384. 385. & seqq.

Q V Æ S T I O V N I C A.

An virtutum superior enumeratio sit idonea. 392. 393.

CAPVT OCTAVVM.

De mutua virtutū ac vitiorū oppositione.

S Y M M A.

Extremum vtrumque opponi medio ac virtuti: multo tamē magis extrema ipsa sibi inuicem aduersari. 394. 395. & seqq.

Q V Æ S T I O N E S.

1. *An maior inter duo extrema vitia quàm inter virtutem & extrema sit repugnantia.* 399. 400.
2. *An virtus magis cum uno quàm cum altero pugnet extrema.* 401. 402.

CAPVT NONVM.

De præceptis inuenienda mediocritatis.

S Y M M A.

Esse ad medium inueniendum aliquam rationem & viam. 402. 403. & seqq.

Q V Æ S T I O V N I C A.

An Aristotelis præcepta ad medium virtutū inueniendum idonea sint. 409. 410.

APPENDIX.

De singulis animi perturbationibus.

De Ira.	414. & seqq.
De Placabilitate.	421. 422.
De Amore.	423. 424.
De Metu.	425. 426.
De Confidentia, siue fiducia.	427.
De pudore ac verecundia.	428.
De Miseratione.	430.
De Nemese.	432.
De Inuidia.	433.
De Æmulatione.	434.

CAPVT PRIMVM,

LIBRI TERTII.

De iis quæ voluntaria sunt aut inuitè facta.

S Y M M A.

Quid voluntarium sit, intelligi ex contratio hoc est ex eo, quod fieri dicitur inuitè, hoc autem non esse vniusmodi, sed multiplex. 441. 442. & seqq.

Q V Æ S T I O N E S.

1. *An violentia sit causa cur aliquid dicatur inuoluntarium.* 463. 464.
2. *An ea quæ sunt ex metu, semper culpanda videantur.* 467.
3. *An ignorantia efficere possit inuoluntarium.* 470.
4. *Vtram cupiditas & ira efficiant inuoluntarium.* 473.

CAPVT SECVNDVM.

De electione.

S Y M M A.

Electionē non esse idem ac volūtarium, sed voluntario tamen subiici tanquam generi. 475. 476. & seqq.

Q V Æ S T I O N E S.

1. *Quid sit electio: & vtrum intellectus sit an voluntatis.* 484.
2. *Vtrum electio sit eorum tantum quæ fieri possunt, eorumque præsertim quæ fieri possunt per nos.* 485.

CAPVT TERTIVM.

De consilio & deliberatione.

S Y M M A.

Non de omnibus rebus deliberationem & cōsiliū esse, sed de iis, quæ per nos plerumque fiunt: & quidquid in deliberationem cadit, in electionem quoque cadere posse. 487. 488. & seqq.

Q V Æ S T I O N E S.

1. *An consultationis & electionis materia sit eadem.* 496.
2. *An de omnibus bonis malisque sit consultatio.* 499.
3. *An deliberatio sit inquisitio quadam analytica, quæ resolutoria dicitur: & vtrum abeat in infinitum.* 500.

CAPVT QVARTVM.

De voluntate.

S Y M M A.

Id quod sub voluntatem cadit verūmne bonum sit, an quod bonum esse appareat. 502. 503. & seqq.

Q V Æ S T I O N E S.

1. *Vtrum voluntas feratur tantum in id quod est verum bonum, an etiam in illud quod verè non est.* 506.
2. *Vtrum sentientis animi perturbatio & commotio recta rationi plus officiat quàm habitus prauus.* 507.

CAPVT QVINTVM.

De nostra ipsorum potestate.

S V M M A.

In potestate nostra situm esse, vt boni vel improbi simus. 508.509.& seqq.

QVÆSTIONES.

1. An homo voluntariè fiat improbus. 521.
2. An homo fieri probus ex improbo possit. 524.

CAPVT SEXTVM.

De fortitudine.

S V M M A.

Quid fortitudo, quæque illi subiecta materia sit. 525.526.& seqq.

QVÆSTIONES.

1. An fortitudo sit mediocritas cuiuscunque timoris & audacie. 534.
2. An fortitudo versetur tantummodo in periculis & timore mortis. 541.
3. An fortitudo propriè posita sit in periculis illis qua accidunt in bello. 542.

CAPVT SEPTIMVM.

De rerum terribilium varietate.

S V M M A.

Ex rerum formidolosarum varietate varios existere fortitudinis actus. 546.547. & seqq.

QVÆSTIONES.

1. Quid sit timor, quibus nascatur ex causis, & quatuorplex sit. 556.557.
2. An repentina mala magis quam prouisa timeantur. 561.
3. An ea mala qua remedio carent, sint magis terribilia & formidolosa quam alia. 562.
4. De audacia, quid sit & quibus oriatur ex causis. 564.
5. Quanam sunt timoris & audacia peccata, qua dicuntur extrema. 566.
6. An audaces sint initio pugna vel ante pericula, quam in periculis ipsis promptiores. 568.
7. An vir fortis, cum fortiter agit, habeat solum animo propositum ipsum bonum, honestatemque proprii habitus. 569.
8. Virum q quis sibi mortem afferunt, dicendi sint fortes, an molles ac timidi. 571.
9. De Theologorum in hoc genere decresis. 575.
10. Quid Theologi de iis decernant qui se negatiue atque indirecte interpretant. 579.

CAPVT OCTAVVM.

De quinque generibus fortitudinis.

S V M M A.

Genera quædam esse fortitudinis haud veræ, sed adumbratæ. 581.582.& seqq.

QVÆSTIONES.

1. An ex quinque fortitudinis adumbratæ formis, ea, quæ civilis dicitur, veræ fortitudini sit similior quam ceteræ. 597.
2. An viro forti semper necesse sit in periculis excipere mortem, nec liceat unquam fugere. 600.
3. An ad fortitudinis aliquod veræ genus pertinere videatur duellum. 603.
4. An fortitudo maxime cernatur in malis subitis ac repentinis. 610.
5. An vir fortis adhibeat iram in agendo. 612.

CAPVT NONVM.

De proprietatibus fortitudinis.

S V M M A.

Fortitudinem in timore potius versari quam in audacia; & plus tristitiæ quam delectationis habere. 613.614.& seqq.

QVÆSTIONES.

1. An sustinere, perferre ac pati sit proprium fortitudinis officium & actus. 618.
2. Quid difficilius ac laudabilius sit, in prosperis ac secundis, an in aduersis modum tenere. 629.
3. An vir fortis capiat ex opere suo inter agendum voluptatem. 622.

CAPVT DECIMVM.

De Temperantia.

S V M M A.

Quid sit Temperantia, quæque illi subiecta materia. 626.627.& seqq.

QVÆSTIONES.

1. An Temperantia virtus sit, & virtus peculiaris. 635.
2. An Temperantia ceteris virtutibus antecellat. 638.
3. An Temperantia versetur solum in delectationibus gustus & tactus. 639.
4. In gustu an in tactu versetur magis propriè temperantia. 644.
5. An in temperantia sit visum omnium probrosum. 646.

CAPVT VNDECIMVM.

De variis cupiditatum generibus.

INDEX.

SUMMA.

Varios esse temperantiae atque intemperantiae actus pro cupiditatum varietate. 648. 649. & seqq.

QUESTIONES.

1. An temperantia mediocritatem & legem metiri debeamus ex vitae necessitate. 655.
2. An stupiditas, sine sensus vacuitas vitium sit temperantiae contrarium, & ipsa peius intemperantia. 657.

CAPVT DVODECIMVM.

De intemperantia & timiditate.

SUMMA.

Intemperantiam magis esse voluntariam quam timorem. 660. 661. & seqq.

QUESTIO VNICA.

An intemperantia sit vitium timiditatis deterius. 664. 665.

CAPVT PRIMVM

LIBRI QVARTI.

De Liberalitate.

SUMMA.

Quae sit functio liberalitatis, quae ratio extremorum. 673. 674. & seqq.

QUESTIONES.

1. An liberalitas sit virtus, & quidem à ceteris distincta. 697.
2. An pecunia sit materia liberalitatis. 700.
3. An dare atque accipere sint functiones & opera liberalitatis: quidve huic virtuti magis sit proprium. 700.
4. An illiberalitas vitium sit oppositum liberalitati. 702.
5. An avaritia maius aliquod vitium sit quam prodigentia. 704.
6. An faceratores inter avaros illiberalesque numerandi sint. 706.
7. An aleatores inter avaros numerandi sint. 710.

CAPVT SECVNDVM.

De magnificencia, vitiiisque magnificencia contrariis.

SUMMA.

Quae sit magnificenciae vis, qui fines & extrema: quae officia & functiones. 712. 713. & seqq.

QUESTIONES.

1. Num magnificencia virtus sit. 735.
2. An magnificencia virtus sit peculiaris à ceteris seuuncta virtutibus, in primisque à liberalitate. 738.

3. Vtrum magnificencia liberalitate praestantior & excellentior sit. 740.

4. Quodnam è duobus extremis deterius sit. 743.

CAPVT TERTIVM.

De Magnanimitate.

SUMMA.

Quid sit. quibus versetur in rebus. quae viri magnanimi propria sint. 745. & seqq.

QUESTIONES.

1. An magnanimitas sit virtus, & vtrum sit humilitati contraria. 766.
2. Vtrum magnanimitas sit virtus aliqua peculiaris & propria. 771.
3. An materia magnanimitatis sit honor. 774. 775.
4. An magnanimus honores magis appetat quam contemnat. 776.
5. An bona fortunae ad magnanimitatem aliquid conferant. 779.
6. An magnanimitas sit fortitudinis pars. 780. 781.
7. An timiditas & paruitas animi sint opposita magnanimitati vitia. 782.
8. Num animi paruitas deterius sit quam tumiditas & inflatio. 784.

CAPVT QVARTVM.

De honoris studio moderato.

SUMMA.

Virtutem quandam esse, carentem nomine, magnanimitati persimilem. 786. 787.

QUESTIO VNICA.

An habitus in mediocribus versans honoribus sit ab ipsa magnanimitate distinctus. 789.

CAPVT QVINTVM.

De Mansuetudine seu lenitate.

SUMMA.

Mansuetudinem esse inter irarum extrema mediocritatem. 792. & seqq.

QUESTIONES.

1. An mansuetudo virtus sit aliqua peculiaris & propria. 799.
2. Vtrum ea mansuetudo sit melior, quae hominem corrigit naturaliter iracundum, an illa, quae lenitudine laborantem emendat. 802.

CAPVT SEXTVM.

De affabilitate, seu comitate.

INDEX.

S V M M A.

Habituū quendam esse mediocrem & suis interiectum extremis, in sermone & consuetudinis humanæ iucunditate versantem. 804.805.& seqq.

Q V Æ S T I O N E S.

1. *An affabilitas sine comitas virtus per se sit ab aliarum finibus separata.* 810.
2. *E duobus extremis vitiis affabilitati contrariis quodnam videatur esse deterius.* 812.

CAPVT SEPTIMVM.

De Veritate.

S V M M A.

Veritatem inter iactantiam inaniāque mediocritatem esse. 814.815.& seqq.

Q V Æ S T I O N E S.

1. *Vtrum veritas virtus sit.* 824.
2. *An duo tantum extrema vitia sint opposita veritati: & e duobus quodnam deterius esse videatur.* 826.

CAPVT OCTAVVM.

De Eutrapelia.

S V M M A.

Virtutem hanc, ioci, ludique moderationem, ac mediocritatem esse. 829.830. & seqq.

Q V Æ S T I O V N I C A.

An in iocis ludisque vera virtus aliqua possit esse. 836.

CAPVT NONVM.

De Verecundia.

S V M M A.

Verecundiam esse potius commotionem animi laudabilem quam virtutem. 840.841.& seqq.

Q V Æ S T I O N E S.

1. *An verecundia ex surpi actione nascatur.* 845.
2. *An verecundia virtus sit.* 847.
3. *An in senes, in probos, ac virtute perfectos viros cadat verecundia congruenter.* 848.

•••••

CAPVT PRIMVM

LIBRI QVINTI.

De Iustitia & iniustitia.

S V M M A.

Rudis vtriusque tractatio traditur, & quidem generalis. 858.859.& seqq.

Q V Æ S T I O N E S.

1. *An iustitia versetur in actionibus tantum humanis, non autem in commotionibus animi.* 869.
2. *An tradita iustitia definitio probabilis, & idonea videatur.* 872.
3. *An idem habitus possit esse contrariorum.* 875.
4. *Quanam & qualis iustitia sit, quæ ab Aristotele generalis, & legalis appellatur.* 877.
5. *Vtrum iustitia praeclarissima sit, & virtutum omnium perfectissima.* 883.

CAPVT SECVNDVM.

De peculiari iustitia.

S V M M A.

Duplicem esse peculiarem, singularemque iustitiam: eique respondere ius duplex. 886.887. & seqq.

Q V Æ S T I O N E S.

1. *An prater legalem communemque iustitiam, aliam esse peculiarem oporteat, quæ generalis iustitia communisq; sit pars.* 895.
2. *Vtrum qui propter quatum intemperans est, intemperatus dici debeat, an iniustus.* 898.
3. *Rectene iustitia peculiaris in distribuentem, commutantemque diuidatur.* 899.900.

CAPVT TERTIVM.

De iure iustitia distribuentis.

S V M M A.

Iustitiæ distribuentis iustum, siue ius esse medium & æquale. 902.903.& seqq.

Q V Æ S T I O V N I C A.

An iustitia quæ in distributione versatur, ab Aristotele recte fuerit exposita. 908.909.

CAPVT QVARTVM.

De iustitia commutante.

S V M M A.

Huius opus iustitiæ, siue iustum in commutationibus cerni, ad proportionem arithmeticam exploratum. 912.913.& seqq.

Q V Æ S T I O N E S.

1. *An eodem modo metiendum sit medium in distribuentem, atque in commutantem iustitia.* 920.
2. *An omne iustum sit medium damni & lucri.* 921.
3. *Princepsne bonus, siue iudex in imperio anteponendus sit legi, an Principi aut iudici lex.* 924.

INDEX.

CAPVT QVINTVM.

De Talione.

S V M M A.

Pythagoreos etrasse, qui iusemendationis non arithmetica proportionem, sed talionis æqualitate definierunt. 928. 929. & seqq.

QVÆSTIONES.

1. *An iustum & talio idem sint.* 942.
2. *An verum commutandarum possit esse communis aliqua mensura, quæve nam ea sit.* 947.
3. *Utrum iustitia inter duas vitiositates extremas posita sit.* 952.

CAPVT SEXTVM.

De eo, qui verè sit appellandus iniustus, ac de multiplici iure.

S V M M A.

Qui verè appellatur iniustus, eum à fine sic appellari in quolibet iustitiæ genere, siue ciuili contrario iuri, siue alteri, quod per analogiam ius nominetur. 954. 955. & seqq.

QVÆSTIO VNICA.

Utrum ius politicum differat ab herili iure, paterno & coniugali. 959.

CAPVT SEPTIMVM.

De iure naturali & legitimo.

S V M M A.

Non omne ius esse legitimum. 962. 963. & seqq.

QVÆSTIONES.

1. *An sit aliquod iustum naturale.* 967.
2. *An rectè iustum politicum fuerit ab Aristotele diuisum in naturale, & in legitimum, siue legale.* 969.

CAPVT OCTAVVM.

De iuste iniuste factis.

S V M M A.

Triplex esse damnum quod aliis irrogatur. 972. 973. & seqq.

CAPVT NONVM.

De eo, qui patitur iniuriam.

S V M M A.

Dubitari posse, an aliquis volens patiatur iniustum. 978. 979. & seqq.

QVÆSTIONES.

1. *An aliquis volens iniustum aut iniuriam patiatur.* 988.
2. *Iudex ne corruptus delinquat grauius, an corruptor.* 989.
3. *Utrum difficilius sit, hominem esse iustum, quàm medicum bonum.* 992.

CAPVT DECIMVM.

De æquo ac bono.

S V M M A.

Sic ne quidem æquitas ac iustitia. 993. 994. & seqq.

QVÆSTIONES.

1. *An æquum & bonum ipsius quoque iuris naturalis correctio sit.* 998.
2. *An æquitas sit virtus moralis differens à iustitia.* 1000.

CAPVT VNDECIMVM.

De hominis iniustitia erga seipsum.

S V M M A.

Neminem propriè sibi nec ipsi facere iniuriam posse. 1003. 1004. & seqq.

QVÆSTIONES.

1. *An fieri possit, ut sibi aliquis iniuriam faciat.* 1008.
2. *Utrum iniustum facere deterius sit, quàm iniustum pati.* 1010.



D E

M O R A L I
P H I L O S O P H I A
P R Æ F A T I O I.

*Cum Author ab arte dicendi digressus Aristotelis libros de
Moribus explicare aggrediretur.*



HACTENVS in Rhetorum campo versari, post diu-
turnum illum declamatoriae solem palæstræ, ac puluerem
eloquentiæ, in aliudne forum, aciemque descendimus,
an ex arena, & puluere in umbram nos, stationemque
recipimus, Auditores? equidem haud scio vtrum hoc
hybernaculum sit; vbi cum animi perturbationibus, ac
vitiis, vbi cum voluptate, virtutibus & rationi contraria,
pugnandum erit, vbi per vitgulta, & fonticera per tra-
mites illos Herculi quondam obiectos in via, aperienda,
& quaerenda nobis erit ad felicitatem via. Sunt hæc
sanè pugnacia, & refractaria, quæ nobis opponuntur
in itinere; est hæc etiam doctrina pugna quædam & concertatio: sed si conferen-
da tamen cum ea sit, à qua missionem demum honestam iustissimis exactis stipen-
diis impetravimus, cessatio mihi esse videbitur, & quies; hodie præsertim, qua
die prælasurus operi futuro nullos aduersarios aspicio circumfusus orationi meæ,
quibuscum bellum aliquod, vt antè, suscipiendum pernecessariò sit. Videbar
quippe quotannis hac ipsa luce veluti Comædiarum quidam Orator, ac prologus
ad vos prodire, vt artificium, quod mihi erat in manibus sic defenderem, quem-
admodum ille præcursor actorum in proskenio existimationem tueretur agendæ
fabulæ, quem intelligit obrectatorum inuidia & maledicorum hominum acerbis-
sime proscindi. Faciebam inquam hæc necessariò: quia videbam eam à me tractari
facilem, in quam defueto iam à concionibus seculo, cuncti reprehensorum
aculei, notæque censorum; omnes doctorum hominum impetus, ipsius etiam
haud indoctæ multitudinis conatus effrænes, & cæcæ quædam populi sapientioris
impressiones incurrunt. Nunc verò quoniam ex illo Rhetorum opificio in hanc
felicitatis officinam ingredimur Ethicæ, quæ nullos habet hostes, sed propitios,
ac fauentes vniuersos, nullam nobis imponi necessitatem videmus huc exeundi
cum ornatu prologi, ad calumnias quæ nusquam sunt, atque à nemino iactantur,
hoc prolusionis initio repellendas. Aliorum iste sit labor, qui alia quædam crimina-
tionibus exposita in hoc Gymnasio profitentur artificia sapientiæ. Nobis iter ex-
pedit omnium adprobatio: nec patitur placabilis hæc, & tranquillitatis confi-
cientissima scientia in perturbatam nos atque infestam aduersarius intrare pro-
uinciam. Etenim permulta sunt in ceteras Philosophiæ formas, ac liberales ar-
tes obiurgatoriè quondam à veteribus dicta, contendentibus, & magna voce
clamantibus, explodendas esse doctrinas, quæ neque medeantur moribus, neque

faciant homines suo docendi labore peculiarique præceptione meliores. Quæ quidem obiurgatio, & tam grauis in plerosque doctores proclamatio non idiotarum, aut imperitorum tantummodo fuit, sed eorum etiam, qui prudentissimi, scientissimique sapientiae putabantur. Nam Cebes, Philosophus ille Thebanus, qui nobis ex Pythagoræ, Parmenidisque decretis humanæ vitæ simulacrum proposuit expressum ad viuum, cum intra circulos quosdam & zonas, pro studiorum varietate varias, omnes inclusisset mortales, fecit eorum aliquos è senecta, quam erant ingressi, ad morali Philosophiæ septum retrocedentes, propterea quòd animaduertissent, ad fucatas, inutilesque se artes contulisse, dum solidas quærent, ac minime fallentes animi disciplinas. Illi autem qui sic reuertuntur & Ethicen petunt, Poëtæ sunt, ut intenta in tabulam virgula docet ibi Myllagogus, Oratores, Dialectici, Musici, Arithmetici, Geometræ, Astrologi, Critici omnes, ac Phisici, alique, qui nullum doctrina sua proponunt hominibus vitæ castimoniam, ac probitatem. Huius Philosophi sententiæ omni planè consentit ex parte mitissimus Imperatoris immanis altor, ac Magister Seneca; qui præter morum Philosophiam, ceteris è studiis nullum suscipit, nullum in bonis numerat, nullum admiratur, omnia meritoria, pusilla, puerilia putat, eo nomine, quòd virum bonum non modò non faciant, sed ne promittant quidem, aut se factura esse profiteantur. Quod profectò sic est, quemadmodum ab hoc morum præceptore sapientissimo dicitur. Nec ego qui permagni facio, admirorque liberales artes vniuersas, ausim aliquid de illarum efficacitate pronuntiare magnificentiùs, quàm veritas ac ratio postulet.

Nam illæ primùm quæ moderantur orationi, atque in sermonis cura, diligentiaque versantur, si syllabas exigunt ad vnguem, si literarum apices, vel propagatione proferunt, vel amputatione castigant, si attingunt historias, & carmina poetarum interpretantur, longissimè vagari se putant, & fines suos amplissimè protulisse; Cum tamen eorum nihil, aut metum eximat, aut libidinem frenet, aut iram coërceat, aut frangat audaciam, aut restringat exardescens animi cupiditatem. Geometria, si de recta, obliquaue linea doceat, si quamcumque formam acceperis, eam redigat in quadratum, si non latifundia modò metiatur, sed agellum quoque minimum redigat in particulas, si colligere subtilissimè possit iugeri pedes, & quicquid decempedam effugit subducta ratione deprehendere, nihil prætermittat eorum, quæ proficetur, & numeros explet omnes muneris sui. cum tamen interea nesciat animus intra recti lineas se tenere, aut metiri quantum homini satis est, aut patienter ferre vicinum non dico abradentem aliquid ex agro tuo, sed potentio rem tantummodo, atque ampliora prædia possidentem. Illa verò quæ cælestium notitia gloriatur, Astrologia, si discurrentium interualla siderum radio notet, si fixas stellas distribuat in Centurias, si defectus illos solis, lunæque labores, suspensæ Ciuitati denunciet, satis in sublime sustollit animum, quem interea loci relinquit fluxus hærentem rebus, nec despicientem ea, quæ ante pedes euentis quotidie fortuitis obiciuntur. Quid verò ea, quæ præluceat singulis differendi, ac de consequentibus iudicandi facultas? si rem definiat obscuram, si distinguat ambigua, repugnantia conciliet, confusa partiatur; si nodos resoluat, & decipulas eludat omnes Captiosorum, partes sine dubio persequitur idoneas officio suo, sed patitur animum amplecti deteriora pro bonis, ac repugnantia sequi; sinit eum decipi cupiditatibus & votis suis, qui verbis alienis falli & comprehendi non potest. De venatrice illa naturæ, ac rerum occultarum indagatrice scientia nihil est cur multa dicamus. Cæli materiam quærit, & oculis minimè contenta, vniuersi fibras, & venas scrutatur intimas extra conspectum ab auctore subductas: sed perturbationum fontes, & vitiorum flexus inuolutos ignorat, nec latebras illas intrare penitus audet, ubi se cupiditas, atque auaritia tenet. Rerum omnium initia quatuor explorat, sed quaternas illas animi virtutes, humanæ felicitatis totidem elementa non videt. Corporum ortus, obitusque considerat: considerantem hæc, & sui corporis obitum extimescentem animum ipso mortis pauore, impendentisque calamitatis expectatione non liberat. Rectè itaque Aristo ille Stoicus eam philosophiæ partem existimabat esse leuissimam, quæ per sidera vagaretur, nec in pectus vsque descenderet, aut hominem in se ipsum introrsus ire, ac dies noctesque secum habitare compelleret. Rectè vetus illa ratio sapientium clamat vniuersa, id deum esse sapere ac philoso-

phari: nosse, beatam vitam homini consentaneam virtutis actione perfecta contineri, non alienis pennis inuadere Cælum, non errare per maria, non illigare verborum nodos, ac soluere, non littoris arenas & papaueris semina folliculis inclusa numerare, non inter fuitiles, otiosasque disciplinas operam perdere. Quin reprehensionem illam Moralis sapientiæ recordor hoc loco; cum concinentes Musas è Boëthij decumbentis lectulo depulit indignabundas, vehementerque commota in meretriculas illas scenicas, & syrenes exitiosas, quæ dolorem non minuerent cantu; sed dulci alerent, atque augerent veneno. Quid enim facturam fuisse putatis in alias artes, quæ cum sola rerum cognitione contentæ sint, minùs prodesse animo ægro, quàm Poëtica possunt, cui præter iucunditatem, ipsa etiam proposita morum utilitas est? Quæ quidem haud ideo commemorantur à me, quod ignorem quantum illa scientia veritatis intelligentiam perficiat, & beatitudinem cumulet hominis; sed quod peruelim ab omnibus intelligi quod initio dicere institueram: nullam esse tam præclaram, excellentemque doctrinam, quæ non habeat Cynicos aliquos allatrantes, hac nimirum excepta morum philosophia, quam purarunt omnes euocatam è Cælo, atque in domos, vrbesque compulsam, ad demonstrandam felicitatem singulis & ciuitatibus communem, publicamque tranquillitatem impertientiam. Ac nihil profectò mentiuntur, nec plus nimio rem augent, cum eam diuinam faciunt, ac cælestem; sed non prorsus intelligunt opinor, quàm ea laus verè, proprièque cadat in salutarem hanc, & præcipuam sapientiæ partem. Omnes enim idcirco cælestem appellandam existimant, quod Pythagoras antiquorum studio relicto, qui cælestia tantum, naturæque res inuolutas auidissimè sectabantur, de bonis, ac malis cæperit philosophari primus, ac visus propterea sit philosophiam è sideribus illis, orbibusque cælestibus, in quibus antea tantummodo se tenebat, tamquam iniecta manu detraxisse. Quod quidem ut verè dicatur, parcè tamen atque restrictè dici videbitur, si huius disciplinæ antiquiora quædam principia redordiamur. Omnis quippe huiusmodi doctrina, atque institutio multò ante Socratem exiit à Pythagora, cuius hodièque aurea illa carmina legimus, quibus totius humanæ vitæ ratio continetur & lex. Ex huius verò doctrina monumentisque philosophi, Socrates ipse ac Plato mutuati postea sunt quæ de moribus amplissimè disputarunt. At Pythagoram Nazaræi cuiusdam hominis eximie docti, atque in sacris literis apprime versati, discipulum facit in libro aduersus Apionem Iosephus Historicus magnæ vir apud omnes auctoritatis. Quin eundem Hebræum quoque fuisse genere docet Ambrosius homo castissimus, & Clemens Alexandrinus totius antiquitatis egregiè gnarus inter Apellas adnumerat, & recutitos: ut nimirum intelligere debeamus, ea quæ rectè Religioni cōsentanea, & moribus salutaria proposuit populo Pythagoras, è diuinis fuisse monumentis Hebræorum hausta, & ex sacro illo, augustoque sanctissimæ sapientiæ fonte delibata. Atque hinc factum esse autumat Tertullianus, ut Socrates, qui multo post Pythagoram esse cæpit inter mortales, Pythagoræ tamen institutus scriptis & doctrina, non modò moribus hominum leges quasdam describeret cælestes, quas apud illum inuenisset expressas, verùm etiam concionabundus euerteret Deos, & Numinum illam multitudinem infinitam oratione præclara detestaretur. Non enim vnus illam notitiam Dei acceperat aliunde, quàm à veritate; quæ quoniam semper odium sibi peperit apud improbos, in ipso etiam Socrate Atheniensium iniquissimo iudicio est circumuenta. ut meritò idem exclamarit Tertullianus: ò Apollinem inconsideratum, qui summæ testimonium sapientiæ illi reddiderit viro, qui Deos esse interposita vita, & morte quodammodo sequestra diffitebatur. Non tamen idèò dico, quòd velim hodie Socratem consecrare, atque ita cælestem facere, ut ille olim Roterodamus insignis fannio, & personatæ religionis impius histrio fecit, cum plus æquo sanctimoniam & constantiam Socratis admiratus, dicere quodam loco ioculariter opinor, ac per deridiculum in nos, haud dubitauit, vix me contineo quin exclamem: sancte Socrates ora pro me. Quamquam enim ab Arcopagita Dionysio didicimus, aliquot etiam ex antiqua superstitione viros, Angelorum, qui populis præsident singulis, institutione ad rectum Dei cultum esse perductos, & euocatos in cælum, de Socrate tamen ipso, ne præeunte quidem Catharino Theologo ausim ego benè quicquam existimare, cum apud ipsius patronos Xenophontem, ac Platonem id scriptum inueniam; iudicio cum populari oppressum fuisse, non iure damnatum: quippe qui non modò non ne-

garet in publico ac palam esse Deos, verum etiam in Pyrrho, cunctis inspectantibus, ipsi Mineræ votam perfoluisset, & gallum gallinaceum Æsculapio sacrificasset. Quare sic intelligo, & sic animo persuasum est meo, Socratem, vel metu supplicij, vel exitiabili quadam assentatione aliter interdum erga Deos in publico se tractasse, quam priuatim ipse suo iudicio & cogitatione sentiret. Ceterum de constantia, inconstantiaue hominis ut ut est, illam certè, quam aliquando professus est, execrationem Deorum, è diuinis hauserat fontibus, qui Pythagoræ quondam reclusi neminem aditu prohibebant.

Socratem Plato discipulus exceperit, ad quem ea morum scientia per alueum, ductumque non prorsus incorruptum deriuata, tanquam arenam, & cœnum sic errores aliquos secum traxit turbido fluxu, quos in eo quotidie notamus, & reprehendimus. Multa quippe didicerat ab errante Magistro, multa ipse, cum fuit in Ægypto, ab Hebræis illis degenerantibus acceperat, qui ex commigratione reliqui erant in ea regione frequentes; nec diuinum illum Codicem nōdum imperio Philadelphi Græcum factum adire, ac consulere legendo potuerat. Quia tamen ipse quicquid ex iis hauserat capitibus diuinum, & è sacris Hebræorum voluminibus expressum incorruptè putabat, dicere non est veritus in Protagora, illas artes, quæ degendæ, retinendæque vitæ necessariæ sunt, humanum consilium, ac prudentiam inuenisse; quæ verò ad benè beatèque viuendum perducerent hominem, eas singulari Dei parentis optimi beneficio fuisse mortalium animis impressas & consignatas. Quin alibi mentionem facit arcani cuiusdam Syrii, atque Phœnicii, Iudæorum sine dubio doctrinam leuiter indicans; quam suo palam, apertèque non putabat appellandam nomine, quòd intelligeret eam gentem esse plerisque nationibus odiosam. Quid multis hic opus est verbis? Ipsi nostræ Religionis Antistites eruditissimi confirmant, Platonem eo consilio Ægyptiorum vrbes ingressum esse, ut leges Moysis illas admirabiles, variumque sanctissimorum oracula cognosceret: vidisse omnia diligenter, & ex eorum libris, monumentisque diuinis Dialogum de virtute, hoc est decem illa volumina de Republica composuisse, quorum argumentum est: Impios, iniustos, alienos à Deo quamuis religiosissimu vulgò putentur, sineque opibus florentissimi, infelicissimos tamen habendos esse, atque omni prorsus ærumnarum genere cumulatos: contrà verò quos miseros, ærumnosque vulgus appellat, modo præpotenti Deo amici sint & gratiosi, eò feliciores esse iudicandos, quò magis expositi fortunæ sunt, atque apud populum ob rectè facta, & publica beneficia maiori versantur in odio. At hæc summa videtur esse literarum sacrarum omnium, eiusque sapientiæ quæ Salomonis commendata pronunciatis est, oraculisque sanctissimis euulgata. Explanatus hæc, & expressius Eusebius Pamphili docuit, nominatim affirmans eum Esaïæ locum: Vinciamus iustum, quia nobis inutilis est: circuitione quadam ambituque verborum in secundum de Republica librum ad hunc fermè modum à Platone transcriptum esse. Hoc igitur animo affectus in Rempublicam iustus, imperterritus ac minimè cominotus, virgis, flagrisque cadetur, tormentis cruciabitur exquisitissimis, orbabitur oculis; ad extremum omnia perpeßus iniuriarum & contumeliarum genera tolletur in crucem. Tota verò disputatio Thrasymachi cum Socrate in libro primo nonne quædam explanatio verborum illorum est, quæ pronunciant apud Salomonem flagitiosi? Venite perfruemur bonis, perfundamur vnguentis, rosas coronemur; opprimamus pauperem, non parcamus viduæ, nec reuerreamur canos: fortitudo nostra lex iniustitiæ sit.

Ab huius doctrina Præceptoris Aristotelem accepisse moralia nemo prorsus inficiabitur qui sciat (scire autem debent omnes) tam multos cum annos sedulo ac diligenter audisse Platonem. Ac possem equidem singulos vtriusque componere locos, & demonstrare per partes Aristotelis Ethicæ ab ea stirpe fuisse decerptam: sed hoc mihi negat otium hora qua circumscribor ad dicendum, & tam longum industria meæ laborem eripit aliorum diligentia, qui scriptis voluminibus, & libris longè plurimis euulgatis ostēderunt de vniuersa Philosophia Platoni cum Aristotele conuenire. Non igitur oportet, nec est huius orationis ire per singula, quæ diuerticulo quodam amœno huc demum ab eo principio decidue; ubi cōtendebam diuina esse moralis Philosophiæ primordia, cælestem hanc esse doctrinam; adeoque neminem inueniri, qui complectendam hanc vnam præter ceteras esse non dicat, & humanæ vitæ priuatam, publicèque plurimum prodesse non fateatur. Quæ causa hor

die lætandi mihi quidem occurrit amplissima, cùm in hunc ego campum ingressus ita offendo parata, expeditaque omnia, ut patronum, aut prologum aliquem defensore agere necesse non sit in tam populari, & gratiosa doctrina, tamquam in bene vendibili, atque acceptissima fabula.

Vnum tamen in hac tanta securitate subesse periculum suspicor, quod molestiam ipsis etiam interdum attulit Comicis alioqui bonis, & probabilem in prosœnio fabulam exhibentibus. Quod ego periculum facile non explicabo, nisi antè quid acciderit aliquando Comitorum Principi Terentio breuiter indicauero. Palliatam ille dabat ex Apollodoro Megalensibus ludis, hoc est summa totius populi Romani celebritate, atque frequentia. Theatrum fuit apparatissimum, Choragium apprime perfectum, Actores primi, Modulatores, Melici, Thymelici, Tibicines præstantissimi. Comœdia verò ipsa ea erat, quam exquisito studio fecisset Apollodorus, & Terentius acutissimo vir iudicio, è Græcis bonis longè plurimis egregiè sibi donandam latinitate seposuisset. Nihil demum esse videbatur, cur abire spectatores vellent, & Comœdos infecta fabula subito relinquere maturarent. Et tamen res ita prorsus accidit auditores. Cùm enim populus iam Theatrum ingressus, iam ordine collocatus in gradibus, ac pene centuriatus accepisset, funambulæ eodem plane tempore alibi parari, atque in procinctu iam esse ad incedendum: commotus illico excitatusque defluxit paulatim omnis ac circumforaneum scurræ, circulatorumque de triuin spectare maluit, quàm institutionem, atque imaginem vitæ comœdiam summis doctissimorum hominum elaboratam studius exaudire. Est profectò spectaculum illud admirabile: vbi vel proœra, vel iusta magnitudine vir per extensum funem non graditur modò, sed vibrato sursum corpore pedibusque micantibus citharædo perfonante salit ad numerum: vbi adiunctis ad plantas orbiculis & muricibus, tribulisque suppositis ingreditur tamen ac citharæ præeunti molliuscula saltatione respondet: vbi multellarum, aut anguium modò pectore prono proiectoque perreptat in neruum; vbi resilit, vbi suspenditur, vbi ex simulata prolapsione se refert in gradum. Quod artificium eo maiorem habuit tum admirabilitatem, quod non homines solum, sed Elephantum quoque ipsi funambuli essent, atque funæpei. Legimus enim sæpe Lucas hæc boues aduersis subisse funibus, & quod longè maius existimatum est, iisdem funibus pronis, nusquam fallente, aut vacillante vestigio retrocessisse. Æthiopes quippe mimi concurrebant in hanc urbem velut in caueam totius orbis terrarum frequentes; ac multi qui belluas illas humanis proximis sentibus vñ condocerant sublidere iuberent in gentia Proceres adorare, porrigere coronas, ambulare per funes. Magnum inquam hoc spectaculum fuit, sed non debuit tamen in theatrum iam coactos & congregatos, à doctissima, pulcherrimæque fabula spectatores auertere. Quo dolere potuit æquius Poëta ingeniosissimus, cùm vidit deserti se à stolidæ multitudinis obartificium, quod vitam, & mores, ut ea fabula non emendaret.

Sed sint ista dicet aliquis, quem verò tu similem tibi casum extimescis? quem fingis animo funambulæ tuæ aduersarium non quidem moratæ fabulæ, sed doctrinæ de moribus & saluberrimæ sapientiæ? Num tu funambulos istos Astrologos, ac Mathematicos dicis, qui lineis continenter insulant, & peruolitant sidera? Num eos qui rimantur arcana fugientis naturæ? Num illos, qui totius determinationem mundi prætergressi postremam, solutarum à concretionem mentium vim, & conditionem attingunt? Nihil ab his mihi pertimescendum est, à quibus idonea & pernecessaria huic doctrinæ præsidia suppeditantur. Nemo quippe est qui cognitionis atque intelligentiæ disciplinas nolit esse morali Philosophiæ veluti præcurforias, & illi ipsi quæ eas otiosas, atque inutiles dicunt, id etiam contendunt, ac volunt, iis tamen esse præparandum animum; ut huius doctrinæ status accipere queat & pretium operæ facere. Nam quemadmodum illa prima ratio literaturæ, qua pueris elementa tradimus, non docet liberales artes, sed iis percipiendis aperit, ac præparat locum: sic ipsa rerum naturalium scientia, & artium studia variarum non perducunt quidem animum ad virtutem, sed virtutibus inferendis expediunt, ac muniunt viam. Quid igitur est quod mihi creare periculum, & discipulos à tam probabili studio interuerrere possit ad se? Proponit hunc nobis in itinere scopulum naufragiis & piraticis infamem insidiis Aristoteles, cùm adolescentes minus idoneos esse ait Philosophiæ moralis auditores; adeoque tamquam profanos arcere videtur

eos ab huius doctrinæ templo, qui mihi traditi sunt in disciplinam. Plures quippe causæ ad hæc illum pronuncianda compellunt, de quibus enucleatè disputauimus in loco; sed eam hic ego nunc repræsentò, quam ipse à voluptate iuuentutis lena blandissima repetiuit. Non tam enim adolescentes ab huius aditu sacrarij depulit, quàm vniuersè voluptarios & cupiditatibus obtemperantes suis cuiusmodi plerumque iuuenes sunt ob ætatem illecebris opportunam, expositamque fraudibus voluptatis: quæ non sic ceterarum prohibet perceptionem disciplinarum, quemadmodum huic scientiæ morum obicem, ac repagulum ponit. Nam quia illæ de voluptate fugienda percipiant nihil, facilè iuuenes inuenire possunt adprobatores, amantèssque doctrinæ suæ: hæc verò quia temperat affectus, & voluptates insanas exterminat exilio sempiterno, habere non potest adprobantes auditores illos, qui omnem voluptatis aucupantur vmbra, & singula deliciarum vestigia consecretantur.

Hunc itaque funambulū ego timeo, hæc spectacula, quæ Circe illa venefica parat incautis, magnopere pertimesco, videoque propterea, mearum hodie partium esse, dicere, ac demonstrare, iucundissimam hanc esse Philosophiæ partem; nec sua carere voluptate, quæ tam aspera est, & tam vehementer ipsis voluptatibus aduersatur. Quod argumentum mihi fuisset amplissimum, si hoc agere ab initio voluissem, totòque decursu orationis ostendere quàm iucundè se possit animus in hoc genere scientiæ sanctioris oblectare. Cum enim ipsa duo potissimum proponat Auditoribus suis; totius cognitionem doctrinæ, & quæ inde consequitur, actionem; tantam in vtraque iucunditatem pollicetur, ut haud minus, ac multo plus etiam, quàm ceteræ, trahere nos debeat ad amorem & studium sui. Nam ut primo quidem de ipsa dicam cognitione leuissimè, creditis vos aliquid iucundius esse, rerum naturam, quàm animi mores agnoscere? vagari per vniuersitatem, & mundum hunc tantum, ac tam immanem itinere longissimo percurrere, quàm per compendia eo, quò cursus dirigitur omnium breui peruenire, mundiue maioris exemplum, atque imaginem intra nos ipsos minori labore, amplissimo cum fructu perlustrare? Reconditarum, dicet aliquis, notitiam rerum afferunt alia studia, hoc est earum, quæ sensibus omnium obiectæ non sunt: vulgaria verò videri, quæ traduntur à morali Philosopho: cum de iis ipsæ quoque nutrices atque institutores primi pueris, ac discipulis suis ætate tenerrimis assidue præcepta describant: quali verò illæ res tam abditæ, sidera etiam ipsa, & ea rerum initia, de quibus phyfici subtilissimè disputant, non in omnium sensus inuaderent, ac non semper in exedris Philosophos acutos & graues, sed sæpe rusticanos quoque præceptores, ac magistros in agris haberent. Quid est quod pluribus abundet in vita doctoribus quàm artificium illud vulgatissimum medicorum? Nullus est in triuijs sellularius, nulla in domibus anus, quæ medendi rationem aliquam, morborumque cognitionem se tenere non profiteatur. Et tamen ita iucunda est eius doctrinæ perceptio, ut doctissimorum hominum laborem subleuet extremum, fessumque ceterarum artium exercitationibus, incredibili suauitate reficiat animum. Ut enim rectè ab Aristotele dictum est, politissimos quosque medicos velle demum de ipsis etiam Physicis ac de tota natura diligentissimè cognoscere, ita dici quoque à me posse verissimè credo, elegantissimum quemque Philosophum peragrata iam vniuersitate, velle tamquam itineris portum iucundissimum ipsam etiam ad extremum attingere medicinam. Putatis verò vos plus esse positum delectationis, & voluptatis in pernoscenda valetudine, in morbis ægrotantium enumerandis, in membris fibrisque distinguendis humani corporis, quàm in ipso animorum habitu pertuendo, in recensendis affectibus, in singulis virtutum generibus ad lineam, & perpendiculum expendendis? Nemo quidem est, qui cupiditatem, atque iram, qui fortitudinem, ac temperantiam in ore non habeat, sed cum demum earum definitiones intelliget penitus, ampliorem haud dubiè voluptatem animo capiet, quàm medici ex eorum explicatione morborum, quos antè sibi videbantur habere benè cognitos & exploratos. Quid verò de actione, huius altera doctrinæ parte commemorem, quæ totum hominem expolit ac limat, quæ conuentus atque Respublicas omnibus officiis humanæ societatis absoluit? Non equidem audeo dicere, huic scientiæ, morumque tractationi tantam inesse vim, ut vitia confestim extirpet omnia, virtutes ingeneret, hominem subito sanctissimum faciat atque castissimum. Stoicorum fortassis ista gloriatio sit; qui cùm Sapientem illum suum solum diutem esse di-

cant, ac Regem homines ærumnosos, & rerum omnium egentissimos è vestigio faciunt Imperatores & Cræsos. Babylonios aliquos magos ista pollicentes inuenias, quorum natio illico res vertere, atque in alias commutare se posse proficitur. Nul- lus est apud nos Euripidis Iolaus; qui ex ætate confecto, ac morboſo factus repente iuuenis, & quidem valentissimo corpore, producat in scenam. Non ij nos sumus, qui re ipsa, verèque facere possimus quod fecisse Medea fingitur in fabulis, cum Æsonem postrema senectute iam tabidum extemplo recoxit, florentissimæque restituit iuuentuti. Quamquam enim hoc etiam fecit aliquando moralis Philoso- phia, cum oratione Xenocratis admirabili ab intemperantissima nequitia conti- nuò reuocatus ille Polemon est aſotus, & perditus adoleſcens, non tamen semper hoc efficit, quia subactum & feracem agrum, hoc est bonum auditoris animum non semper offendit. Ceterum quia morum ipsa scientia, & cognitio virtutis ideo tra- ditur, vt producat in actum, de huius etiam suauitate partis, quando id agimus, illud in summa dicamus: nihil esse tam iucundum in vita, quàm moralis Philoso- phiæ præceptis obtemperare: hoc est extergere vitii animus eundemque suis in- struere dotibus, & pulcherrimis vndique virtutibus exornare. Vt enim duplex ani- mantibus inseruit natura voluptatum genus, quorum alterum tùm caperent, cum redundantia purgamenta corporis eieciunt, alterum cum desiderio satisfaciunt, & pabulo, potiusque eiusdem corporis explent inanitatem: sic animo duplicem con- ciliauit suauitatem Deus: vnā, quam in vitij quadam exudatione perciperet, alte- ram, quam in honestatis vsu, atque in ipsa virtutis adeptione sentiret.

Reliquum esset, vt prolixè nunc ego promitterem Auditoribus meis, aliquas me huic doctrinæ per se probabili, atque alioqui iucundæ additurum illecebras esse à deliciis orationis, & ab ea copia, quam ex illo Rhetorum emporio vtrunque de- ferimus in Lyceum. Est enim eius, qui possit amplum munus etiam ornare verbis & quæsitissimas epulas aureis quoque vasis imponere, cultum hunc ornatumque minimè negligere: ne ij quibuscum agas, contemni, ac negligi videantur. Sed ne ego præuaricer in causa mea, si me facturum id esse profitear, quòd à me fortasse omnium minime requiritis, Auditores. Quapropter eò me loci deuenisse intelligo, vt exponere necesse sit de ipsius cura sermonis futuram animi mei rationem, atque consilium. In quo, si dicam vnum, haud scio quantam habitura sit fidem oratio mea, sed verissimè dicam. Quid inquam? Equidem permagni semper æstimavi & cum admiratione suspexi hominum eorum ingenia, qui Latinum quemdam lo- quendi modum excogitarunt, accommodatum quidem doctrinæ, sed spurcum ac spurium: & qui neque popularis sit, neque in Latinorum vllum ordinem, clas- semve redigi queat. Fecerunt enim viri docti Latini sermonis ætates, & quasi gene- ra quatuor, in quorum nullum conueniat id, quod vulgò iam scholasticum appel- lamus. Primum quidem nominarunt antiquissimum, illud nimirum, quod post vr- bem conditam ad Andronicum vsque Liuium quatuordecim, & quingentis annis est interceptum. Cuius ætatis infantiam duodecim lege Tabularum, Rostrata in Capitolio columna, Scipionis Barbatii filij sepulcrum nuperrimè repertum balbu- riente quodammodo Latinitate demonstrant. Secundum dici voluerunt anti- quum: superiore quidem cultius, sed verbis tamen agrestioribus asperum adhuc & horridum. Quam rusticitatem, asperitatemque cum Cornelio Cerhego, C. Læ- lio, Q. Mutio Sceuola, L. Crasso, M. Antonio, Philippo, & Cotta Magistris ali- quantulum mitigasset; ad extremum post annos omnino centum sub M. Tullio Ci- cerone planè deposuit. Itaque illo latinitatis Rege, tertium consecutum est secu- lum perfectissimum, quod & propter expolitionem sermonis extremam, & ob eo- rum multitudinem scriptorum, qui coacto propemodum agmine floruerunt, ap- pellatum est aureum. Ducebat nimirum familiam ille cælestis in dicendo vir, siue potius ipsa vox eloquentiæ: cui dicenti superiores, quorum illico legi desitæ sunt orationes, imposito sibi silentio, iam assurrexerant, & præſentes veluti succento- res in secundarum partium tractatione vix respondebant: sed vt omnia, quæ fasti- gium, & summum apicem attigerunt, è vestigio corruunt, ita breuissimum fuit hoc æuum, & tanta illa scriptorum eloquentium vbertas in herbescente viriditate vnà cum imperio desit apparere: vt non immerito dixerit ille; sub Augusto æque arma cessasse, ac scriptores egregios, magnorumque capitum ingenia vnà cum ipſo Regnorum omnium capite defloruisse. Quare quemadmodum Imperiorum, vr-

biūmque magnarum excidium denunciant oracula, sic huius interitum linguæ providit, præmonuitque diuinus orator in Tusculanis, cum eloquentiæ laudem ab humili ductam peruenisse dixit ad summam; & quod natura ferret in omnibus ferme rebus, senescere iam breuique ad nihilum peruenturam. Oraculum comprobauit euentus ætatis quartæ, quæ corruptum amare cœpit dicendi genus, ut eorum testimonia declarant, qui eo tempore obitum illum, certè morbum extremum eloquentiæ deplorarunt. Nam Seneca ille Rhetor Philosophi Pater, qui puer ipsam Ciceronis ultimam attigerat ætatem, decrefcere iam ingenia, & eloquentiam retro se retulisse conqueritur, siue luxu temporum, siue quæstu præpostero, siue fato quodam; cuius maligna, perpetuæque lex sit, ut res omnes ad summum perductæ velocius quàm ascenderant relabantur. Ipse verò Quintilianus dicendi magister eximius nonne dolenter exclamat, verum eloquentiæ genus peruertere quotidie, ac nimio furo, licentiæque scriptorum totum iam mutatum esse sermonem? Nihil de Papinio Statio dicamus, qui literas sequitur fugientes; nihil de Gellio, qui miratur indignabundus, cur Latina verba tantam fecerint ab ea, in qua nata sunt significatione discessionem. Nihil de Tacito, qui causas inuenire non potest, cur ij qui viginti solum, & centum annis ab interitu Ciceronis abessent, tantum ab eiusdem eloquentia recessissent. Nihil de Plinio, qui fatetur libros suos plurimarum vocabulorum rerum esse respersos, rusticis, externis, barbaris, nec sine aliqua honoris præfatione ponendis. Nihil inquam de his dicamus, quia liberum referuare locum necesse est Diomedis Grammatico, non tam suæ vitium ætatis exprimenti, quàm audaciam nostræ. Iniecit, inquit, ætas postera manum, & sicut disciplinam pristini seculi, ita sermonem fastidire cœpit, ac noua veluti verba parturire. Quid quod nihil iam proprium placet, dum parum creditur disertum, quod alius dixerit? A corruptissimo quoque Poëtarum figuras, & translationes mutuamur; ita demum ingeniosi, si ad nos intelligendos sit opus ingenio. Ita Diomedes hydropis vitium, & tumorem esse intelligebat intercutem, quem aliqui hac tempestate latinitatis integræ valetudinem putant. Interea procedebat hoc linguæ senium: & quasi tabes aliqua diuturna gradatim afferebat interitum. Venit enim eloquentia tandem aliquando in manus Symmachi, Apulei, Cassiodori, Sidonij Apollinaris, Boëthij, Fulgentij, Martiani Capellæ, quorum alij, quia peregrini sunt, suam ipsi barbariem profitentur; alij amisso iam imperio, linguam quoque ipsam Reginam olim gentium tanquam in luctu videntur infuscare, ac pullam facere de industria voluisse. Itaque ille aduena studiorum Quiritium veniam precatur, quod in vrbe Latia profrensi sermonem sit exoticum effusus; alius nugari se verius, quàm eloqui fatetur alius inter ceteras ærumnas ætatis suæ hoc etiam deslet, quod non tam famæ sit insistendum oratoriæ, quàm fami domesticæ consulendum.

Videntur hi eiusmodi querimonis eloquentiæ parentare, ac iusta latinitati persolvere: sed obitum anteuertunt. Quamquam enim tum lingua Latina laborabat in vitæ supremis, spirabat tamen aliquantulum in semiuiuo cadauere, atque à Latinis bonis pro Latina non bona cognoscebatur. Postmodum autem occidit, cum à scholasticis extiterunt ea verborum monstra nullis procuranda victimis, nullis Deorum lectusterniis expianda. Tunc enim verò conuocandi erant omnes Auspices, Aruspicesque, Harioli: tunc omnes accersendæ Præfixæ fuerunt, & Elegiæ, ut verum linguæ Latinæ lugerent interitum, cum in lucem exisset ea latinitas, quæ quoniam in nullam è superioribus referri poterat classẽ, non tam lingua dici Latina debuit, quàm repentè natum è lingua Latina prodigium.

Verumtamen in hac ipsa latinitate tam portentosa quædam mihi videntur interlucere verborum miracula, quæ & propter Auctorum ingenium singulare suscipere, & ob doctrinæ commodum adprobare maximè debeamus. Habet enim quosdam quasi laconismos admirabiles, & orationis compendia tam appolita, ut ea nullo quantumuis longo verborum circuitu Latinè consequi aut comprehendere possis. Itaque Auctores illos ingeniosissimos cum iis facile comparo, qui literas inuenerunt primi, aut symbola, & compendiaras quasdam notas excogitarunt, quibus animi sensa tam multa, tam varia inuentibus illico declararemus. In summa, & iis succensco qui ad risum captandum ex huius linguæ vocabulis ac formis Mimum faciunt & Atellanas, & censco prorsus, eandem disertissimo cuique admirandam æquè ac reuerendam esse, cum aliis multis, iustissimisque nominibus, tum eo præ-

sertim, quòd eius vſu, ac beneficio loquatur iam in exedris ampliffimè, non humana ſapientia modò, ſed artium etiam Domina omnium, & Regina diſciplinarum Theologia. Videtur enim propterea adulterina hæc & ſpuria lingua eam obtinuiſſe iam dignitatem, quam conſecuta olim Latina fuerat propter ampliffimum illud in omnes omnino gentes ac nationes Imperium Romanorum.

Vt igitur aliquando tandem exponam quæ mea in quotidiana huius doctrinæ tractatione ſermonis futura ſit ratio, illud in hac extrema orationis parte ſimpliciter, ex animòque pronuncio: nihil me prætermiſſurum eorum eſſe, quæ ita ſuſcepit docendi vſus, conſuetudòque communis, vt ea reſpuere nihil aliud videatur eſſe, quàm negligere ſermonem à vulgo remotum profano, & interioris ſapientix linguam pro mundiore, hoc eſt, vt ego quidem interpretor, pro vulgatiore contemnere. Nam quemadmodum apud Ægyptios duplices olim fuiſſe characteres, duplicemque ſermonem accepimus, vulgarem vnum, & cum populo communem, ſacrum alterum, ipſiſque ſolùm ſacerdotibus notùm ac proprium; ſic apud Latinos gemina videtur oratio diuturno iam vſu increbuiſſe; antiqua illa communis, verèque Latina; & inuenta hæc, excogitataque nuper à doctis viris, qua tantùm ſapientes vtuntur, & ij, qui de Religione diſputant, ac ceteris diſciplinis pro auctoritate, atque imperio moderantur. Cur igitur vnus omnium ego abhorream à iudicio ſapientium, aut cur hæc mea quoque morum doctrina ſemibarbarè interdum loqui non debeat in gratiam ſapientix, nec fingat, componatque ſe ad voluntatem, & conſuetudinem eius, quæ temperat ac regit vniuerſas? cum præſertim videam ita facere viros aliquos huius hodie meæ orationis auditores humaniſſimos, qui diſcretiſſimè poſſent & eloquentiſſimè tradere quæ in hoc gymnaſio ſubtiliſſimè docent, atque acutiſſimè diſputant, niſi pro ſua ipſi prudentia vellent ab Ariſtotelis lyceo, atque à Salomonis porticu medicamenta gynæcei, & forenſis exercitationis ornamenta depellere. Nollem tamen aliquis exiſtimaret huc me cum Philoſophico centone proditurum eſſe, qui lacinias ſolùm, fibulasque reſciſſurus ſim è veſte mea: aut fictilia me ſordida eſſe appoſiturum auditoribus meis, qui gemmas, aurumque tantummodo ſim neglecturus. Non ſum ego repente Corumcanus è Rhetore, quia Philoſophus ſum, aut Curius, aut Fabritius, aut Cinctus aliquis ex iis, qui ſatis opiparè lautèque canare ſe putabant, cum rapunculis è lignea patina veſcebantur. Pingam in ſumma doctrinam hanc coloribus ſuis, reſpuam alienos: contraham interdum cum Zenone digitos in pugnum, interdum totam manum cum auctoriſque eloquentix dilatabo. Cogam interdum Burleos etiam illos, & Iauellos inuitos, nolentèſque Latine loqui: permittam eoſdem interdum peregrinitatibus ſuis. Meminero deinum Ariſtoteleam me tractare Philoſophiam de moribus, hoc eſt eam, quæ diuitias, & cultum corporis felicitati conciliet, non ruſticam illam & horridam, quæ pecuniam prouiciebat in mare, quæ tibi ſuffodere non dubitabat oculos, quæ ſe ſordibus, atque illuvie voluntaria conſiciebat.


Vnum oro vos, adoleſcentes optimi, Auditores mei, atque à vobis quanta maxima poſſum orationis contentione depoſco; vt quoniam Ariſtoteles diligentix veſtræ tantopere cautum eſſe vult à voluptate, funem hunc pellicientis ad ſe venetiæ præcidatis. Ita quippe vos doctrinam hanc, Canidia illa iuuenes auocante, olim fortalle neglectam, cognitione tenebitis, actione ſequemini, & eo me honore, gloriæque cumulabitis, quam ex ſuo retulerunt labore L. Ambuius, & Sergius Turpio comædi præſtantes, ac nobiles, quibus agentibus ea denique placuit Terentij fabula ruſſus exhibita, quæ antè fuerat à populo ſumambulum petente repudiata.



D E
HOMINIS FELICITATE
AB ARISTOTELE TRADITA.

Num dissentiat ab ea, quam proponit Christiana philosophia.

P R A E F A T I O II.



FORTITVDINEM; quæ anno superiore me nauiter exercuit, excipit ex illo principalium Virtutum ordine quadripartito consequens Temperantia: quæ mihi ad carceres iterum euocato nouum decurrendi laborem imponit, vobis, viri clarissimi, haud mediocrem exhibebit hodie molestiam ab oratione; quam altius repetere nonnulla præteriti temporis arguenda me cogit indiligentia. Nimirum ab hac ipsa Temperantia de quodam admoneor officio, quod tum prætermisi, cum primùm ingressus sum hanc vitæ, morumque tradere disciplinam. Cum enim in ea docenda ducem sequi deberem Aristotelem, facile poteram in aliquorum me reprehensionem inducere qui crederent, haud idoneum a me magistrum eligi, nec proponi doctrinam illi consentaneam, quam è porticu Salomonis, Apostolorum Choro diuinitus philosophante, suscepimus. Alia quippe fuit olim factio veterum, & secta philosophorum, corporis & fortunæ bonis illis inimica, quæ præceptor hic morum non modò non respuit, verùm etiam virtuti, ac felicitati admirabili contentione conciliat. Hunc aded locum reprehensoribus ita promptum à me fuisse inconsultò neglectum, idcirco mihi redigit in mentem hodie Temperantia; quod videam hanc Virtutem apud eundem magistrum non solum delectationes admittentem aliquas, sed etiam peccatum, vitiumque ponentem in ea voluptatum omnium contemptione, quæ sensus vacuitas appellari fortasse Latine possit, Græcè dicitur *αισθησια*. Non ergo mihi committendum amplius est, vt partes in hoc genere desiderentur mex, ideòque habeatur Aristoteles hostis Christianæ philosophiæ, quod bonorum omnium complexione conflata velit esse felicitatem. Itaque, vt planius intelligi possit, quid causæ sit, cur ab aliis accusetur philosophis & relinquatur, explicare me oportet bonorum illum cumulum, quo veluti nexu quodam adstrictam facit beatitudinem hominis. Neque verò de virtute, deque ornamentis animi quicquam dicere necesse est, quæ citra controuersiam omnem, felicitatem efficiunt: sed corporis solum, & externa fortunæ bona, perconsenda sunt, quæ isti à beatitudinis Regno cum diris & execratione depellunt.

Ordiamur igitur à corpore, ac statuamus id quod in Aristotelis arte Rhetorica sæpe legimus: bona corporis esse valetudinem; quæ nos ægrotatione, morboque reddit immunes: pulcritudinem & decorem, qui suauitatem oris adolescentibus afflat, addit iucundam seueritatem viris, tristitiam adimit & frontis nubila senibus: firmitudinem & latera; quæ mouendi, attollendi, propellendi perfectam præbent corpori facultatem: magnitudinem, iustam proceritatem; quæ spectabilem hominem facit & aliis antecellentem: commodam denique senectutem, hoc est valentem & senilibus liberam malis; quæ vitæ longitudine felicitatis vsuram efficit diuturniorem. Fortunæ verò bona, & ea, quæ vocantur externa sic numeremus, quemadmodum ab eodem lustrantur auctore: ac dicamus esse nobilitatem, & claritudinem generis, quæ sit à maioribus antiquis, & virtute præstantibus accepta: bonam prolem; quæ liberorum cum multitudine, cum probitate contineatur: di-

uitias, & opes; quæ non modò pecunia, sed fundis & pecore consistunt, nec careant possessione seruatorum: existimationem & gloriam: quæ multitudinis amplissima de virtutibus nostris opinione colligitur: amicitiam & gratiam: quæ priuatam tuetur rem, & ipsas communis præsidio ciuitates: totius denique prosperitatem vitæ, quæ & bona comprehenduntur omnia, & felicitatis humanæ suprema perfectio definitur. Hæc igitur bona, in quorum conspiratione beatitudinem, absolutumque Virtutis usum collocat Aristoteles, variis alijs philosophi damnarunt rationibus, quas hic exponere singulatim infiniti operis esset, perstringere leuissimè, necessarii laboris erit, & muneris mei.

Principio, quod ad bona corporis attinet, ita dicunt, id conficiens felicitatis esse non posse, quod vel ad calamitates maximas vel ad vitia lubricum flexum, & ruinam præcipitem habet. Quid enim cum beatitudine pugnet magis, quàm casus, atque prolapsio? At bona corporis omnia tantum abest vt beatitudinem efficere queant, vt ipsam quoque beatam vitam velut ex edito loco in breuia syrtisque decedant. Vultis à valetudine, atque à membrorum habitudine commoda faciamus initium? Senecam audiamus sanam mentem in corpore minimè sano peroptantem. Consulamus Platonem corpus imbecillum, inualidumque suo iudicio ac voluntate reddentem. Laudatur enim à Magno Basilio eo potissimum nomine, quod Academix locum vbi docebat, sub insalubri celo designari: ne corporis valetudo luxurians sanitati mentis officere posset. Et quoniam Platoni subscriptorem fecimus Basilium, eius etiam æqualem doctissimum atque castissimum Gregorium Nazianzenum testem addamus, ipsum se cum admiratione deplorantem, quod à valetudine tanquam ab hoste in arenam semper euocaretur, ac bellum. Quid multa? Ipsemet affirmat Aristoteles, robur corporis, & firmitatem fuisse longè plurimis exitiosam. idque profectò sic esse Milo Crotoniates valentissimis illis ostendit viribus, quibus & nobilitatus & perditus est. Cùm enim (quod est apud Gellium) effœta iam ætate artem desisset athleticam, & iter in siluestribus Italix locis faceret solus, quercum vidit propter viam patulis in parte media ramis hiantem. Ergo experiri cupiens, an vllæ sibi reliquæ vires essent, immisis in cauernam digitis, mediam quidem partem discidit, diuellitque: sed cùm veluti perfectò quod connexus erat, laxasset aliquando manus, quercus in duas diducta partes, cessante vi, rediit in naturam; manibusque retentis, inclusisque stricta denuò, & coherens dilacerandum hominem præbuit feris. Itaque, vt rem cum Iuvenale concludam,

Confusus perit, admirandisque lacertis.

De pulchritudine verò quid attinet dicere? plena sunt monumenta virorum, feminarumque pulcherrimarum exemplis, quibus vel ad interitum viam fecit, vel ad libidinem sua ipsorum lenocinata formositas est. Neque enim frustra Narcissus in fabulis ex suæ ipsius amore formæ contabescit & moritur, aut Gorgonis ore pulcherrimæ virginis in saxa vertuntur homines & obrigesunt; aut Asia simul Europæque illa poetarum carminibus olim nobilitata tam exitialis est Helena. Damna quippe sunt hæc, atque incommoda pulchritudinis, inimica felicitati, quæ præterire libet; nec tum in oratione ponere, cùm in summa rerum copia delectus habetur, & queritur breuitas. Aliquorum potiùs turpitudinem intueamur, quos, quia sapientiam, & virtutem assecuti sunt insignem, beatos appellabunt omnes, infelices aut miseros dicet nemo. Quis enim primi nominis philosophos & viros sapientissimos apicem felicitatis obtinuisse non putet? Et tamen, si censere velimus eorum agmen, multos insignitè deformes, pulcrum autem, venustumque vix vnum aut alterum credo reperiemus. E nostris quidem, hoc est ex us, quos vel hæc, vel paulo superior vidit ætas, vnus est Ioannes Picus, quem habere possumus eximium & è numero turpium segregare. Fuit enim huic Phœnici quemadmodum literis consignauit fratris filius, præcellens forma, & castigatissima totius corporis habitudo: statura celsa, sed non enormis proceritas: tenera & pinguis caro, sed succi plena gracilitas: color viuידus, sed rubor candido temperatus: densa & longa exsaries, sed capillus mollis & flauus: dentes albi, sed æquales ac læuigati: oculi cæsi, sed vigiles, & in aspectum micantes ac floridi: decorus incessus, sed minimè quæsitus, aut meditatus. cætera eodem modò congruebant ad regulam. Hunc inquam vnum habemus nos quem inter nostrorum philosophorum exempla proponamus:

Epist. 17:
Orat. ad
adulescent.

Orat. de a-
more erga
pæp.

Lib. 1. me-
tal. c. 3.

Gell. lib. 15.
c. 16.

Sat. 1.

sed inter antiquos si quæratnr numerus fortassis haud longè plures inuenientur.

Postulatus olim iudicio est apud Maximum Proconsulem siue philosophus, siue magus, siue utroque nobilis & famosus nomine L. Apuleius in Africa, vir pulcritudine notabilis, & specie aliquanto etiam venustiore, quam virum deceret. Iudicii causam hic exponere necesse non est: sed hoc tamen delationis caput ac principium fuit. Actusamus apud te formosum Philosophum, perinde ac si pulchrum philosophum esse haud minus piaculum videri deberet, quam aut productionem facere, aut ciuem occidere; aut Templum euertere, aut subdere patriæ flammæ, aut religionem & sacra violare. Cum ergo causam illam suam ageret Apuleius, importunum aduersarium amoliri à se conatus est aliorum exemplo Philosophorum, quibus & scita fuisset facies, & totius corporis eximia forma. Sed ex omnium antiquorum recursione proferre tantummodo potuit duos, Pythagoram, & Zenonem; quorum eleganti specie pulcritudini patrocinaretur suæ. Quod si deformes in ea lustratione voluisset quærere; numerandi modum in tanta multitudine non inuenisset. Quis enim Socrate fuit in tota Philosophorum natione nobilior? enim tamen auit fuisse naribus simis; recalua fronte; pilosis humeris; demaricatis cruribus, lupem & fœdum adeo; ut cum viis uxores dux Xantippe & Myrtilis ex amulatione, ac inuicem contendere, subridens, & iocans ipse mirari se dixerit, quod Amazones illæ tam pugnaciter altercatentur, huius hominis causa, quem ita prauum, deformemque natura profudisset in terram. At ne Socrate pulchiores esse putaretur, ceteros, tradunt Platonem enormi fuisse facie, & humeris ita latissimis, ut ab eorum amplitudine singularem cognoscentum inueniret, cum Aristocles ante disserteretur: Speusippum ex Platonis sorore natum, & eiusdem eductum disciplinæ, capite fuisse curuo, aspectuque fœdissimo; Aratum panda ceruice, Epicurum cute distentat; Diogenem barba comante, Aristotelem exerto brachio, Xenocratem erire colledo; Heracitum oculis ex fletu semper clausis, Democritum labris semper apertis ex tisu, Chrysippum digitis propter numerorum indicia constrictis, Euclidem propter mensurandarum spatia laxatis, Cleantem propter utrumque corrolis, ut vel hunc intelligere possis, felicitati puteritudinem, vel nihil afferre momenti, vel esse contrariam. Sed accedat tam illustribus exemplis ipsum quoque iudicium Senecæ de Clarano condiscipulo suo deformi quidem, & morbofo, verum optimo, ac sapientissimo viro, cuius animum cum tam malè collocauit natura, arbitratu ostendit voluisse, formosissimum ac beatissimum ingenium sub qualibet cute latere posse: adeoque vehementer errasse qui dixit,

Gratior & pulcro veniens in corpore Virtus

Nullo enim eget honestamento: cum ipsa magnam sui datus sit: nec deformitate corporis fœdetur animus, sed animi pulcritudine corpus ornetur. Restat commoda illa senectus longiore iam vita perfuncta, sensibus vtens integris, & vacua morbis: in quam haud sanè clementius inuehuntur. Nam præter quam quod summum beneficium esse dicunt, si senes agrotemus, & lectulis affligamur ex morbo, ne possimus agere quod ne velle quidem aut in votis habere fas sit, illud ipsum diu viuere, quod in bona senectute primum est, beatum non putant: cum nihil aliud sit diu viuere, quam diu esse, ac plerumque inter rerum vicissitudines & fortunæ conspectus, quod est prope non esse. Proponamus enim animo nostro amplitudinem temporis immensam, ut demum intelligamus, quam exiguum sit quod vtilitati seponimus & vitæ. Dimidium est, ut ait ille, aut plus etiam dimidio quod dormitur, & demergitur tenebris, quod reliquum est, vel teritur frustra, vel labore, luctuque consumitur. Quantum porro sibi vindicant lacrymæ, quantum sollicitudines occupant quantum valetudo, quantum timor, quantum rudioris ætatis inutiles anni? Eum tu nauigasse per multum existimes, quem confestum excepit à portu tempestas, quem æstus hac, illucque disiecit, quem ventorum furentium impetus per eadem spatia circumegit in orbem? Enimvero non multum hic nauigauit, sed iactatus est multum. Sed fac aliquem, quod fieri non potest, vtentem vita longissima, & temporum tranquillitate non interrupta. audebis ne beatitudinem rem firmissimam in ætate, hoc est re maxime mutabili & fugacissima collocare? Quis enim idem sibi videtur in senectute qui iuuenis fuit, aut eundem hodie se putat esse, qui nudius tertius erat? Nimirum vna cum tempore fluminum more decurrimus, & nunc ipsum dum de rerum mutabilitate disserimus, oratione dilabante mutamur.

De

De bonis corporis ita statuunt : de commodis externis , & iis quæ fortunæ bona nominantur , agunt etiam vehementius , & decernunt seuerius. Sed eorum nos dicta proferre multo contrahiùs oportet : ne plus nimio qui litus orafque debemus legere , prouehamur in altum. Inuoluamus igitur omnia perbreui spatio , & per interrogationes ac puncta premamus Aristotelem. Age vero. nobilitatem & bonam prolem beatitudinis partem putas ? Atqui nobilitas aut nulla mortalibus est , quibus ideam impertiuit originem auctor , aut si est aliqua , felicitatem ipsam non modò non fundat , sed ex ea , tanquam ex stirpe subnascente superbia , euertit potius atque pessundat. Liberorum vero multitudo , quoniam opes postulat magnas , nòne faciliè contrahit in auaritiam animum ? Sed hoc celum in diuitias etiam ipsas intorqueri necesse est : cum arrogantiam ac spiritus animo superbos afferant , & auaritiam adiecto fomite succendant , non extinguant aquis iniectis. Nam si beatum diuitiæ facerent hominem , bonum profecto facerent , non elatum , insolentemque , hoc est eum , qui alienus a virtute ac beatitudine sit. Quæ ratio id etiam conficit ; ut ne inter bonâ quidem numerandæ diuitiæ videantur. quæ enim verè sunt bona , etiam tum bona sunt , cum ea retinemus & cumulamur. quippe cumulo illo meliores efficiamur & beatiores. Diuitiæ verò tum solum dici bonæ possunt , cum proferuntur in vsum , ita prorsus , ut qui eas retinet exaggeratve , multis peccet nominibus in naturam. Primo quidem , quòd ea , quæ subiecit mortalium pedibus , veluti barbaro more venerabundus collocet supra caput : deinde , quòd ea quæ voluit esse communia , peculiaria sibi faciat & propria : tum denique , quòd tanquam vinculis & iniquo seruitio premat ea quæ libera sunt. Quare Aristoteles ipse vitæ eorum qui colligendæ pecuniæ nauant , operam ideo violentam dixit , quòd cum diuitiarum finis in vsum positus sit , vim afferre videantur opibus ij , qui eas attinent intra parietes , nec abire sinunt quòd mortalium vsus euocat & natura. Libet cetera magis etiam strictum summamque percurrere. Amicitiam intueamur & gratiam , animum impredientem ipsum , quo minùs rectum inspicere possit , & de re proposita , vel deliberare prudenter , vel iusta decernere. intueamur honorem , quo nihil esse leuius aut inconstantius potest. intueamur ipsam vitæ prosperitatem , beatitudinem non modo non illustrantem , sed obnubentem potius & offuscantem. Non enim vnquam poterit in conspectum se dare felicitas , nisi prodeat in medium virtus. Virtus verò premitur in tenebris , vbi nullæ res existunt aduersæ quibus euocetur in lucem. Etenim gubernatorem in tempestate maris , in acie militem intelligimus : in paupertate deprehendimus quantum animi nobis sit aduersus inopiam ; quòd inter diuitias ignorabamus : discimus in odio populari quanta nobis erga patriam charitas & constantia sit , quòd nesciebamur inter acclamationes & plausus. Mortalium adeo sapientissimus haberi debet ille , qui censuit , neminem infeliciorem esse , quàm eum , cui nihil euenerit aduersi , nec sicuerit vnquam animi sui vim & virtutem explorare. Quid pluribus hic opus est verbis ? antegreditur semper fortuna casum & prolapsionem suam , fatòque dixit ille fieri , ut nunquam sit diuturna prosperitas. Amplissimè dicuntur hæc. Sed ipsos quoque citamus poëtas ad testimonium :

Juven.
Sat. x.

*Vis ne saluari sicut Scianus , habere
Tantumdem , atque illi sellas donare Curules ,
Illum exercitiis præponere tutor haberi
Principis angusta Caprearum in rupe sedentis
Cum grege Chaldaeo ? vis cerè pila , cohortes ,
Egregios equites , & castra domestica. quid ni
Hæc cupis ? & qui nolunt occidere quemquam.
Posse volunt. Sed quæ praeclara & prospera tanti
I' rebus letis par sit mensura malorum ?
Ergo quid optandum foret ignorasse fateris
Scianum. Nam qui primos optabat honores
Et nimias poscebat opes , numerosa parabat
Excelsa turris tabulata ; vnde altior esset
Casus , & impulsæ præceps immane ruina.*

*Quid Crassos, quid Pompeios enervat, & illum
Ad sua qui domitos perduxit flagra Quirites?
Summus nempe locus, nulla non arte petitus,
Magnaque numinibus vota exaudita malignis,
Ad generum Cereris sine cede & vulnere pauci
Descendunt Reges, & sicca morte Tyranni.*

His itaque capti rationibus aliqui, accusabilem putarunt Aristotelem, nec immune irrisu & satyrici fellis esse voluerunt. Inducitur enim à Luciano per iocum apud Inferos Alexander Macedo, dolenter exostulans, quod tum demum intelligeret fucum ab Aristotele sibi factum in vita, cum diceret externa fortunæ commoda esse felicitati necessaria; ut citra pudorem omnem vaser homo à discipulo Rege peteret, & corraderet ea bona, sine quibus excereci virtus, & exigi à philosopho vita beata non posset. Ceperunt ergo plerique longè aliam intrare philosophiæ rationem. in sola virtute, in rerum despicientia, in solitudine felicitatem ponere: deformare corpus illuic, sordes exquisitas accersere, promittere capillum, & barbam, manticam, scipionem, ligneum scyphum, palliastrium è scrutatio petutum, supellectilem satis amplam existimare: propinquis amicis, ciuibus, patriæ, ipsi propemodum humanitati nuntium remittere: diuendere patrimonia, redactamque pecuniam vel in medium occupantibus exponere, vel in mare prouocare. Ecce autem qui sibi etiam ultro suffoderent oculos, qui diurno nocturnoque labore membra conficerent, qui se ipsos inedia voluntaria conficerent. Quæ profecto cum cernimus, venit nobis in mentem suspicari, eiusmodi disciplinam Christianæ philosophiæ similiorem esse, quam hanc Aristotelis elumbem, fractamque doctrinam, in qua non effertur caput supra fortunam, & extra diuitias ac bona corporis inueniri beatitudo non potest. Nónne diuina Sapientia cum homines condocesset in terris, hanc ipsam vitæ, felicitatisque formam descripsit suis: quos in luctu, in rerum inopia, in omni cruciametorum genere positos beatos dixit; quos sua distrahere omnia, & pauperibus impartiri iussit; quos vnâ contextos tunica, nullis pedum integumentis indutos, omnibus humanæ vitæ spoliatos instrumentis proiecit in arumnas & egeitatem? Illi ipsi Christianæ religionis nuper exortæ primi cultores, quemadmodum ex nobilium testimonio scriptorum ac fide didicimus, capillum & barbam negligere soliti sunt; plerique nudis pedibus incedere, omnes omnino palliati. sic inquam, ut qui nostris essent iutiati sacris, vulgari iam prouerbio de toga transisse dicerentur ad pallium. Hunc autem indumenti modum nunquam probabilem putarunt Aristoteles, quem accepimus amasse cultum corporis elegantem, nitidam vestem, attonsam comam, digitos auro fulgentes & gemma.

Hæc ego confutaturus, Auditores, Euripidis mihi periculum magnopere pertimesco. Quid enim? Agebatur huius poetæ fabula. in qua cupidus quidam diuitiarum admirator ita rationes ducebat, & subducebat suas.

Clem. Alex.
& Tertull.
Baton. to. 1.

Diog. in vi-
ta initio.
Alex. ab
Alex. lib. 5.
cap. 18.

Apud Se-
nec. ep. 115.

*Sine me vocari pestimum, ut diues vocer.
An diues omnes quarimus; nemo an bonus.
Non quare & unde; quid habeas tantum rogant.
Ubi que tanti quisque, quantum habuit, fuit.
Aut diues opto viuere, aut pauper mori.
Bene moritur, qui dum moritur lucrum facit.
Pecunia ingens generis humani bonum.*

His verlibus ita pronunciatis, è vestigio totus populus ad eiciendum actorem & exturbandum carmen vno impetu consurrexit. nec illæ quicquissent turbæ, nisi Euripides ipse proflulisset in medium, enixè petens, ut expectarent exitum fabulæ, viderentque quò denique peruaderet illa tam insana pecuniæ commendatio. Hoc, inquam, mihi periculum inेतuo, bona corporis & fortunæ laudaturus, præiudicata mortalium omnium opinione proscripta. Itaque obsecro vos ut finem orationis opperiamini: ubi constabit, diutem hanc Aristotelis beatitudinem esse multò quàm illam istorum sordidam & pannosam Christianæ philosophiæ similiorem.

Quàm longè qui contra differunt in vtriusque philosophiæ contentione fallan-

cur, haud facile demonstrabo, nisi prius explicauero veram Aristotelis de felicitate sententiam. Neque enim ille sic fatuus est, ut delicatam, luxuriamque diffluentem beatitudinem velit. Id igitur habendum pro comperto est, atque in hoc disputationis flexu primò ponendum: cum decernit, in beatitudinem hominis omnia bonorum genera conuenire, de illa nominatim electèque id intelligi beatitudine velle, quæ civilis est, & actiuosa, non de otiosa & contemplante: cui vix aliqua bona corporis, propè nulla fortunæ commoda necessaria sunt. Politica enim felicitas quoniam erumpere foras, salutaribusque virtutum operibus elucescere debet in ciuitate, nunquam profectò lumen aspiciet, nisi bonorum omnium corona tanquam stellarum choro perficiatur. Illène, qui valetudine vtatur incoinmoda queat vel propugnare pro patria, quod Politicæ fortitudinis est, vel pro eiusdem incolumitate in Curia & Senatu consulere, quod est prudentiæ? Quis autem, non dico deformis ac visu fædus, sed honesta, liberalique non præditus specie, graciosus & carus imperitæ multitudini sit, quæ sic animum inducit suum, deformes ac turpes vix esse bonos inter homines aliquos? Nobilitas verò, bona soboles, ac proles, filiorum multitudine spectabilis, honor à ciuitate decretus, existimatio & fama, opes, amicitia, clientela: quantam habent ad res transigendas ciuibz salutes efficacitatem & vim? Multa quippe per diuitiarum profusionem sæpe conficere necesse est, multa per auctoritatem extorquere, multa propinquis amicisque committere, quæ sine periculo non creduntur externis.

Neque verò hæc bona tam varia peræque felicitatem efficiunt singula. Est enim in tam magno cumulo quiddam exercitui simile; ubi non solus Imperator, ac milites sunt, sed calones & lixæ, frumentatores, lignatores, coctores, equisones, iumenta clitellaria, currus & sarcinæ, commeatus, impedimenta. Ergo in hoc bonorum agmine quo perficitur absolutèque felicitas, locum obtinet Imperatoris principem Virtus, hoc est bonum hominis proprium, & quod ratione continetur humana. Faciunt imperata facultates animi, quæ largiendis opibus, quæ communicandis cum ciuitate consiliis, quæ defendenda miserorum innocentiæ, quæ tuendis amicis, quæ erga omnes beneuolentiæ & charitatis officiis impendendis. Sequuntur ipsa corporis bona, quasi quædam operæ, quæ virtuti tanquam militi præsto sint, eamque faciant ad obeunda munera paratiorem. Claudunt nouissimam aciem externa bona, inprimisque diuitiæ veluti sarcinæ, quæ ne profectionem impediant, iustæ debent esse, nec plus nimio multæ, nec æquo pauciores. Quin eandem planè mensuram, & mediocritatem inesse ceteris quoque bonis oportet, si ea velimus esse præsidia, non impedimenta felicitatis. Non enim quia valentem viribus ac corpore, forma conspicuum, genere nobilem, opibus diuitem, bona instructum sobole volumus eum, qui beatus in communi hominum societate dicendus sit, volumus ideo Miloni illi robur & firmitatem esse, Antinoi pulcritudinem aut Alcibiadis, Cræsi regnum, aut diuitias Attali, genus à Ioue repetitum & Iano, filios totidem quot Priamus aut Danaus habuisse dicuntur in fabulis. Modum videlicet horum bonorum qui tueatur & firmet felicitatem exposcit Aristoteles, non exuperantiam illam & vbertatem, quæ possit eandem vicio labefactare. Quanquam ne in ipsa quidem copia facile concutitur & labefactatur is, quem ille vera beatitudine communitum existimat. Qui enim cetera bona mediocritate definit, tanta virtutem absolute perfectione perfectam vult, ut positis aliè radicibus, ex animo conuelli difficillimè possit. Quare sæpè confirmat, beatum virum in copia, inopiæque rerum eundem semper esse; Priami que nactum ærumnas, haud excidere tamen è fastigio suo: quia bonis aliis aduentitiis imperu fortunæ dilapsis, ipsum retinet statum Virtutis imperterritum & rectum, in quo principatum & quasi Basilicam videtur habere Beatitudo. Nam quemadmodum res ab exercitu bene gestæ Imperatori nominatim & militibus adscribuntur primis, ceteri vix in aliquam vocari solent victoriæ partem, sic beatitudinis intima vis & ratio Virtuti tribuitur, aliis bonis vix subsecundariæ quædam assignantur partes humanæ felicitatis. Videant igitur isti, qui eo nomine proscindunt Aristotelem, quod mollem eneruèque beatitudinem fecerit, quanto eam ipsi delicatiorem esse velint, & molliorem.

Si enim in perfecta, solidaque virtute, quod fecit ille, summam ponerent felicitatis, quid esset porrò necesse, oculos sibi funditus extirpare, ac tersito squallore corpus atterere, aurum, opes, patrimonium voluntario demergere naufragio, ex-

Val. lib. 4.
cap. 5.

L. profes-
sio. de mu-
nerib. pa-
trim.

Apud Tac.

rare ferarum more per silvas, sine sociis, sine tribulibus, sine ciuitate vitam de-
gere, exilium sibi, ac deportationem sine damnatione deposcere? Nullum immunet
ab opibus, à valetudine, à formositate periculum, si firmatus est animus absoluta vir-
tute, quæ bona corporis & fortunæ omnia tanquam familiam & satellitium suum
habeat in officio ac potestate. Perhibetur omnium literis & sermone Spurina excel-
lenti pulcritudine adolescens Hetruscus, quod decorem oris admoto cultro volun-
tariis confuderit vulneribus, ut sartam, rectamque à mulierum procacitate præsta-
ret pudicitiam suam. Nam ille mihi videretur admirabilior, si forma integra, illibatâ-
que in eo castimoniæ gradu se collocasset, à quo nullo feminarum illicio posset ex-
turbari. Quid verò de iis dicamus, qui pecuniam suam vel fecerunt publicam, vel in
pelagus effuderunt? Nónne demonstrarunt tam infirmam sibi virtutem esse, ut
stantibus oculis immotóque vultu auri fulgorem & fortunam suam intueri non pos-
sent? Nónne virtutem præ se tulissent robustiorem, si & in magna fortuna constan-
tes, & in lauto conuiuio sobrii, & inter opes amplissimas esse moderati potuissent?
Nónne satius erat, rebus uti suis temperanter ac parcè, quàm excubare pro foribus
alienis, & è tabernis petere quod abiecissent in mare? Nam omnia bona mea me-
cum porto: & virtus mihi viaticum est, speciosa quædam fuisse nomina suo ipse do-
cet exemplo philosophus ex illo genere maximus Seneca. qui cum vocibus ita ma-
gnificis saepe, multisque locis vteretur, & tamen opes, ac pecuniam supra philoso-
phiæ modum exaggerasset, intellexit aliquam sibi apud mortales necessariam esse
defensionem. Fuit enim omnibus hæc inrita semper opinio: nihil esse turpius in vita,
quam Philosophum à se dissentientem; hoc est eum, qui decretis à se non obtempe-
raret legibus, suisque cum verbis & oratione pugnaret. Putarunt enim id quod res
est, Philosophiam non esse declamatoriam; facere potius quam dicere: verba factis
& re probare; totam vitam vno colore depingere. Qua propter illi duo Diocletia-
nus, ac Maximianus Imperatores ferrei auream aliquando protulere sententiam
in quendam Philosophum, qui contestata iam lite fortassis iniqua, lege vellent
agi de patrimonio suo. In eo enim libro, qui propter excellentiam credo dictus
est Codex, ita scriptum reliquerunt: Professio & desiderium tuum inter se discre-
pant. qui cum te Philosophum esse proponas, avaritia vinceris & rapacitate.
Videbat ergo Seneca, malè se apud omnes audire, ac sermonem populo dare pro-
pter opes illas tam amplas, & exaggeratas, ut ne de mensura quidem, certóque nu-
mero conueniat inter auctores. Sunt qui septuagies quinquies centena millia pos-
sedisse confirmant. quæ summa quoniam viginti quinque & ducenta aureorum mil-
lia non superat, haud tanta est, ut ei si minùs iustam, aliquam certè suppeditare non
possit excusationem eorum conditio temporum, quibus ipsos quoque libertos à Ne-
rone gurgite locupletatos, accepimus opes multo sanè maiores, ampliorémque pe-
cuniam habuisse. Verus itaque modestissimi Philosophi census ab illo traditur Sui-
lio causarum patrono, qui ab eodem accusatus Seneca ex lege Cincia, quod pretium
ob oratas causas accepisset, cum obiurgatorrè in eum multa responderet, tum illud
inculcat maximè, quod intra quadriennium amicitia Regia ter millies sestertium
parauisset: hoc est nonagies centena millia nummum aureorum. Ipsemet horrebat
diuitias suas, & mirabatur, quod philosophus ille contentus modicis tales instituis-
set hortos, per eiusmodi suburbana incederet, tam lato fœnore, tantis agrorum
spatiis exuberaret. Vnam demum defensionem excogitauit, quod profundissimi, cru-
delissimique Tyranni muneribus obniti non debuisset. Sed ne hanc quidem pur-
gandi sui rationem existimauit idoneam, & eam, qua posset omni calumnia liberari.
Si enim opes illæ felicitati aduersabantur, erant etiam certo cum vitæ periculo re-
pudiandæ; nec Principis immanissimi reformidandum fuisset imperium. Ergo per-
fugium habuit ad perfectam illam hominis beati virtutem, quæ animum in summa
rerum affluentia liberum, & æquabilem præstat. Incredibile namque dictu est, quan-
tam ipse de se in ea fortuna rerum despicientiam, & temperantiam prædicet. De-
spicientiam verò ipsum audire sic proferentem. Pone me in opulentissima domo, ubi
aurum argèrúmque in vsu promiscuo sit. non me suspiciam ob ista, quæ etiam si apud
me, tamen extra me sunt. In sublicium rursus pontem me transfer, & inter egenos
abige. non tamen ideo me despiciam. Quid ergo est, domum illam splendidam malo,
quàm pontem? Cur autem maior ista, nisi quia virtutis, & felicitatis Politicæ ma-
gis accommodata præsidia sunt? Volumus de Temperantia cognoscere? satis am-

plum, & locuples esse Taciti testimonium debet, affirmantis, pomis eum agrestibus, & si sitis adinoneret, aqua profluente vitam tolerasse. Sed ne putetis eo solum tempore hanc fuisse parsimoniam hominis; cum à Nerone mors immineret eundem de victu suo quotidiano ita loquentem excipite. Panis sicus & sine melle, famili prandium est, post quod manus laundæ non sint. dormio minimum, & quasi interuigilo: abstinemus unguento: quia optimus odor in corpore est nullus. vino caret stomachus: in omnem vitam balnea fugimus. Hæc inquam ad extremum occurrit illi pulcherrima defensio: quod cum tam magnas opes tam magnificè contemneret, & tam abstinenter usurparet, dici profectò non deberet à professione philosophiæ dissentire. Non enim intemperantem affinitatem ipsæ per se diuiciæ faciunt. cum possit inter naninas etiam opes, & propemodum inter nullas intemperantia cerni maxima, nisi virtute regatur animi cupiditas & appetitio. Itaque Cicero ille vir sapiens & moderatus in paucis fateetur, se, qui facile ab ostreis & murens abstinuisset, à beta fuisse aliquando deceptum & malua, quibus vitus esset intemperanter. Ad summam hæc moralis scientia medicina quædam est: & qui eam olim tractarunt, ipsos imitari medicos sunt. inter quos aliquando videas ita supersticiosos abstinentiæ magistros, ut non semel agrotos inedia perennant: ita difficiles & asperos, ut ibi varietate mortales omnes quantumvis bene valentes tanquam à veneno detorqueant & peste. Oraculum enim putant illud Horatii,

Annal. l. 15.

Epist. 83.
& 109.A. 15. 3
109

*at simul apus
Atiferis elixa, simul conchyliis turdis
Dulcia se in balnem vertens, stomachoque rutilantem
Ecce feret puerum. vides ut pallidus omnis
Cuma desurgat dubia?*

Sed tamen inuenias etiam alios elegantes & faciles, qui largiorem cibatum, epularumque varietatem non modò non improben, sed saluberrimam esse demonstrant: modò caueatur id, ut nihil in eo genere nimis, aut intemperantiùs agatur. Animorum medicos, si philosophos intueamur varios, habemus utrosque; immoderatos illos, atque incommodos, qui nos à bonis corporis & fortunæ depulso omnibus omnino fame confectos velint; humaniores alios, & prudentiores, qui iustis nos epulis alant, & bonorum varietate temperata reddant Virtutis obeundis officiis habitiores. Tantalum ait Pindarus cum fuisse, qui concoquere non poterit felicitatem suam. Cum enim in ipsum quoque conuiuium adhiberetur à Diis, eam sortem exiguum ratus, ausus est aliquando nectar ambrosiamque surreptam furtim cum aliis communicare mortalibus. Itaque Deorum ira de tanta felicitate in sempiternas ærumnas eiectus est. Non vult Aristoteles eum, quem ipse beatum facit sic impotentem atque intemperantem esse, ut conficere non queat & digerere fortunam suam. Istos enim ita crudos, quoniam virtute perfecta non sunt imbuti, quamvis ipsius etiam essent fortunæ filij, à beatorum numero putat esse disjunctos.

Marfil. Cap.
gnat. de
valerud.
tuen. cap.Olymp.
Od. 1.

Intelligitis opinor quanto meliùs ac veriùs Aristoteles de felicitate censuerit, quàm ij, qui nec eam partem, quæ politica est, inspexerunt satis, nec de solitaria & contemplante sunt locuti constanter: cum ad ea bona receptum habere coacti sint, quæ magnifica vocis contentione repudiabant. Intelligitis inquam hæc: sed nondum videtis eum istorum beatitudo dici non debeat ad eam accedere proximè, quam Christiana proponit religio proculcantem omnia, & nihil ex toto bonorum cumulo præter virtutem ac recte facta suspicientem. Non possumus hac de re quicquam expositè, planèque decernere, nisi videamus ante quid de hominis felicitate, deque bonis felicitatem efficientibus affirmare debeamus Christianæ sapientiæ congruentes. Ita enim faciliè constituemus, qui nam ex toto Philosophorum nomine beatitudinem nobis proposuerint huic nostræ similiorem, si prius inuestigemus ea, quæ in hoc argumento nostræ disciplinæ conuenientia sint. Omnis sanè morum doctrina ea, quæ verè bona dicuntur & sunt, metitur ex fine. qui tamen videtur esse simplex & uniusmodi, dupliem tamen exhibet Christianæ philosophiæ contemplationem sui. Inuenitur enim interdum hæc disciplina finem tantummodo propositum vitæ futuræ, quæ sempiterna est, atque immortalis: interdum spectat etiam eum, qui præsentem proponitur, & utrumque pulcherrima copulatione coniungit. Cum ergo priorem illum vitæ consecuturæ finem solum intueretur, non modò

bona corporis & externa minimè requirit, sed felicitatem humanam sæpe collocat in ærumnis, quarum perpeſſione futuram promeremur, & gradum facimus ad immortalẽ. Cum verò poſteriore hunc contemplatur duplicem, vtrique propoſitum vitæ, & eam quoque ſpectat beatitudinem, quæ Chriſtianis ipſis in communi ſocietate degentibus eſt neceſſaria, eadem corporis & fortunæ bona quæ virtuti contraria non ſint, admittit in aliquam partem humanæ felicitatis. Vt igitur aliquando videamus qui nam ex omni philoſophorum numero locuti ſint huic beatitudini congruentius, recensendi ſunt ij, quibus cum ea de re in contentionem venire poſteſt Ariſtoteles. Sunt Platonici, ſunt Stoici, ſunt qui paupertatem & quæſitum illud corporis ſitum amabant Cynici. Plato quoniam & in Philebo, & in Gorgia multa docet eſſe bonorum genera, nec debere ſolam virtutem in bonis haberi, videtur à Politica Chriſtianorum felicitate non diſſentire. Stoici quoniam in virtute ponunt omnia, & in equuleo ac roſa exclamatuſ ſe profitentur quàm hoc ſuaue, illam Chriſtianæ philoſophiæ partem videntur exprimere, quæ ad futuram ſolùm immortalis vitæ beatitudinem affectat viam. Poſtremi, qui re domeſtica, domoque neglecta, dolia pro domibus habere malebant, æſtate in arena feruida corpus, hyeme volutabant in niue, aliſque ſe modis ad virtutis attingendum apicem exercebant, videntur iis ſimillimi, quos ſanctitate perfectos in ſolitudine vidimus. Sed ſingula hæc philoſophiæ genera fucata ſunt, & Chriſtianæ ſi rectè perpendantur, apprime contraria. Nam Plato quidem, quamquam præter virtutem alia bona vult eſſe permulta, quia tamen in ſola contemplatione eaque conſtanti atque perpetua beatitudinem ſitam exiſtimabat, eos qui domeſticis, ciuilibuſque diſtinentur occupationibus humanæ vitæ neceſſariis, non à poſſeſſione ſolùm beatæ vitæ, ſed à ſpe felicitatis eiiciebat. Stoici verò, qui nos etiam inter cruciamenta beatos clamant, dicerent ipſi quidem aliquid à noſtra philoſophia non abhorrens, ſi cum hæc dicunt de futura beatitudine cogitarent, ad quam per ea tormenta gradus eſſet & tranſitus. ſed non ſic eorum eſt ratio: & cum de beatitudine loquuntur, hærent in vita. Itaque pugnantia proferunt: & multo quidem magis, quàm ipſi poætæ, qui cum Herculem in flammis & rogo beatum dicunt, dicunt ideo, quodd ex illa concrematione ſit tranſcribendus in cælum. Illi denique, qui pecuniam, opesque prouidebant, dici non poſteſt quàm longè à recta Chriſtianæ diſciplinæ ratione diſcederent. Meminiſſe quippe nos oportet, cuiuſmodi homines fuiſſe poſſimum Cynicos, hoc eſt eos, quibus arrogantiffima quædam eſſet, & ſpiritu pleniffima rerum humanarum contemptio. Pallium illi quidem, verus, detritumque centunculum, tatoriam ex aluta peram geſtabant humeris, manu baculum, præterea nihil, ſed tamen id de ſe glorioſiſſimè, inſolentiſſimèque prædicabant: ſibi baculum, ac pallium illud eſſe quod Regibus diadema, quod auguribus lituus, quod tiara Pontificibus, quod Imperatoribus paludamentum. Superſtites ſunt adhuc epiſtolæ quædam Diogenis, in quarum vna ſe cum Agamemnone comparat. miror cur ipſo ſe maiorem etiam non diceret Hercule. Video enim ita cultum illum ſuum amiſſe, ac circumſpexiſſe Cynicos, vt nomen Herculis ſibi ſumere non erubeſcerent: quibus nimirum pro leonis exuiio mantica, pro claua baculus eſſet, pro belluis monſtrisque domandis voluptates, & cupiditates animi, quibus ipſi bellum inferrent. Quin hæc appellatione minimè contenti monſtroſa etiam arripere vocabula & nomina voluerunt. Fuit enim eorum aliquis Menedemus nomine (videre hominis intemperias) qui clementito cum habitu Furis, hoc eſt pulla veſtitus tunica, eaque talari, cothurnis indutus & ſublatus Tragiciſ, fraxineam pro face quatiens manu virgam, oppida circumcuſabat in foris ac triuiis magna voce proclamans adeſſe ſe ſpeculatorem ab Inferis, ad Regem vmbrarum denunciaturum in reditu quæ peccarent in vita mortales. Quid nobiſcum habeat hæc ſecta commune ſatis ex tanta leuitate poſſet intelligi, niſi cognomentum ipſum Cynici multo declararet ampliùs, quàm longè à Chriſtiana verecundia & caſtimonia diſcrepet. Neque enim aſſentior iis, qui à Cynofarge Gymnaſio, vbi eorum auctoſ philoſophatur Antiſthenes, appellatos Cynicos tradunt: cum viderim apud Athenarum eorum vitæ rationem ita procacem & foedam, vt nihil à canina diſſerre videretur. Quippe tradit, fuiſſe pedibus ſemper illotis, impuros, gulofos, voraces, comedones, alienarum venatores cœnarum, & aduentitias vmbras. Ne multa. Diogenes ipſe interrogatuſ, cur Canis vulgò diceretur, hanc cuiuſmodi cognomeni profeſſus eſt cauſam; quòd morderet malos, dan-

Laër. & vit.
Diogenis.

Apud Apol.

Diog. Laër.
in vit.

tibus a blandiretur, non dantibus allatraret. Nihil verò de iis dico, qui nominis hanc impositionem repetunt ab impudentia palmari, qua ipsos etiam vincerent canes. In ea enim Cynici fuerunt hæresi, ut quæ in connubio & matrimonio turpia re ipsa non sunt, nunquam, ne in foro quidem & via dicerent esse flagitiosa. Res est, de qua disputari probo sermone non queat. Vnum tamen haud prætermittam, in quo fortasse sine fraude paululum versari verecundia poterit. Crates ille Thebanus cum diu multumque Diogenis fuisset auditor, eius disciplinæ admiratus insolentiam, adiungere se homini decreuit, & tam infami sodalitis nomen dare. Et erat quidem Crates inter Thebanos proceres longè princeps, atque is, cui suppetere ad beatitudinem omnia, nisi eam in cœno querere voluisset. Lectum illi genus: frequens circa seruitium, domus amplissima splendida vestis, fundi, latifundia, pecora, pecunia, cum in nominibus, tum in numero permulta. Ergo cum à Diogene frequenter audisset, nihil opes ad beatam vitam conferre, nec aliud esse plenam domum, quàm nauem impendio factam & fabrè, compactam bene, inductam auro, eleganter depictam, sed improvisis hauriendam fluctibus, & scopulis subito comminuendam. cum inquam hæc à magistro sæpius intellexisset, surdo cani diutius fabulam haud est passus: sed re familiari, familiæque deserta, venit in forum, ingenti vocis contentione pronuncians. Crates, Crates, nunc demum te manumittes. proiecctaque pecunia, fundisque posthabitis, exinde solus esse cœpit, prope nudus obire vias; quâ philosophari secum, quâ circumstante populo concionari. Tantam homini ea morum commutatio conciliauit auctoritatem, & fidem, ut non tanquam canis, quemadmodum ceteri timeretur, sed quasi lar familiaris coleretur ab omnibus. Ille regere domos, ille lites componere, ille iracundias, inimicitias, inuidias, ceterasque animi pestes & monstra penitus extirpare. Hipparche tùm erat, virgo & nobilitate insignis, & elegantissima specie, iam nubilus & multis expedita procis cum ætate, tum opibus, & dignitate florentissimis. quibus repudiatis & spreis omnibus, institit maritum sibi petere Cratem, verulum iam ætate, censu nullo, cultu sordidum, vestitu pannosum. cumque moueri à postulato non posset, & sua se mortem inuenturam manu, nisi Cratem coniugem inueniret, acerbè comminaretur, Cratem ipsum rogarunt parentes, ut virginem auerteret ab infania. Ille, cum frustra tentasset omnia: hem inquit ad extremum virgo quem maritum es habitura. & cum dicto caluariam aperuit nudam, strigofam commonstrauit faciem, & flaccidas aures, inter scapulum retexit gibberum, extuberans, & prope concameratum, baculum, pallium, peram humi deposuit; in quibus supellectilem, & thesaurum omnem habere se profitebatur. Enimvero accipit conditionem Hipparche; sibi consultum & prouisum satis esse respondet. neque ditiores, neque pulchriorem coniugem velle, quàm Cratem; proinde duceret quò placeret. Ergo puella tam elegans & nobilis sumpto pallio ac scipione, inserta humeris mantica, cœpit oppida circumire cum Crate nouo miraculo. Dux autem ille Cynicus & tanta grauitate philosophus quid aliud interea facere debuit, nisi quod à Diogene præceptore didicerat. Accubuit in porticu luce clarissima, & inspectante corona virginem immi-
nuisset pari constantia, nisi Zeno discipulus tam turpem exitum fabulæ ab omnium oculis oppositu pallij velut obiecto sipario submouisset. Istòsne aliquid non dico nostra cum philosophia, sed ipsa cum humanitate putauimus habere commune? Miror equidem, cur illa vnquam exciderit Alexandro Macedoni vox: malle se Diogenem esse, quàm Alexandrum. Pro mendacio mihi res est: nec esse mortali-
um quemquam ita stultum, aut fatuum suspicor, qui non esse malit Alexander in Regia, quàm Diogenes in dolio. Ego certè qui nec Diogenes esse possum nec Alexander, ne si possem quidem velim esse Diogenes. Sed remoto ioco, notas, & quasi characteres huius sæc-
læ videamus singulos: ut ex iis intelligamus quàm à nostra sit aliena Christianorum philosophia. Maledicentissima illa fuit, nulli hominum ordini parens, nulli mortalium non infesta. nostra summam linguæ temperantiam habet: nec aliud mordet vitium, nisi quod sanat. Impudens illa fuit, & inimica verecundiz. nostra effectrix est pudoris & castimoniz: nec id fugit solum, quod abhorret ab oculorum, auriumque comprobatione, sed cauet etiam illud, ut sessio, ac-
cubatio, vultus oculi, manuum motus, & decorum habeant, & dignitatem. Illa profunde-
bat temere diuitias; & ne faceret in tempestate naufragium, faciebat in tranquillo. hæc excipit epulo pauperes, captiuum redimit, virgines illocabiles

Apud Diog.
Laert. in Vit.
Diogenis.

Politic.
lib. 1. c. 2.

collocat, exadificat templa, exadificatis iam addit cultum & ornamenta. Laudabat ille Democritum, quod agros deseruisset suos, & fieri pascua publica passus esset; laudaret hæc si donasset, & ne rerum inopia pauperes interirent, illa patrimonij negligentia prouidisset. Poterat enim, si diuitias tanquam aspidem horrebat, & diuitias fugere, & bene collocare, poterat si patrimonij possessionem, quasi carcerem & seruitutem sub hoste perimiscebat, & iugulo suo parcere, & in manus hostium non peruenire. Quanto sane melius intropexit Aristoteles, quicquid in hoc genere vitæ posset esse probabile, perfectumque numeris suis. Cum enim decreuisset, etiam is, qui versatur in contemplatione, atque alteram obtinent partem felicitatis humane, ad vitam tuendam quasdam esse necessarias opes & bona fortunæ suspicatus, aliquos tamen existere posse, quibus omnia supplerent in solitudine diuitius, & numero ciuium istos exemit, appellandisque censuit Deos, nec in communi mortalium albo collocandos. Quia tamen intelligebat, eiusmodi homines, si unquam existerent, futuros esse perpaucos, felicitatem, quæ communis omnium esse debet, non in ea contemplatione, ac solitudine posuit, sed in iis rebus, quas vnusquisque consequi facile possit. Quo nomine non his Cynicis modò rerum contemptoribus impuris, sed ceteris quoque philosophis antefendus est Aristoteles. Platonis enim illa contemplatio constans atque perpetua nescio, an vllius è mortalibus sit: Stoicorum indolentia est planè nullorum. At beatitudo est communicanda cum omnibus, si debet aliena non esse à Christiana philosophia: quæ nemini aditum ad beatam vitam in Ciuitate degendam intercludit. Aliorum fuit olim ista superba sapientia; contenditum, philosophiam à vulgo abhorre, paucis contentam esse iudicibus, & consilio multitudinem fugere. Nostra verò longè aliter est ratio, qui eam sapientiam veram esse non credimus, quæ fastidiosa sit, communemque hominum cœtum auersecur & fugiat. Si enim hominis natura est ipsa per se capax felicitatis & sapientiæ, etiam rusticanos, etiam seruos & barbaros, etiam opifices, sellularios, feminas etiam ipsas ad philosophandum, & beatitudinem obtinendam oportuit euocare. Maxime igitur à nobis alieni sunt isti, qui sapientiam & beatitudinem humano generi datam ita vindicant sibi, vt ceteris oculos, ne publicum solem aspicere possint, vel deligare, vel effodere velle videantur. Sapientius certe Stoici hac de re iudicassent, si retinuissent in loquendo constantiam, & beatitudinem parabilem omnibus esse voluissent. Quamquam enim indolentiam & perturbationum vacuitatem postulabant à suis, dicebant tamen, omnibus etiam rusticis & seruis, etiam barbaris, etiam feminis esse philosophandum. Viderunt nimirum hi, quoniam sic est hominum captus, oportere sapientiam & beatitudinem esse communem: sed non in iis eam posuerunt rebus, quæ communes omnium esse possunt. Itaque ex feminis, si Themisten excipias vnā, vix alias scimus esse philosophatas. ex seruis præter illum Phædonem, qui & redemptus pretio & institutus doctrina fuit à Cebere tradunt, alios philosophos haud habuimus. ex barbaris Anacharsim inuenimus Scytham: præterea neminem.

Laetan lib.
9. cap. 24.

Alphon
Casti Bel-
larm.

Vna demum exiit à Christo Liberatore philosophia; quæ & singularem illam contemplationis probaret beatitudinem, contentam paucis, aliquorum propriam; & alteram hanc iusta corporis & fortunæ postulantem bona, popularem, & communem omnium vellet esse felicitatem. Quapropter haud minus exterminauit, & proscripsit à Christianis doctoribus aliquos Epicuro vel Aristippo similes, qui plus nimio cupiditatibus obsequi vellent, indulgere voluptatibus corporis, diuitiis operam dare, quam eos qui nuptias & connubium, qui carnis esum ac vini potum, qui possessionem rerum, qui bellum, iustamque defensionem, qui alia huiusmodi pacis & vitæ prædia Christianis esse dicerent inconcessa. Scimus enim hos homines tam ineptè seueros grauissimo Patrum iudicio in Conuentibus esse damnatos. vt intelligeremus, Christianam philosophiam, quamquam seuerissima est, non adimere tamen suis ea, sine quibus vita traduci ciuili & beatitudo parari non potest. Cum igitur huic disciplinæ sic respondentem, illam ab Aristotele propositam beatitudinem, ita dissimilem, & dissentaneam, quæ proponitur ab aliis esse demonstraerim, causam à me susceptam satis existimo superque perorata: nec aliud video superesse labori meo, nisi vt declamatione aliqua, & quasi talione repercutione illos, qui se peritum suæ sapientiæ famam habituros se nullam putant, nisi quam ab Aristotelis reprehensione colligere se posse confidunt. Sed hoc neque vos a me depose-


ris, quorum ad supremam vsque lassitudinem defatigavi iam humanitatem, neque mihi permittit hæc facilis, placabilisque morum doctrina: quæ tum etiam cum de suis expostulat iniuriis à declamatorio stylo se continet, omnemque defugit atrocitatem orationis.



BONVM REGEM PERFICI

MORALI CIVILIQUE PHILOSOPHIA.

P R A E F A T I O III.



IN Platone tam magno doctrinæ interioris anriscire duo præter cætera notari video, quorum alterum fecisse, alterum dixisse reprehenditur. Nam & Academiæ locum, vbi doceret, & cum suis vna meditaretur, in solo prorsus insalubri, ac sub cælo concreto designauit: & censuit haud vnquam beatas fore ciuitates, nisi aut Philosophi Reges fierent, aut Reges ipsi philosopharentur. s. de Rep.

Vtrumque carpitur à multis, & tanquam hominis ignari, commotique deliramentum exploditur. Ego verò primùm quidem illud irriderem, nisi patroni, defensorisque Basilij & sanctitatem vererer, & extimescerem auctoritatem. Quid enim attinet sapientiæ, ac literarum amantes aeris pestilentia consumere, quorum vitam, vmbrailem ne dicam, an sepultam assiduæ curæ tamquam additi vultures exedunt, macerat lucubratio, ipsa mentis agitatio ante diem, & numero conficit? Equidem ex hoc grege nostro, atque in his Collegij septis, vbi, si minùs Philosophi sumus, certè vario doctrinæ genere conamur imbui, noui perpaucos, ac profectò neminem, qui necesse haberet cæli grauitate, ac terræ tractu nebulas inhalante delumbare contumaciam corporis, & vires exuberantes imminuere; nec satis, immo plus etiam quàm satis sit, ipso studio ac labore discendi non superuacaneum modò robur, sed necessariam quoque firmitatem attereret, & valetudinem celerrimè profligaret. Quin egomet in hunc philosophantium adscitus numerum admodum adolescens, quamquam & saluberrimo natus essem loco, nec in malo, hoc est in Romano degerem solo, & quod domestica frugalitas dare valetudini solet, pulcherrimi, lætissimique vsura cæli subinde perfruerer in Tusculano, facere tamen haud potui, quin in ipso ætatis flore, morbo sensim visceribus infeminato, ex viuendo, colorisque ac succi pleno, fierem illico gracilentus, & quod adhuc etiam cernitis, inducta tristi macie, suffusoque pallore subalbidus. Illud inquam, quod ad aeris insalubritatem philosophis idoneam attinet, si minùs irrideo, certè non probo, quod autem de philosophis dicitur Regibus, id verò non cum admiratione solùm atque adprobatione suscipio, verùm etiam quantum ipsi quoque probare, atque admirari debeatis, ostendam hodie, si mihi operam dabit in nouo exornationis argumento ac genere laboranti. Satis enim opinor, habuit à me commendationis & laudis hæc morum, ciuilisque vitæ disciplina, quam & docendo multos tractaui iam annos, & sæpe dicendo iustis sane præconiis exornaui. Præcipuum tamen huiusce prædicationis omni caput in eo positum, quòd tam frugifera facultas eum nobis à quo regimur, impertiatur & exhibeat Principem; non sic quidem quemadmodum natura profertur in lucem, sed iis instructum, expletumque numeris, quibus absolutum, perfectumque Respub. postulat. Verumtamen hæc tanta laus haud ita probabilis omnibus est, vt nos hunc fundum inire sine controuersia, & lite possimus. Sunt enim qui philosophos non modò temperandis vrbibus ineptos credant, verùm etiam rectores populis exitiabiles & perniciales existiment. quod si quis excipitur auribus, & probatur, iniquis profectò nos exordimur auspiciis, & meditatam diu laudationem incassum ac frustra molimur. Sed ne frustra moliamur, amolienda mihi sunt antè duo quædam præiudicia, anticipatæque omnium pene

Orat. ad
iuuenes.



iam animis opinionones. quarum altera est, Neminem vnum quàm non experimento didicerit ac tractauerit artem, in ea posse, non dicam vñ & re, sed ne disputando quidem ac iudicando rectè versari: altera, Liberalium doctrinam artium, abditarumque cognitionem ac scientiam rerum, ciuitatum moderatori ac Principi non solum prodesse nihil, verùm etiam obesse quamplurimum. his enim extirpatis errati communis ac vulgarissimi fibris, haud alium opinor ostendet obicem, ac repagulum oratio mea.

Apelles apud Plin.
lib. 35. c. 10.

Cic. 3. de or. & Apul.
2. florid.

Falluntur, vt sic ordiar à primo, qui hominum ingenia & iudicia maximorum tam angustis includunt finibus, vt in iis solum adipisci posse laudem existiment, quæ re ipsa faciunt, & in quibus vñ atque exercitatione versantur. nec intelligunt sæpe magnis viris rerum agendarum occasionem necessitatẽque potius deesse, quàm facultatem. Næ ille pingendi mirus & callidus artifex prudentia quoque sic ceteros vicit, quemadmodum & ingenio superauit & antecelluit opere: qui perfectas iam, ac diu, multumque à se interpolatas imagines proponere solitus erat in pergula transeuntibus, vt ipse ponè latens, ac post tabulam abditus, vitia quæ designarentur exciperet; haud veritus, à se ipso ad populum, tanquam ad diligentiorẽ melioremque iudicem prouocare. Et constitit illi tantæ vel modestiæ vel sapientiæ fructus haud pœnitendus, cùm à prætereunte sutore occultæ cuiusdam aberrationis admonitus, ab aliena didicit arte quid corrigere deberet in sua. Quod si etiam inter sellularios opifices, sutoresque veteramentarios inuentus est qui deprehenderet in pictura vitium, ipsius fugiens aciem Apellis, quanto sanè plures inter excellentiores artifices, atque inter ingeniosos ac doctos viros inuenientur, qui de rebus iis, & iudicare, & transigere optimè possint, quæ proprio studio curæque nominatim & electè non profiteantur? Hippia Eleum sæpe commemoratum audistis, hominem, si professionem attendas, aut sophistam, aut philosophum, aut oratorem; si versatilem, ac desultoriam ingenij vim, omniuagum, varium, multiformem, ipsum planè Proteum ac Vertumnum. Hippias adeo cùm aliquando descendisset Olympiam ad quinquennale certamen, ita omnes qui aderant in se conuertit, vt ex infinita ludorum multitudine, tantæque illa celebritate nihil tota Græcia magis quàm Hippia ipsum admiraretur. Erat homini ætas cum Socrate par, philosophia mollis & mansueta: non illa inquam impexa, atque illota, sed quæ vestem, & cultum corporis idoneum velt, quæ balneas, atque vnguentum in tempore non recuset, quæ voluptatem, diuitias, aliæque minora, & secundaria bona perfectæ virtuti atque humanæ felicitati conciliet. Is igitur haud incuriosè composuit, indutusque, gemma quoque nitens & auro, attonsus ac prope nimbarus, nec minùs ornatu visendus, quàm philosophia spectabilis, in eo conuentu ad circumfusa coronam tota propemodum exaudiente prouincia sic ingressus est dicere. Ego verò prouinciales haud iniquè gloriôr, omnia bona mea mecum esse, me sequi, mecum semper vltro citroque discurrere, ac commearẽ. Cernitis hunc amictum, totumque mei corporis instrumentum? nihil eorum ego meratus sum; nihil è sutrina, nihil è texerina, nihil in nundinis emi, nihil è cuiusquam taberna præstinaui. Hoc pallium impensè candidum nullus mihi lanarius, aut infector, aut fullo vendidit: ego meis feci manibus & infeci. Tunicam hanc trilecem filo purpureo distinctam vndique solus ego contexui domi. Baltheum, quo præcingor, coloribus, & textura Babylonica varium, à nullo phrygione, vel polymitario, vel limborario est. ego lamellas aureas adiunxi, ego acu interpunxi & pinxi omnia; nec ad eam rem vllius opem aut operam accersiui. Hasce baxeas cum vitris & fasciis quibus alligantur ad ansas, idem ego mihi compegi. Hunc anulum egomet in orbem inflexi, ego palam clausi, ego gemmam inculpsi. Lecyrum hanc oleariam ventre protuberante formæque tereti castigatam ego lauigavi & expolui, ego ad sudorem extergendum hanc ex ampulla pendentem strigilem feci. Plura in eodem argumento de illo suo viarico, paratûque cum omnium admiratione perorauit. Sed ea libens ego prætermiserim, quia necesse non habeo ex Elide ac Pisa illustriora huiusce rei documenta repetere, quæ mihi apud me suppetunt, & domi. vbi continenter ante oculos obuersatur meos alter Hippias, antiquo illo Eleo. longè sanè maior ac doctior. Huius hominis si studium quaritur, est commune cum ceteris, literarum & sapientiæ, nec vllum eximie colit, nisi quod in erudito puluere à mathematicis exercetur. Sed tamen ita lingu-

lis excellit in artibus, quasi de industria fuerit singularum præceptionibus institutus. Nihil tam egregiè molitur architectus, aut structor efficit, quod non ipse machinetur artificiosius, aut efficiat melius. Non capsarius, non tornio, non aurifex, aut inaurator, non bractearius, aut ærarius fusor; non faber, siue materiarius, siue ferrarius, siue segmentarius, non plastes, aut sculptor elegantius in suo se tractat opere, quàm ille versatur in alieno: & quod ne ipsi quidem valent opifices, idem ille omnium artium sibi conficit instrumenta faberrima. Si malleo, si ferra sit opus, aut linula, non itur ad extrarium opificium. ipse sibi conformat omnia: ipse scalpellum, ipse graphium, ipse securiculas, & dolabellas extundit, ipse ad animandum ignem præparat & consuit folles. ita sibi satis est vnus & omnino totus aptus ex se se. Dicam hic vnum etiam de me; non quidem vt glorier in aliquo (neque enim ita sum lippus vt ad me peruidendum opus mihi collyrio sit,) sed vt ampliùs explicatiùsque res propolita declaretur. Mihi labor olim proprius & cura fuit, inter oratores haud ineleganter dicere, inter poëtas canere non absurdè, studium autem est præsens inter morum magistros non ineptè philosophari. Itaque si bonum carmen, aut disertam orationem, aut disputationem eruditam tantummodo profero, feci iam satis artificio meo. Possum tamen etiam in ædificatione aliquid inspicere, de quo molitores & fabri non grauatè ac sine fastidio doceantur. possum, vbi feriatu ac per occasionem in agrum venio, si quis irpex, aut capreolus, si quæ marra vel merga, si quæ runcina proba non sit, æque ac ipsi vinitores intelligere. Quin si qua lira vel porca, si quis sulcus enorinis sit, si quid in repastinatione, in putandis aut ablaqueandis vitibus, in satione frugum, in arborum insitione, in re pecuaria peccatum sit, facilè deprehendo: nec malè me iudicare villici docent, qui sic admoniti, vel noua propagine tabulas suppleant, vel alium exli positum arbusco quærunt, vel eiusmodi alia diligenter emendant, quæ indicio meo demonstrantur errata.

Sed vt à re nostra digrediamur ac domo, est ne quidpiam ex omnium numero, censuque rerum, quod philosophi minùs intelligere debeant, ac facere, quàm quod in prætorio deliberatur, atque in belli puluere geritur? Philosophorum tamen haud paucos non solùm ab Imperatoribus in consilium adhibitos, verùm etiam exercitum instruxisse, atque arma callidè, sapienterque tractasse antiquorum testimonio scriptorum accepimus. Etenim militarem gloriam, artémque bellicam harum potissimum gentium & verustissimam fuisse scimus & celeberrimam; Hebræorum in Syria, Ægyptiorum vel Memphi, vel Alexandria, Græcorum in Attica, Cretensium in Ægæo, Spartanorum Lacedæmone, Macedonum in Æmonia, Romanorum in toto terrarum orbe, Othomanorum in Thracia. Sed apud Hebræos Imperator ille Moyses ordines & castra disposuit, philosophus ipse, & à socero sacerdote, eodémque philosopho bellicis artibus eruditus: apud Ægyptios Sesostris inter philosophorum ac sacerdotum greges educatus eam instituit militiam primus, quæ in Asiam transgressa quicquid obuium fuit ad Indiam vsque subegit, ac per Scythas in Europam exinde circumacta ibique constituto Macedonæ regno, in Ægyptum velut ad carceres iterum reuocata, ab Artirtia Regis sorore philosophiam eximiè callente mirum in modum exulta est, atque perfectæ: apud Græcos & Socratis discipulus Xenophon antè dux in acie visus, quàm in agmine gregarius, per milliarium ampliùs duo, & trecenta millia cum tribus ac viginti nationibus efferatissimis pugnantem semper, semperque victorem exercitum intra nouem menses Babylone reduxit in patriam, & Platonis auditor Dion quinque pedum millia, quibus præerat cum centum millibus comittere non veritus, bello præter omnium expectationem victor, collo patriæ pro qua pugnabat, Dionysiorum tyrannidem iugumque deripuit; & Tarentinus Archita non aliis sanè præceptionibus quàm quibus à Pythagora fuerat imbutus, septimùm Imperator factus à suis, septies acie vicit, septies de profligatis hostibus, applaudente ac præeunte currum philosophia triumphauit. Quid plura de Græcis? Intra spatium annorum quinquaginta Miltiadem, Themistoclem, Aristidem, aliòsque numero quidem tricenos, virtute autem, ac rectè factis viros inextincti nominis ac famæ, nacti sunt imperatores, quos & philosophos, & expolitos omni liberalium artium genere fuisse commemorant. Cretensium itaque Rempublicam adeamus, cuius dominus ac princeps antiquissimus Minos Homeri testimonio & subscriptione Platonis ha-

bitus, appellatusque Contemplator, usque adeo militiam adamavit, ut classem in mare deduxerit primus, & Cyclades aliasque prorsus omnes Ægeo continentes insulas armis demictas imperij sui fecerit appendices. Lacedæmones ipsi nonne Leotidam, Gilippum, Lylandrum, Callieratidem, Ageilaum, aliosque permultos, quos habuere duces immortalitatem adeptos, eosdem quoque philosophos & doctrina clarissimos habuere? Macedones autem plurimos quidem in suorum serie Regum recensent philosophos, sed eam gloriam, si me audiunt, conferent potissimum in Alexandri parentem Philippum; qui Thebis cum esset obses, à Lyli Pythagoreo & philosophiam sibi parauit, & bellis scientiam tantam, quantam in Macedonica phalange, quam excogitavit omnium primus, atque in omni disciplina militaris exercitatione demonstravit. Quid de Romanis commemorem? apud quos, Censorini Catonis ætate, florentissima cepit esse res militaris, & præstantissimorum copia ducum provenire feliciter & quodammodo sobolescere: cum videlicet Athenis in Urbem velut in magnam coloniam deducta sapientia Catones duos, Æmilios illos ac Marcellos, Flaminius ac Scipiones, Metellos, Pompeiosque, doctos sane viros stante Republica peperit, extincta verò, Pollionem suffecit ac Germanicum, Vespasianum ac Titum, Adrianum, Marc. Aurelium, Alexandrum, aliosque probatissimos regni moderatores, quos haud magis arma ad summum gloriæ fastigium euexerunt, quam immortalitati literæ commendarunt ac doctrina. Neque verò necesse est aut ex Imperio Byzantio repetere Principes illos Græcos philosophos, literarumque longè scientissimos duces Belisarium & Narsetem, aut è Germanico Carolum Magnum, Othones duos, ac Sigismundum, quibus quemadmodum ætas illa bello maiores haud nacta est viros, sic neminem videt doctrina scientiæque superiorem. Atque utinam Principes Orthodoxi nominis & fœdæ superstitionis immanes duces, Epicurei quidam armati, ut ceperant esse, fuissent semper, nec inter eos extitissent unquam prudentiores illi Philosophi, Amurates primus, Maometus, Baiazetes ac Solimanus. Non enim Asiam penè totam, Africamque in eius Tyrannidis redactam intueremur potestatem, nec Christianæ Reipublicæ vulnus impositum insolabiliter ac frustra lugeremus. Itaque, ut hanc orationis partem aliquando concludam, haud magnificendum esse Iustinum historicum puto, cum in Epaminonda miratur, unde homini inter literas nato tam exquisita militiæ scientia foret. minor enim ego potius, cur illi venerit in mentem id admirari, nec Siculum audierit Diodorum de illo eodem Epaminonda sic iudicantem: Græcorum sanè omnium cum fortissimus, tum agminis ducendi peritissimus ideo fuit, quòd omnibus esset excultus literis, maximeque Pythagorica philosophia.

Lib. 6. fin.

Abundè adeo demonstratum, ut reor, est quantum plerique ad aliena studia insita facultatis habeant ac virtutis. Sequitur, ut aliam quoque conuellamus opinionem eorum, qui doctrinam Principibus & inutilem & perniciosam faciunt. conuellemus autem facile, si disciplinas obeamus singulas, quibus hominis animus eruditur. Vultis humanitatem & rerum antiquarum cognitionem? vultis eloquentiam hoc lustrationis initio producamus? Quid Principibus utilius, quàm ire per veterum annales, & compendio discere quibus viris, quibus artibus domi militiæque parandum, & augendum imperium sit? quid salutaris, quàm Rerum publicarum præcipites casus, conuersionesque regnorum inopinatas ex historia cognoscere, & quid fœdum incœptum, quid fœdum exitu possit esse, in aliorum exemplis intueri? Illa verò dicendi facultas animorum regina, quibus debeat potius quàm Regibus, quorum est in corpora, non in animorum arbitria voluntateque dominatus? Rectè quidem ille regendæ Reipublicæ gnarus historicus in Romanorum Principibus hanc laudem obseruatè notavit, cum inter eos, qui rerum potiti olim essent, primum extitisse Neronem dixit, qui necesse habuerit ad alienam facundiam habere perfugium. Scimus enim Dictatorem Cæsarem habitum summis oratoribus æmulum, in Augusto promptam & profluentem orationem, in Tiberio expendendorum etiam verborum artem, in Claudio meditatam eloquentiam minimè vulgarem, & peruagatam fuisse. Dialecticam vix audeo clara luce donare; cum non modo tetra insuauisque, verùm, ut cum Gellio dicam, incivilis etiam videri maxime soleat & incondita. Suppuderet inquam me, strigosam hanc & macilentam artem Regi perdiscendam proponere, nisi viderem Salomoni diuinitus electo, edoctoque

Tacit. 13.
Ann.Lib. 16.
cap. 8.

Principi

Principi etiam ex eo quæsitam esse præstantiam, quodd sermonum versutias apprime sciret, & dissolutiones argumentorum non ignoraret. Nihil de geometria, de geographia, totaque dimetiendi mundi ratione dicatur; quarum illa figuras Imperatori ad collocandum & dirigendum agmen suppeditat varias, hæc ad commercia cum exteris, ad bella cum hostibus, ad classes immittendas, ad deducendos & reducendos exercitus, ad tuendas res suas, ad inuadendas alienas, opportunitatem com monstrat, & facilem viam. Veniamus ad Physicam, physicarumque rerum historiam, quam nemo non ablegauit à Principe. Quid enim attinet, eum qui ciuitatibus annonam, & concordiam parat, animalium, stirpium, lapidum venari & conquirere naturam, dierum, nocturnumque curricula persequi, mundum ipsum cælestibus onustum corporibus, astrorumque ducentem choros, ventos, pluuias, turbines, elementorum coniuges illas copulas & alterna dissidia contemplari? Sed video tamen in Achillis clypeo cælatas,

Terræque tractusque maris, cælumque profundum,
Et cæta non unquam defessi lumina solis,
Et plena penitus coeuntia cornua luna,
Pleiadæque Hyadæque, & robustum Oriona:
Pinguis quin etiam ter arati ingera campi,
Fluminæque, Oceanique vagam reuolubilis undam.

Video in Elei Iouis eburneo folio plures insculptas animantium formas, ipsumque sedentem inibi Iouem pallio conuestitum aureo, florumque, ac stirpium omnium varietate distincto. Quæ profecto nihil indicant aliud, quam ne ipsa quidem physica eos ignorare debere, qui militibus ac populis imperio præsunt. Quis enim Imperatori copiarum sapienti clypeus aptior, quam qui geritur ab Achille, aut quæ vestis Principi rerum omnium scientissimo congruentior, quam quæ Ioui tribuitur Eleo? Enimvero vir ille bonus, ac minime malus, nec aspernabilis historicus Sozomenus Imperatori Theodosio, cui lucubrations inscripsit suas, Physicam iure optimo gratulatur, eundemque illo maxime nomine cum Salomone conferendum putat, quod naturas lapidum nosset, herbarumque ac stirpium omnium compertam haberet facultatem ac vim. Nullam adeo capitaliorem ab villo Tyranno sententiam credo prolatam esse, quam quæ Licinio placuit, cum ita pronunciauit: liberales artes nihil aliud esse, quam virus humani generis & publicam lucem. Quod enim a Rege quodam Hispaniæ mollius aliquanto, mitiusque dictum accepimus, viro Principi neque viles neque decoras & consentaneas literas esse, id verò damnauit satis Aragonius Alphonsus, cum clamitans ac repugnans haud dubitauit affirmare, vocem illam non hominis esse, sed bouis. In summa nemini non probatur illud Sapientis viri super mensam percelebre dictum, primum poculum ad sitim, secundum ad hilaritatem, tertium ad voluptatem, quartum ad insaniam pertinere; sed doctrinæ pateram longè multumque differre: hoc est quanto capaciorem, & crebriorem, tanto conficientiorem esse prudentiæ, atque ad sanitatem & sapientiam propiorem.

Ceterum haud ego tam intemperanter in Principe literas velim, ut illis, qui eundem illiteratum efflagitant: id dandum & concedendum esse non putem; multis sanè facultatibus, & doctrinis Regem carere minimo cum incommodo posse: satisque ac superexplere partes atque officium suum, si publicas instituat Academiæ, & Gymnasia, vbi rerum omnium proposita sit eruditio. quod ne ab ipso quidem Salomone prætermisum est; qui priuata & solitaria minime contentus institutione, domum ædificauit Sapientiæ publicam, columnasque septem, hoc est, septem columnis impositos excitauit suggestus, è quibus illæ septem liberales artes, ac disciplinæ confluenti populo traderentur. Quin aliqua sunt in vñu prope quotidiano posita, quibus tractandis aliorum opera vicaria sine vlla reprehensione præstò Principibus esse solet. Neque enim aliud, sublata iam Romanorum Republica Quæstoris officium fuit, quam id eloqui ac promulgare, quod Imperatores sentire cognosceret: ita prorsus, ut Quæstor lingua Principis & vox, armarium legum, thesaurus famæ publicæ diceretur.

Sap. 8. Ac
 vide Euseb.
 lib. 11. c. 1.
 Clemen.
 Alex. 1.
 Strom. in
 fin.

liad. 3.

In Proem.

Aurel. Viç.
 in Vit. Cō.
 stantini.

Panorm.

Apul. in
 Flor. 4. an-
 te fin.

Prou. 9. Pi-
 ned de reb.
 Salom.

Cassiod. lib.
 var. 6. c. 5.
 formul.
 Quæst.

Abul in 1.
Reg. c. 10.
Petr. in
lib. 1. Gen.
qu. 4.

In 3 Reg.
c. 4. fin.

Euseb. lib.
10 de prep.
Euangel.

Cap. 9.

Vna tamen est doctrina Morum, civilisque scientia, quam ipsum omnino per se tenere principem oporteat: nec ex omni mortalium numero quispiam inuenietur, qui hanc ei dare veniam audeat, ut alicui possit eiusmodi partes & munera demandare. Ad quem enim propriè, singularitèrque pertineat principalium cultus ac disciplina virtutum, nisi ad Principes, quorum peculiare & proprium sunt? Multos equidem & doctos & sapientes viros miror in eo deceptos esse, quod crediderint, vnam tantummodo civilem scientiam, hoc est Regi pernecessariam cognitionem, datam esse diuinitus Salomoni; qui tamen antecelluit doctrina Principibus Orientis solis, vniuersis; Phœnicibus nimirum, ac Sidonis, Ægyptiis, Babylonis, Chaldeis, aliisque cum astrologiæ, tum omnis sapientiæ maximè gnaris: nec vidisse quod in sacris illis monumentis obuium est, cum de omni quadrupedum genere, de volucribus, de piscibus, de arboribus, herbisque à Libani cedris exorsum, ad hyssopum vsque subnascens in pariete disputasse; tria denique parabolarum, & carminum quinque millia composuisse. Quin Tragediarum quoque, Comœdiarum, Satyrarumque perelegantem fuisse scriptorem Tostato concedendum esse dicerem, nisi scirem eo tempore nondum in usum venisse Theatri voluptatem, nec alios tum floruisse poetas, nisi quasdam Sibyllas, & eos, qui dicti Theologi sunt, nullo dramate, sed solis hymnis & simplici carmine nobilitatos. Admiratione me, inquam, afficit hæc istorum deceptio, sed non tamen ipsa causa deceptionis. In eam quippe discessere sententiam, quod viderent, ceteras artes haud magnopere Principi quærendas esse, Moralem autem ac civilem eidem sine piaculo deesse non posse. quod & verissimum est, & ab Aristotele in quinto libro de Repub. traditum. ubi quæstionem de præstantia Principis aggressus exoluere, in eo, qui diligendus est Rex, siue personam eius intuearis, siue populi rationem consideres, triplicem oportere ait excellentiam esse; beneficii, potentiae, virtutis, inprimisque iustitiæ. Quod enim ad populum attinet, primo quidem, quia solum ea bona perpendit, quæ commoditate sentiuntur & usu, quos liberales ac beneficos videt, eos in primis amat, eorumque potestati se facile subicit. deinde, quia credibile prorsus est, potentes ac nobiles viros impediri pudore, quo minus auarè aliquid, ac turpiter agant, multoque magis ad imperium idoneos esse, quam ceteros, eos sibi potissimum populus præponi cupit, & Reges esse libenti animo patitur. quia demum hominis iustitiam colentis ac boni viri proprium est rem potius publicam diligere, quam priuatam, hunc vnum ex omnibus excellentissimum imperioque dignissimum esse multitudo decernit. Quod verò ad ipsum pertinet Regem, tria velle debet ac sequi, ut ametur, ut plectat improbos ac maximè seditiosos, ut diligentissimè communi bono, ac publicæ commoditati prospiciat. At si beneficus sit, haud dubiè diligeretur: si potentia, & nobilitate præpolleat, tumultus facile tollet ac turbas: si virtute, inprimisque iustitia sit ornatus eximia, priuati boni causas ab animo suo procul exterminabit omnes, præstabitque se ciuitatis tutorem, curatorémque publicæ felicitatis. Videtis igitur in earum censu rerum, quæ Aristotelis iudicio Principem instruunt, scientiæ, quia minus est necessaria, mentionem esse nullam, virtutis ac præsertim iustitiæ longè plurimam. nimirum, quia inter omnia Regum ornamenta, atque præsidia primas obtinet partes, occupatque in ipso Principis animo principatum. Atque ut intelligamus, non eam hic commemorari iustitiam, ac virtutem, quæ solo usu, ac sine vlla doctrinæ confirmatione paratur, sed quæ certa ratione modoque traditur à philosophis, disputationem omnem ita conclusit Aristoteles. Sed omnium, quæ dicta iam sunt, id maximum haberi debet, quod plerique hoc tempore parui pendunt; naniūm ad Reipublicæ disciplinam erudiri. Nihil enim proderunt leges, nisi ciues per disciplinam Moribus idoneis instituantur. Vni, credo, sunt qui laudem hanc præripere nobis audeant Iurisperiti, quorum ars ad iustitiam, ceterasque virtutes ciuitati perutiles Magistratus ac Reges multo videtur aptius erudire posse, quam philosophia. Sed minimè suspicor, eos ignorare, Iurisperitiam nihil aliud, nisi Moralis, civilisque doctrinæ surculum quendam, atque propaginem esse; multoque videri satius ipsam trunci peruadere

medullam, quam ramos aut corticem leuiter attingere. Quod si aliquid apud ipsos est amplius in iudiciis ac foro tractandum à Philosophia non nihil abhorrens, illam ego partem esse dixerim, quæ facile possit ad alios allegari. Neque enim necesse est, Principem ipsum de tegulis atque imbricibus audire coram differenter opifices, aut, quod vnus facere poterat Salomon, mulierculas de suppositis altercantes euincere. Quamquam ne in his quidem diiudicandis, cum præsertim de æquo agitur ac bono, Iurisconsultis deterior philosophus sit: immò longè melior & prudentior esse comperietur, modò scientiam probè calleat suam, nec vllam partem prætermiserit ex iis, quibus huius disciplinæ tota ratio continetur. Quis enim æqui, bonique vim inspicere melius, quam philosophorum natio queat, à qua leges olim conditæ sunt, & traditæ Iurisconsultis? qui si suo se muneri satisfacere putant, quod leges tantum edificant, atque instar indicis alicuius ac syllabi memoria teneant, nulla sanè doctrina indigent, ac ne ingenio quidem aut vllò iudicio. Sin autem id demum esse Iurisprudentis intelligunt, peruidere legum sensa, legislatorisque consilium, hoc est, vt loquitur apud Vlpianum Celsus, æqui bonique sacerdotio fungi, enumerò coguntur ad Philosophiam, quæ leges & iura peperit, habere perfugium. Mentiar, nisi luculento vos exemplo tanquam arbitros aut disceptatores in rem præsentem adducam. Aulum Gellium Romanum ciuem, scriptorem Noctium Atticarum Traiano Imperatore, non literatorem modò, verum etiam officio Iudicem, professione Iurisconsultum fuisse satis intelligunt, qui non incuriosè lucubrationes hominis interdum legunt. Gellius adeo, à Prætoris Iudex aliquando delectus admodum adolescens, Masurij quidem Sabini, aliorumque nobilium ea tempestate Iurisperitorum commentariis exquisitè, ac nauiter edoctus, sed nondum per ætatem in ius versatus ambagibus, in quibus quoniam iura silent, conuicere necesse est & arbitrari. Sic, inquam, creatus iudex, in causæ cuiusdam ambiguitatem se venisse commemorat, ex qua tentare non prius ausus est exitum, quam Phauorinum Philosophum consulisset. Causa porro fuit huiusmodi: Apud hunc iudicem vir expertæ fidei omniumque sermonibus inculpatissimus integerrimusque pecuniam repetebat, quam tamen esse datam & numeratam exhibebat admodum doctebat argumentis, nec vt sollemnis est iudicij forma, vel expensilatione, vel mentationibus, aut exhibitione chirographi, aut tabularum obliigatione, aut testium intercessione demonstrabat. Repetebat autem ab homine non bonæ rei, mendacij & perfidiæ sæpe conuicto, moribusque ac vita vulgò probrosa detestatissimo. qui quoniam neque tabulis, neque consuetis in foro modis argueretur, dimitti se, aduersariumque de calumnia damnari oportere contendebat. Hic in vado Gellius hætere, atque inter sacrum, saxumque positus anxie cruciari, amicos adeo rogat in consilium, viros in patrociniis ac fori laboribus exercitatos, qui de causa diligenter edocti, cunctationem hominis irrident, nec sedendum diutius, nihilque dubium esse dicunt, quin protinus absolueudus sit is qui nulla solemnī probatione conuinceretur. Neque enim illam causam esse de Moribus apud Censorem, sed apud Iudicem de pecunia. Gellius tamen, quia religiosus erat & circumspectus, in summo iure latere veritus iniuriam, vel compendinato reo, vel die diffuso, ire pergit ad Philosophum Phauorinum, ei que de litigatoribus illis, vt res erat, exponit omnia. Tum Phauorinus, religionē hominis & sollicitudine comprobata, respondit vtendum esse consilio M. Catonis viri prudentissimi: qui in oratione pro L. Turio dixisset, ita maiorem institutis & moribus obseruatum, vt si quid inter duos actum esset, quod neque tabulis, neque testibus fieri planum posset, apud iudicem quereretur, vter ex iis melior esset: ac si pares essent, siue boni, siue mali, ei prorsus vnde res peteretur, haberetur fides. Nunc autem quoniam is, qui petebat, optimus erat, is vnde petebatur deterrimus, cum damnandum esse censebat, vnde petebatur. Scio reprehensionem patere posse responsum philosophi, qui Iudici minime supremo sed secundo fuerit author, vt non summa iuris fastigia & literarum apices, sed vt æquum bonumque perquireret, structuraque Lesbæ normam ad moueri operi non suo. Verum ego sic censeo, itaque sapientissimi consultum hominis interpretor, cum voluisse quidem iudicari secundum illum, quem constabat esse sanctissimum,

sed non tamen absque Magistratus imperio, ac facultate; quam iudex & petere facile poterat, & impetrare. Quod quia Gellius efficere noluit, fecit quod proximum erat, ut illo se iudicatu abdicaret, & in ea causa confestim officio iudicis absolueretur. Sed nos tamen quoniam id inquirimus, philosophia ne, an Iurisprudencia Principi commodior ac melior sit, haud necesse habemus ad hanc arcem confugere. quamquam enim peccabat in eo Phauorinus, quod Iudici, qui partes agere secundas debet, imponeret primas, non tamen errabat in æquitate deprehendenda, quam philosophis Principibus in perlimili causa sequendam putabat, nec audiendos esse Iurisconsultos illos, qui in summo iure summam crucem innocentia propositam non extimescunt. Cum igitur & in alieno etiam artificio plurimum possit philosophorum ingenium, & publica gubernationi facile se conciliet eruditio, & ipsa, quod caput est, civilis vita, morumque scientia Regem faciat optimum, quotus quisque non videt, Ethicam, Politicamque ceteris nominibus angustè laudari, malignèque, hoc vno, satis amplè cumulatèque prædicari? Quid enim est aliud dare populis ornatum, instructumque partibus suis moderatorem Regem, quàm ciuitatibus impertiri beatitudinem illam, ac quietem, cuius causa coaluere intra mœnia mortales, passique se sunt arctissimo legum sepimento circumdari? Sed tamen adhuc hominum animis opinionem semel informatam hæere video, sentientium de literis haud magnificè, ac ne philosophis quidem moralibus permittendam esse Rempublicam existimantium. Extergere conabor hanc nebulam educendâ demum in apertum atque in lucem tam obdurati iudicij causâ. qua proposita, aut litem obtinuissè me credam, aut deposita spe atque consilio perorabo.

In orat.
mea 1. to. 1.
p. 41. ex
Valer. alif-
que.

Quantum assequor animo, duo Philosophorum genera fecerunt, ut doctrina tam malè apud istos audiret, atque à Rerumpublicarum administratione depelleretur. vnum eorum, qui philosophiam intemperanter amplexi, vel pecuniam ex patrimonio redactam prouiciebant in mare, vel sua sibi manu oculos extirpabant, vel oculis ipsis in cælum continenter affixis obuias prolabeantur in fossas, vel à sensibus alienati nullum iam ampliùs super mensam capiebant cibum, nisi quem velut ex insidiis ipsæ coniuges oggerebant in os, vel in mathematico puluere detenti, imminentem hostem non sentiebant à tergo, vel ciuilitatem omnem, ipsamque funditus humanitatem exosi, solitarios petebant saltus, atque in ferarum latibula penetrabant. quos quidem & ego ex albo philosophorum dispungendos arbitror, & Plato ipse nullam oppidò Reipublicæ partem attingere patereetur. Magistrum enim Socratem audiuerat, sæpe commemorantem, se in siluis aliquando istorum exempla secutum habitasse: sed cum ibi nullam è stirpibus illis ac plantis ad ea, quæ ipse percontabatur vnquam sibi respondentem vidisset, ex templo domum eam cum opinione reuenisse; qui agerent in siluis, illos profectò non cum belluis modò, sed cum truncis etiam, atque stipitibus esse conferendos. Alterum eorum est, qui à studio philosophiæ ad gubernacula ciuitatum admoti, crudelius, auariùsque creditos sibi populos habuere, quàm si ex vltima barbarie fuissent ad imperium euocati. Nota est Athenionis Peripatetici Mithridatico bello in Athenienses immanitas, nota Critia Socratis eruditi sermonibus & doctrina, nota demum, ut ceteros sileam, Aristonis amœnissimis Epicureorum disputationibus innutriti asperitas inhumana. quæ quidem ego non modò vera esse profiteor, sed id præterea confirmo, septem illos Græciæ sapientes Tyrannidem singulos in publica procuratione ferociter exercuisse. Non tamen hinc consequens esse debet, omnes omnino philosophos inclementes esse, ac regendis ciuitatibus importunos. Quid enim iniquius, quàm priuatorum vitia velle communicata cum omnibus, aut quæ aliqui peccarunt philosophi, ea tribuere philosophiæ? Isiacum non facit linostolia, nec barba philosophum, antiquum olim prouerbum fuit, in eos inuentum, qui philosophi appellationem habitumque spurcis moribus inquinarent. Ex quo genere cum ad Herodem Atticum Consularem virum & amœnè facundum venisset quidam benè crinitus ac palliatus, barbæque ad umbilicum vsque promissa, stipem, atque ad panem coëmendum xs procaciter & imperanti similis efflagitauit; rogat hominè Herodes quisnam ille esset. in quem (quoniam re ipsa erraticus erat, & fordentium ganearum incola, sed barba tenuis an nomine philosophus) fastidiosè atque insolenter intuitus, minaci propè vultu, sonitûque vocis obiurgatorio Philosophum

Cæl. Rhod.
l. 23. c. 21.

Ex Plut.
Rhodigin.
l. 5. c. 12.

Gell. l. 9.
cap. 2.

se esse responderet, mirarique, cum id quod oculis videret, interrogatione superuacanea sibi querendum putasset. Video, suscipit Herodes barbam, & pallium, sed philosophum oppidò nondum video: haud dubiè significans, histriones potius esse philosophiæ, quàm philosophos, qui vitæ malis institutis ab appellatione illa tam honorifica disident. Quis igitur eos verè philosophos habendos, ac dicendos putet, qui populis & Reipub. præpositi sub integumento sapientiæ Buliridis animum, crudelitatemque Phalaridis obtendebant? Neque enim id Philosophiæ cautum vniquam fuit, quod sibi cautum edicto voluit Alexander, cum vetuit imaginem suam ab alio, quàm à Polycleto ære duci, ab alio cælari quàm à Pyrgotele, ab alio quàm ab Apelle coloribus illini. sed vnicuique licitum semper fuit tam augustam sibi personam ac faciem sumere, nec vlla lege vetitum est, eodem pallio regi cadaucera, eodem Philosophos amiciri.





IN LIBROS
ARISTOTELIS
DE MORIBVS
AD NICOMACHVM
PROLEGOMENON PRIMVM.



ON vnus est Honoratus Seruus, qui iubeat librorum interpretes præfari quidam initio, quæ Prolegomena iam appellamus; sed Seuerinus quoque Boethius, grauis oppidò Philosophus eos ab officio magistros mouere non dubitat, qui sine certarum quarundam præfatione rerum ad scriptores interpretandos aggrediuntur. Ea porro, quæ præfari, ac præloqui nos iubent, hæc ferme sunt. Quid sibi velit operis Inscriptio. quæ sit eius materia, quis finis. an illius verè sit Auctoris, cuius nomine circumfertur.

Vt aliqua delibemus in singulis, ordior à primo: cùm ea disputatio de operis Inscriptioe idcirco anteferenda sit omnibus, quòd incurrat in oculos omnium prima.

Inscriptio igitur est, Ἡθικῶν Νικομαχείου βιβλία δέκα. Ethicorum Nicomachiorum libri decem. siue, Moralium libri decem ad Nicomachum.

Quinque nobis enumerat Nicomachos in præclaro illo Nomenclatore Suidas. Primum Machaonis filium facit, Æsculapij nepotem: qui scripsit de Medicina libros sex, vnum de philosophia. Secundum, poetam Tragicum fuisse confirmat Alexandrinum: qui fecit Tragedias vndecim. Tertium item Tragicum artificio, domo Atheniensem: qui Euripidem, & Theognidem in poetico certamine superauit: non illum quidem, qui scripsit Sententias, sed alterum Tragicum, cuius mentionem facit idem Suid. in v. Θέογνις. Quartum Aristotelis patrem. Quintum eiusdem Aristotelis filium: qui Commentarios etiam scripsit in Physicam Patris.

Ad hunc ergo Nicomachum filium scribuntur hi libri: quem susceperat Aristoteles ex Herpylide pellice, Pythiade coniuge iam vitâ functa: quæ filiam ei tantummodo reliquerat, puellam ætate tenerrimam. Inscriptiois verò causa ea fuit, quòd veteribus id esset propè solemne vniuersis, vt libros suos inscriberent, insigniréntque alicuius nomine, quem præ ceteris amicitia, vel sanguine coniunctum haberent, cuiusue conditioni, ac rationibus ipsi libri viderentur esse maximè accommodati. Id verò in Nicomachum cadit vtrumque. Nam & vnice diligebatur ab Aristotele, quòd vnicus esset; & nulla opportunior erat ei doctrina, quam quæ de moribus ageret, omnesque vitæ partes præceptis peculiaribus, ac propriis in-formaret.

Hæc autem Institutiones inscribit ἠθικῶν, Latine Moralia, & τὸ πρῶτον. quæ vox apud Græcos significat Morem. vt intelligamns, horum decem librorum materiam, & argumentum proprium esse Mores, siue hominis Actiones liberas, aut virtutes

ipsas, quæ humanis continentur actionibus, quemadmodum Cicero docet in Officiis. Nos quippe Græcè, & Latine Mos, verè proprièque non conuenit nisi in animantes intelligentia prædita, & ratione. Quod si belluis etiam ipsis ratione carentibus interdum adscribitur, metaphoricè tunc, & translata mos appellatur ipsa bestiarum qualitas & natura, non propriè. In hanc enim sententiam locorum etiam dicimus Mores, cum eorum qualitates, ingenium, naturamque conamur exprimere.

*Ventus & varium calis prædiscere morem
Cura sit, ac patrios cultus, habitusque locorum;
Et quid quæque ferat regio, & quid quæque recuset.
Hic segetes, illic veniant felicius vna.
Arboris fetus alibi, atque iniussa virescunt
Gramina. nonne vides croceos ut Tmolus odores,
India mittit ebur, molles sua thura Sabas?
At Chalybes nudi ferrum, virosque Pontus
Castorea, Eliadum palmas Epiros equarum?*

Quin de ipso quoque homine cum loquimur, non semper ei propriè morem attribuiamus. ut cum iis etiam, quæ pertinent ad corpus, Moris nomen accominodamus, quod tantummodo congruit animo, quale illud apud Virgilium legimus,

Virginibus Tyriis mos est gestare pharetram.

& illud in Ciceronis Hortensio: In morem Saluum. Adde quod ipsi quoque animo morem tribuere translata possumus: si, cum mores dicimus, ipsa virtutum quali semina intelligamus, propensionemque naturæ, quæ illum parandis, alendisque virtutibus accommodatissimum fecit. Quare placuit nonnullis, à bestiis auocatos & contractos in homine mores bipartito diuidere; in physicos aut insitos natura, & in eos, qui assuetudine per habitum inolescunt. Physicos enim haud dubiè intelligi voluit Aristoteles in horum Moraliū lib. 6. cap. postremo, cum dixit ex conuersione Lambini: Singuli Mores in omnibus hominibus quodammodo videntur inesse natura. nam ad Iusticiam, Temperantiam, Fortitudinem, ceterasque virtutes apti, atque habiles sumus, cum primū nascimur. Atque ita Galenum etiam ipsum interpreteris: qui dicere non dubitauit; Mores sequi corporum temperamentum. quia nimirum ipsum efficit temperamentum, ut variis contrahendis Moribus, parandisque virtutibus, alij sint alijs aptiores. Hos Mores insitos, atque has propensiones Latini scriptores appellare videntur Indolem & Ingenium; inprimisque Cicero; qui locum ex Phædro Platonis, ubi ea naturæ semina, radicisque virtutum dicuntur Mores, Latine sic reddidit, ut Indolem Ingeniumque maluerit dicere. Immo verò sapissimè huiusmodi mores innatos, igniculos & semina vocat naturæ, homini propterea data, ut tandem aliquando nascantur & erumpant in flammam. Hoc, inquam, etiam nomen animo tributum ipsi, improprium tamen est, atque translatum.

Propriè quippe mores illi dicuntur, qui usu quodam, atque assuetudine comparantur. Itaque docuit Aristoteles in horum secundo Moral. cap. primo τὸ κατὰ φύσιν, hoc est ab usu, & consuetudine natum hoc esse vocabulum. Ceterum quia in his etiam moribus assuetudine comparatis duo sunt; externa illa, quæ ab assuetudine prodit actio, & intima quædam, quæ relinquitur in animo qualitas, atque habitudo, id etiam addendum est, propriè morem esse habitum illum impressum, atque inolitum penitus in animo. qui quoniam æquabilis, & constans est, facitque, ut nullo negotio ab eo existentes actiones exerceamus, altera vulgò dicitur ab omnibus, atque appellatur natura.

Itaque, ut omnia colligamus quæ sunt hoc loco dispersè proposita, quinque videntur esse moris crymologiae ac notiones, improprie quatuor, vna tantummodo propria. Prima quidem, eaque maximè impropria est, quæ cuiusque rei naturam, & qualitates adumbrat, caditque non in animantes modò rationis expertes, sed in ipsas quoque regiones, & loca, quibus certæ quædam tributæ sint à natura dotes: quas cum vno comprehendere nomine volumus, morem dicimus, & ingenium loci. Secunda minùs impropria est, quæ homini tantummodo moris nomen attribuit, sed corporis tamen etiam qualitates amplectitur. Tertia etiam superiore minùs impropria est, quæ animum quidem solū eo nomine contingit: sed in animo mores appellat capacitatem ipsam, propensionemque naturæ moribus comparandis

idoneam. Quarta proximè accedens ad propriam, qualitates sanè assuetudine paratas exprimit, sed vnà cum actionibus ab assuetudine prodeuntibus ipsum quoque coniungit intimum habitum animi: qui earum est actionum omnium caput ac fons. Quinta demum est maximè propria: hoc est ea, quæ Moris nomen sic in angustum adducit, vt intimam illam tantum significet habitudinem animi, cuius beneficio tam facillè aliquid agimus, vt id non vsu perficere, sed inductione naturæ agere videamur.

Verùm alia quoque potest ad extremum designari morum habitumque partitio: quæ facillè consilium exponat Aristotelis, nobisque materiam horum librorum aperiat propriam. Hæc verò diuisio est eiusmodi, vt Mores hosce propriè dictos in bonos improbosque partiatur. Cùm enim ab actionibus humani animi liberis procreentur, actiones autem singulorum liberæ cum vitio vel virtute coniunctæ necessariò sint, fit, vt nulli certorum hominum Mores esse queant, qui virtutem vitiumve vsu contractum, inductumque diuturnitate non habeant.

Vt igitur aliquando tandem aperiam quorsum hæc à me disputata sic sunt, alterumque genus attingam exiis, quæ Disputationis initio proposuimus, illud postremò dico, cum Aristotelis Indicem, titulumque de Moribus, id sibi velle: Horum librorum materiam esse Mores hominis, & eos, qui sunt in animo non natura inditi, & tanquam in stirpe conditi, sed vsu iam & consuetudine partiti, nec eos, qui in externis positi sunt actionibus, sed qui penitus hærent, & continentur in animo, non qui ab improbitate ac vitio, sed qui à virtute ac recta ratione proficiuntur. Itaque Mores hosce sic seiunctos à ceteris, virtutes dicere Morales possumus, quæ hominis actiones instituunt, & vitam informant humanam, vt nihil agat moliaturve, quod rectæ rationi contrarium sit. Vitia quippe sic intuetur & tractat hæc disciplina, quemadmodum medicus morbos cognoscit & venena per accidens.

Hinc adeo consequens est, vt appositè, ac materiæ congruenter hæc scientia dicatur Ethice, hoc est, Doctrina moralis. Significatur enim eo nomine, esse speciem actuosæ philosophiæ, quæ ab Aristotele sæpenuerò scientia Ciuilis appellatur, atque in partes diuiditur omnino tres: in eam, quæ de moribus agit, hoc est de principis vniuersæ felicitatis, deque ceterarum partium fundamento: in eam, quæ ciuitates, ac Respublicas legibus & gubernatione moderatur: in eam, quæ familiam, & rem ipsam familiarem domestica disciplina procurat, ac temperat. Rectè quippe vniuersa philosophia, quæ in actione consistit, communi nomine Ciuilis appellatur; quia tota dirigitur ad bonum vniuersæ ciuitatis, cuius tum familiæ, tum singuli partes sunt. Nihilò tamen minùs hoc nomen communè sæpè contrahitur ad hanc nostram, quæ dicitur Ethice, significandam. contraque hæc ipsa, quæ nominatur Ethice, ac Morum doctrina, Ciuilis plerumque vocatur, appellatione communis: quia facultate, ac virtute Philosophiam actuosam, quæ *πραγμα* dicitur, continet vniuersam; vt ipse docet Arist. paulò post initium primi libri Magnorum Moralium, & in proœmio Nicomachiorum, cùm ait, summi boni tractationem ad Ciuilem, hoc est, ad hanc Practicæ philosophiæ partem, quam habemus in manibus, pertinere. Quin id etiam de hac appellatione tam ambigua verissimum est, totam philosophiam practicam tribus partibus comprehensam interdum dici moralem. quia vniuersa pendet ex hominum More, atque ad humanos componendos Mores singulis in partibus est iustituta.

Sequitur, vt de fine dicamus. quem plerique volunt esse Moralem perfectionem vnius hominis, ac solitariè viuentis. vt hanc nimirum partem actuosæ philosophiæ secernant à ceteris, quæ virtutum præcepta pluribus tradunt, vel in familia & domo, vel in Republica, & ciuitate degentibus. Sed crediderim Aristoteli propolitam hic esse perfectionem humanarum actionum in genere Moris vniuersè; & præceptiones communes hic omnibus dari, non priuatæ vitæ, aut hominibus solitariis. Fateor tamen hinc duci etiam posse rationem perficiendæ solitariæ vitæ: quia traduntur in hac doctrina præcepta communia. Sed aliud est, hæc præcepta accommodari posse aliqua ex parte etiam solitariis, aliud hoc vnum Aristotelem agere voluisse in libris de Moribus, vt à societate seiunctos homines & solitarios institueret. Hic, inquam, mihi videtur esse proximus huius doctrinæ finis; humanarum actionum perfectio Moralis. Nam ad extremum refertur hæc tota facultas in ciuilem felicitatem: cuius gratia de actionum perfectione, siue de virtutis actione perfecta hic disputatur.

Ex hoc sine planius intelligere possumus quod antè breuiter indicauimus, totam huius disciplinæ materiam esse actiones hominis liberas, vniuersè perficiendas in genere Moris, hoc est, virtute informandas, & honestate. Ita enim facile seiungitur ab aliis practicæ philosophiæ partibus: quæ homines, non bonos simpliciter faciunt, sed accommodatos atque idoneos rei, vel publicæ, vel domesticæ procurandæ.

Restat, vt videamus, an hi libri verè sint Aristotelis, cuius in Indice præferunt nomen. id quod de omnibus penè huius Philosophi libris quæri ab interpretibus solet. Quærendi verò causas ait Ammonius esse tres à tribus petitis occasionibus, quas aliqui nacti erant idoneas ad comminiscendum aliquid in hoc genere, ac falsos libros supponendos pro veris. Prima est: quòd plures fuerint Aristoteles, præter hunc Stagyritam. Secunda: quòd multa multorum opera Peripareticorum eandem præferrent inscriptionem, quam præposuerat suis Aristoteles. Ipsi enim discipuli, Eudemus, Phantias, Theophrastus, præceptorem æmulati suum, eadem argumenta non dubitarunt attingere, quæ videbant ab illo summa cum approbatione fuisse tractata. Tertia: quòd Ptolemæus ille Philadelphus cùm Bibliothecam suam maximopere cuperet instruere omnibus omnino scriptis Aristotelis, magno pretio, ingentique pecunia eos ornabat, qui aliquos huius Philosophi libros ad se deferrent. Quæ res multorum excitauit auaritiam; vt indices affigerent falsos, & quæ verè non erant, Aristotelis esse scripta comminiscerentur. His accedere potest Quarta, quam nos à multiplici librorum Aristotelis clade repetemus: quæ fecit, vt multi perirent funditus, multi audacium hominum improbitate supponerentur. Clades, & ruinas hæc sit, atque his prope verbis nobis exponunt Plutarchus, & Strabo. Aristotelis, & Theophrasti scripta volumina longo tempore latuêrunt. Libros enim suos Aristoteles Theophrasto reliquerat. Theophrastus Heleo Scepsio, hic aliis hæredibus imperitis. Qui eosdem libros, ne venirent in manus Attalorum Regum eo tempore bibliothecam Pergami comparantium, humi primo defoderunt in scrobibus, deinde Apeliconi Teio vendiderunt. Apelicon igitur, qui librorum studiosior esset, quàm sapientiæ, cariola loca scriptoribus adhibitis ignaris, perperam emendauit. Post Apeliconis obitum, Sylla, cùm in eas regiones aduersus Mithridatem venisset Imperator, libros illos, sic, vt fuerant ab Apelicone vel correcti, vel peruersi, thecis, atque inuolucris obductos Romam deportauit, ac Tyrannioni Grammatico familiari suo disponendos, componendosque permisit. à quo cùm Andronicus Rhodius impetrasset exempla, populis omnibus euulgauit. Hæc igitur excidia, aliæque quas paulò antè produximus causæ faciunt, vt merito de singulorum librorum auctore germano quærat ab iis, qui Aristotelem interpretari aggrediuntur.

Sed qui hos decem de Moribus sunt explanaturi, causam habent eiusdem instituendæ quæstionis ampliorem. Sunt enim viri graues, cùm antiqui, tum noui quamplurimi, qui libros hosce Morales velint esse Nicomachi filij, non Aristotelis. Sed ego iustissimos ac peritissimos huius controuersię iudices volo Simplicium, Alexandrum, Eustratium, Aspasium, Michaëlem Ephesium, homines Græcos, qui Aristotelem auctorem in his libris è stylo tanquam ex vngue leonem agnouerunt. Singulis enim auctoritatis tantum tribuo, vt pronunciare satis habeam αὐτὸς ἔφη. Itaque pro Aristoteleis habendos censeo: nec eorum auctoritatem, qui contra sentiunt, infirmare difficile puto.

Ait enim Guarinus Veronensis; ab Aristotelis discipulo scriptos esse. Sed quia non dicit à quo, nec demonstrat, cur ab Aristotele sint abiudicandi, contemnendus videtur. Negligendi verò non sunt, qui dicunt esse Nicomachi. Nam videtur Cicero sic existimasse in libro 5. de fin. qui cùm vixerit eo tempore, quo ab Andronico Aristotelis libri sunt in publicum dati, potuit omnium maximè rem habere compertam ex veteri aliqua Inscriptione vel Indice. Habet etiam auctoritatis plurimum Atticus Platonius apud Eusebium Pamphili, in libro contra philosophos cap. tertio. vbi cùm Aristotelis proferre sententiam de felicitate veller, laudauit, nominauitque tantum Magna moralia: perinde ac si ea tantum esse putaret Aristotelis opera germana, cætera adulterina, atque supposita. Multo verò maiorem nobis exhibet difficultatem Diogenes Laërtius. qui cùm seriem & catalogum contexit librorum Aristotelis, nullam horum Moraliū fecit enumerando mentionem. Quin in vita Eudoxi philosophi apertè significat, se putare hos libros esse Nicomachi.

chi. Habet enim hæc plane verba. Ait verò Nicomachus Aristotelis, Eudoxum affirmare, summum bonum esse voluptatem. At hæc Eudoxi sententia ponitur in libro decimo, cap. primo, & secundo. Censet ergo Laërtius hos libros à Nicomacho filio, non ab Aristotele parente scriptos esse.

Sed tamen hæc haud multum obesse nostræ, hoc est, communi omnium sententiæ possunt. Nam primò quidem Cicero ea de re dubitavit, nihil certi asserens, & explorati. Et quanquam suam exponit de controuersia illa sententiam, profert tamen etiam aliorum suspensiones, qui credebant, contra quam ipse dubitanter opinabatur, eos libros Aristotelis esse. Enumeratis enim variis de felicitate sententiis, opinionem laudaturus Aristotelis, loqui sic institit: Quare teneamus Aristotelem, & eius filium Nicomachum, cuius accuratè scripti de Moribus libri, dicuntur illi quidem esse Aristotelis: sed non video, cur non potuerit patri similis esse filius. Suspiciatur ergo verius ibi Cicero, quam aliquid certi pronunciat: & putasse illum aliquando Aristoteleos esse libros, quos ibi Nicomachi credit laborem ac studium, videntur Officiorum tria volumina demonstrare, quæ, Aristotelem fortassis imitatus, inscripsit filio. Atticus verò ille nominavit tantummodo Magna Moralia: sed cum nominavit, ostendit etiam alios esse præterea libros Aristotelis, qui De moribus inscriberentur. Sic enim apud Fufebium loquitur: Aristotelis verò hæc de re libri: in primis Magna Moralia &c. Nam qui dicit in primis, aut præsertim ostendit aliquid aliud esse præterea quam quod nominatum appellat. idque sic prorsus esse, vel ex eo possumus intelligere, quòd illa De felicitate sententia, quam Atticus ibi reprehendit, non in Magnis Moralibus solum est, sed in his etiam ad Nicomachum, infinitis propè locis exposita. De Laërtio respondeo: illos eum secutum auctores esse, quos Cicero quoque aliqua ex parte probauit. Sed Laërtio, cæterisque magna viris auctoritate alios oppono Græcos antè laudatos, Aristotelici styli atque sermonis apprimè gnaros, qui Morales ad Nicomachum libros Aristotelis, vt diximus, adiudicarunt. Eosdem testes tam locupletes oppono etiam Francisco Patritio, qui in libro quarto Tomi primi Discussionum Peripatet. hæc Moralia falsò Aristoteli fuisse adscripta, ex ipso conatur Aristotelis stylo demonstrare. Neque enim habere quicquam potest homo ceteroqui doctissimus, cur debeat cum Græcis illis aliqua ratione conferri. Rationes verò quas adiungit, haud erit difficile confutare. Profert enim tria ipsius Aristotelis testimonia: quorum nullum efficit planè id, quod efficere facile se posse arbitratur.

Primum est ex 2. Politicorum cap. primo. vbi ait Aristoteles, scriptum se reliquisse in libris de Moribus, Talione, siue æquali compensatione seruari Ciues, ac Ciuitates. At oppositum in horum Moraliū libro 5. pronunciat, affirmans, talione dirui, & euerti Respublicas. Sed non vidit homo lyncæus, in eodem capite paulò post, Aristotelem bipartitò diuidere talionem; ac dicere, talione ad proportionem redacta civilem contineri societatem: simplici verò talione, qua Rhadamanthus utebatur, euerti. Itaque in eo. cap. Aristoteles affirmat vtrumque. Improbat enim Rhadamanthi talionem simplicem, asperam, ac duram, quæ oculum pro oculo reperebat. probat talionem ad proportionem redactam, in qua clementior mitiorque iustitia est. Atque hanc ait se in libris de Moribus exposuisse, quod est verissimum.

Secundum testimonium petit ex lib. 7. Polit. cap. 13. vbi confirmat idem Arist. in libris de Moribus se declarasse, quemadmodum ad beatitudinem bona corporis & fortunæ pertineant. Id verò ait Patritius, in Moralibus ad Nicomachum omnino non esse. Sed fallitur, & excutit in luce clarissima. passim enim exponitur hic & illustratur ea de beatitudine bonisque fortunæ sententia. præsertim in lib. primo ac decimo: vbi de hoc argumento accuratè ac sedulo disputatur.

Tertium profert ex horum Moraliū libro 6. cap. 3. vbi scientiam ita definit Aristoteles: Est habitus demonstratiuus, & quæcumque adieciimus in Analyticis. At in Analyticis, inquit Patritius, non definiuit scientiam. ergo non est Aristoteles qui sic loquitur. Præstigia sunt hic opinor. In Analyticis enim Aristoteles non definit scientiam, sed scire. Ait enim scire esse rem per causam cognoscere. Mihi verò, qui definit scire Græcorum more, quibus infinitus modus est sæpe pro nomine, videtur definire scientiam. Quin apud Latinos etiam ea loquendi forma manauit. qualis illa Satyrici. Scire tuum nihil est. His Aristotelis testimonius addit ad extremum

Patritius rationem; qua demonstrare se prorsus, ac vincere posse putat, hos libros alienos esse, non Aristotelis. Subducit enim diligenter, atque subtiliter rationem temporum; ex eaque colligit, Nicomachum fuisse puerulum, ac satis ætate tene- rum, cum hæc Moralia scripta sunt: adeoque non esse verosimile, in eius elab- orata gratiam à patre fuisse, qui nondum posset per ætatem tam grauibz præ- ceptionibus institui. Sed respondeo: scripta fuisse tum, cum Nicomachus bene puer esset, ut accedente paulatim ætate, ubi tempus videretur opportunum, à Theophrasto vel ab alio, cui traditus esset in disciplinam ex testamento, iustis hisce præceptionibus informaretur.

*ALIQVOT ADVERSVS EA, QVÆ DE
materia huius disciplina sunt posita rationes, atque
argumenta diluuntur.*

PROLEGOMENON SECYNDVM.

DIXIMVS horum materiam librorum esse humanas actiones imbuen- das ac perficiendas honestate; ut viri boni simpliciter efficiamur. qui finis est huic doctrinæ proprius, ab aliarum partium seiunctus & sepa- ratus finibus; quæ vel familiæ, vel Ciuitati custodes bonos, governa- torisque suppeditant. Sed multa videntur obici contra posse: quo- rum aliqua hoc loco, aliqua in proximè consecutura disputatione confutabimus.

Primum ab auctoritate Sapientium ducitur, & quidem multorum, qui aliam his libris materiam designare videntur, dum toti Ciuili tribuunt & designant pro- sententiarum varietate variam. Videndum igitur est quid illi de totius Ciuilis ma- teria sentiant, ut intelligere possimus, quantum ab eorum opinione dissentiamus. Ita quippe de partis alicuius materia probè cognoscitur, si prius de totius doctri- næ materia statuatur. hæc enim in partis materia debet esse veluti genus.

Sunt igitur aliqui, qui totius scientiæ Ciuilis tres illas partes, de quibus sæpe di- ximus, complectentis, materiam faciant hominem. sed hominem ipsum variè con- trahunt, & quasi limitibus terminant. Nam D. Thom. in præem. Moralium Ci- uili doctrinæ materiam dedit Hominem, non quidem simpliciter, sed agentem vo- luntariè propter finem: Giraldus Odonis, Hominem liberum: alij, quorum magnus est numerus, Hominem ad beatitudinem natum, ac factum. alij, quorum princeps atque auctor est Zabarella in lib. 1. de natura logicæ cap. 15. hominem animale. Ducunt nimirum similitudinem à Medicina, cui corpus sanabile proponitur. sic enim medetur animo Moralis philosophia, quemadmodum illa corpori; adeoque ut homo sanabilis ei pro fine proponitur, ita huic animalis homo proponendus vide- tur. Alij propemodum omnes, volunt, Ciuilis vniuersæ doctrinæ materiam esse summum bonum, siue virtutem, siue felicitatem, quæ nomina voluntur eodem.

Vnus tantum est Auerroes, qui nostræ nobis sententiæ videtur auctor fuisse; ac verè fuit. Ait enim initio paraphrasis librorum de Repub. Platonis, materiam scien- tiæ Ciuilis esse res voluntarias, atque à nostro pendentes arbitrio, dum fiunt: qua- rum principia sint voluntas & electio. id quod iterum docet initio Physicorum, cum ait, Morum philosophiam de voluntariis actionibus agere. Quanquam enim dixit in cap. tertio libri primi Moralium, institutum & consilium earum disputationum esse gubernationem Ciuitatum, non tamen materiam tum designare propriam voluit, sed vltimum finem, quò tandem aliquando tota Moralis philosophia con- tendit.

His igitur enumeratis istorum opinionibus, ita video posse aliquem aduersum nos ratiocinari: E rebus tam multis ac variis, quas homines docti, ac Sapientes dicunt esse Ciuilis doctrinæ materiam, non potest ea decerpi, quam nos propriam esse di- ximus horum librorum. Si enim decerperetur ex iis, earum aliqua in ipsa contine- retur velut in specie genus. at nulla continetur: non homo, non summum bonum, non virtus, aut beatitudo, non alia. Ne illæ quidem res voluntariæ, quas est com-

mentus Auerroes, hac in nostra materia reperiuntur. ergo hæc nostra sententia dissentit ab omnibus.

Sed ego demonstrare posse me puto, istorum plerosque nostra cum opinione consentire. Quod antequam facere aggredior, Ciuilis vniuersæ materiam ex mea ipsius constitutam opinione primùm indicabo: deinde ponam aliqua velut explorata & certa, ex quibus intelligi possit, cur consentire cum aliis, ab aliis dissentire voluerimus. Materiam ergo totius philosophiæ Moralis esse censeo Actiones hominis publicas, honestate item publica perficiendas informandasque. Cur autem ita censeam facit Aristoteles. Ac primo quidem in proœmio Magnorum Moralium, ubi ait, totam philosophiam actuosam appellandam esse Ciuilem, non Moralem: & in ea tractanda sibi agendum esse de Moribus. At Mores humanæ sunt actiones, & quidem, si propriè loquendum sit, ut supra diximus, honestæ. Deinde in libro 6. Moral. cap. 8. ubi disertè pronunciat, Prudentiam, & Ciuilem scientiam eandem rem esse. At Prudentia in humanis versatur, definiturque Recta ratio agibilium, ac propterea honestum, & quod decet velut à Tribunali decernit. ergo in iisdem actionibus honestis moderandis ipsa quoque philosophia practica versabitur, & tota doctrina Ciuilis. Ceterum quia in materia totius scientiæ contineri debet, aut indicari aliqua pars subiuncta, ac præsertim ea, quæ princeps & præcipua est, dixi eiusmodi actiones quæ sunt Ciuilis doctrinæ materia, & honestatem, quæ illas informat esse publicas. Finis enim totius scientiæ est bonum & felicitas publica, cuius propria tradit præcepta pars illa, quæ Ciuitatibus & communi hominum societati moderatur. Non tamen idcirco coniungitur à me, confunditurque materia totius doctrinæ cum eius materia partis, quæ de Republica præcipit. huius enim materia Ciuilis est honestas, siue probitas Ciuium de quibus in hac communi nihil dicimus: sed publicum honestum, & quod publicè decet in designatione materiæ nominamus. Itaque si describere materiam librorum de Republica oporteret, dicerem sine dubio, esse humanas actiones informandas honestate Ciuili. quam sententiam Aristotelis esse puto: qui Politicæ materiam dixit esse Ciuitatem, hoc est honestatem virtutemque Ciuilem, cuius beneficio commune, publicumque Ciuitatis bonum comparatur; qui finis est vltimus, ad quem illa Ciuium honestas virtusque refertur, quæ Politicæ materia est. si designanda materia esset Oeconomice, dicerem item, easdem esse actiones humanas honestate perficiendas domestica ad familiare bonum, & domesticam parandam felicitatem. huc enim illa domus & familiæ perfectio contendit, cuius præcepta, Oeconomica, hoc est domestica familiarisque disciplina describit.

Possū ostendere præterea, hominis actiones esse materiam totius scientiæ Ciuilis, tum mea, tum Auerrois ratione pulcherrima: mea quidem; quia video Artium, & actuosarum disciplinarum eam esse materiam, quæ ab ipsis efficitur, perficiturque. ac in tota Ciuili scientia actiones perficiuntur humanæ: illæ igitur eiusdem materia sunt. Auerrois verò ratio est huiusmodi: Physica, & Metaphysica sic respondent rebus naturalibus ac diuinis, ut Ciuilis actionibus ciuilibus, & humanis. Sed physicæ res, quarum principium est natura, diuinæ, quarum principium est Deus, sunt Physicæ, Metaphysicæque materia; ergo scientiæ Ciuilis materia Ciuiles humanæque sunt actiones.

Hac exposita sententia de totius practicæ philosophiæ materia, quædam ponere necesse habeo, ex quibus ipsa intelligatur ratio, cur in huius doctrinæ Morum, quæ libris decem comprehenditur, designanda peculiari & propria, cum multis ego consentiam, qui videor ab iis in speciem dissentire.

Ponendum itaque est, me cum de horum librorum argumento hic disputo, non ideo abhorrere à subiecti nomine, quod barbarum hoc vocabulum putem (non enim id agimus in præsentia ut Latina Ciuitate donare velimus nomina, quæ tam honorificam appellationem funditus respuunt,) sed quòd practica scientia propriè subiectum habere non videatur. Quicquid enim intueretur, in eam intueretur & considerat gratiam, ut fiat: subiectum verò propriè illud est, in cuius contemplatione cogitantis animus & mens velut in fine ac termino conuiescit. Quare pro subiecto malui materiam dicere. quo nomine comprehendi video ea prorsus omnia, quæ tractantur in scientia practica, & ipsum etiam finem: cuiusmodi est in doctrina medendi valetudo, in Rhetoricis persuasio. sed tamen hæc quoque practicæ disciplinæ aliquod

aliquod videntur habere subiectum, à fine, ac ceteris quæ ab iis tractantur; omnino seiunctum; illi denique proportionem respondens, quod proprium est; & in quo scientia cognitionis contemplatioque, versatur. Huiusmodi enim est in artificio medendi corpus humanum, à valetudine, hoc est à fine, atque à medicamentorum tractatione separatum. Itaque in hanc sententiam dicere liceret, subiectum Ciuilis hominem esse, perfectionem humanarum actionum, vel honestatem earumdem esse finem. At ego de hoc Ciuilis subiecto primo remotoque laborare nolui, sed de subiecto, ac materia proxima, in qua scientiæ vis & studium immediatè ponitur, ut aliquid fiat. Id verò humana est actio, atque honestas, quam si velis appellare subiectum proximum, non repugnam. Quapropter frustra contendunt aduersum nos ij, qui hominem nobis obtrudunt pro materia doctrinæ Ciuilis. Hunc enim scimus quidem esse subiectum, sed subiectum primum remotamque materiam, de qua non disputamus.

Frustra etiam laborabunt qui vincere volent, beatitudinem, hoc est finem, esse materiam. Quia quanquam, ut dixi, sæpe finis scientiæ practicæ cum ipsa coniungitur, confunditurque materia, placuit tamen hic cum à materia secernere. Quod si copulatur etiam interdum à nobis, cum materiam designamus, copulatur ideo, ut materia distingui possit ab aliis ex relatione quadam ad finem peculiarem ac certum, ad quem ceteræ non referuntur. Ut cum dicimus totius doctrinæ Ciuilis materiam esse hominis actiones, honestatē perficiendas, propter bonum publicum, & beatitudinem communem; publicum bonum, & beatitudo communis haud pro materia ponitur, sed ut intelligas materiam illam secerari à materia ceterarum artium, & formarum etiam partiumque illi subiectarum, ex ea relatione ad publicum bonum communemque felicitatem.

Disputabunt demum, & conabuntur frustra qui aliquas à nobis in hac materia quam constituimus, requirent qualitates, affectionesque, quæ designari solent in subiecto primo, non in materia proxima. Nonnulla verò quæ materiam etiam proximam euertere possunt, non frustra requirent: sed facile satisfiet.

Ut si quarant subiectum proprietatum quæ demonstrantur in hac doctrinæ respondebimus, ipsas esse actiones humanas subiectum proximum atque immediatum; remotum verò & mediatum, hominem, cuius sunt actiones. Harum enim in hac doctrina demonstratur libertas, virtutis honestatisque capacitas, alia demum proprietates quæ legenti libros Aristotelis passim occurrunt.

Si quarant harum proprietatum, affectionumque principia, dicimus esse voluntatem hominis, & libertatem, consultationem, electionem, aliaque huiusmodi, quæ demonstrant homini ex recta ratione agenda esse omnia, præ ab eodem tempore articulo discedendum.

Quibus ita positis, ut aggrediamur aliquando nobiscum conciliare, in quorum sententia dissidere videbamur, ut dico: nos à S. Thomæ autoritate in hominis designatione materiæ non discessisse. Ut enim ipse Ciuilem scientiam versatæ sit in homine agente voluntariè propter finem, declarat tamen id prædictis, atque actiones à voluntate prodeuntes Ciuilis doctrinæ materiam esse. Multo verò magis ad Auerroem dissidemus. At enim disertè, voluntatis actiones & liberas easdem esse doctrinæ materiam. Quanquam enim nos de libertate nihil dicimus, cum materiam designamus, satis tamen id explicatum putamus in assumpto. Immo quippe actiones, nisi libere sint, hominis potius dicenda videntur esse, quam humanæ. Ab his, qui hominem animalem, aut ad beatitudinem factum volunt esse materiam, non dissentiunt, sed subiectum illi remotum significant, nos materiam proximam demonstramus.

Dissidemus autem prorsus ab iis, qui beatitudinem, aut virtutem perfectam, aut summum bonum materiam faciunt, quia confundunt finem sine materia. Vnde illi me enim dicitur finis in practicis esse similis obiecto scientiæ: propterea quod sic à fine sumitur earum distinctio, quemadmodum scientiæ perit ab obiecto: & quemadmodum obiectum scientiæ præcognoscitur esse, sic practica agnoscitur ac produci posse, animo ante & cogitatione præcipitur. Hæc nunquam veritas: sed ita tamen impropria est maxime loquendi forma, quæ finem pro materia nominat: actionem in practicis disciplinis: cum præferunt eas secernere ab aliis, facile enim ex ipsa materia nominatum propter relationem ad finem, qui est in Ciuilis facultate summum bonum, & quidem duplex: alterum in actionis positum, ut contemplationem

alterum. Illud enim finis proprius ac proximus est, hoc vltimus & remotus.

Ex his materiam horum librorum de Moribus eam esse, quam diximus, multo planissimè constat. Sequitur enim ex iis, quæ de tota doctrina disputata sic sunt, eorum materiam esse actiones humanas honestate perficiendas, ut boni viri absolute atque simpliciter efficiamur. quæ relatio hanc Ciuilis scientiæ formam se- iungit ac separat ab aliis; quia vir bonus simpliciter & absolute non est bonus Ciuis, neque bonus pater familias & Oeconomus, sed virtute ornatus ac probitate, nul- lis denique limitibus Politicæ vel Oeconomicae circumscriptus.

Hinc verò existit summa quædam difficultas, quia multorum iam opinione, Mo- rum doctrina libris hisce decem illigata referri debere videtur ad vnius perfectio- nem hominis & solitarij. Sit ergo

PROLEGOMENON TERTIVM.

*In quo Rationes aliquæ iis aduersantes, quæ de fine dicta
sunt, confutantur.*



VONIAM horum decem librorum, atque huius partis philosophiæ finem fecimus perfectionem, & probitatem hominum vniuersè, ne- cesse habemus exponere, cur id comuni totius scientiæ Ciuilis diuisioni non aduersetur. Triplicem enim omnes eam fecerunt. vnâ, quæ Græce *μοναχική* dicitur, Latine solitaria: Alteram, quæ Politica item Græcè vocatur, ac Latine Ciuilis. Tertiam, quæ appellatur Oeco- nomica Græco etiam vocabulo, atque à nobis Domestica dici potest: quia do- mus ac rei familiaris procuratione continetur. Sequitur nimirum ex iis, quæ nos de fine statuimus, vel hanc non esse diuisionem idoneam, vel ab Aristot. præteritam esse monasticam ac solitariam. Cum enim hæc morum scientia non instituat solitariam vitam, nec aliqua sit è reliquis duabus, quæ priuatim homi- nes erudiat, ut secum habitent ac vivant sibi, videtur esse consequens, hanc partem quæ monastica dicitur, in Aristotelis Ciuili Philosophia desiderari. Vi- dendum igitur est primo, num practica philosophiæ diuisio iusta sit in Monasti- cam, Oeconomicam, & Politicam. deinde: an Aristoteles præterierit monasticam: siue, quod idem est, num in libris Moralium ad Nicom. præceptiones nominatim tradat de solitaria.

Dico itaque primum, Ciuilem vniuersam rectè diuidi tres illas in partes, ac de singulis præcepta tradi à Philosophis optimè posse, si singulas vitæ partes instituere velint.

Prima ratio est S. Thomæ, qui tamen demonstrare contendit, Ethicam hanc Aristotelis institutionem esse vitæ solitariæ, generalem tamen & communem quandam affert rationem, quæ tripartitam illam diuisionem adprobet vniuersè, his penè verbis. Idonea & iusta huius philosophiæ diuisio petenda est ab eorum varietate hominum, quorum actiones dirigi possunt in finem ac perfici. At ho- rum triplex est ordo; singulorum, familiæ, multitudinis, seu cætus Politici in Ciuitate. Igitur ex horum moderatione, triplex philosophia, hoc est, Monasti- ca, Oeconomica, Politica fiet. Secunda ratio duci potest à fine, quod bonum est, ut sæpe diximus, atque felicitas. Sed triplex bonum est, ac triplex beatitudo, singulorum familiæ, Ciuitatis. Tertia à triplici cura, quam imposuit homini na- tura; erga se ipsum, erga familiam, erga Rempub. & Ciuitatem. tria enim hæc of- ficia triplicem postulant & requirunt philosophiam actuosam. Quarta à triplici vi- uendi modo, quem homines habent. est enim hæc doctrina de homine agente; hoc est, secundum rectam rationem viuente. Modi verò viuendi secundum rectam ra- tionem tres sunt, vnus solitarius, alter domesticus, tertius cum Republica commu- nis & Ciuilis. Quæ vitæ genera complexus est singula Cicero in proœmio libri primi Officiorum. Nam cum multa, inquit, sunt in Philosophiâ, & grauiâ, & vtilia accura- tè, copiosèque à Philosophis disputata, latissimè patere videntur ea, quæ de Officiis

tradita ab illis & præcepta sunt. Nulla enim vitæ pars neque publicis, neque priuatis, neque forensibus, neque domesticis in rebus, neque si tecum agas quid, neque si cum altero contrahas, vacare officio potest. Quinta reperetur à multorum exemplis, atque auctoritate philosophorum, qui vitam ab hominum societate omnino remotam alienamque, cum laudarunt verbis, tum optarunt etiam & elegerunt. Horum infinitum quoddam examen tibi proponit Petrarcha in libro secundo de Vita solitaria, sectione septima, cap. primo. Hi tales philosophi, inquit, qualem nec vnum digito monstrare, etsi multos mihi possum cogitatione fingere, si quos tamen vel nostra habet ætas, vel posteritas habitura est, nonne Vrbes fugient, & solitudines sectabuntur? De his enim qui fuerunt constat. Platonem interroga. credo Academiam suam laudatis multum præferet Athenis. Interroga Plotinum inter philosophiarum professores cum Platone principem, respondebit: Campanum sibi ocium de toto terrarum orbe sufficere. Percontare Pythagoram; dicet, se non modo solitudines amœnas, sed vastas etiam, & horrendas, & sæpe laboriosissimas peregrinationes in desertis regionibus vestigandæ veritatis studio quæsiuisse. Nam eius doctrinæ ac nominis successores Pythagoreos voluptatum procellis expositam frequentiam declinantes in solitudine, desertisque locis habitare solitos teste quoque Hieronymo certum est. Quare à Democrito; fatebitur, se sibi oculos eruisse, ut videret verum, & veri hostem populum non videret. Sciscitare Parmenidem & Atlanta; inuenies eos propria nomina his in quibus habitarunt montibus reliquisse. Ipse Prometheus, si veritas requiritur, non negabit hinc fuisse locum fabulæ, qua in Caucaſo religatus edacissimo vulturi rodendus exponitur, quod magna cum intentione animi incumbens totus indagini rerum arcanarum, quæ haud dubiè studiosum extenuat, montis illius solitudinem vsurpasset. Hæc aliæque ibi cumulat exempla Franciscus Petrar. ex quibus intelligere nos oportet aliquam esse philosophiæ practicæ partem, quæ vitam illam solitariam sapientissimorum hominum excoleret. neque enim ij naturalis philosophiæ studio ducebantur omnes in solitudinem: sed eorum plerique Morum doctrinam vel solùm, vel potissimum sectabantur: & qui naturæ vestigabant arcana, non sic, opinor, abditas rerum occultarum latebras rimabantur, ut animum suum ac se ipsos desertos penitus esse paterentur.

Vnus est Seneca, qui damnare solitudinem aliquo in loco videtur apud eundem Petrar. de Vita solitar. lib. primo, sectione 5. cap. 3. ubi ait omnia nobis mala solitudinem persuadere: alibique rursus adiungit ampliùs, in solitudine mala consilia agitari, cupiditates improbas ordinari, audaciam acui, irritari libidinem, iracundiam instigare. Sed hæc de solitudine Senecam non pronuntiasse simpliciter & vniuersè, vel ea demonstrant tam multa solitudinis elogia, quæ apud illum sunt in epistola 7. 10. & 69. Quid ergo tibi vult cum solitudinem improbat? id omnino quod ipse confirmat alio loco, cum dicit, stultis & iis, qui nondum cupiditates fregerunt ac vicerunt, sed ab iis sæpe vincuntur & distrahuntur, solitudinem esse periculosam & noxiam, adeoque sic dissuadendam, quemadmodum amentibus & perturbatis amentia ac perturbationum occasiones eripimus. Lugentem, inquit, timentemque custodire solemus, ne solitudine malè utatur. nemo est ex imprudentibus qui relinquere debeat sibi. Laudat ergo solitudinem Seneca, laudant ceteri. à quibus hæc iterum ad ea comprobanda, quæ sunt in manibus, proficisci ac manare ratio potest. Nemo Sapientium solitariam vitam non summo opere commendat. ergo aliquod intelligunt esse in illo vitæ genere peculiare bonum homini experendum. hoc autem aliqua inuestigare, ac procurare practicæ philosophiæ debet pars; cum totius doctrinæ finis sit hominis bonum. non debet nisi monastica: hæc igitur est etiam addenda, vridonea totius disciplinæ fiat & iusta partitio.

Nunc verò, quoniam appolitè tres illas in partes tota Cuius scientia tribuitur, quærendum est: an hoc planè modo diuisa ab Aristotele sit: seu, quod voluitur eodem: an hi libri Morales decem ad monasticam pertineant, & priuatam singulorum instituunt vitam, aut solitarios. Omnium propè video hanc esse sententiam: hos libros esse monasticæ disciplinæ. Ita quippe decernit S. Thom. sic Albertus Magnus, sic Eustratius, antiquus Interpres. qui distinctè, diserteque confirmat, materiam horum librorum esse correctionem, perfectionemque Mo-

rum vnius hominis. Nec auderem profectò ab horum doctrina desistere, nisi validæ me rationes, & aliquorum etiã grauis auctoritas, vt contra sentiam, permouerent.

Dico igitur hoc secundo loco, in libris ethicis ad Nicomachum non proponi præcepta monasticæ ac vitæ solitariæ propria. Quia si perpendamus, diligenterque consideremus ea, quæ in iis ab Aristotele disputantur, inueniemus esse communia cuiuscumque vitæ, non peculiaria priuatæ solitariæque præcepta. Agitur enim de summo bono, non quidem solitariæ vitæ proprio, sed cuiuscumque communi; de Prudentia, de Iustitia, de Fortitudine, de Magnificencia, de Liberalitate, de Eutrapelia: quæ virtutes hominum sunt in societate viuentium. Sic ergo rationem instituo: Non potest ea Morum doctrina solitarium hominem tantum erudire, quæ de bono, deque virtutibus agit homini necessariis, qui ciuem exigat vitam in humana societate. Sed in his Ethicorum libris de huiusmodi virtutibus & bono ex industria, consultoque disputatur: non sunt ergo priuati ac solitarij hominis institutiones.

Dicendum adedò putarim tertio loco, in his libris esse principia & fundamenta totius doctrinæ ciuilis, continerique communia præcepta cuiuslibet hominis vitæ, atque omnibus viuendi modis accommodata: ita tamen, vt nulli propria sint. Dux sunt, quæ rem ostendunt Rationes. Prima, Quia in omni scientia, in omni etiã arte declarari primùm oportet ea, quæ principia sunt & fundamenta vniuersæ doctrinæ. quod docet Aristot. in proœmio Physicorum text. 57. atque alibi sæpe. Igitur etiã in Ciuili, explicanda primùm sunt communia totius disciplinæ semina, & fundamenta. Secunda, In omnibus planè disciplinis, quarum finis est actio, dux sunt inter se distinctæ, ac separatæ partes, siue cognitiones, & qualitates: quarum altera theorica dicitur, altera practica. illa in rerum iudicio, ac principiorum indagatione; hæc in vsu, atque in agendo versatur. Igitur etiã in Ciuili hæc dux separatim designandæ, ac distinguendæ sunt partes. At prima non exponitur alibi, quàm in his libris, vbi nimirum principia sunt, & quasi semina totius disciplinæ sparguntur, quæ vniuersam in se continent velut in stirpe ac facultate Moralem. Altera explicatur in libris Oeconomicis & Politicis; vbi nimirum præcepta peculiaria sunt, ac propriæ leges vnicuique homini traditæ, qui degat in societate communi. Ipsemet hoc docet Aristoteles in lib. Moralium 10. cap. ultimo his planè verbis: Cùm ciuilis scientiæ finis, inquit, sit, non cognoscere, sed agere, non satis est perspectam & cognitam habere virtutem, nec satis est, communia quædam, & vniuersa præcepta cognoscere, sed ad singula, & peculiaria tandem aliquando deueniendum est. Indicat igitur, in his libris de Moribus, communia se tantùm exposuisse principia, hoc est ea, quæ theorica solum cognitione teneamus; in aliis adiunxisse illa peculiaria, quæ proferre debeamus in actum. id quod declarare pergit apertius similitudine quadam ab arte medendi petita. Nam, ne Medicinæ quidem, inquit, satis periti efficiuntur qui huic arti dant operam ex sola Commentariorum lectione: sed commemorare, & tradere conantur, non ipsa modò curationum genera, verùm etiã exponere, ac docere quibus remedus ægri sanandi sint, & quemadmodum facere medicinam oporteat, de vniuscuiusque habitudine corporis distinctè, ac distributè differentes. His profectò verbis comparat Aristoteles hos de Moribus libros arti & cognitioni medicorum theoricæ, quæ principia tantùm artis & fundamenta intuetur communia; reliquos, hoc est, Oeconomicos, & politicos eorundem cognitioni practicæ & actuosæ; quæ peculiaria & priuata singulis curandis morbis, componendisque medicamentis præcepta describit. Atque hoc sibi voluisse crediderim Antonium Bernardum Mirandulanum in libro de Honore, cùm dixit hos libros vniuersam continere philosophiam. si enim significare voluit, ceteros de Repub. & Oeconomica esse aduentitios, fallitur; cùm hi potius scripti propter illos sint, illisque subseruiant, & sternalt auditoribus viam, vt facilius intelligant quæ in Oeconomicis ac Politicis accuratissimè disputantur.

Dico tamen quartò Institutionem vnius hominis non fuisse ab Aristotele neglectam, atque omnino prætermittam. Primò quidem, quia in his libris fundamenta sunt, & semina eius virtutis, cuius est vnicuique homini quantumuis solitariè viuendi aliquis vsus. Non enim de virtutibus ad societatem pertinentibus ita dispu-

rat, quin ex iis præceptionibus tanquam ex fundamentis ac seminibus quibusdam ducere possit, quòd in rem suam conveniat is, qui priuatam agere velit ac solitariam vitam. Deinde, Quia etiam ipsa peculiaria præcepta, si minùs de industria, certè aliqua ratione sunt tradita in libris Politicorum: quibus facillè institui possit vnus, qui neque domi cum familia viuat, neque in oppidis aliquam partem Ciuitatis attingat. Singuli quippe homines sunt Reipublicæ partes. & quoniam is, qui totum informat, ipsas etiam necessariò erudit & informat partes, fit, vt cum in Politicis instituitur Ciuitas, singuli etiam Ciues instituuntur. Quare in fine libri 10. ait idem Aristoteles munus esse Legislatoris, ea, quæ ad puerorum institutionem attinent, accuratè studiosèque decernere. Quin eodem loco disertè confirmat, legibus, quæ conduntur & sunt à Politica, non modò plures homines & totam Ciuitatem institui, verùm etiam singulos nominatim. Verba hominis ita docentis hæc sunt: Neque verò refert verum his legibus vnus an plures erudiantur, quemadmodum neque in Musica, atque Institutionibus ceteris. Quòd si dicas, Aristotelem in lib. 5. Moral. cap. 2. docere, non eundem esse virum bonum ac bonum Ciuem, ex quo fiat, Politicam efficiere quidem singulos bonos ciues, sed non viros bonos; respondeo, Aristotelem ibi ea de re loqui dubitanter hoc modo. Sed disciplina cuiusque priuata, qua quisque absolutè vir bonus est, verum sit ciuilis scientiæ, an alterius facultatis, erit alibi disputandum. Non enim idem est fortasse vir bonus & bonus Ciuis.

Sed esto. decreuerit Aristoteles, virum bonum à bono Ciue differre, nec in Politicis esse disciplinam illam priuatam, quæ viros bonos efficiat singulos, sed bonos Ciues: dico tamen, institutionem vitæ priuatæ propriam esse in libris Moralium, quantum attinet ad fundamenta probitatis; sed quod attinet ad perfectionem, atque ad apicem eiusdem virtutis, esse in libris Politicorum. quorum beneficio Ciues, quia perfici debent, atque omnibus omnino virtutibus ornari, fiunt etiam absolutissimè perfectèque viri probi.

Ceterùm quia potest aliquis iure mirari, cur Aristoteles prætermiserit peculiare illas præceptiones quæ vitam cuiusque priuatam edocerent.

Dico ad extremum: duplicem esse vitæ solitariæ notionem, potest enim vita solitaria ea dici, cuius quidem virtutis vsus est tantummodo erga se ipsam, sed tamen, quia huiusmodi vita instituitur ob vitam ciuilem, ad eamque dirigitur, videtur esse primus quasi gradus socialis vitæ, ad quam ex sua ipsius institutione refertur, quin eiusdem vitæ socialis quoddam demum est adminiculum atque præsidium, cum idem idem ac subinde animus ab actione se recipiat in solitudinem; à solitudine regrediatur ad actum. Altera notio eius est vitæ solitariæ, quæ propter iucunditatem contemplationis experitur propter se, nec vllò modo à communem societatem refertur; qualis erat eorum philosophorum, qui rupes & loca deserta petebant, pecuniam ex patrimonio redactam proiciebant in mare, suo se iudicio excubabant. De prima illa vita præceptiones traditæ ab Aristotele sunt inchoatè quidem, seu fundamentaliter in libris Moralium ad Nicom. absolutè perfectèque in Politicis. non tamen ita, vt magis peculiare tradi non possint, sed sic, quemadmodum satis erat eius instituto Philosophi, qui socialem vitam perficere, non priuatam contenderet; & de virtutis actione perfecta qui finis intimus est doctrinæ Moralis, non de contemplatione, qui finis est extimus, ac remotus potissimùm agere veller. De altera verò nulla prorsus ipse præcepta descripsit. Neque enim ea, quæ de contemplatione dicuntur in decimo libro, in hanc tam solitariam vitam cadunt, abhorrentemque penitus ab humana societate; sed in primam illam, cui subseruit actio, & cetera felicitatis instrumenta: qualia sunt bona corporis & fortunæ. Hæc autem repudiat omnia & in sola contemplatione posita felicitatis absolutæ præsidia putat: nec ab eo contemplationis studio reuocatur vnquam ad Reipublicæ commoda procuranda. Causa verò, cur de huiusmodi vita nihil præcipiendo commemorarit, ea mihi videtur esse, quòd existimari, homines, qui vitam illam amarent, aut nullos esse, aut si qui forent, eos habendos esse vel pro belluis, vel pro Cælitibus ac Diis. Nam in lib. primo Polit. cap. 2. tribus ex causis fieri posse dixit, vt aliquis abhorreat à societate cõmuni, ac vita ciuili. Prima, quòd cū natura quadā, & ingenio prauo sint, omnes odio prosequatur homines: cuiusmodi erat ille Timon Atheniësis, qui propterea *μυσαίφρωνος* est appellatus; cuiusmodi sunt omnes insidiosi, malefici, ac

latrones qui frequentiam & multitudinem vitant. Secunda : quòd videat insigniter, ac præter ceteros, aduersa malignaque se premi fortuna : cuiusmodi sunt maxime pauperes & relegati. Tertia : quòd intelligat, sibi se satis esse, nec admittit in illo villo societatis egere. primos illos duos hominum ordines ait esse nequam, & belluas; tertium humano fastigio celsiorem, atque ad Heroas, & Deos ipsos accedere. Huiusmodi homines quos in hac tertia collocat classe, ait Cuiacius in Nouell. 6. eos esse, quos veteres nostri Anachoretas & Eremitas nominarunt: Antonios nimirum illos, Hilariones ac Paulos; cuiusmodi nunquam putauit futurum Aristoteles, cogitatione tamen informabat & animo.



ARGVMENTVM, ET PARTITIO primi Libri Moraliũ.

DE Felicitate, siue De fine humanarum actionum, qui felicitas est, hic liber describitur, quem placuit nonnullis Interpretum quatuor in partes distributa diuidere, quas ipsi tractatus appellarunt. In prima proponit Arist. hanc questionem, An felicitas siue finis ultimus actionum humanarum inueniatur aliquis, atque an homini parabilis sit. In secunda definit felicitatem, inquirens diligentissime, Quid ipsa sit, & quibus in rebus constituta. In tertia tres decidit profligatque questiones, & eas huiusmodi; Vndenam tanquam ex causa felicitas existat. Cuius nam sit felicitas, siue In quo velut in re subiecta reperiasur. Quo tempore dici verè possit esse felicitas; ante mortem ne, an in obitu ipso, an post mortem. In quarta demum de duplici questione decernit: quarum prima est. Quale bonum felicitas sit: altera, In quam animæ facultate consistat.





CAPVT PRIMVM.

DE BONI APPETITIONE OMNIVM *communi, deque finium varietate.*

SVMMA.

Ad bonum omnia ferri, plurésque rerum agendarum esse fines, quorum præstantissimus sit qui est postremus.

DIVISIO CAPITIS IN PARTES QVINQVE.

- 1 In rebus humanis aliquod bonum, & finis est, quò contendatur.
- 2 Multi quidem sunt fines, sed ex ipso alius alio melior est.
- 3 Variarum enim artium varii fines sunt.
- 4 Sed architectonica præstantior est.
- 5 Difficultas, & ex positis existens questio profligatur.

CAPITIS PRIMI PARS PRIMA.

Πᾶσα τέχνη, καὶ πᾶσα μέθοδος, ὁμοίως ὁρᾷ τὴν τελειότητα, καὶ θεωρεῖται, ἀγαθὸν πρὸς ἐφίεσθαι δοκεῖ. διὸ καὶ ἡ ἀρχιτεκτονικὴ ἀπεφάνητο τὸ ἀγαθόν, οὗ πάντες ἐφίεσθαι.

Omnis ars, omnisque doctrina, similiterque actio & electio bonum quoddam expetere videtur. Itaque præclare definierunt, bonum id esse, quod omnia expetunt.

EXPLANATIO.



DEMONSTRATVRVS Aristoteles in rebus humanis, hoc est in iis, quæ geruntur ab homine, aliquem esse finem, quò referantur omnia; quatuor initio comprehendit hominis quali motus, qui tendunt in finem; artem, doctrinam, actionem, electionem. ex quo efficiatur, & consequens sit, humana omnia finem expetere, atque in finem referri. Neque enim præter illos quatuor, alij motus humani sunt qui non referantur in finem. Duo quippe sunt, ut monet hoc loco S. Thom. humanorum actuum impellentia principia & fontes: intellectus, siue ratio, sensus, siue potius appetitus: vnde manant hæc quatuor veluti flumina, quæ commemorat Aristoteles, Ars, doctrina, actio, & electio. In intellectu enim distinguimus vim illam sui gratia cognoscentem; & alteram practicam, hoc est, aliorum quæ cognoscit omnia referentem. in appetitu secernimus eligentem animi facultatem, & exequentem. vnde ducta sunt barbara quidem, sed maxime significantia nomina intellectus speculativi & practici, appetitus electivi & executivi. Igitur ut omnes complectatur humanos actus è duobus illis capitibus effluentes, ait, omnem artem, omnem discendi rationem, hoc est, omnem doctrinam, omnem actionem, electionem omnem bonum quoddam appetere. Ars enim habitus est cum recta efficiens ratione, atque ex multis collectus experimentis, ut Eustratius docet: adeoque ab intellectu practico proficiscitur. Doctrina vero siue discendi ratio, Græce μέθοδος, est hoc loco scientia illa, quæ propriè dici solet contemplatio, ac propterea intellectus est speculativi. Electio motus animi quidam est, hominem impellens ad hoc potius, quam ad aliud eligendum: itaque appetitus est electivi.

Actio demum, siue actus, vt *ἡ πράξις* alij Latine hoc loco conuertunt, est motus animi, qui consequitur electionem, ac propterea nascitur ab appetitu executiuo. Cum igitur hæ quatuor hominis sint actiones vniuersæ, nec vllæ præterea inueniantur, vt demonstrauit ex duplici fonte, S. Thomas, efficitur id planissime apertissimeque, hominem, cum agit, aliquod semper bonum expetere, quia motus illi singuli actionesque referuntur ad bonum.

Colligit Albertus Magnus alio modo hanc actuum enumerationem, idoneam & iustam esse diuisionem. colligit autem ex his, quæ consideranda proponuntur doctrinæ Morali, hoc penè modo: Omne principium, quod in hac scientia Morali consideratur, aut dirigit, aut prosequitur. si dirigit, vel ad opus dirigit aliquod, vel ad verum; si ad verum, dirigit ad scientiam contemplantem. si ad opus: vel opus est ex eorum genere quæ fiunt, atque adeo dirigit ad artem, vel ex eorum quæ agi propriè dicuntur; atque ita dirigit ad scientiam actiuam, cuius actus est & electio. Quæ quidem Alberti ratio planè vincit, atque optima est, si præsertim ponamus vnum quod est verissimum: Moralem doctrinam institutam esse humanis actionibus vniuersis dirigendis, nec vllam esse, quam non dirigat & regat Moralis philosophia. hinc enim fit, quod initio sumit tanquam exploratum Albertus, vt omnia eius principia dirigentia sint.

Iacobus Faber Stapulensis idoneam & iustam enumerationem esse ostendit aliâ viâ: hoc est, ex triplici vitæ genere, quod Morali philosopho regendum proponitur & moderandum: sed voluitur eodem, nec à quadruplici D. Thomæ diuisione discedit. coniungit enim electionem cum actione. Triplex, inquit, est vitæ ratio: vna quidem efficiens & operaria, illorum propria, qui aliquo tuerentur opificio salutem suam: altera vero agens, vel actiuosa; cuius exercitatione viuunt ij, qui prudentiæ leges exquirunt, aliisque Moralibus virtutibus operam nauant. tertia est cōtemplationi rerum addicta, quam ij sequuntur ac tenent, qui scientiæ sapientiæque studia persequuntur. prima est infima, tertia summa, secunda media, & vtrique interiecta. Prima Deum imitatur rerum opificem vniuersarum: secunda eundem providentem, & consulentem rebus à se procreatis: tertia eundem à mortali concreatione sciundum, æternæque requiete, ac tranquillitate perfruentem. Primæ vitæ opera propriè dicuntur effectiones, & opificia: secundæ actus & electiones. tertiæ cognitiones, cōtemplationesque seipsum & sua ipsarum functione contentæ. Itaque cum Aristoteles artem nominat, ab operaria illa vita atque efficiente sumit initium: cum actum & electionem adiungit, gradum facit ad vitam agentem: cum denique doctrinam adnumerat ceteris, eam indicat vitam, quæ solitaria cōtemplatione continetur. Illud tamen est verissimum quod obseruare Donatus Acciaiolus admonuit: ordine præpostero fuisse ab Aristotele hos habitus enumeratos. Ari enim erat anteponenda doctrina; electio actioni. illa quidem; quia præstantior est: hæc, quia antecedit appetitum exequentem & actum.

Possunt hoc loco nonnulla contrâ obici, quæ depellere necesse est, antequam hinc abeamus. Primum ducitur ex eo, quod nos ita fidenter affirmauimus, doctrinam hic ab Aristotele positam esse pro scientia contemplante. Videtur enim alia omnia existimare optimus Interpretes Eustratius, qui causam inquit, cur ab Aristotele in illa enumeratione, præterita scientia sit: & nodum conatur ratione aliqua verisimili, quemadmodum fit in problematis, expedire. An quia scientia ipsa, inquit, non appetit bonum? Atqui quantò est arte præstantior, tantò bonum appetit & consequitur excellentius. An de scientia tacuit, quod hoc manifestum satis esset ex eo, quod si inferior appetit bonum, multò magis appetat superior? Pergit alias proferre causas & rationes probabiles Eustratius. sed non erat necesse laborem illum suscipere. est enim in Græco codice, *πᾶσα τέχνη, καὶ πᾶσα μέθοδος*. omnis ars, omnisque methodus. methodus autem apud Aristotelem, vt monet Obertus Gifanius, est sapientissime scientia & doctrina cōtemplans: cum multis aliis locis, tum verò maximè initio libri primi de Anima, libro primo Analyticorum poster. & libro primo de auditu. pro ratione verò docendi (id quod videtur propriè significare *μέθοδος*) ab Aristotele perrandè ponitur. eam enim appellat ipse libentiùs *πρόπαι*.

Secundo loco quæri solet, cur dixerit Aristoteles. videtur expetere, ac non potius expetit. Responderet idem Eustratius: id ab Aristotele sic factum esse, vt tam verum bonum, quam apparens & eumentum eo verbo comprehenderetur. Appetitio

quippe semper est boni: sed boni generalis, atque communis; quo fit ut sæpe fallatur, ac falsum concupiscat pro vero bono. adeoque dici non debuit omnem artem, doctrinam, &c. expetere bonum, sed videri bonum expetere.

Tertio id potest opponi. Ars aliqua tendit in malum: cuiusmodi est venefica, aliarque nonnullæ. non igitur omnis ars expetit bonum, ut dicitur ab Aristotele. Antequam respondeat huic rationi Burleus, definitionem artis ex Eustratio proponit huiusmodi: Est habitus multis collectus & comparatus experimentis, ad finem aliquem in vita utilem tendens. Qua definitione sic posita, confirmat, artes perniciosas atque maleficas non esse propriè artes; nec de huiusmodi artibus hic esse quicquam locutum Aristotelem. Addit, unum ab Eustratio doceri, quod apud illum ego nusquam reperi: sic nimirum artem propriè dici non debere eam, quæ bonum in finem non contendit, quemadmodum homo mortuus verè proprièque non dicitur homo. Sed omisso Eustratio, melius difficultatem hanc amolitur ipse de suo. Ait enim omnem artem tam propriam quàm impropiam, tam utilem quàm perniciosam appetere bonum, vel verum vel commentitium, & apparens. Is enim, qui mala etiam abutitur arte, quanquam re ipsa malum expetit, expetit tamen, quia malum illud putat & videt sibi utile aliquod bonum esse pariturum.

Ex his vniuersam & generalem boni definitionem elicit Aristoteles, adprobans eam, quæ tradita iam fuerat ab antiquis. Quapropter benè asseruerunt, id bonum esse quod expetunt omnia, inquit. Cur hæc definitio probanda sit, in questione postmodum proponenda videbimus. sed cur sequatur ex iis, quæ dicta sunt, hanc esse definitionem absolutam atque probabilem, videndum est in præsentia, quia non contemnenda ea dubitatio est. Quis enim Philosophum, non dico summum, sed gregalem & petitem à medio, sic ratiocinantem patiatur? Omnis ars, omnis doctrina, omnis actio, & electio bonum expetit, & aliquem finem; ergo omnia, etiam inanima & sensu carentia bonum appetunt. Et tamen id sibi vult Aristoteles, cum ita concludit. Qua propter, &c. Neque enim bona definitio veterum esset, nisi omnia finem appeterent: nec esset illa sermonis accommodata clausula, & consecutio ratiocinationis appositæ, nisi sequeretur ex eo, quod ars, doctrina, actio, & electio finem expetunt, omnia in finem & bonum suo quasi pondere ac gravitate contendere.

Dicunt aliqui, propterea esse contrahendam intra certos aliquos fines significationem eius vocis, Omnis, quæ alioqui est infinita. volunt aded, cum dicitur, Omnia bonum expetere, intelligi omnia cognoscentia, siue ratione & cognitione vrentia. Sed verat D. Thomas ita nos hunc locum interpretari, haud dubitanter affirmans, esse id etiam verè dicendum de iis, quæ cognitione carent, & ratione; cum naturali, atque insita quadam inductione in finem ferantur ac bonum. Quanquam enim bonum sibi congruens & consentaneum non agnoscunt, mouentur tamen ab intelligentia diuina cognoscente, & ea in finem ac bonum proprium dirigente; illo plane modo & ratione, qua sagitta dirigitur in propositum signum à iaculante. Hinc nimirum fit, ut elementa, & cetera intelligentiæ ac rationis expertia bonum suum, quod non agnoscunt, appetere verè dicantur. A qua forma loquendi non est reformidandum, ut reformidasse videretur Perionius, qui Latine reddit hoc loco; Ad bonum aliquod refertur, id quod Lambinus, Argyropolus, alique viri docti, atque intelligentes verterunt; Bonum aliquod appetere videtur. Non enim aliud verbum postulat à Latinis Græcum ἐπιθυμῶν, quod est appetere, vel desiderare. Quin M. ipse Tullius etiam de rebus inanimis & cognitione carentibus ita loquitur in lib. 2. fin. Bonum quid esset, fortasse definisses, aut quod esset natura appetendum, aut quod prodesset. Quæ Ciceronis definitio videtur esse ab hac Aristotelea decerpta: sed explanatur, & promittitur magis, addito naturæ nomine, quod significet, insito naturalique appetitu etiam res inanimas in bonum tendere, quod non agnoscunt. Planius hoc expressit in Orat. contra Rull. appetitum ipsi quoque victoriæ tribuens. In hac partitione ornatus, inquit, non plus victoria Marcelli populo Romano appetiuit, quàm humanitas. & in Tusculana prima: Si hæ duæ partes, vna ignea, altera animalis rectis lineis in cælestem locum subuolent, siue ipsa natura superiora appetente, siue quod à grauioribus leuiora natura repellantur, &c. Atque, ut aliquid dicamus etiam de rebus vegetante ac sentiente vrentibus vita, illud addo, quod in stirpibus, atque in mutis animantibus animaduerrere nos iubet Gualterus

Burleus. Videmus quippe, inquit, stirpes aliquas, ac plantas duas inter terras infossas, quarum altera pinguis & fecunda sit, altera efficta iam & prorsus emaciata, radices ad fertilem & bonam penitus agere, à sterili ac maligna recedere. videmus animantes & belluas, quantumuis feroces ac feras mansueri beneficio, quantumuis mansuetas & cicures maleficio efferi. Quid eius rei causa dicamus esse, nisi quod ipsæ quoque stirpes & rationis expertes animantes Intelligentia eas dirigente diuina expetunt bonum?

Rationem aliam huic persimilem & causam, cur hæc vel cognitione vel ratione carentia & bonum appetant, & bonum appetere dici ex quadam similitudine possint, proposuit nobis longè pulcherrimam Albertus Magnus in hunc planè modum ratiocinatus:

Deus, quanquam primum bonum est, quia tamen ipsum se non intelligit modò, verùm etiam diligit, vt est in metaphysicæ lib. 12. verissimè dicitur appetere bonum. à Deo tanquam à capite, ac fonte manantur quæ procreata atque effecta sunt vniuersa: quicquid autem efficitur, aliquam cum sua ipsius causa similitudinem habet, adeoque oportet omnia bona esse, cùm à primo illo bono decerpta & facta sint. Et quoniam efficiens causa quantum de forma dat, tantundem etiam impertitur ex iis, quæ formam consequuntur, vt docet Commentator in 8. lib. Physicorum; fit, vt quantum Deus de bonitate cum rebus à se procreatis communicat, tantundem etiam tribuat iisdem de consequentibus essentiam bonitatis. hæc autem tria sunt, similitudo cum primo bono: appetitus boni, siue ad bonum inductio quædam naturalis atque propensio; qualis in elementis & corporibus physicis esse cernitur, quæ insita quadam vi in loco sibi conuenientia & bona contendunt semper: motus denique ipse, atque in bonum itio ex illa rerum inclinatione ac propensione profecta. Faciunt igitur hæc tria, vt quicquid est in rerum vniuersitate, bonum appetere videatur: quia vel motum atque itionem in bonum, vel inductionem habet & propensionem ad bonum propter similitudinem illam quam à bonitatis fonte haustam esse diximus atque decerptam.

Hæc verissimè disputat ac docet Albertus, nec aliquid esse video quod contra pugnet. Sed qua ratione demonstratur hæc appetitio boni rebus omnibus etiam inanimis & sensu carentibus esse innata, ex eo quòd omnis ars, omnis doctrina, & electio ferantur in bonum? Ratiocinationem hanc Aristotelis varij vario modo concinnant, ac redigere conantur in formam.

Placet omnium maximè Stapulensis, eam hoc modo componens. Eorum, quæ in toto rerum procreatarum numero ponimus, quædam ab ipso primo bono proximè fluunt. atque hæc statum ordinem habent, certum, constantem, nec vlla ratione mutabilem. quædam à natura sunt, quæ secundum ordinationis obtinent locum. Nam quia natura constans, & sibi similis est, semper in bonum, nisi fortasse accidat impedimentum extrinsecus, insita propensione rapiuntur. quædam denique ab arte, à doctrina, ab electione, actu proficiunt, quæ omnium minimè ordinata sunt, & sibi constantia, quia ab humana ratione arbitrioque quæ inconstantia & mutabilia sunt, ordinationem suam & directionem accipiunt. Ex his ergo rectè id demum efficitur: vt si ars, doctrina, actus, & electio, quæ minus constantia & mutabilitati obnoxia sunt, bonum semper aliquod appetunt, cetera, quæ sunt constantiora, sibi que magis in agendo similia, multo maxime contendunt & nitantur in bonum. Quæ argumentandi & ratiocinandi ratio, non a parte transit ad totum, sed à minori progreditur ad maius.

CAPITIS PRIMI SECVNDA PARS.

Διαφορὰ δὲ τις φαίνεται τῶν πλῶν. τὰ μὲν γὰρ εἰσι ἐνέργειαι, τὰ δὲ πρὸς αὐτὰς ἔργα τινα. ὧν δὲ εἰσὶ τέλη τινα τῶν δὲ τὰς ἀρετὰς, ἐν πούταις βῆται πύκναι τῶν ἐνέργειων τὰ ἔργα.

Differentia verò aliqua videtur finium. Nam alij quidem sunt actiones, alij præter eas, opera quadam. At quorū sūt fines aliqui præter actiones, in his meliora natura sūt actionibus opera.

EXPLANATIO.

IN hac secunda parte aggreditur disputare de Finium varietate multiplici. sed quæret illicò aliquis, cur ita disputet, & quænam sit huiusce sermonis cum superiore continuatio; in quo nulla finis facta mentio est. Causam video esse; quòd bonum ac finis eadem planè res sunt, & quemadmodum vulgò iam dicimus, conuertuntur. Itaque qui dixerat, omnia bonum appetere, dixerat etiam illud, omnia expetere finem. Consequens igitur erat, ut de fine ageret: & quoniam finis varius est & multiformis, de ipsa quoque varietate finium explicaret. Id verò nunc agit, finem bipartitò diuidens, itaque pronuncians. Finium autem quædam videtur esse differentia, &c. Qui profectò locus vix eget interprete, ita planus & dilucidus est. Habet autem, quod explicatè docet Galen. initio Comment. de consti. art. med. ac notissimum nobis est; duplicem esse finem: quorum vnus ipsa sit actio, siue muneris functio, ita ut ea desinente, nihil præterea maneat quod factum sit: alter, qui præter actionem, aliquod etiam habeat opus, quod ipsa quoque iam actione præterita, relinquatur & maneat. Et quoniam Aristoteles in finibus eum inuenire ac designare contendit, qui omnium optimus sit, ea partitione iam facta, pergit fines ipsos inter se comparare: docetque, opus, quod remanet, esse perfectiorem ac præstabiliorem finem, quàm actionem. Fit enim sæpe, ut in agendo hi duo fines propositi sint agenti, actio; & quod actionem sequitur ac remanet, opus. id quod cernitur in ædificantibus ac molientibus aliquid. eorum enim finis ædificatio siue molitio est, & domus aut portus præterea qui ex ædificatione ac molitione producit. Hunc ergo postremum finem ait Aristoteles, esse præstantiorem primo. qui tamen non ita propriè finis est, nihilo tamen minùs sæpius dicitur finis. Rationem huiusce præstantiæ ex eo nobis ostendit D. Thomas, quòd res genita perfectior ac præstabilior generatione sit. Finis autem ille posterior genita res est; prior quædam quasi generatio atque inchoatio posterioris. Rectè igitur admonet hoc loco nos ex Linconiensis Gualterus Burleus: opus non esse ac dici ab Aristotele perfectius qualibet actione, sed ea nominatim, quæ ipsum opus, cum quo comparatur, antecesserit. Aliqua enim est actio, quæ quia sequitur opus, atque ex opere nascitur, ipso perfectior est opere. Melior quidem domus est quàm ædificatio, sed non est melior quàm habitatio, aut à noxiis rebus iniuriis-que defensio, cuius gratia eadem est domus ædificata. & virtus, siue virtutis habitus; melior est actione, à qua insitus in animo est: sed tamen actio, quæ ex habitu iam parato consequitur, est virtute præstantior & excellentior. Quare, ut in summa dicamus, opus actione melius & præstabilius est, sed actione opus antecedente, non consequente: consequens enim ipsius etiam est operis finis. Id verò fuit ideo nominatim cauendum; quia in artibus operariis, aut operosis tres notari ac distinguere videntur fines: proximus ac primus; qui artis est functio siue actio: secundus, qui opus ipsum est, quod existit ab actione: tertius; vnus operis, in cuius nimirum gratiam illud est factum: qui finis omnium perfectissimus est. Maneat ergo, ab Aristotele nihil hic dictum de actione illa, quæ in vsu consistit operis, sed de illa quæ opus efficit, atque in lucem id producit quod remanet post actionem.

Obiicit hic vnus Albertus, quod amoliri necesse est, antequam inuius partis interpretationem absoluamus. Obiicit autem aduersus eam actionem, quam Aristoteles dixit interdum esse finem, quòd nihil ex se proferat, nec vllum opus efficiat, aut relinquat post se. Sequeretur enim, inquit, eiusmodi actionem esse finem vltimum: quod falsum est. Nulla enim actio pro vltimo fine haberi potest, in quo esse quietem oportet, si vltimus sit. Actio quippe motus quidam esse videtur & via, finis autem meta est, & terminus actionis. Respondet Albertus ipse, ex Aristotele discrimen ac differentiam afferens inter actionem & motum. Actio enim nihil est aliud, nisi habitus agens: veluti lux lucens; atque ut eiusdem verbis utar, est operatio secundum naturam alicuius habitus; sicut lucis operatio est lucere. Itaque non est necesse actionem esse propter aliquid, quod nondum sit, aut habeatur. motus autem semper tendit ad id, quod nondum est, nec habetur. adeoque sit, ut eo nomine inter se differant, quòd actio inde manat, quòd motus contendit: motus eò fertur vnde manat & proficiscitur actio, ac propterea motus laborem habet, atque à perfectione distat; actio, quia perfectio habitus est, delectationem, & quæ

nascitur à delectatione, requietem habet. Vt ergo breuiter omnia comprehendamus; ipsius motus ea vis est & natura, vt ad aliquem habitum & formam gignendam inferendamve feratur; actionis non vis est vt ad aliam tendat & feratur formam, sed vt ab alia promanet ac sit. Quare non quilibet actio motus est, quod sumptim aduersarius: nec actionis ratio posita in eo est vt sit motus: cum motus propter imperfectionem necessario feratur in habitum, & generatim in terminum; actio sit operatio habitus, quæ non tendit vterius. Quod si actiones aliquæ sunt, quæ tendant vterius, illæ sunt motus, qualis est ædificatio: sed de iis nullus est sermo. proposita enim est ea nominatim actio, ex qua nihil relinquitur, aut fit.

CAPITIS PRIMI PARS TERTIA.

Πολλὰ δὲ ποιεῖται οὐτῶν, καὶ τεχνῶν, ὅτι ὁπλισμῶν, πολλὰ γὰρ καὶ τέλη. ἰατρικῆς μὲν γὰρ ὑγίεια. ναυπηγικῆς δὲ, πλοῖον. στρατηγικῆς δὲ, νίκη. οἰκονομικῆς δὲ, πλῆτος.

Cum autem multa actiones sint, & artes, & scientia, multi existunt etiam fines: medicina quidem valetudo; extructricis verò nanium, nauis; militaris, victoria; æconomica diuitia.

EXPLANATIO.

PERGIT in hac parte, quam tertiam facimus, id quod de finium varietate in proximè superiori inchoauerat, ampliùs explanare. Indicaueat enim leuiter, multos esse fines, cum dixit, aliquos esse operationes, alios opera, & quod ipsis operationibus sit. nunc de industria demonstrat, in rebus humanis non vnum tantum esse omnium finem, sed multos, quia plura sunt inter se varia atque distracta, quæ finem appetunt. Hæc verò ait esse, actiones, scientias, artes; quarum singulæ singulos appetunt fines; quia variæ sunt. Itaque sic videtur inductione ratiocinari. Vbi plura sunt quæ finem appetunt, plures etiam fines esse necesse est. At in rebus humanis multa profectò sunt quæ contendunt in finem: vt actiones, artes, disciplinæ. Igitur in rebus humanis multi fines ac varij sunt. Docet autem hæc & demonstrat ideo: vt intelligamus, tam fines illos qui positi sunt in operatione, quàm eos qui sunt operationum effecta multos, ac plures esse pro multitudine actionum, disciplinarum, aut artium appetentium finem. E multis enim finibus tandem aliquando quæret & inueniet optimum, hoc est felicitatem, id quod illi propositum singulariter est.

CAPITIS PRIMI QVARTA PARS.

Ὅσαι δὲ εἰσὶ τῶν ποιούντων, ὑπομίδου πρὸς ὁπλισμῶν καὶ ὁπλῶν τε καὶ ἰππικῶν, χαλιννοποιητικῆς, καὶ ὅσαι ἄλλαι τῶν ἰππικῶν ὀργανῶν εἰσὶν, αὐτῇ δὲ καὶ πᾶσα πολεμικὴ ποιεῖται ὑπομίδου στρατηγικῶν. πῶν αὐτῶν δὲ ἔργων ἄλλα ὑφ' ἑτέρας, ὅς ἐστι πάντας τὰς τῶν ἀρχιτεκτονικῶν τέλη, πάντων εἰσὶν ἀρετώτερα τῶν ὑφ' αὐτά. πρῶτον γὰρ χαλεπὸν καὶ καὶ διώκεται.

Quæcumque autem ex his sub vna aliqua facultate sunt (veluti sub equestri ea quæ franos facit, ceteræque aliæ, quæ equestrium instrumentorum sunt, ipsæque omnis bellica actio sub arte militari, eodémque modo aliæ sub aliis) in cunctis architectonicarum fines operabiliores sunt, quàm ij, qui ipsis subiiciuntur. Horum enim causa illi etiam expiuntur.

EXPLANATIO.

ILLA finium exposita multitudine ac varietate, quæ nascitur ab artibus omnino variis, & distractis inter se; ostendit in hac quarta Capitis parte, inter eosdem fines

exemplum finis; habitusque petit S. Thom. ab equestri, quæ superior est, & præstantior, quàm ea, quæ conficit fræna. At finis tamen equestris est operatio posita in equitando: conficientis frænum est opus remanens, id est, frænum ipsum. Exemplum posterioris petit idem ex medicina: cui subiuncta gymnastica est, corporis agitationem tempestiuam, & idonea quædam exercitamenta præscribens. Medicinæ finis est res ipsa, quæ fit, vt valetudo: gymnasticæ ipsa tantum exercitatio, quæ in operatione consistit. Hoc igitur ex Aristotele manere debet; non propterea subordinatos habitus inter se comparatos dici & haberi præstantiores, deterioresve, quòd fines propositos habeant superiores inferioresve; cuiusmodi sunt opus & operatio: sed eo nomine tantum & ex ea causâ, quòd eorum vnus imperat, alter subseruit, & operam nauat; aut aliquo alio modo subiacet vnus & pendet ab altero, alter præest, regit, moderatur, est, vt semel dicam, in suo genere atque ordine princeps. Itaque cum initio dictum est ab Aristotele, opus esse finem excellentiorem, quàm operationem, fines varij quidem, sed in eadem actione positi, sunt inter se comparati: vt ædificatio & domus, qui fines subordinati sunt inter se; sed eiusdem planè sunt actionis operatio & opus. Hic verò comparat fines diuersarum actionum, siue habituum; inter se tamen subordinatorum. cuiusmodi est equestris & conficiens fræna; gymnastica & medicina. Ratio autem, cur in eadem actione operatio sit imperfectior finis, ea est ex D. Thoma: quòd operatio veluti generatio quædam in gratiam operis instituatur & sit; opus autem ipsum est terminus, & res genita: quæ semper est sua generatione præstantior.

In habituum autem contentione & comparatione mutua longè aliter accidit. Nam quia semper inferiores superioribus, atque architectonicis subiiciuntur habitibus, semper imperfectiores sunt & deteriores: contrâque architectonica, principes hoc ipso sunt perfectiores & præstantiores, quòd alios habitus sibi subseruientes habeant tanquam accensos atque apparitores.

EPILOGVS.

1. *Omnia in bonum feruntur, atque in finem accommodatum & consentaneum sibi.*
2. *Sed fines multi sunt ac discrepant inter se: quia nonnulli sunt operationes ipsa, nihil post se relinquentes, aliqui sunt opera, & effecta ex operationibus existentia, siue post operationem permanentia.*
3. *Earum actionum, quarum præter operationem est finis opus permanens, opus præstantior est finis, imperfectior est operatio.*
4. *Quoniam multe res, artesque varia sunt, quæ finem expetunt suum, ac proprium, varij propter etiam artiumque varietate sunt fines.*
5. *Quod si artes hæc varia sub vna principe, atque architectonica contineantur, architectonica finis nobilior & præstantior est, quàm finis inferiorum, siue ille finis sit operatio, siue opus, & res per operationem effecta. Nihil autem vinceret, qui sic disputaret. operatio est finis imperfectior quàm opus. ergo artes architectonica quorum finis est operatio, finem habent imperfectiorem. nihil inquam vincitur: quia de huiusmodi operatione non loquutus est Aristot. cum hîc dixit operationem esse finem imperfectiorem, quàm opus. Fuit enim tunc sermo de operatione & opere eiusdem actionis aut habitus. hic de operatione atque opere distinctorum habituum, aut actionum. Frænum est finis eius artis, quæ subseruit equestri; equestris autem finis est equitanti.*

IN PRIMVM CAPVT LIBRI I.

QVÆSTIO PRIMA.

*De boni definitione, quam probat Aristoteles, An perfecta censeri debeat:
& cuius boni definitio sit.*

HORVM probauit definitionem Aristoteles, qui dixerunt, id bonum esse, quod ab omnibus omnino rebus expetitur. Quam definitionem censet Albertus à Stoicis acceptam esse: sed procul dubio fallitur. quia Zeno Citiciensis, Stoicæ auctor disciplinæ, paulo post Aristotelem, aut circa eadem tempora floruit. Illud verò dictum, & ea boni definitio fuisse videtur antiquior; ut ostendunt illa ipsa Aristotelis verba, definitionem ad præscos referentia. Quapropter benè definiunt, bonum id esse, &c. idque tam certum est, ut quamuis in Græco codice nulla præscorum mentio sit, Argyropolus tamen & Lambinus ita verterint. Quapropter bene verteret definitum, &c.

Vt ut illa se res habeat, de auctore laborandum quamminimè nobis est, sed videndum quammaximè quodnam, aut quale bonum ea definitione circumscribatur; ut deum intelligamus, an perfectum, & partibus omnibus absoluta sit. Sunt enim in ipso bono plures quasi gradus: de quorum singulis queri potest, an ea definitione comprehendantur. Academicus quippe hos ordines in bono statuerunt. Primo loco bonum posuerunt vniuersè. Secundo bonum primum, siue caput boni. Tertio ideam boni, cui succedit ratio & boni semen in anima. Quarto umbram boni refulgentis in materia. Quinto partes boni, quas esse dicunt bona rerum propria suis distincta generibus, & distributa per species. Sed Peripatetici, quia explodunt ideas, tantum illud bonum cum secundo coniungunt; & satis habent primum, excellentissimum; que bonum ponere, illique proprium rerum bonum subiungere, beneficio propriæ formæ cum rebus ipsis communicatum.

Dubitamus adeo, & querimus, quemnam boni gradum definiat ex auctoritate præscorum Aristoteles: summumne genus, atque vniuersè sumptum, an primum bonum, an communicatum.

Igitur Eultratus, alique non pauci definiunt putarunt hîc primum bonum, & præstantissimum, voluntque propterea omnia appetere vnum, atque idem bonum, hoc est eminentis illud & primum, cuius causa bonum dicitur quicquid in rerum vniuersitate bonum à mortalibus appellatur. sed nisi mea fallor æstimatione, aberrant à vero Aristoteles enim eam profert antiquorum definitionem, ut demonstraret ac vincat, omnem artem, doctrinam, actum, electionem impelli, moueri que gratia boni. Ut enim benè à minori

dicta ratione probatur ex eo, quod omnis ars, doctrina & electio bonum appetunt, etiam cetera in quibus maior est ordinatio & constantia, bonum appetere; ita contra ex eo quod omnia bonum appetunt, argumentatione à toto ad partem aduocata, vincitur, ipsam quoque artem, doctrinam, actionem, electionemque bonum appetere. ars verò, doctrina, actus, & electio non appetunt primum, atque eminentis bonum, sed proprium, hoc est decerptum à primo, & cum mortalium rebus communicatum. Quæ ratio ex ipso firmari Aristotele potest. Qui in lib. primo Moral. ad Eudemum, cum aliis locis, cum verò maxime cap. vltimo hæc de re distinctè, articulatèque sic loquitur: Omnia vnum quoddam bonum appetere non est verum, sed vna quæque res bonum appetit suum ad proprium. Et sane quælibet omnino res inductione inuultèque naturæ illud expetit, quod assequi, atque adipisci potest. id verò non est primum illud bonum, sed cuique proprium & peculiare. Atque hæc est ratio, cur Aristoteles ipse in hoc primo Moral. cap. 6. disputans aduersus Platonem pronunciet, frustra futuras ideas, si aliquando demum existant, queritur enim illud bonum, quod actionis beneficio comparatur. huiusmodi verò est bonum proprium, non idea.

Tenendum itaque puto, hîc defini bonum vniuersè: ac propterea cum dicitur, bonum esse quod appetunt omnia; significari, bonum eam esse rationem, conditionemque rerum, quæ voluntatem, aut naturalem appetitum ad se compellit. at ea ratio, & qualitas est boni vniuersè, ac generatim accepti: illa enim trahit & rapit omnes ad se, peculiaris & propria singulos.

Ceterum quia nihilominus queri atque in dubium vocari potest: an hæc boni definitio quantumvis vniuersè ac generatim sumpti, probabilis ac bona sit. hoc etiam exquiramus. & quoniam duplicem habere sententiam hæc questio videtur: vnam, an definitio tradita sit ex omnibus omnino legibus ac præceptis, alteram, an ea, quæ in definitione dicuntur, habenda sint vera;

Confirmo primum, hanc definitionem imperfectam esse, ac dici debere descriptionem. Nam perfecta & numeris omnibus absoluta definitio ducitur à rerum quæ definiuntur causis, atque principiis. sed bonum vniuersè sumptum principis caret & causis, quia primum quoque bonum complectitur, à quo pendet. Præterea hæc definitio petitur à consequentibus. esse quippe expetendum nascitur ex natura boni. definitur itaque bonum

ex iis, quæ posteriora sunt, & nobis notiora: ex iis quæ priora dicuntur definiri non potest.

Sequitur, vt de Quæstionis altera parte dicamus. quia fieri potest, vt non modò imperfecta definitio sit, verùm etiā praliēnum à vero quod in ipsa descriptione pronuntiatur.

Sed confirmo secundo loco, verum esse quod in definitione ponitur, verèque dici id bonum esse, quod expetunt omnia. Et quia supra demonstrauimus, etiā inanima, & cognitionis expertia bonum appetere propter innatam quandam, inditamque naturam propensionem ad id, quod ipsis congruens, & consentaneum est in eam gratiam, vt perfectiantur, si imperfecta sunt, vel vt conseruentur, si iam absoluta sunt, atque perfecta; quoniam, inquam, hæc demonstrata sunt, videamus tantum quid obici contra possit. ita enim erit huius positionis absoluta probatio, si ea, quæ difficultatem ac negotium exhibere possunt, depellamus.

Ac primo quidem, occurrendum erit aliquorum auctoritati; qui vel hanc damnant Aristotelis definitionem, vel aliam afferunt. deinde rationes, atque argumentationes erunt euerterendæ, quæ videbuntur ea quæ diximus, amoliri.

Primus, qui sua quodammodo auctoritate in hanc definitionem incurrat, est Plotinus in Enneade 6. cap. 19. qui eam idcirco minus idoneam, immo etiā à recta ratione abhorrentem putat, quòd videatur iudicem boni facere cupiditatem atque appetitum, qui cæcus est. Num igitur, inquit, hoc iudicium desiderio permittemus, atque huic affectioni adhibita fide, quod illi videbitur expetendum, id bonum esse iudicabimus? nec causam inuestigabimus ipsam, ob quam ab animo desideretur & expetatur? Sed hæc istius ratio veller, quod fieri non potest, vt bonum vniuersè sumptum, & summo genere comprehensum, ex causis, hoc est, ex iis, quæ priora sunt, definiremus. Itaque nihil aliud efficit, nisi quod à nobis quoque conceditur, hanc definitionem non esse perfectam, sed à posterioribus, & consequentibus petitam descriptionem.

Secundum, occurrit Seneca Stoicus in epist. 118. vel 119. Qui hanc descriptionem improbat eo nomine, quòd non bonum modò, verùm etiā malum ipsum à nobis expetatur. labitur enim & corrumpit definitio, si aliquid etiā expetatur, quod bonum non sit. Si enim id bonum est, quod expetunt omnia, necessariò quicquid expetitur, bonum est. atqui etiā malum expetimus. Non ergo bonum solum est, quod à nobis expetitur. Ipsum potius ita differentem audiamus. Quidam ita finierunt bonum: Bonum est quod inuitat animum, quoad se vocat. Huic statim opponitur, quid si inuitat quidem, sed in perniciem? scis quàm multa mala blanda sunt. Quidam ita finierunt: Bonum est, quod appetitionem sui mouet, vel impetum animi tendentis ad se mouet. Et huic item opponitur: Multa enim impetum ani-

mi mouent, quæ petuntur petentium malo &c. Ita Seneca in Aristotelem & Peripateticos inuehitur: sed in cassum. Nam hæc etiā supra est à nobis in Aristotelis explanatione iam occupata ratio: cùm diximus, illud bonum vniuersè sumptum quod definitur, etiā id complecti, quod re ipsa malum est, sed in speciem tamen est bonum. malum enim allicit quidem, atque inuitat ad se, sed eumentita facie boni. Itaque, ne Lucretia quidem, aut Cato aliquod expetebant malum, cùm exitiales sibi manus afferebant, sed bonum famæ, ac nominis immortalitatem sequebantur. Videt nimirum animus etiā in pernicioso, cùm eligit malum, aliquam boni speciem, & rationem, quæ cupiditatem atque appetitum vocat ad se. Non enim qui se ipsos occidunt, volunt non esse simpliciter absolutèque, sed non esse in miseris, in turpitudine, in infamia, in seruitute, quod bonum est. bonum quippe putamus, non modò bonis abundare, verùm etiā carere malo. Nihil igitur agunt qui dicunt, malos homines ex malo consilio, delectuque aliquid facientes non appetere bonum, cùm prudentes volentesque optent, atque eligant malum. nihil inquam agunt: quia in illo etiā morali malo, quod suo iudicio, & voluntate complectuntur, quòdque intelligunt malum esse, vident aliquam semper rationem ac speciem boni, si minus honesti, certe vtilis ac iucundi.

Tertio loco pròdit Diogenes: quem pronunciasse ferunt, id bonum esse, quod natura est absolutum. Cui possis adiungere Ciceronem in 3. de fin. Senecam ipsum in eadem epistola paulo antè laudata, & Simplicium in Epicetum cap. 31. quorum ea boni definitio legitur: Bonum est quod secundum naturam cuiuslibet est, cùm perfectione pollet & numeris suis. sed horum auctoritatem vel ipsa Stoicorum eleuat disciplina. Quorum nimirum isti placita secuti, quod honestum est, id tantummodo bonum existimant. Itaque definitionem proferunt, quæ bono vtili iucundoque conuenire non possit. Neque enim bonum vtile ac iucundum semper secundum naturæ perfectionem est. hominis quippe naturæ, perfectionem habentis, hoc est, agentis ex electione, ac libere, honestas & virtus consentanea est. quæ sæpenumero in vtili, iucundoque bono desideratur.

Quarto loco apparet iterum in hoc agmine Plotinus. qui cùm damnaſſet probatam ab Aristotele descriptionem, protulit demum suam, huiusmodi: Bonum primi boni participatio, & delibatio est. At hæc definitio non comprehendit, immò verè, disertè, ac nominatim depellit primum bonum, ergo non est boni generalis & vniuersi; quod ab Aristotele definitum fuisse, demonstrauimus supra.

Ad extremum Plato claudit istorum agmen in Lyſide, decernens, id bonum esse, quod sibi satis est, nec aliud quidpiam expetit, aut aliorum refertur. Quæ definitio,

quia non congruit bono vtili, quod sibi ipsi non satis est, & illud tanquam finem intuetur, cui dicitur vtile, probanda atque admittenda non est.

Restant aliquæ rationes, quæ videntur ostendere, bonum ab omnibus rebus omnino non expecti. Quarum prima hæc est: Inter omnia, quæ sunt, numeratur etiam Deus. ergo si bonum est, quod appetunt omnia, etiam Deus appetit bonum. Deum autem nihil appetere, constat ex eo, quod appetitio ex egestate nascitur. neque enim appetimus nisi ea quibus caremus, & indigemus, ut in lib. primo Physicorum docet Aristot. Quis autem indigentem aut re carentem aliqua faciat Deum? Sed animaduertendum est, esse duplicem appetitum, vnum quidem imperfectorum, illam nimirum expetentium perfectionem, ad quam facta & nata sunt: alterum perfectorum, eam videlicet, quam habent perfectionem seruare, vel alius impetiri contententium. Prior ille appetitus oritur ab egestate, atque in iis reperitur, quæ ad perfectionem sunt in passiva potentia, quemadmodum loquitur in primo Physicorum Aristot. Posterior ab egestate non oritur, ac debetur actiuis, quo de numero etiam Deus est, qui perfectionem suam, quoad captus mortalium fert, cupit omnibus impartiri.

Secunda ratio Quod non cognoscit, non appetit. Nam in Metaphysicæ lib. 12. ait plane aperteque Arist. id appeti quod videtur, & quod cognoscitur. Sed non omnia bonum cognoscunt: ergo non omnia bonum appetunt. Respondeo, dictum illud Aristotelis esse contrahendum ad ea quæ sunt prædita vi cognoscendi, de quibus tantummodo tum loquebatur; id verò verissimum est. nihil enim ab iis appetitur, quod ab iisdem non cognoscatur. Sed in aliis rebus naturalibus, ut supra diximus, satis est superque regimen illud & gubernatio cognoscentis, & dirigentis Dei.

Tertia. Voluntas non appetit necessarium, sed liberè. potest ergo non appetere. Igitur non omnia bonum appetunt. sed leue argumentum hoc est, & quod significet à nobis dictum in definitione, omnia necessarium semper aliquidque in bonum contendere; quod falsum est. Est enim definitionis sententia; omnia, cum aliquid appetunt, appetere bonum: cum re ipsa & actu non appetunt, habere propensionem innatam ad appetendum. id quod cernitur in libera voluntate quæ non semper appetit, sed ita facta est, ut à natura inductionem ad appetendum habeat semper.

Quarta. Malum aduersatur, & est contrarium bono. Malum igitur non potest bonum expectere, quod ipsi aduersarium est & inimicum. ergo non omnia expectunt bonum. Respondeo; in malo duo reperiri; improbitatem siue malitiam, & id, in quo improbitas & malitia est. Improbitas & malitia, quia posita sunt in negatione, nihil appetunt. id verò in quo sunt, lux formæ beneficio bonum est. perfectio enim propriæ formæ improbitatis vitio iolli non potest. Nihil adeo mirum est, si quod malum est appetit bonum, cum etiam in ipso

malo bonitas quædam sit, hoc est, propriæ formæ perfectio, à qua bonum naturæ congruens expectitur.

Quinta. Appetitus contrarij in contraria feruntur. Igitur eorum alter in bonum, alter in malum contēdit, ex quo fit ut non omnia bonum appetant. Hæc etiam ratio præstigias habet. Non enim illa, in quæ feruntur appetitus contrarij, contraria esse necesse est propter malitiam, ac bonitatem. Sed satis est, si pugnent ob alias inter se pugnantes & contrarias in alio genere qualitates. atque adeo fieri potest, ut eorum vtrumque sit bonum; aduersentur autem sibi inuicem ob alias causas, quæ contrarios illos non excitant appetitus. Ignis quippe appetitu naturali sursum contendit, terra deorsum: quorum vtrumque bonum est, sed tamen sunt inuicem sibi contraria propter locum. Sed responderi fortasse melius possit, si dicatur vtrumque contrarium non esse bonum vni, sed rebus diuersis ac variis repugnans: alienum autem à ratione non esse, res duas appetere duo inter se diuersa & contraria bona. neque id quod expectitur à singulis est bonum omnibus, sed illi nominatim congruens, à quo naturaliter appetitur.

QVÆSTIO II.

An verè dici etiam possint omnia appetere primum bonum, cum bonum appetunt vniuersè.

Hæc instituitur à me questio, quia Plotinus in Enneade prima libro de primo bono, cap. primo, boni quod appetunt omnia discernere non dubitauit esse primum illud, ex quo delibata sunt cetera. Quanquam verò statutum à nobis est, Aristotelem non primum bonum definisse, sed illud communius & latius genus, quod ipsum quoque primum bonum amplitudine sua comprehendit; superest tamen inquirendum, An aliqua ratione quod in ea definitione dicitur, in primum etiam bonum cadere queat. Fieri enim potest, ut non illo quidem modo, quo diximus appeti bonum commune, sed alio quodam peculiari, ab omnibus expectatur: ita prorsus, ut nihil incredibile, vel leuiter abhorrens à vero pronunciet qui dicere audeat, etiam primum bonum id esse, quod appetunt omnia. cum præsertim ea definitio boni generalis sit, quæ ceteris etiam bonis siue gradibus boni ei subiunctis congruere debere videatur. Oportebit igitur initio, quid primum bonum sit constituere, ut planius magisque dilucidè huius nouæ quæstionis occasio intelligatur.

Bonum generale, atque vniuersè sumptum non peræque communicatur cum omnibus, quæ bona dicuntur, sed impariter, atque multimodis. quia non vniucum, sed analogum est, & quod dicitur ab vno comune. Nam primo quidē cōuenit in id, à quo tanquam à principio ac fonte, rerum fluxit vniuersitas, & ea, quæ vulgò bona nominamus. Itaque Plotinus loco laudato, primum bonum ait esse id,

quod non propter aliud insuper additum, sed se ipso bonum est. Et Ennead. 7. lib. 6. cap. 19. Primum bonum ait esse illud, cuius participatione bona sunt cetera, & de quo querendum non sit, unde suam hauserit bonitatem. Plato verò in Philebo eam primi boni descriptionem, definitionemque tradit ut censere videatur, summum in vniuersa natura, atque absolutum bonum id esse, quod est pondus, & mensura ceterorum. cum enim ab eo cuncta pendeant, & tanquam à capite decerpserint quicquid habent bonitatis, si vniquam inter se comparentur, hoc est, si ad primi boni veluti lancem ac pondus explorentur, ita demum intelligitur quid magis, aut minus sit bonum. tanto quippe meliora sunt singula, quanto propius ad illud accedunt: tanto deteriora, quanto longius ab eadem mensura, & quasi libra recedunt. Academici demum ex analogia & metaphora primi boni descriptionem petentes dixerunt, esse parentem solis, & centrum circuli, vel quod idem est, omnium principium ac finem linearum. quæ similitudines accommodatæ profectò atque appositæ sunt. Nam à primo bono tanquam ab umbilico & centro ductus est circulus vniuersitatis; ab eodem tanquam à principio fluxerunt, in idem velut in finem recurrunt omnes omnino linee rerum procreatarum: & quoniam sol dicitur esse aspectabilis filius inuisi atque incompreheni boni, exprimit optimè mundum hunc corporatum & aspectabilem: qui verè rectèque filius dici potest occulti minimèque aspectabilis boni, quod primum est, de quo disputamus.

Alij metaphoris prætermisiss, ac tropis, tres primo bono proprietates & dotes attribuant: ex quibus elicere per se quisque descriptionem facillè queat. Aiunt ergo primo; Bonum hoc, quod primum, & boni fontem appellamus, cuncta prorsus virtute sua atque præstantia continere: deinde omnium principium, & caput esse: tertio, cuncta perficere quæ procreauit. Quo fit, ut bonum primum sit præcellens aliqua, & eminens essentia, omnia virtute atque excellenter includens, omnia mirabili modò proferens, eadem cumulatissimè pro vniuscuiusque natura & conditione perficiens. Quæ quidem in Deum tantummodo conueniunt, eaque ad viuum, ac subtilius refecare Theologorum est. Nobis ea satis est indicare, leuiterque perstringere: qui hoc solum præsertim, & electè querimus. an omnia, quæ bonum appetunt vniuersè, appetant etiam primum bonum, à quo decurrunt velut à centro linee, & in quod tanquam in finem iterum bona omnia referuntur.

Animaduertendum est ex Alberto Magno, Buridano, & Ioanne Versore, duplici sanè modo, si spectemus id quod obicitur appetitioni nostræ, à nobis aliquid appeti posse: vel secundum substantiam, vel secundum similitudinem tantum. sæpe quippe aliquid adipisci cupimus, cuius est in nobis excitatus ap-

petitus; quia res ea est, quam consequi nos, ac tenere nostra conditione possimus: sæpe etiam similitudinem eius rei solum appetimus: quia res est eiusmodi, ut à nostra ipso rum natura & conditione longissimè eiusdem rei essentia & substantia distet. Itaque, si vniquam appetitus & cupiditas erga eam commoueatur, non poterit in substantiam, sed in similitudinem ferri. Simile quiddam est quod alij volunt, nos in ipso expetendi modo ac ratione diligenter attendere. dicunt enim aliquid interdum explicitè atque immediatè appeti; implicitè interdum & mediatè. Excogitarunt nimirum huiusmodi vocabula. quia vident, sæpe nos appetere aliqua, quorum, propter imperfectionem conditionis nostræ, non possumus adipisci substantiam. adeoque confirmant ea expeti à nobis implicitè ac mediatè. non enim fieri potest ut explicitè atque immediatè animus appetens in ea feratur, quæ assequi prosecutione non possit.

Dico adeo nunc cum Eustratio, omnia, cum bonum appetit, appetere quidè primum bonum, non tamen secundum substantiam, sed secundum similitudinem, quam omnibus rebus, expetendis impressam intuemur: non immediatè atque explicitè, sed implicitè tantum & mediatè. In omnibus enim est aliqua similitudo, ac participatio primi boni. ergo non possunt appeti, quin appetatur illa primi boni similitudo, ac participatio. At hoc est appetere primum bonum secundum similitudinem, si spectes obiectum; implicitè ac mediatè, si modum expetendi consideres.

QVÆSTIO TERTIA.

An bonum & finis idem sint, atque inuicem conuoluantur.

HAVD obscurè, quemadmodum supra monuimus, docuit Aristoteles, bonum & finem idem esse, cum illicò post eam boni definitionem, aggressus est de finium varietate disserere, quod explicatius in lib. 3. Metaphy. text. 3. & in Physicorum lib. 2. tex. 31. scriptum reliquit, ubi confirmat, quicquid bonum est, id sua natura finem esse. Quin Auerroes lib. 2. meta. tex. 8. non dubitauit asserere eos boni naturam omnem euertere, qui finem è medio tollunt.

Querendum ergo est, quid fiat, ut bonum quodcumque finis sit, nec finis à bono seiungi aut separari possit. Videtur enim hinc sequi, omnia, quæ sunt in hac rerum vniuersitate esse finem; & materiam ipsam etiam finem esse: cum aliquid sit, ac propterea bonum sit. & tamen scimus materiam non esse finem, quia non appetitur, sed potius appetit; & bonum metaphysicum neque honestum, neque utile, neque iucundum esse, adeoque

expeti non posse. Quin Aristot. ipse ait, in Mathematicis non inesse bonum, quia abstractum videlicet est, adeoque non expetitur. Ad hæc, inter tria bonorum genera, vtile, honestum & iucundum, duo tantum potestrema fines esse possunt. bonum enim vtile præsidium quoddam est ad comparandum finem; & ex suo ipsius nomine ad id refertur, cuius consequendi gratia dicitur vtile. Atque ut planius intelligatur quantum hæ rationes habeant robur, & quantam vim,

Animaduertenda sunt hic tria. quorum primum est. bonum à Platone in Philebo fuisse diuisum in diuinum, & humanum. sed quia illa diuisio videbatur angustior, fecerunt alij bonum quadripartitum, addideruntque Physicum ac Metaphysicum. Physicum in rerum perfectione naturali positum est. Metaphysicum æquipollet enti, & cum ente conuertitur. Diuinum, illud est, quo cælestes perfruuntur Mentes, quodque Dei munere nobiscum etiam, ut nosser patitur captus, communicatur. Humanum est, quod homini tantummodo consentaneum est, diuiditurque in iucundum, honestum & vtile. Igitur è quatuor hæc bonorum generibus vnum est Metaphysicum, quod exæquat amplitudinem entis. de hoc autem bono tam amplo non loqui videtur Aristoteles, cum ait, omnia bonum appetere, atque in bonum tendere tanquam in finem: sed tantummodo de naturali rerum perfectione, deque humano potissimum bono. Bonum enim humanum verè est, & dicitur finis. Physicum autem, quia mutarum etiam animantium bonum est, & rerum inanimatarum, non videtur dici propriè, sed metaphoricè finis: cum illa, quorum bonum est naturale, non agant verè propter finem, quia finis est, quem videlicet non agnoscunt. Nam ne bellux quidem agnoscunt finem, quia finis est, cum in huiusmodi cognitione id postuletur, ut ipsa quoque præsidia, quibus finem adipiscimur; & quæ vulgo dicuntur media, cognoscantur, intelliganturque esse accommodata, & consentanea fini. Itaque dicitur homo solus agere ac mouere se ad finem, & propter finem, quia finis est: quia solus intelligit quæ præsidia sint opportuna fini, quæ non sint. idem est quod dicunt cognoscere formaliter finem. Quamquam enim concedendum esset, animantia muta finem cognoscere, atque ad finem se mouere, non tamen est dandum cognoscere finem, quia finis est, aut ad finem formaliter, absolutèque se concitare. Nequè verò contra pugnat Aristoteles, cum bonum definiens, nullum prorsus excludit, sed commune definit bonum ac generale. Non enim vult illo genere comprehendi bonum quoque metaphysicum: sed omnia bona, homini expetenda. bona autem homini expetenda triplicem habent ordinem, honestum, vtile, iucundum: in quorum nullo reponi potest

metaphysicum, ac propterea ab illa definitione depelli debuit, quæ summum genus expetendi boni describat.

Dicendum tamen est primò: finem nihil aliud esse quàm bonum ipsum, ea tamen imbutum ratione, quæ facit, ut expetendum dicatur, ac propterea ipsum quoque metaphysicum bonum verè proprièque finem appellari debere, cum optabile per se sit & expetendum. Quicquid autem eiusmodi est, rationem finis obtineat necesse est. Docet hæc disertè in prima parte, quæst. 5. artic. 3. & artic. 4. D. Thom. affirmans, inde aliquid habere, cur optabile atque expetendum videatur, quod perfectum, & absolutum sit. Bonum verò metaphysici entis est bonum perfectum, quia in actu est, & in aliquo individuo. in Intelligentiis enim re ipsa reperitur & cernitur. id quod de Mathematicis entibus affirmari verè non potest, cum ea ratione, qua sunt animis informata, & funditus à rebus abstracta, nusquam in indiuiduis reperiuntur. Quomodo adeò reuera non sunt, nec sunt nisi eatenus & tandiu, quatenus & quamdiu in mente abstractantis animi consignantur, optabilia, & expetenda non sunt, ac propterea finis esse non possunt, cuius tota ratio in iis tantum est, quæ causam habent cur eligi debeant, & expetantur à voluntate. Rectè igitur Aristot. in lib. 3. Metaphys. text. 4. in Mathematicis ait non esse bonum, expetendum videlicet, & quod rationem præ se ferat aliquam, cur videatur optabile. Cum enim ipsius Mathematicæ materia in sola cogitatione consignetur, & sit, non potest ullam finis habere vim, nec voluntatem excitat ad appetendum, sed intelligentiam potius ad commentandum. Quare si quid in Mathematicis bonum est; id ipsa materia dici non debet, sed actus in materia versantis intelligentiæ. qui propterea est à voluntate optabilis, & expetendus in ipsius intelligentiæ bonum & gratiam. Voluntatis enim ea vis, & facultas est, ut bonum etiam alteri possit appetere.

Dicendum secundo loco est, bonum ac finem idem quidem re ipsa esse, sed forma tamen ac definitione distingui. Bonum enim conuenientiam veluti formam adiunctam habet, diciturque in sua ipsius definitione conueniens; finis autem relatione inuoluitur, ac definitur id esse, cuius gratia aliquid, aut est, aut agit, aut mouetur, aut fit. Mirum adeo esse non debet, si bonum, & à Metaphysico tractetur, & à Morali Philosopho. In vno quippe eodemque bono intuetur & spectat ille conuenientiam, hic finem; hoc est eam causam rationemque, quæ facit, ut expetendum sit.

Dicendum tertio, in bono utili esse quidem aliquam finis rationem ac speciem, sed finis tantummodo proximi, hoc est, eius, qui non videtur esse verè ac propriè finis, cum alterius gratia expetatur & fit. esse enim & ex-

peti alterius gratia, pugnat non nihil cum illa peculiari maximèque propria ratione finis, quæ videtur hoc postulare, vt terminus sit, aliòque non referatur, vt ipsa demonstrat definitio finis huiusmodi. Est id cuius gratia fit aliquid ita, vt ipsum nullius præterea gratia fiat. Nihilominus tamen quia bonum vtile id habet quod ponitur in prima definitionis parte qua circumscribimus finem, estque verè id, cuius gratia aliquid fit, excitat appetitionem animi, atque aliquam obtinet rationem finis idoneam, in quam feratur & trahatur voluntas. Itaque cum dicimus, obiectum voluntatis adæquatum esse finem, illud finis nomen amplissimum esse debet, sic prorsus, vt hunc etiam proximum comprehendat. Si enim cum tantummodo finem intelligi vellemus, qui nullius gratia sit, faceremus finem obiectum voluntatis inadæquatè.

Dicendum quartò; bonum physicum verè finem esse; quia ex triplici illa boni conuenientia, quæ ab honesto, ab utili, ac iucundo desumitur, bonum physicum haud dubiè meretur, & obtinet aliquam. Habet igitur abunde cur expetatur, & quod inde consequens est, cur finis sit. Hoc nimirum bonum homini commune cum belluis est, quæ impetu naturæ ad iucundum feruntur & commodum, adeoque, vt supra significauimus, aliquam finis etiam ipsæ rationem attingunt.

Dicendum tamen ad extremum est, illud bonum esse verissimè, ac maximè propriè finem, quod ab humana conquiritur & expetitur voluntate. Is enim verissimus, ac maximè proprius est finis, qui finis esse ab appetente cognoscitur. Inanima, quoniam sensu carent, ne materiam quidem finis agnoscunt: animantes mutæ, quia viuunt, ac sentiunt, fundamentum fortasse cognoscunt finis, formam & rationem eiusdem perfectam agnoscere non possunt, quæ posita est in conuenientia quadam & proportionem mediorum cum fine.

Rationibus argumentisque propositis initio, responsum est satis. Primum quippe sic fuit. omnia dici finem oportere, si finis æquè pateat ac bonum, cum omnia bona sint. At constitutum iam est, bonum entis, siue Metaphysicum bonum, si ad bonum ipsum accedat etiam adiunctum aliquid, ita vt non bonum dicatur tantum, sed bonum optabile & expetendum, esse finem, ac propterea in communi illa boni definitione ab Aristotele tradita contineri: cum ille non definierit bonum, quod est tantummodo bonum, sed quod finis est, siue quod voluitur eodem, quod rationem habet, cur expetatur. ea quippe ratio facit, vt finis sit.

Quod verò de materia dicitur, id solum demonstrat, ac probat, materiam non esse bonum absolutum, sed inchoatum, & imperfectum; cum ens in actu non sit: adeoque non appeti: quia bonum optabile, expetendum, absolutum ac perfectum est. perfectio quippe rebus ipsis eam impertitur rationem ac

vim, quæ facit vt optentur & expetantur. qua perfectione quoniam caret materia, ab Aristotelis definitione depellitur, quæ bona solum optabilia, & expetenda, hoc est absoluta, & perfecta comprehendit.

Postremum argumentum ponebat; bonum vtile non esse finem. At hæc etiam occupata est ratio, cum demonstratum est; bonum vtile non esse quidem vltimum finem, sed esse tamen, ac dici debere primum ac proximum; quæ ratio finis in illud quoque bonum conuenit, quod ab Aristotele definitur, cum idoneam suppeditet causam, cur expetatur. Illud tamen est dandum quod diximus, vtile bonum, & finem proximum aliquantum ab intima finis ratione discedere; quæ vellet, ac postularet, vt id quod finis dicitur, meta demum ac terminus esset.

QVÆSTIO QVARTA.

Cur in definitione Boni haud ulla sit habita ratio pulcri, sicut est habita finis.

ID mihi querendum necessariò videtur hoc loco: quia Plato, vnum, bonum, pulcrum, ita coniuncta & copulata esse inter se censuit, vt seiungi ac separari non posse crediderit. Itaque cum aliis locis, tum verò præsertim in Menone ait, omne bonum pulcrum esse: & in Alcibiade primo, vel hoc ipso aliquid esse pulcrum, quod bonum sit. In Hippia verò, cum hanc questionem de industria proposuisset: an idem sit bonum ac pulcrum, decreuit, idem omnino esse, nec posse alterum ab altero separari. Inde factum est, vt quemadmodum primum indagauerat bonum, ex cuius deliberatione bonitatem acceperit quicquid bonum appellamus, sic primum etiam inuestigauerit pulcrum, cuius ex participatione pulcritudinem hauserint ea, quæ pulcræ omnium opinione, iudicioque mortalium existimantur. Dixit adeo, Deum esse primum pulcrum, cuius splendore sic respergantur omnia, quemadmodum bonitate participantur. Quæ si verè dicuntur, haud minùs omnia quæ appetimus sua nos ad se inuitare bonitate oportet, quàm pulcritudine rapere: immò verò multo magis, multoque vehementius allicimur pulcro, quàm bono ex sententia Platoniorum: cum pulcrum nihil aliud sit, quàm radius quidam ac fulgor summi boni, quos res illæ mortalium perfunduntur, quas formosas, & pulcras communi omnium appellatione nominamus. Ergo admirabilem, vehementemque sui amorem excitabit pulcritudo, hoc est, summi boni character, & nota à Deo Vniuersitatis opifice mortalium rebus impressa: sic inquam, vt Proclus in lib. de Anima & Dæmone non dubitavit affirmare, pulcrum, quod Græcè *καλόν* appellatur, dictum *ἀπὸ τοῦ καλοῦ*, à vocando; quod vocet, atque inuitet ad se: vel *ἀπὸ τοῦ καλοῦ*,

à demulcendo : quodd non vocet , atque inuiter modò , verùm etiam permulceat , molliat , & quasi blandimentis alliciat intuentes quantumvis asperos , agrestesque natura. Quare pulcritudinis ex Platone definitio esse potest huiusmodi : Fulgor ex primo bono in res procreatas effusus , ad mortalium animos in suamorem , ac benevolentiam excitandos.

Aliter tamen Aristoteles de pulcro sensit , decreuitque , quàm Plato. Voluit enim , bonum & vnum , latius & communius esse , quàm pulcrum ; multàque dici bona , quæ pulcra tamen haud iudicantur. Tria igitur esse ait , quæ faciant , vt iure aliquid dici pulcrum debeat & haberi : ordinem , dimensionem , & *ἀριστήν* , definitum : hoc est , molem & magnitudinem iustam , ac definitam. Quorum singula vocat ipse quidem species pulcri in lib. 13. metaph. cap. 3. sed se tamen vera vult esse pulcri partes , quæ in pulcro constituendo , componendòque concordent , & consentiant simul. Ex earum enim conuenientia partium pulcritudo , quasi fulgor ille Platonis , existit. Quare idem Aristoteles in lib. 10. Moral. cap. 4. pulcritudinem ait quadam veluti proportionem respondere voluptati. Vt enim ex actione voluptas tanquam eius perfectio nascitur , ita ex ordine , ex mensura , siue proportionem , ex iustis terminis , aut ex magnitudine iusta , velut absolutio quædam existit , pulcritudo. Et in lib. 7. physicorum tex. 17. pulcritudinis omnem rationem ac vim affirmat in proportionem positam esse , quemadmodum est posita sanitas & valetudo. Vt enim hæc ex humorum existit consensio atque concordia , ita pulcritudo ex conuenientia partium oritur , quæ proportio est.

Sed hæc non possunt nobis demonstrare quid pulcritudo generalis & vniuersè sit , neque vniuersam communemque definitionem pulcritudinis designare : quia partes illæ ab Aristotele descriptæ in eam pulcritudinem cadunt nominatim , quæ sensu percipitur. Est enim etiam præter aspectabilem alia , quæ non obiicitur sensibus : animòque tantummodo cernitur , & cogitatione sentitur : quare qui velit hanc quoque definitionem aliqua generali atque ampliore complecti , dicet haud dubiè , pulcritudinem esse aliquorum compositionem , inter se ordinem & proportionem habentium. Ita enim amplificata pulcritudo , & cum pluribus communicata , non in corporibus solùm , verùm etiam in iis , quæ sub sensu non cadunt , deprehendetur. Nam in animo tunc intelligitur esse illa compositio rerum , ordinem ac proportionem habentium , cùm appetitus , ira , cupiditas voluntati , voluntas rationi , ratio æternæ legi subiicitur & obtemperat. Hæc est illa species & pulcritudo , quæ , si oculis cerneretur , admirabilis , vt de virtute dicebat Plato , excitaret amores sui. cum quæ , ea , quæ cernitur in corpore comparata , non vera , sed fucata , atque adulterina videri potest. Nihilò tamen minus hac de pulcritudine nullum facit ver-

bum Aristoteles , nec eam definit , sed illam tantummodo , quæ percipitur sensibus. Quam si definire velimus ex iis , quæ ab eodem Aristotele dicta sunt , triplicem prorsus oporteat definitionem tradere. vnã , quæ pulcritudinem non oculis modò , verùm etiam auribus ipsi iudicandam permittat. Secundam , quæ in oculorum quidem posita iudicio sit , sed corporibus tantùm animis , & sensu carentibus congruere possit. tertiam , quæ cadat solùm in res viuentes , & sensu præditas animantes.

Prima definitio sit : Pulcritudo est apta rerum aliquarum compositio , proportionem habentium : quæ profectò pulcritudo non abhorret ab ea , quam Plato in Hippia maiore percipi dixit auditu. Sic enim ille decernit : pulcri vim , & naturam percipi primum ratione , atque intelligentia ; deinde duobus sensibus , hoc est , oculis & auditu ; quos propterea omnium maximè vult esse diuinos. Cùm ergo hæc definitio illi quæ compositioni congruere possit , quæ in Musicis intelligitur numeris , comprehendat in gratiam Platonis etiam pulcritudinem , quæ percipitur auditu , hoc est , numerorum conuenientiam & harmoniam. Secunda definitio. Pulcritudo est conueniens corporum , siue partium eiusdem corporis constitutio cum proportionem ac symmetria : vel , vt dicitur ab Auerroce in 7. phy. tex. 17. Est proportio ac symmetria inter membra media & extrema. Hæc nimirum est rerum corporatarum , sed vitæ & sensu carentium pulcritudo : quam tum significamus , cùm hunc mundum è corporibus tam variis , sed inuicem sibi symmetria & proportionem respondentibus assabrè factum , & coagmentatum , dicimus pulcrum : cùm arborem , montem , oppidum suis compositum aptè partibus , elegans & pulcrum appellamus. Est enim illa concinna compositio nihil aliud , quàm eorum corporum pulcritudo. Tertia , quæ maximè propria pulcritudo est , quæque fecit , vt cetera metaphoricè tantùm & translatè dicerentur pulcra , huiusmodi sit : Pulcritudo est apta membrorum compositio cum idonea coloris suauitate. Hæc in animantes tantummodo conuenit , omnesque complectitur illas pulcri species & partes , quas in metaphysicorum illo loco supra laudato distinxit & designauit Aristoteles , cùm dixit in pulcritudine tria esse oportere , ordinem , mensuram siue symmetriam , *ἀριστήν* , hoc est , magnitudinem iustam & definitam. Aptæ enim compositionem membrorum tria significantur ; iustus membrorum numerus , eorundemque in propria sede ac situ collocatio , in qua ratio ordinis posita esse videtur & vis ; symmetria membrorum sibi proportionem respondentium , quæ dicitur ab aliis vel Latine vel barbarè commensuratio ; certa & iusta totius corporis magnitudo , quæ Græcè breuiter vnòque verbo dicitur *ἀριστήν*. Adicitur illa coloris suauitas ex aliorum sententia : quia videtur esse postrema quædam conditio , & vltima quasi dos , atque absolutio pul-

eri. quæ si adsit quidem, sed desideret aliquid è tribus, quæ numerauimus, magnitudinem præsertim idoneam, & iustam molem; inchoata, imperfectaque pulcritudo erit, facietque, vt is in quo est, dici quidem venustus possit, pulcher verò non possit. sic enim Aristot. infra in lib. 4. cap. 3. docet, affirmans, pulillos quanquam pulcri dici nequeunt, posse tamen appellari venustos & elegantes: quia potest nimirum in ipsis, si mundi pulcritudo ex iusta corporis magnitudine, ex partium certè collocatione concinna, & symmetria, ex ipsa suauitate coloris, & quasi lepore venustas, hoc est, radius quidam pulcritudinis efflorescere.

Ex his, quæ disputata sunt hæcenus, intelligi facile potest, quid ex Aristotelis sententia decerni de pulcritudine debeat.

Statuendum est enim primo, nihil quod simplex sit, esse pulcrum, sed pulcri tantummodo partem esse posse, siue principium pulcri. Ratio verò & causa est: quia in re simplici nulla potest esse constitutio partium, aut conuenientia, aut ordo, aut symmetria.

Secundo loco statuendum est, pulcrum non esse idem ac bonum, sed esse aliquid contrarium, minusque commune. Est enim contrarium & minus commune, si bonum amplissimè intelligatur, hoc est, metaphysicum illud, & quod consequitur, adæquatque totam, quanta quanta est, amplitudinem mentis. Simplicia quippe corpora, resque simplices vniuersæ, pulcræ non sunt, vt diximus, quæ tamen habendæ sunt bonæ, quia sub ente, hoc est, sub amplissimo illo bono comprehenduntur. Itaque Aristoteles disputans aduersus ideas in hoc lib. primo Moral. ait, ideam boni esse in qualibet categoria; ideam pulcri non esse.

Tertio constituendum nihilominus est: bonum Morale idem esse ac pulchrum illud, quod in prima definitione declarauimus, dicique potest pulcrum intelligentia & ratione comprehensum. Bonum enim humanum siue bonum Morale est actio perfecta virtutis, at eiusmodi actio habet pulcritudinem illam remotam à sensibus, & quæ sola comprehenditur intelligentia; cum in actione perfecta virtutis, facultates & partes animæ compositionem habeant aptam cum proportionem, ceteraque omnia, quæ postulat in illo genere pulcritudo. Differunt tamen hoc pulcrum, & bonum inter se definitione, quia bonum ex ratione conuenientie refertur ad voluntatem: pulchrum ex rationis partium refertur ad totum.

Constituendum denique quarto loco est: vniuersè dici non debere, bonum ac pulcrum idem esse: quia omnia bonum appetunt, sed non appetunt pulcrum. Quæ causa fuit, cur Aristoteles nullam in definitione boni mentionem fecerit pulcri, fecerit autem finis. optabile namque, & expetendum bonum non potest à fine secerni, potest autem à pulcro.

Nunc quoniam de quaestione statutum est, vt eius institutio postulabat; Plotini quæ-

dam rationes exturbandæ sunt, pro magistro Platone fortissimè propugnantis: contententisque, non rectè à Peripateticis pulcritudinem dici compositionem illam partium cum ordine ac symmetria.

Primo enim putat, à ratione alienum esse quod diximus sequi ex Aristotelis definitione: nihil videlicet dici propriè pulcrum debere, quod compositum ex partibus membrisque non sit. Deinde id etiam existimat iniquum; & non ferendum, quod ex definitione illa item affirmauimus sequi partes non esse pulcras, sed pulcri tantum principia quadam & rudimenta. Tertio denique locò querit, qui hæc vt aliqua faciès euadat turpis ex pulcra, cum eadem planè sint partes, eadem collocatio, idem ordo.

Sed quod attinet ad primam rationem, dico, nullum hoc Peripateticis absurdum videri: qui ponunt simplicia non esse pulcra, nisi per metaphoram & translatè: quia nimirum pura sunt & præclara. Quod ad secundam, confirmo, partes non esse pulcras, nisi obtineant locum & rationem totius: cuiusmodi sunt aliquæ partes mundi, cuiusmodi est oculus, aliæque ex hoc genere, quæ si totius compositi corporis rationem habeas, dicuntur quidem partes, sed tamen etiam ipsæ compositæ sunt.

Neque verò magis absurdum est, atque repugnans, fieri pulcrum ex his, quæ pulcra non sunt, quàm ex materia & forma simplicibus & non grauib, fieri corpus coagmentatū, compositum & graue. Quod ad tertiam, nego eandem planè faciès euadere posse turpem ex pulcra siue aliqua rerum illarum mutatione, quæ pulcritudinem gignunt. Vt enim eadem partes fortasse maneant, mutatus tamen est aut ordo, aut symmetria & proportio, aut ipsa etiam iusta & definita magnitudo; vt si ex succi plena fieret gracilior & macilentia.

QVÆSTIO QVINTA.

An homo naturaliter sit animal sociale.

HVIVS inquirendæ rei necessitatem nobis imponunt aliqui: qui dicunt, Aristotelem in percensendis variis actionum humanarum finibus idcirco tam multas artes enumerasse; quòd significare vellet hominem ad vitam civilem, ac socialem degendam totidem artibus vri, quot circumueniri se videt indigentis. Itaque autumant, hinc indicasse leniter quod expressè docuit in Politicis, hominem esse natura civilem & sociabilem, quia multis indiget artibus, quæ sine humana societate conuertere commune repetiri atque haberi non possunt. Quando igitur isti sic censent, proponamus initio Aristotelis ea de re decretum; deinde rationes, quæ illum ad hoc decernendum impulerunt; tum ad extremum ea quæ contra possunt obici, refellamus.

In Politicorum lib. primo cap. 1. ipso sta-

tim initio ea de re sic loquitur Aristoteles, interpreti Lambino. Quapropter omnis Ciuitas natura constat. si quidem & primæ societates constant natura: illarum enim finis hæc est. At natura hinc est: Quale enim vnumquodque est ortu eius absoluto atque perfecto, hanc vnus cuiusque naturam esse dicimus, vt hominis, equi, domus. Præterea id cuius gratia res sit, & cuiusque rei finis optimum quiddam est. At copia se ipsa contenta & nihil extra desiderans hinc est, & optimum. Ex his igitur perspicuum est, ciuitatem in iis rebus, quæ natura constant, esse numerandam, & hominem ciuile animal esse natura. Hæc nimirum oratione duo demonstrat Aristoteles: ciuitatem, siue societatem ciuilem esse naturalem: & hominem esse politicum animal item natura.

Primum ostendit hoc inodo. Quod ex partibus constat naturalibus, est naturale. Ciuitas ex societatibus naturalibus constat. Est ergo naturalis: sed quoniam assumptio postulat expositionem, perstringit iterum breuiter ea, quæ supra in cap. primo posuerat, ipsam redordiens, retexensque ad partes vsque primas, & minimas Ciuitatem. Ita enim intelligi facile posse videt, totum naturale esse, si principia partesque totum componentes demonstrantur esse naturales. Ergo in eo cap. primo societatem hominum primam, quam imperauit natura, dixit esse maris & feminæ. Primum, inquit, coniungi necesse est eos, quorum alter sine altero esse non potest: ceu marem & feminam procreandi causa: idque non consilio, seu voluntate, sed, vt in ceteris animantibus & stirpibus naturale est, cupere sui simile alterum relinquere. Similia loquitur Cicero in primo libro Offic. cum ait: Commune animantium omnium est coniunctionis appetitus procreandi causa, & cura quedam eorum, quæ procreata sunt. Secundam societatem imperatam item à natura esse ait domini, ac serui: ostendens haud dubiè, illum esse natura imperantem, qui præstat intelligentiam; illum seruientem, qui robustior quidem corpore sit, sed consilio, ac ratione quàm minime valeat: quo ex fonte oritur altera naturalis societas ac salutaris: cum ille, qui consilio, ac ratione est inuicibilis, sapienti ac prudenti necesse habet obtemperare, is qui pollet intelligentia, prudentiaque virtutibus, est valens & robustus corpore. Ex his duabus societatibus aut coalescere tertiam, hoc est, domum, ex viro enim & coniuge, liberiisque iam procreatis, ex domino ac seruo degentibus simul, consilium existit domus & familia: quæ tertia societas est naturalis. Illi quippe, qui eadem domo, familiarique continentur, quia eodem igne veuntur & pabulo, constituunt societatem. Quæ causa fuit, cur Charondas eos appellauerit, *πολιται*, hoc est, eadem arca, siue penu, ciboque simul videntes: & Epimenides Cretensis dixerit eosdem *πολιται*, hoc est, eiusdem confortes ignis, & socios sumi. Quod si desideratur interdu in domo ac familia seruus, vt accidit apud egenos & pauperes,

hos, inquit Aristoteles, aut aliud huiusmodi inmentum obtinet serui locum, vt canit Hesiod.

*Οὐρανὸν ὀρέσμεν, γυναικὶς τε, βοῶν τ' ἀγέμεν.
Sic domus in primis, vxo:que & ianua arator.
Bos enim aliaque bestia ciues, quæ seruiunt pauperi, cum suppediunt fructum, quem copiosi, & opulentiores ex seruorum familia capiunt.*

Quartam societatis necessitatem ait expressisse naturam in pagis. Est enim pagus ex pluribus domibus conflata & conuicta, natura imperante, societas: quam ideo secundum naturam contendit esse; quia necesse fuit eiusmodi pagos instituere susceptis iam liberis, & sobole procreata: quæ cum vna domo capere non posset, in alias domos, velut in colonias exire necesse habuit. ex quo capite fluxit naturaliter ille cætus, quem dicimus pagum.

Hinc denique quintam, vltimamque naturam societatem affirmat, quæ Ciuitas est, ex pagorum multitudine vicisque compolita. Vici enim Urbis respondent pagis Rusticorum: adeoque Urbs, quæ nunc ex vicis compolita est, conflata primum fuisse videtur ex pagis. Eandem prope gradationem secutus est Cicero in lib. primo Officiorum cum dicit: Nam cum sit hoc natura commune omnium animantium, vt habeant libidinem procreandi, prima societas in ipso coniugio est: proxima in liberis: deinde vna domus, communia autem omnia. id autem est principium Urbis, & quasi seminarij Reipublicæ.

Ex his ergo, quæ supra sic disputauerat in capite primo de multiplici societate secundum naturam, vult in secundo intelligi, Ciuitatem esse etiam à natura. partes enim & membra ciuitatis, hoc est, illæ coniunctiones, ex quibus nata, & compolita Ciuitas est, sunt naturales. Idcirco veluti claudens absoluensque ad extremum disputationem, ita decernit: Quapropter omnis Ciuitas à natura est: si quidem etiam primæ societates, hoc est, illæ viri ac feminæ, liberorum, ac parentum, serui, ac domini, domus, & pagorum coniunctiones sunt naturales. quarum societarum finis atque perfectio Ciuitas est. Quod si Ciuitas est finis, & perfectio ceterarum societarum, sine dubio Ciuitas à natura est, & secundum naturam.

Natura enim quemadmodum perficit equi, stirpium, herbarum, aliarumque rerum procreationem, sic etiam humanæ societati paulatim & quasi per gradus promotæ ad extremum vltimam admovent manum imponitque fastigium constituta Ciuitate. Esse autem Ciuitatum finem omnium humanarum coniunctionum, & societarum vel ex eodem demonstratur, quod in Ciuitate omnia sine ad bene beatèque viuendum præsidia: & ea, quæ Græcè dicitur *ἀντίστα*, seu Latine, rerum sufficientia, in sola ciuitate reperitur. Dixerunt hoc vocabulum Græci à verbo *ἀντιστα*, quod est sufficio, vel satis sum, vel bonis contentus sum meis. Quo fit, vt qui habet hanc *ἀντίστα*, quam necesse est sufficientiam di-

cere honorum omnium, is habeat quod optimum est. optimum autem est finis. ergo Ciuitas finis est. Ita inquam demonstrat Aristoteles, à natura, tanquam à fonte fluere Ciuitatem.

Alterum verò, hoc est, hominem esse civile animal & sociabile, ostendit ex antecedentibus. Ex iis enim, quæ dicta de Ciuitate sunt, consequens est, hominem, politicum animal esse. id quod efficitur hoc modo: Illud animal, quod natura civilem appetit societatem, est civile. Homo appetit conuentum & societatem civilem. igitur politicum animal est. Assumptionis probatio peti potest ex iis quæ disputata iam sunt in hanc penè rationem, ac formam: Homo natura fertur ad coniugalem societatem, ex qua fit domus. at ex domo fit pagus, ex pago Ciuitas. ergo homo natura fertur in civilem societatem. Ad hæc. Homo naturaliter appetit comprehensionem illam, amplexionemque rerum omnium, ad vitam bene beatæque traducendam sufficientium. At hæc extra Ciuitatem obtineri non potest. ergo naturaliter appetit ciuitatem, siue conuentum, & victum civilem. quæ ratio ducitur ex iis verbis, quæ superiori rationi subiungit, asserens, eos, qui degunt in solitudine, humana conditione superiores esse, quia sibi ipsis satis superque sunt, nec indigent alieno præsidio: quod videtur esse diuinum.

Tertia quæ proponitur, & tractatur ab Aristotele ratio, non ostendit modò sociale animal hominem esse, verum etiam multo magis socialem, quàm apes, aut alias animantes gregales, & studiosas in suo genere societatis. Animalia enim omnia, vt ait ipse initio lib. primi de histor. animal. partim congregabilia sunt, Græcè *ἄλλαττα*, partim solitaria, *μόναττα*. ex congregabilibus verò partim ciuilia quodammodo sunt & politica, quæ nimirum in commune consulunt, velut apes, formicæ, grues, & columbæ; partim sunt errantia, & vaga, quæ Græcè dicuntur *περὶπλάττα*. Contendit igitur in hac tertia ratione, hominem esse magis congregabilem & civilem, quàm apes aliisque eiusmodi animantes, quæ politicè videntur viuere. Conatur autem hoc vincere ex sermone atque oratione, quam homini dedit natura singulariter, & præcipuè ad communicandum, participandumque cum aliis. Ex quo constat, inquit, sociale animal hominem esse, multo sanè magis quàm omnes apes, aut omnes gregarias alias animantes. Nihil enim frustra natura facit. sermonem verò habet ille ex omnibus animantibus vnus. Nam vox quidem molesti atque iucundi significatio est. quæ propter cum aliis est etiam animalibus communis, hucusque quippe natura processit in his, vt sensum habeant iucundi & molesti, atque hoc inter se significare possint. sed sermo idcirco datus est nobis, vt ostendamus vtilitatem, ac damnum; atque ita iustum, & iniustum. hoc enim præter cetera animalia hominibus proprium est, vt boni & mali, iusti atque iniusti, aliorumque huiusmodi sensum haberent soli, ho-

rumque societas facit domum, & ciuitatem. Videtur igitur hic esse syllogismus huiusce totius orationis: Illud animal, cui à natura plura sunt attributa ad societatem celebrandam præsidia, magis est sociale quàm cetera. sed homo animal est, quem natura pluribus, quàm ceteras animantes præsidis instruxit ad colendam celebrandamque societatem. Igitur homo præ ceteris omnibus animantibus est socialis. Assumptioni fidem facit à sermone, atque ab oratione, quam homini dedit propria peculiarèque natura, ad exprimendum exponendumque quid vtile sit, quid incommodum, quid iustum, quid iniustum, quid rationi consentaneum, quid à ratione alienum. Hæc verò exponuntur, & tractantur in humana societate, quæ iustitia temperatur & legibus vtilitati publicæ consulentibus in commune. Nam vox quæ data est etiam belluis ratione carentibus, non hæc quæ diximus exprimit, sed molestum tantummodo & iucundum, dolorem & voluptatem. Fit igitur hinc, vt quoniam nihil frustra facit, & molitur natura, impartita sit homini sermonem & loquendi facultatem ad instituendum conuictum, retinendamque societatem, cui quodammodo ancillatur & subseruit oratio. Hæc Aristoteles de naturali Ciuitatum institutione docet, atque his demonstrat rationibus, Ciuitatem esse secundum naturam.

Superest, vt amoliamur obiecta. Quorum primum antequam proponatur, postulat, vt Ciuitatis traditam ab Aristotele definitionem exponam; quæ in lib. 3. Polit. cap. 1. in fin. est huiusmodi: Ciuitas est ciuium multitudo, ipsa per se sibi satis ac sufficiens ad bene beatæque viuendum. Cui definitioni respondet ea, quæ ex eodem cap. 1. duci sic potest: Ciuitas ex est pluribus vicinitatibus societas, & perfecta communitas. & ea, quæ traditur alibi: Ciuitas est communio quædam similium, gratia vitæ quoad eius fieri potest optimæ. In his definitionibus duo posita sunt, quæ maximè videntur à nobis esse consideranda; materia & forma Ciuitatis. Materia enim continetur in illa communitate, & coniunctione multorum hominum, quos necesse non est iisdem sepiri mixtibus iisdemque muris circumvallari. murus enim idem, & eadem tecta faciunt Urbem, & oppidum, non ciuitatem. quæ ab Urbe differt eo nomine, quod Ciuitas cætus sit, atque communitas pluribus interdum vicinitatibus, & pagis comprehensa; quales illæ apud Cæsarem in Gallia sunt, Hedunorum, Heluetiorum, Belgarum, Biturigum, Eburonum. quibus singulæ dantur à Cæsare Ciuitates plurimis pagis atque oppidis inter se distinctæ. Illud instar omnium sit, quod de Biturigibus in lib. 7. commemoratur. quorum Ciuitas cum multis Urbibus, oppidisque contineretur, ægre patiebatur, Anaricum principem & nobilem urbem incendi, quemadmodum ex Vercigentorigis consilio incensæ iam erant aliz, ne subsidio Romanis esse possent, & conuictum suppeditare.

Omnium consensu, inquit eo loco Caesar, vno die amplius viginti Vires Biturigum incenduntur: cum tamen paulo ante Biturigum vnam esse Civitatem affirmasset. Deinde planius in hunc modum. Deliberatur de Auarico in concilio, incendi ne placeret, an defendi. procumbunt ad pedes Bituriges, ne pulcherrimam totius Gallie Urbem, quæ præsidio & ornamento sit civitati, suis manibus succedere cogerentur. Quam enim illi civitatem significabant, nisi multitudinem illam totam, & Biturigum in tam multis oppidis societatem, quorum princeps & munificentissimum erat Auaricum? Quanquam quid aliunde argumentum peto, cum Aristoteles in Polit. lib. 3. cap. 2. decernat, civitatem non distinguere moribus, sed multitudinem civium? idque demonstrat ex eo quod si cives, seu homines iidem mancant, loco tamen dividantur, non sit alia Civitas propterea, sed alia Urbs. fieri enim facile potest, ut Urbs ipsa diruta, & solo aquata, nihilominus eadem sit Civitas; contraque, ut plures intra eadem moenia Civitates contineantur. Nisi enim ita fieret, sequeretur, inquit Aristoteles, inter gentes, & civitatem nullam omnino differentiam esse. Accidit quippe interdum ut gens tota, vel regio vni moribus concludatur; veluti nunc Sinarum regnum, & olim Peloponnesus peninsula, cum tota perpetuis moribus cingebatur; & Babylon Urbs, cuius tanta fuit magnitudo, ut gens potius quam Civitas in ea esse videretur. Nam, Herodoto teste, Babylonis ambitus sexaginta miliarium fuit, amplitudo denique tanta, ut à Cyro extremæ Babylonis partes captivam essent, antequam captas esse scirent qui mediam Urbem habitabant. Ut ergo revertamur ad institutum, hæc est materia civitatis, multitudo siue ex pagis multis, siue ex vicis tantummodo Urbis, regionibusque conflata. Forma vero continetur eis, quæ in definitione subiunguntur, cum dicitur illa hominum multitudo sic esse coacta vitæ optimæ gratia, & per se sibi sufficientis ad bene beatæque vivendum congregata: quasi dicatur: Civitatis formam esse communicationem eiusdem multitudinis in vita per se sufficienti, atque perfecta. In hoc enim posita Civitatis perfectio est, ut habeat *imperium* hoc est, rerum illam omnium copiam sufficientem, quæ optimam, quæ beatam efficere vitam possit: cuius nimirum causa cives ea multitudine ac frequentia convenerunt.

Hoc posito, ita quidam demonstrare conantur, Civitatem à natura non esse: hi Civitas est secundum naturam, vel est civitatis illa materia solitarie ac per se sumpta, vel præterea etiam forma: si materia, non est appellanda civitas, quia civitatis materia distinguere non potest à pagis, atque familiis, à quibus vera civitas oritur, si forma: ergo quæ à sola virtute ac prudentia sunt, dicentur esse secundum naturam. Civitatis enim forma, civium ordo, & quasi colligatio & unio est: quæ idonea copia rerum humanarum divinarumque, tractatione indiciorum, eo-

rumdem cultu sacrorum, legum optimis institutis, earumque custodia continetur. At hæc à virtute tantum & prudentia sunt, ut docet Aristot. in lib. 4. Politicorum. non sunt igitur à natura. Nam idem Aristot. in hocum Ethicorum lib. 2. continet, ea quæ sunt à sola virtute, non esse à natura. Respondet aliud esse rationem, aliud rectam rationem esse. Illa enim à natura, hæc à virtute profiscitur, illa naturalis, hæc moralis, siue civilis prudentia dicitur, illa connexionem, ordinemque parit civitatis naturalem, hæc vti & virtute comparata, eundem perficit nexum, concentum, & harmoniam civitatis. Itaque in Civitate perfecta duplex est ordo, duplex nexus siue contentio. Unum, una quidem imperfecta, à natura, vel à naturali prudentia; altera perfecta, quæ à morali prudentia, vel à civili iustitia nascitur. Nego igitur unionem, & nexum Civitatis, ordinemque Reipublicæ esse à sola virtute, quæ naturam excludit: sed contendo, etiam esse à naturali ratione, atque prudentia. quæ non ita est imperfecta, ut formam inchoatam Civitati dare non possit, quamquam enim forma Civitatis est eiusdem perfectio; perfectio tamen illa suos habet gradus, quorum aliqui in ea naturali prudentia esse possunt. Aristoteles verò cum dixit unionem Civitatis, & ordinem esse à sola virtute, ordinem sine dubio, unionemque intellectui illam, quæ perfectionis apicem & fastigium habet à virtute morali, prudentiæque civili profectam, ut explicavimus.

Alij conantur idem ostendere hac ratione: Quicquid aliter assuescere potest, non est à natura: quod docet Aristoteles infra in lib. 2. his verbis. Nihil ex iis quæ sunt à natura assuescere aliter potest, ut lapis: cum natura deorsum feratur, nunquam sursum ferri assuescet, ne si millies quidem aliquis eum propiciendo sursum, velit assuescere. At Civitas aliter atque assuesfacta est, assuescere potest, ut discere possumus ex Aristotele in Politicorum 3. cap. 3. ubi docet Civitatis & Reipublicæ status in alios atque alios sepe mutari: ergo Civitas à natura non est. Hæc ratio ex eo vim petere videtur, quod in eadem omnino Civitate nunc monarchia sit, & vixus imperium, nunc aristocratia, & regimen optimorum: paulo post etiam democratia, hoc est, populi dominatus. hoc autem non facit, ut Civitatis mutetur genus, sed tantummodo species. Quantumvis enim ratio mutetur & dominatio Civitatis, Civitas tamen semper est eadem genere, sed varia tantummodo specie; cum quilibet civitatis status è tribus, qui numerantur in argumento, Civitas sit: nec illa Civitatis ratio generalis, quam diximus esse secundum naturam, ab ulla Civitatis specie possit abungi. Quare si eadem sententia respondendum sit, dederim equidem, id quod est à natura non posse aliter assuescere: negaverim tamen, Civitatem in genere posse aliter assuescere, quia singulæ Civitatis & Reipublicæ formæ, rationem & definitionem retinent Civitatis. Cum enim priores delentur

status civitatis, tolluntur species, genere in singulis subeuntibus remanente. atque adeo singulæ sunt Ciuitates.

Alia quædam ratio est, quæ demonstrare videatur, hominem non esse animal politicum & civile natura. quæ quoniam ea diuere contendit, quæ supra posuimus ex Aristotele pro compertis, est à nobis in hoc fine quæstionis exponenda. Est igitur huiusmodi:

Voluntarium & naturale sunt opposita. Voluntas enim ex libertate agit, natura ex necessitate. At esse animal civile, hoc est, in ciuitate vivere, videtur esse voluntarium. Sunt quippe aliqui, qui solitudinē potius eligunt, quàm civilem societatem; sunt contra, qui societatem & civilem vitam potius optent, quàm solitudinem. Ergo esse animal civile libera res est & voluntaria, & quod inde sequitur, haud necessaria. Sed qui hoc modo ratiocinantur, id sumunt, & exploratum putant: naturale, ac voluntarium semper atque in omnibus esse pugnantia: quod est falsum. sunt enim tantummodo separata; sic, ut vnum non sit aliud. non tamen hinc sequitur, aliud ab alio semper expelli, nec vnquam simul esse posse: quemadmodum de iis dicimus quæ simpliciter atque omnino pugnantia nominantur. fateor tamen, interdum naturale idem esse ac necessarium, opponique voluntario & libero: sic prius, ut inter se voluntarium & naturale pugnantia sint, sed sepius aliud volumus, cum dicimus, naturale. Significamus enim id quod est secundum naturam, hoc est, alicui rei consentaneum, illiusque naturæ accommodatum, de voluntario ac libero nihil omnino laborantes. Fieri adeo potest, ut aliquid naturale sit, quia secundum naturam est, & alicuius rei consentaneum naturæ, & tamen liberum & voluntarium sit, si ea res, cui naturale dicitur esse, sit libertate prædita & voluntate. Itaque argumentationem redordiens, nego voluntarium & naturale semper atque in omnibus esse opposita vel repugnantia. sunt enim tantum eiusmodi, cum naturale pro necessario ponitur. sed talia non sunt, cum naturale pro eo usurpatur, quod à natura est, & consentaneum rei, cui dicitur esse naturale. Tantum enim abest, ut tum voluntas cum naturali pugnet, ut dici vniuersè illo modo naturale non possit, quin ipsa propemodum voluntas aliquo modo in eo nomine intelligatur. est enim naturale, quod naturali cupitur appetitu, hoc est, amatur & exoptatur à voluntate. Quæ, quoniam libera est, potest quidem actu non tendere, aut in id ferri quod ei natura consentaneum est & expetendum. sed tum etiam cum non tendit & fertur, naturalem ad illud propensionem habet: quæ verè necessaria est, remanetque in iis etiam, qui solitudinem eligunt. Quamuis enim aliquis priuatis ex causis nolit, aut nequeat in Ciuitatibus esse, retinet tamen erga Civilem societatem propensionem. Non rursus vnquam Heraclitus in vita. at ridere potuit, & naturalem ridendivim habuit ac facultatem. Thales Milesius solitudinem amauit, noluitque in Ciuitatibus esse: sed habuit tamen etiam in

solitudinibus & locis desertis naturalem inductionem ad exigendam vitam in Ciuitate.

Quæ responsio videtur Aristotelis esse in cap. 2. Politica libri primi. Cum enim dixisset à natura Ciuitatem esse, & hominem esse animal civile naturæ, videretque tamen aliquos deserere Ciuitates, & solitudinem malere, quàm vrbes, attinuit, id fieri & non debere, hoc est, ex euentu quodam & accidenti: quia nimirum illi vel sunt improbi, & palmari aliquo flagitio notati, vel immanes & quasi belluæ, vel hominū osiores, ut Timon; vel pauperes & qui cogantur in agris esse, vel hominibus superiores & quasi Dei, alienæ opis auxiliique non indigentes. perinde ac si dicat, istos actum & prosecutionem omittere, vel quia non possunt, ut sunt pauperes, exules, & furis agitati, vel quia nolunt ex improbitate, ut flagitiosi sunt, & maleficia rationes: vel quia nolunt quidem, sed ex studio sapientiæ, & ex quadam quasi diuinitate nolunt: quales fuere Philotophi, & postea quidam homines in timetū diuinitatis, in solitudines abducti, atque in siluarum latibulis ex religione degentes, quos non habuit cognitos Aristoteles, sed fieri posse fortasse suspicabatur, ut essent aliquando.

QUESTIO SEXTA.

Utrum homo ita sit natura politicum animal, ut solitarium esse non possit.

QUAMQVAM suæ beneficio libertatis, homo, politicum animal, etiam solitudinem optare ac deligere potest, ut diximus, quærendum tamen alicui fortasse videbitur, num eo quoque tempore, quo vitæ Civilis solitariam anteposit, laudandus sit, atque id faciat, non reclamante, nec repugnante natura.

Aristoteles quidem in lib. 9. horum Moralium cap. 9. dicere plane videtur, hominem esse tantummodo politicum animal, & congregabile, quodque inde consequens est, solitarium vitæ genus hominis naturæ contrarium esse. Aristotelis verba sic sunt: Absurdum fortasse sit, hominem solitarium beatum facere, quippe cum civile animal sit homo; ac suapte natura ad conuietum accommodatum & pronum. Quo posito Aristotelis placito, pergunt aliqui sic disputare:

1. Homo, natura politicum est animal. Igitur homo omnia, quæ obtinet bona, siue intima in animo sint, siue in corpore, aut etiam prorsus externa, ad aliorum vtilitatem & commoda referre debet. peccat adeo ac naturæ legibus haud obtemperat, cum in solitudine degit, ubi nullo cum mortalium sua bona communicat.

2. Virtutem animo possidere, aliquid est imperfectius quàm ad aliorum fructum & bonum eadem uti virtute, ut intelligi potest ex lib. primo horum Moral. cap. 2. sed quæ imperfectiora sunt referri suapte natura volunt ad perfectiora. Ergo virtutis possessio suapte

natura ad aliorum utilitatē fructūq; referenda est. At in solitudine non refertur. ergo solitudo repugnat aduersatōq; humanæ naturæ. 3. In solitudine, ut habitus fortasse virtutis sit, non potest tamen esse actio perfecta virtutis; quæ bona etiam postulat externa, in primis quæ consuetudinem, & cōmunicationem cum aliis, ut sæpe docet. Aristot. in lib. 8. & 9. horum Moral. ergo solitaria vita hominis naturæ non congruit, quæ perfectionem postulat ab actione perfectæ virtutis.

Dicendum tamen est, etiam secessum à Civitate, vitamque solitariā homine dignā esse, humanæq; naturæ conuenire; quæ tametsi conuictum & frequentiam amat, à silentio tamen & solitudine non abhorret. Pulcherrimè docet hæc Aristot. in lib. 1. de histor. animal. cap. 1. post med. his planè verbis: Hominis naturam ancipitem esse, hoc est, societatis participē & solitudinis, apertum est. Ita igitur homo ex Aristotelis sententia politicum est animal, ut possit etiam, si maluerit esse solitarius; adeoque sicut ideo quodd solitarius est, haud sequitur non esse civile, sic propterea quod est, civile, malè conficitur haud solitarius esse. Quin et si Aristotelis ipsa careremus auctoritate, robustissima tamen vinceret ratio, naturam hominis in solitudine perfici, ac propterea solitarius vitæ genus inimicū illi aduersariūque non esse. Dictum Platonis est: esse homini aliud fugiendum; quia plurima hic illi mala circumueniunt, eundemque per virtutum iter ad Deum esse, ut beati simus. Hoc Magistri pronuntiato Plotinus edocuit, in Enneade 1. lib. 2. cap. 2. & sequentibus, tria distinguit, participūque genera virtutum, per quæ si quis iter habeat, ad Deum tandem aliquando sit peruenturus.

Primi generis, & quidem infimi, virtutes illas facit quæ civiles dicuntur ideo, quodd hominem præparant instruantque ad civilem societatem.

Secundi generis aliquanto præstatiores esse vult, hoc est eas, quas Plato purgatorias, siue purificationes appellat. Civile officio virtutum agit probe homo cum homine. purificationis studio cum corpore agit ac transigit animus, earumque beneficio & vi ab impedimenti explicare se corporeis incipit, ut liberius effugium habeat & receptum ad Deum. His nimirum purgari extergique dicitur anima, quia quas habet, patiturque à corporis societate commotiones, eas ita temperat, ac moderatur, ut velut extra corpus posita viuat in corpore. Mala, inquit Plotinus, est anima, si corpori commista sit, & vna cum ipso cōmōtiones patiatū ac perturbetur, illique assentiatur & obtemperet. contrāque bona erit & proba, si neque corpori morē gerat, sed per se sola, suoque agat arbitrata. quod quidem intelligere est ac sapere, neque vna cum corpore commoneatur, atque afficiatur, quod est temperatum esse; neque discessum à corpore metuat; quod est esse constantem ac fortem.

Tertij generis, & secundis excellentiores virtutes sunt animi iam extersi, & quæ ex ipsis purificationibus oriuntur. Illa virtus, inquit

Plotinus, quæ in purgando laborat, ea est imperfectior, quæ iam purganit. hæc enim illius est finis. Harum porō virtutum officia dicat esse, efficere, ut ea quæ spectant ad animā sentientem, & cum corpore communionem habeant, cuiusmodi sunt dolores, voluptates, aliaque huius generis affectiones, coram anima sic adsint, quemadmodum serui coram domino quem observant & venerantur. Erit, inquit, ratio his omnibus purgata, & pura, volētque præterea purū efficere id, quod rationis est expers, adeo, ut ne afficiatur quidem, aut saltem quamminime commoveatur, illius perturbationes confestim ipsa propinquitate sedare. perinde ac si aliquis etiam stultus sapienti vicinus ipsa propinquitate aliquid ab ipso participet, vel similis illi factus, vel certe illius ita reueritus præsentiam, ut nihil eorum audeat facere quæ non audeat bonus.

Quarti generis, hoc est, omnium præstantissimi, virtutes Plato nominat exemplares. quibus nimirum in hac fuga comparatis, animus ad Deum iam peruenit idem inquit Plotinus, & beneficio quodam imitationis efficitur Deus. Itaque in hoc supremo virtutū genere consummata sapientia, integrāque ac numeris omnibus absolutissima hominis perfectio sita est.

Quibus ita positis explicatisque, vna cum Francisco Petrarcha lib. 1. cap. 5. de laudibus vitæ solitariæ sic dicamus, has virtutes, ac præsertim inter eas præstantiores, si vniquam in aliquo sint, haud dubiè in homine solitario reperiri. Virtutes quidē primi, atque infimi generis faciliè solitarij permittentur, qui vitam exigunt in frequentia & ciuitate. sed in ceterarum cultu, ac possessione concedent nemini. Nam purgatiūque quidem multo magis propriè solitiorum hominū certè perfectiores sunt & præstabiliōres. Quas enim animi cōmōtiones homines in vitæ societate degentes moderantur & regunt, eas ipsi longiorē virtutis studio & diuturna meditatione prope conuellunt. virtutes verò tertij generis quæ purgati iam animi sunt & instar domini perturbationibus imperantis, si quis habet, haud dubiè solitarij habet, qui quoniam se totum rationi subiecit, nulla prorsus turbidiore cōmōtione tenetur. De quarti, hoc est, excellentissimi generis virtutibus idem plane iudicium est. Quis eas ab exemplari diuino facilius exprimat in se, quā solitarius, aut quis propius accedat ad Deū? Id nimirum causæ fuit cur viri sanctissimi solitudines incoluerint, quorum textus catalogum idē Petrarcha in lib. 2. neque horū tantum, verum etiam Philosophorum, & barbarorum. Itaque legendus est à sect. 6. & seqq.

Maneat ergo: iniuriā hominis naturæ nullam ab eo fieri, qui communi societati solitudinem præferat, ubi tantopere ac tam multis, variisque virtutibus ipsa natura perficitur.

Neque verò aduersus hæc aliquid valent argumenta proposita. Nā primò quidem Aristoteles cap. illo 9. lib. 9. nihil certi pronuntiat de beatitudine hominis solitarij, sed dubitanter interrogat, an à ratione alienum sit facere beatum eum, qui solitariè viuat, cum

homo natura sua sociale sit animal. eam enim dubitationem significant illa verba. At absurdum fortasse sit &c. Deinde cum dicit, hominem esse politicum animal, & sociabile naturam, non id etiam confirmat, solitudinem cum eius natura pugnare. immo alibi docet, ut diximus, ad utrumque paratum hominem esse, hoc est, ad solitudinem atque ad consortium & societatem.

Quod de virtutis actione perfecta dicitur, ad quam virtus ipsa referri debet, quod imperfectior sit, etiam si verè dicatur, non vincit tamen, hominis repugnare naturæ id quod imperfectius est. immo verò est illi maximè consentaneum, ut prius virtutem paret beneficio solitariae vitæ, deinde virtutem ipsam proferat in actionem. sed solitariae vitæ ratio habet etiam, cur perfecta censeri debeat, & ab ipsomet Aristotele diuina dicatur. quod tamen cur ita sit, huius loci non est explicare, sed eius, ubi de absolutissima beatitudine disputatur hominis solitarij. quæ non omnia postulat externa bona, quemadmodum in illo argumento contenditur. Certior itaque totius decisio rei aliunde cognoscenda erit & repetenda.

QVÆSTIO SEPTIMA.

An Solitarij, erronei, aut erratici quidam homines dicendi sint Cives, & in Civitate retinendi.

TRIBVS sanè modis, tribusque de causis dixit Aristot. fieri posse per accidens, ut quanquam homo politicum est animal, aliquis tamen expertus sit humanæ societatis. Accidere quippè potest, vel ex nimia quadam asperitate fortunæ; quod in pauperibus & mendicis intuemur: vel ex intolerabili prauitate morum, ingenijque immanitate; quod cernitur in sicariis & latronibus insidiosis: vel ex ardenti sapientiæ studio, ac pietate animi singulari; quod apparet in iis, qui rebus cōtempnis mortalium, totos se philosophiæ, rebusque diuinis commentandis addicunt. Cum enim in lib. 1. Polit. cap. illo 2. pronunciaisset, ac demonstrasset, hominem esse sociabile ac politicum animal, hæc verba subiunxit ad occupanda quæ contra dici ab aliquo potuissent de iis, qui à Civitatibus abhorrent, & societate communi. Et quicumque absque civitate est, per naturam, non per fortunam, inquit, aut nequam est, aut maior quam homo. significat nimirum, aliquos abhorreere singulariter ab humana societate propter immanitatem, ferocitatemque naturæ: aliquos expertes eiusdem societatis esse, propter aduersam incommodamque fortunam; quæ illos vel in exilio esse, vel in tanta rerum inopia vivere cogit, ut extra civitatem degere necesse sit: aliquos demum suo iudicio & voluntate in solitudines fugere ad res cōmentandas diuinas, vel ad philosophandum, quos ait esse maiores, quam homines, hoc est, humanæ conditione celsiores & quasi Deos; ut docet planius in fine capituli, his verbis: Qui autem in

civitate nequit esse, quique nullius indiget, nulla pars est Civitatis. Quare aut bestia est, aut Deus. Hæc ipse indicans esse bestiam, si propter immanitatem naturæ id faciat; Deum, si propterea, quod rei nullius indigeat, nec aliquid quærat, aut desideret extra se.

Primi detestabiles, cruenti, amatores belli, & discordiarum sunt. Itaque ait Aristoteles ibidem, rectè in eos cadere obiurgationem illam Nestoris Iliad. 9. cum reprehendens auctorem eius seditionis, quæ Græcorum prope fortunas evertibat, dixit, eum esse sine Tribu, sine iure, sine iudicio, sine domo, qui tantas turbas excitasset. Huiusmodi enim homo, inquit Aristot. statim est belli cupidus; eum nullo retineatur iugo, quemadmodum volatilia. Hos enim verò in Philipp. 13. sic initio describere videtur, atque configere M. Tullius. Nam nec priuatos focos, nec publicas leges, nec libertatis iura cara habere, quæ discordiæ, quem exdes civium, quem bellum civile delectat, eumque ex numero hominum eiiciendum, ex finibus humanæ naturæ exterminandum puto.

Ponendum primo loco est, aliquos esse in Civitate pauperes quidem, sed qui censum tamen habeant aliquem perexiguum aut aliquo vitam opificio tolerent: alios, quibus non inopia modo, verum ipsa quoque mendicitas sit, adeoque dici, aut vix dici debeat capite censi: alios non solum mendicos, sed erroneos etiam, errabundos & vagos, addo etiam sæpe maleficos & flagitiosos: quales illi sunt, quos Cingalos, siue Cingalos appellamus, tota iam pene palætes Europa ex leges, furaces, impostores. quæ colluio incertum est & dubium vnde fluxerit. Cælius Rhodigin. lib. 18. cap. 38. putat esse Maurusios Africæ populos, quos accepimus solitos fuisse degere in parvis tuguriis, & humi in solo nudo cubare. caruisse pane, vino, bonis omnibus. sine quibus humanior transigi nequeat vita. Accepimus item, apud eosdem habitum esse nefas viros vaticinari, sed propè feminas ostium illud fuisse. Qui profecto mores iis omnino respondent, quibus vtuntur hoc tempore Cingali. Sed videamus qua ratione exortose illis populis autemet Rhodiginus. Maurusios credit in Africam à Phœnicia venisse pulsos ab Hebræis, cum ex Ægypto demigrarunt, Moysè primum duce, dein Iesu filio Naue. Horum, inquit, formidantes arma, patrio relicto solo, in Ægyptum atque in Africam defugisse ait: argumento verò esse columnas lapideas apud oppidum Tingen, in quibus Phœnicum lingua scriptum id esset: *Nos à facie fugimus Iesu prados, filij Naue.* Ex hac igitur Africæ regione, quæ Maurusiana dicta est, pulsos tandem à Sarracenis fuisse, & per omnem disiectos Europam, Cingalos siue Cingalos appellatos, sed neque huius rei profert authorem ullum, neque causam aperit, cur Cingani dicti sint. Fortasse illam nacti sunt appellationem, quod cum Tingen oppidum incoluissent, Tingitani vocati essent, adeoque Cingani, corrupto vocabulo dici ceperint. Quæ coniectura multo magis probare possunt Hispani, quorum lingua Cingani appellantur Gitan.

Suspiciatur alij eiusmodi homines profectos ex illo Hispaniæ tractu, vbi fluuius est Cinga: cuius mentionem facit Lucan. in initio libri 4.

*Explicit hinc sellus campos effusa parentes,
Vix oculo prendente modum, camposque carceres
Cingarapax, vetitus fluuius & litora cuius
Oceani pepulisse suo. nam gurgite misto
Qui praeferat terris auferit tibi nomen Iberus.*

Sed ne hi quidem faciunt fidem ex aliquorum testimonio coniectura suæ.

Multi ergo prudētius ac vero similis Scythicam hanc esse gentē, siue Tartaricā putant, à Cingi fabro magno, eius quondam duce, sic appellatam. Qui salutis anno millesimo circiter & centesimo sexagesimo latē ditionem habuit: eiusque posterī, Tamerlane præsertim Imperatore, viciniōra loca & Europæ propinquas oras, provinciāsque vexarunt. Hos partim fuisse Indicos ferunt, partim Turcas, partim adulterinos e mentisq; Christianos, partim etiam Ethnicorum deditos superstitioni: quale prorsus Tartarorū est genus, diuinandi studio per chiromantiam additum. Itaque Albertus Crantius in lib. 2. Saxoniq; hos erroneos Cingaros ait vulgò appellari Tartaros: Tartarōsq; ipsos similem Cingarīs vicē ducere, rapacem, irreligiosā, ferinā. Sed operæ pretium est audire Munsterum in lib. 3. Cosmographiæ, qui originē huiusce pestis in hac fermē sententiam tradit, & in hæc verba:

Cū mageretur annus post Christum natum millesimus quadringentesimus decimus septimus, existerē cæperunt in Germania primū homines nigredine deformes & incocti, veltitu immundi, vsu rerum omnīū scēdi: furtis in primis intenti, præsertim feminæ. nam viris ex furto feminarum victus est. Tartaros, aut Gentiles vulgus appellat, in Italia Cianos dicunt. Ducem habent, quem ex omni cœtu stipant ii, qui sunt veste præstantiores. Venaticos ducunt canes: equos identidem mutant. maior tamen pars pedibus graditur. Feminæ cum stratis & paruulis filiis iumento vehuntur. Literas circūferunt Sigismundi Regis, vt transitus illis per vrbes & provincias incolūmis permittatur. Ferūt ipsi ex interrogata sibi diuinitus pœnaterratum orbem peragere vagos, & ex minori Ægypto primū esse digressos. Sed hominum hoc genus, quod vsu compertimus, in peregrinatione natum, otio deditum, sine legibus & patria, ita peruagatur alienas provincias, maleficio, & suarum furto mulierum victitans, nulla religionis illis est cura, tametsi cū inter Christianos degunt, in speciem & perfunctoriē expiāt lustralibus aquis infantes. In diem viuunt, ex alia provincia demigrant continētē in aliam, per annorum intervalla redeunt in eandem. Admittunt denique passim ac vulgò viros femināque in locietatem, & contubernium suum ex regionibus, quas ita vagantes, & quasi populabundi percurrunt. Colluuiēs hominum admirabilis omnium pericia linguarū: rusticarū plebi nocens, & grauis. Vbi enim illa fors laborat in agris, hi casas inquadāt & mapalia. Eorum anus diuinationi, & chiromantiæ opera se dare profitentur, maritos, vxores, liberos vniciūque

futuros enumerantes, incredibilique interim astu marsupia perscrutantes eorum, qui eiusmodi responsa suscipiuntur. Hæc primū ita cōmemorat Munsterus, istorū errorum, prædonūque redordiens progressionē & initia. Deinde narrat planius sermonem congressionēque, quam cum ipsis habuerit, vt de tota eorum origine ac ratione vitæ certior fieret. Narrationem, vt apud ipsum est, ita subiūgo. Heidelbergæ agens, inquit, istius gentis primoribus me adiūgens vix extorsit literas quasdam, quas gloriabantur habere se ab Imperatoribus. Vidimus quoddam ab Imperatore Sigismundo impetratum, in quo mentio fiebat quomodo maiores eorum in minori Ægypto olim aliquot annos abiecto Christianismo ad gentilitatis errorē relapsi fuissent, & resipiscētib; eis penitentia iniūctā; quod tot annis ex singulis familiis eorum aliquot per orbem peregre proficiscerētur, diluerētque in exilio suæ perfidiæ crimen. Sed iam dudum euāgelicū istius tēpus peregrinationis: & tamen illa colluuiō non cessat vagari, furari, mentiri, augurari, & diuinare. Quod cū illis obicerem, responderunt, sibi interclusum iter, quominus domum redire queant. Audiui à nebulone quodam, qui erat à consiliis Comitū ipsorum, quod redituri in patriā cogantur transire per terram illam, quam inhabitabāt Pygmæi, homines cubitalis stature: qui haud secus retiaculis, quam apud nos lepores capiantur. Cūque ab eo quærerem vbi nani esset terra illa, respondit, eam esse longe vltra terram sanctam, immo vltra Babyloniam. Ergo, inquam, Ægyptus vestra minor nō est in Africa, sed in Asia. Illusit argumentum facetiis, cū nesciret vbi Asia, vbi Africa esset. Ex variis collecti sunt ociosis hominibus, nullis nō Europæ nationibus onerosi. Multi se illis quotidie adiungunt. linguāque confinxerunt, quam Germani vocant Rotuelfsch, hoc est rubrum barbarissimum, vtentes tamen inter cetera omnibus ferē linguis Europæ.

Hanc illi Munsteri causam suæ peregrinationis excogitatam ex ingenio, tradiderunt. aliam alias commentū sunt, quam referunt aliqui, qui haud multū de istorū origine dissident à Munsteri. Dicunt enim, esse colluuiem, & sentinam diuersarū gentium, quæ in Turcarum, atque Hungarorum sinibus habitent: & anno salutis millesimo quadringentesimo trigesimo nono, Rege Zindelone, cæperint tota Germania vagari, Ægyptios se mentientes, & domo propterea extorres, quod vindice Deo, annorum septem exilio pœnas dent maiorum suorū inhumanitatis aduersus Deparam, cuiusque filium, quod eos in Ægypto peregrinos non excepissent hospitio.

Sed Hieronymus Lilius in. 2. par. filu. var. lect. multo istos facit antiquiores, eorum originem & primordia repetens à Chamo filio Chus. Ab hoc enim natos incoluisse putat regiones inter Cilices positas & Assyrios. Et sane, si quid hoc ad rē pertinet vagi olim atque erroneos habitū Cilices sunt, præsertim Hauri, prædones maxime celebres ac piratæ.

Volaterranus arbitratur Vxios esse, quia

etiā nunc, quibusdā in locis, Hetruriz præsertim Vxij nominatur. Vxia verò Straboni in l. 1. & 15. regio est, ex qua fluuius oritur Choraspes. Capit præterea Volaterranus coniecturā ex eo, quod diuinationi & vaticinio sic dent operam, quemadmodū Chaldæi, quorū propinquit ac finitimi sunt. Auctore verò huius opinionis laudat ac profert Silacem historiz scriptorem Constantinopolitanæ, qui confirmat, Vxiorū responsis & diuinatione Michaële Balbum primum orientis Imperiū fuisse consecutum. & eorum sectam eiisdē Imperatoris studio per Mæsiā, totāmq; propemodū Europam fuisse dispersam. sed ex hac historia suspicatur alij, Cingaros, siue Cinganos fluxisse ab Athinganis hæreticis, quorum errores & placita mordicustuebatur hic Imperator.

Deniq; Pierius Valerian. in lib. extremo 25. putat istos accepisse nomē ab auiibus illis, quæ Græcè *αἰσῶν*, siue *αἰσῶν* dicuntur. quæ quidē aues sic inualidæ infirmæq; sunt, vt ne nidum quidē sibi parare queant: adeoq; alienis nidis oua supponant sua, vt ait in lib. de animal. 12. c. 9. Alian. Credunt aliqui, hanc esse motacillā: quia docet Suidas Cinculum auem esse gracilē, nullōq; fermē corpore: cui peculiare sit clunij pennas mouere. ex quo dicatur etiā Græcè *αἰσῶν* ab agitatione caudæ. Ex hac tanta huius auiculæ debilitate, tantāque indigentia, vt in alienis etiam nidis oua fouere necesse habeat, natū putat adagiorum Collector inter rusticos prouerbiū eiusmodi, vt cinclos siue Cingalos appellare cœperint eos, qui supra modū ac præter ceteros pauperes sint: quales omnino Græci vocant *αἰσῶν*, hoc est sine penatibus & domo; qualēq; fuisse canit Catullus Furiū illū, cui nec villula esset, nec domus, nec arca. Non tamē affirmat hic auctor, Cingaros illos erroneos, de quibus est sermo, dictos esse propterea ex eo prouerbio Cingalos, quod nullo censu, nulla domo, nulla vtantur re familiari. sed si hoc cōtenderet, nihil diceret incredibile exordia tamen huiusce gentis, quod quærebamus, non aperiret, sed tantummodo nomen exortis hominibus & sine domo censūq; vagantibus impositum ex prouerbio. Ceterū si spectetur id, cuius gratia hæc est à me suscepta narratio, haud magnopere de istorū origine laborandū erit, similitudinē enim hinc petere volumus, ad quosdā solitarios, siue potius ciuitatis expertes describendos: de quibus quæri iure potest, vtrum ciues sint, & an à Ciuitatum custodibus ferendi videantur.

Ponendū secundo loco est, duplicem esse notionem ciuis: cōmunem vnā & amplā; peculiarem alteram, atque restrictā. Ampla illa, & generalis omnes omnino ciues facit qui sunt in Ciuitate. Vt enim hanc explicat notionem Isidorus, ciuitas nihil aliud est, quā hominū multitudo cōmuni aliquo societatis vinculo cōgregata. Quare cū omnes quantumuis pauperes egenique, cū opifices ipsi, atque operæ sint ex ea multitudine aliquo vinculo colligata, sine dubio materiā saltē & quasi fundamentum Ciuitatis attingunt. Multitudo enim cōgregata, vt alibi diximus, Ciuitatis materia est. Immo verò, quia pauperes illi in huius & capite censu, atq; opifices huiusmodi participes sunt

earundem legū, eorundemque sacrorū, atque vt dicam vniuersè, illius copiz sufficientis, in qua posita est forma & perfectio Ciuitatis, videntur aliquo modo etiā de forma ipsa aliquid delibare, sed tam leuiter imperfecteque, vt nō propterea tamen habēdi verè sint ciues. Non enim forma illa & perfectio ciuitatis est indiuidua, sed gradibus partibusq; distincta: quæ faciunt, vt distribui membratim possit, & cōmunicari particulatim. Restricta verò, contractiorque notio Ciuitatis multos è ciuium numero dispungit, quamuis in Ciuitate sint, & è numero ciuium propter habitationē atq; cōuictum esse videantur. Decernit hoc disertè in l. Polit. 3. c. 1. Aristoteles. Cū enim dixisset, eadem habitatione ac domicilio non fieri Ciuem, cœpit primum è numero ciuiū depellere qui sunt Ciuitate donati, deinde in quilibet exclusit & aduenas: tūm eos qui fori participes sunt; cū eiisdē participes esse possint etiam peregrini, quib. in foro ius dicitur. tertio loco exules, pueros, senes, seruos vacantes munerib. Ciuitatis. Quibus expūctis, vt ostenderet eos non esse ciues nisi improprie, imperfecte, atq; vt soliti sumus dicere, secundū quid, hanc affert ipse veram ac propriam definitionē eius, qui sit simpliciter, absolutēq; ciuis. Ciuis simpliciter nulla alia re definitur magis quā participatione Magistratus, siue publicæ potestatis, iudicandi, consultandi, siue concionandi & decernendi. Quam definitionē petere voluit à triplici participatione: dominatus nimirum & eius principatus qui magistratus dicitur; potestatis publicæ iudicandi, facultatis deliberandi, ferendi suffragij, cōcionandi in Concilio, & decernendi. Si enim eos tantūm ciues esse dixisset, qui participes sunt imperij & dominatus, definitio non conueniret in eos Ciues, qui degunt sub Monarchia, quibus nullum datur imperiū. Adidit ergo participationes alias duas, ductas à publica potestate iudicandi, consultandi ac decernendi. quia in ipsa quoq; Monarchia, quæ vitio vacet, & temperata sua mediocritate sit, aliquod iudiciū, aliqua consultatio & deliberatio certis quibusdā permittitur ciuib. quæ facit, vt, si minus domini sint, certè delibēt aliquid quantumuis imperfectè de dominatu. Videtur enim Aristoteles quosdā quasi perfectionis cōstituere gradus etiam in hoc ciue, quem proprium & simpliciter appellat ciuem. quorū primus sit eius, qui particeps est imperij in magistratu. sic enim ipse in eodem cap. docet his verbis: Ciuis autē imperio quodā est definitus. secundus eius, qui iudicandi pollet potestate; hic enim superiori proximus est, videturque quodāmodo dominari. Tertius eius, cui saltē fas in aliquo concilio & deliberatione sit sententiam dicere, vel publice corā multitudine loqui, & concionari, vel etiā suo suffragio decernere de iis quæ cadūt in deliberationē cōciliij. Itaq; à nullo Reipub. genere; statūq; abhorret hæc definitio. Non à Monarchia: quæ, si bona est, omniq; vitio careat, aliquā demādat ciuib. auctoritatem deliberandi, aut iudicandi, ad dominatus imminuendam nimiam potestatem; ne degeneret in Tyrannidē. Non ab Aristocratia, in qua magistratus cum imperio creatur illi, qui dicuntur optimates; atque

optimates ipsi iudicandi & deliberandi potestatem aliis permittunt ordinibus, ut omnes proprii ciues sint, hoc est participes publicæ potestatis. Non à Democratia, in qua populi non modo potestas illa deliberationis est, verum etiam dominatus: cuiusmodi Romana Respub. fuit; ubi senatus semper, populusque æquali prorsus iure demandabat & capiebat imperium.

Ex hac definitione in hunc modum explanata intelligi potest, cur pueri & senes ex ipso ciuium numero, ac nomine depulerit Aristoteles. Illi enim propter infantiā, hi ob imbecillitatem participes esse non possunt magistratus, aut publicæ potestatis iudicandi, deliberandi. Quæ causa itē est cur serui, opifices, pauperes, ab eodē expuantur albo. Serui enim atque opifices haud tanto præditi sunt ingenio, nec ita sunt instituti, ut Magistratibus gerendis, consultationibus tractandis atque iudiciis pares esse queant. Pauperes verò sua occupantur inopia, impediunturque rei domesticæ difficultate, quominus Reipubl. negotia capessere sedulo possint: etsi enim capite censi sunt, tamen ne ipsum quidem ferre suffragium debent. Patent quippe corruptelis; & difficile conuenire ad comitia possunt. Ipsa porro causa, cur sic in angustū adducatur ciuitatis, siue ciuis intima vis & ratio, ut ij tantum ciues dicendi propriè sint, qui earum quas diximus sunt participes rerū, ea est; quod Ciuitas veluti quoddā sit suis distinctū membrum & partibus animal. Quemadmodum ergo in animante illa eiu de animantis propriè ac simpliciter est pars, quæ formam atque operationes animantis attingit: sic in Ciuitate illæ sunt simpliciter perfectæque partes, quæ formam attingunt operationesque Ciuitatis. At forma & vis intima ciuitatis totū Reipublicæ corpus informans est illa rerum copia sufficiens; quæ si alio esset explicanda nomine, dici deberet regimē & politia: operationes autem huius formæ sunt, regere, imperare, iudicare, decernere, deliberare, suffragium ferre. Ergo illi simpliciter, absolutèque ciuitatis sunt partes ac membra, qui participes sunt vel regiminis & iudicii, vel deliberationis atque suffragij. Quod si dicas hoc ius deliberandi, aut iudicandi in monarchia nemini ciuium esse. Respondeo, non esse tam absolutū, sed tamen esse aliquod. Propterea enim Aristoteles, qui probat maxime monarchiam, ciuem vniuersè generatimque definit ex participatione illa publicæ potestatis & consultationis, quod velit significare, eam aliquo laborare vitio monarchiā, quæ nullum ciuibus iudicium, nullumius consultandi, concionandi, decernendi relinquit. Hæc eadē ratio demonstrat, quid causæ sit, cur serui inter ciues haud numerentur, sed retinendi tamen sint in Ciuitate, ciuiumque societati dicantur esse pernecessarii. Nam quia politia illa & regimine cuius nullam attingunt partē, non informantur, quia nullas eius regiminis exerceant actiones, quæ in dominatu, aut in consultatione, ac iudicio sitæ sunt, huiusce corporis simpliciter, absolutèque partes non sunt. Sed tamē quia eidē corpori, hoc est ciuitati subseruiunt, & cum in ciuitatibus obtinent locū, quem habent in corpore ossa, capilli, vngues, & si quæ sunt alix partes eiusmodi, quæ tametsi anima

non informantur, præbent tamen, & suppeditant corpori, vel firmamentū, vel ornatum & vsum. ciues quidem imperfectè sunt, & partes Ciuitatis secundum quid, adeoque tanquam vtilēs & necessarij, dicuntur esse retinendi.

Ponendū est tertio loco: contemplantium hominū duplex esse genus. vnum eorum qui contemplationē sic amant, ut & contemplentur ea tantum, quæ sui gratia sunt, & remoti à civili societate, neque consilio neque auctoritate Reipublicæ iuuent, sed in ea contemplatione tanquam in fine conquiescant extremo. quæ vita commentantiū dici potest in se reflexa. alterū eorum est, qui contemplantur in gratiam actionis. quorum vita censeri ac dici debet in alios transfusa, & cum ceteris communicata mortalibus. Illa ex Aristotelis opinione non est ciuilis: hæc autē ita ciuilis est, ut eam ipse anteponat actiuolæ, dicatque architectis similē esse, qui sedendo plus faciant operis, quam operæ ipsæ agendo, & laborando. Quin eos reprehendit, qui contendunt, hanc vitæ contemplantis rationē otiosam esse, ac nihil agentem, cum multo plus ciuitati prosit, quàm actiuola; & cogitatione plurimū agat dum corpore celsationē habet & requietē. Itaque huiusmodi vitæ, quantumuis otiosam & contemplantem, si finis spectetur, qui positus est in agendo, dicendā etiam putat actiuolam. quanquā enim per se contemplatio sui gratia exercetur & est, potest tamen ex aduentitio contemplantis consilio referri aliò, atque ad agendum perfectius destinari. Denique, ut dicamus in summa, huiusmodi ratio contemplationis non est omnino cessatio. laborat enim animus, quæ princeps est hominis pars; & in gratiam Reipublicæ laborat, hoc est, ideo contemplatur, ut virtutibus utatur postea moralibus multo sanè magis absolutis, atque perfectis. Quæ omnia docet Aristoteles in Polit. lib. 7. cap. 3. Neque verò dicas, Aristotelē hoc etiam docere: virtutes morales subseruire virtutibus intelligentiæ, quæ contemplantur, ex quo consequens esse debeat, contemplationem non augere ac perficere morales & actiuolas virtutes, sed à moralibus perfici potius & absoluti. Nam hæc etiam contemplatio, quæ Ciuitatis gratia suscipitur, est duplex. vna, quæ res intuetur & perpedit operarias, hoc est eas, quæ referuntur ad opus: quales sunt morales virtutes, & earum officia, quibus vita tenetur actiuola. altera; quæ res à sensu remotas, & ea, quæ nullo modo referuntur ad opus, obuiat animo: cuiusmodi sunt quæ Physici, ac Metaphysici contemplantur. Prior illa, quæ est intellectus practici, non ita propriè contemplatio dicitur, sed tamen quia etiam in practica scientia quædam est cognitio, quæ Theorica nominatur, atque ab actione distinguitur, haud male, nec sine ratione, contemplationē earum quoque rerum dicimus esse quæ referuntur ad opus. Atque hæc illa est contemplatio cuius finem diximus esse regimen ciuitatis, & exercitationem virtutum moralium absolutarum. Huic enim virtutes morales obtemperat, atque alteri contemplationi, de qua dicimus, præparato iam animo, subseruiunt ac iteguntur. Posterior quippe contemplatio est intelligentiæ theoreticæ, nec alia complectitur, quàm quæ

subleuandam indigentiam, quā solitarij premebantur. Pergit igitur Aristoteles in secundo loco eiusdem capituli rationē exponere, cur homo sic, ut diximus, contemplans & solitarius, excelsior esse videatur humano captu. Qui autem, inquit, in communi societate nequit esse, quique nullius indiget rei, sed habet in se rerum copiam sufficientē, & sibi satis est, nulla pars est Ciuitatis. quare aut bestia, aut Deus. Quæ ratio informari syllogismo potest huiusmodi, & sic expoliri: Ciuitas instituta propterea est, quod nemo vnus sibi satis esse posset ad bene beatēque viuēdum, quod constat ex definitione Ciuitatis apud Aristot. in Polit. 3. cap. primo. vbi ait Ciuitatem esse talium hominum (hoc est participantium &c.) multitudinem idoneā ad rerum parandam copiam vitæ beatæ sufficientem. Græcè: ἡ πόλις οὐκ ἐστὶν ἀνθρώπων ὅμοιότης ἀλλὰ συνήθεια. Ciuitas inquam, instituta ideo est, ut humane vitæ rerum illa copia suppeteret, quæ beatitudinem parit & tranquillitatē. At huiusmodi solitarij homines sibi satis sunt, habentque idonea vitæ præsidia in se ipsis posita: ergo sunt hominum conditione superiores. Verè tamen ac propriè Cives non sunt, quia neque publicæ potestatis, & magistratus, neque iurisdictionis, neque consilij, aut suffragij participes sunt, neque vllalio modo Reipublicæ formam, aut à forma existentes alicuius muneris publici functiones attingunt.

Quod si dicas colligationem & nexum Ciuium siue communicationem ciuilem non esse tantum externam à bono vtili ciuitatis, verum etiam intimam & sub sensus non cadentem à bono profectam honesto, hoc est à virtute, cui non minus, immo verò multo magis operā dare videntur isti solitarij, quàm qui degunt in Ciuitate: si hæc inquit dicas, responderim hanc esse communicationem, & colligationem impropriad, hoc est eam, quæ facere non possit ut aliquis propriè, perfectèque dici debeat ciuis, nisi accedat altera communicatio, quæ in definitione ponitur ciuis, & Ciuitatis, à participatione publicæ potestatis, illaque rerum copia & cōplexione repetita, quæ bona etiam complectitur externa, non illa tantum, quæ animo atque intelligentia continentur. Posset quidem illa virtutis quantumuis solitariæ communicatio Ciuem facere, si virtus ipsa aliquo modo referretur in ciues: sed posuim⁹ istos commentatione & contēplatione contentos, ne consilio quidē atq; auctoritate, neque alia ratione Reipublicæ partem vllam amplecti.

Quartum. Contemplantes atque in otio & solitudine degentes ita, ut commentationem referant ad vtilitatem communē etiam externam & cadentem sub sensus, ciues sunt ex Aristotelis sententia in Polit. lib. 7. cap. 3. Vt enim ipse, rationem adiungens, affirmat, finis Ciuitatis est hominis actio perfectā, Græcè εὖ ζῆν. Sed hæc duplex est, altera in vī virtutis posita, diciturque moralis: altera sola mentis agitatione contracta, & intellectiua, siue intellectualis iam ab omnib⁹ appellatur. Hæc autem superiore perfectior est, multoq; præstantior, quia partē excelsi animi præstabilio-

rem. ergo in hac situs est vltimus & perfectissimus finis Ciuitatis; ergo huic subseruit actio perfectā moralis, vltimūque virtutis. Non tamen hæc sola ciues facere potest, ut paulò antè demonstrauimus, nisi curam aliquam suscipiat Ciuitatis. Itaque quoniam hæc commentatio, vel consilio, vel ductu, atque sententiā, vel auctoritate, vel doctrina, vel alia ratione respectat ipsum quoq; regimen Ciuitatis, non separat contemplantes ab eius participatione boni, in quo rationem omnem Ciuitatis ac ciuis Aristoteles collocauit. Immo verò multo magis quā ceteri Rempublicam hi procurare videntur; quia cum Nauium Gubernatoribus, cum Architectis, atque Imperatoribus ab Aristotele cōparantur.

Dices tamen, agitationē illam mentis, quantumuis in Ciuitatis gratiam reflexam, non esse actionem. finem autem Ciuitatis actionem esse, & illam εὖ ζῆν, ut supra iam diximus ex Aristotele. Duplex esse mihi videtur respondendi ratio & via. vna quidem, quæ neget actionem tantum externam esse finē Ciuitatis, cum ipsa quoque contēplatio actio sit intelligentiæ & Ciuitatis finis, non quidem proximus, sed vltimus atq; aduentitius ē proximo. altera pene recidens eodem: quæ contēplationem & agitationē illam mentis, si comparatur cum perpetua celsatione, actionem esse: absoluta enim celsatio otium quoq; complectitur intellectus & mentis. At dices iterum; hinc consequens esse, contēplationem quoq; illorum, qui dispuncti sunt à numero ciuium, dici posse actionē, cum absoluta celsatio non sit. Respondeo, contēplationem etiam eorum dici quidem actionē mentis atque intelligentiæ posse, sed nullam, ac nullo prorsus modo Ciuitatis partem intuentem. Quare si habenda ratio Reipublicæ sit & Ciuitatis, illa contēplatio otium dici debet & celsatio.

Quod si discrimen inter hos solitariorum & contēplantiū ordines duos designandum sit aliquod proprium magis & peculiare, dixerim ego, in illo priori non eundem esse bonum virum, & bonum ciuem; quia illi viti sunt optimi, sed non ciues. in posteriori, bonum virum à bono ciue secerni non posse. Quia ipsi etiā in otio de Republica cogitant: vel ab otio ad Ciuitatis participationem & regimen Reipublicæ reuertuntur.

QVÆSTIO OCTAUA.

An Oeconomica rectè finem assignauerit Aristoteles, cum suum singulis artibus designauit.

Cum multos esse fines ex variis artibus collendere vellet Aristoteles, medicinz finem dixit esse valetudinem: eius, quæ nauis molitur, nauem, siue navigationē, militaris victoriā; Oeconomica, hoc est domesticæ ac familiaris, diuitias. Nullā nobis ceteræ causam offerūt quæstionis, quarū veri sine dubio designati sunt fines; sed vna dat Oeconomica necessariam, cuius finem affirmavit esse diuitias. quas tamen illi finem propoliticūque

administra, formam habet inchoatam, alteri-
que subseruientem, atque imperfectam. hæc
autem, quia architectonica est, & princeps,
formam habet perfectam, hoc est, ipsius
perfectionem domus, in qua nimirum eius
beneficio emineat ordo quidam & pulcritu-
do. Sed quia hæc inter has artes discrimina
vulgo non cognoscuntur, sit, ut sæpe idem
vulgò sit Oeconomus familiam temperans,
οικονομος, hoc est, nummos & pecuniam cu-
mulans, idem, qui *οικονομος* administrat, hoc
est, fundos, idoneam pecuniam, & eas diuitias
parat ac seruat, quæ vitæ degendæ necessariæ
sunt. Quæ vocis abusio & vulgaris ambigui-
tas, non in Oeconomica tantum vsu venit, ve-
rùm etiam in ceteris artibus, quæ pedissequas
habent, & administras. Nam in arte meden-
di, idem sæpe medicus vulgò, est qui febrim
humorèsq; perduelles medicamento depel-
lit, idem chirurgus illi subiunctus, qui ferro
utitur & manu, idem vnguentarius & phar-
macopola, qui medicamenta diluit, herbâsque
salutares indagat. In textrina idem textor,
idem pectinarius, aut liciator. In ea, quæ na-
ues extruit, diciturque à Græcis *ναυπηγος*, idem
qui nauim ipsam componit, idem qui vela
texit, idem qui malos dedolat, idem qui ru-
dentes & transtra disponit. In militari, idem
Imperator, idem miles, idem insidiator, idem
desultor.

Hinc ergo constituamus primum, ut par est,
oportet: Aristotelem ex vulgi opinione, ac
sensu locutum esse, cum dixit, doctrinæ fa-
miliaris finem esse diuitias: ac pro arte fami-
liari non œconomicam primariam & prin-
cipem, sed eius partem, atque administram,
quæ in quærenda, parandâque re familiari vi-
tæ necessaria versatur, intelligi voluisse. Id
autem voluisse propterea, quod hîc non age-
bat de his accuratè, ac de industria, sed ratio-
ne quadam communi ac per occasionem dis-
putandi. Itaque placuit ei finem illum Oeco-

nomice facere, qui vulgò finis existimatur:
cum præsertim is satis esset, ad ea, quæ con-
tendebat, explicanda. Erat enim demonstra-
turus, multos in rebus humanis esse fines,
quia multæ sunt artes, quarum singulis est
propositus suus. id verò haud minùs à vulga-
ri, atque improprio fine, quàm à vero de-
monstratur & proprio.

Dices tamen, à toto partem differre non
posse, atque adeo quæ pecuniam & diuitias
idoneas parat, eam non differre ab Oeconomi-
ca, cuius est pars, veluti manus in corpore.
Sed respondeo, parti duplicem esse modum
ac rationem. vnam cum toti coniuncta est, al-
teram cum ab eodem est separata: partem
coniunctam cum toto ab eo non discrepare,
cum totum nihil aliud sit, quàm partes con-
iunctæ. Separatam verò differre; quia natu-
ram tum habet suam peculiarem & propriam
dissidentem à toto. sed cum Aristoteles dixit,
pecuniarum & diuitiarum conficientem ar-
tem ab Oeconomica differre, eas intelligi
voluit ab Oeconomica separatas. Si enim
coniunctæ intelligi deberent, ab Oeconomi-
ca non differrent, cum Oeconomice partes
coniunctæ nihil aliud sint, quàm perfecta &
numeris absoluta suis Oeconomica. Atque
ita illud etiam labefactatur argumentum,
quod aliqui petunt ab eo artium ordine, quem
subalternationem appellant. Nam pecunia-
ria & diuitiarum quæstuarie artes sunt Oeco-
nomice subiunctæ ac subalternatæ, cum illi
subseruiant, idonea domus instrumenta, &
præsidia suppeditantes. At subalternatæ à
subalternante non distinguuntur. Hoc, in-
quam, argumentum eadem planè responsio-
ne dilabitur. Quia ubi subalternatæ cum ipsa
coniunctæ sunt alternante, ab eadem alter-
nante non differunt: differunt autem ab ea
seiuinctæ, ac separatæ. id quod deprehendere
licet ex arte medendi, & Chirurgia, ex Phy-
sica, & ex naturali Magia.



CAPVT SECVNDVM.

DE VLTIMO FINE.

SVMMA.

Vltimum hominis finem vnum eumque optimum esse; de quo agere
Ciuis sit facultatis.

DIVISIO CAPITIS IN PARTES DVAS.

1. In rebus humanis aliquem esse postremum, eundemque præstantissimum, atque optimum
finem; cuius cognitio pernecessaria homini sit.
2. Aliquam esse disciplinam, cuius sit de hoc vltimo fine agere, nec aliam esse, nisi eam quam
Ciuisilem appellamus.

CAPITIS SECVNDI PARS PRIMA.

ΕΙ δὴ πὶ τέλος ὅτι τῷ σκοπῷ, ὃ
 εἰ αὐτὸ βελγόμενα, τὰ ἄλλα δὲ ἀφ'
 τῆς τοῦ, ἔμὴ πᾶντα δὲ ἐπερὶ ἀρετῆς.
 (περὶ τοῦ γὰρ ὅτι εἰς ἀπειρον, ὡς εἶναι)
 κενὸν ἢ ματαιὰ πᾶν ὀρεξίῳ) δὴλον ὡς
 τῆς αὐτῆς εἰναι τὴν ἀρετὴν, ἔστι ἀρετὴν. ἀφ'
 οὗν ἔστι σκοπὸς τὸ βίον ἢ γνώσις αὐτῆς με-
 γάλυν ἐξ ἑαυτοῦ. καὶ κατὰ τὸ τοῦ οὐ-
 ται σκοπὸν ἔχοντες, μάλλον αὐτὸν τὸν σκο-
 πὸν τῆς δόξης. Εἰ δὲ ὅτι, περὶ
 τοῦ τῆς καὶ θεωρεῖν αὐτὸ, πὶ πο-
 τε ὅτι, καὶ πῶς τῷ ὁπτισμῷ, ἢ διωά-
 μων.

SI quis igitur finis est rerum agenda-
 rum, quem propter se velimus, alia
 verò propter hunc, nec omnia propter alium
 eligamus (procedetur enim sic in infinitum:
 ita ut vana & inanis appetitio sit) per-
 spicuum est, id futurum esse bonum, &
 quidem optimum. Igitur ad vitam cogni-
 tio ipsius magnum habet momentum. Nam
 tamquam iaculatores scopum habentes,
 melius assequi possumus quod oportet. Quòd
 si ita est, enitendum erit, rudi figura com-
 prehendere id ipsum, quidnam sit, & cu-
 ius scientia sit, aut facultatis.

EXPLANATIO.



VONIAM in postrema superioris capitis parte dixerat, ex multiplici
 serie, ac varietate functionum humanarum alios atque alios existere
 fines, in quos ita feratur appetitus, ut vnum propter alium velit, perge
 in hoc Capite demonstrare, vnum denique finem esse vltimum, &
 summum bonum, propter se, ac non propter alium expectandum: de
 quo agere Moralis scientia sit, Cuiusque facultatis. Duas igitur in
 partes distribui potest hoc caput. in quarum prima ostendit esse finem vltimum, (hoc
 est summum bonum,) quem inuenire atque inspicere perutile in omni vitæ ratione
 sit: in altera confirmat, ac docet, ad Civilem pertinere facultatem hunc finem ho-
 minis vltimum cognoscere, atque inuestigare. Itaque prima etiam ipsa pars duo
 quasi membra videtur habere. Primo enim in ea demonstrat, esse finem vltimum,
 deinde illum querere, inuenire, atque inspicere ait ex vsu vitæ esse quammaximè,
 & perutile vniuersis. Esse igitur inter tam varios fines, atque multiplices vltimum
 & summum bonum ita colligit: Multi fines sunt, quorum alius propter alium expe-
 titur: ergo si aliquis inueniatur finis, qui propter se tantum expectatur, & propter
 quem expectantur ceteri, hic erit vltimus finis ac summum bonum. Hypothesica
 enim argumentatio huius initio capitis exponitur in hunc modum. Ergo si rerum,
 quæ sub actionem cadunt finis aliquis est, qui expectatur propter se, & propter quem
 expectantur cetera, perspicuum est, hunc esse finem vltimum & summum bonum,
 adeoque bonorum omnium optimum. Ita verò se rem habere, hoc est, actionum
 humanarum esse demum aliquem finem, quem supremis expectamus votis, & pro-
 pter quem alia velimus omnia, demonstrat ex eo loco Dialecticorum, quem Graeci
 ἀδύνατοι, nostri Impossible dicunt. Infinitè, inquit, in volendo procederetur,
 & expectando nisi huiusmodi finis extremus inueniretur. id mirum est quod ea
 clauditur parenthesi cum sic penè dicitur (in infinitum ita fieret progressus, vanus-
 que & inanis appetitus noster esset.) Quæ verba duo significant: & progressum esse
 consecuturum infinitum, & huiusmodi progressum esse à ratione placitisque Sa-
 pientium alienum. Ac futurum quidem eiusmodi progressum, nisi reperiat ex-
 tremus, apertissimè constat, quia postremo nondum inuento, semper aliquis su-
 peresset, quem expeteremus. Hanc autem in appetitionibus infinitam progressio-
 nem cum ratione ait ideo pugnare, quod inanis esset appetitus ille finis & boni,
 quem natura nobis iniecit, si processu infinito, succedentibus subinde finibus,
 nunquam posset expleri. Infinitum enim vinci & superari non potest: adeoque ter-
 minum infinitè distantem nunquam superabit, hoc est, nunquam attinget inexpler-
 tus atque insatiabilis appetitus. Quippe sic in Moralibus agentibus illi aliquid simi-
 le, quod in physice mouentibus accidit. Nam ut in his, nisi aliquid detur primum,
 nullus est motus, ita in rebus agendis nisi ponatur vltimum, non sequitur actio: sed
 perpetua

perpetua & sine carens inuestigatio, quæ irritò conatu, atque errore perenni ex alio semper deducat in aliud. Fieret verò hinc, appetitum illum Deum ac naturam sine vñ ac fructu hominibus indidisse, contra quam dicere soliti sumus axiomate iam adprobato. Deus & natura nihil in cassum.

Vnum hic appendicis loco deberemus adiungere, quod Aristoteles indicat de summo vel de optimo bono, cum hunc ultimum nominat finem: videtur enim illi hoc addere tanquam synonymon. & sanè sic ut dicitur est: quia finis, ut alibi declarauimus, à bono separari non potest. Quare, quoniam cum alium atque alium subinde finem appetimus, semper ac subinde appetimus meliorem, consequens est, ut ultimo iam inuento, teneamus optimum; optimus autem finis summum est bonum. In quo tamen illud est animaduertendum, nullum hic esse sermonem de summo bono simpliciter, quod est Deus, sed de summo bono secundum quid, & humano, quod dicitur humana felicitas.

His explicatis, adiungit Aristoteles quod secundo loco dicebam addi de utilitate ac fructu, qui capitur ex huiusmodi finis ultimi cognitione. Est enim, inquit, hic finis quidam quali sagittarij scopus; quo spectare ac collineare debeamus omnes; ne aliquis error accidat, & peccatum in vita, sed honestum & bonum, quod expectare nos oportet, certius faciliusque consequamur. Quia scopi sagittarijque similitudine in eodem planè argumento atque sententia vñs est etiam Plato pulcherrimè in fine lib. 12. de leg. & lib. 3. 4. & 7. de Repub. In sexto verò de Repub. docet idem Plato, cognitionem ultimi finis esse perutilem, similitudine à rerum possessione petita. Ut enim res omnes sine summi boni possessione inutiliter habentur & frustra, ita rerum omnium, artiumque cognitiones absque summi optimique boni notitia sunt inutiles.

Additur hic etiam appendix: cuius summa hæc est, oportere propterea, finem hunc ultimum ita utilem atque opportunum populari explicatione describere, & facili aliqua definitione figuram & formam eius adumbrare. Id enim sibi volunt ea verba. Quod si ita est, eritendum erit rudi modo, siue figura comprehendere, id ipsum quidnam sit: quod respondet Græcis omnino verbatim, *ὡς ἂν εἴπω, περιεχόντων τῶν κατὰ τὴν ἀλήθειαν*. &c. est enim apud Aristot. aliquid comprehendere *περιεχόντων* vel *εἰς τὸ πᾶν*, hoc est, figura vel in figura, nihil aliud, quam rudem rei formam exponere, & quod Cic. ait, adumbrare, vel informare. In oratore perfecto ad Brutum, Excel- lentis eloquentiæ speciem & formam adumbrabimus: ibid. Informabo qualis fortasse nunquam fuit. Ait igitur Aristot. velle se vulgarem explicationem, informemque tradere huius finis definitionem, & eodem stylo constituere, ad quam pertineat facultatem, & cuius scientiæ doctrinæve sit, hoc de ultimo fine disputare.

Antequam progrediar ad alterius partis explanationem, & earum explicationem quæstionum: quas tractare ad extremum oportebit, quædam admonere necesse habeo, ad præferendam faciem, & loca, per quæ nobis iter habendum est, illustranda. Cum quaeritur: An aliquis humanarum actionum sit ultimus finis, multiplicem video eius quaestioni esse posse sententiam. Prima, An in singulis negotiis, siue in singulis causarum generibus aliquid sit, quod tanquam ultimum expectatur: hoc enim pacto valetudo ultimus finis est omnium actionum, quæ ab arte medendi proficiuntur; & victoria militarium, qui tamen finis aliò referri potest ab iis, qui medentur, ac militari- bus studiis occupantur. Quin hoc modo dici potest ultimum quicquid in certa aliqua actione sic expectat homo, ut id tunc quidem ad aliud actum & re ipsa non referat, sed paratus tamen animo sit, referre, ac referret omnino, si de aliò cogitaret. Secunda, An in tota humanarum actionum amplitudine ac varietate aliqua sit, quæ simpliciter ultimum expectat: id verò illud est, quod anteponitur omnibus, nec aliò referri potest, cuiusmodi est felicitas. Tertia, An actiones quæ ultimum sibi finem proponunt, proponant sibi semper verum ultimum finem humanæ vitæ, veramque felicitatem: id enim videtur Aristoteles affirmasse, cum dixit, eum esse ultimum finem, & summum atque optimum bonum, quod nullius gratia rei, sed propter se tantum expectitur. Quarta, An homo, cum aliquid agit, debeat hunc sibi finem verè ultimum proponere: hoc est, eum, qui à recta ratione, ac lege diuina præscribitur.

Prima sententia non cadit in hanc quæstionem, quia de illo fine iam dixit Aristot. cum omnes actiones aliquod expectere bonum pronuntiauit: adiunxitque, hoc bonum esse varium ac multiplex: cum aliquod bonum referatur ad aliud; aliud

quod est præstantius & melius non referatur. Tertia abhorret item ab hac quaestione, nec in eam conuenire vlla ratione potest. Nam quemadmodum cùm dictum est, omnes artes, doctrinas, electiones, actiones aliquod bonum expetere, de bono communi sermo fuit, hoc est, tum de vero, tum de fucato, atque adulterino, quod verum tamen appetenti videatur esse, ita hoc loco, vbi mentio est vltimi finis, de fine vltimo communi, ac generali disputatur, sub quo tum verus, tum fucatus & ementitus finis vltimus contineatur: de vera enim falsaque felicitate separatim ac seorsim infra consultò, accuratèque in hoc primo libro differitur ab Aristot. Hoc igitur loco satis habet decernere, è tam multis hominum actionibus aliquam esse vltimam propter vltimum finem, & felicitatem propositam: quæ quoniam vltra non progreditur, sui gratia mouet, definitque ac terminat appetitum. Quod si quæreretur: an tum etiam, cùm fallitur animus, expetat aliquomodo felicitatem veram, responderi posset, expetere: sed tantum in speciem, & quemadmodum dicunt, similitudinariè. falsus enim ille finis obiectus homini, est similitudo quædam veri, quemadmodum de bono iam diximus.

Hoc, inquam, mihi videtur esse consilium Aristotelis: demonstrare tantum vniuersè, aliquem esse finem vltimum, siue verum, siue fucatum, atque apparentem. Sed tamen obliquè illius ratio vincit, etiam esse atque inueniri debere vltimum verum finem, complectendum & expetendum ab omnibus. Cùm enim verum in vnoquoque genere vnum sit, nisi demum vera felicitas inueniatur, perget animus appetere felicitatem: potest enim identidem, ac subinde cognoscere deceptionem suam, atque ita semper appetere, donec inueniat veram. Quare ne processus infinitus sit, reperiri vera felicitas debet. Quarta sententia videtur etiam ab hoc loco aliena: vbi philosopho id tantum propositum est quærare, An in finibus vltimus aliquis sit, & perfectissimus, quem videlicet nullus præterea subsequatur. Nihilo tamen minùs hæc etiam à nobis quaestio tractabitur in parergo.

Restat igitur, vt secunda tantum sententia huic consentanea sit quaestioni; An homo demum aliquem inueniat finem; quem non transiliat, aut ad aliam referat rem humanam. Id quod hic ego præsertim adiungo; ne videar diuinæ ac sempiternæ beatitudinis bonum cum humano fine confundere, atque omnia perturbare. Hanc adeò quaestionem decidit hic Aristoteles, affirmans, atque contendens, esse debere in rebus humanis huiusmodi finem: idque duabus omnino rationibus efficit: vna quidem; quia progressio esset in appetitionibus infinita. Altera: Quia frustra inditus esset natura nobis appetitus, qui non posset expleri, & eò demum peruenire; vbi quiescat. Natura verò nihil agit in cassum.

CAPITIS SECVNDI SECVNDA PARS.

Δὲξαι δ' αὖ τῆς κυρωτάτης, καὶ
μαλίστα ἀρχιτεκτονικῆς. Ἰσαύτη
δὲ ἔστι πολιτικὴ φαίνεται. πᾶσι γὰρ τῇ
χρῆσιν τῆς ὀπισθημῆς ἐστὶ τῶν πόλεων, ἔ
πολλας ἐκείναι μαθητὰς, καὶ μέγας πῆ
ρος, αὐτὴν ἀφ' ἑαυτῆς. ὁρῶμεν δὲ καὶ τὰς
ἐπιμετῆρας τῆς δυναμείων ὑπὸ ταύ
της οὔσας, οἷον στρατηγικῶν, οἰκονομικῶν,
ῥητορικῶν. χρῶμεθα δὲ ταύτης πᾶσι δι
ποικίλως τῆς ὀπισθημῆς, ἔστι δὲ
νομοθετικῆς πῶς δὲ ποικίλως, ἔστι πᾶσι
ἀπέχουσαι, ὅς ταύτης τέλος ἀνέχουσι αὐ
τὰ τῆς ἄλλης, ὥστε τῶν αὐτῶν τ' αὐ
θεσπινοὶ ἀγαθόν. Εἰ γὰρ καὶ ταῦτ' ὅστι
ἐνὶ, ἔστι πόλις, μείζον γὰρ ἔστι τελειότερον
ὅς τῆς πόλεως φαίνεται καὶ λαβόν, ἔστι σωτῆρ.

Videri autem possit imperatricis esse,
maximèque architectonica. Talis
verò etiam Politica esse videtur: quas
enim esse oporteat è scientiis in ciuitatibus,
& quales singuli discant, & quatenus, ipsa
constituit. Cernimus autem etiam præstan
tissimas facultatum huic subiici; qualis est
militaris, æconomica, oratoria. Cùm autem
utatur hæc ceteris, quæ in actione versan
tur scientiis, & præscribat etiam quid opor
teat agere, & à quibus abstinere, huius fi
nis complecti debet fines aliarum: qua
propter hic erit ipsum humanum bonum.
Quamuis enim idem bonum est vni, & ci
uitati, maius tamen & perfectius videtur
esse ciuitatis bonum comparare & iueri.

ἀγαπῆτόν μὲν γὰρ καὶ ἐνὶ μόνῳ, καὶ ἄλλοις
 ὅ καὶ ἡόπτερον ἔθνος καὶ πόλεον. ἢ μὲν
 οὗτω μεθόδος τούτων ἐφίεται πολιτικὴ τις
 οὕσα.

Nam optabile quidem est, quod uni soli;
 pulcrius verò, & diuinius quod populo, &
 ciuitatibus est. Hac igitur doctrina res hu-
 iusmodi spectat, cum Politica quadam sit.

EXPLANATIO.

DVO tractanda proposuit in hac altera parte, diligentérque videnda: quid sit summum ipsum bonum: ad quam scientiam, doctrinamque pertineat. Et quoniam inquirere quid res sit, non videtur esse proximij, in quo Aristoteles adhuc versatur, sed disputationis, tractationisq; perfectæ, definitionem interea prætermittit, nec curat inuestigare quid summum bonum, & finis vltimus sit; sed illud quaerit potius: cuius scientiæ doctrinæque sit de summo bono disserere, atque præcipere: cuius sit, idem bonum procurare, parare, conseruare, ac retinere: definitionem enim traditurus est postmodum.

Affirmat ergo, summi boni procurationem esse Ciuilis facultatis: quo loco Ciuilis nomine non intelligit scientiam & philosophiam practicam vniuersam, sed eam, quæ propriè Politica dicitur, atque in Ciuitate moderanda temperandæque versatur. Est enim eius disciplinæ, inquit, vltimum finem & præstantissimum bonum intueri, quæ inter artes principem obtinet locum, & est *κυριαρχικὴ μάλ' τε ἀρχιτεκτονικὴ*, imperatrix summa, siue maximè domina & architectonica maximè. Id quod sequitur ex iis, quæ supra posuerat, cum dixit: in subordinatis artibus eam esse architectonicam & præstantissimam, quæ ceteris imperat: imperare autem illam, cuius finis est is, propter quem expetuntur ceteri, huiusmodi verò Ciuilis doctrina est. Quæ cur domina dicatur ac princeps, non eadem ab omnibus ratio profertur, & causa. Sunt qui propterea principem dictam putent, quòd efficiat, vt Politici homines, hoc est, ipsius scientes & gnari Politicæ alii praticiantur & præsent. Idcirco enim Ciuilis hæc scientia nominatur, quòd Ciues in officio contineat, imperio & moderatione tueatur, vt docet Plat. in lib. de Regno. Ipse quoque Plutarchus in libello de Repub. scripsit, virum Ciuilem suapte natura principem esse, quasi Regem inter apes. Ac meritò id quidem: leges enim ille condit, quibus instituat & coërceat Ciues. legis autem est imperare, vt ait Iuriconsultus Modestinus. in l. leges. ff. de legib. Quapropter appositè dixerunt aliqui, Politicam alteram in nobis diuinæ imaginis partem adumbrare: vnā enim exprimit Contemplatio, quæ videtur in nobis Dei Opt. Max. tranquillitatem otiumque depingere; alteram Politica, quæ diuinam illam prouidentiam & procuratorem orbis terrarum actiuos adumbrat officijs, & gubernatione Ciuitatum. Quòd si de lege, ac de Iustitia dixit Euripides, eam nobis affulsisse de cælo tanquam Hesperum, Luciferumque, immò verò ipso etiam Hespero, ac Lucifero splendidiorē esse: quid de Politica dicendum est, quæ leges ipsas describit & condit, quæ iustitiæ custos est, & iustitiam ipsam definit? Nonne in viris Principibus ac Reipublicæ magistratibus, non modò velut Hesperus, sed tanquam sol effulgebit, lumenque cum ceteris ciuium quasi cum minoribus stellis ipsa tractatione iustitiæ communicabit? Hæc ergo videtur aliquibus esse causa, & profectò est aliqua, cur Politica princeps & architectonica, & domina dicatur; quòd faciat principes ac Reges; hoc est, homines huius amantes studiososque doctrinæ, regendæ Ciuitati reddat idoneos. Sed veriorē ab Aristotele causam requiramus: qui rationem appellationis huiusce tam amplæ atque magnificæ repetit ex eo, quòd ceteris imperet artibus & doctrinis vniuersis. Imperare autem ait artibus duobus modis: quorum prior ad omnes omnino scientias pertinet, tam practicas & actiuas, quàm otiosas atque theoricās: posterior conuenit in practicas, & operarias tantum. Ab illo, quoniam patet amplius, initium capiamus, de hoc postea facilius, & breuius explicaturi.

Ergo, quod attinet ad omnes omnino scientias actiuas & contemplantes, triplicem ait esse causam, cur Ciuilis in eas habere dicatur imperium & dominatum. Prima: Quia vna statuit Politica quas facultates scientiæve, tum theoricās, tum operosas esse oporteat in Ciuitate, quas non esse. Secunda: Quia decernit quas vnusquisque debeat addiscere, quas negligere ac præterire. Nam, vt admonet in

Protagora Plato, longè grauius periculum est in accipiendis disciplinis, quàm in cibis emendis. Tertia: Quia non modò decernit quas necesse sit discere, verùm etiam quatenus, & ad quem vsque gradum earum disciplinarum peruenire. Non enim ad tempus hoc referendum id puto, sed ad moderationem & modum. Quæ quoniam verissima sunt, & à Platone quoque tradita in Politicis, Eudemo & Gorgia, enucleatiùs à me, ac singillatim explicabuntur.

Statuit ergo primùm Politica, quas artes ac scientias admittere Ciuitates oporteat, quas depellere: atque ita ditionem ac potestatem exercet in omnes omnino disciplinas, tum theoricæ, tum actiuas; aliquas adprobando atque admittendo; aliquas repudiando & depellendo. Quod demonstrari etiam potest exemplo gentium plurimarum; Spartanorum in primis, & Romanorum: qui philosophos, & philosophiam vniuersè, Græcos verò nominatim è suis Urbibus exterminarunt; ne iuuentus theoricæ doctrinæ, aut eloquentiæ capta dulcedine, animum ab armorum studio reuocaret; quo potissimùm vtraque Respublica niti videbatur. Quin Censorum edicto vetiti aliquando Romæ sunt Rhetores ludum aperire: & Argui mixolodios modos, & citharâ pluribus, quàm septem consuetis instructam fidibus ciecerunt: quòd nimirum, opinor, animos frangeret, & ciues suauitate cantus emolliret. Quæ causâ item fuit, cur Plato in lib. 4. Politicorum Mulicam quandam nouam improbareret, & Poëticam omnem è sua Republica velleret expulsam. Hoc igitur est, quod hoc loco docet Aristoteles: Politicam, architectonicam principemque omnium esse disciplinarum, & artium etiam theoricarum: quia iubet aliquas in Ciuitatem recipi, aliquas vel non admitti, vel admissas iam receptrâsque dimitti. Sunt enim ex artibus doctrinisque nonnullæ inutiles, aliquæ non futes tantùm, verùm etiam detestandæ. Magia nimirum prima inter detestabiles est: illa, inquam, malorum demonum euocatrix, cui videtur affinis Genethliaca quædam circumforaneis iam & lycophantis admissa pecuniæ: quod genus hominum, inquit Tacitus lib. 1. histor. potentibus infidum, sperantibus fallax, in Ciuitate nostra & verabitur semper & retinebitur. Itaque non pauca extiterunt Senatusconsulta de Mathematicis Vrbe pellendis; & legibus Romani Iuris Chaldaei, hoc est, illi Genethliaci, diuinique Astrologi execrandi & detestabiles esse dicuntur. Huc pertinere profectò potest edictum Moysis antiquissimi populorum gubernatoris, qui vt omne superstitionis Ethnicæ periculum propulsaret à suis, è Republica Iudæorum omnes pictores, statuarum artifices, sculptores, caratores, aliòsque eiusmodi homines diuina prorsus edoctus politica depulit, teste Philone in Commentar. ad decem præcepta. Partiri adeò liceret artes & doctrinas è Ciuitatibus eiciendas, in perniciosas, in periculosas, in vanas & inutiles, cum omnibus singulis, tum vniuersæ hominum societati. Perniciosæ sunt illæ detestabiles & execrandæ: vt venefica & Magia. Periculosæ illæ sunt; quæ tamen nullum maleficium profitentur, maleficio tamen videntur esse finitimæ: qualis est Astrologia illa diuinatrix & Genethliaca, qualis est Alchymica, & Chrysopœia, quæ sapissimè degenerant & vertuntur in Magiam. facillè quippe illi Genethliaci vates, studio capti diuinationis, & rerum futurarum abditarumque notitiæ; facillè aurifices isti Alchymici, cupiditate atque auaritia in præceptis abrepti, quod ex suis artificijs consequi se non posse intelligunt, à Magia petunt, atque ad malorum euocationem demonum delabuntur: quanquam Chrysopœia potest alio nomine dici periculosa; quòd periculum nimirum sit; ne ab ea factum, & tandem aliquando expressum aurum pro naturali, natiuòque vendatur, & monetis ac medicamentis admisceatur. Hoc enim Alchymicum aurum vel nunquam induitur veri natiuique auri propria qualitate ac vi, vel ita rarè imbuitur, vt vniuersè censeatur debeat non imbutum: quare nec æquabit vnquam naturalis auri æstimationem ac pretium, nec eam habebit vim salutarem, quæ postulatur & quæritur in medicamentis. Non enim qualitatibus quibusdam noxiis, quas ex igne carbonario, venenatòque traxit hydrargyro carere potest: à quibus quantum ægrotis medicamentum sumētibus imminet periculum, nemo non videt. Hæc nimirum vtraque causâ fuit, cur Iure non quidem Ciuili, sed Pontificio damnata sit & proscripta Chrysopœia in cap. præsertim Episcopi 26. q. 5. & in c. Spondent. Cuius initium Canonis à Ioanne XXII. sanciti grauissimis sanè verbis atque sententiis ita factum est. Spōdent diuitias, quas non habēt pauperes Alchymistæ, qui se sapientes existimant, incidunt

in foueam quam fecerunt: legendus est Albericus in verb. Emptio. S. Thom. in 2. 2. sen. d. 7. q. 3. artic. 1. ad primum, & 2. 2. q. 77. artic. 2. ad primum, & in eum locum Caietan.

Inutiles autem & vanæ illæ sunt artes, quæ nullam Reipub. nullam priuatis afferunt utilitatem: cuiusmodi eas fuisse necesse est, quas Lycurgus à Spartana Republica procul amandauit: scribit enim in vit. Plutar. inutiles eum exercitationes, & superuacaneas artes abesse à Ciuitate voluisse. In quo illud mirandum maximè sit, quòd Rhetoricam quoque in eorum numero posuerit & eiecerit: id quod factum etiam legimus lege Minois apud Cretenses, vt Sextus Empiricus docet. Minus verò mirandum est Arcopagitarum edictum: non enim Rhetoricam vniuersè, sed partes, fortasse apud eos qui Sapientissimi Iudices erant, superuacaneas premium nimirum, & epilogum amputarunt. Vtrumque res sit, suo hi docuerunt exemplo quid decernendum fuerit in alias quasdam futes artes, quas non tam ingenium, quàm postrema quædam leuitas aliquorum videtur excogitasse. Ex hoc nimirum genere Callicrates ille Lacedæmonius sit, qui formicas ex ebore, & aliam parua fecit animalia, vt pedes, aliaque partes à ceteris secerni non possent. Ex hoc Myrmecides ille Milesius: à quo ex eadem materia quadrigam, quam alis rotam integeret musca, & nauem fabricatam; quam apicula pinnis absconderet, accepimus à Plin. lib. 7. cap. 21. Addit Ælian. lib. 1. variar. histor. istorum quoque hominum artificium fuisse atque opus, distichon elegiacum aureis literis exaratum in sesamo. Haud sanè plus attulit utilitatis qui Homeri totam Iliada ita subtiliter in membrana descripsit, vt testa nucis tota clauderetur: quod est apud Plin. ibidem, apud Cic. & Solinum Polyhist. cap. 6. Neque verò maius Reipublicæ peperit emolumentum, qui, quod se vidisse testatur Hadrian. Iun. cerasi nucleum in quasilli modum ac formam insculpsit, quo quindecim tessellatum paria suis affabre distincta punctis continebantur: aut Ion ille, qui, vt ait Maximus Tyrius, Babylonem profectus è patria, vt Magno illius prouinciæ Regi artificium egregij operis ostenderet, offulas exposuit paruulas, & globulos minutissimos in iocularem vsum elaboratos: tam certo enim ictu contra mucronem actos ex distant iaciebat loco, vt nunquam prorsus aberraret: parem se, quemadmodum idem Tyrius ait Achilli ducens, eiusque ex Pelio monte decerpto fraxino, cuius beneficio tam multa rerum miracula patrata sunt, quæ commemorant fabulæ. Haud scio, an idem fuerit ille, cuius mentio apud Quintilian. est, in lib. 2. Ciceribus quippe in acum coniectis aduersam, eundem nanciscebatur semper euentum, quem suis inueniebat offulis & globulis Ion. Sed præmium & pretium operæ retulit egregium, vt idem testatur Quintilian. Air enim ab Alexandro, cui artem illam & calliditatem ostentarat, cicerum fuisse donatum integro modio, vt merces operi responderet, & artificio ille tam fatuo se per otium oblectaret. Docuit nimirum sapientissimus Imperator ac Princeps, regendis populis natus, artes eiusmodi cassas inutilesque variis primariis & Rectoribus Reipublicæ negligendas esse: ne frustra retineantur in Ciuitate quæ communis utilitatis esse debet officina. Quod fortasse consilium secutus Matthias ille Hunnorum, aut Pannoniæ Rex, cum vt Læt. Peregrin. in adnot. ad hoc cap. 2. narrat, ab otioso quodam opifice offerri sibi videret lorica ligneam hamaram & sic implexam, vt singuli tamen annuli sine vlla fissione, fissurave remansissent integri: auctorem enim operis non modò nullo donauit præmio, verùm etiam supplicio affecit, & pœna: quòd octo nimirum annos in re nullius omnino vsum perniciofa temporis optimi iactura consumpsisset. Merito itaque ait Aristot. summum in omnes artes & doctrinas esse Ciuile imperium: quia cum videat, aliquas esse perniciosas, periculosas aliquas, multas inutiles, decernit, quænam intra Ciuitates accipiendæ sint, quæ ab iisdem Ciuitatibus exturbandæ. Atque hæc principatus & ditionis ratio, cunctas omnino disciplinas artesque actiuas & theoricæ amplectitur, vt supra docuimus.

Alteram huiusce dominatus multo magis propriam designat causam, quæ actiuas item & theoricæ simul comprehendit facultates. Ait enim idcirco architectonicam & maximè dominam dici debere Politicam: quòd suam vnicuique Ciuium scientiam, artemque perdiscendam præscribat, ordini nimirum, conditioni, fortunis, ætati singulorum accommodatam. Quod Politicæ munus & imperium in eo situm est, vt curet, ne vni omnes quantumuis utili ac bonæ scientiæ operam

nauent, sed pro suo capto & Reipublicæ utilitate singulis singuli. Monet quippe in lib. 4. de Rep. etiam Plato, quamlibet Ciuitatis partem ita instrui constituique debere, vt non modò quàm optimè se habeat in se, verùm etiam ceteris quoque partibus conferat plurimum, ad totius absolutissimam habitudinem perficiendam. Vt enim mergitur naus, vbi rectores omnes in eandem partem incumbunt, ita Ciuitas pessum irer, si vna tantummodo pars, neglectis alijs, à magistratibus & Principibus doctrina ceterisque præfidijs instrueretur.

Designabit igitur Politica, quam qualèunque vnusquisque persequatur artem: vt in Ciuitate disciplinx doctrinxque sint omnes, quando omnes in singulis Ciui- bus esse non possunt. Quare idem Plato in prima parte Timæi iubet à magistratibus perpendi singulorum ingenia puerorum; vt iis adiungant animum facultatibus & disciplinis, quibus idonei sunt & opportuni. Quin illud quoque statuit, & cauet interdum Politica, vt certæ quædam disciplinx certis in Regni locis, aliæ in alijs doceantur propter aliquas Ciuitatum opportunitates. Nam, vt de ceteris taceam, tempus olim fuisse scimus, eùm Ius Civile doceri non sicut nisi tribus in locis Imperij Romani celeberrimis. in Vrbe; quæ Roma vetus appellata est; Constantinopoli, quæ Roma noua dicebatur; & Berythi, quæ fuit Vrbs in Phœnicia princeps. Reliquas autem artes Imperatores, vtrique Romæ, hoc est, nouæ ac veteri, docendas permiserunt, & præterea Tharso, Athenis, Alexandria: quod testatur Iustinian. Imperator in præfat. Pandectarum, & Eunapius in libro de Sophistis illustribus.

Tertia huius in reliquis disciplinis imperij reliqua est causa, quòd præscribat, non modò quas artes discere vnusquisque debeat, verùm etiam quem demum ad finem & quatenus. [*ἡ δὲ πολιὰ ἐστὶν ἡ μαθητὶ καὶ μὲν τῷ, αὐτὴ ἀγαθὴ*: & Quales addiscere singulos oporteat & Quatenus, ipsa præscribit.] præscribit autem Quatenus, quia docet ac designat quousque progrediendum sit in singulis addiscendis. Hunc videlicet modum, atque hos à Politica præscriptos doctrinis limites intuebantur Athenienses, cùm poetas non quidem prorsus eiecerunt è Ciuitate, sed interrogatis poënis, ab importuna quam sibi sumpserant licentia, & libertate deterruerunt. vt Horatius canit in arte poët. & docet Cicero in lib. de Repub. Eundem respexit Politicæ modum & leges Crates, cùm ex Geometria tantum esse delibandum censuit, quantum satis esse videretur ad emendum, vendendumque prædium iusta mensura. Hoc fortasse sibi voluit etiam Neoptolemus apud Ennium: qui philosophandum quidem esse arbitratur; sed paucis, hoc est, quantum est satis: hoc Philippus Macedoniæ Rex, cùm Alexandrum filium obiurgauit, quod accuratius callidiusque caneret quàm Regem deceret, & infra Regiam maiestatem esset musicæ studiosus. Possit huc pertinere Lyncurgi lex, præcipientis, vt fabri lignarij lectulos, sellas, atque id genus alia conficerent sine vllis propemodum ornamentis: quam eandem frugalitatem in poculis etiam, in vestibus, calceisque præscripsit.

Spectant enim hæc leges modum habendum in artibus, & quatenus in earum exercitatione progrediendum sit, sanctione designant. Quòd reuocandum sine dubio puto quod commemorat Albertus Magnus, nec possum faciliè diuinare quo ex auctore desumpserit. laudat quidem ipse testem Victorinũ in Architectura: quem positum à librariis pro Vitruuio reor; cùm apud eum legantur in cap. 7. lib. 1. quæ ex Victorinò commemorat Albertus. At ergo Victorinum illum, siue Vitruuium, siue alium quempiam, quem ipse scriptorem legerit, præcipere, vt Veneri Tēpla extra Vrbes in Campis florigeris, ac lucis vmbrosis ædificētur, vbi libera Dææ sacra sine dissolutione matronarum, ac Ciuitatis verecundia fieri queant: vt Marti delubra item extra Vrbes in asperis, saxosisque ponantur locis: vbi nimirum truculenta sacra fiant à militibus, nec Cnues eorum aspectu crudeliores efficiantur. Ioui autem vt in ipso Ciuitatis vmbilico fana excirentur aspectabilia: quia ex Deorum consilio in Cælo medio decernit omnia ad communem impertiendam hominem generi felicitatem. Vt enim antiquorum nescio quis dicebat, quod est apud eundem Albert. non tonabit Iuppiter, nisi duodecim saltem consentientibus Diis: non fulminabit nisi toto concilio & Cœlicibus omnibus approbantibus: beneficia verò vltro ac per se, hoc est, nullo Deorum consulto, præstabit vniuersis: vt intelligas, pœnas & supplicia irrogare de consilio, beneficia suo iudicio suæque summa sponte dare Principem oportere. Hæc, inquam, eodem mihi pertinere quidem videntur, quòd per-

tiuentalia. Nam qui sic præcipiebat, cauebat illud, vt in ipsis quoque sacrificiis, quæ maximè esse volebat in Ciuitate, certus quidam haberetur modus, viderentque Ciues, quatenus in illo quoque genere progredierentur. Vsq̃ue adeo verum est antiquum illud vulgatumque prouerbum, quo monemur, Ne quid nimis vnquam in vita faciamus.

Duobus modis imperare Politicam reliquis artibus ex Aristotele diximus: quorum prior in omnibus omnino versans disciplinis expositus est. Ad posteriorem accedamus, qui proprius est eius dictionis, quam Politica nominatim exercet in practicas & actiuas: quæ potissimum faciunt vt Politica verè sit, & dicatur architectonica: quia iis vitetur tanquam instrumentis & operis. Adhibere autem, atque ad mouere imperio nuntios operarios & instrumenta proprium est architecturæ. Differt igitur architectonicus à domino, illo nomine; quod fieri potest, vt quispiam dominus aliquorum sit, quibus tamen velut instrumentis non utatur. architectus verò nemo est, quin iis, quibuscum comparatus esse dicitur architectus, utatur ad propositum sibi finem consequendum. Cernere licet hæc ipsis propemodum oculis in nauium domorumque descriptoribus & architectis, qui non modò dulatoribus & fabris imperant, verùm etiam iisdem tanquam instrumentis vtuntur ad eum, quem sibi proposuerunt finem aliquando comparandum.

At igitur Aristoteles præterea, quasdam esse nominatim artes, quas Politica non solo regit imperio, verùm etiam admouet operi tanquam instrumenta. Has autem artes esse illas, quæ summo apud omnes in honore sunt, quarumque apud mortales eximia dignatio est. Videmus, inquit, vel maximè honorabiles facultates sub ea esse collocatas: cuiusmodi est militaris siue Imperatoria, *στρατηγική*, Oeconomica, siue familiaris & oratoria. scientia enim militaris, atque Imperatoria doctrina, quia tuetur armis & bello Rempublicam, tanto est apud omnes in pretio, vt quanquam Politicæ pareat, cum ipsa tamen etiam Politica de Principatū contendere possit videatur: quod à Platone didicimus, atque à M. Tullio Cicerone in oratione pro Murena, loco nobili, atque pulcherrimo, quem placet describere. Qui potest dubitari, inquit, quin ad Consulatum adipiscendum multo plus afferat dignitatis rei militaris, quam rei ciuilis gloria? Vigilas de nocte, vt tuis consultoribus respondeas: ille, vt quò intendit, maturè, & cum exercitu perueniat. Te gallosum, illum buccinarum cantus exuscitat. Tu actionem instituis; ille aciem instruit. Tu caues, ne tui Consultores; ille ne vrbes, aut Castra capiantur. Ille tenet, & scit, vt hostium copias; tu vt aquæ pluuiæ arceantur. Ille exercitatus est in propagandis finibus; tu in regendis: ac nimirum (dicendum est enim quod sentio) rei militaris virtus præstat omnibus. Hæc nomen populo Romano, hæc huic Vrbi æternam gloriam peperit: hæc orbem terrarum parere huic imperio coëgit: omnes urbanæ res, omnia hæc nostra præclara studia, & forensis laus & industria lænent in præsidio ac tutela bellicæ virtutis. simul atque increbuit suspicio tumultus, artes illico nostræ conticescunt. Claudit ad extremum eam disputationem ad hunc modum: Omnes artes, quæ nobis populi Romani studia conciliant, & admirabilem dignitatem & pergratam vtilitatem debent habere. Summa dignitas est in iis, qui militari laude antecellunt: omnia enim quæ sunt in imperio, & statu Ciuitatis ab iis defendi & firmari putantur. Summa etiam vtilitas; si quidem eorum consilio & periculo cum Republica, tum etiam rebus nostris perfrui possumus. Non comparat M. Tullius Imperatoriam & militarem artem propriè, verèque cum Politica, sed cum Iurisprudentiâ. est enim illi res cum Sulpitio Iurisconsulto: sed quia Politica leges condit, de quibus operario quasi labore ipsi Iurisconsulti & cauidici, subseruientes Politicæ, disputant; ita Iurisperitia coniuncta cum Politica est, vt vix ab ea seiungi possit videatur. Quo fit, vt quæ de illarum vna dicuntur, in alteram facillè conueniant, quantumuis principem, & in alias artes vniuersas amplissimo imperio dominantem. Quin illud verissimè dicam: hæc ipsa, quæ in Iurisprudentiâ à Cicerone iactata cadere possunt in Politicam, populariter ab eo & ex vulgi sententia dicta esse. Alter enim hac de controuersia decernit in officiorum lib. 1. vbi de industria, deque suo ipsius iudicio facultatem vtramque componit. Sed cum plerique arbitrentur, inquit, res bellicas maiores esse, quam urbanas, minuenda est hæc opinio. Multi enim bella sæpe quæsiuerunt propter gloriæ cupiditatem, &c. & paulo post. Verè autem si volumus iudicare, multæ res extiterunt urbanæ ma-

iores, clariorésque, quàm bellicæ. Quamuis enim Themistocles iure laudetur, & sit eius nomen, quàm Solonis illustrius, citeturque Salamis clarissimæ testis victoriæ, quæ anteponatur consilio Solonis, ei, quo primùm constituit Areopagitas, non minùs præclarum hoc, quàm illud iudicandum est. Illud enim semel profuit, hoc semper proderit Ciuitati. Hoc consilio leges Atheniensium, hoc maiorum instituta seruantur. Et Themistocles quidem nihil dixerit, in quo ipse Areopagum adiuuerit: at ille adiuuit Themistoclem. Est enim bellum gestum consilio Senatus, eius, qui à Solone erat constitutus. Liceat eadem de Pausania Lyfandróque dicere: quorum rebus gestis, quàm Lacedæmoniorum Imperium dilatarum putatur: tamen ne minima quidem ex parte Lycurgi legibus, & disciplinæ conferendi sunt. quin etiam ob has causas & paratiores habuerunt exercitus & fortiores. Mihi quidem neque pueris nobis M. Scaurus, C. Mario, nequè cùm versaremur in Republica Q. Catulus Cn. Pompeio cedere videbatur: parua enim sunt foris arma, nisi est consilium domi. Hæc aliâque longè plurima eo loco disputat Cicero, vbi & suo iudicio & aliorum sententiæ consentanea profert: vt ostendat nimirum in oratione pro Murena vulgari se opinioni seruire, hic sapientium adprobare decreta voluisse. Nam Aristoteles ipse, qui Politicam hic militaris dominam facit, quærit tamen in Problematis Sect. 27. cur bellicæ res ciuilibus habeantur vulgò clariiores, atque honorabiliiores, cùm verè non sint. Respondetque id ita fieri ac putari, quia semper Reipublicæ vel ipsæ bellum aliis inferunt, vel defendunt, & propulsant illatum ab aliis: hanc autem virtutem in vtramque partem esse perutilem. adeoque homines honorare non quæ sunt optima, sed quæ sibi existimant optima.

Statuendum igitur est, bellicam artem esse adeo præstantem, adeoque ab omnibus honorari, vt vulgò putetur posse cum ipsa Politica de præstantia, deque vtilitate contendere: sed tamen eandem parere Politicæ, nec alium habere propositum finem, nisi eum, quem illi Ciuilibus scientia designat imperio. Docet hæc Aristoteles in Politicis lib. 7. cap. 2. confirmans, rei bellicæ studia esse maximi facienda, non tamen propterea, quod finis aliquis in eis supremus sit, sed quòd finis supremi gratia suscipiantur. In lib. verò 10. horù Moral. cap. 7 ait planius: neminem cupere bellum gerere belli gerendi causa. Videretur enim inquit, planè impurus quidam sicarius, ac sceleratus si quis cum amicis inimicitias suscipiat, vt prælia committantur, ac cædes fiant. Hunc autem bello finem proprium, honestum, ac verum præscribit Politica, cum nimirum, quem Aristoteles ipse in eod. cap. declarat his verbis: Bellum gerimus, vt in Pace viuamus. Quod à M. Tullio Cicerone in Officiorum lib. primo ampliùs explicatur, & docetur planius. Nam cùm duo sint genera decertandi, inquit, vnum per disceptationem, alterum per vim; cùmque illud sit proprium hominis, alterum belluarum, confugiendum est ad posterius, si vti non licet superiore. Quare suscipienda bella sunt ob eam causam, vt sine iniuria in pace viuatur. Ex his ergo, quæ de belli fine dicuntur, ratiocinari sic licet: bella suscipiuntur, & geruntur in eam gratiam, vt inde Reipublicæ tranquillitas oriatur & Pax. sed Reipublicæ tranquillitas, ac pax à Politica curatur & quæritur, cui communis proposita felicitas est. Igitur bella geruntur ex imperio Politicæ, eiusdemque sunt ad parandam tranquillitatem instrumenta; & quod hinc etiam sequitur, ars bellica est subiecta Politicæ: cuius consilio geritur ac fit, quicquid præclari aut eximij à militibus, atque à copiarum Imperatoribus efficitur, vt Cicero docuit exemplo Themistoclis, & Senatus Atheniensis à Solone constituti loco laudato. De militari scientia, deque arte Imperatoria præstantissima, subiecta & subseruiente Politicæ sic diximus. Sequitur, vt de duabus, Oeconomica & Oratoria, quas etiam honestissimas vocat, sed eidem Politicæ subiicit Arist. breuiùs explicemus.

Quantum ad ipsam Oeconomicam attinet, nihil habeo dicere, nisi eam in honore positam apud mortales esse haud mediocri, propter domesticam quam parit & seruat disciplinam. Cui si accedat ars illa pecuniaria cum idoneo quæstu ad regendam familiam, si accedat agrorum cultus & procuratio, in qua veræ solidæque positæ diuitiæ sunt, omnia prorsus accedunt præsidia, quibus domestica parari felicitas queat. A domestica verò familiarum felicitate gradus, & transitus est ad publicam facilis. Denique tanta est in Oeconomica præstantia, tanta vtilitas, quantum esse videmus in diuitiis, & re familiari copiosè comparata, studiosè retenta cum virtute administrata. Quæ Officia sunt Oeconomicæ suis vtentis artibus administris.

De ipsa verò eloquentiæ dignitate, ac facultatis oratoriæ præstantia dicere possum aliquid amplius; cum hæc etiam contendere audeat cum Politica de principatu: quemadmodum Plato ait in Gorgia, & M. Tull. in ead. orat. pro Murena his verbis: Grauis etiam illa est, & plena dignitatis dicendi facultas, quæ sæpe valuit in Consule deligendo; posse consilio, atque oratione, & Senatus, & populi, & eorum, qui res iudicant mentes permouere. Quæritur Consul, qui dicendo nonnunquam comprimat Tribunitios furorēs, qui concitatum populum flectat, qui largitioni resistat: non mirum, si ob hanc facultatem homines sæpe etiam non nobiles Consulatum consecuti sunt: præsertim cum hæc eadem res plurimas gratias, firmissimas amicitias, maxima studia pariat.

Sed tamen hæc tres artes ac facultates, quarum tanta est in Republica dignitas, atque præstantia, Politicæ non modo parent, verum etiam tanquam instrumenta deseruiunt, illudque præstant officium arti Ciuili, quod architectis exhibent operæ. Harum enim artium labore parat illa Reipublicæ tranquillitatem communem & quietem.

Ex hoc ergo duplici quasi fonte ac capite, hoc est, ex eo, quod Politica omnibus imperet artibus & disciplinis, tam theoricis, quam actiuosis, & ex eo quod nominari subiectas tanquam instrumenta quædam habeat eas, quas modò diximus, imprimisque ex eis præstantes ac nobiles; ex his. inquam, claudit Aristoteles hanc de vltimo fine disputationem ad hunc penè modum: Cum igitur Politica velut instrumentis vtatur, arte bellica Oeconomica, Rhetorica, reliquisque practicis atque actiuosis disciplinis: cum in theoricis aliisque omnes illud habeat imperium, vt eas admittat, repudiet, & quantum ad vsum attinet, moderetur, quemadmodum è Republica esse censuerit, consequens est, vt hæc domina, & architectonica doctrina propter eum, quem propositum habet præstantissimum finem, complectatur, & sub se contineat fines reliquarum facultatum practicarum. At hic finis, qui omnes habet, sibi subseruientes, & obsequentes fines, non potest esse nisi finis vltimus, & bonum humanum, hoc est, optimus finis.

Sed quoniam hæc Conclusio pendet & ducitur ex eo, quod Politica sit maximè princeps, & domina disciplinarum, vt positum est in primario totius disputationis syllogismo, pergit hoc amplius in fine capitis exponere ac demonstrare vberius, Politicam esse principem, imperantem, architectonicam, omnium denique moderatricem. Fuit enim huius initio disputationis hic propositus ab Aristotele syllogismus, qui ostenderet vltimi finis cognitionem, ac tractationem ad Politicam pertinere. Eius est doctrinæ, vltimum finem & præstantissimum bonum considerare, quæ inter omnes disciplinas imperatrix, maximè domina atque architectonica est: sed omnium princeps, domina, atque architectonica est Ciuilis. Huius igitur est de vltimo fine agere, ac summum bonum, felicitatemque tractare. Hoc ergo quod in huius assumptione syllogismi pro certo, & explorato posuit, probat nunc, & demonstrat his penè verbis in fine capitis. Nam si etiam & vni homini & Ciuitati bonum idem sit, bonum tamen Ciuitatis & acquirere & conseruare maius quid, ac diuinius videtur. Ac contentus quidem esse vnusquisque potest si vni soli, pulchrius tamen, ac diuinius si genti ac Ciuitatibus conficiat bonum. Hæc igitur sunt, quæ dicendi hæc via, quæ ciuilis quædam est, appetit. Quæ verba Lambinus ita fecit Latina planissimè, nec à Græcæ Orationis structura discessit. Nam etsi idem vnus hominis, & Ciuitatis bonum sit, Ciuitatis tamen bonum & consequi, & conseruare maius quiddam esse & perfectius videtur. Enimvero præclare nobiscum agatur, si id quod vel vni soli sit vtile, repetire possimus: sed longè profecto id pulchrius est ac diuinius, quod gentibus ac Ciuitatibus vsui est. Huic igitur arte & via susceptæ institutioni hæc sunt proposita, quæ sequatur & expectat, cum scientia quædam Ciuilis sit. Ita Lambin. Probatio igitur & demonstratio à proprio Politicæ fine petita est huiusmodi. Quanto aliqua scientia in consequendo fine patet latius, quantoque amplius & perfectius bonum attingit, tanto magis est princeps, tantoque magis comparata cum aliis, habenda est domina: ergo illa dicenda erit maximè princeps, & maximè domina, quæ maximum, atque amplissimum bonum attingit, quale prorsus est bonum commune totius Ciuitatis aut Regni. At huiusmodi Politica est, præstantissimi nimirum, amplissimi, perfectissimi boni, publicæque felicitatis parens,atrix & conseruatric.

Et quoniam dicere poterat aliquis, idem esse bonum hominis vnius & totius Ciuitatis, cum ex priuata cuiusque felicitate publica communisque beatitudo conflatur; adeoque nihil facere præstabilius, ac maius Politicam, quæ bonum Ciuitatis expetit, quam alia quæpiam disciplina, & ex aliquorum opinione nominatim Ethica, quæ priuatam felicitatem procurat; quia, inquam, hæc dicere poterat aliquis, occupat Aristoteles hunc aditum, atque, laudandam quidem esse curam priuari boni; sed boni tamen communis, quod ex multis priuatis existit, diuiniorum esse procurationem, quæ nimirum, ut docet hic Eustratius, illam Dei Parentis Optimi providentiam & gubernationem adumbret cunctis hominibus, immo rerum Vniuersitati prospicientem.

EPILOGVS.

1. Quoniam multi fines sunt, quorum vnus expeditur propter alium, necesse est certum aliquem esse, qui propter se demum expetatur: cetera propter illum eligantur; irret enim res in infinitum; inanisque, & frustra nobis inditus appetitus esset: quippe qui nunquam expleri possit. Hic ergo finis vltimus summum est hominis bonum: cuius notitia permagis refert: cum sit quasi scopus quod collineare debemus.
2. Ad Politicam spectat vltimi finis, siue summi boni inuestigatio, cognitio, atque tractatio. Quia Ciuilis doctrina est maxime princeps, maximeque architectonica. Est autem maxime princeps, architectonicaque doctrina vltimum finem hominis, & summum bonum inuestigare ac procurare.
3. Hic ipse supremus humanarum omnium actionum finis & summum bonum tractatur etiam, & consideratur ab Ethica: quia idem est vniuscuiusque hominis priuatum bonum, cuius ad Ethicam pertinet inuestigatio, & totius commune gentis aut Ciuitatis: cuius tractatio Politica est.
4. De hoc tamen summo bono, supremoque fine perfectius, & quodammodo diuinius agit Politica, quam vel Ethica, vel alia eiusmodi scientia, quæ in vnius hominis institutione versetur. Quia melius est, & Deo similis toti Ciuitati, populo, ac Regno, quam vni homini felicitatem ac bonum parere & conseruare.



IN CAPVT SECVNDVM

QVÆSTIO PRIMA.

An ab Aristotele tradita rationes verè demonstrant, vltimum aliquem esse oportere finem actionum humanarum.

DIVERSVS primam rationem, quæ de infinito est, primum argumentum proponit S. Thom. in prima 2. q. 1. artic. 4. quod vincere conatur, infinitum non esse alienum ab appetitionibus humanis, si probanda tamen definitio boni sit, quam nobis scriptam reliquit Dionys. Areopag. in cap. 4. de diuin. Nom. initio, cum dixit: bonum ex propria sui ratione ac vi esse fusile, siue diffusiuum sui. Ex hac enim boni vel definitione, vel qualitate primaria ideo videtur sequi processus infinitus, quia primum bonum est diffusiuum sui, ac propterea profert ac fundit ex se, tanquam ex stirpe, bonum aliquod humanum, siue participatum: hoc verò quia bonum est, & diffusiuum sui, aliud sibi simile profundet illico bonum: hoc item profundet tertium,

tertium quartum, alia semper, ac subinde profundent alia numero prorsus infinita; nisi bonum aliquod vltimum sit minimè diffusiuum sui: quod definitioni repugnat: ergo, quoniam bonum & finis est idem, progressus erit in finibus infinitus; & quod inde consequens est, appetitiones erunt etiam infinitæ, quæ totidem esse debent quot fines, atque obiecta reperiuntur. Hæc, inquam, argumentatio perantiqua est, & iam inde vsque ab Heroicis D. Thomæ tractata temporibus: vollet adeo sic omnino refelli, quemadmodum confutatur ab antiquis.

Aiunt quippe, illud D. Dionysij dictum tribus posse modis intelligi & explanari. Ac primò quidem, bonum sic se diffundere quemadmodum diffundi bonum patitur natura finis, sed non eo modo qui proprius est efficien-

ris causæ: quod dicitur à Scholasticis brevius, diffundere se finaliter, non efficienter. Finaliter, inquam, quia trahit, rapitque ad se voluntatem, non efficienter: quia non diffundit se proferendo, producendoque semper, ac subinde alia bona: hoc enim pacto nunquam terminaret ac definiret appetitum: sed quia diffundit se finaliter, definit ac terminat voluntatem, ut in beatitudine cernimus. Secundo modo idem Dionysij pronuntiatum sic interpretantur; Bonum esse diffusivum sui; non quoddam re ipsa semper se diffundat; sed ideo, quoddam diffundere se possit. Itaque in illo etiam postremo bono, quod ex divino decreto diffunditur, remanet adhuc illa boni qualitas & natura, quæ non postulat, ut se actu ac re ipsa diffundat, sed ut sit tantummodo diffusivum sui. Tertius eiusdem explicandæ sententiæ modus hic est. Bonum esse sui diffusivum pro sua, ipsius & eorum quibuscum se communicat conditione, ac natura. Itaque bonum definitum & limitibus comprehensum suis finitè communicat se: & Deus infinitus in operationibus illis, quæ dicuntur ad intra, se communicat infinitè; quia capax ipsemet est, qui cum se communicat: sed in operationibus ad extra communicat se definitè: quia res procreatur infinitam capere perfectionem, & bonitatem non queunt.

Secundum argumentum est proprium Philosophi Moralis, atque ab ipso Aristotele peti potest in lib. primo Polit. cap. 6. ubi ait diuitias, quæ positæ sunt in nummis, infinitè augeri atque amplificari posse. Licebit enim ex Aristotele sic disputare: Possunt nummi infinitè augeri, pararique semper plures ac subinde plures: ergo infinitè possunt expeti, & infinitæ cupiditates esse nummorum possunt, nullis finibus terminatæ. Non enim tam multos paramus, quin concupiscere possimus plures.

Quia hoc argumentum aliis est simile quibusdam, quæ proponuntur à Scholasticis de cogitationibus infinitis, de mathematica quantitate infinitè diuidua, de numeris item infinitis, vnum hic animaduertendum puto, cuius beneficio facillè solvantur omnia. Animaduertendum, inquam, puto, fines inter se cõnexos duplici ratione posse subordinari: per essentialiter & per accidens. Fines essentialiter subordinati dicuntur illi esse, quorū vnus mouet appetitum propter appetitionem alterius; ita prorsus, ut nullo modo voluntatem impelleret, nisi alter appeteretur. Expetit ægrotus medicorum potionem ad emendandos & corrigendos humores: humorum emendationem expetit ad totius valetudinem corporis reparandam; valetudinem demum vult, quod in ea bonam felicitatis partem collocatam putet. Tres hi sunt fines, quorum linguli, ita voluntatem propter alium mouent, ut nisi alterius esset imperium, non mouerent: quæ subordinatio dicitur essentialis. Fines verò subordinati nexique per accidens, illi sunt, quorum vnus mouet quidem voluntatem post alterum, sed non mouet ideo, quoddam alter expetatur à voluntate. Ut cum aliquis

appetit diuitias, honores, voluptates: non tot quidem appetit diuitias, non tot honores, non tot voluptates, quin possit expetere subinde plures, post alias, ac semper plures. Sed tamen earum nulla sic mouet appetitum & voluntatem, ut nisi expeteretur alia, non moueret: quo ex capite oritur inter duas hæc subordinationes discrimen, quod quærebamus. Potest enim in his finibus, qui subordinantur accidentaliter, esse processus infinitus: in illis, quorum subordinatio est essentialis, infinita progressio esse non potest. Fines quippe subordinati per accidens eiusdem speciei solent esse, ut plures honores, plures nummi, amplior valetudo: quarum rerum infinitos subinde gradus appetere possumus: fines essentialiter subordinati solent contra esse generis omnino distincti: qualis est potio, humorum attenuatio, valetudo. Ratio verò, cur in accidentaliter subordinatis infinitus possit esse processus, in subordinatis essentialiter esse non possit, ea videtur esse; quoddam nullus in voluntate possit inchoari motus, nulla esse appetitio prima, nisi aliquid vltimum ante prouideat animus. In iis finibus, qui subordinantur accidentaliter apparere non potest extremum prouisis singulis, cum vnus ab altero non pendeat, sed vnus potiùs accedat alteri per accidens: adeoque necesse non sit ad extremum aliquem peruenire. At in illis qui subordinantur essentialiter, necesse est appetenti animo proponi vltimum aliquid, ut initium fieri motus queat, & prima esse appetitio eius finis, qui propter alium amatur & quæritur à voluntate.

Ergo, ut respondeamus iis, quæ sunt in argumento proposita, dandum & concedendum est, infinitas esse posse nummorum cupiditates, aut honorum, aut aliarum rerum eiusdem speciei, quæ subordinantur accidentaliter: sed negandum est, in subordinatis essentialiter esse posse. Id verò est quod contendit Aristoteles hoc loco; debere nimirum aliquem esse finem extremum inter eos qui subordinantur essentialiter: sine quo nullus esset voluntatis motus, quemadmodum nullus in physicis est, nisi detur aliquid primum. De subordinatis verò per accidens non facit hæc verba; sed facit in loco illo laudato Politices, ubi alia omnia docet: hoc est, diuitiarū, nummorum in primis esse cupiditatem infinitam, quia possunt per accessiones subinde novas infinitum amplificari, eo prorsus modo, quo quantitati & numeris possunt accedere partes infinitæ. Quare id etiam amorum hinc volumus, quod à quantitate ac numeris illi Scholastici negotium exhibent: nihil enim amplius vincunt, quàm accidentaliter subordinatas causas infinitè augeri posse, quod Aristoteles extra controuerham ponit, & in confesso est.

Itaque Aristotelis prima ratio, quam ab infinito petiuit, constat sibi, nec potest his argumentis labefactari. Restat secunda, in eo posita, quoddam nisi daretur in finibus aliquis vltimus, frustra nobis inditus esset boni

& finis appetitus, qui non posset expleri, atque ad vltimum peruenire. Dubitat enim hic Albertus Magnus, an pro re admodum absurda debeat haberi, quod frustretur appetitus, cum præsertim voluntas etiam ea, quæ fieri, & esse non possunt expetat interdû, vt docet Aristoteles. Ex hoc enim sequitur, posse voluntatem appetere infinitum, quod *aduentus* est, vt infinitam vitam. Ergo fieri potest vt sine repugnantia frustretur, atque id velit quod nulla ratione consequi possit.

Respondet idem Albertus, voluntatem nondum informatam electione posse appetere quæ fieri non possunt, sed electione iam instructam formatamque, esse tantum eorum quæ fieri possunt: vltimum autem finem in rebus humanis quæri ab informata perfectâque voluntate per electionem, quæ frustrari non debet, nec in absurda, atque impossibilia ferri: quorum, quia non est consultatio, ne electio quidem, quæ à consultatione nascitur, esse poterit. Cum ergo alienum à ratione dicit Aristot. appetitum, aut voluntatem eludi ac frustrari, appetitum & voluntatem cum electione coniungit. Aliter quidem, sed haud minus ingeniosè respondet Gualterus Burleus; admonens, vltimum finem expeti naturali desiderio, quod est in omnibus: naturale verò desiderium in omnibus frustra esse non posse. Natura enim vt in aliquo deficere possit indiuiduo, in omnibus deficere non potest. At si nullus in rebus humanis esset vltimus finis, naturale desiderium esset in omnibus frustra, & otiosum, id verò est quod existimat absurdum Aristoteles; non autem illud, quod cernitur in aliquo certo indiuiduo mortalium, res impossibiles appetente.

Vltima proponi ratio potest, & argumentum huiusmodi, peticum à felicitate; quæ Aristoteli nihil aliud est, quàm operatio præstantissimæ facultatis in homine. Hæc operatio, quæ felicitas appellatur, vel in vltimum finem contendit, vel se ipsa contenta, nihil laborat de fine. Si refertur in finem: ergo non est felicitas; quæ propter se ipsam expetitur. Si non refertur, exercetur in cassum, & frustra manat ab ea facultate, quæ naturaliter expetit finem. Existimant, qui sic disputant, Aristotelem velle, omnem prorsus operationem hominis expetere finem, quia dixit initio; Omnis ars, omnis doctrina, omnis electio, omnisque demum actio, bonum aliquod expetit & finem. Sed excipienda est operatio, quæ finis aliarum est actionum vltimus. Itaque his limitibus est claudendum quod ibi dicitur vniuersè: Omnis actus omnisque operatio quæ vltimus finis non est, refertur in finem. Quod si tamen isti vltra contendunt, & velint, illam etiam operationem in finem referri, dici potest; referri quidem ad finem, non tamen ad aliam operationem, sed ad hominem ipsum cuius est operatio, & qui appellari debet finis cui.

QVÆSTIO SECVNDA.

An semper homo finem hunc spectet vltimum inter agendum.

Nihil hac de re disputat Aristoteles explicatè, sed satis habet dicere ac constituere generatim, in rebus humanis, siue in iis, quæ sub actionem cadunt, aliquid esse vltimum oportere: ne frustra voluntas & appetitio sit. Ergo quod ab ipso accipere distinet non possumus, ab aliis, hoc est, à Scholasticis addiscamus. Inter quos conuenit omnino omnes, vniuersa, quæ appetuntur bona, appeti propter vltimum finem, & ad eum vnumquemque agentium collineare.

Vnus tamen est Scotus excipiendus, qui in 4. d. 49. q. 12. 5. Ex his sequitur; his rationibus adductus, alia omnia decernere non dubitauit. Potest aliquis, inquit, appetere bonum peculiare, nihil omnino de beatitudine cogitans. Ergo potest appetere non propter beatitudinem, sed propter bonitatem peculiarem. Neque enim potest quisquam appetere beatitudinem ac finem, si de beatitudine ac fine non cogitat. Quin potest facillè fieri, vt appetat aliquis id, quod intelligat cum ipsa beatitudine pugnare: vt si mortem suorum iudicio velit appetere, aut in culpam so lethalem aliquam induat, volens ac prudens Christianus vir; quam nouit veræ beatitudinem repugnantem esse, ac penitus aduersari.

Hoc, inquam, excepto magistro, confirmant ceteri Scholastici, appetere nos omnia propter vltimum finem: idque continent Aristotelem hic voluisse, cum decernit, oportere in rebus humanis finem demum inueniri postremum. Sed in exponenda ratione, quæ id demonstrat, nimio opere inter se dissentiunt: aliquamque alij viam, alij aliam inuenerunt.

Dicunt igitur aliqui, omnia, quæ nos appetimus, ideo propter vltimum finem & beatitudinem appeti, quia quædam ante præcessit voluntas beatitudinis & vltimi finis, sic postea virtute remanens & habitû, vt propterea nostræ ipsorum actiones singulæ beatitudinem, atque vltimum finem expetere iure dicantur. Sed non probant hoc alij, qui adduci nulla ratione possunt, vt credant, antecessisse semper vltimi finis illam voluntatem. Itaque priusquam suam præferant rationem ac modum, volunt nos animaduvertere duo. Quorum alterum est: vltimum finem à nobis intelligi, animoque & cogitatione comprehendere bifariam. vniuersè, quod dicitur in communi: & nominatim, quod dicitur in particulari. Vltimus finis vniuersè, atque in communi non est genus aliquod cum hac, atque illa boni peculiaris, priuatque ratione commune, vt falsè putauit auctor supplementi apud Gabrielem: sed est cumulus bonorum omnium; omnisque vacuitas mali, hominis appetitum satis ac super exaltans, siue in diuitiis, & corporis bonis, siue in alia

in alia re sub aspectum non cadente consistat. Vltimus verò finis peculiaris, & singularis, siue priuatus, atque, vt semel dicam, in particulari, aliqua certa definitaque re continetur, vt in diuinæ speciei contutu ex Christianæ religionis decreto, in aliis rebus ex admirabili Philosophorum dissentientium varietate. Ergo proposita hic questio & controuersia de fine vltimo est vniuersè, atque in communi, hoc est, de illorum bonorum cumulo à peculiaribus, certisque rebus abstracto ac separato, non de illa singulari, priuatâque beatitudine quæ illius cumuli pars esse videtur, & designatis in rebus inuenitur.

Alterum, quod à nobis animaduerti volunt, illud est duobus omnino modis aliquid in finem referri. primo quidem expressè, & ex animi distincto consilio, quod dicitur actuale; deinde implicite, & ex animi quadam interpretatione, quæ dicitur intentio virtualis. Nam fieri potest, vt ex actuali iam antegresso consilio remaneat virtus, atque habitus in actione, aut is, qui appetit ita paratus animo sit, vt quod appetit facillè relaturus esset in finem, si hoc ei veniret in mentem, aut id, quod appetitur esset huiusmodi, vt possit, aut debeat ad aliud referri, quæ tres referendi rationes dicuntur ab his virtuales. Quibus positis ac decretis ita concludunt.

1. Omnia nos appetere aliquo modo propter vltimum finem. non quòd expressè aut ex actuali consilio beatitudinem expetamus in singulis, sed quod abditè rectèque, siue, quod aiunt, virtualiter, felicitatem vniuersè velimus, cum appetimus bonum. Omnia enim bona vel hoc ipso quod bona sunt, ad felicitatem, & beatitudinem facta videntur, quæ, vt diximus, bonorum cumulus est absolutus, & malorum vacuitas. quare non possumus appetere bonum, quin aliquam appetamus partem felicitatis vniuersæ, atque, vt dicitur, in communi, etiam tum, cum volentes peccatum appetimus & miseriam. Nisi enim in iis videret animus similitudinem aliquam, & simulacrum boni, ea nunquam per electionem appeteret. Illud denique haberi pro comperto debet, singulis appetitionibus boni esse quodammodo illigatam amorem felicitatis vniuersæ, in omnium animo consignatæ.

2. Concludunt secundo loco, non tamen ideo dici, nos omnia virtualiter appetere propter beatitudinem, quòd antecesserit semper actualis intentio, cuius resideat in operatione virtus & vis (æpissimè quippe interrupta iam est, & deleta prior intentio) sed quod appetamus id quod natura sua referri ad beatitudinem possit, & re ipsa parati simus ad illud referendum, si de beatitudine cogitaremus. Rationibus autem atque argumentis Scoti responsio facilis est.

Primum enim contendit tantummodo non omnia appetere nos propter vltimum finem actu & expressè; neque virtualiter ita, vt necessario præcesserit aliqua voluntas expressa: quod libentissimè damus.

Ait deinde multa quæ nos appetimus ad

veram beatitudinem consequendam, non modò nihil conferre, sed obesse plurimum, quod etiam damus. Sed hoc non impedit, quominus dici debeamus appetere omnia propter beatitudinem animo comprehendendam vniuersè; quæ tam veram quam fallam suo nomine continet. Non enim animus appetit tantum verum bonum, veramque felicitatem, sed etiam id quod cum vero bono veraque felicitate similitudinem habet. hæc verò est etiam in peccatis: cum in iis aliqua sit ratio utilis, aut iucundi boni; quam solum & electè intuentur ii, qui delinquant ac peccant, à permere atque à calamitate cum peccato coniuncta cogitationem auertunt. Id quod pulcherrimè multis locis docet August. maximeque in lib. 13. de Trinit. cap. 3. vbi eum dixisset neminem esse, qui non appetat beatitudinem, hæc adiunxit: Quæquid aliud quique latenter velit, ab hac voluntate (beatitudinis nimirum) quæ omnibus hominibus innata est, non recedit. In libello autem de Epicureis & Stoicis cap. 4. tom. 6. in eandem sententiam ita loquitur, & disputat clariùs. Nam qui bonus est, ideo bonus est, vt beatus sit. & qui malus est, malus non esset, nisi inde beatum se esse posse speraret. & paulò post. De bonis, inquit, facilis questio est; quòd beatam vitam quærant, ideo boni sint. de malis verò aliqui dubitant, vtrum & ipsi beatam vitam quærant. Sed respondet illico in hunc modum. Si separatos malos & à bonis discretos, interrogare possem, ac dicere: Vultis beati esse? nemo diceret, Nolo. Verbi gratia. pone aliquem furem. quæro ab illo, quare furtum facis? vt habeam, inquit, quod non habebam. Quare vis habere quod non habebas? quia miserum est non habere. Si ergo miserum est non habere, beatum putat habere. Sed in eo imprudens est, & errat, quia de malo vult beatus fieri. bonum enim est beatum fieri.

QUESTIO TERTIA.

An debeat vnusquisque in agendo propositum habere suum vltimum.

QUANDO vltimum est in rebus humanis aliquid, idque optimum & summum vnusquisque putat, sed frequenter errat, suoque iudicio ac voluntate decipitur, iure quærendum videtur: an debeat homo rationis particeps & consilij secundum rationem expetere semper eiusmodi finem, qui verè sit vltimus & summum bonum. Neque verò hic de fine homini Christiano à recta religione proposito quicquam dicimus: eum Theologorum sit, ex lege diuina, sanctissimisque Vatum oraculis eum petere ac demonstrare. sed de illo tantummodo querimus, qui potest omnibus esse cognitus, hoc est etiam iis, qui veræ sunt religionis, ac sanctitatis expertes.

Itaque breuissimè quidem, sed quantum est morali Philosopho satis, dicendum puro, esse

homini legem hanc impositam, descriptamque natura; ut si secundum rectam rationem vivere velit, & agere, debeat, vel actu in vltimum aliquem finem intueri verum, hoc est ipsi consentaneū rationi: qualis est perfecta felicitas humana, de qua disputat Aristot. Id verò probari primò potest ex omnium testimonio, atque auctoritate Philosophorum. qui cum intelligerent, non posse hominē rectē agere, aut instituire res suas, nisi videret primū finem, sit ratio veræ felicitatis, varias illas, ac tam multas proposuerunt disputationes, in quibus de vera beatitudine constituere, ac decernere maximopere studuerunt. Quamquam enim errarunt plerique, significarunt tamen, id se optimè nosse atque intelligere; non posse quemquam rectē vivere, aut agere quicquam bene, nisi vltimum illum finem verum, atque à ratione non abhorrentem intueretur. quod docet Augustin. lib. 8. de Ciuitate, cap. 8. & lib. 19. cap. primo. quo loco sic ait: Fines illi sunt summum bonum, & summum malum, de quibus inueniendis multum laborant qui studium sapientie in huius sæculi vanitate professi sunt. nec tamen eos diuersis errantes modis naturæ limes in tantum à via veritatis errare permisit, ut non alij in animo, alij in corpore, alij in utroque fines bonorum, & malorum ponerent.

Probari deinde re eadem posse videtur ex Aristotele. Qui confirmat hoc loco, non posse quemquam rectum instituere vitæ cursum, nisi ante litem norit, ac metam, quò perueniendum actionibus sit. Id verò declarat amplius & confirmat exemplo, ac similitudine à iaculatoribus mutuata. Hi enim nūquā rectē collineabunt, nisi verum provideant signum, & aberrabunt semper, si viderint falsum.

Probat denique à S. Thoma, qui nobis huic instituendæ quæstioni fuit auctor ac dux. Rationem enim ad id demonstrandum maximè proponit idoneam in prima par. q. 1. art. 4. quæ tractari, explicarique sic potest. In re aliqua propter aliam expetendā eum debet homo naturæ lege ordinem ac modum retinere, quem habent ipsæ res expetendæ. At inter res expetendas eiusmodi modus & ordo est, ut earum aliqua sit quiddam extremum & perfectum bonum, adeoque vltimus finis appetendus per se, reliquæ omnes instrumenta & præfida ad eam consequendam accommodata: ergo ex naturæ lege debet homo eum in appetendo modum tenere, ut vnam aliquam appetat rem tamquam perfectum bonum & vltimum finem, reliqua propter illam.

Hanc verò legem dixi esse hominī à natura datam, ut virtutes saltem atque habitus referat ad bonum perfectum, vltimumque finem ea quæ appetit: quia satis est si præcesserit voluntas, nec fuerit interrupta, si res ipsa natura sua referatur ad vltimum finem, atque perfectum, cuiusmodi sunt virtutes; & paratus sit ipse referre quotiescumque hoc ei venerit in mentem.

Cum igitur hæc ita se habeant, necesse est, aliquam esse doctrinam, atque scientiam huius vltimi finis, quæque declaret qui in rebus

positus sit, & qua ratione teneri possit ab iis qui ad eum ipsa compellente natura contendere debent.

QVÆSTIO QVARTA.

Rationes aliquæ, aduersus ea quæ de fine Politicæ dicta sunt, confutantur.

Cum & propositionibus & argumentis plurimis demonstrarit Aristoteles, finem illum humanæ vitæ supremum inuestigare, atque cognoscere, ad Politicam pertinere, non est necesse pluribus confirmare quod à summo doctore Magistro satis est superque probatum. Rationes tantummodo quædam proponendæ sunt & confutandæ, quæ videntur in speciem ostendere, vltimum illum finem, & summum bonum ad alias spectare disciplinas, non ad Politicam, atque ad doctrinam regendarum Ciuitatum.

Prima igitur est huiusmodi. Vltimus finis & summum bonum, felicitas est. De felicitate verò non quidem in Politicis, sed in Ethicis agitur, ut cognoscere licet ex primo ac decimo libro horū Moralium ad Nicomachū.

Secunda. Summi boni tractationem idecirco adscribit Politicæ Aristoteles, quod hæc omnium præstantissima doctrinarum sit, & maximè dominat: sed præstantior est, ampliorēque principatum obtinet Metaphysica, quàm Politica, ut est apud Aristotelem ipsum in præm. Metaphys. & in 6. horum Moral. vbi docet, prudentiam & Politicam non posse dici præstantissimos atque omnium excellentissimos habitus, nisi res omnium præstantissima sit homo, quem dirigunt agentem, quod verum non est. Sunt enim alia materia & concretionis expertia, homine ipso præstantiora, in quibus versatur Metaphysica: præstantior igitur & excellentior Metaphysica est ex Aristotele, quàm Politica. Immo verò videtur Metaphysica, non Politicæ modo, sed cunctis præterea disciplinis absolutè atque simpliciter antecellere, cum sapientia sit: ergo si finis simpliciter optimus, & præstantissimus eius est disciplina, quæ præstantia vincit excellentiaque vniuersas, erit Metaphysica: non autem eius quæ præcepta tradit regendarum Ciuitatum.

Tertia. Summum hominis bonum positum est in contemplatione obiecti præstantissimi, ut in horum Moralium libro decimo decernitur ab Aristotele. Huiusmodi autem obiectum contemplari non est Politicæ, quæ actiua est, sed alicuius, quæ contemplans & theorica sit.

Quarta. Politica non est scientia aliqua communis, aut generalis, sed peculiaris, & propria certæ speciei: ergo debet habere finem peculiarem & proprium. At bonum hominis, siue bonum humanum non est peculiare, sed generale, atque commune; fines nimirum aliarum disciplinarum, habituumque complectens, ut intelligi ex primo capite potest: vbi dicitur omnis ars, om-

nis doctrina, &c. bonum quoddam appetere videtur. Quæ ratio poterit etiam alia syllogismi conformatione tractari, & quidem hoc modo. Generalis omnium disciplinarum & facultatum finis non est alicui scientiæ certæ peculiaris & proprius: sed finis humanæ vitæ propositus est generalis & omnium communis disciplinarum. Est enim hic finis felicitas hominum, & vitæ beatitudo, ad quam omnes habitus, artes, & doctrinæ demum diriguntur & tendunt. Ergo non est alicuius peculiaris & proprius. Antequam argumentationibus hisce respondeatur, reputandum est animo quod aliis significauimus, quæ ratione distinguantur, atque inter se distrahantur, Ethica, Oeconomica & Politica ex eo, quod est unicuique peculiariter, proprièque propositum. Ait igitur Eustratius, Ethicæ propositam esse perfectionem secundum vnum hominem, Oeconomica domum, & inhabitantes, Politica Civitatem, & in Civitate degentes. Huius hominis verba malè aliqui ac perperam interpretati, dixerunt, Ethicam hominem vnum ac solum, hoc est, vitam agentem solitariam instituere, atque intueri. Sed falluntur maximè, si hoc sibi voluisse putant sapientissimum scriptorem Eustratium. Ethica quippe de Amicitia disputat ac de iustitia; quarundam etiam aliarum virtutum præcepta tradit, quæ societatem & communicationem vitæ cum aliis postulant; ut ab Aristotele discimus, disertè, planèque in Ethicis ipsis docente, ut colligit Buridan. iustum, fortem, temperatum hominem, ceteros huiusmodi virtutibus informatos ad iustè, fortiter ac temperatè agendum, aliquos oportere vitæ socios habere quibus cum agant. Additque, sapientem hominem posse quidem per se, ac solum contemplari, melius tamen sibi consulere, si aliquos adseiscat adiutores. Confirmat adhuc in iisdem Ethicis, plures homines positos in societate, ac simul inuicem communicantes, reddi, non ad agendum modò, verum etiam ad intelligendum potentiores. Ergo vita solitaria nulla est in his libris exposita, aut instituta ab Aristotele: cuius causam præteritionis eam alibi diximus esse, quod solitarios, vel humano apice superiores putaret, vel belluis deteriores. Quid ergo de hominum sine librorum ex Eustratii sententia dicendum erit? idem planè quod alio loco docuimus: Ethicam de vno sanè homine corrigendo ac perficiendo agere: non quod de solo ac solitario agat, sed de eo, qui neque in communitate domestica, neque in Civili societate certum obtineat statum, sed ad verumque reddatur idoneus: id quod mihi significasse videtur Eustratius cum dixit, Ethicæ materiam, siue potius finem esse perfectionem secundum vnum hominem, hoc est, non secundum domesticæ, Civilisque statum communitatis, cuius homo pars est, sed secundum ipsam naturam, & qualitatem hominis felicitati & perfectioni virtutis accommodatam: Oeconomicam verò agere de

iis, qui eandem inhabitant domum, ac variè sibi propterea inuicem officia debent: aliud enim debetur patrifamilias, aliud liberis, aliud coniugi, aliud seruis; ex quorum functione munerum singulorum sibi ipsi sufficiens, idonea, rerum instructa copia, suis perfectæ virtutibus existit habitatio & status: Civilem denique agere de habitantibus, simulque communicantibus in Civitate, ac de illis quæ inuicem sibi debent officii secundum ordines singulos, ut honesta, sibi sufficiens, & virtute pollēs Civium habitatio sit.

Ergo Ethica, dicet aliquis, non est contrarior, nec pauciora tractat, quàm Politica & Oeconomica, cum agat de vno quoque homine sine discrimine, siue Politicus ille sit, siue Oeconomicus. Cur verò Eustratius ait Ethicam agere de vnius emendatione ac perfectione hominis, & cur eadem Ethica dicitur Græco vocabulo, *Monastica*? Responsio peti debet altius ex iis, quæ docet Aristoteles in lib. 5. *Metaph.* vbi hoc eius effectum, & pronuntiatum est: omnia, quæ distinctione ac diuisione carent, vnum esse: quæ distinctionem & diuisionem habent, multa esse, ac dici plura debere. Ex hoc, inquam, axioma nodi solutionem ducere possumus ac discere, cur vnus dicatur homo is, quem instituit Ethica, cum alioqui multi homines ac plures, de quibus illa præcipit esse videantur. In homine quippe quantum ad rem nostram attinet, alioqui possunt distingui ac diuidi gradus, qui faciant, ut vel vnus dicatur esse, vel multiplex. Hi verò gradus varij spectantur ex ipsa societatis atque habitationis varietate. Sunt enim in conuictu domestico gradus varij propter varia inhabitantium officia & munera: sunt in civili societate multiplices propter Civium ordines varios. Ergo Politica, & Oeconomica agunt quidem de homine, sed de homine qui distinctionem & diuisionem habeat à gradibus variis. Itaque quoniam quæ distinctionem, & diuisionem habent, multa sunt, agunt hæ doctrinæ de pluribus, ac multis hominibus. Contra verò Ethica de eodem agit homine; sed diuisione ac distinctione carente: quia de homine laborat secundum se perficiendo, non secundum varios familiæ gradus aut ordines Civitatis. Quare si verum est, omnia quæ diuisione ac distinctione carent vnum dici debere, Ethica de vno agit homine, quia de eo agit vniuersè, nullam secundum eos gradus habitationis variæ diuisionem habente.

Superest nunc, ut ipsæ confutentur Rationes, quæ vltimi finis summique boni tractationem eripere Politicæ nitebantur.

Respondet igitur primæ Buridanus; Ethicam agere quidem de summo bono, ac de illo ipso, quod tractatur à Politica, sed de illo Politicam eatenus agere, quatenus est cum pluribus in Civitate degentibus communicandum; Ethicam verò quatenus vni consentaneum est homini, non indiuiduo, sed simpliciter & suam ipsius naturam habenti, nec in vllò vitæ gradu statumque constituto. Huic eidem argumento respondet haud dissimiliter

simili ratione Burleus, sed fortallè planius. Air enim, scientiam Ethicam esse aliquo modo Politicam, quia Politicæ pars est, & politicæ principia inuestigat ac docet. Quo sit, vt nihil mirum esse debeat, si vtraque in summi boni tractatione posita sit. Differentia tantum, & discrimen vtriusque tractationis videndum est, vt altera distingui fecernique possit ab altera. Hoc autem paulo antè indicatum est, & ex ea repetitum causa, quòd Politicæ bonum sit multorum in eadem habitantium Ciuitate: bonum Ethicæ in solum conueniat hominem, hoc est, in hominem secundum se, nullamque colentem societatem, sed idoneum omnibus. Quo loco est melius, & copiosius id, quod in tertia positione huius Capitis secundi decreuimus ex Aristotele: bonum hoc excellentius à Politica, quàm ab Ethica tractari: quia Politicæ bonum ad multos pertinet, Ethicæ contrahitur ad vnum. Explandum, inquam, hoc est, quia videtur cum iis pugnare quæ tam sæpè dicimus, cum contendimus, Ethicæ studium non in vno, aut indiuiduo poni.

Explicabitur autem facilè, omnisque dictorum repugnantia tolletur, si probè intelligatur quod ibi positum est à me. Quippe dixi, summum bonum à Politica tractari melius, & quodammodo diuinius, quàm vel ab Ethica, vel ab alia disciplina ciuili, quæ in hominis vnus ac solitarij labores institutione: sed tamen Ethicam eo loco dixi; quia multi putant hanc, quam habemus in manibus ex Aristotele Ethicam esse, quæ vnum instituat ac solitarium perficiat hominem: quorum ego sententiam haud probo. Addidi verò aliam, quæ in vnus hominis ac solitarij fortassis institutione versetur: quia quanquam Aristotelis Ethica non est huiusmodi, potuit tamen, ac potest talis excogitari ac tradi disciplina, quæ priuatam tantummodo, ac solitariam perficiat vitam, vt alias memini me disputasse. Itaque vt breuissimè faciam, non de sua loquitur Ethica, vel de libris ad Nicomach. Aristotel. cum ait bonum Politicæ diuinius ac melius esse, quàm bonum vnus; sed de illa doctrina & facultate quæ ita institui posset in gratiam vnus, & vnum tantummodo & solitarium hominem informaret. Quòd si comparare velis tamen Ethicam hanc ipsam Aristotelis cum Politica, & quærere; quænam in sua boni tractatione videatur excellere, non possum sine certa quasi cautione atque ambigui partitione respondere. Nam, si vim & rationem ipsam intimam summi boni, quæ quidditas dicitur, intueamur, perfectius, excellentiusque tractatur ab Ethica, quàm à Politica. Inuestigat enim illa summi boni naturam & definitionem: hæc excogitatum iam & definitum assumit: sin autem eiusdem summi boni procurationem, & conseruationem attendamus, melius, præstantius, atque, vt loquitur Aristoteles, tractatur à Politica diuinius, Deum videlicet nostræ fe-

licitatis auctorem, eundemque conseruatorem imitante. Atque hanc procurationem conseruationemque spectabat Aristot. cum dixit, summi boni tractationem esse Politicæ: illa enim cognitio quasi theoria, quæ traditur in Ethicis, & ea, quæ tradi posset à Monastica, ad Politicam refertur, tamquam ad aliquid excellentius atque perfectius.

Secunda Ratio, quæ contendit, Politicam non esse principem & præstantissimam omnium, in eo peccare videtur, quòd tamquam exploratum ponat ac certum, Aristotelem id sibi voluisse, cum principem, dominam, architectonicam Politicam fecit, eandemque esse doctrinarum omnium præstantissimam simpliciter & absolutè: quod verè, nec dixit, nec significauit, sed tantummodo esse præstantissimam practicarum omnium nominatim, earumque dominam & Reginam. Quòd si theoreticis quoque fecit imperantem, earumque principem ac dominam dixit, id fecit ac dixit minùs propriè. Non enim Geometrix, vt hoc exempli causa dicatur, imperat aut præscribit quid ex certis figuris, concludere debeat, ac demonstrare: sed iubet Geometriam esse, aut non esse in ciuitate; ad certum aliquem finem, & quadamtenus cognosci, vltra negligi ac præteriri debere: quod imperium obliquum in Geometriam esse videtur, atque improprium: sed in actiuas & practicas perfectissimum, atque absolutissimum habet dominatum, cum iis velut instrumentis vtatur ad parandam, seruandamque communem populi felicitatem.

Simpliciter ergo absolutèque omnium maxime princeps est, & præstantissima Metaphysica, quemadmodum contenditur in argumento. quia considerat vltimum finem vniuersi, & causas humani boni primas theoreticè contemplatur: quo nomine non est subiecta Politicæ, sed ipsa potius subiectam Politicam habet: sic prorsus, vt dicat Aristoteles, à Prudentia tradi præcepta in gratiam Sapientie. Non tamen hinc sequitur, cognitionem practicam tractationemque vltimi, & præstantissimi finis esse scientiæ Metaphysicæ. Quia cum dixit Aristot. eam cognitionem, tractationemque ad illam pertinere scientiam, quæ maxime omnium princeps & præstantissima est, non intelligi voluit eam, quæ simpliciter, absolutèque est omnium præstantissima, & propriè princeps ac Regina, sed eam, quæ nominatim præstantissima practicarum omnium sit, earumque propriè princeps ac domina: cuiusmodi tantummodo Politica est.

Tertiz facilis est responsio: summum bonum positum est in contemplatione obiecti præstantissimi. Esto, ergo ad Politicam, quæ practica est, ea contemplatio nullo modo pertinet: id verò negatur. Nam docere, summum bonum in ea contemplatione consistere, & facere, vt ciues præclaris, atque honestis actionibus ad eam contemplationem sibi muniant viam, partes Politicæ sunt. Illud tamen concedo, Politicam non attinge-

re modum eius contemplationis, nec docere quid sequatur ex positis. Itaque, ut vno verbo concludam omnia, contemplatio illa, in qua sita beatitudo est, pertinet ad hanc scientiam practicam, quia hæc doctrina docet, in ea beatitudinem contineri, ad eam dirigit cives, eam iubet esse in Civitate ad beatitudinis cumulum perficiendum, imponendamque fastigium humanæ felicitati.

Quartæ demum ita respondetur: Politica non est generalis doctrina, si comparetur cum omnibus. verissimè dicitur: est tamen generalis, si nominatim habeatur ratio practicum, quibus imperat, aut modum præscribit: inter quas non est tamen censenda Ethica, & fortassis etiam Oeconomica: sunt enim hæc peculiare doctrinæ ac partes totius philosophiæ practicæ, quam interdum Politicam, interdum morale generali significatione nominamus. Ergo, inquit, Politica, quæ una pars est tribus est, habebit proprium, atque à cæteris distinctum finem. Habet: sed hic finis peculiaris, & proprius distinguitur satis ab aliis ex varia ratione, modoque tractandi. Quamquam enim summum bonum Ethicæ quoque, atque Oeconomicæ finis est, vario tamen modo ac ratione quaeritur,

expetitur, & consideratur à singulis. Nihil enim dico de cæteris doctrinis, atque habitibus, qui bonum aliquod expetunt: illud enim bonum multo magis distinguitur ex varia ratione ac modo considerandi. Immo verò concedi etiam potest, generalem finem doctrinarum & facultatum omnium, hoc est bonum, esse peculiarem alicui: est enim peculiaris illi, quæ dominatur in omnes, vel præscribendo, quas esse oporteat in Civitate, vel easdem adhibendo tamquam instrumenta. Denique si una sit inter omnes omnino artes ac disciplinas, quæ bonum & finem illum generalem omnium communem propius, ac magis immediatè, quàm ceteras intueatur, sine dubio huic erit peculiaris & proprius: At Politica est eiusmodi. Nam militaris mediatè finem hunc expetit, hoc est ideo, quia victoriam quaerit: Oeconomica etiam mediatè, hoc est propterea, quod perfectionem domus ac familiæ velit: Rhetorica denique mediatè, quia reuocare studet ad concordiam Cives: quibus in rebus singulis singulæ boni vim intuentur & ponunt. Sed Politica immediatè, hoc est, actione perfectæ virtutis, parat sibi felicitatem: immediatè, inquam, quia perfecta Virtutis actio felicitas est.



CAPVT TERTIVM. DE METHODO HVIVS DOCTRINÆ.

SVMMA CAPITIS.

Certam quandam docendi rationem ac viam, certosque Auditores ab hac morum doctrina postulari.

DIVISIO CAPITIS IN PARTES DVAS.

1. Statuitur & præscribitur huius scientiæ ratio modusque doctori congruens ad docendum, auditori ad eandem doctrinam percipiendam accommodatus.
2. Demonstratur quis utilis, quisve inutilis, ac minus idoneus Moralis philosophia sit habendus auditor.

PRIMA PARS CAPITIS TERTII.

Λεγεται δὲ αὐτὸ ἰκανῶς, εἰ καὶ πλεονεξικῶς ἢ ἄλλῳ Ἀφροαφηνίῳ. ὃ γὰρ ἀκριβὲς οὐχ ὁμοίως ἐστὶ ἀπαιτῆς λόγῳ ἐπιτηδεύοντι. ὡς περὶ τοῦτο ἐστὶν δὴ δημογραφικῶς. Τὰ δὲ καλὰ καὶ τὰ δίκαια, ὡς ἐστὶν ἡ πολιτικὴ σχολή, ὡς αὐτὴν ἔχει Ἀφροαφηνίῳ, καὶ

Dicetur verò satis, si pro subiecta materia explanetur. Subtile enim non pariter in omnibus disputationibus requirendum est: quemadmodum neque in operibus artificio factis. Hæc autem ac iusta, de quibus Politica considerat, tantam habent differentiam & errorem,

πλαίνω, ὥς δὲ καὶ τὸ νόμον μόνον εἶναι, φύσις δὲ, μή. τοιαῦτα δὲ πᾶσι πλαίνω ἔχει καὶ τὰ ἀγαθὰ, ἀλλὰ ὅ πολλοῖς συμβαίνει βλάβας ἀπὸ αὐτῶν. ἤδη γὰρ πῶς ἀπώλετο ἀλλὰ πλοῦτον, ἐπεὶ δὲ δι' ἀνδρείας ἀγαπήτων οὖν πρὸς τοιούτων, καὶ ἐκ τοιούτων λέγοντες, παχυνάς, ἐκ τούτων πάλιν ἐκδείκνυσθαι, καὶ πρὸς τῶν ὡς ἐπὶ τὸ πολὺ, ἐκ τοιούτων λέγοντες, τοιαῦτα ἐκ συμφορῶν εἶναι. τὸν αὐτὸν δὲ ἔσπον καὶ ἀποδείχεται ἡρεῶν ἕκαστον τῶν λεγόμενων. πεπαιδευμένου γὰρ ὅτι ἐπὶ τοσούτων παρρησίας ἐπιζητῶν καὶ ἕκαστον ἥμιος, ἐφ' ὅσων ἢ τῶν περὶ ἡμᾶς φύσις ἐπιδέχεται. τοιαῦτα πᾶσι γὰρ φαίνεται, μαθηματικῶς τε πιθανολογημάτων, ἀποδείχεται, καὶ ῥητορικῶν ἀποδείξεως ἀπαμειν.

ut videantur lege solum esse talia, natura verò minimè. Talem porro quemdam errorem habent etiam bona; propterea quòd multis accidunt detrimenta ex ipsis. Iam enim aliqui perierunt propter diuitias, alij verò propter fortitudinem. Satis igitur erit de talibus, & ex talibus differentes pingui modo & adumbrata figura verum ostendere, & de his, quæ plerumque fiunt, & ex talibus disputantes, talia quoque concludere: eodémque modo accipere oportet singula quæ dicuntur. Eruditi enim est, catenus subtilitatem querere in uno quoque genere, quatenus rei natura patitur. Simile namque videtur esse, Mathematicum probabilibus suadentem rationibus adprobare, atque ab oratore demonstrationes exposcere.

EXPLANATIO.

D V A B V S hoc etiam tertium Caput distinguitur & perficitur partibus. Quarum prima hæc est: vbi statuit modum huiusce doctrinæ tradendæ à magistro, atque ab auditore suscipiendæ. Nam in Capite superiore dixerat, videndum esse, non modò cuius scientiæ sit, explicare ac differere de summo bono, verum etiam quid ipsum bonum sit, & quibus constet ex rebus, exponere. Videtur ergo consequens esse, vt declararet primum, qua docendi ratione tradi res ea possit; probabili ne, an demonstratiua. Ait ergo modum hunc docendi non posse demonstratiuum esse: ac propterea doctrinæ se satisfacturum, si eam sic tradat & explicet, quemadmodum ad disputandum obiecta materia postulat. Quibus verbis ostendit idcirco fieri, vt demonstratiuo modo tradi hæc scientia non possit, quòd materia, quam tractat Moralis Philosophus, respuat demonstrationes absolutas, atque perfectas. Ostendit autem hoc penè modò. Ratio demonstrandæ veritatis in quacumque scientia debet esse consentanea rei, quæ ab eadem scientia tractatur: modus enim exponendæ veritatis in qualibet doctrina debet esse similis modo, quo vtuntur opificia in agendo. At in opificiis agendi modus conueniens sit materiæ necesse est, in qua versatur operatio: sic prorsus, vt videamus alium operandi modum esse pictorum, qui coloribus vtuntur, alium fictorum, qui ceram tractant, aliamve materiam facilem, ductilem, & obsequentem; aliam conflatorum, qui metalla, & æra varia colliquefaciunt, atque informant: alium denique eorum, qui statuas faciunt, & viuos, vt ille canit, ducunt è marmore vultus: Ergo modus etiam patefaciendæ, declarandæque veritatis in qualibet scientia atque doctrina, debet esse consentaneus respondensque materiæ, quæ à doctrina tractatur. Sed materia Moralis scientiæ mutabilis est, atque incerta: ergo modus exponendæ veritatis in Morali doctrina non potest esse demonstratiuus & certus. Esse autem inconstantem, variantemque Moralis doctrinæ materiam demonstrat Aristoteles ex duobus rerum generibus, quæ ad ipsam Moralis scientiæ materiam pertinent: hoc est, ex actionibus humanis, ac bonis externis. Quantum enim ad humanas attinet actiones, summa quædam earum varietas est, inconstantia, error, incertitudo: quædam quippe à quibusdam honestæ putantur ac iustæ, eadem turpes, iniustæque ab aliis existimantur propter temporum, locorum, personarum, aliarumque rerum varietatem. Iusta sunt certo quodam tempore multa, alio tempore sunt iniusta. Aliqua sunt apud quasdam gentes honesta, turpia sunt apud alias. In certis quibusdam hominibus ac per-

sonis laudantur quædam, eadem damnantur & reprehenduntur in aliis. Denique tanta est actionum humanarum in hoc genere mutabilitas, ut quidam crediderint, falso quidem, sed crediderint tamen, inquit Aristoteles, nihil esse iustum honestumque natura, quæ semper est eadem, sed decreto tantum & lege, quæ mutabilis est, & varietati pro locorum, temporum, personarumque diuersitate semper obnoxia. Ignis quippe, cuius naturalis est vis atque efficacia, apud nos vrit iuxta atque apud Persas: leges verò quibus ab hominum æstimatione vis inditur, ac rerum honestarum turpiumque iudicia, nobis illisque diuersa sunt. Quare Archelaus Physicus Præceptor Socratis, teste Laërtio, iusta putabat reuera nulla esse, sed tantum opinione atque iudicio: quod postea ipse etiam est arbitratus Epicurus, quem in lib. primo de legibus confutat Cicero: demonstrans, leges & scita populorum aut Principum, nisi naturali normæ consentanea sint, iusta esse non posse. Atqui nos legem bonam, inquit, à mala nulla alia nisi naturali norma diuidere possumus: nec solum ius, & iniuria à natura diiudicatur, sed omnino omnia honesta ac turpia. Nam & communis intelligentia nobis res notas efficit, easque in animis nostris inchoauit; ut honesta in virtute ponantur, in vitiis turpia. Hæc autem in opinione æstimare, non in natura ponere, dementis est: nam nec arboris, nec equi virtus, quæ dicitur, in quo abutimur nomine, in opinione sita est, sed in natura. Quod si ita est, honesta quoque, & turpia natura diiudicanda sunt. Ita M. Tullius disserit aduersus Epicurum, & nos alius profectò rationibus possemus eandem confutare sententiam: sed non id agimus in præsentia. Exemplis potius institutisque variarum gentium eam de iustis honestisque actionibus iudiciorum varietatem ostendamus, quam ait Aristoteles reddere Moralis philosophiæ materiam multis modis mutabilem & incertam. Igitur Persæ, ut ab his initium capiamus, quorum fuit Imperium nobilissimum, filiarum coniunctione matrimoniisque sunt vsi: quod apud Græcos, Romanosque fuit semper horribile ac detestandum. Massagetæ communes habuerunt vxores, connubia vaga, & prolem incertam: quo nihil habitum est apud ceteras nationes à ratione alienius & fre dius. Athenis, cum popularis aliqua exorta esset & grassaretur seditio, qui neutram sequeretur partem, peccabat in legem Solonis: Romæ factionibus adiungere sese, atque ad partes accedere capitale fuit. Esculentorum furta honesta atque ingenua censuerunt Spartani: eadem ceteris nationibus vilissima sunt, & populi digna quisquiliis. Saltare denique, & choros ad citharam ducere decorum habebatur in Græcia, turpissimum apud Romanos: quæ morum varietas ex opinionum, iudiciorumque discrepantia nascitur, ut dixit Aristot. supra, docetque Plato in lib. 10. de legibus, & Sextus Empiricus in tertio *Παραρρήσεις*: qui dicunt iustum, iniustumque opinione definiri. Quod ut de rebus omnibus iustis, honestisque non verè dicatur, cum multa eiusmodi sint ipsa natura, de multis tamen quæ nullo iure naturæ iubentur, veranturque, verissimè dicitur. Ea enim legibus & decretis gentium iusta faciunt vel iniusta, honesta redduntur aut turpia. Cum ergo ex hac opinione iudicioque gentium vario pendeat Ethicæ materia, quæ de iustis, honestisque disputat, ac præcipit actionib. non potest vllis exponere veritatem demonstrationibus, quæ constantem materiam, & minimè mutabilem postulant.

Secundo loco dicitur ab Aristotele materia philosophiæ Moralis effici mobilis & varia ex bonis externis corporis & fortunæ, de quibus agit. Felicitati enim, quam quarit, non vna satis est honestas ac virtus, sed accedant oportet externa corporis, & fortunæ bona, ut partibus & numeris omnibus expleatur. Sed horum quoque bonorum infinita quædam varietas, incertitudo & mutabilitas est. Nam si diuitias intuearis, multos earum præsidio mirificè adiutos, multos earumdem vicio pessum datos esse comperies: quod Iuuenalis Sat. 10. post initium ita nos admonet.

Sed plures nimia congesta pecunia cura

Strangulat, & cuncta exuperans patrimonia census.

Si corporis habitudinem egregiam, si formam, roburque consideres; hæc etiam sæpe nocuisse nonnullis inuenies, & multos ob fortitudinem, hoc est, ob ipsum corporis robur perisse hic apud Aristotelem legis. Iure quippe docent interpretes, inprimis Eustratius, fortitudinem hoc loco non esse animi habitum illum & virtutem, quæ facultatem irascentem dirigit & concupiscentem: hæc enim nocere nemini potest: nec alia vnquam vlla obtuit alicui mortalium virtus, cum hæc sola sit,

qua homines abuti non possunt. Meritò, inquam, monent Interpretes, fortitudinem hic non esse positam pro virtute animi, sed pro robore corporis & laterum firmitate. Vox enim Græca, quam adhibet Aristoteles, *αἰσπία*, ambigua est, tam animi fortitudinem & virtutem, quàm corporis robur, firmitatēque significans, hoc est illam, quæ propriè dicitur *ἰχμή*, vt docet Lambinus in Scholis: quem opponere possum Oberto Gifanio, qui contra contendit, hoc est, *αἰσπία* nunquam eam significare firmitudinem corporis & membrorum, quæ appellatur *ἰχμή*. Quanquam satis esse superque debet auctoritas Eustratii interpretis boni & quidem Græci, qui hoc loco retulit ad corporis robur *αἰσπία*. Quin Latinorum etiam ea cōsuetudo est, vt fortitudinem non semper referant in animum, sed sæpe ad ipsum quoque corpus accommodent. Marcum Tullium Ciceronem in Officiorum primo sic loquentem audiamus: In feris inesse fortitudinem sæpe dicimus; vt in equis, in leonibus: iustitiam, æquitatem, bonitatem, non dicimus. Declarat nimirum his verbis, hoc fortitudinis nomen non quidem propriè, sed translātè, & quemadmodum Grammatici dicunt, abusiue, quarundam animantium firmitudini accommodari.

Sed rationem discere præstat ex Eustratio, cur Aristoteles proprio virtutis nomine abusus, fortitudinem adscripserit corpori. Sic enim ratiocinatur & disputat. Sicut in anima generales sunt illæ virtutes quatuor; Prudentia, Fortitudo, Temperantia, Iustitia: ita in corpore quatuor item dotes, illisque respondentes quatuor quodammodo virtutes sunt. Sensuum acumen & integritas, robur ac firmitas, pulcritudo ac forma; sanitas & valetudo. Sensuum integritas acerrimorum, Prudentiæ proportionē respondet, veluti cognitio quædam in corpore animalis existens: Robur, quod corpus validum laboris que patiens reddit, Fortitudini: Pulcritudo, quæ in partium conuenientia, & compositione posita est, Temperantiæ. Valetudo, quæ humorum consensione, atque æqualitate perfecta continetur, similis est comparatūque Iustitiæ. Significat igitur Eustratius, Aristotelem propterea fortitudinem, quæ propriè cadit in animum, ipsi quoque corpori tribuisse, quoddā firmitas & robur corporis cum animi fortitudine propter similitudinem quandam eximiam comparari queat.

Ait igitur Aristoteles, hanc ipsam corporis fortitudinem, hoc est, robur ac firmitatem, bonum quidem esse ad felicitatem pertinens; sed tamen ita mutabile, vt sæpe noceat ac detrimento robustis & corpore fortibus sit. Et causā quidem, cur noceat, vt mea fert opinio, potest esse duplex: Prima, quod illa corporis & laterum firmitudo cum inconsulta temeritate plerumque coniungitur: Altera, quod multorum est inuidiæ debiliorum semper exposita. Temeritas in Milone Crotoniate incredibilis exitit: qui tam immanibus corporis fuit viribus, vt taurum in Olympico certamine ictu nudæ atque exarmatæ dexterae occidisse dicatur, & sine defatigatione per stadij spatium supra humeros portasse, totūque ea ipsa die comedisse. Huic autem exitiosam fuisse fortitudinem corporis ita testatur ac narrat Aulus Gell. in lib. 15. cap. 16. Milo Crotoniensis athleta illustris, quem in Chronicis scriptum est, Olympiade prima coronatum esse, exitum habuit vitæ miserandum. Cū iam natu grandis artem athleticam desisset, iterque faceret fortè solus in locis Italiæ siluestribus, quercum vidit proximè viam patulis in parte media ramis hiantem. Tum experiri, credo, etiam tunc volens, an villæ sibi reliquæ vires adessent, immisissis in cauernas arboris digitis, diducere ac rescindere quercum conatus est: ac mediam quidem partem discidit, diuellitque. Quercus autem in duas diducta partes, cū ille, quasi perfectō quod erat connixus, manus laxasset, cessante vi, rediit in naturam: manibusque eius retentis, inclusisque, stricta denuo & cohesa, dilacerandum hominem feris præbuit. Itarem narrat Gellius, quam Ouidius hoc vno complexus est disticho in Ibin;

*Vtique Milo robur diducere fissile tentes,
Nec possis captas inde referre manus.*

Fuit ergo temeritas, quæ viribus adiuncta tam validis, perniciosam Miloni confidentiam fecit. Inuidia verò perdidit Androgeum Minois Cretæ Regis filium, lacertosum item insigniter & robustum corpore: quem palæstra perpetuò victorem Athenienses & Megarenses ex composito interemerunt, nihil eiusmodi cogitantem, aut opinantem, ne tantam hominis gloriam intueri cogereentur inuicti.

Ipsa quoque nocet interdum pulcritudo corporis, bonum haud postremum:

ob quam Aristoclea illa ex Aliarto Bæotiz inter manus Stratonis & Callisthenis hinc, atque hinc raptantium discerpta miserè perit, vt scribit Plutarch. in Amatoriis. Cuius periculi à pulcritudine imminentis probe gnara Deianira apud Sophoclem ait, veritam se semper esse, ne quid detrimenti propter pulcritudinem pateretur.

Nocent honores, nocent alia bona, quæ faciunt in Republica nos eximios ac præter alios excellentes: vt pulcherrimè declarat in eadem Sat. x. Iuuenalis, vbi tractat hoc argumentum ex industria, stultissima eorum hominum insectans vota, qui vulgari opinione decepti petunt à Diis multa, quæ bona putant, cùm reuerà sint ipsis maximè perniciofa.

*Euertere domos totas optantibus ipsis
Dy faciles: nocitura rogas; nocitura petuntur,
Militia, & torrens dicendi copia. multis
Et sua mortifera est facundia: viribus ille
Confusus perit, admirandisque lacertis.*

Vbi mentionem videlicet eiusdem Crotoniatæ Milonis facit, valentissimis illis viribus suis extincti; aliâque permulta commemorat bona, quæ perniciem sæpe creant; imprimisque potentiam insignem, & nobilem eloquentiam. Nihil enim aliud quàm Imperium potentiam ac primum honorem in Republica significant ea verba:

*— Nocitura roga, nocitura petuntur,
Militia, &c.*

Id quod postea meliùs & copiosius exponit exemplis virorum illustrium pluribus, quæ sit ex vsu percensendo cognoscere.

*Vis ne saluari sicut Scianus, habere
Tantundem; atque illi sellas donare Curules,
Illum exercitiis præponere, tutor haberi
Principis angusta Caprearum in rupe sedentis
Cum grege Chaldeo? vis certè pila, cohortes,
Egregios equites & Castra domestica; quid ni
Hæc cupias? & qui nolunt occidere quemquam,
Posse volunt: sed quæ præclara & prospera tanti
Vt rebus latis par sit mensura malorum?
Ergo quid optandum foret ignorasse fateris
Scianum. Nam qui primò optabat honores,
Et nimias poscebat opes, numerosa parabat
Excelsa turris tabulata: vnde altior esset
Casus, & impulsa præceps immane ruina.
Quid Crassos, quid Pompeios evertit, & illum,
Ad sua qui domitas deduxit flagra Quirites?
Summus nempe locus, nulla non arte petitus,
Magnæque Numinibus vota exaudita malignis.
Ad generum Cereris sine cade, & vulnere pauci
Descendunt Reges, & sicca morte Tyranni.*

Omnes propè complexus his versibus est, honoribus, imperio, domi, militiæque potentes viros, quos insignis ad extremum calamitas felicitati par notabilitauit. Sed nullum ait esse bonum perniciosius, quàm eloquentiam in libera Ciuitate, quæ multis quidem oratoribus exitium attulit, vt cognoscere licet ex decem oratorum vitis apud Plutarch. sed peperit infelicissimum ac maxime miserandum duobus in primis luminibus, Demostheni, ac M. Tullio Ciceroni: alter enim vt miseriam se subduceret, venenum sua voluntate sumere, alter eandem ob causam ceruicem ficatorio dare non dubitauit.

*Eloquium, ac famam Demosthenis, aut Ciceronis
Incipit optare, & totis Quinquatribus optas
Quisquis adhuc vno partem colit asse Minervam,
Quem sequitur custos angustæ vernula capsæ.
Eloquio sed uterque perit orator, utrumque
Largus, & exundans letho dedit ingenij fons.
Ingenio manus, & ceruix est cæsa, nec vnquam*

*Sanguine Causidici maduerunt Rostra pusilli.
O fortunatam natam me Consule Romam!
Antoni gladios potuit contemnere si sic
Omnia dixisset. Ridenda poemata malo,
Quam te conspicua diuina Philippica fama,
Volueris à prima quæ proxima. sanus & illum
Exitus eripuit, quem mirabantur Athenæ
Torrentem & pleni moderantem fræna Theatri.*

Sunt igitur incerta atque inconstancia bona omnia externa, nec vllum est quod sit bonum, vt grauitè saepe non noceat. Pulcherrimè hoc expressit Ouid. exemplis per inductionem à natura, & arte petit in 2. Trist.

Nil prodest quod non ladere possit idem

Ignè quid vtilius? si quis tamen vrere tecta

Comparat, audaces instruit igne manus.

Eripit interdum, modò dat medicina salutem,

Quæque inuèt monstrat, quæque sit herba nocens.

Et latro, & cautus præcingitur ense viator,

Ille sed insidias, hic sibi portat opem.

Discitur, innocuas vt agat facundia causas:

Protegit hæc fontes immeritosque premit.

Ex quibus hic efficitur & componitur syllogismus. Demonstrationes ex necessariis constant, & ex iis, quæ aliter esse, ac se habere non possunt. Materia Moralis philosophiæ contingens est, atque mutabilis: ergo non est demonstrationibus accommodata. Hinc verò quid consequens est, nisi quod, & doctoris & auditoris huiusce disciplinæ declaret officium? Sequitur enim primum, doctoris esse, populari docendi modum, atque probabilem, hoc est eum, quem materia postulat, adhibere. Contenti igitur erimus, inquit Aristoteles, si nos de his differamus pingui Minerua & adumbrata figuratione. Græcè *παλαιὰς, ἢ νέας*, crassè, siue adumbratè & in figura: de qua loquendi forma diximus alibi. Hæc autem, vt monet Obertus Gifanius, propter Platonem ita disputat, quem videt in hac re ideo peccasse, quòd existimaret etiam in tradenda Politica tam egregia, & tam præstante disciplina, esse demonstrationes sic afferendas, quemadmodum afferuntur in ceteris.

Sequitur item ex iis, quæ dicta sunt, prudentis esse partes auditoris, exquisitiorem ac subtiliorem non postulare docendi modum, quàm Moralis materia patiatur; sed probare quæ dicuntur & demonstrantur eo modo, quo demonstrare potest popularis hæc ratio docendi ac via. Huius enim rei rationem adiungens ait, esse hominis eruditi, siue periti, siue bonis artibus instituti, tantam solum in vnoquoque genere subtilitatem requirere, quantam ipsius rei, qua de agitur suscipere natura potest. Quo loco quem nam periti, siue eruditi, siue bonis artibus instituti hominis nomine velit intelligi, non liquet. In Græco enim Codice est, *παραδιδωτός*, quod participium quid significet, à *παρὰ* cognoscamus oportet: est quippe ea vox Aristoteli familiaris, sed infinita propemodum, ac multiplici significatione prorsus ambigua. Appellat enim sapissimè *παρὰ*, habitum quendam, & peritiā rectè iudicandi de rebus omnibus: quod iudicium, quia docetur ab Analytica, erit interdum *παρὰ* nihil aliud, quàm habitus Analyticæ. Cui contraria est, atque opposita *ἀπαρδωσία*: analyticæ ignoratio disciplinæ. Hinc *παραδιδωτός* dicitur is qui sit Analyticis eruditus: contraque *ἀπαρδωτός*, lib. 1. Rhet. cap. 10. lib. 3. Metaph. cap. 3. & lib. 1. de partibus animal. initio: is, qui est analyticæ doctrinæ atque eruditionis ignarus. Sed facit idem Aristoteles alibi duplicem *παρὰ*. Alteram vult esse veram Analyticæ & communem rerum omnium cognitionem: alteram alicuius certæ scientiæ notitiā peculiarem: cuiusmodi est eius peritiā, quæ ex Analytica, quam optimè caller, iudicare de Musica, aut de poetica possit. Vt igitur aliquando è tam multis id eligamus, quod huic loco magis esse consentaneum arbitramur, statuendum est, eum hic dici peritum, & *παραδιδωτός*, qui possit tum de omnibus rebus vniuersè, tum de singulis artibus nominatim iudicare. De quo peritiæ habitu disputat potissimum Aristot. in lib. primo de partibus animal. initio, quemadmodum diximus.

Differt autem hic peritus à sciente, illo nomine: quòd peritus potest de scientia

iudicium ferre, sed eam tradere, atque explicare docendo non potest: argumentum quippe scientiæ certissimum est, posse docere, ut ait Aristot. in lib. 1. metaph. cap. 1.

Hac exposita ratione, quæ probat, nec demonstrationes afferri vllas à Politica posse, nec peritum hominem, gnarumque iudicandi de rebus omnibus debere quasi-
torem docendi modum in hac scientia postulare, ad rem magis expoliendam & illu-
strandam, similitudinem à Rhetorica, & Mathematica præclaram petit, affirmans,
æque illi errare, qui rationes requireret à Mathematico probabiles, aut ab Oratore
demonstratiuas, atque eum qui demonstrationes à Morali philosopho postulare.

Questionem hic excitat Albertus, contendens non esse huius loci statuere mo-
dum sciendi, cum hoc in Logica decernatur, quæ communis est cuiuslibet scientiæ
modus: ut ait Auerr. in lib. 2. Metaphysicorum. Respondet tamen Albertus ipse,
Logicam esse modum sciendi communem, & generalem omnium disciplinarum:
sed præter modum sciendi communem & generalem omnium, quamlibet scienti-
am habere proprium, eumque dici posse Logicam peculiarem. In quo illud ani-
maduertendum est maxime: inter doctrinam & scientiam hoc esse discriminis, quod
scientia sit aliquid terminans, doctrina quasi via quædam & iter ad terminum:
ideoque modus sciendi proprius est in vna quaque scientia doctrina ipsa, quæ ta-
lis est, qualem requirit materia, appellarique fortasse potest, ut ait Albert. Lo-
gica propria.

SECUNDA PARS CAPITIS TERTII.

Εκαστος ὁ κρίνῃ καλῶς ἀ γινώσκῃ, καὶ
ἐν τῷ βῆναι ἀγαθὸς κρίνῃ. καὶ ἔ-
καστος ἀρετῇ ὁ πεπαιδευμένος, ἀ πλῶς ὁ
ὁ πᾶσι πᾶσι πεπαιδευμένος. ὁ δὲ τῆς πο-
λιτικῆς οὐκ ἔστι οἰκίῳ ἀκροατῆς ὁ νέος.
Ἐπειὸς γὰρ τῆς καὶ τοῦ βίου ἀρετῆς.
οἱ λόγοι δὲ οὐκ οὐτῶν, καὶ πᾶσι τοῦ-
των. ἐπὶ δὲ τοῖς παισὶν ἀκροατοῦσι πικρὸς
ὢν, μεταίῳς ἀκούσται, καὶ αἰσχρο-
λῶς ἐπιτιθεῖ. τὸ τέλος βῆναι οὐ γὰρ αἰς,
ἀλλὰ ἀρετῆς. ὁ γὰρ φέρῃ δὲ οὐδὲν νέος
πᾶσι ἡλικίᾳ, ἢ ὁ ἦτος νεώτερος. οὐ γὰρ
πᾶσι τοῖς γινώσκουσιν ἡλικίᾳ, ἀλλὰ ὁ γὰρ
ὁ καὶ παῖς ζῶν, καὶ διώκειν ἔκαστα.
τοῖς γὰρ ἡλικίᾳ ἀνέστηται ἡ γινώσκῃ γίγνε-
ται, καὶ ἀπὸ τοῖς ἀκροαταῖς. τοῖς δὲ καὶ
λόγοις καὶ ὁρεξίς ποιῶν ὁμοίως, καὶ ἀρετῆ-
ται, πολυφιλῆς δὲ εἶναι ὁ πᾶσι τοῦ-
των εἰδέναι. καὶ πᾶσι μὲν ἀκροατῆς, ὁ
πᾶσι δὲ πᾶσι, καὶ πᾶσι ἀρετῆς, καὶ
πεφρονημένῳ πᾶσι.

Quisque verò iudicat bene quæ nonit,
currit, sic est bonus aestimator. De
singulis ergo iudicat eruditus; simpliciter
verò in omni genere exercitatus. Quocirca
civilis doctrinæ non est accommodatus audi-
tor inuenis. expertus enim est earum, quæ in
vita sunt actionum. Disputationes autem de
his sunt, & circa hæc. Adde, quod cum af-
fectuum confector sit, frustra audiet &
inutiliter: quia finis est non cognitio, sed
actio. Interest vero nihil, iuueni, ne atate
an moribus aulescentior sit. Non enim pe-
nus tempus est culpa, sed quia secundam
affectum vivit, & persequitur singula Ta-
libus enim inutilis cognitio est, quemadmo-
dum inconueniens. Illis autem, qui secun-
dam rationem appetitiones moderantur &
tractant, ad multa perutile esset de his co-
gnoscere. Ac de auditore quidem, & quo
modo accipiendum quidque sit: & quid
proponamus, eorum dyloco hæc dicta sunt.

EXPLANATIO.

DI X E R A T in extrema parte superiore, periti auditoris esse, à Mora-
li philosopho non requirere demonstrationes, quæ in contingente,
mutabilique materia nullæ possunt esse. Pergit adeo nunc describere
quasdam quasi qualitates, quibus oporteat eum esse præditum, qui
bonus auditor futurus sit scientiæ Moralis. Ac primo quidem à ne-
gatione sumens initium, ait, Iuuenem non esse Moralis doctrinæ idoneum audi-
torem: quod antequam rationibus ostendat, ponit vnum in hunc fermè modum.

Vnusquisque de iis bene iudicat quæ cognoscit: de iis verò quæ ignorat, non potest iudicium ferre accommodatum ac rectum. Quare, si quis in aliquo rerum certo genere probè sit institutus, de iis, quæ ex illo genere sunt, optimè iudicabit. Quo posito, sic aggreditur rationes exponere, quæ vincant alienam à iuuenibus esse hanc disciplinam. Scientiæ Moralis auditor idoneus ac proprius, de iis quæ traduntur in eiusmodi doctrina, iudicat optimè. At Iuuenis de iis quæ accipit in Morali scientia, non iudicat benè: ergo Iuuenis non est disciplinæ Moralis auditor idoneus. Assumptio demonstratur ex iis, quæ paulo antè posita sunt pro compertis & exploratis. Nemo enim potest appositè iudicare, nisi ea, quæ rectè nouit & intelligit optimè. Iuuenis verò, quia caret experimento, & rerum quæ geruntur in vita, quæque cadunt sub actionem, ignarus est, non poterit Moralis materiæ rectum habere iudicium, nec iis fidem præstabit, quæ proponuntur & docentur ab Ethica. Sunt enim huius doctrinæ conclusiones & principia actiones humanæ, quarum Iuuenis vsum experimentumque non habet: cum experimentū vsura vitæ diuturna paretur, & à rebus singulis indiuiduisque. Idcirco nimirū pueri tametsi Mathematici possunt esse eius facultatis beneficio, quæ *ῥητορικὴ* dicitur, & in ipsis est acerrima, prudentes tamen esse non possunt. Vsum enim prudentiæ parentem experimentumque desiderant Iuuenes, quia perexiguam vitæ partem exegerunt: quod docet Aristot. infra. Itaque faciliè in rerū iudicio Moraliū errabunt: rati, rectè & secundum rationem agi quod perperam fiet. Vt cū inflammati libidine, impuram animi cupiditatē explere contendunt, existimantes restitui sic posse, quemadmodum potu sitis extinguitur; nec intelligunt, longè aliam ac variam esse vtriusque mali curationem: cū illa verè tollatur potu, hæc expletionem magis semper ac magis augeatur. Quare dicentibus hæc, & præcipientibus philosophis nullā fidem habebunt. Atque hæc prima est Aristotelis ratio, demonstrans, Iuuenes non esse philosophiæ Moralis accommodatos auditores. Alteram profert ab affectibus animi turbidis, & voluptatibus accersitam, quibus adolescentes sunt plerumque plus nimio dediti. Hinc enim fit, vt inanem atque inutilem operam in audiendo ponant, cū Ciuilis scientiæ finis non in cognitione solitaria consistat, sed in agendo sit positus.

Adde, quòd cū affectuum consecrator sit, inquit, &c.] Quæ ratio formari ac disponi per syllogismum potest hoc modo: Qui Moralis doctrinæ finem consequi, ac pertingere faciliè non potest, is huius disciplinæ non est bonus, atque idoneus auditor. Iuuenis Moralis scientiæ finem faciliè non attingit: non est igitur auditor idoneus. Cur autem consequi ac pertingere finem faciliè non possit, ea ratio est, quòd plerumque sequatur affectus animi, & seruiat, atque obtemperet voluptatibus. Hinc enim fiet, vt huius scientiæ præceptis non ita sit obtemperaturus, nec ea, quæ audit producere velit in actum: Quapropter audiet frustra; cū Ethicæ finis non sit cognitio, quam parare fortasse iuuenis etiam possit; sed actio, quam voluptatibus atque affectibus abreptus suis, omnino contemnit.

Ceterū quia hæc ratio non iuuenes tantū à Morali doctrina depellit, verū etiam homines natu iam grandiores & ætate prouectos, qui sæpe cupiditatibus atque affectibus animi haud minùs, aut plus etiam, quàm iuuenes ipsi tenentur & ducuntur impotenter, explicat hunc locum amplius, & dubitationem exhaurit omnem; affirmans, haud multum interesse, ætate iuuenis sit an moribus, qui sequitur affectus & voluptatibus seruit: cū atque vterque ineptus auditor sit, alienusque à perceptione Moralis Philosophiæ: perinde quati diceret, Iuuenem solitum esse plerumque ac plurimum sequi voluptates, atque obtemperare cupiditatibus suis: non tamen viros deesse iam grandes, maximè voluptarios, & adolescentes temperatos, qui seniles in iuuentute mores, & sensus canos in ætate florentissima præferant: hos haberi à se dicique senes, illos iuuenes, quia iuuenis proprium est, tradere se cupiditatibus animi. Denique id vult à nobis intelligi, in senes etiam illos voluptarios hanc rationem intorqueri: adolescentibus temperatis & bonis parere: cū sint multo magis, quàm ij senes percipiendæ morum scientiæ accommodati. Ex quo consequens est, huius argumentationis vi generatim vniuersèque depelli ab Ethicæ finibus incontinentes: sed quia eiusmodi plerique iuuenum sunt, non incontinentes dixit, sed iuuenes, quos vt melius nobis planiusque proponeret, addidit intelligere se Iuuenum nomine *ῥητορικὴ* *ῥητορικὴ* *ῥητορικὴ* moribus iuniores, siue petulantes moribus, quacumque demum vtantur ætate.

Causam

Causam verò cur repudiet incontinentes intemperantesque, repetit à fine quì Morali scientiæ propositus est. Hunc igitur finem ait esse, non contemplationem, sed actionem, quam negligunt atque odio habent intemperantes. Non enim id tantum agit, ac sequitur hæc facultas, ut auditores definitiones, atque officia virtutum intelligant, sed ut virtutem exerceant ipsam, & quæ cognitione didicerint, agendo, ac secundum philosophiæ præscriptum traducenda vita demonstrent. Comparari quippe Morum Philosophia cum pecunia potest & nummo, propter similitudinem finis utriusque propositi. Nam quemadmodum nummi non ideo facti atque instituti sunt, ut numerentur, sed ut in usum vitæ, atque in hominum commoda promantur & impendantur: sic doctrina Moralis non in eam paratur & discitur gratiam, ut tantummodo cognoscatur; sed ut vitam virtuti consentaneam faciat, & rectè rationi concordēs consentientesque reddat actiones. Itaque sapienter Æschines aiebat, non tam Oratorem, ac legem idem loqui debere, quàm Philosophi vitam cum eiusdem doctrina concordare. Seuerè quidem, sed prudenter tamen, ac rectè Diocletianus, ac Maximianus Imperatores, Philosophum quendam onera patrimonij deprecantem monuerunt his verbis: Professio & desiderium tuum inter se discrepant. Nam cum philosophum te esse proponas, vinceris avaritia & rapacitate, & onera quæ patrimonio tuo iniunguntur, solus recusare conaris: quod frustra te facere cæterorum exemplo poteris edoceri. L. professio C. de munerib. patrim. Eadem reprehensio perstringere Senecam potest. Qui tamen, si id tantummodo possedit, quod eum possedis se putat Lipsius in *Admiran. cap. 15.* habet sine dubio defensionem aliquam. Ait enim fuisse diuitem non antiquorum illo tam exaggerato, sed nostro more: hoc est, septuagies quinquies centena millia possedis se, quæ summa, quemadmodum ex Aldo Manutio subduxi, aureorum nostrorum redditu centena millia & viginti quinque. Suppetit, inquam Senecæ, non contemnenda defensio, si hic tantummodo census hominis fuit. Hanc enim summam ea tempestate, Principe potissimum Nerone, fuisse habitam singularem frugalitatem inter eos, qui ab illo gurgite locupletabantur, vel ex eo cognoscimus, quod liberos multo plus quàm Senecam habuisse tum in censu ipse confirmet in oratione ad Senecam Nero. De Pallante liberto scriptum reliquit Tacitus, Sestertij sex millies eum possessorem fuisse, id quod in Breuiario proferens amplius Dio, quater millies fuisse testatur, hoc est duodecim, quemadmodum populari lingua dicimus, aureorum nummum milliones ex eadem supputatione Manutij. Quid ille Gn. Lentulus, inquit Seneca ipse, diuitiarum maximum exemplum, antequam illum liberti pauperem facerent? quater millies Sestertium suum vidit: qui numerus aureorum nummum totidem continet milliones, hoc est duodecim. Cum his ergo comparatus Seneca, tam gratus Imperatori, videri philosophus potuit, quem tam multis partib. alij nimirum in illo genere superarent. Itaque benè ad eum Nero apud Tacit. lib. *Annal. 14.* Quæ à me habes, horri & scæmus, & villæ casibus obnoxia sunt: ac licet multa videantur, plerique haud quaquam artibus tuis pares, plura tenuerunt. Pudet referre libertinos, qui ditiores spectantur. Vnde etiam rubor mihi est, quod præcipuus caritate nondum omnes fortuna antecellis. Ita laudat vel parsimoniam in largiendo suam, vel Senecæ modestiam Nero.

Verus tamen ac certus Senecæ census exprimitur planè, atque dilucidè in lib. *Annal. 13.* ab illo Suiho causarum patrono. Qui ab eodem Seneca in discrimen capitis adductus ex leg. Cincia, quod ob oratas causas pretium acceperat à reis, cum multa in eum obiurgatoriè dixisset, hæc addidit de censu, de quæ re familiari supra philosophiæ modum exaggerata. Quæ sapientia, quibus Philosophorum præceptis intra quadriennium Regiæ amicitia ter millies sesterium parauisset? qui numerus nouem aureorum nostrorum conficit milliones. Nihilò tamen minùs huic quoque summæ tam immani præstò esse secunda aliqua defensio potest, ex eo petita, quod dantis Imperatoris munificentiam, despiciere non posset, aut repugnare non liberalissimo solum, verùm etiam crudelissimo Principi. Itaque tam multa possidebat inuitus, quemadmodum ipse in oratione ad Neronem demonstrat his verbis ibidem: Ego quid aliud munificentia tua adhibere potui, quàm studia, ut sic dixerim in umbra educata? E quibus claritudo venit, quod iuuentæ tuæ rudimentis affuisse videor: grande huius rei pretium. At tu gratiam immensam, innumeram pe-

cuniam dedisti: adeo, vt plerumque intra me ipsum voluam, Ego ne equestri & prouinciali loco ortus, Proceribus Ciuitatis adnumeror? Inter nobiles, & longa decora praefidentes nouitas mea enituit? Vbi est animus ille modicis contentus? Tales hortos instituit, & per haec suburbana incedit, & tantis agrorum spatiis tam lato fœnore exuberat? Vnde defensio occurrit, quod muneribus tuis obniti non debui.

Tertiam huic similem adiungere defensionem facile possum, & quidem huiusmodi: Quod etiam in tanta & tam ampla rerum possessione earundem admirabilem despicientiam animo retineret, & temperatissimè viueret. De illarum contemptione diuitiarum sic disputat & loquitur ipse quodam in loco: Pone me in opulentissima domo; vbi aurum, argentumque in promiscuo vsu sit: non suspiciam me ob ista, quæ etiam si apud me, tamen extra me sunt. In Sublicium rursus pontem me transfer, & inter egentes abige: non ideo tamen me despiciam, quod in illorum numero consideam, qui manum ad stipem porrigunt. Quid ergo est? domum illam splendidam malo, quam pontem. De Temperantia satis habeo quod testatur Tacit. in eod. lib. Annalium decimo quinto: simplici cum victu, nominatimque agrestibus pomis; ac si litis admoneret, aqua profluente vitam tolerasse. Ac ne putemus, id ab eo tum solum esse factum, cum a Nerone mors immineret, quod indicat Tacitus, ipsum de se, sui que ratione victus quotidiana sic planè loquentem audiamus in epistola 84. Panis deinde liccus, & sine mensa prandium, post quod non sunt lauandæ manus, dormio minimum, consuetudinem meam nosti: breuissimo somno vtor, & quasi interuigilo: & in epistol. 109. Inde in omnem vitam vnguento abstinemus, quoniam optimus odor in corpore est nullus: inde vino caret stomachus, inde in omnem vitam balneum fugimus, &c.

Ex quibus efficitur omnibus, Seneca vitam, qui inter multas opes sic opum contemptor ac temperans esset, non omnino à professione Philosophiæ discordasse. Id enim extremo loco dicebamus: morum scientiam atque doctrinam cognitione contentam non esse, cum propter actionem sit instituta, sic prorsus, vt Philosophi Moralis nomen inuenire nulla ratione possit, qui suam non exprimat actione philosophiam. Hinc enim sequitur, quod disputationis huius est caput, voluptarios & molles Ethicæ non esse proprios auditores ac bonos, cum virtutis repudient actionem, quæ pro fine & qualis scopo Morali philosophiæ proposita est.

His ergo ex huius Exedra disciplina depulsis, decernit ad extremum Aristoteles quoderat consequens, eos huius esse scientiæ auditores idoneos, qui suas in officio continent cupiditates, & vitæ suæ mores secundum rationis decreta moderantur. Atque ita suis se libris exordium fecisse confirmat: vt intelligamus, hæc tria capita posita esse proxijs loco; cetera, quæ consequuntur ad intimam Ethicæ doctrinam, & totius scientiæ summam pertinere. Itaque possunt ex hoc tertio cap. huiusmodi proferri positiones.

EPILOGVS.

1. In hac tradenda doctrina non exquisita, & demonstratina potest proferri scientia, sed materia consentanea, qua tractatur. hæc autem est mutabilis & incerta.
2. Iuuenis non est huius discipline auditor idoneus: cum & rerum experimento careat, & plerumque deditus prorsus cupiditatibus sit: quanquam qui sunt eiusmodi, sine iuuenes, siue grandiores aetate sint, haberi debent huius doctrinae incepti atque inutiles auditores.
3. Restat, vt qui cupiditates suas rationi subiiciunt, proprij tantum sint, atque idonei Philosophiæ Moralis auditores.

IN CAPVT TERTIVM

QVÆSTIO PRIMA.

An aliqua possint esse demonstrationes in Ethica.



VANQVAM hac de re iam statuit & decrevit satis Aristoteles, sunt aliqua tamen rationes, quæ dubitationem afferre possint, hæc facere, ut hæc quoque scientia demonstratiua esse videatur. Et quoniam Aristotelis argumentatio ex eo ducitur in summa, quod inconstans, & mutabilis sit huius doctrinæ materia, hoc primum labefactare conemur, ut omnia, ruente fastigio, facile dilabantur.

Primū igitur Ratio, quæ videtur id vincere, sit huiusmodi. Scientia in materia veritas certissima, verè scientia est; adeoque potest demonstrationibus confirmari, ut docet Aristoteles in libro primo doctrinæ demonstratiuæ. Morum philosophia certissimam tractat, constantissimamque materiam; quod ex ipso etiam intelligitur Aristoteli, cum in primo lib. Ethicorum cap. 16. disertè dicat, in nulla re mortalium tantam inesse firmitatem, tantamque constantiam, quanta est in his rebus, quæ virtute geruntur. Quin in lib. 2. cap. 6. pronunciat planius, virtutem esse qualibet scientia certiozem. Virtus verò materia est Philosophiæ moralis, ut in hoc capite confirmat idem Aristoteles, docens eam disputare & agere de bonis rebus ac iustis.

Secunda. Illa scientia, quæ definitiones & proprietates habet, potest sine dubio demonstrationes asserere, quia definitio, & proprium sunt principia demonstrandi. Ac morum Philosophia definitiones habet, & proprietates, definiuntur enim in hac doctrina virtutes, affectus, vitia, eorumque proprietates explicantur.

Tertia. Illa scientia debet haberi certa, cuius materia nobis est naturaliter nota, sed materia moralis doctrinæ, quæ iustis & bonis continetur actionibus, nota nobis est anticipatione naturæ. Iustarum quippe, bonarumque actionum principia naturaliter nota sunt; cum verissime dicatur à Iuris prudentibus, illud esse ius, siue iustum naturale, quod natura omnia docuit animalia, & bonum id sit, quod omnia naturaliter appetunt. Non enim appetunt bonum illa, quæ prædita sunt vi cognoscendi, nisi per cognitionem ipsam præeunte natura.

Animaduertendum id primò est, quod monuit hic Eustræus; duplex esse rerum genus, quod nostræ cognitioni proponitur: necessarium, & contingens. In necessario versatur scientia, quæ colligit ex necessariis necessaria. talis enim est cogni-

tio, qualis materia est. In contingenti verò varij versantur habitus, pro ipsius rei contingentis multiplici varietate. Nam contingens, siue probabile, aut possibile in tria quasi genera diuiditur: in ea, quæ plerumque, in ea quæ raro, in ea, quæ ex æquo eueniunt. In eo possibili; quod plerumque fit, artis negotium est, quæ ex similibus propositionibus similia, hoc est plerumque contingentia conficit. In eo, quod euenit ex æquo, diciturque Græcè ἐκ τῆς ῥατίας, ratio, atque electio fieri solet, quæ cum facultates sint criticae, & iudicantes, utramque partem æquo perpendunt examine, atque ex his alterutram, quæ visa fuerit melior eligunt; alterique anteponendam censent. Id verò, quod rærenter euenit, nulla considerat, aut tractat facultas: adeoque veteres; quia nullam illius reddere rationem poterant, in fortunam retulerunt, & casum. Cum ergo res, quæ sub actionem cadunt, ex illis sint, quæ interdum impediuntur, nec semper eueniunt, sed plerumque is, qui de huiusmodi rebus agit, siue iustus, atque iniustus, siue honestus, & turpibus; non aliud concludere, ac colligere potest, quàm id quod est plerumque contingens, quia eiusmodi etiam sunt propositiones ex quibus concludit & colligit. Quare; si quis huiusmodi aliquid, vel bonum, vel honestum, vel iustum esse probauerit, tamen aliquando etiam falsum dicere deprehendatur, non est tamen propterea dampnandus; modò vera plerumque eius oratio sit. Nam neque necessaria, neque ex necessariis colligit, sed ex his, quæ nonnunquam interrumpi & esse alio modo possunt. Hæc sermò nos admonet Eustræus.

Animaduertendum secundo loco est ex Geraldo Odonis: tres esse certitudinis gradus in scientia, tribus respondentes rerum generibus penes sua principia differentium. Sunt quippe res, quarum principia nullo modo possunt impediri: cuiusmodi sunt mathematica, quæ nullum habent principium, vnde motus initium sumat. Itaque scientia rerum mathematicarum in primo certitudinis gradu ponenda est. Aliæ sunt, quarum principia sunt quidem per se certissima; sed tamen impediri possunt aduentitijs & per accidens: cuiusmodi naturalia sunt; quæ quanquam ad certum aliquid producendum facta sunt, sæpe tamen impediuntur extrinsecus: ac propterea talium scientia rerum in secundo gradu certitudinis est.

sunt iam affectu quod ab hac disciplina docetur.

Videndum, inquam, adeo est, utrum superuacanea sit hæc doctrina, an alicui hominum ordini fructuosa. Quod ita facere instituiam accommodatè, si monuero prius aliqua, ad muniendam explanandamque Aristotelis sententiam viam.

Moneo itaque primùm ex Gualtero Burleo, huius scientiæ finem esse duplicem: immediatum siue proximum; remotiorem siue mediatum. Prior ille immediatus, & proximus huius contemplatione ac cognitione scientiæ continetur: posterior, mediatus & remotior actionibus honestis, & exercitatione virtutis, qui si comparentur inter se, ac contentione mutua conferantur, intelligetur haud dubiè, vltimum & mediatum finem esse meliorem, quàm immediatum, & proximum: cum cognitio in actionis gratiam instituat.

Igitur hi duo fines declarare, ac constituere faciliè possunt, quoniam auditores aliquam, qui nullam, qui enim, huius disciplinæ partem attingant. Nam qui cognitionem sunt affectu, & cognitioni actionem honestam, ac virtutis exercitationem adiungunt, hi totam planè morum philosophiam complectuntur, qui in cognitione, & contemplatione consistunt, partem vnam quidem assequuntur, negligunt aliam, qui neque cognitionem sibi parant vllam, nec actionibus exercentur honestis; omnino sunt expertes eius philosophiæ, quæ mores emendat. Itaque Aristoteles non eadem ex causa, ut docet Sanctus Thomas, repudiat iuvenes, & viros intemperatos. Hos enim alienos existimat, quia quanquam ipsam fortasse doctrinæ cognitionem tenent, non tamen vltimum & mediatum pertinent finem, hoc est actionem honestam. Illos autem eo nomine ab auditorum numero dispungit, quòd ne cognitionem quidem parare possint huiusce doctrinæ; cuius materia in usu atque experimento posita est. Quo qui carent, non possunt us adhibere fidem, qui & docendi principia & doctrinæ Conclusiones ab experimento petunt. Vt si dicatur, inquit S. Thom. virum liberalem plura tribuere aliis, pauciora sibi reseruare; iuuenis, quia caret usu vitæ, id verum esse fortasse non iudicabit. Idemque de reliquis actionibus honestis & Civilibus ait Iuuenem futurum esse iudicium. Quod quidem verum est, nisi tamen instituti hæc à pueris sint, ut cogenitis moderatoribus audierint rudimenta quædam, propositiones, & quasi progymnasmata moralis philosophiæ, cuius adumbratæ doctrinæ beneficio didicerint quod experimento percipere non potuerunt. Vetus quippe inter sapientes ac doctos viros controuersia fuit, & questio, quibusnam à disciplinis atque artibus puerorum doctrinæ faciendum initium esset. Chrysippus ordiendum putabat à Logicis, progrediendum ad Physica, & perueniendum demum ad Ethica: ut est apud Plutar.

in lib. de repugnan. Stoicorum. Boëtius à Physicis incipiendum existimauit. non nulli ab Ethicis: ut conformatis moribus esset ad reliquas disciplinas faciliior & procliuior via. quod video placuisse Ammonio, & Simplicio in Categor. Aristotelis. Sed tamen quia id etiam intelligunt; non posse hanc doctrinam exquisitè percipi, atque subtiliter, nisi præeuntibus aliis, adiungunt cautionem, ac dicunt, leuia quædam præcepta morum esse pueris primùm tradenda. qualia nimirum continentur in Phocylidis, aut Pythagoræ carminibus aureis, aut qualia sunt in libris officiorum M. Tullij Ciceronis. quam adumbratam & leuem institutionem appellat Simplicius *κατὰ τὸν*.

Iuvenes ergo, qui fuerint à pueris hisce rudimentis Ethicæ, leuibusque moralis philosophiæ præceptionibus imbuti, possunt multo facilius accipere morum cognitionem, & assentiri docentibus ea, quæ ceteris non ita eruditis paradoxa esse videbuntur. Rectè quippe Commentator in prologo tertij Physicorum ait, eum, qui à pueritia fuerit assuetus fidem habere sermonibus falsis, ab illa consuetudine induci postea ad ipsam quoque veritatem pernegandam. Quo ex hominis dicto possumus contra ratiocinari & colligere, eum, qui assuefactus item à puero sit fidem veris adhibere, eius consuetudinis vi esse postea verum facillimè professurum.

Moneo secundo loco, ex eodem Gualtero Burleo: duplicem esse notionem auditoris idonei: vnam eius, qui faciliè pertingere possit finem Philosophiæ moralis vltimum: alteram eius, qui quocumque modo siue faciliè, siue difficilè ad eundem finem possit accedere. sit enim sine dubio; ut aliqui vel propter consuetudinem, exercitationemque virtutis, vel propter bonam institutionem, præparationemque nullo negotio assentiantur iis, quæ docentur in Ethica, & facillimè proferant actiones honestas: contraque alij affectibus impediti; & consuetudine voluptatis, incommodè quidem ac difficilè, sed tandem aliquando perueniant ad metam actionis honestæ. De hoc duplici auditoris genere constat, non vnam esse posse sententiam, sed alio, atque alio modo iudicandum esse. Cuius rei gratia

Moneo tertio loco, tria esse, quantum attinet ad rem, qua de agimus, hominum genera ætate prouectorum. Quorum alij sic virtutem sequuntur, ut constantem habeant bene agendi voluntatem, diuque ac multum actionibus honestis exerciti sint. Quare propriè, verèque dicuntur hi virtute instructi, & soli esse, qui habitum illum firmum, ac stabilem habeant honestatis, quem proprio nomine virtutem appellamus. Alij contra ita prauo iudicio sunt, peruersaque voluntate ut, sciētes, prudentesque perperam agant; idque sibi propositum habeant ut sur satisfaciant libidini, ac suas expleant cupiditates, rati sic esse

viuendum: non quòd malè se ac turpiter facere non intelligant, sed quòd nolint aliter agere, aut secundum rationem vitam exigere. Itaque his propriè dicitur esse vitium: hoc est habitus certo peccandi consilio & longi temporis diuturnitate firmatus. Alij denum sunt his interiecti rectum habentes iudicium, ac voluntatem, intelligentesque malè se agere, ac suos castigare mores aliquando cupientes. sed vincuntur tamen identidem impetu cupiditatis; ac vincunt ipsi subinde perturbationes suas: adeoque proprio vocabulo propterea dicuntur Incontinentes, sicut superiores appellantur propriè Vitiosi. Quod triplex hominum discrimen obseruandum est maximè: quia fieri potest, vt ob hanc causam alij præparationem ad moralem scientiam, alij impedimentum habeant, quominus Ethicæ medicamento sanari queant. Itaque

Moneo ad extremum ex Eustratio: morum philosophiam sic facere medicinam animæ, quemadmodum ars medendi salutem consulit corporis. Erunt igitur illæ huius doctrinæ partes, & ea in animam officia, quæ medicorum aduersus corpora sunt. Nimirum, si sanabiles in animo morbos offenderit, sanabit; si insanabiles, vel prætermittet, quia sanari non possunt, vel frustra curabit: si nullos, valetudinem, quam videt in animo iam esse, tuebitur, & retinebit. Quæ idcirco ponuntur hoc loco, vt intelligatur præsertim quorsum illi, qui cupiditates suas habent in potestate, nec voluptatibus obtemperant, operam nihilo minus huius scientiæ nauare debeant. Quamquam enim hi bene agunt antequam hanc sibi comparent doctrinam & facultatem, quæ rectè agere docet; bene tamen agunt, non quidem ex lege vel regula, sed ex vsu quodam & consuetudine rectè agendi. Hac ergo parva doctrina, est in manibus regula, & consuetudo illa veluti valetudo quædam, vel integra, vel imperfecta, seruatur & augetur. Quin illi quoque morbi qui videntur insanabiles, curari tamen & sanari possunt hac disciplina per accidens, ac secundum quid, vt planius & copiosius in conclusionibus explicabitur. Quare

Dicendum est primò, rectè ab Aristotele pronunciarì, scientiam hanc Iuuenibus simpliciter inutilem esse, quia experimento vitæ carent, & plerumque sunt incontinentes. Qui verò carent experimento, principia, conclusionesque huius doctrinæ percipere non possunt, quæ pendent ab vsu rerum, & vita, cuius partem transegerunt exiguam. & qui sunt intemperantes, Ethicæ præcepta nec probabunt, nec obseruabunt, quæ iubent frangi cupiditates, voluptates repudiari; adeoque proprium, & verum huius philosophiæ finem non assequentur.

Dicendum tamen est deinde, Iuuenes institutos à pueritia quibusdam huius scientiæ rudimentis, aliisque postea disciplinis excultos, moderatorumque vigilantia à vo-

luptate deterritos, esse huius doctrinæ accommodatos, atque idoneos auditores. Quamuis enim vsus in eis vitæ ac rerum experimentum humanarum desideretur, subit tamen, atque in eius substituitur locum illa ~~repperit~~, hoc est institutio & consuetudo: cuius beneficio facilè assentiuntur iis, quæ audiunt à doctores Ethicæ: & quia bene morari iam sunt, certè non seruiunt cupiditatibus, obtemperant etiam præceptis, atque ad actiones honestas ab ipsa cognitione facillimè gradum habent, & metam attingunt ultimam huic propositioni disciplinæ. Immo verò illud in gratiam Iuuenum addendum puto; tunc etiam, cum affectus, & cupiditates sequuntur suas, non esse prorsus alienos ab hac doctrina. Non sunt enim inuitiis obfirmati, nec ita suo ipsi iudicio amant improbitatem, vt sibi semper amandam existiment. Sunt igitur incontinentes. Incontinentes verò, quanquam boni simpliciter auditores haud sunt, vt dicemus, per accidens tamen esse possunt viles & idonei, quia percipienda morali scientia reuocari facile possunt ad bonam frugem, quod melius constabit & planius ex Propositione, quam in loco de Incontinentibus adiungemus.

Dicendum tertio loco est: Ciuilem doctrinam vitiosis illis, quos obfirmatos esse ad turpiter viuendum diximus, & ex iudicio prauo perseverandique voluntate peccare, non modò inutilem per se esse, verum etiam perniciosam. Ac primùm quidem hoc est, inutilem esse, ostenditur propterea, quòd cum illi omnino decreuerint vitam ducere virtutis expertem, non possunt ex hac doctrina quicquam præter ipsam cognitionem haurire. At finis huius doctrinæ perfectus, expletusque numeris suis est actio, vt docet Aristoteles. quam qui non attingit, vix vllam huius scientiæ partem putatur attingere. Alterum verò, hoc est, huiusmodi hominibus esse perniciosam, demonstratur ex eodem Aristotele. Qui in libro primo Politic. cap. 2. in fin. sapientissimè pronunciat, iniustitiam armatam, scruissimam, maximèque maleficam esse. Arma autem iniustitiæ ait esse prudentiam, & virtutes innatas imperfectasque, quas fucare doctrina, & in contrariam partem adhibere queunt flagitiosi. Ex hoc, inquam, Aristotelis loco ita fas est disputare: Hæc scientia, cum prudentiæ præcepta tradat, aliarumque virtutum, quibus regitur Ciuitas, arma suppeditaret flagitiosis illis atque iniustis hominibus, prudentia & virtutibus abuti volentibus ad perniciem Ciuitatis, si eam ipsi calleant. Ergo illis non inutilis modò est, verum etiam potest esse perniciosa. Quamquam enim veris virtutibus nemo potest abuti vt in primo Rhet. initio & lib. 2. Magnorum Moral. ait Aristoteles, potest tamen abuti virtutibus naturalibus, siue naturali aptitudine ad virtutes, siue virtutum seminibus, de quibus loquitur in illo cap. 2. primi Polit. idem Aristoteles, & virtutibus

quibusdam adumbratis, fucatisque, quas improbus ille, suoque iudicio in vitiis obstinatus tantummodo disceret, & peteret ab hac arte. Itaque non veram prudentiam sibi pararet, sed calliditatem & maliciosam astutiam, non veram iustitiam, non liberalitatem, non Temperantiam, aut fortitudinem, sed earum umbras & simulacra perfunditorie, ac per simulationem officij consecraretur. Quibus umbris fucum faceret Civitati, quemadmodum Tyranni sæpe faciunt, & larvati quidam homines, personatique Magistratus, qui Respubl. atque Imperia temperant.

Dicendum nihilominus est quarto loco, viciosos istos & ex consuetudine diuturna, pravoque iudicio, & obfirmata voluntate peccantes posse per accidens, & secundum quid iuvari morali philosophia. Nam huius doctrinæ cognitione percepta, intelligentes, inquit Eustratius, quanto sint ipsi malo depressi, fieri potest, ut ad honestum aliquo modo dirigantur, paulatimque, & cum difficultate totos se virtuti permittant excolendos. Ex illa quippe tam salutari scientiæ cognitione discant aliquando, vitam suam à magnis & sapientibus viris haberi turpem ac sædam, adeoque minus ea, quam ante, delectabuntur. Tum incipient sibi ipsis displicere penitus, & paulatim saniora consilia suscipient, virtutem ad extremum complectentur, nisi fuerint, ut idem ait Eustratius, omnino ac funditus occreati. Sed hoc non est esse bonum auditorem simpliciter, ac propriè. Is enim ex Aristot. est ille tantummodo, qui sit idoneus immediatè, aptusque honestis actionibus statim exercendis, vbi primum Moralis scientiæ cognitionem acceperit.

Quinto loco dicendum puto. Intemperantes, siue incontinentes, hoc est eos, qui suis subinde parent cupiditatibus, siue pravo iudicio tamen, aut obfirmata in agendo perperam voluntate, simpliciter & propriè non esse ex Aristotelis sententia idoneos ac bonos auditores. Quia illi sunt simpliciter idonei, qui apti iam sunt, atque accommodati virtutis actionibus exercendis, in quibus huius scientiæ finis est positus verus, atque perfectus. Sed hi non sunt ad huiusmodi exercitationem accommodati, quia tametsi vident improbè se facere, cupiuntque tandem aliquando à voluptatibus emergere, vincuntur tamen vel lenocinio, vel impetu cupiditatis. ergo non sunt immediatè apti, preparatique ad honestas statim actiones ex illa moralis doctrinæ cognitione proferendas. sed tamen de his quoque

Dicendum est sexto loco, posse ab hac arte utilitatem eos ac fructum capere per accidens, & mediatè. id quod Eustratii nuper exposita ratio persuadet. Ut enim aliqua cum difficultate nuncium voluptati remittant, minus tamen difficulter id faciunt quam illi superiores obfirmati. Nimirum habitus nondum inueteravit adeo, ut euelli

aliquo nisu, ac labore non queat: nec istorum animi iudicio pravo, obstinatæque impediuntur voluntate, quominus ad virtutis se portum ex tempestate recipiant, ut illi superiores. Quo facilius intelligi potest, verum esse quod de iuuentute pronunciauimus supra. Nam quia minus Iuvenes ex iudicio peccant, & voluntate, quia infirmiores, nondum actis altè radicibus, habitus & consuetudinem contraxerunt, in horum numero reponendi sunt, hoc est eorum, qui facili reddi possint idonei, atque ad honestas exercendas actiones huius cognitione scientiæ preparari.

Dicendum ergo postremo loco est, solos esse temperantes, & cupiditatum imperio liberos, qui huius disciplinæ dici debeant simpliciter, & propriè auditores idonei, ex Aristotele. Demonstrat hoc ratio, quam paulò antè protulimus. Illos enim requirit auditor, illos proprios, atque idoneos nominat, qui citra difficultatem omnem & assentiantur doctrinæ pronuntiatis, & actiones exerceant earum virtutum, quarum in hac docendi via præcepta traduntur. At illi tantum huiusmodi sunt, qui omnem perturbationum amoliti sunt obicem, nulloque voluptatum repagulo ab honestarum actionum exercitatione retardantur.

Atque ex his, quæ hucusque diximus, cognosci debet quid causæ fuerit, cur Iuvenes repudiarit, incontinentes & viciosos depulerit, temperatos atque affectibus minimè seruiantes suis postulauerit auditores Aristoteles. Non enim Iuvenes omnino prohibet hoc templo, atque hoc aditu disciplinæ, nisi omnium planè rerum expertes sint, & ea careant institutione, quæ locum obtinere possit experimenti. nec viciosos, aut intemperantes medicina saluberrima priuat, nisi prorsus insanabiles sint: sed significat tantum, difficile reddi auditores idoneos propter illam peccandi consuetudinem, qua tenentur: nec eos esse, quos ipse vellet, aptos proximè ac preparatos. Itaque frustra pugnabunt in nos qui fortasse sic disputabunt:

Iuvenes nondum vitiis assuefacti sunt. ergo possunt finem moralis scientiæ consequi. Non proficiunt, inquam, qui sic disputant, aliquid. Quia non vitia tantum iuuenibus obstant, sed rerum etiam humanarum ignoratio, vitæque quo carent experimentum. Vitia verò illa, nondum altè positæ radicibus, in animum descenderunt, adeoque non faciunt, ut sic difficilè curentur, quemadmodum ætate prouecti. Aristoteles autem non querit quoslibet auditores, sed nominatim eos, qui facillimè ad actiones perueniant honestas, quique immediatè ac proximè preparati sint ad satum accipiendos huiusce disciplinæ.

Quod si dicas, nullam sanis, bonæque valentibus fieri medicinam; tibi redigam in moriam quod nuper ex Eustratio diximus; medicinam non id agere tantummodo, ut deperditam restituat, sed ut restitutam iam, aut

semper habitam seruet, augeatque valetudinem ac sanitatem. Duo igitur, vt alibi declarauimus, præstat bonis & temperatis viris commoda Philosophia moralis. Facit nimirum, vt quod ex consuetudine tantum agebatur, agatur ex legibus, regulæque doctrinæ, & quæ iam est in animo virtus inchoata, seruetur, retineatur, ac magis etiam amplificetur.

Illud tamen aliquid habet difficultatis, quod obici potest aduersus ea, quæ dicuntur ab Aristotele de ipsa moralis scientiæ cognitione; cuius etiam facit expertes adolescentes, nec ad eam comparandam idoneos. Posset enim aliquis contra sic dicere: Iuuenes proficiunt in theoricis disciplinis, earumque cognitionem omnium, in primisque mathematicarum assequuntur, vt ipse fatetur Aristot. in sexto lib. *Moralium*. ergo etiam practicas ipsamque potissimum Ethicæ addiscere possunt. Cum enim theoricæ doctrinæ præstantiores sint, & gradum obtineant sine dubio superiorem, videtur esse consequens, vt Iuuenes, qui theoricarum sibi cognitionem parare possunt, quod maius aliquid est, possint etiam penitus practicas actiuasque cognoscere, quod est minus. Sed respondetur, adolescentium intelligentiam non habere quicquam theoricarum disciplinarum perceptioni, atque adeo ipsi contemplationi contrarium, præter priuationem, quæ nihil prorsus contemplationi resistit: sicut ne tenebræ quidem ipsæ repugnant luci. Virtus autem eorumdem Iuuenum animis inferenda, contrariam offendit in ipsis propensionem ad voluptates, & consuetudinem contrariam à teneris. Quod si dicas eiusmodi responsionem nihil aliud ostendere, nisi Iuuenes intemperatos actionibus honestis, in quibus huius doctrinæ proprius finis est positus, non esse idoneos & præparatos, sed cur iidem non sint idonei comparandæ saltem Ethicæ facultatis cognitioni, non demonstrare, cum præsertim theoricis disciplinis haud sine fructu operam nauent: Hoc inquam modo si pugnes, concesserim, ipsos accommodatos esse theoricis, in primisque Mathematicis disciplinis: quia theoricarum principia conclusionesque non pendent ab usu, & rerum humanarum experimento. sed huius doctrinæ vis omnis petitur ab usu vitæ quo iuuenes, quantumvis temperati, carent, cum modicam vitæ partem transegerint, & plerique summo cum ipsius vitæ rerumque neglectu.

Posset etiam illud afferri, quod est apud Aristotelem in lib. horum *Moral.* 2. vbi confirmat, haud parum interesse, hoc an illo modo, bene an malè confestim iuuenes assuefiant. Assuefieri quippe non possunt, nisi certus sit modus ac ratio assuefaciendi. quæ ratio tota petitur à morali. Ergo censeat Aristoteles pueris esse tradendam moralem philosophiam. cum præsertim etiam in 8. lib. *Politicorum* disertè dicat, legislatori maximè laborandum esse in Adolescentium disciplina. Hoc argumentum at-

que hæc ratio quantumvis ab Aristotele petita, nihil probat ampliùs, quàm quod supra confirmauimus, cum diximus fieri posse interdum, vt Iuuenes ita sint initio ætatis instituti, vt tum etiam cum cognitionem huius doctrinæ hauriunt, facillè virtutis exerceant actiones. Non tamen illa puerilis institutio fuit prorsus hæc doctrina moralis, sed *κατάγωγος*: hoc est eruditio adumbrata & leuis, non quidem ab Ethicæ doctoribus, sed à parentibus, & domesticis institutoribus inchoatè tradita: quæ bonam consuetudinem parit, cuius beneficio virtutis actiones exercent pueri sineregula. Itaque rectè ait Aristoteles multum interesse, hoc an illo modo assuefiant pueri. sed nego eum velle assuefieri doctrina morali, atque hac parte perfecta.

Similis est respondendi via etiam ad aliud quiddam, quod item ex Aristotele potest obici. Afirmat enim ipse, quemlibet esse, ac fieri beatum posse. ergo etiam Iuuenem. At felicitas & beatitudo finis est huiusce scientiæ. Similis, inquam, patet ad respondendum via. quia, si spectes ætatem ipsam per se, inuenis potest esse beatus. cum sepe fiat, vt & institutionis & adumbratæ doctrinæ vi, quam accepit à puero, assentiat facile iis, quæ traduntur in hac vberiore scientia, & ex optima consuetudine doctibus, & cogentibus moderatoribus parata, facillè quoque actiones virtutis exerceat. Sed quia perraro institutionem eiusmodi & consuetudinem parat hæc ætas, & plerumque caret vtraque, idcirco dicitur ab Aristotele non esse moralibus disciplinis idonea. Dici etiam potest, quemlibet fieri posse beatum vel remotè vel proximè. iuuenes habere potentiam remotam, vitiosos ad beatitudinem remotissimam.

Alia sunt longe plurima, quæ afferuntur à multis, ad demonstrandum, Ethicæ vtilem esse iis, qui perturbationibus obtemperant iuris, & relictantur voluptates. Sed illud tantummodo demonstrant; quod supra dedimus, vltro libenterque concessimus. eiusmodi voluptarios, atque impotentes homines; accepta cognitione moralis doctrinæ, minorem ex lux vitæ turpitudine voluptatem, & læticiam capere, ac paulatim fortasse resipiscere. Itaque sunt prætereunda potius, quàm hoc loco ponenda.

Vnum tamen præteriri non potest, quod petunt ab illo duplici fine *Moralis*, hoc modo. Potest vitiosus cognitionem Ethicæ sibi parare. ergo potest meliorem partem huius facultatis habere. Nam cognoscere, & contemplari melius est quàm agere, vt dicitur in libro 10. *Moralium*. esse autem melius ostendit ibidem Aristoteles ex eo, quod felicitas in contemplatione magis, quàm in actione posita sit. Respondendum est: cognoscere & contemplari secundum habitum practicum esse imperfectius, & deterius, quàm agere; quia illa contemplatio tota refertur ad actionem, & propter

illam suscipitur, atque exercetur: melius enim est fructum facere, quam idem fructum contemplant. Aristot. verò illo loco ait, contemplant Deum, & Mentis à concretionem mortali separatas atque à materia, esse per-

fectius, quàm agere secundum virtutes Morales: sed non negat, quod verissimum est, agere secundum virtutes Morales, esse aliquid perfectius, quàm easdem virtutes contemplant.



CAPVT QVARTVM.

DE SVMMO BONO, DEQVE BONA Auditoris Institutione.

S V M M A.

Felicitatem esse vltimum hominis finem, cuius inuestigatio ab iis, quæ nota nobis sunt, aggredienda sit: adeoque Auditorem huius disciplinæ, bene institutum esse oportere.

DIVISIO CAPITIS IN PARTES TRES.

1. Summum bonum iam definitum, atque huic doctrine propositum ex variis hominum opinionibus incipit odorari.
2. Quærit quamnam debeat esse propria methodus, & ratio summi boni peruestigandi.
3. Inuenta ratione, quid inde sequatur adiungit, hoc est, rectè puerum institui debere, ut percipiendis moralibus idoneus sit.

PARS PRIMA CAPITIS QVARTI.

ΛΕΥΘΕΡΟΝ ΔΕ ΔΥΣΑΛΟΓΟΤΕΣ (ΕΠΕΙΔΗ ΠΑΝΤΑ ΓΝΩΣΙΣ ΚΑΙ ΠΡΟΒΑΙΝΕΙΣ ΑΓΑΘΟΥ ΤΙΝΕΣ ΟΡΕΓΕΤΑΙ) ΤΙ ΕΣΤΙΝ ΟΥ ΛΕΥΘΕΡΟΝ ΤΙΝΩ ΠΟΛΙΤΙΚΩΝ ΕΦΙΕΘΑΙ, ΚΑΙ ΤΙ ΤΟ ΠΑΝΤΩΝ ΑΚΡΟΤΑΤΗΝ ΤΗΝ ΠΡΟΚΕΙΜΕΝΗΝ ΑΓΑΘΟΝ. ΟΙΟΜΕΤΙ ΜΕΝ ΟΥΝ ΧΕΘΟΝ ΎΠΟ ΤΗΝ ΠΛΕΙΣΤΗΝ ΟΜΟΛΟΓΕΙΤΑΙ. ΤΙΝΩ ΓΩ ΕΥΔΑΙΜΟΝΙΑΝ, ΚΑΙ ΟΙ ΠΟΛΛΟΙ, ΚΑΙ ΟΙ ΨΕΥΔΕΙΣ ΛΕΓΟΥΣΙ, ΤΟ ΔΕ ΕΥ ΖΗΝ, ΚΑΙ Ο ΕΥ ΠΡΟΚΕΙΜΕΝΗΝ, ΤΟΥΤΟΝ ΎΠΟΛΑΜΒΑΝΟΥΣΙ ΤΩ ΕΥΔΑΙΜΟΝΙΑΝ. ΠΕΡΙ ΔΕ ΤΗΣ ΕΥΔΑΙΜΟΝΙΑΣ ΤΙΣ ΕΣΤΙΝ ΑΜΦΙΣΒΗΤΗΣΙΣ, ΚΑΙ ΟΥΧ ΟΜΟΙΩΣ ΟΙ ΠΟΛΛΟΙ ΤΟΙΣ ΣΟΦΟΙΣ ΔΙΔΙΔΟΔΑΙΝ. ΟΙ ΜΕΝ ΓΩ ΤΗΝ ΕΙΣΑΓΩΓΗΝ ΠΙ ΚΑΙ ΦΑΝΕΡΑΝ, ΟΥ ΗΔΕΝΩ, Η ΠΛΟΥΤΟΝ, Η ΠΙΜΕΝΩ, ΑΛΛΟΙ ΔΕ ΑΛΛΟ. ΠΟΛΛΑΧΙΣ ΔΕ ΚΑΙ Ο ΑΥΤΟΣ ΕΠΕΡΘΗ. ΙΟΠΙΣΤΑΣ ΜΕΝ ΓΩ, ΎΜΕΙΣ, ΠΙΟΜΕΙΣ ΔΕ, ΠΛΟΥΤΟΝ. ΣΙΝΕΔΟΤΕΣ ΔΕ ΕΑΥΤΟΙΣ ΑΓΙΟΙΣ ΤΟΙΣ ΜΕΓΑ ΠΙ, ΚΑΙ ΎΠΟ ΑΥΤΟΙΣ ΛΕΓΟΥΝΤΑΣ ΘΑΥΜΑΖΟΥΣΙΝ. ΕΠΟΙ ΟΙ ΨΟΙΤΟ ΤΩΤΕ ΤΑ ΠΟΛΛΑ ΤΟΥΤΑ ΑΓΑΘΑ, ΑΛΛΟ ΠΙ ΚΑΘ' ΑΥΤΟ ΕΙ, Ο ΚΑΙ ΤΟΙΣΔΕ ΠΑΝΤΙ ΑΠΟΙΝ ΕΣΤΙ ΤΩ ΕΙ ΑΓΑΘΑ. ΑΠΑΝΤΑΣ ΜΕΝ ΟΥΝ ΕΞΕΤΑΖΩΝ ΤΑΣ ΔΟΞΑΣ ΜΑΤΗΟΤΕΡΗΝ ΙΣΤΑΣ ΕΣΤΙΝ. ΙΧΑΡΟΝ ΔΕ ΤΑΣ ΜΑΧΙΣΤΑ ΟΠΙΠΡΟΛΑΖΟΥΝΤΑΣ, Η ΔΟΚΟΥΝΤΑΣ ΕΧΕΙΝ ΠΙΣΑ ΛΟΓΟΙ.

Dicamus autem, repetentes (quoniam omnis cognitio & electio bonum aliquod expetit) quidnam sit, quod dicimus Politicam appetere, & quid sit, quod omnium supremum rerum agendarum est bonum. De nomine quidem fere apud plerosque est in confesso: felicitatem enim & multitudo, & elegantiores id appellant: bene autem vivere, ac bene agere ipsam opinantur esse felicitatem. De felicitate verò quid sit, dissentiunt; neque similiter vulgus, ac sapientes eam definiunt. Nonnulli enim aliquid evidens & manifestum, ut voluptatem, aut diuitias, aut honorem, alij autem aliud esse definiunt: saepe verò etiam idem diuersum definit. Cum enim agrotat, valetudinem, cum pauper est, diuitias: qui autem suæ conscijs sibi sunt inscientia, eos qui magnum aliquid supra se loquuntur, admirantur. Quidam verò putarunt præter complura hæc bona, aliud quoddam per se esse, quod & his omnibus causa est, cur sint bona. Omnes igitur perscrutari opiniones inanius fortasse sit. Satis autem, sicut quæ supereminet, aut quæ videntur habere aliquam rationem, perscrutemur.



PRINCIPIO, ut id explicemus, quod in hac prima parte continetur, ea per ἀνακεφαλαιώσιν & ἀνάληψιν repetit Aristoteles, quæ supra de boni appetitione pronunciarat, à natura omnibus omnino rebus iniecta. Id enim est ἀλγῶν δὲ αἰαλαδόντις, dicamus autem repetentes aut resumentes, &c. vel, dicamus verò nunc repetita oratione, &c. Elegantius & Latinorum more sententiam multo melius expressit hac ratione Lambinus. Iam verò repetitis iis, quæ supra diximus, &c. Cuius loci si paraphrasim proponere debeam, esse dixerim huiusmodi. Cum ergo, quemadmodum initio posuimus, omnis cognitio, omne consilium & electio, bonum aliquod appetat; cum Civilis sit facultatis hoc bonum exquirere, & quidem exquirendo ad summum atque omnium perfectissimum peruenire, dicamus aliquando quidnam illud sit, &c.

Quibus ita propositis, ait de nomine inter plurimos convenire: cum omnes, non è media modò multitudine homines, sed expoliti etiam eruditique viri summum bonum appellent beatitudinem & felicitatem: ipsa verò frui beatitudine dicant esse bene rem gerere aut vivere bene, ὡς ζῆν, & ὡς πράττειν: varia quippe Græcis ad exprimendam felicitatem vocabula sunt, quæ propemodum omnia comprehenduntur hoc loco, ut intelligamus eorum singulis ab omnibus perfectissimum bonum significari. Sunt autem hæc plura nomina, εὐδαιμονία, εὐτυχία, εὐζωία, εὐπραξία. εὐδαιμονία Interpretes aiunt respondere Latinorum Beatitudini, cum præsertim M. Tullius in lib. de senectute sententiam illam Xenophontis: διχῶς μοι δοκῆις εὐδαιμον, ἀγαθὸς γὰρ ὅν, εὐδαιμονίῃς, ita Latine reddiderit. Rectè vero te, Cyre, beatum ferunt, quia virtuti tuæ fortuna coniuncta est. Sed si vim verbi perpendere vellemus, εὐδαιμονία dicenda Latine esset Bonigenia. Genios enim δαίμονας Græci dicunt: quorum vel tutelæ, vel maleficio nostram ipsorum vitam iam inde à natali die traditam putabant antiqui. Quare si quis bonum nactus sit Genium suæ vitæ custodem, à quo regatur vbique, atque à malo Genio ceterisque pestibus defendatur, is propriè dicetur à Græcis εὐδαιμον, & Latine beatus. Contra quippe, si malo permittitur Genio, atque ab eo miris modis exagitetur, appellatur ab eisdem Græcis δυσδαιμον, & eiusmodi malum infortunium δυσδαιμονία. Hæc, inquam, si sequi eiusmodi velimus etymon, de huius vi vocabuli dicenda sunt: sin autem id propriè designandum sit, quod hac voce significatur, dixerim, verè apud Græcos εὐδαιμονία, esse optimum hominis statum. quasi supra Genij boni præsidium illud, benevolentiam & clientelam nihil prorsus hominis beatitudo requirere præterea possit. Et quoniam hic perfectissimus vitæ status, ut alibi dicendum erit, comprehensione bonorum omnium, animi, corporis, & fortunæ conflatur, est εὐδαιμονία, propriè beatitudo ex omnium omnino bonorum genere composita. Rectè quippe dicitur in Τίμω Platonis εὐδαιμονία nihil aliud esse, quàm ἔχειν τοὺς δαίμονας ζυγῶντας εἰς αὐτῷ τὸ μάλιστ' ἀγαθόν, habere Genium secum habitantem, & bene valde ornatum, hoc est, omni bonorum instructum copia, omnibusque tum animi, tum corporis & fortunæ aduentitius ornamentis. Est quidem hæc à bonis petita Dæmonibus, siue Geniis, ac Mentibus, in quarum tutela & præsidio sumus. verissima ratio, cur illa beatitudo perfecta, dicatur εὐδαιμονία: sed est alia præterea, quam discere possumus ab Aristotele: qui non modò Mentis præsides beatorum probavit, verum etiam prudentiam ipsam, eximiam tamen, excellentemque, vel præstantem quandam ac singularem mentis humanæ conditionem putavit unicuique bonum Genium esse: eiusmodi quippe mentis, quæ sustollitur ad diuina, perfectionem & statum appellandum existimavit εὐδαιμονία. Itaque in 2. Top. loco 19. dicere non dubitavit ex sententia Xenocratis, animam sapientem ac studiosam unicuique dæmonem esse. Quam sententiam ac vocem secutus Porphyrius apud Iamblich. in lib. de mysteriis, sect. 9. e. 8. existimavit, Larem, siue dæmonem esse supremam animi partem: hoc est, mentem; eumque beatum esse dixit, qui eam sapientem obtineret. Quare istorum interpretatio videtur eò pertinere, ut velint, εὐδαιμονία esse quidem beatitudinem perfectam, sed sapientia, prudentia, contemplatione, virtute, bonis denique animi potissimum, præcipueque constantem. Hoc credo videbat Petrus Victorius, cum dixit, sapientes, & rerum arcana contemplantes Græcè εὐδαιμονας, Latine beatos dici debere, non felices: ita prorsus, ut ausus sit etiam illud Virgilianum damnare,

Felix qui potuit rerum cognoscere causas,
Ratus, cum, qui rerum causas contemplando venetur & teneat agnoscendo, dici

beatum, non felicem à Virgilio debuisse: sed cum, alioqui lynceum, cæcurire ac decipi constabit postmodum, exposito nomine *εὐτυχίας*. *εὐτυχία* enim nihil aliud est, quàm prospera & secunda fortuna. Cuius ratio nominis ea videtur esse, quòd multi vel summam beatitudinem in fortunæ bonis, opibus, ac diuitiis collocarint; vel ipsa bona fortunæ præcipua saltem esse crederent instrumenta felicitatis, ut opinatus est Aristot. qui propterea in lib. 2. phys. tex. 58. dixit, Eutychieam vel ipsam felicitatem esse, vel proximam felicitati. Illorum enim bonorum copia, quæ adscribuntur fortunæ, accedente virtute, felicitatem ac beatitudinem parit. Quo ex Aristotelis loco intelligimus, eum promiscuè Eudæmoniam cum Eutychiea confundere, & utroque abuti nomine pro arbitrato: cum dixerit hic Eutychieam vel ipsam Eudæmoniam esse, vel aliquid proximum Eudæmonia. Ut enim Eudæmonia apud veteres bonorum omnium cumulus & complexio est, in qua principem obtinet locum virtus, & sapientia bonis Dæmonibus, & Genis carissima: sic Eutychiea bonorum fortunæ copia quidem propriè est, sed quæ tamen interdum eundem illum cumulum bonorum significet, in quo principatum habeant opes & bona fortuna. Itaque rectè apud Latinos quoque felicitas, quæ videtur Eutychieæ respondere pro beatitudine quæ significat Eudæmoniam, usurpatur: & contra, beatitudo pro felicitate. Vel ille quem paulo antè laudau, Ciceronis id locus ostendit: ubi Cyrum eo nomine beatum dixit, quòd non virtutem modo teneret, quæ bonum est animi, sed diuitias, atque amplissima bona fortuna possideret. Rectè verò te, Cyre, beatum ferunt, quia virtuti tuæ fortuna coniuncta est. Quare, ut breuissimè faciam, Eudæmonia cadit in animi bona, quæ sapientia sunt, virtus, & conditio mentis excellens: Eutychiea in bona fortunæ, diuitias, opes, clientelas, aliæque huiusmodi: sed tamen ea nomina permutantur inuicem, significantque perfectam beatitudinem.

Sequitur *εὐπραγία*, quæ bonam significat & virtuti, siue rectæ rationi consentaneam actionem. Quæ quidem actio idcirco beatitudo dicitur, eiusque nomen sæpe pro beatitudine ponitur, quia sapientium multi in ea beatitudinis summam constituerunt: in primisque Aristoteles in hoc primo libro Moralium ad Nicomachum. Itaque non malè Ficinus in præem. Euthydemus dixit, Eudæmoniam significare ac sibi velle cognitionem boni, Eutychieam, eiusdem boni possessionem: Eupraxiam, usum boni rectum, & cum ipsa ratione consentientem. His enim gradibus in paranda beatitudine peruenire videmur ad summum. Principio, prudentiæ boni Genij, mentisque præsidio boni cognitionem informamus animo contemplantes, deinde bonum adipiscimur ipsum ac tenemus, parva nimirum ex ea contemplatione virtute ac sapientia, accedentibus fortunæ bonis, ipsius nimirum sapientiæ, ac virtutis idoneis instrumentis: ad extremum comparato iam virtutis habitu, bonis fortunæ utimur ex lege ac præscripto rationis, qui rectus usus, est *εὐπραγία*: ut iure dixerit hic Aristoteles, neminem inueniri qui beatitudinem esse non dicat bene agere, aut viuere bene.

Restat igitur *εὐζωία*, hoc est, vitæ rectitudo, siue vita bene acta, aut optima vita, quæ ex proba illa consequitur actio. Itaque videtur hic amplior quidam beatitudinis gradus, cum ad actionem bonam accedat integra vita, & completa partibus ac numeris suis: nam quæ citò intereunt, nec spatium habent vitæ iustum, ea dici beata & felicia non possunt: sic, inquam, ut Plotin. Ennead. prima lib. 4. cap. 3. ex eo, quod vni tantum homini integra data est & completa vita, intelligi velit, homini tantum conuenire ac congruere felicitatem.

Vnum prætermisit hic Aristoteles vulgatum apud Græcos felicitatis, & beatitudinis nomen, *μακάριότης*, siue *μακαρίτης*: quod necesse est cum ceteris explicari. Est enim *μακάριότης* beatitudo quidem, sed quæ comitem adiunctamque lætitiā habeat; propterea quòd beatum dixerunt antiquiores Græci *μακάριος*, *ὅτι τὸ μάλα χαίρειν*: ex eo, inquam, quòd beati maxime gaudeant: ut in lib. 7. Moralium horum Nicom. vndecimo cap. docuit Aristoteles. Qui gradus felicitatis est omnium perfectissimus, ac propterea vni tribuitur Deo, ut infra est apud Aristot. in cap. 12. Itaque ab Homero tanquam epitheto proprio. *Διὶ μάκαρις αἰὲν ἰότης*, hoc est, beati semper appellantur, *ὡς μάλα χαίροντες*, quali perpetuo, & nunquam interituro gaudio perfruentes. Hinc videlicet fluxit ad Rhetores *μακαρισμός* propriè, ac minus propriè *εὐδαιμονισμός*, hoc est, id genus laudationis, quo vel Di & celebrantur ipsi, vel homines honoribus digni cælestibus prædicantur. Quamquam

enim hoc genus beatitudinis diuinum est, conuenit tamen etiam interdum in quosdam homines tam excellentes, ut humanum supra fastigium euecti, planéque diuini esse videantur: quales apud antiquos fuere ij, quibus apotheosis illa & consecratio dabatur, cum inter Cœlestes publica ceremonia referebantur: qui honos contigit vita iam functis Imperatoribus longè plurimis, uiuo, atque inter mortales degenti, vni, quod ego sciam, Diocletiano, ac fortassis etiam Augusto: quem uiuentem sic appellat & salutat Horatius.

Præsentè tibi maturos largimur honores,

Iuranda siue tuum per nomen ponimus aras.

Benè igitur Aristoteles in cap. 12. libri primi horum Moral. ait, Deorum felicitatem propriè μαχερίτητα esse, vel μαχερίσμον, impropriè etiam ὠδαιμονίαν: sed tamen macarismum ipsum etiam hominibus interdum impropriè tribui, quibus propriè conuenit eudæmonia: sic enim, atque in hanc sententiam illa eius interpretor verba: τοῖς τε γὰρ θεοῖς μαχερίζομεν, ἔν τῃ ὠδαιμονίζομεν, ἔν τῃ αἰδύδι τοῖς θεοτάτοις μαχερίζομεν. Nam Deos beatos dicimus quidem, & felices prædicamus ex hominibus eos, qui proximè accedunt ad Deos. Cum enim ait, Deos quidem nos solitos esse μαχερίζειν, hoc est, felicitate cœlesti beatos prædicare, significat, nos ita dicere ac loqui propriè: cum adiungit etiam aliquos homines appellari à nobis & prædicari beatos eadem beatitudine quam Deo tribuimus, affirmat, tunc nos abuti vocabulo, ad exprimendam exaggeratam aliquam hominum felicitatem, qui etiam inter mortales diuini propemodum habeantur: cuiusmodi sunt illi, quibus diuini decernebantur honores, ob eximiam aliquam virtutem, aut singularia beneficia in Rempublicam, atque in humanum genus collata; & alij præterea, quibus infinita bonorum est copia, insignisque posteritas ac fortuna: hæc enim vulgè lætitiā afferunt, gaudiūque perfundunt eorum animos, à quibus possessione tenentur. Docuit hoc Archytas apud Stob. Serm. primo: ubi significat, macarismum nasci & effici ex copia bonorum, quæ dicuntur fortunæ: ex macarismo cum virtute ac probitate coniuncto eudæmoniam. Sed hæc minùs propriè dicuntur. Iam enim constitutum est supra; Eudæmoniam esse propriè bonorum omnium complexione compositam felicitatem: Eutychiā, fortunam prosperam & bonorum fortunæ copiam eximiam: Eupraxiā, esse rectam actionem & bonum bonorum omnium vsum: Euzoiā, vitam item bonam & benè actam, hoc est, non feliciter modò, verum etiam cum iusta diuturnitate transactam: Macarismum, esse illam ipsam bonorum copiam, quæ in Eudæmonia continetur, addito gaudiō & lætitiā comite perpetua & nunquam interitura, qualis illa Cœlitum est immortalis atque diuina.

Ait igitur Aristoteles, ut demum omnia concludamus, vniuersos, qui huiusmodi nominibus & vocabulis vtuntur, significare velle beatitudinem & felicitatem; atque in hoc vno sine controuersia similes esse atque constantes: quid verò ipsius nomine beatitudinis & dicatur & significetur, non omnibus eandem esse sententiam. quemadmodum cognoscitur ex his, quæ proximè subiungit, varias multiplicésque declarans de beatitudine mortalium opiniones.

Fuerunt enim hæc prorsus innumerabiles: quarum octo, atque octoginta supra ducentas percensebat Varro, ut est apud Augustin. in libris de Ciuitat. sed nos proponere sexdecim possumus nobiliores. Quarum prima Pyrrhonis Heliensis est, Eurylochi, Xenophanis, aliorumque; nullum bonum, alit malum esse dicentium, adeoque tollentium funditus penitusque felicitatem. Secunda est Aristippi, Epicuri, Cyrenaicorum omnium, beatitudinem in voluptate ponentium. Tertia eorum qui diuitias opesque felicitatem putant. Quarta eorum qui honorem & dignitatem; cuiusmodi fuit Periander Corinthius & Lycophron. Quinta eorum qui beatitudinem faciunt corporis valetudinem & sanitatem. Sexta eorum qui rerum cognitionem atque scientiam: Herillus Calcedonius, Socrates, Socratisque discipuli omnes in hac opinione fuere. Septima eorum qui esse crediderunt ideam: quam Epicharmus, Plato & discipuli Platonis in Philosophorum disputationes inuexerunt. Octaua est eorum qui pulcritudinem volunt: quam profectò sententiam Orpheus proposuit obductam fabularum inuolucris in Narcisso. Nona est eorum qui fortitudinem corporis admirantur. Decima eorum qui censent esse nobilitatem. Vndecima eorum qui felicitatem positam in virtute dixerunt: qui multi sine dubio sunt; Zeno Citricus, Cleanthes, Possidonius, Hecaton, Diogenes Babylonicus, & Stoici

& Stoici prorsus omnes : quibus vnus sapiens est beatus , vt irridens affirmat Horat.
ep. 1. lib. 1.

Ad summam sapiens vno minor est Ioue : diues

Liber , honoratus , pulcher , Rex denique Regum :

Præcipue sanus , nisi cum pituita molesta est.

Duodecima eorum , qui beatitudinem vni nominatim inter virtutes adscribunt prudentiæ : quam sententiam ferunt placuisse Bioni. Tertia decima eorum qui felicitatem in sapientia collocant : quam dicunt esse potissimum Biantis Prienei. Quarta decima eorum , qui horum omnium complexione beatitudinem dicunt : inter quos Thaletem Milesium principem faciunt. Quinta decima eorum , quibene agere ac felicem esse idem existimant. Sexta decima eorum , qui virtutis actionem & vsum bonorum finem prædicant , & perfectam humanæ vitæ felicitatem. D. autem Augustinus contrahit illas Varronis tam multas opiniones , quas quæstiones potius fuisse putat , atque , verè numerari posse duodecim. D. Ambros. in lib. 2. offic. c. 2. pauciores facit. Lactan. in lib. 3. diuin. Inst. cap. 7. decem his verbis enumerat : Epicurus summum bonum in voluptate animi esse censet. Aristippus in voluptate corporis : Calliphon , & Dynomachus & Cyrenæici honestatem cum voluptate coniunxerunt : Diodorus in priuatione doloris : Hieronymus in non dolendo : Peripatetici autem in bonis animi & corporis & fortunæ. Herilli summum bonum est scientia. Zenonis cum natura congruenter viuere. Quorundam Stoicorum virtutem sequi. Aristoteles in honestate , ac virtute summum bonum collocauit.

Hæ sunt , inquam , nobiliores de felicitate sententiæ , quas non enumerat singulas Aristot. sed satis habet omnes in certas quasi classes ordinèque distribuere. Triplicem enim facit opinionum in hoc genere dissensionem & discrepantiam. Primam inter multitudinem & sapientes , hoc est Platonicos : hos enim nominatim ac distinctè illo communi sapientium nomine significauit , aliorum quos suprà commemorauimus philosophorum de felicitate sententias , inter vulgares & populares enumerans. Discrepant ergo populares & vulgus à Platoniciis : quòd illi in aliquo ex iis , quæ sunt in promptu , quæque habentur in manibus , constituunt felicitatem : hi verò in aliquo separato ac per se bono , quod aliorum bonorum fons & causa primaria sit : hanc verò Plato ac Platonici esse dicebant Ideam & contemplationem Ideæ. Alteram discrepantiam assignat in ipsa multitudine , atque inter vulgares ipsos homines ac populares : quorum alij diuitiis , alij honoribus , alij voluptatibus deferunt principatum. Tertiam , eamque postremam in vno , eodèque planè homine deprehendit : quem à se ipso dissentire videt , vbi statum conditionemque mutauerit : æger enim bonam valetudinem summum existimat bonum & felicitatem : restitutus valetudini , si prematur egestate , commutata illico sententia , beatitudinem in bonorum copia , in diuitiis , in opulencia positam dicet. Ecce autem diuitiis , opibusque circumfluit , sed summa se rerum ignorance teneri animaduertit : doctos , intelligentes scientesque , beatos appellabit. Cuius inconstantia tres fortasse sunt causæ. Prima : quòd maiore habeantur à nobis in pretio ea , quibus caremus , quàm illa quibus abundamus , quæque manibus iam tenemus : hæc enim possessione vsuque ipso paulatim nobis viliora redduntur. Secunda : quòd probè nouimus incommoda , quæ nostrum ipsorum obuallant & circumueniunt statum ; ignoramus ea quæ ambiunt atque obsident alienum : ac propterea nostram facilè conditionem damnamus , alienam suspicimus atque admiramur. Tertia : quòd homo , natura sic impellente , ad felicitatem studiosè contendit , felicitatem exoptat : nec vllam , nisi ea iam inuenta & comparata , capit animo requietem. Quare , cum nihil in ipsa rerum vniuersitate sit , quo mortalium expleatur animus , fit , vt rerum , quas obtrinet , fastidio captus , quærat subinde nouas & meliores. In hoc igitur errore circumagitur infelix Sisyphus , assidue continentèrque saxum impellens , neque proficit hulum : frustra videlicet Horatio proclamante atque monente hinc fieri.

— *vt raro qui se vixisse beatum*

Dicat , & exacto contentus tempore vite

Cedar vti conuiuia satur , reperire queamus.

His expositis opinionibus , esse videtur reliquum , vt expendantur & explorentur singulæ ac videatur , veræne sint an falsæ , quæque censeatur ex omnibus ad pro-

banda. Id verò ita se velle facere ait Aristoteles, vt de illis tantum quæ videntur inter ceteras eminere, atque aliqua ratione, tanquam firmamento conniti, disputaturus sit, alias quæ non sunt eiusmodi, veluti superuacaneas inutilisque prætermittitur. Et quoniam duplex esse potest veritatis indagandæ via, quærit in altera huius capitis parte, vtra satius sit ingredi: quod constabit ex his, quæ nunc adiungemus.

SECUNDA PARS CAPITIS QVARTI.

ΜΗ λανθαιέτω δ' ἡμᾶς ὅτι διαφέρεισι οἱ δὲ τῶν ἀρχῶν λόγοι, καὶ οἱ ἐπὶ ταῖς ἀρχαῖς. ὃ γὰρ ἔτι Πλάτων ἠπόρη τῆς τοῦ ἐξήτει, ποτέρου δὲ τῶν ἀρχῶν, ἢ ἐπὶ ταῖς ἀρχαῖς ἔστιν ἡ ὁδὸς, ὡς περ ἐν ταῖς σαρδίῃς δὲ τῶν ἀθλοθετῶν ἐπὶ τῇ ἀρχῇ, ἢ ἀπὸ τῆς ἀρχῆς. ἀρκτέον μὲν γὰρ δὲ τῶν γνωρίμων. ταῦτα δὲ διηρώς. ταῖς μὲν γὰρ ἡμῖν, ταῖς δὲ ἀπλῶς. ἴσως οὖν ἡμῖν γε ἀρκτέον δὲ τῶν ἡμῖν γνωρίμων.

NEquæ verò lateat nos, differre eas, quæ à principiis sunt disputationes, et quæ ad principia. Rectè enim etiam Plato dubitabat, et de hoc quærebat, utrum à principiis, an ad principia sit via: perinde atque in stadio, à munerariis ne ad metam, an contra. Incipiendum quippe est à notis: idque verò duobus modis: alia enim nobis, alia simpliciter nota: fortasse igitur nobis incipiendum est ab iis quæ nobis cognita sunt.

EXPLANATIO.



PERSTRINGIT hic quæ multis traduntur, & copiosius in Analyticis. Ait enim, disputationem omnem, & methodum ad peruestigandam in qualibet doctrina veritatem esse bipartitam: alteram, quæ à principiis ad effecta proficiscatur: alteram, quæ ab effectis ad principia contendat. Illa dicitur à Proclo, à Galeno, à Platone οὐδεῖς, hæc αἰαλὺς siue ἀγίρεσις. Illa indagat & quærit τὸ δ' ὅτι, propter quid; hæc tantummodo τὸ ὅτι, ipsum quod. sic enim à quibusdam Latine verti solent hæc formæ loquendi, quæ Latine reddi omnino bene non possunt. Eleganti verò similitudine à cursoribus ducta rem illustrat, atque ostendit Aristoteles, esse duplicem huiusmodi methodum, vnam à principiis delabentem ad effecta, ab effectis alteram ad principia contendentem. Quam similitudinem antequam explico, illud ex antiqua Græcorum consuetudine repeto: apud eos genus quoddam cursus in stadio fuisse, quod dicebatur δίαλος. Cursus hic reciprocus erat, à carcēribus nimirum, hoc est, ab initio stadij, ad calcem & metam vsque, spatium obiens totum, idemque confestim remetiens à calce ac meta vsque ad carcēres: sic enim eam vocem interpretatur Aristophanis Scholiastes in Aulibus. Quin hoc etiam in eorumdem antiquo more animaduertendum est: præmia cursoribus proposita non fuisse ab eis in extremo stadio collocata, sed initio: ab ipsis nimirum sublata munerariis, & ludorum Præfectis ibi sedentibus & præsidentibus, qui dicebantur à Græcis Agonotheτæ, vel Athlotheτæ, vel βραβεύται: ergo hac vsus similitudine Aristoteles, ait, sic esse duplicem rei demonstrandæ, ac veritatis indagandæ viam, quemadmodum in stadio geminus est cursus ille reciprocus & reflexus ab initio stadij, vbi sunt munerarij, primum exorsus, & metam vsque pertingens, rursusque à meta & calce vestigia relegens vsque ad initium stadij & munerarios. Vidit hoc, vt ipse confirmat, Plato, nouitque geminam esse doctrinæ rationem huic gemino curriculo simillimam, sed dubitauit, vtra via in docendo melius esset incedere: illane, quæ à principiis effecta demonstrat, an ea, quæ ab effectis ad principia ducit. Dubitationem amolitur omnem Aristoteles, vniuersè docens, exordiendum in singulis doctrinis esse à notioribus: sed quia, ea quæ notiora sunt bifariam diuidi possunt; hoc est, in ea, quæ sunt notiora quantum attinet ad nos, & nostram ipsorum cognitionem, qualia videntur esse aspectabilia, corporata, & sub sensum cadentia vniuersa; & in ea, quæ sunt notiora simpliciter, ac natura sua, vt simplicia, & ea,

quæ sola comprehenduntur intelligentiâ; quia, inquam, notiora sic diuiduntur in geminas partes, aut amplius Aristoteles, esse semper instituendas demonstrationes, & ducendam methodum ab iis, quæ sunt nobis notiora. Quod si accadat interdum, ut eadem & nobis magis cognita sint & notiora simpliciter ac natura, ab ipsis incipiendum, & tradendam doctrinam putat: id quod in Mathematicis fieri videmus; quarum principia disciplinarum & nobis magis cognita sunt & natura. Nam alioqui effecta solent nobis esse notiora.

Ex quibus omnino consequens est, ut in Politica & Morali exponenda doctrina, ab effectis progredi debeamus ad causas atque principia; cum eius effecta sint nobis notiora quam causæ. Id enim est quod ipse disputationem concludens, ita confirmat. Fortasse igitur ab iis exordium est, quæ sunt nobis notiora.

Dubitant tamen interpretes aliqui, nec satis videre queunt, quænam in hac doctrina dicantur effecta, quæ causæ, atque principia. Obertus Gifanius effecta credit esse actiones honestas: ac rectè quidem sic autumat, cum omnis huius disciplinæ vis & efficacia in eo posita sit, ut honestatem humanis actionibus impertiatur: principia verò & causas esse communia quædam dicta & axiomata: ut Neminem esse laudandum: Suum cuique tribuendum, &c. in quo tamen nimium quantum hallucinatur. Sapienter enim vetus Interpres Eustratius, cumque secutus postea Gualterus Bursius dicunt, principium quod appellatur finale, esse in hac doctrina felicitatem, quæ causa virtutum est, atque actionum omnium honestarum. Itaque virtutes dici posse putant effecta, felicitatem verò earumdem virtutum principium & causam. Quia tamen hæc effectus & principij ratio non videtur ita propria, id adiungunt quod videtur esse magis huic loco consentaneum: virtutes ipsas esse causas atque principia, honestas actiones & virtuti congruentes, effecta: sed siue felicitas, siue virtus principium sit, illud pro comperto haberi debet, nobis notiores esse virtutes, quam felicitatem; & actiones honestas quam ipsas virtutes, adeoque demonstrationes in hac doctrina petendas à virtutibus earumque actionibus esse.

Non enim aliud ostendi potest, quam τὸ ὄν, quo genere demonstrationis imperfectiore contentum esse debere auditorem supra iam dixit, iterumque dicit postmodum Aristoteles.

TERTIA PARS CAPITIS QVARTI.

Διὸ δεῖ τοῖς ἡγεῖσιν ἡγεῖται καλῶς τὸν αἰεὶ καλῶν, καὶ δικαίων, καὶ ὅλων τῶν πολιτικῶν ἀκουσάμενοι ἰσχυρῶς. ὅτι καὶ γὰρ ὅτι, καὶ εἰ τὸ τοιοῦτον φανόιστο δόξαντας, ὅσον περὶ ἀρετῆς τῆς ἀρετῆς. ὅτι τοιοῦτος ἡ ἐλπίς, ἡ ἀρετὴ δὲ ἀρχαὶ ῥαδιώως. ὅτι δὲ μηδὲ πλεονέκτησιν ἀρετῆς πύτων, ἀκουσάτω τῶν Ησίοδου.

Οὐτως μὲν περὶ ἀρετῆς, ὅς αὐτὸς πάντα νοήσει.

Φεραυτὰ μὲν οὖν ἐκ τῆς ἐπιτείας, ἐκ τῆς ἐπιτείας ἡσίων ἀμείνω.

Εὐδολὸς δὲ αὐτὸ καὶ καὶ τοῦ, ὅς δὲ εἰπόντι πύτωνται.

Ὅς δὲ καὶ μὴτ' αὐτὸς νοήσει, μὴτ' ἄλλου ἀκούων.

Εν θυμῷ βάλληται, ὅς δὲ αὐτὸ ἀχρηστὸς αἰήρ.

QUapropter oportet moribus institutum esse bene qui de honestis et iustis, et omnino de politicis auditurus utiliter est. Principium enim est, rem ita esse: quod si hoc perspicuum satis esset, non oportebit, cur ita sit, indagare. Qui verò talis est; aut iam habet, aut accipere principia facile potest. Cui autem neutrum suppetit horum, is audiat illud Hesiodi. Hic sanè per quam optimus est, qui per se ipsius cuncta intellexerit, prospiciens quæ futura, quæque in finem sint meliora. Probus etiam ille est, qui rectè dicenti obaudierit: qui autem, neque ipse intelligat, neque alium audiens, in animum audita coniiciat, is inutilis est vir.



Hæc est ultima pars, in qua quid ex suprà disputatis sit consequens enunciat. Enunciat autem, id sequi prorsus, quod in proximè superiore capite tertio dixerat; eos nimirum oportere benè institutos esse, optimaque viuendi ratione assuefactos, qui hunc disciplinæ suam sint audiendo discendoque operam nauaturi. Quapropter, inquit, qui de rebus honestis ac iustis, atque, vt semel dicam, de ciuilibus vtiliter est auditurus, eum esse benè moratum oportet & educatum. Quibus verbis non id modò docet quod sequitur ex iis, quæ dicta iam sunt, sed cur sequatur ostendit. Consequens enim propterea est, auditorem huius disciplinæ oportere bonis esse moribus assuetum, quia quemadmodum diximus, est exordiendum in hac doctrina, demonstrationesque petendæ sunt ab iis, quæ nobis sunt notiora, hoc est, ab actionibus honestis ac iustis, vt ad principia causasque, quæ sunt virtutes, aut felicitas tandem aliquando deueniamus. At virtutis actiones, & virtutes ipsas non habebit cognitæ nisi qui ex proba parentum, ac moderatorum institutione versatus in iis fuerit, & quadam tenus assuefactus. Nam, vt hoc exempli causa dicatur, cupiditatem abstinencia vinci quis credat, nisi antè institutus & educatus benè, experimento didicerit, ita rem esse? & tamen ab huiusmodi honestis & iustis actionibus aggreditur huius doctrinæ magister exponere morum præcepta, quæ traditurus auditoribus est. Quam demonstrandi viam in doctrina Morali ait idoneam esse. Vbi satis est tenere *τὸ ἐν*, hoc est, ita rem esse, ac se habere: quod qui probè scit, inquit, non habet necesse ad benè, honesteque agendum inquirere ac cognoscere *τὸ δι' ἐν*, propter quid, hoc est, cur ita se res habeat, aut sit. Nimirum cum hac scientia sic agitur, quemadmodum actum esse videmus cum arte medendi, quam qui profitentur, satis habent curandis ægrorum corporibus scire, eiusmodi bulbum, aut herbam certis quibusdam morbis esse salutarem: cur illis salubris sit, inuestigare penitus, atque introrsus inspicere necesse non habent. Hanc autem scientiam, si minùs expressam, atque accuratam, adumbratam certè inchoatamque habet is, qui proba viuendi consuetudine, & virtutis actionibus est institutus. Quare, vel ipse per se, si iudicio pollebit, atque ingenio, actionum honestarum principia eius beneficio institutionis intelliget, vel si minùs acri præditus ingenio fidem habebit docentibus, nec mala consuetudine, aut institutione praua compellatur ad repugnandum. Quod si aliquis sit ita malo Genio natus, & perperam educatus, vt neque per se percipere honestarum actionum principia possit, nec velit, aut queat ab altero docente discere, is ab hac doctrina procul, inquit, arcendus est, & Hesiodo de huiusmodi homine sic iudicante permittendus.

*Optimus est, se se nouit qui cuncta magistro
Ad finem vsque videns quæ semper sunt meliora.
Est bonus ille etiam qui paret recta monenti.
At qui mentis inops, aliorum audire recusat
Consilia, hic malus est, telluris inutile pondus.*

Ita penè hos versus Latinos fecit Lambinus aliquanto etiam elegantius, quam olim facti fuerant à Nicolao Valense: quos ita reperi apud Stapulentem.

*Optimus ille quidem est, ex se se qui omnia nouit.
Is rursus bonus est paret qui recta monenti.
At qui ex se nescit, nec cuiquam porrigit aures
Vt bona percipiat, dementis & inutilis ille est.*

Quibus verbis id in summa declarare contendit Aristoteles: Optimum eum esse Politicæ, doctrinæque Moralis auditorem; qui ab ineunte ætate bonis moribus informatus, huius doctrinæ principia ex suo ipsius ingenio cernere potest, & iis facillimè assentiendo fidem habere: proximum eum, qui quamquam non tanta præditus est intelligentia, nec ea mentis acie, vt eadem per se cognoscere principia possit, quia tamen est educatus benè, fidem habet docentibus ea, quæ sibi fortasse non omnino probantur: eum demum esse deploratum, qui cum nulla fuerit excusatus institutione Morali, sed malis potius imbutus moribus ab ætate prima, nec per se noscere principia possit, nec ab alio docente percipere velit. Est enim hîc iis simillimus, quos Plato deplorat in Epistola septima ad propinquos Dionis his verbis. Hac ego mente Italiam, ac Siciliam adiui: hæc fuit prima in ea

loca profectio mea. Eò autem cùm peruenissem, vitam illam, quàm beatam vocant, Italicarum, Syracusanarumque mensarum plenam, nullo modo probavi: bis videlicet in die saturum fieri, & nocte nunquam decumbere solùm, atque alia, quæ vitam huiusmodi subsequuntur. Nemo enim omnium qui sub cælo sunt, si in huiusmodi moribus ab adolescentia nutriatur, quamvis natura atque ingenio excellenti præditus, vnquam tamen prudens euadet. Temperatus esse certè nunquam voler.

Ceterùm quod attinet ad illam Hesiodi vocem atque sententiam, existimo eam summam apud antiquos omnes semper obtinuissè dignitatem. Nam & iam inde ab Heroicis vsque temporib. Hamon Creontis filius in Antigone Sophoclis his verbis illam expressit.

— φημ' ἴσθαι πρὸς ὧν πολὺ
φύσει τὸν ἀνδρα πάντ' ὀπτιμὸν πλὴν.
Εἰδ' οὖν (φιλεῖ γὰρ τὸ το μὴ ταύτην εἶπαι)
καὶ τῶς λίσσεται ὦ, χαλὸν τὸ μανθάνειν.
— *Id equidem dico longè excellere*
Virum refertum multimoda scientia.
Quod si secus, (rarò enim hoc contingere
Solet) bonam est audire dicentes benè.

Latini postea eandem vocem arripuerunt, vt cætera. Nam & à Cicerone in Cluentiana profertur, & à Liuiò in libro trigesimo secundo sic exprimitur, vt Hesiodus ab eo latinitate donari videatur. Præstat igitur apud eum audire Minutium illum Magistrum equitum: qui cùm infeliciter aduersus Hannibalem propterea pugnasset, quoddam monentem audire Q. Fabium Cunctatorem noluisse, ex penitentia sic alloqui suos exorsus est milites: Sæpè ego audiui, milites, eum primum esse virum; qui ipse consulat quid in rem sit; secundum eum, qui benè monenti obediat: qui nec ipse consulere, nec alteri parere scit, eum extremi ingenij esse. Nobis quoniam prima animi, ingenique negata fors est; secundam, ac mediam teneamus: & dum imperare discimus, parere prudenti in animum inducimus. Castra cum Fabio iungamus, &c.

Quæcumque sunt hic ab Aristotele pronuntiata, his colligi capitibus & conclusionibus possunt.

EPILOGVS.

1. Cùm doctrine Moralis & Politicæ sit: summum bonum, quod omnes appetant, inquirere, ac demonstrare; iure videndum & querendum videtur initio, quid sit aut esse putetur ab hominibus summum. Omnes in vno consentiunt, hoc est, in nomine: in re ipsa quæ illo nomine significetur omnino dissentiunt. Dicunt enim vniuersi, summum bonum esse felicitatem: in quo autem posita felicitas sit, alio prorsus atque alio modo declarant.
2. In huius igitur inuestigatione boni, atque in omnium perpenderdis de felicitate sententiarum ea est adhibenda methodus, quæ ab effectis, hoc est, à notioribus ad principia ducit, quæ nobis obscuriora sunt & reconditiora, cùm hoc vniuersè præceptum sit, vt semper ab iis quæ magis sunt cognita nobis, exordiamur.
3. Hinc fit, vt benè oporteat institutum à pueritia, & benè moratum esse doctrinæ Moralæ auditorem. Nisi enim eiusmodi sit, non habebit cognita effecta illa, à quibus omnis probatio & demonstratio sumere debet initium. Quanam enim effecta sunt, nisi vel virtutes vel actiones honestæ? At eas nemo potest habere cognitæ, nisi qui benè fuerit institutus, & probis moribus educatus.



CAPVT QVINTVM.

DE IIS IN QVIBVS BEATITVDO posita non sit.

S V M M A.

Non voluptatem, non honorem, non virtutem, non opes ipsam
esse felicitatem.

DIVISIO CAPITIS IN PARTES QVATVOR.

1. Reuertitur ad institutam de summo bono disputationem, cōsque refellit, qui beatitudinem in voluptate ponunt.
2. Minus peccare docet qui honorem felicitatem putant, sed peccare tamen.
3. Ne illos quidem audiendos esse qui beatitudinem faciunt ipsam Virtutem.
4. Eos errasse omnium maxime, qui diuinitus felicitatem adscribant.

PRIMA PARS CAPITIS QVINTI.

HΜῆς δὲ λέγωμεν, ὅτι ἀρεξέμε-
ν. ὃ γὰρ ἀγαθόν, καὶ πλεὺς εὖ-
δαμονίᾳ ἢ ἀλόγως εἰσὶν ἐκ τῆς
βίῳ ἀπολαύμεν. οἱ μὲν πολλοὶ, καὶ
φορτικώτατοι, πλεὺς ἡδονῶν. ὅς τε καὶ τὸν
βίον ἀγαπῶσι τὸν ἀπολαυστικόν. τῆς γὰρ
εἰς μέγιστα οἱ παρέρχοντες. ὅ, τι νῦν
εἰρημικός, καὶ ὁ πολιτικός, καὶ τρεῖς ὁ
λαοφιλής. οἱ μὲν οὖν πολλοὶ πρῶτον
αἰδραποδῶδες φαίνονται βουσιμαίων
βίον παρὰ ἑαυτοὺς. τυγχάνουσιν δὲ λό-
γου, ὅς πολλὰς τῆς αἰσθητικῆς
ἡμῶν παρὰ τὴν Σαρδανάπαλον.

SEd nos dicamus de iis, ex quibus di-
gressi sumus. Bonum enim & beati-
tudinem non sine ratione videntur ex vi-
ta existimare: plerique quidem, & ine-
ptissimi voluptatem: adeoque vitam etiam
amant voluptariam. Tres quippe sunt po-
tissimum excellentes vite; ea, quae nuper
est dicta, & politica, & tertia in con-
templatione posita. Plerique igitur omni-
no mancipiorum similes videntur, pecudum
vitam eligentes. Nituntur autem hac ra-
tione, quod plures ex iis, qui pollent potesta-
te, perinde affecti sunt, ac Sardanapalus.

EXPLANATIO.



Bea digressionem in qua de huius doctrinae methodo, deque audito-
ris institutione disputaret, in gradum se refert, incipitque opinio-
nes illas de felicitate varias expendere per partes, & refellere. Sed
præponit ante quoddam quasi proœmium, quo confirmat, eos,
qui in designanda beatitudine grauiter errarunt, in hoc tamen
minimè peccasse, quod siue illam in voluptatibus, siue in honore,
siue in diuitiis, siue in virtutibus, aliisve posuerint eiusmodi rebus, de quibus est di-
ctum; videntur tamen semper id significare voluisse, in aliquo eam politam esse de-
bere quod pertineat ad vitam humanam. Nam ita profectò res est: nec felicitas,
quæ finis est humanæ vitæ potest in aliis esse, quàm in iis, quæ spectant ad vitam.
Itaque ex multiplici vitæ genere indagarunt ipsi felicitatem, & in ea viuendi ratio-
ne ipsam collocatam voluerunt, quam meliorem & præstantiorem ceteris existi-
marunt. Tres quippe sunt, inquit Aristoteles, humanæ vitæ formæ magis insignes
& notiores: prima vulgaris, secunda ciuilis, tertia contemplatrix: ex quo triplici

vitz genere triplex nata varietas est opinionum, Vulgi, Politicorum, Philosophorum. Vulgus enim (vulgi autem nomine Reges etiam atque Imperatores ipsi comprehenduntur, si plebeio abiectoque sint animo.) Vulgus, inquam, nullam esse felicitatem credit aliam, quàm delicias, diuitias & voluptatem. Politici, quia semper ad magistratus, & principem in Republica locum affectant viam, in honore, ac gloria vitam esse beatam putant. Philosophi demum, quia summo exquirendæ inueniendæque veritatis amore ducuntur, beatitudinis omnem & felicitatis vim vna contemplatione definiunt. Eadem propè vitæ genera Pythagoras ætate longè superior Aristotele, in sermone illo pernobili, quem, ut ait in Tuscul. Cicero, apud Leontem habuit, Principem Philisiorum, pulcherrima clarissimæque similitudine designasse ac distinxisse videtur: cum rationem redditurus, cur Philosophum appellari se vellet, non communi nomine sapientem, dicere institit: haud dissimilem sibi videri vitam hominum ab eo mercatu, qui in maxima illa ludorum Olympicorum celebritate proponebatur. Quemadmodum enim illuc aliqui descendebant decertandi studio, ut victoriam adepti, corona, qui summus erat honor, à munerario donarentur; alij ut emendo vendendoque quæstum facerent; alij demum, ut tantummodo quæ gererentur, inspicerent: sic ex alia vita, quam ipse comminiscabatur, tanquam ex vrbe aliqua, & è patria in hanc quam degimus nos descendere putabat: quorum alij gloriam, atque honorem auidè laboriosèque consectarentur: alij pecuniæ seruirent, & parandis vndique diuitis operam darent, ut vitam aliquando refertam voluptatibus agere possint: alij, (quos philosophos ipse dici volebat) cetera negligentes, rerum naturam, & molitorem Vniuersitatis assidue contemplerentur. In quo genere tantum ponebat Anaxagoras ille, quem antiquitas vniuersa magnopere suspexit, ut interrogante nescio quo, cur viuere potius, quàm non viuere videretur expetendum, iussit eum cæli mundique constitutionem & descriptionem intueri diligenter, ac circumspicere totam; significans haud dubiè, vix ei vitam optabilem esse, qui rerum naturam, atque hanc Vniuersitatem suo cum Architecto non contempleretur. In summa, locus hic Aristotelis est insignis: vbi ex multiplici ratione vitæ multiplices de beatitudine sententias deprehendit. Quam viam ad felicitatem inuestigandam ex hominum opinione variam ipse quoque ingressus est, & tenuit Plato in Philebo, addita comparatione, ac similitudine perillustri. Ut enim, inquit, qui in magna Vrbe aliquem quarit, si domum iam nouerit, faciliè eum reperire poterit, ita in disputatione de beata vita faciliè illam inuenire poterimus, si vitæ genera cognoscamus omnia, in quibus velut in domo, ac sede sua mortales se tenent. Neque enim certum illud vitæ genus deligerent & sequerentur, nisi in eo beatitudinem positam existimarent. Sunt alia quidem vitæ genera, quæ commemorari potuissent, ut mercatorum, opificum, sacerdotum, agricolarum; & illud quod Varro ex actione ac contemplatione mistum, appellat apud Augustin. in lib. Ciu. 19. cap. 2. sed placuit hæc tria tantum hoc loco proponere, quæ insigniora sunt & communiora.

Quibus propositis, aggreditur eorum damnare sententiam, qui beatam vitam in voluptate constituunt, affirmans eos esse animo serui, importunissimos siue stolidissimos, atque ineptissimos, *δορυκατάτους*, ac propterea pecudum vitam eligere, quæ sensu ducitur & voluptate. Serui enim, ac mancipia vix ratione prædita censebantur à veteribus, ac propterea depellebantur à vita beata. Duo sunt ergo reprehensionis tela, quæ voluptarios perunt. Primum: quòd seruorum more subiiciant se voluptatibus, eisque sic pareant ad nutum, quemadmodum seruus obtemperat domino. Secundum: quòd eiusmodi vita vix à bestis differat, quæ voluptatem tantummodo sentiunt & dolorem: ex hac enim reprehensione siue confutatione illud consequens esse vult, ut beatitudo, quæ propria hominis est, in voluptate poni non debeat, quam nobis videmus communem esse cum belluis: nec illi dici beati debeant, qui miserrimam sub cupiditatibus suis seruiant seruitutem.

Sed tamen hos ita pingues atque adipales homines haud ita desipere ait, & insanire, quin aliquam suæ sententiæ vel rationem vel defensionem asserre possint, si minus veram, ipsis certè probabilem. Itaque dicunt, se propterea putare in voluptatibus sitam esse beatitatem, quod magnos sæpe viros & quidem Reges ac Principes videant eiusmodi vitam voluptatibus diffluentem atque deliciis colere: qualis erat Sardanapalus, vltimus ille Rex Assyriorum: qui, ut Iustinus ait, omni delicia-

rum mollitie defluxit. Ad quem, cū, ut eum videret, venisset Abarectus, ex eius Præfectis vnus, inter pellicum illum greges reperit habitu muliebri purpuram colorem, & pensa virgunculis distribuentem, oculorum denique lasciuia vincentem, & antecuntem omnes. Indignatus Abarectus, quod hoc effeminatum monstrum viris præstet, indignati Assyrii, quod feminæ morem gerere cogerentur, bellum inferunt. In quo victus fugatusque Sardanapalus, accensam in Regia pyram cum diuitiis conscendit suis, & mollitiem vindicibus exiit flammis. Iam impuri animi locuples indicium ex eiusdem epitaphio sic circumfertur:

*Cum te mortalem noris, praesentibus exple
Delitiis animum. post mortem nulla voluptas.*

Aliud à M. Tullio profertur Epitaphium Sardanapali in Tusculanarum quinta, quod ab ipso ait Aristotele reprehendi: sic enim loquitur: Ex quo, Sardanapali opulentissimi Regis error agnoscitur, qui incidi iussit in busto.

*Hæc habeo quæ edi, quæque exaturata libido
Hænsit: at illa iacent multa & præclara reliq̃ta.*

Quid aliud, inquit Aristoteles, in bouis, non in Regis sepulcro inscriberes? Ita Cicero. Superiori simile eiusdem Epitaphion Sardanapali commemorat Suidas in Nino. Tu autem, ô hospes ede, bibe, lude: quibus cum reliqua mortalium omnia conferenda non sunt. Fuerunt alij quoque viri primarij permulti, quorum vita voluptatibus atque intemperantia nobilitata est. Non attinet eos hoc loco per censere; vbi huius commemoratione Sardanapali id agimus cum Aristotele, vt demonstremus, horum Principum exempla erroris ansam dare multitudini, quæ quoniam putat Reges & magistratus præstare ceteris sapientia, ibi putat esse beatam vitam, vbi ab his videt esse collocatam. Quare sapientissimè Reges commonentur, vt probitate præluceant suis. Eorum enim vita quasi lex est, & quicquid ipsi faciunt, præcipere videntur, vt ait in Declamat. 4. Quintilian. Atque haud scio, an id sibi voluerit Tacitus ea voce. Habet aliquid ex iniquo omne magnum exemplum. In hanc certè sententiam canit dilucidè Claudian. in Panegyri de quarto Honorij Consulari.

*Primus iussa subi. Tunc observantior aequi
Fit populus, nec ferre vesat, cum videris ipsum
Auctorem patere sibi. componitur orbis
Regis ad exemplum: nec sic inflectere sensus
Humanos edicta valent, quàm vita regentis.
Mobile mutatur semper cum Principe vulgus.*

Huc pertinet digna illa vox in C. de legib. & Constitutionib. Principum. ubi Imperatores Theodosius & Valentinianus ita loquuntur: Digna vox est maiestate regnantis, legibus alligatum se principem profiteri: adeo de auctoritate iuris nostra pendet auctoritas. Et reuera maius Imperio est submittere legibus principatum. Et oraculo præsentis edicti quod nobis licere non patimur, aliis indicamus.

SECUNDA PARS CAPITIS QVINTI.

ΟΙ δὲ θελέντες καὶ σωφρονικοὶ, π-
μηνύ. τῷ γὰρ πολιτικῷ βίου θε-
δὸν τῷτο ὁ τέλος. φαίνεται δὲ ὅτι πο-
λαμότερον εἶ) τῷ ζητουμένου. δεχθεῖ γὰρ
εἰς τοῖς πμῶσι μᾶλλον εἶ) ἢ εἰς τῷ π-
μηνύ. ἀγαθὸν δὲ οἰκεῖον καὶ δυσ-
φαίρετον εἶ) μαρτυρόμεθα. ἐπὶ δὲ εὐ-
χεσι τὴν πμηνύ δώκειν, ἵνα πισυν-
σιν ἑαυτοὺς ἀγαθοῖς εἶ). Ζητῶσι γὰρ
ὑποδὸν τῷ φρονίμων πμᾶσθαι· καὶ
πρὸ οἷς μηχανώσονται, καὶ ἐπὶ ἀρετῇ.
δῆλον οὖν ὅτι κατὰ τὰ πμηνύ ἢ ἀρετῇ
κρίσῃ.

E Legantes verò, atque ad agendum idonei, honorem : civilis enim vitæ ferè hîc est finis : videtur verò leuius id esse, quàm quod queritur. videtur quippe in honorantibus magis esse quàm in honorato : summum autem bonum proprium quiddam, & quod auferri non possit, esse diuinamus. Præterea videntur honorem ideo persequi, ut persuadeant, se ipsos bonos esse. Student igitur à prudentibus honorari, & apud eos, quibus cogniti sunt, & quidem virtutis ergò. Perspicuum igitur est, horum iudicio virtutē esse potiorem.

EXPLANATIO.



Triplici vitæ genere, à quo petebat Aristoteles sententiarum de beatitudine varietatem, exposuit primùm: quod multitudinis est, & voluptariorum hominum. Persequitur nunc eorum studium & vitam, qui Rempublicam attingunt, & rebus agendis Ciuilibus occupantur, hos autem appellat elegantes, Græcè *χαλκίτας*, hoc est urbanos, humanos, lepidos, expolitos: hoc enim sæpe numero significat *χαλκίς*. Ratio verò, cur politicis hominibus, & iis, qui vita ciuili delectantur, hanc appellationem & nomen attribuat, ea est, quòd huiusmodi homines omnem omnino rusticitatem atque asperitatem morum auersentur, adeoque longissimè distent à vulgò, atque ab iis vulgaribus hominibus, quibus superiorem adscripsit opinionem de voluptate, quòtque odiosissimos, atque importunissimos, siue stolidissimos, & ineptissimos appellauit *πορνευτάτοις*. Quin homines in vno quoque studio multitudinis modum prætergressi, atque excellentiam obtinentes nominat Aristoteles interdum in suo illo genere elegantes: vt cum ait, elegantissimum quemque medicum velle demum de Phisicis quoque diligenter accuratèque cognoscere: quos homines M. Tullius in 2. Academicarum videtur dixisse politiores. Propter id quod docetur à politicis phisicis, inquit, singularum rerum singulas proprietates esse, &c. Nam qui singulis in doctrinis, vulgari methodo relictæ, limites egreditur communes, atque aliquid assequitur à multitudine longè distans, videtur haud dubiè in eo genere cultior & elegantior ceteris; qui cum humo se tollere non audeant, intra multitudinis incultæ fines, & quasi sepimenta se tenent.

Politicorum ergo quos *πολιτικούς* & *χαλκίτας* appellat, eam de beatitudine sententiam esse ait, vt in honore positam credant, quem videlicet in rebus agendis, & Republica tractanda consequuntur. Idcirco nimirum tam magnos exantlant labores, & curas tam graues, diuturnasque suscipiunt, quòd ita demum assequi se posse Reipublicæ primos honores putent, gloriam, & magistratus. Hæc enim omnia continet, & significat verbum *τιμή*, quo vtitur hic Arist. quia vox hæc propriè respondet illi Latinorum obseruantia, quæ tribui solet Magistratibus & honoratis, claris, gloriæque florentib. in Repub. viris. Ait verò Aristot. hunc honorem esse ferè finem vitæ ciuilis, non quidem vltimum, quia paulo post alia omnia demonstrabit, sed proximum, & suscepti laboris præmium.

Duabus itaque demonstrat rationibus, istos errare, ac beatitudinem in honore collocari non oportere. Prima est: Quia felicitas, & beatitudo in eo debet esse, qui felix verè dicitur & beatus. At honor est in eo potius, qui alterum honorat, quam in eo, qui afficitur honore. Quam assumptionem Burleus hoc modo veram esse demonstrat. Felicitas in actione aliqua felicitis hominis, & in eiusdem potestate posita est. At honor homini felici debitus, non est positus in actione aliqua, & potestate hominis beati, sed in actione ac potestate potius honorantis: honorare enim vel non honorare illius arbitrium est. Igitur honor homini beato debitus, non est felicitas. Albertus verò Magnus distinctione planissima rem explicat breuius, affirmans honorem esse magis in honorante, si spectes essentiam; in honorato, si causam consideres: in honorante subiectiue, vt dicitur, quia est actio quardam honorantis; in honorato autem obiectiue, quia in eum tendit, velut in scopum ac signum honoranti propositum. Atque hinc intelligimus, cur Aristoteles non dixerit, honorem esse in honorato, sed esse magis in honorante. Quia enim ille, qui honoratur propter virtutem quam habet, affert & proponit causam, cur honoretur, videtur aliquo modo etiam honorem habere: habet enim, vt dixit Albert. obiectiue. Ad summam; tota vis huius argumentationis ex eo pendet, quòd felicitas, & summum bonum putetur ab omnibus esse aliquid stabile, proprium, & eiusmodi, vt auferri facillè non possit. Summum autem ipsum bonum, inquit Aristot. eiusmodi esse diuinamus, vt proprium quiddam sit, & quòd auferri facillè non queat. In quo videndum est, cur dixerit, nos diuinare, vel vt verbum illud Latine Lambinus, aliquæ vertunt, augurari, summum bonum esse aliquid proprium nobis, nec ab aliena pendens potestate. Græcè quippe *μαντεύμεθα* est, quòd propriè diuinamus, aut auguramur reddi Latine debet. Videndum, inquam, est, cur non dixerit optinamur, censemus, existimamus: id enim in summa sibi velle videtur. Causam ego

puto esse, quod significare voluerit in tanta rerum humanarum obscuritate, in ipsa propè intelligentiæ nostræ quasi nebula & caligine, in tanta opinionum varietate difficillimum esse certi aliquid asserere atque explorati: sed oportere quodammodo augurari, ac diuinare varum more, qui res non clarè planèque contuentur, sed abditè ac subobscurè.

Perpendendum etiam hoc loco est quod de honoris mutabilitate ait. non enim ab omnibus eodem planè modo Latine vertitur. Argyropolis ita: Sed videtur honor ab eo distare quod quærimus bonum. Felicianus: Sed hic tamen (honor) remotior aliquantulo esse ab eo ipso quod quærimus bono, videtur. Antiqua interpretatio qua D. Thom. est vsus, expressisse videtur melius ipsamet Aristotelis verba. videtur autem honor magis superficie tenus eo quod quæritur. Verè enim si verba sint interpretanda fideliter, id sibi volunt, honorem esse aliquid leuissimum, & velut in extrema rei parte superfusum: beatitudinem verò rem esse solidam stabi-lemque. Græca sic se habent, φαίνεται δὲ ὑπερλαμπρότερον εἶναι τὸ ζήτημα. Videtur autem honor esse aliquid leuius, quàm quod quæritur. Leuius equidem dixi, sed si barbarè loquendum fuisset, dicendum erat superficialius: quod non est veritus aliquis Interpres. ὑπερλαμπα enim sunt ea, quæ extant, quæ eminent, quæque in summa terræ, vel aquæ apparent extremitate, ὑπερλαμπα verò est cuiuscumque corporis extrema determinatio, quæ superficies appellatur à Plinio. Quia tamen hoc vocabulo vitur Aristoteles; ut significet honorem esse aliquid infirmum, fallax & leue, quemadmodum ea sunt, quæ speciem quandam solam extremam habent, rectè locum ita Latinum fecit Lambin. sed honor videtur eo fine quem quærimus infirmior, minúsque stabilis esse.

Altera ratio, qua demonstrat Aristoteles, honorem non esse felicitatem, hæc est. Cùm felicitas vltimus rerum humanarum sit finis, sola profectò est, quæ sit appetitur gratia, & aliò non refertur. At honor non propter se, sed propter aliud expetitur: honor ergo non est felicitas. Expeti autem alterius rei gratia, vel constat ex eo, quod qui honorem appetunt, propterea appetunt, quod velint apud homines sapientes opinionem & iudicium suæ virtutis esse. Nam quia virtuti tantum tribuitur honor, existimant, prudentes viros esse iudicaturoseum virtute pollere ac præstare ceteris, qui præ ceteris honoretur. Non ergo sui gratia expetitur honor, sed quia testimonium virtutis locupletissimum est: adeoque homines ipsi honoris cupidi videntur ostendere, virtutem ipso esse honore præstantiorem.

TERTIA PARS CAPITIS QVINTI.

Δ Ηλον οὖν, ὅτι κατὰ γὰ πῶρος ἢ
 δευτέρῃ κρείττω. Τὰχα δὲ ἐ μὲν
 λον αὐτῆς τέλος τῆ πολιτικῆς βίου τού-
 τῳ ὑποτάξοι. φαίνεται δὲ ἀπλε-
 τῆρα καὶ αὐτῇ. δοκεῖ γὰρ εὐδὲ χεῖρα,
 καὶ καλὴν δὲ ἔχοντα πλεὺς δευτέρῳ, ἢ
 ἀπὸ τῆς αὐτῆς βίου, καὶ πρὸς τού-
 τῳ κακοπαθεῖν, καὶ ἀτυχεῖν τὰ μέ-
 γιστα. πῶς δὲ οὕτω ζῶντα, οὐδὲ αὖ δι-
 δαμοίσι, ἢ μὴ ἴσιν ἀφ' οὗ τῆς
 τῶν καὶ πρὸς τῶν τούτων αἰτίας. ἰκανῶς
 γὰρ καὶ ἐν τοῖς Εὐκλειοῖς εἴρηται πρὸς
 αὐτῇ. Τεῖρος δὲ ὅτι ὁ θεωρητικὸς,
 ὡς οὐ τὴν ἐπισκεψὶν ἐν τοῖς ἐπομέ-
 τοις πεισόμεθα.

Perficiunt igitur est, horum iudicio
 virtutem esse potiorum. Fortasse ve-
 rò potius aliquis finem civilis vitæ hanc
 esse existimavit: sed videtur imperfectum
 etiam ipsa. Apparet enim fieri posse, ut
 dormiat quoque qui virtutis est compos, aut
 nihil agat in vita, ac præterea malis con-
 flicetur, aduersaque fortuna victar ma-
 xime: hunc autem ita viventem nemo fe-
 licem putarit, nisi qui propositum admira-
 bile inuatur. Ac de his satis. abundè enim
 etiam in Encyclis dictum de ipsis est.
 Tertia autem via in contemplatione so-
 sita est: de qua dissertationem in conse-
 quentibus instituemus.

EXPLANATIO.

REVOCANDVM hinc in memoriam est, quod extremo loco dixit Aristoteles; cum demonstraret eos etiam appetere beatitudinem, qui studiosissime persequi videntur honorem. Cum enim illi honorem propterea velint, quod testificatio & signum excellentissimæ virtutis sit, ait esse perspicuum, ex eorum quoque sententia iudicioque decerni, virtutem ipso esse honore præstantiorem. Atque hinc continuandi sermonis occasionem arripiens fieri posse confirmat, ut aliqui propterea etiam putent, in virtute constitutam esse felicitatem. Quæ opinio fuit Aristotelis ævo celeberrima, multosque habuit, ut apud Gell. est in lib. 18. cap. 1. tum auctores ac parentes, tum patronos etiam & assellas auctoritate gravissimos; Zenonem, Cleanthem, Possidonium, Hecatonem, Antisthenem, Diogenem Babylonium, alios: qui tantum virtuti tribuebant, ut in ea beatitudinis esse sedem & basilicam dicerent. Hinc enim illæ fluxerunt Stoicorum vulgarissimæ voces: Virtutem sibi satis esse ad bene beatæque viuendum, se sola contentam esse: in equuleo, in Phalaridis tauro delicias inuenire. Quin ipsi quoque poetæ Philosophis accinunt,

S. I. lib. 13.

Ipsa quidem virtus sibi met pulcherrima merces.

Nil opis externa cupiens, nil indiga laudis

Diuitis animosa suis, immotæque cunctis

Casibus, ex alia mortalia despuat arte.

Claud. in
Cot. Manl

Sed ne in Virtute quidem ponendam esse beatitudinem duabus ipse rationibus ostendit. Quarum prima hæc est. Felicitas videtur esse quoddam bonum perfectissimum. Virtus autem bonum perfectissimum profecto non est. Caret enim interdum actione sua quæ perfectio est; quemadmodum videre licet in iis, qui tamen Virtutis habitum habent, dormiunt tamen, & somno confopiti nihil ex virtute agunt & honestate. Eadem quoque illorum conditio est, qui virtutis habitu quidem instructi sunt, sed nunquam tamen in vita facultatem nanciscuntur aliquam exercendæ promendæque virtutis: id quod magnanimus ac magnificus evenire facile potest: cum sæpè fiat, ut pauper magnanimitatis ac magnificentiæ sit ornatus habitu, magnificè tamen agere non queat, quia diuitis & pecunia caret, quam sine dubio virtutis illius opera magnifica postulant.

Secunda Ratio sic potest exponi, quemadmodum à D. Thoma disponitur. Haud raro fieri videmus, ut aliqui virtutis habitu præditi maxime sint infortunati. Sed nemo dicit, eiusmodi homines quantumvis virtute pollescentes, esse felices, nisi fortasse aliquis obstinatè velit positionem, hoc est paradoxa, & opiniones abhorrentes à fide defendere disputando. Qui enim contenderet, eos esse felices, haud minus incredibilia diceret, quàm ij qui pronunciata quædam ab omnium existimatione aliena confirmare non dubitant. Ita circumscribere placuit sibi: quam Bernardus Felicianus, & alij quidam Latine dixerunt hic Positionem. Secutus adeo Lambinum sum, qui vocem illam *θέσις* paraphrasi quadam describere maluit, quàm unico verbo Latinam facere. Sic ergo totum locum conuertit: Eum autem, qui ita vivat, nemo in beatis numeraverit, nisi qui propositum admirabile, & abhorrens à communibus hominum sensibus tueri velit. Quanquam enim *θέσις* qualibet interdum propositio est, interdum tamen pro ea nominatim & singulariter usurpatur quæ admirabilis, incredibilis, simillima paradoxis existimatur: id quod ipse docet Aristot. in lib. 1. Top. cap. 9. ubi definiendo ait *θέσις* esse propositionem aut opinionem admirabilem: ut Non licere aliquid asserenti contradicere, quemadmodum dicebat Antisthenes.

Ad summam hæc duæ Rationes ita concludi brevissime possent: summum bonum, quia perfectissimum est, actione carere non potest & otiosum esse. At virtus actione sapientissime caret & otiosa est. ergo virtus summum bonum & beatitudo non est. Qui malis & ærumnis opprimitur haud est beatus: atqui virtute præditus vir sæpe numero malis afficitur, & premitur calamitatibus multis; non est ergo beatus. Alia præterea multa sunt quibus idem demonstrari facile posset. Sed de his Aristoteles ait se copiose satis ac multis in Circularibus explicasse. Non convenit inter omnes quinam fuerint hi libri, quos *ἐγκύκλιος*, hoc est circularis, appellat quoque in lib. 1. de celo. Itaque de industria videndum est quid singuli doceant, ut summus

de re statuere possumus, opinionationes certè doctorem hominum agnoscamus.

Sunt ergo qui putent hos Aristotelis libros fuisse poeticos, verlibus scriptos ac numeris: habentque suæ ducem coniecturæ Suidam. quicū Aristotelis quædam percenteret opera & scripta, encyclos etiam is adnumerauit, ἐγκύκλια λεγεται, ἡ ποιητικὴ. Sed cur hos libros metro ac numero de felicitate scriptos appellarit Aristoteles Encyclos, ipsi non docent. Itaque ab Eustratio discamus, apud quem eius rei vel coniectura, vel certa cognitio sic est: Aristotelem dicunt, inquit, carmina quædam edidisse, ad certum numerum studiosè conscripta, quibusdam seruatis ordinibus; quorum unusquisque ab eodem exordiretur, in idem desineret, & ob id ἐγκύκλια nominasse. Atque, vt intelligeremus, hæc se non planè diuinare, aut comminisci, de huiusmodi scriptis circularibus Aristotelis ita pergit exponere: Ea sanè in cognitionem nostram nondum venire: sunt tamen qui eorum fecerint mentionem, ac de iis aliquid memoriæ prodiderint.

Alij, quorum princeps est Lambinus, suspicantur, hos libros continuisse omnium doctrinam artium & orbem illum disciplinarum, quem Græci dixerunt ἐγκύκλιον παιδείαν. Faciebant enim disciplinas omnes artesque liberales sic inter se complicitas, atque implexas, vt quibusdam vestiti anulis, ansulisque coronam & torquem componerent: quarum omnium doctrinam encyclopædiam appellarunt, quemadmodum ego sedulò accuratèque disputaui in orat. 2. primitomi ex iis, quæ lucem olim aspexerunt. Cardinalis Sirletus apud Lambinum paulo aliter exponit sententiam & coniectationem suam: sed differt aliquantulum tamen ab his. Ait enim, existimare se, encyclos ab Aristotele appellatos esse libros, qui non de vna certa aliqua materia, sed de quæstionibus omnium disciplinarum scripti essent: vt Problemata, aliæque huiusmodi multa. Encyclos enim, inquit, sciens apud auctores ea dici, quæ non ad vnā rem, sed ad vniuersas pertinent: sic & apud nonnullos scriptores animaduerti, ἐγκύκλιος ὁπότελαι nominari, quæ non ad aliquem certum hominem, sed ad omnes prouincias mittebantur. Ita Sirletus: Porro epistolæ illas encyclicas sæpius commemoratas inuenias apud Ecclesiasticæ auctores historiarum, qui docent, Pontificum literas, quæ ad omnes omnino Christianorum conuentus scriberentur, Græco vocabulo catholicas esse atque encyclicas appellatas.

Alij crediderunt, his libris tractatas esse quæstiones quotidianas, peruagatas, vsitatas, & quosdam veluti communes locos: vt de Prouidentia, de virtute, de honore, de rebus ex isto genere similibus. Encyclos enim significat quoque vsitatum, quotidianum ac frequens, vt docet Gifan. sed causam, cur hæc encyclos sint appellata, non docet. Ea fortasse sit, quam leuiter indicat Lambin. quod hæc nimirum vsitatarum disputationes, locique communes, ac vulgares quotidianorum instar ministeriorum in orbem redeant semper, nec vnquam exhauriantur vsu.

Postremi denique arbitrantur, encyclos Aristotelis libros eosdem esse, ac exotericos, hoc est eos, qui acroamaticis opponuntur: atque auctores faciunt huius sententiæ Simplicium, & Auerr. Haud multum hi à proximè superioribus differunt: quia exoterici faciliores sunt, explanatiores, vulgatioresque, quam acroamatici: sed causam ipsi quoque dicere deberent, cur exoterici libri appellentur interdum encyclici. Eam afferri posse crediderim, quam video placuisse nonnullis, qui varias propterea, tum acroamaticorum, tum exotericorum appellationes inuestigant interpretando. Acroamaticos enim dicunt etiam appellatos esse esoticos & epopticos: exotericos dictos præterea Catholicos, ecdedomenos, encyclos. Illos acroamaticos primùm vocatos existimant, vel à concentu & harmonia, quæ inde suauissima percipiebatur; vel ab auditione, quod res nimirum in iis tractatur propter excellentiam, ac difficultatem non scripto tantum, sed ipsa etiam voce magistri tradi deberent: deinde dictos esoticos, quasi intraneos, quod non efferrentur in lucem, aut publicarentur: ad extremum epopticos, hoc est, inspectiuos: quod diligenti egèrent inspectione, ac contemplationem diuturnam efflagitarent.

Exotericos verò siue extrarios nominatos alios autumant, quod in multitudinem proferrentur: eosdem Catholicos, hoc est communes, quod communicarentur vulgò cum vniuersis: ecdedomenos, hoc est vulgatos, quod eorum fieret omnibus copia: encyclos demum, quod veluti de manu in manum, & tanquam orbefacto transmitterentur.

In hæc ergo sermonibus aut libris encyclos, quicumque demum fuerint, ea de
virtute

virtute se docuisse confirmat Aristoteles, quæ putat esse hoc loco prætermittenda.

Sequebatur è tribus vitæ generibus quæ proposuerat, illud contemplationi deditum & scientiæ, cui videtur esse pro beatitudine cognitio tantum & contemplatio. Sed ut um hæc vera felicitas sit, ait se disputaturum alibi esse. Neque enim hic improbari potest, quia præstantissima est, nec pro vera felicitate nunc est ponenda: quia de felicitate actiua & civili, quæ cadit in hominem quatenus est homo, differere oportet antequam ad contemplationem accedatur, quæ solitariè conuenit in principem hominis partem.

QUARTA PARS CAPITIS QVINTI.

Ο Δὲ χρηματικῆς, βίαιός τις ἔστι, ὅτι ὁ πλοῦτος δηλοῖ, οὐ τὸ ζῆντιον ἀγαθόν. χρησιμὸν γὰρ καὶ ἄλλου χάριν. εἰς μᾶλλον ὅτι σφύσσοντες λαμβάνουσι τὰ πλεονεκτήματα. δι' αὐτὰ γὰρ ἀγαπᾶται. Φαίνεται δὲ οὐδὲ ἐκείνα, καὶ τοὶ πολλοὶ λόγοι περὶ αὐτὰ καταβιβάζονται. ταῦτα μὲν οὖν ἀφεῖσθαι.

Questuosa verò, violenta quædam est, & diuitia profectò non sunt quasi-
tum vorum. nam visile quidam sunt, & aliorum gratia. Quapropter potius quæ supra dicta sunt fines quissiam existimaue-
rit: propter se enim amantur. Videntur autem ne illa quidem: quamquam in multis rationes ad hæc proposiæ sunt. Hæc igitur omittantur.

EXPLANATIO.



IN hac extrema parte quartum vitæ genus adiungit eorum, qui beatitudinem collocant in diuitiis, ac præsertim in iis, quæ pecunia continentur. Appellatur enim hæc vita in Græco Aristotelis Codice *χρηματικῆς*, questuosa, & ea propriè, quæ in pecunia coaceruanda versatur. Nihilo tamen minùs omnes omnino diuitias, hoc est etiam eas, quæ in fundis & pecore sunt posite, complectitur. Vniuersè quippe hoc loco quaerit, num illi rectè de felicitate iudicent, qui quoniam impendio diuitias inuestigant ac parant, videntur in iis ponere summam felicitatis.

Respondet itaque breuissimè: duas esse rationes, quæ demonstrent errare istos ac labi. Quarum prima est, Quia eiusmodi vita est vel violenta, vel laboriosa, vel minimè vitalis, aut naturæ contraria: quæ quidem sic pono separatim, atque seorsum distinguo: quia vario sanè modo Latine reddiderunt variè id quod Græcè verbis quàm paucissimis dicitur, ὅτι δὲ χρηματικῆς βίαιός τις ἔστι. Bernardus enim Felicianus sic est interpretatus, Pecuniaria verò violenta est: id quod placuit etiam Turnebo, qui vertit: Quæstuarium verò est violentum. verè quippe *βίαιος* violentum significat, *ὅτι τις βίαιος* quæ vis est: sed tamen ausus est Lambinus circumscribere potius, quàm vertere locum eundem in hunc modum: Quæ autem vita in quaerenda pecuniæ studio versatur, ea laboriosa est, minimèque, ut ita dicam, vitalis. Quare laboriosam interpreteretur, video causam hanc esse: quòd cùm *βία* non vis tantummodo sit, verum etiam robur & firmitudo, existimari *βίαιος* non solum esse violentum, verum etiam robustum, hoc est, durum, difficile ac laboriosum. Cur autem eas voces Latinas sic fecerit, ut *βίος* *βίαιος*, dicere non dubitaret vitam minimè vitalem, admodum sanè mirarer, nisi omnem ipse nobis eriperet admirationem. Ait enim in quibusdam manu scriptis Codicibus ita se legisse *βίος* *ἀβίος* *τίς* *ἔστι*: quæ verba sine dubio eleganter expressit, & propriè cùm dixit, eiusmodi vitam non esse vitalem: est enim eiusmodi loquendi genus apud Latinos venustum, & Græcis vlitatum: *βίος* *ἀβίος*, γάμος ἀγάμος, δῶρα ἀδωρα: vita non vitalis, nuptiæ in-nuptæ, munera non munera. Obertus denique Gifanius ab omnibus omnino dissen-tiens, Latine reddidit vitam naturæ contrariam, ea ductus coniectura, quod *βία* dicantur ea, quæ naturæ contraria sunt. Quis horum callidius, & certius collinea-uerit, & punctum tulerit, haud facile possum dicere si audeam & velim. Possum ta-men exponere rationes, quæ probent singulorum interpretationes, demonstrant-que ad lineam propè ac perpendicularum in eam vitam cadere quæstuariam, quæ

summum bonorum pecuniam esse, aut diuitias puter. Violenta enim est: Quia paucissimi diuitias admirantur, & pecuniam parare studiosissime contendunt, qui vim innocentiae non inferant, & quae ciuibus, quae peregrinis iniuriam non faciant: cum ita censeant omnes, & sic animum induxerint suum: nihil intentatum relinquendum esse, felicitatis adipiscendae causa, cuius à natura tam vehemens nobis indita cupiditas est. Itaque Syllae Dictatori videtur hoc nomine quidam exprobrasse diuitias exaggeratas, cum ei dicere non dubitauit, fieri non posse, ut probus iustusque ipse Sylla esset, cum tantas & tam amplas possideret opes, qui nullas pro modum accepisset à patre: quod est apud Plutar. in Vit. Sed egregium praeclarumque Timandridae Lacedaemonij dictum Aelian. in lib. 14. var. histor. scriptum reliquit. Is, cum ex longa peregrinatione domum reuersus, rem familiarem multò sanè quàm reliquerat, reperisset auctiorem; ad filium conuersus, multos, inquit, homines Deosque iniuriis affecisti, qui copias parare tam amplas, opesque tam cumulatatas hoc tempore seponere potuisti. Existimabat quippe vir moderatissimus, à studio diuitiarum infano iniuriam & vim abesse non posse. Haec, inquam, est causa, cur eiusmodi vita violenta dicatur & iniqua. Laboriosa verò dici propterea potest: quod verè laborem, sollicitudinemque parandae diuitiae postulent, & afferant plurimam. In hanc enim vitam meritò sic exclamat in ep. 116. Seneca. O quantum lacrymarum, o quantum laborum exigit: quàm misera desideratis, quàm misera paratis. Adice quotidianas sollicitudines, quae pro modo habendi quemque discruciant. Maiore tormento pecunia possidetur, quàm quæritur. In hanc inuchitur elegia 6. lib. 3. Propert.

Ergo sollicita tu causa pecunia vita es:

Per te immatura mortis adimus iter.

Tu vitis hominum crudelia pabula praeber:

Semina curarum de capite orta tuo.

Sed quantum, & quàm magnum diuitiae sibi vendicent hominis laborem, nulli melius ostendunt quàm mercatores, qui exilio sibi voluntario iam indicto, suo iudicio profugi & extorres, toto terrarum orbe commeant, importuosa, & monitis importuna maria traicere non dubitant; infinita eaque certissima capitis pericula non reformidant.

— *Neque feruidis*

Pars inclusa caloribus

Mundi, nec Borea finicimum latus

Durataque solo nives

Mercatorem abigunt. horrida callidi

Vincunt aequora nauis,

canit Horat. in lib. Carmin. 3. Od. 14. Qui tantam laborum patientiam admiratus, ipsum in Epistola prima libri primi sic appellat atque alloquitur Institorem.

Impiger extremos curvis mercator ad Indos,

Per mare pauperiem fugiens, per saxa, per ignes.

Sequitur, ut videamus, cur eadem vita dici meritò possit minimè vitalis. Huius causam appellationis posse mihi videor ab Ennio repetere, atque à M. Tull. Cicerone, qui sequitur Ennium. Cum enim significare vellet, eum, non humanam, & homine dignam, sed ferinam potius ducere vitam, qui neminem habeat amicum, dixit, eiusmodi virum, si quispiam tamen eiusmodi reperiatur, vitam vitalem non agere. Principio, inquit, cui potest esse vita vitalis, ut ait Ennius, qui non in amici mutua beneuolentia conquiescat? Est igitur Ennio, & Ciceroni vita vitalis ea, quae dicitur à Graecis βιωτὴς βίη, quasi viuibilis vita. Quo fit ut minimè vitalis vita minimè viuibilis sit, hoc est ea, quae optari ab homine, deligique non debeat; cum ab eius natura & conditione vehementer abhorreat: sed quærendum tamen esset, cur vita ista quæstuaria, rationi humanæque naturæ sic aduersetur; ut minimè vitalis appellanda sit; hoc est ea, quam viuere neminem deceat. Rationem & causam esse puto communem cum Oberto Gifanio, qui βίωσις βίη vult esse vitam naturæ contrariam. Vult autem esse contrariam, propterea quòd quæstuaria hæc vita, de qua loquitur hic Aristot. non sit ea, quæ diuitiis vniuersè studet, sed quæ nominatim in pecunia, nummisque parandis occupetur. Hoc autem genus diuitiarum, quod est in pecunia positum, dicitur ab ipso in Aristotele non esse naturale in lib. 7. Polit. cap. 6. Naturales enim, hoc est naturæ consentaneas opes vult prædiis, &

pecore contineri: qua de re disputauimus supra. Sed probauimus potius superiores interpretationes, quam hanc; quia rationes Aristotelis vincunt, ne in his quidem naturalibus diuitis esse ponendam felicitatem. Non ergo cum quaestuariam dixit, eam intelligi nominatim voluit, quæ in cogenda cumulandaque pecunia sit occupata. Quanquam enim *ἀγαθὴν*, hanc proprie significat interdum, usurpatur tamen etiam pro generali, quæ diuitias parat viuere, hoc est eas, quæ tam pecunia, quam aliis rebus continentur.

Itaque Aristotelis prima Ratio, quæ demonstrat, in hac vitæ quaestuariâ, atque in diuitiis non esse felicitatem, hæc est: Diuitiæ per vim iniuriæque comparantur, per vim atque iniuriam amittuntur. Hoc autem alienum videtur à felicitate, quæ voluntariarum actionum finis vltimus est: ergo felicitas diuitis & pecunia non continetur. Quod si velimus alias quoque probare istorum interpretationes, ita dicamus: Diuitiis inhians vita violenta atque iniuriosa est, laboriosa, quinimò vitalis, naturæ contraria: felicitas verò est voluntaria, iucunda, maxime vitalis, & consentanea naturæ. Igitur in ea vitâ collocanda non est.

Secunda Ratio est huiusmodi: Cum nos felicitatem querimus, illud querimus bonum, quod non propter aliud, siue alterius gratia querendum & parandum sit. Sed diuitiæ queruntur, & parantur in eam gratiam, vt virtuti ac potissimum liberalitati magnificentiæque instrumenta quadam vtilia sint: ergo non obtinent rationem & vim felicitatis. Quibus expolitis rationibus claudit hoc caput Aristoteles, eos omnium maxime reprehendens, qui felicitatem sitam in diuitiis exstimarunt: hos enim multo magis peccasse confirmat, quam qui res superiores hoc est honorem, aut voluptatem facere beatitudinem non dubitarunt: hæc enim à multis propter se tantum expetuntur. Nemo tamen ita stolidus est, vt diuitias expetendas esse iudicet propter se, cum omnes intelligant de vili genere bonorum esse, ac propterea querendas in eam gratiam, vt degendæ vitæ sint viles. Itaque non sine summo consilio poetæ commenti sunt Mida Regi, qui tam stolidè à Baccho efflagitauerat, vt Pactolus liquido sibi fluere auro, & quicquid ipse contingeret, in aurum conuerteretur; non sine consilio, inquam, commenti poetæ sunt, huic homini ab Apolline sapientissimo Deo datas ad extremum esse auriculas aliu: quod apud Ouid. est in lib. Metam. 11.

— nec Delus aures

*Humanam pastur stolidas retinere figuram.
Sed trahit in spatium; villisque albensibus implet,
Instabilescque illas facit, & dat posse moueri.
Cetera sunt hominis: partem da naturæ in vitam,
Inducturque aures lenis gradientis aselli.*

Quid enim aliud commeritus erat, nisi vt in stolidissimum conuerteretur animal, qui diuitias optauerat inutiles atque ad nullam vitæ partem tuendam accommodatas?

*Huius Deus oranti gratiam, sed inutile fecit
Muneris arbitrium, gaudens altore recepto.
Ille male usus donis, ait, Effice quicquid
Corpore contigero solum vertatur in aurum.*

Nihil postulari poterat imprudentius, cum diuitiæ non inutiles modò, verum etiam nocitura peterentur. Ille tamen, quia fictus est ad eorum similitudinem ac formam, qui ponunt in diuitiis felicitatem:

Latus ibis, gaudetque malo Bercynthus Heros.

Quam enim ex impetratis diuinitus opibus capere poterat vtilitatem? cum

*Illic detraxit virgam; virga aurea facta est.
Tollit humo saxum, saxum quoque palluit auro.
Contigit & glebam, contactu gleba potens
Massa fit, arentes Cereris decerpit aristas,
Aurea messis erat, demptum tenet arbore pomum;
Hesperidas donasse putat: si postibus altis
Admonit diuitios: postes radiare videntur.*

Ceterum ne quisquam suspicari posset, Aristotelem voluisse illorum probare sententiam, qui honores & voluptatem, aliaque huiusmodi expetenda propter se iudicant; addit extremo loco illos quidem minus errasse, quod videant aliquos ex prauitate animi atque iudicij peruerfitate in his rebus collocare felicitatem, & posse

tueri causam suam permultorum auctoritate doctorum hominum, ac philosophorum, qui longè plurimas disputationes & volumina de honore, deque voluptate scripta reliquerunt.

EPILOGVS.

1. *Inter eas, quæ circumferuntur de felicitate hominis opiniones, tres videntur esse maxime nobiles, à tribus visa generibus existentes: Prima, quæ illam in voluptate constituit: atque hæc vulgaris est vita: Secunda, quæ collocat eandem in honoribus; & vitæ civilis est: Tertia, quæ in rerum solitaria cognitione vult positam: & tribuitur iis, qui contemplantem amant philosophiam. Qui voluptatem volunt esse beatitudinem, id non sine aliqua rationis specie confirmare sibi posse videntur, cum non multitudinem modò, ac vulgus, verum etiam ipsos quoque Principes ac Reges videant plerumque sequi studiosissime voluptates. Non enim inter eos, qui sic viuunt, vnus fuit Sardapalus. Sed decipiuntur tamen ac vehementer errant: quia eiusmodi vitæ seruilis est, & pecorum similis; felicitas autem præstantissima vitæ ratio est, & perfectissima.*
2. *Honor verò, quem elegantiores viri, tractandaque Reipublica studiosi finem sibi præstitueri videntur, felicitas idcirco non est, quod in honorantis potestate sit, & eripi propterea facile possit: felicitas autem est aliquid intimum nobis, in nostra prorsus manu, atque auferri facile à beato non potest. Quin illi, qui se honorari maxime volunt, id volunt propterea, quòd intelligunt, honorem esse significationem virtutis suæ, ab aliorum iudicio promanantem: igitur honorem non censent expetendum per se, sed propter virtutem, & quod inde consequens est, in virtute potius, quàm in honore iudicant, ponendam esse felicitatem.*
3. *Sed, ne virtus quidem ipsa felicitas est: cum & in dormientibus sit, & in iis, qui vel aliquo impedimento desenti nihil agant ex virtute, vel durissimis oppressi casibus, atque infortunis acerbissimis exagisati, vitam ducere cogantur arduosissimam, atque miserissimam.*
4. *De Virtute tamen nihil est hîc dicendum præterea; quia satis est de illa disputatum in libris Encycliis: de contemplatione verò ipsa, & virum in ea felicitas sit, differendum est alibi. Diuitiæ possent in contentionem venire: sed depellende sunt, nec in iis est collocanda felicitas. Quia per vim, & cum magno labore quaeruntur: felicitas verò aliquid voluntarium est, & maxime iucundum. Ad hæc ipsæ diuitiæ non propter se, sed propter aliud expetuntur: sunt enim ex eo genere bonorum, quæ appellantur vtilia. Felicitas autem propter se tantum expetitur, nec refertur ad aliud, sed alia omnia trahit ad se.*



IN CAPVT QVINTVM

QVÆSTIO PRIMA.

An Felicitas in voluptate posita sit.

DE voluptate corporis hæc instituitur quaestio; cum de illa nominatim hîc agat Aristoteles, alia, quæ percipitur animo prætermissa. Neque enim illa eius ratio, quæ docet voluptatem esse pecudum bonum, quicquam perficeret, nisi de corporis voluptate loqueretur. Immo verò, ne de corporis quidem omni prorsus & qualibet voluptate sermonem habet, sed de illa potissimum, quæ gustatu percipitur & tactione: qui duo sensus ferini maxime sunt, ac propterea præcipuè reguntur à temperantia. Aliæ autem quædam voluptates quæ aliis vsurpantur sensibus, oculis, auribus, odoratu, non commemorantur hoc loco, sed in alium reiciuntur.

De hac ergo voluptate corporis electæ, quæ gustum tantumque commouet, ac demulcet, quaerimus, An ea sit, in qua reponi & collo-

cari humana felicitas debeat. Non enim defuere stulti homines, aut philosophi plumbei, qui beatitudinem censuerint esse voluptatem illam, quæ gemina sensus vtriusque facultate percipitur. Eiusmodi Epicurum fuisse vulgò ferunt. Sed defenditur, atque hac infamiz nota liberatur à Lactan. in lib. 3. de falsa sapien. cap. 7. vbi hanc de voluptate corporis opinionem adscribit Aristippo, Epicuro verò de animi voluptate sententiam tribuit. Defenditur eodem planè modo à Diog. Laër. in lib. 10. de Vitiis Philosophorum: defenditur à Cicero in primo & secundo de fini. defenditur à Seneca in lib. de Beata vita cap. 13. Quamquam is docere videtur, non tamen animi voluptate, quàm in ipsa quoque delectatione corporis, mediocri tamen, & naturæ consentanea, posuisse beatitudinem Epicurum. Mea quidem, inquit, ista sententia est, (inuitis hoc nostris popularibus di-

cam) sancta Epicurum, & recta præcipere, & si propius accesseris, trillia. Voluptas enim illa ad paruum & exile reuocatur, & quam nos virtuti legem dicimus, eam ille dicit voluptati: iubet illam parere naturæ, parum est autem luxuriæ quod naturæ satis est. Quid est ergo? Ille, qui desidioſum otium, & gulæ ac libidinis vices felicitatem vocat, bonum malæ rei quærit auctorem: & dum illò venit blando nomine inductus, sequitur voluptatem, non quam audit, sed quam attulit: & vitia sua cum cœperit putare similia præceptis, indulget illis non timide, nec obscure. luxuriatur etiam inoperto capite. Itaque non dico quod plerique nostrorum, sectam Epicuri flagitiorum magistrum esse; sed illud dico: male audit, infamis est, & immentò. Duo sunt quæ sibi vult hac quæstione Seneca. Primum, eam Epicuri voluptatem non esse vlli affinem vitio, sed cum virtute coniunctam; quippe quam regit redigitque ad mediocritatem Temperantia. Nomen tamen ipsum voluptatis vituperationi atque calumniæ locum dedisse: quam profectò faciliè defugeret Epicurus, si virtutis sacrarium patefaceret intrusus, ac penitus abditum, & ipsam verbis ostenderet mediocritatem, cuius gratiam & decorem infame iam nomen voluptatis infuscat: id quod accommodatissimis sanè comparationibus amplius ipse ita pergit ostendere Seneca. Nec hoc scire quisquam potest, nisi interius fuerit admissus. Frons ipsa dat locum fabulæ, & ad malam spem inuitat: hoc tale est, quale vir fortis stola indutus. constante tibi pudicitia, virtus salua est: nulli corpus tuum impudicitia vacat, sed in manu tympanum est. Titulus eligatur honestus, & inscriptio ipsa excitans animum ad ea repellenda, quæ statim enervant cum venerint, vitia. Quisquis ad virtutem accessit, dedit generosæ indolis spem: qui voluptatem sequitur, videtur enervis, fractus, degenerans à viro, peruenturus in turpia, nisi aliquis distinxerit illi voluptates, ut sciat quæ ex e. sintra naturale desiderium sistant, quæ in præcepta ferant. Agedum virtus antecedit, tutum erit omne vestigium. Voluptas nocet nimia, in virtute non est verendum, ne quid nimium sit, quia ipsa est modus.

Alterum, quod hîc Seneca docet illud est: Epicuri discipulos quosdam ementitos & falsos fecisse, ut vulgò hæc opinio malè audiat, & Epicurea dicatur ea esse sententia, quæ verè vel Aristippi, vel aliorum quorundam philosophorum sit. Cum enim aliqui voluptarij homines, & molles ipsum ab Epicuro voluptatis nomen inaudissent; illico ad eam se contulere sectam, & voluptatis amplexi sunt exuperantiam, cuius tantummodo mediocritatem laudabat Epicurus. Hoc etiam exponit ipse planissime tum ibi, tum in cap. 12. proximè superiori. Sapientium, inquit, remissæ voluptates, & modestæ, ac penè languidæ sunt, compressæque & vix notabiles: ut quæ nec accessit veniant; nec quamvis per se accesserint, in honore sint, neque villo gaudio percipientium exceptæ. Miscet enim il-

las, & interponunt vitæ, ut ludum iocumque inter seria. Desinant ergo inconuenientia iungere, & virtuti voluptatem implicare: per quod vitium pessimis quibusque adulantur. Ille effusus in voluptates reptabundus semper, atque ebrius, quia scit, se cum voluptate viuere, credit & cum virtute. Audit enim voluptatem à virtute separari non posse: deinde vitiis suis sapientiam inscribit, & abscondenda proficitur. Ita non ab Epicuro impulsus luxuriatur, sed vitiis dediti luxuriam suam in philosophiæ sinu abscondunt, & eò concurrunt, ubi audiunt laudari voluptatem. Nec æstimatur voluptas illa Epicuri. Ita enim me hercules sentio; cum sobria & sicca sit: sed ad nomen ipsum aduolant, quærentes libidinis suis patrocinium aliquod ac velamentum.

Ita conantur hi viri sapientes bonam in partem adducere sententiam Epicuri: quos haud est imitatus Cerinthus Ecclesiæ perduellis, qui simpliciter in corporis voluptate quantumvis effusa atque intemperanti futuram hominis beatitudinem dixit per annos mille post communem humani generis anastasin, ut est apud Sixtum Senens. in Bibliothecæ lib. 5. annotatione 133. & lib. 6. annotat. vltim. Sarraceni verò etiam turpiores & magis lutulenti putandi sunt: qui præmium rectè factis constituunt in impurissimis post obitum voluptatibus. Sed ne illam quidem in bonam partem acceptam voluptatem, sicut accipi Seneca vult, debere aut posse beatitudinem dici, constabit ex iis, quæ nunc posaturi sumus ad totam controuersiam explicandam.

Ponendum enim est primò quod docet S. Thom. in prima 2. quæst. 3. artic. 1. beatitudinis duplicem esse notionem: vnam, quæ rem ipsam designet, qua nos demum adepti, beati reddimur, ac verè felices appellamur: alteram, quæ significet adeptionem, aut vsum eiusdem rei, quo beati formaliter efficiuntur, & intrinsecus. Itaque res ipsa dici solet obiectiua felicitas, vñs autem ille, formalis, aut essentialis beatitudo. Quo fit, ut beatitudinis nomen in posteriorem magis propriè conueniat quàm in priorem: cum ab ea beati dicamur extrinsecè tantum & obiectiue, ab hac intrinsecè quoque felices atque formaliter appellemur.

Ponendum secundo loco est, voluptatem ac delectationem cum ipsa beatitudinis adeptione atque vñs necessariò coniunctam esse; cum beatitudo res iucundissima sit & suauissima: sed controuersiam esse, in voluptate ne ipsa electè, atque distinctè, an in adeptione, vñsque, formalis aut essentialis beatitudo consistat: non enim voluptas esse potest felicitas obiectiua. Qui magistrum sequuntur ac ducem D. Thomam, affirmant beatitudinem, siue beatitudinis rationem ipsam ac vñs, ne in pura quidem & ex virtute prodeunte, quæ animi propria est, voluptate, ac delectatione, sed in adeptione illa & vñs contineri; quia voluptas ipsa consequitur, & nascitur ex vñs: adeoque appendix, & accessio

quædam est beatitudinis essentialis. quod Seneca docuit eleganter atque disertè in lib. de vita beata cap. 8. Præceperunt veteres, inquit, optimam sequi vitam, non iucundissimam. ut rectæ ac bonæ volûtatis non dux, sed comes voluptas sit. & in cap. 15. Negaudium quidem, quod ex virtute oritur, quamuis bonum sit, absoluti tamen boni pars est; non magis quàm læticia & tranquillitas, quamuis ex pulcherrimis causis nascatur. Sunt enim ista bona, sed consequentia summum bonum; non consummantia. De hac tamen controuersia nihil hîc disputo, cùm corporis voluptate, de qua institimus explicare, circumscripta sit hæc quæstio, illa de voluptate quærat vniuersè, atque illam quoque comprehendat, quæ non sensus colliquefaciat corporis, sed animum ipsum afficiat atque perfundat.

Ponendum est tertio, quod in aliis comparatum est rebus, id in ipsa quoque beatitudine usu venire; ut vnum in ea, beatitudinis intima vis, & ratio sit alterum proprietas, & accidens. vel ut supra diximus, appêdix & accessio, quæ rei naturam sequitur ut umbra corpus. Est ergo voluptas & delectatio cû beatitudine quidem coniuncta semper, sed veluti proprietas, accidens, & effectus. quo fit ut eam pro beatitudine non ratò nominemus; quemadmodum sæpe aliis ex causis eodè nomine beatitudinis abutimur ad ea significanda, quæ aliquam habent cum beatitudine coniunctionem; quæque confluunt, conspirantque ad constituendam & perficiendam beatitudinem. Nam si felicitatis quasi fundamentum intuearis, beatitudo dicitur virtus; si forma, & perfectio, dicitur actio proba; si proprietas ex ea manans, ac defluens, iucunditas ac voluptas; si instrumenta vel necessaria, ut Peripatetici dicunt, vel opportuna, & commoda, ut Stoicis placet; bonorum copia vniuersorum: si signum; honor & gloria: si fructus; animi tranquillitas, & naturæ consentanea viuendi ratio: si obiectum, vltimûsque nos beans & perficiens finis, Deus. sed quia nos propriè loquimur, & querimus ubi nam, quæne in re positum id sit, quod in beatitudine primum est, & essentialiter dicitur, huiusmodi notiones atque appellationes improprias ab hac disputatione repellimus.

Statuendum igitur omnino est: voluptatem corporis neque esse beatitudinem ipsam obiectiuam, aut essentialiter, neque beatitudinis essentialis accidens aliquod ex iis quæ propria dicuntur & per se. Ratio, quæ fundamenti locum obtinet ea est, quam ex Aristotele supra posuimus, ab hominis proprio accersitam bono. Est enim beatitudo perfectio quædam sic vni debita, & congruens homini, quæadmodum singulæ rerum perfectiones, quæ conueniunt singulis, ab aliis sunt alienæ. Non potest adeo in rationis expertes animantes cadere, nec cum belluis communicari felicitas. Corporis autem voluptas, ea præsertim, quæ de agimus à tactione gustûque profecta, bestiis etiam congruit, & cum mutarum animantium genere communis est. Ex hac Aristotelis ratione tanquam ex stipe proficina-

te sunt cæteræ, quas legimus apud scriptores in primisque apud S. Thom. hunc in modum disputantem. Voluptas & delectatio corporis ex bono consequitur, quod sensus animæ commouet, vtentis corpore. Sed bonum eiusmodi commouens sensus non potest esse proprium, perfectum, & summum hominis bonum: cùm id, quod delectationem procreat corpoream, concretum aliquid ex materia sit, & obiectum sensibus; homini autem sit animus præterea ab omni concretionem separatus longè præstatio, ac beatitudinem idcirco nobiliorem postulans, quæ cum beatus communicari non possit, quemadmodum communicatur voluptas sensus. Ex his verò consequens est, non modò voluptatem corporis non esse beatitudinem ipsam, sed ne accidens quidem, & proprietatem substantialis beatitudinis: quippe quæ in animo præcipuè posita sit, & in virtutis actione perfecta principem usum habeat; in reliquis corporis & fortunæ bonis integritatem solum, præsidium, atque additamentum, ut in aliis dicendum, & explicandum est locis. Altera non huic dissimilis ratio quorundam est; Epicureos redigere studentium ad profitenda pugnancia. Dicunt enim ex ea sententia, quæ beatitudinem in corporis voluptate collocat, sequi, eo vnumquemque beatiorum esse, quo maioribus & pluribus perfruitur voluptatibus. eo enim perfectior, & felicitior est quisque, quoad suum ipsius finem accedit propius. At quo pluribus, amplioribusque demergimur voluptatibus, hoc pluribus & amplioribus obruimur vitiis: est quippe in multis voluptatibus luxur, est libido, est intemperantia. quæ sine dubio miserum hominem faciunt. ergo si eos audiamus, hoc erit homo beatior, quo miserior erit. Idcirco nimirum dicebat Epicurus, vel illi, qui causam tuebantur Epicuri, non in qualibet voluptate siue voluptatis gradu, sed in mediocri, hoc est, in ea quæ consentanea naturæ sit, collocari debere beatitudinem. Sed aduersus hanc etiam voluptatem modicam, & respondentem postulato naturæ, D. Thomæ pugnat argumentatio. Illa enim voluptas quantumvis exilis atque mediocris, est propria sensus: hominis autem beatitudo debet esse perfectior & dignior, quàm ut corporis sensibus contrahi & contineri queat. Quod si dicas, eam voluptatem intra limites ac fines temperantiæ positam cum virtute consēire, ac propterea nihil aliud esse, beatitudinē in ea constituere, quàm in virtute Temperantiæ collocare: Si hoc, inquam, contēdas, ipsa loquendi est improbanda ratio & forma. non enim dicenda fuit voluptas beatitudo, sed Temperantia potius quàm alia quælibet virtus felicitas sit?

Neque verò multus est labor in repellendis obiectis, cùm ex iis, quæ supra diximus, faciliè diluantur.

Nam quod dicunt, voluptatem esse bonum per se quæsitum, expetitumque, ac propterea pronunciatum in lib. Ethicorum decimo ab Aristotele; ridiculum esse querere cur velit aliquis delectari: quod inquam sic dicunt, haud magnopere quemquam premit; quia ea-

dem est ratio, cur bonum exoptetur, & cur delectatio ex boni possessione promanās expetatur. Hinc enim fit, ut si bonum sit summum, atque perfectum, qualis re ipsa beatitudo est, tum bonum, tum voluptas bonū consequens expetatur per se. non enim est aliud voluptas ex vera felicitate nata, quam animi quædam quies expetenda per se. Sin autem bonum sit imperfectum, cuiusmodi est illud, unde voluptas corporis effluit, tam bonum ipsum, quam delectatio existens è bono, refertur aliò, nec est ultimus finis, nisi fortasse per accidens ex eius depravatione, vel deceptione, qui hæc appeteret, hallucinatus. Nam alioqui voluptas, quæ cibo, potuq; usurpatur, refertur ad retinendam vitam & valetudinem conservandam. ea verò quæ capitur ex connubio, ac generatio ex tactu, ad liberorum procreationem pertinet, inque generis conservationem dirigitur. Qui fines meliores profectò sunt & præstationes, quam delectatio. Refertur autem illud præstabilius, & melius pugnat omnino cum ipsa ratione, ac vi felicitatis.

Quod verò aiunt aliud esse summū bonum, quod omnes appetunt, voluptatem autem corporis ab omnibus appeti, tum vulgaribus & sapientibus hominibus, tum animantibus etiam rationis expertibus, infirmum est. quia summum bonū non est id, quod appetunt omnes, nisi sic appetant, ut cæteris anteferendum censcant. Sunt enim bona utilia, diuitiæ, opes, res familiaris opportuna: quæ appetuntur ab omnibus, sed non cunctis omnino rebus anteponuntur. id quod etiam dici de bono iucundo potest, & de voluptate: quæ quidem appetitur à sapientibus ipsis, sed vel ad tuendam vitam, vel ad sobolem propagandam & genus.

Sed quod contēdunt de tristitia, quæ nonnullis summum videtur esse malū, accuratius est explicandū. Dicunt enim, illud esse summum bonum, cui summum malum opponitur. Voluptati autem opponitur tristitia, quæ quamquam nascitur ex aliquo corporis incommodo, summum tamen est malū. Ita enim ab ea mortales abhorrent, ut eius defugiendæ causa interdum vita se priuēt. Est ergo voluptas summè ab hominibus expetenda, cum summè fugienda tristitia sit. Sed est animaduertendum, tristitiam interdum tantam esse, ut occurrere quodammodo possit intelligentiam & rationem. In qua mentis alienatione, & quasi dementia fieri facile potest, ut aliquis sua voluntate velit occumbere. si tamen iterum nanciscatur iudicium liberum, quantum aberraret, & quid esset potius eligendū, intelliget. Censcbit enim tum rationi restitutus & iudicio, quamlibet potius perpetiendā esse tristitiam, quam illud sibi bonum eripere, cui prorsus omnia sunt anteferenda. Rectè enim Seneca in ep. 76. Vir bonus, inquit, quod honestè se facturum putauerit, faciet, etiā si laboriosum erit: faciet, nisi damnosū erit: faciet, etiam si periculosum erit. Rursus quod turpe erit non faciet, etiam si pecuniam affert, etiam si voluptatem, etiam si potentiam. Ab honesto nulla se deterrebitur, ad turpia nulla spe inuitabitur. Itaq; nego prudentem hominem, & libe-

ro præditum iudicio existimare summum malum esse tristitiam, quæ nascitur ex incommodo corporis. Concesserim tamen illud, tristitiā ortam ex summo malo, quod est animi, & vitium ipsum, esse non quidem summum malum, sed summi mali proprietatem. cui rectè, verèque opponitur ea voluptas, quæ consequitur ex summo bono. Sed quia nos de animi voluptate non loquimur, hoc est, de illa proprietate, quæ ex vera beatitudine manat, idcirco perperam nobis opponitur ea tristitia, quæ nascitur ex summo malo. debet enim opponi ea quæ oritur ex malo corporis, libero tamen animi iudicio permanente.

Itaque seriem argumentationis relegens, ita respondeo: neque voluptatem esse summum bonum, neque tristitiam summum malum; sed adepti boni, malique prementis proprietates. Tristitiā autem esse duplicem, unā ex summo natam malo, quod vitium est, & perniciēs animi; alteram ex malo corporis existentē, quod summum non est, cum eo peius aliquod inueniatur. illam opponi non quidem summo bono, sed voluptati, quæ summi boni proprietates est: hanc autem eidem voluptati non opponi, sed ei quæ proprietates est imperfecti boni, quale commodum corporis est.

Alia quædam obijciuntur, his planè similia; quæ si suo perpendantur examine, nihil aliud vincere conantur, quam animi voluptatem esse beatitudinem. de qua voluptate animi non disputamus.

Est tamen ad extremum locus occupandus in uno, quod iure possit obijci: quia diximus ne proprietatem quidem, aut accidēs per se beatitudinis esse voluptatem. Cū enim beatitudo constet ex perfectō bonorum cumulo, inter quæ bona etiam recensenda sunt corporis, videtur ipsa ex eo existens cumulo voluptas, aliqua saltem ex parte nasci ex corporis bono, adeoq; aliqua etiam ex parte esse corporea. sed respondeo voluptatem illam, corporis bonis ea proportionē respondere, qua ipsa corporis bona respondent felicitati. Bona verò corporis non attingunt beatitudinis substantiam, sed integritatem. quo fit, ut partialis illa voluptas, quæ dici fortasse corporea posset, à beatitudinis substantia non profluat, ad quam bona corporis persuadere non possunt. Itaque verissimè dicitur, ne accidens quidem, aut proprietatem esse beatitudinis, non quidem integre atque adæquate, sed substantialis atque primariæ.

QVÆSTIO SECVNDA.

An in aliquo corporis bono ponenda felicitas videatur.

Bona corporis illa præcipue sunt, quæ vbi diximus, ab Eustratio designantur, quatuor animi virtutibus illis celeberrimis proportionē respondentia. Aut enim prudentiæ similem esse sensum quoddam acumen, & quasi sagacitatem. fortitudini, robur, & laterum firmitatem, temperatiæ, quæ decor animi, quidam ac claritas est, pulchritudinē; iustitiæ quæ seruat æqualitatē; valetudinem, hoc est cōue-

nientiam & æquabilitatem humorum. Quæstio igitur hæc est, an in huiusmodi corporis humani dotibus aliisve bonis sita felicitas sit. Quo loco felicitatis nomen non formalem significat beatitudinem, sed obiectiuam.

Statuit hac de controuersia S. Thomas & Buridanus, quibus auctoribus ac ducibus affirmo, in nullo bonorum corporis reponendam esse felicitatem. Triplex ex utroque magistro ducta videtur huius esse pronuntiati ratio. Prima: Quia beatitudo & felicitas, hominis perfectio est eiusmodi, vt vineat vniuersa, & rebus procreatis omnibus antecellat: sed si bona corporis attendas, à multis animantibus homo superatur & vincitur: vt diuturnitate vitæ ab Elephantis, fortitudine à Leone, pernicitate cursus à ceruo: non igitur in bonis corporis hominis posita felicitas est, nisi homine ipso animantes mutæ sint beatiore. Tractat hoc argumentum eloquenter & callidè Seneca in ep. 76. cuius orationem disertam & grauem præstabit opinor, excipere. Omnia, inquit, suo bono constant. Vitæ fertilitas commendat; sapor vinum, velocitas ceruum. Quare fortia iumenta sint quartis? quia eorum hic vnus est vsus, sarcinam ferre. In cane sagacitas prima est, si inuestigare debet feras; cursus, si consequi; audacia, si mordere & inuadere: Id in quoque optimum est, cui nascitur. In homine optimum quid est? Ratio. hac antecedit animalia, Deos sequitur. Ratio ergo perfecta proprium hominis bonum est: cetera illic animalibus, satisque communia sunt. Valet? & Leones: formosus est? & pavones: velox est? & equi. Non dico in his omnibus vincitur. Non quæro quid in se maximum habeat, sed quid suum. Corpus habet? & arbores. Habet impetum, & motum voluntarium? & bestie & vermes: habet vocem? sed quanto clariorem canes, auctiorem aquilæ, grauiorem tauri, dulciorem, mobilioremque lusciniæ? Quid in homine proprium? ratio. hæc recta & consummata felicitatem hominis impleuit.

Secunda Ratio est, quod bona corporis non possunt obtinere vim vltimi finis; cum subseruare debeant animæ, atque ad eam, velut ad formam materia, ac tanquam instrumenta quædam ad gubernatorem & architectum referantur. Sunt enim bona corporis sic imperfecta, quemadmodum est imperfecta materia, adeoque ad animi bona, hoc est, ad virtutem, atque ad animum ipsum dirigi debent, vt materia dirigitur & corpus, cuius sunt bona. Est animus noster corporis sui gubernator & nauarchus; ac propterea non solam eius conseruationem tanquam vltimum finem propositam habet, sed aliquid longè perfectius, quod ipsius etiam præsidio corporis assequi debeat. Vt enim gubernator, non id tantum agit, & sequitur artificio, ac labore suo, vt nauem factam testamque conseruet, sed vt nauiget, ac tandem aliquando perueniat quod contendit: sic animus, non in his sistit & se continet bonis, quæ corpus conseruant, sed eorum præsidio ad suam ipsius

perfectiorem, & beatitudinem propriam ire ac peruenire conatur. Non ergo in bonis corporis vltimus finis est positus, sed trames potius, & semita quædam ad finem.

Tertia Ratio est, quod si corporis expendendis bonis velimus ire per singula, in nullo prorsus vera felicitatis ratio deprehendatur. Nam illud sensuum acumen atque sagacitas est inferior, atque imperfectior intelligentiæ perspicacitate: ergo non est felicitas, quæ genus quoddam boni perfectissimum est. Pulchritudo est intemperantiæ conscientissima & libidinis patens: sed beatitudo nullius est causa vitij: cum in eo summa calamitas hominis & miseria sit. Firmitas autem & robur videntur potius habitudines quædam esse ad seruitutem accommodatæ, quàm ad ditionem & dignitatem. Vt enim ait Aristot. in Polit. lib. primo, iis, quos natura gignit ac facit ad seruitutem, dat lacertos & latera valentia, dat admirabilem totius corporis firmitatem. At seruitus est miseria. Quid vnde valetudine, ac sanitate dicatur? hæc sine dubio dirigitur ac refertur ad opus: quorsum enim valemus, nisi vt salute corporis vtamur & vita? Ergo valetudo non est vltimus hominis finis.

Itaque nihil obtinent qui captiosè sic disputant. Valetudo corporis ac sanitas vitam tuentur, & vsum sensus ac rationis, quæ homini bona sunt optima: contra verò eadem tollit & euertit ægrotatio: igitur homini pessima est ægrotatio & morbus, optima est valetudo, adeoque summum bonum atque felicitas: nihil, inquam, hi hac argumentatione conficiunt: quia fatentur ipsi valetudinem non expeti per se, sed ad tuendam vitam, sensusque ac rationis vsum retinendum. Fatentur ergo hoc etiam debent, valetudinem non esse finem vltimum & bonum supremum.

Nihil est pertimescendum amplius ab iis, qui dicunt valetudinem esse bonum quoddam generale, quo sublato tolluntur singula bona: bonum autem generale magis expetendum esse, quàm singula. Nam hi etiam concedunt, valetudinem expeti propter ea bona, quæ sublata valetudine, corruunt: hæc enim expetenda magis sunt, quorum videlicet causâ expetitur sanitas.

Nihil denique proficiunt alij, qui dicunt omnium terribilium rerum maximè terribilem esse mortem, vt in his libris Moralium pronunciat Aristoteles, ac propterea rerum omnium expetendarum esse maximè vitam expetendam: vitæ autem magis esse conseruatricem valetudinem, quàm virtutis quemlibet habitum, aut aditionem. Respondetur enim ab appetitu illo, qui sensus est proprius, diciturque sensitiuus, omnium rerum maximè terribilem haberi mortem, ab appetitu verò, qui ratione regitur, & rationalis appellatur, magis auerendum esse vitium, quàm pertimescendam mortem. Quare appetitu rationis non est magis expetenda vita quàm virtus, ac propterea valetudo vitæ conseruatrici non potest esse virtute melior, ad quam vita ipsa refertur, cum ad virtutis exet-

citationem, campum quodammodo arenamque suppeditet.

QVÆSTIO TERTIA.

An in honore sita Felicitas sit.

HONOR, ut à Cicerone definitur in Bruto, præmium est virtutis, iudicio studioque civium delatum ad aliquem. Cuius iudicii quoniam appetentissimi sumus, iure querere nos oportet: An in eo locanda felicitas hominis & beatitudo sit. Et quamquam Aristotelis rationes planissime videtur ostendere, honorem non esse vim ipsam, & summam felicitatis, quia tamen illæ ipsæ rationes infirmari disputando queunt, instituenda hæc, & tractanda quæstio separatim est, ut aduersariorum obiecta refellantur.

Ordiamur igitur ab Aristotelis illa ratione, quæ vincere conatur, honorem ideo non esse felicitatem, quod honor in honorante magis sit, quam in honorato: adeoque in aliena potestate positus, inconstans, obnoxius mutationi, ac multiplici profuse expositus varietati sit. Nam præterquam quod honorare, vel non honorare in aliorum est manu ac voluntate, fieri præterea potest, ut idem quem felicem ponimus, eodem tempore felix sit & infelix: felix quidem, quia honoratur ab aliquo; infelix, quia ab altero vel non honoratur, vel dedecora efficitur & ignominia.

Hanc, inquam, rationem aliqui sic oppugnant: Præmium haud dubiè illius est, cui conuenit & debetur præmium. Honor autem, virtutis præmium est, atque adeo conueniens, ac debitum virtute præditis: ergo in his & horum est honor, non in iis, aut eorum, qui honorant, & afficiunt præmio virtutem, ac reatè facta. Deinde, eius est vnumquodque, cui tribuitur: honor autem tribuitur honorato, non honoranti. Tertio, eius ex communi omnium iudicio videtur honor esse, cui honor ipsè appellationem ac denominationem impertitur. At impertitur appellationem honorato. Huius igitur honor est, non honorantis; cum præsertim honor actio sit ex earum genere, quæ vulgè transeuntes appellantur. Ad extremum duci ratio potest à contrario: Nam dedecus, infamia, ignominia non dedecorantis, aut inuentis infamiam sunt, sed dedecus atque infamiam excipientis. Igitur etiam honor eorum est, à quibus excipitur; non eorum, à quibus impartitur. Quæ ratio habere vim debet maximam, quia contrariorum eadem est doctrina, ut docet Aristot.

Aduersus alteram Aristotelis rationem, quæ contendit, honorem non esse felicitatem, quia non expetitur à nobis propter se, sed propter eam testificationem, quam de nostra probitate ij palam exhibent, qui nos honorant; cum videantur excellentiam nostram & nobis & aliis testatam facere, deque nostra ipsorum virtute peramplè iudicare; aduersus hanc, inquam, rationem ita pugnant aliqui, acuti prorsus & graues viri. Beatitudo præmium est virtutis; quod ipse fateatur Ari-

stoteles in horum Ethicorum lib. primo cap. 9. sed honor ab eodem Aristotele in lib. 4. cap. 3. dicitur esse virtutis præmium: ergo est & dicitur esse beatitudo. Alij verò sic disputant: Quod ipsi conuenit Deo, ac rebus debetur excellentissimis, id sine dubio est beatitudo: cum ipsa summa quædam excellentia sit; ac Deo & præstantissimis rebus excellentissimisque debetur & conuenit honor, ut docet Aristot. in Eth. lib. 8. cap. 14. Honor igitur est beatitudo. Postremi denique in hunc modum contendunt: Felicitas est omnium rerum expetendarum expetenda maximè, ac persequenda. Sed nihil est, quod plus, quam honor ab hominibus expetatur: cuius nimirum adipiscendi, retinendi, conservandi, amplificandi gratiâ, cuncti mortalium rerum ceterarum iacturam æquo animo ferunt; vitam ipsam suo iudicio, ac voluntate in discrimen adducunt. Igitur in honore posita felicitas est. Ita pugnant & disputant hi: sed quia tamen rationes Aristotelis haud infirmant,

Dicendum est, reatè ab eo pronuciari honorem non esse felicitatem. Primum quidem: quia beatitudo in ipso debet esse beato; & qui verè felix dicitur, is felicitate suis semper, ac sine interpellatione potest. Honor autem ab honorante pendet totus: cuius nimirum in manu ac potestate est, pro arbitratu honorem adimere, vel impertiri. Deinde: Quia honorem non tam honoris gratiæ volumus quam propter eam, quod nostræ testificationem excellentiæ cupiamus. Hinc enim sit, quod ait Aristoteles, ut à prauentibus potissimum, ac sapientibus honorari maxime velimus; à quibus amplissimum & verissimum excellentiæ nostræ tradi testimonium credimus. At beatitudo, ut supra diximus, verissima & perfectissima excellentia est: beatitudinem igitur expetimus, cum eam testificationem amamus & querimus. Latamur enim tum, cum honoramur; quia ex aliorum testificatione, prudentium præsertim & grauium virorum, intelligimus esse nos felices & excellentes. Obiecta verò argumenta quæ supra exposita sunt, ut faciliè tollantur,

Animaduertendum est, honoris ambiguum esse nomen, & notiones multiplices, quas alio atque alio modo inter loquendum vsurpamus. Prima est: cum honoris appellationem eorum meritis, quos honoramus, imponimus. Secunda, cum pro ipsa honorantis actione iudicioque honorem dicimus. Tertia, cum pro ipsa honoris externa materie signoque ipsum ponimus, & adhibemus honoris nomen.

Cum honor pro meritis honorati hominis vsurpatur & ponitur, significat haud dubiè virtutes, quarum causa dignus honore iudicatur, etque signum aliquod exhibetur honoris externum. Neque enim verus honor ab alio fonte, quam à virtute proficiscitur, ut docet his verbis Sallustius. Gloriam, honorem, & imperium bonus & ignauus æque sibi exoptant: sed bonus vera via nititur; ignauus, quia bonæ artes desunt, dolis, at-

que fallacis contendit. Quin, ne omnibus quidem virtutibus vniuersè deberi videtur honor, sed iis nominatim, quæ aliis maximè prouincunt, ut ipse docet Aristot. in lib. primo Rhetor. ubi ait, honorem esse signum opinionis de alicuius animo iam benefico, hoc est, de eo, qui beneficiis alios iam ornauit. Quamquam enim honorari vulgò videtur etiam is, qui beneficium conferre potest, aut collaturus est; quemadmodum eodem loco monet Aristot. verus tamen honor ille censendus habendusque non est, quem adhuc non est merita virtus: quod à Cicerone sic decernitur in epistola quadam ad Plancium. Is enim denique honor mihi videri solet, qui non propter ipsem futuri beneficii, sed propter magna merita claris viris deferitur & datur. Quo loco Cicero ipsum etiam beneficium perpendit & circumscribit, cui reddendus ac rependendus sit honor, cum non quamlibet beneficentiam, aut officium ipso remunerari honore confirmet, sed nominatim illa, quæ magna minimèque vulgaria sint. Et sane, si velimus in res antiquorum æstas inuerti, honoratos in Republica tantum inuenimus, qui singularibus ac prope diuinis eam beneficiis affecerunt.

Romani Duilio impertiuere honorem, ut à cæna cum ardente funali, & tibicine præeunte domum rediret. Quam autem ob rem, nisi magnam & singularem? nimirum quia Carthaginenses bello nuali superauerat primus. Ciceroni rogato, atque in Vrbe commoranti decreta supplicationes sunt, quæ solam decerni solebant armatis, & rem in acie bene gerentibus Imperatoribus. Idem in Senatu, patriæ Patet est salutatus; quæ appellatio tam honorifica data erat antea nemini: Ob quæ verò promerita? incredibilia proculdubio & inaudita. Restinctis quippe Catilinæ facibus, Romam, quam seruauerat, ipsi propemodum Romulo par, de integro candidisse videbatur. Athenienses, ut externos etiam adeamus, Harmodio, & Aristogitonis statuas excitauit & posuerunt primas. Quia patriam suo maximo certissimòque periculo acerbissima seruitute liberauerant. Gorgiæ Leontino Delphis, veluti Deo, statua item posita, & dicata est aurea. Beneficium, ac promeritum si queramus, inuenimus diuinam illam dicendi artem fuisse Rhetoricam, quam ille docuerat, & mortalibus demonstrauerat primus. Quid pluribus est opus exemplis? Explicatè ac tanquam digito designauit Aristot. ipsa promerita mortalium & officia, quæ repositum honorem in eodem primo lib. Rhetoricorum his planè verbis. Illud autem beneficium honore dignum putatur, quod vel ad salutem, vitamque tuendam pertinet; vel ad opes, vel ad huiusmodi bonum aliquod, cuius haud facilis adeptio sit: vel nunquam, vel non eo loco, vel non eo tempore: multi enim propter res quasdam, quæ parue videntur, honorem assequuntur; sed id, aut propter modum, aut propter occasionem accidit. Ita decernit, & declarat Cicero quæ la oporteat esse honore digna pro-

merita & officia, quæ nos sæpenumero ipso generali honoris nomine significamus: quamquam hic nos non exiliter exigueque de honore agimus, nec omnia quæ de honore dici deberent, ad viuum rescamus: Erit enim locus alibi, ac potissimum in hoc extremo libro Ethicorum: ubi honor à laude secernitur, diciturque deberi tantum Deo, & iis, quæ sui gratia sunt, aliòque non referuntur. Quod ideo monitum volui, quia inde consequens est, sapientiæ tantum & scientiæ honorem deberi: virtutibus, quæ referuntur ad aliud, deberi laudem. Ergo ne resideat hic vlla vel dubitatio, vel suspicio, affirmatè pronuncio, sermonem hic esse de honore communi, non autem de illo, qui distinguitur & seungitur à laude: de virtutibus etiam, quæ referuntur ad alios hic disputari, non quidem vniuersis, sed de iis tantummodo, quæ singulariter ac meritis prouincunt aliis: hæc quippe quia modum egredi videntur humanum, & Dei beneficentiam illam amplissimam imitari, pro dūnis habentur à populo, & honore coluntur. Illud etiam, antequam ab hac honoris notione discedamus, est operæ pretium dicere, hunc honorem, quia virtutem significat, & honestatem, cum esse, quem contemnere non licet; quem videlicet rebus omnibus, ipsi etiam vitæ anteponeere debeamus: quem nobis eripere non possit inimicorum iniuria: quem alteri concedi non oporteat, quem nobis ipsis dare iure optimo, maximæque cum laude possimus. Hæc enim omnia iure conueniunt in virtutem & honestatem: quæ tamen haud ita propriè dicitur honor, sed metaphoricè tantum, quia nimirum proponitur & obicitur honoranti. Itaque

Secunda honoris notio magis propria tam est, cum hoc nomine ipsa significatur hominis honorantis actio proba, honesta, atque à virtute profecta, cuius officium est iudicare; honore illum esse dignum, qui alios, ac potissimum patriam beneficiens amplissimis exornauit. Discrimen inter has duas honoris notiones illud est maximum, quod honor ille pro virtute ac meritis usurpatus in honorato sit, hic autem qui pro ipsa honorantis actione ponitur, in honorante debeat omnino esse, cuius est actio. Id quod Seneca in epist. 103. pulcherrimè sic declarauit. Sicut laudare dignos honesta actio est, ita laudantis bonum est, cuius est actio, non nostrum, qui laudamur. Hæc eo loco Seneca de honorantis actione sic disputat, quemadmodum de aliis virtutibus discurrere soliti sumus. Ut enim iustitia, qua redditur unicuique suum, viri iusti esse dicitur, ita laus laudantium bonum esse videtur Seneca; quia virtus est, officiumque virtutis.

Tercia honoris notio materiam significat externam, & signum honoris exhibitum. Ex illo enim iudicio, quod de virtute alicuius insigni beneficæque voluntate iam habemus, quædam existunt signa, testificationesque, quibus idem iudicium declaramus. Hæc signa dicuntur ab Aristot. in primo lib. Rhetoricorum honoris genera, siue species: quo-

rum ipse recenset undecim: immolationes, monumenta & scripta, vel oratione, vel carmine, præmia certa, lucos, superiorem in sedendo locum, sepulcra, imagines, cibaria de publico, habitus adorantium, quibus videntur barbari, & conspectus euitationes; munera denique, quæ apud singulas gentes habentur in pretio. Quæ profectò signa varia dicuntur esse honoris genera, quia vnumquodque signum ex his honor à nobis existimatur & dicitur.

Ex his ergo tam multis, variisque notionibus honoris, totius componendæ quæstionis oritur accommodatissima ratio.

Nam quod attinet ad argumenta illa, priorem Aristotelis oppugnantia rationem, qua dicitur honor esse in honorante, puto rem satis expositam ex honoris notione multiplici, ac potissimum ex secunda. Omnes enim illæ argumentationes in eo posite sunt, ut honorem velint in illo esse, cuius est honor: quod verissimè dicitur, sed videndum est quid honoris nomine intelligamus. Nam si honor ipsa est honorantis actio, non quidem ex transcuntium genere, quod pro comperto sumebant aduersarij; sed ex eorum, quæ appellantur immanentes, est in honorante: sic tamen appellationem dare potest honorato, quemadmodum visus atque à se perspectis rebus appellationem item impertitur oculus videntis. Est autem hæc actio posita in iudicio quodam de aliorum virtute præclara: in quo iudicio ipsa videtur esse honoris intima vis & natura, quemadmodum egregiè Seneca docet in epistola illa centesima tertia. Licet vir bonus taceat, inquit, sed aliquem iudicet dignum laude, laudatus est. Et cum dicimus aliquem laude dignum, non verba illa benigna hominum, sed iudicia promittimus: ergo laus etiam taciti, est benè sentientis, ac bonum virum apud se laudantis: deinde ut dixi, ad animum refertur laus, non ad verba, quæ conceptam laudem egerunt, & in notitiam plurium emittunt. Rectè sic Seneca, quod ad principem honoris partem, & intimam essentiam attinet: sed tamen huic iudicio signa etiam accedant oportet, ut ille perficiatur, & absoluantur numeris suis honor, quem verè honorem esse omnes intelligunt: quæ profectò signa sunt aduentitia, & per accidens adiunguntur: quia non possumus aliter animi nostri iudicium, opinionemque declarare mortalibus. Quare Deum ipsum, cui omne corpus patet, & omnis voluntas loquitur, fas est nullis etiam adhibitis argumentis ac signis externis, solo iudicio ac voluntate honorare. De hac igitur honoris essentia, quæ principem obtinet in honore locum, verba fecit Aristoteles, cum dixit, honorem esse in honorante: in quam adeo frustra incurrunt ij, qui contendunt, honorem esse illius, qui denominatur honoratus; cum huiusmodi honor sit immanens honorantis actio, nec in honorato possit esse, nisi ut docet Albertus, obiectiuè. Id quod in illud etiam conuenit, quod adiungebant, cum dicerent, vnumquodque illius esse debere, cui tribuitur: verè quippe id di-

citur, sed est eius, cui tribuitur vel obiectiuè, vel subiectiuè: obiectiuè, si tribuētis actio sic immanens, sitransiens, etiam subiectiuè. Neque verò alia ratio dedecoris, atque infamix, vel ignominix est. In his enim distinguimus vtrūque, actionem, & signum externum: adeoque actio est dedecorantis, atque inurentis infamiam, signum ab eodem exhibitum, & sæpè transiens est in dedecorato. Quæ verò de præmio sic asserunt, Præmium est eius, cui conuenit, & debetur præmium: honor virtutis præmium est, &c. hæc, inquam, eodem, planè modo soluuntur. In præmio enim virtutis duo illa sunt, actio, & externa significatio, siue signum: actio iudicantis atque afficientis præmio virtutem, non est in virtute prædito, nisi tantum obiectiuè. Quia tamen honor cum dicitur esse virtutis præmium, non iudicium tantum, in quo est essentia, continet, sed signa præterea ad essentiam extrinsecus accedentia, inter quæ nonnulla videntur esse transcuntia; quæ sunt prima subsellia, sepulcra, munera, cibaria de publico, concedi ac dari potest, aliqua eiusmodi præmia esse in eo, qui præmio afficitur, & honoratur; cum ad eum ab honorante transierint. In quam sententiam ita loquitur idem Seneca in epist. illa 103. Si laudem laudantis bonum esse dicitis, tam ridiculam rem profertis, quam si affirmaretis, meum esse, quod alius benè valeat. Spectauit enim hæc haud dubiè Seneca externa illa honore, & laudis signa, quæ transitum faciunt in honoratos, non actionem laudantis, & honorantis iudicium, quod est officium virtutis in ipso immanens, de quo tantum disputat Aristoteles, ut multis supra iam exposuimus. Non tamen hæc signa semper eiusmodi sunt, ut transcant in eum, qui significationibus externis honoratur & afficitur præmio. Nam adorationes, siue adorantium habitus illi varij, illæque conspectus euitationes, quibus uti Barbaros honorandis Principibus dixit, non sunt ex genere transcuntium.

Prima igitur Aristotelis Ratio istorum argumentationibus euerfa & labefacta non est. Sequitur, ut secundam etiam vindicemus quæ honorem non esse beatitudinem ideo contendit, quod non propter, sed ob nostræ testificationem excellentiæ, quam vehementer cupimus, expetatur. Ad hanc enim deiciendam proferunt primum duos illos ex Aristotele locos: in quibus dici videtur honor à beatitudine nihil omnino differre. quo fiat, ut inconstans Aristoteles sit, & dissimilis sibi: qui tam apertè pronunciet hic, in honore non esse positam felicitatem.

Sed sciendum est: verum propriumque virtutis præmium, ut docet D. Thom. in prima 2. quæst. 2. artic. 2. ad primum, non esse honorem. Neque enim virtute præstabilis viri, ideo tantum honestè agunt, ut honorem adipiscantur. Sed tamen honorem ipsum accipiunt loco præmij; quod intelligant, ita factos esse mortales, ut maius aliquid dare non queant. Verum ergo, gera-

manumque virtutis primum est felicitas, ac beatitudo: ad quam probi viri honesta grafantur via nec alios nisi ambitiosos, ac simulatos quosdam reperias, qui fucatae virtuti suum honorem tantummodo primum velint. Itaque cum Aristoteles in primo Ethicor. cap. 9. virtutis primum dixit esse beatitudinem, de primario locutus est & vero premio permanere solidæque virtutis. Cum autem in lib. 4. cap. 3. confirmavit, honorem esse virtutis primum; secundarium intelligi voluit & vulgare, quod ab iis accipere necesse est, quibus nihil amplius supererit aut maius. Non ergo sequitur ex iis, quæ duobus locis exposita sunt ab Aristotele, honorem esse beatitudinem, sed potius ex beatitudine nasci, & eundem virtutis esse primum aduentitium, & quodammodo secundarium.

Atque ita secundum etiam istorum argumentum collabitur quo dicebat, honorem deberi Deo, & rebus excellentissimis, quibus beatitudo debetur. hinc enim fieri volebant, honorem, ipsam omnino beatitudinem esse. Ruit, inquam, hæc argumentandi ratio. quia honor, quem Deo tribuimus, & rebus excellentissimis, ex beatitudine atque excellentia nascitur, quam in iis esse intelligimus. ac propterea inuenit honor in iis, non ponit excellentiam, quam honore prosequimur. Igitur honor ille, quem tribuimus Deo, non est Dei Beatitudo, & excellentia; sed aliquid illi debitum excellentiæ ac celsitati. Male adeo dicitur, illud esse beatitudinem, quod à nobis debetur Deo. sed verè dicitur, ipsi Deo conuenire beatitudinem. conuenit enim illi natura sua; conuenit honor à nobis exhibitus ob excellentiam & beatitudinem quam obtinet infinitam.

Ad tertium hæc responsio esse potest: homines honorem rebus antepone omnibus, vna tamen excepta beatitudine, ad quam ipsum etiam referunt atque allegant honorem. Idcirco enim honorem anteferunt ceteris, quia signum est excellentiæ: beatitudo autem, ut sæpe diximus, excellentia est. Quare dictum verè ab Aristotele fuit, velle nos & cupere maximè à sapientibus honorari, quia ex eorum iudicio credimus nos excellentes & felices esse. Ita enim homines sunt, ut aliorum de se iudicio atque orationi maiorem fidem habeant, quam sibi & conscientiæ suæ. Itaque idem Aristot. in lib. Eth. 8. Letantur, inquit, tales homines, eorum quid dicunt iudicio credentes. & in Rhetor. lib. 2. planius & expressius id in hunc modum declarat. Honos & bona fama in rebus iucundissimis numeranda sunt. quia se quisque cogitatione talem, & virum bonum depingit, multoque magis, cum hoc dicunt ij, quos vera loqui arbitratur. Quod si quispiam plus honorem quam beatitudinem, ac felicitatem diligit, is ambitione tenetur impudenti: & quoniam bonus mauult videri quam esse, in moribus, vt ait Buridanus, Sophista esse dicitur, & hypocrita.

QVÆSTIO QVARTA.

An Felicitas in Virtute, siue in Virtutis habitu posita sit.

NEcesse est initio ipsam huiusce quæstionis sententiam, ac titulum declarare. quod erit ex usu, non huic disputationi tantum; verum etiam aliis, quas antè tractauimus, aut tractaturi postmodum sumus, intelligendis.

Partiendum igitur hic & distinguendum puto felicitatis nomen, quod significatione multiplex, atque ambiguum est. Vsurpatur enim, & sæpe capitur pro statu summè expectando, atque optatissimo iucundissimoque omnium, quos homo nancisci, aut consequi in vita possit. Neque enim de illa quæ secundum obitum nos manet beatitudine sempiterna, quicquam dicimus in præsentia. Hæc verò felicitas, quæ huiusmodi est, definitur à Boëthio in 3. de Consolat. Status omnium bonorum aggregatione perfectus. vt intelligamus; esse hunc statum, & beatitudinem aliquid vnum, non quidem simpliciter aliqua constans forma, sed ordine, integritate, & compositione constatum: ea plane ratione ac modo, quo mundus dicitur, aut exercitus vnus, quia partium integra compositione constant & ordine. Continet quippe huiusmodi felicitas omnia, quæ vir bonus habere mallet, quam non habere; cuiusmodi sunt, tum intelligentiæ, tum voluntatis virtutes omnes, earundem actiones obsequentes, ac faciles; corporis valetudinem, honestam formam, diuitias, & alia bona, de quibus erit dicendum ac disputandum in loco. Atqui hanc sine dubio felicitatem significauit Aristoteles, cum dixit in hoc lib. primo Moral. non omnino felicem esse, qui turpissimus sit, ignobilis, solitarius, sine liberis: aut cum docuit hominem, quantumvis bonum, infortuniis tamen laborantem insignibus, & casibus vehementer agitarum aduersis, omnino planèque felicem non esse. De qua felicitatis notione nulla hic à nobis instituitur, & proponitur quæstio: quia certum est, & in confesso, in sola virtute, aut in virtutis actione non esse positam eiusmodi felicitatem, quæ omnium bonorum comprehensione constatur.

Est igitur hæc instituta disputatio de altera felicitatis notione, quæ superioris videtur esse quodammodo pars. Ponitur enim, atque accipitur huiusmodi felicitas pro vno aliquo, ac simplici bono, quoddam inter cetera, quæ possunt homini congruere, & eiusdem componere felicitatem, est optimum. Quapropter quærere: An felicitas virtus sit, nihil prorsus est aliud quam quærere: An inter ea bona, quæ constituunt, & componunt felicitatem, Virtus principem obtineat locum, & optima sit. vbi hoc etiam oportebit animaduertere; de habitu Virtutis hanc esse propositam quæstionem, qui comparari non potest

test nisi cum eiusdem actione Virtutis, cum cetera prorsus omnia ipsa sint inferiora, & minora virtute. Quærimus ergo, ut dicatur in summa, habitusne Virtutis actione, an actio sit virtute perfectior. In eo enim, quod est, est perfectius non ipsa quidem tota beatitudinis integræ vis, sed maior aliqua ratio felicitatis. Atque hoc fuit, quod supra deprecevimus, cum diximus, in honore idcirco non esse felicitatem, quia honorem referimus ad virtutem, cuius est significatio. Non enim significauimus, in virtute locatam esse totam plane felicitatem, sed in ea maiorem esse rationem felicitatis, quam in honore.

Quibus ita de statu questionis expositis, totaque sententia sic explicata,

Video mihi hanc futuram esse concertationem cum Stoicis, potissimamque cum Seneca Stoicæ disciplinæ primo vindice, acerrimoque, ut leuissimè dicam, assertore. Nam in vna virtute solitarie totam esse constituendam felicitatem ita pugnaciter affirmat, ut eius reformidanda vel grauitas, vel declamatio sit. Diserte quippe in lib. de Vita beata, virtutem eam esse proclamat, ultra quam nihil experitur. Erras, inquit, cum interrogas, quid sis illud, propter quod virtutes petantur: quæris enim aliquid supra summum. Interrogas quid petam ex virtute ipsa? nihil melius habet, quam se ipsam. Et in epist. 77. In homine nihil ad rem pertinet quantum ariet, quantum sceneret, à quam multis saluteretur; quam pretioso incumbat lecto, quam persucido poculo bibat: sed quam bonus sit, bonus autem est, si ratio explicata, & recta est, & ad naturæ suæ voluntatem accommodata. Hæc vocatur virtus: hoc est honestum, & vnicum hominis bonum. Nam cum sola ratio perficiat hominem, sola ratio beatum facit. Hæc ita pronuntiat Seneca, quæ sine dubio de Virtutis habitu vult intelligi. Nam alibi, virtutis actionem & opus commendat quidem, sed ostendit ipsa imperfectius esse virtute. Sic ergo in eadem epist. disputat: Dicimus & illa esse bona, quæ à Virtute profecta, contrariaque sunt: id est, opera eius omnia: sed ideo ipsa vnum bonum est, quia nullum sine illa est. Non poterat rem planius explicare: diserte quippe vltimis hinc verbis significat, idcirco virtutis actionem, & opus imperfectius esse virtute, quia quicquid bonitatis, aut perfectionis habet, ipsi Virtuti referre debet acceptum. Idem tradere videtur in epist. 72. Hoc liqueat, inquit, nihil esse bonum, nisi honestum: & omnia incommoda bona sunt, quæ modo virtus honestauerit. Et paulo post: Quid ergo inquis? iacere in conuiuio, & torqueri paria sunt? Hoc mirum videtur tibi? Illud licet magis admireris. Iacere in conuiuio malum est; torqueri in equaleo bonum est, si illud turpiter, hoc honestè sit: bona ista, aut mala non efficiunt materia, sed Virtus, hæc ubi apparuit, omnia eiusdem mensuræ

ac pretij sunt. His, inquam, aliisque locis, propemodum infinitis demonstrauit, omnia etiam ipsa virtutis opera inferiora esse Virtute, & quod inde consequens est, in Virtute summam, & vim omnem positam esse felicitatis: est enim hæc illi aliquid excellentissimum, vltimum, & rebus omnibus anteposendum.

Sed nos Aristotelem secuti Principem ac ducem, dicamus necesse est, in Virtutis habitu non esse felicitatem, siue quod idem est, Virtutis habitum non esse bonum excellentissimum, atque optimum inter ea, quæ integram, absolutamque beatitudinem faciunt: idque demonstratum ab eo satis esse duabus ex causis. Quarum prima est: quod fieri possit, ut aliquis habitu Virtutis instructus, ac pollens, vel dormiat, vel instrumentis destitutus Virtutis, quales diuitiæ sunt, si liberalitatem intuearis, vel alio demum occupatus impedimento, nihil agat in vita. Is verò qui neque mente, neque voluntate quicquam agit, beatus esse non potest. Secunda: Quia vir habitu virtutis eximie præditus incidit sæpe in res aduersas, & calamitates insignes: quæ faciunt, ut beatus dici non possit, nisi ab iis, qui res incredubiles & paradoxa defendunt.

Prior illa Aristotelis ratio nihil vinceret, nisi poneret vnum, quod est exploratum ac certum: beatitudinem nimirum esse aliquid absolutum ac perfectum: habitum vero quemlibet esse quiddam imperfectum, nec rebus absolutum omnibus, quæram accessionis est capax. Quamquam enim habitus ipsam perficit potentiam, eam idoneam reddens ad agendum, ut docet Auerr. postrema ratio, & explorata perfectio non est in habitu, sed in opere, atque in actione ab habitu profecta. Quare habitus illa propria, intimaque perfectio, quam potentia tribuit, est, quemadmodum docet Albertus, similis somno: actio vero vigilæ similis. Quo fit, ut sicut vigilæ melior somno est, ita ipso habitu sit perfectior actio. Quæ ratio promoueri facile potest, & sic ampliare.

Quod est secundum se ac per se ipsum optabile, id ex Aristotele perfectius est; quam quod est optabile, propter aliud. Virtutem optamus ideo, eligimusque, quod existimamus ita fieri nos posse felices: ergo Virtutem propter felicitatem eligimus: sed feliciores nos putamus ex opere, atque actione Virtutis esse, quam ex habitu. Idcirco Virtutem propter actionem magis, quam propter habitum eligimus & optamus. Putare verò feliciores ab actione nos esse, liquet ex eo, quod beatiores nobis nos esse videamur ob id, quod magis habet rationem finis. Rationem autem finis multo sanè magis habet actio, quam habitus. Deinde melius quiddam, atque excellentius est ex virtute agere, quam habere Virtutem: eo planè modo, quo indicamus excellentius, atque optabilius esse uti diuitiis, quam diuitias possidere. Quare in Olympiacis ludis, ut ait Aristoteles non fortissimè aut optimè

sed ludentes, pugnantes, vincentesque con-
tonantur.

Cum ergo felicitas excellentissimo con-
ueniat statui ex definitione Boëthij, ma-
gis actioni debetur, in qua status est
excellenter, quam habitui, cuius in sta-
tu non tanta præstantia, atque excellen-
tia est. Præterea felicitas est aliquid sibi
satis, omnique cumulatum ex parte: sic
propterea, ut ubi in eius possessionem vene-
rimus, nihil eligamus amplius, aut expe-
ctamus. Sed animus, ipsa etiam parva vir-
tute, aliquid optat & vult amplius; hoc est,
agere ex virtute. ergo virtus sibi ipsi non
est satis, nec bonum omnibus omnino
partibus exaggeratum. Alteram felicitati
qualitatem, & notam adiecit Aristote-
les, ex qua licet haud infirmam proferre
rationem. hanc etiam notam ait esse sum-
mam, æquandam iucunditatem, ac delecta-
tionem, quam affert beato felicitas, cum
sit aliquid iucundissimum. At maior ex
actionibus, quam ex habitu iucunditas, &
delectatio capitur: immo verò ab actioni-
bus virtutis, ut ait Aristoteles in horum
lib. Moral. 10. separari non potest delecta-
tio. Ergo in virtutis actionibus amplior
est ratio felicitatis, quam in virtute. Tria
denique capita sunt, ex quibus eundem du-
ci rationes queunt ad ea confirmanda, que
hinc loco demonstrare contendimus. Pri-
mum quidem est propositum, quod dicitur ob-
iectum virtutes quippe, & earum opera non
à potentis modo, atque ab anima, ve-
rum etiam ab obiectis hauriunt excellen-
tiam, ac bonitatem, sic, inquam, ut verè
concludere possimus, ex iis, quæ in eo-
dem obiecto versantur, id excellentius esse,
atque præstantius, quod propinquius at-
tingit obiectum, ac magis intus contue-
tur. Sed actio ex propinquiori videtur ob-
iectum attingere, ac propius intueri, quam
habitus: quemadmodum intelligere licet
ex Sapientia: cuius contemplatio pro-
pinquius sine dubio contuetur Deum, quam
eiusdem habitus à contemplatione seiun-
ctus. Igitur actio virtutis, si attingendi ra-
tionem obiecti consideres, est excellen-
tior. Secundum caput est ratio causæ, quæ
videtur id postulare, ut præstantior, ex-
cellentiorque sit, quam quod ab eadem
causâ progignitur. Actio verò multo ma-
gis est causâ virtutis, quam virtus actio-
nis. Non enim potest virtus nisi bonis &
rectis ex actionibus nasci, cum habitus
sit: ipsæ autem bonæ, rectæque actiones
à virtutis habitu necessariò non oriuntur;
cum ab ipsâ existere animi potentia libera
possint, nullo virtutis habitu communita,
sed instructa libertate. licet enim & fas est
homini quantumvis malo, prauoque in bo-
num aliquem, ac rectum actum ex suo ip-
sius arbitrio potentiaque prodire, raro qui-
dem, sed tamen licet. Tertium caput est
hæc ipsa potestas & ditio quam in nostras
actiones obtemus. Potest enim ex hoc fon-

te duci hæc argumentatio. Ex iis, quæ sunt
in nostra potestate laudandi sumus, aut
vituperandi, quod docet Aristoteles in
Rhetoricis. ergo ex iis, quæ magis in no-
stra potestate sunt, magis laudandi eri-
mus, aut magis vituperandi. Sed actio-
nes magis in nostra sunt potestate, quam
habitus. Igitur ex actionibus laudandi
magis, aut vituperandi sumus, quam ex
habitu: & quod libere necessariò conse-
quens est, actiones excellentiores, aut de-
teriores habitibus sunt. Ex iis enim lau-
damur, quæ sunt excellentia, & ex iis lau-
damur magis, quæ sunt excellentiora:
quod est notissimum. Demonstrandum tan-
taminus esset amplius, & pluribus, in
nostra potestate magis actiones esse, quam
habitus. sed explicatè id docuit Aristote-
les in horum lib. Moral. 3. affirmans actio-
num à principio ad finem usque nos esse
dominos: habitum autem à principio tan-
tum. Vbi enim hæsit in animo, dispungi,
ac deleri pro arbitratu non potest. Adde,
quod ne à principio quidem domini su-
mus habituum, nisi propter ea, quod do-
mini sumus earum actionum, & quibus exi-
sit ac gignitur.

Hæc de primâ illâ Aristotelis Ratione
dicta, & disputata esse sic volumus. Re-
stat altera, quæ petitur ab infortuniis,
& casibus aduersis, quibus expositi sunt,
& sæpe iactantur Viri plerique virtute in-
signes, ac probitate. Et verò, si rem ve-
limus diligentius inueneri, inueniemus eius-
modi homines multo grauioribus aduersæ
fortünæ incommodis agitari, quam ce-
teros. Itaque veterum philosophorum, qui
rectè religionis nondum lucem aspexe-
rant, de diuina providentis conuestiones
max sunt plures, dubitationes infinitæ.
Non enim vnus est Claudianus, qui sic ex-
postulet.

*Sæpe mihi dubiam traxit sententia men-
tem.*

*Curarem Superi terras, an nullus inesset
Rector, & incerto fuerent mortalia casu.
Nam cum disposui quæsissem fœdera mundi,
Prescriptosque maris fines, amique mea-
tus.*

*Et lucis, nullisque vices; tunc omnia re-
bar.*

Consilio firmata Dei. &c.

*Sed cum res hominum tanta caligine voli-
mi.*

*Aspicere; lætisque diu florere nocentes;
Vexarique pios, rursus labefacta cadebat
Religio. &c.*

Nec vnus Ouidius ex infelicitate bonorum
sua indignatur.

*Cum rapiam mala fata bonis, ignoscite fasso:
Solicitor nullos esse putare Deos.*

Sed doctiores etiam homines prudentiores-
que usque adeo illa cogitatione torqueban-
tur, ut Seneca, qui putabatur omnium sapien-
tissimus, necesse habuerit, cum de providentia
libellum scribere: in quo bene longa disputa-

nione huic quaestioni respondet, quam initio proposuerat. Quare multa bonis viris aduersa eueniunt? Cum ergo boni, & virtute ornatissimi viri sepius sint infortunati, iure demonstrat Aristoteles, in virtute non esse positam felicitatem, cum qua coniungatur interdum infelicitas maxima. Quæ ratio conuenit propriè in eam felicitatem, quæ dicitur esse perfectus, & ex omnium bonorum aggregatione compositus status, cui bona fortunæ deesse non debent, sed tamen cadere potest in hæc etiam de qua loquimur. Erat à nobis hoc argumentum tractandum iterum infra in cap. 10. vbi ait Aristoteles, neminem esse, qui Priamum quantumuis bonum ac probum, in tantum tamen infortunium, calamitatemque delapsum, felicem iudicet, ac beatum. Quæ propter quicquid hoc loco dici præterea posset, in eum locum tempusque relinamus: occurrantque potius argumentis, quæ aduersus priorem illam rationem iactantur à multis plurima, nec contemnenda.

Quædam aduersus superiorem Disputationem argumenta proponuntur, & euertuntur.

ANTEQUAM argumenta proponamus, quæ priorem illam Aristotelis rationem, virtutis actionem, & opus ipsi anteponentem Virtuti videntur irritam & cassam reddere, quædam animaduertamus oportet, ut via sit ad respondendum apertior. Ac primò quidem id intueendum diligenter, & considerandum puto: actionum, operumque virtutis esse duo genera: vnum eorum quæ sunt à virtute, vel à potentia, in quâ virtus est, & in eadem immanent, ac propterea dicuntur actiones immanentes: cuiusmodi est, ratiocinari, iudicare, eligere, velle, appetere. Alterum genus eorum est, quæ imperantur, & in res transeunt externas, ac propterea transeuntes actiones appellantur. cuiusmodi videtur esse largiri petentibus, aut indigentibus, bellum gerere cum hostibus, vnicuique suum tribuere; & quod in negatione positum est, ut à delectationibus immodicis abstinere. In plerisque enim Virtutibus vtrumque genus actionum operumque reperimus, vnum, quod immanet, imperatque; alterum, quod transit aliò, ac facit imperata. Ergo, ut intelligamus quo de genere actionum locuti simus, cum in hac disputatione diximus ac demonstrauimus, actiones esse ipsa Virtute præstantiores, cognoscendum est illud: actiones Virtutum transeuntes non esse meliores virtutibus, aut actionibus immanentibus. hæc quippe dirigentes sunt & imperantes: illæ imperata faciunt, & diriguntur. Verissimè enim dicitur quod omnium Philosophorum voce pronuncietur: imperans quodlibet, & dirigens, imperato & directo excellentius esse atque perfectius. Ad hæc. Actiones immanentes & virtutes, animam intimè, penitus-

que decorant, & cõhonestant; actiones verò transeuntes ornant eandem extrinsecus. Melius autem præstantiusque videtur id, quòd intimè animam perficit, quàm quod eam solum extrinsecus ornat. Itaque ex his planissimè constat, ea, quæ supra iam exposita, & decreta sunt, non de transeuntibus Virtutum actionibus, sed de immanentibus accipi oportere. Illæ quippe Virtutibus sine dubio deteriores sunt, hæc præstantiores, ut grauibz rationum momentis est demonstratum.

Animaduertendum deinde est: nos, cum dicimus, actionem Virtutis non necessariò ab habitu proficisci, nec ab eo pendere, aut totam accipere perfectionem, & excellentiam, non id significare: actionem virtutis, quæ non à facultate modò libera, verum etiam à virtute profertur & gignitur, non esse præstantiorem ea, quæ tantummodo producit à potentia & libertate. Ab habitu enim facultas ipsa & potentia perficitur, ut bene semper agat, & cum facilitate quadam, ac incunctate suo munere perfungatur. quare actio illa, & Virtutis opus ab eiusmodi profectum potentia id habebit amplius, ut non ab obiecto solum, verum etiam à potentia perfecta, & habitu ornata suo, excellentiam mutuetur. His animaduertis, Primum quod opponi potest argumentum hoc sit. In eo magis est posita felicitas, quod bonum est non quidem ex bonitate, quæ petatur aliunde, sed ex sua. Virtus est ex se bona: opus verò, actione Virtutis bona est à virtute, non ex se. Igitur in virtute magis, quàm in actione videtur esse collocanda felicitas. Virtutis autem actionem non esse bonam per se, sed ex virtute probatur ex eo, quòd idem opus secundum substantiam, nunc bonum, nunc malum esse potest. Largiri enim pecuniam, aut epulum egenti populo dare in Ciuitate, interdum benignitas, interdum ambitio est, & corruptela. huius verò difterminis alia profectò causa non est, nisi quia eadem actio, si à virtute nascatur, est bona: sin minus, improba est, & infecta malitia. Docuisse videtur hæc Aristoteles, in horum secundo Moral. vbi ait, virtutem omnem cum bene habentem reddere, in quo est, & eiusdem virtutis opus bonum facere. Igitur ex Aristotele virtutis opus non est ex se bonum, sed à virtute.

Concedendum & dandum id est, quod initio ponitur. in eo magis esse positam felicitatem, quod est ex se bonum, quàm in eo quod est bonum ex alio. Sed negandum est quod in altera Propositione sumitur. Nam primò quidem virtus non est ex se bona, sed ex actione, à qua, & cuius causa progignitur habitus. Itaque rectè ait Aristoteles ædificatores bonos, hoc est eos, qui ædificandi polent habitu, ab ædificatione bona, hoc est, ab actione suam consequi appellationem, & vim. Actio deinde ipsa & opus virtutis quamque bonitatem accipit ex fine, atque ab obiecto, non tamen accipit ex alio eo modo, quo illi contendunt, quia cum accipere di-

cunt ex alio, intelligunt ex aliquo intrinsecè perficiente potentiam, qualis est habitus, quod falsum est. Quod verò addunt eodem planè de opere nunc bono, nunc malo, postulat, vt nunc repetamus aliquid altius, & de honesta hominis actione multiplici breuiter explicemus. Est enim inter actiones Virtutis certa quædam vltima, & postrema, vel vt aliqui loquuntur, finalissima, ceteras actiones, earumque fines facultate continens, ac potestate, cuiusmodi perfecta Dei contemplatio esse dicitur ab omnibus. Hæc ergo non potest esse nunc mala, nunc bona: sed semper ac necessariò bona est; quia vnà cum virtute alias omnes actiones hominis bonas, earumque fines item bonos, honestosque complectitur, adeoque integram semper habet causam bonitatis. Aliæ verò sunt actiones, in quibus non est ille finis vltimus, & quemadmodum iidem dicunt, finalissimus hominis: quales esse videmus Virtutum moralium actiones peculiare, ac proprias. Hæ duplici notantur & distinguuntur à Philosophis differentia, vt significant ac declarent qua ratione interdum esse bonæ possint, interdum malæ. Dicunt igitur, eiusmodi actiones interdum accipi à nobis, intelligique materialiter, interdum formaliter & perfectè, materialiter accipi confirmant, cum ipsa solidum actionis materia, siue substantia consideratur, nullis imbuta circumstantiis, à quibus actio omnem, vel malitiam sumit, vel bonitatem. formaliter autem cū omnibus est instructa conditionibus, quæ faciunt, vt vel bona dici vel mala possit. Itaque concedunt, eandem actionem materialiter acceptam, bonam interdum esse posse, interdum malam: sed negant acceptam formaliter nunc improbitatem habere, nunc bonitatem. Cū enim formalis actio ea sit, quæ circumstantiis ornata est vniuersis, vel improba necessariò est, vel necessariò bona. Ex hac igitur explicatione moralium actionum respondere sic licet, eandem materialiter acceptam actionem nunc bonam, nunc improbam esse; eandem formaliter, vel probam vel malam esse necessariò oportere: non tamen esse, nunc bonam, nunc malam propter habitum nominatim, sed propter finem aliasque circumstantias, quæ faciunt, vt vel bona, vel mala sit appellanda. Quare negandum est, eandem actionem, cū bona est, esse bonam, quia promittitur à bono virtutis habitu; cū est improba, improbam esse, quia funditur à vitio. Improbitatem enim, aut bonitatem petit à fine, turpi vel honesto, & ex eo, quod rectæ rationi, vel dissentanea sit, vel consentanea. Conceditur quidem ab omnibus, vt supra etiam indicauimus, actiones à virtute perfectas esse bonas, ortas à vitio, improbas esse, non tamen hinc consequens est, vt actiones bonæ, cunctæ sint à virtute, ab habitu malitiæ malæ. Possumus enim voluntatis liberæ vi, ipso etiam imbuti habitu vitii, bene aliquid agere. Quod attinet ad Aristotelem atri-

mantem, virtutem eam esse, quæ bonum reddat opus, & actionem, dicendum est, illum id sibi tantummodo velle; Virtutem in impertienda bonis actionibus bonitate, aliquem quidem habere locum, sed postremum; certè non principem, ac præcipuum. hunc enim principem obtinet finis honestus, & facultas animi libera, quæ sine vlllo virtutis habitu prodire potest in bonum, & probabilem actum, atque id facere, quod præscribit honestas, & rectæ rationis imperat certissima lex. Virtus tamen, cū adest, aliquid etiam confert ad probitatem actionis; sed, vt dicebam, extremo id propè loco ponendum est. Reddit enim opus bonum propterea solum, quòd roborat, confirmetque potentiam ita, vt quæ ante difficillimè, ac molestissimè poterat bene agere, facillimè postea, iucundissimèque honestatem ac bonum complectatur.

Secundum Argumentum. Virtus est per se expetenda, & digna quæ ab animo diligatur, eligaturque, tametsi nullum ab ea nasceretur opus. Perficit enim animum ipsum, ac potentiam, ideòque sine vlllo prorsus opere, animi perfectio est. Igitur in virtute magis, quàm in opere videtur esse felicitas. Ac potest quidem his conciliari fides ab Aristotelis auctoritate: qui in hoc primo Moralium libro ait disertissimè, Virtutem nos eligere propter ipsam. Respondeo: Virtutem cum relatione ad actionem esse per se expetendam, & optabilem: sine relatione non esse, nec perficere potentiam, aut animam, nisi quia reddit illam idoneam ad bene agendum. Itaque, si nullum ab ea vel existeret, vel existeret saltem opus & actio posset, nullam animo potentiaæ perfectionem impertiretur. suam enim ipsa bonitatem, & perfectionem sumit ab actione, quemadmodum, similitudine ab ædificatore petita, declarauit Aristoteles. Vt enim boni ædificatori habitus perfectionem accipit ab ædificatione bona, sic virtus petit & desumit suam ab actione. Itaque cū dixit Aristoteles Virtutem esse per se, aut propter ipsam expetendam, Virtutem tunc, vel cum actu, vel cum aliqua relatione coniunxit ad actum.

Tertium: Felicitatem humanam id omnes intelligimus esse, quod homini optimum est. Igitur in eo magis est posita, quòd magis efficit hominem bonum, & in eo est absolutè perfectèque ponenda, quod eundem hominem efficit optimum: sed magis ob virtutem dicimus hominem simpliciter bonum, aut optimum, quàm ob actionem, & opus virtutis. Nam quemadmodum non eum dicimus bonum Musicum, qui bene quandoque modulatus & probatus semel ab auditoribus sit: sed qui frequenter hæc rectè faciat, æquabiliter & ex habitu: ita probos & bonos viros non eos quidem, qui vnam, aut alteram actionem proferant aliquando

bonam appellamus, sed qui ex firmata iam adultaque virtute, facile ac nullo prope labore agunt quod recte rationi consentaneum esse intelligunt. Ergo magis à virtute sunt, & dicuntur homines boni, quam ab actione virtutis, adeoque magis est in virtute quam in virtutis actione ponenda felicitas. Id quod amplius ex eo probatur; quod habitus bonus ac virtus in nemine possit esse, qui bonus non sit, actioque virtutis esse queat etiam in homine malo. Potest enim aliquis quantumvis improbus, & vitiis affectus diuturnis, ex arbitrii ac voluntatis libertate potestate bene agere: quod ab ipso didicimus Aristotele in horum Moralium lib. 3. ubi ait, semper nos esse dominos actionum nostrarum; nostrorum autem habituum haud plane semper; sed initio tantum: cum videlicet incipimus agere, & habitus fundamenta quodammodo ponimus. Quin docere videtur eadem Aristoteles apertius in lib. 5. Moralium, a firmans damnum atque iniuriam ex ira, vel ex alia quapiam animi perturbatione inferentes, peccare quidem atque iniuriam facere, non tamen propterea iniuriosos aut malos dici, quia non ex habitu improbitatis & malitiae nocent. Hinc enim argumentationem à Contrario ducere licet, ac dicere, non ex actione iusta hominem dici iustum ac bonum, sed ex eius habitu virtutis adulto iam in animo & roborato.

Huius argumento respondendum est, concedendis iis quae dicuntur initio, beatitudinem nimirum esse aliquid optimum, & in eo magis esse positam, quo magis homo redditur bonus, aut simpliciter optimus. Non tamen est verum; virtute magis, & habitu ipso tantum ac solitarie, quam actione virtutis eundem hominem effici bonum. Quanquam enim habitu cum actione coniuncto redditur magis bonus; habitu tamen solo, de quo loquimur, non redditur magis bonus; immo nullo modo redditur bonus, nisi habitus aliquo modo referatur ad actum. Quod attinet ad nostrum de Musico ac de aliis huiusmodi iudicium, respondeo, nos ita iudicare per accidens in actionibus externis, quae ita bonae sunt, si ab intimis etiam bonis proficiantur. Intimae verò, & haerentes immanentesque in animo actiones occultae sunt, nec possunt nobis aperte declarare, verum ille, qui agit, & ipsa verèque sit bonus, quemadmodum in speciem praeseferat, potest enim fieri agere, atque eminentiam gerere faciem improbitatis. Itaque nisi videamus eum frequenter & quabiliterque bene agere, bonum esse non iudicamus. Hinc autem nihil sequitur aliud, quam eam actionem externam, à qua bonus dicitur vir, si nostrum ipsorum habeas rationem, ab habitu produci oportere, quia de bonitate aliter iudicare non possumus. Non sequitur tamen, habitum omnino in eo esse oportere, qui verè sit bonus. Quantum enim attinet ad intimas immanentesque animi actiones, de quibus est sermo, vna tantummodo redditur homo bonus. Cum verò dicitur amplius, virtutem solam esse,

quae faciat hominem verè absolutèque bonum, ut constat ex eo quod virtutis actio etiam esse possit in malo; respondendum iterum est, actionem illam hominis, quam dicunt finalissimam, hoc est, perfectissimam Dei contemplationem, ceteras actiones virtutum omnium, earumque fines veluti potestate continentem, non posse in homine malo reperiri, nec eam posse aliquem adipisci, qui totam vniuersamque bonitatem hominis, quanta quanta est, non fuerit adeptus, ac sit simpliciter bonus. Nemo quippe Deum intelligere perfectè potest, nisi perfectè sit bonus, earumque comprehensionem virtutum consecutus sit, quae tam excellenti contemplationi facere ac munire debeat viam. Aliarum verò moralium actionum, & ex peculiaribus prodeuntium virtutibus alia ratio est. Nulla enim earum est finalissima, nulla continet bonitatem hominis totam, & vniuersam, nulla reddit hominem absolutè perfectèque bonum, sed facit tantummodo meliorem, praeparatque ad absolutam perfectamque bonitatem excipiendam. Quare fieri potest, ut earum aliqua sit interdum in homine malo. Non enim hic ego de illo Virtutis apice loquor, quo demum comprehenso, partoque, omnes omnino necessario veluti nexu catenataeque consequuntur, quod verum, aut qua ratione verum sit, alio loco de industria disputandum erit. De Aristotelis dicto id affirmo: eum, qui perturbatione impeditus, & occupatus aliqua, non ex habitu damnum infert, aut facit iniuriam, non esse iniustum ac malum ex habitu, sed tamen esse formaliter iniustum, quod est satis, id enim ipsi contendimus, actione mala esse hominem verè malum, tametsi nullo vitiis sit assuefactus habitu. Dico deinde, ac melius fortasse, magisque ad consilium Aristotelis accommodatè, hominem non dici simpliciter absolutèque malum ex eo, quod pars animi sentiens, atque inferior, perfectione caret & ordine: sed ex eo, quod superior, hoc est, ratio, ac voluntas infecta sit, atque inquinata. Cum autem quidpiam aliquis perpetrat mali, ex animi perturbatione tantum; ac citra omnem electionem, animadversionemque rationis, significat, partem illam sentientem, quam appellant inferiorem, ordinem, statumque suum non habere; non tamen indicat, infectam esse superiorem. Quanquam verò, ne sic quidem bene homini est, cum inferiorem etiam illam regere debeat, atque habere in potestate, ex eiusmodi tamen actione, simpliciter iniustus malusque non redditur. Quod si ex sententia consilioque male agat, simpliciter, absolutèque malus efficitur: quia voluntas & ratio, atque ut semel dicam, illa pars animi superior est infecta. Electio autem illa, cuius vi malum agitur, actio, non habitus est. Itaque vult ac decernit eo loco Aristoteles, ex actione, non quidem sensus & appetitus, sed rationis ac voluntatis dici hominem simpliciter iniustum ac malum. de habitu verba non facit.

Quartum Argumentum. Felicitas omnium omnino rerum iucundissima est summamque parit animo delectationem. At virtutis opus, difficile, molestum, laboriosum est, non est igitur in eo ponenda felicitas, sed potius in habitu, qui facilitatem habet, ac iucunditatem, non potest. Respondeo, actionem opusque virtutis non esse per se laboriosum, sed maxime iucundum. laborem illi tamen, & molestiam aliquam accidere à corpore, cuius vires, ac facultates subserviunt intelligentiæ, rationi & voluntati. Nam alioqui tanta est in virtutis actione, atque opere delectatio, ut omnem abstergat obliteretque molestiam; laborem demum ipsum pro cessatione habeat, & requiete.

Quintum. Id quod dirigit melius & excellentius est, quam quod dirigitur, sed virtus dirigit, actio virtutis dirigitur à virtute. Melior est igitur virtus & excellentior actione. Negari profecto non potest, dirigens esse directo perfectius & prastabilius. Negari tamen debet, habitum in actione atque opere dirigendo primas agere partes, has enim agit anima, & potentia libera, quæ præcipue dirigunt, ac definiunt actionem virtutis, habitus autem ipse facilitatem addit solum & æqualitatem in agendo.

Sextum. Felicitas est aliquid perfectissimum, ergo nulla præterea re perfici potest. Sed virtutis actio perfectionem admittit, accipitque à delectatione, quemadmodum in libro horum Moralium 10. docet Aristoteles. Igitur in virtutis opere non est locata felicitas. Distinguenda est, & partienda sententia primæ propositionis. Nam de felicitate statum continente ex omnium bonorum aggregatione perfectum, verè quidem dicitur, nullam ei addi posse perfectionem. Nullo enim perficitur externo bono, quod ipsius felicitatis non sit, quippe quæ omnibus omnino constet, & componatur bonis, quæ vir probus si daretur optio, eligeret, ac seponeret sibi. sed de illa felicitate, quæ nihil est aliud, quam bonorum simplicium bonum optimum & prastantissimum, perperam dicitur & falsè, eam sic esse perfectam, ut nullo modo perfici præterea possit. Quamquam enim nullo meliori bono perficitur intrinsecus, multis, tamen extrinsecus perfici absoluique potest, quorum indiget ministerio, quemadmodum alibi disputabitur. Itaque nonnulli ad rem planius explicandam aduerbium inuenerunt maxime popolare, dixeruntque perfici ministerialiter.

Septimum. Fit æpenuerò, ut eodem die aliquis agat ex virtute, eodemque postea nihil prorsus ex virtute agat, sed cesset; & quantum attinet ad virtutem, vacuus sit & otiosus. Igitur eodem die idem prorsus homo nunc erit in felicitate, nunc in miseria. Si enim agere beatum est, non agere miserum erit. Beatitudo verò stabilis est.

Hic etiam implicantur ambigua. Miseriam enim duobus modis opponere felicitati licet, vel contrariè vel priuatiuè. Cum opponitur contrariè, miserum esse non tantummodo ca-

tere felicitate, sed esse malitia & malis operibus infectum. Cum opponitur verò priuatiuè, miserum esse nihil est aliud nisi eum, qui ad felicitatem factus ac natus sit, ipsa carere felicitate eodem tempore locoque, quo maxime perfui felicitate deberet. Dormiens enim aliquis, aliæ impeditus causa quominus agere ex virtute possit, haud magis propriè miser dici debet, quam qui est in tenebris, cæcus dicatur. Quapropter eodem plane die qui cessat à virtutis opere, carebit actuali felicitate, non priuabitur tamen habituali, ad eoque in nulla erit miseria positiuè, quæ animi peccato continetur & vitio. Retinebit verò felicitatem habitualem, & perfui eadem poterit: quia fas ei est, illam quoque cessationem dirigere ac referre ad actualem felicitatem. id quod facit, cum ideo cessat, aut dormit, ut agat postea vehementius, atque facilius quod ex virtute agendum esse cognoscit. Itaque dicunt propterea nonnulli tantam esse felicitatis vim, & quasi lucem, ut in ipsa quoque cessatione, atque in somno tanquam in tenebris & caligine interlucet. Indicaui ea, quæ diximus Aristoteles in lib. 10. metaph. docens felicitatem nostram eo à diuina differre, quod Deus semper in actu sit, nos in actu continenter, ac semper esse non possimus.

Octauum. Bonum diuturnius, est optabilius, & melius; ut est in 3. Top. Itaque felicitas; quæ optima est & maxime expectanda, dicitur etiam diurna, & eiusmodi, ut difficillimè possit auferri, quemadmodum in hoc cap. 5. iam vidimus. Sed virtutis opus, & actio citissimè transit; virtus ipsa, cum habitus sit, permanet & constans est, ergo est optabilior & melior actione.

Prima huius argumenti Propositio vera est, si res eiusdem speciei comparentur inter se, ac cetera paria sunt. Est enim tum sine dubio bonum diuturnius multo bonius, & optabilius, quam quod perbreui manet tempore, ac leuissimè transit. sed in his, de quibus loquimur, nec est eadem rerum species aut genus, nec omnia paria sunt. Non enim habitus, aut operationes inter se, sed operationes cum habitu comparantur. Itaque fieri potest ut operatio quanquam fluxa est, & perexiguo durat tempore, quia tamen est perfectior, & in obiecto versatur excellentius, optabilior, & melior habitu diuturno sit. Cum verò dicitur ad hæc: felicitatem esse maxime permanentem; respondendum censéo, non esse maxime permanentem inter alia quæcunque, sed inter excellentes & prastabiles hominis operationes. Quare comparatio illa felicitatis non est infinita cum omnibus, sed cum iis nominatim, quæ illius generis sunt, cuius est ipsa felicitas. hæc autem, ut multis est demonstratum, potius est operatio, quam habitus. Respondent alij præterea, felicitatem esse maxime permanentem, quia, quemadmodum iudicauimus supra, felicitatis bonitas & vis continenter ac semper, siue in opere, siue in cessatione intermiscat, ac refulget. Intermisionem enim etiam

ipsam atque intercapedinem operis referre voluntas ad felicitatem potest.

Possent addi nonum ab Aristot. desumptum 2. de cælo t. 62. ubi ait, id quod optimè constitutum est, suum bonum sine ulla actione habere debere. Sed eorum verborum sententia hæc est; quod optimè se habet, suum bonum non petit aliunde; nec opus habet ab alio quærere felicitatem suam, id verbò conuenit homini etiam ex virtute agentis. functiones enim virtutis in eius manu ac potestate sunt, nec aliquid putatur esse magis homini proprium, quàm Virtutis actio. Itaque idem ipse Aristoteles, qui hæc eo loco pronunciauit, dixit alibi, Mentēs illas cælestes sine operatione aliqua non esse felices. Orbium enim illarū conuersiones, quia in ipsarum Mentium potestate manūque sunt; non faciunt, ut minus illarū dici beatæ debeant. Ergo cū aliqui contendunt, beatitudinem esse bonum minimè mutabile, non sunt confutandi, si intelligunt esse in nostra potestate: explodendi sunt tamen, si volunt, mutari nullo modo posse. Nam isto modo ne habitus quidem ipse est immutabilis.

QVÆSTIO QVINTA.

An Felicitas in diuitiis posita sit.

QUEMADMODVM voluptatem corporis, vulgaris hominum seruilium, ac propè seriorum opinio beatitudinem ideo fecit, quod plerique, non populares modò, sed etiam principes eam persequi veluti summum bonum videantur; sic in diuitiis eadem populi, ac multitudinis imperitæ sententia constituit felicitatem, quia vident honorari, adiri, conueniri diuites etiam à sapientibus. Quare Simonides, ut est apud Aristot. in lib. 1. Rhet. ab Hieronis vxore interrogatus, præstaret ne diuitem esse, an sapientē, ex opinione vulgi respondit; longè præstare diuitem esse, quàm sapientem. videre quippe se sapientes sæpenumero pro diuitum foribus commorantes. Quin ipsi quoque Reges & viri principes hanc populo videntur item opinionem indidisse. Ut enim de ceteris taceam, video apud Sueton. id de Caligula scriptum esse, sæpe super immēsos aureorum nūmorum acervos patentissimo diffusos loco nudis pedibus inambulasse, animique gratis spatia fecisse, totòque se corpore voluisse. Vident præterea qui sic opinantur, diuitiis summam quandam inesse viri, nec quicquam esse, quod iis obistere queat, aut reluctari. Id enim Philippo Regi significatum est, cū ab oraculo responsū accepit, hostes se non ferreis sarissis ac lanceis, sed argenteis hastis esse profligaturum. Idem ipsemet declarabat Philippus, cū dicebat nullam arcem ita munitam esse, quæ faciliè non expugnaretur, si cōper aliquos tramites & viarum angustias onustum auro iumentum inmitti posset. Neque verò sibi volebat aliud ille C. Pontius Samnitum Imperator sapientissimus, cū operabatur ad illa se tempora reservari, cū Ro-

mani accipere dona cœpissent, & aurum. confirmabat enim, non se passurum, ut diutius imperarent. Quid pluribus opus est verbis? Aenea illa tutris, robustis obsepta & communita foribus, ubi Danaë seruabatur inclusa, Iouem aurēum imbre labentem mollissinio non sustinuit, quæ eidem fulminanti obistere facillimè potuisset. Pulcherrimè vulgarem hanc, popularēque se diuitiis opinionem ponit nobis ob oculos Seneca in epist. 126. his verbis: Admirationem nobis parietes auri argentique fecerunt, & teneris infusa cupiditas altius sedit, creuitque nobiscum. Deinde totus populus in alia discors, in hoc contentus, hoc suspiciunt, hoc suis optant, hoc Diis velut rerum humanarum maximum, cū græti videri vplunt, consecrant. Accedunt deinde carmina poetarum, quæ affectibus nostris faciem subdant, quibus diuitiæ velut vnicum vitæ decus, ornamentūque laudantur. Nihil illis melius nec dare videntur Diij immortales posse, nec habere.

*Regia solis erat sublimibus alta columnis
Clara micantes auro.*

Eiusdem curram aspice

*Anteus axis erat; iemo anteus, aurea summa
Cymatrua rota, radiorum argenteus ordo.*

Denique quod optimum videri voluit, seculum aureum appellant. Ita Seneca.

Sed dicendum est cum Aristotele, in diuitiis non esse felicitatem. tum quia plerumque per vim atque iniuriam, semper cum labore, ac molestia parantur, tum quia ex genere bonorum vtilium sunt, quæ referuntur ad aliud, ac propterea cum felicitate pugnant, quæ & voluntaria res est ac iucunda; & ut sæpe iam diximus, expetitur propter se. Quæ duæ Rationes Aristotelis addendis aliis amplificari præterea possunt.

Quod enim attinet ad primam de labore, molestiæque quam diuitiæ pariunt; certum est, in felicitate positam esse animi nostri quietem, ac propterea nullam esse beatitudinem in eo, quod quietem adimit, ac perturbat. Diuitiæ verò animi tranquillitatem eripiunt, & quietem: quemadmodum & experimento comprobatur, & multorum exemplis, diuisque demonstrari potest. Scitum enim est illud Anacreontis: qui cum duobus à Polycratē Samio donatus fuisset talentis, ac duas planè noctes integras & solidas somnum oculis ex cura custodiendi seruandique doni capere non potuisset, Polycratē talenta ipsa remisit ea cum voce; Non tanti emere se velle molestias, & vigilias noctium. Vidit hanc in diuitiis, & eleganter expressit calamitatem Horatius in hunc modum:

*An vigilare metu examinum; noctesque diesque,
Formidare malos fures, incendia, seruos,
Nec te compilent fugientes, hoc inuauit horum
Semper ego optarim pauperrimus esse bonorum.*

Ad hæc. Felicitas ea videtur esse, quæ satiet, expleatque voluntatem & appetitum. Sed diuitiarum cupiditas crescit subinde semper, atque augetur in dies, cū non tam multæ possideri queant, quin plures identidem expetantur. Verè quippe canitur ab eo-

dem Horat.

Crescentem sequitur cura pecuniam

Maioresque fames.

Itaque Plutarchus egregiè dixit, diuitias nullo prorsus malo hominem liberare; cum ne hoc quidem ipsum adimant malum, sui cupiditatem. Rectè igitur Aristippus, eos qui diuitiis numquam explerentur, sed expeterent semper ampliores, aiebat haud minus egere medico, & eiectione, quàm eos, qui hoc esuriunt, & sitiunt ampliùs, quo plus bibunt, & comedunt largiùs. Id quod etiam docuit sapienter Horat. in Epistola postrema lib. 2. ad Iulium Florum.

Sis tibi nulla sisum finiret copia lymphæ,

Narrares medicis, quod quanto plura parasti,

Tanto plura cupis, nulli ne farier audeis?

Altera Aristotelis Ratio potest explicari fusiùs, & augeri ex iis quæ sunt apud D. Thom. in prima. 2. q. 2. art. 1. vbi duplices facit diuitias: artificiosas; & naturales, quæ partitio est Aristotelis in primo Polit. cap. 6. Naturales illæ sunt, quarum beneficio præsidioque succurritur homini ad naturæ subleuandas indigentias. huc enim pertinet cibus, potus, indumenta, & ex hoc genere multa, quibus indiget ipsa natura.

Artificiosæ sunt eæ, quibus ipsa per se non inuatur natura, sed tantummodo per accidens. quo de genere nummus potissimum est, atque pecunia, quam ars excogitauit humana, vt rerum venalium mensura esset ac pondus, vtque facilius inde commutatio nasceretur. Quibus positis ita demonstratur primò, non esse felicitatem in diuitiis ponendam naturalibus. Huiusmodi diuitiæ quærentur, & comparantur ad naturam hominis sustentandam, ergo non possunt obtinere vim vltimi finis. diriguntur enim ad seruandum hominem tamquam ad finem. Deinde de diuitiis artificiosis demonstratur idem in hunc modum: Artificiosæ diuitiæ non quærentur, nisi propter naturales. quærentur enim ad res coëmendas vsibus humanæ vitæ necessarias: ergo multo minus obtinent rationem vltimi finis. Tertio loco in neutro diuitiarum genere collocandam esse beatitudinem ostendi sic potest. Summum bonum est intra hominem, permeâtque intimos ac penitissimos animi sinus. Sed tam naturales quàm artificiosæ diuitiæ sunt extra nos, ergo non sunt sedes summi boni ac felicitatis.

Aliqua tamen obici contra possunt: Quorum primum est. Beatitudo status est ex omnium bonorum complexione perfectus, vt à Boëthio definitur. sed è diuitiis huiusmodi status existit. igitur in diuitiis est beatitudo. Existit autem è diuitiis huiusmodi status, quia vi pecuniæ nummi que possideri videntur omnia: quippe qui, vt ait Aristot. in horum Moral. lib. 5 inuentus sit in eam gratiam, vt esset præ, & quasi vas ac sponsor earum omnium quas quærimus, & volumus rerum.

Sed videndum est accuratè quid obtineri tandem pecuniæ beneficio possit: vt intelligamus, num ipsa per se conficiat hominis fe-

licitatem, & statum perfectum. Principio, vt multa nobis parare vitæ præsidia externa nummo, pecuniæque possimus, non tamen parare possumus intima illa, in quibus est potissimum sita felicitas: cuiusmodi est sapientia. ergo non existit ex pecunia status, omnium absolutus aggregatione bonorum. Deinde ex eo, quod pecuniæ beneficio plurima nobis bona comparare fas sit, nihil aliud sequitur, nisi ad ea consequenda vtilem esse, hoc est, ad aliud referri. quod est contrarium felicitati.

Secundum. Summum bonum est summè optabile, sed diuitiæ summè sunt optabiles, vt intelligi ex Aristot. potest in lib. primo Politicæ cap. 6. vbi ait pecuniæ cupiditatem infinitam esse, cum subinde plures semper atque ampliores identidem expetantur, ergo summum bonum positum in diuitiis est.

Sciendum hic est. Aristotelem in loco laudato libri primi Politicorum discrimen haud mediocre ponere inter appetitionem diuitiarum naturalium, & artificiosarum. Illam enim ait esse finitam, quia naturæ indigentia definita est, & certa quadam mensura terminatur. hanc infinitam esse, non quidem per se (subseruire quippe naturalibus deberet diuitiis & earum cupiditati, quæ finitæ sunt) sed ex prauitate ac peruersitate voluntatis immodica, sine ratione cupientis. Itaque cum dicitur in prima huius argumenti propositione, summum bonum summè optari, & expeti, si intelligatur expeti omnium maximè, verè dicitur. sin autem significetur, expeti, optarique infinitè, hoc est infinito modo, siue potius sine modo, nihil dicitur, quod veritati consentaneum sit. Est enim in beatitudine cupiditatis terminus. nec vbi eam adepta est, aliquid præterea vult, sed beatitudinem tamen ipsam hoc magis amat, quo magis atque amplius possidet. crescit enim in ipsa possessione semper cognitio, ac propterea semper crescit & augetur amor, cupiditas autem, & appetitio vacant. Pecunia verò quamquam rationi congruenter optari cum modo ac certo sine deberet, ex prauitate tamen cupiditatis potest subinde semper amplius optari & expeti, quia non sic explet appetitionem, quemadmodum ipsa beatitudo terminat cupiditatem. Itaque vel ex hoc intelligitur, in diuitiis non esse felicitatem, quod appeti semper ampliores subinde possint in infinitum.

QVÆSTIO SEXTA.

An in aliquo bono corporis, aut externo collocari beatitudo possit.

Hæc quæstio multarum loco disputatio- num sit, quæ de variis multiplicibusque possent institui rebus: de gloria, de imperio, ac potestate, de fortuna, de clientelis, amicitiiis, gratia, studio populari, ceterisque in quibus magnum aliquod hominis esse bonum intelligunt vniuersi.

Dicendum ergo breuiter, & quaestioni propemodum-infinitae respondendum: in nullo bono corporis, aut externo felicitatem inesse. Quod demonstrari facile potest ex quibusdam veluti dotibus, ac proprietatibus, quae ipsi felicitati tribuuntur ab omnibus.

Ac primo quidem ex eo, quod felicitas bonum est ipsi proprium homini, & in homine positum. Aliter enim felix formaliter esse non posset. Non enim immerito gloriatur eo nomine Seneca, quod in se ipso sitam haberet felicitatem: Omnia mea, inquit, meum sunt, & alio loco: Non est tuum quod fortuna fecit tuum; dare enim bonum quod potuit, auferre potest.

Secundo loco: ex eo quod felicitas parari scelere, aut aliena virtute non possit: externa enim bona saepe scelere parantur & fraudibus, saepe maiorum parta virtute sunt, & per manus à posteris accipiuntur.

Tertio: ex illa bonitatis excellentia, quam in felicitate dicimus esse, cum affirmamus, eam esse bonorum omnium optimum. Non enim bona corporis & externa sunt optima: quibus nimirum meliora, & praestantiora

sunt ea, quae possidentur ab animo.

Quarto: ex eo quod felicitate abuti nequeamus, aut eam habere quasi scelerum adminitram, ac facem flagitiorum: sed bonis corporis & externis plerique mortalium abutuntur: quibus nimirum pessimus quisque saepius cumulat, abundatque, quam bonus.

Quinto: ex eo quod felicitas est bonum ita cumulatam & perfectam, ut homini satis superque sit: ita prorsus, ut aliud quidpiam expetere praeterea non debeat: sed ne omnia quidem corporis, & externa bona id praestare possunt, ut nihil ultra quarat animus, aut cupiat infinita illa iam in se homini bonorum appetitio: Non enim omnem depellere miseriam possunt, quod proprium est felicitatis.

Sexto: ex eo, quod felicitas sit ultimus finis ad quem omnia referantur: sed tum corporis, tum externa bona referuntur ad hominem, atque ad eius actiones. Quamquam enim etiam ipsa felicitas refertur ad hominem, quia est in homine, & debetur homini; non tamen refertur ad aliquam hominis actionem, quae beatitudo non sit.



CAPVT SEXTVM.

DE IDEA.

Vltimum hominis finem & summum bonum ideam ipsam boni esse non posse.

DIVISIO CAPITIS IN PARTES QVINQUE.

1. Necessè habere se ait in Ideas inquirere, ipso etiam amico & Magistro reluctante Platone.
2. Non esse unam bonorum omnium Ideam.
3. Bonum separatum, quod ipsa est Idea, non esse per se bonum.
4. Ex diuisione boni posse intelligi bonum separatum non esse communem bonorum omnium Ideam.
5. Ideam, ne si esset quidem, ad Moralis doctrinam propositum pertinere.

PARS PRIMA CAPITIS SEXTI.

Τὸ δὲ καὶ λόγῳ βέλτιον ἴσως ὑποκείμενον καὶ ἀπορρησθαι, πῶς λέγεται καὶ ὅτι πρὸς αὐτοὺς τῆς θεωρίας γεννημένης ζητήσεως, ἀφ' ὧν φίλους ἀνδρας ἐισαγαγεῖν τὰς ἰδέας. ὁ δὲ εἰς αὐτὸν ἴσως βέλτιον ἔστι, ὅτι διὸν ὅτι σωτηρία καὶ ἀληθείας, ὅτι οἰκεία αἰαρεῖν, ἄλλως περὶ φιλοσόφους ἔστι. ἀμφοῖν γὰρ ὅτι φιλοῖν, ὅτι πρὸς αὐτοὺς πᾶσι ἀληθῆς.

VNiuersum autem melius est fortasse perscrutari, & inquirere, quonam modo dicatur: quamquam per ardua huiusmodi est quaestio, propterea quod amici viri introduxerunt Ideas. Videretur verò fortasse melius esse, & oportere ad tutelam veritatis etiam propria demoliri, praesertim cum philosophi sumus. Etsi enim ambo haec amica sunt, sanctum tamen est praepone-
Veritatem.

EXPLANATIO.



PATER MISERAT in capite proximè superiore genus illud vitæ, quod in contemplatione videtur ponere felicitatem. De illa igitur vitæ ratione hîc aggreditur aliqua ex parte dicere: nam copiosè ac de industria hoc argumentum cùm alibi, tum verò maximè tractat in lib. 10.

Quærit itaque, An summum bonum Idea sit, & vtrum felicitas in eius contemplatione ponenda videatur. Cuius rei quærendæ causam dat illi Plato propè necessariam. qui, quemadmodum omnium rerum esse volebat Ideas, hoc est, formas quasdam separatas, perfectissimas, absolutissimas, sempiternas; à quibus singula nascerentur, & ad quarum similitudinem essent expressa: sic etiam boni fecit imaginem eiusmodi, à qua res singulæ, quæ bonæ dicuntur & sunt, delibatae fuerint & decerptæ. Quærendum itaque putat Aristoteles; An obiectiua felicitas, & summum bonum sit hæc Idea, siue, quod eodem recidit: An formalis beatitudo in huius Idæ contemplatione contineatur & sit. Cuius inquisitionem rei ait fortasse præstantiorem esse quàm superiores de voluptate, de diuitiis, de honore. Est enim hoc aliquid vniuersum, & generale; cùm Idea illa Platonica bonum quoddam commune sit, ex cuius participatione bona sunt omnia. Tractare vero generalia, & de his agere, præstantius ac melius est, quàm de peculiaribus disputare. Nihilominus tamen minus affirmat hoc dubitanter: non enim simpliciter ait esse melius hoc bonum commune disputando tractare, sed fortasse melius esse: quia nimirum hæc quæstio non tam ad Moralem philosophum, quàm ad Metaphysicum pertinere videtur. Sed tamen à Morali etiam ipso non abhorret: cuius videlicet est, ideam ideo nosse, vt & intelligat vtrum sit; ac si sit, num in ea reponi summum bonum & felicitas debeat.

Vnum in hoc itinere sibi obici videt impedimentum; quod qui hanc Ideam in philosophorum exhedras induxerunt, amici sint, immo etiam doctores, ac magistri. Ita quippe loquitur in Platonis gratiam, quo ipse præceptore vsus fuerat in annos plurimos: impium adeo illi videtur esse amici hominis, magistri, ac de se optimè meriti scita conuellere, si conuellendæ sint idæ quas ille commentus erat: sed quære-
re libet hîc: An idearum verè fuerit auctor Plato. Video enim hoc inuentum ab Eustratio referri ad Parmenidem, & Epicharmum: ab aliis ad Sphæreum & Socratem, ipso Platone antiquiores. Procliuius ad hanc quæstionem responsio est, si dicamus, quod verissimum est, Platonem ab illis philosophis acceptas Ideas illustrasse, & qua præditus erat auctoritate, nobilitasse: sic prorsus, vt merito censeri debuerit auctor. Et profectò ab Epicharmo Siculo, poëta Tragico siue Comico, non Ideas modò, sed alia quoque permulta philosophiæ dogmata mutuatum esse Platonem, atque in suos transcripsisse dialogos testatum reliquit Aleimus in libris ad Amyntam. quod est apud Laërtium in Vita: vbi eiusdem Epicharmi exponit etiam vaticinium de carminibus, atque operibus suis huiusmodi: *ὡς δὲ ἐγὼ δεικνύω, δεικνύω γὰρ σσιφὶς ἀμὴ τῷ δ' ὅτι τ' ἐμὸν μῦθον ποιεῖ ἰοῦνται λόγων τεύτων ἐπὶ καὶ λαβὼν τις αὐτὰ, περὶ δὲ οὐδὲ τὸ μέγεθος οὐκ ἔστι, ἅμα δὲ, ἔπειτα πορφυρεῖ λόγων ποιήσας χαλκοῖς, διαπάλαιος δὲ, τοῖς ἀλλοῖς ὑπαλάσσει σπέραιν.* Vt autem ego reor, immo pro comperto habeo; meatum erit in posterum rerum sermonumque memoria: quibus aliquis acceptis, & metro, quo nunc constant soluto, adiectoque colore, purpuram venustate verborum componet, & inuictus ipse alios facillè superabit. Sic ille vaticinatur, siue potius spei plenus capit animo coniecturam, & quidem quantum attinet ad Platonem, verissimè. Huc accedit, quod Plato, non modò rem ipsam, vt diximus, docendo auxit, & suo ipsius lumine clariorem fecit, verum etiam Idæ nomen inuenit primus, & formis illis separatis imposuit, quas excogitauerant alij: quod docet D. Augustin. in lib. 83. quæst. q. 46. & indicare videtur Euseb. in lib. 11. de præpar. Euangel. cap. 1. vbi ait, Socratem de Ideis disseruisse primum, easque ab eodem Socrate Platonem accepisse: hoc est, vt ex D. Augustino possum interpretari, accepisse à Socrate rem, & rei nomen Idearum indidisse. Idem significare fortasse voluit Iustinus Philos. ac Martyr, in orat. parænet. ad gentes: cùm dixit, Platonem suas Ideas à Moyse mutuatum esse: cui nimirum præceperat Deus Exod. 5. vt inspiceret, ac secundum exemplum faceret, quod ei fuerat in monte demonstratum. Voluit, inquam, fortassis huiusce verbis ostendere Iustin. Platonem, cùm legeret hunc locum, existimasse

se à Deo fuisse Moyſi propositas rerum agendarum illas formas & exemplaria, de quibus acceperat à Philosophis antiquioribus, & formis illis, Idearum nomen feciſſe. Græcis enim Idea nihil eſt aliud niſi forma: non tamen quæcumque, ſed illa nominatim, ad cuius ſimilitudinem aliquid fit, quæque à Latinis dicitur exemplar, & ab iſdem Græcis prototypon appellatur: ſed Iuſtin. atque alij quidam noſtræ religionis Patres crediderunt, à Platone poſitas Ideas in ipſo Deo, ab eo ſeiunctas ac ſeparatas: quod verum verum ſit, & cum aliorum Patrum ſententia concordet, quaeremus, & diſputabimus alibi. Nunc id ſatis eſt noſſe, Platonem non fuiſſe quidem primum, qui exemplaria hæc & formas excogitavit, ſed primum tamen fuiſſe, qui nomen Idearum inuenerit, eaſdem illuſtrarit, propagarit, ſanctam etiam in illo genere opinionis aſſerendæ duxerit plurimam. Secuti ſunt enim cum poſtea Iamblichus Ægyptius, Proclus, Plotinus, Porphyrius, Ammonius, Hermias, Numenius, Syrianus, aliique permulti, qui rem auxerunt magis, & quaſi limites Idearum ampliſicarunt.

Cum ergo Platonis eſſet vel inuentum, vel placitum ab aliis acceptum hæc Idea boni, aduerſus eam diſputaturus, excuſatione præparat concertationem ſuam, purgatque ſe illo nomine Ariſtoteles, quod quamquam amicitia iura ſancta ſunt, ſanctius tamen illud eſſe præceptum videatur, quo tueri iubemur, & ſancam rectamque præſtare veritatem. Hæc enim omnibus quidem tradita lex eſt, ſed multo magis, æquiſque philoſopho: qui cum veritatis ipſius vindex & propugnator ſit, ad eam tuendam non amicorum modò, ſed ſua etiam ipſius decreta, ſi res ita poſtularer, deberet euertere. Eadem planè uſus eſt excuſatione Socrates apud Platonem in lib. 10. de Rep. cum Homerum, quem alioqui permagni facit, eſſet eo loco reprehenuſus. Aiunt etiam aliqui dixiſſe Platonem ipſum, Amicus Socrates, ſed magis amica veritas: & de veritate curandum eſt multum, de Socrate parum. Quæ profeſſò ſententia eſt Ariſtotelis hic, extremis illis verbis expreſſa: erſi enim hæc ambo amica mihi ſunt, (veritas nimirum & Plato) ſanctius tamen eſt, in honore anteponere veritatem.

Quæritur hoc loco nonnulli tria. Primum: Cur has Ideas Ariſtoteles appellet Vniuerſale, ſic enim exorditur. Melius verò fortaiſſe eſt vniuerſale conſiderare: vel, quemadmodum elegantiùs vertit Lambin. Vniuerſum autem bonum conſiderare fortaiſſe præſtiterit. Secundum: cur Ariſtoteles hic tantummodo excuſatione utatur, & purget cauſam ſuam, qui aliis in libris ſæpiſſimè ſine vlla cuiusmodi præſatione congregiatur aduerſus Platonis Ideas. Tertium: An ſemper verè anteponenda ſit veritas amicitia.

Quod ad primum attinet, reſpondet Euftracius, & cum ſecutus Gualterus Burleus: vniuerſale diuidi poſſe biſariam, in illud quod ſola continetur enunciatione, de quo nimirum explicatur in Logicis; & in aliud, quod vniuerſale propterea dicitur, quod cauſa quædam generalis ſit latiffimè patens, & pertinens ad plurima. Ideam itaque boni ait eſſe vniuerſale, non prioris quidem generis, ſed poſterioris. Eſt enim ex Platonis ſententia veluti rerum parens earum, quas bonas in ſingulis generibus appellamus.

Secundum explicauit ſatis, expoſuitque D. Thom. quem alij ducem ſecuti poſtea ſunt Interpretes Ariſtotelis. Ait igitur hanc eſſe cauſam, cur eam cogitationem prætermiſerit alibi, quàm hoc adhibere maluit loco; quod in libris hiſce de Moribus agatur de officiis. Hic ergo potiùs quàm alibi videri potuit à boni viri moribus, amicique fidelis officio diſcedere, ſi velit Ideas illas Platonis euertere, vbi de officio diſputatur. Itaque fuit occupandus hic locus. De tertio, quia res eſt, quæ ampliorem, diligentiorémque poſtulat explanationem; proponenda de indultria quaſtio erit in loco.

SECUNDA PARS CAPITIS SEXTI.

Οὐ δὲ κομίσαντες τὴν δόξαν τῶν πτωχῶν, οὐκ ἐποίησαν ιδέας, ἐπὶ οἷς ὁ πρῶτος, καὶ ὁ ὑπερὸν ἔλεγον. δὲ πρῶτος ὁ ἀριθμὸς ιδέας κατεσκευάζον. ὁ δὲ ἀγαθὸν λέγεται καὶ ἐπὶ τῶν πτωχῶν, καὶ ἐπὶ τῶν πτωχῶν, καὶ ἐπὶ τῶν πτωχῶν.

Qui autem inuenerunt opinionem hanc, non faciebant Ideas in iis, in quibus prius, & poſterius dicebant. Quapropter ne numerorum quidem Ideam conſtituebant: ſummum verò bonum dicitur in eo quid eſt, & in quale, & in eo, quod eſt ad

πρὸς π. τὸ δὲ καθ' αὐτὸ ἐστὶ οὐσία, πρὸ-
 τερον τῇ φύσει τῆς πρὸς π. πρὸς φύ-
 δι γὰρ τῆς εἰκῆς, καὶ συμβεβηκὸς τῇ
 οὐσίᾳ. ὡς εἰς αὐτὴν εἶναι κοινὴν πρὸς, ὅτι τού-
 των ἰδίᾳ. ἐπὶ ἐπεὶ ἰσχυρὸν ἰσχυρῶς λέ-
 γεται τῷ ὄντι. (καὶ γὰρ ἐν τῷ π, λέγεται
 ὅτι ὁ θεός, ἐστὶ νοῦς, ἐστὶ τῷ ποιῶ, αἱ
 ἀρεταί, ἐστὶ τῷ ποῶ, τὸ μέτερον.
 ἐστὶ τῷ πρὸς π. τὸ χρῆσιμον, καὶ ἐν
 χρῶνι καὶ ἐν τόπῳ διαττα, καὶ ἐπε-
 ρα τῶν αὐτῶν) δηλοῦν ὡς εἰς αὐτὴν κοι-
 νὴν πρὸς καθόλου, καὶ ἐν. οὐ γὰρ ἀλλ' ἐλέγχο
 ἐν πάσαις ταῖς κατηγορίαις, ἀλλ' ἐν
 μιᾷ μόνῃ. ἐπὶ δὲ ἐπεὶ τῷ πρὸς μιᾷ ἰδίᾳ,
 μιᾷ καὶ ὁπτισμῇ, καὶ τῷ ἀγαθῷ ἀπορῶ-
 των ἰὼ μιᾷ πρὸς ὁπτισμῇ. νῦν δὲ εἰσὶ
 πολλαὶ καὶ τῷ πρὸς μιᾷ κατηγορίαις,
 ὅτι καὶ ἐν πρὸς πολέμῳ μὲν, στρατηκῇ,
 ἐν νόσῳ δὲ, ἰατρικῇ. καὶ τῷ μετείου,
 ἐν ὅφῃ μὲν ἰατρικῇ, ἐν πόνοις δὲ
 γυμνασικῇ.

aliquid. Quod autem est per se, & substan-
 tia, prius natura est eo, quod ad aliquid est.
 Propagini enim hoc simile est, & accidenti
 substantia. Itaque non esset communis qua-
 dam in his Idea. Præterea cum bonum æ-
 què dicatur de eo, quod est (nam & in
 substantia dicitur, ut Deus, & mens; &
 in qualitate, virtutes; & in quantitate, me-
 diocre; & in relatione, utile; & in tem-
 pore, occasio, & in loco, diuersorium, & alia
 huiusmodi) perspicuum est, esse non posse
 commune aliquid, uniuersum & unum:
 non enim diceretur in omnibus categoriis,
 sed in vna sola. Iam verò quoniam eorum,
 quæ sunt secundum vnā Ideā, vna e-
 tiam est scientia, bonorum quoque om-
 nium esset vna quædam scientia. Nunc
 autem sunt multe, etiam eorum, quæ sunt
 sub vna categoria, ut occasionis; in bello
 quidem, scientia militaris: in morbo verò, ars
 medendi: & mediocritatis, in alimento qui-
 dē medicina, in laboribus autē gymnastica.

EXPLANATIO.



N ipsam demum ingreditur causam, duo demonstraturus Aristoteles. Primo quidem: nullam esse boni communis Ideam eiusmodi, qualem Plato comminiscabatur: deinde, tamen si esset, nihil tamen habere, cur sibi felicitatem debeat & beatitudinem vindicare. Illud in hac se-
 cunda parte instituit persequi, hoc in aliis consecuturis amplius pro-
 fligabit. Nos, quoniam hic exponituri rationes sumus, quibus Ideam boni Pla-
 tonicam Aristoteles explodit, exterminatque de finibus Philosophiæ.

Admonemus illud: multos accusare grauiter Aristotelem, ac non de ingrati ani-
 mi vitio solum, verum etiam de palmari mendacio reum facere: quod Ideam hu-
 iusmodi nullam fecerit Plato, sed sibi ipse finxerit, & molitus sit Aristoteles, ut
 haberet quid oppugnaret. Certè quæruntur, quod in sententiam longè aliam, quàm
 voluerit Plato, per astutiam interpretatus Ideam sit, ut cum umbris inter Andaba-
 tas dimicaret. Ponit enim ipse pro comperto, Platonem Ideam hanc & formam
 boni generalem extra Deum, constituisse, ab omnibus omnino seiunctam rebus,
 & aptam ex sese. Quod falsum esse dicunt Platonis aliqui propugnatores acerrimi:
 qui contendunt, eum, cum hanc boni formam, tum ceterarum etiam rerum om-
 nium Ideas & exemplaria in ipso Deo posuisse: sed id non modò non esse reprehe-
 dendum, verum etiam laudandum potius & cum admiratione suspiciendum: cum
 iis consentaneum sit, quæ à Theologis nostris, Patribusque sanctissimis explicantur.
 Nemo enim vnus eorum est, qui rerum omnium procreatorum imagines, & arche-
 typos, quos appellant item Ideas, in Deo non collocarit; quemadmodum planis-
 simum erit legentibus Dionysium Areopagit. cap. 5. de diuin. Nom. paulo ante
 fin. Augustin. in lib. 83. quæstionum quæst. 46. & lib. 14. de Ciuit. cap. 25. Cle-
 mentem Alex. lib. 4. & 5. Strom. Iustin. Mart. in parænesi ad Gent. aliosque per-
 multos: qui non modò confirmant, rerum formas ac similitudines in Deo esse:
 quas intuens, in lucem proferat singula, verum etiam in hoc genere putant à Pla-
 tonenihil erratum, nec Ideas ab eo esse positas extra Deum, sed in Deo ipso, nec
 à Deo

à Deo nisi cogitatione, ac ratione distinctas. Id quod alij etiam docent auctores, in primisque Plutarch. in lib. 1. de placitis, cap. 10. & Alcinous in lib. 1. de doctrina Platonis, affirmantes Platonem collocare Ideas in mente diuina, minimèque facere seiunctas à Deo, vt principia sint rationesque rerum procreandarum. Complures igitur in Aristotelem inuehuntur, eumque vario maledictorum genere prosciunt ac lacerant. Nam Themistius ipsius alioqui Aristotelis explanator, cum de hac Idearum explosione loqueretur, dicere non dubitauit, Aristotelem Platoni aduersari semper in speciem, significans nimirum, non tam Platonis ipsam oppugnare sententiam, quam sententiæ speciem quamdam extimam, & quod sibi fingit sententiæ simulacrum: quod profecto multo planius expressit Simplicius, easdem Platonis defendens Ideas. Dixit enim, Aristotelem, cum in Ideas Platonis debacchatur, verba potius arguere quam sensa. Franciscus verò ille, qui inter Theologos Illuminati cognomen inuenit, maiori succensus iracundia, non modò Aristoteli maledicit, sed causam etiam aperit, cur Platonem iniquissimè criminetur: eamque vult duplicem esse, ac primam quidem; inuidiam, qua velut instinctus, magistrum suum suæque auctorem scientiæ sapientissimum insectatur: alteram, incertam, & rerum occultissimarum ignoracionem. At enim Aristotelem fuisse Physicum bonum, Metaphysicum longè pessimum: immo verò ne in phylis quidem auctorem, atque inuentorem habendum esse: sed descriptorem tantummodo, collectorem & quasi Rhapsodum, quemadmodum ipsemet haud dubie proficitur in Elenchis his verbis: Si de inuentis detur alicui laus, mihi debetur ex Elenchis. Videtur enim veritate coactus ipsa, eam tantummodo laudem reposcere, quam ex solitaria illa doctrina sibi parauerat, eam autem repudiare, quam non erat in Phylis meritis. In Phylis tamen ipsis, inquit, Illuminatus, satis superque versatus Aristoteles, à diuino Platonis magistri symposio sua voluntate discessit: in quo, quemadmodum ait Simplicius, iam inde à puero nutritus Plato, semper diuina veneratur: & à speciebus illis diuinis, & Ideis æternis exorsus, ad inas vsque res ratiocinando delabitur. Aristoteles autem à corporis atque aspectabilibus initium faciens eo vsque demum ascendit, quò rationes ex iis, quæ sub sensus cadunt acceptæ peruenire queunt.

Præstat extremo loco adiungere Chrysostomum Iauellum, qui omnium diligentissimè rationes exponit, quæ demonstrent, Aristotelem in hac Idea boni commemoranda, impugnandaque imponere Platoni, atque impudentissimè mentiri. In hanc ergo sententiam loquitur: Quàm falsò id Platoni tribuat Aristoteles, vt felicitatem voluerit positam in generali quodam bono, quod apud Platonem ipsum Idea boni, siue per se bonum appellatur, vel ex eo constat, quòd Plato docuit apertissimè, tum aliis locis longè plurimis, tum verò maxime in Symposio, veram felicitatem in diuinorum entium contemplatione consistere. Inter entia verò diuina principatum obtinet Deus, secundum à Deo locum Mentes, atque Intelligentiæ. At Aristoteles ipse in lib. x. Ethicorum idem planè de felicitate sentit: nec quicquam potuit excellentius inuestigare. Ergo quod attinet ad sententiam, à Platone non discrepat; sed dissentire vult verbis: solet enim Plato Dei contemplationem spectaculum per se boni, ac per se pulchri nominare: quod Aristoteles sub Ideæ, vel boni separati nomine tam vehementer exagitat. Qui si Platonis attendere sensum voluisset, omni prorsus criminandi causa caruisset. Atque, vt veram habeas Platonis sententiam, intelligasque, Aristotelem aduersus illum in ambiguo semper esse versatum, & in æquiuioco dissimulanter, ac de industria, perinde ac si hominis sensa non percepisset, consule Dialogum sextum de Republica, vbi quid significare voluerit, cum Ideam boni nominauit, ipsemet declarat, aperitque planissimè. Instituens enim Ciuitatis moderatorem, gubernatoremque Reipub. docet, hominem in singulis perquirendis disponendisque bonis cæcutire, ac casu quodam circumferri, nisi primam ipsam perspexerit boni formam, omnium exemplar & causam bonorum. Quo loco boni formam primariam, siue Ideam, non hanc, aut illam dicit speciem, non vniuersum, & generale bonum secundum prædicationem, quod fingit Aristoteles, sed ipsam excellentissimæ diuinitatis fecunditatem per omnia pertinentem, seque salubriter veluti solem omnibus infundentem. In huius ergo primi, absolutique boni cognitione posuit Plato felicitatem, non in contemplatione illius Ideæ, quam communiscit Aristoteles. Quamquam verò vel

Aristoteles ipse, vel eius asseclæ superuacaneam putant ad moderandam Rempub. hanc primi boni cognitionem, aliter tamen existimat Plato in suæ Ciuitatis & Reipub. molitione. Censet quippe in eius moderatione necessariam esse: in qua nimirum videndum, & curandum diligenter est (quemadmodum loquitur ipse) vt Ciuēs Deo simillimi, amicissimi que reddantur. Id verò fieri sine Dei Opt. Max. cognitione non potest; quem ipsi bonum separatam, & per se bonum, & Ideam boni placuit appellare. Hunc esse germanum verissimumque Platonis sensum ita contendit Iauellus; adeoque superuacaneum iudicat Aristotelis confutare argumenta & rationes: quæ quæ longè plurimum extra callem aberrant.

Habet hic subscriptorem etiam Senecam, qui epist. 66. cum rerum causas enumerasset quatuor: His, inquit, quintam Plato adiecit, exemplar, quam Ideam nominat: hoc est enim, ad quod respiciens artifex, id quod destinabat, efficit. Nihil autem ad rem pertinet, vtrum foris habeat exemplar, ad quod referat oculos, an intus, quod ipse concepit & posuit. Hæc exemplaria rerum omnium Deus intra se habet, numerosque vniuersorum, quæ agenda sunt, & modos mente complexus est: plenus his figuris est, quas Plato Ideas appellat, immortales, immutabiles, infatigabiles. Itaque homines quidem pereunt, ipsa autem humanitas, ad quam homo effingitur, permanet. & hominibus laborantibus, intereuntibus, illa nihil patitur. Ita Sen.

Gregorius tamen Nazianz. in orat. prima de Theologia, damnat, proscribitque Platonis Ideas; eas esse confirmans, quas Christiani philosophi, Theologice debent exterminare. Id quod etiam alij docent, alia omnia de Ideis Platonis iudicantes, quam censuerunt illi, qui eum Christianæ religioni rectæque conciliare conantur. Neque enim concedunt, Platonis Ideas esse illas, quas Theologi in Deo verissime collocant, sed alias, vt opinor, à Deo prorsus abiunctas & separatas. Sapientius hi fortasse de Platone pronunciant: sed cur ita credam, necesse habeo breuiter explicare.

Plato inter diuina hunc ordinem esse putauit: vt primo loco constituendus esset Deus, secundo Mens, tertio Anima Mundi. Porro Mentem ipsam primæ causæ progeniem nominauit in Philebo, & à Deo progeneratam esse dicebat, sed iam inde vsque ab æternitate, quemadmodum declarat Porphyrius Platonice apud Cyrillum in lib. primo aduersus Iulianum his propemodum verbis: Accepimus à Platone quandam factam esse Mentem, hominibus incomprehensam, totam, & secundum se ipsam subsistentem: in qua sanè continentur omnia, & omnis est eorum substantia, quæ sunt. Hæc certè & primò pulchra, & ipsa pulchritudo, à se pulchritudinis speciem habens. Processit autem ante sæcula omnia, ab auctore Deo incitata, per se genita, & ipsa pater. Non enim illo mouente ad natalem eius facta progressio est, sed de illo ipsa progrediente per se nascendo ex Deo. Processit item, non ab aliquo temporis initio (nondum enim tempus erat) neque factio iam tempore, &c. Huic Menti videtur adscribere procreationem omnium, & gubernationem rerum, vt intelligi potest ex duodecimo de legib. vbi ait Mentem esse, quæ omnia condiderit & moderetur. Quin in Philebo Mentem ipsam videtur appellare generationem; ac dicere, Iouem, quem rerum omnium causam & potestatem dicebant antiqui, nihil aliud esse, quam Mentem: in qua videlicet stirpes, & causæ rerum omnium sint, ac potentissimum in res procreatas imperium & dominatus. Quod cum ipse dicat, & fabulosum Iouis numen ita interpreteretur, licebit nobis suspicari, aut etiam diuinando confirmare, Mentem hanc Platonis illum esse Iouem, cuius vestigia, currumque reliqua Deorum turba stipat, & sequitur in Phædro: vel Deum illum, qui mortalia omnia animantia, plantasque procreat in Sophista, aut eam vim, quam in Cratylo Plato ipse ait rerum aliarum omnium progignere naturam: vel eum Regem, circa quem omnia sint, vt idem scribit in epistola quadam ad Dionysium.

Conati sunt aliqui demonstrare, hanc Platonis Mentem secundam esse in augustissima Triade Personam, quam dicimus Verbum; rati, arcanum religionis nostræ tam abditum à Platone cognitum & adumbratum iisdem prope fuisse nominibus, quibus à nostris auctoribus explicatur: cum apud eum tam sæpe nominetur Pater, Mens à Patre genita, & Anima mundi, quæ Spiritus Sanctus sit, animans & viuificans omnia, vt in sacris dicitur monumentis. Vident enim hanc diuini Spi-

ritus efficacitatem mundanæ illi animæ respondere, quam ab ipso desumptam Platone describit in 6. Virgil.

*Principio cælum, ac terras, camposque liquentes,
Lucentemque globum lunæ, Titanæque astra
Spiritus intus alit, totamque infusa per artus
Mens agitat molem, & toto se corpore misceat.*

Sed non tanta videtur esse Platoni tribuenda laus, ut dicendus sit, illa explicatè novisse, quæ nobis diuina inter mortales degente Sapientia, singulariter expolita sunt. Adumbravit ille quidem aliquid ex his, quæ vel ab Hebræis acceperat, vel ab eorumdem hauserat scriptis, sed tamen hoc ipsum erroribus infuscauit multis, & mendis grauissimis contaminauit. Nam & Mentem, & mundi Animam distinctas quasdam fecit essentias, & secretas à Patre, quemadmodum ex epistola illa ad Dionysium secunda paulo antè commemorata potest intelligi: vbi inter tria diuina entia eum statuit ordinem, ut vnum prius esse velit, posterius aliud, tertium ab utroque seiundum: contra planè quàm ipsi de sanctissima Triade pronunciamus: in qua nihil esse dicimus prius, posterius nihil. Quod Platonis erratum cognoscere melius ex ipso Porphyrio Platonem interpretante possumus: cuius verba sunt apud Cyrill. in libro aduersus Iulianum huiusmodi: Circa Regem omnia sunt, & illius gratia omnia, qui causa item est pulchrorum omnium: secundum autem circa secunda, & tertium circa tertia. Nam ut omnia quasi sint circa tres Deos, primo tamen circa Regem omnium, deinde circa Deum ab illo, postremo circa eum ab isto. Hæc Porphyrij verba cum protulisset eo loco Cyrillus, sic ipse subiungit: Declarauit Porphyrius subsistentiam, quam ex se ipsis inter se habent; & incipere dicit à Rege. Vides igitur, non omnino sanè, sed sicut Arianos, separare, ac substituere, subsistentiasque subiectas ipsis inferre, & tres opinari Deos esse distinctè. Ita Cyrillus.

Ut igitur aliud aliquando contingam, quo hæc initio tendebat disputatio: confirmo cum doctis, atque in Platone maximè versatis viris, Platonem ipsum non quidem in Deo, quem Regem appellat: sed in Mente Ideas collocasse. Hanc enim opificem animarum, & Mundi, hanc Archetypum, hanc procreatricem, hanc Idearum pelagus, & horreum facit. In Deo vero ipso nullas omnino ponit Ideas, exemplaria nulla: ne videlicet pura illa simplexque natura Idearum multitudine velut onere quodam labefacteretur.

Quæ causa fuit, opinor, cur illi grauissimi doctissimique Patres, quos supra commemoravi, Iustinus, Augustinus, alij, de Platone benè senserint, nec eius Ideas improbauerint. Cum enim viderent, suas eum Ideas in Mente statuere, hominis dicta sic acceperunt, quasi vellet Ideas esse positas in mente Dei, non in aliqua Mente à Deo ipso separata, distinctaque substantia. Est enim communis forma loquendi Patrum ac Theologorum omnium, Ideas esse in mente Dei. Ita quippe loquitur Augustin. in quæst. 46. vbi ait Ideas esse similitudines rerum in mente diuina, & Clem. Alexandrinus in 4. Strom. qui locum Idearum ait esse mentem: id quod omnium pulcherrimè Deum alloquens ipsum, cecinit Seuerinus Boëthius in lib. 3. de Consolat. Metro. 9.

*Ducis ab exemplo, pulchrum pulcherrimus ipse
Mundum mente gerens.*

In hanc, inquam, sententiam locutum Platonem existimarunt, cum dicebar in Mente positas Ideas esse: ac propterea laudandum illo nomine putarunt, quod rectæ religioni accommodatè, atque appositè loqueretur. Nam Augustinus tum locis citatis, tum etiam lib. 14. Cuius. cap. 25. & lib. 5. de Genes. ad lit. cap. 13. & 14. illud Ioann. 1. Quod factum est, in ipso vita erat, refert ad Ideas, & rationes rerum in mente diuina.

Sed Gregorius Nazian. alijque, qui Platonis improbant ac damnant Ideas, putarunt, quod fortassis, ut dixi, verius est, eum voluisse repositas Ideas in ea Mente, ac substantia, quam faciebat seiunctam ac separatam à Deo. Quod quia Christianorum aduersatur religioni, explodendum id, & confutandum studiosis rectæ Sapientie pernitebant.

Ceterum hæc non vindicant Aristotelem ab ingrati animi vitio atque à mendacio. Non enim ipse propterea Platonem arguit, quod in ea Mente posuerit Ideas, sed quod eas commentus sit separatas, & subsistentes ex se, quemadmodum intel-

ligeretur ex eius rationibus, quas postmodum explanabimus. Igitur, ne duobus criminibus ita grauib; ac detestandis vir sapientissimus in hoc iudicio teneatur, tradetur à nobis in patrociniũ & clientelam Eustratii. Is enim, quia credibile non putat Aristotelem vel mentiri tam inuerecundè, vel de magistro tam malè mereri sponte voluisse, pro certo confirmat, cum in hoc cap. 6. lib. primi Ethicorum non quidem aduersus Platonem ipsum, qui nihil tale dicebat, disputare, sed in quosdam inuchi: qui cum non intelligerent ea, quæ de Ideis à Platone dicerentur, huiusmodi excogitauerant Ideam boni separatam, generalem, immortalem, cum omnibus omnino bonis partitè distributòque communicandam. Quæ defensio si alicui videbitur idonea, roborari poterit ex eo, quod Aristoteles initio se ipsum excusans, non ait sibi negotium esse cum amico Platone, sed cum amicis: eos fortasse significans, qui Platonis Ideas perperam interpretati, eam boni formam faciebant, & exemplar separatum, quod exagitat Aristoteles. Hæc sunt quæ de Platonice Ideis decerpere placuit; paucissima quidem in tanta silua, sed quantum ad rem pertinet, satis multa. Rationes nunc Aristotelis, siue aduersus Platonem, siue aduersus Platonicos errantes, siue aduersus commentitiã Ideam boni propositas videamus.

ADVERSUS IDEAM BONI RATIONES ARISTOT.

NON VNUM igitur hoc separatum, siue potius Ideam communem bonorum omnium, triplici ratione confutat Aristoteles. Quarum prima ex ipsa Platonice positione desumitur, qui nullam faciebant Ideam in iis rerum generibus, in quibus prius aliquid esset, & postea aliud: idque declaratum volebant in numeris, inter quos binarius ternarius prior naturaliter est, ternarius binarius posterior: ac propterea dicebant, numerum communem non esse separatam aliquam Ideam, sed numeros ipsos ponebant singulos ideales quodammodo, ac separatos. Huius verò rei rationem hanc esse ait D. Thom. quòd ea, in quibus prius aliquid, aliud verò posterius sit, vnius eiusdemque ordinis esse non videantur, & quod inde consequens est, vnius & eiusdem ideæ æque participes esse non queant. In bonis verò prius vnum est, posterius aliud, vnum præstantius alio. Nam, vt ait hic Aristoteles, bonum est in substantia, est in qualitate, est in relatione, in aliis: quorum singula bona dicuntur: sed cum hæc ordinem habeant inter se naturalem ac certum, sine dubio ceteris prior est substantia, ad quam referuntur, & cuius sunt omnia. Neque enim aliud est quantitas, quàm mensura; aut qualitas, quàm dispositio; aut relatio, quàm comparatio, habitudoque substantiæ: est quippe substantia veluti truncus & stirps, cetera veluti furculi stolonesque adnati substantiæ. Quare prius homo est substantia quædam sentiens, quàm magnus, aut paruus à quantitate, quàm albus aut niger à qualitate, quàm à relatione pater aut filius; ac propterea bonum substantiæ prius ceteris est, & omnibus antecellit bonis, quæ substantiæ accedunt, atque ad substantiam variè referuntur. Ergo bonum separatum, aut Idea boni non potest rebus omnibus æqualiter impartiri. Docebat autem Plato siue illi qui hanc boni comminiscabantur Ideam, essentiam esse rerum earum quæ bonæ dicuntur. Quemadmodum enim Ideam hominis omnium essentiam hominum, Ideam arborum omnium essentiam arborum, faciebant; sic Ideam boni bonorum singulorum essentiam cum iis æquè prorsus atque vniuocè communicatam volebant. Itaque hoc etiam sumpto positòque, quod isti concedunt, rectè.

Secunda disputantis aduersum eos Aristotelis sic ratio est. Eorum, quibus non est vna æquè communis, & vniuocatio, non potest esse vna quædam & generalis Idea. Bonorum autem omnium non est æqualis aliqua ratio & communis essentia par, aut vniuersimodi. Nam in omnibus rerum classibus atque ordinibus, quæ prædicamenta dicuntur, est bonum; quorum tamen vna ratio par, eademque non est; quemadmodum facile intelligere licebit eunti per singula. Deus quippe, ac mens, siue intellectus, quæ de numero bonorum scimus esse, sunt in prædicamento substantiæ, virtus quæ bona item est, in ordine qualitatis; ex æquatio, siue ex æ-

quatum, quod bonum in omnibus est, quæ mensuræ subiciuntur, est depositum in quantitate: vtile, quod est bonum destinatum in consentaneum finem, collocatur in classe relationis: occasio, siue opportunitas, quæ rebus agendis est bona, transigendisque negotiis, constituitur in prædicamento temporis: diuersatio, siue diuersorium, aut domicilium, siue potius cœnaculum (Græce enim est *Ναυτα*) quæ bona sunt vel ad commorandum, vel ad habitandum, vel ad cibum sumendum, in prædicamento loci continentur: eademque ratione cetera bona in aliis eiusmodi generibus sedem habent, & domicilium suum: sed omnium generum ac prædicamentorum non est vlla ratio communis æquæ, ac sine discrimine diffusa per omnia: ergo non potest esse generalis Idea, quam æqualiter, & eodem modo singula bona participant. Quod si esset, vnius tantum prædicamenti esse deberet. Illud animaduertendum hæc est, quod nobis in mentem redigit Accius, hunc Aristotelis locum interpretans: Deum proprie non esse in his ordinibus rerum, aut villo eiusmodi prædicamento contineri: cum & ipse purissimus ac simplicissimus sit, auctor & procreator substantiæ; & omnis omnino substantia composita, & coagmentata sit vel ex materia & forma, vel ex potentia & actu. Ponitur igitur hic Aristoteles improprie in prædicamento substantiæ Deum, ad illud nimirum referens substantiam quoque separatam, & ea, quæ superior omni substantia gregali sit, & coniungi. Nisi malis ex Scoti, & ipsius etiam fortasse Platonis sententia dicere, quandam esse generalem in prædicando substantiam præterredientem omnia, & transcendentem, quæ & de Deo & de prædicamentali substantia dici communi quodam genere queat.

Tertia Aristotelis Ratio ex hac Idea boni demonstrat consequens esse, vt bonorum omnium vna doctrina & scientia sit. Cum enim omnia ex eiusdem formæ participatione bona sint, eandemque speciem & substantiam habeant, in vnâ pland ac eandem cadere scientiam possunt. Eadem quippe principia essendi sunt, & cognoscendi, quemadmodum dicitur initio Phyllicorum. Id verò quanquam pro certo dant, & concedunt aduersarij, qui nullum esse discrimen volunt inter ea, quæ vnius eiusdemque participantia Idææ sunt, demonstrat tamen Aristoteles à veritate abhorrens atque alienum hoc esse propterea, quod ne illa quidem bona, quæ continentur eadem categoria, vna scientia comprehendi possint. Nam tempus, inquit, siue opportunitas vnius generis est, & prædicamenti: cuius tamen vna scientia non est. Aliiter enim consideratur ab Imperatoribus in militia, qui committendo bello vel omittendo, tempus accomodatam intuentur, ac propterea tempus, atque opportunitas ad scientiam militarem, atque Imperatoriam pertinet: aliter à medico in valitudine, ac corpore procurando, qui vel in victu moderando variè ac multimodis præscribendo, vel in pharmacis dandis, mittendoque sanguine, diligenter obseruat Lunæ, calique conuersiones varias, quibus subiectæ mirum in modum singulæ mortalium ægrotationes ac morbi corporum sunt; adeoque temporis contemplatio artis est medicæ, eiusque doctrinæ, quæ in corporis vel tuenda vel restituenda sanitate versatur: aliter ab iis qui corpus exercent laboribus in arena & palæstra, cum sudum aut nubilum cœlum, matutinum aut pomeridianum tempus obseruatè considerent: atque ita idem tempus est doctrinæ gymnasticæ; cuius partes sunt horas accomodatas & certas exercendis vario labore corporibus designare. Cum ergo, ne vnius quidem boni, quod in vno eodemque situm est prædicamento, vna disciplina sit atque scientia, fit vt multo minùs vna possit esse bonorum omnium, quæ, vt supra expositum est, in omnibus omnino sunt prædicamentis, atque ordinibus rerum.

PARS TERTIA CAPITIS SEXTI.

ΑΠορίσθη δ' αὖ τις, τί ποτὶ ἐβέλονται λέγειν αὐτὸ ἔχον. Εἴ ποτ' ἐν τῇ αἰδέσει, δεσπῶ, & αἰδεσπῶ, εἴς γ' ὁ αὐτὸς λόγος ἔστιν ὁ τῇ αἰδέσει. ἢ γ' αἰδέσεως, ὅθεν νοοῦσιν. Εἰ δ' οὕτως, οὐδ' ἡ ἀγαθόν, ἀλλὰ μὲν ὅθεν

QUærat autem aliquis, quid sibi velint, cum dicunt ipsam quidque, si quidem, & in ipso homine, & in homine vna eademque est definitio hominis: quatenus enim homo, nihil different: quod si ita est, neque quatenus bonum. Neque verò

τὰ αἰδίοις εἶναι· μᾶλλον ἀγαθὸν ἔσται,
εἴτε μὴδὲ λυσιπτοῦν ὁ πολυχρόνιος
τῷ ἐφ' ἡμέραν. πιθανώτερον δὲ εἰκόσται
οἱ Πυθαγόρειοι λέγειν περὶ αὐτῶν, πάντες
ἐν τῇ τῆς ἀγαθῶν συστοιχίᾳ τὸ ἐν, οἷς δὲ
καὶ Σπύσιππος ἐπακροῦσθαι δοκεῖ.
ἀλλὰ περὶ μὲν τούτων, ἄλλος ἔστω λόγος.

quia perpetuum est, magis bonum erit,
quandoquidem neque magis alium diutur-
nus est, quam album unius d. ei. Probabi-
lius autem videntur Pythagorei dicere de
eo, ponentes in bonorum serie ipsam unum:
quos quidem et Speusippus secutus vide-
tur: sed de his alia sit dissertatio.

EXPLANATIO.



PLATONICI bonum illud secretum & segregatum non Ideam ap-
pellabant solum, verum etiam per se bonum, siue ipsum quodque, vt
verget Argypop. vel ipsum quidque, vt interpretatur Lamb. Græcè est
αὐτοῖχαρον: quod alij Latine dixerunt, per se bonum: quasi significari
eo nomine putarent αὐτοαγαθόν, hoc est, supremum illud bonum &
formam boni perfectissimam: ea prorsus ratione, qua αὐτοῖχαρον significaret ipsam
essentiam equi separatam. Ne ad hoc diuertere possint effugium, ac dicere, for-
mam illam boni generalem non esse dicendam Ideam, sed per se bonum, ob-
struit illis omnem aditum Aristoteles, ostendens, ne sic quidem posse illos tueri
sententiam suam, ac melius, certe probabilius Pythagoricos de generali bono
iudicasse.

Vbi mihi venit in mentem id admonere, Aristotelem non explodere hoc bo-
num per se, perinde, ac si velit, nullum esse huiusmodi bonum, à quo pendeant
cetera: Nam in 12. Metaph. text. 52. disertissime fatetur esse bonum quoddam
à toto secretum & separatam Vniuerso, à quo fluxerint, & ad quod dirigantur,
ac referantur omnia; eo planè modo, quo totus exercitus refertur ac dirigitur
totus ad bonum Imperatoris. Improbatur igitur hoc bonum per se Platonorum,
ideo quod vellent illud esse non causam efficiatricem tantum, exemplar & finem,
sed formam etiam atque substantiam bonorum omnium intrinsecè. Itaque osten-
dit potius, hoc per se bonum quod isti excogitauerant, deterius esse quàm ipsa
boni per se ratio postularer. Bonum enim separatam quod aliorum caput bono-
rum dicitur, causa & fons excellentioris ordinis sit necesse est, & præstantiore pol-
lens bonitate, quàm ea, qua bona sunt & dicuntur apud mortales. At bonum per
se, quod isti proferunt, non est excellentius his bonis, quæ constituunt apud nos:
id quod demonstrat ex his quæ ipsi dicere soliti erant de ceteris rebus separatim.
Non enim in bono tantum, vt diximus, hanc faciebant separatam formam, sed
singulis generibus & ordinibus rerum adscribebant, ac designabant singulas. Di-
cebant ergo in vnoquoque genere esse vnum quiddam separatam per se, vt per se
hominem, per se equum: sed constat, ac certissimum est, vnam eandemque ra-
tionem hominis esse, qui est apud nos, & per se hominis, hoc est, hominis a ma-
teria secreti ac separati. Homo quippe separatus à concretionem materiæ, & ho-
mo materia concretus, animaque compositus & corpore, non differunt in eo, quod
homines sunt, sed propterea, quod ille materiæ sit & concretionis expertus, hic
corporeus, aspectabilis, & materiæ particeps. Itaque si definiendus esset vterque,
vterque diceretur animans particeps rationis: ergo formalis ratio distincta non est,
ac ne species quidem: si enim res ab Idea differret, differret ratione formali. Ra-
tione verò formali differre non potest, nisi differat ratione.

Quibus ita positis, ait Aristoteles, concedendum item esse bonum quod isti
per se nominant, ac separatam volunt eiusdem esse rationis, ac illa peculiaria quæ
ab eo nascuntur, ita vt penitus abducant, atque in se transferant formam. Non
enim possunt inter se differre alio nomine, nisi quia separatam bonum sit mate-
ria liberum, bonum peculiare sit coniunctum materiæ. Quæ res efficere non po-
test, vt ratione formali differant & essentia. Fiet igitur hinc, vt illud per se bo-
num non sit in ordine positum excellentiori, sed in eodem, in quo bona peculia-
ria mortalium collocantur: quod rationi contrarium est, & bono separato longè
plurimum aduersatur.

Possent aliquis dicere, separatam hoc, & per se bonum ceteris esse præstantius

ac melius, ideo quòd perenne ipsum sit & immortale; illa fluxa, caduca & obnoxia mortalitati: id enim, quod est diuturnius, excellentius esse videtur, & magis expetendum, quàm cetera. Sed eripit hanc quoque dubitationem Aristoteles, planè dilucidèque respondens, sempiternum & temporarium differre tantum inter se, ac discrepare duratione: differentia vero, quæ à duratione tantum exiit, haud faciet vnquam vt aliqua differre specie possint atque substantia. Quemadmodum enim vnus vita diei à diuturniore vita non differt specie, sic ne vita quidem perennis à temporaria potest alio nomine, quàm duratione differre. Similitudinem petit Aristoteles à colore, cui duratio nihil adiungere potest amplius, quàm habeat in se. Neque enim album, quod vnum tantummodo perdurat diem, illo minus est album, quod multos duratione vincit, & superat annos. Et profectò longius æuam, si loquendum vniuersè sit, non demonstrat aliquam naturam esse præstantiorem. Immo vero diuturnitas æui maior rebus interdum deterioribus est: cuiusmodi est materia prima, quæ non corrumpitur, quia terminus vltimus & deterrimus est vniuersæ corruptionis: cuiusmodi sunt lapides vita carentes: qui diutius ferunt ætatem, quàm arbores vita præditæ vegetante. Non enim hoc ex præstantia lapidum fit, sed ex eo quòd nullo egeant pabulo, & rebus circumstantibus contrariis obstant magis, multoque pugnantius, quàm arbores. Quin inter arbores ipsas postremæ quæque, atque ignobiliores magis videntur esse vitales, quàm alix præstantiores. Sunt enim cornice munitæ durior, & crassiore temperamento: adeoque pabulo quolibet aluntur, & rerum contrarium facilius impetum sustinent. Quid verò de homine dicatur, cui multo quàm aliquot belluis vita breuior est? Nactus est enim temperaturam longè mollissimam, & multa ei contraria sunt, à quibus appetitur. Sunt verò multa, quæ his opponi, & aduersum ea proferri, quæ hic ab Aristotele de æternitate ac duratione, de separato bono, ceterisque pronunciantur. Sed ea persequi enucleatius, non est huius doctrinæ, sed, vel Physicæ, vel primæ Philosophiæ.

Supereft nunc, vt videamus, cur Aristoteles dicat, melius aut probabilius philosophatos esse Pythagoreos. Quam ad rem explicandam id ponere principio necesse est: Pythagoreos, ac Pythagoram ipsum duas fecisse quasi familias, vt dicebant, & ordines rerum, quas vniuersorum principia esse volebant. Harum vna series bonorum erat, è quibus videlicet existerent ea, quæ bona dicimus: altera malorum; è quibus fierent omnia, quæ mala nominamus. In vtroque igitur ordine ac classe decem inter se opposita principia, hoc modo numerabant:

Series & ordo Bonorum.

Vnum
Finitum
Impar
Rectum
Quadratum
Lumen
Dextrum
Mas
Quies
Intellectus

Series & ordo Malorum.

Plura.
Infinitum.
Par.
Obliquum.
Altera pars longius.
Tenebræ.
Sinistrum.
Femina.
Motus.
Opinio.

Quæ volumus hic exponere distinctè, atque partitè, non quòd necesse sit de singulis disputare, sed vt amplior quædam cognitio tradatur eius rei, quam breuissimè perstringit Aristot. Nam re ipsa quantum ad id attinet, quod in manibus est, illud nosse tantum oportet, Pythagoreos non posuisse rationem bonitatis in bono aliquo separato, sed in vnitatem, quæ rebus insit ipsis, & in iis quæ verè sunt reperiatur. Dicebant enim, vnamquamque rem suam obtinere bonitatem ex vnitatem, cuius beneficio & esset, & seruetur. Cum enim animus corpori iungitur, vnum quiddam efficitur homo: cum elementa conspirant, corpus item componunt mixtum, & faciunt vnum: quale lignum est, lapis, ferrum; ex

eo genere alia: cū plures consentiunt voces, vnus etiam concentus sit, & harmonia; vt intelligas, cuiuslibet rei perfectionem esse positam in vnitatem. Contra quippe, vbi plura sunt ex vno, vt si corpus, in elementa & principia resoluitur, ipsa res defluit illic, atque pessumdat. Eadem sanè de causa finitum bonum esse dicebant, infinitum malum: quia finitum est vnitati simile, ac perfectionem designat: infinitum multipliciter habet, & coniunctam significare videtur imperfectionem. Nec alia ratio est, cur vellent impar in numero bonorum esse, par in ordine ac classe malorum. Impar enim diuidi non potest, ac propterea quædam in eo videtur vnitatem esse, quæ indiuidua est: par verò ex sua paritate diuidi potest, & ad ipsam vsque resolui, ac redigi prorsus vnitatem. Aristoteles igitur quamquam ne Pythagoreos quidem omnino probat, ait tamen in peruestigatione, ac positione boni probabiliora locutos esse quàm Platonicos. Non enim in bono separato atque in Idea, sed in vnitatem rerum, boni rationem ponendam esse censuerunt: quod à veritate non prorsus abhorret. Vt enim ait Auer. vnumquodque perficitur & conseruatur ex eo, quod maneat in se vnum, minimèque diuisum. Vbi enim incipit dispergi, corrumpi etiam ac perire penitus incipit. Id verò quod ita placuit Pythagoreis, anteponendum esse ait illi Platoniconum opinioni de separato bono, deque Idea; atque hoc vel ipsum docuisse Speusippum: qui tamen si Platoni sanguine coniunctus esset, hoc est, ex eius sorore natus fuisset, ab ipsius tamen Auunculi sententia discedens, Pythagoreorum in hoc genere placita sequi maluit.

PARS QVARTA CAPITIS SEXTI.


ΤΟΙΣ ΔΕ ΛΕΓΕΙΝ, ΑΜΦΙΘΗΤΗΣ
 ΗΣ ΥΠΟΦΑΙΝΕΤΑΙ, ΔΕ ΤΟ ΜΗ
 ΕΙ ΠΛΟΥΤΗΣ ΑΓΑΘΟΥ ΤΙΣ ΛΟΓΟΣ ΕΙΡΗ-
 ΔΑΙ. ΛΕΓΕΙΝ ΔΕ ΚΑΘ' ΕΝ ΕΙΔΟΣ ΤΑ
 ΚΑΘ' ΑΥΤΑ ΔΙΩΚΕΜΕΝΑ, ΚΑΙ ΑΓΑΠΩΜΕ-
 ΝΑ. ΤΑ ΔΕ ΠΟΙΗΤΙΚΑ ΤΟΥΤΩΝ, Η ΦΥΛΑΚΤΙ-
 ΚΑ ΠΙΣ, Η ΤΩΝ ΣΙΝΑΤΩΝ ΚΑΛΥΠΤΙΚΑ, ΔΕ
 ΤΟΥΤΑ ΛΕΓΕΙΝ, ΚΑΙ ΕΙΠΟΝ ΑΛΛΟΝ. ΔΗ-
 ΛΟΝ ΟΥΟΠΙ ΔΙΠΛΩΣ ΛΕΓΕΤ' ΑΥ ΤΑΓΑΘΑ,
 ΚΑΙ ΤΑ ΜΗ ΚΑΘ' ΑΥΤΑ, ΔΑΤΕΡΑ ΔΕ ΔΕ
 ΤΟΥΤΑ. ΧΟΕΙΤΕΡΕΣ ΟΥΟΠΙ ΤΩΝ ΩΦΕ-
 ΛΙΜΟΝ ΤΑ ΚΑΘ' ΑΥΤΑ, ΣΚΕΨΟΜΕΝΑ ΕΙ
 ΛΕΓΕΤΑΙ ΧΥ ΜΙΑΣ ΙΔΙΑΣ. ΚΑΘ' ΑΥΤΑ ΔΕ
 ΠΟΙΑ ΓΕΙΝ ΗΣ ΔΥ, Η ΟΣΑ ΚΑΙ ΜΟΙΟΥΜΕΝΑ
 ΔΙΩΚΕΤΑΙ; ΟΥΟΠΙ ΤΟ ΦΕΡΝΗ, ΚΑΙ ΟΡΘΗ, ΚΑΙ
 ΗΔΟΝΑΙ ΠΙΣ, ΚΑΙ ΠΙΣ. ΤΟΥΤΑ ΓΩ ΕΙ ΧΥ
 ΔΙ ΑΛΛΟ ΠΙ ΔΙΩΚΕΜΕΝ, ΟΜΩΣ ΤΩΝ ΚΑΘ' ΑΥ-
 ΤΑ ΑΓΑΘΩΝ ΓΕΙΝ ΑΥ ΠΙΣ, Η ΟΥΟΠΙ ΑΛΛΟ ΟΥ-
 ΔΕ, ΠΛΗΩ ΤΗΣ ΙΔΕΑΣ. ΩΣΤΕ ΜΕΤΑΜΟΝ ΕΣΤΑΙ
 ΤΟ ΕΙΔΟΣ. ΕΙ ΔΕ ΚΑΙ ΤΟΥΤΑ ΟΥΟΠΙ, ΤΩΝ
 ΚΑΘ' ΑΥΤΑ, ΠΙΝΤ ΑΓΑΘΟΥ ΛΟΓΩΝ ΕΙ ΑΠΑ-
 ΣΙΝ ΑΥΟΙΣ ΤΩΝ ΑΥΤΩΝ ΕΜΦΑΙΝΕΤΑΙ ΔΕΙΝΟΙ.
 ΚΑΘΑΨ ΕΙ ΧΙΟΝ, ΚΑΙ ΨΙΜΜΥΔΙΩ ΤΩΝ
 ΤΗΣ ΛΟΚΟΤΗΣ. ΠΙΜΗΣ ΔΕ ΚΑΙ ΦΕΡΝΗ-
 ΣΙΩΣ ΚΑΙ ΗΔΟΝΗΣ, ΕΤΕΡΟΙ, ΚΑΙ ΔΕΦΕ-
 ΡΟΝΤΕΣ ΟΙ ΛΟΓΟΙ ΤΟΥΤΗ Η ΑΓΑΘΑ. ΕΙΝ
 ΕΣΤΙΝ ΑΡΕΑ ΤΟ ΑΓΑΘΟΝ ΚΟΙΝΟΝ ΠΙ ΧΥ ΜΙΑΣ
 ΚΑΤΕΝΟΥΣ ΒΟΝΑ ΣΥΝΤ. ΝΟΝ ΕΣΤΙ ΓΙΤΕΥΡ ΣΥΜΜΟΥ ΒΟΝΟΥ ΚΟΜΜΟΥΝΕ ΚΥΔΠΙΑΜ ΣΕΚΥΔΟΥ

IN his verò, quæ dicta sunt, contro-
 uersia quadam suboritur; propterea
 quòd non de omni bono rationes dicta sint,
 sed dicantur secundum unam speciem ea,
 quæ per se queruntur, atque amantur; ho-
 rum autem efficientia, siue conseruantia
 quodammodo, aut contrariorum prohiben-
 tia propter hæc bona dicantur, & alio
 modo. Perspicuum est igitur, bifariam dici
 posse bona: alia quidem per se, alia verò
 propter hæc. Separantes adeo ab utilibus
 ea, quæ per se sunt, consideremus, an dican-
 tur secundum unam Ideam. Per se autem
 qualia ponere quis possit? num ea, quæ e-
 tiam si sola relinquantur, queruntur? vt
 sapere, & videre, & voluptates aliqua,
 & honores: hæc enim quamuis etiam ob
 aliud quidpiam persequamur, tamen inter
 ea, quæ per se sunt bona, numeraueris ali-
 quis: an nihil aliud quidpiam præter I-
 deam? Itaque superuacanea eris Idea. Si
 autem & hæc sunt ex iis, quæ per se sunt,
 summi boni rationem in omnibus ipsis eam-
 dem apparere oportebit, quemadmodum in
 niue, & cerussa eadem ratio candoris est.
 At honoris, & prudentiæ, & voluptatis
 alia, differentiæque sunt rationes, eatenus,

ιδεαι, ἀλλὰ πῶς δὴ λέγεται; οὐ γὰρ
ἔοικε τοῖς γὰρ ἀπὸ τύχης ὁμοιύμοις,
ἀλλ' ἅρα γε παρ' αὐτὸν εἶνός ἐστι, ἢ
πᾶσι ἐν ἀπλῶτα συνεπιλήν; ἢ μὲλ-
λοι κατ' αἰαλογίας. ὥς γὰρ ἐν σώμα-
τι ὅψις, ἐν ψυχῇ νοῦς, καὶ ἄλλο δὴ ἐν
ἄλλῳ.

unam Ideam: sed quonam modo dicuntur?
Non enim similia videntur iis, quæ fortuito
eodem nomine nuncupantur. Num igitur
quòd ab uno sint, siue quòd ad unum omnia
conducant? an potius secundum proportio-
nem? ut in corpore nimirum est visus, in
anima mens, & aliud idem in alio.

EXPLANATIO.

CŒVRKIT iterum Aristoteles iis, quæ Platonici contra possent af-
ferre aduersus ea, quæ hæcenus ipse de bono communi, siue de bono
separato disputauerat. Idcirco ait, ex iis quæ dicta sunt posse con-
trouerſiam ſuboriri; ſi nimirum aduerſarij reſponderent, à Platone
non eſſe poſitum bonum aliquod ſeparatum peræque commune om-
nibus bonis. Cùm enim duplex ſit bonorum ordo & genus; quorum vnum per ſe
bonum eſt, alterum aliorum refertur, & bonum ipſum per ſe vel efficit vel con-
ſeruat, vel tuetur à contrariis, concederet quidem Plato, non eſſe bonorum om-
nium vnum genus, aut ideam æqualiter & eodem modo participatam; negaret ta-
men huiusmodi ſe feciſſe generalem & communem boni formam, nec de omnibus
omnino bonis ſe locutum eſſe, ſed de vna tantùm bonorum ſpecie: hoc eſt eo-
rum, quæ per ſe amantur, & expetuntur: horum enim vna eſſe poſſe videtur Idea,
& vnum genus æquali modo communicatum cum ſingulis. Quæ proſectò ſententia
germana eſſe videtur, & vera eorum verborum, quæ hic apud Ariſtotelem ſubob-
ſcurè hoc penè modo ponuntur: In iis, inquit, quæ dicta, huc uſque & de Idea com-
muni, aut ſeparato bono à me diſputata ſunt, controuerſia ſubelli poteſt: cur, in-
quam? quia non de omni bono rationes dictæ: hoc eſt, quia à Platone, ſiue à Pla-
tonicis fortaliſſe non de omni bono dicitur, eſſe poſſe communem Ideam, Græcè
ἀλλὰ τὸ μὴ πᾶσι παρὸς ἀγαθὸν λόγῳ εἰρησθαι, quia non de omni bono ſermones dicti
ſunt. A quonam? Aliqui interpretantur ab Ariſtotele: ſed malè, quia de omnibus
bonis locutus ponitur Ariſtoteles ab iis, qui contra volunt diſputare ac tueri Plato-
nem. Itaque referendum id eſt ad Platonem, vt ſententia hæc ſit: Quia Plato
non de omni bono ſermonem fecit, cùm dixit Ideam eſſe boni, ſed de illo nomi-
natiuè quod amatur per ſe. Hanc ergo controuerſiam ſiue quaſtionem anteuertens,
oſtendere ſe velle confirmat, ne horum quidem bonorum omnium quæ per ſe
amantur & expetuntur eſſe poſſe vnā Ideam, & genus æquale: ac propterea ſe-
iungere ac ſeparare ſe ait bona vtilia à bonis quæ per ſe expetuntur: vt intelliga-
tur demum, an eorum nominatiuè vna eſſe poſſit Idea communis. Seiungamus igitur,
inquit, bona hæc per ſe ab vtilibus, & conſideremus an ea ſecundum vnā
Ideam dicantur. Demonſtraturus autem horum bonorum, quæ bona per ſe di-
cuntur non eſſe aliquod cuiusmodi commune genus, & æqualem Ideam, ſtatuit
primò, quānam dici debeant bona per ſe: pronunciatque, ſiue potiùs aſſumit
quod aduerſarij facile concedet; illa eſſe per ſe bona, quæ tamen ſola relinque-
rentur, hoc eſt, ſolitaria eſſent & nuda, nec vllam aſſerrent præterea vtilitatem,
expeterentur tamen, & quaererentur propter eam, quam in ſe obtinent bonitatem:
cuiusmodi eſt ſcire, inquit, videre, & certis quibuſdam honoribus ac voluptati-
bus perfrui. Quanquam enim hæc propter aliquid aliud, ad quod conducunt, a-
mantur interdum & exquiruntur, ſunt tamen cuiusmodi, vt ſi ab illa etiam vtilita-
te ſeiungerentur, per ſe bona eſſent & expetenda. Vbi duo ſunt ex Euſtrati j monitis
animaduertenda. Primo quidem, Ariſtotelem non dixiſſe, ſcientiam, ſapientiam,
prudentiam, &c. eſſe per ſe bona, ſed ſcire, ſed videre: quia nimirum actiones ſunt ha-
bitibus ipſis præſtantioreſ, ac magis expetendæ: quod alibi quoque demonſtratum
pluribus à nobis eſt. Deinde, non omnem omnino voluptatem, & honorem appellari
ab Ariſtotele per ſe bonum, ſed certum quēdam honorem, certamque voluptatem.
Quia voluptas quæ capitur è rebus turpibus, bona non eſt: & honor qui nobis ab ho-
minibus imprudentibus ob res nimicè honorandas exhibetur, non eſt inter vera bona

recensendus. Quibus positis, vrget per interrogationem aduersarium; quærens, num ei videatur præter Ideam illam boni, & separatum bonum, esse etiam apud mortales aliquod bonum per se: id enim significant illa verba. An nihil aliud quidpiam est præter Ideam? perinde quasi dicat: ergo aliquod aliud est per se bonum præter Ideam, & quod hinc sequitur, est inanis illa species, & Idea boni frustra ponitur; cum excogitata sit ad constituendum aliquod per se bonum. Totus itaque syllogismus sua cum expolitione sic est: si apud mortales aliqua sunt per se bona, forma & Idea bonorum inanis ac superuacanea est. Sed apud nos aliqua sunt per se bona & expetenda: quale videtur esse sapere, videre, perfrui voluptatibus, honoribus, & dignitate florere. Igitur Idea boni frustra ponitur, & est superuacanea. Ponitur enim propterea, quod bonum per se ponendum aliquod sit, & quoniam nolebat Plato, Ideas à rebus differre, quarum essent Idææ, ex eo quod ostenditur apud homines esse bonum per se, demonstratur etiam Ideam boni superuacaneam esse: quippe quæ nihil differat à bono per se, quod apud homines reperitur. Quæ argumentatio tametsi vincit quod efficere contendit, pergit tamen amplius declarare absque ratione & consilio poni bonum illud per se, si bona per se apud mortales inueniuntur.

Quod si per se bona, inquit, apud nos aliqua sunt, quorum sit ista communis Idea, omnia per se bona eandem prorsus obtinebunt rationem: est enim Idea, vt sapè diximus, vniuoca. Id verò fieri non potest: ergo ne ipsa quidem potest esse bonorum per se communis Idea. Esse autem alienum à ratione facere bona per se æqualia minimèque differentia, demonstrat ex honore, prudentia, siue sapientia & voluptate. Nam sapientia est bonum per se eiusmodi, vt perficiat habentem, & in eius potestate sit, qui sapientiam obtinet: honor autem pender ab alio, & in manu est honorantis: voluptas est perfectio quædam actionis, aut operationis: quæ qualitates, rationesque bonorum varix sunt, & differentes, variisque nominibus appetendæ: ergo non vnâ obtinent, eandemque rationem; ac propterea non participant æqualiter Ideam boni. Si enim æquè participarent, esset, inquit Aristor. vna omnium bonorum istorum ratio & definitio, quemadmodum est alboris, quem in nuce contuemur, & in cerussa. Est quippe cerussa medicamentum illud faciei, quod Græcè *ῥυτίδιον*, & populari lingua dicitur Italice, Biacca, candidum sanè multum: tantòque præditum candore, vt quod maximè candidum dicere vellet, cerussa candidius dixerit Martial. in lib. 7. epig. 24.

*Dulcia cum tantum scribas epigrammata semper,
Et cerussata candidiora cute.*

Cum ergo bona per se non sint æqualia, nec æque participare possint Ideam illam communem, quam isti faciunt vniuocam, pariterque participatam ab omnibus; frustra ponitur, & sine consilio, ac ratione fingitur à Platoniceis.

Dubitatio quædam hinc existere potest, quam porro amouet Aristor. Dubitatio autem oriri potest ex eo, quod demonstratum sit, bonorum non esse rationem vllam vniuocam, & peræque participatam. Quæret adeo aliquis, qua ratione bonum commune participetur à singulis bonis, & quodnam, aut quale sit genus bonum illud commune, quod ceteris est superius, & latius bonis. Id enim sibi vult illa interrogatio. Sed quonam modo bona dicuntur? hoc est, quonam genere prædicationis generale bonum affirmatur & dicitur de ceteris bonis? Non enim bona esse videntur æquiueca à fortuna, inquit, &c. Quod vt planius intelligatur, illud repetendum à Logicis est: aliquid impariter, & inæqualiter dici de multis, atque à multis participari posse dupliciter: primo quidem, si ea quæ aliquid commune participant inæqualiter, rationibus, definitionibusque omnino diuersis, ac variis inter se discrepent, nec aliud sit, in quo consentiant, nisi nomen: cuiusmodi iam vulgò dicuntur esse Taurus animal & Taurus mons in Cilicia: cuiusmodi Canis cælestis, aquaticus, & terrestris: quod homonymon, siue æquiuecum, appellatur fortuitum: quia casu factum videtur, vt idem nomen imponeretur iis, quibus ratio tam diuersa & definitio est. Alio verò modo multa participant aliquod nomen aut genus impariter propter rationes quidem diuersas ac varias, non tamen omnino, aut adeo differentes, vt in aliquo non consentiant, conueniantque. Interdum enim concordant in eo, quod ad vnum, idemque principium referuntur: qualia sunt illa, quibus à militia

nomen imponitur: ut gladius militaris, quia instrumentum; lorica militaris, quia tegumentum; militaris currus quia vehiculum falcatum armatumque militis est. interdum in eo, quod referantur ad eundem finem: cuiusmodi sunt ea, quæ salubria nominamus, medicamentum enim & potio salubris appellatur, quia salutis ac valetudinis coniectans est: temperantia salubris, quod eiusdem salutis ac valetudinis conservatrix sit, salubris color, quod salutis ac valetudinis indicium sit: interdum in eo, quod idem subiectum habeant secundum proportionem diuersas. Ita quippe qualitas dicitur ens, quia dispositio est entis per se: ita quantitas, quia mensura eiusdem entis per se: ita cetera, quæ dicuntur entia, quia referuntur ad substantiam in qua sunt, & extra quam esse non queunt: interdum in eo, quod secundum vnam eandemque proportionem ad subiecta varia referuntur. Eandem quippe proportionem habet visus relatus ad corpus, quam habet intellectus relatus ad animam: cum ille organi corporei facultas sit, hic animæ vis & potestas, ab ipso etiam corpore separata. Hæc, inquam, omnia æquiuocorum genera interrogando perstringit Aristoteles; querens, quale nam æquiuocum ex his sit boni nomen generale, quod de bonis omnibus affirmatur. Sed quonam modo, inquit, bona dicuntur? Non enim æquiuoca esse videntur à fortuna: quorum videlicet est solum commune nomen, ratio planè omninoque diuersa. Num ergo æquiuoca sunt propterea, quod ab vno principio fluunt, aut ad eundem finem referuntur? An potius referuntur ad subiecta varia secundum eandem proportionem? nam quemadmodum est in corpore videndi facultas, & vis, sic est in anima mens, & potestas intelligendi: sed hæc omit- tenda esse ait, quia de iis accuratius disputare, primi philosophi siue Metaphy- sici est.

Non tamen propterea questionem inchoatam imperfectamque relinquit. Statuit enim latenter, & dissimulanter decernit, bonum generale affirmari de ceteris bonis secundum analogiam, & proportionem: id quod declarat similitudine à viden- di facultate, atque ab intellectu repetita. Cum enim tantummodo depulisset æqui- uoca illa à casu, quia non habent aliquid commune, nisi nomen, bona verò aliquid præterea participant amplius, per subiectionem interrogationi subiunctam affir- mauit, alius modis omnibus dici posse generale bonum, & prædicari de ceteris bo- nis. Dicuntur quippe bona secundum proportionem; quia pendunt ab vno, eodem- que principio bonitatis, & ad vnum eundemque finem referuntur: non quod pri- mum bonum, siue bonum separatum sit omnium bonorum essentia & ratio, quem- admodum de Idea dicebant Platonici, sed quod eorum origo sit, atque vltimus finis. Dicuntur item omnia bona secundum eandem proportionem de diuersis va- riisque subiectis, quemadmodum visus de corpore dicitur, de anima verò intelle- ctus: ita enim ille bonus est corpori, ut hic opportunus est animæ.

QVINTA PARS CAPITIS SEXTI.

ΑΛ' ἴσως ταῦτα μὲν ἀφετέρῳ τῷ
νῦν. Ἐξακριβοῦν γὰρ ἔσθ' αὐτῶν,
ἄλλως δὲ εἴη φιλοσοφίας οἰκειότερον.
ὁμοίως δὲ καὶ πρὸς τῆς ιδέας. Εἰ γὰρ καὶ
ἔστιν ἐν τῇ κοινῇ κατὰ γενεὴν ἀγα-
θόν, ἢ χωριστὸν πρὸς αὐτὸ καθ' αὐτὸ, δὴ-
λον ὡς εἴη δὲ εἴη πρὸς αὐτὸν, οὕτως
κατὰ τὸν αἰθερῶνα. νῦν δὲ πρὸς τὸν π-
ταῖται. Ταῦτα δὲ τῶν δόξων αὐτὸ βέλτερον
εἶναι γνωρίζειν αὐτὸ πρὸς τὰς κατὰ καὶ
πρὸς αὐτὸν ἀγαθῶν. οἷον γὰρ πρὸς αὐ-
τὸν ἔχοντες, μᾶλλον εἰσάμεθα
καὶ τὰ ἡμῖν ἀγαθὰ, καὶ εἰδόμεθα πρὸς
πρὸς αὐτὸν. πιθανότατα μὲν οὖν

Sed fortassis hæc omittenda in presen-
tia sunt: subtilius enim exquirere de his
alterius esset philosophiæ magis proprium.
itaque etiam de Idea. Nam si est vnum
aliquod, quod communiter dicatur bonum,
aut separatum aliquod ipsum per se, constar,
id non posse sub actionem cadere, neque sub
adeptionem hominis. Nunc verò tale ali-
quid queritur: fortasse autem alicui videri
possit, melius esse cognoscere ipsum, ad pa-
randa, & agenda bona. Quasi enim exem-
plar hoc habentes, magis cognoscemus etiam
ea, quæ nobis bona sunt: & sic cognouerim-
us, consequemur ipsa. Probabilitatem

ἔχει πρὸς τὸ λόγος. ἔχει δὲ τὰς ἐπιτη-
μὰς ἀφωγόν. πᾶσαι γὰρ ἀγαθὸν π-
ρος ἐφελκύουσι, καὶ τὸ ἐσθλὸν ἐπιζη-
τοῦσι, καὶ ἀλείπουσι τὴν γνώσιν αὐτῶν.
καὶ τοὶ βέλτεροι τὴν δικαιοσύνην ἀποδύ-
ουσι τὰς τέχνας ἀγνοῦν, καὶ μὴδὲ ἐπιζη-
τεῖν, ὅτι βέλτεροι. ἀπορροῦν δὲ καὶ τὴν
ἀφῆλυσιν ὑφ' αὐτῶν, ἢ τὴν περὶ τῶν
τέχων αὐτῶν εἰδὼς, αὐτὸν ἀγαθόν,
ἢ πῶς ἰατρικώτερος, ἢ στρατηγικώτε-
ρος ἔσται, ὁ τὴν ἰδίαν αὐτῶν πελα-
γίαν. φαίνεται μὲν γὰρ ὅτι τὴν ὑγίαν
οὕτως ἐπισχεπτῶν ὁ ἰατρὸς, ἀλλὰ τὴν
ἀνδρείαν· μέλλον δὲ ἴσως τὴν τῆς
κατασκευῆς γὰρ ἰατρικῆς. καὶ τοῦ μὲν ὑ-
πὸν, ὅτι τοσοῦτον εἰρήσεται.

igitur quidem habet aliquam hæc ratio, sed
videtur à scientiis dissentire. Omnes quippe
bonum aliquod expetentes, & quod deest
perquirentes, prætermittunt cognitionem
ipsius. Atqui adiumentum tale omnes ar-
tifices ignorare, ac ne perquirere quidem,
non est rationi consentaneum. Dubium ve-
rò etiam est, quam utilitatem capiet tex-
tor, aut faber ad suam artem, intelligens
ipsum summum bonum; aut quomodo pe-
ritior medicus, aut dux scientior erit, Ideam
ipsam contemplatus: videtur enim verò ne-
que bonam valetudinem ita inspicere medi-
cus, sed hominis; magis autem fortasse va-
letudinem huius. Nam singulis medetur.
Ac de his quidem hæcenus dictum sit.

EXPLANATIO.



HÆC est illa pars vltima: in qua demonstrat Ideam, ne si esset qui-
dem, pertinere quicquam ad Moralis doctrinæ propositum posse,
aut ab ea petendam esse felicitatem humanam. At itaque princi-
pio, prætermittendam esse diligentiore de Idea disputationem,
cùm alterius sit philosophiæ, non Ethicæ: cuius nimirum partes
sunt ea tantummodo tractare, quæ à nobis agi pararique possunt. Ab hac præteri-
tione ad suam exponendam rationem, quæ demonstrat, Ideam humanæ felicitati
minùs idoneam esse, ita descendit. Etiam si ea inueniretur & daretur Idea, vel se-
paratum bonum, aut per se bonum æquè, atque vniuocè communicatum cum ce-
teris, non tamen esset eiusmodi, vt vel aliquid à nobis factum, vel partum, posses-
sumque bonum dici deberet aut posset. At nos aliquid eiusmodi quærimus, cùm
felicitatem quærimus. Est enim felicitas finis humanarum actionum: ergo vel est
actio, vel opus ab actione profectum, atque in nostram ipsorum veniens possessio-
nem. Idea verò neque hominis actio est, nec aliquid hominis actione partum fa-
ctumque, nec quippiam, quod ab homine possideri queat, aut in humanæ vitæ vsus
& commoda peruenire. Hic diuertit aliquantulum ad euertenda quæ possunt obici.

Occupat enim aduersariorum effugium, qui respondere possent, illud bonum se-
paratum, tamen si neque actio sit, neque res actione perfecta & acquisita, nec aliquid
quod ab homine possideatur, esse tamen exemplar bonorum omnium, quæ sunt,
parantur, & possidentur ab homine. At ij, qui exemplar in agendo respiciunt, faci-
lius extindunt & efficiunt id, quod ab exemplari expressa similitudine depromitur.
Ergo is, qui alia bona; hoc est, felicitatem ipsam agendo parare contendunt & pos-
sidere, haud minùs erit vtile cognoscere diligenter Ideam, quàm sit is qui effigiem
expingunt hominis, ipsum hominem oculis intueri. Hæc enim distinctè proponit il-
lis verbis. Fortasse verò alicui videri possit esse melius ipsum cognoscere ad paran-
da & agenda bona. quasi dicat: Satiùs esse fortasse duxerit aliquis bonum illud sepa-
ratum habere cognitum ad ea bona, quæ agi, quæque possideri possunt, facilius com-
paranda. Et rationem adiungens: nam quali exemplum, inquit, id habentès. magis
ea, quæ nobis bona sunt cognoscere, & si cognouerimus, consequi etiam possemus.
Responsum hoc, aut obiectum quantumuis probabile duplici ratione conuellit. Pri-
mam sumit ex eo, quod vulgo fieri cernimus in omnibus artibus ac disciplinis, ac
propterea sermonem istorum ait videri quidem probabilem, sed dissentire tamen &
alienum esse ab omnibus artibus & doctrinis. Omnes appetunt, inquit, aliquod bo-
num, idque quod sibi deest inquirunt, & vnaquæque is vtitur instrumentis, atque
præsidis, quæ ad propositum parandum finem idonea sint. At earum nulla vtitur il-
lius boni separati cognitione ad finem consequendum ac propositum suum. Cogni-
tionem enim eius prætermittunt: quam certè non prætermitterent, si aliquid in ea
positum

positum esset opis atque praesidij. Ergo Idea ad bona, quae fiunt, parantur, possidentur, nihil affert momenti, adeoque à Morali doctrina, atque ab iis, qui felicitatem quaerunt, esset negligenda, si uspiam reperiretur. Altera Ratio videtur superiorem confirmare. Docet enim, illud bonum esse negligendum, quod vel artibus parandis, vel artium exercendis actionibus est inutile: huiusmodi esse Ideam illam & bonum separatum. Nemo enim, inquit, efficitur magis medicus, aut magis miles, aut magis textor, aut magis faber, nec melius actionem exercet suam, ex eo, quod contempletur atque intueatur Ideam boni separatum. Cuius rei causam aperiens, adiungit, oportere, exemplar, quod necesse habemus inspicere, simillimum esse rei, quae ab ipso exprimitur exemplari. At exemplar illud Platonis est generale, separatum, & abstractum. Ars verò ipsa, concreta tractat & singularia: neque enim medicus generalem parare valetudinem contendit, sed circumscriptam & certam, hoc est eam, quae hominis, immò verò eam, quae huius hominis est: ergo frustra contemplantur exemplar, cui simile non sit, neque respondeat illud, quod ipse conatur efficere.

His ita disputatis & constitutis, ait ad extremum varias de felicitate sententias à se satis expostas, & declaratas esse. Ac de his quidem haecenus diximus, inquit.

EPILOGVS.

1. Generale bonum, à quo manant cetera, hoc est, Ideam boni inuestigare, & querere num in ea posita felicitas sit, satius erit, quam de voluptate, honore, gloria, aliisque huiusmodi peculiaribus bonis inquirere. Sed hac quaestio perdifficilis est non tam ob ipsam operis difficultatem, quae aliam sibi vindicat, & postulat philosophiae partem, quam propterea, quod suscipere certamen debeamus aduersus homines amicissimos, carissimosque, qui has Ideas excogitarunt, & in philosophorum conuentus inuexerunt. Horum enim oppugnare placita, & decreta conuellere sine aliqua molestia, & pudore non possumus. Nihil tamen minus, quia philosophi sumus, & veritatis amici, non amicorum sententias solum, sed nostras etiam ipsorum positiones, si veritati dissensanea sint, euertere debemus & confutare. Quamquam enim amici colendi sunt, & obseruandi maximè, pium tamen est magis ac sanctum amicis ipsis antepondere veritatem.
2. Nulla est eiusmodi boni species & Idea separata, qualem Plato, aut mali aliqui Platonis Interpretes comminiscuntur: quod intelligi & demonstrari potest ex iis, quae ipsi concedunt ac tamquam explorata ponunt & certa. Dicunt enim primò, Ideam illam uniuocè communicari, nec in iis esse, in quibus prius aliquid & posterius sit. At in iis, quae bona dicuntur, unum est alio prius, aliud alio posterius. Est enim bonum in omnibus predicamentis, quorum primum substantia est, cetera posteriora sunt & deteriora. Dicunt secundo loco, Ideam esse rationem ipsam, atque essentiam rerum, quae bonae dicuntur: sed bonum in omnibus categoriis est, quarum non est una ratio & definitio: est enim bona substantia, bona qualitas, quantitas, &c. Dicunt tertio, eorum quae unam habent Ideam unam esse scientiam: immò verò idcirco admittendas Ideas esse ut una in quolibet rerum ordine scientia sit, quae sine Idea esse non posset. At non est una scientia, non dico bonorum omnium, sed ne illorum quidem, quae in unica tantum Categoria & predicamento sunt. Neque verò rei difficultatem effugiunt, cum dicunt se, non omnium omnino bonorum Ideam unam facere, sed eorum tantum quae per se sui gratia expetuntur: qualis est honor, voluptas, sapientia, &c. Horum enim bonorum non est una ratio & definitio, ac propterea non una species & idea, quae peraeque in omnibus esse ponitur & uniuocè.
3. Quamuis esset & reperiretur Idea boni, non tamen in ea ponenda felicitas esset. Non enim caderet in actionem, ut cadere felicitas debet, quae actionum humanarum finis & terminus est: nec posset ab homine comparari, aut possideri, cum aliquid sit separatum. At nos huiusmodi quarimus bonum, quod parare possumus & possidere, cum quarimus felicitatem.

IN CAPVT SEXTVM,

QVÆSTIO PRIMÆ.

An Amicitia post habenda sit Veritati.

SÆPIS SIME in ea tempora incidimus, quibus, vt ait apud Senecam Publius Mimius, aut Veritas, aut Amicitia perdenda sit. nec raro accidit, vt quemadmodum ille ait in Andria, Veritas odium pariat. Itaque qui retinere volet amicitias, caueat, inquit Persius,

Auriculari teneras mordaci radere vero.

Apud Athenæum in lib. 5. commemorantur hæc ex Agathonis sententia:

Si vera dicam, tibi voluptati haud ero.

Si sim voluptati, haud tibi vera dixero.

Iure adeo M. Tullius in libello de Amicitia Veritatis tam acerbam esse conditionem sic dolet. Sed nescio quomodo verum est quod in Andria familiaris meus Terentius dixit: Obsequium amicos, veritas odium parit.

Querimus igitur hic: num aliquando veritatem deferere Amici causa fas sit. quæ videtur illi similis esse quæstio, quam antiquissimi philosophi proposuerunt, atque ita difficilem existimarunt, vt Chilo præstabili vir sapientia, vt est apud Gell. lib. 1. cap. 3. in ipso quoque vitæ sine de ea dubitaret, & cum illa proflus anxietate decesserit. Quærebant enim: An contra ius, contravene morem faciendum pro amico sit, & in qualibus, & quibus causis, & quemnam ad vsque modum. Huic, inquam, veteri quæstioni nostra similis est: vbi hoc inuestigamus, Vtrum amicitia posthabenda sit veritati, an anteferenda. Dux quippe sunt veritatis notiones, vt ait D. Thom. in altera parte secundæ q. 109. art. 1. vna; quæ significet æqualitatem intelligentiæ cum intellecta re. altera quæ virtutem nobis exprimat, habitumque animi, cuius beneficio, ac vi veridicus aliquis esse dicitur ac verax. hanc enim certam quandam esse virtutem inter morales adnumerandam affirmat Aristot. in horum lib. Moral. 4. c. 7. vbi de ea consultò disputat, & pluribus docet S. Thom. ead. quæst. artic. 1. qui superiorem illam veritatem huius obiectum, aut finem esse iam dixerat art. 1. Quemadmodum igitur illi veteres Philosophi apud Gell. quærebant, num aliquæ vnquam euenirent tempora, quibus amicitia esset anteponenda iustitiæ, religioni, vniuersimque moribus, hoc est virtuti, atque honestati, sic etiam nos illud hic nominatim in dubium, quæstionemque vocamus. amicitianē sit huic anteferenda virtuti, quæ dicitur veritas, an ipsa veritas Amicitia.

Controuersiam hanc diremisse satis vide-

batur ille Pericles Atheniensis, egregius planè vir, & cum ingenio, tum omnibus etiam disciplinis ornatus. Cum enim amicus eum rogaret, vt pro re, causaque falsum diceret, his in eum verbis est vsus, quæ commemorat Gellius, *Ἄν μὴ συμφέρῃ τῷ φίλῳ, ἀλλὰ μῆτι θεῶν.* oportet me quidem gratificari amicis, sed tamen vsque ad Deos, siue vsque ad aras. Quanquam enim idem est, iubet tamen nos legere Petrus Mosellinus *μῆτι θεῶν*, vsque ad aras, quia Plutar. in lib. de inepta verecundia; prouerbum ex hoc dicto Periclis natum profert in hunc plane modum, *μῆτι τῷ θεῷ φίλος εἶμι.* vsque ad aram amicus sum, olim enim qui iurabant, manu contingebant & tenebant aram, quemadmodum demonstrat apud Virgilium Latinus, qui iure iurando sic obligat fidem suam.

Tango aras, mediisque ignes, & numina testor.

Admonuit ergo nos illo dicto Pericles, planèque decreuit, numquam fas esse ne paululum quidem à recto desistere in gratiam ac voluntatem amici. quamuis enim in vna tantum specie virtutis, hoc est, in religione hoc animi sui consilium demonstrarit, planissimè tamen quid de reliquis etiam virtutibus, totaque honestate ipse existimaret, in vna illa iniquissimi postulati depulsione professus est. Satis ergo videbatur optimis vir de vniuersa quæstione statuisset. sed fuere tamen, qui veniam aliquam in hoc genere darent amicitia, dicerentque, amici causa decedendum aliquantum interdum esse ab honestatis via, modò summa non sequatur ex ea declinatione turpitudine. Nam M. Tullius Cicero sic explicat, non tam suam, quam ab aliis, in primisque à Theophrasto acceptam de hac quæstione sententiam: His igitur finibus, inquit, vtendum esse arbitror, vt cum emendati mores amicorum sint, tum sit inter eos omnium rerum, consiliorum, voluntatum sine vlla exceptione communitas: vt etiam si qua fortuna acciderit, vt minus iuste voluntates amicorum adiuuandæ sint, in quibus eorum, aut caput agatur, aut fama, declinandum sit à via, modò ne summa turpitudine sequatur. est enim quatenus amicitia venia dari possit. Hanc ille à Theophrasto accepit opinionem, quam nobis ex eius libro de Amicitia primo sic recitat Aulus Gellius: Theophrastus in eo quem dixi libro, inquisitum quidem super hac re ipsa, exactius, pressiusque quam Cicero disseruit. Parua, inquit, & tenuis, vel turpitudine, vel infamia subeunda est, si ea te magna utilitas amico currere potest. Rependitur quippe, & compensatur leue damnum delibata honestatis maiore alia, grauiorèque in adiuuando amico ho-

neſtate, minimâque illa labes, & quaſi lacuna ſana imminentis partarum amico utilitatum ratione ſolidatur. Hæc docuit Theophrastus, & ſua ſancire ſe putavit auctoritate Ciceronis. Quin Chilo ille, quem initio commemoravi, re, factoque demonſtrare voluit, quatenus exiſtimaret amici cauſa declinandum eſſe de via. falſum enim pro amici ſalutis conſilium dedit, inquit, loco laudato Aulus Gell.

Sed hos erraſſe graviffimè, aliôſque, qui putant, veritati præferendam amicitiam eſſe, in ſumma rerum ignoratione verſari, noſtrum erit in hac diſputatione, & exponendis rationibus noſtris, & aliorum conſutandis argumentis, oſtendere.

Dicendum igitur eſt, amicitia ſemper anteponendam eſſe veritatem: nec vlla incidere poſſe tempora, quibus amici cauſa deferenda veritas ſit. ita proſus; ut ſi res, atque occaſio idferat, vel amici tuendam eſſe falſam opinionem, & mendacium, vel diſſuendam amicitiam, hæc potiùs, quàm veritas deferatur.

Prima ratio. In omni libera optione id eligendum ac faciendum eſt potius, quod bonum eſſe intelligimus, quàm quod malum. Sed cùm eiufmodi datur optio, bonum eſt, tueri veritatem, eandem prodeſſe ac deferere malum eſt. ergo illud potius quàm hoc eligendum eſt. Eſt autem deferere malum, quia retinere bonum intelligentiæ noſtræ, bonum eſt, idem prodigere ac profundere, malum. At veritas, intelligentiæ noſtræ bonum eſt proprium, falſitas malum, ut dicitur in hoc lib. primo Moralium cap. 6. ergo tueri veritatem eſt bonum.

Secunda. Amico ea omnia parare, ac tradere bona debemus, quæ nobis volumus iſſis. Nam verè Pythagoras aiebat, *τὸν φίλον ὡς ἑαυτόν*, id eſt, *ut ſeipſum*. hoc eſt, amicitiam equalitatem eſſe, & animam vnam, amicum verò alterum ipſum. Immo verò ſunt hæc apud Ariſtotele ipſum in libr. 2. Magnorum Moralium. Quoties, inquit, vehementer amicum dicere volumus aliquem; dicere ſoliti ſumus *ὡς ἑαυτόν*, id eſt, *ut ſeipſum*. Anima mea & huius. & in eodem libro definiens amicum. *ὁ φίλος, ὁ ἐκείνου, ὁ ἐκείνου ἴσης ἑαυτοῦ*. Eſt autem amicus, ut vulgo dicimus, alter ipſe, vel alter, ego. Cùm inquam, tanta nobis cum amico ſit equalitas, ut vix à nobis iſſis diuidi ac ſecerni queat, omnia ei quæreſſe, ac parare debemus bona, quæ nobis in eſſe ac ſuppetere vellemus, quæque illi profutura eſſe intelligimus. ſed liberati falſis opinionibus, quibus imbutus eſt animus, bonum eſt, & nobis iſſis expetendum eſt maximè, & amico plurimum prodeſt. curandum igitur eſt, & quantum licet, efficiendum, ut amicus falſis opinionibus liberetur, & verum intelligat. Ita enim ſuo perfruetur bono, hoc eſt veritate, quod eſt intelligentiæ proprium bonum.

Tertia. Non eſt in amico ferendum, & diſſimulandum malum, quo ſit ille deterior. At falſis opinionibus amicus deterior ſit.

Impeditur enim, quominus aſſequi verum poſſit, quod ei bonum eſt proprium: ut ſupra diximus.

Quarta deſumi ex ipſo Ariſtotele poſeſt in hoc capite. Amicitia carior, ac ſanctior præferri debet amicitia minus caræ, ſanctæque. ſed carior eſt, & ſanctior amicitia veritatis, quàm cuiuſlibet hominis. ergo veritatis amicitia eſt charitati omnium amicorum anteponenda. Amicitiam verò ſive amorem veritatis eſſe cariorē demonſtrari ex eo poſeſt, quod ad amandum amicum ipſa movemur veritate. Cùm enim vera perfectiſſimæque amicitia virtute moueatur ad diligendum, ſine dubio ab amore deſiſteret, niſi veritatem intueremur. ergo veritatis amor eſt potior. Eſſe autem amicitiam veritatis ſanctiorem, & docet hic Ariſtoteles, & oſtendi poſeſt ex ipſa ſanctitatis etymologia. ſanctum enim id eſſe dicitur, quod ſtabile, conſtans, atque inuiolabile debet eſſe. ſed veritas ita ſtabilis eſt, ut nullo debeat mendacio violari, quod omnes profitentur: Amicitia verò diſſolui debet cum pernicioſa patriæ, aut maximè turpia poſtulat, quod nemo diſſitetur. ergo ſanctior eſt amicitia veritatis, quàm cuiuſlibet hominis.

Argumenta quædam aliqui proferunt diſputationis ſtudio, ad ea, quæ diſputata & decreta hic ab Ariſtotele ſunt, exagitantia.

Primum argumentum ducitur ex quadam veritatis diuiſione tripartita, quæ eſt apud D. Thomam quæſt. 109. 12. artic. 3. Dicitur enim eſſe veritas vitæ, iuſtitia & doctrina. Veritas vitæ probis continetur actionibus, quas aliquis in ſe ipſo rectæ rationi congruenter exercet. Veritas iuſtitia poſita eſt in actionibus, quæ referuntur ad alios, bonis item & rectis, quemadmodum ius & ratio poſtulat. Veritas doctrina in humane diuinæque ſcientiæ profeſſione conſiſtit.

Hæc, inquam, triplicis diuiſione veritatis expoſita, ſic aliqui diſputant: Quod ſaluberrimæ veritati præfertur, omni proſus anteponendum eſt veritati. Sed amicitia vel ex ipſo Ariſtot. antefertur ſaluberrimæ veritati. eſt enim ſaluberrima illa, quæ iuſtitia veritas appellatur, nec ab ipſa iuſtitia diſtinguitur: ergo amicitia omni veritati anteferenda eſt. Docet hæc in libr. horum Moral. 8. ubi confirmat, ſi omnes eſſemus iuſti, futurum eſſe, ut adhuc tamen amicitia indigeremus ad ſtatum iuſtitia perſiciendum: ſi autem eſſemus amici, non eſſe nos præterea iuſtitiam requiſituros. Igitur Amicitia præfertur ipſi iuſtitia, & quod inde conſequens eſt, ſaluberrimæ veritati. Dicitur enim ab eodem Ariſtotele Iuſtitia virtutum omnium præclariffima in libr. 5. ergo eſt ipſa veritate præclarior. Sed amicitia eſt anteponenda iuſtitia. eſt igitur etiam anteponenda veritati, quæ in excellentia contentione vincitur à iuſtitia.

Quod ſpectat ad partitionem illam triplicis veritatis, nihil eſt omnino dicendum, quia veritas illa iuſtitia par eſt iuſtitia, de qua dicendum erit accuratius in tempore.

Itaque videndum erit, an Iustitiæ antepo-
nenda sit amicitia, ex eo quod magis sit in con-
stituendo Reipublicæ statu sufficiens; quem-
admodum indicare videtur Aristoteles, plu-
ra in amicitia quam in Iustitia ad bene
beatæque viuendum præsidia collocans. Ex
hoc enim sequeretur, amicitiam esse ante-
ponendam veritati, quia Iustitia dicitur om-
nium virtutum (inter quas est etiam veri-
tas) præclarissima. Quare hoc est præte-
rea inuestigandum, cur Iustitia dicatur om-
nium excellentissima; & an propterea ipsi
quoque veritati anteferatur. Cum enim
ex loco illo superiore octauo lib. possimus
intelligere, amicitiam esse Iustitiæ præsta-
biliorem, si Iustitia est excellentior quam
veritas, consequens est, eandem amici-
tiam excellentiorem esse virtutem, quam
veritatem. Ergo, vt ordiamur primo: Ari-
stoteles in illo Moral. 8. non anteponebat Ami-
citiam cuiusque Iustitiæ, sed certæ cuidam
Iustitiæ parti, formæque, quæ in irrogandis
pœnis, iudiciòque versatur, tanquam in re-
mediis, adhibendis quæ Ciuium dissidia tollant
pacem concordiamque tueantur. Huic ergo Iu-
stitiæ solum anteponebat amicitiam Aristoteles.
quia si ciues amicitia essent inter se coniuncti
& copulati, non egerent puniæ Iustitiæ; cum
nullæ essent iniuriæ, quas plecteretur. egerent
nihilominus illa communi Iustitia, siue le-
gali, quæ virtutes omnes complexione qua-
dam includit ac tenet; egerent ea, quæ con-
tractus & conuentiones voluntarias regit:
egerent distribuente, quæ suum cuique de
publico dat, vt promerita postulant.

Secundum argumentum est superiori per-
simile, atque hoc modo proponitur: Id an-
teponendum est, & censeri præstabilius de-
bet, cuius beneficio ciuilis communitas, aut
communicatio magis retinetur, & conserva-
tur. quod docuit Aristot. supra in cap. 2. ad
extremum his verbis. Nam etsi vni homini,
& ciuitati bonum idem sit; bonum tamen
Ciuitatis, & acquirere, & conseruare ma-
ius quiddam esse videtur, atque diuinius. sed
politica Communitas retinetur, ac seruatur
magis amicitia, quam veritate: Quanta enim
est inter ciues amicitia, tanta prorsus est com-
municatio. Itaque Aristoteles in horum
Moral. octauo lib. totidem fecit amicitia
formas, quot genera Politicæ sunt. Quin in
eodem lib. ait, ciuitates amicitia contineri,
& legistatores, de amicitia magis, quam de
Iustitia laborare. Huc accedit M. Tullius
qui in amicitia totam positam esse commu-
nicationem ciuilem his verbis ostendit:
Quanta vis amicitia, concordiaque sit, ex
dissensionibus, atque discordiis percipi po-
test. quæ enim domus tam stabilis, quæ tam
firma ciuitas est, quæ non odiis atque discor-
diis funditus possit euerri? Censet igitur Ari-
stoteles, aliique sapientes viri, amicitiam,
quæ vinculum ciuitatis est, omnibus ante-
ponendam esse virtutibus, adeoque ipsi etiam
veritati.

Huius argumenti solutio potest esse du-
plex. vna, si demus, id antefendum esse

quod fouet magis; conseruatque ciuium
communicationem; negemus autem id, quod
in posteriore propositione contenditur: ami-
citia magis quam veritate communicationem
teneri politicam, & conseruari. Quia
veritas, hoc est, veri manifestatio, ita conser-
uat ciuium communitatem, vt S. Thom. in
quæst. 109. 2. artic. 3. ad 1. dicere non du-
bitet; non posse hominem habere conuictum
cum aliis sine veritate. sic enim disputat: Ho-
mo est animal sociale: ac propterea natura-
liter vnus homo debet alteri id, sine quo so-
cietas humana seruari non possit. Non possent
autem homines simul viuere, nisi sibi in-
uicem crederent. debet igitur alter alte-
ri officium veritatis, quod eiusdem verita-
tis manifestatio est. Sed, ex his quæ docet
D. Thomas, non potest, dicet aliquis, aliud
intelligi; quam illud: veritate conseruari
conuictum & communicationem; non ta-
men effici quod volebamus, conseruari ma-
gis quam amicitia. Respondeo itaque, id
etiam hinc sequi: conseruari magis commu-
nitatem politicam veritate: quia veritas tan-
tam habet ad conciliandam amicitiam vim,
vt consistere amicitia ipsa sine veritate non
possit. Quare quantumuis amicitia retineat,
seruetque politicam communitatem, minus
tamen semper, quam veritas retinebit, cum
hæc sit fundamentum amicitia, ac propterea
veluti principium quoddam & fons eius com-
munitatis, quæ teneri & seruari dicitur a-
micitia. De Aristotele, siue de legum con-
ditoribus, de amicitia plus quam de Iusti-
tia laborantibus dictum est satis supra, cum
concessimus, in amicitia plus esse momenti
quam in Iustitia puniente. Non enim hinc
consequens est, plus esse momenti quam in
veritate. Illa enim iustitiæ pars à veritate, de
qua loquimur, est omnino distincta. Marcus
verò Tullius haud probat amplius quam hoc:
amicitia seruari Reipublicam & Reipu-
blicæ communitatem; non tamen seruari
magis quam veritate.

Sed tamen veritas ipsa euerit interdum
amicitiam, inquit. veritas enim odium parit,
quod est venenum, immo verò interitus a-
micitiæ. ergo tollit communicationem, ac
propterea non modò non seruat commu-
nitatem magis quam veritas, sed ne seruat qui-
dem. Vt hanc etiam, quæ haud magna est, à
me difficultatem amoueam, vnum pono,
quod certissimum est: amicitiam, quæ mu-
tua necessariò est, esse rerum quidem om-
nium, sed maximè voluntatum, honestam
communione. idem velle, atque idem nol-
le, ea demum perfecta, vt dixit ille, amicitia
est. Quo sit, vt quilibet ita comparatus ani-
mo semper esse debeat, vt ab amico de qua-
libet edoceri veritate velit, ne ab illo in re
tam honesta dissentiat. Itaque cum amicus
aliquid proponit, atque patefacit, in quo
ipse dissentit, aduersatur quidem eius opi-
nioni, non tamen aduersatur voluntati: quip-
pe quæ parata est ad honestum amici se sin-
gere arbitrium, ac propterea verum quod
proponitur, audire atque probare. Non igitur

tur ipsa veritati s. professio, siue manifestatio perfectam euertit amicitiam, cum non tollat eam voluntatum communicationem honestam, in qua vis omnis amicitiae posita est: Ad dissoluit imperfectam, quae vel voluptate, vel commodis atque vtilitate metitur omnia. Quare vel hoc ipso, quod amicus moleste fert veritatis lucem, ab amicitia perfecta discedit, atque ab honestate, adeoque relinquendus est, atque ab amicitiae interioris sacratio veluti profanus expellendus. Rectè enim M. Tullius, hanc esse ait legem in amicitia primam: vt neque rogemus resturpes, neque faciamus rogati: esset autem turpe, vel rogare, ne amicus verum profiteatur, vel à veritatis professione desistere, ne succenseat amicus, & auertatur. Sequendum igitur est quod monet Seneca in lib. 2. de Beneficiis, de eo verba faciens amico, quialiquo flagitio, vel errore teneatur exitiabili. Si potero, reuocabo, inquit; sin minus; non adiuuabo scelus: non committam, vt ille quandoque dicere possit, Ille me amando occidit. Sed dissoluere huiusmodi amicitiam non est eam amicitiam tollere, quia ciuilis communicatio continetur. est enim illa cōmunicatio in amicitia posita perfectissima. docet quippe multis in locis Aristoteles, ciuitatum conuictum institutum esse ad parandam, exercendamque virtutem partibus omnibus absolutam. ergo communicatio ciuilis non in imperfecta, sed in absoluta prorsus amicitia collocata est.

Altera huiusce totius argumenti soluendi via erit. fortasse accommodatior, si quod in priore propositione dicitur vniuersim, partitione quadam exponamus. Cum enim contenditur id anteponendum ceteris esse praesidiis, quod magis ciuium communicationem tuetur, ac seruat; vel cum omnibus omnino virtutibus, vel cum certis quibusdam, ea esse comparatio potest. si cum omnibus sit, facile negauerim, id antefendum esse, quod omnium maxime seruat communionem ciuilem. Quia fieri potest, vt aliqua virtus siue actio aliqua per se indifferens, & quae pro circumstantiarum tantum varietate bona quandoque est, quandoque mala, cuiusmodi esse videtur amicitia, sit omnium accommodatissima ad tuendam retinendamque communicationem ciuilem: ab alia tamen vincatur, quae per se non est indifferens, sed necessario atque intrinsece bona: nec vitari, aut mala, nisi extrinsecus à circumstantiis, effici potest, quo de genere veritas est; aut perfectio veritatis. Hæc enim indifferens per se non est, sed intrinsece bona, nec corrumpitur, nisi circumstantia temporis, aut finis, aut cuiusmodi aliis. Veritatem enim positiuè profiteri non est semper necesse, sed negatiuè, hoc est, non proferro mendacium, semper est necesse. Itaque, vt eò reuertat, vnde discessi, si cum omnibus comparatio virtutibus sit, illa, quae intrinsece bona est, antefenda est ei quae indifferens est intrinsece ac per se. Et quoniam ponimus, ea incidere tempora, quibus tem-

poribus nullum aliud opponatur impedimentum, aut circumstantia veritati, quam amicitia per se indifferens, & bono maloque interposita; nihil est dubitandum, quin veritas Amicitiae antefenda sit. Sin autem comparationem esse malimus inter certas quasdam virtutes, hoc est, inter actiones indifferentes; verè tum dicitur, & dandum est, eas esse anteponendas aliis, quae magis communionem ciuium promouent, ac tuentur. De Aristotele confirmantè, diuinum aliquid esse, conseruare bonum ciuitatis, Respondeo, id esse verissimum, nec quicquam nos contra contendere. Concedimus enim, Amicitiam comparatam cum aliis actionibus ex eo genere indifferentibus, esse præclarissimam, & prope diuinam; quia maxime, proximèque ipsam attingit communionem ciuitatis: sed collatam cum aliis intrinsece bonis, negamus excellentissimam esse. Aristoteles autem non ait eo loco, simpliciter esse diuinum opus, ciuitatis bonum conseruare, perinde ac si nullum opus virtutis esse possit excellentius: sed locutus est comparatè conferens eum, qui bonum vnius quaerit, cum eo, qui Reipublicae commoda procurat. Ait ergo, huius opus esse præstantius, & si cum illo superiore comparetur, diuinus, quia Dei gubernationem imitatur. Quare fieri potest, vt aliquod opus, aut actio sit antefenda illi virtuti, quae conseruat bonum ciuitatis, quia est per se, atque intrinsece bona, quod eo loco non negat Aristot. sed tantum affirmat, illud opus cum alio comparatum, excellentius & præstabilius esse.

Tertium Argumentum. Aristoteles contendit neminem esse, qui tamen ceteris sit bonis instructus, viuere tamen sine amicis, ac sine amicitia velit. ergo, adprobante Aristotele, censent omnes, amicitiam omnibus omnino bonis esse, antefendam. Respondeo, Aristotelem id sibi velle: neminem, omni bonorum genere quantumvis instructum, suo iudicio malle sine amicis, quam cum amicis viuere; quod verum est, non tamen propterea significare, neminem esse bonis ornatum omnibus, ad beatè viuendum necessariis, qui si in eas compellatur angustias, vt vitam optare honestam sine amicis debeat, aut turpem cum amicis, non hanc potius quam illam sit electurus. hoc enim falsum est; quia vir bonus cum virtute coniunctam inuolet sine amicis vitam, quam cum amicis coniunctam, bonis abundantem ceteris sine virtute.

Quartum. Amicitia, vt à M. Tullio dicitur, est omnibus antefenda rebus; & amicus; quod ex Aristot. supra vidimus, est alter ipse. sed inter res omnes, est etiam adnumeranda veritas, & nos ipsos supra res omnes amamus. ergo & veritati anteponenda amicitia est, & supra veritatem est diligendus amicus. Hoc argumentum non potest quicquam ostendere, nisi vnum, quod verum est; amicitiam esse rebus omnibus antefendam, actionibus virtutis exceptis &

amorem aduersus amicum illi prope parem esse debere, quo nos ipsos diligimus. sed quemadmodum nos ipsos non diligere magis, quàm virtutes debemus, sic amicum, si boni esse velimus, honestati posthabebimus, & virtuti. Id quod demonstrat etiam quàm grauiter errarint illi apud Gell. philosophi, qui amici causa declinandum putabant ab honestate.

QVÆSTIO SECUNDA.

An Aristotelis rationes aduersus Ideam boni vincant, nullum bonum separatum esse felicitatem humanam.

Possit aliquis facillè putare, Aristotelis rationes, quibus exterminat Ideam boni, plus nimio validas esse, ac demonstrare illum voluisse, ne Deum quidem ipsum, quem scimus esse summum bonum, & quidem separatum, esse felicitatem nostram. Ergo, ne hoc alicui veniat in mentem suspicari,

Ponendum erit primò, inter tam multas, variâsque diuisiones finis, quas philosophi tradunt, vnâ esse, quæ illum in formalem & obiectiuum partiatur. Cùm enim interdum finis, non quidem res effecta, sed ipsa sit operatio, vt dicitur ab Aristotele in hoc lib. primo Ethic. cap. 1. operatio verò, immansens præsertim, & veluti forma quædam hærens in agente præter actum ipsum postulet etiam obiectum, in quo versetur, parit necessariò finem alterum, quo postremo definitur, & terminatur obiectiue. Huiusmodi nimirum est contemplatio, quæ quamquam hominis finis est, verum tamen & Deum eo modo quo potest tanquam metam extremam attingit. In hanc videlicet sententiam Theologi distinguunt & designant in hominis fine visionem, & Deum visum; eamque dicunt esse finem formalem, siue finem quo, siue finis ademptionem: Deum autem finem obiectiuum, siue finem qui. Legendus est D. Thom. prima 2. quæst. 1. artic. 3. & quæst. 2. artic. 7. & quæst. 11. artic. 3. Vbi monet, hos fines non tam esse duos, quàm vnum. quia neque obiectum attingi potest, nisi per actum, neque actus proferri ac produci potest, nisi tendens in obiectum. Itaque motus agentis ad verumque tanquam ad vnum perfectum, expletumque suis partibus finem contendit. Attamen, quia diuersæ res sunt, possunt inter se conferri, & earum vnâ in alteram dirigi ac destinari.

Ponendum deinde est; triplici modo posse aliquem informare animo, & comprehendere bonum separatum siue Deum. vno quidem, si putet esse omnibus bonis impartitum essentialiter, & de iis vniuoce prædicari. Secundò, si existimet, non quidem esse peculiarium bonorum essentiam, sed eorum exemplar, vt ita dicam, formale, ab iis nullo alio differens nomine, nisi quod illa sint in materia, bonum autem separatum expers

materiæ sit. Tertio, si credat, ac censeat, bonum illud separatum esse rerum omnium finem: cuius gratia cetera sint, & agant, & quod inde consequens est, esse ipsius etiam hominis finem. Quibus positis,

Dicendum primo loco est, Aristotelem primos illos duos modos informandi comprehendendique boni separati dâsse, atque improbasse tota pene disputatione capitis 6. aduersus Ideam. Nihil enim agit aliud, nisi vt ostendat, Ideam boni, siue separatum bonum non esse peculiarium bonorum essentiam, definitionem, formam & vim; nec de iis posse vniuoce prædicari; quemadmodum Plato aut alij eius authores Ideæ pronuntiabant, & docere conabantur. Sed eadem rationes vim etiam & robur haberent aduersus eosdem, si nomine Ideæ Deum significassent, vt aliqui volunt: ergo etiam probat, Deum ea ratione non esse beatitudinem nostram, & summum bonum.

Dicendum secundò est. tertium illum modum, & ab Aristotele probari, & veritati consentaneum esse; quod his rationibus ac locis ostenditur.

Primus. In lib. 12. Metaph. querit Aristoteles, vtrum totius vniuersi natura habeat pro fine bonum separatum, an ordinem. respondetque, vtrumque esse finem vniuersi, sed multo tamen magis separatum bonum, cùm propter ipsum sit ordo, non ipsum propter ordinem. Quo ex loco dicere possumus id sequi, etiam hominis finem esse bonum separatum. quia quemadmodum cum maiori mundo natura comparatum est, sic fieri debet etiam in minori, ex Phys. 8.

Secundus, Cuiuslibet rei bonum magis est positum in fine, cuius gratia, siue in fine qui, quàm in fine quo. hic enim illi subseruit, propter ipsum est, & bonitatem ab eodem haurit, ac mutuatur. sed ex Aristot. operatio præstantissima hominis & perfectissima in bono separato versans, hoc est, finis quo, est hominis bonum: ergo multo magis est eiusdem hominis bonum Deus, quem eius operationis obiectum dicimus, & finem cuius gratia, siue qui.

Tertius. In primo Polit. ait Aristot. plantas & stirpes esse mutarum animantium gratia, animantia verò gratia hominum: & vniuersè in Polit. 7. id quod deterius est, esse gratia melioris. Igitur homines sunt gratia separati boni, atque ad Deum tanquam ad finem vltimum referuntur.

Dicendum est tertio. Aristotelem docuisse quidem separatum bonum non esse beatitudinem hominis formalem, siue finem quo: sed voluisse tamen esse beatitudinem obiectiuam, & finem qui. Probatur primò. Quia contendit in hoc cap. 6. Ideam boni non esse aliquid, quod agatur, aut acquiratur, & possideatur à nobis. felicitatem verò debere in nobis esse, nostræque manu; & ad modum formæ possideri. Sed hæc ratio vincit, non Ideam boni modo separatam, sed ne Deum quidem ipsum esse posse felicitatem nostram formalem. Probatur secundum, Quia in his

ipsis Moralium libris docebit postea humanam felicitatem esse positam in actione secundum virtutem perfectissimam: virtutum autem omnium perfectissimæ sunt virtutes intelligentiæ: inter has autem princeps est sapientia: sed sapientia & eius actio versantur in altissimis causis, maximæque in ea, cuius gratia omnia sunt, quæque bonum omnium est cumulativissimum, & optimum, ut dicitur in præmio Metaphys. eiusmodi verò bonum est Deus.

Dici contra potest: Quia Aristot. in hoc extremo cap. 6. accuratè conatur ostendere, nullam artem, aut doctrinam, cum in suum contendunt & feruntur bonum, sui que muneris actiones exercent, bonum separatum ac Deum, finem obiectivum intueri tanquam exemplar: nec propterea textorem aut fabrum, aut medicum reddi meliorem, quod separatim bonum contemplantur in agendo, sed quòd finem respiciant peculiarem ac proprium. Non enim valetudinem universæ, sed valetudinem hominis & fortasse certi cuiusdam hominis intuetur medicus in artificio suo. At si bonum separatum, & Deus finis hominis est, debent quicumque agere volunt bene, illum spectare cum agunt, & ex ea contemplatione sic perfici, quemadmodum perficitur in actione sua sagittarius & iaculator ex eo, quòd aspiciat signum, quòd collineat. Sed respondeo, non oportere omnes omnino actiones hominis istum finem supremum spectare per se, atque immediatè, sed satis esse, si eum aliquæ immediatè spectent, aliæ mediatè. Nam

quemadmodum omnia prorsus entia commune bonum, hoc est, primum, appetunt, non tamen omnia formaliter, & immediatè illud adipiscuntur, sed ea solum, quæ aliis superiora sunt, illique bono propinquiora, cetera verò quoddam proprium attingunt, & peculiare bonum, quod illius primi est similitudo participata, atque ad illud commune refertur; sic necesse est actionum humanarum omnium vnam esse supremam ac summam, quæ contemplando separatim bonum ac Deum attingat immediatè, reliquas autem inferiores bonum sibi proprium & peculiare contueri immediatè, ut eo intermedio possint tandem aliquando ad supremam illam, excellentissimamque actionem pervenire. Ita enim omnes actus humani in finem ultimum reducuntur. Aristoteles igitur non improbat hanc agendi rationem & viam, nec iubet nos in agendo semper ultimum illum diuiniusque spectare finem communem, quia satis est intueri peculiarem ac proprium. Sed disputat aduersus eos, qui volebant bonum separatim exemplar esse boni, in quod intueri deberent artifices omnes, & agentes homines, atque ab eo exprimere proprias & peculiare suas singulatim ac singulas. At ergo satis esse, actiones inferiores spectare bonum, quod tractari atque possit à nobis, atque ad illud conferre primum bonum, quòd contemunt, & quòd appetunt universa. Ad hoc enim immediatè tenendum, & contemplationis beneficio possidendum, tandem aliquando devenient per actiones inferiores quasi per gradus,



CAPVT SEPTIMVM.

DE BEATITVDINIS DEFINITIONE.

S V M M A.

Ex multiplici Beatitudinis proprietate Definitio colligitur; præcepta in vnaquaque seruanda scientia describuntur.

DIVISIO CAPITIS IN PARTES. QVINQVE.

1. Prima proprietas Beatitudinis est, ut sit omnium finium ultimus finis.
2. Secunda, ut absolutissimum, optimum, ac perfectissimum bonum sit.
3. Tertia, ut satis sibi ipsi sit, nec quicquam requirens externum.
4. Beatitudinis definitio duplex.
5. Sed tamen adumbratur potius, quàm perfectè definiatur, disciplinarum omnium methodo sic postulante.

PARS PRIMA CAPITIS SEPTIMI.

Πάλιν δ' ἐπορεύσασθαι ὅτι τὸ ζῆ-
που μόνον ἀγαθόν, τί ποτ' αὐτὸ εἴη. Φαί-
νεται μὲν γὰρ ἄλλο εἰς ἄλλη περὶ αὐτοῦ, καὶ

Rursus autem redeamus ad bonum, de quo queritur, quid demum sit. videtur enim profecto aliud in alia actione, &

τίχη. ἄλλο γὰρ ἐν ἰατρικῇ, καὶ στρα-
τηγικῇ, καὶ ταῖς λοιπαῖς ὁμοίως. τί οὖν
ἐκείνη ἀγαθόν; ἢ οὐ καὶ ταῖς λοιπαῖς
προστίεται; τὸ δὲ ἐν ἰατρικῇ μὲν,
ὑγίεια, ἐν στρατηγικῇ δὲ, νίκη, ἐν οἰκο-
δομικῇ δὲ, οἰκία· ἐν ἄλλῳ δὲ, ἄλλο. ἐν ἀ-
πάσῃ δὲ προστίθεται, καὶ προαφέσθαι, τὸ τέλος.
πύτυ γὰρ ἐκεῖ, καὶ λοιπὰ προά-
τοις πρώτοις, ὡς τ' εἰ ἐπὶ τῷ προακ-
τῷ ἀπάντων ἐστὶ τέλος, τὸ δὲ ἂν εἴη
τὸ προακτὸν ἀγαθόν· εἰ δὲ πλείω,
αὗται.

arte esse. aliud quippe in medicina, & in
militari, & in reliquis similiter. Quid igitur
vniuscuiusque bonum est? an id, cuius
gratia reliqua fiunt? hoc autem in medicina
quidem bona valetudo est, in militari verò
victoria, in arte domus edificanda, domus;
in alio verò, aliud: in omni autem actione
& electione, finis: huius enim gratia cetera
agunt omnes. Itaque si quid unus agendo-
rum omnium est finis, hoc debet esse bo-
num sub actionem cadens: sin autem plures,
hi ipsi.

EXPLANATIO.



NUMERATIS, explosisque aliorum de felicitate placitis, suam ipse
declaraturus opinionem, aggredditur essentiam & definitionem expone-
re felicitatis; non eam quidem absolutè, perfectèque definiens, sed ex
quibusdam dotibus, qualitatibusque describens. Quarum primam in
eo ponit, quod felicitas summum sit hominis bonum: secundam in eo,
quod sit perfectissimum bonum; tertiam in eo, quod bonum sufficiens sit, & satis
per se. Ex his enim qualitatibus circumscribi felicitas & definiri sic potest: Est
summum bonum humanum, absolutissimum, perfectissimum, maximè sufficiens
ac per se satis. Ac esse quidem summum bonum humanum, demonstrat hoc modo.
Finis rerum agendarum, est summum bonum humanum. Felicitas est finis rerum
omnium agendarum: ergo est summum bonum humanum. Huc enim pertinet
nova illa variorum finium enumeratio, quos variz sibi proponunt artes & actio-
nes humanæ.

Alium finem, inquit, intuetur Medicina, alium Imperatoria & militaris, alium
architectura; Alium actiones aliæ ac disciplinæ. Medicinæ quippe, proposita va-
letudo corporis est; militari, victoria; architecturæ, domus: aliis artibus & actio-
nibus, alia. Sed inter hos fines is ordo, ac series est, ut alius propter alium expecta-
tur, alterque subserviat alteri; quemadmodum supra sæpius expositum est. Ita-
que domum idoneam expectare possumus ad tuendam valetudinem: valetudinem
ad artem exercendam militarem, militarem ad parandam victoriam. Cum igitur
in hunc modum invicem sibi subserviant fines, necesse erit aliquando tandem
ad aliquem pervenire, cui subserviant omnes. Is verò vel multiplex nobis occur-
ret, vel unus: si plures huiusmodi fines cui subserviant alij, nobis occurrant, oportet
rem amplius inquirere, ac peruestigare omnia diligentius. Inveniemus enim
tandem aliquando unum tantum finem esse simplicem, ac singularem, ad quem
omnes referantur fines artium, & actionum humanarum; cum sic necesse sit, ut
ait hoc loco S. Thom. unum esse hominis finem, quia homo est, propter unitatem
humanæ naturæ, quemadmodum unus est medici finis quia medicus est, propter
unitatem medicinæ. Hic autem finis hominis ultimus est, summum bonum hu-
manum, siue, ut ait ipse, τὸ προακτὸν ἀγαθόν: agendum bonum, hoc est, bonum sub
actionem omnimodam cadens: ergo felicitas, quæ finis ultimus hominis est, &
actionum humanarum, id habet quasi qualitatem, dotemque præcipuam, ut sit
summum, supremumque bonum humanum. Pergit demonstrare felicitatem esse
bonum perfectum, quæ altera dos, & qualitas est felicitatis. Eum itaque disputan-
tem audiamus.

PARS SECVNDA CAPITIS SEPTIMI.

Μεταβαίνει δὲ ὁ λόγος εἰς τὸ αὐ-
τὸ ἀφικτὸν. τὸ δὲ ἐπὶ μᾶλλον
ἀφικτὸν φησὶ πλεονέκτητον. ἐπεὶ δὲ πλείω
φαίνεται καὶ τέλη, συνταί δὲ ἀποσύνετα

I Am digrediens oratio in idem delapsa
est. Hoc autem adhuc magis declarare
conandum est. Quoniam verò plures viden-
tur fines, & horum eligimus aliquos propter

πῶς δ' ἔπειτα, εἴ τι πλεον, αὐτοῖς, & ὅλως τὰ ἔργα, διὸν ὡς εἶναι ἔστι πάντα τέλεια. ὅ, δ' ἄριστον, τέλειον π φαίνεται, ὡς τ' εἰ μὴ ὅτι ἐν τῷ μόνον τέλειον, τὸ δ' αὖ εἶναι ὅ ζήτουμένοι. εἰ δὲ πλείω, τὸ τέλειότερον τούτων. τέλειότερον δὲ λέγουμεν ὅ καὶ αὐτὸ δυνάμει, τὸ δ' ἔπειτα, καὶ τὸ μηδέποτε δι' ἄλλο αἰρετὸν τῷ καὶ αὐτὰ, καὶ ἀφ' οὗ τὸ αἰρετὸν. καὶ ἀπὸ δὲ τέλειον τὸ καὶ αὐτὸ αἰρετὸν αἰεὶ, καὶ μηδέποτε δι' ἄλλο. τοιοῦτον δὲ διδασκαλία μέγιστος εἶναι δοκεῖ. τούτων γὰρ αἰρετούμεθα αἰεὶ δι' αὐτὸν, καὶ οὐδέποτε δι' ἄλλο. πλείω δὲ καὶ ἡδονῶν, καὶ νοῦν, καὶ πᾶσιν ὁρετόν αἰρετούμεθα μὴ καὶ δι' αὐτὰ, μὴδὲν γὰρ ἀποβαίνοντες ἐλπίδι αὐτὸν ἔχοντες αὐτῶν. αἰρετούμεθα δὲ καὶ τῆς διδασκαλίας χάριν, ἀφ' οὗ τούτων ὑπολαμβάνοντες διδασκαλίᾳ. πλείω δὲ διδασκαλίας, ὅσοις αἰρετοῖται τούτων χάριν, οὐδ' ὅλως δι' ἄλλο.

alios, veluti diuitias, tibias, & demum instrumenta, perspicuum est, non esse omnes perfectos. At optimum, perfectum quiddam videtur: itaque si est unum quiddam solum perfectum, id sit fortasse quod quaeritur: sin autem plura, perfectissimum horum. Perfectius verò dicimus quod per se expetendum est, quàm quod propter aliud; & quod nunquam propter aliud est expetendum, quàm quæ per se, & propter hoc optabilia sunt. Simpliciter igitur perfectum est quod per se expetendum semper est, & nunquam ob aliud. Huiusmodi verò felicitas potissimum esse videtur: hanc enim expetimus semper propter se ipsam, & nunquam ob aliud. At honorem, & voluptatem, & intelligentiam, & omnem virtutem expetimus, sanè etiam propter ipsa. Nam et si nihil inde proveniret, expeteremus tamen unumquodque ipsorum. expetimus autem etiam felicitatis gratia, propter hæc existimantes nos fore beatos: sed felicitatem nemo expetit horum gratia, neque omnino propter aliud.

EXPLANATIO.

A figurâ, quæ correctio dicitur, suam hîc disputationem continuat & producit Aristoteles. Corrigit autem se, quia animadvertit iterum se demonstrasse felicitatem esse summum bonum, quod supra longiore sermone argumentisque declararat. Idcirco sic exorditur: Iam verò digrediendo in idem recidit, & relabitur oratio mea: cum ostendam felicitatem esse summum bonum, quod multis est aliàs à me demonstratum. Sed tamen esse de hoc iterum explicandum diligentius ait, quia sic res, & argumentum quo de agitur, postulat. Quocirca enitendum est magis, inquit, hoc declarare: vel ut interpreteretur Lambin. Verumtamen danda opera est, ut magis hoc explicemus: perinde ac si dicat; Tamen si tractatum hoc supra est, nihil tamen minus est hîc iterum accuratius exponendum.

Sic igitur oratione continuata, secundam felicitatis qualitatem & dotem incipit explicare, quæ in eius summi boni absoluta perfectione posita est. Ait igitur felicitatem esse bonum non modò summum, sed etiam (quod ex summo consequitur) perfectissimum, absolutissimum, optimum. Id autem demonstrat ex eadem multiplicitate finium, quorum alius alio prior, aut posterior, alius alio melior, aut deterior sit: quemadmodum enim per hos fines ingredientibus à minori transcendimus ad maiorem, ac tandem aliquando venimus ad summum, sic per eos exorssi ab imperfectiore gradum ad perfectiorem facimus; nec substitimus antè quàm ad perfectissimum deveniamus. Nam, ut docet hic D. Thom. finis determinat, definitque motum appetitus & desiderij naturalis. Terminus autem naturalis motus id postulat ex se, ut sit aliquid habens iam atque obtinens speciem suam, non ad speciem itio, & via eo prorsus modo, quo generationis terminus ipsa forma est, non dispositio aut præparatio ad formam. At species & forma est aliquid perfectum: ergo terminus, qui definit motum desiderij naturalis, est bonum absolutum, atque perfectum. Quare cum in finium indagatione aliquos inuenimus imperfectos, necesse, inquit Aristot. est perfectiores inquirere, & eousque progredi, quoad

perfectissimum, & qui non possit vnquam expei, propter alium reperiamus: sunt quippe certi quidam finium gradus, quorum singuli proportionem respondent gradibus agentis. Agens autem est triplex, vt philosophatur hoc loco S. Thom. Primum imperfectissimum; quod ex sua ipsius forma non agit, sed eatenus quatenus tractatur & mouetur ab alio: cuiusmodi malleus est, dum gladium cudit. quo fit, vt opus effectum, propter formam adeptam non huic agenti sit simile, sed ei à quo mouetur & regitur. Secundum est perfectum: quod agit quidem ex vi suæ formæ, ac propterea sibi similem profert effectum; quemadmodum intuemur in igne, ignem, caloremve sibi similem progignente: sed necesse tamen habet, ab aliquo moueri, adhiberique principio ad agendum: quare quod ad hoc attinet, imperfectum videtur esse, & quodammodo simile instrumentis. Tertium est perfectissimum, quod agit suæ formæ beneficio ac vi, nec mouetur ab alio. Cùm ergo quodlibet agens propter finem agat, atque ad finem moueatur, triplicem gradationem in finibus esse oportebit, huic agentium ordini, partitionique respondentem ac similem. Est enim aliquid quod appetitur, non propter aliquam, quæ sit in ipso bonitatem formalem, sed eatenus tantummodo, quatenus est ad aliquid faciendum, aut consequendum vtile: cuiusmodi est medicamentum amarum. Aliud verò est, quod expetendum quidem videtur propter aliquid, quod formaliter habet in se, sed tamen appetitur etiam propter aliud: qualis est medicina dulcis & salutaris, quod bonum profectò perfectius est. Tertium demum quoddam bonum perfectissimum est, quod ita appetitur propter se, vt propter aliud appeti nunquam possit. Iubet igitur nos Aristoteles in vltimi finis indagatione hos finium gradus diligenter attendere: sunt enim aliqui, quos eligimus tantummodo propter aliud, nec habent in se ex sua ipsorum forma bonitatem: quo de genere ait esse diuitias & tibus: illas enim ad degendam commodè vitam, has ad oblectandum musicis modulationibus animum expetimus. Alij verò sunt; qui expetuntur quidem propter se, & propter eam, quam in se continent bonitatem: sed tamen etiam expeti possunt propter aliud: qualis est honor, voluptas, virtus, mens, siue intelligentia, siue mens sana, & vegeta, vt vertit Lambinus *rouē*. Expeteremus enim hæc, & eligeremus, tamen si nihil ab ipsis promanaret ad nos. Expeteremus tamen hæc etiam propter felicitatem. Putamus enim, inquit Arist. ita nos futuros felices, si voluptatem, si honorem, si virtutem adipiscamur: Stoici quippe in virtute, Epicurei in voluptate, Politici in honore, vt supra dictum est, beatitudinem ponunt. Est demique finis quidam, qui propter se sic expetitur, vt propter aliud expeti non possit: qualis ipsa beatitudo & felicitas est. Primus gradus, qui fines continet illos propter aliud tantum expetendos, est imperfectus, iis respondens, quæ nullam habent in se formaliter, & re ipsa bonitatem, propter quam expetantur, qualis amara potio est. Secundus est primo perfectior, quia obtinet aliquid, atque habet in se, cur expetatur: sed quia expetitur etiam interdum propter aliud, perfectus vndique absolutusque non est: respondetque propterea iis, quæ formalem aliquam obtinent bonitatem, qualis est medicina dulcis & sapore prædita suauis, quæ vt propter dulcedinem expeti possit, re tamen ipsa expetitur sæpius ob sanitatem. Tertius demum est omnium perfectissimus: quia propter se semper expetitur, ob aliud numquam. Atque hic finis beatitudo & felicitas est summum & perfectissimum bonum. Obseruandum hic est, Aristotelem non dicere in Græco Codice hæc bona propter se expeti, sed eligi. In tertio autem libro docere, bona, quæ sunt finis, non eligi, sed eligi tantummodo illa, quæ sunt præsidia, siue media. Idcirco malumus hic dicere expeti: sed si diceremus eligi, quemadmodum post sæpe dicemus, vteremur ampla significatione eius verbi, & eligendum appellaremus quod quolibet modo sit expetendum. Hic enim accipitur electio pro appetitu voluntario cuiusque rei. In 3. autem pro motu animi deliberatiuo; & quærente num aliquid idoneum, aut magis idoneum sit. De fine verò non deliberamus. Obseruandum secundo loco est: perfectum quatuor omnino modis dici in Metaphys. lib. 5. Interdum enim perfectum est, cui nihil deest conueniens individuo singulari: Cuiusmodi est ille, qui nihil amisit de naturalibus suis. Interdum id, cui nihil deest suo congruens generi; qualis est ille, qui habet omnia naturalia sic integra & perfecta, quemadmodum habet aliquis de specie sua. Interdum id, cui nihil deest conueniens suo fini: cuiusmodi est ille, qui finem adeptus est suæ speciei congruentem ac debitum. Interdum

id, cui nihil deest conueniens unicuique indiuiduo, cuiusque generi, cuiusque fini: sicut est sola prima causa: quæ vel formaliter, vel eminenter & virtute bonum omne complectitur. Hic Aristoteles felicitatem nostram ait, esse bonum perfectum tertio modo; hoc est propterea, quod habeat omnia nostro fini humana vi, & virtute parabili conuenientia, nec quicquam desideret eorum, quæ nos felices beatosque reddere queant. Itaque non magnum nobis exlubent negotium qui apud Albertum demonstrare contendunt, felicitatem ideo non esse perfectum bonum; quod perfectum, ut ait Aristot. in 4. phys. illud est, cui nihil omnino deest: in rebus autem humanis nihil prorsus sit, cui non desit aliquid: nemo enim vnus sibi satis est, nec in se vno quisquam inuenit omnia, quæ necessaria sunt ad explendam eam bonorum omnium aggregationem, in qua sita perfectio est. Magnificentior quippe, quam verior Hippix Sophistæ gloriatio fuit: qui cum Pisam ad Olympicum certamen admirabili cultu visendus aliquando descendisset, prædicare de se in celeberrima illa frequentia non dubitauit, nihil eorum emisit quæ gestaret, sed omnia sua se manu confecisse, pallium candidum supernè circumiectum; tunicam interulam tenuissimo textu, triplici licio, purpura duplici: balteum pictura Babylonica varium: capitis integumenta; calceamenta pedum, digitorum annulum, alia, quibus erat opertus indumenta; ut est apud Apul. initio lib. 2. Floriderum: Hæc, inquam, eius hominis prædicatio ita magnifica, vel vana, quod potius reor, facere non potest, ut vulgò idem homo faber sit, idem sutor, & sellularius, idem pictor, aut coquus, idem omnes calleat artes, bonaque omnia sibi parare vnus possit, & cumulum illum rerum exaggeratum sua manu componere, sine quo perfectio esse, intelligi vlla non potest. Fit igitur hinc, ut felicitas, quæ de rebus humanis est vna, bonum perfectum vndique non sit, nec homo perfectè beatus esse possit, cui tam multa desint ad beatè viuendum præsidia.

His igitur aliisque huiusmodi argumentis ita respondeo: duplicem esse perfectionem; alteram absolutam & simplicem, cui nihil omnino desit ex iis, quæ sint in quolibet genere, specie, indiuiduo, sine: alteram secundum statum, quæ duplex item est, vna quidem peculiaris, altera generalis: peculiaris perfectio secundum statum in eo est, cui nihil deest eorum, quæ artem explent, aut munus quod exercet. Itaque dicere soliti sumus perfectum fabrum, aut medicum, qui in suo artificio ac munere nihil omittit, & metam quodammodo contingit extremam. Generalis autem perfectio secundum statum ei dicitur esse, cui nihil eorum deest, quæ ad contingendum obtinendumque finem vltimum actionum humanarum necessaria sunt.

Et quia hæc bonorum omnium aggregatione continentur, ut Boëthius loquitur, eiusmodi generalis perfectio secundum statum nihil aliud erit, nisi complexio bonorum omnium hominum congruentium. Illa perfectio simplex & absolutè in Deo tantum est, peculiaris illa secundum statum est in peculiaribus hominibus certo quodam munere vel artificio perfurgentibus. Generalis est in homine eatenus perfectio, quatenus homo est. Neque verò necesse habet propterea omnia illa bona in se ipso continere, aut ex se ipso proferre rerum illam comprehensionem & cumulum, qui huic perfectioni necessarius est: sed satis illi superque fuerit, si omnia bona quæ ipse non habet in se, ad ipsum atque ad ipsius perfectionem componendam referantur. Quemadmodum enim omnia opificia, quæ sunt in exercitu parant virtute victoriam, quam re ipsa comparat miles, qui eam sine coquinaria, sine fabril, sine sutoria parare non posset; sic bona, quæ sunt in aliis, conficiunt bonorum illam aggregationem, quæ felicitati perfectæ necessaria est, & in eo virtute ac facultate sunt, qui dicitur esse perfectus, quia referuntur ad ipsum. Non ergo necesse est eum esse fabrum, aut pistorem formaliter, sed quodammodo virtute & facultate, hoc est, his vtentem opificiis & bonis, eaque suum ad finem quasi manu dirigentem.

Tertio loco est obseruandum, apud Eustratium aliud argumentum esse, quod opponi possit aduersus ea, quæ in hoc cap. ait Aristot. de valerudine ac sanitate: affirmat enim esse propter se expetendam, cum tamen supra dixerit, expetendam esse propter felicitatem, cuius conficiens sit. Si autem dicas quod supra in explanatione indicauimus, non confirmare hic Aristotelem, esse simpliciter expetendam solum propter se, sed propter se, & propter aliud, hoc est, propter felicitatem, re-

stat, vt videamus, quomodo valetudo necessaria felicitati sit: sequeretur enim, ægrotos & affectos corpore non posse felices esse. Sed responderetur ex eodem Eustratio valetudinem ad vitam quidem politicæ felicitatem conferre, non tamen ad eam, quæ vitam contemplanti atque theoricæ congruit. Illa enim in actione versatur, hæc in otio & mentis agitatione consistit, quæ percommode in ipsis etiam esse potest ægrotis.

TERTIA PARS CAPITIS SEPTIMI.

ΦΑίνεται δὲ καὶ ἐκ τῆς αὐταρκείας τὸ αὐτὸ συμβαίνειν. τὸ γὰρ τέλος ἀγαθόν, αὐταρκές ἐστι δοκεῖν. τὸ δὲ αὐταρκές λέγεται, εἴτε αὐτὸς μόνῳ τῷ ζῶντι βίον μονώτιον, ἀλλὰ καὶ συνδύοι, καὶ τέκνοις, καὶ γυναικί, καὶ ὅλως τοῖς φίλοις, καὶ πολίταις, ἐπειδὴ φύσις πολιτικὴν αἰσθάνεται. τούτων ὅτις τις. ἐπεκτείνονται γὰρ ὅτι τοῖς γονεῦσι, καὶ τοῖς ἀπογόνους, καὶ τῶν φίλων τοῖς φίλοις, εἰς ἀπειρὸν προήκον. ἀλλὰ τὸ μὲν εἰσαυτῆς ἐπισκεπτόμενον. τὸ δὲ αὐταρκές πῆλιν, ὃ μονώμενον αἰρετὸν ποιεῖ τὸν βίον, καὶ μηδενὸς ἐνδεῖα. ποιοῦσι δὲ πλεὺς εὐδαμονίας οἰόμεθα ἐστίν. ἐπὶ δὲ πάντων αἰρετωτάτῳ μὴ σωμαεθιμομυμῶν, σωμαεθιμομυμῶν ὅτι, δηλοῖ ὡς αἰρετωτέρως μὲν τῷ ἐλαγίστῳ τῶν ἀγαθῶν. ὑποφύει γὰρ ἀγαθῶν γὰρ τὸ προστιθέμενον. ἀγαθῶν δὲ τὸ μείζον, αἰρετωτέρως αἰεὶ. τέλει δὲ τὴν φαίνεται, καὶ αὐταρκές ἢ εὐδαμονία, τῇ περὶ τῶν οὐσῶν τέλος.

Perspicietur autem ex sufficienti rerum copia idem effici: perfectum namque bonum, sufficiens esse videtur: sufficiens autem dicimus non ipsi soli degenti vitam solitariam, sed etiam parentibus, & filiis, & uxori, & demum amicis, ac ciuibus: quandoquidem naturâ civilis est homo. Horum verò statuendus terminus aliquis est: si enim id extendas ad parentes & posteros, & ad amicorum amicos, in infinitum procedetur: sed hoc quidem alias considerandum. Sufficiens autem statuimus id, quod si solum relinquatur, optabilem facit vitam, & nullius indigentem. Huiusmodi autem felicitatem existimamus esse, & præterea maximè omnium expetendam, etiam cum aliis bonis non communerata: sed constat magis eligendam esse connumeratam cum minimo bonorum: cumlatio quippe bonorum sit id quod superadditur. Ex bonis autem maius, est optabilius semper. Perfectum igitur quiddam videtur, & sufficiens felicitas, cum rerum agendarum sit finis.

EXPLANATIO.



TERTIAM hîc describit felicitatis perfectæ dotem & qualitatem, ex tῆς αὐταρκείας, hoc est, ex ea rerum copia, qua contentus homo viuit, quæque homini satis est ad beatè viuendum. Nulla enim illi vox Latina responderet: ac ne semibarbara quidem qua nonnulli vtuntur interpretes, Sufficientia. Est quippe αὐταρκεία bonis meis cōtentus sum, & αὐταρκής, is, quis suis bonus contentus, satisque copiosè instructus est: quippe nullas desiderat opes externas, qualem esse naturam humanam Horatius ait:

Dines opis natura sua.

Vel qualem pluribus verbis diuinam describit Lucret. in lib. 1. huius vocabuli vim exprimens prorsus ad viuum.

Nam priuata dolore omni, priuata periculis

Ipsa suis pollens opibus nihil indiga nostri.

Videtur itaque αὐταρκεία esse, vt docet hîc Lambin. vel copia nihil externi desiderans, vel eiusmodi affectio animi, quæ nihil requirat externum. Aut adeo Aristotel. felicitatē αὐταρκείας inesse, hoc est, copiam eiusmodi, quam qui nanciscatur, nihil præterea requirere, aut desiderare possit externum: idque declarare planissimè, felicitatem esse perfectum bonum, vt dictum erat. Quare non omnino bene vertit hunc in modum Aristotelis verba Felicianus: Idem verò etiam è sufficientia videtur euenire: dicendum enim potius erat. Id verò, hoc est, felicitatem esse bonum

bonum perfectū, ex copia bonis omnibus instructa, siue ex sufficientia effici, demonstrariue videtur: quæ vertendi ratio placuit Lambino & Adriano Turnebo literatis hominibus. Nam *σμελαινῆν*, quo verbo ita utitur hic Aristoteles, *φαίνεται δὲ ἔξ τῆς αὐταρκείας τὸ αὐτὸ σμελαινῆν*: hoc est, videtur autem etiam ex rerum copia sufficienti hoc effici, siue demonstrari: verbum, inquam, *σμελαινῆν*, non est semper accidere, aut euenire, sed sæpe apud Aristot. significat, ex enunciationibus antegressis consequi & concludi: id quod etiam docuit obseruatè Lambin. Voluisse verò id Aristotelem significare, atque in hanc fuisse locutum sententiam, declarat ipse, sic pergens: perfectum enim bonum omni rerum copia instructum videtur esse, si-bique per se satis, & sufficiens esse apparet, *τὸ γὰρ τέλειον ἀγαθὸν αὐταρκὲς εἶναι δοκεῖ*. Quid vero sit bonum per se sufficiens, quidque velit intelligi, cum huiusmodi bonum nominat ea honorum copia cumulatam ex se ita, ut nihil accedere præterea debeat extrinsecus, sic explanat. Bonum autem *αὐταρκὲς*, per se sufficiens & nihil requirens externum id dicimus, quod non ei tantum qui vitam solitariam agit, sed quod parentibus, liberis, coniugi, atque, ut semel dicam, amicis & ciuibus satis per se superque sit. homo enim ad vitam societatemque civilem natus & natura congregabilis est. Quibus verbis demonstrat agere se non de felicitate theórica contemplantium, sed de politica, quæ sine hominum communitate, ac sine sui communicatione non est.

Plena sunt antiquorum scripta sapientium, qui eadem confirmant, doceantque, hominem non solum sibi natum esse, sed parentibus, amicis, patriæ, ciuibus. Testatur hoc Demosthen. in orat. de Corona: testatur Plato in Epistola præsertim 9. ad Tarentinum Archytam. Cuius orationem & sententiam multis sanè locis expressit Cicero; sed potissimum in libr. offic. 1. his plane verbis: Sed quoniam, ut præclare scriptum est à Platone, non nobis solum nati sumus, ortusque nostri partem patriæ vindicat, partem parentes, partem amici: atque, ut placet Stoicis, quæ gignuntur in terris, ad vsum hominum omnia creati, homines autem hominum causa esse genitos, ut ipsi inter se alius alij prodesse possent, in hoc naturam debemus ducem sequi, & communes utilitates in medium afferre mutatione officiorum, dando, accipiendo, tum artibus, tum opera, tum facultatibus deuincire hominum inter homines societatem. Hæc ibi ex Platone Cicero, eademque reposuit in offic. 3. ad hunc modum: Ergo vnum debet esse omnibus propositum, ut eadem sit utilitas vniuscuiusque, & vniuersorum: quam si ad se quisque rapiat, dissoluetur omnis humana consociatio. Atque si etiam natura præscribit, ut homo homini, quicumque sit, ob eam ipsam causam tamen, quod is homo sit, consultum velit, necesse est, secundum eandem naturam omnium utilitatem esse communem, &c. Nihil est his dissimile quod habet in prima quæstionum Tusculan. Quæ est, inquit, in hominum genere natura melior, quam eorum, qui se natos ad seruandos homines arbitrantur? Tractat hoc idem argumentum in secundo de fin. Et quoniam laudauit etiam huius sententiæ vel testes, vel auctores Stoicos, Senecæ dictum ad extremum excipiamus. Alius, inquit, cum viuere oportet, qui sibi viuere velit: perinde ac si dicat, non debere quemquam hominem dici, qui cum hominibus sua communicata non velit. Cum igitur hoc homini munus officiūque natura permiserit, ut homines ordine quodam, & ratione iuuat, hoc est, primo loco parentes ac propinquos, deinde ciues ac patriam, tum amicos, ad extremum omnes, non potest cumulatè felix, inquit Aristot. ac beatus esse, nisi bonum habeat aliquod, ita per se sufficiens, ut iis subleuandis omnibus satis sit.

Sed quia posset aliquis dicere, fieri non posse, ut aliquod nanciscamur in vita bonum, quod omnibus amicis, propinquis, affinibus satis superque sit: cum hi augeri numero quodammodo possint infinitè, ac propterea infinitum esse debeat eiusmodi bonum, quod per se sufficiens appellamus, dubitationem hanc anteuertit, admonens, horum hominum quibuscum est communicanda felicitas, & bonum hoc per se sufficiens, certum quemdam constituendum terminum & numerum esse. Verumtamen, inquit, horum certus quidam statuendus est finis. Nam si communicationem eius boni porrigere, atque extendere velimus ad parentes, ad posteros, ad amicos, ad amicorum amicos, nullus reperietur modus, & res

abibit in infinitum: adeoque nemo bonum hoc adipisceretur, nec vllus posset esse felix, cum eiusmodi bonum infinitum, hoc est, infinita rerum instructum copia, infinitéque sufficiens, in vita non sit. Loquitur enim hic Aristoteles, ut monet S. Thom. de felicitate, homini degenti inter mortales parabili. Ea enim, quæ nos manet secundum obitum, omnem rationis inuestigationem prætergreditur. Quis autem eiusmodi terminus sit, & ad quem vsque modum, ac finem vir felix debeat aliis esse sufficiens, ait alibi perquirendum esse: hoc est, ut aliqui dicunt interpretes, in Politicis & Oeconomica. In his enim libris agitur de vita sociali, deque felicitate non solitaria, sed communicanda cum aliis, vel ciuibus in eadem Ciuitate, vel parentibus, propinquis, liberis in eadem domo. Quare tametsi terminus hic non statuitur ille, quem se constituturum alibi promittit, statuitur tamen aliquis: cum ex omni hominum multitudine designentur aliqui, quibuscum communicanda, & participanda felicitas sit. Ait enim D. Thom. designatos hic eos esse ex omni hominum numero, quorum vtilitas & salus aliquo modo pertineat ad munus atque officium nostrum. Cum enim homo sociabilis & congregabilis vniuersè sit, nominatim verò dicatur esse non domesticum modò, sed politicum animal, debet suæ felicitatis partem parentibus, coniugi, liberis, seruis, qui eadem domo continentur; partem Ciuibus, qui in eadem Ciuitate sunt; partem amicis, quibuscum necessitudinis vinculo tenetur arctissimè. Communicat autem bonum illud sufficiens & copiosum vir felix cum iis, prouidendo, consulendo, dando, docendo, aliisque præstandis humanæ societatis officiis, quorum vi aliorum indigentia subleuatur.

Restabat; ut quoniam dictum fuerat quibusnam, & quàm multis bonum hoc perfectum oporteret esse sufficiens, exponeretur etiam quid sit id, quod per se sufficiens & instructum omni copia nominatur, Græcèque dicitur *αὐτάρκεια*. Ait adeo, per se sufficiens & *αὐτάρκεια* id appellari, quod etiam si solum habeatur, facit tamen, ut vita illa, quæ hoc tantummodo possidet bonum, nullius indiga sit opis externæ, ac propterea per se optabilis & expetenda, immò verò maximè optabilis & expetenda videatur. Id quod præcipuè, potissimumque conuenit felicitati: non enim definiret, terminaretve humani desiderij motum, si extra ipsam aliquid superesset, cuius homines propter indigentiam essent appetentes.

Sed hinc etiam existit huiusmodi quæstio: Qui fiat, ut felicitas bonum hoc abundè copiosum, & sufficiens sit, hoc est bonum, quemadmodum est declaratum, eiusmodi, ut etiam solitarium, & per se, nullòque adiuncto alio bono, nec cum aliis connumeratum bonis, maximè sit expetendum: cum ex accessione alicuius vel minimi boni felicitas reddatur maior, & quod inde consequens est, multo magis expetenda: maius enim bonum multo magis est optabile, quàm minus. Aristoteles, quemadmodum legenti planum erit, dat, conceditque, felicitatem cum alio vel minimo bono connumeratam augeri, maiorem fieri, optabiliorem, & magis expetendam esse: sed cur hoc non euertat, quod paulo antè dixerat, non explanat. Declarare conabimur id nos ex Eustratio, & D. Thoma, Gualtero Burleo, aliisque Aristotelis interpretibus accuratis ac bonis. Sciendum igitur est; id quod per se sufficiens bonum dicitur, hoc est, id, quod acceptum seorsim & solitariè, optabile atque expetendum est, duplici se modo & ratione habere posse: vno quidem, si bonum illud perfectum & per se sufficiens nullum accipere possit additamentum bonitatis ex alio bono: quæ conditio est eius, quod continet omnem omnino rationem & formam bonitatis, diciturque iam à Scholasticis bonum totale, ac Deus ipse, præpotens, infinitus, incomprehensus. Quemadmodum enim aliqua pars connumerata cum toto non potest facere totum maius in quo continetur; sic bonum quodcumque cum Deo connumeratum nullam facit accessionem bonitati diuinæ, quæ bona continet omnia, quæque rebus impertitur quicquid obtinent bonitatis. Altero modo bonum sufficiens dici potest, si admitrat quidem accessionem, atque additamentum aliquod extrinsecus accidentis bonitatis, sed solitariè tamen, ac seorsim, hoc est, sine illo additamento bonitatis acceptum, nec cum alio vllò connumeratum bono quod optabile sit & expetendum: quod quidem bonum sufficiens dicitur, quia continet id, cuius homo essentialiter, atque, ut ita dicam, ex necessitate indiget, nō autem quicquid homini potest ad felicitatē accodere. Atq; hoc illud est per se sufficiens bonū, quod hic describitur,

dicaturque amplificari augeri que minimo bono adueniente. Rectè enim Eustratus ait; Aristotelem loqui de felicitate Politica: felicitatis autem Politicæ partes esse multiplices: quarum alia primæ sint, principes, essentielles; aliaque principibus accedentes proximè, alia demum his extrinsecus aduenientes & infimæ. Primas illas esse bona animi: ut virtutes, tum intelligentiæ, tum appetitus, sapientiam, prudentiam, solertiam, iustitiam, temperantiam, alias. Secundas esse bona corporis, pulcritudinem, robur, valetudinem, magnitudinem iustam. Tercias esse diuitias, nobilitatem generis, amicitias, affinitates, clientelas. In his duabus postremis partibus felicitatis inueniri ait aliqua bona minima, ut benè comatum esse; composito gradu incedere, oculos habere cælios aut nigros, possidere fundos prope fluvium aliquem, qui nauigio facile fruges in urbem vehat, aliaque huiusmodi multa. Nil ergo mirum est, si huiusmodi bonum dicatur esse per se sufficiens: quia tametsi augeri potest ex aliquo vel minimo bono extrinsecus accedente, habet tamen essentiam eiusmodi, quæ sine accessionibus ullis explere possit essentialem hominis indigentiam, atque appetitionem rerum necessariarum. Quæ ratio tollit funditus rationes eorum, qui dicere possent, hoc bonum essentiale non esse per se sufficiens, quia non satiat cupiditatem & appetitum, qui nunquam quiescit, nisi tandem aliquando perueniat ad extremum, quod potest adipisci. Nam, ut sapientissimè docet hoc loco S. Thom. hominis præsertim felicitis appetitum recta temperatum ratione oportet esse: appetitus autem ratione temperatus, & prudentia non laborat de his, quæ tametsi parabilia sunt, non sunt tamen essentiali felicitati necessaria.

Est alia huius nodi soluendi ratio non ablimilis, à Buridano excogitata, qui contendit beatitudinem, quæ prima appetitur intentione, esse bonum per se sufficiens & terminum vltimum, quia per se appetitur, & quicquid appetimus, propter eam appetimus: sed quæ secunda intentione appetitur felicitas, eam concedit non esse per se sufficientem: quia secunda intentione beatitudinem ipsam, propter se iam expetitam in prima, volumus communicare cum parentibus, cum ciuibus, &c. id quod facere non possumus, sine bonis corporis & fortunæ. Itaque, ut breuissimè complectamur omnia, id sibi voluit Aristoteles hac quæstione tam obscurè proponenda: bonum per se sufficiens illud quidem esse, quod nullis aliis adiunctis bonis externis appetendum sit: sed tamen ex accessione alicuius externi, atque aduentitij boni fieri magis optabile, atque expetendum. Id vero non pugnare cum bono per se sufficiente: quia sine hac accessione potest per se indigentiam hominis essentiali siue necessariam, & cupiditatem ratione temperatam explere. Hanc enim sententiam expressit egregiè Lambin. locum hunc Aristotelis ita Latinum efficiens. Copiam autem per se ipsam abundè bonis omnibus cumulatam (*ἀνταρπνία*) ponimus eam esse, quæ ab aliis desertam bonis vitam efficit optabilem, nulliusque rei indigentem. Tale autem quiddam beatitudinem esse arbitramur: atque ideo maxime omnium optandam, etiam si cum alio bono non coniungatur. Quod si cum aliquo vel minimo bono coniungatur, erit nimirum optabilior, magisque sumenda. Id enim quod accidit, bonorum excellentiam gignit.

Ex his ergo qualitatibus felicitatis in hunc modum expõsitis, ait ad extremum intelligi planè debere, felicitatem perfectam quiddam esse se ipso contentum, siue sibi sufficiens bonisque cumulatam omnibus, & rerum omnium agendarum finem vltimum, ac summum bonum. Quæ descriptio felicitatis non est propria: quia non ducitur ex ipsius felicitatis absolutæ principis intimis, sed ex communibus quibusdam & notioribus: perfecta quippe tradetur infra diligentius, & accuratius, ut videbimus.

Possunt tamen obijci duo, quæ ex his consequi videantur. Primum: felicitatem non esse actionem siue operationem animi, cum sit eorum bonorum cumulus & aggregatio. Secundum: beatitudinem infinitam esse, & expeti à voluntate posse etiam infinite: potest enim ex accessione vnius boni augeri, ex alterius additamento etiam fieri maior, ac subinde maior semper, vique in infinitum, & quia voluntas quò maius bonum propositum videt, hoc magis expetit, nullam inueniet in appetendo modum, sed appetet infinite. De primo respondeo, duplicem esse felicitatem, quod alibi supra est indicatum: vnâ contemplantem quodammodo, atque theoreticam, quæ posita est in actione animi tantum, & in solitaria, rerum

cognitione: alteram, quæ animi quidem siue intelligentiæ practicæ actio est, ex habitu prudentiæ profecta, sed coniungitur tamen cum bonis aliis aduentitiis corporis & fortunæ: quæ felicitas ciuilis dicitur, operaria, actiuosa, contemplationem animi nimirum in actum proferens, atque ad publicas conferens utilitates. Quare cumulus est & aggregatio quædam, cuius beneficio regitur ciuitas: id verò nihil habet absurdi: quia societas, quæ gubernatur, est etiam ipsa cumulus, & congregatio ex domibus, pagis, ac multitudine ciuium. De secundo dico, voluntatem ratione temperatam, de qua hic est sermo, non appetere quæ fieri, aut esse non possunt, ac propterea non expetituram vnquam esse infinitum, quod fieri non posse intelligit. Responderi etiam potest, & fortasse melius: bonum quod eligitur & expetitur gratia melioris, eoque expetendum esse, quousque prodest, vel certè non obest ad melius illud consequendum. Itaque si obesse incipiat, non erit amplius optabile & expetendum. At ex hoc genere sunt pecunia, opes, alia bona, quæ felicitati præcipuè subserviunt. Non enim in infinitum amplificatz profunt, aut viles sunt ad eam obtinendam, sed certam intra lineam legemque contractæ: quam cum transiliunt, inutiles sunt, immo etiam perniciosæ, minúsque ad melius bonum consequendum accommodatæ, ac propterea non amplius optabiles & expetendæ.

QVARTA PARS CAPITIS SEPTIMI.

ΑΛ' ἴσως τίω μὲν εὐδαιμονίαν τὸ ἀεὶ εἶναι λέγειν, ὁμολογεῖσθαι μὲν οὐ φαίνεται. ποιεῖται δὲ ἀναρχίᾳ τῶν ἐν τῇ λέξει. ἴσως δὲ ἡγοῦνται αὐτῶν, εἰ ἀναρχία τὸ ἔργον τῆς αἰδέσεως. ὡς αὐτῶν, καὶ ἀναρχία τοιοῦτο, καὶ πᾶσι τῶν ἄλλων ὧν ἐστὶν ἔργον τὸ καὶ ἀναρχία, εἰ τὰ ἔργα δοκεῖ τὸ ἀναρχίᾳ εἶναι τὸ εὖ, οὕτως δοξάζειν αὐτῶν καὶ ἀναρχίᾳ, εἰ τὰ ἔργα αὐτῶν. πότερον οὖν, τίς ποιος μὲν καὶ σκυτῶς ἐστὶν ἔργον ἀναρχία, καὶ ἀναρχία, αἰδέσεως δὲ ὁμοῦ ἐστὶν, ἀλλὰ ὅσον πείθει. ἢ καὶ ἀναρχία ὁφθαλμοῦ, & ἀναρχία, καὶ ποδὸς, καὶ ὅλων ἐκείνου τῶν μεμῶν φαίνεται ἡ ἀναρχία, οὕτως καὶ ἀναρχία τῶν πάντων αὐτῶν ὡς αὐτῶν ἔργον ἢ; ἢ οὕτως δὲ τῶν ἀνθρώπων ποτέ; τὸ μὲν γὰρ ἡ κοινὴ εἶναι φαίνεται καὶ τοῖς φασί. ζητεῖται δὲ τὸ ἴδιον. ἀφοριστέον ἄρα τίω ἀναρχίᾳ, καὶ ἀναρχίᾳ ζωῆς. ἐπομένῃ δὲ ἀναρχίᾳ καὶ ὡς ἀνθρώπων. φαίνεται δὲ καὶ αὐτῇ κοινῇ καὶ ἵππων, καὶ βοῶν, & πᾶσι ζώων. λέγεται δὲ ἀναρχία καὶ τῶν ἀνθρώπων ἔργον. τοῦτου δὲ, τὸ μὲν, ὡς ἀναρχίᾳ λόγῳ, τὸ δὲ, ὡς ἔχον, καὶ ἀναρχίᾳ. διὰ τὸ καὶ αὐτῆς ἀναρχίᾳ, καὶ κατ' ἀναρχίᾳ ἡ ἀναρχία. Bisariam verò cum ipsa quoque dicatur, ea, quæ circa actionem vertitur, ponem-

SEd fortasse felicitatem optimum quiddam dicendam esse in confesso videtur esse; optatur tamen ut euidentius, quid sit, adhuc explanetur. fortasse autem fieret hoc, si intelligeretur opus hominis proprium. Nā quemadmodum tibicini, & statuarum effectori, & omni artifice, ac demum iis, quorum est opus aliquod & actio, in opere videtur summum bonum, & id quod bene est consistere, sic videri posset etiam homini, si quod est opus eius proprium. Ergone fabri quidem & sutoris sunt opera aliqua & actiones, hominis autem nullum est, sed otiosum quiddam natus est? An non ut oculi, & manus, & pedis, ac denique cuiusque membri videtur esse aliquod opus, sic & hominis præter omnia hæc constituat aliquis quoddam opus esse? Quidnam igitur hoc esset tandem? vivere enim, commune esse videtur etiam plantis. queritur autem proprium. Excludenda igitur est alens, & augens vita: quæ autem sequitur, sentiens quædam esset. Videtur etiam hæc communis, & equo, & boni, & omni animanti. Relinquitur ergo actiuosa quædam eius, quod rationem habet. Huius autem pars est velut obtemperans rationi, pars autem tanquam ipsam rationem obtinens, & intelli-

τιον. κρείττερον γὰρ αὐτῇ δοκεῖ λέγε-
σθαι. Εἰ δ' ἔστι, ἔργον αἰδέσθου ψυ-
χῆς εὐεργεία καὶ λόγος, ἢ μὴ ἀπὸ λό-
γου. τὸ δ' αὐτὸ φαμὺ ἔργον εἶναι τὰ
ἡμῶν τε, καὶ τῶνδε ἀπουδαίου, ὡς περ
κιθαρῆος, καὶ ἀπουδαίου κιθαρῆος,
καὶ ἀπλῶς δὴ τῶν ἐπὶ πάντων, πρὸς
ἡμεῶν τῆς κατ' ἀρετὴν ὑποφύει
πρὸς τὸ ἔργον. κιθαρῆος μὲν γὰρ τὸ κι-
θαρίζειν, ἀπουδαίου δὲ τὸ εὐ. Εἰδ' οὕτως,
αἰδέσθου ἡμεῶν ἔργον ζῶντι πᾶσι.
Ζῶντι δὲ ψυχῆς εὐεργεῖται, καὶ πρὸς
μὴ λόγου ἀπουδαίου δ' αἰδρὸς, εὐ ζῶ-
ντα ἔκ κελεύει. ἔκαστον γὰρ, εὐ καὶ τὴν οἰ-
κίαν ἀρετῇ ἀποτελεῖται. Εἰδ' οὕτω,
τὸ αἰδέσθου ἀγαθόν, ψυχῆς εὐεργεία
γὰρ κατ' ἀρετὴν. Εἰ δὲ πλείους αἱ
ἀρεταί, καὶ τὴν ἀρίστην, καὶ τελειότα-
την. ἐπὶ δὲ ἐν βίῳ πλείον. μία γὰρ χι-
λιδὼν ἕαρ οὐ ποιῶ, ὅσοι μία ἡμέρα.
οὕτω δὲ ὅσοι μακρότερον ἔκ εὐδαίμονα
μία ἡμέρα, ὅσοι ἐλάττω χρόνος.

da est. Magis enim propriè hac videtur di-
ci. Hoc autem si ita est, opus hominis animæ
actio est secundum rationem, vel non sine
ratione. Idem verò genere dicimus esse opus
huius, et huius probi; ut citharadi, et
probi citharadi, simpliciterque hoc in omni-
bus, adiecta quæ in virtute consistit excel-
lentia ad ipsum opus. Citharadi enim est,
citharam pulsare; probi autem, rectè. Quod
si ita est, hominis perfectò ponimus opus vi-
tam quandam; hanc verò animæ operatio-
nem, et actiones cum ratione: probi autem
viri, benè hæc et præclarè gerere. unum-
quodque verò rectè secundum propriam
virtutem efficitur. Si autem ita est, huma-
num bonum animæ actio est secundum vir-
tutem. quod si plures virtutes sint, secundum
optimam, et perfectissimam; et præsertim
in vita perfectâ. una enim hirundo ver non
facit, neque una dies. sic etiam neque bea-
tum et felicem una dies, neque paruum
tempus.

EXPLANATIO.

CVM à communibus illis principiis, qualitatibusque notissimis feli-
citatibus adumbratam quamdam descriptionem quasi proludendo pe-
tissent, accedit ad ea, quæ magis propria felicitati sunt, ut videat,
an ex iis perfectam aliquam definitionem ducere de industria pos-
sit. Continuat igitur orationem cum proximè antecedenti, exponen-
da necessitate perquirendæ definitionis perfectioris hoc modo. Sed fortasse dicit
aliquis, omnes concedere, & sine controuersia id dare: beatitudinem esse sum-
mum, perfectum, cumulatam, ac per se sufficiens bonum, desiderare se tamen, ut
quid ipsa felicitas sit, planius & enucleatius ostendatur. Qua disputationis propo-
sita continuatione ac serie, aggreditur ipsam inquirere definitionem. Et quoniam
componi definitio debet ex genere ac differentia, genus ipsum principio venatur,
deinde differentiam accuratius inuestigat.

Quod attinet ad genus definitionis, ait hoc peti debere ex aliqua hominis ope-
ratione propria, atque ita intelligi facile posse, quid sit humana felicitas, si homi-
nis operationem aliquam peculiarem, & propriam inueniamus. Cuiuslibet quippe
rei peculiarem operationem habentis bonum proprium ipsa est operatio, & quic-
quid ei bene est, hoc in eius operatione consistit, ut loquitur S. Thomas. Illustrat
hoc Aristoteles inductione, exemplisque petitis ab artificibus, in primisque à ci-
tharædo, siue tibicine, ac statuario: quorum bonum proprium in propria ipsorum
operatione positum est.

Ratio est ex D. Thom. Quia bonum vltimum cuiuslibet rei est eius extrema
perfectio: forma autem non est vltima perfectio, sed prima: sequitur ergo ut vl-
tima perfectio sit operatio manans ex forma: cuius beneficio rem aliquam facimus,
aut obtemus. Ergo, si aliqua est hominis operatio propria, in ea necesse est bonum
hominis vltimum consistere. Ut enim tibicinis, inquit Aristoteles, & statuarij, omnis-
que demum artificis, & omnino eorū, qui aliquod efficiunt opus, actionemque obeunt
aliquam, bonum & perfectio in proprio ipsorum opere consistit; sic hominis bonum &
eiusdem vita perfecta in eo sita est opere, quod illi propriū est, si tamen homo aliquod

habet opus eiusmodi suum ac proprium. Itaque, vt hæc Aristotelis argumentatio vincat quod efficere contendit, demonstrandum est, homini propriam esse actionem aliquam, quâ homo est. Id verò duplici ex ratione instituit ostendere: primo quidem ex iis, quæ homini accidunt & extrinsecus aduentitia sunt: cuiusmodi est esse fabrum, aut sutorem, aut coriarium, aut grammaticum, aut musicum, aut textorem: nihil enim eorum est, quod suum munus, opusque non habeat proprium. Ac multò sanè decet magis id otiosum & frustra esse, quod secundum naturam, hoc est, diuina ratione dispositum est, quàm quod est ratione institutum humana. Igitur homo, qui secundum naturam est, naturaliter otiosus esse non potest, sed à natura sua præditus est operatione non communicata cum aliis. Id nimirum est, quod per eam interrogationem vincere conatur Aristot. Ergo, inquit, fabri & sutoris aliqua sunt opera & aliquæ actiones: hominis erit nulla; atque ad desidiam inertiamque natus inuenietur?

Ratio verò cur vnumquodque, siue naturale, siue artificiosum propria sit operatione præditum, ea est, quòd vnumquodque siue naturale siue artificiosum sua forma constat, suæque formæ beneficio in rerum, vel naturalium, vel artificiosarum numero est. Sed forma vbique ac semper alicuius operationis principium est. Secundo loco demonstrat, homini propriam aliquam esse debere actionem, & opus ex ipsius hominis partibus. Eandem enim operationem esse oportet in toto, quæ in partibus est: vt ait S. Thom. Cuius rei ratio videtur ex eodem ea esse; quòd quemadmodum anima totius est actus corporis, sic animæ quædam operationes quarundam partium corporis actus sunt: vt est visus oculi. Sed quælibet hominis pars propriam habet operationem: cuiusmodi est oculi videre, manus contrectare, pedum ingredi, &c. ergo totius hominis aliqua peculiaris & propria operatio est. Hoc etiam per interrogationem concludit. An vt oculi, inquit, manus, pedis, singulorumque aded partium suum cuiusque opus ac munus est, sic hominis quoque præter hæc omnia opus esse statuemus? quasi dicat, omnino statuendum est, totius hominis operationem aliquam esse propriam: quia partium propria est aliqua singularum. Sequitur ergo, vt quænam sit hæc hominis peculiaris & propria operatio, inquirat ac doceat: id quod se facturum promittit iis verbis. Quodnam igitur hoc tandem erit? Tum aliquas depellere incipit operationes, quæ homini communes cum aliis sunt: quale est viuere, ali, augeri, &c. Quamquam enim viuere, siue vita operatio est animæ, quæ hominem informat, ac mouet, habet tamen ipsa & hæc operatio animæ perfectissimæ quosdam gradus cum aliis communes viuentibus, & cum plantis ipsis, ac propterea minimè proprios homini. Quò fit, vt depellendus ab hominis operatione propria sit nutriendi actus aut augendi, quamuis ab eadem hominis forma perfectissima proficiscatur.

Sequitur vita sentiens: sed ne hæc quidem homini propria est; quia conuenit etiam belluis: ex quibus rationem pulcherrimam ducere possumus ad ea firmanda, quæ supra diximus de felicitate, cum eam in nullo corporis bono positam esse contendebamus. Non enim poni debet in valetudine, in robore, aut pulcritudine: quia hæc ab operatione vegetantis vitæ nascuntur: non in voluptate, aut delectatione aliqua corporis, quia vitæ sentientis operatio est. Itaque si velimus in ipsa hominis vita multiplici quodammodo, & multifor mi proprium hominis opus inuenire, necesse est, ex ea nominatim sumere actionem intelligendi, & rationis opus solitarium, ac per se. Hæc enim homini propria vita est, à qua genus specièmq; nanciscitur distinctam, & secretam à ceteris, vt Seneca docet egregiè in epist. 77. In cane sagacitas prima est, si inuestigare debet feras, cursus, si consequi, audacia si mordere, & inuadere. Id in quoque optimum est, cui nascitur, & quo censetur. In homine optimum quid est? Ratio: hac antecedit animalia, Deos sequitur: cetera illi cum animalibus, satisque communia sunt. Valet, & leones: formosus est, & pauones: velox est, & equi: corpus habet, & arbores: habet impetum & motum voluntarium, & bestię, & vermes; habet vocem, sed quanto clariorem canes, acutiorem aquilæ, grauiorem tauri, dulciorem mobilioremque lusciniæ? Significat, inquam, his verbis, proprium hominis opus esse, quod ab intelligentia & ratione proficiscitur, & hanc illi propriè vitam esse, vti ratione, atque intelligere. Sed quod rationale dicitur atque intellectuum, duplex omnino est, inquit Aristot. Vnum, quod rationi obtemperat, alterum quod eandem rationem ha-

bet atque intelligit : siue , vt loquitur S. Thomas hunc locum explanans , vnum propter participationem , alterum propter intimam sui vim , & essentiam rationale. Rationale propter participationem illud est , quod à ratione docetur , gubernatur & regitur : cuiusmodi est appetitus concupiscens & irascens , qui monita , imperium , & regimen audit rationis. Rationale verò ex sui natura & essentia id appellatur , quod per se ratiocinatur & intelligit : quæ pars est in homine verè princeps , & superiore præstantior : quia semper atque vbique quod est per se tale præstabilis existimari debet , quàm id quod per aliud est. Cum ergo felicitas sit hominis bonum primum , summum , præcipuum , ceteris , vt semel dicam , antecellens , in eo magis positum esse debet , quod per essentiam , quàm quod est per participationem rationale. Itaque principem locum obtinebit felicitas in theorica vita , & contemplante , secundum & proximum in operaria , & actiuosa , magisque in opere intelligentiæ , quàm in appetitus actu ratione temperari continebitur : ex utroque tamen numeris omnibus absoluetur , & partibus iustis. Non enim ideo partem illam appetentis animæ à felicitate depellimus , quia principes intelligentiæ partes damus. Quin Aristoteles , vt ostenderet , in vtraque se ponere beatitudinem cumulatam , de vtraque disertè loquitur , ita concludens : Quod si ita est , opus hominis sit necesse est animi actio secundum rationem , aut non sine ratione , hoc est , vel à ratione , vel non sine ratione profecta : quod postremum adiunxit , vt intelligeremus , in appetitu etiam , gubernatrice ratione minimè carente , positam esse partem felicitatis. Hactenus ab Aristotele definitionis inuestigatum est genus , quod in hominis operatione propria reperit , hoc est , in actione animi à ratione vel non sine ratione profecta. Inuestigandæ nunc differentiæ sunt ; quas ait esse potissimum duas : vnâ quidem , quæ hominis operationi propriæ addit virtutem , secundum quam exercetur operatio : alteram , quæ operationi quoque hominis secundum virtutem adiungat præterea vitam perfectam : sic prorsus , vt tota atque absoluta felicitas sit hominis operatio , propria secundum virtutem in vita perfecta.

Primam differentiam inuestigat hoc penè modo. Diximus , opus hominis proprium esse actionem animi secundum rationem , vel non sine ratione : ergo quod attinet ad genus , idem erit opus hominis , atque opus hominis probi : vtriusque enim est , vel secundum rationem , vel non sine ratione agere , cum vterque sit homo : sed probus homo differt tamen ab eo , qui non est probus ex acceSSIONE cuiusdam perfectionis , ac propterea eiusdem probi hominis operatio ab eius operatione , qui non est probus propter aliquam , quam insuper habet , differre perfectionem debet. Itaque tametsi consentiunt in eo , quod vtraque sit hominis operatio propria , in eo discrepant tamen , quod hæc perfecta sit , illa manca quodammodo atque imperfecta. Hæc autem differentia , siue actionis perfectio , à virtute nascitur agentis , quemadmodum ipse declarat exemplo citharædi , qui artis suæ non sit benè peritus , & eius qui eandem artem optimè & callidissimè teneat. Nam vterque citharam pulsat , & quod attinet ad hoc genus pulsationis , ipsi non differunt. Differunt tamen propterea , quod peritissimi citharædi pulsatio perfecta est , imperiti atque inertis imperfecta.

Declarat , inquam , egregiè hoc exemplo vim huius differentiæ à virtute petitz , quia simili prorsus modo vniuscuiusque proprium hominis opus est actio secundum rationem : cuius videlicet beneficio secernitur à belluis : sed hominis probi non est solum actio secundum rationem , sed secundum rationem benè perfectæque , hoc est , secundum virtutem : agere quippe secundum rationem benè rectæque nihil est aliud , nisi secundum virtutem agere , ac per virtutem. Potest enim aliquis agere secundum rationem , & non cum virtute : vt si casu aliquo sic agat , vel per vim vel per simulationem , vel alio docente ac demonstrante : quod non est agere per virtutem , quæ sit in eo qui agit : cum is , qui per suam ipsius virtutem agit , benè semper agat , nemine viam agendi demonstrante ; sed virtutis habitu commouente. Atque ita obstruitur aditus iis , qui fortasse dixerint , fieri non posse , vt aliquis agat cum ratione , sed non benè : cum ita dicatur vnusquisque benè agere , si secundum rationem agat , aut cum ratione. Respondet enim huic argumento Eustratius , cum ad repugnantia compellendo , qui dicat idem esse benè agere , atque agere cum ratione. Si enim hoc esset , inquit , numquam ratio ab

officio aberraret : quod fieri non potest. Nam non aberrare, illorum agentium est, qui prorsus extra corpus & generationem sunt. Sed ratio humana in iis est, qui corpore detinentur, ac subinde nascuntur & occidunt : qua ex conditione multa sanè habet impedimenta, quominus agere semper benè queat ac rectè. Itaque multa ei necessaria est exercitatio, longum experimentum, ac tempus, assiduum labor, vt habitum demum paret aliquem, cuius beneficio semper agat benè, atque omnia, quemadmodum debet, sua prosequatur officia. Nihil ergo mirum est, si operatio cum ratione peccet aliquando : caret enim habitu dirigente, caret exercitatione, caret experimento. Quo loco redigendum est in memoriam quod alibi diximus : aliud esse rationem, aliud rectam rationem. Illa naturalis est, & prudentiam item quamdam habet naturalem, quæ falli potest & errare : hæc, est doctrina, vsu, & exercitatione parata, quæ non fallitur, sed benè semper agit, ac rectè. Id quod alio modo monet Albertus, sed recidit eodem. Ait enim in hoc lib. 1. Eth. tractatu 6. cap. 8. in fin. duplex esse lumen rationis : vnum, quod ratio ipsa quodammodo in ratiocinationis actum infundit : alterum quod rationem constituit, facitque, vt ipsa imago quædam luminis primi, atque diuini sit à quo delibatur. Rationem posteriori hoc illustratam lumine numquam decipi, aut aberrare, quia separata est à materia, nec villo impeditur obice, quominus aspiciat verum. Rationem verò in actum ratiocinationis transfundentem lumen, quæ non est aliud nisi ratiocinatio ipsa animi coniuncti copulatque cum corpore, falli facile posse, ac labi, quia ex obiecto corporis velo quodammodo caligat, & propter rerum umbras, in quibus ratiocinando versatur, occumbit & errat : adeoque ne labatur, doctrina & vsus accedat oportet : vt quod à lumine illo natiuo deest, aliqua ratione sufficiatur ab arte.

Itaque ex iis quæ tradit Eultrat. & ex his, quæ Platonice sic disputat Albert. ita responderi debet : agere secundum rectam rationem, aut secundum rationem lumine illustratam puro, & sic incorrupto quemadmodum ei congruit, quatenus à materia separata est, agere, inquam, secundum rationem hoc modo, & agere benè, idem esse : sed agere secundum rationem minime directam habitu, exercitatione, vsu, ac doctrina, aut secundum rationem in actum infundentem lumen è velo corporis, & ratiocinantem in corpore, non esse idem atque agere benè, quia decipi potest ac labi, vt explanatum ex magnorum virorum sententia est. Rectè igitur Aristoteles, & verè operationem à ratione profectam, aut non sine imperante ratione, voluit in hac definitione genus esse. operationem verò secundum virtutem esse genus differentia contractum sua. Neque verò necesse est addere, secundum rationem, quia qui secundum virtutem agit, etiam secundum rationem agit.

Ex hac differentia consequens est, beatitudinem integram, & perfectam positam esse in duplici genere virtutis. Nam quia disputatio Aristotelis vincit, actionem secundum virtutem vniuersè, hoc est eam, quæ vel à ratione per se benè agente, atque intelligente, vel ab eadem imperante, ac suadente appetitionibus cæcis, esse proprium hominis opus, sequitur beatitudinem, quæ propria est hominis operatio, tam in virtute intelligente, quàm in appetente contineri : sed quia magis est homini proprium intelligere quàm sentire, atque appetere, beatitudinem in virtute contemplante principem locum obtinere. Id quod disertè docet iis verbis Aristoteles. Quod si ita se habet, hominis bonum erit actio virtute directa : ac si plures virtutes sint, virtute optima & perfectissima. Non enim in hac perfectissima, quæ est intelligentiæ, totam integramque reponi felicitatem vult, sed in ea, felicitatis esse principatum : quia felicitas non est hominis bonum tantum, verum etiam optimum. Sunt tamen aliqui, qui de prudentia id pronunciatum volunt, non de sapientia & contemplatione. Prudentia verò quamquam videtur esse theórica, practica tamen est & actuosa, referens nimirum cognitionem ad actum. Hanc ergo dicunt Aristotelem voluisse significare perfectissimam inter virtutes practicas & Morales esse : in eaque positam esse primariam beatitudinis humanæ vim. Sed non video, cur non potuerit vtrumque iis verbis docere : cum dicat vniuersè beatitudinem esse positam in virtute : quod si virtus multiplex sit, in ea, quæ præstantior est & perfectior, collocatam esse principem beatitudinis partem. Beatitudo enim, non modò in partes illas duas diuidi potest, theoreticam, & Moralem, verum etiam, seposita & secreta theoretica, in eam rursus, quæ prudentia architecto-

nica, & domina est, & in eam, quæ ceteris virtutibus actiuolis prudentiæ subseruientibus continetur.

Sequitur altera differentia: quæ est vita perfecta. Hoc enim verbis proximè superioribus statim adiungit, Et præterea in vita perfecta: quasi dicat, in perfecta quidem virtutis actione consistere felicitatem: sed tamen accedere etiam oportere præterea perfectam vitam. Quid autem vita perfectæ nomine velit intelligi, satis apertè declarat ratione, siue similitudine sic subiuncta: Vna enim hirundo non facit ver, nec dies vnus: similiter nec vnus dies, aut breue tempus beatum hominem efficit ac felicem. Est quippe hirundo veris nuncia, vt ostendit Horatius eleganter ab ea inuentis petens veris descriptionem in lib. epist. i. ad Mecænatem,

*Quid si bruma nives Albanis illinet agris,
Ad mare descendet vates tuus, & sibi parces,
Contractusque leget: te dulcis amicus reuifcet
Cum zephyris, si concedes, & hirundine prima.*

Vtebantur igitur hoc prouerbio ad exprimendam rerum quarumlibet multitudinem, aut numerum certum, qui necessarius sit, vt dici perfectum aliquid possit. Non vnum alterumve rectè factum est satis, vt boni viri cognomentum promerearis: fieri quippe potest, vt casu rectè sic feceris & temere, quemadmodum casu hirundo quæpiam vna repente apparens vernum tempus antecurrit. Itaque Aristophanes in Auis dixit, multa esse opus hirundine, vt aliquid dici benè factum, aut perfectum queat, eodem hoc nimirum vsus prouerbio, vt locum illum explanant Interpretes. Idem planè significat simillima apud Sophoclem parœmia ab ciuitate desumpta.

Πόλις γὰρ οὐκ ἔσθ', ἢ πρὸς αἰσπὸς ἔσθ' ἱὸς.

Namque vnus, quæ sit viri, haud est ciuitas.

Indicat enim hoc etiam prouerbum, certum oportere numerum esse ciuium, vt verè Ciuitas dici queat. Statuit igitur Aristotelis hæc extrema differentia, non debere appellari quempiam verè beatum, qui ad breue aliquod tempus virtutis perfectissimæ munus obeat, sed necessariam esse præterea in illa ipsa functione muneris continuationem aliquam & perpetuitatem, diuturnitatēque. Vt enim tum intelligitur esse vernum tempus, cum serie quadam perpetua hirundo succedit hirundini, & serena dies serenam excipit subinde atque identidem diem; ita beatitudo tum esse perfecta cognoscitur, cum operationi virtutis ductu perpetuo, succedit operatio, nulla, vt rem declarat Albertus, intercedente perturbationum nube, quæ obiectu quodam importuno seriem interrumpat, & animi serenitatem infuscare videatur. Quare beatitudinem non in eo, qui continens est, sed in eo, qui virtute potitur, collocat Aristot. Continens enim, quia nondum planè purgatus, exteriusque est, perpetuitatem non habet, & diuturnitatem in agendo, sed subinde cessat & labitur.

Ratio verò cur hæc etiam perpetuitas & diuturnitas reperiri in beatitudine perfecta debeat, ea est: quòd beatitudini tribuendæ sint dotes perfectissimæ: longinquiora verò tempora sunt breuioribus perfectiora: longinquitas enim temporis æternitatem, quæ diuinitati propriè congruit, imitatur, videturque imago quædam esse, ac simulacrum æternitatis. Alia ratio subtilior sic exponitur à D. Thom. Appetitus eius, qui præditus est intelligentia & ratione, non beatitudinis modò vim intimam, essentiāque concupiscit, verum etiam eiudem perennitatem. Non enim id tantum animo comprehendit, exquiratque, quod hic & nunc est; quemadmodum facit sensus, sed quod est absolute simpliciterque. Est quippe felicituarum proprium expetere solum quod præsens adest, & oculis cernitur: homo autem cum intelligentia gubernatrice ducitur & ratione, expetit id, quod non tantum est nunc, sed quod simpliciter & semper est. Quare in ipsa beatitudine, hoc est, in operatione rationis perfecta secundum virtutem, expetet etiam continuationem & perpetuitatem. Atque hinc colligere nos iubet D. Thom. in hac vita, mortalium beatitudinem esse non posse cumulatisimam, quia caret æternitate: posse tamen esse perfectam eatenus quatenus patitur ratio mortalitatis. Est autem, inquit, perfecta, si toto vitæ decursu continuetur. Sed hæc de re dicetur in quaestione, quam subiungemus, & in altera quam instituemus ad cap. x. huius libri.

ΠΕΡΙΓΡΑΦΩΝ ΜΟΝΟΝ ΤΩΝ ΑΓΑ-
ΘΩΝ ΤΑΥΤΩΝ. ΔΕΙ ΓΑΡ ΊΠΩΣ ΑΠΟΤΥ-
ΠΩΣΑΙ ΤΩΝΤΩΝ, ΕΙΘ' ὕποκειναι ἀναγρά-
φειν. ΔΕΙΞΕΙ Δ' Αὐτὸν ΠΟΛΥΤΟΝ Εἶναι ΤΟΝ ΑΓΑ-
ΘΟΝ, καὶ διαρκεῖν τὰ καλὰς ἔχον-
τα τῇ ἀειγραφῇ, καὶ ὁ χρόνος τῆς ποιή-
ταιν βίτης ἢ σπουδῆς ἀγαθῶν Εἶναι.
ὅταν καὶ τῆς τεχνῶν γὰρ ἴσως ἐπιδοσθε.
πολύτος γὰρ ἀναγεῖναι πῶς ἔλθον. με-
μνησθαι δὲ καὶ τῆς ἀποφαιδύων χεῖρ,
καὶ πῶς ἀκρίβειαν μὴ ὁμοίως εἰς ἀπα-
σι ἐπιζητεῖν, ἀλλ' εἰ ἐκείνοις ἔχ' πῶς
ἀποφαιδύων ὕλην, καὶ ἐπὶ ποσὸν,
εἴ ὅσον οἰκεῖον τῇ μεθόδῳ. Ἐ γὰρ τέκτων
ἔχει γαμμέτης, ἀγαφιστῆς ἐπιζητεῖ-
σι πῶς ὁρᾷ. ὁ μὲν γὰρ εἴφ' ὅσον χροῖ-
μη πᾶς ὁ ἔργον. ὁ δὲ τί ἐστίν, ἢ ποῖον
πῶς, κατὰ γὰρ ἀλλοτρίαν. τὸν αὐτὸν δὲ
ἔχον καὶ εἰς τοῖς ἄλλοις ποιητῶν. ὅπως
μὴ τὰ πρῶτα τῆς ἔργου πλείον γίνη-
ται. Οὐκ ἀπαρτητοῖς δ' ὅσοι πῶς αἰ-
τῆται εἰς ἀπασιν ὁμοίως. ἀλλ' ἰσχυρὸν εἶναι
ποῖον, ὅτι, δὲ ἀλλοτρίαν καλὰς. οἷον καὶ
ἀεὶ τὰς ἀρχάς. ὁ δὲ, ὅτι πᾶσι
ποῖον καὶ ἀρχή. τῆς ἀρχῆς δὲ, αἱ μὲν
ἐπαγωγῇ θεωροῦνται, αἱ δὲ ἀφ' ἑστέρας,
αἱ δὲ ἐκαστῶν πῶς, καὶ ἄλλαι δὲ ἄλ-
λως, μετέπειτα δὲ περὶ τὸν ἐκείνους, ἢ
πεφύκασι, καὶ σπουδαῖον ὅπως ὁρί-
σασθαι καλὰς. μετὰ γὰρ ἔχουσι ῥο-
πῶς πᾶς τὰ ἐπὶ μέρη, δοκεῖ οὖν
πλεον ἢ τὸ ἡμῶν τῷ πολυτῶν Εἶναι ἢ ἀρ-
χῇ καὶ πολλὰ ἐμφανῆ γίνεσθαι εἰς αὐτῆς
ἐπὶ ζήτησιν.

DEscriptum igitur sit summum bonū
hoc pacto. oportet enim fortasse deli-
neare prius, tum postea depingere. Videtur
autem cuiuslibet esse producere, ac dislingue-
re ea, quæ rectè se habent descriptione. At
tempus quidem huiusmodi rerum inuen-
tor et adiutor bonus videtur esse: unde et
artium quoque factæ sunt amplificationes.
Vniuscuiusque enim est addere quod deest.
Meminisse autem etiam prædictorum o-
portes: subtilitatem non pariter in omnibus
exquirendam esse, sed in singulis secundum
subiectam materiam; atque catenus, qua-
tenus unicuique proprium est doctrinæ. Es-
enim faber et geometra dissimiliter inquai-
runt rectum angulum: ille enim quatenus
utilis est ad opus. hic verò quid est, et quale
quiddam; contemplator quippe veritatis est.
Eodem modo et in aliis faciendum est; ne
appendices operum maiores quam opera ipsa
evadant. Neque verò efflagitanda causa in
omnibus similiter est: sed est satis in aliqui-
bus id quod est, benè demonstratum esse; ut
etiam in principiis sit. rem verò esse, primum
et principium est. Principiorum autem ali-
qua inductione percipiuntur, alia verò sen-
su, alia consuetudine quadam, et alia ali-
ter. Tractare autem enitendum est singula,
quemadmodum facta natura sunt, et stu-
dium est adhibendum, ut definiantur benè.
Magnum enim habent momentum ad con-
sequentia. Videtur igitur plus quam dimi-
dum totius esse principium, et eorum mul-
ta, quæ in laqueantur, palam fieri per ipsum.

EXPLANATIO.



POTUISS ET aliquis iure credere, perfectissimè felicitatem esse descri-
ptam duabus definitionibus: quarum una ducta est à qualitatibus, do-
ctibusque, quæ beatitudini congruunt: altera petita est ab hominis
actione propria, hoc est, à virtute cum additamento vitæ perfectæ: oc-
currit tamen hic Aristoteles; admonens, ne duabus quidem hisce defi-
nitionibus esse absolūtè veram propriamque felicitatis expressam rationem ac vim;
sed circumscriptam potius, et adumbratam: expingendam adeo deinceps esse pro-
priusque coloribus absolvendam. Atque hoc pacto, inquit, summum bonum de-
scriptum sit. Principio, enim fortassis ducenda prima lineamenta sunt: tum ad rem
suis depingendam coloribus accedendum. Ita enim Latine reddendum videtur
quod hic habes initio. ΔΕΙ ΓΑΡ ΊΠΩΣ ΑΠΟΤΥΠΩΣΑΙ ΤΩΝΤΩΝ, ΕΙΘ' ὕποκειναι ἀναγράφειν. oportet

• tet enim principio fortassis delineare, vel adumbrare, postea verò quasi pingendo perficere.

• Quare Aristoteli περιγραφή hic nihil est aliud, nisi imperfecta definitio, quæ circumscriptio dici solet, aut descriptio, hoc est, idem atque περιγραφή: quo verbo utitur hic cum ait, se summum bonum circumscripsisse, περιγραψάμεν τὸ ἀγαθὸν ταῦτον. Circumscriptum sit ergo summum bonum hoc modo: id est, adumbratum ac delineatum. Huic contraria est ἀναγραφή: quia significat perfectam definitionem, & suis expletam numeris ac partibus expressionem rei. Qua similitudine docuit, imperfectè primum esse aliquid describendum, & quasi lineis concludendum leuibus, eo modo, quo pictores inchoant imagines, ponuntque operis futuri rudimenta: idque se fecisse duabus definitionibus proponendis, postea inchoatum, affectumque se absoluturum, & sic perfecturum opus, quemadmodum idem pictores vltima manu, supremisque coloribus perficiunt suum.

Quo autem præsidio sit hoc assecuturus discere ab eodem pictorum artificio possumus. Ut enim, post leuia lineamenta, colorum beneficio exprimuntur ad viuum, graphicèque membra omnia, quæ antè vix fuerant designata: sic definitionis adumbrata partibus singulis exponendis, explicâdis, & interpretatione illustrâdis absoluitur ipsa definitio, & velut extremis coloribus ad perfectum adducitur. Ceterum quo id pacto fieri possit, exquisitiùs inuestigemus. Cum alicuius rei nosse volumus essentiam ac vim, aut compositione tantum definitionis utimur, aut eiusdem præterea resolutione. Compositione quidem solum utimur, cum scimus & habemus probè cognita quæ definiendæ rei essentialiter insunt: cuiusmodi est in homine animal & ratio. Itaque satis habemus dicere hominem esse animal particeps rationis: partes enim definitionis notissimæ nobis sunt: ac propterea nihil ultra requirimus. Resolutionem autem definitionis tum adhibemus, cum ipsius definitionis partes cognitæ non sunt: confugimus enim tunc ad earum per diligentem explicationem, & singula, quæ sunt in definitione posita declaramus. Quæ resoluendi, hoc est, explicandi, & declarandi via abit interdum longissimè: sic prorsus, ut Galenus in libello, qui dicitur Ars parua, non dubitauerit septuaginta resolutionibus vnâ eandemque definitionem explicare: cum enim definiens Medicinam, dixisset, esse scientiam sanorum, ægrotum, neutrorum, vidissetque definitionis partes obscuriores esse, addidit earundem partium explanationem: sed tamen quia nondum satis eas explicatas putabat, alias rursus adiunxit, & post etiam alia, atque alia quoad demum septuagesima declaratione intellexit, esse satis superque medicinæ definitionem illuminatam. Atque hoc doctrinæ modo utitur Aristot. multis in locis, ubi res ex definitione tradita non facillè percipiuntur. Incognita quippe declaranda ex cognitis sunt, & quæ minùs agnoscuntur, ex iis quæ magis in promptu sunt, illustrare necesse est. Itaque, ut hoc solum exempli causâ dicamus, cum in primo Physicorum definiendo decreuisset, Naturam esse principium motus, & quietis in quo est per se, ac non per accidens: hanc definitionem illico redordiri aggressus est, ac resoluerè per partes, easque singillatim declarauit: quia non satis esse cognitâs intelligebat. Idem ergo sequitur ac præstat, eandemque resolutionis init viam in hisce Moralium libris, felicitatem absolutissimè demum, ac perfectissimè definiturus. Principio enim ponit nobis ob oculos veluti signû quoddam, quò collineare necesse sit felicitatem: multâque de ipsa disputat vniuersim, & quasi confusè, ut deinde definitio velut ex tenebris eruta nobis elucescat. Definit autem primum felicitatem ex qualitatibus illis communibus: deinde ex iis, quæ magis illi videt esse propria: sed quia, ne duplex quidem definitio satis aperire videbatur intimam ipsam felicitatis rationem ac vim, extremæ definitionis retexit resolutæque partes, ipsas nimirum diuidens, ac declarans, quæ sunt operatio, & virtus: exponit ergo quænam, qualèsvæ sint operationes eiusmodi, & virtutes bipartitò diuidit ac distinguit, in appetentes, siue Morales, & in rationales, siue intelligentes. De rationali virtute pauca dicit, & quidem vniuersè in primo lib. eam initio secundi diligentius explicaturus. Quæ præterita, de virtute Morali differit, ac postmodum in tertio, quarto, quinto eiusdem formas subiunctâsque species enucleatius aperit. Et quoniam in definitione virtutis intercesserat aliqua mentio electionis, quæ oritur à voluntate, in ipso libri tertij principio, antequam accederet ad declarationem singularum virtutum, docet quid voluntarium sit, eius-

que contrarium, quid electio, quid alia quædam, quæ oriri videbantur ex his: deinde pergit de Moralibus ipsis virtutibus amplius explicare. In sexto verò de Virtutibus agit rationalibus: in septimo de quibusdam, quæ virtutes quidem esse videntur, aut vitia, sed re tamen ipsa non sunt eiusmodi. In octauo & nono, quia ciuilis & absoluta felicitas vitam postulat perfectam, & externa bona, quorum potissima & maxima pars in amicis est posita, de amicitia disserit. Cum denique virtutis opera, & actiones honestas excipiat, & consequatur magna voluptas; de voluptate amplissimè docet in decimo, ad vmbilicum vique disputatione perducta, impositoque iam sine illius explicationi definitionis, quam in primo libro primis quasi lineamentis ceperat adumbrare. Itaque tota hæc Moralium librorum disputatio contineri videtur definitiua quadam doctrina, eaque analytica & resoluta: quia in definitionis explicatione ac resolutione perfecta tota consistit. Id igitur est quod ait hoc loco, à se primùm esse veluti figurandum, hoc est circumscribendum, & leuiter adumbrandum; deinde distinguendum, expoliendum, & suis quasi coloribus depingendum, perficiendumque summum bonum. Inchoauit enim hoc opus in primo libro, expoliuit & coloribus induxit in ceteris intermediis: absoluit ad extremum in decimo suprema manu: quemadmodum expositum est.

Sed pergamus Aristotelis reliquam disputationem interpretando persequi; quando sic ipse disserere pergit. [Videtur autem cuiusvis esse producere, ac distinctius explicare ea, quorum sit prima descriptio recta, & eiusmodi rerum inuentor, aut certe bonus adiutor esse tempus: vnde & artium amplificationes extiterunt. Cuiusvis enim est addere quod deest.] Quorum sententia verborum est planissima, nec adeo magnam postulat explanationem. Comparat enim duos hosce definiendi modos inter se, compositiuium & resolutiuium: affirmatque compositiuium esse difficiliorem: quia nihil est, quod ante definitionem præponatur velut exploratum atque compertum: sed ipsa tantummodo res definienda proponitur: quo fit, vt nullum habeamus quasi fundamentum aut præsidium, cuius adiuti beneficio ad definiendum accedamus. Quare hoc modo, id est, per compositionem definire, partesque ipsius inuenire definitionis, & suo loco disponere, non est multitudinis, vt ait Aristot. sed eorum qui scientia pollent. Secundum verò docet faciliorem esse: quia ex definitione iam tradita & designata haud ita magno negotio progredimur ad declarandas & retexendas partes. Rectè igitur ait hic esse cuiuslibet, hac ingredi resolutionis via: non quòd hoc facere possint etiam imperiti; sed quia non tantam postulat calliditatem atque scientiam hic modus, quantam sibi vindicat ille superior: quare cum eo comparatus, qui paucorum est, videtur hic posterior esse cuiuslibet. Et eo potissimum nomine faciliorem hanc methodum analyticam esse ait, quo magis ipso iuuatur tempore sicut artes ceteræ, quæ non subito, ac statim, sed pedetentim, ac post multa temporis spatia peruenerunt ad summum. Id quod non hoc loco tantùm affirmat, sed in libro etiam secundo sophisticæ cap. vlt. vbi ostendit, artem dicendi, & Dialecticam paulatim fuisse perfectas: quare non dubitat ibidem eo nomine veniam petere, si eam disserendi doctrinam minùs exquisitè tradat, cuius ipse primus sit auctor: cum prima quæque perfecta & suis absoluta partibus vniuersis esse non possint. Docet idem Cicero de pictura, deque arte sculpendi, aitque, nihil vnquam simul inuentum, & perfectum fuisse: sed egregiè Lucretius in 5.

*Nauigia, atque agriculturas, mœnia, leges;
Arma, vias, vestes, & cetera de genere horum
Præmia; delicias quoque vite funditus omnis:
Carmina, picturas, & dædala signa polire
Vsus, & impigra simul experientia mentis
Paulatim docuit pedetentim progredientes.
Sic vnum quicquid paulatim protulit ætas
In medium, ratioque in luminis eruit oras.
Namque alia ex alio clarescere corde videbant
Artibus, ad summum donec venere cacumen.*

His de felicitatis definitione perstrictis veluti per episodiu & in parergo, reuertitur iterum ad præmonendum vnum, quod iam antè multis explicarat in cap. 3.
cūm

cum docuit non esse ab hac disciplina postulandas exquisitas rationes, & demonstrandi perfectas aliquas vias, cuiusmodi sunt in his, quæ principia rerum diligentius inuestigant. Verum, inquit, meminisse & ea nos oportet, quæ supra dicta sunt, subtilitatem non esse querendam pariter in omnibus, sed in singulis pro subiecta materia: & eatenus, quoad doctrinæ congruum est. Eadem, inquam, his verbis docet, ac quæ tradiderat in tertio capite, sed quorsum hæc dicat, & quænam sit huius sermonis cum superiore continuatio, ne indicat quidem. Ut breuissimè faciam, sic puto senem esse, quemadmodum exposuit per paraphrasim Peregrinus. Existimat enim Aristotelem, qui dixerat, felicitatis à se propositam definitionem non esse perfectam, ita loqui, & suam continuare disputationem. Neque verò quia rationes, quibus in summi boni cognitionem, noticiamque peruenimus, haud necessariò vincunt atque concludunt, ideo tradita definitio contemnenda est: meminisse quippe nos oportet, quod antè monuimus, subtiliorem disputationem non æque omnibus esse accommodatam: sed vsurpandam, ut subiectæ materiæ ratio postulat: hoc est, quemadmodò cius doctrinæ proprium est, quæ in ea materia versatur. Habet enim, vna quæque ars & disciplina suam propriam tractandæ materiæ rationem ac viam. Explicat autem hic amplius hanc tractandæ materiæ varietatem duarum artium exemplo, quæ in re prorsus eadem, varia tamen ratione modòque versentur.

Nam & faber, inquit, & geometra dissimiliter rectum angulum inuestigant: ille enim quatenus est ad opus utilis, hic, quoniam est veritatis contemplator, quid nam sit, aut qualis inquirat. Quæ similitudo est ad id quod docetur, singulariter accommodata: faber quippe, ut docet Albertus, orthogonum, hoc est, rectum angulum in eam considerat gratiam, ut benè columnam erigat, aut parietem faciat rectum, aut aliud opus eiusmodi ad lineam & perpendicularum ducat: rectus enim angulus habet latera, lineæ ac perpendicularo respondentia, quibuscum si componatur columna, vel paries, demonstrabit faciliè, rectène erigantur, an perperam & obliquè. Geometra verò eundem intuetur, & considerat angulum ex eius definitione, ex proprietatibus, & qualitatibus, ut rei veritatem demum assequatur, quam inde conatur eruere: ex definitione enim, ex proprietatibus, & qualitatibus rerum quælibet existit & cognoscitur ab homine veritas. Quod si eadem vellet in recto angulo faber inspicere, atque inuestigare contemplando, ex opere alieno plura sumeret, quàm tractaret ex artificio suo, præscriptosque sibi cancellos, ac terminos temerè transiliret: quo fieret, ut maiores essent, inquit Aristoteles, operis appendices quàm opera. Quare cum in vnaquaque doctrina videndum id doctori sit, ut se contineat intra limites, faciendum est idem etiam magistro morum, nec ea vlla cōmittendum ratione est, ut temere in alienas artes inuadat. Hominem enim, quem ipse pro materia propositum habet, considerant etià Medicus, & naturalis Philosophus: sed ille sanū, aut ægrotum considerat: hic ex materia cōpositum & forma, quæ si velit exquirere inorū magister, ineptissimis quasi diuerticulis aberrabit. Hoc monitum adprobauit etiam Galen. in l. 9. de Hippocratis ac Platonis decretis, in eos qui ab arte aliqua certa in alias transiliunt, eadem verba siue prouerbiū vsurpās, cum ait, *ὅπως μὴ τὰ παρεργὰ τῶν ἔργων πλεῖον γίνωται*, ne operū appendices aut ornāmēta fiant ipsis operibus longiora videanturque prouerbiū ab Agathone poeta desumptum: cuius apud Athenæum versus hi sunt.

Τὸ μὲν παρεργὸν ἔργον ὧς ποιοῦμεθα,

Τὸ δ' ἔργον ὧς παρεργὸν ἐκποιούμεθα.

Appendicem quidem operis tamquam opus facimus: opus autem tamquam appendicem exequimur. Videtur adeo Plato in hoc genere grauitè errasse, quem fortasse latenter hic, atque abditè carpit Aristoteles. Nam præterquam quod in 6. de Rep. summam ab hac quoque scientia subtilitatem efflagitat, putatque omnia exiliter, & exiguè refectari ad viuū oportere, audet etiam de diuinis rebus, ac de Ideis, quæ neque Moralia, neq; Politica sunt, accuratam interfereere disputationem. Aristoteles autem, qui videt vbique cauendum esse, ne quid nimis, ea quæ aliarum sunt artium eatenus attingit, quatenus huic disciplinæ morū necessaria sunt. Itaque disputationes de anima in cap. vltimo huius lib. & de amoris origine in lib. 8. cap. 1. quæ physicae sunt indicat potius leuiter, quàm accuratè pertractat. Quin huius moniti, præceptiq; obseruatissimus, sapissimè, ut colligit Gifanius, rationè reddit, cur hoc, aut illud explicet in his libris ut de voluntate, & cōsilio initio l. 3. de voluptate in l. 7. c. 11. l. 10. c. 11. & de amicitia in l. 8. In lib. verò 1. Magn. Moral. c. vlt. se diligenter excusat, quod in Ethicis agat de sciētia, de sapiētia, de arte, de mēte; quæ disputationes

Analyticae, ac Metaphysicae sunt. Hæc eadem denique causa fuit, cur in lib. Moral. 10. disputationem de beatitudine theoreica prætermiserit. Vidit enim Politicis, quæ in actione versantur, alienam esse. Rectè itaque Galenus in lib. de naturalibus facultatibus ait, accuratam de animæ natura disputationem neque Medico neque Politico necessariam esse, ac propterea omittendam utrique: utique tamen cognitionem aliquam & leuē eiusdem animæ tractationem esse perutilem. Hoc igitur in summa præceptum ab Aristot. teneatur: si qua incident eiusmodi, quæ aliena videantur, ea perstringenda leuiter esse, non de industria tractanda: *νεπέπγα* maiora fiant & ampliora, quàm *εργα*. Atque ita ex varietate scientiæ theoreicæ, & aduosa purgavit sitis Aristoteles causam suam apud eos, qui subtiliorem, accuratiorēque requirere possent definitionem, & definitionis etiam ipsius explicationem, quam traditurus in libris consequentibus est.

Sed alteram quoque profert eiusdem excusationem rei, petitam ex principiis, & causis, quibus constant argumentationes. Non enim omnibus in rebus similis prorsus modo causa exquirenda est, quæ dicitur à Græcis *τὸ διῶν*, hoc est, propter quid, sed satis in multis est, si explicetur ea quæ *τὸ ἐν*, hoc est, quia nominatur. Vt cum demonstramus ita rem esse: cur ita verò res sit, inquirere prætermittimus. Quare in artium principiis, inquit, causæ non requiruntur, quibus nimirum ipsa principia demonstrantur: sed partim sensu, partim inductione, partim consuetudine, partim experimento & usu, partim communi hominum iudicio ac mente cognoscuntur; quæ ut Plato docet, & Cicero loquitur, igniculos habet à natura inditos ad multa rerum principia peruidenda. Inductione, mathematicæ principia intelliguntur. Nam ab æqualibus æqualia dempta, æqualia esse cognoscitur inductione, cum in omnibus æqualibus accadat, si demantur æqualia. Quocirca generalis hinc illa propositio existere potest, quæ confirmat, æqualia semper esse quæ dempta remanent ab æqualibus. Sensu pleraque rerum naturalium cognoscuntur, & innotescunt principia: qualia sunt calere ignem, frigidam aquam esse, niuem albam. Sensus enim cum multos obierit & iultrauerit ignes, facit, ut ratio colligere possit, omnem ignem calidum esse. Consuetudine nota sunt principia morum: cuiusmodi sunt ex abstinentia, & repudiatione voluptatum parari temperantiam! animi continentia frangi vincique cupiditates. Experimento habemus cognita medicinæ principia, & artium aliarum. Vt, helleboro insaniam depelli, agarico exteigi phlegma, bilem rhabarbaro. Est alius præterea modus cognoscendi principia, qui definitione continetur. Sunt enim aliqua, quæ definitione tantum intelliguntur: ut in Mathematicis dicitur, punctum est, cuius nulla pars est: quam cognoscendi principij rationem fortasse perstrinxit, & complexus est ad extremum Aristot. cum dixit vniuersè: & alia aliter: hoc est, multa sensu, multa usu, & experimento cognoscuntur, multa alio modo.

Cum ergo artium principia non demonstrantur ex causis, sed alio atque alio modo cognoscantur à nobis, claudit disputationem suam atque hoc caput Aristot. affirmans, id etiam non in Morali philosophia modò, sed in aliisque facendum esse, ut principia cognoscantur à nobis eo modo, quo ipsorum natura cognosci postulat, in primisque docet, esse diligentissimè definienda, quia omnis demonstratio pendet à cognitione principiorum, ac propterea magnum afferunt usum momentumque ad consequentia percipienda. Sunt autem singula, inquit, ita tractanda, ut eorum natura & conditio fert: dandæque opera est, ut probe definiantur: magnum enim momentum habent ad consequentia. Id quod probat ex dicto quodam prouerbioque vulgato, quo dicere soliti sumus, eum habere dimidium operis qui principium habet, & principium esse dimidium operis. Quæ paræmia in ore omnium fuit. Vsurpat eam Plut. in lib. de audiendis poet. usurpat Horat. lib. 1. epist. ep. 2.

Dimidium facti qui caput habet. sapere aude.

& Auson. *Incipe. dimidium facti est capisse: superis*

Dimidium, rursus hoc incipe, & effices.

Vsurpat Caius in

ff. de orig. iur. leg. 1. his verbis. Cuiusque rei potissima pars principium est. Vsurpat Plato in Craty. & 2. de Repub. grauitè admonens, in hoc elaborare debere omnes, ut principia tanquam fundamenta prudentissimè statuuntur. eodēque argumento prouerbioque in 7. de leg. usus, iubet Politicum adhibere maximam diligentiam.

in pueris rectè formandis : in quibus Reipublicæ seminarium est. Idemque in 6. de Legibus docet , in ciuitate præcipuum id esse , vt eximius viuis committantur magistratus : quia in his principia Reipublicæ videntur esse. Eius verba sic sunt : Principium enim totius negotij dimidium dicitur in prouerbiis , ac benè cœpisse ab omnibus vbiq; laudi datur. Ceterum hoc mihi sanè plusquam dimidium videtur. Et profecto non modò dimidium , sed plusquam dimidium operis in principio positum esse dicit hic Aristot. *δοκεῖ οὐδὲ πλεονῆς ἢ τοῦ ἡμῶν τῷ παύτῳ εἶναι ἡ ἀρχή*. Videtur autem plusquam dimidium totius esse principium : idque hoc prorsus modo dictum est ab Hesiodo , à quo manauit Prouerbiū : principium nimirum plus esse , quàm dimidium. Sed Hesiodus in aliam longè sententiam hæc pronunciaſſe videtur , quàm vsurpetur ab his. Superſedebimus autem exponere ac declarare , quorsum ab eo poeta pronuntiatum id sit : ne in ea nos incurramus parerga , & diuerticula , quæ damnat hic Aristot. satis igitur habemus , eum qui velit hoc videre , allegare ad librum Adagiorum vulgatum , arque hic quod nostrum tantummodo est , dicere : hoc sibi vulgato prouerbio velle sapientissimum Moralis doctrinæ magistrum : non esse negligenda principia , cū in his ita magnum positum momentum sit , vt principium vulgò putetur esse plusquam dimidium : & magna eos incommoda nancisci in omni doctrinæ genere necesse sit , qui principia non constituunt solida : quo nomine Pythagoreos sæpe reprehendit Aristot. ac Cicero multis locis Platonem & Epicureos ipsos. Huc enim referas quod idem Aristot. ait in lib. 2. de cœlo , paruum errorem initio , fieri demum in progressionē *μυριοπλασιος* : hoc est , infinitè multiplicatum. Hoc igitur sequutus præceptum Aristoteles , de principio huius doctrinæ diligenter explicaturum se pollicetur : ex eo enim , vt postremis verbis ipse confirmat , eorum multa , quæ indagantur , aperta & perspicua fiunt. Quòd si dicas , hæc iis esse contraria , quæ supra sunt posita , cū dixit , Politicam omnem disputationem haud enucleatam esse oportere , & definitionem beatitudinis minus tradi subtiliter , & exactè posse , quàm traduntur ab aliis doctoribus aliæ : si hæc , inquam , obicias , responderim : Aristotelem dixisse quidem , demonstrari res in Politica non debere ex causis illis , quæ dicuntur à priori : & definitionem beatitudinis ex iisdem causis prioribus peti non posse : sed tamen affirmat , etiam demonstrari Politicam posse à consequentibus , & definitionem felicitatis à posterioribus existere posse , ac methòdo resolutiua explicari. Quæ quoniam in suo genere fieri perfectè possunt , ait in hoc extremo capite , diligenter ea esse persequenda , in primisque principium totius doctrinæ Politicæ definiendum esse , & methòdo illa analytica explanandum accuratissimè. Principium autem hoc esse putat Albertus Magnus , aut beatitudinem , aut ipsam definitionem beatitudinis : alij Virtutem , & virtutis conficientem operationem. Hæc enim sunt verissima principia felicitatis : & felicitas ipsa totius disciplinæ Moralis principium dici quodammodo potest : quia referuntur ad illam vniuersa.

EPILOGVS.

1. Vt ex digressionē reuersio sit ad institutum , id positum sit : complures quidem esse fines , sed non omnes perfectos. Quosdam enim aliorum gratia solum expetimus ; sic prorsus , vt nisi vellemus alios , illos non expeteremus : cuiusmodi sunt diuitiæ , quæ ad uitā degendam querimus , & tibiæ , quæ propter concentum musicum amamus , aliæque instrumenta , & bona vtilia , quorū vsus aliò reſeratur necesse est : finis enim perfectus propter se est expetendus.
2. Is ergo finis perfectus queritur à nobis hoc loco , Qui vel vnus tantum , ac simplex est , vel duplex , ac multiplex : si vnus , is dici debet rerum omnium agendarum limes ac terminus : si multiplex : is , qui inter plures fines perfectos est perfectissimus : est enim eiusmodi finis maximum , atque absolutissimum bonum quod querimus.
3. Aliqua sunt , quæ propter se quidem expetuntur : sed tamen absunt à ratione perfecti , nec perfecta simpliciter appellantur : quia non modò propter se , verum etiam propter aliud expetuntur : qualis est honor , aut voluptas , aut virtus , & mens sana : & alia quedam , quæ expeterentur à nobis , etiamsi nihil aliud ex ipsis existeret bonum. Itaque re ipsa beatitudinem in iis collocant aliqui : sed diuitiæ , atque instrumenta nun possunt expeti nisi propter aliud.

4. Illud verò est simpliciter, absolutèque perfectum, quod propter se tantum, & nunquam propter aliud expetitur. Huiusmodi autem nihil est aliud, nisi felicitas & beatitudo: quæ sola propter se tantum semper, nunquam propter aliud expetitur: & quia sufficiente rerum copia, & bonis instructa est omnibus, est per se satis homini degenti in societate, volentique cum parentibus, propinquis, amicis sua bona, ipsamque felicitatem communicare: quod autem est ita perfectè sufficiens, perfectum simpliciter est. Quod si felicitati accedat aliquod bonum, & cum eo bono connumeretur, fiet quidem propter illam bonorum exuperantiam optabilior, & incremento extrinsecus accedente, non intrinsecè, maior. Est enim ipsa per se, ac per essentiam homini satis, atque sufficiens.
5. Quoniam verò felicitas est bonum hominis, & perfectio: bonum autem, & perfectio singulorum nihil aliud est, quàm proprium eorum opus, ut in iubicine, in statuuario ceterisque opificibus cernimus, felicitas hominis proprium erit ipsius hominis opus.
6. Proprium hominis opus non est vivere, aut sentire (illud enim cum stirpibus, & hoc habet commune cum feris) sed intelligentia vti & ratione: hominis enim propria vita dicitur esse rationalis: quæ vita duplex est. altera quidem ipsa per se ratione pollens: ut est in intelligentia: altera obediens rationi; qualis est in appetitu, qui ratione caret, sed regitur à ratione. hac autem ad hunc modum bipartita rationalis vita diuidi debet in duas: quarum una quasi potentia sit, altera ipso etiam actu exerceatur. Illa sic est, cum nihil agis ex ratione, sed potest agere: hac cum re ipsa vel ratione vititur, vel obtemperat rationi.
7. Felicitas ipso vite rationalis actu continetur: sed eo qui ex habitu ac virtute proficiatur. Quamquam enim opus citharædi, & huius citharædi genere quidem idem sunt opus, tamen huius citharædi absolutum, & perfectum est: citharædi enim opus est citharam pulsare: huius verò citharædi, hoc est, callidi perfectique opus, est præterea benè, artificiosèque pulsare. Ergo proprium hominis opus non erit opus hominis tantum, hoc est, ratione videntis, sed hominis huius, hoc est, virtute habituque probitatis instructi, cuius beneficio non ratione tantum vititur, sed vititur ratione secundum perfectam absolutamque virtutem.
8. Erit ergo felicitatis huiusmodi definitio. Felicitas humana est hominis opus secundum perfectam virtutem in vita perfecta. Sed hæc circumscriptio est, qua felicitas adumbratur potius, quàm ad vnum exprimitur: explicabitur autem postea diligentius, & suis coloribus expingetur.
9. Sunt enim in qualibet disciplina quinque fermè observanda diligenter, & sequenda præcepta. Primum: ut in tradenda doctrina rudi quadam cognitione præparemus animos: deinde, ut quæ isto modo imperfecto tradiderimus, expoliamus, & sic perficiamus, quemadmodum pictores facere soliti sunt: qui depingendam imaginem lineamentis primum adumbrant, deinde coloribus illinunt, & absoluunt: secundum, ut ne plus nimio festinemus: sed tempus opperiamur idoneum, ut ad ea quæ supersunt exponenda, & declaranda nobis suppetias ferat: tempus enim vel pleraque reperiit artificia, vel eos, qui reperiunt adiuvit. Tertium præceptum est: ut ne putemus, in omni materia eandem esse posse disputandi subtilitatem. Quartum. Ut eatenus in singulis disciplinis disputando progrediamur, quatenus singulis satis est: utque illa, quæ sunt aliena, prætermittamus, ne appendices & parerga opus ipsum magnitudine vincant. Quintum: ut in certis quibusdam disciplinis causam non requiramus: sed habeamus satis cognoscere ita rem esse.



IN CAPVT SEPTIMUM,

QVÆSTIO PRIMA.

Verum perfectius sit quod propter se tantum expetendum est, quàm id, quod & propter se, & propter aliud est expetendum.



Quid id peculiari disputatione querere nos oporteat, facit Aristoteles, cum ait, illud esse perfectissimum bonum, quod propter se tantum expetitur; id imperfectius, quod & propter se quidem optatur, sed eligitur etiam

propter aliud. Contra enim dicendum videtur: hoc est, bonum quod propter se & propter aliud est optabile, multo esse præstantius, ac perfectius: idque multis posse rationibus ostendi. Quarum

Primæ est apud Buridanum huiusmodi. Maius & perfectius alio est, quod tantum-

dem potest, quantum valet illud, & eo præterea plus atque amplius aliquid. sed quod est optabile propter se & propter aliud, tantundem valet, ac potest, quantum potest id, quod est optabile solum per se, & eo amplius. ergo illo perfectius & melius est.

Secunda. Felicitas, quæ inter honorabilia bona principem ac summum obtinet locum, ex accessione alicuius minimi boni redditur optabilior, & dignior, ut eligatur ab appetitu, & quod inde consequens est, melior. ergo quod est optabile propter se reddetur maius, ac melius si accedat aliqua ratio, cur amplius expetendum & eligendum sit. hæc autem accedit, si sit etiam expetendum, & optabile propter aliud.

Tertia. Deus est summum bonum, non optabile modo & expetendum propter se, verum etiam propter aliud. Nam Aristot. in 2. Cæli confirmat, quicquid habet opus, id gratia operis esse: & eodem loco ait præterea, Deum operationem habere. ergo Deus non modo est bonum expetendum propter se, verum etiam propter ea quæ agit, & operatur. At Deus est omnium bonorum perfectissimum bonum. Igitur ex eo, quod aliquid sit expetendum per se, & propter aliud, non propterea dici debet minus perfectum, quam id, quod est expetendum tantummodo propter se.

Animaduertendum est ex Alberto Magno, id quod est expetendum & optabile propter aliud, quantumvis expetendum sit etiam propter se, non habere rationem ultimi finis, ac propterea non esse perfectum. Non enim dici perfectum debet, nisi quod ultimum est, & quod ita definit appetitum, ut appetitus ipse ultra progredi appetendo non possit. Quamvis enim huiusmodi res expetenda propter se & propter aliud ultimus interdu esse finis voluntatis videatur, ut cum Epicureus aliquis voluptatem, aut Stoicus virtutis habitum, aut Politicus honorem expetunt, in quibus beatitudinem collocandam putant; re tamen ipsa, verèque non est ultimus, sed tantummodo per accidens; quia nimirum ab illis pro ultimo habetur, & expetitur. habet quippe in se bonitatem eiusmodi, ut si nullum alium præterea fructum efferat, expeti possit à voluntate. Non enim hæc sunt similia tibiis, diuitiis, aut aliis instrumentis, quæ bona utilia sunt, nec eam solum bonitatem habent, quam mutuuntur à fine, ad quem referuntur; sed habent præterea formalem aliquam quantumvis aliò referendam. Cum ergo id comparatum ita sit, ut is finis propter aliud expeti possit ac debeat, absolute non est ultimus ac perfectus, adeoque deterior illo est, qui quoniam simpliciter est ultimus, sic appetitur propter se, ut propter aliud appeti, eligique non queat. Neque verò propterea est habendus ac dicendus ultimus, quod ultimum eum esse aliqui putent, aut tanquam ultimum expetant. Est enim duplex appetitus, alter corruptus & prauus, aut deceptus à iudicio, alter integer, & recta ratione temperatus. Ultimus

propriè finis, non ille, qui priore appetitu, sed qui posteriore quæritur, est appellandus.

Animaduertendum secundo loco est, Auerroem in secundo Cæli comment. 17. & 21. duplicem distinguere finem: quorum alterum appellat intentionis primariæ, alterum intentionis secundæ. idque declarat hoc modo. Hæc omnia, quæ sub cælo posita contuemur, ad Deum, ad Intelligentias, & corpora cælestia sic referuntur, quemadmodum res effectæ ad effectorem, conseruatorémque referri debent. ergo Deus, Intelligentiæ, cælestia corpora horum gratia sunt, & hæc, Dei, Intelligentiarum, ac cælestium corporum fines dici debent. ait enim Aristot. in 2. cæli nihil esse habens opus, quod ipsius operis gratia non sit. Non tamen eiusmodi finis Deo esse potest ex intentione primaria, sed ex intentione secunda. primaria enim intentione quicquid agit, propter se ipsum agit. Sed quoniam summè bonus est, ac propterea propensus; ac pronus ad suam impertiendam aliis bonitatem, intentione secunda agit etiam propter aliud, hoc est, propter commoda rerum à se procreatarum. est enim huic perfectò bono id inditum, innatūque, inquit, ut se diffundat, & perfectionem suam; quantum patitur captus, aliis impertiatur.

Ceterum huiusmodi finis secundarius, siue intentionis secundæ, est longè posterior, atque inferior priore: nec propriè causa est, cur agens agat: cum verè agentis actio non terminetur hoc fine, sed proprio ipsius bono definiatur. Illa enim omnia, quæ propter nos agit Deus intentione secunda, intentione primaria iam reuocauit ad se. Nec quicquam est, aut agitur in tota rerum vniuersitate, quod tanquam exercitus totus, & ipsius labor exercitus ad Deum imperatorem ac Principem non referatur. Immo verò Deus, potius est dicendus causa istius finis secundarii: cum nulla necessitate adigatur ad res procreandas & conseruandas: nec vlla eiusmodi finis bonitate alliciatur, aut moueatur ad agendum, sed in eam solum gratiam agat, ut suam communicet cum aliis perfectionem. Non enim agit propter nos, ut aliquid inde bonitatis paret, sed ut bonitatem potius nobis suam impertiatur. Idem dici de Intelligentiis, & corporibus cælestibus debet. Hæc enim non sunt propter inferiora intentione primaria, sed secunda. id enim quod est in intentione primaria est nobilius eo, quod est in secunda. & quoniam cælestia corpora sunt inferioribus præstantiora, intentione primaria petunt, & quærunt aliquid excellentius, quam id, quod debetur inferioribus. Itaque cum dicimus esse plures cælestium orbium motus propter ordinem in rerum procreatione mortalium, intelligimus hoc spectare cælestia corpora, non quidem intentione primaria, sed secunda. Verum enim est vniuersè quod ait Aristot. in septimo Polit. id quod deterius est esse gratia melioris. quare cum cælestia sint meliora, non possunt esse

propter hæc inferiora intentione primaria, sed secunda: quæ non constituit propriam rationem finis, nec adimit perfectionem. Maneat ergo, id quod optimum, & simpliciter absolutum, perfectumque in aliquo genere sit, non oportere sic esse propter se ipsum, ut propter aliud intentione secunda, quæ nullam affert imperfectionem, esse non possit. Quin à Deo petita similitudine dicimus, hominem cumulatè felicem inter cæteros, intentione prima propter se ipsum esse: intentione secunda propter alios. quæ non modò de perfectione felicitatis nihil imminuit, verùm etiam auget potius beatitudinem, eam reddens diuinæ similiorem; cuius est, mortalibus succurrere, præsto esse, salutem atque incolumitatem impertiri.

Ex his facilè respondebitur argumentis obiectis. Quod enim attinet ad primum: id verè perfectius alio est, quod tantundem potest, quantum aliud, & eo amplius aliquid: sed quod est expetendum propter se & propter aliud, non est eiusmodi, ut possit quantum potest id, quod expetendum propter se semper est, & numquam propter aliud. quamquam enim est expetendum propter se, non est tamen expetendum propter se tantum, quod necessarium esset si tantundem posset quantum illud. Esse autem expetendum propter se, sed non propter se tantum, est esse imperfectum. Itaque cum additur expetibilitas propter aliud, nihil additur inditæ perfectionis.

Atque hinc existit etiam ratio respondendi secundo. Nam illud quoque verum est; felicitatem, non quidem illam, quæ constat ex omnium aggregatione bonorum, sed eam, quæ felicitas essentialiter est, & continetur in aliquo bono, quod in felicitate primum est, & principem obtinet locum: felicitatem, inquam, eiusmodi ex accessione minimi boni, quod conspirat cum cæteris ad conflandam cumulatißimam beatitudinem, reddi maiorem, meliorem, perfectiorem; sed tamen expetendam tantum esse propter se semper, non propter aliud. Si enim ex accessione illius boni redderetur expetenda propter aliud, fieret imperfectior. sed quia redditur multo magis expetenda propter se, & numquam propter aliud, sit in suo genere perfectior & dignior, ut magis expetatur & eligatur. Itaque bonum additum bono, dico equidem augere, non imminuere bonitatem; sed augere in suo tantum, non in alieno genere bonitatis. Cum ergo bonum additum imperfectum sit, quia est propter aliud, & accedat imperfecto bono quod est bonum expetendum propter se, sed non propter se tantum, nihil addit boni perfectioris, quodque possit perfectione vel æquare, vel vincere bonum propter se tantum expetendum.

Tertium haud absimili ratione diluitur. Deus enim est bonum propter se, & intentione primaria omnia refert ad se. Quod si secundaria est etiam propter aliud, & nostram ipsorum expetit utilitatem, summam

in se declarat esse perfectionem, quæ possit etiam cum aliis communicari. Sed in voluntate, honore, gloria expeti propter aliud, est aliquid imperfectum, & ab imperfectione id nascitur. si enim bona perfecta essent, non propter aliud expeterentur: id quod inditum quodammodo habent, ac propterea necessariò referuntur ad aliud, ut perfectiora in suo genere sint, & maiorem ampliorémque hauriant à fine, ad quem referuntur, bonitatem. Deus autem ipse non habet hoc innatum, ut aliò referatur, nec adigitur ad se communicandum aliqua necessitate, nec propter aliud agit, utparet sibi perfectionem & bonitatem aliquam, sed ut eam potius imperiatur.

QVÆSTIO SECUNDA.

Quid vite perfecta nomine intelligi velit Aristoteles.

IL L V D vniuerse constitutum ab Aristotele est, aliquam oportere cum felicitate diuturnitatem temporis esse coniunctam. quia neque vna hirundo, neque dies vnus efficitur. Sed quoniam hæc diuturnitas, & longinquitas dicitur vita perfecta, videndum est, quantum aut quale tempus eo nomine debeat intelligi. Vitam enim hanc perfectam, quam beatitudini vult hic additam Aristoteles, vario sanè modo explanant Interpretes. Aliqui enim intelligi eo nomine debere putant totam hominis vitam à principio ad finem vsque comprehensam. quod in primis arbitratus est D. Thom. ut paulo antè significauimus. sed hæc à morali antiquorum philosophia aliena est interpretatio. Cum id fieri nisi singulari aliquo Dei beneficio non possit, ut quispiam continenter ac semper in virtutis actione versetur, exorsus ab initio vitæ, atque ad finem vsque sine intermissione perseverans. Aristoteles autem & magistri morum antiqui non exquirunt, quod sit diuinitus: sed quod homini plerumque & naturaliter accedit. Alij, in quorum numero est Eustratius, non totam planè vitam intelligunt, sed eam vitæ partem, in qua comparat aliquis felicitatem, eamque obtinet in operatione virtutis ad obitum vsque non interruptam. Sunt qui velint vitam perfectam Aristoteli esse vitam longam, & naturæ fortunæque bonis abundantem omnibus. Ita censer Mirandulan. lib. 40. Euerf. sing. cert. Alij demum vitam perfectam hic ab Aristotele dictam putant eam, quæ longo aliquo tempore sit extensa: hoc est tanto, ut in eo elucere commodè felicitas possit. Quæ interpretatio sine dubio consentanea est Aristotelis verbis, qui similitudine vsus hircundinis, & vnius diei, demonstrauit longinquitatem aliquam temporis perfruendæ idoneam felicitati in ipsa esse oportere felicitate. Sed quia non dicunt, cur ea longinquitas temporis idonea, dicta sit vita perfecta, veram sententiam non satis exponunt.

Dicendum ergo primo loco est : vitam perfectam non esse hic apud Aristot. totam periodum decursumque vitæ. Quia pueri, & adolescentes non possunt esse felices, ut est in primo Magn. Moral. cap. 4. Itaque ob eam causam in 12. Metaph. contex. 39. dixit vitam optimam continenter ac semper perdurantem convenire Diis, nobis autem ad exiguum tempus. Quod si dicuntur pueri, atque adolescentes interdum felices, felices esse intelliguntur spe. Postulat enim perfecta beatitudo, ut certo aliquo tempore appareat, & quodammodo elucescat. Ad hæc, ne moralis quidem disciplinæ, quæ vna conficiens est beatitudinis, idonei sunt auditores adolescentes, ut supra ex Aristot. demonstravimus.

Dicendum secundo loco : vitæ perfectæ nomine non esse intelligendam vitam, Naturæ, fortunæque bonis abundantem & copiosam. Quia similitudo ab hirundine, atque ab vno die petita, non potest vlllo modo in eam copiam cadere, sed in longitudinem potius, ac diuturnitatem. Quis enim sanus ita ratiocinetur; Felicitas debet esse cum vita, Naturæ fortunæque bonis abundante; quia neque vna hirundo, neque dies vnus efficiunt ver.

Dicendum itaque tertio loco est; vitam perfectam appellatam hic ab Aristotele fuisse, quæ duplici ex parte suam nata perfectionem sit: ab ætate, à tempore. Ab ætate quidem; quia tum perfecta vita est, cum ratio videtur efficax, iudicium constans & acre, habitus firmi ac permanentes. Quemadmodum enim, si corpus tantummodo spectes, tunc ætas perfecta hominis est, cum sui simile procreare potest; ita si vim animi consideres, eiusdem ætas perfecta dicitur esse, cum adulta iam ratione, actionibus virtutis perfectis edendis, ac veluti procreandis idoneus est. A tempore verò accipit vita perfectionem, quia unicuique præstituta est à natura vivendi periodus, & finis aliquis certus, quem homo felix attingere sine impedimento debet, & antequam attingat, vitam per aliquot annos cum Virtutis habitu ducere; præclarasque & illas quidem multas edere per habitum actiones. Hanc temporis longinquitatem in vita perfecta esse oportere docet ipse in horum lib. 10. Moral. cap. 8 vbi vitam perfectam sic interpretatur. Si igitur ita est, perfecta sanè fuerit hæc animæ beatitudo, si perfectam vitæ longitudinem adepta sit, nihil enim eorum, quæ sunt beatitudinis, inchoatum, & imperfectum est. Ita planissimè docet, sine tempore aliquo idoneo dici non posse vitam perfectam. longum verò tempus existimari tum debere, cum illud quod à natura est unicuique ad vivendum præstitutum, sine insigni calamitate ad finem vltique traducitur, declarat idem Aristoteles in lib. 1. Magn. Moral. cap. 4. vbi præterea perfectionem illam ab ætate petitam luculenter explanat his verbis: Cum igitur felicitas sit bonum perfectum, ac finis; nos latere non debet, id in ætate perfecta esse.

non enim in puero (quia nec puer dici felix potest) sed in viro. is namque perfectus, ac ne in tempore quidem imperfecto, sed perfecto. perfectum verò fuerit utique tempus quamdiu homo vivere potuerit. rectè namque à multis dicitur: felicem in longissimo vitæ tempore esse iudicandum: ut opus sit, perfectum esse, & in tempore perfecto, & in homine. Ac demonstrari præterea potest hanc esse sententiam Aristotelis ex varia multiplicique perfecti notione, quæ apud eundem variis reperitur in locis. Nam in lib. 4. Meteor. ait, id esse perfectum, quod generat simile. in decimo metaph. text. 13. id, cui nihil addi possit. in 2. cæli text. 23. id, extra quod nihil eorum accipi queat, quæ ipsius sunt. Hæ quippe definitiones singulæ ita cadunt in vitæ perfectionem, ut antè declaravimus. Nam quia refertur ad ætatem, generat sibi simile per habitum iam partum, ac roboratum. quia refertur ad longitudinem temporis, nullam admittit accessionem in eo genere: cum eiusmodi vita finem attingat à natura præstitutum.

Quod si quæras cur illa ætatis & temporis perfectio necessariò cum felicitate coniuncta sit: responderim, huius rei causam esse multiplicem. ac primò quidem; ut vir absolute felix diutius summo bono, summique boni comite lætitia perfruatur. deinde; ut felicitas conspicua sit, & quodammodo fulgeat apud mortales. tertio loco, ut vitæ fine concludatur optimo, cum à fine præsertim perfecta vel imperfecta felicitas dici iure ac merito debeat.

Sed dices; ex iis, quæ constituta sunt, illud sequi, definitionem vltimi finis ac summi boni non esse perfectam, sed præcisam ac mutilam: cum in ea, Naturæ fortunæque munera & bona non commemorentur, quæ præsidia necessaria felicitati sunt, ut alibi ab Aristotele dicitur.

Dices præterea, felicitatem non postulare tempus. quia vbi homo multis iam actionibus paravit habitum, cuius beneficio ac vi facile possit agere secundum omnes virtutes; statim ac momento redditur felix. ergo felicitas tota paratur simul, & puncto temporis ad modum formæ substantialis.

Duo sunt hic animadvertenda, antequam his quæ sunt obiecta respondeamus. Primum est: instrumenta non necessariò poni in definitione operis, quod ab illis efficitur. satis enim superque sunt principia illa præcipua, quibus componitur opus. Quin eadem instrumenta possunt etiam implicite in definitione poni: quod est satis. Alterum est, felicitatem posse duplici modo à nobis intelligi. primo quidem; si vna tantum actione comprehendatur essentialiter: secundò, si ex omnium genere bonorum aggregetur, illa dicetur humana felicitas; siue privata; hæc pertinet etiam ad alios, & ciuili. Ad hæc, in ipsamet felicitate ciuili, & in ea bonorum aggregatione interdum intensionem solam intuemur, interdum etiam extensionem consideramus. Quare argumento priori respon-

dendum est: non fuisse commemorata, & expressè posita in definitione felicitatis Naturæ, fortunæque bona; quia sunt instrumenta felicitatis; fuisse verò in eandem inclusa latenter & rectè, cum dictum est felicitatem esse perfectissimæ virtutis actionem, absolutam item atque perfectam. hæc enim libera est omni prorsus obice, impedimentoque: ac propterea carere non potest instrumentis perfectionis, quæ in bonis Naturæ, fortunæque posita sunt, ut ait Aristot. in 8. cap. huius lib. i. his ferme verbis: Nefas namque est, aut certè difficile, eum, cui nullæ suppetunt facultates, res agere præclaras.

Respondendum est posteriori. Felicitatem, quæ definitur hoc loco, habere bonorum aggregationem, & non intensionem modò, sed etiam extensionem. Nemo enim

est, qui non censeat feliciorum eum, qui plures, quàm qui pauciores ex se protulerit actiones virtutis. Quia tunc, si minus intenditur, extenditur certè beatitudo. In bonorum autem aggregatione debet etiam recenseri diuturnitas, & ætas perfecta, & in extensione felicitatis sic tenetur tempus, ut nulla ratione sine tempore ipsa possit intelligi.

Possent præterea quædam obiici tanquam absurda, quæ consequi videntur ex dictis. Ut: hominem felicem non posse infelicem fieri; cum in fine vitæ sit tantum felix: quo tempore non potest amplius in miseriam relabi. neminem posse felicem dici ante obitum, quod alienum à ratione videtur esse, ac fortassis ab Aristotele. sed hæc in cap. 10. huius libri de industria disputabuntur.



CAPVT OCTAVVM.

DE ANTIQVORVM DICTIS, DEQVE
tribus bonorum generibus felicitati consentaneis.

S V M M A.

De Felicitatis notione sibi cum antiquis Philosophis conuenire, ac definitionem beatitudinis à se propositam cum ipsis omnino congruere.

DIVISIO CAPITIS IN PARTES QVINQVE.


1. Quæ de felicitate vulgo dicuntur, à vero non sunt aliena.
2. Definitioni felicitatis iam supra propositæ consentientia sunt quæ dicuntur ab aliis.
3. Enumerantur aliorum de felicitatis sententia, quæ à definitione proposita re ipsa non discrepant.
4. Concordat cum iis qui felicitatem in virtute, aut etiam in voluptate ponunt.
5. Et cum iis qui eandem in bonis externis collocatam putarunt.

PARS PRIMA CAPITIS OCTAVI.

ΣΚετῆσαι δὴ τὰς αὐτῆς, οὐ μόνον ἐν τῷ συμπερίστροφῳ, καὶ ἐν ὧν ὁ λόγος, ἀλλὰ καὶ ἐν τῷ λεγόμενῳ αὐτῆς. τὰ μὲν γὰρ ἀληθῆ πρῶτα σιμᾶσθαι ἔστιν ἀρχαῖα, τὰ δὲ ψευδῆ, καὶ ἀφωφῆσαι ἀληθῆς.

Considerandum igitur est de ipso, non solum ex conclusione, sed ex iis, quibus ratio constat, sed etiam ex iis quæ dicuntur de illa. Nam veritati omnia consonant quæ insunt. mendacio autem cū dō dissonat veritas.

EXPLANATIO.



NATIVM huius capituli non sententia modò, sed etiam verbis cum extremo superiore sic iungitur; ut hic repetere necesse sit eam clausulam, quæ de inuestigandis vniuscuiusque artis principiis, usque diligentissimè definiendis penè fuit huiusmodi. Principia autem singula persequi oportet, quemadmodum cuiusque natura patitur: dandæque opera est, ut benè definiantur. Magnum enim momentum ad ea, quæ sequuntur afferunt. Principium quippe plusquam dimidium totius videtur esse, &

multa, quæ in quæstione posita sunt, eo cognito, declarantur.

His igitur extremis adnectit exordium huius capituli de principio Moralis philosophiæ inuestigando, definiendo, explicandoque, sic differens: Est ergo videndum de eo, non ex conclusione solum, &c. Itaque benè monet Gifan. aliquos interpretes haud benè vertisse: est videndum aut considerandum de ea: quod erat in Turnebi conuersione: idque ut declararent alij addiderunt beatitudinem: quasi dicere velit Aristoteles, sibi nunc esse suscipiendam diligentem disputationem de beatitudine: sic enim apud Lambin. Deceperunt istos verba Græca *ἡ ἀρετὴ αὐτῆς*. Initium enim huius capituli est. *Σκεπτόμενοι δὲ τὴν ἀρετὴν αὐτῆς*. Existimarunt enim illud *ἀρετῆς* esse referendum ad *ἡδοναίαν*, hoc est, ad felicitatem: cum referri debeat ad principium *ἀρχὴν*: quæ vox erat in postremo superiore capite posita: ubi dictum erat, *διὰ τοῦτο οὐκ ἔστιν ἡ ἀρετὴ τῆς ψυχῆς εἶναι ἢ ἀρχή*: Sed tamen quia hoc doctrinæ Moralis principium dici potest esse beatitudo, ut docet Albert. & nos supra monuimus, haud valde reprehendendi videntur qui sententiam potius quàm verba reddere Latine voluerunt: quare hoc omisso, satius erit perquirere, quid sibi hoc exordio velit Aristoteles.

Ait ergo, esse diligentissimè sibi disputandum de ipso principio Moralis doctrinæ, quod felicitas est, & ultimus finis actionum humanarum, eiusque veram atque idoneam explicationem petendam esse, non ex conclusionibus modò, & ex iis, quibus constat ratio, siue finitio: hoc est, non tantum ex syllogismo, ratiocinatione, definitione, verum etiam ex iis, quæ de ipsa felicitate, communi hominum aut certè sapientium sermone dicuntur: ut res non ratione solum demonstretur, sed vel virorum omnium, vel doctorum, ac philosophorum auctoritate comprobetur. Est enim in utraque maxima vis ad faciendam fidem: cum à consensione mortalium discedere, videatur esse audacia non ferenda; & dissentire à sapientibus, summæ argumentum infirmitatis sit, ut in Hippia minore confirmat Plato. Præceptum igitur est hoc loco pulcherrimum, quo iubemur, ut res controuersæ, quæstionisque, non argumentationibus solis, & rationum momentis, sed ex testimoniis præterea sapientium, & ex omnium consensione mortalium constituentur. Quod ut de omnibus verè dicatur, multò sanè veriùs de Politicis quæstionibus ac locis dicitur, in quibus nihil statuendum est temerè, sed omnia ex consensu metienda eorum, qui prudentia, iudicio, & diuturno rerum pollent experimento. Atque, ut hoc planius exponamus, sciendum id est: duplicem esse doctrinam, siue duplicem in ipsa doctrina *ἀρετῆς*, hoc est, considerandi rationem, ac viam esse: quarum altera ratione nititur, altera auctoritate. Posterior ratio minùs artificiosa est, immo appellatur *ἀπὸ τοῦ ἀπαιτήτου* artificio carens, vel artis expert, si solam sequatur aliorum auctoritatem, rationem negligat, qua fulciri possit auctoritas. Prior autem est artificij plena: cui nimirum famulantur, atque subseruiunt methodi Logicorum quatuor: syllogismus, definitio, diuissio, resolutio. Artificiosissima tamen ex his existit ea, quæ rationem cum antiquorum auctoritate coniungit: hanc enim sequuntur, & retinent semper Aristoteles & Plato, qui primùm asserre soliti rationes sunt: deinde easdem sapientium testimonio confirmare. Illi ergo, qui solam auctoritatem satis habent proferre, posthabita ratione, Socratem audiant in Platonis Protagora. Vbi eos qui Poëtarum testimonio ad res comprobandas vtuntur, ratione neglecta, plebeis hominibus similes esse ait; qui in conuiuia tibicines inducere consuevere, quod de rebus præclaris ipsi inter se verba facere nesciant. Huic igitur præcepto ipse quoque obtemperaturus Aristoteles, præmonet, velle se non modò de beatitudine ea docere, quæ rationibus colligere poterit, ac syllogismis, verum etiam ea, quæ discere fas erit ex opinione hominum communi, & ex antiquorum dictis ac pronuntiatis sapientium. Si enim ea, quæ de felicitate sunt disputata, aut disputabuntur in posterum, consentient cum iis, quæ omnes existimant homines, ac potissimum sapientes vera, sine dubio veriora putanda sunt, quàm si sola ratione comprobarentur. Hoc enim est, quod pulcherrima illa sententia statim adiungit. Nam veritati omnia consonant quæ insunt, hoc est, quæ vera sunt. Mendacio autem citò dissonat veritas: hoc est, quamprimum verum dissentit à falso. Vbi quæstiones quasdam subtilissimas excitant Interpretes, D. Thom. & Gualt. Burleus: sed visæ sunt aliquibus alienæ. Mihi quidem ea sententia videtur esse planissima propter ea, quæ de vero docentur in Metaphysicis. Dicitur enim esse positum in qua-

fdam consensione cum regula. Regulam autem, cui ea, quæ vera sunt respondere debeant, Aristot. ponit hoc loco esse rationes & dicta omnium, siue sapientia m. atque, omnia vera esse, quæ rationibus, syllogismis, siue conclusionibus, aliisque methodis logicis consentanea sunt: sed veriora, si præterea consenserint cum omnium opinione mortalium, & cum dictis effatisque sapientium. Contra verò illa statim apparere, & deprehendi falsa, quæ à vero, hoc est, ab iis rationibus atque à dictis sapientium dissident. Quamquam enim non dicit, ea, quæ falsa sunt, à vero discrepare, sed verum dissentire à falso, idem tamen significat: cum non possit verum à falso discordare, quin falsum etiam discordet à vero. Hinc autem consequens est, vt si principium Ethicæ vel Politicæ, hoc est, ipsa felicitas, aut definitio felicitatis partim exposita, partim explicanda, consentiat cum methodis Logicorum, & cum opinionibus antiquis omnium hominum, ac præsertim prudentium, vera debeat haberi, quia cum vero consentit: sin autem cum iisdem pugnet, habenda sit falsa, quia discrepat ac dissentit à vero.

Atque hoc est exordium huius capituli: ex quo facile possumus animo percipere quid in toto decursu disputando complexurus Aristoteles sit. Est enim expositurus antiquorum opiniones, & dicta de felicitate; eaque demonstraturus iis esse consentanea, quæ docet, ac docuit ipse de eadem felicitate. Itaque mox aggreditur eiusmodi Philosophorum placita retexere, ac singula cum suis comparare: quod nos etiam persequemur interpretando.

PARS SECUNDA CAPITIS OCTAVI.

ΝΕΡΕΜΗΛΩΝ ΔΗ ΤῶΝ ΑΓΑΘῶΝ ΤΕΙ-
 Χῆ, καὶ τῶν μὲν ἐκτὸς ἰεργαμέ-
 νων, τῶν δὲ ἐνὶ ψυχῇ, καὶ σῶμα. Ἐ-
 νὶ ψυχῇ, κυριώτατα λέγεται, καὶ
 μέγιστα ἀγαθὰ. Ἐν δὲ σῶμα, καὶ
 ἐνέργειαι καὶ ψυχικαὶ, ἐνὶ ψυχῇ
 πῆλιν. ὥστε καλῶς αὖ λέγεται κατὰ τὴν
 εὐταίαν τὴν δόξαν παλαιὰ οὖσαν, ὅτι
 ἐμμελεσιμῶν. Ἐπὶ τῶν φιλοσοφούν-
 των. ὁρῶντες δὲ, ὅτι ἐν σῶμα πῆλιν λέ-
 γονται, καὶ ἐνέργειαι τὸ τέλος: οὕτω γὰρ
 τῶν ἐνὶ ψυχῇ ἀγαθῶν γὰρ, ὅτι οὐ
 τῶν ἐκτὸς. σωματικὰ δὲ τὰ λόγον ὅτι τὸ,
 ὅτι ζῆν, καὶ τὸ, ὅτι σῶμα πῆλιν τὸν βιβάμεναι.
 ἡδὸν γὰρ βιβάμεναι τις εἴρηται καὶ ἐν σῶ-
 ματι.

Cum autem distributa sint bona tri-
 fariam, & eorum nonnulla extraria
 dicantur, aliqua verò in anima, & corpo-
 re; quæ in anima sunt, maximè propria di-
 cimus, & maximè bona: actiones autem
 & operationes animæ in anima ponimus.
 Quapropter benè hoc affirmari posseti secun-
 dum hanc opinionem, quæ vetus est, &
 comprobata à philosophantibus. Rectè e-
 tiam dictum est, actiones quasdam & ope-
 rationes appellari finem: ita enim ex animæ
 bonis sunt, & non externis: consonat au-
 tem huic rationi etiam illud: & benè vi-
 uere, & benè agere virum felicem: ferme
 enim beatitudo, bona quadam vita dici-
 tur, & bona actio.

EXPLANATIO.



Hic igitur initium comparationis est: qua cum Aristotelica defini-
 tione antiquorum opiniones, & dicta conferuntur. Orditur enim à
 celeberrima diuisione bonorum animi, corporis & externorum. Quæ
 partitio Academica potissimum fuit, à Platone vel inuenta vel ad-
 probata & adhibita: cum alibi, tum potissimum in Euthydemo, in
 Philebo, in 5. & 9. de legib. Quem sequitur etiam Cic. in quinta Tusculanarum,
 & alij. Quamquam enim multi alio modo ineant hanc diuidendi rationem, eodem
 tamen reuertuntur, nec aliquam designant bonorum partem, quæ hac diuisione
 non contineatur: loquimur autem de solo bono, quod ad hominem spectat, non
 de diuino: quæ duo genera statuit Plato in eodem Philebo. Petunt igitur aliqui
 diuisionem humani boni à fine: dicuntque triplex esse: utile, iucundum, hone-
 stum: sed hæc qualitates non inveniuntur in aliis, quàm in his, quæ distinximus,
 bonis: quorum alia utilitatem, alia honestatem, alia iucunditatem habent: exter-

na bona utilia sunt, corporis bona partim utilia, partim iucunda. Animi bona solum honesta. Alij partitionem excogitarunt ductam ab eo, à quo bona, & nasci & pendere videntur. Dixerunt adeo quædam esse fortunæ bona, quædam naturæ, quædam animi. Bona fortunæ triplicem pene ordinem habent: primo enim dicuntur interdum bona fortunæ amplissime omnia, quæ in nostra manu posita non sunt. In quam sententiam dixit Aristoteles in 2. Rhetoricorum, liberorum bonam prolem, & quæ corporis bona sunt afferri, darique à fortunæ prosperitate. Secundo loco dicuntur bona fortunæ ipsa tantum diuitiæ, aut alia quædam ad diuitias pertinentia, quæ notio & significatio est angustissima. Tertio bona fortunæ dicuntur medio quodammodo esse omnia externa bona, hoc est, quæ ab externis prodeunt causis, multiplicique sunt obnoxia varietati: quæ bona opponuntur his, quæ vel animo inhaerent, vel corpori: sunt enim aliqua animi bona inhaerentia, ut virtutes; sunt aliqua eiusdem animi externa, ut honor, existimatio & gloria; aliqua corporis inhaerentia, ut robur & valetudo; aliqua eiusdem corporis externa, ut nobilitas, bona proles, & diuitiæ: externa igitur omnia siue animi sint, siue corporis bona, designant fortunæ. Bona verò naturæ nihil aliud istis sunt, quàm bona, quæ nascimur ex ipsis principis generationis: ac propterea redigi possunt ad quatuor veluti capita: ad valetudinem ac sanitatem, cum vitæ longitudine iusta, & senectute bona: ad robur & firmitatem corporis; ad incolumitatem sensuum, ad vires idoneas, & habitudinem bonam: ad pulcritudinem cum gratia, & magnitudine congruenti. Quæ quatuor naturæ bona diximus alibi ex Eustratio respondere quatuor illis virtutibus primis atque principibus; hoc est, sensuum incolumitati prudentiam, sanitatem iustitiæ, fortitudini robur, temperantiæ pulcritudinem. Bona denique animi appellant ea, quæ omnium consensione animi bona sunt: hoc est, virtutes & habitus animi congruentes, quibus ipse nimirum veluti, quibusdam formis ornat: ac propterea munerum functiones, quæ ex ipsis habitibus proficiuntur.

Alij partitionem hanc petere voluerunt ex ipsa bonorum conditione, variòque modo, quo conueniunt homini. Bipartitò itaque tantummodo ea diuiserunt, docentes, alia esse bona nobis extrinsecus aduenientia, alia quæ insint & inhaereant nobis. Quæ adueniunt extrinsecus, vel ad corpus pertinent; & illa sunt quæ supra indicauimus, nobilitas, bona proles, diuitiæ, secunda fortuna: vel ad animum; ac tria item sunt: amici, honor, existimatio, gloria. Quæ nobis insint, & inhaerere dicuntur, partim inhaerent corpori, partim animo; corpori quidem valetudo, firmitas, pulcritudo, magnitudo iusta, vires, bona senectus. Animo verò virtutes, & quæ a virtutibus actiones existunt, iustitiæ, Fortitudinis, Temperantiæ. Quam distinctionem expressit Aristoteles in primo Rhetoricorum his verbis: Hac ratione nullius rei ad bene beateque viuendum indigebit is, cui bona omnia, & quæ in eo sunt, & quæ extrinsecus adueniunt, erunt vberissime: nam præter hæc nulla sunt. In ipso vero hærent ea, quæ vel in animo vel in corpore sunt: extrinsecus adueniunt nobilitas, amici, pecunia, honor. Opes etiam atque fortunam adesse oportere censemus. Sic enim hæc vita maximè tranquilla, &c. Hæ sunt, inquam, aliaque multiplices, ac variæ bonorum diuisiones, quæ hac ipsa partitione, tradita nunc ab Aristotele, atque ab antiquorum plurimis adprobata comprehenduntur omnes. Illæ quippe bonorum qualitates, honestas, utilitas, iucunditas a fine petita, possunt etiam his tribus conuenire bonis, ut diximus. Bona verò naturæ perstringuntur hic partim in bonis corporis, partim in bonis animi. Bona enim animi appellat hic Aristot. tum virtutes, quæ studio parantur & usu, tum ipsam etiam eiusdem animi habitudinem bonam, atque accommodatam vim, inductionemque peculiarem ad artes quasdam, disciplinæque certas percipiendas: quæ natura inest alicui, alteri non inest: corporis verò bona dixit ea, quæ corpori insunt. Denique bona externa sunt hic Aristoteli ea, quæ illi nominant bona fortunæ: externa quippe dicenda putat illa animi bona, quæ non sunt in animo, qualis est honor, existimatio, fama, gloria; & illa corporis, quæ sunt tamen extra corpus, ut nobilitas, amici, proles, pecunia, fundi, dominatus, regna, diuitiæ. Immo verò hæc Aristotelis diuisio est opportunior: cum dubitari possit, vtrum nobilitas, & bona proles, quæ videntur esse naturæ, vtrum honor & gloria, quæ videntur esse à virtute, debeant dici bona fortunæ: sed nemo dubitabit, vtrum appellanda sint

externa bona. De postrema illa diuisione contractioni in ea bona, quæ in homine insunt, & in ea, quæ extra hominem sunt, nihil dicendum videtur: quia est prorsus eadem, nec vlllo modo differt ab hac: sunt enim in homine bona quædam animi & corporis: sunt extra hominem vtriusque alia bona, quæ dici debeant externa.

Ex hac ergo bonorum partitione, quæ fuit olim omnium communis, vult Aristoteles intelligi, consentientem illis cum sua fuisse de beatitudine, ac felicitate sententiam. Non enim id tantum ij dixerunt, esse bona triplicia, sed addiderunt præterea, è tribus bonis illa, quæ animi sunt, esse præstabiliora: id verò cum affirmarunt, nonne beatitudinem in animo posuerunt? At in animo etiam eandem Aristoteles collocauit; cum dixit, esse proprium hominis opus secundum virtutem: proprium enim hominis opus est animi actio: ac propterea beatitudo in ipsis animi bonis ab eo reposita est.

Itaque rectè colligit, se cum veteri philosophorum opinione consentire: quæ in anima sunt, inquit, maximè propria dicimus, & maximè bona, actiones autem & operationes animi, (hoc est, functiones muneris, vt vertit Lambin.) in animo ponimus. Quare ex hac sententia quæ vetus est; & à philosophis comprobata, rectè dicimus finem ipsum actus quibusdam & operationes esse. Quibus verbis duplici nomine ait se consentanea philosophis dicere: primum, quia illi in bonis animi positam voluerunt felicitatem: deinde, quod felicitatem dixerunt esse finem. Vtrumque enim ipse quoque docet in definitione, hoc est, in animo felicitatem esse; & esse animi bonum optimum, quod nihil est aliud, quàm esse finem. Itaque hunc locum in Latinum à Lambino conuersum sic accipere satius est. Animi bona in primis, & maximè propriè bona dicimus: actiones autem & functiones muneris in animo collocamus. Itaque cum ex hac sententia, & veteri, & à philosophis vno ore comprobata, rectè hoc à nobis dicatur; tum verò propterea, quod actiones & functiones muneris non nullæ ipsius finis ratione continentur, efficitur, vt beatitudo in animi bonis non in externis numeretur. Ita Lambin. veluti paraphrasilocum hunc in ipso quoque Græco Codice obscuriorem illustrauit; significans, Aristotelem id sibi velle: duplici nomine se concordare cum priscis sapientibus, & quod beatitudinem ponat in animo, & quod eandem velit finem esse. Vtrumque enim affirmabant illi, qui cum diuisissent bona in tria genera; præstantissima, & ceterorum veluti finem vltimum dicebant ea, quæ animi bona nominamus.

Aliud deinde proponit antiquorum dictum, cum quo tradita definitio felicitatis admirabili modo consentiat. Omnes enim cum dixerunt esse felicem, qui bene viuatur, agaturque. Quod cum affirmabant, nihil sibi volebant aliud nisi felicitatem esse bonam operationem, & bonam vitam *εὐπραξίαν*, & *εὐζωίαν*. At hoc est, quod in sua ipsius definitione posuit Aristoteles: felicitatem nimirum contineri propria hominis vita, eaque secundum rationem & virtutem exacta: vita verò hominis propria secundum rationem, & virtutem traducta operatio bona est, & vita honesta. Itaque iure concludit, affirmans, huic etiam dicto suam respondere de felicitate sententiam. Consonat autem huic rationi dictum illud, &c. quod clariùs in hunc circumscribens modum Lambinus expressit. Cum hac ratione congruit & illud, benè viuere, & bene rem gerere virum beatum: nam vitam benè actam & rem benè gestam (quam bonam actionem Græci appellant) propemodum beatitudinem esse dictum est.

PARS TERTIA CAPITIS OCTAUI.

Φ Αἰρεται δὲ καὶ τὰ ἐπιζητούμενα
τῶν εὐδαιμονίας ἀπλῶτα
ἀρχὴν ὡς λεγόντι. τοῖς μὲν γὰρ
ἀρετῇ, τοῖς δὲ φρονησιν, ἄλλοις δὲ σο-
φία τις εἶναι δικάσι. τοῖς δὲ ταῦτα, ἢ τοῦτων
τῶν ἡδονῶν, ἢ τῶν αἰσθητῶν ἡδονῶν. ἑτέροις δὲ
καὶ τῶν ἐκτὸς εὐτηρίας συμπεριλαμβανόντων.

V Identur verò etiam quæ præterea
quærentur de beatitudine, omnia in-
esse ei, quod dictum est. Aliis enim virtus,
aliis autē prudentia, aliis sapientia quadam
esse videtur. aliis verò hæc, aut horū aliquid
cum voluptate, vel nō sine voluptate. Alij autē
etiā externā anni vbertatem complectuntur.

Horum

πούτων δὲ τὰ μὲν πολλοὶ καὶ παλαιοὶ
 λέγουσι, τὰ δὲ ὀλίγοι, καὶ ἐνδοξοὶ αὐ-
 δρες. ἑσθιότεροι δὲ πούτων εὐλογοῖν ἔξε-
 μῖρταιν τοῖς ὅλοις, ἀλλ' εἰ γέ τι, ἢ τὰ
 πλεῖστα κατεργάζου.

Horum porro aliqua multi quidem & veteres dicunt, aliqua verò pauci, & illustres viri: neutros autem istorum rationi consentaneum est aberrare in omnibus, sed in uno quodam; aut in plurimis rectè sentire.

EXPLANATIO.

PERGIT hic enumerare cetera, quæ beatitudinem esse, vel certè beatitudini inesse volebant antiqui: ut ostendat postmodum, omnia à se in tradita definitione comprehendi. Ac primò quidem tres profert de felicitate sententias: primam illorum, qui eam in virtute posuerunt: hæc autem Stoicorum fuit: secundam eorum, qui dixerunt, felicitatem esse prudentiam: Tertiam illorum, qui voluerunt esse sapientiam. Sed quæ res, cur hæc distinxerit, & partitus sit Aristoteles. An non etiam prudentia, & sapientia virtutes sunt & ex, quæ dicuntur inter virtutes obtinere principatum? cur igitur hi, qui sapientiam & prudentiam dicebant esse felicitatem, differunt ab illis qui eandem in virtute collocabant? Existimo cum graivibus & doctis viris, Virtutem hic ab Aristot. politam nominatim pro virtute Morali, quæ appetitus humani perfectio est. quare differt à prudentia, quæ perfectio est intellectus actiui; & à sapientia, quæ theoreticum & contemplantem perficit intellectum.

Deinde aliam proferit opinionem aliquorum, qui virtutibus illis iam commemoratis, vel omnibus, vel aliquibus addiderunt voluptatem: dixeruntque, felicitatem constare aut virtute & voluptate, aut virtute quidem, sed non sine voluptate. Hoc autem propterea cum ea disjunctione proponit: quod illi, qui dicebant felicitatem constare ex virtute & voluptate, voluptatem felicitati tribuerent veluti partem essentiae: qui verò confirmabant, felicitatem contineri virtute: sed non sine voluptate, significabant, voluptatem esse aliquod consequens è felicitate coniunctum, non partem felicitatis essentialem. Quæ opinio est similior Aristotelicæ sententiæ, quæ voluptatem & delectationem, ut videbimus, illi adscribit quasi qualitatem è beatitudine sic consequentem, quemadmodum ex humorum optima complexione, & ex partium conveniētia nascitur sanitas, ac pulchritudo. Hæc, inquam, de felicitate sensisse veteres ait: eosque fuisse vel multos, vel paucos quidem, sed præclaros, ac dignissimos laude viros, adeoque non esse credibile, eos omnino labi, ac penitus aberrare; sed aliqua saltem in re consequi veritatem. Nam quia veteres & præci sunt, obtinent apud omnes propter augmentum antiquitatis nomen auctoritatem: quia multi, non facile decipiuntur: quia pauci, sed sapientes, necessario vident, intelliguntque quod verum est. Quæ quidem ideo disputat, ut ad institutum referat orationem, atque ad illud initium revoce, ubi confirmarat, velle se suam definitionem ad antiquorum sententias explorare: quod ita vera putanda sit, si cum illorum opinione, dictisque consentire reperiatur: id quod demonstrat in iis, quæ consequuntur, & à nobis hoc loco ita subiungitur.

PARS QUARTA CAPITIS OCTAVI.

ΤΟῖς μὲν οὖν λέγεισι πᾶσιν
 ἄρετιν, ἢ ἄρετιν πᾶσα, σωφ-
 ρδὸς ὅστιν ὁ λόγος. Ταύτης γὰρ ὅστιν ἡ
 κατ' αὐτὴν εἰέργεια. Ἀφ' ἧς δὲ ἴσως
 οὐ μικρὸν εἰς κτήσιν, ἢ κηρύσιν τὸ ἀεί-
 ρων ὑπολαμβάνει, καὶ εἰς ἑξί, ἢ εἰς
 γαία. πᾶσι μὲν γὰρ ἑξί, εἰσδέχεται μη-
 δὲν ἀγαθὸν ἀποτελεῖν ὑπαρχουσιν.
 οἷ παρ' κελεύειν, ἢ καὶ ἄλλως πως
 ὁρῶνται : πᾶσι δὲ εἰέργειαν οὐχ

Igitur, qui dicunt, omnem virtutem,
vel virtutem aliquam esse beatam vi-
tam, nostra consentiens est oratio. Huius
enim est, secundum virtutem operatio. Re-
fert autem fortasse non parum in possessione,
an in usu id quod optimum est, constituatur,
et in habitudine an in actione. Habitum e-
nim contingit nihil boni efficere, quamvis in-
sit; ut in dormiente, siue etiam aliquo alio
modo oriante: actionem autē oriri non con-

EXPLANATIO.

NEC ITA hic cum sua componere definitione atque sententia eorum opiniones veterum philosophorum qui felicitatem, aut in virtute Morali, aut in prudentia, aut in sapientia, aut in omnibus simul his, aut in earum aliqua cum voluptate coniuncta collocabant. Ac primò quidem ostendit illorum placita cum sua ipsius definitione congruere: quia virtutis actio, vel actio secundum virtutem aliquid virtutis est, & oritur à virtute. In definitione autem dixerat, felicitatem esse propriam hominis actionem secundum virtutem. Deinde contendit, & confirmat amplius, suam ipsius opinionem esse meliorem: quia cum felicitas aliquid optimum sit, in eo potius collocari debet, quod magis bonum est, quàm in eo quod minùs est bonum. Sed vsus & actio virtutis quiddam est magis bonum, meliusque quàm habitus & possessio. Fieri quippe potest ut qui præditus habitu est, nihil agat quod bonum sit, cuiusmodi videmus esse dormientes, & otiosos, ut alibi quoque dictum est suprà. Sed qui versatur in actione virtutis, aliquid bonum necessario facit ac profert: ergo melior est actio quàm habitus, & perfectior est virtutis vsus quàm eiusdem possessio. Itaque tradita definitio & exposita ab Aristotele de felicitate sententia, quantum attinet ad virtutem, non modò consentanea opinioni est antiquorum, sed melior etiam & congruentior rationi: idque demonstrat similitudine pulcherrima è ludis Olympicis accersita. Quemadmodum enim in Olympiis ij, qui spectant desides & otiosi, quantumvis fortes & callidi sint, minimè coronantur, sed qui certant ac vincunt: sic in ipsò vitæ stadio non cessatores & vacui, tametsi præclarissimis præditi sint habitibus atque virtutibus, sed agentes, & qui virtutem in exercitationem vocant, appellandi felices sunt, & beatitudinis quasi coronam promerentur.

Liber hunc locum illustrare tribus exemplis. Timoleon Corinthius optimus, & patriæ studiosissimus vir, cum multa præclara gessisset, offendit apud matrem, & Ciues quosdam, quòd fratrem insidias patriæ molientem interfecisset. Intelligens ergo, se infensum vtrisque, patria suo iudicio carere voluit, ruri degens & in agro, cogitatione prorsus omni abiecta de republica. Cum ita ibi fuisset annos xx. delectus est absens Imperator exercitus ad liberandas Syracusas. Reuocatus, & cum exercitu eò missus præclara victoria, rectisque postmodum factis vitam extremam ornauit. M. Liuius vir præclarus, ex Consulatu, damnatus à populo per iniuriam, rus migravit, & per multos annos Vrbe, atque omni cœtu caruit hominum. Octauo fermè post damnationem anno reuocatus, factus Consul & missus cum exercitu aduersus Asdrubalem, eum vicit, occiditque coniunctis copiis cum collega. Decad. 3. lib. 7. Camillus iniquo item iudicio populi damnatus diu latuit Ardeæ: ad extremum reuocatus ut expelleret Gallos Senones, qui Capitolium ceperant, liberauit illico Urbem, & postea sic præclare se gessit, ut quintam gesserit Dictaturam, & alter appellatus Romulus sit. Igitur hi viri cum cessabant, habitum quidem virtutis retinebant, conseruabantque; sed non propterea tamen felices dici poterant, quia nihil agebant: cum verè felices fuere cum virtutem illam protulerunt in actum. Est hæc eadem sententia in 2. Eudem. ubi vincentes, inquit, corona donantur, non qui possint vincere, nec vincant tamen.

Sequitur illa eorum opinio, qui ad componendam felicitatem etiam voluptatem volebant virtutibus adiunctam, seu veluti partem essentialem, seu tanquam accessionem & appendicem. Hanc etiam ait Aristoteles abhorrentem à sua non esse, sed sibi maximè consentaneam. Quamquam enim ipse non probat eos, qui essentialem felicitatis partem faciebant voluptatem, laudatque potius eos, qui adiungebant illam quasi comitem felicitati, volebantque partem esse, si minùs essentialem, certè componentem, & beatitudinem integram coagmentantem; nihilo tamen minùs vniuersè vult hic ostendere, in sua definitione felicitatis voluptatem non desiderari; quia in actione virtutis est posita, quæ habet per se voluptatem. Est, inquit,

ipforum vita per se iucunda, hoc est eorum, qui se virtutis actionibus exerceant. Quare, vt in summa dicamus, quinque propositionibus, aut rationibus affirmat, demonstratque, in ea felicitate quam circumscripsit, inesse voluptatem. In prima demonstrat, ex eo virtutis actionem habere voluptatem, quod actio illa, animi operatio est. Est autem animi proprium frui voluptate, & delectationem capere, vel vt vertit Lambin. id quod hic habemus apud Aristotelem; delectari in eorum numero ponitur, quæ ad animum pertinent. In antiqua Græci Codicis interpretatione, qua vsus est S. Thom. & alij, sic legimus: delectari enim animalium est: sic autem vertere voluit interpres, quod Græcè est *ἡδονὴν τῶν ζῴων ψυχῶν*, non autem, delectari est earum rerum, quæ prædita sunt anima, siue vt breuius dicatur, animalium rerum adiectiuo nomine ducto ab anima; quo multa dicuntur apud Latinos animalia quasi prædita anima: non hoc, inquam, modo vertere voluit, sed animalium nomine substantiuo; quia putauit cauendum hic vnum esse: ne si communi nomine aliquo rerum animatarum ipse vteretur, suspicarentur qui legerent, ab Aristotele dici etiam ea, quæ vegetantem solum habent animam delectari aut capere voluptatem. Quare, ne in hoc ambiguo fortassis hærent, substantiuo animalis nomine maluit vri; significans, voluptatem & delectationem capere, proprium esse tantum earum rerum, quæ sentiente prædita sunt anima, quæque substantiuo nomine dicuntur animalia. Id secutus est sanctus Thomas, & sic nomen animalium interpretatus est: affirmans, animalia hic dici quæ propriè animalia sunt. Non enim plantas dicimus animalia, nec delectari, sed tantum appetere naturæ, vt alibi declarauimus.

Hæc sit ergo huius primæ propositionis clausula, & comprehensio: voluptatem non desiderari in tradita definitione, quia posita felicitas est in anima: quæ sola, sed non omnis (est enim excipienda vegetans) particeps est voluptatis.

In secunda propositione ostendit, in sua ipsius definitione voluptatem quoque comprehendit: quia dicitur esse animi actio secundum virtutem: eiusmodi enim actio iucunda per se est, & plena castissimæ voluptatis: id quod probat hoc modo. Id unicuique iucundum est, quod diligit, & amore prosequitur animi: sed prædictus quisque virtute amat operationem virtutis suæ: ergo unicuique virtute prædicto suæ virtutis operatio est iucunda. Primam propositionem inductione probabilem facit. Equus enim, inquit, equos amanti iucundissimus est, & Theatrum diligenti mirificam afferunt spectacula voluptatem: reliqua reliquis eodem modo. ergo quicquid amatur, iucunditatem, & delectationem amanti creat: ex quo consequens esse debet, amanti iustitiam, ceterasque virtutes, iustitiæ, ceterarumque virtutum actiones parere iucunditatem. Ac ratio quidem huius rei est ea: quod omnis amor ex aliqua similitudine nascitur: vt est in lib. 8. quæ similitudo nihil aliud est, nisi quædam eorum, inter quæ amor intercedit conuenientia. Fit igitur hinc, vt quod amatur ab aliquo, id ei consentaneum, simile, & conueniens sit: id verò quod est alicui conueniens, eidem iucundum & voluptatis conficiens est.

In tertia propositione contendit, operationem secundum virtutem non modò esse iucundam, sed etiam iucundiozem, quàm sint vllæ aliæ hominis operationes. Contendit autem hoc pene modo: Quod naturaliter & per se delectat iucundius eo est, quod delectat ideo tantum, quia refertur ad aliquem: sed operatio secundum virtutem, delectationem per se ac naturaliter affert; aliæ hominis operationes idcirco solum delectant, quod ad aliquem referuntur. Igitur operatio secundum virtutem, non modò iucunda, verum etiam ceteris iucundior operationibus est, Et quoniam assumptio probationem, & fidem desiderat, eam instituit declarare per partes. Nam primùm quidem, hoc est, operationem secundum virtutem esse naturaliter ac per se iucundam ita demonstrat. Id per se, ac naturaliter affert delectationem, quod vir sapiens, & secundum rationem viuens iudicat esse iucundum. Sed vir prudens, & qui secundum rationem viuit, iudicat operationes virtutis esse iucundas & delectationis conficientes: ergo naturaliter, & per se virtutis operationes affertunt voluptatem. Secundum verò; hoc est, alias hominis operationes non esse naturaliter, ac per se iucundas, sed propterea solum, quod referuntur ad aliquem, sic explanat. Illa, quæ multitudini, cupiditates animi sequenti, iucunda sunt, sibi inuicem aduersantur, non in diuersis hominibus modò, sed in eodem, diuersis temporibus, alia atque alia expetente: prodigus enim benignitate,

& profusione rerum suarum, avarus malignitate & superuacanearum custodia rerum delectatur: & idem prodigus certo quodam tempore profundit res suas, alio fordidè retinet ad explendam aliquam animi libidinem & cupiditatem. Ergo illa, quæ utrique iucunda sunt, non afferunt naturaliter ac per se iucunditatem, sed eatenus dicenda iucunda videntur, quatenus ad amantes referuntur, & ex appetitus prauitate deficientis à ratione cupiuntur. Quòd si naturaliter ac per se voluptatem haberent, haberent eam secundum incorruptum iudicium & rationem, nec pugnarent inter se, sed admirabili modo consentirent. Id quod cernitur in iis, quæ studiosis & virtutis amantibus sunt iucunda. Non enim dissident inter se, nec modò iucunda sunt, modò iniucunda, sed semper eadem sunt & vniufmodi. Ita placuit multis exponere, quod breuiter Aristoteles indicat illis verbis. Igitur quæ multitudini sunt iucunda, hoc est, quæ vulgò ac vulgaribus hominibus, suæque sequentibus cupiditates, iucunda sunt, ea inter se pugnant. quòd non sunt natura eiusmodi: studiosis autem honestatis sunt iucunda, quæ vi sua, & sua natura iucunda.

In quarta propositione ostendit amplius, operationem virtutis, non modò habere voluptatem, sed, eam habere insitam, non accersitam & velut appendicem, aut quasi additum amuletum, ac periapton. Sic enim interpretatur Petrus Victorius ea verba. Nihil autem indiget voluptate vita eorum tanquam appendice quadam, sed in se ipsa habet voluptatem, quæ Græcè sic sunt, οὐδὲν δὲ περιττὸν ταῖς ἡδοναῖς ὁ βίῃς αὐτῶν, ὅσοις ψευδῶς πρὸς, ἀλλ' ἐχὼ τὰς ἡδονὰς ἐν ἑαυτῷ. Reddit, inquam, hæc ita Latine Victorius. Nihil iam præterea eget voluptate vita ipsorum, tanquam amuleto quodam, sed continet voluptatem in se: placuit autem illi sic vertere, quia ψευδῶς, quo nomine hic vitur Aristoteles, verè est apud Græcos amuletum, & quicquid à superstitiosis mulierculis ex infantium, aut hominum aliorum ægrotantium collo suspendebatur ad fascinationes, aut morbos auertendos. Quam medicinæ formam ipsi quoque interdum non respuebant, immo verò petebant sapientes. Nam Pericles, ut est apud Plutarch. graui longoque vexatus morbo, amico cuidam ex eis, qui ad se inuisendum venissent, illo quasi signo demonstrauit quanto iam in periculo versaretur, quòd sibi è collo passus esset superstitiosum suspendi amuletum. Sed apud Romanos postea, plus nimio ille vsus increbuit. Scribit enim Spartianus in Caracalla, sub eo Imperatore damnatos qui remedia quartanis tertianisque collo annexa gestarent. Quæ remedia sine dubio ea fuerunt quæ Græci ψευδῶς, ψευδῶς, ἐξαπτήματα nominabant: damnatos autem tradit qui eiusmodi remediis ad morbos amoliendos, & abigendas febres utebantur, quia cum Magicorum susurro adhiberi solita erant. Magia verò coerceretur legibus etiam ab antiquis. Irreplisse videtur hæc lues etiam ad Christianos, cum aduersus eiusmodi amuleta vanissima, & aliorum Patrum & Chrysostomi potissimum grauissimas declamationes sæpè legamus. Non enim satis fuerant Christianorum Imperatorum leges, ista vetantium, quod est apud Ammian. Marcellin. cum alibi, tum verò maximè in lib. 29. vbi de Constantij temporibus hæc scripta reliquit: Si qui remedia quartanæ vel doloris alterius collo gestaret, siue per monumentum transisse vespere, maleuolorum argueretur indicis, ut veneficus pronuntiatus, reus capitis interibat. Ceterum non superstitiosa tantum, & eiusmodi magica remedia, verum etiam naturalia quædam appellantur à Medicis periapta, quæ legibus verita non sunt, & ex ægrotantium morbosorumque collo, aliæve corporis parte suspenduntur: cuiusmodi sunt lapides multi, de quibus non modò Psellus antiquus scriptor in libello de lapidibus disserit, sed alij quoque medici commentarios iam ediderunt. Dicta tamen hæc sunt à nobis, quasi parerga: ut intelligatur quid sibi voluerit Aristot. cum dixit, delectationem, & iucunditatem in ea felicitate, cuius ipse ab operatione virtutis definitionem petierat, non esse quasi amuletum & appendicem extrinsecus adiectam, sed aliquid intimum, & necessariò cum ipsa virtutis operatione coniunctum: idque sic exponit, ut significet, à vero aberrasse eos, qui cum vellent felicitatem esse positam in virtute, addiderunt illi veluti quiddam aduentitium & externum, delectationem ac voluptatem. Dicebant enim, virtutem ad explendam numeris omnibus felicitatem, indigere delectatione quasi quodam aduentitio externoque ciborum condimento, ut eorum opinionem Eustratius hic interpretatur. At igitur Aristote-

les, virtutis operationem non habere necesse aliunde sibi petere tanquam addi-
tamentum & amuletum voluptatem, quam in se ipsa positam, & veluti natura
insitam videt. Ratiocinatur igitur, & disserit in hunc modum: Id quod sine vlla
prorsus aduentitia, externaque re iucundum est, & delectationis conficiens, iu-
cunditatem, & delectationem habet in se ipso positam, inditamque: sed sine vlla
re aduentitia insuper & externa, operatio secundum virtutem iucunda est, &
conficiens delectationis, Igitur operatio secundum virtutem habet in se ipsa
iucunditatem. Assumptio illustratur item inductione. Nemo, inquit, iustus est,
qui non lxtetur actionibus iustis: nemo liberalis, nemo aliis ornatus virtutibus,
qui ex liberalitatis, virtutumque ceterarum actionibus non percipiat animo gau-
dium & voluptatem, nulla re prorsus extrinsecus accedente. Igitur actio secundum
virtutem est per se iucunda homini virtute praedito, adeoque non requirit iucun-
ditatem extrinsecus accedentem.

In quinta Propositione veluti clausula quadam comprehendit ea, quæ dixerat, addens præterea, virtutis operationem, non modò iucundissimam esse, sed pulcherrimam, optimam, honestissimam: ex quo fiat, vt beatitudo quæ in virtutis operatione posita est, iis prædita dotibus sit, vt quiddam dici optimum, pulcherrimum, honestissimum, iucundissimum debeat. Non enim, inquit, diuisa hæc sunt; ita prorsus, vt aliqua sit actio virtutis honesta, alia iucunda, aliqua pulchra, optima demum alia, quemadmodum in Delo insula inscriptum Apollinis Templo distichon contendebat huiusmodi.

Iustitia est formosa: valetudo optima res est:

Dulce frui, cuius quemque pervicit amor.

Id quod etiam placuit Sophocli, qui easdem qualitates sciunxit, ac separavit, affirmans quod iustum est, id esse pulcherrimum: vivere, optimum, dulcissimum verò ea re potiri, quam maximè cupias. Ait igitur Aristoteles, hæc separari non posse: & quod iucundissimum per se est, id esse pulcherrimum: quod pulcherrimum & iucundissimum, id honestissimum & optimum, quod optimum id iucundissimum & honestissimum. Consequens igitur est, quamlibet actionem perfectæ virtutis, quia honestissima est, his omnibus esse qualitatibus affectam & præditam. Quod si quæras cur pulcherrima felicitas appelletur. Respondeo sic dici: quia virtutis operatio constituit in facultatibus animæ, tanquam in partibus, ordinem & convenientiam quandam illi similem, quæ cernitur in iis quæ verè partibus constant: facit enim ut rationi obtemperantes appetentis animæ facultates proportionem sibi respondeant, ut diximus in disputatione de Pulcro. Ad hæc accedentibus aliis bonis externis & corporis, perfectio quædam existit, quæ sine metaphorica pulchritudine esse non potest. Ex his, quæ sic ex Aristotele decreuimus, quarendum esset, utrum virtutis usus in felicitate prorsus requiratur: an satis sit, eiusdem virtutis habitus: sed est à nobis hoc expositum supra copiosè, cum quæsiuimus: An in virtute posita felicitas sit.

QVINTA PARS CAPITIS OCTAVI.

Φ Αἰνέται δὲ ὅμως καὶ τῆς ἐκτὸς
ἀγαθῶν. παροδομένη, κατὰ-
φρ εἵπομένη. ἀδυνάτου γὰρ ἢ οὐ ρά-
διον τὰ κατὰ φράσην, ἀχρησθητοὺς
εἶναι. πολλά μὲν γὰρ φράσσεται, κα-
τὰ φρ δι' ὀργάνων, καὶ διὰ φίλων, καὶ
πλούτου, καὶ πολιτικῆς δυνάμεως.
εἰσὶν δὲ τῆτων μὲν ῥιπαῖοις ὁ με-
κρέων, οἷον βέλεις, βέλεις, καλ-
λοις. οὐ πάντες γὰρ διδαμονικῶς ὁ τῶν
ιδίαις πτωχείας, ἢ δυστηρίας, ἢ μο-
νώτης, καὶ ἀπενος. ἐπὶ δὲ ἴσως ἦτ-

VIdetur verò tamen etiam externis bonis indigens beatitudo, ut diximus. Impossibile enim est, aut certè difficile, honesta facere eum, cui nulla suppetunt facultates. multa quippe sunt tamquam per instrumenta, & per amicos, & per diuitias, & per civilem potentiam. Et aliqua sunt, quibus qui carent, maculant felicitatem; qualis est nobilitas, bona proles, pulchritudo. Non valde enim beatus est is, qui forma est omnino deformis, vel ignobilis, vel solitarius, & liberorum expers: præterea ve-

EPILOGVS.

1. Pareſt: non ex concluſionibus & rationibus modò, verùm etiam ex aliorum dictis, ac placitis felicitatem explicare: ſic enim intelligitur id quod diximus eſſe verum, ſi antiquorum dicta cum eo conſentient. Conſentunt autem, quia eorum aliqui dixerunt eſſe poſitam felicitatem in animi bonis & virtute, alij in virtute cum voluptate, aut non ſine voluptate: quæ proſectò ſingula complectimur vnica definitione, cum dicimus, felicitatem eſſe virtutis actionem perfectam. Virtus enim omnia animi bona, prudentiam, ſapientiam, Morales habitus comprehendit: & quia cum virtutis actione coniuncta neceſſariò voluptas eſt, habet id cumulatè, quod alij poſtulabant.
2. Sed ne illam quidem prætermittimus bonorum externorum & corporis copiam, in qua nonnulli beatitudinem collocarunt. Actio quippe perfectæ virtutis hæc etiam habet: quia ſine ipsis præclarè geritur nihil; cum ea ſint rerum præclarè ac prudenter agendarum instrumenta. Itaque tradita definitio cum opinionibus antiquorum omni conſenſit ex parte.



IN CAPVT OCTAVVM,

QVÆSTIO PRIMA.

An voluptas ſine delectatio conſtituenda felicitati neceſſaria ſit.



E hac etiam quæſtione diximus aliquid, cum quæſitum eſt ſupra, An felicitas in voluptate ſit poſita. Sed eſt hic diligentius & de induſtria petraſtanda, Quæte,

Animaduertendum eſt primò: inter voluptatem & delectationem eſſe diſcrimen haud exiguum, vt docet Linconien. apud Burl. Voluptas enim propriè ducitur capiturque ex operationibus ſenſus; delectatio verè ſumitur ex operationibus rationis. Sed monet Euſtratus voluptatem Græcè *ἀσκήσις* plerumque eam eſſe, quæ capitur ex rebus ſub ſenſum cadentibus: vſurpari tamen interdum vniuerſè pro quacumque delectatione. Itaque nihil mirum eſſe debet, ſi à nobis interdum voluptas, interdum delectatio appellabitur ea, quæ capitur ex felicitate, hoc eſt, ex operatione perfectæ virtutis, ſtipata ceteris bonis.

Animaduertendum deinde eſt: noluiſſe nos hoc loco quærere, Vtrum felicitas rerum omnium iucundiſſima ſit: quod quærere nos quodammodo cogebat Ariſtoteles, qui hanc ei dotem diſertis verbis adſcripſit; quia de hac re diſputari decernique debet in ſeptimo libro, & decimo, vbi ratio demonſtrans, eſſe rerum omnium iucundiſſimam, traditur huiusmodi: Delectatio quæ capitur ex felicitate, ſequitur ex facultate nobiliſſima cognoſcente, atque in obiecto ſibi maximè conſentaneo congruentique verſante. ergo quomagiſ erit præparata potentia, & obiectum præſtantius, hoc erit delectatio maior, atque perfectior. Sed intellectus optima potentia eſt, in cuius operatione ponitur vltimus felicitatis gradus, & optimè ac perfectiſſimè præparatus beneficio virtutum,

quæ viam ad contemplationem munierunt, verſatur in obiecto præſtantiſſimo, planèque diuino. ergo ſummam capit delectationem, & eam qua nulla poſſit eſſe maior, atque iucundior. Quòd ſi dicas id pugnare cum omnium pene iudicio, qui voluptates ex corpore perfectas ac ſenſu, & cenſent, & experimento comprobant eſſe iucundiores, quàm quæ petuntur ex virtutibus, aut contemplatione rerum altiſſimarum: Reſpondeo, non eſſe his hominibus habendam fidem, quorum eſt viciata æſtimatio animi, & appetitio ex intemperantia deprauata; ſed iis, quorum eſt ſanum incorruptumque iudicium, quique de ſapore virtutis ex experimento ſapienter exiſtitant.

His animaduertiſ: quod attinet ad quæſtionem, dico, aliquos dubitaſſe, an in felicitate requiratur neceſſariò voluptas & delectatio. Quorum

Prima ratio hæc eſt: Illud felicitas videtur minimè poſtulare, quod ſi repudiemus, minùs in vita peccabimus, & faciliùs poſſumus virtutum habitus adipiſci. ſed repudiata delectatione, ac voluptate, peccamus minùs, & virtutem faciliùs comparamus, vt dicitur in fine lib. 2. horum Moral. ergo felicitas non poſtulat, ſed repudiat voluptatem. Secunda: Felicitas, vel admittit aliqua ratione triſtitiã, & perturbationem, vel eam protinus expellit, & diſpungit fonditus. Si admittit (quod videtur Ariſtoteles velle, affirmans, accidentibus malis conturbari beatum) felicitas non habet inſitam delectationem, quæ triſtitiæ contraria eſt, eamque depellit. Si autem non admittit, & cum triſtitiã pugnat, conſequens eſt, felicitatem ne delectationem quidem habere, cum triſtitiã habere non poſſit. contraria enim ſic ſunt, vt eidem accidere poſſint, & in eo-

dem esse: quare si tristitia in felicitate non potest esse, ne delectatio quidem esse poterit, quæ tristitiae contraria est.

Sed probandum, sequendumque decretum Aristotelis est affirmantis, in felicitate necessario delectationem & voluptatem esse. quia felicitas est virtutis operatio, virtutis autem operatio est operanti iucunda: quippe quæ ab eo diligitur & amatur. Aliæ rationes expositæ supra sunt: aliæque afferuntur à Scholasticis: quæ tametsi conveniunt in beatitudinem illam celestem, accommodari tamen possunt etiam huic morali, de qua est nostra hæc disputatio. Dicunt ergo, delectationem ex eo nasci, quod bonum conquestum adepti sumus. quo fit, ut delectatio nihil aliud sit, nisi qualitas ex boni præsentis amore profecta, & cessatio quædam appetitionis in concupiscentiæ possessione conquiescentis. quod enim quies in rebus inanibus est, hoc præstat in animantibus delectatio. Cum ergo nulla felicitas sit, nisi in summi adeptione & possessione boni, felicitas sine delectatione, ac voluptate non poterit esse. Ad hæc ratio illa, quæ demonstrat, ut paulò antè dixi, felicitatem esse iucundissimam, ostendit etiam, non posse carere delectatione, & voluptate. Neque verò contendimus hic, delectationem, ne divinam quidem vi ac potestate seungi à beatitudine posse. Idem inquirere Theologorum est labor, quorum in hoc argumento leguntur vberissimæ disputationes. Satis verò nos habemus affirmare, quod moralis philosophi munus est, felicitatem, & beatitudinem humanam, nisi maior aliqua vis interveniat, sine delectatione, ac voluptate ex ea necessario manante nusquam esse.

Nunc argumentis, ea quæ diximus opugnantibus est respondendum. Ad primò quidem prius responderetur, verum esse, id à felicitate non requiri, aut postulari, quò repudiato, minus peccamus, & facilius virtutem adipiscimur: sed falsum esse, quamlibet delectationem repudiata facere, ut minus peccemus, & facilius virtutem adipiscamur. Sunt enim aliquæ delectationes & voluptates ex virtutis operibus ortæ, quæ faciunt, ut peccemus minus, & virtutem facilius consequamur, adeoque repudiandæ non sunt, quia puræ sunt, honestæ, integræ, castæ, & necessario cum felicitate connexæ. Itaque dictum illud in delectationes & voluptates ortas ex sensibus, & sensuutitantes demulcent etque conveniunt. His enim abiectis, & repudiatis, peccamus minus, & faciliorem ad virtutem aditum invenimus.

Posteriori autem argumento respondere non possum, nisi declararem antè brevissimè, quomodo dolor, aut tristitia cum delectatione se habeat. Non enim tristitia est animi commotio à dolore separata, sed prorsus eadem, & cum dolore coniuncta. Dico ergo, quemcumque dolorem secundum sui rationem communem contrarium esse eundemque delectationi: definitiones enim harum affectionum contrariæ sunt, nec aliquid ha-

bent commune præter affectum: secundum rationem autem magis peculiarem doloris, quæ nimirum ex hoc, aut illo sumitur obiecto, dolorem esse, vel contrarium delectationi, vel affinem, vel ad eam nihil omnino pertinentem; & quemadmodum vulgò iam dicimus, disparatum. Contrarius est, cum ab eodem obiecto, & secundum eandem rationem nascitur, à quo creatur, & gignitur delectatio affinis; cum existit ab obiecto ei contrario, à quo delectatio proficiscitur, ut si ex aliqua re, ita delectationem capias, ut etiam doleas de contraria. Quamquam enim sic quoque dici potest hic dolor illi delectationi contrarius propter obiectum, quod verè contrarium est, nihilo tamen minus affinis potius dicendus videtur, quia delectationem non modò non minuit, sed etiam auget, ut dicemus: nec contrarius per se atque intrinsecè est, sed tantummodo ratione obiecti secundum denominationem extrinsecam. Quo tamen modo interpretandus est D. Thom. in 1. 2. quæst. 35. artic. 5. ne videatur iis contraria dicere, quæ docuerat in eadem quæst. artic. 4. Denique disparatus dolor, & nihil ad delectationem pertinens est, cum ex disparato, ac nihil ad delectationem pertinente sumitur obiecto.

Quibus expositis, Respondeo: solam esse beatitudinem illam celestem, quæ omnem depellat omnino dolorem, atque tristitiam ex quocumque demum obiecto proficiscentem. Summa enim delectatio quæ in illa beatitudine est, omnem omnino tristitiam eradicat: sic inquam, ut beati ne ex amicorum quidem, parentum, propinquorumque supplicio, quibus intelligunt ad Inferos esse detrulos, vllum contrahant animi dolorem. Quemadmodum enim summa tristitia minorem impedit delectationem, adeo ut non sentiat: sic summa delectatio minori tristitiæ aditum omnem intercludit. Sed longè aliter cum humana beatitudine comparatum est, quæ quoniam simpliciter absoluteque summa non est, non habet simpliciter summam delectationem, quæ omnem prorsus dolorem, tristitiamque possit eluere. Itaque si modum illum excipias, qui tristitiam & delectationem pugnantem facit ex eodem ortas obiecto, & secundum eandem rationem ortas, ceteros à delectatione quam habet humana felicitas reperire possis haud abhorrentes & alienos. Ille enim modus unus est, qui ponit delectationem, & tristitiam, non contrarias modò, sed etiam repugnantes. eum fieri non possit ut qui delectetur in operatione virtutis perfectæ, suisque bonorum præsidis & adminiculis instructus, idem ex eadem operatione tristitiam capiat. sed ceteri pugnae modi ponunt tantum delectationem & tristitiam contrarias esse. contrariæ verò affectiones animi se se mutuo remittentes, debilitantesque ex variis, siue contrariis siue disparatis ortas obiectis, haud minus in eodem quàm physicae qualitates elementorum esse possunt. Illud tamen videndum est, ne tristitia ex contrario existens obiecto tanta

S. Thom.
in 1. 2. q. 3.
ar. 1. Me-
din. aliique
Interpret.
ibi.

Medin.
ibid. Alij
Interpre-
tes S.
Thom.

fit, ut felicitatem corrumpat, & prorsus exturbet. potest enim admitta tristitia felicitatem aliquantulum obnubere, & infuscare; opprimere prorsus, & corrumpere non debet. opprimit autem & corrumpet, si maxima sit. Vt enim propter caloris exuperantiam dicitur potius aliquid calidum quam frigidum propter frigoris remissum; ita tristis potius quam letus est dicendus is, qui tristitiam habet exuperantem: contraque beatus potius & gaudens dicendus est ille, qui tametsi aliqua contrahitur tristitia, maiore tamen delectatione perfunditur. In quo id etiam est animaduertendum; delectationem ceteris paribus difficilius à tristitia superari, quam à delectatione tristitiam, ut docet S. Thom. in prima 2. quæst. 6. artic. 6. Ratio est: quia delectatio, motus quidam est in prosecutione positus: dolor, aut tristitia, motus consistens in fuga. Prosecutio verò in appetitu vehementior est, quam fuga. Vt vel ex hoc intelligas, felicitatem difficile corrumpi etiam ab æquali quodammodo tristitia in alio genere posse. Quare beatus capiet delectationem ex opere virtutis absolutæ; afficietur dolore atque tristitia ex infortuniis amicorum: modò infortunia maxima non sint, & maximam summamque tristitiam afferentia. huiusmodi enim affectio delectationem expungeret propter exuperantiam suam.

Igitur ordinem argumentationis secutus, concedo ab humana beatitudine admitti aliquos tristitiæ gradus ab obiecto, vel contrario, vel disparato profectos, non tamen eos, qui ab eodem obiecto nascuntur, à quo voluptas & delectatio sumitur. Hæc enim ducitur ex opere virtutis, & ex ceteris bonis ea ratione qua præsidia virtutis sunt. ex hoc autem opere nunquam existeret vlla tristitia, sed ex obiecto contrario, aut ex eorum despectu bonorum, quæ necessaria virtutis instrumenta sunt. hæc autem tristitia, nisi magna sit, non tollit omnem felicitatem. Responderi potest etiam breuius: felicem hominem tristitiam in sensu capere; delectationem in ratione, ac voluntate, siue in parte superiori: quæ quoniam habitu virtutis est munita, lætabitur ex opere virtutis, cum sensus, hoc est pars inferior ex obiecto mærebit, & tristabitur suo.

Dices tamen, bonum iucundum & honestum esse distincta. Beatitudo est bonum honestum, ergo non est iucunda. Respondet: quodlibet bonum iucundum non esse honestum, quia multa sunt appetenti animæ iucunda, quæ abhorrent ab honestate: sed quicquid honestum est, esse iucundum, si minus sensui, certè rationi ac voluntati ratione directæ. Quin ipsi quoque sensui iucundum interdum est; cuiusmodi videntur esse bona corporis, & fortunæ componentia felicitatem.

QVÆSTIO SECVNDA.

An delectationes sibi inuicem aduersentur.

ARISTOTELES hic, cum demonstra-uit, felicitatem habere delectationem ex eo, quòd virtutis opus naturaliter, & per se iucundum sit, dixit amplius; alias operationes hominis, quæ à virtute non proficiuntur, non esse per se iucundas: quia quæ operationes multitudini & vulgaribus hominibus, suāsque cupiditates sequentibus iucundæ sunt, eæ contrariæ sibi inter se sunt, non in diuersis hominibus modò, sed etiam in eodem, diuersis tamen temporibus: quod profectò non esset, si naturaliter, ac per se iucundæ essent. id enim quod naturaliter est, ac per se iucundum, unicuique ac semper iucundum est.

Sed quid hoc dictum ampliore videtur explanationem postulare, videamus hac quæstione, quid contra dici aduersus Aristotelem, & qua ratione refelli pro Aristotele possit.

Dicunt igitur aliqui primò: omnem delectationem quæ delectatio est, esse aliquid bonum. bonum verò non aduersatur, neque contrarium est bono, sed malo. quemadmodum videri potest apud Aristotelem in Prædicamentis. Quæ ratio tractari etiam hoc modo potest. quemadmodum obiectum tristitiæ est malum, sic obiectum delectationis est bonum: sed bonum bono non aduersatur: ergo obiecta delectationum variarum sibi non aduersantur. Non sibi aduersantur obiecta, ergo ne delectationes quidem.

Dicunt deinde vni vnum tantummodo contrarium esse. quod docet Aristot. in lib. 10. Metaph. Sed delectatio est contraria tristitiæ, quemadmodum dicitur in horum Moralium lib. 7. ergo non est contraria delectationi, quæ longe discrepat à tristitia.

Ponendum hic principio est, delectationem propriè non reperiri, nisi in iis, quæ polent cognitione. Duo enim ad capiendam delectationem, vsurpandamque voluptatem necessaria sunt; boni convenientis adeptio, & eiusdem boni convenientis intelligentia. Nulla quippe delectatio manat ad nos ex bono congruente, ac iam adepto, nisi congruens eiusmodi bonum nobis esse intelligamus. Quicquid demum vnusquisque appetit, appetit propterea, quòd congruens illud sibi esse cognoscit. ex qua cognitione sequitur delectatio. Idcirco nimirum ait in hoc cap. 8. Aristot. id vnicuique iucundum esse, quod amatur. amatur autem quod intelligitur esse conueniens. Quo fit, ut equos amanti iucundus sit equus, quem intelligit sibi congruentem & conuenientem esse: amanti spectacula iucundissimi sint Theatrales ludi, quos item animo & studio suo videt esse consentaneos ac respondentes.

Deinde animaduertendum est, in appetitu sentientis animæ triplicem nos designare varietatem, & differentiam posse. Est enim hic appetitus interdum ratione temperatus,

& rectus; interdum nulla rationis lege cohibitus, sed vitio traditus atque libidini: interdum denique suæ prorsus conditioni, naturæque permissus, hoc est, neque ratione directus, neque vitio inquinatus. In quo statu cum est, belluarum & ratione carentium animalium appetitui similis est. Ergo appetitus recta ratione temperatus, rectæ rationi repugnat iniquitatem; appetitus vitio corruptus repugnat. Appetitus sibi permissus ipsi, est medius inter vtrumque, ac propterea neque patet, neque reluctatur rationi, sed vtrumque facere per instrictam naturæ facultatem potest. Et quoniam natura semper dirigitur, ac dirigit actiones & opera sua in finem, atque ad bonum, vnus appetitus recta gubernatus ratione id assequitur, vt naturalis appellari possit simpliciter, & perfectè. Appetitus enim vitio contaminatus dici potius debet non naturalis, aut contra naturam instructus. Ille verò, qui suæ permissus naturæ, neque rationem audit, neque repudiat, naturalis imperfectè dici potest, & inchoatè: quia potestatem habet, ac facultatem admittendi rationis imperium, quod est illi consentaneum, & naturale. Ex hac appetitus sentientis partitione constat, Aristotelem, cum dixit, multitudinis ignauæ inertisque delectationes ideo esse inter se contrarias, & aduersantes, quia non sunt secundum naturam, aut naturales, locutum esse de delectationibus eorum, quibus est vitio contaminatus appetitus: cum autem adiunxit, eorum qui verum bonum amant, delectationes esse naturales, siue secundum naturam, verba fecisse de iis, quorum appetitus recta ratione ducitur & gubernatur.

Est demum hoc loco præsumendum, & cognitione leuiter attingendum, quod in aliis horum Moralium libris ex industria docendum erit: Virtutem esse duabus interpolitam vitiositatibus extremis, siue duorum esse mediocritatem extremorum, quæ & vitia & contraria sint. Itaque vitium virtuti contrarium quidem est: sed eo modo quo rei mediæ aduersatur extremum: vitium autem vitio item aduersum & contrarium est, sed eo item modo, quo extremum extremo repugnat.

Dicendum igitur primo loco est; ea, quæ vitiosis hominibus, hoc est, appetitum habentibus infectum vitio, iucunda sunt, esse inter se contraria, non quidem semper, sed cum eorum delectationes hauriuntur è vitio, quæ vnus certæ virtutis extrema contraria sunt. Intelligitur hoc planissimè in delectationibus avari hominis, & profusi. Illi quippe iucunda est superuacanea pecuniæ exaggeratio. huic rerum etiam necessariarum prodigantia, censusque totius insana profusio. Quare delectationes huiusmodi contrariæ dici possunt obiectiue, vel etiam, vt aliqui loquuntur, originaliter: quia eorum origines vitia sunt sic contraria, quemadmodum extremum aduersatur extremo, non eo modo quo malum est contrarium bono.

Dicendum secundò. Iis, quorum appeti-

tus nec vitio est deprauatus, nec ratione directus, non esse delectationes oppositas atque contrarias: Quia eiusmodi appetitus virtutibus carens & vitio liber est in potentia; nec iudicat vnum potius, quàm aliud esse iucundum, nisi fortasse propter aliquas veluti præparationes & dispositiones, quibus est præditus. Biliosi enim, pituitosi, aut alia certi alicuius humoris exuperantia impediti magis minusue, ad aliqua expetenda videntur accommodati. quæ verò magis expetuntur, ea iudicantur esse iucundiora. Itaque huic conclusioni addenda correctio est: dicendumque, appetitum hunc non habere delectationes contrarias, quæ à vitio contrariis oriuntur; nisi fortasse propter eas, quibus est natura præditus, qualitates, animus ad varia vitia præparantes. Quæ correctio præstat etiam id, vt nihil in hac conclusione dicamus illi contrarium illicio vitiorum, quod haufimus à translatioe parentum delicto. Si enim bilis, melancholia, sanguis, aut pituita exuperans in corpore ad varia nos vitia præparant, multo magis hæreditaria illa tabes inueniens animum, appetitum præparat ad vitia.

Dicendum est tertio: Eos, quorum appetitus obtemperat rationi, non appetere delectationes contrarias. Quia his alia iucunda non sunt, nisi opera virtutis, & ea, quæ ad virtutis opera referuntur. Hæc autem non sunt inter se contraria, sed tantummodo differentia genere. Non enim vna mediocritas aliquid habet, quod alteri mediocritati contrarium sit; sed quod ab ea mediocritate genere differat. Quod si videantur interdum obiecta virtutum inter se esse contraria, contraria tamen haud sunt nisi materialiter. Nam retinere pecuniam cum oportet, quod est parsimonie, & largiri pecuniam cum oportet, & quantum oportet, quod est liberalitatis, non sunt contraria, nisi materialiter. Nam ipsa quoque liberalitas quæ mediocritas est, non profundit temere, sed retinet quod oportet: ac propterea non est contraria parsimonie, nisi materialiter. quia ipsa dat, & illa patitur. si enim contrariæ inter se formaliter essent, deberet vna dare cum oportet, altera non dare cum dare oportet. Itaque delectationes quæ ex vtraque existunt, eodem inter se modo opponuntur, non formaliter, inquam, sed materialiter tantum. delectatio enim ex largitione & delectatio ex parsimonia, siue retentione, delectationes materiales sunt, sed delectatio ex largitione cum largiri oportet, & delectatio ex parsimonia cum parcere oportet, delectationes sunt differentes quidem, sed non contrariæ. contraria enim essent, largiri cum oportet, & non largiri cum oportet. Aut delectari ex largitione, cum largiri oportet, & delectari ex parsimonia, cum parcere non oportet.

Nunc respondendum argumentis est. ac primum primò. Dico adeo, delectationem esse in boni conuenientis adeptione positam, atque in eiusdem adeptionis cognitione. Itaque necessariò quietem habet in bono iam

adepto, illi similem, quam obtinet physicum aliquod corpus in loco sibi contentaneo, & naturali. Quemadmodum igitur in physicis quieti non solum est contrarius motus, verum etiam quies: non quidem simpliciter, sed quatenus est sub altero contrariorum, ut docet Aristoteles in lib. physic. 5. sic delectatio ex certa quadam operatione non opponitur tantummodo tristitiae, verum etiam delectationi, quae capitur ex operatione contraria. id quod cernere licet ex delectationibus, quae nascuntur ex vitis omnino contrariis, hoc est, ex duobus extremis, quibus aliqua virtus sit interiecta. Itaque delectatio contraria delectationi est eo modo, quo quies est quieti contraria: quae perfectio non est illi contraria, nisi quatenus sub altero contrariorum est. Quod de delectatione sic dicitur, est item de bono existimandum. Bonum enim non est contrarium bono, si relatio spectetur, & proportio boni, quae facit, ut omnia bona proportionem eadem sint: sed est contrarium, si spectetur ytriisque boni terminus. Sursum enim quod est bonum igni, & deorsum quod est bonum terrae, non sibi inuicem aduersantur propter relationem & proportionem, in qua posita est ratio boni, sed propterea, quod contrarios, aduersosque terminos habent. Quo fit, ut etiam bonum possit aduersari bono, quatenus est sub altero contrariorum.

Respondendum est secundo haud dissimili ratione: vnum vni tantum esse contrarium formaliter, vel, ut alij dicunt, contrarietate maxima: atque hoc modo delectationem esse contrariam tristitiae. sed obiectione, aut leui contrarietate, aut originaliter, etiam delectationem esse delectationi contrariam. obiectione quidem, quia earum obiecta sunt vitis contraria: leuiori contrarietate; quia non est intrinseca, quemadmodum est ea, quae reperitur inter delectationem, atque tristitiam: originaliter denique; quia diuersis & contrariis vitis originem habent. Itaque Aristotelem dicentem, bonum aduersari malo: delectationem esse contrariam, tristitiae: vnum solum esse vni contrarium, sicut diximus, licebit interpretari.

QVÆSTIO TERTIA.

An bona corporis necessaria praesidia sint felicitatis humanae.

BONA corporis ab Aristotele singillatim enumerata in cap. illo 5. primi Rhet. hæc sunt. Valetudo, Pulcritudo, vires & firmitudo, magnitudo & proceritas, bona senectus. Quæ ab eodem sic explicantur ac definiuntur singula.

Corporis valetudo sic accipienda est, ut morbo vacuum corpus sit, & ad vsus bene constitutum. multi enim sano corpore sunt: ut Herodicus: quos nemo tamen ob eam valetudinem beatos iudicaret, cum vel ab omnibus humanis actionibus, vel ab earum ma-

xima se parte contineant. Duobus ergo veluti limitibus bonam valetudinem definiunt, cum postulat primum, ut morbo liberum corpus sit, deinde, ut sit ad vsus bene compactum & constitutum. quæ secunda valetudinis dos cum desideratur, facit, ut valetudo imperfecta sit, nec ea, quæ propriè felicitati subleuiat. Nemo enim appellabit hoc nomine beatos eos, qui tamen si morbo vacui sunt, imbecilla tamen adeo corporis constitutione vtuntur, ut humanas actiones obire non possint. ex hoc hominum genere fuisse ait Herodicum Selymbrianum; qui cum esset imbecillo corpore, ut scribit Plato in 3. de Repub. medicinarum studio se tradidit totum, cuius beneficio usque valebat quidem, & ad postremam tandem peruenit senectutem; sed si perparum à consuetudine recessisset ratione victus, protinus aegrotabat. Itaque ut monet, Iuuenal.

Orandum est, ut sit mens sana in corpore sano.
Pulcritudo autem, inquit, non est eadem omni ætate, sed diuersa. Adollescentis enim pulcritudo est, si corpus ita constitutum habeat, ut ad labores sustinendos vtile sit, vel ad cursum, vel ad inferendam vim: & si quandam ore suauitatem præ se ferat, quæ spectantes compleat voluptate. Hæc de causa Pentathli pulcherrimi habentur, quod ad vim inferendam & celeritatem simul apti sint. Viri autem pulcritudo, & eius, qui constanti iam ætate sit, est ea; ut corpus ad militares labores idoneum habeat, & oris suauitatem cum quodam terrore coniunctam præferat. Senis denique sic esse pulcritudo intelligitur, si corpus habeat necessariis laboribus abundè sufficiens, & si nullam ore tristitiam ostendat, usque careat morbis, qui senectutem deprauare solent.

Pulcritudinem per partitionem & diuisionem ita definit: quia quanquam pulcritudo vniuersè dicitur esse partium conuenientia & compositio cum suauitate coloris, videtur tamen quasdam veluti formas, speciesque nascisci varias ex eorum varietate, qui pulcri dicuntur. dicitur enim iuuenis pulcher, dicitur vir, dicitur senex. His ergo singulis sua danda est membrorum compositio, atque suauitas, quæ nota distinguatur aliqua propria; nec cum ceteris communiceetur. Hæc ergo in iuuenibus videtur esse, quantum pertinet ad conuenientiam partium, agilis, habilis, firma constitutio corporis; quæ illos ad sustinendos impetus, ad inferendam vim, ad cursum faciat accommodatos. quod attinet ad suauitatem, ait notam huic pulcritudini propriam tum inesse, si ea suauitas oris tanta sit, ut spectantium oculos in sui amorem admirationemque conuertat. Huiusmodi sunt apud Virgil. in v. qui

*Incedunt pueri, pariterque ante ora parentum.
Frenatis lucent in equis: quos omnis euntes
Trinacria mirata fremit, Troiaque iuuens.*
Huiusmodi est Lausus adolescens in septimo,
---quo pulchrior alter

Non fuit.

Huiusmodi

Huiusmodi demum ait Aristot. fuisse Pentathlos qui iuvenes erant ex quinque certaminibus victoria, præmioque potiti, hoc est ex luctu, cursu, saltu, disco, iaculatione. quæ ludendi ars ex quinque artibus, Iudisque composita *πενταθλος* appellabatur à Græcis. Qui ergo victores ex hoc certamine discessissent Pentathli, iuvenes erant, & pulcherrimi omnium iudicio dicebantur, quia compositionem aptam membrorum cum velocitate, cum robore, cum oris suauitate tanta obtinebant, ut omnium in se conuerterent oculos. itaque sæpe legimus eiusmodi Pentathlos à feminis fuisse impotenter amatos. Hæc pulchritudinis species videtur quasi propter excellentiam dicta pulchritudo. Nam Cicero duobus locis cum pulchritudinem communem vniuersæ definire vellet, hanc, quæ iuuenum est propria, descripsisse videtur. In Tuscul. 4. Pulchritudo, inquit, est apta figuræ membrorum cum coloris quadam suauitate. In primo de offic. Pulchritudo corporis, inquit, apta compositione membrorum mouet oculos, & delectat hoc ipso, quod inter se omnes partes cum quodam lepore consentiant.

Nota verò, quæ virorum & ætate constanti iam vtentium pulchritudinem faciat à ceteris differentem, quantum attinet ad constitutionem corporis, membrorumque compositionem dicitur ab Aristotele in eo posita esse, ut corpus militaribus habeant laboribus idoneum. quia viri ludos adolescentibus permittere, & in verum ipsi certamen pro patriæ salute aduersus hostes descendere debent, quod pertinet ad suauitatem oris, addit, faciem decoram quidem iis esse oportere, sed eam, quæ terroris aliquid habere videatur. Huiusmodi Iulium Cæsarem fuisse accepimus: pulcrum, inquam, aspectuque suauem, sed terribilem ita, ut nemo eum constantibus aut rectis oculis intueri posset. Itaque, ut ait Sueton. gaudere videbatur, cum animaduerteret aliquem suo ipsius aspectu perterritum. Huiusmodi describi etiam videtur Aneas, qui in lib. 4.

ante alios pulcherrimus omnes

Infert se socium.

sed postea in reliquis libris apparet, pugnatque aspectu truci, & secundo Marte terribilis.

Denique pulchritudinis, quæ senes deceat notam, & quasi characterem in eo positum vult, ut quod ad membrorum habitudinem attinet, integris sensibus sint, nec corpore sic debilitato, ut satis esse nequeat laboribus necessariis sustinendis. quod pertinet ad suauitatem oris, vult, ut lætitiæ præ se ferant potius quam tristiitiæ. Quare tam senibus, quam viris ea videtur contentanea esse pulchritudo, quam dignitatem appellandam existimat Cicero. In lib. enim primo de offic. duo pulchritudinis genera facit, in quorum altero venustas sit, in altero dignitas. venustatem esse muliebrem; dignitatem verò virilem. Atque ita de secundo corporis bono decreuimus.

Sequitur tertium; firmitudo ac vires; quæ ab Aristotele sic explicantur. Vires, inquit, cum esse intelliguntur, cum quis facultatem habet mouendi, impellendi, tollendi, depressendi, collidendi. Mouendi atque impellendi facultatem habebat ille Triani filius, magni Pompeij miles, qui hostem ex prouocatione dimicantem attripuit manu, & secum in castra pertraxit: extollendi Iunius Valens, qui, ut est apud Plin. lib. 7. cap. 20. vehicula cum culleis onusta, donec exinanirentur, sustinere solitus erat: depressendi Pittacus, qui aduersarium suum rectè comprehensum ad terram afflixit. collidendi Hercules, qui sublatum Antæum, & inter brachia thoracemque collisum interfecisse dicitur in fabulis. Quartum corporis bonum est magnitudo, & proceritas, quæ definitur hoc modo. Magnitudinis laus, & virtus tum esse dicitur; cum quis & longitudine & altitudine, & latitudine multis aliis antecellit. dummodo tamen tantam non habeat exuperantiam, ut corporis motus tardiores efficiat. Ad hanc magnitudinis formam videtur exegisse atque expressisse Turnum Virgilius.

Ipsæ inter primos præstanti corpore Turnus

Vertitur arma tenens, & toto vertice supra est.

Rectè autem adhibuit erectionem, quæ magnitudinem hanc temperaret; affirmans non oportere tamen immanem esse, & eam quæ imminuat celeritatem. requiritur enim hæc etiam ad explenda corporis bona. Itaque Achillem, cui bona corporis fuerunt omnia, celeritate cursus incredibili præditum fecit Catullus.

Nascetur volis expertis terroris Achilles,

Qui persæpe vago victor certamine cursus

Flammæ præuertet celeris vestigia cernæ.

& Camilla, cui sine dubio bona suppetebant corporis vniuersa,

vel intacta segetis per summa volares

Culmina, nec teneras cursu lassisset aristas.

Postremum corporis bonum est commoda senectus, quæ sic declaratur. Bona senectus, inquit, est, cum tardè ac line tristitia succedit. neque enim qui celeriter senescit, bona senectutis frui dici potest: neque qui serò quidem, sed cum multis magnisque doloribus senex sit. Ex hoc genere beatorum senum Xenophilus fuit Pythagoricus, qui centum & quinque vixit annos omnis humani expertis incommodi, ut ait Valer. Max. & in summo perfectissimæ splendore doctrinæ decessit. Ex hoc numero Masaniissa sit Numidarum Rex, præter ceteros omnes secunda senectute vltus, ut Cicero testatur in libello de senect. ex hoc Valerius Corvinus, qui summa corporis dignitate, atque integris viribus ad annum usque centesimum peruenisse dicitur, neque unquam publicis negotiis destituisse.

Cum ergo hæc, aliæque huiusmodi bona corporis per magni à nobis æstimentur, querendum seposita disputatione videtur, an verè componenda felicitati necessaria sint. Cui autem id querere debeamus, faciunt multa, quæ ordine ac via proponi contra sic possunt,

Primum, Id, quod vel peccandi, hoc est, à virtute discedendi occasionem & ansum præbet, vel in calamitates incidendi, non potest à felicitate postulari, quæ & virtutis actione continetur, & calamitatem depellit omnem. Sed habitudo corporis omnibus expleta bonis, quæ commemorata iam sunt, occasionem suppeditat delinquendi & in calamitates prolabendi certissimam. Valetudo enim, ut hinc ordiamur, ita magnum est ad peccandum incitamentum, ut sancti viri, quemadmodum ait hic Eustratius, ad illud debilitandum illicitum, corpus affligerent suum, & reddant suo iudicio ac voluntate inuolidum, infirmumque. Quin Seneca ipse in epist. 27. docet, non esse optandum validum corpus, sed sanam mentem. Satellius Calvisium Sabinum, inquit, hortari coepit, ut lustraretur, hominem ægrum, pallidum, gracilem. Cùm Sabinus respondisset, Et quomodo possum? vix vivo. Noli obsecro, inquit, istud dicere: nonne vides quàm multos serenos valentissimos habeas? Bona mens nec commodatur, nec emitur. Ita Seneca significans, esse valetudinem contemnendam ubi sana mens sit. Sed Plato re ipsa demonstrauit præterea, valetudinem obesse virtuti & sapientiæ, cùm Academiz locum, ubi docebat, elegerit sub insalubri cælo; ne philosophantium corpus plus nimio valeret, sed æris grauitate redderetur imbecillius. quod est apud S. Basil. in orat. ad adolescentes. In quam sententiam ita etiam loquitur Gregor. Nazianz. in orat. de amore erga pauperes. Corpori, quo nam modo conuictus sim haud equidem scio, quoque pacto simul & imago Dei sum, & cum cæno volutor. quod & cum incolumi valetudine est, bello me infestat. Quem locum explanans Niceta Scholiastes Nazianzeni. Bona, inquit corporis, habitudo malam animæ habitudinem parit. Firmitas autem & robur corporis quàm contraria felicitati sit, docuit idem Aristot. in cap. 3. supra; cùm dixit, multos propter vires, & firmitudinem eximiani perisse. quo loco rem illustrauimus exemplis, quæ hic reponere non libet. De pulcritudine verò nihil est cui multa dicantur. Aliis enim aut interitum infelicissimum, aut calamitates æerbissimas affert, alius impudiciæ fomes, & causa libidinis est. Spuria perhibetur omnium literis, sed à Valerio præcipue immortalitati consecratur his verbis: Excellentis in Hetruria pulcritudinis adolescens nomine Spuria, cùm mira specie complurium feminatum illustrum sollicitaret oculos, oris decorem vulneribus confodit: deformitatemque sanctitatis suæ fidem, quàm formam irritamentum aliene libidinis esse maluit. Atrociorum etiam adire casum & fortunam coactus est Damocles, Atheniensis puer formosissimus in paucis, qui cùm intemperiem Demetrii Regis in balneis declinare non posset, in proximum feruentis aquæ lacum se coniecit, mortem haud veritus atrocissimam, ut pudicitiam tueretur, quod est apud Plutarc. Plene sunt historiæ virorum, se-

minarumque pulcherrimarum exemplis, quæ necesse habuerunt eiusmodi sibi calamitates accersere, ne castitatem amitterent; sed pleniores sunt proiectione libidinis eorum, quibus sua ipsorum lenocinata est forma. Non est igitur expetenda pulcritudo, nec ex eorum numero bonorum est, quæ componunt felicitatem. Id quod declarari potest amplius ex insigni quorundam turpitudine, quos profecto beatos dixerint omnes, nemo prorsus infelices ac miseros existimauit. Ut enim ait Albertus ex Apuleio, fuit Plato enormi facie, hoc est latissima, sic prorsus, ut latitudo longitudini proportionem non responderet. aliqui tamen humeros dicunt habuisse plus nimio latos, ac propterea nominatum Platonem, cùm antè Aristocles ex aui paterni nomine diceretur. Nam & αὐλὴν Græcè est latitudo. Affirmat etiam idem Albertus, Speusippum Platonis ex sorore Nepotem, qui Platonice scholæ octo præfuit annos, eiusque philosophiæ à Platone relictus est hæres, fuisse aspectu scædum, atque abominandum: quod haud scio vnde hauserit. dicitur enim hic philosophus ceruice curua fuisse; alia turpitudine insignis fuisse non dicitur. suspicor hæc Albertum ideo dicere, quia tradit Plutarc. Speusippum ex pediculis efferuescentibus interiisse. est autem verosimile, ante interitum ipsum ex eo morbo mirum in modum redditum esse deformem ac scædum. Denique Apuleius in initio Apologi primæ, cùm refellere veller aduersarium à quo fuerat ipse illo accusatus nomine, quod formosus philosophus esset, & pulcher, conatus est hoc à se crimen amoliri exemplo aliorum philosophorum, quibus elegans fuisset & liberalis forma. Sed vix vnum aut alterum proferre potuit, hoc est Pythagoram, & Zenonem. Illum enim qui se philosophum appellauit primus, ait, sæculi sui fuisse formosissimum, hunc, Platone teste, habitum item esse pulcherrimum ætatis suæ. Hos, inquam, duos potuit proferre de formosis philosophis Apuleius, præterea neminem. Quod si turpissimos querere voluisset, nullum numerandi modum inuenisset. Aiunt enim, Socratem fuisse naribus simis, recalua fronte, pilosis humeris, cruribus ropandis, & turpem adeo, ut cùm dux eius uxores Xantippe, ac Myrro ex zelotypia quadam in contentionem venissent, sic eas reprehenderit: Cur propter me rixamini, quem ita deformem peperit natura? De ceteris philosophis tradunt similia: hoc est, Aratum fuisse panda ceruice, Epicurum cute distenta, Diogenem barbâ comante, Aristotelem exerto brachio, Xenocratem crure collecto, Heraclitum oculis ex secu clausis, Democritum labris apertis ex risu, Chrysippum digitis propter numerorum iudicia constrictis, Euclidem propter menturarum spatia laxatis, Cleanthem propter utrumque corollis de quibus legendus est Sidon. Appollin. in lib. 9. epistol. 9. Hæc, inquam, exempla demonstrant nihil ad beatitudinem corporis formam conducere; cùm hi, qui haud dubiè à

Sapientia & virtute felicitatem inuenerant, ab omnibus beatissimi iudicentur. Quibus accedere potest iudicium Senecæ, qui ne illud quidem probat, quod docet hic Aristoteles, pulchritudinem, & alia corporis ac fortunæ bona beatitudini lumen & nitorem impertiri. Sic enim in epist. 67. loquitur de Clarano condiscipulo suo deformi quidem, sed sapientissimo atque optimo viro. Iniquè senatura gessit, & talem animum male collocavit: aut fortasse voluit hoc ipsum nobis ostendere, posse ingenium fortissimum, ac beatissimum sub qualibet cute latere. Errare mihi visus est qui dixit,

Gravior & pulchro veniens in corpore virtus.

Nullus enim honestamento eget. Ipsa & magnum sui decus est & corpus suum consecrat. Certè Claranum nostrum cœpi intueri. formosus mihi videtur, & tam rectus corpore, quàm est animo. Potest ex casa vir magnus exire, potest ex deformi, humilique corpusculo formosus animus ac magnus. Claranus mihi videtur editus in exemplar: ut scire possemus, non deformitate corporis scèdari animum, sed pulchritudine animi corpus ornari. Denique non sine summo consilio & ratione Helena illa ad miraculum vsque pulcherrima tam exitialis Europæ, Asiæque fuisse dicitur, & Gorgonis pulcherrimæ Virginis facies conuertisse homines eam intuentes in lapides, hoc est stupore defixisse, & Narcissus ille ex suæ ipsius amore formæ contabuisse. Significarunt enim hisce commentis prudentissimi scriptores infinita quæ manant à pulchritudine in humanum genus incommoda.

Eadem prope argumenta rationesque proponi possunt ad evertendum bonum commodæ senectutis. Videtur enim senectus, quo maturius accedit, & quo grauioribus nos doloribus, ac morbis attingit, hoc certius & facilius animum nostrum vitiorum periculis liberare. Est enim senectus, ut docet apud Ciceronem Cato, parum accommodata capiendis voluptatibus corporis, & quod inde consequens est, à vitiiis flagitiis que contaminant animum libera. Itaque Seneca in epistol. 68. summum putat beneficium, quod in senectute ægrotaret, ne posset agere quod velle non liceret. Ago gratias senectuti, inquit: quod me lectulo afflixit. Quid ni gratias illi hoc nomine agam? Quicquid debbam nolle, non possum; & in epistol. 67. Claranum illum suum, quem beatissimum nominat, incommoda vsum senectute demonstrat his verbis. Claranum Condiscipulum meum vidi post multos annos: non puto expectas, ut adiiciam, senem, sed mehercules viridem animo, ac vigentem, & cum corpusculo suo colluctantem.

Ex his ergo efficitur quod initio contendebatur: corporis bona, quæ tam incommoda, & perniciofa sunt à felicitate, quæ commodissima, saluberrima, & rerum optima est, esse aliena. sed ad omnia diluenda, & confutanda: Animaduertendum est primum; hinc sermonem esse, non de felicitate

vniversim, sed nominatim de Politica felicitate quam ad extremum Aristoteles ornata vult instructamque corporis, externis, & fortunæ bonis. Hæc enim est perfecta felicitas, ad quam ceteri felicitatis gradus, qui sunt in vita priuata, aut æconomica tanquam ad id, quod perfectum est, referuntur. Politica verò felicitas prodire foras, atque elucescere quodammodo debet, & splendere virtutum clarissimis operibus, quæ Ciuibus vtilia sint, ac salutaria. Itaque necessario postulat ea bonorum præsidia, sine quibus opera illa virtutum foras erumpere, atque in Ciuitatis commoda prodire non possunt. Huiusmodi autem bona, sunt corporis & externa, siue fortunæ: quæ si desiderentur, faciunt ut virtutes in actum externum ciuibus salutarem & fructuosum exire non possint. Nam, ut nihil hoc loco de diuitiis ac ceteris bonis dicamus, sine firmitudine corporis, & iusto robore, non potest vir fortis pro patriæ salute pugnare, & cum hostibus congregi; quod politicæ fortitudinis præcipuum munus atque officium est. Sine valetudine non modo vir fortis, verum etiam prudens ab actione quodammodo repellitur. est enim prudentis politici consulere in medium, venire in Senatum, vtilia suadere, ciues, ac Senatores alloqui, & ex eo genere alia obire munera, quæ valetudinem postulant. id quod etiam dici de bona senectute potest: quæ nisi sensibus integræ sit, & valens, ab his politicæ administrationis officiis actiosis abesse cogetur. Pulchritudo verò ipsa quàm necessaria sit, intelligi potest ex eo, quod turpes ac deformes, multitudini despicatissimi sunt, & contemptissimi. Quare pulchritudo, & forma liberalis addet viro politicè felici maiestatem, & permultum oppidò conferet ad exprimendam à ciuibus obedientiam, ac reuerentiam sui. Homines quippenaturæ quadam inductione venerantur eos, qui dignitate ac pulchritudine præstant, rati, eisdem etiam præstare virtute. Non enim facile credunt, deformes esse bonos, & virtute pollentes, quod ut semper atque in omnibus verum non sit, est tamen haud rarò, atque in plerisque verissimum. Vt enim hic monet Albert. Physiognomici, qui ex habitudine vultus & corporis varia, tanquam ex characteribus agnosci volunt mores intimos animi, hoc pro comperto ponunt, vnumquemque hominem illius animalis habere similes effectus, cuius in vno, vel in pluribus membris similitudinem præfert, & formam. Ratio verò videtur ea esse, quæ est apud Auer. in 2. de anima, confirmantem, varietatem, quæ in figura corporis est, ex ea varietate nasci, quæ in facultatibus animæ reperitur. quo fit ut in membro quod ab humana figura discedit, habere non possit anima perfectam, & sibi consentaneam actionem. Quare iidem Physiognomici quasi quodam effatu pronunciant, monstrum in corpore etiam in anima monstrum esse.

Animaduertendum secundo loco est hæc bona corporis à felicitate requiri quidem

sed non requiri admodum exuperantia, & exaggerata; nec necessarium esse debere in suo genere summa; sed satis esse, si mediocritas sint & iusta. Itaque cum Aristoteles de pulcritudine, de Nobilitate, ac de ceteris huiusmodi bonis loquitur hoc loco, non ait, eos beatitudine carete, qui formosissimi, nobilissimi quæ non sint; sed non planè beatum eum esse, qui deformis insigniter, ac præter ceteros turpis, aut obscurissimo loco natus sit. His enim verbis apertè significat, bonorum illorum non esse necessariam exuperantiam, sed iustam, idoneamque mediocritatem.

Animaduertendum tertio loco, In felicitate, quæ status sit ex omnium bonorum aggregatione perfectus, aliquid vnum esse, quod exercitus Duci, atque Imperatori simile sit, aliqua, quæ cum militibus, aliqua, quæ cum seruis, aliqua, quæ cum equis cellariis, cum curribus, cum sarcinis, cum commeatu, ceterisque impedimentis huiusmodi conferri possint. Imperatoris enim ac ducis obtinere locum videtur illud bonum humanum, quod aliorum est omnium optimum, & ad quod cetera referuntur. Poneamus igitur, hoc bonum esse perfectam obiecti præstantissimi cognitionem. quærendum nunc est, quo loco constitui debeant alia, quorum possessione vsûque constat, & componitur beatitudo. Et quoniam quæri primò de virtute potest; respondeo, virtutes duplici genere, atque ordine diuisas esse: quarum primæ dicuntur intellectus & rationis, aliæ voluntatis & appetitus. Illæ sunt sapientia, scientia, intellectus, prudentia, & ars. hæ sunt omnes virtutes, quas appellamus morales. ergo, quod attinet ad priores virtutes, opus sapientiæ nobilissimum ipsa contemplatio est, ac propterea principem tenet in felicitate locum. opus scientiæ subseruit operi sapientiæ, quæ in altissimarum inuestigatione causarum, atque in ipsius Dei contemplatione versatur. ad earum autem causarum cognitionem, quæ remotissimæ sunt, peruenire non possumus, nisi per res ab ipsis effectas, & procreatas, quæ scientiæ proponuntur inuestigandæ. opus intellectus vtrique, scientiæ, inquam, ac sapientiæ, præsto est. Indagat enim hic habitus ipsa principia. principiorum autem cognitio ad conclusiones eliciendas dirigi videtur, quæ conclusiones tam in scientia, quàm in sapientia reperiuntur. certe intellectus vel hoc ipso subseruire sapientiæ dicendus est, quod sapientia intellectus, & scientiæ finis sine dubio sit: opus prudentiæ subseruit sapientiæ, præcipiendo, & præscribendo virtutibus moralibus agendi rationem omnem ac modum: virtutes autem morales parant ac muniunt sapientiæ viam, vt actiones suas obire atque exercere liberè, iucundè, facillimè possit. Itaque morales virtutes propterea sunt administræ sapientiæ, quod frangant animi perturbationes insanas, impediens, quominus parare sibi scientiam ac sapientiam contemplando possit. sit enim anima sapiens in quiete vt dicitur in septimo

phys. at quies esse animi nulla potest vbi discordant, & tumultuantur affectus. Est ergo moralium virtutum opus subseruire sapientiæ, amoliendis impedimentis obicibusque contemplationis. impedimenta verò sunt animi commotiones effrenes, ac vitia quibus amoris habet, animus beneficio operæque moralium virtutum ad sapientiæ tranquillum, constantem, iucundum vsûm, expeditissimam viam. Ad hæc. quia moralium vsus virtutum refertur etiam ad alios, subseruiunt morales virtutes felicitati alio nomine, hoc est largiendo, distribuendo, communicando, consulendoque, monendo, aliis huiusmodi officiis impendendis. quæ dicitur esse altera pars, vel secunda intentio felicitatis. Sequuntur bona corporis, quæ nos ad moralium opera virtutum faciunt paratiores. valetudo enim, firmitas, pulcritudo aliæque huiusmodi qualitates animæ, moralium, permultarum obeunti virtutum munia operam præstant, & addunt felicitati decorem, dignitatem, & quoddam velut honestamentum. Immo verò aliquis gradus valetudinis dici potest animo necessarius, hoc est, ille, qui necessariò est cum rationis vsu coniunctus. Hæc est ergo familia hoc veluti satellitum felicitatis ordine dispositum suo. Claudunt extremum agmen externa bona, sed de his in proxima quaestione disserendum erit.

Dicendum igitur ex Aristotele sine dubio est, bona corporis esse necessaria præsidia Politicæ & absolutæ felicitatis. Hæc enim felicitas est complexio bonorum omnium, siue status bonorum omnium complexione perfectus, & virtutis actionem perfectam postulat, hoc est eam, quæ in opus etiam proferatur externum. Itaque non sola contemplatione contenta est, sed omnia comprehendit adminicula & ornamenta beatitatis. Inter quæ bona corporis suum obtinent locum, vt paulo antè demonstrauius, haud extremum.

Dicendum deinde est: hæc bona corporis quæ felicitatis Politicæ præsidia sunt, oportere abundè quidem suppetere, sed iusta mensura, hoc est ea, quæ satis sit ad politicarum exercitationem virtutum.

Dicendum tertio loco, felicitati contemplatiuæ necessaria esse eadem corporis bona, sed non omnia nec admodum abundantia. Non omnia, inquam, quia potest hæc felicitas carere pulcritudine, non admodum abundantia, quia huic felicitati satis est tanta valetudo ac firmitas corporis; quanta rebus contemplandis est satis.

Rationibus verò singillatim expositis aduersus singula corporis bona, Respondeo vniuersim, hominem bonum, qualis est is, quem verè felicem appellamus, omnibus corporis bonis vsurum bene, nullis abuturum: quia virtutis habitu diuturno, rectèque agendi consuetudine sic est confirmatus, vt nullum è bonis corporis illi periculum imminet eiusmodi, quale imminet iis, qui vel nulla, vel exigua quadam exercitatione, vir-

tutis fines attigerunt. Itaque eodem penè modo refelli potest id, quod dicebatur de malis, quæ pariunt interdum hæc bona; pariunt enim malis tantum, qui bonis ipsis abutuntur. Neque verò illi, qui pudicitiam aliter servare ac retinere non poterant, nisi oppetenda morte, iudicandi propterea miseri sunt, quòd suo iudicio perire voluerint, sed beati: quia virtus, & honestas ipsi etiam anteposenda vitæ est: actum verò virtutis eiusmodi, obire & ex se promere quo vita posthabeatur honestati, summa felicitas est. Est quippe inter ea bona, quæ constant felicitatem, ut diximus, ordo certus, & dignitas varia, ac propterea sunt semper anteposenda digniora. Quirere posset aliquis, num ille Damocles puer necesse habuerit, inferuentem: aquam se præcipitem, necandumque dare, & Spuria de honestate vulneribus pulcritudinem oris: cum videatur vnicuique, lex data, ne sibi manus afferat, aut vitam proiciat suam. De Christianorum Theologorum decretis nihil hæc dico: cum satis habeam affirmare quod certissimum est, eiusmodi homines apud antiquos, quorum ethicam philosophiam interpretamur, fuisse beatos habitos, & summè laudatos. Quis enim Virgines optimo iure deterret à voluntaria morte in libris de Civitate D. Augustinus, eas commendassent antiqui Philosophi, si mortem obire sua voluntate voluissent etiam ob vim, quam perpelli fuissent. Sed hæc de re plenius explicandum erit in lib. 3. ubi de fortitudine agitur.

Deturpitudine verò philosophorum illorum, non est admodum laborandum. Erant enim illi quidem beati: sed non ea felicitate, quæ Politicæ est, si maximè turpes ac deformes insigniter erant. Cum enim sapientes essent, poquerunt excellentem felicitatis gradum adipisci contemplando, non tamen felicitatem Politicam, perfectam, & omnibus aptam partibus agendo consequi potuerunt, affert nimirum viro Politico pulcritudo, ut diximus, dignitatem; & benevolentiam, amorem, obedientiam, venerationem, fidem faciliè à civibus impetrat. Quare Aristoteles, eos qui pulcritudine carent, & ceteris abundant partibus felicitatis, ait contaminare quodammodo, & infuscare beatitudinem suam. Hæc autem de insigni turpitudine accipienda sunt, ut dixi, qua fortasse illi philosophi non fuere præditi, adeoque ne Politicæ quidem felicitate caruerunt.

QVÆSTIO QVARTA.

An externa, siue fortuna bona necessaria felicitati sint.

HÆc etiam ab Aristotele diligenter enumerantur & definiuntur in illo cap. 5. primi Rhetor. dicunturque esse nobilitas, bona proles, diuitiæ, bona existimatio, honor, amicitia, gratia, prospera & secunda fortuna.

Nobilitatem intelligi vult hæc propriam veramque, hoc est, claritudinem à maioribus acceptam, & eam, quam omnes vulgo nobilitatem intelligunt; cum dicunt. Nobilitatem. Illam enim in virtute solitariè positam, quam sæpè sed non ita propriè nobilitatem vocamus, animi bonis adnumerandam existimat. Aut ergo, nobilitatem esse duplicem; alteram totius gentis, alteram vnius ætate privatæque familiar. Gentis nobilitatem civibus dat, qui aut indigenæ sint, hoc est, ab initio ibi nati, atque ut Græci dicunt *ἀπογόνιοι*, aut qui ibidem multis antè sæculis vixerint: quæ nomine nobilissimi Athenienses, & Arcades habiti sunt, quia non aliunde in eas terras initio venerant, sed ibidem geniti erant, ubi sedem & Urbem habebant: aut qui primos auctores ducesque habuerint illustres & claros, quales habuerunt Romani à Troianis ortos Principibus & Martis filios, aut qui plurimos ex sua civitate, ac gente Reges, Imperatores viros magnos, ac principes profuderunt. Privatam verò nobilitatem ait primò, quidem constare ac pendere ex viris, feminisque legitimo; ac concessio connubio coniunctis: spuriis enim nulla propè natio putavit ingenuos: quin apud Athenienses nominatum locus fuit, ubi spurij leorsim ab ingenuis exercebantur. Amplificari deinde privatam nobilitatem ait, si aut primi generis auctores vel virtute, vel divitiis, vel aliare quæ sit apud mortales in pretio clari fuerint, aut multi extiterint ex familia, viri, mulieres, iuvenes, seniores illustres.

Secundum bonum, quod in bona prole positum est, ab Aristotele sic explicatur. Bona proles & multitudo filiorum intelligitur, cum quis multos, & idoneis virtutibus instructos habet filios, tum mares tum feminas. Sunt ergo tria in hoc genere expectenda, multitudo liberorum, masculorum & feminarum varietas: eorundem idonea virtus. quod extremum ideo subiunxit, quia non eadem in maribus, ac feminis requiritur virtus. feminarum enim virtus, inquit, in corpore quidem, venustas & magnitudo est: in animo temperantia, sedulitas, studiumque suorum operum, modò tamen ne incidant in avaritiam, atque illiberalitatem. Hæc Aristot. Quibus fidem facere potest Phidias ille statuarum artifex admirabilis, qui Eliensibus Veneris imaginem fecit, quæ restudinem subiectam premeret pede, significans nimirum, proprium esse feminæ munus domi se continere, domumque servare, ac rem familiarem. sed quia quemadmodum dixit Euripides, feminarum avarum est genus, addidit cautionem Aristoteles, & videndum præcepit, ne dum studiosius rem domesticam servant, in avaritiam incidant, & sor-des.

Tertium bonum continetur diuitiis, quæ varix sunt, & ab Aristotele sic distribuuntur Diuitiarum partes, inquit, sunt pecunia, prædiorum multitudo, regionum possessiones, suppellectilium, pecudum, servorum

ea copia ut hæ res multitudine ac pulchritudine antecellant aliis; & omnia iuta liberalia, vtilia sint. dicuntur autem vtilia, quæ maxime fructuosa sunt; liberalia verò, quæ animi & voluptatisque gratia possidentur. Iuta, quæ eo in loco atque eo modo possidentur, ut eorum usus an domini arbitrio sit. Plantissima sunt quæ de diuitiis docet hic Aristoteles; nec egent interprete: sed approbatores subscriptoremque non respiciunt M. Tullianum, qui eadem usus est partitione diuitiarum in lib. offic. 2. Quæ ad vitam hominum tuendam pertinent, inquit, partim sunt maximæ, ut aurum, argentum, & ea quæ gignuntur & terra; vti alia eiusdem generis; partim animalia, quæ habent suos impetus, & secundum appetitum. eorum autem alia rationis expertia sunt, alia ratione vtentia: expertes rationis sunt equi, boues, reliquæ peculies; apes quoque quarum opere efficitur aliquid ad hominum usum atque vitam. &c. Quod verò dicitur de pulchritudine, de utilitate, de opportunitate diuitiarum, placet item Ciceroni, qui in orat. pro Roscio Amer. ipse Roscij patrem eo nomine laudat, quod haberet prædia, tam pulcra, tam fructuosa, & tam opportuna, ut omnia pene Tyberim tangerent.

Quintum bonum, bona existimatio sue gloriæ, sue fama est: quæ ab Aristotele ponitur in eo, qui virtute præditus esse iudicatur ab omnibus, aut tale aliquid habere, quod aut omnes, aut multi, aut boni viri, aut prudentes expectant. Pendet igitur hoc bonum ab aliorum, & quidem multorum opinione, iudicantium, cum, quem gloria pollentem, & fama dicimus, aliqua magna virtute præstantem esse, & aliqua re præcellere, quæ laudabilis sit, atque ab omnibus expectatur. Res gloriæ conficientes, & famæ tripartita diuisione breuiter ita complexus est Cic. in offic. 2. Summa, & perfecta gloria constat ex tribus his: si diligit multitudo; si fidem habet, si cum admiratione quadam honore nos dignos putat. Pergit deinde singillatim exponere rationem ac modum, quo singula de tribus comparare possumus ad gloriæ adipsendam: atque, beneuolentiam beneficiis, & liberalitate capi maxime, aut beneficii voluntate, si res fortè non suppetat: fidem concillari potissimum opinione iustitiæ, atque prudentiæ: admirationem opinione quarundam virtutum excellentium ac singularium. admiramur enim, inquit, communiter eos in quibus nec opinata quædam bona, hoc est magna & præter opinionem suam animaduertunt.

Quintum bonum est honor: qui definitur ac dicitur ab Aristotele signum gloriæ ex plurimis in alios meritis comparatæ. Ac ne quispiam putaret, quælibet in alios merita & beneficia honore digna iudicari, ea in hunc modum circumscripsit, & declarauit officia, quæ honore remuneranda communiter homines putant. Id autem beneficium, inquit, honore dignum putatur, quod vel ad salutem, vitamque, vel ad opes, vel ad hu-

iusmodi bonum aliquod tuendum pertinet: cuius facilis adeptio non sit. Et quoniam in definitione dictum iam fuerat, honorem esse signum eius gloriæ, hoc est, eius opinionis, quam aliqui habent animo consignatam de alienis meritis, & virtute præclara, percenter eiusmodi signa, quæ à multitudine, à Republica, à Magistratibus exhiberi solent hominibus honorandis. Quorum primum ait esse immolationes. quales nimirum accipit Titus ille Flaminius, cui, quoniam Græciam à Macedonum imperio liberauisset, tantum vniuersa illa Provincia, ut tradit Plutarch. honorem habuit, ut ei liberet, & præna caneretur tanquam alicui Deo. Similia sacra, immolationesque & quidem annuas idem Græci instituerunt Amphipolitæ Brasidæ Lacedæmonio, ut in lib. 5. scriptum reliquit Thucydides. similia instituerunt Augusto Romani, cui adhuc viuenti videntique consecrarunt aras, & victimas immolant; quod testatur Horatius,

Præsentis tibi macturos largimur honores

Iuranda sęquetur nūm per nomen ponimus aras.

Similes denique fuerunt illæ supplicationes, quæ solemnī cæremonia & ritu à senatu, populoque decernebantur Imperatoribus apud eosdem Romanos. Neque enim his similes ullo modo esse dixerim honores, quia Christiana Republica decernuntur Martyribus & sanctissimis viris, cum hi à vera religione, veræ virtuti, ac sanctitati tribuantur; illi à superstitione adulterinæ fortitudinis, ac facinoræ iustitiæ habiti sint. Secundum honoris signum ait esse monumenta vel orationes soluta, vel carmine scripta, quo nomine Magnus Alexander fortunatum appellauit Achillem, quod suæ virtutis Homerum præconem inuenisset, ut est non apud Græcos modo scriptores, sed etiam apud Tull. in orat. pro Arch. eodem nomine felices haberi possunt Agesilaus: cuius Xenophon perpetuo quodam libro persecutus est laudes; Euegoras Cypri Rex, quem Isocrates amplissimo panegyrico diligenter ornauit: Pompeius, qui à M. Tullio Cicerone oratione pro leg. Manil. & ea pro Balbo positus in cælo est; Augustus Cæsar, quem Virgilius immortalitati consecrauit: & vniuersim ij omnes, quorum laudes versibus comprehensæ pulcherrimis, in conuiuiis, aut in Templis, tum apud Romanos, tum apud Græcos canebantur ad tibiam. Apud Græcos enim eam fuisse consuetudinem, ut inter epulas de clarorum hominum virtutibus præeunte tibicine caneretur, testatur est in Originibus Cato, ut ait in Tusculanis Cic. ipse, & in orat. pro Milone. Quæ ego vidi Athenis? quæ alius in Urbibus Græcæ? quas res diuinas talibus institutas viris? quos cantus? quæ carmina? prope ad immortalitatem, & religionem, & memoriam consecrantur.

Tertium signum contineri vult certis quibusdam præmiis, quæ in certaminibus victori proponuntur. cuiusmodi erant in ludis Olympicis multa, multa in castris Romanorum ad militum animos, & cupiditatem ex-

citandam. Hæc enim qui consecutus esset, honore affectus maximo putabatur. Itaque perhibetur à Plinio præter ceteros Lucius Stæcius Dentatus, quod ob insignem fortitudinem præmia consecutus esset plurima, torques, coronas aureas, civicas, murales, obfisionales, equos, phaleras, alia ex eo genere similia. Quo pertinere possint etiam ea præmia, quæ apud Virgilium in lib. 5. proponit suis Æneas in navali terrestrique certamine. Quartum signum ait esse lucos, hoc est lucos, ut plerique sententiam Aristotelis hic interpretantur. *Lucos* enim quamquam apud Græcos interdum delubrum, interdum locus quilibet separatus, & consecratus in honorem alicuius Herois, ac Dei, interdum sacellum, & sacrarium est, sæpe tamen significat lucum, & nemus sacrum. Lucus vero, ut ait in lib. 4. Valla, nequaquam credens est, sed manu confectus, religiosusque, & vel alicui Deo, vel alicuius hominis cineribus consecratus. Itaque, aut circa numinum delubra, aut circa virorum sepulcra positus est. existimabant quippe veteres, animas Heroum lucos habitare: ac propterea viris præclaris, Regibusque post obitum lucos consecrare soliti erant. quem morem invidius Virgilius, ita canit,

---lucos enim forte parentis

Pilum: Tu nusquam sacra in valle sedebas.

Eiusmodi lucus in Hispania Tarracoenis fuit ille, qui urbi cuiusdam nomen fecit. dicebatur enim ea urbs Lucus Augusti, ut est apud Ptolem. quia ibi Augustus Cæsari fuerat nemus consecratum.

Quintum signum facit *agros* hoc est superiora in sedendo loca. hæc enim aut in conuiuio, aut in senatu, aut in alio conventu tribuuntur honestioribus viris, & iis, qui honore digniores existimantur. Huiusmodi erant apud Romanos in curia, & in Theatro prima subsellia, quæ Civibus honoratis adscribebantur. Par enim est, eum superiore loco sedere qui sit præstantior: Huic non sine summa prudentia fecerit Homerus Ionem in summa cæli parte sedentem habitantemque.

Sextum signum Honoris ait esse sepulcrum, auctoritate potissimum publica datum, & magnifice factum. quem honorem ab Ænea tributum Mæneo, silentio noluit obuolui. Virgilius:

Nam prius Æneas ingenti mole sepulcrum

Imposuit, suæque arma viro, remūque, in-
lucumque.

Eundem honorem consecutus est Servius Sulpitius, cui ob singularia merita in legatione ad Antoninum, sepulcrum publice decernendum Senatus censuit, ut est in Phil. 9. Eundem, & quidem amplissimum honorem inuenit Ennius, Poëta clarissimus: qui conditus in sepulcro Scipionum est, ut testatur Cicero pro Arch. & his verbis Ovidius:

Ennius emernit Calabris in montibus oris

Contiguus patri Scipio Magnæ tibi.

Septimum Honoris signum in statuis ponit & imaginibus. quem honorem Harmo-

dio & Aristogitoni ait Plinius, primò fuisse concessum, deinde communicatum cum aliis virtute præstantibus viris. Nemo in hoc genere maiorem adeptus honorem videtur, quam Demetrius Phalereus: cui, ut testatur Plin. Athenienses statuas omnino sexaginta posuere. 101

Octauum signum repetit à cibariis publicis. fuit enim Atheniensium mos, ut iis qui bene, ac præter ceteros egregie Rempub. ministrassent, victus de publico daretur in Prytaneo, quod in primo de orat. docet Cicero, ubi commemorat Socratem interrogatum à Iudicibus, quam æstimationem pæne commersisset, respondisse: ut amplissimis honoribus decoraretur ac præmiis, sibi que victus quotidianus in prytaneo publice præberetur. Quin apud priscos Romanos, qui fortiter aliquid, & præclare in bello fecissent, sacre donatos accepimus. ex qua consuetudine ipsa victoria nomen accepit adorea: ador enim ab antiquis illis fas dicebatur. Quare eum M. Manlius, ut scribit Livius in lib. 5. decad. 1. Gallos à Capitolio deiecit, vniuersi Cives Romani selibras faris, & quartarios vipi ad ædes eius, quæ in arce erat, viticim contulere. Hic honor habebatur legatis nonnullis, habeturque nostro etiam æuo, cum honoris ergo à Principibus, ad quos veniunt, aluntur à publico.

Nonum signum ait Aristoteles esse Barbarorum proprium, & eorum, qui Reges, ac Principes suos quasi Deos adorant toto corpore procumbentes, quod apud Medos, Indos, & Persas fieri solitum legimus. Tradunt hunc honorem Cyro Persarum Regi primo habitum; quem deinceps reliqui reges vsurparint: sic prorsus ut ipse etiam Alexander deuicto Dario voluerit more Persarum adorari. Quin hunc honorem non ab hominibus modò, verum etiam ab elephantis accipere voluerunt: quos ita dociles esse Plin. ait, ut Reges adorent, & submittant genua. Respuit tamen eum & execratus Augustus est: si quis enim ad eum accedens, plus nimio caput inflexisset, tanquam assentator, illico foras extrudi iubebatur. Appellat igitur hoc signum honoris Aristoteles adorantium habitum, qui nimirum vel inflectendis genibus, vel inclinando capite, vel corpore prosternendo pro variarum consuetudine gentium exprimi solet.

Decimum honoris signum etiam barbaricum est. In eo enim ait Aristoteles esse positum, ut ita se quis prosternat, ut videatur ne audere quidem eum conspiceri, quem prostrato corpore sic veneratur. Itaque breuiter hoc signum honoris appellat euitationem, aut declinationem conspectus. Persarum hic etiam fuisse videtur mos. scribit enim Plutarch. in Artaxerxe, Cyrum in Artaxerxis fratrem in ea pugna, quam cum fratre commisit, equo inter milites pronectum hostiles, exclamasse: Viles atque abiecti facessite: eosque secessisse illico in utramque partem, & Regem adorasse. Turcis etiam hoc esse solemne ferunt, ut Rege prætereunte omnes

secedant, seque, demissis oculis, humo prosternant, perinde ac si significare velint, Regis se conspectum minimè dignos existimare.

Vndecimum denique signum honoris ait esse munera, quæ magnum profectò asserunt honorem, si præsertim rara sint, atque à præstanti aliquo ac principe viro proficiantur, ut canit Ouid.

--- Nam præstantissima semper

Munera sunt, auctor quæ pretiosa facit.

Sequitur interea bona quæ vocantur externa sextum: gratia, & amicitia bonorum hominum, cuius utilitatem ait Aristoteles neminem ignorare, modò quid sit amicus, intelligat. Est enim amicus, inquit, qui quæcumque arbitratur illi, quem amat, bono esse, ea ipsius causa facit. cui multi sunt huiusmodi amici, is graciosus esse dicitur; cui verò multi boni sunt huiusmodi, is bonos amicos habere perhibetur, & eo nomine prædicatur beatus, quòd bona possit virorum probatissimorum amicitia. Duo itaque spectanda proponit in Amicitia: multitudinem amicorum, & eorundem probitatem. illa Græcè *φιλία* dicitur, latine Gratia: hæc *εὐφροσύνη*, & Latino aliquo vno verbo explicari non potest. In hoc bono tam magna felicitatis Politicæ præsidia vidit Alexander Macedo, ut interrogatus aliquando ubi nam suas haberet opes, ac thesauros, Amicos ostenderit quare vulgo iactatum est: ubi amici; ibi opes; Simile quiddam est apud Xenophontem de Cyro. Rectè adeo Salust. Non exercitus, inquit, neque thesauri præsidia regni sunt, sed amici.

Vltima in externis bonis numeratur vitæ prosperitas, quæ alicui tum esse dicitur, inquit Aristot. cum quæ à fortuna proueniunt bona, ei vel omnia, vel eorum plurima, vel maxima suppetunt, ac præsto sunt. Significat nimirum, non satis esse vnum, aut alterum fortunæ bonum ut aliquis dici fortunatus iure possit, sed oportere, vel omnia, vel plurima, vel ea saltem, quæ maxima existimantur, adesse. Fortunæ autem adscribuntur ea bona, quæ ab artibus etiam efficiuntur, sed tamen plerumque dicuntur illa tantùm esse bona fortunæ, quæ à nulla effici possunt arte. Cuiusmodi fuit vulnus Iasonis Phæriæ, de quo ita Valerius. Diuinæ fortunæ vulnus Phæriæ Iasoni quidam exitij eius cupidus intulit. Nam cum inter insidias gladio eum percussisset, vomitum, quæ à nullo medicorum sanari poterat. ita rupit, ut hominem à pestifero malo liberaret. sed, ut ex certis quibusdam notis internoscere fortunæ bona possimus, ea sic ab Aristotele distincta capiamus. Omnino, inquit, ea bona proficiuntur à fortuna, quæ maximè solent inuidiam concitare. quin etiam eorum bonorum, quæ præter omnem rationem eueniunt, fortuna causa est, ut sic ceteri fratres deformes sunt, hic autem formosus: aut si thesaurum alij non viderunt, hic autem inuenit, aut si is, qui prope stabat, iaculo percussus est, hic autem minimè: vel qui ante solebat frequentare, tunc non venit, cum alij semel

tantùm venientes interfecti sunt. Ita suis distinxit indiciis, & characteribus bona, quæ fortuna contingere videntur. è quibus extremum illustrari potest exemplo Simonidis: cui nunciatum in conuiuio fuit: duos adesse inuenies qui eum vocarent. cum igitur exisset, conclauē illud ubi accumbebant ceteri, repente concidit; quod est apud M. Tull. in libris de Orat. Sed hinc meminisse nos oportet, alia etiam quæ supra numerauimus bona, sæpe appellari fortunæ bona. cui nimirum adscribuntur bona omnia; quæ ab externis prodeunt causis, & multis obnoxia varietatibus sunt: in quorum numero poni etiam valetudo potest, gloria, bona existimatio, potissimumque diuitiæ, siue naturales; ut prædia; siue artificiosæ; ut nummus atque pecunia. Hæc inquam, vera sunt, sed placuit hinc Aristoteli prosperitatis nomine appellare, & comprehendere nominatim aliqua bona, quæ tamen bona fortunæ sunt, & inter illa superiora numeranda, quia tamen, aut exaggerata sunt admodum, aut aliqua insigni & peculiari nota distinguuntur ab aliis, videntur esse magis propriè tribuenda fortunæ. De bonis enim illis supra modum exaggeratis, & magnis dixit, ea esse quæ inuidiam concitant. Inter ea quæ nota distinguuntur insigni, recensuit diuitias, non quaslibet, sed eas, quas inuenit vnus, aliis non animaduertentibus locum: & pulcritudinem, non obuiam, & quæcumque, sed illam quæ formosum aliquem ostendit inter fratres deformes. Denique fortunam hic appellat euentum aliquē fortuitum inusitatum & præcipua quadam ex causa notandum, quique felicitatem admirabilem faciat, & omnibus quodammodo vel inuitis proponat ad inueniendum: qualis est quæ apud Iuuenal. perstringitur his versibus.

Si fortuna uoles, fies de Rhetore Consul.

De his ergo septem bonorum generibus hæc à nobis instituta quæstio est: ut decernere aliquando possimus, an felicitati necessaria sint. Sunt enim multa multorum argumenta, quæ videntur ostendere, felicitatem ab his nullo modo pendere.

Primum est. Nobilitas, ut Chysippus dicebat, ficta res est, & commentum ciuium in Republica præpotentium, atque opulentorum. Natura enim æqua parens est omnibus, nouerca nulli. Non Scythia, aliæue barbara regio potest animum lædere. nec vnum genus altero censerì debet antiquius. si enim mundus fuisset æternus, omnes in eodem æternitatis cursu locati essemus. Nunc quoniam principium habet, omnes ex vnus Parentis semine originem ducimus. Itaque Seneca in Commentariode Beneficiis. Nemo, inquit, altero nobilior est, nisi cuius ingenium est præstantius, & bonis artibus aptius: & qui imagines in atrio exponunt, ac nomina familiæ suæ longo ordine multisque stemmatum alligata flexuris in parte prima ædium collocant, noti magis quàm nobiles sunt. vnus omnium parens mundus est. Ita Sen. Sed esto, sit verè vel ipsa natura constituta nobi-

litas, felicitati tamen officere videtur, quia superbiam atque arrogantiam gignit. Huic rationi persimile potest etiam argumentum in bonam prolem intorqueri. Cum enim hæc multitudine liberorum contineatur, animum facillimè contrahet in avaritiam, ad opes cumulandas immodicas, & plus nimio rem domesticam amplificandam, ut illa filiorum multitudo alatur, & degat cum dignitate.

Secundum dirigitur in diuitias hoc modo. Diuitiæ non debent in bonis numerari, ergo non sunt præsidia felicitatis. Propositio declaratur ex quibusdam quasi dotibus, & qualitatibus, quæ vero bono adscribit Boëthius de Consolat. Prosl. 5. & 6. Ait enim eam esse boni naturam, ac vim; ut cum, cui conuenit, bonum faciat, ut apud bonos cumulatiùs reperiatur quàm apud alios: ut possidenti non noceat. At homo diuitiis non redditur bonus, sed potius malus. Diuitiæ, inquit Seneca in lib. de paupertate, hoc efficiunt: instantimos, superbiam & arrogantiam pariunt, eousque mentem alienant, ut fama pecuniæ nos etiam nocitura delectet. & in epistol. 20. Diuitiæ, inquit, non modò non faciunt hominem bonum, verùm neque diuitem: quia avaritiam non extinguunt. Diuitiæ igitur primò ex viro- rum sapientium auctoritate non reddunt hominem bonum: deinde sunt cumulatiores apud improbos: tertio possidenti sepius nocent, ergo bonæ ex definitione Boëthij non sunt.

Tertium ex eiusdem doctrina Boëthij in 2. de consolat. duci potest in hunc modum. Bona quæ felicitatem efficiunt, etiam tum bona sunt, cum ea retinemus & cumulamur. Quo enim ea magis exaggeramus, hoc effici beatiores debemus; sed diuitiæ tum solum nitent, & bonæ sunt, cum his utimur. Nam qui eas retinet & amplificat, multis de causis peccat in naturam. Primò quidem quia natura, quæ terrena sunt subiecit pedibus; ille supra caput quodammodo venerabundus collocare videtur. deinde quia veras diuitias, quales sunt naturales, in prædis posita, natura fecit communes, ille autem sibi vendicat, facitque peculiares & proprias. Tertio demum loco: quia diuites violenter eas ita retinent quasi captiuas seruitiòque vinctas; nec permittunt liberè prodire quò volunt. Id quod Aristoteles significauit in cap. 5. cum dixit, in pecuniis non esse positam felicitatem: quia vita pecuniis operam nauans *siuor nō ēp*; hoc est vim infort, siue violenta est. dicitur enim vim afferre, & esse violenta; quia finis diuitiarum, atque pecuniæ vsus est: adeoque dum eas retinemus, & aceruamus, facimus, ne suum ipsæ finem attingere possint, ac propterea violenta sumus.

Quartum ex Topica lege petitur ab Aristotele tradita, quæ est huiusmodi. Ut simpliciter se habet ad simpliciter, ita magis ad magis, & maximè ad maximè. ex hoc enim effato & axiomate licet colligere, diuitias si bonæ sint, cumulatas, oportere bonas esse;

cumulatiores esse meliores, cumulatiùs optimas. Sed Aristot. in lib. x. moral. affirmat, nimiam externorum bonorum copiam felicitati obesse, & hominem à contemplatione auertere, quod etiam docuit Plato in epist. 3. his verbis: Conspexeram iam prædem, & nunc etiam perspicio, opes tam priuatorum, quàm Principum, quo maiores sunt, hoc esse magis insidiatrices, & turpium, noxiarumque voluptatum machinamenta nutrire. Ac fides quidem his addi potest à separatis Mentibus, quorum vita contemplatione tenetur, atque à viris sanctissimis bonisque Philosophis eadem contemplatione contentis beatique, diuitiis ipsis procul, & ceteris bonis externis amandatis.

Quintum. felicitas est constans ac firma: & est aliquid in nostra potestate positum; cum verè dicatur, vnumquemque posse fabricum esse felicitatis suæ. Sed externa bona leuia sunt atque inconstantia, nec sunt in nostra potestate collocata. ergo non possunt esse instrumenta felicitatis.

Sextum esse sic potest aduersus amicitiam & gratiam. Amor & odium peruertunt iudicium. quare Aristoteles in primo cæli ait oportere eos, qui verum iudicaturi sint, esse non inimicos. Et ibidem Commentator adiungit, præcipuam causam varietatis in iudicando, in amore odioque positam esse. Ergo amicitia studium virtutis, ac potissimè iustitiæ peruertit actiones, impeditque quominus verum decernere, ac iudicare possimus.

Septimum; & quidem vltimum petit nominatim prosperitatem & secundam fortunam. Illud, cuius beneficio, & vi ad exercenda virtutum opera magis duramus, est felicitati conducibilius, quàm id, quo molles reddimur & enervamur. sed rebus aduersis duramus ad virtutum opera proferenda; secundis & prosperis mollemur & colliquescimus. Ergo aduersa fortuna est utilior, & conducibilior felicitati, quàm prospera. id quod ex ipso liceret Aristotele demonstrare: epm sine moralibus virtutibus felicitatem esse nullam existimet: sequitur enim hinc id magis felicitati conducere, quod magis est utile virtutibus moralibus comparandis. Sed hæc sine rebus aduersis parari non possunt. Nam si ex animi sententia tibi fluunt, & succedunt omnia, nihil tibi terribile vquam occurret, & quod inde consequens est, nunquam fortitudinem exercebis. Quare non poterit felicitas in conspectum se dare, & rehonestari, decorarique notitia; quod exaggerata felicitatis proprium est. non poterit inquam; quia caret occasione, locoque proferendæ virtutis in actum. Ait enim verissimè Seneca in lib. de prouid. gubernatorem in tempestate maris, in acio militem intelligi. Non enim ego cognoscere possum quantum aduersus paupertatem tibi sit animi, si diuitus assilis: aut quantum aduersus inuitiam odiūque populare constantiæ habeas, si inter acclamationes secundas, applausuque consenescas, inquit. Quare optimè idem Sc. nec. in eod. lib. ex auctoritate Democriti sic

pronunciat. Nihil mihi videtur infelicius eo, cui nihil vnquam euenit aduersi. Non licuit enim illi se ipsum experiri. Huc pertinet quod nominatum de aduersa illa fortuna dici potest, quæ cernitur in paupertate. Videtur enim paupertas esse parens rerum permultarum vitium, & honestarum. quare paupertas ipsa appellatur à Xenophonte Sapientia sine Magistro comparata. Nam quod sapientia & doctrina suadet oratione, ad id paupertas se ipsa compellit, vt meritò apud Aristophanem in Pluto gloriatur, artium se inuentricem fuisse, eoque nomine celebretur à Theocrito his verbis in piscatoriis initio.

Αντὶ τῆς ἀπορίας πῶς αὐτὸς τὴν τέχνην ἐβρίμην.

Αὐτὸς τὸ μυστήριον διδάσκων.

Vnica paupertas Diophanes suscitauit artes,

Ipsa laborandi doctrix, studique magistra.

Quare Ionem, ait Virgilius tam exaggeratam, & in medio positam rerum omnium copiam submouisse,

Et variis usus meditando extunderet artes.

Horatius etiam ipse profitetur, ad studia præclara compulsus se à paupertate fuisse. ad Flor.

Et laus & fundi paupertas impulit audax

Ut versus facerem.

Vt facilius his argumentis responsio sit, Animaduertendum est primum, quòd in quaestione proximè superiore posuimus, externa bona postremum obtinere locum inter ea, quæ perfectissimæ felicitati subseruiunt: & eorum aliqua esse vitæ conseruandæ præsidia prorsus, omninoque necessaria, aliqua vitam solum ornantia civilem, & versantem cum aliis. Illa sunt, quæ cibo continentur, & indumentis sine quibus, ne vita quidem solitaria potest esse. Quare cum idem sit felicitate frui, & bene viuere, nec fieri possit, vt viuat bene qui non viuit, dicendum est, hæc bona simpliciter, absolute, ac necessario requiri à quacunque felicitate, & cuiuscunque vitæ beatitudine quantumuis theoreticæ & contemplantis. Non enim longo tempore, ac perfectè sine hisce præsiidiis, sapientia, contemplationique nauare possumus operam. Ea verò bona, quæ vitam instruant, ornantque civilem, necessaria sunt, non quidem felicitati vniuersæ, sed nominatim felicitati Politicæ. ex quo numero dixerim esse diuitias abundantes, secundam prolem, nobilitatem, honores, amicorum copiam, & reliqua, quæ supra recensuimus singillatim. hæc enim necessaria politicæ felicitati sunt, simplicia, quoad eius essentiam, certe, quoad secundariam eius intentionem, & virtutis opus perfectè cum ceteris communicandum. Necesse quippe habet qui politicè felix est, multa per amico transigere, multa perficere diuiciarum beneficio & vi, multa per autoritatem exprimere, quam conciliat nobilitas; multa liberis cognatisque bonis committere, quæ sine periculo non creduntur externis. Et quoniam huiusmodi felicitas publica, & communis in conspectu omnium est, debet, prosperitate decorari, & veluti bono quodam illustrari lumine.

Animaduertendum secundo loco, quod in eadem superiore disputatione etiam indicauimus, hæc externa bona non oportere amplissima esse, summa & cumulatissima, sed ea, quæ satis sint ad impertiendam homini tantam felicitatem, vt infelix ex eorum indigentia & desiderio dici non possit. Non enim quia diuitem volumus beatum, Cræsi regnum, aut opes Attali: nec quia facimus eundem nobilem, à Ioue genitum volumus: nec quia bona prole eundem ornamus, circumsepimus tot filiis, quot habuisse dicitur Danaus, aut Priamus. Est enim satis ea mediocritas, quam expressit negationibus Aristoteles, cum dixit, cum non haberi vulgo felicem, qui deformis sit, qui obscurissimo loco sit natus, qui filiis orbatus, ac solitarius sit. Significat enim, vt tunc diximus, horum bonorum eam debere copiam adesse, quæ satis sit ad impertiendam felicitatem aliis, & eandem in aperto ac lumine collocandam. Ad id verò præstandum non videtur esse necessaria infinita bonorum copia, sed mediocritas iusta.

Animaduertendum est tertio, Aristotelem in secundo Elenchorum bona fortunæ, siue bona externa appellare bona simpliciter, & in 5. horum Moralium cap. 1. disertè docere, bona fortunæ esse simpliciter & semper bona; huic autem homini, vel illi non semper. Quod tametsi de bonis fortunæ sic tradit, intelligi tamen etiam dictum oportet de bonis corporis, aut naturæ. Itaque huiusmodi bona ait esse bona simpliciter & semper, sed fieri posse, vt alicui homini non semper bona sint, si nimirum iis abutatur. Explicat hoc dictum egregiè locus in 7. Metaph. tex. 10. vbi hæc sunt eiusdem Aristotelis verba. sicut in actionibus efficere debemus, vt singulis bona reddantur, quæ simpliciter bona sunt, ita in cognitionibus &c. In septimo verò Politicæ cap. 13. explanat etiam melius quod hic haud dubiè confirmauit. In libris de Moribus, inquit, declaratum est, virum probum eum esse, cui per virtutem sunt bona, quæ simpliciter bona sunt. Hæc, inquam, ita docet, & decernit Aristot. Sed dubitare & querere aliquis iure possit, quid fiat vt naturæ siue corporis, & externa, fortunæque bona dici debeant simpliciter bona. Quod enim simpliciter, absolute, suæque naturæ & conditione aliquid habet, semper hoc habet, ergo quæ simpliciter, absolute, & ex sui natura sunt bona, non possunt esse aliquibus interdum mala. Ad hæc, cum aliquid alicui per se conuenit, oppositum nec per se congruere, nec per accidens eundem enenire potest. Igitur bona illa, quæ per se bona sunt, nec per se, nec per accidens vnquam reddentur, & euadent mala. Responderina ego, simpliciter bonum triplici ratione accipi, intelligique debere. vna quidem; cum pro summo, primo, maximo bono siue pro boni fonte ponitur. Secunda, cum ponitur pro bono quidem participato, sed pro conominatim, quod si perfectum est, numquam & nulli malum esse potest. cuiusmodi virtus est perfecta, atque

formaliter accepta. potest enim aliquis abuti liberalitate materiali: formali abuti non potest. tertia cum usurpatur pro eo, quod sui natura bonum est, & numquam reddi potest simpliciter ac per se malum: tametsi malum interdum alicui esse per accidens possit. Quare huic bono simpliciter numquam convenit oppositum, quod est malum simpliciter. Bonum autem simpliciter & malum alicui, eidem sanè conveniunt, sed opposita non sunt. cum vnum conveniat ex natura, alterum ex improbitate contingat utentis.

Animadvertendum quarto, Stoicos Peripateticorum felicitatem, mollem, elumbem, & oneruem appellare. quippe qui divitias, voluptatem, alia huiusmodi necessario quodam nexu cum ea coniungerent, quæ ipsi funditus repudiabant, vna tantum ad bene beatèque viuendum virtute contenti. Quin ipsum quoque Aristotelem parum sibi constare dicunt; cum ex altera parte in virtutis actione perfecta felicitatem ponat, ex altera, etiam aliorum bonorum necessaria postulet adminicula, quæ virtus perfecta negligit, non requirit. Si enim in virtutis actione præclara consistit felicitas, quæ contingere maior felicitas potest, quàm mentis supra corpus cunctio, negligentia fortunæ, divitiarum contemptus, vacuitas appetitionis; quæ virtutum magnarum, excellentiùmque sunt actiones? Cur ergo Priamus in magnis calamitatibus non erat felix? Immo verò tunc felicissimus fuisset, si virtute instructus neglexisset opes, ac regnum, & dicere cum Biante potuisset: omnia bona mea mecum porto. Aiunt item, Aristotelem à se ipso dissentire: quia quodam in loco docet Virum felicem, & probum esse similem cubi, ac propterea nunquam prostrerni, hoc est, à fortuna fortunæque bonis non pendere: & in *Oeconomicæ* lib. 2. cap. 1. censet, inter summas calamitates inveniri accommodatissimam exercendæ prodendæque virtutis occasionem. Hæc enim abi, Mulieri præcepta tradit. Non est sanè parum secundis rebus bene uti, attamen aduersas moderate perferre, multo maius est existimandum. Nam in magnis calamitatibus, & iniuriis nihil abiecte facere celsi animi est. Petet igitur mulier à Deo, ne quid eiusmodi accidat viro. Quod si quid tamè accidat aduersi, putare debet hinc optimam sibi laudem, si rectè se gesserit, prouenturam: secum ipsa repetens, nec Alcestem tantam sibi gloriam comparaturam fuisse, nec Penelopem tot tantisque mereturam fuisse laudes, si cum fortunatis vixissent viris. Et in lib. horum *Moralium* primo cap. x. tunc fulgere, ac splendescere quodammodo virum felicem ait, cum sedatè moderateque multas magnasque perfert calamitates, non ex indolentia quadam, sed ex eo, quod forti magnòque sit animo præditus. Hæc igitur, inquit isti, si meminisset se dixisse Aristoteles, non decreuisset, felicitatem postulare fortunæ & corporis bona, & consentanea ceteris philosophis protulisset. Consentanea enim his Boet. in 2. de *Consol. prof.* 8. sic loquitur: Plus reor

hominibus aduersam, quàm prosperam prodesse fortunam. Et Seneca in lib. de *Vita Beata*: Summum bonum est animus, fortuita despiciens, virtute lætus. Et Plotin. *Ennead.* 1. lib. 4. cap. 7. aduersus Peripateticos in hunc modum inuehitur: Aiunt, ærumnas, non quaslibet, sed magnas mutare felicitatem. At quidnam erit humanorum adeo magnum, quod ab eo despicere non queat, qui ad altiora his omnibus se se extulit, neque ab inferioribus ullis vltra dependeat? Volunt ergo, non Stoici modò, sed etiam Platonici, ex quorum numero Plotinus est, virum felicem supra fortunam, supra diuitias, supra vitam, supra mortem efferre caput, & eum esse, quem se præstitit Socrates. Qui Atheniensium iniquo iudicio, capite damnatus, ludens ac iocans venenum hausit, eoque iam sumpto, non modò nihil commotus est, sed fabulas etiam per otium meditabatur, & amicos irridebat, quod interitum suum ægrè ferre videbantur. Quin ipsum quoque laudant Lucianum, humani generis irrisorem egregium: quod Alexandrum Magnum apud inferos induxerit, affirmantem, Aristotelem, à quo ipse philosophiam didicerat, per summam versutiam & calliditatem sibi persuasisse, fortunæ bona necessaria esse felicitati. Id enim agebat, ut posset sine pudore ab Alexandro pectere, atque accipere bona, sine quibus nemo philosophorum posset beatitudinem adipisci.

Hæc Stoici, & Platonici aliqui proferunt aduersus Aristotelem, & Peripateticos: sed frustra, & prorsus iniuria. Porro enim vnum, quod certissimum est, omnia nos metiri ex fine oportere, ac res tales omnino esse, quales facit eas esse finis, ad quem diriguntur. Quo posito, id dico: triplici nos modo posse finem nobis propositum intueri. Vel enim spectamus solum finem, & summum bonum huius vitæ vel solum futuræ, vel vtriusque. Si finem huius vitæ solum inspicimus, rectè cum Peripateticis affirmabimus, naturæ fortunæque bona esse beatitudini necessaria. si solum intuemur finem, & bonum futuræ, bene etiam contendemus quod prædicant Stoici, virum bonum & instructum virtute, in calamitate, in miseria, in equuleo, in rota beatum esse. quia ex his ærumnis gradum facit ad beatitudinem. Itaque non tam dicemus, ipsas ærumnas esse felicitatem, quàm bona quædam futuræ felicitati conducentia. Nam ne martyres quidem ipsi, qui primis ardentibus impositi cubare sibi videbantur in rosa, cruciamenta illa summum bonum putabant, sed bona quædam ad futuræ vitæ summum perducentia. At Stoici non sic interpretabantur felicitatem suam, cum ipsi de illa beatitudine solum verba facerent, quæ homini accidere potest in vita. Itaque pugnantia loquuntur, & magis quidem pugnantia, quàm fingunt Poëtæ, ut libello quodam & integro volumine docet Plutarch. Tragici enim Herculem in cruciatibus beatum fecerunt, non quod cruciatus ipsos beatitudinem putarent, sed quod ab ut

Hercules gradum & iter haberet ad cælum, ut non immeritò ille ex infortuniis, & flammis quodammodo redigiuis, inter sidera sic referatur à Choro apud Senec. in Oct. 20:

*Ite fortes vbi celsa Magni
Ducit exempli via, cur inertes
Terga nudatis? superata tellus
Sidera donat.*

Plato melius & congruentius loquitur; qui quamquam asserit in Gorgia, in Philebo, atque alibi, plura esse bonorum genera, nec solam virtutem inter bona numerari debere, sæpe tamen de futura sollicitus vita, mortalia videtur funditus neglexisse. Si denique uterque spectabitur finis, & bonum utriusque idoneum ac debitum vitæ, quemadmodum illum Platonici sæpe ac Theologi interdum nostri considerant, viri ciuiles, Christianam etiam vitam degentes rectè iudicabunt, naturæ fortunæque bona suæ ipsorum viuendi rationi esse necessaria, sed eatenus tamen quatenus eadem bona cum futuræ vitæ fine consentiunt, & recto vsu iustaque possessione ad eum finem ac summum futuræ vitæ bonum muniunt viam.

Itaque summi boni consideratio, quæ respondet Christianæ philosophiæ, duplex est: ea, quæ finem tantum futuræ vitæ contuetur: & ea, quæ futuræ, præsentisque complectitur bonum. Illa repudiat externa bona, hæc admittit propter ciuilem vitam, sed vult esse subserviientia summo bono futuræ. Discrepat ergo tantum Aristoteles, quod de bono vitæ futuræ nihil labore; & bona externa velintantum inferuire contemplationi & ciuili felicitati, nec ærumnas bonas putet; quia non videbat, ex iis gradum fieri à bonis hominibus ad sempiternam felicitatem. In 7. enim horum Moralium cap. 13. ita loquitur, Nulla actio est perfecta, si impediatur. At felicitas actio est perfecta, quapropter felix eget bonis corporis, & externis, ipsaque fortuna; ne impediatur. qui autem aiunt, eum qui rota torquetur, & in magnis calamitatibus est constitutus, felicem esse, dummodo sit bonus; nihil profecto dicunt &c. Quare non tam aduersatur nostræ Christianorum felicitati futuræ secundum obitum, quam de ea nihil loquitur. in ea autem, de qua disputat, nihil nobis contrarium dicit, & ab omni liberandus est inconstantia. quoniam enim illam tantum tractat felicitatem quam homo consequi potest in vita, sibi semper similis est, & suæ consentaneus opinioni. Quod si videretur omnia in virtute ponere, non propterea sibi dissimilis est putandus, ut constabit ex iis quæ nunc subiungemus.

Animaduertendum enim est 4. Virtutem summo bono verè satis esse, si spectetur ea tantummodo pars felicitatis, quæ constans esse debet, & firma. Nam quia tota, & integra felicitas non imbuat solitariè ac simpliciter animum, sed animum vtentem corpore, non potest tantum contineri bono constanti, firmoque, cuiusmodi est virtus, sed postulat etiam adminicula virtutis, quæ inconstantia

sunt, ad tuendum corpus. Quonia in ergo sæpe, cum felicitas nominatur, non intelligitur tota, sed illa primaria pars, & princeps, quæ firma & stabilis est, nihil mirum esse debet, quod dicat interdum Aristot. felicitatem contineri virtute. Cum enim totam complectitur, disfert, planèque facit eam pendentem à bonis etiam externis, & bonis corporis mutationi obnoxiiis, quorum complexionem constatur. Quare Virtus potest dici satis beatitudini esse propter ea quæ pertinent ad animum per se, atque simpliciter, quæque sunt in nostra potestate. Quod autem attinet ad omnia conspirantia, & felicitatis cumulatæ conficiencia, satis esse dici non potest. Vel certè dici potest, satis esse, cum felicitas pro fundamento summi boni ponitur & vsurpatur, non pro adnexis omnibus atque instrumentis eiusmodi. Ad hæc. Virtus referri potest vel ad summum bonum animi quatenus æternus, atque immortalis est; vel ad summum bonum viri Ciuilis, quatenus animal Politicum est, vitamque ducit in ceteris & conuentibus hominum. Virtus est satis ipsa quidem animo immortalis æternoque; homini ciuili non est satis. Atque hoc prorsus vtentem statu spectabat hominem Aristoteles, cum dicebat, felicitati esse necessaria tam multa bona: cum autem dicebat, esse satis virtutem, aut in virtutis actione perfecta positam esse felicitatem, intuebatur animum secundum se æternum atque immortalem. Quibus animaduersis;

Primum sit ex Aristotele decretum, & conclusio huiusmodi. Felicitati etiam contemplatrici & solitariæ necessaria sunt externa bona, sed exigua. esse necessaria constat, quia felicitas illa sine cibo, potu, indumentis diu permanere non potest. at felicitas stabilis est, & diuturna. Esse satis, quamquam exigua sint, probat ipsa natura, quæ paucis contenta in solitudine est. Illa verò contemplatio & vita, quæ sibi satis est, & instruitur diuinitus, eorum hominum est, quos Aristot. appellat Deos. nec de iis est sermo.

Secunda Conclusio hæc sit: Felicitati politicæ necessaria sunt externa bona, & quidem abundè suppetentia. Nobilitas enim conciliat auctoritatem, atque obedientiam amici, liberi, propinqui, clientelæ præbent opem in rebus arduis, diuitiæ suppeditant materiam liberalitatis, prospera fortuna constituit in bono lumine felicitatem. Quæ si desiderantur, plus nimio Ciuilis felicitatis splendor obscuratur. Quare non erit admodum difficile ab obiectis argumentis euadere.

Nam quod primo de Nobilitate dicitur ficta, & vana, falsum est, cum natura fecerit tantum communia quæ necessaria sunt: alia verò non necessaria impertinenter variè pro varietate principiorum, & materiæ proximæ. Itaque fieri potest, ac sit, vt ex vi seminis ac parentum alij propensiores ad virtutem, & clara facinora, alij minus propensi, alij ad vitæ rationem abiectam, & turpes actiones procliuës oriantur. quæ ratio impulit Platonem, vt crederet, amicos hominum

hominum similes esse metallis; quorum alia puriora, alia impuriora inueniuntur in fodinis: aliosque permonuit, ut dicerent, similes esse surculis arborum, qui à trunco vim exprimunt, & similitudinem referunt suam, aut similes etiam iumentis, atque animantibus mutis, quorum singula effugiem reddere videntur parentis, eiusdemque præse ferunt qualitates. Denique

Fortes creantur fortibus & bonis.

Est in iuuenis, est in equis patrum

Virtus, nec imbellis feroces

Progenerant Aquila columbam.

Quod si nonnunquam aliter accidat, atque in Scythia ipse etiam nascatur Anacharsis philolophus, euentus hic non id tollit quod plerumque fieri solet: hoc enim tantummodo significauimus, cum dicimus, nobilitatem, hoc est, ad res honestas præclarasque proclutatem, atque inductionem hauriri ex genere. Quare nobilitas non est tantum Civilibus constituta legibus, sed etiam à natura tributa. Cum enim propensiones, affectionesque maxima ex parte temperamenta sequantur: temperamenta verò ipsa corporumque conformationes ex virtute, & qualitate seminum prodeant, semina demum ex variis parentibus vario affectionum genere præditis varia sint, sit, ut variè propensi ad res honestas, aut abiectas nascantur liberi, & nonnulli genere ac natura nobiles, alij ignobiles appellentur: nonnulli ingenui sint, alij fordini, nonnulli mente polleant & consilio, nonnulli mancipis prorsus videantur; & quibus seruire melius sit, quam imperare, ut ait in libris Politicorum Aristoteles. Illud verò quod additur de superbia, quam parit nobilitas, est futile. quia viro felici, ut supra diximus, hoc est probo, & bono, non procreantur vitia ex bonis corporis, & externis. Propterea Plato in libris de legibus ostendit, viro bono nihil accidere mali, quia omnia conuertit in bonum, nec vlla re abutitur ad vitium, atque perniciem sui. Quare eodem plane modo refellitur quod de bona prole avaritiam gignere, ac de diuitiis multiplicia parturientibus scelera, dicebatur. Hæc enim mala instantum interuntur à corporis & fortunæ bonis, qui bonis istis abutuntur.

Respondetur igitur argumento secundo: Boëthium definire, ac dotibus suis circumscribere non bonum vniuersè, sed nominatim bonum honestum. hoc enim solum est, quod facit bonum possessorem sui, quodque apud bonos reperitur cumulatus, & quod nocere possidenti non potest.

Tertio similis omnino, eademque debetur responsio. Bona enim, felicitatis conscientia, illa solum eo loco intelligit esse Boëthius, quæ felicitatis principem partem, ipsamque beatitudinis pariunt essentiam. hæc autem bona sunt honesta, & virtutes. Quare concedi debet, hæc bona etiam tum, cum exaggerantur, cumulantur, & retinentur, esse bona. De diuitiis autem, quoniam Boëthius nullum ibi verbum facit, nihil est respondendum. Dici etiam

potest: diuitias & alia huiusmodi præsidia reddere hominem bonum, non quidem simpliciter, atque in se (Rex enim fortis & liberalis, quod attinet ad vim virtutis intimam hærentem in animo, non vincet fortitudine & liberalitate pauperem) sed bonum Reip. & ciuitati: ac propterea ex maioribus diuitiis eundem fieri ciuitati meliorem; modò iusta mensura diuitiæ cumulentur, ut declarabimus. Si quid enim oporteat amplius dici propter eorum accumulationem, exaggerationemque malam, quam abiciebant, id in confutatione quarti argumenti nunc subiungetur.

De quarto igitur argumento sic dico: diuitias etiam illas exaggeratas, & amplas, quas necessarias esse diximus felicitati politice, modum habere certum & limites suos. non enim esse debent infinitæ, sed eæ, quæ satis sint communicationi ciuili, atque ipsi felicitati in bono lumine collocandæ. non enim intelligitur expleta felicitas, nisi fulgeat etiam, & quodammodo erumpat foras, ac fiat cognita. Cum ergo diuitiæ modum hunc & mensuram obtinent, non respuent, neque pertimescent Topicam illam legem. Sicut se habet simpliciter ad simpliciter, ita magis ad magis, & maxime ad maxime. nam diuitiæ cumulatae, simpliciter bonæ sunt, quia sunt vtiliores; cumulatiore, meliores sunt, quia vtiliores; cumulatiore sunt optimæ, quia vtilissimæ sunt ad impertiendam, communicandam, patefaciendam, atque in aperto ponendam felicitatem. cum enim cumulatiore dicimus, non intelligimus quemcumque cumulum, etiam infinitum; sed eas, quæ modum & mensuram suam non prætergrediatur. Quod si alio modo cumulus intelligatur, diuitiæ lege illa Topica ferietur, sed non erunt tam eæ, de quibus est apud nos disputatio. loquimur enim de diuitiis idoneis, quæ bonæ simpliciter sunt, non de immodicis, & supra modum, ac per summam avaritiam exaggeratis, quæ sunt malæ. Itaque illa lex castigat huiusmodi diuitias, quia non sunt bonæ, ac propterea non potest in illis fieri ea gradatio. Ut simpliciter se habet ad simpliciter, ita &c. quia diuitiæ sic avarè cumulatæ non sunt bonæ, ac propterea cumulatiore non sunt meliores. sed contra: simpliciter malæ sunt; cumulatiore, peiores; cumulatiore, pessimæ. Id quod explicat etiam dictum Aristot. in x. moral. ubi damnat nimiam externorum bonorum copiam, laudat mediocritatem, & iustam mensuram.

De quinto diximus supra, cum monimus, interdum felicitatis nomen pro ea felicitatis parte nominatim & distinctè poni, quæ bonis animi continetur, firmis, constantibus, parabilibus à nobis, atque in nostra se potestate tenentibus: interdum tamen, immo plerumque usurpari pro tota complexione bonorum, inter quæ sunt illa quoque inconstancia, leuia, atque à fortuna non à nostra potestate arbitrioque pendentia. Itaque non bene concluditur, hæc bona esse non posse instrumenta felicitatis, sed efficiuntur bene, non esse præcipuam partem, & vim ipsam felicitatis.

Sextum etiam confutatum est in proximè

superiori quæstione, cùm dictum est felices, hoc est, probos, & bene moratos viros, nullis bonis corporis abufuros esse, ac propterea nullam eis esse perniciem allatura: quod cadit item in hæc externa bona, de quibus loquimur. Itaque amicitia non faciet, vt vir bonus, qualem esse oportet eum, quem verè felicem appellamus, iudicium peruertat, aut aliquid admittat contra quàm ius sinat, & fas.

Septimum, in quo contenditur, fortunam aduersam, quoniam virtutem incitat, expetitur, confirmat, & roborat, esse felicitati vtiliorem quàm prosperam; hoc, inquam, septimum, vltimùmque argumentum diluit Burdanus, triplici responsione: quam platiùs hîc illustrabimus. At igitur primùm, post virtutum, & felicitatis adeptionem nullo nos incitamento, confirmatione, experimento amplius indigere. Quamquam enim nulla nobis obicitur externa materia, in qua versari possit, & exercere se virtus, quotidie tamen, immo sæpius eadem prorsus die, aut etiam hora actionibus virtutum interioribus, atque immanentibus exercemur. Per contemplationem enim Dei ita perficitur, & expletur voluntas, vt quicquid rationi congruit, ac Deo placet, velit & expetat. Quare vbi hac contemplatione & cogitatione perfectè firmatus fuerit, & roboratus animus, omnes virtutes incitantur, & roborantur: ita, inquam, vt eiusmodi actibus possint etiam ipsæ in nobis existere, ac progigni virtutes, nulla prorsus externorum actuum occurrente materia. Concedendum tamen est, id difficillimum esse, fatendumque gignendis virtutibus operum externorum exercitationem valere maximè.

Respondet deinde, in summa rerum prospe-

ritate non esse fortasse fortitudini locum, sed esse aliis virtutibus & quidem multis. Vt enim in rebus aduersis experiri fortitudinem licet, sic in secundis experiri fas est temperantiam, iustitiam, magnanimitatem, liberalitatem.

Respondet tertio loco, virum locupletem, & commodissimam vtentem fortuna posse facillè fortitudinem experiri si velit. Si enim offendat aliquos iniquè à potentioribus oppressos, illisque consilio, studio, gratia, pecunia præsto sit, sciens omnino in potentiorum illorum se odium atque inimicitiam incurrere; immò verò fortunarum & vitæ periculum adire certissimum: si hæc, inquam, faciat vir fortunatus & dives, nonne actum proferet fortitudinis insignem & maximum? Ergo prosperitas & secunda fortuna nihil obest, modò velimus ipsi, virtutem in actum producere, & prosperitatem ipsam facere subseruientem virtuti. Immo verò si bene res pendatur, videntur actus virtutum externi magis esse in manu, ac potestate libera fortunatorum hominum, quàm eorum, qui rebus opprimuntur aduersis. Quare vox illa Democriti à Seneca prolata; nihil eo infelicius esse, cui nihil vnquam euenit aduersi, est approbanda: non tamen ob eam causam, quæ subiungitur, quia non licuit illi se ipsum experiri; sed propterea, quòd seipsum noluit. Si enim indigentibus opem ex bonis suis afferre voluisset, oppressos labore, ac sumptibus adiuuare, potentibus viris innocentes, amicos, propinquos oppugnantibus obiectu corporis, & fortunarum obistere, campum sine dubio inuenisset idoneum, & arenam amplissimam, vbi virtus inter res secundas cum hoste fortissimo decertaret.



CAPVT NONVM.

DE RATIONE PARANDÆ FELICITATIS.

S V M M A.

Felicitatis causam non esse fortuitam, sed vel diuinam, vel humanam.

Neque mutas animantes, neque pueros felicitatis esse posse participes.

DIVISIO CAPITIS IN PARTES TRES.

1. Felicitatem impartiri diuinitus, rationi consentaneum est: oriri ab humana causa, rationi dissentaneum non est, sed à fortuna dari, à ratione prorsus est alienum.
2. Ipsa Felicitatis definitio demonstrat, beatam vitam effici ab humana causa: cùm felicitas sit actio humana secundum virtutem.
3. Quo fit, vt bellua ac pueri felicitatis compotes esse non possint, cùm actionis secundum virtutem expertes sint.

PARS PRIMA CAPITIS NONI.

Οθεν καὶ ἀπορίται, πότερον ὅτι μα-
θητὸν, ἢ ἐπιστὸν, ἢ ἄλλως πως
ἀσκητὸν. ἢ κατὰ ἕνα θεῖον μυστήριον, ἢ καὶ
ἀλλ' ἄλλω τῷ τρόπῳ γίνεται. Εἰ μὲν οὖν
καὶ ἄλλο ἢ θεῖον ὅτι δώρημα αἰθε-
ραίοις, εὐλογεῖται καὶ πλεονεξία θεο-
δοτοῦ ἐστίν, καὶ μέγιστα τῶν ἀνθρώπων
ὅσα βέλπειν. Ἀλλὰ τὸ μὲν ἴσως ἄλ-
λως αὖ ἐστὶν οὐκ ὁμοίως οἰκείοτερον. Φαί-
νεται δὲ, καὶ εἰ μὴ θεοπεμπτός ἐστιν,
ἀλλὰ δὲ δρετιῶν, καὶ ἕνα μυστήριον, ἢ
ἀσκησὶν ὁδὸν γίνεται, τῶν ἡρώων ἐστίν.
τὸ γὰρ τῆς δρετῆς ἀθλόν, καὶ τέλος
ἀριστον φαίνεται, καὶ θεῖον ἢ, καὶ με-
γέλειον. Εἴη δ' αὖ καὶ πολὺ κοινόν· δινα-
τὸν γὰρ ὑπαρξάντων πᾶσι τοῖς μὴ πε-
πρωμένοις πρὸς δρετιῶν, ἀλλ' ἕως
μεγέλειος, καὶ ἐπιμελείας. Εἰ δ' ἐστὶν
οὕτω βέλπειν, ἢ ἀλλ' ἄλλω εὐδαιμον-
οῦν, εὐλογεῖται ἔχον οὕτως. Εἴτερ' ἢ
καὶ φύσιν, ὡς οἷον τε καὶ μέγιστα ἔχον, οὐ-
τω πείθει. ὁμοίως δὲ καὶ καὶ τῶν
καὶ πᾶσιν αἰτίαι, καὶ μέγιστα καὶ πλεονεξία.
Ὁ δὲ μέγιστος, καὶ καλλίστος
ὁπότερ' ἢ πᾶσι, λίαν πλεονεξία
αὖ ἐστίν.

EX quo etiam dubitatur, utrum para-
bilis sit disciplina, an assuetudine, an
alia quapiam exercitatione, an ex aliqua di-
uina sorte, an etiam ex fortuna proficietur.
Si igitur etiam aliquid aliud Deorum
est donum datum hominibus, rationi con-
sentaneum est, etiam beatitudinem à Dis
datam esse, & eo magis quo ceteris humanis
rebus est melior. sed hoc fortasse alterius
esset contemplationis magis proprium. Vi-
detur verò, etiam si non sit diuinitus missa,
sed per virtutem, & per quandam doctrinā,
vel exercitationem proueniat, ex rebus di-
uinissimis esse. Virtutis enim primum, &
finis optimum videtur, & diuinum quid-
dam & beatum, esset autem valde commu-
ne. Fieri enim potest, ut insit omnibus iis,
qui non sunt debiles ad parandam virtutem
per aliquam disciplinam & diligentiam.
Quod si est ita melius, quàm per sortem esse
beatum, rationi consentaneum est, ita esse. si
quidem quæ secundum naturam sunt, ut
quam optime habere se possunt, ita solent
natura se habere: similiterque & iam ea,
quæ secundum artem sunt, & omnem cau-
sam, & præcipuè secundum optimam. Ma-
ximum autem, & pulcherrimum tribuere
forti valde criminofum esset.

EXPLANATIO.



CAPUT hoc Nonum ita superioribus adhæret, & cum iis continuatur:
Dictum est, bona fortunæ sic esse felicitati necessaria, ut multi pro-
pterea beatitudinem ὡς πᾶσι, hoc est bonam & prosperam fortunam
appellarint. Existit adeo hinc quæstio. Verum fortuna sit beatitudinis
causa conficiens. Sed Aristoteles eam quæstionem amplificat, tra-
ctatque communius, inuestigans vniuersè, quænam sit causa felicitatis humanæ:
disciplinæ ac doctrinæ, an consuetudo aliqua, an exercitatio, & studium, an di-
uina voluntas & munus; an ipsa fortuna. Ut enim sapienter hîc disputat D. Thom.
necesse est, felicitatem à causa, vel certa & constante, vel incerta, & extrinsecus
accidente, qualis est fortuna, proficisci: si nascitur à causa constante ac certa, ea
causa vel humana est, vel diuina. Ab humana verò causa sit aliquid in nobis tri-
plici prorsus modo: per doctrinam quæ discitur; cuiusmodi scientia est: per con-
suetudinem, quæ contrahitur usu quo modo paratur Virtus Moralis: per
exercitationem, quæ studio retinetur & actione; qualis est disciplina militaris &
opificia, atque opera omnia artificiosa. Proponit igitur Aristoteles quæstionem

tres tributam in partes. Quarum prima pertinet ad causam humanam. An felicitas acquiri doctrina, aut consuetudine, aut exercitatione aliqua possit, vel ut dicitur in Græco Codice, si sic verti Latine posset: Vtrum felicitas sit aliquid discibile, vel assuescibile, vel aliqua ratione exercitabile: quæ vocabula non reformidarunt primi illi, qui Latine fecerunt Aristotelem, exprimere sic ad verbum volentes *μαθητὶς, ἐθικὴν, αἰσθητικὴν*, quibus vitur ipse ad ea declaranda, quæ nos circumscripsimus disciplina, assuetudine, exercitatione. Secundum membrum, siue pars propositionis pertinet ad causam diuinam. Quærit enim verum felicitas contingat nobis cælesti quasi virgula, & diuinitus, siue diuina sorte, quemadmodum interpretati sunt Argyropol. & Felicianus, ipsa verba secuti codicis Græci, quæ sunt huiusmodi, *ἢ ἡγεῖται τῆς θείας μοίρας τοῦ ζῆναι*. M. Tull. in lib. de Vniuersitate *ἢ τῆς θείας μοίρας*, Latine dixit, diuino beneficio, & deorum munere. Quod munus & sortem diuinam appellant Iurisperiti vim maiorem, ut obseruaret locum hunc illustrat Gifan. Vetus interpres Diuinam prouidentiam reddit: & sane *μοίρα θεία* diuina prouidentia est apud Xenoph. S. Thomas & Albert. diuinam particulam inuenerunt in iis codicibus, quos habuerunt. Ac propterea laborat Albert. nimio opere, ut diuinet, quid sit hæc diuina particula: putatque, Deum esse: cuius particulam à nobis delibari & decerpi dicebant aliquid: sed non est necesse id perquirere: quia quamquam *μοίρα* interdum est pars, sæpius tamen significat ea, quæ supra diximus, quàm partem. Tertia pars ad causam pertinet extrinsecus aduentitiam & incertam. In dubium enim & quæstionem id vocat. An felicitas accadat homini fortuito, siue à fortuna, *ἢ τύχῃ*.

His ita propositis, aggreditur de quæstione decidere per diuisionem, exorsus à causa diuina. Est enim huius decreti summa, & ratio tripartita, hoc modo. Primo quidem rationi valde consentaneum esse, dicique rectè posse, hoc felicitatis donum ab aliqua nasci diuina causa. Deinde ferendum, & à ratione non abhorrens esse, felicitatem oriri ab humana causa. Tum esse ab omni prorsus alienum ratione, confirmare, felicitatem à fortuita causa, & incerta proficisci.

Primum, hoc est, felicitatem diuinitus dari esse consentaneum rationi, sic demonstrat. Rationi consentaneum est, optimum effectum ab optima causa nasci. Necesse enim est, effectum suæ causæ proportionem respondere, ac similem esse. Felicitas optimum est effectus, diuina causa causarum est optima: ergo rationi consentaneum est, felicitatem à diuina causa promanare. Hoc enim syllogismo comprehendi potest quod ipse per conditionem expressit. Si donum aliquod, inquit, mortalibus à Deo Mentibusque cælestibus datur, (datur autem, quia, ut docet Eustratius, esse & viuere inest hominibus à Deo, quod omnes profitentur,) si quod, inquam, munus contingit homini diuinitus, felicitas profectò esse debet eiusmodi, quæ rerum humanarum est optima: debet enim hic effectus suæ similis esse causæ. at similis esse non potest, nisi ab optima causa, quæ diuina est, proficiscatur. Hanc autem quæstionem, hoc est, Vtrum à Deo felicitas immittatur, aliis permittit disciplinis, atque in alium reiciit locum, in primisque Metaphysicæ. Secundum: hoc est, nihil abhorrens à ratione cum dicere, qui contendat, felicitatem oriri ab humana aliqua causa, quæ doctrina, consuetudine, exercitatione continetur, duobus ostendit modis, quorum primus hic est: Nihil rationi contrarium affirmabitur, si dicatur, felicitatem ex ea oriri causa, quæ non depellit id quod est proprium felicitati: cuiusmodi est, esse aliquid optimum & diuinum: sed esse aliquid optimum & diuinum non tollitur ex eo, quod dicatur felicitas ab humana causa proficisci: ergo nihil rationi contrarium affirmabit qui dicet, ab humana causa oriri felicitatem. Assumptionem probat ex eo, quod felicitas etiam ab humana causa profecta præmium & finis Virtutis sit: præmium autem & finis virtutis, quiddam optimum, diuinum, beatum esse videatur. Sic enim disputat & ratiocinatur: Quod virtutis præmium & finis est, aliquid videtur optimum, diuinum, ac beatum esse. Sed felicitas quantumvis ab humana existat causa, præmium est & finis virtutis: ergo est aliquid optimum, ac diuinum: ergo retinet id, quod est proprium felicitatis. Non videtur Aristoteles hic aperte, planèque docere, cur præmium, & finis virtutis, aliquid diuinum esse oporteat, & optimum ac beatum: sed docet tamen latenter ac tacite. Quia cum felicitas ab humana causa profecta, sit finis & præmium

operis præclarissimi, cuiusmodi est virtus, necesse est, felicitatem ipsam esse aliquid excellentius, atque præstantius ipsa virtute. Quod autem virtute præstantius est, diuinum quodammodo id esse oportet, & eiusmodi, vt rerum omnium humanarum fastigium vincat. Sed ne aliqua hîc suboriri dubitatio possit, iubet nos animaduertere Buiæus; præmiū virtutis esse duplex, intimum vnum, externum & foras erumpens alterum. Intimum, est ipsa felicitas: quæ tamenli externa etiam præsidia postulat, manet tamen in animo, & intima dici animo potest: externum, est honor, magistratus, potentia, ceteraque huiusmodi. Ergo cū præmiū virtutis dixit hoc loco Aristot. esse aliquid diuinum, præmiū illud intimum intelligi voluit. Externum enim, qualis est honos, & magistratus, refertur ad illud intimum: cū honor, vt alibi diximus, idcirco expetatur à nobis, quod testificatio quædam sit excellentiæ nostræ. Quod verò attinet ad humanam causam, à qua ex Aristot. potest ortum habere felicitas, docet Eustratius hîc; aliqua tribui nobis à Deo, nihil ad ea conferentibus nobis, quale est, esse & viuere: quædam ab eodem quidem Deo nobis dari, sed studentibus etiam, agentibus & laborantibus nobis. Atque ex hoc genere felicitatem esse. Vbi enim diu multūque virtutibus exerciti fuerimus, tunc felicitate veluti præmio donamur à Deo. Itaque videtur id sibi velle Eustratius, quod apud omnes esse debet in confellio: felicitatem à Deo manare tanquam à primaria & generali causa, ab homine verò, velut à peculiari & propinqua proficisci.

Secundus modus, quo probat hoc idem dictum, atque hanc eandem sententiam, qua pronunciauit, felicitatem videri etiam ab humana causa profluere, petitur ex eo, quod felicitas sit aliquid commune, in medio positum, parabile prorsus ab omnibus: sic, inquam, vt quicumque rerum agendarum principium labefactatum non habent, neque sunt ad virtutem inepti, & quasi mutilati, ac manci, possint sibi felicitatem comparare. Sequitur enim, ab humana causa felicitatem proficisci, quia est in medio posita, vel, vt alij vertunt, quia est valde communis atque ad omnes pertinet; adeoque potest ab omnibus comparari, qui principium agendarum rerum integrum, ac minimè corruptum habeant. Principium autem rerum agendarum, intellectus & ratio est: quæ si labefactatur, aut læditur aliquo casu, debiles quodammodo sumus & manci, nec ij, qui virtutem parare studio nostro possimus.

Relinquitur tertia pars eorum, quæ in hac quæstione decernuntur, hoc est, nihil à ratione magis alienum esse, quàm affirmare felicitatem aliquid esse fortuitum, atque à fortuna donari. Quod si ita est melius esse beatum, quàm per sortem, inquit, certè ita esse rationi consentaneum est: si quidem quæ secundum naturam sunt, &c. Cuius dicti probatio si redigenda sit in summam, videtur esse apud Aristotelem huiusmodi: effectrix causa duplex est; per se, ac per accidens: illa præstans, & nobilis; hæc deterior & ignobilis. Felicitas est effectus longè præstantissimus omnium; adeoque non debet à deterriori causa procreari. At deterrior causa est illa per accidens, hoc est casus, & fortuna. Præcellentiſſima enim causa potest quidem ex se proferre, tum excellentem, tum etiam vulgarem ac vilem effectum: cuiusmodi sol est, &que procreans hominem, ac gignens ranam: non tamen potest contra deterior causa præstantem, atque eximium effectum producere. Is quippe qui mouet onerariam maximam, potest etiam actuariam mouere nauem: non tamen qui actuariam impellit, onerariam quoque potest commouere. Ergo fortuna, quæ causa infima est & deterrior, non potest effectum præstantissimum, ac prope diuinum, cuiusmodi felicitas est, procreare. Hæc, inquam, esset huiusce probationis summa: sed ab Aristotele amplificatur similitudine repetita ab arte atq; à natura. Nam quæ à natura efficiuntur, aut ab arte, ita bene se habent, si sic fiant, vt ea fieri decreuit ipsa natura, & vt postulat ars: malè autem se habent, cū ab ordine artis, aut naturæ digrediuntur, fiuntque per accidens. Dux quippe sunt causæ per se dux per accidens: per se quidem, natura & mens: per accidens casus & fortuna: casus est, cū sit aliquid præter vsum naturæ, vt si cum digitis sex aliquis oriatur: fortuna, si fiat aliquid præter animi mentisque consilium, vt si quis repastinanda vinea thesaurum offendit, atque, vt rem proponamus intuemdam in arte, si quis pictor labente penicillo, manum expingeret cum digitis sex, quam exprimere voluisset cum quinque. Cū ergo tam naturales, quàm artificiosæ

res malè se habeant, malèque fiant, cùm ab ordine suo digressæ, per accidens fiunt; habeantque se ac fiant benè, cùm fiunt à causa per se, alienum à ratione est, dicere, felicitatem, hoc est, effectum præstantissimum, & qui optimè se habere ac fieri perfectissimè debeat effici, à fortuna, id est, à causa per accidens, atque ab ordine mentis aberrante. Id enim est quod extremis illis verbis nobis indicat in hoc argumento breuiter Aristoteles: idemque iudicari debet de iis, quæ ab omni alia causa perficiuntur, multoque magis quæ à præstantissima fiunt: significat, inquam, multo magis par esse, felicitatem manare à causa per se: cùm ei debeat præstantissima causa.

Perficit absoluitque argumentum conclusione pulcherrima: confirmans, non modò à ratione alienum, sed scelus esse nefarium, adscribere fortunæ rem omnium maximam, atque pulcherrimam, cuiusmodi felicitas est. Placuit scelus dicere, quod est Græcè πλημυλίας. Ducitur enim à πλημυλίσω, quod est delinquo, pecco grauitè, & iniquè, ac per iniuriam aliquid ago. Lambin. dixit flagitiosum. Argyropolis absurdum, Felicianus prauum; res dèdum voluit eodem, modò intelligamus, Aristotelem velle, grauitè eos errare, qui fortunæ permittant arbitrio felicitatem, rem pulcherrimam & maximam à Deo mortalibus datam. S. Thomas, secutus interpretationem antiquam retinuit, perniciosum, verèque perniciosam ait rem esse, fortunam diribitricem facere felicitatis: quia multo magis alia humana bona fortuita essent: adeoque tolleretur humanum studium, quod nihil ad ea bona consequenda prodesset. Hoc verò nihil esse perniciosius potest.

PARS SECUNDA CAPITIS NONI.

Συμφάνει δὲ ὅτι καὶ ὅτι τῷ λό-
γῳ ὁ ζῆτις μόνον. Εἰρηται γὰρ ψυ-
χῆς ἐνέργεια κατ' ἀρετὴν ποιεῖ πρὸς τὴν
δὲ λοιπῶν ἀγαθῶν, τὰ μὲν ὑποαφ-
χῆν αἰσχυρῶν, τὰ δὲ σπουδαῖα, καὶ
χρησιμὰ πρὸς τὴν ὀργάνικῶς. ὁμολο-
γεῖται δὲ τούτ' αὖ ἐπὶ καὶ πρὸς τὴν
ἀρετὴν. ὁ γὰρ τῆς πολιτικῆς τέλος,
ἀρετὴν ἐπὶ τῷ μῶν. αὐτὴ δὲ πλείονα ὅτι
μάλιστα ποιεῖται τῷ ποιοῦντι πρὸς τὴν
ἀρετὴν ποιεῖται, καὶ τὴν ἀρε-
τὴν ποιεῖται, καὶ τὴν ἀρε-
τὴν ποιεῖται.

Manifestum autem est etiam ex de-
finitione id quod queritur. Dictum
enim est, ealem quandam anima operatio-
nem esse secundum virtutem. Reliquorum
autem bonorum nonnulla quidem inesse
necesse est, nonnulla verò adiuvantia, &
vilia natura sunt organicè. Consentientia
verò hæc sunt iis etiam, qua initio dicta
sunt. Politica namque finem optimum po-
nebamus. Hæc verò plurimam diligen-
tiam adhibet ad quales quosdam, ac bonos
ciues efficiendos, & idoneos ad res agen-
das honestas.

EXPLANATIO.

VAMQVAM videtur Aristoteles supra tribus illis pronunciatis ac
dictis satis superque de quaestione statuisse, nondum tamen aperuit
quid ipse censeat, & à qua demum causa felicitatem existere putet.
Dicere quippe, à diuina causa proficisci, esse rationi consentaneum,
nec eum reprehendi debere, qui contendat effici ab humana: de-
testandum verò & non ferendum qui velit à fortuna promanare: dicere, inquam,
hæc nec ad extremum constituere, quænam è sententiis illis duabus sit potior, non
est de quaestione planè decidere, sed iudicium præparare. Et profectò sic est.

Itaque nunc in hac altera parte aperit animi sui sententiam, & quid de proposi-
ta controuersia dicendum ac respondendum sit, accuratè decernit. Ait ergo, soli-
citatem ab humana causa, hoc est, à disciplina, consuetudine, siue virtute & exer-
citatione ortum ducere ac nasci: idque demonstratum ex definitione iam exposita
vult, ex definitione, inquit, perspicui potest quod querimus. Felicitas quippe, ut
dictum est supra, nihil est aliud, quàm animæ actio secundum virtutem, vel virtu-
ti respondens, & consentanea rationi: sed actio animæ secundum rationem, at-

que virtutem ab homine profuit, cuius nimirum est virtus. Felicitas ergo ab humana causa profertur & est. Sed quoniam dicere posset aliquis, bona etiam fortunæ necessaria esse felicitati, ac propterea fortunam etiam esse felicitatis causam, intercludit Aristoteles hunc aditum, docens, quia ratione cetera bona felicitatem perficiant. Ait ergo aliorum bonorum aliqua oportere inesse felicitati, & quasi præesse, siue, ut sic dicam communi loquendi more, præsupponi bonis fortunæ, qualia sunt bona corporis; firmitas, valetudo, pulcritudo, quæ, ut cetera huiusmodi, conducunt ad decorem quemdam, & fornositatem felicitatis: aliqua, positis iam, & præmissis corporis bonis, quibus utitur animus virtute præditus, adiuvant corpus ipsum, & utilia sunt tamquam instrumenta: quo de genere videntur esse potissimum bona fortunæ, diuitiæ, propinquitates, amicitia, clientelæ: perinde quasi diceret, essentiam felicitatis à virtute nasci & velut in lucem proferri: sed prolatam iam, exortamque ornari adiutarique ceteris bonis, velut obsequentibus apparitoribus, & servis, adeoque unam virtutem propriè obtemperantem, cetera bona famulantia, & subseruientia esse felicitati.

In hoc tamen Aristotelis decreto tenendum est illud, non propterea negari felicitatem à diuina causa produci, quia contenditur existere ab humana. Hæc enim causa proxima est: illa princeps, generalis atque primaria, sed qui dicebant, fieri à diuina, volebant ab ea proficisci, & effici etiam proximè. Itaque cum ait Aristot. nasci ab humana, non vult ab hac solum nasci, sed non nasci solum à diuina, ut existimabant illi, verum etiam ab humana, & quidem proximè, atque immediatè.

TERTIA PARS CAPITIS NONI.

Εὐχόμενος οὐτὶ βοῦν, οὐτὶ ἵππον, οὐτὶ ἄλλο τι τῶν ζώων εὐδύνει, εὐδαίμων λέγεται. εὐδύνει γὰρ αὐτὸν οἷον τι καὶ κωλύει πιαύτης εὐεργείας. ὁ δὲ βούττω δὲ τὴν αἰτίαν, εὐδὲ πᾶσι εὐδαίμων ὄντι. οὐκ ὡς γὰρ περὶ περικλῆος τῶν πλουτῶν ὁ δὲ τὴν ἡλικίαν. αἱ δὲ λεγόμενοι, ὁ δὲ τὴν ἐλπίδα μακροζώνται. διὲ γὰρ, ὡς περὶ ἑπτομήν, καὶ ὁ δὲ τῆς τελείας, καὶ βίου τελείου. πολλὰ γὰρ μεταβολαὶ γίνονται, καὶ πρὸς τὴν τύχην καὶ τὴν βίον. ὁ δὲ εὐδύνεται τὸν μέγιστον εὐδύνουσαν, μεγάλας συμφορὰς περιπατῶν ὅτι γήρας. καὶ ὁ δὲ τὸ πῶς ἡρώεις περὶ Πριάμου μυθολογῶν. τὸν δὲ πιαύτως χειρᾶν τυχῶν, ὁ δὲ τὴν ἀθλίαν, εὐδαίμωνισσιν.

In re igitur neque bouem, neque equum, neque aliud quid ex animalibus beatum dicimus. nullum enim eorum potest esse particeps huius actionis. atque ob hæc causam nec puer beatus est. Non dum enim idoneus est ad huiusmodi actiones propter ætatem. hi autem cum beati dicuntur, propter spem beati putantur. opus enim est, ut diximus, ut virtute perfecta, ut vita perfecta. multa quippe mutationes contingunt ac varij casus in vita. Et fieri potest, ut is, qui maximè fortunatus est, in magnas calamitates incidat in senectute; sicut in Heroicis de Priamo fabulatur. Illum autem qui eiusmodi usus est fortuna, ut mortuus calamitosè sis, nemo felicem putabis.

EXPLANATIO.

Ex iis, quæ decreta paulo antè sunt de causa felicitatis humana, quæ virtus est, siue de ipsa felicitatis definitione, quæ est actio animæ secundum virtutem, sequitur, ipsam felicitatem in eo tantum esse posse, in quo sit virtus, easque res esse felicitatis expertes, quæ virtutis participes esse non possint. Itaque prius primò felicitate bouem, equum, belluas omnes, quas ait nulla ratione dici posse beatas, quia virtutis & actionis secundum virtutem participes esse non possunt: deinde depellit ab eadem felicitatis possessione pueros: qui quoniam re ipsa, & actu sunt expertes virtutis, non possunt actu ac re ipsa dici felices. Dicuntur tamen interdum beati: sed beatitantummodo spe, siue propter expectationem & spem: vel quia, inquit Eustrat.

naturalem habent ad virtutem præparationem, vel quia videmus eos fugere mala, amare bona, vel quia sunt ex felicibus procreati parentibus. Itaque, si minùs actu, & re ipsa, certè potentia & facultate virtutis participes sunt, & virtute præditi tandem aliquando esse possunt ac functionem illam animæ obire secundùm virtutem. Hæc facultas non cadit in ratione carentes animantes; quæ propterea dicuntur omnino expertes felicitatis. Dux demum rationes hic apud Aristotelem sunt, quæ demonstrent, pueros non esse beatos, siue in pueris non esse felicitatem. Prima est: Quia pueri propter ætatem nondum accommodatam, opportunamque virtutibus, sunt eius expertes actionis secundùm virtutem, in qua posita vis, natura, & essentia felicitatis est. Non enim ipsi sunt ad agendum secundùm perfectam virtutem idonei; cum virtutem ipsam perfectè consequi non possint. Altera ratio est: Quia tamen si essent virtutis & eius actionis honestæ participes actu, ob exiguam tamen ætatem, quam traduxerunt, dici verè beati non possunt, cum beatitudo postulet, vt dictum est suprâ, vitam perfectam, hoc est, iustum aliquod vitæ spatium, quod satis sit perfruendæ, patefaciendæ, atque in bono lumine collocandæ felicitati. Itaque ait Aristoteles in hoc extremo cap. multas accidere mutationes in vita, quibus fiat, vt qui beati videbantur, euadant repente miseri atque ærumnosi: idque de Priamo commemorari in Heroicis siue temporibus siue actionibus à poëtis. Heroica quippe interdum quidem de tempore, interdum de actionibus dicuntur: vt obseruare nos iubet Oberr. Gifan. sed siue tempora sint, siue res, & facta Heroica, idem significat Aristoteles: poëtas nimirum persequendis, canendisque temporibus, & rebus gestis Heroicis, memoriæ tradidisse, Priamum felicissimum antè habitum ab omnibus, & fortunatissimum, ex repentina rerum commutatione in postremas illas calamitates incidisse, illoque vitam conclusisse sine, quem deplorat dolenter in secundo Virgil.

*Hic finis Priami factorum, hic exitus illum
Sorte tulit, Troiam incensam, & prolapsa videntem
Pergamæ, tot quondam populi, terrisque superbum
Regnatorem Asia. iacet ingens histore truncus,
Aulsumque humeris caput, & sine nomine corpus.*

Cum ergo pueri, decurso, perexiguo vitæ spatio, nondum euaserint insignes calamitates, in quas possunt incidere, tamen si virtutem adepti essent, non tamen omnino dici beati possunt, propter illas rerum vicissitudines, quarum vitio fieri possunt ex beatis calamitosi.

EPILOGVS.

1. Felicitas quamquam non immittitur, contingitve mortalib. omnino diuinitus, sed disciplina, virtute, assuetudine, exercitatione, ac studio comparatur, quiddam tamen diuinum videtur esse, cum sit præmium finisque virtutis, ipsam nimirum vincens excellentia sua & dignitate virtutem.
2. Esi virtus est propria felicitatis causa, reliqua tamen bona omnia, hoc est, etiam illa, quæ fortuna dicuntur, præsto felicitati sunt, eique subseruiunt tamquam vtilia quædam instrumenta. Non tamen propterea fortuna causa est felicitatis; quia felicitatis essentiam, quam sola parit honestas & virtus, fortuna temeritas non attingit.
3. Bellua adeo, & pueri non sunt felicitatis participes: illa quidem nullo modo, quia sunt virtutis omnino & prorsus expertes: hi verò, quamquam actu beati non sunt, dici tamen beati possunt, propter spem, & potentiam, quam ad virtutis habent adeptionem.
4. Mutari, perueritque felicitas potest ob eas, quæ accidunt in vita mutationes: id quod Priamo accidisse dicitur à poëtis. Quæ causa est, cur pueri, tamen si virtutem essent adepti, non possint tamen dici planè beati: quippe qui nondum hos vitæ scopulos enauigarunt, ad quos sæpè felicitas alliditur, & naufragium facit.

IN CAPVT NONVM,

QVÆSTIO VNICA.

Quenam sit causa felicitatis, fortuitane, an humana, aut etiam diuina.

NIHIL hac de questione decernere possumus amplius, quam quod ab Aristotele supra decretum vidimus. Rationes tamen exposita, planius erunt explicanda, ac pauca quædam quæ contra possunt obici, diluenda.

Nam quod attinet ad fortunam, dicere possit aliquis, ab ea nasci felicitatem: quia felicitas extrinsecus accidit frequenter, ac pene semper. Vita quippe perfecta, & cetera bona externa, quæ felicitatem explent, extrinsecus accidunt, nec certam habent causam, à qua nascentur. Quæ autem extrinsecus adueniunt, semper aut frequenter à fortuna sunt, ut dicitur in lib. 1. phys.

De causâ verò diuinâ disputari sic potest. Qui formam imperitur, illa etiam impertitur, & dat, quæ formam ipsam consequuntur, ut docet Commentator Auerr. in 6. phys. sed Deus est, qui solus, ac per se procreat, & dat nobis animam, quam felicitas veluti perfectio sequitur: ergo solus Deus impertitur nobis felicitatem. Deinde: felicitas aliquid videtur esse diuinum, ut paulo antè intelleximus ex Aristotele; sed diuinum à Deo dicitur, & quicquid diuinum est à solo Deo proficiscitur: ergo felicitas causam habet tantummodo cælestem & diuinam.

Denique aduersus humanam causam dici posset ex ea consequens esse, ut homo non felix faciat se felicem, ac propterea imperfectum faciat se perfectum: vel idem sit actu, & potentia: actu quidem, quia debet habere formam & perfectionem, quam vult impartiri: in potentia, quia debet ea perfectione carere, quam est recepturus.

Dicendum tamen est primò, cum Aristotele, fortunam non esse causam felicitatis, & adscribere felicitatem fortunæ, esse moribus exitiabile, atque humanæ vitæ perniciosum. Prima positionis pars ita probatur: felicitas maximum est, atque optimum bonum. At si maximum & optimum bonum daretur à fortuna, viri optimi & prudentissimi, in quibus sine dubio felicitatis essentia est, essent fortunatissimi: quod contra sæpe cernimus euenire. Quæ ratio potest etiam hoc modo informari: Maximum, & optimum bonum ab ea causa proficisci debet, quæ non possit parere nisi bonum. At fortuna, tam bonum, quam malum impertitur homini: ergo non debet dici causâ felicitatis. Secunda pars demonstrari potest ex incommodis, quæ consequerentur in vita, si fortuna putaretur & haberetur humanæ causâ felicitatis. Tollerentur enim

funditus, ut ait Aristoteles, omnes omnino actiones Politicæ, quæ circumscribi possunt à nobis illo triplici causarum genere, deliberatio, iudiciali, demonstratio, de quo disputant & præcipiunt Rhetores. Quicquid enim à nobis agitur & transigitur in vita, vel ad consultationem & deliberationem, vel ad iudicium & disceptationem, vel ad laudem commendationemque refertur. Ad hæc autem refertur genera, quia his præsidis ac viis consequi nos posse felicitatem arbitramur. Tolleretur ergo deliberatio, quæ, ut docet Aristoteles, de rebus futuris est. Quia si felicitas, quæ à nobis expetitur, oritur à fortuna, nihil est, cur deliberemus. De his enim, quæ à fortuna fiunt, nulla consultatio est, sed de his tantum, quorum principium generationis in nobis est, ut in primo Rhet. & in Ethic. tertio docet Aristoteles. Tolleretur iudiciale, quod in præteritis versatur, ut in sceleribus perpetratis, & in supplicio sceleribus irrogando, vel præmio bene factis impertiendo. At in iudicio nemo punitur, aut afficitur præmio propter ea quæ accidunt à fortuna, sed ob illa, quæ in nostra sunt potestate, ut dicitur eodem 3. Ethicorum. Tolleretur denique demonstratiuum. Quia genus hoc in laude cernitur, ac vituperatione ob ea, quæ bene vel malè à mortalibus fiunt. At laus, & vituperatio non cadit in bona fortunæ, Seneca philosopho grauissimo sic decernente. Quid enim stultius est, inquit, quam in homine aliena laudare? Aliena verò laudamus, cum bona laudamus fortunæ, quæ ad alium facile transferri possunt. In eandem quoque sententiam Boëthius: si diues es, inquit, lauda fortunam; si nobilis, lauda parentes; si sapiens, lauda te ipsum.

Dicendum secundo loco est, felicitatem non fluere tantum & immitti à causâ diuinâ, sed ab ea tamen proficisci & quidem ratione magis peculiari, quam ab eadem oriuntur cetera. Sunt in hac positione tres partes, ac propterea singillatim facienda fides est singulis. Prima itaque pars ex definitione constat felicitatis, quæ dicitur esse humanæ actio animæ secundum rationem atque virtutem. Consequens nimirum hinc est, felicitatem non ita dari à Deo, ut ab alia vlla causâ non oriatur. Non enim felicitas est Amalthæa quædam & copia profluens omnino diuinitus ex eo cornu quod commentum poetæ sunt, & fabulis celebrarunt suis: sed operam præterea postulat & laborem humanum. Secunda probatur. Quia quicquid est in rerum vniuersitate, ac natura, quicquid geritur, aut fit, à

Deo pendet tanquam à generali & primaria causa, quemadmodum docetur in 12. Metaph. Igitur etiam felicitas, quæ aliquid est ex iis, quæ geruntur & fiunt, ab eadem generali causa proficiscitur. Huc accedit, quoddam generalis, & primaria causa longè plus confert ad effectum quàm peculiaris & secundaria, ut docetur in libello de causis, & in primo de cælo. Cuius rei ratio est: quia causæ sunt ordine quodam certo inter se pendentes atque connexæ, ac propterea quæ pendet ab alia minùs efficit, quàm ea, cuius efficit vi, & à qua pendet etiam efficiendo. Ergo felicitas non modò pendet à causa diuina, verùm etiam ab ea plus pendet, quàm ab humana, & proxima causa. Tertia pars videtur ex eo fidem habere, quoddam felicitas non solum habet auctorem Deum; hoc est, communem, & generalem causam à qua omnia pendunt, quæ in vita geruntur, quæque in rerum vniuersitate fiunt, ac natura; sed in eiusdem quoque Dei contemplatione ex magna sui eaque optima, & præcipua parte veritur. Itaque Deus felicitas, & causa generalis est, atque obiectum adeoque felicitas causam illam generalem, & communem videtur sibi ratione quadam peculiari vindicare. Possent hinc interuenire virtutes illæ, quas Theologi nostri dicunt nobis immitti darique diuinitus, nihil agentibus nobis: fieri enim videtur hinc, ut quoniam in virtute posita felicitas est, i, qui beati sint ob eas virtutes à Deo sic inspiratas, à sola causa diuina felicitatem ortam nanciscantur: sed de his disputare non est nostrarum partium. Rectè enim ait Albertus Magn. in primo de Generat. eum de rerum miraculis, de quæ iis quæ diuinitus fiunt laborare non oportere, qui disputat de natura: cadit hoc quippe in eos etiam Ethicæ doctores, qui de virtutibus illis tantummodo verba faciunt, quas cognitæ habuerunt antiqui.

Dicendum denique tertio loco est: felicitatis causam proximam, secundariam immediatam, humanam esse, hoc est disciplinam, consuetudinem, exercitationem, studium hominis. Ratio est: quia eiusmodi præsidii paratur virtus, in cuius actione perfectæ, quod antè sæpissimè diximus, posita vis est, & summa felicitatis.

Respondendum nunc est rationibus initio propositis. Ac primò quidem de prima dico: ea bona, quæ fortunæ dicuntur, aduentitia

esse felicitati, & minimum in ea locum obtinere, adeoque felicitatis intimam vim & essentiam non attingere. Itaque quantumuis ab externa causa, & inconstanti pendeant, ac nascantur, nihil obfunt constanti felicitati, cuius essentia posita est in virtute, constantissimo ac perfectissimo bono. Neque verò à ratione alienum id est, pendere aliquam partem totius felicitatis ab inconstante, ac mutabili causa, quia tota felicitas constat non ex iis tantum bonis, quæ perficiunt animum, verùm etiam ex iis, quæ seruant, & perficiunt corpus, ut animo agenti præsto sit, & virtuti pareat laboranti.

Deinde negari etiam posset, illa bona externa, quæ necessaria felicitati sunt, dici debere omnino fortuita: sunt enim illa non amplissima, non infinitè exaggerata, sed iusta: quæ cum consilio & ratione quærantur, non accidunt fortuito.

Secundæ rationi respondet, cum qui formam dat, impertiri etiam illa, quæ consequuntur ex forma necessariò: sic prorsus, ut à forma separari non queant; cuiusmodi dividendi facultas est, ex hominis forma necessariò profluens, & illa vis in sublime continenter euadens, quam in igne conspiciamus: sed felicitas non est ex eo genere, quæ sic ex hominis forma consequatur & manet, ut ab ea non possit aliquando seungi. Quod attinet ad diuinum nomen quod felicitati tribuitur, dico, felicitatem appellari aliquid diuinum; non quoddam à Deo tanquam à propria, proxima & peculiari causa efficiatur & sit: sed quoddam felicitatis vi reddatur homo similis Deo, & quoddam in Dei contemplatione sit potissimum posita. Quamquam enim ea contemplatio nascitur, & est ab homine, in obiecto tamen diuino versatur, à quo etiam ipsa translatum ànquod nomen diuinitatis inuenit.

Respondendum denique Rationi postremæ videtur sic esse, id quod perfectum est perfectione prima & principali, posse reddere ipsum perfectum perfectione secunda, atque ad primam accedente: id quod facit corpus graue sua iam imbutum & ornatum perfectione prima, cum ipsum se deorsum ad secundam perfectionem impellit. Cum ergo felicitas sit perfectio secundaria ipsi nimirum adiuncta hominis animæ, quæ illius prima perfectio est, potest idem homo, forma perfectus sua, secundam sibi perfectionem impertiri.



CAPVT DECIMVM.

DE TEMPORE, QVO QVIS DICENDUS SIT FELIX.

S V M M A.

Liceat ne quempiam, dum viuít, verè beatum ac felicem dicere.

DIVISIO CAPITIS IN PARTES TRES.

1. Non est homo dicendus felix post obitum tantum, quia felicitas est quaedam actio: mortui vero nihil agunt; sed tamen post obitum dici quoque beatus aliqua ratione potest.
2. Neque vero fortune mutabilitas impedit, quo minus viventes beati esse, ac dici possimus, cum virtus in qua posita est primaria felicitatis vis, constantissima sit.
3. In calamitates tamen infortunitatis lapsus, dici non poterit omnino beatus.

PARS PRIMA CAPITIS DECIMI.

ΠΟπρὲν οὖν οὐδ' ἄλλου εὐδαιμονίας αἰδεσθῆναι διδασμονίον, ἕως αὐτοῦ, καὶ Σόλωνι δὲ χρῆσθαι τέλος ὁρᾶν; εἰ δὲ δὴ καὶ ἡτίον οὕτως, ἀεὶ γὰρ καὶ ἐστὶν διδασμων τότε, ἐπειδὴν ἀποθανῆναι; ἢ τὴν γὰρ πτωχεύειν ἀποποιεῖν; ἄλλως τι καὶ τοῖς λέγουσιν ἡμῖν εἰσέρχαι πῶς διδασμονίον; εἰ δὲ μὴ λέγουσιν τὸν πτωχεύειν διδασμων, μηδὲ Σόλων βούλεται, ἀλλ' ὅτι πτωχεύειν ἀποποιεῖν ἀσφαλὲς μακρότερον αἰδεσθῆναι, ὡς ἐκ τῆς ἡδονῆς καὶ οὐδ' ὅτι, καὶ δυστυχίας, ἔχει μὲν καὶ τὴν ἀμφισβήτησιν πῶς. δοκεῖ γὰρ εἶναι πῶς πτωχεύειν καὶ κατὰ καὶ ἀγαθόν, εἴθε εἰ πῶς ζῶντι, μὴ ἀποθανόντι δὲ, οἷον ἀμύχαν, καὶ ἀπῆμιαν, καὶ πικρὸν, καὶ ὅλως ἀπορρίπτειν ἀπορρίπτειν πῶς καὶ δυστυχίας. ἀπορρίπτει δὲ καὶ τῶν ἀπῆμιαν. πῶς γὰρ μακρότερον βελτιώσῃ μῆκος γήρας, ἢ πτωχεύειν καὶ λόγον, εἰδέχεται πολλὰς μεταβολὰς συμβαίνειν πρὸς τοὺς ἐκ γήρας. καὶ τοῖς μὲν αἰσίων ἀγαθῶν εἶναι, καὶ τυχεῖν βίου τῶν κατ' ἀξίας. ποῖός δ', ὅς ἐστιν ἀσπίς. δηλονότι ὅτι καὶ τοῖς ἀπορρίπτειν πρὸς τοῖς γήρας πτωχεύειν πῶς ἔχειν αὐτοῖς εἰδέχεται. ἀποποιεῖν δὲ γίνοιτ' αὐτόν, εἰ συμπεπαισμένοι καὶ οὐ πτωχεύειν. καὶ γίνοιτο ὅτι μὲν εὐδαιμονίαν, πάλιν δὲ ἀθλίαν. ἀποποιεῖν δὲ καὶ ὁ μηδὲν μὴδ' ἐπὶ τῇ ἡλικίᾳ χρῆσθαι σωματικῶς πρὸς ἐκ γήρας τοῖς γήρας. ἀλλ' ἐπαπῆναι ἐπὶ τῇ πρὸς τῶν ἀπορρίπτειν. ἔτι γὰρ μὲν ἡλικίᾳ καὶ τῇ κατὰ τὴν ἡλικίαν ἀπορρίπτειν. εἰ δὲ τέλος ὁρᾶν δεῖ, καὶ τότε μακρότερον ἔχειν, οὐχ ὡς ὅτι μακρότερον, ἀλλ' ὅτι πρὸς τῶν κατὰ τὴν ἡλικίαν.

Vtrum igitur neque alius quispiam hominum felix iudicandus est quoad vivit, sed ex Solone oportet finem spectare? Quod si etiam statuendum est ita, num etiam est beatus tunc, ubi mortuus fuerit? An hoc quidem prorsus absurdum est? praesertim apud nos, qui dicimus, operationem aliquam esse beatitudinem? Quod si non dicimus mortuum felicem, neque Solon hoc vult, sed tantummodo tunc aliquis iudicaret beatum hominem, cum iam extra mala est, et infortunia, habet quidem id quoque dubitationem quamdam. Videtur enim esse aliquid in mortuo et malum et bonum, quemadmodum et in vivente, sed non sentiente: ut honores, et ignominia, et liberorum, et omnino posterorum secundae res, atque adversae. Dubitationem autem etiam haec exhibens. ci enim, qui beatè vixerit usque ad senectutem, et mortuus fuerit secundum rationem, contingere potest, ut multae mutationes accidant in posteris: atque ut nonnulli eorum boni sint, et consequantur vitam pro dignitate; non nulli verò contra. Perspicuum autem est, etiam interuallis erga parentes, variis modis habere se ipsos posse. Absurdum profectò esset, si commutaretur etiam mortuus, et efficeretur nunc quidem felix, rursus autem miser. Absurdum autem etiam esset, ne ad aliquod quidem tempus pertinere ea, quae posterorum sunt, ad genitores. Sed redeundum est ad id, de quo supra dubitatum est. fortasse enim perspicui poterit, et id quod nunc quaeritur, ex illo. Si autem finem spectare oportet, et

πῶς οὐκ ἀποποι, εἰ ὅτε ὅστις εὐδαί-
μων μὴ ἀληθεύσῃ κατ' αὐτῶν δὲ ὑπὸ
χρῶ. Ἀλλ' ὅτι μὴ βούλεσθαι τοῖς ζῶν-
τες εὐδαιμονίζῃ Ἀλλ' ὅτι μεταβολαί,
καὶ Ἀλλ' ὅτι μὴ μόνον ἢ πλεὺς εὐδαιμονίας
ὑποφλέσκει, καὶ μηδαμῶς εὐμετα-
βολον. ὅτι δὲ τύχαις πολλάκις ἀνακυ-
κλῆσθαι αὐτοῖς τοῖς αἰσῖ; δῆλον γὰρ
ὡς εἰ συνεακολουθοῖν τῶν τύχαις
τὸν αὐτὸν εὐδαίμονα, ἔτι πάλιν ἄθλιον ἐρεῖ-
μῶν πολλάκις, χαμῶδες τὰ ἅπαντα τὸν εὐδαί-
μονα ἀποφαινοντες, καὶ σαφῶς ἰδρυμένον.

quomodo non est absurdum, si cum est bea-
tus, non verè dicatur de eo id quod inest,
quia nolunt viuentes beatos dicere propter
mutationes, & quia stabile aliquid bea-
titudinem existimamus, & non facillè
mutabilem; fortunam verò saepe nume-
ro conuolui circa ipsos? Perspicuum au-
tem est, si sequamur fortunas, eundem
beatum, & iterum miserum nos saepe di-
cturos, Chamaleontem quemdam virum
beatum constituentes, nec firmiter stabi-
lium.

EXPLANATIO.



VIVS initium capitis explicatissimam habere cum superiore con-
tinationem reperiemus, si eiusdem superioris conclusionem ac fi-
nem animo repetamus. Dictum quippe ibi est, pueros non esse bea-
tos, quia multa accidunt in vita calamitates, quas nondum euase-
runt, fierique possit, ut beati ærumnosissimo genere mortis diem clau-
dant extremum, quod accidit Priamo Regum omnium, si spectes ante actam vi-
tam, Principumque fortunatissimo. Enascitur enim hinc quaestio, quam hoc initio
proponit, querens, Vtrum consequens sit, neminem dici beatum posse, dum vi-
uit, & an expectandus sit exitus vitæ antequam beatum quempiam iure nomina-
mus, quod Solon in hoc genere faciendum præcipiebat. Huius philosophi, qui è
septem sapientibus est vnus, & Legillator Atheniensium multa celebrantur dicta
præclara, & moribus vitæque civili præcepta salutaria. Probitatem iure iurando fi-
deliorem censeto. Ne mentitor. Amicos ne tibi nimio citius conciliato: concilia-
tos ne dimittito. Quæ profunt, consulito. Vbi regi didiceris, tum regito. Rationem
ducem consecutor. Cum improbis ne congreditor. Deos honorato. Parentes ve-
retor. Blandiores formones explorato. Ne quid nimis facito. Sunt alix ab hoc phi-
losopho traditæ morum præceptiones ac leges, inter quas principem obtinet lo-
cum ea, quæ laudatur hic ab Aristotele: ante obitum neminem esse dicendum ve-
rè beatum. Quæ vox ab aliis excepta Sapientibus, multos habuit postea succen-
tores. Nam Plato in 7. de leg. Viuentes, inquit, laudationibus & cantibus decora-
re tutum non est: neque honos tantus Mortali cuiquam tribuendus, priusquam
decurso vitæ spatio, finem ipsi honestum imponat. Et Euripides in Andromacha.
Ne beatum quempiam vnquam appellaueris, priusquam videris eius extremum,
& qua ratione migrarit è vita. Legendus Plato in Epinomide; vbi existimat, in hac
vita solum sapientem esse beatum, post mortem etiam alios. Legendus Cicero in
3. de fin. extremo: vbi ex sententia Stoicorum multa profert huic illustrando loco
accommodata. Legendus denique Plin. lib. 7. cap. 40. Ait enim, mortalium ne-
minem esse felicem, & abundè fortunam indulgentèrque decidisse cum eo, qui
iure dici non infelix possit. Quin ipse quoque canit Ouid. in 3. Metam.

— sed scilicet ultima semper
Expectanda dies homini est, dicique beatus
Ante obitum nemo supremæque tempora debet.

Ratio quæ compulsa sapientes viros ad hæc ita pronuncianda, ea est: quòd homi-
nis conditione nihil in rerum natura mutabilius sit: ut dicere non dubitarit Simoni-
des, hominem esse musca mutabiliorem. Homo, inquit ipse, qui se hominem no-
rit, nihil vnquam de futuro pronuntiabit: quippe conditio citius, quàm musca mu-
tatur. Id quod magnificentius expressit Pindar. in Olymp. hymn. 12. cum dixit,
rerum futurarum esse cæca, & caliginis plena iudicia: Et sanè hanc Solonis senten-
tiam comprobasse malo suo videtur Cræsus; qui cum plus nimio aura fortunæ pro-
uectus, elatusque, dictum hoc philosophi risu exceperet & ioco, ad extremum ca-
ptus

ptus à Cyro, atque ab eodem pyræ, vt combureretur, impositus, ter exclamans, Solonem, & Solonis præclaram hanc vocem commendauit, audiente hoc Cyro, & Solonis sapientiam admirante. Herodot. in lib. 1. ante med.

Quæ cum ita sint, iure quidem Aristoteles id vocandum in quæstionem putat, An beatitudo spectanda sit ab exitu vitæ, veraque sit illa Solonis vox, quam & iudicia grauissimorum hominum, & suprema quorundam beatorum calamitas adprobauit.

Incipit autem initio ad quæstionem instituendam, & contexendam, dictum Solonis improbare, contendens, ex eo sequi, hominem tum solum esse felicem cum moritur. [Quod si etiam ita statuendum est, inquit,] hoc est, si vera Solonis est vox, num ergo tum solum est aliquis felix cum mortuus est? Hoc autem absurdum esse ostendit ex eo, quod felicitas est quedam actio. Mortuus autem nullam videtur actionem habere. Quo fit vt non debeant mortui dici felices. Quo loco monet nos B. Thom. Aristotelem nihil hic dicere de vitæ futuræ beatitudine, sed de illa, quæ cadere potest in eam, quam degimus vitam, & cuius participes esse labore solum nostro & studio possumus.

Possêt aliquis respondere, non id Solonem contendere, solum hominem mortuum esse beatum, cum dicit expectandum esse finem, atque exitum vitæ: neque id sibi voluisse: tum solum hominem habere ac possidere beatitudinem, hoc est, in actione virtutis perfecta versari, cum mortuus est: sed tunc ferri sententiam verè de felicitate posse, iudicarique aliquem fuisse beatum, cum mortuus est: idque propterea, quod iam extra pericula omnia malorum & rumnarumque sic positus sit, vt de illius felicitate non possit amplius dubitari. Hanc effugiendi rationem occurrat Aristoteles, demonstrans, etiam ad mortuos aliquas peruenire posse calamitates. [Habet hoc quoque dubitationem quamdam, inquit. Videtur enim esse aliquid in mortuo malum ac bonum.] Posse autem mala, & bona etiam ad mortuos accedere ostendit exemplo viuorum quorundam hominum, qui non sentiunt aduersos casus, aut prosperos euentus, & tamen miseri, beatiue dicuntur ob res aduersas secundasve, quæ illis obueniunt: vt si quis longè distans à patria, vel alio modo rem ignorans, infamia aliqua insigni afficiatur, amittat filios, puniatur multa, aut honores aliquos & magistratus adipiscatur, quos ei absenti, ac nescienti Respublica deferat. Ex hac, inquam, similitudine atque exemplo vult Aristoteles intelligi, mortuos quamquam sentiunt nihil, non esse omnino bonorum, ac malorum ciuiliū experies; adeoque posse ad eos beatitudinem aut infelicitatem accedere. Quare si non licet in vita felicem aliquem dicere, quia potest in calamitates incidere, ne post mortem quidem fas erit beatum eundem iudicare, quem extra iactum, telumque fortunæ positum omnino esse non videamus. Honores enim dari, & ignominia, infamiaeque imponi videntur etiam mortuis, quorum nimirum sæpe celebratur & colitur virtus gratulationibus publicis, festis diebus, positis signis, orationibus, carminibus, elogis, aliòve genere monumentorum huiusmodi, quod in vsu iam esse frequentissimo cernimus; quorum contra effodiuntur è tumulo cadavera, concremantur ossa, cineres dissipantur, aut in profluentem prouiciuntur. Ad hæc, si filios, nepotes, & vniuersè posteros intueamur, bona mortuis, aut mala euenire ex filiorum, posterorumque prosperitate, vel calamitate possunt. Hæc enim bona, vel infortunia videntur etiam ad parentes iam vita functos pertinere; cum sint bona & mala ciuilia, quæ afficere possunt etiam eos, qui non sentiunt vt est dictum.

Sed ex his posterorum vel fortunis vel infortuniis, quæ ipsos quoque parentes attingere dixerat, aliam posse quæstionem existere videt. [Dubitationem autem hæc etiam exhibent, inquit.] Eam adeo non prætermittit, sed quæsito diuerticulo haud incuriosè pertractat. Quæstio verò est huiusmodi. Fieri potest interdum, vt aliquis viuat ad senectutem vsque feliciter, & feliciter etiam secundum rationem iam descriptam moriatur (id enim est rationi conuenienter mori, mori feliciter ex ratione felicitatis supra descriptæ, hoc est, ad vitæ finem vsque productæ, vel quod ait Lambin. pro ratione vitæ superioris & ætatis ante actæ, cum sit in Græco Codice tantum χ^{ι} $\lambda\omicron\gamma\epsilon\iota$, sed vult id positum esse pro χ^{ι} $\lambda\omicron\gamma\epsilon\iota$ $\tau\epsilon$ $\beta\iota\omicron\upsilon$:) hoc, inquam, accidere alicui potest interdum: at postea tamen multæ mutationes & varietates euenire possunt eidem in filiis. aliqui enim boni fortassis erunt, & patris dignitati

respondebunt, alij ab eiusdem virtute degenerabunt, & à gloria atque honore longissimè aberunt. [Perspicuum enim est, inquit, omnibus omnino modis accidere in hoc genere dissimilitudines & varietates: ac sæpe à parentibus bonis existeret malos filios; ab opulentis & diuitibus pauperes; à fortunatis, infelices.] Sic enim mihi videor interpretari circumloquendo posse quod est in Græco Codice subobscurum. *ὅλον δ' ὅτι τῶν ἀπογόνων τοῦ καλοῦ παιδαγωγῶς ἐχθ' αὐτοῖς εὐδίζονται.* Quem locum vario sanè modo Latine conuerterunt interpretes. Atque Argyropolus quidem sic: Constat autem, & distantis ad parentes multis, variisque modis ipsos sese habere posse. Felicianus nihil ab Argyropolo differt: sed differt ab utroque Lambin. qui sententiam expressit planius, nec verba, quæ illi singillatim vertere voluerunt, prætermisit. Atque hoc perspicuum est, inquit, etiam magno spatium interiecto, magnam in eis morum, fortunæque dissimilitudinem ac varietatem, si cum parentibus conferantur, euenire posse. Melius, inquam, & facilius inuenit Lambinus quid Græcorum formulis apud Latinos responderet, & quid sibi vellet Aristoteles, quàm illi superiores, alique similes ipsis interpretes. Est enim sententia huius loci hæc: liberos à parentibus, vel propter dissimilitudinem morum, vel propter naturæ degenerationem, vel propter varias fortunæ vicissitudines dissentire. Cuius dissimilitudinis & commutationis varias causas Aristoteles vniuersim expressit, affirmans, fieri *ἀπογόνων καὶ πατρῶν*, interuallis & multis modis. Quo loco *ἀπογόνων*, quod sæpe spatium & interuallum significat, referendum ad tempus aliqui putant: perinde ac sic diceretur, fieri posse longo temporis interuallo, vt liberi degenerent à parentibus: vt cum proauis, atauisque præclari fuerunt, nepotes ceterique posterius degenerantes & nequam. Eustratius autem contendit, *ἀπογόνων* hic esse nihil aliud quàm *ἀπογενέσθαι*, hoc est, degenerationem siue defectionem, ab ipsis nimirum parentum moribus & gloria. Quem auctorem opinor secutus Adrianus Turnebus interuallum in sua interpretatione non posuit, ratus *ἀπογόνων*, hoc est, *ἀπογενέσθαι*, in verbo degenero siue descisco, quo est usus, contineri facillè posse. Perspicuum, inquit, est, eos multis modis à parentibus posse desciscere. Sed quod attinet ad loci sententiam haud hæc tanti sunt, modò id maneat, significare Aristotelem velle quod docuit in lib. primo Rhet. fieri sæpe, vt liberi dissimiles sint maioribus suis: idque demonstrat exemplo Themistoclis, Periclis, & Cimonis, qui liberos susceperunt à sua ipsorum virtute ac gloria longè distantes.

Hoc ergo sic posito, hoc est, cum euenire possit, vt qui non modò beatè vixerit, sed mortuus etiam fuerit beatissimè, nanciscatur in posteris infortunium; consequens est, vt qui fuit cumulatè felix, & felici exitu vitam conclusit extremam, post ipsam tamen commutetur mortem, & fiat miser. Quòd si hoc dare & concedere nolimus, in alium scopulum incurremus, cogemurque dicere, ne illa quidem, quæ filiis accidunt propinquo aliquo post tempore secundum obitum parentum, ad ipsos parentes aliquid pertinere. Vtrinque igitur imminere ait absurdum, & veramque partem rationi contrariam videri ac dissentaneam.

Sed quæstionem hanc ita facillè profligare non posse confirmat, si reuertamur ad priorem, à qua nata hæc per diuerticulum, & episodum est: ex prioris enim explicatione soluetur huius etiam nodus posterioris. Fuit autem prima quæstionum: num verba Solonis accipienda sic essent, vt expectandus sit exitus vitæ, non ad tenendam possidendamque felicitatem, sed ad iudicandum de felicitate præterita, verèque pronunciandum aliquem si minùs esse, certè fuisse felicem. Absurdum igitur esse ait, eum appellari tunc non posse felicem, cum erat felix. Ideo enim aliquid fuisse verum est, quia verum fuit aliquando. At isti qui sic intelligenda putant Solonis verba, nolunt aliquem, dum viuit, dici posse felicem propter mutationes, & conuersiones rerum infelices, quibus est exposita vita mortalium. Censent quippe felicitatem esse quiddam permanens, constans, nec facili negotio commutabile. Quod cum dicunt, verè dicunt. Nisi enim huiusmodi sit felicitas, non potest explere cupiditatem nostram, nec ea esse, in qua demum animi appetitio conquiescat; cum vnusquisque velit in bono, quod habet, ac possidet, cum stabilitate atque constantia permanere: sed tamen haud est propterea necesse dicere, neminem appellandum esse felicem antequam moriatur, quod felicitas in vita sit instabilis; sit autem instabilis, quia multæ calamitates, & res aduersæ impendent à fortuna, quæ velut orbe quodam circa eosdem homines sæpe se conuoluens,

Hinc natus proverbiū est, quo Chamæleonte mutabiliorem dicimus hominem pro temporis varietate in omnes se vertentem habitus, inconstantem, assentatorem, versipelleū: quem alio simili proverbio Proteum nominat Plato in Ione. Huic ergo Chamæleonti ait Aristoteles, eos facere beatum hominem similem, qui beatitudinem volunt à fortuna pendere, ipsique felicitati sic metuunt à fortuna, ut nolint viventem quempiam dicere felicem, quia est adhuc expositus ærumnis impendentibus, & fortunæ telis opportunus. [Perspicuum enim, inquit, est, si sequamur fortunas, hoc est, euentu fortunæ, eundem nos sæpe beatum, iterumque miserum esse dicturos, beatum Chamæleontem quemdam, nec satis firmum constituentes.] Non satis firmum dicere possumus *συνεπὲς ἰσχυρόν*, quod interpretati sumus, Haud firmiter stabilitum: significat nimirum, essentiam & vim incrimam felicitatis esse positam in virtute, quæ à fortuna, & rebus aduersis labefactari non potest: sed hoc prætermittit nunc, in proxima consecutura parte planius explicaturus.

PARS SECVNDA CAPITIS DECIMI.


Η Τὸ μὴ ταῖς τύχαις ἐπακολουθεῖν
 οὐδαμῶς ὀρθόν· οὐ γὰρ ἐν ταύ-
 ταις ὁ θεὸς, ἢ κακῶς, ἀλλὰ παρορθεῖ-
 ται τούτων ὁ ἀνθρώπινος βίος, καθάπερ
 εἴπομεν. κύματα δὲ εἰσὶν αἰκατὰ ἄνε-
 πνῶ ἐκέρχεται τῆς διδασκαλίας, αἱ δὲ ἐναρ-
 πία τῶ ἐναρπύ. μῦτρον δὲ ὡς λόγῳ, ἐπὶ
 τοῦ εἰσπορητῆ. περὶ τοῦ γὰρ ὅτι οὐκ ἐπὶ
 τῇ αἰσθητικῇ βεβαιότητι, ὡς περὶ τοῦ

AN verò fortunas consecrari minimè
est rectum? Non enim in his est bene
vel malè; sed indiget etiam his huma-
na vita, ut diximus. ea autem, quæ se-
cundum virtutem sunt actiones, beati-
tudinis dominæ sunt, contrariæ verò con-
trarij. Adstipulatur verò huic rationi id,
de quo modò dubitatum est. Nulla enim
in re mortalium ita inest stabilitas, ut in

ἀρετῆς τὰ κατ' ἀρετὴν. μνημονεύει
 γὰρ καὶ τῶν ὁπσιμῶν αὐτῶν δοχεῶν (εἰ).
 τούτων δ' αὐτῶν, αἱ ἡμιώταται, καὶ μνη-
 μονεύονται, ἀφ' ὧν μέγιστα καὶ σω-
 χέστατα κατὰ τὴν εἰς αὐτοὺς τοὺς μακα-
 ρίους. τὸ γὰρ εἰσὶν αἱ αὐτὰς τῶν μὴ γινώσκειν
 ποῦ αὐτὰ λήθω. ἡ ἀρετὴ δὲ τὸ ζῆ-
 τοῦ μῦθον τὰς ἀδελφῶν, καὶ ἕσται ἀφ' ἧς βί-
 οῦτος. ἀεὶ γὰρ, ἡ μέγιστα πάντων, ἀρε-
 τή, καὶ θεωρήσῃ τὰ κατ' ἀρετὴν, ἔ-
 τύχας οἷός τε καλλίστα, καὶ πάντα πάντως
 ἐμμελῶς ὅ γ', ὡς ἀγαθὸς ἀνθρώπος, καὶ
 τετραγώνος ἀνδρὸς πολλὰ δὲ ἡμο-
 μῶν καὶ τύχων, καὶ ἀφ' ἧς φερόντων με-
 γίστη, καὶ μικρότητι, τὰ μὲν μακρὰ τῶν
 ἐντυχμαίων, ὁμοίως δὲ καὶ τῶν αἰτίαι-
 μῶν, δηλοῦν ὡς οὐ ποῖς ῥοσάλω τῆς ζωῆς.
 τὰ δὲ μέγιστα, καὶ πολλὰ, γιγνόμενα μὲν
 οὐ, μακαριώτερον τὸν βίον ποιήσῃ. καὶ
 γὰρ αὐτὰ συνεπικρομένη πέφυκε, καὶ ἡ χρεῖ-
 σις αὐτῶν καλὴ, καὶ ἀποδοῖα γὰρ. αἰά-
 παλιν δὲ συμβαίνοντα, θλίβει, ἔ-
 λυγνεται τὸ μακαριώτερον. λύπας τε γὰρ ὁπσιμῶ-
 ρα, καὶ ἐμποδίζει πολλὰς ἀρετῶν. ὁ-
 μως δὲ καὶ εἰς πύτους ἀφ' ἧς μπει τὸ
 καλόν, ἐπειδὴ φέρη ἡς εὐχέλως πολ-
 λὰς ἔ-
 μεγάλας ἀτυχίας, μὴ δὲ αἰαλγη-
 σίαι, ἀλλὰ ἡμιόδας ὦν καὶ μεγάλῳ φυχῷ.

actionibus secundū virtutē. Stabiliiores enim
 etiam scientiis ipsa videtur esse. Harum autē
 ipsarū quæ honoratissima sunt, ea maximē
 stabiles sunt, propterea quod maximē et
 assidue vitam trāfigunt in eis viri beati. hac
 enim videtur causa, cur non contingat in his
 obliuio. Inerit ergo id, quod queritur in
 beato, eritque per totam vitam talis. Semper
 enim vel maximē omnium ager et cogita-
 bit secundum virtutem, et fortunas perferet
 pulcherrimē, et omni ex parte concinnē;
 cum vir probus verē sit, et quadratus sine
 reprehensione. cum autem multa eueniant
 secundum fortunam, et differant magni-
 tudine, et paruitate, parua quidem rerum
 prosperarum, itēque contrariarum perspi-
 cuum est non habere momentum ad vitam;
 magna verò, et multa si eueniant prosperē,
 feliciorē vitam efficiunt. Etenim ipsa ad
 honestandum natura facta sunt, et vsus
 ipsorum pulcher, et bonus est. quæ verò con-
 tra accidunt, premunt, et corrumpunt bea-
 titudinem. Nam et dolores afferunt, et
 impediunt multas actiones. Verumtamen
 et in ipsis splendet honestum, cum perfert
 aliquis facillē multas et magnas calamita-
 tes, non ex indolentia, sed quod generosus
 sit, et magnanimus.

EXPLANATIO.



V M superiore continuatur hæc pars interrogatione perapposita. Di-
 ctum quippe fuerat ad extremum, iniquē illos facere, qui propterea
 viuētibz hominibz adimebant felicitatem, mortuis reseruabant,
 quod vita fortunæ casibus aduersis obnoxia sit, extra quos mortales,
 dum viuunt, constituti non sunt. Ita verò pronunciatum est; quia
 beata vita, siue beatitudo, quoniam stabile quiddam & firmum est, non mutatur
 ob fortunæ varietates, neque Chamæleontem, aut Proteum imitatur. Quæ
 quoniam iis aduersari videbantur, quæ supra in hoc libro dixerat de felicitate, &
 beata vitæ præsidii petendis à bonis corporis externis & fortunæ.

Querit hoc initio capitis: an propterea ita sit à beata vita depellenda fortuna, vt
 ipsius euenta spectare non oporteat, eaque ad felicitatem nihil omnino conferre
 putandum sit. [An ergo fortunas, inquit, consecrari nequaquam est rectum?] Di-
 xi enim supra ex Oberto Gifan. fortunas plurali numero euentus fortunæ Aristote-
 li esse in his locis, quos explicamus. Quæ quidem interrogatio quamquam subie-
 ctionem expressè non habet, quæ constituat vtrum hoc rectum, an iniquum sit,
 habet ipsa tamen latentem responsionem, quæ declaratur explicatè sequentibus
 illis verbis. [Non enim est in iis benè vel malè, sed indiget etiam his humana vi-
 ta.] hoc est: bona, vel mala viuendi ratio non est in euentis fortunæ collocatā, sed
 euenta cuiusmodi & bona fortunæ ab humana vita tanquam adiumenta desideran-
 tur: significat hic nimirum quod aliàs tam sæpe dictum est, felicitatis essentiam,

& vim non postulare vlla bona, in quæ ius aliquod fortunæ mutabili sit, sed ea tantum, quæ sint in nostra potestate, sintque stabilia; cuiusmodi virtutes tantummodo sunt & sapientia. Quod si ad felicitatem quoque ipsa fortunæ bona pertinere aliquo modo videamus; intelligere nos oportere ait, id ita fieri, quod humana vita utatur his instrumentis accedentibus extrinsecus, non ipsam attingentibus vim & naturam felicitatis, sed eandem ornantibus, & explentibus aliquo cumulo, qui perutilis sit societati civili. Essentia quippe felicitatis est in virtutis actione posita, siue, ut loquitur hic Aristot. beatitudinis, hoc est, beatæ vitæ dominæ sunt actiones virtuti consentaneæ, quemadmodum contra miseræ vitæ sunt dominæ actiones illis contrariæ ab improbitate, vitiisque profectæ.

Admonet tamen hic Gualt. Burl. actiones secundum virtutem esse dominas felicitatis, siue principatum, & dominatum in felicitate obtinere eatenus tantum, quatenus felicitas est omnium complexio aggregatioque bonorum: est enim inter ea pars principalis, virtus: eatenus autem quatenus est vna, & simplex operatio; non est domina felicitatis virtus, sed contemplatio: ideoque paulo antè coniunxi cum virtute sapientiam. Quamquam dici possent aliquo modo virtutes dominæ etiam theoricæ felicitatis: quia nimirum huius causæ felicitatis sunt, faciuntque viam ad hanc, & propter hanc laborant & agunt. Albertus inquit aliam expediendæ difficultatis rationem: docens, virtutes esse dominas felicitatis, non modo quia principem obtinent in actione vitæ felicis dignitatem & locum, verum etiam quia continuant operationem potentiz in qua sunt; & efficiunt, ne deflectat ad actiones seruiles.

Atque in hoc distinctè, planèque positam esse felicitatis essentiam, & vim demonstrat ex stabilitate ac constantia felicitatis, quam ipse quoque Solon vult, & contendit in ea esse oportere: propterea enim negabat; viuentes esse verè felices; quia felicitate stabili non perfruuntur. Ait igitur, id quod suprà quæsitum est, hoc est, id quod est supra disputatum de Solonis sententia posse confirmare rationem & propositionem hanc, qua dicimus in virtute positam esse naturam & vim incitamenti felicitatis. Cum enim vel ex ipso Solone id posuerimus, debere felicitatem in re stabili maximèque constante collocari, nulla in re constitui melius, quàm in virtute potest, quippe quæ stabilitate, & constantia vincat omnes omnino mortalium rationes ac res: sic prorsus, ut ipsis quoque scientiis constantior, diuturnior, ac stabilior esse videatur. Cuius rei rationem D. Thom. Burleus, & alij quidam Interpretes repetunt aliis. Dicunt ergo ex rebus siue bonis humanis, quædam attribui corpori, quædam animo. Ad corpus enim pertinent habitus quidam, tum naturales, tum studio parti, à quibus ipsi naturales perficiuntur. Pulcritudo quippe, valetudo, robur, celeritas, dexteritas, aliaque huiusmodi dotes in corpore sunt ipsa natura, sed exercitatione perficiuntur & augentur, in primisque gymnastica disciplina, quæ lucta, saltatione, eursu, iactatione membrorum palæstricæ, omni ludorum genere continetur. Ad animum verò spectant habitus intelligentiæ, quorum duplex est ordo: vnus eorum, qui theorici, alterum eorum, qui actiuosi, moralesque nominantur: illi scientiæ nomine comprehenduntur omnes, hi virtutes, siue boni mores à philosophis appellantur. Quibus ita politis, triplicem, quod attinet ad stabilitatem, de qua agimus, adhibere comparationem possumus: vnâ, quæ conferat habitus illos corporis cum habitibus animi vniuersis, alteram, quæ componat, & committat inter se ipsos habitus animi theoricos & actiuos ita, ut quærat, quinam sint ex iis stabiliiores; quæ secunda comparatio est huius propria loci, tertiam quæ de virtutibus ipsis & habitibus operosis item quærat; quinam inter eas maximè stabilis esse videatur. Ait ergo: habitus corporis corrumpi per se, quia sunt in corpore, quod per se corrumpitur propter materiam. Quicquid enim aliquo modo materiæ particeps est, per se corrumpitur: quò fit, ut habitus illi, qui sunt in corpore materiæ participes, ipsius etiam interitus, & corruptionis per se participes sint: animi verò habitus dicunt non corrumpi, nisi per accidens: corrumpuntur quippe propterea, quod animus utitur instrumeto corporeo, mutabilitati, & corruptioni prorsus obnoxio. Ex his adeo sequitur, multo stabiliiores esse habitus animi, quàm corporis. Nam quod per accidens tantummodo corrumpitur, stabilius est, quàm id quod interit, & corrumpitur per se. Quod verò attinet ad ipsos animi habitus inter se collatos, theoricos & actiuos, dicunt,

illos esse stabiliore, à quibus frequentius prodeunt actiones: eiusmodi autem esse habitus actiuos, & virtutes Morales: quippe quæ maiorem & frequentiore, ac diuturniore habeant operationem, quàm habitus scientiæ demonstratiuæ: idque sine dubio sic pronunciant de homine politico: qui enim à societate civili seiuñctus est, & contemplationi omnino deditus, in ipsa frequentius contemplatione, quàm in Moraliū virtutum actione versabitur, suæque magis intisset scientiæ contemplanti, quàm agenti virtuti operam dabit. Sed is, qui communem colit vitam, & coniunctionem ciuilem, frequentius haud dubiè in Moraliū opere virtutum occupabitur, quàm contemplationis otio detinebitur: ac propterea dicendum de hoc vitæ genere affirmatè videtur, virtutem Moralem ipsa scientia stabiliorem & constantiorem esse. Quod planius intelligemus, si vnum intueamur, quod considerandum nobis aliqui iure proponunt, duplicem esse scientiæ rationem ac modum: vnum, qui scientiam ipsam esse velit conclusionem ex causa necessaria demonstratam: alium, qui positus in eo tantummodo sit, vt significet, scientiam esse habitum in anima sine vlllo alio additamento.

Primus ille modus sine dubio demonstrat, scientiam esse certiore, & stabiliorem virtute: illa enim in materia versatur constantissima, hæc in incerta & inconstanti: alter verò modus concedit, & dat virtutem, atque habitus actiuos, qui æquè sunt in anima, atque habitus theorici, esse ipsa scientia stabiliore, quia frequentius in iis versamur, & exercemur: cùm res familiaris & negotia quæ publica, quæ priuata maiorem à nobis operam postulent, magisque ad se nos rapiant, quàm scientia, quæ minùs videtur esse vitæ necessaria: his autem muneribus obcundis virtus adhibetur Moralis & animi habitus actiuos.

Cùm ergo actiuos habitibus frequentius, sapius, diutius exerceamur, quàm habitu scientiæ, meritò dici videntur virtutes esse constantiores, & stabiliore ipsa scientia. Nam quia in exercitatione scientiæ multæ sunt intercapedines, multæque subinde accidunt intermissiones, sit, vt facilius earum nos rerum obliuio capiat, in quibus ipsa versatur scientia, quàm earum, in quibus se continenter assidueque virtus exercet. Maneat ergo scientiæ habitus, quamquam præstantiores virtutibus sunt, esse tamen minùs stabiles, quàm virtutes.

De tertia demum comparatione dicendum est, è virtutibus Moralibus illas omnium esse constantissimas, & maximè stabiles, quæ omnium præstantissimæ sunt. Videtur in primis eiusmodi esse Prudentia, quæ dignitate ceteras sine controuersia vincit. Hæc autem videtur esse omnium maximè stabilis; quia maximus est ipsius vsus & exercitatio: nulla enim vitæ pars vacare prudentia potest, ac propterea nulla in nobis delectur obliuione illa, quæ ex prudentia debemus officia.

Atque hæc sunt in summa, quæ sibi voluit Aristot. non illis tantummodo verbis, quibus planè significauit, virtutes essentia stabiliore, sed consequentibus etiam, quibus alia, quæ sunt hic à nobis exposita, comprehendit. Proferam ergo totum locum, vt veretur à Lambino. Nam virtutes vel ipsis scientiis stabiliore ac diuturniores esse videntur. Atque harum ipsarum, vt quæque plurimi est, ita diutissimè permanet, propterea quod in eis maximè & assidue ætatem agunt beati: quæ videtur esse causa, cur nulla vnquam obliuione deleantur.

[Inerit ergo id quod quæritur in beato, &c.] Eorum, quæ supra sunt disputata hæc conclusio est: qua declarat Aristoteles, ex iis sequi, felicitatem, siue felicitatis essentiam, quam in functione animi secundum virtutem collocat, durare, ac pertinere per totam vitam, ac toto vitæ spatio, aliquem esse posse, ac dici felicem debere, si virtutem retineat, hoc est, ipsam vim & rationem intimam felicitatis. Et quoniam nemo felix est, qui, vt posuimus, virtutis habitu perfectò non polleat, sit, vt verè beatus nullis fortunæ casibus euerri queat, exturbatique de statu; cùm omnes fortunas, vt hic ait Aristoteles, hoc est, omnes varietates, & euenta fortunæ, non modò æquanimiter, & fortiter, verùm etiam pulcherrimè, ac summo cum decoro sit excepturus. Id quippe videtur esse *χαλίστα, & παντὶ πάντως ἰμμελώς*. quod Lambinus vertit, pulcherrimè & omni ex parte planèque concinnè quæ significant sine dubio, sapientem veramque fortunam cum decoro excepturum, ac sine vlla animi mutatione, quæ turpis est. Infra in hoc cap. id ipsum explicat per aduerbium *ὡχημένως*: quod idem Lambinus interpretatur, decenter. Atque huius explicationem æquanimiter ita constantis & similis sibi à Simonide repetit: qui

in cuiusdam clausula versiculi hominem virtute perfectum appellavit *πτερόμορος*, quadratum. metaphora ducta est à cubo mathematicorum figura quadrata, ac propterea perfectissima; cum quatuor & lineis & angulis contineatur æqualibus: siue ab ipso corpore cubico, item perfecto, atque omnium absolutissimo: quæ comparatio & similitudo propterea est maximè appositæ, quodd eiusmodi corpus, quia sex superficies habet æquales, quancumque prouinciat in partem, stat semper rectum æqualiter, nec vlla iactatione deprauatur, aut labitur. Hic enim est habitus eius, quem beatum vult Aristot. tanta nimirum virtute firmatum, ac suffultum facit, vt quacumque tempestate fortunæ iactatus, in gradum se referat semper, & statum illum non amittat, quem ab habitu constantissimæ virtutis accepit: quem statum, habitumque si deponeret, victus acerbitate fortunæ, reprehensione ac vituperatione non vacaret. Itaque ait hic extremo loco beatum hunc ita constantem, & æquabilem, virum bonum esse, ac reprehensione, siue vituperatione carere. Græcè dicitur *ἀνὴρ ἴσους*, siue vituperatione. Alij similitudinem hanc petitam volunt à Pythagoræorum doctrina: quibus quadratus numerus est perfectissimus: vsque adeo, vt hunc numerum fecerint diuinæ symbolum naturæ, quæ semper est eadem; nec vlla potest rerum vicissitudine permutari: sed corpus illud cubicum, quod magis placet Eustratio, explicat satis Aristotelis consilium, atque sententiam. Vt enim corpus illa prædictum figura in quancumque versetur partem, idem semper apparet: ita vir excelsus & perfectæ communis virtute eandem semper præse fert faciem, & habitum, siue rebus vtatur secundis, siue asperis atque aduersis exagitetur. Quare eandem hanc metaphoram ad idem exprimendum adhibuit Plato in Protagora, eandem Iulianus Imperator, cognomento Desertor, eandem Sopater in Epistolis apud Stob. sermone 44. Fuerunt qui dicerent, quadratum hominem ab Aristot. dictum, qui quatuor perfectus virtutibus principalibus sit: sed eos confutat D. Thom. non quodd verè dici non possint eiusmodi homines quadrati & tetràgoni, sed quodd hoc non sibi voluerit Aristoteles: qui vniuersè virtutibus perfectos homines describit & felices.

[Cum autem multa eueniant secundum fortunam.] Atque vt planius intelligeremus, hunc hominem æquabilem, bonum, & quadratum nulla fortunæ varietate statum felicitatis amittere, diuidit fortunæ mutationes in partes duas. Aut enim fortunæ mutatio res prosperas affert, aut immittit aduersas: & quacumque ratione, siue in secundam, siue in contrariam partem mutetur, vel magnam facit, vel paruam rerum commutationem. Si paruam, satis constat, eam non esse satis ad viri beati statum conturbandum, cum res secundæ quæ sint exiguæ, non efferant animum insolenter; aduersæ item paruæ vitam hominis quantumvis mediocri virtute præditi non admodum labefactent. Sin autem magnam parit fortuna rerum commutationem, ex rebus secundis, quæ multæ sint, vita beator efficietur. Vt enim alibi dictum est, externa, & corporis bona plurimum conferunt ad pulcritudinem & decorem, ad ipsum etiam vsum felicitatis, quæ bona illa tanquam instrumenta quædam ac præsidia tractat. Quapropter ex eorum accessione semper amplificabitur & crescet. Aduersæ verò res, quæ multæ sint, & permagnæ, vitam quidem contaminant beatam, quia dolorem, tristitiam, ægritudinem afferunt, & præclaras quasdam munerum functiones, hoc est, virtutis aliquas actiones impediunt externas, quæ positum à rebus aduersis offendunt obicem atque repagulum. Nihilominus tamen in hoc ipso rerum asperimarum cumulo, in hac quoque tam acerba atque aduersa fortuna ait Aristoteles elucescere, ac tamquam intermicare viri beati virtutem, & quæ necessariò consequens est ex virtute, felicitatem. Leniter enim & placidè tam multas illas ac magnas perfert calamitates: non quodd sensu doloris carere debeat, inquit, sed quodd excelsò, generoso, magnòque sit animo præparatus. Quæ subiungit ideo, vt intelligamus, non cum se velle virum beatum, quem faciebant Stoici præditum indolentia, & qui perturbationes animi, sensumque funditus extirparit: sed eum, qui dolorem, acerbitatem, ægritudinem, aliasque commotiones, tentantes & contrahentes animum, virtutis vi, ac magnitudine superet. Itaque vt summatim dicamus, insignis aliqua calamitas potest beatitudinem aliquantulum obnubere, sed facere non potest, quin in illa quoque caligine intermicet ob eam virtutem, quæ calamitatem contemnit, & æquanimiter patitur. Verè quippe docet Seneca; sapientem, & bonum virum,

hoc est, beatum omnes acerbitates fortunæ decenter honesteque perferre: quem nimirum infortunia commouent quidem, sed non tamen omnino conturbant: quem rerum aduersarum tela compungunt, sed non vulnerant tamen.

PARS TERTIA CAPITIS DECIMI.

Εἰσὶ εἰσὶν αἱ ἐνέργειαι κυρία τῆς ζωῆς, καὶ δὲ αὖ ἐἴπαμεν, ὁδοῖς αὖ ἡμοῖο τῷ μακρείων ἀθλῖος. ὁδοῖ ποτε γὰρ παρὰ τὴν ἀμισυαί, καὶ φαύλα. τὸ γὰρ ὡς δὴ τῶν ἀγαθῶν, ἐμφορία πάσας οἰόμεθα τὰς τύχας εὐχρημόνως φέρειν, ἔκ τῃ ὑποαρχόντων αἰεὶ τὰ καλλίστα παρὰ τῆν. καὶ δὲ αὖ καὶ τρατηγὴν ἀγαθὸν, ὃ παρὸν τῇ τρατοπέδῳ χρεῖται πολέμικα ῥήματα καὶ σκυτοφόρον, ὅτι τῷ ὁδοῖ τῶν δούτῳ καλλίστην ὑποδομήν ποιῇ. τὸ αὖ τὸν ὃ ἔπον ἐν τοῖς ἄλλοις τεχνίταις ἀποδύσας. εἰσὶ δὲ τῶν, ἀθλῖος μὲν ὁδοῖ ποτε ἡμοῖο τῷ ὁ εὐδαίμων, ὁ μὲν μακρείος γι, καὶ Περικλῆς τύχας ἀεὶ ἐπίση. ὁδοῖ ποτε δὲ ποιήσιος γι, καὶ εὐμετάβολος. ὅτε γὰρ ὅτι ἐν εὐδαίμονι κινήσεται ῥαδίως, ὅτι ὑπο τῇ τυχόντων ἀτυχημάτων, ἀλλ' ὑπο μεγάλων, ἔκ πολλῶν. ἔκ τε τῇ ποιῶντων ἢ αὖ ἡμοῖο πάλιν εὐδαίμων ἐν ὁλίγῳ χρόνῳ. ἀλλ' εἴ-σορ, ἐν πολλῷ βίῳ, καὶ τελείῳ, μεγάλῳ ἔκ καλῶν ἐν αὐτῇ ἡμοῖομος ἐπὶ ὁδοῖ. τί οὖν κωλύει λέγειν εὐδαίμονα τὸν κατ' ἀρετὴν τελείαν ἐνέργειαν, ἔκ τῆς ἐκ τῶν ἀγαθῶν ἰσχυρῶς κεχορηγημένον, μὴ τῇ τυχόντων χρόνον, ἀλλὰ τέλει βίῳ; ἢ παρὰ τῆν, ἔκ βιωσάμενον ὅτε, καὶ πελάτῃσιν καὶ λόγον; ἐπὶ δὲ ὁ μέλλον ἀφανὲς ἡμῖν, τῇ εὐδαίμονι ὃ τέλος, καὶ τέλει βίῳ πρὸς τὴν πάντως. εἰ δὲ ὅτε, μακρείος ἐρῶμεν, τῇ ζώντων οἷς ὑπο ἀρχῇ, ἔκ παρὰ τῇ ἀλεξάντρῳ, μακρείος ὃ ὡς αὖ ἀρετῆς. ἔκ περὶ μὲν τοῦτων ἐπὶ τοσοῦτον ἀρετῶν.

Quod si sunt actiones domina vitæ, ut diximus, nullus beatorum potest fieri miser. Numquam enim faciet odiosa et improba. quippe verè bonum et prudentem omnes putamus casus decenter perferre; et ex iis quæ suppetunt rebus, semper pulcherrimas facere; quemadmodum et ducem bonum eo qui adest exercitu uti bellicosissimè, et sutorem ex datis pellibus pulcherrimum calceum conficere, eodè modo etiam ceteros artifices omnes. Quod si ita est, miser quidem numquā fieri potest vir felix; non tamen beatus, si in Priami calamitates incideris: nec igitur varius, et facilè mutabilis. Neque enim ex felicitate detrudetur facilè, neque à quibuslibet infortuniis, sed à grauib, ac multis. Ac ne ex talibus quidem poterit fieri rursus beatus brevi tempore; sed si fiet, longo quodam, et perfectò fiet, magnarum et honestarum interea rerum factus compos. Quid ergo prohibet dicere, beatum secundum virtutem perfectam agentem esse, externisque bonis satis instructum, non ad quodlibet tempus, sed in perfectà vita? An addendum est, acturum sic vitam, et moriturum secundum rationem? quandoquidem futurum obscurum est nobis, beatitudinem verò finem et perfectum quiddam esse ponimus omnino. Quæ si ita sint, beatos dicemus ex viuis quibus insunt, et inerine dicta; beatos autem, ut homines. Ac de his quidem hæcenus definitum sit.

EXPLANATIO.



N hac huius Capituli parte, quam tertiam, atque vltimam facimus, causam initio pergit magis exponere, cur infortunia non reddant miserum eum, qui verè beatus sit. Hanc autem ait ex iis intelligi posse, quæ supra posita de virtutis actionibus sunt. Dictum est enim, illas esse dominas vitæ, hoc est, habere in ipsa vita beata, sine felicitate principem locum, & quasi dominatum; cùm in ipsis sita sit felicitatis essentia. Hinc enim sequitur, neminem vnquam ex iis, qui verè beati sunt, miserum fieri: quia cùm virtutis perfectæ actionibus diu sit, ac multum exercitus, nunquam aliquod ob infortunium discedet à recto, neque admittere aliquid malum, atque ut ipse loquitur odiosum, hoc est aliquid, quod odio dignum sit, aut vituperatione, ac de-

testatione mortalium. Id quippe tantum est, quod funditus tollere felicitatem possit, vitiuiatque à virtute discessio, quam beatus, hoc est, perfecta virtute præditus vir, quantumvis aduersa ingruente fortuna, non faciet; sed perferet omnes ærumnas, casusque decenter, ac cum dignitate: & è rebus, quarum agendarum ipse facultatem ac potestatem habebit, semper officiet pro sua facultate pulcherrimas & honestissimas. Id nimirum est, quod Lambinum secuti, Latine sic diximus. [Et ex iis quæ suppetunt rebus, semperaget pulcherrimas.] quod alij verterunt, Et ex iis quæ adsuntaget pulcherrimas: quia verè in Græco Codice est, *ἐκ τῶν ὑπαρχόντων*: sententia tamen videtur hæc esse ex D. Thom. & Gualtero Burl. sapientem, & virtute perfectam instructum virum propter infortunia & casus asperissimos, qui sæpe accidunt, non proferre semper actiones æquè perfectas & absolutas; optima tamen semper, & pulcherrima & honestissima, quoad eius fieri possit, agere, pro ea quam habet agendi facultate. Id quod declarare planissimè subiunctæ similitudines & exempla videntur, ab exercitus duce atque à sũore calceorum petita: bonus enim, & callidus dux non eadem semper, & æquè magna facinora patrat, sed pro exercitus conditione, vel meliori, vel deteriori, nunc melius pugnat, nunc deterius: semper tamen exercitu suo, siue valido & bono, siue infimo & inertitur optimè, atque artificiosissimè quantum ipsa patitur, & sinit exercitus cõditio. Itaque verè dici potest, etiam tunc cùm propter imbecillitatem exercitus infeliciter pugnavit, cum habita ratione tam inertis exercitus, aut temporum incommodorum, dimicasse pulcherrimè & callidissimè. Sutor item bonus, & sui peritissimus artificij, non semper æquè bonos faciet calceos, quia nanciscetur interdum eoriam non bona: sed tamen etiam tum, cùm in ea laborabit inepta materia, dicitur agere ex artificio suo perfectissimè; quia fecit ita bonum calceum, vt ex eo corio fieri melior, perfectiorque non possit. His, inquam, similitudinibus, & exemplis docet Aristoteles, sapientem, & felicem virum non semper esse facturum quod simpliciter est melius, sed quod melius est certo quodam tempore, certaque rerum agendarum occasione per incommoda, & importuna. Incidunt enim infelicissima quædam tempora, quibus temporibus vir bonus, quia premittitur ærumnis insignibus, non potest eas actiones edere, quæ secundam fortunam & statum vitæ commodum postularent: edit tamen eas, quas in ea temporum, & status conditione proferre potest: illæ autem, si facultatem hominis, & tempora spectes, dicendæ pulcherrimæ sunt, quia in ea calamitate non possunt proferri perfectiores. Itaque haud malè verterunt Argyrop. & Bernar. Pelician. *ἐκ τῶν ὑπαρχόντων*, pro facultate rerum.

Quod si ita est.] Hæc cùm ita sint, inquit, nunquam qui verè felix sit, esse miser potest. Nam etiam tum, cùm acerbitate fortunæ deprimitur, tractat se pulcherrimè honestissimèque: cum nec à vitæ decoro discedat, ac quantum tempora & res aduersæ patiuntur, ipsum attingat fastigium perfectionis: sed obscurissimum est quod adiungit hoc modo. [Non tamen beatus erit, si in Priami calamitates etiam & casus asperissimos retinet vir felix habitum animi rectum, neque de statu gradûque pelli se sinit à fortuna, cur in Priami calamitates impactus, decidit è statu vitæ beatæ? Petunt aliqui solutionem nodi à discrimine, quod à multis inter beatum, felicemque constituitur. Beatum quippe dici eum volunt, qui omnibus circumfluat, & abundet bonis animi, corporis & fortunæ, quæ perfectam constant felicitatem: felicem verò eum, qui non necessario illa bonorum omnium complexionem polleat, sed essentia saltem felicitatis instructus sit. Itaque beatus non potest externis bonis carere, felix istorum sententia carere potest: ac propterea ex Aristot. decreto is, qui labitur in Priami calamitates, beatus dici non debet, hoc est *μακάριος*, felix autem si virtutem animi sartam rectamque retineat, dici debet, hoc est, *εὐδαίμων*. His enim duobus nominibus vitur hic Aristoteles: primo quidem, cùm ait felicem non posse miserum esse, quia nimirum inter ipsos rerum euentus aduersos, animi constantiam & æquabilitatem seruat: altero verò, cùm subiungit non tamen appellandum esse beatum qui fortunam nanciscatur, & calamitates Priami. Perinde quasi dicat: qui in calamitates incidit Priami, felix quidem esse potest, quia potest essentiam retinere felicitatis, quæ est *εὐδαιμονία*, conueniens in eum, qui propriè dicitur felix: sed beatus esse non potest, quia caret externis bonis, quæ considerare non debet is, qui propriè appellandus beatus est. Quæ quidem explanatio

loei haud conuenienda videtur, quia verè Græcis illis nominibus ea, quam dicunt, subiecta notio est. Quia tamen Aristoteles, ea vocabula sæpè confundit, & altero non semel abutitur alterius loco, præstabit aliam fortasse meliorem soluendæ quæstionis rationem inire. Non tamen ea placet, quam reperit S. Thom. qui putauit, Aristotelem dicere; beatum non incidere in calamitates Priami: secutus nimirum interpretem illum suum antiquum, apud quem ita legit: Neque beatus utique in Priami infortunia incidet: quod planè pugnat cum verbis Græcis, quæ hoc modo se habent, & sic à peritis interpuncta scriptoribus sunt, *οὐ μὲν μακάριος γὰρ αἰ Πριαμίου τύχης ἀνίσταται*. Hæc autem verba ita disposita non videntur aliam præ se ferre sententiam, nisi quam supra posuimus. Non tamen beatus quidem, si in Priami fortunam incidere: est enim ibi particula *αἰ*, quam interpret ille subterfugit. Ab hoc igitur interprete deceptus D. Thom. dixit hoc loco beatum non incidere in calamitates Priami duplici prorsus ex causa: primò quidem, quia præcauet eiusmodi calamitates prudentia sua: deinde, quia si tamen aliquando in eas prolabatur, feret eiusmodi calum decenter, honestè, pro dignitate, & cum decoro, ut supra dictum est. Quæ interpretatio si consentiret cum Græco Codice, proliuis esset & facilis: diceret enim Aristoteles nihil aliud quàm quod supra posuerat; felicem in grauibz etiam calamitatibus non amittere felicitatem: sed cum videamus alia omnia esse, quæ Græcis verbis significantur, aliò confugiendum erit.

Ponamus ergo primùm, inter casus aduersos, infortunia quædam esse non modò magna & acerba, verum etiam inulitata, hoc est ea, quæ in ipso calamitatis genere quamdam habeant exuperantiam, ipsùmque calamitatis humanæ modum egredi, ac vincere quodammodo videantur: cuiusmodi fuit Priami casus, & celeberrima illa fortuna hominis opulentissimi & beatissimi in calamitatem non solum insignem, sed inulatatam, & extra ordinem accidentem commutata. Ponamus deinde inter miserum & felicem esse posse aliquid tertium, interiectumque, hoc est, hominem, qui neque felix sit, neque miser: non felix, inquam, quia premitur insigni calamitate, vel caret his bonis, sine quibus elucescere, aut prodire foras non potest felicitas: non miser, quia ob infortunia nullis succumbit vitis, citra quæ nulla potest esse vera miseria. Quibus positis, Aristotelis hæc videtur esse sententia, beatum hominem, siue felicem, fieri non posse miserum; quia inter ærumnas etiam magnas, & graues retinet virtutem, quæ substantia est felicitatis: sed tamen esse posse non beatum aut felicem, si forè incidat in aliquas insignes, inulatas, extra ordinem politas calamitates & casus, quale fuit Priami nobilissimum infortunium. In hoc enim rerum articulo constitutus, quia virtutis castra non deseret, nec aliquid indecorè, vel turpiter faciet, dici non potest miser, nec affectus miseria, quæ vitio continetur, & turpitudine vitæ: cum insignis illa, & humanum propè supra statum euecta calamitas impediat, quominus emergere, & prodire foras felicitas possit per actiones illas, quæ fortunam aliquam bonam, & diuitias postulant. Tam magnæ quippe, tam extraordinariæ possunt accidere ægrotationes corporis, dolores, & ægritudines animi, tam misera ingruere potest, & acerba fortuna, ut locus actionibus virtutis externis esse non possit: quare qui ea conditione vteretur, nullius sane iudicio prudentis viri beatus iudicaretur: quia non exigua, leuique de causa felicitatem amitteret, sed ex graui ac magna mutatione quæ rarò sic accidit, ut eiusmodi exempla vix enumerare possimus alia, quàm Priami, Cræsi, Niobes, aliorumque paucissimorum hominum, qui cum tota mortalium multitudine comparati nulli esse videbuntur. Quare non debent hi tam rari casus euertere quod generatum est dictum de constantia felicitatis vniuersim. Ut enim rectè dicere possumus ac verè, calores æstate magnos esse, tamen si fuerint interdum algores & frigora, ita pronuntiare non dubitabimus, felicem fieri miserum non posse, tamen si aliquando tam magnos fortunæ casus impetûsque sustinere cogatur, ut si minus sit miser, certè beatus dici non possit. Atque, hoc est, quod illico subiungit Aristoteles, cum ait, non propterea beatum virum dicendum esse mutabilem & varium, quia de felicitate non facillè quis, aut leuibus extrubatur: de causis, quæ vulgo accidunt, sed ob infortunia quædam singularia, insolita, inaudita, quæ rara sunt. [Nec varius, inquit, ideo est & mutabilis: neque enim de felicitate facillè quis detruderetur, nec à leuibus infortuniis, sed à grauibz, ac multis.] Atque ut declararet planius, eos casus oportere magnos, ac singulares esse, qui felicitatem eri-

pian, addidit, hoc à nobis intelligi posse ex recuperatione pristinae fortunae difficillima. Si quis enim in eiusmodi calamitates delapsus velit iterum ad felicitatem reditum querere, felicitatem illam non nisi multo post tempore, ac multo sanè negotio recuperabit: actionibus interea praestatis exhibitis, & summis laboribus exantlatis.

Quid ergo prohibet.] Concludit ad extremum disputationem suam aduersus Solonem, asserens nihil esse causae, cur dici non debeat in vita beatus ille, qui secundum virtutem agat, qui bonis externis sit satis munitus, non quouis tempore, sed in vita perfecta, hoc est, in aliqua vitae longitudine perfecta, & spatio iusto, quod satis sit ad collocandam in lumine, ac declarandam civibus felicitatem: quod profectò videtur esse satis, ut aliquis dici possit in vita beatus. Non enim paruo tempore, sed idoneo ac iusto usus est felicitate. Quod si addendum, inquit, & postulandum est praeterea quicquam, erit fortasse requirendum, & postulandum illud; ut felix secundum virtutem agat iusta bonorum instructus copia per totam omnino vitam, & eidem vitae mortem obeat congruentem: idque propterea quod futurum, & finis vitae sit nobis incertus. In ipsa vero beatitudinis ratione futurum, & finem esse oportet, cum ipsa beatitudo finis, & quiddam optimum atque perfectum esse ponatur à nobis: quasi dicat, si haec in definitione felicitatis ac viri felicitis adduntur & postulantur, ut actio secundum virtutem & iusta bonorum possessione munita producat ad mortem usque, & ipso demum obitu concludatur, adduntur, & postulantur propter cumulum quendam, & fastigium absolutissimae felicitatis. Nam quod attinet ad mortalium conditionem, satis esse videtur aliquo iusto tempore usurpata, & possessa felicitas, ut dici aliquis verè beatus in vita queat. Quapropter ex Aristotele duplex hic est constituenda definitio: una, quae felicitatem illam describat cumulatam, expletam, & numeris omnibus perfectissimam, per totam pertinentem vitam, ac tuto conclusam interitu: altera, quae probeat illam imperfectiorem, aliquo tempore, non quidem paruo, sed longiore, ac iusto possessam, ut alibi dictum est. Quam profectò felicitatem quantumvis obnoxiam alicui mutationi propter impendentes calamitates ait idoneam esse mortalibus, & iis, qui vitam degunt humanam. Homines enim non dicimus beatos, quod simpliciter mutari non possint, sed quod difficile mutantur, & raro propter inusitatos fortunae casus. Esse quippe immutabile non est hominis, sed Dei, rerumque diuinarum, quibus inest beatitudo & felicitas necessario. [Quae si ita sint, inquit, beatos ex viuis dicemus quibus adsint, & inerint quae dicta sunt: beatos autem ut homines.] Huc enim pertinent ea, quae in cap. 7. disputata sunt de proverbio, una hirundo, aut vnus dies non facit ver. Ibi enim diximus quid Aristoteli sit vita perfecta, quam ad felicitatis definitionem adiungit.

EPILOGVS.

1. Potest aliquis, antequam à vita discedat, appellari verè felix: nec impendentes fortuna casus hanc homini appellationem eripiunt, cum felicitatis substantia labefactari prorsus, & eueri à fortuna non possit.
2. Substantia felicitatis est virtus, ac propterea iure felicitas stabilis dicitur: omnem enim fortunae varietatem aequali semper animo feret vir bonus, ac virtute praeditus perfecta, & quocumque compelleretur, eadem habitudine stabit reclus, veluti $\pi\eta\gamma\alpha\gamma\omega\varsigma$ Mathematicorum.
3. Itaque nemo beatus, fiet vnquam à fortuna miser: quia non vincetur rebus aduersis, neque ob eas quicquam faciet vel flagitiosum, vel indecorum: sed ipsis etiam infortuniis quantumvis offuscatus, exercitatione virtutis effulgebit.
4. Sed tamen in Priami calamitates, hoc est, in immanes, inusitatas, & raras lapsus, dici beatus non potest: cum ei sit erepta omnis omnino facultas proferenda politica virtutis in actum.



IN CAPVT DECIMVM,

QVÆSTIO PRIMA.

An hominum quisquam verè possit in vita felix dici.



NON id propterea quaerimus, quod de Aristotelis hac super re opinione dubitemus. Ostendimus enim paulo antè, cum decernere ac velle, posse hominem in vita dici beatum, dummodo tempore aliquo certo, ac iusto quodam ætatis spatio fuerit usus perpetua felicitate. Nec aliud profectò significat in hoc extremo capite decimo, cum sic interrogat. Quid ergo prohibet eum felicem dicere, qui virtutis perfectæ fungatur munere, & bonis externis sit satis instructus, non quolibet tempore, sed in vita perfecta? At vitam perfectam, vteo loco diximus, non finem intelligit vitæ, sed eam, quæ satis sit perfruendæ, declarandæque aliis felicitati. Quare probè locum illum vestisse videtur Felician. qui sic reddidit Græca verba postrema, non quolibet tempore, sed perfecta. *μὴ πὺρ τὸν χρόνον, ἀλλὰ τὴν αἰώνιον βίαν.* Putat enim τὴν αἰώνιον βίαν respondere debere τῷ χρόνῳ, & quidem rectè. Nam in fine idem planius ita decernit. Quæ cum ita sint, beatos ex viuis dicemus, quibus ad sunt ad futuraque sunt quæ diximus &c. At quænam inesse beatis oportere iam dixerat actionem virtutis absolute, externorum honorum copiam idoneam, vitam perfectam, hoc est, iustum temporis spatium. Dictum est enim alibi, eos non esse beatos, qui per breui tempore perfruantur felicitate. Cum ergo felicitas usurpata est per aliquod iustum temporis spatium, tamen si non producat ad finem vsque vitæ, satis idoneam ex Aristotele causam suppeditat, cur aliquis verè proprieque possit appellari beatus. Quod si probare Aristoteles ipse videtur Solonis sententiam, non probat tamen eum sic fermè dicat, An addendum est, ita viturum, & mortem vitæ conuenienter obiturum? idque propterea, quod futurum sit nobis incertum, nec scire possimus utrum duratura felicitas sit vsque ad vitæ finem, quod necessarium videtur esse; quia felicitatem facimus aliquid perfectum, hoc est bono etiam fine conclusum. Quamquã, inquam, id probare videtur, non tamen ideo probat, quod velit, necessariò beatitudinem produci ad finem vsque, sed quod videat felicitatem ita productam, & completam esse perfectissimam. Itaque significat, hanc esse quidem absolutissimam, & singularem felicitatem, sed non esse tamen necessariam ideo, vt homo dicatur verè felix. Verè enim felix fuit, qui aliquo iusto tempore felicitate est usus: ac tum licuit illum appellare felicem. Hæc Ari-

stotelis decreta sic sunt.

Quærimus ergo, utrum id ab Aristotele rectè constitutum, & pronunciatum sit. Suppetunt enim non pauca, quæ sanctum eiusmodi possint euertere.

Primum. Qui bonis abundat omnibus; sed vitam ærumnoso fine concludit, à nullo prorsus iudicatur beatus, qualis est Priamus. vt enim idem docet Aristoteles, non est beatus. ergo nemo potest dum viuuit verè beatus dici. Nondum quippe compertum habemus quo fortuna genere vitam sit conclusurus, ac propterea quoad viuuit si beatus dicitur, haud verè dicitur, cum ipsa beatitudo, vitæ comprobanda sit exitu.

Secundum. Felicitas bonum est homini per se satis, atque iusticiens. ergo parva felicitate, nihil amplius volet aut exoptabit. At hominis appetitus atque cupiditas satiari non potest in vita: cum homo non tantummodo bonum appetat, sed eiusdem etiam boni constantiam, stabilitatem, ac firmitatem; quæ in rebus, & bonis humanis est nulla. In ipsa enim etiã actione virtutis est mutabilitas, & inconstantia, cum accidere homini bono, ac virtute prædito possit insania, quæ vsum virtutis adimat. Igitur in nullo bono mortalium est immutabilitas, & constantia; & quod inde sequitur, nullum potest expletè cupiditatem hominis, quæ nisi bono constanti, atque immutabili non saturatur.

Tertium. Felicitas, quia summum bonum est, depellit omne malum; sed quoad viuimus, non modò malum omne depellere non possumus, sed necesse habemus aliqua perferre ac perpeti. occupat enim intelligentiã ignorantio, appetitum commotio turbida humanorum affectuum; corpus labores & morbis totum hominem infortunia.

Animaduertendum est, non hanc esse nobis cum Theologis controuersiam. quia, cum de summo bono loquuntur, illud intelligi volunt, quod post obitum nobis deberi nouimus ex oraculis illis diuinis, quæ cognita non habuerunt ij, quorum philosophiam explicamus. Cum Stoicis potius esse potest hæc quaestio haud minus, quàm cum Aristotele, qui quoniam hominis bonum neque fortunæ, neque naturæ subiectum existimarunt, congruenter asseruerunt, hominem in ipso quoque vitæ decursu atque ante obitum appellari verè posse, ac iure felicem. Non enim vllum subesse periculum interrumpendæ felicitatis à fortuna potest, extra cuius tela in quinque positi viri felices, ac sapientes eorum sententia sunt. Quin ipsi etiam Theo-

logi

logi possunt in hanc causam aliquo modo venire, nostræque sententiæ, hoc est Aristoteli suffragari. faciunt enim felicitatem hominis duplicem. unam, quæ præmium sit rectè factorum, post obitum in domicilio Beatorum usurpanda; ac propterea remuneratrix siue muneraria dici potest. alteram: quæ labore, atque opere virtutis honesto hanc ipsam felicitatem afficientem præmio commereatur quidem, sed non adipiscatur in vita. adeoque dicitur ab iisdem Theologis beatitudo meritoria: perinde ac si quæstus & mercedis gratia locaretur Deo. Inter utramque felicitatem plurimum sanè discriminis positum volunt. Illa enim muneraria, quam præmiatoriam dicunt, omnia prorsus à se depellit mala, tum ea, quæ criminofum hominem reddunt, ac propterea mala culpæ dicuntur, tum illa, quæ promeritum irrogant homini supplicium, adeoque pœnæ mala nominantur. Quanquam enim proprio aliquo flagitio fortasse non tenetur qui molestus, & ærumnis afficitur, dicuntur tamen ex molestiæ esse mala pœnæ, quia primæum Parentem delictum, quod hæreditarium, & translatitium habemus, earum irrogatione plectitur & punitur à Deo. hæc autem meritoria, & operaria felicitas dispungit quidem & excludit mala omnia, quæ noxam habent, & crimen, non tamen arcere potest omnia malapœnæ, labores, ærumnas, famem, æsitim, cetera, quibus assidue premittitur humanum genus incommoda; immo verò videtur interdum his malis vndique circumfluere. Itaque remuneratrix illa felicitas omnia completitur bona, quibus dignus est homo, quem remunerat præmio, & omnem omnino cupiditatem animi nostri, appetitumque sic explet, ut nihil animus habeat amplius exoptare. Sed meritoria hæc, & operosa beatitudo habet quidem omnia bona, quorum vi beatum appellat, & facit eum, in quo ipsa est non tamen habet omnia, quibus ille dignus & remunerandus post obitum est, adeoque non potest omnè prorsus animi cupiditatem exhaustire, còque beatum gaudio perfundere, quod expungit tristitiam, & ærumnas vniuersas. De hac enim beatitudine illa sunt à Christo Sequatore sapientissimo pronuntiata. Beati pauperes. Beati qui lugent. Beati qui esuriunt. Beati qui vim & calumniam perferunt. Cum, inquam, hæc dicant, & doceant Theologi, causam hanc videntur nobiscum habere communem propter meritoriam illam, quam in hac vita dicunt esse, & usurpari felicitatem. Definiunt enim etiam ipsi beatitudinem hanc, usu & actione perfectæ virtutis, quæ retineri inter ærumnas & calamitates potest. Quare cum Aristotele consentiunt: qui tum hoc capite, tum alibi ait etiam inter infortunia, & casus aduersos elucescere atque intermicare beatitudinem; quia verè perfectèque beatus, ærumnas omnes, atque molestias magno, cum animo perfectæ, atque exhibendæ virtutis occasionem ex ipsis accipit infortuniis.

Dubitant aliqui: utrum Aristoteles puta-

rit, aliquod præterea superesse præmium, & beatitudinem reddendam post obitum virtutibus, ac rectè factis. Ac iure quidem dubitant: nec potest de re nisi Academicè, hoc est in utramque partem verosimiliter disputari. Nam in tertio de Anima disertè ait, nos non reminisci post mortem: propterea quoddam passivus intellectus corruptus iam est, sine quo anima nihil intelligit. Deinde in hoc ipso capite decimo libri 1. Moral. videtur existimare, mortales secundum obitum desinere prorsus esse, nec vlllo modo sensum aut vitam habere. Comparat enim vitæ functos cum iis qui dormiunt, ac nihil omnino sentiunt: docetque, bona & mala ipsis accidere; non quoddam sentiri ab iis possint, sed quoddam tangant liberos & propinquos. Videtur, inquit, mortuo mali quippiam, & boni superesse, sicut viuenti & non sentienti decus accidit & dedecus liberorum, & posterorum aduersæ res, & secundæ. Quibus verbis docet, nihil iis superesse nisi posterorum memoriam, nec amplius aut melius viuere, quàm eos, quorum mala vel bona in Tragediis commemorantur, inductis histrionibus, qui ea redigant in memoriam auditorum. id quod melius in cap. 11. declarabit. Altera tamen ex parte in secundo de Anima confirmat, intellectum separari ab aliis animæ facultatibus, quemadmodum id quod est æternum segregatur ab eo, quod fluxum est, ac mortale. At interea loci æternus animus quid agat? Non volet eum Aristoteles otiosum; ergo agentem, & actione aliqua occupatum perfectissima, quæ non potest esse nisi beatitudo virtuti respondens, & rectè actis in vita. Ad hæc: in illo ipso huius capitis loco, quem modò laudauimus, & in cap. vndecimo fatetur, res amicorum, liberorum, propinquorum ad mortuos pertinere, eosque vel afficere gloria, vel ignominia: quod profectò non dixisset, si existimasset, nullum præterea superesse bonum & felicitatem iis qui decesserunt. Denique in quarto horum Moralium lib. ait virtutis perfectæ non esse satis dignum præmium honorem. ac honor est maximum præmium quod reddi virtuti possit in vita. ergo si non est satis dignum, aliud ex Aristot. debetur in futura.

Et profectò haud credibile videtur Aristotelem vel non accepisse famam, opinionemque antiquorum de præmio virtutis post obitum æterno, quæ celeberrima fuit vel acceptam repudiasse. Fuisse quippe famam hanc vulgatissimam inter sapientes antiquorum, & eam à maioribus acceptam, infinita doctæ scriptorum testimonia & dicta, quorum pauca subiungam. Ac Plato quidem in Apologia sic loquitur: Sin autem mors est quasi hinc in alium demigrare locum; & vera sunt, quæ dicuntur, esse vitæ functos illic omnes, quid eo melius dari possit? Cui testimonio Socrates apud eundem Platonem concinit in hunc modum: Ego verò sæpius optarim mori, si vera hæc sunt. Quin idem Socrates domicilium quoque beatorum, & ciuitatem celestem, ubi sunt hæc reddenda

præmia, videtur ita describere. Dura, inquit, mihi mors videretur, nisi putarem me profecturum primum ad Deos alios sapientes, ac bonos, tum ad homines, qui excesserunt è vita. longe his, qui nunc in terra morantur, meliores. Quos verò Deos sapientes intelligit, nisi cælestes illas beatasque Mentis, de quibus acceperat ex Moyli monumentis? Atque, vt intelligamus, in ea vita, quam futuram putabant, non futurum, tamen eos credidisse æqualem statum bonis ac malis, sed bonis tantum deberi præmium ante actæ vitæ cum innocentia, sic animi sui opinionem exponit dilucidè Plato. Optimè credo esse defunctis aliquid, & vt dictum est antè, longè melius bonis, quàm malis. & paulo post. Nefas est enim ad gentem diuinam aspirare cuiquam, qui philosophatus non fuerit, purusque ex hac vita prorsus non abierit; ob quam causam veri philosophi ab omnibus se continent cupiditatibus corporis, neque se ipsos illis constringendos vnquam tradunt. Egregiè M. Tullius hanc è Platonis fontibus haustam ita probat opinionem in Somnio. si quidem bene meritis de patria quasi limes ad cæli aditum pater, nunc tanto præmio proposito, enitar multo vigilantius. Et quoniam virtuti præmium in vita debetur honor, honorem etiam, sed longe præstantiorem, ac plane diuinum putabant etiam eidem virtuti deberi post obitum. vt Plato in Cratilo, ex testimonio Poëtarum his verbis ostendit. Præclare quidem Hesiodus, & alij dicunt ex Poëtis multi, probum hominem, vbi è vita decesserit, magnam assequi sortem, ac magnum honorem. Alia per multa sunt in hanc sententiam Platonis & sapientium antiquorum dicta, quæ legere licet apud Eugubini. in lib. 10. de peren. philosophia, à cap. 19. vsque ad libri finem.

Cum igitur hæc ita constans fuerit antiquorum de futuro virtutis præmio, deque altera post obitum paranda felicitate sententia, haud facillè credi potest, Aristotelem eam funditus repudiasse: cum præsertim in lib. Moralium decimo, Platonem credo secutus, hæc verba scripta reliquerit. Qui verò secundum mentem agit, eamque excolit optimè affectus, hunc diis gratissimum esse patet. Nam, si qua cura est rerum humanarum diis, vt videtur, vti que probabile est, eos delectari re optima, sibi que maximè propinqua. est autem id mens. qui verò hanc ipsam mentem diligant, & ornent, remunerari, ceu qui curent quæ sibi grata sunt, & rectè ac laudatè viuant. Dixisse, inquam, hæc Aristoteles videtur, Platonem secutus. quia Plato in lib. x. de Republ. absoluto iam de iustitia, virtutibusque sermone, de præmio, quod ipsi iustitje ac virtutibus à Deo tribuitur, tum viuens, tum vita iam functis hominibus inquirat. atque inter multa, quæ disputat & decernit, hoc etiam ponit: Viro iusto, siue inopia, siue morbo, ceterisque, quæ mala putantur circumuento, omnia cessura in commodum & bonum viuenti & mortuo. verissimè quippe esse eiusmodi ho-

minem, qui se se iustè viuendo similem Deo reddiderit, à simili suo Deo non negligi.

Ceterum, siue de futura felicitate laborarit Aristoteles aliquando, siue secus, illud esse prò comperto debet, nullam eius felicitatis hinc habere rationem, cum quærit, vtum dici quispiam possit in vita beatus, an expectandus sit exitus, & è vitæ excessus, ad verè prudentèrque de cuiusque felicitate iudicandum. Supra enim multis locis, quæstiones ad alia pertinentes doctrinas, & facultates ex industria præterit: & in proximè superiori cap. 9. vtum felicitas munus Deorum sit, & immissa diuinitis quærere, non ethicæ philosophiæ, sed alterius alicuius discipline dixit esse, ac propterea disputationem illam accuratè prætermisit. Quod idem opinor causæ fuit, cur de huiusmodi felicitate nihil hoc loco dixerit. De Animorum enim immortalitate, deque futuro eorum post corporis obitum statu quærere, physici ac Metaphysici videtur esse. Quare satis id habemus scire, Aristotelem de illa tantum beatitudine loqui, quam animus suo ipsius labore, atque exercitatione virtutis adipiscitur in vita, quæ felicitas, vt diximus, illi responder, quæ à Theologis inchoata beatitudo, & meritoria nominatur. Admittit enim etiam hæc Theologorum beatitudo in rebus externis ærumnas, nec ob eas amittitur, nisi ipsa intereat & amittatur virtus. quod de sua felicitate pronunciat Aristoteles.

Animaduertendum tamen est secundo loco: in hac ipsa consensione, quasdam esse notas, quibus ipsæ differant beatitudines inter se. Nam primò quidem, Theologorum illa meritoria & operaria felicitas, nulla est, nisi diuina charitate ac gratia sit informata. Aristoteles autem atque vniuersè felicitas hæc philosophorum vnica morali virtute continetur, nec aliam præterea requirit è cælo formam & qualitatem. Deinde felicitas hæc moralis philosophorum, aliquo infortunio inusitato, inaudito, extra ordinem accidentis languescere dicitur, & intermori: quia eiusmodi calamitates insolitas, ac singulares impedire putant perfectas actiones, vsumque virtutis: id quod ipsi suæ congruenter opinioni ac doctrinæ pronunciant. quippe qui non existimant, actiones virtutis esse perfectas, nisi externum in vsum proferantur ad ciuium quibus cum viuimus, utilitates. quamquam enim dant, esse quoque felicitatem quamdam priuatam, & actiones virtutis etiam eius esse, qui solitariè degat; ad felicitatem tamen politicam, atque ad virtutes actiuas vitæ referre eas sic volunt, quemadmodum imperfectæ res perfectarum gratia dicuntur esse & comparari. Contra verò Theologi, nullis quantumuis inauditis, inusitatis & Priami vincentibus exitium ærumnis ac calamitatibus fieri volunt, vt languescat beatitudo, aut virtutis perfectæ impediatur actio. Vident enim, etiam in virtutis actionibus immanantibus, quæ non erumpunt foras, esse perfectissimam rationem virtutis, quam non ex eo petunt, quod ciuitati

& civili societati proſit, ſed quòd felicitatem illam munerariam commereatur. Itaque vir liberalis, cui nihil ſuppetit quod largiatur, Theologis quidem perfectè liberalis eſſe poſteſt, quia voluntate benefica ſibi vindicat præmium diuinitus liberalitati propoſitum. Philoſophis autem niſi liberalitas prodat in actum, aliorumque ſubleuet inopiam & egeſtatem, liberalitas perfectæ non eſt.

Dicendum igitur eſt, hominem etiam viuentem, eſſe poſſe, ac dici iudicariquè verè felicem. Demonſtratur id rationibus ab Ariſtotele propoſitis aduerſus Solonem. Prima, quia & par, & neceſſe eſt, tunc ſubiectum nanciſci appellationem ab aliqua qualitate, cum eam verè habet ac tenet. Sed homo, dum viuít obtineſt eam qualitatem quam dicimus, & definimus beatitudinem. habet quippe actionem perfectæ virtutis, habet bonorum corporis, & externorum copiam iuſtam habet rerum idoneam proſperitatem: ergo dum viuít conſequi debet à beatitudine veram appellationem, niſi loqui pugnancia velimus. Tunc enim homo vel miſer, vel felix eſt, vel neuter. Non eſt miſer: quia beatitudinem obtinet, cum obtineat ea, quibus beatitudo deſinitur. non felix; quia vt dicunt aduerſarii, varietati obnoxius eſt, & fortunæ. Non neuter; quia ponimus habere ea, quæ beatitudinem faciunt. Dicent, non eum habere omnia, quæ in definitione beatitudinis colliguntur. quia debet etiam inter ea numerari ſtabilitas, & certitudo. ſed certitudo ac ſtabilitas petitur ab operatione virtutis, in qua ſita eſt eſſentia felicitatis. quod melius declarabit hæc quam ſubiungimus, Ratio

Secunda. ſi qua eſt cauſa, cur homo non poſſit ante obitum felix dici, ea eſt vna, & ſingularis, quòd vniciens, eſt ad huc expoſitis aduerſis fortunæ caſibus & ærumnis. ſed hæc non adimunt homini bono felicitatem. ergo nulla eſt cauſa, cur viuens homo dici verè non debeat ante obitum, ac dum viuít, beatus, ſi rebus inſtruitus ſit iis, quibus conſtat definitio felicitatis. Non eripit felicitatem à fortuna conſtat ex eo quòd eam omnes conſtantiffimum bonum eſſe velint, ac firmum. At non eſt firmum bonum, propterea quòd nullo prorsus modo mutari (nam ipſe quoque vir bonus, depoſito virtutis ſtudio, cultuque, poteſt ſuo iudicio & voluntate improbus fieri, ac propterea miſer) ſed quòd vir bonus, quoad bonus eſt, non mutatur è ſtatu probitatis ob res aduerſas extrinſecus accidentes. ergo vera felicitas non pendet à fortuna. eſt enim in operatione virtutis poſita, & virtutis operatio, vt loquitur Ariſtoteles, eſt domina felicitatis: quæ quidem operatio manet, & ſtabilis eſt, quantumuis externa variante fortuna. His Ariſtotelis argumentis tertia ſubiungi ratio poteſt huiusmodi ex Gualtero Burleo. Natura humana dignior eſt quam natura ceterarum animantium. ſed cetera

animalia ſuum attingunt finem in vita naturaliter. ergo multo magis homo ſuum naturaliter finem attinget. At hic non eſt aliud niſi naturalis illa felicitas, quam homo ſua vi ſuzque virtutis actione conſequi natura poteſt.

Dicendum ſecundo loco eſt, beatum virum ob inſignes aliquas, inauditas, & ſingulares calamitates quales dicuntur vni Priamo, ac pauciſſimis præterea hominibus accidiſſe, fieri miſtrum poſſe, non quidem ſimpliciter & omnino; ſed habita ratione Politicæ felicitatis. Poſſunt enim eiuſmodi res aduerſæ, ac calamitates multatè animum ingenti mœrore contrahere, corpus omnino debilitare, diuitias, domum omnem euertere, ac propterea eripere homini poteſtatem, facultatemque proferendi ſoras in publicum, atque ad communem utilitatem actiones virtutis externas. At ſine his Politica felicitas conſiſtere vlla non poteſt. ergo ſi rationem habeamus Politicæ felicitatis, neceſſe habemus fateri, poſſe beatos homines reddi miſeros. aliquo ſaltem caſu fortunæ peracerbo & ſingulari: qui raro mortalibus eueniat, ſed eueniat tamen. Ceterum non fieri prorsus, & plane ſimpliciterque miſeros ex calamitate præter ordinem accidente, mihi videor ex eo poſſe demonſtrare, quòd beatus vir, hoc eſt virtute perfectus & quadratus, vt loquitur Ariſtoteles, retinet inter eas quoque calamitates animi habitum rectum. ergo non amittit eam felicitatē, quæ vitæ priuatæ propria eſt & ſolitaria. Huic enim ſatis ſunt actiones virtutis immanentes, quæ poſſunt ab habitu virtutis exiſtere in ipſo etiam ærumnoſiſſimo Priamo, ceterisque huiusmodi calamitoſiſſimis hominibus permanente. Id videlicet eſt quod ſibi vult Ariſtoteles, cum ait eiuſmodi hominem, Priamo ſimilem, fieri non beatum, hoc eſt, eum, qui virtutis actiones externas proferre non poſſit, ac propterea Politicæ felix beatuſque verè non ſit. Non tamen eum vult, miſerum eſſe; quia virtutis habitum retinet, vt declarauimus in loco. Quibus addit illud Seneca in lib. de proud. Nil accidere bono viro mali poteſt. Non miſcentur contraria. Quemadmodum omnes & tanta ſuperne deſectorum imbrium, tanta mediterraneorum vis fontium non mutant ſaporem maris, nec remittunt quidem: ita aduerſarum impetus rerum, viri fortis non vertit animum. Manet in ſtatu, & quicquid euenit, in ſuum colorem trahit. Eſt enim omnibus externis potentior. nec hoc dico: non ſentit illa; ſed vincit, &c.

Dicendum tertio loco: felicitatem ad vltimum uſque vitæ productam articulum, & ipſa morte terminatam eſſe perfectiſſimam, abſolutiſſimam, ceteris anteferendam. Quia perfectiſſimam habet rationem ſinis. qui cum perfectiſſimus eſt, eſt etiam optimus. at inter humanæ felicitatis gradus hic eſt optimus; cum aliquis in vita melior haud inueniatur. Non tamen hinc ſequitur, eos

qui hunc gradum non tenent, felices non esse; sed non esse felicissimos: quod verissimum est. Feliciores enim sunt, qui nunquam è gradu felicitatis perfecta sunt deiectioni, quam qui fortunæ bonis amissis, felicitatem ipsi suam infuscarunt: Nam quamuis longo ea bona possederint tempore, minus tamen possederunt, aut certe possederunt imperfectius, quam ij, qui fortunati decesserunt è vita.

Dicendum extremo. felicitatem cum stabilis propter actionem virtutis constantem, appellatur, non propterea stabilem dici, quod amitti vlla ratione non possit, sed, quod nequeat vel externa vllius vi, vel aduersis fortunæ casibus & calamitatibus extrinsecus accidentibus eripi. Vt enim supra indicauimus, suo iudicio ac voluntate potest vnusquisque virtutem à se depellere, ac propterea ipsam etiam amittere felicitatis essentiam, quæ virtutis actione perfecta continetur,

Primo autem argumento ex iis quæ proposita sunt, Respondeo, cum qui terminat vitam inter res aduersas, quamuis antè felix fuerit, non iudicari felicissimum, posse tamen haberi felicem. est enim felix, quia retinet factam, rectamque virtutis actionem inter calamitates: non est felicissimus, quia non est assecutus illum vltimum gradum felicitatis. sed infuscatio illa non obruit felicitatem. Quod si labatur aliquis in exitium Priami, felicitatem Politicam quidem amittit, sed retinere tamen potest eam, quæ congruit homini priuati agentis ac solitarii, contineturque virtute, in actiones externas non erumpente.

Secundo respondetur, beatitudinem esse bonum per se satis superque illi appetitioni, quam ratio regit, ac temperat: appetitio autem hominis qui ratione ducitur, & perfecta prudentia, non postulabit, neque requireret in humana beatitudine constantiam & stabilitatem illam, quæ dicitur æternitas, sed eam, quæ sit idonea atque accommodata humane felicitati. Stabilitas autem hæc, est in eo posita, quod corrumpere vi externa non possit.

Tertio denique respondeo, summum bonum, quod simpliciter absoluteque ac perfectissime summum est, non esse bonum hoc; & beatitudinem humanam, humane naturæ parabilem viribus, de qua loquimur, sed eam, quæ pietati, rectæque religioni tribuetur à Deo in domicilio Beatorum, adeoque concedo, eiusmodi summum bonum depellere omne malum, quod accidere homini queat. Sed dico, beatitudinem hanc humanam cum ea collatam, non esse simpliciter, absoluteque summum bonum, ac propterea non depellere quicquid mali potest mortalibus euenire, nisi ad tempus illud, quo ipsa viget, & quodammodo florescit in eo, qui dicitur felix. Qua demum efflorescente ob res aduersas, remanet inter infortunia dimicans atque obluetans virtus, illi Theologorum beatitudini respondens, quæ inops est, quæ lu-

get, quæ sitit, esurit, violentia quæque hostium exagitur, & tollitur in patibulum.

QVÆSTIO SECVNDA.

An Virtutes sint scientiis constantiores & firmiores.

QUÆRENDVM id est ob ea, quæ Aristoteles in hoc ipso cap. 10. de beatitudinis constantia, & stabilitate disputauit. Concedens enim, satis magnam stabilitatem atque constantiam accipere felicitatem à virtute, ac propterea fortunæ nunquam succumbere, aut eiusdem vicissitudine permu-
tari, sic loquitur: Nulla enim in re mortali tanta est constantia, quanta in virtutis actionibus inest. Multo enim constantiores, & firmiores ipsis videntur esse scientiis. Quæ-
rere propterea libet, num id verè dicatur, quod aliqui videtur incredibile. Nihil enim videtur esse scientia constantius, atque stabilius: vt multis potest argumentationibus demonstrari: quarum est

Prima. Quemadmodum habituum essentia, atque distinctio tota petitur & pendet ab obiectis, in quibus versantur, & ex principiis, vnde deducuntur; sic ex iisdem videtur eorum. pendere firmitas & constantia. Sed habitus demonstratiui versantur in materia, quæ aliter habere se non potest, & ex principiis ducuntur certissimis ac necessariis: virtutes autem materiam habent incertam, atque mutabilem, hoc est, actiones appetitus, & voluntatis, & ex similibus ducuntur principiis, etiam instabilibus & ita contingentibus, vt in cap. 3. supra dixit Aristoteles honesta & iusta potius ex lege, quam ex sua natura vulgò spectari. ergo firmiores sunt habitus contemplantes, & demonstratiui, quam virtutes, & ipsæ virtutum actiones.

Secunda Ratio, & argumentatio peti potest à subiecto, in quo habitus ipsi tanquam accidentia sunt. Illud enim accidens videtur esse debere constantius, atque immutabilius, cuius subiectum magis est constans, & immutabile. sed scientiarum subiectum est intellectus. qui profectò multo firmitior est, atque immutabilior, quam sensus vel appetitus sentiens, in quo ipsæ virtutes. ergo constantior & firmitior est scientia, quam Virtus.

Tertia. Aristoteles ipse videtur velle inter habitus, eos esse constantiores & firmiores, qui præstantiores & excellentiores sunt. Ait enim, inter ipsas virtutes, illas esse stabiliiores, quæ ceteras præstantia vincunt & excellentia, idque propterea, quod homines multo frequentius in earum vfu, quam in aliarum exercitatione viuendo versentur. ergo sequitur ex his habitus scientiarum demonstratiuos, quoniam sunt præstantiores, & ii, qui propter summam suam honestatem multo maxime rapiunt mortales ad se, stabiliiores & firmiores esse virtutibus. De-

cet enim M. Tullius honestum allicere nos ad se: adeoque, id quod honestissimum est, debet allicere maximè, Quo fiet, ut in habitu honestissimo exercendo, atque in eius usu multo constantiores esse debeamus, quàm in iis, qui quoniam tam honesti præstantesque non sunt, haud tanta vi nos pertrahunt, & alliciunt ad amorem sui. Huc accedit, quòd felicitas in contemplatione magis est posita, quàm in actione. ergo beatifrequentius in exercitatione scientiæ versabuntur.

Quoniam in hoc argumento postremo leniter est indicatum quid sibi voluerit Aristoteles, cùm dixit, virtutes esse firmiores, quàm scientias, erit hoc enucleatius explicandũ, ut tota quæstionis ratio reddatur apertior, & facilius obiectæ rationes refellantur. Non est, cur in hoc magnopere laborare debeamus: cùm Aristoteles ipse tanquàm intento digito demonstrarit, quid ipse significare voluerit, cùm id pronunciauit. Statim enim causã subiunxit, cur virtutes ipsis firmiores scientiis videantur, eamque dixit esse; quòd in virtutibus exercendis homines boni, beatique multo plus temporis, & curam multo magis assiduam & continentem ponant, quàm in exercenda scientia: adeoque fiat, ut difficilius nos virtutum, quàm scientiæ capiat obliuio. Præstabit ipsamet Aristotelis verba proponere. [Multo inquit firmiores, & constantiores scientiis ipsæ videntur esse virtutes, quarum ut quæque præstantissima est, ita stabilis maximè. quod in iis maximè, & frequentissimè vitam transigant beati.] Dixi frequentissimè, quia melius Latine reddere non possum, quod in Græco codice sic est: *διὰ τὴν μαλίστην, ἣ συνίσταται ἐν αὐτῇ, καὶ ἀπὸ τῆς αὐτῆς μαλίστην*. Itaque *συνίσταται* maluit aliquis vertere assiduissimè, Argyropolus continuatissimè, Lambinus assiduè, vetus interpretes, maximè continuè. Quæ varietas haud multum habet momenti, si teneamus, Aristotelem id sibi velle, & contendere: propterea stabiliiores & diuturniores esse virtutes, quàm scientias, quia in virtutum usu sic assiduo vitam agunt homines probi, & beati, ut sine vlla temporis intercapedine, aut intermissione illas exercere videantur. nulla enim eorum vitæ pars virtutis officio vacare potest: scientiæ autem exercitatione vacant plurimæ, cùm vita civilis, de qua loquitur Aristoteles, ita versetur in contemplatione, ut contemplationem ipsam referat ad actionem. Et profectò res ipsa demonstrat, verum esse quod Aristoteles docet: Videmus nimirum virtute perfecta præditos homines in ipsa quoque senectute iam ætate confectos actionibus virtutum idoneos esse, sed ad scientiæ ac mentis exercitationem ineptos. Videmus eosdem homines virtute præditos in omni ætatis ac vitæ parte omnibus horis, ac prope momentis esse ad opus virtutis instructos, & sic præparatos, ut nulla præeunte meditatione, possint agere secundum virtutem. contra verò videmus doctos & eruditos scientia viros, cùm doctrinæ

se suæ actionibus exercere volunt (cuiusmodi est docere) disputare, ac dicere, multò se antè studio, & commentatione præmunire. Immo verò id etiam ipso nouimus experimento: eundem hominem doctum, si post aliquot menses, aut fortassis etiam dies, eadem de re disputaturus sit; de qua hodie disertissimè dixit, necesse habere iterum eam commentari, relegere de integro quæ studio iam accuratissimo collegerat. Hæc verò aliæque huiusmodi multa quid significant, nisi virtutis usum esse frequentiore in vita, & eius habitum diuturniorem, constantiorem, firmiorem, quàm habitum scientiæ quantumvis altis in animum radicibus immisissæ: cuius nimirum tam facile nos obliuio capiat, ut quod scimus hodie, paulò post ignorare videamur.

Sit igitur huius disputationis vnica hæc; eaque certa ex Aristotele Conclusio: virtutes, & virtutum actiones esse scientiis ipsis constantiores & firmiores. Rationes, quæ rem sic esse demonstrent, expositæ iam sunt. nec necesse est alias adiungere, sed potius eas confutare, quas disputationis initio proposuimus. Id quod antequam aggredior,

Admoneo, Albertum Magnum duplicem tribuere habitibus diuturnitatem, constantiam & firmitatem; vnã quidem secundum se, hoc est, quatenus ipsi pendunt à principijs suis essentialibus: alteram habita ratione obiecti, hoc est, quatenus iidem habitus in suo versantur obiecto. Primum modum ait facere, ut scientiæ sint virtutibus diuturniores & firmiores. cùm in materia versantur immutabili, & ex necessarijs principiis earum conclusiones, & dicta proferantur. ex altero verò modo docet contra fieri; ut virtutes sint scientiis, firmiores, cuius rei eam vult esse rationem, quòd honestum & bonũ sua naturali vi nos alliciat, & trahat ad se, adeoque id quod optimũ, & honestissimum est, ita nos trahat atque ad sui memoriam excitet, ut in eo versari cogamur assiduè: eiusmodi autem bonum honestissimum, & præclarissimum in virtutibus, non in scientiis esse. Sed hæc haud omnino vera iudicant alij: qui contendunt, multò præstabilius id esse, in quo scientiæ versantur, multoque honestissimum videri, ac propterea multo vehementius sua dignitate rapere nos ad se, quàm id in quo virtutes & morales versantur habitus. Quare probant magis quod docet Eustrat. virtutes esse propterea diuturniores, & firmiores, quòd per obliuionem eorum habitus deleri non possint, cùm ob ea, quæ nobis subinde, immo verò continenter, ac semper occurrunt in vita, necesse habeamus in assidua virtutum exercitatione versari. Non autem eadem nobis est imposita necessitas exercendæ scientiæ; adeoque propter intermissiones frequentes, frequenter etiam eius accedit obliuio. Hæc, inquam, quæ sic dicuntur ab Eustratio, placent alius multo maximè in primisque D. Thomæ: qui ait, habitum in potentia huiusmodi,

& quodammodo radices agere per actiones frequentes, ac quodammodo continuatas, continuationem verò non tantà esse in actionibus scientiæ, quanta in virtutibus est, quas in vsum proferre continenter oportet, & secundum virtutem agere: quia cibus quotidie sumitur, sæpe colloquendum cum feminis est, sæpe transigendum cum aliis; quæ vitæ humanæ ratio necessaria necessarium virtutis vsum & quidem assiduum postulat. Sed ut planior tota res fiat, & quæstio componatur facilius, partitionem adhibendam firmitatis censeo, quam nobis explicatè Buridanus describit; affirmans, firmitatem, & diuturnitatem habitus spectari posse vel ex obiecto, vel ex subiecto, vel ex frequenti, ac prope continua eiusdem habitus exercitatione. Si spectetur ex obiecto, scientiæ sunt firmiores; cùm earum conclusiones semper veræ sint atque immutabiles; virtutes autem minùs constantes, & firmi: quia quemadmodum intelligere potuimus supra, ex cap. 3. bonæ actiones, & iustæ, quæ conclusiones doctrinæ moralis, & virtutis sunt; & in quibus ipsæ versantur virtutes, tantam habent mutabilitatem & inconstantiam, ut actio quæ hoc tempore, ac loco ab vno promittitur homine, iusta sit, & honesta, paulo post, alio loco, ac tempore, vel ab alio auctore profecta iniusta, & virtuti dissimilanea iudicetur. Sin autem spectare velimus habituum eorundem firmitatem atque constantiam ex subiecto, nosse primum oportet ex Commentatore in 3. de Anima duplex esse subiectum rerum, quas cognitione theoricâ propriè contemplamur. vnum, cuius vi sunt entia; aliud, cuius beneficio vera sunt. Illud nihil aliud est, quàm intellectus, quem vocant possibilem. hoc est, nihil aliud nisi phantasma vel intelligibilis species ex phantasmate pendens. Ergo quamquam primum illud subiectum, hoc est possibilis intellectus appetitu sentientis animæ immutabilis est, secundum tamen subiectum, hoc est phantasma, sine quo anima nihil intelligit, multo mutabilius est quàm appetitus; qui visu, longaque; ac diuturna consuetudine ducitur ad agendum. consuetudo verò longatam constans & firma est, ut altera natura nominetur. Quare quantum ad hoc subiectum attinet, virtutes sunt scientiis constantiores, & firmiores. Si denique habitus firmitatem ex actionum, quæ nascuntur ab habitu exercitatione, ac frequentatione spectemus; quoniam huius frequentationis duplex esse potest ratio, bipartitò etiam hac de firmitate disputari debet. Vna quippe frequentationis ratio nascitur ex dignitate, ac præstantia obiecti, actusque in eo versantis, qui sua nos allicit & pertrahit excellentia vehementer ad se. Quæ ratio in exercitatione scientiæ vincit eam, quæ inuenitur in actionibus virtutum, quæ non tantam habent obiecti præstantiam & dignitatem. Sed tamen, quia rerum cognitione illa theoricâ sciendarum conclusiones infinitæ prope modum sunt, & difficultas est in iis deducendis incredibilis, cum nullo nobis experimento

cognitæ sint, & comprobata; quia earum vultus non est villo modo necessarius ad degendam vitam, nec capitur à nobis; nisi consulto & de industria contemplari volentibus fieri non potest, ut sic actiones frequentemus scientiæ, quin aliqua interueniat obliuio. Altera ratio frequentationis actuum oritur ex eo, quòd in iis versentur rebus, ob quas frequentissimè, & passimèq; cogimur agere. quæ ratio quoniam summam habet in virtutibus efficacitatem, sine dubio vincit eam, quæ in scientia est. Itaque tum propter hanc, tum etiam propter ea, quæ supra diximus, virtutes sunt scientiis ipsiis firmiores, & diuturniores: adeoque argumentis propositis faciliè respondebitur.

Nam primum illud, quo contenditur, esse firmiorem & stabiliorem scientiam propter materiam, obiectumque certissimum, & propter conclusiones immutabiles, verissimè dicitur (est enim inconstans materia virtutum, & conclusiones faciliè mutabilitatem admittunt). non tamen ex hac ratione spectant stabilitatem virtutum Aristoteles, sed ex ea frequentatione actuum, cuius necessitatem nobis imponit humana vita. hæc autem est tanta, ut vincat illam scientiæ firmitatem, faciâtque ut nulla obliuione virtutum habitus obliterentur.


Secundo autem argumento, quod ab intellectu stabilitate petiturum est, in quo tantumquam accidentia habitus scientiarum sunt, responderi potest; scientiæ nullam accidere mutabilitatem à subiecto primo, quod est intellectus, accidere tamen à secundo, hoc est à phantasmate, vel intelligibili specie, à phantasmate pendet.

Tertio demum respondendum est, actus contemplationis, quæ versatur in diuinis, verè sua dignitate atque præstantia nos magis allicere, quàm actus virtutum: sed tamen in actionibus virtutum aliæ sunt, & quidem multæ validissimæque rationes constantiæ, ac firmitatis, de quibus est dictum. Quod verò contendunt extremo loco, felicitatem in contemplatione potissimum esse positam, adeoque felices in hoc opere magis quàm in virtutum actionibus versari, & quasi viuere oportere; quod inquam sic dicitur, exhibet verè non mediocrè difficultatem.

Sed sciendum est, aliquos negare, beatitudinem esse positam in contemplatione formaliter, sed in amore perfectio, quod verum veredicatur, est explorandum ex lib. 10. sed si verum hoc est, argumenti ratio nihil demonstrat; quia felicitas formaliter non est scientia, & contemplatio. Alij concedunt formaliter in contemplatione consistere, sed dicunt ex varia contemplatione rerum naturalium ascendere felices ad Dei, Mentiumque celestium contemplationem: in qua rursum vbi multa & varia per peculiare conclusiones de Intelligentiis, & Deo cognouerint, postremum quandam sibi comparent Dei cognitionem, non quidem formaliter, sed virtute continentè ac dignitate cognitiones omnes antecedentes. Atq; in

hac extrema notitia, & contemplatione proficentur esse positam hominis felicitatem, eamque firmissimam esse, nec obliuione aliqua quicquam detrimenti capere, quia perfectè felices viri in ea occupantur assidue, quantum tamen humana conditio sinit. In aliis autem antecedentibus cognitionibus, & conclusionibus admittunt inconstantiam, & mutabilitatem, quia intermissio sit actuum, & tercapedo, ac propterea interueniat obliuio

neceffe est: nondum enim ad perfectam Dei notitiam perueniunt qui ad felicitatem contendunt, dum in contemplationis actibus detinentur, sed laborant in via. Ergo ex illorum opinione satis est hæc inconstantia, ut verè dicat Aristoteles vniuersim, virtutum habitus, & actiones multo maiorem habere firmitatem, & constantiam, quàm scientias: excipit enim eam, in qua postremus gradus positus est felicitatis.



CAPVT VNDECIMVM. DE AMICORVM, POSTERORVMQVE fortunis ad defunctos pertinentibus.

S V M M A.

Bonam, vel malam fortunam in amicos quoque redundare, cum viuentes, tum mortuos.

DIVISIO CAPITIS IN PARTES TRES.

1. Commutatio fortuna amicos viuentes afficit.
2. Afficit etiam mortuos, sed cum discrimine, ac differentia.
3. Qua ratione afficiat mortuos.

PARS PRIMA CAPITIS VNDECIMI.

Τὰς δὲ τῶν ἀπογόνων τύχας, καὶ τῶν φίλων ἀπάντων, ὃ μὴ μνησθῆναι συμβάλλεται, λίαν ἀφίλοι φαίνεται, καὶ τῆς δόξης ἐλαττώει, πολλὰν δὲ καὶ πλυστίαν ἔχοντων ἀγαθῶν τῶν συμβαίνοντων, καὶ τῶν μὴ πολλοὺν στωικουμένων, τῶν δὲ ἥτων, καθ' ἑκάστην μὲν διαφέρει, μακρὸν, καὶ ἀπείραστον φαίνεται. καθ' ὅλου δὲ λεγθῆναι καὶ τύχας, καὶ ἀν' ἑκάστης ἔχει. εἰ δὲ καὶ θάψαι καὶ τῶν περὶ αὐτὸν ἀτυχημάτων, τὰ μὲν ἔχει τι βέλους, καὶ ῥοπήν περὶ τὸν βίον, τὰ δὲ ἐλαφροτέροις εἶναι· οὕτω καὶ τὰ περὶ τῶν φίλων ἐμίσως ἀπάντας.

Posterorum autem fortunas, & amicorum omnium, ne tantulum quidem conferre, valde ab amicitia alienum videtur, & opinionibus contrarium. Cum verò multa, & varias habentia differentias euentia sint, & alia magis nos attingant, alia minus, unumquodque sane definire longum, & infinitum videtur. vniuersè verò res dicta, & adumbrata forsitan satis erit. ergo quemadmodum quæ cuique sunt euentia, alia quidem habent aliquod pondus & momentum ad vitam, alia leuiora videntur: sic & ea, quæ amicis eueniunt similiter omnibus.

EXPLANATIO.



VÆSTIONIS in proximè superiori cap. x. proposita tractatio hæc est. Ibi enim cùm disputabatur aduersus Solonem, vocatum in dubium id fuit. An mortuos felicitas posterorum tangat aut infortunium. Quod quia tunc constitutum ea disputatione non est, in hoc capite tractatur ex industria & diligentius. Videtur ergo totum hoc caput tribus pene partibus distingui posse: in quarum prima proponitur & deciditur quæstio quædam huic principali quodammodo parans viam & præcursoria: hoc est, Vtrum vir beatus viuens commutationem fortunæ patiatur ob euentus fortuitos amicorum viuentium. Ex huius enim profligatione quæstionis intelligitur, an mortuis aliqua possit accidere felicitas ex amicorum prosperitate. In secunda ostenditur euentus amicorum viuentium ad amicos, tum viuentes, tum mortuos redundare posse, sed cum discrimine, ac differentia. In tertia demum declarat qua ratione amicorum viuentium euenta mortuos tangant, atque ad eorum pertineant conditionem, ac statum.

Proponit igitur initio quæstionem illam præparatoriam, pronuncians, cum, qui dicat, amicorum fortunas, hoc est, euentus tam secundis ac prosperos, quàm incommodos, atque aduersos nihil omnino asferre momenti ad amicorum omnium, hoc est, etiam viuentium amicorum beatitudinem afficiendam, cum, inquam, qui sic loquatur, dicere aliquid, & alienum ab amicitia, quæ amicorum bona, malæque vult esse communia, & à communi omnium abhorrens opinione, quæ omnino falsa esse non potest. Dux sunt ergo rationes, quibus ostendit, ad amicorum omnium vniuersè, ac propterea etiam eorum qui defuncti sunt conditionem pertinere non nihil amicorum felicitatem, aut infortunia. Prior ab ipsa definitione, ac ratione amicitia petitur: quæ quoniam in communicatione rerum posita est, postulat, vt tum bona, tum mala communia sint. Secunda, ducitur ab opinione, sensuque omnium communi, sic existimantium, & iudicantium vniuersè: communis autem hominum sententia, & iudicium tanti est, vt omni ex parte falsum esse non possit, quod alibi docet idem Aristot. & hoc loco confirmant Eustrat. & S. Thom. Cùm ergo generatim vniuersæque verum id sit, amicorum fortunam, vel bonam, vel malam ad amicos pertinere, quærere posset aliquis, qui nam, qualisue sint euentus fortunæ, quorum vis possit immutare statum amicorum. Id enim in hac quæstione inuestigamus, an amicorum status & fortunæ ex iis, quæ amicis eueniunt felix reddatur, aut miser. Vel si miser, aut felix iam sit, verum miserior effici propterea possit, aut felicior. Respondet igitur Aristot. admonens, se non esse disputaturum accuratè, subtilitèrque de malis hisce bonisque amicorum ad amicos pertinentibus: sunt enim multa, multisque inter se nominibus differentia: specie, quantitate, tempore, aliis, de quibus distinctè partitèrque dicere longum esset & infinitum. Satis igitur habet hæc adumbrare atque in summa dicere: ex bonis ac malis, quæ homini accidunt, alia esse leuia, alia graua, alia multa, alia pauca, ac propterea non quælibet amicorum mala, vel bona posse facere, vt status amicorum felix aut miser immutetur, sed oportere bona illa, & mala multa esse, ac magna. Idque intelligere se ait ex iis, quæ ipsi homini eueniunt bene vel malè. Quemadmodum enim beatorum nemo mutationem fortunæ patitur, nisi ob multa & graua mala, quæ sola vim & pondus habent ad vitæ statum, & conditionem immutandam; sic amicorum nullus propter euentus fortuitos amici nancisci dicitur fortunæ mutationem, nisi euentus illi permulti sint & acerbi. Ex leuibz enim euentis non fit fortunæ immutatio, vt hic docet Eustratius.

Addunt aliqui vnum ad distinguendos euentus, qui faciliorem habent fortunæ mutationem ob casus amici. Dicunt ergo, eo facilius eiusmodi mutationem accidere, quo amici propinquiore sunt & chariores: horum enim mala & bona magis nostra videntur esse quàm communium amicorum. Quod profectò verissimè dicunt, sed de suo: cùm nihil hic eiusmodi apud Aristotelem sit. Itaque, vt omnia colligamus; amicorum aduersæ res, & secundæ vniuersè pertinent ad amicos: sic prorsus, vt eorum statum ac fortunam possint immutare, quæ prima huius vndecimi capitis est pars.

SECUNDA PARS CAPITIS VNDECIMI.

Διαφέρει δὲ τῶν παθῶν ἕκαστοι πε-
ρὶ ζῶντας, ἢ τελευτήσαντας συμ-
βαίνειν πολὺ μᾶλλον, ἢ τὰ ἀξίωμα,
καὶ δεῖα παρῶν ἢ τῶν παλαιῶν,
δύσιν ἢ εὐτυχίᾳ. συλλογιστέον δὲ καὶ
ταῖς τῶν ἀξίων.

Interest verò, utrum calamitatum
singula viventibus, an mortuis acci-
dant, multo sanè magis, quàm iniqua, &
atrocia utrum in Tragædiis ante extiterint,
an gerantur. Colligenda igitur & hoc mo-
do differentia est.

EXPLANATIO.



SECUNDAM partem, in qua ostendit amicorum viventium for-
tuitos euentus alio modo ad amicos viuentes, alio ad demortuos
redundare, tractat, & comprobat, à Tragædiis, siue à Tragæ-
diarum argumentis petita huius differentia similitudine ac com-
paratione. Sed qua ratione hanc à Tragædiis similitudinem pe-
tat, quidve in Tragædiis esse velit simile huic amicorum fortu-
næ ad viuentes, ac mortuos cum discrimine permanenti, non conuenit inter in-
terpretes. Lambinus, & Turnebus hoc pene modo (si eorum verba explanare
debeam) Aristotelis dicta, & sententiam capiunt. In agendis Tragædiis per-
magni profecto interest, utrum res illæ crudeles, atque atroces, quæ inducun-
tur in scenam, verè quondam perpetratae sint, an à Poëtis ex ingenio confictæ
spectatoribus histrionum ministerio proponantur. Si enim Atrei crudelitas, &
cæna Thyestæ sunt veræ, Thyestes infelicissimus, vir quidam est certus, & pe-
culiaris: adeoque vehementer commouebit ad commiserationem spectatores.
sin autem omnino fabulosa, atque à Tragico Poëta excogitata sunt omnia,
Thyestes non homo certus erit, & peculiaris, sed simulacrum referet hominis
infelicitis in vniuersum: ac propterea res illa tam crudelis, & miserabilis non tan-
topere commouebit, cum ab opinione spectatorum tota pendeat, qui Thye-
stem veluti viuentem, eamque ferentem calamitatem sibi ponunt ob oculos.
Quæ si vera est interpretatio, consentit cum iis, quæ docet Aristoteles in cap.
7. Poët. Vbi docet, argumentum Tragædiarum quod maximè probabile sit,
oportere verum esse, non fictum ex ingenio & commentitium. Debet enim com-
mouere Tragædia graues affectus, timorem & commiserationem, qui commo-
ueri non possunt, nisi ab argumento credibili: non est autem credibile, aliquos
fuisse viros Principes & Reges insigni calamitate confectos, quorum nomina &
res gestæ mortales ignorent. Cuius rei ratio est, inquit, quod credibile illud est
quod fieri potest: quæ verò nondum facta fuisse scimus, fieri posse parum cre-
dumus: quæ verò facta sunt, ea fieri potuisse ambigit nemo. Sed hæc res est à
nobis explanata sedulo in libellis de Tragædia cap. 26. & de Comœd. cap. 16.
Alios nunc interpretes consulamus. Obertus Gifanius existimat hîc expressum
esse præceptum illud Horatii,

Aut agitur res in scenis, aut acta refertur.

Segnius irritans animos demissa per aures,

Quam quæ sunt oculis subiecta fidelibus.

Perinde ac si velit Aristoteles significare, permultum sanè differre res, quæ nar-
rantur à nunciis in Tragædiis ab iis quæ aguntur & spectatorum oculis subiciun-
tur in scena: multo quippe magis hæc commouent, quàm illæ. Denique D.
Thomas, & cum securus Gualt. Burleus nolunt Aristotelem vllam ponere diffe-
rentiam inter res, quæ vno, vel altero modo tractantur in Tragædiis, sed in-
ter eas, quæ re ipsa fiunt, & eas, quæ in Tragædiis vniuersè non quidem fiunt,
sed repræsentantur, ac recitantur; creduntque comparisonem simplicem & pla-
nam esse euentuum eorum, qui pertinent ad amicos viuentes, cum iis, qui verè fiunt
& eorum, qui pertinent ad amicos iam vita functos & mortuos, cum iis, quæ ab
histrionibus aguntur in scena. Vt enim hæc minùs mouent, quàm quæ re ipsa gerun-

tur, sic ea, quæ amicis accidunt viuentibus, plus eos afficiunt, & maius habent ad felicitatem, miseriamque momentum, quàm quæ mortuos tangunt. Idcirco enim mortui dicuntur affici fortuna, & euentibus fortuitis amicorum, postero- rumque, quia per eos euentus excitatur eorum memoria, ipique commemo- rantur mortui, cùm aliquid amicis, ac posteris accidit prosperi, vel aduersi: vt cùm propter egregia filiorum facinora, resque secundas ac prosperas, ipsi etiam defuncti parentes beati, felicisque perhibentur. Quæ commemoratio videtur il- li similis esse, quæ in Tragædiis est eorum hominum, quorum res crudeles atque atroces ab histrionibus actione ac voce referuntur. Itaque hi ac superiores eò dif- ferunt inter se, quod illi putant, Aristotelem discrimen aliquod designasse in iis, quæ tractantur vno vel alio modo à Tragicis in scena; & cum vno comparare vi- uos amicos, cum altero mortuos: hi autem contendunt, nullam differentiam ar- gumentorum, aut partium Tragædiæ significatam hic esse ab Aristot. & ea, quæ quolibet modo repræsentantur in Tragædia, comparari cum iis, quæ mortuis ac- cidunt: ea verò quæ re ipsa fiunt, & perpetrantur, conferri cum iis, quæ accidunt viuis. Perstringere enim putant Aristotelem discrimen illud, & differentiam, quæ est inter parricidium Orestis cùm verè factum fuit, & perpetratum, & inter parricidium eiusdem cùm ab actoribus, fictis personis, in scena profertur. Quæ sanè interpretatio planior mihi esse videtur, & sententiæ congruentior, quam ex ver- bis obscurioribus Aristotelis exprimit Græcus homo & Latinus interpres Aegyro- polus, in hunc modum. [Viuentibus autem an mortuis calamitas accadat, multo magis refert, quam res nefanda grauèque gerantur, ne an in Tragædiis reciten- tur.] Nata quippe interpretandi varietas est ex duobus Græcis verbis, quibus hic utitur Aristoteles, tanquam oppositis, *πρὸ τῆς τραγῳδίας*, & *ἐν τῇ τραγῳδίᾳ*. illud enim huic opponit. *Ἀλλὰ πόθεν ἔχεται αἱ ἐν ταῖς τραγῳδίαις συμπτώσεις, καὶ μάλιστα, ἢ τὰ ἐν τῷ δράματι εἰρηναῖα πρὸ τῆς τραγῳδίας ἐπὶ τῇ τραγῳδίᾳ*. Quæ si red- denda ad verbum essent, ita se prorsus haberent: Differt verò, passionum vnam- quamque circa viuentes, an circa mortuos contingere: multo magis quàm iniusta & immania præexistere in Tragædiis an fieri. Ex his, inquam, verbis nata discor- dia Interpretum est: sed quacumque ratione accipiantur, mihi non videtur *πρὸ τῆς τραγῳδίας*, significare aliud posse, quàm esse aut præexistere ante ipsas Tragædias: hoc autem est res & argumentum Tragædiæ. id enim, quod præxi- stit Tragædiæ nihil aliud esse potest, quàm res ipsa perpetrata & facta, cuius simu- lacrum, & umbra profertur in scena. Itaque bene *ἐν τῇ τραγῳδίᾳ*, significabit contra quod ab histrionibus geritur, & fit in scena.

Nam prima illa eorum interpretatio, qui volunt id quod præexistit in Tragædiis significare verum Tragædiarum argumentum ab eo distinctum, quod fingitur à Poëta, non videtur magnum asserre discrimen inter eas res aduersas, secundasque, quæ accidunt viuis ac mortuis: vt enim in eo cap. 7. Poët. Aristot. damnare videa- tur eas Tragædias, quarum argumentum est comimentitium, non tamen impro- bat aut damnat. At enim paulò post, Florem tamen Agathonis placere: quæ Tra- gædia fictum habebat à Poëta argumentum, & personarum nomina item ficta præ- ferebat: hanc, inquam, Tragædiam dicit Aristoteles placere tamen, hoc est, pro- babilem esse. Non placeret autem, neque probabilis esset, nisi animos spectatorum afficeret. At Aristoteles comparat cum hac Tragædia casus accidentes mortuis, qui eos leuissimè ac propè nihil tangunt. Nihilo tamen minùs qui sequi horum au- ctoritatem veller, & contenderet *πρὸ τῆς τραγῳδίας* esse referendum ad argumentum ve- rum, *ἐν τῇ τραγῳδίᾳ* ad fictum, haud multum errare posset: mouent enim illa ficta argumenta minùs, quod est satis ad exprimendam Aristotelis sententiam per eam comparisonem indicatam. Sed nullo modo mihi probanda videtur explanatio Oberti Gifanii: qui putat hic explicari comparisonem cum iis, quæ geruntur in- tra proscenium, & cum iis quæ in ipso proscenio, vel scena spectatorum oculis obui- ciuntur. Nam Aristoteles commemorat res nefarias, iniustas, parricidia, cædes, & extremæ crudelitatis exempla, quæ sunt in Tragædiis: hæc verò nunquam fiunt aut aguntur in scena, sed intra proscenium, vt ipse docet Horat.

— Non tamen intus

*Digna geri promes in scenam, multæque tolles
Ex oculis, quæ mox narret facundia presens.*

amicorum, posterorūque viuentium res secundæ, aduersæque quantumuis magnæ propterea tantū ad mortuos peruenire dicantur, quod ipsi ex illis euentibus commemorentur ab hominibus, & laude vel vituperatione ab iisdem afficiantur. Itaque haud plus tangent mortuos illi viuentium euentus & casus, quā data in proskenio cœna tangat Thyestem mortuum, aut Orestis agnitio ab histrionibus reddita veram Iphigeniam afficiat, & verum Orestem. Cū ergo dictum supra sit, leues euentus non commutare fortunam, & felicitatem amicorum, consequens est, amicorum viuentium casus etiam grauissimos & acerbissimos, quia leuissimè amicos afficiunt mortuos, eorum fortunam, & statum non commutare. Nihil enim, inquit D. Thomas, potest esse leuius atque fragilius, quā id quod in sola hominum opinione consistit. Eiusmodi autem putat Aristoteles esse felicitatem, aut calamitatem, quæ ex rebus viuentium variis transit ad mortuos. Idcirco nimirum felices aut miseri ab eorum euentu dicuntur, quia sic opinantur homines, & sic prædicant: mortuos beatos esse, quod posteros nanciscantur felices; miseros, quod reliquerint calamitosos.

Claudit igitur Aristot. disputationem ac statuit, tam res prosperas, quā aduersas viuentium ad amicos mortuos permanere, sed tam leuiter, vt neque verè infelices, neque verè beati propterea dici debeant: hominum enim opinio nihil eiusmodi potest in eos conferre, quod ipsis inhæreat.

EPILOGVS.

1. Amicorum fortuitos euentus ad amicos aliqua ratione pertinere dicamus necesse est, nisi velimus amicitia naturam euersere, quæ facit omnia inter amicos communia, aut communi omnium opinionem repugnare, qui sic existimant.
2. Sed alio modo amicorum casus afficiunt viuentes, alio mortuos. Viuentium enim status, & fortuna vere ac re ipsa mutari potest ab ingentibus euentis amicorum; mortuorum autem amicorum fortuna, & status non immutatur, nisi ex hominum opinione, qui eos infelices, felicesve propterea vocant, quod amici posterive malam aut bonam nacti fortunam sint.



IN CAPVT VNDECIMVM,

QVÆSTIO VNICA.

An ipso intereunte homine intereat prorsus humana felicitas.



DE humana id ego felicitate nominatum quæsitum volo, hoc est de ea, quam homo suo ingenio viribūque adipiscitur suis in vita: quia de hac Aristoteles disputat, cū quærit: An viuentium amicorum, posterorūque fortuna pertineat ad mortuos sic, vt eorum possit felicitatem, aut miseriam in contrariam partem conuvertere, atque immutare. Cuius quæstionis ea mihi videtur esse sententia, An ea felicitas siue status felix ex omnium bonorum aggregatione conflat, omnino per obitum aboleatur. Si enim prorsus aboletur, amicorum euentus fortuiti non possunt eum immutare: sin autem aliqua ratione remanet etiam post obitum, videtur amicorum & posterorum fortuna ad illum quadammodo peruenire. Conatur quidem Albertus ostendere,

antiquos Philosophos, in primisque Platonem existimasse, mortuorum animas hominum, viuentium adiuuari præsidio, & miseria liberari. Ait enim, eum in parte Dialogi, qui Phædo inscribitur, affirmare, theoricæ vitæ contemplationisque studiosos, & amantes viros Deorū sedes capessere post obitum, in quibus diuina prorsus felicitate potantur: Ciuiles autem homines, & eos, qui actione politica probitatem coluerint, post obitum inter homines vitæ sanctos meliores viuentibus ciuilem quidem, sed præstantiorem quamdam, quā humanam adipisci felicitatem. Eos autem, qui neque contemplationem amauerint, neque Politicam actionem secuti sint, sed voluptatibus, ac vitio contaminati decesserint, Cocytii, aliorūque fluuiorum aquis amarissimis immergi. Qui cū continentet fluant, & in orbem circum-

agantur

agantur, eorum animas secum rapiunt, & in eo circumactu reuehunt identidem ad superiores. Quo tempore aut animas illas impuras viuentium implorare subsidium, supplicationem, expiationemque postulare: eam si impetra ut liberari; si minus, ad cruciamentum rel. b. Hæc, inquam, ait Albertus à Platone doceri: ut intelligamus, etiam antiquos Philosophos aliquid sentisse us simile, quod nostra tradit religio de animis defunctorum ope mortalium igne illo purgatorio liberandis. De Aristotele nominatim nihil eiusmodi confirmat: sed etiam si confirmaret, nihil afferret Albertus quod posset aliquid ad hanc questionem afferre momenti. Nam illa Civilis felicitas, quam dicebant mortuos post obitum adipisci, in alio collocanda est ordine, ac genere, neque dici potest eadem esse, quæ fuit apud mortales. Ponitur enim esse præstantior, & homines illi, quibuscum, & inter quos communicatur; excellentiores esse dicuntur. Itaque tametsi ea fuisset etiam Aristotelis opinio, ad hanc tamen questionem pertingeret nihil, in qua disputatur de humana tantum, hoc est, de mortalium felicitate, quam consequuntur in vita studio suo, inquiturque: an ea post obitum ita maneat, ut amicorum posterorumque talibus immutari queat.

Itaque, ne id quidem, quod nostra religio, & Theologi docent de animorum statu post obitum vllum hic inuenire locum potest. Quærese enim, inquit S. Thom. vtrum homines secundum obitum viuant, vtrum cognoscant ea, quæ hic aguntur, & ex iis immutari possint, ad propositam hanc ab Aristotele disputationem non pertinet; ybi agit de huiusce vitæ felicitate, quæritque, vtrum post obitum etiam continuetur eadem, ita ut possit ex viuentium fortuna mutari. Quare huiusmodi quæstia prætermitti iubet ex ipsius Aristotelis decreto, disputationes alienas ab hac actuosa disciplina depellens, ut diximus alibi.

Tenendum adeo quidem est, tum ex Platonis, tum verò maximè ex Theologorum sententia per obitum viri felici non aboleri felicitatem humanam, sed perfici. Felicitas enim, & summum huius vitæ bonum eatenus verè bonum est quatenus ad summum bonum futuræ perducit. Remanet adeo non quidem illa complexio bonorum omnium, sed contemplatio & amor summi boni, qua in re fuit etiam posita essentia, & postremus gradus humanæ felicitatis: contemplatio autem, & amor summi boni post obitum excellentiores quædam res sunt & perfectiores. Id, inquam, ex Platone, multòque magis ex Theologis Christianæ religionis tenendum quidem est. Sed tamen hoc nihil officit iis, quæ quærit hic, & docet Aristoteles, cum inuestiget id solidum: An humana felicitas conflata ex bonorum omnium complexione, qua nimirum viuentes homines dicuntur, non essentialiter modò, sed accidentaliter etiam beati, maneat eadem post obitum, ita ut aliquam possit admittere mutationem accidentem extrinsecus ab amicis,

posterisque viuentibus. Vtrum autem illa essentialis felicitas in actione tantum animi posita post obitum perficiatur, & euadat excellentior, ipse non quærit in præsentia, nec de beatitudine laborat ea, quæ sic humana præstantior. Quamquam enim in 12. Meta. t. 39. ait, summum bonum nobis exiguo tempore conuenire, & in 3. de An. t. 10. in obitu scientiam aboleri, propterea quod anima sine phantasmatibus nihil intelligat, non tamen hæc voluit hoc loco commemorare; sed quæreret tantum: An aliqua ratione mortui possint appellari felices aut infelices, siue post obitum animus intelligat, & contemplatione utatur excellentiori, siue non intelligat, & alio statu sit & conditione, mortalibus ignota. Quæ necessario fuerunt hic præmonenda: quia etiam ipse Aristoteles videtur animam separatam aliam tribuere operationem. Nam in primo de Anima ait, non animam intelligere, sed hominem: ex quo loco posset aliquis contendere ex Aristot. perire habitus, quia non intelligit nisi homo qui perit, ac propterea perire felicitatem: sed hoc ipse non disputat.


Quare id animaduertendum est diligenter, duplici ratione posse mutari felicitatem, ac propterea duplicem posse questionis huius in hunc etiam contracta modum esse sententiam. Potest quippe primo loco sic felicitas mutari, ut in se ipso verè mutetur ille, qui dicitur felix ob aliquam actionem, qualitatem, aut bonum commutatum quod antè illi hærens, & in eius esse potestate dicebatur. Secundò dici potest mutari ob aliqua mala prorsus externa, quæ non attingant quidem feliciem hominem, sed ad eum aliquo modo pertineant; cuiusmodi sunt externa mala iis contraria bonis externis, quæ cumulum perficiunt, aut exaggerant beatitudinis. In hoc genere posuimus alibi diuicias, amicos, filios, nobilitatem, alia, quæ in nostra potestate non sunt. Discrimen inter vtramque mutationem est maximum: quia prima facit, ut infelices verè illi dicantur, in quos cadit eiusmodi mutatio. Bonum enim, cuius conuersio, & mutatio fit, est in homine, qui felix dicebatur, adeoque felicitati vel essentielle bonum erat, vel bonum corporis, felicitati quidem externum, sed in homine. Secunda non potest verè, ac re ipsa eos infelices reddere, quibus accidit; sed tamen efficit, ut improprie & extrinsecè nominentur ab hominibus. Huius ergo disputationis index & titulus quærere potest duo. Primum quidem, An hominis interitu sic deleatur humana felicitas, ut nullo modo possint ij, qui fuerunt in vita felices, affici mutatione. Secundum: an ita maneat, ut vel ab intrinseca & propria, vel ab impropria & extrinseca mutatione etiam mortui nancisci possint appellationem aliquam infelicitatis. Quibus positis,

Dicendum primo loco est, amicorum posterorumque fortunis non immutari felicitatem defunctorum in se, hoc est ita, ut sentiantur ab iis, aut sic, ut ipsa mutetur essentia felicitatis, dicique verè ac proprie possit, eos esse redditos infelices. Quæ Aristotele

conclusio nihil repugnat eis, quæ à Platone docentur, & Theologis est consentanea. Quamquam enim ipse loquitur de illa felicitate, quæ defuncti potius sunt in vita, & eam mutari non possédit, quia felices non amplius existunt, ac propterea sine existentia non possunt eandem operationem habere, sine qua, felicitas non sit vera mutatio, nihil tamen minùs id à Platone non negaretur, qui ad præstantiorem politiam demigrare felices ait, ac propterea præstantiorem illis operationem & felicitatem attribuit: & Theologi docent eadem, affirmantes excellentiorem defunctis felicitatem deberi statum, quàm ut possit extrinsecus accidentibus malis in se contaminari. Probat autem Aristotelis conclusio ex eo, quòd defuncti non communicant ampliùs cùm ciuili societate quicquam, & vno amico pereunte, alter non propriè ampliùs amicus: cùm non seruetur reciprocos amor, adeoque erga defunctos non seruetur ciuilis amicitia, sed amor & memoria, & earum cura rerum, quæ pertinent ad ipsos: ergo non potest inter ipsos esse vera communicatio honorum & malorum, quæ requiritur in amicitia vera.

Dicendum secundò nihilominus est; defunctorum fortunam aliqua ratione mutari extrinsecè, & per accidens ob aliqua insignia mala vel bona, quæ posteris accidunt, aut amicis. Ratio est: quia excitatur eorum memoria, ac propterea dicuntur ab hominibus vel felices, vel infelices, ac propterea ob hunc honorem, aut vituperationem videtur eorum status aliqua ratione mutari; sed tam leuiter, vt verè, proprièque eo nomine felices, infelicesque dici non debeant: est enim, vt ait Aristot. id quod ad defunctos inde promanat perexiguum & exile: cùm nihil fieri possit exilius, quàm id quod in sola hominum est memoria, atque ab eadem memoria pendet totum. Id quod etiam consentire videtur cum iis, quæ Theologi tradunt de gloria, siue supplicio accidentali. Sancti enim homi-

nes, quorum animæ cælo receptæ apud viuentes consecrantur, ob eum honorem dicuntur beatiore, quàmuis nulla sit in essentiali felicitate mutatio. Itaque Theologis prætermis, id eum Aristot. dicam de humana mortali felicitate, remanere ipsam post obitum duplici modo: primo quidem memoriæ siue vocis hominum communis beneficio ac vi; quæ facit, vt præterita beatitudo retineatur, & amplificetur apud viuos. Cùm enim posteris, liberis, amicis accidunt aliquæ insignes, & magnæ fortunæ, prædicantur ipsi quoque defuncti, à quibus illi geniti sunt, & quibuscum amicitia fuere coniuncti, ac propterea nominantur beati. Deinde remanet beatitudo propter instrumenta quædam externa felicitatis, quæ supersunt post obitum: quales sunt amici ipsi, propinqui, opes, magnifici sumptus, ceteraque opera præclara. Videntur enim hæc etiam post obitum esse quædam partes humanæ felicitatis, sicut antè fuerunt. Quæ homines intuentes, solent defunctos felices aut infelices appellare, ac vulgo credere, illorum felicitatem habita ratione variatam, quæ accidit rebus mortalium, nunc illustrari, nunc obscurari. Quæ causa videtur esse, cur viri quoque prudentes de sepulcro solliciti sint, & testamento caueant multa, quæ post obitum suum agi velint de bonis externis, opibusque. Si enim felicitatem ciuilem omnino negligerent, non ea iuberent, quæ curant ij, qui in societate ciuili adhuc transigunt æuui. Non enim hîc ego loquor de religiosis & piis hominibus Christianorum, qui consulunt cælesti suæ beatitudini, cùm hæc imperant, sed de hominibus expertibus veræ pietatis: qui nullo modo illa curarent, nisi aliqua ratione crederent, ea pertinere ad felicitatem humanam illustrandam, & propagandam post obitum. Nam quæ supersunt ex felicitate præterita, quidam sunt velut eiusdem radij felicitatis qui mutati facere possunt, vt fulgeat magis aut minùs defuncti gloria.



CAPVT DVODECIMVM.

DE HONORE, QVI FELICITATI DEBETVR.

. S V M M A .

Beatitudinem aliquid diuinum videri, propterea quòd honore potius, quàm laude digna sit.

DIVISIO CAPITIS IN PARTES TRES.

1. Dubitari inre potest, inter bona ne laudabilia, an inter honorabilia ponenda felicitas sit. Vnum enim ex iis esse oportet.
2. Non est bonum laudabile, cùm non referatur ad aliud.
3. Est bonum honorabile, cùm sui gratia sit.

PARS PRIMA CAPITIS DVODECIMI.

ΔΙωραπιένων δὲ πούτων, ἔπισκε-
ψάμεθα πρὸς τῆς διδαγμασίας, πό-
τερος τῆς ἐπαινετῆς ὅστις, ἢ μάλλον τῆς ἡ-
μίων. δὴλον γὰρ ὅτι τῆς διδάμειαν ἔκ ἐστι.

Definitis autem his, videamus de
felicitate, utrum ex laudabilibus
sit, an potius ex honorabilibus. Perspi-
cium enim est, ex facultatibus non esse.

EXPLANATIO.



IAM, explicataque definitione, ac vi felicitatis, incipit
de quadam eius proprietate disserere, quaerens, utrum ex numero
honorabilium, an ex ordine laudabilium bonorum felicitas sit. Rem
totam explanat, quaestionemque profligat tribus huiusce capitis
partibus, membrisque praecipuis. In prima quippe parte satis habet
quaestionem proponere. In secunda contendit, felicitatem non esse bonum lauda-
bile. In 3. demonstrat, esse bonum honorabile.

Primam igitur partem superioribus adnectit capitibus ex iis, quae iam constitu-
ta de felicitatis natura & definitione sunt. [His definitis, &c.] At enim oportet
de certa quadam felicitatis proprietate quaerere, quando felicitas ipsa definita
iam est, eiusque partes definitionis expositae: proprietates autem inuestiganda, est
vel laus, vel honor. Vel enim utraque, vel alterutra cadit in felicitatem. Esse au-
tem necessario felicitatem vel honorabilem vel laudabilem, quae huiusce partis pri-
mae propositio est, probat, atque ostendit latente quodam atque abdito syllogis-
mo: cuius percipi vis facile non possit, nisi ante praepoamus aliqua, quae muniant
viam. Praepoenda est autem, & cognoscenda bonorum partitio quaedam ex Eu-
stratio huiusmodi: Bona dicuntur partim *τίμα*, honorabilia, siue honore cultuque
digna, partim *ἐπαινή*, laudabilia, partim *δυνάμεις*, hoc est facultates. Honora-
bilia bona sunt, diuina, summa, & quae non referuntur ad aliud. Vt Deus, mens,
antiquitas, beatitudo, principia rerum, fundamenta & origines: laudabilia sunt
humana bona, & quidem semper, ac necessario bona. Vt virtutes, & facta prae-
clara, honestaeque actiones, quae ex virtutibus oriuntur. Facultates, siue potentiae
sunt bona quaedam, non semper & necessario bona, sed ad utrumque opposito-
rum, hoc est, ad bonum, & malum accommodata. Huiusmodi sunt artes quaedam
& disciplinae actus: ut Rhetorica & Dialectica: huiusmodi etiam diuitiae, & bo-
na corporis. Quicquid enim eiusmodi est, & ita factum, ut eo bene maleque uti
possimus *δυνάμεις* est, ut docet Alexan. in lib. 1. Topicorum: legendus de his etiam
ipse Aristot. est in lib. 2. Magn. Moral. cap. 2. in lib. 1. Rhet. ad Alex. & in Top.
Praeterea Cic. in 4. de fin.

His ita propositis, Aristotelis syllogismus facile illustrabitur, si disponatur hoc
modo: Omnia bona vel honorabilia sunt, vel laudabilia, vel potentiae & faculta-
res. Felicitas non est ex eo bonorum genere, quae potentiae ac facultates appellan-
tur. Est enim operatio & actio, non facultas & potentia: est semper, & necessario
bona, non ad malum, & bonum opportuna. Ergo felicitas vel est bonum honora-
bile vel laudabile. Haec quippe sunt semper actu bona, & nunquam mala, nec his
bonis aliquis unquam abuti potest.

PARS SECUNDA CAPITIS DVODECIMI.

ΦΑίεται δὲ πᾶσι τὸ ἐπαινετὸν τὰς
παρὰ τὴν, καὶ πρὸς τὴν πρὸς ἑλπί-
ἐπαινετῶν. τὰ γὰρ δίκαιον, καὶ τὸν αἰ-
δρῶν, καὶ ὅλως τὸν ἀγαθόν, καὶ πλεον
δρεπὺς ἐπαινοῦ μόνον. ἀλλὰ τὰ ἔργα, καὶ
τὰς πρὸς ἑλπίδας. καὶ τὸν ἰσχυρόν, καὶ τὸν
δρομικόν, & τὸν ἄλλων ἕκαστον τὰς παρὰ
πρὸς πεφασμένας, & ἔχει πρὸς πρὸς ἀγα-

Perspiciuntur ergo, omne laudabile, & quod
quale quiddam sit, & ad aliud quodam
modo se habeat, idcirco laudari. Nam iustum,
& forte, & simpliciter bonum, & virtutem
ipsam, laudamus propter opera, & actiones:
& robustum, & cursorum, & aliorum unum-
quodque; quod qualitate aliqua natura sit affe-
ctus, & quod se habeat quodam modo ad bo-

ὅτι καὶ ἀποδοῦναι. δὴλον δὲ τῷ
 πρὸς οὐκ ἔστι τῷ πρὸς τοὺς θεοὺς ἐπαίνων.
 γελοῖοι γὰρ φαίνονται πρὸς ἡμᾶς ἀ-
 ναφροσύνη.

num aliquod, & honestum. Manifestum
 autem hoc etiam est ex Deorum laudibus.
 Ridiculæ quippe videntur, si referentur ad
 nos.

EXPLANATIO.



ECVND A sequitur pars. In qua docet primò quid sit laus, si-
 ue quid sit esse laudabile: deinde constituit felicitati non deberi
 laudem, sed aliquid excellentius: siue quod idem est, felicitatem
 esse præstabiliorem, quàm ut dici laudabilis debeat. Ait ergo
 primum, quicquid dicitur, & est laudabile, habere duo debere:
 qualitatem in se aliquam, & relationem ad aliud: nihil enim
 laudatur, quod bona qualitate aliqua non sit affectum, & propter eam qualitatem
 non referatur ad aliquid excellentius, atque præstantius. Illa quippe qualitas, cu-
 iusmodi est virtus, præparat ornâtque id, quod laudabile dicitur: hoc autem ita
 præparatum, ornâtumque refertur ad actionem & opus, cuius nimirum causa illa
 fuit imbutum vi & qualitate. Iustum enim, inquit & fortem, vnòque nomine vi-
 rum bonum, & virtutem ipsam propter opus actionisque laudamus; & robustum,
 cursuque valentem virum, quòd certa qualitate sit affectus, aptusque ad rem ho-
 nestam & bonam. Perinde quasi dicat, hominem esse laudabilem, & à nobis ideo
 laudari, quòd virtute vel animi vel corporis præditus sit: virtus animi iustitia,
 temperantia est: virtus corporis robur, velocitas, alia: ergo debet esse aliqua in-
 structus ornatusque qualitate qui laudabilis est. Sed quia virtutes hæc laudantur ea-
 tenus, quatenus referuntur ad opus, & iusti, temperantes, robusti, velocisque vi-
 ri commendantur ex eo, quod ad iustitiæ, temperantiæ, roboris, & velocitatis
 opus accommodati sint, vel opus ipsum iam fecerint, id quod est laudabile, quali-
 tatem habere oportet aliquam qua referatur ad aliud. Firmat hæc exemplo Deo-
 rum, & Mentium ab omni concretione separatarum, quæ quoniam perfectissimæ
 sunt, non laudantur eo modo, quo ipsi laudantur ab hominibus homines: si enim
 laudarentur eodem modo, sequeretur, eos referri ad aliud, hoc est, ad nos, & ob
 nostram eos agere utilitatem & commodum: adeoque illorum laudes ridiculæ,
 ipsique ridiculi viderentur. τὸ γελοῖον, hic est quod in lib. 10. dicitur φασμὸν, ine-
 prum. Rationem huic similem profert Eustratius, cur Dij eorumve laudes ad nos
 relatae, vel similes nostris, ineptæ, ridiculæque videantur: laudes, inquit, ideo
 tribuuntur hominibus, ut earum vi ad maiora quædam, & præstantiora opera pro-
 uocentur. Sed Dij, hoc est, à mortali concretione separatae substantiæ summum
 obtinent gradum perfectionis, nec per laudes ad excellentiora excitari opera pos-
 sunt. Quo fit, ut si eo modo laudentur, quo ipsi laudentur homines, plurimum eo-
 rum dignitati detrahatur, & tanquam inepti, ridiculi que proponantur hominibus.
 Tam enim abhorret à diuina conditione, ac dignitate esse aliquando in habitu, ad
 non semper in actu perfecto, ut qui faciat eiusmodi Deos, ridiculos faciat, & con-
 temptione dignissimos.

PARS TERTIA CAPITIS DVODECIMI.

Τοῦτο δὲ συμβαίνει, ὡς δὲ ἔηναι
 τοὺς ἐπαίνοισι διὰ τὰς ἀποδο-
 τὰς. Εἰ δὲ ἔστιν ὁ ἐπαινος τῷ ἐπαι-
 νῷ, δὴλον ὅτι τῷ ἀποδοῦναι ἔστι
 ἐπαινος. Ἀλλὰ μᾶλλον καὶ βέλτερον, κα-
 τὰ τὸ φαίνεται. τοὺς καὶ τοὺς θεοὺς
 εὐλογοῦν, & βδελύσσονται, καὶ τὸ
 τοὺς θεοὺς μακαρίζου. ὁμοίως δὲ &
 τῷ ἀγαθῷ. ὁμοίως γὰρ τῷ βδελύσσονται

Hoc autem propterea contingit, quòd
 tribuantur laudes per relationem,
 ut diximus. Quòd si est laus huiusmodi
 verum, perspicuum est rerum optimarum
 non esse laudem, sed maius quiddam, ac me-
 lius; quemadmodum etiam apparet. Nam
 & Deos beatos, felicisque ducimus, & ex
 hominibus diuinissimos beatos facimus: itaque
 que è rebus bonis. Nemo enim felicitatem

ἐπαίει, καὶ τὸ δίκαιοι, ἀλλ' ὡς ἔοτε-
ρον τι καὶ βέλτιον μακαρίζει. δοκεῖ γὰρ Εὐ-
δόξος καλῶς συνεψηρῆσαι πρὸς τὸ δρι-
τείον τῆς ἡδονῆς. ὅ γὰρ μὴ ἐπαίεισθαι τῷ
γαὰρ τῷ δίκαιον, μὲν ὅτι ἔστι τοῦ καλοῦ
τῷ ἐπαίειν τῷ. τοιοῦτον γὰρ τὸν θεόν, καὶ
τὰ ἀγαθὰ. πρὸς ταῦτα γὰρ καὶ τὰ ἄλλα αἰα-
φύρεσθαι. ὁ μὲν γὰρ ἐπαίος, τῆς δριμύτος.
παρακκεί γὰρ τῷ καλῶν ἀπὸ τῶν τῶν.
τὰ γὰρ ἐγκώμια, τῷ ἔργον, ὁμοίως ἔστι τῷ
συνεπείθῃ, καὶ τῷ ψυχικῶν. ἀλλὰ ταῦ-
τα μὲν ἴσως οἰκείοτερον ἑακρίστοις τοῖς
πρὸς τὰ ἐγκώμια πεποιημένοις. ἡμῖν γὰρ
ἐπὶ τὸν εἰρημονίαν, ὅτι ἔστιν ἡ ἐ-
δαμονία τῷ ἡμῶν ἔτι τελείων. εἰκο-
νὴ οὕτως ἔχον, καὶ ἀπὸ τοῦ ἔτι δριμύ-
τατος γὰρ χάριν, τὰ λοιπὰ πάντες
πάντα παραποιῶν. τῷ δριμύτι γὰρ τὸ
αἶνον τῷ τῷ ἀγαθῶν, ἡμῶν πρὸς τὸν
ἡμεῶν.

laudat, tamquam rem iustam, sed tan-
quam aliquid diuinius et melius beatam
dicit. Videtur verò etiam Eudoxus præclare
propugnasse de primis partibus voluptati.
Nā non laudari cum in bonis sit, significare
putabat, melius aliquid esse, quam res lau-
dabiles. talem autem esse Deum, et sum-
mum bonum. ad hæc enim alia quoque re-
ferri. laus quippe virtutis est: nam idonei
ad res honestas sumus ex ipsa. encomia verò
sunt operum pariter corporis et animi. Sed
hæc quidem inuestigare fortasse magis pro-
prium eorum est, qui in encomiis labora-
runt. Nobis autem constat ex dictis, esse
beatitudinem aliquid ex honorabilibus et
perfectis. Apparet autem ita se habere ex eo
etiam, quòd sit principium. huius enim gra-
tiā reliqua omnes omnia agimus. Princi-
pium autem et causam bonorum honora-
bile quiddam, et diuinum esse statuimus.

EXPLANATIO.



X iis ait intelligi plane, quibusnam debeat, quibus non debeat
tur propriè laus, sed aliquid melius, atque præstantius laude. Con-
stat enim rebus optimis, excellentissimisque non tribuendam es-
se laudem cum gratia sui sint, & aliò non referantur: ex hoc genere
ait esse Deos, viros accedentes ad Deum proximè, siue virorum diui-
nissimos, ut verba Græca sunt, τῷ αἰδρῶν ἐφοπῆταις, & vniuersim è rebus bonis opti-
mas & sine controuersia præstantissimas: id quod addit propter felicitatem, quæ
inter res humanas obtinet principatum, & præstantissima est; ac propterea postu-
lat aliquid excellentius, & præstabilius laude: id quod ipse declarat his verbis quæ
statim adiungit. Felicitatem enim nemo laudat ut rem iustam, sed ut aliquid di-
uinius atque melius, & quiddam beatum omnes consent. Perinde ac si dicat:
Quemadmodum Diis & viris diuinis, quales Heroes sunt, aut his similes, non lau-
dem impertimur, sed beatitudinem tribuimus, eosque non laudabiles dicimus,
sed beatos, hoc est, cultu maiore dignos, quàm laude: sic beatitudinem ipsam
non laude dignam existimamus, sed officio aliquo præstantiore. Est enim etiam ipsa
sui gratia, nec aliorum refertur. Id quod auctoritate comprobandum censeo Eu-
doxi. Fuit is ortu Cnidius, auditor Architæ, geometra, astronomus, medicus, phi-
losophus, tenui fortuna, modestus & pauper. Hic ergo quoniam primas voluptati
deferbat, hoc est, felicitatem ponebat in voluptate, dicebat etiam, voluptatem
ipsam rebus præstare laudabilibus, & in eo ponendam esse genere, in quo ponitur
Deus, & res diuinæ, ad quas cetera referuntur. Ratiocinabatur autem Eudoxus
hoc modo: omne bonum humanum aut laudari debet, aut cultu aliquo affici præ-
stantiore. Voluptas est bonum, & non laudatur: ergo debet affici meliore aliquo
cultu: ergo est summum bonum & cum Deo rebusque diuinis conferenda: quæ quo-
niam aliò non referuntur, non postulant laudem, sed cultum aliquem, officium-
que præstantius. Quæ ut sic affirmet Aristot. non probat tamen propterea senten-
tiam Eudoxi, sed tantummodo ratiocinandi formam ac modum: ex eo enim quòd
voluptas non laudaretur, volebat intelligi esse laude præstantiorem: ponebat verò
tamquam exploratum, ac certum quòd falsum est, voluptatem in bonis numeran-
dam humanis, cum tamen aliquid sit potius, quòd ex bono consequitur, quàm bo-
num ipsum, adeoque non possit vnquam esse summum bonum, nec illo digna cul-
tu, quo summum bonum est, nisi per accidens, atque ut dicimus, consequenter.

[Laus quippe virtutis est.] Colligit iterum ea quæ de laude sunt disputata, confirmans in summa, laudem esse virtutis propriam: quæ nimirum ad res præclaras, honestasque gerendas nos reddit idoneos. Quamquam enim opera præcipuè laudantur, & primaria laus ipsi debetur actioni, ut de iis diximus qui coronantur in Olympicis, nihilo tamen minùs etiam habitibus sua tribuitur laudatio, hoc est, minùs præcipua, & quodammodo secundaria: refertur enim habitus ad actionem & opus, ut ait Albert. Sed Aristoteles voluit præterea nobis ostendere, proprium vocabulum laudis cum tribuitur operibus, & rebus gestis, affirmans, tunc laudationem habere nomen encomij: laus enim tribui etiam facultatibus & habitibus potest, encomium autem cum tribuitur, operibus tribuitur & actionibus. Ad hæc: laus vnus tribuitur animi virtutibus, encomium verò tribuitur etiam artibus & virtutibus corporis: sed tamen hoc manere interea debet, & haberi pro comperto; tam laudem quam encomium iis dari, quæ referuntur ad aliquid excellentius, atque præstantius. Quæ ut probè intelligantur, id tenendum est: honorem esse nomen interdum generale, quo significamus omnem omnino cultum, ac reuerentiam, siue illa sit propriè honor, siue laus, aut encomium: Græcos tamen varia excogitasse vocabula, ad eam exprimendam laudem, honorem, cultum, venerationemque variam, quam Deo, hominibus, variisque tribuimus rebus, oratione præferum, & sermone publico.

Primum vocabulum est *μαχεσιότης*, quod barbarè dici Beatificatio possit, conuenitque tantum in Deum, & res diuinas. Summum enim bonum, cui, quoniam sui gratia est, & nunquam refertur aliò, propriè debetur honor, est duplex; diuinum & humanum. Diuinum est, quod eo afficimus honore, qui *μαχεσιότης* nominatur. Humanum, quamuis etiam est sui gratia, nec referri possit ad aliud eiusdem ordinis bonum, honorem tamen postulat quidem, sed superiore minorem; cumque propterea nominarunt *ωδαιμοσιότης*; quod secundum honoris vocabulum est. Tertium est *τιμή*, quod laudem propriè significat; tribuiturque virtutum operibus, & ipsis etiam habitibus virtutum ac facultatibus, quæ nos efficiunt ad actiones virtutum proferendas idoneos. Quartum est *ἰγνώμη*, quod operibus tantum impertiri virtutum soliti sumus, artibusque præterea multis vtilibus Reipublicæ, & corporis bonis: qualis est firmitas, velocitas, dexteritas, cetera; quibus aliquis rectè vitur, atque ad humanæ societatis commoda refert, vñusque virtutum. Itaque laus tenere se quoque potest in iis, quæ possidentur: encomium versatur in iis, quæ proferuntur in vñum. Posset inter hæc numerari *ωδξία*, Gloria; quæ reuocatur ad laudem: sed differt tamen ab ea, quia gloria hæc, quæ dicitur *ωδξία*, magnitudinem quandam laudis exposcit, atque in opinione, communique omnium voce posita est: de qua sic Aristoteles in lib. 1. Rhet. Gloria, hoc est, bona existimatio, est virtute præditum ab omnibus existimari, vel tale aliquid in se habere, quod omnes appetant, aut boni & prudentes viri. Adnumerari posset & fama, quæ cum gloria coniuncta sæpe est, nec aliò differt nomine, nisi quòd fama videtur esse potius eorum, qui vita sunt functi, quam eorum, qui vita perfruuntur: quamquam interdum tribuitur etiam viucentibus, sed absentibus tamen: cuiusmodi sunt magni quidam milites, & viri maxime docti, quorum nomen absentium celebratur. Sed de his accuratiùs disputare ait Aristoteles, esse Rhetorum, nobisque satis esse debere, id nosse ex iis, quæ dicta sunt; felicitatem esse bonum ex genere honorabilem & perfectorum. Quæ totius huiusce Capituli Conclusio est, & pars capituli extrema, in qua dicebam, de tota controuersia, & quæstione constitui. Cognoscimus autem id ex iis, quæ sunt hucusque disputata: quia rationibus est comprobaturum, felicitatem non esse bonum laudabile, cum non referatur ad aliud; quod fieri necesse esset, si laudem postulare, ut in ipsa rei laudabilis definitione positum est. Quod si laudabile non est bonum, consequens est, ut sit honorabile, quoniam facultas, & potentia esse non potest, quod tantummodo tertium atque inter vtrumque bonum est interiectum. Sed aliam quoque rationem profert in hoc extremo capite, sumptam à ratione principij, quam obtinet beatitudo. Videtur autem ratio sic esse disposita: Quod est principium & aliorum omnium causa bonorum humanorum, honorabile bonum est: felicitas est causa bonorum omnium humanorum, cum eius gratia fiant à mortalibus singula: ergo felicitas est bonum honorabile. Antequam ex hoc capite discedamus, haud alienum erit admonere, tam

honorem quàm laudem excellentiæ tribui, sed differre tum eo nomine, quòd ille tribuatur rebus, quæ non referuntur aliò, hæc iis, quæ aliarum rerum gratia sunt; tum quòd honor haberi sine verbis & oratione possit, hoc est, aliis signis, de quibus alibi diximus, & etiam sine signis, ipso iudicio; laus non nisi verbis & oratione tribuatur. Est enim laus præconium ore alieno pronunciatum. Ad hæc laus infimis etiam tribuitur rebus; laudamus enim bonum equum, bonum agrum, bonam domum (eatenus saltem, quatenus refertur ad nos) honor verò non tribuitur nisi rebus excellentibus & primis.

EPILOGVS.

1. *Felicitas non laudabilis, sed honorabilis est, quia non refertur ad aliud, & principium est causæque bonorum omnium humanorum. Quod enim ad aliud non refertur, bonum est simpliciter & honorabile, & quod aliorum est causa bonorum ea bona reuocat ad se, & quodammodo sibi vindicat, atque diuinis rebus est simile.*



IN CAPVT DVODECIMVM,

QVÆSTIO VNICA.

Laude ne an Honore digna felicitas sit.



HIVS Conclusio Quæstionis paulò antè fuit ex Aristotele tradita, rationibus à definitione laudis, honorisque petitis, quæ planissimè, certissimèque demonstrant, felicitatem honorabilem esse, nec posse remunerari laude, pro dignitate; cum felicitas supremus finis, & corona sit actionum omnium, quibus laus communi gentium usu & consensione tribuitur. Sequitur enim hinc, beatitudini deberi aliquid præstantius laude. Id verò nihil aliud potest esse, quàm honor. Rectè adeo bonum, cui debetur laus, comparari cum cultu & navigatione potest, bonum verò, cui debetur honor, cum metâ conferti debet & portu: quod non ineleganter expressit disticho quodam Baptista Mantuanus non modò Poëta ferendus, sed philosophus bonus;

*Est honor in puppi: cum puppi ab aquore venit,
Laudibus incipitum continuatur iter.*

Laudem enim siue bonum, cui debetur laus, cum navigatione comparat, quia refertur ad bonum præstantius & supremum: beatitudinem cum portu componit, ubi naues perfundit periculis & sospites coronantur, ut canit Propert.

Ecce coronata portum setigere carina.

Et profectò, siue virtus laudetur ipsa, siue virtutis opera per encomium, quod laudis est species, & pars, laudantur propterea quòd uisiones quædam, & navigationes quodammodo ad beatitudinem sunt. Quare possumus Aristotelis rationibus etiam vnam adiungere, quam apud Albertum Magnum, apud Burd. apud Buridanum inuenio huiusmodi:

Laus & vituperatio contraria sunt, & opposita; sed vituperatio ideo adhibetur aduersus mala, ut malos à malis ipsis deterreamus, reuocemusque. ergo etiam laus tribuitur bonis, ut eos ad meliora concitemus. Non enim falsò canit Ouid. in libris de Ponto ad Max.

*Excitat auditor studium, laudatæque virtus
Crescit in immensum: gloria calcar habet.*

Sed vir optimus, qualis omnino felix est, non habet necesse ad melius excitari bonum, cum iam teneat optimum; ergo felicitati non debetur laus, sed id quod optimis, excellentissimisque debetur rebus. Id autem honor est, & cultus ille, quem diuinis rebus impendimus, aut similis illi.

Conclusio, inquam, huiusce quæstionis est: felicitatem non esse bonum laudabile, sed honorabile: quæ satis ab Aristotele comprobata rationibus fuit. Sed quia multa ipsis aduersantia proponi possunt argumenta, quæ conciliari cum Aristotele debeant.

Animaduertendum primo loco est: Honoris nomen non esse vniuocum, & simplex, sed ex eorum genere, quæ dicuntur ab vno ducta, & per attributionem ad vnum relata. Significatur ergo primum hoc ambiguo, & multiplici Honoris nomine id quod tribuitur veluti debitum officium illi excellentiæ, quæ sui gratia sit, nec referatur ad aliud: deinde quicquid obseruantæ, cultus, remunerationis, præmiue aliis impenditur excellentiis, quantumvis ab illa prima distantibus, & ad aliud quacumque tandem ratione relatis, quicquid, inquam, hoc modo tribuitur, etiam honor appellatur. Itaque, ut eiusmodi obseruantæ, remunerationes, cultus, aut præmia distinguantur ab eo, qui propriè dicitur honor, illisque

datur excellentiis, quæ sui gratia sunt, aliud his nomen imponitur, nec Honores dicuntur vnumersè, sed laus, encomium, gloria peculiariter & propriè nominantur. Nihil tamen minus obtinuit vsus, vt etiam hæc interdum, cum non ita propriè loquimur, Honores nomine comprehendamus. Vt cum dicimus, honorem esse premium fortitudinis, iustitiæ, liberalitatis, aliarumque virtutum, quæ referuntur ad aliud. Habent enim id commune cum honore vero, ac primo analogo, vt tribui debeant excellentiæ: quo fit, vt singula dici proportionè possint Honores. Itaque de Honore locutus est Aristot. in primo Rhet. cum dixit, esse Honoris vndecim signa: singula enim assignantur operibus virtutum, quæ laudem sibi vindicant & encomium. Quin hoc etiam sæpe fieri contra videmus, vt Honoris loco laudis nomen vsurpetur, dicanturque ea laudari, quæ honorem propriè commerentur & postulant. Vt cum Deum, ceterasque res diuinas, & Beatas Mentis laudari dicimus à nobis, & alia quædam humana bona, quæ aliò non referuntur. Id quod duplici fit ex causâ, quemadmodum intelligere concitiendo possum: primo quidem, quia fas est in hac Analogorum serie sic nomen inferiorum tribuere principali, quemadmodum nomen primi adscribitur interdum minoribus: ac propterea licebit laudis, encomij, gloriæ nomen proprio ponere Honore, cum de Deo, diuinisque rebus sermonem habemus. Quæ ratio item est, vt quamquam laus propriè dari videtur habitibus, encomium operibus, sæpe tamen operi tribui dicatur laus, encomium habitibus, vno pro altero nomine inter loquendum vsurpatq. Altera causâ, cur Deus interdum laudari dicatur, ea est; quod Deus non modò excellentissimus sit, & gratia sui, sed etiam beneficus erga nos. Itaque illi reddendum esse vtique videtur officium, honor, ob excellentiam, ob effusam in nos benignitatem & beneficentiam laus. Quamquam ne ob hanc quidem causam ea laus propriè dicenda laus videtur, cum omnia Deus in sui gratiam agat, hoc est, ad se referat ea quoque, quæ in nos beneficia confert. Alibi enim memini me dicere quod apud Aristot. est, omnia, quæ sunt, & geruntur, in rerum Vniuersitate, ad Deum referri sicut exercitum ad bonum Ducem. Quo videlicet nomine diuina beneficia differt ab humana, adeoque dici propriè non potest diuina benignitas referri ad aliud, quemadmodum dici de humana verissimè potest.

Animaduertendum secundo loco est; si spectentur externa honoris signa, eundem planè videri posse honorem esse, quem habemus Deo, atque eum, qui datur hominibus, vel ob sapientiam (ac verè proprièque dicitur honos) vel ob virtutes & virtutis opera, & appellari laus ex Aristot. debet. Nam in primo Rhet. inter vndecim illa Honoris signa, quæ virtuti concedit, numerantur etiam immolationes, templa, luci, alia sacra, quæ Deo debentur auctori etiam omnium, & propterea

tori excellentissimo, optimoque. Quod cum facit Aristot. non significat, eundem honorem Deo deberi, & virtuti: sed demonstrat, hominibus, cum honorem externum exhibere virtuti volunt, nihil suppetere amplius, quo possint ostendere discrimen inter honorem Deo & viris excellentibus debitum, ac propterea eadem signa proferre, quæ profertur ad declarandum honorem diuinum, cum homines virtutibus insignes honorant. Itaque illa signa, quantumuis excellentia, & virtuti tributa excellenti, sunt potius appellanda signa laudis, quàm Honoris. Honoris enim, vt alibi diximus, essentia & ius posita est in iudicio, quod animo informatum obtinemus de aliena excellentia, & dignitate: signa sunt aduentitia, & extrinsecus accersita, quia mortalibus aliter illud iudicium exponere non possumus. Atque hinc fit, vt quamquam eadem signa sunt, si varium tamen iudicium intimum sit, varium quoque dici debeat genus honoris, quod homini & Deo eodem externo signo exhibemus. Quare eadem immolationes antiquorum tributa Deo atque hominibus insignitè bonis & consecratis ab illo intimo iudicio, tum honores, tum laudes appellabantur: laudes quidem cum tribuebantur hominibus: Honores cum adscribebantur Diis. Id quod etiam dicere possumus de honore, quem exhibemus ipsi Deo, & Sapientiæ. Quamuis enim eundem honorem externum viris sapientibus & Deo exhiberemus, varium tamen est iudicium intimum, in quo est honoris essentia, & differens æstimatio, quam animo consignatam habemus de Deo, ac de sapientibus hominibus. Immo verò hoc idem discrimen spectari debet ex eodem iudicio inter ea, quæ laudem commerentur. Nam vt omnia, quæ referuntur ad aliud laudem velint, non honorem, maiorem tamen aliquem laudis gradum videntur aliqua postulare, quàm alia: cuiusmodi sunt Heroica Moraliū Virtutum opera. Hæc enim quantumuis excellentia, referuntur tamen ad aliud, nec sui gratia sunt, sed propter felicitatem perfectam. Quo loco de Moraliū virtutum Heroico gradu loquor, non de virtutibus Theologicis: quæ quoniam cum diuino coniunctæ gradu sunt, videntur sibi Honorem propriè vindicare. Cum ergo ipsæ quoque Virtutes Heroicæ Morales referantur ad opus, non possunt ampliorem honorem postulare, quàm eum, qui dicitur laus: sed tamen in ipso laudis genere gradum aliquem postulant celsiorem, quàm alia Morales, quæ ad Heroicum non perueniunt. Videtur adeo hic in tota Honoris serie ordo esse debere; vt primus gradus tribuatur Deo, secundus separatis à concretionē mortali Mentibus, tertius Sapientibus, quartus Heroicis, quintus Cuiuslibet viris. Primi tres gradus, honoris proprium obtinent nomen, cum aliqua tamen ipsius honoris in iudicio positi differentia, reliqui duo laudes appellantur, & discrimen item in iudicio retinent, sed laudis limites non egrediuntur. Quemadmodum enim honor ille, qui debetur sapientiæ, mi-

nor est, quàm qui debetur Deo, rebûsque diuinis, & tamen honoris nomen commercetur, nec descendit ad laudem, sic debitum virtuti Heroicæ officium præstantius est, quàm quòd debetur aliis virtutibus, sed ad honoris verum, & proprium nomen ascendere non potest, atque adeo intra laudis limites continetur.

Animaduertendum tamen tertio loco est, non omnes operationes virtutis referri ad aliud. Inueniri quippe tandem aliquando debet vna, in qua, quia in ea posita felicitas est, vltimi finis ratio sit. Itaque haud semper est verum id quòd vulgo penè dicere soliti sumus, omnem actionem operationemve ad finem contendere. Dandum enim id est, cùm de operationibus est sermo, quæ vltimi finis non obtineant rationem: concedendum, inquam, est, omnem operationem ad finem tendere, quæ tamen vltima non sit: si qua tamen inueniatur, ad quam ceteræ referuntur, illa non terminatur vllò fine, sed terminat vniuersas: debet nimirum etiam in operationibus esse aliqua postrema sicut in finibus, vt alibi disputauimus. Huiusmodi autem operatio felicitas est.

Ex his ergo sic positis via patebit ad respondendum iis, quæ videntur à disputationis conclusione dissentire.

Primum quod obiicitur, ab ipsa felicitatis essentia duci potest: quæ operatio dicitur esse virtutis, vel secundùm virtutem. Duci verò potest hoc modo. Virtutis actio laudabilis est ex Aristotele non honorabilis: ita prorsus, vt si habitus & virtus laudabilis est, propter opera sit laudabilis: sed felicitas est operatio virtutis, ergo laudabilis, non honorabilis est. Soluitur hic nodus ex iis, quæ postremo loco animaduertenda esse monuimus. Non enim quælibet virtutis actio & opus felicitas est, sed ea ad quam ceteræ referantur omnes. Cùm autem Aristoteles dixit, opera virtutis esse propriè laudabilia, & virtutem ipsam laudabilem eatenus, quatenus ad opera refertur, opera virtutis intelligi voluit pleraque omnia, quæ ad postremum illud opus, & actionem tendunt: hæc autem actio felicitas est.

Secundum petitur à laudibus Dei, qui cùm verè maximèque sit honorabilis, laudatur tamen à nobis, non modò sine reprehensione, verùm etiam cum approbatione ac laude: sed supra id est à nobis expositum, & declaratum, cùm dictum est, laudem quam Deo tribuimus, honorem esse, nec aliquid in hoc officio laudis, quòd adhibemus erga Deum, à nobis nisi nomen mutari. Esse verò rationem idoneam dicebamus vsurpandi interdum alterius nominis, & laudis ponendæ pro honore. Quia sæpe Deo gratias agimus, cùm diuinam beneficentiam nobis vtilem intuemur, non ipsam nominatim eius consideramus excellentiam absolutam, cui debetur Honor. Itaque idem Honor, qui tribuitur Deo, nunc Honor, nunc laus dici potest: sed tunc etiam, cùm laus dicitur, pro ipso poni debet honor, quia diuina benignitas primò, siue primaria

intentione agit propter se. Respondet paulo aliter Burleus, & quidem duobus modis. Primo enim ait, Aristotelem non negasse simpliciter, Deo ac Mentibus separatis esse laudem tribuendam, sed non esse sic tribuendam, quemadmodum tribuitur hominibus. Hic enim tribuitur ideo, vt ad perfectius opus excitentur. Dicit deinde: laudabile duplici de causa dici laudabile: prima quidem, quia ordinatur ad aliquid melius, atque præstantius. In quam sententiam rectè dicitur Deus non esse laudabilis: secunda, quia bonum aliquid habet, quòd ad laudantem perueniat vel peruenire possit. Hac verò ratione concedi facile potest, Deum esse laudabilem, quia multa, immò verò omnia ex eo fonte ad nos redundant bona. Itaque dici potest, Deum esse finem, & causam efficientem omnium; adeoque tanquam finem, honorabilem esse, non laudabilem: eatenus verò quatenus est efficiens causa, laudabilem esse. Sed quia felicitas est finis tantùm; propterea honorabilis solum est, non laudabilis. Itaque non rectè colligitur ex eo, quòd laudetur Deus, laudari etiam posse felicitatem: quia Deus habet vtramque rationem, honorabilis, & laudabilis, cùm sit efficiens causa, quam rationem felicitas ipsa non obtinet. Nihilò tamen minùs impropria videtur hæc laus esse, quia Dei opera nobis vtilia, intrinsecè non referuntur ad aliud, nec petunt aliquid præstantius se. Itaque potius demonstrant, esse rationem peculiarem, cur in ipso Deo honorando nomine laudis abutamur.

Tertium est huiusmodi: Aristoteles multis in locis docet, honorem esse præmium Virtutis. Hoc autem loco vbi suum Virtuti præmium propriamque mercedem inuestigat, disertè pronunciat, Virtuti non esse tribuendum honorem, sed laudem: ergo sibi non constat Aristoteles, cùm alicubi dicat, Virtutis præmium esse proprium honorem, alibi contendat honorem Virtuti non deberi. Sed hoc videlicet est quòd supra diximus animaduertendum primo loco: Honoris nomen sæpissimè ab Aristotele pro laude poni, quia verè laus est Honoris quædam species alicui excellentiæ debita, & principali subiuncta analogato: quòd nihil est aliud, quàm honor propriè dictus: excellentiæ primæ tributus. Hoc enim abusus nomine Aristoteles, ait tam sæpè, honorem esse mercedem, præmiumque Virtutis, siue signum eiusdem virtutis, ac præsertim beneficentiæ singularis in alios, vt loquitur in primo Rhetoricorum. Quin in lib. 8. horum Ethicorum distinctè vult, Honorem dari beneficiis collatis in publicum. Affirmat enim honorem esse bonum publicum, & ei tribuendum, qui beneficium aliquod in Rempublicam contulit, non ei qui nullum. Sed hic, aliisque in locis nihil aliud sibi vult, nisi Virtuti deberi honorem vniuersæ. In honore autem communi vniuersamque accepto ipsa continetur laus, quato illo generali nomine vult intelligi. Quòd si inter aliqua Honoris signa & præmia quæ rependi oportere Virtuti confirmat, aliqua sunt, quæ

diuina videantur, meminisse debemus, externa signa, & materiam externam Honoris facere non posse, vt aliquid propriè Honor, aut laus dicendum sit. Hoc enim discrimen, & differentia peti à iudicio vario debet: in quo laudis Honorisue consistit essentia: externa quippe signa sunt aduentitia. Id quod cerni potest in Honore, quem sine vllis externis signis interdum habemus Deo, qui nouit iudicium nostrum, nec indiget signis externis. Responderi etiam fortasse possit: Aristotelem, si vnquam propriè locutus sit, cum dixit, honorem deberi Virtuti, virtutis nomine non Morales significasse virtutes, sed rationales: cuiusmodi sapientia, scientia, intelligentia est, alixque ex illo genere, si tamen alix sunt, quæ aliò non referantur. Hæc nimirum illa sunt, quorum beneficio potissimum similes Deo redduntur homines, ac propterea *diuini*, diuinissimi, ab Aristotele in hoc cap. nominantur. Vt enim ex singulis virtutibus aliquam cum Deo similitudinem nanciscamur, ex ipsa tamen contemplatione ac scientia quæ virtutes sunt rationis, consequimur maximam. Id, inquam, est quod significat Aristoteles, cum ita loquitur in hoc cap. Deos enim beatos dicimus, hoc est, non laudamus, sed in ipsa beatitudine gradu quodam altiore honoris dignos iudicamus; quod est Græcè *μακροχρόνιοι*, quasi dicat: beatos dicimus viros, qui maxime diuini sunt, aut proximè ad Deum accedunt. Non enim intelligi vult Heroës illos ex Deorum cognatione progenitos, quos commenta est & finxit antiquitas. Nulli quippe Aristoteli sunt Heroës, nisi homines sic eximie, insignitèque boni, vt supra mortalium naturam euecti videantur, beneficio nimirum virtutis excellentissimæ Deo similes redditi, quibus poni sana iubet in 7. de Repub. cap. 12. non fecus ac Deus: quia videbat esse quosdam veluti Deos inter mortales: & suspicabatur, non sine afflatu aliquo diuino excellum illum virtutis gradum aliquando renuisse: sed tamen non id intelligi voluisset hoc loco, nec scientiæ, sapientiæ, aliarumve rationalium virtutum rationem habuisset vllam, aliunde tamen agnoscere Aristotelis super ea re consilium possumus. Nam in primo Magn. Moral. cap. 6, docet nos laudari, siue dignos laude reddi beneficio virtutum Moralium, non earum, quæ pertinent ad rationem. At Vir-

tutes, quæ pertinent ad rationem, præmiū aliquod commerentur: ergo sibi vindicant honorem, cum tertium aliquid esse non possit, vt alibi supra demonstratum est: Et in præmiis librorum de An. & Metaph. nominatim affirmat, scientiam & sapientiam honore dignos habitus esse. Quo ex loco duci potest

Quartum quoddam argumentum hoc modo: Negat Aristoteles in hoc cap. 12. habitibus honorem deberi, quia comparantur propter actionem, & ad actiones diriguntur: quæ verò huiusmodi sunt, laudabilia, non honorabilia nominantur. At in illis præmiis contrà confirmat, scientiam, & sapientiam habitus honorabiles esse; ac propterea eam videtur euertere distinctionem & differentiam, quam in hoc cap. positam vult inter ea, quæ laudabilia, quæque honorabilia bona debeant appellari. Respondeo primū, Aristotelem nomine scientiæ ac sapientiæ non habitus ab actione seiunctos, sed perfectos actione significasse: cum autem eas simpliciter habitus dixit, ab actione seiunxisse, ac propterea rectè honorabiles appellasse. Respondeo secundo loco, tam habitum scientiæ, quàm virtutis Moralis referri ad actionem, sed longè alio, atque alio modo. Nam scientia & sapientia sic referuntur ad actionem intelligentiæ, vt in ea consistent, & sua ipsorum operatione immanente contentæ perfectæque sint. Virtus verò Moralis sic refertur ad actionem, vt non sit sua immediata, atque immanente operatione contenta, sed referatur ad opus externum, siue cum aliis communicandum. Atque id intelligebat Aristot. cum dixit, habitum non honorabilem esse, sed laudabilem, quia refertur ad operationem: intelligebat, inquam, hanc vltimam actionem & opus externum, ad quod demum peruenire oportet habitum virtutis, de quo ipse loquebatur. Non enim hoc confirmat de habitu vniuersè, vt dicitur in argumento, sed nominatim de Virtute. Laus, inquit, Virtutis est: idonei enim ab ea ad res honestas gestas efficiuntur: encomia verò operū sunt, &c.

Cum igitur habitus sapientiæ, & scientiæ ab opere seiunctus non referatur ad actionem, operationeue eo modo, quo refertur virtus, sed sua immediata sit operatione contenta, nec necesse habeat alios transfundi; dici potest etiā honorabilis propriè, non laudabilis.



CAPVT TERTIVMDECIMVM.

DE DVPLICI ANIMÆ PARTE, DVPLICI Virtute, duplici felicitate.

S V M M A.

Altera pars animæ, rationis est simpliciter & per se compos, altera per participationem. In ea virtutes sunt intelligentes & cogitantes, in hac Morales & agentes, & vtriusque felicitas.

DIVISIO CAPITIS IN PARTES TRES.

1. Huius doctrine de moribus officium est, non solum de virtute, verum etiam de Anima, deque Animæ facultatibus agere.
2. Sed de anima, eiusque facultatibus in hac doctrina est docendum certa ratione ac via, hoc est, plana & explicata.
3. Virtutum divisio petenda est à facultatum animæ partitione.

PRIMA PARS CAPITIS TERTIIDECIMI.

Επειδὴ ὅτιν ἡ εὐδαιμονία ψυχῆς ἐστὶν ἀγαθὸν κατ' ἀρετὴν τελείαν, καὶ ἀρετῆς ὁπιοκετέον. Ἄρα γὰρ οὕτως αὐτὸν βέλτιον καὶ κατὰ τῆς εὐδαιμονίας θεωρησάμεν. δοκεῖ δὲ καὶ ὁ κατ' ἀλήθειαν πολιτικὸς καὶ αὐτὸν μέγιστα πεποιῆσθαι. βούλεται γὰρ τοὺς πολίτας ἀγαθοὺς ποιεῖν, καὶ τῷ ἰσχυρῶν ἄνθρωποις. καὶ ἀδύναμα ὃ πύτων ἔχουσιν τοὺς Κρητῶν, καὶ Λακεδαιμονίων νομοθετοῦν, καὶ εἰ ζωὴς ἐπερὶ τοιοῦτοι γελῶνται. εἰ δὲ τῆς πολιτικῆς ἐστὶν ἡ σκέψις αὐτῶν, δὴλον ὅτι ἡνοῦντ' αὐτὸν ἡ ζήτησις καὶ τὴν ἐξ ἀρετῆς ἀγαθὰς. καὶ ἀρετῆς ὃ ὁπιοκετέον, ἀνδραγαθίας δηλονότι. καὶ γὰρ τὸ ἀγαθὸν ἀνδραγαθίων ἐστὶν ἄνθρωποι, καὶ τὴν εὐδαιμονίαν ἀνδραγαθίαν. ἀρετὴν γὰρ λέγουσιν ἀνδραγαθίαν, καὶ τὴν σώματος, διὰ τὴν τῆς ψυχῆς. καὶ τὴν εὐδαιμονίαν δὲ ψυχῆς ἐστὶν ἀγαθὸν λέγουσιν. εἰ δὲ τοῦτο ὅπως ἔχει, δὴλον ὅτι διὰ τὸν πολιτικὸν εἰδέναι πως τὰ κατὰ ψυχὴν. ὥστε καὶ τὸν ὀφθαλμοῦς θεωρεῖσθαι, καὶ πᾶσι σώμασι. καὶ πολλοὶ ὅσοι ὑμνωτέα, καὶ βελτίων ἡ πολιτικὴ τῆς ἰατρικῆς. καὶ τῶν ἰατρῶν δὲ οἱ χειρῶν, πολλὰ περὶ ματεύοντες καὶ τὴν σώματος γινώσκοντες.

Sed quoniam est beatitudo animæ actio quadam secundum virtutem perfectam, de virtute considerandum est. Fortasse enim ita melius de beatitudine dispicere poterimus. Videtur autem is, qui secundum veritatem politicus est, in ipsa maximè laborasse. Vult enim ciues bonos facere, et legibus obtemperantes. Exemplum autem horum habemus Cretensium, et Lacedamoniorum Legislatores, et si qui alij eiusmodi extiterunt. Si autem scientiæ civilis est consideratio hæc, constat, fieri debere conquisitionem secundum susceptum ab initio consilium. De virtute verò videndum est, humana scilicet. Bonum enim humanum quærebamus, et beatitudinem humanam. Virtutem autem dicimus humanam, non corporis, sed animi. At verò beatitudinem, animæ actionem appellamus. Si autem hæc ita se habent, perspicuum est, oportere politicum intelligere aliquo modo quæ pertinent ad animam, sicut oculos curaturum, etiam totum corpus: idque magis, quo honoratior, et melior politica est, quam medicina. Atque ex medicis quidem elegantiores multum opera ponunt in corporis cognitione.

EXPLANATIO.



PROPOSITA iam definitione felicitatis, eiusque qualitibus explicatis aliquot, quarum postrema fuit ea, quam in honoris dignitate collocavit proximo superiori capite Aristoteles, ceteras nunc aggressurus eiusdem definitionis partes illustrare, quæ pertinent ad virtutes, quærit, in quam animæ parte posita felicitas sit: ut intelligatur quas animi facultates excolere virtutibus oporteat, ad ipsam parandam felicitatem. Di-

uidit autem hoc caput in partes tres. In quarum prima docet, huius esse doctrinæ de Virtute, de Anima, deque animæ facultatibus explicare. In secunda, rationem ac modum constituit, quo in hac disciplina sit de anima eiusque partibus disputandum. In tertia diuidit virtutem pro diuisione facultatum animæ bipartito.

[Sed quoniam beatitudo est actio quædam.] In hac ergo prima parte, quam habemus in manibus, monet primò explicationem virtutis ad hanc scientiam morum pertinere: idque duabus ipse rationibus ostendit, quarum prior huiusmodi est: Si ad hanc pertinet doctrinam de felicitate disserere, ad eandem pertinebit de Virtutibus explicare. Nam in felicitatis definitione dictum est, eam esse operationem hominis propriam secundum virtutem perfectam: adeoque non potest explicari felicitas, quin de ipsa quoque virtute accuratissime disputetur. Id videlicet est, quod illis verbis significat. [Sic enim fortasse beatitudinem melius contemplantur.] Perinde ac si diceret, explicata virtute, virtutisque perfectione, qua tenetur ipsa vis, & essentia felicitatis, multo facilius & planius quid ipsa felicitas sit, intuebimur. Huius autem esse doctrinæ felicitatem contemplari & explanare, tam multis supra demonstratum rationibus est, ut hoc loco eundem actum agere putidum sit. Hic minimè prætereundum puto quod monet Albertus, disputationem de felicitate Politica, quam supra tractauit Aristot. antecedere Virtutis explicationem, quæ ponitur in libris consecuturis: disputationem verò de felicitate contemplatrice, quæ traditur in lib. 10. consequi, & exponi post tractationem Virtutum. Quia felicitas politica perficitur à Prudentia. Prudentia forma quædam est, principium, & regula Virtutum Moraliū vniuersarum: felicitas verò contemplatrix propter sui perfectionem à nemine potest obtineri, nisi ab eo, qui virtutibus absolutissimis antè preparatus fuerit & instructus.

[Videtur autem is, qui verè politicus est.] Posterior autem ratio quæ demonstrat, tractationem Virtutis esse doctrinæ Moralis, ab exemplo petitur omnium Politicorum. Omnes enim Politici in virtute, ac de virtute maximè laborant: quippè qui student, & enituntur assidue, ciues probos & legibus obtemperantes efficere: idque propositum animo habent, nec aliud intuentur, & agunt, si verè Politici sint, inquit Aristoteles: qua correctione falsos fucatosque Politicos explodit, cuiusmodi reperiuntur multi, & ab ipso quoque Cicerone in quâdam ad Att. epistola damnantur: vbi queritur de temporibus suis, atque nullos esse Romæ qui umbram virtutis Politicæ præ se ferant: sed interea πολιτικός αὐτὸς οὐδ' ὄντα, inquit, vir Politicus, ne somnium quidem aut umbra. In lib. etiam primo de Moribus ad Eudem. idem Aristot. affirmat, multos è numero eorum, qui Politici vulgò nominantur, falsò sic appellari: docetque qui nam verè sint habendi, dicendique Politici, qui non habendi. Distinguit enim verosque veluti notis suis à rebus ipsis, in quas diligenter incumbunt. Esse verò Politici viri proprium Virtutis studium, docuit etiam supra in cap. 9. & in Polit. 3. cap. 6. & ratio videtur ea esse, quòd vera politia & Respublica ea tantum est, quæ secundum virtutem sic instituta sit: ut bonos ciues reddere facile possit. Itaque Socrates in Gorgia Politici munus esse contendit, Ciues optimos reddere. Sed quod exemplo Politicorum omnium vniuersè comprobauit, pergit etiam auctoritate quarundam Rerum publicarum, & populorum demonstrare, qui Politicis artibus inter omnes putabantur excellere. Eiusmodi ait esse Lacedæmonios, & Cretenses, quorum Legislatores eo nomine commendat, quòd ferendis legibus id spectarint, & viderint maximè, ut Virtutis perfectæ beneficio probos, & legibus morem gerentes Ciues efficerent suos: laudat eosdem Legislatores, easdemque Respublicas in Polit. 2. easque demonstrat fuisse suo æuo celeberrimas.

[Si autem hæc consideratio scientiæ ciuilis est, &c.] Ceterum quia dixi, in hac prima Capitis parte, Aristotelem docere, Ciuilis esse doctrinæ non modò de Virtute, sed etiam de Anima, eiusque facultatibus explicare, videndum est, qua id doceat ratione. Ait ergo, ex eo quòd de virtute disserere debeat, consequens esse, disciplinam Ciuilem etiam de anima disputare quadantenus, & aliqua ex parte debere. Ciuilem nimirum doctrinam appellant hanc Ethicam, quia refertur, ut aliàs diximus, ad Ciuilem, totius principem philosophiæ practicæ, cuius causâ tractantur omnia: consequens autem esse ait, animæ quoque tractationem aliqua ratione ad Ethicam

Ethicam siue Civilem pertinere, propterea quod Virtus, de qua præcipere debet, est Virtus non quidem corporis, aut mutarum animantium, aut diuina, sed hominis, siue humana, hoc est ea, quæ in hominis animo tanquam in subiecto qualitas, aut accedens sit. Ad eandem quippe scientiam pertinet de subiecto & partibus subiecti differere, ad quam pertinet ipsius, quæ in subiecto est, tractatio qualitatis. Id declarat Aristot. exemplo Medicorum, qui quoniam valetudinem tractant, quæ in corpore est, ipsum quoque corpus, & corporis singulas partes cognoscere necesse habent. Quod si minus faciunt medici vulgares, faciunt tamen hoc, & diligenter, inquit, præstant elegantiores ac politiores; qui plurimum ponunt laboris, ac studij in singulis corporis partibus peruidendis, ne qua sit, quam ipsi curare ac valetudini restituere non possint. Id quod Aristoteles adiungit ideo, quod sciret, iam olim apud veteres Græcos quosdam fuisse, qui oculis tantum, quosdam qui capiti, quosdam qui auribus ac ceteris separatim mederentur corporis partibus; reliquis autem manus non admouerent: quod & è Galeni libris intelligi posse ait Victorius, & ex ipso Cicerone in 3. de Orat. vbi verba hæc sunt: An tu existimas, cum esset Hippocrates ille Cuius, fuisse tum alios medicos, qui morbis, alios qui vulneribus, alios qui oculis mederentur, &c. lex illa medendi ad Græcos manauit, opinor, ab Ægyptus: apud quos, ut ait Herodot. in Euterpe, medicina erat in hunc modum distributa: ut singulorum morborum singuli essent medici, non plurium: adeoque referebantur, inquit, omnia medicis, cum alij essent curandis oculis, alij capiti, alij dentibus, alij alui partibus, alij morbis occultis curandis destinati. Non probat igitur Aristoteles hos medicos; sed vult probatos ac bonos, & quemadmodum ipse loquitur, elegantes, totum corpus, & singulas eius partes sic intueri, ut cuilibet possit facile medicinam adhibere. Græcè huiusmodi medici elegantiores, & politiores dicuntur ab Aristot. *πολιτῆς*: sic etiam supra in cap. 5. homines Politicos appellauit *πολιτῆς*, ut eos distingueret à voluptariis & vulgaribus, qui beatitudinem ponunt in voluptate. Denique hoc nomine insignit eos, qui in suo artificio aliquid magis vident, & spectant, quàm ceteri. Quare medici, qui non sola contenti arte medendi, de animato corpore quoque, deque physicis cognoscere volunt diligenter, iure dicuntur *πολιτῆς*: Latine politiores, ut in eo cap. 5. docuimus, dici deberent. Quibus Medicis similem facit doctrinæ Civilis perfectum institutorem: si enim absolute de virtute, quæ sanitas est animæ, præcipiet, si animam ipsam & singulas animæ facultates, quibus imperianda sanitas est, antè cognoscat. Immo verò eò magis, quàm medicum id videre atque agere oportere civilem doctorem ait, quo Politica longè præstantior arte medendi, atque excellentior est. Quod hic de comparatione medici cum Politico dicitur, est etiam apud Plat. in lib. 1. de legib. extrem. & quoniam cuiusmodi comparatio tam accuratè tractatur hoc loco, ne id quidem prætereundum est quod de medico in lib. de facult. nat. Galenus assumat. Ait enim etiam medico necessariam esse cognitionem animæ, non quidem exquisitam, sed talem, qualis pertinere potest ad morborum fontes inueniendos: subtilior quippe de Anima disputatio Physicæ videtur esse, quæ naturalia contemplantur omnia, non medicinæ.

Eodem argumento ab exquisita medicorum diligentia petito videtur etiam Nazianzenum in Apologetico de fuga in Pontum: ut probe, maiore cura esse animos à labore custodiendos, quam à morbis tuenda corpora: legendus est locus, si liber in argumento versari.

PARS SECVNDA CAPITIS TERTIIDECIMI.

[illegible]

Considerandum igitur etiam Poli-
tico de anima est: considerandum au-
tem est horum gratia, & quantum satis est
ad quesita. Nam accuratius explicare, ope-
rosius fortassis est, quàm res proposita. Di-
cuntur autem de ipsa etiam in exotericis
sermonibus satis nonnulla, & utendum

αὐτοῖς· οἷ τὸ μὴ ἄλογον αὐτῆς εἶναι, τὸ δὲ λόγον ἔχει. ταῦτα δὲ πότερον διώ-
ρισται, καὶ ἄνωγ' ὅτι τῷ σώματος μέ-
ρια, καὶ πᾶν τὸ μιν εἶναι, ἢ τῷ λόγῳ δύο
εἶναι ἀχώριστα πεφυκέντα, καὶ ἄνωγ' ὅτι
τῷ σώματι φέρειν τὸ κυρτὸν, καὶ τὸ κοῖλον,
ὅσον ἀφ' ἑαυτοῦ πρὸς τὸ παρὲν. τῷ ἄ-
λόγῳ δὲ, τὸ μὴ εἶναι κοῖον καὶ φυ-
κόν. λέγει δὲ τὸ αἶνον τῷ πρέθεσθαι,
καὶ τῷ αὐξέσθαι. τὸν ποιανόν γὰρ
διωκόμεν τῆς ψυχῆς ἐν ἅπασιν τοῖς πε-
φυκμένοις κρίνει ὡς αὐτὸν, καὶ ὡς τοῖς ἐμ-
βρύοις. τὸν αὐτὸν δὲ ταῦτον καὶ ἐν
τοῖς τελείοις. εὐλογώμενον γὰρ ἢ ἄλλῳ
εἶναι. ταύτης μὲν οὖν κοινῆς ὡς ἀρετῆς,
καὶ οἷα ἀνδραγαθική φαίνεται. δοκεῖ γὰρ
ἐν τοῖς ὑπνοῖς εὐεργετὴν μέγιστα τὸ μέ-
ρει τῷ πῶ, καὶ ἡ δυνάμεις αὐτῆς. ὁ δὲ ἄ-
γασθαι, καὶ κακὸς ἥκιστα ἀφ' ὧν δόλοι
καθ' ὑπνον ὅταν φασὶν ὅσον ἀφ' ἑαυτοῦ
τὸ ἡμῶν τῷ βίῳ ποιεῖν εὐδαίμονας τῷ
ἀθλίῳ. συμβαίνει δὲ τῷ εἰκότως.
ἀρετὴ γὰρ εἶναι ὁ ὑπνος τῆς ψυχῆς, ἢ
λέγεται ἀποπνέειν, καὶ φανερὸν. πλεονέ-
κτης, καὶ μικρὸν διεικνύεται ὡς τῷ
κινήσειν, καὶ ταύτην βελτίον γὰρ φα-
νερὰ τῷ ὅτι φανερὸν, ἢ τῷ τυχόντων,
ἀλλὰ πρὸς μὲν πύτων αἷος· καὶ τὸ
ἀνδραγαθὸν ἐατέον, ἐπειδὴ τῆς ἀνδρα-
γαθῆς ἀρετῆς ἀμείνονι πεφυκέν. εἶναι
ἐν καὶ ἄλλῃ ὡς φύσις τῆς ψυχῆς ἄλογος
εἶναι, μετέχουσα μὲν τῷ λόγῳ. τῷ γὰρ
ἐγκρατεῖ, καὶ ἀκρατεῖ τὸν λόγον, καὶ
τῆς ψυχῆς τὸ λόγον ἔχει ἐπαυτοῦ μόνον. ὁρ-
θῶς γὰρ καὶ ἐπὶ τῷ βίῳ πρὸς ἀνδραγαθίαν.
φαίνεται δὲ ἐν αὐτοῖς καὶ ἄλλοι πρὸς
τὸν λόγον πεφυκέν, ὁ μάχεται τε, καὶ ἀν-
τιπνέει τῷ λόγῳ. ἀπεναντίας γὰρ καὶ ἄνωγ'
ὅτι πρὸς ἀνδραγαθίαν τῷ σώματος μέρος
εἶναι καὶ δεξιὰ πρὸς ἀνδραγαθίαν κινήσειν,
πρὸς ἀντίον εἰς τὸ ἀνδραγαθὸν πρὸς ἀνδραγαθίαν,
καὶ ὅτι τῆς ψυχῆς οὕτως. ὅτι καὶ οὐκ ἀν-
τιπνέει γὰρ αἱ ὁρμαὶ τῷ ἀκρατεῖ. ἀλλ' ἐν
τοῖς σώμασι μὲν ὁρμαὶ τὸ πρὸς ἀνδραγαθίαν
μὲν, ὅτι δὲ τῆς ψυχῆς οὐκ ὁρμαὶ.
ἴσως ὅτι οὐκ ἔστι ἡ πᾶν ἐν τῇ ψυχῇ νομιστὸν
εἶναι πρὸς τὸν λόγον, ἐν ἀντιπνέοντι

ipsis: veluti aliquid quidem ipsius esse ra-
tionis expertus, aliquid verò rationem ha-
bens. hac verò utrum distincta sint quem-
admodum corporis partes, et quicquid in
partes diuiduum est, an ratione duo sint in-
separabilia suapte natura, ut in orbe con-
uexum, et concavum, nihil interest in prae-
sentia. Expertis autem rationis aliquid qui-
dem videtur esse commune etiam planta-
rum. Dico autem causam alendi augendi-
que: talem quippe vim animae in omnibus,
quae aluntur poneret quoque aliquis, et
in foetibus immaturis: hanc autem eam-
dem etiam in perfectis: magis enim con-
sentaneum est, quam aliam aliquam. Hu-
ius itaque communis quaedam virtus, et
non humana videtur. Nam videtur in
somnia suo munere fungi maximè pars haec,
et facultas hac. bonus autem ac malus
minimè internoscentur in somno. Quare
dicunt nihil differre secundum dimidium
vitae beatos à miseris. Accidis autem hoc
merito. cessatio enim est somnus animae,
ea parte, qua bona dicitur et mala. ni-
si dicat aliquis, sensim ad eam peruenire
quasdam motiones; et hac ratione melio-
ra fieri phantasmata proborum, quam quo-
rumlibet. Sed de his quidem satis: et alen-
di facultas omittenda est, quia humana
virtutis expertus facta naturaliter est. Vide-
tur igitur etiam alia quaedam natura ani-
mae rationis expertus esse, cum particeps qui-
dem sit aliqua ex parte rationis. Continentis
enim, incontinentisque rationem, et ani-
mae partem, quae rationem habet, lauda-
mus. rectè enim et ad optima inuitas. Con-
stat autem in eis et aliud quidpiam esse prae-
ter rationem innatum, quod repugnat, et
obfistit rationi. Planè enim, ut dissoluta cor-
poris partes eorum, qui ad dexteram illas vo-
lunt mouere, contra in sinistram temerè fe-
runtur; sic et in animo. In contraria enim
appetitiones impotentium abeunt. Sed in
corporibus quidem videmus quod distrahi-
tur, in animo verò non videmus. Ac fortas-
se nihilo minus etiam in anima existiman-
dum est esse aliquid praeter rationem, quod

πύπῳ, καὶ ἀντιβῆναι. πῶς δὲ ἔτερον, ὁμοῖον ἀφ' ἑαυτοῦ. λόγῳ δὲ καὶ τῷ φαι-
νέται μετέχειν, ὡς ἐπὶ πομῶν. πειθα-
ρχεῖ γὰρ πᾶσι λόγοις τὸ τῷ ἐγκρατεῖ ἐπι-
δεδότω θηκώτερον ὅτι τὸ τῷ σώφρο-
νι, καὶ αἰσφύου. πάντα γὰρ ὁμοφώνῳ ὁ
λόγῳ. φαίνεται δὲ καὶ τὸ ἀλλοτρίον διττόν.
τὸ μὲν γὰρ φυτικὸν οὐδαμῶς κοινοῖ λό-
γῳ· τὸ δὲ ἐπιθυμητικὸν, καὶ ὁλως ὀρε-
κτικὸν, μετέχει πῶς, ἢ κατ' ἐκείνους ὅτι
αὐτῶν, καὶ πειθαρχικόν. οὕτω δὲ καὶ τῷ
πατρὶ, καὶ τῷ φίλῳ φαινομένη ἔχει λό-
γον, καὶ οὐχ ὡς πᾶσι τῷ μετ' ἐκείνους
χρῶν. ὅτι δὲ πείθεται πῶς ὑπὸ λόγῳ
τὸ ἀλλοτρίον, μέντοι καὶ ἡ νοῦς-τισις,
καὶ πᾶσα ἐπιθυμησις τε καὶ παρ' ἐ-
κείνους. Εἰ δὲ χρὴ καὶ τῷ φάσμα λό-
γον ἔχειν, διττόν ἔστι καὶ τὸ λόγῳ ἔχειν.
τὸ μὲν κυρίως, ὅτι ἐαυτῶν, τὸ δὲ
ὡς πᾶσι τῷ πατρὶ ἀκούσιν τι.

resistat ei, atque repugnet. quomodo autem
diuersum sit, nihil interest. Rationis uero et
hoc uidetur particeps esse, ut diximus. Ob-
temperat igitur rationi pars continentis : et
adhuc etiam fortasse obtemperantior est,
quàm quæ in temperante sit, et forti viro.
omnia enim consonant rationi. Perspicitur
ergo etiam id quod rationis est expers esse du-
plex. vegetans enim uis nullo modo parti-
ceps est rationis, concupiscendi uero facultas,
et omnino appetendi particeps est quodam-
modo, quatenus obaudiens est illi, atque ob-
temperans. Ita igitur et patris, et amicorum
dicimus aliquem habere rationem, et non
quemadmodum rerum mathematicarum.
Persuasione autem duci quodammodo à ra-
tione id quod est vacuum ratione, indicat et
admonitio, et omnis obiurgatio, atque ad-
hortatio. Quod si oportet et hoc fateri ra-
tionem habere, duplex erit etiam illud quod
rationem habet : unum quidem proprie

et in seipso, aliud uero ueluti obaudiens quiddam.

EXPLANATIO.



CONSIDERANDA igitur, &c.] Conclusio superioris partis hoc ini-
tío ponitur : dicitur ergo ex his sequi, Politico viro, & ei, qui Cui-
tatis regendæ peritus quæritur, adeoque paratur ad imperium per
hanc Ethicam, esse considerandam & cognoscendam animam, in
eâque cognitione, & contemplatione aliquam ponendam operam, &
curam, hoc est eam, quæ satis sit ad ea quæ nos quærimus & tractamus : tractamus
autem beatitudinem, & beatitudinis causâ virtutes, quæ in anima tanquam in sub-
iecto sunt. Itaque sic in eo laborare oportet, quemadmodum in subiecti cognitio-
ne laborat is, qui cognoscere præcipue ac de industria velit hærentes in subiecto
qualitates, & accidentia. Sed huic non est necessaria subiecti cognitio absolutissi-
ma : ergo nec ei, qui de Virtutibus est potissimum ac præcipue disputaturus exqui-
sita quædam animæ tractatio atque cognitio necessaria est. Rectè itaque ait, accu-
ratiorem explicationem, disputationemque de anima maioris esse negotij, quàm
postulet res ad disputandum sedulo ac de industria nobis hoc loco proposita. Quam
exquisite transactionis prætermittendæ causam & rationem, probabilior ex eo
facit, quod in Exotericis disputationibus dixerit, & docuerit ea copiosissimè, quæ
huc transferri faciliè possint, atque ad huius vsum quæstionis accommodari.

Longa hic instituenda quæstio esset de libris exotericis Aristotelis : non enim vel
intelligi, vel conici potest ad quos sermones aut disputationes exotericas ipse nos
alleget, nisi videamus antè, quinam fuerint ab Aristotele libri Exoterici nominati :
ex his uero commentationibus & libris, quos dictos Exotericos comperiemus, diui-
nare fortasse poterimus, quos tandem hic indicet. Sed hunc sibi laborem sumpse-
runt Lælius Peregrinus & alij, quos consulere fas est his, qui hac de controuersia
cognoscere diligentius volunt. Mihi satis est in compendium omnia redige-
re, atque in aspectum dare quod probabilius sit. Multorum sanè communis opi-
nio est, librorum, quos scripsit Aristoteles, seriem ordinemque fuisse duplicem,
in quorum altera posuerit acroamaticos, in altera exotericos collocarit tan-
quam oppositos. Tradunt hæc Gell. in lib. 20. cap. 4. Themist. & Simplicius in

proemio Phys. Plutarch. aliisque complures. At Aristoteles quidem ipse mentionem Exotericorum facit octo planè in locis, cap. hoc xij. lib. 1. Ethic. & lib. 6. cap. 4. lib. 1. ad Eude. cap. 5. & lib. 2. in princip. lib. 3. Polit. cap. 4. & lib. 7. cap. 1. lib. 4. phy. tex. 87. & lib. 13. meta. cap. 1. Acroamaticos vero nusquam commemorat in suis quæ supersunt monumentis, nisi in Epistola ad Alexandrum, quam legimus apud Plutarch. sed commemorat eos Gell. loco laudato. Fuerunt alia quoque nomina varia, quæ libris Aristotelicis imposita sunt, sed nouam non postulant partitionem, cum eorum alia ad acroamaticos, ad exotericos alia referantur, ut supra in cap. 5. diximus, cum de libris encyclicis disputaremus. Hæc, inquam, peruagata multorum opinio est: sed non conuenit inter omnes quinam acroamatici, qui exotèrici sint appellandi.

Gellius enim, Plutarch. Simplicius & Themistius existimant, sermones acroamaticos eos fuisse, quibus Aristoteles subtiliores disciplinas explicasset: exotericos verò quibus ea tradidisset, quæ non tantam postulerent ingenij subtilitatem. Ad Exotericos reuocat Plutar. Ethicos & Politicos libros, Gellius Rhetoricos, & Sophisticos, Simplicius historicos, & alios quosdam. Itaque videntur hi putasse, partitionem hanc à rebus, de quibus agitur esse peticam: sic, inquam, ut de difficilioribus obscurioribusque sint acroamatici, de facilioribus & planioribus Exotèrici. Sic enim explicat vocabula illa Gellius. Commentationum, inquit, suarum, artiumque, quas discipulis tradebat Aristoteles, duas species habuisse dicitur. Alia erant, quæ nominabat *ἑξωτερικά*: alia, quæ appellabat *ἀκροαματικά*. Exotèrica dicebantur, quæ ad Rhetoricas meditationes, facultatem argutiarum, ciuiliùmque rerum notitiam conducebant. Acroamatica autem vocabantur, in quibus philosophia remotior, subtiliorque agitabatur: quæque ad naturæ contemplationes, disceptationesue Dialecticas pertinebant. Huic disciplinæ, quam dixi *ἀκροαματικὴν*, tempus exercendæ dabat in Liceo matutinum: nec ad eam quemquam temere admittebat, nisi quorum ante ingenium & eruditionis elementa atque in discendo studium, laboremque explorasset. Illas verò *ἑξωτερικάς* eodem in loco vesperti faciebat: easque vulgò iuuenibus sine delectu dabat, atque eam *ἡλιὸν πείπατον* appellabat: illam alteram supra *ἰωθινόν*. Vtroque enim tempore ambulans diserebat: librosque suos earum rerum omnium Commentarios seorsum diuisit: ut alij *ἑξωτερικοὶ* dicerentur, partim *ἀκροαματικοί*. Quos cum in vulgus ab eo editos Rex Alexander cognouisset, atque ea tempestate armis, exercitūque omnem propè Aliam teneret, Regemque ipsum Darium præliis, & victoriis vrgeret, in illis tamen tantis negotiis literas ad Aristotelem misit: non cum rectè fecisse, quòd disciplinas *ἀκροαματικάς*, quibus ab eo ipse eruditus foret, libris foras editis inuulgasset. Nam qua, inquit, alia re præstare ceteris poterimus, si ea, quæ ex te accepimus, omnium prorsus fient communia? Quippe ego doctrina anteire malim, quàm copiis, atque opulentiis. Rescripsit ei Aristoteles ad hanc sententiam, *ἀκροαματικοὺς* libros, quos editos quereris, & non perinde ut arcana absconditos, neque editos scito esse, neque non editos: quoniam iis solis, qui nos audiunt cognobiles erunt. Ita Gellius disputat omnium pene nomine, qui hanc adamarunt opinionem.

Quæ duobus potissimum nominibus non videtur esse probanda. Primò quidem, quia ipsi volunt libros Ethicos omnes & Politicos esse exotericos. At Aristoteles sex in locis Ethicorum, & Politicorum ex iis, quos supra posuimus allegat nos ad exotericos: ergo Ethici, & Politici libri sunt acroamatici, exotèrici certè non sunt. Deinde: Quia Politicorum libros inter acroamaticos habendos esse Laërtij Diogenis suadere debet auctoritas; cum iis hunc indicem adscribat & titulum: *πρὸς τοὺς πολιτικὰς ἀκροάσεις*. Si ergo Ethici, Politicique sermones acroamatici sunt ex Aristotele, malè isti eos recensuerunt inter exotericos, dixeruntque vniuersè, illos exotericos esse, in quibus Aristoteles ea tradit, quorum facilis cognitio sit. Nihil enim facilius, quàm Ethica, & Politica doctrina; quam ipse tam sæpe profiteretur Aristoteles tradere se *εἰ πάντα*, hoc est, rationibus minimè demonstratiuis, sed popularibus, & rudi quadam docendi via, modòque communi; & tamen ipso teste vel iudice non sunt exotèrici. Huc accedit, quòd idem Aristoteles, de anima eiusque facultatibus, ac de Ideis tum hic, tum in horum Eth. lib. 6. cap. 4. & lib. 13. meta. ac lib. 1. ad Eudemum, affirmat, se disputasse in exotericis. At Animæ, eiusque facultatum, & Idearum cognitio difficillima est: ergo exotèrici li-

hui non continent ea tantum, quæ captu faciliora sunt, sed subtiliora etiam aliqua & altiora. Denique Aristoteles ab horum vel lectione, vel doctrina librorum depellit iuvenes, & homines præterea ætate prouectos si sint incontinentes. Non sunt igitur exoterici: cum isti dicant, ad sermones exotericos omnes admissos sine delectu fuisse. Atque hæc prima fuit de libris acroamaticis, & exotericis in antiquorum scriptis consignata sententia.

Secunda fuit Ammonij in Prolegomenis ad Categorias: quam Philoponus deinde probauit, ac longo post tempore complexus vir eruditissimus Budæus est. Fuit, inquam, istorum opinio: acroamaticos Aristotelis libros fuisse, qui oratione perpetua scripti essent, hoc est, eos, in quibus ipse ex sua ipsius persona doctrinam traderet, & solus loqueretur. Exotericos verò qui dialogum haberent, & personis inductis de proposita materia disputarent. In illis enim aiunt hunc cum tanquam ad idoneos auditores orationem haberet, rationibus Aristotelem fuisse subtilissimis ac limatissimis usum: in his, quasi minus accommodatos haberet auditores, ad eorum sese demittere intelligentiam, speciosasque magis rationes, quam solidas ac firmas asserere solitum fuisse. Quin arbitratu præterea Philoponus in lib. 1. de An. com. 138. Exotericorum sermonum aliquos fuisse cum auditoribus sola voce communicatos. In summa exotericos ab acroamaticis distinctos volunt à ratione potius, ac modo scribendi, quam à rebus ipsis, quæ scriberentur. Sed qui sic opinantur, coguntur etiam dicere, omnes Aristotelis, qui adhuc extant, & supersunt libros, acroamaticos esse, cum nulli dialogum habeant & personas inductas: ex quo consequens est, etiam problemata, etiam admirandas narrationes, & historiam animalium, aliæque eiusmodi ad vulgi sensum ratione propè populari descripta, esse acroamatica. At ipsi contendunt, acroamatica tradita tantum fuisse auditoribus ingenio perspicacioribus: ergo non sunt ea, quæ vulgo propè traduntur ab Aristot. Adde, quod Platonis libri per simili quadam ratione in acroamaticos, & exotericos, certè tanquam in acroamaticos sunt distributi: ut indicat Galen. in lib. de subst. nat. facul. & Clem. Alex. in 5. Stromatum libro. At Platonis opera omnia dialogo scripta sunt: ergo essent exoterica omnia, hoc est, vulgò digna & auditoribus minus ingeniosis: quod & verum non est, & à Galeno & Clemente pernegatur.

Tertia Eustratij opinio est, affirmantis, acroamatica fuisse discipulis ab Aristotele in schola tradita, & dictata, exoterica verò priuatim iis permissa, & data, qui huius vel illius argumenti quæstione proposita, dissertationem aliquam certam postularent: sed hic quidem alioqui bonus Interpres non est audiendus; tum quòd id nullo prorsus auctore confirmat, tum quòd sequeretur, nullum prope ex operibus Aristotelis, quæ tenemus, exotericum esse; cum eo modo quo ait ipse tradita exoterica fuisse, scriptum non sit. Neque enim ullus liber eorum, qui peruenierunt ad nos, aliquo quæstionem proponente, & disputationem flagitante, scriptus, & rudibus auditoribus dictatus videtur esse.

Quarta est Genesij Sepuluedæ, nullum aliud inter acroamaticos libros, exotericosque discrimen, ac differentiam dignoscentis, quam quòd exotericorum nomine intelligat Aristoteles omnes alios libros præter eum, quem habet in manibus, cum exotericos nominat, & ad exotericos lectorem allegat. quasi libri illi extra eum sint, in quo ipse laborat, & operam ponit præsentem. Quæ quidem opinio quamquam Gualteri Burlei & D. etiam Thomæ aliqua ex parte videtur esse, probanda tamen atque admittenda non est: summorum enim virorum, in primisque Clementis Alexand. confutatur auctoritate: nec videtur credibile, aliud discrimen esse inter acroamaticos, & exotericos libros, nisi quod aliquis liber haberetur in manibus, & scribitur, alij non scribuntur in præsentia, nec tenentur.

Quinta huic proximè superiori simillima est Francisci Patricij in lib. 6. discussionum, haud dubitantis affirmare, sermones acroamaticos eos fuisse, qui seruabantur penes auctorem, ut prælegerentur auditoribus; eosdem ubi prælecti essent, & explanati publicè in schola factos exotericos esse. Quod commentum admirabile confutatur eorumdem testimonio virorum, quo damnata superior opinio est. Nec eius ferenda confidentia videtur, qui cum videat ab antiquissimis, & doctissimis scriptoribus tam multis veram re ipsa inter exotericos, & acroamaticos libros diffe-

rentiam constitui, hoc est eam, quæ altera ex parte facilitatem, ex altera difficultatem rei demonstrat, velit tamen esse nullam.

His igitur opinionibus in hunc modum explosis, suam proferunt alij coniecturam, quam probandam existimo. Dicunt adeo, quosdam libros esse ab Aristotele appellatos Acroamaticos, vel ab harmonia, quæ inde percipiebatur animo iucundissima, cuiusmodi erat acroamatium in conuiuio, vel ab auditione, quam plurimam postulerent: quare etiam Elotici dicti sunt, quasi intranei, & epoprici, hoc est inspectiui. Alios autem libros, quos vulgo propemodum dabat, quasi detectos exposuit, ac propterea Exotericos appellauit, alique postea nominarunt etiam Ecdomenos, hoc est, vulgatos, & encyclios quasi catholicos, & de manu in manum velut orbe facto transmissos. Sed adhuc dubium est, quæ nam sit nota distinguens verosque. Respondent, modum scribendi, tractationemque, non autem res & argumentum, siue materiam libris illis differentia notam impertiri. Rudior quippe scribendi modus tractatioque est exotericorum; politior, limatiorque adscribitur Acroamaticis, ac propterea modus ille scribendi, tractatioque magis popularis, aut exquisitior, non res ipsa, quæ tractatur, Exotericos secernit ab Acroamaticis. De eadem quippe re verique tam acroamatici, quam exoterici sunt ab Aristotele sermones editi. Nam in lib. 4. phys. c. 87. antequam temporis ipsius vim, & naturam aggrediat inuestigare subtilius, affirmat, de tempore velle se disputare rationibus exotericis. Quis autem ignorat, eam tractationem subtiliorem, quam sibi reservat in posterum, acroamaticam esse: cum præsertim libri ipsi physici omnes inscribantur acroamatici. Deinde cum tam multis locis dicat, se de anima, de Ideis, de aliis egisse in exotericis, demonstrat haud dubiè, se tunc in manibus non habere libros exotericos, sed acroamaticos. In iis autem, quos habet in manibus, eadem de re disputat, sed remissius: Denique M. Tull. docet apertè in 5. de finib. Aristotelem de summo bono tum acroamaticas, tum exotericas scripsisse disputationes: sic enim loquitur: De summo autem bono duo librorum genera sunt, vnum populariter scriptum, quod exotericon appellant: alterum limatius, quod in commentariis reliquerunt. Non tamen hoc extremum sic accipiendum est, quasi à Cicerone significetur, acroamatica non fuisse vnquam in lucem data. In epistola enim Alexandri, vt vidimus apud Gellium, longè aliter est scriptum: cum ibi queratur Alexander, quòd in vulgus essent emissà acroamatica. Sed ita loquitur Cic. quia acroamaticas commentationes verè sibi reservabant illi antiqui philosophi: victi tamen interdum amicorum precibus, & conuiuiis, aut cupiditate etiam gloriæ pertracti, ea quoque lucem aspicere patiebantur. Igitur, vt teneamus institutum, etiam Ethici, Politicique libri, quos habemus superstitēs, sunt acroamatici: ac propterea in iis tam sæpe prouocat ad exotericos, eoque lectorem allegat Aristoteles. Quod quia non viderunt multi, non dubitarunt dicere, omnes omnino Politicos, Ethicos, Rhetoricos exotericos esse.

Video vnum proponi aduersus hanc opinionem posse, quod contemni non debet: Aristotelem videlicet ipsum dicere sapissimè in primo hoc lib. Moraliū, velle se doctrinam hanc tradere *αἰνῶς*, rudi ratione, modoque communi, & adumbratè. Hoc autem scribendi genus acroamaticum esse non potest, & quoniam desumenda distinctio dicitur & differentia esse à scribendi modo, & tractatione varia, sequitur, hos libros Ethicos non esse acroamaticos. Id, inquam, aduersus coniecturam hanc video dici posse: Responderi tamen posse etiam video: scribendi modum, tractationemque subtilem & exquisitam esse duplicem: vnā, quæ adhibitis demonstrationibus exquisitis, aut rationibus illis subtilioribus, quæ petuntur à principiis, strictim explicet, & obscurè de argumento, materiaque proposita: alteram, quæ nullas eiusmodi quidem rationes subtiliores afferat, & genere docendi vtatur explanatissimo, sed tam multas tamen aliarum disciplinarum conclusiones attingat & placita, tamque multiplici referta sit eruditione, vt non unicuique fas sit intelligere quæ docentur stylo illo, ceteroqui explicato, & facili. Quæ duo subtilitatis genera ita conueniunt in acroamaticum docendi genus, vt quæcumque scripta aut disputatio-

nes alterutrum habeant, dici debeant acroamatica: non enim utrumque genus subtilitatis ad constituendum ordinem illum scriptorum acroamaticorum est necessarium. Dico adeo nunc, Ethicam & Politicam non habere priorem illam scribendi, docendique subtilitatem, quæ posita in rationibus exquisitis, & demonstratus est: sed habere tamen posteriorem, quæ multiplici continetur eruditione: hæc quippe Morales disciplina multa mutuatur ab aliis quæ sine illarum cognitione probè perfecteque percipi non possunt: variam etiam continent, ac multiplicem rerum omnium varietatem, quas disputando perstringit potius, quàm explicat Aristoteles. Quapropter eam obtinere subtilitatem puranda sunt, ut debeant in Acroamaticorum ordinem librorum referri. Cum igitur ita responderi proposita possit argumentationi, nec aliud mihi veniat in mentem, quod contra pugnet, censeo hanc illorum sententiam esse probandam: cum præsertim non valde dissentiat ab aliqua ex iis, quæ supra sunt commemorata.

Restat, ut conueniendo videamus quos hic exotericos libros consulere nos velit Aristoteles, ut ea de anima, eiusque facultatibus cognoscamus, quæ hoc loco iterum tractare non vult. Theodorus Zuingerus author proscriptus secutus credo Burleum, putat esse libros de Anima, sed errat grauiter: quia in iis exotericis libris ait Aristoteles, se de anima dixisse aliqua: ergo confirmat in iis non perfectam se de anima disputationem exposuisse, sed eam, quæ huic loco, quem habet in manibus, satis, sit. At in libris de anima non tractauit eo de argumento aliqua, sed omnia quæ pertinerent ad animam. Placet igitur hic Peregrini diuinatio, existimantis, eos libros exotericos fuisse Morales, hoc est, Dialogum, qui Eudemus inscribebatur. Mentionem eius dialogi fecere Plutarchus in Dione, Philopon. in primo de anim. com. 138. Themistius in paraphrasi lib. 3. de an. c. 37. Cic. in lib. 1. de Diuin. In eo itaque Dialogo rationibus explanatissimis atque in speciem probabilibus, & genere dicendi haud admodum erudito de immortalitate animi, eiusque partibus Aristoteles in Eudemi Cyprij interitu consolaturus amicos, disputauerat ea, quæ mirum in modum huic loco conueniebant: ac propterea eos libros legendos potius proponit, quàm quos de Anima scripserat accuratius.

Admonet adeo, ea quæ de anima essent cognoscenda, petenda ex iis libris esse: quæ autem cognoscenda esse oporteat antequam de Virtutibus quæ sunt in Anima præcipiat, illa sunt. Animæ partes esse duas: vnā quidem rationis participem, expertem alteram. Quæ tamen vtrum inter se loco distinctæ sint, & eo modo, quo distinctæ dicuntur esse corporis membra, ac quicquid demum diuisionem adimitte, siue ratione tantum & cogitatione separentur, re autem ipsa & natura vnum sint, quemadmodum sunt in eadem circumferentia concauum, & conuexum, ratione tamen & cogitatione secernuntur: vtrum, inquam, hæc eo modo, an alio se habeant, ad quæstionem qua de agimus in præsentia, nihil attinet, inquit, disputare. Quæ dicuntur ab Aristotele, ut intelligamus, non esse locum hunc agendi contra Platonem, qui facultates illas animi seceuit, atque in diuersis corporis partibus velut in sedibus suis collocauit. Itaque non ratione solum, verum etiam subiecto eas distinxit; in cerebro ponens eam, quæ rationis est particeps, in hepate illam, quæ membra nutrit & irascitur, in corde quæ appetit, & concupiscit, quod est apud Cicero in prima Tusculanarum. Rectius igitur Aristoteles, inquit Ioann. Maior, hoc loco indicat re ipsa facultates animi cum anima conspirare, nec plus distingui, quàm distinguatur ascensus, & descensus in scalis, vel conuexum, & concauum in circulo.

Hæc ergo primum nosse oportet ex iis, quæ dicta sunt in libris exotericis, quos commemorauit. Secundo loco ait, ex iisdem petendam esse diuisionem alteram eius partis, & facultatis, quam dixit esse rationis expertem. Bipartitò igitur hanc etiam iterum diuidit, docens, vnā esse, quæ sic rationis est expertis, ut non modo rationem ipsa per se non obtineat, habeatve, sed ne obtemperare quidem rationi queat. Hanc facultatem ait sic esse communem omnium animantium, hoc est viuentium, quemadmodum communis ipse animus, & vita est: eamque

nominationem esse, quæ causa sit, cur alatur vnumquodque, & augeatur. Hæc enim ita communis est vis ac facultas, vt in omnibus sit animantibus, non perfectis modò, verùm etiam imperfectis, & iis, quæ in vtero matris adhuc continentur, siue vt est in Græco Codice *ἐν τοῖς ἐμβρυοῖς*, in embryonibus, atque in stirpibus, præterea plantis, herbisque. Rectè adeo hanc facultatem altricem, siue hunc animum nutritorem appellamus *φύσις*, quali plantarium. Cuncta enim quæ oriuntur è terra, herbae, frutices, arbores hunc animi gradum obtinent, cuius beneficio nutriuntur & crescunt. Obseruat hic vnum Victorius, quod prætereundum non est, huiusmodi diuisionem haud omnino ab Aristotele probari in 3. lib. de anima: probari autem hoc locò, quod huic tradendæ doctrinæ omnium accommodatissima sit. Hanc igitur animam, siue facultatem ait ad Ethicam non pertinere, quia humana, hoc est, hominis propria non est. Idque duabus rationibus ostendit: quarum prima ducitur ab illa huius facultatis communicatione cum ceteris. Nutri enim, & augeri, quod ipsis etiam datum est mutis animantibus, & stirpibus, homini proprium esse non potest. Altera petitur ab operatione, quæ propria hominis est. Hæc enim esse debet eiusmodi, vt ab ea dici bonus possit, aut malus: sed ex ratione animæ nutritoris non dicitur homo bonus, aut malus: alitur enim maximè, ac crescit in somno: quo tempore tamen improbus à bono secerni non potest. Verum autem hoc esse, & de re sic existimari debere ex peruulgata voce, quæ prouerbij vim obtinebat, intelligi vult. Vox autem, & prouerbum fuit huiusmodi. Nullum discrimen esse inter beatum, ac miserum hominem in interuallo vitæ dimidio, hoc est, eo vitæ tempore, quo aliquis dormit. Probat, inquam, hoc dictum Aristoteles, prolatumque sapienter arbitrat: quia somnus, inquit, segnities quædam & cessatio est eius partis, ac facultatis animæ, cuius ex actione solum dici potest homo bonus aut nequam. Consopitis enim sensibus, rationalis anima nihil agit eorum, quæ sola nobis impertiri possunt probitatis appellationem. Itaque in somno vir bonus & improbus pares sunt. Dicere possit aliquis, etiam in dormientibus habitus esse inter se discrepantes: sed responder Eustrat. habitus non posse cognosci, nisi ab operatione, quemadmodum arbor, nisi à fructu, cognosci non potest. Vt igitur hyeme non cognoscitur vis arborum fructifera, ita in somno qui sensum intellectusque quies est, & habituum hyems, nullus aut probus aut prauus inter noscitur habitus: sola enim tum viget, agitque vis nutrens & phantasia: quin hæc perturbatè etiam admodum agit, atque confusè. Illustrare possit hunc locum Plin. lib. 7. cap. 50. vbi de vitæ breuitate sic queritur: Incertum, ac fragilo nimirum est hoc munus naturæ quicquid datur nobis, malignum verò & breue etiam in iis, quibus largissimè contingit, vti que xui tempus inuentibus. Quid quod æstimatione nocturnæ quietis dimidio quisque spatio vitæ suæ viuere? pars æqua morti similis exigitur, aut pænæ, nisi contingit quies. Hæc Plin. Ceterum Aristoteles, quia videtur etiam inter bonos, improbosque dormientes aliquod esse, ac poni debere discrimen, corrigit lepide quod dixerat, ac leuissimam designat differentiam, quæ faciat alterum ab altero discrepantem. Differentiam autem hanc ait positam esse fortassis in motu quodam, qui peruat & peruenit ad dormientes. Motum enim placuit dicere id, quod *κίνησις* appellat, quia etiam Cicero, id quod cernitur à nobis in somno, motum dicit animorum. Huius ergo vi fieri potest, vt somniorum visa meliora sint in grauib; ac moderatis viris, quàm in leuib; & flagitiosis. Est quippe verosimile, ex factis, & cogitationibus antegressis manare ad vtrorumque animos simulacra longè varia vitæ dissimiliter actæ. Quare, vt modestorum hominum iucunda sunt visa, sic tristia esse oportet eorum somnia, qui se in omnes vitiatorum formas dum vigilant, vertunt. Dubitanter id Aristot. dicit, & fortasse sic fieri ait: atque hanc esse differentiam inter improborum, & bonorum somnia: sed tamen in Problemate 13. sect. 30. hoc affirmatè pronunciat, & rei causam diligenter inuestigat. Idem scribit Cic. in lib. 1. de Diuin. traditum & editum à Socrate in Platonis Politia. Sed hæc hætenus dicta vult: atque ad alteram diuisionis partem accedere nos iubet, quando quidem hæc nutrens facultas animi permittenda Physico est, quæ ad Civilem nulla ratione pertinere videatur.

[Videtur igitur alia quædam animæ natura rationis expertis, &c.] Alteram ergo facultatis huius partem ait etiam ratione vacare, sed pacto ac ratione varia longèque alia, quàm vacet & careat illa superior. Non enim hæc rationis omnino, ac pror-

sus est expers, cum audiat rationis imperium, quod vis illa nutriendi efficere, ac prestare non potest. Est enim hæc appetens, & in appetitu posita; qui quoniam parer rationi, videtur quodammodo eiusdem rationis particeps esse. Sed tamen re ipsa, & quemadmodum dici solet, per essentiam est irrationalis. Id quod demonstrat Aristoteles à laude, quam continentibus tribuimus, & incontinentibus. Laudamus enim continentem, quod rationi constanter obtemperauerit: laudamus verò minus incontinentem, quod tamen si rationem sequi vellet, cupiditatibus tamen victus dederit manus. In utroque nimirum, hoc est, tam in continente, quam in incontinente, est pars rationalis per essentiam, quæ ad omnia rectè facienda excitat, inquit, atque inuitat: & eorum vterque optat ex ratione cupiditates frangere, ac vincere quod est laudabile.

Est igitur ita facta hæc animi facultas appetens, ut obtemperare, ac morem gerere debeat rationi: sed tamen eidem sæpè aduersatur, quod cernimus in incontinentibus, ex altera parte rationem audire volentibus, ex altera eidem repugnantibus, & eius imperium respuentibus. Quod explicat egregia similitudine ab eo morbo petita, qui paralyticus appellatur. Ut enim qui eo laborant, dum in dextram conuertuntur partem, feruntur in laeuam: sic incontinentes cum rationem audire volunt, cupiditatibus victi abstrahuntur in vitium. In contrarias enim partes, inquit, feruntur incontinentium impetus animorum: quod Cicero etiam sic expressit in Tusculan. 5. Distrahuntur in contrarias partes impotentium cupiditates: & ille,

— *video meliora, proboque*

Deteriora sequor.

Idem argumentum tractatur à Cicerone lib. 2. Tuscul. propè fin. à Plat. in lib. 4. de Repub. & ab eodem Aristot. infra lib. 7. cap. 6. Hanc prauitatem & pugnam videre nos quidem ait in paralyticorum corpore, in animo non videre, sed tamen credere oportere, multo maiorem esse, cum rationi aduersatur appetitus. Videtur ergo Aristotelis tota ratiocinatio ea esse, quæ probare velit duo: primum, hanc facultatem animi sentientem aduersari rationi, ac propterea irrationalem dici debere: quod enim aduersatur rationi, est irrationale: secundum, hanc tamen eandem ita factam esse natura facultatem, ut debeat seruire, ac morem gerere rationi: esse aduersantem rationi demonstrauit ex incontinentibus, quorum appetitus veluti paralyticus in contrarias distrahitur partes. Quemadmodum enim paralytici membra virtuti mouenti non parent, sic appetitiones incontinentium rationis imperium, & iussa detrectant. Esse tamen hanc ipsam animam appetentem ita factam, & quasi natam natura, ut rationi debeat obtemperare, ostendit primum ex iis, quæ sunt ab homine per actus abditos, qui dicuntur immatentes: deinde ex iis, quæ sunt, & cernuntur in eodem per actus externos, ac patentes. Videmus, inquit, (sic enim libet interpretari per paraphrasim Aristot. verba,) cum viro continente sic agi, ut quamuis prauis cupiditatibus incitetur ab ea parte, quæ rationis est expers, & rationi aduersatur, non tamen agat quicquam secundum illud incitamentum, nec iis cupiditatibus pateat. Id verò facere non posset, nisi pars ratione carens, & rationi contraria, facta sic esset, ut rationi debeat obtemperare. Videmus præterea, partem illam carentem ratione, rationique contrariam, in viro sobrio ac forti, vniuersæque in quolibet homine virtute prædito magis obedientem esse rationi, quam in alio. In eiusmodi enim homine omnia congruunt rationi. Id verò fieri non posset, nisi pars illa rationis expers nata esset ad obsequium rationis. Atque hæc de actibus in animo hærentibus, & occultis sic exposita sunt. De actibus externis & foras erumpentibus ita ratiocinatur. Facultas animæ rationis expers, & rationi contraria sibi suaderi aliquid & persuaderi sinit à ratione: ergo facta sic est, ut obsequatur rationi. Admittere suasionem, & persuasionem res est longè planissima. Nam ipsa suasio, admonitio & hortatio, quæ fit ab amicis, accusatio, & reprehensio quæ à superioribus accidit, ut à patre: deprecatio, quæ ab inferioribus adhibetur, auocant homines à cupiditatibus prauis, & impotentibus, quibus appetens anima dedita est. Auocare verò non possent nisi anima ipsa, & facultas appetens inductione naturæ obedire rationi deberet, & sic facta esset ac nata, ut necesse habeat eius facere imperata. Itaque pars hæc rationis expers eatenus dici rationalis potest, quatenus persuaderi sibi aliquid sinit à ratione, tanquam à patre reprehendete, aut ab amico ferente consi-

lium, & suadente. Atque hinc intelligere facile possumus vnum, intellectu alioqui difficillimum: id nimirum quod in huius clausula partis ponit Aristot. de comparatione quadam eorum, de quibus ipse loquitur, cum rebus, & præceptis, siue theorematibus Mathematicorum. Colligens enim omnia sic propemodum loquitur. [Constat ergo, vim expertem rationis esse duplicem: vis enim crescendi nulla ex parte rationis est particeps; concupiscendi autem & omnino appetendi quodammodo particeps est, quatenus ei obedit & parer. Atque ita sanè & aliquem dicimus habere rationem Patris, & Amicorum, non autem ut rerum mathematicarum.] Quibus verbis hæc ex Lambino, & Victor. sententia est. Quemadmodum cum dicimur nos habere patris, amicorumque rationem, non significamus, rationem patris, & amicorum nobis inesse, aut cur pater atque amici aliquid agant, rationem nos asferre posse; sed hoc ostendimus; patris nos & amicorum voluntatem spectare, ad eamque nostra studia, consilia, voluntates accommodare, ac flectere; Mathematicorum autem rationem cum dicimur habere, cum præceptorum, & theorematum mathematicorum causas animo atque intelligentia comprehensas habemus: sic vna animi pars est rationis experta illa quidem, sed rationi tamen obtemperans, qualis est appetitio continentis; altera ita rationis est particeps, ut rationem in sese contineat. Habet enim hæc rationem in se, sicut habemus rerum Mathematicarum, cum probè intelligimus quomodo ipsæ demonstrari possint, nec nobis argumentationes desunt; quibus illæ probari & demonstrari queant. Quare, si quispiam contendat, & argumentationibus vincere velit, inquit ad extremum Aristot. hanc quoque facultatem animæ participem esse rationis, fatendum erit, vim rationis compotem esse in anima duplicem; alteram quidem quæ in se ipsa rationem obtineat, alteram quæ sit eiusmodi, ut rationi obediat hortanti, admonenti, obiurganti tanquam patri.

Hæc est igitur ea capitis huiusce secunda pars, in qua doceri dicebam de partibus & facultatibus animæ. Restare videbatur, ut qui tam explicatè de illa dixerat, quæ rationis est experta, de altera quoque differeret compote rationis, & per essentiam rationali, quæ intelligentia dicitur, aut intellectus: sed hanc quasi notam omnibus prætermittit, satis habens, eam indicasse: adeoque ad extremam Capitis partem in hunc modum accedit.

PARS TERTIA CAPITIS TERTIIDECIMI.

Διορίζεται δὲ καὶ ἡ δρετὴ καὶ πλεονάζουσα καὶ ἐλάττω. λέγουσιν γὰρ αἱ πλείονες τὰς μὲν διανοητικὰς, τὰς δὲ ἡπικαίας. σοφίαν μὲν καὶ σωφροσύνην διανοητικὰς. ἐλάττω δὲ τὰς σωφροσύνην καὶ ἡπικαίας. λέγουσιν γὰρ οἱ πλείονες, οὐ λέγουσιν, ὅτι σοφός, ἢ σωφρονής, ἀλλ' ὅτι σωφρονής, ἢ σωφρονής. ἐπαινοῦμεν γὰρ τὸν σοφὸν καὶ πλεονάζοντα, καὶ ἐξέωμεν γὰρ τὸν ἐπαινετὸν, καὶ ἐλάττω.

Dividitur autem etiam virtus secundum differentiam hanc. Dicimus enim harum alias quidem intellectivas, alias verò Morales. Sapientiam quidem, & sagacitatem, & prudentiam intellectivas: liberalitatem verò, & temperantiam Morales. loquentes enim de more, non dicimus sapientem, vel sagacem, sed clementem, aut modestum. laudamus autem & sapientem secundum habitum. habituum verò qui laudabiles sunt, eos virtutes appellamus.

EXPLANATIO.



TERTIA igitur, extremæque capitis huius hæc est pars, in qua diuidit Virtutes in partes duas, quemadmodum ante bipartitè diuisit vel animam vel animæ partes, & facultates. In hanc enim gratiam de Anima eiusque partibus ipse disseruit, ut intelligeremus, totidem esse virtutum genera quot partes animæ sunt, in quibus ipse tanquam in subiecto debent hære. At itaque, ex animæ illa diuisione, quam supra tradidit, sequi ac


nasci parem virtutum diuisionem: ac propterea quidam appellari *διανοητικὰς*, intellectiuas, quia in intelligentia, hoc est, in ea parte animæ positæ sunt, quæ rationem obtinet per essentiam; alias *ἠθικὰς*, Morales, quia sunt in altera parte appetente, quæ propriè moris est capax, & rationem, non quidem per essentiam continet, sed participatione delibet, sicut ille, qui patri imperanti, aut amicis admonentibus obedit. Atque ut constaret planius, duos hosce Virtutum ordines, & classes in Anima reperiri, aliquot earum ex singulis ordinibus acceptas exempli causa nominauit: sapientiæ, prudentiæ, sagacitatis siue solertiæ habitus adscribens Intelligentiæ, appetitui verò liberalitatem & temperantiam. Videbatur demonstrandum, hos habitus esse verè virtutes: posset enim aliquis fateri hos habitus in utraque animi designata facultate esse, sed diffiteri, ac negare, esse virtutes. Ne quicquam in hac disputatione desideraretur, hoc etiam probare institit atque in hunc modum declarare: Omnes habitus animæ laudabiles sunt Virtutes. Nam, ut in proximè superiori cap. dictum est, id quod propriè laudatur, est Virtus; nec laus, si propriè loquendum sit, in aliud cadere potest, quàm in Virtutem. Sed illi habitus Intelligentiæ, appetitusque, quos nominauimus, alique qui in usdem facultatibus collocantur, habitus animæ laudabiles sunt. Ergo Virtutes etiam sunt. Et quoniam non modò Virtutes hos habitus esse dixerat, sed ordine, ac subiecto differentes inter se, adeoque dicendum & probandum in argumento videbatur, non modò Virtutes esse, & laudabiles, sed virtutes varias distinctoque modo laudabiles, sufficit illico quod poterat desiderari, confirmans, ex eo nos intelligere posse, hos habitus esse quidem virtutes, sed differentes inter se, & illos quidem in intelligentia positos, & intellectiuos appellari; hos in appetitu, & dici Morales. Quia cum laudamus aliquem ex Moribus non soliti sumus dicere, solertem esse aut sapientem, sed modestum, mitem, temperatum. Id quod argumento est, Sapientiam, solertiæque non esse Morales habitus, & in appetitu sitos, sed intellectiuos, & in ratione collocatos. Vna superesse dubitatio videtur, ex iis existens, quæ supra dicta de honore sunt. Sapientia enim, quæ sui gratia est, non videtur laudabilis, sed honorabilis. Hic autem dicitur esse laudabilis Virtus. Respondet Aristoteles, sapientiam eatenus esse laudabilem, quatenus habitus est. Sapientem etiam laudamus, inquit, ob animi habitum: laus enim ab encomio distincta conuenit omnibus, quæ sunt propter aliud: & quia omnes habitus, etiam illi, quos in intelligentia ponimus, sunt propter actus, ideoque laus ab encomio differens, videtur etiam completi habitus intelligentiæ nondum prodeuntes in actum. Dixi verò id nominatim de laude, quæ ab encomio distinguitur, quia cum encomio coniuncta conuenit tantum in actus, & opera virtutum, ut supra diximus in cap. 12. Quamquam verò habitus sapientiæ non potest propriè dici referri aliò, propterea quod referatur ad actus, nihilo ramen minus id satis videtur esse causæ, cur aliquo modo dici laudabilis habitus sapientiæ possit. Cum enim sapientiam honorabilem, non laudabilem Aristoteles facit, facit eam, quæ in actu sit occupata: cum autem actu caret, est honorabilis in potentia.

EPILOGVS.

1. De virtute differere nos oportet, duabus ex causis: primò quidem, quia de felicitate agimus: felicitas uerò est animi actio secundum virtutem. Deinde quia Civilem tractamus disciplinam. Civilis uerò uix, modò uerò Civilis sit, Cines bonos facere cōtendis, & legibus obtemperantes: sunt autem huiusmodi beneficio virtutis.
2. De Virtute humana, hoc est, de hominis propria virtute disputandum est. Hæc uerò in anima est, non in corpore: erit ergo Civilis doctrina studioso viro etiam de anima cognoscendum aliquid, & imitandi eidem erunt medici probati: qui oculum curaturi, totum corpus intuentur & contemplantur.
3. De anima satis est illud nosse, duplicem eius esse vim & facultatem. unam rationalem, qualis est intellectus: rationis expertem alteram, quæ duplex item est: experta omnino rationis, altera experta quidem per essentiam, sed particeps per obsequium. Ut enim

ipsa per se ratione careat, audit tamen imperantem, & mouentem rationem. Illa, quæ prorsus rationis est expert, vis nutriendi est: hæc, quæ audit rationem, est appetitus: illa nihil ad Ethicam pertinet: hæc pertinet maximè, adeoque cognoscenda & peruidenda sedulo est.

4. Cognoscenda autem est, quia Virtutes etiam, duas in partes diuiduntur. Quarum alie in intelligentia sunt, hoc est, in parte rationali; alie in appetitu sensiente, hoc est, in facultate rationis experte; sed ea, quæ rationi tamen obtemperare & eiusdem imperium audire debeat.



IN CAPVT TERTIVMDECIMVM,

QVÆSTIO PRIMA.

Vtrum Virtus sit in anima potentia.



I scire velimus, an illa diuisio virtutum in intellectivas & morales idonea sit; videndum erit initio, vtrum Virtus vniuersè sit in animæ potentia, & facultate. Ad duplicem enim animæ facultate partitionem illam petiuit Aristoteles. Questionis verò ea causa est; quod possit aliquis dubitare, vtrum virtus in ipsius essentia animæ tanquam in subiecto sit; an in aliqua ex ipsius animæ facultatibus, quas in ea philosophi constituerunt plurimas, intellectum, memoriam, voluntatem, appetitum intellectiuum, qui à voluntate non differt, appetitum sensitiuum, qui diuiditur in concupiscentem & irascentem; vegetatiuam, quæ nutriendi vim habet; augendique ea quæ viuunt; locomotiuiam, & alias eiusmodi, quas hic per censere non oportet.

Respondet igitur Quæstioni D. Thom. in prima 2. quæstion. 56. artic. 1. Virtutem vniuersè in animæ potentia esse: idque ex auctoritate Aristotelis primum, deinde triplici ratione demonstrat, quàm petit à triplici dote Virtutis. Aristoteles enim in primo de cælo tex. 116. ait Virtutem esse vltimum potentie. vltimum autem est in eo, cuius est vltimum, ergo in animæ potentia est. E rationibus prima petitur ex ipsa Virtutis vi; quæ nihil est aliud, nisi perfectio potentie: perfectio verò est in eo, cuius perfectio est. Secunda petitur ex eo, quod Virtus sit habitus operans. omnis autem operatio ab anima promanat, aliqua intermedia potentia & facultate, ergo virtus immediatè in potentia est. Tertia ducitur ex eo, quod Virtus viam faciat, & præparat ad optimum: optimum autem est finis. finis ipse est, vel operatio; vel aliquid, quod ex operatione consequitur alicuius potentie, ergo Virtutis immediatum subiectum potentia est.

Argumenta tamen quædam sunt, quæ longe aliud videntur ostendere. Ac primum, quidem huiusmodi, Virtus est bona qualitas mentis, quæ rectè viuatur, quæ ad hunc pro-

batur ab eodem D. Thom. in quæst. 55. artic. 4. & est Augustini in 1. de liber. arb. cap. 18. & 19. Viuere autem non est in animæ potentia, sed in essentia. ergo Virtus est in essentia, non in potentia. Sed diuidenda vita est duas in partes. quarum prima ad essentiam animæ pertinet, ad potentiam altera. Viuere quippe nihil interitum est aliud, quàm esse viuentis. interdum verò est eiusdem viuentis operatio, sic prorsus, vt viuere idem sit atque operari. Quæ vita si recta & proba est, à virtute est; cùm virtus vna sit, quæ tribuit actioni probitatem: adeoque bene dicitur Virtus esse mentis qualitas, cuius beneficio non quidem viuamus per essentiam, sed per probam actionem rectè viuamus.

Secundum, Virtus qualitas est; & potentia etiam ipsa est qualitas. Qualitatis autem non est alia qualitas: ergo Virtus non est in potentia animæ, quæ nihil aliud, quàm animæ qualitas est. Respondetur vnum accidens dici esse in alio tanquam in subiecto; non quod accidens per se ipsum sustentare possit aliud accidens: sed quia vnum accidens inheret substantiæ, alio accidente intermedio, vt color hæret corpori intermedia superficie: quæ propterea verè dicitur esse subiectum coloris. Atque hac prorsus ratione animæ potentia dici etiam potest subiectum virtutis.

QVÆSTIO SECVNDA.

An aliqua vera Virtutes in Intelligentia sint.

QVONIAM animæ potentie principes, & præcipue sunt Intelligentia, & appetitus, de Intelligentia primum queremus: An subiectum sit vera Virtutis: esse quippe virtutem in anima intermedia potentia & facultate diximus, sequitur vt quanam in potentia sit, videamus.

Vnam tantum Virtutem esse, non multas dixerunt ex antiquis Philosophis Menedemus, Erichriemus, & Zeno Citicus, sed alij

varias fecere, multiplicisque virtutes, non nomine tantum, sed natura etiam ac specie differentes. Varias itaque nobis earum tradidere diuisiones Plato in 4. de Repub, Alcinous in lib. de doctrina Platonis, Plotin. in lib. de Virtutibus cap. 3. Iamblichus in lib. de Myster. Ægypt. Porphy. in lib. de occas. Macrobi. in lib. de Somn. Scip. Scholasticus in 2. dist. 17. Præcipua tamen ea esse videtur, & maximè generalis diuisio, quam exposuit Aristoteles in hoc cap. xiii. petitam à duobus animæ potentiis, intelligentia, & appetitu, in quibus ipsæ Virtutes ita sunt omnes, vt, vel intellectiuae esse illas oporteat, hoc est, in intelligentia sitas, vel morales in appetitu. Videamus ergo primùm, quænam sint Virtutes, quas Aristoteles intellectiuae appellat. deinde quæremus: An vere virtutes habendæ sint, quod est in hac disputatione propositum.

In horum Ethicorum lib. 6. cap. 3. quinque numerat habitus Aristoteles, quos hic ait esse virtutes: Intellectum, scientiam, sapientiam, prudentiam, artem. Quorum tres priores sine dubio in intellectu contemplante vult positas; in practico autem duas posteriores. De his ille proprius est disputandi locus: sed tamen hic earum definitio adumbrata, & perbreuis est delibanda, ne rerum illarum vni penitus ignoremus, quarum nomina oportebit sæpius vsurpare. ergo intellectus, habitus, contemplans est, cuius vi compellimur ad assentiendum principiis primis euentibus, atque perspicuis. cuiusmodi sunt illa, Totum sua parte maius est: & ab æqualibus si demas æquale, ea quæ superant æqualia sunt. Scientia contemplans habitus est, quo mouemur ad assentiendum conclusionibus necessariis, non quidem per supremas causas demonstratis, sed tamen euentibus & clavis. Sapientia demum est habitus ille contemplatiuus, qui nos mouet inclinâque ad assentiendum conclusionibus necessariis, euentibus, & primas. supremasque per causas demonstratis. cuiusmodi est prima philosophia. Atque hæ contemplantium habituum breuissimæ quædā definitiones sunt. Practicorum autem sunt huiusmodi. Prudentia est recta ratio rerum agendarum siue actionum humanarum in nobis immanentium. quanquam enim Prudentia etiam externas regit, & moderatur hominis actiones, in immanentibus tamen, vnde manant externi præcipuè, maximèque versatur hic habitus. Ars est recta ratio rerum ab homine faciendarum. Res autem faciendæ appellantur illæ propriè, quæ sunt actione in externam materiam transeunte; qualis est domus aut nauis. Etsi enim omnes disciplinæ tam contemplantes, quam practicæ sæpe dicuntur Artes, abusus tamen est illa nominis, non propria significatio. Verùm id nihilominus est; magis propriè quædam facultates liberales artes appellari, quam contemplatrices disciplinas. omnis enim habitus intellectiuius videtur ars dici posse, modò duas condiciones obtineat. Prima: vt non consideret aliquid

vniuersum, generale, necessarium, & quod possit demonstrari; sed peculiare, & quod ex principiis naturalibus non fiat, sed machinatione, & solertia mentis humanæ. Secunda. Vt in operatione non spectet bonitatem operantis, sed absolutè operationis ipsius perfectionem secundum se: siue operatio sit transiens in externam materiam; qualis est ædificatio, siue sit immanens, vt est ex Grammatica recta locutio.

Recensent aliqui inter practicos Intelligentiæ habitus etiam Synderesim, quam dicunt esse practicum habitum, quo quisque redditur idoneus, & paratus ad assentiendum primis, & communibus quibusdam principiis moralibus; qualia sunt, Bonum complectendum esse, declinandum malum. & talem vnumquemque præstare se aduersum alios oportere, quales velit alios erga se. sed de hoc habitu nihil eo loco dixit Aristot.

Quærimus igitur, An huiusmodi habitus in intellectu sunt, & pro veris virtutibus habeantur. Ita enim intelligemus, bonam & probabilem esse diuisionem illam Virtutum ab Aristot. traditam, si hæc duo rectè constabunt. Ac primùm quidem, hoc est, huiusmodi habitus in intelligentia esse sic liquet, vt vix probandum videatur. Mouent enim singuli ad assensum; assensus autem est intelligentiæ, non appetitus, non voluntatis; non facultatis mouentis aut exequentis, non aliarum. Secundum verò, hoc est vtrum Habitus illi sint verè, proprièque virtutes, iure potest in controuersiam vocari propter ea, quæ docet S. Thom. in prima 1. q. 56 artic. 3. Tribus enim conclusionibus hac de questione decernit. Quorum prima est, Intellectum per se, ac sine vilo ordine ad voluntatem esse posse subiectum habitus, qui dicitur Virtus secundum quid. Eiusmodi enim habitus agendi facultatem impertitur, sed virtus simpliciter absolutèque non est, quia non facit simpliciter bonum habentem: neque reddit eius opus simpliciter bonum, sed tantummodo bonum in certa quadam arte, doctrina & facultate. Ex hoc genere ait esse Grammaticam, quæ facultatem quidem impertitur rectè loquendi, sed non facit tamen, vt qui eo præditus est habitu, semper rectè loquatur. potest enim sua voluntate barbarissimo inter loquendum vti, vel solæcismo. Quæ similitudo peti potest, vt idem ait, etiam ab aliis facultatibus, & disciplinis vniuersis. Secunda D. Thomæ conclusio est. subiectum habitus qui simpliciter Virtus sit, non posse aliud esse quàm voluntatem, vel aliquam potentiam, quatenus ab ipsa mouetur, impelliturque voluntate. ille enim habitus dicitur virtus simpliciter, qui non modò facultatem bene agendi dat, sed facit præterea, vt re ipsa bene agamus, & actu. vt autem re ipsa bonum opus efficiamus, sic ab imperante, ac mouente voluntate. ergo Virtus, quæ facit vt re ipsa bene agamus, debet esse vel in voluntate, vel in alia potentia à voluntate permota. Tertia. Intellectus eatenus est subiectum Virtutis simpliciter, quatenus ordinem habet aliquem

ad voluntatem. Vult in summa D. Thom. inter intellectuam, moralemque Virtutem hoc interesse, quod intellectiua facultatem tantummodo tribuat, non rectum vsum: moralis autem vtrumque præstet, faciâtque ut homo non modò possit bene agere, verùm etiam *rectè*. Iustitia enim, inquit, non id facit modò, vt præparatus aliquis sit ad agendum iustè, verùm etiam vt re ipsa iustè agat; quia illo habitu ipsa quoque perfecta voluntas est. id quod non efficit virtus intellectiua. Habere quippe potest aliquis scientiæ ac sapientiæ operationem rectam, hoc est, veram & euidentem, & tamen non rectè, sed malè vt i scientia ipsa, & sapientia. quod de aliis quoque practiciis habitibus dicendum est. Itaque rectè Aristoteles in 1. Polit. cap. 2. ait, seuerissimam esse iniustitiam arma tenentem: tenere autem arma per innatam prudentiam, atque virtutem, quibus plurimum potest in contrariam partem abuti. Non enim loquitur de Virtute morali, aut de intellectiua per voluntatem perfecta, sed de innata ad virtutem aptitudine, deque habitibus, qui sunt in intellectu sine ordine ad voluntatem. Ceterùm, vt euidentius sit quod docetur à D. Thom. tres proponam hic explanationes eius doctrinæ, quas scriptas reliquit Medina præclarus Interpres.

Prima est, quam petit à Caiet. huiusmodi Virtutem intellectuam, & moralem eo nomine inter se differre, quod intellectiua facultatem ad bonas proferendas actiones illi tribuat, qui ea vt velit, sed non impellit tamen, aut perficit voluntatem, vt eadem virtute rectè vtatur. Virtutem autem moralem, & facultatem impertiri ad actum bonum, & voluntatem perficere atque impellere, vt ipsa virtute, cùm opus fuerit, vtatur. Id quod declarauit D. Thom. exemplo Grammaticæ: quæ facultatem quidem dat rectè loquendi; sed dedita tamen opera Grammaticus perperam, & contra quàm præcipiant Grammaticæ leges, loqui potest tum, cùm rectè loqui opus esset. Iustitia verò non modò facultatem dat, potestatemque agendi iustè, verùm etiam voluntatem mouet ad rectè ac faciliè agendum iustè, cùm opus fuerit iustè agere. Secunda. Intellectiuam moralemque virtutem differre, ideo quod vt perfecta sint opera, quæ nascuntur ab intellectiua, satis sit esse in se perfecta. vt autè opera, quæ à morali existunt, virtute perfecta sint, oportere circumstantiis omnibus instructa esse. Vt enim pictura sit absoluta, satis est si sit in se perfecta, & suæ arti consentanea, quamuis malo aliquo consilio effecta sit. Sed vt Virtutis perfectum sit opus, necesse primùm est, vt agens ex scientia operetur. si enim agat forte fortuna, id quod agit non est opus virtutis, deinde agat oportet ex electione propter finem honestum ac bonum. Nam si agat ad gloriosam humanam, & popularem auram aucupandam, virtutis opus id quod agit non est. postremo agat necesse est ex firmo stabilique proposito, atque consilio. si enim agat iniustus, opus virtutis non agit. Hunc ergo re-

ctum vsum sola Virtus supplet moralis, vt est apud Aristot. in 2. cap. 4. Tertia. Virtutem intellectuam solùm perficere intellectum, sed non sanare, neque perficere voluntatem, aut affectus moderari. Nam quantumuis aliquis disputet vehementer aduersus timidos, non tamen expellit ex animo timiditatem. & quantumuis euidentem aliquis syllogismum disponat ad demonstrandam excellentiam Temperantiæ, non tamen in animo nostro temperantiam gignit. Vel quantumuis eloquenter alius dicat aduersus arrogantiam, atque superbiam, non tamen animum facit mansuetum, ac mitem. Itaque iure Aristot. ait in horum Ethic. 6. cap. 5. cùm aliquis sponte, suoque iudicio, ac voluntate agit aliquid contra quàm præcipiatur ab arte, nec eum esse reprehendendum, nec vituperari artem oportere. quia Virtutis intellectiux officium non est, perficere voluntatem, sed intellectum. Itaque Dicendum primò ex D. Thomæ est, solas Virtutes morales secundum se obtinere vim, ac rationem eius Virtutis, quæ simpliciter virtus sit. Habitus enim ille, qui Virtus simpliciter est, facit habentem simpliciter bonum, hoc est, bonum hominem. Huiusmodi verò est sola Virtus moralis.

Dicendum secundò, Habitus intellectiuos secundum se, hoc est, quatenus à voluntatis actione impulsique se iunguntur, non obtinere rationem Virtutis simpliciter, sed tantummodo secundum quid. Non enim habentem faciunt simpliciter bonum hominem, vt homo est, sed nominatim in aliqua facultate bonum: Grammaticum, Mathematicum &c. Nec aliud tribuunt, nisi facultatem agendi; cùm voluntatem non impellant, quæ sola propter finem honestum agit, ac propterea bonum simpliciter hominem habentem facit.

Dicendum tertio; Hos habitus intellectiuos accedente voluntate, imperante, & mouente intelligentiam ad exercendos, & proferendos actus eorum habituum, cùm opus est esse virtutes simpliciter. Quia perficiunt hominem simpliciter, vt homo est, & simpliciter bonum habentem faciunt. quippe qui agit propter finem honestum, & ex electione liberæ voluntatis. quin huiusmodi Virtutes excellentissimæ sunt, præstantissimæ ac moralibus secundum se anteferendæ. quia præmittunt morales, quarum beneficio directa voluntas, imperat illos actus.

Dicendum tamen est ad extremum: Habitus illos intellectus etiam sine vlllo ordine ac relatione ad voluntatem acceptos, vindicare sibi nomen commune Virtutis, ac definitionem analogam. Quemadmodum enim bonum est analogum, sic Virtus etiam ipsa, quæ propter bonum agit, & eius nomen, ac definitio sunt analogæ, nec eodem planè modo conueniunt singulis. Tres enim sunt apud Aristot. præcipuè Virtutis definitiones, quarum vnaquæque accommodari analogicè potest Virtuti communi ac generali. Prima est in lib. 2. cap. 5. vbi docet virtutem esse id,

quo bene præparamur ad affectiones, & propter quod laudamur. Virtus vero communis, ac generalis etiam est id, quo bene comparatur ad affectiones, hoc est, ad actus, & cuius causa laudamur. Quippe Virtus generalis est habitus animi, propter habitus autem omnes laudamur, ut supra diximus. Quamquam enim propter habitus contemplativos non ita proprie laudamur; laudamur tamē, & ratio laudis eī analogicē cadit in illos. Secunda est in Ethic. 2. cap. 6. Virtus est, quæ bonum facit habentem, & opus eius bonum reddit. Quid si bonitatem hinc interpretari velimus amplissime, conueniet hæc etiam definitio in Virtutem generalem, amplum enim nomen bonitatis etiam complectitur bonitatem non moralem. Tertia est in 7. phys. 1. 17. Virtus est dispositio perfecti ad optimum. Cuius verba definitionis cum non aliud sibi velint vniuersè, nisi Virtutem esse potentie habitum perfectæ præparationem ad optimum, non quidem absolute, sed ad operationem optimam, quantum ipsa natura potentie, & formalis obiecti conditio fert, potest absque dubio virtuti generali atque communi conuenire. Hæc inquam, definitiones, quamquam præcipue cadunt in Virtutem moralem, vel in Virtutem, quæ simpliciter virtus sit, cadunt tamen etiam analogicē in Virtutem secundum quid, & intellectiuam sine ordine ad voluntatem. Quomodo enim etiam accidit conueniens, quod præcipue conuenit substantiæ: sic Virtuti secundum quid conuenit verè nomen, & definitio Virtutis analogicē: dummodo definitio generalis sit, & non aliqua peculiaris, ac propria virtutis moralis, ac virtutis simpliciter, cuiusmodi fortassis est illa in 1. de Caelo text. 116. Virtus est ultimum potentie, ultima enim perfectio humane potentie virtus perfectissima est. Ex hoc genere multæ leguntur apud Patres. Ut apud Augustin. lib. 2. de lib. arb. cap. 18. & 19. Virtus est bona qualitas mentis, quarecē viuatur, quia nemo malè vitur &c. & lib. 1. de Morib. Ecclesiæ cap. 13. omnis Virtus est amor. Ad moralem quoque Virtutem vel ad virtutem simpliciter referri debet alia definitio, apud Aristot. in eodem lib. 2. cap. 6. Virtus est habitus electiuus in mediocritate consistens ea quæ est ad nos, definita ratione, & ut vir definitur prudens.

Superest nunc, ut quædam argumenta refellamus, quæ proponuntur à multis, nec pauca, nec contemnenda. Primum est: Intellectiuæ virtutes sunt moralibus perfectiores, ut docet D. Thom. in prima 2. q. 66. artic. 3. ergo Virtutes intellectiuæ non sunt Virtutes secundum quid. Præterea. Beatitudo est actio virtutis optimæ, hoc est, quemadmodum discernit Aristoteles, sapientie. Sapientie verò extra controuersiam omnem, Virtus est intellectiuæ, ergo Virtus intellectiuæ est optima & perfectissima virtus, ac propterea non secundum quid. Respondeo primum Intellectiuas virtutes, quæ ordinem habent ad voluntatem imperantem & præscribentem, esse moralibus Virtutibus præstantiores: quia

cum moralibus ipsis coniunctæ sunt, sine quibus non esset perfecta voluntas imperans. Quare nihil mirum est, si sapientie actus, perfectissimæ, optimæque virtutis dicatur esse, & quod inde consequens est, beatitudo habet enim præcursorias, & præparantes virtutes morales. Sed cum diximus intellectiuos habitus esse virtutes secundum quid, habitus ipsos ab ordine ad voluntatem, atque à moralibus virtutibus seiunctos accepimus. Responderetur deinde, etiam sine vilo ordine ad voluntatem, atque ad morales virtutes antecedentes, & subservientes dici posse aliquo modo præstantiores & perfectiores intellectiuos habitus quam morales: quia subiectum habent, & obiectum præstantius. Sed non tamen sequitur hinc, in ratione propria virtutis esse perfectiores, aut esse virtutes simpliciter, & non secundum quid. Ratio enim propria Virtutis in eo posita est, ut bonum simpliciter habentem faciat, & eius opus bonum simpliciter reddat. secundum quam intimam rationem Virtutis, morales sunt perfectiores, & meliores. Simile quippe est, ut si quis diceret, doctrinam de Anima esse præstantiorem, quam mathematicam, quia versatur in materia præstantiori. Verum enim id est, sed tamen Mathematica ratio propria scientie inuenitur excellentior propter euidenciam, est enim euidencior quam illa, quæ versatur in Anima. Quo loco tamen id obseruandum, & tenendum est, inter Virtutes intellectiuas vnā esse prudentiam, quæ semper habet voluntatem directam, & eligentem: hæc enim à prudentia separari non potest, ac propterea numquam est Virtus secundum quid, sed semper est Virtus simpliciter. Itaque cum dicimus, intellectiuas Virtutes esse interdum virtutes secundum quid, est excipienda Prudentia. Videndus D. Thom. in prima 2. quæst. 59. artic. 3. ubi statuit, ceteras intellectiuas virtutes esse posse absque morali, vnā tamen exceptā prudentia, quam ideo nominat postea Virtutem moralem.

Secundum argumentum. Non potest Virtus aliqua esse, quæ humana non sit. Humanæ verò virtutis est, perficere actionem humanam ut humana est, sed intellectiuus habitus secundum se ac per se non perficiunt actum humanum, ut humanus est. Actus enim eiusmodi non est sine perfectione voluntatis, quæ propter honestum finem ex electione agat, & iubeat agere. ergo intellectiuæ Virtutes sine ordine ad voluntatem nec sunt, nec dici debent Virtutes. Respondeo hac argumentatione nihil aliud vinci, quam id, quod verum atque extra controuersiam est: Virtutes intellectiuas, contemplantes potissimum, non perficere totum actum humanum adæquatè, ac secundum totam rationem, quæ est humanus: sed tamen quia perficiunt illum secundum aliquam rationem, quæ verè humanus est, sed inadæquatè hoc est, secundum veritatem, censeri debent, & dici possunt humanæ. Aliter enim nulla Virtus dici deberet humana, cum nulla propriè perficiat omnem rationem actus, ex qua ipse

habet, vt sit humanus. Appetentis quippe partis Virtutes non præstant actibus suis eam perfectionem, quam habent ex intellectu appetitum dirigente, neque Prudentia dat actui suo eam, quam habet ex voluntate intellectum ad exercitationem actus prudentiæ permouente. Quod si aliquid hoc argumentum præterea probat, id denique probat: Virtutes morales, quoniam eatenus perficiunt actum, quatenus actus ipse procedit ab vsu voluntatis in ordine ad vltimum finem habere magis rationem Virtutis humanæ, quam aliàs. id autem dicitur etiam verè.

Tertium quoddam argumentum eodem modo refellitur. est enim huiusmodi. Virtus est quæ simpliciter bonum facit habentem. sed intellectiua non facit bonum simpliciter. Refellitur, inquam, hoc argumentum. quia simpliciter bonum non facit, nisi virtus moralis, aut virtus simpliciter dicta: sed Aristoteles non ait, Virtutem facere bonum simpliciter, sed tantummodo facere bonum habentem. Satis est autem, si faciat bonum in adæquatè Virtus communis, & generalis, à qua nomen tribuitur analogicè etiam intellectiue Virtuti.

Quartum. Virtus tendit in bonum. Intellectiua virtus non contendit in bonum. Est enim bonum, ipsius voluntatis obiectum. Respondens, virtutem dirigi ad bonum, non vt bonum est, sed vt finis: habet enim bonum etiam rationem finis. Cum ergo finis intellectus, sit verum, Virtus intellectiua fertur in bonum, non quatenus habet rationem boni, sed quatenus obtinet vicem finis. quatenus enim verum habet rationem boni, potest esse obiectum voluntatis, bonum illud volentis in gratiam intellectus.

QVÆSTIO TERTIA.

An Virtus moralis possit esse sine Intellectiua. Vel contra, Intellectiua sine morali.

TRACTAT hanc quæstionem D. Thom. in prima 2. quæst. 59. artic. 4. & 5. tractant alij Scholastici. Scot. præfertim, in 3. d. 36. Gabr. dist. & quæst. ead. Ocham. in 3. q. 12. & quodlib. 4. q. 6. D. Thomam nos sequemur auctorem, qui totam hanc controuersiam duabus propositionibus ita concludit.

Prima. Virtus Moralis non potest esse sine Synderesi, quæ habitus est principiorum practicorum: & sine prudentia, quæ recta ratio rerum agendarum est. Quamquam enim Virtus moralis potest esse sine aliquibus Virtutibus intellectus, non potest tamen esse sine prudentia. Ratio est: quia Virtuti morali non est solum necessaria probitas finis, verum etiam electio, acceptioque eorum, quæ ducunt ad finem. Hæc autem probitas & rectitudo à Prudentia proficiscitur. Et quia Synderesis cognoscit prima principia moralium rerum, quæ cognita mortalibus natura sunt, fit, vt sic antecedit Synderesis prudentiam,

quæ est recta ratio rerum agendarum, quemadmodum principiorum theoricorum cognitio, quæ dicitur intellectus, scientiam & sapientiam antegreditur. Quæ ratio D. Thomæ potest præterea confirmari: Quia virtus moralis est habitus electiuus in medio consistens, quemadmodum decreuerit sapiens. Electio verò est appetitus deliberatiuus ex consultatione profectus. ergo, vt electio recta sit, oportet & veram esse rationem, & rectum appetitum. Vera autem ratio esse non potest sine prudentia, quæ sapientis est, decernentis medium. Quin videtur hoc insitum animis nostris anticipatione naturæ, vt credamus, hominem actiones virtutis innumerabiles proferentem, nisi eas prudenter atque in tempore prorsus exerceat, non mereri nomen veræ Virtutis, nec verè virtute præditum propterea dici.

Secunda. Prudentia non potest esse sine Virtute morali: alie virtutes intellectiue possunt à moralibus separari. Ratio est. Quia Prudentia est recta ratio rerum agendarum non solum in vniuersis, sed etiam in singulis. Recta verò ratio esse non potest sine principijs, ex quibus ipsa nascitur. Itaque recta ratio, quæ versatur in generalibus & vniuersis, principia vult generalia: recta ratio quæ versatur in peculiaribus, peculiaria principia postulat. Sed in generalibus principijs rectè constitutus homo est, & institutus per naturalem cognitionem; in peculiaribus non rectè se habet, nisi per virtutes morales. ergo sine reliquis virtutibus moralibus non potest esse prudentia. Declarari præterea hæc Propositio ex Arist. potest, multis locis idem docente, in primisque in horum Ethicorum lib. 3. cap. 1. vbi pronunciatum illud commune est: Omnis peccans est ignorans. sequitur enim hinc, peccantem, hoc est, morali virtute carentem hominem in ipsa quoque intelligentia ignorationem habere, quæ cum prudentia pugnat, ac propterea prudentiam esse nullam, vbi moralis virtus appetitum, & voluntatem ad finem dirigens desideretur. Antecedit enim semper intentio finis, quam prius esse à morali virtute directam oportet. Deinde in eodem cap. ait, virum bonum iudicare, & appetere quod verè bonum est: vitiosum verò id quod bonum videtur, & bonum esse apparet. illum esse homini sano similem, qui salubres appetit cibos, quia iudicium integrum habet, hunc ægroto comparandum, in salubres epulas appetenti, quia corrupto iam iudicio est. Ex quo colligit Aristot. illud axioma. Qualis vnusquisque est, talis ei videtur esse finis: id quod significat; de rebus agendis vnumquemque iudicare quemadmodum est affectus; ergo rectum prudentiæ iudicium rectam voluntatem postulat & affectum. dirigi autem, corrigique affectus, ac voluntas nisi à virtute morali non possit. Denique in 6. cap. 5. sic ratiocinatur: Improbitas & malitia voluntatis sæpe corrumpunt prudentiæ rectam existimationem, vt experimento comprobatur. ergo rectitudo prudentiæ rectitudinem voluntatis,

& appetitus, hoc est, rectam finis intentionem expolit. Hoc videlicet spectabat Salust. cum monebat, omnes homines, qui de rebus consultant dubiis, ab ira, odio, amicitia vacuos esse debere: non enim potest recta ratio bene consulere, deliberare, decernere ubi, turbato commotionibus animo, verum dispicere ratio ipsa atque intelligentia non potest. Hæc, inquit, duo sunt magni Doctoris effata, quibus de tota quaestione decernitur, sed graues tamen exhibentur à viris doctis difficultates, quas abigere necesse habemus.

Nam aduersus primam Propositionem ita disputant aliqui apud Medin. demonstrare conantes, virtutes morales esse sine prudentia posse. Appetitus antè iam directus, & correctus est, in ordine ad finem, quam prudentia præscribat, & doceat quid faciendum sit. Sed rectus esse non potest, nisi per virtutem moralem, ergo prius in animo moralis virtus, quam prudentia est. Itaque potest esse sine prudentia, id enim quod prius est, à posteriori non pendet. Deinde Virtutis moralis officium est rectum appetitum reddere in ordine ad finem, atque ad finem dirigere. ex quo, tanquam ex principio, prudentia decernit, quid agendum sit, sed principium non pendet ab eo, cuius principium est, ergo moralis virtus à prudentia non pendet. Denique faciamus aliquem eximè temperatum, ac sobrium, deceptum tamen ab homine docto, & eo, qui probus opinione censetur omnium, cibis quibusdam certo quodam tempore usum esse, quibus uti, & vesci non licebat. Is prudentiam amittit, quia grauissimè decipitur; sed non amittit temperantiæ virtutem, ergo temperantiæ virtus esse sine prudentia potest.

Vt primo ac secundo respondeatur argumento, nosse prius oportet, esse perdifficilem inter Scholasticos quaestionem: Virtus ne moralis prudentiæ, an contra prudentiæ ipsa præscribat, designetque virtutibus moralibus finem. Scotus enim in 3. dist. 36. quaest. vn. art. 2. sic existimat: prudentiam, non præscribere quidem communem finem virtutibus vniuersis, cuiusmodi est, viuere secundum rectam rationem; sed tamen præcipere de fine proprio cuiusque Virtutis, & eum vnicuique Virtuti tanquam peculiarem designare. D. autem Thomas non semper, & omnibus locis eodem modo hac de quaestione pronunciat. Nam in, 1. 2. quaest. 47. artic. 6. constantissimè docet, prudentiam non præstituerè finem virtutibus moralibus, sed tantummodo de medijs diiudicare. Addit alibi sæpe, prudentiæ præire appetitus & voluntatis rectitudinem à virtutibus profectam moralibus: ex qua rectitudine statuit nimirum prudentia de medijs, & quid faciendum sit decernit ac iudicat. Idque videtur ex Aristot. excerptum, apud quem in 6. cap. 2. id legimus. Veritas prudentiæ est, esse consentaneam appetitui recto. & cap. 12. Virtus moralis rectam finis intentionem facit, prudentia vero consultat de medijs. Sed in prima

1. quaest. 66. artic. 3. ad 3. & quaest. 19. artic. 3. ad 2. apertè ac dilucidè ait, prudentiam Virtutibus moralibus finem præscribere. Videtur sanè negari vniuersè non posse, prudentiam designare ac præstituerè Virtutibus moralibus finem, quia prudentia lumen est, ac regula Virtutum omnium: & appetitus erga finem, cum oportet, atque ut oportet rectus directusque, non potest esse sine lumine, ac directione prudentiæ. Quin finis Virtutum moralium est; constituere medium in operationibus, ut neque deficiant nec excedant, nec exuperentur. Sed hunc finem constituit prudentia: quod constat ex definitione Virtutis moralis, quæ dicitur esse habitus electius in medio consistens, quemadmodum vir prudens, ac sapiens constituerit. Denique, si virtus moralis præstitueret finem prudentiæ, sequeretur, virtutem moralem esse prudentia præstantiorem. Præstantior enim est habitus versans in fine, quam qui versatur in medio. Hoc, inquam, videtur vniuersè negari non posse, sed tamen ut omnis concilietur, tollaturque discrepantia, dicendum puto, partim prudentiam præscribere moralibus finem, partim præstitui finem à moralibus ipsi prudentiæ. Prudentia enim designat finem moralibus triplici modo: primum illuminando, dirigendo, errores intellectus tollendo, deinde faciendo, ut virtus moralis constituat in suis operationibus medium; qui finis est moralium Virtutum, quemadmodum iaculatoris est attingere scopum, nec supra, nec infra collineare: Tertiò adhibendo cum efficacitate media, sine quibus esse perfecta non potest appetitio finis. Virtutes autem Morales præscribunt prudentiæ finem dupliciter. Primo quidem, affectum erga rectum finem commouendo: secundo remouendo perturbationes animi; quæ cum sunt immoderate atque effrænes, iudicium rationis inuertunt. Itaque prudentia præscribit finem, illuminando, dirigendo, medijs applicandis morales virtutes affectum permouendo, ac perturbationibus repellendis. Explicat hoc breuius Cæter. affirmans, Virtutem moralem præscribere finem executiuè, prudentiam vero auctoritatiuè.

His positis, primo & secundo argumento Respondetur: appetitum rectum erga finem esse priorem, quam prudentiam in genere causæ efficientis & exequentis, sed in genere causæ illuminantis & dirigentis priorem esse prudentiam.

Ad tertium est dicendum: hominem illum, si vacet culpa in ignoratione, non modò non amittere temperantiæ, sed ne prudentiam quidem. Quia iudicium illud erat appetitui recto consentaneum, dicente id eo viro, qui probus habetur ab omnibus & sapiens.

Aduersus alteram Propositionem, quæ confirmat, Prudentiam esse non posse sine virtute morali, reliquas intellectus virtutes omnino posse, disputat Scotus, existimans prudentiam esse posse sine virtute morali, & virum improbum esse posse prudentissimum; alique quos initio laudauimus: Ocham. in

3. q. 12. & quodl. 4. quæst. 6. Gabr. item in 3. d. 36. quæst. vn. Disputant autem his argumentis,

Primum. Virtus moralis præmittit antecedentem & præeuntem prudentiam: ergo prudentia non potest habere præeuntem Virtutem moralem, esset enim circulus; & idem prius ac posterius simul.

Secundum. Si quasdam ratiocinationes prudentiæ deliberantis, eligentis, & decernentis intueri, ac perpendere velimus, intelligemus, eam esse posse perfectam sine voluntate appetitûq; perfectæ. Fingamus aliquem prudentem virum ita ratiocinantem: Pauperum, & egentium inopia subleuanda pecuniis est. hic est egens, & pauper. ergo huius inopia & egestas subleuanda pecunia est. aut hoc modo, sumendus est cibus temperatè. sumere cibum talem actantum, & talitempore est sumere temperatè. ergo ea mensura, talique tempore sumendus est. In huiusmodi ratiocinationibus vir prudens non requirit rectam, perfectamque voluntatem. ergo prudentia esse sine virtute morali potest. Non requirit verò à prudente illo voluntatem rectam facile demonstratur. Nam ex morali philosophia didicit, esse Ciuium egentium inopiam succurrendum, & temperatè comedendum, ac bibendum esse. Illum esse pauperem vel videt, vel credit aliis fide dignis hominibus ita confirmantibus: & cum cibum esse, qui sumi cum temperantia possit, intellexit vel experimento, vel lege. ergo non est, cur desiderare debeat rectam voluntatem, & appetitum.

Tertium. Quamquam prudentia verissimè præscribit quid faciendum sit, potest tamen voluntas dissentire & refractaria esse. ergo tunc sine morali virtute prudentia esset.

Quartum. Inter eos, qui peccant & errant, aliqui sunt, qui peccare dicuntur scientes, & prudentes. ergo prudentes sunt sine rectitudine voluntatis, & virtute morali: quia peccant volentes. Idque liceret argumento Theologico confirmare, petito à desertoribus Angelis, qui dicendi videntur prudentissimi. retinent enim prudentiam insitam innatamque naturam.

Quod attinet ad primum, Respondeo duplex Virtutis moralis officium esse: rectum appetitum erga finem reddere; & eligere præsidia siue media consentanea fini. ex vi proprii officij moralis Virtus antecedit Prudentiam. quia directam iam voluntatem, & finis intentione perfectam, incipit de mediis deliberare & consultare prudentia. Itaque D. Thom. sæpe pronunciat, ex ipso appetitu erga finem directo, perfectoque colligere prudentiam quid sit agendum, sicut intellectus theoreticus ex principiis colligit conclusionem. Sed si posterius Virtutis moralis officium intueamur, inueniemus, prudentiam ipsam præcedere, moralem Virtutem subsequi. Nemo enim potest rectè ac sapienter eligere, nisi ante per prudentiam deliberauerit, decreueritque quid sit agendum. In quo tamen id est animaduertendum: cum dicimus Virtutem

Moralem, si vnum spectes actum, antecedere, subsequi si spectes alium, non esse sermonem de tempore, sed de ordine ipsæ naturæ.

Secundo Argumento respondetur, quæri solere quid sit discriminis inter syllogismum prudentiæ, & alios syllogismos, quibus vtuntur aliæ scientiæ ac disciplinæ. Dicunt adeo nonnulli, in syllogismo prudentiæ non esse necesse, vt propositio, & assumptio à prudentia nascantur, & pendeant. Est enim sæpe propositio nota per synderesim, Assumptio per humanam fidem, vel euidentiā. Est ergo prudentiæ id tantummodo proprium ad mouere, siue applicare conclusionem ad agendum. Itaque cum dicunt: Propositio est per philosophiam aut naturali lumine nota: Assumptio euidentiā vel humana fide; concedendum quidem id est, Sed negandum non requiri præterea voluntatem & appetitum. quia nisi appetitus & voluntas esset recta, conclusionem prudentia proferre non posset. illa enim conclusio non est iudicium speculationum, & generale huiusmodi: hoc est agendum, aut eligendum: sed imperium practicum, efficax, peculiare, ac pendens à voluntate. quod explicatur his verbis, fac, elige, dilige &c. Hoc nimirum iudicium peculiare ac practicum, vt rectum sit, postulat non modo veritatem intellectus, sed etiam rectitudinem appetitus, quæ si desideraretur & deesset, iudicium rationis à prauis animi commotionibus occurreretur, perturbaretur, impediretur demum, quominus agenda dispiceret, tamen si propositio, atque assumptio nota illi alioqui esse deberet. Animus enim, & ratio perturbata commotionibus iræ, amoris, aut odii, non posset quid agendum esset videre, nisi theoreticè; si tamen id etiam posset. Nam si perturbatio esset maxima, ne id quidem valeret. Quamquam autem id videret, adhuc tamen desideraretur illud imperium practicum & iudicium peculiare. cum hæc conclusio prudentiæ practiciæ propria non sit. ergo danda esset vel danda est huic inopi pecunia: ergo temperatè hic cibus esset vel est sumendus. Sed hæc, ergo da: ergo sume. quod nisi rectus sit appetitus, & voluntas, neque iudicat, neque imperat eo modo prudentia. esse enim huic dandum generali propositione, videtur quodammodo esse conclusio theoretica similis illi, quam proponit moralis philosophiæ magister, si comparetur cum alia magis practica, quæ propria prudentiæ est. Habet quippe etiam moralis philosophiæ theoreticam suam, tamen si practica est.

Tertio argumentum respondetur: necessario voluntatem parere prudentiæ imperanti cum efficacitate. quæ necessitas quia ex suppositione est, non adimit libertatem. Sed Prudentia numquam cum efficacitate imperabit, ac rectè, nisi perturbationibus sit animus liber & vacuus.

Quarto. Respondeo primum, eum qui peccat ex improbitate ac malitia, volens & prudens, videri prudentiam retinere, sed re tamen ipsa oculum mentis occurratum ha-

here. Illa enim ipsa malitia eos homines excæcat, facitque, ut quæ agenda sunt, non considerent. Dico deinde, eiusmodi homines habere scientiam cognitionis perfectam, non rectam prudentiam. Nam quævis intelligat vniuersè quid agendum sit, intelligit tamen hoc & videt theoricè, non practicè. Iudicium autem prudentiæ sic practicum est, ut imperet, & applicet quodammodo voluntatem ad agendum. Quod verò de Angelis additur, responsionem postulat à Theologis. quorum aliqui dicunt, in Angelis esse morales Virtutes propriis operibus partas, alij esse inditas, innatæque natura. Illi ergo respondebunt, improbum Angelum omnes morales virtutes, & vnâ cum iis etiam prudentiam, amisisse: hi dicent, Angelum, quia nihil ex naturalibus amisit, retinuisse prudentiam & cum prudentia rectitudinem voluntatis naturalem: peccare verò semper cùm peccat, quod à fine, qui supra naturam illi propositus est, longè multumque digrediat.

QVÆSTIO QVARTA.

In quonam appetitu Virtutes morales possint.

QVÆSTIONEM hanc sic instituerenecessè est, quia hominis appetitus, ut est apud Aristot. in 3. de Anim. nosque admonet Burid. & Gualter. Burl. in sentientem, intelligentemque siue rationalem diuiditur. Appetitus sentiens est, qui vim irascendi obtinet & concupiscendi: intelligens, siue rationalis nihil est aliud quàm volūtas. Quamquam enim hæc non est rationalis per essentiam, sed per participationem tantum, sicut appetitus sentiens; quia tamen spiritualis est, & ferri potest in res abstractas, ac velle id quod est obiectum intellectus, dicitur peculiari ex causa intellectiua, & rationalis. sentiens autem appetitus non fertur in abstracta & generalia, sed in ea quæ sensuum experimento noscuntur, & singularia sunt. Itaque ut rem planiorè apertiorèque faciamus, querimus, vtrum morales Virtutes in appetitu sentiente possint, an in voluntate. Huius enim rei querendæ vel veniam tribuit, vel necessitatem nobis imponit Aristot. qui virtutes morales vniuersim in appetitu constituit; sed in quonam appetitu constitutas velit, non declarauit.

Ponendum primo loco est; Virtutem omnem esse facultatis, & potentie cognoscentis, & in difficili arduoque versari, quod idem docet Aristot. & comprobatur experimento. Quo fit, ut ea facultas animi ac potentia, quæ neque cognoscit, neque libera est, neque difficultatem habet vllam occurrentem in agendo, Virtutis participare esse non possit. Atque hæc causa est, cur vegetans facultas, & loco motiua sint omnis expertes virtutis. Non enim cognoscunt, non sunt liberæ, non versantur in arduo; nec aliquam nanciscuntur difficultatem, quæ omni etiam impedi-

mento subducto, eas retardet ab agendo. id quod accidit appetitui sentienti & voluntati: cùm etsi nullo retinentur impedimento, & possunt agere, difficultatem tamen offendant in opere, quia res agenda displicet & repugnat agenti.

Ponendum est secundo loco, intellectum & vniuersè facultates animi superiores vario modo imperium & dominatum in inferiores obtinere, & quod hinc consequens est, varia etiam obediendi ratione inferiores illis subditas esse. Nullus enim est in re ciuili, aut in œconomica dominatus, cuius similitudo in animæ Politia atque œconomia non sit. Dominatus autem genera diuiduntur ab Aristot. in primo Pol. cap. 1. in partes quatuor. Quorum primus appellatur Politicus, secundus regalis, siue regius. 3. despoticus; œconomicus quartus. Politicus & regius conueniunt Ciuitati, quæ vel vni paret qui summam habet in omnes potestatem, nullis contractam legibus atque limitibus, vel vni multisque, qui circumscriptum legibus habent in ciues imperium. primus dominatus Regius est, secundus Politicus. qui ut differant eo nomine, quod potestas vnus est amplior, alterius contractior atque restrictior, consentiunt tamen in eo, quod vterque populus imperat hominibus liberis, & iis qui tantetsi parere debent, possint tamen imperium excutere, ac non obtemperare. Non enim sunt serui. Reliqui duo dominatus videntur ad gubernationem domus pertinere. Dominatus quippe despoticus est domini in seruos imperium: quia dominus apud Græcos est *Λαττω*. Itaque dicitur etiam hic dominatus herilis. Qui quoniam est maximus, habet sic obtemperantes eos, quibus imperat, ut non modò ij parere debeant, sed ne possint quidem non parere. Nam seruus, ut ait Aristot. in cap. 3. lib. 1. Polit. non minus est domini, quàm pars ipsa totius sit. Quapropter, inquit, seruus minister est ad actionem. id autem quod possidetur dicitur, quemadmodum & pars pars verò non solum alterius est, sed omni non alterius. Quamquàm enim seruus, quia homo est, retinet libertatem voluntatis naturalem, censetur tamen eam amplius non habere, quia totus, iam domini est, sicut aliæ res, quæ ab eo possidentur, & illi sunt instrumenta. Quare tas ei est, seruos in alicuiam tradere potestatem, vendere, permutare, atque, ut erat in antiquo iure, supplicio etiam afficere postremo. quæ coercendi vis est tanta, ut serui dicantur non posse detrectare imperium domini. Nam si detrectat, vltimas pœnas dant. Oeconomicus autem dominatus videtur varius. Oeconomicus enim interdum est ipse pater familias, interdum gubernator domus. vtrique subiiciuntur aliqui, qui serui sunt, aliqui qui liberi; ut coniux & filij: cùm in hos non habeat necis vitæque potestatem, sicut in seruos. Quin inter seruos etiam aliqui fortasse sunt, qui mercede conducti, sua voluntate seruiunt, quibuscum comparati illi, qui verè propriæque sunt serui, videntur iam voluntatem ac

libertatem amplius non habere. Nullæ quippe sunt eorum actiones, in quas non habeat dominus imperium, ac potestatem. Ergo (quod dicere institueram) totidem sunt animi, siue rationis in subiectas sibi partes imperij formæ, quot sunt in Politica & æconomica dominatus, vt rem explicat Aristot. cod. cap. lib. 1. Politicorum his verbis: Licet in animali cernere herile imperium, & ciuile. Nam animus in corpus quidem habet dominatum herilem: mens verò in appetitum regiam ditionē obtinet, & ciuilem. Hæc autem ideo sic docet; quia corpus, & organa motricis potentiz, cuiusmodi sunt musculi, nerui, iuncturæ, commissuræque membrorum, ita subiiciuntur animo, vt non possint non obtemperare; cū liberæ non sint, nec repugnent vnquam, ac propterea seruis æquiparentur, in quos imperium despoticum est. Appetitus autem, tum sentiens, tum intelligens, quia repugnare imperio rationis potest, comparatur cum populo Ciuitatis libero, hoc est minimè seruo, qui regio dominatu, vel politico gubernetur. Quamquam enim dubium apud philosophos est, intellectus ne imperet voluntati, an voluntas intellectui, videtur tamen hæc esse multorum sententia communis & adprobanda: voluntatem habere dominatum in intellectum elicituè, vel executiuè: quia iubet intellectum actum elicere, & exequi: Intellectum verò habere dominatum in voluntatem directiuè: quia eam dirigat atque illuminat. Est igitur altera alterius inuicem domina potentia, sed in diuerso genere causæ. quod satis est, vt dicere verè possimus, appetitum etiam intellectiuum, ac voluntatem parère intellectui dirigenti tamquam Regi, vel ciuili magistratui, hoc est ita, vt possit etiam iussa non facere, atque imperium per contumaciam detrectare. Nam, vt sæpe fit in maiori mundo, vt quamuis ea, quæ cælo subiecta sunt, corporibus debeant parère cælestibus, interdum tamen quia materia præparata non est, & peculiaris repugnant agentia, subiecta corpora non obediunt, nec orbium cælestium influxus accipiant, sic accidit in minori; vbi partes quædam sunt, similes populis, Regi, vel magistratui Politico libere subditis.

Ponendum est 3. ex his liquidò constare; Virtutem moralem esse non posse nisi in iis potentiis, quæ cognoscentes sunt, & sic liberæ, vt repugnare possint, atque imperata non facere. Ex hac enim libertate nascitur parendi difficultas, quam vincit expugnâtque moralis virtus obtemperando, & faciendis imperatis, quæ alioqui per libertatem cum contumacia aspernari posset, ac recusare. Facultas quippe motiua paret despoticè animo imperanti, & præcipienti, sicut corpus, cuius motiua est. excipi tamen debent aliqui motus minimè voluntarii, qui tametsi motiuz potentiz videntur esse, sunt tamen potius vegetantis; quæ illorum domina est: cuiusmodi sunt motus cordis & alimentiad membra, alique ex hoc genere multi. Quare omnium maximè Virtutis est expertus vegetans, &

nutriens animæ vis, cū ne despoticè quidem ei possit ratio imperare. Posset aliquis hic querere an organa motricis facultatis, & motiua ipsa facultas dici possint rationalia per participationem, sicut appetitus, quando quidem parent imperanti rationi. Respondeo dici posse, sed tamen improprie. Aristoteles enim vult dici potentias aliquas per participationem esse rationales, non modò quia rationi parent, sed etiam quia possunt non parère. quod organis illis & potentiz motiuz non conuenit.

Ponendum 4. Cū duæ potentiz, ac facultates animi ad vnā eandemque profectam confluunt actionem virtutis, in ea virtutem collocari debere, in qua est operationis substantia. Similitudinem exemplumque licebit petere à Theologorum doctrina de fide. qui eam virtutem in intellectu collocant, non in voluntate, quia credere, ac fidem habere diuinis oraculis est secundum substantiam actus intellectus, quamquam credere ac fidem certissimam habere non possumus sine aliquo actu voluntatis. Quibus ita positis, multo clarius apparet huius causa disputationis, & cur quæsitum voluerimus: In appetitu sentiente, an in intelligente siue voluntate sint Virtutes morales. Cū enim vtrique potentia libera sit, cognoscentes & rationalis per participationem, ceterasque condiciones, ac leges habeat, quas postulat subiectum virtutis moralis, iure quæri debet Vtrum in appetitu sentiente, an in voluntate sit.

Sunt qui pugnacissimè contendunt in appetitu sentiente; hoc est, in potentia concupiscente atque irascente, quæ partes appetitus sensitiui sunt, nullos esse habitus, ac virtutes, nisi fortassis improprie. ex hoc numero est Ocham in quodlib. 2. q. 17. Gabr. in 3. d. 23. q. 1. dub. 1. Scot. in 3. d. 33. q. vn. Idque his rationibus probari ac demonstrari potest:

Prima. Appetitus sentiens in suis operationibus semper sic mouetur, quemadmodum est habitudo corporis per qualitates naturales comparata. si enim corpus multo calore perfunditur, excitatur appetitus ad Venerem, si refrigeretur, ad temperantiam, variòque modo auctis vel diminutis qualitatibus afficitur, ergo absque vllò habitu consequi possumus, beneficio solius exercitationis & medicinz in appetitu sentiente mediocritatem.

Secunda. Si in appetitu sentiente ponuntur habitus, consequens erit, eos extensos esse, sicut est appetitus: & præterea non remanere in anima separata temperantiam, fortitudinem &c. cū in ea appetitus sentiens non supersit.

Tertia. Virtus est habitus electiuus rectæ rationi consentaneus in medio consistens; vt ait Aristot. in lib. 2. cap. 2. electio autem non est actus sentientis appetitus, qui non potest eligere, sed voluntatis approbantis medium, quod à ratione positum est. Igitur appetitus sentiens virtutis est expertus.

Quarta. Appetitus sentiens caret libertate

tate. ergo subiectum virtutis esse non potest. Idcirco enim in membris externis non ponitur Virtus, quia libertate carent; nec possunt animæ imperio repugnare.

Quinta. Si in appetitu sentiente ponuntur veræ virtutes, maximè ponenda fortitudo & temperantia est. sed hæc sunt in voluntate ponendæ. Voluntas quippe sua natura non propendet ad fortitudinis ac temperantiæ bonum. ergo ut propendeat, postulat habitum. Et sanè in voluntate constituitur hic actus, Volo temperatè vivere: & voluntas, quia imperat appetitui, postulat virtutes ad imperandum rectè. Ait enim Aristoteles, Principibus esse necessarias virtutes, ut rectè imperent, & dominentur. Quin habitus intemperantia ponitur in voluntate. cur ergo etiam Temperantia non in eadem facultate ponatur?

Dicendum nihilominus est, in appetitu sentiente esse habitus bonos, & veras virtutes, hoc est, eas, quæ in moderandis affectionibus animi vertantur; in primisque fortitudinem, ac temperantiam. Prima huius Conclusionis pars, hoc est, in appetitu habitus esse bonos, & veras virtutes vniuersè, his probatur argumentis: Primum, Potentia quæ sua natura repugnat rationi, non potest facilitè & iucundè id agere quod rationi consentaneum est, nisi habitu muniatur, & præparetur aliquo, ad parendum rationi, eam propellente. sed appetitus, ut demonstrat in hoc cap. 13. Aristot. repugnat sua natura rationis imperio. ergo non poterit facilitè iucundèque id agere, quod rationi consentaneum sit sine habitu, ad obtemperandum, ipsum appetitum commouente. qui habitus & est bonus, & sine dubio vera virtus est. Nam Virtute præditus nemo profectò dicetur, cuius aliqua potentia rationi facilitè non obediat: cum doceat Aristoteles, in homine, qui virtutis habitu certo sit, ornatus omnia rationi concinere, & consonare. ergo nemo dici verè potest virtute præditus, cuius appetitus rationi cum facilitate ac iucunditate non, pareat. sed nisi vera virtute muniatur, vel non obtemperat, vel obtemperat cum tristitia. ergo necesse habet vera virtute communi, ut consonet rationi. Demonstrari hoc potest ex iis, quæ supra posita sunt huius initio quæstionis, cum diximus, appetitum sentientem esse potentiam, quæ rationi haud sic pareat, ut in domo seruus, qui obtemperat etiam nolens inuitusque, sed ut populus liber, Regi ac magistratui ciuitatis: qui obtemperat ita, ut possit etiam, non obtemperare atque in contrarium ire. Ex hac enim libertate sequitur, in incontinentibus appetitum rationis imperium respuere, & in continentibus obedire quidem rationi, sed cum tristitia, & difficultate; quia incontinentium Virtus, cum perfecta non sit, semi-virtus appellari potius debet; ac dici continentia solet. ergo ut omnia rationi consonent, & ille contentus existat quæ vult Aristot. esse in viris virtute perfectis, hoc est, honestum cum iucunditate ac facilitate prosequentibus, necesse est appe-

titum habitus boni ac veræ virtutis vi sic habere in officio; ut non modò non repugnet, sed etiam iucundè ac facilitè secundum rectam rationem operetur. Secundum argumentum. In eo sine dubio Virtus est, in quo sunt medium, & extrema, cum nihil aliud virtus sit, nisi mediocritas inter extrema. Sed mediocritas & extrema sunt in appetitu sentiente: est enim illud medium nihil aliud, nisi mediocritas affectionum, & extrema etiam affectionum extrema sunt. At affectiones ipsæ sunt in appetitu sentiente, ut dicitur in horum lib. 2. ergo virtus moralis in sentiente appetitu est. Tertium. Ex Aristotele scimus habitus esse qualitates, quarum vi atque efficacitate affectiones animi bene se habent, vel malè. malè quidem cum plus nimio intenduntur, aut remittuntur: bene, cum mediæ sunt & moderatæ. Sed appetitus est, qui nunc plus nimio intenditur, nunc remittitur, nunc ad medium statum, moderationemque redigitur. ergo in appetitu sunt habitus mali, ac boni. Huic similis est aliquorum ratio, qui ex eo probant in appetitu sentiente veras esse virtutes, quia in appetitu sentiente sunt vera vitia, & vera animi peccata grauissima. qualia videmus esse in parte concupiscentis atque irascentis: quæ partes, ut sæpe diximus, sentientis sunt appetitus.

Secunda Conclusionis pars, hoc est, esse potissimum in appetitu sentiente fortitudinem ac temperantiam, ostenditur his rationibus. Prima, Quia Aristot. in hoc cap. ult. libr. 1. & in lib. 3. cap. 10. disertè ait, fortitudinem, & temperantiam esse in animæ parte rationis quidem expertè per essentiam, sed ea, quæ rationi possit obtemperare. hæc autem est appetitus, ut ab eodem docetur in his locis. Sed quia respondere potest aliquis, Aristotelem ibi appetitum vniuersè dicere, nec addere sentientem, ac propterea appetitus nomine velle significare voluntatem, oppono tanquam interpretem libellum de Virtutibus, vbi disertissimè ait idem Aristot. Virtutes esse in appetitu sentiente. Secunda. Virtus in arduo veriatur, atque difficili. Sed quod attinet ad fortitudinem, & temperantiam, omnis accidit difficultas ab appetitu sentiente, renuente imperium, atque ab eius perturbationibus refractariis. ergo hæc virtutes in appetitu sentiente ponendæ sunt, ut cum incitent, cohibeant, habeant demum, velut equum, in potestate. Tertia. In appetitu sentiente est verum vitium libidinis & verum timiditatis. ergo in eodem esse debet vera temperantia, quæ libidinem frænet vera fortitudo, quæ timiditatem expellat. Quarta. Fac aliquem virum prudentem esse; qui sciat quid, & quo tempore sit agendum; careatque præterea omni praua perturbatione, atque affectione sentientis appetitus sic prorsus, ut appetitus ipse nullam ei difficultatem exhibeat. Hic haud dubiè facilitè fortissimèque resistet contrariis, temperatèque viuet ad vitam seruandam, & retinendam suam. Non enim voluntas postulat habitum certum, cuius beneficio nosmetipsos

diligamus, aut resistamus contrariis, aut sobriè viuamus ad tuendam vitam. est enim voluntas ad hoc sua natura procliuvis. Ergo fortitudo & temperantia in appetitu poni debent, non in voluntate. quæ si eas postulat, postulat propterea, quòd nollet repugnantem, ac difficilem appetitum: à quo etiam ipsa debilitatur, & frangitur propter affectiones, quæ in eo immodicæ sunt, & exleges. Quod sanè verum esse vel ipso constabit experimento, si per ægrotationem qualitates corporis immutentur. Iis enim imminutis, affectiones, & perturbationes sentientis appetitus sic imminuuntur, vt facillima tunc voluntati sit actio temperantiæ. id verò planè significat, voluntati omnem temperantiæ difficultatem ab appetitu, eiusque perturbationibus exhiberi. ergo non postulat voluntas habitum, ad eiusmodi difficultatem peruincendam, sed eum requirit, & postulat appetitus. Quòd si habitum cupiat voluntas, cupit non quidem in se esse, sed in appetitu, ne impediatur. Confirmari similitudine potest. Quemadmodum enim quia difficultas rectè equitandi non est in perito sessor, sed in equo, frænum non in ore sessoris ponitur, sed in equi, vt ille regat equum habentis, quas manibus tenet. sic, quia difficultas rectè agendi, in fortitudinis, temperantiæ, aliarumque huiusmodi virtutum materia non est in voluntate bonæ actionis perita circa proprium bonum, sed in appetitu cæco & contumaci, ipsi debet appetitui sentienti habitus imponi quasi frænum, quod veluti sessor moderetur, & regat voluntas, hoc est, appetitus intellectiuus ratione ductus atque prudentia. In appetitu enim sentiente est difficultas tantum circa proprium bonum.

Superest, vt argumentis respondeatur. Quorum primum à qualitatibus petitorum corporeis haud magnam habere vim debet. Quia qualitates illæ corporeæ ac naturales, quamquam per accidens facere possunt, vt aliquis facillè vel difficillè agat quod bonum est, secundum se tamen non mouent hominem ad bonas malæque actiones, neque hunc in finem instituta sunt à natura. Habitus autem boni primo, ac per se instituti sunt ad bonas honestasque proferendas actiones, quemadmodum intelligere licet ex eo, quòd qualitatibus corporis immutatis, per solam consuetudinem & exercitationem frænatur, ac regitur appetitus sentiens, sequiturque facillè ductum rationis. quam consuetudinem qui non obtinet, expeditè, facillèque rationi non obedit. Itaque mutatio illa qualitatum non est satis, vt aliquis ex electione facillè, iucundè, atque æquabiliter operetur, sed vt benè tantum agat per accidens, aliquando atque inconstanter. Immo fieri potest, vt tam inueteratus sit habitus vitiatorum, vt etiam attenuato per ægrotationem corpore animus ad intemperantiam concitet se.

Quod attinet ad 2. dandum est, sequi ea, quæ contenduntur, si ponantur virtutes in appetitu: in anima nimirum separata non residere habitus illos formaliter. sed remanent

tamen virtute: quia statim atque coniungitur iterum corpori, sic eosdem reparat & recuperat habitus, quemadmodum recuperat illicò virtutem sentiendi, quam separata non habebat.

Tertio respondendū est multis modis. primo quidem: Virtutem moralem in appetitu sentiente esse habitum electiuum, adeoque appetitum ipsum esse principium electionis participatæ in potentia inferiori. Quamuis enim electio sit actus voluntatis, præcipuè ac potissimum eligentis, est tamen etiam appetitus, & inferioris potentie tamquam subsequenti, exequenti que. Responderi secundò potest: appetitum sentientem esse principium electionis in voluntate mediata, hoc est, mediante finis intentione. Cum enim qualis quisque est, talis ei videatur esse finis, ex eo quòd quis rectè affectus est erga bonum temperantiæ, videtur ei optimum temperatè viuere. ex quo principio colligit prudentia ratiocinando electionis conclusionem, decernens temperatè viuendum tunc esse. Responderi denique potest 3. appetitum sentientem esse principium electionis; quia tollit rectè impedimentum electionis, commotiones enim animi immoderate ad prauam electionem pertrahunt voluntatem.

Quarto respondetur argumento: nemini dubium esse debere, quin in appetitu sentiente libertas sit, pendens tamen à voluntate. Aliter enim in appetitu non esset vitium, & peccatum, contra quam docent Theologi in primisque D. Thom. in prima 2. q. 74. artic. 3. & 4. Dixi tamen, eam libertatem à voluntate pendere, quæ libera per essentiam est, adeoque profudit in cæteras potentias libertatem. Itaque voluntas est generalis quidam appetitus totius hominis, vniuersas mouens facultates; ac propterea antequam ipsa consentiat, nullus hominis actus, aut bonus, aut malus est. Quo fit vt quamquam appetitus dicitur habere libertatem, non possit tamen per se nisi voluntate consentiente benè vel malè agere, quia libertas illa pendet à voluntate: id quod etiam de intellectu existimandum est. Quod attinet ad membra corporis externa, respondeo, non propterea dici Virtutis expertia, quia simpliciter non habent libertatem, sed quia non possunt habere libertatem à voluntate participatam. ipsa enim eatenus communicat libertatem suam, quatenus est appetitus cognoscens. in membris autem externis appetitus cognoscens non est.

Quinto responsum supra est in conclusione, vbi probauimus fortitudinem esse in irascente, temperantiam in concupiscente; quæ partes sunt appetitus sentientis, non voluntatis: hæc autem cum sua natura procliuvis sit ad resistendum contrariis, & temperatè agendum, vt vitam tueatur, nisi perturbationibus impediatur, non postulat habitum peculiarem fortitudinis, & temperantiæ, sed habitus potius appetitus; qui perturbationibus occupatus hæc non intelligit. Itaque ad eum actum, volo fortiter agere aut temperatè

viuere: non postulat voluntas habitum; ideoque recte potest imperare sine peculiari hoc habitu, modo habitus ipse sit in appetitu. Principes verbò indigent virtutibus ad imperandum bene, quia natura non sunt ad hoc instituti. Verum tamen est, voluntatem non esse idoneam ad imperandum bene, nisi bonus habitus sit in appetitu. ab appetitu enim prauo voluntas corrumpitur. Quod verò additur extremo loco de habitu intemperantiæ, quæ ponitur in voluntate, dico primum, habitum intemperantiæ esse in appetitu tantquam in subiecto, non in voluntate. Dico deinde D. Thomam in 2. 2. q. 155. ponere in voluntate quendam habitum, quem nominat continentiam. hic autem non meretur virtutis nomen, quia non ponitur ea gratia, vt ex eo bona fiat & sequatur electio, aut perturbationes animi cohibeantur, sed vt stabilietur & confirmetur voluntas, ne vehementibus animi commotionibus abducatur in seruitutem. quare ait Aristot. in lib. 7. cap. 7. 8. & 9. incontinentem & continentem in perturbationibus eodem modo se habere. Huic igitur habitui contraria est non intemperantia, sed incontinentia, quod fortasse volunt aduersarii, nec est diffidendum. id tamen haud probat quod ipsi contendunt; temperantiam quæ perfecta est virtus, poni oportere in voluntate; cum ipsi opponatur non incontinentia, quæ vitium item est imperfectum, sed intemperantia, quæ perfectum vitium est.

De appetitu sentiente sic diximus. Restat, vt de intellectu, siue de Voluntate videamus. sunt enim qui nullam in voluntate Virtutem positam velint. Sunt qui in eadem voluntate collocant omnes, sed illorum argumenta nihil aliud vincunt, nisi in appetitu sentiente collocandas virtutes esse: horum rationes id solum demonstrant; in voluntate aliquas constitui debere Virtutes. & quoniam primum illud vltro concedimus, & argumentorum momentis longè grauissimis paulo ante demonstrauimus.

Dicendum secundo loco de voluntate est vniuersè; in ea ponendum esse Virtutis habitum, qui voluntatis ipsius dirigat actiones, non perturbationes regat appetitus. Quod rationibus illis ostendo, quibus aliqui probare se putant, in voluntate omnes constituendas Virtutes esse. Prima Ratio. Ea potentia, quæ discedere solet, ac potest à rectitudine sui actus, indiget aliquo habitu Virtutis, cam ad rectè agendum dirigente. sed voluntas potest ac solet ab actus sui rectitudine sæpe discedere. ergo postulat habitum aliquem Virtutis à quo ad agendum dirigatur. Secunda. Voluntas vel non subiicitur intellectui, sed in eum dominatur, vel si subiicitur, paret illi non per modum seruitutis, sed liberè; Præterea erga appetitum sentientem affectui maxime, ab eoque sæpissimè corrumpitur, deprauatur, trahiturque ad volendum id, quod exoptat appetitus, non id quod illi demonstrat, atque præscribit ratio. Ergo postulat voluntas habitum Virtutis,

eius beneficio & vi rationi pareat, respuat vocantem & allicientem appetitum. Tertia. Nemo dicitur habere perfectam Virtutem, nisi cum facile, promptè, iucundè agit honesta, & iudicio rectæ rationis obtemperat. hoc enim nomine differt virtute perfecta vis præditus ab incontinente ac vitioso, quod incontinens sequitur quidem iudicium rationis, sed cum difficultate ac molestia, vitiosus omnino non sequitur: virtute autem præditus facillimè ac iucundissimè sequitur. ergo nemo potest perfectam adipisci virtutem, nisi habitu honesto perficiat voluntatem, vt cum ea facilitate, ac iucunditate operetur: nec vnquam corrumpi, depruari, pertrahi se sinat ab appetitu. Quarta. Voluntas sola est libera & primum omnium actionum, atque affectuum humanorum principium est: ceteras adeo sic mouet impellitque potentias, vt ei resistere non possint. quapropter ex voluntate omne bonum pendet, ac malum. ergo est perficienda virtute, ne ceteras potentias abducatur in vitiorum seruitutem &c. Quinta est S. Thom. Maior perfectio requiritur in mouente, quàm in moto. voluntas mouet concupiscentem vim, & irascentem, ergo maior in voluntate perfectio esse debet quàm in concupiscente, & irascente.

Hæc, inquam, argumenta putant aliqui demonstrare; in voluntate omnem esse ponendam Virtutem moralem, nullam in appetitu, sed nihil demonstrant amplius, quàm voluntatem vniuersim esse perficiendam, ornandamque habitu aliquo Virtutis. quod est concedendum. Sed, vt videamus quænam virtutes ex omnium numero sint in voluntate constituendæ, erit

Dicendum tertio loco. In voluntate si proprium voluntatis bonum attendamus, ipsi consentaneum ac facile, siue minimè difficile, non est ponendus eiusmodi boni causa aliquis Virtutis habitus peculiaris: Cuiusmodi est: diligere seipsum & resistere contrariis, suam ipsius vitam tueri &c. Demonstratur hoc à D. Thom. in prima 2. quæst 56. artic. 6. & intelligi ex Aristot. potest, cuius illa sunt multis in locis effata, & pronuntiata certissima. Amabile quidem bonum: vnicuique autem proprium. Amabilia quæ sunt ad alterum. ex amabilibus quæ sunt ad se. Quibus verbis significatur, in inductione naturæ amare nos proprium bonum, proportionem nobis respondens, consentaneum, & minimè difficile. ex quo sequitur vt nulla sit ad hoc bonum amandum & expetendum necessaria Virtus: quæ versatur in difficili, vt supra posuimus. Quin ipse D. Augustin. videtur hoc docere in lib. 1. de Doctr. Christ. cap. 13, affirmans, non esse opus aliquo peculiari præcepto, vt homo seipsum ac corpus suum diligat: cum immutabili naturæ inclinatione ad hoc ipse, nullo compellente, propendeat.

Dicendum est quarto. In voluntate, si proprium ipsius attendamus bonum difficile, & excedens ipsam inductionem propensionemque naturæ, ponendas esse virtutes pro-

prias ad illud amandum ac facile consequendum. Eiusmodi sunt Virtutes illæ Theologorum infusæ. Charitas, fides, spes. Non enim ad earum habitus actusque naturalis est inclinatio, cum per naturæ facultatem haberi non possint, sed est tantum capacitas, quæ dicitur à nonnullis obedientialis potentia, similis illi, quam habet signum ad statum vel aræ formam suscipiendam.

Dicendum quinto loco est. inter Virtutes morales, illas quæ sunt ad alterum, hoc est in aliorum bonum factæ atque institutæ sunt, habitum proprium, certumque postulare voluntatis. Quo de genere potissimum Iustitia est. Primum, quod confirmamus, hoc est, virtutes vniuersim, quæ sunt ad alterum postulare proprium habitum, demonstrari potest hoc modo: In voluntate ad omne bonum obiectum in qualibet materia Virtutis naturalis quædam inductio atque inclinatio est. non tamen inclinatio illa est perfecta, sed tantum inchoata, ita ut possit voluntas inchoatè agere ex inclinatione propria in quolibet bono naturali, sed non perfectè ac bene. Bene enim & perfectè agere, est agere, promptè, cum iucunditate, facile, constanter, & æquabiliter. Ad agendum autem hoc modo non naturaliter inclinatur voluntas in quolibet obiecto bono, sed in eo tantum, cuius peculiaris ratio nullam addit operi difficultatem, cuiusmodi est materia fortitudinis & temperantiæ, quarum propria ratio nihil addit nisi ut sit bonum volentis. Cum ergo peculiaris obiecti ratio addat aliquid quod est supra rationem communem expectendi boni, & difficultatem propriam habet, tunc voluntas habitum postulat, ut promptè ac iucundè circa eiusmodi bonum & obiectum agat. Huiusmodi autem sunt omnes Virtutes ad alterum. quarum obiectum hoc nominatim addit, ut sit alienum bonum, ad quod voluntas immediatè non ducitur nec inclinatur, sed difficile fertur. Secundum verò quod in conclusionem dicitur, hoc est, ex hoc genere maxime Iustitiam esse, ac propterea esse ponendam in voluntate. sic ostenditur: Quilibet Virtus est in ea potentia, cuius actum perficit, & rectum reddit. Propterea nimirum temperantia est in parte animi concupiscente, quia perficit eius actus, qui versatur in voluptatibus, atque in molestiis moderandis, in irascente fortitudo, quæ perficit irascentis actiones, versantes in timoribus, atque audacia coercendis. sed Iustitia non perficit potentiam intellectus; cum non versetur in cognitione veritatis, ergo versatur in appetitu non quidem sentiente, cuius partes moderantur fortitudo, & Temperantia; sed in Intellectiuo, & voluntate. Non posse autem esse in appetitu sentiente planissimè constat. Quia iustitia, tam legalis, quam peculiaris est ad alterum. Æqualitas enim quam iustitia constituit, siue in commutationibus, siue in distributionibus, consistit in ordine vnius ad alterum. Sed hic ordo, vel æqualitas non potest constitui per

sentientem appetitum. per appetitum enim sentientem non constituitur nisi illud, quod apprehenditur à sensu. At eiusmodi ordo, & æqualitas non comprehenditur à sensu, sed à solo intellectu, & quod hinc sequitur, est in appetitu intellectiuo, qui tendit per electionem in eam æqualitatem comprehendam ab intellectu. Itaque hæc ratio nascitur ex eo, quod appetitus sentiens solum tendit in id, quod sensu apprehenditur, voluntas solum in id, quod apprehenditur intellectu.

Dices primum, considerare & constituere ordinem ad alterum esse solius rationis, non voluntatis. Respondeo id verum esse, sed tamen imperare & eligere ordinem illum æqualitatemque esse voluntatis. Quod enim à ratione cognoscitur, id appetitur voluntate.

Dices deinde, Eustratium docere, reliquas virtutes singulas in singulis esse potentis, in irascente quidem parte fortitudinem, in concupiscente temperantiam; sed iustitiam esse in vtraque, & quod inde consequens est, in appetitu sentiente. Respondeo, Iustitiam dici esse in vtraque parte; non quod sit in concupiscente, & irascente velut in subiecto siue subiectiuè: sed quod Iustitia vtatur pro obiecto & materia actibus omnium aliarum virtutum, quæ in iis potentis, & partibus appetitus sensitiui sunt. Quare iustitia est in vtraque obiectiuè tantum; quia tam pars concupiscentis, quam ius irascendi est obiectum Iustitiæ, quæ in vtraque inuenit æqualitatem.

Dices tertio loco, eundem Eustratium vel Iustitiam dirigi in parte animæ rationis experte, sicut diriguntur ceteræ virtutes. Respondeo, partem ratione carentem eum intelligere amplissimè vtrumque appetitum sentientem & intellectiuum. Intellectiuus enim dicitur etiam ipse rationis expertus, quia non habet rationem per essentiam. quare si totam partem rationis expertem sumamus, quæ est ea, quæ non habet per essentiam rationem, Iustitia est in parte non rationali, sicut ceteræ virtutes, quæ vniuersè sunt in parte rationis experte.

Dices quartò, bonum Iustitiæ esse bonum proportionem respondens, & consentaneum voluntati, adeoque ad voluntatis obiectum pertinere. hominem præterea inclinari naturaliter ad volendum secundum rectam rationem: opus verò iustitiæ est secundum rationem: habitum denique Iustitiæ facere bonum habentem. ergo est proprium bonum habentis. ergo Virtus necessaria non est. Respondeo, Bonum proprium hominis vniuersè esse, quemadmodum ait Dion. de Diuin. Nomin. viuere secundum rationem, ac propterea secundum iustitiam viuere, & reddere vnicuique suum, esse proprium hominis bonum. Sed ad hoc bonum voluntatem non esse per se satis inclinatam, & admotam sicut est ad bonum proprium; ac propterea virtutem aliquam postulare à qua inclinetur, & ad hoc opus bonum applicetur quod bonum

aliis est. Tendere enim in bonum proprium non est difficile: sed est difficile tendere in alienum. Nihilominus dici posset aliquomodo voluntas per se ferri ad bonum Iustitiæ, ut docet Caietan. Bonum enim Iustitiæ accipit æquiuoce pro habitu Iustitiæ, quæ facit hominē iustum formaliter, & pro obiecto eiusdem Iustitiæ. Cū accipitur pro obiecto, non inclinatur voluntas naturaliter: quia non est proprium bonum voluntatis, nec volentis nec habentis voluntatem, sed alterius. cū autem ponitur habitus Iustitiæ, voluntas in illud fertur per se, quia est propriè bonum, & perfectio voluntatis; adeoque non indiget alio habitu. sed cū de bono Iustitiæ loquimur intelligimus obiectum Iustitiæ, quod volumus aliis, non nobis. quod bonum volumus vniuersè propter appetitum hominis naturalem propendentem ad volenda vniuersè ea, quæ secundum rationem sunt. Sed ad hoc bonum nominatim volendum non est definita naturaliter voluntas, tamen enim secundum rationem est, illud expectere, quia tamen est alienum, natura non applicat appetitum ad volendum.

Dicendum ad extremum est, nullam actionem Virtutis esse sine voluntate, quæ generalis appetitus est, & prædicta libertate formaliter, quam impertitur appetitui sentienti. Sed, ut supra monuimus, in ea potentia est subiectiuè virtus, à qua secundum substantiam proficiscitur. Quo fit, ut quanquam in omnibus actionibus agit voluntas, aliquarum tamen ipsa subiectū non sit, quia earum substantia ab appetitu sentiente producit.

Maneat ergo atque hæc sic totius Conclusio disputationis: in appetitu eas esse virtutes, quæ moderantur animi perturbationes, in voluntate illas, quæ actiones tantummodo regunt. Sed tamen in voluntate omnes, per dependentiam esse; omnes, inquam, quæ sunt in appetitu sentiente. Non enim agunt sine voluntate. sic prorsus, ut quilibet earum actus sit voluntatis agentis vna cum ipsis.

QVÆSTIO QVINTA.

Virum vna eademque Virtus possit esse in pluribus potentiis tanquam in subiecto.

VT tota Quæstionis ratio & vis apertior sit, animaduertendum principio est, ab omnibus concedi, ac dari, vnam eandemque Virtutem esse in pluribus potentiis vario quodam modo, ac ratione, hoc est, in vna quidem subiectiuè, in aliis per communicationem quamdam, & participationem sui. quod de Prudentia nominatim diximus supra, quæ subiectiuè in intellectu tantummodo est, sed communicatione quadam sui ad alias quoque protenditur, pertinetque potentias. quarum actiones ductione temperat, & regit imperio. Quæstio igitur hæc inuestigat, num in pluribus potentiis possit aliqua virtus esse subiectiuè. Et quoniam intellectus Virtutes in solo sunt intellectu tanquam in subiecto,

id solum querendum de moralibus esset, de quibus etiam statuimus, non esse easdem in pluribus potentiis, sed quasdam in appetitu sentiente, quasdam in rationali, & voluntate. Quamquam enim quæ sunt in appetitu, in voluntate quoque sunt necesse est: in voluntate tamen non subiectiuè collocari debent, sed dependenter. quæ sententia congruens est doctrinæ D. Thomæ. sed abhorrens ab opinionione Gabrielis in 3. d. 23. & aliorum, qui volunt in vtroque appetitu esse virtutes morales omnes, excepta Iustitia, reliquisque quæ referuntur ad aliud, nec vllam esse posse virtutem moralem in appetitu sentiente, quæ non sit etiam in voluntate subiectiuè.

Quæstio igitur hæc nihil aliud sibi vult, quàm planius declarare superiorem, atque inuestigare, num aliqua saltem inter morales virtutes sit, quæ in pluribus esse facultatibus tanquam in subiecto possit. etsi enim constitutum est vniuersè certas aliquas esse in sentiente appetitu, ut fortitudinem & temperantiam; quasdam in voluntate, ut Iusticiam; dubitare potest tamen aliquis num ex aliis virtutibus moralibus quæ tribus illis subiiciuntur, aliqua sit in facultatibus pluribus animæ: cū præsertim ipse D. Thomas videatur sibi dissimilis esse duobus in locis. Nam in prima 2. quæst. 6. artic. 4. 2.2. q. 31. artic. 1. ad 2. & quæst. 117. ait liberalitatem & magnificentiam, quæ virtutes ad alterum sunt, & Iustitiæ subiiciuntur, esse in appetitu sentiente. sed in prima p. quæst. 21. artic. 1. ad 1. & in primo contra Gent. cap. 93. & in 3. senten. dist. 33. q. 3. artic. 4. docet diuertissimè liberalitatem & magnificentiam esse oportere in voluntate. Videamus ergo quando de ceteris virtutibus perfectè decretum est, in vtraque facultate, an in altera tantum ponendæ sint liberalitas, & magnificencia, de quibus tam variè loquitur.

Principio, in appetitu sentiente ponendas esse, videntur hæc rationes vincere ac demonstrare. Prima. Liberalitatis officium est moderari nimiam pecuniæ rerumque cupiditatem; quæ affectio est appetitus sentientis, ergo in appetitu sentiente ponenda liberalitas est. Secunda. Nimia pecuniæ cupiditas est affectus vehemens, & difficilis ad vincendum. ergo postulat virtutem in appetitu, à qua contineatur & temperetur. Tertia. Auaritia & paruitas animi, siue pusillanimitas sunt affectiones prauæ in appetitu sentiente. ergo in appetitu sentiente sunt etiam Virtutes oppositæ, liberalitas, & magnificencia.

Deinde statuendas esse in voluntate, totidem rationibus ostenditur. Quarum prima est D. Thomæ in prima par. quæst. 21. art. 1. & 1. contra Gent. cap. 9. & in 3. sent. dist. 33. q. 3. artic. 4. vbi docet, liberalitatem & magnificentiam esse in Deo: ex quo consequens sit has virtutes non habere sedem in appetitu sentiente, nec versari in perturbationibus moderandis, quæ in Deo nullæ sunt. & sanè alienum à ratione videtur, existimare ac dicere, Deum non esse propriè liberalem, atque magnificum. Sed si liberalitas, & ma-

gnificencia sunt in appetitu sentiente, & in regendis perturbationibus versantur, dici etiam Deus poterit fortis & temperatus, quas virtutes propriè in Deo esse negamus, quia sunt appetitus sentientis, & regunt affectus animi nimios & effraenes. Secunda: liberalis & magnificus referuntur ad alios, & bonum alterius, non proprium intuentur. Sed voluntas non est desinita & inclinata suapte natura ad bonum alterius. Ergo postulat virtutem, à qua determinetur quemadmodum de Iustitia dictum est. Spectare verò has virtutes bonum alienum, docet Aristot. in 4. cap. 1. vbi ait esse proprium liberalis, atque magnifici se ipsum minimè respicere, sed commune bonum. Tertia huiusmodi. Virtutes non versantur in regendis commotionibus atque affectibus animi, sed in dirigendis & perficiendis quibusdam actionibus hominis: cuiusmodi sunt magnæ largitiones & sumptus, quod est apud Aristot. in lib. 2. Ethic. cap. 7. ergo sunt in voluntate.

Hæc argumenta validissima sunt, adeoque cogunt multos Scholasticos, & quidem nobiles confirmare, magnificenciam & liberalitatem in duabus esse potentis contra quam à D. Thoma decretum sit loco supra laudato, & in prima 2. q. 56. artic. 2. vbi duas hæc positiones ita scriptas reliquit. Prima. Non potest vna virtus æqualiter esse in duabus potentis, quia vnum accidens non potest esse in pleribus subiectis: & varietas potentiarum varietatem postulat habituum. Secunda. Ordine quodam potest vna virtus esse in pluribus potentis, hoc est ita, vt in vna sit præcipuè, in aliis vero per quamdam diffusionem vel per modum cuiusdam dispositionis. vna enim potentia subseruit, siue subordinatur alteri, & ab altera mouetur. Hæc, inquam, tamen docet hoc modo S. Thom. asserunt tamen hi, in duabus potentis esse virtutes aliquas. & ne ab eo discedere videantur, illius dicta in speciem pugnantia varia ratione componunt.

Dicendum vñ cum his auctoribus existimo, tum liberalitatem, tum magnificenciam duos habitus postulare. vnum quidem in voluntate ad largitiones sumptusque faciendos tantos, quantos facere oportet, & cum oportet & animo perlibenti. alterum in appetitu sentiente ad moderandam nimiam pecuniæ cupiditatem. Itaque hæc virtutes sic componuntur & constantur ex duobus habitibus, quemadmodum scientia vna ex pluribus scientiis constituitur generibus. Conradi hæc sententia est, aliorumque, sed in primis Medinæ, illorum opinionem approbantis. Vincunt hoc rationes expositæ: ac propterea id tantum superest, vt ea diluamus quæ contra obijciuntur à multis, ac potissimum à Caietano, qui putat D. Thomam audiendum esse, docentem æqualiter in pluribus potentis haud magis esse posse virtutem vnam quam vnum accidens in multis subiectis.

Responderi quippe potest duobus modis. Primò quidem: vnam virtutē vnitatem numeri-

ca æqualiter in duabus potentis esse non posse, sed vnam virtutem vnitatem ordinis esse posse, sic inquam; vt illud quod perfectionem impartitur ad operationem vnius speciei, dicatur vna virtus. huiusmodi autem est liberalitas, & magnificencia: sunt enim vñ vnitatem ordinis tantum, & 'quamquam' in duabus potentis sunt, vtramque tamen perficiunt in ordine ad vnam operationem. Responderi altero modo sic potest. non esse æqualiter in duabus potentis liberalitatem ac magnificenciam: quia principalis in appetitu sentiente quàm in voluntate sunt. Ratio est, quia per se maior difficultas ad liberalem largitionem in appetitu est quàm in voluntate, vt constat experimento. ergo in eo principalis virtus est. si dicas, hinc sequi etiam Iustitiam esse ponendam in appetitu sentiente non in sola voluntate; cum ad reddendum debitum secundum æqualitatem difficultas existat ex appetitu sentiente, qui plus nimio erga pecuniam afficitur, & cetera fortunæ bona, quæ reddere ac restituere facili, & cum iucunditate non potest, nisi habitus & virtus ad hæc impellens accedat aliqua: si dicas inquam, id sequi; Respondeo, satis esse liberalitatis virtutem ad tollendam eam difficultatem appetitus erga debitam alteri pecuniam. Si enim libertas satis est ad dandum quod non debet, multo magis satis erit ad dandum quod debet. Quod si desideretur & desit liberalitas; concedam difficilius Iustitiam tollere difficultatem illam, sed contendam tamen eam tollere. Itaque argumentum probat tantum, virtutes perfectas esse connexas, & sublata vna, reddi alteram infirmiore. Est autem diligenter attendenda differentia quedam inter iustitiam, & liberalitatem huic loco maxime congruens: quod nimirum liberalitas secundum propriam rationem specificam postulat, vt homo libenti animo ac facile operetur. Iustitia verò non postulat hoc secundum suam specificam rationem, sed secundum genericam tantum quatenus virtus est. Dum enim aliquis restituit tantum, quantum debet, facit opus suæ natura iustum, etiam si non perlibenti id faciat animo, nec facili: non autem dicitur facere liberaliter, nisi etiam facili faciat & libenti cum animo, vt si faciat ex metu, aut spe lucri. Primum enim, quod consideratur in dono est amor donantis, vt disputat Sen. in lib. de Benef. & disertè D. Thom. docet in prima par. q. 38. artic. 2. & profectò nomen ipsum liberalitatis videtur significare, oportere, hominem esse liberum omni cupiditate & auaritia, qui verè liberalis habendus sit. Qua lege cum Iustitia secundum tuam rationem specificam non teneatur, operari potest aliqua cum difficultate, nec discedet à ratione Iustitiæ specifica, sed tantum à generica virtutis, quæ agere iucundè debet, & facili.

Contendit secundo loco Caietan. ne inæqualiter quidem esse posse liberalitatem, & magnificenciam in duabus potentis. Quia vel sunt in appetitu sentiente, vt subest vo-

luntati vel in voluntate, ut subest, appetitui sentienti. hoc secundum dici non debet, quia voluntas non subiicitur appetitui. Sed ne primum quidem. nam si appetitus sentiens in liberalitate subiiceretur voluntati, hoc esset propter electionem participatam. sed id commune cum omnibus virtutibus est: ergo etiam Temperantia esset ponenda in voluntate & in appetitu sentiente. Respondeo. has virtutes esse in appetitu sentiente principaliter, ut dixi, & subesse quidem appetitum voluntati, sed ita tamen, ut in eadem voluntate sint etiam subiectivè. Non enim in-

æqualitas est tanta, ut tollat rationem subiectum. Quin addo præterea: sic esse in voluntate; ut subiiciatur ipsa voluntas appetitui, non in genere causæ efficientis, sed obiectivæ, seu finalis, & voluntatis actum consummantis. perficitur enim interdum voluntas & consummatur ex actu sentientis appetitus. Quod verò de Temperantia & fortitudine dicitur nihil vincit; quia hæ virtutes non sunt in voluntate, nisi per dependentiam ac propterea quatenus sunt in appetitu sentiente, alio modo subsunt voluntati, quam liberalitas & magnificentia subest.





TARQVINII
GALLVTII
SABINI
E SOCIETATE IESV.
IN
ARISTOTELIS
LIBRVM SECVNDVM
MORALIVM LIBROS
AD NICOMACHVM,
*NOVA INTERPRETATIO, EXPLANATIO,
QVÆSTIONES.*

TAYLOR
 GALL
 2 A B L N I
 E SOCIETY
 ARISTOTELIS
 LITERA
 MORALIA
 AD
 NOTA



ILLVSTRISSIMO
ATQVE EXCELLENTISSIMO PRINCIPI
CAROLO
BARBERINO
VRBANI VIII.
PONTIFICIS FRATRI.

summo Rei militaris Præfecto.

TARQVINIVS GALLVTIVS F.

CVR hunc ego tibi librum inscribere decreuerim, nemo quæret qui eiusdem libri penitus argumentum inspexerit. Docet enim esse quædam nobis ingenerata natura virtutum semina, quæ si à prima excolantur ætate, viriditatem facile fundant, & maturo tempore frugem ferant: nihil adeò prius aut antiquius esse parentibus oportere, quàm vt probè liberos instituant, & inde vsque à teneris ad ea condocerant, quæ consecuturis vitæ posterioris annis iam grandes & firmiores sint peracturi. Vsu quippe, ac multorum exemplis intellectum est, ad virtutum summam peruenisse neminem, qui non puer aliquid magnum animo designasset. Id enim uerò me compulit, vt hæc Philosophi documenta meis utcunque litteris illustrata sub tuo apparere nomine rectè putarim. Debet enim prudentiæ, ac vigilantia tua Respub. plurimum

ob istas, quas ad communem omnium quietem excubias agis: sed nescio quid immensum atque infinitum est quod tibi se debere profiteretur ob institutionem liberorum egregiam, quos à te cunctis virtutibus informatos accepit, non tam auctoritate Præsides ad imperium, quàm exemplo duces ad probitatem. Ambigunt Sapientes, & differendo perquirunt, an beatitudo mortalium ipsos etiam sequatur defunctos, nec supremo finiatur interitu. Pendet adhuc sub iudice quaestio, sed decidetur à te; quem omnes non modo nunc viventem florentemque beatum perhibent, verum etiam posthac, ubi vita longissimè peracta decesseris, beatissimum prædicabunt. Viues nimirum tu expleta quoque mortalitate, viues in indole filiorum, quos ad orbis terrarum felicitatem educaisti: nec eos quisquam aspiciet in theatro virtutis agentes, qui tibi quasi viventi præsentique non gratias acturus sit, & gratulaturus ex animo, quòd in tribus liberis optimis, & integerrimis eximium tui simulacrum proposueris omnibus ad imitandum. V A L E.



I N.
ARISTOTELIS
LIBRVM SECVNDVM
DE MORIBVS
AD NICOMACHVM
ARGVMENTVM.

QUONIAM in primo libro inuestigata, & definita beatitudo sic est, ut in ea principatum obtinere Virtutem sic demonstratum, ad ipsius nunc definitionem Virtutis accingitur Aristoteles, ut paranda felicitatis via & ratio ipsis propemodum oculis obiciatur. Sed quia tradenda definitioni perutile futurum est, Virtutis ortum, causasque cognoscere, de his differere instituit, ostenditque primum, Virtutem non gigni natura, sed moribus vsuque, hoc est actionibus, atque assuetudine comparari. Quales autem actiones virtutis effectrices & parentes sint, qualesue illae, quibus eadem Virtus extinguatur & occidat, multis declarat. Quibus expositis, ad Virtutis definitionem accedit, genere primum peruestigato, quod habitus est; & differentia, qua ipsius est habitus medium, vel mediocritas in vnaquaque Virtute designata. Ad extremum de ipsa mediocritate inuenienda, & deprehendenda, quod est difficillimum, praecepta tradit, & explicat plurima.



CAPVT PRIMVM.
DE PROCREATIONE VIRTVTIS,
tum moralis, tum intellectiuae.

S V M M A.

Rationis, intelligentiaeque Virtutem doctrina; moralem vsu,
& consuetudine comparari.

DIVISIO CAPITIS IN PARTES TRES.

1. Duplex est Virtus, rationis una, appetitionis altera. Neutra indita nobis est, & insita natura.
2. Sed utraque certis quibusdam gignitur & corrumpitur ex causis.
3. Puerilis educatio habet ad virtutis paratum procreationemque momenti plurimum.

PARS PRIMA CAPITIS PRIMI.

Διτῆς δὲ τῆς ἀρετῆς οὐσῆς, τῆς ἰσῆς διανοητικῆς, τῆς δὲ ἠθικῆς. ἡ μὲν διανοητικὴ, τὸ πλεονεχὲς ἐκ διδασκαλίας ἔχει καὶ πλεονεχέει, καὶ πλεονεχέει. ὁ δὲ ἠθικὴ ἐμπειρίας διδύται, καὶ χρόνου. ἡ δὲ ἠθικὴ δὲ ἔθους ἀετρίε-ται, ὅταν καὶ βουλόμα ἔχη, μικρὸν ἀρεκκλῖναι ἀπὸ τῆς ἔθους. δὲ οὐ καὶ δελεῖν, ὅτι ἐνδεμῖα τῆς ἠθικῆς ἀρε-τῆς φύσις ἡμῖν ἐγγίνεται. ἐνδεμῖα γὰρ τῆς φύσις ὄντων, ἄλλως ἐκίττειται. οἷον ὁ λίθος φύσις κατέτω φερέμενος, ἐκὲν αὐτῷ ἐκίττειται ἀνω φέρεσθαι, οὐδὲ αὐτὸν μυ-ελῆς αὐτὸν ἐκίττει πρὸς αὐτὸν ῥιπῶν. ἐνδεμῖα πῦρ κατέτω, οὐδὲ ἄλλο ἐκίττει τῆς ἄλλως πεφυκῶν, ἄλλως αὐτὸν ἐκίττει. οὐτ' ἄρα φύσις, οὐτε πῶς φύσιν ἐγ-γίνονται αἱ ἀρεταί. ἀλλὰ πεφυκῶς μὲν ἡμῖν δεξασθαι αὐτὰς, πλεονεχέ-ιαι δὲ ἀπὸ τῆς ἔθους. ἐπὶ ὅσα μὲν φύ-σις ἡμῖν πῶς γίνεται, τὰς διωάμεις πύτων ἀπὸ πλεονεχέει καμῶμεθα, ὅτερον δὲ τὰς ἐνδεμῖας ἀποδίδομεν. ὅτερον ὅτι τῆς αἰσθητικῆς δελεῖν, οὐ γὰρ ἐκ τῆς πολλῆς ἰδεῖν, ἢ πολλῆς ἀκοῆς τὰς αἰσθητικῆς ἐκίττειν, ἀλλ' αἰσθητικῶς ἐκίττειν, οὐ γὰρ ἐκ τῆς ἐκίττειν. τὰς δὲ ἀρετὰς λαμβάνομεν, ἐνδεμῖα πλεονεχέει, ὅτερον καὶ ἐπὶ τῆς ἄλλων τεχνῶν. αὐτὰ γὰρ δεμ-γόντες ποιῶν, αὐτὰ ποιῶντες μαθη-τοῖς, οἷον οἰκοδομοῦντες οἰκοδομοὶ γί-νονται, καὶ καθαρίζοντες καθαρίζου-σιν, οἷον οἱ δὲ μὲν δίκτυα πλεονε-χόντες δίκτυοι γινόμεθα, τὰ δὲ σάφους οἱ σάφους, τὰ δὲ αἰσθητικῶς αἰ-σθητικοί.

Duplex autem, cum virtus sit, al-tera quidem intellectiva, altera ve-rò moralis, intellectiva sanè plurimum ex doctrina habet, & ortum & incre-mentum. Quapropter experientia indiget & tempore. Moralis autem ex consue-tudine progignitur: unde & nomen ha-buit, paululum deflexum à consuetudi-ne. Ex quo etiam perspicuum est, nullam moralium virtutum natura nobis inge-nerari. nihil enim eorum, quæ secundum naturam sunt, aliter assuescit. veluti la-pis, qui natura deorsum fertur, num-quam assuesceret sursum ferri; ne simil-ies quidem ipsum assuefaceret aliquis, sursum emittens: neque ignis deorsum, neque aliud eorum, quæ aliter natura se habent, aliter assuescere posset. Neque igitur natura, neque præter naturam in-generantur virtutes; sed natura quidem factis nobis ad ipsas suscipiendas, perfe-ctis autem redditis per consuetudinem. Præterea: quacumque natura nobis ad-ueniunt, eorum facultates prius accipi-mus, postea verò actiones edimus. quod in sensibus clarum est. Non enim ex eo, quod crebrò vidimus, aut quod sæpe au-diuius, sensus accepimus, sed contra, quod habemus, usi sumus, non quia usi sumus, habuimus. Virtutes autem acci-pimus operibus editis prius, ut etiam in aliis artibus. Quæ enim oportet, ubi di-dicerimus facere, ea facientes discimus: veluti domum edificantes domorum edi-ficatores fiunt, & citharam pulsantes ci-tharædi: ita etiam & iusta agentes iusti efficiuntur, temperata autem temperati, for-tia verò fortes.

EXPLANATIO.



HIC VIS continuatio libri cum superiore nota legenti sic est, ut multis explicari non debeat. Cur enim partitionem duplicis virtutis in extrema superioris parte idcirco tradiderit, quod Virtus in definitione felicitatis tamquam essentia ponatur, & primaria vis, videtur nunc, oportere de Virtute amplissime disputare: cum praesertim ipse pollicitus sit, definitionis se partes esse diligenter explanaturum. Aggreditur ergo de ipsa Virtute differere hoc libro, inquirens primò causas, à quibus utraque virtus emanet, deinde definitionem Virtutis assignans, ad extremum ipsam in suas species formasque Virtutem diuidens, ut singulae melius, faciliusque percipiantur: quod libri totius argumentum est. Itaque primum hoc caput ipsam continet inquisitionem causarum, è quibus existit & progignitur Virtus: diuiditurque in partes omnino tres. In quarum prima pronunciat Aristoteles quid de proposita questione decernendum sit, & rem argumentis explicare instituit. In secunda pergit suam declarare sententiam rationibus pluribus & amplioribus. In tertia præceptum tradit utile mortalium vitæ, quod ex iis quæ proposita fuerant, & disputata consequitur.

Prima ergo, quam habemus in manibus, hæc est pars, atque in hunc modum à nobis explanatur. Quoniam Virtus obtinet in felicitate principatum, quod in definitione positum est, sequitur, ut videamus, quibus ipsa virtus ex causis existat, ut intelligamus parabilis ne sit, & quam sit via & ratione parabilis. Sed virtutum genera sunt duo: vnum earum, quæ in ratione siue in intelligentia & cogitatione posita sunt, ac propterea Græcè dicuntur διανοητικῆς, intellectiuar, vel λογικῆς, rationales. Latinorum autem alij eas cogitationis & rationis virtutes appellant, alij Virtutes in ratione positas: quorum princeps est Cic. tum multis locis tum praesertim in Acad. 1. ubi partitione virtutis virtutem eadem atque ea, quam ponit hic Aristot. Alterum genus earum virtutum est, quæ ponuntur in appetitu & Græcè ἠθικῆς, Latine morales appellantur. Itaque inquirere utrarumque causas velle videtur Aristoteles atque inuestigare, quibus ex principis oriantur: sed tamen de iis, quæ in intelligendo tantummodo versantur, paucissima loquitur, & earum causam breuissime perstringit, in iis autem hæret, & de iis amplissime disputat, quæ morales nominantur. Causam eam esse puto: quod de rationis Virtute dicturus accuratè ac sedulo sit in lib. 6.

Satis igitur hic habet pronunciare: Virtutem, quæ in intelligentia & ratione posita est, magna ex parte à doctrina tum ortum, tum incrementum, atque accessiorem habere, quod notissimum est. Artes quippe, ac disciplinæ omnes discendo comparantur, & præeunte doctore. Neque verò sine summo consilio dixit, id ita fieri: à doctrina, magna ex parte, siue plurimum: sic enim accipiendum putat Ioan. Maior. τὸ πλεον: ut plurimum, aut plerumque. Quia nimirum non semper virtus rationis acquiritur doctrina, hoc est, discitur à docente, sed interdum inuentione propria comparatur, quod est perrarum: sed alij τὸ πλεον, dicunt esse magna ex parte: quia ut ait Gifan. cetera quoque adiumenta, & præsidia ad doctrinam oportet accedere: ut ingenij bonitatem, vsum, exercitationem, experimentum: quæ statim adiungit Aristot. affirmans, inde consequens esse, ut parari virtutes rationis, cogitationisque non queant nisi beneficio temporis & experimenti. διότι ἐμπειρίας δεῖται, & χρόνου. Cum enim quærant veritatem, quæ latet, alienis uti laboribus debent, & inuentis, magistrumque præeuntem adhibere, ac demum experimentis insistere, quæ postulant tempus diuturnum. Sed ut hæc probè intelligantur, necesse est singula particulatim explicare.

Doctrina, ut docet Acciaiol. est hoc loco non illa tantum institutio, quæ à docente proficiscitur, verum etiam ipsa ratiocinatio intelligentiæ, à principiis & causis exorsa, atque ad conclusiones & effectus vsque deueniens. Experimentum autem hic ex Linconien. apud Gualt. Burl. est propriarum actionum frequentatio & observatio alienarum. Itaque rectè dicitur hæc doctrina, quæ non est aliena tantum institutio, verum etiam propria ratiocinatio, postulare experimentum, hoc est, observationem alieni laboris & inuentionis, quæ sunt à docente, & propriarum actio-

num frequentationem, quæ in vſu & exercitatione poſita eſt. Quo ſit ad extremum, vt etiam tempus, iuſtumque ſpatium requiratur. quia quod experimento diſcitur, hoc eſt, frequentatione propriarum actionum & ratiocinationis vſu, ortum habet à ſenſu per vſum, per auditum, per ceteros. hoc autem experimentum capi non poteſt niſi beneficio temporis diuturni. Id nimirum illud eſt, quod docet Galen. diſciplinas, artesque duobus veluti cruribus inſiſtere *διδασκαλία*, & *ἐμπειρία*, doctrina, & experientia. doctrinam enim præceptoris institutionem intelligebat, experientiam proprium vſum, atque laborem. Idcirco nimirum exorſus eſt Hippocrates liberum illum nobilem eo procemio: Ars longa, experientia periculosa, iudicium diſficile. Sunt igitur tria, quæ virtutem rationis & intelligentiæ pariunt, natura, doctrina, vſus vel experimentum, ſiue exercitatio. Quamquam enim de natura nihil hic diſertè dicit Ariſtot. prætermittit tamen hoc tanquam exploratum ac certum, quia ſunt in nobis facultates & aptitudines ad virtutem etiam intellectus; nec poteſt ipſe id intellectiuis denegare virtutibus, quod poſtea concedet moralibus: ad quas facultatem nobis à natura datam eſſe confirmat. Ex his tribus, quid ſit quod habeat principem & maximam vim, quaſitur à multis, nec quicquam certi planè ſtatuitur. Sunt qui naturam, hoc eſt ingeniij celeritatem, memoriam, perſpicacitatem dominari in hoc genere putent, & plurimum in omnibus valere diſciplinis exiſtiment. quod de eloquentia dixit nominatim Quintil. naturam nimirum ſine doctrina multum ſanè poſſe: doctrinam ſine natura fruſtrà contendere. Neque enim terræ, quæ nullam habeat inſitam naturæ fertilitatem optimus agricola quicquam profuerit: aut imperitus agricola faciet, vt ex vberriſſimo ſolo nihil vtile naſcatur. Alij laudant plurimum experimentum, hoc eſt vſum, exercitationem, & aſſiduitatem, cuius vi omnia vinci negotia dicebat Menander. id quod appoſita, ſed vulgata ſimilitudine declarauit Galen. in lib. 3. de Crasibus.

Stillula mollis aqua, inquit, aſiduo lapidem cauat iſtu.

Quò pertinet id quod tradit Plinius de formicis: ſilices conſpici earum pedibus arctitas: idque grauiffimum eſſe argumentum quantam habeat vim aſſiduitas. Sed in ſingulis eſſe momenti plurimum docet egregiè apud Stob. Archytas his verbis: Vir prudens efficitur hoc modo. Si ingenio felici, memoria firma, diligentia multa præditus, ſtatim à puero rationibus & diſciplinis, contemplationum ſubtilitatibus, ſapientia rectæ det operam: idem in rebus humanis & diuinis experientia causa verſetur.

Hæc Ariſtoteles de Virtutibus Intelligentiæ pronuntiat: nec aliquid hoc loco præterea tradit, reliqua infra aliis libris, ac præſertim in ſexto traditurus. Itaque ſtatim delabitur ad Morales, quæ ſitz ſunt in appetitu. De quibus antequam explicemus, duo necesse eſt argumenta proponere, quibus hæc Ariſtotelis pronuntiata poſſunt oppugnari.

Primum eſt: In intelligentia gignuntur habitus aliqui nulla doctrina, aut experimento præeunte, ſed ſola natura. cuiuſmodi ſunt qui dicuntur habitus principiorum: ergo Virtutes rationis non ſunt omnes referendæ tamquam ad cauſas in doctrinam, exercitationem, vſum, atque experimentum. Huic argumento reſpondens Ioann. Maior. ait, habitum principiorum eſſe neceſſarium propter promptitudinem & facilitatem actus; hanc autem facilitatem & promptitudinem non eſſe naturaliter in intellectu. Quamquam enim intellectus proſitioni per ſe non diſſentire non poteſt, eique naturaliter aſſentitur, promptè tamen, & facile non aſſentitur niſi per habitum, doctrina, experimento, & exercitatione, vſuque comparatum.

Secundum: Tempus, corruptionis atque obliuionis causa & parens potiùs eſt eſt quàm procreationis alicuius ſcientiæ: ergo non verè dictum eſt, Virtutes Intellectus poſtulare neceſſariò temporis interuallum, cuius beneficio progignantur. Huic verò reſpondet Albert. tempus eatenus eſſe cauſam corruptionis & obliuionis, quatenus eſt numerus motus: facit enim, vt ea, quæ per certum motum enumerantur & diuiduntur, à ſe ipſis quodammodo diſſent & diſtrahantur. Sed ſi ſpectentur ea, quæ labente ſpatio temporis identidem emergunt, ait, tempus reſ gignere non corrumpere. At inter ea, quæ tempore fluente interim exiſtunt, numerari debet experimentum: quod eſt ſine dubio cauſa ſcientiæ ac Virtutis intellectiue: omnes enim præceptiones ex ſenſu, & experientia primùm natæ ſunt: experientia verò præceptiones ipſæ plurimum illuſtrantur in rebus ſingularibus, ac propterea iuſtum ſpatium tempus efflagitant.

Sequitur, ut videamus quid de Moralium procreatione virtutum doceat Aristoteles: quæ ab eo disputatio in hoc capite seponitur, & tanquam propria pertractatur. Ergo de his etiam planè pronunciat, Virtutes Morales insitas quidem nobis non esse natura; sed tamen non sine natura, vel præter naturam in nobis procreant. Inveniunt enim in nobis facultatem, proclivitatemque ad actiones honestas, quæ perficitur, excoliturque consuetudine ac more. Itaque Morales Virtutes non tam doctrina, quam assuetudine comparantur.

Pronunciat autem hæc de Moralium causis Virtutum opinor aduersus Platonem, qui in Menone ait, Virtutes Morales neque doctrina, neque natura progigni, sed dari à Deo ac diuinitus inspirari. Omnia enim diuinitatis causa, quam exquirere Civilis philosophia non est, hoc tantum inuestigat, doctrinane, an natura, vsuque ipso & consuetudine generentur: profertque hoc loco sententiam suam, quæ in summa huiusmodi est; doctrinam & naturam aliquid ad generandas Virtutes Morales habere momenti, sed morem, consuetudinem, vsu, actiones ipsas & opera habere plurimum. Vult enim, natura nos aptos, atque accommodatos esse ad has percipiendas virtutes: quam naturæ facultatem & aptitudinem infra in lib. 6. cap. ult. virtutem naturalem appellat: ac de ea differit pluribus in lib. 7. Polit. & in lib. 10. horum Moral. cap. 8. vel 9. Doctrinam vero ait hoc efficere, ut actiones nostras, animique opera dirigat, & quæ recta, prauaque sint ostendat; excitetque demum ad benè prudenterque viuendum. Quæ duo adiumenta, & præsidia cum sint exigua, in tertio, hoc est, in consuetudine vsuque summam positam esse contendit. Ceterum non Plato solum hoc Aristotelis pronunciato refellitur, verum etiam Stoici, qui, ut est apud Cic. in 1. Acad. & apud Plutar. in libello de Virtute Morali, Virtutes omnes in parte animi ratione prædita ponebant, easque scientias dicebant esse. Quorum adprobans opinionem Cicero in lib. 3. offic. Temperantiam dixit esse scientiam. Parari autem, & progigni dicebant Stoici Virtutes partim natura, partim doctrina & vsu. Sed cum naturam faciebant parentem, causamque Virtutis, longe alio modo faciebant, quam fecerit hic Aristoteles. Volebant enim esse in nobis non modò facultatem virtutis capellende, sed ipsa quoque Virtutum semina, igniculos & scintillas, quæ in Tuscul. 3. lumina naturæ vocat Cic. Græci *ἡθικὰ ἰσχυρία* appellant, hoc est, communes notitias, aut notiones. Quæ cum dicerent, affirmabant profecto, in nobis esse natura aliquid virtutis, hoc est, Virtutes inchoatas & imperfectas. Virtus enim imperfecta substantialiter Virtus est. Id verò pugnat cum his, quæ docet Aristoteles: cum animo nostro neque artium, neque virtutum semina, & inchoationes ullas esse putet, sed ad illas proclivitatem solum & earundem capellendarum facultatem. Itaque in libris de Anima, cereæ, vel putæ chartæ comparat animum nostrum, nec in eo impressum esse vult aliquid, aut inscriptum, præter τὸ πρὸς, hoc est facultatem, proclivitatemque naturalem ad Virtutes nostræ ipsorum conditioni aptas & congruentes.

Posset quidem hic aliqua esse de nomine quaestio; si vellet aliquis appellare semen virtutis, aut inchoatam virtutem illam facultatem, & proclivitatem naturæ, quam in nobis esse ait Aristoteles: sed de nomine ipso haud est admodum laborandum, modo maneat id quod est apud eundem Aristot. in nobis nihil esse connatum, ingentumque Virtutis substantialis, neque ullam nobis insitam natura virtutem quoad substantiam: sed quoad potentiam tantum & aptitudinem, esse.

His ita pronuntiatis, aggreditur argumentis & rationibus demonstrare, Virtutes non ingenerari natura, sed assuetudine comparari, & cellatione corrumpi, atque interire.

Prima ducitur ab Etymologia: quæ percipi planè non potest nisi antè videamus quid differat apud Græcos ἡθικὸν ab ἰσχυρὸν. Vtrumque enim vocabulum exprimit morem, sed cum aliquo discrimine ac differentia. Declarat hoc nobis dilucidè Plutar. in lib. de Virtute Morali his verbis. ἡθικὸν est ποιότης, hoc est, qualitas ex ἰσχύος comparata: significat quippe nomen ἡθικὸν exprimere morem illum hærentem nobis in animo quem habitum dicimus, nomen ἰσχυρὸν assuetudinem, vsu, exercitationem, à qua mos ille habitusque profectus est. Est igitur argumentatio hæc Aristotelis ab Etymologia petita huiusmodi. Virtus Moralis dicitur ἡθικὴ ab ἡθικῷ, hoc est, à consuetudine, vsuque: ὁργανὸν vsu & consuetudine comparatur. Non enim tanta esset horum nominum similitudo, neque tam parua deflexione virtutis Ethicæ nomen

corruatum esset ab assuetudine, nisi ab eadem virtus ipsa progigneretur. Quare hic Eustratius, siue Aspalus (incertum est enim cuiusnam ex his duobus libri secundum sit interpretatio) quaerit, inquam, num differat assuetudo ab experimento, quod supra voluit esse causam Virtutum intelligentiae, & rationis. Respondetque experimentum gigni compararique ex actionibus aliorum: assuetudinem constare ex propriis: id quod explicat hac duplici similitudine Peregrinus: Si multorum tractata valetudine deprehendisti, eos qui sanguinem vomunt, paulatim deficere, & animam ad extremum emittere cum sanguine, experimentum tibi, non consuetudinem comparasti. Si autem paulatim rebus terribilibus oblitens, praesentem animum & fidem in periculis reddidisti, consuetudinem magis es quam experimentum adeptus. Vel si eos qui gymnasticam exercent frequenter intuens, didicisti, laborem, exercitationemque tueri valetudinem, & corporis firmitatem augere, experimentum habes: sed si tute exerceas, habebis praeterea consuetudinem, usumque gymnasticæ. Quibus expostitis, aliud discrimen adiungit de suo: huiusmodi experientia, inquit, unico tantum actu parari potest; ut si videas ferrum à magnete pertrahi: consuetudo verò pluribus actionibus constat & comparatur. Experientia dirigitur ad pernoscentiam veritatem, consuetudo ad agendum ex animo & cum facilitate valet plurimum. Secunda ratio demonstrat, Virtutes non gigni, aut inferi natura: petiturque à repugnantibus hoc modo. Quæ natura constant & sunt, aliter assuescere nequeunt, quemadmodum in igne cernere licet & lapide: quorum ille nulla unquam vi deorsum descendere, hic nullis omnino iactibus ascendere sursum assuescet. At virtus aliter assuescere potest, & facile mutari. Videmus enim saepe homines ex bonis & virtute praeditis fieri malos & vitiosos: ergo Virtus non est à natura, nec natura gignitur, sed consuetudine comparatur. Tractat hoc idem argumentum Plato in Protagora, contendens, Virtutem Moralem improba doctrina, prauisque tolli actionibus posse; naturam autem ipsam adimi unquam, extirparique non posse. Tertia Ratio ab exemplo profertur. In us omnibus, inquit, quæ natura nobis insita sunt, semper facultas antecedit actiones: hoc est, prius debet esse potentia, quam actio: quod cernere licet in sensibus nobis à natura datis, in quorum singulis facultate praecedere videmus actionem: prius enim datur nobis videndi facultas, quam videamus, ex eo quod videamus, gignitur in nobis illa videndi vis, sed ex eo, quod illa praedita vi cernendi sumus, videmus ea, quæ oculis obiciuntur: id quod de ipsa etiam dici intelligentia potest, quæ cum natura nobis insit, omnes antecedit intellectus actiones: non enim quia cogitamus, gignitur in nobis intelligentia, sed quia intelligendi & cogitandi facultate sumus instructi, cogitamus. Quid multa? in equo celeritas inest natura: quam profectò non est assecutus currendo, sed quia praeditus celeritate est, currit. At Virtus Moralis, quæ agendi facultas, & potentia est, non inest prius nobis, quam actiones proferamus: paratur enim, & gignitur ex actionibus frequentatis, eo planè modo, quo artes ipsæ discuntur & comparantur agendo: cuiusmodi est ædificandi artificium, & pulsandarum fidium calliditas, atque peritia. Quis enim illud nisi ædificando, quis hanc nisi pulsandis fidibus didicit, aut assecutus est unquam? Ergo nulla virtus Moralis est nobis indita, insitaque natura, sed exercitatione, usu, assuetudine demum acquiritur & tenetur. Neque enim temperatus quispiam nisi temperatè, aut fortis, nisi fortiter agendo effici potest. Antecedit igitur actio facultatem, habitumque virtutis, ac propterea virtus ipsa non est nobis innata. Iubet hic Eustratius animadvertere nos unum, quod praetereundum non est. Aristotelem hic, cum dicit in iis, quæ sunt à natura potentias antecedere semper actiones, potentiae nomine intelligi vel le habitus, non aptitudines ipsas: has enim paulo antè dixit in nobis ingenerari natura: cum nati verè ac facti ad virtutem simus. Itaque actionum honestarum remota potentia dici naturalis potest, proxima, quæ habitus est non naturalis dici debet, sed assuetudine parata.

PARS SECVNDA CAPITIS PRIMI.

MΑΡΤΥΡΕΙ Δὲ τὸ γινώσκον ἐν ταῖς πόλεσιν, οἱ γὰρ ἰσομετέται τοὺς πολῖτας ἐδίδουσαν, ποιοῦσιν ἀγαθοὺς. καὶ τὸ

TEstatur hoc autem id etiam quod fit in ciuitatibus, legistatores enim ciues assuescentes efficiunt bonos. Ac

profus est ratio, & quemadmodum vna se habet, sic se habet & altera. Sed ars gignitur ex actionibus bonis, hoc est, ipsi consentaneis arti; corrumpiturque contrariis, ergo etiam Virtus oritur ex operibus bonis, interit & deletur ex prauis. Quod si artes, inquit, non pararentur ex bonis artique congruentibus actionibus, non indigeremus aliquo docente, sed omnes, boni, malive artifices nasceremur: quia verò parantur & generantur ex actionibus idoneis, magistrum docentem requirimus, ac dirigentem. Id autem etiam de Virtute putandum & dicendum est: quæ quoniam ex bonis & probis nascitur operibus, assuetudinem, vsum, exercitationem, frequentationem, magistrum etiam præeuntem, & dirigentem efflagitat. In summa quemadmodum nulla est ars, quæ compareretur alio modo, quàm per opera ipsi arti congruentia: sic nulla virtus est, quæ aliis paretur præsidus, quàm operibus ipsi similibus habitui, ac Virtuti. Quod exemplo multarum Virtutum docet Aristot. Iustitiæ, fortitudinis, temperantiæ, quæ planissima sunt.

PARS TERTIA CAPITIS PRIMI.

Δ Ἰὸ δὲ τὰς εἰρηρίας ποίας ἀπο-
 ἡδύται. καὶ γὰρ τὰς τοῦτων ἀγα-
 φορὰς ἀκολουθοῦσιν αἱ ἐξ ἑσ. οὐ μικρὸν
 οὖν ἀγαφερὰ τὸ οὕτως, ἢ οὕτως αἰθερὺς
 εἰς νεῦν ἐπὶ ζεῖσθαι, ἀλλὰ πάνπολυ,
 μάλλοι δὲ τὸ πᾶν.

Quapropter oportet, actiones tales quasdam reddere. Pro harum enim differentiis sequuntur habitus. Non paruum igitur momentum est, utrum ita, an ita statim à pueris assuescamus; sed permultum, vel potius eorum.

EXPLANATIO.

D PLEX in hac extrema parte præceptum tradit ex iis exstans, quæ disputata iam sunt. Primum est: ut quoniam habitus, qui gignuntur in nobis, similes sunt actionibus, quibus fungimur, & differentias ab iis accipiunt varias, videamus etiam atque etiam, quo actionum humanarum genere nostrum nos animum exerceamus: ex improbis enim operibus gignitur vitium illis simile; ex bonis honestisque virtus generatur eisdem respondens & consensanea. Alterum est, ut quoniam assuetudine bona & frequentatione actionum honestarum acquiritur Virtus, à teneris adolescentes ac pueros actionibus honestis consuefacere aggrediamur: permultum enim interest, inquit, hoc an illo modo à pueris instituiamur. Immo verò non dubitat affirmare, omnia in hac assuetudine iuventutis, atque in ætatis primæ confirmatione posita esse: adeo, ut est apud Virg.

———— à senoris assuescere multum est

— à tenoris affuefcere multum eſt

Nec sine summo consilio monet Horat. epist. 2. lib. 1.

—Nunc adhibe puro

Pectore verba puer. nunc te melioribus offer.

Quo semel est imbuta recens servabit odorem

Testa din.

Quin Seneca lib. 5. de benef. omni lege valentiorum aut consuetudinem esse. Illustrant hunc locum ea, quæ sunt apud Cic. in Tuscul. de Spartanis pueris, Virginibus Lacænis, militibus Romanorum in hunc modum exposita: Itaque illi qui Græciæ formam Rerum publicarum dederunt, corpora iuuenum firmari labore voluerunt: quod Spartiatæ etiam in feminas transtulerunt, quæ ceteris in urbibus mollissimo cultu parietum umbris oculosunt: illi autem voluerunt nihil horum simile esse apud Lacænas virgines: quibus magis palæstra, Eurotas, sol, pulvis, labor, militia in studio est, quàm fertilitas barbara. Ergo his laboriosis exercitiis & dolor intercurrit nonnunquam: impelluntur, feriuntur, abiciuntur, cadunt: & ipse labor quasi callum quoddam obducit dolori. Nostri exercitus primum unde nomen habeant vides: deinde qui labor, quantus agminis: ferre plus dimidiati mensis cibaria; ferre si quid ad usum velint; ferre vallum. nam scutum, gladium, galeam in onere nostri milites non plus numerant, quàm humeros, laceratos, manus: arma enim membra militis esse dicunt, quæ quidem ita geruntur aptè, ut si usus foret, abiectis oneribus, expeditis armis, ut membris pugnare possint, &c. Sed de educatione puerorum tam multa disputabimus infra, ut nihil huc dicere necesse

cesse sit, nisi quod est apud Claud. inter ea monita quæ tradit Honorio puero Theodosius parens. Docet enim quibus ætas tenera institui possit artibus & exemplis.

*Interea Musis, animum dum mollior, infles.
Et quæ mox imitare legas. nec desinat unquam
Tecum Græcia loqui, tecum Romana vetustas.
Antiquos evolue duces: assuesce futura
Militia. Latium retro te confer in ævum.
Libertas quasita placet? mirabere Brutum.
Perfidiam damnas? Metij satiabere pennis.
Triste rigor nimis? Torquati respice mores.
Mors impensa bonum? Decios venerare ruentes:
Vel solus quid foris agat, te ponte soluto
Oppositus Cocles, Mutij te flamma docebit.
Quid mora perficiat, Fabius, quid rebus in artibus
Dux gerat, ostendat Gallorum strage Camillus.
Prorogat æternam feritas tibi Punica sanam
Regule. successus superant adversa Catonis.
Discitur in quantum paupertas sobria possit.
Pauper erat Carius Reges cum vinceret armis.
Pauper Fabritius, &c.*

EPILOGVS.

1. Rationis, atque intelligentiæ virtus ex doctrina potissimum gignitur, ac propterea tempus experimentumque desiderat.
2. Nulla virtutum moralium nobis naturaliter inest: sed assuetudine comparatur.
3. Assuetudo hæc in bonarum actionum frequentatione consistit, ex quibus sic ipsa nascitur Virtus, quemadmodum interit & corrumpitur ex contrariis.
4. Quo fit, ut si virtutem adipisci velimus, videamus necesse sit, & quibusnam actionibus à pueris assuescamus, & quibus iam exerceamur adulti; in institutione quippe puerili momenti permultum est positum.



IN CAPVT PRIMVM,

QVÆSTIO PRIMA.

An Virtus insita nobis sit à natura, quibusve gignatur ex causis.

N ILLI hic dicendum est de Theologicis Virtutibus, neque de moralibus illis, quæ dicuntur infusæ: causam enim habent naturali & humana potiore, inspiranturque diuinitus; nec Aristoteli cognitæ fuerunt, cuius philosophiam interpretamur.

Querimus id ergo de ceteris Virtutibus, quæ quoniam diuinæ non sunt, nec animi nostri vincunt facultatem ac vim vel à natura, vel ab alia eiusmodi causa, quæ sit in nobis, ducere videntur originem. Cuius rei peruelegandæ gratia,

Ponendum est primum, Philosophos veteres de virtutum origine id planè iudicasse, quod de formarum naturalium generatione sentirent. Sed de hac tres videmus eorum fuisse sententias, ut est apud D. Thomam pri-

ma 2. q. 83. art. 1. Quidam enim dixerunt, omnes formas naturales esse penitus in materia; sic prorsus, ut non verè proprièque producantur, sed existere potius incipiant, & apparere cum gigni dicuntur. Alij putarunt, easdem formas aduentitias prorsus esse, atque extrinsecus aduenire, ab aliqua nimirum, separatarum Mentium, quas Intelligentias dicimus generatas. Alij demum contendunt, quorum princeps est Aristot. formas naturales partim præesse, in potentia materiz quasi delitescentes, partim extrinsecus accedere, in lucem & actum ab ipso generante productas. Hæc, inquam, de naturalibus formis exultimarunt, dixeruntque Philosophi veteres, alij ad alios discrepantes: & quia virtutis haud diuersa ratio esse iis videbatur, eodem planè modo in virtutum etiam ipsarum procreatione philosophati sunt. Censue-

runt adeo Platonici, omnes omnino virtutes animæ insitas intus, naturæque inditas atque ingeneratas esse: sed tamen impediri grauitate corporis, quominus emergere foras possint, & in lucem actumque prodire. Alij, quorum auctoritatem secutus est Auicenna, putarunt, omnes virtutes extrinsecus accidere animæ, ab Intelligentia influente, atque inspirante procreatas. Fuerunt denique qui cum Aristotele auctore, ad duce docuerunt, quod verum est, Virtutes inesse nobis, & insitas esse natura secundum inchoationem & aptitudinem tantum: secundum perfectionem abolutionemque non inesse. Vt enim supra vidimus, ait in hoc capite disertissime, non habere nos virtutes ingenas, sed esse tamen idoneos, natos & factos ad percipiendas virtutes, ac propterea consuetudine perfici.

Ponendum secundo loco est, Aristotelem verè non dicere, in nobis esse virtutum inchoationes, semina, igniculos, scintillas, & primordia, sed aptitudinem tantum, capacitatem, proclinitatem ac facultatem: quia vult illud omnino nos intelligere; nihil virtutis quoad substantiam, essentiæque nobis inesse natura, sed potentiam tantum: inchoatio verò virtutis siue virtus inchoata, ignituli, scintillæ virtutum, ipsæ videntur esse virtutes secundum essentiæ, atque substantiam, sed imperfectæ. Nihil tamen huius video, vulgo hæc ab alijs vsurpari nomina, qui Aristotelem ipsum sequuntur, nec aliud eos significare velle, cum dicunt, in nobis esse inchoationes & quasi rudimenta, vel igniculos scintillasque virtutum, quam aptitudines & facultates. Itaque hæc nomina retinenda censeo, in primis quæ semen, & seminatum. Ipsum enim seminis nomen significat multo maxime potentiam illam, quam animæ nostræ vult esse natura inditam Aristoteli. Igniculi enim & scintillæ obtinent ignis essentiæ: itaque cum scilicet potius in quo abdita vis quædam & potentia scintillæ delitescit, quam cum igniculis & scintillis comparari hæc facultas virtutis, & aptitudo debet, de qua loquitur Aristoteles. Sed tamen, ut diximus, ab hisce nominibus & metaphoris abhorrendum non est, modo ad Aristotelis sententiam accommodatè intelligantur, atque ambigua distinguenda id animaduertatur: virtutem inchoatam & imperfectam sæpe apud morales philosophos esse semivirtutem, hoc est virtutem remissam quæ in incontinentibus est, & in iis, qui nondum apicem fastigiumque virtutis, hoc est, firmitudinem habitus assecuti sunt. In quam sententiam nullo modo hæc est intelligenda virtus, cum inchoata dicitur. est enim illa, ut diximus Virtus secundum substantiam iam producta, sed virtutis inchoatæ, imperfectæque nomine significatur virtus in semine, in aptitudine ac facultate.

Ponendum est tertio, aptitudinem hanc & facultatem duabus in rebus contineri, & spectari maxime: in proclinitate naturali ad bonum, & in cognitione primorum principio-

rum rerum agendarum item naturali. quæ dotes sunt à natura atque à Deo singulis attributæ, ac propterea dici possunt esse hominibus naturales secundum speciem, siue ex natura speciei. Sed quia ex ipsa etiam habitudine sui corporis, humorumque complexione quidam sunt magis minùs ad capeffendam virtutem accommodati, dici præterea potest hæc aptitudo siue capacitas naturalis esse ex natura ipsius hominis indiuidui, quemadmodum disputat D. Thom. loco laudato. Sit ergo Quæstionis propositæ

Prima conclusio. Virtus, propter eam, quam obtinemus ad bonum proclinitatem, cognitionemque principiorum, dici potest nobis innata, & nobis inesse natura velut in semine, in radice, ac stirpe, & quemadmodum aliqui loquuntur, inchoatiue. Id nimirum ipsa significant Aristotelis verba, quæ in hoc primo cap. sunt huiusmodi. Igitur neque natura, neque præter naturam virtutes à nobis acquiruntur: sed cum nati, factique ad ipsas suscipiendas natura sumus, consuetudine perficimur, & expolimur. Idem significat Aristoteli in lib. 6. horum moral. affirmans, singulis hominibus inesse mores natura, & omnes à natura id accepisse, ut quadam tenus iusti, fortes, & temperati sint. Nihil enim aliud sibi vult, nisi harum, aliarumque virtutum semina, primordia, facultates, nobis ingenerari natura. non autem virtutes secundum substantiam à quibus dicimur boni. Itaque natura non inchoat substantiam virtutis. Demonstrari præterea id potest ex illa similitudine à materia petita, formisque naturalibus, quam supra dicebamus in hoc genere placuisse Philosophis. Quemadmodum enim est in materia naturalis quædam formatum appetitio, cuius causa dicuntur formæ ipsi materię naturaliter inesse, tanquam in seminario, præuias quodammodo & præcursorias inchoatiue; sic etiam quia humano generi vniuerso, atque adeo singulis hominibus inest natura honestatis virtutisque, ad quam facti nati que sunt, appetitio, dici debet Virtus inchoata, siue in stirpe latens ac semine esse homini congenita & naturalis. Huc accedit ipsa principiorum moralium naturalis cognitio, quam vnicuique diximus innatam esse. Singuli enim inductione atque anticipatione naturæ sciunt, esse complectendam honestatem, vitæ turpitudinem auersandam. At ex his principiis velut ex seminibus aut fontibus subnascitur & existit Virtus. ergo propter aptitudinem hanc & proclinitatē dicenda virtus est nobis naturaliter inesse. Idque consentaneum esse sanctissimis religionis nostræ decretis, oraculisque docerem facile, nisi hoc doctrinæ genus permittendum aliis esset. Maneat ergo: causam virtutis aliquam & quidem non contemnendam, aut postremam esse referendam in naturam.

Secunda conclusio. Virtus, aliqua ex parte producitur à doctrina, hoc est per excitationem quandam atque incitamentum, aut quemadmodum aliqui dicunt, excitatiue ac

prouocatiue, quod ostenditur & probatur à Burid. hac ratione, quæ ad explicationem facili, ad perceptionem plana & euidentis est. Id quod docet, declaratque quàm magna ex virtutibus bona, quàm graua ex vitiis mala nascantur, quàm prope ad nostram ipsorum perfectionem virtutibus præcuntibus accedamus; quàm longe ab eadem, vitiis distrahentibus, recedamus, id, inquam, excitat nos, prouocatque ad persequendas accuratè virtutes. Sed doctrina moralis huiusmodi planè est, & hæc quæ diximus cumulatissimè præstat. ergo Virtus excitatiue gignitur, & producit etiam à doctrina.

Tertia conclusio. Virtus absoluta, siue secundum perfectionem, & sicut aliqui loquuntur perfectiue, non inest nobis natura, neque à doctrina producit, sed assuetudine, exercitatione, labore; ex actionibus demum & operibus generatur. Non esse nobis insitam, indicatque, constat primùm ex Aristotelis verbis supra prolatis, quibus planissime negat, Virtutem nobis ingenerari natura. Quod quia de inchoata Virtute, atque in stirpe condita dici non potest, vt in prima conclusione demonstratum est, dictum id esse oportet de Virtute secundum substantiam & perfectam. Constat deinde conclusio propterea quòd ea quæ innata sunt nobis, & congenita, omnibus omnino insunt hominibus. At Virtus perfecta & secundum substantiam non est in omnibus, sed tantùm capacitas & ad eam procliuas. Constat demum ex Aristotelis duabus rationibus; quarum prima ab experimento petita sic exponitur facile, si hoc anteponatur: Virtutem perfectam & iam productam esse habitum propensum ad rectè, faciliè iucundèque agendum in ea materia, quam propositam habet. Hoc enim posito, ita videtur esse Aristotelis ratio disponenda. Inductio, siue procliuas, quæ naturalis est, non solet illa consuetudine contraria vel opprimi, vel superari. Id quod cernere licet in lapide, qui nunquam ferri sursum assuescet, etiam si milies in sublime proniciatur: & in igne, qui nūquam assuescet deorsum descendere, quantumuis ab aliquo milies depellatur. Sed procliuas virtutum ad rectè, faciliè, iucundè agendum in sua materia peculiari, videmus alia quadam consuetudine, actionibusque cōtrariis opprimi sæpe ac vinci: quod si nobis ostendunt, quæ virtus insuescunt, vt virtus ipsis contrarias virtutes non iam amplius faciliè iucundèque possint exercere. Igitur eiusmodi procliuas, propensionèque, hoc est ipsæ virtutes, naturales non sunt.

Altera Aristotelis ratio ponit item tantum certum, virtutes siue virtutum habitus esse potentias quasdam ad agendum proximè animam instruentes. Tum ita probat non esse naturales nec insitas natura. In his, quæ naturaliter fiunt, antecedit actionem, opusque potentia proxima; quemadmodum fieri videmus in sensibus. sed actiones virtutum, ipsas antecedunt virtutes; quas videlicet gignunt. Ergo quæ fiunt à virtutibus, non fiunt naturaliter, hoc est, ab aliqua potentia insita &

nobis ingenerata. Atque ita demonstratum latius est, Virtutem secundum substantiam, siue secundum perfectionem, aut perfectiue à natura non promanare.

Sequitur vt ostendamus, non produci à doctrina, quod facillimum est. Videmus enim permultos, qui Ethicæ doctrinæ vim & præceptionem optimè tenent; nec vllas tamen obtinent virtutes, quarum beneficio rectè, honestè, cum iucunditate ac facilitate agant. Non igitur à doctrina gignitur Virtus. Supereslet, vt demonstraremus, assiduitate, atque operum frequentatione procreari virtutes. Sed de hoc, peculiari sepositaque postmodum disputatione differemus.

Quartæ, etique postrema conclusio. Nihil tamen minus etiam Virtus secundum substantiam & perfectiue dici posset in nobis gigni naturaliter duplici de causa & ratione. Prima est. Quia naturale sæpe opponitur violento: In quam sententiam cum accipitur naturale, dici sine dubio potest, Virtus etiam perfecta nobis esse naturalis, aut in nobis naturaliter generari, quia non est violenta. Secunda. Quia naturale nihil aliud interdum esse intelligitur, quàm id, quod alicui congruens, & conueniens est; contraque id non esse naturale, quod non est congruens. cuiusmodi sunt corporis prauiates, & animi vitia. In quam etiam sententiam perfecta Virtus dici naturalis potest. & in nobis produci naturaliter, hoc est, nostræ naturæ conditioni, que congruenter. Cum enim supra negatum est, gigni naturaliter, aut nobis inesse natura, naturale oppositum fuit non violento, aut dissentaneo & minimè congruenti, sed voluntario, & electiuo. si enim eo modo esset nobis naturalis virtus, non pararetur voluntarie neque per electionem, quod falsum est. Quæ conclusio sic explanata iugulat eorum opinionem, & argumenta, qui propterea formam ipsi ingentiam materię, & virtutes animæ innatas esse volebant, quòd nisi hoc modo se res haberet, esset materię forma, virtus animæ ipsi violenta. Potest enim aliquid, vt diximus, non esse innatum, & tamen non esse violentum, quia congruens & conueniens est. Nam sæpe etiam naturale opponitur aduentitio, diciturque id tantum esse naturale, quod substantiale est, id non esse naturale, quod aduentitium est, & extrinsecus accidit. & tamen hoc aduentitium & extrinsecus accidens non violentum, neque inconueniens aut dissentaneum est, sed maximè congruens, atque conueniens. Quamquam enim hoc quod accidit non est innatum, est tamè ad illud suscipiendum animo innata cecitas & facultas; quæ facit, vt quod aduenit, non violentum, aut dissentaneum, sed maximè congruens & consentaneum sit. Quod si dicas illud esse violentum, quod ab externo principio fit, nullam vim conferre passio, vt apud Aristot. est. Respondeo, in ipsa Virtutis procreatione passum conferre vim; quia facultatem, capacitatem, inclinationem, & procliuatem confert ad virtutem. Quo fit etiam, vt virtus educatur ex potentia materię.

ac propterea eius generatio non sit ea productio, quæ proprie creatio dicitur.

Vnum tamen hinc existere potest argumentum à Theologia petiitum, quod tamen prætermittere possemus, aliq; permittere, quæ admodum nos facturos initio polliciti sumus, subterfugiendum tamen haud est. Dicere quippe possit aliquis, ex his quæ posita sunt sequi, nullū esse discrimen inter morales virtutes, ac Theologicas, cum ad has etiam suscipiendas habitudinem, facultatēq; naturaliter habeamus. Idque demonstrari primò potest ex D. Thom. qui in p. 2. q. 113. artic. 10. disertè docet, rationalem animam naturaliter esse capacem gratiæ, & charitatis. Deinde ratione. Quia gratia & charitas, & dum producuntur, & dum conseruantur, pendunt ab anima: sunt enim qualitates & accidentia. quod autem est eiusmodi educitur à materiæ potētia naturali. Ergo hæc quoq; Theologicæ Virtutes quæ diuinitus inspirantur, dici propter habitudinem, & inchoationem possunt naturales.

Sed respondendum est, D. Thomam ibi loqui de potētia remotissima nec aliud sibi vello, quàm homini esse capacitatem gratiæ & charitatis, quia ut testatum accepimus in sacrorum literarum monumentis, ad imaginem ac similitudinem Dei conditoris expressus est: adeoq; capacitas illa hominī tantū ex omnibus animantibus inest. Dici etiam potest eundem D. Thomam his verbis significare, Deum rerum omnium auctorem procreatoremque, tam inde ab initio, rationis participem hominem eo consilio condidisse, ut eum ad superiores ordinē gratiæ sustolleret ac subleuaret. hunc autem ordinem appellari ab eo naturalem, quia naturæ humanæ fuit insitus ab exordio: deniq; haud absurdè confirmari hominem esse natura sua capacē gratiæ, ad eam quoq; præparatū atq; instruere credendo, diligendoq;. Hinc enim fit, ut infusio & collatio gratiæ dici non debeat miraculum, quemadmodum dicitur excitatio mortui: quam nimirum ipsa materia nihil adiuuat. Itaque naturalis aptitudo appellabitur, quatenus ad propriū miraculum non accedit. Hæc inquam esse potest illius interpretatio loci necessaria. nā alioquin idem S. Thom. in 1. 2. quæst. 63. artic. 1. ubi ea de re disserit accuratius, planissimè docet homini non esse naturalem aptitudinē ad gratiam, charitatem, ceterasq; Theologicas virtutes. loquimur enim ibi propriè, nec capacitatem tantū intelligit remotissimam, sed potentiam proximam: qualis homini ad morales virtutes capiendas est. Itaq; si loquendi formam illam impropiam sequi volumus, dicere possumus, illas Theologicas virtutes esse homini naturales, hoc est non violentas, non incongruas non dissimilatas; quia est in eo remotissima earū vicinā capacitas. quod tamen cum dicimus, multo magis impropiè loquimur, quàm cum dicimus, virtutes morales perfectas, esse eidem homini naturales. ad has enim habet potentiam proximam, non tantum remotissimam capacitatem.

Ratio verò quæ subiungitur ita obuellit potest, si dicamus, educi formam de potētia ma-

teric, non esse tantū à materia pendere, dum fit & conseruatur, sed incipere adu, & re ipsa esse in materia, cum prius in eiusdem materiæ potētia esset. Itaque non satis est, pendere formam à materia, dum fit, & conseruatur, sed oportet præterea, in materia naturalem esse potentiam ad eam formam. sed in anima non est propriè naturalis potētia ad gratiam Theologicasque virtutes.

Quid verò dicendum esset de innocentie statū num iustitia illa originis hæreditaria, translatitia, primigenia, ceteræque virtutes infusæ naturales non fuissent, quibus ornatus instructusque homo prodisset in lucem? Respondeo illas non futuras fuisse naturales, quia ex naturalibus principiis profectæ non essent, sed ex dono & beneficio Dei id quod etiam dici de amore Beatorū debet. ille quippe amor & charitas ex intuitu Dei necessario manat, non tamen est Beatis propriè naturalis, quia non à naturali principio nascitur, sed à lumine gloriæ.

Quæritur postea etiam de Virtutibus moralibus infusis num dici possint secundum inchoationem naturales. Sed responderi breuissimè debet, virtutes morales infusas differre genere ac specie ab his, quæ studio paræ sunt, & labore comparantur, ut docet S. Thō. in 1. 2. quæst. 63. artic. 4. Bonum enim infusarum diuina regula moderatur, bonum paritarum & quæsitarum moderatur humana, hoc est, lex recti iudicii & rationis. Ad hæc: habitus differunt inter se propter ea, ad quæ destinantur & diriguntur. Non enim est eadem valetudo equi, & hominis; quia variarum naturarum gratia sunt. Itaq; rectè dixit Arist. varias esse differentesq; Ciuū virtutes ex eo, quod, ad varias differētēq; politicas diriguntur. 3. politic. cap. 3. At beneficio virtutū infusarum ornantur homines & parantur in eam gratiā, ut sint Ciuēs sanctorū & domesticī Dei. quæ sitarū verò vi instruuntur in ea, ut sint Ciuēs homi Reip. humanæ. ergo differūt specie. Quæ cum ita sint, non potest homo naturalē propensionē & procliuatē sic ad virtutes infusas habere, quæ admodum habet ad eas, quæ nostro labore comparantur. Quapropter infusæ nō poterūt sic dici naturales secundum inclinationem & aptitudinem, quemadmodum ille dicuntur, quæ labore parantur & studio. Multa sunt argumenta præterea, quæ conātur ostendere, id quod naturale est aliter assuefieri posse, atq; adeo demoliri videtur Arist. illud fundamentum & rationē, quam nos explicauimus suprā: sed nihil agunt aduersum illud naturale, quod opponitur voluntario & electiuo, quodq; animalium est ratione præditorum. De hoc enim naturali loquebatur Arist. cū dixit, assuefcere aliter haud posse, quàm natura comparatū sit: ac propterea Virtutes non esse naturales, hoc est non ingenerari nobis sine voluntate atq; electione nostra. Quare, si quis dicat delectationes esse nobis innatas, ut dicitur in hoc lib. 2. ab Aristot. & tamen in his per temperantiam aliter nos assuefcere, nihil agit. quia in nobis est propensio quidem ad capiendas delectationes, vniuersè incito potiusque,

ut vitā conferuimus; quæ naturalis est & nullo modo quæsitæ per electionem; ideoque in ea non possumus aliter assuescere: Sed est præterea appetitio exuperantium immodicarumque voluptatū, quæ pendet ab electione. atque hæc non est naturalis, & in ea possumus aliter assuescere per temperantiam, & ad mediocritatem reuocare. Id quod etiam dicendum de animi perturbationibus omnibus est, in quibus assuescere possumus aliter, quia eas ad mediocritatem redigimus, cum vel nimis vel plus iusto remissæ sunt. Sed non possumus aliter assuescere, in radicibus & principiis earum permutandis, quia sunt naturales, hoc est sine electione insitæ. est enim apud Aristot. comparatio cum lapide, qui nunquam assuescit sursum euadere.

Similis responsio labefactat aliud argumentum, quod est huiusmodi. Quicquid inest homini ab eo quod est à natura, inest homini à natura. Virtutes insunt homini ab appetitu & ratione, qui sūt à natura, ergo virtutes insunt homini à natura. Concludit enim hæc ratio: Virtutes esse homini naturales, hoc est congruentes & minimè violentas, non autem naturales, ita ut citra omnē electionem innascantur homini, quā homo est. Itaque verè dicitur in prima propositione, id quod inest homini ab aliquo quod est à natura, esse à natura vel naturale: non tamen intelligendum est, eatenus esse naturale, quatenus opponitur electiuo & voluntario, sed quatenus opponitur violento.

Vltimum sic esse potest argumentum. Virtutes morales necessariæ sunt ad vltimum finem consequendum. Natura non deest in necessariis, ergo sunt naturales & à natura. Neque satis est dicere, Naturā suppeditare principia virtutum & virtutem inchoatam; quia natura non inchoat aliquid quod perficere non possit, ergo perficit virtutes quas inchoat. Respondeo; Naturam verè non deesse in necessariis, quia suppeditat omnia necessaria immediatè vel mediatè. Satis est enim si suppeditet principia quæ necessaria sunt immediatè, quibus intermediis potest homo sibi cetera comparare. idque facit cum dat inclinationem & inchoationem virtutis. Itaque debet perficere quæ inchoat eodem modo, vel mediatè, vel immediatè. satis est enim si perficiat mediatè, hoc est intermedio principio quod indicat. Illius enim seminis & propensionis beneficio virtutem ipsam per opera perficit.

QVÆSTIO SECVNDA.

An Virtus generetur ab assuetudine, atque ex actionibus frequentatis.

HÆc nimirum tertia est Virtutis gignendæ causæ tribus, quas assignat Aristot. assuetudo, exercitatio, siue actionum honestarum frequentatio. Sed tamen quærere libet, num verè virtus ex actionibus progignatur, quia nonnulli rem hanc aliter se habere ac sic,

ri, demonstrare conantur his argumentis. Primum quidem. Quia si Virtus ex operibus atque actionibus gignitur, gignitur ex his, quæ virtutem ipsam antecedunt, non enim ex consequentibus produci potest, qui manant ab ipsa virtute. sed actiones antecedentes non possunt parere virtutem; quia virtus est actionibus ipsam antecedentibus longe perfectior. idque constat ex eo, quod Virtus profert ex se actiones consequentes, quæ perfectiores, & præstantiores antecedentibus sunt. Cum autem id quod imperfectius & deterius est non possit gignere quod est excellentius atque perfectius, sit, ut actiones ipsam antecedentes Virtutem, generare ac producere Virtutem non queant. & quoniam fieri non potest, ut producat a consequentibus, relinquitur, à nullis actionibus generari. Deinde ratiocinantur hoc modo: Iustitia, ut hoc exempli causa dicatur, si ex operibus gignitur, ex iustis gignatur operibus necesse est. At opera non sunt, neque dicuntur iusta nisi à Iustitia, ergo prius est in animo iustitia, quàm opera iusta. Dicunt tertio loco: effectum ab iisdem causis habere firmitatē & bonitatem, à quibus desumit entitatem, ergo si virtus gignitur, hoc est, accipit entitatem ab actibus, ab iisdem firmitatem suam & bonitatem accipere debet. Sed firmitatem ab iis bonitatēque non accipit: non firmitatem: quia actus fluxi sunt, ac statim transiunt. non bonitatem: quia ab actibus homo non dicitur simpliciter bonus, sed à Virtute, ergo Virtus, ne entitatem quidem ab actibus accipit.

Similis est hæc disputatio illi, quam in prior libro tractauimus, cum quærebamus in Virtutē ne, an in Virtutis actione posita felicitas sit. Quare inde petendum erit, si quid hoc loco à nobis omittetur.

Animaduertendum tamen hic interea est primum, quæstionē inter morales philosophos esse non leuem: Vtrum actiones operæque virtutem antecedentia, & ea quæ ex eadem consequuntur virtute, sint eundem planè rationis ac speciei. Volunt enim aliqui, esse dissimilia, atque inter se differentia specie, his rationibus adducti. Prima, quia ex virtute, vel secundum virtutem agere, ac non agere secundum virtutem, non videtur esse idem specie, sed differre in genere moris. ante virtutem verò non agimus ex virtute. Secunda. Bonum & non bonum non possunt idem esse in genere moris. Sed opus consequens est bonum; antecedens non est bonum, ut intelligere licet ex Aristotele docente ac definiente, vnam esse Virtutem, quæ perficiat habentem, eiusque opus bonum reddat. Tertia, Effectus, quemadmodum à suis causis accipit esse, sic etiam differentiam mutuatur, & sumit à differentia causarum. Sed antecedentes actiones non manant ex eadem causa à qua manant consequentes. hæc quippe proficiuntur à virtute, à qua non oriuntur antecedentes, ergo differentiam sumunt à discrepantibus specie causis. Quarta. Finis specie differens ac varius in rebus præsertim moralibus facit, ut res ipsæ specie distinguantur. Sed finis ante-

cedentium operum specie differt à fine consequentium. Iustus enim & vniuersè qui virtute pollet; virtutis actionem ex se promittit virtutis & honestatis gratia: qui verò nondum iustitiam, vniuersèque nondum virtutis habitum obtinet, alia permotus ex causa honestè agit. Interdum enim id agit ingratum, hoc est inuitus coactusque, interdum captat gloriam & nominis famam: interdum actionibus honestis id præcauet tantum, ne suo ipsius exemplo alios in perniciem pertrahat.

Has, inquam, aliqui rationes proferunt, vt persuadeant, actiones virtutem antecedentes à consequentibus specie discrepare. Sed refelluntur ab aliis, qui de re melius sentiunt, & disputant his argumentis sapientius. Primum. Inter opera Virtutis, ac vitij nihil interiaceret: sic prorsus, vt quamlibet actionem, si per se spectetur, vel ad virtutem, vel ad vitium pertinere oporteat, nec aliquid esse tertium possit aut medium. Sed opera è quibus existit ac nascitur Virtus, non sunt opera vitij, neque ad vitium pertinent (neque enim Virtutem gignerent) ergo Virtutes sunt & pertinent ad virtutem, si per se spectentur, & non eatenus quatenus proficiuntur ab agente, qui Virtutis habitu minimè præditus sit. ergo quantum attinet ad vim infinitam actionis, in eadem specie moris collocari debet, in qua ponitur illa, quæ consequitur ex Virtute. Secundum: Opus temperati hominis & iusti eiusdem est speciei actionis, cuius est opus hominis qui nondum iustitiam obtinet & temperantiam, sed ad eas virtutes parandas iuste agit ac temperatè: quod discere etiam ex Arist. possumus in hoc ipso cap. 1. affirmante, iustum hominem & temperatum fieri ex actionibus iustis & temperatis, quæ profert ex se, vniuersèque Virtutem quamlibet gigni ex operibus Virtuti similibus. Actiones autem temperatæ, iustæ, similes denique Virtuti, sunt actiones tales, quales iustus temperatus, vniuersèque virtute præditus proferet, vbi virtutem erit consecutus. Ergo ex Aristot. antecedentes actiones & consequentes concordant, & specie cõueniunt inter se. Tertium: Actiones distinguuntur & differunt ex obiecto: sed verarumque obiectum est idem. Quartum: Opera consequentia nihil videntur amplius habere, quàm firmitudinem quamdam, constantiam & facilitatem in agendo: sed hæc faciunt, vt distinguantur, & differant inter se modo aliquo tantum, non forma, vel specie, de qua instituta quæstio est.

Rationibus autem aduersariorum facilè respondetur, sed tamen antè præponendum est vnum. Virtutem nimirum gigni ex actionibus & operibus honestis, nihil aliud esse, nisi gigni ex electionibus voluntatis ipsi rectè rationi respondentibus & consentaneis, quæ producuntur ab ingenta homini vi & potentia naturali: ex hoc enim capite ac fonte suam actiones & opera bona omnia contrahunt & mutuuntur bonitatem: sic, inquam, vt etiam actiones & opera consequentia ex virtute, bona propterea dicantur, quòd rectè rationi

sint consentanea. Quo fit, vt si substantiam ipsam actionis tantum intueamur, etiam nulla præcedente virtute, bene agere, bonique esse dici possimus. Itaque in genere moris actio antecedens à consequente specie differre non potest, cum ab eodem fonte veraque ducat bonitatem, hoc est, à recta ratione, cui nisi actiones à virtute profectæ consentaneæ essent, bonæ non dicerentur. Quicquid igitur addit virtus nihil aliud est, quàm modus, hoc est firmitudo, constantia, iucunditas in agendo. Ergo quod primo loco dicebant: agere ex virtute, & non agere ex virtute res esse, quæ differant inter se specie in genere moris, negandum est. Quia qui non agit ex habitu virtutis, sed tamen rationi congruenter agit, actionem profert ex se prorsus eandem specie secundum substantiam, & eam, quæ profertur ab homine habitu obtinente. Quod verò secundo dicunt: bonum & non bonum differre specie in genere moris, verum est: sed est falsum quod addunt, actiones antecedentes non esse bonas, neque bonum hominem reddere inchoatiuè & imperfectè. Id enim habet amplius virtus, vt hominem faciat perfectè bonum. Itaque tota bonitas non manat solum à virtute, sed etiam ab animæ facultate secundum rectam rationem agente: virtus quippe addit tantummodo perfectionem & firmitatem: eodem penè modò refellitur tertia Ratio: quæ ponit tanquam aliquid exploratum: consequentes actiones proficisci à causa, à qua non proficiuntur antecedentes: cum tamen id falsum sit. Ipsæ enim etiam consequentes manant ab animæ potentia & facultate tanquam à præcipua causa, à virtute tanquam ab ea, quæ minùs præcipua sit. Quod denum addunt de fine, nihil affert momenti: cum etiam ille, qui nullo instructus habitu virtutis agit, agere possit bono permotus & excitatus sine, adeoque ex ipsius amore virtutis, atque honestatis impulsus.

Animaduertendum secundo loco est: Cum quaerimus, An Virtus ex actionibus, operibusque generetur, huius quæstionis multiplex esse posse sententiam propter propositionem illam, Ex, quæ per magnam oppidum negotium facessit etiam physicis, cum de principiis disputant. Significat enim ea præpositio varias habitudines: interdum quidem causæ materialis: vt cum dicimus gladium ex ferro aut chalybe fieri: interdum oppositi termini: vt cum album dicitur euadere aliquid ex nigro: interdum causæ conficientis; vt cum ex conuictio dicitur orta pugna, & ex fabro gladius prodiiisse: interdum denique habitudinem actionis ipsius agentis seu motus ab agente prouenientis ad rem factam. Vt cum dicimus calorem ex calefactione produci. Quibus animaduersis, proposita quæstionis

Prima Conclusio sit. Virtutem produci, ac gigni ex actionibus, operibusque rectè rationi consentaneis, ipsique Virtuti respondentibus atque similibus. Docet hoc Aristoteles disertissimè, vt supra vidimus, ex simi-

licudine artium, his verbis: Virtutes accipimus ubi prius operati fuerimus: id quod etiam in aliis artibus vsu venit: quæ enim posteaquam didicerimus facere in singulis oportet, ea faciendo discimus: quemadmodum ergo adificatores edificando, cithara pulsanda citharædi efficiuntur: sic agentes iusta, iusti, agentes temperata, temperati, agentes fortia, fortes euadimus. Alia sunt apud eundem eo loco rationes à nobis explanatæ supra, quæque breuiter ad hanc rediguntur formam & rationem queunt.

Prima igitur Legislatoribus id vnum propositum est, ut bonos faciant Ciues suos: ita prorsus, ut hoc nomine bona Ciuitas à mala discrepet, quod illa bonos, beneque moratos, & virtute præditos efficit Ciues, hæc improbos & male moratos. Sed Legislatores conantur bonos efficere Ciues operibus bonis, & actionibus honestis idemque ac tubinde frequentatis. Ergo Virtus, operum vi, assuetudine, atque actionum frequentatione paratur: Secunda: Virtus gigni debet ex causis illis omnino contrariis, à quibus corrumpitur: sed corrumpitur actionibus improbis, ergo generatur ex actionibus bonis. Quam rationem sumpsit ab Arist. D. Thom. atque hoc modo tractauit. Bonum fortius est, efficaciusque quàm malum, ut Dionys. ait in cap. 4. de Diuin. Nom. sed ex actibus malis existit & gignitur habitus vitiorum. Ergo Virtutis habitus gigni debet ex bonis.

Secunda Conclusio. Non tamen ipsa Virtus producit, & fit ex actionibus eatenus, quatenus ea præpositio, ex, præfert habitudinem causæ materialis: quia materia, quæ propriè materia est, permanere debet in opere, nec transire: actiones autem transeunt, nec permanent in Virtute quæ gignitur. Nec eatenus, quatenus significat habitudinem oppositi termini: quia actio rationi consentanea non opponitur ipsi Virtuti, cui hoc ipso est consentanea, quod rationi consentiens est.

Tertia Conclusio. Relinquitur ergo, ut Virtus ex actionibus producat, eatenus, quatenus illa præpositio, ex, significat habitudinem instrumenti: Virtus enim producit ab animi potentia secundum rectam rationem agente, quæ potentia est efficiens principale, actus autem est Instrumentum: Grauißimas in hoc argumento Scholastici disputationes proponunt Durandum confutantes, qui putauit actus non efficere habitum, sed præparare potentiam; qua demum præparata, ipse fluat per emanationem habitus: & Buridanum, qui dixerit, actus non gignere habitum, sed esse viam quamdam, ac motum ad habitum. Quæ qui cognoscere velit accuratius, adeat Medin. in prima 2. q. 61. artic. 2. Vasq. disput. 79. cap. 9. in primisque Suar. in Meta. tom. 2. disp. 44. sect. 8. pagin. 464.

Nunc rationibus initio propositis est respondendum. Primam euertit Gualt. Burleus, docens, actiones, & opera non esse totam planè Virtutis gignendæ causam: sed accedere præterea oportere, immò verò prin-

cipem in Virtutis generatione locum habere rectam animi rationem ipsas actiones moderantem ac dirigentem. Ex eo enim, quod aliquis sæpè secundum rectam rationem actiones direxit & moderatus est suas, produxit in animo impressitque qualitatem illam, quæ dicitur Virtus, estque nihil aliud, quàm propensio quidam, appetitum impellens ad id, quod recta ratio prosequendum iudicauit. Itaque dandum non est, actionem præcedentem Virtutem moralem cum recta ratione coniunctam, totamque componentem causam idoneam gignendæ Virtuti, esse imperfectiorem ipsa Virtute: quia tamen per se imperfectior est, eo tamen ut dixi modo composita ipsam vincit perfectione virtutem. Quare concedi etiam pollet, actionem per se, hoc est, eatenus sumptam, quatenus est causæ pars, esse deteriolem: sed contendendum est, non esse abiurdum, causam aliquam quæ tota non sit, effectu suo longè deteriolem esse.

Secundum refellit Buridanus id monens; opera iusta vel temperata, &c. duplici modo esse accidentalia: vno quidem, quia ab eo profertur qui iustitiæ pollet, & temperantiæ habet: is enim propriè dicitur iuste, temperatèque agere: alio verò, quia eiusmodi opera quamquam ab habitu non promanant, sed ab animi potentia libera & à recta ratione dirigente, sunt tamen illis similia; quæ producuntur ab habitu. Ergo illa opera antecedentia iustitiæ, & temperantiæ, sunt iusta & temperata non primo, sed secundo modo: proficiunt enim ab eo, qui non pollet quidem habitu; sed potentiæ liberæ, rectæque rationis dirigentis beneficio, opera profertur illis similia, quæ profertur ab illo qui habitu præditus est. Hic nimirum reuocandum in memoriam est: actiones antecedentes habitum virtutis non distingui specie, sed tantum secundum modum ab iis, quæ habitum consequuntur. Itaque iuste agit etiam qui iustitiæ Virtutem nondum affectus est, quia profert actionem iustam & secundum substantiam eandem, atque illam, quæ profertur ex habitu: hæc enim nihil amplius habet, quàm facilitatem, cōstantiam, firmitudinem, iucunditatem, quæ sunt agendi quædam rationes, ac modi.

Vltimæ respondendum est: Virtutem ab actibus frequentatis tum firmitudinem tum bonitatem accipere, quarum alteram, hoc est, firmitatem continet actus potestate, quemadmodum aliæ causæ, quæ non semper actu continent quod produciunt; alteram, hoc est, bonitatem habent in se actu à ratione dirigente. Quamquam enim Virtus facit habentem simpliciter bonum, id est facile, constanter, iucundè agentem ac bene, nihilo tamen minus ipsa etiam facit actio habentem bonum, hoc est, si minus constanter, iucundè, facileque, rectè saltem agentem ac bene.

QVÆSTIO TERTIA.

An ad virtutem parandam necessaria sint actiones externæ.

HOc etiam quæsitum ab Ethicæ Dôctoribus diligenter est, Vtrum ex solis actionibus hærentibus in animo, nullisque prorsus accidentibus externis, gigni virtus in eodem animo possit. In superiore quippe disputatione nihil ea de re statutum est, sed tantummodo decretum vniuersè, Virtutes ex actionibus, operibusque progigni.

Video esse aliquos, qui putent, sine actionibus externis nullam existere, aut inolescere in animo posse rationem, habitumque Virtutis. Idque contendunt docuisse Aristotelem tribus in locis. Primò quidem cùm in hoc cap. 1. dixit, Virtutem haud aliter generari, quàm ipsa generetur & producaturs: sed artem sine actionibus externis adipiscitur nemo. Neque enim fieri citharædus poterit bonus, qui nunquam citharam pulset, sed rationem tantummodo pulsandæ citharæ commentetur, aut velit, optetque citharam ipsam pulsare. Quod pulcherrimè Imperator ille filio suo præcepta describens apud Claud. in Panegy. de iv. Honor. Consulatu his versibus expressit:

*Vile latens Virtus: quid enim submersa tenebris
Proderit, obscuro veluti sine remige puppis,
Vel lyra qua reticet, vel qui non tenditur arcus?*

Et profectò similitudine istâ ab artibus petita voluisse Aristotelem docere, non posse virtutem sine actionibus externis acquiri, licet ex eius verbis agnoscere, quæ tametsi in proximè superiori quæstione protulimus, non tamen grauabimur hic iterum inculcare. Virtutes, inquit, accipimus posteaquam fuerimus operati: quemadmodum etiam in aliis artibus: quæ enim vbi didicerimus facere oportet, ea faciendo addiscimus.

Secundus Aristotelis locus, vbi putant eum docuisse, non posse Virtutem sine actionum externarum frequentatione parari, est in sexto horum libro moralium. Nam sæpe in eo confirmat, prudentiam non posse à nobis sine multa, diuturnaque rerum experientia comparari. Experientia verò sine actionibus externis diu multumque frequentatis nulla est. Quemadmodum enim sine multorum operum externorum exercitatione, in quibus experimentum est, bonus quispiam fieri medicus nequaquam potest: sic nemo prudens efficietur vnquam, nisi actionibus externis exercitatus ad regendum, sanandumque virtutibus animum per experimentum reddatur idoneus.

Tertius Aristotelis locus est in hoc capite secundo, ac verbis illis adiunctus, quæ paulò antè laudauimus: sic enim explicare pergit ac dicere, Virtutem ex actionibus externis eo modo gigni, quemadmodum comparatur ars. Vt igitur ædificando ædificatores, pulsanda cithara citharædi efficiuntur: ita iu-

sta agentes iusti, agentes temperata temperati, agentes fortia fortes euadimus. Censet igitur Aristoteles, actiones externas esse producendæ virtuti necessarias: quippe qui compararet actiones, quibus paratur & gignitur Virtus cum iis, quibus citharædi aut ædificatores efficiuntur.

Hæc illi ex Aristotelis auctoritate sic disputant. Nos ab eodem alia omnia didicimus. Nam in horum libro Moral. 3. ait, Virtutes, & virtutes esse volutarias, atque in nostra sitas potestate: sed neque voluntariæ, neque in nostra manu positæ essent, nisi absque actionibus externis producerentur. Sæpe quippe ac facillè impeditur, quominus in externum actum prodeat & prorumpat voluntas: ac propterea non possit tunc parare virtutem, & quod inde consequens est, non esset virtus in animi potestate. Neque verò desunt rationes, quibus ita rem esse demonstrare possumus. Nam primò quidem actiones externæ obnoxie sunt & expositæ fortunæ temeritati: transeunt enim in bona vel mala externa, quæ sunt sine dubio subiecta fortunæ. Ergo si verè dicitur, Virtus non posse parari sine actionibus illis externis, virtus erit obnoxia & subiecta fortunæ; quod nemo concedet. Deinde certum est, inde generari Virtutem, vnde tota bonitas, quæ in ipsa Virtutis actione reperitur, emanat: sed tota illa bonitas corriuiatur in actionem virtutis ab actu intimo voluntatis, ergo ab actu intimo voluntatis virtus ipsa generatur. Corriuari autem omnem bonitatem in actionem externam à voluntate, vel ex eo constare potest, quod si homines duo, eandem, hoc est, specie similem ex se proferant actionem externam, quorum alter proba sit voluntate præditus, alter improba & mala, eius actio recta erit & bona, cuius recta & bona voluntas est, eius actio praua & mala, cuius voluntas est improba. His accedit Eultratiij ratio illi similis, quam primò loco posuimus; sed tamen alia ratione proposita. Vnicuique mortalium, inquit, volenti bonum, atque, vt oportet, secundum rationem agenti Virtus parabilis est; cuiusque possessio possibilis est, ac parata. Si quis autem impediatur, quominus promere possit actionem externam, habeatque nihilominus voluntatem rectam, atque ad agendum paratam, vult bonum & agit secundum rationem, quemadmodum oportet ac decet. Neque enim ea lex est homini data, vt eum agere oporteat quæ fieri non possunt. Igitur eiusmodi homo poterit Virtutem adipisci, ac possidere.

Hoc, inquam, nos ab Aristotele traditum contra putamus, quam illi contendant, qui eiusdem testimonio ad alia omnia decenda, vt supra diximus, abutuntur. Sed tamen quia illorum rationes atque argumenta vincunt aliquid, & id, quod nos ita pronunciamus vniuersè, postulat explanationes peculiare & proprias, quæ distinguant ambigua, & rem obcuram illustrent,

Animaduertendum primò est: nullo nos interdum impedimento teneri, quominus in actiones externas prodeamus quodammodo

foras: quod cum accedit, fieri non potest, ut virtutem sine actionibus ipsis externis adipsamur. Neque enim sine rectis electionibus voluntatis vlla generatur vnquam moralis Virtus. At electio voluntatis nunquam est aut dici recta potest, nisi se concitet ad actiones externas, ipsamque cum oportet, & licet oportet opus aggrediatur: semper autem oportet bonum opus aggredi, ac re ipsa persequi, si nihil nos impediatur quominus illud aggredi ac persequi possimus. Porro impedimentum iustum atque probabile tum esse intelligitur, cum aliqua naturæ necessitas, qualis est in somno cibove capiendi posita, vel aliqua, quæ desint instrumenta, & præsidia faciunt, ut externas virtutum actiones proferre, atque in apertum producere nulla nobis ratione fassit.

Animaduertendum secundo loco est, eum, qui paratam obtineat voluntatem agendi secundum aliquam virtutem, sed aliqua necessitate naturæ, aliòve impeditus incommodo, aut instrumentis præsidisque necessariis destitutus, actionem externam proferat nullam, cuiusmodi esset is, cui nullæ suppetere opes ad promendam liberalitatem, aut is, cui nihil occurrit terribile, aduersus quod excrenda fortitudo sit: hunc inquam hominem Virtutem quidem sibi posse imperfectam parare, perfectam consummatamque parare non posse. Nondum enim intelligitur esse contumacem virtutem quoad admittere potest actionem aliquam ampliore: idque planius ex contrario constat. Quantumvis enim aliquis velit scelus patrare, nisi patret re ipsa, imperfectum dicitur scelus. Quo loco monendum illud videtur, actiones externas vocari non eas solùm, quæ positivæ sunt, sed etiam eas, quæ sunt in negatione positivæ: qualis est abstinentia, temperantia, aliæque virtutes, quæ recessu quodam continentur & fuga.

Animaduertendum tertio loco est, non modo virtutes illas, quæ sunt in appetentis animæ facultate, sed aliquam etiam ex iis, quæ in intellectu actuoso & practico sunt, esse sine actionibus externis imperfectam. Huiusmodi nimirum prudentia est. Cum enim Prudentiæ partes sint, iudicare facile, expedireque de rebus omnibus agendis, hoc est, decernere de quibilibet rebus, quæ possint vnquam nobis ad agendum obici, atque proponi, ex utraque quæ bonæ, quæ malæ, quæ meliores, quæ deteriores sint intellegere, ac per electionem optare, sit, ut propter varietatem, difficultatem, obscuritatem rerum agendarum, nemo cum firmitudine atque constantia, & cum ea facilitate quam postulat habitus, iudicare de his sine longo ac diuturno experimento possit: experimentum autem absque multa externarum actionum exercitatione non capitur, nec comparatur. Itaque si desint actiones externæ, non poterit prudentia perfecta esse; cum desideret experimentum, quo maxime ipsa perficitur & excolitur. Quæ ratio probat etiam sine experimento & actionibus externis esse non posse perfectam virtutem: quia Virtutes sine

prudentia perfectæ non sunt: prudentia autem experientiam postulat.

Dico itaque nunc ad propositam controuersiam constituendam; Virtutem veram & secundum substantiam, prodnei sine actionibus externis haud dubiè posse, si desint externarum actionum exercendarum facultas: sed cuiusmodi virtutem minimè consummatam, sed imperfectam esse. Prima pars huiusce Conclusionis probata est & demonstrata rationibus supra positis, ubi dicta quædam Aristotelis explanauimus aduersus eos, qui testimonio etiam Aristotelis pugnant, ac dicunt, sine actionibus externis nullam parari posse Virtutem. Sed probari tamen amplius hoc modo potest: Habitus laudabilis, & reddens hominem simpliciter bonum, est sine dubio vera & secundum substantiam Virtus: id enim multis locis de Virtute pronunciat Aristot. Sed habitus ex solis actionibus in animo hærentibus manentibusque generatus, est laudabilis, & reddit hominem simpliciter bonum, ergo cuiusmodi habitus vera & secundum substantiam Virtus est. Esse autem cuiusmodi habitum laudabilem & simpliciter bonum ostendi propterea potest, quod ex laudabilibus actionibus est productus, & ex iis, quæ tamen si non faciant bonum hominem simpliciter, hoc est, agentem bene, cum firmitudine, constantia, incunctitate, faciunt tamen bonum simpliciter eatenus, quatenus simpliciter bonus est is, qui veram formalemque bonitatem habet, dum operatur. Ergo ex his actionibus existit habitus ipsis omnino similis, & quod inde sequitur, laudabilis, ac reddens hominem bonum; qui Virtus sine dubio est. Quare dictum rectè est, Virtutem expositam fortunæ non esse, & bonum esse posse hominem in quacumque fortuna.

Alteram partem explicauimus etiam aliquantulum supra in iis, quæ secundo loco diximus esse animaduertenda. Contendimus enim, virtutem non posse dici consummatam & perfectam, nisi gignatur ex actibus consummatiss, atque perfectis: consummati autem actus & perfecti nondum sunt, quoad facultas animi eos producat in potentia ad perfectiores: sed hoc loco his præterea rationibus eandem propositionem illustrabimus. Eiusmodi habitus, qui solis comparatur actionibus animo reconditis, externis autem & foras exeuntibus nullis, ab ipsa Virtutis perfectione abesse dicendus est ideo, quod ubi occurrent rationes variz, atque inter se pugnantes, quarum aliqua demonstrare videantur, opus vno modo, alio fieri debere, non poterit facile expedireque constituere ad iudicare quid sit optimum; nec partem eligere meliorem, quia caret experientia, quam postulat externum opus voluntati propositum ad agendum. At habitus non potest esse perfectus, nisi cum facilitate ac firmitudine possit promovere potiores & perfectissimos actus, qui ab eo manare ac proficisci denique possunt: huiusmodi verò sunt externi comparati cum habitu virtutis. Ad hæc. Tamen si talis habitus sine actionibus externis in animo ve-

rè gignitur, non tamen sine actionibus externis explorare possumus, & periculum facere, an verè nobis inhaereat: sæpè quippe putamus habere nos directam, emendatam, compositam, ad bene agendum voluntatem ubi difficultates & animi perturbationes nullæ sunt contra pugnantes, cum tamen debilis & pigra sit, ac minimè confirmata: quod ipsæ demonstrant difficultates. Itaque rectè Seneca, quem aliàs laudauimus, cum infelicem dixit, cui nihil vnquam euenit aduersi: non enim, inquit, licuit ei se experiri: gubernatorem in tempestate, in acie militem intelligas.

Rationes aduersariorum initio positæ videntur euerse iam esse. Nam primò quidem Aristot. rectè confirmat, sic produci virtutem, quemadmodum producitur ars perfecta. Vtraq; enim actiones postulat externas: non tamen negat, Virtutem imperfectam gigni posse eo modo, quo gignitur ars imperfecta. Vt enim imperfectè disceret artem aliquis qui generalia eius præcepta perciperet, nihil tamen ageret externum: ita qui virtutis præcepta calluit, & in actionibus animi totus hæret, Virtutem parat, sed imperfectam. Rectè quippe idem Claudian. qui omnia videtur in actionibus externis ponere, & veram virtutem velle similem esse lyra pulsatz ac remigibus in opere laborantibus, id adiungit, quod declarare possit, virtutem tamen harentem in animo hanc antecedere oportere, quæ in externis exercetur.

Hanc tamen haud quisquam qui non cognouerit ante

Semet, & incertos animi placauerit astus,

Inueniet, longis illuc ambagibus iter.

Quæ responsio refellit etiam quod dicitur tertio loco: pertinet enim illud ad Virtutem perfectam externis quoque se actionibus exercentem.

Quod verò dicitur de prudentia, supra iam explanatum est, & vltro concessum, line experimento non posse perfectam esse: hoc tamen haud facit, vt etiam concedere debeamus, ne imperfectam quidem esse posse.

QVÆSTIO QVARTA.

An vnico actu possit Virtus moralis aliquando comparari.

AMELIOREM hanc faciunt aliqui disputationem, vniuersè quærentes: Vtrum habitus pluribus necessariò producatur actionibus, an vna etiam produci & generari tantummodo queat. Nos, quia de virtute morali, quæ in appetitu est, nominatim disputamus, non de habitibus vniuersim, satis habebimus hoc initio significare breuissimè, quid de ceteris habitibus grauiissimi scriptores existiment vt reliquus disputationis cursus expeditissimus sit atque facillimus.

Quatuor ergo sunt quæ D. Thom. in prima 2. q. 57. art. 3. de ceterorum habituum varietate pronunciat. Primum est. Intellectum posse sibi vnico actu habitum scientiæ compa-

rare. Quia vnicus actus potest vincere, atque amoliri omnem difficultatem, quam offendit in intellectu: cuiusmodi est aliqua propositio per se nota, vel aliqua tam clara demonstratio, vt intelligentiam ad assentiendum sine formidine planè compellat: ex eo enim oritur multorum necessitas actuum, quòd multiplex difficultas, quæ reperitur in potentia, tolli vno tantum actu non possit. Itaque si vno tollitur omnis difficultas, vno gignitur & producitur habitus. Secundum est. Eundem tamen intellectum non posse vnico actu habitum opinionis adipisci. Quia vna ratio probabilis non potest potentiam intellectus euincere, ac totam amouere quam in ea inuenit assentiendi difficultatem. Itaque multis actibus opinionis, qui parum validi sunt, velut infirmis machinis est euerenda. Tertium. Ne in potentis quidem apprehensionis, hoc est in ea, quæ cogitat, in ea, quæ recordatur, in ea quæ imaginatur, posse gigni habitum ex vnico actu. Vfus enim harum potentiarum inuatur circumstantiis peculiaribus: & memoria ipsa nominatim meditatione confirmatur, vt Aristot. ait in lib. de memor. & reminiscen. Quartum. Quamquam habitus corporis propriè nulli sunt, sed dispositiones, cum omnis qualitas corporis sit facilè mobilis, habitus verò mobilis difficile, nihilo tamen minùs habitus ipsos corporis improprie dictos acquiri posse per vnum actum, si actius & magnæ potentisque virtutis sit. Fit enim sæpè, vt vnum tantummodo validum medicamentum valetudinem afferat: valetudo verò est habitus improprie, vt docet S. Thom. ex Aristot. hoc est dispositio. Hæc, inquam, de ceteris habitibus, qui extra ipsam appetentem animam sunt, docentur à D. Thom. & probantur à tota quam ducit familia. Fuere tamen alij, quibus hæc pronuntiata non omnino placerent. Aliqui enim dixerunt vniuersè, nullum habitum, neque in intellectu, neque in appetitu, neque in alia quacumque facultate hominis esse posse, qui vno tantum ex actu quantumvis efficaci generetur. Itaque frustra putant adhiberi partitionem illam, & discrimen poni aliquod inter habitum opinionis & scientiæ ceterosque, cum æquè omnes ex pluribus actibus producantur. Hos auctores probat ac sequitur Vasq. in prima 2. disp. 79. cap. 7. Alij contra contendunt item vniuersè, quemlibet cuiuscumque facultatis habitum vnico tantum actu posse comparari. Quæ sententia est Durand. in primo dist. 37. q. 8. ad 2. Scoti q. 3. Henrici quodlib. 5. q. 16. Gabrielis & aliorum Nominal. dist. 23. q. 1. dub. 4. Non est nobis id consilij, quod initio monuimus, vt de ceteris habitibus quicquam constituamus, cum de Virtute morali tantum differere decreuerimus: sed tamen, si mihi necessitas imponeretur ea de re decernendi, ac daretur optio, vt alterutram ex superioribus sententiis adprobarem, prioris sequeretur auctores, qui plures actus postulant: tum ob rationes, quas loco laudato profert Vasq. valentes ac firmas, tum quia vi-

detur ea sententia esse maximè Aristotelis consentanea. Nam in hoc cap. 1. libri 2. tam de habitibus intelligentiæ, ac rationis, quam de moralibus dicit eos acquiri beneficio temporis, assuetudinis, & experimenti: sic nimirum exorditur: Cùm duplex virtus sit; rationalis & moralis, rationalis à doctrina originem habet, & incrementum: quare experientia indiget & tempore: moralis verò ex more, id est, ex assuetudine comparatur. Verùm hac de re nihil planè statutum volo: cùm quod ad nos attinet, necesse non sit certi quicquam in hoc argumento proponere: & ij qui scientiæ habitum unico volunt actu produci, bonis idoneisque ducantur rationibus, acceptis à D. Thoma: qui putat vinci posse vnica demonstratione clarissima, vel aliqua propositione principiorum notissima quicquid est in intellectu difficultatis. Itaque de moralis Virtute, cuius causa disputamus, videndum est potius non modò quid alij senserint, sed quid nos ipsi auctores bonos secuti, constituere debeamus.

Sunt qui hoc etiam loco partitione utantur & distinctione, id admonentes; appetitum interdum occupari contrariis habitibus, interdum non occupari, sed liberum esse. Cùm contrarios habet, & repugnantes habitus, dicunt non posse vnico tantùm actu Virtutem admittere: cùm vnicus actus non sit satis accommodatus ac validus ad vincendum id quod repugnat & reluctatur. Cùm autem appetitus vitio liber & habitu virtuti contrario vacuus est, tum profectò affirmatè contendunt, posse vnico tantùm actu parari Virtutem. Sed

Dicendum sine dubio est, nullo modo posse moralis Virtutis habitum ab vnico tantùm actu generari, siue habitu vitij appetitus impediatur, siue vacuus sit; quod demonstrat egregiè ratio D. Thom. tradita in q. illa 51. artic. 2. quæ potest in hunc modum explicari: Habitus eatenus ab actu producitur & fit, quatenus passiva potentia ab activo aliquo principio mouetur. Non potest autem in passiva potentia generari qualitas vlla, nisi passivum principium ab activo superetur, & subigatur. Sed in habitus generatione à quo principio est ratio, quæ non potest vnico actu totam vincere passivam potentiam appetitus: cùm eiusmodi passiva potentiam multiplici sit affecta modo, vt vinci ac subigi vnico actu non queat. Est enim in voluntate maior indifferentia, quàm quæ vno vnici actu possit, atque ad vnâ partem applicari: quod in continentia, siue castitatis productione cernere possumus. Femina quippe, quæ ad turpiter agendum incitatur à voluntate, duci potest vel quæstu, vel voluptate, vel ingluvie, vel metu: quo sit, vt vnici actus possit quidem gulam vincere, non tamen formidinem, aut cupiditatem quæstus & voluptatis. ergo non inducet habitum, qui illis de rebus victoriam certissimam atque absolutissimam postulat. Sed in voluntate, inquit, nullus harum rerum fortasse habitus est. Respondet, esse propensionem

proximam, quæ facit, vt voluntas, quæ habitu liberata non est, faciliè incundèque ad ea, quæ diximus concitetur ac ruat. Itaque nullus contrarius habitus qui faciat, vt voluntas nullo rapiatur obiecto ad agendum turpiter & impudicè, sed incundè ac faciliè se contineat, generari potest donec illa propensio proxima est in voluntate. proximam autem dico; quia remotam etiam post habitum obtinet propter libertatem, quæ quolibet habitu munita, potest se tamen ad malum concitare. Cùm autem proximam appello, non intelligo voluntatem ita paratam ad agendum libidinosè, sicut est, cùm præterea ad naturalem cupiditatem accessit habitus. Ceterùm quamquam nullæ rationes hoc demonstrarent, ipsum satis ostenderet experimentum. Non enim sentimus esse nos idoneos ad agendum rectè, cum incunditate ac facilitate, nisi per frequentatos actus atque identidem iteratos.

Sed hinc existit rursus alia quæstio, quæ scriptores in diuersa distinxit. Vtrum Virtus ex pluribus actibus existat, vt efficiatur æque ex omnibus; an ex vno aliquo certo, velut ex ultimo, aliòve huiusmodi genere. Ex omnibus enim æquè produci, non videtur esse credibile; cùm actus plures non eliciantur simul: ex vno tantùm, hoc est, ex ultimo generari, nemo dicit eorum, qui contendunt, vnico actu non produci Virtutem: sequitur enim hinc, actus antegressos non generalisse Virtutem, ac propterea vnico tantùm actu genitam esse.

Igitur, vt Durandi prætermittatur opinio, qui putavit, etiam ex primo actu, qui potentiam præparavit generari virtutem, duæ sententiæ sunt, quæ rationem exponunt, & causam, cur ex pluribus actibus generetur Virtus. Prima est: Virtutem generari, efficique ab ultimo actu, reliquos antegressos præparare tantummodo potentiam ad productionem Virtutis secundum substantiam. Itaque putant hi, reliquos actus nihil habitus secundum substantiam producere, sed tantummodo præparare potentiam ad productionem. Quis autem sit ultimus ille actus, qui demum producit substantiam habitus, & quo tempore tandem habitus producat, ignorare is dicunt: sed tamen asserunt, habitum ipsum tum primùm produci, cùm est satis præparata potentia per idoneam exercitationem & frequentationem actuum, quorum ultimus videtur esse terminus exercitationis idoneæ. Dni Thomæ hæc opinio est, & familiar, vt docet Medin. in prima 2. q. 51. artic. 3.

Secunda sententia est: Primum actum, & omnes deinde consequentes, modò propositione respōdeant antecedentibus, neque illis remissiores sint, efficere aliquid in potentia permanenti, & paulatim ad habitus generationem perducens. Et quoniam id nihil est aliud, nisi aliquid habitus, & aliquis eius gradus; asserunt, etiam primum actum producere habitum secundum aliquem gradum: nullum tamen ex gradibus huiusmodi obij-

nere statum habitus, sed preparationis. Cum enim quilibet gradus sit facile mobilis, nec asserat inter agendum facilitatem, iucunditatemque, non potest habere statum habitus, qui difficile mobilis est: sed tamen quod attinet ad essentiam, est aliquid habitus. Quæ sententia quamquam videtur parum distare ab opinione Durandi, differt tamen haud medioeriter: quia Durandus ex primo actu putat existere habitus essentiam, per consequentes tantum augeri, adeoque videtur existimare per consequentes actus non produci partem aliquam habitus: hi verò contendunt quidem, ex primo actu generari partem habitus secundum essentiam atque substantiam, sed volunt tamen præterea per consequentes produci ceteras partes item secundum substantiam: quæ simul conspirantes totum efficiant habitum. Quin hoc etiam credit Durand. ut supra in alia quæst. diximus, actum non esse causam efficientem habitus, sed præparantem solum potentiam; ut per se proferat, & pariat habitum: hi verò dicunt, actum efficere propriè habitum. Est hæc sententia Gabrielis in 3. dist. 23. quæst. 1. art. 3. Henrici & aliorum Nominal. quos sequuntur noui scriptores graues ac docti. Suar. in tom. posteriore Meta. Disp. 43. sect. 9. & Gabri. Vasq. in prima 2. disp. 79. cap. 8. Et quoniam hos sequi libet auctores ac duces,

Dicendum secundò est, quemlibet actum producere partem aliquam & gradum habitus secundum substantiam, ac propterea qualitatis partem, quæ permaneat in potentia. Ratio est. Quia præcedentes actus nullo modo per se conferunt quidquam ad procreationem habitus, nisi aliquid ipsius producant: cito enim transeunt, nec in potentia permanent: id verò, quod iam non est, non potest ad effectum aliquem quicquam per se conferre.

Dicendum tamen est tertio: eam qualitatem, quam actus antegressi produciunt, non differre quidem essentialiter ab habitu, sed statum tamen habitus non habere, nisi cum radices altè sic egit, ut difficile possit amoueri, & facilitatem tribuat ad agendum. Habere verò radices altius positas, aut minus, ac propterea difficilius, aut facilius moueri, ac dare maiorem, aut minorem facilitatem ad agendum, non potest essentialiter differre, sed tantummodo accidentalem. Hæc etiam sententia videtur eadem planè atque, quam Thomistæ sequuntur; cum ipsi etiam dicant, priores actus esse preparationem potentie inductam ab actibus & permanentem. Sed multum oppidò ab ea differreprehenderetur, si teneamus; duplici modo posse nos existimare habitum produci post certum aliquem numerum actuum, qui aliquid permanens relinquunt in potentia: vno quidem, si id quod præuium est sit tantummodo preparatio quædam realiter & essentialiter ab habitu distincta: quæ disponat ita potentiam ad recipiendum habitum, ut illa adueniente, statim corrumptatur. Secundò: si qualitas illa præcedens prædisponat, ut ad-

ueniente habitu, non tollatur, sed permaneat, & habitum ipsum componat. Modum videlicet hunc posteriorem nos adprobamus, illi verò priorem; ac propterea permultum differimus ab his, cum hæc affirmamus. Quamquam in omnibus Thomistis eam esse opinionem docet Suar. & Diui Thomæ verba, quibus ad id confirmandum dicuntur, ait posse facile nostræ sententiæ subleuare:

Quibus ita constitutis nullo negotio quæ contra obiici solent refelluntur. Dicunt enim aliqui, Aristotelem velle ex pluribus actibus frequentatis oriri, produci quæ habitum: ex quo consequens sit, per primum actum, habitum secundum substantiam, non posse produci. Refellitur, inquam, hoc facile, quia non diximus, illud quidquid habitus est habere statum habitus, sed dispositionis. Aristoteles autem de habitu loquitur, qui statum habitus verissimum habet, cum ait, ex pluribus, & frequentatis actibus habitum effici. Dicunt alij, habitum scientiæ ex vno tantum actu generari, ac propterea etiam Virtutis habitum debere vno actu produci: sed respondendum est, adiuncta conditione hoc modo: Si verum est produci scientiam vno actu, id fieri propterea, quod omnis difficultas & repugnantia potentie intelligentis vincitur interdum propositione aliqua notissima principiorum, aut demonstratione clarissima; potentiam verò appetentem vinci vno actu non posse propter multiplicem difficultatem ac repugnantiam, ut declarauimus supra. Intellectus enim ante scientiam, tenebrarum tantum habet, hoc est, luminis priuationem, quæ non pugnare nisi priuationem; sed voluntas habet propensionem ad malum virtuti contrariam; & cum ea verè proprièque pugnantem. Huc accedit, quod cum ad malum virtuti contrarium multis inuitetur obiectis specie differentibus, vinci vno actu non potest, aut ad vnum determinari Virtutis habitum, quem producere volumus.

QVÆSTIO QVINTA.

Quid sit recta institutio, quàm utilis: quid emendes.

QUINTAM in huius primi Capitis extrema clausula ex his, quæ de quærenda per actuum frequentationem, usurpationemque virtute disputauerat, consequens esse dixit Aristoteles, referre plurimum quæ ratione à pueris instituti sumus, operæ pretium erit hæc de puerorum educatione differere pluribus, atque inuestigare quibus artibus, quòve studio sint à teneris imbuendi, qui parandis virtutibus idonei, & moderandæ reipublicæ futuri sint utiles.

Ponendum autem initio est, agere nos de Institutione puerorum vniuersè: quos nimium adultos vellet Aristoteles bene formatos accedere ad doctrinam morali philosophiæ. Quæ ideo præmonco; ut institutiones peculiare hinc subinocam, de quibus esse sermo

& disputatio posset. Commendat enim maxime Plato in 6. de legibus institutionem feminarum, atque, illa neglecta, multa subreperire in Rempublicam mala, quæ possent auerti. & Aristot. in 2. Polit. cap 7. amplissime demonstrat huius institutionis necessitatem. Sed eam tamen esse difficilem monet Plato ibidem. quia genus feminarum, ut loquitur ipse, natura occultum, & versutum est ac propterea minus accommodatum ordinationi, in qua posita institutio est. Quod declarauit etiam Lycurgus, qui Spartanos legibus munens, cum feminas institutioni subicere non potuisset, reliquit eas propemodum exleges. Magistratus enim, bellaque haud minus, quam viri tractabant; ludis exercebantur in palestra promiscue, nec vlllo discrimine distinguebantur à viris. quod canit Propter. in lib. 3.

Multa tuæ Sparte miramur intra palestra:

Sed, magæ virginis tot bona gymnasii.

Quod non infames exerceat corpore ludos

Inter luctantes nuda puella viros.

Puluerulentaque ad extremas istas femina metas,

Et patitur duro vulnere pancratio.

Est præterea Institutio propria principum, est nobilium puerorum, est aliorum. Sed quia generatim vniuersæque Aristoteles suos vult auditores optime institutos, vniuersæ quoque nos, generatimque de Iuuenum institutione disputamus.

Dico igitur primum, Institutionem vniuersæ nihil aliud esse, quam iuuentutis conformationem à recta ratione per assuetudinem, prudentiam, & opportuna præcepta manantem. quod in eam gratiam hic præmoneo, ut cum Institutionem vniuersæ dico, non eam significare videar, quæ comprehendit etiam eruditionem belluarum; sed quæ nominatim à ratione proficitur tam præcipiente, tum percipiente præcepta. Iumenta quippe, ac belluæ subiiciuntur quidem alienæ rationi, sed materialiter tantum, quia nulla præditæ ratione sunt, quamvis rationi etiam ipsæ pareant. Huiusmodi verò solus est homo, qui alienæ obedit rationi, & obtemperat suæ. Et quoniam ratio tum est perfecta, & accommodata præcepta tradit, cum informata prudentia est, ideoque institutionem non à ratione tantum oriri debere diximus, verum etiam à prudentia. ut vel hinc intelligamus, huius opus institutionis esse Politicum. Civilis enim disciplina rationem, modumque per prudentiam præscribit, quo iuuenes informantur.

Dico secundo loco: Institutionem iuuentutis ita fructuosam & utilem esse, ut leges quamvis probæ, recteque custoditæ, nisi Iuuenes instituuntur diligentissime, Aristotele ac Platone iudicibus sint inanes. Iure adeo Plutarch. libellum de liberis educandis accuratè conscripsit; & à Lacædemoniis præcipua, & propemodum omnis in liberorum institutione posita cura est. Quin apud multas Ciuitates atque Respub. certi quidam creabantur Magistratus, quibus recta iuuenum institutio demandaretur. Plato verò ipse pau-

lo post initium eius Dialogi, quem de Sapientia inscripsit, nihil esse ait prius, aut diuinius, de quo quisque consulere, ac laborare debeat, quam de sua, suorumque institutione præclara. Et quoniam ex oroni iuuenum numero nobiles & Principum filios, quibus est committenda publica omnium salus, informari diligentius, operæ pretium est, vnum etiam de Persis addamus, apud quos Regum filii, ut docet in Alcibiade primo Plato, à teneris quidem, & à prima pueritia incredibili quodam studio educabantur; sed cum ad annum quartum decimum peruenerant, tum verò Regiorum paedagogorum mittebantur curæ, qui ex omnibus legebantur Persarum ciuitatibus; & quatuor erant: vnus sapientissimus, alter iustissimus, tertius temperatissimus, quartus fortissimus. Primus Zornastri Magiam, qua diuinus apud eos continebatur cultus, Regios illos filios edocebat. Secundus monebat eosdem, ut in omni vitæ parte veraces essent. Tertius, ne vlla cupiditate superari se sinerent, essentque re ipsa Reges, hoc est, iis imperantes potissimum, quæ in ipsis atque intra ipsos reposuisset natura. Quartus eos reddebat impavidos, atque aduersus omnem casum imperterritos efficiebat, etiam atque etiam admonens, ne vniquam sua voluntate serui fierent, aliquid metuentes.

Sed ne rem exemplis tantum demonstrare velle videamur, ipsa etiam accedat ratio, quæ fidem faciat exemplis ampliorem, ostendatque perutilem, aut etiam necessariam esse iuuenum institutionem.

Prima est. Quia homo cum in hanc suscipitur lucem, non corpus modò, verum etiam animum gerit nudum. itaque is est, qui omnia quodammodo heri possit, & idoneus, ac commodatusque omnibus omnino recipiendis habitibus, sed ad malos tamen, & improbos est ex naturæ corruptela procliuor. Quo fit, ut sedulo cauere debeamus, ne vitium induat, & in ea prolatur mala, in quæ suo quasi pondere videtur incumbere. hoc autem cauere non possumus, nisi per institutionem, quæ periculum doceat, & pedem referre cogat, si tetigit leuiter præcipitem locum. Est enim homo Proteo similis, omnibus planè formis suscipiendis opportunus: & orbis hic tantus ac tam magnus terrarum videtur esse diuersorium Circeæ. Vita verò ipsa mare quoddam est impetuosum & Sirenium cantibus infestum. Idem terrarum orbis campus videtur, & arena fortunæ, cum qua dimicaturi descendimus, cum in vitam venimus. At sine institutione neque Virtutum suscipere formas possumus, neque propinantis poculum Circeæ aspernari, neque Sirenium insidias declinare, neque luctari cum aduersa fortuna, neque alia eiusmodi exhibere, probè animi experimenta, quæ doctrinam postulant, & primoris institutionem ætatis.

Secunda Ratio est. Quia ex primigenia culpa vitam ingredimur, atque in hanc lucem venimus serui quodammodo, & multiplici ratione captiui. Institutionis autem beneficio & vi reddimur liberi, dominique reddi-

mur nobis, reddimur nostri. quod imperium & possessio longe pulcherrima, omniumque maximè congruens & legitima est.

Tertia. Quia educatio & institutio utilis est etiam ratione carentibus feris. Quod declarauit Lycurgus ille Spartanorum legislator, geminos ex iisdem parentibus suscipiens catulos, quos haud similibus moribus educavit. Alterum enim helluonem, ut ait Plutar. luxuriæque solutum, alterum indagine sagacem & venationibus idoneum reddidit. Duos hosce deinde catulos Lacedæmonius spectantibus eduxit in medium. Sed cum ollam inibi leporémque coram eis posuisset, alter quidem in ollam, alter magno impetu erupit in leporē. Lacedæmonius autem quid sibi vellet Lycurgus nondum assequentibus, hi catuli, inquit, iisdem ambo parentibus orti sunt; sed longè vario educati modo. ad parandam nimirum virtutem incredibile quoddam est in consuetudine, ac doctrinæ institutione momentum. Huc pertinent quæ de elephantorum docilitate, atque institutione commemorat Plin. lib. 8. cap. 3. Tradit enim inter cetera, etiam per funes protensos ambulare solitos, haud minus, quam illi funambuli, quos hodièque spectamus. Quin apud Sueton. in Nerone notissimus eques Romanus elephantum super sedens per catadromum decurrere non dubitauit. Legèdus Brod. cap. 6. & 3. Huc pertinet etiā quod de Leonibus ait idem Plin. in cap. 16. Docet enim hos etiam institutionis beneficio mansuefactos, & sub iugum missos esse. Huc denique quod de anibus ac de aliis animantibus idem scribit in lib. 10. à cap. 41. significant enim hæc, institutionem longè maiorem hominibus utilitatem asserre, quando tantam affert etiam mutis animantibus, & belluis ratione carentibus.

Quarta. Quia quemadmodum frustra iaciuntur frugum semina, seruntur plantæ, si iam exortæ negligantur: sic frustra nasci viderentur homines, si relinquerentur expertes cultus, & omni profus institutionis cura deposita destituerentur. Rectè enim aiebat Socrates, oportere, vel non gignere filios, vel genitos sedulò ac diligenter educare.

Restat, ut videamus quid sit id, quod institutione corrigitur. A gel. Rom. in lib. 2. regim. Princ. par. 2. cap. 16. hoc de argumento disputat, à quo paucula delibabimus. Triasunt, quæ informari recta institutione debeant in iuuentute: corpus, appetitus, ratio. Ratio quidem, quia dux imperans est: appetitus, quia exequitur & facit imperata: corpus; quia instrumentum est, quo exequi solet appetitus ea, quæ iubentur ab imperante ratione. Horum autem omnium institutio petitur à natura, ab arte, à consuetudine, à disciplina. Corpus enim à natura quidem procreatur, informaturque; sed ab arte res, quæ pertinent ad corpus emendantur, & perficiuntur variæ. Nam primò quidem ipsa curanda filiorum procreatio est, & videndum, ut ex præclaro nobilique semine, & idoneo connubio soboles generosa nascatur. Quæ ubi producta in lucem fuerit, dili-

genter erit educanda, & assuefacienda voce, motu, cibo, aëre ipso, ceterisque huiusmodi rebus sic opportunis, & bonis, ut corpus adolescat virtutibus & probis moribus aptissimum. Quamquam enim mores haud necessariò corporis temperamentum sequuntur, sæpius tamen temperaturæ respondent, & sine illa perfectionem assequi cumulatè non possunt. Accedant deinde necesse est exercitationes Gymnasticæ, quarum principes sunt lucta, atque saltatio, ut in 7. de legibus docuit Plato. Accedant ludi aliqui liberales & ingenuis adolescentibus digni, in primisque pila, à Galeno maximopere commendata. Accedat venatio quadrupedum animantium, aucupium, natatio, ipsa etiam piscatio, sed parèe. habet enim vel nihil, vel perparum exercitationis ingenue ac liberalis, ut nos docuit Plato. His ergo studiis ita paratur corpus, ut facillimè promptissimèque ad Virtutum obeunda munera præstò sit.

Appetitus eo corrigendus & formandus accuratius est, quo propinquius ad agendum adhibetur. Hunc igitur, quoniam in vitia propendet & voluptatem, institutione coercere oportet ac moderari, cuius sanè magistra idonea est ipsa Moralis philosophia. Sed quia nos agimus hic de illa iuuenum institutione, quæ moralem antecedit doctrinam, eosque participandæ morum disciplinæ reddit accommodatos, dicemus, hanc institutionem contineri illa rudi doctrina, quam Græci catechesin appellant. Hæc enim, ut alibi diximus, habet progymnasmatum quædam Ethicæ, breuibûsque sententiis ac dictis philosophorum, inserit optimas de rebus opiniones adolescentium animis, eosdèmq; docet qua viuendiratione insistere debeant ac via. Et quoniam pueri propter vsum rationis imbecillum & leuem parum distant à feris, proponendum illis est honestarum actionum prærium, ac turpium pœna. verberibus enim, hoc est pœna, & cibo veluti præmio belluas quantumuis immanes reddimus cientes & mansuetas. Itaque rectè Democritus dixit, pœnam & præmium esse communes Rerum publicarum dæmones, quibus subiciuntur populi, atque ad parendum legibus adiguntur. Adultioribus autem iuuenibus proponendus est præterea timor infamiæ, & cupiditas honoris inicienda. His enim quasi calcaribus incitatur nobilium animus adolescentium, atque in sublime sustollitur.

Additur à quibusdam Astronomia: ut eius disciplinæ cognitione iuuenes res cælestes intuentes, ad earum similitudinem & exemplar animi cupiditates, atque affectiones intimas ipsi rectè componant. Ideò enim in Timæo dixit Plato tributos homini oculos esse, ut inspiciens constantissimos illos, summòque dispositos ordine cœli motus, congruentem suis appetitionibus imponeret rationem ac modum. Additur & Musica: quam probat Aristoteles in 8. Polit. cap. 3. initio. ubi sic exorditur. Sed quatuor ferè sunt, quibus instituere pueros consueverunt: literæ, palastra, Musica, & quarto loco pictura; qua

nonnulli pueros erudiendos curant. Rectè adeo Terentius inducit Parmenonem ita laudantem Eunuchum illum euentum act. 3. scen. 2. Fac periculum in literis, sic in palæstra, in muscis, quæ liberum scire adolescentem æquum est; solertem dabo. Probat eandem artem musicam etiam Plato atque Platonici. Quamquam enim ipse musicam videtur à Republica sua depellere, non depellit tamen omnem, sed certam quandam, quæ corrumpere animos: ipsam verò Musicam vniuersè non admittit solum, sed etiam postulat. Probat eandem Musicam alij apud Aristot. ipsum in loco laudato libri octauj Polit. & in cap. 5. ac supremo: Non tamen omnes eandem proferunt causam, cur Musica docenda sit, nec omnes eandem esse Musicæ dicunt utilitatem. Platonici quippe ac Pythagoræi, quia credebant, animas hominum delibari de cælo, cælum autem ipsum canere suauissimam harmoniam, & quemadmodum loquitur in libris de Repub. Plato, putabant Sirenas singulas singulis orbibus insidere, aiebant homini discendam ideo Musicam esse, ut faciliorem inueniat reditum ad originem suam. Putabant nimirum musicam homini redigere in memoriam cognatum illum cæli concentum, unde decerpit erat, cum in corpus descenderat animus, ac propterea eundem hominem ad principium suum faciliè reuocare. Itaque Ploti n. libellum scriptum reliquit de triplici a nimæ in cælum assensu, vel reditu. Demonstrat enim in eo commentario tria esse, quæ animum eò reducant, unde desumptus & delibatus est, amorem, philosophiam, Musicam. Amorem quidem: quia qui rebus capitur pulchris, & eas contemplatur, recolat memoria pulcherrimam originem suam, & faciliè per ea pulchra; quæ sub oculos cadunt, gradum facit ad primum pulchrum, unde decerpta sunt omnia. Philosophiam verò: quia cum rerum inquirat & indagat causas, causam quoque recordatur primam, à qua duxit initium, adeoque ad eam conatur ascendere. Musicam denique: quia recordatus animus eius harmoniæ, à qua olim delapsus est, eò iterum contendit, & quoad eius fieri potest, eandem percipit dulcedinem numerotum, quam antè sentiebat in cælo. Quare qui essent huiusmodi, credebantur habere tabernaculum in cælo cum viuerent, & post obitum eò facillimè remigrare. Explicat hæc luculentè Marc. Tull. in somnio Scipionis hoc modo. Quis hic, inquam, quis est qui complet aures meas tantus & tam dulcis sonus? Hic est, inquit ille, qui intervallis coniunctis imparibus, sed tamē pro rata proportionē distinctis, & impulsu & motu ipsorum orbium efficitur: & acuta cum grauius temperans, varios æqualiter concentus efficit. Nec enim silentio tantum motus incitari possunt: & natura fert, ut extrema ex altera parte grauius, ex altera autem acutè sonent. Quam ob causam summus ille cæli stelliferi cursus; cuius conuersio est concitator, acuto & excitato mouetur sono: grauius autem hic lunaris, at-

que infimus. nam terra immobilis manens in a sede semper hæret, complexa medium mundi locum. Illi autem octo cursus, in quibus eadem vis est duorum Mercurij & Veneris septem efficiunt distinctis intervallis sonos. Qui numerus rerum omnium fere nodus est, quod docti homines nervis imitati, atque cantibus aperuere sibi reditum in hunc locum. Hunc ergo Musicæ finem statuebant Platonici: atque ideo discendam putabant, ut animos reuocaret in cælum. Alij apud Aristotelem in lib. 8. Polit. cap. 3. parandam volebant, relaxationis, voluptatis, & honesto quasi otio fallendi temporis causa. De Musica porro dubitauerit aliquis, inquit. Nunc enim plerique tanquam voluptatis causa eius studio ducuntur: alij eam ab initio in pueritia discendam proposuerunt, propterea quod ipsa natura vias omnes querit non solum negotij rectè gerendi, verum etiam otij honestè rectèque ponendi. Quem profectò finem Aristoteles ipse non improbat: immo verò confirmat, aliquam eiusmodi artem, quæ consulat otio, tradendam pueris esse. sic enim loquitur ibidem paulò post. Quare perspicuum est, quædam ad partem vitæ degendæ otiosam accommodata, esse perdiscenda, & talibus quibusdam doctrinis pueros & adolescentes esse erudiendos, &c. Probat, inquam, hunc finem Aristoteles, & concedit, eius facultatis finem aliquem esse, sed non omnem. In cap. enim quinto eandem tractans iterum quæstionem, affirmat, illum finem aduentitium esse Musicæ, non proprium: proprium autem esse morum conformationem & moderationem certam, quæ peti à musica faciliè possit. sic ergo pergit in eam sententiam disputare. De Musica autem eam omnium esse communem, quod utilis sit ad requiem & recreationem à labore, nemo in controuersiam vocauerit. Verum enim verò querendum est; utrum per se, an ex euentu & per accidens relaxandi animi gratia expetatur. verendumque est, ne hoc ei per accidens euenerit: & honoratior eius natura sit, quàm ut propter eam utilitatem; atque indigentiam expetatur; oporteatque non solum communem ex ea voluptatem, cuius omnes sensum habent, percipere (inest enim in Musica naturalis voluptas; quocirca omnibus ætatibus, omnibusque moribus eius visus amœnus & gratus est) sed num aliqua ex parte etiam ad mores, & ad animum pertineat ac permānet, videre. Hoc autem in promptu fuerit, si certo quodam modo moratiper eam efficiamur. At nos certo quodam modo moratos per Musicam fieri, cum ex alijs multis intelligere licet, tum verò maxime ex Olympi carminibus modulatis. hæc enim sine controuersia animos afflatu quodam diuino permouent & concitant. At animi concitatio ex afflatu diuino nata morum, & affectionū animi perturbatio est, &c. Duo sunt ergo quæ his verbis docet Aristot. primum Musicam non tradi tantum pueris debere propter voluptatem, quia hæc finis quidam communis est, & omnis tangens sensum

etatis, immo etiam ingenium belluarum. Nam elephantes cantu mulceri, & tympanorum sono docet Strabo. Et in Sympotiacis scribit Plutar. animantium ratione carentium pleraque affici plurimum Musica, nominatimque fistulis delectari ceruos. Delphinus verò moueri cantu præsertim hydraulico testis est Plin. cap. 8. lib. 9. ne fabulam omnino credamus esse personantem citharâ per fluctus ac Delphinum dorso subuectum Ariopha, & fraudibus nautarum procul creptum. In homine verò peculiaris est ratio, cur non adules modò, sed etiam infans & vix natus modulis & cantionibus permulceatur: quam Peripatetici petunt ex eo, quòd vnus ex omnibus animantibus homo raturum, ordinatumque computandi ac numerandi modum habeat. sit enim hinc, vt numeri musicæ nos moueant æquabili serie ordinati. Hanc ergo voluptatem, hominum, belluarumque communem, quæ capitur ex Musica aut primùm Aristot. non esse huius artis proprium finem, causamque, cur tradi pueris, atque adolescentibus debeat. Affirmat deinde, verum propriumque Musicæ finem, & causam cur tradenda pueris sit, eam esse, quòd utilitatem & rectam conformationem afferat moribus. Posse autem hoc præstare Musicam, & bene nos reddere moratos ostendit ex eo, quòd certis numeris, certaque modulatione Musicorum, certo quodam modo nos afficiamur, aliis autem numeris & commutata lege, alio prorsus modo perturbemur. Declarat id exemplo carminum & cantionum Olympi furore diuino percellentium auditores. quas profectò cantiones aliqui putant fuisse modulationes olympicorum ludorum, sed falluntur: cum nullos eiusmodi cantus ibi fuisse legamus adhibitos. Sunt ergo potius hæ modulationes, vt coniecit Victorius, adscribendæ Olympo cuidam poetæ, ac celeberrimo Musico: quem tradunt veteris illius Maris qui prouocauit Apollinem, fuisse discipulum: & lugubres scripsisse Musicæ leges ad incrorem inferendum aptissimas. Mentionem huius hominis facit Aristophanes in Nebulis, & Plutarch. in libello de Musica. Simile quiddam, aut aliquid etiam maius præstitit Timotheus ille Milesius; qui Palladis carmen Orthium seu Phrygium modularus, Alexandrum Magnum accumbentem ardore cantus illius prostrare coegit in medium, incitatum ad arma; mutatisque modulis, quasi receptui canens, eundem pristina tranquillitati restituit. Scribit de hoc Suid. & Cic. in 2. de leg. Nihil hic de Dauide dicatur: cuius cithara dulcitudine cæcus, non ipsum quidem malum demonem qui numeris capi non potest, oblectabat, sed melancholiam imminuebat, & abstergebat Sæuis, qua mali demones mirificè delectantur. Cum ergo cantus Olympi citharædi ac Musici soleret enthusiastium auditoribus iniicere, cum tanta fuerit vis aliorum, planissimè constat, Musicæ facultatem eam esse, vt animos possit nostros ad varios affectus inflectere, nunc ad iram, nunc ad lenitatem & misericordiam,

nunc ad odium, nunc ad amorem, & quod inde consequens est, etiam ad virtutes. Quod disertè docet ibidem Aristot. his verbis: Præterea omnes homines cum imitationes audiunt, animis permouentur ex contentione & contagione naturæ, etiam sine numeris & modulis ipsis. Cum verò Musica sit & numero rerum iucundarum: virtus autem in eo versetur, vt quis rectè lætetur, oderit, amet, oportet nihil ita discere, nullisque rebus sic assue fieri. Sunt enim maximè in numeris & modis secundum veras naturas expressa simulacra iræ, & lenitatis. immo etiam fortitudinis ac temperantia, & omnium rerum, quæ sunt contrariæ his, ceterorumque, quæ pertinent ad mores. Atque hoc res ipsa declarat. cum enim talia audimus, animorum fit in nobis mutatio & perturbatio. Hæc Aristoteles aliæque permulta in hanc sententiam disputat eo loco. Ex quibus constituere licet, Musicam esse maximum institutionis bonæ præsidium: cum eius beneficio facile, iucundèque pueris bonos indere mores, virtutisque possimus ob eam similitudinem atque imitationem virtutum, quam præferunt modulationes appositæ. Etas enim puerilis, vt ait Aristot. nihil iponte sua facit, aut aggreditur, quod iucundum non sit. quare cum Musica sit & rerum iucundarum numero vna, facillimè pueros & iucundè formabit.

Dicendum aliquid est etiam de pictura, quam Aristoteles quarto recensuit loco inter ea quibus erudire pueros oporteat ab incunte ætate. Videndum igitur est quid ex ea capi possit utilitatis & fructus ad formandos adolescentium mores. Aristoteles in cap. illo 3. lib. 8. Polit. duos initio profere huius doctrinæ fines, quos sibi proponere potestis, qui hanc artem addiscit. Aut enim primo, utilem esse ad rectè ferendum iudicium de artificum operibus, hoc est, de picturis, statuisque, ac de aliis rebus, quarum pretium à proportionem & colore metimur. Videtur enim ars pingendi, inquit, ad melius; solertiùsque iudicandum de artificum operibus esse utilis. Alteram utilitatem afferre picturam ait in supellectilis, vasorum, & domestici instrumenti, aliarumque venditione aut emptione rerum: quantum item pretium spectari à proportionem possit & à colore; de quibus optimè pictores ferre iudicium possunt. Similiter ars pingendi, inquit, tradenda est, ne in vasorum & supellectilis emptione & venditione decipi possint. Ceterum hi fines non videntur ij esse, quos sibi proponit is qui morum quærit emendationem, ac formam ab artibus. Rectè itaque subiungit Aristot. finem quemdam germanum & proprium, à pulcritudine corporum contemplatione petiturum. Ait itaque, fines istos non videri quidem improbandos, sed tamen aliam esse veriore causam, cur artificium pingendi debeat ab ingenuis adolescentibus addisci. Affirmat, inquam, audiscendum in eam gratiam esse vt in pulcritudine corporum contemplanda,

cognoscendâque solertes efficiamur, callidi, atque intelligētes. Hæc enim ipsius pene sunt verba. Sed quid demum conducit moribus ista contemplatio, dicet aliquis? multum sane atque oppidò plurimum. Huius enim aspectabilis pulchritudinis cognitione perfecta, & contemplatione diuturna præeunte, ad eam facillimè gradum facimus, quæ sub oculos aspectumque non cadit. Hæc ille, & quidem rectè, ea enim pulchritudo est virtutum, Dei præpotentis, beatarumque Mentium: quæ incredibili ratione ac modo nostrum ipsorum ad se rapit & perficit animum. Sed contemplatio ad eam propriè partem hominis instituendam pertinet, quam postremo reservamus loco. Est autem intelligentia & ratio: quæ ceterarum facultatum est princeps ac dux, adeoque accuratissimè instituenda & formanda videtur esse. Formatur verò & instituitur beneficio disciplinarum, quæ Rationales appellantur, diuinaque possunt in gradus omnino tres. quorum vnus sit earum, quæ iuuenis animum parant; secundus earum, quæ paratum formant; tertius earum, quæ formata deceant, ornentque. Parant enim Grammatica, Logica, Rhetorica, quæ ceterarum præcursoriæ sunt. format philosophia. ornant Mathematica, Musica, Arithmetica, medicina, pictura; aliaque huiusmodi, de quibus ex parte iam diximus. Nam præter utilitatem illam & fructum, quem demonstrauius, habent etiam ornamentum.

QVÆSTIO SEXTA.

De alia quadam Institutionis ratione per pueritia partes distributa.

QUAMQVAM ea, quæ supra diximus, bona ex parte Aristotelis sunt de instituenda iuuentute præcepta, libet tamen hac dissertatione ab eodem repetere præceptiones quasdam in hoc genere, quæ non homines, sed ætatis partes instituunt. Orditur enim à duobus primis annis infantie: deinde transit ad consequentes tres: tum ab his gradum facit ad septimum. à septimo peruenit ad quartum decimum pubertatis, ab hoc, ad primum & vigesimum. Eritigitur ex usu hæc videre. vt intelligamus in quas ætatis partes cadant singula studia, de quibus in proximè superiore disputatione statuius. Sunt hæc præceptiones in cap. 17. lib. 7. Politicorum expositæ. ac principium ducunt à pueris statim in lucem exceptis, atque à cibo, quo alendi, motibusque corporis, quibus exercendi sint. Etsi enim alimenti & exercitationis ratio propria videtur ab ipso præscribi conueniens in eos, qui bello ac militariis studiis futuri sint idonei, potest eadem tamen omnibus accommodari, cum idem ille cibus, qui vberius ac largius suppeditatus corpori dat habitudinem athleticam, possit exhibitus parcius moderatiusque, sic firmum reddere dem corpus, quemadmodum postulat usus

virtutis & sapientie. Id quod de ceteris quoque exercitationibus existimandum est. Prima ergo Aristotelis præceptio initio eius capit est eiusmodi: vt pueri statim nati, ac deinceps in infantia alantur quidem lacte, sed ne vinum illdem vlla ratione præbeatur, admonet grauissimè: quia procreat morbos. ostendit autem copiosum lactis vsum vires augere, & habitiora corpora facere ab exemplo ceterarum animantium. quæ filiis suis continenter quoad adulti sint, abundèque lac præbent, & à moribus bellicosarum nationum, quæ suos eodè pabuli genere nutriunt & faciunt valētissimos. Sed quia lac sæpè deficit, nec nutricibus suppetit tantus, vt affluenter exhiberi pueris queat, docet Victorius ex Aristomacho Atheniensi, nutricibus, deficiente lacte, præbendum esse cythysum aridum aqua decoctum, & vino cōmixtum. Fore enim affirmat, vt lac exuberet, & infantes firmiores efficiantur ac celsiores. Quod verò attinet ad vinum, cuius vsum interdicit pueris Aristoteles, intelligendum id est de prima illa ætatis parte, qua lacte pascuntur. tum enim periculum est certissimum, ne in morbos grauissimos incidant, si vinum etiam adhibeatur. immo vinum eo tempore pueris datum præparat viam ad elephantiasin, vt ex aliquorum doctrina docet Ægidius in lib. 2. de Regim. Principum, par. 2. cap. 25.

Secunda præceptio. Vt in eadem infantia puerileuibus quibusdam exerceantur motibus, quos tam tenera ferre possit ætas. Temperatus enim, & idoneus ætati motus tres præstabit pueris vtilitates. Primò quidem vitabunt inertiam & segnitiam corporis, reddenturque agiliores & promptiores. deinde augescent facilius atque ad iustam proceritatem adducentur. tum artus & membra confirmabunt, reddenturque paulatim habitiores, & corpus efficiet omni ægrotationum genere liberum. Itaque prudenter ac rectè nutrices agitant subinde cunas, & infantes iubent paulatim mouere pedes, ipsis regentibus interea corpusculum, ne prolabatur. Et quoniam periculum est, ne membra infantium ob nimiam tēneritudinem defluant inter motus, aut distorqueantur in ambulando, iubet Arist. ex usu nonnullarum gentium quædam adhiberi instrumenta, & quasi machinulas, quibus contineantur & dirigantur. qualia forlasse sunt apud Varro-nem Serperastra. sic enim appellat instrumenta quædam dirigendis & emendandis eruribus accommodata.

Tertia præceptio. Vt pueri frigoris perferendis allueant. Id enim non ad exercitationes modò bellicas iis, qui futuri milites sunt, sed etiam ad valetudinem omnibus ait esse perutile. Affirmat adeo haud sine ratione, Barbarorum multis eum fuisse morem, vt alij filios simul ac nati essent, in frigidum flumen immergerent, alij breui, leuique vestirent integumento: quod facere fuisse solitos ait Gallos. Huiusmodi nimirum erant in Latio, qui apud Virgilium ita se iactant.

etatis, immo etiam ingenium belluarum. Nam elephantes cantu mulceri, & tympanorum sono docet Strabo. Et in Symposiacis scribit Plutar. animantium ratione carentium pleraque affici plurimum Musica, nominatimque fistulis delectari ceruos. Delphinus verò moueri cantu præsertim hydraulico testis est Plin. cap. 8. lib. 9. ne fabulam omnino credamus esse personantem citharâ per fluctus ac Delphinum dorso subuectum Arionem, & fraudibus nautarum procul ereptum. In homine verò peculiaris est ratio, cur non adultus modo, sed etiam infans & vix natus modulis & cantionibus permulceatur: quam Peripatetici petunt ex eo, quod vnus ex omnibus animantibus homo raturum, ordinatumque computandi ac numerandi modum habeat, sit enim hinc, vt numeri musice nos moueant æquabili serie ordinati. Hanc ergo voluptatem, hominum, belluarumque communem, quæ capitur ex Musica ait primum Aristot. non esse huius artis proprium finem, causamque, cur tradi pueris, atque adolescentibus debeat. Affirmat deinde, verum propriumque Musice finem, & causam cur tradenda pueris sit, eam esse, quod utilitatem & rectam conformationem afferat moribus. Possè autem hoc præstare Musicam, & benè nos reddere moratos ostendit ex eo, quod certis numeris, certaque modulatione Musicorum, certo quodam modo nos afficiamur, aliis autem numeris & commutata lege, alio prorsus modo perturbemur. Declarat id exemplo carminum & cantionum Olympifurore diuino percellentium auditores. quas profecto cantiones aliqui putant fuisse modulationes olympicorum ludorum, sed falluntur: cum nullos eiusmodi cantus ibi fuisse legamus adhibitos. Sunt ergo potius hæ modulationes, vt conicit Victorius, adscribendæ Olympo cuidam poetæ, ac celeberrimo Musico: quem tradunt veteris illius Musice qui prouocauit Apollinem, fuisse discipulum: & lugubres scripsisse Musice leges ad merorem inferendum aptissimas. Mentionem huius hominis facit Aristophanes in Nebulis, & Plutarch. in libello de Musica. Simile quiddam, aut aliquid etiam maius præstitit Timotheus ille Milesius; qui Palladis carmen Orchium seu Phrygium modulatus, Alexandrum Magnum accumbentem ardore cantus illic proflire coëgit in medium, incitatum ad arma; mutatisque modulis, quasi receptui canens, eundem pristina tranquillitati restituit. Scribit de hoc Suid. & Cic. in 2. de leg. Nihil hic de Dauide dicatur: cuius cithara dulcitudine cæcus, non ipsum quidem malum dæmonem qui numeris capi non potest, oblectabat, sed melancholiam inminuebat, & abstergebat Sæuis, qua mali dæmones mixtice delectantur. Cum ergo cantus Olympi citharædi ac Musici soletet enthusiasmum auditoribus inicere; cum tanta fuerit vis aliorum, planissime constat, Musice facultatem eam esse, vt animos possit nostros ad varios affectus inflectere, nunc ad iram, nunc ad lenitatem & misericordiam,

nunc ad odium, nunc ad amorem; & quod inde consequens est, etiam ad virtutes. Quod disertè docet ibidem Aristot. his verbis: Præterea omnes homines cum imitationes audiunt, animis permouentur ex contentione & contagione naturæ, etiam sine numeris & modulis aptis. Cum verò Musica sit & numero rerum iucundarum: virtus autem in eo versetur, vt quis rectè lætetur, odecit, amet, oportet nihil ita discere, nullique rebus sic assuehere. Sunt enim maximè in numeris & modis secundum veras naturas expressa simulacra iræ, & lenitatis, immo etiam fortitudinis ac temperantiæ, & omnium rerum, quæ sunt contrariæ his, ceterorumque, quæ pertinent ad mores. Atque hoc res ipsa declarat. cum enim talia audimus, animorum fit in nobis mutatio & perturbatio. Hæc Aristoteles aliæque perinulta in hanc sententiam disputat eo loco. Ex quibus constituere licet, Musicam esse maximum institutionis bonæ præsidium: cum eius beneficio facile, iucundèque pueris bonos indere mores, virtutèque possimus ob eam similitudinem atque imitationem virtutum, quam præferunt modulationes appositæ. Etas enim puerilis, vt ait Aristot. nihil sponte sua facit, aut aggreditur, quod iucundum non sit, quare cum Musica sit & rerum iucundarum numero vna, facillimè pueros & iucundè formabit.

Dicendum aliquid est etiam de pictura, quam Aristoteles quarto recensuit loco inter ea quibus erudire pueros oporteat ab inuente etate. Videndum igitur est quid ex ea capi possit utilitatis & fructus ad formandos adolescentium mores. Aristoteles in cap. illo 3. lib. 8. Polit. duos initio profert huius doctrinæ fines, quos sibi proponere potestis, qui hanc artem addiscit. Ait enim primo, utilem esse ad rectè ferendum iudicium de artificum operibus, hoc est, de picturis, statuisque, ac de aliis rebus, quarum pretium à proportionem & colore metimur. Videtur enim ars pingendi, inquit, ad melius, solertiùsque iudicandum de artificum operibus esse utilis. Alteram utilitatem afferre picturam ait in supellectilibus, vasorum, & domestici instrumenti, aliarumque venditione aut emptione rerum: quantum item pretium spectari à proportionem possit & à colore; de quibus optimè pictores ferre iudicium possunt. Similiter ars pingendi, inquit, tradenda est, ne in vasorum & supellectilis emptione & venditione decipi possint. Ceterum hi fines non videntur esse, quos sibi proponit is qui morum quærit emendationem, ac formam ab artibus. Rectè itaque subiungit Aristot. finem quemdam germanum & proprium, à pulcrorum corporum contemplatione petendum. Ait itaque, fines istos non videri quidem improbandos, sed tamen aliam esse veriorem causam, cur artificium pingendi debeat ab ingenuis adolescentibus addisci. Affirmat, inquam, addiscendum in eam gratiam esse vt in pulcritudine corporum contemplanda,

cognoscendâque solertes efficiamur, callidi, atque intelligētes. Hæc enim ipsius pene sunt verba. Sed quid demum conducit moribus ista contemplatio, dicet aliquis? multum sane atque oppido plurimum. Huius enim aspectabilis pulcritudinis cognitione perfectâ, & contemplatione diuturna præeunte, ad eam facillimè gradum facimus, quæ sub oculos aspectumque non cadit. Hæc ille, & quidem rectè. ea enim pulcritudo est virtutum, Dei præpotentis, beatarumque Mentium: quæ incredibili ratione ac modo nostrum ipsorum ad se rapit & perficit animum. Sed contemplatio ad eam propriè partem hominis instituendam pertinet, quam postremo reservamus loco. Est autem intelligentia & ratio: quæ ceterarum facultatum est princeps ac dux. adeoque accuratissimè instituenda & formanda videtur esse. Formatur verò & instituitur beneficio disciplinarum, quæ Rationales appellantur, diuidique possunt in gradus omnino tres. quorum unus sit earum, quæ iuuenis animum parant; secundus earum, quæ paratum formant; tertius earum, quæ formatum deceant, ornentque. Parant enim Grammatica, Logica, Rhetorica, quæ ceterarum præcursoriæ sunt. format philosophia. ornant Mathematica, Musica, Arithmetica, medicina, pictura; alique huiusmodi, de quibus ex parte iam diximus. Nam præter utilitatem illam & fructum, quem demonstrauimus, habent etiam ornamentum.

QVÆSTIO SEXTA.

De alia quadam Institutionis ratione per pueritiae partes distributa.

QUAMQUAM ea, quæ supra diximus, bona ex parte Aristotelis sunt de instituenda iuuentute præcepta, libet tamen hac dissertatione ab eodem repetere præceptiones quasdam in hoc genere, quæ non homines, sed ætatis partes instituunt. Orditur enim à duobus primis annis infantie: deinde transit ad consequentes tres: tum ab his gradum facit ad septimum. à septimo peruenit ad quartum decimum pubertatis, ab hoc, ad primum & vigesimum. Eritigitur ex usu hæc videre: ut intelligamus in quas ætatis partes cadant singula studia, de quibus in proximè superiore disputatione statuimus. Sunt hæc præceptiones in cap. 17. lib. 7. Politicorum expositæ. ac principium ducunt à pueris statim in lucem exceptis, atque à cibo, quo alendi, motibusque corporis, quibus exercendi sunt. Et si enim alimenti & exercitationis ratio propria videtur ab ipso præscribi conueniens in eos, qui bello ac militaribus studiis futuri sint idonei, potest eadem tamen omnibus accommodari, cum idem ille cibus, qui vberius ac largius suppeditatus corpori dat habitudinem athleticam, possit exhiberi parcius moderatiusque, sic firmum reddere dem corpus, quemadmodum postulat usus

virtutis & sapientiæ. Id quod de ceteris quoque exercitationibus existimandum est. Prima ergo Aristotelis præceptio initio eius capituli est cuiusmodi: ut pueri statim nati, ac deinceps in infantia alantur quidem lacte, sed ne vinum iisdem vlla ratione præbeatur, admonet grauissimè: quia procreat morbos. ostendit autem copiosum lactis usum vires augere, & habitiora corpora facere ab exemplo ceterarum animantium, quæ filiis suis continenter quoad adulti sint, abundèque lac præbent, & à moribus bellicosarum nationum, quæ suos eodè pabuli genere nutriunt & faciunt valētissimos. Sed quia lac sæpè deficit, nec nutricibus suppetit tantus, ut affluenter exhiberi pueris queat, docet Victorius ex Aristomacho Atheniensi, nutricibus, deficiente lacte, præbendum esse cythysum aridum aqua decoctum, & vino cōmixtum. Fore enim affirmat, ut lac exuberet, & infantes firmiores efficiantur ac celsiores. Quod verò attinet ad vinum, cuius usu interdicit pueris Aristoteles, intelligendum id est de primâ illa ætatis parte, qua lacte pascuntur. tum enim periculum est certissimum, ne in morbos grauissimos incidant, si vinum etiam adhibeatur. immo vinum eo tempore pueris datum præparat viam ad elephantiasin, ut ex aliquorum doctrina docet Ægidius in lib. 2. de Regim. Principum, par. 2. cap. 25.

Secunda præceptio. Ut in eadem infantia pueri leuibus quibusdam exerceantur motibus, quos tam tenera ferre possit ætas. Temperatus enim, & idoneus ætati motus tres præstabit pueris utilitates. Primò quidem vitabunt inertiam & segnitiam corporis, reddenturque agiliores & promptiores. deinde auferent facilius atque ad iustam proceritatem adducentur. tum artus & membra confirmabunt, reddenturque paulatim habitiores, & corpus efficiet omni ægrotationum genere liberum. Itaque prudenter ac rectè nutrices agitant subinde cunas, & infantes iubent paulatim mouere pedes, ipsis regentibus interea corpusculum, ne prolabatur. Et quoniam periculum est, ne membra infantium ob nimiam ténacitatem defluant inter motus, aut distorqueantur in ambulando, iubet Arist. ex usu nonnullarum gentium quædam adhiberi instrumenta, & quasi machinulas, quibus contineantur & dirigantur. qualia forsasse sunt apud Varro-nem Serperastra. sic enim appellat instrumenta quædam dirigendis & emendandis cruribus accommodata.

Tertia præceptio. Ut pueri frigoris perferendis assueant. Id enim non ad exercitationes modò bellicas iis, qui futuri milites sunt, sed etiam ad valetudinem omnibus ait esse perutile. Affirmat adeo haud sine ratione, Barbarorum multis eum fuisse morem, ut alij filios simul ac nati essent, in frigidum flumen immergerent, alij breui, leuique vestirent integumento: quod facere fuisse solitos ait Gallos. Huiusmodi nimirum erant in Latio, qui apud Virgilium ita se iactant.

*Durum à stirpe genus, natos ad flumina pri mum
Deferimus, senoque gelu duramus, & undis.*

Huiusmodi sunt alij longè plures, quos recensimus in quæstionibus Virgilianis ad lib. 9. loco 3. Docet demique omnibus rebus, quas excipere per educationem possunt, ab ineunte statim ætate pueros assuefacere melius esse, dummodo sensim id fiat, & paulatim: nec esse periculum ullu reformidandum; quia puerorum natura facile frigora perferre potest propter calorem, quo præditi sunt. Hæ sunt ergo præceptiones, quibus informari debere duorum annorum infantiam docet Aristoteles. Alias qualdam tribus annis consequentibus vsque ad quintum assignat proprias. Quarum

Prima est. Ut tribus his annis nulla tradatur pueris ætas, aut disciplina, neque vlla eis imponatur laboris necessitas: ne incrementum corporis impediatur animi cura & defatigatione membris. Laudat tamen, ac probat interea leuem aliquam exercitationem ac motum, hoc est tantam, quanta satis sit ad arcendam ignauiam. Eiusmodi verò exercitatione potissimum ait esse in ludoliquo, qui neque laboriosus sit, neque illiberalis, neque remissus, aut dissolutus. Quas ludi conditiones ac leges vidit etiam & descripsit Cic. in primo libro offic. his verbis. Ut enim pueris non omnem licentiam ludendi damus, sed eam quæ ab honestis actionibus non sit aliena; sic in ipso loco aliquid probi ingenij lumen eluceat.

Secunda. Ut sermones, narrationes, fabulæ, quas audiunt, et talesque sint, quales esse iubet Magistratus ille, qui quoniam institutioni puerorum præfectus est *magister*, quasi puerorum lex appellatur à Græcis. Videbat enim Aristoteles, puerosea præsertim ætate capi vehementissimè, duci-que fabellarum auditione, aliisque eiusmodi sermonibus, quibus matres, ancillæque student, eorum animos oblectare. Sed cum non omnes fabulæ, narrationesque rectè institutioni consentaneæ sint, iussit ex omnibus eligi appositas atque accommodatas. Quamquam verò rem hanc permittere Magistratui videtur, eique coram demandare, uti constituat & designet narrationes, ac fabulæ, quibus detineri, oblectarique pueros deceat, declarat tamen etiam ipse cuiusmodi esse debeant, sic vniuersè præcipiens ex interpretatione Lambini. Hæc omnia. (hoc est narrationes omnes & fabulæ) debent præcursionem quandam adhibere, viamque munire ad posteriores vitæ dependæ consuetudines, & disputationes. Idcirco & lusiones pterque eorum studiorum quæ posterius ab eis seriò tractabuntur, imitationes esse debent. Significat enim eiusmodi esse quoque fabellæ & narrationes oportere, cuiusmodi ipsi ludi sunt, quos pueris prudenter instituendis permittimus. lusiones quippe pueris præscribimus eas, quæ simulacrâ quædam & imitationes sint earum exercitationum, & studiorum, quibus ipsi postea iam adulti ope-

râ nauantur seriò sint. Indicat haud dubiè gladiolos illos, securiculas, nauculas, atque id generis instrumenta confecta, quibus ludere volumus pueros bellicis aut aliis studiis destinatos. Quare apud Plautum sæpe inter crepundia numerantur, ensiculi aurei, securiculae argenteæ, alia ex eo genere: præsertim in Rudente acta 5. prope fin. Vult igitur Aristoteles, etiam narrationes lepidas & fabellas esse quasi progymnasmatâ quædam, præparationes, & præcursiones ad ea studia, quibus operam postea daturi sint adolescentes. sunt enim in fabulis varia documenta & præcepta humanæ vitæ recondita, quæ faciliè poterunt à multis eligi, & institutioni puerorum pro vario institutorum consilio variè accommodari.

Tertia. Ut ne contentiones vocis aliquæ, & ploratus puerorum inhibeantur. Reprehendit adeo quosdam, qui vetabant legibus contentiones vocis, & ploratus puerorum, rati perniciosos esse; cum contra profint, & promoueat corporis incrementu. Est enim, ut ipse ait, ille conatus quoddam genus exercitationis; & spiritus illa cohibitio vires gignit, id quod etiam affirmat in lib. 2. de ortu Animantium.

Quarta. Ut videatur diligentissimè quibus cum hominibus pueri familiariter versentur, in primisque, ut serui ab iis arceantur & mancipia, quorum sermonibus, impuris moribus, consiliis prauis infici faciliè possunt, cum domi eos vsque ad annum septimum, ut ait ibidem Aristot. continere necesse sit, nec ante possint, ut postea dicitur, in disciplinam præceptoribus dari. Periculum hoc quod ætati puerorum imminet à seruis, quibuscum est iis intima consuetudo, docent Comædix, ac potissimum ille apud Terentium Chærea Paimenonis opera corruptus & studio, cuius hæc suum adolescenti domino pollicens lenocinium verba sunt. Chærea, aliquid inueni modò, quod ames; in ea re vilitatem ego faciam ut cognoscas meam.

Quinta. Ut pueri, cum semper, tum hac ætate maximè à rerum auditionibus, & spectaculis, aut impudicis, aut illiberalibus longè depellantur, idque ait oportere legum conditores cauere potissimum, ut omnis è ciuitate verborum obscenitas eiiciatur. Cuius rei pulcherrimam profert rationem, & quidem huiusmodi. Qui assueti iam sunt liberè obscena omnia & turpia proloqui, eadem illa etiam facere atque admittere non dubitabunt. verba enim proxima factis sunt, nec aliud videntur esse verba, quàm simulacrâ factorum. Vetat adeo pueros eiusmodi verba vel audire vel loqui, ac si contra faxint, plecti verberibus iubet, & ignominia. Et quoniam oculi haud minorem, aut fortasse maiorem etiam, quàm verba vim habent ad corrumpendos puerorum animos, consequens est, ut omnia spectacula Theatralia, Comædix, omnesque picturæ ac statux, quæ turpitudinis aliquid habent, ab eorum aspectu debeant submoueri. Quoniam autem, inquit, tale aliquid proloqui vetamus, perspicuum est,

etiam picturas & fabulas indecoras ac turpes spectare per nos non licere. Dent igitur operam Magistratus, ne qua sit vel statua, vel tabula picta, quæ tales actiones imitentur: nisi fortè in Templis talium quorundam Deorum, quibus lex lasciviam, atque irrisionem subobscenam attribuit. Verumtamen hos Deos permittit lex iis, qui paulo sunt ætate prouectiores, & pro se, & pro liberis, & pro viciis venerari. Iunioribus verò neque lambos, neque Comædias spectare vili lege permitti debet, priusquam eam ætatem attigerint, in qua eis accubationis potationisque consortibus licebit esse: & eos à noxa ex his talibus proficiente incolumes atque integros disciplina seruabit. Placuit hic totum hunc describere locum, quia præclara quædam præcepta & singularia continet. Ne Deorum quidem qui genitura præfisse credebantur, qualis erat Venus, aut eorum qui lambis liberioribus & lasciuia canebantur, cuiusmodi erat Bacchus & Comus, simulacra vult & sacrificia spectari à pueris: nec huiusmodi celebritatibus interesse patitur iuvenes, nisi eum disciplina conformati sic sunt, ut neque spectacula huiusmodi, nec accubitus inter ceteros, de ebrietas eos corrumpere facile queat amplius. Non enim probrosa sic fuit apud Græcos ebrietas, quemadmodum olim fuit apud Romanos, atque apud nos in præsentia est: sed præstabit etiam audire rationem, cur ita seuerè velit à pueris omnem liberiores sermonem, & spectaculum omne deformis amandari. Aut enim hanc esse: quod pertinaciter hæreant & retineantur animo, quæ primùm cernuntur à pueris, & audiuntur, eaque illos ita ducant & capiant, ut ne volentes quidem obliuisci queant. Virtus autem ad id planius declarandum iudicio Theodori nobilis Tragedi: qui non pariebatur actorem quempiam fabularum quantumvis imperitum, inertem, parumque versatum in theatrum induci, antequam ipse proficere: hoc enim faciebat propterea, quod existimaret spectatores primis illis auditionibus, quas acceperant, beneuolos iam familiarésque factos, haud facillè quemquam alium præterea quantumvis bonum & callidum esse probaturos. Claudie ad extremum hanc partem Aristoteles, affirmans in summa, turpia & impudica omnia oportere pueris esse inco gnita & peregrina. Atque hæc de puerorum ætate ad annum vsque quintum ab Aristot. præcepta sic sunt.

Illustrant hunc locum mirificè ea, quæ sunt apud Augustinum in libr. Confess. primo cap. 16. Hinc verba discuntur, inquit, hinc acquiritur eloquentia rebus persuadendis, sententiisque explicandis maximè necessaria. Ita verò non cognosceremus verba hæc, imbrem aureum & gremium, & facum, & templum cæli, & alia verba, quæ in eo loco scripta sunt, nisi Terentius induceret nequam adolescentem proponentem sibi Iouem ad exemplum stupri, dum spectat tabulam quandam pictam in pariete; ubi ine-

rat pictura hæc: Iouem quo pacto Danaemissile aiunt in gremium quemdam imbrem aureum, facum facturum mulieri. Et vide quemadmodum se concitat ad libidinem quasi cælesti magisterio. At quem Deum, inquit? Qui Templum cæli summo sonitu concutit. Ego immuncio id non facerem? locus hic est in Eunuchis, Actu 3. scen. 5. & verba sunt Antiphontis, qui virginem vitiauerat ex insidiis dum dormiret, concitatus maximè ad flagitium aspectu tabulæ. Tractat eundem locum Augustin. in lib. 2. Ciuit. cap. 7. Omnes cultores talium Deorum, inquit, ut eos libido perpulerit, furenti, ut ait Persius, tincta veneno, magis intuentur quid Iuppiter fecerit, quam quid docuerit Plato, vel consuerit Cato. Hinc apud Terentium flagitiosus adolescens spectat tabulam quandam pictam in pariete, ubi inerat pictura hæc. Iouem quo pacto Danaemissile aiunt in gremium quemdam imbrem aureum: atque ab hac tanta auctoritate adhibet patrocinium turpitudini suæ: cum in ea se iudicat imitari Deum. Alij quoque scriptores sacri versantur in hoc, aut in huiusmodi argumento, ut Firmic. in lib. de erroribus prof. relig. cap. 13. Quicumque hæc sacra Deorum, inquit, deuota mente veneratur, cuiusque placet superstitionis istius metuenda contagio, aut malis suis solatium querit, aut facinora eorum tacita collaudat cogitatione, Iouem respicit, & inde cupiditatis suæ fomenta conquirat, probat, imitatur & laudat, quod Deus suus Cygno fallit, in Tauro rapit, ludit in Satyro, &c. Iure adeo vocat Aristot. eiusmodi Deorum vel fabulas audire pueros, vel signa & statuas contemplari.

Sequuntur anni duo ad septimum vsque: de quibus hæc vna tantum.

Præceptio apud Aristotelem est. Ut pueri earum disciplinarum, quas postea eos adducere oportebit sint assidue spectatores. Quemadmodum enim secundam illam ætatem tribus annis, ad quintum vsque comprehendam opellendam putat à spectaculis rerum, quæ mores inficere possunt ætatis consecuturæ, viamque muniunt ad ea vitia, quibus nondum idonei sunt: sic tertiam hanc spectare de industria vult disciplinas, artesque illas, quibus erit iuuenis postmodum imbuendus: præparatur enim animus illo spectaculo, & incitatur ad ea, quæ capessere sedulo postea debet. Affirmat adeo Plato in lib. 7. de Repub. ducendos esse pueros, quos bello destinamus, in locum, ubi pugnat, impositos equis; ut exdes hominum spectent, & veluti catuli degustent sanguinem. Quod de militia præcipit Plato, præceptum hic ab Aristotele de omnibus omnino studiis est. Qui enim futuri sunt oratores, fructum capient pueri hac ætate, si oratores dicentes spectabunt, qui philosophi, capient utilitatem ex disputatione concertantium philosophorum.

Restant ætates quæ, siue duæ partes ætatis instituendæ: quarum prima pubertatis, annis

quartodecimo, altera primo & vigesimo delinunt. De his vero nihil nominatum præcipit Aristot. sed iubet vniuersè admoueri eas disciplinis oportere, tum gymnasticæ, quæ corpus exercitatione firmum reddat & valens, tum aliis, quæ intelligentiam informant & regant appetitum. Et quoniam de his dictum est in proximè superiore disputatione, nihil hic addendum puto: sunt enim primis septem annis vsque ad pubertatem tradendæ faciliores: qualis est Grammatica, Rhetorica, Mathematica, Musica & moralis Philosophiæ illa catechesis, atque adumbrata doctrina, de qua sæpe iam diximus. In quibus tamen tradendis percipiendisque, ait esse seruandum modum, & temperantiam: quia hæc disciplinæ sunt artium excellentiorum præsidia & rerum instrumenta maiorum. Instrumenta autem & media oportet esse finita. Verba Aristot. in cap. 2. lib. 8. Polit. hæc sunt. Non est autem illiberale nonnullis scientiis liberalibus vsque ad aliquem finem instructum atque ornatum esse: sed in eas incumbere, atque affixum esse vsque eo, donec ad perfectionem peruentum sit, incommodum est. Aliis vero septem annis grauiores omnes artes, cuiusmodi sunt singulæ partes philosophiæ, pulchrè concinnæque conueniunt.

QVÆSTIO SEPTIMA.

*An enumerata iam artes & exercitationes
verè utiles institutioni aut necessa-
ria sint.*

DVBITARI primo quidem de Gymnastica potest: tum quia iuuenes efficit immanes effratōsque, vt docet Aristot. in cap. 4. lib. 8. Polit. exemplo Lacedæmoniorum, qui Gymnastica suos adolescentes reddebant feroces & truculentos: tum quia immodicæ in Gymnastica sunt exercitationes, quod idem ipse ait Aristot. in eod. cap. initio, affirmans, Gymnasticam habitum conciliare corporibus athleticum. At exercitationes & ratio victus, quæ huiusmodi corporis habitudinem faciunt athleticam, vires vel reddunt elumbes, infirmasque, vel prorsus extinguunt vt scribit Hippocrat.

Sed animaduertere oportet, Aristotelem eo loco Lacedæmonios ideo reprehendere quod Gymnasticæ genere quodam crudeli ac barbaro, qualis erat castus, aut pugilatus, vbi multus effundebatur sanguis, vterentur ad ferocitatem inferendam adolescentibus suis. Reprehendit autem eos duplici nomine: primo quidem, quia illa crudelis & fera inter sanguinem, & acerbos ictus exercitatio, ne id quidem præstat, quod volebant Lacedæmonij. Putabant quippe fortitudinem adolescentibus indi sic posse, si eo modo exerceantur in Gymnasio: sed alia omnia consequerentur. Distat enim plurimum ac longissimè abest à crudelitate fortitudo: idque demonstrat Aristot. exemplo belluarum crudelium, & gentium barbararum: quarum illæ, quo sunt immaniores & euidiores sangui-

nis, hoc magis à fortitudinis similitudine ab sunt; hæ, quo sunt moribus effratioribus præditæ, hoc à vera fortitudine magis abhorrent. Lupum inter bestias esse ait latrocinantem quidem & multo gaudentem sanguine, sed pericula fugientem, ex insidiis agentem omnia, nulli parcentem animantium infirmiorum, videturque significare, leonem contra generosiores esse: qui pericula non reformidet, & apertè quasi Marte aggrediatur hostes, declinet infirmiores animantes, supplicibus parcat. quod partim apud Plinium est in lib. 8. cap. 16. partim apud Ouid. versibus illis nobilibus & peruagatis expressum,

Corpora magnanimo satis est prostrassè Leoni:

Pugnaque tum finem cum iacet hostis habet.

At Lupus & surpes instans morientibus urfi,

Et quæcumque minor nobilitate fera est.

Ex nationibus autem & populis ait esse multos, qui non ad homines modò necandos, sed ad vescendum etiam humanis carnibus sint proclives; in primisque illos, qui Pontum accolunt, vt Aethi & Heniochi, atque in mediterraneis locis alios, qui videntur ad latrocinium nati: non tamen illos aut hos vllam habere fortitudinis partem, sed plurimum immanitatis. Fortitudo enim spectatur in contemptione voluntaria honesti periculi: isti verbò ex insidiis agunt omnia, & vel nullo cum periculo pugnant aduersus infirmiores, vel certè periculo cum honesto non pugnant: quippe qui non contemnunt vitam ob honestatem.

Alia verò causa cur Aristot. reprehendit Lacedæmonios ea est, quod nimio Gymnasticæ labore nimioque cibo conficerent puerorum & iuuenum corpora. Ait igitur, esse iuuenes quidem admouendos gymnasticæ, sed à laboribus insanis, profusoque cibo remouendos; ne vires comprimantur, & incrementum corporis impediatur. Illa enim viribus & valetudini plurimum officere demonstrat ex eo, quod paucissimi vicerint in Olympicis pueri, qui vicerint idem viri, aut prouectiores ætate. Causa verò est, quod qui in ipsa iam pueritia violento se labore contriuerint, nequeant postea idonei satis esse illi pugne, quæ vires vellet integras & valentissimas.

Itaque vt breuissimè concludam omnia, non improbat vniuersè Gymnasticam Aristot. tanquam officinam immanitatis, & eam, quæ vires extinguat; sed damnat nominatim illam, qua Lacedæmones utebantur, effratam, crudelem, plus nimio laboriosam: adeoque laudat temperatam, iustam, à crudelitate abhorrentem, atque ab omni genere feritatis alienam.

De Musica verò possunt etiam contra obijci multa: & primo quidem testimonia grauissimorum hominum, & exempla populorum, qui Musicam à Ciuitatibus depulerunt. Nam Egyptij iunioribus vsu Musicæ prorsus interdixerunt, vt est apud Diod. Siculum lib. 2. cap. 2. Lycurgus sapiens ille legum lator vetuit Spartanos operam Musicæ dare; quod scribit Plut. in Lycur. Alcibiades ci-

tharam è ciuitate reiecit, vt docet idem Plut. in Alcibiad. Alexander Macedolyra Paridis contempta, citharam Achillis, hoc est, clypeum, & hastam postulauit: quod tradit Ælian. in lib. 9. Deinde Aristoteles ipse in cap. 3. lib. 8. Polit. apertè confirmat, Musicam, neque necessariam, neque vtilem esse.

Quin satis videtur esse, Musicam audire, nec oportere illam artem etiam pertdiscere: si quid enim habet utilitatis, si mores emendat, eam utilitatem asseret, & mores emendabit etiam cum auditur. Quod argumentum propositum est ab Aristotele in cap. 5. lib. 8. Polit. his verbis. Eandem autem res habet dubitationem, si quis dicat, eam (Musicam) posse mores meliores efficere. Nam cur hæc ipsi discere debent, & non potius dum alios audiunt honestam voluptatem percipere, & rectè iudicare possunt, quemadmodum Lacedæmonij faciunt illi enim quamuis musicam non discant, possunt tamen, vt aiunt, de cantibus & modis, qui boni sint, qui minus boni, rectè iudicare.

Primum ex his argumentis aliæque huiusmodi, quæ ostendere possent, Musicam à prudentibus viris fuisse repudiatam, nec tradendam adolescentibus esse, quia conciliatrix est voluptatis, cuius illi plus nimio sunt appetentes, refellemus faciliè, si Musicæ species ante nouerimus, quas Aristoteles in eodem cap. 5. ad extremum & alibi distinctè proponit. Facit enim musicæ formas primarias ac principes omnino tres. Lydiam, Phrygiam, Dorian. Lydia humilis est, & remissa, ac fuisse adhibita videtur in luctu. Nam & querula dicitur ab Apuleio in Floridorum primo, & Aristoxenus in primo de Musica, vt scribit Rhodig. in lib. 5. cap. 12. tradit, Olympum in Pythonis sepultura cecinisse tibi secundum modulum Lydium funeralia. Phrygia, quam etiam barbaram appellat Horatius, vehemens est, & incitata, eiusque proprium esse ait Lucianus entheon. Verabatur enim potissimum inter sacrificia, & in furorem agebat auditores instinctu quodam æstatisque iniectione diuino, quemadmodum ipsi putabant. Phrygia, inquit Aristot. ibi, ad mentem instinctu diuino concitanda valet. Hinc factum videlicet est, vt quoniam sic erat Phrygia vehemens, ad eam confugerent qui ætionali quid canere vellent, aut animos ad pugnam inflammare. Doria mediocrius est, & duabus superioribus formis interiecta. Itaque dictus est eius modulus honestus & grauis: quasi accommodata esset ad honestatem morum animis audientium inferendam, & virtutis habitum sedatum atque tranquillum proponeret animis dum audiretur. Non enim remissionem illam & mollietatem habebat Lydia, non Phrygiæ vehementiam & furorem, sed aliquid ex utraque temperatum. Sunt qui plura faciant genera Musicæ, adiiciantque Ioniam, floridam & iucundam; Æoliam, pacatam ac soporiferam; Asiæ variam, atque multiplicem. Asiæ modulationis mentionem facit Apuleius loco laudato, Æoliam idem, quam appellat simpli-

cem, & aliarum quas suis qualitatibus ornat, sed non contentit cum his, quæ diximus ex Aristot. Nominat enim Dorian belliciosam: seu tu velles Æolium simplex, inquit, seu Asiæ varium, seu Lydium querulum, seu Phrygium religiosum, seu Dorian bellicosum. Melius & accommodatius iis quæ dicuntur ab Aristotele, Cassiodorus ita dehinc formas Musicæ singulas. Doriam, prudentiæ largitor est, & castitatis effector; Phrygius pugnas excitat, & votum furoris inflammatur: Æolius animi tempestates tranquillat, somnūque iam placatis attribuit: Lydus intellectum obtusis acuit, & terreno desiderio grauatæ celestium appetentiam inducit, bonorum operator eximius. Boëthius in lib. 4. de Musica septem statuit harmoniæ species, quæ non tam distinctæ ab his formæ sunt, quàm his veluti partes subiunctæ, nataque ab his. Ait igitur esse, Dorian, Phrygiam, Lydiam, quæ principes sunt & primæ: deinde natas ab his Hypodorian, Hypophrygiam, Hypolydiam, Mixolydiam: hoc est, Subdorian, Subphrygiam, Sublydiam, & Lydiam multam; nimirum non simplicem & puram Lydiam, sed cum aliqua alia temperatam harmoniam. Ex quibus Hypodorian, & Hypophrygiam nominauit quidem alibi in problematis Aristot. sed in eo cap. 5. lib. 8. Polit. nullam commemorat præter Mixolydiam, eamque non adprobat quia flebilis, hoc est, mollis est, remissior, effeminata; & fracta. Immo verò Lydiam ipsam damnat eodem nomine, quod mollis sit: id quod etiam fecit Plato in dialogo tertio de Republica. Denique nullam admittit Aristoteles magis, quàm quæ moribus componendis est idonea, scilicet maximè Dorian: sic enim loquitur ex interpretatione Lambini. At in modis ipsis & cantibus insunt imitationes, assimulationesque morum: atque hoc in promptu est. Tantum enim differunt, ac distant inter se harmoniarum naturæ, vt qui audiunt, aliter atque aliter afficiantur, neque eodem modo ad vnam quamque earum moueantur; sed ad has quidem aliquanto mollior, & contractior, vt ad eam, quæ Mixolydia appellatur; ad illas remollescant, vt ad remissas & molles; ad aliam moderati fiant, maximèque sedati: cuiusmodi quiddam efficere videtur sola ex harmoniis Doria. Lydiam igitur Hypolydiam, Mixolydiam, & si quæ præterea sunt, ait Aristoteles non esse componendis moribus accommodatas, accommodatam verò maximè Dorian esse, ac propterea illas non tradendas pueris; hanc verò, aliàsve eiusmodi tradendas & retinendas esse. Reddit enim hæc ipsum hominis animum harmonicum & consentientem sibi: cum virtutibus temperatus non modò musicam imitari, sed propriam quamdam habere musicam dicatur à sapientibus. Itaque alia quadam diuisione alius repetita triplicem dixere. Musicam esse, Mundanam, humanam, organicam: Mundanam quidem ex numerosa orbium celestium

conuersione, existere: humanam ex corporis partibus ac membris, ex elementis, humoribusque, ex animi facultatibus variis libi inter se mutuo respondentibus connexis, conspirantibus, atque obtemperantibus rationi conflari. Organicam instrumentis constare variis, quibus vel percussis vel inflatis percipitur auribus harmonia. Ergo concentum animi spectabant, & genus Musicæ moribus accommodatum volebant viri sapientes qui Musicæ studium adprobabant in Ciuitate. Idcirco nimirum Lyncurgus ipse, qui durissimas Lacedæmonis condidit leges, Musicæ tamen curam impendio complexus est. Idcirco Epaminondas egregiè fidibus cecinisse fertur, & Themistocles ille cum in epulis reculasset lyram, habitus est indoctior. Non tam enim ad fallendum tempus tam magni viri studium illud capessiebant, quàm ad animum componendum. Nihil ergo mirum videri debet, si Ciuitatibus discordias, & ex discordiis natam perniciem attulit musicæ studium desertum, & contempta tam salutaris cura disciplinæ. Huius nimirum rei admirabile prout nobis suppeditat exemplum Respublica Cynethensium, qui populi sunt in Arcadia. Cùm enim neglexissent canendi leges, quibus à maioribus fuerant instituti, humanitatem illico, atque vrbanitatem omnem cum feritate commutarunt. Itaque grauissimis bellorum ciuiliū fluctibus tamdiu iactati sunt, quoad Respublicæ consecutus interitus, & naufragium est. Mirum quidem id omnibus videbatur, quod soli Cynethenses ex omnibus Arcadibus ita feri essent ac barbari. Sed animaduersum tandem est, propter Musicæ curam iam desertam, iacentemque illis id accidisse: cùm maiorum legibus cautum esset, vt omnes vsque ad annum trigessimum in ea studiū diligenter incumberent. Legendus Polybius est in lib. 4. Igitur vt eò redeam vnde diuerti, non omnem Musicam Aristot. idoneam institutioni putat, sed Doriam tantum & eam vniuersè, quæ morata sit. Non tamen alias formas omnino repudiat, nisi sint ex eo genere, quæ molliant plus nimio, & malis imbuant moribus auditores. Nam probat alioqui eam Musicæ partem, quæ voluptate tantum perfundit auditores, eosque detinet in otio non otiosos: probat etiam illam sacram & religiosam Phrygiam auditores in intellectu afflantem diuino; perutilēque dicere esse animis expiandis, purgandis, lustrandis, extergendisque. Sed institutioni vnam esse præcipuè opportunam affirmat, quam in cap. 5. Doriam appellauit. Audiamus igitur ea quæ de varia ceterarum formarum utilitate dicitur in cap. 7. lib. 8. Polit. intelligamurque quid ipsa purgatio sit. Dicimus autem, inquit, non vnius utilitatis causa vt Musica oportere, sed plurium. Institutionis enim siue disciplinæ & lustrationis, expiationisque gratia ea vtendum est: deinde verò ad atatem degendam vitamque traducendam: postremò ad remissionem animorum ad requiem ac recreationem à contentione & labore. Quæ cùm ita sint, perspi-

cuum est, omnibus vtendum harmoniis esse, non tamen omnibus eodem modo: sed ad institutionem quidem ac doctrinam sit, quæ maximè sunt morales, &c. Et quoniam supra docuimus ex Aristot. Musicæ finem vnum quidem esse voluptatem, & requietem; alium verò morum perfectionem, purgationēve, videamus hic quid sit ea lustratio, vel purgatio, quam eundem Musicæ finem vult esse probabilem. Apud Græcos duplex obtinet nomen purgatio: alterum est *καθάρσις*, alterum *ἐξουδένισις*. Inter quæ nomina id esse discriminis docet Victor. quoddam *καθάρσις* dicta sit, cùm extergitur, & mundatur animus, turbidis motibus, aut prorsus eiectis, aut extenuatis: *ἐξουδένισις* verò cùm scelus aliquod admissum impurissimum, aut morbus iniectus diuinitus sacra aliqua ratione purgatur ac via. Affirmat igitur Aristoteles vtramque à religiosa illa harmonia peti expiationem posse, tum eam, quæ sedat turbidos illos animi motus, quibus aliquis interdum agitur impotenter, & ab ipso propemodum rationis statu deturbatur: tum aliam, quæ intemperias & furorem immissum diuinitus defendit atque propellit. Aut enim, affectus omnibus inesse, sed aliquibus esse vehementiores, & concitatiores, sic prorsus, vt infinito quodam metu exterreamur, & in morem, aut misericordia contabescant: præterea nonnullis non affectus modò tam turbidos esse, sed commotionem etiam mentis, & furiarum velut intemperitis agitarum animum, quæ sacris illis cantibus procurrari possint & expiari. Aristotelis verba sunt hæc: Qui enim affectus in aliquibus existere solet animis, valde & acriter hic in omnibus inest: sed eo differt, quod in aliis magis, in aliis minus inest: quod genus est misericordia & metus, & præterea mentis concitatio ex afflato diuino. Etenim ex hac agitatione & permotione nonnulli concitati feruntur: sed hos videmus sacris cantibus tranquillari ac sedari, cùm vtuntur Musici cantibus, animum furore leuantibus, ac purgantibus: proinde quasi curationem & purgationem consecuti sunt. Hoc idem accidere necesse est & misericordibus & timidis, & omnino iis, qui aliquo affectu facili commouentur. His, inquam, verbis Aristot. docet quid ea purgatio sit?

Sed dicet aliquis, hanc purgationem non potuisse peti ab harmonia Phrygia, cùm animos abalienaret, & furore diuino percelleret, vt supra diximus ex Aristotele. Quomodo enim liberet animum turbidis motibus, aut expiet furorem diuinitus immissum, quæ furore item diuino auditores afflabat, & concitabat? Dixerim, in eo genere Musices fieri quod videmus in Medicina: quæ motus humorum discordantium componere non potest, nisi alia eorundem humorum exagitatione ac motu. Cùm enim ea Musica diuina quædam existimaretur esse medicina, dicitur expiare furorem alio furore diuino, & turbidas componere commotiones agitatione diuinitus inflata beneficio cantus. Simile quiddam cerni-

mus in iis, quos Mystræ ac sacerdotes nostri malorum dæmonum obsidione atque agitatione sacris ceremoniis liberant. Concitantur enim plerumque novo quodam furore antequam liberentur. Sed tamen, inquit, hæc harmonia distingui à morali non debuit, cum etiam ipsa mores componat sedatis affectibus. Respondeo debuisse distingui, quia hæc non quolibet componit affectus, sed eos, qui impotenter hominem conturbant, & commouent: præterea non qualibet ratione componit, sed prorsus diuina, ut falso credebatur. Itaque non tam moralis, quam diuina debuit appellari. Moralem enim tantum eam dicere voluit, quæ immediatè ac proximè beneficio naturalis cantus medetur affectibus. Nam alioqui etiam harmonia illa, quæ honesto recreat in otio auditores aliquam moribus affert utilitatem: sed quia non affert immediatè, non moralem, sed alio illam nomine appellauit.

Ad hæc: est ab Aristotele aliud quiddam intelligendum, quod maxime declarare possit quam ipse Musicam institutioni consentaneam, quam eidem dissentaneam putet. Est autem id in cap. 6. eiusdem octauæ libri Polit. Vbi querit, An pueris ita tradenda Musica sit, ut canere debeant, & ipsis uti etiam Musicis instrumentis. Vtrum autem pueros, inquit, ita Musicam discere oporteat, ut ipsi canant, & muneribus operibusque Musicis manus admoveant, dubitatum est. Respondet ipse paulò post, exercitatio nem utramque esse adolescentibus capessendam: quia fieri non potest, ut boni iudices artis alicuius sint, qui non fuerint in ipso artis opere versati. Quare, nisi pueri Musicam ipso etiam opere tractent, de illa scientia bene non iudicabunt, nec commoueuntur, ut necesse est, & quod inde sequitur, mores non perficient suos, qui constant affectibus, hoc aut illo modo vel incitatis vel constitutis.

Alteram affert ad id probandum rationem ab altero petitam Musicæ sine, qui positus est in oblectatione pueris necessaria. At cigo, sapientissimè Tarentinum Architam iussisse, pueris dari crepitaculum. Videbat enim pueros quiescere non posse, ac nisi haberent aliquid in manibus quod singularem pareret ipsis voluptatem, fracturos esse vasa domestica: & quoniam id etiam animaduverterat, summopere eos delectari sonore, ac strepitu aliquo claro, variòque, crepitaculum æreum maxime sonorum iis dari iussit in manus. Quo posito, confirmat Aristoteles, eadem ex causa instrumenta & organa Musica esse pueris permittenda, quibus oblectent se, & eam artem cum iucunditate perdiscant. Sed quoniam dicere posset aliquis, illiberale hoc studium videri, & sordidum, nec decere eos, qui Rempublicam moderaturi sunt, tractare instrumenta Musica, occupat istum aditum, respondetque, nosse se pueros in hoc artificio tanquam in fine versari, nec Musicam vniuersè, aut nominatim organicam ab iis percipi sic accuratè, ut percipitur ab artifice-

bus ipsis, qui eam profitentur scientiam, & eius beneficio vitam tolerant: id enim esset sordidum & illiberale.

Quare scriptum reliquit Plutar. in vita Periclis, Philippum Macedonæ Regem increpasse aliquando Alexandrum filium, quod nimium scienter fidibus in conuiuio cecinisset. Non enim Musicam in Alexandro reprehendebat, sed nimium studium, quod videtur illiberale. Itaque si hunc scopulum pueri declinent, nullam ait Aristot. pertimescendam esse reprehensionem.

Nihilotamen minùs quædam esse fatetur instrumenta Musica, quæ tractanda pueris non videantur. Eiusmodi ait esse nominatim tibiā, ac citharam, & vniuersè organa omnia, quibus vulgares vtuntur artifices, & quæ artificum propria sunt: ac tibiā quidem improbat duabus ex causis: prima est, quòd furore quodam Bacchico, aut Berecynthio concitet audientium animos, ac propterea non sit moribus accommodata. Secunda: quòd cum inflanda sit, nimium postulet laborem & infantium os buccarum tumore deformet. Itaque laudat fabularum auctores, quòd commenti fuerint, ob eam oris deformitatem illico fuisse abiectas tibiās ab eadem ipsa Pallade, à qua nuperrimè fuerant excogitatæ. Tibia, inquit, non est organum ad mores mitiores exprimendos, aut inserendos aptum, sed potius ad animos furore quodam Bacchico stimulandos ac commodatum. Et post: Habet autem rationem probabilem ea de tibiis fabula, quam veteres continerunt. Aiunt enim, Minervam tibiās à se repertas abiectisse. Cum igitur hoc quoque liceat dicere, Deam, quòd oris deformitate offensa esset, hoc fecisse, tum verò probabilius est propterea, quòd tibiarum inflandarum disciplina nihil ad mentis conformationem conferat. Hæc Aristoteles. Citharam verò cur expulerit, causam ipse non aperit, neque ego diuinare possim, nisi lucem aliquam præferente Plutarcho. Qui in Erotico ait, arduum esse certamen citharædorum. Ex his enim verbis conuicio, artem citharæ pulsandæ fuisse laboriosam: ac propterea Aristotelem eripuisse pueris etiam citharam, neminò labore conduceretur: quod de ipsa tibia fistulæque etiam diximus. Videamus nunc quam instrumenta Musica probet. Pronunciat generatim vniuersèque, illa tantum organa permittenda pueris esse, quæ bonos efficiunt auditores. Quam verò sint hæc, non declarat, sed adiungit superioribus improbatis etiam alia, quæ iam inueterauerant, pestides, barbita, heptagona, triangula, sambucas. His enim ait operam dedisse antiquis temporibus etiam ingenuos, sed ad extremum eos desisse ea tractare, quòd viderentur illiberalia. Satis igitur id habeamus; non omnem adprobare Musicam, neque Musica omnia instrumenta pueris tradere Aristotelem, sed ea, quæ moribus informandis & perficiendis consentanea sint, quæque ab ingenuorum conditione non abhorreant.

Ex his facillè responderetur iis, quæ contra dicuntur primo loco. Illi enim viri graues non repudiarent vniuersè Musicam, sed certam aliquam Musicæ rationem, & certa quædam organa, quæ plus nimio animos frangerent, & effeminarent. Itaque sæpè legimus apud Platonem damnari quoddam Musicæ citharæve nouum genus; quod nimirum voluptarios, delicatos, impudicos, aut alioqui male moratos faceret auditores. Non enim Musica vel cithara vniuersè Sardanapalum fecit mollem, Neronem tyrannum, Alexandrum insolentem, Homerum insanum, furiosum Herculem, adulterum Pandem, sed Musicæ quoddam genus, & abusus Musicæ.

Iis verò quæ ex Arist. secundo loco obijciuntur, ipse respondebit Aristoteles, cuius hæc in eodem illo cap. 2. oratio est. Quocirca Musicam maiores nostri inter disciplinas numerarunt: non quod sit necessaria, vel utilis, aut sunt litteræ ad pecuniam faciendam, ad tuendam rem familiarem, ad artes Mathematicas, aliàsque disciplinas, & ad multas civiles actiones, &c. Ex his enim verbis intelligimus, eum comparare Musicam cum litteris, ac dicere, non esse sic necessariam atque utilem curandæ rei familiari, aut percipiendis aliis disciplinis civilisque vitæ actionibus obeundis, quemadmodum est Grammatica, & aliz facultates, quæ litterarum nomine continentur. Hoc autem non est dicere, simpliciter non esse utilem aut necessariam.

Tertix demum argumentationi respondimus supra ex Aristotele, cum diximus, eum velle canere quidem, & instrumenta Musica tractare adolescentes, sed citra vulgarem modum atque illiberalem exercitationem, quæ artificum propria est.

Restat pictura: aduersus quam eadem penè obijci possunt, quia videtur illiberalis, & sordida: sed respondendum item est ex Aristotele, illiberalem videri, si tractetur eodem modo, quo tractatur ab artificibus illis picturæ, qui hoc opificio victitant; quemadmodum enim ipse iubet habendum esse modum in Musicis, sic etiam aut multo etiam magis videndum vult in pictura, ne quid plus nimio faciamus: cum præsertim hæc ars in coloribus etiam illinendis versetur: quæ cura videtur illiberalior: sed ne hæc quidem est illiberalis, si certa cum ratione tractetur & eo modo, quo re ipsa tractata est ab honestis viris Romanis, vt est apud Plin. l. 35. cap. 4. vbi tradit, in variis templis, locisque

publicis. Quætas fuisse tabulas coloribus illas à nobilissimis Romanorum, quos nominat, & apud Franc. Patrit. de Institutione Reipublicæ lib. 1. tit. 10. vbi demonstrat, quanto in pretio sit habita olim pictura: legendus etiam Cassianus in Catalogo glorie mundi par. vnde cum considerat. 44. Ipse demum Plato, quemadmodum docet ibi Cassian. picturæ studiosissimus fuisse fertur. Nam pars illa, quæ simplici rerum descriptione continetur, & lineis sine colorum mixtura & temperamento a nemine improbatum: cum pars quedam Mathematicæ sit, vel ab aliqua Mathematicæ proficiat parte, quasi Tolon & iurculus, qui trunco summa fertur.

Quæ de pictura sic dicuntur, de architectura, sculptura, alijsve eiusmodi artibus pronunciari ac dici facillè possunt. Vt enim recitauit Lauren. Valla in proem. elegantiarum, ars pingendi, sculpendi, fingendi, architectandi liberalibus artibus proxime sunt. Immo verò pingendi ars videtur omnino liberalis habita esse ab antiquis. Ita enim scribit Plinius in lib. 35. cap. 10. de Pamphilo pictore. Ipse Macedo natione, sed primus in pictura omnibus litteris eruditus præcipue Arithmetice, & Geometricæ, sine quibus negabat artem perfici posse. Docuit neminem minoris talenti annis decem: quam mercedem & Apelles & Melanthius ei dedere. Et huius auctoritate effectum est, Sicione primum, deinde in tota Græcia, vt pueri ingenui ante omnia diagraphicen, hoc est, picturam in buxo docerentur, recipere: quæ ea ars in primum gradum liberalium: semper quidem honos ei fuit, vt ingenui eam exercerent, mox vt honesti; perpetuo interdicto, ne seruitia docerentur. Ideo neque in hac, neque in coreutice, vilius, qui seruerit, opera celebrantur. Ita, inquam, scribit Plinius, decernens hanc artem esse liberalem, & à sordibus abesse. Quo facilius constituendum est, à pueris percipi, pararique debere: cum præsertim in hoc etiam genere pars aliqua sit, quæ haud minus moralis, quam Musica debeat appellari: Sapienter quippe Budæus ad l. Athletas, ff. de his qui notantur infamia, ait, pictores non modò imagines effingere ad ornatum, & ad voluptatem pulcras, sed etiam ad utilitatem Ethicas: cuiusmodi sunt quæ rerum præteritarum memoriam seruant, nobisque ob oculos ponunt præclara maiorum facta, quibus ad persimilem laudem & gloriam incitamur.



CAPVT SECVNDVM.

DE IIS REBVS, QVIBVS GIGNITVR, aut corrumpitur Virtus.

S V M M A.

Mediocritate gigni Virtutem, eandem exuperantia & defectu
corrumpi.

DIVISIO CAPITIS IN PARTES TRES.

1. Ad doctrinam spectat de moribus, intueri qualesnam actiones sint, ex quibus moralis existit & generatur Virtus.
2. Actiones eiusmodi sunt illae, quae rediguntur ad medium.
3. Virtus autem in medio iam constituta actus ex se profert similes, hoc est, in mediocritate positos.

PARS PRIMA CAPITIS SECVNDI.

ΕΠεί οὖν ἡ παροῦσα πραγμα-
τεία, οὐ θεωρίας ἐνεχέῃ ἔστιν, ὥσπερ
αἱ ἄλλαι, οὐ γὰρ ἵν' εἰδῶμεν τί ἔστιν ἡ
ἄρετή, σκεπόμεθα, ἀλλ' ἵν' ἀγαθοὶ γι-
νώμεθα, ἐπὶ ᾧ δὲ αὐτὸ ὅφελος αὐ-
τῆς, ἀναγκαῖόν ἐστι σκέψασθαι. τὰ τοῦ
τῆς ἀρετῆς πῶς πραγματεῖται αὐτῆς.
εὐταὶ γὰρ εἰσὶ κέρειαι, καὶ τῷ πιατῇ
ἡμέτεται πᾶς ἔξῃς, καὶ τὰ εἰρηκα-
μῶν. ὁ μὲν οὖν καὶ τὸν ὁρθὸν λόγον
πραγματοῖται, κοινόν, καὶ ὑποκείμενον. ῥη-
θῆσινται δὲ ὑπερὸν τοῦ αὐτοῦ, καὶ τί ἔστιν
ὁ ὁρθὸς λόγος, καὶ πῶς ἔχει πρὸς τὰς
ἄλλας ἀρετὰς. ἐκείνο δὲ προδιωκυ-
μῶν, ὅτι πᾶς ὁ τοῦ τῆς ἀρετῆς
λόγος, τύπῳ, καὶ οὕτως ἀκριβῶς ὁφείλει
λέγεσθαι, ὥσπερ κατ' ἀρχαίαν εἰρηκα-
μῶν. ὅτι καὶ τὸν ὅλον οἱ λόγοι ἀπατητικοί.
τὰ δὲ αὖ τῆς ἀρετῆς, καὶ τὰ συμφέρον-
τα, ᾧ δὲ ἔχει ἐπὶ αὐτῇ, ὥσπερ οὐδὲ τὰ
ὑμῖν. τοιοῦτον δὲ ὅστις τῷ κατόλου λό-
γου, ἐπὶ μᾶλλον ὁ τοῦ τῆς ἀρετῆς
λόγος οὕτως ἔχει ἀκριβῶς. οὐτε γὰρ ὑπὸ
τέχνῳ, οὐδ' ὑπὸ τῷ ἀγαθῷ ὁδοῖται.
μῶν πᾶσι. δεῖ δ' αὖτε αἰετοῦ ἀρετῆς
πᾶσι, τὰ τοῦ τῆς ἀρετῆς σκεπῶν, ὥσπερ

QVoniam ergo praesens tractatio non
contemplationis causa est, ut ceterae
(non enim ut sciamus quid sit virtus, co-
gitamus, sed ut boni efficiamur, alioqui
nulla esset utilitas eius) necesse est conside-
rare de actionibus, quonam modo tractan-
da ipsae sint. ipsae enim sunt potentes, ut ta-
les quidam fiant habitus, ut diximus. Igi-
tur secundum rectam rationem agere com-
mune est, idque ponatur. Dicitur autem
postea de hoc, & quid sit recta ratio, &
quomodo se habeas ad alias virtutes. Illud
autem sit in confesso, omnem de rebus agen-
dis orationem rudi figura, & non exquisitè
debere exponi, ut initio diximus; quia se-
cundum materiam rationes postulatae sunt.
Ea verò quae in actionibus sunt, & quae
conducencia sunt, nihil habent stabile, quem-
admodum neque illa quae sunt salubria.
Cum autem eiusmodi sit de genere toto dis-
putatio, adhuc magis quae de singula-
ribus est oratio non habet aliquid exqui-
situm. Neque enim sub artem, nec sub
praeseptionem ullam cadunt. oportet au-
tem ipsos semper agentes ea quae ad tem-
pus pertinent attendere, quemadmodum

ὅτι τῆς ἰατρικῆς ἐχρ', & τῆς κυβερνή-
πικῆς. ἀλλὰ καὶ ὁ ἄνθρωπος τοιοῦτον τῷ
παρὸντος λόγου, περὶ τοῦ βονοῦ.

in medicina fit, & in arte gubernatrice.
Verum etiam si sit talis praesens oratio, eni-
tendum tamen est opitulari.

EXPLANATIO.



OCVERAT iam in primo Capite satis, virtutes morales in nobis gi-
gni, atque à nobis comparari nostrarum actionum beneficio & vi. Erat
consequens, vt doceret etiam, quales oporteat esse actiones eiusmodi,
quæ gignendæ comparandæque virtuti sint accommodatæ. Id vi-
delicet hoc secundo capite persequitur: quod diuidi potest in partes
tres. In prima contendit, officium esse moralis doctrinæ, videre quænam qualisve
sint actiones moralibus virtutibus generandis idoneæ: docetque quid in hac per-
uestigatione ponendum sit velut exploratum, & qua ratione ac via in ea sit in-
sistendum.

In secunda ipsas iam operationes circumscribit ac demonstrat, ex quibus & nascan-
tur & corrumpantur ipsæ Virtutes. In tertia docet quænam sint, qualisve actiones
illæ, quæ à virtute iam genita producuntur.

Quod in prima hoc docet initio, illud est: de actionibus, deque rebus agendis
esse philosopho morali differendum diligenter: idque pulcherrima ratione osten-
dit, à Civilis doctrinæ sine repetita. Cum enim huius finis disciplinæ non sit is, qui
ceteris adscribitur, hoc est, ipsa tantum rei cognitio & contemplatio, sed actio
proba & civilis vitæ perfectio, necesse est de ipsis actionibus & rebus agendis disse-
rere, vt intelligere denique possimus, quænam ex iis sint conficientes virtutis, quæ
viri sint effectrices: ex variis enim actionibus habitus gignuntur & conformantur
varijs; ex bonis quidem boni, ex prauis & improbis, improbi similiter & prauis. Actio-
nes enim, vt ait hic, & supra in lib. 1. cap. 10. affectionum atque habituum dominæ
sunt. αἵ ται γὰρ αἰσὶ κύρια τῷ πνεύματι καὶ ὁμοῦ τὰς ἐξέτι. Ipsæ quippe, hoc est, actiones,
talium generandorum habituum dominæ sunt: quod nihil significat aliud, nisi ta-
les habitus esse, quales sunt actiones: quippe quæ principes causæ sint, & quasi do-
minæ generandorum habituum.

Hæc, inquam, est Aristotelis in hoc capite propositio: cognoscendas nimirum
esse diligentissimè actiones humanas. Sequitur id quod vult à nobis haberi pro ex-
plorato atque comperto. id autem est: Omnes actiones nostras esse oportere rectæ
rationi congruentes, si velimus eas esse secundum virtutem. Id enim omnium est
commune virtutum, vt rectæ rationi consentaneæ sint. quod quidem demonstrabi-
tur infra copiosius. Sed hic ponitur, ac tamquam exploratum & certum assumitur.
Quin hoc loco prætermittit etiam querere, quid ipsa sit recta ratio, & quid virtuti-
bus conferat, aut quemadmodum se habeat aduersus illas. de hoc enim decerneretur
etiam infra, cum diceretur, hanc esse, quæ mediocritatem inueniat virtutum omnium.
est enim, vt ait Eustratius hic, recta ratio nihil aliud, nisi prudentia, quæ moralibus
virtutibus mensuram & modum inter exuperantiam ac defectum præscribit. Itaque
bene dixit in Menone Plato; omnia studia nostra, voluntates, atque consilia, si præ-
lucente ratione progrediantur, vitæ beatæ conficientissima esse: sin minus; parere
vitam calamitosam & miseram. Restat vltimum, in quo statuit qua doctrinæ ratione
sit insistendum, ac via ad ea conquirenda & peruestiganda, quæ cognoscere studio-
sum huius disciplinæ virum necesse sit. Hanc adeo vult illam esse, quam in primo li-
bro multis locis appellauit rudem, vulgarem, minimè accuratam docendi rationem,
αἰ τῶν, in figura, hoc est, vulgari ac populari modo, & quasi per similitudines, qui-
bus sæpè vtitur. Non enim exquisitis rationibus, demonstrationibusque vti potest
hæc scientia, quæ materiam habet mutabilem, & principia minimè stabilia, mini-
mèque constantia. Sunt enim materia actiones humanæ, & bona corporis ac for-
tunæ: quæ propter temporis, ac loci circumstantias mutabilia sic sunt, vt nunc bona,
nunc mala iudicentur. Itaque comparatur optimo iure civilis hæc disciplina cum
arte medendi. quæ quoniam corporis habitudinem, & medicamenta tractat, pro va-
rietate temporis nunc vtilia, nunc inutilia & perniciofa, certitudinem & stabilitatem
materiæ deliderat. Itaque in eo, vt ait Eustrat. similes sunt. quod quemadmodum ars
medendi aliter calido, aliter frigido tempore, aliter erga hunc ægrotum, aliter erga

illum se habet. sic moralis philosophia aliter atque aliter agit, aut decernit agendum esse, pro personarum, locorum, temporum, fortunarum varietate. Itaque probabilibus tantum locus est rationibus in hac doctrina, demonstrationibus veris est nullus. Necesse tamen est, inquit, huic rei etiam opitulari, siue opem atque auxilium ferre; hoc est, probabilibus insistere rationibus, & in figura ac per similitudines rem explicare, quando demonstrationibus eam declarare non possumus. Id enim mihi venit in mentem velle significare ὡς τῶν per similitudines, imaginésque petitas à rebus notis. quæ ratio docendi popularis est, & multitudini accommodata. Quibus de rebus quoniam satis est in primo libro explicatum, nihil hic dicendum præterea est.

PARS SECUNDA CAPITIS SECUNDI.

Πρώτων οὖν τῶν θεωρητικῶν, ὅτι τὰ τοιαῦτα πείθειν ὑπὸ αἰδίας καὶ ὑπερβολῆς φησέσθαι. δεῖ γὰρ ὑπὸ τῆς ἀφανῶς τοῖς φανεροῖς μῦθοις χρῆσθαι, ὥστε ὅτι τῆς ἰσχύος, & τῆς ὑγείας ὁρᾶμεν. Ἐπεὶ γὰρ ὑπερβαλλόντα γυμνάσια, καὶ τὰ ἐλλείποντα, φέρει πλεονέχου. ὁμοίως δὲ καὶ τὰ ποτὰ, καὶ τὰ σπία, πλείω καὶ ἐλάττω γαστρίᾳ, φέρει πλεονέχου. Ἐπεὶ δὲ σύμμετρα, καὶ ποτὰ, καὶ αὐτὰ, καὶ σπία. οὕτως οὖν καὶ ὅτι σωφροσύνης, & αἰδρίας ἔχει, & τῆς ἄλλων ἀρετῆς. ὅ, τε γὰρ πόρτα φέρει, & φοβούμενος, καὶ μηδὲν ὑπομύων, δὲ γὰρ γὰρ. ὅ, τε μηδὲν ὅλως φοβούμενος, ἀλλὰ πρὸς πάντα βαδίζων, ἀραυτός. ὁμοίως δὲ ὁ μὲν πάσης ἡδονῆς ἀπολαύων, & μηδεμιᾶς ἀπὸ γαστρίδος, ἀχάλατος. ὁ δὲ πάσας φέρει, ὥστε οἱ ἀχρηστοί, αἰσάμενος τις. φησὶ γὰρ ὅτι σωφροσύνη, καὶ ἡ αἰδρία ὑπὸ τῆς ὑπερβολῆς, καὶ τῆς ἐλλείψεως, ὑπὸ δὲ τῆς μεσότητος σώζεται.

Primū igitur hoc considerandum est; hæc talia ita nata esse, ut à defectu & exuperantia corrumpantur. necesse enim est, pro obscuris perspicuis testimoniis uti, quemadmodum in viribus & in valetudine cernimus. Nam & exuperantes exercitationes, & deficientes labefactant vires. eodemque modo poculenta, & esculenta cum plura, & pauciora fuerint, corrumpunt valetudinem; moderata verò, & efficiunt, & augent, & tuentur. Ita igitur & in temperantia, & in fortitudine se res habet, aliisque virtutibus. Qui enim omnia fugit, timetque ac nihil perfert, timidus fit: qui nihil omnino timet, sed omnia aggreditur, audax: itēque & qui omni voluptate potitur, & à nulla se abstinet, intemperans: qui autem omnes fugit, quemadmodum agrestes, sensus est expers. Corruptitur enim temperantia & fortitudo ab exuperantia, & defectu, à mediocritate verò conseruatur.

EXPLANATIO.



CUM inquirere necesse sit quibus in actionibus posita sit ratio virtutis & vis, siue quales esse oporteat actiones rationi consentaneas, quibus gignitur virtus, idque fieri non possit, nisi rudi quodam modo & per similitudines à rebus petitis notissimis, aggreditur id præstare, tripartitò diuidens actiones humanas, in eas, quæ habent exuperantiam, in eas, quæ defectu laborant, in eas, quæ mediocritatem obtinent inter utraq; tum affirmat, virtutes generari, seruari, augeri actionibus illis, quas ita metitur ex circumstantiis ratio, ut obtineant mediocritatem; corrumpi verò ab iis, quæ cum recta ratione collatz, deprehenduntur, vel exuperantiam habere, vel defectum, hoc est, vel in eo quod nimium est, vel in eo, quod est parum peccantes esse. Ita verò se rem habere demonstrat similitudine quadam, & quemadmodum ipse loquitur testimonio perspicuo desumpto à rebus notissimis in rerum natura, ad rem declarandam obscuram. Quam docendi viam laudat Theophrastus in lib. i. de iis, quæ oriuntur è terra. ubi ait, oportere, ad res explicandas obscuras, uti testimoniis & exemplis claris apertisque, quæ illis possint faciliè lucem asserre. Hoc autem testimonium, siue exemplum,

siue similitudinem apertam & claram à corporis vi, ac valetudine ducit. Videmus enim vim, valetudinem, & firmitatem corporis ab exuperantia, & defectu corrumpi: generari autem, seruari, atque augeri contrariis rebus inter exuperantiam & defectum positis. Corruptuntur nimirum corporis vires, & valetudo Gymnasij exercitationibus immoderatis: cuiusmodi erant illæ apud Spartanos, quas reprehendit Aristotel. in 8. Politicorum cap. 4. corruptuntur earumdem exercitationum defectu, si nullæ usurpentur, aut non ex adhibeantur, quas adhibere necesse est. gignuntur verò, seruantur, & retinentur iisdem exercitationibus moderatè frequentatis, hoc est, mediis & vtrisque interiectis. Idem de cibo, potuque iudicium est. qui si temperatus est, gignit, seruatque valetudinem: sin immodicus, aut æquo parcius, interimit. Verum quippe est quod ait Galen. in libello de valetudine tuenda iisdem rebus, hoc est, cibo potuque gigni & conseruari, iisdem corrumpi valetudinem corporis. cibum enim, potusque cum modo sumptus, seruat, idem, vel nimius, vel nullus, aut iusto minor, corrumpit. Denique distichon illud vetus oraculi locum obtinet.

Balnea, vina, Venus corrumpunt corpora nostra.

Corrumpunt corpus balnea, vina, Venus.

Cùm, inquam, hæc verè dicantur de firmitate, ac valetudine corporis, ait Aristoteles, haud minus verè affirmari, ac dici debere de Virtute, cuius causas efficientes quaerimus, augentes, & corrumpentes. Quemadmodum enim valetudo, & vis corporis gignitur, augetur, & seruat mediocribus exercitationibus, & usu cibi item mediocri, corrumpitur autem earumdem rerum exuperantia, vel defectu, sic virtutis omnis ratio & vis gignitur, augetur, & seruat actionibus rationi consentaneis in mediocritate positis: corrumpitur extremis, exuperantia, vel defectu laborantibus. Atque vt intelligamus sic prorsus id esse, declarat exemplo potissimum duarum virtutum; Fortitudinis & Temperantiæ. Fortitudinis quidem, quia qui nihil timet, est audax: qui timet omnia, meticulosus dicitur. qui mediocriter timet, est fortis. Temperantiæ verò: quia qui omnem sequitur vimbram voluptatis, est intemperans: qui voluptates respuit funditus omnes, stupidus est, αἰαίνωντος, sensus vacuitate præditus, vel insensibilis, vt loquuntur alij. αἰαίνωσις enim appellatur Temperantiæ contrarium vitium in defectu positum, quæ dici Latine potest, Sensus vacuitas; barbarè, Insensibilitas. Quibus exemplis, quoniam ita se res habet in ceteris virtutibus, id intelligi vult Aristoteles, virtutes omnes à mediocritate gigni, seruari, augeri: ab exuperantia defectuque corrumpi. Est eadem Platoni quoque philosophandi ratio; sic prorsus, vt dicat, neque nimium neque parum esse sciendum, sed moderatam rerum scientiam & cognitionem esse laudabilem. Iure adeo Cicero in Phil. 9. laudat hominem illum, cuius prædicabat virtutes his verbis: In illius viri consiliis atque factis, nec nimium, nec parum vnquam fuit. Quod si hæc duo extrema peccata conferas inter se, illa præsertim, quæ Temperantiam claudunt, iure dices, id esse deterius, quod peccat in nimio. Sic enim idem Tull. censet. Magis nimium, inquit, quàm parum.

PARS TERTIA CAPITIS SECVNDI.

Α Λ' οὐ μόνον αἱ ἡμέτερες & αἱ αὐ-
ξήσεις, & αἱ φθοραὶ, ἐκ τῆς αἰσῆς,
καὶ ὑπὸ τῆς αἰσῆς γίνονται, ἀλλὰ καὶ
αἱ ἐνέργειαι ἐν πῶς αἰσῆς ἔσονται. καὶ γὰρ
ἐπὶ τῆς αἰσῆς τῆς φαιερωτέρων οὕτως
ἔχει, ὅτι ἐπὶ τῆς ἰσχύος. γὰρ γὰρ καὶ ἐκ
τῆς πολλῆς ἐξοφῆς λαμβάνει, καὶ πολ-
λοὺς πότους ὑπομένει καὶ μέγιστα διώ-
ται αὐτὰ ποιεῖν ὁ ἰσχυρός. οὕτω δὲ ἔχει
& ἐπὶ τῇ ἀρετῇ. ἐκ τε γὰρ τῆς ἀπείχεσθαι
τῇ ἡδονῇ, γινόμεθα σώφρονες καὶ ἡρόμο-
νοι, μέγιστα διωκόμεθα ἀπείχεσθαι αἰσῆς.
ὁμοίως δὲ καὶ ἐπὶ τῆς αἰσῆς. ἐπὶ ζόμε-

Ceterum non solum ortus & incre-
menta, & corruptiones ex iisdem,
atque ab iisdem efficiuntur, sed & iam
actiones in iisdem versabuntur. Etenim in
aliis rebus euidentialibus ita fit, vt in
viribus. Gignuntur quippe ex multo
cibo sumendo, multisque laboribus perfe-
rendu: ac maxime potest hac efficere ro-
bustus. ita verò se res habet etiam in vir-
tutibus. Nam abstinentes nos à volup-
tibus, efficiuntur temperantes; & effecti,
facile possumus ab iis abstinere. Simili
quoque modo & in fortitudine. assuescen-

τοι γὰρ κατὰ φύσιν ἡμῶν φέρειν, & ἀπο-
 μένειν αὐτὰ, καὶ μετὰ αἰσθήσει, & ἡμεῖς οὖτοι
 μάλιστα διωκόμεθα ἀπομνήσκειν τὰ φο-
 βερὰ.

tes enim despicere terribilia, & suslinere
 ipsa, efficiamur fortes; & effecti, facile
 poterimus perferre formidolosa.

EXPLANATIO.



Id ad extremum docet quod tertio loco supererat demonstrandum: virtutes iam, mediocribus siue in mediocritate positis actionibus par-
 tas & genitas talia ex se proferre opera, qualia illa fuerunt, à quibus
 ipsæ Virtutes genitæ sunt. Nec aliud habet amplius qui Virtutes tam
 comparauit, nisi quod easdem actiones profert ex se melius, iucundius,
 atque facilius. Itaque continuat orationem hoc modo. Virtutes non solum ortus &
 incrementa accipiunt ab actionibus moderatis, verum etiam genitæ iam, & adultæ
 in iisdem actionibus versantur, & talia proferunt opera, qualia fuerunt ea, quorum
 beneficio & vi partæ sunt. Hoc etiam declarandum putat similitudine aliqua &
 exemplis illustribus, è re nota petitis. petit autem hæc à viribus & valetudine cor-
 poris, quæ gignuntur à cibo copioso, atque à laboribus magnis. Sed quoniam multo
 cibo, multoque labore validum se reddidit ac robustum, is maximè facillimèque
 potest, & multum sumere cibum, & magnos labores perferre. Atque id est causæ,
 cur medici, Celsus in primis, velint eos qui probe concoquunt, plurimum cibi sem-
 per capere. assuetudine enim illa robur parant & vires. viribus autem & robore par-
 tis, facile conficiunt cibum, & labores quoslibet perferunt. Ita prorsus etiam in vir-
 tutibus vñ venire confirmat. Temperantes quippe reddimur, & Temperantiæ pa-
 ramus habitum actionibus multis inter intemperantiam & stupiditatem mediis, hoc
 est, ex eo quod sæpe, multumque nos ipsos à voluptatibus abstinuerimus immodi-
 cis, vt eas usurpauerimus, quæ ex rectæ rationis præscripto mediocres sint. Facti de-
 mum & redditi temperantes, actiones easdem eius habitus beneficio, sed cum iu-
 cunditate ac facilitate maiore proferimus, & nullo negotio nos à voluptatum exu-
 perantia continemus, illasque tantum usurpamus, quæ medium obtinent inter
 extrema. Fortitudinem item comparamus per despicientiam, & perperessionem
 periculorum: parta iam fortitudine eadem pericula & contemnimus & perpetimur
 facillimè. Itaque quoniam ceterarum virtutum eadem ratio est, illud dici & statui
 debet vniuersè, Virtutum opera talia esse, qualia fuerunt ea, quorum beneficio &
 frequentatione sunt partæ: nec aliud habere amplius opera consequentia, nisi
 quod maiore cum iucunditate ac facilitate proferuntur & fiunt.

EPILOGVS.

1. Necessè est de actionibus virtuti comparande accommodatis differere: quia moralis do-
 ctrina non traditur contemplationis tantum & cognitionis gratia, sed vt virtus ali-
 quando comparetur.
2. Gignitur, seruetur, & augetur virtus actionibus illis honestis, qua inter exuperantiam
 & excessum obtinent mediocritatem rectæ rationi consentaneam ac respondentem: ex-
 cessu enim & exuperantia corrumpitur ac desinit esse.
3. Virtus non modo nascitur, seruetur, augetur ab actionibus in iusta mediocritate positis,
 verum etiam genita iam, seruata, & aucta in iisdem versatur, & talia producit ope-
 ra, qualia illa fuere, à quibus est genita. Facilius tamen & iucundius hæc postero-
 ra opera fiunt.



IN CAPVT SECVNDVM;

QVÆSTIO PRIMA.

An actus virtutis antecedentes habitum, ab iis qui eandem consequuntur, differant specie.



VAMQVAM hac de remul-
ta tum diximus, cum in pri-
mo libro decreuimus; beati-
tudinem positam esse in per-
fecto Virtutis opere potius,
quàm in ipso virtutis habitu,
hic tamen aliqua docenda erunt explicatius,
quæ tum fortasse vel adumbrata, vel omnino
præterita sunt: & quoniam illic posuimus,
inter vtraque opera differentiam & discrimen
aliud non esse, nisi quod habitus impertiat
agenti facilitatem, iucunditatem, & constan-
tiam in agendo, videre oportet hic omnia di-
ligentius.

Dicendum itaque breuiter est, ea virtutis
opera, quæ virtutem antecedunt, non differ-
re specie ab iis, quæ ex parte iam virtute con-
sequuntur, & quæ ab eadem proferuntur in
lucem. Multis id probari rationibus potest.
Quarum prima est huiusmodi: Inter virtu-
tem ac vitium, nullus esse medius aut tertius
habitus potest: ergo ne inter opera quidem,
vel vitiosa, vel virtuti consentanea medium
aliquod opus inuenitur. Sed opera, quibus
gignitur virtus, non sunt vitiosa, (non enim
ex iis nascetur virtus) ergo virtuti consen-
tanea sunt, & quod inde consequens est, spe-
cie non differunt ab iis, quæ virtutem an-
tecedunt. Secunda: Opus tale & eius-
modi, quale & cuiusmodi iustus facit vir, in
ea specie collocari debet, in qua ponitur il-
lud, quod vir efficit iustus: sed opus ex quo
gignitur iustitia, tale videtur esse, quale
prorsus illud est, quod iustus efficit vir: cum
hoc nihil ex habitu capiat amplius, nisi quod
maiore cum iucunditate, facilitate atque
constantia fit. Illa igitur opera specie differ-
re non possunt. Tertia: Actus, atque opera
Virtutis cum inter se specie differunt, dif-
ferunt ex eo, quod obiecta differentia sint.
Sed operis antecedentis, consequentisque
idem obiectum est: ergo nulla est inter v-
trumque differentia, quæ differentem postu-
let speciem. Quarta demum, quæ aliarum
esse potest robur & firmamentum, sic est:
Virtus gignitur ex electionibus voluntatis
rectæ rationi consentaneis, sed multiplicatis
& frequentatis. At electiones voluntatis,
quæ virtutis habitum antecedunt, ita sunt
iis similes, quæ ex eodem habitu consequun-
tur, vt non possint differre specie in gene-
re moris. Genus enim moris positum est in
bonitate ac vitio: bonitas autem & vitiositas
à ratione petitur; sic prorsus, vt quic-
quid bonum est, idcirco sit bonum; quia re-

ctæ rationi respondens est, quicquid est ma-
lum, sic propterea malum, quod à recta ra-
tione dissentiat: Argumenta, quæ longè ali-
ter id se habere contentunt, sunt quidem
multa, sed exigui roboris.

Primum enim, hoc est. Agere secundum
virtutem, & non agere secundum virtutem
non possunt esse opera vnius eiusdemque
speciei in genere moris: sed ante partam
virtutem non agimus secundum virtutem;
post partam, ex virtute agimus: ergo ante-
cedentia opera & consequentia in eadem
collocari specie non possunt. Hæc, inquam,
est prima ratio, quam nullo negotio confu-
tabimus, si extra dubitationem omnem verum
esse negemus, quod in priore propositione di-
citur ambiguit; opera, quæ secundum virtu-
tem sunt, esse specie differentia ab iis, quæ
secundum virtutem non sunt, modò fiant
cum electione rectæ rationi consentanea.
Quod si dicas, Aristotelem affirmare in hoc
2. lib. opus iustum fieri iuste non posse sine
iustitia. Resp. Aristotelem velle non posse
facile fieri, & difficile fieri sine iustitiæ habi-
tu; quod verum est: habitus enim addit faci-
litatem & voluptatem: quod verò difficile
fit, sæpè dicitur ab Aristotele in moralibus
fieri non posse.

Secunda ratio atque argumentum est: vir-
tutem reddere opus bonum, &c. Respon-
detur, non solum virtutem reddere opus bo-
num, sed electionem bonam, libertatem, vo-
luntatem: quæ satis est etiam si desit habi-
tus, vt opus dicatur bonum: sed opus bo-
num est melius cum virtute propter facilitatem,
iucunditatem, atque constantiam. Non
enim virtus est causa necessaria operis boni,
sed est causa, cum videlicet adest. Immo ve-
rò non est causa operis boni, nisi dispositiue:
disponit quippe præparatque potentiam ad
agendum facile, constanter, & cum voluptate.

QVÆSTIO SECVNDA.

An virtus augeri, imminui & corrumpi possit.

CVm in hoc cap. 2. dixerit Aristoteles,
Virtutes augeri, seruarique medioctri-
tate bonarum actionum; exuperantia defe-
ctūque corrumpi, id quod temperantiæ &
fortitudinis exemplo demonstrauit; quæra-
mus necesse est, num Virtus eiusmodi sit, vt
augeri, minui, corrumpi sic queat, quem-

admodum Aristoteles docet : sunt enim argumenta non leuia, quæ Virtutem immobilē esse demonstrent, & eam esse, quæ nec minui, nec augeri, nec corrumpi aliqua ratione possit.

Primum : Virtus est quidam excellentiæ finis, ac terminus, ut intelligimus ex primo Cæli, ubi ait Aristot. Virtutem esse vltimum potentiæ. Sed excellentiæ terminus indiuiduus est, nec partes obtinet, in quas diuidatur : ergo Virtus augeri non potest, aut minui. Firmat hæc & vera esse demonstrat Commentatoris auctoritas : qui in 7. phys. scriptum reliquit, tam virtutem ipsam, quam discessionem à virtute positam esse velut in puncto quoddam indiuiduo. Quin Aristoteles ipse in eodem 7. phys. docet ad morales habitus nullum esse motum : augeri autem & minui, siue incrementum, atque imminutio, sunt quidam motus.

Secundum : Quod imminui potest, potest etiam corrumpi : sed si virtus corrumperetur, consequens esset, hominem virtutis beneficio iam beatum, fieri miserum posse propter amissionem eiusdem Virtutis. Sed negat Aristot. in primo Ethic. fieri quemquam à beato miserum posse.

Erit igitur animaduertendum, primum, incrementum, quo res augentur, & imminutionem, qua decrescunt, non cerni propriè, nisi in iis, quæ quantitate sunt prædita. Sed tamen impropriè, translataque vocabula illa distrahuntur etiam ad ea, quæ tamen quantitate carent, intendunt se tamen & remittunt. Cuiusmodi sunt calor, frigus, habitus, qualitates omnes : quo fit, ut si velimus his abuti vocibus, atque ab illa proprietate discedere, possimus haud dubiè dicere, omnem omnino formam, quæ non sit indiuidua, augeri posse, minui, & corrumpi : nec vllam esse, quæ moribus hisce careat, nisi quæ suapte natura indiuidua sit. Videndum igitur est, an Virtus in eo genere formarum collocari debeat, quæ dicuntur indiuidua. Itaque

Animaduertendum erit secundo loco, notionem, nomēque Virtutis esse duplex : vnum eius, quæ perfectissima, & numeris absolutissima omnibus est, maximèque propriè dicitur Virtus. Atque hæc, quoniam solus in ea terminus vltimus attenditur excellentiæ, indiuidua est, nec vllis componitur partibus. Quemadmodum enim id quod calidissimum, aut frigidissimum est, si postremum tantum eiusmodi qualitatum attendamus terminum, indiuidua sunt, sic est indiuidua perfectissima Virtus, hoc est ea, quæ ad vltimum iam fuit euecta gradum : habet hoc quippe proprium quilibet rei terminus extremus, ut intra eum tota res sit, extra nihil sit rei. Alterum : Virtutis nomen tribuitur unicuique morali habitui bono, atque laudato : cuius nimirum vi & beneficio rectè aliquis agit, & quidem cum delectatione atque constantia. Qui habitus latè patet, & amplitudinem habet ac partes, in quas diuidi possit. Nisi enim ita res esset, nemo,

certè vix esset aliquis qui appellari verè posset, ac dici virtute præditus : cum inueniri non possit, aut raro inueniatur qui excellentissimum illum obtineat gradum virtutis, quo perfectior esse non possit alius. Quippe Virtus ita animæ quædam sanitas est, sicut optima humorum complexio, habitudo bona, valetudoque corporis est. At corpus sanum dicitur, & valens non tunc modò, cum excellentissima illa humorum consensione pollet, quæ terminum habet valetudinis summum, eumque indiuiduum, atque in puncto propè modum collocatum, sed tum etiam, cum tanta temperatur eorundem humorum proportionē, quanta satis est, & idonea iustis eorum operum functionibus, quæ sunt propria corporis, cum delectatione, ac facilitate obeundis. Ergo animus quoque non tunc solùm dicendus est virtute ornatus, & quodammodo sanus, cum absolutissima virtute potitur, eiusque postremum occupat gradum, sed tum etiam cum ex virtute illas occupat partes, & eos obtinet gradus, qui videantur idonei actionibus honestis cum dignitate proferendis. Itaque Aristot. in 3. lib. ait, cum qui parum abest ab opere bono, hoc est, à medio illo excellentissimo, graduque absolutissimo virtutis, non esse vituperandum. At esset vituperandus, nisi virtutis occuparet vim & naturam. Versaretur enim in vitio. Habet igitur ex Aristot. Virtus amplitudinem, & latitudinem tantam, ut laudentur etiam qui consistunt in secundis & tertiis. Rectè enim ait idem Aristot. non esse facile statuere, quanta sit huiusmodi latitudo. Quia etiam inter iaculatores non ij laudantur modò, qui signum attingunt, verùm etiam qui prope collineant.

Dicendum ergo nunc est, Virtutem augeri, minui, corrumpi posse. Quia cum de Virtute loquimur, non illam intelligi volumus, quæ gradum obtinet extremum, indiuiduum, difficillimè parabilem, & rarum ; sed eam, quæ communis est, latè patens, amplissimis inclusa finibus, faciliè parabilis, & obuia. Hæc enim tum obtinet vim suam, & Virtutis assequitur nomen, cum functionibus operum honestorum cum iucunditate & facilitate obeundis est satis iucunditas quippe facilitas, & hermitas animi inter agendum honestè indicant coaluisse iam habitum, & iustas posuisse radices. Quibus ita constitutis, haud est magnopere de argumentationibus initio propositis laborandum.

Quod enim ad primam attinet, responderi potest, in primo Cæli Aristotelem differere de Virtute vltimum illum, excellentissimamque gradum habente in puncto positum indiuiduo : hæc enim est vltima perfectiæ potentiæ : non tamen negat aliam esse posse potentiæ perfectionem ; qualis est Virtus communis. Voluit autem ab vltimo illo gradu definitionem petere virtutis eo loco, quia non potest perfectè cognosci Virtus, nisi cum vltima eius intelligitur excellentia. Idem sine dubio sibi voluit.

Commentator, cum Virtutem indiuiduam fecit. De Arist. verò pronunciante, ad morales habitus non esse motum; dico, eum nihil aliud velle, nisi ad Virtutem non esse motum per se, & propriè dictum. hic enim esse propriè dicitur ad ea, quæ prædita sunt quantitate. impropriè autem est etiam ad ea, quæ intenduntur, & remittuntur.

Altera verò ratio, contendens ex corruptione virtutis consequens esse, fieri posse miserum hominem ex beato, contra quàm velit Aristot. non admodum urgere nos debet. quia, ut aliàs monuimus, quod difficile fit, sæpe dicitur ab Aristot. in his Ethicorum libris fieri non posse. Itaque cum ait, neminem ex beato effici miserum, significat effici difficile. quia qui verè beatus est, habitum sibi parauit absolutissimæ virtutis. quæ quoniam altè radices iam egit, haud facillè conuellitur; adeoque dicitur conuelli non posse.

QVÆSTIO TERTIA.

Quibus modis, quâne ratione Virtus augeatur.

BREVISSIME tractabitur à nobis hæc quaestio, quæ alioqui tractanda pluribus esset, tum ob rei difficultatem, tum propter varietatem opinionum, quæ nodum reddiderunt difficiliorem. Perstringetur autem à me breuissimè, quia de industria disputant hoc de argumento Theologi, cum de habitibus agunt: quos adire facillè poterit qui locum volet tractatum amplius & copiosius. Ut igitur omnia summatim attingamus, tres hac de re scimus nobiliores esse sententias. Prima est Virtutem augeri ex accessione nouæ partis intensioris, corrupta priore minus intensâ. quod placuit Scoto in primo d. 17. q. 5. & Duran. in q. 5. & 7. Secunda est, vel D. Thomæ, vel eorum qui D. Thomam sequi se profitentur auctorem: Virtutem augeri propter ea, quod Virtutis, habitusque moralis iam comparati multo magis fiat subiectum participes, multoque magis ab eo perficiatur, nulla prorsus accedente noua parte, sed prioribus tantum multo maiores agentibus in subiecto radices. Tertia est aliorum omnium iam pene communis, affirmantium, incrementum Virtutis oriri ex accessione partis ad partem, remanente priore, cum qua coalescit, vnamque componit qualitatem.

Prima opinio non modò non probatur à doctis hominibus, sed explosa iam omnino videtur ab exedris. Secunda propugnatores quidem habet valentes & bonos, sed difficillè persuadet, actum virtutis nihil ab eis differentem esse, qui produxerunt habitum, & nihil eiusdem habitus nullamque partem generare. Ut enim calor rei calidæ accedens videtur calorem gignere debere, sic virtutis actus videtur augere debere virtutem producenda virtute. Itaque restat, ut tertia illa sententia videatur esse vendibilior, & quæ facilius ad probetur.

Dicendum igitur est, augeri virtutem ex eo, quod pars & gradus virtutis partibus gradibusque prioribus addatur. Neque enim fieri posse videtur, ut aliquis reddatur, & euadat iustior, quàm aliqua iustitiæ pars ad priorè accedat, & eum eadem iustitia coniungatur. Quid enim est quod gignitur actione virtutis? modum fortallè dicent esse, quo virtus ipsa multo constantius & pertinacius hæret in subiecto. At eiusmodi debet esse fundamentum aliquod. hoc verò non potest esse nisi qualitas. ergo qualitas est auctior, quæ illo modo afficitur, & quod inde consequens, qualitas ipsa mutatur & augetur eius beneficio modi. Sed nihil est quod hanc magis opinionem confirmet, quàm eius euerasio fundamenti, quo nituntur auctores secundæ sententiæ. Putant enim Aristotelem docuisse, non augeri virtutem ex accessione partis ad partem. putant autem hoc docuisse in Prædicamentis, cap. de quali. vbi sic loquitur, interprete Severino Boëthio. Suscipiunt autem qualia magis & minus. album enim magis & minus album altero dicitur, & iustum alterum altero magis & minus. Sed & ipsa intensionem suscipiunt. cum enim candidum fit, contingit amplius candidum fieri. Non tamen omnia, sed plurima. Iustitia namque si dicatur magis & minus iustitia, potest quilibet ambigere. Similiter autem & in aliis dispositionibus. quidam enim dubitant de talibus. Iustitiam namque Iustitia non omnino aiunt magis & minus debere dici, nec sanitatem sanitatem. minus autem habere alterum altero sanitatem aiunt, & iustitiam alterum minus altero habere dicitur: sic autem & Grammaticam. Ex his verbis obscuris oppidè atque perplexis existimantur id colligi posse iustitiam & quod inde consequens est, virtutem vniuersè non augeri partibus ad partem adiunctis. idque volunt intelligi primùm, ex eo, quod Aristoteles affirmare videatur, non omnes omnino qualitates intendere se eo modo, quo se intendunt aliquæ. [Non tamen omnia, sed plurima. Iustitia namque &c.] perinde quasi dicat, esse quidem aliquas qualitates, quæ se partibus accedentibus intendunt, non tamen omnes eiusmodi esse, ut cerni potest in Iustitia, ceterisque virtutibus. Sed eos decipi qui sic putant demonstrant ea, quæ postmodum adiungit de triangulo, quadrato, ceterisque huiusmodi figuris. Non enim alterum quadratum est altero magis quadratum, aut minus. Itaque verba illa, Non tamen omnia, sed plurima, referri debent ad ea, quæ postea dicturus est de figuris, quæque hoc modo pronunciat. Triangulus autem & quadrangulus non videntur magis, minusve suscipere &c. Non igitur aliam Aristoteles candoris, aliarumque qualitarum quàm Iustitiæ, ceterarumque virtutum vult esse rationem. quod fortasse probabunt ii, qui contendunt, non modò nullam virtutem, sed ne vllam quidem qualitatem physicam augeri partium incremento. Itaque hi alio nomine decipiuntur, hoc est eo, quod legerint illum locum, vbi de lu-

Iustitia sermo est, sic latinitate donatum ab aliquo veteri interprete, quemadmodum est donatus à Perionio. Iustitiam enim iustitia minorem, maioremve, aut valetudinem dici non putant oportere. quæ vertendi ratio, quia non placuit Boëthio & Argypopolis, facienda sunt ea verba latina, sicut ipsi fecerunt. Iustitiam namque iustitia non omnino aiunt magis & minus debere dici. Græcis enim hoc modo planissime respondent: in quibus aduerbia sunt *αλλοι & ἄλλοι*. quæ cum magis ac minus significant, sunt ab eis prætermissa, & in eorum locum substituta nomina comparatiua, maior & minor. *Δικαιοσύνη αὐτὸ ὃ δὲ δικαιοσύνη αὐτὸν, οὐκ, ἀλλοι & ἄλλοι* λέγεται, οὐδὲ ὅτις ὅτις ὅτις. Non autem differunt inter se mediocriter hæc duo. Iustitiam non dici magis, aut minus iustitiam, & Iustitiam non esse alia maiorem aut minorem. Vere quippe altera Iustitia non est magis Iustitia, quàm altera, si definitionem intuearis, quod proprium est aliarum etiam qualitatum, cum albedo non sit magis albedo, quàm alba, sed si perfectio- nom eius rei, quæ Iustitia aut albedine afficitur, intuearis; iustitia & albedo est alia maior, & rem, quam afficiunt, magis albam reddunt ac iustam, cum intendunt se minus, quæ faciunt albam aut iustam cum se remittunt. Itaque admittere, ac suscipere magis & minus duplici ratione qualitates possunt. primo quidem logicè: quod tum fit, cum prædicantur per aduerbia magis & minus. deinde physicè: ut cum forma perficitur & perficit rem, cuius est forma, gradibus additis. Id ergo sibi vult & significat Aristoteles, nullam qualitatem, adeoque nullam virtutem esse magis qualitatem & virtutem quàm alteram, aut suscipere magis & minus; quia nulla prædicatur cum aduerbiis magis & minus. Sed physicè tamē vnā esse magis, quàm alteram, hoc est, esse altera maiorem. quia in subiecto perficitur ex partis ad partem accessione.

QVÆSTIO QVARTA.

*An quolibet opere Virtutis ipsa virtus
augeatur.*

QVONIAM augeri Virtutem certum est, ut docuimus in proxime superiore quæstione, nec potest augeri virtus nisi per actus & opera, quibus etiam gignitur, ut demonstratum est in primo cap. huius libri, quærendum hæc est, num quilibet actus opusque virtutis augere possit habitum: an sit aliquod, à quo nulla ratione fiat habitus auctior. Quæstio autem hæc à nobis instituitur de Virtutibus, quæ nostrā parantur operā & labore. Nam de ceteris immixtis attributisque diuinitus, ut sæpè monui, non est nostrarum partium differere. Quod si velit aliquis hoc initio cognoscere, quorsum id propria disputatione quærendum sit, animaduertat necesse est, actus atque opera Virtutis esse posse intensiora aut remissiora, quàm

Virtutem. opusque iam antegressum à quo auctus est habitus. quàm intensionem remissionemve non possumus nisi proportionem metiri. Fit enim sæpe, ut habitu obtineat intensionis gradus & partes quatuor, actus qui manat ab habitu, obtineat sex, aut duos. si obtinet sex, est intensior: si duos, dicitur esse remissior, quàm habitus ipse actusque præcedens, à quo vel genitus, vel actus, atque amplificatus est habitus. Quæritur igitur hæc: an quilibet actus, hoc est etiam remissus, & habitu actuque iam antegresso minus intensus, aut illi etiam æqualis, possit habitum Virtutis augere. Intensorem enim actum augere virtutem posse pro comperto ponitur ab omnibus.

Tres hæc de quæstione præcipuæ sententiæ sunt. Prima est D. Thomæ 1. 2. q. 52. a. 3. confirmantis, actus tantum habitu intensiores augere habitum ipsum: æque intensos ac perfectos non augere, sed munire ac sternere quodammodo viam ad incrementum. remissos denique & habitu ipso imperfectiores, non modò eum non augere, verum etiam viam ad imminutionem corruptionemque præparare.

Secunda est Durandi in primo d. 17. q. 8. num 6. & 9. Gabrielis in 3. d. 23. q. 1. artic. 3. dub. 4. contententium, quolibet actu atque opere Virtutis quantumvis remisso habitum Virtutis augeri, vel qualitatem actum iam antegresso comparatam. id quod addunt propterea, quod non semper ex antecedentibus operibus existit perfecta virtus, sed inchoata tantum & qualitas aliqua, quæ faciliè ad perfectionem virtutis euehitur.

Tertia est Vasquez in primo tom. 1. 2. disp. 80. cap. 1. non nihil à Durando & Gabriele dissentientis. Aut enim ipse quidem, quod illi docent, remissiores actus augere virtutis habitum, sed tamen excipiendos aliquos esse, ita remissos, elumbes ac leues, ut propter exilitatem & leuitatem suam augere non possint habitum. existimat enim, terminum aliquem inueniri demum remissionis oportere, qui definiat incrementum. Sed fatetur eiusmodi terminum à nobis designari & describi non posse.

E tribus hæc sententis secunda mihi videtur esse maximè probabilis. quæ placuit, non modò antiquis illis, & doctis viris, eius auctoribus, sed aliis etiam, qui post extiterunt; in primisque Valentis in prima 1. disp. 4. quæstionis 4. punct. 3. Quamquam enim id, quod Vasquez excipit inter opera remissa, non videtur idoneum agendæ Virtuti, cui vix vlla fortasse proportionem respondet, nihilo tamen minus dici debet accommodatum, si præsertim quiddam addamus, quod addendum putat Valentia, ne incredibilia dicere videamur. Ait, inquam, remissum quemlibet actum ita posse Virtutis habitum auctiorem facere, si potentia præparata sit, atque ad suscipiendum incrementum per opera & actus iam antegressos accommodata. Nisi enim iis operibus, actibusque sic exercita sit, ut faciliè possit incrementum accipere habitus, ne ipsi quidem intensiores actus habi-

tum amplificabunt, sed tantummodo parabunt expediētque potentiam ad amplificationem suscipiendam. In summa: quemadmodum actus non producunt habitum, nisi cūm potentia satis superque iam exercita & preparata est; sic eundem non amplificant, nisi cūm eadem est ad incrementum suscipiendū exercitatione mūnita & preparata. Quōd si hoc modo preparata sit, nulla videtur esse causa, cur actus quantumvis remissus non debeat aliquamvi partem adiungere, quemadmodum ex argumentationibus ad hoc explicandum, confutandūque primam sententiam hic adiungendis, intelligetur.

Ac primo quidem infirmāda sunt duo fundamenta, quibus eius auctores innixi, confirmant, non posse augeri habitum, nisi actibus, atque operibus ipso intensioribus habitu. Quorum prius ab Aristotele petere seputant, arbitantes eum in hoc cap. 2. dicere, aliquos actus ab habitu proficisci, qui habitum ipsum imminuant. hos autem non esse alios, nisi eos, qui negligenter oscitantēque proferuntur ab eo, qui pollet habitu. Sed hoc neque illo loco, neque alibi docet Aristoteles. Ait enim tantummodo, actus esse quosdam qui minuunt & corrumpant habitum, hos autem esse illos, qui vel exuperantia peccant vel defectu. at actus his duobus peccantes nominibus non proficiscuntur ab habitu: qui propensionem homini dat ad proferendos actus in mediocritate positos & iusta mensura circumscriptos. Ergo ex Aristotele intelligi potius contrarium debet, hoc est; habitum non imminui, corrumpive, nisi actibus illis qui non proficiscuntur ab habitu, & quod inde consequens est, nullam eum facere mentionem actus imperfecti remissiorisq; quā sit habitus, sed duplicis actus vitiosi, qui producit a potentia.

Posteriorius fundamentum accersunt à Physica. quæ docet, æquale in æquale non agere: nec posse calidum quicquam, cui quatuor caloris gradus & partes sint, aliud augere, quod totidem obtineat partes, gradusque caloris. hinc enim fluxit illud pronunciatum Physicorum: à proportionē minoris inæqualitatis non fieri actionem. Quo fit, ut multo minùs possit producere & intendere habitum, si remissior actus sit. Sed hoc etiam fundamentum euāidum est. Quamquam enim id verè dicitur de principalibus agentibus, & de causis illis vniuocis, quæ per se proferunt & producunt effectum, non tamen verè dicitur de iis, quæ ideo sunt alicuius rei præstantioris conficientes, quōd aliarum causarum præstantiorum instrumenta sunt. licet hoc in alicuius generatione substantiæ cernere, quā à naturali quidem potentia gignitur, sed tamen eius substantiæ vi atque efficacia, cuius instrumentum est. Illa enim substantia quæ princeps est causa, facit, ut potentia efficiat aliquid se ipsa longe præstantius atque perfectius. Cū igitur actus virtutis, vel æqualis, vel remissus eatenus augeat habitum, quatenus est instrumentum potentia, quæ princeps est causa generationis & incrementi, nihil

mirum esse debet, si aliquid efficiat excellentius se. Nam alioqui se in actu quidem intensiore, quā sit habitus, tanta vis & perfectio est, quantum esse intelligimus in habitus incremento: adeoque cūm habitum augeat, & incrementum eiusdem efficit, facit aliquid se perfectius; quia nimirum à potentia cuius est instrumentum vires accipit ad agendum excellentius, quā postulet naturalis eius conditio & vis. Quin ipse quoque habitus dici potest esse princeps incrementi causa, actus verò instrumentum habitus; ac propterea non à potentia tantum, verum etiam ab habitu vim illam & potestatem mutuari actum remissum, ut augere possit habitum, & producere quod est ipso perfectius, si tamen, ut supra diximus, sit potentia satis ad suscipiendum incrementum per exercitationem preparata. Hæc enim idonea preparatio facere potest, ut actus quantumvis remissus augere possit aliquantulum habitum: quippe quæ id præstet, ut quilibet actus quantumvis remissus idoneum sit instrumentum ad habitus incrementum efficiendum. Id verò propterea sic dixerim, quod non quilibet accidentia quantumlibet infirma, sunt idonea instrumenta ad producendam substantiam, nisi materia sit optimè preparata.

Est alia præterea ratio vulgaris quidem, sed admodum accommodata, quæ idem fundamentum amoliri possit, à luminis similitudine petita. Quamquam enim quodlibet lumen exiguum propriè ac per se aliud maius lumen augere non potest, adiutum tamen, & promotum ab alio lumine maiore, quod inuenit productum, profusumque in medio, potest augere lumen, quantumvis magnum & longè latèque diffusum. Itaque verum quidem est, quod ponitur in fundamentis; non posse quicquam aliquid efficere supra virtutem, & facilitatem suam, si per se tantum agat & ex propria vi. sed tamen est falsum, si agat, ex aliena vi & facultate, aut adiuuetur & promoveatur à causa præstantiori.

His euersis fundamentis, accedere potest argumentatio pulcherrima, quam petit Vasquez à memoria; cuius habitum perfici videmus & augescere non actibus modò magis intensis, sed æqualibus, aut remissis, atque imperfectioribus, ut constat experimento; cū cernamus actibus, vel eodem plane conatu, vel minore repetitis & frequentatis augeri memoriæ habitum & roborari, confirmariq; quotidie. Quōd si deberent actus omnes posteriores crescere, & elici subinde maiori cum conatu, vix esset aliquis, qui memoriæ vllum sibi pararet habitum, sed in actibus illis semper, identidemque maioribus eliciendis fatigaretur & deficeret antequam habitum sibi pararet. Idem fieri oportere contendit in adeptione moralium Virtutum, si necesse sit singulos actus esse maiores. neque enim vllum inter hos habitus, quod ad hoc attinet, potest inueniri discrimen.

Aliis argumentis non est necesse singillatim respondere: quia singula contendunt, agens oportere iis rebus esse simile quas efficit,

actum verò remissum non esse similem. Id verò nihil vincit, quia remissus atque imperfectior actus, est similis propter eam vim, quam mutuatur & accipit aliunde.

QVÆSTIO QVINTA.

Quibus rebus, quæve ratione, Virtutis habitus corrumpatur.

ARISTOTELES quidem discretè pronuntiat in hoc cap. 2. Virtutem corrumpi ab exuperantia & defectu, hoc est, ab actibus à mediocritate discedentibus, Virtuti contrariis, & vitiosis: quod autem hic de corruptione dicitur, intelligi quoque de imminutione debet: quæ enim corrumpunt, eadem etiam imminuunt, si minora sint, quàm ut corrumpere possint: sed difficultates hinc existere, ac quæstiones permultæ videntur, quæ proponendæ, profligandæque sunt singulæ.

Ac primò quidem quæri potest. Vtrum habitus per se corrumpatur actibus Virtuti contrariis, an præterea necesse sit, actus illos contrarios, antequam Virtutem corrumpant, efficere aliquem habitum, sic prorsus, ut habitus Virtutis habitu vitij contrarij corrumpatur immediatè. Sunt qui velint oportere ex actibus vitiosis habitum vitij coalescere, priusquam Virtus corrumpi queat, nec Temperantiam verbi gratia vllis intemperantiæ deleri posse operibus, antequam ex eis contractus habitus intemperantiæ sit.

Sed dicendum primò est, quèmlibet actum Virtuti contrarium, non intensiorem modò, maioremque quàm habitum, sed minorem etiam & quantumvis remissum aliquid habitus corrumpere, & virtutem ipsam imminuere. Consequens id nimirum est ex iis, quæ de Virtutis incremento sunt dicta: si enim quilibet actus Virtuti consentaneus augeat Virtutem, quilibet etiam Virtuti contrarius eamdem imminuet, & aliquis corrumpet ex parte. Quòd si dicas, aliquem actum Virtuti solidissimæ amphissimæque contrarium ita remissum esse posse interdum, ut non plus Virtutem imminuat, quàm frigus exiguum calidissimam aquam: ac exiguum, & leuissimum frigus nihil immutat aut refrigerat calidissimam aquam: ergo ne actus quidem remissus immutat habitum: si hoc, inquam, obijciatur, id ego responderim: hic etiam velle me præparationem aliquam in Virtute, quæ faciat, ut leuissimus actus aliquid efficere possit etiam aduersus solidissimum habitum: præparatio verò posita est in eo, quòd careat sæpe numero Virtus adiutrice causa, & conseruante: cuiusmodi est exercitatio, atque operum actionumque frequentatio. Ut enim postmodum dicetur, ipsa cessatio præparat corruptioni viam. Itaque quemadmodum maximè remissus actus propter poten-

tiz præparationem, quam obtinet ab exercitatione actum potest aliquid virtutis addere, sic actus Virtuti contrarius quantumvis levis ac remissus, accedente cessatione, quæ sternit corruptioni viam, potest aliquid Virtutis euertere. Immo verò id ipsum fortasse accidit aquæ calidissimæ, si conseruans causa submoueat. Igne, inquam, qui subiectus est, sublato accedens frigus quantumvis exiguum & leue, aliquid corrumpet caloris, inducto frigore.

Dicendum secundò est; totum quidem Virtutis habitum corrumpi, & deleri omnino non posse, nisi ab habitu contrario, qui eum formaliter expungat & eradat ex animo: sed tamen non omnem habitum Virtuti contrarium Virtutem ipsam prorsus obliterare.

Prima huius dicti pars constabit ex declaratione secundæ, quæ petenda est ex vario statu, & conditione habituum inter se contrariorum. Habitus enim oppositi in gradu intenso simul esse non queunt: sed si gradum obtineant remissum, conciliari & in eodem esse subiecto possunt, quemadmodum vel in ipsis cernitur rebus physicis, quæ calorem simul haud ita magnum & mediocre frigus admittunt. Itaque Temperantia levis, & levis intemperantia non se mutuo depellunt. Ergo cum Virtus expellitur tota, & prorsus eraditur ab animo, non expellitur nisi ab habitu solido, aut ab actibus ita vehementibus, ut possint efficere habitum firmum, eique gradum intantum impartiri.

Secunda quæstio est: An sola cessatio possit habitum corrumpere. Cui responderi S. Thom. 2. 2. q. 52. a. 3. quod verissimum est: cessationem quidem ipsam per se non corrumpere Virtutis habitum, sed corrumpere tamen per accidens: per se quippe corrumpitur & minuitur Virtus, ut docet hic Aristot. à contrario: ex cessatione verò fit sæpè, ut ab ipso corrumpi contrario queat: ac propterea dici debet cessatio eius corruptionis causa secundaria. Cum enim cessatio tollat actus & opera, quibus ipsa seruabatur virtus, arcebanturque contraria, facit haud dubiè, ut aduersarius pateat, & opportuna sit Virtus, adeoque pessum eat, & ab illis corrumpatur. Excitantur nimirum animi perturbationes, habitu cessante, otiosæque virtute: perturbationes autem ab habitu cessatore minimè cohibentur, quoniam illi contrariæ sunt, eum enervant, paulatimque corrumpunt. Nam quemadmodum ij, qui habitu intelligentis animæ non vtuntur, opinionibus occupantur prauis scientiæ, sapientiæque contrariis, quæ scientiam ipsam & sapientiam obliterant, ut docet Aristot. in libello de longit. & breuit. vitæ; sic ij, qui Virtutis abstinent exercitatione, refractariis exagitantur affectibus; qui quoniam Virtuti prorsus aduersantur, eam imminuunt, atque adeo etiam pessundant, si diu, multumque grassentur impune.



CAPVT TERTIVM. DE PARTÆ VIRTVTIS INDICIIS.

S V M M A.

Delectationem, atque tristitiam signa esse, ex quibus intelligi possit, utrum Virtus parva perfectè sit.

DIVISIO CAPITIS IN PARTES TRES.

1. Omnis virtus moralis in voluptatibus ac doloribus occupatur.
2. Ex quibus conditio statûsque Virtutis intelligitur, qualis sit.
3. Ipsa hominis natura, quæ semper in agendo vel tristitia mouetur, vel delectatione ducitur, indicat ex eiusmodi affectibus metiendum esse statum Virtutis.

PARS PRIMA CAPITIS TERTII.

ΣΗΜΕΙΟΙ ΔΕ ΔΥΐ ΠΟΙΘΑΝΤΙ ΤΗΝ ἔΞΕΩΝ, ΠΛΕΥΘΥΝΟΜΕΝΩΝ ἠΔΟΝΩΝ, ἢ ΛΥΠΩΝ ΟἷΣ ἘΡΧΕΤΑΙ. Ὁ Μὲν γὰρ ἀπεχόμενος τῆς σωματικῆς ἠδονῆς, καὶ αὐτῷ πύττω χαίρων, σώφρων. ὁ δὲ ἀχρόμενος, ἀκόλαστος. καὶ ὁ μὲν ὑπομύων τὰ δάνα, καὶ χαίρων ἢ μὴ λυπούμενος, αἰσθητός. ὁ δὲ λυπούμενος, δαλός. πρὸς ἠδονὰς γὰρ καὶ λύπας ὅστις ἢ ἡλικὴ δέχεται.

Signum autem oportet statuere habituum, consequentem voluptatem, aut dolorem in operibus. Nam qui se continet à corporis voluptatibus, eoque ipso letatur, temperans est: qui molestè fert; intemperans, & qui perfert grauias, & gaudet, aut ceritè non dolet, fortis: qui autem dolet, timidus. Nam circa voluptates & dolores versatur moralis virtus.

EXPLANATIO.

DVO continentur hoc capite: quorum alterum est eius argumentum proprium, aliud est appendix, atque additamentum: sed tamen argumentum & materia propria tractatur breuissimè, copiosissimè verò, ac multis quod additamenti accessionisque obtinet locum. Argumentum quippe huius capituli est signum & nota, ex qua cognosci demum possit, utrum virtus perfectè iam adoleuerit ex virtutis operibus, an adhuc inchoata sit, & imperfecta: quam notam cum dixisset esse voluptatem, & molestiam in agendo, episodio quodam & diuerticulo longissimo id disputando contendere institit, virtutem omnem in voluptatibus, molestiisque versari. Nos hoc loco, quia proprium explanare debemus argumentum, ita faciamus initium. Ea quæ geruntur animo, quoniam ab oculis submota sunt, difficilè percipi possunt; adeoque signum aliquod est querendum & nota, quæ nos penitus in illorum notitiam cognitionemque perducant. Quod si vnquam in aliis rebus, in virtutibus ceritè, vitiiisque dignoscendis hoc præsidium necesse habemus adhibere. Gignitur enim virtus, vitiumque ex operibus frequentatis, & ex cumulo quodam actionum firmatur, ac veluti radicibus altè iactis ponitur habitus: sed quàm multas postulet actiones, & opera, quo demum tempore firmatus iam in animo & roboratus sit, intelligere nisi per signa non possumus. Hæc igitur signa, notasque certissimas Aristoteles positas esse vult in tristitia, ac voluptate, quæ virtutis opera consequuntur. Quicquid enim rectè agimus, id vel cum aegritudine ac molestia, vel cum voluptate

voluptate agimus: si gaudium inter agendum, voluptatemque sentimus, intelligimus haud dubie, perfectum iam habitum esse Virtutis. Sin cum aegritudine ac dolore proba coniuncta sit actio, demonstrat habitum nondum esse perfectum, sed inchoatum atque praecisum. Duarum virtutum exemplo, Temperantiae, ac Fortitudinis id docet Aristot. Nam qui se corporis voluptatibus sic abstinere, ut etiam abstinendo delectetur, & capiat ex continentia voluptatem, sine dubio Temperans est, & perfectum iam habitum Temperantiae praeditus: qui molestia, acque aegritudine afficitur, nondum habitum consecutus est Temperantiae. Qui rebus perferendis acerbis ac difficilibus gaudet, aut certe non dolet, ille verè fortis est, & iam perfectum adeptus est habitum: qui molestissime fert res acerbis & perperis difficiles, habitum fortitudinis nondum comparavit: sed de fortitudinis voluptate, quae parva est & penè nulla agitur in 3. libro. Idcirco enim diximus hic, satis esse, si non doleamus. Itaque actionum operumque virtutem ipsam antecedentium & consequentium discrimen demonstrat voluptas & molestia. illa enim comitatur opera ex virtutis habitu perfecto manantia, hæc coniuncta cum illis est, quæ habitum antegrediuntur, eundem generant, & quasi cum dolore parturiunt habitum. usque adeo verum est quod vulgari penè proverbio dicebant sapientes, virtutis amaras esse radices, fructus iucundissimos. Rectè Plutarch. in libello de Virtute morali scriptum reliquit Laconem nescio quem interrogatum quam potissimum rationem iniecerat ad instituendum puerum suæ curæ demandatum, respondisse, effecturum se, ut puer è rebus honestis voluptatem caperet, tristitiam è turpibus atque molestiis. Idem Plutar. in libello de noctis, quibus aliquis cognoscere possit an in Virtute processus habeat, hæc eadem signa constituit à voluptate molestiaque petita, quæ tradit hic Aristot. Adjungit tamen his præclara, & pulchra somnia: vult enim præterea ex eo nos intelligere partem à nobis iam esse virtutem, si somnia honesta sint, & minimè flagitiosa, hoc est è rebus expressa turpibus, & scelestis. Huiusmodi enim sunt improborum somnia, & potissimum intemperantium hominum, ac libidinosorum, qui ea non modo non depellunt, si possint, verùm etiam prouocant acceruntque iudicio ac voluntate. qualis est apud Propertium Tarpeia ex Tati Regis aspectu, amore iam perdita: quem in solitudine sic alloquitur.

Experiar somnium: de te mihi somnia quæram.

Fac venas oculis umbra benigna meis.

Observandâ hic aliqui esse docent insignem planè differentiam inter Philosophicas disputationes & iustas magistratus. Magistratus quippe ac legislator non id postulat, aut imperat, ut quis gaudeat, aut delectetur bene factis, sed ut benefaciat & rectè. de facientis animo non laborat; nec inquit, utrum is, qui rectè agit, voluptate aut dolore afficiatur. quod admonet Aristot. in Eudem. lib. 7. & Cic. in offic. 3.

PARS SECUNDA CAPITIS TERTII.

ΔΙὰ μὲν γὰρ ἡδονῶν, καὶ φρονήσεως, καὶ τοῦ καλοῦ, καὶ δὲ τῶν ἀγαθῶν, καὶ καλῶν ἀπεχόμεθα. δὲ δὲ ἡδονῶν καὶ φρονήσεως ἐν τῷ νῦν, ὡς ὁ Πλάτων φησὶν, ὡς χαίρειν τε, καὶ λυπεῖσθαι οἷς δὲ. ἡ γὰρ ὁρμή παιδείας αὐτῇ ὅσῳ. ἐπὶ δὲ εἰς ἀρετὰς εἰσὶ καὶ καλὰ καὶ πᾶσι, πᾶσι δὲ καὶ πᾶσι καλὰ καὶ πᾶσι ἡδονῇ, καὶ λύπῃ, καὶ ἀφ' ὧν αὐτῇ ἡ ἀρετὴ καὶ ἡδοναί, καὶ λύπαι. μέντοι δὲ καὶ αἱ καλὰς καὶ ἀγαθὰς ἀφ' ὧν τῶν καλῶν καὶ ἀγαθῶν πᾶσι εἰσιν. αἱ δὲ καλὰς, ἀφ' ὧν

PROPTER voluptatem enim improba facimus, propter dolorem verò ab honestis abstinemus. Itaque necesse est institutos nos esse certo quodam modo à pueris, quemadmodum Plato ait; ut iis lateamus doleamusque, quibus oportet. Recta enim educatio hæc est. Iam verò, si virtutes versantur circa actiones, & affectiones; omnem autem affectionem, & omnem actionem sequitur voluptas & dolor, ob eam profecto causam versari debet virtus in voluptatibus ac doloribus. Indicant verò id, & supplicia quæ inferuntur per hos, medela namque quædam sunt. medela autem per res

ἐναντίας πεφύκασι γίνεσθαι. ἐπὶ ὧς ἔ-
πεσον εἰπεῖν, πᾶσα ψυχὴ
ἔστι, ὅφ' οἷον πέφυκε γίνεσθαι χεί-
ρων, καὶ βελτίων, πρὸς αὐτὰ, καὶ
πρὸς αὐτὰ πλεονέχου ἔχ· δι' ἡδονὰς
δὲ, καὶ λύπας φαντασίαι γίνονται, τὰς
διώκειν αὐτὰς καὶ φεύγειν, ἢ αἰ μὴ
δεῖ, ἢ ὅτι οὐ δεῖ, ἢ ὡς οὐ δεῖ, ἢ ὅσα-
χως ἄλλως ὑπὸ τῷ λόγῳ διεκρίβηται
ταῖς ποιαῖσι. διὸ καὶ ὁρίζονται αἱ δε-
ταὶ ἀπαθείας πινὰς καὶ ἡρεμίας. ὅτι οὐ
δεῖ, ὅτι ἀπλῶς λόγῳ, ἀλλ' οὐχ
ὡς δεῖ· καὶ ὡς οὐ δεῖ, καὶ ὅτι, καὶ ὅσα
ἄλλα περὶ ταῦτα. ὑποκείται ἄρα ἡ
δεξιότης (ἢ) ἡ ποιανύτη πρὸς ἡδονὰς, ἔ-
λύπας, καὶ βελτίων πρὸς κακίαν. ἡ
δὲ κακία ποιανύτην.

contrarias solent effici. Præterea, ut etiam
prius diximus, omnis animi habitus, à qui-
bus rebus natura id obtinet, ut fiat deterior,
ac melior, ad has res, et circa has naturam
habet: propter voluptates autem et tristi-
tias vitiosi fiunt, persequendo eas, et fu-
giendo siue quas non decet, siue quando
non decet, siue ut non decet, siue quo-
cumque alio modo à ratione distinguuntur
talìa. Quare et definiunt virtutes vacui-
tates quasdam affectus et tranquillita-
tes: non rectè quidem, quia simpliciter
hoc dicunt, non autem ut decet, et ut
non decet, et quando, et quacumque alia
adiiunguntur. Ponitur ergo virtus esse huius-
modi circa voluptates, et dolores optima-
rum rerum operatrix; vitium verò contra.

EXPLANATIO.

Hic nimirum incipit epifodiu illud, & suscepta digressio ad volupta-
tem & tristitiam explicandam, in quibus vniuersè omnis versatur Vir-
tus. Cùm enim has esse dixisset notas, & signa internoscendis virtu-
tibus accommodata; digressus à re proposita, pronunciauit vniuersè
virtutem omnem in voluptatibus doloribusque versari. Septem do-
monstrat rationibus id verum esse; quarum quatuor exponit in hac secunda capi-
tis parte, tres explicat in extrema, quam huic proxime subiungemus. Nos igitur
quatuor inuestigemus hic & perpendamus, quas petit ex comparatione varia de-
lectationis & tristitiæ cum Virtute. Primam video esse propemodum huiusmodi.
In iis rebus versatur Virtus, à quibus ipsa gignitur & corrumpitur. Sed gignitur
& corrumpitur à voluptate atque tristitia. propter voluptatem enim, quam ve-
hementer volumus, perperam agimus, & malè aliquid expectimus, aut facimus,
propter tristitiam, quam formidamus auersamurque, à probis auocamur operi-
bus & officiis, quibus sine aliqua tristitia perfungi non possumus. Ergo virtutis est,
voluptatis cupiditatem frangere, & mollire dolorem, atque tristitiam. Rectè adeo
sapienterque Platonem monuisse confirmat Aristoteles, nihil nobis vtilius acci-
dere posse, quàm si à pueris sic instituamur, ut gaudere rebus honestis, turpibus
dolere condiscamus. Qui enim hoc modo sunt eruditi nullo negotio Virtutis ope-
ribus insuescunt, ipsūque adeo Virtutis habitum parant facillimè. Docet hoc
Plato in 2. de leg. & 4. de Repub.

Secunda ratio: Omnis actio atque affectio animi nostri eiusmodi est, ut eam
consequi, comitarique oporteat, vel tristitiam, vel voluptatem. Nemo enim
aut agit quicquam, aut certo quodam afficitur modo sine tristitia, aut dele-
ctatione. At Virtus omnis, vel in actionibus, vel in affectibus versatur hu-
manis: ergo in voluptate versatur, atque tristitia. Quo loco animaduerten-
dum est, non sine ratione atque consilio dictum hic esse, virtutem omnem
vel in actionibus humanis, vel in perturbationibus affectibusque animi versari.
Iustitia enim versatur in actionibus humanis, hoc est, in emptionibus, vendi-
tionibus, distributionibus: reliquæ virtutes morales in affectionibus animi tem-
perandis.

Tercia sumitur à similitudine medicinæ, curationisque corporibus. Videntur
enim delectationes, atque tristitiæ medicinæ quædam esse, curationesque, qui-

bus Reipublicæ custodes, & legiflatores valetudinem animo nostro conantur afferre. Est autem ratio huiusmodi: In eo versari debet esse Virtus, cuius beneficio & vi legislator, veluti medicamento quodam & curatione, homines ad ipsius Virtutis adeptionem aliquando perducit: sed ad Virtutis adeptionem perducit Cives beneficio tristitiæ, ac voluptatis tanquam aliqua curatione & medicamento salutari. Id enim indicant propositæ improbitatibus pœnæ, atque supplicia, quibus vel omnino subducuntur, vel temperantur & reguntur voluptates: videntur quippe illæ pœnæ animadversionesque amaræ quædam esse portiones, ac propterea tristitiam afferunt ac dolorem, illi contrarium voluptati, quæ morbum animi facit. Vt enim ait Galen. in lib. 8. de methodo medendi, omnis à mediocritate declinatio contraria declinatione curatur. Ergo quemadmodum medicina rebus constat, iis contrarius, ex quibus contractus est morbus, sic pœnæ, animadversionesque contrariæ sunt iis rebus, in quibus, vel est à nobis peccatum, vel peccare vellemus. Legendus est Plato in Gorg. & in lib. 2. de leg. ubi ostendit, hunc prorsus esse finem propositumque earum pœnarum & suppliciorum, quæ in Republica proponuntur, ut Cives ad Virtutis adeptionem aspero etiam itinere compellantur. Hæc igitur huius loci conclusio: In voluptate ac tristitia Virtutem omnem idcirco versari, quod versari debeat in iis, quæ nos ad virtutis adeptionem perducunt. Sunt autem eiusmodi voluptas & tristitia, quemadmodum leges ipsæ demonstrant, quæ subducendis voluptatibus, & inferendo tristitia ac dolore sanant animum nostrum: subducunt autem voluptates, & dolorem inferunt proponendis irrogandisque suppliciis.

Quarta ratio esse videtur huiusmodi: Omnis moralis habitus in iis rebus est positus, quibus natura sua fieri, vel melior, vel deterior potest. Sed virtus melior fit, aut deterior voluptate ac tristitia: delectatione quippe, ac voluptate moralis omnis habitus redditur deterior, tristitia & dolore melior fit. Cum enim delectationes & voluptates persequimur quas non decet, aut plusquam decet, aut eo tempore, quo non decet, reddimur deteriores, & vitiosi, corrupta virtutes: cum autem voluptatibus abstinemus, ac propterea dolore afficimur & tristitia, ut oportet, & quantum oportet, & eo tempore quo oportet, reddimur meliores, & Virtutem comparamus. Igitur omnis Virtus in dolore ac voluptate versatur. adeo demum verum esse ait virtutem omnem in tristitia & voluptate versari, ut definiendo aliqui dixerint, Virtutes esse indolentias quasdam, & perturbationum affectuumque vacuitates, siue status animi pacatos, atque tranquillos. Albert. D. Thom. Burl. Ioan. Maior, alique ex hoc ordine interpretes ad Stoicos id referunt: sed non viderunt, Stoicos atate fuisse Aristotele posteriores. Quinam autem fuerint, haud facile est reperire: aliquos tamen extitisse etiam Aristotelis ævo, vel paulò ante necesse est, qui eadem affirmarent, quæ postea ipsi Stoici docuerunt: quod enim hoc loco de iis tradit, nihil omnino differt à dogmate Stoicorum. Reprehendit tamen eos, eorumque improbat definitionem eo nomine; quod virtus non adimat simpliciter usum affectus aut voluptates, sed eas temperet, & regat, faciatque, ut iisdem utamur quemadmodum oportet, & cum oportet: ex his enim cautionibus metiri solemus omnem Virtutis mediocritatem.

Claudit ad extremum disputationem; affirmans, Virtutem firmum quiddam esse in voluptatibus atque molestis versans, & ad optima gerenda instructum: contraque vitium esse quiddam etiam firmum, versans in doloribus & voluptatibus, sed ad res pessimas agendas institutum.

PARS TERTIA CAPITIS TERTII.

ΓΕΝΟΜΕΝΟΝ Δ' Αὖ Νῦν καὶ ἐκ τούτων φανερόν, ὅτι πρὸς τῶν αἰσθησίων, καὶ πρὸς τῶν ὁρῶν καὶ εἰς τὰς αἰσθησίων, καὶ πρὸς τῶν ὁρῶν καὶ εἰς τὰς φυχὰς, καὶ κατὰ τὴν φύσιν, καὶ κατὰ τὴν φύσιν, καὶ κατὰ τὴν φύσιν.

Fieri verò poterit nobis etiam ex his apertum, ac de ipsis. cum enim tria sint, quæ in electiones cadunt, & cum tria sint, quæ in repudiationes cadunt, honestum, utile, incundum: & cum

τῶν εἰσπίων, αἰσροῦ, ἀσυμφοροῦ, λυ-
πηρεῦ, πᾶσι μὲν ταῦτα ὁ ἀγα-
θὸς κατορθωτικὸς ὅστις, ὁ δὲ κακὸς,
ἀμφοτερικὸς. μέγιστα δὲ πᾶσι τὴν ἡδο-
νὴν κοινὴν τε γὰρ αὐτῇ τοῖς ζώοις, ἔ-
πασιν τοῖς ὑπὸ τὴν αἴρεσιν ὡς κα-
λοῦσι. καὶ γὰρ τὸ καλὸν, καὶ συμ-
φέρον, ἡδὺ φαίνεται. ἐπὶ δὲ ἐκ το-
πίου πᾶσιν ἡμῖν συντέτακται, ὅς
καὶ χαλεπὸν ἀποτρέψασθαι τῆς
πάσης ἐγκαχρωσμένοι τῷ βίῳ. κακο-
νίστημι δὲ καὶ τὰς πρᾶξεις, οἱ μὲν
μέγιστοι, οἱ δὲ ἥττοι ἡδονῇ, καὶ λύπῃ.
Ἀλλὰ τῷ οὖν ἀναγκαῖον εἶναι πᾶσι
τὴν πᾶσιν πρᾶγματιᾶν. οὐ γὰρ
μικρὸν εἰς τὰς πρᾶξεις ὅτι ἢ κακῶς
χαίρειν, ἢ λυπεῖσθαι. ἐπὶ δὲ χαλεπώ-
τερον ἡδονῇ μάχεσθαι, ἢ θυμῷ, κα-
ταὰρ Φησὶν Ἡράκλειτος. πᾶσι δὲ τὸ
χαλεπώτερον αἰεὶ καὶ τέχνη γὰρ ἔστι
τῇ. καὶ γὰρ τὸ εἶναι, βέλτερον ἐστὶ πύτων,
ὥστε καὶ Ἀλλὰ τῷ πᾶσι ἡδονὰς καὶ λυ-
πας πᾶσι ἢ πρᾶγματιᾶν καὶ τῇ ἀρε-
τῇ καὶ τῇ πολιτικῇ. ὁ μὲν γὰρ εὖ πύτων
χρῶμας, ἀγαθὸς ἔσται, ὁ δὲ κακῶς,
κακός. ὅτι μὲν οὖν ὅστις ἢ ἀρετὴν περὶ ἡδο-
νὰς, ἔστι λύπας, ἔστι ὅτι ὅστις ὡς γὰρ ὑπὸ
πύτων, καὶ αὐξεται, καὶ φθίρεται, μὴ
ὡσαύτως γινώσκων, καὶ ὅτι ὅστις ὡς
ἐγένετο περὶ ταῦτα καὶ εἰργαῖ, εἰ-
ρήσθαι.

iria sint contraria, turpe, inutile, mo-
lestum, circa omnia quidem hac vir bo-
nus rectè agens est, improbus autem pec-
cans, maximè verò circa voluptatem.
communis enim ipsa animantibus est, &
omnibus, qua sub electionem cadunt co-
mitatur. Quippe honestum & utile iu-
cundum videtur. Præterea verò à pueris
omnibus nobis inoleuit. quare arduum est
extrudere hunc affectum insitum vitæ.
Metimur autem etiam actiones (alij qui-
dem magis, alij minus) voluptate, ac
dolore. propterea igitur oportet esse in his
omnem tractationem. non enim parum
facit ad actiones, rectè aut præuè laci-
ri, vel dolere. Ad hac autem. difficilior
est, voluptati repugnare, quàm iracun-
dia, ut ait Heraclitus. circa difficilior
verò semper & ars versatur & virens.
Etenim quod benè sit, in eo versari præ-
stantius est. Quapropter etiam ob eam
causam circa voluptates & dolores om-
nis tractatio & virtuti & Politica fa-
cultati est. Nam qui benè his vititur, bo-
nus erit: qui verò malè, malus. Igitur
versari virtutem circa voluptates & do-
lores, & ex quibus rebus gignitur, ab
iisdem, & augeri, & corrumpi cum
non eodem modo fiant, & à quibus re-
bus ortum habet, circa easdem etiam ope-
rari, dictum sit.

EXPLANATIO.



ALIA tres hic exponuntur rationes, argumentationesque, quibus ostendatur, Virtutem omnem in voluptatibus, doloribusque positam esse: sumuntur autem ex homine, cuius voluptas est atque tristitia. Prima, quantum colligere verborum significationem possum, est huiusmodi: In eo versari debet virtus, quod bonorum omnium humanorum malorumque bonis ipsis oppositorum commune est. Sed delectatio bonorum omnium humanorum, tristitia malorum oppositorum est communis. Triplex enim est humanum bonum, honestum, utile, iucundum: quæ ita se conciliant inter se, ut quicquid est utile, vel honestum, iucundum etiam sit, sed non adeo quicquid iucundum est sit etiam honestum aut utile. Itaque bonum iucundum suam communicat cum cæteris bonitatem: cum illo non cetera. Triplex quoque malum oppositum est: turpe, quod aduersatur honesto bono, noxium aut inutile, quod utili contrarium est: triste, quod pugnat cum iucundo: sed malum sic impartitur ceteris tristitiam suam, ut nec inutile malum, nec turpe tristitia & dolore vacare possit. Ergo virtus, quæ in iis operam collocat suam, quæ communia sunt bonorum omnium humanorum, & malorum oppositorum,

versabitur in tristitia & delectatione, quæ cum bonis & malis humanis necessario sunt coniunctæ, omniumque communes. Quod si causam quæras, cur in iis versari debeat virtus, quæ bonorum omnium malorumque communia sunt, respondet Aristot. id propterea sic fieri oportere, quod vir bonus & improbus versentur in his bonis & malis humanis, & quod inde consequens est, etiam in iis, quibuscum ea bona necessariam habent coniunctionem: cuiusmodi est voluptas atque tristitia. Est enim Virtutis, probos homines regere, atque in bonis promovere; improbos à malis auertere, ac reuocare. Quemadmodum enim vir bonus inter delectationem atque tristitiam rectè se gerit, & agit honestè, sic improbus in utraque peccat: multo tamen maximè in voluptate, & delectatione. Est enim hæc, inquit, omnium animantium communis, & illis quoque rebus adhæret, quæ veilia sunt, & honesta: nec quicquam à nobis expetitur aut eligitur quod iucundum, & voluptatis conficiens non sit. Huc accedit, quod voluptas & voluptatis cupiditas insita nobis naturæ est: nobiscum à teneris vnguiculis educata est, & nobiscum adolevit. Infans enim vix natus delectatur haustu lactis, dolet acrimonia, & contactu rerum asperarum. Itaque sic, inquit Aristot. ut hunc affectum nobis innatum (Græcè *ἐγγεγραμμένον*) difficilè possumus eluere aut abstergere: quæ metaphora ducta est à fulionibus: nam *ἐγγεγραμμένον* est id quod leuiter tinctum est: *ἐγγεγραμμένον* id quod tinctum firmiter, & prorsus est, vel colore penitus imbutum. significat adeo vitam nostram sic imbutam esse delectationis & voluptatis cupiditate, ut cum effectum eluere difficillimum sit. Ex Plat. in 4. de Repub. sumpta sunt hæc. Quæ cum ita sint, virtus in voluptate magis quàm in tristitia ponit operam.

Secunda ratio petitur ex eo, quod voluptas & dolor regulæ quædam esse videantur actionibus humanis regendis idoneæ: plurimum enim ad eas tractandas, & moderandas valent, quas nimirum voluptate, & tristitia quodammodo metimur & dirigimus, ut verbo Græco hic significatur, *καταρτίζοντες δὲ τὰς πράξεις*. Barbarè dicendum esset, Regulamus verò actiones, &c. Addit, alios magis, alios minus id facere: quia nonnulli plus voluptati tribuunt, aliqui minus. adeoque alii alij magis, minusve metiuntur actiones suas voluptate ac tristitia: non enim omnes æquè voluptatem sequuntur, aut fugiunt tristitiam in agendo. Disponi verò potest argumentatio hoc modo: Circa ea vertitur omnis virtus, quibus homines veluti regulis quibusdam dirigunt, & moderantur actiones suas: sed delectationibus ac doloribus homines maximè dirigunt suas actiones. In eas enim incumbunt, in quibus delectationem inveniunt, ab iis se continent, in quibus dolorem & tristitiam nanciscuntur. Igitur in delectatione, ac tristitia omnis tenetur & versatur virtus.

Tertia, eaque postrema ratio ex eo ducitur, quod ars & Virtus in difficili versantur & arduo: comparat enim cum arte Virtutem, ut intelligamus ita Virtutem oportere in difficili operam collocare suam, sicut collocat ars, quæ sine dubio id tractat, quod efficere unicuique promptum & facile non est: immò verò tum cernitur magis, & perfectior apparet, cum versatur in difficilioribus, ut ait Eustrat. Fabrilis quippe solertia in lignis asperioribus læuigandis coagmentandisque magis prospicitur: Medicinæ in morbis grauioribus curandis. In his enim fungi benè munere suo, inquit Aristot. præstantius est, & ingeniosius: quo autem modo hinc sequatur, in voluptate ac tristitia Virtutem versari oportere, sic intelligemus, si Aristotelis totam ratiocinationem hoc modo retexamus: In iis quæ difficilia & operosa sunt, versatur Virtus: sed resistere voluptati & delectationi maximè operosum & arduum est; sic, inquam, ut difficilius sit voluptati repugnare, quàm iræ. Videtur Aristoteles comparationis huius testem laudare Heraclitum. Et verè sic existimauit Argyropolus: Aristotelem nimirum velle significare, Heraclitum dixisse, difficilius esse obsistere voluptati, quàm iræ: sed fallitur. Non enim ea comparatio voluptatis cum ira fuit Heracliti: sed illud dictum quod est apud Plutarch. in libello *περὶ ἀσυχίας*. hoc est, de iræ vacuitate: iræ obsistere difficillimum est. Verba Plutarchi hæc fere sunt: Magnum non est, mortales subigere mortales: quippe cum meliores etiam à deterioribus interdum superati sint: statuere autem in animo trophæum de victa iracundia, cui difficillimum est velle resistere, ut ait Heraclitus, proprium est magnarum virium, & quæ de certaminibus victoriam reportare consueverint. Cum igitur Heraclitus nullam

fecerit voluptatis mentionem, non potest Aristoteles eius comparationis auctorem laudare Heraclitum. Existimo igitur, verum esse quod docet Petr. Victor. Aristotelem hoc loco corrigere dictum Heracliti, cum ait difficilius esse voluptatem vincere, quam iram, ut dicebat Heraclitus. Cum enim diceret Heraclitus, omnium difficillimum esse, vincere iram, affirmabat etiam difficilius esse iram vincere, quam ceteras affectiones animi, adeoque ipsam voluptatem. Ait itaque Aristot. difficillimum esse vincere voluptatem, non iram, ut volebat Heraclitus, cum dicebat, omnium difficillimum esse iræ resistere. Eadem enim est vis illius comparatiui ac superlatiui, si oratio disponatur hoc modo: Non enim eorum verborum sententia est, Heraclitum voluptatem cum ira distinctè, discretèque comparasse, ac dixisse, difficilius esse voluptatem superare, quam iram. Dixerat enim contrarium, cum pronunciauerat, iram vincere difficillimum omnium esse, adeoque corrigendus hic fuit, quemadmodum corrigit eum Plutarch. in lib. cuius index est *ἡρώδης*, Amatorius: ubi ait, difficilius esse cum amore pugnare, quam cum iracundia, ut censebat Heraclitus; qui nimirum cum dixisset, difficillimum esse pugnare aduersus iram, dixerat etiam, esse difficilius aduersus eam pugnare, quam aduersus amorem. Cur autem difficilior sit cum voluptate, quam cum ira concertatio & pugna, duplex esse ratio potest. Prima: Quia voluptas nobis innascitur, & nobiscum adolescit à pueris, adeoque in naturam quodammodo vertitur: ira est repentina, facile accedit, facile depellitur: denique quæ sunt nobis insita natura, difficillimè auelluntur. Altera: Quia ira rationi magis est similis quam voluptas, quæ tota est in sensu, ac propterea magis ferina est: quæ causa item est, cur ira rationi magis obtemperet, quam voluptas: hæc enim quia belluina est, magis etiam est refractaria. Ut igitur eò reuertatur vnde discessit oratio, in voluptate versatur virtus, quia virtus in difficili versatur & cernitur: difficillimum verò est, voluptatem vincere. Cetera, quæ apud Aristot. in fine capitis sunt, Epilogum continent, nec postulant explanationem.

EPILOGVS.

1. *Virtutis comparata iam, aut inchoata nota & signum in voluptate positum est, & tristitia. Virtus enim perfecta comitem habet voluptatem, imperfecta dolorem, atque tristitiam in agendo.*
2. *Virtus omnis in voluptate, tristitiâque versatur: voluptas enim & tristitia cause sunt actionum nostrarum, & easdem actiones consequuntur: in actionibus autem humanis versatur Virtus.*
3. *In voluptate tamen magis, quam in tristitia versatur: quia voluptas ad peccandum, errandumque nos magis impellis.*



IN CAPVT TERTIVM,

QVÆSTIO PRIMA.

Qua ratione omnis moralis Virtus in delectatione tristitiâque versetur.



INVESTIGANDA ratio & modus est, quo singulæ virtutes in voluptate versentur & dolore, quod hic ab Aristotele dicitur & demonstratur. Id quippe verum esse multis potest argumentationibus contra contendere.

Nam primò quidem Iusticia, moralium virtutum una, versatur in actionibus, non in affectionibus humanis: delectatio verò & dolor siue tristitia perturbationes sunt, atque affectus hominis. Non igitur omnis virtus in voluptate versatur & dolore. Deinde certum est, liberalitatem & magnifi-

centiam in diuitiis, pecuniâque versari, quæ bona vtilia sunt, magnanimitatem in honore ac dignitate, quæ inter honesta bona numerantur: sed Aristoteles in hoc cap. sciunxit bonum honestum, & bonum vtile à iucundo: cum triplicem fecit rationem humanorum bonorum. Igitur aliquæ virtutes sunt, quæ non versantur in voluptate ac delectatione, cum hæc sint bona iucunda: versantur enim in vtili tantum & honesto. Ad hæc. Vir fortis inter opera fortitudinis, hoc est, inter plagas & vulnera, inter ipsa pericula præsentissimæ mortis non capit delectationem, ut docebit Aristot. in lib. 3. Non igitur omnis Virtus in voluptate versatur. Denique sola Temperantiæ opera dicuntur ab Aristotele verti circa voluptates atque tristitias, ut in eodem libro 3. declarabitur. Immo docet ibidem, Temperantiæ in voluptate regenda positam esse, fortitudinem in tristitia & dolore. Ergo non omnis virtus in voluptatibus & doloribus est posita.

Animaduertendum est, in hac quæstione aliquas esse voces, & loquendi formas ambiguas, quæ distinctè debeant explicari. Primum enim voluptas & delectatio, tam in corporis sensus cadunt, quam in animam, & tam in animam sentientem, quam etiam in intelligentem: quæ voluptates ita discrepant inter se, ut qui delectationem anima intelligente percipit, non modò nullam corpore ac sensu capiat, sed sæpe dolore etiam & tristitia afficiatur. Deinde cum dicitur, Virtutem in voluptate versari: atque tristitia, multa possunt ea loquendi ratione significari. ac Primum quidem materiam cuiusque Virtutis esse tristitiam, & voluptatem. Secundò: Virtutis actus & opera delectationes esse qualdam atque tristitias. Tertiò: peristases & circumstantias, inter quas agit Virtus, esse voluptatem, & dolorem. Quartò: Virtutem omnem habere veluti comitem ex se necessariò consequentem voluptatem, atque tristitiam. quæ profectò omnia quamquam verè dici de Virtute aliqua ratione queunt, ita tamen sunt inter se distracta, ut perturbati maxime disputationem oporteat, nisi ea singillatim & ordine distinguantur. quod facere sic ingredimur. Quæstionis enim hæc

Prima Conclusio esse debet. Virtutem omnem, delectationem ac tristitiam intelligentis animæ, veluti necessarias indiuiduasque comites sic habere, ut iis ille qui verè perfectæque virtute iam polleat, carere non possit. Quisquis enim est habitu virtutis iam satis instructus, quolibet opere virtutis obeundo lætetur, & voluptate afficiatur animi necesse est, contrariæque non potest non capere eodem animo tristitiam, cum videt impediri se, quominus eiusdem Virtutis opere perfungi possit. Id nimirum est, quod Aristoteles huius initio capitis affirmatè pronunciat: signum notamque

perfecti iam habitus ac partæ virtutis, esse voluptatem, & delectationem inter agendum. Quamquam verò tristitiam eo loco non ad hominem Virtute iam præditum retulit, sed vel ad vitiosum, vel ad eum, qui imperfecta virtute aliquantulum sit expositus; ita, inquam, ut signum vicij vel imperfectæ virtutis sit. Ausi tamen sumus hanc tristitiam ab ea non mediocriter differentem viro perfecto tribuere, quæ in eo posita est, ut si lætatur opere virtutis, haud dubiè tristetur eiusdem operis impedimento, vel actu vitioso. Confirmamus tamen verissimum etiam esse quod Aristot. docet: tristitiam contra, quæ capitur ex opere virtutis ardore, & cupiditati contrario, esse notam & signum habitus imperfecti, vel vicij imperfecti quidem habitus, si parua sit, vicij verò iam firmati, roborati, quæ si habeat exuperantiam, & reuocet ab opere.

Conclusio secunda. Moralis virtus omnis versatur in voluptate, atque tristitia sentientis appetitus, tanquam in materia, quam tractat, non tanquam in eo quod necessariò coniunctum est cum materia, & materiam ipsam consequitur. Quod ut planè intelligatur, illud moneo: Virtutis materiam siue obiectum esse duplex, alterum externum, interius alterum. externum constat iis rebus, circa quas externa vertitur hominis actio: cuiusmodi est cibus ac potus, pecunia, pericula mortis. Interius verò delectatione continetur & tristitia, quæ nascuntur è rebus illis externis obiectis animo antequam virtus suum proferat actum. Itaque princeps obiectum Virtutis, & materia in iis est posita rebus externis, quæ virtuti primo tractandæ proponuntur. Subsecundaria sita est in voluptate vel tristitia, quam materia ipsa externa efficit; statim atque se offert animo. Neque enim cibus, aut res venerea, quæ Temperantiæ materia est, potest non asferre delectationem animo etiam tum, cum illi obicitur, vel tristitiam & angorem animi, si cibus ipse aut res Venerea desideretur, & absit. Intemperans enim molestissimè fert, iis se carere, priuarique: quam molestiam Temperantia tollit. Quod si fortitudinem consulere velimus, quæ inter asperas res versatur semper & inter plagas, mortisque pericula, non possunt non ingerere tristitiam, cum eidem animo proponuntur. Itaque fortitudinis est, eam regere molestiam & dolorem. Id quod demonstrat, voluptatem hanc, atque tristitiam sentientis animæ, de qua loquimur, ad materiam Virtutis pertinere, non ad animi iucunditatem illam, quam diximus esse Virtutis comitem, eiusdemque Virtutis fructum. Hæc enim tristitia sentientis animæ & voluptas antecedit opus, actumque Virtutis; ita sanè, ut virtutis actus tam in externa laborare potius materia debeat, quam in voluptate, ac tristitia,

quæ obicitur animo vnâ cum ipsa materia. Non enim minus inuenit mediocritatem in cibo, ac potu, aliâve externa materia, quàm in tristitia, & voluptate inde nascentibus. ergo tristitia illa, & voluptas pertinet ad materiam atque obiectum, nisi fortasse velimus lignum aut saxum, quod dedolat faber, non esse materiam fabri. Nam quid est regere voluptatem illam, & tristitiæ moderari, nisi eas affectiones quodam modo expolire? Atque hoc illud est quod ait Aristot. in hoc cap. cum contendit, omnem omnino Virtutem in delectatione tristitiæque versari. Singulæ quippe operationes, quas ad id demonstrandum adhibet, vincunt, Virtutem in delectatione ac tristitia velut in materia, obiectoque consistere: quemadmodum constat ex iis, quæ tum diximus, cum eas explicauimus supra. Non igitur est hoc loco quicquam addendum, dicendumque præterea, nisi quod paulò antè significauimus, hanc esse materiam subsecundariam, ac propterea esse posse communem virtutum omnium. Non enim à tristitia & voluptate petitur differentia discriminèque Virtutum, cum hoc obiectum interius sit, & subsecundarium; sed à cibo, potu, pecunia aliisque huiusmodi, quæ obiecta primaria sunt & externa. Quod si voluptas etiam & tristitia fecerint intertum distinguitque virtutes, distinguere eatenus, quatenus voluptas & tristitia ex hoc, aut ex illo externo nascuntur obiecto.

Tertia Conclusio. Si delectatio & tristitia illa prior intelligentis animæ, quæ comites quædam consequentes Virtutem sunt & eiusdem effecta, conferantur inter se; Virtus omnis in voluptate & delectatione magis, quàm in tristitia & dolore versatur. Omnis enim virtus propèdet potius in actus suos proprios, ad quos rectâ contendit, quàm in actus obliquos, in quos tantummodo tendit per accidens. Sed delectatio est proprius actus Virtutis, consequens ex eiusdem opere actûque, ad quem rectâ contendit: tristitia nascens ex eiusdem operis impedimento, est aduentitius quidam actus, & accedens extrinsecus ad priorem. ergo in hoc minùs versatur, quàm in illo, & in eo potius quàm in hoc. Sin autem comparare velimus delectationem, & tristitiam hanc posteriorem sentiētis animæ, quæ pertinet ad virtutis cuiusque materiam; dicendum erit, aliquas Virtutes in delectatione magis versari, aliquas in tristitia magis & dolore. Virtus enim vult magis in materia sua præsentem versari, quàm in absente. sed externa materia Temperantiæ cibus est, & tactus Venereus, quæ voluptatem pariunt cum præsentia sunt, nec afferunt tristitiam, nisi cum absunt, & desiderantur. Ergo Temperantia multo magis versatur in moderanda voluptate, quàm in tristitia. Fortitudo verò contrâ, quia res terribiles contemnit, quæ tum incutiunt dolorem, & tristitiam afferunt, cum sunt præsentem, in tristitia versatur, & dolore; voluptatem & delectationem quæ nascitur ex rebus isdem terribilibus longe positis, rarè vel nunquam attingit. Id quod

etiam de Iustitia ipsa dici potest, quæ tristitiam moderatur & tollit à labore quodam operis, & functione muneris difficili profectam, sed in voluptate & delectatione vix versatur, aut omnino non versatur. Sed Aristoteles, inquit, vniuersè pronunciauit in hoc cap. ad extremum, omnem Virtutem in delectatione potius, quàm in tristitia versari. Respondeo, id eum dixisse propter Temperantiam, cuius est vsus maior, quàm fortitudinis, aut Iustitiæ. omnibus enim locis adhibenda Temperantia est: cuius materia vulgo nobis etiam solitariis est obuia; fortitudinis aut Iustitiæ proferenda necessitas minùs sæpe nobis occurrit: quippe quæ vsum habent in societate ciuili. qui enim periculum adit vitæ, propter patriam aut propinquos adit: qui Iustitiæ munere fungitur, aduersus alios hoc præstat officij genus.

Ex his intelligi debet facilè omnes argumentationes propositas euerti posse, si respondeamus, omnem virtutem esse in delectatione positam, & tristitia intelligentis animæ. nulla enim est, quæ suo non delectetur opere, aut non tristetur, cum impeditur. De fortitudine nominatim, quæ nullam capere delectationem posse videtur inter vulnera, dico, aspergi etiam ipsam voluptate sua, sed ita modica vt vix animo sentiat. Obnubitur enim & offuscatur, vt docet Aristot. dolore sensus. sed quia diximus, singulas virtutes versari etiam in delectatione, & tristitia sensus, tamquam in materia consequente, & secundaria, Respondeo rursus, nihil argumentationibus illis effici, quæ ductæ à fortitudinis & Iustitiæ muneribus sunt. Verè enim hæ virtutes non versantur in delectatione magis, quàm in tristitia. Fortitudo enim tristitiam temperat, voluptatem non attingit: quia eius propria materia est tristitia & dolor. Iustitia non potest moderari nisi molestiam illam, quæ nascitur interdum ex ipsa muneris functione. Neque verò ex eo, quod Iustitiæ propria materia non sint affectiones animi, sed actiones, sequitur eam nullo modo in tristitia & molestia versari: sed id tantum inde conficitur, Iustitiam non sic in tristitia versari, quemadmodum versatur Temperantia aut Fortitudo, quæ hanc affectionem animi temperat per se, cum semper & necessariò coniuncta cum eius obiecto externo sit. cum obiecto verò Iustitiæ rarè est coniuncta, ac tum etiam leuis est; si præsertim conferatur cum ea, quæ nascitur ab obiecto Temperantiæ cum abest, & desideratur, & cum ea, quæ existit ab obiecto fortitudinis, cum adest, & vulnera vel mortem comminatur. Quæ ratio postremam soluit argumentationem, qua contenditur, delectationem, & Iustitiam esse materiam Temperantiæ propriam. Non enim hinc consequens est, tristitiam & delectationem non posse esse materiam aliarum virtutum consequentem, & secundariam. Si enim sic essent tristitia, & delectatio Virtutum omnium, quemadmodum sunt Temperantiæ, nullum esset inter Virtutes discrimin.

De liberalitate, magnificentia, magnanimitate nihil est respondendum. Dictum enim est supra ex Aristot. bonum utile, & honestum etiam esse iucundum. Itaque etiam illæ virtutes, quæ in his versantur, habent cur delectationem regant; & temperent. Denique id tenendum est, Virtutes omnes morales in voluptatibus & doloribus versari, non quidem primo, ac per se (idenim est Temperantiæ proprium) sed opera subsecundaria, & medius functionibus, quas dolor & voluptas consequuntur. vnaquæque enim Virtus habet distinctè materiam suam quam per se tractet.

QVÆSTIO SECVNDA.

An ars & Virtus in opere difficili versentur, & arduo.

IN iis rationibus, quibus demonstrat Aristoteles, Virtutem in voluptate tristitiaque versari; vna quædam est ab artis, Virtutisque conditione petita. Tam enim virtus quam ars eiusmodi sunt, ut in re difficili versari semper velint, & in eo cernantur, atque appareant magis, quod difficilius est. Hinc quippe consequens esse ait, ut quoniam pugna cum voluptate tristitiaque difficilis est, in voluptate versari debeat virtus.

Rem igitur hanc perpendere necesse est propositis quibusdam argumentis Aristotelis dicto contrariis. Primum autem huiusmodi sit. Vox Aristotelis verissima est, artem imitari naturam, & virtutem inducere hominem ad agendum per modum naturæ. At naturæ, opera non sunt ardua, nec natura versatur in opere difficili. Quid enim lapidi facilius est, quam deorsum corrui? Igitur ars, & Virtus in opere difficili positæ non sunt. Secundum. Quod est difficile triste id etiam, ac molestum esse oportet, ut dicitur in lib. 3. Virtutis autem opera non modò tristia non sunt, verum etiam iucunda & voluptatis conscientia dicuntur esse in hoc cap. 3. vbi confirmat idem Aristot. eum qui respuit corporis voluptates, ex ipsa contemptione voluptatem capere: eoque indicio demonstrare planissimè, se iam adeptum esse atque obtinere perfectum habitum temperantiæ. Quin in primo lib. contendit hoc amplius, neminem esse, aut dici bonum debere, qui bonis actionibus non lætetur. & in 3. eorum vitam qui secundum virtutem degunt, non indigere voluptate; externa scilicet & accersita. satis enim amplam iis suppeditat Virtus delectationem & iucunditatem. Subscribit his amplissimè Seneca in lib. 2. de Ira cap. 13. vbi confirmat, non modò iucundissima esse virtutis opera. sed vitia tristissima & molestissima. Ipsa nos inquit, in rectum genitos natura, si emendare velimus, iuvat, nec ut quibusdam visum est, arduum in virtutes, & asperum iter est. plano ad euntur. Non vanæ vobis auctor rei venio. facilis est ad beatam vitam via. in te modò bonis auspiciis, ipsisque Diis beneiuuantibus. Multo difficilius est facere ista, quæ

facitis. Quid enim quiete ociosius animi? quid ira laboriosius? quid clementia remissius? quid crudelitate negotiosius? Vacat pudicitia: libido occupatissima est. omnium denique virtutum tutela facilior est. vitia magno coluntur. Hæc Seneca.

Ponendum est, actionibus humanis, de quibus est hæc disputatio, difficultatem sæpe obicci, exhiberi que ab earum materia; quippe quæ nobis agentibus, & conantibus obsistit, repugnareque, vel naturæ quamdam inductionem habet ad aliquid oppositum, atque contrarium operi quod efficere contendimus: diffindere enim lapidem durum, ut hoc exempli causa proponatur, aut magnum attollere pondus, difficile nobis est: quia durus lapis nostro repugnat labori actionique, & res ipsa ponderosa propensione naturæ deorsum contendit, contra quam ipsi vellemus. Interdum tamen eadem difficultas operis non tam à re, ac materia, quæ facilis per se est, quam à nobis nascitur ipsis. vel quia appetitus nullam habet ad opus inductionem naturæ, immò illi oppositam procliuatatem, atque impetum obtinet contrarium; cuiusmodi est hominis intemperantis appetitus, qui non modò nullam habet ad contemtionem voluptatis inductionem, verum etiam ad eam impetu maximo contendit & fertur: vel quia intelligentia, siue intellectus, scientia caret, nec modum nouit certa ratione, ac via operis efficiendi: cuiusmodi cernitur in imperito opifice; qui etiam in re facillima difficultatem offendit inexuperabilem: vel quia corporis membra, quibus instrumentis, & quorum præsidio faciendum est opus, idonea non sunt, nec assueta, nec ea, quæ laborem perferre necessarium possint, aut sic flecti, moueri, ad-moueri, supponi, imponi, nervis denique contendere omnibus, quemadmodum oportet. Sit ergo Quæstionis

Prima Conclusio: Omnia & artis & Virtutis opera nobis esse difficilia, nisi arte sumus & virtute satis instructi, ac propterea verissimè Aristotelem dicere virtutem atque artem omnem in arduo, ac difficili opere versari antequam compareantur, & perfectæ sint. Quod enim ad artem attinet nondum perfectam difficultatem primum inuenit in materia, quæ dura atque aspera est, ad eoque resistit artifice nondum perfecto. in ea enim materia expolienda, & facile perficienda vis ac laus cernitur artis. Deinde difficultatem offendit multiplicem in ea inuenienda proportionem & conuenientiam partium, in qua omnis artificij posita perfectio est. Illa enim conuenientia & proportio est quædam mediocritas, quam in singulis inuenire rebus est difficilissimum. Huc accedit, quod eiusdem artificis membra nondum assueta operi, & labori facile defatigantur & lassantur, nec dexteritatem obtinent illam, quam postulat ars.

Secunda Conclusio sit. Arte tamen & virtute iam imperfecta, utriusque opera esse facilia. Quod ad artem attinet, cernitur hoc in iis architectis & fabris, qui vel asperitatem

materiam faciliè tractant, velingens & maximum pondus nullo negotio attollunt in sublimè. quæ nemo sine perfectâ peritia, & calliditate, sine assuetudine, aliisque rebus, quibus ars constat, ita facere posset. De virtute verò nihil est, cui multa dicantur. Actus enim, opusque temperantiæ difficile homini est intemperato; quia, ut diximus, impetum animi habet ad opus oppositum vehementem, nec per assuetudinem inuenire mediocritatem potest. sed parta iam temperantia, impetus ille in alteram conuertitur partem, & mediocritas in materia, proportiôque propter assuetudinem & calliditatem in agendo inuenitur facillimè. Itaque nullo ex fonte potest ad eum manare difficultas.

Argumentationes initio propositæ demonstrantantummodo, artis, & virtutis opera esse facilia, comparata iam arte, ac virtute, quod verum est, & conceditur, non tamen ostendunt, esse facilia, antequam perfectus sit habitus. Neque verò Seneca quicquid docet aduersians & contrarium his. Nam ante partam perfectâ, quæ Virtutem facilius est vitioso ex habitu opus malum agere, quàm homini imperfectè probo efficere bonum. Sed virtute iam adulta, & partibus absoluta suis, facilius est homini virtute prædito bene agere, quàm homini vitioso agere perperam, & malè. & difficilius est homini improbo peccare, quàm optimo secundum virtutem vivere. In homine enim virtute perfecto concordant, & consentiunt omnia, ut ait Aristot. in primo lib. hoc est, omnes omnino facultates, ac vires animi concordantes sunt & consonantes: intelligentia, ratio, voluntas, appetitus sentiens, ceteræ, si quæ sunt aliæ, itaque nulla repugnante, aut obstitente, rectè agit, ac bene. In homine autem improbo discordant multa, neque consentiunt prorsus, aut conspirant ad agendum malè. Nam ratio ipsa sæpe reclamationem, intellectus meliora videt, nec probat quod sequitur sensus, conscientia fodit animum stimulis; & poenitentia, quasi facibus admotis, eundem adurit. Itaque difficilius hinc rectè agit, quàm ille bene, cum virtus perfecta est: quemadmodum ponit Seneca, qui sic disputat. Si enim de imperfecta loqueretur virtute, alia omnia pronunciaret. Aristoteles autem cum dixit, Virtutem in difficili versari, de virtute quæ producitur & gignitur, est locutus, non de perfecta.

QVÆSTIO TERTIA.

An difficilius sit voluptati repugnare quàm ira.

ARISTOTELES in illa ipsa ratione, de qua nunc diximus in proximè superiore questione, affirmat; pugnam cum voluptate non modò difficilem esse, sed difficiliorem etiam, quàm sit cum ira, sed hoc parum credibile reddere videntur hæ rationes.

Prima. Illa perturbatio difficilius expu-

gnatur & vincitur, quæ vehementiorem impetum habet. sed ira vehementior impetus est, quàm delectationis, & voluptatis, quemadmodum fatentur omnes. non est ergo difficilius pugna cum voluptate, quàm cum ira. Secunda. Pugna cum voluptate est pugna cum solo sensu. pugna cum ira non est tantummodo pugna cum sensu, sed cum sensu ipso, & præterea cum ratione. Docet enim Aristot. in 7. Eth. cap. 6. iram quadamtenus & aliquomodo sequi rationem, vel esse cum ratione. Difficilius autem est pugnare cum sensu & ratione, quàm cum solo sensu. Tertia. In eodem libro 7. cap. 6. ait Aristot. iram magis esse naturalem, quàm cupiditates, exuperantiam habentes, & minimè necessarias. Sed difficilius illi obstititur rei, quæ magis est naturalis; eòdem sit etiam necessaria. ergo ira difficilius repugnatur, quàm voluptati, quæ cupiditas est exuperantiam habens, & minimè necessaria. Quarta. Difficilius est multis cum animi perturbationibus, affectionibusque pugnare, quàm cum vna. Sed qui pugnat cum voluptate, cum vno pugnat affectu: qui pugnat cum ira, pugnat cum pluribus. habet enim ira adiunctam tristitiam & dolorem: quippe quæ in nobis excitatur ex eo, quòd contemptos ab aliis nos esse indicemus, ut docet Aristot. in 2. Rhet. Et quia, ut eodem loco idem ait, non concitatur nisi aliqua sit spes punitionis & vindictæ, spes autem ipsa sine aliqua delectatione non est; idcirco commitem habet etiam voluptatem.

Animaduertendum hinc primo loco est: pugnare cum affectibus, cupiditatibus, & perturbationibus animi, aut eisdem resistere, & easdem vincere nihil aliud esse, quàm earum exuperantiam tollere, & impedire, quominus trahant, abripiantque secum appetitum; contra quàm velit iudicium rationis. Ratio quippe contrà pugnat, & causa est; cur affectibus obstitatur. Itaque illi verè dicentur repugnare, illi vincere in hoc genere, qui rationis vi appetitum in officio continebunt, minimè committentes, ut impetum sequatur affectionum.

Animaduertendum secundò, causas, cur hæc pugna cum affectibus ardua & difficilis sit, esse plures, earumque varias pro affectionum perturbationumque nostrarum varietate; quæ facit, ut non æquè difficile sit pugnare cum omnibus; & aliquæ inueniantur, quæ si vnam difficultatis intuearis causam, difficiliorem pugnam exhibeant, eadem si alteram intuearis, faciliorem. Prima nascitur ex eo, quòd affectus ille, cui resistimus, vehementior & concitator sit. quo ex fonte manat maxima difficultas pugnandi cum ira. Cum enim ex æstu, & seruire sanguinis circa cor oriatur ira, impotentes habet, & vehementissimos impetus illo effervescente. quod intelligi potest ex iis indiciis, quæ foras erumpunt, atque apparent in corpore. Ut enim furentium, inquit Seneca, in lib. 1. de ira cap. 1. certa indicia sunt, audax & minax vultus, tristis frons, torua facies, citatus gradus, inquietæ manus, color verius,

crebra, & vehementius acta suspiria, ita irascentium eadem signa sunt. Flagrant & micant oculi: multus ore toto rubor, exstuant ab imis præcordiis sanguine. Labia quatuntur, dentes comprimuntur, horrent, ac subriguntur, capilli, spiritus coactus, ac stridens, articularum se ipsos torquentium sonus, gemitus, mugitusque, & parum explanatis vocibus sermo præruptus, & comploræ sæpius manus, & pulsata humus, & totum concitum corpus, magnasque minas agens, fæda visu & horrenda facies deprauantium se atque intumescantium. & paulo post: Nonne vides ut omnium animalium, simul ad nocendum insurrexerunt, procurrant nocte, ac tota corpora solitum, quietumque egrediantur habitum, & feritatem suam exasperent? spumant apri ora, dentes acuuntur artibus, taurorum cornua iactantur in vacuum, & arena pulsu pedum spargitur, leones fremunt, instant iratis colla serpentibus, rabidarum canum tristis aspectus est. Nullum est animal tam horrendum, tamque perniciosum natura, ut non appareat in illo, ubi ira inuasit, noua feritatis accessio. Ex his, inquam, quæ nobis ita differt Seneca, intelligi oportet, vehementissimos esse impetus iræ, cuius nimirum, ut ipse loquitur, exstuant ac fluctuant in præcordiis sanguine, tam multa, tam turpia foras prorumpunt indicia. Quo sit, ut si hanc spectare velimus causam difficultatis, pugnam cum ira, quæ tam magnos impetus habet, dicere debemus esse difficillimam.

Secunda causa difficultatis quam in eiusmodi cum affectibus pugna nanciscimur, existit ex eo, quod affectus, cui repugnamus, est sensui, siue appetitioni sentientis animæ maximè naturalis, congruens, & consentaneus. Quæ causa facit, ut difficillimum sit, voluptatem expugnare. est enim voluptas corporis sensui & sentientis animæ cupiditati maximè naturalis, atque conueniens: cum nihil aliud sit, nisi delectatio promanans ex proportionem & conuenientia, quam obtinet res, quæ sensu percipitur cum ipso sensu, atque appetitu. Itaque si causam hanc distinctè, atque clare velimus intueri, inueniemus, voluptatem difficilior expugnari, vinctique, quàm iram: quæ non est sentientis animæ appetitui tam naturalis, & consentanea. habet enim ira semper additam adiunctamque tristitiam, quæ cum sensu, appetitūque non modò nullam conuenientiam obtinet, verum etiam repugnantiam habet; cum illi sit inimica.

Tertia difficultatis causa nascitur ex ipsa affectionis exercitatione, operisque frequentatione, ad quod affectio naturalem habet inductionem, propensionemque. Fit enim ut quidam affectus animi ea frequentatione, atque exercitatione augeantur, quidam deferuescant, & decrescant eadem. Hæc sanè causa facere potest, ut etiam iure dicamus, voluptatem exhibere pugnantem negotium molestissimum, & difficilior vinci, quàm iram. voluptatis enim cupiditas eo increbrescit ma-

gis semper, atque magis amplificatur, quo magis vltu voluptatis exercetur, expleturque. est enim insatiabilis, ut dicitur in fine lib. 3. Contra verò ira, ubi vindictam, ultionemque nata est, impetum tenet, nec amplius furit, sed requietem potius inuenit, & deferuescit. Itaque dicitur in lib. 4. Iram punitio ne quiescere.

Quarta difficultatis causa huic superiori maximè similis est in eo posita, quod eam affectionem animi difficilior vincere possimus, cuius habitum facilius contrahimus iam inde à prima ætate, quæque longissimè diuturnitate temporis nobiscum adoleuit, id enim etiam facit, ut difficillimè vincatur voluptas, & nominatim difficilior, quàm ira. Voluptatis quippe cupiditas, quæ indita nobis est à natura, exerceri incipit & expleri nobis vix natis, & pueris adhuc infantibus, cum tum etiam lac expectamus sitienter: adeoque nobiscum, ut ait Aristot. coalescit, & exercitatione, operisque frequentatione sic augetur, ut eius habitum altissimis iam decursu longi temporis ætis radicibus extirpare difficillimum sit. Ira verò quamquam ipsa quoque naturalis & insita affectio animi est, non tamen æquè exercetur pueris nobis, neque tam obuiam habet materiam, ac propterea minores agit radices, ac minus hæret in animo, quàm voluptatis cupiditas, quæ statim à primo iam hominis ortu inuenit materiam suam, ac subinde semper obuiam habet, adeoque continenter exercetur.

Quinta denumque postrema huius difficultatis est causa, quod difficilior sit pugnare cum iis affectibus, qui clam adoriuntur, & per insidias, quàm qui inuadunt palam, & tanquam aperto Marte congregiuntur. Recte quippe ac verè Seneca confirmat, initium salutis esse peccati notitiam. Hæc adeo causa est, cur voluptas difficillimè vincatur, per insidias enim nos & tuniculos aggreditur: diciturque propterea in lib. 9. horum Ethicorum voluptas esse insidiatrix: quippe quæ sæpe per insidias furata sit sapientis intellectum, & rationem, ut ibi loquitur Aristot. sæpe namque voluptas vultum sibi necessitatis imponit, & eam mentitur faciem, quæ possit etiam decipere sapientes. Sed ira minimè insidiosa est. aggreditur apertè quem inuadit: & antequam admoveat operi manus, clanculum canit. vult denique cognosci, nec latebras amat. Quare cum tam multe causæ sint, cur voluptas difficilior vinci videatur, quàm ira; nec sit nisi tantum vna causa cur dicere contra possimus, interdum difficilior esse iram vincere, quàm voluptatem:

Dicendum simpliciter est, esse difficilior voluptatem expugnare, quàm iram. Itaque de prima ratione quæ initio nobis est opposita, nihil amplius addendum, aut respondendum videtur: cum nihil aliud probeat, quàm iram propter eum impetum tam vehementem, quem habet, dici posse fortiolem, quàm voluptatem, ac propterea difficilior expugnari. Sed quia longe plures causæ, rationesque faciunt, ut ex altera parte difficilior sit

de voluptate victoria, dicendum potius simpliciter est, voluptatem difficilius vinci, quàm iram.

Secunda argumentatio assumit vnum, de quo est apud morales philosophos controversia: iram nimirum esse cum ratione, & rationem quodammodo sequi. hoc enim verum quidem est, & ab Aristot. docetur in eo cap. 6. lib. 7. sed quia res est subobscura, necesse habet planius explicari. Explicatur autem in hunc pene modum à D. Thom. Ira ultionis est, & pœnæ appetitio. eiusmodi autem appetitus, & cupiditas ultionis ratiocinationem quamdam habet intelligentiæ, conferentis pœnam cum accepta iniuria, quæ iram excitauit. simul quippe appetitus sentiens iratus ultionem expetit, simul intelligentia reputat ultionis modum, cogitatque de gravitate & magnitudine pœnæ, quæ respondeat iniuriæ iam illatæ. Cùm igitur hæc cogitatio & ratiocinatio reputantis intelligentiæ sine ratione non sit, iure dicitur ira non modo sentientem appetitum habere, quem excitet, sed præterea rationem decernentem de sumendo pro illata contumelia certo genere pœnæ, & ipsum quoque sensum adiuuantem, vt eo vehementius irascatur, quò magis irasci cum ratione videtur. Hæc explicatio ab Aristotele ipso ducta est, cuius eo loco hæc verba sunt. statim ubi ratio, vel imaginatio contumeliam, aut contemptum esse ostenderit, ipsa quasi ratiocinando colligit, bellum esse inferendum. Sed pulcherrimè id explanatur à Seneca sic disputante in libello 2. de ira cap. 7. Iram quin species oblatæ iniuriæ moueat, non est dubium. sed vtrum speciem ipsam statim sequatur, & non accedente animo excurrat, an illo assentiente moueatur, querimus. Nobis placet, nihil ipsam per se audere, sed animo adprobante. Nam speciem capere acceptæ iniuriæ, & ultionem eius concupiscere, & vtrumque coniungere, nec lædi se debuisse, & vindicare debere, non est eius impetus, qui sine voluntate nostra concitetur. Ille simplex est, hic compositus, & plura continens. Intellexit aliquid, indignatus est; damnavit, vlciscitur. hæc non possunt fieri, nisi animus, qui tangobatur, assensus est. Declarat, inquam, his verbis egregiè Seneca, cur ira sequi rationem dicatur, cùm ait, iratum hominem non modo ex illa specie acceptæ iniuriæ, quæ obicitur animo, ad ultionem incitati, verum etiam iudicare se lædi non debuisse, & præterea iustis pœnis iniuriæ respondentibus, eamque compensantibus vlcisci se debere dolorem suum: adeoque fieri, vt impetus iræ ex accessu rationis ita iudicantis & ultionem approbantis, duplex & compositus esse videatur. Quæ profectò in voluptatis cupiditate non cernimus. quamquam enim etiam cum ratio corrumpi se patitur à sensu, non tamen syllogismi vllis utitur, incitantibus sensum, neque adprobat quod sensus sequitur, sed percipit tantummodo speciem, imaginemque illius rei iucundæ, atque optabilis, quam sensus expetit, nec reclamatur. Itaque

impetus ille cupiditatis simplex est, vt loquitur Seneca, nec à ratione adiutrice amplificatus. Id etiam docetur ibidem ab Aristot. qui cùm dixisset, ea, quæ supra protulimus de ratione, acceptæ iniuriæ vindictam syllogismo decernente, hæc de cupiditate subiungit: At cupiditas, si tantum ratio, aut sensus suave esse aliquid dixerit, ad frustionem eius incitatur; quare ira rationem quodammodo sequitur, cupiditas non sequitur. Ira enim incontinens à ratione quodammodo vincitur. hic verò à cupiditate, non à ratione superatur. Ita de his decernit Aristot. ex quibus verè quidem consequens est quod in argumenti propositione contenditur; impetum iræ vehementissimum esse propter accessum illum rationis de pœna decernentis & iudicantis, debere pœnas repeti de acceptis iniuriis; non tamen efficitur, iram simpliciter appellari potentiorē & fortiorē debere ipsa cupiditate voluptatis. Diximus enim supra, iram propter impetum, quem habet vehementissimum, difficilius vinci, quàm voluptatem; sed tamen propter alias difficultatis causas longè plures, voluptatem vinci difficilius, quàm iram. Vt enim dici simpliciter possit, vnam vinci difficilius quàm aliam, non est satis vnam tantummodo rationem difficultatis attendere, sed inspicere oportet singulas. possunt enim aliz plures aliquid amplius, quàm illa sola.

Tertia quoque argumentatio aliquid assumit, quod postulat explanationem: iram nimirum esse homini magis naturalem; quàm cupiditatem. Hic etiam interpretem adhibemus, explanatoremque D. Thomam; qui rē expedit in hunc modum: Homo perfectionis suæ naturalis gradus obtinet omnino tres: nam si genus spectes, animal est, si speciem, rationalis, si peculiare, & proprias conditiones, est hic homo, ita factus, ita compositus, hac humorum complexionem constitutus. Ergo quod attinet ad genus, magis naturalis est illi cupiditas cibi, & rei venereæ, quàm ira. est enim cupiditas illa conservandæ vitæ propagandæque generi necessaria; quod ad speciem, quæ rationalis est, magis illi naturalis est ira. quia ira, vt diximus, rationem quodammodo sequitur: quod ad conditiones peculiare, & proprias, alicui ira, alicui cupiditas magis est naturalis. Illi enim, qui complexionem humorum obtinet magis accommodatam ad iram, ira magis est naturalis. illi contra, qui complexionem prædictus est idonea cupiditati, magis est naturalis cupiditas. Aristoteles igitur eo loco, vel de hominis specie locutus est, & de gradu rationali, vel de homine suis conditionibus peculiaribus & propriis circumscripto. Si de specie loquitur, res est planissima, & in promptu causa, cur illi magis naturalis sit ira. Ratio enim non promouet cupiditatem, sed adiuuat iram, vt diximus, si de homine certo & singulari verba facit, crediderim duos cum comparare inter se homines, quorum alteri constitutio corporis, & humorum complexio sit opportuna iræ, alteri accommodata cupi-

cupiditati. Ait igitur, iram illi magis esse naturalem, quia facilius, & celerius ira sequitur habitudinem corporis, & humorum complexionem sibi congruentem, quam cupiditas sequatur suam. cuius rei ratio est: quia qui natura est ad iram constitutus, is ad iram constitutus est cholerae copia & vi. cholera verò citius, celeriusque cietur, quam humores ceteri. quae causa est, cur dicat Aristot. in eodem 7. Eth. cap. 6. iram traduci facilius à parentibus ad filios, quam cupiditatem. Cum ergo facilius complexionem sibi naturalem & congruentem sequatur ira, quam cupiditas suam, rectè Arist. ait magis naturalem esse, quam cupiditatem. Videndum nunc est, an ex his efficiatur quicquam contrarium his, quae in quaestionis Conclusionem sunt posita. Nihil profectò ex his sequitur aliud, nisi iram esse concitatiores, & habere vehementiorem impetum, quam cupiditatem. Cum enim idcirco sit magis naturalis, quòd citius, celeriusque moveatur, maiorem sine dubio impetum habet. sed ex hoc non efficitur, ut

suprà demonstravimus, iram difficilius vinci, quam cupiditatem. habet enim cupiditas voluptatis alias potentiae lux causas amphiberes, & plures. habere enim impetum vehementem est, unam tantum exhibere difficultatem pugnanti, siue hic impetus oriatur à feruore sanguinis, siue à ratione iram adiuvante, siue ab humorum complexione, in qua dominatum obtineat cholera.

Postrema demum argumentationi sic respondetur: vnum quidem fortius esse valentiusque, quam plura: vnus enim equus fortior est, & valentior quam canes duo. Non tamen adeo semper id verum est: plures difficilius vinci quam vnum. si enim vnus ille valentior est, vincitur difficilius, quam plures, huiusmodi verò videtur esse cupiditas, quae ob enumeratas expositasque iam causas difficillimè potest expugnari. Quare non est mirandum quòd ira, etiam admittente tristitia & spe, facilius vincatur, quam voluptas, quae nobis tam multas offert causas difficultatis.



CAPVT QVARTVM.

*IUSTA AGERE, ET AGERE IUSTE
quid differant.*

S V M M A.

Qui iusta, & temperata faciunt opera, eos non statim esse iustos ac temperantes.

DIVISIO CAPITIS IN PARTES TRES.

1. Quaestionem proponit praecursoriam eius, quae princeps est.
2. Principalis quaestionis exponit Conclusionem.
3. De quodam nos admonet errore, quem eripiendum ab animo putat.

PARS PRIMA CAPITIS QVARTI.

AΠορίσσει δ' αὖ τις πῶς λέγεται, ὅτι διὰ τὰ μὲν δίκαια πράττοντες, δίκαιοι γίνονται. τὰ δὲ σώφροντα, σώφρονες. Εἰ γὰρ πράττεισι τὰ δίκαια, ἔσονται σώφροντα, ἥδη εἰσὶ δίκαιοι ἔσονται σώφρονες. ὡσαύτως εἰ τὰ γραμματικὰ ἔσονται μουσικὰ, γραμματικοὶ καὶ μουσικοί. ἢ οὐδὲν ἔστι τῆς πτυχῆς οὕτως ἕξι; ἐοικέναι γὰρ γραμματικὸν τὴν ποιῆσιν καὶ ἀπὸ τύχης, καὶ ἀλλοῦ ὑποδεσμού. τότε οὖν ἔσται γραμματικὸς, εἰ καὶ γραμματικὸν τὴν ποιῆσιν, καὶ γραμματικῶς.

DUbitaueris autem aliquis quo modo dicamus, oportere iusta facientes iustos fieri, temperata verò, temperatos. Si enim agunt res iustas, & temperatas, iam sunt iusti & temperantes, quemadmodum, si res grammaticas, & musicas, grammatici sunt & musici. An non in artibus ira se habet? potest enim grammaticum quidpiam aliquis facere, & forte fortuna, & alio demonstrante. Tunc igitur erit grammaticus, cum & grammaticum aliquid ager, & grammaticè.

Hh

τὸ πρὸς τὸ ἑστὶ τὸ κατὰ τὴν αἰσθητικὴν γραμματικὴν. ἔτι γὰρ οὐκ ὁμοίον ἔστιν ὅτι περὶ τῶν τεχνῶν, καὶ τῶν ἀρετῶν. τὰ μὲν γὰρ ὑπὸ τῶν τεχνῶν γινόμενα, ὃ δὲ ἔχει ἐν αὐτοῖς. ἀρκεῖ οὖν ταῦτα πως ἔχοντα ἡμεῖς. τὰ δὲ κατὰ τὰς ἀρετὰς γινόμενα, οὐκ ἐὰν αὐτὰ πως ἔχη, δικαίως ἢ παρρησίᾳ θεωρεῖται, ἀλλὰ καὶ ἐὰν ὁ θεωρῶν πως ἔχον θεωρεῖται. θεωρῶν μὲν ἐὰν εἰδὼς, ἔπειτ' ἐὰν παρρησιάζομαι, καὶ παρρησιάζομαι δ' αὐτὰ. ὃ δὲ τείρει, καὶ ἐὰν βέλῃ, καὶ ἀμπακιστὴς ἔχον θεωρεῖται. ταῦτα δὲ πρὸς μὲν τὰς ἀλλὰς τέχνας ἔχει, οὐ συναριθμοῦται, πλεονὲς αὐτῷ εἰδέναι. πρὸς δὲ τὸ κατὰ τὰς ἀρετὰς, τὸ μὲν εἰδέναι μικρόν, ἢ ὁρᾶν ἰσχυρόν. τὰ δὲ ἀλλὰ οὐ μικρόν, ἀλλὰ τὸ πᾶν διώκει. ἀπὸ καὶ ἐκ τῶν πολλὰς θεωρεῖται τὰ δίκαια, καὶ τὰ παρρησία θεωρεῖται.

hoc autem est id quod secundum grammaticam in ipso est. Præterea neque simile quiddam est in artibus, & virtutibus. nam quæ ab artibus proficiuntur, bonum ipsum habent in se ipsis. Satis est igitur, hæc aliquo modo se habentia effecta esse: quæ verò secundum virtutes fiunt, non si ipsa quodam modo se habeant, iuste aut temperanter aguntur, sed si etiam is qui facit quodam modo affectus faciat. primo quidem, si sciens est, deinde, si eligens, & eligens propter ipsa; tertio autem, si firmiter & constanter affectus agat. Hæc verò ad alias quidem artes tenendas, non connumerantur, præter ipsum scire. ad virtutes autem scire quidem parum, aut nihil valet; cetera verò non parum, sed totum possunt. quæ & ex rebus iustis sæpe faciendis, & ex temperatis comparantur.

EXPLANATIO.



H V I V S capitis cum superiore continuatio pendere mihi videtur ex eo signo, notæque virtutis internoscendæ, quam posuit initio, cum dixit, ita posse nos intelligere, an virtutem adepti fuerimus, si virtutis actio gaudio nos & voluptate perfundat. Cum enim hoc signum sit tantummodo perfectæ iam, absolutæque virtutis, quæ firmo, constantique continetur habitu, videtur esse consequens, eos, qui cum bene agunt, voluptatem inter agendum, lætitiâque non sentiunt, secundum virtutem non agere. Itaque voluit quærere, quid inter se differant agere recta, & agere rectè, iusta efficere opera, & iuste efficere: hoc est, qua ratione distinguendus sit ab opere habitus.

Capitis partes tres sunt, quas percensuimus. Atque ut ordiamur à prima, ponendum id est: principem huius capitis quæstionem esse de differentia inter agere iusta, & agere iustè; siue inter actum & habitum: sed huic quæstioni aliam præire vult hoc initio, natam ab iis, quæ tradita sunt in cap. i. vbi dictum est ex operibus, actibusque virtutes progigni, & nominatim ex iustis actionibus iteratis ac sæpe repetitis hominem & fieri & dici verè iustum. Id enim, quia vocari poterat in controuersiam, declarat huc explicatiùs, dicens, aliquem posse contendere, id verum non esse: hoc est, gignendis virtutibus & reddendis hominibus verè iustis non esse necessariam actionum illam frequentationem, & repetitionem operum: rationem autem eam esse, quòd alia omnia fieri cernamus in artibus: in quibus quicumque aliquid facit arti consentaneum, is dicitur artis peritus esse, & artifex bonus: ergo iam arte pollebat antequam ageret. Neque enim artis opus efficere sine arte posset. Tota verò quæstio, & quæstionis ratio proponi hoc syllogismo potest: Quicumque facit aliquid arti consentaneum, is vel ex eo dicitur artifex bonus, & peritus artis. Igitur antequam opus efficeret, artem callebat, & præditus erat arte. Sed Virtutes artibus similes sunt, ut Aristot. docuit in cap. proximè superiori. ergo quisquis aliquid agit virtuti congruens, dicendus est virtute præditus & bonus; & quod inde consequens est, habuisse iam virtutem antequam opus virtutis ageret: non enim magis producere posset Virtutis opus sine virtute, quam opus artis artifex facere sine arte. Virtus adeo non comparatur operibus & actionibus iteratis. Id autem

quod in syllogismi propositione dictum est, demonstrari potest exemplo Musicae, atque Grammaticae: quisquis enim Grammaticae, vel Musicae facit opera, Musicus, Grammaticusque dicitur & est. Neque enim opera eiusmodi facere pollet, nisi Grammatices ac Musicas arte praeclusus esset. Igitur antequam opus ullum facerent, eiusmodi iam artes obtrinebant. Quaestione sic proposita, & quaestionis exposita ratione, aggreditur ea, quae in prima syllogismi parte dicuntur refellere per interrogationem. An non in artibus, inquit, ita se habet: perinde quasi dicat: Verène in artibus ita se res habet, ut quicumque aliquid facit arti consentaneum opus, ille bonus artifex sit, & artem perfectè callere dicatur: Immo verò euenit saepissimè, inquit, ut aliquid efficiatur arti congruens sine arte, hoc est, vel fortuitò, vel aliquo praecunte, & intento quasi digito viam rationemque rei faciendae demonstrante. Et profectò quis dicat, artis Grammaticae effecta esse characteres, quos puer exprimit magistro manum regente & moderante stylum: quis artis Musicae dicat opus flexionem vocis accommodatam, praecentore modos accinente: quis denique picturae opus fuisse contendat spumam illam in ore canis, quam expressit ab irato Protogene proiecta in tabulam spongia, ac non potius fortuna: quemdam euentum inopinatum, artem ipsam adiuvantis, ut loquitur Plinius: Est enim, inquit, canis mirè factus, ut quem pariter casus & ars pinxerit. Non iudicabat se exprimere in eo spumam anhelantis posse, cum in reliqua omni parte, quod difficillimum erat, sibi ipse satisfecisset: absterferat saepè, mutaueratque penicillum, nullo modo sibi adprobans. Postremo iratus arti, spongiam impegit inuiso loco tabulae, & illa reposuit ablatis colores, qualiter cura optabat: fecitque in pictura fortuna naturam. Idem accidisse commemorat Neacli pictori nobilissimo, dum equum pingeret: cui spongia item impacta fortuitò spumam expressit. Itaque multa videntur esse artis, hoc est, habitus proprii opera, quae fortunae sunt, aut habitus alieni, demonstrantis, & praecuntis. Propositione sic confutata, euertit assumptum, in quo contenditur, virtutes esse similes artibus. Praeterea ne artium quidem, inquit, & virtutum eadem ratio est: quasi dicat, Virtutes esse quidem aliqua in re similes artibus, in aliis tamen esse dissimiles: sunt enim similes in eo, quod utraque versatur in arduo, & usu, non natura comparatur: sed dissimiles sunt ideo, quod laus omnis artis & praestantia in operibus ipsis artificiosis consistit & cernitur: non enim praeterea requirimus probitatem facientis: nec postulamus, ut qui opera illa efficit, bonus sit. In operibus denique artium, atque in artificibus ipsis scientiam quaerimus, non mores. Potest igitur esse bonus artifex, etiam si nunquam per electionem proponat sibi finem aliquem probum. Virtutum verò alia ratio est, atque conditio: cum in iis, & opera spectentur ipsa, & mores perpendantur auctoris. Volumus enim opera & facta Virtuti consentanea esse: nec tamen id satis esse putamus. Nam in operum auctore tria requirimus. primum, ut sciens, atque intelligens agat, non casu aut ex ignoratione: deinde ut agat eligens (*προαιποῦμενος*) hoc est, capto consilio, & iudicio suo ac voluntate, referens videlicet opus ad finem rectum. tum, ut agat firmiter, & constanter, hoc est, eodem actionis tenore utatur semper, nec ab opere faciliè dimoueat. Graecè est *ἀμετακίνητος*, immobiliter. Hoc enim maximè virtutis est proprium, ut perseueret, ut constantiam habeat in rectè factis, & cum iis, ut Plato loquitur, ad inferos proficiscatur. Quae causa fuit, cur Virtutem Stoici vitae constantiam appellarent: sic concludit Aristoteles; possidendis obtinendisque callidè artibus satis esse scientiam: ad obtinendas autem, possidendasque virtutes scientiam posse parum, electionem, constantiamque valere plurimum: immò verò omnia in iis posita esse: cum ex operum frequentatione & repetitione comparentur. Cur autem in artibus vna tantum spectari scientia soleat, in virtutibus autem haec tria, scientia, electio, & constantia, maximèque duo postrema, haec proferri fortasse ratio potest: quod artes in ea parte animi excolenda versentur, quae rationis est particeps: huius autem partis est propria scientia, qua expolitur ratio, non probitas inorum, qua excolitur appetitus: virtus autem, quia est in ea animi parte, quae ipsa per se rationis est experta, & motus habet appetitionesque turbulentas, postulat electionem, quae bono fine proposito, efficiat appetitiones illas rectas, & motus componat: postulat constantiam, qua stabilis reddatur appetitio boni. Itaque ut eò redeamus vnde discessimus, Virtus quamquam aliqua in re arti similis est, est tamen eidem altera ex parte longè

disimilis: quia postulat eius probitatem, cuius dicuntur esse opera virtutis. Nisi enim ea ad bonum referat finem, nisi constans in agendo sit, verè præditus virtute non est. Est igitur Aristotelis ratiocinatio hæc, atque id in summa contendit, ne artis quidem opera omnia ab arte proficisci; sed si proficiantur tamen, non propterea demonstrare, etiam opera Virtutis omnia à Virtutis habitu manare. Virtutis enim vera opera requirunt in agente multa, quæ non requiruntur ab arte: requirunt, inquam, electionem, & cum electione constantiam in agendo, quæ sine habitu esse non potest. Tota itaque soluitur questio duplici via: quarum altera propositionem euertit, negans, artis opera esse omnia, quæ consentanea sunt arti: altera similitudinem artis cum Virtute vel negat esse ullam, vel cum contemptione concedit.

Quæres tamen an verum sit quod Aristot. hic ait, virtuti scientiam parum, aut nihil prodesse. Neque enim potest secundum virtutem agere, qui agendi scientia non polleat. Resp. scientiam esse duplicem, theoreticam vnam & contemplantem; practicam & actuosam alteram. quæ iterum duplex est: altera generalium rerum, altera peculiarium. theoretica nihil ad virtutem parandam affert momenti: quia contemplans intelligentia, neque prosequi, neque fugere nos quicquam iubet. Scientia quoque practica & operosa, quæ rerum generalium est, & generalis, parum ad virtutem parandam, vel nihil conducit: sed scientia practica peculiaris, & rerum peculiarium multum oppido confert ad Virtutis adeptionem: quia huiusmodi scientia definit actum, & modum præscribit operi, ipsas perpendens & demonstrans circumstantias, quibus instructum esse opus oporteat. Vel certè cum Eustratio dicendum est, scientiam etiam ipsam practicam, actuosamque rerum peculiarium & peculiarem parum vel nihil ad Virtutem parandam conferre: quia scientia non facit, vt opus virtutis laudabile sit: id enim accipit opus virtutis ab electione contraria.

PARS SECUNDA CAPITIS QVARTI.

ΤΑ μὲν οὖν ἀρετὰ διέχεται εἰς δύο μέρη, λέγεται, ὅτε μὴ ἡ τοιαῦτα, οἷα αὐτὸς ὁ δίκαιος ἢ ὁ σώφρων ἀρετὰς εἶναι. δίκαιος γὰρ καὶ ὁ σώφρων εἶναι, οὐχ ὁ ταῦτα ἀρετῶν, ἀλλὰ καὶ ὁ οὕτω ἀρετῶν, ὡς οἱ δίκαιοι, καὶ οἱ σώφρονες ἀρετῶν. οὗτω λέγεται, ὅτι ἐκ τῶν τὰ δίκαια ἀρετῶν ὁ δίκαιος γίγνεται, καὶ ἐκ τῶν τὰ σώφρονα, ὁ σώφρων. ἐκ δὲ τῶν μὴ ἀρετῶν ταῦτα, οὐδεὶς αὖ οὕτω μελήσσει χρῆσθαι ἀγαθός.

ERgo res iustæ ac temperatæ dicuntur, cum sunt tales, quales iustus, aut temperans ageret. iustus autem & temperans est, non qui eas gerat, sed etiam qui ita gerat, ut iusti & temperantes faciunt. Bene adeo dicitur, res iustas agendo iustum hominem effici, & temperatas temperantem: non agendo autem has, nemo unquam studuerit fieri bonus.

EXPLANATIO.

DVOBUS euerfis eius controuersie fundamentis, quæ principi quæstioni præcursoria fuit, de tota nunc disputatione constituit, docens quid inter agere iusta vel temperata, & inter agere iustè vel temperatè intersit. Nam quia dictum est, opera esse multa, & arti, & virtuti consentanea, quæ ab arte, atque à virtute non proficiantur; sequitur, opera quædam iusta & temperata esse, quæ à iustitia & temperantia non exstant. Id verò qua ratione fiat, hac totius disputationis conclusione demonstrat. Opera, inquit, temperata, & iusta propterea dicuntur esse iusta & temperata, quia talia sunt, qualia fierent ab homine qui iustitiæ, temperantiæque habitu præditus esset: non tamen hinc efficitur, omnem omnino hominem, qui opera iusta efficiat & temperata, cum temperantia, & iustitia præditum esse, ac propterea iustè etiam, & temperatè agere: oportet enim, cum

qui iuste agit, & temperate, hoc est, ex habitu, agere non solum opera iusta & temperata, verum etiam eadem agere scientem, intelligentem, diligentem, facile, constanter ac firmiter, quemadmodum dictum est supra. Fieri autem potest, ut aliquis efficiat opera iusta, & temperata per ignoranciam, aut sine delectu boni finis, aut minimè constanter & firmiter: quod postremum indicat satis, opera illa carere habitu, etiam si scienter & cum electione fiant. Itaque hoc discrepant inter se iusta & temperata agere, & agere temperate ac iuste: quod illud sine habitu fiat, hoc sine habitu effici & esse non possit.

Sed si opera iusta & temperata esse talia debent, qualia verè iustus & temperatus efficit, ut ait Aristot. nulla possunt esse opera iusta & temperata sine habitu, dicit aliquis. Respondet Lincon. apud Burl. Aristotelem tunc non voluisse à nobis intelligi, iustum aut temperatum omni planè perfectione habitus instructum: qui enim eiusmodi sunt, illis est in agendo electio, immobilitas, & constantia. Igitur intelligi voluit similitudinem quamdam, quam obtinent opera sine habitu cum illis, quæ ab habitu proficiuntur: sunt enim propter materiam illis similia. Est ergo sententia: hæc opera iusta & temperata esse similia his, quæ vir iustus, & temperatus efficit: sunt verò similia, quia materiam obtinent eandem, sed in ipsa similitudine dissimilia sunt, quia carent, vel scientia, vel electione, vel saltem constantia, & firmitate.

PARS TERTIA CAPITIS QVARTI.

Α Λ Λ' οἱ πολλοὶ ταῦτα μὴ οὐ
πραγματίζονται, οἷοντα φιλοσοφῆν, καὶ οὐ-
τως ἴσασθαι ἀποδοῖναι, ὅμοιον δὲ ποιῶν-
τες τοῖς ἰατροῖσι, οἳ τῶν ἰατρῶν ἀκούουσι
μὴ ὅτι μιμνῶσιν, ποιοῦσι δ' οὐτὶν τῶν
πραγματοποιῶν. ὡσαύτως οὐδ' ἐκεί-
νοι δὲ ἔχουσιν τὸ σῶμα, οὐτὼν περὶ τὸ
μῦθος, οὐδ' οὐτοὶ πᾶσι ψυχῶν οὐτὼν φι-
λοσοφῶντες.

Sed plerique hæc quidem non faciunt:
Sed verba verò confugientes, putant
se philosophari; atque ita se futuros pro-
bos, simile aliquid facientes agrotis, qui
medicos audiunt quidem diligenter, fa-
ciunt verò nihil ex præscriptis. Quemad-
modum igitur neque illi bene se habebunt
corpore, cum hoc pacto curantur, ita nec
animo ij, qui hoc modo philosophantur.

EXPLANATIO.

Hic detegit demum errorem illum & deceptionem mortalium, quæ
veller eos omnino liberatos: error autem, & deceptio posita in eo
est, quod plerique non illis se actionibus exercent, quibus acquiritur
virtus, sed disputationibus de Virtute, deque Virtutis officio
natiunt operant diligentem, rati sic se futuros bonos viros, & mora-
les Philosophos, si scientiam comparaverint: illis nimirum agrotis comparandi, qui
medico præcipienti dant operam, præcepta negligunt ipsa, nec quicquam eorum
præstant opere, quæ præcipiuntur oratione. Dicuntur hæc ab Aristotele: quia in
proximè superiori parte docuerat, scientiam vel parum, vel nihil ad parandam
virtutem habere momenti; sed omnia esse posita in actionibus, operibusque, quo-
rum iteratione, ac repetitione comparatur habitus. Grauem igitur hic locus ha-
bet reprehensionem in eos, qui non vita, neque factis, & re, sed verbis tantum,
& oratione philosophantur. de quibus ita differit egregiè Cic. in Tusc. 2. Quotus
quisque philosophorum invenitur, qui sit ita moratus, ita animo ac vita consti-
tutus, ut ratio postulat? qui disciplinam suam, non ostentationem scientiæ, sed
legem vitæ putet? qui obtemperet ipse sibi, & decretis suis pareat? Videre licet
alios tanta leuitate & iactatione, ut ut fuerit non didicisse melius: alios pecuniæ
cupidos, gloriæ nonnullos, multos libidinum: ut cum eorum vita mirabiliter pu-
gnet oratio: quod quidem mihi videtur esse turpissimum. Ut enim si Grammati-
cum se professus quidam barbarè loquatur; aut si absurdè canat is, qui se haberi
velit musicum, hoc turpius sit, quod in eo ipso peccet, cuius proficetur scientiam,

sic philosophus in ratione vitæ peccans, hoc turpior est, quod in officio, cuius magister esse vult, labitur, artēque vitæ professus, delinquit in vita. Similis est etiam apud Platonem aduersus eiusmodi philosophos declamatio in Protagora contra Sophistas: quorum vitam auaram, gloriosam, & se iactantem esse contendit, hoc est illi contrariam, quam veri philosophi & profitentur & transigunt. Sed est hac de re Senecæ disputatio omnium seuerissima multis in locis; ac primò quidem in ep. 20. Illud, inquit, mi Lucili, te rogo atque hortor, vt philosophiam in ima præcordia demittas, & experimentum profectus tui capias, non oratione, nec scripto, sed animi firmitate, & cupiditatum diminutione. Verba rebus proba. Aliud propositum est declamantibus, & assensionem Coronæ captantibus, aliud his, qui iuuenum otiosorum aures disputatione variâ aut volubili derinent. Facere docet philosophia, non dicere; & hoc exigit, vt ad legem suam quisque viuatur, ne orationi vita dissentiatur, vt ipsa inter se vita, vnius sine actionum dissensione coloris sit. Maximum hoc est & officium sapientiæ & indicium, vt verbis opera concordent, & vt ipse vbique par sibi idēque sit: quis hoc præstabit? pauci, aliqui tamen. Deinde in epistola 5. similem habet disputationem, contendens, philosophiam re factisque, non illuie corporis aut neglectu vestis, aliōve habitu contineri. Quod perinaciter studes, inquit, & omnibus omissis, hoc vnum agis, vt te quotidie meliorem facias, & probo, & gaudeo. Net tantum hortor, vt perseueres, sed etiam rogo. Illud autem te admoneo; ne eorum more, qui non proficere, sed conspici cupiunt, facias aliqua, quæ in habitu tuo, aut genere vitæ notabilia sunt, &c.

EPILOGVS.

1. Neque artis, neque virtutis opera omnia ab arte & à virtute promanant. Illa enim casus interdum efficit, aut demonstratio præcantis magistri, non habitus: hac sapē præstat animi facultas aut electio libera nullo prorsus habitu facilitatem & constantiam operi tribuente.
2. Itaque iusta & temperata opera facere, & iustè aut temperatè agere, multum inter se discrepant: illud enim habitum non postulat vllum; hoc habitu vacare non potest.
3. Habitum comparare qui volet, actionibus operibusque se exerceat necesse est: peruersus enim est eorum labor, qui scientiam huius philosophiæ tantummodo expetunt, negligunt actionem.



CAPVT QVINTVM.

DE AFFECTV, HABITV ET FACVLTA TE.

S V M M A.

Virtutem, neque affectum, neque facultatem esse, sed habitum:

DIVISIO CAPITIS IN PARTES TRES.

1. Trimembris ponitur partitio: in cuius aliqua parte contineatur Virtus.
2. E rebus in partitione propositis quamnam Virtus esse non videatur.
3. Ex iisdem quamnam sit virtus.

PARS PRIMA CAPITIS QVINTI.

ΜΕτὰ δὲ ταῦτα τί ἐστὶν ἡ ἀρετὴ
 σκοπεῖται. ἐπὶ οὖν τὰ ἐν τῇ ψυ-
 χῇ γινόμενα τρία ἐστὶ· πάθη, δυνά-
 μεις, ἔξεις, πούτων ἂν αὖ ἐστὶν ἡ ἀρε-
 τή. λέγω δὲ πάθη ἡδονή, ἐπιθυμία,
 ὀργὴ, φόβος, δράσος, φθόνος, χα-
 ραί, φιλίδυ, μῖσος, πόθος, ζήλος, ἔλεος,
 ὅλως οἷς ἐπετα ἡδονή, ἢ λύπη. δυνά-
 μεις δὲ καὶ αὖ πάθη τοῦτοι λε-
 γόμενα, οἷς καὶ αὖ δυνάμει ὀργισθῆ-
 ναι, ἢ λυπηθῆναι, ἢ ἐλεῆσαι. ἔξεις δὲ
 καὶ αὖ πρὸς τὰ πάθη ἔχοντες εἰ καὶ
 καὶ αὖ. οἷς πρὸς τὸ ὀργισθῆναι, εἰ καὶ
 σφοδρῶς, ἢ ἀνδρῶς, καὶ αὖ ἔχοντες,
 ἢ δὲ μῖσος, εἰ. ὁμοίως δὲ καὶ πρὸς τὰ
 ἄλλα.

malè nos habemus; si mediocriter, bene. item verò & in ceteris.

EXPLANATIO.

EXPOSITA iam efficiente Virtutis causâ, quæ posita in operibus & actibus est, explicatâ item eiusdem materiâ, quæ cum in voluptate ac tristitia est collocata, in affectibus vniuersè atque in commotionibus animi est collocata, his, inquam, expositis, Virtutis definitionem in hoc capite aggreditur inuestigare.

Et quoniam ex iis, quæ disputata in hoc libro supra iam sunt, id intelligi necesse est & poni tanquam exploratum; Virtutem in anima esse; ait oportere Virtutem aliquid eorum esse, quæ ponuntur in anima. Ea verò quæ ponuntur in anima, tria sunt, affectiones, siue perturbationes, facultates, siue potestates & habitus. Quod si dicas, in animo non hæc tantum esse, sed alia multa: quales sunt rerum omnium primæ notiones, scientia, actus denique illi, quos dicimus immanentes: Respondebit Gualterus Burl. & cum eo Gifan. Aristotelem non enumerare hic aut partiri omnia, quæ in anima sunt quacunque ratione ac modo, sed illa solum, quæ in animo sunt tamquam actionum humanarum principia. hæc autem plura non sunt, quàm illa tria, quæ hoc loco percensentur ab Aristotele. Ea quippe, quæ veluti actionum humanarum principia sunt in anima, vel sunt elicientia, vt facultates & potentia, vel mouentia; quales sunt affectiones, & perturbationes, quæ mouent nos ad proferendam foras actionem; vt cum ex ira percutimus aliquem, vel præparantia sunt & instrucentia siue disponentia & constituentia per modum formæ, cuiusmodi sunt habitus facultatem præparantes, & impellentes ad certum aliquem actum.

Sed quid hæc affectionum, facultatum, habituum nomina significant, quidve præstent in animo, quòtque sint species earum, ex ipsomet Aristotele sic definiente, & enumerante disciscamus. Affectiones, inquit, & perturbationes appello cupiditatem, iram, timorem, audaciam, inuidiam, gaudium, amicitiam, odium, desiderium, æmulationem, misericordiam; & omnino ea, quæ sequitur voluptas & dolor: quibus verbis extremis verè perturbationem definit, cum superioribus tantum enumerauerit genera perturbationum. Definit, inquam, perturbationem atque affectum in animo id esse, ex cuius commotione sequitur vel delectatio & voluptas, vel tristitia & dolor. Singulæ quippe perturbationes motum habent appetitus in bonum vel malum, adeoque vbi bonum nactæ sunt terminum, voluptatem, vbi malum, tristitiam inueniunt, bonum enim conficiens est voluptatis; doloris ac tristitiæ malum.

Itaque eadem planè definitione, hoc est, à voluptate atque ægritudine petita, vsus est in 2. Rhet. initio, vbi de industria & singillatim de commotionibus animi disputauit. Dixit, inquam, permotiones animi eas esse, quas voluptas & ægritudo consequitur. Franc. Picolom. in Grad. 1. cap. 10. reprehendit eos, qui tertio loco apud Aristot. in enumeratione perturbationum ponunt timorem, vellētque reponi excandescētiā pro timore: idque propterea, quòd sic in emendationibus scriptum Codicibus sit: quos sanè Codices vbi legerit, haud video. Cur enim eos non legit verus interpres quo vsus est D. Thom. cur non Argyropolus, Lambinus, alique qui φῶβος, timorem, non excandescētiā eo loco inuenerunt. Fateor tamen in aliquibus Codicibus esse etiam excandescētiā post iram: sed iure putarunt id esse superuacaneum, cū excandescētia sit brevis ira ex 4. Tusc. Quo loco id monco, vt me nominibus variis, & tunc perturbationes, nunc commotiones, permotionesque, nunc affectus atque affectiones appellare passiones illas, quemadmodum barbarè loqui iam cœpimus, quibus commotus aliquid perpetitur animus, vel ab ira, vel à cupiditate, vel ab aliis: quia hīc vocum delectum tam religiosè non habemus, vt iis tantū vti velimus, quæ apud Ciceronem inueniuntur, in Tusculanis & alibi. Cicero enim ipse ea quæ Græci appellant, vel πάθος, vel παθήματα, perturbationes nominat semper, affectiones nunquam: cū affectio apud eum idem sit quòd apud Græcos vel ἀλγισμός, morbus, vel ἔξις, hoc est habitudo, siue habitus, & assuefactio. Sequimur autem nos auctores, Senecam, Quintilianum, & Gell. in lib. primo cap. vltimo: qui affectus, affectionesque promiscuè nominant omnes animi nostri permotiones. His igitur definitis perturbationibus, Aristoteles tradit definitionem etiam facultatum, & potestatum in hunc modum. Facultates appello eas, quibus ad has perturbationes suscipiendas & patiendas apti dicimur, quarūve impulsu ad irascendum, vel dolendum, vel miserendū procliues sumus. Ita penè locū illum per paraphrasin interpretatur Lambin. Quæ definitio, vt monet D. Thom. non est generalis, sed traditur eatenus, quatenus facultates distinguendæ, secernendæque à perturbationibus sunt: satis autem distinguuntur & secernuntur ex eo, quòd reddant nos aptos, propensōsque ad concupiscendum, irascendum, miserendum, ceterasque huiusmodi permotiones, & perpeffiones animi suscipiendas. Ira enim est in irascente animi facultate, cupiditas in concupiscente, ceteræ in ceteris sibi consentaneis, & respondentibus. Itaque vehementer errarunt qui crediderunt, apud Aristotelem hīc facultates & potestates esse, quæ in Categoria qualitatis dicuntur παθητικὰ ποιότητες: hoc est, patibiles qualitates, vt ea verba Latine reddi potuerunt: existimarunt adeo facultates, & potestates à perturbationibus sola temporis diuturnitate differre, hoc est, eo nomine, quòd illæ diuturniores sint, hæ breuiores. apud Græcos enim μέν is est ira longissima: ὀργή minùs longa, θυμός breuissima: & εὐνοία est beneuolentia breuior, φιλία longior amicitia. Vellent igitur θυμός & εὐνοίας esse perturbationes, reliquas esse potestates & facultates. Decipiuntur inquam hī, quia planissimè significat, & disertis verbis Aristoteles ait, intelligi nomine facultatum oportere aptitudines quasdam & capacitates, quæ ipsas antecedunt perturbationes, non paruas modò, sed etiam magnas, antequam enim irascamur, non breuiter modò, sed etiam longiuscule, necesse est, posse nos irasci. Restat extremo loco definitio habitus, quæ rudis etiam est, & tradita tantū ad seiungendum habitum ipsum à perturbationibus & facultatibus, de quibus est dictum. Ait igitur, habitus esse, quibus bene, vel malè erga perturbationes ipsas affecti sumus, hoc est, habitus quasdam esse qualitates, quæ faciunt, vt cū perturbamur affectibus, & iis nostro iudicio vtimur, boni vel mali iure nominemur & simus. Id verò qua ratione fiat sic declarat: si enim per assuetudinem ita nos affecti sumus & comparati, vt vel vehementius, vel remissius, quàm par sit, & mediocritatis ratio postulet, irascamur, prauo habitu sumus imbuti, atque hominis improbi nomen meremur. sin autem per eandem assuetudinem hoc sumus assecuti, vt mediocriter irascamur ex eiusdem præscripto rationis, bono iam pollemus habitu, ac dici viri boni optimo iure possumus. In hac interpretatione addere volui assuetudinem, quæ apud Aristot. non est: quia habitus ab assuetudine & electione, facultates à natura; perturbationes partim à naturâ, partim ab habitu sunt.

PARS SECUNDA CAPITIS QVINTI.

ΠΑΝ μὲν οὖν τῶν εἰσὶν οὐθ' αἱ
 ὄρεται, οὐθ' αἱ κακίαι, ὅτι οὐ
 λεγόμεθα καὶ τὰ πάντα αἰσιν, ἢ
 φαῦλοι. καὶ δὲ τὰς ὄρεταις, ἢ κακίαις
 λεγόμεθα. καὶ ὅτι καὶ μὲν τὰ πάντα,
 οὐτ' ἐπαυνοῦμεθα, οὐτε ψυχόμεθα. οὐ
 γὰρ ἐπαυνοῦται ὁ φοβούμενος, οὐδὲ ὁ
 ὀργιζόμενος. οὐδὲ ψυχεται ὁ ἀπλῶς
 ὀργιζόμενος, ἀλλ' ὁ πως. καὶ δὲ τὰς
 ὄρεταις, ἢ τὰς κακίαις ἐπαυνοῦμεθα, ἢ
 ψυχόμεθα. ὅτι ὀργιζόμεθα, ἢ φοβούμε-
 θα ἀπεγαυρέτως. αἱ δὲ ὄρεται, πεγαυ-
 ρέως ὡς, ἢ εἰς αὐτὴν πεγαυρέτως.
 περὶ δὲ πύτοις, καὶ μὲν τὰ πάντα κι-
 νῆσαι λεγόμεθα, καὶ δὲ τὰς ὄρεταις,
 ἢ τὰς κακίαις, οὐ κινῆσαι, ἀλλὰ
 ἀφαιρῆσαι πως. ἀφ' αὐτῆς δὲ οὐ-
 δὲ διωάμεν εἰσιν. οὐτε γὰρ ἀγαθοὶ λε-
 γόμεθα τὰ διωάσαι πάσαι ἀπλῶς,
 οὐτε κακοὶ, οὐτ' ἐπαυνοῦμεθα, οὐτε ψυ-
 χόμεθα. καὶ ὅτι διωαπὶ μὲν ἐσμέν φύ-
 σι, ἀγαθοὶ δὲ, ἢ κακοὶ οὐ γινόμεθα
 φύσιν. εἴπομεν δὲ περὶ πύτου περὶ τε.

Perturbationes igitur non sunt neque
 virtutes, neque vitia: quia non dici-
 mur ex affectionibus boni aut mali, ex
 virtutibus autem, aut vitis dicimur: quia
 ob affectiones nec laudamur nec vitu-
 peramur. Neque enim laudatur qui ti-
 met, neque qui irascitur: nec vituperatur,
 qui simpliciter irascitur, sed qui quodam
 modo. Propter virtutes autem, ac vitia
 laudamur, aut vituperamur. Præterea ira-
 scimur & timeamus inconsulto: virtutes
 autem electiones quadam sunt, aut non
 absque electione. Ad hæc secundum per-
 turbationes quidem moveri dicimur; se-
 cundum virtutes autem & vitia non mo-
 ueri, sed affici quodam modo. Propter hæc
 verò neque potestates sunt. Neque enim
 boni dicimur ex eo, quod possumus affi-
 ci omnino, neque improbi: nec laudamur,
 nec vituperamur. Insuper potentes qui-
 dem sumus natura, boni autem, vel im-
 probi non efficitur natura. Diximus au-
 tem de hoc supra.

EXPLANATIO.



TRI BUS illis quæ numerata, explicatæque iam sunt, duo nunc de-
 monstrat esse, quæ Virtutis nomen & definitionem obtinere non pos-
 sint: sunt autem hæc duo, perturbationes & facultates. Perturbationes
 igitur, affectiones, & commotiones animi nostri non esse virtutes aut vi-
 tia, quatuor ostendit rationibus & argumentis.

Primum: Quia propter affectiones, & ex affectionibus, boni malive non dici-
 mur: virtutes autem ex sunt, à quibus boni dicimur; vitia, quibus mali nomi-
 namur. Neque enim ex eo, quod quis irascatur, bonus aut malus dicitur, sed
 ideo, quod hoc, aut illo modo irascatur: moderatè videlicet aut præter modum.
 Secundum: Quia ex affectionibus, & perturbationibus nemo vel laudem adipisci-
 tur, vel vituperationem commeretur. Virtutis autem proprium est, impetiri lau-
 dem; vitij verò, vituperationis, & contumeliæ notam inurere. Quis enim vitu-
 peratur aut laudatur, quod simpliciter irascitur aut metuit, ac non potius, quod
 certo quodam modo metuit, aut irascitur? Dubitat Gualter. num hæc rectè di-
 cantur: sunt enim aliquæ perturbationes, affectionesque, à quibus laudari, aut
 vituperari possumus: qualis est verecundia, & affectus ille, qui opponitur in-
 videntiæ: sed præter rationem dubitat: cum in his oporteat mediocritate
 rem, exuperantiam ac defectum esse, si propterea laudari aut vituperari de-
 beamus. Cicero verò nullo modo est audiendus, qui Stoicorum plus nimio
 studiosus, hanc perturbationum quantumvis in speciem bonarum malarum-
 ve mediocritatem irridet his verbis: Qualis ista philosophia est, quæ non in-
 teritum afferat prauitati, sed sit contenta mediocritate vitiorum? Existimat

enim aliquam esse perturbationem quæ vitium appellari debeat, quod falsum est. Tertium: Quia in perturbationibus nullum consilium est, nulla deliberatio aut electio, sed temeritas & inconsiderantia. In Virtutibus autem consilium, & electio maximè spectatur ac cernitur; ita prorsus, ut vel electiones sint, vel electione carere non possint, ut infra demonstrabitur. Quartum: Quia perturbationibus commoueri dicimur, & concitari. Virtutibus autem neque concitari dicimur unquam, neque moueri, sed tantum affici erga rectum & bonum. Itaque iure dicuntur animi quædam tranquillitates. Hæc, inquam, sunt argumenta quatuor, è quatuor Virtutis ducta proprietatibus, quibus ostendit, perturbationes, animique affectus non esse Virtutes.

Pergit tribus demonstrare rationibus, ne facultates quidem ipsas Virtutes esse; quarum duæ cum superioribus communes sunt: tertia propria, quemadmodum declarabimus. Prima enim est: Quia ex facultatibus nemo neque bonus dicitur, neque malus. Secunda: Quia ex eo, quod bene facere vel malè possumus, non laudamur, aut vituperamur. immò ex eo, quod volumus, sed non facimus, vix laudem ullam aut vituperationem meremur, ut ait apud Gell. Cato. Tertia, quam diximus esse peculiarem & propriam, videtur huiusmodi: Facultas omnis & potestas insita nobis est à natura: sed virtutes non insunt nobis naturæ, ut suprà demonstratum est in cap. 1. ergo nulla virtus facultas est.

PARS TERTIA CAPITIS QVINTI.

ΕΙ οὖν μήτε παρὰ τὴν εἶσιν αἱ δυνάμεις, μήτε δυνάμεις, λείπεται ἕξ ἐκ αὐτῶν τῶν εἶ. ὅ, ἡ μὲν οὖν ὅτι παρὰ τὴν δυνάμειν, εἴρηται.

SI igitur nec affectiones sunt virtutes, nec facultates, relinquitur habitus ipsos esse. Quid ergo sit genere virtus, dictum est.

EXPLANATIO.



CONCLUSIO totius quæstionis planissima est: Virtutem habitum esse: sequitur enim id ex iis, quæ à Virtutis notione depulsa sunt: sequitur autem hoc modo: Si Virtus est in animo; aut est perturbatio, aut facultas, aut habitus: alia enim actionis humanæ principia fontèsque in animo præterea non sunt. At non est perturbatio, neque facultas: quippe quæ natura nobis insitæ sunt, & hominem bonum non faciunt aut laudabilem: quod proprium virtutis est. relinquitur ergo, Virtutem habitum esse: sed quoniam habitus in animo permulti sunt, maximè inter se distracti ac differentes, addit ad extremum quod necessarium erat indicare: habitum in Virtutis notione ac definitione genus esse. Cætera enim quæ genus hoc contrahunt, & circumscribunt, explicabuntur infra.

EPILOGVS.

1. Virtus quæ in animo est, vel perturbatio, & effectus, vel facultas & potestas, vel habitus sit necesse est: hæc enim tria in animo sunt actionis humanæ principia, quorum unum est Virtus.
2. Virtus neque perturbatio est, neque facultas: habitus igitur est. adeoque habitus in Virtutis definitione constituitur, ut genus.

IN CAPVT QVINTVM,

QVÆSTIO PRIMA.

De affectus perturbationisq̃ue definitione.

QUOD affectus nominis vel perturbationis intelligendum sit, declarauimus supra, cum diximus, non esse facultatem animi nostri naturalem, neque habitum assuetudine partum, sed commotionem quamdam vtrique interiectam, & mediam. Naturā enim irascendi facultate præditi sumus, habitu ad irascendum præparamur, affectione irascimur, velut actionē a facultate prodeunte, & ab habitu facilē foras euocata.

Huius ergo definitionem commotionis inuestigamus; non quidem absolutissimam & perfectissimam. hanc enim tradunt physici, qui contemplantur, & considerant animam; sed eam, quæ morali disciplinæ sit satis. Quippe definitio perturbationis tradi debet à Physico, à Rhetore, & ab eo, qui de moribus agit. Physicus, quoniam perturbationem definit in contemplantis scientiæ gratiam, definitionem explere debet numeris suis. Sed Rhetor, qui definitionem hanc ad persuasionem refert, moralis philosophus qui definit ideo perturbationes, ut eas ratione corrigat, & virtute, satis habent ea in eiusmodi definitione ponere, quæ ad persuasionem, emendationemque morum efficiendam necessariō cognoscenda sunt. Sed tamen in hac etiam imperfecta definitione tradenda variis à morum philosophis peccatum est modis. Zeno enim, ut est apud Cic. in 4. Tusc. dicebat; perturbationem esse aduersam rectæ rationi, & contra naturam animi commotionem. Ex ipso Stoicorum numero quidam docuerunt, esse turbidum & vehementiorem, quā par sit, animi motum. ex eadem officina dixerunt alij, esse prauam, intemperantemque commotionem, vites à corrupto iudicio suscipientem, qui quidem omnes illo errarunt nomine, quod credentes, omnem animi perturbationem affinem esse vitio, & dignam reprehensione. Hæc enim non vniuerso perturbationum generi conueniunt, sed earum exuperantiæ in qua vitium est, & prauitas. Itaque illæ, quæ vitio carebunt & prauitate, hæc definitione comprehendi non poterunt. Andronicus Rhodius, Alcinous, alijque Platonici nonnulli perturbationem dixerunt esse animæ commotionem rationis expertem, existentem ex opinione boni vel mali. Quæ descriptio anteferenda sine dubio est definitioni Stoicorum: cum non velit, perturbationem esse commotionem rationi contrariam, vtili, sed expertem rationis; quod verissimum est, & Aristoteli consentaneum. quamquam enim perturbatio rationi parere potest, ipsa tamen formaliter & secundum se siue intrinsecè ra-

tionis est expertis, cum in anima sentiente atque appetente sit, quæ formaliter & intrinsecè rationem non habet. Anteferenda, inquam, hæc definitio est superiori, sed non omnino probanda. quia nec rectè, nec verè parentem facit perturbationis opinionem boni malique. Nam opinio, ut docet Arist. in 2. de An. text. 152. ad partem animæ rationis compotens spectat, perturbatio ad sentientem, appetentemque, rationis expertem: & perturbationes excitari possunt in nobis, ut ait Apollonius, sine vlllo assensu atque opinionem sola videlicet cogitationis vi, & rerum imagine, quæ nobis obiciatur. Quippe rebus ridiculis voluptate afficimur, tametsi nihil omnino mali, boniue nobis adesse opinemur. Boëthius aliqua huic ex parte similem definitionem tradidit, cum dixit, perturbationem esse commotionem quidem in animo nostro eius partis, quæ rationis est expertis, sed certa quadam magnitudine præditam. id quod addidit ideo, ut quosdam motus leues propter paruitatem perturbationes esse non putaremus. Hæc etiam definitio est explodenda: quia paruitas illa facere non potest, quin animi motio dici perturbatio debeat. Neque enim genera, speciei que rerum mutantur ex eo, quod aliquid maius, aut minus sit. Videtur hoc hausisse Boëthius à Stoicis; qui ut est apud Gellium in lib. 19. cap. 1. motus animi leues & inconsultos ex aliqua re subito ad animum accidente subortos, perturbationes appellari vetabant.

Vera itaque ac probabilis definitio petenda est ex iis, quæ duobus docet locis Aristoteles. Quorum primus est hic in cap. 5. initio, quem locum habemus in manibus. vbi cum enumerasset perturbationes omnes, cupiditatem, iram, timorem, inuidiam, lætitiā, amicitiam, ceteras; ad extremum, quasi definiens vniuersā perturbationem, hæc verba subiunxit, Et omnia, quæ voluptas consequitur, aut dolor: perinde ac si diceret, perturbationem nihil aliud esse, nisi commotionem animi, quæ dolorem comitem habet aut voluptatem. Alter locus est in 2. Rhet. initio; vbi, quoniam in gratiam oratoris de affectibus differit, perturbationes esse ait motiones, quæ faciunt, ut homines immutari non eodem modo de re iudicent, ac sentiant, qualesque voluptas aut tristitia consequitur. In utroque loco voluptatem vel dolorem vult cum perturbatione coniungi, ac propterea debere in perturbationis definitione collocari. Sed tamen præterminat animæ partem, in qua posita perturbatio sit. quod factum ideo fortassis est, quod in 2. de An. text. 20. iam dixerat, voluptatem, & dolorem

Vnà cum sensu, appetitu, ac phantasia esse semper, & reperiri. Et quoniam voluptas, ac dolor numquam sine perturbatione animi sunt, sequitur, perturbationem esse in animæ parte sentiente. Id, inquam, quia docuerat alibi Aristot. prætermisit his locis, & vniuersum notum existimauit. Itaque, si velimus componere simul omnia, & definitionem explorare partibus suis; dicere possumus, perturbationem esse sentientis, appetentisque animi motum excitatum phantasie vi ad dolorem, molestiamque vitandam, vel obtinendam voluptatem. Quæ definitio moralis philosophiæ satis idonea videri debet, cum proponat facultatem animi, in qua concitatur perturbatio, & finem, cuius gratia concitatur. quæ duo regenda, emendanda, informanda ratione, ac virtute sunt à motum disciplina.

Sed dices primò, perturbationem interdum excitari non à sensu & phantasia, secunditatem, aut molestiam imaginante, sed ex solo mentis ac rationis imperio. id quod facile cernere licet in homine rectè instituto: qui sola ratione mouetur. Nodum hunc ipse soluit Aristot. in 3. de An. & in lib. de motu animalium. vbi docet, mentem mouere quidem velut è longinquo, sed non tamen è proximo: nec vnquam mouere sine intermedia phantasia. Nobis autem in definitione ponendum fuit principium motus proximum, quod sensu continetur, appetitu, & phantasia.

Dices secundò: finem perturbationis excitatæ non semper esse iucundum bonum, aut molestum malum. id enim videtur in ipsam tantummodo cupiditatem cadere, quæ iucunditatem sequitur & appetit, declinat ac defugit dolorem. Animaduertendum est, iucundum bonum, & molestum malum duplicem habere notionem. Referuntur enim interdum ad solum gustum, ac tactum, adeoque tunc soli cupiditati materiam præbent, aut finem proponunt, vt intelligi potest ex Aristot. multis locis. vbi videtur delectationem ac molestiam solius velle cupiditatis finem esse. interdum profundunt se latius, ac per omnes peruiunt sensus, omnesque perturbationes complectuntur, ac propterea singulorum fines esse possunt. singulæ quippe sensu mouentur, vt diximus: sensus autem nisi delectatione atque molestia non mouetur. vt intelligi potest ex eodem Aristot. in 3. de Anim. t. 29. Igitur nos cum boni iucundi molestive mali mentionem fecimus, vtrumque volumus latè patens, non contractum, & solum afficiens gustatum ac tactum. Quare potest ad omnes perturbationes pertinere.

Dices tertio: perturbationes non esse tantum commotiones, aut motus appetentis facultatis, sed etiam opiniones iudicantis quæ admodum eas Cicero in 4. Tuscul. ex Stoicorum doctrina definit his verbis: Sed omnes perturbationes iudicio censent fieri, & opinione. Est igitur ægritudo opinio recens mali præsentis, in quo demitti, contrahi que a-

nimo rectè esse videtur: latitia opinio recens boni præsentis, in quo effertur rectum esse videatur: metus opinio impendentis mali, quod intolerabile esse videatur: libido opinio venturi boni, &c. Has definitiones proponit Cicero haustas à Stoicis, quas Galen. in 4. de Platonis, Hippocratisque decretis, cap. 2. docet esse traditas à Chrysippo, qui à Zenone, ceterisque Stoicis in eo dissentiebat, vt idem Galen. ait in cap. 3. quòd illi perturbationes ideo iudicia vocarent, atque opiniones, quòd ex iudicio, atque opinione nascerentur, ipse verò iudicia propriè atque opiniones esse confirmaret. Et esse profecto ratio videtur aliqua non contemnenda, demonstrans, perturbationes esse iudicia & opiniones: ratio, inquam, huiusmodi. quòd homo perturbatus longè aliter de re iudicat, quàm cum perturbatione vacat. Non enim frustra litigator ille vetus irati sententiam Alexandri molestè ferens, & iniquam iudicans, prouocare se dixit ab Alexandro irato ad non iratum Alexandrum. Quin hoc docet ipsemet Arist. in 2. Rhet. cum dixit, perturbationes esse motus animi, quibus qui concitantur, longè aliter de re iudicant, ac sentiunt, quàm antè sentirent, aut iudicarent.

Sed nec illorum auctoritas Stoicorum magnificanda est; nec ratio permultum valet. Nam facultas appetens & cognoscens siue iudicans, & existimans longe differunt inter se, cum cognoscens in vero versetur bono, vel vili, vel iucundo, vel honesto. At perturbationes in bono malòve versantur, in bonum feruntur, defugiunt malum, cæcæque ipsæ per se sunt, nec quicquam intelligunt nisi à facultate cognoscente admonitæ. ergo non sunt iudicia, aut opiniones, sed appetentis facultatis motiones excitatæ à cognoscente. Itaque, siquid vincit istorum auctoritas & ratio, vincit id solum: perturbationes à iudicio atque opinione proficisci. Non enim appetitio moueretur, vt diximus, nisi facultas præiret æstimans, & cognoscens, id esse bonum aut malum, quod perturbatio sequitur, aut fugit. Nihil igitur mirum est, si Aristot. ait, perturbationes esse motus. efficietes, vt aliter homines de re iudicent. antecedit enim illas iudicium, & deinde sequitur. Nam antè perturbationem homo cognoscit & iudicat bonum, malumque, cuius vi perturbatur, & postea de eodem iudicat amplius, sed non efficitur hinc, perturbationes ipsæ esse iudicia & æstimationes.

QVÆSTIO SECVNDA.

De numero perturbationum.

ARISTOTELIS de numero perturbationum sententiam vidimus suprâ, cum sermonis contextum explicauimus. Dixit enim perturbationes esse numero vndecum. cupiditatem, iram, timorem, fiduciam, inuidiam, gaudium, amicitiam, odium, desiderium, æmulationem, misericordiam, & vniuersum

vniuersim ea omnia, quæ consequitur voluptas aut dolor. Sed hac de re nihil certi videtur affirmare, ac tradere: quia longe aliter eas numerat in 2. lib. Rhet. Retinet enim inter eas, non iram modò, odium, timorem, audaciam, aliàsque huiusmodi, sed etiam mansuetudinem & lenitatem, quæ tamen sine controuersia virtutes sunt. Videtur etiam Plato mindè esse constans in harum affectionum numero designando. Nam in Timæo facit sex: voluptatem primùm, & dolorem, quæ tanquam principia ceterarum esse vult: quibus succedant metus & audacia; accedantque demum his ira & spes. Sed in Theæteto affectiones esse affirmat innumerabiles. sic enim loquitur: Cupiditates, timores, atque aliz perturbationes, quas sequuntur voluptates & dolores, innumeræ quidem sine nomine, nominatæ quoque permultæ. Quin in lib. 9. de Repub. hominem quasi monstrum & Sphingem aliquam ex variorum animalium confectam partibus ait esse, hoc est, ex affectionibus animi variis, inter quas tamen cupiditas latissima quedam pars sit, multa bestiarum capita continens. Quibus verbis nihil sibi voluit aliud, nisi quod in Theæteto dixerat, homini perturbationes esse non varias modò, sed innumeras. Galenus verbò in lib. de cognoscendis curandisque animi morbis cap. 5. docet ex veterum sententia, perturbationes, & affectiones animi esse quinque. Antemere arbitraris, inquit, à veteribus has animi perturbationes quinque appellari solitas, mœrorem, iram, excandescentiam, cupiditatem, metum? In cap. 3. eiusdem lib. Galen. aliter perturbationes ita recenset. Perpersiones animæ, quas omnes cognoscunt, sunt excandescencia, ira, timor, mœror, inuidia, & cupiditas vehemens. Ergo, ne Galenus quidem certum aliquem numerum perturbationum esse voluit, idque declarauit amplius, cum eo loco capituli tertij hæc verba subiunxit. Mea verbò sententia etiam nimio alicuius rei qualiscumque ea sit, vel amore, vel odio occupari, in genere perturbationum est habendum. probè enim dictum videtur, mensuram esse optimam. Cicero in 4. Tuscul. videtur enucleatius & diligentius de perturbationibus explicasse, sed tamen hunc certum numerum, quem inquirimus, constituere non est ausus. Stoicis enim sequutus, prima perturbationum capita facit quatuor, ægritudinem, metum, lætitiā, siue voluptatem, & libidinem. Ad ægritudinem verbò reuocandas esse ait tanquam partes formatque subiunctas inuidenciam, æmulationem, obrectationem, misericordiam, angorem, luctum, mœrorem, ærumnam, dolorem, lamentationem, sollicitudinem, molestiam, afflictationem, desperationem, & si quæ sunt de genere eodem. sub metum hæc subiecta esse ait, pigritiam, pudorem, terrorem, timorem, pauorem, exanimationem, formidinem, conturbationem lætitiæ siue voluptati vult esse subiunctam maleuolenciam malo lætanti alieno, delectationem, iactationem, & similia. Denique libidinis par-

tes esse contendit iram, excandescentiam, odium, inimicitiam, discordiam, indigentiam, desiderium & cetera, eiusmodi. Cum igitur ipse quoque M. Tull. ita lustret agmen perturbationum omnium, ut in singulis ordinibus ad extremum solemnè quasi formula dicat, & his similia, & cetera eiusmodi, & si quæ sunt alia, videtur haud dubiè significare numerum ipsum certum exponi non posse. D. Thomas vñdecim quidem vult esse perturbationes, hoc est totidem quot hic ab Aristot. describuntur, sed in earum nominibus designandis non nihil ab Aristotele discrepat.

Quæ cùm ita sint, dixerim, perturbationum nostrarum prima quidem capita statui posse, sed singulas earum partes ostendi & designari non posse. Quæ causa est, cur & auctororum sententiæ sic varient, & cur Aristoteles, Plato, Galen. Tullius, alij, enumeratis nonnullis perturbationum formis, adiungant alias illis similes, hoc est eas commotiones animi omnes, quibus est comes voluptas & dolor, ut hic loquitur Aristot. Sed hæc mihi esse videntur innumerabilia, & curiosius enumerabuntur in disputationibus de fortitudine lib. 3. cap. 6.

QVÆSTIO TERTIA.

Quid poni debeat tanquam genus in definitione Virtutis.

DV O Quæstio hæc profligabit argumētis quorum vnum demonstrare videtur, Virtutem vel esse potentiam, vel affectum & perpersionem; alterum, Virtutem non esse habitum. quæ omnia iis contraria sunt, quæ ponit in hoc capite Aristot. cum docet, Virtutem non potentiam, non passionem esse, sed habitum. Sunt enim qui virtutem esse potentiam & facultatem ita contendunt. Primo quidem: Virtus esse dicitur vltimum potentia, vltimum autem non distinguitur ab eo, cuius est vltimum. deinde: Virtuti congruit potentia definitio, quæ dicitur esse principij operationis in alia. At Virtus est operationis principium. Fortitudo enim, ut hoc exempli causa proponamus, est principium aggrediendi res horribiles, & formidolosas. denique in primo Rhet. Aristot. docet discretè, virtutem esse potentiam paratricem honorum, eorumdem seruatricem, & erga multos beneficam. Qui verbò Virtutem volunt affectum & passionem esse, sic disputant. Virtus est mediocritas affectuum & perturbationum nostrarum. ac medium est de genere extremorum, nec ab extremis potest re ipsa seiungi. Non igitur Virtus à perturbatione distinguitur. Illi demum, qui putant, Virtutem non esse habitum, ratiocinantur hoc modo. Aristot. 7. Phys. 1. 17. affirmat, omnem Virtutem esse in ea Categoria, quæ dicitur ad aliquid. Sed habitus est in classe & categoria qualitatis. Ad hæc idem habitus nunc est bonus, nunc malus. Nam idem ha-

bitus abstinentiæ partus ex prauo iudicio rationis, & prauo fine (qualis erat abstinentia eorum, qui Syriæ Deæ ieiunio quodam solemnini initiabantur, & cuiusmodi esset quilibet alijs habitus abstinentiæ, qui mediocritatem rationis non haberet) idem, inquam, habitus abstinentiæ prauus, accedente recto iudicio fieri potest bonus. Illi enim Syriæ Deæ sacerdotes, qui solemnini ieiunio initiabantur, ut est apud Apul. in ult. lib. Metamor. si rectam susceperant religionem, eundem retinissent habitum cum accessione virtutis: & qui citra mediocritatem habitum abstinentiæ obtinet, si demum ipsam inueniat mediocritatem, in eodem habitu virtutem inuenit. Ergo Virtuti non est essentialis habitus, nec Virtus est essentialiter habitus. si enim Virtus est essentialiter habitus, Virtus est differentia essentialis huic generi, hoc est habitui, ac propterea nunquam poterit re ipsa separari ab habitu, cum quo semel coniuncta est. cùm in composito metaphysico ea coniunctio generis & differentię sit, ut quamquam illa duo distincta metaphysicè sunt, nunquam tamen re ipsa separetur, & seiungatur à genere differentia, quæ cum illo semel coniuncta est. Sed Virtus, aut vitium re ipsa separantur ab habitu, cui semel coniuncta sunt, quemadmodum licet in eo habitu, de quo diximus, intueri. Hoc nimirum argumento permotus, existimauit Scotus in quodlibetis quæst. 18. artic. 1. & in primo sent. d. 27. quæst. 2. habitum non esse genus in definitione Virtutis, sed tanquam subiectum, & materiam siue fundamentum haberi debere eiusdem Virtutis, putat quippe, virtutem esse ordinem, & relationem conuenientiæ cum natura, & recta ratione hominis. quæ relatio accidentaliter adueniat habitui. & ex eo fiat, ut cùm Virtus dicitur habitus, non essentialiter sic dicatur, sed tantùm ratione subiecti, & fundamenti. Ut hæc euertantur,

Animaduertendum primo loco est, in ea animæ parte, quæ dicitur appetens, tria esse humanarum actionum principia, potentias, commotiones, siue perturbationes, aut passionem, aut habitus. Quo sit, ut quoniam Virtus principium quoddam est humanorum actuum, quod fatentur omnes, aliquid e tribus illis esse necessariò debeat. oportet igitur inuestigare singulorum definitiones, proprietatesque, ut intelligamus, num ex illis aliqua in Virtutem cadere possit. Quod attinet ad commotionem, & passionem, definitio proposita supra iam est ex varijs Aristotelis locis, cùm dictum est, perturbationem esse, motum sentientis, & appetentis animæ excitatum in phantasia, ad dolorem vitandum, vel consequendam voluptatem. Sed tamen alia breuior commemorari hoc loco definitio potest, ab Eustratio tradita huiusmodi. Est per phantasiam appetitus commotio, in bonum contendens, aut malum. Potentia verò definitur ab Aristot. ac dicitur esse facultas illa, secundum quam idonei sumus ad perpetiendas animi commotiones & perturbationes. itaque perturbationes actus videntur esse potentia-

rum. Denique habitus ex eodem Aristot. qualitates sunt, quæ faciunt, ut in ipsis perturbationibus bene nos habeamus, aut malè. bene quidem, si mediocriter iis commoueamur: malè verò, si vehementer.

Animaduertendum secundò, has definitiones non complecti totam amplitudinem rei definitæ, cùm & aliqua passio sit, non quidem motus, sed quodammodo quies, qualis est delectatio, & aliqua potentia sit, quæ non reddimur idonei ad perpetiendas perturbationes appetitus, cuiusmodi est potentia intelligentis animæ, & aliquis habitus sit, cuius vi non habeamus nos malè, vel bene in perturbationibus sentientis animæ; cùm sint etiam habitus intelligentiæ. Itaque huiusmodi definitiones traduntur tantùm in eam gratiam, ut intelligamus, aliquas virtuti non congruere, cōgruere aliquā. Virtus enim versatur in perturbationibus, tamquā in materia sua, adeoque tam potentia, quā habitus definitio petita nominatim à perturbationibus est: & perturbationis ipsa definitio petita est à dolore, ac voluptate, quorum motuum potissimum Virtus est moderatrix. sed si vniuersim hæc definienda fuissent, aliunde, hoc est alijs & à principijs patentibus latius petendæ definitiones essent. Ut igitur ordiamur à prima: Perturbationis, affectusque definitio non cadit in virtutem, quia Virtus non est motus tantùm, sed aliquid fixum ac stabile; nec phantasia excitatur, sed ratione regitur, eaque duce vititur ac magistra. Sine ratione enim Virtus vlla esse non potest. Ipsa verò potentia definitio multo magis abhorret à virtute, cùm Virtus non sit aliquid, quo reddimur ad perturbationes perpetiendas idonei, sed ad agendum secundum rectam rationem. Cùm igitur in animo Virtus sine dubio sit tanquam principium actionum humanarum: quicquid autem in anima est tanquam earum actuum principium, vel passio, vel potentia, vel habitus.

Dicendum est: Virtutem habitum esse, & habitum in definitione Virtutis esse genus. Quæ disputationis Conclusio probabitur satis, si ea quæ contra sunt obiecta, & initio proposita, diluamus. Quorum primum ex illis quæ contendunt, Virtutem esse potentiam, postulat, ut videamus quid sibi voluit Arist. in primo cœli text. 116. cùm dixit, Virtutem esse vltimum potentia. Non enim illo loco definit vniuersim eam qualitatem, à qua potentia redditur idonea ad bene ac laudabiliter agendum, ut dicitur in 1. Eth. cap. 5. sed definit eandem qualitatem catenus, quatenus vltimam obtinet, perfectiorem & effectum absolutissimum. Rectè adeo ibi D. Thom. vltimum potentia docet esse perfectum illud extremum, in quo vis absolutissima potentia versari potest. id autem extremum est effectus potentia perfectissimus, hoc est ille, ad quem venit ad metam aliquando peruenit, & in quo demum tamquā in apice, ac fastigio versari potest. opus ergo potius vltimum, siue operationem, effectumque Virtutis eo loco definit Aristoteles, quā ipsam Virtutem

universè. opus autem, effectusque Virtutis dicitur effectus esse potentie; non quod solum à potentia fiat, sed quod à potentia etiam attingatur, & quod in eo potentie vis pateat, quemadmodum in effectu solet ipsa vis causæ manifestiori apparere. Itaque non vult, Virtutem esse ultimum potentie formaliter, sed tantum denominatiue ab operatione. quin id etiam negari debet, quod tanquam exploratum assumitur, ultimum non differre ab eo, cuius est ultimum. Differt enim & discrepat sine dubio formaliter.

Secundum argumentum, si loquendum abusu sit, & improprie, nihil habet quod refelli magnopere debeat. Est enim Virtus principium bonæ operationis, non proprium & primum, sed secundarium & improprium. proprie quippe dicenda potius est determinatio principij, à qua promanat operatio, operatio verò tanquam à principio primario, proficiscitur à potentia. Quare non verè cadit in Virtutem ipsa definitio potentie: quæ cum dicitur esse principium operationis, dicitur esse principium primum, & proprium. Virtus autem est principium secundarium, & improprium. proprie enim determinatio principij est.

Quæ solutio debet etiam aduersus tertium argumentum habere vim. Cum enim Aristot. in primo Rhetor. dixit, Virtutem esse potentiam, latissime patentem intelligi voluit, hoc est eam, quæ pro ipsa etiam determinatione potentie intelligi potest.

Sequitur eorum argumentum & ratio, qui contendunt, Virtutem esse affectum animi, & passionem, propterea quod sit medium, siue mediocritas affectionum. Quibus ita respondendum est, Virtutem non esse formaliter medium, siue mediocritatem passionum, sed vitiositatum extremarum, quæ in passionibus sunt. Quod si medium passionum interdum dicitur, connotatiue, non formaliter dicitur: nam quia vitiositates extremæ, quarum est formaliter mediocritas, sunt passionum vitiositates, dici etiam potest Virtus connotatiue mediocritas passionum.

Restant eorum argumentationes, qui volunt virtutem non esse habitum. In quorum primò ex Aristotele contendebatur, omnem

Virtutem dici debere relationem, ac propterea non esse habitum, qui qualitas est à relatione discrepans in Categoriis. Sed respondet his Dominicus Sotus in Commentariis Physicis, docens Aristotelem non loqui de omni omnino virtute, sed de omni virtute corporis, cuiusmodi est valetudo, quam eo loco Philosophus ipse commemorat. neque verò virtutem quamlibet corporis appellare ideo relationem, quod formaliter relatio sit, sed idcirco, quod cum relatione coniungatur. Sanitas enim coniuncta necessario est cum relatione, quam obtinet ad humores, sibi inuicem respondentes, & pulchritudo cum relatione ad partes, colorisque, quarum proportio est; robur cum relatione ad membra, nervos & ossa.

Quod additur à Scoto de Virtute ab habitu separabili, confutatur à Caietano contendente ac demonstrante, falsum esse quod ille sumit, hoc est, eum habitum, qui ante partus per actus abstinentiæ prauos, ad actus incitabat & inclinabat, postea inclinaturum esse ad actus abstinentiæ probos & castigatos propter iudicium rationis accedens. Ait enim fore, ut alius omnino & essentialiter à priore distinctus habitus acquiratur postea actibus illis abstinentiæ prudentibus & probis. hic enim habitus non inclinabit tantum animum & appetitum ad abstinendum, sed ad abstinendum prudenter & bene secundum cautiones & leges abstinentiæ, Temperantiæque, quæ perpendit quantum, quomodo, quo loco, ac tempore abstinendum sit. Illud tamen concedendum esse fatetur, omnino futurum, ut qui antè obtinuit habitum illum abstinentiæ vitiosum, facilius postea pareat habitum abstinentiæ bonum propter nonnullam abstinentiæ utriusque earumque actuum bonorum vitiosorumque similitudinem. versantur enim utrique in eadem materia. Pulchrè adeo pronunciauit Aristot. in horum Eth. lib. 4. cap. 1. eum facilius acquirere liberalitatis habitum, qui antè prodigus fuit, quam qui non fuit prodigus, at fuit etiam auarus. habet enim prodigientia non paruum cum liberalitate similitudinem, propter materiam, quam utraque tractat, & in qua versatur.

CAPVT SEXTVM.

QVIV SIT VIRTVS.

S V M M A.

Differentia traditur, & tota definitio Virtutis.

DIVISIO CAPITIS IN PARTES QVATVOR.

1. Cum virtus sit habitus, videndum est, qualis habitus sit.
2. Est habitus in medio positus.
3. Medium autem ipsum extremis est interiectum.
4. Non tamen omnis actus, aut affectus admittit medium.

PARS PRIMA CAPITIS SEXTI.

ΔΕΙ δὲ μὴ μόνον οὕτως εἶπαι, ὅτι
ἔστι, ἀλλὰ καὶ ποῖα ἴς. ῥητέον
οὖν, ὅτι πᾶσα δρετή, οὗ αὖ ἡ δρετή, αὐ-
τὴ τε ὅ ἔχει διποτέλς, καὶ ὅ ἔργον
αὐτῆς ὅ ἀποδίδωσιν. οἷον ἡ τῆς ὀφθαλ-
μοῦ δρετή, τίνδε ὀφθαλμοῦ σπου-
δαῖον ποίς, καὶ ὅ ἔργον αὐτῆς. τῇ γὰρ
τῆς ὀφθαλμοῦ δρετῇ εὖ ὁραμῶν. ὁμοίως
ἡ τῆς ἵππου δρετή, ἵππου τε σπουδαῖον
ποις, καὶ ἀγαθὸν δραμεῖν, καὶ εὐεργεῖν
πρὸς ἐπιβάτην, καὶ μεῖναι τοῖς πολε-
μίοις. Εἰ δὲ τῶτ' ὅτι πᾶν οὕτως
ἔχῃ, καὶ ἡ τῆς αἰδεσίου δρετῇ εἴη
ἀν' ἑξίς, ἀφ' ἧς ἀγαθὸς αἰδεσπος γῆς,
καὶ ἀφ' ἧς εὖ ὅ ἑαυτῷ ἔργον ἀποδίδωσιν.
πῶς δὲ τῶτ' ἔσται, ἥδη μὲν εἰρηκαμῶν.
ἐπὶ δὲ τῷ ὅδε ἔσται φαιερὸν, ἐὰν θεωρή-
σαμῶν ποῖα ἴς ὅτιν ἡ φύσις αὐτῆς.

OPortet autem non solum ita dice-
re; habitum esse, sed etiam qualis
sit. Dicendum igitur, omnem virtutem
etiam illud, cuius est virtus, bene affectum
efficere, & opus eius bonum reddere. ut,
oculi virtus & oculum probum efficit, &
opus eius. Virtute namque oculi recte cer-
nimus; similiter equi virtus & equum ido-
neum efficit, & bonum ad currendum, &
ad vehendum sessorem, & ad vehendum
sessorem, & ad remorandos hostes. Si er-
go hoc in omnibus ita se habet, etiam
hominis virtus erit habitus, à quo bonus
homo redditur, & à quo bene suum opus
efficiet. quomodo verò id erit, iam profectò
diximus. adhuc autem etiam nunc fuerit
perspicuum, si considerabimus qualis sit na-
tura eius.

EXPLANATIO.



GENERE iam inuestigato quod in Virtutis definitione ponendum sit,
aggreditur ipsam perquirere differentiam, ut suis definitio partibus
absoluatur. Neque enim, inquit, satis est dicere, Virtutem esse ha-
bitum, cum habitus in hac definitione sit genus: sed oportet præter-
ea docere, quidnam, aut qualis habitus ipsa sit: id verò nihil est aliud,
quàm differentiam inuestigare. quod ut facilius exequatur, in quatuor hoc caput
distribuit partes. In prima satis habet ponere Virtutis quoddam officium notissi-
mum: hoc est, Virtutem hominem ipsum perficere, eiusdemque opus reddere
bonum ac probum. In secunda distinguit duo genera medij, siue mediocritatis:
ut postea videamus in quorum altero ponendus sit habitus ille, qui bonum ho-
minem facit, & eiusdem opus reddit etiam bonum. In tertia expedit, conclu-

ditque totam definitionem Virtutis. In quarta contendit, non in omnibus actibus affectibusque mediocritatem inueniri.

Exorditur ergo primam hanc partem à notissimo quodam officio vel proprietate Virtutis, siue ab inchoata quadam Virtutis definitione, vt eius demum beneficio inueniat absolutam, atque perfectam. Ait igitur, id constare apud omnes, & in confesso esse debere: Virtutem perficere hominem, eiusdemque functionem hominis reddere perfectam & bonam. Id quod ab ipsa Virtutis vniuersæ, generalisque proprietate demonstrat. disputat enim hic de Virtute morali, deque illa qualitate animi humani, cui verè, ac propriè nomen est virtutis impositum: sed quia nomen hoc ad alia quoque traductum est, & latius patet, ab ipso generali nomine capit initium, affirmans, non ipsam modò moralem Virtutem hominis propriam, de qua differitur, sed omnem omnino qualitatem, quæ vel abusiue, vel metaphoricè hoc sibi nomen vindicauit, id habere proprium, vt perficiat illud ipsum, in quo est, & eiusdem opus, officiùmque perfectum reddat, atque in suo genere bonum. Quæ definitio virtutis vniuersæ, generalisque traditur ab eodem Aristot. in 7. phys. à Metopo Pythagoreo apud Stob. in Sermon. 1. ab Alexan. in 3. Top. & à Cicerone in lib. de leg. 1. Dicunt enim omnes, Virtutem vniuersè nihil aliud esse, quàm cuiusque rei vim & potestatem, aut affectionem perfectissimam, optimamque, qua res ipsa bona in suo genere reddatur, atque ad suum exequendum munus idonea. Id verò sic esse inductione probat hic Aristoteles. Dicimus abusiue virtutem oculi, virtutem equi, atque aliarum etiam rerum, quarum exempla sunt apud M. Tull. sic enim disputat in 1. de leg. Nam nec arboris, nec equi virtus quæ dicitur (in quo abutimur nomine) in opinione sua est, sed in natura. Quin in 2. de Oratore Narrationis quoque virtutem nominat eam narrationis qualitatem & vim, cuius causa laudatur & perfecta censetur: Narrationis, inquit, virtus est, vt iucunda sit, & ad persuadendum accommodata. quem loquendi modum hausit ex Aristotele 3. Rhet. vbi hæc verba sunt, λέξεως ἀρετὴ σαφὴ εἶναι. locutionis virtus est perspicuitas. Sed plura inueniemus huius exempla metaphoræ, notionisque apud Platonem. Nam in Gorgia primum ita loquitur: At virtus vniuscuiusque & valis, & corporis, & animi, & totius animantis non ita temere paratur, sed ordine, ratione, & arte, quæ cuique eorum data est. Deinde in 1. de Repub. extremo. Oculorum, inquit, aurium, & aliorum virtus. In summa notio hæc virtutis vniuersæ, generalisque significat quod in 2. Eudemiorum est, vniuscuiusque rei perfectionem, optimam affectionem, optimum habitum, optimam facultatem singulorum; quorum aliquis vsus bonus, opusque aliquod idoneum est: vel id quod est apud Cic. in primo de leg. virtutem vniuersè definientem, docentemque, nihil aliud esse, quam in se perfectam, atque ad summum perductam naturam.

Cum igitur virtus vniuersè, quemadmodum ipsa postulat generalis notio nominis, & demonstrat inductio, perficiat id, in quo est, idemque reddat idoneum ad munus, officiùmque suum laudabiliter exequendum, consequens est, ipsam quoque nominatam virtutem moralem, cuius vnus est inter animantes particeps homo, esse affectionem, & habitum eiusmodi, quo ipse perficiatur homo, eiusdemque munus opusque probum reddatur ac bonum.

PARS SECVNDA CAPITIS SEXTI.

EN πᾶσι δὲ συνεχεῖ, καὶ διαρρέ-
ται ἔστι λεγόν τὸ μὲν πλεον, τὸ
δὲ ἕλαττον, τὸ δὲ ἴσον. καὶ ταῦτα, ἢ
κατ' αὐτὸ τὸ πρᾶγμα, ἢ πρὸς ἡμᾶς.
τὸ δὲ ἴσον, μέσον πρὸς ὑπερβολῆς, καὶ ἐλ-
λείψεως. λέγω δὲ τὸ μὲν πρᾶγματος
μέσον, τὸ ἴσον ἀπέχον ἀπὸ ἐκείνου
τῶν ἄκρων, ὅπως ἔστι ἐν καὶ ταῦτ' οὐ-
σι. πρὸς ἡμᾶς δὲ, ὃ μὴτε πλεονά-
ζει, μὴτε ἐλλείπει. τὸ δὲ οὐχ ἔν,

IN omni igitur continuo, & diuiduo
licet sumere hoc quidem plus, hoc ve-
rò minus, hoc autem æquale. atque hæc vel
secundum ipsam rem, vel secundum nos.
Æquale verò, medium quoddam exuperā-
tiæ, ac defectus est. Appello autem mei
medium id, quod æquè distat ab utroque extre-
morum, quod est vnum idemque omnibus.
secundum nos verò id, quod neque redun-
dat, neque deficit. hoc autem nec vnum,

ὅτι δ' αὐτὸ πᾶσι. ὅς ἐστι δὲ καὶ δέκα πολ-
 λαί, καὶ δὲ δύο ὀλίγα, καὶ ἕξ μέσα
 λαμβάνουσι καὶ τὸ πρῶτον. ἴσως γὰρ
 ὑπερέχεται, καὶ ὑποφέρεται. τὸ δὲ
 μέσον ὅτι καὶ πῶς ἀριθμητικῶς αἰα-
 λοῦται. ὅ δὲ πρὸς ἡμᾶς, οὐχ οὕτω
 λαμβάνει. οὐ γὰρ ἔστι δέκα μᾶλλον φα-
 ρμακῶν πολὺ, δύο δὲ ὀλίγον, ὁ αἰείωνος
 ἕξ μᾶλλον πρὸς τὸν ἥλιον. ἔστι γὰρ ἴσως καὶ
 τὸ πολὺ τῶν ἀνθρώπων, ἢ ὀλίγον.
 Μίλωνι μὲν γὰρ ὀλίγον, τῶν δὲ ἀρ-
 χαιῶν καὶ γυμνασίων, πολὺ. ὁμοίως
 ὅτι δρόμου καὶ πάλης. οὕτω δὲ πᾶς
 ἐπιστήμων πῶς ὑπερέχεται, καὶ πῶς
 ὑποφέρεται. ὅ δὲ μέσον ἔστι, καὶ
 τὸ αἶψα, μέσον δὲ οὐ δὲ τὸ πρὸς
 γίγναι, ἀλλὰ ὅ πρὸς ἡμᾶς.

nec idem omnibus est. ut, si decem mul-
 ta, duo verò pauca, sex media sumunt
 secundum rem. aque enim, & superant,
 & superantur. hoc verò medium est se-
 cundum arithmetica proportionem. Quod
 verò secundum nos est, non item sumen-
 dum est. non enim si cui decem libras co-
 medere nimium sit, duas verò parum,
 magister ludi sex libras praescripserit. est
 enim fortasse & hoc nimium ei, qui sum-
 pturus est, siue parum. Miloni quidem
 parum, incipienti verò exercei, nimium.
 Similiter in cursu & lucta. Sic igitur om-
 nis sciens exuperantiam & defectum fu-
 git, medium autem conquirat, & hoc
 elegit: medium verò non rei, sed se-
 cundum nos.

EXPLANATIO.

DEMONSTRATIVVS Aristoteles, Virtutis differentiam esse me-
 dium, siue mediocritatem, hoc est, Virtutem ipsam nihil aliud esse,
 nisi habitum in affectionis mediocritate versantem, & positum; hoc,
 inquam, demonstraturus, duo proponit in hac secunda Capitis parte,
 quæ viam expediant, & rem facere possint illustriorem. Primum in
 omni re continua, qualis est linea, superficies, corpus, oratio, tempus, cetera-
 que huiusmodi, quæ diuisionem admittunt, designare ac sumere licet hæc tria:
 plus, minus, æquale. id verò, quod æquale dicitur, medium est inter exuperan-
 tiam, & defectiōem, siue inter nimium & parum, quæ tria vocabula Græcè sic
 sunt ὑπερβολή, quod significat nimium, siue exuperantiam: ἁρμόδιον, quod signifi-
 cat parum, aut defectum siue defectiōem, ut loquitur Vitruuius lib. 1. cap. 14.
 μεσότης, hoc est mediocritas, siue medium, ut à Cic. Latinè redditur. Hunc locum
 Aristotelis per paraphrasim sic Andronicus Rhodius interpretatur. Exempli gra-
 tia, inquit, si quod decem cubitorum est, est multum, & quod est duorum cubi-
 torum, est parum, æquale erit quod est sex cubitorum: idque dicitur æquale vel
 medium: quia deficit ab eo, quod est cubitorum decem, & superat id quod duo-
 rum est cubitorum. Quod si quæras, quorsum dicat hæc Aristot. cum perturba-
 tiones animi nostri non sint in genere quantitatis, sed qualitatis, ac propterea di-
 uisionem non admittant: responderet Eustratius, esse diuisibiles per accidens secun-
 dum intensiōem, & incrementum, decrementumque, cuius causa maius, mi-
 nus, parum, nimium, æquale, & id quod satis est admittunt. Secundum, quod
 ponit, & vult Aristoteles certum, atque exploratum esse, illud est: hoc medium,
 quod appellauit æquale, (Græcè μεσότης) esse duplex: vnum quidem secundum
 rem, alterum secundum nos: quæ media multis discrepant nominibus inter se. Me-
 dium secundum rem, quod dicitur etiam medium rei, est illud, quod æquè ab utro-
 que distat extremo: quare idem apud omnes, & vnum est, ligni quippe bipalmaris
 medium est punctum, quo palmus uterque terminatur: quod punctum semper, at-
 que ab omnibus medium iudicatur, adeoque vnum, idemque apud omnes me-
 dium est. Quo fit, ut hoc medium dicatur etiam medium arithmeticum: cum se-
 cundum proportionem arithmetica perpendi & spectari possit, ut cernere lice-
 bit in numero denario, quem exempli causa proponit hic Aristoteles. In hoc enim
 numero, si medium perquiras arithmeticum, senarium sine dubio esse deprehen-
 des: tantumdem enim sex libræ aut sex nummi distant à decem, quantum absunt
 à duobus; cum absint à denario gradibus aut numeris quatuor, totidemque distent
 à binario. Itaque, si duæ libræ, ac duo nummi parum sunt, & decem sunt nimis,
 sumendus est senarius, & ponendus in medio, & quantum ex altera parte binarium

superat, tantumdem superetur à denario: ita enim sit æquale, si æque superet ex altera parte, ex altera æquè superetur: superat autem binarium numeris quatuor; superatur à denario totidem. Atque hoc medium ab arithmetica proportionem petitum dicitur esse medium rei, hoc est, nunquam variabile, atque apud omnes vnum, idèmq; semper. Semper enim atque apud omnes sex æquè distant à duobus, atque à decem. Idcirco medium hoc tribuitur Iustitiæ tantum: qui enim debet centum, semper & apud omnes centum debet. Medium autem quoad nos, quod dicitur etiam medium rationis, aliq; prorsus modo se habet. Non enim vnum, idèmq; apud omnes, & semper est; cum spectetur, perpendaturque secundum Geometricam proportionem, hoc ferme pacto. Quemadmodum sex se habent ad quatuor, sic se habent ad nouem. id verò cum dicimus, non significamus, numerum illum senarium esse medium, & aliquid prorsus æquale inter quatuor & nouem, ita prorsus ut æquè superet quatuor, & superetur à nouem. hoc enim falsum est, sed contendimus, habere quamdam æqualitatem geometricam, & similitudinem rationis cum utroque termino: quia sicut senarius numerus continet totum quaternarium, & præterea eiusdem quaternarij dimidium, ita continetur à nouenario senarius totus, & præterea dimidiatus. Hoc ergo iure medium dicitur, quia verè inter plus & minus, inter nimium & parum interiacet: si enim nouem sunt nimis, & quatuor parum, sex erunt medium & æquale. sed quia hæc æqualitas non est arithmetica, & ea, quæ spectatur ex æquali prorsus intervallo, quo medium distat ab eo, quod superat, & ab eo, quod superatur, sed est Geometrica, hoc est ea, quæ spectatur à similitudine quadam, quam inuenit ratio, dicitur esse medium rationis, ac propterea non vnum, idèmq; semper, neque omnibus idem: varietatem quippe propter tempus, personas, aliasque leges, cautiones, & circumstantias admittit plurimam. Quare, ut primum illud Iustitiæ, ita hoc ceteris virtutibus medium conuenit, in primisque fortitudini & Temperantiæ: quæ non vnum, idèmq; semper præscribunt medium, sed pro personarum, ac loci, temporisque varietate varium. Pulcherrimum huius medi, quod rationis est, proponit hic Aristoteles exemplum, quod explicandum planius est. Si sex carnis libras comedere, nimium alicui est, & comedere duas est parum, non ideo necessariò sequitur, esse medium comedere quatuor. hæc enim est proportio arithmetica, ut supra diximus, & medium illud rei minimè variabile, quod non cadit in materiam Temperantiæ, quæ spectari debet ex circumstantiis temporis, loci, personarum, quas circumstantias explorat ratio. Itaque Miloni sex illæ libræ parum sunt, nimium tyroni, & ei, qui nunc primum incipit ludis Gymnicis exerceri: adeoque Gymnasijs magister, & alipta non eundem athletæ veterano, ac nouitio cibum præscribit, sed meretur vtriusque vires, exercitationem, consuetudinem, aliasque circumstantias, quas illa postulat ars. Nosse quædam hic oportet, ut locus planior fiat. primum quidem: aliptas verè fuisse corporum vnctores in balneis, *ἡ δὲ τῶ ἀλειψῆς*, quod est ungere. In balneis enim ungebantur, procurabanturque ab alipta antequam in palastram, arenamque descenderent athletæ, pancratiastæ, cursores, alique: ut oleo illo non modo viribus firmiores redderentur, sed etiam specie pulchriores, ut à Cic. didici. In epist. enim quadam ad Lentulum ita loquitur: Qui homines, quod me saluum voluerunt, est gratissimum: sed vellem, non solum salutis meæ, quemadmodum medici, sed etiam, ut aliptæ, vitium & coloris rationem habere voluissent. Summis laudibus perhibetur à Pindaro in Olympiorum hymn. 18. Milesius quidam alipta eonimine, quod suo artificio multos iam victores effecisset. Ceterum athletæ non balneo tantum & vnctione præparabantur, verum etiam idoneo cibo, in quo spectari, tum qualitatem, tum quantitatem etiam oportebat. Quod ad qualitatem attinet, antiquissimis temporibus caricis vesci solitos athletas fuisse accepimus à Plin. lib. 23. cap. 7. & apud Oribasium lib. 1. colle. cap. 40. ideo fortasse, quod crederent caricis pinguescere se facile posse, ut contigit Mercurialis. sustulit caricarum usum, & carnes athletis exhibuit primus Pythagoras quidam exercitator athletarum insignis, ut scribit Plin. vel Pergamenus nescio quis, ut docet Oribasius. Carnibus autem deinde vsi sunt variis: suillis, ut legimus apud Hippocratem, caprinis, ut est apud eundem, bubulis, ut testatur sæpè Galenus. Addiderunt etiam panem cum caseo sine fermento confectum, quod docet idem Galenus.

vt alimentorum duritie, crassitięque nutritentur vberius, & diutius saturi permanerent. Quin Plin. scribit, nullum athletis cibum sine anetho fuisse: siue quod crederent, ab eo solidum produci, ac fieri alimentum, siue quod vellent odore illius herbe cibos condiri, vt multo magis cupiditatem, & famem extimularent. Quod verò attrinet ad quantitatem, id dici vniuersè primò potest, athletarum cibum longè fuisse maiorem, ampliorẽque, quàm qui ceteris datur hominibus. Ait enim Galen. in lib. 2. de dignoscen. puls. carnis minas duas exiguum athletis fuisse cibum. Atque hinc factum est, vt multi cibi vsu perpetuo, & exercitatione diuturna extiterint inter athletas aliqui virium incredibilium, & voracitatis immensæ. Inter quos principatum obtinuit Milo Crotoniates: qui carnum minas vorare solitus erat viginti, totidem panis, vini choas perficere tres. Quin tradunt, eundem aliquando taurum quadrum absumpsisse, ac vorasse totum, quem antè per olympiorum stadium, populo spectante, gestauerat humeris viuum. Vide Athenæum in lib. 10. Erat igitur eius, qui procurabat athletarum corpora vnicuique præscribere certam cibi mensuram, quæ illos alere probè posset, & reddere habitiores, robustiorẽsque, atque ad ludendum, & pugnandum magis idoneos. Neque enim omnibus eadem est accommodata cibi mensura & modus, sed huic minor debetur, illi maior. exercitato iam, & validis prædito viribus danda est amplior, vt Miloni, Nouitio & Tyroni præbenda est minor. Quod si quæras, quisnam esset is, qui præscriberet athletis hunc cibi modum; aliptam fuisse respondebimus ex Aristotele. sed suspicor tamen, aliptam hic ab eo positum pro ludi Gymnasiique Præfecto ac magistro: cùm alipta vngeret tantum, non aleret athletas: adeoque per iniuriam reprehensum putauerim à Lambino Perionium; quod pro Alipta ludi magistrum dixerit. In summa id sibi vult hac similitudine Aristoteles, medium Temperantiæ varium esse, quemadmodum variæ sunt circumstantiæ loci, temporis, personarum. Vt enim ille Præfectus non vnicuique eandem præbet cibi mensuram, sic vir temperans non statuit omnibus eandem Temperantiæ mediocritatem. Quæ causa est, cur hæc mediocritas dicatur non medium rei, siue secundum rem, sed mediura rationis, siue medium secundum nos, aut quoad nos.

Confirmat hoc amplius ad extremum exemplo etiam cursorum & palæstritarum. Similiter, inquit, in cursu & lucta siue palæstra: quasi dicat: non in cibo sumendo tantum hæc cernitur mediocritas, verum etiam in exercitatione cursus & luctæ. Veteres enim Græcos solitos fuisse accepimus exercere publicè ingenuos adolescentes cursu, pugilatu ac lucta: vt idonei redderentur rei militari, bellicosque perferre labores insuescerent: quo nomine permultum oppido differabant ab his athletæ, quorum nimirum studium seruiebat intuentium voluptati, atque spectaculis, nec alium afferebat Reipublicæ fructum. Quo factum est, vt Philosophorum aliqui eam artem damnauerint, & à Ciuitatibus Græcorum tollere conati sint. Aristoteles igitur in hoc etiam studio currendi, & luctandi reperiri, ac deprehendi medium docet eodem planè modo, quo deprehenditur in cibo: spectandam quippe vult constitutionem corporis, & rationem valetudinis eorum, qui eo studio exercentur, vt iusta mensura decerni possit, & linea mediocritatis. Neque enim omnibus idem cursus & lucta congruit, sed his hic modus, & mensura aliis alia.

PARS TERTIA CAPITIS SEXTI.

ΕΙ δὴ πᾶσα ἐπιστήμη, ὅτε τὸ ἐργον εὖ ἐπιτελεῖ, καὶ τὸ μέτρον βλέπουσα, ἔστι τῷ ἀγνοῦντι τὰ ἔργα. ὅθεν εἰώθασιν ἐπιλέγειν τοῖς εὖ ἐργασιν ἐργαῖς, ὅτι οὐτ' ἀφελὴν ἔστιν, οὐτε παραθεῖναι, ὡς τ' ἂν ὑπερβολῆς, ἔτ' ἐλλείψεως φηροῦσιν τὸ εὖ, τ' ὃ μέσότητος σωζέσθαι. οἱ δ' ἀγαθοὶ τεχνῖται, ὡς λέγουσιν καὶ τὸ βλέποντες,

SI igitur omnis scientia ita opus bene sexplet, ad medium respiciens, & ad hoc perducens opera (quare solent dicere, in bene se habentibus operibus, nec tollere fas esse nec addere; propterea quod nimium & parum corrumpunt quod bene se habet, mediocritas autem conseruat) boni artifices, vt dicimus, in hoc intuentes,

ἐργάζονται. ἡ δὲ ἀρετὴ πάσης τέχνης ἀκριβετέρα, καὶ ἀμείνων ὅστις, ὥσπερ ἔν ἡ φύσις τῷ μέσῳ αὐτῇ ἐστὶν ἡ τοχαστική. λέγεται δὲ πλεὺς ἢ ἡκίω, αὐτὴ γὰρ ὅτι παρὰ πᾶσιν, καὶ παρὰ τοῖς. ἐν δὲ τοῖς ὅστις ὑπερβολὴ, καὶ ἑλλείψις, καὶ τὸ μέσον, οἷον καὶ φοβηθῆναι, καὶ θαρρῆσαι, καὶ ἐπιθυμῆσαι, ἔσπερασθαι, καὶ ὀργισθῆναι, καὶ ἐλεῆσαι, ἔσθλας ἡδυνῆσαι, καὶ λυπηθῆναι ὅτι, καὶ μάλλον καὶ ἥτιον. ἔσπερασθαι ὅτι. τὸ δὲ ὅτι δὲ, ἔσπερασθαι οἷς, καὶ παρὰ οὐ, ἔσπερασθαι ἐνεκα, ἔσπερασθαι δὲ, μέσονται καὶ ἀρίστον, ὅσπερ ἐπὶ τῆς ἀρετῆς. ὁμοίως δὲ καὶ παρὰ τοῖς παρὰ τοῖς ὅστις ὑπερβολὴ, καὶ ἑλλείψις, καὶ τὸ μέσον. ἡ δὲ ἀρετὴ, παρὰ πᾶσιν ἔσπερασθαι ὅτι. ἐν οἷς ἡ μὲν ὑπερβολὴ ἀμείνωται, καὶ ἡ ἑλλείψις ψεῖραιται, ὅ δὲ μέσον ἐπαίνοται, καὶ κατορθούται. ταῦτα δὲ ἀμφοῖν τῆς ἀρετῆς. μισότης τῆς ἀρετῆς ὅτι ἡ ἀρετὴ, τοχαστική γὰρ οὖσα τῷ μέσῳ. ἐπὶ δὲ μὲν ἀμείνωται, πολλὰ χῶς ὅτι. τὸ γὰρ κακὸν τῷ ἀπίστῳ, ὡς οἱ Πυθαγόρειοι εἰσάγουσι, τὸ δὲ ἀγαθόν, τῷ πεπαισθημένῳ. τὸ δὲ κατορθού, μετὰ χῶς. δὲ καὶ τὸ μὲν ῥάδον, τὸ δὲ χαλεπόν. ῥάδον μὲν τὸ διπτυχεῖν τῷ σκοπῷ, χαλεπόν δὲ τὸ διπτυχεῖν. καὶ δὲ ταῦτα οὖν, τὸ μὲν κακίας ἡ ὑπερβολὴ καὶ ἡ ἑλλείψις, τὸ δὲ ἀρετῆς, ἡ μισότης.

Εἰδὼ δὲ μὲν γὰρ ἀπλῶς, πομπόδαπῳς δὲ κακίᾳ. ἐστὶν ἀρετὴ ἡ ἀρετὴ ἐξ ἑσπερασθαι ὅτι μισότητι οὖσα τῷ παρὰ ἡμᾶς ὡρισμένη λόγῳ, καὶ ὡς αὐτὸ φρόνιμος ὁρίσσει. μισότης δὲ δύο κακίᾳ, τὸ μὲν κατὰ ὑπερβολὴν, τὸ δὲ κατὰ ἑλλείψιν. καὶ ἐπὶ τῷ, τῷ μὲν ἐλλείπειν, τῷ δὲ ὑπερβάλλειν, τῷ δὲ δόντος, ἐπὶ τῷ τοῖς πᾶσι, καὶ ἐν τοῖς παρὰ τοῖς. πλεὺς δὲ ἀρετῶν, τὸ μέσον καὶ εὐείσκειν, καὶ ἀμείνωται. δὲ καὶ μὲν πλεὺς οὐσίᾳ, ἔσπερασθαι πλεὺς τῷ λέγοντα, μισότης ὅτι ἡ ἀρετὴ, καὶ δὲ τὸ ἀρίστον, ἔσπερασθαι, ἀχρότης.

operantur. virtus autem qualibet arte limatior, ac melior est, quemadmodum et natura mediocritati esse debet indagatrix. loquor verò de morali. ipsa enim est in affectionibus, actionibusque. in his verò est nimium et parum, et medium. ut et timere, et considerare, et concupiscere, et auersari, et irasci, et miseri, et omnino gaudere, ac dolere licet, et magis et minus: et utrumque non bene: at verò quando oportet, et in quibus, et ad quos, et cuius causa, et ut oportet, et medium est, et optimum, quod in virtute consistit. similiter verò et in actionibus est nimium et parum et mediocre. virtus autem in affectionibus, actionibusque sita est, in quibus exuperantia peccatum est, et defectus vituperatur, medium verò laudatur, et rectè conficitur. hæc autem duo virtutis sunt. Mediocritas quædam igitur est virtus, cum indagatrix sit mediocritatis. Præterea peccare quidem multis modis contingit; (malum enim infiniti est, ut Pythagorici opinabantur, bonum autem finiti) rectè autem facere, vno modo. Itaque et hoc quidem facile, illud autem difficile. facile quippe est declinare à scopo, difficile verò attingere. Propter hæc igitur vni quidem exuperantia, et defectus est, virtutis verò, mediocritas.

Nam boni quidem, simpliciter; omnimodè autem improbi. Est igitur virtus habitus electivus in mediocritate consistens secundum nos definita per rationem, et ut prudens definierit. mediocritas autem duorum vitiatorum est. vnius quidem per exuperantiam, alterius verò per defectum. itemque ob id, quòd alia vitia deficiunt, alia exuperent, quòd decet, tum in affectionibus, tum in actionibus. Virtus autem medium et inuenit, et eligit. Quare secundum substantiam, et rationem quid res sit explicantem, virtus est mediocritas: sed secundum summum et bonum, extremi-

EXPLANATIO.



EX P E D I T hoc tertio loco, explétque partes omnes ac numeros definitionis, quæ conuenit in Virtutem. Ait enim ad extremum, Virtutem esse habitum eligentem, in mediocritate positum. Sed antequam ita concludat, ponit primò, virtutem omnem moralem in mediocritate consistere, & esse mediocritatis inuestigatricem: idque nonnullis demonstrat argumentis, quorum primum ducit à qualibet scientia, siue cognitione, siue præceptione alicuius rei, siue, vt planius dicam, ab arte. Vsurpat enim hoc loco nomen & vocabulum *ἡμετέριον*, quod plerunque scientiam significat propriè, sed tamen abutitur nunc ea voce ad significandam artem: tum quia multis exemplis supra iam vsus est, ab arte petitis, tum quia infra id quod hoc loco appellat *ἡμετέριον*, nominabit & dicet *τέχνη*, hoc est, verè ac propriè artem. Quin *ἡμετέριον* apud Plat. in 7. de Repub. pro arte opificum ponitur apertissimè. Ab arte qualibet igitur argumentum petit per eam ratiocinandi viam, quæ duci dicitur à minori. Omnis scientia, inquit, hoc est, omnis ars & præceptio rei, cum bene perficit opus suum, perficit ideo, quòd attingit medium. At Virtus moralis omni certior, & melior est arte, quemadmodum arte ipsa melior, & rector est natura. Multo igitur magis æquiusque moralis virtus in agendo perquirat & contingat medium. Propositionem, quam antè declararat exemplo palæstricæ, confirmat nunc ex hominum dicto comuni. Nam & opifices, & ceteri mortales, modò boni rerum æstimatores sint, ea demum proba & perfectà esse opera dicunt, quibus nihil addi possit, nec auferri. Significant quippe, per exuperantiam, & defectum artificiosi operis corrumpi perfectionem, eandemque in mediocritate consistere. Thorax quippe ille censetur optimus, atque accommodatissimus, qui neque laxior pectore sit, neque substrictior; sed qui medium inter hæc extrema sit nactus. Idem de ceteris indumentis, idem de statuis, picturisque iudicium est: quas reprehendi videmus, si quid in partium, membrorumque, siue singulorum, siue omnium constitutione nimium habent, aut parum; laudari verò, si iustam obtinent mensuram, ac proportionem. nimirum de omni opificio, deque opere quolibet artificum absoluto dici verè potest, quod de Lysia Oratore ac de Platone philosopho ait Phauorinus apud Gell. lib. 2. cap. 5. vbi sic loquitur. Si ex Platonis oratione verbum aliquod demas, mutésve, de elegantia tantum detraxeris: si ex Lysia, de sententia. Docet etiam Isocrates in Panathenæico, hoc dictum & quasi prouerbum esse in ore omnium, cum laudare perfectà opera volunt. In illa enim oratione non longè à fine habet hæc eadem Aristotelis verba, significatque vulgò dici, perfectis operibus nec addi quicquam nec adimi posse: *καὶ προαδύναται μὲν οὐδὲν εἶχον τοῖς εἰρημύτοις, οὐδὲν ἀφελῆν.*

Antequam Assumptionem explanem, explicabo nodum, qui videtur ex his nece possit, quæ hic Aristoteles de opificiis omnibus, artiumque confirmat operibus singulis. Videntur enim artes, non tam persequi medium, quàm perfectionem, ac summum; cum id contendant, vt opus quàm artificiosissimum faciant: opus verò quo est artificiosius, hoc magis recedit à medio. Respondetur adeo, artem quidem id sequi, vt opus elegantissimum, & limatissimum efficiat. sed quo limatius, & perfectius efficit, hoc magis ab exuperantia discedit ac defectu, ac propterea magis accedit ad medium. Igitur etiam tum, cum ex altera parte summum sequitur, inuestigat ex altera medium: quæ causa est, cur hoc medium dicatur rationis.

Nunc de Assumptione dicamus, quæ est huiusmodi: Virtus omni certior est arte, quemadmodum natura ipsa est arte certior. Quæ quidem idcirco sic pronunciantur ab Aristotele, quia quemadmodum natura quædam ac nunquam fallentia efficit opera, & bonum intuetur naturale, sic Virtus designatè ac certò impellit animum ad bonum morale: quo fit, vt per virtutem malè ac perperam agere non possimus. id quod facillè per artem possumus: cum ipsa tantum sit boni operis cognitio, adeoque propensionem ad bene cognoscendum inferat animo, non ad agendum bene. Neque enim falsò dicimus, fieri sæpè, vt abutamur arte; vt virtute abutamur, fieri nunquam: & citra corruptionem virtutis neminem abuti virtute posse, sed citra corruptionem artis

abuti quemlibet arte posse; quemadmodum fecit Perillus, qui cognitione abusus sua, Phalaridi taurum artificiosissimum condidit ad cruciandos infantes. Itaque sola virtus, & natura per se propendunt, & proclives sunt ad bonum, nec per eas, nisi corrumpantur, aliquod effici malum potest: sed ab arte etiam non corrupta saepe malum existit: certius igitur virtus operatur id quod est bonum, quam ars. Ex quo consequens esse vult, ut si ars in medio perquirendo inveniendoque versatur, multo magis in eodem inuestigando tenendoque versari debeat virtus: est enim syllogismus hypotheticus.

Ceterum haud incuriosè perpendenda sunt quæ post hoc argumentum illico veluti per occupationem ita subiungit Aristoteles: loquor vero de Virtute morali: significans haud dubiè, nominatum se dixisse consistere in mediocritate, ac medium ipsum inuestigare virtutem moralem; hoc est eam, quæ sit in actione posita, non illam mentis habitudinem, quæ versatur in sola cognitione. Theoricus enim & sola cognitione contentus habitus in medio non est positus, neque mediocritatem obtinet; quod testatur etiam Plutarch. in lib. de Virtute morali & docet Græcus Scholiastes hoc loco: Cur autem non sit in medio positus, nec ullam possulet mediocritatem ea est ratio quod quanto quisque in perius & vehementius in studium illud incumbit, eo pia stantior, & perfectior semper habitum parat. Quis enim in Mathematica finis sit, aut medius subtilitatis, quis in Physica, vel Metaphysica, quis in ipsa Grammatica? Nempe intelligi percipique adeo nunquam possunt, quin percipi magis debeant, aut amplius queant. Sed longe alia in moralibus est ratio virtutibus, quibus subiectæ res nimium & parum habent, ac certam quamdam mediocritatem efflagitant: id quod Aristoteles hic ostendit per inductionem in perturbationibus & actionibus singulis: in quibus & nimium, & parum, & mediocre ac iustum facile deprehenditur. At nimium quidem ac parum in iis vituperatur, adeoque vitium est: medium verò laude dignum censetur, ac propterea virtus nominatur.

Secundum argumentum, quo probare contendit, Virtutem indagatricem esse medium, atque in mediocritate consistere sumit ex difficultate inveniendæ attingendæque mediocritatis. Sumit autem disponitque hoc penè modo. In eo posita est & versatur Virtus moralis, quò difficile attingitur, & à quo facile receditur. At medium difficulter attingitur, ab eodemque facile aberratur. Igitur moralis virtus est in medio posita, & versatur in indagando, perquirendoque medio. Esse autem difficile medium attingere, atque ab eodem discedere facile, sic demonstrat. Aberrare à signo & peccare multis sanè, infinitisque propemodum contingit modis: quæ causa fuit, cur Pythagorici dixerint, malum ad rationem infiniti, bonum ad rationem finis pertinere. Faciebant enim duas quasi tabulas aut series ordinis rerum, inuicem sibi respondentes: in quam in altera ponebant omnia, quæ bona essent, in altera omnia, quæ censentur, & habentur mala: illa erant in finem, ut ad finem pertinerent, hæc talia, ut reuocari deberent ad infinitum. Hæc mutua rerum inuicem sibi respondentium series bipartita, appellatur ab Aristot. *σφαχια*, hoc est, coniugatio in cap. 6. lib. 1. Eth. & in Metaph. lib. 1. cap. 5. ita describitur.

πῆμα,	finitum.	ἄπειρος,	infinitum.
ἄρπιν,	par.	ἑτερόν,	impar.
ἓν,	unum.	πλῆθος,	multitudo.
δεξιόν,	dextrum.	ἀριστερόν,	sinistrum.
ἀρσέν,	masculum.	θῆλυ,	femina.
ἡρμιον,	quiescens.	κινούμενον,	mobile.
ὠρθόν,	rectum.	καμπύλιον,	obliquum.
φῶς,	lumen.	σκότος,	tenebræ.
ἀγαθόν,	bonum.	κακόν,	malum.
πτεράγων,	quadratum.	ἑτερομήκες,	altera parte longius.

Hæc est, inquam, *σφαχια* Pythagoreorum, hoc est, rerum bonarum, malarumque sibi inuicem per oppositionem respondentium series & coniugatio. In quarum altero latere ubi est infinitum, & ea quæ ad infinitum pertinent, ponitur malum, in altero, ubi est finitum, & cetera quæ ad genus reuocantur definitum, collocatur bonum: ex hac ergo tabula & bipartita serie probationem ducit Aristoteles ad firmandam quæ dixerat: aberrationem videlicet à signo, & peccatum siue malum

multis modis infinitisque contingere: adeoque facillimè recedi à signo, siue à medio, & quod inde consequens est esse difficile medium ipsum, ac signum animo destinatum siue bonum attingere: bonum quippe est vniuersum, & finitum, vnàque ratione contingitur & tenetur, hoc est ita, si omnibus instructum partibus & circumstantiis sit. Id quod etiam docet in lib. 3. de celo: vbi cum de motibus corporum simplicibus differens dixisset, multos quidem esse motus præter naturam, naturalem tamen vnum; idque quod natura sit, simpliciter geri, singula verò multos habere motus repugnantes naturæ, cum hæc, inquam, dixisset, ad illustrandam sententiam suam, adiunxit, facile esse reuici à scopo, ipsum autem nancisci & tangere difficile. Quin ipse Simplicius in Categoriis, Aristotelem secutus, affirmat, bonum vnum esse, ac simplex, malum autem varium: idque similitudine comprobans ita disputat. Quemadmodum omnibus in rebus, inquit, quod consequi velis vno modo contingit, hoc est, si scopum attigeris, hastàque collineaueris quò volueris, reuici autem inde, depellique à signo multis modis, &c. Id videlicet est quod S. Dionys. in lib. de Diuin. Nomin. docet, quòdque in ore iam omnium est, bonum ex integra causa constare, malum ex singulis existere vitis, atque defectibus: quòd non in moribus tantum habet locum, sed in reliquis etiam rebus; vt in pulcritudine ac valetudine, quæ partium & humorum integram conuenientiam postulant, & in deformitate atque affecta valetudine, quæ, vel vna parte, aut humore labefactato statim existunt. Profert Aristot. ad hæc illustranda pentametrum: cuius auctorem ignorare se profiteretur Victorius. Fortasse Theognidis est, vt putat Gifan.

Nam est Virtus simplex omnigenum vitium, vt vertitur à Turnebo. A Lambino sic redditur.

Vno namque boni, cunctimodisque mali.

In Græco enim Codice non nominatur virtus, aut vitium, sed virtute præditi, hoc est boni, & improbi, siue mali.

Ἐσθλοὶ μὲν γὰρ ἀπλῶς, παντοδαπῶς δὲ κακοί.

Boni quidem simpliciter sunt, omnimodis improbi.

Argyropolus simplicius & planius ex pentametro fecit hexametrum:

Vno namque modo bonus est, multisque nefandus. Hoc eodem dicto vel axiomaticè vsus est Plato in re minimè dissimili: Quippe in lib. 4. de Rep. extremo, cum ex multis Rerumpub. generibus vnum tantummodo iustum, verum ac rectum esse, vellent ostendere, ratiocinatus sic est: Virtus est simplex & vna, vnòque constat, & componitur modo: vitium autem est multiplex, & modis accedit infinitis. Igitur ex Rerumpublicarum generibus vnum est verum, & virtuti consentaneum, cetera vitiosa. Denique Plutarch. in libello de Virtute Morali haud aliam, quàm scopi, ac iaculatoris quæsiuit similitudinem ad eandem rem declarandam. Ait enim multis modis posse iaculatorem aberrare, vno autem modo scopum attingere.

Ex his, quæ posita, & disputata sic sunt, definitionem elicit Virtutis huiusmodi. Virtus est habitus ad eligendum idoneus, siue electiuus, in ea mediocritate positus, quæ comparatur ad nos, quæque ratione sic est definita, quemadmodum eam Sapiens ipse definiret. In qua definitione res quinque ponuntur quibus ipsa perficitur, & seiungitur à ceteris Virtus. Ac primo quidem loco constituitur genus, hoc est habitus, cuius beneficio differt & distinguitur à potentia & affectu. secundo loco ponitur electio, quæ voluntatis est, hoc est, ipsius actus, functioneque Virtutis, quæ secernitur à scientia: tertio mediocritas, quæ facit, vt differat à verecundia, ceterisque affectionibus animi laudabilibus, quæ nō sunt mediocritates inter extrema vitia: quarto ponitur definitio rationis, qua segregatur à facultatibus animæ vegetantis: quinto demum ponitur iudicium viri sapientis, hoc est prudentis; quo sanè separatur ab habitu vitioso, qui non definitur iudicio sapientis. Rectè enim Eustratius, & Albertus admonent, hæc postrema verba definitioni perfectionem, atque absolutionem asserre. Nam quia medium, quod Virtus inquit, in singulis planè rebus est varium. designari, definirique necesse habet viri sapientis iudicio: cuius est, vt ipse docet Philosophus, singularum rerum exponere rationem. Et quoniam quicquid est medium duorum, debet esse medium extremorum, declarat qualia nam ea sint extrema; Confirmans, esse vitia, siue vitiosos habitus, quorum alter per exuperantiam peccet, alter per defectum, & quibus interiecta sit virtus, ipsum inueniens medium, & consistens in medio; quemadmodum in perturbationibus,

& actio-

& actionibus humanis, quas tractat & moderatur, facile cernitur.

Claudit hunc locum, occurrens obuia quæstioni. Dicat enim aliquis, Virtutem non esse mediocritatem, cum excellentiam velit; & eo sit perfectior, ac melior, quo maior. Respondet igitur, virtutem & mediocritatem esse, & excellentiam, siue extremitatem; mediocritatem quidem, si substantiam eius & definitionem intuearis, est enim æqualitas in perturbationibus & actionibus humanis, duobus interiacens terminis viciorum: excellentiam autem, extremitatēque, si spectetur optimi ratio, & perfectionis, quam virtus sequitur & vult, cum agendo magis semper ac magis sua capit incrementa. Plutarch. in libello de Virtute morali rem breuiter ita dissoluit: Virtutem esse mediocritatem, si habenda sit ratio quantitatis; interponitur enim inter nimium & parum: esse excellentiam, si spectetur & habeatur ratio qualitatis; hoc est, si perfectionem eius, præstantiāque consideres.

PARS QVARTA CAPITIS SEXTI.

ΟΥ πᾶσα δὲ ἐπιδέχεται περὶ ἧς, ὅτι πᾶν πάθος πῶς μεσότης. ἓνα γὰρ ὅτι οὐδὲν αὐτὸ μέγα πᾶσι περὶ ἧς μεσότης. ὅτι ἐπιχειρηματία, αἰσχυρία, φόβος, καὶ ἐπὶ τῶν περὶ ἧς μεσότης, κλοπή, αἰσχυρία. πᾶν γὰρ ταῦτα, καὶ ἐπὶ ταῦτα λέγεται, τὰ αὐτὰ φαίνεται, ἀλλ' οὐχ' αἱ ὑπερβολαὶ αὐτῶν, ὅτι αἱ ἐλλείψεις. ὅτι ἐστὶν οὖν ὅτι ποτε περὶ αὐτὰ κερδοῦν, ἀλλ' αἱ ἀμείψονται. ὅτι ἐστὶν οὖν, ἢ μὴ δὲ περὶ ταῦτα πᾶν ἐστὶν οὖν, καὶ ὅτι, ὅτι αἱ μετρίαι, ἀλλ' ἀπλῶς ὅτι ποιεῖν ὅτι οὖν αὐτῶν ἀμείψονται. ὅτι οὖν οὖν ὅτι αἱ μετρίαι καὶ περὶ ὅτι ἀδικεῖν, καὶ δολοῦν, καὶ ἀκαταστάτην ὅτι μεσότης, καὶ ὑπερβολή, καὶ ἐλλείψις. ἓνα γὰρ οὕτως γὰρ ὑπερβολῆς, καὶ ἐλλείψεως μεσότης, καὶ ὑπερβολῆς ὑπερβολή, καὶ ἐλλείψεως ἐλλείψις. ὡς δὲ σωφροσύνης, ὅτι αἰσχυρίας ὅτι ἐστὶν ὑπερβολή, καὶ ἐλλείψις, ἀλλ' ὅτι, τὸ μέσον εἶναι πᾶσι ἀκρον, οὕτως ὅτι ἐκείνων μεσότης, ὅτι ὑπερβολή, καὶ ἐλλείψις, ἀλλ' ὡς αἱ περὶ ταῦτα, ἀμείψονται. ὅλως γὰρ οὐδ' ὑπερβολῆς, καὶ ἐλλείψεως μεσότης ὅτι, ὅτι μεσότης ὑπερβολή, καὶ ἐλλείψις.

ita, nec defectus mediocritas est, nec mediocritatis exuperantia, & defectus.

Non omnis autem admittit actio, nec omnis affectio mediocritatem. Quadam enim status ac nominantur, connexa sunt cum viciis: ut malevolentia, imprudentia, inuidia: & in actionibus, adulterium, furium, homicidium. omnia enim hæc, & similia dicuntur, quod ipsæmet mala sint, non exuperantia ipsorum; nec defectus. Non contingit igitur unquam in iisdem recte facere, sed semper peccare: neque contingit bene se gerere, aut non bene circa eadem in eo, quod hanc oporteat, & quando & quomodo adulterare, sed simpliciter facere quicquid horum est, peccare est. Simile igitur est, velle tum in iniuria facienda, tum in iuide, intemperanterque agendo esse mediocritatem & exuperantiam & defectum. Erit enim sic exuperantia ac defectus mediocritas; & exuperantia exuperantia, & defectionis defectus. Quemadmodum verò temperantia, ac fortitudinis, nec est nimium, nec parum, propterea quod medium est quodammodo summum, sic nec illorum quidem mediocritas, nec exuperantia & defectus est, sed quocumque modo fiant, peccatur. omnino enim nec exuperantia, nec defectus mediocritas est, nec mediocritatis exuperantia, & defectus.

EXPLANATIO.

Ic etiam in extrema capitis parte locum occupat quæstioni patentem & opportunum. Quia enim suprâ dixerat, mediocritatem illam, in qua posita virtus est inueniri, & cerni in commotionibus animi, atque in actionibus humanis, quas ita temperat & corrigit virtus, ut depul-
lis extremis, ad iustam redigat mensuram beneficio prudentis viri, rationis medium inuenientis; quia, inquam, hæc dixerat, potuisset aliquis credere, omnes omnino commotiones, & actiones humanas eiusmodi esse, in quibus extre-

mitas, defectus, mediocritas inueniri queat à virtute: sic prorsus, vt occupato medio, perturbationes illas, actionesque laudabiles reddat. Hanc, inquam, anteuertit quaestionem, dicta illa generalia contrahens, & quasdam affectiones, actionesque à virtutis finibus depellens. quippe quæ laudabilis, ac iustæ mediocritatis participes esse non possint. Sic ergo primum vniuersè pronunciat. In iis, quæ per se mala sunt, & improba, non potest medium constitui laudabile. quod est Virtus. Neque enim dirigi possunt, aut emendari; sed quocumque demum se habeant modo, semper, omninoque sunt mala.

At quædam animi perturbationes sunt, & quædam actiones humanæ per se improbæ ac malæ: cuiusmodi sunt eæ, quæ statim ac nominantur, intelliguntur esse coniunctæ, connexæque cum vitio. Inter affectiones enim, & perturbationes est maleuolentia, gaudens alieno malo; est impudentia, est inuidia, quorum vocabulis ita vitium implicatur, vt appellari suo nomine non possint, quin ipsum quoque vitium nominetur. Inter actiones autem est adulterium, furtum, parricidium, & eiusdem generis alia, quæ vel ipso nomine significant habere connexum, complicatumque vitium & esse per se, ac suapte natura, hoc est, quacumque demum ratione fiant, semper mala. Neque enim in his, inquit, quaerenda sunt extrema, aut mediocritas; cum ipsa sint extrema, nec in iisdem aliquid vnquam rectè fieri possit, sed semper & omnino peccetur. quippe circumstantiis, vt cetera, non excusantur, aut purgantur à vitio, quod insitum habent. quis enim adulterio, aut parricidio circumstantias describat, præcipiatque quo modo, quo tempore, & cuius rei gratia facienda sint? Nimirum qui iustam mediocritatem in his quaerat, similis illi sit, inquit Aristoteles, qui velit iniustitiam iustam facere, & intemperantiam facere temperantem, hoc est; qui quaerat in extremis mediocritatem: id autem est hominis dementis. sic enim inueniri non potest medium extremi, quemadmodum non inuenitur extremum extremi aut defectus defectus.

Rem demonstrat amplius ex similitudine, quam petit à contrario, hoc est, à virtute. Quemadmodum enim virtutes, quæ sunt per se bonæ, comparantur ad extrema, sic vitia, quæ sunt per se mala, comparantur ad medium: sed constat, non inueniri virtutis exuperantiam, aut defectum. Non enim temperantiæ, aut fortitudinis vlla exuperantia, vel defectus est: Ergo, ne in vitiosis quidem perturbationibus, actionibusque medium vllum esse potest, quod laudem promereatur.

EPILOGVS.

1. Non est satis id solum scire; Virtutem habitum esse, nisi sciatur etiam qualis habitus sit.
2. Quoniam igitur cuiuscumque virtutis est proprium, vt id, in quo est, bene affectum, atque ad munus explendum suum reddat idoneum, moralis virtus erit habitus, qui reddat hominem probè affectum, & idoneum ad sui muneris functionem.
3. Iustam muneris functionem homini præstabit virtus, inueniendo medio, quod duplex est; alterum rei & arithmeticum, alterum rationis & comparatum ad nos, quod geometricum dicitur.
4. Virtus medium postulat rationis, & relatum ad nos, cuius ipsa est indagatrix, id cauens, vt neque defectum, neque exuperantiam vllam admittat: id quod etiam ipsæ sectant, & intuentur artes: quibus tamen Virtus & limatior & melior est.
5. Virtutem assequi difficile est: facile in vitia prolabi. multis enim modis malè agitur ac vitiosè, rectè ac probè vno: & medium ac signum attingere difficile est, non attingere facile.
6. Definitio itaque virtutis hæc erit. Habitus est electius in ea mediocritate consistens, quæ comparatur ad nos, & ratione sic definitur, quemadmodum eam vir prudens ac sapiens definiret.
7. Non tamen omnis affectus, aut humana actio mediocritatem virtutis admittit: cum aliqua sint per se malè; qualis inter affectus est maleuolentia, impudentia, inuidentia: inter actiones, adulterium, cades, parricidium, &c.

IN CAPVT SEXTVM,

QVÆSTIO PRIMA.

An Virtus moralis verè consistat in medio inter exuperantiam ac defectum.



VÆSTIO, perdifficilis hæc est, & antiquissima, & ab ipso primùm Eustratio perstricta horum librorum interprete, ac postmodum aliorum quoque ingeniiis amplificata, qui nobis hæc argumenta soluenda proposuerunt.

Primum earum rerum, quæ definitæ, ac terminatæ non sunt, non potest aliquid statui medium. At in perturbationibus animi, & actionibus humanis nec exuperantia, nec defectus ullos terminos aut fines habent. Neque enim in audacia aut in timore certialiqui limites sunt, quos attingere debeant, & non transilire, ergo non potest in perturbationibus & actionibus humanis inueniri & constitui medium.

Secundum. Extremi ratio repugnat & aduersatur medio. Sed Virtus habet rationem extremi, ergo non est medium. Probatur Assumptio. Quia bonum & malum sunt extrema. Virtus autem est bonum morale. Igitur est extremum oppositum malo.

Tertium. Si Virtus est medium, erit indiuidua, nec admittet incrementa. Nemo igitur erit altero virtute præstantior, aut melior: idque confirmari Aristotelis auctoritate potest, qui in hoc cap. 6. planè pronunciat, attingere medium vno tantùm ac simplici modo nos posse. Igitur, si virtus est medium, est etiam indiuidua ex Aristot. nec vllas potest partes obtinere. Accedit huc rursus auctoritas Aristot. in 2. Moral. cap. 3. affirmantis esse difficile viuere secundùm virtutem, sicut est difficillimum attingere scopum, ac centrum inuenire in circulo. ex quo colligit, malum infinitum esse, bonum verò finitum, & determinatum. aberrare quippe à scopo infinitis contingit modis, attingere scopum vno modo nos possumus.

Quartum. Docet hic Aristoteles, quasdam esse affectiones animi, & actiones humanas sic inuolutas, & implicitas vitio, vt in iis Virtus inuenire medium, iustamque mediocritatem non possit. Igitur postulabunt infinitam fugam, easque nos oportebit infinitè vitare; cum bono medio careant, & omnino eas auersari debeamus.

Quintum. Aliquæ sunt virtutes per se tendentes ad summum. vt magnanimitas, magnificentia; Virginitas. Ergo non omnis Virtus consistit in medio.

Sextum. Ab extremo ad extremum transire non licet, nisi per medium. ergo si virtus est medium, non erit transitus vllus ab vno vitio in aliud, nisi per virtutem. & tamen aper tissimè constat, fieri aliquem ex prodigo aua-

rum illico posse, aut ex audace timidum, in tacta virtute.

Septimum. Medium æquè distat ab utroque extremo. Sed fortitudo propinquior est audaci, quàm timido, & liberalis prodigo, quàm auaro.

Octauum. Virtus est vltimum potentia ex Aristotele primo de Cælo, tex. 116. At vltimum pugnat cum medio.

Nonum. Humilitas Christiana non est sita in medio, cum peccari non possit per excessum humilitatis, sed tantùm per elationem. Immo quo quis humilior est, eo censetur esse melior. Idem penè dici de virginitate potest, quæ non medium est temperantiæ, sed summum, & excedens. Neque enim admittit aliquas voluptates, aliquas repudiat, sed respuit omnes, ergo non est media.

Decimum. Iustitia non habet nisi vnum extremum à defectu petitum, cum non redditur quod debetur, aut quantum debetur, excessum verò, exuperantiàmque non habet. ergo non est in medio posita; cum non sit inter media duobus extremis. quippe quicquid medium est, duobus extremis intermedium esse oportet.

Hæc, aliæque ex eo genere proponuntur argumenta & difficillima & longe plurima: quæ facere tamen haud possunt, quin vnâ cum Aristotele dicere ac ponere debeamus.

Virtutem omnem moralem in medio consistere, ac mediocritatem esse inter extrema, id quod rationibus ab Aristot. petitis sic demonstramus: Vt se habet Virtus intellectus & contemplatrix, ita etiam operaria se habet & practica. sed illa posita est in medio, hoc est in vero; cum verum nihil aliud sit, nisi medium inter duo; mentimur enim per exuperantiam & excessum, cum dicimus id rem esse, quod non est, & per defectum, cum affirmamus non esse quod ipsa res est: quibus extremis interiacet verum, hoc est dicere quod res est, & negare quod ipsa non est: adeoque etiam virtus contemplatrix, quæ versatur in vero, medium obtinet, & mediocritas est. Præterea, Virtus moralis est arti simillima. opus autem artis ita probatur, & perfectum ducitur, si perductum ad mediocritatem sit; vsque adeo vt neque aliquid necesse sit addere, neque quidpiam auferre. Igitur etiam in moralibus opus absolutum censeri tunc debet, cum ad medium est redactum. Sed opus in moralibus ita bonum, & perfectum habetur, si virtuti consentaneum sit. ergo virtus est in medio posita. Denique ita rem esse, per inductionem ostendi potest hoc modo: Fortitudo est medium inter audaciam, & timorem, tem-

perantia inter intemperantiam, & sensus vacuitatem, liberalitas inter auaritiam & prodigiam, Christiana humilitas inter superbiam, & animi paruitatem, & ea quæ Pœnitentia dicitur, inter indolentiam, & nimiam corporis animique afflictionem. Sed tamen vt respondere propositis argumentis certa via, & ratione possimus,

Animaduertendum est primò, apud Gualter, Burl. assignari ex dictis Eustratii multiplicem quamdam medijs partitionem, distinctionemque, à qua duci plurimorum nodorum solutio possit. spectatur enim interdum, & dicitur medium ab extremorum commistione, vt cùm corpus mistum appellamus medium inter elementa, aut id quod fuscum est, medium inter album & nigrum: interdum ex adiunctione atque accessione, cuiusmodi est id, quod aggregatur ex misto corpore & elemento; videtur enim hoc esse medium inter elementum, ac mistum interdum ab æquali extremorum longinquitate, quæ dici solet æquidistantia, cuiusmodi centrum ipsum appellatur, & est medium in circulo, propterea quod æquè ac pari dimensione distat à quolibet parte circumferentiæ: interdum à positione, quale punctum est duas continuas lineas partes inter extrema lineas in medio positum: interdum à mutatione; qualis est imperfecta forma, quæ inter duas perfectas dici medium potest; cuiusmodi est seminis forma velut intermedia, inter formam gignentis animalis, & geniti; aut qualis est motus inter terminos suos. interdum ab extremorum participatione: sicut anima hominis est medium inter formas omnino seiunctas à materia; & eas, quæ materiales appellantur: interdum denique medium ex negatione ac priuatione spectatur extremorum; cuiusmodi est Virtus inter viciositates duas extremas collocata, quarum nullius ipsa particeps est. Quod si hæc media comparare inter se velimus singula, & cum terminis suis; ita se habere comperiemus, vt aliquod medium vtroque sit extremo perfectius, aliquod imperfectius vtroque, aliquod vno extremorum perfectius, imperfectius altero; aliquod demum æquè perfectum, atque vtrumque extremum. Medium commistionis est vtroque perfectius extremo; cùm corpus mistum ipsis præstet, & excellentius sit elementis. Medium negationis, & priuationis est vtroque extremo perfectius, cùm virtus haud dubiè excellentia, & præstantia sua vincat extrema, quæ vitia sunt. Medium verò mutationis vtroque extremo imperfectius est; cùm forma imperfecta vincatur à duabus perfectis formis, quibus interiacet, & motus longe deterior sit terminis suis. Medium participationis vno extremorum est perfectius, & imperfectius altero; cùm hominis anima sit illis perfectior formis, quæ materiales dicuntur, iis imperfectior, quæ seiunctæ ac separatæ à materia & concretionibus sunt. Medium denique positionis, & medium æquidistantiæ æquè perfectum est,

atque vtrumque extremum, vt planissimè constat.

Animaduertendum secundò est, nomen Virtutis duplici modo posse nos vsurpare. primò quidem, cùm ipsius habitus substantiam vel materiam significamus; secundò, cùm nominatim ac solum eiusdem bonitatem indicare contendimus. Quantum ad substantiam, & materiam pertinet, Virtus vtriusque extremi particeps est, cùm Virtutis materia sint affectus animi, in quibus ipsa etiam extrema posita sunt. Itaque Aristot. hinc fieri ait, vt fortis vir cum timido comparatus, censeretur possit audax, & collatus cum audace formidolosus videatur, ac timidus. ex audaciæ quippe ac timiditatis quasi conflictu virtus existit, ex vtriusque delibans materia quod sibi sit satis. Quod verò ad bonitatem attinet, nullius particeps extremi est. illa quippe virtutis bonitas non opponitur extremorum materię, sed eorumdem improbitati, ac malitiæ, cuius ipsa virtus nullo modo particeps est.

Animaduertendum est tertio, ex ea propositione, qua dicimus, omnes morales virtutes in medio esse positas, vnam excipiendam esse Iustitiam; quæ quoniam duo non habet extrema, sed vnum tantum, dici non potest media; cùm idcirco Virtus media dicatur, quod duobus extremis interiecta vitiorum sit. Iustitia verò non duo habet extrema, sed vnum; quia nulla est exuperantia, quæ denominet iniustum. Si enim ducenta reddis, cùm debeas tantummodo centum, nihil contra iustitiam agis, nec iniustus propterea diceris, sed vel liberalis ac benignus, si rectè id facias, vel profusus, & prodigus, si temerè largiaris. Itaque vnus est defectus, qui verè faciat, vt appellemur iniusti, cùm nimirum quod debetur non redditur, aut non tantum redditur quantum debetur. Id verò quod sic decernimus, de commutante Iustitia intelligi oportet. nam distribuens, & ea, quæ vindicat scelera, & à fontibus repetit pœnas, peccare per crudelitatis exuperantiam facile potest, si maiores exigat, quàm delicti ratio patiat. Huc enim pertinet illud viri sapientis præceptum, admonentis ne plus nimio, iustifimus. Eccles. 7.

Animaduertendum est quartò; medium hoc, in quo virtutem consistere dicimus, interdum esse immotum, & idem semper, ac propterea nominari medium rei: interdum variabile, nec vniusmodi; quia ipsæ rerum circumstantiæ variant, adeoque dicitur medium rationis, hoc est illud, quod spectandis circumstantiis ipsa inuenit ratio cogitantis hominis, atque omnia metientis, exigentisque ad prudentiæ normam. Medium rei proprium est iustitiæ, quæ stabilior, sibi que constantior in sua mediocritate est: ac propterea duplex hoc medium faciunt, quorum alterum Arithmeticum, alterum Geometricum nominant, vt alibi diximus. Arithmeticum est, quod in geminæ quantitatis æqualitate consistit: vt si, duas æquales accipias lineas, quarum vna neque alteram longitudine vincat, neque vincatur ab altera. Arithmeticum in-

quam hoc medium est, ac iustitiæ proprium commutatiuæ, quæ tantundem omnino reddit quantum debet. Geometricum verò medium illud dicitur, quod non in quantitatibus, sed in proportionum æqualitate positum est. idque spectatur à Iustitia distributiva, cuius officium est, unicuique quod ei debetur pro merito, ac dignitate tribuere. Ut si dux, parta victoria, distributurus prædam militibus sit, medium & æqualitatem inueniat non à pari quantitate, quod fieri non potest, sed à promeritorum vniuscuiusque proportionem. Quamquam enim secundum quantitatem ea præmia inter se non videntur æqualia; æqualia tamen secundum proportionem appellantur, & sunt. Est ergo medium rei medium quoddam natura sua definitum ac certum, quod sola Iustitia, siue ex Arithmetica, siue ex Geometrica spectat æqualitate. Medium autem rationis non est natura sua certum, & immobile, sed varium prorsus, ac mutabile pro ipsius agentis, aliarumque circumstantiarum varietate, atque hoc medium est siue mediocritas & æqualitas aliarum virtutum, quæ pro personæ, finis, ac temporis varietate subinde variat, nec eadem semper & vniuscuiusmodi est. Temperantiæ quippe medium non est omnibus, aut quocumque tempore ac loco sesquialtera panis, & vini quartarius, sed interdum longe plus cibi, vini, & vini, interdum minus; quemadmodum temporis, loci, personæ constitutionisque varietas & mutatio postulat. Atque hinc intelligitur, cur hoc potius, quam superius dicatur medium rationis. Quamquam enim etiam rei medium dici posset rationis, cum rationi consentaneum sit, quia tamen est sua natura definitum, non videtur sic à ratione pendere, quemadmodum pendet hoc, quoddam ipsa ratione, hominisque iudicio definitur, & constituitur totum. Ratio enim videt, quo tempore, quo loco, quorsum, à quo res fiat, quæ Temperantiæ, Fortitudini, aut aliis eiusmodi virtutibus consentanea debeat esse. id quod Iustitia non curat. quod enim debetur, semper, omnique tempore debetur, & quocumque reddatur consilio, animoque, ex iustitia redditur, & ex iis legibus, quibus ipsa Iustitia per se continetur.

His animaduertis, ratio facilis erit ac via respondendi propositis argumentis, ac primò quidem quod est Eustratii, contenditis, in extremis non esse quicquam definitum ac terminatum; cum infinitè possint, vel deficere vel excedere, ac propterea nullum debeat inueniri mediū, quod sine terminis nullum est. Respondetur enim, etiam inter ea, quæ infinitè possunt extendi, atque in immensum ex crescere, nec terminum habent certum magnitudinis suæ, medium aliquod esse per negationem posse: cuiusmodi est id, in quo sedem virtutis propriam collocamus. Neque enim particeps extremorum est, nec eorum aliquid contingit, nisi materiam. formis autem extremorum est intermedia negatiuè: quæ ratio mediæ non postulat extrema definita, & terminata.

Secundo autem argumento, quo contenditur, oportere virtutem inter extrema numerari, nec habere mediæ rationem, cum ipsa bonum morale sit, oppositum malo. malum autem, ac bonum extrema sunt, quorum vnum ipsa est Virtus: secundo, inquam, huic argumentum respondendum est, Virtutem non vnam obtinere tantummodo comparationem oppositionemque, sed duplicem, quemadmodum ipsa habet abundè, cur possit duplici modo considerari. Nam Virtus & bonum quoddam est, & præterea est æqualitas inter exuperantiam, & defectum. Itaque comparari & cum malo, & cum exuperantia ac defectu potest. In comparatione atque oppositione inter bonum & malum habet Virtus rationem extremi, sicut dicitur in argumento. in comparatione verò atque oppositione inter exuperantiam, & defectum habet rationem mediocritatis. Aut certe responderi sic potest: Si virtus moralis & eius extrema opposita cum recta ratione comparentur, atque ad eam tamquam ad libellam & normam exigantur, virtus rationem habet vniuscuiusmodi. est enim Virtus cum recta ratione similitudo, utrumque verò vitium habet alterius extremi rationem, cum sit nihil aliud, quam à recta ratione dissimilitudo. Sin autem moralis Virtus ex sua ipsius spectetur & consideretur materia, hoc est, eatenus quatenus redigit ad iustam mensuram affectus animi, habet profectò mediæ rationem, nec aliud nisi mediocritas quædam & æqualitas est.

Tertio argumento respondetur, medium Virtutis moralis non esse medium rei, atque ita certum, ut indiuiduum sit, sed medium rationis, atque prudentiæ, quemadmodum est hac Virtutis definitione colligitur apud Aristotelem. Virtus est habitus electus in medio consistens, prout prudens definiuit. Vult igitur & decernit Aristoteles, mediū Virtutis constitui oportere à prudentia. Sed prudentia non venatur & attingit puncta, ac propterea medium quod ipsa præscribit, indiuiduum non est, sed iustam amplitudinem, ac latitudinem habet. Cum igitur ait, vno tantum ac simplici modo nos posse medium attingere, aut sic esse difficile secundum virtutem vivere, quemadmodum est arduum ipsum centrum in circulo inuenire; non significat, Virtutis medium esse rei vel indiuiduum, sed rationis suas partes & latitudinem habens, quæ difficile possit inueniri, nec nisi à prudenti viro deprehendatur. Quo sit, ut rari medium illud attingant, rarique virtute possentes inueniantur, si Iuuenali bono morum Censori habenda sit fides, ita canenti.

*Rara avis in terris, nigroque similis Cygno,
Vir bonus & sapiens, qualem vix reperit vllum
Milibus & multis hominum consultis Apollo.*

Denique qui medium Virtutis occupet, ita est rarus, ut coruo sit rarior albo, quod idem pronunciat Iuuenalis. Quin in illum, cum inuenitur, & nobis occurrit, conueniet aptè interrogatio cum admiratione ac prouerbum, quod apud Aristophanem est in hominem ignotum & peregrinum, *τις ὁρῶνός σε μοι;* Quæ

est hæc auis: Hanc, inquam, difficultatem & raritatem Aristotelis verba significant, sed non medium virtuti faciunt indiuiduum. erit igitur alter altero melior, nec qui melior est, & virtute præstantior exuperabit medium à prudente præscriptum; nec ab eodem recedet medio, qui altero virtute posterior, aut inferior sit.

Quarto respondetur argumento; eiusmodi affectus aut actiones, si quæ sint, ita inuolutas vitiositati, ac malitiæ, vt probitatis capaces haud sint, & corrigi fierique bonæ vllō modo non possint, eiusmodi, inquam, operationes affectusque, si qui sunt, ne Virtutis quidem capaces esse, nisi eatenus, quatenus fugiendi sunt. Itaque tota ratio Virtutis, quæ in iis versari potest, in fuga poni debet; quæ tamen habet etiam ipsa medium suum à prudentia & ratione præscriptum. Neque enim qui fugit adulterium necesse habet aut vulnum sibi vulneribus deformare, quod fecit Spurina, aut ad Garamantas excedere, vel in fornacem ingredi, aut à turri se præcipitem dare, quod alij præstiterunt.

Respondendum quinto; Magnanimitatem, ac Virginitatem tendere ad summum, hoc est, ad supremum gradum, fastigiūque Virtutis, non tamen transilire lineam ac fines, quos sibi præscriptos à prudentia vident. tendunt enim vt oportet, & quantum oportet, atque adeo rationis medium non transcendunt.

Respondetur sexto. In continuo motu atque perpetuo verè dicitur non esse gradum ab extremo ad extremum, nisi transitus per medium fiat. Transitus autem, qui ab extremo vitio ad extremum vitium fit, non est continuus, quemadmodum non est continuus ille, qui fit in intellectu ac voluntate, cum in diuersa feruntur, ac longe distracta. Nihil adeo mirum debet esse, quòd mutatio ab extremo vitio ad extremum fiat, nec ipsum interea medium virtutis per transitum attingatur.

Respondetur septimo. Cum virtutis medium non sit rei, sed rationis, non est necesse, eiusmodi medium ab extremis æquè, parique dimensione distare, sed satis est, si eodistat modo, qui à recta ratione præscribitur. In iis igitur rebus, vbi bonum Virtutis in cohibenda animi perturbatione consistit, Virtus est propinquior defectui, quàm exuperantiæ; id quod in temperantia & mansuetudine, siue clementia cernitur: vbi verò bonum virtutis est, eo animum impellere, quò ipse per se contendit affectus, Virtus exuperantiæ propior est, quàm defectui, quod spectatur in fortitudine.

Respondetur octavo. Rectè ac verè ab Aristotele dici Virtutem esse vltimum potentia: est enim vltimum in bono atque in perfectione: eiusmodi autem extremum in rebus moralibus potest esse medium à ratione, ac prudentia constitutum. Atque hinc cernitur, cur dixerit etiam Aristoteles, esse difficillimum attingere virtutis medium. est enim difficile ad extremum,

hoc est ad summum peruenire. Virtus verò posita est in summo, quia præteritis vitiis, perfectum obtinet locum: in quo capiendo ita laborat potentia, vt eo iam occupato, vltimum suæ facultatis conatum expleisse videatur.

Respondetur nono. Humilitatem quoque suos habere fines à prudentia præscriptos, in quibus medium rationis obtineat. Nam hæc quoque virtus necesse habet actum facere, vt oportet, quantum oportet, & quo loco ac tempore oportet: quibus circumstantiis tenetur medium rationis. Idem dici de Virginitate debet, vt explicatū est supra, quæ cum omnes omnino repudiat voluptates, obtemperat rectæ rationi, eiusmodi personæ, eo loco ac tempore sic præcipienti, nisi enim consilio hæc, & ratione gererentur, consentanea virtuti non essent, at consilium & ratio etiam in supremo virtutis gradu medium habet, ab extremis vtrinque submotum.

Respondetur decimo, ex iis, quæ posita sunt supra de Iustitia excepta, exemptaque ex numero virtutum, quæ duo habent extrema. Quæ enim de ceteris dicuntur virtutibus, non omnia in Iustitiam cadere possunt, cui vnum tantummodo extremum est. Dicit tamen etiam ipsa posset esse in medio illo posita, quod spectatur è circumstantiis. Neque enim semper reddendum est unicuique suum: cum gladius furioso reddendus non sit, neque telum ei, qui aduersus patriam repetat arma quæ sua sunt.

Hæc argumenta quæ fuerunt initio Questionis obiecta, dissoluta sic sunt. omnem adeo difficultatem amoliri videremur, nisi leuiora quædam superessent, quæ prætermittenda non sunt.

Dicunt enim aliqui de Virtute morali sic esse ratiocinandum, quemadmodum de intellectu ratiocinari ac iudicare soliti sumus. Virtus autem intellectus non videtur in medio posita. intuetur enim & considerat verum, ideòque in vero posita est tota. sed verum non obtinet medium, cum non sit interiectum extremis. verum enim opponitur falso, & est altera pars contradictionis in oppositione veri ac falsi. igitur extremum potius est, quàm medium.

Agunt alij captiosius, atque contendunt, vitium ipsum in medio consistere, ac propterea virtutem non esse in medio collocandam, quæ vitio contraria est. Vbi enim est magis ac minus, medium etiam inuenitur. In vitiis autem reperiri magis, ac minus, euidentius est, quàm vt verbis debeat explicari.

Respondendum igitur est primò, ipsam quoque Virtutem intellectus in medio versari, quia versatur in vero. verum enim est medium duarum falsitatum extremarum, quarum altera plus nimio neget, altera supra modum affirmet. Neque propterea quod verum opponatur falso, consequens est, verum esse non posse medium duabus falsitatibus interpositum. Nam etiam æquale opponitur non æquali, & tamen duobus est non æqualibus interiectum. quippe non æquale, tam

dicatur id quod est maius, quàm quod est minus: eodémque modo tam falsum est quod negatur per defectum, quàm quod per exuperantiam affirmatur.

Respondendum denique secundò est, in vitio non inueniri medium illud, quod proprium est Virtutis, petitum ex circumstantiis omnibus, à recta ratione atque prudentia, cui tamquam regulæ respondet & consentaneum est. caret enim vitium omni circumstantia,

nec aliud medium habet, nisi gradum aliquem, qui cum minoribus & maioribus collatus, potest dici medius, cum tamen omnes prauis sint, & vitiosi. Itaque ad soluendas argumenti præstigias, satis est dicere, vitium habere medium, sed vitiosum, non illud rationis medium, atque prudentiæ, quod est Virtutis proprium, & cum vitio nulla potest ex parte communicari.

CAPVT SEPTIMVM.

DE VIRTVTVM NUMERO, DEQVE
mediocritatum dispositione inter extrema.

S V M M A.

Non esse satis, vniuersè, summatimque de virtute præcipere, sed cognoscendas particulatim esse singulas, earumque mediocritates, quæ laudabiles sunt; & extrema, quæ vituperationem habent.

DIVISIO CAPITIS IN PARTES QVATVOR.


1. Proponit causam, cur dicendum de singulis virtutibus sit nominatim.
2. Initium enumerandi facit à duabus virtutibus, quibus publica tenetur & priuata salus: hæ sunt, Fortitudo & Temperantia.
3. Recenset virtutes ceteras, atque in singulis mediocritatem inuenit, & extrema.
4. Quasdam ostendit affectiones animi esse, quæ tamesi virtutes non sunt, laudabilem tamen obtinent conditionem & vim.

PARS PRIMA CAPITIS SEPTIMI.

ΔΕΙ δὲ τὸ πρῶτον μὴ μόνον καθόλου λέγειν, ἀλλὰ καὶ τοῖς καθ' ἕκαστα ἐφαρμόζειν. ἐν γὰρ τοῖς πλείστοις τοῖς ἀρεταῖς λέγουσι, οἱ μὲν καθόλου, καὶ ὡς περὶ εἶναι, οἱ δὲ ὅτι μέγιστος, ἀληθινώτερος. καὶ γὰρ τὰ καθ' ἕκαστα αἱ ἀρεταί. διὸ δὲ ὅτι πῶς τὸν συμφωνεῖ. ἀποδείξω οὖν ταῦτα ἐκ τῆς ἀρετῆς.

Portet autem hoc non solum vniuersè dicere, sed etiam iis quæ sunt ad singula accommodare. In disputationibus enim de actionibus ea, quæ in vniuersum sunt, inaniore sunt; quæ autem de singulari, veriores. In rebus quippe singularibus actiones sunt; oportet autem cum his congruere. sumenda igitur hæc sunt ex descriptione.

EXPLANATIO.

 VONIAM supra de virtute generatim vniuersèque iam explicauit, abundèque ac satis ostendit, quid ipsa, eiusque sit facultas & vis, aggreditur hic definitionem communem singulis accommodare virtutibus, ac declarare, in omnibus omnino id verum esse quod de Virtute, deque perturbationibus animi generali definitione pronunciatum est. Vnam tamen in fine capitis excipiet Iustitiam, atque prudentiam: de illa disputaturus alibi, hanc ideo relictens in præsentia, quod rationis atque intelligentiæ Virtus sit.

[Oportet autem hoc non solum vniuersè dicere.] Ait ergo primum, non modò vniuersè id dici debere; virtutem esse quamdam inter duo extrema, atque opposita mediocritatem, verum etiam oportere ad singularia & certa deuenire; eiusque rei rationem & causam esse, quòd generales sermones, siue disputationes vniuersim institutæ de actionibus, hoc est, de rebus agendis, vel de iis, quæ sub actionem cadunt, inaniore videantur; quæ autem singularia tangunt, vtiliores sint & veriores. Actiones quippe, siue res, quæ sub actionem cadunt, singulares ac definitæ sunt, adeoque sermones, disputationesque postulant peculiare, & proprias, nec generalibus communibusque contentæ sunt. Si ergo verba tantummodo facimus vniuersim de iis, quæ agenda sunt, frustra sumus, & cassam operam ponimus, inquit: tum quia eiusmodi sermones finem ac propositum non consequuntur, quod actionis moderatio ac regimen est; tum quia non possunt in tali materia sic esse veri, vt propter eius varietatem inconstantiamque non sæpe deficient. & singularibus peculiaribusque rebus dissensu reperiuntur. Sed propriæ, singularesque disputationes de singulis, certiores sunt, atque efficaciores; quippe quæ ad dirigendas actiones accommodatæ sint, & eatenus accipiantur, quatenus generalibus dictis atque præceptis respondentes, & consentaneæ deprehenduntur. Egregia verò methodus & regula hæc est, vt ea quæ de communis vitæ moribus præcipiuntur, non solum vniuersè tradantur, sed etiam explicentur, & demonstrantur in singularibus, ac definitis rebus. Nihil enim agimus, nisi rerum singularum circumstantiis manus admoveamus.

Reprehendebantur grauissimè Stoici, quòd alia omnia facerent cùm de moribus ac virtutibus vniuersim multa quidem disputarent, sed ea, quæ vbi peculiarem vitæ rationem essent accommodanda, plerumque deprehenderentur absurda, & us planè similia, quæ de peccatorum inter se paritate dicebant,

*Quis paria esse ferè placuit peccata, laborant
Cum ventum ad verum est, sensus moris que repugnant,
Atque ipsa vtilitas iusti propè mater & aui.*

quod est apud Horat. lib. Serm. 1. Sat. 3. Quemadmodum, inquam, hæc cùm veniebatur ad verum, hoc est, cùm ad veri normam examènque reuocarentur, falsa esse reperiiebantur, sic alia quoque Stoicorum præcepta generalia deprehendi solebant minùs accommodata vitæ, aut moribus vtilia, cùm ad res peculiare veniretur. Quapropter Aristoteles idem præceptum aliis inculcat locis; in libro præsertim decimo: vbi monet iterum, videndum diligenter esse, vt disputationes morales rebus agendis congruant singulis. facultates enim practica definita tractant & singularia; medendi potissimum ars, quæ idcirco rectè docet, ac verè, omnem atram bilem helleboro purgari, quia id experimento comprobauit in hominibus singulis. Theoricarum verò longè alia ratio est, quæ summam habent in axiomatis, & generalibus propositionibus vim.

Huius denique moniti summa sic est: In omni philosophiæ genere disputatio, & oratio minus certa, certiore atque euidentiore confirmanda est, & illustranda: sed in hoc philosophiæ genere generalis disputatio atque oratio minus est, certa, & euident, quàm peculiaris. Igitur in hoc philosophiæ genere generalis oratio, & disputatio peculiari & propria confirmanda atque illustranda est. Præterea, Ethica tractatio, quo congruentior est actionibus, eo certior, ac verior est. sed peculiaris & singularis Ethicæ tractatio actionibus est congruentior atque accommodatior. Ergo singularis Ethicæ tractatio certior ac verior est.

[Hæc igitur ex descriptione.] Pergit adeo monere, id quod vniuersè de virtute dictum est, oportere sumi ex descriptione, hoc est, ex diuisione atque enumeratione singularum. Docet enim haud inconsulto Linconiensis apud Burl. descriptionem hoc loco partitionem & enumerationem esse. Græcè est *Ἀναγνώρισις*, descriptio, & quasi tabula; perinde ac si dicat Aristoteles, oportere nos enumerare, ac distinguere per partes virtutes singulas, & singulas item perturbationes, in quibus ipsæ versantur virtutes, extremum ex iis & vitiositatem depellentes. Ex hac enim enumeratione veluti per inductionem colligemus, immò tanquam in tabula inspicemus, singulas virtutes esse mediocritates, adeoque verè dictum in generali definitione fuisse, Virtutem nihil aliud esse, nisi mediocritatem inter extrema. id quod in proximè secutura Capitis parte planius explicabit.

PARS SECUNDA CAPITIS SEPTIMI.

Περὶ μὲν οὖν φόβου, καὶ θάρρους, ἀνδρίας μεσότης. τῇ δὲ ὑπερβαλλόντων, ὁ μὲν τῇ ἀφοβία, αἰώνιος. πολλὰ δὲ ἐστὶν αἰώνια, ὁ δὲ ὅτι τὰ θάρρην ὑπερβάλλον, δραστής. ὁ δὲ τὰ μὲν φοβέσθαι ὑπερβάλλον, τὰ δὲ θάρρην ἐλλείπειν, δειλός. περὶ ἡδονῶν δὲ καὶ λύπης οὐ πᾶσι. ἡ γὰρ δὲ καὶ περὶ τῶν λύπης, μεσότης μὲν σωφροσύνη, ὑπερβολὴ δὲ, ἀκολασία, ἐλλείποντες δὲ περὶ τῶν ἡδονῶν, οὐ πάντες γίνονται. δεῦρ' οὐδ' οὗτοι ὀνόματος τετυγμένασι. ἔσωσεν δὲ αἰακάθητι.

Circa timores igitur & audacias fortitudo mediocritas est : exuperantium autem, is qui timoris vacuitate exuperat, caret nomine (multa enim sunt nomine carentia) qui autem in audendo exuperat, audax ; qui verò metuendo exuperat, audendo verò deficit, timidus est. Circa voluptates autem & dolores, non tamen omnes, minùs verò circa dolores, mediocritas quidem est temperantia, excessus verò intemperantia. porro qui per defectum peccent in voluptatibus, non multi reperiuntur. Itaque ne hi quidem nomen sortui sunt, sed sint sensu carentes.

EXPLANATIO.



N hac, inquam, secunda Capitis parte initium facit enumerationi perturbationum animi, ut in iis deprehensa mediocritate, virtutum quoque numerus deprehendatur, intelligaturque postremo singulis congruere definitionem, & alia, quæ de Virtute dicta sunt vniuersim. Quot enim sunt inter perturbationum extrema mediocritates, ebdem virtutes sunt. [Circa timores, &c.] Primum itaque locum dat in hoc perturbationum censu timori atque audaciæ, quibus interiecta fortitudo suam obtinet inter utramque mediocritatem. Secundum assignat intemperantiæ, & eidem contrario, quod caret nomine, inter quæ ipsa Temperantia ponitur. Has nimirum Virtutes duas in primo collocat ordine, coniungitque simul, quia salutem utraque tuetur humanam; illa publicam, hæc priuatam. Fortitudo quippe spectatur potissimum in bello, hoc est, in patriæ salute tuenda : Temperantia vitam corporis & valetudinem seruat. Fortitudinem igitur primam producit, & in ea medium illud inuenit, quod in qualibet virtute querendum esse iam dixerat. Inueniri verò medium non potest, nisi eius extremis inuestigandis. Timidus quippe defectum habet, exuperantiam audax : vir fortis occupat medium, ac timet, & audet quantum oportet. Sed tria tamen extrema fortitudini videtur hic Aristoteles assignare. nam inter nimium. & parum adiungit id, quod dicendum est nihil. Vult enim aliquem esse, qui nimium audeat, & parum timeat; aliquem qui nimium timeat, & parum audeat; aliquem, qui timeat nihil, & timoris vacuitate præditus omnino sit : qui nimium audet, confidentem, audacemque appellari iubet; qui nimium timet, & parum audet, ignauum. qui nihil timeat, eum ait carere nomine. hunc autem nos habitum animi, sensus vacuitatem diximus, quia Græcè est ἀφοβία. Qua quidem animi affectione qui tenetur, eum Græca Scholia dicunt non rectè ἀφοβόν πια, hoc est intimidum, aut impavidum nominari. Nimirum ipse quoque vir fortis est ἀφοβός : sed tamen ἀφοβόν, hoc est, impavidum dici contendunt ex inopia vocabuli : grauiorem enim postulat appellationem, quàm ut impavidi nomine circumscribi possit. Itaque in lib. horum Moral. 3. vocat eum Aristoteles μαινόμενος, καὶ αἰάλητον πια; hoc est, furiosum quemdam, & sensus vacuitate præditum. Ceterum quia rarum est hoc vitium, & vix aliquis inuenitur, in quo deprehendi facile possit, nullam eius rationem habemus, dicimusque nihilo minus, duo tantum esse fortitudinis extrema, nimium & parum.

[Circa voluptates autem & dolores, &c.] Pergit mediocritatem illam generalem in communi Virtutis definitione positam in ipsa Temperantia nominatim perscrutari, & peculiarem, ac certam facere : quæ Virtus ad corporis vitam tuendam pertinet, cum cibo, potuque temperato, ac iusto ipsa corporis valetudo retineatur

in singulis; & venereis voluptatibus, quas eadem moderatur temperantia, vita conseruetur, & sobolescat in specie. At igitur, in delectatione ac tristitia, siue dolore versari Temperantiam: sed excipit duo; hæc statim adiungens. primum; non in omni prorsus delectatione, ac tristitia regenda & moderanda Temperantiam versari, sed in iis nominatim & propriè, quæ ad cibos, & venerea pertinent. secundum: multo minùs de dolore ac tristitia, quàm de voluptate, ac delectatione laborare: in his enim cohibendis & temperandis plus operæ ponit, quàm in illis; cùm eatenus in ipso quoque dolore ac tristitia moderanda versetur, quatenus ex delectationis priuatione nascuntur, quemadmodum docet, hunc locum explicans Eustrat. Commentator.

Et probabilis sanè, atque idonea suppetit causa, cur Temperantia magis in voluptatibus, quàm in doloribus & tristitia moderanda sit posita. Virtus enim versari ac laborare vult in difficilioribus, vt suprà dictum est in cap. 6. Difficilius autem est voluptates frangere, quàm dolori tristitiæque resistere. Voluptates quippe, vt ait Cicero, blandæ quædam dominæ sunt. Itaque voluptas latens est, atque insidiosus inimicus; dolor autem hostis apertus. adeoque plus laboris, ac studij postulat quæ de voluptate, quàm quæ de dolore atque molestia paranda victoria sit. Inter has ergo voluptates, ac dolores intercedens mediocritas, Temperantia nominatur. Extremum ex altera parte, quod est per exuperantiam & nimium, Intemperantia dicitur: extremum ex altera deficiens, nullum, vt ipse ait, obtinet proprium nomen, sed dici tamen stupiditas potest, & sensus vacuitas aut indolentia. Qui enim eo notantur vitio, communi appellatione, quoniam propria carent, stupidi, vel bardi, aut sensus expertes nominantur.

PARS TERTIA CAPITIS SEPTIMI.

Περὶ δὲ δόσιν χρημάτων ἔ ληψιν
μισότης μὲν ἐλάττωσις, ὑπερ-
βολὴ δὲ καὶ ἑλλείψις, ἀσυντρία, καὶ αἰε-
λάττωσις. εὐσυντρία δὲ αὐτὰς ὑπερβάλ-
λοισι, καὶ ἐλλείποισιν. ὁ μὲν γὰρ ἀσυντρία,
ἐν μὲν παρτέσει ὑπερβάλλει, ἐν δὲ
λείψει, ἐλλείπει. ὁ δὲ αἰελάττωσις, ἐν
μὲν λείψει ὑπερβάλλει, ἐν δὲ παρτέσει,
ἐλλείπει. νῦν μὲν τὴν ὁρμήν, καὶ ὅτι κεφα-
λαίῳ λέγουμεν, ὁρμῶν μὲν αὐτὰς πύ-
τυ. ὕπερθε δὲ ἀκριβέστερον περὶ αὐτῶν
διελεσθῆναι. περὶ δὲ τὰ χρηματικά εἰσι
καὶ ἄλλαι ἀφαιρέσεις. μισότης μὲν μεγα-
λοπρέπει. ὁ γὰρ μεγαλοπρεπής, ἀφα-
φείρει ἐλάττωσις. ὁ μὲν γὰρ περὶ μεγα-
λα, ὁ δὲ περὶ μικρά. ὑπερβολὴ δὲ ἀπει-
ροχλία, καὶ βαρυστία, ἑλλείψις δὲ μι-
χροπρέπεια. ἀφαιρέσεις δὲ αὐτῶν τῶν
περὶ τῶν ἐλάττωσις. ὁ δὲ ἀφαι-
ρῶν, ὕπερθε ῥηθῆναι. περὶ δὲ ἡμιμῶν,
καὶ ἀπὸ μὲν, μισότης μὲν μεγαλοφυ-
χία, ὑπερβολὴ δὲ, χαυνότης ὡς
λεγομένη, ἑλλείψις δὲ μικροφυχία. ὡς
δὲ λέγουμεν ἔχει παρὲς τὴν μεγαλο-
πρέπειαν τὴν ἐλάττωσις περὶ μι-
κρά ἀφαιρέσεων, οὕτως ἔχει καὶ

IN donatione verò pecuniarum & ac-
ceptione mediocritas quidem liberalitas:
exuperantia verò & defectus, profusio, &
illiberalitas est: contrario verò modo in ipsis
exuperant & deficiunt. Prodigus enim in
largitione quidem exuperat, in acceptione
autem deficit. illiberalis verò in acceptione
quidem exuperat, in largitione autem defi-
cit. Nunc igitur rudi figura & summasim
dicimus, contenti hoc ipso: postea verò sub-
tilius de ipsis definitur. In pecuniis verò
versantur & aliæ affectiones. mediocritas
quidem Magnificencia est. Magnificus
enim differt à liberali, hic namque in ma-
gnis est; ille autem in paruis. Exupe-
rantia porro est elegantia imperitia, &
operaria sumptus insolentia: defectus verò
indecora parsimonia. Differunt autem hæc
ab iis quæ circa liberalitatem sunt: in quo
autem differant, posterius dicitur. Iam verò
in honore atque infamia, mediocritas qui-
dem magnanimitas; exuperantia verò ela-
tio quadam dicitur: defectus autem parui-
tas animi. Quemadmodum verò dicimus se
habere ad magnificenciam, liberalitatem
circa parua differentem, sic se habet aliqua

πρὸς πλὴν μεγαλοψυχίᾳ πρὸς πλὴν
 οὐσθμὶ μεγάλῳ, αὐτὴ πρὸς μικρὰ
 οὐσα. ἔστι γὰρ, ὡς δεῖ, ὀρέσασθαι ἑμῆς,
 καὶ μάλλον ἢ δεῖ, καὶ ἥτοι. λέγεται
 δὲ ὁ μὲν ὑπερβαλλὼν ταῖς ὀρέξεσι φι-
 λότημος, ὁ δὲ ἐλλείπων, ἀφιλότιμος, ὁ
 δὲ μέσος, αἰώνυμος. αἰώνυμοι δὲ καὶ αἱ
 ἀφροσύνη, πλὴν ἢ τῆς φιλοτίμου, φι-
 λοτιμία. ὅταν ὑπερδικάζονται οἱ ἄλλοι
 τῆς μέσης χώρας. καὶ ἡμεῖς δὲ, ἔστι μὲν
 ὅτε τὸν μέσῳ φιλότιμον καλοῦμεν, ἔστι
 δ' ὅτε, ἀφιλότιμον. καὶ ἔστι, ὅτε μὲν
 ἐπαμνοῦμεν τὸν φιλότιμον, ἔστι δ' ὅτε τὸν
 ἀφιλότιμον. ἀφ' οὗ τίνα δ' αἰτίᾳ τῶν
 ποιοῦμεν, ἐν τοῖς ἐξῆς ρηθήσεται. νῦν δὲ
 πρὸς τῶν λοιπῶν λέγωμεν καὶ τὸν ὑπερ-
 βολικὸν ἔχον. ἔστι δὲ καὶ πρὸς ὀρ-
 γανὸν ὑπερβολή, καὶ ἑλλείψις, καὶ
 μεσότης. σχεδὸν δὲ αἰώνυμοι ὄντων αὐ-
 τῶν, τὸν μέσῳ, πρῶτον λέγοντες, τὴν
 μεσότητα παραότητα καλέσομεν. τῶν
 δ' ἄλλων, ὁ μὲν ὑπερβαλλὼν, ὀργί-
 λος ἔστω, ἢ δὲ κακία, ὀργιλότης. ὁ
 δὲ ἐλλείπων, ἀόργητος τις, ἢ δ' ἑλλεί-
 ψις, ἀόργησία. Εἰσὶ δὲ καὶ ἄλλαι
 τρεῖς μεσότητες, ἔχουσιν μὲν ὡς ὁμοί-
 οτητα πρὸς ἀλήθειαν, ἀφ' ὧν εἰσὶ δὲ
 ἀληθῶν. πᾶσαι μὲν γὰρ εἰσὶ πε-
 εἰ λέγων, καὶ πρᾶξεων κοινωνίαν.
 ἀφ' ὧν εἰσὶ δὲ, ὅτι ἢ μὲν ἔστι πρὸς
 τὸ ἀληθές, ὅ ἐν αὐτοῖς, αἱ δὲ πρὸς τὸ
 ἡδύ. τούτου δὲ, τὸ μὲν ἐν παιδιᾷ, τὸ
 δὲ ἐν πᾶσι, τοῖς καὶ τὸν βίον. ῥητέον
 οὖν καὶ πρὸς τούτων, ἵνα μάλλον κα-
 τὰ μὲν, ὅτι ἐν πᾶσι ἢ μεσότης ἐπαμνε-
 τὴν. καὶ δ' ἄλλα οὕτε ὁρᾶν, οὕτε ἐπαμ-
 νετὰ, ἀλλὰ ψακτά. ἔστι μὲν οὖν καὶ
 τούτων τὰ πλείω αἰώνυμα. πειρα-
 τέον δ' ὡς περὶ καὶ ὅτι τῶν ἄλλων αὐ-
 τοῖς ὀνομασποῖσι, σαφηνείας ἔνεχεν
 καὶ τῶν ὑπερβαλλόντων. πρὸς μὲν
 οὖν τὸ ἀληθές, ὁ μὲν μέσος, ἀλη-
 θής τις, καὶ ἢ μεσότης ἀλήθεια λε-
 γάτω. ἢ δὲ πρᾶξι, ἢ μὲν ὅτι
 τὸ μείζον, ἀλαζονεία, καὶ ὁ ἐ-
 χθὼν αὐτῷ, ἀλαζών, ἢ δὲ ὅτι τὸ
 ἑλαττον, εἰρωνεία, καὶ εἰρων. πρὸς

etiam ad magnanimitatem in honore ver-
 santem magno, cum hac in parvo versetur.
 Contingit enim, ut oportet, appetere hono-
 rem, et magis quam oportet, et minus.
 Dicitur autem exuperans in appetitionibus
 ambitiosus: deficiens autem, contemptor
 honoris: medius verò nomine caret. Carent
 autem nomine etiam affectiones, præter il-
 lam ambitiosi, quæ ambitio est. Quare de-
 certant extremi de medio loco: et nos etiam
 interdum quidem ambitiosum medium vo-
 camus, interdum autem honoris contem-
 ptorem: et aliquando sanè laudamus am-
 bitiosum, aliquando verò contemptorem ho-
 noris. Quam autem ob causam id facimus,
 in sequentibus dicitur. Nunc verò de cete-
 ris dicamus secundum institutum modum.
 Est autem in ira etiam exuperantia, et de-
 fectus, et mediocritas. ferè enim cum no-
 mine careant ipsa, medium mansuetum di-
 centes, mediocritatem mansuetudinem ap-
 pellabimus. Extremorum autem exuperans
 quidem iracundus sit: vitium autem ira-
 cundia: deficiens verò vacuus quidam ab
 ira: at defectus vacuitas ab ira. Sunt verò
 etiam alia tres mediocritates, habentes qui-
 dem aliquam similitudinem inter se: diffe-
 runt tamen inuicem. Omnes enim versan-
 tur circa sermonum actionumque commu-
 nionem. differunt verò, quòd hac quidem
 versatur circa verum, in his ipsis rebus exi-
 stens: illæ verò circa incundum. Huius au-
 tem aliquod quidem in ioco est, aliquod ve-
 rò in omnibus, quæ secundum visam sunt.
 Dicendum igitur etiam de his, ut magis per-
 spiciamus, in omnibus mediocritatem esse
 quiddam laudabile: extrema verò neque
 recta, neque laudanda, sed vituperabilia.
 Sunt quidem igitur horum plurima sine no-
 mine. enitendum verò, sicut etiam in aliis
 ipsis nomen facere, perspicuitatis causa, at-
 que ut bene rem persequamur. Circa ve-
 rum igitur, medius sanè verax quidam est:
 et mediocritas veritas dicatur. simulatio
 autem quæ quidem ad maius, arrogantia,
 et qui habet illam, arrogans; ad minus
 verò, dissimulatio, et dissimulator. circa

δὲ τὸ ἡδὺ, τὸ μὲν ἐν παροξείῳ, ὃ μὲν
 μέγας, εὐτράπελος, καὶ ἡ ἀφελεία
 εὐπραπία, ἡ δὲ ὑπερβολὴ βωμολο-
 χία, καὶ ὃ ἔχον ἐν τῷ βωμολόχῳ. ὃ
 δὲ ἐλλείπων, ἀργεῖος ὡς, καὶ ἡ ἔξις
 ἀργεῖα. πρὸ δὲ τὸ λοιπὸν ἡδὺ τὸ ἐν
 τῷ βίῳ, ὃ μὲν ὡς δὲ ἡδὺς ὢν, φί-
 λος καὶ ἡ μεσότης φιλία. ὃ δὲ ὑπερ-
 βάλλων, εἰ μὲν ὁδοῦς ἐνεκα ἀρεσκός,
 εἰ δὲ ὠφελείας τῆς αὐτοῦ, κολαξ. ὃ
 δὲ ἡμίπων, καὶ ἐν πᾶσι ἀνδρῶν, δυσχερὴς
 τις, & δύσκολος.

*incundum verò quod quidem in ioco, me-
 dius sanè, facetus, & affectus, urbanitas :
 exuperantia verò scurrilitas, & qui eam
 habet scurra : deficiens verò rusticus qui-
 dam, & habitus rusticitas. Circa reliquum
 verò incundum quod est in vita, illa qui-
 dem, qui, ut docet, incundus est, amicus, &
 mediocritas amicitia : exuperans verò, si
 quidem nullius rei causa, blandus, si an-
 tem utilitatis suæ, assentator. deficiens ve-
 rò, & in omnibus insuavis, contentiosus
 quidam, difficilisque nominetur.*

EXPLANATIO.

IN donatione autem, &c.] Reliquas nunc aggreditur per censere, ac
 lustrare virtutes, quæ in actionibus cernuntur externis, exorditurque
 à liberalitate, ac magnificencia, quarum est, dandi, atque accipiendi
 officium, legesque præscribere. Et quoniam in utraq; mediocritatem
 inuestigat, quam sine illis extremis, quibus interiacet, inuenire non
 potest, id videlicet hoc agit initio, docens, extrema magnificentiæ, ac liberalitatis
 eo modo differre, quo differunt ipsæ mediocritates. totum enim inter eas discrimen
 petitur à magnitudine, ac paruitate : magnificencia quippe in sumptibus est magnis,
 ac publicis : liberalitas versatur in priuatis, & paruis, adeoque magnanimitatis extre-
 mum erit id quod in ipsa magnorum sumptuum amplitudine nimium aut parum
 existimatur ; liberalitatis id, quod intra cancellos priuati, paruique sumptus parum
 esse iudicatur, aut nimium. sed aliam quoque tacitè, testèque videtur inter hæc
 Aristoteles indicare differentiam ; quod liberalitatis extrema turpitudinem quam-
 dam habere videantur, quam non habent extrema magnificentiæ. Ait enim magni-
 ficentiæ exuperantiam duplici nomine significari : quorum alterum sit ἀπυροχαλία,
 quæ Latinè redditur à Lambino, elegantia insectia ; alterum βασιανσία, quæ in facien-
 do sumptu operaria quædam insolentia est : de quibus nominibus explicabitur in
 lib. 4. vbi de liberalitate disputabitur. Defectum autem appellat μικροπρίπτια, quæ
 dici debet indecora in sumptu faciendo parsimonia. Quæ quidem extrema, ut vi-
 tia sint, haud tamen eam turpitudinem habent, quam prodigencia atque avaricia
 præ se ferunt. Sed de his ait se hoc loco dicere summatim, enucleatius omnia tra-
 ctaturus in libro quarto, vbi nos etiam hæc vberius explicabimus.

Iam verò in honore atque infamia.] Alios profert duos in hoc censu virtutum ha-
 bitus, in honore versantes, qui comparari sic inter se possunt, quemadmodum si-
 miles inter se iudicantur magnificencia & liberalitas ; illa sumptus magnos, hæc
 exiguos faciens. Magnanimitas enim decora, & iusta est appetitio magnorum ho-
 norum, cuius exuperantia elatio dicitur, & arrogantia, defectus animi paruitas, aut
 pusillanimitas appellatur. Cui sanè virtuti similis alia quædam est modesta & mo-
 derata, paruos honores appetens, appellatione tamen carens ac nomine. Fit adeo,
 ut cum locus vacet medius, nec ea mediocritas nomen obtineat, eius extrema de
 occupanda vacua possessione diligenter, velintque per contentionem finitimum
 sibi nomen virtutis usurpare. Similitudo ducta est à vacantibus, atque in medio
 positis fundis. Ut enim vacuum agrum vicini undique occupare conantur, ita me-
 dium huius virtutis proprio vacans nomine extrema vicina student inuadere : stu-
 dent autem eo modo, quem post explicat Aristoteles. Fit enim interdum, ut is, qui
 exuperantiam habet, & peccat in nimio, proprièque φιλοτίμος dicitur, hoc est, am-
 bitiosus, laudetur ab omnibus, quasi iustum & sibi consentaneum appetat hono-
 rem, adeoque medium per vim occupet quod est laudabile : & is, qui honorem
 non appetit, quem debet appetere, per defectum lineam non attingens, qui que
 ἀφιλότιμος appellatur, laudetur item tamquam nimij honoris contemptor, mini-
 mèque

méque ambitiosus. quamquam ne hunc quidem proprium habere nomen affirmat, cum ait, vnum tantum extremum exuperantiæ habere nomen ambitionis : alterum carere nomine sicut medium.

Est autem etiam in ira.] Cum nos haud solum expetamus quod nobis commodum, ac bonum est, verum etiam odio habeamus, fugiamusque contraria, aliquam esse Virtutem oportet, quæ moderetur ac temperet iram ex eorum objectu malorum existentem, quæ vitæ, honori, diuitiis, ceterisque rebus nostris incommodent. Huic igitur etiam extrema designat & medium, sed extrema nullum prope nacta esse nomen ait, medium solere mansuetudinem, aut clementiam & lenitatem dici. sed tamen qui per exuperantiam peccet, iracundum, eiusque vitium, iracundiam : qui verò per defectum, lentum, eiusque vitium lentitudinem appellari debere.

Sunt verò alia tres mediocritates.] Tres hoc loco profert & commemorat habitus, quos in actibus item spectamus externis, in iisque mediocritatem suam laudabilem, & extrema vituperatione digna esse demonstrat. Nominat igitur hos habitus, sicut superiores, etiam mediocritates. quas ideo coniunctim exponit, quia similitudine quadam inter se conueniunt, sed differunt tamen. conueniunt autem eo, quod verborum, operumque communionem inter se, ac societatem habeant; differunt verò, quod vna talem se verbo actumque erga alios præbet, qualis prorsus est ipsa per se; & Veritas dicitur, in iis versans, quæ sedulo dicuntur, & aguntur serio. ideoque mediocritas appellatur in verbis seriis, atque in opere item serio posita. alia verò duæ iucunditatem propositam habent: altera enim iucundam se in ludis exhibet ac iocis, appellaturque Eutrapelia, hoc est, urbanitas atque festiuitas: altera, quæ iucunditatem suam demonstrat, ac profert aduersus alios in omni humanæ vitæ communicatione; sed proprii nominis exors est, quamquam appellari amicitia solet. Non est tamen amicitia illa vera & propria, sed quali apta & iucunda quædam affabilitas, quæ cernitur etiam in verbis. Veritatis extrema duo esse ait, quæ vno tantum appellari possunt nomine: fictio, quæ si peccet in eo, quod nimium, & exuperantia est, rem augens, & sibi plus tribuens, quam par sit, arrogantia est: sin autem in eo quod est parum, vt cum aliquis rem extenuat, fingitque de se minora, quam sibi insunt, dissimulatio dicitur: & qui ea vitur, dissimulator. Urbanitatis autem, comitatis, ac festiuitatis extrema, scurrilitas & rusticitas appellantur; illa in nimio, hæc in defectu consistens. Amicitia denique siue affabilitatis extrema sunt, nimium placendi studium, & asperitas. Qui enim in eo genere nimius est, si nullius rei gratia id agit, dici potest blandus, aut placendi studiosus; si hoc agit sui commodi, atque emolumenti causa, assentator dicitur & adulator. Qui autem defectu notatur, morosus, difficilis, & asper est appellandus.

Quoniam hic Aristoteles multa dixit suo ac proprio carere vocabulo, postulat locus, vt Latinorum quoque testimoniis illustretur, quorum in eandem sententiam dicta comperimus. Cicero quippe haud sæpe in philosophicis queritur libris, quod vocabulorum laboret inopia: quæ item Lucretius in primo libro querimonia est. Præclare adeo Vlpian. in l. 4. & 5. de præscriptis verbis, Plura sunt, inquit, negotia, & res, quam nomina & vocabula. Hæc nimirum inopia fecit, vt vnum vocabulum plures habeat notiones, propriam vnā, suam, ac veram; reliquas translata, & aliò per abusionem traductas, quod est apud M. Tull. in Oratore perfecto ad Brutum. Quin ipsa quoque necessitas adigit nos ad noua cudenda vocabula, vt in arte Poëtica scribit Horatius.

PARS QUARTA CAPITIS SEPTIMI.

Εἰσὶ δὲ καὶ ἐν ταῖς πάσῃσι, καὶ ἐν ταῖς παρὰ τὰ πάθη μυσ-
τησι. ἡ γὰρ αἰδώς, ὅστις μὲν
οὐκ ἔστι, ἐπαίσιται δὲ καὶ ὁ αἰδή-
μων. καὶ γὰρ ἐν πύτῃσι, ὁ μὲν
λέγεται μέσος, ὁ δὲ ὑπερβαλὼν, ὡς

Sunt verò etiam in affectionibus, & in
iis, quæ circa affectiones versantur,
mediocritates. Verecundia enim virtus qui-
dem non est. laudatur tamen etiam vere-
cundus. Etenim in his alter quidem dicitur
medius, alter autem exuperans; quemadmodum

καταπληξ, ὁ πάντα αἰδοῦμενος. ὁ δὲ ἐλλείπει, ἢ ὁ μηδ' ὅλως, αἰαγ-
χωτος, ὁ δὲ μέσος αἰδούμενος. νέμεσις
δὲ μεσότης φροῦνου, καὶ ἐπιχαρέα-
κίας. Εἰσὶ δὲ αἱ λυπῶν, καὶ ἡδονῶν
καὶ ἐπὶ ταῖς συμβαίμοις τοῖς πύλαις γι-
νομίαις. ὁ μὲν γὰρ νέμεσις λυπῶν
ἐπὶ τοῖς ἀναξίως δὲ παρὰ τοῖς, ὁ δὲ
φροῦνος ὑπερβαλλὼν τῷ πᾶσι
λυπῶν. ὁ δὲ ἐπιχαρέακος ποσὺν
ἐλλείπει τῇ λυπῶν, ὡς τε καὶ χα-
ρίν. Ἀλλὰ αἱ μὲν οὖν πύλαι, καὶ ἡ-
δονῆς καὶ φροῦνος. αἱ δὲ δικαιοσύνης,
ἐπὶ οὐχ' ἀπλάως λέγεται, μὲν γὰρ
διεγόμενοι αἱ ἐκτέρας ἐργασίαι, πῶς
μεσότητες εἰσὶν. ὁμοίως δὲ καὶ αἱ τῶν
λογισμῶν διεγόμεναι.

est attonitus, qui in omnibus verecundatur.
deficiens autem, aut qui nihil omnino vere-
cundatur, impudens est: medius verò vere-
cundus. Indignatio verò mediocritas inui-
diæ, & maleuolentiæ est. Versantur autem
in aegritudine ac voluptate, ex iis rebus quæ
accidunt propinquis susceptis. Qui enim ad
indignationem procliuus est, dolet super iis,
qui indignè bene se habent. Inuidus verò
exuperans hunc, in omnibus dolet: at ma-
leolus ita deficit in dolendo, ut etiam late-
tur. Sed de his quidem etiam alibi tempus
erit dicendi. De iustitia verò, quia non sim-
plicitèr dicitur, ubi post hæc eam diuiseri-
mus, de utraque dicemus, quo modo me-
diocritates sint: similiterque de rationalibus
etiam virtutibus.

EXPLANATIO.



Æc nimirum postrema illa pars est, ubi demonstrat aliquas etiam
esse non quidem virtutes, sed animi perturbationes, affectusque, in
quibus extrema vituperanda sint, laudabile medium. Demonstrat
autem hoc modo. Verecundia non est virtus, id quod in quarto li-
bro docebitur pluribus; sed est affectio quædam animi probabilis,
ac laude dignissima. nemo enim est, qui verecundum virum non putet laudabilem.
est autem laudabilis ideo, quod medium teneat: qui enim exuperat, & plus nimio
verecundatur, omnibus propemodum ex rebus pudorem & verecundiam contra-
hens, appellatur καταπληξ, hoc est pavidus, ut vertit Argyropolus, ut Lambinus,
obstupescens, atque animo perculsus: sed quid sit καταπληξ ipsemet declarat
Aristoteles, id adiungens, ὁ πάντα αἰδοῦμενος: qui omnibus omnino verecundatur
ex rebus, hoc est, etiam ex iis, in quibus nulla subest pudoris, & verecundiæ causa
probabilis. Qui autem nulla prorsus ex re, causâque pudore afficitur & verecun-
dia, ex defectu vituperationem habet, diciturque impudens atque inuerecundus.
Restat igitur his duobus intermedius qui laudetur, isque propterea laudatur, quod
in ea perturbatione animi mediocritatem occupauit. Iure quæri potest, cur dicat
hoc loco aliquas esse perturbationes animi laudabiles, cum supra iam posuerit in
cap. 5. ex perturbationibus, atque affectionibus animi laudari, aut vituperari nemi-
nem. Sed respondeo, Aristotelem supra locutum esse de vera propriâque laudatio-
ne, ac vituperatione, quæ debetur habitibus tantum, hoc est, Virtutibus ac vitis
extremis; hoc autem loco de impropria, & ea, quæ vulgò ab omnibus etiam aliis
quibusdam rebus impertitur, quæ cum virtute coniunctionem habent, ac pertinent
ad virtutem. huiusmodi sunt perturbationes quædam atque affectiones animi mo-
dum habentes, ac medium, sed nondum tamen ad habitum redactæ. Cum enim
dicitur Virtus esse mediocritas & medium, non intelligitur esse mediocritas & me-
dium affectionis inter duo extrema, quæ sint item affectiones, sed dicitur esse pro-
bus & bonus habitus duobus interiectus habitibus prauis. Rectè enim admonent
Burid. & Gual. Burl. Virtutem non esse medium inter perturbationes animi nisi
materialiter: formaliter enim ipsa Virtus habitus est, & medium inter habitus. Ha-
bitus autem ipsi propriè laudem aut vituperationem commerentur, ut supra dictum
est in cap. 5. Ceterum, quia sæpè fit, ut nullo habitu, neque Virtutis, neque vitij
firmatus animus opus exerceat aliquod ex affectione, ac perturbatione sic tempera-
ta, ut modum ipsum & iustam mediocritatem obtineat, suam inde commendatio-
nem laudemque consequitur impropriam quidem, sed perinde ac si opus illud ex
virtutis habitu protulisset. Id igitur in summa sibi vult, & significat huc Aristoteles,

ita verò dici, Virtutem omnem in mediocritate consistere, ut ipsæ quoque perturbationes animi moderatæ quidem, sed nondum ad habitum protractæ, laudentur & commendentur eo nomine, quod habeant mediocritatem, hoc est id, quod in virtute summum & præcipuum est. Neque enim aliud, nisi confirmationem & habitum ex Virtute desiderant. Tota igitur huius ratiocinationis in eo posita est vis, quod Virtus ille sit habitus, cui debetur laus. laus autem illi debetur habitui, qui mediocritatem obtinet: nisi enim habeat mediocritatem, vituperatione, non laude dignus est habitus. adeoque verum est, idcirco laudari habitum, quia medium obtinet, ut ipsæ quoque affectiones animi, quæ materia tantum virtutis sunt, laudentur, & probentur ab omnibus, ubi modum habere cernuntur, & obtinent medium. Cur verò verecundia ipsa nominatur, aliarque non nullæ affectiones animi dicantur, non esse virtutes alibi dicitur, ubi locus & ratio postulabit. Neque enim de Virtutibus disputandum est singulis accuratè, acque consultò, ubi tantummodo numerantur, non explicantur ex industria, neque refecantur ad vitium.

Indignatio verò.] Alterius commotionis, perturbationisque proponit exemplum, ut planius intelligatur, earum quoque mediocritates esse laudabiles, perinde ac si Virtutes essent, cum reuera virtutes ipsæ non sint. Motum hunc animi *νῆσις* ipse vocat, nos indignationem dicere possumus: quamquam enim ipsum quoque nemelis nomen transit ad Latinos, Deæ tamen impiorum ultrici non ira aut alius commotionibus est attributum. Indignationem igitur, & Stomachum appellemus hanc animi perturbationem, quam docet Aristoteles esse mediocritatem inter invidiam, ac malevolentiam, seu lætitiā, quæ capitur ex alienis incommodis: ostenditque accuratè, ubi nam hi tres affectus & permotiones quasi sedem & domicilium habeant. versari enim eas & cerni ait in dolore ac voluptate: quæ permotiones inter se contrariæ atque pugnautes excitantur ob ea quæ notis, propinquisque contingunt personis. Ita enim cum Victorio interpretari placet, quod de indignatione, & eius extremis Græcè sic dicitur. *οἱ δὲ ἐν δόλει, & ἐν δόλει, τὰ ὅτι τοῖς συμβαίνουσι τοῖς πάλαι γινόμεναι.* Versantur autem in ægitudine ac voluptate, quas capimus ob ea, quæ notis ac familiaribus euenerunt: id quod placuit etiam Argypolo, & Turnebo, qui pro familiaribus ac notis dixerunt proximos: nec rem satis videtur expressisse Lambin. qui locum ita Latinum fecit. Versantur autem in voluptatibus. ac molestiis ob ea comoda susceptis, quæ alteri obrigerunt. Non enim Aristoteles hos affectus concitari ait ob ea, quæ acciderunt tantummodo alteri, sed contendit præterea, alterum illum, cui ea contigerint, oportere nobis notum, aut propinquum, aut familiarem esse: cum aduersus ignotos & nihil ad nos pertinentes homines commoueri, excitarique non possint. Habet igitur indignatio in dolore versans ac voluptate mediocritatem suam, & extrema, quæ inuidencia sunt, & malevolentia. Qui enim sic indignatur, angitur ideo, quod hominem aspiciat secundis utentem rebus, quibus est prorsus indignus: invidus dolore atque angore longè illum superans, cruciatur, & extabescit cum aliquem felicem & bonis affluentem videt quicumque demum ille sit, siue dignus iis bonis, siue successu rerum secundarum indignus. Malevolus verò à suscipiendo dolore ita remotus est, ut etiam ex alienis malis lætitia perfundatur & voluptate.

De Iustitia verò.] Enumeratis, suoque iam appellatis nomine Virtutibus, quoniam in ea lustratione ac censu Iustitiam omnium præstantissimam se præteruisse animaduertit, ostendit, haud sine consilio id se fecisse, rationemque sic reddit consilij sui. Cum Iustitia non vno modo dicatur, hoc est, simplex atque vna non sit, sed duas in partes diuisa, quarum altera in honoribus distribuendis, irrogandisque pœnis, altera in rebus contrahendis, commutandisque sit occupata, fit, ut ob eam dissimilitudinem simpliciter hic, vnoque modo explicari non possit, nec declarari qua ratione mediocritas sit. Pollicetur itaque, postea se diligenter de iis esse disputaturum, & utrumque genus copiosissimè declaraturum.

EPILOGVS.

i. Non est satis, vniuersim dicere, Virtutem esse mediocritatem, nisi id verum esse in singulis virtutibus peculiari disputatione demonstretur.

2. Nulla est Virtus, qua mediocritas quadam inter extrema duo vitia non sit, quemadmodum constabit, si velut in tabula descriptas intuebimur singulas.

3. Excessus.	Medium.	Defectus.
Audacia.	Fortitudo.	Timiditas.
Intemperantia.	Temperantia.	Sensus vacuitas.
Prodigentia.	Liberalitas.	Auaritia.
Decori sumptus inscitia.	Magnificentia.	Indecora parsimonia.
Elatio.	Magnanimitas.	Animi paruitas.
Ambitio.	Philotimia.	Philotimix vacuitas.
Indignatio.	Lenitas.	Lentitudo.
Simulatio.	Veritas.	Dissimulatio.
Scurrilitas.	Urbanitas.	Rusticitas.
Assentatio.	Affabilitas.	Asperitas.

4. In singulis hisce virtutibus est mediocritas; quia singulis debetur laus. laus autem singulis eo nomine debetur, quod posita in medio extremorum sint, quibus vituperatio debetur & probrum.

5. Vtique adeo verum est, virtutes propterea laudari, quod mediocritatem obtineant, ut per multa commotiones animi, quae virtutes non sunt, laudentur tamen ubi medium occupauerint. eiusmodi sunt verecundia & indignatio, siue nemesis.

6. In hac enumeratione Virtutum desiderabitur fortasse Iustitia. Sed quia bipartito diuiditur, haud commodè poni potuit hoc loco. alibi ergo suas diuidetur in partes, & explicabitur opportunius.



IN CAPVT SEPTIMVM,

QVÆSTIO VNICA.

An Virtutum superior enumeratio sit idonea.



Et tantummodo proponenda hic & tractanda quaestio est, aliaeque praetermittendae, quas de singulis institui virtutibus oporteret; quia de iis ibi erit amplissime dicendum, ubi Aristot. ex industria disputat ea, quae hoc loco satis habuit leuissime commemorare.

Enumeratae hic & commemoratae virtutes nullas ex iis comprehendunt, quae virtutes intelligentiae nominantur. sed eas tantummodo, quae morales dicuntur, & quidem numero prorsus vndecim, si postremo ipsa etiam ceteris addatur Iustitia, quae fuit ex obliquo, & veluti per praeteritionem indicata. Neque enim omitti debuit illa, quae tametsi commotiones intimas animi non temperat, regit tamen actiones hominis externas, easque continet in officio, ne quicquam per iniuriam aggrediantur, & res publicas, priuatasque concurbent. Bonum quippe virtutis à recta ratione pendet, ac proficiscitur totum; cum id solum in virtutibus bonum sit, quod à recta ratione nanciscitur ordinem: ideoque virtutem esse oportet in qualibet omnino re, quae aliquem à ratione obtinere, ac consequi ordinem possit. Sed ratio non solum instituit, modoque congruenti atque ordine per motiones, affectusque intimos animi gubernat, verum etiam externas dirigit hominis actiones, cuiusmodi sunt emptio, venditio, distributio, aliae permutationes, commutationes.

que, quibus ad aequalitatem reductis tenetur, & constat vita Ciuilis. aliquam igitur oportet esse virtutem, quae sic in huiusmodi versetur actionibus, quemadmodum aliae morales in componendis animi perturbationibus intimis occupantur. Haec autem ipsa Iustitia est, quae ceteris adiuncta, facit, ut morales virtutes ab Aristotele propositae vndecim sint.

Videtur adeo nonnullis hae enumeratio minus absoluta esse, multisque vacare virtutum generibus, ac formis, quae negligi ac praeteriri non debeant. Dicunt enim primo in hac diuisione desiderari virginitatem, clementiam, benignitatem, aliasque longe plurimas, quae unicuique de virtutum numero cogitanti facile in mentem venient. Contendunt secundo: huius diuisionis membra ipsius partitionis legibus dissensanea esse, cum verè distincta inter se non sint, sed eorum aliud alio comprehendatur, ad eum sanè modum, quo pars continetur in toto. Hoc enim loco ab Aristotele Magnificencia ponitur velut genus quoddam à ceteris, in primisque à Fortitudine separatum. Sed apud M. Tull. Ciceronem in lib. 2. de Inuen. Fortitudinis partes hae numerantur, magnificencia, fidentia, patientia, perseuerantia. ergo magnificencia fortitudini subiuncta est, nec membrum vllum diuisionis constituit à ceteris abiunctum, ac separatum.

Dicendum tamen est, enumerationem hanc,

diuisionemque Virtutum idoneam & congruentem esse, nec ullam excogitari posse, quæ ad eorum aliquam veluti pars aut species ac forma, vel tanquam aliquid ad eundem pertinet certa quadam ratione non referatur. Id autem declaratur & demonstratur hoc modo.

Omnis Virtus moralis idoneo componit & disponit ordine vel concupiscentem vel irascentem humani animi facultatem, quæ dicitur appetitus. Appetitus autem irascens & concupiscens ideo compositionem, atque ordinem postulat, quod variis animi commotionibus variè conturbetur. totidem igitur erunt virtutes, quot moderationibus à recta ratione uterque componetur appetitus. Videndum igitur est, quàm multis animi perturbationibus agitur; vt ex iis compositis, ordinatisque virtutum componentium ordinatumque numerum inuenire possimus.

Primo itaque, aut commotiones excitantur in nobis ex malo bonoque simpliciter atque absolute; quæ pertinent omnes ad animi concupiscentis appetitum; aut ex bono maloque arduo; quæ pertinent ad irascentem. Ex commotionibus igitur, quæ in irascente consurgunt, aliquæ nascuntur ex malo arduo, quædam ex bono, si ex malo existunt arduo; malum ipsum aut præsens est, aut futurum. Si futurum, timorem concitat, & audaciam, quibus est intermedia fortitudo. Sin autem malum adest, atque illatum iam est, vel ad vindictam ab ira compellimur, vel per iræ vacuitatem à vindicta deficimus, quibus affectibus extremis interiaceret mansuetudo. Quod si perturbatio cietur ex bono arduo, cietur vel ex honesto, vel ex utili bono. à iucundo enim & delectationem præ se ferente bono nulla in irascente commotio citari potest. si mouetur ex bono utili, sed arduo, cuiusmodi pecunia est; prodit in medium Magnificencia, quæ magnis versatur in sumptibus: sin ex honesto bono item arduo; existit Magnanimitas, quæ in magnis honoribus cernitur. Hæ igitur affectiones sunt, quæ in irascente solent appetitu consurgere, quæque à recta ratione regimen volunt, & totidem à quibus frangantur, & temperentur, virtutes exposcunt.

Numerus autem earum, quæ in concupiscente proueniunt ab illo bono, quod simpliciter, absoluteque bonum est, concitate, iniri, disponique sic potest. Bonum hominis interdum est ipsi bonum, interdum etiam aliis

bonum est. atque adeo in facultate concupiscente gemina eius boni mouetur appetitio; altera quæ bonum sibi velit ipsi altera quæ bonum idem aliis etiam velit, & referat ad commodum alienum. Bonum hominis, ipsi bonum, est triplex. Quoddam enim iucundum est, & delectationem habet, in quo secundum rationem appetendo versatur Temperantia, quoddam utile, in quo Magnificencia, & liberalitas est; quoddam honestum, in quo posita est Virtus, paruos honores moderate appetens, quæ nomine quidem vacat, sed dici tamen potest philotimia. Si autem excitetur voluntas, & cupiditas eiusdem boni eatenus, quatenus cum aliis quoque verborum & sermonis beneficio communicatur, tribus id modis accidere potest. Nam primo quidem sermone utimur, ac verbis ad patefaciendum id quod ipsa res est; quæ facit, vt absque simulatione ac dissimulatione loquamur: vel ad honestam, congruentemque vitæ consuetudinem, quod amicitia vel affabilitate præstamus; cuius est absque assentatione, & contentione agere ac loqui, vel ad ludum exhibendum, & iocum, quod festiuitate, atque vrbanitate consequimur; quæ id homini tribuit, vt neque illiberali, & scurrili oratione ridiculus, neque rusticitate atque inurbanitate incommodus sit. Atque ita Morales Virtutes in appetitu sentiente decem numero sunt: quatuor quidem in irascente: Fortitudo, & Mansuetudo ad mali opinionem depellendam; Magnificencia & Magnanimitas ad bonum ipsum regendum & moderandum: in concupiscente vero sex: Temperantia, Liberalitas, Philotimia, Veritas, Affabilitas, Vrbalitas, siue Eutrapelia. His autem si iustitia etiam adiungatur, quæ sita est in voluntate, & in actionibus versatur humanis, Morales omnes virtutes vndecim sunt, earumque numerus est idoneus, hoc est, omnes complectens habitus, quibus humani animi commotiones intimæ, & externæ hominis actiones diriguntur.

Argumenta, rationesque contra propositæ soluendæ sic sunt. Castitas, Virginitas, Pudicitia, Modestia, cetera ex isto genere ad Temperantiam pertinent, atque ad eam veluti formæ, partésque subiunctæ reuocantur. Marcus autem Tullius cum Magnificenciam fortitudini subiicit, videtur eam ponere pro Magnanimitate ac virtute militari, non pro eo habitu, quem Aristoteles in magnis sumptibus amplissimè versantem facit.



CAPVT OCTAVVM.

DE MUTVA VIRTVTVM AC VITIORVM
oppositione.

S V M M A.

Extremum vtrumque opponi medio, ac Virtuti: multò tamen magis extrema ipsa sibi inuicem aduersari.

DIVISIO CAPITIS IN PARTES QVATVOR.

1. Tres in qualibet Virtute notantur habitus, inter se pugnantes.
2. Virtus ipsa vtrique aduersatur extremo.
3. Maior tamen inter extrema pugna est, quàm inter Virtutem, & eadem extrema.
4. Sed alterum extremorum plus pugnat cum virtute, quàm alterum.

PARS PRIMA CAPITIS OCTAVI.

Τριῶν δὲ ἀφ' ἑσέων οὐσῶν, δύο μὲν κακῶν, τῆς μὲν κατὰ ὑπερβολῆς, τῆς δὲ κατ' ἐλλείψιν, μίας δὲ ὀρεγμένης τῆς μεσότητος, πᾶσαι πάσαι ἀντιχεινταί πως. αἱ μὲν γὰρ ἄκραι, καὶ τῇ μέσῃ, καὶ ἀντιθέταις ἐναντία εἰσὶν, ἡ δὲ μέση ταῖς ἄκραις.

Cum autem tres habitus sint; duo quidem vitiositatum, alter propter exuperantiam, alter propter defectum, una autem virtus in mediocritate sit, omnes omnibus aduersantur quodammodo. Extremi enim, & medio, & inter se contrarij sunt: medium autem extremis.

EXPLANATIO.



VI V S Capitis nexus cum superiore sic est: Statutum iam erat, & tamquam in tabula demonstratum, singulas virtutes in duorum extremorum medio positas esse, adeoque in singulis designari posse, notarique tres habitus, vnum quidem Virtutis laudabilem, illaudatos duos & vitiosos. Cum igitur hi tam varij, atque inter se differentes habitus simul conciliari non posse videantur, querendum hoc loco fuit, qua ratione pugnent, & vtrum vnus duobus, an vni duo, an singuli singulis, an vnus vni magis, quàm aliis aduersetur.

Sed quorsum tamen, dicet aliquis, hæc exquiruntur, & quemadmodum vsum fructumque huiusmodi cognitio pariet ei, qui virtutis, vitijque naturam perscrutatur ac vim? Triplicem opinor disputationis suæ rationem reddere possit Aristoteles. Primam quidem; quod si cognoscamus quàm longè distent à virtutibus vitia, vel quàm propè virtutem sint, aut quantum inter vtrumque vitium sit intervallum, viam faciliùs inueniemus, qua reditus nobis à vitio pateat ad virtutem, & qua delabi soliti sumus in vitia. Alteram: quia sæpè queri solet, an vnum extremorum virtuti similis & minùs dissentaneum, quàm aliud sit. Tertiam denique, quòd huius cognitionis beneficio vitia secernere possumus à virtutibus: quæ summa prorsus utilitas est. Sunt enim vitia longè plurima larvata & personata, quæ virtutis effigiem imitentur; vt in partitionibus ita Cicero disserit. Atque hæc quidem virtutum, vitiorum autem sunt genera contraria: cernenda verò sunt diligenter, ne fallant ea nos vitia, quæ virtutem videntur imitari. Nam & prudentiam malitia, & temperantiam immanitas in voluptatibus aspernandis, & magnitudinem animi superbia in ananis extollendis, & despicientia in contemnendis honoribus, & li-

beralitem effusio, & fortitudinem audacia imitatur, & patientiam duritia immanis, & iustitiam acerbitas, & religionem superstitio, & lenitatem mollitia animi, & verecundiam timiditas, etiam illam disputandi prudentiam concertatio, captatioque verborum, & hanc oratoriam vim inanis quædam profluentia loquendi. Studiis autem bonis similia videntur ea, quæ sunt in eodem genere nimia. Ita M. Tullius eo loco: sed Horat. lib. 1. Serm. Sat. 3. contrà docet virtuti nos sæpè nomen vitij dare.

*At nos virtutes ipsas inuertimus, atque
Sincerum cupimus vas incrassare. probus quis
Nobiscum vivit: multum demissus homo: illi
Tardo, cognomen pingui damus. hic fugit omnes
Insidias, nullique malo latens obdit apertum,
Cum genus hoc inter vita versetur, ubi acris
Invidia atque urgent ubi crimina; pro bene sano
Ac non incanto fletum assuetumque vocamus.
Simplicior si quis; qualem me sæpe libenter
Obtulerim tibi, Mecenas; ut fortè legentem
Aut tacitum impellat quonvis sermone molestus,
Communi sensu planè caret.*

Cùm ergo tam sæpè Virtus vitij, vitium virtutis personam ex hominum ignorantia sustineat, summa sanè capietur utilitas ex horum cognitione contrariorum habituum, intelligeturque, non modò quid verè vitium, aut virtus sit, verùm etiam è duobus vitiis quodnam maius sit, atque deterius, & an Virtus cum eorum aliquo maiorem aliquam habeat quàm cum altero repugnantiam.


Cùm autem tres habitus sint.] Igitur in hac prima Capituli parte satis habet Aristoteles id ponere: quemlibet eorum habituum è tribus opponi, & contrarium esse cuilibet, ita prorsus, ut singula cum singulis digladiationem habeant & certamen suum. quippe alterum extremum cum altero pugnat, intermedia virtus abhorret ab utroque, utrumque autem à virtute. In quo tamen vnum est observandum: Aristotelem non dixisse, singula hæc esse simpliciter inter se contraria quodammodo, Græcè πῶς, quod significat κατὰ τὰ πρόποιν, id est, aliqua ratione, non ἀπλῶς, hoc est, simpliciter. Id autem optimo iure sic monet. neque enim omnia simpliciter, absolutè, atque eodem planè modo contraria inter se sunt, ut planissima res erit consideranti. Medium quippe cum extremis haud simpliciter, ac propriè, neque acriter pugnat: extrema inter se absolutè contraria sunt, & pugnant acerrimè. Ac ratio quidem est, ut docet Eustratius; quia extrema longissimè distant inter se: euntibus enim ab vno ad aliud extremum, medium priùs occurrit in via, quàm fas sit eo peruenire, metàmque contingere. virtus autem intermedia multo minùs distat ab utroque; adeo non ita utriusque contraria est: cùm utraque propinqua & finitima sit. Huc accedit, quòd cum non nullis extremis Virtus ac medium incredibilem habet affinitatem, ut cernere licet in fortitudine, quæ simpliciter est ignavia contraria, sed audaciæ πῶς, quodammodo, & aliqua tantùm ratione aduersatur: id quod etiam de liberalitate censendum est; quæ cum avaritia pugnam habet, ἀπλῶς, hoc est, absolutè atque simpliciter, quodammodo autem cum prodigèntia cui similis est. Quin illud quoque addendum hoc loco est, non medium ipsum tantùm esse πῶς, & quodammodo contrarium ob ea, quæ dicta sunt, verùm etiam extrema. Cùm enim ea, quæ propriè, verèque contraria sunt, non habeant nisi contrarium vnum, ut Eustratius monet, & Albertus, extrema non possunt simpliciter extrema dici, cùm non modò contraria inter se sint, quæ vera est oppositio, sed ipsi virtuti etiam aduersentur. Itaque rectè ab Aristotele dicuntur hi habitus omnes inter se quidem pugnare, sed quodammodo & diuersa, nec æqua prorsus ratione. Nullus enim simpliciter ac propriè contrarius est, quia non est vni tantummodo contrarius, & Virtus ipsa etiam in hac impropria oppositione non æquè contraria est, quia minùs opponitur extremis, quàm extrema ipsa inuicem & inter se.

PARS SECVNDA CAPITIS OCTAVI.

Ὅσον γὰρ τὸ ἴσον, πρὸς μὲν τὸ ἐλάττω, μείζων, πρὸς δὲ τὸ μείζων, ἐλάττω· οὕτως αἱ μέσαι ἕξεις πρὸς μὲν τὰς ἐλλείψεις, ὑπερβολαί· πρὸς δὲ τὰς ὑπερβολάς, ἐλλείψεις, ἔτε τῶν πάθεσι, καὶ ταῖς περὶ αὐτὰς. ὁ γὰρ ἀνδρὺς πρὸς μὲν τὸν δειλόν, θρασύς φαίνεται, πρὸς δὲ τὸν θρασύ, δειλός. ὁμοίως δὲ καὶ ὁ σώφρων, πρὸς μὲν τὸν ἀναιδέα, ἀκόλαστος, πρὸς δὲ τὸν ἀκόλαστον, αἰδέατος. ὁ δὲ ἡδέης, πρὸς μὲν τὸν ἀναιδέα, ἀσώπτος, πρὸς δὲ τὸν ἀσώπτον, αἰδέατος. διὸ καὶ ἀπωθῶνται τὸ μέσον οἱ ἄχροι, ἐκείνους πρὸς ἐκείνους, καὶ καλοῦσι τὸν αἰδέον, ὁ μὲν δειλός, θρασύς, ὁ δὲ θρασύς, δειλός. καὶ ὅτι τῶν ἄλλων, αἰδέονται.

Quemadmodum enim æquale, ad minus quidem relatum, maius; ad maius verò, minus est: sic medij habitus ad defectus quidem relati, exuperant; ad exuperantias, deficiunt, tum in affectionibus, tum in actionibus. Fortis enim ad timidum relatus, audax videtur; ad audacem verò, timidus. Similiter verò etiam temperans ad sensus expertem relatus, intemperans, ad intemperantem verò, sensu carens. liberalis autem ad illiberalem quidem, prodigus, ad prodigum verò, illiberalis. Quapropter & detrudunt medium extremi, alter ad alterum, & vocant fortem; timidus quidem audacem, audax verò timidus, & in ceteris analogicè.

EXPLANATIO.



V M ergo tres illi habitus ita, ut dictum est, contrarij, pugnantésque sint inter se, videnda nunc omnia sunt particulatim, & qua ratione singuli pugnent cum singulis, est explicandum. Initium capit hic Aristoteles à medio, hoc est à virtute, docetque hunc intermedium habitum cum utroque habere pugnam extremo.

Quemadmodum enim æquale.] Virtutem igitur utrique contrariam extremo esse demonstrat hoc pene modo: Exuperantia & defectio, nimium & parum, contraria inter se sunt. Sed virtus, quæ inter duo vitia media est, cum extremorum altero, hoc est, cum defectu collata, videtur exuperantiam, & nimium habere; comparata cum altero, hoc est, cum excessu, & cum eo, quod nimium est, videtur deficiens, & minus habere, quàm par sit. id quod clarissimè illustrari potest exemplis, ab actionibus humanis, & commotionibus animi repetitis. Nam vir fortis, si cum timido comparatur, videbitur audax, si cum audace, meticulosus. liberalis, si conferatur cum prodigo, censebitur avarus, si cum auaro, iudicabitur prodigus. Denique in his simile quiddam est, ut si aliquid æquale constituas inter duo, quorum vnum sit minus, alterum verò maius. Variatur enim quodammodo id quod est æquale, mutatúrque subinde, vbi cum inferiore ac superiore comparatur. Cum minore quippe collatum; illico videtur & dicitur maius, cum maiore, statim est minus. Idem, inquam, in habitibus mediis fit: qui si conferantur cum iis, qui minus faciunt, quàm deberent, è sede sua videntur egredi, atque ad superiorem transire: si cum iis, qui plus agunt quàm deceat, & rationi consentaneum sit, videntur quodammodo minui, ac minus aliquid habere, quàm oporteat. Cum igitur Virtus mediis habitibus comparata ita videatur obtinere locum & rationem extremi, consequens est, Virtutem extremo utrique contrariam esse.

Quapropter & detrudunt medium extremi, &c.] Quoniam hæc ita se habent, & tanta est inter medium & extrema repugnantia, ut medium & Virtus cum eorum quocumque collata, alterum videatur extremum, fit, ut extremi habitus, rati quodammodo, Virtutem verè, proprièque sibi aduersariam & contrariam esse, medium ipsum detrudant è sede sua media, compellántque in locum extremum ire, & cogant non ampliùs medium esse, sed extremum. Id verò qua ratione fiat, sic explicat. Audax forti comparatus est in loco extremo: sed audax existimans fortem esse alterum extremum, hoc est, sibi verè propriè aduersarium, cum appellat meticulosum & timidum, adeoque cogit fortem è media sede discedere, atque ad

extremam transire. Contra verò timidus quasi putet eundem fortem sibi aduersari, tamquam proprium, ac verum extremum è medio illum exturbans, temerarium nominat & audacem.

PARS TERTIA CAPITIS OCTAVI.

Οὕτω δ' αἰπικειμένων ἀλλήλοις τούτων, πλείων ἐναντιότης ὅτι τοῖς ἀκροῖς πρὸς ἀλλήλα, ἢ πρὸς τὸ μέσον. πορρωτέρω γὰρ τούτα ἀφίστηκεν ἀλλήλων, ἢ τὸ μέσον. ὡσπερ δὲ μέγα τὸ μικρὸν, καὶ τὸ μικρὸν τὸ μέγα, ἢ ἀμφοῖν τὸ ἴσον. ἐπὶ πρὸς μὲν τὸ μέσον ἐπίοις ἀκροῖς ὁμοιότης τις φαίνεται, ὡς τῇ δραστήῃ πρὸς πλεὺς αἰδρίαν, καὶ τῇ αἰσθητῇ πρὸς πλεὺς ἐλθουσιότητα. τοῖς δὲ ἀκροῖς πρὸς ἀλλήλα, πλείων ἀντιοότης. ὅτι γὰρ πλείον ἀπέχοντα ἀλλήλων, ἐξωτέρω ἐκείνωνται, ὥστε καὶ μάλλον ἐκείνη, καὶ πλείον ἀπέχοντα.

Cum autem aduersentur sibi inuicem hac, maior oppositio est in extremis inter se, quam cum medio. longius enim hac distant inter se, quam à medio, quemadmodum magnum à paruo, & paruum à magno, quam utrumque ab equali. Præterea cum medio quidem aliquibus extremis similitudo quadam esse videtur: ut audacia cum fortitudine, & prodigētia cum liberalitate. At in extremis inter se plurima dissimilitudo. Quæ verò plurimum distant inter se, contraria esse definiuntur. Quapropter & magis contraria quæ plus distantia sunt.

EXPLANATIO.

DICTVM supra iam est vniuersè, habitus illos tres inter se pugnare, dictumque nominatim, Virtutem intermediam extremis contrariam esse. Sequebatur, ut nunc, quoniam singula persequitur; demonstraret Aristoteles, etiam extrema pugnare cum virtute, & inter se. Sed hæc veluti notissima, & magna ex parte iam explicata prætermittit, id potius querens, maiusne inter extrema ipsa, quàm extremorum cum Virtute dissidium sit.

Maiores oppositio extremorum inter se.] Decernit igitur, idque procul dubio sic esse confirmat; extremis ipsis inter se longè grauiorem esse discordiam, quàm eisdem cum Virtute repugnantiam. Duplici ratione probatum hoc vult; quarum prima hæc est: Contraria, quæ magis distant, multo sunt magis inter se contraria, quàm ea, quæ distant minùs. sed extrema multo distant inter se magis, quàm distet medium ab extremis. Longius enim ab audacia distat ignauia, quàm à fortitudine distet audacia. id quod pulcherrima declarat similitudine, ab æquali desumpta, cum quo medium magnam habet cognationem, cum ita medium duobus extremis, sicut æquale inter maius & minus interiectum sit. Itaque maius longius abest à minore, & à maiore minus, quàm utrumque ab æquali. Igitur extrema multo sunt magis inter se contraria, quàm medium sit & extrema. Secunda ratio est: Illa, quibus nulla intercedit similitudo, magis contraria sunt, quàm ea, inter quæ similitudo aliqua cernitur. sed medijs cum extremis aliqua demum similitudo est: liberalitas quippe similis profusioni ex altera parte videtur, quia largitur & tribuit, ex altera non dissimilis auaritiæ, quia modum habet, & dimensionem suam in largiendo. Extrema verò inter se nullam prorsus similitudinem obtinent, omninoque dissimilia, & discrepantia sunt. Magis igitur inter se pugnant extrema, quàm extrema cum medio.

PARS QUARTA CAPITIS OCTAVI.

Πρὸς δὲ τὸ μέσον αἰπικεῖται, ἐφ' ᾧ μὲν μάλλον ἢ ἐλλείψις, ἐφ' ᾧ δὲ ἢ ὑπερβολή. οἷον αἰδρία μὲν, οὐχ ἢ δραστή, ὑπερβολή οὐσα, ἀλλ' ἢ

Medio autem aduersatur in quibusdam quidem magis defectus, in quibusdam autem excessus: veluti fortitudini quidē non audacia, cum sis exuperantia, sed

δελία ἑλλείψις οὖσα. τῇ δὲ σωφροσύνῃ, οὐχ ἡ αἰσθησις ἐνδεής οὖσα, ἀλλ' ἡ ἀκολασία ὑπερβολὴ οὖσα. ὧς δὲ δύο εἰς αἰτίας τῆς συμβαίης. μίαν μὲν πλεονάζειν τῆς πράξεως. τὴν γὰρ ἐγγύτερον εἶναι καὶ ὁμοιότερον δ' ἑτέρῃ ἀκροῖ τῶν μέσων, οὐ τῆς τοῦ, ἀλλὰ τοῦ αἰσθητικοῦ αἰσθητικῶν μάλλον, οἷον ἐπὶ ὁμοιότερον εἶναι δοκεῖ τῇ αἰδρίᾳ ἢ δραστήῃ καὶ ἐγγύτερον, αἰσθητικότερον δὲ ἢ δελία, τῶν μάλιν αἰσθητικῶν. τὰ γὰρ ἀπείχοντα πλησίον τῆς μέσης, ἐγγυτέρως δοκεῖ εἶναι. μίαν μὲν οὖν αἴτια αὐτῇ εἶναι αἰτίας τῆς πράξεως. ἑτέρα δὲ εἶναι ἡ αὐτῇ. πρὸς αὐτὴν μάλιν πεφύκεται πως, τῶν μάλιν εἰσαγὰ τῶν μέσων φαίνεται. οἷον, αὐτὴ μάλιν πεφύκεται πρὸς τὰς ἡδονάς. εἰς δὲ διὰ τὴν φρονίαν εἶμεν μάλιν πρὸς ἀκολασίαν, ἢ πρὸς κοσμιότητα. τῶν οὖν μάλιν εἰσαγὰ λήγῃ, πρὸς αὐτὴν ὅτι δόσεις μάλιν γὰρ. καὶ εἰς τῆς ἀκολασίας ὑπερβολὴν οὖσα, ἐγγυτέρως εἶναι τῇ σωφροσύνῃ.

timiditas, cum defectus sit: Temperantia verò non sensus vacuitas, cum indigentia sit, sed intemperantia, cum exuperantia sit. Propter duas autem causas hoc contingit: unam quidem ex ipsa re. nam quia propinquius est, et similis, alterum extremum medio, non ipsum, sed contrarium opponimus magis, ut, quia similior esse videtur fortitudini audacia, et propinquior, dissimilior autem timiditas, hanc magis opponimus. Quae enim distantia plus sunt à medio, magis contraria videntur esse. una igitur causa haec est ex ipsa re. Altera vero ex nobis ipsis. Ad quae enim nos magis natura facti sumus quodammodo, haec magis contraria medio videntur. Vt; nos magis natura nati sumus ad voluptates: idcirco procliuiores sumus ad intemperantiam, quam ad modestiam. Haec igitur magis contraria dicimus, ad quae magis accessio sit. ac propter hoc intemperantia, quae excessus est, magis contraria est temperantiae.

EXPLANATIO.



Non fatiserat id nosse; medium extremis esse contrarium, extrema medio, & extremis ipsis inter se maiorem esse, quam cum medio repugnantiam; non, inquam, id cognoscere fatiserat, nisi etiam intelligeretur, illud interdum fieri, ut extremorum vnum à virtute ac medio magis, quam ab altero distideat. Hoc igitur ad ultimum agit Aristoteles, contenditque, in aliquibus rebus exuperantiam, in aliquibus id quod est parum & defectus, esse Virtuti, ac medio magis aduersum. quod in lib. 2. ad Eudem. cap. 5. eleganti declarat similitudine, à corpore hoc pene modo petita: Scitum est, moderatam exercitationem, cibumque temperatum salubrem esse; contraque, vel nimium, vel nimis exiguum, insalubrem. Si quaeratur virtus sit insalubrius id, quod in exercitatione ac cibo nimium est, an quod est parum, respondebit medicus, in exercitatione id insalubrius esse, quod est parum, in cibo quod nimium est. Eadem quoque ratio Virtutum est: quarum nonnullis exuperantia, nonnullis defectus aduersatur, ac repugnat magis, quemadmodum videlicet ipsa postulat, quam tractant materiarum diuersitas, & dissimilitudo varia. Fortitudini enim, quae versatur in vitæ periculis, timiditas magis contraria est, quam audacia: Temperantiae verò magis intemperantia, quam sensus vacuitas. hoc autem nihil est aliud, quam alicui virtuti cuiusmodi est fortitudo, defectum, & id quod est parum magis esse contrarium, quam exuperantiam; alicui, cuiusmodi est Temperantia, magis exuperantiam, & nimium aduersari, quam defectum, & id quod est parum. Ac duabus quidem rationibus id demonstrat, quarum primam ab ipsa rei natura, alteram vero ex nobis metipsis desumit. Prior itaque ratio petitur à Virtutibus ac viris, quorum velut indoles, & natura id postulat, ut vnum extremorum habeat maiorem quam alterum cum virtute similitudinem, atque affinitatem; quemadmodum fortitudinis ac temperantiae declaratum exemplis est. Quae verò similitudinem quamdam inter se habent, & eiusdem quodammodo naturae sunt, non ita inter se pugnant, atque ea, quae dissimillima sunt. Posterior autem ratio ex nobis ipsis desum-

pta in eo posita est, quòd nos ad quædam sumus vitia, quàm ad alia proniores. Maiorem enim quamdam habemus ad intemperantiam quàm ad modestiam procliuatorem; quia natura concitatur ad voluptates. Sed vitia ad quæ ipsa natura procliuiores sumus, Virtuti ac medio multo magis, quàm alia videntur esse contraria. reliqua enim vitia, ad quæ non ita propendimus, vix in rerum natura putantur esse, nec apparent; cum videlicet lateant, & tamquam in abdito sint, vt docet Aristot. ipse lib. 2. cap. 5. ad Eud. & suprâ cap. 7. Cernere id licet in Temperantia, cui plus aduersatur id quod est nimium, quàm quod parum. Parum enim & defectus vix reperitur, ad quod minus, videlicet propensi sumus: sed nimium & exuperantia frequenter ac sæpe; quia nimirum ad eam inductione quodammodo naturæ compellimur. Ea verò vitia quæ tam vulgaria sunt, & in quæ tam facile, frequentèrque prolabimur, haud dubiè multo magis quàm alia sunt Virtuti mediòque contraria.

Prima igitur ratio Dialecticè proponi sic potest: Id quod est virtuti dissimilius, magis est virtuti contrarium, quàm aliud. sed vnum extremorum virtuti dissimilius quàm aliud est. Vnum igitur extremorum magis contrarium est virtuti, quàm aliud. Secunda verò ratio in hunc modum explicatur. Vitium in quod procliuiores & propensiores sumus, magis est contrarium virtuti, quàm aliud: sed in quolibet genere moralis habitus longe plus ad vnum, quàm ad aliud vitium propendimus: ergo in quolibet genere moralis habitus vnum est vitium magis, quàm aliud virtuti contrarium.

EPILOGVS.

1. Et medium extremis, & extrema inter se contraria sunt. E tribus enim habitibus, qui singulis in Virtutibus sunt notabiles, duo extremi maxime inter se pugnant, cum vitia sint: intermedius autem ab utroque abhorrens, aduersatur utrique.
2. Extremis tamen inter se pugna longè maior, & grauior est, quàm medij cum extremis. Virtus enim cum eorum altero similitudinem aliquam obtinet, atque affinitatem.
3. Extremum illud è nobis quod habet cum virtute similitudinem, interdum est exuperantia, vt cernere licet in fortitudine, & liberalitate, quibus audacia, & profusio similes sunt; interdum defectus, vt fieri videmus in Temperantia, quam imitatur id quod in ea parum est, & quam fugit maxime atque auersatur exuperantia.

IN CAPVT OCTAVVM,
QVÆSTIO PRIMA.

An maior inter duo extrema vitia, quàm inter virtutem & extrema sit repugnantia.



ARISTOTELIS hac de quaestione decretum paulo antè propositum est, suisque rationibus explicatum satis. nec quisquam id sibi persuaderi grauatè patietur, vitis maiorem inter se digladiationem esse quàm inter virtutes, & extrema, vbi viderit, extremum ab extremo, hoc est, vitium à vicio distare longius, quàm à medio & virtute, Virtutemque ipsam extremorum alicui similem esse: vitium vicio prorsus, omninòque dissimile. Id inquam, quoniam & Aristotelis prononciatum est, & validis firmatum argumentis, vnicuique probabitur. Sed non tamen ita facilis via reperietur ad respondendum iis, quæ contra in hunc modum proferri, atque obici possunt. Primum. Illa sunt minùs inter se contraria, inter quæ facilior est transmutatio. Ea enim, inter quæ facilior est transmutatio, minùs inter se distant, cum minor longinquitas possit faciliùs pertransiri, quàm maior. quæ verò minùs inter

se distant, minus profectò inter se contraria sunt. At facilior inter duo vitia est transitus, & transmutatio, quàm inter vitium, ac virtutem. ergo duo vitia extrema sunt minùs inter se contraria, quàm virtus, & vitium. Assumptio ita, vel probatur, vel explanatur ab Eustratio: Facilius est ab exuperantia & nimio ad id quod est parum, atque ad defectum venire, vel ab ipso etiam defectu ad exuperantiam ascendere, quàm vel ab exuperantia ad virtutem intermediam descendere, vel à defectu gradum facere ad virtutem in medio collocatam. Timidus enim faciliùs audacia, temeritatique, quàm veræ, germanæque fortitudinis opus efficiet, facilior adeo inter duo vitia transitus erit & transformatio, quàm inter vitium, & virtutem. Secundò. Dictum Aristotelis est in lib. decimo Metaphysices, ea quæ distant extra genus & absque certa, definitaque dimensione multo magis inter se distare, quàm ea, quæ distant intra genus & cum definita, certaque mensura. Quod vt planius fiat, illud repetendum est ex

Categoryis in cap. de Oppositione : omnia contraria, vel in eodem genere, vel in diuersis generibus esse, vel, esse genera aliorum. Album enim & nigrum in eodem genere sunt, hoc est, colori subiecta. Iustitia verò atque iniustitia in diuersis generibus sunt; cùm Iustitiæ genus Virtus sit, quæ bonum est: Iniustitiæ verò, nequitia, quæ malum est. bonum autem, & malum non sunt in eodem genere, sed in diuersis, aut etiam genera sunt aliorum. Ait igitur eo loco decimi libri Metaphysices Aristoteles, ex contrariis ea, quæ sic pugnant inter se, vt nullum habeant commune genus, sed sub diuersis generibus sunt absque vlla mensura, hoc est, absque vlla communicatione ac societate generis, ea, inquam, multo magis inter se distare, quàm illa contraria, quæ sub communi aliquo genere sunt. Sed virtus intermedia, & extrema ita sunt contraria, vt sub diuersis generibus sint absque vlla dimensione, hoc est, sine vlla communis generis societate, quæ metiri quodammodo longinquitatem possit; vitia verò extrema sunt ita contraria, vt eiusdem tamen generis communicationem & societatem vel dimensionem habeant. Ergo multo magis virtus & vitia, quàm extrema ipsa inter se contraria sunt.

Animaduertendum hîc est, & memoria recolendum quod alibi diximus, virtutē duplici ratione ac modo posse rebus aliis contrariam dici. primò quidem si eam intueamur, & consideremus eatenus, quatenus ipsa quidam habitus est duobus extremis interiectus: secundo eatenus, quatenus probitatem, & laudabilem boni qualitatem illam habet, oppositam malo: habitui enim intermedio accidit, superuenitque attributa bonitas, quæ facit, vt habitus ille Virtus verè dicatur & sit. Et quoniam habitus videtur, esse Virtutis substantia; inducta verò bonitas quædam eiusdē quasi forma, & postrema perfectio, ex habitu dici communis formula Virtus substantialiter poterit, ex bonitatem autē accedente virtus formaliter. Virtus igitur eatenus accepta, quatenus eam præ se fert, atque obtinet bonitatem, & dici virtus formaliter potest, non est aliquid medium, sed extremum; summè videlicet contrarium malo, suprema quadam, & quanta fieri maxima potest oppositione. Itaque Virtus hoc modo animo comprehensa, non est ea, quæ minùs cum extremis pugnet, quàm extrema ipsa inter se. Ipsa enim, tanquam bonum vtrique opponitur extremo tanquam malo. quæ oppositio quoniam est inter diuersa genera, quæ sine vlla distant dimensione, hoc est absque vlllo communi genere medio, vltima est, atque suprema, adeoque magis est contraria Virtus extremis, quàm extrema inter se, quæ sub eodem genere, & cum certa definitaque mensura inter se distant, & contraria sunt.

Virtus autem secundum substantiam, & eatenus intellecta, quatenus habitus est quidam duobus interpositus extremis, non est illis summè contraria, cùm minùs ab illis distet, quàm ipsa media inter se. cùm enim habitus

ille medium occupet extremorum, vtrique necesse est propinquior, & propior sit, quàm extremorum alterum alteri extremo. Itaque contrarius ac breuius dici ponique pro comperto sic poterit; in Virtute duas considerari debere oppositiones, vnam quidem velut absolutam, & re ipsa existentem è virtute, quatenus ipsa bonum est; alteram quasi relatum & respectiuā excogitatam videlicet à nobis in eadem Virtute, quatenus est mediocritas & habitus medius duobus extremis interiacens. In priori oppositione, & comparatione cum malo Virtus vltimum aliquid est, & magis vtrique contrarium extremo, quàm extrema sint inter se. Illa quippe nullum cū malo genus habet, nexumque communem. extrema communione generis, quod est vitium, aut malum, aliqua se ratione conciliant. In posteriori autem oppositione Virtus est minùs contraria, quia cū ipsa sit medius habitus, media ratione tantum opponitur extremis intercedente nimirum genere, hoc est habitu, quod nomen extremis est cum Virtute mediòque commune.

Animaduertendum secundo loco est, non in omni mutatione faciliorem esse transitionem per medium, quàm ab extremo ad extremum, sed in ea tantum id verum esse, cuius extremi termini habent medium rei. cuiusmodi est album, & nigrum, inter quos colores aliquis medius est, per quem si transitus fiat, facilius erit transmutatio, vt disputat Aristot. in lib. 5. phy. tex. 6. Nam eiusmodi medium vtriusque termini particeps est, qualem esse colorem viridem cernimus, atrum albumque quodammodo participantem. Ceterum vbi mutatio inter eos est terminos, quibus est interpositum tantummodo medium rationis, facilius esse transmutatio potest inter extrema absque vlla transitione per medium, quàm si per medium transiretur. est enim hoc medium non ab vlla cum extremis communicatione, sed à negatione potius vtriusque sic dictum. in quo fit vt ad transmutationem, facilitatem illam præbere non possit, quàm albo nigroque præbere poterit viridis color. Talis inquam ea, mutatio non est, quæ ab extremo vitio sit ad extremum. neque enim reddi facilius ex transitu per medium potest quod non est rei, sed rationis, nec vllius est extremi particeps, sed vtriusque potius habet negationem. Itaque facilius est inter duo vitia transmutatio, quàm inter vitium & Virtutem. Facillimum enim est recedere à quocumque vitio, atque ad aliud transilire, quia nullum vitium cum virtute conjunctionem aliquam, aut commercium habet; difficillimum verò, à vitio fugam capessere, & medium rationis contingere: cùm dissimile sit, omnisque prorsus expertus vitij, nec alia ex causa medium appelletur, nisi quia vtriusque priuationem habet extremi.

His positis, atque animaduersis, argumenta & rationes obiectæ sic diluuntur. Primo enim cū dicitur ea minùs esse contraria, inter quæ facilius est transmutatio, negandum id vniuersim est, & concedendum cate-

us tantum, quatenus mutatio sit inter terminos, quibus est rei medium interpositum; vtriusque particeps extremi. Vbi enim transmutatio est inter ea, quæ medium tantum rationis obtinent, vtrumque quodammodo negans extremum, fieri potest, ut facilius transitus sit inter ea, quæ multo magis contraria sunt, cuiusmodi sunt vitia, quæ facili negotio in aliud atque aliud subinde transiliunt, nec medium rationis contingunt, cum quo nullam habent communionem & usum.

Cum autem deinde contenditur, Virtutem extremis opponi extra genus, rectè id quidem dicitur, si Virtus formaliter accipiat, & quatenus est bona, hoc est opposita vitio quatenus malum est. quia tunc infinitè atque, ut loquitur Aristoteles, absque dimensione distat ab extremis, quibus cum genus commune non habet, sed iis est summè contraria, quemadmodum ea sunt, quæ diuersis subiciuntur generibus, aut aliorum genera esse dicuntur. Sin autem Virtus secundum substantiam tantum intelligatur, & quatenus habitus est intermedius habitibus extremis, non est illis summè contraria, nec extra genus, sed sub genere habitus, quod illi commune cum extremis est. Itaque quatenus habitus quidam est medius, ex eo numero contrariorum est, quæ sub eodem genere contraria sunt.

Quod si dicas, etiam extrema genus habere commune, cum habitus sint, ac propterea æquè inter se ac virtutem & vitia repugnare, ex quo consequens sit malè positum, Virtuti extremisquæ minorem esse repugnantiam, quàm extremis inter se: si contra, inquam, sic disputetur, petenda responsio erit ex quodam loco D. Thomæ, vbi docet, extrema vitiosa non idcirco esse inter se contraria, quia mala sunt. malum enim opponitur bono, non malo: sed quia propriam quamdam habent rationem improbitatis, per quam eorum vnumquodque in sua constituitur specie. Ex hoc, inquam, loco D. Thomæ peti responsio sic potest. Extrema, quoniam inter se pugnant propter illam intimam rationem, per quam in specie constituitur, quantumvis vnum idemque participant genus, maiorem tamen inter se repugnantiam habent, quàm cum Virtute. illa enim intima & propria ratio facit, ut nullam alterum cum altero similitudinem habeat. quid enim avarus habeat prodigo simile, vel prodigus avaro? Virtus autem, ut supra ex Aristotele intelleximus, ita vtrique contraria est, ut vtrique tamen similis sit. quamquam enim liberalis est avaro, prodigoque contrarius, est tamen avaro similis, cum retinet, & custodit quæ largiatur in tempore, & ipsi quoque similis prodigo: quia si minus profundit, certè tamen largitur & dat.

QVÆSTIO SECYNDÆ.

An Virtus magis cum vno, quàm cum altero pugnet extremo.

HOc etiam ex Aristotelis sententia constitutum est supra: Virtutem non modò

minus contrariam extremis esse, quàm extrema sint inter se, verùm etiam cum eorum altero minorem, cum altero maiorem inimicitiam exercere. Quærendum tamen est, vtrum id verum sit: quia rem diligentius consideranti videbitur fortasse perperam esse Virtuti cum vtroque repugnantia.

Nam primò quidem id quod æquali duabus cum rebus ratione confertur, haud minus, magisue cum vna, quàm cum altera putatur. Virtus verò, cum medium sit, æquali sanè ratione conferri cum duobus debet extremis, quorum causa medium dicitur. Neque enim appellari medium potest, quod plus ab vno, quàm ab alio distet, & inæquali dimensione cum vtroque conferatur. inæqualitas enim illa mensuræ facit, ut aliquid in medio non sit; quemadmodum cernere fas est in quantitate, vel continua, vel numerabili, cuius medium est quod proportionem distat ab iis, quibus intercipitur extremis, & cuius extrema æquali prorsus inter se mensura recedunt à medio. Non igitur Virtus extremorum alteri magis minuscve contraria est, ut ab Aristotele supra decernitur.

Deinde, si alicuius rei bonum, & perfectio sit, esse in medio hoc ea res perfectior erit, magisque in sui boni possessione firmabitur, quo magis erit in medio. Virtutis autem bonum & summa perfectio posita in medio est; cum virtus medium & mediocritas esse, vel ipsa definitione decernatur. Igitur eo magis atque perfectius in suo bono collocabitur, quo magis perfectiusque ponetur in medio. Sed magis erit in medio, si æquali dimensione ab vtroque distet extremo, quàm si distet inæquali. Ergo perfectior, & sui boni magis, magisque compos habebitur, si æque aberit ab extremis. Si enim hoc verum non sit, sequitur aliquem alium habitum, aut artem, aut facultatem, aut affectionem, quæ fortasse reperiatur in medio sic posita, ut æquè distet ab extremis, ipsa virtute meliorem ac præstantiorem esse.

Dicendum nihilominus est Virtutem inæquali mensura & proportionem ab extremis abesse, hoc est, minus, magisque vni, quàm alteri esse contrariam, id quod supra validissimis ab Aristotele demonstratum rationibus est, quas in medium iterum producere non oportet; cum sit satis, id quoque ab eo traditum est, aliquantulo planius explicare. Multis iam locis est dictum, Virtutis medium rationis esse, non rei. quæ duo mediæ genera sic distrepant inter se, ut simul in eadem virtute reperiri non possint. Quippe medium rei æqualiter ab vtroque distedit & abest extremo. Sed medium rationis ab vtroque extremis inæqualiter abest, quia in eo est positum, ut ab extremis tantumdem omnino resecet, quantum nobis contrarium, & minime conueniens est. Hinc videlicet sit ut virtus ab extremis absit & recedat parèns, at tantum, quatenus, quantumque nobis extrema ipsa incongrua sunt. extrema verò non sunt nobis æqualiter incongrua, sed inæqualiter. Neque enim fieri potest ut res duæ diuersi planè generis,

cuiusmodi sunt Virtutis extrema, vnum in exuperantia positum, alterum in defectu, æquali ratione ac mensura, nobis & nostro fini, vel conuenientia, vel incongrua sint. esset quippe concedendum, duas rerum esse species æquales inter se, quas in vniuersitate reperiri negatur ab omnibus. A fortitudine petamus exemplum, cuius officium & munus inter audaciam timorémque sic vertitur, vt videat quatenus & quantum audere ac timere nobis congruum, aut incongruum sit. Quantum enim eorum alterum nobis haud conuenit, tantumdem prorsus à fortitudine distat: quantum verò conuenit, tantum omnino ad fortitudinem accedit. Sed nobis, ac nostro ipsorum fini, propositóque timere magis, quàm audere incongruum est, & audere magis quàm timere conueniens. Igitur ea, quæ nos decet, & nobis congrua fortitudo est, à timore multo longius aberit, quàm ab audacia; minúsque ab audacia, quàm à timore discedet. Est igitur Virtutis medium inæquale, si rei medium attendatur, quia plus ab vno, quàm ab altero distat extremorum. Sin autem spectetur medium rationis, est æquale, quia tantumdem ab extremis decerpi, quantum recta ratio postulat. tametsi quod ab vtroque detrahit, inæqualiter & variè carpit.

Ex his ad propositas difficultates amolendas omnis ratio petitur & via. Neque enim argumenta illa volunt & contendunt aliud, quàm quod fateri necesse est, virtutis medium, quoniam non est indiuiduum & vnius modi, & quoniam est inæquale, haud esse medium rei, sed rationis. Si enim æquali mensura & ratione distaret ab extremis, neque plus ab vno, quàm ab altero alienum esset, vt fieri debere in argumento contenditur; rei medium esset id quod æqua prorsus ratione cum vtroque comparatur extremo, quemadmodum videre licet in quantitate. Sed quia medium rationis est, quod latè patet, ab extremorum altero potest recedere magis, ab altero minús, ac suam tamen retinere mediocritatem, atque æqualitatem à recta ratione deprehensam & constitutam. Cùm autem dicitur, eius rei bonum perfectionémque, quæ posita in medio est, eo magis perfici, quo magis in medio collocatur, id etiam verè dicitur, si de illo medij genere id accipiatur, quod vnicuique rei, quæ medium postulat, conueniens, atque idoneum sit. Virtuti verò medium idoneum atque conueniens non est medium rei, sed rationis, ac propterea rectè dicitur, eo magis perfici, quò magis in rationis medio collocatur.



CAPVT NONVM.

DE PRÆCEPTIS INVENIENDÆ mediocritatis.

S V M M A.

Esse ad medium inueniendum aliquam rationem & viam.

DIVISIO CAPITIS IN PARTES TRÊS.

1. In qualibet actione, affectuque animi medium inuenire, ac deprehendere difficillimum est.
2. Certa quædam tamen præcepta sunt, quibus ea mediocritas attingatur.
3. De ipsa demum Virtutis mediocritate statuitur, & qua ratione paranda sit, exponitur.

PARS PRIMA CAPITIS NONI.

ΟΤΙ μὲν οὖν ἔστιν ἡ ἀρετὴ ἡθικὴ μέσότης, καὶ πῶς, καὶ ὅτι μέσότης δύο καυχῶν, τῆς μὲν κατὰ ὑπερβολὴν, τῆς δὲ κατὰ ἑλλείψιν, καὶ ὅτι τοιαύτη ἔστι διὰ τὸ στοιχειῶν τῆς μέσου (εἶ), τῶ ἐν τοῖς πάθεσι, καὶ τοῖς πράξεσιν, ἰσχυρῶς εἴρηται. ὅς καὶ ἔργον ἔστι σωδαιῶν (εἶ). ἐν ἑκάστῳ γὰρ τὸ μέσον λαβεῖν ἔργον. οἷον κύκλου τὸ μέσον ἐν πάτερ, ἀλλὰ τῶ εἰδότης. ὅτι γὰρ,

Esse igitur virtutem moralem mediocritatem, & quomodo, & esse mediocritatem duorum visiorum, vnius secundum exuperantiam, alterius secundum defectum, & talem esse, ideo, quod sit indagatrix medij in affectionibus, actionibusque, satis est dictum. Quapropter arduum est, probum esse. in quolibet enim medium deprehendere, difficile; veluti, circuli medium, non omnis est, sed scientis. Ita etiam

καὶ τὸ μὲν ὀργισθῆναι πάντως, καὶ ῥά-
δην, καὶ τὸ δειῦναι ὑργεῖν, καὶ δα-
πάνησαι· τὸ δὲ ὧ, καὶ ὅσον, καὶ ὅτε,
καὶ οὐ ἐνεκα, καὶ ὡς, ὅτε ἐπὶ πάντως,
ὅτε ῥάδην. ὅτε ἐστὶ τὸ εὖ, ἔσθιον,
καὶ ἐπαρετόν, καὶ καλόν.

irasci quidem omnis est, & facile, & lar-
giri pecuniam, & sumptus facere: sed cui,
& quantum, & quando, & cuius gratia,
& quomodo, non est omnis, neque facile.
quia est rectum, & iustum, & laudabile,
& honestum.

EXPLANATIO.



ATIONEM inuestigandi mediij ad virtutem parandam tradere ag-
gressurus, illud demum medium inuenire ac consequi, hoc est, vi-
rum bonum fieri, magnum oppidò negotium, atque arduam ope-
rosamque rem esse denunciat. Id enim apud Aristotelem ea verba
significant: διὸ καὶ ἔργον ὅτι σπουδαῖον εἶναι. Virtute præditum fieri ma-
gnum est opus: est ea formula Græcorum solemnis, vt ad significandam rei difficul-
tatem dicant magni negotij, operisque rem esse, vel magnum opus esse rem ipsam
perficere. Nam quod Cicero ait, Mundi effectorem, & parentem reperire difficile
est, dicerent ipsi ἔργον ὅτι, magnum est opus: immò verò ea Ciceronis verba ex Ti-
mæo Platonis descripta sunt, vbi difficile, est ἔργον. sic enim ait τὸ μὲν οὐκ οὐκ ποικίλῳ
ἔστι πατέρα τῶ πατρὸς ὡρῶν, ἔργον: effectorem igitur & parentem Vniuersi reperire,
opus, hoc est, magnum opus & labor est. Virgilius pulchrè atque eleganter eum
loquendi modum transtulit ad Latinos in lib. Æneid. 6.

Sed renouare gradum superasque euadere ad aurum

Hoc opus.

Quapropter arduum est bonum fieri, &c.] Hæc igitur Aristotelis veluti præfa-
tio est antequam viam inueniendæ mediocritatis ostendar: atque hoc veluti moni-
tum proponit iis, qui Templum virtutis ingredi velint; Virtutis nimirum adeptio-
nem esse difficillimam, opusque ac laborem infinitum efflagitare. Huc videlicet an-
tiquorum celebrata carminibus ea littera Pythagoræ pertinet, quæ

— disirimine secta bicorni

Humana vitæ speciem præferre videtur.

Nam via virtutis dextrum petit ardua callem,

Difficilemque aditum primum spectantibus offert.

Quæ videntur ab Hesiodo desumpta sic concinente.

Τὴν μὲν τοὶ κακότητα, καὶ ἱλαδὸν ὅτιν ἐλπίδα

Πνιδίως. ὀλίγη μὲν ὁδὸς μάλα δ' ἐχέουσι ταῖς.

Τῆς δ' ἀρετῆς ἰσότητα γνοὶ προπαύσθην ἰθὺς

Αἰεταῖοι.

Omnino vitium facile est contingere cuique

Est via ad id brevis, & vicina in sede moratur.

Contra Virtutem sudoribus undique Diui

Sepserunt, &c.

Christiani Theologi huius rationem difficultatis petunt ab originis vicio, quo pro-
cliuiiores ad vitia, quàm ad virtutis opera sumus: Plato verò si rogetur, dicer cau-
sam esse, quod Virtus est veluti scopus, quò sit omnium contentione, ac studio col-
lineandum: id quod ipse docet in 12. de Legib. ad extremum. Scopum autem attingere
difficillimum, & à scopo aberrare facillimum esse, idque plurimis ac pene in-
finitis contingere modis dictum est supra. Aristoteles causam difficultatis eandem
prorsus esse videtur hic dicere, atque eam, quam profert Plato, similitudine nimi-
rum illa à circuli puncto, centròque repetita, quod contingere atque inuenire dif-
ficile, magnique res operis & negotij sit. totam quippe causam in eo positam esse
confirmat, quòd virtus sit medium, & quidem rationis: neque enim inuenire me-
dium rei est difficile, sed medium rationis deprehendere difficillimum: adeoque
medium comparat cum centro circuli, quod inuenire non cuiuslibet hominis esse
ait, sed scientis ac periti, hoc est, eius, qui probè Mathematicis imbutus sit. Nam
Euclides ipse in hac præceptione tradenda non grauatur operam ponere, vt legere
liceat in lib. element. 3. Theor. 1. vbi docet qua via possit centrum in circulo reperiri.

Ratio igitur vniuersa huius argumentationis ita concluditur: Virtus medium occupat locum; immò verò medium ac mediocritas ipsa est. sed in qualibet re difficultimum est contingere ac tenere medium, & facillimum aberrare à medio, quod cernimus in iis, qui circuli centrum absque rei Mathematicæ cognitione peruestigant. ergo difficultimum etiam est, Virtutem ipsam, quæ medium est, attingere, ac facillimum ab eiusdem mensura, ac mediocritate discedere: idque demonstrari per inductionem potest.

Irasci & largiri pecuniam.] Quemadmodum enim permultæ sunt aberrationes à centro, sic sunt in singulatum inuestigatione Virtutum, quarum oportet inquirere, deprehendere, ac tenere mediocritates. Irasci quippe, ut ipse ait, aut sumptus facere vnusquisque facile potest: sed personæ, loci, temporis, propositi, finisque circumstantias, in quibus medium rationis est positum, introspicere, non est facile, neque omnium est. Est enim hoc & rectè facere, & rarum, & laudabile, & honestum, ac pulcrum, inquit. Hoc epiphonemate concludit hanc partem: illud hic iterans, quod in magnis Moralibus dixit lib. 1. cap. 9. hoc idem tractans argumentum. Itaque rarum quoque est, inquit, id quod rectum, ac virtuti consentaneum dicitur. Perstringit adeo hic geminum apud Græcos prouerbium, quorum vnus est, *δυσκολὰ τὰ χαλὰ*, difficultia, pulcra, siue præclara, legitur id apud Plat. in Hippia Maiore ad finem. Nam quod ait prouerbium, inquit, *χαλεπὰ τὰ χαλὰ*, difficultia esse quæ pulcra sunt, mihi videor intelligere: & in Cratylo, ipso propè initio, *παλαιὰ παροιμία, ὅτι χαλεπὰ τὰ χαλὰ ὄντι*. Vetus prouerbium est, difficultia esse quæ pulcra sunt. A Pittaco ac Solone prouerbium hoc ducere ferunt originem. Cum enim Pittacus difficultate perterritus, se abdicasset imperio, iis cum verbis, *χαλεπὸν ἰσθλόν*, difficile bonum, Solonem velut arguentem Pittaci molliem atque ignauiam respondisse dicunt *χαλεπὰ τὰ χαλὰ*.

Aliud prouerbium est, *σπάνιον τὸ τίμιον*, rarum, honorabile, siue pretio dignum & carum. Est apud eundem Platonem in Euthydemo. Quod rarum est, Euthydemus, inquit, hoc in honore habetur & pretio. Vsurpatum est his verbis à D. Hieronymo. quod rarum est, plus appetitur, & à Martiale similitudinibus illustratur.

*Rara iuuans primis sic maior gratia pomis,
Hibernæ pretium sic habuere rosa.*

PARS SECUNDA CAPITIS NONI.

Δ Ἰὸ δὲ τὸν σοχαζόμενον τῷ μέσῳ
περὶ τὸν μὲν ἀποχωρῆν τῷ μᾶλλον
ἐναντίου, κατὰ τὸ καὶ ἡ Καλυψὼ
πρὸς τὸ π.

Τούτου γὰρ καὶ πρὸς, καὶ κύματος ἐκ-
τὸς ἔργα Νῆα.

Τὸν γὰρ ἄκρων, ὃ μὲν ὄντι ἀμύρτω-
λότερον, ὃ δὲ ἡπτόν. ἐπεὶ δὲ τὸ μέ-
σου τυχεῖν ἄκρως χαλεπὸν, καὶ τὸν δού-
τερον φασὶ πλοῖον, τὰ ἐλάττω λησθέν
τῷ καλῷ. τὸ τοιοῦτον ἔστι μάλιστα τῷ
τὸν ἔσπον ὃν ἐλέγχετο. σκοπεῖν δὲ δι-
πρὸς αὐτὸ ἀντιθέσει εἰσμέν. ὁ-
λαί γὰρ πρὸς ἄλλα πεφύκαμεν. τὸ τοιο-
οῦτον ἔστι γνώμενον ἐκ τῆς ἡδογῆς, ὃ
τῆς λύπης τῆς γνομένης πρὸς ἡμᾶς.
Εἰς πρῶτον δὲ ἑαυτοὺς ἀφελκεῖν δεῖ.
πολύ γὰρ ἀπαχαλῶντες τὸ ἀμύρτω-
τον, εἰς τὸ μέσον ἤξομεν, ὅπως οἱ

QUare oportet, indagantem medium
primò quidem discedere à magis con-
trario, quemadmodum etiam Calypso ad-
monebat illud,

Fumumque fluctumque extra, com-
pelle carinam.

Extremorum enim alterum quidem est
gravius peccatum, alterum verò minus.
Quia ergo medium assequi summè arduum
est, in secunda, ut aiunt, navigatione mini-
ma sumenda malorum sunt. Hoc autem
erit maximè eo modo quem dicebamus.
Considerare autem oportet ad quæ etiam
nos sumus proniores. Alij enim ad alia na-
turâ facti sumus. hoc autem erit cognitum
ex voluptate, & ægritudine qua fit circa
nos. In contrarium autem nos ipsos abstra-
here oportet. longè enim recedentes à pec-
cando, ad medium perueniemus. id quod

τὰ διεσπασμένα τῶν ξύλων ὀρθοῦντες,
ποιοῦσιν. εἰ πῶς ἡ δὲ μέγιστα Φυλακτικὸν
ἔστιν ἡδύ, ἔστι πῶς ἡδονῆς. οὐ γὰρ ἀδι-
καστοὶ κρίνομεν αὐτὴν. ὅτι δὲ οἱ δι-
μογέροντες ἐπαθόντες πῶς ἡδονῆς
τῆτο δὲ παλαιὴν ἔστι ἡμᾶς πῶς ἡδονῆς
ἡδύ, καὶ εἰ πᾶσι τὸ ἐκείνῳ ὀπιλέγειν φωνῶν.
οὕτως γὰρ αὐτὴν. Σπινθόμοι, ἢ τῶν
αἰσθησέμεθα.

ij qui distorta lignorum dirigunt, faciunt.
In omni verò se maximè cauendum est à
incundo & voluptate. non enim incorrupti
indicamus de ipsa. Quem igitur populi se-
niores affectum habuerunt aduersus He-
lenam, eundem oportet habere & nos er-
ga voluptatem; & in omnibus illorum
pronunciare vocem. Sic enim eam aman-
dantes, minùs peccabimus.

EXPLANATIO.



VARE oportet qui medium indagat.] Quamquam est difficile, nec
cuique promptum per indagacionem & coniecturam inuenire me-
dium, & sedem ipsam Virtutis attingere, duos tamen esse modos ait,
quibus omnem difficultatem expugnare possimus. quorum alter his
verbis proponitur, & eo præcepto, vt summa contentione ac vi nos
ipsos ab illo remoueamus extremo, ab eoque vitio longissimè distcedamus, quod
magis medio contrarium est. Dictum enim est in proximè superiori capite, alte-
rum extremorum magis inimicum & contrarium esse medio, quàm alterum. Ab
hoc ergo vult nos impetu maximo cursûque celerrimo abire longius, ac tendere
versus extremum oppositum secunda, hoc est, tutiori nauigatione. Tutius enim
est versus alteram partem, vbi minus est periculi, cursum intendere, ac minima de
malis eligere, vt prouerbio dicitur, quàm eo deferri vbi ceterissimum naufragium,
& discrimen præsentissimum sit. Hoc enim consilio armatum instructumque fuisse
ait Vlysses à Calypsone, cùm inter Scyllam Charybdimque, loca naufragiis
infamia, esset iter cum classe ac sociis habiturus. Monuit enim hominem, vt pro-
cul à fluctu, fumoque, hoc est, à Charybdi nauem prohiberet, ac potius in ad-
uersam partem, ac prope Scyllam cursum dirigeret, à qua non tantum periculum
imminebat. Quippe à Scylla sex tantummodo sociorum interitus, à Charybdi,
quod monstrum infestius est, totius classis erat pertimescendus interitus. Fuit igitur
admonitus Vlysses, vt minora de malis eligeret, patereturque potius aliquid
mali atque incommodi ab altero sibi affertur scopulo, quàm exitiuni postremum ab
altero creati. Eustratius, siue Aspalus, Græcus interpret, ait ex memoriæ lapsu
Aristotelem hic pro Circe Calypsonem posuisse, ratus ea verba.

Extra vnam ac fumum longè compelle carinam, esse Circes in Odyss. μ. Vly-
sses admonentis, vt sibi cauere à Charybdi. Sed haud dubie fallitur, cùm Circe
inter ea, quæ Vlyssi nauigaturo dat monita, eiusmodi verba de fluctu, fumoque
fugiendo non proferat, sed illa solum, quibus hominem à Charybdi vehementer
absterret, quæ socios omnes & totam classem haustura esset, suadetque, vt potius
ad Scyllam cursum, nauigationemque descedat, quæ sex tantummodo capitum
obitu placari posset. Eius enim vaticinationis hortationisque illa postremo sententia
est: ad Scyllam potius applicari nauem oportere; cùm tutius esset, sex socios, quàm
simul omnes, classemque totam desiderari. Sed fluctus, fumique fugiendi ne ver-
bum quidem vnum eo loco positum est.

Non tamen fallitur Eustratius, cùm dicit, Aristotelem errorem illum admisisse,
quem Græci vocant *μημνησὶν ἀμαρτημα*, hoc est, memoriæ peccatum; quia Ca-
lypsone ea verba non sunt. Sunt enim Vlyssis, iam inter Charybdem Scyllamque
nauigantis, qui admonicionis à Circe iam acceptæ probè memor, gubernatorem
hortatur, vt, à fumo, fluctuque Charybdis porro fugiat, ac potius nauem ad Scyl-
lam impellat: sic enim ipse loquitur eodem illo Odyss. lib. 12.

Τούτου γὰρ κενός, ἔστι χυμῶτος ἐκ τὸς ἱερῶν

Nōa.

Hoc procul à fumo & fluctu prohibeto carinam. Querendum potius
esset, quid sibi velit eo loco ille fumus, à quo tantopere fugiendum sit. Quod enim
de fluctu dicitur, est planissimum. Nemini enim ignotum est, quos & quàm ma-

gnos sorbeat, resorbeatque fluctus implacata illa atque irrequieta Charybdis, potestatum iam omnium monumentis nobilitata. sed quem fumum vnà cum fluctibus eiecerit, nemo nobis hactenus indicauit: erit adeo diuinandum, arbitrandumque, fumum illum esse nebulam, asperginemque ex eo conflictu & collisione fluctuum existentem. quam cum vidisset Vlysses, monitorum Circes illico recordatus, Gubernatorem hortatur, vt à fluctu, fumoque Charybdis longè se proripiat, ac nauem potius aduersus Scyllam remis, velisque ac summa contentione detorqueat. Locus hic Homeri, vbi à fumo Charybdis ac fluctu fugiendum esse præcipitur, videtur locum prouerbio fecisse. Porphyrius enim Tyrius in eorum librorum primo, quos de carnibus animantium minimè comedendis scriptos reliquit, huc haud dubie respiciens dixit, cibum tenuem, ac moderatum eum nobis afferre fructum, vtilitatemque vel maximam, quòd eius beneficio à fumo & fluctu corporis liberemur, hoc est, ab eo vitæ naufragio, quod corporis hæc ingluuies atque Charybdis nobis ex intemperantia comminatur.

Hæc igitur est illa prior ab Aristotele hic tradita inueniendi mediæ ratio, atque præceptio, vt Vlysses securi, videamus ecquodnam ex extremis à mediocritate recedat longius, atque ab eo fugam aduersus alterum in quo minus periculum est, arripiamus. Fiet enim, vt paulatim postea ipsam quoque teneamus mediocritatem.

Considerare autem oportet.] Secundus hic est modus in hac secunda parte designatus ad medium consequendum, siue ad certiorē ipsius Virtutis adeptiōnem. Pertinet autem eò, vt diligenter attendamus, ad quamnam potius, ac vehementius vitia propensi pronique natura simus, atque in quæ facilius errata delabamur. Neque enim isdem omnes cupiditatibus æstuemus, atque abripimur studus, sed suis ille perturbationibus agitur magis, hic suis. Et quoniam id etiam penitus agnosce-re non est ita facile, certa quædam nobis indicia demonstrat, ex quorum notatione deprehendere possimus, maiorem hanc nostram ad hæc potius, quàm ad illa vitia procliuatatem. Indicia sunt, voluptas & dolor, siue angor, & tristitia, quæ nos potissimum animi commotiones impellunt, actionesque nostras vniuersè comitantur. Vbi enim aliqua re summopere delectamur, eique contraria vehementissimè tristamur, & dolemus, ad eam profectò nos esse maximè pronos, procliuésque natura contestim intelligimus. Igitur his deprehensis, ac bene cognitis vitis, ad quæ natura & studio vehementius incitatur, in alteram partem contrariam, extremamque summa contentione, ac vi conuicti nos iubet. Nam cum longissimè nos ipsos ab extremorum altero depulerimus, ad id quod est medium facile veniemus: natura quippe quantumvis ea vi, & conuictu quasi furca depulsa, ad ingenium recurrere contendens, & ratione, à qua impetum priorem accepit, in itinere reprehensa, atque repressa, facillimè consistet in medio. Denique imitandos proponit eos, qui praua tortuosaque ligna dirigunt, & virgas enormes: hoc enun exemplum & similitudo maximè vulgaris est, nobisque frequenter incurrit in oculos. Quemadmodum igitur illi vltra statum, mensuramque, quam volunt ea ligna, & virgas inflectunt, vt in recursu, fracto iam per inflexionem impetu, iustum occupent locum, & subsidant in medio: sic faciendum est iis, qui prauas animi cupiditates, morésque distortos ad mediocritatis perpendiculum, hoc est, ad libellam Virtutis emendant. & sanè Latino prouerbio etiam ita dici solet, vt monet Quintilianus in lib. 4. Iniquum petendum, vt æquum auferas, & Græco, ἀπὸ τοῦ λαβῆς, & μέσῳ ἐξ ἑς. extremum cape, & medium habebis.

In omni verò re cauendum, &c.] Extremum ad inueniendum, occupandumque Virtutis medium præceptum hoc est, vt vbique, ac semper caueamus nobis à voluptate, atque ab omni re, quæ corpori maximè placet, & iucundè suauiterque in sensus illabitur. Quamquam enim non omnis omnino voluptas perniciosa est, potestque aliqua non modò citra virtutis incommodum, sed cum fructu, & commodo etiam admitteri, tamen id difficile factum esse ostendit, quia huius rei boni æstimatores, inquit, incorruptique non sumus: à iudicibus nimirum ducta similitudine, ac metaphora, qui muneribus & pecunia corrupti, rectè causas litésque diiudicare non possunt. Perinde ac si dicat, Voluptatem exitiabilem ab innocente dignoscere nobis facile non est; cum iam à teneris annis sensus occupauerit nostros, iudiciumque sic deprauarit, atque corruerit, quemadmodum iudices in foro corrum-

pit & labefactat pecunia. Tutius igitur hoc consilium ac salubrius esse monitum ait, ut ubi primum voluptatem veluti blandientem, ac lenocinantem aspexeris, omni deliberatione, ac consultatione posthabita, in qua iudex, & consiliarius integer esse non potes, ipsam à te studiosè, constetisque prohibeas, senes illos Troianos apud Homerum imitatus, qui quamvis Helenæ conspectu delectarentur, eamque seminarum pulcherrimam esse iudicarent, censuerunt tamen in Græciam primo quoque tempore remittendam, ut ab incendio patria liberatur. Locus est Homeri in Iliad. γ. ubi Troiæ seniores à belli vacantes muneribus ob ætatem, sed vnà cum Priamo è pinnis vtriusque labores agminis insipientes inducuntur, ac de rei summa deliberantes. Ad eos igitur cum venisset etiam Helena, singulare certamen Paridis & Menelai spectatura, perculit illa quidem formæ splendore seniorum oculos, sed tamen ad prauum aliquod insanumque iudicium non adegit. Ut enim summopere laudarent Helenam, eiusque pulcritudinem cum admiratione suspexerint, extemplo tamen eam sententiam protulerunt, qua Helenæ ex Ilij finibus exturbaretur. Iubet igitur Aristoteles, vnamquamque voluptatem sensus ac iudicium deprauantem illico repudiandam esse, is cum verbis, eaque voce, qua reiecta fuit a senioribus Helena, quamvis illis summopere placeret, atque ab usdem ex formæ præstantia maximè commendaretur. Vox & verba seniorum ab Aristotele non ponuntur, quia eo tempore ipsi etiam vulgo erant notissima: sed hæc sunt.

Οὐ γάρ μοις Τρώας, & ὠκιστὴ μὲν ἀλγαιὸν.

Τοῖσι δ' ἀμφὶ γυναικὶ πολὺν χρόνον ἀλγέα πάχιν.

Λίαν δὲ ἀθανάτῃσι θεῶς οἷς ὅσα ἴδμεν.

Ἀλλὰ & ὡς τοίνυν ἰδοῖς αἰ νηυσὶ νέεσθαι,

Μὴ δ' ἡμῖν, τυχέσσι τ' ὀπίσσω πᾶμα λίποιτο.

Nos erat indignam certè tot funera Τρώας

Tot mala pro tali Danaos tolerasse puella.

Celicolæ formæ similitis splendore Deabus.

Sed tamen ipsa suos redeat cum nauibus Argos,

Nec cladem nobis, nostrisque Neperibus olim

Inferat, & superes multorum causa laborum.

Idem prorsus Archytæ Tarentini fuit etiam de voluptate iudicium, quod litteris Cicerò consignauit in libello De senectute: ubi cum dicere solitum ait, nullam capitaliorem pestem, quàm voluptatem corporis hominibus à natura datam: pergitque ex eiusdem sententia Tullius enumerare incommoda, quæ à voluptate nascuntur.

PARS TERTIA CAPITIS NONI.

ΤΑῦτ' οὖν ποιούμεντες, ὡς ἐν κε-
Φαλαίᾳ εἶπεν, μέλιστα εὐνο-
μήματα τῷ μέσῳ τυχεύειν. χαλεπὸν
δὲ ἴσως τῷ π, καὶ μάλιστ' ἐν τοῖς κατ' ἐξα-
στο. οὐ γὰρ ῥαδίον δεξιόσαι, πῶς, καὶ
πῶς, καὶ ὅτι ποίοις, καὶ πόσῳ χρόνῳ ὀργι-
στον. καὶ γὰρ ἡμεῖς ὅτι μὲν τοῖς ἐλλεί-
ποντας ἐπαγομένῳ, καὶ τῶν αἰσίων Φαμῶν,
ὅτι δὲ τοῖς χαλεπαίνοντες, αἰσθώδης
ἀποκαλομένη. ἀλλ' ὁ μὲν μικρὸν τῷ
ὡς πρὸς ἐλαφρότητα, οὐ ψήγεται, οὐτ' ὅτι ὁ
μέγας, οὐτ' ὅτι ὁ ἡπύος, δὲ πλεόν. οὐδ' ἔτι
γὰρ οὐ λαοταίῳ. ὁ δὲ μέγας πῶς, καὶ
ὅτι πόσῳ ψακτῶς, οὐ ῥαδίον τῷ λό-
γῳ ἀφορίσαι. οὐ δὲ γὰρ ἄλλο ὁδοῖν
τῷ αἰσθώδης. ἔτι δὲ πιαῦτα, ἐν τοῖς

HÆc igitur agentes, ut in summa
dicam, facillimè poterimus medium
consequi. Arduum autem fortassis hoc,
& præsertim in singulis est. Neque enim
facile est definire quonam modo & qui-
bus & qualibus, & quanto tempore ira-
scendum sit. Etenim nos interdum defi-
cientes laudamus, & clementes dicimus;
interdum grauius succensentes, viriles ap-
pellamus. Verum qui paulum à recto di-
greditur non vituperatur, siue ad magis, siue
ad minus, sed qui multum. hic enim haud
lacet. Quousque autem, & quantum vitu-
perabilis sit, non est facile oratione definire:
ut neque aliud quidpiam eorum quæ sub
sensus cadunt. Talia verò in singularibus

καθ' ἕκαστα, καὶ εἰς τὴν αἰσθησὶν ἢ κρί-
σις. ὃ μὲν ἄρα ποσὺτον δηλοῖ, ὅτι
ἡ μέση ἕξις εἰς πᾶσι ἐπαρική. ὁπ-
αίης δὲ δεῖ, τοτὲ μὲν ἐπὶ πλεονασμῷ
βολῶν, τοτὲ δὲ ἐπὶ ἑλλείψεως. ὅταν γὰρ
ῥᾶστα τῷ μέθρῳ καὶ τῷ δὲ τὸ ἐξόμῳ.

sunt, & in sensu aestimatio. Hoc igitur tan-
tum declarat, medium habitum in omnibus
laudabilem esse. Declinare autem oportet,
interdum quidem versus exuperantiam,
interdum ad defectum. Ita enim facillime
medium & rectum consequemur.

EXPLANATIO.



PLVRIORIBVS iam rationibus demonstratis ac viis, quæ ad medium in-
ueniendum, tenendumque conducunt, præceptiones à se traditas hoc
dicto concludit in summa. ea, quæ suprâ descripta sunt monita, ma-
gnum ad inueniendam virtutis mediocritatem allatura esse adiuven-
tum, vsumque, si probè seruentur, accuratèque custodiantur.

Arduum autem hoc, &c.] Sed rei difficultatem rursus denuntiat, non illam
quidem superiorem, sed aliam quamdam alterius generis: non enim tantummodo
difficile est, vniuersè generatimque medium consequi, quod dictum hætenus est,
sed etiam definire quando, quo loco, & quatum ratione personarum verè medium
sit quod quærimus, atque inuestigamus. Ac rationem adiungens, idcirco id ar-
duum esse confirmat, quia versatur in rebus certis, singularibus, ac definitis. Res
autem singulares exquisita dimensione quadrari, definiturque non possunt: non
tam enim sub rationem ac definitionem, quàm sub sensum cadunt: quod vnius
ira declarat exemplo. Neque enim facile est, inquit, statuere, ac definire quomo-
do irasci oporteat, & quibus hominibus, & quamdiu, & ob quas iniurias oporteat,
cum ipsa nostri iudicii ratio testetur, summam in hoc esse difficultatem: quippe
soliti sumus interdum eos laudare, qui minus quàm oporteret irascuntur, atque
hos mites, ac lenes appellamus, interdum verò illos, qui modum in ira non tenent,
& per exuperantiam irascuntur, quos viri animo, excellèntique præditos credimus
& prædicamus.

Verum qui paulum à recto digreditur.] Ceterum, ne difficultate deteriti labo-
rem ipsum, quem plerique defugiunt, ipsi quoque defugeremus, locum occupat,
atque hoc ad nos animandos, & in studio indagandi mediæ retinendos adiungit,
eum, qui parum à media sede, in qua virtus est collocata, discedit, siue sursum ad-
uersus exuperantiam ascendat, siue contra descendat aduersus id, quod est parum,
modò in aliqua mediocritatis parte subsistat, non vituperari. Vt enim suprâ dixi-
mus, Virtutis medium non est omnino indiuiduum, sed diuiduum, & late patens
gradibus suis, partibusque distinctum. Fit adeo, vt aliquis è medio puncto digres-
sus vbi virtutis apex & perfectio est, ad partem declinet extremorum alicui propin-
quam, atque finitimam. Monet adeo, non idcirco vituperatione quempiam esse
dignum, nec reprehendi solere, quòd prorsus in medio, hoc est, in ipso culmine
Virtutis ac fastigio non subsisterit, sed discedens ab eo vertice, ac puncto, vel ad
dexteram, vel ad sinistram aliquantulum aberrarit; modò in aliqua parte gradum
ponat, & se contineat, quæ sit inera laxitatem amplitudinemque mediocritatis.
Quamquam enim Virtus est medium vitiōrum utrinque reductum, medium ta-
men illud est rationis, hoc est, iis inclusum finibus, qui à recta ratione sunt desi-
gnati. Fines autem eiusmodi, latitudinem habent iustam, & spatium suum. Itaque
vituperabiles, & probro dignos eos esse tantummodo docet, qui vbi discesserint à me-
dio puncto, in quo summa perfectio Virtutis est, totam illam amplitudinem, laxi-
tatemque pertranscunt, atque in vitiōrum fines & regna dilabuntur. Illa enim ad
extrema prolapsio notissima est, atque incurrit in oculos. itaque illi patet reprehen-
sioni, cui non patet error medius eorum, qui per parum à mediocritate defleunt.

Hoc igitur tantum declarat, &c.] Claudat orationem atque sententiam hoc de-
creto: cum imperitè, iniusteque facturum, qui velit sibi terminum alterum defi-
nitiè monstrari, quo liceat vsque discurrere sine reprehensione, atque alterum ex
aduersa parte, quem possit sine labe, ac vitio non attingere, cum hoc, vt suprâ di-
ctum est, non possit oratione definiri. de singularibus enim rebus, non orationis ac
verborum iudicium, & aestimatio est; sed sensus, non quidem externi, sed eius, qui

positus intra nos, vim habet & facultatem æstimandi: quid enim, & quomodo huius sensus opera sit agendum, prudentia ipsa distinguit. Igitur hæc oratio terminari sic debet.

Sub sensum cadentia exquisitè definiri non possunt, quia sunt infinita. sed singularia sub sensum cadentia sunt: non possunt adeo perfectè, exquisiteque definiri. Res enim vniuersæ ad rationem pertinent, singulares ad sensum, illarum arbitra ratio est, harum iudicium & æstimatio est penes sensum. Itaque in tanta medijs definiendi difficultate ait Aristoteles, id esse remedijs, vt cum rectè dicamus agere, qui per parum aberrauit à medio, cum delinquere, ac turpiter facere, qui multum ab eodem medio declinat.

EPILOGVS.

1. Virtute præditum fieri difficile est, quia medium reperire non est cuiuslibet hominis, quemadmodum non est cuiuslibet reperire centrum in circulo, sed intelligentis.
2. Tria tamen sunt ad indagandum inueniendumque Virtutis medium documents. Primum: Ab eo vitio extremoque fugiendum est magis, & vehementius, quod est Virtuti magis oppositum, tametsi necesse sit in aduersam partem contendere. Secundum: Intueri & considerare diligenter oportet ad qua magis vitia propensi natura simus, atque ab iis in contrariam partem conueniendum, & descedendum est, quod faciunt y, qui ligna dirigunt obliqua. Tertium: In rebus agendis vniuersè cauendum summopere est à voluptate, eaque tanquam Homericæ illa Helena repudianda est. Quamquam enim aliqua voluptas haud exstosæ est, bonis tamen integrique Iudices eius res non sumus.
3. Eaque prorsus ex causa difficillimum est virtutem aliquando consequi, ac parare. Iudicandum est enim de singularibus, & in iis inueniendum est medium; in quo iudicio sæpe fallimur.
4. In tanta tamen obscuritate, ac difficultate, id est solitè, quod Virtutis medium amplam est; adeoque qui paulum discedat à medio per exuperationem, aut qui ad medium exiguo intervallo ac per defectum non accedat, reprehensione caret, & virtutem consecutus esse indicatur.

IN CAPVT NONVM,

QVÆSTIO VNICA.

An Aristotelis præcepta ad medium Virtutis inueniendum idonea sint.

N tam multis Aristotelis præceptionibus ac monitis ad inueniendum Virtutis medium, aliqui apud Geraldum Odonis, Gualterum Burleum, & Buridanum repugnantiam inueniunt. Ac primo quidem vniuersè sic disputant aduersus omnia:

Quicumque viam querit, & certum aliquem contendit ad locum, si rectè dirigendus est, doceri profectò debet non modò vnde sit recedendum, verum etiam quò demum accedendum, & perueniendum sit. Sed ab Aristotele tradita doctrina & præcepta solùm docent vnde recedere oporteat, sed quò denique oporteat accedere, atque ad quem denique finem peruenire necesse sit, non docent. Primum enim præceptum est; ab extremo, quod Virtuti magis est contrarium, esse magis, ac potius fugiendum. Secundum, ab eo potissimum vitio, ad quod magis ipsa cu-

iisque natura propendet, in contrariam partem esse declinandum. Tertium: auersandam esse voluptatem, hoc est ab eo esse discedendum extremo, quod plus habet & præferit voluptatis. Quartum: iuxta reprehensione vacare qui paulum discedat à medio. Cum igitur eiusmodi præcepta sint, quæ ad medium inueniendum ab Aristotele traduntur, minus idonea dici debent, nec viam querenti medium commodè demonstrare, cum non indicent quò demum accedendum, & veniendum sit, sed locum tantummodo notent, vnde discedendum sit, & longius abeundum. Hæc, inquam, obiciunt primo aduersus omnia præcepta, & monita. Deinde ostendere aggrediuntur singillatim, ac nominatim in eorum vnoquoque deceptionem & fallaciam esse, adeoque nullum eorum esse idoneum, atque ad medium inueniendum accommodatum.

Nam primum quidem, quò contendit, ab extremo, quod magis est medio, virtutique

repugnans magis esse fugiendum, & discedendum, ea fallacia laborat, quæ principij petitio dicitur: cum nemo scire possit, quænam è duabus extremitatibus plus recedat à medio, illique magis contraria sit, nisi qui antè probè cognitum habeat medium, cuius comparatione illa dicuntur extrema. At medium ipsum est id, quod ea præceptione peruelligatur. Ergo sumitur pro comperto id, quod inquiritur: quæ principij verissima petitio est. Iluc accedit, quod in hac eadem præceptione ait, ab ea parte magis extremæ contraria tendendum in alteram esse, hoc est, in alteram vitiosam extremitatem, quod est transilire medium, non inuenire, aut tenere.

Atque, ut intelligeremus, cum ad vitium extremumque nos pertrahere, cum ducere contendit ad medium, imitandum nobis proponit exemplum Vlyssis, qui cum inter Scyllam, Charybdimque Siculum fretum classe traiceret, præmonitus à Circe à Charybdi monstro voratiore deflexit in Scyllam: qui scopulus erat minus periculosus, sed periculosus tamen. Cum ergo Charybdis extremitas sit magis virtuti repugnans, Scylla repugnans minus, monet, ut à vitio deterior non ad medium, sed ad minus, ac leuius vitium deflectamus. Itaque prouerbiū laudat, quo dicitur, eligenda esse minima de malis.

Secundum præceptum & idem habet incommodum; & videtur alicui esse posse perniciosum. positum enim in eo est, ut unusquisque videat, ad quas animi commotiones, affectusque natura sit pronior; atque ab iis summa vi, & contentione se abstrahat, concitetque in partem omnino contrariam, sicut faciunt ij, qui virgas enormes corrigunt, & ligna distorta. Habet, inquam, idem incommodum; quia quemadmodum qui ligna dirigunt obliqua, cum ea magno nisu contorquent, medium prætergrediuntur, & contrariam partem penitus contingunt: sic iubemur ex illa commotione nobis induta & magis naturali ad contrariam aduersamque reflecti, hoc est, medium ipsum præteruehi, & transilire. Quin contraria superiori præcepto videntur hic dici. fieri enim potest, ut aliquis ad fugiendas omnes omnino delectationes naturæ procliuior, quam ad intemperantiam sit: ex quibus affectionibus animi prima illa est leuior, quæ sensus vacuitas appellatur, intemperantia verò grauior & magis aduersa virtuti, ac medio. Igitur si superiori præcepto parendum sit, fugienda vehementius est intemperantia, quæ medio, virtutisque magis aduersatur: si obtemperandum huic, à sensus vacuitate maiori cum impetu & contentione recedendum est: quia nobis est magis indita, & naturalis. Potest præterea præceptum hoc esse alicui perniciosum. aliqui enim sunt inductione naturæ ad virtutem propensi, natiq; ac facti videntur ad probitatem. Itaque commotiones obtinent quasdam animi virtuti potius quam vitio consentaneas. At si huic est auscultandum præcepto, debent hi ab iis commotionibus conatu maximo se remouere, quoniam, ad eas natura sunt, quam

ad alias proniores. Denique præceptio hæc videtur incommoda, & alia quædam Stoicorum videtur opportunior. Iubemur enim hic à commotione, quæ natura nos vehementius atque impotentius agitat, summo connisu in contrariam partem quasi corrigendi & dirigendi per vim abstrahi, ac detorqueri. Sed Stoicorum alia ratio est: quibus placet potius, eos qui à naturali vitio iter ad virtutem capessunt; paulatim ire, ac sensim progredi, ut facilius ac tutius ad medium aliquando perueniant. Qui enim hoc spatium desultorie faciunt, ut velle videtur Aristoteles, non subsistunt in medio, sed ultra præteruolant.

Tertium præceptum quod est de auersanda, repudiandaque voluptate, à ratione videtur alienum. Essent enim etiam auersanda virtutum opera, & felicitas, quæ summam habent delectationem, ipsaque tollenda communis vitæ, quæ sine volaptate consistere, ac retineri non potest.

Quartum denique monitum errori videtur affinem habere doctrinam. Dicitur enim haud reprehendendus, qui aliquantulum deflectat à medio, siue per exuperantiam id faciat transiliens, siue per defectum, ipsum medium non attingens. Hoc autem nihil est aliud, quam ipsum medium non tenere, nec certi aliquid in virtute constituere; sed dare veniam ad euagandum, quod est Virtuti contrarium: cuius habitus firmissimus, & constantissimus est. Neque enim vlla firmitas, & constantia potest ab eius inconstantia proficisci, qui nunc supra, nunc infra medium, operetur. operari autem eo modo quisque potest ex virtute, si Virtus, & citra, & ultra medium nos versari patiatur.

Sed confirmandum nihilominus est, Aristotelis hæc præcepta quatuor & monita idonea esse, atque ad inueniendum, parandumque Virtutis medium accommodata. Et quoniam Aristoteles ipse, ut planius declararet quam difficile sit hoc medium deprehendere, usus est exemplo ac similitudine centri, quod inuenire in circulo non cuiusque sit, sed scientis hominis, & Mathematicis instituti disciplinis, à circulo nos etiam ad hoc explicandum similitudinem aliquam, comparationemque petamus.

Igitur ut in circulo centrum inuenitur designandis primo punctis in circumferentia quatuor, à quibus lineæ ductæ trahantur, quæ mutuo se ipsas intersecantes punctum in medio constituent, quod centrum appellamus; ita quatuor notatis extra centrum Virtutis locis, ex iis facile, certaque via peruenietur ad medium. quatuor autem hæc loca, & veluti puncta sunt ea, quæ hic ab Aristotele viam homini ad virtutem querenti demonstrantur, hoc est, extremitas altera Virtuti magis contraria, altera nobis innata magis, & naturalis voluptas illiciens, difficultas inueniendæ mediocritatis. Ab his locis, ac veluti punctis à virtute remotis ire nos ad medium ita docere videtur Aristoteles, & sic loqui: Vbi eas animi perturbationes notaueris extremas duas, quarum vna virtuti magis contraria

est, altera tibi magis indita & naturalis, ad quam videlicet es natura procliuior, quoniam illæ veluti quædam lineæ duæ procul à virtute discedunt, recto itinere ac per easdem lineas in partem recede contrariam; inuenies haud dubiè medium à quo discesserunt. Vbi voluptatem tibi lenocinantem & blandientem intellexeris, quoniam hæc Virtutis imperium fugit, longèque se ab eius ditione proripuit, ab ea in diuersum procul abstrahere: ac medium occupabis, vnde pedem fugitiua illa subduxit. Quod si rei difficultate perterritus Virtutis te medium inuenturum esse distidas, id etiam atque etiam cogitabis; virtutis medium habere laxitatem, amplitudinem, & partes suas, adeoque reprehendi eum non debere, qui paululum abest ab umbilico; siue illum non attingat, siue longiusculè prouectus sit. Cùm igitur hæc in summa sibi velit Aristoteles, dicendum profectò est, ostendisse itinera quatuor idonea, quibus ad virtutis medium facillè deueniamus. Idque confirmari pulcherrima ratione sic potest. Ea sanè doctrina satis superque inueniendi finis rationem docet, quæ diuerticula docet omnia, vniuersosque tamquam digito demonstrat errores, à quibus cauendum, & fugiendum in itinere sit. Sed hæc quatuor comprehensa præceptionibus doctrina errores vniuersos, & omnia viarum ostendit diuortia, quæ à recto nos tramite possent abducere. Quicquid enim à medio per errorè declinat, aut declinat ideo, quod perducit ad malum, aut quod prohibeat & depellat à bono. Si perducit ad malum, vel id impellendo facit, vel alliciendo, atque attrahendo. Si impellit, id profectò in naturalem illam procliuitatem referri debet, cuius vi ad hoc magis, & vehementius, quàm ad illud vitium incitatur. à qua procliuitate tamquam ab errore reuocat nos in viam secundum illud præceptum, quo iubemur notare, ac fugere illa potissimum extrema vitia, ad quæ magis inductione naturæ compellimur. Si quod perducit ad malum, perducit nos illicio aliquo, & blandimentis, quis non videt, hoc nihil aliud esse, quàm voluptatem? Sed ab hoc Sirenium scopulo fugere porro debere nos admonet tertia illa præceptio, qua laudatur eorum vox, & sententia seniorum, qui Helena conspecta, eiiciendam è patria proclamant. Sin autem id, quod à virtutis mediocritate discedit: propterea discedit, quod nos areat, & detradat à bono; vel à bono per se nos excludit, vel ex occasione, atque per accidens. Si nos prohibet per se, ac bonum ipsum formaliter excludit, id profectò non est aliud, quàm extremum vitium magis medio virtutis contrarium, quàm alterum, quodque cum bono præcipuè, maximèque repugnantiam habet. At ex hoc errore tam exitioso reducimur in viam à primo illo præcepto, quo monemur vt ab extremis maximè cum medio pugnantibus maximè, studiosissimèque fugam arripiamus. Si nos à bono per accidens, & ex occasione depellit, ad eam id difficultatem pertinet, quam nanciscimur in inuestigatione me-

dij, quæque nos despondere quodammodo cogit animos, ac de inuentione rei tam arduæ desperare. Sed ex hac aberratione restituimur in gradum à latitudine medij, cuius si minus umbilicum, & punctum, aliquam certè partem occupare, ac tenere sit satis.

Neque verò difficile admodum est argumenta proposita confutare. Primum enim quod inanes reddere conatur omnes Aristotelis præceptiones vniuersim, ponit pro verò exploratòque quod falsum est: haud satis videlicet esse ad medium indicandum & demonstrandum docere tantum quid fugiendum, atque vnde recedendum sit, falso, inquam, id dicitur; quia ipsamet à malo retrocessio est accessio quædam ad bonum, necessariòque is qui recedit ab extremis; eadem via, qua porro processit, itinere tamèn aduerso contendit ad medium. Sed Aristoteles quatuor illis præceptis omnia designat loca, vnde fieri retrocessio debeat, ergo idoneam medij demonstrationem proponit, verèque ab Horatio dicitur ep. 1, ad Mecænatem.

*Virtus est vitium fugere, & sapientia prima
Stultitia caruisse.*

Alia verò argumenta, quæ Aristotelis rationes euertere volunt singulas, haud multo plus roboris obtinent. Neque enim primum illud Aristotelis præceptum vllam habet principij petitionem, cùm ad extrema intelligenda satis sit medium ipsum imperfectè, confusèque intelligere. quod distinctè, absoluteque deinde cognoscatur, cùm inuenitur. esset autem petitio principij, si extrema ipsa cognosci vllò modo non possent, nisi ante medium ipsum perfectà & distincta notitia cognosceretur. hæc enim est illa cognitio, ad quam cius ductu præcepti perueniri debet, adeoque esse non potest antequam acquiratur. Sed imperfecta, & generalis, aut confusa notitia potest perfectam, & magis peculiarem, ac certam antecedere. Itaque qui medio confusè iam cognito, studet medium distinctè perfectèque cognoscere, non frustra studet, nec præceptum de hac paranda cognitione superuacaneum est. Dici etiam posset, medium, antequam ita, vt vult Aristoteles, inueniatur, cognosci theoreticè, sed eius beneficio præcepti deprehendi, ac teneri practicè. Quod autem adiungitur de illa minimè probabili conuersione, atque contentione in contrariam partem, perinde ac si præciperetur ad vitium transitus, eum haud facillè commouebit, qui, quod supra sæpè iam diximus, intelligat, medium Virtutis non esse medium rei, atque indiuiduum, sed rationis & in ista latitudine patens. Potest igitur ab extremo in contrariam partem esse transitio, tametsi non transeat ad vitium. Cùm enim suas partes & iustam amplitudinem habeat ea mediocritas, quæ rationis est, licebit in ea medium quodammodo medij designare, in quo videlicet excellentissimus ille collocatur gradus, qui in quahbet Virtute appellatur, & est heroicus, & duo vtrinque spatia, intra quæ se tenent gradus imperfectiores absque vlla in vitium prolapsione. Ergo cùm iubet Aristoteles,

teles ab extremo Virtuti contrario conuersionem in alterum extremum fieri, non imperat ullam in vitium abitionem, sed retrocessionem eo usque aduersus extremum, quousque spatium patet Virtutis, in quo consistere absque vituperatione possimus. quod spatium, quia medij continet vltimum, & vitio finitimum est, non immerito appellari potest extremum. Itaque cum Vlysses cursum iubetur in Scyllam conuertere, non iubetur in Scyllam penitus intrare, sed aduersus eam contendere potius, quam ad Charybdim deflectere, quæ minacior esset. Hoc enim est satis, vt dicatur eligere minima de malis, cum periculum ipsum malum sit, & ille minima de malis eligit, qui eligit minora pericula. Non igitur est necesse pro malis eo loco intelligi vitia, cum satis sit, si mali pericula pro malis ipsis intelligantur. aduersus quæ mali pericula etiam ille cursum intendit, qui aduersus eam procedit virtutis partem vltimam, quæ vitio finitima est, quamuis ipsos vitij fines haud ingrediatur. Denique Aristotelis etiam monitum est illud Horatianum.

-----non ego amaram

*Cum voto te fieri, vappam iubeo, aut nebulonem.
Est inter Tanaim quiddam, socerumque Vifelli,
Est modus in rebus, sunt certi denique fines,
Quos ultra citraque nequius consistere rectum.*

Hos igitur intra fines iubet Aristoteles eum excurrere, quem ab vno alterum versus amandat extremum. Eam enim fugam arripit vult, & teneri cum arte, ac lege, ne sit effusior, & ea, quam ipse carpit in Arte poet.

In vitium ducit culpa, fuga si caret arte.

Et in Sat. 2. lib. 1. Serm.

Dum vitant stulti vitia, in contraria currunt.

At Vlysses (inquit) sex sociorum demersione atque interitu demonstrat Scyllam se attigisse, non euitasse ac præterisse, quemadmodum vitant, & prætereunt vitium ij, qui intra Virtutis fines continent se. Respondeo: in exemplo ac similitudine non oportere omnia esse omnino paria, & sibi innicem ad amulum respondere. satis enim est, si ea similitudo rei summam explicet, & id, cum quo præcipue comparatio per similitudinem fit. Explicat autem satis gemino illo periculo maiori, minori que proposito, & Vlyssis ad alterum declinatione, ne in maius incurreret ac periculosius malum.

Si cui tamen hæc interpretatio & nodi solutio minus placebit, ei equidem proponere possum alteram à Lelio Peregrino primum, quod ego sciam, excogitatam. qui satis componere se omnia putat, cum ait, ad alterum extremum excurrere, ac vitium ipsum tangere leuiter atque perstringere, nec tamen in eo permanere, non esse ad vitium transire cum illico regressio fiat ad medium, adeoque nihil incongruens esse, si hoc modo præceptum Aristotelis intelligatur. Si quis, inquam id probare maluerit, & Vlyssis illa iactura significari leuem in vitium ingressionem, suo iudicio uti poterit: sed videat qua ratione Aristotelis constantiam tueatur, quo ve mo-

do possit efficere, ne ille pugnanti dixisse videatur. Solutio certè, quam ego proposui colligi potest ex Linconienti apud Burleum, & consentanea magis Aristoteli est.

Atque ex his intelligitur, haud verum esse quod de secundo præcepto dicebatur, tamquam in vitium ducente, quia iubet notari vitium, ad quod procliuiiores sumus, vt ab eo summa contentione tendatur in alterum, ad eum modum, quo vtuntur ii, qui virgas & ligna praua per vim in partem contrariam flectunt. Neque enim in eo reflexu iubemur in vitium ire; nec distortæ virgæ similitudo significat, oportere nos terminum prætergredi, & designatos reflexioni fines: cum virga ipsa, vt ait Lynconiensis, non reflectatur vsque adeo, vt etiam frangatur, sed eatenus tantum, quatenus dirigatur. Si quis autem sit qui responsionem illam Peregrini probabilem putet, dicet haud dubiè, virgam reflecti, ac torqueri ultra statum rectum, qui virgæ debetur, sed in alio illo statu nihil iane consistere, cum confestim impetu capto retrocedat; in quo regressu statum sortitur, & medium suum; idemque ab eo fieri, qui ab vno extremo vitioso, ac prauo, ad quod procliuior est, summo conatu conuulsusque reflectitur in aliud extremum, in quo nihil habet moræ, nec villo prope temporis momento persistit, sed regreditur, & consistit in medio, rationis illius ductu, à qua primum illum initio cepit impetum ad excedendum à vitio sibi magis indito & naturali. Neque verò ea præceptio superiori contraria est, quod fieri possit, vt aliquis ad extremum illud propensior sit, quod minus est contrarium medio, adeoque recedere ab hoc multo magis ac vehementius oporteat; cum tamen supra dictum sit, oportere vehementius se remouere ab eo quod magis aduersatur medio, Virtutique contrarium est. Cum enim ex parte sanè maxima verum aliquid est, & plerumque sic sit, censetur pene semper verum esse, atque ita fieri. sit autem plerumque vt ea vitia, ad quæ sumus procliuiiores, medio Virtutique magis etiam contraria sint, quàm alia; sitque perraro, vt eadem Virtuti repugnent minus, quemadmodum accidere posse dicebatur in materia Temperantiæ. Itaque hoc secundum præceptum superiori hoc tantum adiungit, vt inter ea vitia, quæ magis sunt virtuti contraria, notemus illa, ad quæ procliuiiores sumus, atque ab his vehementius recedamus.

Quod autem dicitur, de perniciè, quam creare posset hæc præceptio iis, qui videntur esse natura propensiores ad virtutem & probitatem, frustra dicitur, cum loquatur Aristoteles de propensione ad exuperantiam aliquam perturbationis ac vitij, non de naturali ad probitatem inductione, vnde nullus est habendus vnquam regressus, si quatenus eiusmodi tam proba, & virtutis expetens ipsa per se alius natura hominis inueniatur. Et quoniam dictum ad extremum est, hanc præceptionem esse posthabendam alteri, quæ traditur à Stoicis opportunior, quibus

quibus magis placuit lentus quidam gradus, à vicio referendus aduersus medium, quàm hæc vehemens in alterum extremum contentio, quæ iubetur ab Aristotele; quoniam, inquam, ita dictum & disputatum est, id etiam nos denique confutemus. Respondet igitur, Aristotelis monitum opportunius, atque efficacius esse homini volenti & contendenti statim attingere medium, ac virtutem, Stoicorum verb præceptionem esse commodiorem iis, quibus voluntas frigidior est, atque remissior: Quidam enim propter ardorem animi, conatimque statim ad virtutis perueniunt medium; alij propter voluntatem, studiūque remissius paulatim, ac sensim contendunt ad medium. Illustrabit hanc præceptionem cuiusdam decisio quæstionis; quam hoc loco perstringere libet. Querunt enim aliqui, difficilius ne sit ab extremo ad medium, an ab vno extremo in alterum transire. Eultratur in cap. 8. docet absolute atque simpliciter, facilitorem ab vno in alterum extremum, quàm ab extremo ad medium esse transitionem. Ad auaritiā enim procliuior esse prolapsio videtur ab effusione, quàm à profusione atque auaritia transitus ad liberalitatem, ego verò cum partitione potius, ac distinctione responderim; ex rei quidem natura ab extremo ad medium gradum habere facilius esse, quàm ab altero in alterum extremum oppositum, atque contrarium, cum & extrema distent inter se longius, & inter symbola, cuiusmodi sunt medium & extrema; ab vno in aliud faciliior transitus & mutatio sit: sed tamen ex prudentiæ defectu fieri, vt naturæ perueratur ordo, faciliusque ab extremo labamur in extremum, quàm ab extremo veniamus ad medium; hoc enim inuenire ac deprehendere difficillimum est. Cum ergo procliuior sit extremi transitus ad extremum, hoc maluit Aristoteles monitum præceptionemque proponere, vt notato vicio, ad quod sumus natura proniores, in a-

liud extremum, hoc est, ad eam partem mediij, quæ finitima, & propinqua est alteri extremo, potius deficiamus, quàm ad medium paulatim ac sensim, hoc est, difficiliore progressionē ac tardiore.

Tertium argumentum vix habet, cur aliqua dignum responsione sit. Respondet illi tamen apud Barleum Lynconiensis hoc modo: Non omni voluisse nos voluptate Aristotelem prohibere, cum dixit, auersandam esse protinus & repudiandam voluptatem; sed ab ea nominatim cauendum, quæ nimium, & exuperantiam habeat. Denique, vt in summa dicamus; ab incoëssis tantummodo voluptatibus ille detertere nos voluit, cuiusmodi non sunt illæ, quæ percipiuntur ex usu beatitudinis, & virtutum, aut ex, quæ capiuntur ex humana ciuilique consuetudine, aut ex opera, quæ procreandis liberis ex legibus datur. Atque, vt planissime videamus, à quam voluptate cauere iubeamur ab Aristotele, meminisse nos oportet, eam comparatam fuisse cum Helena. Ex hoc enim consequens est, nulla nobis interdici voluptate, quæ non sit Helena, hoc est, exitij causa, quemadmodum Homerica illa excidium Ilij fuit, & incendium Troiæ.

Quartum denique, quod obijciatur argumentum multo minus probabile videtur, si memoria tepetatur id, quod sæpe iam diximus, Virtutis medium latè patere, ac propterea illius actiones eatenus dici constantes oportere; quatenus intra præscriptos se teneant fines. Cum igitur intra limites suos semper se teneat ipsa Virtutis actio, quantumuis mutet gradus perfectionis maiores minoresve, nulla de inconstantia reprehendi poterit, siue paululum egrediatur à puncto eius amplitudinis medio, siue punctum ipsum propter defectum non attingat. spatium enim sibi designatum non egreditur in agendo; quæ summa constantia dici debet:



DE SINGVLIS
ANIMI PERTVRBATIONIBVS.
APPENDIX.

QUOD *VM* de singulis agit virtutibus Aristoteles, singulas etiam animi perturbationes, affectusque perstringit, nec vsquam in hisce Moralibus oratione perpetua de hoc disputat argumento; ratus opinor, satis superque id se in libris de arte dicendi iam praestitisse, in quorum secundo producta serie singillatim omnes, nominatimque describit. Excurrunt enim in hoc campo non physici modò, moralésque philosophi, sed etiam dicendi magistri; quorum est, oratoribus ostendere qua via concitentur affectus. Posset igitur à nobis hic labor facillè prætermitti, qui videtur alienus à re proposita, propriusque Rhetorum esse. Ceterum quia melius ad reliquas explicationes lectoris preparabitur animus, si antequam tertium huius doctrinae librum attingat, singularum delibet definitiones affectionum, quae virtutibus singulis materiam præbent, mihi faciendum putauit, ut omnes ei ex Aristotelis Rhetorica desumpas veluti sub aspectum ponerem, atque hoc additamento tum aliquam inire ab oratoribus gratiam, quibus hanc explicationem addico, tum locum explerem vacuum, qui hanc etiam tractationem ad extremum desiderare videbatur.

DE IRA.

DEFINITIO.



IRA est cum dolore coniuncta quædam appetitio, & libido speratae punitionis aduersus eum, à quo se quispiam, aut aliquem suorum neglectum immeritò putat. Porro, neglectus quatuor genera sunt; contemptio, violentia, contumelia, ignominia: ex quorum singulis oritur Ira.

Dicitur primo loco Ira esse libido: ut intelligatur esse vehemens quædam, & concitata voluntas, aut appetitio. quælibet enim cupiditas impotens dici Latine solet libido, ut libido regnandi, libido habendi &c. Itaque nonnulli Grammatici, in primisque Donatus, iram esse dictam voluntatem eo, quod est ire. perinde ac si à se eat qui irascitur, & furit, dicique propterea docent ad se redire qui definit irasci, & iram deponit. Terent. in Adel. Tandem reprime iracundiam, & ad te redi: impotens, inquam, est hæc animi perturbatio, quam idcirco non appetitionem solum, sed libidinem appellandam putamus. Et quia oportet hanc libidinem esse certæ cuiusdam rei voluntatem, dicitur esse libido punitionis: quæ quoniam in multos concitari, & ferri potest, additur aduersus certum hominem ferri, à quo nos, vel nostros præter

ius, ac fas neglectos fuisse putemus. id quod non sine summa ratione subiungitur. Neque enim ad concitandam iram vera requiritur iniuria, sed satis est, si nobis ipsis iniuria videatur. sæpe quippe decipimur; rati iniuriam esse, quæ verè non est: ex qua opinione, iniusta nascitur ira, sed tamen ira. Immo verò non est necesse aliquem re ipsa fecisse iniuriam, sed satis est, si de inferenda iniuria cogitauit. sic enim disertè hoc loco docet Aristot. Quia demum hæc libido tristitiam, & dolorem quidem habet cum spe vlciscendi, ne id quidem prætermisit, voluitque non solum iram esse appetitionem vltionis, sed certam quamdam appetitionem cum tristitia coniunctam ex præterita iniuria, & cum spe ac voluptate, quæ ex vltione sperata subnascitur. Cum enim nulla speratur vltio, ira non excitatur, sed odium, aut alia prorsus animi commotio. Consentit hæc definitio cum illa Stoicorum, quam exposuit in 4. Tuscul. Cicero. Ira est libido puniendi eius, qui videatur læsisse iniuria.

An Ira semper feratur in certam aliquam, & singularem personam.

ARISTOTELES planissimè pronunciat, non posse iram concitari vniuersè in homines, aut in genus humanum, sed in certos quosdam; ut in Cleonem. Necesse est, inquit, eum, qui irascitur, singularibus, &

certis hominibus semper irasci: vt Cleoni; non homini vniuersè, id quod intelligi vult ex definitione. Nam ira nascitur ex contemptione: contemptio autem est actio. Actiones verò certorum hominum sunt & singularium.

Nihilò tamen minus fuisse videntur aliqui, qui aduersus homines vniuersè commouerentur. qualis fuit Atheniensis ille Timon apud Plut. in M. Athonij vita. qui humano generi videbatur irasci; cùm omnes omnino mortales extinctos cuperet, & Alcibiadem complecteretur eo nomine, quòd esset aliquando multa mala Atheniensibus illaturus. Quo factum est, vt & diceretur *μῆν' ὄντι*, hominum osor, & per celebri epitaphio à Callimachio poëta nobilitaretur. quod sic vertit Aretinus.

Hic osor iaceo Timon, hominūque Deūque.
Immo verò cumulum & epitaphium ipse sibi scripserat viuius huiusmodi.

Hic sum post vitam misere, atque inopemque sepultus:

Nomen ne queras: Tu, lector, remale perdas.
Hoc de hominum ordine fuisse videtur etiam Caligula. cuius excepta nefaria vox in Theatro est; vnā ceruicem vniuerso populo Romano peroptantis, quo facilius vno ictu posset abscindi. Sic enim de illo scriptum reliquit Sueton. in cap. 30. Infensus turbæ fauenti aduersus studium suum, exclamauit. Utinam Populus Romanus vnā ceruicem haberet. Quin latius patuisse videtur tam efferata cupiditas, & genus ipsum humanum perditum voluisse. Nam querebatur de temporum suorum felicitate, & publicas ærumnas calamitatēque vehementer optabat. Queri, inquit Suet. cap. 31. palam de suorum temporum conditione solebat, quòd nullis calamitatibus publicis insignirentur. Atque identidem exercituum credes, famem, pestilentiam, incendia, hiatus aliquem terræ optabat.

Sed tamen hæc non euertunt quæ ab Aristotele decernuntur. Timonis enim ille inhumanus affectus non ira fuit, sed odium, quod ab ira longe dissidet, vt multis idem docet Arist. & nos explicabimus infra. odium quippe ferri potest in vniuersos: quia non excitatur ex contemptione, atque iniuria; cùm sæpe eos etiam odio habeamus, qui nos minimè læserunt, vt omnes fures, omnesque sicarios, qui tamen, neque nos neque nostrum quempiam contempnerunt violari vt. Eadem de Caligula dicantur, si eius animus tam immaniserat, vt non populum Romanum tantum, sed genus ipsum humanum odio prosequeretur. Quod si efferati hominis ea vox in Romanum tantummodo populum ferebatur, veram dixerim fuisse iram in certos homines concitatā. Qui enim Lacedæmonis irascitur, certis irascitur hominibus & certæ ciuitati.

Qui fiat vs Ira voluptas adiuncta sit.

N A S C I T V R ex eo hæc quæstio, quòd ira dolorem habeat, & ægritudinem, quæ videtur cum voluptate pugnare. sed tamen duabus confirmat rationibus Aristot. iræ comi-

tem esse voluptatem. Prima ducitur à definitione, in qua dictum est, iram esse appetitionem speratæ punitionis. Quam definitionis partem veram esse hoc argumento demonstrat: Ira est appetitio, at nemo appetit ea, quæ se consecuturum esse non sperat. ergo ira spem habet adiunctam. Quo posito, ita promouet rationem: Quicumque arbitratur, ac sperat se consecuturum esse quod vehementer optat, voluptatem animo capit, Iratus sperat consecuturum esse punitionem, quam sitienter expetit. Igitur iratus percipit animo voluptatem. Quare subiungit, probè, appositèque iram dici ab Homero commotionem esse, quæ

-----melle liquenti

Dulciore humano succensa in pectore gliscit.

Sic enim Latinè redditur Homerichs versus à Mureto. Neque verò Virgilius Homeristudiosissimus hanc voluptatis cum ira coniunctionem ignorauit. Quin eam diligenter expressit in *Æneida*, ex ira aduersus Helenam exardescente.

Exarsere ignes animo, subit ira cadentem

Vlcisci patriam, & sceleras sumere penas.

Hæc nimirum appetitio vltionis vehemētissima, est cum dolore coniuncta. Sequitur voluptas in iis, quæ de dulcedine illi cogitationi permixta sic adiunguntur.

---- animūque expleſſe inuabis

Vltricis flamma, & cineres satiasse meorum.

Secunda Ratio petitur ab ea cogitatione de supplicio ac pœna, in qua vir versatur iratus; cuius vi voluptatem habet. Toto enim animo vltionem agit: adeoque vltionem ante oculos sibi constituit, & veluti præsentem intuetur. Ita verò constitutus animo, non potest læticia aliqua non aspergi. Est enim simile, vt cum dormientibus iucundissima quædam accidunt somnia, quibus mirificè delectantur, perinde ac si ea, quorum inanes animo percipiunt imagines, vera essent, atque præsentia. Dicitur adeo quasi prouerbio somnio beatus qui repente diues efficitur. Hinc enim illud in orat. contra Salust. Vnde tu, qui modò ne paternam quidem domum redimere potueris, repente tanquam somnio beatus hortos preciosissimos, villam Tiburti, & Cæsaris reliquas possessiones paraueris? Huc pertinet etiam ille apud Theocritum pastor. Eclog. 9. qui sic gloriatur.

ἔγω δὲ τοι, ὅς ἐστι δὲ ὄντι

ἔαίνω. ποτὶ δὲ ὡς ὅς, ποτὶ δὲ χυμῶς.

Posideo quacumque solens sub nocte videri

In somnis vim magnam ouium multasque capellas.

Quemadmodum ergo voluptas capitur in somnis ex imaginibus illis rerum iucundarum, quas veluti præsentem animus intuetur, sic vigilantes, cùm de rebus iucundissimis cogitant, summopere delectantur. Atque hoc ex loco solui nodus potest, qui facillè sic necti posset ex iis, quæ in proximè superiori ratione posita sunt. Dicere quippe possit aliquis, minimè verum esse, homines non expetere nisi quæ sperant se consecuturos. expetunt enim interdum regna, dominatum to-

N n ij

tius orbis terrarum, & ex ea appetitione incunditatem hauriunt, cum tamen certò sci-ant, se non esse dominatum illum consecutos. Respondendum videlicet est, non esse illam cogitationem inanem propriè dicendam appetitionem & desiderium, quod fertur in rem absentem, atque remotam, sed lætitiā, quæ in re præsentī conquiescit. obicitur enim animo regnum, veluti præsens, adeoque oritur voluptas & gaudium, non appetitio.

Vnum amplius obiici potest, quod ab Aristotele ipso petere possumus. Dixit enim in definitione, iram habere dolorem. at voluptas dolorem expellit, cum qua domicilium habere non potest. Igitur ira, si est cum voluptate coniuncta, ægritudinem, dolorēque non habet. Responderi ex eodem Aristotele debet: qui in 7. Eth. docuit, eam tantum voluptatem pugnare cum tristitia, & dolore, quæ partibus, & numeris omnibus absoluta est in genere suo. at voluptas, quæ capitur ex re futura, non est absoluta. ut cum sitiens, potum futurum expetit & sperat, non extinguit sitim, sed tum cum bibit. sic iratus non tum pellit dolorem, cum expetit penam, sed cum sumit. tunc enim oritur affectus ille qui propriè dicitur voluptas à Cic. Simile quiddam dici de tristitia potest, quæ quamquam est in timore, non tamen ita absoluta est, ut tollat timorem. sed tum tollit, cum malum est præsens.

De quatuor contemptiōnis, despiciatūsque generibus.

IRAM ex aliorum in nos neglectu nasci decretum est. sic enim placet Latine dicere *ἀμελγία*, cui nullum verbum Latinum respondere contendit Petrus Victor. Placet, inquam, eam appellare neglectum, siue negligentiam, quia vel ex ipso Aristot. *ἀμελγία* & *ἀνοή* opponuntur inter se. At *ἀνοή* diligentiam significat, & studium. ergo *ἀμελγία* incuria est, & negligentia siue neglectus. Illud sibi voluit Aristot. cum naturam & vim iræ descripsit: hanc animi perturbationem in nobis concitari ex eo, quod nos aliquis negligat, vel nos, nostrāque incuriosè prætereat.

Quoniam igitur in iræ definitione dixerat, omnem omnino iram excitari ex neglectu, hoc est ex eo, quod negligi nos ab aliis existimemus, tria huiusce neglectus genera fecit. *ἀμελγία*, quam nos contemptiōnem, *ἀντιμυρία*, quam violentiam *ἰσχυρία*, quam contumeliā dicere possumus. Contemptiōnis propriam notam, qua distinguatur à ceteris formis, non designauit, sed tantum ostendit contemptiōnem esse quamdam negligentiam, siue neglectum. ostendit autem hoc modo. Negligunt vniuersi quæ nullius esse momenti arbitrantur. at quisquis contemnit aliquid, contemnit ideo, quod illud pro nihilo putat. ergo quisquis aliquid contemnit, illud idem negligit. Possumus tamen aliorum etiam testimoniis demonstrare, hanc esse neglectus formam, in primisque Ciceronis in Diuinat. contra Verrem. Quos, inquit, non sine causa contempsit semper, & pro nihilo

putauit; & pro Milone. Immo verò contempsit, ac pro nihilo putauit.

Violentiā verò distinguit magis. Aut enim violentiā esse studium impediendi voluntates alienas, non ut is, qui impedit aliquid, id sibi acquirat ipsi, sed ne alij quod cupiunt adipiscantur. Contrahit igitur hanc neglectus formam, & eum vult nominatim esse ac dici violentum, qui adeo malo sit ingenio, ac voluntate, ut alios impedire contendat, ea tantum gratia, ut eis incommodet, non ut ipse quicquam amplius assequatur. Hoc animi vitio fortasse laborabant Cordistæ Galatarum populi, apud Athen. in lib. 6. Qui cum aurum non modò nullis adhiberent vñibus, verum etiam odio prosequerentur, & inductione naturæ pro nihilo haberent, quempiam exterorum aurum habentem vidissent, eum spoliabant, nec aurum quemquam à finibus suis asportare patiebantur. Hunc affectum videtur item expressisse Simo apud Terentium in Dauo seruo. Quem, inquit, ego credo manibus, pedibusque opnixè omnia facturum, magis id adeo, mihi ut incommodet, quàm ut obsequatur gnato. Hanc ergo sic expressam, descriptamque violentiā esse quemdam neglectum demonstrat Aristot. ex eo, quod violentus neque timet eum, cui incommodat, neque aliquid ab eo se sperat vnquam accepturum.

Expressius Cicero cuiusdam Bursæ in se depingit violentiā in lib. fam. epist. septimo. Hic simiolus, inquit, animi causa me, in quem inueheretur, elegerat. Quid est enim animi causa Ciceronem lacessere, nisi nullo proposito commodo, atque vtilitate, quam consequi posset? quamquam fortasse pertinet id ad contumeliā, quia infert iniuriā ad voluptatem.

Contumeliā igitur, quæ postrema pars est neglectus, ait esse offensionem, atque iniuriā, voluptatis illatam gratia, cum ignominia eius, qui læditur. Quatuor ergo res in Contumelia sunt: quarum dux nascuntur ab eo, qui contumeliā imponit, dux ab eo, cui contumelia imponitur. Nā qui contumeliā accipit, non offensionem tantam, sed etiam ignominiam accipit. Qui verò infert, non id sequitur, ut ex ea fructum aliquem sibi paret & lucrum, sed ut inde hauriat animo voluptatem. Porro ignominia nascitur ex eo, quod qui contumeliā facit, id agit, ut eum summè à se negligi demonstret, quem contumelia notat. at nemo magis ignominiam infert quàm qui negligit. Quare quæritur iratus Achilles Iliad. quod ignominia esset affectus ab Agamemnone.

*Ἡ δὲ μὲν Ἀτρεΐδης ἐντοξαφίον Ἀγαμέμνονος
Ἠτίμωσεν. ἰδὲ αὖτε ἱγέρ νηλεὲς, ἀντὶς ἀντίμαρ.*

Omni me Atreides plane spoliatus honore.

Nam mihi præcipuum dederant quod munus Achivi

Præcepum, suæque abductum in tentoria, seruat. Munus autem erat Briseis, quam ei virtutis remunerandæ studio Danaï dederant in prædæ partitione, quod erat honorificum. Voluptas verò in imponenda contumelia oritur

ex eo, quod qui contumeliam facit, potentia sibi videatur prestare ceteris. Hinc enim fit, ut iuvenes, & diuites, inquit Aristot. quoniam summè cupiunt ceteris antecellere, multo maxime contumeliosi sint. putant enim fore, ut si alios neglexerint, excellentiores ipsi alius videantur. Id nimirum spectauit Midias vir ditissimus, cum Demosthenem oratorem, Choragum agentem in Dionysiis, pugno contumeliosè percussit. extat hodièque Oratio Demosthenis in Midiam, qua contumeliam illam vehementer exagitat. Alcibiades verò Atheniensis, pulcherrimus, & nobilissimus, sed petulantissimus adolescens, ita contumeliosus fuisse dicitur, ut obuios quosque sine causa pulsaret. Quin etiam aliquando, Grammatici cuiusdam, aut Declamatoris ingressus ludum, eum Homerum sibi dari iussit in manus, respondissetque ludi magister, Homerum apud se non esse, pugnis eum & calcibus recepit pessimè, fertur. Ceterum non hi tantum, sed etiam alii, qui aliquo rerum genere præcellunt, faciliè irascuntur, & ex ira contumeliam imponunt, quia putant, se debere ab inferioribus obseruari. Quare irascuntur maxime, inquit Arist. qui aliqua se ceteris antecellunt, si ab eis fortasse negligantur, qui sunt in eo genere inferiores, contraque summo-pere gaudent, cum permagni se fieri vident. putant enim, se obseruari debere in eo quo ceteros vincunt. Quatuor potissimum ad eam rem declarandam recenset hominum ordines, qui faciliè irascuntur nisi colantur, atque ab inferioribus obseruentur: Diuites; quia pauperes pecunia superent: eloquentes; quia dicendi facultate vincunt indifertos: Principes, atque Imperatores; quia imperio atque auctoritate iis, quibus præsumunt antecellunt: Beneficos; quia liberalitate, & beneficio superiores sibi videntur iis, quibus benignè fecerunt. Sed nullam ait esse grauiorem iram, quam quæ in Regibus & Principibus excitatur, cum se minus obseruari, & coli ab inferioribus intelligunt. laudat adeo Vlyssis dictum apud Homerum Iliad. 6.

Ab Ione natorum certe ira est maxima Regum.

Appellat autem Reges Iouis filios, quia putabat Homerus (id quod etiam contendunt Astrologi) Iouem esse, qui ditiones & Imperia mortalibus det. Laudat etiam illud Chalcantis Iliad. 2. qui iussus ab Achille causam proferre, cur Apollo pestilentia Græcorum copias conficeret, reformidans Agamemnonis iram, ad quem ea morbi causa maxime pertinebat, respondit, Regum illud ingenium esse, ut cum inferioribus irascuntur, quamquam eadem planè die vel hora videntur iram deponere, in pectore tamen abditam seruent; & occasionem nacti opportunam, velut è carceribus in miseros effundant totam. Versus Homeri Latine redditici sic sunt.

--- commota bile tumebit

*Iraius cunctos dominans hæc inter Achinos,
Et cuius iussu Danaum mandata capeffunt.
Iam plus se prigrigis valet atra potentia Regis,
Prosequitur quosque feruentis pectoris æstu*

*Sorte minore virum, quamuis ad tempus atrocem
Lenito stomacho placide concouexit iram.*

*Post tamen accensus redit in præcordia flammis
Ira iterum, qua non, nisi sit sese ulta, quiescit.*

Quaratione sint affecti qui irascuntur.

Ex iis quæ supra iam dicta sunt, intelligi potest, propriam iratis affectionem esse tristitiam & dolorem. tenentur enim ultionis desiderio: desiderium autem dolorem habet. dixi verò præcipuè sic affectos esse: quia voluptas comes est potius iræ, quam affectus. Dolor autem ita cum ira coniunctus est arde, ut ira ipsa sæpe numero dolor appelletur. unde fluxit illud Virgilianum.

*Nec dum etiam causa irarum seuque dolores
Exciderant.*

Nate, quis indomitas tantus dolor excitat iras.

Quo loco poëta videtur id etiam dicere; dolorem esse causam iræ: cum dicat iram à dolore concitari. Et sanè si velimus ire per singula, quæ perturbationem hanc cient, inuenimus omnem prorsus iram à dolore proficisci. Nam primo quidem irascuntur homines, inquit Arist. iis, quos sentiunt suis cupiditatibus obuiam ire, ut si quis sitientem impodiat quominus liberè bibat. Et quoniam sitis est ingens quædam bibendi cupiditas, translatè omnes cupiditates insanas ad viuum exprimit. ut in paradox. Numquam expletur, nec satiatur cupiditatis sitis, & de senect. Literas Græcas sicauide arripui, quasi diuturnam sitim explere cupiens. Qui verò cupiditatis sitim explere non potest, dolet, & ex dolore irascitur. Rectè igitur Dido in 4. cum Æneam tantopere suæ aduersantem cupiditati videret; dolorem, incredibilem animo concipit, ex dolore iram promittit acerbis simam. &

--- sic accensa profatur.

*Necte Dina parens; generis nec Dardanius angor
Perfide: sed duris genuis tecantibus horrens.*

*Caucasus; Hyrcanæque admorant vbera Tigres.
Nam quid dissimulo? &c.*

Huc referas illud item Virgilij Geor. 1.

Ans unde iratus filiam deuexit Arator,

Et nemora euerit multos ignava per annos.

irascitur enim quod votis & cupiditatibus suis non respondeant agri.

Secundo loco. Irascimur, inquit, aduersus eos, qui cum nos adiuuare deberent, destituunt. Quo ex fonte manauit illa Ciceronis querela in epistola quadam, Si esset in iis fides, in quibus summa esse debebat, non laboraremus. Sed tunc magis irascimur cum dolemus, quod ab iis minimè iuuentur, qui nobis suppetias maxime ferre debent.

Tertio loco: ait irasci faciliè qui morbo laborant, qui paupertate premuntur, qui amant impotenter, qui summè aliquid cupiunt, quod assequi minimè possint. At horum singuli dolent, & ex dolore stomachantur. Morbus enim reddit hominem iracundior, ut docet Isocrates in Æginetico. Immo verò ex affectibus animi sola iracundia per excellentiam appellatur morbus, & iracundi morbofi, ut Cic. docet in Tuscul. 4.

Bene igitur nostri, inquit, cum omnia essent in morbis vitia, quod nullum erat iracundia foedius, iracundos solos morbosos nominarunt. Pauperes autem ita succensent ex dolore, ut egestatis impatientes maleficia etiam admittant. Quo de genere fuit Catilina cum sociis. Quid de amantibus dicatur? notæ sunt riuialium rixæ, vulnera, cædes. Terent. in Heautontimorumenos. Noui ego amantium animum? aduertunt grauitur quæ non censeas.

Quarto. Irasci docet eos, qui intelligunt, in præsentis rerum suarum articulo ac statu se negligi. quod pluribus illustrat exemplis. Primum est ægroti, aduersus illum irascentis, qui suum negligit morbum. Secundum pauperis, ei succensentis, qui suam contemnit egestatem. Quare monet sapienter Hesiodus, ne cuiquam vnquam paupertatem exprobremus, nisi fortasse, quod Proclus adiungit, vel ab intemperantia, vel à profusione proficiscatur. Tertium est militis, qui stomachatur iis, quos bellum auersari ac detestari videt. Vniuersè demum, qui alicuius rei studiue amore ducitur, ira commouetur in eos, à quibus videt studium, & amorem suum despici ac retardari. Dij Deæque illum senium malè perdant, inquit apud Terentium Cherea, qui me hodie remoratus est. Ac horum singuli sunt in dolore, & ex dolore concipiunt iram. Quinto. Irasci nos ait potissimum, cum contra res accidit, quam sperabamus, parit enim doloris sensum acerbiorum, improuissimum nec opinatum incommodum. Rectè itaque Carinus adolebens in Andria iratus inducitur, quod Pamphilus promissum auxilium non præstitisset. Hocne credibile est, aut memorabile? Tanta vecordia cuiquam innata ut fiet? &c. Cic. pro Flacco dolet, quod præter expectationem suam Domitius Lælius Flaccum accusasset. Numquam tamen existimaui, ludices, inquit, Domitium Lælium optimi viri filium &c.

Sexto. Ait certis quibusdam horis esse nos ad iram procliuiores: ut cum sicci sumus & ieiuni, aut cum aliquid diutius iam expectamus. Vnde Plautinum illud prouerbum extitit. fames & mora bilem in nasum conciunt. Pransi verò, cœnatique reddimur mitiores: quod eleganter expressit Zeno; qui cum esset natura subtristis, ac seuerus, & tamen in conuiuio fieret hilarior; eius rei causam rogatus, respondisse fertur, etiam lupinum natura sua peramarum, aqua tamen maceratum amaritiam ponere.

Ex his ita claudatur oratio; neminem irasci, qui non doleat, nullam in nostris ipsorum animis iram suscitari, quæ à dolore non proficiscatur. Ceteris affectibus, inquit Seneca, aliquid quæti placatque inest: hic totus concitatus & in impetu doloris est. Valer. item de ira sic loquitur. Consternationis plenus affectus ac numquam sine tormento sui violentus: quia dolorem cum inferre vult, patitur.

De variis hominum generibus quibus facile irascimur.

QVAM QVAM ex iis, quæ dicta iam sunt, intelligi potest, quibusnam potissimum irasci solitissimus, distinguit nihilominus ampliùs, & singillatim eos percenset Aristot. docetque singulos aliquo neglectus genere animum nostrum lacessere.

Ait igitur primo loco, aduersum eos ira nos facillimè commoueri, qui nos derident, qui ludibrio habent, dictisque carpunt & scommatis. hæc enim facere nihil aliud est, inquit, nisi contumeliam imponere: quæ contemptio est & iniuria, voluptatis illata studio cum ignominia. Multa sunt apud Cic. 2. de Orat. huiusmodi aculeata dicta, quæ concitent iram, quale illud Catuli in Philippum interrogantem quid latraret; Furem video, inquit. & Cic. ipse cum Popilius Iurisconsultus in Iudicium productus esset, ut testimonium diceret respondissetque se nihil scire; Putas, inquit, fortasse te de iure interrogari? Idem cum M. Crassum pro Rostris notaret infamia, quem eodem in loco paulo antè laudauerat, dixissetque Crassus admirans, me nuper ex hoc ipso loco laudasti? Laudauit, inquit, sed exercendi ingentis gratia argumentum infame delegeram.

Secundo. Ait irasci nos facillè, si quempiam videamus ea vituperantè, quorum ipsi studiosi sumus. Id quod duobus demonstrat, atque illustrat exemplis. Primum est philosophorum. succensent enim maximè, si quis philosophiam paruipendat. Secundum eorum, qui pulcritudinem & elegantiam formæ diligenter & studiosissimè curant. Stomachantur quippe facillimè, si quis eos in illo studio contemnat. His adiungere licet bellatores egregios, & milites præstantissimos; quippe qui iram tenere non queunt, si se haberi, aut dici fugaces inertesque intelligant. Huiusmodi est Turnus in Drancem apud Virg. Aen. 11.

Pulsus ego? aut quisquam meritò, fadissime, pulsum

Argues, Iliacotumidum qui crescere Tyhrim sanguine, & Euandritoram cum stirpe videbis Procubuisse domum?

Porro augetur ira vel maximè, inquit Aristot. cum quis ex eo studio, in quo processus habuit summos, animaduertit, eum se non capere fructum honoris, quem percipere se debere arbitrabatur. Quare apud Platonem in Gorgia Polus adolescens irascitur Socrati, quod se artis Rhetoricæ imperitum appellaret, cui præcipuè, maximèque studebat. Neque immeritò irascitur Cicero Pisoni, quod versum illum suum gloriosissimè reprehendisset.

Cedant arma togæ, concedat laurea linguæ.

Quid nunc, inquit, te A sine literas doceam? Non opus est verbis, sed fustibus. Non dixi hanc togam, qua sum amictus &c. sed quod pacis est insigne. Quæ verba non iram tantummodo demonstrant, sed contemptum etiam eius, à quo fuerat reprehensus. Ut enim dicere pergit Aristot. qui existimant aliquam arte se callidissimè tenere, & ex ea iam famam & gloriam retulisse, minimi faciunt eos, à

quibus in illo genere vituperantur, quin etiam irident & dictis proscindunt. Et sanè si quis Apellem dicat imperitū esse pictorem, Phidiam statuarum artificem vulgarem, Demosthenem ineptum, & ieiunum oratorem, haud dubiè irideatur ab omnibus. Quem è maledi diis fructum cepit Zoilus ille, qui Homerum reprehendere non dubitauit, & C. Caligula qui Virgilium hominem nullius ingenij minimè quædoctrinæ, Titum Liuium verbosū, & in historia negligentiorē appellauit.

Tertio ait, amicis irasci nos multo magis, quàm inimicis. Causa est, quòd ab amicis, & ab iis, qui nobis aliquo necessitudinis, aut propinquitatis vinculo coniuncti sunt, censeamus nos honorari & coli debere. quod nisi fiat, videmus ipsas quoque fratrum iras acerbissimas existere. Nam qui vehemèter amant, vehementius oderunt, si videant, ab iis se negligi quos amant, & à quibus amorem suo sibi iure repossere se posse intelligunt. id quod docet idem Aristot. in Polit. 7. vbi disertè confirmat, amorem in iram facili conuerti, & in eam, quæ sit acerbior aduersus familiares, quàm aduersus ignotos, vbi nos intelligamus, amicitiam nostram ab amico contemni.

Quarto, Irascimur, inquit, ei, qui cū antè solitus esset honore nos afficere, ac nostra curare, honorem nobis habere, nostriq; curam gerere desinit. existimamus enim tunc ab eo nos, & nostra contemni. Huc referas eam Veneris querimoniam in x. cū dolet, quòd Iuppiter minus iuuaret Troianos, qui iam antè multis eos calamitatibus eripuisset.

--- Quid pestem euadere belli

*Inuit, & Argolicos medio per ignes,
Tosque maris, vastaque exhausta pericula terra,
Dum Latium Tenebris reciditque Pergama
quarunt?*

Quinto. Irascimur iis, qui cū nobis impares sint, per temeritatem tamen audent nostræ se potentie obicere, quique cū nullo sint apud omnes in pretiò, nos despiciere non dubitant. Hinc exitit illa Turni aduersus Drancem iræ commotio.

--- meque timoris

*Argue tu Drance, quando tot stragis aceruus
Tenebrarum tua dextra dedis, passimque trophæis
Insignis campos.*

--- Antibi Maiores

*Ventosa in lingua pedibusque fugacibus istis
Semper eris?*

Ita etiam indignatur Ajax apud Ouid. quòd Vlysses de Achillis armis contendere secum auderet, qui eum longe, & virtute animi, & corporis robore superaret,

Premia magna peti fateor, sed demit bonorem

Emulus Aiæ. non est tenuisse decorum,

Sic licet hoc ingens quicquid sperantis Vlysses.

Ipse tulit pretium iam nunc certaminis huius,

Quod cū victus erit, mecum certasse feretur.

Sexto. Iterum irasci solere nos ait amicis, cū nos haud laudant, vel quantum possunt non iuuant: eòq; magis irasci, si contra fecerint, hoc est, si vituperarint, vel læserint nos. Ad hæc: iisdem amicis irasci, nisi animaduertant quibus rebus indigeamus, & quas

vehementissimè velimus. videntur enim tunc nostra negligere. Declarat hæc exemplo quodam ab Antiphontis Tragœdia petito, in qua Plexippus iratus inducitur aduersus Meleagrum suæ sororis filium, à quo demum est interfectus. Fabula verò est huiusmodi. Plexippus Atreæ Meleagri matris frater fuit. Meleager is, qui Apri Calydonij cum Toxeo fratre celeberrimæ interfuit venationi apud Ouid. Metam. 8. Aderat Atalanta virgo à Meleagro impotèter expetita. Hæc, qua erat celeritate curus prima belluam illam immanem impulit quidem, agitauitque, sed Meleager ad extremum interfecit. Interea Plexippus Apri spolia sibi dari vehementer optabat. sed ea Meleager Atalantæ, quam deperibat, magni loco muneris est largitus. Hic iratus Plexippus, in Virginem impetu factò, spolia per vim eripuit. Quæ causa fuit, cur illico à Meleagro iugularetur. Illud ergo sibi vult Aristot. Antiphontem poetam, qui ex ea fabula Tragœdiam fecerat, rectè iratum induxisse Plexippum, propterea quòd consanguineus Meleager minus animaduertet quid ipse tam sitienter vellet.

Septimo. Irascimur iis, qui vel nostris lætantur infortuniis, vel cū quid grauius nobis accidit, securo, supinòque sunt animo, nec nostris commouentur incòmodis. id enim est, vel inimicitie, vel negligentie saltem argumentum. Inimici nimirum animi est lætitiæ alienis ex infortuniis capere. quod à suis sibi metuit aduersariis Cicero in orat. pro Plancio. Nolite, Iudices, per vos, per fortunas vestras, per liberos, inimicis meis, iis præsertim, quos ego pro vestra salute suscepi, dare lætitiæ, gloriantibus iam vos oblitos mei &c. Est autem negligentis, alieno malo non commoueri. id quod expostulat Dido, cū videret Æneam nullum in suo ipsius angore doloris indicium exhibentem.

Num silem ingenuis nostris vnum lumen flexist?

Num lacrymas victus dedisti, aut miserans amantem est?

Octauo. Irascimur iis, inquit, qui quamquam intelligunt, nobis se dolorem inurere, nihil tamen minùs id non præcauent, & sensum ægritudinèque animi nostri minimi faciunt. Quo fit vt iis, qui aduersa nunciant sine vlla significatione doloris sui, vehementer irascamur. Nemo quippe malorum nuncium diligit, vt est apud Sophoclem in Antigona. Quòd si malus nuncius iam præterea negligentiam atque incuriam præferat, quæ demonstrat dolorem, quem nunciat nihil ad se pertinere, multo magis irascimur. Sapienter adeo Tragicorum nuncij dolent, antequam loquantur & suum ipsorum detestantur officium. Quin veniæ præstantur, & à se suspicionem illam iniuriæ longissimè amoliuntur. In Hippol. Senec. ita nuntius exclamat:

O fors acerba, & dura famularis mei!

Cur me ad nefandas nuncium casus vocas?

Iubente verò Theseo vt proferret tamen quicquid afferret aduersi.

Vocem (inquit) doloris lingua luctifica negas,

Hippolytus, heu mihi, stabili lecto occubas.

N n iij

Gemina sunt in Troadib. vbi nuncius ita lamentans inducitur, antequam Hecubæ Astyanactis & Polyxenæ mortem exponat.

O dira fata, miserranda, horrida!

Quid tam ferum tam triste his quibus scelus

Mars vidit armis? quid prius referens gemam?

Tuos ne potius? an tuos luctus, annus?

Pergit Arist. vniuersè confirmare, irasci nos aduersus omnes qui mala nostra æquo, inertique animo vident, nec dolent cùm audiunt, aut cernunt aliqua, quæ nostram existimationem, corpus, animum lædunt. Est, inquit, vel negligentis, vel inimici sic agere. Amici enim, qui putant omnia cum amico sibi esse communia, dolent rebus amicorum aduersis. Quin etiam tanta vis est humanitatis, vt inimicorum etiam acerbissimis quibusdam malis doleamus. Rectè itaque à sapientissimo poëta Æneas inducitur non Pallantis tantummodo morte collactymans qui erat amicus, Sed Lausi etiam inimici, quem ipsemet occiderat, ingemiscens interitu.

At verò vt vultum vidit morientis & ora,

Ora modis Anchisiades pallentia miris,

Ingemuit, miserans grauiter, dextramque prehendit,

Et mentem patria subiit pietatis imago.

Nono. Aut in summa iram in eos commoueri, qui nos apud quinque hominum ordines & genera contemnunt. Primum est eorum, quibuscū de dignitate gloriâque certamus. Intercedūt enim sæpissimè inter viros excellentes, gloriæ causa, similitates. vt inter Themistoclem, & Aristidem apud Græcos, inter Fabium Max. & superiorem Africanum, inter Marium & Syllam, inter Cæsarem ac Pompeium apud Romanos. Si quis ergo ex huiusmodi viris negligi se videat coram competitore, succenset, & irascitur maximè, quia aduersario videri nollet inferior. videtur autem inferior, cùm contemnitur. Secundum est eorum, quos admiramur. Huiusmodi enim homines nobis conciliare nostris promeritis nostrâque dignitate studemus. At cū illis coram parui pendimur, timemus, ne minùs id facere possimus, neue ab iis quoque despiciamur, apud quos auctoritatem nobis conciliare contendimus. Tertium eorum est, quibus admirationi nos esse volumus, & re ipsa sumus. Est enim periucundum habere plurimos qui nos, nostrâque demirentur, cùm præstatiæ hoc indicium sit. Cùm ergo corā iis negligimur, qui nos suspiciunt, & admirantur, non possumus non irasci, quia ea nos iucunditate priuari sentimus. Quartum eorum est, quos veneremur, & summè veneramur. quales sunt grauissimi quique, ac sapientissimi homines: apud quos contemni, nobis est molestissimum. Merito igitur cùm contemni se vidit à Drance coram Latino, quem summa cum obseruantia venerabatur.

Talibus exarsit dictis violentia Turni.

Dat gemitum, rupitque has imo pectore voces.

Quintum eorum est, quibus ipsi venerationi sumus. Vt si pater coram filio, aut Institutor apud discipulos contemnatur, haud dubiè succensent & indignantur: cùm iure perti-

mescant, ne minùs in posterum obseruentur ab iis, quos habent in potestate.

Decimo. Irascimur aut iis, à quibus ex negligentur personæ, quas nisi ipsi tueamur, ignominiam subituri sine dubio sumus. vt cùm parentes, filios, vxores, nostro demum subditos imperio contemni perspicimus. His videlicet causis accensus est L. Manlius: qui ruri agens cùm patrem suum accusatum à Pōponio Tribuno pleb. audisset, in Urbem illico venit, & stricto gladio Tribunum intrare coëgit, ab ea se accusatione recessurum. Huc reuoces Menelaum: qui cùm abductam sibi vidisset coniugem, Troianas illas Tragedias excitauit, Ilium decenni labore vicit, & absumpsit incendio. Huc Priamum, qui cùm Politem filium coram se vulneratum à Pyrrho, atque expirantem aspexisset, non est veritus id ætatis homo ferocissimum Neoptolemum oratione lacessere.

Hic Priamus quamquā media iā morte tenetur,

Non tamen abstinnit, nec voci, iraque pepercit.

At tibi pro scelere, exclamat, pro salibus ausis

Dis, si qua est calo pietas, qua calia curer,

Perfoluant grates.

Quin ipsæ quoque pecudes hanc habent à natura inditam iræ causam validissimam, quam ostendunt, cum imparibus armis nidos defendunt & sætus suos.

Vndecimo. Irascimur, inquit, iis, qui accepti beneficii gratiam non referunt. Quæ quidem irascendi causa non tam vtilitatem spectat, quàm honorem, quem nobis habendum esse iure putamus ab eo, quem beneficiis exornauimus. At eum honorem non habet, cùm gratiā referre non studet. hanc expressit egregiè causam Cic. in Epistolarū lib. 5. ad C. Antonium. Ego, inquit, si abs te summa officia desiderem, mirum nemini videri debet. Omnia enim à me in te profecta sunt, quæ ad tuum commodum, quæ ad honorem, quæ ad dignitatem pertinerent, pro his rebus nullam mihi abs te relatam esse gratiam tu es optimus testis. Expressit Dido in quarto.

Nusquam tuta fides; eiectum litore, egentem

Excepi, & regni demens in parte locans:

Amisam classem, sociòsque à morte reduxi.

Hec furis incensa feror.

Ariadna item apud Catull,

Certe egote in medio versantem turbine lathi

Eripui, &c.

Duodecimo. Iram commouent qui dissimulatione atque ironia vtuntur, cùm nos agere seriò vidēt. putamus enim contemni nos: cùm ironiam adhibere non soleamus nisi per contemptum, vel certè per iocum in tempore. at cùm alios seriò loqui, & transigere cernimus, alienum esse à ioco tempus illud existimare debemus. Quòd si nihilominus per iocum loquamur ironicè, eos videbitur contemnere, qui nauiter agunt & loquuntur seriò. Socrates ironia penè perpetua utebatur, adeoque Rhetorum omnium, aliorumque in se iram cōcitabat, qui se ab eo irrideri putabant, & despici. M. verò Tullius multos quidem in orationibus exagitat, & contemnit ironicè; sed omnium maximè Pisonem.

Tertiodecimo. Trascimur iis, qui cū in alios beneficii sint, & liberales, nos tantummodo prætereunt, nec efficiunt beneficio. Videntur nos quippe contemhere, suāque liberalitate minus dignos existimare. Ita Tigellius ille Sardus Ciceroni succensuit, quod cū multos defenderet, suam vniū causam suscipere nolisset in Epist. lib. 7. Quare cū aliquid impetrare volumus, permultum sanè prodest ea commemorare, quæ sunt in alios collata beneficia. Id quod facit Cic. pro Ligar. Commemoratur quippe communia Cæsaris beneficia in omnes, & ad extremū ita claudit orationē: Faciatur quo de homine clarissimo M. Marcello restituto fecisti nuper in curia &c.

Quarto decimo. Docet obliuione ad irā nos prouocari; vt cū animaduertimus, aliquem nominis quoque nostri oblitum esse. Nam qui rei alicuius obliuiscitur, eum negligere videtur, & paruipendere. Sapienter ergo Cyrus Persarum Rex omnia penè suorum militum nomina diligentissimè mandasse memoriæ dicitur, vt vnumquemque suo compellere posset nomine, adeoque ostenderet, vel è gregariis quemlibet permagni se facere. Hunc imitatus est superior Africanus: qui suo nomine singulos poterat milites appellare. Atque huc nimirum pertinebat ille petitorum Nomenclator apud Romanos, qui nomina ciuiū, vt quisque occurrebat, in mentem candidato redigeret, vt suis singulos nominibus appellare, ac salutare posset qui Consulatum petebat. Hunc Nomenclatorem dictum quoque factorem Festus, quod clā velut infarciret in aures candidati nomina saluandorum Ciuiū. Horat.

*Si fortunatum species & gratia spectat,
Mercentur seruum, qui dilet nomina, launum
Qui fodiat larui, &c.*

Ceterū non ipsa nominis tantū, sed aliatum etiam rerum obliuio cōtemptum demonstrat. Quare cū purgare nostram in scribendo tarditatem, vel intercapedinem volumus, cōmuni propè iam formula dicimus quod est apud Tullium, non obliuione veteris amicitie id factum esse. In beneficiis verò solet obliuio esse turpissima, maximèque ad iram animum commouet propter beneficij, quam præ se fert contemptionem. Itaque Seneca, cū quatuor fecisset ingratorum hominum ordines, turpissimum eorum esse decreuit, qui accepti beneficij obliuiscuntur. Ingratus, inquit, est qui beneficiū accepisse se negat: ingratus qui dissimulat: ingratus qui non reddit ingratus omnium qui oblitus est. hic numquā fieri gratus potest, cui totum beneficium elapsum est l. 3. de benef. c. 1.

Superesset, vt videremus, quā ratione ira distinguatur ab odio, & quānam ex his grauior commotio, ac perturbatio animi sit. Sed hæc in loco tractabuntur infra: vbi de ipso disputabitur odio.

DE PLACABILITATE.

IRÆ, altera respondet ex parte quædam affectio eius animi propria, qui facillè mitigatur. Et quoniam eiusmodi animus dicitur à

Cicerone placabilis & iracundus, irritabilis, atque inexorabili prorsus opponitur, iure nos hunc affectum placabilitatem appellabimus: quæ nihil aliud est, nisi quædam iracundiamini facillè mitigatio. vt vel hinc intelligas, non hanc esse virtutem illam, quæ mansuetudo dicitur; sed mansuetudinis materiam ac fundamentum. Huius adeo naturam ac vim, causas, effecta facillè cognoscemus, si eam cum ira comparabimus.

Cū enim irascamur iis, qui nos negligunt, & volentes negligunt: necesse est, contra facillè nos leniri ac mitigari erga eos, qui nos vel non contemnunt, vel contemnunt inuiti. Excusat enim propterea Cic. Ligarij crimen, quod humano deceptus errore, Pompeium esset secutus. Tertium, inquit, est tempus, quo post aduentum Vari in Africa restitit. quod si est, criminofum, necessitatis crimen est, non voluntatis.

Deinde sumus in eos facillè mitiores, qui iudicio & voluntate sua eadem quæ nos patiuntur, patiuntur. quales optimi sunt imperatores, qui militum labores & que suscipiunt, famem, sitim, algorem pariter tolerant. quo genere ille magnus excelluit Marius, qui propterea milites erga se habuit ita faciles, vt pro uerbis Mariani multi ob admirandam laboris tolerantiam, teste Plut. dicerentur. id quod de Cyro Xenophō etiam scriptū reliquit. Denique verum est in omnibus quod canit Ouid.

Sic agitur censura, & sic exempla parantur;

Cū iudex, alios quod monet, ipse facit.

Cic. pro leg. Man. Neque enim potest exercitum continere Imperator, qui se ipsum non continet, neque seuerus esse in iudicando, qui alios in se seueros esse iudices nō vult, &c. Si quis ergo huiusmodi sit Imperator, aut alius eiusdē disciplinæ vir, habebit nos faciles, & mites: deponimus enim illico iram, cū cum suo iudicio & voluntate ferre videmus ea, quæ nos ferre oportet, ideo quia sumus inferiores.

Tertio loco, erga eos mitigamur, qui fatentur quidem id se fecisse, quo læsi sumus, sed eos pœnitet facti. quamquam dubitat Cic. in libro de offi. primo an satis sit eos pœnitere, vt condonemus. Atque haud scio, inquit, an satis sit, eum qui lacessierit, iniuriæ suæ pœnitere; vt & ipse ne quid tale posthac committat, & ceteri sint ad iniuriam tardiores. Certè Cic. ipse ad clementiam Cæsarem in oratione pro Marcello, & pro Ligario trahit illo solū nomine, quod reos facti pœniteat. Sed ego ad parentem loquor, inquit, in Ligar. erravi, temere feci, pœnitent; ad clementiam tuam confugio: delicti veniam peto: vt ignoscas oro. Huc pertinent ij, qui se demissè gerunt, a modestè: qui orant, supplicāt, obtestantur. des clarant enim se esse inferiores. inferioribus verò nemo irascitur nisi barbarus atque immanis. quo in genere admirandus Cicero artifex est. Pro Font. ad extremum. Tendit ad vos Virgo Vestalis manus supplices easdem, quas pro vobis Diis immortalibus tendere consuevit. Cauete, ne periculosum, superbūque sit, eius vos obsecrationem repudiare, cuius preces si Diī aspernarentur, hæc sal-

ua esse non possent. Pro Gn. Planc. Non opibus contendo, non auctoritate, non gratia, sed precibus, sed lacrymis, sed misericordia; mecumque vos simul miserrimus & optimus obtestatur parens: & pro vno filio duo vos patres deprecamur. Huc referendi sunt qui non contradicunt: erga quos mitiores sumus, quodd submissi, subiectique iam esse videantur. id quod in ieruorum pœna licet agnoscere, erga quos leniores efficimur si fateantur erratum, ac veniam petant; asperiores verò, si distiteantur, & pernegerent. aperta enim peccata negare impudentia est. at impudentia contemptui videtur a finis. quod lenitatis genus ipsæ bestiae non ignorant, cum canes, ut ait Aristot. quos prostratos vident, eos mordere non pergant. Quin de Leonibus quoque Plin. idem tradit, & quidē his verbis. Leoni tantum ex feris clementia in supplices: prostratis parcit, & ubi sequit, in viros prius, quam in feminas fremit, in infantes non nisi magna fame. Quo sanè clementiae documento ad lenitatem reuocat Augustum Ouid. illo versu,

*Corpora magnanimo factus est prostrasse Leoni,
Pugnaque tunc finem, cum iacet hostis, habet.*

Non ergo fuit in humanum genus natura sic maligna, ut non etiam illi eam placabilitatem in seuerit, immò verò conuenit in omnes quod nominatim Romanis est dictum.

*Turegere imperio populos, Romane, momento,
Ha tibi erunt artes, pacisque imponere morem,
Parcere subiectis, & debellare superbis.*

Quarto loco facile mitigamur erga illos, qui terribi nobiscum agunt eo tempore, quo nos etiam serido vident agere. contra enim diximus irasci facile nos iis, qui iocantur, nobis agentibus serido. Causa verò est, quod qui se nobis accommodant, nostri studiosi esse videantur. Hoc nimirum est quod in offic. 1. Cic. docet: Maximè curandum est, inquit, ut eos quibus cum sermonem conferimus, vereri, & diligere videamur. Quæ item est causa, cur ad eorum arbitrium quos amicos habere volumus, ita nos ipsos fingamus, ut arideamus ridentibus, cum lugentibus lugeamus. sed tamen hæc cita faciendæ sunt, ut absint ab adulatione, ne in Iuuenalis illam reprehensionem incurramus qua Græcos designat.

--- ridet? maiore cachinno

Concutitur: flet, si lacrymas aspexit amici.

Quinto, erga eos quos timemus ac veremur, aut qui nos contra verentur, facile placamur. Causa est, quod ira coniuncta sit cum vlciscendi spe. nemo verò sperat se posse vlcisci quos timet: atque idcirco iis non vehementer irascitur, sed dissimulat potius, studetque in gratiam quam citissimè redire. Itaque Ilioneus apud Virg. grauem iniuriam leniter expostulat, apud eos quos timebat.

--- hospitio prohibemur arena,

*Bellacient, primæque verani consistere terra.
Si genus humanum, & mortalia temeris arma,
Asperato Deos memores fandi: atque nefandi.*

Qui verò nos verentur haud quaquam negligunt. itaque iis non irascimur, si quid nostræ voluntati contrarium admiserint, ex Horatij præcepto.

*At pater ut gnati sic nos debemus amici,
Si quod sit vitium, non fastidire.*

Sexto, erga eos mitigamur, qui ira perciti aliquid commiserint: nihil enim fecisse videntur per contemptum aut iudicio, & voluntate, sed per dolorem & iram impotentem. Quare M. Pompilius Lenas Prætor, cum apud eum mulier accusata esset, quod matrem fuisse percussam interemisset, in neutram partem voluit ferre sententiam, quia constabat, ut ait Val. l. 8. cap. 1. veneno necatorum liberorum dolore commotam, quos auia filiarum infensa sustulerat, parricidium vltam parricidio esse. Pub. verò Dolabella cum Asiam obtineret, & apud eum accusata esset mater familias Smyrna, quod virum & filium occidisset cum ab iis optime indolis iuuenem, quem ex priore susceperat viro, interfectum comperisset, pronuntiare sententiam recusauit; sed causam Athenas ad Areopagi cognitionem reiecit, ne, vel eam damnaret, quæ iusto dolore percita eadem fecerat, vel absolueret eam quæ parricidium fatebatur.

Septimo. Placabiles sumus, cum alio plane modo sumus affecti, atque eramus cum ad iram propelleremur. ut cum ludimus, cum ridemus, cum dies agimus festos, cum quid rectè gessimus, cum res ex animi sententia fluxit. quod pertinet Horatij ad Vinnium admonitio.

*Ut proficiscentem docui te sæpe, diuque
Augusto reddes signata volumina, Vinni,
Si validus, si latus erit, si denique poscet.
Ne studio nostri pecces, odiūque libellis
Sedulus importes opera vehemente minister.*

Octauo. ij facillimè placantur qui dolorem suum vlti sunt. sumpta enim ab altero pœna, ira in nos antè concepta minuitur. Quare Philocrates Atheniensis orator Demosthenis æmulus, cum populum haberet insensum, interrogatus, cur se beneficio artis suæ non defenderet, expectare se dixit dum alius condempnaretur. Cum verò Iudices Ergophilo magis infesti, quam Callistheni essent, Ergophilum tamen absoluerunt, quod pridie Callisthenem condemnassent.

Nono. mitigantur qui vident aduersarium plus accepisse incommodi, quam optarent. Cic. in Pis. Plura etiam acciderunt, quam vellem. nam, ut amitteretis exercitum, numquam me hercule optavi. Illud etiam accidit præter voluntatem meam, sed valde ex voluntate. mihi enim venerat in mentem furorem, & insaniam optare vobis, in quam incidistis, atqui fuit optandum.

Decimo. qui se prius læsisse putant: neque enim qui prior læsit valde irascitur iis, à quibus offenditur. existimat quippe iuste se pati quæ regeruntur incommoda.

Vndecimo. qui non possunt inimicum aperte punire. Nisi enim inimicus, ceterique cognoscant, à quonam proficiatur vltio: ira deferuescit, & vindictæ cura deponitur. Quare milites in acie sic admonere soliti sunt eos, à quibus vltionem sumunt & pœnas.

*Adueni qui vestra dies muliebris armis
Verba redargueres, nomen tamen haud leue patrum*

Manibus hoc referes, vultu cecidisse Camilla.

Et lib. 9. Odiss. Vlysses cum Cyclopiam oculum eruisset, sic eundem appellat;

Κυκλωπ, αὐτὸς πρὸς ὃν τὸν ὄφθαλμον

Οὐδ' ἄλλω, ὅραται, ὅτις ἴδω ὅλας αἰετὶ

ὅς δ' αὖτε ὁ δούρειος ἵππος ἰσχυρότατος

Τὸν Λαίρτην ἰδὼν ἰσχυρὸν ἵππον.

Si se quisquis hominum Cyclops mirabitur unquam,

Authoremque oculi demum perquiret adepti.

Dicito, Rex Ithacæ me olim occidant Vlysses

Energet populorum.

Quasi non vltus sibi videretur iniurias satis, nisi cognouisset Cyclops, à quonam & qua causa tam malè fuisset acceptus. Quare nunquam irascimur iis, qui sentire violationem non possunt. neque enim quisquam irascitur mortuis. Rectè igitur Cicero Achillem in Hectoris iam interfecti cadaver plus nimio exultantem ad hunc increpat modum, ut est in 1. Tuscul. Trahit Hectorem ad currum religatum Achilles, lacerari eum, & sentire credo putat. ergo hic vlciscitur, ut sibi quidem videtur. at illa sicut acerbissimam rem mæret.

Vidi, videre quod me passa esset iure,

Hectorem currum quadringis raptaver.

Quem Hectorem aut quandiu ille erit Hector? Melius Accius, & aliquando sapiens Achilles. Immo enim verò corpus Priamo reddidi, Hectorem abstuli. Non igitur Hectora traxisti, sed corpus quod fuerat Hectoris. Ita Cic. Nulla idcirco posteritas de Tullia illius immani cõitescet exemplo: quæ supra patris extincti cadaver carpento, & citatis equis est præteruecta. quod in Eucratidem Bactrianorum regem admissum quoque accepimus, super cuius occisi corpus filius currû egisse dicitur.

DE AMORE.

AMARE, ut docet Arist. est iis quos amamus omnia velle, & quantum in nobis est procurare, non quidem nostra, sed eorû quos diligimus causa. In quo tamen ad absolutâ amicitiam cõstituendâ requiritur mutua quædam amicorum voluntas. Propterea Cic. in 2. lib. de Inuen. Amicitia, inquit, est voluntas erga aliquem rerum bonarû, illius ipsius causa, quæ diligit, eum eius pari voluntate. Quare Pythagorici amicitiam dicebant esse æqualitatem, hoc est parem utriusque voluntatem. idem enim velle, & idem nolle, ut ait Salust. eadem firma amicitia est. Neque enim minus verè canit Horat.

Nam quæ tibi credidit

Debes Virgilium finibus Acticis

Reddas, in olivæ precor,

Es feriet anima dimidium mea.

Tria ergo in amore mutuo sunt, quæ ad amicitiam constituendam requiruntur, ut aliis bona velis, ut ea coneris dare ut velis & coneris amici causa: Epicureorum enim erat, ad suam ipsorum vtilitatem referre omnia. Nam earum, inquit Tull. lib. 1. de Natura Deorû ipsum verbum est amoris, ex quo amicitia nomen est, ductum; quam si ad fructum nostrum

referemus, non ad illius commodum, quem diligimus; non erit ista amicitia, sed mercatura vtilitatum suarum. prata, & artia, & pecudum greges diliguntur isto modo, quod fructus ex his capiuntur. Definitione constituta, videamus ad quos amandos facilè compellamur.

Primo quidem illos amamus, quibuscum eadem, vel bona, vel mala eorûdemque amicos atque inimicos videntur habere communes: nam de Cretensibus tradit Plut. in lib. De fraternâ caritate, solitos quidè fuisse bellis inter se civilibus dissidere, sed statim solitos quoque fuisse coniungi, cum bellum ab externis ingrueret.

Secundo. diligimus eos, à quibus, vel nos ipsi, vel ii, quos amamus beneficium acceperunt; in primis verò, si beneficia, vel permagna fuerint, vel libet animo, aut opportuno tempore data. Bene enim Aulon.

Gratia, quæ tarda est, ingrata est gratia. namque

Cum fieri prope ratæ alia, gratia megit.

Si bene quid facies, facias cito: nam cito factum

Gratum erit, ingratum gratia tarda facit.

Tertio loco amamus eos, qui nostros amant amicos, & eos, qui nostros inimicos odio prosequuntur. Voluntatum enim ea cõiunctio est. Quo ex loco duxit Aeneas in lib. 8. ad cõtiliandû sibi Regem hospitem argumentum; cum se quoque Daunorum, quibus erat inimicus Euander, hostem esse profiteretur.

Gens eadem quæ te crudeli Daunus bello

Insequitur, nos si pellunt, nihil absore credunt.

Quin omnem Hesperiam penitus sua sub iuga mittant.

Quarto. Diligimus beneficos, liberales, fortes, & iustos viros. Ut enim ait Cic. in 1. 2. de offic. vehementer amor multitudinis commouetur ipsa fama, & opinione liberalitatis; beneficentia, iusticia, fidei, omniumque earum virtutum, quæ pertinent ad mansuetudinem morum, & facilitatem. Fortes verò non solum amari debere, sed præ ceteris honorari maximè tradit; Eth. Aristot. de iustis nihil dicatur. satis est illa Ilionei ad Aeneam commendandum, suamque in eundem benevolentiam ostendendam oratio.

Rex erat Aeneas nobis, quo iustior alter,

Nec pietate fuit, ne bello maior & armis.

Huiusmodi verò esse existimantur, qui aliena non appetunt, sed suo labore vitam tolerant; quales sunt qui re rustica delectantur. Antiqui enim Romanorum, ut ait Cato, bonum virum cum laudabant, ita laudabant, bonum agricolam, bonumque colonum; amplissimè quippe laudari existimabatur qui ita laudabatur. Et Cic. Roscium Amerinum illo præcipue nomine innocentem, ac bonum esse contendit, quod rusticæ vitæ deditus esset. Cum enim amemus expectantes, amamus etiam eos, qui agunt vitam à publico remotam, quod eos, temperatos, & bonos esse iudicemus. frugi, inquit, Cic. hominem frugi inquam & in omnibus vitæ partibus moderatum, ac temperantem, plenum officij, plenum religionis videtis positum in vestra fide, ac potestate.

Quinto loco. diligimus eos, quibus cum amicitiam iungere studemus, ubi intelligimus eos

etiam erga nos esse propensos. Eorum autem expetimus amicitiam, quia amant studia, quae sequimur nos: & eorum, qui morum suauitate ceteris praestant, qui sunt ingenio placidi, non litigiosi, non faciles ad reprehendenda quae peccatis.

*Nam pater ut natus, sic nos debemus amici,
Si quod sit vitium, non fastidire.*

Quae amandi causa pene omnes his verbis à Cic. 3. lib. ep. Fam. ad App. comprehenduntur. Quid illa vincula quibus quidem libentissimè adstringor, quanta sunt à studiorum similitudo, suauitas consuetudinis, delectatio vitae, atque victus, sermonis societas, litterae interiores. Quo pertinent ii, qui nos facere perstringunt, contraque ii, qui eodem illo modo perstricti iocū æquo animo ferunt. Quare Cæsar in 2. de Or. illo præcipue nomine ait oratori esse facetias adhibendas, quod ingeniosa festiuitas oratorē audientibus amabilem reddat.

Sexto. Eos amamus qui nos ob eas res commendant, & maxime laudant, quae ne non sint in nobis, maximopere pertimescimus. Vt enim, teste Ilocrate ad Demon. laus & vituperatio, amicitiae aut inimicitiae initia sunt, ita eas præcipue laudes, ut ait, pro Arch. Cic. quae non plane sunt in nobis, libenter audimus. Facere igitur idem Cic. ad Valer. illum, qui Iuriconsultus haberi volebat M. T. C. S. D. L. Valerio Iuriconsulto. Cur enim tibi hoc non gratificer, inquit, nescio: praesertim cum his temporibus audacia pro sapientia liceat uti.

Septimo. Diligimus qui vestitu, vitæque sunt culti, atque elegantes: qualem ex Gellij testimonio Demosthenem atque Hortensium fuisse accepimus.

Octauo. Eos amamus, qui neque vitia nostra, neque officia sua nobis exprobrare soliti sunt. Vt enim Cic. in Lælio ait, Odiosum genus hominum est officia exprobrantium. Huc reuoces qui neque iniurias recordantur, neque aliorum peccata diligenter obseruant. Ex quo etiam genere sunt, qui neque nostra, neque propinquorum nostrorum amicorumue mala, sed bona tantummodo se nosse contendunt.

Nono. Eos diligimus qui de nobis existimant bene, nostraque admirantur, ea praesertim quae in nobis suspici vehemētissimè volumus. Vt si in eo, qui poëseos est studiosus, versum videaris admirari, in oratore dicendi vim, in iudice æquitate. Obseruat id Cic. diligentissimè in orationibus pro Marcel. Ligar. & Deiot. in quibus clemētia Cæsar in cælo ponit, quo ille nomine sumopere se cōmēdari cupiebat.

Decimo. Diligimus pares, eosque qui studio, & artibus nobis similes sunt. Similitudo enim, ut ait in Lyfide Plato, amoris est parens: & pares, ait Cato veteri prouerbio, facillimè congregantur: Ouid. Trist. 4.

*Temporis illius colui famique potas,
Quisque aderant Vates, rebar adesse Deos.*

& Cicero in Bruto vehementer se Hortensij morte doluisse testatur, quod socium, & consortem gloriosi laboris amisisset. sed est in hoc genere vna cautio: ut is qui sit par, minimè nobis obstitat, aut laudem nostram imminutum eat. Nam si nobis incommodi, &

molesti sint pares, odium potius acerbissimum pariunt. Figulus quippe figulo inuidet, ait Heliodus.

Vndecimo. Eos quibuscum tanta nobis familiaritas intercedit, ut coram iis, quae vulgè existimantur minus honesta, facere audeamus, nisi tamen istud fieret per contemptum. Cic. Pisoni velut flagitium obiicit, quod coram se & C. Pione ructasset. & M. Antonio, quod tanto se vino ingurgitasset, ut illi posttidie in conspectu populi vomere necesse fuerit. Hæc, inquam, quae minus honesta existimantur, coram amicis facere licet. Contra verdamus eos, apud quos quae verè turpia sunt, committere non audeamus. Quare L. Crassus apud Cic. in lib. 1. de Or. Equidem inquit, sūm peterem magistratus. solcham in prensando dimittere à me Scæuolam, cum ei ita dicerem, me velle esse ineptum, id autem erat petere blandius: quod nisi ineptè fieret, bene non posset fieri: hunc autem esse vnum hominem ex omnibus, quo praesente, ego ineptus esse minimè vellē.

Duodecimo. Eos, quos rerum nostrarum imitatores, & æmulatores esse cognoscimus, modò non sint obrectatores. Cic. enim M. Cælium in eo maxime commendat, ac diligit, quod in eloquentiae studiis suarum laudum esset æmulator. Bene igitur Enander, ut Pallanta filium Aeneæ gratiore in faceret.

*Hunc tibi praeterea spes & solacia nostri
Pallanta adiungam sub te tolerato magistro
Militiam, & grans Martis opus, tua cernere
facta*

Assuescat: primis & te miratur ab annis.

Tertiodecimo. Illos, qui sunt in amicitia sic constantes, ut non minus absentes diligant quam praesentes. quod vnum esse bonos inter & malos amicos discrimen Ilocrates ad Demonicum scriptum reliquit. Rectè enim in malos cadit illud Vmbri poëtae,

Quantum oculis, animo tam procul ibit amor.

Hinc fit, ut nemo non eos vehementer diligat, qui etiam erga mortuos beneuolentiam ostendunt se retinere. sperantus enim etiam erga nos ita constantes futuros. Cic. de Triario Att. Amo illum mortuum. tutor sum liberis: totam domum diligo.

Quartodecimo. Eos, qui nihil simulant, nihil celant: qui mala etiam sua patefaciunt, vera enim amicitia pudorem omnē excludit. Cic. ad Att. Nihil mihi nunc scito tam deesse, quam hominem eum, qui cum omnia, quae me cura aliqua afficiunt, vnà communicem, qui me amet, qui sapiat, qui cum loquar, nihil fingam, nihil dissimulem, nihil obtegam.

Quinto decimo. Eos, qui minimè formidandi sunt. Quos enim metuemus, non amamus. Cic. 2. offic. Rerum autem omnium, nec aptius est quicquam ad opes tuendas, quam diligi, nec alienius, quam timeri. Praelare Ennius. Quem metuunt oderunt.

DE ODIO ATQUE INIMICITIA.

ODIUM tamen si non videtur ab ira distinguere, distinguitur tamen. Ira enim est odii, atque inimicitiae causa efficiens, inimicitia,

citia verò & odium affectus sunt, habitusque ab ira profecti. Sed multa præterea inter odium & iram discrimina recēset Aristot. quorum primum illud est, quòd ira excitatur ab iniuria nobis illata; odium etiam nascitur ab ea, quæ nobis facta non sit. latronem enim odio capitali prosequimur, etiam si nobis nullam priuatim iniuriam fecit. Immo sola dissimilitudo voluntatum & studiorum odium & inimicitiam parit. An tu, inquit Cic. in Ver. maiores villas inimicitias putas esse, quàm contrarias hominum sententias, & dissimilitudines studiorum, ac volūtatum? fidem sanctissimam in vita qui putat, potest ei non inimicus esse, qui Quæstor Consulem suum spoliare, relinquere, prodere ausus sit? pudorem & pudicitiam qui colit, potest æquo animo istius quotidiana adulteria, meretriciam disciplinam, domesticum lenocinium videre? Alterum discrimen est: quòd ira sit aduersus vnum & certum hominem animi permotio: Odium verò esse potest in vniuersos: vt in latrones; in sicarios generatim. Tertium est: quòd nulla sit ira, quæ temporis diuturnitate sanari non possit: sed est aliquod odium insanabile, cùm sit innatum. quale est odium aduersus turpia, & inhonestà. Quartum. quòd ira dolorem tantummodo inurere cupiat; odium & inimicitia inferre præterea damnum. Quem enim quisque odit, perisse expetit. Cur autem iratus dolorem facere contendat, ea causa est, quòd velit ab eo vim vlcionis sentiri, quæ punit. quare malū, quod studet inferre, non est ex eorum genere, quæ doloris aculeū nullum infigunt: qualis est insania, quæ tantum abest, vt dolorem afferat, vt sæpe numero animum voluptate perfundat. quod de Argiuo illo testatur Horat. lib. epist. 2. ep. 2.

Qui se credebat miros audire Tragedos

In vacuo lætus esset, planorque theatro.

Postea verò quàm ope cognatorum illa insania liberatus est.

--- pol me occidistis amici.

Non seruastis, ait; cui sic extorta voluptas.

Et demptus per vim mentis gratissimus error.

Quod quidem non Argis, sed Abydi factum esse tradit Arist. in lib. de reb. admirab. Simile quiddam de Thrasylao scribit Athen. in lib. 12. Hunc ait atra bile sic laborasse, vt existimaret naues omnes, quæ in Pyrrum appellerent esse suas. Postremò medicorum opera sanum factum dixisse; numquam sibi in vita fuisse melius, quàm cùm esset insanus. Quintum discrimen est, quòd ira numquam sit à dolore seiuncta, vt in definitione dictum est; odium sæpe numero dolore vacet. scelestos enim, atque impios odio habemus citra dolorem. Sextum: quòd ira, aduersario iam calamitatibus oppresso, tandē aliquando molitur: odium inimicum extinguere cupit, atque ab hominum memoria vult aboleri. Rectè Cic. pro Ligar. Externi isti mores vsque ad sanguinem incitare solent odium, vel leuium Græcorum, vel immanium barbarorum. Odium enim inter ciues tam capitale esse non debet, sed ira. Denique odium est diuturnior quædam ira, recte Valer. qui sic iram ab odio

seceruit. Proculsu celerior illa: nocendi cupidine hoc pertinacius.

DE METV

TRAX de metu disputat Aristot. Quænam homines timeant: Qui sint homines qui timeantur: Quomodo sint affecti qui timeant. sed initium capit à descriptione timoris.

Est ergo metus ægritudo quædam, ac perturbatio ex opinione impendentis mali, quod sit interitum, aut dolorem possit afferre. Dicitur esse timor impendentis mali, hoc est, futuri. neque enim præterita timeamus, immo illorum recordatione lætatur.

--- forsan & hac alium meminisse iuuabit.

Et quod fuit durum, inquit Seneca, meminisse dulce est: Mala verò præsentia non metum incutiunt, sed micorem. Datus est ergo timor, vt futura caueamus, & nocitura. quare virtutis elementum à sapientibus dicitur. & Lacedæmones prope Iudicum tribunal templum timori constituerant: quia rempub. nulla re magis, quàm metu corrigi posse existimabāt. & Solon metu pænæ ac spe præmiorū omnem rempublicæ gubernari aiebat: quam laudem ad Iurisconsultos redundare contendit Celsus lib. 1. Pand. tit. 1. de iustit. & iure: Quia verò non omnia mala timeantur, immò verò permulta expetuntur, vt iniusticia, quam videlicet Callicles apud Platonem in Gorgia expetit, non timet; quia inquam huiusmodi vitia non timeantur, inscitia, intemperantia, cetera, idcirco additum est, metum esse opinionem impendentis mali, hoc est mali, quod ipsi nollemus, & ita imminentis, vt proximè iam instare atque appetere videatur. Mala enim quæ longe abunt non afferunt metum: qualis est mors, vt ait Aristot. quæ certa est, sed non instat. Quare apud Virgil. Æneas patri, qui discedere recusabat, ab imminente iam interitu, metum iniicit.

Iamq; adersit multo Priami de sanguine Pyrrhus

Natu ante ora patris, patri qui obrutus ad aras.

sed non iniicit Sinon, qui alia omnia contēdit.

Et nunc quod patrias ventis petere Mycenæ,

Arma Deosq; parant comites; pelagq; remisso

Improvisi aderunt.

Hoc enim longo pōst tempore faciendum erat, non instabat. Ad hunc modum explicata descriptione: videamus quænam sint horribilia. Primum igitur sunt ea quæ ad nos perpendos vim habere videntur maximam, & præsentissimam. 1. loco ea, quæ magnas ægritudines & tristitias afferunt. vt parentum amissio, coniugum, liberorum, fratrum, fortunarum; ignominia, carcer; exilium, atque id genus permulta, quæ persequitur Cic. in orat. 4. contra Catilinam. Videor enim mihi hanc Urbem videre, inquit, lucem orbis terrarum, atque arcem omnium gentium subitò vno incendio concidentem. cerno animo sepultam patriam: miseros atque insepultos æceruos ciuium &c. Itaque in extrema parte orationis. Quapropter de sūma salute vestra, populique Romani P. C. de vestris coniugibus, ac liberis, de aris ac focis decernite &c.

Quæ sic horribilia sunt, vt huiusmodi rerum ipsa quoque signa timorem efficiant. Propter ea enim Cometarum exortus viros principes exterret: nautas Helenæ sidus; agricola stonitrus & nubes obstrepentes. vt Aeneas vir fortissimus non sine causa timere videatur, cū
*Eripunt subito nubes cælumque diemque
 Teucrorum ex oculis.*

Tunc enim periculum in propinquo esse videtur, cū ea signa exitium comminantur.

Tertio. Valde pertimescendæ sunt eorum inimicitia, qui facili nobis excidium asserere possunt. quo de genere sunt viri principes, pecuniosi, potentes, eloquentes, robusti, gratiosi. Iure itaque Cic. Q. Thermum Proprætorem admonet, vt trium fratrum nobilissimorum inimicitias vitet. Nocere, inquit, tibi iratum neminem posse perspicio: sed tamen tres fratres sumo loco natos, promptos, non indixertote nollo habere iratos, præsertim iure. & Homer. in 1. Iliad, docet, Regem non esse lædendum. Vt enim iram deponere videatur, nactus tamen occasionem, facili nocet.

Quarto. Iniusticia viribus armata sumo opere timenda videtur: qualis erat iniuria Mezentii,

*Mortua qui quondam iungebat corpora viuis,
 Com ponens manibꝫue manus atq; oribus ora,*

Quinto. Timenda est virtus affecta contumeliis. de Pompeio læso. sic Tull. ad Att. Timet, inquit, ne tam vehemens vir, tamque acer in ferro, & tam insuetus contumeliæ omnianimi impetu dolori & iracundiæ pareat.

Sexto. Pertimescendi sunt ij, quibus commissa sunt arcana quædam, quæ si pateant, capitis periculum adeatur. multi enim sunt infideles; multi lucri cupiditate trahuntur plerique in periculis timidi: quique ad se ipsos liberandos, ceteris nocere non dubitent. Hinc fit, vt tantopere colamus eos, quibus aliquid arcani credidimus, Iuven. sat. 3.

*Quis nunc diligitur nisi conscius? & cui seruens
 Aestuat oculis animus semperque tacendis?
 Nil tibi se debere putat. nil conferat unquam
 Participem qui te secretis fecit honestis.
 Carueris Verri, qui Verrem tempore quo vult
 Accusare potest.*

Quare præceptū & monitū salutare proponit,
 --- tanti tibi non sit opaci

*Omnis arena Tagi, quodque in mare voluitur
 Autum.*

*Vt summo careas, pendendaque premia sumas,
 Tristis, & à magno semper timearis amico.*

Neque multò post de Græculis hominibus hæc adiungit,

Scire volunt secreta domus, atque inde timeri.

Septimo: Qui facili iniuriam facere possunt, valde timendi videntur iis, qui sunt iniuriæ opportuni. Iuven. Sat. 6. de militum commodis ita disputat.

*Commoda tractemus primum communia, quorū
 Haud minimum illud erit, ne te pulsare rogatus
 Audeat: immo & si pulsatur, dissimulet: nec
 Audeat excussos Prætori ostendere dentes.*

Et post.

--- audeat ille

Nescio quis pugnos vidit qui dicere vidit;

*Et credam dignum barba, dignūque capillis
 Maiorum, citius falsum producere testem,
 Contrapaganum possis quam vera loquentem
 Contra fortunam armati.*

Octauo. Non modò timendi sunt qui verè iniuriam acceperūt, sed etiam ii, qui se existimant accepisse. Observant enim semper vltiscendi opportunitatem & locum. Neque hi tantū, sed etiam qui fecerunt iniuriam, si potentes sint. timent nimirum illi semper, ne talionis, vt ait Aristot. pœna repetatur. Itaque omni prorsus ratione, ac via inimicum planè opprimere, ac funditus tollere conatur; qualis erat ille Chryfogonus in Sex. Roscium, cuius & patrem interfecerat, & bona inuaserat, & tamen insectari hominem non desistebat, vt eo sublato securus esset.

Nono. Timendi sunt qui nobiscū de iisdem honoribus, ac præmiis certant. si præsertim honor, ac præmiū eiusmodi sit, vt à duobus obtineri non possit. quandiu enim est illa contentio, hostilem competitor animum habet. quod argumentum tractat Cic. in lib. 1. de offic. Nam quod est apud Ennium, inquit, nulla sancta societas aut fides regni est. &c. cui concinit ita Lucan.

*Nulla fides regni sociis, omnisque potestas
 Impatiens consortis erit. nec gentibus ullis
 Credite, nec longè satorum exempla potantur,
 Fraterno primo maduerunt sanguine muri.*

Decimo. Eos metuere necesse est, quos illi timent ipsi, qui nobis, & potentiores sunt, & meliores. quales sunt viri principes, quos etiam Ciuitatis primarij reformidant. Immo etiam timendi videntur ii, qui nobis inferiores lædunt. aliter enim impunitate audacia, atque ipsa lædendi cōsuetudine etiā æquales, ac postremo superiores aggredi non dubitant.

Vndecimo. Ex iis, qui iniuriam acceperunt, omnium maximè timendi sunt qui dissimulant, & placabilitatem præferunt. Non enim cognoscere possumus, vtrum animum exulceratum obtineant, ac de vltione cogitent: soliti certè sunt inuadere ex insidiis, ac repèrè. quam Aristotelis præceptionem confirmat laudatissima Cæsaris vox. apud quem cū aliquando M. Ant. & Dolabella coniurationis nomine delati essent: Non hos, inquit, politos & pingues, sed illos macilentos & cogitabundos extimesco. Qui verò libere comminantur & proferūt quid cogitent, quidve moliantur, non sunt magnopere pertimescendi. minis enim plerumque contenti, vltionē prætermittunt. Quod si demum læsuri sint, illa certè comminatione viam ac rationem cauendi nobis ostendunt. Ex eo genere se fingit Sinon.

*Nec tacui demens, & me fore si qua tulisset,
 Si patrios unquam remeassem victor ad Argos,
 Promissi vltorem, & verbis odia aspera moni.*

Duodecimo. Ea omnium maximè timenda sunt, in quibus si peccetur, emendari peccatū vlla ratione non potest. In mercibus enim, in conuentionibus, in tractatione pecuniarum locus est correctioni; in orbitate autem, in parentum amissione, in mutilatione corporis, non est locus.

De iis, quæ timenda sunt, de quæ homini.

bus malisque formidādis, est explicatū. Nunc de altera parte dicamus, videamulq; quales & cuiusmodi sint qui faciliē pertimescūt. Principio cū timor mali semper expectationem adiunctam habeat, sit vt malum debeat pati posse qui timet. Nam Sapiens, quem

*Si fractus illabatur orbis,
Impavidum serient ruinae,*

nihil timere potest, si eo modo, quo dicitur, est constitutus, cū sibi nihil putet accidere mali posse: quia quæ vulgo mala putantur, ille mala esse non credit. Viri autem aliqui fortes, & bellicosi, qui mortem præ gloria nihili putant, non timent: qualis fuit Hercules, aut Alexander. Cū enim illi quod timendum videtur id gloriosum existimēt, non habent cur expauescant. Huiusmodi etiam sunt, qui tantis pollent, & præstant viribus, vt faciliē despiciant alienas: & qui tantis abundant copiis, vt quem timeant credant existere posse neminem. Quin tantum abest, vt metuant, vt sint etiam cōtumeliosi, audaces, confidētes. Quatuor enim sunt quæ hominem iniuriosum faciant, & audentem; robur corporis, amicorū copia, potentia, & fortuna. Quæ semē res faciunt, vt ipse M. Tullius inquit Quintianæ fateatur, illius aduersarios causæ se pertimescere. Secundō. Qui grauiā vel passi sunt, vel sunt passuri, ij nihil timent. illi quidem, quia mori cupiunt, atque a deo nihil præterea sperant; vt est Euryali mater,

*Figite me, si qua est pietas: in me omnia tela
Coniicite, o Rutuli: me primam absumite ferro.*

Hi autem, quia grauissima, ac postrema passuri, omnem quoque spem abiecerunt. vt ij, qui ad extremum supplicium rapiuntur, inquit Aristot. Qui enim timent, sunt in speculius rei est ea ratio, quod qui timēt, cōsultant. qui verō cōsultant, reuinent spem. Quapropter qui desperarunt, formidādi sunt maximē: quia timorem omnem abiecerunt. Prudentē virū, & belli scientē dixisse ferunt, aureos hosti fugiētī sternēdos esse pōtes; ne ipse vincat aduersarius in virtutē desperatione conuersa.

DE CONFIDENTIA SIVE FIDV CIA.

Hæc animi affectio ita timorem depellit, sicut placabilitas iram. Eius adeo definitionem & causas ex Aristot. perquiramus. Confidentia in vitio ponitur, & audacia est: fiducia potius dicenda videtur quæ subiicitur spei. spes autem futuri boni expectatio est, vt definitur à Speusippo. huiusmodi verō boni futuri expectatio non ea est, quæ cū timore aliquo esse non possit. Eo igitur à spe confidentia, siue fiducia distabit, ac differet, quod ita secura sit sui, vt in periculis mediis ac præsentissimis omnem omnino timorem excludat. Est enim confidentia, vt ex eodem intelligimus Arist. certa quædam, & timoris experta in periculis spes: qualis erat in Sinone, qui

— si ignotum vementibus ulro

*Obtuleras fidens animi, atque in verumq; paratus,
Sem versare dolos, sem certa occumbere morti.*

Definitione sic adumbrata, confidentiæ causæ sunt exponendæ.

Primō igitur animus faciliē confidens est, cū mala procul absunt; bona verō in proximo sunt. Obiecti enim apud Virg. Aeneæ subsidium abesse procul intuiti,

---- Miseri stant turribus alij

*Ne quicquam, & rara murum cinxere corona.
Sed postea quā redeuntē Aeneā aspexerunt,*

---- Clamorem ad sidera tollunt

Dardanida è muris. spes addita suscitāt iras:

Tela manu iaciunt.

Secundō. Confirmamur, & fidimus, cū peccatum nostrum faciliē corrigi potest. Mitio apud Terent. in Adel.

Foras effregit, restituentur: discidis

Vestem; refarcitur: Est diu gratia,

Et vnde hæc fiant, & adhuc non molesta sunt.

Quo in argumento versatur Cic. pro Cælio, cuius peccatum eiusmodi esse contendit, vt faciliē possit emendari.

Tertiō. Cū auxilia permulta & magaa propediem expectamus. Quo ex loco ad Latinum iam desperantem confirmandum duxit Turnus argumentum.

Non erit auxilio nobis Atolus, & Arpi:

At Messapus erit, felixque Tolumnius, & quos

Tos populi misere auis: nec parua sequetur

Gloria delectos Latie & Laurentibus agris.

Est & Volcorum egregia de gente Camilla,

Aemen agens equitū, & florentes are casernas.

Quartō. Cū iniuriā, neque nos accepimus, neque fecimus aliis: & cū aduersarii, vel nulli sunt, vel qui sunt, non habent nocendi potestatem: vel si habent, amici sunt, atque in nos aliā beneficia contulere.

Quintō. Cū aduersarios & viribus & multitudine superamus. Cic. 2. in Catil. Instruite nunc, Quirites, contra has tam præclaras Catilinæ copias vestra præsidia, vestrosque exercitus: & primū gladiator illi confecto & saucio Consules Imperatoresque vestros opponite. Deinde contra naufragorum illam delectam & debilitatam manū florem totius Italiæ ac robur educite. Iam verō Vrbes municipiorum & Coloniarum respondebunt Catilinæ tumulis siluestribus. neque verō ceteras copias, ornamenta, præsidia vestra cum illius latronis inopia atque egestate deo conferre.

Sextō. cū permulta prosperè gessimus, nec vllum interea passi sumus incommodum. Quem locum Cic. tractat in Manilianā ad confirmandos Romanos, hortandōsque, vt Gni. Pompei virtuti confidant, cui omnia prosperè semper ac feliciter euenissent. Itaque non sum prædicaturus, Quirites, inquit, quantas ille res domi, militiæque, terra, marique quantā felicitate gesserit &c. Hoc animi præditus erat habitu Cæsar, qui suæ felicitati sic confidebat, vt cū aliquando Aruspex exta esse tristitia nuntiasset, respondere non dubitauerit, læta esse simul, ac sibi placuisset. Eodem habitu erat instructus Annibal: qui cū apud Regem Prusiam exularet, illique belli committendi auctor esset, nec Rex auderet, quod sibi ab extis portendi pestem diceret & exi-

tium, ita respondisse fertur, An tu vitulinæ caruncula, quàm Imperatori experientissimo inauis credere? Trita verò illa C. Cæsaris ad gubernatorem in tempestate vox, nihil aliud quàm fiduciam habet, Cæsarem vehis & fortunam eius, quid times? Ac Cæsari quidem similes ij sunt omnes, qui sæpissimè periculo sunt defuncti. Qui enim sæpe cum fortuna luctati, incolumes euaserunt, fideli animo sunt.

*O socij, neque enim ignari sumus ante malorum,
Opossi grauiora, dabit Deus his quoque finem.*

Vos & Scyllæam rabiem, penitusque sonantes

Accessus scopulos: vos & Cyclopa saxa

Exporti: renouate animos nostrumque timorem

Mittite: forsan & hac olim meminisse iuuabit.

Septimo. Fidentie causam habemus, cùm id quod periculum asserere potest, ab aliis, qui nobis, aut pares, aut inferiores sunt, nihil planè timetur. Eos verò putamus inferiores, quos vicimus, aut quorum similes, aut quibus præstantiores superauimus. Si enim Carthaginenses Romani vicerunt, etiam Macedones, quibus Carthaginenses vel erant similes, vel præstabant, superare debuerunt. Ex quo fonte rationem ad cõsistendum animum desumpsit Tullius in Tusculana. Spartæ verò pueri sic verberibus accipiuntur, inquit, vt multus è visceribus sanguis exeat: nonnumquam etiam, vt cùm ibi essem, audiebam, ad necem: quorū non modò nemo exclamauit vnquam, sed ne ingemuit quidem. quid ergo? hoc pueri possunt, viri non poterunt? & quod mos valet, ratio non valebit?

Octauo. Confidentiores sunt qui rebus iis satis sibi muniti videntur, quæ homines efficere ceteris præstabiles ac terribiles solent. qualis est pecunia, militum robur; belli instrumenta, & apparatus. Nam qui pecunia satis abundat, Demosthenis testimonio efficit omnia pro arbitratu: idque Philippus Macedonum Rex affirmabat, cùm dicere solitus erat, nullam esse aciem ita vallatam, quæ non possit expugnari, si iumentum onustum auro in eam ingredi queat. ex hoc etiam genere militum est fortitudo; & vis, vt demonstrauit Pyrrhus Epirotarum Rex, cùm Romanos milites aduersis tantum vulneribus prostratos vidisset, exclamasse enim dicitur, se talibus instructum militibus totum orbem terrarum esse facile subacturum.

Nono. Vt confidentissimi ac plenissimi fiducia sunt, qui nemini fecerunt iniuriam, sic proximum in eo genere locum occupant, qui fecere paucissimis; aut certè humillimis atque abiectissimis, à quibus periculum imminet nullum.

Decimo. Nihil iis hominibus fidentius est, qui se Deo putant esse gratiosos, & numen habituros se propitiū arbitrantur. idque signis, oraculis, aliisque huiusmodi rebus vident sibi de Dei erga se voluntate posse polliceri. Quare Tolumnius apud Virg. in xij.

Accipio agnosque Deos, me, me duce ferrum

Corripite, o Rurhi.

Et in eodem libro Æneas,

Ne qua meis esto dictis mora. Iuppiter hac stat.

V. decimo. Ira nos efficit maximè confi-

dentes, quam Peripatetici cotè fortitudinis appellant. vt nihil mirum sit, si supra modum inflammatus ira Priamus in cæde Politis increpat fidentissimè Pyrrhum.

Hic Priamus quamquam mediâ iam morte tenetur,

Non tamen abstinnit, nec voci iraque pepercit.

At tibi pro scelere, exclamat, pro salibus ansis,

Dysiqua est culo pietas, qua talia curet,

Perfida ne grates dignas, & premia reddant

Debita, qui nati coram me cernere letum

Fecisti, & patrios sœdasti sanguine vultus.

Postremo. Fidentes sunt qui priores aggre-diuntur, & pugne locum occupant, ac, tempus. cuiusmodi Turnus apud Virgilium est,

Quod votis optastis, adest, perfringere dextra

In manibus Mars ipse viri: nunc coningis esto

Quisque sua, testique memor. nunc magna referto

Facta patrum & laudes: ultro occurramus, ad vnam

Dum trepidi, aggressique labans vestigia prima.

Audentes fortuna inuat.

DE PVDORE,

AC VERECVNDIA.

AN Verecundia virtus sit, disputabitur in lib. 4. eam nunc non inter virtutes, sed inter animi commotiones numerat Aristot. à quo Alex. Aphrodis. dissentire videtur, atque in primis Cic. qui verecundiam non modò virtutem putat, sed omnium virtutum custodem; sine qua nihil rectum esse possit, nihil honestum. quamquam interdum commotionem etiam nominat, vt cùm illam propriam hominis esse contendit, qua distinguatur à bestiis in lib. de fin. 4. Hoc solum, inquit, animal est pudoris, & verecundia particeps. Sed à definitione ducamus initium.

Est adeo verecundia quædam ægritudo, perturbatioque ex illis profecta malis, quæ, siue præsentia sunt, siue præterita, siue futura, ignominiam impurare videantur. In. 4. quidem lib. Eth. dicitur esse metus dedecoris, & infamiae. Hic verò addita sunt ipsius dedecoris, & infamiae genera: per omnia enim tempora verecundia pertinet, cùm mala præterita, vel ipsa recordatione ruborem afferant: præsentia verò, ignominia & pudore animum, vultumque suffundant, vt cùm aliquis in furto stupròve deprehenditur: futura denique meditati sceleris grauitate nos feriant; vt cùm turpia consilia patefiant. Quod si ea nunc, quæ verecundiam facere possint, inuestigare velimus, generatim quidem & vniuersè ponendum est, ab iis, quæ ignominia notam incurrunt, verecundiam proficisci, hoc est ab iis, quæ vel nobis vel nostris turpitudinem afferre videantur est. igitur verecundia materia turpitudinis. Cùm autem id turpe sit, quod à virtute disiunctum, atque in vitio positum est, sequitur vitium ipsum, hoc est animi turpitudinem afferre pudorem.

Itaque primo pudendum erit, vel clypeum in acie per inertiam abdicere: vel terga ver-

tere; quod est timiditatis. Nam apud Lacedæmonios insigni notabantur infamia, qui clypeum abiicissent in prælio, & Archilochus poëta è Spartz finibus exterminatus est, quod scripto consignare fuisset ausus, satius esse clypeum obiiicere, quàm interire. Quod infamiz genus apud Græcos etiam fuit; Cum Demosthenes eo nomine dicatur ignominia notatus. immo verò lex videtur fuisse gentium omnium communis, quemadmodum intelligi potest ab Aristot. in 5. Eth. ne quispiam delereret ordinem, ne verteretur in fugam, neu clypeum & arma proiiceret. vt propterea dixerit Horatius haud gloriosè, nec citra ignominiam de se,

Tecum Philippo & celerem fugam

Sensu relicta non bene parumula.

Secundo loco pudendum est non reddere depositum, quod sit iniustitiz, vt tradit Cic. 2. Tusc. nisi fortasse, vt ait idem, causa intercedat aliqua, propter quam non reddere depositum honestum sit. Neque enim semper, vt dicitur in Off. 3. deposita reddenda sunt. Nam si gladium apud te sanæ mentis deposuerit aliquis, repetat autem insanus, reddere, malefium, non reddere, officium est. Si quis apud te pecuniam deposuerit; reposcat verò, vt bellum inferat patriæ, reddere depositum, perdere patriam est.

Tertio. Quæstum facere, vel ex minutis ac sordidis rebus, vel ex iis, ex quibus minimè licet lucrum petere, turpe est pudendum est. Ex sordidis fecisse quæstum accepimus Vespasianum Imperatorem, de quo hæc sunt apud Suetonium verba in Vespas. cap. 23. Reprehendenti filio Tito, quod & vrinx vestigal commentus esset, pecuniam ex prima pensione admonuit ad nates, sciscitans, num odore offenderetur. At illo negante. Atqui, inquit, è lorio est. Huc pertinet, scustarum lucrum, lenonum, præstigiatorum, & circumforaneorum quod sordidum est. Ex iis verò è quibus duci minimè debet, petitur interdum quæstus: vt si etiam cadauerum mercatura fieri videatur: locum enim huic prouerbio factum est, quod ait Aristot. etiam è mortuo tributum exigere. Propterea Cic. in act. 7. Verrem exagitat, quod eorum, quos occidisset, cadauera patribus non nisi accepto pretio reddidisset. meritò igitur perstrictus à poëta videri debet summus ille Græcorum dux, in lib. Aeneidos primo, cum

Exanimi lingue amro corpus vendebat Achilles.

Quæ quidem idcirco verecundiam faciunt, quod sint cum avaritia coniuncta. avaritia verò atq; illiberalitas summa vitia sunt. Quare non vacat turpitudine, pecuniam indigenti non suppeditare, cum abundas: aut minus dare, quàm deceat, aut oporteat. Scitum est illud Alex. Magni: à quo cum miles filiarum suarum dotem petisset, iussit illi dari quinquaginta talenta. hic cum miles dixisset, decem satis superque sibi videri. Tibi quidem, respondit Alex. decem accipere satis est: mihi decem dare non est satis. Illud etiam avaritiz probum & turpitudine est: à tenuioris fortunæ hominibus auxilium, aut pecuniam capere,

aut mutuum sumere ad inopiam simulandam, ne alius à te petat. cuius vitij Gellium, qui ne mutuum dare pecuniam cogeretur, semper in speciem adificabat, his versibus insinuat Martialis.

Oranti nummos vt possis dicere amico

Vnum illud verbum Gellius, adifico.

Est etiam in hoc genere turpe, atque adeò pudendum iterum eo tempore mutuum petere pecuniam, quo tempore reddenda esset: & contra. repetere quo tempore ob inopiam debitor soluendo non sit. sed turpius tamen existimatur aliquid ita laudare vt poscere videaris: cuius turpitudinis arguit Verrem Cic. in act. 6. quod cum cum Rex Antiochus inuitasset ad cenam, suâque illi opes atque argentum explicasset, Verres vnum quodque vas in manus sumere non dubitavit, laudare, mirari: fuit enim hoc impudenter petere. omnium verò turpissimum videtur, vbi semel repulsam passus sis, nihilominus postulare.

Quarto loco. Turpe est laudare qui adsunt. Ah vereor, inquit apud Teren. Ctesipho corâ in oste laudare amplius. & Iuuenal. Sat. 3.

*Quid quod adulandi gens prudentissima laudat
Sermonem indoliti faciem deformis amici?*

Huiusmodi sunt etiam ii, qui plus nimio bona laudant, mala verò de industria contegunt: & qui plus se dolere, aut lætari ostendunt, quàm ii, quorum causa gaudeant, aut tristentur. quem adulandi morem in Sat. 3. Græcis attribuit idem Iuuenalis.

Natio Comæda est. rides? maiore cachinno

Conchitum. flis si lacrymas aspectis amicus,

Nec dolet.

Et Gnatho apud Teren. in Eun. act. 2. sc. 2. Negat quis, nego: ait: aio. postremo imperavi egomet mihi, omnia assentari.

Quinto. Turpe est labores ferre non posse; quos aut seniores, aut imbecilliores, aut qui sunt cum imperio, ferunt.

Sexto. Szpius ab eodem accipere beneficium affert pudorem. Est enim liberalitasque ingenui proprium viri, teste Aristot. in lib. 4. Eth. multis beneficium dare: à paucis accipere. quamquam Cicero, vt suæ seruiret causæ, alia omnia dixit in lib. ep. 2. ad Curionem. Est animi ingenui, inquit, cui multum debeas, eidem plurimum velle debere. Turpissimum contra est exprobrare beneficia, cum hoc animi demissus atque pusilli esse videatur. Soha apud Terent. in And.

Sed mihi hoc molestum est. nam isthac commemoratio

Quasi exprobratio est immemoris beneficij.

Septimo. Turpe est, de se ipso gloriosè & existimare, & prædicare, quod faciunt Thrasones, ac milites gloriosi Comædiarum. Ac talis etiam est Suffenus ille malus poëta, qui à Catullo describitur; iique omnes, qui res alienas sibi per temeritatem adscribunt. Erat eiusmodi Batillus: qui Virgilianos sibi versus apud Augustum vsurpabat. idque faciebat quod in Thrasone apud Terent. reprehendit Gnatho, cum ait

Labore alieno magno partam gloriam

Sæpe in se transfouent.

Octauo. Etiam ab ignoratione causa pudoris existit. Pudendum enim, ac turpe videtur, earum rerum expertem esse, quarum omnes generatim, certè pares, ac similes nostri participes sunt, vt litteras & Musicam ignorare. Themistocli adeo turpe fuit fidibus non didicisse. Nam cum in conuiuio lyra, Græcorum more, circumferretur, recusare ob inscitiam coactus est: ac propterea est existimatus indoctior, vt ait Cic. in 1. Tusc. Pudori etiam datur ac dedecori, honores quosdam vsitatos non adipisci. Quare Cic. pro Flacco Heraclidem Temitem nescio quem irridet, quod iam senio confectus numquam honores omnibus fere in patria concessos fuisset assecutus. quæ quidem ita sunt turpiora, si vitio fieri, non fortuna videantur. Verum enim est quod canit Iuuenal.

*Hand facile emergunt quorum virtutibus obstat
Res angusta domi.*

Nono. Pudorem ac verecundiam affert illata, vis etiam si animo inuito ac reluctante perferatur. Idcirco nimirum necem sibi confecit Lucretia apud Liu. Decadis 1. lib. 1. & Cyane Siracusana virgo supra stupratorem patrem à se iam occisum ipsam se necandam iniecit. apud Plut. in Parallel. & Sophronia matrona Christiana cum sibi à Maxentio vim instare animaduertisset, consentiente viro gladio se ipsam interemit. apud Euseb. lib. 8. cap. 17. & Pausanias Macedo nobilis adolescens Philippo Regi mortem intulit, quod vini sibi ab Attalo illatam non modò non vlcisceretur, sed etiam risu exciperet ac ioco. Iustin. lib. 9. ad fin.

Décimo. Cum verecundia timorem ignominiz habeat adiunctum, quam quique propterea timet, quod velit alios de se bene, atque honorificè existimare, fit, vt qui verecundia afficitur, aliorum habeat semper rationem. Quare videndum est, quorum habere rationem soliti simus. illi enim verecundiam mouent. In primis adeo maximèque illa, quæ in hominum frequentia peccantur, ruborem faciunt, ac pudorem, cum in luce fieri multis coram testibus videantur. Nam verè dictum ab Ouidio est noctem pudore vacare; & cæcos cernimus esse impudentiores. Quin Græcorum prouerbio circumfertur, pudorem omnem in oculis esse. quod ipsi comprobant pueri, puellæque, cum affectæ verecundia oculos tegunt; & feminae honestiores, cum demittunt oculos, vbi homines alloquuntur. Hinc enim in Æneidos primo,

--- breuiter Dido vultum demissa profatur.

Et Andromache in 3.

Deiecit vultum, & demissa voce locuta est.

Atque hoc esse videtur causæ, cur multo plurimùm coram iis verecundemur, qui vel semper nobiscum sunt, vel nostra diligenter observant, vt meritò coram Luceio familiarissimo ea dicere Cicero non sit aulus, quæ scribere ac litteris committere non dubitauit in Fam. 3. ep. 12.

Vndecimo. Verecundiam & ruborem afferunt, qui non eadem culpa tenentur, cui nos obnoxios cognoscimus, quique ad ignoscen-

dum difficiles sunt: & qui ceteris vitio vertunt quæ non faciunt ipsi. qui deniq; omnia publicant. qualis erat fortasse Cic. quem propterea M. Brut. coniurationem contra Cæsa-rem molientem socium recusauit: quales obtreductores, maledici, irrisores ac Satyrici sunt. Nam ipsius Persij testimonio.

*Omne vaser vitium videnti Flaccus amico
Tangit, & admissus circum præcordia ludit.*

Quin ex veteribus Comicis,

*Eupolis atque Cratinus, Aristophanesque poeta,
Atque alij quorum Comædia prisca virorum est,
Si quis erat dignus describi, quod malus, aut fur,
Quod machus fores, aut sicarius, aut aliqui
Famosus, multa cum libertate notabant.*

Duodecimo. Eorum causa pudore ac verecundia tangimur, qui nihil nobis non concesserunt, quive tum primùm aliquid à nobis petunt. Et qui tum primùm amicitiam nostram inire volunt: Et qui aliquid in nobis turpitudini coniunctum, aut quod turpitudinem significare possit, animaduertunt: quique peccati nostri concij sunt.

DE MISERATIONE.

MISERATIO sicut ab Aristot. describitur, est ægritudo suscepta ex opinione mali, quod vel dolorem, vel interitum afferat ei, quicquid malo videatur indignus. Sed M. Tullius in 4. Tuscul. definitionem contraxit, totamque misericordiz vim ita breuiter expressit: Misericordia est ægritudo ex miseria alterius, iniuria laborantis. Itaque huius affectus incitamentum est miseria & malum, sed malum hominis immeretis. In huiusmodi autem malo duo inesse oportet: vt dolorem, aut interitum afferat, & in nos cadere posse putetur. Idcirco nimirum Æneas in lib. x. cum Lausum Mezentij filium adolescentem interfecisset; animo reputans, illam ipsam calamitatem in Alcanium suum cadere posse, cepit hostis casum illico miserari.

At verò ut vultum vidit morientis & ora.

Oramodis Archifides pallentis miris,

Ingenuit miserans grauiter, dextramque tendit

Et mentem patria subiit pietatis imago.

Et Turnus in 12. ad extremum.

--- fuit & tibi talis

Anchises genitor. Danni miserare senecta.

Si qui verò sint, qui nihil tale pati se posse putent, quale ceteros perpeti vident, misericordia non capiuntur. quo ex genere sunt tyranni, homines effierati, arrogantes, quique plus nimio fortunatos se putant: & qui dolore iam ac dolore contabuerunt immodico. desperant enim, nihilque præterea pati se posse arbitrantur. Ii verò in primis existimant in se cadere posse persimilem calamitatem, qui eam alijs experti sunt. Propterea nimirum Dido,

Non ignara mali miseris succurrere discit.

His igitur de misericordiz descriptione delibatis, eos, qui facillè misericordia capian-

tur, ipsasque misericordiarum causas accuratius videamus.

Primo loco ponendi sunt senes: qui potissimum videntur esse misericordes, tum quia sunt prudentissimi, tum quod permulta mala, multasque rerum vicissitudines experti sunt. Quare senio confectus, suoque malo, iam edoctus,

*Ipse viro primis manicas atque arcta lenari
Vincla iubet Priamus.*

Secundo. Imbecilli, & natura timidiore. vident enim se calamitatibus esse quammaximè opportunos.

Tertio. Docti homines & eruditi: quippe qui fortunæ inconstantiam, & mutabilitatē agnoscant. Nam sapientem nulla misericordia capi, paradoxum est, & Stoicorum pronunciatum, irrisum à Cic. in orat. pro Mur. Nec audiendus est Seneca, cum contendit, virum bonum, ac sapientem misericordia moueri non oportere; quod scriptum præsertim reliquit in lib. de clem. cap. 5. Mansuetudinem, inquit, omnes boni præstabunt: misericordiam vitabunt: est enim vitium pusilli animi. Itaque pessimo cuique familiarissima est. Ibidem. Misericordia ægritudo est. ægritudo non cadit in sapientem. & rursus. Misericordia vicina est miserix. Anus, & mulierculæ lacrymis nocentissimorum commouentur. Non, inquam, est audiendus. pugnat enim contra eum Aristoteles. pugnat S. Thomas altera parte 2. quæst. 30. artic. 3. ubi contendit, misericordiam recta ratione temperatam esse virtutem. pugnat S. Augustinus lib. 9. Ciuit. cap. 5. qui Stoicos accuratè, ac diligenter exagitat, laudatque eum locum Ciceronis pro Marcello: Nulla de virtutibus tuis nec admirabilior nec gratior misericordia est.

Quarto. Qui liberos habent, aut coniugem, aut parentes. hi enim videntur esse illis ipsis fortunæ telis expositi, quibus alij consueverunt. Aneas in 2. visa Priami morte,

*At me tam primum seans circumstetis horror,
Obstupui: subitæ cari genitoris imago
Vt Regem æquanimi crudeli vulnere vidi
Viram exhalantem: subit desertæ Creüsæ,
Et direpta domus, & parus casus Iuli.*

Et in 9. cum Eurialus Ascanio matrem commendaret.

---- Perculsa mente dedit

*Dardanida lacrimas: ante omnes pulcher Iulus,
Atque animum patria strinxit precatis imago.*

Quinto. Qui neque nimium sunt confidentes, neque nimium iracundi. Ira enim in primis misericordiam tollit. Quare in lib. 12. Aneas ad misericordiam erga Turnum iam inclinatus, viso Pallantis baltheo, consilium mutat,

*Ille oculis, postquam sani monumenta doloris,
Exuiisq; hausit, furis accensus, & ira
Terribilis. Tu ne hinc spoliis indute meorum
Eripiare mibi?*

Sexto. Qui non multum timent, nec ita exhorrescunt, vt consternati pauore videantur. qui enim supra modum affecti formidint, à lioue incommodo sunt, suæ intenti calamitati prætereunt alienam.

Septimo. Qui existimant aliquos saltem probos reperiri ac bonos, qui enim in ea sunt hæresi, vt credant, nullum hominem bonum inueniri, omnes putant calamitate incommodaque fortuna dignissimos esse: qualis fuit Timon ille Atheniensis cognomento *lucendi*, teste Suida.

Hi sunt igitur homines ad suscipiendum misericordiarum motum accommodati. Quod si miserationis etiam causas singillatim inquirere velimus, in iis eas reperiemus, quæ vel dolorem vel interitum afferunt, vt est in definitio- ne iam positum. Itaque primo miserabiles videntur cædes, verbera, vexationes, morbus, senectus, inopia. In cædibus misericordiarum causam inuenit Cic. in 7. Verr. multis quidem locis, sed præsertim in supplicio Næarchorum, & Gauiano. In orat. pro Cæli. ad extremum inuenit in senectute. Constituente, inquit, vobis ante oculos huius etiam miseri senectutem: qui hoc vno filio nititur, &c. Pro Rab. Posth. in penuria & inopia. Ecquis est ex tanto populo, qui bona C. Rabirii Posthumi nummo sestertio sibi addici velit? sed miserum me: quanto hæc dixi cum dolore?

Secundo. Mala quæ ab aduersa fortuna oriuntur, qualis est amicorum, patriæ, aut parentum amissio, & solitudo. Pro Mil. Sed quo est illa maior virtus, eo à te maiore dolore diuellor. Pro Plane. Atque vt spero, nemo erit tam crudeli animo, atque inhumano, qui à me mei Seruatorem capitis diuellat ac distrahat. De patriæ amissione placet illud

*Littora tum patria lacrymans portusque relinquo,
Et campos ubi Troia fuit.*

Tertio. Deformitas, imbecillitas Corporis; aut alicuius membri diminutio, cuiusmodi est apud Virg. plane miserabilis Deiphobus species.

*Atque hic Priamidem laniatum corpore toto
Deiphobum vidit, lacerum crudelior ora,
Ora manisque ambas, populataq; tempora rayis
Auribus, & truncas in honesto vulnere naves.*
vt meritis apud Curt. lib. 5. lacrymas excusserint Alexandro illi captiui, qui fuerant à Persis barbarorum in morem lacerati. Huiusmodi homines etiam in 3. Eth. misericordia dignos esse docet Aristoteles,

Quarto. Valde miserandum est, cum quis inde damnum, & calamitatem accipit, unde laudem & gloriam expectare debuisset. Quare familiaris est Ciceroni querimonia, quod ex oppressione Catilinariæ coniurationis omnes ad eum dolores redundarint. Rectè igitur quæ solatium expectabat à filio Euryali mater, ita queritur,

---- hoc mihi de te

*Nate refers, quem sum terræque marique secunda
Et apud Catull. Ariadna,*

*Certe ego te in medio versantem turbine lethi
Eripui, ac potius Germanum amittere creui,
Quàm tibi fallaci supremo in tempore deesse,
Pro quo dilaceranda feris dabor, alutibusque
Præda, nec inuicta tuum labor mortua terra.*

Et apud Virgilium Dido,
*Nusquam tuta fides: victum littore, egentem
Excepi, & regni demens in parte locaui.*

Amiffam classem, sociisque à morte reduxi.

Quinto. Cùm aliquid accidit prosperum eo tempore, quo prodesse non potest ampliùs. qualia, teste Aristotele, fuere Persarum Regis munera egētissimo missa Diophiti, quibus tantùm non acceptis, mortuus est.

Sexto. Miseratione sunt digni, quibus nihil accidit prosperi, nihil boni. Cic. pro L. Sylla. Quid enim erat mali, quod huic spoliato honore, fama, fortunis deesse videretur? aut cui nouæ calamitati locus ullus relictus esset? utger eadem fortuna quæ cœpit: repetit nouum mœrorem, non patitur hominem calamitosum vno modo afflictum vno in luctu perire &c. Atque hæc quidem misericordiam commouent, sed multo tamen magis in aliis, quàm in aliis spectata commouent. Nam familiares, ac noti immeritò malis oppressi vehementiorem commiserationem excitant, nisi tamen ita sint familiares, ut propinqui etiam sint. Hi enim non misericordiam postulant, sed grauiorem quandam animi perturbationem; cuiusmodi est consternatio, stupor, exanimatio: cùm eorum mala, non aliena, sed nostra esse putemus. Quare Amasys, ut ait Aristot. cùm vidisset filium suum ad supplicium rapi, ne lacrymam quidem emisit, sed cùm amicum vidisset tanta rei difficultate oppressum, ut etiam mendicaret, confestim est lacrymatus. quam historiam narrat etiam Herod. in Thalia. quamquam tradit id factum esse à filio Amasys Psammenito in supplicio filij Cyri. Eius autem rei hanc addit rationem Aristot. quòd domesticum malum cùm atrox esset, homini mœrorem ac stuporem afferebat: amici verò calamitas verè miseranda erat, quia erat aliena: sed non sic aliena, ut planè disiuncta esse videretur. Non igitur misericordiam excitat propinquorum calamitas, sed familiarium & amicorum, quorum nos non modò præsens affligat malum, sed quod etiam iis impendere atque instare proximè sentiamus.

Præterea pares ac similes, vel ætate, vel genere ac dignitate, vel moribus, aut habitu facilius ac vehementius nos ad commiserandum impellunt: quia ex illa æqualitate ac similitudine intelligimus, iisdem nos esse fortunæ tempestatibus obnoxios. Denique ij multo magis misericordiam cient, quos ipsi videmus affligi, quàm quos legimus, aut audimus affligi & esse.

Segnius irritant animos demissa per aures,

Quàm quæ sunt oculis subiecta fidelibus, & quæ ipse sibi tradit spectator.

ut mirum non sit, si sæpe oratores in perorando reos sordidatos, aut infantes, aut vestes cruentas, aut aliquid eiusmodi proferunt ad misericordiam commouendam. quod fecit Antonius in causa Aquilii, ut est in 2. de or. & Titus Labienus cùm C. Rabirium accusaret. Saturnini enim iam pridem interfecti protulit imaginem, ut scribit Quintil. l. 6. cap. 1. & M. Ant. Consul: qui Cæsaris veste cruenta populi oculis obiecta incredibiliter omnium animos torfit, ac deprauauit. Neque verò prætermittenda sunt Ciceronis illa pro Plancio. Quid me aspectas? quid mea pro-

missa repetis? quid meam fidem imploras? & paulò post. Huc exurge tamen, quælo, retinebo, & complectar. Præsentia igitur vehementiorem misericordiam mouent: quo fit, ut quinque hominum genera sint, qui omnium maximè hunc affectum exigunt. Primum eorum est, quorum mala paulò antè contigerint. videntur enim præsentia. secundum eorum, quorum calamitas est breui futura. Tertium eorum, quorum infelicitatis aliquod signum aspiciatur. quales sunt sanguine resperse vestes, cicatrices, ceteraque id genus, de quibus diximus. Quartum eorum, qui ob actiones honestas in calamitates inciderunt. quales illi sunt apud Cic. in 3. Verr. Ex altera parte, inquit, grandis, natu parens adductus ad supplicium: ex altera parte filius: ille quòd pudicitiam liberorum, hic quòd vitam patris famamque defendisset. Quintum denique illorum, qui oratione flebili suam exprimunt calamitates. qualis est Dido, cùm morti proxima canit,

*Dulces exunia, dum fata Deusque fœbant,
Accipite hanc animam, meque his exolvite curis.*

Quæ carmina nunquam legebat doctissimus, idemque sanctissimus Augustinus, quin flere cogeretur, ut scriptum ipse reliquit in lib. 1. Confess. cap. 12. & oratio matris Euryali in 9. quæ tota pathetica est. Hæc autem hominum calamitosorum genera propterea omnium maximè summèque misericordiam commouent, quòd miseriam propriam prope ante oculos constituere, ac præsentem facere videantur.

DE NEMESI.

MISERICORDIÆ quidam opponitur affectus, qui dicitur à Græcis Nemesis: à nobis quasi stomachus dici potest, eorum rebus prosperis conceitatus, qui ea prosperitate fortunæque sunt indignissimi. laudabilis hæc videtur animi commotio, adeoque Nemesis ab antiquis colebatur ut Dea: quæ superbos homines, atque arrogantes vlcisci crederetur, dictaque est etiam Rhamnusia à Rhamnunte Atticæ pago, in quo venerationem præcipuam habuit; & Adrastia, vel Adrastea: de cuius etymologia & vili legendus est Phurnutus, Pausan. in Atticis, Hesychius, Pompon. Mela, Plat. in 4. de legib. Ammianus Marcellinus, Lilius Giral. de diis Gen. Syntagmate 16. Est igitur nemesis Græca vox, Latine non cognita linguæ, ut ait Aufon. in Mosella, definirique potest indignatio, non illa quidem ira, ex iniuria nascentis, ut suprà diximus, sed existens ex aliena fortuna, quæ is, qui eam obtinet, videatur indignus. ex quo licet intelligere, probabilem quamdam affectionem hanc esse, atque à bono viro non abhorrentem. Ut enim decet, eorum misereri, qui aliquid immeritò patiuntur, ita stomachari oportet, cùm indignis hominibus prosperè cuncta proueniunt. Propterea nimirum etiam Diis ipsa tribuitur, immo pro dea culta est ab antiquis. Neque tamen existimare

quispiam debet, misericordiz opponi ad eundem modum inuidiam. hæc enim etsi rebus aliorum secundis excitatur, non tamen excitatur ideo, quod qui secunda utatur fortuna, indignus ea prosperitate videatur. Itaque inuidia numquam in bono viro potest esse: nemesis autem potest.

Quibus ita constitutis, quas ob res & in quibus hominibus hæc cieatur affectio, videamus. Primum igitur cum nemesis, stomachus sit, & indignatio, indignari verò nihil sit aliud, quam ex aliorum bonis dolorem capere, ponendum est, non ex omni bonorum genere indignationem commoueri. Virtus enim præcipuè hominis est bonum: sed quemadmodum ob vitium misericordia non mouetur, etiam si vitium calamitas, & malum sit: sic nemesis aliena virtute non excitatur, quamuis ipsa virtus summum hominis bonum sit. Excitabitur igitur fortunæ vel corporis bonis; diuitiis, potentia, robore, quibus homines videantur indigni. quæ indignatio quoniam est iusta, libera dicitur, hoc est homine digna libero, nec vilius iudicium, accusationemque reformidans. sic enim scribit Horat. In Menam Pompeij libertum.

*Vides ne sacrum metiente re viam
Cum his ter vltimum toga,
Vt ora vertat huc, & huc iurium
Liberrima indignatio.*

Et causam liberæ indignationis in hunc modum adiungit.

*Sectus flagellis hic reum iuralibus
Præconis ad fastidium
Arat Falerni mille fundi iugera,
Et Appiam mannis terit.*

*Sedilibusque magnus in primis eques,
Oibz contempto sedet.*

Iuuenalis augmen. Sat. 1. post initium liberitatis indignatus, ita dolorem exprimit suum.

*Patricios omnes opibus eum prouocat unus,
Quo condente gravis iuueni mihi barba sonabat:
Cum pars Nilivæ plebs, cum verna Camopi
Crispinus, Tyrias humero renocante lacernas,
Ventilet æstivum digitis sudantibus aurum,
Nec sufferre quæat maioris pondera gemmas
Difficile est Satyram non scribere.*

Et paulò post.

*Quid referam quanta sicem iecur ardent ira
Cum populam gregibus comitum premat hic
Pupilli prostantis. [spoliator]*

Secundo loco. Bona fortunæ, quæ ab antiquissimis temporibus, quasi per manus tradita sunt, non excitant nemesim. Causa est, quod res antiquæ profectæ videantur à natura: nemo autem obeam indignatur bona, quæ vel à virtute, vel à natura proficiscuntur. Indignabimur ergo illas ob res secundas, ac prosperas, quæ nuper homini novo & inopi, non quæ nobili, ac iam pridem pecuniOSO & diuiti obuenerunt. Ea res, inquit Salustius Caeciliana Coniur. studia hominum accendit ad Coniulatum mandandum M. Tullio Ciceroni. Namque antea pleraque nobilitas inuidia æstibat, & quasi pollui Consulatum credebat, si eum, quamuis egregius, novus homo adeptus foret.

Tertio. Non modò aduersus improbos nemesis & indignatio concitatur, verum etiam contra bonos. causa est, quod non omnia bona omnibus conuenire videantur. Fit adeo ut si ea, quæ non ipsis conueniant, viri boni nanciscantur, in aliorum animis nemesim indignationemque commoucant. Quare Ajax in 13. Metamorphos.

*Sed neque Dalichius sub Achilles castido vertice
Pondera tanta feret, nec non onerosaque
Pelus hasta potest umbellibus esse lacertis,
Nec clypeus vasti calatis imagine mundi
Conueniet timide, nataque ad furia sinistra.
Debitaturnum quid te petis, improbe, munus?
Quod tibi si populi donauerit error Achivi,
Cur spoliaris e, ut, non cur metuearis ab hoste,
Es fuga qua sola cunctos, timidissime vincis,
Tarda futura tibi est gestamina tanta trahenti.*

Quarto. Indignum est cum inferioribus comparari. quod idem eodè loco Ajax expressit.

----- agimus probo Iuppiter, inquit,

Anerates causam & mecum contortur Ulysses.
Quas ob res nemesis moueatur, sic diximus. Restat ut designemus quoniam facile hoc affectu commoucantur. Ac.

Primo quidem loco constituendi videntur ii, qui cum omni bonorum genere dignissimi sint, & quæ possideant vident etiam fædos atque indignos homines eorundem esse participes.

Secundo iusti, ac virtute præditi. Huiusmodi enim viri rectè iudicant, quæque putant iniusta mirum in modum oderunt, & alienam stulticiam ridet. ut in arte Poët. Horat.

Sic mihi qui multum cessat sis Cherilus illo

*Quem bis terque bonum cum visu miror & idem
Indignor.*

Tertio. Illi qui honores expetunt: si præsertim honores ij sunt, quos alij quamtumuis indigni sint consecuti.

Postremo illi qui magnificè de se iudicant, & quæ iis, rebus existimant dignos, quibus alios indignos putant. Fit itaque ut qui serui sunt ingenio, atque abiecto, quique sunt contemptores, non admodum stomachentur; quod de se, neque magnificè sentiant, neque sibi deberi honorem existiment.

DE INVIDIA.

INVIDIA est ægrotudo quædam concepta ex alterius fortunæ bonis, qui nobis aut similis aut par sit, quamuis nulla speretur utilitas si is ille careret bonis, quæ nobis inuidiam concitant. Hunc affectum inuidiam nominari vult Cic. in 1. Tuscul. putatque nomen illi factum esse à nimis intueudo fortunam alterius. In Tuscul. vero 4. sequitur bonam partem Aristotelis descriptionem. traditque inuidiam esse ægrotudinem susceptam propter alterius res secundas, quæ nihil noceant inuidenti. Nam si noceant, non rectè dicimur inuidere. Rectè igitur Plato in Timæo ait, in hominem probum ac moderatum in-

uidiam non conuenire. Sed huius quoque perturbationis exquiramus causas, & eos notemus, qui facilius inuidia commouentur. Quoniam ergo posuimus, inuidiam aduersus similes aut pares excitari, dicendum est

Primò. Eos hoc affectu moueri, qui habeant vel genere, vel cognatione, vel ætate, vel habitu animi, vel dignitate ac fortuna pares. Quamquã Cic. de. Or. etiam superioribus inuidere nos docet. Inuidet, inquit, homines maximè paribus, aut inferioribus, cùm se relictos sentiunt, illos autem dolent euolasse. sed etiam superioribus inuidetur sæpe vehementer, & cò magis si intolerantiùs se iactant.

Secundo. Qui omnia pene bona consequuti sunt, vellent enim soli abundare: sibi que putant cripi quod aliis impartitur. quo etiam morbo laborant ii, qui permultos ac maximos honores adepti sunt: quia cùm solos se putent illis honoribus dignos, vbi alios quoque vident iisdem ornatos, inuidia commouentur. Quod Lucanus de Pompeio ac Cæsare testatur his verbis:

---stimulus dedit amula virtus.

*Tu noua ne veteres obsecrent alia triumphos,
Magne, times: te iam series & suique laborum
Erigit, impatiensque loci fortuna secundi:
Nec quemquam iam ferro potest, Cæsare
priorum.*

Pompeiusque parem.

Hinc adeo fit, vt gloriæ appetentes summa laborent inuidia; & ambitio, honorumque contentio miserrima dicatur à Cicerone.

Tertio. Qui sapientes videri volunt, aliòve studio excellentes. Inuidet enim omnibus, qui eodem studio exercitationeq; teneantur.

Quartò. Qui angusto, pusilloque animo sunt. His enim etiam parua magnifica videri solent, &

*Fortior seges est alienis semper in agris,
Viciniūque pecus grandis vber habet.*

Quibus ex locis licet cognoscere, non modò eos, qui inuideant, sed etiam ea bona, quæ nos aliis inuidemus. sunt enim omnia fortunæ bona: in primisque gloria & laus, quibus, vt ait in 2. de Orat. Ant. semper inuideri solet, Quare Salust. in Iugurt. Meminisse, inquit, debemus, post gloriam inuidiam sequi. Ceterum his cognitis est operæ pretium videre quibusnam hominibus potissimum inuideatur.

Primò igitur inuidemus iis quibuscum de honore certamus, & iis, qui loco propinqui sunt, atque coniuncti. Nemo enim, vt ait Aristor. quicquam inuidet illis, qui Herculis columnas incolere memorantur.

Secundò. Illis, qui celeriter id affecuti sunt, ad quod nos ingenti labore studioque contendimus. Quæ causa est, cur nobiles nouis hominibus semper inensi sint. id quod Marius apud Salust. bene longa oratione summæque cum iracundia disputat.

Tertio. Iis, qui ea possident, quæ nobis ipsis aptè congruerent, & iis, qui magnis sumptibus aliquid effecerunt, si nos in eodem genere opus simile modicis fecimus ac prope nullis, quia maioribus facere non potuimus.

Reliquum esset vt de ratione qua sint affecti, qui vexantur inuidia, diceremus, sed hoc ex inuidiæ descriptione apud Ouid. 2. Metam. petendum est.

DE ÆMVLATIONE.

ÆMVLATIO est ægritudo ex alienis profecta bonis honorificis, quæ in eum cadere possint qui hac affectione perturbatur: non quòd ea nolit in altero esse, sed quòd iis se carere molestissimè atque ægerrimè ferat. Hinc fit, vt æmulatio laudanda videatur. Quare Cic. præf. in Bruto, inter se & Hortensium inuidiam vllam fuisse omnino negat, virtutis æmulationem intercessisse confitetur. Primò igitur ij tanguntur æmulatione, qui se bonis illis existimant dignos, quæ per æmulationem expetunt ac volunt. Probi enim adulescentes, virique magnanimi & rebus ornati præclaris, alii æmulantur. Euandei de Pallante filio adolescente,

-----tua cernere facta

Assuescat, primis & te miretur ab annis.

De magnanimitate verò Cic. in 1. Tusc. Fit, inquit, vt etiam magnanimi viri, qui laudis & gloriæ præter ceteros appetentes sunt, æmulatores esse soleant. Themistocles somnum capere non poterat, Miltiadis, cui æmulabatur trophæis excitatus. apud Cic. in 4. Tusc.

Secundò: ij quorum aut maiores aut cognati, aut domestici, aut gens, aut ciuitas in pretio atque honore fuere: iisdem enim se dignos laudibus arbitrantur. Id nimirum causæ fuit, cur, in Scenolaium familia permulti Iurisconsulti fuerint, & quidem excellentes: quia quorum patres, vt ait Cic. lib. de offic. aut maiores in aliqua gloria præstiterunt, eorum plerique in hoc genere laudis student excellere. De iis qui æmulantur est dictum. Sed quia bona quæ nos æmulamur, diximus esse honorifica, fit, vt in illo genere bonorum in primis ponenda sit virtus, & ea vniuersè, quæ aliis vtilia sunt. his enim admirabiliter homines exornantur. Hæc, inquit M. Tull. in Orat. pro Sext. imitamini per Deos immortales, qui dignitatem, qui laudem, qui gloriam quæritis: hæc ampla sunt: hæc diuina: hæc immortalia: hæc fama celebrantur, monumentis annalium mandantur: posteritati propagantur.

Quibus verò sit æmulandum, ex his ipsis intelligi potest. si enim ea bona quæ diximus expetere oportet, haud dubiè iis æmulandum est, qui huiusmodi bonorum genere sunt ornati.

GAIL V. H.

W. D. I. H.

W. D. I. H.

W. D. I. H.



TARQVINII
GALLVTII
 SABINI
 E SOCIETATE IESV.
 IN
ARISTOTELIS
 LIBRVM TERTIVM
 MORALIVM LIBROS
 AD NICOMACHVM,
 NOVA INTERPRETATIO, EXPLANATIO,
 QVÆSTIONES.

Petri Seruij Medic.

PP

THE
GALLIA

24th MI
SOCIETY OF A

CRISTOTLIS

THE
MAY 1871
MEMBERS
OF THE
SOCIETY

Handwritten signature or mark.



EMINENTISSIMO
ET REVERENDISSIMO PRINCIPI
FRANCISCO
CARDINALI
BARBERINO.

TARQUINIUS GALLIVS F.

PRIORES duos huius doctrinae libros, ad conciliandam operi lucem, Beatissimo Patruo tuo, Patrique praestantissimo commendatos & inscriptos volui: trium posteriorum, tribus vobis, Fratres optimi, florentes ex arbore felicissima termites, Patrique simillimi, tutelam ac patrocinium reservaui. Ex iis, FRANCISCE CARDINALIS HUMANISSIME, in clientelam traditum ac fidem tuam librum hunc à me tertium habes, ubi post eorum explicationem, quæ vel inuiti facimus vel voluntarij, de Fortitudine differitur, ac Temperantia, quæ duo virtutum decora summa in Te, ac perillustra cernimus. Et illa quidem altera, quæ præteritione voluptatum, regiâque in cupiditates dominatione continetur, ex animi tui pulcritudine foras eminet, ac tum potissimum suo ipsius colore se prodit, cum ex vero, & absque assentationis temeritate laudatur. altera verò, quoniam versari videtur in acie, in te, qui numquam hostem armatus aspexeris, ita latet, ut spectatores minime somniculosos, aut cæcutientes efflagitet. Si me tamen Interpretem, & Explanatorem admittit, efficiam, ut non magnopere desideret acutos & lynceos. Neque enim ea solum Fortitudinis opera sunt; in castris esse, conferere manus, urbium muros euertere, per hostes belli terrorem & arma sonantia circumferre; sed extra telorum etiam & bellorum ancipitem aleam pro salute

Reipublicæ pericula non recusare, maria, terrâsque percurrere, transigere, suadere, obfirmatas hominum voluntates, summorum præsertim ac principum expugnare. quæ quàm fortiter à te in duplici Legatione & suscepta & perfectâ sint, sciunt quidem omnes, sed complures aspeximus. Quanta enim apparuit in te firmitas animi, cùm summa hyeme & anni frigida tempestate, qua maria clauduntur, & itinera omnia terrarum imperuia fiunt, inscendere naues haud dubitasti, & minacibus credere vitam fluctibus, quorum etiam in sudo rara fides & constantia est? Quid cùm in littoribus importuosis hærendum sæpius, & consistendum diutissimè fuit, grassante interim in vectores & in classarios lue, quæ multos extinxit, afflixit plures, pene vniuersos afflauit? Quis in tanta clade præter te non est aliqua perturbatione conterritus? Me quidem in Prouincia relictum, decumbentem, & cum morte iam prope luctantem angebat ea cogitatio, quòd ex tanto numero lectissimorum hominum, quos ad Legationis honestamentum ex Vrbe deduxeras, pauci viderentur integri, ac circa te luctus, & solitudo iam esset. Sed tu longè alia mente casum excipiebas, nec vlllo impediēbaris obice, quin malis occurreres omnia, & contra semper audentior ires. Denique in primum Hispaniæ litus excensione iam facta; eodem quo ceteri morbo correptus, nec dum prorsus ereptus, teneri non potuisti, quo minùs eò conuolares, vnde pacis oleam decerperes, quam per eadem itineris difficillimi relecta vestigia tecum deferres, atque in sinum Beatissimi Patruī deportares. Quis ergo tam iniquus æstimator, in te fortitudinis ornamenta requirat, quem videat, ita fortiter aduersus omnia malorum genera depugnasse? Equidem eiusmodi pacem tanta rerum omnium asperarum perpessione quæ sitam illi anteponendam existimo, quam cernimus Imperatorum plerosque suo ipsorum labore minimo multo militum sanguine comparare.

V A L E.



IN
ARISTOTELIS
LIBRVM TERTIVM
DE MORIBVS
AD NICOMACHVM
ARGVMENTVM.

HIVS libri summa diuidi potest in partes duas; quarum prior de iis, quæ sponte, aut inuitò fiunt; posterior de fortitudine, ac temperantia disputationes habet. Cur autem de rebus ita inter se differentibus, atque distractis agendum sibi putauerit Aristoteles, causa repetenda est à libro proximè superiore, cum quo coniungitur & continuatur hic tertius. Posuerat in cap. vj. Virtutem nihil aliud esse, quàm habitum inelectione positum, & medioeritate. Ac medium quidem habitum inter extremos duos esse, multis docuerat, & virtutum omnium enumeratione demonstrauerat. Sequitur adco, ut etiam qua ratione sit electiua primùm explicet; ac deinde de Virtutibus agere singillatim aggrediatur. Nam qua hætenus de Virtute sunt vniuersum exposita, eò pertinent, ut intelligentia præparetur ad singulas. Non potest autem ostendere, Virtutem agere per electionem, nisi de voluntario, deque contrariis inuoluntario disputet; nec ad singulas aggredi virtutes explicatione propria debuit, nisi ducto ab iis initio, quæ inter principes numerantur, cuiusmodi Fortitudo est, & Temperantia.



CAPVT PRIMVM.
DE IIS QUÆ VOLVNTARIA SVNT,
aut inuitè facta.

S V M M A.

Quid voluntarium sit, intelligi ex contrario, hoc est, ex eo, quod fieri dicitur inuitò. hoc autem non esse vniuersum, sed multiplex.

DIVISIO CAPITIS IN TRES PARTES.

1. Inuitum siue inuoluntarium per vim, quid, quale, quotuplex sit.
2. Quid inuitum ex ignoratione.
3. Quid spontè factum, & voluntarium sit.

PARS PRIMA CAPITIS PRIMI.

Τῆς ἀρετῆς δὲ πρὸς πάνθ' ἐστι, καὶ
 πρὸς ἑαυτὴν οὐσίαν, καὶ ἐν μὲν τοῖς
 ἐκείνοις ἐπαύων, καὶ ψόγῳ γινώσκων,
 ἐν δὲ τοῖς ἀκούσις συνγνώμης, εἰσὶν οἱ
 δὲ καὶ ἐλέου, ὅς ἐκούσιον καὶ ἀκούσιον
 αἰσῶν καὶ ἴσως δὲ βέλτεται τοῖς πρὸς ἀρε-
 τῆς ἐπιτοκιοδοσί. χρῆσιμον δὲ καὶ τοῖς
 νομοθετοδοσί, πρὸς τε τὰς πημάς, καὶ
 τὰς καλὰς. δοχῇ δὲ ἀκούσιον οἷον τὰ
 βία, ἢ δὲ ἀνίσταντο γινώσκοντα βίασιν ὅς
 οὐδ' ἡ ἀρχὴ ἐξωθεν, πιαύτη οὐσα, ἐν ἡ
 μηδὲν συμβάλλεται ὁ πρὸς τῶν, ἢ ὁ
 πάχων, οἷον εἰ πρὸς μα χρίσασθαι ποι,
 ἢ αὐτὸς ποι κώριον ὄντες. ὅσα δὲ ἀφ'
 φόβου μαιζόνων κακῶν πρὸς τῶν, ἢ
 ἀφ' χαλῶν π. οἷον εἰ τυραννὸς πρὸς αὐ-
 τοῖς αἰσῶν π. πρὸς τῶν, κώριον ὡν γρ-
 νείων καὶ τέκνων, ἐπὶ πρὸς τῶν μὲν σῶ-
 ζονται, μὴ πρὸς τῶν δὲ ἀποθνήσκουσιν,
 ἀμφισβητήσιν ἐχθρὰ, πρὸς τῶν ἀκούσιον ὄντων,
 ἢ ἐκούσιον. ποιοῦτον δὲ π. συμβάλλεται καὶ
 πρὸς τὰς ἐν τοῖς χρίμασιν ἐκβολὰς.
 αἰσῶν μὲν γὰρ ὁδοῖς ἀποβάλλεται ἐκὼν,
 ἐπὶ σωτηρίᾳ δὲ αὐτῶν, καὶ τῶν λοιπῶν
 ἀποθνήσκουσιν οἱ τοῖς ἐχθροῖς. μικτὰ μὲν οὖν
 εἰσὶν αἱ πιαύται πρὸς τῶν. εἰσὶν αἱ δὲ
 μάλιστα ἐκούσις, αἰρεταὶ γὰρ εἰσὶν πό-
 τε, ὅτε πρὸς τῶν. ὅς δὲ, τέλος τῆς
 πρὸς τῶν, καὶ τὸν κακὸν ὄντων. καὶ ὅς
 ἐκούσιον δὲ καὶ ὅς ἀκούσιον ὅτε πρὸς τῶν
 π. λεπτῶν. πρὸς τῶν δὲ ὅς ἐκούσιον. καὶ γὰρ
 ἢ ἀρχὴ τῶν κακῶν π. ὁδοῖς μὲν ἐν
 τῶν πιαύται πρὸς τῶν, ἐν αὐτῶν
 ὄντων. ὡν δὲ ἐν αὐτῶν ἢ ἀρχὴ, ἐπὶ αὐτῶν
 καὶ ὅς πρὸς τῶν, καὶ μὴ. ἐκούσιον δὲ π. π.
 πιαύται. ἀλλὰ δὲ ἴσως ἀκούσιον. ὁδοῖς
 γὰρ αὐτῶν ἐλπίσιν καὶ αὐτῶν τῶν πιαύται
 ὄντων. ἐπὶ τῶν πρὸς τῶν δὲ τῶν πιαύ-
 ταις εἰσὶν καὶ ἐπαυῶνται, ὅτε μ.
 αἰσῶν καὶ ἢ λυπηρὸν ἀποθνήσκουσιν, αἰσῶν

U^m ergo virtus in affectionibus,
 actionibusque versetur, atque in vo-
 luntariis quidem rebus laudes vituperatio-
 nesque consistant, in inuoluntariis autem
 venia, nonnunquam verò & misericordia,
 voluntarium atque inuoluntarium necesse
 fortassis est definire iis, qui de virtute consi-
 derant. Vtile id autem est etiam conditori-
 bus legum ad honores & pœnas. Videntur
 igitur inuoluntaria esse ea, quæ vi, vel per
 ignorantiam fiunt. Violentum autem est id,
 cuius principium extra est, cum tale sit, in
 quo nihil confert agens, aut patiens: veluti,
 si ventus impulerit aliquod, aut homines qui
 domini sint. Quæcumque autem propter me-
 tum maiorum malorum fiunt, vel propter
 bonum aliquod, velut si Tyrannus iubeat
 turpe aliquid facere, cum dominus sit pa-
 rentum & liberorum; ita, ut si faciant salui
 sint, nisi autem faciant, moriantur, dubi-
 tationem habent, utrum inuoluntaria sint,
 an voluntaria. Simile verò quiddam accidit
 etiā circa iacturas in tepestatibus. Simplici-
 ter enim nemo proicit voluntarius; pro salute
 autem sua, & reliquorum, omnes mentem
 habentes proiciunt. Mixta igitur sunt hu-
 iusmodi actiones: similes verò magis sunt
 voluntariis. expetenda namque sunt tunc,
 cum aguntur. Finis autem actionis secundum
 tempus est: & voluntarium igitur hoc &
 inuoluntarium, cum quis agit, dicendum est,
 agit verò voluntarius. Nam & principium
 mouendi organicas partes in talibus opera-
 tionibus, in ipso est. Quorum autem in ipso
 principium est, ea in ipso etiam est agere, & non
 agere. Volūtaria igitur talia sunt: simpliciter
 verò fortasse inuoluntaria. Nemo enim eli-
 geret propter se horū aliquid. In operationib.
 autē huiusmodi aliquādo etiā laudantur, cum
 turpe aliquid, aut molestū pertulerint causa

μεγάλων καὶ καλῶν. αὐτὸ δὲ αἰσάπαλον, φέρνται. ἴα γὰρ ἀγχιὰδ' ὑπομείναι ἐπὶ μηδὲν καλῶ, ἢ μετρίῳ, Φαύλου. ἐπὶ εἰσὶς δὲ, ἔπαρος μὲν οὐ γὰρ, συγγνώμη δὲ, ὅτῳ δὲ φ. ποιῶντα πρῶτον πῶς αὐτὸν μὴ δεῖ, αὐτὸν πῶς ἀνδρῶν φύσιν ὑπομείναι, καὶ μετρίῳ αὐτὸν ὑπομείναι. ἐνταῦθα δὲ ἴσως εἶναι εἰς αἰσάπαλον καλῶν, ἀλλὰ μάλλον ἀποθνήσκον παθόντα ἴα δεινότερα, καὶ γὰρ τὸν Εὐριπίδου Ἀλκμήωνα, γελοῖα φαίνεται τὰ αἰσάπαλα μὴ ἐκπονήσαι. ἐστὶ δὲ χαλεπὸν εἶναι ὅτι κρίναι, ποῖον αὐτὸ πῶς αἰρετέον, καὶ πῶς αὐτὸ πῶς ὑπομείνεται. ἐπὶ δὲ χαλεπότερον ὅτι ἐμμεναι πῶς γινώσκουσιν. ὡς γὰρ ὅτι ὁ πολὺ ἐστὶ, τὰ μὲν πρῶτον δὲ καλῶν, λυπηρὰ, τὰ δὲ αἰσάπαλα ἔχοντα, αἰσάπα. ὅθεν ἔπαρος καὶ φέρναι γίνονται πρὸς τοὺς αἰσάπαλους, ἢ μὴ. ἴα δὲ ποῖα φατέον βία; ἢ ἀπλῶς μὲν, ὅπῃ αὐτὸν αἰσάπα ἐπὶ τοῖς ἐκτός, καὶ ὁ πρῶτος μὲν ἐπὶ συμβαλλεται; αὐτὸ δὲ καὶ αὐτὰ μὲν αἰσάπα ἐστὶ, καὶ δὲ; καὶ αὐτὸ τῷδε αἰρετέα. καὶ ἢ δεῖν ἐπὶ πρῶτον πρῶτον, καὶ αὐτὰ μὲν αἰσάπα ἐστὶ, καὶ δὲ καὶ αὐτὸ τῷδε αἰσάπα. μάλλον δὲ εἶπεν ἐκείνους. αἰ γὰρ πρῶτον ἐπὶ ἐπὶ πῶς καὶ ἔχοντα. τῶντα δὲ ἐκείνους. ποῖα δὲ αὐτὸ πῶς αἰρετέον, οὐ γὰρ δεῖν ἀποδοῦναι. πολλὰ γὰρ ἀφ' ὧν εἰσὶν ἐπὶ πῶς καὶ ἔχοντα. ἐπὶ δὲ πῶς ἴα ἴα, καὶ ἴα καλῶ φαίνεται βία ἐπὶ. αἰσάπα καὶ γὰρ ἐξ ὧν ὅτι πῶς αὐτὸν ἐπὶ βία. τούτων γὰρ καὶ, πῶς αὐτὸ πῶς πρῶτον πρῶτον. καὶ οἱ μὲν βία, καὶ αἰσάπα λυπηρὰ, οἱ δὲ ἀφ' ὧν ἴα, καὶ ἴα ἴα. γελοῖον δὲ τὸ πῶς αὐτὸν ἴα ἐκτός, ἀλλὰ μὴ αὐτὸν, ἐπὶ πρῶτον ὅτι πρῶτον πρῶτον, καὶ τῷ μὲν καλῶν, ἐαυτὸν, τῷ δὲ αἰσάπα, ἴα ἴα. εἶπεν δὲ τὸ βία ἐπὶ, οὐ ἐξ ὧν ἴα ἴα μὴ ἐπὶ συμβαλλομένου τῷ βία ἐπὶ.

id, cuius extra principium est nihil conferre eo, qui coactus est vi.

magnarum rerum et praeclararum: si verò contra; vituperantur. Turpissima enim ferre pro nullare honesta, vel mediocri, improbi est. Propter quasdam autem res, laus quidem non gignitur: venia verò est cum ob hac agat aliquis quae non oportet, quaeque humanam naturam superant, et quae nemo toleraret. Ad aliqua verò fortasse non licet quemquam impulsum esse, sed ei potius moriendum est, perpesso crudelissima. Etenim ridicula videtur ea, quae Euripidis Alcmaeonem impulerunt, ut matrem necaret. Est autem difficile interdum iudicare, quale pro quali eligendum sit, et quid pro quo perferendum. Sed adhuc difficilius est permanere in decretis. Nam plerumque sunt ea quidem quae expectantur, molesta: quae autem necessitatem imponunt, turpia. hinc laudes et vituperationes gignantur circa illos, qui necessitate coacti fuerunt, siue non fuerunt. Quenam igitur dicenda sunt violenta? an simpliciter quidem, cum causa in iis externis est, et agens nihil confert? Quae verò per se quidem involuntaria sunt, nunc autem, et horum loco expetenda, et eorum principium in agente est, per se quidem involuntaria sunt, nunc verò et horum loco voluntaria: potius verò similia sunt voluntariis. actiones enim in singularibus sunt: haec autem voluntaria sunt. Qualia verò pro qualibus eligenda sint, non est facile assignare. multa namque differentiae sunt in singularibus. Quod si quis iucunda, et honesta diceret violenta esse, quia contingunt, cum extra sint, omnia essent hoc modo violenta. horum quippe gratia omnia omnes faciunt, et qui quidem vi, atque iniuria, moleste: qui verò propter iucunditatem, cum voluptate. Ridiculum igitur est accusare quae sunt externa, sed non se ipsum, cum facile capiatur eiusmodi rebus: et rerum quidem honestarum causam in semetipsum, turpium autem in iucunda conferre. Apparet igitur, violentum esse

EXPLANATIO.



VONTIAM in hoc capite declarantur, & explicantur ea, quæ Græcè *ἐκούσια*, & *ἀκούσια*, hoc est, sponte facta & inuitè facta siue suscepta dicuntur, reddit initio huius rationem ordinis, ostenditque, cur de his disputetur in Ethicis.

Cùm ergo Virtus in affectibus actionibusque versetur, &c.] Perinde ac si dicat disputationem de voluntario ad morum scientiam necessariò pertinere, ad quam haud dubiè pertinet agere de virtute, ac vitio, hoc est, de actionibus, atque affectionibus humanis. Cùm enim virtus in iis cernatur semper, quæ laudem efflagitant, & vitium in iis, quæ vituperationem commerentur, de spontè aut inuitè susceptis agere, illius erit disciplinæ, cuius est de virtute ac vitio disputare. Quin ad hanc ipsam de moribus doctrinam ea spectare videntur propriè, quæ legum conditoribus & populorum rectoribus utilia sunt. His verò id in summa propositum est; ut ea tantùm vel supplicio plectant, vel afficiant præmio, quæ sponte sunt & voluntate suscepta, in ea quæ fiunt inuitè; nec ullam irrogent pœnam, nec honorem ullum præmiùmque decernant. Nempe hoc est quod etiam à Platone docetur in Hippiâ Minore, & in lib. 9. de legibus; quòdque tam sæpe legitur in libris Iuris civilis: vbi summa semper habetur ratio, si quid dolo malo, vel ignorantia, vel metu, vel alieno imperio, compulsuque, vel necessitate, vel casu aliquo ac fortuitò admittatur. Hinc nimirum incendia grauioribus afficiuntur pœnis oblata iudicio, quàm forte fortuna & per ignorantiam accidentia. Et præclarum profectò est in lib. 1. Magn. Moral. cap. 17. huiusce rei ab ipsomet Aristot. traditum exemplum de femina, quæ cùm philtum amatori dedisset, cùmque redegisset ad insaniam, adeoque deum interfecisset, in Areopago tamen est absoluta, quòd ex amoris impotentia peccasse videretur. Dux sunt igitur hic ab Aristotele rationes expositæ, cur ad hanc morum institutionem & præparationem Politicæ pertinere videatur de voluntario, inuitòque differere: quarum nos rationum figuram, formamque sic tradere possumus. Moralis est scientiæ, ea nosse ac tractare, quæ ostendunt quid laudabile sit, aut vituperabile, quæve faciunt, ut laus ac vituperatio vel maior, vel minor esse videatur. id enim considerare, atque intueri ad eam pertinet facultatem, quæ versatur in tractatione virtutis; cùm virtus ipsa qualitas quædam laudabilis sit, ut in aliqua eius definitione dicitur; & habitus præterea nominetur electiuus, quemadmodum suprâ in libro secundo positum est. Sed nihil aliud omnino laudatur, aut vituperatur in vita, nec aliud quicquam facit, ut res maiore dignæ sint vituperatione, vel laude, quàm quod voluntarium est, aut magis minùsve voluntarium. ergo moralis est disciplinæ de voluntario, deque magis minùsve voluntario explicare. Neque verò probandum præterea rationibus est, etiam explicationem de inuito atque inuoluntario ad moralem doctrinam pertinere, quia vulgò penè iam scitur, eandem esse contrariorum disciplinam, ac satis ex eo declaratum id erat, quod dictum esset, huius esse scientiæ agere non modò de voluntario, sed etiam de iis, quæ magis minùsve voluntaria sunt: neque enim minùs voluntaria dici aliqua possunt, nisi quiddam etiam habeant ex inuito.

Altera verò ratio ita redigi potest in formam: Doctrina de moribus id intueri ac perpendere debet, quod ipsi quoque diligenter intuentur & considerant legum conditores. Hi autem id potissimum vident, maximèque considerant; utrum res supplicio afficiendæ vel præmio, iudicio fuerint & voluntate susceptæ: itaque voluntarium, inuitumque considerant. Igitur inuitè vel spontè factum considerare ac tractare moralis est scientiæ ac disciplinæ.

Videntur igitur inuoluntaria esse ea, &c.] Explicationem de voluntario aggreditur Aristoteles à contrario, hoc est, ab inuito: cuius & notionem affert & partitionem, quòd in iis, quæ suscipiuntur & fiunt inuitè, magna quædam dissimilitudo & varietas sit. Partitur igitur inuitè facta diuisione bimembri, hoc est, in ea, quæ per vim aguntur, & in ea, quæ per ignorantiam fiunt. Cuius partitionis hæc ratio redditur à D. Thoma. Scitum est, rerum omnium quæ geruntur, & aguntur efficientem causam esse motum quemdam animi appetentis: ex appetitu quippe tamquam ex capite ac fonte quæ in actionem cadunt, manant, & proficiuntur omnia. Iam verò, ut quidpiam aliquis spontè appetat, & voluntariè, antecedit co-

gnitio necesse est; cùm sit ignoti nulla cupido. Ad hæc: motus ipse virtutis appetentis impediri non debet externa vi, si motus dicendus liber ac voluntarius sit. Itaque inuitum siue inuoluntarium, quod voluntario contrarium est, ex hoc gemino fonte per priuationem existens, aut est illud, quod agitur vi extrinsecus accedente, ac liberam appetentis motionem facultatis impediente, aut id, quod per ignorantiam atque inscientiam, eiusdem appetitionis excludentem cognitionem efficitur. Itaque necessario diuiditur in illud, quod per vim, & in id, quod per ignorantiam fit.

Violentum autem, &c.] Cùm igitur ex iis, quæ fiunt inuitè, aliud sit violentum, siue vi factum, aliud minimè cognitum, & ignoratum, docet & definit primum quid illud sit, quod fieri per violentiam dicimus. Tota verò definitio eo potissimum continetur; vt vis ipsa sit agendi causa & principium extrinsecus accedens, hoc est, externum adeo, vt qui vim patitur nihil opis operæve conferat ad id, quod agitur; quemadmodum dicitur etiam in lib. 1. Magn. Moral. cap. 15. Itaque vt aliquid vi factum censeretur merito possit; haud satis est ab externa factum & profectum esse causa, nisi etiam ita sit factum, vt ad illud nihil voluntatis contulerit is, qui motus per violentiam dici debeat. Id quod adiungitur ideo, quia fieri per sæpe solet, vt aliquis ab externa causa principiòque feratur, impellatur, deportetur, sed tamen libens, ac volens, hoc est, interiori etiam causa, quæ voluntas est, ad motum illum impulsusque aliquid afferente. Eleganter adeo, ad id explicandum, Aristoteles similitudines duas, & exempla proponit earum rerum, quæ verè per vim factæ dicendæ sint. alterum est vehementissimi spiritus ac venti hominem nolentem, resistentem, ac repugnantem etiam auferentis, asportantisque; Cuiusmodi raptus fuit Orithyæ vel Proserpinæ: alterum eorum, qui à dominis, quorum in manu & potestate sunt, siue ab aliis valentioribus & potentioribus nolentes item aguntur & compelluntur.

At verò quæ maiorum metu malorum.] Ex his quæ definita sic sunt, suboriri suspicio & quæstio potest, an ea, quæ per summum timorem vel auertendi maioris mali, vel præstantioris boni conseruandi gratia fiunt, dici debeant inuitè fieri. Videtur enim tunc vis afferri voluntati, cùm à re quæ agitur ex metu, vehementer abhorreat, nec ad eam pertrahi se pateretur; si aliud ad euitandum malum pareret effugium, aut mollior ad bonum retinendum ratio reperiretur ac via. Hic etiam ad rem planius explicandam, statimque quæstionis ob oculos ponendum, duo profert timoris exempla; vnum quidem, ad eum demonstrandum pauorem, qui præstantioris boni retinendi gratiâ percellit animum, atque ad malum eligendum impellit; alterum ad describendum illum, qui nos cogit incommoda nostro iudicio sumere, vt maiora defugiamus. Primum cerni ait in illis, qui coguntur à Tyrannis ab honestate discedere, conditione ac lege proposita, vt ipsi, eorumque vxores ac liberi moriantur, si detrectent imperium; salui autem & ipsi sint, liberi que, atque vxores incolumes, si faciant imperata & turpiter agant. Talis profectò Socrates fuit: qui ab illis triginta Tyrannis proposita morte, filiorumque atque vxoris exitio, compelli non potuit, vt innocentem quemdam hominem capite damnet. Factum enim illud ex metu fuit, ad retinendum iustitiæ bonum & honestatis: si enim potuisset incolumi vita honestatem tueri, numquam sanè mortem, quæ homini rerum omnium est acerbissima, suo iudicio delegisset. Secundum exemplum proponitur in iis, qui iactum in mare faciunt, summique pretij atque compendij proiciunt merces, vt se ipsos ceterosque vectores præstent incolumes. Nam hi quoque, nisi mortis adigerentur metu, numquam suorum bonorum, fortunarumque iacturam omnium fieri paterentur. Itaque vtrique videntur inuitè agere, atque vtrorumque actio ex eo genere rerum esse, quæ vi susceptæ perpetrataque nominantur: controuersum igitur id esse ait, & in quæstione positum, quæ decidi velit & profligari.

Mixtæ igitur sunt huiusmodi actiones.] De proposita quæstione constituit, responderetque; actiones illas ex metu maioris mali, aut ex honestatis amittendæ timore profectas, partim esse voluntarias, partim inuitas; ac propterea ex voluntario, atque inuito mixtas appellari debere. Non enim simpliciter absolutèque voluntariæ sunt, cùm nemo summa sua voluntate simpliciter ac spontè in mare demergat merces, hoc est, spes & fortunas suas: sed tamen aliqua ratione sunt voluntariæ; quia qui proicit, vult & velle debet, iacturam facere, ad suam aliorum-

que vitam retinendam. Itaque huiusmodi actiones ex parte voluntariæ sunt, & ex parte sunt ac dicuntur inuitæ: similiores tamen videntur iis, quæ verè voluntariæ sunt, quàm iis, quæ appellantur inuitæ: quod demonstrat Aristoteles hoc modo:

Actiones humanæ iudicari voluntariæ vel inuitæ atque inuoluntariæ debent habenda ratione illius præcipuè temporis, quo eas agens exercet. Vt enim ipsemet ait hoc loco, actionis finis, hoc est, perfectio & consummatio, spectanda est & consideranda ex tempore, quo exercetur: quia tunc agens est in actu, & vnumquodque magis est ex actu iudicandum, quàm ex potentia. Sed quo tempore ii, qui merces in mare prouiciunt, aut aliquid eiusmodi vi metus aggrediuntur, & faciunt, actiones illas voluntariè magis exercent, quàm inuitè: eo enim tempore quo agunt, volentes agunt potius, quàm nolentes, cùm volentes eligant leuius damnum, malintque rei iacturam facere, quàm vitæ. Igitur eorum actiones voluntariæ magis quàm inuitæ, atque inuoluntariæ dicendæ sunt.

Et voluntarium igitur.] Sed tamen dicere demum necesse est, eiusmodi actiones, vel voluntarias esse, vel inuoluntarias: neque enim voluntariæ simul, atque inuoluntariæ possunt esse; quia si ita fieret, id quod voluntarium est appellari etiam inuoluntarium posset. Quæritur adeo, Voluntariæ ne, an inuoluntariæ nominandæ sint. Quæstioni responder, ostendens, actiones illas, vi timoris expressas & esse & dici debere voluntarias; duplicique id ratione demonstrat: quarum prima hæc est. Ex sunt voluntariæ actiones, quas prudens, volensque is qui agit exercet. sed actiones ex grauiorum formidine malorum perfectas is qui agit volens ac prudens exercet. Sunt enim in agentis potestate; cùm ille agere, vel non agere possit pro arbitratu, adeoque cùm agit, suo agat iudicio & voluntate. Quin eadem actiones in manu ac potestate agentis esse apparet ex eo, quod ipsarum principium in agentis potestate sit; vt in illa mercium proiectione cernere licet. principium quippe mouendi partes corporis organicas ad iactum, in ipso est agente, hoc est, in eius potestate cùm iactum facit; & illo plane tempore, quo merces in mare profundit, habet in se penitus insitum earum partium mouendarum principium, quæ motioni tamquam instrumenta subseruiunt: hoc autem principium cor est per nervos impellens pedes, brachia, manum ipsam: quæ nullo cogente merces capit, & præcipientes agit in mare. Est igitur in eius potestate iacere vel non iacere, in quo mouendi iaciendique principium est; & quod inde sequitur, eiusmodi actiones voluntariæ sunt. Secunda ratio: Actiones illæ verè propriæque sunt voluntariæ, quarum causa laus aut vituperatio, honor aut pœna debetur agenti. Sed ob eiusmodi actiones quantumuis per metum extortas redditur agenti laus aut vituperatio, irrogatur pœna, vel præmium exhibetur: quod vt planius ostendat, in eiusmodi actionibus à metu profectis tres constituit veluti conditiones & gradus: quorum primum sic explicat. Laudantur, inquit, aliqui, quòd ad magna mala declinanda, vel ad ingentia quædam bona sibi ac Reipublicæ consequenda, aliquid turpe vel triste perferre non dubitent. Quo loco aliquid turpe Linconien. ait esse aliquid non quidem inhonestum & virtuti contrarium, sed contumeliam, & pudorem afferens, cuiusmodi seruitus est, aut paupertas: prudentis enim viri est, minus damnum eligere, qualis seruitus, aut paupertas est, ad subterfugiendum maius, cuiusmodi est vitium, ac morum turpitudine: vel aliquod opprobrium, aut iniuriam perpeti, vt bonum magnum siue priuatum, siue publicum retineatur: opus autem prudentiæ postulat laudem. Commendantur igitur, inquit Aristoteles, hi, qui ex metu ne magnum aliquod bonum amittant, aut in malum incurrant grauius, molestias & contumelias perferunt: contraque vituperantur, si nullius aut medioeris boni, si leuissimi detrimenti subterfugendi gratia, parui periculi metu perterrefacti aliquid valde molestum & contumeliæ plenum perpetiuntur. Neque enim propter modicum bonum, vt ait Linconiensis, aut ob timorem exigui mali seruitus & bonorum amissio perferenda est. Hic igitur est primus eiusmodi meticulosarum actionum gradus, ob quas laudari solent homines, aut vituperari; in eo videlicet positus & id postulans, vt qui agit ex metu, agat ob res ingentes ac magnas, siue retinendas & conseruandas, siue declinandas & fugiendas. Quamquam enim præclarum facinus ex metu fecit, lau-

datum tamen, quia potuit non facere, adeoque voluntariè fecit. Itaque gradus hic ita laudem habet, si id quod agitur ex timore, aut magnum parat & retinet bonum, aut grauissimum, perniciosissimumque defendit malum. contraque vituperationem meretur, si quod ex metu facit, id vel exiguum comparat bonum, vel leuissimum propulsat incommòdum. Ad summam: hic gradus eo distinguitur à duobus nunc subiungendis, quòd habeat vtramque voluntarij significationem, hoc est, tam à laude quàm à vituperatione petitam. Non enim laudantur aut vituperantur nisi voluntaria. Secundus ergo gradus eorum est actionum, quæ non tam laudem postulant quàm aliquam veniam; quæ quidem venia id solum efficiat, ac præstet, ut qui ex timore agit, non admodum vituperetur. Ut si quis agat aliquid indecorum, & quod eius dedecet conditionem ex quorundam timore malorum, quæ suprà naturæ sint vires, quæque perferre nemo possit absque naturæ vitæque vltimo intertrimento. Cuiusmodi esset corporis exustio alicui honesto nobilique viro proposita, nisi inter serviles operas id faceret quod ab illius abhorreret existimatione ac dignitate. His, inquam, actionibus ex timore productis, atque his hominibus, qui sic agunt ex metu, nec omnino laudem nec prorsus vituperationem deberi ait, sed veniam. Nemo enim est, qui eos magnopere laudet, neque qui valde vituperet, sed multi, immò plerique sunt, qui eosdem excusent, & venia dignos existiment. Id Aristotelis ea verba significant. [Propter quasdam autem res laus quidem non gignitur, venia verò, &c.] Tertius gradus in iis actionibus cernitur, quæ ita improbæ sunt, ut nulla timoris vi ad eas adigi quisquam debeat, sed perpeti potiùs extrema, necemque durissimam, quàm eiusmodi se culpis & peccatis obstringere. Qualia verò sint hæc tam graua, & tam palmaria crimina, indicat potiùs, quàm docet in extremo 1. lib. de offic. Cicero. Sunt quædam, inquit, partim ita fœda, partim ita flagitiosa, ut ea ne conseruandæ quidem patriæ causa sapiens facturus sit. ea Possidonius collegit multa, sed ita tetra quædam, ita obscœna, ut dictu quoque videantur turpia. Hæc igitur non suscipiet quis reipublicæ causa: ne Respublica quidem suscipi pro se volet. Ita M. Tullius nullum audet ex eiusmodi sceleribus verbis exprimere; vnum tamen hic expressit Aristoteles. Ex hoc enim genere ait esse patricidium: adeoque ridiculam videri apud Euripidem Alcæxonis excusationem, quòd matrem metu quodammodo coactus interemisset. Id verò quid demum sit ex notissima fabula repetamus. Amphiaræus, Græcus vates, & Hariolus fuit, quem Adrastus Rex ad bellum Thebanum secum ducere, quantumvis resistentem conabatur. Cùm enim diuinandi vi præditus esset Amphiaræus, ex illa expeditione se non reuersurum iam prouidebat. Itaque, ne cogereetur ad certissimum, sibi quæ notissimum exitium ruere, ita se clanculum occultuit, ut diu, multumque requisitus inuenti non posset. Sed aliquando tandem ab Eryphyle coniuge sua aureo monili per Adrastum corrupta productus in lucem, atque ad bellum illud Principum iussu proficisci coactus, primo, quo Thebas accessit die, vnà cum curru hiatu terræ haustus atque absorptus est. Cùm igitur hunc exitum imminere sibi iam optimè sciret, antequam egrederetur è patria, & cùm ipsum curru inscenderet, Alcæxoni filio in mandatis hoc dedit, ut de perfidiosa coniuge pœnas sumeret, & suos manes vlcisceretur. Id quod Alcæxon, oblata matri morte, perfecit, eodem quemadmodum canit Ouidius, pius impiusque facinore. Hæc igitur fabula commodum Euripidi scribendæ Tragœdiæ suppeditauit argumentum: qui tamen in eo peccauit, quòd ideo excusari posse putarit Alcæxona, quia metu coactus interfecerat matrem. Ea Tragœdia sublata est iniuria temporum. sed tamen apud Eustratium duos legimus ex illa senarios, quibus Alcæxon ipse patricidium suum eo purgat nomine, quòd obtemperare patri sic iubenti deberet.

Μάλιστα μὲν ἐπὶ τοῖς ὀπασίῃσι πατὴρ

Ὁ δ' ἄρ' ἡμᾶς ἐκείθεν εἰς Θήβας ἰδὼν.

Nam tunc me ad istud incitauit maximè

Facinus, equestre vehiculum inscendens pater

Thebas tumultu cùm peribas bellico.

Sed hæc excusatio nihil pertinere videtur ad ea, quæ tractat Aristoteles, cùm nihil hic de timore dicatur, quo percussus commotusque fuerit ad matrem occidendam Alcæxon. quod ita factum oportuit si constanter Aristoteles disputat, cùm hoc exemplo velit ostendere, nullam idoneam excusationem à timore peti,

cùm palmaria & longè fœdissima flagitia committuntur. Eximit istam nobis dubitationem Eustratius, affirmans, in ea Tragœdia non solum dixisse Alcæonem, eadem matris imperasse sibi cùm discederet Amphiaræum, sed ad imperium adiunxisse præterea imprecationes & minas, nisi faceret imperata. Imprecatus est enim illi sterilitatem agrorum, orbitatem, vastitatem, mala omnia, nisi matrem occideret. Quibus malis perterritum se dicebat Alcæon, atque ad matris necem illo terrore pertractum. Hanc igitur excusationem insulsam atque ridiculam esse contendit Aristoteles; cùm parricidium ex eo genere peccatorum sit, quæ nulla terroris iniecti vi debeant excusari: quæ fuit etiam de huius grauitate flagitij Platonis sententia in dial. 9. de legib. vbi sic disputat: Vltimis supplicijis cædis, impietatis, sacrilegij subiectus erit parricida, quia per sacrilegium genitoris animam sustulit. Quare si fieri posset, vt sapius aliquis moreretur, iustissimum esset sapius parricidam interfici. Nam cui, ne pro defensione quidem sua si à parentibus videat se interfectum iri, lege vlla conceditur, vt parentes, à quibus in lucem est editus, interimat, sed omnia potius sustinere præcipitur, quàm quicquam huiusmodi facere, quomodo aliter iustè puniri hunc oportebit? Ita, inquam, Plato causas improbat & refellit omnes, quibus excusari parricidium possit: quem Aristoteles hic secutus, Alcæonem Euripidis irridet, quòd satis excusari posse se crederet ab eo timore quem cum execrationibus & diris illi pater intenderat, antequam ad bellum Thebanum iret, & moreretur.

Vt autem in disputationis instituta redeamus viam, id Aristoteles in summa concludit: ea, quæ per metum aguntur, ideo voluntaria esse, quòd vel laudem vel vituperationem promereantur: neque enim quidpiam nisi voluntarium vituperatione vel laude dignum censetur: id verò sic esse demonstrat ex triplici genere vel gradu eorum, qui agunt ex metu, quorum primi vel commendantur vel vituperantur. Secundi veniam commerentur, tertij omnino vituperantur, & quidem maximè, quia ex metu, maximo se contaminant scelere. Ex hoc, inquam, triplici demonstrat ordine, id quod agitur ex metu, voluntarium esse, quia vel laudantur, vel vituperantur singuli. Nam illi quoque qui venia digni sunt, aliqua suo iudicio & voluntate admiserunt, cuius causa digni sunt venia: elegerunt enim aliquid suæ indecorum personæ, vt supplicium vitarent, cui perferendo natura ipsa non sit par. Maneat igitur, ea, quæ per metum fiunt, quantumuis ex voluntario mixta, esse tamen ex sui natura & censeri debere voluntaria. Ex quo Aristotelis loco doctrinam illam opinor hausere Iurisconsulti, quæ apud Paulum est in l. Si mulier, §. penult. ff. de eo, quod metus causa, &c. his verbis. Si metu coactus adij hæreditatem, puto me hæredem effici: quia quamuis, si liberum fuisset, noluissem, tamen coactus volui. Hinc videlicet effatum illud eorundem Iurisperitorum est natum. Coacta voluntas, voluntas est. Rectè igitur D. Augustinus in lib. 4. q. 24. ad cap. 15. Numerorum ait, cùm alicui mortis metus iniicitur, ni peieret, si peierauerit, cum censeri non inuitè fecisse.

Vnum tamen animaduertendum hîc est, Aristotelem cùm hoc voluntarium mixtum verè voluntarium esse ac dici debere dixisset, id adiunxisse, simpliciter tamen inuoluntarium esse. [Voluntaria igitur talia sunt, simpliciter verò fortasse inuoluntaria.] Nam quia tantopere contenderat, ea quæ per metum aguntur esse verè ac propriè, hoc est, ex sui natura, & per se voluntaria, videbatur dicturus potius, simpliciter esse voluntaria, inuita verò ex accidenti; cùm præsertim id etiam addidisset, eadem quamuis ex voluntario inuoluntariòque mixta sint, voluntarij tamen, quàm inuoluntarij longè plus obtinere. Indicat huius nodi solutionem Burleus obscurissimè, quæ tamen videtur huiusmodi simpliciter facta hoc loco non ea esse Aristoteli, quæ factis per accidens & secundum quid opponuntur; sed ea, quæ vniuersim, absolutè, atque in genere considerantur, nulla personarum, loci, temporis, aliarumque circumstantiarum habita ratione. Si enim eiusmodi circumstantiæ secludantur ab actione, illa, qua merces proiciuntur in mare, est simpliciter inuita, quia generatim & vniuersè nemo detrimentum illud rei suæ suscipere vellet, vt ipsemet loquitur Aristoteles, hoc est, nemo iactum illum faceret; tempore, salutis necessitate, aliisque circumstantiis, & conditionibus ita non postulantiis. Id, inquam, hoc loco significat simpliciter; generatim vniuersèque; non id quod per se sit, & ex sui natura: hac enim ratione actio illa est simpliciter voluntaria, quia spectatur

spectatur ex hominis, loci, temporis, ac finis circumstantiis, quæ faciunt, ut qui versatur in periculo, velit omnino prolicere merces suas: adeoque vulgo penè iam dicimus, illum esse simpliciter voluntarium: ex conditione verò, secundum quid, & per accidens inuitum, quia non prouiceret, si fartam teetamque præstare posset salutem ac vitam suam.

Est autem interdum difficile, &c.] In hoc voluntario misto, de quo postremo loco dictum est, hoc est, in illo, quod cernitur in iis actionibus, quæ ex iniecto metu renuntiant id quod semper & omnino turpe est, cuiusmodi est adulterium, furtum, parricidium; in hoc, inquam, voluntario misto duas offendit difficultates, quas tollendas existimat. Ex iis enim, quæ de illo timore dicta sunt, qui nos interdum compellit ad alterum eligendum malum, ut vitemus alterum, fieri ait, ut duo difficilia sint, quorum vnum in intelligentia, atque in iudicando, alterum in voluntate atque in perseverando & perferendo positum sit. Primum igitur, quod ad iudicium pertinet, illud ait esse difficile, videre, atque animo statuere, quænam res anteponenda sit alteri, hoc est, quænam mala ex duobus propositis subeunda potius & eligenda sint, cum videlicet huc vocat honestas, illuc trahit utilitas, inde rei damnum reuocat, aut tormentum, ac vitæ periculum deterrere. Euenit enim interdum, ut res ipsæ contrariæ, de quibus eligendis, ambiguntur deliberatur, ita similes ac pares inter se sint, ut non facile decerni possit, vtræ nam earum sit eligenda potius, atque alteri anteferenda. Hæc nimirum est illa deliberandi difficultas apud Euripidem expressa in Hippolito inter Phædræ ac nutricem, impuram sceminam, quæ illam hortatur, ut quando præsentī malo aliter medicina fieri non potest, amorī nefario indulgeat & obsequatur. hæc enim consilia, quantumuis turpia, esse dicit in eo rerum articulo quibuscumque honestis meliora. Sed hæc deliberatio haud valde difficilis erat, cum amoris impotentia anteponenda esset honestas, & quidlibet perferre satius esset, quam amorī tam incesto manus dare. Ut enim ait in lib. 3. off. Mar. Tull. non modò pluri putare quod utile videatur, quam quod honestum, sed etiam hæc inter se comparare & in his dubitare, turpissimum est. Difficilior Ciceroni deliberatio fuit, & secum & cum Attico suo sæpe multumque consultanti, Cæsarem ne potentiorē, & magis popularem, quod erat utilius, ac tutius, an Pompeium infirmiorē quidem, sed Patribus cariorē, & amantiorē Reipublicæ, quod videbatur honestius, sequeretur. Difficilis etiam Achilli accidit consultatio, cum, ut ipse testatur, in Iliad. 10. apud Homerum, secum anxie deliberauit, proficiscine deberet ad expeditionem Troianam, cum gloria moriturus, an domi cum salute corporis inglorius remanere. Imminēbat enim vtrūque malum, & arduum erat constituere, quodnam ē duobus esset alteri anteponendum. Quamquam enim honesta sunt semper utilibus anteferenda, sit tamen interdum, ut non planè diiudicari possit honestum, & ē duobus honestis quid honestius, ē duobus utilibus quid utilius videatur. Præclare Marcus Tullius in eodem 3. lib. de Offic. Sæpe fit, inquit, ut quod plerūque turpe haberi soleat, inueniatur non esse turpe. Et in fine libri secundi utilia ita comparat inter se. Sed utilitatum comparatio sæpe est necessaria. nam & corporis comoda cum externis, & externa cum corporis, & ipsa inter se corporis, & externa cum externis comparari solent. Cum externis corporis hoc modo comparantur, valere ut malis, quam diues esse: cum corporis externa, hoc modo, diues esse potius, quam maximis corporis viribus. Ipsa inter se corporis comparantur sic: bona valetudo voluptati anteponatur, vires celeritati. Externorum autem, ut gloria diuitiis, vestigia urbana rusticis, &c.

Huiusmodi ergo atque his similes sunt deliberationes ad iudicandum difficiles, quas primo loco commemorat Aristoteles, cum agenti homini ex timore duo mala proponi ait, in quorum delectu addubitans esse possit, & anxius. est enim illi videndum, non modò quid honestum, quid turpe sit, vel utile, ut honestum turpi semper anteponatur utili, verum etiam quid honestius inter honesta, quid utilius inter utilia videatur. Utilius enim semper est ē duobus eligendum, si tamen utile cum honesto non pugnat. Itaque in leuioris mali delectu ita prudenter agere putandus est, si hæc comparationes utilitatis honestique diligenter obseruet.

Sed adhuc difficilior est permanere, &c.] Alteram in eiusmodi actionibus à mali formidine imperatis rectè ac laudabiliter obeundis difficultatem constituit Aristoteles in perseverantia, hoc est, in eo malo, quod ex timore delectum est, per-

ferendo, tolerandóque constantia. neque enim satis est, leuius malum, hoc est, honestius, vtiliusque sapienter eligere, nisi in eodem tolerando sit stabilis quædam & perpetua permanſio, quod magis arduum, vt ipſe ait, ac longè difficilius est. *Ετι δὲ χαλεπώτερον τὸ ἡμῶναι τοῖς ὑπαδούουσιν*: sed adhuc difficilius est in iis permanere quæ iudicaueris, & delegeris, inquit: quali dicat, multo durius esse, in proposito perſtare, postquam decreueris, nec imbecillitate animi mutare consilium. Rationem autem huiusce difficultatis assignat obscuram, quam ita declarandam, atque illustrandam puto. Cùm aliquis timore percuſſus inhonesti præferim alicuius & turpis mali, aliud malum eligit, quod leuius putat, eligit plerumque id, quod triste, atque acerbum est, illudque vitat, ac fugit, quod quamquam est turpe, iucundum tamen est, & voluptatem pollicetur. Vt cùm alicui cruciatus proponuntur, aut bonorum proſcriptiones, nisi rapinam faciat, aut stuprum admittat. Quoniam verò facilè capitur animus voluptate, damno & tristibus, atque acerbis incommodis deterretur, fieri facilè potest, vt cùm delecti iam mali sentire incipit acerbitates, & iucunditatem illam voluptatémque, quam tantis posthabuerit incommodis, secum reputat, pœnitentia capiatur, & constantiam deferat. Atque, vt intelligamus verum esse quod dicitur, hoc est ea, quæ in illa deliberatione fugiuntur mala, esse quidem iucunda, sed turpia: ea verò quæ diliguntur, & illis anteferuntur, incommoda esse ac molesta, intueri nos iubet in laudem & vituperationem: quarum illa res honestas, hæc turpes, odiosasque consequitur. Qui enim ex timore malum illud eligit, à Tyranno vel ab homine potentiore propositum, vituperatur, quòd iucundam turpitudinem tristi anteposuerit honestati: qui verò cruciatus, ac supplicia maluit, laudatur & collocatur in cœlo, quòd asperam honestatem iucundæ turpitudini anteferre non dubitauerit. Hæc, inquam, mihi videtur esse illorum sententia verborum, [sed difficilius in eo permanere, quod decretum iam sit.] Ferè enim quæ expectantur, molesta sunt, hoc est, ea quæ illum expectant, & manent qui ad turpe fugiendum malum, elegit id, quod ideo leuius est, quia non est turpe, ea inquam, acerbæ sunt & molesta. Ea verò ad quæ homines impelluntur, turpia, hoc est ea, quæ homini per metum iniectum ab improbis aut tyrannis faciendæ proponuntur, eaque ad quæ per vim impellimur, turpitudini plerumque coniuncta sunt, sed tamen habent iucunditatem. Hinc fit vt valde laudentur, qui eam contemnunt.

Quænam igitur dicenda sunt violenta?] Meminisse nos hic oportet Aristotelem dixisse iam suprà inuoluntarium esse duplex, vnum ex vi, alterum ex ignorantia profectum: ac rursus inuoluntarium ex vi duplex esse, alterum, quod omnino ac simpliciter ex vi factum sit, alterum ex voluntario mistum. De inuoluntario ex ignorantia infra disputauit, de voluntario misto proximè iam disseruit pluribus: de voluntario simplici nonnulla præstrinxit initio.

Reuertitur igitur hic ad explicationem eorum, quæ simpliciter, omninóque sunt ex vi, atque omnia, quæ de iis, deque aliis voluntariis mistis dicta iam sunt, per *ἀναγκασιωσιν* colligit. Primò per interrogationem explicare planius aggreditur id, quod totum, omniūque prorsus ex parte vi factum & violentum est. Quænam igitur, inquit, violenta sunt? respondetque, violentum simpliciter; & factum prorsus ex vi tum apparere, ac cerni maximè, cùm causâ eius facti est in re aliqua extra posita; & is, qui facit, ita facit inuitus, vt nihil adiuvet factum. Quæ definitione sic iterum tradita, ad mista voluntaria transitum facit, repetendis iis, quæ suprà sunt dicta, in hunc ferme modum: Quæ verò, per se quidem aliquis inuitus facit, sed hoc tamen tempore, atque ad declinandæ grauiora mala, spontè ac iudicio suo eligit, quorūque principium in ipso met inest, qui agit, ea profectò per se quidem inuitè geruntur, sed tamen hoc tempore, atque aliorum loco malorum spontè ac voluntariè suscipiuntur. Itaque similia sunt iis, quæ spontè, quàm iis, quæ sunt inuitè. actiones enim singulares sunt, res autem quæ sunt voluntariè singulares sunt. Hæc nimirum est ea ratio, quam suprà proposuit ac tractauit cùm de mistis voluntariis ageret. Dixit enim etiam tunc, quod iterum hic leuiter attingit, ea quæ secundum se, atque vniuersim, siue in genere absolutèque considerata videntur inuoluntaria, tamen habita certi temporis, loci, finis, agentisque ratione, in quo agendi principium est, effici voluntaria. Non enim in genere, sed in singularibus, & certis rebus actiones humanæ considerandæ

sunt. Atque hinc fieri ait, ut cum è duobus vnum eligimus, difficile sit constituere, quid potius eligendum, quid antefendum sit, aut posthabendum. Est enim illa deliberatio de singularibus rebus particulatim & distinctè: rerum autem singularum infinitæ differentiae sunt & varietates.

Quod si quis iucunda & honesta, &c.] Ex definitione illius inuoluntarij, quod violentum simpliciter est, & eius, quod mistum etiam ex voluntario diximus, suboriri quemdam aliquorum errorem ait, quem confutare necesse sit. Fuerunt enim qui præter illa duo vi factorum genera, tertium etiam facerent. Hos Acciaiolus Cyrenaeos Philosophos, Obertus Gifanius vulgares homines fuisse putat, adeoque arbitratur, hic Aristotelem proponere vulgi crassam quandam atque adipalem opinionem. Sed, siue Philosophi fuerint, siue populares, id in summa dicebant, ea, quæ peccant homines, culpa ac reprehensione debere vacare, cum iis nulla ratione possint obistere. Quippe res illæ quibus rapiuntur atque ad peccandum pertrahuntur, vim totam habent, ut omnem adimant reluctandi resistendique potestatem. Eiusmodi verò res, quæ ad peccandum impellunt, iucundæ sunt, ac pulcræ, siue bonæ: Græcè τὰ χαλὰ, quæ vox pulcrum bonumque significat. ut intelligas omnia externa bona, pulcra, vilia, honorifica, aliæque huiusmodi illo nomine comprehendì. His, inquam, dicebant prædita esse qualitatibus, & conditionibus, hoc est, pulcritudine, iucunditate, utilitate illa, quæ nos ad peccandum pertraherent, adeoque violenta esse verè ac propriè, cum & vim & necessitatem imponant, & extra nos posita sint. Ergo quæ peccamus ex earum vehementi cupiditate, ignoscenda, omnique culpa liberanda putabant, quoniam iis facta videbantur externa vi. Contemnit igitur istos, ac refellit Aristoteles, nullam vim rebus iucundis ac pulcris, aut eiusmodi aliis inesse contendens, quæ necessitatem nobis imponere, aut animum nostrum ad turpitudinem ullam impelleret vitium ac nolentem possit. Duabus autem rationibus id conficit: quarum prior in absurdo, quod inde sequeretur, est posita. Esset enim consequens, omnia esse necessaria, & violenta; quo nihil fieri vel dici potest absurdius. Consequens autem id esset, quia pulcritudinis ac voluptatis vi excitati omnes agunt omnia, tam probi, quam improbi, quod notissimum est. ad agendum enim illi virtutis specie ac iucunditate ducuntur, hi vitiorum delectatione pertrahuntur, & voluptate. quippe dictum est supra, voluptatem comitem virtutis esse, & Marci Tullij Ciceronis ex Platonis Symposio vox est, virtutis pulcritudinem tantam esse, ut amores sui exciret admirabiles, cum animo cernitur à probis ac sapientibus viris. Improbos autem pulcritudine ac voluptate rerum ad turpiter agendum impelli, notius est, quam ut necesse habeat demonstrari. Posterior verò ratio sic colligi, & contrahi potest: Ea, quæ violentè agimus, & coacti, cum tristitia, & dolore nos agimus. sed quæ agimus iucunditate, ac voluptate rerum externarum inuitari, cum delectatione potius agimus, quam cum tristitia: non igitur eas ob res coacti & violentè agimus.

Ridiculum igitur est, &c.] Claudie disputationem in hanc sententiam: Ridiculum & ioculari videri, velle accusare bona, quæ sunt extranea, quasi violenta, & in res iucundas ac pulcras peccati culpam omnem corruare, quæ vim asferre non possunt; causam autem actionis honestæ sibi vindicare veluti propriam. Cur autem id ridiculum sit, ex eo intelligi ad extremum ait, quodd violentum id sit, cuius principium prorsus externum est, eo qui vim patitur, nihil omnino conferente. Qui enim rerum iucundarum, pulcrarum, virtutum cupiditate capitur & trahitur, volens, libensque trahitur, principio nimirum, quod in illo penitus est insitum, ad eum motum conferente quamplurimum.

PARS SECUNDA CAPITIS PRIMI.

Τὸ δὲ δι' ἀγνοίας, οὐχ' ἐκούσιον μὲν ἀπὸ τοῦ ἔστιν. ἀκούσιον δὲ τὸ ἐπιλυπον, καὶ ἐν μεταβολαῖς. ὁ γὰρ δι' ἀγνοίας πράξας ὁποιῶν, μηδὲν δὲ δυσχεραίνων ἐπὶ τῇ πράξει, ἐκὼν μὲν

QVod autem per ignorancem fit, non voluntariū quidē omne est. inuoluntarium verò dolorem efficiens, & in penitentia est. Nā qui per ignorantia egit quidlibet, nihil autē dolet ex actione, voluntarius

οὐ πέπεισται, ὅ γε μὴ ἦδ', οὐδ' αὖ ἀκων, μὴ λυπούμενος γὰρ τῷ δὴ δὲ ἀγνοῖαν, ὁ μὲν ἐν μεταβολῇ, ἀκων δόξα, ὁ δὲ μὴ μεταβολόμενος, ἐπὶ ἐπεὶ, ἔστω οὐχ ἀκων. ἐπὶ γὰρ ἀφ' ἑρῆς, βέλποιο νόμα ἔχον ἴδον. ἐπεὶ δὲ εἶποι καὶ ὁ δὲ ἀγνοῖαν περὶ τῶν ἀγνοουμένων ποιῶν. ὁ γὰρ μεθύων ἢ ὀρχηόμενος, οὐ δόξα δὲ ἀγνοῖαν περὶ τῆς, ἀλλὰ ἀφ' ἧς πὶ τῆς εἰρημύων. ὅτι εἰδὼς δὲ, ἀλλ' ἀγνοῶν. ἀγνοῶ μὲν οὖν πᾶς ὁ μετρηθὲς αὐτῷ περὶ τῆς, καὶ ὦν δὲ ἀφ' ἑρῆς. καὶ ἀφ' ἧς πᾶς ποιούτων ἀμύρτης ἀδικαί, καὶ ὅπως κακοὶ γίνονται. ὁ δὲ ἀκαύσιον βούλεται λέγειν, ὅτι εἴ τις ἀγνοῶ τὸ συμφέρον. οὐ γὰρ ἢ ἐν τῇ περὶ ἀγνοῖαν ἀπὸ τῆς ἀκαύσιου, ἀλλὰ τῆς μετρηθείας, οὐδ' ἢ καὶ ὅλου. ψάλλεται γὰρ ἀφ' ἧς τῷ τῷ, ἀλλ' ἢ καὶ ἑκάστα, ἐν οἷς καὶ περὶ αὐτῆς περὶ. ἐν τοῦτοις γὰρ καὶ ἑλεος, καὶ συγγνώμη. ὁ γὰρ τοῦτων πὶ ἀγνοῶν, ἀκούσιως περὶ τῆς. ἴσως οὖν οὐ χίον ὁρῶνται αὐτὰ, πῖνα, καὶ πόσα ἔστι, ὡς τὸ δὴ, καὶ ἡ, καὶ περὶ ἡ, ἐν ἡν περὶ τῆς, εἰσὶν δὲ καὶ τῶν. οἷς ὁρῶνται, καὶ ἐνεκα ἡν, οἷς σωτηρίας, καὶ πῶς, οἷς ἡρέμα, ἢ σφόδρα. ἀπὸ τῶν μὲν οὖν τῶν ὁρῶνται αὐτῶν ἀγνοῖαν μὴ μετρηόμενος, δὴλον ὅτι ὡς ὁρῶν τὸν περὶ τῶν, πῶς γὰρ ἐσὶν γὰρ. ὁ δὲ περὶ τῶν, ἀγνοῖαν αὐτῶν. οἷς λέγοντες φαίνεται ἐκπασιῶν αὐτοῖς, ἢ ὅτι εἰδὼς ὅτι ἀπὸ τῶν τῶν, ὡς αὐτῶν Αἰγύπτου πᾶσι μυσταῖς. ἢ δὲ εἶναι βουλόμενος, ἀφ' ἑρῆς, ὡς ὁ τὸν καὶ πᾶσι. Οἰκιστὴς δὲ αὐτῶν καὶ τὸν ἡν πολέμοι οἷς, ὡς ἡ Μερόπη. καὶ ἐσφαιρωθῆναι τὸ λεγόμενον δῆρον, ἢ τὸν λίθον κίον οἷς. καὶ ὅτι σωτηρία πᾶσι ἀπὸ τῶν αὐτῶν. ὁ δὲ εἶναι βουλόμενος, ὡς οἱ ἀφ' ἑρῆς μὲν πᾶσι δῶν.

sanè non egerit quod non sciebat, neque verò inuitus, cum non doleat. Ille autem, qui per ignorantiam agit, si quidem est in penitentia, inuitus videtur: ille verò, quem non penitet, quia alius est, sit non volens. Quoniam enim differt, melius est nomen habere proprium. Aliud autem videtur esse per ignorantiam agere, et ignorantem agere. Nam ebrius, aut iratus non videtur per ignorantiam agere, sed propter aliquid eorum quæ dicta sunt, non sciens autem, sed ignorans. Ignorat igitur omnis improbus quæ oportet agere, et à quibus abstinendum sit, ac propter tale peccatum iniusti et omnino mali efficiuntur. Inuoluntarium verò vult dici, non si quis ignorat quod conducibile est. Non enim quæ in electione est ignorantia, causa est inuoluntarij, sed improbitatis, neque ea, quæ est vniuersi: vituperantur enim propter hanc, sed ea, quæ singularium est, in quibus, et circa quæ est actio. In his enim et misericordia, et venia est. qui autem horum aliquid ignorat, inuitè agit. Fortasse igitur non erit malum distinguere ipsa, quæ et quos sint, quisve, et quid, et circa quod, aut in quo agit. interdum verò et quo velut instrumento, et gratia cuius, veluti salutis, et quomodo, veluti leniter, aut vehementer. omnia igitur hæc nemo ignorauerit, nisi insaniens: quòdque perspicuum est, neque agentem. quomodo enim se ipsum ignorauerit? Quid autem agas, ignorare possit aliquis, ut qui dicentes aiunt excidisse sibi, aut nescisses tacendas esse, quemadmodum Æschylus mystica, aut is, qui ostendere volens, dimisit: veluti qui catapuliam. Putauerit verò quispiam etiam filium hostem esse, ut Merope: et in Sphæra modum obusam esse cuspidatam hastam, et lapidem pumicem esse: fierique potest, ut salutis causa verberans occidat, et demonstrare volens, veluti qui manibus luctantur, fortasse feriat.

EXPLANATIO.

DIVISVM initio fuit primum inuoluntarij genus in id quod per vim agitur, & in id quod per ignorantiam fit. de priori parte disputatum est satis, de posteriori differere nunc incipit his verbis:

Quod autem per ignorantiam fit, &c.] Hæc ignorantia sæpe dicitur à Latinis imprudentia. sed Lambinus hoc loco eam dicere Latine maluit inscientiam, quia est in Græco Codice ἀγνοια, non ἀφροσύνη, quæ proprie imprudentia est. Altera tamen ex his vocibus interdum pro altera ponitur, atque adeo quod à nobis per imprudentiam fieri dicitur, id prorsus hic est per ignorantiam factum. Atque huius sanè vocabuli, formæque loquendi summus quidam est usus, ut videre licet in libris Iurisconsultorum tit. de Iuris & facti ignor. & tit. de pœn. Quin oratores ipsi multa ex hoc genere in medium proferunt, cum immerentium causas defendunt. quod Demosthenes potissimum præstat aduersus Aristocratem, Timocratem, aliosque, & Lyfias passim in orationibus suis. Sunt ergo apud illos plurima per ignorantiam facta; ut cum aliquis imprudens & nolens alium occiderit, aut læserit Magistratum, aut sororem violauerit, aut æs pro auro reddiderit, aut alia fecerit eiusmodi, quæ cum faceret, talia esse non animaduertit. Ceterum quia sub hac imprudentiæ, vel ignorantiæ specie latet interdum culpandus error, & noxa, quæ peccato vacare non potest, accuratè hic Aristoteles à vera imprudentia fecernit ea, quæ non tam imprudentiam habeant, quàm veram imprudentiam, ignorantiamque imitari videantur, adeoque verè facta per ignorantiam atque imprudentiam inuoluntaria & inuita dici non possunt. Distinguit igitur primum nonnulla imprudentiæ, atque ignorantiæ genera: deinde varias designat, describitque circumstantias eiusdem ignorationis, & imprudentiæ: ut intelligamus quænam facta per ignorantiam sint, quæ dici potius voluntaria, quàm inuoluntaria debeant.

Primum ignorantie genus ait illud esse, quod comitatur siue sequitur dolor ac pœnitentia: cuiusmodi prorsus in Oedipo cernitur; qui cum animaduertisset, se per inscientiam imprudentiamque cum matre & contraxisse nuptias, & rem habuisse, tam magno dolore, tantæque exinde pœnitentia captus est, ut post longam afflictationem corporis, animique angorem, sibi oculos admotis digitis funditus extirparit. Atque hoc genus ait verè proprièque inuoluntarium esse: quod est accuratè ac diligenter obseruandum; cum ex hoc spectanda sint cetera, de quibus infra disputabitur. Id videlicet est, quod initio his penè verbis ostendit. Omne quod per inscientiam atque ignorationem fit, non spontè quidem, aut libenter fit, cum non cognoscatur: inuitò tamen fieri non dicitur, nisi in eo qui fecit, dolor sequatur ac pœnitentia. perinde ac si diceret, oportere factum per ignorantiam illi postea displicere, qui fecit ubi se fecisse cognovit, si verè inuoluntarium, inuitumque dicendum sit. Aliud enim est non spontè siue non libenter, aliud inuitè facere. Facit quippe non spontè quisquis per ignorantiam facit, quia non intelligit nec cognoscit ita rem esse, quam facit: non tamen inuitè facit, nisi post cognitionem displiceat factum.

Itaque alterum genus facti per ignorantiam illud est, quod nullus sequitur dolor & pœnitentia. sed lætitia potius, & animi quædam approbatio. Ut si quis fortè fortuna emissò telo inimicum occidat insciens & imprudens, sed re cognita, necem probeat & facto lætetur. Magnum sanè inter hæc duo genera discrimen, & differentia est; cum prius illud verè ἀκούσιον, hoc est, inuoluntarium inuitumque sit, posterius autem verè inuoluntarium inuitumque dici non possit. quamquam enim non spontè nec voluntariè, hoc est, cum cognitione ac noticia rei id quoque factum ac perpetratum est, non est tamen inuoluntarium, quia non modò non displicet, aut dolorem incurrit, verum etiam placet potius ac lætitiæ affert. Itaque fecit non spontè, nec libens, atque, ut loquitur Aristoteles, οὐχ ἰκάρ, non volens, quia voluntas non fertur in incognita, non tamen inuoluntariè fecit, aut inuitus, quia rem probauit, & lætatus est facto. Nimirum inter volentem qui dicitur ἰκάρ, & nolentem qui dicitur ἀκούσιον tertium Aristoteles collocauit, non volentem, qui appellatur οὐχ ἰκάρ. volens enim est qui non modò spontè, sed scienter agit: nolens siue inuitus, qui non spontè, sed per ignorantiam agit, hoc est, nesciens atque ignorans quid age-

ret, existimansque se vnum quiddam facere, cum aliud longè diuersum ac varium faceret. Quare cum se fecisse intellexit, indoluit, & voluisset infectum, ac propterea non inuoluntarius solum dicitur, sed inuitus. non volens denique is est, qui faciens ignorabat quidem quod faceret, atque adeo dici quodammodo posset inuoluntarius, cum voluntas sine cognitione ac scientia esse non possit; sed inuitus tamen fecisse dici non debet, quia factum iam cognitum lætitia comprobauit. Quamquam enim etiam hic absque rei cognitione ac voluntate fecit, quia tamen à superiori longè differt propter approbationem illam operis postea cogniti: suum, inquit Aristoteles, habere nomen & vocabulum debet à superiore distinctum, ac dicitur propriè nominatimque non volens. Admonet in summa, vocabula & nomina distincta esse debere, vbi res ipsæ discrepant, ne confusione aliqua perturbentur. Quam sanè legem complexus est Cic. in Topicis, eos laudans, qui partitionem à diuisione seiunxerant. Quamquam enim vocabula idem prope valere videntur, inquit, tamen quia res differunt, nomina quoque distare voluerunt. Immò, ne Iustinianus quidem legum conditor ab hac ipsa lege discedere voluit, cum in Instit. tit. quibus mod. testam. infirm. §. Hoc autem, distinguens testamenta rupta, irrita, & iniusta, subtilioris huiusce distinctionis ita causam exponit. commodius erat, inquit, singulas causas singulis appellationibus distingui. Ac necesse profectò fuit diligentius describere, suoque insignire vocabulo id quod distinguitur, & discrepat ab eo, quod propriè præcipuèque dicitur inuitum ob ignorantiam facti per dolorem ac pœnitentiam improbat. oportet enim hoc genus maximè notum ac distinctum à ceteris esse, à quo vitæ communis ac reipublicæ regendæ summa quædam ratio petitur, cum plectendi fontes, aut innocentes absoluendi sunt. datur enim iis venia, & iudicio liberantur, qui per inscientiam admisere flagitium, quod agnitum auctoritatem ipsum dolore afficit, & pœnitentia. Præclare Papinianus ita loquitur in ff. ad leg. Iul. de Adult. l. si adulterium. §. stuprum. Multum interest errore matrimonium illicitè contrahatur, an contumacia iuris, & sanguinis contumelia concurrant. Sapienter etiam Sophocles Oedipum inducit excusantem se, quod neque patrem, quem interfecerat, neque matrem, quam uxorem duxerat, agnouisset: & apud eundem in Thrachiniis Chorus Deianiram eo nomine consolatur, quod maritum Herculem tunica illa, Centauri veneno imbuta, per ignorantiam interemisisset. Neque enim ea excusatio, vel consolatio fuisset idonea, nisi facta illa ex ignorantia fuisset dolor & pœnitentia consecuta. Satis igitur explicatum est quod hoc initio capitis ab Aristotele positum fuit; omnia quæ per ignorantiam fiunt esse non voluntaria, siue nihil eorum, quæ per ignorantiam fiunt, voluntarium esse, cum voluntas in agendo præcuntem, & præferentem faciem habeat cognitionem; sed non omnia tamen esse inuoluntaria, vel inuitè facta. Rectè verò admonet Lincolniensis, inuoluntarium ex ignorantia diuidi posse in commune & proprium. Inuoluntarium commune illud omne dicitur, quod est non voluntarium: inuoluntarium verò propriè dictum illud est solum, quod tristitiam & pœnitentiam habet. Inuoluntarium enim hoc proprium non continet tantummodo priuationem voluntatis, sed dolorem etiam, & pœnitentiam facti.

Aliud autem esse per ignorantiam, &c.] Genus ignorantie proximè superius non efficit inuoluntarium, vt diximus, quia inscientiam illam dolor ac pœnitentia non sequuntur. Itaque improprium, & quasi falsum ignorantie dici potest genus. Aliam nunc, euentus item, falsæque proponit ignorantie formam, quæ multo minus facere potest, vt aliquid dicatur inuitum, cum ignorantia vera non sit, sed ab iis sic appellata, qui peccati culpam à se conantur excludere. Sunt autem hi, qui vino, ira, amore, aliæve huiusmodi perturbatione impotenter abrepti, aliquid peccant in vita, sed eo se nomine purgant, quod ignorarent quid agerent cum peccabant. Hanc igitur excusationem ideo probandam non esse, nec eiusmodi ignorantiam, inscientiamque inuoluntarium parere docet, quod aliud sit per ignorantiam facere, aliud ignorantem facere. concedit adeo illa ebriosorum, iratorum, impotenter amantium peccata ab ignorantibus atque imprudentibus fieri, sed per ignorantiam imprudentiamque fieri negat. Nam quæ per ignorantiam verè fiunt, ea sic fiunt, vt eorum causa verè proprièque sit ignorantia; quæ verò fiunt ab ignorantibus, ea necesse non est ab ignorantia tamquam à propria causa nasci: cum ab alia, quæ in ipsis ignorantibus est, effici possint: cuiusmodi sunt quæ ab ebriis, iratis,

aliâve commotione animi vehementissimè perturbatis hominibus fiunt : qui ea quidem admittunt imprudentes , ignorantèsque , non tamen per ignorantiam atque imprudentiam , sed per ebrietatem , iram , amorem , aliâve perturbationes animi peccant ; ita prorsus vt peccati causa non in ignorantiam , sed in ebrietatem , aliâve commotiones vehementes conferenda sit. Egregiè D. Thomas hæc distinguit & expedit. Agere enim per ignorantiam ait esse agere ex ignorantia antecedente : agere autem ignorantem , esse agere ex ignorantia conitante ac subsequente. Porro antecedens ignorantia tunc est , cùm eius rei , quæ inscienter fit , tota causa confertur in ignorantiam : sic , inquam , vt nisi antecessisset ignorantia , facta non esset , & postquam est facta , dolorem afferat & poenitentiam. Comitans autem est , cùm quis ignorans facit , sed postea comprobatur factum : cuiusmodi fuit , qui lapide in canem coniecto , nouercam percussit , quam odio prosequabatur. Subsequens verò ignorantia est , quæ studiosè , ac de industria quæritur , in quo genere decipiuntur ij , qui scire quod debent , scire nolunt : perinde quasi nulla teneatur obligatione qui rectè agendi sui partes officij sic ignorauerit. Insignitur à nonnullis hæc ignorantia subsequens alijs nominibus , diciturque affectata , supina , crassa. quamuis enim inter eas aliquid discriminis & differentiae sit , reuocantur tamen omnes ad subsequentem. Harum prima est affectata , quæ consultò accersitur , videturque odio habere veritatem & scientiam , quam tantopere ac tanto studio fugit. huic proximè accedit supina , quæ perpetua cum contemptione scientiæ coniuncta est , non quidem ex odio cognitionis & veritatis , sed ex tædio quodam laboris & industriæ ; vt cùm quis tædio victus , negligit ea nosse , quæ sui muneris atque officij sunt. postremum obtinet locum ea , quæ crassa dicitur , ab omni remota contemptu , sed coniuncta graui secordiae in iis cognoscendis , quæ nosse debent vniuersi : cuiusmodi iuris communis ignoratio , atque inscientia est. Ait igitur Aristoteles , non omnem ignorantiam facere , vt aliquid verè factum inuitè atque inuoluntariè dici possit , nec quemlibet inscientem excusari & culpa purgari , sed eum tantum , qui peccauit per ignorantiam , hoc est , per ignorantiam illam antecedentem quæ verè proprièque fuit causa peccati. Comitantem verò , subsequentemque ignorantiam , ac ceteras commemoratas , quæ ad subsequentem reuocantur , neminem peccantem posse culpa liberare illo nomine , quod peccare faciant inuitum. Atque inter has collocanda est ea , quam hoc loco commemorat , similitudine proposita ebriorum , iratorum atque aliorum , qui trahuntur ad aliquid impotenter experendum , agendumve cupiditatibus suis. horum enim ignorantia non antecedens , sed subsequens dici potest , cùm vltro quæsitâ , atque accersitâ sit ab iis , qui vino se ingurgitarunt , aut vehementiori quàm par esset ira suo se iudicio inflammant. Vt enim rectè ait Magnus Albert. hoc loco , nemo dicere potest , id se inuitum facere , ad quod ipsemer operam & studium contulit : ebrius autem atque iratus operam contulit ad ignorantiam suam , cùm sua voluntate fecerit , vt nesciret quid ex iustitiæ legibus eo tempore agendum esset , quo patricidium admisit , aut alienas ædes incendit : id quod ipsemet planissimè quoque docet Aristoteles hic paulò post his propè verbis. Inuitus autem quispiam agere debet , non si quod expedit ignoret ; non enim ea ignoratio quæ consilio & electione suscipitur , inuoluntarij atque inuitè facti causa est , sed improbitatis. Sapienter adeo Pittacus legum conditor celeberrimûs ebrios , si quem pulsassent , duplici poena mulare voluit , vt infra testatur Arist. in cap. 5. & lib. 2. Polit. cap. vltimo. sed tamen idem Aristot. infra in lib. 7. cap. 6. vel 7. demonstrat , non tam grauius eum peccare qui aliquid ex ira commiserit , quàm qui ex libidine atque ineontinentia peccat. & Iurisconsultorum sententia est in l. quicquid. ff. de diuers. reg. iur. & in l. perspicendum. ff. de poenis , aliquo modo excusari ebrium debere , & eum , qui per lasciuiam aliquem interfecerit. Sunt enim hæc facta per imperum , vt ipsi loquuntur , in ea lege perspicendum. Ceterum hæc excusatio , vt aliquantulum eleuet istorum culpam , non tamen omnino tollit , quia propter quæsitam illam & accersitam ignorantiam non inuiti , sed voluntarij censentur , adeoque culpandi , & poena plebendi. id quod rectè probat hic Aristoteles ex eo , quod singula peccata coniunctam ignorantiam habeant , quæ tamen peccantes culpa , poenæque non absoluit , quia non facit illos inuitos.

Omnis improbus ignorat. } Quamquam enim non quilibet malus , atque improbus homo per ignorantiam peccat , cum plurimi consilio , & iudicio peccent suo ,

dicitur tamen omnis malus ignorans siue inscienter peccare, quia tunc ea, quæ agenda sibi sint videtur ignorare, nec practicè scire; cum praua, atque ab honesto aliena eligat, ratus, ea sibi hoc tempore, atque hoc rerum statu futura utilia: in quo profecto vehementer errat ob ignorantiam veri, dum præsentium rerum specie deceptus, pro utilitate sponte perniciem eligit. ideoque iniustus, malus, improbus iure censetur, & pœnis afficitur. id quod cernitur in incontinente: qui quamquam intelligit, scortationem vniuersim improbam esse, hanc tamen scortationem peculiarem ignorare videtur esse inconcessam & malam. Itaque ignorantia illa prauæ quidem electionis est causa, sed non inuoluntarij: quemadmodum ne ignorantia quidem rerum vniuersarum, inquit Aristot. facere potest, vt aliquid inuite factum, atque inuoluntarium appelletur. quod cadere potest in vitiosum, qui non modo peculiaris & certa turpia esse non videt, sicut incontinens, sed ne vniuersa quidem: cum eo iudicio peccet, vt nullam scortationem turpem, nullum furtum, aut parricidium iniustum putet. Quo loco monet Albertus Magnus, ignorantiam rerum vniuersarum in us cerni, qui ea prorsus ignorant, ac funditus nesciunt, quæ scire ac nosse omnes oportet: cuiusmodi sunt principia quædam, res agendas dirigentia, siue illa naturalis sint iuris; siue legis alicuius ab homine conditæ. Hæc enim vnusquisque tenere ac nosse debet; ac propterea tantum abest, vt peccatum, quod ex eorum admittitur ignorantia eleuandum sit, vt grauius censeri debeat eo præcipue nomine, quod eiusmodi cognitio neglecta sit, & ignorantia sedulo accuratèque quaesita. Quare ait idem Albertus, hanc ignorantiam debere affectatam, crassam, supinam appellari: affectatam quidem, quia qui eiusmodi tenetur ignorantia, ab illarum studio rerum per prauitatem affectus aueritur, crassa verò per metaphoram: quia quemadmodum crassa oculorum acies non videt ea, quæ videnda essent; sic ille, qui hac ignorantia laborat, res agendas omittendâsque non internoscit. supina denique, quia non ex difficultate rerum, quas nosse oporteret, sed ex socordia, videtur quodammodo iacere qui sic ignorat. Vitiositatis enim habitu iam contracto, quæ recta sint vniuersim, quæ turpia etiam in genere vult ignorare; nec vllum inter bonum ac malum discrimen cernere potest, vt rectè Aristot. docet infra in lib. 7. cap. 3. Cum igitur ad hanc parandam ignorantiam operam ipse suam nauarit ignorans, inuitus agere inuoluntariûsque dici non debet, vbi ex illa ignorantia delinquit ac peccat. Sola igitur est rerum singularium ac certarum ignorantia, quæ inuoluntarium parere possit, & eum qui peccat, vel culpa soluere, vel misericordia & venia dignum reddere. actio quippe, vt hic ait Aristoteles, in singularibus, certisque versatur rebus. Itaque videmus eos, qui non excusantur ex ignorantione communis & naturalis iuris, excusari tamen ex inscientia iuris priuati alicuius ciuitatis. quo se nomine purgauit Hannibal in Senatu Carthaginensi, cum, quod contra patriæ leges fecisset, ignoscendum sibi esse dixit, ideo quod puer auium nouem natiuo egressus solo, ac demum annos quinque natus & quadraginta reuersus, patriæ consuetudines ignoraret. Præclarum huius nobis rationem rei sic exponit Albertus. quia quantumuis & quantumcumque tendat in contrarium voluntas, ac scire studeat omnia, adhuc tamen fit, vt inuitis ex causis ignoremus singularia. hæc verò causæ tam multæ, tamque multiplices positæ sunt in circumstantiis, de quibus mox differere aggreditur Aristoteles. Maneat nunc illud: non quemlibet inscienter agentem inuoluntarium esse. nam ebrij, iratique inscienter agunt, cum ignorent quid agendum sit, sed tamen voluntariè agunt: quia sibi ipsis ignorantiam pepererunt; & vnusquisque improbus insciens & practicè ignorans est, sed tamen iniustus habetur, & pœna plectitur; & qui rerum vniuersarum est inscius, ignorans peccat, & tamen censetur improbè fecisse, ac punitur legibus.

Sed animaduertendum hic ad extremum est, etiam incontinentium ignorantiam esse rerum singularium & certarum, tamen culpa non vacare, nec inuoluntariam esse, quia in singulis peccat ex consilio & electione; hanc autem ignorantiam singularium, quam hoc loco commemorat Aristoteles, esse sine vlllo consilio & certis contineri circumstantiis, quæ prorsus ignorantur. quas quidem omnes videt incontinens, sed conuiuet, ac prorsus oculos claudit, ne cernere videatur.

Fortasse igitur non erit malum distinguere quot & quænam sint, &c.] Exponit igitur illa singularia, hoc est, rerum circumstantias, in quibus versatur operatio, & quarum esse potest ignorantia condonanda. Tria verò præstat in his tractandis.

Primò quidem constituit, ac definit ipsarum numerum. Secundò demonstrat quæ ratione sit, aut non sit earumdem ignoratio. Terriò denique docet quomodo hæc ignoratio circumstantiarum efficere possit actiones inuitas, ac minimè voluntarias. Quod attinet ad primum, humanarum actionum circumstantias aliqui dicunt hîc ab Aristotele recenseri omnino sex, quæ spectari ex harum consideratione rerum ita possunt. quis fecerit, quid fecerit, qua in re occupatus fecerit, quo instrumento, cuius rei gratia, & quomodo. quæ numeratio Peregrini est & Gifanii, & Lambini, qui prætermisisse videntur Latine reddere eam quæ Græcè est ἡ ἐν τῷ. Sed video antiquos interpretes, Eustratium D. Thom. Albert. Magnum, Gualt. Burleum, aliòsque non tam antiquos, imprimisque Argyropolum, atque Acciaiolum legisse apud Aristotelem humanarum actionum condiciones, & circumstantias septem: τίς τὸ δὲ, καὶ τί, καὶ ποῦ, καὶ ὅταν, καὶ ὅπως, καὶ διὰ τί, οἷον ὁράει καὶ εἰσέρχεται τῷ, οἷον σπέρματι καὶ πῶς, οἷον ἔργον, καὶ ὁ πόρος. Quis agat, & quid, & circa quid, vel in quo; interdum verò & quo tanquam instrumento, & cuius rei gratia, vt salutis, & qua ratione modòve; vt remissè ac leniter, vel magnopere ac vehementer. quæ quidem enumeratio plurimum habet momenti per accessionem vnius circumstantiæ, à quo multo perficitur & absoluitur maximè. illud enim ὅτι, in quo, dicunt significare In quo loco, & in quo tempore. Itaque gemina quædam est conditio, quæ facit, vt numerus hic demum octonarius sit, consentiatque cum recensione Theologorum qui circumstantias faciunt octo. Has ergo circumstantias & condiciones agendi ait Aristoteles agentem vnumquemque posse facillè ignorare præter vnā. Quare nemo ignorat omnes; cū vnā excipitur, quæ à nemine possit ignorari. hæc autem est, quis agat. nemo enim sanus mente se ipsum, inquit, ignorat. quod ideo dixit, quia reperi sunt insani quidam ac mente capti, qui se ipsos ignorarent: cuiusmodi fuere Cleomenes & Athemas homines furiosi, vt est apud Clemen. Alexand. in lib. Stromatum secundo. Hac igitur omiſsa circumstantia, quæ latere potest neminem, de reliquis explicat, ac primò de illa, quæ dicitur quid. Quemadmodum enim agens & auctor facti non potest ignorare se ipsum, sic facillè potest ignorare quid fecerit.

Eius adeo circumstantiæ ignorationem ait hominibus accidere triplicem posse. Primam quidem iis, qui cū aliquid vel turpe, vel contumeliosum, vel alio modo rationi, loco, ac tempori dissentaneum dixerint, illo se purgant nomine, quoddam eiusmodi sibi verbum per incuriam, aut casu quodam exciderit: quæ peruulgata vox est oratorum, cū reprehensi, quoddam aliquid minus aptum aut idoneum protulerint, aiunt, sibi eiusmodi verbum imprudentibus ac nolentibus excidisse. Hanc excusationem, defensionemque in decima Philipp. M. Tullius eripit Fufio Caleno, qui dixerat in Senatu M. Bruti literas rectè, & ordine scriptas videri. Quod verbum, inquit, tibi non excidit, vt sæpè fit, fortuitum. Scriptum, meditaturn, cogitatum attulisti. Secundam ignorationem iis contingere docet, qui cū occulta quædam, atque arcana minimè vulganda detexerint, dicunt, se ignorasse huiusmodi res arcanas, atque occultas esse. Exemplum huius ignorationis proponit in Æschylo, qui ab ea excusationem petiuit idoneam, cū insimulatus est, quoddam mysteria Cereris euulgasset. sed qua id ratione sit factum, haud compertum omnibus est. Eustratius ait, Æschylum in Sagittariis, in Sacerdotibus, in Sisypho saxum voluente, in Iphigenia, atque in Oedipo, quas ipse fabulas fecerat, de Cereris mysteriis tractasse quædam curiosius, atque in publicum euulgasse; adeoque testatum reliquisse Ponticum Heraclidem in primo libro, quem de Homero scribit, parum abfuisse, quin ea de causa in ipso proskenio interficeretur à populo. Tumultum enim, atque impetum fugiens ad aram Bacchi receptum habuit; ex qua, intercedentibus Areopagitis, & contendentibus, de illo nihil temerè statuendum, in iudicium adductus, atque absolutus est, iudicum clementia veniam consecutus eo nomine, quoddam apud Marathonem benè rem strenuèque gessisset. Quippe in eo prælio & Cynegyro fratri manus obtruncatæ fuerant, & ipse grauissimè saucius è pugna discesserat. Hæc, inquam, ex Heraclide commemorat Eustratius, nec aliud quidpiam de hac Æschyli tradit ignoratione. Sed ea, quæ sic narrat, non demonstrant ad ignorationem Æschylum confugisse, sed potius ad aram, atque ad iudicium il-

lam æquitatem, cuius beneficio liberatus est. Itaque narrationi suppeditandum addendumque quod deest erit ex Clemente Alexandrino, qui in lib. secundo Stromatum scribit. Æschylum in Arcopagum vocatum, à severissimis illis ludicibus absolutum fuisse, ubi docuisset ac planum fecisset, se non esse sacris Cereris interitum, adeoque Cereris sacra & mysteria ignorare, quæ nota nisi initiatis esse non possent. Hinc enim consequens erat, per imprudentiam cum aliquid de mysteriis fortasse dixisse, cum ea mysteria esse nesciret, ac propterea deceptum fuisse populum, & errasse, cum vociferatus aduersus poetam erat in theatro, perinde ac si Cereris mysteria patefecisset. Itaque vtraque potuit ex causa Æschylus absolui, & quia rem illam arcanam esse, nec euulgandam ignorabat, & quia pro republica rem bene gesserat in Marathonica pugna. Terciam ignorationem huius circumstantiæ ait in iis cerni, qui cum aliquid ostendere volunt, verbi gratia tormentum, illud imprudentes emittunt id quod exemplo cuiusdam declarat, qui manu tenens ac tractans telum, siue balistam, aut catapultam, eius usum atque artificium alteri demonstraturus, in ea tractatione fortè fortuna spiculum emisit, & cum quem nolisset, interfecit. Quis hic fuerit, nullus interpretum dicit, & diuinare mihi promptum non est. Sed res notissima proculdubio fuit, cum exceptioni Iurisperitorum fecerit locum apud Cic. in 3. de Orat. atque in Topicis hoc modo: Si telum manu fugit, &c. Dant enim etiam ipsi Iurisperiti veniam, cum tormentum aut balistam tractanti telum manu fugit. cades enim confertur in ignorantiam, atque imprudentiam eius, qui balistam alia omnia cogitans tractabat, & manu tenebat, cum spiculum est repentè dilapsum.

Tertia circumstantia quæ est circa quid, ignorari facillimè potest. Vt cum aliquis probè intelligit quid agat, videtque exempli gratia, se eadem facere, sed nescit circa quid agat, & quemnam interficiat. credit enim, se latronem occidere cum interimit filium. Huius ignorationis exemplum ait fuisse Meropem Polybi Corinthiorum Régis uxorem, quæ Cresphontem ex se natum rata sicutum esse, atque alterius interfectorem filij, quem amiserat, sublata iam securi obruntate aggrediebatur; fecissetque prorsus, nisi ab alio, cui veritas ignota non erat, fuisset inhibita. Perstringit hanc rem Plutarch. in libello de carnium esu, ipsamque commemorat vocem, quam odio exardescens Merope protulit in eum, quem hostem putabat; & Aristoteles in cap. 11. Poëticæ propè finem. Perit huius argumenti Tragœdia pulcherrima Euripidis, quam Latine verterat Ennius teste M. Tullio Ciccone.

Quarta circumstantia est *ὅτι καὶ πότε*: in quo agat. Indicant iam, hanc agendi conditionem ab aliquibus cum superiore coniungi, putantibus idem esse *ὅτι καὶ πότε*, atque *ὅτι καὶ πότε*. Sed malo eos sequi, qui putant, in quo, esse in quo tempore ac loco permultum quippe habent hæc duæ circumstantiæ momenti ad rem vel augendam vel eleuandam. adeoque ab Aristotele prætermitti non debuerunt. Quis enim ex ignorantia loci vel temporis errans peccati sui veniam & misericordiam non mereatur? Certè ab omnibus inter circumstantias in agendo perpendendas & considerandas numerantur, inprimisque ab Authore ad Heren. lib. 2. locus, inquit, queritur celebris an desertus, sacer an profanus, publicus an priuatus. Tempus ita queritur, qua parte anni, qua hora, noctu an interdiu, qua noctis hora factum esse dicatur. In Partitionibus eadem eodem planè modo de loco ac tempore videnda præcipiuntur.

Sequitur sexta. [Quo instrumento.] Hanc nimirum ab eo ignoratam fuisse ait, qui alium hasta percussit, quam putabat in summo annulum aut orbem habere pro cuspide, cum acuto mucrone instructa esset, atque ad plagam inferendam idonea. Huiusmodi nimirum hasta est, cuius hic mentionem facit Aristoteles, quam haud appositè, dixit Latine Perionius hastam orbicularem, cum nulla inueniri eiusmodi lancea possit, vt cum reprehendit sapienter Lambinus. Commemorantur autem huiusmodi iacula à Xenophonte in libello De Arte equestri. & appellantur *ισφαρποδία*; fueruntque illa fortasse, quibus ad exercendos titones in ludicris certaminibus, & belli simulacris utebantur, vt citra vulnus aduersarium percuterent ictu telorum innocenti. Aliud eiusdem ignorationis proponit exemplum in eo, qui lapidem, durumque silicem, quem leuissimum, ac tenerimum esse

putabat pumicem, in aliquem proiciens, gravissimum illi vulnus imposuit, aut interitum attulit. Ad hanc circumstantiam pertinet quod est in l. 1. ad leg. Cornel. de Sicariis. Vbi Marrianus Iurisconsultus ex Adriani rescripto eum excusari oportere decernit, qui clavi vel cucuma, hoc est, vasculo quodam incurvo alium in rixa percussisset, quamvis occiderit: quia illud instrumentum non est ad occidendum idoneum, adeoque qui occidit, per ignorantiam instrumenti facit. ignorat enim eius vi posse alicui mortem inferri.

Septima est [cuius rei gratia,] hoc est, finis, & propositum agentis, ex cuius inscientia se purgat, defenditque qui contendit, longe alium se finem spectasse, cum aliquem interfecit, quam ut vulneraret graviter, & necaret. Id enim agebat, & sequebatur, ut conservaret ac tueretur, non ut tolleretur e medio quem interemit. Hac videlicet defensione tueri se Deianira meritis potuit, & excusare apud Sophoclem in Trachyniis. Vestem enim imbutam venenato pestiferoque Centauri sanguine ignara tradidit Herculi marito, ut eum apud se detineret & conservaret, non ut furis percitum in pyram ardentem precipitem daret. Simile quiddam narrat Atistoreles in lib. 2. Eudem. cap. 9. de quibusdam puellis, quæ pomum amatori dederunt, ratæ, in eo philtum esse, ubi tamen pestis latebat & venenum. Idemque prorsus error Lucretium sustulit, amatorio poculo ab vxore cum amante ad insaniam redactum interemptumque. Nam per ignorationem atque imprudentiam, dum amoris suo erga virum impotenter obsecundat, veneficio interficit, quem plus nimio totum in se convertere ac retinere conatur. Alia demum profert exempla, quibus ostenditur, eum culpa vacare, qui certo quodam sibi fine proposito, planè contrarium agendo consequitur: ut qui medicinam ex artis lege ac methodo recta compositam porrigit, ut servet, & tamen ægrotum interimit: vel qui membrum corruptum obtruncat, aut partem corporis inflammatam, & marcidam ferro pungit ad retinendam vitam, quam tamen extinguunt: vel qui corrigendi & docendi gratia verberare tantummodo vult, sed occidit.

Septima circumstantia posita est in modo actionis qui etiam interdum ignoratur: ut cum remissius agendum esset, agitur vehementius. Exemplum affert eorum, qui luctantur ac ludunt, & tamen vulnerant se, vel percutiunt gravius. Genus hoc exercitationis in Gymnasio eum fuisse ludum putat Petr. Victor. qui dictus est acrochirismus ab ἀκροχέλιδου. nam qui eo se exercent dicuntur hic ab Aristor. ἀκροχέλιδες. Dissertuit de hac forma exercitationis ac ludi studiosè Mercurialis. In hoc igitur exercitationis & ludæ, siue pugilatus genere quodcumque demum illud fuerit, ita se summis manibus siue summis digitis inuicem versabant, & tractabant pugiles, ut fieri posset interdum, ut eorum alter graviores quam vellet, adversario plagam infligeret. quæ tamen habebat excusationis perfugium ad ignoracionem excessus; cum ludentibus proposita non esset acerbior plaga, sed animi relaxatio, & robur corporis illa exercitatione parandum. Itaque qui percussit non vidit se modum mensuramque percussione excedere. Qua tamen excusatione minimè dignus erat Sostratus nobilis Pancratiastes, cognomento Acrocherlites, qui volens ac prudens inter ludendum summam adversariorum manus ita validè, ac fortiter apprehendebat, ut digitis elisis, eos non antè dimitteret, quam dolore confectos videret: quod est apud Pausan. in Eliacis posterioribus.

PARS TERTIA CAPITIS PRIMI.

Περὶ πρῶτα δὲ ταῦτα τῆς ἀγνοίας οὐσίας, ἐν οἷς ἡ περὶ αἵματι, ὁ πύτων πρὸς ἀγνοίας, ἀκὼν δοκῇ περὶ αἵματι, καὶ μάλιστα ἐν πῶς κυριώταται. κυριώτατα δὲ ἐν δοκῇ, ἐν οἷς ἡ περὶ αἵματι, καὶ οὐ ἐν αἵματι δὲ καὶ πρὸς πᾶσι τῶν ἀγνοίας ἀκούσιου λεγομένου, ἐπὶ δὲ περὶ αἵματι λυπαρὰ εἶναι, καὶ ἐν μεταβολῇ, ἐν

Cum ergo circa omnia hæc ignorantia versetur, in quibus est actio, qui horum aliquid ignoravit, inuitus videtur fecisse, & maxime in iis, quæ principatum habent. Principatum verò habere videntur ea, in quibus actio est, & id, cuius gratia. Eius igitur, quod ob talem ignorantiam involuntarium dicitur, adhuc oportet actionem doloris efficientem esse, & in panis etia.

τες δὲ ἀκούσιον τὸ βίαιον, καὶ δὲ ἀ-
γνοῖαν, τὸ ἐκούσιον δὲ ζῆν αὐτῷ, οὐκ ἢ
ἀρχὴ ἐν αὐτῷ εἶδέναι τὰ κατ' ἐκαστα,
ἐν οἷς ἡ ἀπαξίς. ἴσως γὰρ οὐ καλῶς
λέγεται, τὸ ἀκούσιον εἶναι τὰ ἢ ἀφ' ἑ-
αυτῶν, ἢ δὲ ἐπιθυμίας. περὶ μὲν
γὰρ ὁρῶν ἐπὶ τῷ ἄλλῳ ζῶν ἐκού-
σιως ἀπαξίς, οὐδ' οἱ παῖδες. εἴπερ
πολλοὶ ὁρῶν ἐκούσιως ἀπαξίαν τῷ
δὲ ἐπιθυμίας, ἢ θυμῶν, ἢ τὰ κατὰ
μὲν ἐκούσιως, τὰ δὲ ἀφ' ἑαυτῶν ἀκούσιως, ἢ
γαλοῖσι ἐνός γε ἀγίου ὄντος, ἄρπον δὲ
ἴσως τὸ ἀκούσιον φαίται, ὡς δὲ ὁρῶν-
τα. διὲ δὲ καὶ ὁρῶντα ἐπὶ πῶσι, ἐ-
πιθυμῶν πῶν, οἷς ὁρῶντας, καὶ μετὰ
σῶν. δοκεῖ δὲ, τὰ μὲν ἀκούσιον λυπη-
ρὴ εἶναι. τὰ δὲ κατ' ἐπιθυμῶν, ἡδέα.
ἐπὶ δὲ, πῶς ἀφ' ἑαυτῶν ἀκούσιον εἶναι, τὰ
κατὰ λογισμῶν, ἢ θυμῶν ἀμῶντηντα;
Φθικτὰ μὲν γὰρ ἀμῶν. δοκεῖ δὲ οὐχ
ἡ πῶν ἀμῶντα εἶναι πῶς ἀμῶντα πῶ-
ν. αἱ δὲ ἀπαξίς τῷ ἀμῶντα, ἀμῶν
θυμῶν, καὶ ἐπιθυμίας. ἄρπον δὲ τὸ πῶ-
ν ἀκούσιον εἶναι.

ab ira, & cupiditate existunt. Absurdum igitur est: ponere inuoluntaria hæc.

Cum verò sit inuitè factum id quod vio-
lentum est, & quod per ignorantiam sit, vo-
luntarium videri potest esse id, cuius princi-
pium in ipso est sciente singula, in quibus est
actio. Fortassis enim haud rectè dicitur hoc
inuoluntaria esse ea, quæ vel propter iram,
vel propter cupiditatem fiunt. Primum qui-
dem nullum præterea aliorum animalium
spontè operabitur, neque pueri. Deinde
utrum nihil spontè agimus eorum, quæ per
cupiditatem agimus vel iram: an honesta
quidem spontè, turpia verò inuitè; an hoc
ridiculus est, cum una causa sit? Absur-
dum verò forsitan; inuoluntaria dicere quæ
oportet appetere. oportet autem & irasci ob
aliqua, & appetere quædam; veluti bonam
valetudinem & doctrinam. Videntur verò
inuoluntaria quidem molesta esse: quæ verò
secundum cupiditatem iucunda. Præterea
quid interset, inuoluntaria esse quæ secun-
dum rationem, aut secundum iram peccata
sunt? fugienda enim sunt utraque. Viden-
tur autem non minus esse rationis expertes
humani affectus. Actiones autem hominis

EXPLANATIO.



VOLUNTARIAM de iis, quæ sunt inuitè, disputatum est satis, in hac ter-
tia, quæ suprema est, Capituli parte, de voluntario, & eo quod spon-
tè fit, primo loco constituit: deinde quorundam refellit errorem, qui
facta putabant inuitè quæ ex vehementi perturbatione fieri cerne-
rent. Sed antequam hæc doceat, demonstrat per eorum, quæ dicta
sunt, comprehensionem quorsum de circumstantiis disputarit. Ait enim ex singu-
larum quidem ignorance inuoluntarium effici. sed ex earum præsertim, quæ præ-
cipue sunt, atque inter ipsas obtinent dominatum: huiusmodi autem esse quid, &
cuius gratia, hoc est, materiam, & finem. materia quippe fundamentum est cuius-
libet actionis, finis autem veluti Lydius lapis, ad quem eiusdem probitas aut pra-
uitas exploratur. Adiungit autem vnum, quod suprà monuerat; ita demum hanc
circumstantiarum ignorance esse causam inuoluntarij, & eius quod inuitè fiat,
si cum dolore ac pœnitentia coniuncta sit.

Duo hic obseruanda sunt. Primum: circumstantiam illam, Circa quid, à multis
coniungi cum ea, quæ dicitur, quid, nec poni distinctam à materia atque ab obie-
cto. Sed distinguitur tamen: cum Merope non ignoraret obiectum; quippe quæ
hominem se occidere videbat. Itaque ignorauit circa quid ageret, quia nesciebat
eum esse Cresphonem à se genitum, & filium, quem vnicè diligebat. Secundum:
Cum dicitur quis, hoc est, agens, esse circumstantia, intelligi oportere, non tam
agentem ipsum, quàm agentis aliquam conditionem & qualitatem adiunctam.
agens enim est causa, non circumstantia. Circumstantia verò est in agente ipsius con-
ditio vera: est enim Rex, aut priuatus, aut vir honestus, aut plebeius, aut alia eius-
modi præditus conditione, quæ facit, vt alio, atque alio modò de ipsa debeat
actione iudicari. Idem planè censendum est de fine, qui per se causa quædam est,

non

non circumstantia, sed etiam ipse habet interdum adiunctam aliquam conditionem velut appendicem, cuius ratione ac vi circumstantia sit. Verbi gratia, fortiter agere propter honestatem ipsam fortitudinis, est agere propter finem tanquam causam intimam eius actionis; sed fortiter facere ad eripiendum amicum ab hostibus, est agere propter circumstantiam accedentem fini, quæ propterea nihilominus dicitur finis.

His explicatis, quæ supra prætermissa iam erant, ad ea, quæ de voluntario docet hic Aristoteles, veniamus.

Cum verò inuitè factum sit id, &c.] A contrariis demonstrat nunc, definitque quid voluntarium sit. Cum enim supra conclusum, & constitutum sit, id quod per vim, aut inscientiam rerum singularum & circumstantiarum geritur, inuitè atque inuoluntariè fieri, consequens est, ea fieri spontè ac voluntariè, quorum agendorum principium est in eo, qui agit res singulares, in quibus actio consistit, earumque circumstantias non ignorat. duo enim actio voluntaria in ipso postulat agente; agendi principium intimum, & eorum scientiam, quæ geruntur. Atque hinc intelligi vult, eos loqui perperam ac falsò, qui vel iræ, vel cupiditatis impulsu res inuitè ac minimè voluntariè fieri dicunt. Itaque subiungit.

Fortassis enim non rectè dicitur hoc, &c.] Quippe credebant aliqui, non id omne, cuius principium est intra nos, atque in potestate nostra cum scientia circumstantiarum, esse voluntarium, cum fieri possit, ut illud principium, quantumvis intra nos, voluntas non sit, à qua voluntarium dicitur quicquid voluntarium est; sed aliquis effectus, ac perturbatio sentientis appetitus; qualis est cupiditas & ira. Hunc igitur errorem, quem supra iam confutauerat, pluribus hic argumentis explodit. Primum: Quia sequeretur, omnes omnino mutas animantes ac pueros inuitè agere. omnia enim pueri, & belluæ per iram & cupiditatem agunt; nihil ex ratione. Quare Arist. ipse in lib. 2. Eudem. c. 8. docet, verbum *αἰσῶ* pueris & animantibus ratione carentibus non conuenire; quia *αἰσῶ* semper est cum ratione coniuncta. Sed hoc argumento nihil efficitur, nisi accedat explicatio quædam & expolitio. Posset enim aliquis dicere, voluntatem in belluis, puerisque non esse, adeoque nihil sequi alienum à ratione, si consequens sit, mutas animantes ac pueros inuitè, hoc est, inuoluntariè agere. Sed responderetur, voluntarium duplicis esse generis; vnum quidem commune, alterum peculiare ac proprium. Commune ac generale illud est, quod à principio manat intimo, spontè, nec per vim. Proprium autem quod propriè proficiscitur à voluntate cum rei cognitione, ad quam fertur & contendit voluntas. Voluntarium commune reperitur etiam in pueris, atque animantibus rationis expertibus; proprium verò in hominibus tantum cognitione ac ratione utentibus est. Ve igitur hoc argumentum Aristotelis habeat vim, satis est, si pueris, ac belluis congruat voluntarium commune. Hoc enim voluntarium tamen si rationis usum necessariò sibi adiunctum non habet, adeoque non ita propriè voluntarium dicitur, nec opponitur propriè inuoluntario, habet tamen abundè cur inuitum coactumque dici non debeat, & cur inuito possit opponi, cum ea solum agere dicantur inuita, ut docet hic Eustratius, quæ vel vincita, vel aliquo alio modo coacta quidpiam agunt, aut patiuntur. qua sanè ratione, neque feræ, neque pueri dicuntur agere. agunt enim ex sua ipsorum incitatione atque appetitione, ac propterea spontè, non autem inuitè. Sunt qui ad hæc planius distinguenda voluntarium illud commune ac generale spontaneum dicant, quia spontè facere dicuntur, non animantes modò, quæ ratione prædita, quæ carentes, verum etiam res inanimatæ: ut cum dicimus ignem sua spontè moueri sursum, & arborum alias spontè, alias non spontè, sed posito semine provenire: de primis ita canit Virgil.

Namque alia nullis hominum cogentibus ipsæ

Spontè sua veniunt.

De secundis Lucret.

Spontè sua nequeant liquidas existere in auras.

Cum ergo spontè agere tam latè pateat, voluntarium illud commune meliùs existimant spontaneum dici, proprium autem, & quod in solos homines cadat, verè voluntarium appellari, & huic voluntario inuoluntarium opponi, quod hominibus tantum conuenit; spontaneo verò inuitum, quod est omnium commune, contrarium esse. Hæc loquendi ratio ad vocabulorum tollendam confusionem idonea

quidem est, sed minimè necessaria. modò teneamus illud, voluntarium atque inuoluntarium interdum vocabula esse communia, interdum propria. cùm communia sunt congruere tam homini quàm belluis: cùm autem propria, in solum hominem, qui voluntate verè præditus est, conuenire. Neque enim ad spontaneum confugiunt, opinor, tanquam ad vocem magis Latinam; cùm spontaneum æque abhorreat à Latinitate, atque inuoluntarium & circumstantia. quibus nominibus & ipsi passim vtuntur, & nos vbi commodum est, abutimur. Sæpe quippe iam diximus in hoc genere nolle nos magnopere laborare, cùm philosophi sumus.

His aded in hunc modum expositis primum hoc argumentum Aristotelis probè concludi sic potest: Si ea quæ ab ira vel cupiditate proficiuntur, voluntaria non sunt; illa quæ à belluis, puerisque fieri cernimus, spontanea dici non debent. Si enim illa voluntaria non sunt, sunt omnino coacta & facta per vim. at coacta & facta per vim, non modò voluntario propriè dicto, sed etiam communi & spontaneo debent opponi. Igitur belluæ puerique, quoniam ex ira & cupiditate & agunt omnia, nihil agerent spontè, sed omnia per vim, ac propterea voluntario quoque communi, ac spontaneo carere dicerentur; quo nihil fieri potest absurdius.

Secundum argumentum. Cùm dicitur, ea quæ fiunt ex ira, & cupiditate, aliæve animi perturbatione, inuoluntaria esse, vel id intelligi de rebus debet omnibus, quæ sic fiunt, vel de iis tantùm, quæ turpia sunt, atque inhonesta. Primum affirmari non potest, cùm multa ex ira & cupiditate fieri deceat, cuiusmodi est aduersus reipublicæ hostes irasci, aut valetudinem corporis, & animi sapientiam expetere. Hoc, inquam, affirmari non potest: quia quæ decet expetere, atque honestum est agere, ea cùm fiunt, inuoluntariè fieri dici non debent. At ne secundùm quidem dici cum consilio & ratione potest. omnium enim, quæ homo agit, vna prorsus & eadem est causa, siue bona illa sint & honesta, siue mala & turpia. causa verò omnium vna atque eadem est voluntas. ergo æquè omnia voluntaria sunt, cùm æquè à voluntate promanent omnia.

Tertium. Omnia, quæ fiunt inuitò, quæque inuoluntaria verè dicuntur, ægritudinem afferunt, & tristitia sunt. At ea, quæ per iram & cupiditatem, aut aliam eiusmodi perturbationem animi fiunt, sunt plerumque iucunda, & agentem sæpissimè voluptate perfundunt. id quod in appetitione ac cupiditate, quæ delectationem sequuntur, apertissimè cernitur: nec in ira videtur obscure, quæ vltione, ac pœnis ex hoste repetitis summopere gaudet. Igitur ea, quæ per iram & cupiditatem agimus, inuita atque inuoluntaria non sunt.

Quartum. Peccata, quæ per iram & cupiditatem perpetrantur, vitanda homini sunt, nec minùs fugienda, quàm cætera, quæ consultò fiunt, & cogitatò, sed ea, quæ sunt inuoluntaria, non iubemur vitare ac fugere, cùm in manu nostra & potestate non sint. Ergo ea, quæ per iram & cupiditatem aguntur, inuita, atque inuoluntaria non sunt. In summa tota vis huius argumentationis in eo est, quòd propter inuoluntaria vituperatur nemo. At nemo est qui propter admissa per iram & cupiditatem non vituperetur. ergo per iram & cupiditatem admissa, voluntaria sunt.

Quintum. Nulla prorsus actio inuoluntaria est, quæ dici debet humana. sed actiones ex ira & cupiditate profectæ verè sunt & dicuntur humanæ. Sentientis enim appetitus affectiones, humanæ dici propterea debent, quòd sentiens appetitus natus & factus sit ad obtemperandum rationi, vt in fine primi libri est declaratum. Ratio autem, quæ propria hominis est, adeoque perturbatio, quæ nata videtur & facta ad excipiendum rationis imperium, appellari debet humana. Igitur actiones ab ira & cupiditate nascentes inuoluntariæ appellari non debent.

Ex his argumentorum clausulis & consecutionibus intelligimus, quid hæc disputatio differat à superiori, in qua idem planè demonstrauit Aristoteles. supra enim ex argumentationibus id conficiebatur; nihil, quòd per iram & cupiditatem fieret, esse violentum, siue factum perpetratumque per vim: hic autem conclusum in singulis est, actiones quæ iræ sint & cupiditatis effecta, non esse inuoluntarias, & ex iis animi perturbationibus inuitò productas.

Non tamen hæc rationum momenta possunt efficere, quin id, quod ex animi perturbatione, sit minùs voluntarium censeri debeat, quàm quod consultò & prudenter admittitur. Verissimum enim est, nec Aristoteli repugnans id, quod do-

cer M. Tull. his verbis in Top. Cadunt enim in ignoracionem atque imprudentiam perturbationes animi, quæ quamquam sunt voluntariæ (obiurgatione enim & admonitione deiciuntur) tamen habent tantos motus, ut ea quæ voluntaria sunt, aut necessaria interdum, aut ignorata videantur.

• EPILOGVS.

1. *Moralis est doctrina de voluntario, inuoluntarioque differere, cum de iis agat actionibus, quarum causa laus nobis aut vituperatio debetur.*
2. *Inuoluntaria sunt quæ vel per vim, vel per ignorantiam fiunt. Per vim id fieri dicitur, cuius agendi principium extrarium est; nihil eo qui agit aut patitur ad actionem conferente.*
3. *Ea quæ fiunt ob imminens formidinem mali, aut ob alicuius conseruationem boni, neque omnino voluntaria, neque prorsus inuoluntaria sunt, sed mixta, & ex utroque composita, voluntariis tamen similia.*
4. *Incunda & honesta non sunt inuoluntaria: quamuis enim extra sit principium, ad ea nos incitans & compellens, non tamen impellis nos, nolentibus aut nihil ad actionem conferentibus nobis.*
5. *Non omnia, quæ per ignorantiam fiunt, inuoluntaria sunt; sed ea tantum, quæ, ubi demum facta esse per ignorantiam agnoscuntur, auctori dolorem ac penitentiam afferunt.*
6. *Neque enim idem est facere per ignorantiam, & ignorantem facere.*
7. *Nec omnis ignoratio facit inuoluntarium; cum quadam ex consilio & electione proueniat, quadam rerum uniuersarum sit, quas omnes homines intelligere ac nosse necesse sit.*
8. *Propria igitur ignoratio, quæ vera causa sit inuoluntarij, actionum est singularium & earum rerum, quæ ipsas circumstant actiones. Quamquam enim omnes omnino circumstantias ignorare non possumus, possumus tamen nescire plerasque. At ex uniuscuiusque ignoratone nascitur inuoluntarium.*
9. *Cum inuoluntarium definitum id sit, quod per vim aut ignorantiam factum est: voluntarium definire merito possumus id esse, cuius principium in agente penitus est, circumstantias actionis haud ignorante.*
10. *Quæ per iram, cupiditatem, aliamve perturbationem animi fiunt, non rectè dicuntur inuoluntaria. est enim in nobis liberam agendi principium, adeoque ob ea vituperationem commeremur, aut laudem, quæ non nisi in voluntarias actiones conferuntur.*



IN CAPVT PRIMVM,

QVÆSTIO PRIMA.

An violentia sit causa cur aliquid dicatur inuoluntarium.

QUICQVISO inuitè sit ac merito inuoluntarium appellatur, à duobus corriuari fontibus ait Aristoteles: ab ignoracione, ac vi. De vi adeo querendum est primò, an verè faciat, ut inuitus atque inuoluntarius dicatur quisquis impulsus agit, coactusque per vim. Quamquam enim dubitandum videtur nemini, quin violenta voluntati contraria sint, adeoque inuoluntarium opus efficiant, multa tamen sunt, quæ possint ostendere, voluntati nihil violentum esse, & multos agere per vim, qui dicendi iure inuoluntarij, inuitique non sint. ex quo sequatur, non omnes violentas actiones inuitas, atque inuoluntarias esse.

Primò igitur voluntati nullam afferri vim posse, demonstrari videtur hoc modo: Voluntas inter omnes animæ facultates est maximè libera, nec quicquam in voluntatis potestate magis est, quàm actus proprius. ergo voluntas à nemine cogi potest, ideoque nihil agit violenter, & compulsa per vim.

Confirmatur ex eo, quod si voluntati vis afferretur, afferretur ideo, quod impediretur, quo minus ipsa exercere posset actum suum & munus. Actus autem voluntatis est, velle vel nolle, qui nulla vi potest impediri. Voluntas igitur externum impetum pati violentiamque non potest.

Viderunt hæc argumenta Scholastici veteres ac boni Philosophi, eaque haud magno no-

Re ij

D Thom. in
prima secundæ
q. 6. ar. 4.

*Euclid. Ge-
om. Odonis.
Gualt. Bur.
in Eub. lib. 3.
cap. 1.*

gatio confutatur. Dixerunt enim, voluntatis actus esse duplices: quosdam quidem voluntatis proprios, & in eadem hærentes voluntate, qui a se ulla eliciuntur, quosdam autem ab aliis facultatibus ipsius iussu voluntatis exercitos, qui propterea dicuntur imperati. Dixerunt, inquam, in actibus illis elicitis voluntati afferri violentiam nullam posse. Quippe huiusmodi actus dicuntur esse, velle, amare, cupere, odisse, &c. qui profecto nihil aliud sunt, nisi quædam voluntatis ad aliquam rem propensiones ab intimo principio finem cognoscente profectæ. non potest adeo violentia cum voluntate consistere; quia voluntatis ipsa vis & ratio postulat, ut ubique ac semper exercere ac promere possit actum suum ab intimo illo principio cognoscente. id verò, quod vim patitur, ab externo patitur principio: sed huiusmodi principium externum voluntati admoueri nullum potest, quin ipsa voluntatis ratio funditus evertatur. Pugnant enim hæc: actum aliquem voluntatis esse, & eundem inuitum, & coactum esse. Nam si voluntatis est actus, & voluntate producitur soluta & libera; si coactus est, voluntati contrarius, atque inuoluntarius est, nec ab ipsa voluntate proficiscitur.

Quod autem attinet ad actus imperatos, hoc est eos, qui ab aliis facultatibus imperio voluntatis exercentur, cuiusmodi sunt, moueri, ac progredi, scribere, ac loqui, concedunt, voluntatem perpeti violentiam posse; quia per vim ipsa membra corporis, & facultates impediuntur, quo minus obtemperent, & voluntatis faciant imperata. Potest enim externa vi motus inhiberi, nobis inuitis, ipsaque reclamante voluntate. Id autem ratione non pugnat. quia non tam ipsa prohibetur & impeditur voluntas, quam ceteræ facultates, in quas voluntas imperium ac dominatum exercet. Rectè tamen cum illis infertur vis, ipsa voluntas inuita dicitur, quia facultates eiusmodi, factæ naturæque sunt ad faciendum voluntatis imperium.

Prima igitur hæc argumenta labefacta facile sunt. sed alia suppetunt aduersus hos etiam actus imperatos, cum ne ipsi quidem propter illatam vim inuiti atque inuoluntarij appellandi meritò videantur. Manum enim attollere, vel brachium, ipsi profecto manui, brachioque violentum sit, quoniam grauius membra sunt & corporata. Eadem ratio eius est, qui vel sursum voluntariè scandit, aut libratis in aëre pedibus saltat ad numerum. quippe motus ille violentus est, cum naturalis, sit ei contrarius. Et tamen haud quisquam dicet, eum motum inuoluntarium esse, qui nascatur ab eo, qui voluntariè scandit ac saltat. Idem sanè iudicium est de motu lapidis, cum ab aliquo voluntariè sursum impellitur. violentus enim haud dubiè est, non tamen inuoluntarius; cum initium acceperit ab homine voluntario. Deinde inuoluntarium cum dolore semper, tristitiæque coniungitur. Sed violenta nonnulla sunt minime inuoluntaria & trista, ut cum ab amico

leuissimè percutimur in significationem amoris. Neque enim illa percussio dici potest non violenta, quæ ab externo principio est; & tamen inuoluntaria dici non debet: quia placet amico ad benevolentiam significationem illam, argumentumque percusso. Quin delapsus aliquis in profundum, extrahitur inde per vim. neque enim id quod est graue natura, educi de puteo potest, nisi adhibito conatu, magnoque connisu. Et tamen ille volens ac libens extrahitur, ergo minime inuoluntarius.

Multa præterea sunt, quæ neque volumus omnino, neque prorsus nolumus. Nam primo quidem, cum quis neque volens, neque nolens ab altero trahitur, sed negatiue, ut dicitur, permittit, patiturque se trahi; eiusmodi motus violentus est, cum à principio sit extrinsecus accedente, illo qui mouetur & patitur nihil ad motum conferente; quæ definitio est violenti, nemo tamen affirmabit, eum hominem inuoluntariè trahi.

Violentum igitur inuoluntarij causa non est. Secundo. Si Lucretia iniquo tantum animo vim Tarquinij pertulisset, nec villo conatu studuisset à se vim impudici Principis propulsare, sed sola cum animi tristitia violari se passa esset, fuisset ea compressio sine dubio violenta, & tamen ipsa dicenda non fuisset inuoluntaria, quia quantum satis erat, contra vim non obstitisset. ergo vis allata non est idonea causa cur aliqua dicatur actio inuoluntaria.

Tertiò. Beatissimi religionis nostræ propugnatores, quos Martyres appellamus, violentè haud dubiè torquentur, & occiduntur. At inter cruces & flammæ, atque in suprema spiritus conflictatione triumphant gaudio. ergo voluntariè torquentur, adeoque violentia illa non efficit id, quod inuitè factum atque inuoluntarium dici possit.

Quarto. Ne illi quidem Christiani, qui ut est apud Eusebium aliosque Ioni vel Apollini thus, non ex animo, sed metu mortis exterriti, perfuntoriè ac per simulationem incendebant, id unquam fecissent, nisi per vim à Tyrannis fuissent adacti. Et tamen spontè fecisse censentur, quia reprehenduntur & damnantur ab omnibus. Neque enim reprehensione ac vituperatione res vlla, vel actio digna est, quæ voluntariè, ac spontè suscepta non sit. Ergo vis haud semper efficit inuoluntarium.

Respondere nos argumentis hisce non possumus, nisi multa prius de voluntarij, violentique conditionibus, præter ea quæ supra iam diximus, explicemus. Primum igitur ab eius voluntarij definitione sumamus exordium, de quo propriè disputamus. Neque enim ad nos attinent huius quædam notiones vocis, quæ apud Latinos scriptores in usu frequentissimo sunt. qualis est illa apud M. Tull. Ciceronem in Orat. antequam iret in exilium, ubi suos inimicos

appellat voluntarios, hoc est, pro libidine atque arbitrato suo, nec aliqua necessitate ad exercendas secum similitudines adactos; aut vlla prius iniuria laesos. de quibus item in Orat. pro Sest. loquens ait, viros malos sepius bonis periculum moliri voluntarios; nulla nimirum probabili causa, & ratione permotos. Sed communior alia quædam voluntarij notio Latinis est, cum significare volunt, homines aliquid sponte, atque ex animo agentes, vel id quod sponte, atque ex animo factum est. cuiusmodi voluntarius est miles; & voluntaria mors, motus animi voluntarius. His, inquam, aliisque voluntarij notionibus ab hac disputatione depulsis, voluntarium, quod Moraliū Philosophorum est proprium, definiamus. Illud enim intelligunt, voluntque voluntarium esse, cuius agendi principium intra sit, quodque nulla extrinsecus accedente violentia fiat, agente ipso quid agat, & quo instrumento, & quo tempore ac loco, & quorsum agat non ignorante, siue quod agitur agatur ex recta ratione, siue ex libidine, siue ex animo & libenter, siue ex metu, atque tristitia, siue libere, siue necessario. Male adeo definiunt, aliqui voluntarium actionem quandam esse, in agentis potestate sic positam, ut agere, vel non agere pro arbitrio possit, confundunt enim, inuoluntarium cum libero voluntarium, cum tamen & Aristotelis autoritas, & ipsa per se ratio longe aliter se rem habere plane demonstrant. Ille quippe in hoc cap. 1. lib. 3. in infantibus atque in belluis voluntarium inesse confirmat, in quibus tamen haud inueniri liberum exploratissimum est. Ratio verò à plurimis tractata Theologis idem vincit hoc modo. Deus, ipsum se maximè voluntariè diligit, nec vlla magis esse voluntaria potest actio, quam Dei amor, erga se ipsum. Deus autem non libere, sed necessario diligit se, ergo differt à libero voluntarium, nec idem liberum est, ac voluntarium. Nam, ut aliquid voluntarium sit, satis est, si neque per vim, neque per ignorantiam fiat. Vis autem haud est vlla, cum ab intimo principio proficiscitur actio, neque vlla est ignorantia, cum nascitur ex cognitione finis. Itaque in voluntarij definitione libertas necessario ponenda non est, & voluntarium ipsum satis superque describitur, si præterita interim libertate, dicatur esse actio vel motus, tum sentientis, tum intelligentis appetitionis ab intimo profectus principio, & cum finis, siue propositi cognitione. Neque verò, id quod est liberum idem etiam necessarium voluntarium est; cum aliqua prætermittamus interdum libere, quæ voluntariè tamen haud prætermittimus. Si enim duo sint homines æquè prorsus in vitæ discrimine, supremam

que necessitate constituti, quorum utriusque non possim ego succurrere, sed alteri tantum, quem se ipsa subleuem, mortisque subducam, altero prætermisso; libere sine dubio patior hunc interire, sed tamen haud voluntariè, cum ego culpandus ex illius interitu non sim. docet quippe D. Thom. in prima par. 2. quest. 6. artic. 3. tres in omissione culpanda oportere conditiones esse: ut facere possim, ut debeam, ut non faciam. Sed in eo temporis articulo, nec possum in extremis laboranti succurrere, nec debeo. igitur id, quod non facio, non voluntariè prætermitto, ac propterea reprehendi eo nomine iure non possum. nihil enim iniustam cadit reprehensionem quod iudicio & voluntate commissum non sit.

Observandum secundo loco est, in solo reperiri homine id quod perfecte dici voluntarium potest. Eiusmodi quippe voluntarium illud est tantum, quod non modo ab insito intimoque principio manat, verum etiam finis absolutam perfectamque notitiam habet. Mutis autem animantibus imperfecta tantum, & inchoata quædam est cognitio finis, hoc est ea, quæ in sola posita sit apprehensione, nec vllam de prædiis, ad finem conducentibus, deliberationem habeat. In summa vnus homo rationis atque intelligentiæ particeps, finem rationemque finis absolute cognoscit, videtque idonea fini præsidia, & ea dirigit ac destinat in finem; adeoque sola hominis actio perfecte voluntaria dici debet. Non tamen hinc efficitur, in belluis non esse voluntarium quoddam commune, ac generale, quod simpliciter tantummodo, rudemque finis cognitionem postulat, sed illud tantum est consequens, rationis expertes animantes eius voluntarij, quod perfectum est, participes esse non posse.

Animaduertendum tertio: quibusdam interdum rebus impediri voluntarium, efficitque id quod inuoluntarium dicitur & inuitum. Et quoniam inter eas causas principem videtur obtinere locum violentia, instituitur hæc disputatio, quæriturque, An illata vis inuoluntarij causa sit. Itaque inuestigandum est primò quid propriè, verèque violentum videatur. Quamquam enim id quod per violentiam fit, propriè violentum à Latinis non dicitur, vltus tamen inter disputandum obtinuit, ut violentum nihilominus appelleretur.

Definitur itaque violentum, diciturque id esse, quod ab externo principio prodit, eo cui vis inferitur, quodque violentiam patitur, nihil omnino conferente. Id verò sic est intelligendum; ut quod patitur vim, non modo nihil repugnet, ac negatiuè se habeat, verum etiam, ut vel actu, vel virtute propendeat ad oppositum. Si quis enim dormientem hominem ex edito loco præcipitem daret, ei absque dubio

vim inferret, actu quidem non repugnanti, immodò verò per corporis pondus ad inferiorem locum ac deorsum natura caduco, sed virtute, hoc est, per voluntatem ad oppositum propendenti.

Præterea principium externum, à quo violentum efficitur, accipiendum sic est, ut sit illud, quod actiuum dicitur, non autem illud, quod passiuum appellatur. principium enim passiuum nunquam extrarium est, sed semper intimum, & cum violento se benè conciliat, quod cerni potest in lapide, cum sursum quidem mouetur violenter, sed tamen ad eum suscipiendum motum principium habet & facultatem passiuam. Ceterùm hoc violentum non vni contrario tantùm opponitur, sed duobus, hoc est, voluntario, & naturali. cum opponitur naturali, tam in rebus animatis, quàm in anima carentibus inueniri potest. Cum autem à voluntario distinguitur, in iis tantummodo reperitur, quæ propter finem & propositum agunt. Ex qua partitione id intelligi & colligi debet, illud solum violentum, quod opponitur voluntario, inuitè facti atque inuoluntarij causam esse; ita prorsus, ut eo posito, necessariò ponatur & sequatur etiam inuoluntarium. violentum autem naturali oppositum, siue à naturali distinctum vniuersè atque in genere, haud necessariò inuoluntarium ponere, nec inuoluntarij causam necessariam esse. Potest enim in rebus naturalibus esse violentia, in quibus neque mouens, neque id quod mouetur habeat voluntatem. Ut cum vehementissimus Aquilo lapillum abripit, & sursum impellit. quippe motus ille violentus est, hoc est, à naturali distinctus, & naturali contrarius, non tamen est violentus ita, ut opponi voluntario possit.

Sit ergo Quæstionis propositæ Conclusio: Violentum illud, quod propriè violentum est, inuoluntarij causam esse per-necessariam atque certissimam. Opponitur enim voluntario, & cum eo sic pugnat, ut omnem omnino voluntarij rationem exturbet. quo fit, ut vbi vis adest, ibi etiam inuoluntarium esse oporteat, & factum inuitè.

Argumenta verò rationesque contrariæ sic confutantur: ac primo quidem illud quod de manu sublata proponitur. Ille enim motus cum ipsa manus gravitate comparatus, violentus dici debet eatenus, quatenus naturali opponitur gravitati. sed collatus cum imperante voluntate, violentus non est. At propriè violentum, ut diximus, illud est, quod opponitur voluntati, non quod opponitur naturali; & quod naturali contrarium est, non est necessaria causa inuoluntarij, cum pleraque videamus naturæ contraria esse, quæ tamen imperanti voluntati consentanea sunt. cuiusmodi est hæc manuum motio, & saltatio, & sursum ascensus, corporis oneri, & gravitati

contrarius, sed iubenti tamen voluntati respondens & obtemperans. Idemque iudicium de homine sit ex putei profundo detracto. motus enim & ascensus in sublime violentus est corpori, non voluntati. Atque eadem prorsus est lapidis proiceti ratio. quippe motus ille iacenti voluntarius est, violentus lapidi: sed ea violentia non tollit voluntarium quantumvis naturali gravitati contraria sit, quia non repugnat proicientis voluntati.

Quæ his proximè sequuntur argumenta, solutionem postulant à duplicis inuoluntarij notione. Alterum enim inuoluntarium illud est, quod solam significat negationem volendi, alterum verò quod habet præterea positium actum, per quem voluntas non modò certam aliquam rem negatiuè non vult, sed vult præterea positivè contrariam. Itaque cum dicitur inuoluntarium parere tristitiam, non illud inuoluntarium debet intelligi quod in sola positum est negatione volendi, aut in actu solo, simplicique nolendi, sed id quod habet præterea positium actum, per quem voluntas positivè contendit & nititur in contrarium. Nihil adeo mirum sit, si aliquod interdum reperiatur inuoluntarium, quod dolore careat atque tristitia. est enim ex eo genere, quod in sola negatione positum est. qui autem volendi tantummodo negationem habet nullam capit interdum animo tristitiam, cum ei accidit id, quod ita nolebat, ut nec etiam vellet positivè contrarium.

Sunt qui dicant, hominem interdum ita se habere, ut neque voluntarius sit, neque inuoluntarius, sed tantummodo non voluntarius; ut cum dormiens trahitur: ac propterea definitionem violenti, quemadmodum indicauimus supra, sic interpretantur, ut cum dicitur id esse, quod à principio nascitur externo, eo, quod vim patitur, nihil ad motum conferente, intelligant id fieri debere illo non modò nihil conferente vel adiuuante, verùm etiam aduersante positivè, ac repugnante. Quapropter cum aliquis eo modo trahitur, quemadmodum dicitur in argumento, hoc est, neque volens neque nolens, sed tantummodo permittens, non est inuoluntarius, quia nolendi actum non habet, neque voluntarius, quia caret actu volendi positivo, sed est non voluntarius. hoc enim tertium inter voluntarium, atque inuoluntarium esse posse ipse docet Aristot. in hoc primo cap. libri tertij. Ceterùm, si trahi se permitteret ad scelus, teneretur culpa, & voluntarius censeretur, quia trahenti, cum posset & deberet, non resisteret ac repugneret. Aliud tamen est, aliquid simpliciter fieri, aliud per interpretationem existimari, censeri que sic fieri. Simpliciter enim ille neque inuoluntarius, neque voluntarius est, sed censetur interpretatiuè voluntarius. Idem dici de Lucretia potuisset, si se violari passa esset, nihil reluctans aut repugnans Ty-

ranno, cùm potuisset. Idem de illo, qui adoratione, vel thure Deorum simulacra veneratur. damnatur enim quia permittit se trahi, non repugnans, aut resistens, ad idololatriam illam externam, quam recusare atque effugere potuisset ac debuisset, adeoque damnatur ac reprehenditur ex actione illa externa, quæ voluntaria est, quantumvis habitus intusus animi repugnet, & ex ipso dicatur inuitus.

Ad extremum cùm dicimus, tormentum & cruciatum Martyrum, vel Tyrannorum, intelligimus actionem, quæ Martyrem conficit, vel ipsorum perpeffionem Martyrum, qua cruciatus & tormenta perferunt. Si actionem illam intelligimus, dicere necesse habemus, eum cruciatum esse violentum, quia Martyres ad eam nihil conferunt, nec quicquam adferunt adiumenti. Sin autem perpeffionem intelligimus, affirmare nos oportet, esse voluntariam, non violentam, quia qui patitur, aliquid confert, ac per voluntatem confessionemque censetur voluntarius. Itaque malè dicitur cruciatus esse violentus, & tamen voluntarius; cùm violentus non sit, nisi habita ratione agentis atque interficientis Tyranni, cuius actionem non adiuuant Martyres agendo, sed excipiunt perferendo, cùm eam excipere debeant ac perferre.

QVÆSTIO SECYNDÆ.

An ea quæ sunt ex metu, semper culpanda videantur.

FVISSET hîc querendum potius, An id, quod ex formidine facimus, voluntarium sit, nisi suprà cùm Aristotelis explicamus orationem & verba, questionem eiusmodi protigassemus. Diximus quippe, facta per metum multa quidem ex voluntario atque inuito videri, sed tamen appellanda voluntaria simpliciter esse: idque pluribus ex Aristotele petitis affirmavimus, & comprobavimus argumentis, solutis etiam nodis, qui rem audienti & consideranti difficultatem exhibere videbantur.

Videndum adde restat, verum ea, quæ per metum voluntariè sunt, culpæ semper affinis putentur, an interdum reprehensione vacent, aut etiam laudabilia sint. Locus hîc spissus est, multisque questionibus implicatus: adeoque, nisi singulæ proponantur, expediri non potest.

Quod enim ex metu sit, aut per se bonum est, aut per se malum, aut neutrum: aut est legibus præceptisque contrarium iis, quæ Theologi negativa dicunt, aut iis quæ nominant positiva.

Si primò queratur id de timore, qui bonum aliquod vel inchoat, vel consequat, ac perficit, haud dubiè respondendum est, id quod per metum fit, esse laudabile. eius-

modi nimirum est pœnæ metus atque supplicij, à quo virtus prima quædam habet lineamenta, suæque, quantumvis imperfecta, bona tamen ac laudabilia ducit exordia. eiusmodi timor est culpæ, à quo virtus accessiones habet, atque incrementa: Eiusmodi demum est metus ille longè perfectissimus, & virtutem ipsam suis numeris absolvens, quem reverentiæ timorem appellare soliti sumus.

Si verò quod per metum efficitur, est per se malum, omnes intelligunt, eum timorem vituperatione dignissimum esse, sed tamen patronos habet aliquos, & defensores sui, non quidem firmos ac bonos, sed qui confutari saltem debeant, ne sibi victores esse videantur. Dicunt ergo ex metu mortis posse citra reprehensionem aliquid turpe perpetrari, idque sic affirmant his rationibus, argumentisque permoti: Malum, quod bonis omnibus omnino funditusque nos priuat, est minus eligendum, quàm illud, quo priuamur tantummodo moralibus bonis. sed mors omni nos spoliât bono, morali videlicet & naturali: admitta verò turpitudine adimit nobis tantummodo bonum moris, ergo minus est eligenda mors, atque admittenda potius turpido.

Præterea. Id quod toti conducit & prodest civitati, eligendum potius est, quàm id, quod nemini conducit. Sed aliqua est interdum turpitudine, quæ toti est utilis civitati, quemadmodum docet Eustratius in hoc cap. 1. lib. 3. idque demonstrat eius hominis exemplo, qui difficili ac periculoso reipublicæ tempore stupri consuetudinem habet cum vxore Tyranni, ad eius excipiendam, exprimendamque arcana consilia, quibus opprimere Tyrannus ipse ciues nititur & euertere libertatem. Qui enim ex metu amittenda reipublicæ eiusmodi se libidine contaminat, ceterum hominum & civitatem servat, quam alia ratione ac via servare & retinere non poterat. Id autem nisi faciat, & si eam turpitudinem fugiat, nemini prodest. Igitur hæc turpitudine potius est eligenda, quàm honestas opposita, quæ soli profutura esset eligenti. Sed levia sunt hæc argumenta, nec aliquid habent ad rem comprobendam ponderis ac momenti, modò intelligamus, non hîc sermonem esse de re, quæ turpitudinem aliquam haud ita magnam habere videatur; vt si Tyrannus, inquit Eustratius, iubeat aliquem gravem, apprimèque honestum virum indutum stola muliebri in publicum se dare atque in conspectum civium venire; hanc enim turpitudinem, quæ non tam virtuti, quàm conditioni hominis adversatur, si quispiam in se susceperet ex metu, haud magnopere vituperandus videretur, immò laudandus esset, vt idem docet Eustratius, si eam contumeliam pro patriæ, luorumque salute, iudicio & voluntate subire vellet. Ceterùm hîc disputatio non de humilimodi est turpitudine, sed de ea, quæ scelus habet virtuti contrarium per se fugiendum semper

ac detestandum, cuiusmodi est proditio patriæ, parricidium, aliæque huiusmodi complura. Aliquos quidem fuisse ait Gualt. Bursi. qui dicere non dubitarint, aliud in hoc genere sentiendum animo esse, aliud oratione ac verbis enunciandum. Sentiendum, inquam, animo atque opinione dicunt, mortem, quoniam totius boni priuatio quædam est, nulli turpitudini, quæ vnius est tantummodo boni priuatio, anteponendam esse: sed quia publica vitiorum vituperatio ac detestatio; reipublicæ, populoque perutilis est ad prosecutionem virtutis, adiungunt, alia omnia verbis & disputationibus esse docenda. Nemini tamen sanæ mentis ac iudicij probabitur hæc doctrina. Neque enim Philosophum, qui professor est veritatis, nisi nomen mentiatur, decet, inquit Eustratius, aliquid populo faciendum proponere, cuius contrarium animo sentiat, & mente.

Dicendum igitur & sentiendum est, quædam ita esse turpia & flagitiosa, vt interitûs & mors quantumuis acerbæ sit, potius eligendâ, quàm eiusmodi aliquid periculum ac formidinem admittendum. Semper enim quod minus & leuius malum est, eligendum videtur potius, quàm quod est maius & grauius. Mori verò minus est ac leuius malum, quàm eiusmodi flagitia perpetrare, quemadmodum facillè demonstrabitur. Nam qui metu mortis aliquid ita turpe committit, bonum virtutis, quod summum in vitæ censetur, amittit, seque inducit in summum vitæ malum atque miseriam, quæ scelus est ac turpitudine: bonum verò quod adipiscitur, vitæ corporis breuissima prorogatio est. At qui mortem turpitudini anteponebat, eamque potius optat, eligitque, quàm vitam flagitiosam, infortitudinis aliarumque virtutum actione sibi confirmationem & perseuerantiam parat, quod bonum est maximum; nec alterius rei quàm longioris vitæ breui tamen auferendæ iacturam facit. Cum ergo vitæ longitudo quantumuis diuturnæ adæquare permansionem, atque perseuerantiam in maximo ac perfectissimo virtutis actu, officioque non possit, sequitur, hominem virtute præditum & eximie probum, hoc est, vere beatum oportere potius interitum eligere cum virtute coniunctum, & male cum beatitudine vitam absolueret, quàm eandem cum miseria prorogare. Propria quippe hominis vitæ, quoniam ratione vitatur, & consilio, est persistere, ac permanere in bono virtutis; nec vnquam ab ipsa ratione declinare. Sed cum interire mauult, quàm turpiter facere, & mortem eligit potius, quàm facinus improbum, permansionem illam, perseuerantiâque conseruat in recta ratione ac bono virtutis, ergo vitam conseruat hominis propriam, & eam negligit, quam communem obinet homo cum belluis. Quod si aliter faceret, hoc est, si turpi se commisso com-

macularet, vitam perderet hominis propriam, & eam quam habet communem cum belluis conseruaret, quod nihil inepius aut demertius fieri potest. Denique dictum Auerrois in prologo libri Physic. & verissimum est hominem virtute perfectum interitum corporis non extimescere, sed ad ipsam tuendam, retinendamque virtutem, vbi tempus & res ita postulet, in præsentissimum mortis periculum vitam offerre.

Primum autem argumentum vt propositionem habeat primam fortasse veram, haud tamen benè probat in assumptione, mortem priuare nos omnibus bonis vel funditus à nobis tollere quicquid est boni. Neque enim mors illud nobis admittit bonum, quod in eo positum est, vt vitam feliciter absoluamus: quam videlicet beatè concludimus, vbi ad seruandum retinendumque virtutis bonum oppetere mortem non dubitamus: tantum enim abest, vt eiusmodi bonum ipsa morte tollatur, vt obtineri nisi obita morte non possit. Hoc autem bonum, id est vitæ cursum in actu virtutis absolueret, ita magnum & eximium est, vt sua præstantia ceteris antecellat bonis omnibus, quæ homini fas sit in vita consequi. Neque enim de futuro bono, quod post obitum expectamus, hic aliquid dicere necesse est; cum si eius habenda sit ratio, illico fallâ ipsa propemodum oculis cernatur assumptio, quæ contendit, omne bonum per mortem tolli, per quam tamen adimus possessionem æterni.

Secundum argumentum niteretur etiam propositione verissima, si cum utilitate publica coniungeretur honestas, hoc est, si quod toti prodest ciuitati, non vile tantum esset, sed etiam honestum. Si enim cum honestate pugnat, eligi non debet, quantumuis vile sit ciuitati; cuiusmodi est illa stupri consuetudo cum vxore Tyranni, quæ iniusticiam habet & libidinem inconcessam. Neque verò imponendum est Eustratio; quasi voluerit illo exemplo docete, eiusmodi adulterium honestum esse, quia salutem reipublicæ parit. Disertè enim ait, esse vile, sed non honestum, quemadmodum hæc illius Aristotelem interpretantis verba significant. Tertia, inquit, declaratio verborum Aristotelis his adiungi poterit, si quod Græcè καλόν dicitur, bonum, non honestum interpretemur. Proposuit enim ipse illud exemplum ab Aristotelis disputatione petatum; ac ne videretur Aristoteles dixisse honestum esse, quod ille tantummodo dixerat καλόν, quod & bonum, & honestum significat, admonet vocem illam pro bono, non pro honesto accipiendam esse. Bonum autem ipsum potest interdum esse vile, quod honestum non sit. Quod verò dicitur in assumptione, eum nemini profuturum, qui Tyranni non corrumpere vxorem cum posset, falsissimum dicitur, cum ille saltem sibi prodesset plurimum,

flagitio contineret, & in pulcherrima iustitia, & castitatis actione versaretur. De his ita diximus.

Sequitur nunc, ut videamus quid de re dicendum sit, quæ per se neque bona, neque mala, sed neutra, & inter utramque sit interiecta, cum per timorem facienda vel omittenda proponitur. Huic enim timori neque cedere, neque non cedere vituperandum, aut laudandum videtur, cum res ipsa proposita neque turpitudinem habeat, nec honestatem.

Dicendum tamen est, eum qui huic timori non cedat, iusta reprehensione carere non posse, iustamque laudem promereri eum, qui eidem timori cedat, ab eoque se vinci suo iudicio & voluntate patiatur. Primum quidem ita demonstro: Obstationis opus ac pertinaciæ reprehensionem, ac vituperationem iustissimam habet. Eiusmodi verò timori non cedere summæ cuiusdam obstinationis, ac pertinaciæ sit. eo enim discrepat à constantia pertinaciæ, quòd illa reddit firmissimum animum in virtute, ac veritate tuenda; hæc autem retinet eundem immobilem ad vincendum, obtinendumque quod placuit suo ipsius iudicio & voluntati. Sed qui ei timori non cedit, non virtutis honestatisque, sed sui tantummodo iudicii voluntatisque tuetur causam. Ergo pertinax dici debet, ac præter rationem obfirmatus. Secundum verò probationibus, argumentisque non eget. Si enim ei timori non cedere vituperandum videtur, consequens necessarium est, eidem cedere laudandum esse.

Superest ut postremam huius disputationis partem absolvamus, ubi quæri posse diximus, quid sentiendum sit, cum aliquid ex metu faciendum proponitur, quod vel negatiuis vel positiuis legibus ac præceptis contrarium sit. Ac de negatiuis quidem vix aliquid præterea dicendum est, cum suprâ satis explicata res videatur, cum aliqua esse docuimus ita improba, ut ea nullo adæsti timore in nos admittere debeamus. Hæc autem negatiuis ferme contineri legibus, & præceptionibus solent. Itaque videndum potius est de positiuis.

Ante tamen animaduertendum est, metum, ex partitione sapientium esse duplicem, vnum quidem qui levis, alter qui grauis sit, quique cadere possit etiam in constantem virum; cuiusmodi solet esse mortis timor, quo ipse quoque vir fortis & constans percelli facile potest & conturbari. Quamquam verò metus hic grauis tantam ad perturbandum hominis animum habet vim, non facit tamen, ut animus ita turbatus minimè voluntarius agat. Est enim apud omnes verissimum quod ciuilibus ac Pontificij iuris affirmant interpretes: voluntatem coactam, voluntatem esse. l. Si mulier. ff. De eo quod met. cau. & 15. 9. 1. cap. Merito. Sed efficere tamen potest, ut quod ex metu voluntariè suscipitur, culpa vacet, & reprehensione, cum aliqui si abesset metus, es-

set profectò vituperatione, ac detestatione dignissimum, ut hisce conclusionibus à Theologis acceptis explicabimus.

Prima. Quæ sunt ex graui metu & in vi- *Medin. in*
rum quoque constantem conueniente ad- *12. q. 6. ar. 6.*
uersus legem aliquam diuinam posituam, sunt illa quidem voluntaria, sed culpæ tamen ac vitio danda non sunt. Quia lex diuina positiua non adigit hominem ad agenda quæ præcipit, ubi tantum & tam præsens vitæ periculum imminet, quamquam enim Deo fas est hominem obligatione compellere ad suæ legis imperata facienda etiam in certissimo vitæ discrimine, tamen cum summè benignus Rex, ac Dominus suauissimus & clementissimus sit, noluit nos tanto cum periculo sua illa lege teneri, atque ad ea facienda quæ positiuè præcipit adigere, etiamsi mors acerbissima proponatur. Exemplis hæc è sacrarum monumentis historiarum excerptis Theologi confirmant, ac Davidis 1. Reg. 21. qui famem depulsi panibus illis propositionis edendis, quos attingere, ac comedere solis sacerdotibus erat. Mathathie 1. Machab. 2. qui diebus festis manna cum hoste conseruit, ipsa nimirum pugnandi necessitate compellus. Concludunt adeò, non esse putandum, Deum nostri conditorem ac parentem amantissimum velle nos ad sua iussa peragenda etiam cum vitæ iactura compellere, nisi ipse distinctè atque dilucidè, à nobis ita fieri velle declarauerit.

Secunda ex superiore consequens Conclusio est: legis humanæ positium ius multo minus adigere nos cum vitæ periculo ad aggredienda & facienda quæ iubentur. Molles enim esse leges humanas & suaves oportet, ut patibiles ab hominibus habeantur. Quod si etiam cum vitæ periculo cogerent nos, impatibiles, ac non ferendæ merito putarentur. Quin ipsa legis diuinæ positivæ facilitas admonet, quales esse debeant humanæ, si enim ea, quæ metu mortis contra ius diuinum positium admittuntur, culpa vacant, & criminosa non sunt; multo sanè minus ea culpanda videntur, quæ sunt aduersus humanam legem posituam. Non igitur grauis metus ideo excusat, purgâtque peccantes aduersus legem posituam, quòd eorum peccata voluntaria non sint (faciunt enim voluntariè contra legem, quamvis innoluntariè dicantur facere secundum quid) sed quòd ea, quæ sunt ex graui metu, quamquam voluntaria sunt, culpæ tamen criminisque non adscribuntur; cum in eo temporis, ac rerum articulo censetur positiua lex neminem ad ea, quæ præcipiuntur, adigere.

Quod si Theologorum fines aliquanto velimus ampliùs attingere, hanc etiam extremo loco conclusionem adiungemus. non eandem prorsus esse rationem voti, connubij, ceterarumque huiusmodi conventionum, quas per metum interdum inimus. Hæc enim non modò voluntaria sunt, verum etiam obligan-

tia iure naturæ, vt cernere licet in iureiurando, quo aliquid latroni ac sicario nos aggredienti pollicemur, vt manus abſtineat. ea enim promiſſione, ex metu quantumuis graui profecta, tenemur apud Deum, hominēſque ex cap. Ad aures, & cap. Cū dilectus de his quæ vi, metūſue cauſa ſunt. Cernitur idem in votis, quæ vectores in naufragio Deo nuncupant & Cœlitibus. nam præſtare promiſſa debent ex omnium conſenſione Doctōrum. Quin ipſum coniugium firmum habetur ac ſanctum, quamuis ex metu deploratæ valetudinis ab eo ſuſceptum ſit, qui deprehenſus in certiffimo illo vitæ periculo, ne ſempiternis addicatur ſuppliciis, iungit ſibi matrimonio pellicem & concubinam. Quod ſi leges ipſæ cuiusmodi promiſſiones interdum appellant non voluntarias, vel etiam inuoluntarias, id per amplificationem atque abuſionem vocabuli faciunt in gratiam ac tutelam humanæ libertatis. Vocant enim inuoluntarium quod non ex omni parte, omnibūſque penè numeris voluntarium eſt: cuiusmodi eſt illud, quod miſtum ex vtroque propter metum nominamus. Atque hinc ſit, vt hæ promiſſiones conuentionēſque, aut his ſimiles aliæ per illatam ex iniuria formidinem factæ iure poſitiuo ſæpè reddantur irritæ in ſſ. De his quæ vi, metūſue cauſa ſunt, atque in Decretal. tit. eod. in cap. Locum: & in cap. Veniens de ſponſal. quia quamquam voluntariæ ſimpliciter ſunt, ſunt tamen ſecundum quid inuoluntariæ. Ius autem poſitiuum id amplius vult, vt non modò voluntariæ ſint, verumetiam plenè perfectæque voluntariæ: quod potiſſimum in conubio poſtulat.

QVÆSTIO TERTIA.

An ignorantia efficere poſſit inuoluntarium.

DECRETALIAM res eſt ab Ariſtotele ſuprà, ubi poſuit, inuoluntaria dici debere, quæ per ignorantiam ſunt, ſed ſubtiliter aliqui aduerſus hæc decreta ſic diſſerunt.

1. Propter inuoluntaria nemo reprehenditur, nec plectitur, aut punitur. Sed propter aliqua quæ per ignorantiam admittimus, plecti ac puniri debemus, quemadmodum Ariſtoteles ipſe pronunciat in ebrios: quos duplici pœna, & vituperatione dignos exiſtimat. & quod ex ignorantia peccatum admiserint, & quod vino ſe intemperanter ingurgitarint, vnde nata illa facti ignorantia fuit.

2. Si ex ignorantia inuoluntarium protinus exiſtit, ſequitur, improbas omnes actiones inuoluntarias eſſe, cū doceat Ariſtoteles, quemlibet malum, atque improbum hominem, qui peccet, ex inſcitia atque ignorantia peccare.

3. Si quod ignoratur, atque ignotum eſt, eſt idem inuoluntarium, conſequens eſt, omnia nota & cognita voluntaria eſſe. ignotum quippe opponitur ſcito, & cognito: ex oppoſitis autem oppoſitæ conſecutiones exiſtere debent. Et tamen id eſſe falſum oſtenditur ex

violento, hoc eſt, ex iis, quæ per illatam violentiam ſunt. Hæc enim cognoscuntur & probè ſciuntur ab eo qui agit ad actus vi, nec propterea tamen dicuntur ſpontè, ac voluntariè fieri.

4. Inuoluntarium triſtitiā affert, ac poenitentiam, vt apud Ariſtotelem legimus. Sed quod eſt incognitum, ac penitus ignoratur, nullam parit triſtitiā, aut delectationem, cū hi motus animi ex cognitione naſcantur.

5. Vnumquodque aut voluntarium, aut inuoluntarium eſſe iudicandum eſt ex eo, quod ſit, vel non ſit in actu, & poteſtatem habeat mouendi vel non mouendi partes corporis organicas; ſicut dictum eſt ſupra ex Ariſtotele. Hinc enim vult intelligi, eum, qui metu periculi proiicit merces in mare, voluntariè proiicere, quia eo tempore quo proiicit, habet actu voluntatem proiiciendi, & poteſtatem mouendi, aut continendi partes illas organicas corporis, quibus ad motus extrudit merces in altum. Sed qui per ignorantiam agit, eo tempore quo agit & in actu eſt, poteſtatem liberam habet ad agendum vel non agendum. ergo voluntarius eſt, & voluntariè dicendus eſt agere, non inuitò atque inuoluntariè. Quod ſi dicas, non omnem ignorantiam eſſe cauſam inuoluntarij, ſed eam tantum, quæ coniunctam poenitentiam habet & dolorem poſt facti cognitionem, fruſtra dicas. Quia quo tempore agit aliquis ex ignorantia, eo planè tempore nullum caput dolorem, nullaque afficitur poenitentia ex actione. Vt ſi quis accipiat ſtannum, ratus ſe argentum accipere, nullo dolore, aut poenitentia capitur, cū accipit. ergo tunc eſt voluntarius exiſtimandus, nec poenitentia vllò modo eius actionis eſt cauſa. Idcirco enim Ariſtoteles contendit iactum in mare voluntarium eſſe, quia quo tempore ſit, voluntarius eſt, hoc eſt, ab eo profectus, qui iactum & facere poterat & omittere. Hæc iſti ſic diſputant, aliàsque proferunt argumentationes ex hoc genere complures: Ariſtotelis tamen veriſſima ſententia eſt, opera ex ignorantia profecta eſſe inuoluntaria, & inſcientiam in agendo cauſam idoneam eſſe, cur id quod agitur inuoluntariè factum iudicetur. Actiones enim noſtræ, quæ ſua natura id habent, vt à voluntate proficiſcantur, vel voluntariæ ſunt, vel inuoluntariæ. ſed illæ, quæ per ignorantiam ſunt, voluntariæ non ſunt, cū voluntas in incognitum non feratur. ergo dici & cenſeri debent inuoluntariæ. Huius Aſſumptio Syllogiſmi ac tota quæſtio ampliorem poſtulat explanationem & fidem; quæ petetur ex iis, quæ hic animaduertenda ſubiungimus.

Primb enim ſciendum eſt, vt alibi monuimus, inuoluntarij nomine haud intelligi debere id, quod negationem ſolū, aut priuationem habet, & caret actu volendi; ſed illud præterea, quod actum nolendi adiunctum habet poſitiuè contrarium. de hoc enim inuoluntario pronunciat Ariſtoteles, habere comitem dolorem, ac poenitentiam. Hoc, inquam eſt, quod propriè dicimus inuoluntarium. ſed tamen aliud etiam interdum eſt,

quod generali vocabulo inuoluntarium appellatur, dicique deberet potius non voluntarium. Complectitur enim quicquid volendi negationem habet, siue illa negatio simplex sit, siue cum actu volendi positio coniuncta. Ac de huiusmodi sanè inuoluntario ita pene dixit vniuersim Aristoteles. Quicquid autem per ignorantiam fit, est non voluntarium. Quamuis enim fieri potest interdum, ut aliquid ex ignorantia factum non sit illud proprium inuoluntarium, quod cum actu positio coniunctum est, non potest tamen illud non esse quod solam saltem habeat negationem volendi.

Secundo loco animaduertendum est, voluntarium etiam ipsum duplicem habere notionem, quarum altera formalis dicitur à Scholasticis, altera virtualis. Voluntarium formaliter appellant id in quod rectà fertur actus volendi. Ut si quis dicat, volo digladiari, vel ludere; digladiatio & lusus, in quæ rectà viā contendit voluntas, ei formaliter voluntaria sunt. Virtualiter autem voluntarium dicitur id, quod natura factum & comparatum est ad existendum & sequendum ex eo, quod formaliter voluntarium est. Ut si quis bibere velit intemperanter, & ebrietatem contrahat, unde iurgium nascatur, & iniuria; voluntariè haud dubiè facit utrumque: quia ex immodica potatione quam formaliter vult, sequitur ebrietas; ex ebrietate conuiuium & contumelia: utraque adeo est virtualiter voluntaria. id quod etiam de iis dicere oportet, quæ sæpenumero prætermittuntur. Si quis enim poscitur in excubiis, vesperi comessionem faciat, ex qua somnus sequatur indomitus, vigilas sibi demandatas prætermittit voluntariè, cum eas virtualiter neglexisse videatur ideo, quod formaliter respertinis horis computationem voluit. Ceterum operatio aliqua duplici sanè modo duplicique de causa dici formaliter voluntaria potest. vna quidem, quia volendi actus in ipsam rectà fertur dum ipsa sit. Altera verò; quia non in ipsam fertur, dum ipsa sit, sed postquam est facta. Fodiebas prædium tuum, aut vineam repastinabas, thesaurum inibi te reperturum esse prorsus ignorans: sed cum inuentisti, delectatus plurimum es. inuentio illa proculdubio formaliter est voluntaria, cum in eam rectà feratur actus volendi, non quidem dum fodiebatur ager, aut repastinaretur vinea, & ipsa quodammodo fiebat inuentio, sed postquam effossus fundus, & vinea repastinata, & ipsa demum inuentio facta thesauri est. Itaque ut colligamus omnia, dici actio aliqua potest voluntaria triplici ratione ac modo: primò virtualiter, secundò formaliter dum sit, tertio formaliter ubi est facta.

Ex his consequens est, duplici etiam modo posse nos rei alicuius ignorantia teneri, quorum alter eam formaliter voluntariam, alter verò voluntariam virtualiter efficiat. Est enim formaliter voluntaria, si disertè dicas nolle te quicquam cognoscere de coniuratione aduersus patriam, quam ali-

quis patefacere paratus est, incipitque rem euoluere tibi etiam atque etiam repugnanti, confirmantiq; nolle te quicquam eo de negotio scire. Itaque meritò eiusmodi ignorantia formaliter voluntaria dicitur, appellaturque à nonnullis affectata; quasi nimio quodam affectu quæsitæ, & expetita. id est enim apud Latinos affectare. Virtualiter autem voluntaria ignorantia dici metaphoricè solet crassa & supina: crassa quidem, ducta similitudine vel à rebus crassis atque concretis, vel ab hominibus item crassis, pinguibus & adipalibus, qui solent esse desides & somnolenti; adeoque impediuntur, quominus in iis diligentes sint, quorum eos oporteret esse studiosissimos. Supina verò propter comparisonem cum oscitantibus & iacentibus, quod i), qui in eiusmodi versantur ignorantia, iacentes sunt & negligentes. Sed huius voluntaria virtualiter ignorantia haud simplex est ratio, sed triplex. Primò quidem cum aliquod volumus opus, ex quo sequitur; ut vsus rationis impediatur, cuiusmodi ebrietas est, ex nimia comparatione profecta. Secundò, cum volumus aliquam actionem exercere, quæ tametsi rationis haud adimit vsus, prohibet tamen nos ab eius consideratione rei, quam sedulò intueri, & considerare deberemus. Ut si quis ludere velit, cum rei diuinæ, ac disputationi de præceptionibus sacris eum interesse oporteret. Tertio cum otiosi nos esse volumus, ac nihil omnino laborare: quæ ex negligentia fiat, ut ad ea non intendamus animum, quæ & deberemus scire, & facili negotio cognoscere possemus. Hæc sunt ignorantia genera culpanda, & voluntaria; nec aliud præterea est, quod vitio nos obstringat, aut aliqua dignum reprehensione videatur. Reperitur enim interdum ignorantia quædam nullo modo culpanda, nec voluntaria, quæ nominatur à Scholasticis inuincibilis, quod nulla prorsus hominis industria, nullòque studio superabilis sit. Ut cum quis quantalibet diligentia, omnique prorsus adhibito conatu, quem adhibere potest, ac debet, rem aliquam tamen intelligere ac cognoscere nequit, quam alioqui eum nosse ac scire oportet.

Animaduertendum postremò est, ad loquendi formulas, & vocabula planius explicanda; aliquas præterea esse voluntarij, inuoluntarijque distinctiones atque discrimina. Est enim voluntarium quoddam generale atque commune; est aliud proprium & peculiare. Voluntarium commune omne est, quod culpam habet, & agenti vitio vertitur. Quicquid enim iure culpandum est, id dicitur communi nomine voluntarium, siue cognitum sit, & placuerit cum fieret, siue cum fieret cognitum fuit, sed cognitum postea placuit, siue formaliter, siue virtualiter voluntarium sit. Voluntarium verò proprium & peculiare idem est, atque illud quod actu placet voluntati, adeoque supra voluntarium commune id habet præterea, quod cognoscitur, intelligitur, & actu placet. Ad hæc: aliud est in se voluntarium, aliud voluntarium in antecedente, vel consequente. illud videlicet

est id supra quod immediatè cadit actus voluntatis, hoc autem illud, cuius vel antecedens causa, vel consequens placet, & probatur effectus, eodè modo dicitur inuoluntarium, hoc est, vel secundùm se, cùm illud immediatè nolumus, vel ex antecedente & consequente, cùm eiusdem causa nobis displicet, & effectus consequens non probatur.

Quibus animaduersis, his Positionibus de quæstione decernitur.

Prima. Nulla prorsus actio, quæ ab ignorantia proficiscitur, est formaliter voluntaria, dum sit. actus enim volendi rectè ferri non potest in incognitum. Potest tamen esse voluntaria ubi facta est, vt dicitur, ex consequenti, si probetur & placeat; aut etiam virtualiter, si eidem ignorantia suppeditata sit causa.

Secunda. Omnis actio ex ea proueniens ignorantia, quæ affectata dicitur & supina, est virtualiter voluntaria: quia sequitur ex ignorantia voluntaria. fieri tamen potest, vt post factum, sit formaliter inuoluntaria, hoc est, multo cùm dolore, ac pœnitentia cognoscatur. Vt si ebrius, quid ageret haud intelligens, hominem interficeret, agnoscensque postea factum, infectum nollit, & dolenter exectaretur.

Tertia. Actio per ignorantiam illam, quæ insuperabilis dicitur, ne virtualiter quidem est voluntaria, cùm ex aliquo voluntario non sequatur. Post factum tamen ipsa quoque formaliter esse voluntaria potest.

Quarta. Vt aliqua actio ex ignorantia profecta sit simpliciter inuoluntaria, duæ intercedere conditiones debent. prima: vt nullo planè modo neque formaliter, neque virtualiter, neque antecedenter, neque consequenter voluntaria sit. nam simpliciter inuoluntarium cuilibet voluntario prorsus opponitur. Secunda: vt sit inuoluntaria positivè post factum. Quia non potest esse positivè inuoluntaria cùm sit, aut antequam fiat, quibus nimirum temporibus ignoratur: ergo est inuoluntaria positivè post factum. Quod si post factum inuoluntaria positivè non esset, non opponeretur voluntario positivè, sed tantummodo negatiuè. At supra iam diximus, inuoluntarium opponi debere voluntario positivè.

Quinta. Ex actionibus vniuersis ab ignorantia profectis, eas tantùm esse simpliciter inuoluntarias, quæ nascuntur ex ignorantia insuperabili, quæque si ad agnitionem facti aliquando perueniret, dolore caperetur, & pœnitentia.

Obiectæ ipso quæstionis initio difficultates ex dictis ita submotæ sunt omnes, vt peculiari confutatione non egeant singulæ. Breuissimè tamen & compendio responderi sic potest.

1. Nemo sanè puniri, aut reprehendi, damnarique debet ob ea, quæ per ignorantiam insuperabilem, ac minime culpandam admittit. sed ob ea, quæ delinquit ex ignorantia superabili, culpanda & voluntaria, vnusquisque

iure plectendus, & reprehendendus est. ac propterea duplici pœna rectè punitur ebrius, cùm & ebrietatem in causa voluerit; & parricidium consequenter.

2. Improbiorum singuli & quicumque peccant, ignorantes peccant, non autem ex ignorantia. neque enim ignorantia est causa, cur peccent, sed vel cupiditas, vel ira, vel alia eiusmodi animi commotio, quam ipsi probè cognoscunt, & cui spontè prorsus indulgent. Dicuntur tamen ignorantes peccare, quia tametsi theoreticè intelligunt quid agere, quid non agere ac vitare deberent, practicè tamen hæc nesciunt, & perinde se gerunt, ac si nihil eorum intelligerent.

3. In proximè superiori quæstione iam diximus, non omnem omnino vim tollere voluntarium. si enim ille, cui vis affertur, & alienum patitur impetum, aliquid conferat ad motum, & adiuuet quodammodo vim, non dicitur agere inuoluntarius. Itaque malè colligitur, ex eo, quod aliquid ex ignorantia factum, sit inuoluntarium, oportere voluntarium esse quicquid est cognitum; adeoque voluntarium dici debere id, quod per vim illatam admittitur; quia cognoscitur ab agente. Nam neque omnis ignorantia inuoluntaria dicitur, nec omne violentum inuoluntarium, sed illud solùm, quod ab eo, qui vim patitur, aliqua voluntate non adiuuatur. Ergo non rectè ita colligitur vniuersim. id quod est ignotum inuoluntarium est, igitur quod est cognitum dici voluntarium debet. Sequitur enim tantummodo id: ex eo quod aliqua ignota inuoluntaria sunt, aliqua etiam cognita voluntaria esse. Atque ita inter ea quæ per vim cum cognitione admittuntur, aliqua voluntaria, aliqua inuoluntaria esse intelligemus.

4. Alibi quoque dictum est, illud solùm inuoluntarium habere tristitiam, ac dolorem, quod est positivè inuoluntarium per actum nolendi contrarium. hoc autem inuoluntarij genus semper est cum eius rei cognitione coniunctum, quæ dolorem ac tristitiam parit. Inuoluntarium verò negatiuè, quodque nullum habet adiunctum actum nolendi contrarium, nulli est obnoxium dolori atque tristitiæ, quia ipsa solùm negatione circumscribitur, & in ea quiescit.

5. Argumentatio valida est, & vim habet contra illud voluntarium quod formaliter voluntarium est. de hoc enim loquebatur Aristoteles, cùm dixit, cum qui proicit merces, esse voluntarium eo tempore, quo proicit, quia est in actu, & actu ac formaliter habet voluntatem proiciendi. Non tamen vllam habet vim aduersus illud voluntarij genus, quod virtualiter voluntarium dicimus. qui enim voluntariè in hunc modum agit, potest eo tempore, quo agit, non esse in actu volendi, & rem penitus ignorare. dicitur tamen voluntarius, vel in causa, vel in consequenti; hoc est virtualiter, vt explicatum est supra. Itaque relinquitur, eam argumentationem ethicam esse tantummodo aduersus voluntarium formaliter. Quicquid enim est volun-

voluntarium formaliter, hoc est ideo, quòd actus volendi rectè fertur in id, quod animus vult, in actu esse debet. Sunt igitur aliqui, qui peccant ex ignorantia, sed tamen sunt formaliter voluntarij, quia formaliter eam ignorantiam volunt, & in eam rectè contendunt per actum ipsum volendi. cuiusmodi est illa, quam diximus affectatam. Sed hanc ignorantiam culpa non liberamus, nec facimus inuoluntariam, cùm maximè voluntaria sit. Alij verò sunt per ignorantiam item peccantes, virtualiter tantum voluntarij, quia non id quidem formaliter volunt, quod per ignorantiam admittunt, sed vel causam volunt, vel probant effectum. At ne hanc quidem ignorantiam excusamus, & eos culpa teneri iam demonstravimus, qui per ignorantiam hanc virtualiter voluntariè peccant. Quam igitur ignorantiam inuoluntariam simpliciter dicimus, omnique culpa vacare contendimus: eam, quæ nulla diligentia, studioque superari queat, quæque neque formaliter, neque virtualiter voluntaria sit. Argumentum verò id ponit, quod falsum est, neque ab ullo traditur; omnem prorsus ignorantiam efficere, ut quicquid inscienter admittitur, id inuoluntarium sit.

QVÆSTIO QVARTA.

Utrum cupiditas & ira efficiant inuoluntarium.

HOc etiam in extrema Capitis parte quæsiuit Aristoteles, decreuitque, iræ, atque cupiditatis effecta inuoluntaria non esse. Sed quia rationes, quibus id ipse demonstrat, languidiores videntur esse, nec desunt alia, quibus hæc sententia labefactari possit, perpendendæ sunt singulæ, & rei veritas per quæsitiores disputationem est indaganda.

Aristotelis ergo prima ratio, qua conatur vincere, voluntarias esse actiones illas humanas, quæ vel ab ira, vel ex cupiditate nascuntur, ea est, quòd nisi essent voluntariæ, sequeretur, mutas animantes & pueros, qui omnia per iram & cupiditatem, per timorem, aliàsve perturbationes agunt, nihil agere spontè, ac voluntariè. Animantia enim ratione carentia nisi perturbatione compellantur ad agendum, non mouentur; & pueri quamquam ratione sunt præditi naturâ, rationis tamen actum vsûmque non obtinent, adeoque si quid agunt, commoti perturbatique affectibus agunt. Sed hæc ratio nihil conficit; quia pro comperto ponit, sumitque tanquam certum quod falsum est. Cur enim animantes mutæ voluntariè dicantur agere, cùm ipsis nulla voluntas sit, quæ semper est cum ratione coniuncta, & cuius belluæ sunt expertes? Quin, si pecudes agunt voluntariè, è nulla sanè suppetit causa, cur ipsi quoque maniaci, aliique mente commoti, dementes & furiosi, voluntarij non sint: itaque culpandi, & supplicio damnandi videntur, cùm fraudem faciunt,

& publicè priuatèque damnum inferunt. Pueri verò, si antequam ratione utantur, voluntariè agunt; voluntariè autem agentibus, ut ipse docet Aristoteles, laudes debentur aut vituperationes; consequens erit, pueros etiam ante rationis vsûm propter actiones suas voluntarias esse vel laudandos vel vituperandos; quod nemo concedet. Sed respondendum his est, nomine voluntatis aliquando nos vti communi ac generali, qua ratione pertinet latius, atque ad ipsum quoque sentientem appetitum extenditur. Quis enim sæpè non dicat, equum velle comedere, vel canem hibernæ? Nihil adeo mirum est, si quælibet actio à cognitione profecta dicitur interdum communi, generalique voluntatis nomine voluntaria, hoc est, non inuita, neque coacta. Itaque belluæ, pueri, mente commoti, & stulti, rectè dicentur agere voluntariè, sed voluntate communi. Dici etiam potest, ab Aristotele voluntarium hîc sumi non pro eo nominatim, ad quod voluntas inclinatur, sed vniuersim pro non inuoluntario. Cùm enim inuoluntarium, sit quod vel per vim vel per ignorationem fiat, vel cum dolore ac poenitentia excipiat, ubi cognitum est, neque ullo ex his modis inuoluntarium dici possit, quod à pueris & mutis animantibus minimè coactis & cum cognitione, ac sine poenitentia sit, dici iure debet non inuoluntarium, hoc est, non coactum & communi vocabulo etiam voluntarium. Sed huiusmodi voluntario non debetur laus & vituperatio, quæ non cadunt nisi in id, quod propriè voluntarium est & cum ratione, ipsaque rationis vsûra coniunctum.

Secunda ratio Aristotelis hæc est: Ex iis, quæ per iram; aliàsve animi commotiones aguntur, vel nihil est voluntarium, vel aliqua voluntaria sunt, hoc est bona, & aliqua inuoluntaria, hoc est mala, quemadmodum antiquorum nonnulli dixerunt. Primum dici non potest, quia si nihil eorum, quæ ex perturbatione animi fiunt, est voluntarium, sequitur fieri oportere aliquid rationi consentaneum, quod voluntarium tamen haud sit, & spontè non fiat. Postulat enim interdum ratio, ut commoueamur in aliquos, & vehementer irascamur, quemadmodum necesse est facere aduersus hostes in bello. est etiam rationi consentaneum aliqua magnopere per cupiditatem expetere, cuiusmodi sunt valendo corporis, & doctrina animi. Sed si ea, quæ per iram & cupiditatem fiunt, inuoluntaria sunt, consequens est, rationi consentaneum esse id quod est inuoluntarium, & rationem exposcere, ut aliquid agamus non voluntarium, hoc est, alienum à ratione. Neque verò dici secundum debet, hoc est, bona quæ fiunt ex perturbatione, voluntaria esse, mala autem inuoluntaria. quia cùm eiusmodi actionum, tam bonarum, quam malarum eadem causa sit, oportet vtramque voluntariam, vel inuoluntariam esse. Ita Aristoteles. Contra verò disputari sic potest: Quamquam actionis vtriusque causa eadem est, perturbatio videlicet, & motus animi

concitator, causa tamen ipsa non est eodem planè modo actionis vtriusque conficiens. Qui enim ex perturbatione malè, ac perperam agit, ipsa perturbatione ducitur, velut ab agente primario; & principali. Qui autem per animi commotionem bene agit, ductu rationis vtitur, & perturbatione cietur, à recta ratione imperatrice temperatà. Itaque actionis primarius agens est voluntas & ratio, commotio verò & perturbatio sunt obsequentes, & faciunt imperata: quemadmodum cernitur in viro forti, dum itrenuè pugnat, non ira tantum, sed furore turbatus. ducit enim illum, & regit ratio principalis, & primaria fortitudinis causa, comitatur & obsequitur aduocatus & imperio rationis accersitus furor.

Nihilominus Aristotelis firma ratio est. eius enim qui ratione iam vtitur, actio tam bona, quam mala principium primum atque originem ducit non à perturbatione, & commotione animi, sed à ratione ac voluntate, sic, inquam, ut vtriusque actionis primaria causa sit voluntas & ratio, non affectus & perturbatio. Ac de bona quidem actione dubitari non debet, quæ à recta ratione, ac voluntate oritur, promouetur, & perducitur ad exitum. De improba potest æquius ambigi quo ipsa pacto primariam causam habeat rationem & voluntatem, non affectum & motum animi turbidum; sed similitudine res, & exemplo facile declaratur. Faciamus Regem ius habentem suos sibi subiiciendi, & continendi omnes in officio ac potestate, fieri potest ut, vel propter desidiā atque socordiam, vel ob aliquem priuatum in suorum nonnullos amorem, patiatur eos in regno ita valere, ut gliscente paulatim potentia, ipsi regnum per iniuriam occupent, nec eos coercere Rex possit, aut amplius intra fines obedientiæ continere. Hæc regni perturbatio & rerum confusio, atque peruersitas non dicitur à subditis, tamquam à causa primaria & origine manasse, sed à Rege, qui per incuriam, ac per priuatum in aliquos amorem, eam rerum confusionem in regno est passus existerē, fecitque, ut ij domini sint & imperent, quos imperata facere oporteret. Nam quia voluntariè tantam iis permisit potestatem, atque auctoritatem in regno, ipsemet principalis haud dubiè videri debet causa confusionis & turbæ. Sed ratio ac voluntas in homine sunt veluti Rex & Princeps in regno, liberamque ditionem ac potestatem obtinent in omnes ipsius facultates & actiones. quod imperium eousque seruant & retinent quoad voluntariè sceptrum non deserunt, & perturbationes animi contumaces ac perduelles grassari pro arbitrato non sinunt, nec plus nimio inualescere patiuntur.

Tertia demum Aristotelis ratio est huiusmodi: Inuoluntaria sunt tristitia & permolesta. Sed quæ per cupiditatem animi fiunt, iucunditatem & delectationem habent. Non ergo sunt inuoluntaria quæ per cupiditatem aguntur. Dicere contra possis, Vera quidem hæc esse, rectèque de cupiditate sic pronun-

ciari. iram verò, nullam asserre delectationem, sed magna cum tristitia semper esse coniunctam, cum ab Aristot. in 2. Rhet. ira definiatur, & dicatur esse ultionis appetitio cum dolore ex illata iniuria contumeliaque suscepta. Respondeo in ira, cum concitatur, semper esse dolorem, quia nascitur ex eo, quod ab aliis nos aut nostros contemni & despici videamus: sed in opere tamen, quod per iram efficitur, delectationem semper & iucunditatem esse propter spem ultionis, quæ representatione pœnæ animum ipsum aliqua voluptate perfundit. Itaque Aristoteles eodem loco paulò post laudat Homerum, quod dixerit iram esse melle dulciorem, cum iracundi hominis succenso in pectore gliscit.

Satis opinor Aristotelis vindicatæ sunt rationes. sed aliz quædam confutari volunt argumentorum prestigia, quæ ipsam Aristotelis conclusionem conuellere possint, ac demonstrare, illa quæ per iram, & cupiditatem aliàsve commotiones animi vehementiores admittuntur, voluntaria non esse. Sunt autem huiusmodi.

Primò quidem. Illud non videtur esse voluntarium, quod proficiscitur à principio non voluntario. sed actiones ab huiusmodi perturbationibus, affectibusque profectæ à principio corriuantur haud voluntario; ut constat ex Aristotele in horum librorum secundo, sic docente: Irascimur quidem & timemus non spontè. Ergo actiones ex ira, & cupiditate manantes voluntariè dici non debent.

Secundò. Ea voluntaria non sunt, quæ non agimus per voluntatem. Sed actiones & opera per iram & cupiditatem effecta, per voluntatem non fiunt, cum iam fieri per iram, & cupiditatem dicantur; quæ perturbationes & motus animi ad sentientem pertinent appetitum: is autem differt & longè abest à voluntate, voluntas enim, ut dicitur in 3. de Anima est in ratione, atque adeo quæ secundum rationem non fiunt, secundum voluntatem fieri non possunt. At eiusmodi opera secundum rationem non fiunt, sed secundum cupiditatem & iram.

Tertiò. Actiones & opera ex ira & cupiditate profectæ non modò per voluntatem non fiunt, sed fiunt etiam interdum contra voluntatem; ut cernere licet in incontinentibus ex Eultratijs auctoritate, confirmantis, incontinentem esse qui insistit rationi, seque ipsum conatur & vult abstrahere ab impetu perturbationis, sed eum tamen vincere atque expugnare non potest. Quin ipsemet ait Aristoteles, incontinentem agere per cupiditatem, sed non per electionem; siue incontinentem, concupiscentem esse, sed non eligentem. contra verò continentem, eligentem esse, sed non concupiscentem. Cum igitur electio & cupiditas sibi inuicem aduersentur, & electio sit voluntatis, sequitur, incontinentem, qui non eligit, sed concupiscit, concitari motu quodam contrario voluntati. Actio igitur ex cupiditate profectæ non modò per voluntatem non est, sed etiam contra voluntatem.

Sed ne huiusmodi quidem rationes Aristoteli-

telis decretum labefactant: verissimèque ab eo dictum, & validis comprobatum est argumentis, ea, quæ per iram, & cupiditatem peccantur, involuntaria non esse. Quod enim attinet ad eam, quæ primo loco posita est, rationem, concedendum puto, id non esse voluntarium, quod à principio non voluntario proficiscitur: sed ita, eaque lege concedendum, si voluntas ipsa nullo modo principium non voluntarium adiuuet, aut adiuverit aliquando. Assumptio verò, in qua dicitur principium actionis ab ira & cupiditate nascentis ipsam esse cupiditatem & iram, supra confutata iam est, cum diximus, principium primum & principale non esse cupiditatem & iram, sed voluntatem. Quod verò subiungitur ex Aristotele, affirmante, neque irasci, neque timere nos sponte, vult hoc loco planius explanari. Certum est, & ab ipso etiam Aristotele traditum, iram, timorem, ceteraque perturbationes animi, quod attinet ad earum moderationem & regimen, esse voluntati subiectas, ac propterea voluntarias, neque aliquid contrarium docere Aristotelem voluisse, nisi inconstans ac sibi dissimilis esse voluerit. Quid ergo sibi voluit cum dixit, eas non sponte moveri; aut non voluntarias esse, vel irasci nos & timere non sponte? id omnino, ut me admonet Buridanus, ipsarum extirpationem in nostra voluntate ac potestate non esse. Ut enim sæpe succidantur, & identidem recidantur à voluntate, hærent tamen semper, & fibras aliquas in animo retinent, quarum causa dici iure possumus irasci ac timere non sponte; quia nostræ voluntatis spontisquæ non est, radices illas ultimas iræ ac timoris euellere, funditisque stirpem omnem perturbationis abolere. Itaque simpliciter irasci ac timere nostræ voluntatis non est, quia perturbationes penitus extirpare non possumus; sed moderatè vel immoderatè ira-

sci ac timere nostræ voluntatis est, quæ leges iis tradit, in easque ditionem obtinet & potestatem; ut ipsas in officio contineat & temperet, nec liberas euagari debaccharique patitur.

Quod autem dicitur in secundo argumento, explosum est supra. Ea enim, quæ sunt per iram, & cupiditatem, aliæque commotiones in appetitu sentiente non in voluntate collocatas, sunt etiam per voluntatem tamquam per primariam causam, & principalem, cui commotiones animi, si minus despotice, certè politicè parent. Itaque malè colligitur, non esse voluntarias actiones, quæ à voluntate quasi ab imperante domina pendent.

Extremum, ubi dicitur etiam contra voluntatem niti ac tendere commotiones animi, adeoque voluntarias esse non posse, cum præsertim sæpe vincant, ut incontinentibus accidit ex Eustratio; id, inquam, ita confutatur. Appetitus animæ sentientis, in quo perturbationes affectusque sunt, ita obuiam it resistitque voluntati, ut eius tamen totam vim frangere, vel expugnare non possit, si voluntas toto conatu ac vi quam habet, appetitionem ipsam ac motus coercere contendat. Quod si voluntas infirma sit, neque vires illas adhibeat, quas posset ad impetum repellendum adhibere, vincitur ab appetitu, quem admodum cernimus in incontinentibus, quorum voluntas imbecilla est, nec idonea satis ad resistendum. Hinc tamen haud sequitur, appetitum & animi perturbationes ita contrarias esse voluntati, ut cum actu voluntatis esse non possint. Voluntas enim aut prorsus obsistit; aut obsistit ex parte, aut omnino non reluctatur; & causa tamen dicitur actionis ex perturbatione, profecta, sicut dicitur esse causa demersionis gubernator, qui navis deseruit administrationem & clauum.

CAPVT SECVNDVM.

DE ELECTIONE.

S V M M A.

Electiōnem non esse idem ac voluntarium, sed voluntario tamen subiici tamquam generi.

DIVISIO CAPITIS IN PARTES TRES.

1. *Ad hanc pertinet doctrinam, de Electiōne differere.*
2. *Electiō quid nam sit, ex iis rebus inuestigandum est, quæ videntur electiōnes.*
3. *Quid ex iis esse videatur & sit Electiō.*

PARS PRIMA CAPITIS SECVNDI.

Διωριμένον δὲ τὸ τε ἐκούσιον, καὶ τὸ ἀκούσιον, καὶ τὸ παρὰ φύσιν ἐπεὶ διαφέρει. οἰκειότατον γὰρ εἶναι δεῖ καὶ τῇ ἀρετῇ, καὶ μᾶλλον τῇ ἡττησίᾳ καὶ τῇ κακίᾳ.

Distinctis autem & voluntario & inuoluntario, de electione sequitur ut explicemus. Coniunctissimum enim id videtur esse virtuti, & magis mores declarare quam actiones.

EXPLANATIO.



AN TE QVAM Aristotelis verba penitus ingredior explanare, necesse habeo causam proferre, cur lemma vel Indicem huius Capitis fecerim: De electione, & electionem dixerim, quæ Græcè *προαίρεσις* est. Sciebam sanè melius fortasse, ac latinitati congruentius electionem dici posse agendi consilium, quo nomine ad electionem exprimendam appositè M. Tullius vtitur, in Lucullo præsertim his verbis. Huiusmodi igitur visis, consilium capiet agendi, & non agendi. & in 3. de orat. Aur agendi consilium exquiritur; ut Siene sapienti capienda Respublica. & initio libri 1. de fin. Quis sit finis, quod extremum, quò sint omnia benè viuendi, rectèque faciendi consilia referenda. Quin ego non ignorabam à scriptoribus haud improbandis, Tacito ac Suetonio electionem appellari propositum, à Iurisconsultis verò animi propositionem, animi iudicium, & destinationem animi in l. fugitiuus. ff. de verbor. signif. l. 76. ff. de diuersis regulis Iuris. l. pupillus 189. tit. cod. Horum, inquam, non eram ignarus, videbámque nomen electionis apud Latinos vel insolens esse, vel vix reperiri; nomen autem delectus, quod maximè Latinum est, non esse ad rem significandam accommodatum. Malui tamen electionem dicere, quæ nota est omnibus, quàm lectionis alicuius vocis vsurpatione ipsum reddere disputationis introitum obscuriorem.

Distinctis autem, &c.] Cùm in proximè superiori capite actum sit de principio agendi liberè ac voluntariè, & de iis, quæ faciunt, ut minus voluntariè prorsus agamus, rei postulat ordo, ut de ipsa disputetur electione, quæ ex eodem principio voluntario liberòque ducit originem. neque enim eligit, nisi volens, & qui liberam obinet agendi vel non agendi potestatem. Id igitur hoc secundo capite præstat, & initio satis habet ostendere, huius doctrinæ de moribus esse partes, de electione disputare. Demonstrat id autem duplici syllogismo. Primus est. Ad hanc sanè scientiam pertinet de Virtute differere: ergo ad eandem pertinet agere de iis, quæ virtuti maximè propria, & coniunctissima sunt. Sed electio est res maximè propria, coniunctissima & familiarissima virtuti, οἰκειότατον τῇ ἀρετῇ, & ut loquitur apud Stob. Pythagoricus Theages, est maximè cognata virtuti. dictum est enim suprà, virtutem electionem quamdam esse, & in eo laborare, ut medium eligat. Igitur ad hanc scientiam pertinet de ipsa etiam electione differere. Secundus syllogismus antequam proponatur, aliquam postulat præparationem, quæ esse potest huiusmodi. Ex ipso virtutis habitu duo promanant: intima quædam in animo deliberantis hominis electio, & exterior actio ab electione profecta. quæ duo esse videntur indicia, ex quibus vniuscuiusque mores, tam probos, quàm improbos, hoc est, tam virtutes, quàm vitia cognoscere, ac diiudicare soliti sumus. Sed tamen certius est iudicium, quod ex electione ducitur intima, quàm quod ex actione capitur externa. Qualis enim quisque sit, probus an improbus, non tam ex factis spectare, quàm metiri debemus ex animo, quo facta geruntur. Si enim opéra sola considerentur externa, improbus sæpe iudicabitur probus, & probus improbus, cùm sæpe contingat, ut ille bonum aliquod opus efficiat, vel fortuito & casu, vel natura, vel aliqua adactus necessitate, nulla prorsus virtute munitus; hic autem quamvis habitu virtutis firmissimo sit instructus, nullum tamen proferre possit externum opus, quòd sit minimè culpandis causis, & rationibus impeditus. Potest igitur aliquis etiam vitiosus externam actionem proferre bonam, atque laudabilem sine virtute; potest item actionem vitiosam vir virtute præditus aliquis producere, sed sine electione non potest. Rectè igitur Aristor. ipse in 2. Eudem. cap. vltim. sic ait. Itaque qualis quis-

que sit ex electione iudicamus, hoc est, ex animo, & consilio intimo, quo quidque fecerit. Quibus ita positis, forma syllogismi sic est: Ad scientiam, quæ de moribus agit, pertinet agere de iis, quæ motum indicia certiora sunt, & ex quibus diiudicari morum probitas aut improbitas certius ac facilius possit: sed mores facilius ac certius diiudicantur ex animi consilio, & electione, quàm ex actionibus externis. Igitur ad scientiam, quæ de moribus agit, pertinet agere de intimo animi consilio, deque ipsa electione differere.

Ceterum hæc pugnare videntur cum eo proverbio, quo iubemur, ex fructibus arborem diiudicare, & cum iis, quæ ipsemet habet Aristoteles supra in lib. 2. cap. ult. in fin. & in 1. Magnor. Moral. cap. 20. ubi ait, solitos esse homines ex factis, non ex electione iudicium ferre. Sed ex eodem Aristotele peti responsio potest, & ex eodem intelligi, hæc non esse pugnantia. Voluit enim significare, vulgò ita fieri, ut spectentur homines ex factis, potius quàm ex animo: animus enim, inquit, & electio cerni non potest; facta verò cernuntur, & incurrunt in oculos: sed tamen si veritas ipsa per se disquirenda sit, ait non tam effectum, quàm causam ipsam & fontem inspicere oportere.

PARS SECUNDA CAPITIS SECUNDI.

Η Προαίρεσις δὴ ἐκούσιον μὲν φαί-
νεται, οὐ τῶντων δὲ, ἀλλ' ἐπὶ
πλεον ὁ ἐκούσιον. τὸ μὲν γὰρ ἐκούσιον
καὶ παῖδες, καὶ τὰ ἄλλα ζῷα κοινωνοί,
προαίρεσις δὲ οὐ. καὶ τὰ ἐξαίφνης,
ἐκούσια μὲν λέγουσιν· καὶ προαίρεσις
δὲ, οὐ. εἰ δὲ λέγοντες αὐτῶν ἐπιθυ-
μίαν, ἢ θυμὸν, ἢ βούλησιν, ἢ τινα δό-
ξαν, οὐκ εὐκαίρως ὀρθῶς λέγουσιν. οὐ γὰρ
κοινὸν ἡ προαίρεσις καὶ τῶν ἀλόγων,
ἐπιθυμία δὲ καὶ θυμὸς. καὶ ὁ ἀκρατής,
ἐπιθυμῶν μὲν πρὸς τὴν, προαιρουμέ-
νος δὲ οὐ. ὁ ἐφ' ἑαυτῆς δὲ αἰσάπαλιν,
προαιρουμένης μὲν, ἐπιθυμῶν δὲ οὐ.
καὶ προαίρεσις μὲν, ἐπιθυμία ἐπαι-
σιόεται, ἐπιθυμία δὲ ἐπιθυμία οὐ.
καὶ ἡ μὲν ἐπιθυμία, ἡδύς, καὶ ἐπι-
λύπου, ἡ προαίρεσις δὲ οὐτε λυπηρὴ,
οὐδ' ἡδύς. θυμὸς δὲ ἐπὶ ἡττοσύνης καὶ
τῆς ἀφ' ἑαυτοῦ, καὶ προαίρεσις ἐπὶ δό-
ξει. ἀλλὰ μὲν οὐδὲ βούλησις γὰρ,
καὶ σὺν ἑαυτῇ φαίνεται. προαίρε-
σις μὲν γὰρ οὐκ ἐστὶ τῶν ἀδυνάτων, καὶ
εἴ τις φαίνεται προαίρεσθαι, δοκῶν αὐτῷ ἡλί-
θιος εἶναι. βούλησις δὲ ἐστὶ τῶν ἀδυνά-
των, οἷον ἀθανασίας. καὶ ἡ μὲν βούλη-
σις ἐστὶ, καὶ τῶν ἐν μηδαιμῶς δὲ αὐ-
τῷ πρὸς ἑαυτὴν αὐτῇ. οἷον ἀποκριτῶν ἡ-
γεμῶν, ἢ ἀθλητῶν. προαίρεται δὲ
τὰ τοιαῦτα οὐδὲς, ἀλλ' ὅσα οἶσται ἀν-
θρώπου δὲ αὐτῷ. ἐπὶ δὲ ἡ μὲν βού-
λησις τῶν πλεον ἐστὶ μάλλον, ἢ ἡ προαί-

Electio igitur voluntarium quidem
aliquid esse videtur, non idem verò,
sed latius voluntarium est. Nam volunta-
rii sunt pueri & cetera animantes participes
sunt, electionis autem minimè. Quæ
subito sunt, voluntaria quidem dicimus,
secundum electionem verò minimè. Qui
verò dicunt ipsam cupiditatem, vel iram,
vel voluntatem, vel quamdam opinionem,
non videntur rectè dicere. non enim com-
mune quiddam est electio etiam ratio-
nis expertibus: cupidus autem & ira-
cundia est. & incontinens, cupiens quidem
agit, eligens verò minimè: continens autem
contra; eligens quidem, cupiens autem mi-
nimè. Et electioni quidem cupiditas aduer-
satur: cupiditati verò cupiditas minimè. &
cupiditas quidem iucundi & molesti, ele-
ctio autem neque molesti neque iucundi est.
ira verò etiam minus. minimè enim quæ per
iram fiunt, secundum electionem esse viden-
tur. At verò, neque voluntas est; et si propin-
quum quiddam videatur. Electio enim non
est impossibile: & si quis dicat se eligere,
videatur stolidus esse. Voluntas verò est im-
possibile, velut immortalitatis; & vo-
luntas quidem est etiam circa ea, quæ nun-
quam per ipsum volentem fieri possunt. ut
histrionem quemdam vincere vel athletam.
Eligit verò talia nemo, sed quacumque pu-
tas effici posse per se ipsum. Præterea volun-
tas quidem est potius finis: electio autem eo-

ρεσις τῷ πρὸς τὸ τέλος. οὗ, ὑγιαίνον
βουλόμεθα, προαγορεύμεθα δὲ, δι' ἃν
ὑγιαίνον, καὶ βιδαμονὴν βουλόμεθα
μὴ, καὶ φαιδῶν. προαγορεύμεθα δὲ
λέγειν, οὐχ ἀρμόζον. ὅλως γὰρ ἔοικεν
ἢ προαγορεύσεις πρὸς τὰ ἐφ' ἡμῖν τῇ.
οὐδὲ δὲ δόξα αὐτῇ. ἢ ἡμῶν γὰρ δό-
ξα δοκεῖ πρὸς πᾶν τὰ ἐφ' ἡμῖν, καὶ οὐδὲν
ἢ τῶν πρὸς τὰ αἰσθητὰ, καὶ τὰ ἀδιώκα-
τα, ἢ τὰ ἐφ' ἡμῖν. καὶ τὰ ψευδεῖς, καὶ
ἀληθεῖς διακρίνεται, οὐ τὰ κακὰ καὶ ἀγα-
θὰ. ἢ δὲ προαγορεύσεις πᾶσι τοῖς μαῖλλον,
ὅλως μὴ οὐκ ἂν δόξη τῶν τῶν. ἴσως οὐδὲ
λέγει οὐδὲς, ἀλλ' οὐδὲ τῶν. τὰ γὰρ
προαγορεύεται τὰ ἀγαθὰ, ἢ τὰ κακὰ ποιοί-
ντες ἐσμεν, τὰ δὲ δόξα ζῆν, οὐ. καὶ
προαγορεύμεθα μὴ λαβεῖν, ἢ φυγεῖν,
ἢ τῇ τῇ ποιούμεν. δόξα ζῆν δὲ τῇ ὅτι,
ἢ τῇ συμφέρει, ἢ πῶς. λαβεῖν δὲ, ἢ φυ-
γεῖν, οὐ πᾶν δόξα ζῆν. καὶ ἡ μὴ προ-
αγορεύσεις ἐπαυγάζεται τῇ ὅτι, οὐ δὲ μὴ ἀγα-
θόν, ἢ τῇ ὅτι ὁρθόν. ἢ δὲ δόξα τῇ ἀλη-
θῆς καὶ προαγορεύμεθα μὴ ἀ' μάστιγα
ἴσμεν ἀγαθὰ ὅτι, δόξα ζῆν δὲ ἀ'
οὐ πᾶν ἴσμεν. δοκεῖσι τε οὐχ εἰ αὐ-
τοῖς προαγορεύεται τὰ ἀρῶν, καὶ δόξα-
ζῆν, ἀλλ' εἰνοὶ δόξα ζῆν μὴ ἀμεινον,
ἀλλ' κακίαι δὲ ἀρῶν οὐχ ἀ' δὲ.
Εἰ δὲ προαγορεύεται δόξα τῇ προαγορεύ-
σεις, ἢ τῇ ἀκολουθεῖ, οὐδὲν ἀλλ'-
φείρ. οὐ τῇ γὰρ οὐκ ὁρθόν, ἀλλ' εἰ
τῇ ὅτι δόξη τῇ.

rum, quæ sunt ad finem. ut, benè valere
volumus, eligimus verò ea, per quæ benè
valemus: & beatificari volumus, idque præ-
dicamus. eligimus autē dicere, non congruit.
omnino enim videtur electio esse de rebus
quæ sita in nobis sunt. Neque verò opinio
esse possit. nam opinio videtur circa omnia
versari, & non minùs circa æterna, & im-
possibilia, quàm circa ea, quæ nobis insunt.
Præterea falso ac vero distinguitur, non
malo ac bono: electio autem his potius dis-
tinguitur. Vniuersim igitur videbitur idem:
fortasse neque hoc dicit quisquam: sed ne-
que idem ac quandam opinionem. eligendo
enim bona, aut mala tales quidam sumus,
opinando autem minimè, & eligimus qui-
dem assequi vel fugere, aut quidpià talium:
opinamur verò quid est, aut cui conducit,
aut quomodo: consequi autem, aut fugere
non admodum opinamur. Ad hæc. electio
quidem laudatur ex eo, quod sit eius, cuius
esse oportet magis, quàm quòd rectè sit. opi-
nio autem ex eo, quòd sit vera. & eligimus
sanè quæ maxime scimus bona esse: opina-
mur verò quæ non valde cognoscimus. Ac
videntur non iidem eligere optimā, & de
ius opinari, sed aliqui opinari quidem melius,
ob vitium autem eligere non quæ oportet.
Vtrum autem antecedeat opinio electionem,
an sequatur, nihil interest. non hoc enim
consideramus: sed vtrum idem sit atque
opinio quadam.

EXPLANATIO.



LECTIO igitur, &c.] Absoluto protemio, in quo satis habuit osten-
dere, ad hanc de moribus doctrinam pertinere de electione differere,
quid ipsa sit electio nunc aggreditur explicare, ac more quidem suo
docens primo quid ipsa non sit. hoc enim est Aristoteli solemne, ut
cùm definitiones & rerum naturas abditas inuestigat, à negationibus
initiumumat, hoc est, à secernendis iis, quæ res ipsæ non sunt, ut quid ipsæ sint,
faciliùs & clariùs inspicatur.

Quinque igitur in hac secunda parte proponit res electioni similes, à quibus eam
eximere conatur, atque distinguere: voluntarium, siue sponte factum, cupidita-
tem, iram, voluntatem, opinionem: quamquam à prima, hoc est, à voluntario,
vel spontè facto cum exceptione quadam & differentia secernit electionem, non
simpliciter & absolutè. Atque, ut harum nomina rerum, quæ sic recensentur ab
Aristot. planiùs intelligantur, illud hoc initio sciendum est; rerum omnium, quas
agimus principium in ipso esse homine, hoc est, ipsum esse hominis animum, qui
tribuitur in partes duas, rationem & appetitum. In ratione duo sunt; opinio, &
scientia: in appetitu tria; cupiditas, ira, & voluntas. Itaque horum singula sunt re-

rum, quas agimus, principia, principio primario subiuncta atque subiecta: rationi quidem scientia & opinio: appetitui cupiditas, ira & voluntas.

Cum verò notum omnibus sit, electionem numerari debere inter earum principia rerum, quas agimus, nec aliud videatur esse, quàm eorum, quæ geruntur ab homine origo quædam & fons, iure quærit, quodnam è commemoratis quinque principis electio esse videatur: & vtrum opinio sit, aliudve quidpiam ad rationem pertinens; an ira, cupiditas & voluntas, quæ sunt appetitus; an denum nihil earum rerum omnino sit.

Initium ergo capit ab eo quod spontè sit, siue à voluntario communi, dicens, electionem idem alicui videri posse, atque id quod spontè fiat; cum inter hæc summa quædam similitudo sit & affinitas, ita prorsus, vt in hoc extremo capite conclusionis sit, omnem quidem electionem esse aliquid spontè factum, sed non omne spontè factum electionem esse. Ceterum adiungit, inter se eo nomine differre, quòd spontè factum ampliores habeat fines, & pateat latius, quàm electio. idque duplici ratione demonstrat. quarum prima est ea; quod spontè factum in ipsis quoque pueris & mutis animantibus cernitur, electio verò consiliumque non cernitur. hoc enim absque rationis agitatione ac disputatione non est. ac ratione carent belluæ, pueri disputatione. Secunda: quòd repentina, & quæ subito accidunt, fiunt quidem spontè, sed non consultò, ac per electionem. Sed vtræque ratio melius explicabitur hoc syllogismo, quem ab ipso ducimus Aristotele, & sic expolimus: Omnis electio voluntaria est. sed non omne voluntarium est electio. ergo electio non idem est ac voluntarium. Assumptio duplici ratione declaratur. Primo quidem pueri & mutæ animantes sunt voluntarii, siue spontanei participes, sed non electionis. Igitur non omne voluntarium aut spontaneum est electio. Deinde. Quæ repentinè, ac subito facimus, ea voluntaria sunt, quia principium eorum in nobis, & in nostra situm est potestate. sed eiusmodi repentina per electionem haud fiunt, cum ex rationis deliberatione non proficiantur. Ergo non omne voluntarium est electio, vel ex electione producit. Illustrat id Eultratus exemplo amici, qui nobis volentibus repentinè superuenit, sed non deliberantibus & eligentibus nobis.

Dubitari potest hoc loco & quæri, verumne sit quod ab Aristotele pro vero ac certo ponitur, animantibus rationis expertibus electionem non esse. Eligere enim est, è duobus propositis vnum accipere. At hoc in ipsis etiam cernitur belluis, cum duabus propositis herbis vnam capiant, alteram non attingant, dulcemque cibum & gustatu suauem austero anteponant & amaro. Respondendum quæstioni est; electionem duplicem esse; communem & propriam. communem nihil aliud esse, quàm vnius acceptionem rei, alteri antepositæ, ex cognitione siue intelligentis siue sentientis animæ; quæ quidem electio in belluis est, quemadmodum est voluntarium quoque commune: electionem vero propriam esse acceptionem vnius rei alteri præpositæ ex deliberatione atque consilio rationis, quæ ab Aristot. homini tantum adscribitur, adimitur belluis.

Non rectè dicere videntur, &c.] Contendit nunc de illos quidem bene sentire, qui dicunt electionem aliud nihil esse, quàm cupiditatem, aut iram, aut voluntatem, aut opinionem. Ac primo quidem insinuat ostendere, non esse cupiditatem & iram hoc modo. Cupiditas & ira tam in hominibus quàm in animantibus ratione carentibus inveniuntur. Sed electio solum in hominibus est: ergo electio neque ira; neque cupiditas est. Deinde de sola cupiditate tribus argumentationibus disserit, nec esse, nec dici electionem debere. Prima est. Si electio non aliud quàm ipsa cupiditas esset, quisquis ageret ex electione, ex cupiditate ageret, & contra; quicumque ageret ex cupiditate, ageret etiam ex electione. hoc autem esse falsum exemplo incontinentis ostendit. Qui enim incontinens dicitur est concupiscens non eligens, & per animi cupiditatem agit; non per electionem. continens verò ex electione agit omnia, nihil per animi cupiditatem admittit. ergo qui agit ex animi cupiditate, non agit ex electione, & qui ex electione non ex animi cupiditate; nisi dicendum sit, incontinentem, qui non ex electione, sed ex cupiditate agit, continenter esse; & continentem, qui non ex cupiditate, sed ex electione agit, esse incontinentem; quod est à veritate maximè alienum. Incontinens enim cupiditatibus abripitur suis, sequiturque appetitiones animi, consilio posthabito, & rationis electione reiecta; continens verò cupiditates habet in officio, in consilium rationem

adhibet, & honesti ducitur electione, vt infra docetur in lib. 7. cap. 3.

Secunda ratio est. Quia Consilium & electio est cupiditati contraria; vt ex eodem incontinente, & continente cognoscitur. Vterque enim cū secundū rationem eligit, aliquid eligit illi contrarium, quod secundū appetitionem sentientis animæ concupiscit. ergo vtriusque electio aduersatur vtriusque Cupiditati, adeoque vtriusque electio non potest esse cupiditas, cū cupiditas cupiditati contraria non sit, sed electioni potius atque consilio.

Quæstionem proposuit hic Eustratius conatus ostendere, cupiditatem aduersari cupiditati. Aliquis enim æquē ac simul gloriam concupiscit, & pecuniæ copiam. Sed gloria impensas postulat, consumptionēque pecuniæ, copia verò si sit habenda, eiusdem pecuniæ parsimoniam & retentionem efflagitat. ergo cupiditas gloriæ, cupiditati pecuniæ contraria est. Respondet primò idem Eustrat. vniuersim, contrarias cupiditates eiusdem rei, atque in eodem homine esse non posse, sed rerum diuersarum, atque in diuersis esse posse, vt in prodigo cernere licet, & in auaro, quorum cupiditates diuersæ sunt atque contrariæ. At electio in eodem prorsus homine pugnat cum cupiditate: quod incontinentis, & continentis exemplo demonstratum est. in vtroque enim electio boni atque honesti cum turpitudinis appetitione contraria pugnam habet. Quod deinde attinet ad exemplum eius, qui gloriam cupit, & pecuniam, dixerim fieri faciliè posse, vt aliquis cupiat simul gloriam, & pecuniæ copiam; non posse tamen fieri, vt cupiat eandem pecuniam simul effundere, ac simul eandem retinere. illa enim contraria non sunt, hæc sibi inuicem aduersantur. Itaque vt antecedentia, quæ contraria non sunt, in eodem simul esse possint, consequentia tamen quæ sunt inter se maximè pugnantia in eodem esse simul, vnòque tempore non possunt.

Tertia ratio est. Quia cupiditas est semper vel cum iucunditate, vel cum tristitia & dolore coniuncta. est enim iucunda cupiditas, si res concupita sit præsens, aut proximam sui polliceatur adeptionem. tristis est & permolesta, si concupita res absit, & sui possessionem demonstret arduam esse. Sed electio neque tristis, neque iucunda res est, cū in rationis deliberatione & in rebus vtilibus, atque inutilibus, in bonis ac malis tota versetur & posita sit. Quòd si vtilia etiam & honesta sint, quandoque iucunda, deliberationis tamen caput de vtili honestoque potius esse solet; de iucundo per accidens & ex consequenti. De voluptate quippe, cū res difficilis ipsa non sit, nec deliberationis cunctationem postulet, non propriè deliberamus. ad eam enim, vt bellum rapimur, non consilio ducimur. impropriè tamen & consequenter etiam de voluptate potest esse deliberatio; quòd interdum cum vtili vel honesto videatur esse coniuncta.

Ira verò etiam minus, &c.] Quamquam è superioribus rationibus aliquæ possunt etiam ostendere, ne iram quidem electionem esse, propriam tamen hanc profert Aristoteles, quæ vincat, non modò iram electionem non esse, sed multò minus esse, quàm cupiditatem. quæ probandi ratio longè maiorem obtinet fidem & vim. si enim id, quod magis in electione videbatur inesse, non inest, ac illud quidem inest quod in eadem multò minus videtur inesse. Multò autem minus ira, quàm cupiditas esse videtur electio. quia quæ fiunt ex ira, repente ac subito fiunt, cū ira confestim in iniuriam, aut in vitionem erumpat: quæ autem cupiditate fiunt, non tam repente fiunt ac subito. quippe motus iræ celerrimus est, nullamque moram ac deliberationem admittit; adeoque à ratione, atque consilio remotissimus est, cū ipsum quoque consilium & electionem anteuertat. quamquam enim, ne id fiat prouidere ratio potest, interdum tamen, inquit M. Tull. ad Q. Frat. occupatur animus ab iracundia, quam prouidere ratio potuit, ne occuparetur. Cupiditas autem ita repentina non est, atque hac demum in re similior est electioni, coniunctiorque consilio, quàm sit ira. quia quæ agit, magis consultò facit & cogitatò quàm ira. iratus enim rationem semper sibi sequi videtur aliquam ex opinione acceptæ iam iniuriæ, cuius causa possit irasci: cupidus autem nullam sequitur rationem, sed suam ipsius cupiditatem, vt docet Aristot. in lib. 7. cap. ult. ac propterea tardior & cunctatior est. Itaque huius summa rationis hæc est. Ea, quæ per electionem fiunt, inconsultò, subito ac repente non fiunt, sed per deliberationem rationis. Igitur electio similior est cupiditati, quæ lentius agit atque cunctatius, quàm ira, quæ subito exardescit, & repente prorumpit. Quo fit, vt si cupiditas electio

dici non debet, multo minus ira putetur & appelletur electio. Hic etiā quæstio proponi potest huiusmodi. Aristoteles suprà in libro secundo docuit, esse difficilius cupiditati resistere quàm iræ. Videtur ergo ibi docuisse magis tolli rationis deliberationem atque consiliū à cupiditate, quàm ab ira. Quòd si ita est, id etiam docuit, electionem multo magis cum ira, quàm cum cupiditate congruere. Respondeo, simpliciter absolutèque difficilius esse cupiditati repugnare, quàm iræ: quia sæpius ingruunt cupiditates, quàm iræ. cupiditas enim sequitur gustatus, rationisque voluptates, quæ crebrò sunt vsurpandæ, nobisque ad vitæ conseruationem multo maximè necessariæ sunt. Atque ideo simpliciter, & absolutè difficilius à nobis vinci cupiditas, quàm ira potest, quæ raptim aduenit, ac recedit. Sed eo tamen tempore, quo tempore durat ira, difficilius est cum ira pugnare, quàm cum ipsa cupiditate. ira enim propter accensionem sanguinis & spirituum inflammationem vehementius nos impellit, & commouet magis, quàm cupiditas, ideòque illo prorsus tempore quo durat ira difficilius est cohibere impetum iræ, quàm commotionem cupiditatis. illa enim quæ fiunt per iram, à rationis electione sunt remotiora, quàm ea, quæ per cupiditatem fiunt. Itaque Aristotelis dictum in horum superiori libro Moralium non pugnat cum iis, quæ mutatis quidem verbis, sed immutata sententia disputauit hoc loco.

At verò neque voluntas, &c.] Sequitur nunc, vt doceat, electionem non esse voluntatem. Quamquam enim voluntas est electioni affinis & cognata quàm maximè, cum tam consilium & electio, quàm voluntas, appetitio quædam cum ratione sit, adeòque fiat, vt sæpe voluntas pro consilio & electione ponatur, discrepant tamen inter se, quod demonstrat hîc Aristoteles, & quatuor conficit rationibus.

Prima est, quæ traditur etiam in lib. 1. Magn. Moral. cap. 17. & in 2. Eudem. cap. 10. quòd voluntas earum quoque sit rerum, quæ fieri non possunt: electio verò non item: idque probat immortalitatis exemplo. Volumus & cupimus immortales esse, sed ea de re deliberare atque id eligere, quod sciamus nos assequi non posse, dementia sit, inquit. Volunt homines in cælum subuolare, volunt totius orbis terrarum ditionem habere, atque omnibus imperare; volunt alterius esse sexus, volunt eodem puncto temporis esse diuersis in locis; alia multo etiam magis absurda volunt: sed ea nullus eligit, ac de iis deliberat nemo. ergo voluntas & electio non sunt idem. Cur autem voluntas earum quoque sit rerum, quæ fieri non possunt, consilium verò & electio non sit, ea fortasse ratio & causa est, quòd voluntas absolutè, ac velut abstractè bonum, ipsamque boni generalem speciem intuetur & spectat, electio verò atque consilium ad singularia se conuertit, eaque considerat ac tractat, quæ agenda sunt, quæque re ipsa fieri ac produci possint in hominis commoditatem & vsum. Colligit hinc Obertus Gifan. Aristotelem existimasse, hominem prorsus ac funditus interire, cum putauerit immortalitatem velle & cupere dementia esse: idque comprobatur ex lib. 2. Eudem. cap. 9. Nihil equidem hîc dico de Aristotelis in eo genere sententia, sed non video tamen, qua ratione ex hoc loco possit exprimi vbi de animæ immortalitate nihil dicitur, sed de immortalitate hominis, quam cadere posse non putabat in corpus, cum communi moriendi necessitati omnes videret obnoxios. Itaque, si quid hinc vincitur, vincitur illud: anastasin humani corporis, & futuram eiusdem immortalitatem neque cognitam neque probabilem Aristoteli fuisse. Puto denique illum ad Hectoris votum respexisse, qui apud Homerum cupit minimè senescere, nec interire, sed cum immortalitate perseverare.

Secunda ratio, cur voluntas non sit electio, petitur ex eo, quòd nemo eligat ea, quæ per ipsum fieri non possint, quorumque ipse agendorum & perficiendorum non habeat potestatem. consilium enim electio, deliberatio de iis tantum est, quæ à nobis ipsis, vel ab aliis ex imperio nostro fieri possint. Voluntas verò in iis etiam cernitur, quæ in nostra potestate non sunt, vt gerantur, & fiant. idque declarat histriorum atque athletarum exemplo. Spectatores enim in theatro atque arena huic magis histroni, vel athletæ, quàm alteri fauent, hunc potius, quàm illum superiorem & victorem volunt, tamen si victoriam illi dare palmamque non possunt. quod in Amphitruonis prologo docet Mercurius, grauitè edicens, & spectatores monens, ne huic aut illi potius faueant. Virtute quippe decet vincere, inquit. Quin in ipsis arene palæstræque studiis quatuor illæ fuere apud Romanos factiones suis distinctæ coloribus, cærulea, prasina siue viridis, alba & rosea, quæ miro studio, summâ-

que voluntate singulæ fauebant suis; eosque victores & superiores volebant, quos ipsi victores superioresque facere non poterant. Vñ venit hoc etiam inter legendas historias, vt alius Pompeium, alius Cæsarem victorem velit, quamuis eorum nemo victoriam vel Cæsari vel Pompeio creare, ac parere possit. Multa igitur volumus, quæ facere non possumus ipsi per nos, aut imperio nostro: sed nihil eligimus, nec de re quapiam consilium capimus, quam nos, vel opera, vel imperio nostro facere nequeamus. Itaque voluntas & electio discrepant inter se.

Tertia ratio est: quod voluntas magis contendit in vltimum, atque in finem; electio verò in ea magis, quæ conducunt ad finem. Volumus enim propriè valetudinem, quæ finis est: de valetudine non deliberamus, nec eam per consultationem eligimus, sed eligimus exercitationem, cibum salubrem & medicamenta, quæ conscientia valetudinis sunt, atque ad finem perducunt. Hinc adeo sequitur, electionem non esse voluntatem. Quærendum hîc esset, vtum electio possit etiam in finem referri, sed ea res peculiari ac propria disputatione tractabitur infra.

Quarta demum ratio sumitur ex forma communi loquendi. rectè enim, inquit Aristoteles, quasi vulgo iam dicimus βουλόμεθα εὐδαιμονεῖν volumus esse beati; sed non rectè προαροῦμεθα εὐδαιμονεῖν: eligimus beatam vitam; id quod in summa significat, verbum volendi rectè iis rebus accommodari, in quibus extremi & finis est ratio, non rectè autem iis, quæ ad finem extremumque ferentia opportuna præsidia sunt.

Neque verò opinio, &c.] Id postremo videndum restat, num electio esse videatur opinio. Et quoniam opinio duplex est, altera communis & generalis, singularis & peculiaris altera; contendit initio, id quod facilius est, opinionem communem, & generalem non esse electionem. duabus autem rationibus id contendit ostendere: quarum prima est. Opinio de rebus omnibus omnino est, tam æternis, & iis, quæ fieri mutariue non possunt, quàm de mutabilibus, & iis quæ possunt fieri, atque in nostram cadunt potestatem. Multa enim plerique mortalium de Deo, de mundo, de sideribus opinantur: aliqui etiam absurda, atque peruersa; Sphynge, chimæras, mundos infinitos; quia opinio ad cognoscentem, intelligentemque pertinet animam. intelligentia verò vagatur, & cognitionem extendit ad omnia, siue fieri ab homine possint, siue non possint. Sed deliberatio, consilium, & electio non versatur in rebus omnibus; cùm certos habeat fines, nec egrediatur ex iis, quæ fieri queunt, nostræque facultatis, atque arbitrij sunt. Rectè enim Aristoteles in lib. 1. Magn. Moral. cap. 18. opinari nos ait de iis etiam rebus, quæ apud Indos gerantur, consilium verò non capere; quia in nostra ipsorum potestate non sunt. Hinc adeo sequitur opinionem communem ac generalem, quæ rebus versatur in omnibus, electionem, consiliumque non esse. Addit Eustratius interpres de suo, opinionem esse rerum vniuersarum & generalium, electionem esse tantummodo singularem: sed hæc ratio ab Aristotelis ratione non differt. Secunda, quæ idem ostendit hæc est. Ea, quæ variis distinguuntur inter se differentiis, vnum idemque non sunt. Sed opinio ex vero & falso ab electione distinguitur, electio ex bono maloque scernitur ab opinione. Si enim vtraque partienda & diuidenda sit in species suas, opinio in veram & falsam, electio in bonam & malam diuiditur, nec quærimus vnquam, an opinio bona vel mala sit, & vtum electio falsa sit an vera. Igitur hæc differentiæ tam inter se distractæ planissimè demonstrant, electionem, opinionemque generalem etiam inter se discrepare. Duas hæc rationes concludit Aristoteles proferenda etiam communi omnium sententia, confirmans, neminem fortasse futurum, qui dicere audeat, generalem opinionem electionem esse.

Ac neque idem ac quamdam opinionem.] Pergit hoc etiam ostendere; ne peculiarem quidem, certam & singularem opinionem electionem esse: quamquam enim etiam electio est de rebus singularibus, ac certis, differt tamen, longèque distat ab opinione quantumuis peculiari & de re certa singularique suscepta. idque conficit Aristot. rationibus quinque.

Prima ducitur ex electionis effectu. facit enim electio, vt certa afficiamur imbuiamurque qualitate, hoc est, vt boni reddamur, aut mali. Ex opinione autem quæ versatur in rebus etiam singularibus, quæ in nostram cadunt peculiarem actionem, & per consilium electionemque suscipiendæ sunt, neque boni reddimur vnquam, neque mali. Neque enim qui opus fortitudinis aut iustitiæ in loco ac tempore, quo

illæ virtutes producendæ videntur in actum, esse bonum opinatur atque probabile, dicitur ideo iustus ac foris, sed qui opus illud eligit, actumque virtutis exercet. Peculiaris igitur opinio, ac de re singulari in animo consignata non est electio.

Secunda. Electionis officium ac munus est inspicere nostras ipsorum actiones, cuiusmodi sunt: sequi, fugere, cupere, aspernari. Opinionis autem sunt partes non ipsas actiones intueri, sed res, hoc est, quæ cuiusque rei vis sit & natura; quid sit lapis, quid virtus, quid Respublica, dulciane an amara plus noceant, aliæque ex eo genere, quæ actiones ipsæ non sunt. Opinio igitur electio non est.

Tertia. Electio cum laudatur, laudatur eo nomine, quod recta, & bona sit. opinio verò cum laudatur, laudatur ideo quòd sit vera. Itaque probitas est electionis absolutio, veritas autem opinionis perfectio est. At quorum perfectiones diuersæ sunt, ea oportet esse diuersa.

Quarta. Electio de rebus est certis: cum ea nos eligamus, quæ omnium maxime bona esse cognoscimus. opinio verò incerta est, ac de rebus minime certis & exploratis. ea enim opinamur, quæ comperta non multum habemus, neque scimus esse certa. Ab opinione igitur multum profecto differt electio.

Quinta. Multi ex opinione sciunt, intelliguntque id quod est melius, & tamen per electionem sequuntur quod deterius est. itaque disputare sic licet. si electio idem esset atque opinio, oporteret omnes bonum, quod opinione comprehenderunt, complecti ac sequi, & idem esset opinator, idem qui eligit optima, eadem esset opinatio vera, & electio bona. At alia omnia fieri videmus. Incontinentis enim opinio, inquit Eustratius, recta quidem est, sed electio non bona; cum videat probetque meliora, sed tamē deteriora sequatur & ea, quæ ipsemet peiora proculdubio esse intelligit. Id autem argumento est, opinionem non esse consilium & electionem.

Vtrum autem antecedit opinio, &c.] His propositis, explicatisque rationibus, existere queritio poterat, vtrum opinio prior electione sit, an electione posterior. sed eam se prætermittere cōsultò ait, quòd ab hoc loco sit aliena. Quod si tamen de ipsa constituere nos ipsi velimus, præbit Gualterus Burl. ita respondens, opinionem pertinere ad vim animi cognoscentem, electionem ad appetentem, adeoque opinionem per se antecedere ipsam electionem oportere; per accidens tamen quandoque fieri, ut opinio sequatur electionem. Ut cum aliquis, inquit, in amicorum gratiam, quos diligit, opinionem commutat suam.

PARS TERTIA CAPITIS SECVNDI.

Τὸ αὖτ, ἢ ποῖόν τι ἔστιν, ἐπειδὴ τῶν εἰρηλικῶν, οὐκ ἔστιν; ἐκυσίον μὲν δὲ φαίνεται. ὃ δὲ ἐκυσίον, οὐ πᾶν προαιρετικόν, ἀλλ' ἀγαθὸν καὶ κακὸν ἐκούσιν αὐτῶν. ἢ γὰρ προαιρετικὸν μὲν λόγῳ, καὶ διασίῳ. ὑποσχετικὸν δ' εἶναι καὶ πυνόμεν, ὡς δὲ καὶ ἐτίμων αἰρετῶν.

Quid nam igitur, aut quale est, quando quidem eorū quæ dicta sunt nihil est? voluntarium sane quiddam apparet esse: voluntarium autem non omne in electio. ē cadens est, sed forsitan id, de quo ante deliberatū est electio enim cerē cum ratione, & rationatione est. Significare autem videtur id etiam nomen; quasi præ aliis eligendum sit.

EXPLANATIO.



SVM MOTIS iis, quæ electioni atque consilio sic sunt affinia, ut ipsum electionis nomen exposcere videantur, statuit ad extremum quid, qualisque demum electio sit. Cum enim nihil sit eorum, quæ commemorata iam sunt, videndum est, qua demum concludatur definitione, ut quid qualisque sit intelligatur. Nam quid sit, ex genere, qualis sit, ex differentia cognoscitur. Genus autem ipsum in electione ait esse voluntarium, non illud quidem improprium, & commune, quòdque potius spontè factum dici deberet, quàm voluntarium (id enim quia conuenit etiam belluis, ab electione depulsum iam est) sed proprium & peculiare quod ipsis tantum hominibus congruit. Itaque omnis quidem electio voluntarium quiddam est, non tamen omne voluntarium est electio. Differentiam verò huiusce generis contrahentem ait esse consilium: ac propterea vnico nomine vnāque definitione electionem, siue id quod eligendum est contendit appellari posse προαιρετικόν, hoc est, voluntarium quod-

dam cum antegressa deliberatione. esse quiddam voluntarium est perspicuum: esse verò *ὑποβουλευόμενος*, hoc est, voluntarium antecedente consilio & deliberatione circumscriptum, duobus demonstrat ex signis. Primum est: quia electio semper cum ratione ac ratiocinatione fit. ratiocinatio autem ipsa deliberatio est & consultatio. Electio igitur sine consultatione ac deliberatione antecedente non est. Secundum signum in verbi Græci notatione positum est. Electio enim siue id quod eligendum est, dicitur *προαιρετόν*, præeligendum, quasi *ἡ ἐν ἑαυτῇ αἰρεσις*, eligendum sumendumque præ aliis. Itaque Græcum nomen electionis id significare contendit; electionem, esse è duobus propositis optionem, siue acceptionem vnius; quod sine deliberatione præeunte fieri non potest. In summa electio, neque voluntarium, neque ira, & cupiditas, nec voluntas, nec opinio est, sed aliquid tamen habet ex singulis; ex voluntario genus, ex ira & cupiditate, nunc fugam, nunc prosecutionem in eligendo, ex voluntate liberam optionem; ex opinione iudicium antecedens. Itaque in electionis definitione querenda methodus Aristotelis hæc fuit.

EPILOGVS.

1. Electio non est cupiditas, aut ira, nec idem, ac voluntarium generale, & id quod spontè suscipitur ac fit. quia hæc cum bellis quoque sunt, puerisque communia.
2. Neque verò electio voluntas est. quia electio est earum tantum rerum, quæ fieri queunt, & in nostra sunt potestate; voluntas eorum etiam est, quæ non possunt fieri, atque à facultate nostra remotissima sunt.
3. Denique non est opinio. quia hæc etiam est interdum de rebus æternis, & iis, quæ fieri non possunt à nobis, neque in manu ac potestate nostra sunt posita.
4. Est tamen aliquid voluntarium deliberatione antecedente susceptum.



IN CAPVT SECVNDVM,

QVÆSTIO PRIMA.

Quid sit electio; & utrum intellectus sit an voluntatis.



DISPUTAT Aristoteles etiam in lib. 6. cap. 2. de electione, nec planè decernit, in qua nam animi facultate posita sit, sed satis habet dicere, electionem vel esse appetentem intellectum, vel appetitionem intelligentem, vt subdubie significet, opinor, ad constituendam electionem vtriusque facultatis actum operamque confluere. Sed in hoc secundo cap. lib. 3. apertissimè docet, electionem esse actum voluntatis, intelligentiam verò nullo modo commemorat. pro certo fortasse ponens, etiam ad intelligentiam pertinere.

Ad rei veritatem & sententiam Aristotelis indagandam, videamus quid electio sit, & qua ratione progrediatur ac via. Electio nihil esse videtur aliud, quàm deliberationis appetitus, hoc est appetitus, consilium & deliberationem sequens intelligentiæ. Intellectus, vt hoc exempli gratia dicatur, ratiocinando & discernendo deliberat, num contra perduelles, & hostes patriæ bellum gerendum sit: variisque hinc atque hinc productis, & ad examen iudicij rationibus exploratis, ad extremum decernit, indicendum es-

se bellum & arma paranda. Hæc, inquam, consultatio, & deliberatio haud dubiè actus, opusque intellectus est ratiocinantis, disputantis, & omnia circumspicientis ac perpendentis. Sed tamen id, quod consilio & deliberatione definitum est, voluntas expetit, optat, eligit, & aliis anteposit; ac propterea eiusmodi voluntas, siue voluntatis appetitus, quæ consultationem sequitur, exequiturque id, quod est in deliberatione iudicatum, appellatur electio. Itaque sapienter Aristoteles dixit, electionem vel esse appetitionem intelligentem, vel intelligentiam appetentem, cum ex vtriusque facultatis opera ea perficiatur electio, quæ ad exitum perducta, & numeris partibusque suis omnibus absoluta sit. Electionis enim nomine duo possunt intelligi. primo quidem decretum, siue selecta sententia & aliis anteposita ab intellectu sic iudicante: id enim nihil est aliud, nisi iudicium intelligentiæ, quo decernitur aliquid faciendum, aut non faciendum esse. id autem improprie tantum appellari potest electio, hoc est, eatenus, quatenus electionis nomen usurpatur interdum pro illo intelligentiæ iudicio, quo deliberationis altera pars cense-

tur melior, & anteponitur alteri. Secundum, quod electionis nomine potest intelligi, est appetitio, actusque voluntatis ex deliberatione, atque illo iudicio consecutus. quæ perfectio notio atque huius vocis significatio est maxime propria, cum nemo electionem animo comprehendere possit, quin eam intelligat à voluntate proficisci. Id enim quod electioni proponitur est bonum; at bonum ipsum proponitur voluntati, ac propterea non potest electio in bonum ferri, nisi per voluntatem. Quia aliquæ morales virtutes in voluntate tanquam in subiecto sunt collocatæ, qualis est iustitia: reliquæ vero sine voluntate non sunt. Sed ut dictum est supra, Virtus definitur habitus eligens, & in electione positus: igitur ipsa etiam electio sita est in voluntate. Ad hæc. Experimento comprobatur, plerisque mortalium bene deliberare, & consultare, quidque sequendum, aut fugiendum sit, prudentissimè iudicare, qui tamen ex animi corruptione affectusque perturbatione deterius eligunt. Igitur electio in appetitione voluntatis est posita, non in iudicio solum & intellectu. Certè prolecatio & fuga voluntatis sunt. Electio verò, mali fuga quædam est, & prolecatio boni. Ceterum quamquam electio est voluntatis, sine intellectu tamen præeunte non est, adeoque bene definitur esse appetitio quædam deliberativa. appetitio enim ad voluntatem pertinet, iudicium & deliberatio ad intellectum.

Conantur aliqui demonstrare, electionem omni prorsus ex parte voluntatis esse, neque quicquam ad intellectum pertinere, sic disputantes. Si quicquam intellectus ad electionem conferret, conferret ideo, quod idonea ad finem consequendum præsidia ordinaret, dirigeret, ac referret in finem, sed voluntas hæc præstat, singula dirigens, ordinans, referens in finem accommodata præsidia ad consequendum finem: ipsa enim est, quæ media vult propter finem. Nullas igitur intellectus in electione partes obtinet, quarum causa dici debeat facultas, à qua promanet electio. Hæc ista. Quibus ut dandum sit, verè voluntatem esse, quæ media velit propter finem, non tamen est concedendum, hoc esse ordinare media, eaque in finem dirigere. Neque enim voluntatis est, ordinare ac dirigere, ut ait D. Thom. in prima 2. quæst. 12. artic. 1. ad 3. Qui etiam in quæst. 11. art. 13. de Verit. docet amplius atque distinctius, ordinationem activam esse in intellectu, & solam passivam in voluntate, quemadmodum fit etiam in rebus artificialibus. Iaculator enim est, qui sagittam activè dirigit: sagitta directionem passivè suscipit, & dirigit in scopum.

Sed quærendum præterea videtur hoc loco, utrum electio in fine versetur, & finem spectet, an in iis posita sit, & intueatur ea, quæ viam sternunt & ducunt ad finem. Aristoteles in hoc cap. 2. ut ostenderet, electionem non esse voluntatem, diserte pronuntiavit, voluntatem spectare finem, electionem verò intueri ea, quæ in finem propositumque nos

ferunt; cum intentio finis, siue in finem contentio voluntatis quidam sit actus, ipsam antegrediens electionem, electio verò sequatur intentionem, & iudicium illud intellectus, quo aliquid putatur melius aut deterius esse ad obtinendum finem. Hinc enim fit, ut voluntas dicatur in finem tendere, electio verò ea persequi, quæ ad finem conducentia sunt. Id, inquam, tradit Aristoteles, & ex eodem sumpta demonstrat robustissima ratio. Voluntas enim suapte natura fertur in id, quod simpliciter, absolutèque vel bonum est, aut bonum videtur esse, neque ad hoc agendum consultationem ullam, ac deliberationem exposcit, quia res dubia non est, nec voluntas ambigit, utrum expetere debeat bonum. electio verò, quia dubiarum est rerum, atque incipiti positarum, sine antecedente deliberatione & consultatione nulla est; ac propterea definitur esse appetitio deliberativa eorum, quæ in nostra sunt potestate. Cum ergo finis ultimus bonum sit simpliciter & absolutè, omnibusque modis optabile, finis ultimi nec deliberatio, nec electio esse potest. Dux tamen hic addendæ cautiones sunt, quæ disputationem hanc suis quasi conclusionibus absoluant.

Prima est, actum illum voluntatis, qui dicitur intentio, non in finem tantummodo rectè contendere, sed ex obliquo etiam respicere media. Finis enim, ut Caietanus docet, propter sui perfectionem vult triplici ratione considerari: primo quidem quatenus est amabilis, optabilisque per se; ac tunc quemdam postulat voluntatis actum, qui propriè non dicitur intentio, sed voluntas: Deinde quatenus animum satiat, omnemque prorsus explet appetitionem; atque in hunc modum alium exprimit actum à voluntate, qui fructio nominatur: denique quatenus terminus quidam est per certa præsidia & media consequendus. atque ita voluntatis illum in se trahit actum, qui propriè dicitur intentio, hoc est, in finem per certa & constituta media contentio. Electio verò nullo modo versatur in fine, sed tota est in mediis & præsidis posita, quia deliberationem habet antecedentem, quæ pugnat cum appetitione finis, de qua appetendo numquam ambigimus, neque deliberamus, & consultamus. Nemo enim de beatitudine deliberat, neque ambigit, an debeat beatitudinem ipsam optare.

Secunda, Ea, quæ de fine sic dicta sunt, accipi oportere de ultimo; de hoc enim verè dicitur, non esse deliberatio. de medio enim fine potest esse, cum instrumentum sit & præsidium quoddam ad ultimum comparandum.

QVÆSTIO SECVNDA.

Utrum electio sit eorum tantum, quæ fieri possunt, eorumque præsertim, quæ fieri possunt per nos.

VTRIVSQUE pars quæstionis hic ab Aristotele constituta: hoc est, electio-

nem, nec eorum, quæ fieri nequeunt vniuersim, nec eorum nominatim, quæ à nobis fieri non possint, esse posse.

Sed aduersus priorem partem aliqui disputant in hunc modum. Aristoteles in hoc secundo cap. libri 3. distinctè docet, voluntatem in ea etiam ferri, quæ fieri nequeunt. Ergo docere debuit, etiam electionem in iis versari posse, quæ dicuntur impossibilia.

Est enim electio voluntatis actus, vel certe potius voluntatis, quam intellectus. Huc accedunt argumenta Theologorum, in primisque Scoti in 7. d. 6. q. 1. quæ id in summa contendunt, rerum impossibilium voluntates, quas culpandas dicimus, esse adscribendas interdum peccato & sceleri grauissimo. At neque culpandæ, nec tanto coniunctæ crimini dicerentur, nisi etiam electionem haberent. idque declarat exemplo eius Angelii, qui diuinitatem expetiuit, & damnatorum ad inferos, qui vellent Deum non esse, ne pœnas illas amplius luere deberent, & plecti sempiterno, nec vquam desituro supplicio. Hæc omnia, inquiunt hi, non tanta dicemus esse flagitia, nisi esse coniuncta cum electione sciremus.

Vt planius intelligatur, cur Aristoteles inter voluntatem, electionemque id discriminis esse voluerit, quodd voluntas appetat etiam ea, quæ fieri non possunt, qualis est in mortali corpore immortalis vita, electio verb non appetat; animaduertendum est, id quod dicitur impossibile, duplex esse: vnum quidem simpliciter & absolutè, quoddque pugnam habet cum ratione claram & euidentem, nec vlla planè vi, ne diuina quidem, fieri potest: cuiusmodi est hominem ad diuinitatem subuehi, & fieri Deum: alterum autem non est impossibile simpliciter, sed ex eo, quodd nos ponamus & faciamus, siue fingamus animo aliquid esse vel fuisse, cuius tamen contrarium re ipsa esse, vel fuisse sciamus; diciturque solet à Scholasticis impossibile ex suppositione. Vt cum ita loquimur, Ponamus rerum vniuersitatem à Deo procreatam non esse, vel solem hodie non lucere. Neque enim hæc sunt simpliciter impossibilia, nec à Dei potentia ac vi sunt aliena, sed ideo solum fieri non possunt, quodd facta sint aliter, ac ponimus & fingimus facta.

Animaduertendum secundo: voluntatem in eo quod dicitur impossibile, varia sanè ratione posse versari. Versatur enim interdum ex hac ipsa, de qua diximus, suppositione, interdum ex inscientia & ignoratione, interdum cum conditione certisque volendi limitibus, interdum cum efficacitate, & perfectè, interdum imperfectè, & absque eadem efficacitate, interdum denique aliis modis, quos forsitan indicabimus in Propositionibus quas nunc ordine distinctèque subiungemus.

Prima. Impossibile potest aliquis ex ignorantia & velle & appetere, & eligere. Quemadmodum enim volumus & eligimus quod nobis incommodum est, rati commodum esse, sic velle possumus & eligere impossibile, inquit Scotus, rati, putanteque possibile ef-

se. Non hoc igitur est illud impossibile quod negat Aristoteles eligi posse.

Secunda. Impossibile ex suppositione vel le quidem possumus, sed non eligere, quia scimus fieri non posse, cum aliter iam factum esse intelligamus. Neque enim deliberatio, quæ antecedit electionem, de præteritis factisque rebus est, sed de futuris & faciendis. Qui enim videt mortuum parentem suum, quam maximè vellet non esse mortuum, & qui Regi beneficentissimo fecit iniuriam, pœnitentia demum captus, vehementissimè vellet Principem se tam beneficum non offendisse. Sed neuter tamen hoc eligit, quia de re deliberaret iam facta, & quæ infecta fieri non potest.

Tertia. Id quod est absolutè ac simpliciter impossibile, quoddque planissimè, clarissimèque rationi repugnat, nec vlla vi fieri potest, possumus quidem velle, sed voluntate conditionibus & limitibus circumscripta. vt cum aliquis impendit scelestus & impius vellet, si fieri posset, neque Deum ultorem, neque diuinas humanasque leges esse, vt impunè licentè peccare posset. Possumus, inquam, hoc velle, sed non eligere, cum de iis, quæ iam per eam conditionem impossibilia esse posuimus, consilium capere ac deliberare nequeamus.

Quarta. Voluntates horum impossibilium, excepta prima, quæ ducitur ex ignorantia, imperfectæ sunt ac minus efficaces. Neque enim perfecta & efficax est ea voluntas, quæ ad opus actumque non referatur, ad actum verb absque deliberatione, atque electione referri non potest. At in eiusmodi voluntatibus electio, & antecedens electionem deliberatio nulla est.

Quinta. Hæc tamen voluntates, quantumvis imperfectæ, nec satis efficaces aut ad opus relatæ, quamquam electione carent, moralis tamen actionis ratione non carent, & liberæ sunt. quo fit vt laude, vel vituperatione, præmio, pœnâ ve dignæ putentur & sint. Qui enim infectum vellet peccatum suum, laudem, ac præmium; qui vellet Deum ultorem non esse, vituperationem & supplicium commeretur, quia voluntates eiusmodi liberæ sunt.

Nihil ergo conficiunt argumenta proposita. Neque enim ex eo quodd aliquis illo nomine plectatur, & pœnis acerbissimis afficiatur, quodd diuinitatem appetierit, aut voluerit Deum ultorem scelerum in cælo non esse, sequitur, eam rem illum elegisse, ac de eadem deliberasse. satis superque flagitium supplicio, pœnâque dignum admittit, qui flagitium ipsum liberè vult, ac si posset, paratus esset admittere. Ea verò, quæ de voluntate dicuntur, quam oportere dicunt eandem esse, atque electionem, frustra confutarentur, cum satis explosa sint ab Aristotele supra, cum electionem absque voluntate quidem esse non posse, voluntatem absque electione esse posse demonstrauit. Itaque de priori quæstionis parte dicendum aliquid præterea non est.

De altera, hoc est, vtrum electio sit no-


minatim earum rerum, quæ fieri possunt per nos, explicandum est breviter. Neque enim quæ possunt per se fieri, possunt omnia fieri per nos. Itaque videndum est, num electio contrahatur ad ea tantum, quæ sic in nostram cadunt facultatem & vim, ut ea facere, vel omittere nostri sit arbitrij, ac potestatis.

Aristoteles quidem, ut ostenderet electionem à voluntate differre, differentias inter utramque proposuit tres. Primam in eo ponit, quod voluntas impossibilem etiam sit, electio eorum tantum, quæ fieri possunt. Secundam in eo, quod voluntas recta feratur in finem, electio in ea, quæ conducunt ad finem: tertiam denique in eo, quod voluntas earum quoque rerum sit, quæ tametsi simpliciter ac per se fieri possunt, per nos tamen atque à nobis, sine iussu atque imperio nostro fieri, non possunt: Electio verò in iis tantummodo cernatur, quæ à nobis nostroque consilio ac iussu fieri possunt. Vult enim aliquis Imperium Romanorum, possétque fieri, ut eo potiretur imperio, ipse tamen haud facere potest, ut potiatur. Itaque de re non deliberat, & quod verè vult, ipse non eligit: neque ad consequendum quod expetit præsidia vlla & media conquirat. omnis enim eiusmodi consultatio & deliberatio & electio frustra esset & suscipere-

tur in cassum. Itaque quæstionis

Conclusio sit, Electionem earum tantummodo rerum esse, quæ non modò fieri possunt, sed quæ restrictè, ac nominatim à nobis vel per nos, nostraque autoritate ac potestate fieri possunt.

Quare nodus quidam apud D. Thomam propositus facilè dissolvitur. Nodus autem huiusmodi est. Eliguntur homines ex humili conditione, vitæque statu privato ad aliqua capeienda Reipublicæ munera, gerendosque magistratus. Eliguntur autem interdum ab iis, qui potestatem præficiendi, vel faciendi magistratum non habent. ergo illi eligunt id quod non possunt facere: si enim eligerent quod agere possent, ipsimet, qui elegerunt, crearent illos Præfectos, ac Magistratus renunciarent. Sed non creant, cum ij non sint verè Magistratus, nisi cum postea à Principe vel Repub. comprobantur. Solvitur id, inquam, ex iis, quæ conclusioni subiunximus, cum diximus, electionem earum tantum esse rerum, quæ possunt vel à nobis, vel nostro consilio, atque autoritate fieri. qui enim Præfectum eligit, quoniam eligendi potestatem habet, consilio, atque autoritate sua Præfectum facit & Magistratum. tametsi eiusdem electionis comprobatio ad Rempubicam Principemve superiorem pertineat.



CAPVT TERTIVM.

DE CONSILIO ET DELIBERATIONE.

S V M M A.

Non de omnibus rebus deliberationem & consilium esse, sed de iis, quæ per nos plerumque fiunt: & quicquid in deliberationem cadit, in electionem quoque cadere posse.

DIVISIO CAPITIS IN PARTES TRES.

1. De quibusnam rebus consultatio sit, aut non sit.
2. Constituitur modus, ordo, effectus, deliberationis atque consilij.
3. De ipsa deliberationis vi & ratione decernitur, ex comparatione cum electione quæ ipsam excipit, & sequitur deliberationem.

PARS PRIMA CAPITIS TERTII.

Βουλευόντων δὲ πότρεα πρὸς πρῶτων, καὶ πρὸς βουλευτῶν ἔστιν, ἢ πρὸς οἰκίῳ οἷα ἔστι βουλή. λεκτικόν δὲ ἴσως βουλευτῶν, οὐχ ὡς οὐ αὐτὸς βουλευσάτω ἡλίθιος, ἢ μὲν-

Consultant verò utrū de omnibus, & omne consultandū sit, an de quibusdā non sit consultatio. Dicendū autem fortasse, quod in consultationem venit non esse id, de quo aliquis consultaret stolidus, aut insa-

μένος, ἀλλ' ὅσοι ὦν ὁ νοῦς ἔχει. πρὸς δὲ
 τῶν αἰδίων ὁσέως βουλευέται, οἷον πε-
 εὶ τῷ κόσμῳ, ἢ τῆς ἀφαιρέτου, καὶ
 τῆς πλεοναῖ, ὅτι ἀσύμμετρον. ἀλλ' οὐ-
 δὲ πρὸς τῶν ἐν κινήσει, αἰεὶ δὲ καὶ τὰ
 αὐτὰ γινόμενων, εἴτε δὲ αἰάγκης,
 εἴτε φύσεως, ἢ ἀφ' ἑνὸς ἄλλῳ αἰτίας,
 οἷον ἑσπέρων, καὶ ἀνατολῶν. ὁσέως πρὸς
 τῶν ἄλλοτε ἄλλως, οἷον αὐχμῶν, καὶ
 ὁμῶν. ὁσέως πρὸς τῶν ἀπὸ τύχης, οἷον
 ἡσανυροῦ εὐρέσεως. ἀλλ' ὁσέως πρὸς τῶν
 αἰθερῶν πᾶν, οἷον πῶς δὲ Σκυ-
 ραί ἀρίστα πολιτεύονται, ὁσέως Λακε-
 δαίμωνίῳ βουλευέται. οὐ γὰρ ἡγοῦνται αὐ-
 τοῦτων δι' ἡμῶν οὐδέν. βουλευόμεθα δὲ
 πρὸς τῶν ἐφ' ἡμῶν περὶ τῶν. ταῦτα δὲ
 καὶ ἐστὶ λοιπὰ. αἴτια γὰρ δοκοῦσιν εἶναι
 φύσις, καὶ αἰάγκη, καὶ τύχη. ἐπὶ δὲ
 νοῦς, καὶ πᾶν τὸ δι' αἰσθητόν. τῶν
 δὲ αἰσθητῶν ἕκαστοι βουλευόμενοι πε-
 εὶ τῶν δι' αὐτῶν περὶ τῶν. καὶ πρὸς
 μὲν τὰς ἀκρίβεις, καὶ ἀνταρκτικὰς τῶν ὁπι-
 στήμων ἐστὶ βουλή. οἷον πρὸς γεω-
 μετρίας. οὐ γὰρ διαφέρουσιν πῶς γε-
 ωμετρίας, ἀλλ' ὅσα τῶν δι' ἡμῶν. μὴ
 αὐσάντως δὲ αἰεὶ πρὸς τοῦτων βουλευό-
 μεθα, οἷον πρὸς τῶν καὶ ἰατρικῶν, καὶ
 χρηματικῶν, καὶ πρὸς κυβερνητικῶν
 μάλλον ἢ γυμναστικῶν, ὅσα ἡπὶον δι-
 κρίνωται. καὶ ἐπὶ πρὸς τῶν λοιπῶν ὁμοίως,
 μάλλον δὲ καὶ περὶ τὰς τέχνας, ἢ τὰς
 ὁπισθήμας, μάλλον γὰρ περὶ αὐτὰς
 διαφέρουσιν. τὸ βουλευέσθαι δὲ, ἐν πῶς
 ὡς ἐπὶ πολὺ. ἀδελφοὶ δὲ πῶς ἀποβή-
 σονται, καὶ ἐν οἷς ἀδελφοί. συμβούλους δὲ
 πρὸς λαμβάνουσιν εἰς τὰ μεγάλα,
 ἀπιστοῦντες ἡμῶν αὐτοῖς ὡς οὐχ ἰσχυροῖς
 ἀφαιρέται.

niens, sed de quibus is qui mentem habet.
 De rebus aeternis autem nemo deliberat,
 ut de mundo, aut de diametro et latere;
 quia commetienda non sunt. Sed neque de
 iis, quae in motu sunt; cum semper secun-
 dum eundem motum fiant, siue neces-
 sitate, siue natura, siue propter aliquam
 aliam causam: veluti de conuersionibus,
 et ortibus. neque de iis, quae alias aliter, ut
 de siccitatibus et imbribus. neque de iis,
 quae à fortuna sunt; ut de thesauri inuen-
 tione. At neque de humanis omnibus; ut
 quomodo Scyba optimè Rempublicam ad-
 ministrant, nemo Lacedaemoniorum consul-
 tat. non enim fieri possit horum per nos ali-
 quid. Deliberamus autem de rebus per nos
 agendis. haec autem sunt reliqua. Cause
 enim videntur esse, natura, et necessitas, et
 fortuna. praeterea verò mens, et omne id,
 quod per hominem fit. hominum autem sin-
 guli deliberant de iis, quae per ipsos agenda
 sunt. Neque de exquisitis quidem, et se
 ipsis contentis scientius est consultatio. ut de
 litteris. non enim ambigimus quomodo scri-
 bendum sit, sed de iis, quae fiunt per nos:
 non autem eodem modo semper de his con-
 sultamus: ut de illis, quae pertinent ad me-
 dendi artem, et ad quaestuariam, et ad
 nauis gubernatricem potius, quàm gymna-
 sticam, quo minùs exquisita et certa est: et
 praeterea de reliquis item. Magis autem in
 artibus quàm in scientiis consultatur. magis
 enim circa ipsas ambigimus. Consultatio
 verò versatur in iis, quae ut plurimum fiunt.
 in incertis verò quomodo sint euentura, et
 in quibus, indefinitum est. Consultores ve-
 rò adhibemus ad res magnas, diffidentes no-
 bis ipsis, quasi non idoneis ad diiudican-
 dum.

EXPLANATIO.



APUT quæstionis, quod in hæc prima parte ponitur, hoc est: Quibusnam de rebus consultatio sit; num de omnibus. quod si non de omnibus, de quibusnam sit, ac de quibus non sit. Nam quia dictum est supra, electionem semper esse cum antegressa deliberatione & consultatione coniunctam, quærit nunc, quidnam sit, id quod cadat in deliberationem, siue quæ sit materia consultationi subiecta. Græcè unica voce id quod in consultationem cadit, vel consultationis materia est, dicitur *βουλευτόν*, idque reddendum à nobis esset consultabile, siue deliberabile, vocabulis apud Latinos insolentibus; quemadmodum vertit vetus Interpres. Quærit autem hæc de materia deliberationis in eam gratiam, ut ipsa iam constituta & definita, perspicui faciliè possit, quænam res eligantur; cum deliberatio ideo antecedit, ut electio subsequatur. Primo igitur monet, ab hac disputatione depellendum id esse, de quo ipsi tantum bardi, stultique deliberent. insani enim ac fatui, prorsusque demones illud etiam fortasse vocent in consultationem, an Solis curriculum sit inhibendum. Ea igitur solum sibi quærenda putat, de quibus sana mente intelligentiaque præditi homines deliberare possint.

De rebus autem æternis, &c.] Harum autem rerum distinctionem & species petit ab efficiente causa, quam facit quadripartitam; necessitatem; naturam, fortunam, hominis mentem. Ex hac enim quadruplici causa res existere ait, de quibus fortasse consultent qui mente capti non sunt. sed ex his quoque multa secernit, de quibus deliberare stultum sit. Ac primo loco ponit sempiterna, quæ ad necessitatem referuntur, non quidem ad eam, quæ inferat vim, sed nominatim ad illam, quæ divinum consilium, decretum & providentia dici possit; ut cum affirmamus, ignem vrere necessarium, madefacere aquam. Inter hæc res æternas mundum ipsum numerat, eiusque partes, & theoremata quædam Geometrica, in quibus conclusionum necessitas est. qualis cernitur in quadrato, ubi diameter lateri numquam comparabilis aut commensurandus est, cum sit inæqualis, est enim diameter recta linea figuram quâ longissimè patet, ex æquo secans, ac propterea lateri, quod minus est, numquam comparabilis aut æqualis. Quæ minimè comparabilia sunt, & sic inæqualia Græcè dicuntur *ἀσόμετρα*. Hæc igitur vocat æterna, & necessaria; quia necessarias conclusiones habent, & eas, quas dicunt propositiones æternæ veritatis, de quibus nemo sanè consultat. Idcirco enim ea commemoravit, ut significaret, hominem sana præditum mente posse de his quidem cogitare, sed consultare tamen ac deliberare non posse.

Neque de iis quæ in motu, &c.] Alterum hoc genus est earum rerum, de quibus nulla consultatio suscipi potest. est autem earum, quæ in motu positæ sunt, & quidem bipartitæ. Vel enim eodem semper & constanti motu cidentur, vel inconstanti & vario. Eundem semper, constantemque motum & modum habent siderum ortus, & occasus, ver, & æstas, solstitia & brumæ: non semper habent eundem pluviarum, tonitrua, siccitates, eluviones. Horum autem causam ait esse naturam, siue aliam quampiam: quod sic adiunctum naturæ voluit, ut subindicaret fortasse Genios, qui commouent orbis cælestes, & quæ fiunt in aëre moderantur, ac regunt.

Neque de iis, quæ à fortuna, &c.] Tertium harum genus rerum ad fortunam pertinet, de qua deliberatio sanæ mentis esse non possit. quis enim de thesauro deliberet inveniundo, qui forte fortuna solet inueniri? Interdum enim aliquis aliud agens, & cum alia cogitabat omnia, incidit in magnam abditæ pecuniæ vim. idem, aut alius interdum, cum sedulo in hanc incumberet curam, & in eo totus esset, ut thesaurum peruestigaret, delusus est semper. Itaque frustra de thesauro inveniundo deliberatio suscipitur, cum eius inuentio pendeat ab inconstancia & temeritate fortunæ.

At neque de omnibus humanis, &c.] Omnibus iam commemoratis, quæ in deliberationem non cadunt, iisdemque à consultationis materia de pulsas, relinqui videbatur, ut solæ actiones humanæ in consultationem venire deberent. Propterea enim ea, quæ recensuit, ad consilium nulla ratione pertinere dicuntur, quod in nostra potestate non sint, & per nos effici non possint. itaque videtur consequens, solas hominis actiones materiam consilio suppeditare debere. At nunc ne de omnibus

quidem humanis actionibus deliberationem esse demonstrat, sed de iis tantum, quæ proficisci possunt à nobis, & aliquid efficere per nos. nemo enim deliberat de iis, quæ apud Indos geri debent, & quemadmodum ipse loquitur Aristoteles, Spartanorum nullus consultat, & deliberando quarit, quo pacto Scythæ rectè possint suam Rempublicam administrare. ea enim quæ fieri debent apud Indos, per nos fieri non possunt, & quæ Scythis ad suam tuendam Rempublicam suscipienda sunt, per Lacedæmonios effici non possunt. Quapropter inter humana opera illa nominatim ad deliberationem vocantur, quæ per nos ipsos ac studio nostro confici possunt. hæc enim, inquit, sola sunt reliqua, de quibus disceptare, ac deliberationem habere debeamus; cum ex quatuor propositis causis, necessitate, natura, fortuna, & hominis mente, quæ res efficiunt vniuersas, & à quibus omnia profluunt, humana tantum sit mens, quæ illa profundat & pariat, de quibus esse possit deliberatio. Alia quippe, quæ alias causas habent, vim deliberationis effugiunt; eorum verò, quæ per nos effici possunt, nos ipsi per deliberationem causa esse facile possumus.

Neque de exquisitis scientiis, &c.] Inter ea, quæ per nos fieri possunt, scientiæ adnumerandæ videntur & artes, eaque omnia, quæ per ipsas efficiuntur, aut ad ipsas aliqua ratione pertinent ac via. Sed etiam ex his excipitur aliquas, & à consultationis finibus porro depellit. atque, ut quæ nam sint, intelligatur, id ex antiquorum monumentis est repetendum: Græcos duo scientiarum, artiumque fecisse genera, quarum alias appellarunt *ἀκρίβεις*, siue *ἀκρίβεις*, alias verò *εὔχρησταις*. priores illas Cicero vocat exquisitas; huiusmodi sunt Geometria, Physica, Grammatica, & eiusmodi aliæ, in primisque Theologia, quæ ab Aristotele initio *Μεταφυσικῆ ἀκρίβειας*, hoc est, exquisitissima, dicitur: posteriores idem Cicero nominat opinabiles seu coniecturales; quales sunt Rhetorica, Politica, Dialectica, Medicina, Nautica, omnesque opificum artes, ut in primo Top. docet Alexander. Prioris igitur generis disciplinas, atque scientias ait in deliberationem nullo modo venire, tum quòd sunt *ἀκρίβεις*, hoc est, seipsæ contentæ, nec ad aliud referendæ, tum quòd certissimæ, nec umquam opinabiles sunt. deliberatio enim de rebus incertis est, hoc est, de iis, de quibus ambigimus dubitamusque, hoc an illo modo fieri debeant. At eiusmodi scientiæ exquisitæ, inquit, sunt seipsæ contentæ ac certæ, neque vllum nobis ambigendi relinquunt locum. Neque enim dubiter quispiam in Grammaticis, qua ratione scribi, disponique litteræ debeant, cum sit hoc ita constitutum & certum, ut dubitare atque ambigere neminem sinat. Nam, ut ipsemet Aristot. docet in lib. 1. Moral. c. 8. nemo deliberat quemadmodum scribendum sit nomen Achillis. De reliquis idem est iudicium, quoniam & quæ certæ, omnique prorsus ex parte exploratæ sunt & exquisitæ. Posterioris verò generis artes & opificia ait admittere ac postulare consultationem, quia sunt opinabiles, hoc est, opinione & coniectura nituntur, quæ incertæ multisque obnoxia deceptionibus sunt. Verumtamen ex his etiam opinabilibus & coniecturalibus docet, alias magis in deliberationem cadere, quàm alias; quia aliæ sunt aliis incertiores, adeoque maiorem ambigendi locum & materiam dant. Gymnastica enim, inquit, qua exercemur, & validitatem, roburque paramus, ac tuemur corporis, certior est, quàm medicina & ars gubernandi; quia certioribus nititur præceptis & planioribus. Neque enim in palaestra multa consideranda sunt luctatori, vel pæcristæ, quæ artem illam incertam reddant; sed medico, & naui gubernatori consideranda sunt plurima, ex quibus magnæ dubitationes existunt, incertique nascuntur earum facultatum euentus & inconstantes. Medicum enim intueri oportet ætatem, cibos, tempus, consuetudinem, vitæ rationem, aliâque multa, & varia, & incerta in eo, cuius corpus procurat. Gubernator considerat ventos, habitum cæli, signa tempestatis, & præterea longè plura, ex quibus exitus euenire solent incerti ac varij. Consultationem igitur multo sanè maiorem volunt hæc Facultates quàm Gymnastica, quæ certior est, nec tam multa sibi proponit, à quibus & ipsa pendeat, & incerti proueniant exitus.

Illud demum atque in summa subiungit; in artibus & facultatibus, quæ versantur in agendo, multo magis esse deliberandum, quàm in iis, quæ sui gratia & sola cognitione contentæ sunt. Nam quæ referuntur ad actionem, sunt incertiores, & causam dubitandi maiorem præbent. quæ verò cognitionis tenentur finibus, certiores sunt, atque omnem ambigendi adimunt locum. At supra iam dictum est, in-

quies, scientias cognitionis in iis esse positas, quæ certam habent sui rationem ac statum à necessitate ac natura, ideoque in deliberationem non conuenire. Respon- deo in scientiis huiusmodi theoreticis non deliberare nos iis de rebus, quarum ipsæ doctrinam, & cognitionem tradunt; necessaria enim sunt, atque certissima; sed de ipsarum vñ scientiarum: vt cum ambigimus & quaerimus, qua ratione, quove ordine sit in ipsis processus habendus.

Quod si ambigas præterea quæ fiat, vt de artibus ipsis in agendo positis haberi de- liberatio possit, cum præceptis quibusdam vniuersis ac generalibus contineantur, quæ necessaria sunt; animaduertas oportet, artem hic non pro habitu intelligen- dam esse, sed pro ipso artis opere; quod quia varietatem interdum suscipit multi- plicem ex loco, tempore, persona, aliisque circumstantiis plurimis, vt in medici- cinæ, gubernandæque naui cernitur arte, deliberationem etiam consultationem- que tum suscipit. Itaque de artis opere interdum est consultatio, quandoque non est. aliqua enim est ars, cuius opus eodem modo se habet semper, ac de illa non con- sultatur; aliqua, cuius opus inconstanciam & varietatem habet, ac de illa delibera- ri dicitur, quod est hic tantum ab Aristotele traditum.

Consultatio verò versatur in iis, &c.] Hactenus indicata sunt ea potius, de qui- bus non est, quàm ea, de quibus est deliberatio. Sequitur ergo, vt demum expo- nantur illa, quæ subiecta consultationi sunt, iis notatis conditionibus, quibus af- fectas esse res oporteat, quæ deliberationem exposcunt. Quamquam enim est di- ctum vniuersè, de rebus tantum per nos agendis esse consultationem debere, non- dum tamen est declaratum, quales huiusmodi res & quibus affectas esse conditio- nibus & circumstantiis oporteat, vt in deliberationem propriè venire & cadere pos- sint. Conditiones eiusmodi & circumstantias designat tres. Ait enim primo loco de- liberandum de iis esse, quæ tamen si plerumque solent euenire, incertum tamen est, quo pacto ac ratione sint euentura. Secundo de iis, in quibus nihil est definiti, ne- que certò constitutum, quo pacto necesse sit & conueniat agere. Iudex enim non deliberat, qua ratione sententiam ferat vbi versatur in iis, in quibus lege decretum & constitutum est quid oporteat fieri; sed vbi causas offendit, de quibus nihil est le- ge decretum. Tertio de iis, quæ magna putantur & sunt, atque ita magna, vt quo- tiam existimamus, nos ipsos haud satis idoneos esse ad ea expedienda & decernen- da, consiliarios, & deliberandi socios assumamus.

PARS SECVNDA CAPITIS TERTII.

Βουλευόμεθα δὲ, οὐ περὶ τῶν τε-
λων, ἀλλὰ περὶ τῶν πρὸς τὰ τέ-
λη. οὔτε γὰρ ἰατρὸς βουλευέται, εἰ
ὕμιασθ, οὔτε ῥήτωρ εἰ πείσθ, οὔτε
πολιτικὸς, εἰ ἀνομίας ποιήσθ, οὐδὲ
τῶν λοιπῶν ἑκάστος περὶ τῶν τέλων, ἀλ-
λά ἡμέτεροι τέλους ἢ, πῶς, καὶ ἀφ' ὧν
ἔσται, σκοποῦσι. καὶ ἀφ' ὧν πλείων μὲν
φαινομένου γίνεσθαι, ἀφ' ὧν ὀλιγότερα, &
καλλίτερα ὅτι σκοποῦσι, δι' ἐνὸς ὅτι τελευ-
τούμεν, πῶς ἀφ' οὗτου ἔσται. καὶ αἰετὸν
ἀφ' ὧν ὀλιγότερα, ὥς αὖ ἐλθῶσιν ὅτι ὁ περὶ
ἐπιοι, ὃ ἐν τῇ ἀνέσθ ἔχον ὅστιν. ὃ γὰρ
βουλευόμενος εἰσὶν ζητεῖν, καὶ ἀνα-
λύειν τὸν εἰρημῶν ἔσται, ὥσπερ
ἀφ' ἡγεμῶν. φαίνεται δὲ ἡ μὲν ζητη-
σις οὐ πάντα εἶναι βούλους. οἱ αἰμαθμα-
τικαί. ἡ δὲ βούλους πάντα ζητησις, &
ὅ ἔχεται ἐν τῇ ἀναλύσθ, περὶ τῶν εἶναι

Consultamus autem non de finibus,
sed de iis, quæ sunt ad fines. neque e-
nim medicus deliberat utrum sanaturus sit;
neque rhetor, utrum persuasurus, neque po-
liticus utrum bonam legem factururus: neque
ceterorum aliquis de fine, sed ponentes finem
quemdam, quomodo, & per quæ tenebi-
tur, considerant. & cum per plura quidem
apparet id fieri, per quid facilius & optime
fiat, inspiciunt: si autem per unum perficia-
tur, qua ratione per hoc fiet, & illud per
quid, quousque peruenire possint ad primam
causam: quæ in inuentione postrema est.
Consultans enim videtur quaerere, & re-
texere dictum iam modum; quemadmodum
diagramma. Videtur autem quaestio non
omnis esse consultatio, velut mathema-
tica: consultatio verò omnis est quaestio:
& postremum in resolutione primum esse

ἐν τῇ ἡμέρᾳ καὶ μὴ ἀδυνατῶ ἐν-
 τῶν, ἀφίστανται. οἷον εἰ χρημάτων δι-
 ταῦτα δὲ μὴ οἷον τε ποιεῖσθαι. ἐὰν
 δὲ δυνατὸν φαίηται, ἐν χρεῶσι περ-
 τῶν. δυνατὰ δὲ, ἃ δὲ ἡμῶν ἡγοῖται αὖ-
 τα γὰρ ἀφ' ἧς φίλων, δι' ἡμῶν πως
 ὅστιν. ἢ γὰρ ἀρχὴ ἐν ἡμῖν. ζητεῖται δὲ,
 ὅτε καὶ ταῖς ὁρμαῖς, ὅτε δὲ ἢ χρεῖα
 αὐτῶν. ὁμοίως δὲ καὶ ἐν τοῖς λοιποῖς,
 ὅτε μὴ δι' οὗ, ὅτε δὲ πῶς, ἢ ἀφ' ἧς
 ἦτος. ἔοικε δὲ, καὶ ὅτε εἴρηται, αὖτε
 πῶς εἰ δὲ ἀρχὴ τῶν περὶ ἡμῶν, ἢ δὲ βου-
 λῇ, καὶ εἰ τῶν αὐτῶν περὶ ἡμῶν, αἱ δὲ
 περὶ ἡμῶν, ἄλλων εἴη. οἷον δὲ οὗ εἴη
 βουλευτὸν δὲ τέλος, ἀλλὰ ταῖς περὶ
 τῶν. οἷον δὲ καὶ καὶ ἕκαστα, οἷον, εἰ
 ἀρχὴς τῶν, ἢ πέπληται, ἢ πεποίηται,
 ὡς δὲ. ἀφ' ἧς γὰρ ταῦτα. εἰ δὲ αὖ-
 τε βουλεύεται, εἰς ἀπειρὸν ἢ ἔξ.

Quod si autem semper quispiam consultauerit, in infinitum abibit.

EXPLANATIO.



Is notatis, explicatisque conditionibus, quibus affectam esse oportet consultandi materiam, decernit in hac parte de modo, ordine, effectu ac termino deliberationis, atque consilij.

Consultamus autem non de finibus, &c.] Ac principio quidem ostendit, quid in ipsa consultationis inquisitione pro certo ponendum sit, & quid querendum. Sciendum quippe est, consilium siue consultationem quamdam esse in rebus opinabilibus inquisitionem practicam, atque ad agendum relatum: ac propterea, quemadmodum in theorica scientia quædam ponuntur pro exploratis ac certis, quædam verò tanquam dubia, atque incerta queruntur, & disputationibus agitantur; sic prorsus idem in consultatione, hoc est, in inquisitione deliberatiua faciendum est. Idcirco nimirum Aristoteles demonstrat initio quid in deliberatione pro certo habere, ac pro comperto ponere nos oporteat, deinde significat, quid in eodem consilio querere ac disputare debeamus. Ait igitur, id quod in consultatione pro explorato ponitur, esse finem. finis enim in doctrinis ad agendum relatis respondet primis principiis earum disciplinarum, quæ in sola cognitione sunt positæ. Sicut igitur in his non principia, sed conclusiones inquiruntur, principia verò pro exploratis, compertisque ponuntur, ita in consultationibus non de fine deliberamus, atque inquirendo disputamus, sed de præsidij illis atque adiumentis, quæ perducunt ad finem. Exemplo medici planum hoc & perspicuum facit. Neque enim consultat medicus, debeat ne illum ægrotum sanare, cuius sanandi munus curamque suscepit; nec orator, an persuadere debeat iis, apud quos est dicturus; nec Politicus, & is, qui regit Rempublicam, an debeat mores corrigere, ac bonis legibus rectè civitatem administrare. Id enim hi iam præsumpserunt & pro certo habent ac ponunt singuli: quod de aliis quoque dicendum artificibus est. Quare per inductionem ostenditur, de finibus ipsis consultationem non esse; sedposito iam fine, de iis, quorum beneficio & vi finem ipsum consequi, atque ad eum tandem aliquando peruenire possimus. Id enim est quod hic extremo loco subiungit, cum ait, qui deliberant eos non inquisito per disputationem fine, sed sibi destinato & proposito, considerare ac perscrutari quomodo, hoc est, qua actione ac per quæ velut instrumenta, præsidia, atque adiumenta finem ipsum assequantur & teneant.

Et cùm per plura quidem, &c.] Dixerat iam, deliberantes in ipsis adiumentis atque præsiidiis, de quibus consultant, intueri oportere proportionem ac modum, ut intelligant num ad finem consequendum idonea sint. Addit nunc, fieri posse, ut per multa nobis occurrant interdum ad propositum consequendum accommodata præsiidia, videamúsque ad finem ipsum peruenire nos posse pluribus viis; interdum verò vna tantùm ratio proponatur, nec alia suppetât adiumenta, quibus perducamur ad finē. Si viæ suppetunt plures, & multa præsiidia iubet id deligi, quod melius, quod utilius, quod facilius, quod ad rem perficiendam opportunius sit. si vnum tantùm, docet nos inquirere oportere, quo modo per illud ad propositum accedere, ac finem obtinere possimus. Quod si hoc ipsum vnicum instrumentum, atque præsidium in promptu non sit, rursus quærere nos iubet, an per aliud, à quo pendeat, obtineri possit. eodémque modo inquirendum ait esse de alio, sempérque progrediendum, quoad deueniatur ad totius consilij causam, atque ad primum adiumentum, ex quo pendeant reliqua, quæ sunt fini propinquiora. Si de belligerendi ratione deliberetur, inquit Gifan. multæ sanè præstò sunt viæ, quæ nobis victoriam polliceantur. quæritur adeo equitatune, an peditatu, terrestribusne an maritimis & naualibus copiis agendum sit, coronane cingenda sit vrbs, an concutienda tormentis, aut occultè ac per cuniculos aggredienda. Si deliberat medicus, multa sibi ad ægrotum sanandum parata circumspicit adiumenta. quærit adeò medicamentisne, an venæ sectione, aut vstione aliqua curandus videatur. Contra verò cùm vnum tantùm præsidium est, & vna via, ut si equitatu tantum confici bellum & parari victoria possit, id quæritur primò, vnde contrahendi sint equites, & ex qua legendi prouincia sint, in quem locum adducendi. sed ea res perdifficilis apparet, quia sine magnis sumptibus ex longinquo legi, adducique non potest eques, nec pecunia suppetit ad faciendos sumptus, & præbenda stipendia: colligendus igitur equitatus è pecunia pender, ac propterea non iam amplius de equitatu, sed de conquirenda pecunia deliberatur: cuius expediendæ cùm multæ sint viæ, vectigal deligitur & tributum, quod indicitur populis. Ergo proponitur animo primùm victoria, quæ finis est, adeoque in consultationem non venit. deinde equitatus, vnicum ad victoriam consequendam præsidium; tum pecunia, cuius beneficio paratus atque in manu quodammodo eques sit; postremo vectigal, quoniam pecunia cogi sine illo adiumento non potest; atque ita peruenitur ad vltimum, à quo tota instituenda est actio. In summa faciendum in huiusmodi deliberatione id esse docet, quod fieri solet à Mathematicis in diagrammate resoluendo, quod vocabulum multiplicis est notionis, hoc tamen loco quamlibet significat mathematicæ figuram, siue quadrati, siue trianguli, siue alius cuius alterius formæ rationem habeat & modum. Qui enim in mathematicis demonstrare, atque oculis ipsis obuiere quidpiam vult quod conclusum iam sit, retexit ipsum redigitque paulatim in sua principia; in eoque munere tamdiu, & eò usque resoluendo ac retexendo pergit, donec aliquando ad id perueniat quod per se planissimum & notissimum est. Id, inquam, fieri docet in hoc genere consultationis, quæ cum mathematicis resolutionibus comparabilis est. habet enim sicut res mathematicæ quæstionem suam, quia quamuis, ut ipse ait non omnis quæstio est consultatio (sunt enim permultæ in disciplinis singulis quæstiones, quæ deliberationes non sunt) omnis tamen consultatio quæstio est, cùm quædam rerum agendarum, suscipiendarumque inquisitio sit. Itaque quemadmodum mathematica quæstionem suam retexit, atque in sua principia non demonstranda & probanda redigit: sic deliberatio, quæ vnicum illud instrumentum atque præsidium non habet in manu, aliud, aliudque subinde quærit, donec ad extremum perueniat, à quo pendent singula, quodque deliberationis perfectæ constitutæque principium sit. In hoc enim dicit etiam longè maximam similitudinem esse; quod sicut vltimum, in quod mathematica demonstratio resoluitur, totius est demonstrationis principium, ita quod in hac inquisitione præsidiorum adiumentorumque postremum esse deprehenditur, humanæ actionis initium, siue, ut loquitur ipse, generatio est, hoc est, gignit actionem humanam: quæ Aristoteli loquendi forma vltata est & perfamiliaris. ita prorsus, ut infra non dubitet hominem appellare *γεννητήν τῆς ἀπαξίας*, genitorem, & quasi fabrum actionum humanarum. Nam in ædificanda domo id primum propositum habemus, ut imbres, calorem, aliasque à nobis cæli, aërisque defendamus iniurias: deinde ad præsiidia & media conuertimus animū, quæ parietes sunt, ac tectum: sed necessarij sunt fabri, lapides, cimenta, materia, ad quæ paranda cùm sit opus

pecunia, hæc primùm expedienda erit, atque ab ipsa capietur initium. Inquit medicus qua via salutem pareat ægroto, quam animo consignatam & propositam habet: deprehendit, calida, siccaque porione parandam esse, nec aliam suppetere viam. inquirat rursus oportet quomodo & per quæ possit eiusmodi portio fieri, certas esse cognoscit herbas, quarum beneficio fiat. atque hinc, ubi videtur extremum esse, capit initium actionis suæ. Denique verissimè in Eudemicis ita scribit lib. 2. cap. ult. Rationis igitur seu deliberationis & disputationis principium est idem ac finis. actionis autem principium est deliberationis finis.

Quòd si in aliquid inciderint, &c.] Tradito iam ordine ac methodo, qua in exquirendis & perpendendis adiumentis insistere debeat qui deliberat, ipsum nunc deliberationis effectum demonstrat. hunc autem in eo esse confirmat, ut vel agamus ad consequendum finem quæ agenda esse cognouimus, vel ab agendo desistamus, si desistendum esse per eandem consultationem intelleximus. Vbi enim in deliberando per inquisitionem ad id peruentum est, quod agere ad obtinendum finem, oportet, si haberi per nos, fierique non potest, ab agendo discedimus: sin autem à nobis parari, atque in potestate nostra esse vel futurum esse certò cognoscimus, illico ad agendum accingimur, & facere aggredimur id, quod ad persequendum, tenendumque propositum est opportunum. Pulcherrimè verò declarat quid sit quod à nobis effici pararique possit, cum id adiungit: illud autem fieri posse, quod potest, siue per nos, siue per amicos confici: quæ enim efficimus per amicos, aut per alios quibus rem faciendam demandamus, ea profectò ipsi nos efficere atque ad exitum perducere videmur, inquit, cum agendi principium in nobis sit, quorum imperio, vel precibus, ac suasionem facta res est. Nam quemadmodum eorum quæ per instrumenta, vel plura vel singulatia facimus, ipsi nos authores dicimur, & sumus; sic ea, quæ per alios homines agimus, agere nos ipsi censemur, & verè agimus.

Videtur igitur homo, &c.] Compendio quodam colligit quæ dicta sunt omnia, ita concludens, hominem esse actionum humanarum principium, & consultationem de iis esse, quæ ab homine agi possunt, ipsamque humanam quamdam actionem existimari debere. actiones autem humanas esse aliorum gratia, & propter finem. ex quo arripit occasionem de ipso consultationis termino disserendi.

Cum enim effectus consultationis suprà demonstratus sit, in eo videlicet positus, ut nos, vel agamus, vel ab agendo desistamus, è tribus propositis rebus restat tertia, quæ demonstranda nunc sit. hæc autem est eiusdem terminus, limèsque consultationis, quem in deliberando esse aliquem, inquit, oportet, ne ipsa deliberationis inquisitio vagetur, & abeat in infinitum. Huius rationem dicti tribus repetit è rebus; ex agente, ex fine, ex instrumentis. Ex agente quidem: quia omnis hominis actio certum finem ac terminum habet: consultatio verò est hominis actio, ac de iis rebus, quæ in hominis actione sunt positæ: ex fine verò, quia consultatio, ut diximus, inquisitio quædam est. inquisitio verò est gratia finis, & finem exposcit: ergo termino demum aliquo definitur. ex instrumentis denique, quibus utitur is qui deliberat: quia in inquisitione deliberatiua peruenitur demum ad aliquid singulare, sensibus manifestum, à quo non sit progrediendum ulterius, & de quo non est amplius deliberandum. ergo deliberatio suo tenetur & circumscribitur termino. De rebus enim singularibus, inquit, quæ sensu iudicantur, non consultamus; exempli gratia, an hoc quod in manibus habemus, panis sit, aut si sit panis, an bene factus & subactus sit. Si enim velimus omnia, & ea quoque quæ sensibus subiiciuntur in quæstionem deliberationemque vocare, & rebus clarè cognitis atque perspectis probationem aut fidem ex aliis conciliare, nullo terminabitur modo deliberatio, adeoque in deliberando incertis animis semper atque infinitè vagabimur, nec umquam ad electionem, quæ finis consultationis est, perueniemus.

PARS TERTIA CAPITIS TERTII.

Βουλὴν δὲ καὶ παραιεῖν τὸ αὐτό. πλὴν ἀφωρισμένον ἢ δὴ τὸ παραιεῖν. τὸ γὰρ ἐκ τῆς βουλῆς παραιεῖν, παραιεῖν ὅτι. παύεται γὰρ ἕκαστος ζητῆν πῶς παρ᾽ αὐτοῦ, εἰς αὐτὸν ἀναγὰν πλὴν ὅτι, καὶ αὐτὸ εἰς τὸ ἡγεῖσθαι. τὸ γὰρ τὸ

Consultandum autem & eligendum idem est; præter quàm quod definitum iam est eligendum. Quod enim ex consilio iam iudicatum est, id est eligendum. Cessat enim quisque querere quomodo agat, ubi in semet ipsum retuleris principium, & in sui partem quæ imperat. hoc enim est

πραγματούμενον. διὸ δὲ τῶν, καὶ
ἐκ τῶν ἀρχαίων πολιτικῶν, ὡς Ὀμη-
ρος ἐμμελεῖ. οἱ γὰρ βασιλεῖς, ἀπαρ-
τῶν, ἀνέστησαν πρὸς δῆμον. ὄντες δὲ τῶν
πραγματοῦν, βουλευτῶν, ὁρεκτῶν τῶν ἐφ'
ἡμῶν, καὶ ἡ παρὰ αἰσῶν ἀπὸ εἰς βουλευ-
τικὴν ὁρεξίς τῶν ἐφ' ἡμῶν. ἐκ τῶν βου-
λευσάμεναι γὰρ κρίναντες, ὁρεγόμεθα
καὶ τῶν βουλευσάντων. ἡ δὲ οὖν παρὰ αἰ-
σῶν τῶν εἰρησίων καὶ πρὸς ποῖα ἔστι,
καὶ ὅτι τῶν πρὸς τὰ τέλην.
ἔσθ' αὖτε in rebus versetur, ἔσθ' esse eorum, quæ ducunt ad fines.

quod eligitur. Perspicuum verò hoc etiam
ex veteribus Rebus publicis, quas Homerus
imitabatur. Reges enim ea quæ elegerant,
renuntiabant populo. Cum igitur id, quod
eligendum est, sit etiam id, de quo est delibe-
randum, ἔσθ' id quod est appetendum ex iis
quæ in nobis posita sunt, etiam electio possit
esse deliberativa appetitio eorum, quæ in
nobis sunt. ex cōsilio enim ubi iudicauimus,
appetimus secundum consultationem. Ac
electio quidem quid sit, in figura sit dictum:

EXPLANATIO.



DISPUTATIONEM claudit hac tertia parte per duplicem compara-
tionem consultationis cum electione. hoc enim superest extremum;
ut cum multa de consultatione dicta simpliciter absolutèque sint de
eadem differantur aliqua comparatè. Ac primam quidem compara-
tionem ducit à conuenientia, cum dicit, βουλευτῶν ἔσθ' ἀπαρτῶν, hoc
est, id quod in deliberationem cadit, & quod cadit in electionem idem esse, quia
deliberandi & eligendi materia eadem est: cum bonum, quod in potestate nostra
est querere ac parare, deliberationi & electioni veluti materia subiiciatur. Habet
enim vtriusque materia conditiones quinque, ut fieri à nobis possit, ut sapius acci-
dat, ut incerta sit, ut ferat ad finem, ut sensibus manifesta non sit.

Alteram comparisonem petit à differentia. itaque sicut prior comparatio à simi-
li ducta est, ita hæc posterior est à dissimili, atque contrario desumpta. Differentia
verò ea est, quòd consultatio antecedit electionem, consultationem subsequitur
electio: cum nihil eligatur quod bonum esse iudicatum ante per deliberationem
non sit. Qui enim deliberando inquit, inquit, utrum & qua ratione debeat age-
re, à deliberatione desistit cum resoluendo & retexendo, inquisitionem demum ad
id, quod in sua ipsius est potestate perducit. Id quippe est principium in se ipsum,
atque in eam sui partem quæ præest & obtinet in homine principatum reducere. iu-
diciū enim in perquirendis adiumentis ad finem consequendum ductu rationis,
quæ in homine princeps est, eò demum progreditur, ubi iam intelligit in sua esse
potestate id agere, de quo deliberatum & iudicatum est. definit ergo tunc delibe-
ratio, sequitur electio. Illustrat id exemplo Rerum publicarum siue consultatio-
num Regiarum, quas describit Homerus. apud quem Reges, inquit, quæ delibe-
ratione probarunt, populo referunt, & agenda denuntiant. cuiusmodi nimirum est
Agamemnon in Iliad. 2. ubi per Somnum iam admonitus, atque ad bellum incita-
tus, secum antè de pugna capessenda deliberat, deinde ductoribus illam & militi-
bus aggrediendam proponit, eandemque vealacriter suscipiant, & strenuè prose-
quantur hortatur.

Eiusmodi etiam est Alcīnus in lib. 8. Odyss. qui cum Proceribus & Senatoribus
suis ea primū communicat, & deliberat, quæ aduersus Vlyssē hospitem facien-
da sint, & exinde deliberata iam & decreta per consiliū ad populum refert. ut ea
sibi exequenda esse intelligat, quæ Senatorum iudicio placuerunt. Aristotelis igitur
hæc est in summa sententia, in priuatis quoque deliberationibus id fieri, quod
fit apud Homerum in publicis. Quemadmodum enim in his, ubi reges iudicant,
quid agendum sit, omnis definit deliberatio: & bellum, aut alia res decreta susci-
pitur, sic in priuatis ubi iudiciū rationis adiumenta quæ sunt in nostra potestate
probat, finem habet consultatio, electioque sequitur & actio. Rex enim animæ
parti & facultati consultatrici similis est: populus verò appetitui comparatur. ubi
ergo mens deliberauerit, consiliūque firmauerit, appetitui tanquam populo de-
cretum denuntiat, ut electio simul & actio subsequatur.

Cùm igitur id quod eligendum est.] Colligit ex iis, quæ disputata sunt, electionem esse appetitionem quamdam deliberatiuam earum rerum, quæ nostræ sunt potestatis. Id enim, quod est eligendum, est etiam appetendum, & quod est eligendum, est idem deliberandum: non deliberamus autem nisi de iis, quæ in nostra sunt potestate. Igitur electio est deliberatiua quædam appetitio eorum, quæ à nobis fieri possunt, aut agi per nostros.

EPILOGVS.

1. Non est de rebus omnibus deliberatio. Neque enim id quod consultat fatuus, materia consultationis est: non res æterna, nec ea quæ frequenter à natura fiunt, nec quæ proueniunt à fortuna, sed actiones humana: ac ne omnes quidem, sed illæ solum, quæ in nostra sunt potestate.
2. Nec sunt ea, quæ certa aliqua disciplina & per se definita iam sunt: sed ea, quæ ab artibus opinabilibus, & coniecturalibus agitantur.
3. Consultatio est de iis, quæ sæpius eueniunt, modo sit incertum, quæ ratione ac modo sint euentura; de iis, in quibus haud est constitutum quæ ratione, oporteat agere, & de rebus magnis, quibus constituendis, quia impares nos esse videmus, ad consiliarios, amicosque confugimus.
4. Non est consultatio de fine, sed de iis quæ ferunt ad finem.
5. Proposito & præsumpto fine, methodus & ordo deliberationis est, ut præsidia intueamur, ad finem consequendum idonea: quod si plura sint, ex iis utilius ac melius eligamus: sin vnum, & illud in nostra potestate non sit, per resolutionem ad id veniamus quod nostri sit iuris & potestatis.
6. Effectus consultationis est, agere vel desistere ab agendo. finis eiusdem & terminus est idoneum præsidium, adiumentumque ad obtinendum finem idoneum, quod tamen in nostra situm potestate sit.



IN CAPVT TERTIVM,

QVÆSTIO PRIMA.

An consultationis & electionis materia sit eadem.



VOD hac quæstione peruestigamus, aliis proponi verbis potest ex Aristot. petitis, hoc est: an id quod in consultationem cadit, & Græcè βουλευτήριον appellatur, diciturque à nonnullis Consultabile, idem sit atque id, quod in electionem conuenit, & Græcè ἐκλογικόν est, vertiturque ab aliquibus Eligibile. Sed quoniam hæc vocabula materiam consultationis electionisque significant, quæstionis titulum fecimus de materia, quam in decursu variis, ut se feret occasio, vocabulis appellabimus, variisque loquendi formulis describemus. Porro controuersiam hanc initio tractare ac statuere volumus, quia plures amolietur difficultates, quarum singulæ videri possunt priuatam per se disputationem postulare. Posuit enim Aristoteles huius initio capitis tertij, deliberationem non esse de rebus omnibus, neque de omnibus humanis actionibus, non de theoreticis disciplinis, non de fine, at hæc quæ videntur esse maximè controuersa, hac ipsa quæstione declarabuntur.

Igitur, ut rem aggrediamur, erit animaduertendum primo loco, consultationem, siue deliberationem, siue consilium esse quamdam dubiarum incertarumque rerum inquisitionem; & consultare, siue deliberare nihil aliud esse, quam de huiusmodi rebus in utramque partem inquirere, ac disceptare. Sed consilium, quamquam interdum est ipsa inquisitio, atque id quod ipsa consultationis & deliberationis significat vox, usurpatur tamen haud rarò pro electione, quæ post deliberationem ancipitem sequitur. Itaque ne aliqua vocabulorum confusio ac perturbatio sit, eam inquisitionem, consultationem potius quam consilium appellabimus, cum de consultationis electionisque materia differemus, id inquirentes, utrum eadem sit an diuersa. Quod si consilium interdum consultationem ipsam dicemus, intelligemus iudicium quoddam, quo in deliberatione statuimus, quid eligendum sit, non tamen eligimus: electio enim est voluntatis, iudicium eiusmodi est intellectus. Itaque deliberatio duas habet partes ab intellectu;

intellectu ; inquisitionem siue rationationem & iudicium : quas deinde sequitur electio ex voluntate.

Animaduertendum secundò : ad huius decisionem quæstionis videndum esse num definitio & conditiones vtriusque materiæ sint eadem, an dissimiles ac variz. hinc enim intelligetur, eadèrne an diuersa, & varia ipsa materia sit. Igitur, vt breuiter agamus, consultationis materia, siue id quod in consultationem & deliberationem cadit, est humanum aliquod opus à nobis agendum, & quod per nos fieri possit, contingens, dubium, magnum, & quæsitum propter finem. Ac primò quidem contingens esse dicitur, hoc est, minime necessarium, neque impossibile, quia frustra consultaretur, aut consilium de iis caperetur, quæ necessariò sunt, vel non sunt euentura. Quòd si dicas, aliquos de rescindendo cælo consultasse, de quæ turribus extruendis, quæ tangerent sidera, quales fuere Gigantes illi ad omnem temeritatem proiecti ; erit hæc circumscribenda conditio, addendumque consultationis materiam ita contingentem esse oportere, vt quamuis ipsa per se in humanam actionem conuenire non possit, ab eo tamen qui deliberat impossibilis esse non iudicetur. neque enim illi de contingendo cælo deliberassent, si hoc humana vi fieri non posse credidissent. Est igitur consultationis materia aliquid non modò contingens, verum etiam humanum, hoc est, eiusmodi, vt humana facultate confici possit. Contingunt enim multa, & contingentia verè dicuntur, sed quæ sola natura contingunt. de his autem nemo consultat. Quis enim de pluuia, de grandine, de tonitruis, de niue ac pruina deliberet ? & tamen illa contingentia sunt. Quòd si aliqua sunt, quæ ita contingunt natura, vt hominis etiam actio non nihil adiumenti conferat ad eorum naturalem euentum, vel præparando, vel impellendo, & principium motus impertiendo, vel aliqua alia ratione ad suum ipsius vsum naturalia pertrahendo, ea profectò eatenus consultationi, & deliberationi materiam suppeditant idoneam, quatenus ex nostra ipsorum opera possunt aliter atque aliter euenire, aut cum humanis actionibus aliqua demum ratione coniungi. Neque enim rationi dissentaneum est, Imperatores exercitus & belli Principes Astrologos consulere, an pluuiz, niuésque casuræ videantur, vt ipsi prudenter de expeditione suscipienda, vel omittenda deliberent. Naturalia enim, quæ hoc modo sunt, ita sunt etiam humana cum actione coniuncta, vt possint non quidem per se, sed per accidens in consultationem venire. Ceterum non ideo tantum hoc contingens dicitur humanum, vt significetur, deliberationis materiam non esse id quod solùm effici potest à natura, verum etiam vt fortuita, & quæ casu accidunt, ab eadem materia depellantur. hæc enim dici non debent humana, quia vt eneniant, aut non eueniant, id sanè in hominis potestate non est. Dux igitur huius materiæ conditiones hæc sunt, vt sit contingens, vt sit humana, hoc

est ea, quæ humana possit actione tractari & perfici. Tertia est, vt non modò possit ab homine tractari, & confici, verum etiam tractari & confici per nos. multa enim fieri possunt ab homine, sed ab hoc homine fieri non possunt. oportebit igitur id, quod in deliberationem cadit, eiusmodi esse, vt ab iis, qui deliberant fieri possit, vel ab aliis, quibus ipsi agendi negotium dabunt. quod enim per alios facimus, ipsi nos facere videmur. Quarta : vt quod deliberationi subiicitur, dubium sit. Qui enim certissimè sciret quid agere, qua ratione, quibus præfidiis, & quo loco ac tempore deberet. numquam profectò consilium peteret, aut deliberaret, sed ex sua ipsius scientia tam explorata & certa illico agere aggrediretur. Videmur quidem interdum petere consilium ab amicis etiam iis de rebus, quæ exploratas habemus, sed hoc non est propriè amicos consulere, vel cum amicis de re agenda deliberare & consultare, sed potius amicos consilij nostri atque sententiæ participes facere. Quinta conditio est, vt deliberationis materia sit aliquid magnum & grane. neque enim de perexiguo ac prope nullo adipiscendo bono, aut de leuissimo depellendo malo suscipi deliberatio solet, sed de grani ac summo ; sit prorsus, vt interdum quia res in deliberationem cadentes maximæ sunt, & nostra facultate superiores, consiliarios, vt ait Aristoteles, & socios ad consultandum & deliberandum quæramus. Itaque materia quæ deliberatione sit digna ea est, quam in deliberationem venire debere vir iudicat sapiens, nemo autem sanus ac prudens iudicabit, consultatione dignas esse res paruas, & prope nihili, cuiusmodi sunt plumæ, paleæque tollendæ de medio, de quibus non deliberet nisi stultus. Idcirco nimirum Aristoteles ait, deliberationis materiam non esse illam, de qua deliberet etiam fatuus, sed eam, quam prudentissimus quisque ad consilium referat. Sexta demum conditio est, vt id de quo consultatur, aliquid sit, quod propter certum finem in deliberationem vocetur. Nemo enim de fine consultat, sed vnusquisque præstituto iam sibi fine, quærit qua ratione ac via possit melius ac facilius finem adipisci. sed quia inter fines aliqui sunt, quorum alter alteri subiicitur, ita demum finis à consultatione depelli dicendus est, si postremus sit, neque ad vltiorem aliquem dirigatur.

Dices tamen, de beatitudine quæ supremus est finis videri consultationem esse. Si enim ex eo qui deliberat quæras, cur consilium petat, haud dubiè causam omnem in beatitudinem conferet, respondebitque ad paradidam felicitatem omnem se consultationem & deliberationem instituisse. Sed obseruandum est, rectè verèque dici posse, consultationem esse de fine tamquam de eo cuius gratia consilium quæritur ; vel tamquam de principio inquisitionis deliberatiue, non tamen dici debere esse de fine tamquam de eo, quod per consilium, & deliberationem inuestigatur. Nam quod quæritur dubium est : finis autem vltimus in ambiguo non est, sed tanquam ex-

Floratus ponitur ac certus, adeoque in singulis actionibus, id est, quod agenti primò proponitur, exequenti postremum occurrit.

Animaduertendum tertio: ex iis, quæ dicta sunt, intelligi posse tum conuenientiam, tum discrimen inter id, quod in deliberationem, & inter id, quod in electionem cadit. Conueniunt enim primò, quòd vtrumque bonum est, cùm vtrumque dirigatur in finem. habet enim boni rationem aliquam quicquid propter finem inquiritur, & refertur ad finem. Conueniunt deinde, quòd vtrumque contingens est, & eiusmodi, vt fieri possit à nobis & per nos. Conueniunt denique ideo, quòd neutrum eorum sit vltimus finis, sed vtrumque in finem propositum dirigatur. Differunt verò primò, quia electio est voluntatis actus, consultatio intellectus. Nam siue consultatio ipsum consilium sit, & iudicium decernens quid, aut quomodo sit agendum, siue inquisitio, ac ratiocinatio, ad huiusmodi iudicium exprimendum, actio profectò est intelligentiæ, nullaque ratione voluntatem attingens. Sequitur igitur hinc, id quod in deliberationem cadit, esse intellectus, quod cadit in electionem, esse materiam voluntatis. Differunt secundo: quia quod consultationi subiicitur est dubium, quod pertinet ad electionem, est certum, hoc est, per consultationem deprehensum iam & iudicatum. Ideò nimirum Aristoteles cùm dixisset, id, de quo consultandum est, & id, quod est eligendum idem esse, subiunxit illico, id tamen, quod in electionem cadit, esse certum & constitutum. Differunt tertio; quòd consultatio quædam enuntiatio sit, declarans ac iudicans quid, aut qua ratione aliquid agendum, aut non agendum sit; electio verò ipsa est actio, quæ & agendi decretum, & rationem, ac modum agendi à consultatione suscepit. Addunt aliqui differre propterea, quòd consultatio de magnis tantum & grauibz est rebus, electio verò æquè magnarum sit rerum, ac modicarum. Eligimus, inquiunt, pomum è multis, de eligendo non deliberamus. Sed hoc ab Aristotelis sententia videtur alienum. Dixit enim, nullam electionem esse, quam deliberatio non antecesserit, ergo vult, ne rerum quidem exiguarum electionem esse absque deliberatione præeunte. Præterea ex communi loquendi forma intelligimus, id esse, falsum quod isti contendunt. quemadmodum enim de re leuissima deliberasse non dicimur, sic ne elegisse quidem eamdem dicimur, sed fortè, atque vt occurrebat, accepisse. Aliam alij differentiam ducunt ex eo, quòd consultatio quidem non cadat nisi in res dubias & incertas, electio verò in res quoque sæpe certas, quæ minime dubia sunt; vt constat ex disciplinis artibusque theoreticis, quarum electæ per nos conclusiones certissimæ sunt, & ex virtutibus; quæ sunt habitus electiui, & tamen in re atque opere non dubio sæpe versantur: qualis est iustitia cùm posita est in mediocritate certissima, nec vnquam variabili, quæ dicitur medium rei. Sed ne hoc qui-

dem videtur inter eas differentias ponendum, quæ facere possint, vt hæc duo sint magnopere discrepantia. Quamquam enim id quod in electionem cadit, dum eligitur, dubium non est, cùm iam antè fuerit deliberatione atque consilio definitum, ipsum tamen per se est eiusmodi, vt parere dubitationem posset, nisi præuia consultatione constitutum iam ac definitum fuisset. Itaque actiones illæ, quæ vertantur in disciplinis certissimis, & in virtutis opere minime dubio, cùm eligunt, ex vi eligunt præteritæ iam consultationis & iudicii. Alij denique differentiam ex eo petunt, quòd res deliberationi proposita sit interdum eiusmodi, vt fieri non possit, nec inhumanam conueniat potestatem: id autem quod electioni subiicitur, semper sit ex eorum genere, quæ fieri possunt. sed hæc differentia frustra conquiritur: quia, vt supra diximus, ea impossibilia, quæ aliqui vocant in deliberationem, ab iis impossibilia esse non cognoscuntur, adeoque deliberanti perinde proponuntur, ac si fieri possent. Cùm enim dicimus, id quod in consultationem venit, fieri posse oportere, intelligimus fieri posse vel per se, vel ex deliberantium opinione. Totius ergo quæstionis hæc ad extremum est ponenda.

Conclusio, id quod in deliberationem cadit, & quod cadit in electionem, hoc est, *bonum & delectabile*, consultabile, & eligibile, conuenire inter se atque idem esse materialiter, differre verò ac discrepare formaliter. Id videlicet est quod sibi vult Aristoteles, cùm de utroque pronunciat, inter se idem esse, nec aliò differre nomine, nisi quòd eligibile sit iam constitutum, ac definitum; consultabile verò, tamquam incertum ac dubium, in vtramque partem disceptationibus agitur.

Itaque his ita positis, facile depelluntur ea, quæ possunt obici ad demonstrandum etiam differre materialiter. Primùm sic est. Potentiæ, facultatesque distinguuntur inter se, ac secernuntur ex actibus. At consultatio ad intellectum pertinet, ad voluntatem electio. Igitur deliberatio, quæ actus est intellectus, & electio quæ voluntatis est actio, inter se distinguuntur & differunt. neque enim intellectus & voluntatis eadem facultas est. Refellitur, inquam, hoc argumentum, quia formalis eorum actuum distinctio satis est & idonea ad efficiendum, vt facultates inter se differant: nec oportet eosdem etiam inter se discrepare materialiter.

Secundùm. Illa non sunt idem inter se, quorum vnum absque altero deprehenditur esse & consistere posse. sed electio potest esse & consistere absque deliberatione, quia finis eligitur, de quo non deliberatur, & aliquarum conclusiones disciplinarum citra deliberationem omnem eligimus. ergo deliberatio & electio, siue id de quo deliberatur, & quod eligitur, idem non sunt. Respondetur, id etiam ostendere distinctionem inter hæc esse tantummodo formalem. nam ipsa finis electio propriè electio non est, sed appetitio, vt in proxima quæstione docebitur.

QVÆSTIO SECUNDA.

*An de omnibus bonis malisque sit
consultatio.*

ET nos in proximè superiori quæstione iam diximus, & huius initio Capituli id ponit Aristoteles: de rebus omnibus deliberationem non esse. Sed alia omnia demonstrare videntur hæc argumenta.

Primum. Quicquid in electionem cadit, cadit etiam in consultationem. Neque enim eligere quicquam unquam verè dicemur, nisi antè deliberauerimus, & consilio iudicioque quid eligendum sit, decreuerimus, ut docetur ab Aristot. Sed quodlibet bonum cadit in electionem, & malo, siue minus bono præponitur, quod est eligere, ut ab eodem traditur Aristotele in lib. 1. ubi ait rerum omnium optabilium alias eligi propter se tantum, alias tantum propter aliud, alias demum propter se simul, & propter aliud. In qua triplici partitione omnium planè bonorum genera continentur, quorum alia propter aliud, alia propter se, ac propter aliud bona dicuntur, nec vlla inueniuntur præterea, quæ in aliqua horum bonorum classe collocanda non sint. Cum igitur singula hæc bona dicantur ab Aristotele in electionem cadere, videtur etiam consultatio de singulis esse, si rectè, verèque decretum est, electionem sine consultatione antegressa non esse. Et quoniam etiam de malo deliberamus ad fugam, consequens est, in quodlibet etiam malum deliberationem & consilium continere.

Secundum. Moralium virtutum quælibet omnino materia cadit in electionem, cum quælibet virtus dicatur ab Aristotele, ac definiatur habitus electivus. Virtutes autem in omni bonorum genere versantur, & quodcumque bonum veluti materiam trahant. Nam posita quædam sunt in diuinis, ut religio, quædam in humanis, ut temperantia, & aliæ similes. ergo quodlibet bonorum genus per electionem admittunt. At electio præmittit ante deliberationem, atque consilium. Igitur de omnibus bonis malisque consultatio est.

Tertium. Consultatio videtur esse de omnibus, quæ ad finem hominis pertinent. Sed nihil est, quod non ad finem pertineat hominis, cum ipse quodammodo sit rerum omnium finis, ut ab Aristotele dicitur in 1. Physicorum.

Quartum. Si quid est, de quo non deliberetur, id est maximè finis ultimus ac supremus. At de ultimo quoque fine potest esse deliberatio. Nam de omnibus, quæ dubitationem habent aliquam, debet consultatio esse, & inquisitio deliberatiua. De hominis verò supremo fine plurifariam à plurimis dubitatur. Præterea de omni prorsus hominis actione deliberatio & consilium esse debet, ne quid ab eo fiat cum non oportet, & quem-

admodum non oportet. Sed appetitio supremi finis, ac beatitudinis nostræ humana quædam est actio. ergo etiam de ipsa debet esse consilium & deliberatio.

Dicendum tamen est primo, deliberationem & consilium de omnibus esse non posse, ut ea demonstrant, quæ suprà disputata iam sunt, & nunc breui compendio sic colliguntur: Ex omni rerum numero quicquid est, vel necessariè est, & ex nullo principio ducit originem, vel à natura, vel ab arte, vel à fortuna, vel ab aliena, vel à nostra ipsorum voluntate proficiat & sit. Sed nihil consultandum, atque in deliberationem cadens vel ex sua ipsius necessitate absque villo principio est, vel à natura pendet eodem modo semper agente; aut ab arte fit, quæ minimè dubia præceptione dirigit artificis manum, aut ad casum fortunamque refertur, quæ temerè agit omnia, & est inimica consilio; aut in aliena est positum voluntate, quæ in deliberantis potestate non est. Ergo consilium, & deliberatio de omnibus rebus esse non potest.

Dicendum secundo: et idonea partium enumeratione, ac diuisione id effici & consequi necessariè, ut ea solùm in deliberationem cadant, quæ in deliberantium potestate sunt, atque ab eorumdem animo pendent ac voluntate.

Dicendum tertio: ea tamen, quæ in deliberantium potestate sunt, & de quibus ipsi rectè consultant, sex conditionibus esse prædita atque affecta oportere. Prima, ut repentina & subita non sint; cum id, de quo deliberatio suscipitur, aliquid sit antè prouisum, & ipsa consultatio lento procedat gradu, non præcipiti & concitato, ut res subita postulat, & repentina. Secunda: ut non rarè contingant, sed plerumque sic fiant. Si enim rarè contingant in deliberationem veniant, sequeretur, spem, expectationemque deliberantium semper, certè plerumque frustrari, & malum rarè item eueniens continenter ac semper eximescere nobis oportere. Vxor enim in thoro maritum adcubantem rarè interfecit, sed interfecit tamen: filius super mensam dilutum in poculo patri venenum rarè etiam obtulit, sed tamen obtulit. Effet ergo viro cauendum semper à coniuge, parenti à filio, omnisque tollenda videtur communis vitæ necessitudo. Tertia conditio: ut consueta & solita, vel naturali quodam instinctu certa non sint. Nemo enim deliberat, utrum ad alendum & seruandum corpus cibum ori ad mouere necesse sit. habet hoc nimistrum vnusquisque ab assuetudine, atque ab instinctu naturæ iam inde à pueritia certum. Quarta, ut peculiari sensu nota & explorata non sint. nam quæ in deliberationem conueniunt, non percipiuntur sensu, sed intelligentia & ratione disceptantur, ac certa redduntur. Quinta, ut finis ultimi rationem non habeant. finis enim supremus, ut diximus, in deliberatione non quaeritur, sed est iam antè præsumptus & propositus animo. Sexta, ut ad finem conducantur, & ea, quæ iure

ad finem ipsum consequendum destinari possint ac dirigi. quæ conditio sic affirmans sequitur ex aliis superioribus, quæ in negatione posita sunt.

Dicendum est quartò: hinc demum effici & sequi, consultationem esse tantummodo de utili bono, adeoque bonū honestum, ipsamque Virtutem aut honorem in deliberationem non cadere. Docet hoc Aristoteles in Rhetoricis, & ipsa suadet in primis ratio. Consultatio enim est tantummodo de præfidiis, adiumentisque, quæ conducunt ad finem, at eiusmodi adiumenta & præfidia bona solum utilia sunt, nec inter alia bonorum genera numerantur. Quòd si dicas, de virtutibus sæpe nos deliberare, quæ tamen honesta sunt bona, nec in utilium numero collocantur, breuissimā responsione difficultas euertitur. Habet enim virtus & præfidiij rationem & finis, adeoque & bonum utile dici potest & bonum honestum. quo fit, ut de virtute interdum tamquam de adiumento aliquo deliberemus, & eandem interdum tamquam bonum honestum oratione laudemus. Cùm igitur de virtutibus deliberamus, deliberatio de ipsis est tamquam de præfidiis adiumentisque ad finis, hoc est, ad beatitudinis adeptionem accommodatis. Cùm autem Virtutes orationis genere demonstratiuo laudamus, earum honestatem veluti finem ob oculos audientium ponimus, nec de utilitate verba facimus aut cogitamus.

Atque hinc intelligi debet, hand à Cicerone Aristotelem eo nomine reprehendi, quòd deliberatiuum genus in sola utilitate versari velit. In deliberatiuo genere, inquit, Aristoteli placuit utilitatem esse finem: nobis autem & honestatem & utilitatem. Malè, inquam, reprehenditur Aristoteles: quia cùm utile rationem etiam habet honestatis, cuiusmodi est virtus, quæ & propter beatitudinem appeti potest, & per se, non pertinet ad deliberatiuum, nisi cùm appetitur propter aliud. cùm verò per se spectatur, generis demonstratiui materia est.

Superest nunc, ut iis respondeamus argumentis, quæ initio disputationis obiecta sunt. Primum igitur, quo contendebatur, ex Aristotele omnia bonorum genera in electionem cadere, adeoque oportere de omnibus etiam esse deliberationem, cùm electio sine consultatione esse non possit: hoc, inquam, argumentum ita confutatur: Aristoteles, cùm dixit omnia genera bonorum esse *εἰρησύν*, hoc est eligibilia, vel in electionem cadentia, electionis vocabulo est abusus ad significandum omnia bonorum genera esse appetenda, appetitur enim finis, & bonum honestum, appetuntur diuina, sed propriè non eliguntur, quia non antecedit eam appetitionem intentionemque deliberatio.

Ad secundum respondetur: in Virtutibus etiam illis, quæ versantur in medio rei, duo esse; quorum alterum certum est, alterum incertum & variū. Virtus quippe, quæ

versatur in diuinis, cuiusmodi est Religio: Deum intuetur, qui semper est idem, nec vili subiicitur inconstantia. Iustitia, quæ suum cuique tribuit, centum semper & cuiuslibet reddit, si centum reddenda sunt. Sed tamen in re quoque tam certa reperit Virtus aliquid incertum, & minimè constans, de quo deliberatio & consilium esse possit. Religio enim ipsa de Deo diuinisque non deliberat, quæ certissima sunt: sed de ipsa diuini cultus ratione ac modo, de ceremoniarum genere, quo Deus venerandus sit, iure deliberat: cùm hæc certa non sint, & apud varias gentes certantur varia. Iustitia verò, quamquam de reddendis centum quod minimè controuersum est, consultare non debet, debet tamen consultare de circumstantiis. neque enim furioso reddendus est gladius, neque centum reddendi nummi sunt ei, qui ad publicam perniciem calpecunia sit abuturus. Aliæ verò virtutes deliberare possunt de eligendo medio, quod non semper est idem, ut cernitur in temperantia: quæ dubium reddit hominem, & ambigentem de iusta cibi potusque mensura. res enim dubia in deliberationem, consultationemque vocari merito debet.

Respondendum est tertio: non omnia quæ diriguntur in finem, in deliberationem cadere. Ut enim verum sit, omnia propter hominem esse, atque ad hominem referri, sunt tamen aliqua nobis ita certa & explorata, vel assuetudine, vel natura, ut nullum relinquunt dubitationi locum. Quis enim deliberat, ut diximus, num ori debeat ad mouere cibum ac potum ad vitam retinendam & conseruandam? Non est igitur de omnibus omnino rebus, quæ referuntur in finem, instituenda consultatio, sed tantummodo de dubiis ac minimè certis.

Quarto demum argumento respondet, distincto explicatōque finis nomine S. Thomas, docens; finem esse aliquid fixum ac certum: ac propterea fieri, ut quamdiu non planè cognoscitur, habeturque pro dubio, non habeat rationem finis. Itaque si aliquando de illo deliberatio suscipitur, non tamquam de fine suscipitur, sed de aliquo quod conducatur ad finem. De appetitione verò beatitudinis nemo deliberat, dubitans, utrum sit appetenda: sed deliberat vir prudens, quo tempore huiusmodi appetitionem habere debeat, in eaque se exercere. quæ ratione consultatio non est de fine, sed de re, quæ ad finem pertinet, & conducit ad finem.

QVÆSTIO TERTIA.

An deliberatio sit inquisitio quadam analytica, quæ resolutoria dicitur; & utrum abeat in infinitum.

DE prima quæstionis parte affirmatè, de altera per negationem pronunciat Aristoteles. Ab utraque sententia potest aliqua tamen prouocatio esse.

Ut enim exordiamur à prima, illud est memoria repetendum, analysim, hoc est, resolutionem quæstionis esse duplicem, eiusque principium duplex; quia in ea resolunda, & retexenda duplici processu insistimus & via. Primus quidem progressus, & primum eius principium dici potest esse actionis & operis, alter verò appellari debet progressus, & principium cogitationis. Atque ille quidem nominari iam solet à Dialecticis processus compositivus; quia progreditur à causis ad effectum, atque à simplicibus ad compositum, ut in domus exedificatione cernere licet. Si enim actionem, opusque spectemus, in domus resolutione sumendum est principium à primis causis simplicibus, à quibus ipsam ordinatur ædificationem domus, hoc est, à pecunia, à lignis, à lapidibus, à cæmentis, à materia, ab aliis eiusmodi, donec ad domum iam extructam, & compositam ita progrediendo perveniamus. Sin autem ipsum intueamur ordinem in animo & cogitatione consignatum, principium à quo resolutionem inchoamus, est domus. nobis enim cogitantibus & expectantibus occurrit prima. deinde progredimur ad operas, ad lapides, ad ligna, postremoque ad pecuniam, & nummos infumendos. Itaque in domus ædificatione principium actionis & operis est pecunia, in cogitatione principium primum est ædificium; quæ quidem resolvendi ratio & progressio planè contraria est superiori. Igitur hic secundus processus in cogitatione positus, & ab effectis gradum habens ad causas, appellatur à Dialecticis propriè resolutionius, diciturque ab Aristotele in deliberationibus inveniri, si totam velimus consultationem, consiliūque usque ad principia retexere, exemplūque ac similitudinem nobis proponit à figuris illis petitam, quæ Mathematicorum lineis vario modo formæque circumscribuntur. In hanc quippe resolutione accipimus initio conclusionem, deinde principia proxima, ex quibus ipsa demonstrata iam est, tum priora, aliæque postea, atque alia quoad demum ad id perveniamus, quod demonstrari non potest. Ita prorsus, inquit Eustratius, progredimur in resolvenda inquisitione deliberativa. Incipimus enim ab aliquo iam proposito & prius noto. ut cum domum ædificare ac moliri volumus, cogitando primum initium capimus à domo, tamquam à principio iam præsumpto & cognito. deinde querimus principia proxima, ex quibus oportet fieri domum, & quoniam videmus ex lapidibus & materia componendam esse, rursus investigamus qua ratione ac via poterunt hæc comparari. Cum autem invenerimus, ex sine operis, & artificibus ac fabris haberi non posse, inquirimus ulterius quo pacto ipsi colligendi opifices, & operæ sint. Vbi autem deprehendimus ad colligendas operas opificesque necessariam esse pecuniam, hic demum consistimus, inventaque pecunia maxum admoveamus operi, & se ipsa moliri, atque exedificare domum aggrediamur, quam antè

animo tantum informatam habuimus, & cogitatione. Quapropter hi duo progressus ita comparantur inter se, ut ubi consistit compositivus, inde sumat initium resolutionius. Ille quippe descendens ex causis sistit ad extremum in effectu; hic ab effectu ducit initium, & causas versus ascendens, in ea consistit, quæ ab alia causa non pendet: cuiusmodi est pecunia, cuius vi parantur omnia, quæ construunt domum. Hæc est, inquam, Aristotelis de consultationis resolutione sententia.

Sed contra contenditur hoc modo. Consultatio est rationis quædam inquisitio deliberativa. sed ratio in inquisitione aggreditur ab iis, quæ priora sunt, & paulatim ad posteriora progreditur; quæ progressionis via compositiva, non resolutoria est. Præterea. Consultatio est de nostris ipsorum actionibus; hoc est de iis, quæ à nobis & per nos fieri possunt. Nostre autem actiones initium capiunt à simplicibus, atque ad composita progrediuntur: ut constat in molitione domus, quam aggredimur à cæmentis ac lignis, tamquam à simplicibus, deinde per gradus processum habemus ad rectum & domum ipsam compositam. qui progressionis modus haud dubiè compositivus est, non ille, qui resolutorius appellatur. Sed negandum est, rationem in inquirendo & resolvendo à prioribus semper & simplicibus inire principium rei, hoc est, principium quod re ipsa iam sit aggreditur enim etiam à principio quod in ipso tantum est animo, & sola cogitatione præsumitur, cuiusmodi finis est, qui dicitur esse in consilio & proposito animi primus in opere atque in executione supremus. In inquisitione verò deliberativa finis est effectus animo præsumptus & antè præceptus, quamvis extremus in opere sit, adeoque consiliū ab eo fine tamquam ab effectu præsumpto, & cognito ducit initium: ac propterea eum ipsa retexitur via deliberationis, ab eodem fine initium capitur, & habetur ad alias causas progressus ille, qui propriè resolutionius appellatur. Ponitur igitur in argumento id quod falsum est pro certo & explorato; cum ratio non semper ab iis, quæ re ipsa, & que ut dicitur in esse priora sunt, initium ducat, sed sæpè ab iis, quæ priora tantummodo sunt in cogitando. In argumento autem contendebatur, intelligentiam & rationem semper initium capere ab iis, quæ re ipsa priora sint. Eadem via secunda quoque soluitur argumentario. Concedendum est enim, nostras ipsorum actiones à simplicibus ad composita procedere in agendo; sed negandum tamen est, eadem nos uti progressionem in cogitando; cum antè præcipiamus animo finem, hoc est, effectum compositum, atque ad priora & simplicia progrediamur, ut est explicatum.

Superest hunc inquirendum, utrum progressus in deliberatione sit infinitus. Infinitum quidem esse sic disputant aliqui: Consultatio, de peculiaribus, & singularibus quibusdam est rebus, quæ fieri possunt à nobis. At eiusmodi res peculiares & singulares, quæ fieri possunt à nobis, infinitæ sunt, nec cer-

to numero comprehenduntur. Deinde consultatio de iis omnibus est, quorum beneficio tollimus atque amolimus impedimenta, quæ nobis obieciunt, ponunt, faciuntque, ut finem ipsum prosequi, atque assequi non possimus. At hæc impedimenta sunt infinita. Igitur deliberatio modum, finemque non habet; adeoque nihil vnquam constituet, quod agendum sit, cum actio initium sumere non possit, nisi cum deliberatio finem habet.

Respondet breuiter atque appositè Gualterus Barleus, ea, quæ in deliberationem cadunt, cum multa sunt, vel inter se aliquam habere coniunctionem, ordinem ac nexum, vel habere nullum. habent enim coniunctionem inter se atque ordinem illa consuequendi finis adiumenta, atque præsidia, quorum vnum pendet ex alio: ut cum de domo construenda, vel de bello adornando deliberatur, cæmenta & materia pendet ab operis, operæ à pecunia, pedites equitèque à comineatu atque instrumento bellico: hæc à mercatoribus, & ab ærario. Nullum vero nexum neque ordinem inter se obtinent ea rerum genera, de quorum vno deliberatur post aliud, ut cum vno tempore consultatur de annonæ, alio de impontendis pontibus, & sternendis viis, alio de nauigatione instituenda, aliisque de rebus aliis minime inter se coniunctis atque connexis. Respondet, inquam his positis, deliberationem, vbi consultatur de multis adiumentis, atque præidiis ad rem perficiendam ac-

commodatis, quorum vnum mutuo quodam nexu pendet ab alio, in infinitum abire non posse. deuenitur enim aliquando tandem ad id, quod ab alio non pendet, sed quod habet à se pendentia cetera. Cum enim in molienda domo vel bello parando ad pecuniam deuenimus, ultra non gradimur, quia tenemus id, quod ab aliis non pendet adiumentis, quod si parandæ quoque pecuniæ, quærendus sit modus, præsto est ærarium, aut publicani, aut vectigalia. In summa in aliquo loco quiescimus, quia res inter se connexæ infinitæ non sunt. Vbi autem deliberatio sit de rebus, quæ nullum inter se ordinem & coniunctionem habent, ait has infinitas esse deliberationes: adeoque nihil absurdè dici cum affirmamus nostras ipsorum actiones, quarum vna non pendeat ab altera, non tam multas esse vnquam, ut plures esse non possint. Ex hac autem infinitate non id consequens esse, ut deliberationem numquam excipiat actio & sequatur effectus. Sequitur enim ex singulis illis deliberationibus electio & actio siue executio, quia singulæ certa quædam habent & definita præsidia vel adiumenta; quibus consultatio terminatur; quæ quidem executio sequi non posset, si vna eademque deliberatio penderet ab iis rebus inter se connexis numero & multitudine infinitis, esset quippe infinita connexio, nec vnquam exhauriretur, aut perueniret ad finem, quem in eo nexu inuenire non posset.



CAPVT QVARTVM.

DE VOLVNTATE.

S V M M A.

Id quod sub voluntatem cadit verumne bonum sit, an quod bonum esse appareat.

DIVISIO CAPITIS IN PARTES DVAS.

1. *Voluntas in finem fertur, hoc est, in bonum. quod quidem verum & per se bonum esse oportere alij dicunt, alij verò bonum apparens. falluntur utriusque.*
2. *Vnicuique bonum est quod ei bonum videtur: homini probo quidem quod est verè ac per se bonum: improbo id quod bonum esse contingit.*

PARS PRIMA CAPITIS QVARTI.

H Δὲ βούλησις ὅτι μὴ τῷ πλείους ὁρίν, εἰρηται. ἀδει δὲ, τοῖς μὴ βέλους εἶ, τοῖς δὲ τῷ φαινομένου

Voluntatem autem finis esse dictum est. Videtur verò, quibusdam quidem boni ipsius esse, aliis autem apparentis

ἀγαθόν. συμβαίνει δὲ, τοῖς μὲν ὅ βου-
λητὸν ἀγαθὸν λέγουσι, μὴ εἶναι βουλη-
τὸν ὃ βούλεται ὁ μὴ ὀρθῶς αἰσθημένος.
Εἰ γὰρ ἔστι βουλητὸν, καὶ ἀγαθόν, ἐν
δὲ, εἰ οὕτως ἔτυχε, κακόν. καὶ δὲ αὖ
ὅ φαίνεται ἀγαθόν, ὅ βουλητὸν λέ-
γουσι, μὴ εἶναι φανερόν βουλητὸν, ἀλλ' ἐκεί-
νω τὸ δοκοῦν. ἄλλο δὲ ἄλλως φαίνε-
ται, καὶ εἰ οὕτως ἔτυχε, τὰ πάντα.

alij videtur, & si ita forte contigerit, etiam contraria.

EXPLANATIO.

BONIAM electio, de qua disputatum est supra, voluntatis est actus, de ipsa nunc explicandum est voluntate. Ac proposito iterum eo, quod supra etiam dictum fuerat, cum positum est, voluntatem in finem, hoc est, in bonum contendere, querere aggreditur quodnam & quale sit eiusmodi bonum, verumne, an in specie, & id quod tantum apparet, quodque bonum esse appetenti homini videatur.

Duas igitur opiniones hominum profert varias; eorum unam, qui voluntatem existimant esse veri tantummodo boni, alteram eorum, qui dicunt, eius tantum esse boni, quod apparet, & bonum videtur esse, cum verè non sit. Vtramque refellit: ac priorem quidem ab absurdo, & dissentaneo repetita ratione. efficere-
tur enim, ut quod aliquis prave perversèque vult, id non esset expetendum à voluntate, neque in voluntatem caderet, aut quemadmodum ipse loquitur βουλητὸν haud esset. quo nihil dici à ratione alienius potest. Hæc itaque sic est argumentatio: Si quod est verum & per se bonum, id solum est expetendum à voluntate, solumque sub voluntatem cadit, consequens est, ut cum vir improbus non vult id quod est verum & per se bonum, ne id quidem velit quod à voluntate potest expeti, & sub ipsam cadit voluntatem. Qui autem fieri potest, ut voluntas expetat id, & in id contendat, quod non cadit sub voluntatem?

Sed faciamus, id tantum expetendum esse à voluntate atque id tantum sub voluntatis viam & facultatem cadere, quod verè bonum est, ac per se bonum: cum improbus malum vult, quid sequetur? haud dubiè, malum esse verè ac per se bonum. cadit enim sub voluntatem, quæ, ut isti credunt, in id solum potest ferri, atque id solum velle, quod est verè bonum.

Posteriorem autem opinionem quæ contendit id quod est expetendum à voluntate, quodque in ipsam convenit & cadit, esse tantum apparens atque in specie bonum, confutatur hoc modo. Id quod solum apparens est, naturale non est. aurum enim apparens & e mentitum non est naturaliter aurum. Ergo si nullum bonum nisi apparens & e mentitum cadit sub voluntatem, sequitur, id, quod unicuique est expetendum esse bonum quod unicuique bonum videtur, quamvis verè non sit, & nihil esse natura sua bonum & expetendum per se, sed id tantum, quod bonum esse iudicatur. sæpe autem eadem de re diversa & fortasse contraria iudicia sunt. homini rectè valenti iucundum est mel, insuaue atque iniucundum ægroto. Erit ne igitur mel ob diversa iudicia iucundum, & iniucundum? At si suapte natura nihil est bonum, sed id quod bonum esse variè iudicatur, sequetur, idem omnino & esse asperum & suaue.

ΕΙ δὲ ἐν ταῦτα μὴ ἐρέσκη, ἀεὶ
 φατέροι ἀπλῶς μὴ καὶ ἀλη-
 θῆσαι, βουλευτὸν ἔστι τὰ ἀγαθὸν, ἐκείτω δὲ
 τὸ φαιρόμενον; ἢ μὴ οὖν ἀποδιδάσκει
 καὶ ἀληθῆσαι ἔστι, ἢ δὲ φαύλω δὲ
 τυχεῖν. ὡστὶ καὶ ἐπὶ τῶν σωματίων, πῶς
 μὴ δὲ ἀφαικιδύοις, ὑγιεινὰ ὅτι τὰ
 κατ' ἀλήθειαν ταῦτα ὄντα, πῶς δὲ ἐπὶ
 νόστοις, ἔτερεσσι. ὁμοίως δὲ καὶ πικρὰ, καὶ
 γλυκῆα, καὶ θερμὰ, καὶ βαρὴα, καὶ τῶν
 ἄλλων ἐκείτω. ὁ ἀποδιδάσκων γὰρ ἐκείτω
 κρίνει ὁρθῶς, καὶ ἐν ἐκείτοις ταλάντες
 αὐτῷ φαίνεται. καθ' ἐκείτω γὰρ ἔστιν,
 ἢ ὅτι ὅτι καὶ καλὰ, καὶ κακὰ. καὶ ὁ
 φέρει πλῆθος ἰσῶς ὁ ἀποδιδάσκων ἢ ἀληθῆς
 ἐν ἐκείτοις ὁρᾷ, ὡστὶ καὶ μὴ ἐν αὐ-
 τῷ ὦν. τοῖς πολλοῖς δὲ ἢ ἀπλῶς ἀπλῶς
 ἢ δὲ οὐκ εἰς γένεσθαι. οὐ γὰρ οὐσα, ἀγαθὸν
 φαίνεται. ἀρετῶν οὖν δὲ ἢ δὲ, ὡς ἀγαθὸν,
 πῶς δὲ λυγρὰ, ὡς κακὸν φέρεται.

SI autem hæc non placent, num dicen-
 dum est, simpliciter quidem et secun-
 dum veritatem, id quod cadit sub volunta-
 tem, esse bonum, unicuique autem id quod
 videtur? Igitur viro bono id quod secundum
 veritatem est, improbo autem id quod fortè
 cōtingit; perinde atque in corporibus. Nam
 bene quidem habentibus salubria sunt ea,
 quæ secundum veritatem talia sunt: agrotis
 verò alia. Similitèrque amara; et dulcia,
 et calida, et graviora, et ceterorum singu-
 la. probus enim singula iudicat rectè, et in
 singulis rebus verum ipsi apparet. Secundum
 enim quemcumque habitum propria sunt
 et honesta, et iucunda. et præstat pluri-
 mum fortasse probus in vero singulis in re-
 bus peruidendo, quasi norma et mensura
 ipsarum sit. Multitudini verò deceptio ob
 voluptatem videtur innasci. cum enim non
 sit, bonum tamen esse videtur. eligunt igitur
 iucundum tanquam bonum, dolorem verò tanquam malum defugiunt.

EXPLANATIO.



DVABVS iam confutatis opinionibus illis extremis, suam ipse veluti
 mediam atque vtriq̃ue interiectam proponit: hoc est, βουλευτὸν, ex-
 petendum à voluntate, quòdque sub voluntatem vniuersè cadit sim-
 pliciter quidem absoluteque esse reuera bonum: sed nominatim &
 comparatè id quod sub huius, vel sub illius hominis voluntatem cadit,
 esse quod unicuique bonum videtur, hoc est, etiam apparens, quòdque præ se fe-
 rat speciem boni. Fertur enim sua natura voluntas in verum bonum; sed corrupto
 iudicio, in id etiam contendit, quod illi bonum videtur, & bonum esse apparet.
 Quo fit, vt vir moderatus ac bonus, quoniam animi perturbationibus haud impel-
 litur, id velit, quod re ipsa bonum est; improbus autem & viciosus, id quod ei fors
 obtulerit, quòdque ipse bonum esse iudicauerit. Pulcherrima id quod pronunciat
 comparatione conatur ostendere, quam petit à corporibus hominum vario modo
 ac ratione se habentibus, & ex habitibus, qui animum item afficiunt variè.

Perinde atque in corporibus.] Comparatio sic est: Corporibus, inquit, bene
 constitutis, probèque valentibus ea sunt salubria, quæ verè, suæque natura at-
 que omni tempore salubria sunt, malè autem affectis & moribosis longè admodum
 diuersa sunt salutaria. Quin mutatis corporibus, non ea tantummodo mutantur,
 quæ salubria erant, sed ipsi quoque variantur sensus, cum ea, quæ dulcia prius
 fuere, amara iam; & quæ frigida, iam calida; & quæ iam leuia esse, nunc graui-
 videantur. Quemadmodum igitur ea valetudinis varietas efficit, vt tam variè de
 salubribus, dequè iis, quæ sub sensus cadunt iudicemus, sic probitas, aut impro-
 bitas animi causa est, cur aliorum voluntas in id feratur, quod verè, suæque na-
 tura & semper est bonum: aliorum verò tendat in illud, quod bonum quidem
 non est, sed propter animi morbum, corruptionemque iudicij bonum esse iudi-
 catur. Quæ iudicij varietas & inconstantia non ex ipsa tantummodo corporum
 diuersitate, sed ex varietate quoque nascitur habituum. Singuli enim habitus
 habent sua quædam propria siue honesta, siue iucunda, quæ non facillè quispiam
 distinguat, quamuis omnino non rudis aut imperitus. Mirum tamen esse ait quan-
 tum in his dignoscendis & iudicandis vir bonus & moderatus ceteris antecellat,

adeoque ipsum esse consulendum admonet, ad explorandum id, quod verè sit bonum. Nam ex ipsius iudicio intelligemus quid ipsi iudicare debeamus, cum ille mensura quædam, inquit, & norma rerum omnium sit. Græcè est *ᾠκυρᾶν*, καὶ μέτρον: quasi canon & regula. Multarum artium hæc instrumenta sunt, quæ ipsas errare non sinunt. Ita etiam Dionys. Halicarnass. Lyliam, quem mirificè commendat Atticæ linguæ canonem optimum appellare non dubitat. & τῆς Ἀ-τ-τ-ικ-ῆς γλώσσης ἀρίστος κανὼν, inquit. Quin hæc ipsa translatione minimè contentus eundem Lyliam paulo post ideæ canonem & normam vocat. Ita enim de ipso subiungit, ὅρον τε καὶ κανόνα τῆς ἰδέας ταύτης αὐτὸν ἀποφαίνομαι, hoc est, & definitionem & regulam huius ideæ ipsum ego declaro. Ne id quidem prætermisit M. Tullius, qui cætera Græcorum diligentissimè scrutabatur. Nam in epistola septima decima lib. familiarium xvi, hæc ornat metaphora Tironem suum: Sed heus tu, inquit, qui κανὼν esse meorum scriptorum soles.

Multitudini verò deceptio ob voluptatem, &c.] Admonet hæc extrema capitis clausula, docetque vnde demum existat hic hominum error tam prauè, peruersèque de bono iudicantium. Affirmat adeò, fallaciam hanc oriri & proficisci à voluptate: quæ cum bonum verè non sit, boni tamen speciem habet, allicitque ac pertrahit multitudinem ad se. quippe natura mortalium sic est, vt expectant, optentque sæpè quod iucundum est, quasi bonum; fugiantque atque auersentur dolorem, veluti malum, cum tamen neque quicquid iucundum est, verè sit bonum, neque quicquid dolorem aliquem & molestiam affert, id malum esse putandum sit.

Maneat igitur, id quod cadit in voluntatem, simpliciter absolutèque esse bonum quoddam verum & simpliciter expetendum: id quod cadit in huius aut illius hominis voluntatem, esse bonum expetendum optandumque restrictè, hoc est, non verè ac simpliciter bonum, sed per comparisonem cum iis qui expectant, atque vt dicere soliti sumus secundum quid. idque sic demonstrauit Aristoteles: Illud est simpliciter expetendum quod vir expetit bonus: contràque illud est expetendum comparatè ac secundum quid, quod improbus etiam expetit & vitiosus. Bonus enim & moderatus vir est homini rectè valenti similis, ac probè iudicat; vitiosus aegrotò, qui iudicio vititur peruerso ac deprauato ex voluptate, quam sequitur veluti bonum, fugitque dolorem veluti malum. At vir bonus, expetit verum ac per se bonum; improbus autem, apparens ac bonum secundum quid. Igitur id quod est simpliciter expetendum, est per se bonum, & quod est secundum quid expetendum, est bonum apparens.

EPILOGVS.

1. Voluntas est in finem atque in bonum ire: sed ambigi potest, bonum ne verum esse oporteat, quo fertur voluntas, an satis sit bonum apparens.
2. Illud aliqui, hoc alij dicunt, oportere saltem esse voluntatis finem, quem expetat, & ad quem velut ad quietem contendat.
3. Neutri verum attingunt. est enim verè, ac simpliciter bonum quod sua natura voluntas vniuersim expetit, sed prima huius aut illius voluntas expetere potest etiam atque optare commentitium bonum.
4. Ad hæc internoscenda bona ducent nos exempla probi atque improbi viri. est enim simpliciter bonum quod ille vult. quod autem hic expetit, est apparens & bonum secundum quid.
5. Voluptas, multitudinis corrumpit iudicium, facitque vt quod iucundum est, expetatur vt bonum, quod autem est molestum, veluti malum declinetur & fugiatur.



IN CAPVT QVARTVM,

QVÆSTIO PRIMA.

Utrum voluntas feratur tantum in id quod est verè bonū, an etiam in illud, quod verè non est.



PARENTIS & fucati boni aliquam etiam esse voluntatem, ex Aristotele diximus. Sed videtur fieri non posse, ut cadat sub voluntatem id, quod verè non est.

Nam si cadit in voluntatem, voluntatem profectò mouere ac trahere debet ad se. Nihil autem mouere aliud & trahere ad se potest, nisi in aliquo rerum numero censeatur & sit. commotio enim & motus è re nascitur, quæ tunc est, cum motus siue commotio sit. At fucatum, aut apparens atque ementitum bonum, si cadit in voluntatem; tunc ipsam eiet & commouet, cum non est. neque enim si esset, bonum diceretur ementitum & falsum, sed verum bonum. Ergo non cadit sub voluntatem, & à voluntate non est expetendum.

Ad hæc. Si bonum apparens expetitur, per deceptionem ac per ignorantiam expetitur. Est enim penitus malum, ac supernè tantum imbutum extrema specie boni. & quoniam expeti malum, si cognoscatur, vlla ratione non potest, vbi demum expetitur, per inscitiam, atque ignorationem expetatur necesse est. Sed quicquid per ignorantiam fit, non spontè fit, ac minimè voluntarium dicitur, ut supra docuimus. Ergo qui bonum apparens, hoc est, malum boni specie circumductum expetit, & voluntarius & non voluntarius dici debet: voluntarius quidem, quia vult; inuitus autem, & non voluntarius, quia per ignorantiam vult.

Ut hæc refellantur, quædam prius animaduertenda sunt. Primò quidem, rerum expendarum tria genera esse, vtile, iucundum, honestum. è quibus vtile numquam appetitur nisi propter aliud, propterea quæ ad iucundum honestumve tanquam ad finem referri potest. Atque hinc fit, ut voluntas propriè ipsa per se non tendat in bonum vtile, quia eiusmodi bonum non habet rationem finis. diximus autem, id quod propriè cadit, sub voluntatem esse finem & bonum expetendum per se: bonum verò vtile in electionem conuenire, quod tamen voluntatis est actus, ipsa tamen voluntas propriè, verèque non est. Voluntas enim propriè tendere dicitur, non eligere, eiusque proprius actus appellatur intentio, quæ fertur in finem. Itaque bonum honestum & iucundum propriè cadunt sub voluntatem; honestum quidem, quia finis est, iucundum verò, quia potest habere rationem finis; cum natura sua non referatur ad aliud, sicut refertur vtile. Secundò, duo hæc bonorum genera, quæ à voluntate sunt expetenda, posse tripliciter appeti, hoc est, sub sua ipsorum propria ratione; sub ratione alterius, & sub ratione conuenientiz. Bonum honestum, verbi causa, potest appeti sub ratione honesti, & sub ratione iucundi, & sub ratione boni, siue conuenientis: dicitur enim id esse bonum, quod est alicui conueniens; conueniens autem id esse, quod habere, melius ac satius

homini est, quam non habere. Tertio, bonum apparens, hoc est, bonum quod esse videatur, & non sit, intelligi animo & comprehendere posse duplici modo, vno quidem ita, ut ex alia parte ac sub vna ratione sit apparens, sub alia sit re ipsa, & verè bonum: quemadmodum de bono iucundo explicat Aristot. cum ait, multos expetere bonum iucundum quasi bonum per se: sub qua ratione bonum illud est apparens, & non verum, quia non est honestum, neque bonum per se; sub alia ratione est verè bonum, quia verè iucundum est. His cognitis, quæstionis

Conclusio sit: voluntatem esse posse alicuius boni sub vna ratione apparentis, & sub altera veri: non tamen esse posse alicuius boni sub vna quidem ratione fucati & apparentis, sed sub nulla existentis ac veri. Prima pars huius Conclusionis probatur ex bono iucundo. nam iucundum est homini conueniens, ergo bonum, ergo appeti potest ut bonum: & tamen appeti potest ut honestum, cum verè non sit. ergo cum appetitur, alteram habet rationem apparentis, alteram veri boni. Est enim honesti boni ratio tantum apparens, iucundi autem vera ratio est. Secunda pars ita demonstratur. id quod veram causam non habet vllam, cur expetatur, expeti non potest sub ratione apparentis boni. ratio enim apparentis & ementiti boni quasi basim habet, & fundamentum obtinet in ratione veri boni. Nam quis iucundum appeteret; tamquam honestum, si iucundum non esset? facit nimirum iucunditas, ut inde petatur honestas, vbi nulla est. Itaque si nulla sit in ipsa re vera boni ratio, fundamentum nullum erit, in quo apparentis boni ratio niti & consistere possit. Accidit nimirum in his quod fieri cernimus in Sophisticis. Nam sicut sub illa veri specie latere non potest falsitas, nisi aliqua veritas sit, quæ veri speciem illam apparentem quodammodo sustentet & fulciat; ita malum delitescere non potest sub specie boni, nisi bonum aliquod verè subsit, quod speciem illam induat alterius boni. Quid si dicas, etiam id quod omni caret ratione boni, sæpe appeti propter aliud, cuiusmodi est amara & terribilis potio ad valetudinem recuperandam; respondeo, eiusmodi appétitionem esse quidem voluntatis, sed non esse voluntatem, hoc est, actum illum voluntatis proprium, qui appellatur voluntas, & est intentio finis: de qua hic est sermo, non autè de boni vtilis appétitione.

Atque hinc intelligi potest, nihil omnino conficere argumenta proposita. Primùm enim tantummodo vincit, voluntatem ferri in id non posse, quod nullam omnino rationem habeat & speciem boni. Cum autem fertur in bonum apparens, in boni speciem aliquam tendit, quæ eo modo est, quo esse potest bonum apparens. habet enim extremam boni formam vero bono super inductam. Secundum verò nullam vim habet. Nam qui bonum apparens expetit, ignorans quidem, sed non

per ignorantiam expetit: cùm ignorantia eius appetitionis causa non sit, sed iucunditas & conuenientia, quæ cernitur in obiecto; quæ nisi esset, numquam appetitio deciperetur.

QVÆSTIO SECVNDA.

Verum sentientis animi perturbatio & commotio rectæ rationi plus officiat quam habitus prauus.

VIDETUR Aristoteles indicare, plus ad rectam corrumpendam rationem esse roboris in affectu animi commoto, quam in habitu. Nam in huius disputatione capitis quarti causam querens, cur vir improbus & vitiosus non verum bonum, sed veri boni speciem potius sequatur ac fucum, id fieri dixit ex habitu prauo, quo vnusquisque penitus imbutus atque affectus, bona esse iudicat, quæ bona non sunt. sed tamen in ipsa capitis clausula id demum adiungit: huius corrupti iudicii causam referri oportere in voluptatem, hoc est, in ipsam cupiditatem, qua rapitur in voluptatem animus, nec sine iudicio à recta ratione consilium petere. Videtur igitur Aristoteles velle, multo maiorem vim ad rationem, iudiciūque corrumpendum in perturbatione, quam in habitu positam esse; cùm in habitu corruptionis huius causam deprehendat aliquā, in perturbatione atque affectu inueniat omnem.

Quin ita rem esse rationes haud contemnendæ videntur vincere. Prima est. Quia quicquid affirmatur de causa, dicitur etiam de eo, quod ex causa producit; ac multo sanè magis de causa debet affirmari, quam de effectu, qui promanat ex causa: id quod docet Aristot. in 2. Metaphys. & cernitur in calido, quod & de igne per se calido dicitur, & de compositis corporibus, ac mixtis, quæ ab igne redduntur calida. Quis enim dubitet, quin calidum multo magis dicere ignem oporteat, qui caloris est causa, quam composita & mixta corpora, quæ ignis beneficio calida sunt? Sed ratio, iudiciūque tam à perturbatione, quam ab habitu corrumpi dicitur. ergo multo magis de perturbatione affectūque, quam de habitu id affirmatur. perturbatio namque, affectus, & commotio parens est habitus, eūque gignit, & profert ex se tamquam ex causa, ut dictum est suprà in lib. 2.

Ceterum, neque id docet Aristoteles, neque ratio ita rem esse demonstrat. Non docet quidem Aristoteles: quia nihil per comparisonem affectus cum habitu, sed simpliciter ab utroque rationem iudiciūque corrumpi pronunciauit. neque enim cùm voluptatem huius corruptionis fontem esse dixit, voluptatem potius quæ ciet affectum, quam quæ in seuit & confirmat iam habitum, significare voluit. Non persuadet id ratio atque argumentatio proposita: quia illa inter effectum causamque comparatio inuiti

debet, ut fiat & sit inter totam causam, ac totum effectum, non inter partem causæ, ac totum effectum, neque contra inter partem effectus, & totam causam. Nam cùm dicitur melior esse finis, quam id, quod ad finem est institutum, atque ad finem dirigitur, verè profectò dicitur, si de toto fine, non de qualibet parte finis id affirmetur. penicillum quippe dirigitur ad picturam, ac propter picturam tamquam propter finem est factum & comparatum. Sed tota pictura atque imago tota quæ fieri per penicillum potest, ipso penicillo melior & præstantior est: quamquam pueri alicuius aut leuissimæ pictura penicillo ipso melior, excellentiorque non est. Itaque omnes perturbationes, actionesque prauæ, quæ faciunt, & componunt habitum, simul quidem sumptæ, atque coactæ multo magis rationem, iudiciūque corrumpent, quam habitus, sed tamen vna, vel altera earum perturbationum, actionūque per se sumpta minus corrumpet quam habitus. omnes autem illæ perturbationes & actiones ita collectæ sunt habitus.

Dicendum igitur est, iudiciū ac rationem ab habitu magis, quam à perturbatione corrumpi. quod planissimè demonstratur exemplo incontinentis hominis, atque intemperati, quorum ille ex affectu & commotione, hic ex vitio peccat & habitu. Quis enim non videat rationem ac iudiciū intemperati, multo magis quam incontinentis esse corruptum ac vitiatum? Quod si dicas fieri posse, ut habitus firmitas intensioque, ac vehementia perturbationis, affectūque pares omnino sint, respondeo, nihilominus ad corrumpendum inficiendūque iudiciū, ac rationem plus in habitu, quam in affectu virium esse, atque momenti. Nam quodlibet malum eatenus iudiciū intelligentiæ, rationemque corrumpit, quatenus facit, ut ipsi videatur intelligentiæ malum opus homini conueniens esse, & minimè conueniens opus bonum. At ubi paria sunt omnia, ut dictum est, malus habitus eam speciem apparentis boni malique multo magis efficit, gignitque, quam affectus & perturbatio. Malus enim habitus illam apparentis boni speciem gignit ex eo, quod faciat, ut opus improbum à corrupto iudicio censeatur esse conueniens humanæ naturæ per habitum ipsum ita præparatæ, ut eiusmodi malum illi iam naturaliter congruens videatur. Affectus autem prauus & perturbatio non parit eamdem speciem apparentis boni ex eo, quod malum opus conueniens esse iudicetur homini simpliciter, sed homini secundum quid, hoc est, ex ea perturbatione agere illo loco ac tempore sic volenti. Nam homini ex habitu agenti videtur ita simpliciter, ac semper agendū esse; ac propterea veluti naturaliter sibi conueniens malū putat. Sæpe quippe dictum est, eo vitium ab actu differre, quod vitium prauè agat, & prauè agendum semper esse iudicet: actus verò, qui est incontinentis, improbè quidem agat eo tempore, quo agit, sed iudicet tamen, haud ita semper agendum

esse. Cùm ergo tanto maiorem habeat vim habitus, quàm actio, & perturbatio ad procreandam illam speciem apparentis boni, quæ iudicium corrumpit, ac rationem; etiam tunc

habebit, cùm vtriusque par & æqua conditio est. habiuit igitur haud dubiè dicendus est multo magis, quàm perturbatio & actus, iudicium rationemque corrumpere.



CAPVT QVINTVM. DE NOSTRA IPSORVM POTESTATE.

S V M M A.

In potestate nostra situm esse, vt boni vel improbi simus.

DIVISIO CAPITIS IN PARTES QVATVOR.

1. Virtutes & vitia in nostra sunt potestate.
2. Errarunt qui dixere, virtutem voluntariam quidem esse, sed non vitium.
3. Radices eius euelluntur.
4. Ανακαταλάσεις & comprehensio eorum, quæ dicta sunt.

PARS PRIMA CAPITIS QVINTI.

ΟΝτος δὲ βουλευτῶ μὲν τῶ τέλους, βουλευτῶ δὲ καὶ προαιρετῶ τῶ πρὸς τὸ τέλος, αἱ περὶ τῶντα πράξεις καὶ προαίρεσιν εἶεν αὐτῶ καὶ ἐκύριοι. αἱ δὲ τῶν δρετῶν εἰργάται περὶ τῶντα. ἐφ' ἡμῶν δὲ καὶ ἡ δρετὴ, ὁμοίως δὲ καὶ ἡ κακία. ἐν οἷς γὰρ ἐφ' ἡμῶν τὸ πράττειν, καὶ τὸ μὴ πράττειν, καὶ ἐν οἷς τὸ μὴ, καὶ τὸ ναί. ὥς· εἰ τὸ πράττειν καλὸν ὄν, ἐφ' ἡμῶν ὅτι, καὶ τὸ μὴ πράττειν ἐφ' ἡμῶν ἔσται αἰσχρὸν ὄν. καὶ εἰ τὸ μὴ πράττειν καλὸν ὄν ἐφ' ἡμῶν, καὶ τὸ πράττειν αἰσχρὸν ὄν ἐφ' ἡμῶν. εἰ δὲ ἐφ' ἡμῶν τὰ καλὰ πράττειν, καὶ τὰ αἰσχρά, ὁμοίως δὲ καὶ τὸ μὴ πράττειν. τὰ τοῦ ὧ, τὸ ἀγαθόν, καὶ κακόν (εἰ), ἐφ' ἡμῶν ἔσται τὸ ἠπιόχετον, καὶ φεύχον (εἰ).

Cum igitur id quod cadit sub voluntate sit finis, quæ verò in consultationem & electionem veniunt, sint eorum, quæ referuntur ad finem, actiones circa hæc secundum electionem esse debent, & voluntaria: virtutū autem functiones circa hæc. In nostra verò potestate & virtus est similiter & vitium. quas enim res agere in nobis est, eas etiam non agere est: & quas non agere in nobis est, eas etiā agere est. Itaque si agere quod honestum sit, in nobis est, etiam non agere in nobis erit quod turpe sit: & si non agere quod bonū sit, in nobis est, etiam agere quod turpe sit, in nobis est. Si verò in nobis est honesta agere & turpia, similiter verò & non agere (hoc autem erat, bonos, & malos esse) in nobis erit probos, & improbos esse.

EXPLANATIO.



Hoc demum capite demonstrat Aristoteles, quorsum ipse de voluntate, deque voluntario tam varia disputatione disseruerit. Omnia enim supra iam decreta & posita ad ea præcursoria sunt, quæ tradit hoc loco. vbi docet in summa non modò virtutes, quod plerique concedunt, sed etiam vitia voluntaria esse, atque in nostra ipsorum sita manu & potestate. Erant quippe Aristotelis ævo nonnulli, qui dicere non dubitarent, virtutes quidem esse liberas, atque à voluntate pendentes, sed vitia necessaria, extræque voluntatis imperium; ita prorsus, vt nemo sponte, suæque voluntate sit improbus: quemadmodum ex Platone didicimus in lib. de legib. 9. qui verum id esse

id esse pluribus conatur ostendere. Facile quidem hæc sententia in aures animùmque multitudinis influebat, quæ hac excusatione, sua eleuare scelera, seque omni culpa liberare posse videbatur. Accedebant poëta multitudinis vulgique magistri, qui libidines ac voluprates falso Deorum instinctu contegebant, & peccandi necessitate proposita, tuebantur. Quin de quibusdam virtutibus aliqua fuit opinio, quæ necessitatem ipsis imponere videretur. Plutarchus enim in vita Camilli inter rectè facta & secundum virtutem obita, illa, quæ communia sunt & vlitata distinguit ab inusitatis, & quasi diuinis. illorum enim principium ac fontem ponebant in nobis: horum autem causam authoribus adscribebant Diis, atque ab hominis potestate semoueant. Sed de huiusmodi virtutum operibus non hic laborat Aristoteles, vbi communia tantum inuestigat & vlitata. Docet igitur, actiones omnes, non modo virtutum, sed vitiorum quoque voluntarias esse, & quod inde consequens est, etiam esse voluntarios habitus virtutis & vicij.

Cùm igitur id, quod sub voluntatem cadit, &c.] Positis hîc iterum iis, quæ dicta & explicata sunt multis, hoc est, voluntatem in fine versari, deliberationem autem, & electionem in iis, quæ referuntur ad finem, Virtutes in nostra esse potestate, atque à nostra voluntate pendere sic aggreditur ostendere: Quorum efficientes causæ, atque principia in nobis posita sunt, ea in nostra potestate, manûque oportet esse. sed principia Virtutum efficientia in nostra potestate sunt. efficientes enim Virtutum causæ, ipsæ sunt actiones Virtutum, ab electione profectæ, quæ voluntaria est atque in nostra ipsorum posita potestate. Igitur in nostra etiam potestate sunt ipsæ Virtutes. Paulo aliter hanc Aristotelis rationem Linconienlis informat. Actiones, inquit, in iis versantes rebus, quæ sub deliberationem & consilium cadunt, voluntariæ sunt. Virtutum autem actiones versantur in iis, quæ sub deliberationem & consilium cadunt. Actiones igitur virtutum voluntariæ sunt. Summa hæc est, & eò demum voluitur ratio; vt quoniam Virtutis fons, atque principium, quæ ipsa demum est deliberatio, & electio, voluntarium est, ipsa quoque voluntaria esse dicatur & sit.

Animaduertendum tamen est, cùm Aristoteles ait, illa esse in nostra potestate, quorum efficiens principium in nostra potestate sit, eam intelligi velle potestatem, quæ possit vtrumlibet, hoc est, quæ potentes nos atque idoneos reddat ad agendum, & non agendum. Cùm verò causam & principium efficiens dicit, illam causam, illudque principium significat, à quo solum potest effectus proferri, cuiusmodi sunt actiones Virtutum. Nam si principium aliquod in nostra sic est potestate, vt effectus tamen proferri possit ab alio principio; & si potestas nostra ita est ad faciendum comparata, vt facere tantum possit, & non omittere, nihil vincit aut concludit Aristotelis ratio.

Similiter & vitium.] Ne quispiam per errorem putaret, aliam Virtutis, aliam esse vicij hoc in genere rationem, ait eadem planè ratione demonstrari, vitium quoque in nostra potestate positum esse. Actiones enim improbæ, veluti efficientes causæ, ac propria & sola principia, vitium gignunt. Actiones autem in potestate nostra sic sunt, vt eas prætermittere possimus, & res contrarias agere. Id verò qua rationis forma demonstret, haud plana res est, varièque traditur à multis. Gualter. Burl. ita proponendam censet. Si ea facere, quibus efficimur boni & virtute præditi, in nostra est potestate, vt demonstrauius, etiam ea facere, quibus mali efficimur & vitiosi, in nostra erit potestate. Si autem ea non facere, quibus boni reddimur, in nostra potestate est, etiam ea non agere, quibus euadimus mali, erit in nostra potestate. Si enim eorum alterum situm in nobis non est, ne alterum quidem erit. Cùm igitur agere ea, quibus boni & virtutis compotes efficimur, in nostra potestate sit, sequitur etiam agere & non agere illa, quibus efficimur mali & vitiosi, in nostra esse potestate. Linconien. autem apud eundem Burl. hoc modo. Si hoc agere in nostra situm est potestate. ergo idem non agere in nostra ipsorum potestate est. Contra verò. Si hoc non agere in nobis est positum, idem etiam agere positum in nobis est. Sed bene agere nostræ potestatis esse iam demonstratum est, ergo etiam improbè agere nostræ potestatis esse est demonstratum. at rectè factis efficimur boni, malè factis improbi & vitiosi: Vitium igitur in nostra est potestate. Obertus Gifan. breuiter & contractius. Si honestè vel turpiter agere nostri arbitrij est & potestatis. ergo etiam vt probi ac vitiosi simus, in nostra potestate po-

situm est. Nimirum firmamentum omne huius rationis & basis in eo posita est, quod scribitur à Seneca in lib. 2. de Benef. cap. 27. Si vis me velle, effice etiam me posse nolle. & ab Vlpian. Iurisconsult. in l. 2. ff. de diuers. regul. iur. Est eius nolle qui potest & velle. & l. 4. ff. de acquir. hæred. Hæreditatem adire nolle non videtur qui non potest velle. Idcirco nimirum admonui, potestatem hanc, quam in nobis esse positam ait Aristoteles, ex earum esse genere, quæ faciunt nos ad vtramque partem idoneos. Neque enim ea, quæ conclusa iam sunt, ex potestate in nobis posita sequerentur, si ea potestas communis non esset, aut esset ad alteram partem contracta. Possum enim ego non esse Rex, Rex tamen ego esse non possum.

PARS SECVNDA CAPITIS QVINTI.

ΤΟ δὲ λέγειν, ὡς ὁδοὺς ἐκὼν πο-
 meōs, οὐδ' ἄκων μάκαρ, ἔοικε
 ὅ μιν ψευδῆ, ὅ δ' ἀληθῆ. μακα-
 εἰος μὲν γὰρ ὁδοὺς ἄκων. ἡ δὲ μακα-
 εἰα, ἐκύσει· ἡ τοῖς γε νῦν εἰρημύοις
 ἀμφοδονητέον, καὶ τὸν αἰθροπον οὐ
 φαπὸν δὲ χεῖρ ἐῖ), ὁδοὺς ἡμῶν τῶν
 ποταμῶν, ὡς ποταμὸς καὶ τέκνον. Εἰ δὲ
 ταῦτα φαίνεται, καὶ μὴ ἔργον εἰς ἀλ-
 λας ἀρχὰς ἀναγαγεῖν ποταμὸς τὰς ἐφ'
 ἡμῶν, ὡς καὶ αἱ ἀρχαὶ ἐφ' ἡμῶν, καὶ
 αὐτὰ ἐφ' ἡμῶν, καὶ ἐκύσεια. τοῖς δὲ
 ἔοικε μὲν τυραννίδι καὶ ἰδία, ὅφ' ἐκείνῳ,
 καὶ ὡς αὐτῶν τῶν νομοθετῶν. κολαζέουσι
 γὰρ καὶ ὑμφορεῖται τοῖς δροῦσιν μακα-
 ρα, ὅσοι μὴ βία, ἡ δὲ ἀγνοία, ἢς μὴ
 αὐτοὶ αἴτιοι. τοῖς δὲ τὰ καλὰ ποταμῶν-
 τας, ὑμφορεῖται, ὡς τοῖς μὲν ποταμῶν-
 τας, τοῖς δὲ καλύποντες. καὶ τοῖς ποταμῶν
 ὅσα, μὴτ' ἐφ' ἡμῶν ὅσα, μὴδ' ἐκύσεια,
 ὁδοὺς ποταμῶν ποταμῶν. ὡς οὐ-
 δὲν ποταμὸς ἔργον ὅπως πειθαρχεῖ μὴ δι-
 μυστέον, ἡ ἀλγύν, ἡ πεινῶν, ἡ
 ἀλλ' ὅποιον τῶν τοιούτων, οὐδὲν γὰρ ἡ-
 τὸν πεισόμεθα αὐτά. καὶ γὰρ ἐπ' αὐτὰς
 ὡς ἀγνοεῖ κολαζέουσι, ἐὰν αἴτιος εἴη δι-
 καὶ τῆς ἀγνοίας. οἱ τοῖς μεθύουσι, διπλᾶ
 πᾶ ὅτις μὴ. ἡ γὰρ δὲ ἐν αὐτῶν, κῶ-
 εἰος γὰρ τῶ μὴ ἀδυνατεῖν, τῶν δὲ
 αἴτιος τῆς ἀγνοίας. καὶ τοῖς ἀγνοοῦσιν ἐν τῶν
 ἐν τοῖς νόμοις, ἀ δὲ ὅτις αἰσθάνονται, καὶ μὴ
 χαλεπαῖ ὅσα, κολαζέουσι. ὁμοίως δὲ ἐν
 τοῖς ἄλλοις, ὅσα δὲ ἀμύχανα ἀγνοεῖ διχοδ-
 σιν. ὡς ἐπ' αὐτοῖς ὅν ὅ μὴ ἀγνοεῖν. τῶ γὰρ
 ὅτις ἀμύχανα κῶειοι.

Dicere autem illud: Nemo volunta-
 riè improbus, neque inuoluntariè
 beatus: videtur id partim falsum, partim
 verum. beatus enim quidem nullus inuisus:
 vitiositas autem voluntarium quiddam est;
 vel de iis quæ modò dicta sunt, dubitandum
 erit, & non dicendum, hominem princi-
 pium esse, aut genitorem actionum, sicut &
 filiorum. Si verò hæc clara sunt, neque ha-
 bemus eadem ad alia principia reuocare,
 præter ea, quæ in nobis sunt, quorum &
 principia sunt in nobis, etiam ipsa in nobis
 sunt, & voluntaria. Hæc autem viden-
 tur testari ea quæ priuatim à singulis, &
 quæ ab ipsis legum conditoribus fiunt. Ca-
 stigan enim, & puniunt facientes flagitio-
 sa, quoque non vi aut per ignorationem,
 cuius non ipsi authores sint. honesta autem
 agentes honorant, quasi hos quidem horta-
 turi, illos autem retardaturi. Atqui qua-
 cumque neque in nobis sunt, neque volun-
 taria, ad ea nemo nos hortatur agenda, cum
 nihil ad rem sit, persuasum esse non calere,
 aut dolere, aut esurire, aut aliquid aliud ho-
 rum. nihilo enim minus ea perferemus. Et-
 enim in ipsa ignoratione puniunt, si quis
 causa esse videatur ignorationis; ut sunt
 in ebrios duplices pæna. principium enim in
 ipso est. poterat quippe non ebrius fieri: hoc
 autem causa ignorantia est. etiam ignoran-
 tes aliquid in legibus eorum, quæ oportet
 scire, quæque non difficilia sunt, puniunt.
 Similiter verò & in aliis quacumque per
 negligentiam ignorare videntur; quasi in
 ipsis positum fueris, non ignorare. adhibere
 enim diligentiam poterant.

EXPLANATIO.



ICERE autem, &c.] Qui dicebant, virtutem quidem esse voluntariam, vitium verò necessarium, & tamquam fatum ineluctabile, suam tueri sententiam conabantur versiculo quodam senario tunc peruagato, & commune prouerbiū continente.

Οὐδὲς ἑὸν ποτὴρὸς, οὐδ' ἄκων μάκαρ,

Spontè improbus nemo, nec inuitus beatus.

Cuius verò poetæ fuerit hic versus, ignorare se fatetur Græcus Scholiastes Eustratius. docet tamen aliquid fuisse apud Epicharmum simile, sed longè aliud significare contendit propter mutationem accentus in verbo ποτὴρ. Accentu enim Atticè mutato, ποτὴρ non iam amplius improbum significat, sed laboriosum & ærumnosum: quod Epicharmum in Hercule Furēte fecisse demonstrat, ipsum Herculem de suis laboribus ita loquentem inducens. ἀλλὰ μὴ ἑὸν αἰαχχεῖ ταῦτα πάντα ποίω. οἶομαι δὲ ἄς οὐδὲς ἑὸν ποτὴρ. At ego quidem inuitus hæc ago omnia. neque enim puto quemquam esse sua spontè miserum & laboriosum.

Itaque volebant aliqui, vt idem ait, etiam in hoc versiculo atque prouerbio quod hic commemoratur ab Aristotele, accentus rationem peruertere ac reponere ποτὴρ loco ποτὴρ, vt eo significaretur, neminem spontè sua miserum esse atque ærumnosum. quos ipse reprehendit vt fatuos Eustratius. Cùm non viderent, eam sententiam Aristotelis consilio congruentem non esse, qui ex eo versiculo præsidia quærere dixit eos, qui necessariam, non voluntariam putabant improbitatem. quod sic esse declarat ipsa consequens apud Aristotelem eius confutatio partis, qua dicitur improbum sua spontè fieri neminem. Ait enim, alteram eius versiculi partem esse verissimam, hoc est, neminem ingratis atque inuito beatum effici, sed alteram omnino falsam, hoc est, improbum sua voluntate neminem fieri. facitque suæ confutationi fidem hoc dilemma: Vel hæc versiculi pars mendax & falsa est, vel falsa sunt quæ à nobis hætenus suprâ sunt disputata. hæc autem falsa esse non possunt. dictum est enim in summa, hominem esse principium & dominum actionum suarum, immò verò parentem ac procreatorem, haud minus, quàm libitorum: idque & ex ratione, & ex signo quodam pergit ostendere. ex ratione quidem: quia illa in nostra potestate sunt posita, quorum principia sunt in nobis, sed improbarum actionum principia sunt in nobis. sunt quippe consilium, voluntas, electio. Ex signo autem. Quia legum conditores afficiunt supplicio ac plectunt eos, qui turpiter & improbè faciunt; ornântque honoribus ac præmiis eos, qui rectè factis insistant. quod profectò non facerent, si homines actionum suarum domini non essent, & improbè facere cogerentur. Nam pœnis propositis, ac suppliciis, ab improbitate prohibere, præmiis ad virtutem & præclara facinora homines hortari, atque impellere contendunt. Quis autem sanus ac sapiens nos hortatur ad ea, quæ in nostra potestate non sunt, aut ab iisdem nos pœna supplicioque deterret? Num deridiculo non sit qui nobis, vel oratione, vel præmio persuadere velit, ne calcamus in æstu, ne verberati vulneratiue doleamus, ne inedia diuturna confecti esuriamus? Itaque huius rationis hæc summa est. Illa, ad quæ præmiis prouocamur à sapientibus, & ea, à quibus pœna & supplicio deterremur, in nostra sunt potestate. sed ad probas actiones à sapientissimis legum auctoribus prouocamur præmiis, ab improbis actionibus supplicio deterremur. ergo tam probæ quàm improbæ actiones in nostra positæ sunt potestate.

Quæ de legislatoribus & legibus pœnas ac præmia proponentibus hîc dicuntur, sunt etiam apud Vlp. l. 1. ff. de Iust. & iure. Iustitiam, inquit, colimus, & boni & æqui notitiam profitemur, æquum ab iniquo, licitum ab illicito discernentes: bonos non solum metu pœnarum, verum etiam præmiorum exhortatione efficere conantes. Et apud Cicer. 1. de orat. vbi agit de Iurisconsultis. Ex his, inquit, & dignitatem maximè expetendam videmus, cùm verus, iustus, atque honestus labor honoribus, præmiis, atque splendore decoratur: vitia autem hominum atque fraudes damnis, ignominis, vinclis, verberibus, exilio, morte multantur. Eadem sunt apud Plat. lib. 9. de legib. & 12. & in Gorgia. apud Aristot. infra cap. 8. & lib. 10. extremo.

Quotquot non ex vi aut per ignorancem, &c.] Quia dixerat à legum condi-

toribus proposita supplicia esse pœnâsque actionibus improbis, & peccatis, excipit errata illa, quæ quis, aut per vim, aut per eam ignorationem admittit, cuius ipse voluntaria causa non fuerit. Cum enim hæc spontè facta non sint, legislatoris seueritati subici non debent. Pugnare videtur aduersus hæc auctoritas Galeni in eo libello, cuius argumentum est, mores animi sequi ex ipsa constitutione ac temperamento corporis. disputat enim in aliquos, qui ex eo putabant, demonstrare se posse, liberum hominis animum, atque actionum suarum dominum esse, quòd leges animaduertant in malè facta. videntur enim animaduerrere non debere, si liber hominis animus haud sit, nec actiones suas habeat in potestate. Contendit, inquam, Galenus, argumenta & rationes desumptas à legum seueritate in improbos ad demonstrandam hominis in suas actiones potestatem nullius planè roboris esse. putat enim, leges non semper improbos plectere, quia peccarunt, cum possent deberentque non peccare, atque à maleficio se continere, sed sæpè etiam quòd suaptè natura prauis sint & flagitiosi. Censet adeo expedire Reipublicæ naturalem huiusmodi nequitiam è medio tolli, haud secus ac viperas, aliâque virosas, & pestifera animantium genera, quæ necamus, nec illo ea excusamus, & à morte defendimus nomine, quòd natura & necessitate, non electione atque consilio mala & mortifera sint. Confutatur hic error Galeni ex iis, quæ docet Aristoteles de conditoribus legum & legibus. Leges enim non animaduertunt in eos, qui per vim aut per ignorantiam sua culpa minimè contractam aliquid peccant, sed in eos, qui volentes, videntes, prudentesque delinquent: neque nefarios homines plectunt, quia natura nefarii sunt, sed quia cum possent non esse improbi, improbitatem esse voluerunt. Quis autem inueniatur improbus & flagitiosus natura? fac tamen aliquos esse: dico, istos homines, quantumvis natura improbos & sceleratos extra iniuriam, & absque Reipublicæ iniquitate per leges occidi non posse. Si enim istos tollere de medio fas esset, liceret etiam interficere ciues morbo corruptos, infectosque pestilentia, ne contagio proropat ad ceteros: id quòd numquam ab vlla Republica factum accepimus.

Ebriis duplices pœnæ, &c.] Non omnem ignorantiam ex legum animaduersione subduxit, sed eam solùm ac nominatim, quæ voluntate contracta non sit. Aliquam nunc ignorantiam proponit plectendam legibus, & quidem duplici pœna, quia iudicio ac voluntate quæ sita & suscepta est. ex hoc genere potissimum ait eam esse, qua occupati ebrij, eadem aut stuprum faciunt, minimè quid faciant intelligentes. Quamquam enim haud semper voluntaria ebrietas est, interdum tamen est accersita, quia qui se vino ingurgitat, ebrietatem quærit, certè scit, & experimento iam habet exploratum, ex ea se comperatione futurum ebrium, & scelera quodam, quæ per ebrietatem alias admisit, se perpetraturum. Nam quemadmodum alius, qui comperationi vinòque paulo indulget intemperantius, meritò credens ebrietatem ex comperatione non secuturam, ebrius sua sponte non fit, neque spontè delinquere dicitur, si quid per ebrietatem delinquit: sic ille iure optimo sua voluntate dicitur ebrius factus, suoque iudicio ac spontè peccasse, quæ per ebrietatem peccauit, quia in eam gratiam bibit, vt fieret ebrius, quia se futurum sciebat ebrium, quia didicerat experimento, quænam ipse per ebrietatem esset flagitia & scelera commissurus: quia providebat, illa ebrietate se occupatum iri, quæ dementia voluntaria dicitur à Catone. Itaque hic plectendus est ex legibus duplici pœna, ille nullius conuincitur criminis, & absolvitur. Qui subtilius hæc tractant, quærun, num ij, qui sua voluntate scientesque fiunt ebrij, adeoque ignoracionem illam quæ nascitur ex ebrietate per culpam contraxere, an, inquam, hi semper ob ea quoque scelera culpandi sint, quæ per ignoracionem ex ebrietate contractam admiserunt. Per diuisionem quæstioni respondent, ita rem partientes: Si eo se consilio quis obruat vino, vt ab ignoracione atque ab alienatione mentis, quæ sequetur ebrietatem, nanciscatur excusationem & defensionem sceleris, ac libidinis suæ; hunc haud dubiè duplici pœna plectendum dicunt, & propter ebrietatem, & ob ea delicta quæ ipsam sequuntur ebrietatem. Si autem qui factus est ebrius volens, nihil ex vino præter vini iucunditatem requirebat, & tamen ex ebrietate nesciens quid ageret, peccauit aliquid, tunc ea peccata bifariam diuidunt. alia enim sunt, quæ plerumque ex huius aut illius ebrietate, atque vniuersim ex ipsa mentis alienatione sequuntur; ita prorsus, vt vnusquisque providere debeat, ea se patra-

rum, si mente commoueat, aut ebrius fiat. Huiusmodi sunt, exempli gratiâ, milites excubitores in stationibus positi, qui suo se munere fungi non possunt, si ex computatione reddantur ebrii. huiusmodi sunt iudices, qui vino impediti, æquam sententiam ferre non possunt. huiusmodi alij sunt plurimi, quorum munus temperantiam postulat, & sobrietatem; qua minimè sepi ab officio discedunt; ac duplici nomine peccant; quòd nimirum plus nimio biberint, & quòd ex nimia computatione suo perfungi munere non potuerunt. Quis enim supplicio plectendum excubitorem non putet, qui somno correptus ex ebrietate, hostes murum ascendere passus est, & tecta succendere? Quis iudicem culpa eximat, & pœna, qui ex ebrietate non vidit, secundum quem, aut contra quem decerneret ac sententiam ferret? Rectè igitur in hos Aristoteles, Pittaci Mitylenæi sententiam secutus, pronunciat, duplici afficiendos esse supplicio.

Alia verò peccata sunt, quæ non ita frequenter ex ebrietate, atque ex mentis alienatione proueniunt: cuiusmodi stuprum est, sacrilegium, aut cædes: quæ profectò ebrii non tam admittunt ipsi per se, quàm prouocati potius ac laceffiti. Dicunt adeo, propter hæc ebrios non videri duplici pœna plectendos, sed satis esse si plectantur vna, hoc est ea, quam ipsa tantum meretur ebrietas. augendam tamen ipsam putant ebrietatis pœnam, perinde ac si ea intemperantia ex consecutis illis peccatis quantumvis præter propositum præterque consilium, deformior, & grauior esse facta videatur. Hæc nimirum existimant Diui Augustini fuisse sententiam in lib. 22. contra Faust. cap. 44. Ait enim Loth culpandum esse quantum meretur ebrietas, sed non quantum illud commercium stuprum fuisset quod per ebrietatem admissum est. Idem sensibile videtur Origenes hom. 4. in Genes. qui ut Loth ab ebrietatis culpa non eximat, eximit tamen, & purgat à stupro. Subscribit his Eucherius siue Beda item in Genes. contendens ac docens, Loth, si quid peccarit, ex ebrietate, non stupro, peccasse.

Etiā ignorantes in legibus, &c.] Ut vis argumento sit maior, addit, legislatores non illi modò ignorantæ per ebrietatem quæsitæ atque accersitæ pœnas instituisse, verum etiam aliis, quæ non ita voluntariæ videri possunt: cuiusmodi sunt inscitæ quædam, quæ non studio & dedita opera, sed per negligentiam quamdam, & oscitantiam contrahuntur. Nam si ex eo intelligimus, nostrarum nos actionum dominos esse, quòd Magistratus & leges non solum actiones afficiunt pœna, verum etiam ignorantiam ex industria quæsitam & studio, qualis est ea, quæ nascitur ex ebrietate, multo sanè cognoscemus id planius ex eo, quòd ipsam quoque puniunt ignorantiam, nullo studio, sed otio socordiaque paratam. Ignorantiam ex hoc genere tunc ait accidere, cum ea quis nosse neglexerit, quæ scire ac nosse debebat. Nempe communes leges & iura scire debent omnes, ut ait Imperator in l. leges. C. de legibus: idque non dubiè significat hic Aristoteles, cum ait, plecti quoque sole re homines, cum aliquid eorum ignorant, quæ legibus continentur. Sed quia ea res exceptioni patere videbatur, cum leges & infinitæ propemodum sint, & multæ remotiores, atque reconditæ, quas haud possit vnusquisque cognoscere; excipit ipsemet, adiungitque ita puniri ob hanc ignorantiam homines debere, si ea ex legibus scire neglexerint, quæ facilia cognitu sunt, atque omnibus obuia. Neque enim Rustici, vel pueri feminæve ea nosse debent in iure, quæ vix nouit Vlpianus aut Scevola, adeoque hi reprehensione carent, nec ob ignorantiam abditi iuris damnantur, ut est in l. Regula, De iuris & facti ignorantia. Ceterum inscitia naturalis diuinique iuris plecti solet in omnibus l. seruanda. ff. de in ius vocand. Atque ad hoc genus reuocari debet illa communis inscientia, qua plerique omnes laborant improbi. Vitius enim demersi, atque occæcati quid æquum, quid iniquum sit, vix possunt discernere. Itaque duplici modo ait Aristoteles esse posse hominem causam ignorantie suæ: vno quidem si scienter aliquid agat, ex qua sequatur inscitia voluntaria; ut cum sua voluntate sit ebrius: altero, cum id non agit, quod agere deberet, ex cuius prætermissione nascitur ignorantia item voluntaria; ut cum negligit communes leges, & iura, vel naturalia vel diuina perdiscere. Eiusmodi enim ignorantia per negligentiam & incuriam accidit. & quia in potestate nostra est vel nauos ac diligentes, vel incuriosos & negligentes nos esse, illius inscientiæ nos ipsi sumus auctores, adeoque plectendi ob eam inscientiam sumus.

Denique verissimum est quod dicitur: cum qui causam eligit, effectum etiam

eligere, qui necessariò est cum causa connexus. Quamuis enim qui sub dio, Solisque radiis ardentibus ambulat, profiteatur ac dicat, nolle se fuscum colorem contrahere, sed tantummodo spatia facere, corpusque ad valetudinem exercere, dicitur tamen etiam atrum illum colorem eligere, cum sic ambulare non possit quin coloretur.

PARS TERTIA CAPITIS QVINTI.

ΑΛΛ' ἴσως τοιοῦτός τις ἔστιν, ὡς
μὴ ἐπιμελεσθῆναι, ἀλλὰ τὸ τοι-
οῦτος γινέσθαι, αὐτοὶ αἱποὶ, ζῶντες αἰδέμι-
ως, ἢ τῷ ἀδίκῳ, ἢ ἀκολαστοῦ (τῷ).
οἱ μὲν χειρουργοὶ, οἱ δὲ ἐν πότει,
καὶ τοῖς τοιούτοις ἀφ' ἑαυτῶν. αἱ γὰρ πε-
ρὶ ἑκάστα ἐέργειν, τοιούτοις ποιοῦσι.
τὴν δὲ δὴλον ἐκ τῆς μηχανήτων τῶν
ὡς ἡμεῖς αὐτῶν ἀγνοῖα, ἢ παρὰ τὴν ἀφ-
πειλοῦσι γὰρ ἐνεργεῖν. ὁ μὲν οὖν
ἀγνοῖ, ὅτι ἐκ τῆς ἐνεργείας τῆς ἑκάστα
αἱ ἐξ ἑαυτοῦ γίνονται, κομῶν δὲ ἀμαρτήτου.
ἐπὶ δὲ ἄλλοι, τὸν ἀδικεῖν μὴ βου-
λεσθῆναι ἀδικεῖν (τῷ), ἢ τὸν ἀκολαστῆ-
ροντα, ἀκολαστον. Εἰ δὲ μὴ ἀγνοῖν τις
παρὰ τὴν, ὅτι ὡς ἔστιν ἀδικος, ἐκὼν
ἀδικος ἀπὸ εἶναι. οὐ μὲν γὰρ, ἐὰν γὰρ βου-
ληται, ἀδικος ὡς παύσεται, καὶ ἔστιν δι-
κμος. ὅσοι γὰρ ὁ ἰσχυρὸς ὑγίης, καὶ εἰ
οὕτως ἔτυχεν, ἐκὼν ἰσχυρὸς ἀκρατῶς
βιοτεύων, καὶ ἀπειθῶν τοῖς ἰατροῖς. τῷ
μὲν οὖν ὅτι αὐτὸς μὴ ἰσχυρὸς, παρὰ
μὲν δὲ, οὐκ ἐπὶ. ὡς οὐδὲ ἀφέντι
λίθον, ἐπὶ αὐτὸν δυνατὸν αἰσθάνεσθαι.
ἀλλ' ὅμως ἐπὶ αὐτῷ, ὁ βαλεῖ, καὶ
ρίψαι. ἢ γὰρ ἀρχὴ ἐπὶ αὐτῷ. οὕτω ὁ
καὶ τῷ ἀδικῷ, καὶ τῷ ἀκολαστῷ ὅτι
ἀρχὴς μὲν ὅτι τοιοῦτος μὴ γινέσθαι,
ὅτι ἐκόντες εἶσι, γινόμενοι δὲ οὐκ
ἔξεσι μὴ (τῷ). οὐ μόνον δὲ αἱ τῆς ψυ-
χῆς κακίαι ἐκούσαι εἶσι, ἀλλ' ἐνίοις,
καὶ αἱ τοῦ σώματος, οἷς καὶ ἐπιτημέ-
νῳ. τοῖς μὲν γὰρ ἀφ' οὗτοι αἰσθητοῖς,
οὐ τοῖς ἐπιτημέ, τοῖς δὲ δι' ἀνυμνα-
σίας, καὶ ἀμύθῳ. ἐμπίως δὲ καὶ τῷ
ἀσθενείᾳ, καὶ αἰσθῆ, καὶ πῆρωσιν. οὐ-
δαίς γὰρ αὐτὸν οἰσθῆσε τυφλῷ φῶς, ἢ
ἐκ νόσου, ἢ ἐκ πληγῆς, ἀλλὰ μάλλον
ἐλεῆσαι. τῷ δὲ ὅτι οἰσθῆσε φλογίας, ἢ ἄλ-
λης ἀκολασίας, πᾶς αὐτὸν ἐπιτημέσαι. τῷ

AT fortasse talis aliquis est, ut non
queat diligentiam adhibere. sed ut ta-
les fierent, ipsi auctores fuere, viuentes dis-
solutè, & ut iniusti, aut intemperantes sint,
hi quidem malè agentes, illi verò in compo-
sitionibus & similibus degentes. Nam quæ
circa singula sunt actiones, tales eos reddunt.
hoc autem perspicuum est ex illis, qui se exer-
cent in quolibet certamine, vel actione. per-
seuerant enim operantes. Igitur ignorare, ex
operationibus circa singula habitus gigni,
planè stupidi est. Præterea à ratione alie-
num est, iniuste agentem nolle iniustum esse,
vel viuentem intemperatè, intemperan-
tem. quòd si non ignorans aliquis agit ea, ex
quibus fiat iniustus, spontè iniustus erit.
Nec tamen, sic velit quidem, cum iniustus
iam sit, desinet, & erit iustus. Neque enim
qui agrotat, si velit, sanus fit, quamuis ita
fortasse consigerit, ut spontè agrotet, in-
continenter viuens, & non credens medicis.
Tunc igitur licebat ei non agrotare, sed ubi
se proiecit, non amplius licet: quemadmo-
dum neque is, qui proicit lapidem, potest
iam reuocare. sed tamen in ipso erat sume-
re, & proicere. Principium enim in ipso est.
Ita iniusto & intemperanti ab initio qui-
dem licebat tales non fieri; adeoque volun-
tarij sunt: factis verò non licet non esse.
Non solum autem animi vitia voluntaria
sunt, sed in aliquibus etiam corporis: quos
etiam vituperamus. Nam, quòd natura de-
formes sunt, illos nemo vituperat, sed eos,
qui per inertiam, otiumque sunt. Eodém-
que modo etiam in imbecillitate, deformitate,
& debilitate fit. Nemo enim exprobrare
possit cæco natura, vel ex morbo, aut ex
vulnere, sed potius misereri: qui verò ex
vinolentia, aut alia intemperantia, ei vi-
nusquisque exprobrabit. Quæ igitur corpo-

δὴ πρὸς τὸ σῶμα κακίαν, αἱ μὲν ἐφ' ἡμῖν ἐπιτιμῶνται, αἱ δὲ μὴ ἐφ' ἡμῖν, οὐ. εἰ δ' οὕτω, καὶ ὅτι τῶν ἄλλων αἱ ἐπιτιμῶνται τῶν κακίαν, ἐφ' ἡμῖν αὖ εἶεν. εἰ δὲ ὡς λέγει ὅτι πάντες ἐφίενται τοῦ φαινομένου ἀγαθοῦ. τῆς φαινομένης οὐ κρείοι, ἀλλ' ὁποῖός ποθ' ἕκαστος ὅτι, τοιοῦτόν καὶ τὸ τέλος φαίνεται αὐτοῖς. εἰ μὲν οὖν ἕκαστος ἑαυτῷ τῆς ἐξέως ὅτι πως αἴτιος, καὶ τῆς φαινομένης ἕσται πως αὐτὸς αἴτιος. εἰ δὲ μηδὲς αὐτοῦ αἴτιος τῆς κακίας ποιῇ, ἀλλὰ δὲ ἀγνοίας τῆς τέλους ταῦτα ποιεῖται, ἀφ' αὐτῶν οἰόμενος αὐτοῦ τὸ ἀρετὸν ἐπαύει. ἡ δὲ τῶν τέλους ἐφεσις οὐκ ἀνθρώπου, ἀλλὰ φύσιν δέ, ὥσπερ ὅτιν ἐχρῆται, ἢ χρῆσι καλῶς, καὶ τὸ κατ' ἀλήθειαν ἀγαθὸν αἰρήσεται, καὶ ὅτιν βίφους, ὅ ποτὶ καλῶς πεφυκα. τὸ γὰρ μέγιστον, καὶ κάλλιστον, καὶ ὁ πρὸ ἐπερου μὴ οἶόν τι λαβεῖν, μηδὲ μαθῆναι, ἀλλ' οἷον ἔφυ, ποιῶν ἐξῆ. καὶ τὸ αὖ, καὶ τὸ καλῶς ποτὶ πεφυκαίαν, ἢ πλείαν ἐ ἀληθινή αὖ εἴη βίφια. εἰ δὲ ταῦτ' ὅτιν ἀληθῆ, τί μέλλον ἢ ἀρετὴ τῆς κακίας ἕσται ἐκούσιοι; ἀμφότεν γὰρ ὁμοίως ποτὶ ἀγαθόν, ἐ ποτὶ κακῶν τὸ τέλος φύσιν, ἢ ὅπως δὴ ποτε φαίνεται, ἐ αἰσταν. τα δὲ λοιπὰ ποτὶς ποτὶ αἰαφένους ποτὶ ποτὶ οἷον δὴ ποτε. εἰ τε δὲ τὸ τέλος μὴ φύσιν ἐκείνῳ φαίνεται, οἷον δὴ ποτε, ἀλλὰ πὶ ἐ πρὸ αὐτοῦ ὅτιν, εἰ τε τὸ μὲν τέλος φυσικόν, ποτὶ δὲ τα λοιπὰ ποτὶ ἐκείνῳ πὶν ἀποδιδόναι, ἢ ἀρετὴ ἐκούσιόν ὅτιν, οὐδὲν ἦτορ ἐ ἡ κακία ἐκούσιον αὖ εἴη. ὁμοίως γὰρ ἐ ποτὶ κακῶν ὡς ἀρχὴ τὸ δὲ αὐτὸν ἐ ποτὶς ποτὶ ξείν, καὶ ἐ ποτὶ τέλῃ. εἰ οὖν ὥσπερ λέγεται, ἐκούσιοι εἶσιν αἱ ἀρεταί, καὶ γὰρ τῶν ἐξέων σπουδαῖοι πως αὐτοῖς ἐσμέν, ἐ τὸ ποῖοι ὡς εἴ), τὸ τέλος. ποῖοι δὲ ὑψίμεθα, καὶ αἱ κακίαι ἐκούσιοι αὖ εἶεν. ὁμοίως γὰρ.

ris vitia in nostra potestate sunt, exprobrantur; quæ verò non sunt in nostra potestate; minimè. Quòd si ita est, etiam in ceteris, quæ reprehenduntur vitia, in nostra potestate debent esse. Diceret autem fortasse aliquis; omnes expetere id quod sibi videtur bonum, visionis autem non esse dominos. sed qualis quisque sit, talis etiam ei finis videtur: etsi unusquisque sibi habuit est quodammodo causa, etiam visionis erit quodammodo ipse causa. Si autem nemo sibi causa est malici faciendi, sed ob ignorantiam finis hac facit, propter hac existimans, sibi quod optimum est ad futurum; finis autem appetitio non est in nostra potestate: sed ita quemque natum esse oportet quasi videndi vim habentem, qua iudicabit rectè, et quod secundum veritatem bonum est eliger: atque is bene est natura informatus, cui hoc rectè ingenitum est à natura (maximum enim et pulcherrimum, et quod ab alio nec accipere, neque discere quisquam possit, sed quale est ortum natura, tale se habebit, et bene factum hoc natura esse, id perfecta et vera est natura bonitas) si igitur hac sunt vera, cur magis virtus, quam vitium erit voluntarium? Ambobus enim similiter et bono, et improbo finis natura est, aut quomodo documque videtur et ponitur. Cetera verò ad hunc referentes agunt quomodocumque. Sine igitur finis non natura esse unicuique videtur, qualiscumque sit, sed aliquid etiam penes ipsum est, sine finis quidem naturalis, eo tamen, quod cetera agat spontè vir bonus, virtus voluntarium quiddam est; nihilominus etiam vitium voluntarium debet esse. Similiter quippe et improbo inest potestas per se in actionibus, et si non in fine. Si ergo, ut dicitur, voluntaria sunt virtutes (etenim habituum simul causa quodammodo ipsi sumus, et eo quod tales quidam sumus, finem talem ponimus) etiam vitia voluntaria debent esse: similis animi ratio est.

EXPLANATIO.



RADICES hinc, fibræque conuellit omnes eius opinionis, quæ peruaferat aliquorum animos, vt crederent, vitia voluntaria non esse, nec fieri quemquam sua voluntate criminofum & improbum. Quamquam enim iis omnis videbatur aditus ad excufationem interclusus, erepra defenfione, quam ab ignorantia petere poterant, restabat tamen vnum longè remotius perfugium, quod hac tertia capitis parte penitus obstruit. Nam quia dixerat, ignorantiam, non modò quæfitam studio, sed negligentia quoque contractam voluntariam esse, nec culpa vacare; quia possumus non negligentes esse, atque in nostra manu est, curam & diligentiam adhibere; quia, inquam, sic dixerat, poterat respondere aliquis, hominem interdum ita constitutum atque affectum prauis habitibus esse, vt vitius debilitatus ac fractus ne diligentiam quidem ad discendum & cognoscendum quod ignorat conferre possit. Multos quippe sic iracundos cernimus, ita violentos, atque ad omnem audaciam iniuriæque proiectos, ita libidine, luxu, omnique genere intemperantiæ perditos, nullam vt honestatis suscipere posse curam videantur; cùm iam inde à primis annis improbè viuere cœperint, vsuque diuturno stirpem improbitatis & vitij confirmauerint. Videtur igitur hinc effici, vitia in iis esse necessaria, & propè naturalia, vt ait Eustratius, eosque inuitos & nolentes peccare. Occupat hunc extremum defensionis locum Aristoteles, concedens, verum quidem id esse; quosdam ita firmasse iam habitum, vt nisi dissolutè, nequiter ac vitiosè viuere non posse videantur: ex quo etiam sequatur, eosdem haud posse diligentiam & curam ponere in ea ab se depellenda ignoratione rerum, ac cæcitate, qua tenentur & distrahuntur in præceps: negat tamen hinc consequi quod isti volunt; peccata eiusmodi necessaria minimèque voluntaria esse & culpa vacare: quia eorum habituum initia voluntaria fuerunt, ac propterea in eorum, qui tam altas posuerunt radices habituum, potestate erat radices illas non ponere, neque habitum contrahere, quem ipsi suo statim arbitrato extirpare non possent. Nam hinc etiam illa superior argumentatio locum habet, ita disposita: Quorum principia in nobis posita sunt, ea si fiant, spontè suscipiuntur & voluntaria sunt: sed vitiosarum affectionum habituūque principia in nobis omnino sunt posita, cùm ipsæ sint actiones à nobis & nostra facultate profectæ. Igitur affectiones vitiosæ, prauique habitus voluntarij sunt.

Non enim qui ægrotat, &c.] Confirmat id quod docuit exemplo morbofi hominis suo ipsius vitio eo morbo laborantis & culpa. Nam sæpè fit, vt spontè morbum aliquis contrahat, vel quia viuit intemperanter, vel quia medicorum præceptionibus haud obtemperat. Huius itaque morbi principium in ægrotantis potestate fuit, cùm posset ipse temperatè viuere, ac medicorum legibus morem gerere: sed vbi iam inualuit, & altas in corpore radices egit, in eiusdem amplius potestate non est. Alia quoque similitudine rem explicat, ab eo petita, qui manu lapidem mittit. Poterat enim antequam mitteret, apud se retinere, nec proicere, sed vbi eum proiecit, amplius ad se retrahere ac reuocare non potest. Hæc gemina comparatio cum re proposita ita congruit.

Prima: Quemadmodum qui morbum ex intemperantia voluntaria suscepit in se, potuit quidem initio non suscipere, sed susceptum iam, à se, cùm vult, abigere ac propulsare non potest; sic is, qui prauum habitum spontè contraxit, potuit initio non contrahere, sed contractum iam deponere, cùm vult, & extirpare non potest. Comparisonem hanc tractat eleganter Cicero in Tuscul. 4. sic scribens. Nam cùm est concupita pecunia, nec adhibita continuo ratio, qua Socratica medicina, quæ sanaret eam cupiditatem, permanat in venas, & inhareret in visceribus illud malum, existitque morbus & ægrotatio: quæ euelli inueterata non possunt; eique morbo nomen est auaritia. similiterque cæteri morbi, vt gloriæ cupiditas, vt mulierofitas, &c.

Secunda : Sicut ille, qui lapidem excussit, vel ex edito se loco præcipitem egit, potuit quidem initio lapidem non excutere, neque se præcipitem dare, sed postea, nec reducere ad se lapidem, nec impetum sustinere suum, ac se reponere potest in loco, unde delapsus in præceps est, ita qui animum ad libidines proiecit ac pastum, & sese in vitiorum profunda demersit, potuit quidem antè non se profundere, sed postea tamen suo arbitratu referre gradum non potest, nec ex illa voragine charybdique vitiorum emergere. Hac etiam similitudine ad eandem rem explicandam sic usus est Cicero in libro illo quinto quæstionum Tuscul. Qui modum vitio quærit, inquit, similiter facit, ut si posse putet, eum, qui se è Leucade præcipitauerit, sustinere se cum velit. ut enim id non potest, sic animus incitatus & perturbatus nec cohibere se potest, nec quo loco vult, insistere omnino. Ita Cicero hanc similitudinem explicat, planèque declarat, eum qui se præcipitat in vitia, haud plus sustinere se posse, quàm qui de Leucadis scopulo se deiecerit in mare. Denique vox illa non tam Ouidij quàm Delphici Apollinis est,

Principis obsta, sero medicina paratur, &c.

Sed tamen hoc Aristotelis dictum scopulos & salebras habet, nec sanè videmus quid verum sit, eum rursus fieri bonum suo arbitrio non posse, qui semel ex bono factus sit improbus, cum tam multi, quantumvis nequam & periti se recipiant ad bonam frugem, habitumque vitiorum deposito, virtutibus, & quidem eximius imbuantur. Quid igitur est quod tam multis ac tam grauer hic affirmat sapientissimus vir, inultum atque intemperantem, ne si velit quidem, iustum & temperatum fieri posse? Dico primum: significare voluisse, id esse rarum ac perdifficile. Est enim consuetudo, ut vulgo iam dicimus, altera natura, si diuturna præsertim, atque inueterata sit: adeoque frangas citius quàm corrigas ea, quæ in prauum induruerunt, inquit Quintilianus. Dico deinde accipienda hæc esse de subita, repentinæque commutatione deterioris habitus in bonum. Non enim potest breuissimo tempore improbitatis habitus ab animo, quem ipse altè arèteque comprehendit, stirpitus omninoque reuelli. Sed ubi cominodum sit, opportunumque temporis spatium, & studium hominis accesserit diligens, neque Aristoteles, neque quispiam paulo sapientior, & modiocriter in antiquorum historiis, monumentisque versatus negauerit, homines etiam profligatos & perditos posse ad probitatem, & Virtutum studia reuocari. Sed ea correctio, morumque mutatio tempus efflagitat, quia statim euelli viciolitas, deponique non potest. Catulum ac Scipionem, inquit Latinus Pacatus, aliquantisper sibi luxuria vindicauit, eosque licet in melius immutatos ad portum reuexerint flatus, diu tamen vitiorum turbo iactauit, & naufragos atque fluctuantes, ab illis quibus mersabantur erroribus ætas ægrè recepit.

Non solum autem animi vitia, &c.] Amplior hic est confirmatio rationis, quæ demonstret, habitus animi vitiosos esse voluntarios, & reprehensione dignissimos. Confirmationem autem, argumentumque ducit à noua comparatione ac similitudine in hunc modum.

Aliqua sunt in corpore vitia, quæ reprehenduntur, & damnantur ab omnibus, putanturque voluntaria. quanto igitur æquius est, animi vitia rephendi, daminari, haberique voluntaria, quæ in animo libero sunt? Quænam autem hæc vitia corporis sint, declarat primum per exceptionem & depulsionem eorum, quæ reprehenduntur à nemine, sed cum dolore potius & commiseratione cernuntur. cuiusmodi est, inquit, naturalis corporis deformitas & turpitudine: quod docet etiam Protagoras apud Platonem. Quod si Homerus in conuiuio Deos inducit, claudum irridentes Vulcanum, id ipsum profecto quod dicimus ostendit & docet, hoc est, corporis naturale vitium loco potius, quàm reprehensione dignum esse. Quin apud eundem Homerum Iuno blanditijs Vulcanum demulcens, eum claudum appellare non dubitat, hoc est, *καλλομειδία*, ut eo significetur exemplo, neque bona, neque mala corporis, ad laudem, vituperationemve permagni referre. Ac nominatim quidem Aristoteles ait, eum reprehendi non debere, qui vel natura, vel casu, vel morbo aliquo, aut ictu, vel vulnere orbatu est oculo, quod vsque adeo verum est, ut laudatus Philippus sit etià ab inimicissimo Demosthene, quod in expugnatione Melchones, Urbis Magnesiæ, priuatus sit oculo. putauit enim prudentissimus orator, deformitatem illà in Imperatore fortissimo pulcherrimà esse. Orbitatem igitur oculo.

rum, aut claudicationem, aut aliam eiusmodi membrorum imminutionem & prauitatem natura, morbo, casu aliquo accidentem nulli contendit reprehensioni parere, sed miseratione potius dignam esse. Quæ sunt ergo corporis vitia quæ reprehensione digna censentur & pœna? omnino voluntaria, hoc est ea, quæ ex ebriositate, aliòve genere intemperantiæ vitiiue contracta sunt. Quis orbitatem oculorum, faciei, membrorumque prauitatem atque imminutionem ex intemperantiæ voluntariæ susceptam exuperantia, voluntariam non putet, culpandam, reprehendendam & damnandam ab omnibus? Quòd si hoc est de corporis vitio & prauitate iudicium, quæ tolli nulla ratione potest, idem sanè, ac multo seuerius esse debet de vitioso illo animi habitu nostra voluntate nostrisque voluntariis actionibus parit, & animo tam pertinaciter inhaerente, ac confirmato, vt non nisi temporis beneficio ac longo studio possit aliquando tandem refigi & extirpari. Nam & ille, quamquam contracto iam corporis morbo, non potest valetudinem cum vult recuperare, potuit tamen in morbum non incidere, & hinc tamen si habitum ita fixum & firmum non potest confestim euellere, potuit tamen eundem non figere, atque à prauis actionibus, quarum vsu & frequentatione sic fixus est habitus, se continere.

Dicet autem fortasse aliquis, &c.] Vltimam hinc radicem prauæ opinionis extirpat, in eo positam & comprehensam, quod in potestate nostra non sit, vt bonum nobis videatur esse quod verè bonum est. quo fiat, vt cum eligimus malum, & improbitatem sequimur, rati bonum esse atque honestatem, culpandi damnandique non simus. Hinc autem iterum consequens est, vt nemo sua voluntate sit improbus, quod initio quærebatur. Tota itaque istorum ratio qui sic disputant collocatur in eo, quod visio in nostra potestate non sit. Sic enim Lambin. Latinè reddit hoc loco *φαντασία*, quemadmodum reddita est à Cicerone sæpissimè: qui phantasmata appellat visa, phantasiam verò visionem, quæ etiam non quidem Latinè, sed vsitato nunc vocabulo dicitur apparentia. Immo sæpe apud M. Tullium ipsum visum & visio idem sunt, quia etiam apparentiam, siue id quod apparet, phantasiamque significant. Itaque nos visum aut visionem dicimus id, quod hic ab Aristotele phantasia nominatur. Atque, vt res tota planior ac certior fiat, actionum nostrarum principium, progressus, & ordo discendus, aut memoria repetendus ex Phisicis est. Res enim obiecta primo quidem sensu percipitur & phantasia, seu visione. hinc assensus sequitur & approbatio: approbationem & assensum excipit appetitio, appetitionem actiones, actiones demum habitus vsu & temporis diuturnitate firmatus. Indicat hæc ipse M. Tullius in Lucullo. Virtutis, inquit, omnis constantia & firmitas ex his rebus constat quibus assensus est, & quas approbavit, omninoque antè videri aliquid, quàm agamus necesse est, vt ei quod visum sit, assentiatur. Constat igitur ex his, visum seu visionem esse quoddam humanarum actionum, hoc est virtutum, vitiorumque principium, & cum omnem actionem è vita. tollere, qui visionem tollit, cum rem nobis obiectam propositamque approbare non possumus, nisi antè nobis appareat, & bona vel mala nobis esse videatur. Quibus positis, ita disputare possit aliquis, inquit Aristoteles: Omnes cum aliquid appetunt, appetunt id quod ipsis per phantasiam apparet esse ac videtur bonum. Phantasia verò, ac visio facultas quædam & vis insita nobis à natura est, haud secus, quàm sensus reliqui. ergo non magis quàm sensus reliqui, aut aliud quidpiam haustum à natura in nostra manu est & potestate. id probatur ex eo, quòd qualis quisque moribus est & ingenio, talis ei finis apparet esse cum obicitur & proponitur animo, ex cuius habitudine ac preparatione varia fit, vt à multis malum expetatur, non quia malum est, sed quòd bonum esse videatur. Quis enim ideo malum appetat, quòd malum sit, cum ne bellum quidem ipsæ appetant malum? Quippe animalis appetitus formam sequitur apprehensam, quemadmodum appetitus naturalis formam sequitur inhaerentem natura. Apprehensio verò, phantasie ac visionis est opus, cuius domini certè non sumus. Nam cum visiones & phantasie variae sint pro temperamenti, morum, atque habituum varietate, id quod alicui bonum apparet, alteri non apparet & malum videtur. Visa igitur, quæ in phantasiam hominis incurrunt, non voluntatis atque arbitrij sunt, sed vi quadam & impetu se inferunt, solæque diiudicationes, quibus eadem visa discernuntur pro arbitrato hominis fiunt, habendæque propterea sunt voluntariæ, vt

decernit apud Gellium Epictetus his verbis: Visiones animi, quas *phantasiae* philosophi appellant, quibus mens hominis prima statim specie accidentis ad animum rei pellitur, non voluntatis sunt, neque arbitrij, sed vi quadam sua inferunt sese hominibus. Noscitandae probationes autem, quas *συγκαταβάσεις* vocant, quibus eadem visa noscuntur, & diiudicantur, voluntariae sunt, fiuntque hominum arbitratu. Propterea cum sonus aliquis formidabilis aut è caelo, aut ex ruina, aut repentinus nescio cuius periculi nuntius vel aliquid eiusmodi factum est, sapientis quoque animum paulisper moueri, & contrahi, & pallefcere necessum est, non opinione alicuius mali praecepta, sed quibusdam moribus rapidis, & inconsultis, officium mentis ac rationis praeuertentibus. mox tamen sapiens isthaec visa animi sic terrifica non approbat, sed abiicit, respuit, nec ei metuendum esse in his quicquam videtur. Hæc Epictetus, quibus aliquis suam tueri sententiam possit, omninoque putare & credere, vitia non esse voluntaria, quia visiones ipsæ, quæ necessario approbationem & electionem antecedunt, inferunt vim, & voluntariae non sunt. Sed aduersariis præclaram hanc improbitatis defensionem eripit è manibus Aristoteles, hac ratione: Explicat initio eius argumentationis propositionem, qua dicitur unusquisque id appetere quod bonum videtur. At enim, hanc propositionem ita veram esse, si addatur hoc pronomen & particula, sibi, dicaturque id unusquisque appetere quod sibi, hoc est, affectu quodam certo atque habitu prædito, videtur bonum esse.

Propositione sic explicata: nimirum pro cuiusque habitu atque affectione quod sibi bonum videatur id unumquemque appetere, confestim deinde subiungit confutationem Assumptionis, falsò dici demonstrans, visa, visionēve in nostra potestate non esse. Habitus morales voluntarij sunt, & nostræ potestatis, ut multis probatum est supra. Sed visio & phantasia moralem sequitur habitum, sic prorsus, ut quali quisque affectus habitu est, talis illi videatur finis, & id quod obicitur. Igitur visio voluntaria est, & nostri arbitrij ac potestatis. qui enim antecedens in potestate habet, est etiam dominus consequentis, adeoque, quoniam auctor est habitus sui, erit etiam auctor visionis, efficietque, ut hoc bonum, illud malum videatur. Sed tamen hæc aliæque huiusmodi, quæ vniuersim ita dicuntur ab Aristotele, ex correctione Burlei suis coercenda limitibus sunt, & sic explicanda, ut ea solum phantasia, & visio voluntaria, atque in potestate hominis esse intelligenda sit, quæ gignitur & existit ex habitu: illa verò non semper intra eiusdem hominis potestatem, & voluntatem sit, quæ ex impetu perturbationis, affectusque certa propensione repente subnascitur. Atque id solum ostendit illa Epicteti doctrina, quam paulo antè protulimus ex Gellio, à voluntate ac potestate depellens hominis eas visiones, quæ iudicium & rationem antevertunt.

Sed dicent tamen amplius isti suæ improbitatis defensores, inquit Aristoteles, se quoties peccant, peccare ex ignoracione finis, reputantes videlicet ex voluptuario vitæ genere summo bono se potituros: nec posse imperare sibi appétitionem finis; cum hæc proficiscatur à natura: quæ sicut hominem gignit oculorum instructum acie ad distinguendos colores, sic eundem procreat acie præditum mentis, ad rectè iudicandum, & quod verè bonum est, discernendum. Sed quemadmodum ipsa natura in oculorum, ceterorumque molitione membrorum interdum deficit aliquantum, & curta est, sic etiam in ipso ingenio, atque verum dispiciendum formanda vi sæpe numero non implet numeros suos. Itaque iure dicuntur aliqui bene, aliqui malè ad verum diiudicandum à natura formati. ergo cum homo ex prava naturæ constitutione aberrat à vero, ac bono, dicendus auctor non est improbitatis suæ.

Hæc istorum argumentatio est; quam refellit Aristoteles, assumptis & positis iis, quæ aduersarij vera esse volebant & contendebant, hoc est, virtutem quidem voluntariam ac nostræ potestatis esse, vitium verò minimè voluntarium & extra facultatem atque arbitrium nostrum omnino positum. His enim concessis, eos compertæ falsitatis ita redarguit.

Si finis appetitio non ab electione iudicioque, sed à natura proficiscitur, & ex appétitione finis agit homo quicquid demum agit, consequens est, haud magis virtutem esse voluntariam, quàm virtuti viciositatem oppositam. similis enim vtriusque ratio est. Quare si viciositas ideo voluntaria non est, quia finis appetitio natu-

ralis est, nec sita in hominis potestate, ne virtus quidem ipsa erit voluntaria, cum etiam virtute præditus agat ex finis appetitione, quæ, ut isti dicunt, est necessaria & naturalis. Atque ut enucleatius id declaretur, percontari libet istos, cur virtutem spontè suscipi dicant. Respondebunt haud dubiè, propensionem illam ad bonum natura nobis insitam ipsos nos adiuuare nostrisque functionibus adaugere. At in persequendis vitiis id ipsum præstamus, & quidem contentione, conatuque longè maiori: cum ad vitia, quàm ad virtutes proniores esse videamur & simus.

PARS QUARTA CAPITIS QVINTI.

Κοινὴ μὲν οὖν αὖτε τῶν ἀρετῶν εἴρηται ἡμῖν. τὸ, τι ἅμους τύπτει, ὅτι μεσότητες εἰσιν, καὶ ὅτι ἐξ ἧς, ὅφ' ὧν τε γίνονται, καὶ ὅτι πύττειται περὶ αὐτὰς, καὶ καθ' αὐτάς. καὶ ὅτι ἐφ' ἡμῖν, καὶ ἐκούσιοι, καὶ οὕτως ὡς αὐτὸ ὁ ὁρθὸς λόγος περὶ αὐτῶν. οὐχ ὁμοίως δὲ αἱ ἀρεταὶ ἐκούσιοι εἰσι, καὶ αἱ ἐξ ἧς. τῶν μὲν γὰρ ἀρετῶν αὐτῶν ἀρχὴς μέγιστος κύριος ἐσμέν, εἰδότες τὰ καθ' ἕκαστα, τῶν ἐξ ἧς δὲ τῆς ἀρχῆς. τῶν καθ' ἕκαστα ἢ ἡ πρόασις ἢ ἡ κρίσις, ὡς περὶ τῶν αἰσθησίων. ἀλλ' ὅτι ἐφ' ἡμῖν ὧν ὅπως, ἢ μὴ ὅπως χρῆσθαι, ἀφ' ὧν ἐκούσιοι. ἀναλαβόντες δὲ αὖτε ἐκάστης εἰπωμένης πέντες εἰσι, καὶ αὖτε ποῖα, καὶ πῶς. ἅμα δ' ἕνα δῖλον, καὶ πόσα εἰσι. καὶ περὶ αὐτῶν αὖτε αἰδρίας.

Vniuersum ergo de virtutibus dictum à nobis est, ipsumque genus rudi figura mediocritates esse, & habiuit, & quibus ex rebus gignuntur earum effectrices esse, & per se, & in nobis esse, & voluntarias, & ita, ut recta ratio præscripserit. Non autem eodem modo actiones voluntariae sunt atque habiuit. Actionum enim à principio usque ad finem domini sumus, cum ea cognoscamus, quæ circa singula sunt; habituum vero principij. eorum vero quæ sunt circa singula accessio non est nota, quemadmodum in agrotationibus: sed quoniam in nostra potestate erat sic, aut non sic uti, idcirco voluntarij. Repetentes igitur de singulis virtutibus dicamus quanam sint, & circa qualia, & quomodo: simulque erit perspicuum etiā quot sint. ac primū de fortitudine.

EXPLANATIO.

REVEM hæc pars vltima conclusionem, & comprehensionem habet eorum, quæ supra in libro secundo & hoc tertio disputata sunt. Ac primo quidem ait, de Virtutibus dictum esse communiter & vniuersè, earumque genus in mediocritate positum & habitu. Sed hoc Eustratio negotium faceffit inexplicabile, cum videre non possit, quæ ratione duplex hic assignet Virtuti genus; cum in secundo libro fecerit vnum tantum, hoc est, habitum ipsum. Sed expedit difficultatem Gifanius, asserens, Virtutis genus non esse tantum habitum, sed mediocrem habitum, adeoque verum esse, quod Aristot. hic disiunctim affirmat, cum supra eadem de habitu locutus coniunctim sit.

Ait secundo Aristot. dictum iam esse, habitus ipsos Virtutis ex actionibus atque operibus gigni, sed genitos iam similes sibi actiones & opera proferre. Hic etiam hæret Eustratius: nec satis explicare videtur quid sibi velit Aristoteles: sed planissima res est, cum rectè facta virtutem pariant, virtus autem educta iam in lucem alia ex se profundat opera, & rectè facta perfectiora. opera enim iusta iustitiam, fortia fortitudinem gignunt. sed genita iam, & adulta iustitia, perfectum ius producit ex se, fortitudo defensionem amicorum & patriæ, addentes operi facilitatem, firmitudinem, iucunditatem.

Ait tertio: tam actiones, quàm habitus in nostra esse potestate, sed magis tamen actiones: quia nostrarum actionum à principio ad finem usque Domini sumus, habituum vero non item. Actionum enim & initia & progressiones & extrema in nostra sunt manu, habituum autem ipsa tantum initia in nostra sunt potestate. Vbi enim suscepti sunt, deponi confestim ac pro arbitratu non possunt.

Ait quarto: dictum etiam esse de signis notisque, quibus intelligi possit procreatio,

tio, progressioque, aut incrementum virtutis: sed eam rem, quia recondita est, & penitus abdita, intelligi non posse nisi ab homine perito. Quemadmodum enim latentem morbum, aut valetudinem siue receptam iam, siue crescentem & suam habentem accessionem cognoscere probe non potest nisi medicus: sic ipsarum virtutum procreationem, accessionemque, nisi diu multumque versatus in virtutibus vir, intelligere bene perfectèque non poterit. Huius rei apprimè peritus fortasse Plutarch. fuit, qui libellum illum scriptum reliquit, cui titulus est: Quomodo quis intelligere possit progressus in virtute se facere.

His recensitis, quæ communiter vniuersæque tantum supra sunt explicata ait se velle postmodum de singulis disputare virtutibus. ac primo quidem de fortitudine. Cur autem ab hac ordini malit, eam putat esse causam Eustratius, quod hæc virtus omnium laudatissima sit. Laus autem maximè virtutis est propria, ut in libro primo dictum est ad extremum. Quippe res acerbæ, vulnera, mortemque perferre difficillimum est, & perferre pro patria pulcherrimum. opus autem difficillimum pulcherrimumque virtutis omnium laudatissimum esse debet. id videlicet est quod M. Tull. in offic. lib. primo confirmat, cum ait, fortitudinis officia videri esse omnium splendidissima, eaque solere pleno ore laudari.

EPILOGVS.

1. *Actiones humana, quæ referuntur ad finem, in nostra potestate sunt; quia eliguntur. electio verò voluntaria est.*
2. *Non virtus modo, sed etiam vitium ac vitiositas in nostra est potestate; cum utraque ab electione voluntaria proficiscatur.*
3. *Differunt tamen vitia ab actionibus in eo, quod vitia principio quidem in nostra potestate sunt: ubi verò firmatus hæserunt radicibus, euelli statim pro arbitrata non possunt.*
4. *Itaque non peræque, nec simili prorsus modo actus, habitusque voluntarij sunt, & nostra potestatis. actus enim à principio ad extremum usque domini sumus, habens verò ab initio tantummodo sumus.*



IN CAPVT QVINTVM,

QVÆSTIO PRIMA.

An homo voluntariè fiat improbus.



VITIA videri possunt esse causa, cur is, qui vitium contrahit, & malus euadit, dici debeat ingratissimus atque inuitò fieri malus. Ac primo quidem est ignorantia. Quia quisquis earum caret notitia rerum, quæ ad virtutis paratum & vitiositatis declinationem necessariae sunt, inuitò carebit virtute, & malus ac vitiosus inuitò fiet. Sed homo in plerisque caret utraque notitia. Inuitò igitur, non spontè fiet improbus ac vitiosus. Assumptio ex idonea rerum necessariorum, quibus caret, enumeratione probabitur. Notitia quippe ad improbitatem ac vitium declinandum necessaria quadruplex est; actionis humanæ, finis humani, status humani, potestatis humanæ: quarum ex rerum ignorantia cum suscipitur improbitas, haud voluntariè suscipi dicenda est. Ignorantia enim actus, finis, & status humani vetat nos ad virtutem contendere, aut fugere improbitatem; cum nesciamus, quisnam bonus, aut

quisnam malus sit actus, & utrum ipsi boni simus an mali. hoc est, utrum augere virtutem iam partam, an deponere vitium debeamus. Ignorantia verò humanæ potestatis prohibet nos agere, quia tollit omnem hominis conatum ac studium, quo paratur virtus, & vitium declinatur. Nam quis vnquam de vitio fugiendo deliberet, si nesciat utrum fugere sit in hominis potestate? At plerique mortalium quadruplici hac rerum ignorantia laborant. Quod enim ad ignorance pertinet actionis, Aristoteles in horum lib. 7. Moral. ait, à perturbatione atque affectu rationem ligari aduersus notitiam actionum humanarum, hoc est, impediri rationem, atque intelligentiam, quo minus videre possit atque internoscere quis bonus, quis improbus actus hominis sit. De finis ignorantia nihil potuit à Salomone diuinitus edocto planius ac verius dici. Nescit homo finem suum. Quin Aristoteles ipse confirmat homini tantum virtute iam prædito apparere demum finem.

Eccl. 9.

Iacobi. 9.

illum, qui verè sit finis. Hinc enim sequitur, ante virtutis adeptiōem à nemine finem verè cognosci. Ignorantiam verò status idem Salomon aperte probat, cum ait, scire neminem, vtrum amore an odio sit dignus, hoc est, vtrum bonus; an improbus sit. probitas enim non à Deo solum, sed etiam ab hominibus beneuolentiam, improbitas ab iisdem odium commeretur. Sed idem Aristoteles id docet expressius in hoc capite, ad extremum, cum ait accessiōem, quæ sit ad habitum, & hominis cuiusque processum in virtute vel vitio nemini cognitum esse: docet adeo nemini cognitum esse statum animi sui. Denique ignorantiam potestatis humanæ satis superque declarauit Aristoteles in hoc eodem capite quinto, ubi dedita opera demonstrare contendit, in hominis esse potestatem, virtutem adipisci, ac vitium deuitare. Quorsum enim attinebat, id rationibus vincere, si cognita homini esset potestas humana? Prima igitur causa, cur vitiositas, atque improbitas voluntaria non esse videatur, ignorantia est.

Secundam causam aliqui dicunt impotentiam esse: quæ faciat, vt peccare dicatur inuitus, quicumque se vitiis & peccatis obstringit. Primo. Quia quisquis facultate caret alius cuius boni perficiendi, quod facere vellet, & resistendi malo, quod vellet effugere, & persistendi perseverandique in bono, quod est adeptus, inuitus sit malus, & propter impotentiam illam voluntariè non peccat. Sed quilibet hominum eiusmodi facultate caret, & eam impotentiam habet. Quemadmodum enim, vt ait Aristoteles supra in fine lib. 1. dissolutæ corporis partes, si compellantur in dexteram partem, prauè feruntur, & contra conuoluntur in læuam, sic appetitiones animi deprauatæ, quantumuis moueantur atque impellantur eò, quo eas ire vellet voluntas, ac ratio, abscedunt tamen, atque in partem omnino contrariam conuertuntur. Idcirco nimirum idem Aristoteles pluribus locis affirmat, incontinentem vinci à turbidis moribus, & perturbationibus animi. Constat autem, eum qui vincitur, victori resistere non posse. Incontinentis igitur inuitus sit incontinens, nec voluntariè demum intemperatus euadit quoniam vincitur. Eodem sanè pertinet dictum illud eiusdem Aristotelis, habitum improbitatis haud posse confestim euelli, nec posse vitiosum hominem vitiositatem deponere, ac suo arbitratu confestim fieri bonum. ergo in vitiositate, peruersisque actionibus perseuerat inuitus. Ex quo progressus argumentationi sic erit. Quæ virtute aliquid mouetur ad terminum, eadem omnino conquiescit in termino; sic, inquam, vt si naturaliter moueatur, quiescat naturaliter, si violenter, violenter etiam quiescat; si voluntariè, spontè item consistat & voluntariè. Sed is, qui iam in habitu conquiescit, inuitus, vt probatum est, in eo conquiescit. Vellet enim deponere vitium ac probus fieri. ergo inuitus ad eundem terminum accessit, ac propterea non spontè, sed ex impotentia quadam factus est improbus. Satis igitur est demonstratum faciendi boni,

malique deuitandi carere nos facultate propter insitam impotentiam animi. Sed destitutos præterea nos esse facultate perseverandi persistendique in bono, sic ostendetur: Aristoteles huius impotentia probè gnarus, dicere non dubitauit in lib. 2. supra, infraque in 4. humanam vitam requirere ac remissione prorsus indigere; eaque potissimum, quæ in ludo capitur, & loco. Igitur humana vita non potest in virtutis exercitatione persistere, & is, qui virtutis medium occupauit, cogetur interdum inuitus deferere locum, atque ab illa mediocritate ad vitium declinare. Præterea generatim ab impotentia res ita probatur. Voluntas suapte natura in bonum contendit & fertur, non in malum. Ergo nisi violenter & inuita, non fertur in malum.

Tertiam causam cur nemo sua spontè peccet agat, & improbè, dicunt alij cupiditatem esse. Quia quod est naturale, id voluntarium non est. motus autem, ductusque impotentis cupiditatis est naturalis; vt docere videtur Aristoteles supra in lib. 2. ubi ait, delectationem esse nobis ingentam & natura insitam à pueritia. Igitur improbitas ad quæ cupiditatis innatæ ductu, motuque pertrahimur, voluntaria non est. Sed plerique omnes qui peccant ex cupiditate, aliæve impotentia perturbatione animi peccant. Inuitè igitur, nec voluntariè peccant.

Quartam denique causam dicunt negligentiam esse. plerique enim ex incuria, & negligentia peccamus, negligentia verò peccata voluntaria non sunt. Quicquid enim est voluntarium, in aliquo fundetur & firmeretur actu necesse est. voluntas enim cum vult, aliquid vult, adeoque id quod voluntarium dicitur, vel actus est voluntatis, vel eiusdem postulat voluntatis actum, à quo voluntarium appelletur. sed quod accidit ex negligentia, nullum actum efflagitat voluntatis, nam ea nescire, quæ scire hominè oporteret, vel ea non agere quæ oporteret agere, res non sunt, quæ aliquem postulent actum. Igitur quæ per negligentiam admittuntur spontè ac voluntariè non admittuntur.

Hæc ad excusandam improbitatem afferuntur, ab antiquissimis credo repetita philosophis, quibus tam alienum à ratione pronunciatum arrisit. Non enim Epicharmus tantum poëta in Hercule furente, vt supra diximus, & Timæus apud Platonem id docuit, sed idem affirmare præterea Chrysippus debuit, & ij, qui fato fieri ac fluere omnia existimabant; cuiusmodi Pyrrhones potissimum secta fuit, quæ tam absurda deliramenta protulit in publicum. Ceterum sua hæc auctoritate demolitur Aristoteles; quemadmodum nos subiungendis his propositionibus declarabimus.

Prima. Ignorantia facere non potest, vt quicquid peccamus, inuitis nobis ac non spontè peccemus, adeoque vt vitium, atque improbitas voluntaria non sit. Ad parandam enim virtutem ac vitium deuitandum quatuor omnino requiruntur: natura idonea, libertas, educatio proba, doctrina non mala. Natura porro idonea illa intelligitur esse, quæ mora-

hum principiorum sit capax; sic, inquam, ut ea, vel per se comprehendat animo, vel ab alio tradente facile cognoscat. Libertas autem cernitur in actionibus humanis, quas & exercere possumus, & pratermittere, ut in conuictu sit, & vita civili. Institutio quid possit, constat ex iis, qui antequam pubescant, habentur & educantur à parentibus pessimè: cuiusmodi sunt scortorum filii, meretriciis artibus à teneris innutriti. Doctrina demum tradenda nonnullis est, qui quoniam rudes natura sunt, & ingenio plumbeo, per se intelligere moralia principia non possunt. Hæc, inquam, ad declinanda vitia virtutesque parandas requiruntur, sed non per æquè, & eodem modo singula. alia enim longè magis quàm alia necessaria sunt. Sed nullus planè mortalium his caret adiumentis atque præsidiiis ad subterfugendum vitium, parandamque virtutem: ergo propter ignorantiam improbus inuoluntariè fiet nemo. Nihil enim ex his magis est necessarium, quàm ipsa rerum principia moralium. Sed hæc vnusquisque vel natura iam habet cognita, vel ignorat. si habet cognita, non peccat per ignorantiam. si non habet, ignorantia illi voluntaria est, cum ea potuerit non ignorare. ergo vitium inuoluntariè non suscipit.

Neque verò quicquam ex Aristotelis auctoritate contra conicitur. Cum enim ait ab affectu atque ab animi commotione vehementi absorberi, ligarique rationem, & impediri quominus intelligat quid agendum sit, non propterea docet obligationem illam & mancipationem esse inuoluntariam. proficiscitur enim à voluntate quæ perturbationi manus dat, & subiicit se. Cum igitur obligatio illa, & mancipatio voluntaria sit, inuoluntariam etiam esse oportet ignorantiam, quæ ab ea necessariò nascitur.

De fine, quem vnique Salomon esse dicit ignotum, respondeo; finem ab eo appellari, non id nominatim & propriè, quod omnes appetunt, quodque optimum est; sed vniuersim id, quod est vltimum in singulis: cuiusmodi etiam est finis & exitus humanæ vitæ, de quo loquitur, cum ait: Nescit homo finem suum. Cum autem Aristoteles homini tantum virtutis studioso vel virtute prædito cognitum esse finem contendit, non eum tantum designat, qui virtutis habitu communitus, instructusque iam sit, sed illum etiam eo nomine vult intelligi, qui per educationem bonis imbutus moribus, & innocens sit, naturalique ratione nondum corrupta per improbitatem vtatur. Est enim eiusmodi vir haud minus, quàm qui virtutis habitu iam præditus est, accommodatus ad cognoscendum optimum; quod profectò non cognosceret, si corruptus, deprauatusque per malam institutionem esset.

Quod verò de ignorantia status humani ex eodem Salomone obicitur, nihil ad rem qua de agimus attinet. cum nos de moralibus disputemus habitibus, ille verò de amore, deque odio loquatur, quem à Deo meretur is, qui non virtute tantum, aut improbitate, sed

charitare quoque diuinitus accepta, vel eiusdem prinatione charitatis præditus sit. Aristoteles autem non ait, ignorare nos vtrum virtutis an vitiositatis habitum obtineamus, cum ipse ad hæc internoscenda certas quasdam nobis notas & signa suprâ tradiderit in libro secundo, sed nescire mensuram & quantitatem accessionis, quæ sit ad habitum. neque enim deprehendere distinctè possumus quantum progressionis ad virtutem aut vitium singulis habeamus actibus; sed vtrum boni simus an mali, & vtrum habitum iam contraxerimus, deprehendere possumus. quæ cognitio satis, superque ad agendum est, nec necessariò accessionis & progressionis est tenenda mensura. Qui enim intelligit, vitio se teneri, etiam si quanto teneatur ignoret, ad agendum aggredi potest, ut vitium improbitatemque deponat. qui verò virtutem adeptum se videt, tametsi quantam sit adeptus non intelligit, in accessionem tamen & incrementum incumbere potest.

Denique de ignorantia potestatis humanæ id dico; Aristotelem eam demonstrare in homine reperiri, non quòd ea res ignota sit omnibus, sed quòd à quibusdam malè præparatis & institutis ignoretur. Eodem enim modo in lib: 4. Metaph. demonstrare prima principia nititur iis, qui ea, quæ communiter ab omnibus & vulgò sciuntur, ex prauitate quadam intelligentiæ nesciunt.

Propositio secunda. Quamquam homini per se potestas haud est eas sibi parandi virtutes, quas infusas Theologi nominant, nec morales ipsas perfectas, hoc est, diuina charitate informatas, atque ad sublimiorem gradum euectas; est tamen eidem facultas adipiscendi morales illas veterum philosophorum communes, & vitia declinandi non ob finem aliquem diuinum charitati propositum, sed propter naturalem honestatem iisdem philosophis, ipsa naturæ luce, communique intelligentia & ratione perspectam. Quin ad morales etiam perfectas habere nos facultatem dicimus; cum ad eas parandas non Dei tantummodo adiumento atque præsidio, sed nostra ipsorum consensione conatūque sit opus. Sed de his hoc loco non disputamus. vbi satis habemus, earum vim, naturamque perquirere, quas explicat Aristoteles.

Itaque ad argumenta, quæ ex ipso petita sunt Aristotele, primo sic respondebimus: similitudinem illam ductam à dissolutione membrorum prorsus conuenire cum anima, turbidarum commotionum dissolutione deprauata. Sicut enim corpus prauè mouetur, ac fertur ex habitudine quadam intima, quæ cernitur in membris, ita impellitur anima contra rationem, & quòd non deberet impelli ex habitudine praua penitus inherente, & ex perturbationibus intimè concitatis. Sed in tanta similitudine dissimilitudo etiam haud mediocris est. anima enim non prauè fertur ex impotentia voluntatis & facultatis, sed ex iudicio & electione: posset quippe prauè non ferri, adeoque motus prauus quantumvis ex concitatis & perduellibus

profectus affectibus, voluntarius est. quod de prauo corporis motu qui praua illa habitu-
dine intus posita necessarius est, dici non po-
test. Voluntas verò vinci dicitur, non quòd
vincatur inuitè, sed quòd spontè se victori
subiciat: neque enim omnes in bello repu-
gnant, sed sunt qui sua voluntate deditionem
hostibus faciant. Quod de remissione ludò-
que dicitur; frustra dicitur. Neque enim ille
solum dicitur in virtute persistere ac perseue-
rare, qui semper continentèrque virtutem
actibus exercet, sed etiam is, qui virtutem
eamdem non corrumpit. At qui ludit, & re-
missione se oblectat honesta, si minus virtu-
tem in opere continet, eamdem certè non
corrumpit virtutem. Quin ipse ludus & iocus
virtus aliqua est, vt docebitur in lib. 4.

Denique voluntas, vt saepe dictum est, fer-
tur etiam in malum, quod ex prauitate iudi-
cij bonum putatur: adeòque semper bene ac
verè dicitur voluntas in bonum contendere.
Sed illa deceptio non facit, vt contendat in
malum inuita. Ipsa enim se occaecauit, & suae
deceptionis est causa.

Tertia Propositio. Nulla naturalis cupi-
ditas, quantumvis vehemens, & intensa, si-
ue ducta sit è natalibus, siue collecta ex ata-
te; siue habitu confirmata, cogit hominem
inuitè malum esse. Si quis enim esset, qui
inolenis, inuitusque ex cupiditatis impoten-
tia & vi malus esse cogeretur, is profectò es-
set vir summè, cumulatèque vitiosus, quem
insanabilem appellamus. Sed ne is quidem
improbè facit inuitus, & cupiditate coactus:
possetque, si niti contra vellet, suae ipsius
cupiditati, quantumvis effreni & vehemen-
ti resistere. Quòd si non posset, vel hoc ita
fieret, quòd eius cupiditas & maior & fre-
quentior esset, vel quia eiusdem voluntas
esset infirmior & sequacior ad nutum cupi-
ditatis. Sed neutrum dicitur verè. Nam alius,
qui sanabilis sit, cupiditatem habebit fre-
quentiorem & vehementiorem, quam tamen
expugnat, ergo vehementia & impetus cupi-
ditatis non cogit eum, qui est sanabilis &
deploratus. Voluntas verò, quantumvis de-
bilis & sequax, si velit obistere, nec prece,
nec pretio flectetur, nec allicietur premio,
nec supplicio deterrebatur.

Argumentum verò contra propositum ni-
hil officit. motus enim cupiditatis est natu-
ralis: sed consensio cupiditati praestita est vo-
luntaria: eodem enim loquendi modo ait A-
ristoteles in lib. 2. voluptatem & delectatio-
nem esse naturalem, non tamen idcirco ne-
gat, assensionem quam delectationi presta-
mus, voluntariam esse. immò confirmat, esse
difficile repugnare voluptati, sed posse tamen
eidem voluptati repugnari.

Quarta Propositio. Quae peccamus ex ne-
gligentia, voluntariè peccamus, quia potui-
mus negligentes non esse. Ad id verò quod
dicitur voluntarium in actu aliquo fundari,
quem negligentia nullum habet, cum in ne-
gatione sit constituta; respondeo, volunta-
rium interdum communiter, interdum restri-
ctè intelligi solere: cum amplè atque com-

munitè accipitur, significat quicquid cul-
pandum & damnandum est, adeòque volun-
tarium dicitur quicquid aliqua ratione ac via
à potestate pendet agentis. quo de genere est
etiam negligentia, quae tolli per voluntatem
potuisset. Quamquam enim nunc voluntas
nolle videtur quod sit, censetur tamen tum
voluisse cum negligentiam non sustulit, quam
tollerè atque à se depellere potuisset. cum au-
tem restrictè sumitur, voluntarium id solum
est, quod nominatim & expressè actu aliquo
voluntatis expetitur. ac propterea dici aliqua
ratione posset inuoluntarium id quod eius-
modi non expetitur actu. simpliciter tamen
absolutèque voluntarium est, si culpanda ali-
qua negligentia vel ignorantia prius antecessit.

QVÆSTIO SECVNDA.

An homo fieri probus ex improbo possit.

QVANDO sua quisque voluntate sit vi-
tiosus & improbus, videndum est etiam,
an suo item arbitratu possit ex vitioso & im-
probo fieri bonus. Aristoteles quidem signi-
ficare videtur, cum semper esse malum qui
semel euaserit malus. Comparat enim impro-
bum ac vitiosum hominem cum zgroto, qui
sanus ac valens fieri sua voluntate non potest.
Præterea, id quod est imperfectum fieri per-
fectum per se non potest: nec quicquam est,
quod de potentia vt communis philosopho-
rum est vox, reuocare se possit ad actum. ne-
mo igitur qui malus iam & improbus, quique
priuatus probitate iam sit, aut se perficiet,
aut suo se restituet actu, quo se spontè pri-
uauit.

Sed dicendum est primò, homini vitioso
ac diu, multumque in improbitate versato, ad
virtutem ac bonum difficilem esse regressio-
nem. Ex habitu enim improbitatis dehisso pe-
nitius & planè firmato hæc imponitur & inu-
runtur animo quasi vulnera: vitiositas siue ma-
litia; ignorantia, imbecillitas, & cupiditas. vi-
tiositas quidem & malitia; quia quemadmodum
virtutis habitus bonum ac virtute præditum
hominem facit, sic vitiosus, malum & vitio-
sum eundem hominem reddit: ignorantia;
quia quisquis peccat, vt dictum est supra, ex
aliqua saltem ignorantia peccat, id quod agere
deberet practicè saltè inter agendum non
videns: imbecillitas verò; quia sicut virtus
hominem efficit alacrem, viuendum, & sem-
per ad bene, ac secundum rationem agendum
paratum, ita vitium ad rectè facta desidèr,
infirmum, ac debilem, ad improbitatis au-
tem opera paratissimum, ac promptissimum
facit: cupiditas denique, non illa quidem na-
turalis, de qua in proximè superiori quæstio-
ne iam diximus, & quam fecimus causam pec-
cati, sed ea quae ex ipso peccato nascitur &
vitio; hæc, inquam, cupiditas ideo vitium
sequitur, & in vitiosi hominis animo relin-
quitur quasi cicatrix & vulnus; quia quem-
admodum virtutis est proprium, opus suum

reddere iucundum optabile, ac delectationis plenissimum: sic est etiam vitij proprium, reddere iucunda opera sua, ex qua iucunditate cupiditas ipsa magis magisque ad concupiscendum incenditur. Ex quibus animi vulneribus, ad difficultatem hanc demonstrandam, ita duci ratio potest: Id est homini maxime difficile, cui vitiositas, quæ omnes corrumpit animæ facultates, & ignorantia, quæ intelligendi vim occæcat, contraria est, cui resistit cupiditas, totum sibi vindicans appetitum, pronumque reddens ad malum; cui repugnat infirmitas, eundem hominem à probitatis opere quod arduum est deterrens & renocans. Sed quatuor hæc impedimenta obstant homini vitioso, quominus regrediatur ad bonum. Igitur homini vitioso ad virtutem ac bonum difficillima regressio est.

Dicendum tamen secundo est, posse hominem, quantumvis improbum & vitiosum, ad virtutem se, probitatemque recipere. Qui enim actionum suarum dominus est, dominus etiam est habitus, qui ex actionibus ipsis & gignitur, & corrumpitur, ut in libri secundi principio dictum est. Sed ho-

mo quantumvis vitiosus ac malus actionum suarum à principio usque ad extremum est dominus, ut in hoc quinto capite traditur. Ergo ditionem habebit etiam in habitum, qui ex actionibus ipsis & coalescit & perditur. Ad hæc. Habitus vitiosi non possunt esse firmiores & constantiores quam boni. Sed boni per improba opera corrumpuntur, ergo vitiosi ac mali per proba opera corrumpuntur, cessantibus malis.

Quod autem obiicitur ex Aristotele, declaratum est supra. Contulit enim vitiosum cum ægroto, quia vitiosus difficile sanatur, & quia confestim ac pro suo statim arbitratu deponere morbum animi ægitudinemque non potest. Sed quemadmodum ægrotus non extemplo, sed paulatim valetudini redditur, sic vitiosus redditur paulatim & sensim probitati. Id verò quod dicitur de regressione potentie, siue priuationis ad actum, habitumque quam impossibilem esse contendunt omnes, probari tantum & haberi verum debet in naturalibus; quæ in hominis potestate non sunt. in moralibus autem quæ ab hominis potestate pendent, falsissimum est.



CAPVT SEXTVM.

DE FORTITVDINE.

S V M M A.

Quid fortitudo, quæque illi subiecta materia sit.

DIVISIO CAPITIS IN PARTES TRES.

1. Fortitudo timorem temperat, & audaciam. quid timor sit & quibus concitetur ex malis.
2. Non tamen in omnibus omnino timoribus temperandis versatur, & veratur fortitudo.
3. Certus adeo quidam timor propria fortitudinis materia est.

PARS PRIMA CAPITIS SEXTI.

Aναλαβόντες δὲ πάλιν ἐκαστὴν εἰ-
πωμένους ἕως εἰς, καὶ πάλιν πῶς.
Ἐ πῶς. ἅμα δὲ ἕως δὴλον ἔστι πῶς
εἰς. Ἐ πῶς πάλιν πάλιν ἀνδρίας. ὅτι μὴ
οὐκ ἀποδείκνυται ὅτι πάλιν φόβος καὶ δαῖρην,
ἥδη καὶ πῶς πάλιν εἰρηται. Φοβούμενα δὲ
δηλοῦνται τὰ φοβερά. Ταῦτα δὲ ὅτι ὡς
ἀπλῶς εἰπὼν κακὰ. ὅτι ἔστι τὸν φόβον
οὐκ ἐξιστοῦνται πρὸς δόξαν κακῶν. Φοβούμε-
να οὐκ ἀπὸ πᾶν τὰ κακὰ. ὅτι ἀδ-
ξίαν, πέναν, ἰόναν, ἀφιλίαν, θά-

πλῆν.

Repetentes igitur, de singulis virtuti-
bus dicamus, quanam sint, & circa
qualia, & quomodo. simulque erit perspi-
cuum etiam quot sint. Ac primum de forti-
tudine. Igitur mediocritatem esse circa ti-
mores, & audacias, iam & antè dictum est.
Timemus autem scilicet terribilia, hæc verò
sunt, ut simpliciter dicam, mala. Propterea
& metum definiunt expectationem mali.
Metuimus igitur omnia mala: velut insa-
miam, paupertatem, morbum, amicorum
penuriam, mortem.

EXPLANATIO.



MULTA de virtutibus moralibus vniuersè differtur. Sequitur, vt de iisdem dicere nominatim aggrediarur, ac singulas explicare. quarum primam, hoc est, primo declarandam loco, Fortitudinem putat: quia hæc commotiones illas animi regit ac temperat, quæ salutem vitamque prospiciunt hominis. Est igitur argumentum huiusce capitis sexti Fortitudinis materia: quam indagat, ipsam fortitudinem definiendo. Diuidit adeo totum caput in partes tres. Quarum in prima constituit, fortitudinem in timore malorum, & rerum terribilium expectatione versari. In secunda ostendit, esse tamen aliqua mala, in quibus fortitudo nullo modo versetur. In tertia describit, designatque propriè mala, & res terribiles, quas contemnere fortitudinis est. In hac ergo prima parte quam explanandam suscepimus, materiam fortitudini tribuit duas animi commotiones inter se contrarias, quarum vnā timorem, alteram audaciam nominamus. Sed vnum ponit pro comperto, quod demonstraerat antè in libro secundo: hoc est, virtutes nihil aliud esse, nisi quasdam inter extrema vitiorum mediocritates. Quare sic exorditur: Fortitudinem esse mediocritatem, quæ circa metum vertitur atque audaciam, iam antè docuimus. Quæ definitio verissima est, & in eam propriè firmitudinem animi cadens, quæ dicitur fortitudo. Triplex quippe videtur esse fortitudini subiecta notio, quæ à firmitate seungi non potest. prima est ea, quam corpori tribuimus, cum aliquem fortem, hoc est, valentem & robustum appellamus, quæ fortitudo significat robur corporis, ac propterea virtus propriè verèque non est. Secunda notio fortitudinis verè conuenit in animum, & firmitudinem animi significat: sed est quædam veluti dos, & qualitas cuiuscumque virtutis. In quam videlicet sententiam dixit Aristot. in 2. Ethic. supra cap. 4. firmitatem in omni planè virtute reperiri debere. est enim habitus, qui positus altè radicibus hæsit in animo, adeoque constans est in agendo, & difficile conuellitur aut dimouetur. Ad hæc. omnis planè virtus cum aduersario vicio contendit, ac propterea quælibet virtus videtur esse quodammodo fortitudo. Itaque hanc notionem secutus, rectè dixit Ambros. in 1. offic. cap. 38. Non mediocris animi est fortitudo, quæ sola defendit ornamenta virtutum omnium, & iudicia custodit; quæ inexpugnabili prælio contra vitia decertat: inuicta ad labores, fortis ad pericula, rigidior aduersus voluptates: avaritiam fugat, tamquam labem quamdam, quæ virtutem effeminat. Hanc eandem probauit notionem fortitudinis Plato, cum dixit, in Lachete, fortitudinem in frænandis voluptatibus esse positam.

Tertia demum notio fortitudinis est maximè propria, illam significans nominatim firmitudinem animi peculiarem, quæ cernitur in grauissimis quibusdam periculis sustinendis. Hæc autem, quia timoribus immodicis, & inconsultæ fiduciæ, confidentiæque temerariæ interiecta est, iure dicitur esse mediocritas, in formidine versans & confidentia. Timoris enim exuperantiam, & metum immodicum ex altera parte depellit, ex altera temeritatem frænât, & coercet audaciam. Itaque quoniam animi est, nec cadit in corporis illam firmitatem communem cum bellis, sed peculiaris est virtus homini propria & consentanea, dicitur à Græcis *aidôia*, quasi virilis aut mascula. Huic Aristotelicæ similis est illa Ciceronis definitio in 4. Tuscul. Fortitudo scientia est formidolosarum rerum & contrariarum. Quam sumpsisse videtur à Plat. in Lachete & Protagora extremo. vbi fortitudo dicitur esse *σοφία τῆς δεισιότητος, καὶ θαρσύνου*, quod Latine quidam ita reddunt, Scientia, quæ in formidine versatur & confidentia. idque satis bene. confidentia enim & audacia in malam accipitur partem, ac propterea etiam in Aristotelis interpretanda definitione dixerim Latine confidentiam vel audaciam potius quàm fiduciam. hanc enim in bonam sententiam plerumque, si minus semper, interpretamur. Cum ergo fortitudo nihil aliud sit, quàm harum duarum commotionum mediocritas & moderatio, videndum est, quænam sit earum perturbationum materia; vt intelligere possimus huius officia, partemque virtutis quam Fortitudinem dicimus. Idcirco nimirum Aristoteles illico designat quid timere soliti simus. Timemus autem, inquit, ea, quæ terrorem afferunt, quæque, & vno verbo dicam, mala sunt. Significat enim, timoris & audaciæ, siue confidentiæ idem esse prorsus obiectum, hoc est, res terribiles, & vniuersè malum. Vt enim rectè monet D. Thom. illud pla-

nè idem, quod aliquis per timorem immodicum refugit, alius per audaciam, & temeritatem inconsultam aggreditur. Itaque id manere debet, fortitudinis materiam esse timorem & confidentiam, timorem autem & confidentiam in rebus terribilibus horribilibusque versari: illum quidem, quia res terribiles plus nimio auersatur & refugit, hanc, quia easdem cum temeritate aggreditur & inuadit. Quod si roges, quanam sint res terribiles & formidolosæ: respondet Aristoteles, vniuersè esse illas, quas malas dicimus, & nobis incommodas existimamus: laudatque propterea veterum philosophorum dictum, timorem expectationem mali definiendum. Quæ definitio à Socrate probatur in Protagora, & à M. Tull. in 4. Tuscul. extrema his verbis. Si spes est expectatio boni, mali expectationem esse necesse est metum. Fuitque postea eadem definitio percelebris, ac præsertim Stoicorum, ut est apud Laërt. in Zen. Docet hoc loco Linconien. apud Burleum, duplex esse malum: alterum animi, quod culpæ malum esse dicitur, oppositum honesto bono, quia nostro nos iudicio illud eligimus ac volumus, cum peccatum aliquod perpetramus: alterum corporis, aut fortunæ bonis oppositum, diciturque malum pœnæ; quia patimur illud inuiti. Quibus sic expositis ac distinctis, ait Aristotelem non loqui de malis culpæ, quæ metuere oportet & decet virum fortem, sed de malis pœnæ, hoc est, de iis, quæ nos aliquo bono corporis aut externo priuant: cuiusmodi sunt ea bona quæ naturaliter appetuntur ab omnibus. Aristoteles enim ipse satis ostendit, hoc de genere malorum se loqui, cum mala percensens, quæ timorem incutiunt, hæc statim adiungit. Metuimus igitur omnia, quæ mala sunt; ut dedecus, paupertatem, morbum, amicorum penuriam, mortem. His accedere possunt orbitates, vulnera, exilia, seruitus, aliæque propemodum infinita, quorum pessimum mors est. ac propterea postremo loco reseruatur. Est enim ipsa maxime terribilis, quia eius causa cetera mala formidantur. Eleganter adeo sic definitur ab Horatio in quadam Epist. lib. 1. ad Quintium.

— *Mors vltima linea rerum est.*

Cum enim omnia enumeraret mala, postremum locum morti reseruauit hoc modo.

*Vir bonus & sapiens audebit dicere Penitem
Reitor Thebarum quid me perferre, patique
Indignum coges? adimam bona. nempe pecus, rem,
Lectos, argentum. tollas licet. In manibus, &
Compedibus sano te sub custode tenebo.
Ipse Deus simul atque volam me soluet opinor.
Hoc sentis. moriar. mors vltima linea rerum est.*

Antequam hunc locum absoluam, id admonebo. penuriam amicorum dixisse Latinè Turnebum quæ in Græco Codice est ἀφιλία. Id verò ut non malè dicatur, dicitur tamen melius à Lambino per circumscriptionem, solitudo ac vita sine amicis. Marcum enim Tullium imitatur in lib. 1. de fin. qui sic interpretari Latinè videtur ἀφιλίας. Nam cum solitudo, & vita sine amicis, inquit, insidiarum & metus plena sit, ratio ipsa nos monet, ut amicitias comparemus. Quamquam ipse quoque Turnebus secutus videtur Tullium, cum ἀφιλίας amicorum penuriam Latinè reddidit. In Lælio enim ἀφίλοις inopes amicorum appellauit: & vitam incultam, desertamque ab amicis dixit eam, quam Græci dicerent ἀφίλων βίον.

PARS SECVNDA CAPITIS SEXTI.

ΑΛ' οὐ πᾶσι πάντα δοκεῖ ὁ αἰ-
δρῆς εἶναι. ἔτι γὰρ ἔστι το-
σοῦτοι, καὶ καλὸν, ὅ δὲ μὴ, αἰσχρὸν.
ὅτι ἀδελφία. ὁ μὲν γὰρ φοβούμενος,
ἐπιεικής, ἔστι αἰδέμενος, ὁ δὲ μὴ φο-
βούμενος, ἀναιδέμενος. λέγεται δὲ
ὑπὸ Ἰωνίων αἰδρῆς καὶ μεταφο-
ρῇ. ἔχει γὰρ ὁμοίον ἔστι πρὸς ἀνδρείου.
ἀφροδῆς γὰρ ὡς καὶ ὁ αἰδρῆς. πινύται

SEd non tamen circa hæc omnia videtur
vir fortis versari. quædam namque &
oportet metuere, & honestum est; non me-
tuere autem est turpe. velut infamiam. Qui
enim ipsam timet, probus est ac verecundus:
qui verò non timet, inuerecundus. dicitur
tamen à quibusdam fortis per metaphoram.
habet enim simile quiddam viro forti: vacuus
enim quiddam à metu etiam vir fortis est. Pau-

ὅτι ἴσως οὐ δυνάμει φοβέσθαι, ἀλλ' ἰσχύϊ
 οὐδ' ὅλως ὅσα μὴ ἀπὸ κακίας,
 μηδὲ δι' αὐτὸν· ἀλλ' οὐδ' ὁ παρ' ἐμῶν
 τὰ ἀφοβὸς ἀνδρῶς. λέγουσιν δὲ καὶ τῶν
 κατὰ ἐμῶν ὁμοιοτήτα. ἔνιοι γὰρ καὶ τῶν
 πολεμικοῖς κινδύνοις δέχονται ὄντες, ἐλθόν-
 τες εἰς, καὶ παρὰ χρημάτων ἀπολο-
 λῶν ἀπαρτῶς ἔχουσιν. οὐδὲ δὴ εἰ τις
 ὕβρις παρὰ παίδας, καὶ γυναῖκα φο-
 βέσθαι, ἢ φόβον, ἢ τὴν τῶν ποιούτων δέ-
 λος ὅτι, ἢ εἰ παρὰ μὲν μαστι-
 γασθῶν, αὐτοῦτος.

perstatem autem fortasse non oportet exti-
 mescere, neque morbum, neque omnino ea,
 quæ non sunt à vitio, neque per nos ipsos. Sed
 neque qui circa hæc metu vacat, fortis est.
 Dicimus verò etiam hunc per similitudinem.
 Nam aliqui in bellicis periculis timidi cùm
 sint, liberales sunt, & ad pecuniarum iactu-
 ram fidenter se habent. Neque igitur si quis
 contumeliam circa liberos, & coniugem ti-
 met, vel inuidiam, vel aliquid talium, timi-
 dus est; neque si confidit ubi futurum est, ut
 flagellus cadatur, fortis est.

EXPLANATIO.



IN prima huius capituli parte decretum est vniuersè, fortitudinem in timore malorum versari. quo ex dicto decreto ve poterat aliquis, vel suspicari, vel credere, Aristotelem velle fortitudinem omnium omnino malorum timorem expungere, nec vllum timorem esse rei terribilis, aut alicuius mali, qui se cum fortitudine conciliaret. ostenditur igitur hac altera parte, fortitudinem certos quosdam timores abigere, aut temperare, alios admittere, ac pariter esse in eius animo, quem fortem nihilominus & constantem appellamus. Itaque fortitudinis materiam ait quidem esse malorum impendentium timores, sed tamen timores certos quosdam, ac proprios, in quibus emendandis, corrigendisque versatur. sunt enim alij malorum timores, in quibus moderandis ipsa versari non debeat. Docet ergo quædam esse mala, quæ virum fortem pertimescere prorsus oporteat: quia ea timere honestum est, non metuere, indecorum ac turpe. cuiusmodi dedecus, ignominia, infamia est; quam nemo bonus ac modestus non extimescit. Cùm enim honestati fortitudo coniuncta sit, neque fortis aliquis esse possit, qui non polleat honestate, consequens est, virum fortem pertimescere illa mala debere, quæ honestus quisque, probus verecundusque pertimescit. Eiusmodi verò dedecus est, & infamia. Ea igitur non formidare impudentiæ cuiusdam sit, non fortitudinis atque constantiæ. Sapienter itaque Plato in lib. 1. de leg. & in 8. de Rep. accusat eos, qui molliem inuerso vocabulo humanitatem, impudentiam, fortitudinem appellarent. Posset Aristotelis hoc primum dictum huiusmodi ratione ac syllogismo explanari. Fortitudo in his versari debet rebus, quæ qui non timeat, laudatur. Sed nemo laudatur propterea, quòd dedecus, ignominiam, infamiamque non timeat. immò verò tamquam impudens, inuerecundusque vituperatur. Ergo in his rebus versari fortitudo non potest. At multi, dicit aliquis, viros appellant fortes, qui dedecus & infamiam non pertimescant. Respondet Aristoteles, istos appellari fortes per translationem: non quidem per tropum illum & schema rhetoricum, sed propter similitudinem quamdam. quia nimirum isti, qui sunt eiusmodi, aliquid habent simile viro forti. Cùm enim vir fortis esse intelligatur is, qui timore vacet & metu, per similitudinem vulgo fortis dicitur quicumque non metuat, & aliqua in re perferenda sit imperterritus. in eo enim similis est viro forti, quòd sit impavidus. verè tamen & propriè fortis non est appellandus, nisi qui non metuat ea, quæ metuenda non sunt.

Ex rebus formidolosis quas suprà numerauerat, infamia, ignominiaque depulsa, querendum est, num ceteræ saltē in materiam fortitudinis conuenire debeant. Ex his autem proponit potissimum paupertatem, ac morbum. Ex eodem autem genere sunt dolor, inuidia, depulsio de ciuitate, & alia permulta, quæ non vitio culpæ nostræ, neque per nos nobis accidunt, sed fortuito; qualis est cæcitas, debilitas, mors, orbitas, interitus liberorum. Paupertatem autem nominatim primo loco proponit, quia malorum pessimum hæc vulgò putatur. quo nomine arguit Tacitus Pollionis Nepotem in 13. Annal. quòd cùm paupertatem præcipuam malorum crederet, non dubitaret turpiter agere, animùmque ad omnem contu-

malæ patientiam promptum habere. quarit adeo vtrum hæc viro forti formidanda sint: pronunciatque breuiter, & explicatè, virum fortem hæc non extimescere, neque res huiusmodi ex earum esse genere, quæ propriè dicuntur extimescendæ vel formidolosæ, ac propterea, ne materiam quidè fortitudinis esse. Rationem quam prætermisit hic Aristoteles, tradit nobis egregiam D. Thom. in hunc modum: Metus propriè cautio quædam est, quæ prospicientes, consulentesque salutem nostram nos facit. Sed frustra cauemus ab iis, quæ vitari non queunt. Ergo frustra eadem metumus, nec eiusmodi metus ad vllam partem est utilis. Vbi verò metus non est utilis, nullus esse debet metus, & quod inde consequens est, nulla materia fortitudinis est. Quòd si etiam is, qui sit in his malis interritus, appellatur à multis ac vulgò perhibetur fortis, is fortitudinis nomen haud proprium, sed ex similitudine fortitudinis verè nanciscitur. Paupertatem enim non timere non fortitudinis est, sed alterius virtutis, hoc est, liberalitatis: cuius nimirum nomine laudantur qui paupertatem minime formidantes, audent pecuniam, vbi opus est, largè profundere, ac sumptus longè maximos facere. At iidem in periculis belli maximè timidi atque ignaui sunt, inquit Aristoteles. ergo paupertatem, & rerum inopiam contemnere non est fortitudinis. Euertunt hæc opinionem Platonis in Lachete. vbi ait; fortitudinem positam esse ac versari non in periculis tantummodo bellicis, verum etiam in ceteris contemnendis incommodis: cuiusmodi sunt tempestates maris grauissimæ, corporis morbi, paupertas, multitudinis impetus, inuidia, & alia quædam infortunia, quæ nostro vitio non eueniunt, & præcaueri propterea vlla ratione non possunt. Quamquam enim hæc vulgò metuenda dicuntur, propriè tamen, ac verè metuenda non sunt, sed auersanda. multa quippe nos auersamus, quæ formidolosa non dicimus, quia per cautionem, quæ in metu est ea declinare non possumus. Quòd si aliquod malum ex his nostra nobis ex culpa provenire possit, timendum est. quo de genere sunt interdum exilia, relegationes, populares inuidiæ. Hæc eadem Aristotelis sententia illud damnat quod est apud Ciceronem in offic. lib. 1. docentem, fortitudinem esse positam in earum despicientia rerum, quæ permagni æstimantur à mortalibus, & primæ putantur, quales sunt honores, diuitiæ, magistratus, voluptates. quas res despicere, vel earum frænare cupiditatem, fortitudinis officium & partes putat: fortitudinis nimirum abusus vocabulo prorsus impropriè propter similitudinem.

Tertium proponit ad extremum malum, quod viro forti pertimescere fas sit. Eiusmodi ait esse iniuriam inuidiamve in se, in uxorem, in liberos. Si quis enim metuit, inquit, ne vis aliqua uxori suæ, vel liberis inferatur, nève inuidia, odiove tum ipse, tum liberi circumueniantur, non est propterea dicendus ignavus ac timidus; quemadmodum non appellatur verè fortis, qui flagellis ac virgis cædendus, hoc est, supplicio plectendus serui securi animo est & confidenti. Sic enim interpretandam puto sententiam Aristotelis: quamvis alio modo illam explicet D. Thom. qui existimat ideo non esse dicendum fortem, qui flagella non pertimescit, quia fortitudo versatur in rebus maximè terribilibus, & mortem afferentibus, ut postmodum docebit idem Aristot. in 3. par. virgæ autem & flagella maximè terribilia non sunt, cum ex iis non sequatur necessariò mors. Censeo, inquam, esse id referendum potius ad ignominiam & dedecus, quod extimescendum esse viro forti iam dixerat. In virgis autem & flagellis, quæ seruorum est pœna, ignominia ingens & dedecus est.

Itaque ut breuissimè faciam, Aristotelis sic est ratio. Fortitudo versatur quidem in metu terribilium, & rerum malarum, sed tamen non omnes omnino res terribiles & malæ materia fortitudinis sunt. Multæ sunt enim, quas pertimescere virum fortem oportet: multæ quas extimescere non oportet. Illæ sunt quæ infamiam, ignominiamque coniunctam habent: hæc, quæ quoniam vitio nostro non accidunt, vitari per cautionem providentiamque non possunt. At fortitudo eum vel depellere vel regere timorem debet, quem vel admittere, vel non admittere virum fortem oporteat & turpe sit. Si quis enim est timor, qui virum fortem deceat, eum fortitudo non respuit. Si quis contra sit, quem admittere virum fortem non oporteat, eum fortitudo depellit. Moderatur enim timori, qui potest virum fortem inuadere, ac propterea dicitur esse audaciæ mediocritas, & timoris. Mediocritas verò eius esse timoris non potest, qui viri fortis animum peruadere vlla ra-

tione non debet. Denique fortitudo timorem aliquem habere debet, quem redigat ad mediocritatem.

PARS TERTIA CAPITIS SEXTI.

Περὶ ποῖα οὖν τῷ φοβερῶν ὁ ἀνδρὺς; ἢ περὶ τῆς μέγισται; οὐδαμῶς γὰρ ὑπομεμνησμένους τῷ δεινῶν. φοβερῶταται δὲ ὁ θάνατος. ὥσας γὰρ, καὶ οὐδὲν ἐπὶ τῷ πεθινῶντι δοχεῖ, οὔτε ἀγαθόν, οὔτε κακόν ἐστι. δοξάζει δὲ αὖ οὐδὲν περὶ θάνατον, τὸν ἐν πᾶσι ὁ ἀνδρὺς ἐστίν. οἷον εἰ ἐν θαλάττῃ, ἢ ἐν ἰούσοις. ἐν πῶσι οὖν; ἢ ἐν τοῖς καλλίστοις; τοιοῦτοι δὲ οἱ ἐν πολέμῳ. ἐν μεγίστῳ γὰρ καὶ καλλίστῳ κινδυνῷ. ὁμολογοῦν ὅτι τοῖτοις εἰσὶ, καὶ αἱ ἡμέραι αἱ ἐν ταῖς πόλεσι, καὶ ὡς τοῖς μοναρχοῖς. κρείως δὲ λέγουσιν αὖ ἀνδρὺς, ὁ περὶ τὸν καλὸν θάνατον ἀδελφὸς, καὶ ὅσα θάνατοι ὅπτι φέρει ὑπόγχα ὄντα. τοιαῦτα δὲ μέγιστα τὰ κατὰ πόλεμον. οὐ μὲν δὲ ἀλλὰ καὶ ἐν θαλάττῃ, καὶ ἐν ἰούσοις ἀδελφὸς ὁ ἀνδρὺς. οὐχ οὕτω δὲ ὡς εἰ θαλάττιοι. οἱ μὲν γὰρ ἀπεγνώκασιν πλεῖστον σπασθῆναι, καὶ τὸν θάνατον τὸν τοῖτον δυσχεραίνεισιν, οἱ δὲ βέλπεδαι εἰσὶ ὡς τὸ ἐμπειρίαν. ἀμυνεῖ καὶ ἀνδρίζονται ἐν οἷς ὅστις ἢ ἄκνη, ἢ καλὸν ὁ δεινῶν. ἐν ταῖς τοιαύταις ὁ φθορᾶς οὐδὲν πλεονέκτημα.

Circa quæ igitur terribilium vir fortis versatur? nōne circa maxima? Nemo enim tolerantior terribilium. maxime verò terribilium est mors. Extremum enim est, nihilque præterea mortuo videtur, neque bonum, neque malum esse. Videri potest autem neque circa mortem in omni loco ac re vir fortis esse, veluti si in mari aut in morbis sit. In quibus igitur? nōne in pulcherrimis? sales verò sunt qui in bello versantur, in maximo enim, pulcherrimòque periculo sunt. Testes autem his sunt honores & in Rebus publicis & apud Reges. Proprie igitur dici possit fortis, qui circa pulcrā mortem metu vacuus est, & circa quacumque mortem afferunt, cūm proxima sunt. Talia verò maxime sunt in bello. Attamen tum in mari, tum in morbis metu vacat vir fortis, non sic verò, ut nauta. illi enim desperant de salute, & mortem talem agere ferunt. hi verò bene sperantes sunt, propter experientiam. simul verò & fortiter agunt in iis rebus, in quibus habet locum robur. aut honestum est mori. In talibus autem generibus interitūs neutrum reperitur.

EXPLANATIO.



Mæc est illa tertia pars, in qua decernit, quibusnam in timoribus, terroribusque depellendis, aut temperandis verè versetur, & proprie fortitudo. Hactenus enim dictum est, quibusnam in timoribus non versetur. Ait ergo Fortitudinem cerni proprie in iis, quæ maxime terribilia sunt: & quia nihil est morte terribilius, in morte potissimum contemnenda spectari. Illa quippe simpliciter, & proprie fortitudo dicitur, quæ mortis timorem abigit, vel moderatur. Sed tamen in hoc etiam ipso timoris genere depellendo quædam est fortitudo maxime propria, quæque ceteris propter perfectionem anteposenda videatur. hanc autem esse ait eam, quæ non in quolibet genere mortis, sed in eo nominatim electeque versatur, quod accidit in bello. Multis enim ex causis accidit mors; à bello, à tempestatibus in mari, à morbo, à supplicio publico. Iure igitur inquit, quonam in genere mortis aggrediendo, vel contemnendo fortitudo sit posita; decernitque, in eo sitam esse, quod contingit in bello. Itaque gradatio quædam in hoc Aristotelis decreto, atque sententia est: cūm primo generalia perstringat, deinde propiora, & peculiariora constituat. Dicitur enim primo loco; Fortitudinem in mortis contemptione positam esse, vel in eo timoris genere versari, quem nobis incutit mors. id quod ita demonstratur. Fortitudo vera & propria versari debet in iis, quæ maxime terribilia sunt. Nam Fortitudo vniuersè in rebus terribilibus versatur. Fit adeo, ut perfecta fortitudo versari debeat in rebus maxime terribilibus; cūm virtus perfecta sit vltimum potentia, ut

dicatur in primo Cæli. Res autem omnium maximè terribilis est mors. est enim malorum omnium extremum, cuius causâ cetera formidantur, eripitque mortalibus lucem, ac cetera cominoda, quibus viui perfruimur. nec post obitum, inquit Aristoteles, aliquid bonum aut malum accidit homini, hoc est, ex his, quæ usurpat homo corpore constans & anima. Cetera enim bona vel mala, quæ possunt euenire post obitum, accidunt animæ, ac propterea homini non videntur accidere. Neque enim Aristoteli nota fuit illa futura corporum nostrorum anastasis, quæ faciet, ut etiam post obitum mala vel bona toti eueniant homini. In eandem sententiam est interpretandus Cicero in 2. Tusculan. ubi confirmat, mortuos vitæ commodis carere vniuersis, hoc est, iis, quæ consentanea non sunt ipsi etiam animæ à corpore segregatæ. Quoposito, ait secundo loco, fortitudinem perfectam & maximè propriam non in quolibet genere mortis aggrediendo vel cõtemnendo versari. Sunt enim quædam genera mortis, quæ fortis etiam vir iure perhorrescit. cuiusmodi ait illud esse, quod in mari eueniat, aut ex ægrotatione contingat. Indignatur enim vir fortis, quod fluctibus opprimi se videat, aduersum quos uti virtutē non liceat sua. indignatur, cū morbo necesse est interire, quo ipsæ quoque de medio tolluntur bellæ. non enim eiusmodi mors à viris fortibus iumenta secernit. Hinc nimirum extitere virorum fortium in eiusmodi periculis acerbissimæ querimonix, declarantium, illud genus ingloriæ mortis & turpis interitus sibi summo opere displicere. Achilles enim apud Homer. Iliad. lib. 21. ita dolet, & queritur,

Τῷ κ' ἀγαθὸς μὲν ἔστιν ἀγαθὸν δίκαι' ἔχων ἐλθεῖν.
 Νῦν δὲ καὶ λευγαλίῃ θανάτῳ ἑμάρτο ἀλδναί,
 Ἐρρῶντ' εἰ μετὰ τὴν ποταμῶν οἰς παῖδα συφορβόν,
 Οἱ γὰρ τ' ἰσχυρὸς ἀπὸ πύργου χιμῶνι τέρπειτα.

— causa æquior esset

*Si fortis fortem interimat, nam mortis honesta
 Impia fata adimunt solatia. scilicet isto
 Obtuar in flumio ceu natus patre subulco
 Quem torrentis hyems ignora condas arena.*

Et apud Virgil. Æneas Iliacis mallet in campis occubuisse, quàm in mari mediisque fluctibus interire. Quare Thyestes apud Ennium optat contra, ut Atreus frater, quem odio prosequeretur acerbissimo, naufragio pereat; quod genus illud interitus inglorium sit, & magnis viris dolorem afferat non ferendum. Ex hoc fonte manauit ille mœror Vlyssis in media maris tempestate deprehensū, mortemque illam sibi iam imminuentem, tristem atque ignobilem appellantis, in Odyss. 5. Quid verò de morbo, aliòve casu dicatur? Eadem sanè virorum fortium querelæ sunt, si hoc obscuro mortis genere sit excedendum è vita. Rectè igitur Epaminondas virum quemdam alioqui strenuum & bellicosum eo nomine reprehendit, quod lecto decumbens moreretur, quem par esset in castris occumbere, illo præfertim tempore, cū ad Leuctræ pugnaretur. Eundem doloris sensum ostendit ille Locrensis Aristides, cū ex Taretis mustelæ morfu iam moriturus, pronunciauit: acerbissimum illum casum minus grauem sibi futurum, si à leone vel pardali contigisset, quod est apud Ælianum in lib. var. histor. postremo. Huc demum pertinet ille Callierates: qui, ut scriptum reliquit Herodot. in lib. vltimo, cū Medorum, Græcorumque stetit in armis acies, sagittæque ab hostium aliquo gregario temerè atque impudenter emissæ transixus fuisset, questus est, quod non in conspectu totius Græciæ moreretur: quodque ante mortem sua sibi manu aduersus hostem uti non licuisset. Ergo, ut omnia colligamus, concludamusque, fas est viro forti mortem ingloriam, & ignobilem pertimescere: quia, ut dictum est supra, est hominis inuerecundi, dedecus & ignominiam non reformidare. Tractauimus hoc argumentum in Vindicationibus Virgilianis ad defensionem Æneæ conquerentis in media maris Siculi tempestate.

His igitur etiam expunctis generibus mortis, in quibus fortitudo perfectissima non versatur, demonstrat, quid demum sit, quod hæc virtus sibi vindicat veluti proprium. Hoc autem ait esse quod accidit in acie, ac bello. idque docere videtur hac ratione: Fortitudo perfecta versari debet in maximo periculo mortis, & in eo, quod suscipitur pro rebus optimis & honestissimis. Virtus enim perfecta maximum semper & optimum in suo genere spectat. At cū aliquis in bello moritur pro sa-

lute ciuium & patriæ communis incolumitate, in certissimo vitæ periculo moritur, & pro causâ optima, pulcherrima, honestissima. Ergo tum fungitur officio perfectæ fortitudinis, & numeris omnibus absoluta cum in bello moritur & in acie; vel certè cum eiusmodi contemnit & aggreditur periculum mortis, quod spectatur in bello, communis vtilitatis ac boni publici causâ suscepto. Hanc fortasse fortitudinem perfectam idem describit Aristot. in Rhet. lib. primo, cum fortitudinem vult non modò in summis versari periculis, sed eadem adire pericula nominatim pro legibus & æquitate. Sic enim ait: Fortitudo est Virtus, per quam homines res honestas in periculis aggrediuntur, easque gerunt, vt lex præcipit, & se legum ministros præbent. persimilis huic est definitio Chrysippi in 4. Tusculanarum: qui dicebat, fortitudinem esse scientiam perferendarum rerum, vel affectionem animi in patiendo ac perferendo summæ legi parentem sine timore. Neque ab eadem differt ea, qua Stoici utebantur, cum dicerent, fortitudinem esse virtutem propugnantem pro æquitate: quod est apud M. Tull. in lib. 3. officiorum. Hanc denique definitionem & de fortitudine perfectâ sententiam probarunt poëtæ omnes, cum obitam in bello mortem pulcrâ, aut pulcherrimam appellarunt.

— Corpora bello

Obiectant, pulcrâque petunt per vulnera mortem.

— pulcrumque morti succurrit in armis.

Quam pulcritudinem, honestatēque mortis expetebat in vndecimo Pallas, cum ita deliberabat.

Aut spoliis ego iam raptis laudabor opimis,

Aut letho insigni.

Epigramma est apud Ausonium nobile expressum è Græco. vbi genus mortis quod appetitur in bello, non modò pulcrum dicitur, sed pulcrè laudatur à patre Spartanō, qui filium Thrasymbulum, extinctum in bello pro patria, lugeri vetat.

Excipis aduerso quòd pectore vulnera septem,

Arma superueheris quòd Thrasymbule tua,

Non dolor hic matris Pitane, sed gloria maior.

Rarum tam pulcro funere posse frui.

Quem postquam mæsto socj posuere feretro,

Talis magnanimus edidit ore pater.

Flete alios: natus lacrymis non indiget ullis.

Et meus, & talis, & Lacedæmonius.

Atque vt Poëtæ prætermittamus, ipsum quoque Xenophontem philosophum testem habemus proferre, qui pulcrâ esse mortem accidentem in bello exemplo pulcherrimo declarauit. Cum enim coronatus rem sacram faceret, & inter sacrificandum ei nuntiatum esset, Grillum filium occubuisse, coronam ex dolore deposuit, sed cum mox audisset, in bello eum cecidisse dum fortiter ageret, & pro patria strenuè dimicaret, in ipso fortitudinis pulcherrimæ nomine quasi respirans, coronam iterum sumpsit, & desinit lacrymari. Plato demum in Mœnexeno pulcrum esse in bello mori pronunciauit. Cum enim publicum bellum, quòd iustum sit, suscipiatur aduersus hostes, qui commune Ciuium bonum euertere contendunt, præclarum & pulcrum putatur ab omnibus eiusmodi belli adire periculum, vel in eo bello inter dimicandum perire, in quo pro communi Reipublicæ bono decertatur.

Itaque rectè Aristoteles ex omnium consensione gentium demonstrare conatur, hanc mortem esse pulcherrimam. Ait enim id significare honores publicos, iis, qui moriuntur in bello tributos, non à Ciuitatibus modò liberis, sed ab iis etiam, quæ Regio vterentur imperio, & vnius dominatu regerentur, significare, inquam, hæc ait, illam demum fortitudinem esse perfectissimam, quæ in eo genere mortis operendo versatur. Sunt videlicet eiusmodi honores egregij ac propè diuini: quorum bonam partem percenset Aristoteles in lib. Rhet. primo cum ait, Honoris species esse, immolationes, monumenta, vel carmine vel soluta oratione conscripta, lucos, sepulcra, imagines, ac statuas, aliæque ex illo genere complura, quæ iis potissimum tributa videmus, qui hoc fortitudinis perfectæ speciem in bello dederunt. quod multis antiquorum exemplis, dictisque alibi demonstrauimus. Quibus addendum est quod apud Iustinianum Imperatorem legimus in Instit. De excusat.

excusat. Tut. leg. bello amissi §. 1. & in Pandectis tit. cod. Per gloriam, inquit, viuunt, qui in acie pro patria occubuerint.

Est igitur Aristotelis hæc ratiocinatio: Conuenit fortitudini præclara & pulcherrima mors: In bello præclarissima est, atque pulcherrima, quemadmodum ostendunt Respublicæ omnes, & Imperia, quæ vel singulares, vel diuinos honores impertiuntur iis, qui moriuntur in bello; nec tribuunt ceteris, quantumuis fortibus atque magnanimis, aliâsque mortis formas aspernantibus. Igitur ea mors, quæ accidit in bello perfectissimæ fortitudini congruit. Concludit adeo disputationem hanc, omnia colligens, & confirmans in summa, principalem & maximè propriam fortitudinem illam esse, quæ virum fortem pulcra, honestaque propolita morte, vniuersæque repentinis casibus accidentibus metu superuacaneo liberum reddit. eiusmodi autem esse mortem accidentem in bello. est enim honestissima atque pulcherrima, & præterea repente contingit, nec moras illas trahit, quas habet sæpe naturalis. Fortis quippe vir, ut ait Albert. semper est munitus, paratissque; ac propterea nihil ei repentinum accidere potest. itaque repentinus casus videtur quodammodo fortitudinem explorare. Quo loco monere fortasse necesse est, non cum modò, qui re ipsa moriatur in bello, fortem ab Aristot. propriè dici, verùm etiam eum, qui se mortis periculo volens exposuit in acie, tamen eo periculo perfungatur, & sospes euadat.

Sed tamen illi quoque, qui ex morbo, aut in mari moriuntur, fortes habendi sunt, dicit aliquis, si inter ea pericula sint intrepidi. Respondet Aristoteles improprie, ac per similitudinem solum esse fortes. Fortis nimirum vniuersè dicitur quicumque inter pericula sit impavidus, quæcumque demum ea pericula sint. Fortis autem vir inter ea etiam pericula se præstat interritum. Non enim cum dolet quòd in mari ex tempestate, vel in lecto ex morbo sibi moriendum sit, mortem ipsam timet, sed genus mortis ignobilis auersatur. ac propterea in ipsa etiam ciuatione & conquestione timore caret: non quidem ut nautæ, inquit Aristoteles, qui inter tempestates securo sunt animo, & de salute sperant propter experimentum. sed eo modo, quo decet viros fortes impavidos esse. ipsa enim etiam desperata salute, timore carent, & mortem quamlibet aspernantur. Sed tamen non ex qualibet mortis contemptione laudantur & honorantur publicè à Regibus & ciuitatibus: sed ex ea nominatim, in qua viribus vtuntur suis: cuiusmodi est ea, quæ cernitur in bello. Itaque propria perfectæ fortitudinis materia non est ea mors, neque pericula mortis in mari, vel ex morbis accidentia, sed ea, in quibus vt viribus licet, & pulcrum est exire de vita. Neutrum autem, inquit Aristoteles, est in ea morte, quam oppetere inter fluctus & morbos oportet.

EPILOGVS.

1. *Quamquam Fortitudo in metu audaciæque regenda posita est, non tamen inter omnes timores, audaciæque versatur: sed in iis timoribus operam propriè collocat suam, qui rerum maximè terribilium sunt.*
2. *Et quoniam nihil est morte terribilius, in ipso timore mortis operam ponit, & mortis timorem pro materia, quam tractet, propositam habet.*
3. *Non tamen in omni genere mortis fortitudo versatur, sed in eo maximè propriè, quod præclarum, & pulcherrimum est. Eiusmodi verò habetur illud, quod nos occupat, vel nobis imminet in publico bello.*

dere commotiones. Id quod tam sæpe apud Senecam legas, ut molestum & putidum sic loca quæ sunt obuia percensere. Et profectò sic mihi se res habere & conciliari posse videtur. Non enim Stoici vocabant affectus animi commotiones illas primas inconsultas nec contumaces. Consule Gell. in lib. 19. cap. 1. & Iust. Lips. in manu duct. ad Stoic. philosophiam, lib. 3. dissertat. 7. propè medium. Nihil tamen minus, siue Stoici, siue alij fuerint, qui contenderent, omnes commotiones animi, siue omnem commotionis gradum esse malum, & cum virtute pugnare, haud difficile à Peripateticis confutatur. Nam primo quidem negant *videtur*, hoc est, passionem, esse tantum affectum animi turbidum, & inimicum rationi; sed contendunt, eum quoque qui turbidus non sit, sed remissus, tranquillius, ac rationi morem gerens, appellari passionem. Deinde singillatim eorum rationibus argumentisque respondent, quæ haud sanè magnum obtinent momentum ac vim. Nam quod dicunt; motus omnes, qui præter naturam excitantur, cadere in Sapientem, & virtute præditum hominem non debere; quemlibet autem affectum, seu passionem perturbare cor, atque à naturali constitutione dimouere, cum faciat, ut vel vehementius, vel remissius esseatur, quàm naturæ conditio postulat & status: quod, inquam, isti sic dicunt, Peripatetici refellunt, hunc in modum respondentes: perturbationem & passionem omnem verè limites motus naturalis excedere, non tamen propterea obesse animo, sed corpori. esse autem rectæ rationi consentaneum, aliquod capere detrimentum corpus propter bonum virtutis, ut ex illo corporis incommodo capiat animus utilitatem. Nam ex ipsis etiam exercitationibus bellicis vehementius concitatur & mouetur cor, quàm ipse postulet naturalis status atque conditio, quæ tamen exercitationes, honestatis & Reipublicæ causa susceptæ, à nemine reprehenduntur. Quin responderi etiam posset, non omnem animi perturbationem corpori detrimentum asferre: cum postulet etiam ipsa naturalis eius constitutio, ut cor varia ratione subinde atque identidem moueatur. Itaque si æstuosæ sint, & vehementissimè concitatz, nocent, si sedate tranquillæque, fortassis etiam profunt. Quod verò contendunt, omnem affectum perturbare, atque infuscare iudicium rationis; adeoque in sapientem & bonum virum non conuenire, facilius confutatur. Non enim iudicium rationis obnubunt nisi affectus immodici ac vehementes: aduersum quos ita munit Salustius deliberantes Senatores & Reipublicæ Consiliarios: Omnes homines, qui de rebus consultant dubiis, ab ira, odio, amicitia vacuos esse decet: hoc est, ab huiusmodi commotionibus animi vehementibus refractariis, rationis imperium & leges aspernantibus. Quod demum adiungunt, homini sapienti non congruere quod ad malum, improbitatemque perducit; affectus verò quoslibet hominis animum ad malum propellere; quod sic, inquam, extremo loco contendunt, nihil

habet ponderis, ac propterea eadem prorsus ratione subuertitur. ad malum enim, improbitatemque non perducunt animum, nisi perturbationes illæ, quæ modum non habent, & impotentes sunt. moderatz quippe & rationi obtemperantes, ad bonum, hoc est, ad honestatem priuatam, ad publicam Civium cōmoditatem perducunt. Ex his igitur intelligi potest: virtutes illas, quæ in affectibus appetitus sentientis esse possint dicuntur, id agere ac sequi, ut non eas commotiones extirpent funditus & euellant, sed ut exuperantia liberent, & reddant suo labore ac studio moderatiores; reddere autem moderatiores, si mediocritatem inueniant inter extrema. Quare

Ponendum tertio loco est: Virtutem omnem, non moralem modò, verum etiam rationalem, in medio, siue in mediocritate consistere. Nihil autem est de infusis moralibus, aut Theologicis hic dicendum: quarum illæ verè, propneque medium habent, hæ non nisi per accidens. Theologorum enim est de his differere. Medium rationalem virtutum, quæ in intelligentia sedem habent, assignari facile potest quia tunc obtinere dicuntur mediocritatem, cum sine vlla exuperantia defectuque, regulæ respondent suæ. Regulam autem intelligere nos oportet rem ipsam cognitam. In qua exuperantia est, cum aliquid de re iudicatur, quod iudicandum non esset, defectus, cum aliquid de eadem non iudicatur, quod esset iudicandum. Itaque cum ratio iubet nos aliquid de re iudicare quod iudicandum non esset, prudentia limitem egreditur suum, & regulam per exuperantiam quamdam, cum non iubet iudicare quod iudicandum esset, limitem, regulamque non attingit ex defectu. Sed virtutum moralium mediocritas & medium partim eodem modo deprehenditur, partim vario ac discrepante, pro varietate virtutum. Quare tenendum id est: duplici nos modo, ut docet Caiet. posse medium in Moralibus virtutibus assignare. Primò quidem, si dicamus, virtutem obtinere mediocritatem, quantum attinet ad substantiam habitus: secundò, si affirmemus, in medio sitas esse quantum ad operis attinet effectum. Illa enim virtus in medio consistit priori ratione ac modo, quæ posita est inter duos habitus prauos & vitiosos extremos: illa posterior, est quæ profert actiones actusque suos omnibus ornatos instructosque circumstantiis, quas prudentia descripsit: sic prorsus, ut neque deficiant à regula, neque regulam ipsam exuperent prudentiæ. Prudentia nimirum est, quæ unicuique virtuti designat medium, ut docet Aristoteles supra in lib. 1. cap. 6. Ait enim, virtutem consistere in mediocritate, quæ à ratione præfinita sit, eo modo, quo vir prudens definiret. Quæ partitiones & loquendi formulæ sunt exco-gitatz ad declarandum discrimen quod est inter mediocritatem, in quo posita est iustitia, & medium, quod obtinent ceteræ virtutes morales, quæ versantur in affectibus temperandis. Omnes enim morales virtutes,

una excepta Iustitia, medium obinent inter duos habitus corruptos & viciosos: adeoque illarum medium spectari potest penes substantiam habitus. Temperantia quippe mediocritas est duobus habitibus extremis viciosis atque corruptis interiecta, à quibus ipsam propè desumit & mutuatur substantiam. Iustitia verò non est duobus habitibus viciosis intermedia, sed vni tantum opposita vitio. Nam siue exuperes, & recti lineam excedas, siue deficias, & eam non attingas, in vnum tantummodo te vitium induis, iniustitiam: contra quam in aliis virtutibus accidat: in quibus tam defectus, quam exuperantia vitium habet, alterum ab altero distinctum & varium. In largiendo enim defectus est auaritia: exuperantia prodigientia est. Nihil tamen minus ipsa quoque iustitia mediocritatem habet, diciturque iure in medio consistere: quia tamen si medium illud peculiare non habet, habet tamen alterum commune cum ceteris, quod diximus in actionibus & opere spectari debere. profert videlicet etiam ipsa suum actum iis instructum circumstantiis, quas prudentia præscribit. prudentia verò iubet, vt Iustitia neque exuperet, neque deficiat. deficeret autem nisi redderet quod debet, cum oportet: exuperaret, si redderet cum non oportet: vt gladium furioso, & pecuniam intempesta nocte, vel tempore aliquo magis alieno. Medium igitur obtinet quantum attinet ad effectum operis, non quantum spectat ad substantiam habitus. Neque enim huius habitus substantia pendet à duobus extremis.

Est præterea alia quædam ratio ac via huic haud dissimilis ad explicandum amplius huiusmodi discrimen à medio rei petita, & à medio rationis. quæ medijs partitio desumpta est ab illo cap. 6. lib. 2. horum Moralium, ibique à nobis explicata. Medium enim rationis nihil est aliud, quam agere, aut opus facere quando, & quemadmodum oportet ex regula illa, quam præscribit prudentia: sic prorsus, vt opus ipsum neque exuperans, neque deficiens sit. est enim exuperans, cum agimus eo tempore, quo agere non oportet, & quemadmodum non oportet. est deficiens si non agamus eo tempore quo agere oportet, & eo modo, quo agere oporteret. Itaque in opere exuperante materiam quidem ponimus, sed non circumstantias: in opere deficiente circumstantias, sed non materiam; quam videlicet in opere esse negamus. Circumstantias enim describimus cum dicimus: sicut oportet; aut quando non oportet, & materiam operis esse affirmamus, vel esse negamus, cum dicimus agere vel non agere. Hoc igitur est medium rationis in opere; si fiat & proferatur, cum & quemadmodum oportet secundum legem & rationem à prudentia designatam. Medium verò rei est æqualitas re ipsa designata, constituta, & definita. Vt si debes centum, centum omnino reddas. Natura enim id statutum est, vt centum aurei sic æquales centum aureis sint, quemadmodum palmus æqualis est palmo. Sed hoc etiam me-

dium rei duplex est. alterum quippe Arithmeticum dicitur, Geometricum alterum. Arithmeticum in æqualitate quadam exquisitissima positum est: qualis in duabus quantitatis cernitur partibus: velut in duabus lineis, quarum altera neque magnitudine superet alteram, neque ab altera superetur. Geometricum autem in æqualitate quidem consistit, sed in æqualitate secundum proportionem. Vtrumque medium, tam Arithmeticum, quam Geometricum sequitur, & obtinet Iustitia, primum quidem in commutationibus, in quibus tantumdem prorsus reddit, quantum debet. Secundum retinet in distributionibus: in quibus arithmetica illa æqualitas inueniri & deprehendi non potest, sed proportio quædam inuestigatur, quæ respondeat meritis. Vt cum Imperator præmia distribuit militibus, impericiens singulis quemadmodum proportionem ipsorum promerita postulant. In quo animaduertendum est illud: medium rei non sic opponi medio rationis, vt ipsum rationis non sit. Nihil est enim magis rationi consentaneum, quam vt reddas quod debes per arithmeticam æqualitatem. Sed tamen dicitur illud rationis, hoc rei: quia hoc est in re à natura constitutum & immutabile; illud non est à natura constitutum, sed à ratione decernitur, & mutationi obnoxium est propter varias, quæ accidunt subinde conditiones, & circumstantias.

Ex his sequitur, medium Iustitiæ, ceterarumque virtutum moralium multis inter se nominibus differre. Primo quidem quia Iustitiæ medium suapte natura descriptum & constitutum est, ac propterea non est mutabilitati obnoxium, sed semper idem. si debes mille, semper mille reddenda sunt. Medium autem aliarum virtutum à natura constitutum, præscriptumque non est; sed est mutabile pro agentis habitudine varia. Temperantiæ quippe medium non est edere libram aut selibram carnis: sed pro loco, tempore, habitudine, robore illius, qui cibum sumpturus est, nunc largius, nunc parcius carnibus vesci. Differt secundo Iustitiæ medium à ceteris, quod medium Iustitiæ medium sit inter id, quod vni plus est & minus alteri; vel vt alij dicunt, inter plus mihi, & minus tibi: semper adeo refertur ad alium, cum quo constituenda æqualitas est. Ceterarum autem virtutum medium est inter id quod vni plus est, & eidem minus: siue, vt iidem loquuntur, inter plus mihi & minus mihi. ac propterea semper habitudinem, ordinemque præfert ad agentem, ex cuius constitutione varia variatur etiam, & mutatur medium; vt supra dictum de Temperantia est. Differt tertio; quod medium Iustitiæ, si rationem ipsam Iustitiæ intimam, & quod in ea præcipuum est intuearis, positum est in æqualitate rei cum re: nec videt quo animo, quo tempore res fiat, nisi cum circumstantiæ redundare aliquo modo possunt in æqualitatem. medium verò aliarum virtutum intuetur primum atque præcipue quo animo, quoque consilio vel affectu res fiat. est enim earum

officium regere perturbationes, & affectus humanos.

Sequitur ex his aliud, quod prætereundum non est: id videlicet esse causæ, cur virtus in perturbationibus versans, in difficili versari dicatur & arduo. debet enim inuenire medium rationis. Difficile verò est, mediū in appetitu constituere: cū enim à natura constitutum non sit, à ratione decernendū est. Id, inquam, est causæ, cur huiusmodi virtutes in difficili positæ sint. Iustitia tamen, quæ medium habet à natura constitutum & immutabile, aliā obtinet causam difficultatis, ex eo nascentem, quòd debeat accommodare se rationi, ad bonum alterius hominem dirigenti: ad quod bonum ipsa natura non ducitur.

Ponendum est quarto loco, cū dicimus, virtutes morales, quæ in perturbationibus regendis, moderandisque versantur, in medio positæ esse, quantum attinet ad ipsam substantiam habitus, cū, inquam, hoc dicimus, non id velle nos significare, virtutes sic esse mediocritates perturbationum, ut medium prorsus obtineant totius amplitudinis, aut latitudinis, quam habere affectus & perturbatio potest, cuiusmodi videtur esse illa mediocritas rearithmetica, quæ cernitur, ut diximus, in Iustitia commutante: sed esse mediocritates rationis; quæ non sunt ipsa natura constitutæ; sed extrinsecè sic appellantur propter extrema, quibus sunt interiectæ. Itaque tametsi liberalitas est medium inter prodigiam & avaritiam, non propterea tamen à medio recedet, quòd magna quædam atque amplissima largiatur, modò lineam, limitemque non excedat à prudentia positum, & ratione. habet enim hoc medium latitudinem suam, nec est individuum. & medium nihilominus dici iure potest, quia extremis est interiectum vitiis, tametsi totius latitudinis, quæ in affectu est, medium illud quasi arithmeticum non occupet. Quæ profectò noscenda ideo sunt, quòd multi cū ostendere volunt, non esse virtutem in mediocritate positam, his utantur captionibus atque sophismatis: Virtus Heroica est singularum virtutum apex atque fastigium: ergo mediocritas non est. Virginitas est temperantiæ pars. At hæc in illo genere non habet mediocritatem, sed exuperantiam: admittit enim omnem omnino voluptatem, in qua moderanda tantum versari temperantia deberet, si mediocritas esset. Humilitas Christiana non est mediocritas, cū in ea per exuperantiam peccari non possit: quo enim quis humilior est, hoc à Christianis doctoribus melior & sanctior existimatur. Id quod etiam de alia quoque Christianorum virtute dici potest, quæ Pœnitentia nominatur. Hæc, inquam, argumenta nihil omnino conficiunt, ut in lib. 2. demonstrauimus. quia medium virtutis non est ipsum planè medium rei quasi arithmeticum. hoc est, punctum quodammodo medium eius affectus, in quo posita virtus est, sed medium rationis extrinsecè sumptum ex eo, quòd duobus extremis affectio illa sit interiecta,

quantumlibet ampla & late patens. Si enim individuum esset hoc medium, virtus crescere non posset, aut minui, cū individuum augeri, minuique non possit. Quæ cū ita sint, iure quærimus, an fortitudo mediocritas sit, audaciæ timorique perturbationibus extremis intermedia. Est enim virtus, ac propterea mediocritas esse debet: est ex earum genere, quæ versantur in affectibus & perturbationibus appetentis animæ: nominatumque regere debet eas, quæ ad partem pertinent irascentem: qualis est timor, & audacia. Quare

Ponendum postremo loco est: duas in appetitu sentiente partes esse; concupiscentem vnam, alteram irascentem, ex quibus velut ex capitibus ac fontibus omnes omnino perturbationes emanant, quæ vndecim esse dicuntur, ex concupiscente quippe fluunt sex: Amor, Odium, Cupiditas, aut desiderium, Execratio seu detestatio, Delectatio siue voluptas, Dolor, siue tristitia. Ex irascente nascuntur quinque. Spes, Desperatio, Audacia, Timor, Ira. Ceteræ si quæ sunt aliæ, ad has faciliè reuocantur. Numerum hunc perturbationum nostrarum idoneum ac iustum esse demonstrare si volumus, illud repetamus altius est necesse: ex prosecutione boni sequi fugam mali contrarij in qualibet appetitus parte, tum concupiscente, tum irascente. Non enim hæc facultates ex eo distinguuntur, quòd ad vnam omnes pertineant prosecutiones bonorum, ad alteram omnes malorum fugæ. sed eo nomine, quòd prosecutiones & fugæ, quæ sunt vnius partis in bono maloque, vident & intuentur aliquid quod aliæ non vident. Irascentis appetitus prosecutiones & fugæ considerant, ac vident in bono maloque rationem difficilis & ardui: atque adeo non simpliciter in bonum tendunt, sed in bonum arduum, ac difficile malum detestantur & fugiunt, prosecutiones autem & fugæ concupiscentis appetitus sunt boni, malique simpliciter, & vniuersè, siue arduum sit, siue facile. Dicuntur autem illæ irascentis partis, hæc concupiscentis: non quòd illæ nullum alium habeant actum, nisi iræ, hæc nullum alium nisi cupiditatis & desiderij: sed quòd in illis ira, in his cupiditas manifestior sit, ut docet D. Thom. in prima secundæ quæst. 25. artic. 2. ad 1. Igitur in parte appetitus concupiscente, ut ab hac exordiamur, tot perturbationes & commotiones esse necesse est, quæ prorsus rationibus ac modis ipsa tendit in bonum absolutè per prosecutionem, & malum absolutè per fugam auersatur. Sed hio appetitus mouetur primo à bono simpliciter, absolutèque sumpto per quamdam sui propensionem, & cum illo conuenientiam, quam habet inditam à natura: qui motus est amoris affectus & perturbatio. Contràque mouetur ad fugam mali vniuersè, absolutèque considerati. quæ animi commotio dicitur odium. Deinde bonum quatenus futurum est, & obtineri potest, neque tamen adhuc possidetur, appetitum excitat motu quodam in illud futurum atque parabile: qui motus cupiditas & desiderium est. contra verò malum futu-

rum & facile venturum eundem excitat appetitum ad peculiarem quemdam motum, quo malum illud fugit: quæ perturbatio cupiditati quidem contraria est, proprium tamen nomen & peculiare non habet, vt ait D. Thom. in prima secundæ quæst. 30. artic. 2. ad 3. sed communi appellatur vocabulo Abominatio vel fuga. Ad hæc: bonum cum iam comparatum est & possidetur, excitat appetitum, facitque vt in eo conquiescat affectu peculiari, qui delectatio dicitur, aut gaudium. Contraque malum cum adest, appetitum ad certam quamdam animi perturbationem contrahit, quæ dolor aut tristitia nominatur. Itaque ex tribus boni malique coniunctionibus, comparisonibusque sex nascuntur in concupiscente appetitu perturbationes, & affectus. Bonum enim ac malum vniuersè simpliciterque propositum, amorem excitant & odium. bonum parabile ac malum instans cupiditatem & delectationem aut fugam: bonum quod adest & malum præsens delectationem, atque tristitiam. Appetitus autem irascentis perturbationes quinque ita colligi possunt. Dictum paulò antè à nobis est, appetitus irascentis bonum, non esse bonum absolute, sed bonum paratu arduum ac difficile: & malum, non malum simpliciter, sed arduum ac difficile ad euitandum. Quo posito, hunc in modum ratiocinari fas est. Bonum difficile, si iam comparatum & præsens est, mouere tantummodo potest appetitum concupiscentem ad delectationem; irascentem nullo modo mouere potest, cum nulla supersit amplius quæ vincatur difficultas. Sin autem futurum sit, necdum comparatum, tunc vel parabile putatur, vel non parabile. Si parabile, duos in irascente appetitus parte ciere potest motus prosecutionis: alterum spei, quæ bonum ipsum arduum veluti terminum intuetur & expectat; alterum audaciz; quæ posthabita difficultate, ac periculo imminentis mali, aggreditur ea præsidia, quibus parari posse credit propositum animo bonum. Sin verò bonum illud difficile existimetur eiusmodi esse, quod parari non queat, alium contrarium excitabit motum, hoc est, desperationem: atque adeo tres ex irascente nascuntur animi perturbationes ac motus ex bono difficili, partim non parabili. Sequuntur alij duo ex malo euitatu difficili: ac primo quidem si præsens est non mouetur per se appetitus irascentis, sed concupiscentis ad dolorem atque tristitiam vt diximus, per accidens tamen impellitur etiam appetitus irascentis ad vindicandum malum iam acceptum, & ad aliud malum contra reponendum: qui affectus & perturbatio dicitur ira, quæ cum in prosecutione consistat, non fertur in malum præsens, sed in bonum potius existens ex illa vltione, hoc est, ex equalitate vindictæ. Sin autem malum euitatu difficile futurum est & impendet, gignit timorem, audaciz contrarium. quæ affectio quinquata est ex iis, quæ appetitui tribuuntur irascenti. Quibus ita propositis

Prima quæstionis Conclusio huiusmodi sit. Fortitudo in timore, audaciæque versatur,

& in harum perturbationum medio siue mediocritate consistit. Demonstrat hoc ratio D. Thom. qui sic disputat in 2. 2. quæst. 123. artic. 1. & 3. Virtutis est, bonum hominem reddere, hoc est, efficere vt secundum rationem degat & sit. idem est hominis bonum, secundum rationem esse; vt Aristoteles multis docet locis, & Dion. in cap. 4. de Diuin. Nomin. Sed secundum rationem esse ac viuere triplici possumus lege ac modo. Primò; si mens atque intelligentia recta sit: id quod præstant virtutes, quæ dicuntur Rationales. Secundò: si rectæ sint actiones humane, quæ referuntur ad alios; quod assequimur ipsius Iustitiæ beneficio ac vi. Tertiò, si tollantur impedimenta, quæ faciunt, ne actiones humane rectitudinem obtineant & probitatem, hoc est, ne voluntas ductum rationis sequatur. Porro duplex est impedimentum & causa, cur ductum rationis, imperiumque non sequatur voluntas. vna quidem; quod trahatur ab aliqua re iucunda & delectationem asferente. altera; quod repellatur ab aliqua re difficili, & conatu animi deterrente. Illud impedimentum tollitur à Temperantia; hoc à fortitudine mentis, quæ huiusmodi difficultatibus obstitit, & impedimenta honestæ actionis sic amolitur, quemadmodum robur & firmitas corporis exturbat obices omnes, qui salutem, vitamque circumfistere possint. Perturbatio verò quæ ex difficultate rei voluntatem exterrit, impeditque, ne ductum rationis sequatur, est timor. qui nihil est aliud quàm recessus quidam à malo, difficultatem habente, hoc est eiusmodi, vt difficile vinci posse videatur. Quare Fortitudo in timore depellendo, moderandòque præcipue versatur. Sed quia necesse est, non modò huiusmodi rerum difficultium impetum, repulsumque sustinere cohibendo timorem; sed moderatè etiam res ipsas aggredi ad omnem prorsus difficultatem exterminandam & securitatem animo parandam in posterum; fortitudo non in timore solùm, verùm etiam in audacia, confidentiæque regenda & temperanda posita est. Sed in his perturbationibus versatur propterea, quod mediocritatem conatur inuenire. Ergo fortitudo duarum illarum perturbationum est medium, & in earum mediocritate consistit. Itaque breuiter omnia comprehendere sic possunt: Ad aliquam virtutem pertinet, voluntatem confirmare aduersus boni difficultates, quibus ipsa deterretur, impediturque, quominus rationem audiat, & sequatur. Non pertinet ad ceteras virtutes, vt inductione constabit, sed ad vnâ fortitudinem, cui bonum difficile propositum est, ergo fortitudinis est, hæc impedimenta tollere: sed non tollit nisi timore cohibendo, & audacia moderanda. Ergo fortitudinis est, in his duabus versari perturbationibus appetentis animæ, & earum medium siue mediocritatem inuenire.

Secunda Conclusio. Fortitudo, quamquam vniuersè in timore versatur, non omnem tamen timorem pro materia propositum habet. Nam primò quidem non versatur in eius-

more mali, quod opponitur honesto bono, & dici propterea debet malum inhonestum ac turpe. Quamquam enim id præcipue videt & sequitur fortitudo, ut timorem cohibeat, ne nos ad fugam impellat: timorem tamen, qui nascitur ex turpi malo non comprimit, quia malum inhonestum ipsi etiam viro forti fugiendum est. Mali autem turpis & inhonesti nomine ipsam etiam comprehendimus ignominiam & dedecus oppositum honori. Honor quippe tametsi bonum honestum non est formaliter, quia virtus non est; est tamen honestum bonum significatiue, ut aliqui dicunt, quia signum virtutis est, & virtutis præmium, ut Aristoteles docet. Sed tamen inter malum inhonestum, quod opponitur honesto bono formaliter, & inter illud, quod opponitur honesto bono significatiue, hoc maxime discrimen est, quod malum inhonestum oppositum honesto bono formaliter, hoc est, virtuti, fugiendum semper sit, malum inhonestum contrarium honesto bono significatiue, hoc est, honori, gloriæ, famæ, existimationi ita timendum, & fugiendum sit, ut cauere debeamus ne ob eum timorem & fugam, in malum formaliter inhonestum, hoc est, in vitium & vitæ turpitudinem prolabamur. Fecunda enim potius est infamia, ignominiaque quam vlla improbitatis, aut viti contumelia subeunda. Qui secus faceret, aduersus magnanimitatem peccaret. Hæc ergo causa est, cur timor inhonesti turpisque mali fugiendus non sit; quod fortitudo illum tantummodo regit ac frenat timorem, qui ex malo minime vitando fugiendoque nascitur: inhonestum verò malum est fugiendū; ac propterea eius mali timor cohibendus fortitudini non est. Est enim hominis inuerecundi atque impudentis, ignominiam & dedecus non extimescere, ut ait hic Aristoteles.

Tertia Conclusio. Fortitudo, ne in illo quidem regendo timore posita est, qui nascitur ex malo, quod vtili opponitur bono. In eiusmodi enim bono veritatur liberalitas ac magnificentia, vitiæque his virtutibus opposita. Quare liberalitas & magnificentia moderari debent affectibus & perturbationibus illis, quæ vtili bono commouentur. Eiusmodi est eius boni vtilis vel amittendi vel non adipiscendi timor, & audacia, quæ in largitionibus & sumptibus cernitur immodicis. Itaque eiusmodi timorem atque audaciam non tractat peculiaris illa & propria virtus, quæ fortitudo nominatur; sed illa communis, quæ virtutum singularum qualitas potius & dos est dicenda, quam virtus. Ut enim supra diximus, & monet D. Thom. in prima secunde artic. 2. fortitudini duplex est subiecta notio: vna quidem, generalem quamdam animi firmitatem significans aduersus omnem improbitatem & vitia vniversa: quæ quoniam in omnes cadit virtutes, generalis virtus, siue conditio cuiuscumque virtutis est potius habenda, quam peculiaris, ac propria virtus. Est enim virtutis vniversæ, agere cum firmitudine atque constantia, ut ait Aristot. in lib. 2. cap. 4. Altera fortitudinis notio est, quæ

significat peculiarem animi firmitudinem in sustinendis, aggrediendisque periculis difficillimis. quæ propriè ac verè fortitudo nominatur, hoc est, peculiaris virtus, audacia intermedia, & timori. quæ perturbationes ex periculis illis existunt.

Quarta Conclusio. Fortitudo non versatur in cohibendo timore illius mali, quod bono iucundo contrarium est eatenus, quatenus per tristitiam ea priuat hominem iucunditate, quæ actionis sensu percipitur. cuiusmodi voluptas est, quæ ex potu ciboque percipitur, & ex venere. Non in huius, inquam, timore mali versatur. quia hos dolores & tristitias tollere ad Temperantiam pertinet.

Quinta Conclusio. In timore illius mali, quod bono iucundo opponitur eatenus, quatenus dolorem & tristitiam affert, non per priuationem, ut superius, sed per præsentiam sui, quales sunt ægrotationes, verbera, vulnera, pericula mortis inuitabilia, hoc est, eiusmodi, quæ fugere ac declinare non sit in nostra potestate, non versatur fortitudo. quia mali timor inuitabilis non cadit in materiam fortitudinis. timor enim à fortitudine temperatus, & reductus ad iustam mediocritatem est cautio quædam & propositio vitandi ex recta ratione periculi. Fortitudo enim per audaciam temperatam sic aggreditur, ut per timorem item temperatam præcaueat. At cum malum est inuitabile, frustra fortitudo timorem temperat. Quæ causa est, cur Aristoteles dicat fortitudinem non versari in eo timore, qui accidit ex ægrotationibus deploratis, aut ex tempestatibus maris. Nullus enim est ibi locus audaciæ, ac propterea nullus fortitudini veræ, quæ audaciæ timorem attemperet. Si tamen ea mala sint euitabilia, & eiusmodi, quæ subterfugere sit in manu & voluntate nostra, in fortitudinis materiam cadunt. quia fortitudo configit & confert cum malis euitabilibus manus.

Aliquot nunc proponemus Argumenta: quæ quoniam aduersus ea, quæ diximus, exhibent negotium, ac difficultatem, diluenda sunt. Neque verò de iis, quæ demonstrare contendunt, fortitudinem non esse mediocritatem, quia esset indiuidua, dicendum est quicquam, quia supra sunt confutata; cum posuimus, medium virtutis, quæ commotionibus appetitus sentientis moderatur, esse medium rationis, non rei: medium enim rationis non est positum in indiuidua aliqua parte commotionis alicuius, quæ appellanda sit virtus, sed est latè patens, & amplum, diciturque medium, & mediocritas: quia interiectum extremis est: hæc autem extrema in fortitudine timor & audacia sunt. Itaque medium hoc potest inueniri in Heroica virtute, in virginitate, in humilitate Christianorum, in ea etiam fortitudinis specie, quæ apud eosdem Christianos Martyrium appellatur. quamquam enim hæc virtutes non obtinent illud indiuiduum medium, quod deprehendi posset in amplitudine virtutis, obtinent tamen illud, quod inter extrema positum est. Nam hæc quoque virtutes quantum-

uis exaggeratæ, atque ad summum perdu-
ctæ sunt extremis interiectæ. Quin dicere pos-
sim de virtutibus illis Christianorum, ne hoc
quidem loco velle ne quicquid differere, cum
alibi eandem præterierim, & permiserim dis-
putationibus Theologorum. Alia potius qua-
dam perpendenda sunt, quæ demonstrare vi-
dentur Fortitudinis materiam non esse timo-
rem & audaciam, nec eam virtutem in his
perturbationibus regendis componendisque
versari.

Primum est huiusmodi. Fortitudinis opus
prædicatur & dicitur ab omnibus esse longè
maximum, vincere libidinem, cupiditatem
coërcere, frænare iram, ceteras in hoc ge-
nere commotiones in officio continere. Id e-
nim confirmat Cicero in orat. pro M. Mar-
cell. & eiusmodi fortitudinem anteponit om-
nibus omnino victoriis Imperatorum. Idem
probat Salomon diuina Sapiencia Rex instru-
ctissimus; idem alij nostræ Religionis Anti-
stites, & grauissimi Patres, in primisque Gre-
gor. in Moral. 7. cap. 9. his verbis: Iustorum
fortitudo est, carnem vincere, propriis volu-
ptatibus contraire, delectationes vitæ præ-
sentis extinguere. Ergo fortitudo in huius-
modi commotionibus frangendis & vincendis
potius, quàm in audacia, & timore versatur.
Sed hoc argumentum occupatum à nobis est
suprà, cum monuimus, fortitudinem inter-
dum improprie dici generalem quamdam fir-
mitudinem, quæ appellari verius debet sin-
gularum conditio qualitasque virtutum. Ita-
que dandum est, illam esse fortitudinem gene-
ralem, sed non eam peculiarem & propriam,
quam inquirimus, & de qua disputamus.

Secundum petitur ab iis, quæ in cap. 8. hu-
ius libri 3. de Fortitudine docet Aristot. At
enim fortes viros esse tam iracundos, vt in fu-
rorem agi videantur, laudatque Homerum,
quod dixerit de Glaucō: Vires incitat ira; &
de Vlyssē: Acris per nares subiit furor. iræ
nimirum furorisque nominibus vsus pro for-
titudine. Atque hæc eadem causa fuit, cur
Herculem fortissimum, furiosum antiqui fa-
bularum scriptores esse voluerint, & poëta
nobilis inter Italos eum fecerit item furiosum
& intemperis ex iracundia percitum, qui
poëmati nomen imponit. Quin idem Home-
rus, Achillem, quem veluti fortitudinis exem-
plar ideamque proponere volebat, ita fingit
iracundum, vt faciat etiam rabiosum. Qui-
bus positis, ratiocinari sic licet: Fortitudo
versatur in iracundia, & furore: ergo non in
timore atque audacia. Furor enim omnem ex-
haurit timorem, & extremum attingit auda-
ciam. Quo fit, vt fortitudo pro materia non ti-
morem & audaciam propositam habeat, sed
iram, ac furorem: neque timorem temperet
atque audaciam, sed funditus tollat, & au-
daciā ad vltimum vsque gradum exacuat.
Hæc, inquam, obiciuntur: & quantum at-
tinet ad iram fortitudini necessario coniun-
ctam, vera sunt. quia fortitudo iram sibi sumit
ad reprimendum timorem, & firmandam ac
roborandam audaciā, in sustinendis aggre-
diendisque periculis maximis. non tamen

hinc sequitur, in ira præcipue directèque
versari fortitudinem, sed tantum indirectè,
ac veluti per accidens, neque consequens est,
iram esse propriam, intimamque materiam
fortitudinis, sed extrinsecus aduentitiam &
accesitam. Non enim fortitudo proprie est
moderatrix iræ, quia vtitur ira, sed est per se
moderatrix timoris, & audaciæ, atque ad
eas commotiones moderandas admouet iram
per accidens. Quod verb de furore dicitur,
etiam confutari facilius potest. Sunt enim
illæ poëtarum hyperbolæ ad significandam
fortitudinem Heroicam quam describunt.
Nam quemadmodum Heroica virtus vincit
communem & vulgarem virtutem cetero-
rum: sic ira quam assumit ad aciuendam au-
daciā & timorem depellendum, est com-
muni maior; sed non ea, quæ iudicium ratio-
nis obnubat.

Quod si dicas, summam & humanam propè
maiorē fortitudinem, quæ dicitur Heroi-
ca, non habere mediocritatem, sed ad sum-
mum contendere fastigium & apicem eius
perturbationis, in qua sita est; confutatio-
nem repetam ab iis, quæ suprà dicta sunt de
medio rei & rationis. Fortitudinis enim me-
dium est rationis, medium autem rationis
non est indiuiduū & immutabile, sed tantum
sumit de timore, vel de audacia, quantum
recta ratio iudicauerit: quæ iudicat quan-
tum ex utroque sumendum sit opere, operis-
que circumstantiis, quæ variz sunt. Fit igitur
interdum, vt maximam oporteat audaciā
sumere, ac propterea maximam iram.
Cauendum id tantum est, vt intra limites
præscriptos à ratione teneatur.

Tertium ab ipso etiam Aristotele desum-
ptum volunt. cuius dictum & vox est: fortes
in tristitia perferenda maximè cerni, ac pro-
pterea fortitudinem ipsam dici tristitiam. Ex
quo id consequens esse dicunt, vt fortitudo
in tristitia, non in timore versetur, & auda-
cia. Respondet Buridanus omnem quidem
virtutem, aliqua ratione in tristitia, & de-
lectatione versari, idque peculiari etiam ex
causa in fortitudinem conuenire: quia pro-
positas habet res terribiles, quæ idoneæ sunt
ad tristitiam inferendam. Non tamen hinc
effici propterea, vt proprie fortitudo in tristi-
tia versari dicatur: perinde ac si esset per se
tristitiæ moderatrix, aut per se incitaret di-
rectè ad tristitias perferendas. Est enim per
se ac directè moderatrix audaciæ, ac timoris:
sed quia timor aliquam affert tristitiam, in-
directè etiam tristitiam attingit & delecta-
tionem. Eadem quippe ratione ac via posset
aliquis contendere, ipsam quoque spem esse
fortitudinis materiam, quia timori opponi-
tur non audacia tantum, sed etiam spes. id
quod eodem prorsus modo confutatur: quia
si spem fortitudo spectat, spectat tantum in-
directè ac per accidens, non per se.

Quartum: Fortitudinis esse materia viden-
tur labores & pericula; cum hæc virtus dica-
tur à multis, in primisque à Cic. in lib. 2. de
Inuentione. Susceptio periculorum & labo-
rum perpassio. ergo materia fortitudinis non

est timor & audacia. Respondet D. Thom. pericula & labores esse materiam timoris & audaciae: nec propterea posse fortitudinis quoque materiam dici mediatam. Immediata enim est in timore posita, & audacia.

QVÆSTIO SECVNDÆ.

An Fortitudo versetur sanctummodo in periculis, & timore mortis.

CVM in Quæstione proximè superiore constitutum sit, fortitudinem tractare quidem quasi materiam suam timorem & audaciam, & quod inde consequens est, in rebus quidem versari terribilibus & exterrefacientibus, sed multos tamen esse timores, quos tractare non debeat, multas in quibus minimè versetur res formidolosæ atque terribiles; cùm, inquam, hoc ita statutum sit, & statutum propterea, quòd Aristot. circa maximè terribiles res verti fortitudinem velit, iure quærendum videtur, num fortitudo timorem mortis, quæ rerum omnium est maximè terribilis, sibi seponat tractandam, quasi propriam; certamque materiam, ceteros autem timores, aut negligat, aut prætermittat. Aristoteles sanè decernere non dubiè videtur, fortitudinem in solo mortis timore versari, sed quædam rationes àlia omnia suadere conantur, ac vincere. Quarum

Prima est apud D. Thomam huiusmodi. Nulla prorsus virtus in extremis versatur. sed timor mortis, quia timorum omnium est longè maximus, aliquid etiam extremum est. Igitur in eo timore nulla versatur & tenetur virtus. Secundum. Nulla est animi nostri commotio, & perturbatio, quæ ad medium redigialiqua virtute non debeat. Sed non est aliqua virtus, quæ ceteros timores ad iustam reuocet mediocritatem. Ergo ad eam redigi debent à fortitudine: ac propterea fortitudo non in solo mortis timore, sed in quocumque timore versatur. Id quod docuisse videtur D. Augustinus in libro de moribus Ecclesiæ cap. 15. confirmans, fortitudinem amorem esse, facile perferentem omnia propter id, quod amatur: & in lib. de Musica 6. cap. 15. ubi ait, fortitudinem affectionem esse, nullas res formidantem aduersas. Censet igitur vir doctissimus, non in mortis timore solum, verum etiam in aliarum aduersarum formidine rerum fortitudinem esse, ac versari debere. Tertium. Cruciatu inveniuntur aliqui, & tormenta quæsitissima, quæ morte ipsa existimantur esse acerbiora & grauiora. optabilius enim est in bello mori, quàm eiusmodi cruciamenta perferre. ergo mortis pericula non sunt maxima mala, maximèque terribilia: & quod inde sequi debet, non in solo mortis timore versatur fortitudo; cùm, ut ait Aristoteles, versari debeat circa res maximè singularitèrque terribiles ac formidolosæ. Hæc sunt, inquam, quæ demonstrare videntur, in solo mortis timore non esse po-

sitam fortitudinis operam. quòd aliqua saltem ex parte re ipsa verèque demonstrant.

Animaduertendum autem est: fortitudinis esse multas species ac formas, rebus distinctas terribilibus, in quibus versantur, sed illam esse perfectiorem ceteris, quæ versatur in terrore graui: illi mori cuiusmodi metus est mortis. hæc nimirum in ipsa timoris cohibendi amplitudine vniuersa gradum obtinet vltimum: hæc ita excellens est, ut virtute ac potestate alias in se contineat fortitudinis formas deteriores. Ut enim sapienter ac rectè disputat D. Thom. fortitudinis officium est, voluntatem hominis tueri, ne à rationis bono tetrahatur ob mali timorem corporis. Bonum autem rationis oportet pugnacissimè tueri, aduersus quodcumque corporis malum: cùm nullum corporis bonum rationis bono vel minimo possit æquipollere. Itaque vera, propria & perfecta fortitudo dicitur eaquæ voluntatem hominis in ipso rationis bono confirmabit & tuebatur aduersus mala grauiissima & maxima. status enim firmus aduersus mala maiora, firmus etiam est contra minora. Maximum autem malorum est mors, nec quicquam inter mala corporis morte maius, aut peius & terribilius existimatur; cùm animæ corporisque soluto vinculo, funditus tollat omnia corporis bona. Quapropter, ut breuissimè faciam, hæc sola virtus videtur esse intrinsecè fortitudo ea, cum qua comparata sic dicantur fortitudines etiam aliz, quemadmodum cum substantia collata dicuntur entia quæcumque ad illam affecta sunt. Sequitur igitur hinc ut quoniam perfecta virtus in suo genere spectat extremum, hoc est, vltimam perfectionem, & summum gradum, ea præsertim in primis quæ fortitudinis species & forma intelligatur, cùm de fortitudine differitur, quæ in grauiissimo, postremoque corporis malo versatur. huius quippe status, ut diximus, continet ceteros, ceteri verò non continent hunc: & hæc fortitudinis forma princeps est, ad quam referri ceteræ debeant. Non ergo quicquam vinceret qui colligere sic vellet. Fortitudo versatur in solo timore mortis. ergo nullum alium timorem regit ac moderatur fortitudo. sunt enim alij timores & metus minores, quos aliz temperant fortitudinis formæ minus excellentes, aut deteriores. fortitudo perfecta, & eminens in solo mortis periculo versari vult, ac propterea verè dici posset non versari formaliter in timoribus & ceteris malis, quemadmodum hoc argumento contenditur.

Sit igitur hæc Quæstionis instituta Conclusio. Fortitudo vera, & perfecta, hoc est, ea, quæ simpliciter dicitur & est fortitudo, in solo mortis timore versatur: Fortitudo autem imperfecta etiam in aliorum malorum corporis metu & formidine versari potest. Prima Conclusionis pars est hic demonstratam supra, & ab Aristotele tradita, rationibusque firmata, quas in explanatione declarauimus. Secunda constat ex eo, quòd fortitudo vniuersè versetur in rebus, terrorem

& formidinem afferentibus, vt est apud Aristotelem in hoc cap. 3. efficitur enim hinc, vt quicquid est terribile, ac formidolosum corpori, aliquo modo in fortitudinis materiam cadere debeat.

Vt autem rationes, & argumenta proposita confutentur, Respondeo primum primo: extremum in virtutibus non ex ipso virtutis gradu supremo, & maximo spectari, neque ex materia maximè ardua, quæ videntur extrema; sed ex recessu rationis à recti linea. Id enim dicitur extremum, quod vel non accedit ad lineam, vel lineam ipsam exuperat & egreditur. Itaque virtus, quæ versatur in extremis periculis, modò à ratione ac recti linea non recedat, mediocritas tamen est & medium obtinet à ratione præscriptum. Respondeo secundo: quamlibet virtutem quæ moderatur amorem aliquorum bonorum, debere necessariò moderari etiam timorem contrariorum malorum. timor enim ex amore nascitur. Cernere licet hoc in liberalitate: quæ quoniam amorem pecuniæ moderatur, consequens est, vt moderetur etiam iacturæ timorem. idem dici de Temperantia, ceterisque virtutibus potest. quæ regunt & temperant eius timorem mali, quod opponitur bono singularum. Itaque non oportet omnes omnino timores temperandos, moderandos, ad mediocritatem redigendos fortitudini permittere; cum aliæ sint virtutes, quæ hoc officio perfungantur: sed necesse potius est, aliquam certam constituere virtutem, quæ timorem mortis moderetur. quia vitam diligere est vnicuique insitum à natura, nec timorem hunc abigit, aut ad iustam mediocritatem redigit vlla virtus nisi fortitudo. Respondeo tertio, fortitudinem in omnibus quidem aduersis perferendis versari, non tamen ex omnium perperione rerum aduersariarum dici, nominarique hominem simpliciter fortem, sed solùm ex eo, quòd æquo animo fert maxima, & grauissima mala. Ex aliorum quippe patientia dicitur tantummodo fortis secundum quid.

QVÆSTIO TERTIA.

An fortitudo propriè posita sit in periculis illis, quæ accidunt in bello.

HOc etiam pronunciatum est Aristotelis in hoc eodem cap. 6. eam tantùm virtutem dici iure ac verè fortitudinem posse, quæ versatur in belli periculis, & in morte quodammodo bellica. Sed est id peculiari quæstione perpendendum, quia multis oppugnatur rationibus, & argumentis.

Primum. Fortitudo inter quatuor illas recensetur virtutes, quæ principales à veteribus dicuntur Philologis, à Theologis nostris etiam Cardinales appellantur. Dicuntur autem principes & principales, quia sine illis humana probitas esse nulla potest; Cardinales, quia circa eas veluti circa cardines

tota vertitur hominis boni vita & ratio. sed longè plurimi sunt homines probi, ac boni, qui nullum tamen obtinent habitum animi, qui eos aduersus belli pericula firmet atque communiat. ergo fortitudo vera & propria non versatur solùm in belli periculis.

Secundum. Homines illi religiosissimi, quos Martyres dicimus, ex Fortitudine perfectissima maximè commendantur. Sed eorum Fortitudo non spectatur in bello. Ergo propria & vera fortitudo in periculis belli versari dicenda non est.

Tertium. Fortitudo diuidi bipartitò solet, in eam, quæ versatur in bellicis rebus; & in eam, quæ domesticis, vrbansque negotiis occupatur. Sic enim ab Ambrosio diuiditur in lib. offic. 1. cap. 35. & à M. Tull. in lib. etiam primo offic. Sed, quemadmodum idem ait eo loco M. Tull. maiores vrbane res, quàm bellicæ sunt. Ergo vera propria & perfecta fortitudo non versatur in bellicis rebus. perfectior enim & maior fortitudo in maioribus perfectioribusque versatur.

Quartum. Bella suscipiuntur ad pacem Reipublicæ parandam. Sed pax fluxa res est; nec ea, cuius causa debeat aliquis obicere se certissimo vitæ periculo. Quin haud omnino videtur bona: cum lasciuiæ parens sit, & multorum occasio vitiorum, quæ nascuntur ab otio. Ergo vera & propria fortitudo (quæ quoniam virtus est in id quod est optimum tendit) non contrahi debet ad pericula mortis imminenti in bello. immò verò non versatur in bello. Non possunt hæc difficultates expediri, nisi quædam hic antè ponantur, habeanturque pro certis & exploratis.

Primum est. Virtutes illas quatuor principales propterea principales esse dictas & cardines, circa quos tota probitas vertitur moralis, & honesta vita; quia si quis iis polleat, nec vllis præterea præditus sit, dicitur & est simpliciter bonus, instructusque probitate morali: contraque, si vel vna careat ex iisdem, & ceteris quibuscumque ornatus sit, simpliciter bonus dici non potest. Itaque virtutes hæc quatuor necessaria quædam elementa sunt probitatis moralis. ex quibus ipsa componitur; aliæ decorem eidem afferunt, & humanæ vitæ congruentes sunt, hoc est, congruenter hominem ornant, decenterque cohonestant & decorant. Non enim dicitur homo simpliciter malus, quia liberalitate caret aut magnificentia, sed quod in eo requiratur, & desideretur Iustitia: nec quia virginitatem non retinuerit, sed quod non sit præditus temperantia.

Porro humanæ probitati simpliciter esse necessaria dicuntur hæc quatuor virtutes; quia singulæ aliquid in hominis honestis actionibus efficiunt, sine quo nullam obtinerent rationem probitatis & honestatis. Prudentia enim, vt hinc ordiamur, Virtutum omnium moralium lex & regula est; cum nullum opus bonum sit, nisi rectæ rationi consentaneum sit: recta verò ratio nihil aliud quàm prudentia est, vel actus prudentiæ. efficitur adeo, vt nihil honestum, aut bonum dici in actionibus

humanis queat, quod prudentiæ non respondeat, nec ullus dici probus debeat, & secundum virtutem agere, qui prudentia careat. Ceterarum verò trium virtutum comparandarum, retinendarumque imposita homini bono necessitas propterea est, quod sine his beatitudo, hoc est, summum humanæ vitæ bonum parari & conservari non possit. Triplex enim illi malum opponitur, quod pro se singulæ procul avertunt, & amoliuntur ab homine. Primum dicitur inhonestum & turpe, quod cum culpa coniunctum est: secundum noxium & iniucundum: tertium triste ac formidinis plenum. Constat autem, neminem dici simpliciter bonum posse, qui adversum hæc tria mala sic munitus instructusque non sit, ut nullo eorum impediatur, quominus innocentiam colat, & probitatem sequatur, in qua situm est summum hominis bonum, & vita beata. At earum virtutum vna firmat hominem, atque communit adversus malum, quod aliis incommodat; facitque ut vir bonus præferat summum bonum utilitati: quæ Iustitia est. altera eundem hominem armat adversus malum asperum & insuave, id præstans ac faciens, ut idem summum bonum anteponat iucunditati. atque hæc temperantia est. Tertia præparat animum contra tristitias & pavores in vitæ periculis imminentes, efficiens, ut ob eos timores probitas & beata vita non deferatur. Cum ergo sic se habeant singulæ, dicendum necessarium est, sine illis probitatem humanam constare non posse, singula enim illa mala beatam vitam, & summum bonum evertunt: singula bona iis opposita constituere non possunt summum bonum & felicitatem, hoc est, bonitatem illam, à qua dicitur homo simpliciter bonus: sed necesse est omnia convenire, ac propterea confluere etiam virtutes omnes ad eam componendam probitatem, quæ simpliciter bonum hominem facit.

Ex his admirabilis quidam harum quatuor virtutum sequitur nexus, & quasi catena, vel conspiratio, dum quælibet ipsam se, ceterasque defendit & servat, ne vitiis corrumpantur oppositis. Potest enim aliquis ad libidinem turpem impelli multis inuitamentis. primo quidem blanditiis, lascivia, voluptate, ac delectatione. à quibus ipsam se Temperantia tuetur & servat. deinde timore verberum, vulnerum, mortis; à quibus defendit Temperantiam fortitudo. tum promissionibus & pollicitationibus prolixis, auro, pecunia, muneribus amplissimis: à quibus eandem tuetur Temperantiam Iustitia, quæ vetat pudicitiam iniquissimo pretio vendi: ad extremum falsis rationibus & quasi sophismatis, quæ nimirum persuadere conentur libidinem illam minimè turpem esse; à quibus defendit Temperantiam princeps illa prudentia, cuius est sophismata solvere, ac decernere quid agendum sit. Eadem dici de fortitudine debent. Potest enim quis impediri quominus aggrediatur pericula, vel non sustineat, primo quidem timoribus atque terroribus: quos ipsa fortitudo depellit à se. deinde voluptati-

bus, libidine, amoribus impudicis; à quibus defendit fortitudinem temperantia: tum promissionibus, & donis à quibus eandem tuetur Iustitia: postremo argumentationibus fallacibus atque præstigiis rationum; à quibus eam defendit prudentia. de ceteris idem est iudicium, & vera disputatio.

Ponendum secundo loco est; fortitudinem confirmare hominis animum contra maxima pericula, cuiusmodi sunt ea, quæ mortem comminantur. Sed quia fortitudo virtus est; virtus autem tendere debet semper in bonum, consequens est, ut vir fortis cum aggreditur, aut sustinet pericula mortis, aggrediatur & sustineat ob aliquod bonum. pericula verò mortis, quæ nobis ab ægrotationibus, & morbis, aut à tempestatibus, aut à latronibus incurrentibus imminet, non imminet directe propterea, quod bonum aliquod expectamus, & prosequamur. Huiusmodi enim sunt ea mortis pericula, quæ subimus in iusto bello, cum directe suscipiantur, & sustineantur propter aliquod bonum, quod bello iusto defenditur.

Ponendum tamen tertio loco est: bellum duplici modo accipi atque intelligi posse. vno quidem proprie: quale cernitur, cum ex utraque parte inuasio est & defensio: quemadmodum fit, cum aliqui decertant in acie. quod bellum commune dicitur & generale. alio modo minus proprie bellum esse dicitur quæcumque aggressio vel permissio voluntaria periculi, quod imminet corpori: quod bellum appellari potest peculiare. In quo tamen necesse est, periculum illud corporis, quod vel aggressionem suscipitur, vel expectatione sustinetur esse homini evitabile: quæ correctio, cautioque additur ideo quod nisi evitabile sit, belli rationem & vim non obtineat. Neque enim latroni dicitur à Iudice bellum illatum, cum in patibulum tollitur, & postremo supplicio plectitur, quod latroni fugere atque evitare non licet. Sed si periculum subterfugere fas sit, & quodammodo defensio pateat, eiusmodi periculum aliquam belli privati rationem obtinebit. ut cum Iudex aliisve privati vir à iusto iudicio, aliave honesta non discedit actione propter instantis gladii metum ac formidinem mortis. Est enim hoc periculum evitabile, ac prompta unicuique ratio, ut si discrimini subducere velit, periculum fugere ac mortem evadere possit. Hoc nimirum belli genus suscepit & sustinuit eorum fortitudo, quos Christianæ Religionis Martyres appellamus: qui neque inuadendo, neque defendendo proprie pugnant, sed tantummodo sustinendo periculum, & impetum mortis; quam, si perfidiosè facere voluissent, facile potuissent evadere. Idem profecto bellum privatum, & minus proprium sustinere diceretur femina, quæ proposita vulnera, mortemque perferret, ne adulterio se pollueret, & viro falleret fidem. Non enim per invasionem & defensionem proprie pugnaret, sed per acerbissimarum patientiarum rerum, quod satis est fortitudini, de qua loquimur. In quo id animaduer-

tendum & tenendum est : fortitudinem non versari in omnibus belli publici , priuatique periculis , sed in iis nominatim , quorum vel aggressio , vel perperissio , vel expectatio pertinet ad bonum virtutis seruandum , retinendumque , atque ad malum inhonestum siue culpandum , & vituperabile fugiendum . Neque enim quia dicimus , fortitudinem esse positam in periculis imminentibus corpori ac salutem , dicimus etiam hoc tantummodo fortitudini propositum esse , vt vitam corpusque in discrimen obiciat , & timores abigat , aut moderetur illos , qui ex eiusmodi periculis oriuntur . Intuetur enim excellentiorem finem , qui continetur honestate , ac virtute , cuius seruandæ causa pericula suscipit , timores contemnit , cruciamenta perpetitur . Non ergo propterea , quod fortiter aliquis & strenuè vitam defendat ab aggressore , dicitur fortis (id enim ipsæ quoque bellæ præstant) sed quia dum vitam tuetur suam , ipsam quoque tuetur honestatem . Rectè quippe ait Aristoteles : honestatis causa fortem virum agere , aut sustinere ea , quæ secundum fortitudinem agenda & sustinenda sunt : nec propter necessitatem fortiter agere , sed quia fortiter agere bonum est . infra in cap. 7 .

Ponendum est quartò : cum dicimus fortitudinem in iis mortis versari periculis , quæ accidunt in bello , & in timoribus inde nascensibus , id triplici ratione dici atque intelligi posse . Prima quidem : fortitudinis actum nullum esse , qui circa mortis bellicæ pericula non se teneat & versetur . Secunda ; maximum excellentissimumque fortitudinis actum in periculis eius mortis versari debere , quæ imminet in bello . Tertia : omnem fortitudinem habitum esse propendentem ad perferendum quodlibet malum , atque ipsam ad eundam mortem in bello publico priuatòve , nè peccatum aliquod admittatur aduersus virtutem & honestatem , nève Respub. aliquid detrimenti patiatur . Videndum est ergo diligenter , quid ex his significare velimus , cum fortitudinem in mortis bellicæ periculis esse positam , & in eius mortis periculo tantummodo versari dicimus . Itaque

Dicendum primo loco est , Fortitudinem , quod ad summum , excellentissimum & perfectissimum eius attinet actum , in periculis belli publici , propriique versari , hoc est , in ea morte , quæ oppetitur in publico bello . Versari enim in mortis periculis vniuersè ostenditur ex eo , quod virtus in difficili posita est ; ex quo sequitur , perfectum virtutis gradum in difficillimo situm esse debere . nihil autem est difficilius morte . Versari verò nominatim in periculis eius mortis , quæ accidit in bello demonstrat ratio D. Thomæ huiusmodi : Ea est virtutis intima vis & ratio , vt agere ac proferre actum suum debeat propter aliquod bonum : ergo perfecta virtus siue perfectus virtutis gradus agit propter excellentissimum bonum . Nullum autem est excellentius bonum , quàm quod expetitur in adeundis periculis publici belli . Est enim

commune ciuitatis & Regni bonum . publicum autem bonum procurare , administrare , parare diuinum quiddam esse dicitur ab Aristotele . Comparandus quippe cum Deo videtur , qui publico bono consulit , & communi prospicit utilitati . In hanc ergo sententiam locutus est Aristot. in hac disputatione capitis sexti , cum dixit , fortitudinem non esse positam in quolibet metu mortis , sed in eius formidine , quæ accidere solet in bello . Causa verò , cur nominatim & distinctè de hoc excellentissimo fortitudinis gradu ita locutus sit , vt ceteros gradus , partesque fortitudinis omnino neglexisse videatur , ea est : quod virtus non cognoscitur intelligiturque perfectè , nisi cum ad vltimum gradum accessit perfectionis & amplitudinis suæ , vt constat ex primo Cæli : vbi dicitur esse vltimum potentia , hoc est , cognosci perfectè secundum vltimum actum potentia suæ . Quemadmodum enim is , qui potest attollere libras centum , potest quidem etiam attollere triginta : sed non tamen demonstrat quantum corporis robore sit præditus , nisi cum centum attollit ; sic ille , qui animi fortitudine præditus est , non ostendit quod demum fortitudo peruadere possit , nisi cum adest honestissimæ periculum mortis . huiusmodi verò mors ea est quæ ciuem pro Republica propugnantem vel occupat , vel extorret in bello . Itaque , vt alibi supra diximus , hæc propter excellentiam suam , atque præstantiam virtute continet , ac potestate fortitudinis alios gradus ac formas deteriores . qui enim bellicam illam contemnit , aut perferit æquo animo mortem , mortem etiam ipsam vniuersè propter honestatem contemnet . qui verò contemnet mortem , contemnet etiam minora pericula , quæ non tantam habent terroris & metus acerbicatem .

Dicendum est secundo , fortitudinem omnem , quæ pro fortitudinis habitu perfectò ponitur , inclinare atque impellere animum ad mortem obeundam in publico bello . Ratio est : quia huiusmodi actus incitat animum ad maximum & perfectissimum fortitudinis actum . hic autem in publico bello cernitur communis & publici boni gratia suscepto . Contra enim fieret , si habitus fortitudinis nondum perfectissimus esset ; sed esset laudabilis aliqua qualitas , cuius causa diceretur homo simpliciter bonus , sed non perfectus . incitaret , inquam , hominis animum vel ad patiendam fortia ob honestatem , vel ad oppetendam mortem vniuersè . non autem ad oppetendam in bello nominatim .

Dicendum tertio : Fortitudinem , si minus secundum perfectissimum gradum , certè secundum essentiam , in ipso quoque priuato bello spectari & esse , hoc est , in ea morte , quæ oppetitur ad honestatis tuendum bonum , in iisque periculis mortis , aut rebus difficilibus , & asperis , quas ob eandem honestatem vir bonus vel aggreditur ultro , vel patitur & perfert irruentes . Hæc fortitudinis forma latè patet : quia belli priuati ratio ad multa pertinet , & se diffundit amplissimè . potest enim

enim homo quodlibet mortis genus adire propter virtutem & honestatem, ut ait S. Thom. in 1. 2. quæst. 101. artic. 5. ubi dicitur confirmat, fortitudinis officium esse, hominis animum firmare aduersus pericula cuiuslibet mortis; hoc est, non eius tantum, quæ accidere potest in bello communi, verum etiam illius, quæ imminet in privata aliqua oppugnatione virtutis & honestatis. hæc enim bellum quoque dici improptio aliquo nomine potest. Quare ad hanc fortitudinem pertinere vult mortem, quæ alicui à pestilentia immineret & lue, aut à latronibus in itinere; non quatenus hæc mala quædam ineuitabilia sunt, sed quatenus in nostra est potestate mala illa deuitare. Ita quippe obiciunt belli privati locum & periculum offerunt voluntarium. Nam qui pestilentia & lue non deterretur quominus operetur alius comorbo infectis, atque contagio laborantibus: qui audet itinere sedare religionis, aut cuiuscunque honestatis causa, latronibus iter illud infestum habentibus, & trucidantibus viatres, qui non dubitat eadem ex causa nauem conscendere incertissimo naufragij periculo, fortis sine dubio dicendus est, nec ea carere virtute, quæ fortitudo dicitur essentialiter. Quoniam hanc etiam essentialem fortitudinem tribuit Buridanus iis, qui verbera, contumelias graues, ignominiam, vulnera, cruciamenta, quæ mortem non aferunt, haud reformidant, vel parandæ, vel defendendæ honestatis causa, quique labores, vigilas, inedia, ieiunia, corporis afflictationes voluntarias, aliæque incommoda suo iudicio suscipiunt, ut castitatem, aliæque virtutes tueantur & seruent. Cuius dicti rationem hanc producit in medium minime contemnendam: quod cum habitus actuum frequentatione pareretur, nunquam, certe ratio comparari queat fortitudinis essentialis habitus, si tantummodo versetur in periculis mortis. raro enim eiusmodi mortis pericula nobis accidunt, sed aliterum grauissimarum acerbissimarumque discrimina, illæque necessitates suscipiendorum laborum, incommodorumque honestatis causa nobis occurrunt assidue.

Quod si dicas, ad temperantiam pertinere, corpus affligere propter bonum castitatis, respondet, grauius perferre non esse proprium ac præcipue temperantia, sed à rebus abstinere iucundis, & delectationem aferentibus, id esse temperantia proprium. non enim ipsa cum malo terribili pugnat, sed cum tristi. Quamquam verò eadem res esse potest concupiscenti appetitui tristic, & irascenti terribilis, à duobus tamen vincenda & mollienda virtutibus est. catenus enim, quatenus tristic & inuauis est parti concupiscenti, à temperantia vincitur: quatenus est irascenti terribilis, fortitudini superanda proponitur. In quo tamen obseruandum est vnum: timorem quidem ipsum esse tristitiam, sed alio tantummodo tristitiam obici vincendam Temperantia; atque ipsi fortitudini obiciatur, tristitia enim quæ proponitur Temperantia, nasci-

tur ab obiecto iucundo castui, quia desideratur & abest. tristitia verò quæ moderanda, vel depellenda fortitudini proponitur, exiit ab obiecto terribili quod adest & præsens est. Itaque non est temperantia proprium vincere timores, aut tristitias illas, quas afflictatio voluntaria corporis affert præsens, sed amoliri eas, quas affert iucundus cubus aut voluptas venerea; quia desiderantur & abunt. Denique verum est quod supra diximus, virtutes principales inuicem seruare, operamque sibi inter se mutuam impertiri.

Dicendum quarto loco est: obiectum fortitudinis, quod dicunt specificum, esse timorem periculi terribilis, vel adeundi per aggressiōnem, vel per patientiam perferendi, virtutis & honestatis gratia, per turpem aliquam actionem euitabilis. Non enim periculum mortis vniuersè, aut periculum eius mortis nominati, quæ timetur in bello, fortitudini sic proponuntur, ut ea essentialiter dici fortitudo non debeat, quæ huiusmodi pericula non complectatur. Itaque dicendum propterea fuit, obiectum specificum siue materiam fortitudinis essentialem contineri periculo rei terribilis, hæc est eius, quæ dolores, molestias, incommoda peracerba corpori possit asferre, inter quæ ipsa etiam est mors: sed exprimenda non est, nec solam fortitudinis materia ponenda; ne putetur essentia fortitudinis in eo sita esse, in quo eius apex, fastigium, & excellentia ponitur. Et quoniam qualibet virtus ad honestatem refertur, dicitur eiusmodi periculum, quod fortitudini proponitur, vel suscipi, vel perferri gratia & studio honestatis. Non enim aggredi & perferre, inuadere & defendere, quod est nobis commune cum bestis, ad fortitudinem propriè pertinet, sed inuadere & defendere, aggredi & perferre ob honestatem, cuius vim soli prorsus intelligunt homines. Quæ causa item est, cur malum terribile propositum fortitudini debeat esse per turpem actionem euitabile. nisi enim euitabile sit per turpem actum, nemo fortis illud aggredietur aut perferet ad turpitudinem fugiendam, siue ad retinendam honestatem. Huc accedit, quod omnis virtutis actio libera est. perferendi verò necessitas illa, quam imponit ineuitabile malum, adimit libertatem. Idcirco nimirum Aristoteles ait, fortitudinem non versari in maris, aut morborum periculis ineuitabilibus. Si enim eiusmodi pericula possent euitari; id quod tum accidit, cum periculosa nauigatio inter tempestates, morbi que suscipiuntur ob honestatem, caderet in fortitudinis materiam essentialem. Ex his ipsa definitio fortitudinis duci potest huiusmodi: *Habitus electius medij, siue mediocritatis in obiecto terribili, & euitabili per turpem aliquem actum, collocatæ.*

Dicendum postremo tamen est: Fortitudinem, non quidem per se, præcipue ac directè, sed quodammodo per accidens in iis quoque versari periculis, & in ea morte, quæ vitari, aut subterfugi vlla ratione non possint. Id nimirum sibi vult Aristoteles, cum veluti corrigens ea, quæ dixerat, affirmat, etiam in

maris tempestatibus, in morbis inenitabilibus, vel in morte, quæ ab eiusmodi periculis imminet, vigum fortem futurum impavidum. non quòd nihil omnino iis periculis commoueat, aut doceat (tristatur enim maximè, velleque potius in bello pro patriæ libertate ac pro salute Ciuium oppetere, sed quod ita doleat & tristetur, vt ob timorem illum, dolorémque, à rationis integro iudicio nō deturbetur. Cū igitur in huiusmodi quoque re- rum articulis, periculisque non euitabilibus attemperetur timor, nec ab alia virtute, quàm à fortitudine temperetur, ea pericula censenda sunt obiecta fortitudinis, si minus essentialia, & specifica, certè accidentalia, & ea, ad quæ demum ipsa fortitudo aliqua saltem ratione, hoc est, obliquè pertineat. Quibus ita positis ac declaratis, facile soluentur & corruunt quæ principio sunt obiecta.

Primum enim nihil demonstrat quàm multos fortitudine tantum præditos essentiali, nec eam attingentes perfectissimam, excellentissimamque, quæ versatur in periculis mortis & belli, dici posse simpliciter bonos. quod libentissimè damus, & dandum esse ostendimus supra. Obiectum enim fortitudinis specificum, & illud, quo fortitudo inter principales siue cardinales constituitur virtutes, non continetur mortis & belli periculis, sed timore terribilium rerum vniuersè, & per turpem actum euitabilium.

Secundum nihil plus roboris habet: Bellum enim Martyrum est bellum improprium & priuatum. quæ materia cadit in fortitudinem essentialem. Quòd si dicent fortitudinem Martyrum appellari fortitudinem excellentissimam; excellentissima verò versatur in publico bello: Respondetim, iure optimo sic appellari. quia finem habet excellentissimum, hoc est, Deum ipsum, qui non modò commune bonum est, sed bonum simpliciter ac summum. Quemadmodum ergo fortitudo, quæ cernitur in publico bello, ideo dicitur

optima, quia pro publica pugnat honestate, & bono ciuitatis communi; sic ea, quæ Martyres ad obeundam pro Deo compulsi mortem, dici debet omnium excellentissima, quia pugnat pro bono simpliciter optimo, ac summo.

Quod dicitur in tertio, de fortitudine in rebus etiam spectanda domesticis, & urbanis, concedendum est, quia in rebus quoque domesticis & urbanis est bellum improprium, ac priuatum, quod infertur virtuti & honestati. hoc autem essentiali, veræque fortitudini satis est. Sed negandum est, res domesticas & urbanas excellentiores esse, quàm bellicas, & fortitudinem quæ in iis versatur rebus, anteferri oportere fortitudini, quæ cernitur in publico. M. verò Tullius audiendus non est: quia seruit causæ suæ; vultque illud ab omnibus intelligi, se, qui restinxerit in patria Catilinarium incendium, anteferri debere Imperatoribus, qui pugnant in acie. quod ipse luculentè declarat in extrema illa disputatione his verbis: Vt enim alios omittam, nobis Rempublicam gubernantibus, nonne togæ arma cessere? &c. Quamquam enim ipse publicum in illo discrimine bonum spectabat, non conserebat tamen cum hostibus manus, quod faciunt ij, qui pugnant in acie, ac propterea in certiore versantur vitæ periculo.

De quarto dicendum est, pacem esse per se bonam, & salutarem, nec propterea, quòd aliqui ea abutantur, esse damnandam. Sunt enim alij plures, quia non abutantur, & grauiora per eam mala prohibentur ac defenduntur à Republica, quàm sint ea, quæ aliquorum vitio per pacem inferuntur. Prohibentur enim parricidia, sacrilegia, aliæque grauissima scelera, quæ deteriora, & peiora sunt iis voluptatibus, & lasciniis, quæ per accidens timeri possunt, ne proficiantur à pace.



CAPVT SEPTIMVM.

DE RERVM TERRIBILIVM VARIETATE.

S V M M A.

Ex rerum formidolosarum varietate varios existere fortitudinis actus.

D I V I S I O C A P I T I S I N P A R T E S T R E S.

1. Qui nam sit proprius, ver usque fortitudinis actus.
2. Oppositorum item vitiorum actus qui sint.
3. Fortitudo cum quibusdam comparatur, qua fortitudini similia sunt.

PARS PRIMA CAPITIS SEPTIMI.

ΤΟ δὲ φοβερόν οὐ πᾶσι μὲν ὁ αὐ-
τό. λέγουσιν δὲ ἡ καὶ ὑπὸ αἰ-
δεσπον. τὸ το μὲν οὖν πᾶσι φοβερόν,
ταὶ νοῦν ἔχοντι. ἡ δὲ κατ' αἰδεσπον
ἀφ' ἑαυτῆς μοχλῆ, καὶ ὁ μᾶλλον, καὶ
ὁ ἥτιον. ὁμοίως δὲ καὶ ἡ θάρραλεια.
ὁ δὲ ἀνδρὸς ἀνέκπληκτος, ὡς αἰ-
δεσπος. φοβήσεται μὲν οὖν καὶ ἡ
θραύτα. ὡς δὲ δὲ, καὶ ὡς ὁ λόγος ὑπο-
μῶν, τὴ καλὸν εἶναι. τὸ γὰρ τέλος
τῆς ἀρετῆς. ἔστι δὲ μᾶλλον καὶ ἥτιον
θραύτα φοβήσεται, καὶ ἔπ' ἡ μὲν φο-
βεῖται, ὡς θραύτα φοβήσεται. ἡ δὲ ἡ
ἀνδρῶν, ἡ μὲν, ὅτι οὐ δὲ, ἡ δὲ, ὅτι
οὐχ ὡς δὲ, ἡ δὲ ὅτι οὐχ ὅτι, ἡ ἡ ἡ
θραύτων. ὁμοίως δὲ καὶ ἡ θάρρα-
λεια. ὁ μὲν οὖν αὐτῶν, καὶ οὐ εἶναι
ὑπομῶν, ὁ φοβούμενος, ὁ ὡς δὲ
καὶ ὅτι. ὁμοίως δὲ ὁ θάρραλ, ἀνδρὸς.
κατ' αἰδέσπον γὰρ, ὁ ὡς δὲ ὁ λόγος,
πᾶσι ὁ ἀνδρῶν ὁ ἀνδρῶν. τέλος
δὲ πάσης ἐνέργειας ὅτι ὁ καὶ πᾶσι
ἔστι. ὁ ὁ ἀνδρῶν ὁ ἀνδρῶν κα-
λόν. θραύτων δὲ ὁ ὁ τέλος. οἰεῖται
γὰρ ἕκαστον ὁ πᾶσι. καλὸν δὲ εἶναι
ὁ ἀνδρὸς ὑπομῶν, ὁ ἀνδρῶν ὁ
καὶ πᾶσι ἀνδρῶν.

fortis perfert, et agit ea, quæ secundum fortitudinem sunt.

EXPLANATIO.



V I D hoc capite sibi velit, & sequatur Aristoteles, haud facile con-
stitui potest. Dicunt aliqui D. Thomam secuti, agere de fortitudinis
actu: alij declarare atque illustrare mediocritatem illam, in qua for-
titudinem positam esse pronunciarat. Sed profectò præstat utrum-
que, quemadmodum docet Ioan. Maior. Actus enim audacis, &
meticuloli comparat, affirmans, virum fortem semper servare medium, siue me-
diocritatem inter terminos illos extremos retinere. Itaque id agere videtur hoc
capite, ut quoniam fortitudinem audaciz ac timori interiectam dixerat esse vir-
tutem, hæc nomina timoris & audaciz, ipsamque mediocritatem declararet pla-
nius, variis rerum terribilium generibus exponendis, & viri fortis officiis, parti-
búsque distinguendis. Diuiditur ergo totum caput in partes tres. In prima consti-
tuit de fortitudinis actu. In secunda de actibus vitiis fortitudini oppositorum.
In tertia comparat fortitudinem cum quibusdam, quæ similia fortitudini sunt.

Prima pars, quæ in manibus est, continet rerum terribilium partitionem; in
eas, quæ supra hominem sunt [ὑπὲρ ἀνθρώπου] hoc est, quæ vim hominis vincunt,
& maiores videntur, quàm ut ab homine formidari non debeant, cum ab eo vinci
non queant: cuiusmodi sunt terræ motus, fulmina, fluuiorum, lacuum, maris
inundationes, horribiles tempestates, aliæque ex eo genere plura: & in eas, quæ

secundum hominem sunt. [κατ' ἀνθρώπων] hoc est, eiusmodi, ut humanam facultatem non prætergrediantur, quæque ab homine vincit aliqua ratione possint. Priores illas ait esse æque terribiles unicuique mortalium, modo sana sit & incorrupta mente. posteriores esse magis, minusve terribiles, nec esse semper, & eodem modo unicuique formidolosæ; cum differant inter se magnitudine, intentione, remissione, ceterisque huiusmodi nominibus, quæ faciunt, ut non omnia neque unicuique æque terribiles sint. Hostes enim pauci minus sunt formidandi, quam plures, & qui propiores sunt, maiorem incutiunt terrorem, quam qui procul absunt. aliquid etiam est terribile pumilioni, seni, puero, quod grandioribus, & viris ætate iusta perfectis formidandum non est. Hæc autem ita distincta, & duas in partes diuisa terribilia exponit generali quadam propositione Aristoteles, quam Eustratius, aliqui bonus lyterpres exemplis veris quidem, sed ab hoc loco alienis illustrat. Exorditur enim Aristoteles his verbis: Terribile autem non omnibus idem & vnum est. id verò Eustratius in eam gratiam dictum existimat, quod ut quisque animo affectus est, ita timeat. Avarus quippe pecuniæ, ambitiosus popularis gratiæ, fauorisque iacturam metuit, voluptarius dolorem, atque molestiam, vincendi cupidus mortem, amans quisque rei quam amat detrimentum aut amissionem perhorrescit. Id, inquam, ut verum sit, alienum tamen est ab hoc loco, cum Aristoteles quemadmodum monet Gifan. nihil aliud hic sibi velit, quàm quod docet in libro Eudemiorum 3. cap. 1. terribilia nimirum & formidolosæ non omnibus eadem esse. Quamquam enim aliqua sunt formidolosæ, & terribilia simpliciter, hoc est, unicuique mortalium terribilia, alia reperiuntur tamen, quæ non æque, nec semper formidentur ab omnibus, cum magnitudine, intentione, remissione differant inter se. Itaque propositio illa generalis declaratur altera parte diuisionis, qua dicuntur aliqua non esse omnibus, nec æque formidanda. cur enim formidanda æque non sint, non dicitur ea esse causa, quod unusquisque pro suo timeat affectu, sed quia res magis minusve sint formidolosæ, hoc est, magnitudine differant & paruitate. Quod de formidolis & terribilibus rebus bipartitò diuisis ita dictum est, censendum quoque ac decernendum esse ait de iis, quæ confidentia spernit & audacia. Nam horum quoque alia sunt humanam vincuntia facultatem, & quæ aggredi nulla debeat audacia, aliqua intra limites humanæ facultatis inclusa, hoc est ea, quæ aggredi possit homo per facultatem suam. Quemadmodum verò terribilia, quæ facultatem non vincunt humanam, non omnibus æque, eodemque modo sunt terribilia, sed magnitudine differunt & paruitate; sic illa, in quæ confidentia cadit & audacia. Quibus ita propositis, querendum putat Aristoteles, qua ratione se gerere ac tractare debeat in his vir fortis, & an illi ea metuere fas sit interdum, & quatenus. Ac primo quidem de illis, quibus, quoniam facultatem vincunt humanam, reluctari ac resistere nemo potest, pronunciat: virum fortem ea pertimescere posse, & oportere. Quamquam enim vir fortis impavidus est, & imperterritus, non tamen omnino vacuitate timoris est præditus. Ratio verò est; quod vir fortis est eatenus impavidus, quatenus natura patitur hominis, ut ait hic Aristot. his verbis: Atqui vir fortis timore vacat, vel ut alij vertunt, impavidus est, ut homo, hoc est, quantum patitur & sinit humana natura. At non patitur hominis natura, virum fortem impavidum esse ac prorsus interritum inter ea mala formidolosæ, quæ supra hominem sunt, & facultatem omnem virisque vincunt humanas; qualia sunt tonitrua, incendia, cluiones, exustiones communes, hiatus terræ, tectorum subitæ ruinae, portenta, spectra, Lunæ Solisque defectiones, quibus sæpe territi sunt exercitus, ut est apud Thucydidem, aliæque permulta. Hæc enim, inquit Aristoteles, omnes qui sana sunt mente, pertimescunt: & nihil in iis commoueri esset hominis expertis intelligentiæ ac rationis. Non tamen extimescet hæc ita vir fortis, ut à rationis iudicio discedat propter perturbationem immodicam, sed sic timebit, quemadmodum ratio postulat, & decorum, honestasque præscribit, quæ finis est cuiuscumque virtutis. In præsentem autem vitæ periculo viribus humanis inuitabili, & in horribili mortis aspectu pallefcere atque aliquantulum commoueri non vetat honestas, decorum, ac ratio, si præsertim hoc cum dignitate fiat. omnia enim, ut dicit paulo post, fert vir fortis κατ' ἀξίαν, cum dignitate. id ergo est formidare honestatis gratia; timere sic, quemadmodum præscribit decorum & ratio; qui tumor est, honestas fortitudinis propria. non enim fortitudo

omnem omnino timorem abigit, sed minuit, & attemperat. hæc autem attemperatio est finis proximus, intimus, & proprius fortitudinis, sicut temperantiæ suus est, & iustitiæ suus. laudat hoc loco Lælius Peregrinus Iacobum Sadolerum Cardinalem, quod cum de Curtio caneret, fecerit eum in ipsa voraginis & hiatus ore commotum aliquantulum, & ex levi timore cum decoro subpallidum.

*Ille autem (nam fata premunt, longasque reculant
Ferre moras) coram vacuum progressus in aquor;
Vt stetit abrupto risubate in margine ripe
Pallidus, inque atram deiecit lumina mortem,
Restulit os rursus cælo.*

Hos versus, inquam, iure laudat: quia decoro seruiunt viri fortis, quem in horribilibus huiusmodi periculis non quidem exanimari, sed cum dignitate timere ac pallefcere, vel patitur, vel iubet Aristoteles. quam veniam eidem viro forti dabant Stoici, ut alibi ex Gellio atque ex Seneca docui. Antequam hunc locum desero, monebo vnum: id, quod ita Latine vertimus post huius initium capitis. [Atqui vir fortis impavidus est & imperterritus, ut homo.] id, inquam, hoc modo esse in Codice Græco, ὁ δὲ αἰδῶν αἰκπλακτός, ὁ δὲ ἀδραπός. Quare impavidus Græcè est αἰκπλακτός, hoc est, sicut verus Interpres dixit barbarè, instupefactibilis. ut intelligamus, Aristotelem velle virum fortem non quidem stupefieri in periculis, nec tanto timore percelli, ut exanimetur & obrigeat; sed tamen timere posse. Fieri enim potest, ut tam ea, quæ terribilia suprâ hominem sunt, quàm quæ sunt formidolosa secundum hominem, magis, minùsve timeantur, quàm ratio postulet. immo verò id etiam fit, ut ea quoque quæ terribilia non sunt, quasi terribilia formidentur. Itaque multiplex existit in ipso timore peccatum. primum quidem: quod timeamus ea, quæ timere non oportet, nec decet: secundum, quod tamen si timeamus ea, quæ timere oportet, non eo modo, quo timere par est & decet, timeamus: tertium, quod non timeamus eo tempore quo deceret & oporteret timere. Aliæ præterea cautiones in timore sunt permultæ, quarum causa peccatur, si vel earum vna desideretur. id quod etiam de ipsa dicendum est audacia. in qua totidem modis peccatur. Quibus ita constitutis, statuit demum quemnam virum fortem existimare, ac verè dicere debeamus.

Erit, inquit, itaque vir fortis, qui perferet & metuet ea, quæ oportet, & ut oportet, & cuius rei causa oportet: quique confidit, & audet in iis, in quibus audere necesse est, & audet in iisdem, ut oportet & decet, & cuius rei causa oportet, ac decet audere. Supra enim iam posuerat, eandem esse, quantum ad fortitudinem attinet, audaciæ rationem ac timoris, cum verâque animi commotionem regat, redigâtque ad mediocritatem fortitudo. Esse autem virum fortem eum, qui timeat, & audeat ut oportet, & cum oportet, & eius rei gratia cuius & timere oportet, & audere, demonstrat primum ex eo, quod viri fortis est, pati ac perferre per timorem, per audaciam verò aggredi & agere κατ' ἀξίαν pro dignitate, hoc est, quemadmodum decorum siue honestas & ratio postulat. id enim esse apud Aristotelem κατ' ἀξίαν multis docet exemplis & locis similibus Obertus Gifan. At qui timet, & audet cum oportet, & ut oportet, & cuius rei gratia oportet, cum timoris cautione, ac tarditate patitur ac perfert, audaciæ verò vi aggreditur & agit κατ' ἀξίαν, hoc est, quemadmodum ratio postulat & honestas. ergo is est verè dicendus fortis. Satis hoc syllogismo probata videntur omnia, quia duo sunt fortitudinis actus, aggredi, siue audere; perferre & pati, siue sustinere. sed tamen querere posset aliquis, quid sit timere & audere, siue sustinere & aggredi eius rei gratia cuius oportet & decet. id enim in viro forti cerni dictum iam erat, sed nondum explicatum. Explicat hoc Aristor. breuiter & obscurè his pene verbis. Omnis autem actionis finis est id, quod habitui congruit. At viro forti fortitudo honestum quiddam est. Talis igitur est & finis. obscurè, inquam, id dictum est, sed proferam hinc ego quod à D. Thoma, aliisque bonis interpretibus didici. qui docent, hanc in summa huius loci sententiam esse. Finis cuiuslibet actionis, quæ secundum virtutem sit, secundum convenientiam eius habitus esse debet, à quo proficiscitur actio, & ei sic respondere per similitudinem, quemadmodum responderet naturali causæ id quod à natura procreatur. Habitus enim ex consuetudine contractus agit ad modum naturæ: cum ipsa consuetudo quædam veluti natura sit, ut dicitur in libro

de Memoria. Sicut ergo finis vltimus agentis naturalis est bonum vniuersi, quod est bonum perfectum, finis verò proximus est expressio sui per similitudinem inditam rei, quam producit & profert ex se; ita virtutis, habitusque moralis vltimus finis est honestas vniuersè, siue felicitas, quæ absolutum est, & commune bonum: proximus & proprius similitudo sui, quam exprimit in actu. Itaque rectè ait Aristoteles, cuiuscumque finem actionis esse congruentem habitui, ac propterea finem & bonum peculiare fortis viri quod propriè nimirum expetit fortiter agens, esse fortitudinem ipsam: non quidem habitum; quippe qui iam sit antè in viro forti, sed habitus similitudinem in actu, quem profert. Itaque tametsi vir fortis ad tuendam temperantiam fortiter agit, non ipsa temperantia finis eius proprius, & proximus est, sed honestas illa peculiaris, quæ in fortitudinis actu est. congruere quippe, ac respondere debet habitui finis & habitus esse similitudo, vt diximus: temperantia verò non est similitudo fortitudinis, sed fortitudinis actus est ipsius fortitudinis expressio ac similitudo. Cùm igitur id ita sit, & cùm id sequatur, & agat qui timet & audet eius rei gratia, cuius timere & audere oportet, vt fortitudinis, qua præditus est, similitudinem exprimat in actu, agit quemadmodum agere decet virum fortem, ac propterea vir fortis iure meritoque est appellandus. Id videlicet est quod subiungit Aristot. in hunc fermè modum. Suo enim vnumquodque sine perficitur & terminatur: perinde ac si diceret. Honestum quidem cuiuscumque virtutis est finis: sed aliud honestum est finis temperantiæ, aliud iustitiæ, aliud liberalitatis, aliud singularum virtutum, ac propterea debet etiam fortitudini adscribi suum honestum peculiare ac proprium, cuius causa vir dicatur fortis qui vera fortitudine polleat. Non enim idcirco iustitiæ laudem sibi parabit quisquam, quòd temperanter agat, sed quòd iustè: nec laudem merebitur temperantiæ si liberaliter agat, aut iustè, sed si temperanter. ergo fortis ita dicitur quisque, si fortiter agat, non si temperanter, iustè, liberaliter, magnificè, aut secundum alias virtutes à fortitudine seiunctas ac separatas: cùm possint hæ finis vltimus esse, proximus & proprius esse non possint. vt intelligas, verum esse quod in proximè superiori disputatione posuimus; non esse temperantiæ, aut iustitiæ timorem vincere, aut frænare, ac moderari audaciam, cùm fortiter aliquid est agendum propter iustitiæ bonum & temperantiæ. Sunt enim hæ virtutes externus, & vltimus finis quarum sit fortassis imperare fortitudini, vt fortiter agat, non id facere & exequi quod fortitudini imperata facturæ agendum est & exequendum.

Ex his quæ sunt ab Aristotele sic decreta, fas est intelligere, permultos nullum fortitudinis promereri nomen, qui vulgò tamen fortes existimantur, vt colligit Peregrinus in paraphrasi. Peccant nimirum sæpè in eo, quod metuant quæ metuere non oportet; id quod fecit ille Cleombrotus; qui timens inuidiam & Ephorum iudicium, cum Epaminonda temerè conflixit, & superatus est. Non enim erat illi quicquam timendum, si prudenter egisset. prudentia verò postulabat, ne tunc in quo loco ac tempore congredieretur. Errant etiam, plus metuendo, quàm deceat id, quod verè metuendum est. quales sunt, qui cælo ronante latebras sub lectulo quærent. peccant tertio loco metuentes eo tempore, quo metuere non oportet: cuiusmodi sunt qui acie iam directæ trepidant, cùm videlicet haud est amplius timendi tempus, sed pellendi prorsus timoris imposita necessitas. Peccant demum timentes eius rei causâ, cuius causâ timere non decet. quales sunt Vrbes illæ, quæ ne vastentur ab hostibus circumfusus agri, turpem faciunt deditionem. Et quoniam eadem est etiam audaciæ ratio, peccant, nec fortes dicendi sunt qui audent eius rei gratia, cuius causâ non oporteret audere: Cuiusmodi fuit Alexander, cùm leonem solus aggressus, à Spartanorum legatis iure est reprehensus, quòd nec utilitatis causâ, nec pro dignitate periculum illud certissimum subiisset Rex & Imperator exercitus lectissimi. Vitiatur enim illico viri fortis actio, si sine careat honesto. Atque hunc in modum de fortitudinis actu decreuit Aristoteles, quod erat illi in hac prima parte propositum, vt initio diximus. Docuit namque, virum fortem eum esse, qui temperet audaciam, & timorem, audèatque, ac timeat, hoc est, aggrediatur ac perferat pericula & res terribiles honestatis gratia vt oportet ac decet.

PARS SECUNDA CAPITIS SEPTIMI.

ΤΩΝ δὲ ὑπερβαλλόντων, ὁ μὲν
τῇ ἀφοβίᾳ αἰώνιος. Εἴρηται δὲ
ἡμῖν ἐν τοῖς περὶ πρῶτον, ὅτι πολλὰ ἔστιν
αἰώνιος. Εἴη δὲ αὖ τις μεγάλους,
ἢ ἀνάλγητος, εἰ μὴν φοβοῖτο, μὴ τε
σφοδρῶν, μὴ τε τὰ κύματα, καὶ τὰ
φασὶ τοῖς Κελτοῖς. ὁ δὲ τὰ θάρρην
ὑπερβαλλὼν αὖτε τὰ φοβερά, δραστής.
δοκεῖ δὲ καὶ ἀλγεῶν εἶναι ὁ δραστής.
καὶ περὶ ἀπονητικὸς αἰδρίας, ὡς οὖν ἐκεί-
νος αὖτε τὰ φοβερά ἔχει, οὕτως εἴ-
βουλεται φαίεσθαι. ἐν οἷς οὖν διώ-
ται, μιμνῆται. ὅς καὶ εἰσιν οἱ πολλοὶ
αὐτῷ δραστήδων. ἐν τοῖς γὰρ
δραστηῶσι, τὰ φοβερά οὐχ ὑπερ-
βαλλόντων. ὁ δὲ τὰ φοβερά καὶ ὑπερβαλ-
λὼν, δειλός. καὶ γὰρ ἂν μὴ δεῖ, καὶ ὡς
οὐ δεῖ, καὶ πάντα τὰ τοιαῦτα, ἀκολου-
θεῖ αὐτῷ. ἐλλείπει δὲ καὶ τὰ θάρρην.
ἀλλ' ἐν ταῖς λύταις ὑπερβαλλὼν, μέ-
λοι καταφασὶς ἔστι. δύσκολος δὲ τις, ὁ
δειλός, πάντα γὰρ φοβεῖται. ὁ δὲ ἀν-
δρὸς εἰσαίτιος. ὁ γὰρ θάρρην διέλε-
πτος. αὖτε τοῦτα μὲν οὖν ἔστιν, ὅ, τι δειλός,
καὶ ὁ δραστής, καὶ ὁ ἀνδρὸς. ἀφορώς
δὲ ἔχουσιν ἀνὰ αὐτά. οἱ μὲν γὰρ ὑπερβαλ-
λόντες, καὶ ἐλλείπουσιν, ὁ δὲ μέσος ἔχει, ὡς δεῖ.

Eorum autem, qui iustum modum ex-
cedunt, is quidem, qui excedit per va-
cuitatem timoris, caret nomine. dictum au-
tem à nobis est in superioribus, multum esse ca-
rentia nomine. esse verò possit aliquis insa-
niens, aut indolens, si nihil timeat, neque
terra motum, neque undas, quemadmodum
aiunt esse Celtas. Qui autem in confidendo
exuperat circa terribilia, audax est. Videtur
autem etiam arrogans esse audax, et affe-
ctator fortitudinis. Sicut igitur ille circa for-
midolosa se habet, ita hic vult videri. in
quibus ergo potest imitatur. Quare etiam
sunt plerique ipsorum simul audaces, ac ti-
midi. In his enim audentes, formidolosa non
sustinent. Qui autem metuendo exuperat,
timidus est. nam ea, quæ non oportet, et ut
non oportet, et omnia eiusmodi, sequun-
tur ipsum. Deficit autem et in confidendo,
sed in doloribus exuperans magis manifestus
est. Igitur spe destitutus quidam timidus est,
omnia enim timet. fortis autem contra. Con-
fidere quippe bene sperantis est. Circa hac
ergo versatur et timidus et audax, et
fortis, sed diuerso modo se habent ad hac.
Illi enim exuperant et deficiunt. ac hic me-
diocriter se habet, et ut oportet.

EXPLANATIO.



VM exactibus veræ, germanæque fortitudinis in mediocritate ti-
moris & audaciæ politis decreuisset, quis verè, proprièque dicendus
sit fortis, existimauit illustrius id fieri posse, si de actibus vitiorum,
quæ fortitudini opposita sunt, explicaret. quod hac secunda parte
prosequitur; statuens initio, tria esse opposita fortitudini vitia, quo-
rum ipsa medium siue mediocritas sit. Primum est in eo, qui nihil omnino timet, ne
illa quidem, quæ suprâ hominem sunt, & vires humanas prætergredientia: Cuius-
modi diximus esse terræ motus, eluuiiones, fulmina, fluctus maris & tempestates.
quæ qui non timet aut stupidus est, aut stolidè ferox. quales ait Aristoteles fuisse
Κελτοί, Celtas. quos aliqui Latine reddiderunt Gallos; rati populos Galliarum Celti-
cæ nominatim hic commemorari. Placuit potius Celtas dicere. quia non satis mi-
hi compertum est quam Aristoteles eo nomine gentem significatam velit; cùm vi-
deam aliquos tradere, Celtas fuisse Hispaniarum populos, perquam immanes ac fero-
cissimos: de quibus ita loquitur Herodotus in Euterpe. Celtæ sunt extra columnas
Herculis Cynesus finitimi, omnium in Europa ad occasum habitantium ultimis.
Alij verò confirmant, ab Aristotele Celtas appellari omnes omnino populos uni-
uersè, qui terram Septemtrionibus suppositam incolunt. id censet in primis Gi-
fanius qui alios huius sententiæ se habere docet auctores. sed quicumque de-
mum fuerint, audacia certè non ferenda stolidissimæque ferocia præditi fuerunt.
Scriptum enim reliquit idem Aristoteles in Eudemis, Celtas ita fuisse auda-
ces, ferocisque, ut sumptis armis in mare procurerent, aduersus ingruentes

fluctus procellasque pugnaturi. id quod etiam, ac multo plura tradit *Ælian.* in lib. 12. var. histor. Simili planè instructus, vel ferocia, vel stoliditate fuit gladiator ille *Cæsar*; qui ridere solitus erat cum ei vulnera secarentur. Itaque meritò cum *Gellius* à virorum fortium numero dispungit lib. 12. cap. 5. his verbis. Fortitudo autem non ea est, quæ contra naturam monstri vice nititur, vtrâque modum eius egreditur, aut stupore animi aut immanitate, aut quadam misera & necessaria in perpetiendis doloribus exercitatione; qualem fuisse accepimus ferum quemdam in ludo *Cæsar*is gladiatorem. Hunc ergo qui eo laborat vitio, & propter stuporem, vel barbariem immanem, atque ferociam insanam ne illa quidem timeat, quæ unicuique mortalium terribilia sunt & inuitabilia, ait *Aristoteles* proprio carere nomine, nec illud vitium certo aliquo vocabulo exprimi posse. ἀφροσία tamen, & αἰαλγισία, hoc est, vacuitas timoris & doloris, quali communi nomine appellari fortasse deberet, & qui eo præditi vitio sunt, impauidi dici possent, sed vocabulum tamen haud proprium esset. Insanos certè, ac sensu carentes dicendos potiùs esse quàm fortes docet hic *Aristoteles*, & *Plato* in *Lachete*. Simile quiddam est in *Polit.* 8. cap. 4. vbi contra *Lacedæmones* accuratè disputat, quòd cum vellet gymnasticæ beneficio fortes reddere iuvenes suos, facerent illos efferratos, exercitationis genere quodam immani. sic enim eos assuefaciebant verberibus, vulneribus, plagis, atque vibicibus, ut in iis indolentiam quamdam ipsi demum adipiscerentur adolescentes. ait igitur, feritatem iis indidisse, quibus dare fortitudinem voluissent. Fortitudo enim, ut eo loco monet, non in eo posita est, ut vel contemnat, vel nihil omnino sentiat vulnera. belluæ quædam & barbæræ gentes, huiusmodi sunt: quas tamen feroces quidem & feras dicimus, fortes non appellamus. *Aristotelis* hæc verba sunt. *Lacones* in hoc quidem non errant, sed efferratos laboribus reddunt adolescentes, quasi hoc utile maximè sit ad fortitudinem comparandam. Atqui, ut iam sæpius diximus, neque ad vnâ virtutem, neque ad hanc maximè respiciendum est ab eo, qui curat institutionem. Quòd si ad hanc, non tamen id consequuntur. Neque enim aliis animantibus, neque gentibus efferratissimis inesse fortitudinem videmus, sed potiùs mansuetioribus, & leoninis moribus: multæque sunt gentes, quæ ad eadē hominum, & ad eorundem quoque comestionem insultant, ut circa *Pontum* *Achari*, & *Heniochi*, & ex *mediterraneis* aliæ nationes similes his, vel magis efferratæ. quæ quidem clanculum per insidias latrocinantur, ad bellica tamen opera nihil valent. Hæc ibi *Aristoteles*, illos describens vere fortibus oppositos homines, quibus hoc loco nomen impertiri vellet, sed eos carere nomine proprio confirmat, quia eorum quoque vitium nondum proprium nactum vocabulum est. Sed vnum hic obseruatè notare non erit ab re. *Aristotelem* istos dicere in timore exuperantes esse, siue exuperantiam timoris habere, siue modum excedere; qui dicendi potiùs viderentur deficere: cum non timeant. Modum enim prætergredi dicuntur propriè qui nimium timeant. Sed re ipsa ij, qui nihil omnino sic timeant, exuperant veriùs, quàm deficiunt. deficiunt enim illi, qui timeant quidem, sed non eatenus, quatenus, aut quantum oporteret, & res postularet: denique nihil omnino timere exuperantia quædam videtur esse. Idcirco *Aristoteles* pene sic exorditur hanc partem. ex iis verò, qui in timore modum exuperant, illi nomine carent, qui nihil timeant, &c.

Sequitur alterum vitium ex iis, quæ fortitudini sunt opposita. In eo ait *Aristoteles* hoc cerni, qui exuperantiam habet in audendo & confidendo, ac propterea proprio nomine dicitur audax. Græcè ἀλαζδν, & eiusmodi vitium ἀλαζαρία. Cuius vitij quasi notam ac signum illud esse vult, quòd audacia sit arrogans, gloriosa, veræque fortitudinis imitatrix ac simulatrix. Quo fit, ut vulgò audaces fortes esse dicantur & videantur: quod est apud *Platonem* in 8. de *Repub.* & *Cic.* in *partit.* Huius verò deceptionis causa & euenti ratio nominis in eo est, & ex eo nascitur, ut ait *Aristoteles*, quòd quemadmodum is verè fortis & dicitur & est, qui impavidum præstat in periculis animum, sic audax, imperterritus non quidem est, sed videri vult, & haberi. Nam alioqui in periculis ipsis fugam potiùs arripit, quàm ea vel aggrediatur, vel perferat, quòd verè fortitudinis est. Huiusmodi sunt *Comici* *Thraiones* & *Pyrgopolynices* illi apud *Plautum*. Cum ergo tanta sit inter audaciam siue arrogantiam & veram fortitudinem similitudo, facilè decipitur vulgus. Sed ab *Arist.* tradita hic nota facilè distinguuntur audaces à fortibus, cum illi videri tantum

velint in periculis impavidi, hi verò imperterriti sint. Itaque rectè concludit & colligit Aristoteles, illos esse simul audaces, & timidos: audaces quidem, quia fortitudinem simulant, timidos, quia pericula detrectant & subterfugunt.

Tertium denique vitium extremum fortitudini veræ contrarium, & in defectu positum ait esse timorem, siue ignaviam. Cuius duos actus designat, ac notat huiusmodi: quod omnia metuat, quod nihil confidat. In priore tamen peccato illustrius hoc vitium esse contendit. Ignavus enim dicitur potius ex eo, quod omnia metuat, omnesque labores & dolores detrectet, quàm ex eo, quod nihil omnino confidat, aut audeat. Sunt igitur hi, qui hoc vitio tenentur ac laborant, dicendi proprie ignavi, timidi, meticulosi. Quemadmodum verò suprà certam quamdam nobis descripsit audaciæ notam, sic etiam hoc loco certam timori designat & ignaviæ. Ait igitur, ignaviæ timorisque proprium esse nihil sperare. Non enim potest in eo spes vlla esse, qui semper omnia metuat, confidat, aut audeat nihil, cum in eo tantummodo spes sit, in quo fiducia est, idque demonstrat à contrario, hoc est, ab exemplo viri fortis, qui quoniam confidit, bene sperat in omnibus.

PARS TERTIA CAPITIS SEPTIMI.

ΚΑΙ οἱ μὲν θρασεῖς, ἀεὶ περὶ
βουλομένων ἀπὸ τῆς κινδύνων,
ἐν αὐτοῖς δ' ἀφίστανται. οἱ δ' αἰσχροί,
ἐν τοῖς ἐργοῖς ὁρῶντες, ἀποτρέφονται δὲ πονη-
ρίαι. καὶ τὰς οὖν εἰρήναι, ἡ ἀνδρεία
μεσοτὴς ὅτι καὶ θαρραλεὰ, καὶ φο-
βερὰ, ἐν οἷς εἰρήναι, καὶ ὅτι καλὸν αἰ-
ρεῖται, καὶ πονηρὸν, ἢ ὅτι αἰσχροὶ δὲ
μὴ. τὸ δ' ἀποδιδόναι φύσιντα περὶ αἰ-
ρήναι, ἢ ἔρωτα, ἢ ἡ λυπηρὸν, οἷον ἀνδρείου,
ἀλλὰ μᾶλλον δὲ φόβου. μαλακία γὰρ τὸ
φοβῆναι τὰ ἐπὶ πονηρία, καὶ οὐχ ὅτι κα-
λὸν ἀποδοῖναι, ἀλλὰ φόβου κακόν.
ἔστι μὲν οὖν ἡ ἀνδρεία τιποδὲν ἄλλο.

ET audaces quidem præcipites sunt, &
cupidi ante pericula: in ipsis verò ter-
giverantur. fortes autem in operibus ferui-
di, antea verò quieti. Sicut igitur dictum est,
fortitudo mediocritas est circa ea, quæ fidu-
ciam dant, & circa terribilia in iis rebus,
quæ dicte sunt; & quod honestum est eligit,
& perfert: quod verò turpe minimè. Mor-
tem autem obire eum qui fugit inopiam, vel
amorem, vel quid molestum, non est viri for-
tis, sed potius timidi. Molliudo enim est ef-
fugere laboriosa. & non quia honestum est
sustinet, sed fugiens malum. est igitur forti-
tudo quidem tale aliquid.

EXPLANATIO.

Hæc demum tertia pars est, in qua comparat fortitudinem cum qui-
busdam, quæ fortitudini similia sunt. ut enim notæ simul cognoscantur
omnes, quibus distingui timiditas ab audacia & fortitudine possit,
monet, eandem esse materiam audaciæ, fortitudinis & ignaviæ vel
timiditatis, hoc est, res terribiles ac formidolosæ: sed in eadem ma-
teria alio atque alio modo versari singulas. Audaces enim & ignavi siue timidi, par-
tum nimium, partim id quod parum est consequuntur. fortes verò sequuntur, ut dicitur,
quod oportet ac decet. quod autem oportet ac decet, decorum & rectæ norma ra-
tionis est, in mediocritate posita & collocata. Quod si dissimilitudinem audacis ac
fortis ampliorem velis; eam tibi ponet ob oculos Aristoteles clarissimam, à materia
petitam, in qua versatur uterque. A timiditate enim transit iterum ad audaciam
ac fortitudinem, quia dixerat eandem tractare materiam fortes, ignavos, auda-
ces, sed vario modo ac dissimili ratione. Ex hac igitur nota quam audaciæ fortitu-
dinique iterum tribuet, multo sanè melius internoscetur ipsum quod quærebat si-
gnum timiditatis. Ait itaque nunc ad audaciam fortitudinemque regressus; illud
potissimum inter audaces ac fortes esse discrimen: quod audaces ante pericula qui-
dem & rem gerendam prompti sint, cupidi, præcipites & confidentes; in ipsis verò
periculis haud item: Contra verò fortes, in ipsis periculis & rebus aggrediendis stre-
nuum sint, antea verò, faciles & quieti. Cuius rei causam hanc esse ait Burleus: quod
audaces moventur impetu perturbationis præter consilium & rationem, ac pro-
pterea præcipites sunt, atque ad pericula temerè conuolant, ab usque periculis

facile retrocedunt. vincitur enim ille motus perturbationis antegressa à difficultate. Fortes autem nihil agunt impetu perturbationis adacti : adeoque ante periculum atque conflictum quieto animo sunt ac tranquillo. sed ubi conferendæ sunt manus, & periculum aggrediendum est, feruidi sunt, acres, actuosi, & ut dicitur in Græco Codice ὄξυς, acuti, hoc est, alacres, strenui. præsentis animo, & confidentes. Agunt enim omnia ex deliberatione rationis atque consilio. Hanc audaciæ notam intelligere ac cognoscere fas est in Iubellio illo Liuiano lib. 2. & in Aristogitone Atheniensi. qui cum multis diebus de animi sui alacritate, ac bello gerendo disputasset confidentissimè, ad extremum cum tandem esset bellum indicendum & aggrediendum, obligato crure morbum simulauit, & causatus valetudinem est. Huiusmodi etiam fuit ille Pisander, quem sic Aristophanes Comicus in quadam irrisit fabula, ut prouerbiū fecerit illud, Ignauior Pisandro, siue Pisandro timidior. Ut meritò sanè Dictator ille apud eundem Liuium in lib. 7. milites quosdam his verbis obiurget : In castris feroces, in acie pauidi. Quietem autem illam & animi, vocis ac verborum moderationem, quam ante periculum præsens aut bellum præ se ferre viros fortes ait hic Aristoteles, expressit Homerus egregiè : cum Troianos facit magno strepitu ac molimine veluti se iactantes, & gloriosos, Græcos autem quietos, magnoque silentio in aciem campumque descendere : Nam in Iliad. 10. ita canit.

*Verùm parte alia tacitis ingressibus ibat,
Viribus atque animis Danaorum instructa caterua.
Interea socios dux hortabatur euntes
Quisque suos. illi nullo clamore subibant:
Ut tantum populi numerum sine voce sequentis
Voce carere putes, &c.*

Et in lib. 4.

*Sed Troes veluti pecudes, quæ plena frequentes
Diuitis in stabulis mulcentibus vbera præbent
Agnorum, clamantque audita voce gementum.
Troica sic magno resonabant castra tumultu.
At Troiana phalanx ingenti fusa tumultu
Cum magno sonitu simul & clamore ruebat.
Non secus ac volucres, quæ cum clangore per auras
Instantes fugiunt imbres. nam frigidus annus
Urget, & Oceani transmissere carula cogit
Aequora, Pygmæis cedes & bella ferentes.*

Et in Iliad. 3.

Locum obseruauit longè pulcherrimum Gifanius apud Appianum, ubi commemorat, in eo prælio, quod gestum est inter Consules Hirtium ac Pansam, & inter Marcum Antonium, veteranos quidem milites cum silentio & quiete, tirones magno cum strepitu, clamoribusque confusis depugnauisse. Sapienter adeo Poëtæ viros audaces faciunt plus nimio comminantes, maledicos & verbosos; qualis ille Liger apud Virgil. est in Æneid. 10. quem contra sternit iaculo, conficitque tacens Æneas Imperator, ad formam excellentissimæ fortitudinis expressus,

*— vesano talia late
Dicta volant Ligeri : sed non & Troius heros
Dicta parat contra, iaculum nam torquet in hostem.*

Non tamen hæc eò trahi debent, ut damnandæ sint illæ militum vociferationes ante pugnam, quibus sæpe ipsos quoque Romanorum exercitus vsos esse accepimus apud historicos. Eum enim clamorem adprobans, laudansque Virgilius facit Troianos obsessos in Latio clamorem attollentes è muris, ac vehementissimè vociferantes,

*— clamorem ad sidera tollunt
Dardanide è muris.*

Quin hæc etiam tempestate cum clamore ac vociferatione non ipsi modò Turcæ, sed nostri quoque prælium ineunt, & pugnam auspicantur. Hoc, inquam, initium pugnx cum clamore non damnatur ab Homero, aut ab Aristotele, sed præeuntes ipsum initium gloriosæ iactationes, & comminationes improbantur. Aliud enim est, cum vociferatione comminus conferere manus, aliud eminus hoste conspecto clamorem tollere gloriosum & inanem. Hoc enim à fortitudine alienum est, illud

est fortitudinis ad res arduas aggrediendas inuitamentum, & depulsio timoris ex propinquo discrimine. Valet enim modica vociferatio ad commouendum sanguinem, tollendamque tristitiam ex conspectu vicini discriminis contractam. quam tristitiam vt discuterent penitus Æthiopes, cum saltatione ac chorea descende-
bant in aciem. Alios sanè multos fistulis præcinentibus, & tibiis citharisque ini-
uisse certamen docet Gellius lib. 1. cap. 11. qui nodum hunc eo quo dixi modo
dissoluit, & sic prorsus esse Aristotelis de fortitudine sententiam Homerique si-
lentium accipiendum monet diserte eodem loco, vbi ait, silentio & gradu ele-
menti esse opus, cum ad hostem itur inspectu longinquo procul distantem. Cum
verò propè ad manus ventum est, tum iam è propinquo hostem propulsandum &
clamore terrendum. Itaque cum Homerus laudat Græcos quòd silentio veniant in
aciem, laudat ideo, quòd non eminus hoste viso clamauerint, vt faciebant Troia-
ni. cominus enim & in ipso conflictu fas illis fuit clamorem tollere. Legendus
est Iustus Lips. in lib. 4. de Romana militia dial. 11.

Audacibus ita distinctis & separatis à fortibus, eosdem viros fortes pergit Aristo-
teles cum aliis comparare, & ab eisdem secernere, qui videntur æquius appellandi
fortes, quàm audaces illi, de quibus est dictum. Sunt enim hi, qui sibi manus affe-
runt exitiales, ad inopiam, aliasque calamitates defugiendas, mortemque sibi con-
sciscunt suo iudicio & voluntate, ac propterea fortissimi vulgò iudicantur. Decer-
nit igitur, hos verè non esse fortes; quia definitio fortitudinis in eiusmodi mortem
non conuenit. Fortitudo enim vera non modò mediocritas est, in iis posita, quæ
vel fiduciam addunt, vel terrorem incutiunt, verùm etiam electio quædam hone-
statis, siue turpitudinis euitatio. Nam quicquid horribilis atque terrifici aut ag-
greditur, aut perfert vera fortitudo, aggreditur ac perfert vel ipso honestatis stu-
dio, vel turpitudinis declinandæ causa. Itaque si finis desideretur honestus, nulla
esse fortitudo vera potest quantumuis horribilia, terribiliæque pericula aggredia-
tur. At qui mortem deligit ad declinandam inopiam, morbos, amorem, aliasve
res difficiles ac molestas à se depellendas, nullum propositum habet honestum fi-
nem, & timidus habendus, appellandusque est, non fortis dicendus; cum timidi
hominis ac mollis sit, laboriosa defugere. Expungit igitur hîc Aristoteles è numero
fortium illos ab huiusmodi fortitudinis fuco celebratos viros, quos apud Inferos
collocat inter certa supplicia poëta sapientissimus.

*Proxima deinde tenent mæsti loca qui sibi lethum
Infantes peperere manu, lucemque perosi
Proiecere animas. quàm vellent athere in alto
Nunc & pauperiem & duros perferre labores!
Fata obstant, tristisque palus innabilis unda.
Nec procul hinc partem fusi monstrantur in omnem
Lugentes campi. sic illos nomine dicunt.
Hic, quos durus amor crudeli rabe peredit, &c.*

Tractauimus hoc argumentum in Vindicationibus Virgilianis ad 6. Æneid. copiosè.

EPILOGVS.

1. Rerum terribilium varia sunt species, ac forma. sunt enim aliqua humanam facultatem superantes, ac propterea unicuique sanè formidanda, aliqua facultatem quidem hu-
manam non excedentes, sed tamen ea, qua magnitudine, paruitate, intensione, ac
remissione differant inter se.
2. Eo fit, vt vir fortis vacuitate timoris præditus esse non debeat. Quamquam enim im-
pavidus est, est tamen impavidus eatenus, quatenus natura patitur humana. At ho-
minis prudentis sanique natura non patitur hominem ipsum ea, qua vel supra ho-
minem sunt terribilia, vel secundum hominem quidem, sed vehementer formido-
losa, non extimescere: sed postulat, vt eiusmodi res formidentur, & solerentur vt
oportet honestatis studio & retinenda gratia dignitatis. Honestas enim est fortisudi-
ni propositus finis.
3. Peccant adeo modum superantes virtutis, qui terribilia plus quàm oportet extimescunt:
peccant deficientes, & modum non attingentes ipsum qui minus quàm oportet ter-

ribilia metuunt. Peccant qui metuunt ea, quæ minimè terribilia sunt: peccant de-
mam qui non metuunt terribilia quemadmodum oportet, & cum oportet, aut eius
rei gratia cuius gratia ea metuere oportet.

4. Ex his intelligere licet quo nomine sint appellandi, qui in vitiis oppositis fortitudini
versantur. Insanus ac stupidus est qui non metuit res terribiles, hominis facultatem
vincentes. Qui ea pericula quæ non superant facultatem hominis, sed maximè ter-
ribilia sunt, nihil prorsus extimescit, est audax, superbus, elatus, anse periculum mi-
nax; in periculo segnis & ignauus. Qui timet quæ non oportet, aut cum non opor-
tet, aut non quemadmodum oportet, timidus est. Qui mortem sibi consciscit ad vi-
sendam inopiam, amorem aut aliquid eiusmodi molestum, mollis & enervus, non
fortis est appellandus. Neque enim honestatis gratia mortem contemnit.



IN CAPVT SEPTIMVM,

QVÆSTIO PRIMA.

Quid sit Timor: quibus nascatur ex causis, & quotuplex sit.



TIMA quærentur hic, de qui-
bus est decernendum singulis
planissima ratione ac via, cum
neque difficilia sint, neque va-
riantibus, vt pleraque, sen-
tentiis agitentur: quemad-
modum docuimus etiam in fine lib. 2. vbi de
metu differuimus multis. Vt igitur ordiar à
primo, hoc est, ab ipsa definitione timoris,
dico: Timorem ab Aristot. in 2. Rhet. cap. 5.
definiri, Animi perturbationem ex futuri mali
exitibilis, perniciosi, corruptentis, & do-
lorem afferentis expectatione concitatam: &
alibi, Appropinquantis mali phantasiam, hoc
est, mali imminentis imaginem ac simula-
crum animo conceptum & informatum. Quas
definitiones adprobasse videtur D. August.
in lib. 83. quæstionum. q. 33. cum dixit, nul-
lum metum esse nisi futuri, & imminentis
mali. Chrysippus dicebat esse mali expecta-
tionem. Sed D. Thomas eiusmodi definitio-
nes aliis auxit verbis, quæ vim timoris expli-
cent planius. Dixit enim, timorem esse com-
motionem appetitus excitatam à malo, non
solum futuro, atque imminenti, sed difficili,
aspero, arduo, & cui facile resisti non queat.
Vult quippe, perturbationem hanc esse con-
trariam spei, quæ bonum futurum, arduum
quidem ac difficile, sed parabile tamen, &
quod acquiri possit, intuetur. Similis est huic
ea definitio, quam ab antiquis acceptam tra-
dit, probatque M. Tull. in Tuscul. 4. est au-
tem huiusmodi. Metus est opinio impenden-
tis mali, quod intolerabile esse videatur.
Alij addunt vnum, quod in hac definitione
prætermittendum non videtur. Dicunt enim,
timorem esse animi ob expectationem mali
contractionem. Addunt, inquam, hi con-
tractionem animi, quæ cum timore necessa-
rio videtur esse coniuncta. quia contrahit ani-
mum timor propter opinionem impenden-
tis mali quod facile repelli, defendique non
potest. Nam vt disputat D. Thom. in prima

secundæ quæst. 44. artic. 1. difficultas illa re-
sistendi malo, quod impendere videmus, vim
& facultatem animi frangit, atque debilitat.
vis autem debilitata tantum abest, vt se pro-
ferat foras aduersus ardua, quæ proponun-
tur, vt ipsam se contrahat, reuocetque ad
interiora, id quod cernimus, inquit, in mo-
ribundis: quorum vis naturalis & calor debi-
latus in interiora reducitur, extimas partes
ac membra destituit. Idem intelligere nos
posse ait in Ciuiibus, qui cum immunitia ci-
uitati mala formidant, ab externis curis re-
uocant animum ad interiores, & de peste
propinqua cogitant in recessu. Quare vt me-
lius, planiusque percipiantur, animaduerte-
re oportet; metus effecta duplici genere con-
tineri: quorum altera in animo hæteant ap-
petente, altera in ipso etiam emineant cor-
pore. Vt enim ait idem D. Thom. pertur-
bationibus animæ appetitum moueri quid-
dam est quasi formale: corpus autem trans-
mutari, & cieri quiddam esse materiale. Ita-
que necesse est in singulis animi commotioni-
bus vtrumque coniungi; perturbationem
appetentis animi, & quæ ex illa consequi-
tur, ipsius quoque corporis mutationem.
Metus igitur in ipso corpore effecta hæc sunt.
Contrahit primo quidem ac debilitat cor; cuius
ad opem auxiliūque natura; superio-
rem, hoc est, fusum per membra superiora
submittit calorem, qui quoniam satis non est,
descendit ad inferas partes in aluū & inte-
stina, eo quæ rapit etiam calorem inferiorem,
ac propterea partibus accedentibus augetur,
& crescit. Itaque nihil mirum est, si sequitur
sæpe ipsius alui, aut vrinæ, atque interdum
etiam seminis deiectio. multiplicatus enim
& actus in partibus inferis calor soluit aluū,
& vrinæ, ad seminis conceptacula relaxat.
Cum ergo timentium calor ac sanguis,
spiritusque destituant cor, & à superis par-
tibus extimisque ad inferas interiorēque
descendant, existit illico pallor: ipsum etiam
micat

micat cor, membraque contremunt omnia, quæ aliquam habent cum pectore, ubi cor est, coniunctionem, cuiusmodi brachia sunt & manus. Inter membra verò, illa magis tremunt, quæ magis mobilia sunt, ut genua. Id enim potest sibi volunt, cum de timentibus aiunt, Genua labant. Quin ipsa potissimum hæsitat lingua, & vox red- datur exilior, ac labium superiori suppositum tremit cum tota ferè mandibula, den- tibus ipsis strepentibus propter eam, de quadixi, cum corde continuationem & ne- xum, quem obtinent hæ corporis partes. In primis verò timorem sequitur frigus, proficiscens sine dubio ex opinione debili- tatis nostræ. Existimamus enim, impares nobis esse vires ad resistendum imminenti malo: cuius imagine oculis obiecta per- ceteremur, quo frigore cum sanguis, spiri- tûsque concrecant, & grauiore fiant, descendunt, ut dictum est, ad inferiores partes ab ipso etiam corde defugientes. Quæ causa est, cur timentes contremi- scant, & taceant. Non enim calor & spi- ritus membra permeant, & linguam com- mouent, aliæque instrumenta vocis: quæ non emittitur nisi spiritus ad superiora con- scendant, & per os tamquam impetu facto prorumpant. Hæc eadem est causa, cur ca- pilli ac pili ex metu arrigantur & inhor- rescant. Frigore quippe meatus & spira- menta obstruuntur, per quæ manat ad pi- los calor, adeoque necesse est eos frigore arrigi atque rigescere. Hæc demum est cau- sa, cur sudore timentium corpora perfun- dantur. Nam ex frigore concrecente san- guine spiritibusque torpentibus, aqueus & venis humor, quia subtilior est, qua viam inuenit, erumpit foras. Quo fit, ut inter- dum humore illo iam exhausto, guttæ pro- rumpant sanguinis ex timore: quod Mal- donatus testatur Parisiis euenisse cuidam in carcere, ubi se damnatum ad patibulum repente, nec quicquam huiusmodi cogi- tans inaudisset. Quibus ex timoris effectis intelligimus, quàm rectè, sapienterque ti- morem ipsi poetæ descripserint. singula e- nim, quæ percensuimus admirabili ratio- ne comprehendunt. De capillorum horro- re, de torpore, siue tremore, deque vocis interclutione, atque hæsitacione linguæ no- ta sunt apud Virgil. illa in 3. ad tumulum Polydori:

*Tum verò ancipiti mentem formidine pressus
Obstupui, steteruntque coma & vox faucibus
hæsit.*

Et in lib. 12.

*Illi membra nemus soluit formidine torpor,
Arrestaque horrore coma, & vox faucibus
hæsit.*

De sudore verò simul ac frigore illa canit Ouid. in 6. Metamorphos.

*Quid mihi tunc animi misera; iuit? an ne quod
agna est.*

*Si qua lupos audis circum stabula alba fre-
mentes?*

Aut lepori, qui vepre latens, hostilia cornis

*Ora canum, nullos audez dare corpore motus?
Occupat obsejssos sudor mihi frigidum artum,
Ceruleæque cadunt toto de corpore gutte.*
Quod in primo Pastorum breuius expressit & explicatiùs in hunc modum:

*Extremi, sensique metu riguisse capillos,
Et gelidum subito frigore pectus erat.*

Lucanus etiam pulcherrimè secutus alios, ita concinit in lib. 1.

*Dirigere metu: gelidos panor occupat artus,
Et tacito multos voluunt sub pectore questus.*
Et in lib. 4.

Tum frigidum artum

Aligat, atque animum subdūcto robore torpor.

His planè contraria cernuntur in ira, cuius in commotione spiritus & sanguinis calor mouentur ab inferis partibus ad superiores, & ab intimis ad externas: adeoque spiri- tus, & calor circa cor veluti circa regiam congregantur. Itaque irati rubescunt, in- calescunt, vocem attollunt, commouentur toto corpore, iactant celeritè membra, quæ coniunctionem continuationemque cum corde obtinent à spiritibus & sangui- ne confirmato, roboratòque. Hæc, inquam, effecta pauoris sunt, quæ spectantur in cor- pore, ipsius opera corporis impediencia. opus enim hominis externum, quamquam ab anima tamquam à principe mouente na- scuntur, pendent tamen à membris, tam- quam ab instrumentis opificis principalis. Quo fit ut membris timore obligatis, im- peditisque formidine, corporis opera vel impediuntur, aut nulla prorsus emineant. In animo multa grauiora esse oportet effe- cta, cum sint eiusmodi, ut ab his tamquam à fontibus abditis manent ea, quæ sunt in corpore conspectiora. Ut ergo breuissimè faciam, in animo metus perturbat confun- ditque cogitationes, adimit deliberationem atque consilium: sic prorsus, ut dixerit poë- ta vetus apud M. Tull. Pauor mihi sapien- tiam omnem expectorat. & apud Plaut. ille in Amphitruone.

Timeo, totus torreo,

Non adepol nunc ubi terrarum sum, scio.

Sic ergo confusis cogitationibus animus, inopi consilij, contrahitur quodammodo intra se, atque restringitur, tristatur ac morret, nec audet quicquam eorum aggre- di, aut amoliri à se, aut æquabiliter ferre, quæ cernit instare, ac perniciem inuitabi- lem sibi comminari. Itaque ex timore sic vr- gente, atque omnes adimento, siue pertur- bante cogitationes prudentiæ, nascitur de- missio, abiectio, assentatio, & adulatio, exanimatio, pigritia, desperatio, conster- natio, alique animi commotiones inuti- les, & viro indignæ; inprimisque suspi- ciones innumerabiles, quæ reddunt timi- dos sæpe belluis ipsis crudeliores. Hinc enim tanta fuit aliquorum Tyrannorum im- manitas, quostamen plus nimio timidos fuisse scimus. Instar omnium esse possit Nero, quo nemo timidior, crudelior, & immanior nemo. Circumspiciunt enim meticulosi om- nia, & quia sibi timent ab omnibus, omnia vellent à se depellere, ac de medio tollere omnia.

*Effectus
timoris in
animo.*

Ex his ad extremum intelligere licet, nullam esse miseriam, nullam acerbiorē animi seruitutē, quæ hominem grauius excruciet, quā metum. Sed eius grauitatē, acerbitatēque nominatim in eo ponunt sapientes, quōd animum angat, & miserum faciat ante miseriam. Cū enim imaginē mali futuri eum perterrefaciat, ipsam videtur anticipare ac repræsentare miseriam, quæ timetur. Sed hac de re paulō pōst disputabimus, cū agemus de causis timoris. Maneat nunc; timorem, non modō esse opinionem, aut expectationem mali futuri, verū etiam contractionem animi. quippe qui imaginē impendentis mali discruciat, ipsum se quodammodo colligit, reuocatque ad interiora, secum ipse reputans quā impares habeat ad resistendum vires & facultatem.

Sunt rationes quædam à nonnullis propositæ, quibus demonstrare conantur, timorem non esse perturbationem, quia dicitur ab aliquibus virtus. sed meminisse necesse est, omnem commotionem animi dici posse virtutē; quia redigi potest ad instammediocritatē, & statum virtutis. Virtus enim perfectā dici non potest. Atque in hanc sententiam timor dicitur à Damasceno, vt aliqui putant, *ἀνταρὸς τῆς εὐσταθείας*: Virtus secundum contractionem; hoc est, virtus quæ contrahit animum: quamquam *ἀνταρὸς* non semper est *ἀντί*, virtus, sed vis, quemadmodum eo loco. videtur quippe sibi velle Damascen. timorem esse vim contrahentem animum & sic assergentem systolem, vt eam asserunt in corpore quidam morbi.

Alia ratio & argumentum sumi potest ex eo, quōd docet Aristoteles in 2. Rhetor. cap. 5. Docet, inquam, timorem facere, vt homines diligentius consultent. Quibus ex verbis, opinor, D. Thomas in prima secundæ quæst. 44. artic. 2. pronunciauit, timorem facere homines consultatiuos. Licebit igitur ita ratiocinari: Timor reddit homines consultatiuos. ergo prudentes & sapientes: adeoque non alienat, non consternat, non contrahit animum, vt supra contendimus. Sed diuidenda consultatio est duas in partes. vnā, quæ consultatio generatim, & vniuersē sit, alterā, quæ bona sit consultatio, siue facultas & vis benē consultandi & decernendi. Quod attinet ad primā, timor est consultatiuus, & consultatiuos reddit eos, qui timent, quia vellunt euadere mala. Quod attinet ad secundā, non facit consultatiuos, quia neque timor, neque alia perturbatio facit, vt bene consultemus, aut decernamus: sed consilium potius & prudentiam vel adimunt, vel impediunt.

Secunda pars quæstionis erat. quibusnam ex causis oriatur & existat in animo timor. Has in definitione videmus partim expressas, partim latenter inuolutas. Cū enim dicatur esse opinio vel expectatio mali futuri imminentis ac difficilis, dicitur etiam haud dubiē, malum futurum imminens & difficile obiectum animo causam esse timoris. Necesse

est igitur accuratius perpendere qualitates, quibus malum præditum esse oportet, ex cuius imaginē statim oritur timor. Primum quidem oportet esse futurum. Tantū enim abest, vt præterita mala timeantur, vt iucunditatem etiam asserant recordatione periculi iam elapsi. Quod fuit durum pati, meminisse dulce est, inquit Seneca, Virgilianum illud intuentus.

— *forjan ex hæc olim meminisse iuuabit.*

Præsentia verō non quidem timorem incutiunt, sed mœstitiā, & ægritudinem faciunt. Relinquitur ergo, vt quod timetur, futurum sit. id enim imaginē sui terrificā obicitur animo, illūque discruciat, angit, & contrahit, vt suprā disputatum est. Hinc colligunt sapientes, timorem esse perturbationem animi grauissimā omnium & acerbissimā, cū futuræ calamitatis, & eius interdum, quæ re ipsa futura non est, sed futura putatur, anticipatio quædam & repræsentatio esse videatur. Atque id est causæ, cur Cicero in epistola quadā ad Torquatum dixerit, in metuendo plus esse mali, quā in eo ipso, quod timetur. Perpendebat nimirum anxiferas illas, & molestas animi curas, quibus antē distingitur, quā ad eum, ipsum malum quod timetur, accesserit. id quod multis declarat in oratione pro Cæcina hoc modo: Maior est ea vis, quæ periculo mortis iniecto formidine animum perterritum, loco sæpe, & certo de statu dimouet, quā quæ ad corpus nostrum, vitāque peruenit. Itaque laucij sæpē homines cū corpore debilitantur, animo tamen non cedunt, neque eum relinquunt locum, quem statuerunt defendere: atque alij pelluntur integri: vt non dubium sit, quin maior adhibita vis ei sit, cuius animus sit perterritus, quā illi cuius corpus vulneratum sit. Reddē itaque in Bruto stultitiā hunc timorem, & anticipationem mali voluntariam nominauit. Magna, inquit, stultitia est, id ipsum quod verearis ita cauere; vt cū vitare fortasse potueris, vltro accersas & attrahas. Sed egregiē Seneca, vt semper, ita declamat in epist. 24. Quid necesse est mala accersere, & satis cito patiēda, cū venerint, præsumere; ac præsens tempus futuri metu perdere? Est sine dubio stultum, quia quandoque sis futurus miser, esse iam miserum. Et epistol. 11. Plura sunt, Lucili, quæ nos terrent, quā quæ premunt: & sapiūs opinione, quā re laboramus. Illud tibi præcipio, ne sis miserante tempus, cū illa, quæ velut ante tempus expauiisti, fortasse nunquam ventura sint. certē nondum venerunt. Quædam enim nos magis torquent, quā debeant: quædam autem torquent, cū omnino non debeant. In epistol. demum 75. ita perorat hanc causam. Quemadmodum in corporibus futuri languoris signa præcurrunt (quædam enim segnitia nervis inest, & sine labore vlllo lassitudo, & oscitatio, & horror membra percurrentes) sic infirmus animus,

multum, antequam opprimatur malis, quatur. Præsumit illa & ante tempus cadit. Quid dementius autem, quam angere futuris, nec se tormento reservare, sed accersere sibi miseras, & admovere, quas optimum est differre, si discutere non possis? Hæc Seneca, alique, explicantes quantum habeat timor incommodi ex eo, quod perturbatio sit à malo futuro concitata.

Aduersus quæ dicere possit aliquis, omnem animi commotionem fieri ab aliquo agente, quod præsens sit, est enim effectus agentis, ergo si timor à malo non quidem præsentem, sed futuro gignitur, non est commotio, aut perturbatio animi. Sed respondetur, verum id esse, quod dicitur in Propositione: perturbationem omnem postulare aliquod agens, quod adsit & præsens sit. quemadmodum enim corporis morbus, aut alia eiusmodi commutatio ab agente corporeo nascitur, quod est præsens, sic animi perturbatio existere debet à malo agente quod adsit. Sed mali præsentia cogitatione continetur animalis, cuius vi sibi præsentia facit ea, quæ futura sunt. Itaque negandum est quod in argumenti consecutione colligitur, quia timor excitatur à malo re ipsa quidem futuro, sed quod cogitationis repræsentantis vi præsens animo sit. Quod satis est ad respondendum etiam aliis, qui dicunt, timorem esse motum appetitus, qui consequatur ex sensu. Sensus autem non comprehendit futurum. Respondetur, inquam, huic etiam argumentationi satis est: quia sensus non comprehendit futurum malum, sed præsens, hoc est, imaginem futuri mali præsentem. Ex eo autem, quod sensus illam futuri mali præsentem imaginem intueatur, mouetur anima ad timendum futurum malum, vel ad bonum sperandum illi malo contrarium.

Secundum quod in malo timorem afferente debet inesse, etiam in futuro positum est, sed in proximè futuro & iam imminente. Neque enim ea mala magnopere timentur, inquit Aristoteles, in 1. Rhet. cap. 5. quæ valde longinqua sunt, sed quæ sic sunt propinqua, ut iam impendere videantur. Quo fit, ut quemadmodum idem ait, tametsi sciunt omnes fore, ut moriantur aliquando, de morte tamen cogitent nihil, quia non impendentem eam animo cogitant, sed longo post tempore futuram. Prudenter adeo Sinon apud Virgil. quod animaduertit Maiorag. ut Troianis adimeret metum, ait, Græcos in patriam reduisse eo cum consilio ut nouam classem pararent.

*Et nunc quod patriæ vento petiere Mycenæ;
Arma Deòque parans comites, pelagòque remens*

Impreussi adierunt.

hoc enim nisi longo post tempore iterum accidere non poterat.

Tertiam mali terrifici conditionem & quæ qualitatem expressit Aristoteles in definitione quam protulimus ex illo cap. 5. 2.

Rhet. ubi ait, metum esse morbum, siue perturbationem animi ex opinione impendentis mali, perniciosi, & eius, quod nobis aut interitum, aut dolorem afferre possit. Non enim omnia mala timentur, inquit, cum iniustitia, & hebetudo ac tarditas ingenij mala sint, quæ nemo tamen reformidat, sed ea tantum, quæ vel magnos dolores vel exitium nobis creare queunt. Hæc enim mala ita nos exterrunt, ut eorum quoque signa & indicia timorem incutiant, antequam ingruant. Hæc Aristoteles, alique docet eo loco, & quidem rectè. Vulgo enim homines non omnia mala pertimescunt: immò verò sapissimè quæ grauissima sunt, ea non modo non formidant, verum etiam appetunt; cuiusmodi est iniustitia, ut apud Platonem in Gorgia declarat Callicles, qui summam iniustitiam, modò lateat, & magnas habeat vires, summopere censet expetendam. Non omnia, inquam, timemus mala, sed quæ dolores acerbissimos parere possunt, ea timent omnes: Cuiusmodi sunt orbitates, amissio parentum & coniugum, exilium & de patria depulsio, seruitus, carcer, ignominia, aliæque ex hoc genere complura. Ea verò quæ mortem afferre solent, ita metuunt vniuersi, ut eorum etiam indicia vehementer exterreantur, & consternentur. Ita quippe cometarum ortus perterrefaciunt Reges, Holenz, Orionis, Hyadum sydera nautas, agricolas & agrestes in campis, inundationes fluminum, eluiones, tonitrua, grandines, tempestates, vniuersèquæ omnes prodigia & portenta illa, quibus interitus, aut pestes mortalibus obnunciari creduntur. quales sunt defectus solis, armorum in cælo strepitus, defunctorum hominum umbræ, ac simulacra, loquentes belluæ, signa sudantis, cruores in puteis, vlulantes in vrribus lupi: aliæque longè plurima, quæ sæpè legimus apud scriptores, inprimisque apud Virgil. in primo Georg. Quartam addit conditionem & qualitatem D. Thom. qui vult timorem existere ex opinione mali ardui atque difficilis, quæ enim superari facile possunt, tametsi essent acerbissimos allatura dolores, & interitum creatura, non formidantur. Hæc ergo est timoris causa, ab obiecto petita, quod malum est. Ita enim malum iis, de quibus diximus, conditionibus & qualitatibus instructum est obiectum timoris, ut D. Thom. pronunciarit, ipsum etiam timorem timeri posse, cum sit perturbatio animum angens, ac propterea dolorem afferens acerbum, difficilis ad vincendum, & sæpè necessariò subeunda. Quibus conditionibus & qualitatibus id etiam addi potuisset; oportere malum, quod timetur, esse repentinum, & quod nullo possit euitari remedio. sed quia hæc non tam timorem efficiunt, quàm amplificanc, nec necessariò cum terribili malo sunt coniuncta, sed si cum eo coniuncta sint, magis exterrunt, idcirco prætermitti & in aliam reijci possunt disputationem.

Aduersus quam causam obici potest vnum adhuncmodum. Nihil aliud timemus, vt ait D. August. nisi, ne quod diligimus adeptiue iam sumus, amittamus, aut ne non adipiscamur id, quod expetimus & speramus. Sed quod diligimus, expetimus, & speramus, est bonum, ergo quod timemus non est malum, sed bonum, adeoque timoris causa non est malum ipsum, sed potius bonum. Respondendum est, timori per se ac propriè propositum esse malum: quia tametsi appetentis facultatis est actus, est tamen ille qui non prosecutio dicitur, sed fuga. Fuga verò per se mali est, non boni; quemadmodum prosecutio per se, boni prosecutio debet esse, non mali. Nihilo tamen minus fieri per accidens potest, vt obliquè timor etiam respiciat bonum illud à cuius contrario malo per se concitatur. Itaque malum potius, quod per timorem fugimus dicendum est esse timoris causa, quàm bonum malo contrarium, quod amamus, speramusque, ac propterea timemus ne amittamus, aut ne non consequi possimus. Idem enim est timere malum, ac timere, ne bonum illi malo contrarium adipisci nequeamus. Quod si ab hoc etiam bono, quod ne amittamus, aut ne non adipiscamur extimescimus, aliquam petere causam velimus, dicendum erit, non bonum ipsum, sed amorem, aut spem boni esse causam timoris.

Quæ secunda est huius perturbationis verissima causa, sed remotior. proxima enim, vt diximus, est malum futurum, cuius imago præsens animum exterrere, atque consternat. Quamquam, si propriè loqui velimus, malum est potius dicendum obiectum, quàm causa. sed nos amplissimum hic volumus esse causæ nomen. Amor enim antegreditur illam imaginem mali, quæ nos consternat; ac propterea magis amor est dicendus causa. Quærit igitur hoc de industria deditaque opera D. Thomas, An causa timoris sit Amor & spes in prima secundæ quæst. 43. artic. 1. decernitque has omnino causas esse timoris verissimas & proprias, Augustinum secutus. qui, vt supra docuimus, affirmat, nihil nos timere aliud, cùm timemus, nisi ne non assequamur quod speramus, aut ne amittamus quod diligimus & tenemus. Id quod rationibus etiam demonstrat, ac firmat hoc modo. Ex eo, quod amat quispiam aliquod bonum, consequens est, vt timeat malum, quo ei adimi bonum potest. Igitur amor ipsum antegreditur timorem, & timoris est causa præparans. Id quod de amore dicitur, etiam de spe confirmandum est: quæ, quoniam ab amore secerni non potest, facit, vt timeamus, ne concupitum, speratumque bonum non assequamur, aut adeptum amittamus. Placet hic proferre quæ docet in hanc sententiam Seneca, cùm monet, vt si exuperantiam timoris deponere velimus, amorem, siue appetitionem deponamus, & spem, quæ timorem concitant, & consternant animum. Sic enim disputat ex He-

catonis doctrina in epist. 5. ad Lucilium. Vt huius quoque diei Lucellum tecum communice, apud Hecatonem nostrum inueni cupiditatum sinem etiam ad timoris remedia proficere. Desines, inquit, timere, si sperare desieris. Feræ quæ pericula vident, fugiunt, cùm effugere securæ sunt. Nos & venturo torquemur & præterito. Multa bona nostra nobis nocent. timoris enim tormentum memoria reducit, prouidentia anticipat. Nemo tantùm præsentibus miser est. Ita Seneca refert in spem ipsius causam timoris: quam melius explicat Aristoteles in 2. Rhet. cap. 5. his verbis: Non timent illi qui omnem futuri spem abiecerunt: cuiusmodi sunt qui ad postremum supplicium petrahuntur. Nam qui timet, aliquam salutis spem habeat necesse est in ea re, de qua sollicitus est. Vel illud argumento est: quod metus cogit homines diligentius consultare. consultat autem nemo de rebus in quibus nullus spei relictus est locus. Hæc ibi Aristoteles.

Tertiam timoris causam ponit D. Thomas in defectu, hoc est, in eo, quod nobis ea desint, quorum beneficio & vi malum impendens euitare ac declinare possimus. Quam timoris causam didicit ab Aristotele, qui in cap. illo 5. lib. 2. Rhet. sic loquitur. Qui autem plurimis fortunæ bonis abundant, aut abundare se putant, ij nihil se passuros arbitrantur. tales autem efficiunt diuitiæ, robur corporis, amicorum copia, potentia. Ex hoc, inquam, Aristotelis loco ducit rationem D. Thomas huiusmodi, Contrariorum contrariæ causæ sunt. Sed qui diuitiis, robore corporis, amicorum multitudine, ac potestate pollent, non timent, ergo timent illi, qui bonis eiusmodi carent, iisque præstidiis aduersus timorem sunt destituti. Idem sibi vult alibi D. Thom. cùm sæpè confirmat, nasci timorem ex eo, quod virtute careamus, aut nos carere putemus. Virtutis quippe nomine vult intelligi quicquid valet ad resistendum malo, quod formidamus.

Restat tertia disputationis huiusce pars, in qua timoris variæ species ac genera sint explicanda. Id enim tertio loco inuestigandum proposuimus: quænam sint timori subiunctæ formæ. Eas D. Thom. ex Ioan. Damasceno, & ex Nysseno Gregor. sex esse confirmat: Segnitiam, erubescenciam, verecundiam, admirationem, stuporem & agoniam. Segnities quæ Græcè dicitur *ἡσυχία* est timor quidam laboris, vires excedentis; quo timore retardamur ab opere. Erubescencia metus est animum reddens extimescentem, ne propter opus turpe iam perpetratum & gestum iacturam faciat existimationis ac famæ bonæ. Verecundia, *αἰσχύνη*, timor est animo conceptus, ne propter opus item malum ac turpe, sed futurum & destinatum bona existimatio deperdat & fama. Admiratio *θαυμάσιον*, non est hoc loco illa cogitatio de re, cuius causam nesciamus, & scire propterea cupiamus; hæc enim est admiratio

rationis : sed hic ei subest alia peculiaris & singularis notio , cū timori subiungitur. Nam, ne erubescencia quidem & verecundia id quod diximus significant semper, sed hoc loco tantū id sibi volunt. Ergo admiratio hic est timor alicuius magni mali, cuius nescias vllum exitum reperire. Stupor verò, *ἔκστασις*, admiratione grauior est, dici- que potest timor alicuius mali, quod propter nouitatem ac nullum eius experimen- tum supra modum ingens esse videatur. Ago- nia demum est timor mali, cui ille qui ti- met, nulla ratione possit occurrere. Id enim, inquam, hæc significant, cū timori subiun- guntur. Nam sæpe aliud significare depre- hendas apud scriptores, vt diximus.

QVÆSTIO SECVNDA.

An repentina mala magis, quàm prouisa timeantur.

DIXIMVS, inter mala, illa esse ma- ximè terrifica, quæ sint repentina. id- que ab Aristotele desumpsimus, qui in Ca- pite sexto proximè superiori dixit, fortitudi- nem perfectissimam versari potissimū in morte, atque in malis repentinis. Cū e- nim perfectissima fortitudo versetur in iis, quæ omnium maximè terribilia sunt, vide- tur esse consequens, repentina mala, quo- rum vel aggressio, vel perpessio perfectæ fortitudinis est, esse omnium maximè for- midolosa. Necesse igitur est, quærerè, an malum ex eo plus aliquid terroris habeat, quod insolens & repentinum sit: quia multæ rationes videntur ostendere, illo nomine ma- la oportere multo minùs esse terrifica, quàm si consuecta sint, & animo prouideantur ac repententur.

Prima hæc est apud D. Thom. in prima secundæ quæst. 41. artic. 5. Timor sic im- pellitur à malo quod proponitur, quemad- modum spes excitatur à bono. Sed experi- mentum boni augeat spem, ergo experimen- tum mali augeat timorem, & quod inde se- quitur, repentinum malum & insolens, cuius nullum ante cepimus experimentum, mul- to minorem inferet metum, quàm prouisum & solitum.

Secunda: Quæ sunt improuisa & subita, mul- to minus considerari queunt, quàm quæ nobis intelligentibus, & prudentibus accidunt. Sed quo magis mala considerantur, eo magis ti- mentur. ergo improuisa & subita minus ter- ribilia sunt, quàm intellecta & prouisa. As- sumptio desumpta est ab Aristotelis octauo cap. huius libri 3. vbi ait, aliquos videri for- tes propter ignorantiam mali. Si enim intel- ligerent, & considerarent quale quantū- que sit quod aggrediuntur, illico fugerent. Sed quia de periculo parum cogitant, idcirco non timent malum impendens.

Tertia dicitur etiam ab Aristotele: qui in 2. Rhet. cap. 5. docet magis esse timendos

mites, sedatos, dissimulantes, & astutos homines, quàm qui acuta sunt & prompta quadam iracundia præditi. id quod vel con- firmare vel illustrare possit ea Iulij Cæsa- ris vox sapientissima. Cū enim à delato- ribus, aut ab amicis audiret, Dolabellam & Marc. Antonium in se coniurasse, ita respondisse fertur: Non hos ego nitidos & politos, sed macilentos illos & cogitabun- dos extimesco: Brutum nimirum & Cas- sium, à quibus est interfectus, intelligens. Hæc si verè ab Aristotele docentur, osten- dunt haud dubiè, ea quæ sunt subita, mi- nus terribilia esse. Illa enim acuta ira, quam non magnopere timendam esse ait, est ma- lum subitum; illa dissimulata, est malum quasi prouisum & intellectum, hoc est, eius- modi, vt possit faciliè præcaueri.

Ob hæc, aliæque huiusmodi argumenta iubet nos animaduertere D. Thomas; ma- lum, quod timori proponitur oportere ar- duum esse, & quod faciliè depelli non queat. Cur autem auerti & depelli non queat, dua- bus nasci potest ex causis: ex ipsius magni- tudine mali, & ex debilitate timentis. vtra- que verò hæc difficultatis causa incredibili sanè modo augeatur, & crescit ex eo, quod malum subitum sit, insolens, & repenti- num. Nam primo quidem malum impen- dens vel hoc ipso quod sit insolitum ac subi- tum, multo maius apparet, quàm re ipsa verèque sit. omnia enim humana mala, & bona quo magis considerantur, & repu- tantur animo, hoc videntur & apparent minora: ita prorsus, vt quemadmodum teste Tullio in 2. Tuscul. propter diuturni- tatem ex præsentī natus malo mitigatur dol- lor, sic ex prouisione ac meditatione timor mali futuri minuatur. ergo vbi nulla medi- tatio est & prouisio futuri mali, timor au- getur. At nulla prouisio est in insolentibus & subitis malis. ergo mala ex eo augentur, & maiorem timorem incutiunt, quod in- solentia sunt & improuisa. Deinde, malum impendens, quod pertimescimus, si repen- tinum & insolens sit, augeat debilitatem ti- mentis, adeo quod adimit remedia, quæ posset aliquis comparare ad fugurum ma- lum depellendum. Non enim ea parari pos- sunt & adhiberi, cū malum est improui- sum. Quare

Dicendum est, malum imminens & ar- duum, si repentinum & insolitum sit, auge- re timorem, ac magis esse terribile, quàm si solitum esset, & prouisum. Rationes expo- sitæ modò sunt: neque pluribus necesse est rem minimè dubiam declarare: sed latius erit propositis argumentis, ordine respondere. quod difficile non est.

Primò enim respondetur, verissimè dici, sic in malo versari timorem, quemadmodum versatur in bono spes, non quidem omnino, sed eatenus tantum, quatenus malum est ti- mori propositum, spei bonum. in hoc enim illæ duæ commotiones similes sunt. in cete- ris possunt esse dissimiles. Itaque hinc assu- mitur falsò ac dicitur: oportere propter ex-

perimentum & notitiam mali sic augeri timorem, sicut augetur spes propter experientiam & notitiam boni, ac propterea repentina non esse magis terribilia, quam prouisa. Immo verò contra prorsus accidere atque vñ venire nos cernimus. Nam quia experimentum & notitiam boni auget spem, minuit etiam timorem, qui, vbi spes euadendi affulget aliqua, semper est minor, maior verò vbi minor est spes.

Quod attinet ad secundum, negandum est quod in assumptione contenditur: ea nimirum mala timeri magis, quæ magis considerantur, & reputantur animo. Supra enim iam docuimus, timeri minus: quia quicquid est humani, siue bonum, siue malum, eo minus esse deprehenditur, quo plus consideratur & reputatur animo. Tam enim malum, quam bonum subitum, improuissimum, nec animo probè ponderatum, videtur homini maius. Aristotelis autem dictum, quamuis verum sit, nihil tamen efficit, aut vincit aliud, quam id, quod nec cognoscitur malum, & omnino nescitur, animum non exterrere; quod ad rem, qua de agimus, pertinet nihil; cum id quod improuissimum & subitum est, cognoscatur quidem, sed imperfectè. nisi enim cognosceretur, non perterritificaret animum.

Quod denique tertio loco ex Aristotele obliiunt, demonstrat omnino contrarium. Nam qui acuta illa præcipiti que præditi sunt ira, perturbationem suam non occultant, ac propterea prouideri eiusmodi commotio potest. Itaque non est magnopere timenda, cum de improviso non noceat. Versuti autem illi, & dissimulatores, qui moderationem animi præ se ferunt, occultant iram, adeoque repente nocent, ac de improviso, quo sit, ut magis timendi sint, quemadmodum ibi docet rectè ac sapienter Aristoteles.

QVÆSTIO TERTIA.

An ea mala, quæ remedio carent, sint magis terribilia, & formidolosa, quam alia.

Hanc etiam quæstionem tractat D. Thomas, sed eius tractandæ occasionem illi dedit Aristoteles, qui in illo capite 5. lib. 2. Rhet. de rebus terribilibus & formidolosis ita disputat & decernit: Omnium autem terribilium illa maximè terribilia sunt, in quibus, si quid peccatum fuerit, non est emendandi locus: sed vel omnino corrigi non possunt, vel remedia non sunt in nostra, sed in aduersariorum potestate: & in quibus vel nulla sunt auxilia, vel admodum ardua. Hæc, inquam, Aristotelis verba impulere Diuum Thomam ad hanc instituendam Quæstionem, An ea mala, quibus admoueri, aut adhiberi remedium nullum potest, timorem augeant, & sint magis quam cetera formidolosa. Videntur enim demere potius, aut imminuere timorem, quam ingerere, vel augere. Primo quidem, quia, quemadmodum su-

præ diximus, ex Aristot. timori aliqua necessaria spes est. sed in malis, quæ remedio carent, nullus omnino relinquitur spei locus, ergo nullus timori.

Deinde. Nullum est malum, quod magis remedio careat, quam mors, cuius nobis imposuit necessitatem ipsa natura, & Deus. sed mors, ut ait Aristot. in 2. Rhet. cap. 5. non timetur. Idem dici etiam potest de ceteris naturalibus malis. quicquid enim nobis accidit à natura, inuitabile est, & remedium respuit: quod tamen à nobis timeri non solet. Idque demonstratur amplius ex eo, quod natura non impellit ad contraria. malum verò naturæ euenit à natura. adeoque timor eiusmodi mali si esset vllus, à natura deberet euenire: quod à ratione discrepans esset.

Denique bonum diuturnius, ut ait Aristoteles in lib. horum Moralium 1. cap. 6. non est magis bonum, quam id, quod vno tantum perdurat die: neque bonum perpetuum eo melius, quod perpetuitate caret. Neque enim album vnus diei, ut loquitur ipse, melius aut magis album est, quam album centum annorum. Sed ea, quæ remedio carent mala, non videntur alio differre nomine ab aliis, nisi propterea, quod magis diuturna sint aut perpetua, quam illa. ergo huiusmodi mala non sunt peiora, quam cetera, nec magis quam cetera formidanda.

Antequam hæc confutentur, animaduerte- re necesse est, propositam à nobis hoc loco quæstionem summam habere coniunctionem cum alia, in qua id inuestigatur & quæritur, An inter omnia mala, id quod dicitur malum naturæ, timeri possit. Hoc enim malum omni spe videtur animum delicere, nec vllum admittere remedium, quo possit timor aliqua ex parte mitigari. Videndum est ergo, quid hac de quæstione, quod propositæ tam similis est, à sapientibus viris sit constitutum. Profligat eam deciditque D. Thom. in prima secundæ quæst. 42. artic. 2. affirmatè pronuncians, ipsum quoque naturæ malum esse formidini propositum, & timeri. Timor enim, ut sæpè iam dictum est, proficiscitur ex ea, quæ obliiuntur animo, imagine illius mali futuri, quod corrumpere, atque interitum afferre, vel magnos inurere dolores & acerbitates queat. Quemadmodum ergo malum idoneum afferendis acerbitatibus, atque doloribus est voluntari contrarium, sic malum exitiosum & interitus conficiens est inimicum, aduersariūque naturæ: quo sit, ut in malo naturæ versari timor possit, qui ab eo etiam concitatur malo, quod exitium & interitum affert. Sed quia malum naturæ duplici potest accidere ratione ac via, videndum est, an utroque accidens modo, timendum & formidololum sit. Primo enim naturæ malum euenire à causa naturali potest, cuiusmodi mors est, à senio, vel à morbis profecta: cuiusmodi sunt alia vitia, quæ adscribuntur naturæ. hoc autem cum accidit, non modò malum illud dicitur esse naturæ, quia nos priuat naturali bono; sed etiam quia quidam est effectus naturæ. Euenit deinde naturæ malum interdum

à causa non naturali, sed accersita & aliena: qualis est ea mors, quæ violenter inferitur. Nimirum hæc naturalis tantummodo dici potest, quia naturali hominem spoliât bono, non tamen ideo, quod effectus aliquis naturæ sit; ac propterea vulgò atque simpliciter violenta nominatur. Igitur, ut brevissimè faciamus, cum naturæ malum timendum & formidolosum esse dicitur, de utroque naturæ malo id affirmatur, hoc est, tam de illo, quod efficitur à natura, quàm de eo, quod per vim accidit, & naturali nos priuat bono. Vtrumque enim, si loquendum absolute sit, corrumpit corpus, & interitum vel avertit, vel potest asferre, quod in ipsa timoris definitione dicitur esse satis, ad eam animi perturbationem concitandam. Est enim timor animi commotio, ab eo excitata malo futuro, quod interitum aut dolorem siue tristitiam magnam possit asferre. Sed tamen vtrumque naturæ malum habere potest aliquid, cur vel timeatur parum, vel omnino non timeatur. Malum enim quod timorem ciet, non modò futurum esse debet, sed imminens, atque propinquum. Longinqua enim mala, vel non timentur, vel timentur parum, ut alibi diximus ex Aristotele, quia necesse est, malum aliquo modo præsens esse, cum perturbatio concitatur. non potest autem esse præsens quod futurum est, nisi propter eius imaginem, quæ animo concipitur & consignatur ideo, quod imminens & impendens ceruicibus videatur. Præterea malum quod timetur, non modò futurum est & instans, verum etiam aliqua cum spe coniunctum esse debet. quod Aristoteles ita esse demonstrat ex eo, quod timentes maximè consultant & deliberant de periculi euasione. non autem deliberarent & consultarent, si spem omnem abiiecissent. Ergo, si malum naturæ, de quod diximus, vtrumque, vel alterutrum sic obiciatur animo, sic necessarium sit, & præsens, & spes nulla euadendi reliqua sit, non poterit timorem commouere. Hinc enim fieri docet Aristoteles, ut qui postremo afficiuntur supplicio, non iam amplius timeant: cum cernant vltimam sibi necessitatem sic imminere, ut spei sit omnis aditus interclusus. Sed quoniam cum de naturæ malo timendo loquimur, de illo loquimur, quod & imminens & aliquem spei locum reliquum esse patitur, dicunt simpliciter homines sapientes, naturæ malum accommodatum esse ad concitandum timorem. Ponunt enim, eiusmodi malum esse imminens, & præterea non videri prorsus necessariò subeundum tunc, cum eius imago nostris obicitur animis. id enim quod inuitabile simpliciter est, potest animo apparere, non quidem veluti longinquum & distans, sed imminens ita, ut difficile quidem, sed tamen aliqua ratione vitari posse videatur. Quare de questione quoque proposita

Dicendum est; Ea mala, quæ remedio carent, multo magis esse timenda, quàm reliqua, quibus aliquod remedium quantumuis difficile relictum est. Quia timoris causa conficiens est malum futurum imminens, interitum as-

ferens, aut acerbos dolores. id ergo, quod eiusmodi malum auget, facit etiam ipsum metum auctiorem. Sed malum non augetur modò secundum ipsam vim & speciem mali, verum etiam propter accessiones & appendices aliquas aduentitias, ipsum malum quodammodo circumstantes. huiusmodi autem appendix extrinsecus accedens, & aduentitia est illa mali futuri necessitas, quæ remedium respuit. Igitur illud malum, quod remedio caret, auget, & amplificat metum.

Primi eversionem argumenti ex iis, quæ sunt initio proposita, indicauimus suprâ, cum diximus, spem, quæ reliqua est & remanet etiam in malo naturæ futuro, & imminente non esse spem euadendi simpliciter ex periculo, sed euadendi tunc cum imminet, tamen si longo post tempore malum illud ferendum denique sit. Itaque distinguere possumus, ac partiri duplex malum remedio carens in duo genera; alterum quidem quod vitari non potest, quia futurum necessariò aliquo demum tempore est, sed tunc, cum eius species accidit animo, euadendi spes aliqua vel est, vel certè non est funditus ac penitus sublata: alterum verò; quod ne tum quidem vitari potest, cum imminet, & cum eius imago terribilis obicitur animo: itaque non modò cernitur imminens, & impendens, sed tunc etiam, & eo tempore necessariò futurum, cum imminet. qualis est mors iis, qui capitali supplicio plectendi sunt, ut ait Aristoteles. Illis enim occurrit imago & species mali, quæ simpliciter absoluteque remedio caret: cum iis mors non modò aliquando futura obiciatur, sed tum etiam, cum de ipsa cogitant, ita imminens, ut nullum ei remedium adhiberi queat. quare omnem omnino spem adimit euadendi, ac propterea timorem etiam ipsum funditus exhaurit, & stuporem parit. Illud autem malum superius remedio carens ideo, quod aliquando quidem futurum est, sed non imminet proximè, non tollit omnem euadendi spem. Quia tamen vitare semper eiusmodi malum non potero, tamen vitare nunc fortasse potero. Cum ergo dicimus, malum quod remedio caret, esse terribilius, quàm alia, hoc intelligi volumus malum, quod remedio caret, qui futurum aliquando est, & nunc quidem imminens, sed non ita necessariò impendens, ut omnino vitari non possit, quemadmodum suprâ diximus. Impendens enim malum duplex est, vnum ita necessariò impendens, ut remedium nullum admittat, ac propterea tollat funditus spem salutis; aliud impendens quidem, sed non ita necessariò, ut spem omnem excludat.

Quæ nodi solutio expedit etiam id quod secundo loco obieiebatur. Mors enim remedio quidem caret, quia demum aliquo tempore futura est: sed non tamen omni prorsus remedio caret, quia potest nunc, aut paulò post vitari, cum periculum hæud necessariò subeundum imminet.

Tertio autem argumento respondendum sic est: Aristotelem eo loco disputare de bono,

quod est per se bonum, & secundum speciem suam. Agit enim aduersus Platonem, Idem boni quandam inculcantis, quam per se & secundum speciem suam dicebat esse bonam. Bonum autem per se non redditur melius aut magis bonum propter diurnitatem, perpetuitatem, aliâve accessiones aduentitias & externas. Nos autem hic loquimur de bono, maloque, quod non quidem per se ac secundum speciem suam bonum sit, sed de bono malo-ve morali, quod accessionibus aduentitiis & circumstantibus, aliâve vitiis externis, vel minuitur, vel augetur. Si enim malum perferre certo aliquo tempore durum est, perferre idem longiore tempore durius est, atque molestius. Itaque malum morale ex diurnitate crescens & additamentum accipiens amplificabit timorem. Huiusmodi autem sunt mala remedio carentia. excipiantur enim veluti diuturna, perpetua, & infinito tempore duratura. Quo fit, ut multo magis timenda & formidolosiora esse videantur, quamalia.

Maneat ergo, malum remedio carens, quod timorem auget, illud esse, quod secundum speciem suam remedium non admittit, qualis est mors, eo tamen tempore, quo timorem creat, non respicere prorsus omne remedium. quia tunc vel euitari potest, vel obicitur animo tanquam euitabilis.

QVÆSTIO QVARTA.

De audacia, Quid sit & quibus oriatur ex causis.

AUDACIA nomen in malam plerumque partem usurpamus, hoc est, pro nimia confidentia animi, quæ nulla periculi, aut metus, aut pudoris, aut terroris habita ratione, rem aggreditur arduam, aut insuperabilem. Dictam adeo Festus existimat ab anidè agendo. Ita nonnulli eam ab audentia fecernunt; rati audentiam fortitudinis esse; audaciam temeritatis. Nihilominus minus usurpatum hic audaciam amplissimè volumus pro nomine utriusque communi. Non enim hic de audacia, quæ vitium habet loquimur, cum eius definitionem inquirimus & causas, sed de aliqua commotione animi, quæ animum concitet ad fidendum, audendumque. Quare audaciæ, audentia, confidentia, fidentia ve nomine communi nunc abutemur; de vitio postea disputaturi.

Non una eademque traditur ab omnibus audaciæ definitio; sed multiplex, ac varia: Ideoque necesse est aliâs aliqua repetere, atque omnem audaciæ causam accuratè redordiri. Quæ situm enim est à nonnullis: An audacia nascatur ab aliquo defectu, hoc est, ex eo, quod aliqua re careamus. Videbant enim Aristotelem in 2. Rhet. cap. 5. dixisse, audaces illos esse maximè, qui carent experimento periculorum; carere autem experimento est laborare defectu. Videbant eundem in

hoc lib. 3. cap. 8. docuisse, illis inesse potissimum audaciam, qui aliquid per summam iniuriam sint perpessi quæ causa facit etiam, ut ait idem Aristot. belluas ipsas audaces; quæ alieno loco, ac tempore percussæ, rectores excutiunt, & aduersus magistros impetum faciunt, quorum alioqui non verbera tantum, sed voces, ac nutus maximopere reformidant. Propter hæc, inquam, quæ ibi docentur ab Aristotele, quæsiuerunt aliqui, num audacia ex defectu aliquo, tanquam ex causa, nasceretur. Sed frustra id quæsiuerunt, cum illi qui carent experimento periculorum, sint audaciores tantummodo per accidens: propterea nimirum, quod neque debilitatem agnoscunt suam, neque periculum imminens vident. hinc enim fit, ut subducta timoris causa, veluti per accidens sequatur audacia. Ij verò, qui perpessi grauem iniuriam sunt, redduntur etiam per accidens audaciores, quia putant, Deum vindicem, eorum esse causam suscepturum, quibus iniuria imposita est. Quare ad causam accedendum erat propriam, veram, & proximam, quam ipsemet eodem loco explicat Aristoteles, affirmans, audaciæ causam tum esse propriam, cum animo spes affulserit rerum salutarium, quasi præsentium & timendarum rerum veluti distantium, aut nusquam existentium. Docet adeo, spem, verissimam audaciæ causam esse, ac proximam: ita prorsus, ut quicquid audaciam gignere potest, & timorem expungere, dicidebeat audaciæ causa; sed vel per accidens vel remota, ut dixi. Quare non illæ solum, de quibus modò dixi, hoc in numero poni possunt, sed alia propemodum infinita. Verum ut ordine percontentur & via,

Animaduertendum est, timorem, audaciam, spem, quasdam esse perturbationes, quæ positæ sunt tum in ipso appetitionis motu, tum etiam in aliqua corporis transmutatione; ac propterea causam audaciæ duplici modo spectari posse: vno quidem, penes appetitus motum; altero, penes ipsam corporis transmutationem. Si spectetur appetitus, eiusque motus, spes audaciam gignens prouocatur ex iis, quæ faciunt, ut existimemus, facile nos adipisci posse victoriam. cuiusmodi est firmitas & fortitudo corporis, visus & experientum periculorum, ingens auri vis, & exaggerata pecunia, aliæque ex eo genere multa, quæ in nostra sita potentia sunt. quod etiam pertinent præterea plura, quæ tamen in aliena manu sunt posita, ad nostram tamen potentiam referuntur, quia iis adiuuatur & perficitur maximè. Talis est amicorum multitudo, talia sunt auxilia quælibet extrinsecus accidentia, in primis que informata animis opinio præsentis atque auxiliantis Dei. Idcirco nimirum Aristoteles in 2. Rhet. cap. 5. ait, eos qui bene se habent cum diuinis, & Deo se gratiosos putant, esse animo confidentes. Confidentes, inquit, sunt quoties sperant, Deos sibi futuros esse propitios, & aliquid boni portendere vel signis, vel oraculis, vel aliis quibusdam rebus & argumentis. Et profectò nihil esse fidentius us hominibus potest,

qui se Deo curæ credunt esse: cùm nihil tam horribile sit, vt metum ipsis incutere possit. Declarant hoc non exempla illorum modò, qui summa cum animi securitate pro Christi religione quæsitissima tyrannorum cruciamenta suo iudicio & voluntate adiungere; verum etiam veteres illi à vera religione alieni. multis enim indiis decepti, planè intelligere se credebant, Deos sibi propitios esse. id verò cùm sibi in animum penitus inducerent, incredibile dictu est quàm fidenti animo aggredierentur omnia. Vel ille Tolumnius ad eorum exemplar expressus apud Virgil. in *Æned.* 10. nobis instar omnium esse possit, qui bono confirmatus augurio, ex eoque intelligere se putans præsentiam numinis, ita se suosque ad pericula belli certissima concitat;

*Accipio agnoscoque Deos: me me duce ferrum
Corripite, o Rutuli.*

Et quoniam audacia non gignitur aut augeatur solum propterea, quòd augeantur ea, quæ spei confidentia sunt, verum etiam ideo, quòd timor, aut causa timoris expellatur, addendum præterea est, & dicendum, audaciam existere tum quoque, cùm terribilia submouentur. Quo de genere multa commemorat, & percentet Arist. in lib. *Rhet.* 2. cap. 5. At enim, animum tunc esse confidentem audacemque, cùm mala longè absunt, & bona sunt in propinquo: cùm id quod peccatum est, facillè corrigi potest; cùm iniuriam neque nos accepimus, neque fecimus aliis, cùm aduersarij, vel nulli sunt, vel si qui sunt, ij nocendi facultate non pollent.

Hæc, inquam, sunt quæ facere possint audaciam, si spectetur appetitionis motus, in quo posita ex parte est. Sin autem spectetur ipsa corporis transmutatio, in qua partem alteram sicam habet, prouocatur spes, & timor depellitur, hoc est, audacia cietur, aut gliscit ex iis, quæ calorem excitant, & commouent circa cor. Docet enim Aristoteles in lib. 3. de part. animal. c. 4. eos quibus exiguum est cor, esse audaciores, eos quibus est magnum, timidiore esse. quia quemadmodum ignis non potest æque magnam domum ac paruam calefacere, sic natiuus, & inditus corpori calor difficilius magnum, quàm exiguum perfundit, & calefacit cor. Et in *Problematis* sect. 27. problem. 4. affirmat, eos qui magnum pulmonem habent, cùmque sanguineum, audacia item præditos esse propter calorem cordis inde promanantem, & consequentem. Quin eodem loco ait, bibaces, & vini cupidos homines, esse audaciores propter ipsum vini calorem. ebrietas quippe cor inflamat, amplificat, extendit, ac propterea timorem abigit & prouocat spem, quam sequitur audacia, veluti causam effectus, de qua disputamus. Id profectò confirmant exempla multorum hominum, quos & bellicos fuisse scimus & vinosos item ac bibaces adeò, vt vtriusque rei famam impleuerint. Herculis bibacitas ad miraculum vsque prouecta, & fabulas est. Alexander, quo nemo fuit audacior, toto circumductas orbe

victorias æquauit ebrietate. Papyrius ille Cursor apud Romanos æqualis Alexandri, & cum eo comparatus à Lilio, vini fuit appetentior & cibi. alij passim apud scriptores leguntur huiusmodi. & Heròes illi veteres edaces omnes fuisse dicuntur & bibaces. Nimirum insitus cordi calor bibacitatem illam excitabat, bibacitas ipsa & vinum calorem cordis faciebat auctiorem. Quare timore depulso tanta in iis existeret audacia, vt nihil esset quod dubitarent aggredi aut vincere se posse non crederent.

Id ergo manere debet, tamquam exploratum ac certum, spem esse propriam, veram, necessariam, ac proximam audaciæ causam, eiusdem autem audaciæ causas aduentitias, remotas & minus necessarias illas esse omnes, quæ spem facere aliqua ratione possunt, & de quibus hic disputauius satis. Ex quo sequitur, audaciam definiri non posse quin in eius definitione ponatur veluti quiddam primum atque præcipuum, spes. Cùm enim audacia à spe tanquam à necessaria gignatur & augeatur causa, nihil esse videtur aliud, quàm spes suis contracta limitibus, & obiecto terminata, de quibus post modum explicabo.

Animaduertendum secundo loco est, omnes huiusmodi commotiones & perturbationes ad appetentem animi facultatem pertinere. Omnis autem motus appetentis animæ, vel ad prosecutionem, vel ad fugam reuocatur. Cùm ergo audacia spes quædam sit, fuga esse non potest, sed prosecutio sit necesse est, prosecutio verò semper est boni, nunquam mali, fuga semper est mali, nunquam boni. Et tamen audacia, quia periculum imminens mali negligit, & res perdifficiles ac molestissimas aggreditur, etiam malum pro obiecto spectat, & intuetur. quod quia non declinat per fugam, videtur per prosecutionem appetere. Dicendum itaque necessariò videtur, prosecutionem per se quidem, formaliter & directè semper esse boni, nunquam mali, sed tamen per accidens, indirectè, ac secundariò, siue materialiter etiam mali esse posse. Audacia quippe per se, & tamquam in obiecto formali versatur in bono arduo, sed per accidens, indirectè, consequenter, & tamquam in obiecto materiali etiam in malo versatur, quod negligit, & contemnit.

Victoria quippe bonum arduum est, quod appetit & prosequitur velut obiectum primum. periculum verò mortis, aut acerbitates, & dolores, quos despiciit, sunt obiectum secundarium, indirectum, consequens, atque per accidens. hoc enim non per se audacia prosequitur, sed per accidens & indirectè.

Hinc ergo nata varietas definitionis est. Dicunt enim aliqui, obiectum quod directè ac per se prosequitur audacia, esse malum; consequens verò, indirectum & per accidens esse bonum. quæ opinio est D. Thomæ in prima secunda quæst. 45. artic. 2. & aliorum qui D. Thomam vario sanè modo ac vialiter interpretantur. Quapropter audaciam ita definiunt. Audacia est confidentia in periculis

aduersus obiecta mala depellenda & bona ardua consequenda. Alij definiunt hoc modo: Audacia est securitas, qua quis malum, neque tutum expectat, neque præsens perhorrescit. D. Thomas ita: Audacia est perturbatio irascens facultatis, cuius vi ad depellenda mala ardua & bona prosequenda erigitur animus. In summa malum quod in ipsa definitionis prima parte collocant, volunt per se ac directe esse obiectum audaciæ. Sed quod diximus videtur esse verum, & multo magis cum ipso consentiens Aristotele. qui in priore definitionis parte obiectum per se ac directe significat esse bonum indirecte, ac per accidens malum. sic enim eam definit in 2. Rhet. cap. 5. Confidentia spes quædam est, cum opinione proximæ salutis futuræ, & rerum horribilium, vel non futurarum vel longè remotarum. Quæ definitio probanda est, & tuenda, non propterea tantum, quod ab optimo tradatur magistro, sed quod rationi magis esse consentanea videatur, & numeris omnibus ac partibus absoluta. Non enim aliud esse confidentia potest, si genus exquiras, quàm spes, si differentia, quàm spes quædam ab opinione salutis proximæ profecta (quæ salus obiectum primum est) & ab opinione item existens rerum formidolosarum absentium, aut minimè futurarum, quæ sunt obiectum secundarium & per accidens. Nanti cum spes prosecutio sit: prosecutio verò per se non possit esse nisi boni, relinquatur, vt si malum aliquo modo etiam prosequatur, prosequatur illud indirecte, atque per accidens. Neque verò prosecutionis hoc motu excitatur & impellitur animus ideo, vt malum consequatur: sed vt superet, & euertat. In quam gratiam prosequi malum absurdum non est, neque alienum à recta doctrina, quæ tradit, prosecutionis motum esse tantummodo boni. malum enim hoc modo, prosecutioni aliquid accedens atque aduentitium est.

Sed aduersum hæc argumentum sanè validum existere potest à desperatione petitum. quippe desperatio motus est quidam, quo appetitus quasi victus difficultate adipiscendæ rei arduæ succumbit: adeoque refugit illam & auersatur eo nomine, quod superari, tenerique non possit. Habet ergo desperatio quamdam opinionem, quæ facit, vt existimemus, eam nobis deesse facultatem & vim, quæ aliquid bonum quidem, sed arduum vincere possit, & obtinere. Itaque desperationis obiectum tum malum est, tum etiam bonum. Quod cum ita sit, licet aduersus ea, quæ diximus ita disputare: Aliqua fuga potest per se ac formaliter esse boni, & bonum respicere tamquam obiectum primum; per accidens verò malum. Ergo etiam aliqua prosecutio poterit formaliter esse mali; per accidens boni. Assumptio probatur ex desperatione, quæ fuga est per se ac formaliter ardui boni, & mali per accidens. Igitur etiam poterit esse formaliter mali aliqua prosecutio. huiusmodi autem est audacia, quæ malum aggreditur.

Respondetur, verè desperationem habere

obiectum vtrumque, malum & bonum. malum quidem, quia fuga est, & recessus. bonum verò, quia vel ipsum desperationis nomen significat, cum animi motum aliquod bonum fugere & auersari. Qui enim desperat, aliquod bonum desperat, veluti diuitias, comoda, virtutem, felicitatem. Fateor, inquam, id verum esse, sed dico, malum per se ac formaliter esse obiectum desperationis, quæ fuga est: bonum autem esse obiectum per accidens, & quasi materiale. Non enim desperatio ita fuga est, & discessus à bono, quasi bonum ipsum odio habeat, & simpliciter nolit (huiusmodi enim fuga inueniri non potest) sed ideo, quod non audet illud prosequi propter rei difficultatem. quæ fuga cadit in bonum per accidens, non per se. aliud enim est bonum idcirco fugere, quod illud odio habeamus, aliud fugere ideo, quod desistamus ab eius prosecutione propter difficultatem. primum enim est aliquid per se; secundum per accidens. Quod si quæras, quodnam sit illud malum, quod per se fugit desperatio, & formaliter auersatur: ne hoc quidem inficias ibo, esse dictum explicatūque perdifficile, vt ipse quoque fatetur Valen. in prima secundæ disp. 3. quæst. 7. puncto 2. Itaque opinatur positum eiusmodi malum esse in illo facultatis defectu, qui facit, vt existimemus rem arduam à nobis vinci aut obtineri non posse. Hunc, inquam, defectum facultatis ad bonum arduum impossibile relatum putat esse formaliter, & per se desperationis obiectum, materialiter autem & per accidens esse bonum arduum futurum cum eodem facultatis defectu comparatum. Dixerim breuius, ipsam ardui rationem esse malum illud, quod per se desperationi obicitur. Est enim in ipso desperationis motu opinio illa, quæ cogit animum existimare non tantum sibi facultatis esse, quæ satis sit ad vincendam rei difficultatem: adeoque cum animus fugit, eam rei difficultatem fugit, & quod in bono cernit arduum, id verò malum est. Propterea quippe dicimus, bonum ipsum esse aliquid materiale, quia non esset desperationis obiectum, nisi malum haberet adiunctum, quod fugit desperatio. malum verò est illa difficilis & ardui ratio, quam intuetur. Itaque remitti posset in auctores hoc argumentum: Desperatio est audaciæ contraria. sed desperatio per se malum fugit, & per accidens auersatur bonum. Igitur audacia per se contendit ad bonum, & per accidens prosequitur malum.

QVÆSTIO QVINTA.

Quanam sint Timoris & audaciæ peccata, quæ dicuntur extrema.

QUID timor, quid audaciæ sit: quod vtriusque obiectum, quæ causæ, iam vidimus, sed non explicauimus ea istarum perturbationum vitia, quæ dicuntur extrema. perturbationes enim ipsæ per se impro-

non sunt, nec à virtute sunt corrigendæ, nisi ad extremum, vel per exuperantiam, vel per defectum accedant. Exposuit hæc extrema & peccata Timoris audaciæque satis Aristoteles in huius disputatione capitis, quàm supra per partes explanauimus. Sed colligam tamen hic velut epilogo quodam, ac certis conclusionibus partiæ ea, quæ ibi sunt ab Aristotele disputata, atque à nobis exposita de operibus audacis, meticulosi & fortis viri inter se collatis ac comparatis. Ita enim harum commotionum rectè intelligemus extrema, si audacis & timidi vitiosas actiones, si fortis viri laudabiles & honestas intueamur.

Prima Conclusio. Vir fortis, quamquam ille intelligitur esse, qui timore sit liber, non tamen est omnino imperterritus, nec timoris prorsus habet vacuitatem. Id quod his rationibus demonstratur. Inter ea, quæ formidantur, quædam accidunt ita formidolosa, vt nemo qui rationis sit compos, ea non perhorrescat: cuiusmodi sunt terræ motus, aliæque similia, quibus obistere vlla vis humana non potest. sed vir fortis, sano iudicio pollet, & ratione vtitur informata prudentia. ergo timet ea, quæ mortalium quisque rationis compos & mente præditus sana pertimescit. Est enim vir fortis impavidus quidem, sed vt homo, inquit Aristoteles, hoc est eatenus, quatenus patitur & finit humana natura. At hæc non patitur in malis, quæ superant omnem hominis facultatem, hominem ipsum non timere. Deinde, fortitudo mediocritas est audaciæ, ac timoris, vt demonstratum est in quæst. 1. capitis 6. Ergo vir fortis timebit mediocriter, & mediocriter audebit in iis etiam malis terribilibus, quæ non vincunt facultatem humanam, & quibus humana vis obistere potest. Quæ timendi mediocritas argumentum quoddam euerit, quo posset aliquis contendere, in malis illis imminetibus, quæ supra hominem sunt, non differre virum fortem à meticuloso; cum res æque sit vtrique formidanda. Mediocritas, inquam, euerit hoc argumentum: quia timidus in iis malis consternatur, & à ratione abalienatur: quia plus nimio timet: vir autem fortis, cum mediocritate ea timebit, cum decoro ac dignitate.

Secunda conclusio. Vir fortis non modò mediocriter audet & timet, sed timet & audet propter virtutem & finem honestum peculiarem, qui fortitudini sic propositus est, quemadmodum ceteris virtutibus propositus est suus. Non enim malè Stoici definiendo dixerunt, fortitudinem esse virtutem pro æquitate pugnantem, hoc est, pro honestate. Voluerunt quippe à nobis intelligi eos, qui vires contendunt, & despiciunt pericula, cum per vim, iniuriamque rapiant aliena vel immerètes occidant, verè fortes esse ac dici nulla ratione debere. Erit ergo verè fortis, qui timere oportet, & quantum oportet, cum oportet, & eius rei gratia cuius oportet, cum decoro ac dignitate. Nam ne tum quidem à decoro discedet cum formidabit.

Tertia conclusio. Audaces quidem per exuperantiam peccant, audendo in us, quæ timere oportet, non tamen audaciæ proprium nomen merentur 1), qui ne illa quidem metuunt, quæ supra hominem sunt, & vincunt facultatem humanam, sed stupidi potius & dementes appellandi videntur. Audaces enim propriè dicuntur 1), qui in humanis periculis, hoc est, in us, quæ secundum hominem sunt, vincique humana facultate possunt, exuperant confidendo, & plus audent, quàm audere oportet: vt Alexander, cum insiluit in oppidum Sardeacarum siue Mallorum. vel audent cum audere non oportet, nec eius rei gratia cuius oporteret audere. Itaque non est necesse, audacem omnem omnino timorem expungere. cum dici etiam possit audax si tantum non timeat quantum timere oporteat. Sed dices, eum, qui nihil timeat humana pericula, & ea quæ secundum hominem sunt, audacem propriè dici. cui ergo non appellabitur etiam audax, qui nihil timet succussiones terrarum, tonitrua, fulmina, aliæque, quæ supra hominem sunt? Respondeo fieri posse, vt etiam qui sana præditus est mente, humana pericula non probè videat, & ea, quæ rem arduam circumstant omnia: sed non posse fieri, vt succussiones, eluisiones, fulmina, aliæque huiusmodi non videat. Itaque hic intra audaciæ fines se continet, quæ non prorsus stulta, sed cæca est, atque caligans, ille verò audaciæ fines egreditur, & stulticiam ac stupiditatem attingit.

Quarta Conclusio. Timidus & meticulosus est appellandus qui in altero versatur extremo vicio. Timet enim quod timere non oportet, hostem putans qui hostis non sit, aut firmiorem & validiorem, quàm sit, laruas sibi fingens, & spectra, vbi nihil timendum est. Timet ea, quæ verè terribilia sunt, sed plus quàm oportet, & cum non oportet, & eius rei gratia cuius timere non oportet.

Quinta. Audax, fortis, ac timidus in eadem planè versantur materia, hoc est, in rebus arduis, terribilibus, & periculosis: sed multis differunt rationibus, multisque nominibus discrepant. Audax abundat, timidus deficit, fortis medium obtinet locum. Audax ante pericula præceps est, animo firmo atque valenti; sed in mediis periculis succumbit, tergiuersatur, subducit se, atque excedit à campo. Cuiusmodi Xerxes ille fuit, minax ante periculum immani fretus exercitu, in periculo sic timidus, vt primus sit in fugam auersus. Fortis verò ante pugnam & pericula quieto sedatoque animo est, in pugna & periculis feruidus, & alacrior semper increbrescente periculo. Audax & timidus nihil agunt honestatis gratia, sed alter timore consternatus retrocedit, alter aggreditur inani compulsus victoriæ spe. fortis omnia refert ad honestatem: periculumque, quod vel aggreditur, vel perfert, ac sustinet, pulcherrimo fine, ac proposito cohonestat. Quare fortes illi dicendi non sunt, qui suo sibi iudicio mortem afferunt ad inopiam, amorem impotentē, aliāve molestiam declinandam.

Duo sunt in hac postrema Conclusionē quæ postulant quæstionem. An audaces ante pericula sint alacriores quàm in periculis. An à fortitudinis laude depellendi sint qui mortem sibi suo iudicio inferant. Sit ergo

QVÆSTIO SEXTA.

An audaces sine initio pugne, vel ante pericula quàm in periculis ipsis promptiores.

PERPENDENDA proponimus hîc Aristotelis illa verba, quibus in hoc cap. 7. confirmat, audaces, præproperos & præcipientes esse; periculūque antequam in periculo versentur, adire velle atque præuertere; in ipso autem periculo relanguescere, fieri tardiores, & periculum fugere: fortes autem in rebus ipsis ac periculis acres esse celerēque, ante res & pericula, quietos atque sedatos. Hæc, inquam, quæ sic de audacibus affirmat Aristoteles, perpendenda sunt diligentius, & quærendum, verēne dicantur an secus. Aliqua sunt enim apud D. Thomam argumenta, quæ rem longè aliter se habere demonstrare videantur. Quæ antequam propono, illud monendum existimo, quod in quæstione proximè superiore nuper indicauimus, audaciam eo loco & in ea disputatione positam, acceptamque fuisse pro communi quadam affectione, quæ aduersum mala & pericula erigit animum. Definimus enim eam, quæ neque virtus, neque vitium sit, sed quæ utrumque possit admittere. Hîc autem de audacia loquimur, quæ fortitudinis alterum extremum sit, ab ipsa fortitudine corrigendum, atque ad iustam redigendum mediocritatem. Quare cū audaces hoc loco nominamus, eos intelligimus, qui veræ fortitudinis lineam egressi per exuperantiam sint. Quo posito

Primum Argumentum ita propono. Tremor, ut supra diximus, cū de timoris effectibus disputabamus, ex timore nascitur, qui audaciz contrarius est. sed audaces interdum initio atque ante periculi aggressionem contremiscunt, ut docet Aristoteles in Sect. 17. probl. 3. ergo non sunt ante pericula vel initio pugne promptiores, & aciores, quàm in ipsa pugna & inter pericula sint.

Secundum. Obiecto crescente crescit item & augetur affectus. Si enim optabile bonum est, id quod est melius, optabilius erit. Sed arduum est obiectum audaciz. ergo si augeatur, ipsa etiam crescit audacia. At periculum magis est arduum in ipsa pugna, quoniam præsens est, quàm initio, & ante pugnam, cū longius abest. ergo inter media pericula crescet audacia, & quod hinc consequens est, audaces inter ipsa pericula promptiores erunt.

Tertium. Ex vulneribus acceptis prouocatur & cietur ira. Ira verò audaciam citat, acutiusque ex Aristot. 2. Rhetor. cap. 5. ubi confirmat, iram esse conscientissimam au-

daciz. Ergo cū homines in mediis versantur periculis, & percutiuntur, vulneranturque, redduntur audaciores & promptiores quàm essent initio pugne vel ante pugnam.

Animaduertendum propterea est, audaciam esse motum appetitus sentientis. facultas verò sentiens non est ea, quæ possit vnum cum alio conferre, ratiocinari, & ea perquirere, quæ rem circumstant, & comitantur: sed habet subitum iudicium ex apprehensione natum. fit autem sæpe, ut quoniam subito illo iudicio & apprehensione non cognoscuntur omnia, quæ difficultatem in aliqua re aggredienda; vel transigenda facessunt, statim exurgat audaciz motus ad capessendum periculum. Itaque cū ipsum experimur, & in ipso versamur, multo quàm existimabamus grauiorem, maioremque difficultatem sentimus: eaque causa est, cur initio tam prompti simus & celeres, in medio autem periculo deficiamus. Sed intelligentia & mēs ipsa, quæ prædita est ratiocinandi vi, colligit, & comprehendit omnia, quæ difficultatē afferre negotio possunt. ideoque fit, ut fortes qui ex eiusdem rationis iudicio periculum aggrediuntur, initio quidem remissi, quieti sedatique, ut loquitur Aristoteles, videantur esse, sed in progressionē, atque in mediis periculis alacriores sint; quia nihil experiuntur improvisum: immò verò sæpius mala illa & discrimina longè minora quàm antè cogitauerant esse deprehendunt. Quare non modò non recedunt, verum etiam magis, magisque persistunt, quò grauiorē difficultates offendunt. Ad hæc. fortes propter bonum virtutis, suscipiunt res arduas, & mala perferunt. Cuius boni voluntatem & cupiditatem quia in mediis etiam periculis retinent mordicus, quo maiora occurrunt pericula, eo magis percurrere conantur omnia, atque ad bonum illud virtutis obtinendum euadere. Audaces verò, quia tantummodo æstimatione quadam ducuntur, quæ spem victoriæ facit, & timorem depellit, ubi periculum opinione grauius vident, & sentiunt, illico retrocedunt ac deserunt locum.

Quibus animaduersis, primæ rationi & argumento proposito sic respondeo: audaces tremore percelli & concuti propterea, quòd calor reuocatur ab extremis partibus ad intima. quod etiam timentibus accidit. Sed audacium calor reuocatur ad cor: timentium ad inferas & subiectas partes, ut alibi supra diximus. Sanguis enim, spiritus, & calor eorum, qui timent, descendit & recedit à corde: eorum qui audent, ascendit & perfugit ad cor. Quæ differentia facit, ut audaces tametsi tremunt initio, possint tamen esse alacriores & promptiores, quia tremoris illa causa cor ipsum confirmat; timentes esse prompti non possint, quia tremoris eadem causa destituit cor. Quippe utque tremor à caloris discessu nascitur. sed in audacibus calor ab extremis & inferis partibus discedit ad cor: in timentibus discedit ab intimis & superioribus, destituitque corde, descendit ad inferas.

Secundo

Secundo autem argumento videtur esse responſio difficilior: ſed dicendum tamen eſt, obiectum amoris eſſe bonum ſimpliciter, & amorem augeti, ſi bonum ſimpliciter augeatur. obiectum autem audaciæ compoſitum eſt ex bono & malo, quemadmodum ſupra docuimus: ſic proſuſ; vt motus audaciæ poſterior in obiectum malum, naſcatur ex ſpei motu iam priore in bonum. Quare ſi tantum difficultatis addatur periculo, vt ſpem ſuperet ac vincat, non ſequetur audaciæ motus, ſed vel deſiſcet vel minuetur. Quid ſi audaciæ ſequatur motus propterea, quod bonum augetur propoſitum ſpei, ipſa quoque gloriſcet & creſcet audaciæ creſcente periculo; dummodo tantum non ſit periculum ipſum, vt ſuperet ſpem, ſed non accidit hoc audacibus: quia ſemper iis minuitur ſpes in mediis periculis, quæ ante non bene prouiderant. Eſt enim virorum fortium ea prouidere.

Tertio demum reſponderi ſic poteſt: ex iniuria, & vulneribus acceptis iram non naſci, niſi ſpes aliqua ſit vltionis & victoriæ. Quare, ſi tantum periculum fuerit, vt exuperet vltionis & victoriæ ſpem, nulla ſequetur ira. Si tamen periculum minus erit ſpe, ab eaque vincetur, exorietur quidem ex iniuria ira, & quæ naſcitur ex ira, ipſa etiam augebitur audaciæ: ſed audaciæ cuiusmodi, quæ virorum fortium ſit, non eorum, qui temere aggrediuntur pericula; quosque nominamus audaces. Audacibus enim minuitur ſpes: quia tametiſi noua accedit iniuria in mediis periculis propter vulnera, periculum tamen illis improuiſum eſt, & propterea ſemper maius videtur vltionis, & victoriæ ſpe. Diximus quippe paulò antè, audaces, neque propter bonum virtutis aggredi pericula, neque ante aggreſſionem conſiderare, & inſpicere probè quæ rem circumſtant: cuiusmodi eſt tempus, locus, alienæ vires, propriæ, aliæque huiusmodi multa. adeoque in periculis minimè prouiſis, nec opinatis illis cadere ſpem oportet, audaciam minui. Hæc igitur audaciæ vitia ſunt, & hæc extrema quæ à fortitudinis virtute audaciam diſtrahant. Nam alioquin eadem eſt fortitudinis audaciæque materia: ſed differunt modo.

QVÆSTIO SEPTIMA.

An vir fortis, cum fortiter agit, habeat ſolum animo propoſitum ipſum bonum, honeſtatemque proprii habitus.

QUÆRENDVM id exiſtimo, quia Ariſtoteles in hoc cap. 7. ita loquitur hæc de re. Finis cuiusque operationis eſt qui ſecundum habitum eſt. At viro forti fortitudo ipſa honeſta res eſt. talis igitur erit etiam finis. Quibus verbis ſignificare videtur, nullum alium finem viro forti propoſitum eſſe, niſi fortitudinis ipſam honeſtatem, quam in eo intinetur habitu, à quo ad agendum impellitur, nec aliud eum expetere, cum fortiter agit, quam

ipſum fortitudinis habitum. Et tamen argumentis demonſtrari poteſt haud infirmis, alium finem viro forti propoſi, cum le periculis vitæ committit, aut fortia patitur.

Primum eſt. Finis, qui in rebus agendis præcipitur animo, prior in intentione quidem eſt, in exequentiſtamen opere vltimus, adeoque dicitur in executione poſterior. ſed actus fortitudinis eſt finis eius qui fortiter agit, non habitus ipſe: quo ſit, vt vir fortis non fortiter agat propter bonum habitus proprii.

Secundum argumentum ſuppeditat nobis D. Auguſtin. in 13. de Trinit. cap. 8. vbi ait, virtutes non eſſe propter virtutes ipſas amandas & expetendas, ſed propter beatitudinem. At fortitudo virtus eſt. ergo non eſt propter fortitudinem amanda & expetenda, ſed referenda potiùs ad vitam beatam.

Tertium ex eodem Auguſtino depromitur, affirmante in libro de Moribus Eccl. Fortitudinem eſſe amorem, propter Deum facile perferentem omnia. Deus autem non eſt ipſe fortitudinis habitus, ſed aliquid excellentius & melius. Immo verò oportet finem temper eſſe præſtantiorem iis rebus, quæ tendunt ad finem. Huc accedit, quod fortitudo agit ſæpe fortiter ob honeſtatem alterius virtutis, hoc eſt religionis, aut pietatis erga parentes, erga patriam & amicos. ergo tunc non agit ob honeſtatem operis proprii.

Animaduertendum eſt, quod ſæpè diximus aliàs, atque hoc loco potiſſimum animaduertere nos iubet D. Thomas, duplicem eſſe finem, proximum, & poſtremum. Agenti verò veluti finis proximus id propoſitum eſt, vt ſuæ formæ ſimilitudinem exprimat in alio, eo pene modo, quo ignis calefaciens id agit, & veluti finem proximum id ſequitur, vt ſimilitudinem pariat caloris ſui, aut eo, quo fabricator id tamquam finem proximum contendit, & vult, vt ſuæ ſimilitudinem artis exprimat in materia, quam tractat dum agit ex arte. Quicquid adeo boni ſequitur ex hoc fine proximo, dici poteſt finis vltimus aut remotus agentis à prudentia & recta ratione propoſitus; vel ab aliqua alia virtute imperante. Itaque

Dicendum eſt, fortem virum veluti proximum finem id velle, vt ſimilitudinem ſui habitus exprimat in actu; ſimilitudo autem eſt fortitudinis operatio perfecta moraliter: ſed veluti finem remotum extremumque id ſequi, vt vel ob honeſtatem alterius virtutis agat, vel ob publicam pacem & quietem, vel propter bonum ſimpliciter ſummum ac perfectiſſimum, quod eſt Deus.

Primum igitur argumentum in eo peccat, quod ponit pro explorato ac certo, Ariſtotelem velle, fortem virum agere fortiter propter eſſentiam habitus ſui: quod verum non eſt. vult enim tantum ſibi ſimilitudinem habitus exprimere in actu, quemadmodum dictum eſt. Duplicem enim modo, vt monet Caietan. loqui poſſumus de operatione virtutis. primo de operatione ipſa ſecundum ſubſtantiam: cuiusmodi eſt in fortitudine, timere, audere, aggredi, pati. Secundo de eadem operatione ſecundum formam conditionum & circumſtantiarum, quas nancſcitur ab ha-

bitu illo virtutis, actum, duce prudentia, non producente modo, sed dirigente & circumstantiis imbuente bonis idoneisque. à potentia enim naturali est agere ac pati voluntarie, timere, audere. sed circumstantiæ sunt ab habitu tamquam forma, quæ ab eo producatur. Et quoniam forma est finis agentis, idcirco dicitur ab Arist. in lib. 1. cap. 6. finis operationis esse, qui secundum habitum est. hoc est, finis operationis esse, non essentiam actus producere, sed perfectionem in essentia ponere, beneficio circumstantiarum, quæ perfectio forma quædam est, atque, ut loquitur S. Thom. similitudo habitus. Finis ergo viri fortis primarius & proximus non est operationis essentia, quæ produci potest à potentia naturali, sed eius forma moralis, quæ posita in eo est, ut audeat, timeat, aggrediatur, perferat cum oportet, & quemadmodum oportet, quod est à virtute.

Alia verò duo argumenta id solum demonstrant, fortitudini propositos etiam esse fines aliquos ultimos, & remotos præter proximum: quod verum est, & debet omnino concedi.

Sed quæri potest. An fortitudini proponi semper illi debeant fines, proximus & remotus; ita prorsus, ut nisi finis remotus accedat & ultimus aliquis, imperfecta dicenda sit & minus absoluta fortitudo. Respondeo, non esse necessariam accessionem alicuius ultimi & remoti finis, sed satis esse honestatem illam operis proprii, quæ finis proximus & proprius est. id verò est omnium etiam aliarum commune virtutum. Neque enim est necesse, Temperantiam, Iustitiam, alias, agere ob aliquam aliam honestatem finemve remotum: sed satis est, si agant ob honestatem illam, quæ in singulis est. Finis enim proprius iustitiæ est perfecta iustitia in actu exercito, inquit Caietanus, hoc est, actus iustitiæ eo modo productus, quo producitur ab hominibus verè perfectèque iustis; & proprius Temperantiæ finis est temperatè se gerere secundum eam virtutem, habitumque perfectum, qui Temperantia dicitur, hoc est, eo modo se gerere, quo viri verè perfectèque temperati se gerunt. Habitus quippe suarum perfectionum gratia parantur & sunt. perfectiones autem propositæ sunt in actibus, rectæ rationi legem modumque tradenti consentaneis & respondentibus. Quod verò attinet nominatim ad fortitudinem, qua de agimus, non habere illam necesse alium finem sibi præstitueret, vel ex eo constat, quod morale fortitudinis bonum ipsum per se possit oppugnari tormentis & metu mortis, ut si Tyrannus quispiam aliquos, quos fortes atque impavidos esse intelligit, aggrediatur & vexet propterea solum, quod fortitudinis bono eos privare velit, & cruciamentorum vi reddere timidos atque inconstantes. Quis enim non videat, illos habendos esse fortes, si ea tormenta pertulerint ut oportet? Cum præsertim dicat Aristoteles, illum præcipuè, potissimumque dicendum esse fortem, qui mortem honestam fortiter obeat. Hæc autem esset honesta mors, cum ex honesta causa susciperetur, hoc est, ad

promendum, retinendumque fortitudinis actum. id quod honestum est. Neque enim qui sic moterentur, aliud illo fortitudinis actu consequi contenderent, nisi fortitudinis bonum actusque perfecti continuationem ac perseverantiam, quam amitterent, nisi contemnerent mortem, hoc est, perferrent cum dignitate, æquanimiter, & ut oportet. Hæc ut diximus ita penè traduntur à Caiet. in Comment. art. 7. q. 123. 2. 2. Sed tamen videtur id esse difficile, nec fieri posse, ut Tyrannus proponat illa pericula & mortem ipsam, nisi ob aliquam turpem atque iniquam causam, & ut ij qui ea pericula mortemque perferrent, nolint aliquid honestum præterea tueri & retinere, quod amitterent, nisi res illas asperas mortemque paterentur. Respondeo rursus, Tyrannos interdum ad animi voluptatem exquisitissimis cruciasse tormentis aliquos: cuiusmodi fuerunt illi Phæzororum, Syracusanorum, Corinthiorum Principes, antiquorum scriptis & crudelitatis fama nobilitati. quod cum facerent, nullam optionem dabant iis, quos ita vexabant & occidebant; qualis videlicet datur iis, qui ad iustitiam, religionem, pudicitiam tuendam, perferunt mortem. Nisi enim ea bona tueri vellent, tormenta, & mortem perferre non cogerentur. Itaque illi, qui pro Tyranni libidine atque arbitratu occidebantur, id solum spectabant, ut fortiter in eo temporis articulo agerent, & eo modo se gererent quo se gerunt viri fortes in perferendo. Viri autem fortes in perferendo circumspiciunt hæc: ut cum tempus aggrediendi non est, non aggrediantur, sed ut patientur potius res duras & perperu difficiles, utque cum eas perferunt, perferant æquo animo, non abiecto, non molli & fracto, & quemadmodum loquitur Aristot. non indecorè. ait enim, virum fortem, ne tum quidem à decore discedere, cum patitur aspera: contra quam faciunt ij, qui nullo instructi fortitudinis habitu, ea pati coguntur. vident præterea tunc & id curant, ut ferant hæc æquo animo ac pro dignitate propter ipsam honestatem fortitudinis, quæ sic perferre tormenta mortemque iubet. In quo, ne ipsa quidem electio & voluntas deest, cum tametsi mori coguntur, suo tamen iudicio & voluntate circumstantias laudabiles adhibeant, & mediocritatem inueniant. Quemadmodum enim qui repugnat aggressoribus propterea tantum, quod vitam tueri velit, quam servare se posse confidit, vnam spectat, fortitudinis honestatem in ea positam defensione salutis, quam nobis demandat, aut permittit ipsum nature ius: sic illi qui à Tyranno circumventi vident, non esse repugnandi tempus, satis habent perferre cruciamenta eo modo, quo perferuntur à fortibus viris ob vnam fortitudinis honestatem, quando alia nulla proponitur ob quam fortiter agant.

Sed quæres iterum, quæ nam sit fortitudo perfectior; illane, quæ fortitudinis honestati adiungit aliam ab alio petitam finem; an hæc quæ sequitur tantummodo suam. Respondeo, cum alius finis honestus accedit, duplici ratione ac modo virum fortè habere se posse. primo

quidem, sic intruere potest & spectare finem illum accedentem, ut propter eum formaliter & per se velit adire pericula, aggredi, pati; veluti propter iustitiam, religionem, pudicitiam, salutem patriæ, pacem, &c. Secundo potest eundem spectare finem ita, ut non propter eum precipue, formaliterque velit agere ac pati fortis, sed propter fortitudinis ipsius honestatem auctam, amplificatamque ab eo fine. Nisi enim ille finis accessisset, non esset tam honesta fortitudinis materia, vel certe honesta prorsus, omninoque non esset. Quippe, si intelligerem, Tyrannum illum, de quo supra dicebam, non solum velle me ad animi sui voluptatem excruciare, sed id etiam agere, ut iustitiam, religionemve desererem, augetur honestas materiz. Si autem in pugna, quam volens & prudens committo cum certo vitæ periculo, non sit honestas extrinsecus accedens à salute patriæ ducta, à publica pace, aut ab alio huiusmodi fine, materia non est honesta. Cum ergo duplici hac ratione habere se possit, & gerere vir fortis in illo finis accessu aliunde petit, dico, fortitudinem illam superiorem esse hac posteriore imperfectiorem in ipso genere fortitudinis, sed fieri tamen posse, ut in alio genere sit virtus aliqua ipsa fortitudine præstantior. Ratio est, quia fortiter agit formaliter ob iustitiam, temperantiam, religionem, iustus temperatus & religiosus potius est quam fortis. Agit enim fortiter ex illarum virtutum imperio, ac propterea ab illis appellatione desumere debet: quo fit, ut imperfectè sit fortis. Sed quia inter virtutes sunt aliquæ, ipsa fortitudine præstantiores, fieri etiam potest, ut illo imperio prouehatur ipsa fortitudinis materia ad statum fortitudinis præstantioris. Posterior autem fortitudo, quia formaliter propter fortitudinis honestatem agit, nec ab alia virtute imperatur, est in ipso fortitudinis genere perfectior. Quamquam enim spectat illum finem petendum & accedentem extrinsecus, non tamen ob eum formaliter agit, sed quia intelligit, ab eo materiam fortitudinis vel coonestari simpliciter, vel adiuncta honestate reddi honestiorem. Itaque ille finis non est agenti præstitutus, sed adiunctus materiz, veluti circumstantia quædam, reddens illam vel honestam, vel honestiorem. Finis autem agenti præstitutus est fortitudinis honestas.

Itaque, quod attinet ad perfectionem, potest hæc esse gradatio. Prima, ut in ipso genere fortitudinis imperfectissima sit quæ agit formaliter ob alium finem externum, virtutemve aliquam imperantem. Secunda perfectior ea, quæ ob unam tantum fortitudinis intimam, insitamque honestatem ad agendum mouetur. Tertia perfectissima, quæ agit fortiter etiam propter accedentem extrinsecus honestatem tanquam materiam. Est prima imperfectissima; quia vix fortitudo videtur esse, nisi quodammodo materialiter: est perfectior secunda, quia fortitudinis honestate propria mouetur ad perferendam mortem. At enim Aristoteles in cap. 6. huius lib. 3. fortitudinem perfectam in morte honesta tanquam in materia vorari. Est perfectissi-

ma tertia: quia, ut idem Aristoteles ibidem docet, præstantissima fortitudinis illa species est, quæ cernitur in pulcherrima morte, qualis est, quam appetimus in bello, pro salute nimirum Ciuium, atque Reipublicæ. Habet quippe ipsam fortitudinis intimam honestatem, & aliam præterea à charitate erga patriam, & propinquos.

QVÆSTIO OCTAVA.

Vtrum ij, qui sibi mortem afferunt, dicendi sint fortes, an molles ac timidi.

LATISSIMA patet hic locus, ac multas habet vna quæstione difficultates inuolutas. Quæri quippe primum potest, num Aristoteles aliquam interdum viro forti suppeteret vel idoneam causam cur se ipsum occidat, an damnet atque improbet causas omnes: sic prorsus, ut nullam esse iustam voluntariæ mortis existimet veniam, nullumque probabilem excessum à vita, qui sponte accersatur & voluntate. Deinde: an dissentiat Aristoteles à ceteris Philosophis, ac præsertim à Platone. Tum: an ea, quæ vel Aristot. vel alij antiquorum in hoc genere dicunt, Christianorum doctrinæ consentanea sint. Hinc enim ad extremum ea de re peti iudicium debet: cum non possit non esse fortitudinis opus, ipsum se occidere, nisi hoc interdum fas esse doceant Christiani doctores, nec fortitudini cõgruens esse, si hoc semper iidem damnent, nec vlla concedant tempora, quibus hoc fortibus viris fas esse fateantur. Quod ad Aristotelem attinet, docuit ipse quidem explicatè, ob molestias, mortem sibi consciscere, mollis hominis esse, non fortis: sed quia innumerabiles prope sunt causæ, quæ homines ad se ipsos occidendos impellunt, infinitique modi, ac rationes voluntariæ mortis; putant aliqui, Aristotelem non omnes omnino causas voluntariæ mortis percessuisse, atque damnasse. Sunt enim qui ob amorem vitæ se priuent: cuiusmodi est Dido, Phædra, Eryphile, quas commemorat in 6. Virgil. quibus accedere possint Pyramus ac Tisbe, ceteriq; poetarum carminibus nobiles: alij propter rerum inopiam & paupertatem, quos idem apud Inferos collocat, atque velle maxime & exoptare,

Nunc & paupertatem & duras perferre labores.

Alij morborum & ægrotationum victi diuturnitate ac vi; cuiusmodi fuit Atticus ille Ciceronis, ut tradit Cornelius Nepos in vita; & Anaxagoras præstabilis Philosophus, quod Plutarchus affirmat in Periclis vita. Quosdam præterea ad voluntarium impellit obitum iactatio quædam, aut immortalitatis cupiditas. In quorum numero ponas Calanum Indum Philosophum magni nominis: qui diu multumque Alexandrum Magnum secutus ad extremum coram illo in ardentem se pyram coniecit, ratus ita se posse apud suos famam immortalitatis adipisci. De quo Plutarchus & Arrianus in Alexandro, & M. Tullius Cic. in primo de Diuinatione,

Ccc ij

Fecit idem Zarmarus, etiam Indus. qui vt Augusto se ostentaret, in ignem se precipitem dedit. Quod testatum Dio in lib. 54. Ad hunc ordinem voces Empedoclem, qui in Aetna craterem insiluit, vt pro Deo coleretur, & haberetur à posteris; quod traditur à Laert. atque ab Horatio canitur in hunc modum:

— Deu immortalis haberi
Dum cupit Empedocles, ardentem frigidus
Aetnam
Insiluit.

Sed nemo clariùs huius dementiæ dedit exemplum, quàm Peregrinus quidam Parianus è Ponto, cognomento Proteus, Philosophus Cynicus. Qui per celebri Olympiorum die in Pyram ea causa constructam, & succensam, adstante totius Græciæ conuentu, se ipsum vitro corripuit. Cuius vitam narrat & irridet Lucian. Aulus Gell. perstringit in cap. 11. lib. 12. proferibit Tertull. in libello, qui Martyres inscribitur. Vixit Vlpiani tēporibus, quæ causa fortasse fuit, cur ille Iuriconsultus in lib. 10. ad Sabinum ita rescripserit: Si qui tædio vitæ, vel valetudinis aduersæ impatientia, vel iactatione, vt quidam Philosophi, mortem sibi consciuerint, in ea causa sunt, vt testamenta eorum valeant. Est hoc in l. si quis filio. ff. de iniust. rupt. & izrit. fact. test. Increbuerat enim iam, & frequens erat id genus mortis apud Romanos, quod ex gloriæ cupiditate sponte subibant, vt disputat Alcian. in lib. 4. parerg. cap. 4. Alios rapit ad eundem interitum voluntarium seruitutis sub hoste perfrendæ calamitas & odium. Quo de genere Demosthenes fuit, Vticensis Cato, Brutus, & Cassius, Annibal Pænus, Ponti Rex Mithridates, & Nero. Alios creptæ pudicitie pudor; qualis Lucretia per celebri apud Romanos, apud externos Monima Milesia. Quæ cum reluctans & nolens coacta esset vel connubium, vel stuprum à Mithridate perferre, sibi mortem intulit volens. His similes esse videntur illi, qui aliquo deprehensio & cognito scelere, quod imprudentes, ignorantēsque perpetrarunt, sibi vel suffodiunt oculos, vel adimunt vitam apud Tragicos. Sunt denique qui se ipsos occidunt, ne sint suæ patriæ perniciosi. Inter quos clarissimus fuit Themistocles, qui ab ingrata patria in exilium passus, à Xerxe copiarum Princeps est factus, quas in Athenienses ciues suos infestas duceret: Sed antequam eas patriæ mœnibus admoueret, poenitentia capus, hausto tauri sanguine, se confecit; ne aut ciuitati crearet exitium si pugnaret, aut ingratus Regi videretur, nisi promissa compleret.

His causis consciscendæ mortis expositis, dicunt aliqui, quorum princeps est Obertus Gifan. Aristotelem eos tantummodo damnaſſe, & è numero fortium depulſiſſe, qui ob amorem, rerum inopiam, morbos, orbitates, aut eiusmodi similes ærumnas se perimunt; eos autem, qui ob seruitutis, dedecoris, ignominie, ac turpitudinis metum sibi mortem afferunt, non damnaſſe, nec è fortium virorum albo dispunxiſſe: Cuius ego sententiam adprobare non possum: quia nulla ducitur ratione valida, sed

infrima coniectura. Putat enim, Aristotelem non omnes omnino causas voluntariæ mortis eripere viro forti, sed aliquas dare atque concedere, propterea quod Plato distinguit diligenter ac perpendit varias interitus voluntarij causas, & aliquas vult esse probabiles. Vult adeo, putatque ipsum quoque Aristotelem eadem de voluntaria morte sentire, ac dare veniam, vt iure aliquando se ipsum possit aliquis interimere. At hoc ipsum est, quod querendum existimo, num in hoc genere Platoni conueniat cum Aristotele. Deinde Aristoteles ipse planè declarat, omnes se causas voluntariæ mortis improbare, quæ molestiam afferant iis, qui se ipsos occidunt. Sic enim loquitur: Mori autem, vt inopiam, aut amorem, aut aliquid molesti fugiamus, non est fortis viri, sed ignaui. Censet igitur Aristoteles, omnem omnino causam, quæ ad fugiendam quamlibet molestiam homini mortem voluntariam offerat, esse damnamdam. At dedecus, seruitus, aliæque huiusmodi mala, ex quorum metu adigitur aliquis ad voluntarium interitum, ex eo genere sunt, quæ molestiam afferunt. Ergo Aristotelis est opinio, ne ad dedecus quidem, ignominiam, aliãve huiusmodi turpitudinem vitandam, licere viro forti se ipsum occidere. Itaque Conclusio ex Aristotele sit, neminem habendum esse fortem, qui ad vitandam ignominiam, seruitutem, morbum, inopiam, aliãve rem eiusmodi molestiam sibi mortem consciscat. Huius rei rationes sunt apud illum duæ: Prima est: quia mollis, & fracti animi videtur esse, grauius incommoda, ærumnas, dolorem, ignominiam, seruitutem non posse perferre. Mollis autem animus longissimè distat à forti. Ex profecto quemadmodum temperantis viri non est, maiorum spe voluptatū minores contemnere, sic viri fortis esse non potest, ex maiorum metu malorum eligere minora.

Secunda ratio est. Quia vir fortis honestatis causa agit omnia, & ab honestate mouetur, cum vel aggreditur vel perfert res perperſu, factūque difficillimas. At qui se occidunt ad res vitandas molestas, nulla ducuntur honestate, sed odio mali, quod intolerandum videatur. Quæ rationes egregie tractantur ab Augusti. in lib. Ciuit. 1. cap. 2. à Iosepho in lib. 3. Excidij Hierosolymit. cap. 21. à Plutar. in vita Ciceronis extrema. An verò putauerit Aristoteles, aliquem occidere se posse honestatis, hoc est virtutis tuendæ, vel conseruandæ Reipublicæ causa, vt fecit Themistocles, iure quæri posset. Et crediderim, id fas esse ac viro forti congruens existimasse. Sed vtrum hoc probè dicatur ac rectè, videbimus ad extremum, cum de Christianorū in hoc genere doctrina disputabimus. De Platone nunc, quā secundo loco tractandā proposuimus initio quæſtionem, disserendum est, videndūque quid senserit.

Cum Aristotele sanè concordare videri potest. Nam in Phædone, vbi pulcherrima est hoc de argumento disputatio, negat vnquā vlli fas vnquam esse suo iudicio sibi mortem afferre. Atque id rationibus ostendit: quarum primam ex carceris cum corpore similitudine petit. Abi que venia Magistratus ac Principis,

inquit, nemini licet è custodia se proripere. Ergo nulli mortalium fas est pro suo arbitratu ac Deo non imperante, prodire de corpore. Est enim homo ab auctore ac Principe Deo in corporis veluti custodia & carcere collocatus. Huic similem rationem profecerunt qui dicunt, non esse boni militis, Imperatoris iniussu de statione decedere, ne diuidas in via lignum, aiebat Philolaus Pythagoricus.

Alteram ducit rationem à similitudine, quam obtinet homo cum seruis. Est enim homo mancipium Dei. At mancipiis nullum in suum ipsorum corpus & vitam est ius. Quæ ratio placuit Iuriscōsult. in l. liber homo. ff. ad leg. Aquil. ubi dicitur suorum membrorum & corporis dominum esse neminem. Quæ causa impulit Hebræos, ut qui sibi manus attulissent, eos inhumatos in sepulcrosque proiicerent, ut docet Iosephus loco laudato. Quod faciendum iubet etiam Plato in lib. 9. de leg. Videtur adeo Plato, quod initio dicebam, nullam adprobare voluntariæ causam mortis, & cum Aristotele consentire. Sed Platonici quidam id negant: in primisque Olympiodorus; ratus aliquam interitus voluntarij ab eo veniam dari verbis illis quæ sunt in Phædone huiusmodi: Fortasse igitur hoc modo haud præter rationem est, se ipsum interficere: non tamen prius, quàm necessitatem aliquam imposuerit Deus. Sed alius est apud Platonem locus in lib. 9. de leg. ubi multo planius hanc veniam dat, exponitque voluntariæ mortis causas, quas existimat iustas. Quid si aliquis, inquit, maximè propinquum & familiarem interfecerit, hoc est seipsum? Hunc talem damnamus, & probris afficimus, si tamen id fecerit, neque ciuitatis decreto iussus, neque intolerabili aliquo fortunæ casu & inevitabili, neque paupertatis, aut sustentandæ vitæ adductus ignominia. At igitur Olympiodorus incidere posse quinque tempora, quibus temporibus ex Platone fas sit vitam abrumperè, quia eius abrumpendæ iusta necessitas est. Idque ut planius ostendat mortalium vitam facit conuiuio similem, ex quo conueniens esse vult, ut quemadmodum quinque sunt idoneæ, iustæ, necessariæque causæ absoluedi tollendique conuiuij, sic totidem sint relinquendæ nostro iudicio vitæ. Primam tollendi conuiuij causam tum esse ait, cùm dominus ac princeps ad nos diuertere, atque à nobis excipi hospitio vult. Secundam cum discordia, rixa, & digladiatio super mensam inter conuiuas existunt: tertiam, cùm conuiuas iam ebrius sunt: quartam, cùm interuenit aliqua suspicio veneni epulis adpersi: quintam, cùm epulæ iam desunt, aut malè nos habere, & grauiter ægrotare super mensam incipimus. Primæ causæ simile vult esse, si Principi, aut Reipublicæ mors nostra salutaris futura sit: secundæ, si quis discordiarum & belli se causam & fomitem esse videt: tertix, si quis impotentissimè tamquam ebrius amore, aliæve cupiditate teneatur: quartæ, si pollucus aliquis eo scelere sit. quod contagione serpit ad alios: quintæ, si

prematum inopia, & morbis minimè ferendis laboremus. Quemadmodum ergo excedere mensa & abrumperè conuiuium necesse est, domino locum atque hospitium reposcente, sic vitæ relinquere oportet, inquit Olympiodorus, cùm Principi aut Reipublicæ necessarium id, aut vtile iudicamus. Quemadmodum rixantibus iam, digladiantibusque conuiuis, è vestigio conuiuii soluerè decet, ne illis arenam suppeditare videamur & campum: sic ei animam è corpore soluendam putat, qui intelligat belli se discordiarumque materiem esse. Quemadmodum ebrios iam haud amplius par est esse super mensam conuiuas; sic eos viuere amplius debere non censet, qui amore, aliæve animi cupiditate impotenter abrepti, à ratione atque à sensibus alienati videntur. Quemadmodum accidente veneni suspitione tollendæ sunt epulæ, ne veneno corripiantur omnes, & peste illa serpente conuiuas, sic eos è vita discedere ait oportere, qui quoniam polluti aliquo scelere immani sunt, quasi veneno quodà ac lue ciues inficiunt suos. Quemadmodum denique deficientibus epulis aut doloribus, morbisque ingruentibus, deserere conuiuium haud turpe putamus: sic eos existimat vitæ conuiuium relinquere posse, quibus aut inopia molesta sit, aut graues ægrotationes, aliæve calamitates eueniant. Easdem prope causas probarunt alij philosophi, ac potissimum Stoici. Qui mortem his de causis vltro susceptam & accersitam appellabant *ἐκλογὴν ἡσυχασίας*, hoc est præclarum, siue rationi consentaneum excessum, ut est apud Laërt. in vita Zenonis, & apud Alexand. Aphrod. lib. 2. de Anima prope fin. Rationē afferebant eam; quòd tam vita quàm mors inter ea ponenda sint bona, quæ dicuntur indifferentia. Adeoque sumi possit, ac non sumi quemadmodum opportunitas erit. Tale enim quiddam esse hic aiebant etiam ipsi, quale in conuiuio est, aut in ludo. Sicut igitur è conuiuio iam satur abire possum, & ludum ubi libet relinquere, sic è viuis excedere fas vnicuique putabant esse, ac vitam deserere. Quos secutus Lucretius in lib. 3. sic monere vnumquemque non dubitat.

Cum non ut plenum vita conuiuia recedat.

Epieteti Stoicorum maximi hæc similitudines & verba sunt in dissertat. 2. cap. 6. Cui enim licet, inquit, cùm lubet è conuiuio discedere, neque vltra ludere, etiam ne is manens affligitur & nauseat, ac non prius, ut ludo, interest quamdiu oblectatur? Non interest multum, ait Seneca in epist. 69. mors ad nos veniat, an ad illam nos. Illud imperitissimi cuiusque verbum esse tibi persuade. Bella res est mori sua morte. Et in epist. 26. Qui mori didicit, seruire dedit. supra omnē potentiam est: certè extra omnem. Quid ad illum carcer, & custodia, & claustra? liberum ostium habet. Voluntariam nimirum mortem, ostium animi liberum vocat: de quo idem Epietetus in Dissertat. 1. cap. 24. Caput rei memento; quòd ianua sit aperta. nec esto pueris timidior: sed ut illi, cum aliqua re non amplius delectantur, dicunt. Non

vltra ludam. sic tu cū talia aliqua videbuntur, dic. iam non ludam: & deliste. Stoicos sine dubio secutus Staius, interitum voluntarium appellat libertatis viam: quæ metaphora ostio & ianux similis est. sic epimille de Hemonide canit, qui coram Eteocle se ipsum interfecit.

*Tu tamen egregium fati, mentisque, nec unquam
Indignum passure sumum, qui comminus ausum
Vadere contemptu Regis quaque ampla venires
Libertas monstrare viam.*

Hanc viam esse latissimè patentem, atque multiplicem docet Seneca in 3. de Ira cap. 15. Quocumque respexeris, ibi malorum finis est. Vides illum præcipitem locum? illac ad libertatem descenditur. Vides illud mare, illud flumen, illum puteum? libertas illic in imo sedet. Vides illam arborem breuem, rectorridam, infelicem? pendet inde libertas. Vides iugulum tuum, guttur tuum, cor tuum? effugia seruitutis sunt. Nimis mihi, inquit, operosos exitus monstras, & multum animi ac roboris exigentes. quæris igitur quod sit ad libertatem iter? quælibet in corpore tuo vena.

Sentiunt ergo Stoici cum Platone, & cum Platoniciis ipsis: easdemque penè causas voluntariæ mortis existimant iustas, quas illi probabiles putant. Molestias enim graues vniuersè inter eas numerat Seneca in epist. 70. Sapiens viuit quantum debet, non quantum potest. Videbit vbi victurus sit, cum quibus, quomodo, quid acturus. Si multa occurrunt molesta, & tranquillitatem turbantia, emittit se. nec hoc tantum in necessitate vltima facit, sed cū primū illi cõperit suspecta esse fortuna. Sed Diogenes Laërt. distinctius has explicat moriendi causas, atque ad tria veluti genera reuocat inter illa Zenonis & Stoicorum decreta, quæ recenset in vita. Iustè, inquit, & cum ratione Sapientem educturum se è vita dicunt, vel pro patria, & amicis, vel si in acerbis doloribus versetur, itémque in membrorum mutilatione, vel morbis ægrè curandis. Triplicem, inquam, voluntariæ mortis exponit idoneam apud Stoicos causam. ad patriam, amicòsque seruandos, ad animi depellendam anxietatem, ad finiendos dolores & morbos intolerabiles corporis. intolerabiles, & insanabiles, inquam: quia leues dolores, aut certè non ita graues & sanabiles, ferendos putant. Quæ exceptio à Platone hausta est in loco supra laudato libri de legibus 9. qui inuitabili fortunæ casu, aut extrema adactum paupertate vult eum, qui cum ratione se ipsum occidat: traditurque apertius à Seneca in epist. 58. Morbum morte non fugiam dumtaxat sanabilem, nec officientem animo: non afferam mihi manūs propter dolorem. sic mori vinci est. Hunc tamen si sciero perpetuū mihi patiendum, abibo. non propter ipsum, sed quia impedimento mihi futurus est ad omne, propter quod viuatur. Imbecillus & ignauus est qui propter dolorem moritur. stultus qui doloris causa viuat. Huic similis illa vox est, & sententia in epist. 11.

Malum est in necessitate viuere: sed in necessitate viuere nulla necessitas est. Cui Quintilianus veluti concinere videtur in præfat. lib. 7. Nemo nisi tua culpa diu dolet. Declaraui hoc dogma aspero quodam dicto ac peracuto Diogenes ille cognomento Cynicus. cui cū Speusippus morbidus, atque in gestatoria sella delatus dixisset, Salue; Tu verò, respondit, non salue: qui talis cū sis, viuere sustines. Ad hoc causæ probabilis genus grauem, extremamque senectutem, quæ morboſa & inutilis esse solet, reuocabant. Testem habemus eundem Sen. in epist. illa 58. De isto, inquit, feremus sententiam. An oporteat fastidire senectutis extrema, & finem non opperiri, sed manu facere. Pròpe est à timente, qui fatum legnis expectat. Sicut ille vltra modum deditus vino, qui amphoram exsiccat, & fœcem quoque exorbet. & paulò post. Non tamen relinquam senectutem, si me totum mihi reseruabit: totum autem ab illa parte meliore. At si cõperit concutere mentem, si partes eius conuelleret, si mihi non vitam reliquerit, sed animam, proſiliam ex ædificio putrido ac ruenti. Eadem similitudine à domo desumpta vsus est Musonius apud Stob. Serm. 3. Sicuti è domo exigi videmur, inquit, cū locator, pensione non accepta, fores reuellit, regulas auferit, puteum obstruit: ita & hoc corpusculo pelliculi videor, cū natura quæ locauit, oculos adimit, aures, manus, pedes. Non miror igitur amplius, sed velut è conuiuio discedo nihil ægresco. Paruit his, quæ tradebat præceptis Stoicorum auctor ac princeps Zeno. q̃bi nonaginta octo iam natus annos, cū è schola reueniens pedem offendisset, lapsusque terram manu pulsasset, illud Euripidis cygnea voce, hoc est, vltima cecinisse dicitur, *ἔρχου, τί μ' αἰτῶ;* Venio. quid me appellas? Paruit Cleanthes. qui vlceri in ore nato, cū de medicorum consilio biduum cibo se continuisset, ac se melius iam haberet: iisdem ad cibum reuocantibus abnuat, & maiore iam viæ parte confecta, regressurum se negauit ac rediturum. Paupertatem, sed tamen extremam, & grauem in eodem numero Stoici habent: quibus præit Epictetus hoc dicto & dilemmate, vt ipsi videtur inenueabili. Cū hodie repleti fueritis, sedetis plorantes & solliciti, quid cras comesturi sitis. Mancipium si habueris, habebis, si non habueris, abibis. aperta est ianua. Sequitur Seneca in ep. 17. Necessaria deerunt? Primū deesse non poterunt, quia natura minimum petit; sed si necessitates vltimæ inciderint, exiliet è vita, & molestus sibi esse desinet.

Denique non Stoicorum modò, sed veterum omnium opinio fuit, hisce de causis licere unicuique sibi mortem asserre, atque hoc esse viri fortis; naturam anteuenire. Omnium enim nomine canit apud Sophoclem se perimens Ajax,

*Αἰχρὸν δ' αὖδ' ἐὰν τοῦ μαρτύρου χῆν,
κακὸν ὅτι μὴν ἰθαυακῆται.
Nam turpe vitam diuinam viro peti
Atque cum qua liberam uita laud fieri.*

Omnium etiam est illa vox & oratio M. Tullij in 3. de finib. ubi sic disputat. Sed cum ab his quæ secundum naturam sunt, omnia proficiantur officia, non sine causa dicitur, ad ea referri omnes cogitationes nostras, & in his excessum è vita, & in vita mansionem. In quo enim plura sunt, quæ secundum naturam sunt, huius officium est, in vita manere. In quo autem sunt plura contraria, aut fore videntur, huius officium est, ex vita excedere. ex quo apparet, sapientis aliquando esse officium, excedere è vita, cum beatus sit, & stulti manere in vita, cum sit miser. Hæc Cicero. Sed Plin. in lib. 2. cap. 63. naturam nobis ait id suadere, ut volu nate mortem accersamus in malis extremis. Ait enim, terram matrem etiam venena nostri miserram instituisse: ut facillimo haustu, illibato corpore, & toto cum sanguine extingueremur, nullo labore sentientibus similes. Docet hæc fortasse; quia viri primarij & Reges venena parata semper habebant ad subitos usus & casus graves. Scribit enim Livius, Regio more apud antiquos ad incerta fortunæ fuisse venenum sub cultode promptum. Testis Annibal, Demosthenes; alij, apud Cornelium potissimum. cuius Annales eorum pleni sunt exemplis, qui vel hausto veneno, vel vena percussa mortem sibi conscivere, ne tyrannidem pati cogerentur & fort unæ casus acerbiores.

Sit igitur huius prioris disputationis hæc in summa Conclusio: Aristoteli neminem eorum esse fortem, qui ad inopiam, ignominiam, aliàsque res molestas omnes uniuersè fugiendas vitandàsque suo se iudicio & voluntate occidant. Platonij, Stoicis, veteribus omnibus esse fortes. Ducitur Aristoteles ea ratione: quod velle illa vitare, mollis & timidi viri sit, non fortis: cuius officium est perferre & aggredi res graves atque difficiles: quod vir fortis ea, quæ fortiter agit, ad honestatem referat, non ad commodum suum. commodum autem videtur exire de vita iis, qui se ipsos occidunt. Stoici autem, Platonici, cæteri, credunt in iis calamitatibus & ærumnis positis hominibus imponi à Deo moriendi necessitatem, & quodammodo veniam dari decedendi de vita.

Superest nunc, ut videamus, an ex his aliqui cum Theologorum doctrina cõsentiant, ut ex hoc intelligamus, vera ne an falsa docuerint, & an eorum aliquis probandus esse videatur. Quæ disputatio multos soluet nodos, & quæstiones difficillimas profligabit. Quare separatim quærendum puto, quid illi hoc de loco percelebri sancitum voluerint.

QVÆSTIO NONA.

De Theologorum in hoc genere decretis.

QUAM QUAM, ea quæ Theologorum sunt, omittere soliti sumus, hoc tamen loco eos præterire non possumus, quia necesse est iis iudiciis hac de quæstione decidere, à quibus dilucidè, distinctèque tractatur. Ita

quippe intelligemus, quid antiqui peccarint Philosophi, quid veri pronunciet Aristoteles, si Theologorum super hac re decreta diligenter, obseruatèque considerabimus. Id tamen cavebo, ut quæ illorum in hac etiam quæstione sunt propria, non attingam, sed ea tantummodo seligam, quæ ipsi à moralibus accepta Philosophis accuratius, quàm iidem Philosophi, ac planius explicarunt.

Partiuntur primò voluntariam mortem in genera duo. quorum primum eorum est, qui directè, & quemadmodum dicunt, positiue sibi manus afferunt, se ipsos vel iugulantes, vel dantes præcipites, vel tradentes in flammæ, vel alia eiusmodi ratione interficientes: alterum eorum qui se indirectè vel negatiue, ut idem loquuntur, interimunt. quales sunt, qui non se quidem occidunt ferro, manu, igne, præcipitio, sed quoniam vel cibum non sumunt, vel non fugiunt inimicorum manus, quas fugere possent, vel aliquid eiusmodi faciunt, ex quo sequitur interitus, suæ ipsorum mortis esse dicuntur auctores. Quæ duo voluntariæ mortis genera volunt à nobis electè distingui: quia plurimum, ut videbimus, inter se differunt.

Iubent deinde nos animaduertere, multas vtriusque mortis voluntariæ causas ac fines esse posse. Aliqui enim id fortassis agunt, ut ignominiam, seruitutem, inopiam, morbos, aliàsque res fugiant molestas & graves, de quibus supra iam dictum est. alij, ut pudicitiam sartam, testatèque præsent, religionem, aliamve virtutem tueantur: alij, ut repetant ex se pœnas. alij, ut fugiant peccatum aliquod imminens, vel proprium, vel alienum: alij, ut citius beatitudinem æternam consequantur: alij, ut Iudici, Regive sic imperanti pareant; alij, ut amicos seruent, propinquos, ac patriam: alij, ut aliud assequantur, & teneant commodum, cuius causa rem tam arduam aggrediuntur.

Dicunt ergo primò, nullam esse posse causam tam honestam & bonam, quæ homini veniam det, ut directè ac positiue se ipsum occidat. Quo decreto proscribunt, non Platonem modò, aliòsque Philosophos veteres, verum etiam Christianos quosdam improbos, & proiecti pudoris Hæreticos, quos Circumcelliones appellat D. Augustin. in lib. de Hæresib. cap. 69. Philastrius Circuitores nominat. Genus hoc hominum agreste fuisse ait ibi D. Augustin. audaciæ famosissimæ: non in alios solum immania perpetrantium facinora, sed ne sibi quidem eadem insania, & feritate parcentium. Nam & se ipsos aquis, igne, præcipitio necare soliti erant, & in eundem furorẽ alios etiam adigebant, mortem illis, ni facerent, ac perniciem comminantes. Affirmabant verò, eos qui se sic occiderent, haud minus martyres esse, quàm qui pro religione decederent. Et quoniam cum hisce flagitiis varias regiones & oppida circumcursabant, Circumcelliones aut Circuitores sunt appellati. Idem decretum alios quosdam damnat Hæreticos, qui affirmare non dubitauerunt, eos habendos esse martyres, qui ad detestationem

& pœnam admissi sceleris, significationemque doloris ex eo concepti, sibi mortem consciscunt. Discrepant hi à superioribus, quòd illi nullam certam postulent voluntariæ mortis causam, sed voluntatem & arbitrium hominis satis esse putent, vt iure se quis & laudabiliter occidat; hi volunt, eam tantummodo causam honestam homini & laudabilem esse, si seipsum interficiat ad vindicandum admissum peccatum & pœnas ex suo ipsius flagitio repetendas. Donatistas appellat hos D. Augustin. aduersus quos disputat in lib. 1. Ciuitat. cap. 27. Quin eos etiam hæc sententia ferit, qui censuerunt, vnicuique ius esse sibi mortem asserre ad vitandum peccatum aliquod scelusque futurum, vel proprium, vel alienum, quod prouidet aliquis admissurum se nisi ipse voluntariè vitam amittat. Cum his etiam eos inuoluere necesse est, qui putarunt hanc voluntariam mortem ita honestam esse, si eo consilio suscipiatur à nobis, vt vitam immortalem inter Cœlites citius assequamur.

Quæ cum ita sint, multò magis damnatos hæc lege sancitòque oportet esse, qui propter morbos insanabiles, aut inopiam extremam, aut ignominiam & dedecus, aliàsue causas anxiferas & molestas fas esse dixerunt, se interficere ferro ac manu. Si enim hæ, quæ tam honestæ videntur esse causæ, nullum ius permittunt conueniendæ mortis, multò sanè minus idem ius dare poterunt illæ, quæ nullam habent cum honestate coniunctionem; suadent quippe voluntariam mortem ad tollendas molestias, non ad retinendam seruandamque virtutem, aut scelus imminens euitandum, puniendumve præteritum.

Rationes huiusce pronunciati tam ampli, latèque patentis videamus: inter quas aliquæ communes sunt, quæ omnes omnino huiusce mortis voluntariæ tollant atque improbent causas: alix peculiare & propriæ, quæ peculiare item causas, de quibus est dictum, nefarias esse demonstrant. Communes illæ sunt. Prima, Nulla lex, neque diuina, neque humana patitur hominem indemnatum occidi. qui enim hominem indemnatum occidit, innocentem occidere putatur. At qui se ipsum interficit, hominem indemnatum interficit; neque enim ipse priuata potestate potest se capitis condemnare. Id quod hoc dilemmate concludi sic potest: Qui se interficit, vel innocens est, vel nocens: si innocens, aduersus rectam rationem agit qui se interficit; si nocens, violat ius, quod nulli homini priuato hanc tribuit potestatem, vt hominem interficiat indemnatum. Quæ ratio tractatur ab August. in 1. Ciuitat. cap. 16. & 17. & 20. vbi eo nomine reos facit Lucretiam & Catonem; & à Lactan. in lib. 3. Instit. cap. 18. Secunda, Vnicuique insitum est à natura, vt vitam diligat, atque vt se, vitam, corpusque tueatur, declinetque ea, quæ nocitura videantur: vt rectè in primo libro de Offic. loquitur & disputat Cicero; ergo delinquit aduersum naturæ ius qui se ipsum occidit. Tertia, Vnicuique par est, & membrum Reipublicæ suæ ergo qui se interimat parte priuat aliqua,

membrumque Rempublicam, & quod inde consequens est, ei facit iniuriam: id quod ipse quoque docet Aristot. in 5. Ethic. cap. ult. laudatque Ciuitatum leges, quæ huiusmodi homines plebunt etiam mortuos, adimenda sepultura. Quibus rationibus accedere possunt illæ Philosophorum veterum suprà laudatæ similitudines, à statione militari, vel carcere petitz. Vetabat enim Pythagoras, homines, vt est apud Cic. in lib. de Senect. iniussu Imperatoris, id est Dei, de præsidio vitæ stationeque decedere: & Platoniorum omnium sermone ac voce idem denunciat in lib. de somn. Scip. Cicero, piis omnibus retinendum esse animum in custodia corporis, nec iniussu eius à quo ille datus est, ex hominum vita migrandum esse: ne munus humanum adsignatum à Deo defugisse videamur. Quare Apul. Platoniorum vnus in lib. de Phil. sic disputat: Sapiens corpus non relinquet inuito Deo; Nam etsi in eius manu est mortis facultas: & quamuis sciat, se terrenis relictis, consecuturum esse meliora, nisi perpetiendum istud lex diuina decreuerit, accersire tamen mortem non deberet. Hæc illi dicunt, iubentes opperendam esse à Deo veniam, & facultatem exeundi: sed in eo plerique istorum peccabant, quòd crederent, dari veniam à Deo cum morbi illi insanabiles, alixue molestiæ hominem vrgerent ad mortem, vt suprà docuimus ex Platone aliisque. Nihil tamen minus video, eos esse in hoc etiam dogmate inconstantes & dissimiles sui, ipsiusque veritatis adactos fuisse vi ad pronuncian- dum, maioris sapientiæ ac fortitudinis esse, perferre molestias, quàm easdem voluntaria morte finire. Vt enim ab iis testimonium huius rei petam; ille ipse Epictetus, qui morbosos & ærumnis confectos ad opperendam mortem adurget, quasi resipiscens, & saniora consilia complexus, ita secum inducit loquentes, qui de morte ex cædio vitæ sibi inferenda deliberent: Epictete, nos huius corpusculi vinculis adstringi diutius non possumus; cibum, potumque dando, dormiendo lassifumus. Nónne mors mala non est? nónne cognati Deorum sumus, atque inde venimus? Sine tandem liberari compedibus istis, atque illuc redire. Hic latrones, fures, iudicia sunt, & quos tyrannos vocant, qui potestatem in nos sumunt ob hoc corpusculum, & ea, quæ adhærent: sine, ostendamus eis, quàm nihil in nos habeant iuris. libet, libet abire. Quibus auditis sic respondet Epictetus: Homines sustinete, Deum expectate, donec ille signum dederit, & soluerit vos hoc ministerio; tunc ad eum redite. In præsentem autem tolerate æquo animo, & incolite regionem istam, in qua vos collocauit. Enimuerò exiguum tempus huius habitationis & facile, nec graue iis, qui sic affecti sunt.

Seneca verò, cuius orationem & parænesim animosam ad mortem capeßendam suprà produximus, in epist. 30. sanior effectus; Vides quosdam, inquit, optantes mortem, & quidem magis, quàm rogari solet vita. Nescio vtros ex illis maiorem nobis animum da-

re, qui deposcunt mortem, an qui hilares eam, quietisque opperiantur; quoniam illud interdum ex rabie ac repentina indignatione fit, hæc ex iudicio certo tranquillitas est. Et quoniam poetas etiam voluntariam mortem laudantes audimus, eosdem quoque mutato carmine recitantes audiamus. Apud Homerum in *Odyssea* huius palinodix testimonium est latine sic redditum.

Βολοίμην ἢ ἀνέμεναι τὸν θάνατον ἢ ἄλφ

Ἀλλ' εἰ παρ' ἀλλήλων, ὃ μὲ βίοντι πολλὸν εἶναι.

Ἡ γὰρ τῶν ἄλλων ὅτι φθισέμεν ἂν ἄνοι.

Ipse equidem malum velin agere vivere ferunt,

Pauperem apud dominū, cui nec sis copia villi,

Quam suū sibi suū dare intra, atque impetrare.

Et apud Euripidem consimilis locus est, ubi sic loquens inducitur Hercules:

Εὐκαίμην δὲ, καὶ εἰ κακίον ὦν,

Μὴ δυνάμει φῶν τίς ἐλπίων εἶναι.

Τὰς συμφορὰς δ' ὅστις οὐχ ἰσχύεται,

Οὐδ' αὖδ' εἰς αὐτὸν δυνάμει φέρονται βίον.

Considerant ego, mali vis obnoxium

Ne quis timorem vita abire conseat.

Nam qui malis subsistere haud quaquam est potius,

Nec ille contra tela subsistat iuri.

Denique subscribit his omnibus Curtius historicus, cuius in lib. 5. pulcherrimum hoc, & verissimum est dictum: Fortium virorum est magis mortem contemnere, quam odisse vitam. Sæpe cædō laboris ad utilitatem sui compelluntur ignati. At virtus nihil in expertum o-mittit. Itaque ultimum omnium mors est, ad quam non pigre ire satis est. Pulcherrimum, inquam, hoc dictum est, & cum Aristotele congruens, qui molles, ignavosque item appellat, qui se interficiunt ad inopiam, ac res alias per molestas defugiendas.

Hæ sunt communiores quædam rationes, quæ causam omnem voluntariæ mortis iniustam esse ostendunt: quod se ipsum odisse sit impium, & illi contrarium a mortui, quem erga nos ipsa nobis in sevit natura: quod Dei mancipium occidere, quod Reipublicæ membrum, & partem eripere sit iniquum: quod innocentem, aut indemnatum hominem interficere sit nefarium; quod iniussu Regis exire de custodia corporis, aut stationem relinquere non liceat. Si enim occidere se ipsum ita iniquum est, ut non possit non iniustus, aut improbus haberi qui sibi vitam eripiat, sequitur nullum esse tam honestum finem, qui possit illud opus iniustitia liberare. Finis enim bonitate quidem & probitate potest afficere quod indifferens est, sed quod est per se malum, reddere bonum iustumque non potest. At is qui se interficit, intrinsecè charitatem erga se violat, inditam à natura: & iustitiam lædit in eo, quod Deo & Reipublicæ facit iniuriam. Id enim ea de re nunc ponere placet, scio quippe, hoc disputari solere de industriis: peccet ne in charitatem, an in iustitiam qui se ipsum occidit. Ex quibus illæ suboriuntur peculiare & propriæ rationes, quæ singulas causas quantumvis in speciem honestas, explodant.

Nam primo quidem qui ad vitandam ignominiam, dedecus, aliâque vitæ mortalis ærumnas spontè decumbunt, errant: ideo quod mors malorum omnium deterrimum & postremum sit: ergo mortem eligere, ac sibi sumere ad vitandam ignominiam, aliâque vitæ calamitates, est eligere maius aliquod malum ad fugiendum minus: quod à ratione ac prudentia est alienum. Quæ ratio demonstrat, nihil rectè rationi contentaneum egisse Læcretiam, Catonem, Brutum & Cassium, aliôsq; qui, ut fugerent ignominiam, ad mortem, quæ maius quoddam est malum, confugerunt. Deinde qui dixerunt, fas esse ad sumendas ex suo crimine ac peccato pœnas sibi mortem accersere, multis errabant nominibus, de quibus Theologi disputant, sed quod ad rem nostram attinet, errabant propterea, quod non viderent, neminem unum suæ causæ iudicem idoneum esse posse. Sumere enim supplicium, pœnamque de peccatis repetere ad eum tantummodò spectat, qui publica pollet auctoritate. Qui verò ad peccatum futurum suæ proprium, siue alienum defugiendum licere putabant suo iudicio & voluntate ad mortem ruere, decepti sunt idèd, quod ad peccatum declinandum minus & incertum non est admittendum, quod est maius & certum: sed se ipsum occidere, scelus est maximum, & certum, peccatum futurum est minus, & incertum. Quare iure optimo sic disputat D. Augustinus in lib. 1. Civit. cap. 25. Si detestabile, inquit, & damnable scelus est, seipsum occidere, quis ita desipiat, ut dicat; Iam nunc peccemus, ne postea forte peccemus. Iam nunc perpetremus homicidium, ne forte postea incidamus in adulterium. Quæ ratio tam in proprium, quàm in alienum peccatum futurum æquè convenit. Nam etiam alienum peccatum futurum, est incertius, & minus quàm occisio sui. Sed est apud eundem Augustin. eod. lib. cap. 18. peculiaris quædam ratio, quæ propriè cadit in alienum. Dices, inquit, ne aliena polluat libido, metuitur. Non polluet, si aliena erit. Si autem polluit, aliena non erit. Qui denique censebant, id licitum esse ad obtinendam civitatis beatitudinem sempiternam, ignorasse videntur, hominis non esse, sed Dei conditoris, remuneratoris, & domini statuere tempus, quo tempore nos à rebus ereptos mortalibus, & exilio vitæ, asserat in sempiternæ patriæ libertatem, ac requietem. Reddè adeo ita claudit hanc disputationem Augustin. in cap. 26. Hoc dicimus, hoc asserimus, hoc modis omnibus adprobamus: neminem spontaneam mortem sibi inferre debere, velut fugiendo molestias temporales, ne incidat in perpetuas: neminem propter aliena peccata, ne hoc ipso incipiat habere gravissimum, & proprium, quem non polluebat alienum; neminem propter peccata sua præterita, propter quæ magis hac vita opus est, ut possint pœnitendo sanari; neminem velut desiderio vitæ, quàm post mortem sperat, quia reos suæ mortis melior post mortem vita non suscipit. Hæc igitur in summa decernunt Theologi, quos

iudices adhibuimus : nemini posse iustam, honestamque causam esse, cur se directè ac positine interficiat : ac propterea non posse verè fortem esse ac dici eum, qui ea ratione sibi mortem consciscat. Vt enim supra docuit Aristoteles, vir fortis ea, quæ agit, refert ad honestatem & finem bonum. Sed nulla est honesta causa huiusce mortis, nec referri potest ad bonum finem. Quamquam enim finis videtur bonus, est tamen bonus tantùm materialiter, non formaliter, cùm formaliter esse bonus non possit, nisi præsidia etiam & media bona sint, vel saltem indifferentia, hoc est ea, quæ bonitatem honestatēque mutuari possint à finē.

Ex quo postremò id debet intelligi, & hæc esse disputationis huiusce conclusio : Aristotelis doctrinam esse Theologorum decretis maximè consentaneam : cùm quas alij à paupertate, morbis, aliisque huiusmodi petitis rebus dixerunt aliquando iustas honestatēque mortis esse causas, ipse haud minùs improbas, & nefarias, quàm ipsi Theologi, putant & fecerit. Viderit autem alicui potest Aristoteles existimasse, honestatis causa, veluti seruandæ patriæ, tuendæque pudicitie, aut ex alio bono consilio, homini licere, sibi mortem asserre, eùm illorum mortem qui se occidunt, ad vitandas vitæ molestias, eo nomine culpet, quodd illi non referant eiusmodi obitum ad honestatem. Hinc enim videtur esse consequens, eos in fortium numero posuisse, qui mortem referant ad honestatem, & putasse aliquos demùm esse causas honestas voluntariè necit. Sed ego possum ostendere, non hanc illi fuisse mentem ex alio loco lib. 5. horum Eth. cap. ultimo, ubi docet iniustos esse, qui interficiunt, & patriæ iniuriam facere. At qui ob iram se ipsum iugulat, inquit, præter rectam legem id agit quod lex non permittit. iniuriam igitur facit ; sed cui ? ciuitati nimirum. Quibus sanè verbis apertè docet eiusmodi opus numquam iniustitia vacare. Occiditur enim homo indemnatus, & fortasse innocens auctoritate priuata, nec poscente, nec iudicante Republ. quod verò numquam vacat iniustitia, honestum esse numquam potest. Sed dices, quid si Respublica vel Princeps id præcipiat alicui, vt sibi iugulum secet, & ea pœna velit aliquem plectere, vt se ipsum occidat, nonne hanc honestam vnusquisque causam existimabit ? neque enim qui se sic interficit, indemnatum hominem priuata interficit auctoritate, neque Rempublicam inuitam ciue priuat & membro suo : sed damnatum occidit, & imperio Regis occidit, & Rempublicam volentem liberat eo membro ac parte, quam à se maximè disjungendam putat. Et profectò vulgaria prope fuerunt huiusmodi supplicia à Principibus irrogata sub Tiberio ; Nerone, ac Domitiano, cùm ab ipsis mitteretur ad Ciues Tribunus, aut Centurio, qui postremam denunciaret necessitatem. Cui si quis paruisset, & sua voluntate mortem occupasset, testamenti stabilitatem atque approbationem à Principe, iusta funeris, & sepulturam quasi pretium festinandi consequer-

batur. Sin minùs : carnifex, carcer, Gemoniæ, Fiscus, quæsitissima tormenta præstò erant. Similem hodièque apud Iaponas, hominum extremos, esse morem damnationis & supplicij accepimus. Rex enim alicui nobilium infensus, imperat vt admoto gladio sibi ventrem illicò fodiat.

Quid hinc ab Aristotele petitum desumptumque respondeam, planè non habeo. Illam videlicet ipse tantummodò in cap. ult. lib. 5. rationem exponit, cur nemini liceat in se ipsum ferro ac morte seruire, quodd Reipublicæ facit iniuriam. Quare si Ciuitati non esset iniurius, qui se interimeret, Aristoteli fortasse probaretur. Senecam tamen ; qui alioqui tam licenter in vitas hominum debacchatur, hæsitantem hinc video in ep. 70. Aliquando, inquit, etiam si certa mors instabit, & destinatum sibi supplicium sciet, non commodabit sapiens pœnam suæ manum. Seruitia est, timore mortis mori. Veniet qui occidat, expecta. quid occupas alienum negotium ? Hæsitantem, inquam, & titubantem video, quia his verbis deterret nos etiam ab hac morte, quæ videtur in speciem carere improbitate, atque iniustitia : sed postmodum adiecta cautione id quod dixerat, si minùs mutat, certè temperat, & distinet partitur. Non possis, inquit, de re in vniuersum pronunciare. Multa enim sunt, quæ in vtramque partem possunt trahi. Si altera mors cum tormento, altera simplex & facilis, quidni huic iniicienda sit manus ? Quemadmodum nauim eligam nauigaturus, domum habitaturus, ita mortem vtique, quæ sum à vita exiturus, meliorem. Omnia igitur in eo ponit, vt videamus, quam tandem nobis Iudex & Princeps mortem proponat ; vt eligamus leniorem. Quod ipse secutus est, à Nerone mori iussus, abiecta sponte vena. Videbat enim, acerbiora sibi reseruari supplicia, nisi hoc faceret.

Sed nos huius quoque rei veritatem à Theologorum petamus oraculis, quando eam cognoscere non possumus à Philoſophis. Respondent igitur hi : ne tum quidem licere homini sibi manus asserre, sed expectandum esse carnificem & lanienam. Is enim qui se interficit, non modò in Rempublicam & Ciuitatem peccat : sed in se ipsum, quem diligere debet, seruare, tueri, ex illo naturæ præcepto, de quo diximus supra. Quo fit, vt ne imperio quidem Principis, & magistratus iudicio ei fas sit sua manu vitam extinguere : nec potest nisi iniquè facere quodd præcipitur & iudicatur iniquè. Quod charitatis erga se ipsum præceptum & ius eo loco perspicillè non videtur Aristoteles, sed hominem omni erga se ipsum debitione liberasse ; cùm sic loquatur. Qui se ipsum iugulat, sponte propter rectam regulam id agit, quod lex non permittit, iniuriam igitur facit : sed cui ? ciuitati nimirum, non sibi ; quippe qui sponte patitur : nemo verò spontè afficitur iniuria. Quamquam enim his verbis id tantummodò decernit, &, hominem qui se iugulet, propriè non facere iniuriam sibi, sed Reipublicæ ; videtur tamen illo etiam cum absolueret charitatis iu-

re, quo erga se ipsum & vitam suam semper adstringitur. Hanc verò charitatem ille quoque violat, qui iussus iniquè se ipsum occidere, imperata tam improba exequitur per crudelitatem naturæ contrariam, cuius debet apud mortalesius esse sanctissimum.

Vnum id superest: de quo dubitari, & quæri iure optimo possit. Cur illi tam multi vel in veteribus sacrarum litterarum monumentis, vel in Annalibus Christianæ Reipublicæ commemorentur, & laudentur eo nomine, quod sibi mortem intulerint, si se ipsum occidere tam improbum, tam iniquum & nefarium est. Vt enim antiquiores primùm recensamus; Samson ille diuinitus accepta fortitudine clarus & miraculis editis, confusus Templi columnis, deiectioneque tabulato se ipsum sua manu contriuit. Iudic. 16. Eleazarus elephanto se vltro supponens occubuit. Mach. 1. cap. 6. Razias gladio se ipsum percussit, ac protinus interit. 2. Machab. 14. De his verò viris ac feminis, quæ post Christum natam, ex loque receptum, sponte se in ignes & aquas iniecerunt, aliæ ratione, cruciatus sibi pepererunt ac mortem, nihil est cur multa dicamus; plenæ sunt historiæ, plenæ litteræ antiquorum, in quibus non modò legimus id ab illis factum, sed adprobatur à viris doctissimis atque sanctissimis, imprimisque à Christiana Republica, quæ iis eo nomine publicos decreuit honores & sacros dies. Apollonia in ignem se concitauit. Vincentius vltro machinam & catenam ascendit. Pelagia Mediolani vna cum filiis suis virginibus, captam Vrbe, ne stuprum à milite victore perferre cogeretur, veluti chorum ducens è moribus se præcipitem dedit in altissimum fluium: Sophronia, quod longè maius est, vt Maxentij subterfugeret libidinem, in se ipsam armatas manus admisit & gladium.

Respondent breuissimè Theologi primùm vniuersè: monitum illud fuisse atque imperium occultum Dei, rerum omnium conditoris ac Domini, cuius & voluntati parere debemus etiam proposita morte, & charitati erga nos incomprehensæ nostrum ipsorum erga vitam amorem charitatèque posthabere. Deinde singulis istorum mortibus singulas adhibent defensiones peculiare ac proprias; Pacinus Razia quidam non probant: historias aliquas alij in suspensionem adducunt: alij aliam defensionis ineunt viam: omnes denique id affirmant, quicquid in eo genere verè narratur à sanctissimis viris; & Christianæ Reipublicæ probatur, id gestum esse diuinitus, illo inspirante atque imperante Rege ac Domino, cuius in manu vita mortaliū est. Et quoniam hoc verè dicitur, habendi non sunt fortes, qui directè ac positiuè se ipsos occidunt, nisi ad id agendum instinctu diuinitus impellantur.

Sequitur, vt videamus: An ij, qui se indirectè interimunt & negatiuè, dici fortes aliqua ratione possint: qua de re quia decernere non possumus, nisi priùs eosdem consulamus Theologos, intelligamúsque; an vnumquam fas

sit, eiusmodi mortem admittere, ad eos iterum confugiamus. Si enim eam mortem honestam interdum & iustam esse concedunt, sine dubio vir fortis est, qui eam sua voluntate suscipit, eum fortiter agat ob honestatem. Sed quia superior aucta longius disputatio est, alia erit hac de re separatim instituenda.

QVÆSTIO DECIMA.

Quid Theologi de iis decernant, qui se negatiuè, atque indirectè interficiunt.

MAGNUM est inter vtramque eadē discrimen: hoc est, inter eam, qua directè se quis occidit, & eam, qua se interficit indirectè. Prima enim vetatur præcepto, vt Theologi loquuntur, negatiuo. Non occides, altera verò affirmatiuo. Iubemur quippe multa præstare ac facere, vt vitam, corpusque tueamur. Quæ profectò plurimùm differunt inter se, cum nulla incidant tempora, quibus temporibus ea, quæ præcepto vetantur negatiuo præsertim naturali, fieri honestè, iustèque possint; incidant autem multa, quibus illa quæ vetantur affirmatiuo fieri cum laude, atque ex virtutis regula queant. Quemadmodum ergo nulla esse probabilis causa potest, cur iure ac laudabiliter aliquis se ipsum interimat, sic existerè possunt idoneæ ac laudabiles plurimæ, cur vitam non tueatur & seruet suam. Sed has causas exquirendò inuenire atque præscribere nostri nunc erit laboris & operæ; vt constituere postremo possimus, num illi fortes habendi sint, qui non se ipsos quidem iugulant, sed vitam suam interdum negligunt, quam alioqui tueri possent & conseruare.

Prima causa esse potest amicitia, propinquitas, charitas: quæ suadeat, vt amicorum, aliorumve, quos caros habemus, gratia, nos in discrimen obiciamus, nec nostri tueri velimus salutem corporis, vt vitam seruemus alienam. Secunda existit interdum & proponitur nobis causa ab aliena item salute: non tamen corporis sed animæ, quæ corpori infinitis sanè partibus & nominibus antecellit. Vt cum quis in eo periculo versatur animæ suæ, vt nisi nos vitam nostram negligamus, salutem ille sit amissurus sempiternam. Tertia causa proponitur nobis ab ipsa religionis, solidæque defensione virtutis. Fit enim sæpè, vt religionem prosteri, aut castitatem, aliâve huiusmodi virtutes tueri nequeamus, nisi nostræ nos auctores mortis & exitij sumus indirectè. Quarta causa facilè posset oriri ab imperio ac potestate illorum, quibus obtemperare ac parere debemus. Vt si Iudex aliquis, aut Princeps damnatum reum adigat ad sumendum venenum, aut ad venam sibi percutiendam, ex qua totus effluat sanguis. Quamuis enim venenum sumere, vel venam eo modo sibi ferire per se quidem sit occidere se directè, quia tamen id à damnato fit eo nomine, quod à Iudice vel Magistratu præcipitur, videtur ali-

quam saltem indirectæ mortis rationem obtinere: cùm is qui venam sibi percutit, aut venenum sumit, id ex primario consilio velit, & agat, vt obtemperet imperanti: ex qua tamen obtemperatiõe sequitur mors. Huiusmodi genere mortis Athenienses damnare soliti erant nobiles viros, & nominatim damnarunt Socratem, quem ad bibendam cicutam in carcere compulerunt. Quin apud alias quoque gentes hoc videtur supplicium fuisse solemne. Scriptum quoque reliquit de se Iosephus in lib. 2. de bello Iudaico cap. 27. eam datam sibi fuisse optionem, vt vel sibi met manum ipse detruncaret vnâ, vel ambas à carnifice amputari pateretur.

Aliæ sunt permultæ ac propemodùm innumerabiles causæ, quas apud Theologos legas. Nobis hæc satis sunt, vt de fortitudine statuamus. Ex his enim aliquot, quas ipsi vel adprobant vel refellunt ac damnant, intelligemus, vtrum hoc genere mortis fortiter agere vel non agere possimus.

Dicunt primò fas vnicuique ac laudabile proprius esse, vitam salutemque sui corporis ad seruandam æqualis amici vitam, patriam, cines, incertum obicere periculum mortis. Quæ sententia quamquam non omnium omnino Theologorum est; probatur tamen à plerisque, & profertur à D. Thoma in 3. dist. 29. quæst. 15. art. 5. ad 3. & in lib. de Regim. Princ. cap. 10. & 2. 2. q. 26. art. 4. ad 2. & art. 5. ad 1. Haussisse videntur eiusmodi doctrinam ab Aristot. in Ethic. 9. cap. 8. vbi hæc verba legas: Verum est quòd de probo viro dicitur: cum amicorum causa, & patriæ multa agere, etiam si pro ipsis mors appetenda sit. Et paulò post: Qui pro aliis mortem obire consueuerunt, eligunt sibi ipsis magnum quiddam honestum. Hunc, inquam, locum Aristotelis probarunt hi Theologi, & secuti præterea sunt Antistites Christianæ Sapientiz permagnos, Hieronymum, Ambros. Augustinum; qui laudant hoc officium amicitiz & charitatis. Quin ipse nominatim August. ait disertis verbis, pro amicis esse moriendū, vt diuina, inquit, sanxit auctoritas, hoc est illa Christi Seruatoris vox: Maiorem charitatem nemo habet, quàm vt ponat animam suam quis pro amicis suis. Disputat hac dere præclare Lactan. in lib. 5. Instit. cap. 17. Quid, inquit, iustus faciet, si nactus fuerit, aut in æquo saucium, aut in tabula naufragum? Non inuitus confiteor, morietur potius, quàm occidet. Stulticia est, inquiunt, alienæ animæ parcere cum perniciæ suæ; num etiam pro amicitia petire stultum iudicabitur? Quid ergo illi familiares Pythagorei laudantur, quorum alter se Tyranno vadem mortis pro altero dedit, alter ad præstitutum tempus, cùm iam sponsor eius duceretur, præsentiam sui fecit, eumque interuentu suo liberauit? quorum virtus in tanta gloria non haberetur, quòd alter pro amico, alter etiam pro fide mori maluit, si stulti putarentur. Denique ob hanc ipsam virtutem Tyrannus his gratiam retulit vtrumque seruando, & hominis crudelissimi natura mutata est: quin etiam depre-

catus esse dicitur, vt se tertium in amicitiam reciperent. Contendit in summa Lactan. vel ex eo demonstrare, pro amicis oppetere mortem esse laudabile, quòd nemo fuerit vnquam ne Tyrannus quidem, nulla natio, ne barbara quidem & agrestis, quæ honestum, gloriosumque non putaret amicorum causa periculum mortis sua voluntate subire, idque declarasse illa tam pauca amicorum paria, quæ duo tantum fuisse; Damon & Pythia Pythagorici, Pylades & Orestes: qui quoniam alter pro altero mortem oppetere non dubitabant, consecuti sunt apud omnes immortalitatem nominis & famæ. De morte verò illa, quam oppetimus Ciuitatis & patriæ causa, nihil est cur multum dicamus, cùm etiam pro Diis habiti, cultique sint ij, qui ea gratia in bello ceciderunt. Cautionem tamen & exceptionem adhibendam esse præcipiunt etiam, vt ne pro quolibet temerè vitam ponere fas esse putemus. Fieri quippe potest, vt amicus parum utilis Reipublicæ sit, tu verò perutilis, & ea fortassis domestica sit ratio, vt te liberis egenis omnino seruatum velit, ac propterea pro amico mori non patiat.

Multa quidem sunt quæ vincere videntur, haud fas esse pro aliis se in vitæ discrimen offerre atque interire: sed illud in primis maxime potens ac validum; quòd videatur qui sic moritur plus amicum, quàm se ipsum diligere, contra quam ab ipsa natura lege sanctissima præceptum sit. Nihil tamen minus exiguum hoc habet vim: quia vitam, amici causa contemnit, eligit sibi bonum honestum, & virtutem, vitam verò quæ bonum corporis est, & bonum utile, reseruat amico; & vitam suam, quam amittit, compensat honesto bono quod maius est: ergo sibi ipsi maius vult & parat bonum, quàm acquirat amico, & quod inde consequens est, non diligit amicum plus quàm se ipsum. Denique tam hoc argumentum, quàm aliz rationes quæ obiciuntur, si quid vincunt, vincunt non esse præceptum vllum, quo adigamur ad excipiendam pro amici vita mortem, quod verum est: idque significauit D. Augustin. cùm in lib. de Mendacio dixit, vitam suam pro alio ponere, doctrinæ regulam excedere. Neque enim vlla doctrina nos adigit ad hoc agendum; ita prorsus, vt deliquisse & peccatum admisisse dicamur, nisi pro amici vita quæ fluxa est, occumbamus; sed si faciamus tamen, apicem fastigiumque charitatis attingimus.

Dicunt secundo loco, multò magis honestum esse atque laudabile vitæ periculum adire, ac se morti committere, vt alicui salus æterna quæ immortalis animi vita est, comparatur, vel ne aliquis in exitium ruat animi sempiternum, si occidatur. Id quod faceret is, qui à latrone se pateretur occidi, nec repugnando, cùm posset, eum interficeret, quia videt eum ad inferos damnatum iri, si tum occidatur, & confectum intereat. Alia etiam esse atque incidere docent tempora. sanè multa, quibus temporibus aut fas aut necesse sit in discrimen se dare pro aliorum immortalis salute.

Dicunt

In cap. 7.
Micha. in 3.
off. c. 12. in
lib. de amicis.
cap. 10.

Dicunt tertio : nihil honestius , aut laudabilius esse , quàm pro Religione , ac virtute vitam negligere : idque fecisse Martyres illos , qui cum scirent gravissima se manere tormenta , & mortem acerbissimam , si religionem profiterentur , aut virtutem aliquam tueri vellent ex his , quas sine scelere contemnere non possumus , non dubitarunt , se in eiusmodi pericula conicere , atque indirectè sibi mortem accersere . Directè quippe in ignem se conicere , aut alio modo perire potuerunt , ut diximus suprâ , diuinitus tantùm instincti .

Dicunt quarto loco : Nemini , quamvis ad hoc damnato fas esse venenum sumere , vel aperire sibi venam , ex qua totus fluxurus sit sanguis , esset nimirum hoc directè sibi vitam auferre , ac propterea imperari fierique sine iniquitate ac scelere non posset . Aiunt enim , motus , præparationes , & actus , quibus homo iudicio iam damnatus addictusque supplicio mortem admittit , duplices esse : aliquos immediatos & proximos , ex quibus nimirum immediatè , proximèque sequitur mors . cuiusmodi est à patibulo se præcipitem dare , adigere sibi mucrosem penitus intra collum quò est à carnifice interficiendus . alios remotiores & mediatos : ut dare ac porrigere ceruicem , ipsique etiam gladio admo- uere , inferere laqueum collo , ascendere patibulum , promere præcidendam linguam aut

manus . Priores illos actus inconcessos volunt , atque inter eos connumerant venenationem , & scissionem venæ ad totum sanguinem effundendum . posteriores adprobant , & laude fortitudinis dignos putant .

Ex his consequens primum est , occidere se ipsum indirectè , aut negativè fortitudinis esse singularis , cum id honestè sit , atque ad bonum refertur animi consilium ac finem , qui homini sic agenti proponitur . Deinde summæ cuiusdam ac propè diuinæ fortitudi- ni eam nominatim adscribendam esse mortem , quam præclari Christianæ religionis Martyres adierunt . Rem enim aggressi sunt , & pertulerunt maximè arduam , atque opus illud ingentis animi ad finem longè pulcherrimum honestissimùmque retulerunt . Hæc sunt enim duæ causæ , cur ij , qui se directè ob res molestas occidunt , fortes habendi ex Aristotele non sunt , quòd sint animo fractiores , ac molles ; quippe qui grauius malum defugiunt : quòd ad nullum honestum referant finem id quod agere se fortiter existimant , cum illud tantummodo sequantur ac velint , ut præsentem se molestia liberent . Quare cum illi morientes rem acerbissimam & molestissimam suo iudicio deligerent , atque ad finem honestissimum referrent , dicendi procul dubio fortissimi & constantissimi sunt .



CAPVT OCTAVVM.

DE QVINQVE GENERIBVS FORTITVDINIS.

S V M M A.

Genera quædam esse Fortitudinis haud veræ , sed adumbratæ.

DIVISIO CAPITIS IN PARTES QVINQVE.

1. Prima Fortitudinis adulterina species politica est , honoribus aut panis incitata.
2. Secunda militaris , experimento collecta.
3. Tertia , iracunda vel timida , hoc est , ex timore vel iracundia nata.
4. Quarta confidens , ac victoriam sibi promissens.
5. Quinta ignara periculi.

PARS PRIMA CAPITIS OCTAVI.

ΛΕΥΘΥΜΙΑ ΔΕ ΚΑΙ ΕΠΙΡΑΙΑ ΕΠΙ ΠΑΝΤΙ ΕΠΙ-
 ΚΑΤΕΛΕΓΜΕΝΗ ΕΣΤΙΝ Η ΠΟΛΙΤΙΚΗ . ΜΕΛΕ-
 ΤΑΙ ΔΕ ΕΙΣ ΔΥΟ . ΔΟΧΕΙΤΑΙ ΔΕ ΑΠΟΜΟΝΩΣ ΤΟΙΣ
 ΚΑΙΝΩΝΟΙΣ ΟΙ ΠΟΛΙΤΑΙ , ΔΕ ΤΑ ΕΝ ΤΗΣ ΝΟ-
 ΜΩΝ ΕΠΙΛΗΜΙΑ , ΚΑΙ ΤΑ ΟΥΚ ΕΙΔΗΤΑ , ΚΑΙ ΑΓΕΙ ΤΑΙΣ
 ΨΥΧΑΙΣ , ΚΑΙ ΔΕ ΤΩ ΑΙΔΡΟΤΑΤΟΙ ΔΟΧΕΙΤΑΙ
 ΕΙΝΑΙ , ΠΡΟ ΟΙΣ ΟΙ ΔΕΛΟΙ , ΑΠΡΟΙ , ΟΙ ΔΕ
 ΑΙΔΡΟΙ , ΕΝΤΙΜΟΙ . ΤΟΙΟΥΤΟΙΣ ΔΕ ΚΑΙ ΟΜΗ-
 ΕΥΣ ΚΑΙ , ΕΙ ΤΩΝ ΔΙΟΜΕΔΩΝ , ΚΑΙ ΤΩΝ ΕΚΤΟΡΩΝ ,

Dicuntur autem & alia secundum
 quinque modos . Primo quidem ci-
 uilis est . maximè enim similis est . Videntur
 quippe subire pericula ciues propter panas ,
 quas sunt ex legibus , & opprobria , & pro-
 pter honores ; & idcirco fortissimi videntur
 esse : apud quos ij qui timidi sunt , in glo-
 riâ sũt , ij verò qui fortes sunt , honorati . Tales autem
 & Homer . facit : ceu Diomedem & Hectorē .

Πολυδάμας μοι πρῶτος ἐλεγχείῳ
αἰατῶσι.

Καὶ Διομήδης,

Ἐκταρ γὰρ ποτε φήσας ἐν Τρώεσσι
ἀγροῦν,

Τυδείδης ὦ ἐμῖο.

Ομοίωται δὲ αὐτῇ μέλιστα τῇ περὶ
ἐν Εἰρημῇ, ὅτι δὲ φρετὶ γῆ. δὲ
αἰδῶ γὰρ καὶ ἀφ' ἑαυτοῦ ὄρεξι. ἡμῶς
γὰρ καὶ φησὶν οἰεῖσθαι ἀγροῦ ὄντος. ἔ-
ξαι δὲ αὖ πρὸς καὶ τῶν ἑαυτοῦ φρε-
των ἀνακλινόμενοι εἰς ταῦτα. χίεσι
δὲ ὅσα, οὐ δὲ αἰδῶ, ἀλλὰ ἀφ' ὅ-
σοι αὐτὸ δρῶσι, καὶ φεύγοντες οὐδ' ἀγροῦ,
ἀλλὰ ὁ λιπὲρ. αἰατῶσι γὰρ οἱ
κύριοι, ὡς περὶ ὁ Ἐκταρ.

Οὐ δὲ ἐγὼν ἀπὸ μὲν μάχης πῶς
σοῦτα νοῶσι,

Οὐ οἱ ἀρχὸν ἐσπεῖται φησὶν κούας.

Καὶ οἱ περὶ παῖδες, καὶ αἰατῶσι,
τύχῃ οἱ. ὁ αὐτὸ δρῶσι καὶ οἱ περὶ τῶν
πατρῶν, καὶ τῶν τοιούτων περὶ παῖδες.

πῶς γὰρ ἀνακλινόμενοι. δὲ δ' ὅτι ἀνὰ κλινόμενοι δὲ, ἀλλ' ὅτι καλόν.

Polydamas mihi primus probum imponere
est Diomedes; Hector enim aliquando di-
cet inter Troianos concionem habens. Ty-
dides à me. Similis autem hac maxime
est illi, quæ prius est dicta; quia ob vir-
tutem gignitur: ob verecundiam nempe,
est honesti appetitionem, hoc est, honoris,
est ob fugam dedecoris, quod turpe est.
Posuerit autem aliquis, etiam eos, qui
à Principibus coguntur, in hoc ordine:
deteriores autem eo sunt, quod non ob ve-
recundiam, sed propter metum id agunt;
est fugientes non turpe, sed molestum.
Cogunt enim domini: ut Hector. Quem
autem ego procul à pugna fugitantem co-
gnouero; ei non licebit fugere canes. Et
qui in prima acie locant, si discesserit, ver-
berant. Idem faciunt est qui ante fossas,
est alia huiusmodi disponunt. omnes e-
nim cogunt. oportet autem, non ob ne-
cessitatem fortem esse, sed quia honestum
est.

EXPLANATIO.



FORTITUDO in duobus proximè superioribus Capitibus est vera forti-
tudo cum suis extremis, audacia & timore. Proponit nunc quinque
fortitudinis minimè veræ, sed adumbratæ atque in speciem appa-
rentis genera & modos: de quibus explere etiam in Eudæm. lib. 3.
cap. 2. & in Magn. Moral. lib. 1. cap. 19. aitque singulos appellari
fortitudines καὶ ὁμοίωται, propter similitudinem, quam videlicet obtinent cum
fortitudine vera. Porro similitudinem ipsam in eo positam esse ait, quod tam
veræ fortitudini, quàm his fortitudinis formis adumbratis ac non veris inest il-
la timoris depulsio aut vacuitas, quæ Græcis est ἀφοβία. Quisquis enim præ se fert
animum timore liberum, atque ad aggredienda paratum pericula, vulgò for-
tis appellatur. sed vera fortitudo differt ab adumbrata & simili; quod illa cum
sit habitus, constans est & perpetua; & quoniam virtus est, honesti gratia du-
citur ad agendum: hæc verò neque constans est, neque honestatis gratia facit
quod sine timore facit. Has igitur adumbratæ fortitudinis formas ac species ait
esse quinque. Civilem, militarem, eam, quæ nascitur à furore, eam quæ ori-
tur à spe, eam, quæ ab ignoratione proficiscitur. Et quoniam de his per par-
tes, ac singillatim agit, nos quoque Caput hoc octauum in partes quinque dis-
tribuamus. In hac ergo prima Civilem fortitudinem fecerunt à vera, tres velu-
ti gradus politicæ fortitudinis faciens: quorum primus in eo est, quod Ciues
adeunt pericula, & res perferunt molestas, ut vel honores consequantur Reipu-
blicæ, vel infamiam effugiant, & probra, quæ constituta sunt legibus aduersus
eos, qui timidi sunt atque ignaui. Quo factum esse ait, ut apud eas nationes &
regna, ubi magni decreti sunt honores iis, qui fortiter agunt, & maximum
dedecus iis, quos notant ignavia, longè plures numerari possunt viri fortitudi-
ne insignes, quàm apud alios; quod verissimum est. Hæc enim causa Germanos
fortitudine nobilitauit, quos teste Tacito maximos honores fortibus, summam
infamiam timidis decreuisse accepimus. Hæc Lacedæmonios supra ceteros eue-

xir, apud quos, ut tradit in Cleomene Plutarch. nihil honoratius fuit, quam fortiter agere, nihil turpius aut grauius, quam ignauia & timiditate notari. Quid de Romanis dicatur, apud quos ignaui generibus infamiae permultis & iis quaesitissimis afficiebantur? ut docet Veget. Frontinus, Aul. Gell. Cicero, alique, qui res eorum commemorarunt. Sed Aristoteles his Urbium, & gentium praetermissis institutis, Homeri testimonio rem illustrat; apud quem Hector Troianus, & Graecus Diomedes huius politicae fortitudinis ab infamiae timore profecti luculentum praebent exemplum. In Iliad. lib. 22. Hector secum ipse deliberans, ac demum constituens, honestius esse cum Achille congredi, quam intra moenia se recipere, si in Urbem redeo, inquit, veluti fugiens, Polydamas me conuictis, & probris excipiet amaris: qui suadebat ne Troianum exercitum Achillis obicerem irae, sed incolumem in Urbem reducerem. Nunc enim quia sunt ab illo misere trucidati, eius maledicta & probra effugere non potero. Id enim sibi vult versiculus ille, quem ita vertit Lambinus,

Primus Polydamas turpi me labe notabit.

Quibus verbis amoliri conatus est à se Priamum, & Hecubam parentes. qui eum orabant, ne cum Achille congrediretur. In Iliados autem θ. Nestor Diomedem hortatur ad fugam; quod Hectori diuino impetu pugnanti nemo resistere posse videretur. Diomedes id facturum se negat, ne aliquando gloriatur Hector à se Diomedem in fugam esse coniectum,

Namque Hector Troiana inter sic agmina dicit

Tydidem à me.

Sic enim Latine Lambinus. cui similem putat Gifanius illum Turni apud Virg. in lib. 10.

Quo neque me Rutuli, neque conscia turba sequatur.

Cur autem huiusmodi fortitudo non vera sit, sed verae similis, explicandum nunc est. Itaque similitudinem inuenire oportet ex altera parte, ex altera dissimilitudinem aliquam. Non enim esset adumbrata, nisi etiam dissimilis esset. At igitur Aristoteles, hanc inter ceteras adumbratas omnium proximè ad veram accedere, atque illi simillimam esse ideo, quod quemadmodum vera, sic etiam haec honesti appetitio quaedam & turpitudinis fuga videatur esse. Dissimilitudo tamen in eo posita est, quod is, qui verè fortis est, honestum persequitur ipsius honestatis gratia, & per se, hoc est, nullo proposito prorsus honore, vel praemio. Non enim alio consilio, aliave de causa fortiter agit, nisi quia sic agere iudicat honestum. & turpitudinem fugit item per se, hoc est, propterea, quod homini secundum virtutem & rationem composito dissentanea sit. sed qui politice fortis est, honestum ipse persequitur non per se, sed ob alias accersitas, atque aduentitias causas & rationes; veluti ob honores, qui cum virtute coniuncti sunt: turpitudinem verò non ob turpitudinem ipsam fugit, sed ob infamiam, quae nascitur ex turpitudine. Itaque cum honores expetit, vulgò videtur ipsam, cui debentur honores, virtutem expetere, & cum fugit infamiam ac vituperationem, vitium fugere videtur ac turpitudinem, quae inurit infamiam.

Secundum politicae fortitudinis gradum existentem facit à metu futurae poenae atque supplicij. Aliqui enim pericula aggrediuntur grauissima, non ex honoris cupiditate, aut ex infamiae fuga, sed Principum, Ducum, aliorumque qui imperant aut disponunt ordines adacti potestate. Hi enim pro imperio iubent singulos in suo loco pugnare vel inuitos, & ob timorem eosdem cogunt fortiter agere. Proponuntur enim interdum poenae grauissimae. qualis, inquit, est, quam denunciat Hector suis apud Homerum in Iliados β. ubi sic comminatur ex interpretatione Lambini.

Quem procul à pugna se se subducere cernam,

Non tamen hic autem atque canum minus esca iacebis.

Quem locum ex memoriae fortassis errore, ut Gifanius docet, & Peregrinus, Hectori tribuit Aristoteles; cum tamen Hectoris ea verba non sint, sed Agamemnonis. Erroris & deceptionis causam dedit similitudo alterius loci in Iliad. lib. 15. ubi Hector sic inducitur poenam timidis ignauiisque proponens:

Οὐδ' αὖ ἐχὼν ἀπάνευθε καὶ ἐτέρωθεν ῥοῖσιν,

Λεῖτ' οἱ θαλάτῃ μὴτις ἵσται.

Si quemquam hic alio tendentem à nauibus unquam

Repperero, ille loco mox exstinguetur eodem.

Et profecto deceptum Aristotelem fuisse memoriæ lapsu intelligimus ex Politicorum lib. 3. Ibi enim corrigit hunc errorem.

Tertium fortitudinis politicæ gradum cum vult esse, quem faciat non comminatio, sed irrogatio pœnæ. qualia sunt flagella, & verbera, quibus cæduntur à Centurionibus & Præfectis milites in acie, vt fortiter agant. Ita nimirum habiti sunt, hoc est, verberibus contusi, casique à ductoribus suis Persæ aduersus Lacedæmonas, cum pugnarunt in Thermopylis, vt narrat Herodotus. Apud Romanos notæ sũnt Præfectorum & ducum in hoc genere animaduersiones in milites ignauos, aut contumaces. cædebantur enim grauissimè, ac plerumque vite à Centurione illo, in cuius essent ordine, ac potestate. Teltis est apud Tacitum in lib. 1. Lucillius Centurio, cui nomen indiderant milites, Cedo alteram: quia fracta in tergo militis vite, poscebat alteram, ac rursus & subinde alteram in eodem frangeret. Centurio Lucillius interficitur, inquit, cui militaribus facetiis vocabulum, Cedo alteram, indiderant: quia fracta vite in tergo militis, alteram clara voce, ac rursus aliam poscebat. Scriptum est in Liuij epitom. lib. 58. Scipionem ad Numantium disciplinam corrigentem militarem, militem, quem extra ordinem deprehendisset, si Romanus erat, vitibus, si extraneus, fustibus cæcidisse. Itaque Liuius ipse in lib. 5. Fustuarium, inquit, meretur qui signa relinquit, aut præsidio decedit. & Cicero in Philipp. 3. si Consul ille; fustuarium meruerunt legiones, quæ Consulem reliquerunt. sed fustuarium est pœna militaris præcipua, quæ non vite, sed fustibus, irrogabatur in castris. describitur à Polybio diligentius in hunc modum: Arrepto fuste Tribunus vix tantum attingebat damnatum. quod vbi factum erat, omnes qui in castris erant, cædentes fustibus, lapidibusque, plerosque in ipsis castris conficiebant. ac si qui euasisent, ne sic quidem seruari poterant. quippe quibus neque in patriam redire liceret, neque à propinquis in domum recipi. Itaque fustuarium ipsum per se non erat capitalis pœna, sed sæuitia militum interdum fiebat eiusmodi. Capitales enim pœnæ in militari disciplina fuere multæ, in primisque Decimatio, Crux, ad bestias damnatio. de quibus historici passim, & Iurisperiti veteres in tit. de re Militari. Legendus Steuechius in Commentariis ad Vegetij librum 3. cap. 4. paulò ante fin. Sed has pœnas Aristoteles hic non amplectitur, cum de verberibus tantum agat. pœna illa capitalis & aliæ ignominiam irrogantes pertineant potius ad secundum gradum, vbi proponitur per comminationem pœna. Duo quippe pœnarum genera militaria erant, quorum vnum ignominiam tantum inureret, alterum etiam cruciatum afferret, vt apud Steuechium ibi leges. Vtrumque proponi potest; sed secundus gradus in comminatione consistit: hic tertius pœnam continet re ipsa irrogatam. Cum his verberibus coniungit alium cogendi modum, quem sæpe Duces adhibent in bello, cum fossam à tergo militibus obiciunt, vt vel inuiti compellantur ad pugnam, nullo patente ad salutem perquirendam effugio. id quod olim fecerunt Spartani in bello aduersus Messenios, vt narrat Græcus Scholiastes Eustratius ex poëta Tyrtæo, & Pausan. in Messenicis. Idem quoque securus est Romanus Consul ille Odassilius Crassus, cum milites, qui ab Hannibale sub iugum missi ad se redierant in castra, extra vallum tendere & esse iussit, vt immuniti assuescerent periculis, atque aduersus hostem redderentur prudentiores. Idem egerunt alij, de quibus Frontinus in lib. 4. Stratag. cap. 1. At ad extremum Aristoteles vniuersè, alios etiam esse cogendi modos & rationes infinitas, quas ipse singillatim non exponit. Sed huc referat, cum pontes rescindunt, aut portas occludunt, ne fugientibus liber sit receptus ad suos: quod fecerunt Coronæi aduersus Onomarchum & Phocenses. Huc etiam pertinet Nestor, cum Iliad. N. aciem suorum instruens, primos collocat equites, vltimos pedites fortiores, ignauos in medio: vt etiam nolentes adigerentur ad pugnam. Atque ita de triplici gradu modòve fortitudinis politicæ diximus. Inter quos primus, vt dictum est, videtur fortitudini veræ similior. consequentes non tantam cum vera fortitudine similitudinem habent. primum enim illum efficit honoris cupiditas, & turpitudinis metus; honoris autem appetitio propter eam, quam habet cum virtute coniunctionem, cuius est signum; & metus turpitudinis ob eam, quam ha-

bet turpitudine cum vitio societatem, non videntur abhorre à fortitudine. Sed reliqui duo nascuntur à metu pœnarum, à verberibus influctis, à pugnandi, & fortiter agendi necessitate. quæ res nemine abnuente fortitudini contrariæ sunt. Qui enim fortiter agit, inquit Aristoteles, fortiter agit sua ductus voluntate, non metu adactus, nec necessitatis gratia, sed honestatis. Itaque tota ratio, cur hæc politica fortitudo vera fortitudinis virtus haud sit, hoc syllogismo concludi potest. Civilis fortitudo, vel honores, quos consequi cupit, vel ignominiam, quam vitare contendit, vel propositam pœnam, quam extimescit, vel verbera, quibus dolet, & fortiter agendi necessitatem intuerur. Sed vera fortitudo, quia libera est, ex iudicio ac voluntate agit, & honestatis agit gratia quicquid fortiter agit. ergo civilis fortitudo à vera fortitudine longè abest. nec fortitudo dici potest, nisi propter similitudinem quamdam & comparisonem. Sequitur, ut de fortitudine militari dicatur.

PARS SECUNDA CAPITIS OCTAVI.

ΔΟκοῖ δὲ καὶ ἡ ἐμπειρία ἡ ποιεῖ ἕκαστα, αἰδρία τις ἐστίν. ὅταν δὲ ὁ Σωκράτης ἀνέσθῃ ἐπισημύει ἐπὶ τῶν αἰδρίων. Ἰσοδοῖ δὲ ἄλλοι μὲν, ὡς ἄλλοις, ἐν τοῖς πολεμικοῖς οἷ, οἱ στρατιώται. δοκεῖ γὰρ ἐπὶ πολλὰ χεῖρα τῇ πολέμῳ, ἃ μέγιστα σιωπευόμενοι οὐ φαίνονται δὲ αἰδρήσοι, ὅτι οἱ αἰδρῶσιν οἱ ἄλλοι οἷα ὅτιν. Εἴπα ποιεῖσαι καὶ μὴ παθεῖν μέγιστα διδάσκονται ἐκ τῆς ἐμπειρίας, καὶ φυλάττειν, καὶ πατάξαι, διδάσκονται χρῆσθαι τοῖς ὅπλοις, καὶ τοιαῦτα ἔχοντες, ὅποια αὐτοῖς εἴη καὶ ποιεῖν ὅ ποιεῖσαι, καὶ πορὸς τὸ μὴ παθεῖν χεῖρα. ὡς περὶ οὗ ἀνὸ ὅπλοις ὡπλισμένοι μέγιστα, καὶ ἀθληταὶ ἰδιώταις. καὶ γὰρ ἐν τοῖς τοιούτοις ἀγῶσι, οὐχ οἱ αἰδρήσοι μαχόμεναι εἰσιν, ἀλλ' οἱ μέγιστα ἰσχύοντες, καὶ τὰ σώματα ἀρίστα ἔχοντες. οἱ στρατιώται δὲ ὅλοι γίνονται, ὅταν ὑποστῇ ὁ κίνδυνος, καὶ λείπεται τοῖς πλήθεσι, καὶ τῆς πολεμικῆς, πορὶ γὰρ φεύγουσι. τὰ δὲ πολιτικὰ μέγιστα διδάσκονται, ὅσοι καὶ τῇ Εὐμαχίᾳ σιωποῦν. τοῖς μὲν γὰρ αἰσχύοντες τὸ φεύγειν, καὶ ὁ θάνατος τῆς τοιαύτης σωτηρίας ἀρετῶτερος. οἱ δὲ ἐκ τῆς ὀρχῆς ἐκινδυνεύοντες ὡς κρείττους ὄντες, γόντες δὲ φεύγουσι τὸν θάνατον, μάλλον τῷ αἰσχύοντες φοβούμενοι. ὁ δὲ αἰδρῶς οὐ τοιοῦτος.

VIdetur autem etiam experientia, qua circa singula est, fortitudo quædam esse. Quare & Socrates putavit, scientiam esse fortitudinem. tales verò sunt alij quidem in aliis rebus, in bellicis autem milites. Videntur enim esse multa inania in bello, quæ maximè perspexerunt ipsi. Videntur ergo fortes; quia non intelligunt alij quanam sint. deinde agere, & non pati maximè possunt ob experientiam, & cavere, & ferire, valentes uti armis, & talia habentes, qualia sint, & ad agendum & ad non patiendum aptissima. Velut igitur cum incermibus armati pugnant, & athletæ cum rudibus. Etenim in talibus certaminibus non ij, qui fortissimi sunt, pugnacissimi sunt, sed ij qui maximè viribus pollent, & qui corpora optima habent. Milites verò ignavi fiunt ubi creverit periculum, & inferiores fuerint copiis, & apparatus: primi enim fugiunt. Urbana verò copia stantes insereunt; quod etiam in Hermæo contigit. His enim turpe est fugere, & mors tali salute optabilior. hi verò ab initio se se periculis obiciebant, quasi superiores essent. ubi autem periculum agnouerint, fugiunt, mortem magis, quàm dedecus pertimescentes. fortis autem non talis.

EXPLANATIO.

DE fortitudine illa non vera hic agit, quam diximus appellari posse militarem: quia à militia sumuntur eius exempla, & in militibus ipsa cernitur planius, quàm in reliquis hominum, & ab vsu, atque experientia rerum terribilium nascitur, quæ paratur in bello. sed re tamen ipsa potest etiam aliis, quàm militibus conuenire. quemadmodum enim illa superior, quamquam in ipsis quoque militibus etiam inest, politica tamen appellatur, quia nascitur ab honoris cupiditate, qui finis videtur esse politicae vitæ, vt dixit Aristot. in lib. 1. & in ea vita maximè cernitur: ita hæc tamen etiam aliis conuenire potest, militaris tamen appellatur: quia in militibus apparet maximè, & potissimum bello comparatur. Rectè igitur hic, & planè Aristoteles, cùm initio dixisset, aliquos videri fortes, vel esse fortes in speciem propter rerum terribilium vsu & periculorum experientiam, siue peritiam, adiunxit, tales quidem esse alios aliis in rebus, sed potissimum in bellicis milites. perinde ac si diceret, huiusmodi fortitudinem impropriad, ac minimè veram cum aliis omnibus in rebus, tum verò maximè in bellicis apparere. Nam in nautis malos scandentibus, atque aduersus tempestates intrepidis, in medicis aduersus vulnera constantissimis, in fabris parietariis tabulata & recta perambulantibus, in vrinatoribus & natatoribus ipsum pelagi profundum petere non dubitantibus, apparet quidem quantum vsus peritia, & experientia possit ad hanc fortitudinem progignendam; sed tamen in militibus est clarior, & longè maximè quid valeat, ostendit: cùm militaris vita contemptio quædam mortis perpetua, & periculorum experientia esse videatur. Itaque veterani habentur ideo fortissimi, quòd ex diuturno iam vsu assuefacti periculis sunt, nec ea iam amplius extimescunt. Cùm ergo tantum habeat vsus & experimentum ad fortitudinem efficiendam ponderis ac momenti, ait Aristoteles, aliquos, in primisque Socratem, existimasse fortitudinem nihil aliud esse, quàm peritiam, scientiamve terribilium rerum, & contrarium quod est apud Platonem in Protagora, & Lachete. Sed fallitur Socrates. Qui enim ex vsu, & peritia fortes sunt, non sunt propterea fortes, quòd intelligant & sciant res formidolosæ, sed quòd vsu diuturno, multaque rerum terribilium experientia didicerunt quibus adiuuentis atque præsidis aduersus eas tueri se queant, vt ipse docet Aristoteles in Eudemiis lib. 3. cap. 1. in fin. Id quod etiam hoc loco planius explicat. Ait enim in summa, duo esse, quæ præstet militibus hæc experientia. Primo enim facit, vt quàm sint in bello terrores vani, quàm multi timores intendantur frustra, probè ac penitus intelligant. Multa enim, inquit, sunt in bello inania. Dissipantur quippe sæpius terrores inanes in bello, quibus tirones quidem exanimantur, veterani tamen non percelluntur. cuiusmodi fuit ille, de quo Cæsar ita scribit in primo de bello civili: Tantus subito timor omnem exercitum occupauit, &c. & qui commemoratur à Curt. in lib. 7. Ea res, inquit, sicuti pleraque belli vana & inania Barbaros ad deditionem traxit. Barbari enim paucis conspectis, qui Petraræ fastigium inermes occuparant, eos armatos esse rati, & longè plures quàm essent, exterriti sunt, & hosti se permisissent. Ipse etiam defectus lunæ fortuitus, qui accidit in bello Macedonico, cùm Perseus ad interitum traheretur, animos Romanis addidit, consternauit Macedonas, vt apud Polyb. legitur. Apud Tacitum quoque scriptum est in Annal. primo, lunam clariore penè cælo visam languescere, Pannonicas legiones tumultuantes cohibuisse terrore, ac velut iniecta religione repressisse. Similes sunt hi terrores iis quos Græci vocant panica, πανικός. Sic enim appellant terribilissima quædam inania, & consternationes: cuiusmodi sunt Lymphatici merus. quicquid denique cum stupore terrifico & cum pauore oborto sine causâ probabili accidit ad animum repente ac subito, id dicitur panicum, & interdum timor panicus aut terribilamentum Panicum; à Pane Deo: qui pro Ioue pugnans primus dicitur Titanibus eiusmodi terrorem repente consternantem & propè lymphaticum, qui πανικός appellatur, iniectisse concha illa tortili & turbinata personans, quam in eam gratiam tum inuenit, vt est apud Pausan. in Phocaicis. Huiusmodi ergo terrores sæpe accidunt in bello: vt cùm in exercitu, nulla terroris idonea causâ, viri pariter & equi perturbantur. Exempla supra posuimus, & addere licet Hectorem in Rheso apud Euripidem, huiusmodi terrores militares panicos appellantem. Custodibus

enim nunciantibus oriri tumultum, terrorémque militum in castris, respondet Hector, cum esse motum ac metum Panicum, hoc est, inanem & sine causa concitatum.

Αλλ' ἡ τροίῳ πανὸς τρομαρὰ μάλιστα φόβῳ.

Hunc terrorem Panicum tantam interdum habere vim ait Pindarus in Nemeæis, ut in fugam vertere possit etiam viros fortissimos, ac propterea veniam dandam putat Imperatoribus ipsis, si fugiant in eo tumultu, & eo timore correpti: abalienat enim repentinus ille terror à mente viros alioqui bonos & naus.

Εν γὰρ δαυμονίοισι φόβοις,

φύγοντι ἔ παῖδες θεῶν.

In diuinis terroribus fugiunt etiam filij Deorum. Sed Aristoteles hoc loco non eam veteranis & periculis peritis militibus veniam dat: cum dicat, hoc primum eos accipere beneficium ab experientia militari, ut longo rerum terribilium usu discant ea, quæ sunt inania bellorum terribilamenta, non timere.

Secundum experientiam militaris beneficium ad fortitudinem comparandam aptissimum, in eo ponit, quod bellis diu exercitati viri, armis optimè uti sciant, ictus declinare, hostem ferire, tueri se ipsos, aduersarium prosternere. quæ pugnandi scientia facit animos, & timorem depellit. Vt enim ait Vegetius in lib. 1. cap. 1. scientia rei bellicæ dimicandi nutrit audaciam. nemo quippe facere metuit quod se bene didicisse confidit. Etenim in certamine bellorum exercitata paucitas ad victoriam promptior est, rudis & indocta multitudo exposita semper ad eandem, inquit. Pulchrè igitur Aristoteles tantam animo securitatem ab experimento & scientia militibus dari confirmat, ut cum hoste congressi, armati cum inermibus, & exercitati iam athletæ cum tironibus, ac palæstræ prorsus expertibus pugnare videantur. Græcè est, *ιδιώταις*. cum Plebeis reddit Turneb. sed non placet. videtur ea vox potius significare, cum rudibus, cum nouitiis, cum iis, qui nullam rei militaris aut palæstricæ partem attigerunt. quamquam enim *ιδιώτης* Demostheni priuatus, siue vitam priuatam agens, & vulgaris est, cum ei opponat *πολιτυόμενοι*, tamen apud Xenoph. in Pæd. est rudis, & imperitus. *ιδιώτια* verò est inscitia, & *ιδιωτών*, quod est interdum priuatam vitam ago, interdum etiam significat imperitus sum & ignoro. Similitudinem igitur hanc petiuit Aristot. à palæstra: ubi cernitur quantum inter peritum, imperitumque luctatorem, quantum inter exercitatum, nouumque pancratiastem intersit. Vt enim in his ludis non robur & firmitas corporis æstimatur, sed usus & exercitatio plurimum potest, sic in re militari non tam vires, quam periculis experimentum & tractandorum armorum peritia faciunt militem interritum, & ea contemnentem, quæ ab aliis vulgò reformidantur. Ita Gifanius existimauit interpretandam hanc comparisonem esse: quæ alioqui apud Aristotelem est obscura, & aliquid ab hoc differens sibi velle videtur. Nam in his certaminibus, inquit, (hoc est, gymniciis & palæstricis) non fortissimi quique pugnacissimi sunt, sed qui plurimum valent viribus, optimèque corporibus affecti sunt. Quæ verba sic accipienda puto: in Gymnasio non illos esse aut haberi excellentissimos, qui fortissimi, hoc est, valentissimi sunt: sed qui valent viribus & corpore affecti sunt optimè, hoc est, qui viribus suis callidè sciunt uti, & bonam corporis habitudinem firmitatèque, qua præditi sunt, adhibere, ac tractare possunt artificiosè propter diuturnam eiusmodi consuetudinem & exercitationem. perinde ac si dicat, In palæstra esse robustum & validum corpore non est satis, nisi robur illud & firmitas peritè tractentur & ex artificio. Illud enim est necessarium, sed nisi accedat exercitatio, haud magno æstimatur.

Superest nunc ut rationem & causam proferat, cur hæc militaris fortitudo usu & experientia parta discedat à veræ fortitudinis finibus & notione. quam ipse rationem exponere non potest, nisi declaranda dissimilitudine quæ inter hanc, & veram intercedit. Ait ergo, cum, qui ob hanc experientiam tantum, & exercitationem fortis dicitur, ab eo, qui verè sit fortis hoc nomine differre, quod ille non persistat, neque permaneat constans, & sibi similis in periculis perferendis, sed simul atque hostem copius aut alio bellico apparatu superiorem viderit, arripiat fugam, & terga vertat: hic contra perseueret, ac stante vultu hostem valentiorum. & quantumuis instructum excipiat venientem. quare vel hoc ipso anteponendam putat politicam fortitudinem militari. Illam enim cum perseuerantia constantiaque

pericula suscipere, ac perpeti res grauissimas, immò verò ad mortem vsque pro patria pugnare solitam ostendit ex eo praelio, quod in Hermæo commissum olim fuit. Planicies hæc est prope Coronæam Bæotiar Vrbem, Mercurio fortasse sacra ut putat Græcus Interpres: in qua planicie Coronæi ciues aduersus Onomarchum Phocensium Ducem admirabili perseverantia dimicarunt. Res in summa sic se habuit. Bello sacro Onomarchus Phocensium Dux è Thessalia rediens, Philippo Macedonum Rege, qui Lycophironem Pheræorum tyrannum bello aggressus erat, victo & profligato, Coronææ arcem repente per proditionem occupauit. Coronæi verò ciues cum auxiliatorum præsidio in hostes illicò se concitarunt, & in Campestri Urbis loco, qui Hermæus appellabatur, cum Onomarchi copiis conflixerunt, occulis ante portis ipsius Urbis, ne salutem pateret aditus ullus ex fuga. Ciues collatis signis ita constanter ad extremum vsque pugnarunt, ut omnes interneccione delecti sint. auxiliares verò illi milites & socij Bæotij, cognita Charonis Imperatoris ac Ducis sui morte, confestim & è vestigio dilapsi sunt fuga. Id videlicet est quod breuiter hic perstringit Aristoteles, cum ait, His, hoc est, ciuibus politica virtute communis fuga turpis erat: ac propterea in pugna occidere maluerunt, honorem vitæ antepponentes: illi verò, hoc est, Bæotij milites auxiliares & socij, qui fortitudine tantum militari pollebant, initio quidem pugna, quia se superiores putabant, dimicarunt strenuè: sed cognito periculo propter mortem Imperatoris, arripuerunt fugam, mortem potiùs quàm dedecus atque ignominiam extimescentes. Narrat hæc Diodor. Siculus in lib. 16. & Græcus Interpres ex Cephisodoro lib. 12. de bello sacro ex Anaximene in 4. rerum gestarum à Philippo. Ex Euphoro in lib. 30. Videtur igitur huius argumenti hæc esse summa: Vera fortitudo turpitudinem magis, quàm mortem extimescit. fortitudo militaris mortem magis, quàm turpitudinem. Ergo à vera fortitudine discrepat. Metuere autem multò magis interitum, quàm turpitudinem ipsam, intelligere licet ex eo, quòd milites hoc fortitudinis genere promptius diu pugnant, quandiu se putant superiores, & quandiu non cernunt periculum esse maius, quàm ut ab experientia & peritia vinci queat. cum autem copiis, apparatusque belli, aut morte suorum intelligunt se inferiores, & periculo videne superari peritiam, fuga sibi consulunt, nec turpitudinem meruunt, dummodo mortem effugiant. Id quod intellectum est in praelio Coronæo. cuius euentus non modò demonstrauit, milites ab experientia tantum non accipere veram fortitudinis formam, sed præterea ciues politica fortitudine instructos accedere magis ad rationem fortitudinis veræ, quàm milites.

PARS TERTIA CAPITIS OCTAUI.

KΑΙ πῶς θυμὸν δὲ ἐπὶ πλεῖστον αἰδρίας ἐπιφέρεισιν. αἰδρῆσαι γὰρ ἐστὶ δουλοῦ καὶ οἱ ἀφ' οὗ θυμὸν, ὡς περ τὰ θηρία ἐπὶ τοῖς πρώτοις φερόμενοι. ὅτι καὶ οἱ αἰδρῆσαι θυμὸν δέει. ἰσηπικώτατοι γὰρ ὁ θυμὸς πρὸς τοὺς κινδύνους, ὅθεν ἔρχεται ὁ Σθένος ἐμβαλε θυμῷ καὶ Μένος καὶ θυμὸν ἔχρει. καὶ, Δειμὺν δὲ ἀνὰ ρῖνας μῦθος καὶ, Εἴσεισι αἶμα. Πάντα γὰρ τὰ τοιαῦτα εἶοικε σημαίνει τὸν θυμὸν ἔχρει καὶ ὀρμυλῶ. οἱ μὲν οὖν αἰδρῆσαι, ἀφ' οὗ καλὸν ποιεῖσιν, ὁ δὲ θυμὸς σιωπερὶ αὐτοῖς, τὰ θηρία δὲ ἀφ' οὗ λυπηται. ἀφ' οὗ γὰρ ὁ πληγυλῶν, ἢ φοβόσθαι. ἐπεὶ δὲ καὶ ὁ ὕλη, ἢ ἐὶν ἔλθῃ, οὐ ποιεῖσιν. οὐ δὲ ὅτι αἰδρία ἔστι δεισιδαιμονία, καὶ

Etiam iram ad fortitudinem transferunt. fortes enim esse videntur etiam illi, qui ob iram tanquam bellua in eos, qui vulnerarunt, incurrunt; quia et fortes iracundiores sunt. incitatissimum enim quiddam ira est ad pericula. Quare et Homerus. Robur iniecit ira. Et, Robur iramque concitauit. Et, Ingens autem per naves robur. Et, Ferbius sanguis. Omnia enim talia videntur significare iræ concitationem et impetum. Fortes igitur propter honestatem agunt; ira tamen auxiliatur ipsis: bellua autem propter dolorem; quia nimirum vulnus acceperunt, vel quia extimescunt. Nam si in silua, vel palude sint, non aggrediuntur. non igitur fortes sunt ideo, quod à dolore, et

θυμὸς δ' ἐξαυτῷ παρὰ τὸν κίνδυνον
 ὀρμεῖ, οὗτις ἦν δὴ δὴν παρορῶντα.
 ἐπεὶ οὕτω γὰρ, καὶ οἱ ὄντοι αἰσθητοὶ αὐ-
 εῖν περιόντες, τυττόμενοι γὰρ οὐκ
 ἀφίστανται τῆς νομῆς. καὶ οἱ μὲν δὲ
 ἀφ' ἐκείνου ἔστιν ἡ ἀνδρεία (τὰ δ' ὅ-
 γνηδόνος, ἢ θυμὸς δ' ἐξαυτῷ παρὰ
 τὸν κίνδυνον. φησὶ καὶ τὸ δ' εὐκαὶ ἢ
 ἀφ' ἐκείνου ἔστιν, καὶ παρορῶντα
 παρὰ τὸν κίνδυνον, καὶ τὸ δ' ἐκείνου
 καὶ οἱ ἀνδρείοι δὲ ὀρμεῖσιν αὐτῷ
 γὰρ, ἡμῶν δὲ οὐκ ἔστιν ἡ ἀνδρεία. οἱ δὲ
 δὴν ἔστιν, μὲν γὰρ μὲν, οὐκ αἰσθητοὶ δὲ.
 ἢ γὰρ δὴν ἔστιν, ἢ δὲ ὡς ὁ λόγος, ἀλλὰ
 δὴν ἔστιν. καὶ τὸ παρὰ τὸν κίνδυνον ἔστιν.

ira concitata in periculum ruunt, nihil ter-
 ribilium providentes. Nam ita & asini
 fortes essent, cum esuriunt. verberationem
 non dimouentur à pastu. & adulteri pro-
 pter cupiditatem temeraria multa faciunt.
 Non ergo sunt fortes bellue, quæ à dolore,
 vel ira concitata in periculum ruunt. Ma-
 ximè autem naturalis videtur ea, quæ ob
 iram est. & si assumpserit electionem, at-
 que id cuius gratia, fortitudo esse. Et ho-
 mines igitur irascentes quidem dolent, ul-
 ciscetes autem gaudent. Qui verò propter
 hæc agunt, bellicosi sanè sunt, sed non for-
 tes. non enim propter honestum, neque, ut
 ratio iubet, sed propter perturbationem
 agunt. persimile verò quiddam habent.

EXPLANATIO.



EQVITVA hîc tertia fortitudinis haud veræ forma : quam θυμὸς,
 hoc est, animositas, siue ira parit ac furor, ad actum fortitudini si-
 millimum incitans. ex quo nascitur vulgaris hominum error cum
 actum fortitudinem appellantium.

Hoc genus fortitudinis adumbratæ facit Aristoteles communius &
 amplius in Eudemiis, appellans illud ἀφ' ἐκείνου. ut non ab ira tantum existere si-
 gnificaret, sed præterea ab amore, à cupiditate, atque ab aliis huiusmodi commo-
 tionibus, animum impellentibus ad contemptionem periculorum, quarum pertur-
 bationum etiam hîc infra mentionem facit. De hac ergo fortitudine demonstrat
 duo: primò quidem, iram, furorémque fortitudini esse similes. deinde in eadem
 similitudine dissimiles esse, atque à vera fortitudine discrepare. Ait ergo furorem,
 & iram sic esse fortitudini similes, ut vulgò & communi vfu loquendi plerique iram
 ad fortitudinem transferant, hoc est, iræ fortitudinis imponant nomen, & iracun-
 dos ac furiosos fortes appellent. Cur autem hoc errore ducantur, eam docet esse
 causam, quòd ira concitati homines veluti belluæ reperiunt & vulnerant eos,
 à quibus acceperint vulnus. belluas autem quæ remordent, feriunt, vulnerant eos
 à quibus afficiuntur molestia, vulgò omnes nominant fortes. Facile adeo decipiun-
 tur, eosque nominant fortes, quod belluis immanibus similes, hoc est, iracundos
 & furore percitos viderint. cum præsertim ira veram fortitudinem comitetur sem-
 per, eamque velut admotis aculeis ad agendum instimulet. Quo fit, ut sæpe nume-
 ro pro vera fortitudine furor nominetur aut ira. id quod fecit multis locis Ho-
 merus: cuius hîc testimonia profert Aristoteles, & locos quatuor. In quo tamen
 admonéo probari debere Lambini, docti hominis interpretationem. sed alioqui an-
 tiquissimus interpres qui primus opinor, Latinum fecit Aristotelem, vertit eos
 Homeri locos, haud scio an bene, certè appositè ac rei de qua disputatio est, ma-
 ximè congruenter. Vbi enim dixit Lambinus, Vires addidit ira: apud illum est, Vir-
 tutem immitte furori. quod maximè conuenit in iram, qua virtus vitur ad agen-
 dum vehementius. iræ quippe permitti tum, & tradi videtur virtus: contrâque tra-
 di & permitti ira virtuti, ut à virtute regatur, & habeatur in potestate. Secundum
 locum vbi dixit, bilem concituit & iram, reddidit ille, per virtutem furorem eri-
 ge. id quod etiam probè dicitur. quia virtutis imperio concitatur & erigitur ira,
 contrâque erecta & concitata ira morem gerit, obtemperatque virtuti. Tertiū,
 vbi dixit, acris per nares subit furor, interpretatus sic est: austeram autem per
 singulas nares virtutem emittebat. virtutem nimirum appellans furorem & iram,
 quæ significatur spiritu, flatuque è naribus erumpente. Furor enim & ira, quia ca-

lesaciunt vehementissimè cor, efficiunt, inquit D. Thomas, vt ira perciti homines spiritum è corde iam calefacto existentem per singulas nares eiecerent. Iram autem & furorem, non iram & furorem dixit, sed virtutem, quia virtus ira vertitur & furore ad fortiter agendum, & vehementer. Monebo hic iterum vnum; locum hunc sumptum esse ab Odyss. ultimo, vt docet Græcus Interpres; vbi Vlysses inducit Homerus ad Laërtem patrem profectum in agrum, & cum eo simulata hospitis persona colloquentem, fingentemque se Vlyssis amicum, ac dicentem quintum iam annum esse, cum cum reliquisset incolumem. Quare de Laërte hæc audiente subiungit.

Ὡς φάτο. τὸν δ' ἄχθ' ἐφίλη ἐχέλυψα μελαίνα.
 Ἀμφοτέρῃσι δὲ χερσὶν ἰλὼν κόιν' ἀββαλόεσσαι
 Χῖματό κα' κεφαλῆς πολὺν, αἰδὼν πταχίζων.
 Τὸς δ' ὤρετο θυμὸς, αἶα' ῥίνας δὲ οἱ ἦδ' ἔν
 Δειμὺ μὲν' ὡς ὤνυσσ' ἔφίλοι πατὴρ' ἰσορρόωντι.
 Ἔδσε δὲ μιν ἄεθ' ἑπ' ἀλμυρῷ, ἰδὲ πρὸς ἡνίκα.
Dixerat. ast illi mentem tenebrosa doloris
Oppressit nubes. imorut sùsspiria ducens
Corde senex, manibus terram iactaret utrisque,
Spargeret & canos inhonesto puluere crines.
Talibus at se se genitorem vt vidit Vlysses
Afflictare modis, animo turbatur, eique
Per nares acris subiit furor, amplius haud se
Continet. at posito peregrini nomine, in illum
Irruit, amplexusque senem, dans oscula satur.

Amor verius fuisse videtur, & commiseratio, quàm ira, quæ Vlysses erga parentem commouit, ab Aristotele tamen aliò detorquetur, & ad iram accommodatur: nisi potius iræ adscribenda sit illa commotio; quia ferre cœpit Vlysses impatienter, indignantique animo mœrorem patris immerentis, ac simul amore aduersus illum, simul ira in eos, à quibus fortasse senex ille parens premeretur & angeretur indignè, commotus est. Vt enim Penelope ac Thelemachus filius afflictabantur à procis, sic fortasse Laërtes ab iisdem, aut ab aliis per iniuriam vexabatur. vt meritò Vlyssi concitatus in corde furor per nares expiraret, & fortitudinem extimularet ad vitionem. Quartum locum, quem Lambin. reddidit, Toto feruebat corpore sanguis, eodem propè modo vertit ille vetus interpres, & ebulliuit sanguis. quæ metaphora sumpta est item à corde, circa quod sanguis effervesceat, vbi animus ira concitatur. Quare sanguinis ille feruor pro ira poni appositè potest: & quoniam pro fortitudine iræ nomen vsurpamus, ille feruor est apud Homerum fortitudo. Locus hic quartus neque in Iliade, neque in Odyssæa reperitur, vt monet Gifan. quare putat fuisse in aliquo librorum ex iis, qui non peruenerint ad nos. Concludit ad extremum Aristoteles, omnibus hisce loquendi formis ac modis voluisse Homerum significare, concitationem illam, celeritatem, impetumque, quo commouetur fortitudo aduersus pericula & res formidolosas. Fortes enim viri sunt iracundi, & quo fortiores sunt, hoc esse solent iracundiores. cuiusmodi fuisse Romanos & populos penè omnes Occidentis solis ait Græcus Scholiastes hoc loco. Non ergo sine consilio & ratione fingitur ab eodem Homero Achilles ille fortissimus sic iracundus, vt ipsemet suæ gnarus & conscius iræ, Priamum, Hectoris filij sui cadauer repetentem admoneat, nese dicto, factòve aliquo lædat. Rectè adeo Plutarc. ait, solam inter inter virtutes fortitudinem esse, quæ furentes interdum impetus habere videatur. Conuenit huc quod scriptum est apud Plat. in 2. de Rep. his planè verbis: Num fortis esse potest si non sit iracundus equus, vel canis, an aliud quoduis animal? an aduertisti quàm sit inexpugnabilis ira, & inuicta? qua præfente hominis animus ad omnia impeterritus est, & inuictus. Est enim fortitudinis quasi vehiculum ira, modò ratione regatur & prudentia. si enim rationis excutiat frænum, & nimia sit, ipsam fortitudinem funditus euertit. Quo vitio, & exuperantia cum se laborare intelligerent Spartani, ad tibiatarum modos certamen inibant, Doricam adhibentes harmoniam, quæ sedaret iræ impetum effrœnem, & refractarium, qui est in conflictu perniciosus. ita est apud Ælian. in lib. 1.

Cum ergo hæc similitudo sit causa deceptionis, videnda nunc est dissimilitudo,

& discrepantia, quæ facit, ut fortitudo illa vera non sit, sed adumbrata. Pergit igitur hanc differentiam assignare; confirmans, viros verè fortes agere omnia honestatis & virtutis gratia, ira tantum adiutos, veluti subsidio quodam, & instrumento: fortes verò illos ex iracundia & furore, non agere fortiter honestatis, & virtutis ergo, sed propter tristitiam animo conceptam ex iniuria, quam acceperunt, nec adhuc vindicatam vident: iramque non adhibent tamquam præsidium ad agendum, sed habent quasi causam primariam, à qua mouentur, & concitantur. Addit aliud discrimen huic simile petiitum à prudentia, qua vir fortis prouidet antè, perpenditque pericula, ne temerè quicquam aggrediatur. Non enim, inquit Aristot. fortitudo est, adire pericula, nihil eorum quæ molesta interueniunt prouidendo. Qua prouidentia quia carent illi, qui fortiter agunt ex ira, verè fortes appellandi non sunt. De huiusmodi enim hominibus dictum à Virg. est,

— furor iræque mentem

Præcipitans.

Itaque cum belluis comparari iure possunt, quæ propter vulnerum dolorem, grauiorūque timorem malorum in venabula ruunt, in mucrones se induunt, omnia contemnunt pericula, nihil omnino prouidentes: qualis est ea, quæ in hunc modum ab eodem Virgil. describitur,

Vt fera, quæ densa venantum septa corona

Contra tela furit, seseque haud nescia morti

Iniicit, & saltu supra venabula fertur.

Ruere autem feras in vulnerantem ex dolore tantum atque tristitia, intelligere nos posse docet Aristoteles ex eo, quod nisi vulnerentur, agitentur, aut feriantur, sed suo sinantur in saltu esse quietæ, ubi tutas se putant, adoriri soleant neminem. Ergo vis omnis huius argumenti posita in eo est, quod quemadmodum belluæ, quæ temerè nullis prouidis, ponderatisque periculis, dolore tantum, iræque concitatæ, ruunt in ferrum, inuadunt pericula omnia, certissimam negligunt mortem, dicendæ fortes non sunt: sic fortitudinis veræ adimendum est nomen & laus iis, qui nulla sibi honestate proposita, nullis circumspectis antè periculis, sed ira solum perciti, commotique propter illatam iniuriam, nec diu vindicatam, temerè se in discrimen obiciunt, & mortem pro nihilo ducunt.

Explicat hæc & demonstrat ampliùs Aristoteles exemplo ceterarum commotionum, atque affectionum animi nostri. Si enim illi, qui ad contemnenda pericula, resque difficiles aggrediendas non impelluntur honestate, sed ira, dicendi fortes essent, sequeretur, etiam eos, qui cupiditate, amore, aliavè huiusmodi perturbatione ad contemptionem rerum grauium & molestarum incitantur, habendos esse, dicendosque verè fortes. Hos autem à vera fortitudinis notione abesse plurimum intelligit vult ex repugnantia. Consequens enim esset, asinos, quod stolidissimum est, ignauissimum & meticulosissimum animal, mæchos & adulteros, qui sunt mortis nequissimi, virtutis esse studiosos & verè fortes. Asini enim plagas, inquit, & verbera perpetiuntur grauias, ventris & pabuli causa. À qua comparatione parum distat illa Homeri in Iliad. 22. qua pertinacem Aiæcis fortitudinem cum asino similem facit. Immo verò in eum locum intuitum Aristotelem esse putant Giffani & Perègrinus. Mæchi verò, adulteri, & vniuersim amatores omnes libidinis explendæ causa quàm multa, quàm grauias perferant notissimum, & vulgatissimum est. De Mæchis nominatum, & iis qui polluant alienos choros, ita scribitur ab Horat. in lib. serm. 1. ferm. 2.

Audire est opere pretium, procedere rectè

Qui Mæchis non vultis, ut omni parte laborent.

Vique illis multo corrupta labore voluptas,

Atque hæc rara cadat dura inter sæpe pericla.

Hic se præcipitem testis dedit, ille flagellis

Ad mortem casus. fugiens hic decidit æcrem

Prædonum in turbam: dedit hic pro corpore nummis.

Hunc perminxerunt calones. quin etiam illud

Accidit, ut quidam testes, candidumque salacem

Demeteres ferro.

Amantes verò quàm difficiles adeant casus, atque pericula, infinita nos docent exempla, vetera, noua, fabulosa, vera. verum & vetus est quod narrat Aristoteles

in lib. 3. Eud. cap. 1. in Metaponto à iuvene amoris causa Tyrannum contemptis periculis omnibus, interfectum esse: verum & nouum quod est apud Pontan. in lib. 1. de fortitud. cap. 16. Commemorat enim Gaium equitem Mantuanum puellæ causa cum equo in Ticinum se præcipitem dare non dubitasse. Fabulosum, quod de Leandro traditum est, qui ex Abydo Hellepontiaci litoris oppido ad Sestum è regione situm, singulis noctibus transibat, toto maris spatio quod inter verumque fuit audacissime traiecto, ut Hero puellâ potiretur. In quo studio ac labore fluctibus haustus demum interit. Rectè enim ait idem Aristot. in Eudemis, libidinosos, & amatores mortem ipsam non recusare. Aliarum cupiditatum eadem prorsus est ratio. Mercator, inquit Aristot. in Eudemis, quæstus gratia, omnia maris pericula & naufragia contemnit; atque, ut canit Horat. epist. 1. lib. 1. *per saxa, per ignes*

Impiger extremos curris mercator ad Indos.

De ambitiosis illa sint satis, quæ apud Tullium legimus in secunda Tusculanarum. Quid de nostris ambitionibus, quid de cupiditate honorum loquar? quæ flamma est, quam non concurrerint qui hæc olim punctis singulis colligebant? Est igitur, ut eò reuertamur vnde discessimus, hæc Aristotelis ratio. Nemo fortes dicit eos, qui ex amore, aliave cupiditate vehementi pericula temerè adeunt, inconsultèque se in discrimen obiectant. Nemo enim adulteros, amatores, avaros, ambitiosos, & gloriæ cupidos fortes appellat: ergo neque illos fortes quispiam dicet, qui ad pericula se concitant ob furorem, & iram. Fortitudo quippe vera, consideratè agit omnia & causâ honestatis. Cum hac fortitudine, ab impotentibus animi perturbationibus, ac præsertim ab ira proficiscente, quam hic facit communem cum belluis, coniunxit aliam pugnaciam quorundam hominum, quam alibi fortitudinem Barbarorum appellat. Est enim etiam illa inconsulta, incogitans, temeraria, nullaque honestatis gratia ad agendum impellitur. Itaque reprehendit in 8. lib. Polit. cap. 4. Lacedæmonios; quod pueros suos gymnastica quadam exercitatione tam cru deli erudirent, ut efferarent potius & barbaris similes eos redderent, quàm constantes facerent, & fortes. Verba sic sunt quæ supra descripsimus, sed videntur hic iterum inculcanda. Lacones verò, inquit, in hoc quidem non errant, sed efferatos laboribus reddunt adolescentes, quasi hoc vtile maximè ad fortitudinem sit. Atqui neque ad vnam virtutem, neque ad hanc maximè respiciendum est ab eo, qui curam gerit institutionis: & si ad hanc, non tamen id consequuntur. Neque enim aliis in animalibus, neque in gentibus videmus fortitudinem adesse maximè efferatis, sed potius mansuetioribus & leoninis moribus: multæque sunt gentes, quæ ad cædes hominum, eorumque comestionem, insultant, ut circa Pontum Achæi, & Heniochi, & mediterraneis aliæ gentes similes his: quæ quidem gentes clanculum per insidias latrocinantur. ad bellica tamen opera nihil valent. Hæc de his Barbaris minimè fortibus, sed audacibus & feris eo loco docet Aristoteles. quibus similes dicas Cimbro & Celtiberos, quos commemorat Cic. in 2. Tuscul. Germanorum aliquos & Scythas, de quibus loquitur Sen. in lib. 2. de Ira cap. 15. Ut scias, inquit, an ira habeat in se generosi aliquid, liberas videbis gentes, quæ iracundissimæ sunt, ut Germanos & Scythas. Quod euenit, quia fortiora, solidaque naturâ ingenia, antequam disciplina molliantur, prona in iram sunt. Et quoniam hic Seneca causam attingit, cur ira nomen sibi fortitudinis assumat, ipsum pergamus Aristotelem explanare, qui hoc etiam adiungit. Ait, inquam, idcirco tam faciliè iracundiam pro fortitudine vulgò accipi, quod eiusmodi fortitudo maximè naturalis siue secundum naturam esse videantur. Nihil enim sine ira fortiter fit, ut dictum est supra; & generosus quisque est iracundus. Quare, accedente disciplina, atque institutione, quæ molliat iracundos, facillimè ex ira fit, & nascitur animi vera fortitudo. satis est enim, electionem, & periculorum per prudentiam prouisionem, ac præterea finem honestum adhibere, ipsam iram regere, moderari, in officio continere. Itaque nullo negotio quod iracundè fit, fieri fortiter honesto fine proposito potest. Vbi enim honestus finis non est, & ira non regitur, pugnares quidem homines aut bellicosi dici possunt, fortes verè appellari non possunt.

PARS QVARTA CAPITIS OCTAVI.

ΟΥ δὲ δὴ οἱ βέλπιδες ὄντες, αἰ-
δρῆσαι. ἀλλ' ὅτι πολλὰ καὶ, καὶ
πολλοὺς νεικηθέντας, παρροδοῖν ἐν τοῖς
κινδύνοις. παρρωδοῖσι δὲ, ὅτι ἀμφω παρ-
ράλαιοι. ἀλλ' οἱ μὲν αἰδρῆσαι, ἀλλ' ὅτι
παρρωδοῖσι, παρράλαιοι. οἱ δὲ, ἀλλ' ὅτι
οἰεῖσθαι καλίοτεροι εἶναι, καὶ μηδὲν αἰτιπα-
θεῖν. τοιοῦτοι δὲ πειοδοῖσι καὶ οἱ μετυσχέ-
μωτοι, βέλπιδες γὰρ γίνονται. ὅταν δὲ
αὐτοῖς μὴ συμβῇ τοιαῦτα, φεύγουσι.
ἀνδρείου δ' ἡ εὖ ὅτι φοβερά ἀνδρείου
ὄντα καὶ φαινόμενα ὑπομῖναι, ὅτι κα-
λόν, καὶ αἰσχρὸν τὸ μὴ. ὅτι καὶ ἀνδρείου
τέρου δοκεῖ εἶναι, ὅτι ἐν τοῖς αἰσθητοῖς φο-
βοῖς ἀφοβόν, καὶ ἀτάραχον εἶναι, ἢ ἐν
τοῖς νοητοῖς. ἀπὸ ἐξέως γὰρ μάλλον, ἢ
ἐν ὅτι ἦτον ἐν τῇ ψυχῇ. ὅτι παρρωδοῖσι
μὲν γὰρ, καὶ ἐν λογισμῷ, καὶ λόγῳ ὡς
παρρωδοῖσι, ὅτι ἐξαιτίας, καὶ ἢ ἐξιν.

NEque verò qui bene sperantes sunt,
fortes sunt. Quia enim saepe, & mul-
tos vicerunt, confidunt in periculis. Simi-
les autem sunt, quia utrique confidentes
sunt. sed tamen fortes viri propter supra
dicta fidentes sunt: hi verò, quia putant,
se meliores esse, & nihil passos. Tale verò
faciunt etiam qui ebrii sunt: bene speran-
tes enim fiunt. ubi verò his non accidunt ta-
lia, fugiunt. Fortis viri autem erat, ea
qua terribilia homini sunt, & videntur,
perferre, quia honestum est; turpe autem
non ferre. Itaque fortioris videtur esse, in
repentinis terroribus metu vacuum & per-
turbatione esse, quam in prouisis. nam illa
ab habitu magis, aut minus à preparatione
proficiscuntur. Prouisa enim ex ratiocina-
tione & consilio aliquis eligeret; quæ au-
tem repentina sunt, ex habitu.

EXPLANATIO.



VARTVM fucata, certè non veræ fortitudinis proponit modum
& genus à spe profectum, ideòque dicitur in Eudemis hoc genus
κατ' ἰλπίδα. Hac nimirum fortitudine pollere ait βέλπιδας, homi-
nes bene sperantes, siue bona spe confirmatos & fidentes. Cuiusmo-
di sunt, inquit, qui alios saepe vicerunt, crebrisque victoriis didice-
runt, non esse pericula magnopere pertimescenda. In hoc igitur etiam genere simi-
litudò inuenienda est aliqua, quæ illud veræ fortitudini comparabile reddat, & dis-
similitudo, quæ demonstret, à vera fortitudine longè differre. similitudinem in eo
constituit, quòd tam hi βέλπιδες, homines bene sperantes, quàm verè fortes, fi-
denti animo sint. utrique, inquit, confidunt, & spe bona præditi sunt. Neque enim
vir verè fortis aggredieretur pericula, nisi fideret animo. Dissimilitudinem autem
petit ex eo, quòd verè fortes honesti causa confidunt, hoc est, ex animi sui senten-
tia, per electionem, & ea gratia, quòd confidere, & fidenter adire pericula ho-
nustum putant; & non confidere, aut sine fiducia se in discrimen offerre, turpe.
qui autem fortes tantummodo sunt propter spem, non per se, neque honesti cau-
sa fidentes sunt, aut ex electione honestatis, sed quia superiores fore se putant, vi-
ctoriis nimirum fidentes, quas reportarunt ex aliis. Prima ergo differentia est: quòd
verè fortes fidenti animo, & bona cum spe pericula ex electione aggrediuntur, &
propter bonum virtutis, hoc est, ideo, quia sic aggredi, vident honestum esse. for-
tes verò propter spem, aggrediuntur etiam pericula fidenter, non tamen iisdem ex
causis, sed quia putant se meliores esse, sperantque se futuros in aggressionem supe-
riores, nulla prorsus honestatis habita ratione; sic prorsus, ut nisi ea spe communiti
essent, pericula non aggredierentur. Argumento vel illud est, quòd verè fortes
quamquam etiam ipsi confidunt, si tamen animaduertunt periculum, haud fugiunt,
sed persistunt ac perseverant; fortes autem propter spem, ubi periculum viderint,
illicò fugiant. Non igitur honestatis causa periculum adibant, sed ea tantum addu-
cti spe, qua se nihil mali passuros esse arbitrabantur. Iure igitur huiusmodi fortitu-
dinem etiam in ebriis & temulentis esse docet. Nam ut ait Ouid.

Vina parant animos. & ex Horatio ebrietas.

Spes iubet esse raras, in prelia tradit inermem.

Quin Aristoteles ipse in Problematis ait, vinum reddere omnes *ὡλπιδαί*, bene sperantes, & confidentes. Platonis quoque verba hæc sunt in dialogo primo de rep. Vini quo quis plus hauserit, eo maiori spe impleri solet. Quapropter ingeniosè atque eleganter Antiphanes Comicus apud Athenæum in l. 10. vinū appellauit *τραπηδόν*, Imperatorē, quod nimirū illo tanquā Imperatore ac duce, mortales ad aggredienda fidenti animo pericula stimulentur & adigantur. Diphilus item Comicus apud eundē in lib. 2. vinum cōpellans: Tu, inquit, audacem ex ignauo. Quo pertinet illud Ouid.

Tunc pauper cornua tollis.

& illa Horatij ad merum apostrophe in Od. 21. lib. 3.

Tu lene tormentum ingenio admoues

Plerūmq; duro. tu sapientiam

Curas, & arcanum iocoso

Consilium retegis Lyao.

Tu spem reducis mentibus anxius,

Vivēsque & addis cornua pauperi,

Post te neque iratos trementi

Regum apices, neque militem arma.

Locum hunc de spe cum vera fortitudine collata videtur expressisse, ac declarasse Cic. in lib. 5. epist. 13. ad Luceium. vbi se fortiozem esse contendit, quā Luceium ipsum, ea prorsus ex causa, quod Luceius aliqua erigeretur spe, Cicero verò nulla, sed fortiter tamen ferret Reipublicæ à Cæsare depressæ calamitatem. Verba Ciceronis hæc sunt: Itaque hoc etiam fortiozem me puto, quā te ipsum præceptorem fortitudinis, quod vidēris nonnullam spem habere, hæc aliquando futura meliora, &c. Et paulò post. Ergo & domestica & publica paulò etiam fortius fortasse quā tu ipse, qui præcipis, feremus. Te enim spes aliqua consolatur: nos autem erimus in omni desperatione fortes. Hæc nimirum est causa, cur iuvenes fortiores, & audaciores plerumque sint, vt docet Aristot. in Rhet. 2. sunt enim pleni bonæ spei, & vt dicitur hic Græcè, *ὡλπιδαί*.

Ex his, quæ de spe animos faciente disputata sic sunt, intelligi vult Aristot. fortitudinem in repentinis malis multo magis cerni, & elucescere, quā in prouisis, & animo iam occupatis. Si enim audaces faciliē sunt illi, qui bene sperant: qui verò sperant benè, iam animo prouident periculum futurum, quod se sperant superaturos: sequitur, eos qui non prouident ita periculum, multo maiorem ad fortiter agendum se nancisci difficultatem. quam quia vincunt & perfectius agunt, quā illi superiores, vt est demonstratum, adigunt nos ad fatendum, in repentinis malis perfectiorem cerni fortitudinem, quā in prouisis. Nisi enim ita se res haberet, illi qui propter spem tantummodo sunt fortes, non posthaberentur iis, qui tanta spe præditi non sunt. illi enim prouident certè minus. Sed continuationem huius rei prætermittamus. ipsasque potiùs explicemus Aristotelis rationes, quibus ostendere conatur, in repentinis malis perfectiorem versari fortitudinem, quā in prouisis, & meditatīs: hoc est, fortiozem habendum esse qui timoribus improuisis ac subitis non turbatur, quā qui ad casus antè prouisos imperterritus est. Aristotelis ratio totum robur & vim habet in eo, quod actiones subitæ ac repentinæ producantur ab habitu; prouisæ antè, & cogitatæ à deliberatione rationis, consilióque proficiantur. Quo fit, vt qui terroribus accidentibus repente non timent, eos habitum iam fortitudinis habere oporteat; qui autem in calibus antè cognitis ac meditatīs est interritus, eum obtinere habitum necesse non sit, cum ea præparatio ac deliberatio nullo præeunte habitu fortitudinis satis superque possit animum aduersus prouisa pericula communire. Nulla est enim perturbatio tam vehemens, nullus etiam habitus tam inueteratus, ac firmus, cui ratio, & voluntas animi libera non possit obistere, modò rationis vsus integer sit, cuius vi per deliberationem electionemque potest animus in contraria tendere. In repentinis autem non datur deliberationi & electioni locus. adeoque si constans animus, atque impavidus est, beneficio habitus est impavidus. Accedere alia ratio potest, huic quæ ab Aristotele proposita est affinis. Proponi autem ratio potest hoc modo: In rebus difficilioribus & grauioribus multò magis fortitudo cernitur, quā in leuioribus. hoc enim docet Aristoteles multis in locis. sed repentina mala grauiora sunt, prouisa verò leuiora.

ra; quod pluribus ostendit Cic. in 3. questionum Tuscul. ergo in subitis ac repentinis perfectior cernitur esse fortitudo, quàm in præuisis & meditatís. Huiusmodi nimirum fortitudinem commendat Lucan. in 7.

— fortissimus ille est

*Qui promptus metuenda pari si comminus inslent
Et differre potest.*

Huiusmodi fortitudine se instructum esse monstravit Pelopidas, cùm militi trepido repente sic nuncianti, Incidimus in hostes, respondit interritus, Cur non illi potius in nos?

Duo possunt hoc loco quæri. primum, An hic quartus fortitudinis modus, & forma differat à secunda, quæ posita est in experimento. Dicitur enim hic, eos qui sperant, non timere propterea, quòd crebris ex hoste victoriis didicerunt, se posse res quantumvis difficiles, & arduas superare. Respondet Burl. non idem esse fortiter agere propter spem, & agere propter experimentum. Nam ij, qui carent experientia possunt sperare secundum exitum & victoriam ideo solùm, quòd sæpe vicerunt. potest autem aliquis sæpe vincere absque experientia, & scientia pugnandi, atque vincendi. id quod eo loco significat experientia, quemadmodum intelligi potest ex iis quæ Aristoteles ait de peritia tractandorum armorum, aliarumque rerum callida atque artificiosa cognitione, qua carere possunt ij, qui sæpe fortuito vicerunt, ac propterea sperant.

Secundum quod quæri potest, ex iis existit, quæ alio loco dixit Aristoteles suprâ in cap. 7. ubi terribilia distinxit bipartitò, in ea, quæ supra hominem sunt, & in ea, quæ non vincunt hominis potestatem. illa autem, quæ suprâ hominis potestatem sunt, dixit esse quardam repentina, vt fulmina, terræmotus, incendia, tempestates; in quibus nullam vult fortitudinem cerni, quia non sunt humana pericula, hoc est ea, quæ vinci humanis viribus queant. Respondeo: repentina hic, non esse illa inevitabilia mala quibus obfistere vis humana non possit, sed ea, quorum amolicio non vincat humanas vires, quæque ab homine tolli possint, ac deuitari. Restat extremum genus ab ignorance profectum.

PARS QUINTA CAPITIS OCTAVI.

AΝδρες δὲ φαίνονται, οἱ ἀγνοῦν-
τες, καὶ εἶσιν, οὐ πρὶν τῷ ὄνελ-
πίδω. χεῖρες δὲ ὅσα ἀξιώμα ἔχουσιν
ἔχουσιν, ἐκείνοι δὲ. δὲ καὶ μὲν οἱ ἄν-
θρωποι. οἱ δὲ ἡπάτητες, εἰς τὴν ὁλὴν
ἐπεργί, ἢ ὑποδιδύσκωσι, φθίγγουσιν.
ὅσοι οἱ Ἀργεῖοι ἐπαθόν, ὡς περὶ πάντες
τοῖς Λακεδαιμονίοις, ὡς Σικελωνίοις. οἱ τε δὲ ἀν-
δρες εἰς πλεοναυτοῖς, καὶ οἱ δοκῶν-
τες ἀνδρες.

Fortes autem videntur etiam ignari,
& sunt non procul à fidentibus. dete-
rioribus autem sunt, quia dignitatem nullam
habent; illi verò habent. Quare & perma-
nent aliquandiu. Qui autem decepti sunt, si
intelligant, aliud esse, aut suspicati fuerint,
fugiant: id quod Argiis contigit, qui in-
ciderunt in Lacones, tamquam in Sicyonios.
Ac fortes igitur expositi sunt, quales sint,
& qui videantur fortes.

EXPLANATIO.



QUINTVM adumbratæ fortitudinis genus ex imperitia, siue inscientia nasci ait. δι' ἀπειρίας, & ἀγνοίας, dicitur in Eudemiiis. Qui enim per inscientiam ignorantemque non intelligunt pericula, iis se se audacter exponunt. Ex quo manasse proverbiū illud ait Interpretes Græci, Dulce inexperto bellum. Itaque fortes vulgò iudicantur propter eam, quam habent cum viris verè fortibus similitudinem, quorum partes sunt adire pericula. sed tamen à vera fortitudine longè absint, vt post demonstrabitur. Cernitur huiusmodi fucata, atque adumbrata fortitudo sæpe in pueris, qui colubros propter ignorantem periculi tractare non dubitant. Ac videtur quidem, vt ait Aristoteles, similis esse superiori, quæ nascitur ex spe; propterea quòd vtraque nullum se putat incommodum accipere posse. sed tamen hæc illa superiore deterior est, cùm illi, qui hac fortitudine ab imperitia, inscitiâque nata præpollent, nullam præ se ferant

speciem dignitatis. quippe qui statim, intellecto periculo, fugiunt: ij verò qui propter spem audent, comparent se more virorum fortium ad pugnam, & aliquanto diutius in periculo persistant, nec prius fugiant, quam se prorsus inferiores agnouerint. Itaque videntur ἀξιομα εἶναι, ut loquitur hic Aristoteles, hoc est dignitatem aliquam habere, qua careant illi. Ex quo discrimine licet etiam intelligere notam quæ distinguat hos imperitos, & inscios à verè fortibus viris. Est enim viri verè fortis, contemnere pericula ob honestatem: hi verò contemnunt propter inscitiam. est viri verè fortis, intellecto periculo, insistere adhuc & permanere. hi autem cognito periculo, è velligio fugam arripiunt. id quod Aristoteles illustrat exemplo veteris historię, quam Græcus Scholiastes scriptam fuisse ait à Xenophonte: sed est deceptus. quicumque tamen fuerit auctor historię, rem ita testatam reliquit, ut idem Græcus docet interpretes. Sicyoniis olim ab Argiuis bello superatis, cùm Palimachus Lacon Hypharmolsta Satrapa equitatum Spartanum auxilio Sicyoniis adduxisset, victores iam Argiuos stratagemate vicit. Equitibus suis desilire iussis in pedes Sicyoniorum accommodauit scuta, & in Argiuos impetum fecit. qui ob ea scuta rati, eos Sicyonios esse, audacissimè in eos conuerterunt equos, & pugnare cœperunt. Sed inter pugnandum cognito, eos esse Lacedæmonios, ex templo dissiugerunt omnes, & dilapsi turpissimè sunt. Simile prorsus est quod narrat Cæsar in lib. 6. de Bello Gallico de Treuiris: qui Labienum fugam simulantem verè fugere rati, confidenter insēcuti sunt. Cùm autem in eos ille repente signa conuertisset, primo concursu abiecit pauentes tementēsque in proximas siluas.

In summa. Fortitudinis adumbratæ, sed veræ fortitudini similes hi quinque modi sic se habent. Veræ fortitudinis est, intelligere, cognoscere, ac propter bonum eligere. Potest adēo in ipsa fortitudine aliquis peccare triplici ratione ac modo: primò si scientia & cognitione careat, in qua posita est quinta fortitudinis adumbratæ species, ac forma. Secundò si absq; consilio & electione, sed ex animi afflictione aliqua & perturbatione fortiter agit: quæ affectio & perturbatio, quoniam duplex esse potest; vna impellens animum ad aggredienda pericula, cuiusmodi est ira; altera firmās eundem animum aduersum res formidolosās atque terribiles, qualis est spes; duas parit species adumbratæ fortitudinis, ab ira profectā vnam, alteram à spe. Tertiò; si cūm eligit pericula, non eligit ob illud propositum, cuius causa vir fortis agere debet omnia, sed ob alia, quæ veræ fortitudini proposita per se non sunt. cuiusmodi dicuntur esse milites, qui propter experientiam, in pericula se fidenter obiciunt: & ciues illi, qui honore ducuntur & infamix metu.

EPILOGVS.

1. Fortitudinis adumbratæ, & quasi sophisticæ quinque species sunt. civilis, militaris, ab ira nascentis, à spe, ab ignoratione periculi.
2. Fortitudo civilis à vera fortitudine discrepat; quia non ob honestatem agit, sed ad honores consequendos & vitandam ignominiam. aut ex metu suppliciorum, & verberum. est tamen illa pars qua agit ob honorem, vera fortitudini similior, quàm cetera.
3. Fortitudo militaris ab experientia & singularum rerum peritia nata, distat à vera fortitudine, quia non persistit, neque in periculis persēuerat.
4. Fortitudo iratorum hominum & furore percutorum vera fortitudo non est. quia non agunt ob honestatem, sed ob iram & furorem, belluarum more, nec ex electione, sed inconsultè adeoque pugnaces, ut belluæ, non fortes, ut homines, sunt. Ira tamen vera fortitudini vires addit, & necessarium suppeditat adiumentum.
5. Fortitudo eorum qui forsiter idēo agunt, quod bene sperent, abhorret à vera fortitudine. quia cūm repente viderint periculum, desperant, & fugiunt. Similes nimirum ebrius sunt, quibus calefactis vinum facit animos: refrigeratis animos extinguit timor. fortitudo enim in repentinis periculis elucet maximè.
6. Fortitudo eorum qui tenentur inscitia periculorum, vera fortitudini dissimilis est; quia cognito periculo fugiunt.



IN CAPVT OCTAVVM,

QVÆSTIO PRIMÆ.

An ex quinque Fortitudinis adumbrate formis, ea, quæ Civilis dicitur, vera fortitudini sit similior quàm cetera.



PONENDVM principio est; primam fortitudinis adumbratæ speciem, quæ ab Aristotele civilis appellatur, esse duplicem: unam, quam nasci vult ab honorum, præmiorumque cupiditate, atque ab ignominia, opprobrij dedecorisque metu, quæ à Principibus & civitatibus sunt decreta fortibus viris, & ignavis: quorum illi honore publico afficiuntur, hi dedecore inurantur & ignominia. alteram, contra existeret aut metu suppliciorum quibus Principum ac Ducum imperio plectuntur timidi & ignavi. hanc enim revocari posse ait Aristoteles ad civilis fortitudinis speciem, quia sic metu continetur alicuius pænæ, doloris inferentis, qualia sunt verbera, plagæ, mors; quemadmodum civilis, ducitur formidine, non quidem verberum, sed ignominia. cuiusmodi sunt obiurgationes, subannationes, amissiones magistratum, aut loco motiones, in subselliis & Reipublicæ ordinibus mutationes. Eodem referre licet, inquit Aristoteles, eos, qui à Principibus coguntur; priores tamen in eo sunt, quod non ob pudorem, sed ob timorem id faciunt, atque, ut non quod turpe, sed quod molestum est, fugiant. cogunt enim qui potestatem habent, & si recesserint, verberant. Hæc Aristoteles.

Ponendum secundo loco est: multas esse cautiones, quæ faciunt, ut quilibet virtutis actus laude vera dignus & probabilis sit. quærum si vel una desideretur, eum inquinat & reddit imperfectum, ut docuit Aristot. in secundo libro horum Ethicorum. Prima cautio & lex est, ut qui secundum virtutem agit; sciens, prudens, atque intelligens agat. Necessè enim est quodlibet virtutis opus, prudentia magistra, & regulam præscribente, in lucem proferri. Vbi verò qui agit, neque intelligens, neque sciens agit, nullo ductu, regulæ prudentia: uti potest. Secunda cautio; ut qui secundum virtutem agit, eligens agat, & deliberatione utatur, atque consilio. Virtus enim est habitus eligens, ut idem Aristot. ait. Tertia, ut non modò sit eligens, verùm etiam eligat, & decernat agere propter honestatem ipsius operis; hoc est, propter eam excellentiam, quam obtinet opus per se. Quarta, ut constanter & quadam veluti cuncta stabilitate negat. Quinta; ut agat cum delectatione, ac iucunditate; sine qua nullum ex virtute agere virum bonum affirmat

Aristoteles in locis plurimis.

Ponendum tertio loco: actus fortitudinis principes, atque primarios esse duos; aggredi & pati, siue aggressionem & expectationem, quemadmodum in cap. 9. nos docebit Aristoteles. Non enim pericula, & res arduæ, quæ fortitudini proponuntur, sunt omnes eiusmodi, ut eas invadere oporteat, sed postulant spem, ut operamur advenientium impetum, & impressionem sustineamus ex re & Imperio rationis & præscripto prudentia.

Ex his certæ quædam possunt à nobis elici conclusiones ac dicta, quæstionem hanc profligatura. Primum est huiusmodi. Omnes hæ fortitudinis adumbratæ species, excepta postrema, in eo, sunt veræ fortitudini similes, quod scientes agant. hæc enim prima virtutis veræ conditio est, quæ postremæ fortitudini deest, cum ab ignorantia periculi nascatur: nullum quippe videt esse periculum, vel putat non tantum esse, quantum postea deprehendit. Itaque, si cerneret periculum, vel tantum esse intelligeret, quantum re ipsa est, non aggredetur. Fortitudo autem vera est cauta periculorum susceptio, laborumque perpessio prudens, ex M. Tullio in libris de Invent.

Secundum. Excepta fortitudinis adumbratæ specie tertia, quæ ab ira oritur, & furore concitatur, ceteræ secundam obtinent in agendo cautionem virtutis, quæ posita in eo est, ut quicquid secundum virtutem agitur, ex electione consilioque agatur. Quod enim ex ira, aliâve perturbatione agimus, ex electione non agimus. bestia quippe sic agunt, quæ ducuntur affectibus, ac propterea non deliberant, nec eligunt antequam agant. Aliæ verò species ex electione agunt singulæ, nec ulla est, de qua dubitari possit, nisi Civilis fortitudinis altera illa pars, quæ propter verberum, aliorumque suppliciorum formidinem agit. Videtur, inquam, hæc pars electione carere, sed non caret; quia tamen si propter metum agit, eligit tamen ex eodem metu. Itaque nihil vinci hac ratione potest aliud, nisi electionem eiusmodi esse imperfectam, maximèque hanc Civilis fortitudinis partem à verâ recedere. quod enim eligitur ex metu, non est omnino ac simpliciter voluntarium, sed aliquid ex voluntario, involuntariòque compositum, ut docuit Aristot. suprâ

in hoc 3. lib. Quod autem simpliciter voluntarium non est, perfecta quidem electione caret, sed tamen habet aliquam.

Tertium. Singulæ fortitudinis adumbratæ species, dissimiles veræ fortitudini propterea sunt, quod tertia careant virtutis conditione, vel cautione quæ iubet, virtutē, cum eligit, ipsū eligere bonū virtutis, & honestatis, ac propter illud agere nominatim, ac solum. Nulla enim ex his eligit opus fortitudinis propter ipsam tantummodo eiusdem operis honestatem, sed prima, quæ civilis est, ad consequendos honores, ad vitandam ignominiam, ad poenam subterfugiendam refert actionem suam: secunda, quæ militaris dicitur, ad stipendium & lucrum: tertia, quæ nascitur ex ira & furore, nihil eligit, sed ex animi perturbatione ac sine consilio agit. quarta, & quinta videntur spectare victoriam, cum altera nascatur ex spe, altera ab ignoratione periculi, ac propterea deficient illico ubi spes ipsa deficit, nec victoriam promittit amplius, aut ubi periculum se prout, & viam ad eandem victoriam intercludit.

Quartum. Quod attinet ad quartam virtutis cautionem, conditionemve, quæ constantiam & firmitudinem postulat in agendo, prima illa pars Civilis fortitudinis, quæ propter honores fortitudini decretos agit, omnium est veræ fortitudini simillima. Qui enim honoris cupiditate ad agendum fortiter impelluntur, maximè perseverant, ac permanent in periculis, quia vident, eo maiorem deberi honorem fortitudini, quo magis, ampliusque persistit in periculis, & perseverauerit in rebus duris, ac difficilibus, eoque maiorem ignaviae referuari turpitudinem, & infamiam, quo citius deseruerit locum, & periculum deuitarit. Sic enim ab iis legum laboribus est in Ciuitatibus institutum, à quibus honores illi publici, atque ignominia decretæ sunt. Altera quippe eiusdem Civilis fortitudinis pars est vestigio deficit, & vertitur in fugam, ubi viderit occasionem recedendi sine verberum poenæve periculo. Secunda Fortitudinis species illa militaris, quæ non honestatem habet ad agendum impellentem, sed experientiam & peritiam artis, minimè stabilis est: quia milites, eiusmodi freti experimento, nec honestate compulsi, tandiu pugnant, quamdiu ex illa peritia & experientia intelligunt, se viribus, multitudine, loco, aliave ratione bellandi esse hostibus superiores. Vbi autem ex eadem peritia experientiave cognouerint, se iam esse inferiores, & excreuisse periculum, vinci que ab eo experientiam suam, confestim aciem deserunt, ac retrocedunt. Tertia verò propterea constans non est, quod qui agunt fortiter ob iram, furorēque facile deseruescunt, ira ipsa paulatim detumescit, facile autem detumescit, si spes ultionis deesse incipiat. Aut enim Aristoteles in 2. Rhet. nullam iram esse sine vindictæ spe, quo fit, ut ea spe deficiente, ipsa quoque deficiat ira. Irati ergo, cum intelligent, hostem esse superiorem, & ab eo sibi periculum imminere, refrigerato calore, dilaben-

tur. Quæ causa item est, cur quarta & quinta species inconstantes atque instabiles sint, positæ enim sunt in spe, & ignoratione periculi. sed spes statim decrescit & deficit, nec ignoratio facit amplius animos, ubi periculum apparet, & maius esse cernitur, quam putabatur.

Quintum. Extremam virtutis cautionem in delectatione sitam & iucunditate, quæ percipitur inter agendum, obtinent singulæ, præter eam Civilis fortitudinis partem quæ poenæ supplicisque cogitur metu. in quo nulla potest esse delectatio, sed est summa tristitia: Cæteræ verò, quia sperant singulæ, & spe alicuius boni concitantur ad agendum, non possunt aliquam ex actione non capere iucunditatem. Ut enim dicitur in primo Rhet. qui sperant, sibi obiciunt animoid, quod se sperant consecuturos, eaque expetiti boni specie delectantur, & gaudent. Quam delectationem, & gaudium percipere non possunt, qui metu poenæ ad agendum fortiter adiguntur à Principe. quia tametsi pugnant, & vincere contendunt, salutēque, ac corpustueri volunt suum, quod iucundum est, ex eo tamen sine iucundo nulla prorsus afficiuntur lætitiæ; quia non pugnant illo sine permoti, nec ea spe concitati, allective, sed adacti tantummodo & impulsivi metu poenæ, quem tantummodo præ oculis habent, nec ex fine illo iucundo & spe victoriæ cogitationem ullam admittunt, nisi tristem. possent enim sine bello tueri vitam, & salutem suam, nisi cogerentur à Duce vel Magistratu. Et quia vis illa, quæ coguntur ad pugnam, ingrata est, sequitur, ut eiusmodi ratio modis que tuendæ salutis tristitiam habeat.

Sextum. Singulæ fortitudinis adumbratæ species similitudinem obtinent cum verâ propter aggressionem. nulla quippe est, quæ non aggrediatur & inuadat pericula. quod officium veræ fortitudinis vnum est. propter peressionem autem vel expectationem, vel patientiam, quod est alterum fortitudinis officium, veræ fortitudini nulla similior est, quam prima Civilis fortitudinis pars; ut intelligi licet ex iis quæ de quatrâ virtutis cautione, hoc est, de constantia, perseverantiave paulo antè disputauius.

Septimum. Relinquitur ex his, primam Civilis fortitudinis partem, honorum incitamentam cupiditate omnium maximè veræ fortitudini similem esse. In illam enim conueniunt multo magis, quam in ceteras, qualitates conditionesque veræ virtutis, & quod inde consequens est, fortitudinis veræ. Nam agit sciens, quod desideratur in quinta, agit eligens, quod non præstat illa quarta, ira & furore correpta, neque secunda metu poenarum adacta, nisi tantum improprie, agit cum firmitudine, cum constantia & stabilitate supra ceteras: agit cum delectatione ac iucunditate, cum honor sit maximè iucundus, & delectationem afferat longè iucundissimam, ut dicitur in primo Rhet. Quod verò attinet ad tertiam veræ virtutis conditionem ac legem, quæ iubet agentem secundum virtutem sibi pro-

ponere vnam ipsius virtutis honestatem, ceteros fines vel negligere vel habere pro subsecundariis; quod, inquam, ad hanc conditionem attinet, tametsi nulla ex his fortitudinis adumbratæ formis eam perfectè, absolutèque habeat, adeoque discedant singulæ à veræ fortitudinis ratione ac vi, prima tamen Ciuilis fortitudinis pars, eandem obtinere ac præ se ferre videtur, quia meliorem sibi proponit finem, & finis fortitudinis veræ propinquiorem, quàm ceteræ. Singulæ quippe, præter alteram illam Ciuilis fortitudinis partem, quæ pœnas extimescit, sibi proponunt aliquod bonum ex iis, quæ appellantur externa. sed inter externa bona principatum obtinet honor, appellaturque ab Aristotele bonorum omnium, hoc est, externorum optimum. Deinde: honor habet maximam cum virtute affinitatem & coniunctionem, cum sit signum, præmiûmque virtutis, vt ab eodem Aristotele dicitur. Itaque quod propter honorem sit, propter ipsam virtutem fieri videtur, cuius signum & præmiûm honor est. neque enim honorem consequi possumus, nisi virtus, cuius ipse significatio & præmiûm est, antecesserit. Eadem de ignominie metu dicenda sunt. Nam quemadmodum honor est signum, præmiûmque virtutis: sic ignominia signum est & pœna turpitudinis ac vitij. & quia, sicut dictum est in cap. 6. fas est viro forti extimescere infamiam, eamque timere verecundi hominis est, & non timere inuerecundi; sit, vt qui ob ignominie formidinem fortiter agit, ob virtutem agere videatur. Sequitur enim & spectat illud, ne vitij notetur signo, pœnâve afficiatur. qui verò id fugit & auersatur, ipsum vitium auersari videtur, hoc est, ipsam expetere virtutem. quam quia non formaliter expetit, & primariò, veræ fortitudinis non assequitur laudem. Itaque actus huiusce fortitudinis Ciuilis, præludia sunt, & præparationes ad veram. præparatur quippe animus ad virtutem, dum honorem expetit, aut ignominiam reformidat. nec sine ratione dixit Tacitus, contemni virtutes dum contemnitur fama.

Quibus in hunc modum explicatis facile contutabuntur, opinor, quæ contra obiciuntur disputari solent. Nam primò quidem dicunt aliqui, ciuilem fortitudinem eam quoque completi partem, quæ coacta metu supplicij mouetur ad fortiter agendum. hanc autem non posse præstantissimam omnium esse, & veræ fortitudini similiorem, quàm ceteras. sed non vident, ab Aristotele, non propter hanc partem dictam esse similiorem, sed ob illam primam quæ appetitione mouetur honoris & ignominie metu.

Dicunt secundo: eam fortitudinis speciem quæ magis est particeps eius regulæ, modique, quo singulæ virtutes vtuntur in agendo, esse fortitudini veræ similiorem. sed eius regulæ ac modi magis est particeps militaris fortitudo, quàm ceteræ: vt vel ex eo probatur, quòd prudentia regula est & modus virtutum omnium ex Aristotele supra in cap. 6. Hinc enim efficitur, vt ea fortitudinis species

perfectiorem, siue similiorem obtineat virtutis rationem, quæ magis vtitur ipsa prudentia. At fortitudo militaris ea est, quæ prudentia magis vtatur. Nitetur enim & ducitur experientia, peritiâque militaris artis, & cognitione periculorum. quæ cognitio, experientia, & peritia nihil videtur aliud esse, quàm prudentia: cum prudentia sit recta ratio rerum agendarum. Id inquam secundo loco dicunt. sed respondendum est; militem non pugnare fortiter ex prudentia, sed ex arte. Oportet adeò breuiter hic exponere, quid inter prudentiam, & artem intersit. Prudentiæ proponuntur res agendæ, ac propterea dicitur recta ratio rerum agendarum: arti res faciendæ, atque idèò recta ratio est rerum faciendarum. faciendæ verò res & agendæ, siue, vt vulgò loquuntur Philosophi, res factibiles & agibiles eo differunt inter se; quòd illæ sint res eligendæ, siue eligibiles propter finem honestum, aut optimum, hæ sint efficiendæ res certo quodam modo ac via, propter finem propositum, siue ille honestus sit, siue minime bonus moraliter & honestus. Docet igitur ars quo modo, ac via, quibûsve præsidis, atque instrumentis faciendum opus possit facilius, aut minoribus etiam sumptibus consummari, ac perfici, quæue ratione perfectius, atque absolutius fiat, nihil interea præcauens, vt propter honestum finem suscipiatur, referaturque ad honestatem; cum ei demandata procuratio non sit, vt videat, ob honestum ne finem, an ob turpem agat qui efficit opus, sed an certo modo ac via illud efficiat, & ex iis præceptionibus quibus ipsa constat & componitur ars. Neque enim ædificator minùs bonam idoneamque domum extruct latronibus ad perpetranda flagitia, quàm sacerdotibus ad venerandum Deum, eodem vtens artificio suo. sed contra Prudentia proponit sibi optimum in agendo finem. docetque in eum referenda esse omnia, & certum quendam modum, ac certa eligenda esse præidia, quæ ducant ad optimum finem, & honestissimum. Hinc igitur intelligi facile potest, cur dixerimus, illam fortitudinem militarem habere potius artem, quàm prudentiam. miles quippe non minùs bene pugnare diceretur, & victoriam bello parare, si ad lucrum aut iniquam ditionem occupandam, aut ad tyrannidem exercendam referret opus suum; quàm si pugnaret propter summum virtutis opus, salutemque Reipublicæ. Cum ergo fortitudo illa militaris, vt dictum est supra, non ob honestatem pericula contemnat, sed ob experientiam, eadem pericula minimè referentem ad honestatem, constat planissimè, experientiam illam artem quamdam esse, quæ doceat rationem contemnendi, euadendive periculi, non autem prudentiam, quæ iubeat periculum, & pugnam ad honestatem referre.

Dicunt tertio: fortitudinem ab ira natam, esse similiorem veræ fortitudini, quàm ceteras, duabus ex causis. prima: quia vera fortitudo vtitur ira, & iram assumit velut administram, adiutricemque, vt docet in hoc capito Aristoteles alibi mans, fortitudinem veram ob

honestatem agere, iram cum ea simul agere, eamque ad honestum attingendum finem adiuvare. Secunda, quia idem Aristoteles ait, fortitudinem ab ira natam & concitatam, esse maximè naturalem, sic, inquam, ut fortes viri quamdam veluti furoris præ se ferre speciem videantur. Respondendum hic est; non propterea dici debere aliquid esse similius veræ virtuti, quàm aliud, quia sumitur velut instrumentum, aut adminiculum à virtute ad agendum honestè ac finem honestum consequendum. Virtus enim omnibus vititur animi, corporis, & fortunæ bonis, tamquam adminiculis, atque præfidiis ad bene agendum, adeoque vititur etiam illa honoris cupiditate, de qua supra dictum est, ad agendum vehementius. Itaque quantum ad hoc attinet, nihil habet amplius ira, quàm honor, cur debeat similiorem reddere fortitudinem suam: cum utroque vitatur velut adminiculo vera fortitudo ad honorem contendens, tamquam ad finem subsecundarium, iram assumens ad habendum impetum in agendo. Videndum tantùm id esset: quid maius conferat momentum ad veram fortitudinem; honorem an ira. Sed ut paucis rem absoluam, dixerim, honorem commodare fortitudini maiorem usum: quia tribuit ei constantiam ac perseverantiam in periculis, ut supra docuimus: iram verò aliquid minùs utilitatis asserre: quia fortitudinem ad aggrediendum tantummodo concitat. amplior autem est in persistendo, & perseverando perfectio, quàm in aggrediendo: cum sæpè aggressio deficiat, nec finem opperitur, qui solus corona donatur, & palma. Quod autem ait Aristoteles, fortes furoris speciem, hoc est similitudinem furoris habere, verum est, quia irati fortibus in aggressionem similes sunt. non tamen similes sunt si cetera spectes fortitudini magis intima & propria: Cuiusmodi est finis & electio. Hæc enim faciunt, ut Civilis fortitudo similior sit, cum agat ex electione atque consilio, & ob finem honestati proximum. quæ in illa iratorum fortitudine desiderantur. quippe qui nec eligant quicquam ex recto consilio, nec finem intueantur aliquem honesto similem. sed suo tantùm impetu belluarum more ferantur. Quin in ipsa quoque similitudine dissimilitudinem irata fortitudo maximam habet. Nam aggressio virorum verè fortium constans est, aggressio hæc iratorum inconstans, statimque deficiens, & deferuescens. Quæ causa item est, cur Civilis fortitudo anteponatur illi, quæ nascitur ex spe. hæc enim illico etiam deficit, ubi spes accedente novo periculo dilabatur.

QVÆSTIO SECUNDA,

An viro forti semper necesse sit in periculis excipere mortem, nec liceat unquam fugere.

QUONIAM pleraque species fortitudinis adumoratæ in eo dixit Aristoteles

fortitudini verè dissimiles esse, quòd cognito periculo non perseverent, persistantque, sed fuga salutem quærant, videndum est; num viro forti tanta perseverandi excipiendique periculi sit imposita necessitas, ut numquam saluti, vitæque suæ consulere possit beneficio fugæ, sed semper opperienda, oppetendaque sit mors. Sunt qui viro forti amplissimam veniam fugiendi concedant, ubi aliqua spes evadendi sit, nec ita obsepta videantur omnia, ut effugium quærere stultitia sit. Tunc enim vltro fatentur, esse periculum fortiter excipiendum, & obeundam mortem eo modo, quo eam perferre viros fortes oportet, ac decet. Frustra enim tunc quæreretur per fugam salus, cum aditus omnis ad salutem est interclusus. sed cum declinare periculum beneficio fugæ sit occasio, volunt fas esse viro fortis se proripere, nec vlla esse tempora, quibus temporibus eo modo tueri vitam suam illi non liceat. Demonstrare se credunt hoc rationibus idoneis.

Quarum prima petitur à bono vitæ præstantissimo & optimo, quod sit omnibus antefereendum, & à mortis malo deterrimo, quod omnium maximè fugiendum sit. Cum nobis duo mala, inquirunt, proponuntur, è quibus necessario sit vnum perseverandum, eligendum est minus ac levius, sed fugere minus est malum, quàm mori. minus enim malum est ubi pauciora pereunt & amittuntur bona. In fuga verò amittitur tantummodo bonum virtutis, & servatur naturæ bonum: in morte amittitur virtutis simul bonum, & naturæ. Quare Aristoteles supra docuit, mortuis nihil relinqui, neque bonum, neque malum ex iis quæ usurparunt in vita.

Secunda ratio ducitur ex primo Rhetoricorum; ubi ab eodem Aristotele dicitur, incundiora esse optabiliora, hoc est debere magis eligi, quàm ea, quæ minùs incunda sunt: & minùs tristia eligenda potius esse, quàm quæ magis tristia sunt: sed incundius est servare vitam, quàm fortitudinis gloriam parare: & minùs triste est, fugere cum aliqua famæ iactura, quàm vitam amittere. In morte quippe magnus tristitiæ sensus est, eoque angetur & amplificatur magis, quo quis amplioribus pollet virtutibus, & intelligentia, scientia, sapientiâque ceteris præstat. Id quod etiam docet Aristot. in primo libro, ubi ait, eo esse vnumquemque tristiores in morte, quo felicior sit, & virtutibus instructus pluribus ex iis, quæ beatitudinem cumulant. Qui enim huiusmodi est, maximis, inquit, priuatur bonis, intelligens, sciens, & prudens: quod homini accidere non potest, nisi cum animi tristitia & moritudine maxima.

Tertia. Nullus est virtutis actus & functio, quæ vel felicitas ipsa non sit, vel ad felicitatem non referatur, & dirigatur. Sed mors opponitur felicitati, ipsamque funditus felicitatem evertit. ergo mori, cum fas est mortem effugere, virtutis actus, officiûmque non est.

Quarta. Virtus, cum sit naturæ perfectio, non unpellit nos ad ea, quæ pugnant adycto

sus naturam, sed propensio ad eligendam mortem esset aduersa naturæ, ergo à virtute manare non potest.

Quinta peti potest ab exemplo magnorum Imperatorum, qui sæpè prouocati detrectant pugnam & exercitum, vel non deducunt in aciem, vel deductum iam imminenti periculo eripiunt fuga. Quin illi quoque Christianæ Reipublicæ viri sanctissimi, quos cultu præcipuo veneramus, & fortissimos dicimus, ipsa fuga sæpè declinarunt periculum mortis, seque in speluncas abdiderunt & nemora, ne peruenirent in hostium manus, à quibus ad necem quærebantur. Quod ad Imperatores attinet eius rei plenæ historiæ, tum veteres tum nouæ sunt. Et sanctis illis viris instat omnium esse possit Athanasius exilij perpersione nobilitatus & fuga. Quæ rationes & argumenta si probarentur, haud rectè à fortitudinis veræ limitibus essent depulsi formæ illæ speciei que, quæ cognito periculo se propriunt. Sed

Animaduertendum est primò, loqui nos hoc loco de honesto periculo, cum querimus, An liceat euadere interdum fuga. Vbi enim honestum periculum non est, materia fortitudinis desideratur ac deest, ac propterea fugiendum eiusmodi periculum esset. ut cum bellum est iniustum, aliâve turpi de causa in discrimine te positum intelligis. Vir enim fortis, ut sæpè dictum est, pericula deligit optima, & honestatis causa vult fortiter agere.

Animaduertendum secundò est: interdum imminente mortis periculo apparere planissimè, nullum aliud euadendi remedium esse, nisi fugam, interdum id non planè apparere, sed videri salutis aut victoriæ relinqui spem aliquam etiam in aggressionem vel pugnam & defensione. Qui rerum status duplex, duplicem quoque deliberationem & duplicem ex ipsa deliberatione nancisci potest turpitudinem aut honestatem. Desperata enim, complorataque salute, nec vlla in repugnando reliqua vitæ spe, vita ipsa & salus, quæ tantummodo queri per fugam potest, vel prodesse permultum Reipublicæ creditur, vel nihil, aut non adeò multum vtilitatis asferre. id quod etiam de morte ipsa querendum est. cum etiam mors interdum prodesse Reipublicæ possit, interdum nihil, aut parum prodesse. prodest enim, si eius mortis beneficio seruetur ciuitas, aut ciuium magna pars, aut certe aliqui. ut cum pars exercitus retinetur & seruetur ideo, quod alia pars cum hoste, desperata quoque salute, conflixit, & impressionem sustinuit, quæ toto excipienda exercitus corpore fuisset.

Animaduertendum est tertio, quod alias suprà docuimus, fortitudini suum esse gradum perfectum, positum in aggressionem periculi, & perpersione mortis pro salute aliena in publico priuatoque bello: quem gradum ei attingere necesse non est, qui simpliciter ac verè dicendus sit fortis. Satis enim huic est, timore periculi mortisque non impelli ad improbitatem. In hoc enim posita fortitudinis

essentia est, quam necessariò debet is obtinere, qui simpliciter fortis ac bonus dicendus sit ex illo nexu principalium virtutum, quæ conspirant, confluuntque ad appellandum hominem simpliciter bonum. mori autem pro aliena salute vir fortis haud ita semper debet, ut nisi hoc faciat, ne ipsam quidem virtutis essentiam obtineat. In summa: virtus semper anteponenda est vitæ, aliorum salutem solum est necessariò anteponenda, cum Iustitia aut aliæ virtutes hanc moriendi nobis imponunt necessitatem, quam profectò nec semper nec omnibus locis imponunt. Sed tamen cum pro aliena salute morimur, attingimus ipsum fortitudinis apicem, de quo disputat Aristoteles, cum fortitudinem prohibet fuga.

Animaduertendum quartò: bonum diuturnius, si ceteræ partes æquales sint, esse quidem melius, quàm bonum non ita diuturnum: bonum tamen, quod secundum speciem suam alteri præstat, propter maiorem alterius diuturnitatem vinci ac superari non posse quasi minus excellens. Itaque vulgò iam inter philosophos dicitur, lumbricum vno tantum viuente die præstantiorem esse lapide, qui multis superstes est sæculis. quòd idè dictum hoc loco velim, ut intelligatur, non semper id eligendum esse potius, quod est diuturnius si nobis detur optio, ut eligere possimus quod perfectius secundum speciem est. longior enim vita erit fortasse deterior, quàm vita breuior, aut etiam mors, ac propterea minùs eligenda erit diuturnior, quàm breuior vita; aut ipsa mors, quemadmodum demonstrabimus.

Conclusio igitur huiusce quæstionis hæc prima sit. in periculis ex honesta causa susceptis virum perfectè fortem oppetere potius debere mortem, aliis vtilem, ac salutarem, quàm saluti suæ per declinationem consulere, & vitam effugio conseruare. quod multis ostendi rationibus & argumentis potest: At primò quidem, quia illud est potius eligendum, in quo maius acquiritur bonum, & minus amittitur, quàm aliud, in quo minus acquiritur bonum, & amittitur maius. Sed in eiusmodi morte maius acquiritur bonum, & minus amittitur. in fuga minus acquiritur & amittitur maius: ergo eiusmodi mors est anteponenda illi vitæ, & eligenda potius, quàm ea vita, quæ per fugam seruetur, & retineretur. Assumptum demonstratur ex eo, quòd beneficio fugæ nihil paratur aliud; quàm prorogatio vitæ, hoc est, boni naturalis diuturnior usus; & bonum virtutis amittitur, quod in summo illo fortitudinis actu, graduque positum esset. Sed bonum virtutis, ad tempus quantumvis exiguum durans, est maius quocumque naturali bono diuturnissimè perdurante. Ergo in morte minus acquiritur bonum, & amittitur maius. Ab hoc fonte duci alia ratio potest huiusmodi, atque hoc syllogismo conformari. E duabus, quæ nobis immineant malis, ad eundem & deligendum semper est minus. minus autem est malum, si natura perficiatur, orneturque virtute ad exi-

guum tempus, quàm si eadem sine virtute longiori tempore sinatur esse. ergo illud potius quàm hoc est eligendum. Sed huius perpeffione mortis illud tantummodo malum subimus, si tamen appellandum est malum; per fugam verò in hoc incurrimus, quod est simpliciter malum & illo maius. Igitur illud potius est eligendum, quàm hoc. Quod si dicas, eum qui fugit, & vitam seruat, habiturum esse postea opportunitatem promendæ virtutis suæ, & quidem variæ atque multiplicis; qua se opportunitate priuaret, si sua voluntate moreretur; responderim, opportunitatem obeundæ pro causa tam honesta mortis incertam esse, nec fortassis amplius euenturam, & si demum eueniat, non eam futuram esse, quæ eundem tanta cumulet laude, quantam promeritus esset, si eam tum primum arripuisset, cùm offerebatur. incidit enim in reprehensionem & vituperationem ex fuga, tantumque in se detrimentum admittit; ut officio nouo postea sacrificari facile iactura non queat. Quid attinet ad cæteras virtutes, hoc etiam incertum est, & certa aliqua virtus, perfecta præsertim in suo genere, qualis ea, de qua loquimur, esset, debet pluribus incertis anteferri.

Secundum argumentum duci potest à simili; hoc modo: Quemadmodum valetudo corporis ipsi congruit corpori; sic animæ valetudo, quæ virtus est, conuenit animæ. sed nemo est, qui malit longo tempore doloribus & ægrotationibus, quàm breui bona commodaque cum valetudine viuere. id quod cognoscere licet ex iis, qui morbis acerbissimis diu, multumque consistantur. proficuntur enim & constanter affirmant, mori se potius velle, quàm amplius inter tam magnos dolores vitam producere. Ergo debet unusquisque velle potius animam insignire virtutibus, ad quamtunc etiam modicum tempus, quàm inter vitia & cum vitio diutissimè viuere. ægrotationes enim, morbi, dolores animæ, ipsa vitia sunt. Hæc conclusio est iis consentanea, quæ docet hîc Aristoteles de fuga à viro forti aliena. Loquitur enim de illo temporis articulo, quo intelligimus, nostram mortem futuram aliis salutarem, fugam periculofam, aut etiam perniciosam. De aliis verò temporibus, quibus fuga, vel laudabilis esset, vel non esset reprehendenda, hoc loco non disputat. Itaque sit hæc

Secunda conclusio. Si tamen intelligat vir fortis, se, per declinationem ac fugam vitam conseruata, prodesse plurimum populo, ac Reipublicæ posse, non modò nihil aduersus fortitudinem peccat, periculum illud effugiens, verùm etiam facit quod fortitudini maximè consentaneum est. Eisset enim temeritatis & audaciæ, periculo tum se committere, ac mortem opperiri, cùm aliquis intelligit, eam esse populo perniciosam; nec vitam seruare, quam videt eodem populo & ciuitati profuturam esse. Nihil autem est, quod magis fortitudini consentaneum sit, quàm exuperantiam timoris & audaciæ tollere, in quo vim totam & naturam suam positam habet.

Demonstrari potest hoc amplius ex Aristotele, qui in horum lib. Moralium 4. cap. 3. ait, magnanimos non se ad periculum offerre in rebus paruis, sed in maximis. quæ verba significant, magnanimos, non modò adire vel le pericula magna, despiciere parua, sed pro magna vtilitate se in periculum dare; pro parua, vel nulla, sibi parcere: quia magnæ appetens vtilitatis, honestatisque in periculis est. Ergo ipsa etiam fortitudo, cui subiuncta magnanimitas est, si vel nulla, vel perexigua ex morte sequatur vtilitas aliorum & Reipublicæ, non offeret in vitam discrimen, atque ad certissimum obitum virum fortem. Multo adeò minùs eundem obiiciet periculis & mori iubebit, vbi mors sit Reipublicæ perniciosâ. Quod si fortitudo sic iubet, & hæc præstat, licebit viro forti, in eiusmodi rerum conditione ac statu, de quo diximus, eripere se fuga, & periculum declinare. In quo tamen id videbit vnum, ut fuga decora sit, & cum dignitate suscipiatur, ut Aristoteles monet in lib. 4. cap. illo 3. de magnanimitate. Magnanimus, inquit, non fugiet manibus dimissis: quod nimirum indecorum est, & magni signum pauoris, festinatæque fugæ clarissimum quoddam indicium.

Conclusio tertia: Si eo tempore fuga sibi consulat vir fortis, cùm eius mors salutaris quidem aliis esse posset, sed nulla tamen adigitur iustitiæ lege ad mortem illam obeundam, quemadmodum adiguntur ij, qui sacramento militari se obstrinxerunt; aliòve iure, aut alia imperante virtute tenentur, cuiusmodi charitas est, & religio, quibus iubentur mortem perferre, nec fugere sine flagitio possunt: si vir fortis, inquam, hac necessitate liber, è periculo se proripiat, viri quidem perfectè fortis nomen amittit, & gradum absolutissimæ fortitudinis negligit: sed viri tamen simpliciter fortis, ac simpliciter boni appellationem & essentiam non amittit, modò paratus sit ipsam obire mortem. cùm eam declinare non potest, quin ab ipsa virtutis via prorsus & omnino declinet. Ostendimus hoc & declarauimus alibi, cùm virtutes quatuor principales inter se coniunctas sic esse diximus, ut vir bonus nemo verè dici aut esse queat, qui quatuor illis simul instructus, ornatusque non sit. Docuimus, inquam, non esse illum eximendum è bonorum virorum numero, qui ad postremum fortitudinis, aliarumve trium virtutum non venerit gradum, modò earundem substantiam ipsam attigerit, & essentiam. At vitam pro amicorum, propinquorum, aut ciuium salute profundere summus est, ac postremus fortitudinis gradus. Ergo qui eum non attingeret eo tempore, quo ad eundem non adigitur à iustitia, aliæve virtute illum nominatim actum fortitudinis imperante, ac postulante, posset nihilo minus esse vir bonus, & essentialiter fortis propter habitum fortitudinis, si minùs ad perfectum illum gradum, ad aliquem certè, qui satis fortitudinis sit, impellentem. Vir enim simpliciter fortis dicitur; is, qui mortem obire paratus est potius quàm scelus admit-

tere, hoc est formalem fortitudinem & ipsam amittere virtutis essentiam.

Argumenta & rationes aduersum hæc proposita nunc euertamus. Primam amoliti iam sumus, cum diximus, bonum virtutis esse anteponendum vitæ, & vitium plus esse fugiendum auersandumque quam mortem. Itaque cum mors eligitur, eligitur minus malum, & cum actus ille fortitudinis perfectæ producit, virtus, quæ maius est bonum, anteponitur vitæ, quæ bonum est minus, atque deterius. Secundæ respondeo: iucundius & minus triste eligi debere potius quam minus iucundum, ac magis triste. sed nego, iucundiorem esse fugam, & tristiores mortes, si rationem, non sensum ipsum, aut deprauatum aliquorum iudicium consulamus. viri enim boni, ac virtute perfecti longè aliter ea de re iudicant. vident quippe & sic censent, mortem propter actum perfectæ virtutis obitam esse iucundiorem, quam fugam, aut vitam fugæ beneficio conseruatam. & tristius esse fugere, quam sic mori. lætantur enim & gaudent viri perfecti propter maius bonum, non propter minus. at maius bonum est ita mori, quam fuga seruari. ac propterea tristitiam quidem ex morte capiunt, sed maiore tamen ex actu virtutis voluptate perfunduntur, & gaudio.

Tertia proponit quod verissimum est, nulla quippe virtutis est actio, quæ, vel felicitas dicenda non sit, vel ad felicitatem non dirigatur. sed assumit quod falsum est & inuolutum ambiguo vocabulo mortis. mors enim cum significat ipsam animi à corpore seunctionem, quæ momento temporis accidit, non est felicitas, nec virtutis est actus. sed mors, quæ significat ipsam expectationem mortis, siue mortis imminens exceptionem pro communi ciuium salute voluntariam, & electam potius, quam vitam, felicitas est politica & actus, in quo felicitatis politice posita est summa. In quarta etiam verè dicitur virtus esse naturæ perfectio. sed assumitur falsò, mortem propter actum virtutis perfectæ susceptam non esse naturæ perfectionem, & naturam ad eam perfectionem non propendere, quæ in illo virtutis actu pulcherrimo non quidem à sensu percipitur, sed cernitur à ratione. Natura enim expetit id, quod sibi magis est bonum. sed magis est bonum naturæ, si perficiatur ex adeptione sui finis, quam si diuturno tempore illo sine ac perfectione careat. ergo expetit magis actum illum perfectæ virtutis cum morte coniunctum, quam imperfectam perfectionem cum vita.

Postrema ratio declarata est, & explicata iam suprâ in secunda conclusione. Illi namque Imperatores, alique fortes viri, qui fuga sibi consuluerunt, salutem spectarunt publicam, & vtilitatem communem, nec viderunt, vllam moriendi fortiter occasionem esse, sed temerè potius ac sine consilio vitæ perdendæ. id quod Demosthenes orator egregia voce demonstrauit. Cum enim in pugna illa propè Chæroneam, vbi grauissima clade à Philippo fuerunt Athenienses affecti, profu-

gisset ex acie, probris est à multis, dictisque proscissus acerbissimis. quibus ipse illo cum versiculo satis habuit respondere,

Αντὶ δὲ τοῦτο καὶ πάλιν μαχόμεθα.

Vir qui fugit rursum redintegrabit prælium. quod est apud Plutarc. in vita Demosthenis, & apud Gell. lib. 17. cap. 21. De viris illis sanctissimis eadem responsio sit. Videbant scilicet tum, cum fugiebant, suam ipsorum mortem allaturam esse periculum & perniciem iis, quos ipsi consilio, verbis, ope multiplici iuuare potuissent. videbant non eam tunc esse religionis conditionem, quæ reposceret vitam, & quod caput est, nondum intelligebant se ad appetendam mortem diuinitus euocari. Qui rerum itatus vbi primùm mutatus est, è vestigio se in discrimen obiecerunt, & data ceruice vltro mortem appetiuere.

QVÆSTIO TERTIA.

An ad fortitudinis aliquod vera genus videatur pertinere duellum.

DVELLI nomine cum natione Iuriconsultorum communi abutimur hoc loco ad significandum singulare certamen, quod dicitur à Græcis *μυρωμαχία*. Nam apud antiquos Latinos nihil aliud duellum fuit, nisi bellum: ita prorsus, vt quodlibet bellum cum hostibus initum duellum ab ipsis appellaretur. Quare perduellionis crimen esse dicitur in legibus duodecim Tabularum, quicquid hostiliter aduersus Rempublicam, eiusque securitatem ac pacem agatur: Et Horatius bellum ipsum Troianum, antiquum illud secutus loquendi morem, appellare duellum non dubitauit.

Græcia Barbaria lento collisa duello.

Sed paulatim postea suscepit vsus consuetudoque Iurisprudentium nouorum communis, vt duellum non pro bello vniuersim acciperetur, sed nominatim pro bello, quod esset initum inter duos. existimauerunt enim, duellum dictum esse quasi duorum bellum, secuti nimirum glossam in l. 1. c. de Gladiat. Neque verò si pugna sit inter plures quam vñ ex vtraque parte, velut inter duos ac duos, septem ac septem, decem ac decem duellum non dicunt, modò numerus ille tantus non sit, vt iustam publici, communisque belliformam præse ferre videatur. Huiusmodi fuit antiquissimum illud inter Horatios tres & tres item Curiatios in agro Albano certamen. Huiusmodi fuit patrum nostrorum memoria tredecim inter Italos, totidemque Gallos in bello Neapolitano sub Magno Consaluo dimicatio: aut in Florentiæ obsidione inter duo militum paria ex vtraque pugnantium parte delecta: aut in bello Venetorum, Germanorumque inter Antonium Mariam Rubenum, & Georgium Sonnibergum: aut in Patauino inter tres Hispanos ac totidem Italos, aut illud in quo post deditam redditamque Venetiis à Lautrechio Brixiam, sub Veronæ mœnibus quatuor Itali; totidemque Galli dimicauerunt.

quæ partim narrantur à Ionio, partim à Bembo in Historiis Italarum. Sic, inquam, duelli nomen, quodd bellum significabat, vniuersè ad illud exprimendum certamen noui Iurifconsulti traduxerunt, quod siue inter duos, siue inter plures commillum sit, singulare dicitur; hoc est, minimè commune omnium, ac generale. Ceterùm ne inter hos quidem fines tenuit se nominis huiusce traductio. Non enim quodlibet singulare certamen duelli nomine significatum postea voluerunt, sed nominatum illud, quod priuatis de causis & propter peculiare aliquas iniurias ac simultates, vel alicuius rei comprobandæ causa, vel honoris tuendi, recuperandive studio committeretur inter duos, pluresve. idque accepta interdum à Indice, ac Principe facultate, interdum neglecta nec impetrata. Nam tum ea, quæ suprà commemorauimus, tum alia multa vel Imperatorum iussu, vel ex composito & compromisso vtriusque exercitus, & quidem publicæ iniuriæ vlciscendæ, siue dirimendæ controuersie communis, bellique causa suscepta, singularia certamina sunt. Ad communem vlciscendam iniuriam & Imperatoris concessu descendit aduersus Gigantem illum è pastorio munere digressus Dauid. Et in Gallum illum præferocem, qui magnitudine corporis atque armis insignis scutum hasta quatiens insolentis fastu prouocauerat per interpretem è Romanis vnum, qui secum ferro decerneret, M. Valerius Corvinus communi permotus contumelia pugnare decreuit; nec antè processit in medium armatus, quàm Consul scitatus esset voluntatem, vt est apud Liu. l. 7. dec. 1. Ad pacem minimo cum sanguine componendam tres illi Horatij totidemque Curiatij descenderunt in arenam, ex vtriusque populi, Romani, Albani-que, quos inter bellum erat, decreto atque condito. In eandem gratiam, suorum Imperatorum concessu, iussuue pugnarunt alij permulti. quæ singularis causa certaminis ita probabilis visa est, vt Reges ipsi ob eam dare se in discrimen illud, & periculum sæpe non dubitarint. Id nimirum spectarunt Eteocles & Polynices, duo fratres de Thebanorum Regno dimicantes, cum submotis militibus vtriusque partis, singulari certamini se ipsos & totam causam permisere. Huiusmodi sunt inter Hectorem & Aiace, inter Paridem ac Menelaum singulares apud Homerum pugnae, & illa Turni atque Æneæ vtroque spectante duorum Imperatorum exercitu apud Virgilium concertatio. Id quoque secutos esse putandum est Christianos illos Principes duos, Alphonsum Hispaniæ Regem, & Cornouallie comitem, cum se inuicem ad singulare certamen prouocarunt. Cum enim eorum vterque fuisset diuersis factionibus Imperator Romanorum delectus, censuerunt, quemadmodum aliqui tradunt, litem illam esse tollendam singulari certamine. Idem spectarunt Carolus Andagauensis & Petrus Aragoniæ Rex, cum decreuerunt, singulari certamine de Regno Siciliæ dimicare. Idem intuentus est Lusitanæ Rex, cum ad monoma-

chiam prouocauit Ferdinandum Regem, vt de Regno Castellæ, quæ inter ipsos erat controuersia, ferro decideretur. Huc denique pertinebat illa Caroli quinti prouocatio, quam ipso Paulo tertio Pontifice, Cardinalibusque audientibus Romæ proposuit aduersus Gallici Regem Franciscum primum. Eiusdemque Francisci Regis litteræ, quibus eam prouocationem admittebat. Id, inquam, agebant hi, ceterique, quos per censui Reges: vt componeretur suo ipsorum periculo atque interitu pax, tolleretur bellum, & innocentium sanguini parceretur.

Itaque singulare certamen & pugna, quam postremo duelli nomine significari nostrates volunt, longè admodum ab antiquis huiusmodi monomachiis abest ac differt: nec potest cum his nisi propter quamdam pugnandi similitudinem conuenire. Finis quippe; modus, causa, ceteræque cautiones, quas circumstantias dicimus, faciunt, vt maximè discrepent inter se; cum illæ pugnae, publicum bonum, publicam existimationem, honoremve, communem quietem, communem iniuriam spectarent, nec iniussu Principum committerentur: hæc verò, quas postea voluerunt dici duella, referantur ad priuatum honorem, commodumque tuendum, parandum, aut retinendum; nec Imperatorum, Principumve, aut iudicum id iubentium auctoritate, sed priuata libidine suscipiantur. Suscipiuntur enim eo consilio, vt alicuius rei comprobetur illo certamine veritas, vt contumeliæ vindicentur priuatæ, vt honor item priuatus atque existimatio comparetur & conseruetur eius, cui fraudem fecerit & attulerit labem is, qui prouocatur ad pugnam; vt alia demum damna sarciantur, aut fiant lucra, quæ ad priuatam pertineant vtilitatem omnia, ad publicam nulla.

Itaque non operæ pretium modò, sed necesse prorsus est exponere, quibus ab initiis atque à quib. sit gentibus ortum hoc duelli genus insolens, quod paulatim sic inoleuit, vt deleri Principum auctoritate vix possit. Sunt qui novitium hoc inuentum adscribant Italis, & in Italia natum velint; quia apud Italos in plurimo fuisse iam vsu, & in Regno potissimum Neapolitano publica lege ad certas quasdam componendas priuatorum altercationes datum olim locum singulari certamine decernendi. Putarunt alij, natum in Gallia esse: quod cernerent, in eo etiam regno ex Philippi Pulcri Regis lege datam fuisse veniam, vt huic certamini nonnullæ priuatorum controuersie dirimendæ permitterentur. Sed vtroque deceptos esse multis demonstrare conantur rationibus aliqui, imprimisque Fabius Albergatus in lib. 4. cap. 5.

Quod enim ad Italiam attinet, illud esse certissimum affirmant, Italos & Romanos quoad suis vsi sunt legibus, nec externis parere Principibus coacti sunt, hoc certaminis genus non attigisse. Neque enim Fabius Maximus accusatus à Metello Tribuno plebis de prodicione atque perfidia, aut Bibulus Consul, genere nobilissimus à Collega in-

signi

signi affectus iniuria, aut Cæsar ille, qui tam facienter honorem expetebat, à Clodio grauiſſimè læſus ob ſtuprum oblatum coniugi ſuos aduerſarios ad ſingulare certamen euocarunt. id quod prorsus egiſſent, ſi apud eos ea tuendi honoris comprobandæque veritatis conſuetudo fuiſſet. Quin Auguſtus ipſe prouocatus ad ſingulare certamen ab Antonio, deſpexit hominis temeritatem eo cum dicto, Antonio, ſi mori veller, alias ſuppeteré vias moriendi quàm plurimas. Quæ quoniam ita fiebant ab iis, qui totam Italiam habebant in imperio ac poteſtate, fieri etiam debuerunt ab omnibus Italis, qui Romanorum legibus utebantur. Itaque quod in Neapolitanorum poſtea factum eſt Regno, non à Romanis, aut ab Italis, ſuis vtenſibus legibus ortum habuit, ſed aliunde, hoc eſt ab exteris gentibus, quæ alia ſane per multa, vel ſecula, vel inſtituta in Italiam, quam ditione premebant, intulerunt. Immo verò longè aliam fuiſſe iis tuendi honoris conſuetudinem video, ſi de militari virtute, aliãve de cauſa eſſet inter ipſos contentio. prouocabant enim ſe inuicem ad promendam animi vim aduerſus hoſtem. id quod fecere Pulſio ille, ac Varenus apud Cæſarem, duo milites, inter quos erant veteres inimicitiz ac quotidianæ de exſtimatione contentiones. Faciūt hoc hodièque Pannonij: qui ſoliti ſunt priuatas huiusmodi ſimulacres æmulatione uel hoſtium publicorum damno componere. ſic prorsus, vt qui maius ſuſcipit aduerſus Turcas periculum, & plures ex iis interimat, is habeatur honoratior. Ex prouocatione enim mutua inmittunt ſe in hoſtium copias, paſſi, illum futurum victorem, qui maiorem aduerſus illos præ ſe ferat virtutem & animi robur. Haud malè diſputantur hæc, & ita de Romanorum antiquo more docentur. Sed duo videntur eſſe, quæ oſtendere poſſint, etiam apud Romanos illos fuiſſe aliqua huius initia duelli, & quaſi iſta ſemina, quæ paulatim poſtea creuerint, & in eam adoleuerint mellem, quam cernimus oculis. primum eſt ab antiquiſſimis repetitum temporibus: cum videlicet Scipio patris ſui patruſque celebraturus in Hiſpania funus, duos fratres patrueles Ortiũ & Corbũ de principatu Ciuitatis altercantes in ſingulare certamen admixit, vt de controuerſia, quam diſceptando finire non potuerant, decernerent ferro. Et profeſſo ibi fuiſſe huius duelli, de quo loquimur ſpeciem, verba declarant Liuij quæ ſunt hæc: Gladiatorium ſpectaculum fuit; non ex genere hominum, ex quo lanitiſ comparare mos eſt, ſeruatorum delectu, ac libertorum qui venalem ſanguinem habent. voluntaria omnis & gratuita opera pugnantium fuit. nam alijs miſſi ab Regulis ſunt ad ſpeciem inſita genti virtutis oſtendendam: alij ipſi profeſſi ſe pugnuros in gratiam Ducis: alios æmulatio & certamen, vt prouocarent, prouocatique haud abnuerent; traxit. quidam quas diſceptando controuerſias finire nequiverant, aut noluerant, paſſo inter ſe, vt victorem res lequeretur, ferro decreuerunt.

Neque obſcuri generis homines, ſed clari, illuſtrẽsque Corbis & Orſua, &c. Hæc, inquam, initia fuiſſe videntur eius monomachiz, de qua diſputamus, cum iſſdem pendè de cauſis ſuſcepta, quæ noſtros euocant in tam acerbum formidolotũque conſlictum. Iuerunt autem cauſæ huiusmodi, oſtentatio virum & artiſcij, inimicitia, odium vetus, diſcordia, contentiones de honore, de reſamiliari, ac principatu: alia. Quòd ſi dicatur, homines illos externos fuiſſe, non Romanos; ac propterea demonſtrare potiùs eiſmodi exemplum debere, à Romanis cum morem alienum fuiſſe, quàm apud Romanos in uſu; ſi hoc, inquam, dicatur, obijciam vnum repetitum ac ductum à l. vnica C. de gladiat. vbi quemadmodum docet Andreas Alciat. in lib. de ſing. certam. cap. 2. notantur infamia, & è Republica diſpunguntur liberæ conditionis homines qui inter gladiatores nomen darent, vt vel ſpecimen oſtenderent virtutis inſita, vel controuerſias definirent. ad enim argumentum latis idoneo eſt, Romanos etiam ipſos non externos tantũ & ſeruos in ſingulare certamẽ eiſmodi deſcendiſſe. Diſcrimẽ tamẽ inter vtroſque fuit maximum: quòd externos, barbaros, & ſeruos liceret in illud periculum ob eas cauſas committere, nefas autem fuiſſe Romanos ipſos ita inter ſe decernere. Si enim hoc leuiſſet, numquam illi ad vlcificendum dolorem ſuum, aut ad famam fortitudinis aſſequendam in gladiatorum ſeruile munus ſe demiſſent, & inter eos quodammodo deliquiſſent, ſed palam & omnibus inſpectantibus inimicum prouocaſſent ad pugnam.

A Gallis verò inuentum hoc minimè primum emanariſſe vel illud oſtendit, quòd donec in Principum ſuorum poteſtate fuerunt, non alius uſi ſunt inſtitutis ac legibus, quàm Romanis; quarum beneficio concordiam inter ciues ac pacem retinuerunt. Quin ſi inter Principes ipſos aliqua exorta controuerſia eſſet, cuius cauſa populos armaſſent, ſuum quiſque in apertum educabat exercitum, ipſique principes in colloquium veniebant mutuum: vt viderent, an de re controuerſa poſſet inter ipſos conuenire. Quòd vbi fieri non poterat, iubebat vterque populus Principes inter ſe digladiari ſingulari certamine, atque in ſe recipere totius belli periculum, ne prouinciæ ac regna lucrent ſanguine priuatas inimicitias Regum. Itaque ſi quid in hoc genere factum aliter & decretum eſt à Philippo Pulcro; decretum eſt contra quàm leges & vetus conſuetudo poſtularẽt.

Credunt ergo plerique omnes, à Longobardis hoc excogitatum fuiſſe duelli genus. idque ſic animum inducunt tribus ex cauſis: quarum prima ea eſt: quòd nulla ante ipſos natio mentionem in ſuis legibus fecerit eiſmodi pugnæ. Philippus enim ille Gallorum Rex, & Federicus Ænoſarbus Imperator, qui hoc duellum commemorant, adprobantque, longè poſt Longobardorum Imperium exiſtere. Secunda: quòd Longobardi ipſi & ſuis legibus approbantur ducẽ huiusmodi duellum, & ſæpiùs illo uſi ſunt ad componen-

das priuatorum controuersias, quàm aliz nationes. Tertia: quòd Luitprandus eorū Rex, bonus & pius, cū summpere vellet hoc duellum extinguere, in quadā lege confirmat, cupere se modum quidem aliquem imponere duello, sed non posse funditus impiā suz gentis cōsuetudinem abolere. quam profectò cōsuetudinē ac legē antiquare facili potuisset, si fuisset extrinsecus accersita, non regni propria. Legūtur etiā apud Cassiodorū epistolæ duz Theodorici Regis Gothorum, in quibus hanc Barbarorum, hoc est Longobardorū, vt ego interpretor, legem & consuetudinem expungit ac damnat. Scribit enim alteram ex his epistolis ad Colosseum Pannoniz Moderatorem: quz prouincia tum incolebatur & tenebatur à Longobardis.

Cur autem Longobardis placuerit hanc monomachiam publica lege ac decreto suis concedere, causam tradunt eam fuisse, quòd vellent illo certamine quasi diuino quodam iudicio patefieri veritatem, quam alia ratione in apertū proferri non posse crederent. Indicat hoc Theodoricus ipse in illa ad Colosseum epistola, qua eum hortatur, vt hunc Barbarū tollat funditus morem, curētque, vt controuersiz verbis & iure, non armis ac duello dirimantur. In altera verò, qua Barbaros ipsos, hoc est Longobardos alloquitur, eosdem admonet, ne in se ipsos duello deszuant, sed legibus & Prætorius dicenti pareant, & in eius decretis acquiescant. Ex his intelligi debet, apud Longobardos, quoties coram Iudice integra probatio non esset, aliquidve desideraretur, quod plenam facere deberet Prætori fidem, duellum fuisse ab eodem iudice, ac lege concessum, vt ex eo veritas, & æquitas rei, de qua controuersia esset, eliceretur. Sed antè tamen, vt docet Alciat. in cap. 4. iureiurando confirmare cogebantur, non dolo malo, nec calumniz causa confugere se ad monomachiā velle; sed quia non aliter quàm diuino iudicio rei veritas erui posset. Non tamen in omnibus omnino controuersis quantumuis leuibus locum duello concedebant, sed in certis quibusdam publica iam lege decretis, quas enumerat Alciat. ibidem.

Prima erat: Si maiestatis reus delatus aliquis fuisset. Secunda: si intra induciarum tempus homicidium fecisset, aut parricidium hæreditatis adipiscendæ causa perpetrasset quisquam argueretur. Tertia: si incendiarium, vel periturum, vel depositi, quod non minus viginti aureis censetur, furem esse te dixeris. Quarta: si adulterum me, aut vxoris tuæ atrocitatē prædicaueris. Alias huiusmodi controuersiz causas plurimas ibi legas. inter quas vna etiam est, quæ ius prouocationis ipsis quoque concedit & permittit feminis: cū nimirum accusantur adulterij. certamen enim pro eis tunc suscipiebant propinquiore, aut ij, quos ipsæ in eare sibi aduocatos, honorisque sui propugnatores eligerent. Ab his manauit sine dubio illa Philippi Pulcri apud Gallos Constitutio & lex. Si quis occulsi criminis, capitalisque reus sit, atque

Apud Alciat. ibidem.

condemnari verò non possit; is arbitratur accusatoris duello experiatur.

Hæc igitur incubacula noui huius duelli fuerunt, quod institutum est, ad diuinum iudicium in rebus controuersis & dubiis explorandum. Existimabant enim homines illi diuinarum rerum parum intelligentes, Deum eius exitu certaminis æquitatem, & bonitatē causæ dubiz declarare. Itaq; ait Rayn. duellū apud aliquas gentes appellari Iudicium Dei, propterea quòd in eo Dei iudicium expectetur. Ab his initiis ortum duellum, propagatū deinceps est ac longè plurimum amplificatū. Suscipi enim cæptū est, non ad veritatis tantū indagatiōem, sed ex aliis præterea causis; & quidem multis, vt docet Io. Lignanus: ex odio, ex honoris existimationisq; defensione: ex aliis huiusmodi pluribus; quibus videmus hodièque nonnullos ad hoc exitium voluntariè trahi.

Illà verò cupiditas gloriæ, quæ quòdam velut intemperis agitabat quosdam equites errores, Thrasonēve stultissimos impellebat ad prouocandos, vel leuissima, vel nulla de causa viros fortissimos, quos obuios haberent, vix aliquos hoc tempore stimulat, nec obicit in tantum discrimen, nisi peraratos. Extiterunt olim hi ferocitate tam incommoda homines plurimi, inter quos Mantuanū quendam Sordellum commemorant: qui nulla laceratus iniuria, sed gloriæ solū cupiditate perculsus cū prouocasset vicissētque in Italia militari homines fortitudine insignes quinque, ac viginti, in Galliam demum transiit. vbi vna eadēque planè die tres fortissimos item, robustissimos & scientissimos rei militaris prostravit viros Lutetiz, spectantibus Regni proceribus propemodum vniuersis. Huic similia, eoque fortassis immanior Hispanus quidam fuit, quem Suerum appellant. Tradunt enim eo anno, quo ad D. Iacobi Templum, quod est apud Gallicos infinita populorū frequentia expiandi animi causa concurrebatur, occupasse pontem, quā cōmunis erat in Asturiam transitus, nec quemquam fuisse locum illum præterire, qui vel armis pugnare secum non auderet, vel vltro se victū esse aliquo tradito pignore non fateretur. Itaq; tam insolens immanitas ex Alemannia, ex Gallia, Britannia, aliisque prouinciis multos robore & calliditate pugnandi claros homines ad illud singulare certamen euocauit. Neq; verò alios percellere necesse est magis importunos, qui puelas etiā meritorias circūducebant, vt occasione huiusmodi certaminis offerrent paratā iis, qui eas abducere vellent: aut eos, qui cū petasum gererent albū, dictitabāt, affirmabātq; sibi pileū esse nigrū, vt qui cōtra diceret, eum cōfessim ex tam ridicula causa ad singularem pugnā prouocarēt. Hos, inquā, gratuitos bōbachiones vel rarò cernimus, aut prorsus expunximus. sed qui lacerati aliqua iniuria, vltisci se, & honorem existimationēque suam stricto gladio, nudisq; etiā interdū corporibus per monomachiā tueri velint, etiā hodiè aliqui sunt, eorum exēplis excitati, qui primū pugnam hanc ad controuersias dirimendas vo-

stituerunt. Veruntamen horum singularia certamina duplici nomine videntur ab iis differre. Eorum enim pugna suscipiebantur solum ad comprobendam rei veritatem. horum certamina aliis quoque de causis conmittuntur, ut diximus. Eorum duella minori cum periculo exercebantur: cum scutum sinistra, baculum dextera gestarent, ac propterea occumberent in iis perraro; horum duella exercebantur infestis telis, & gladiis acutissimis intra cancellos ac septa, & quibus vix unquam ex altercantibus & digladiantibus non moritur alter, uterque non semel interimitur.

Hæc cum ita sint, in tria distingui genera duellum & monomachia debet: in illam, quæ Imperatorum & Principum iussu cum hoste publico publicæque de causa committitur; in eam, quæ fuit à Longobardis excogitata ad dubiam causam, & eam priuatam veluti quodam iudicio declarandam: in eam, quæ postmodum ob alias causas in primisque vel ad ostentandas vires & militarem artem, vel honoris tuendi studio, vlciscendæque priuatæ iniuriæ causa suscipitur. Quibus ita distinctis

Dicendum primo loco est: eam qui singulari certamine aduersus hostem, cum quo publicum est bellum ex Imperatoris iussu, veniæve, id rectè præcipientis ac cõcedentis propter publicam causam digladiatur ac dimicat, proferre fortitudinis actum non modò verè, sed perfectissimè. id quod demonstratur hoc modo: Ille perfectissimus est fortitudinis actus, qui producit ut oportet, cum oportet, & eius rei gratia, cuius gratia eum produci & proferri oportet. Sed eiusmodi fortitudinis actus omnib. hisce circumstantiis cumulatissimè perfectissimèque instructus est. ergo est actus fortitudinis non modò verè, sed etià numeris omnibus absolutissimè. Nā primo quidè producit boni publici causam, qui finis est honestissimus: producit cum oportet, quia producit eo tẽpore, quo tẽpore res communis alicuius priuati hominis periculũ efflagitat ad animandos milites imbecilliores iā fractos, vel ad hostem exterrendum & retundendum, qui spiritus sibi sumpserit & insolentiam non ferendam. Multa quippe incidunt tẽpora, quibus Imperator rectè ac prudẽter existimat de re cõmuni esse, in eiusmodi discrimen de suis aliquẽ, aliquosve cõmittere. Vt cõ videt, sibi non satis esse virũ ac roboris ad resistendum, & ceteri inter duos, pluresve milites ex utraq; lectos acie dirimendam cõpromittit: aut cũ intelligit, hostiũ pronocantiũ exercitiũ animosiorẽ & audaciorẽ fieri facillè posse, nisi ad monomachiam deueniatur: aut cũ timet, ne sui ad singularem certamẽ prouocati despõdeant animũ, & ipem omnem victoriæ deponant, nisi descendat aliquis in arenam: aut cũ sperat, facilius se postea, cũ iusta dirigetur acies, adepturũ victoriã, si antè singulari pugna quasi proludat aliquis, & hosti suo periculo exemplũque vires ostendat ceterorũ. His enim ex causis dicunt viri docti & nostræ religionis magistri sapientes, iure posse ac rectè Principẽ, aut Imperatorem singulare certamen experiri, ac sinere suorũ aliquos in periculũ ire Reipublicæ causa. Istorũ placita leges apud Azorũ in tom. 3. Institut. moral. lib. 2. c. 5. Restat modus, quem

etià inter circumstantias enumerat: de quo nihil est, cur multa dicamus; Cũm producat ut ille fortitudinis actus, vel ex iussu, vel ex ipsius venia Principis aut Imperatoris, id rectè præcipientis, quod si desideraretur, sine dubio corrumpetur a Quis, & vitio cõtaminaretur. Demonstrat hoc ille Titi Manlij Torquati filius apud Liuiũ in dec. 1. l. 8. qui quoniam iniussu Patris Cõsulis, & Ducis Romanorũ copiarũ cũ Genurio Metio Latino prouocatore certauerat, quamuis eum deiecisset ex equo, & occidisset, tantum abest, ut probatus à patre fuerit, ut etiam postremo statim addictus supplicio sit. Non enim illa fortitudo pro vera est habita, quæ cum actum produxit, impetio caruit Ducis, & modum non habuit, quo actum producere debuisset. Id videlicet videtur Aristoteles indicasse in definitione fortitudinis, quam tradit in primo Rhet. cũ ait, fortitudinem esse virtutem, qua homines res honestas in periculis aggrediuntur, easque gerunt, ut præcipit lex. Non enim fortitudo res gerit, ut præcipit lex, cum extra ordinem & iniussu Principis in periculum ruit.

Dicendum secundo est: eos qui ad rem dubiam, obscuramque cõprobendam, aut ad viros ostentandas, & comparandam fortitudinis famam, aut ad honorem tuendum & recuperandum suum in certamen singulare, quod duellum dicitur, descendunt, non esse verè fortes: nec veram haberi fortitudinem debere, quæ his, similibusque de causis priuatis & propriis obicit hominẽ tam iniquo & certo periculo mortis. Hoc dictum tam latè patet & tam multas cõplectens causas comprobatur primũ antiquis & nonis legibus, tum profanis, tum etià sacris; quæ duellum damnant vniuersè quod ex proposita iam causa non suscipiatur. Id enim sibi vult lex vnica C. de gladiat. Id e. monomachiam 11. q. 1111. id aliter Pontificum & Conciliorũ sanctissimæ sanctiones, quæ Christianis duello prorsus interdiciunt. Quin ipse Luitprandus Longobardorũ REX consuetudinem illam digladiandi suæ gentis impiam legẽ appellat in quodam edicto. Nec audiendi Iuriconsulti quidam sunt apud Alciat. in Cõsilio de Duello, paulò post initium: qui grauissima aliqua de causa, ac potissimum ad recuperationem honoris duello veniam dandam esse cõtendunt; cũ ipsis legibus aduersentur. licet enim ex his ita ratiocinari, ac disputare: Vera fortitudo, ut paulò antè diximus, ex Aristot. res periculosas aggreditur ita, ut præcipit lex. Hęc istorum fortitudo aggreditur pericula contra quã præcipiat lex. non est ergo vera fortitudo nominanda. Deinde potest ratione singillatim ac per partes vinci quod vniuersè pronunciatũ est & quasi confusè. Nam primò quidè quod attinet ad cõprobationẽ veritatis obscuræ dubiæque, stultum id esse videtur, & rationi maximè cõtrarium, ab ea re testimoniũ petere veritatis obscuræ, quæ testificari veritatem vlla ratione non potest. Qui enim vincit in hoc duello, potest quidem ostendere fortasse robustiorem se, valentiorẽ, & rei militaris aut potius gladiaturæ se peritiorem esse: sed verum se profiteri, ab aduersario falsum dici, victoria demonstrare non potest. Neque

Apud Alberic.
gar. lib. 40. 5.

enim pollicitus est Deus vnquā, se patefacturum eo iudicio mēdaces & perfidiosos. Itaque saepe innocentes, & qui verum profitebantur, victi sunt à mendacibus, & perfidiis in hoc certamine; quemadmodum idem ille declarat Rex Luitprandus, quē suprà laudauī. Ait enim ibidem, Dei iudicia sibi comperta non esse, ac se audisse sapissimē, multos qui bonā causam haberent, in hac monomachia victos, superatosq; per iniuriā causā cecidisse. Cū ergo fortitudo nihil sine recta ratione ac prudentia faciat: rationi autem prudentiæque maximē contrarium sit, rei dubiæ testimonium & iudicium petere à duello; non potest à vera fortitudine non discedere, qui in eiusmodi discrimen corpus ac vitam obiciat. Quemadmodum enim Dei iudicium temerariis sortibus explorandum non est: sic duello permittendum non videtur, cuius exitus est fortuitus.

Neque verò quicquam vincunt iisdem Iurisconsulti apud Alciat. ibidem: cū dicunt, duellū esse genus quoddam probationis, quæstionem, torturæque respondēs, quæ in Capitalibus adhiberi Iudiciis solet, vbi res, quæ idoneis iam significatur indicis, alia ratione, quā cō tormento deprehendi planē tenerique non potest. Non, inquam, aliquid vincūt, cū hæc dicunt: quia tortura potest profectō esse per se innocentis ac veritatis idoneum experimētum: digladiatio illa & monomachia non potest, cū per se accommodata non sit ad exprimendam veritatem, prodendumque nocentem hominem, aut innocentem, sed ad validiorem, infirmiorēque ipso exitu pugnæ declarandum. Itaque rectē Federicus Imperator, pronunciauit, hanc monomachiam non esse probationem idoneam, sed diuinationem potius, ac fortē, abhorrentē à natura, à ratione, atque à cōmunibus omniū legibus alienā.

Quod attinet ad eos, qui vel ad ostentandas vires & artem, vel ad explendum odium, in certamen singulare deueniunt, propterea verē fortes dicendi non sunt, quōd periculum illud non ob honestatē suscipiunt, sed aliis de causis, aut improbis aut alienis. Illis enim adulterina & adumbrata gloria, his vltionis dulcedo proposita est; quæ distant ab honestate. Huc accedit, quōd nemini mortalium priuato, atque in communi hominum ordine collocato licet hominem interficere, nisi defendendæ, tuendæque vitæ aliqua postrema necessitas eam veniam daret. ergo nemini fas est, ob gloriæ cupiditatem, aut ob odium, siue ad vltiscendum priuatum dolorem & explendam iram, singulari certamine pugnare, vbi petitur aduersarij iugulum, & opprimitur vita. Nihil enim vir fortis agit abhorrens à iustitia, & cum iniquitate coniunctum. At parare famam velle innocentium interitū, & priuata, hoc est, nulla auctoritate vltisci nocentium iniuriā, alienum à iustitia est.

Eadem rationes, certē his persimiles ostendunt, ne illos quidem esse verē fortes, qui ad recuperandum honorem sibi ab aduersario per verbi, factive contumeliā ademptum, expetunt monomachiam, vel prouocati, in eam se committunt, ne minus honorati, aut etiam in-

decores, & ignaui habeantur in posterū. Nihil quippe vir verē fortis, vt diximus, agit, nisi prudenter, & cum cōsilio ac ratione. Est enim fortitudo virtus. Virtus verò agit omnia prudentiæ, rectæ rationis atque consilij ductu. pugnare autem singulari certamine de honore, & honoris testimoniū conprobationemque petere ab ea pugna, quæ duellum appellatur, alienum est à ratione atque prudentia. Pugnare quippe per id, quod non est hominis proprium ea de re, quæ propria hominis est, & ex eo testimonium alicuius rei petere velle, quod eius rei testimonium idoneum esse nō potest, est aberrare prorsus à ratione, atque imprudenter agere. At qui de honore ac de veritate rei sic dimicant, de re quæ propria hominis est dimicant robore corporis, quod homini tributum propriè non est, & testimonium ac conprobationem honoris petunt ab eo, quod non potest esse testimonium accommodatum honoris. Nā sunt hominibus ipsis robustiores & valentiores leones ac Tauri, quos non ideo digniores honore quā homines existimamus.

Dicendum tertio loco est, eorum animositatem, qui duello sic pugnant, esse falsam fortitudinem & adumbratam, ad aliquam pertinentem formam ex iis quinque, de quibus explicauimus suprà. Esse fortitudinem adumbratam ac falsam, constat ex eo, quōd vulgō eiusmodi homines fortes existimantur, & tamquam viri fortes honorantur ab iniquis æstimatoribus rerum. Quin haud multo antè memoriam nostram cū nondum instauratæ Pōtificum leges hanc monomachiam prorsus induxissent, soliti erant victores reduci domum solemni pompa, festis acclamationibus, gratulatione publica, tibicine præeunte, aliisque cum significationibus honoris, quas veræ fortitudini oporteret impertiri. Quæ profectō numquam fecisset populus, nisi falsa deceptus opinione credidisset, illos esse fortes, quos sapientes & boni rerum æstimatores è numero fortium eximunt. Rectē quippe in istos victores eo modo triumphantes conuenisset dictum Cynici Diogenis acutum & graue, quo perculit Cicermū nescio quem è victoria panceratij cum corona palmæque & gratulantium stipatam multitudinem domū redeuntem. Eum enim illa gloria lætū & plus nimio sibi placetem conspicatus, Age, inquit, fortior esne, an pares, an imbecilliores vicisti? Non enim te fortiores sunt, quos superasti: nec pares: cū tu illis maior inuentus sis. sequitur ergo, vt qui succubuerint inferiores sint. Atqui etiam ego qui me debiliores sunt facilē vincam, nullum enim hoc operē pretiū est. Mitte igitur, si me audis, in honoratum certaminis genus.

Esse autem hanc falsam & vulgō probatam ignaro fortitudinem ad aliquam reuocandam speciem ex quinque illis ab Aristotele declaratis, demonstrat primum illud genus, quod appellatur ciuile, ac propter honorem pericula non reformidat. Ad hoc enim reuocandum genus puto non ad alia: quia & propter honorem pugnat, & intellecto periculo, tuga non dilabitur, nec pugnam deiecit; sed etiam in summo periculo permanet ac

perseuerat immobilis. Fateor tamen etiam civili fortitudine hanc esse deteriozem. quia illa legitimum, hoc est, à legibus, & magistratibus decretum expetit honorem, hæc cum vult, qui tribuitur à multitudine, ac vulgo illa pugnat etiam in publico bello, & operam saltem externam Reipublicæ communique nauat utilitati; hæc in arena priuata, & priuata de causa semper digladiatur. Itaque potius ad Civilem fortitudinem, ex admiratis vnam, reuocanda est, quam fortitudo civilis appellanda.

Aliquæ rationes & argumenta sunt, quæ demonstrare videtur, duellum non modò non reprehendendum videri, verùm etiam esse laudabile. Primum petitur ab auctoritate, non quidem eorum, qui monomachiam illam probarunt antiquam in publico bello, pro causa publica, communique utilitatis causa susceptam (id enim fas esse concessimus & ostendimus supra) sed illorum Principum, ac Regum Gallorum, Italorum, aliorumque, qui priuato duello non impunitatem dederunt modò, sed arenam, tutum campum, commendationem & laudem impertiuere. Non enim id fecissent, si hoc genus monomachiarum habitum fuisset iniquum, aut à ratione veræ fortitudinis alienum. Huc accedit, quòd ipsi Iurisperiti, quos laudat Alciat. contendunt, aliqua interdum esse tempora, quibus ad tuendum priuatum honorem, aut ad exprimendam veritatem possit suscipi duellum, & à Iudice, vel à Principe concedi. Sed suprâ iam significavi, istorum exempla Principum non ea, nec tanta esse, ut iustum id facere possint quod per se iniquum est, & inconcessum. Fuit illa corruptela morum & improba consuetudo potius, quam æqualis. Itaque non solum abrogata postmodum est, sed etiam à Principibus cum infamiae poena dispenctia, à Pontificibus cum diuis exactionibusque damnata. Auctoritas vero Iurisperitorum continenda & funditus repudianda est in hoc genere, in quo ab officio discesserunt suo, & præuicati turpissimè sunt. Qui enim Reipublicæ consulere incolumitati & ciuium saluti prospicere debuissent, fecerunt, ut multi Reges & Ciuitates eorum auctoritatem imprudenter secutz, magno cum suorum interitu, hoc est, cum ipsius detrimento Reipublicæ duellum permitterint. Non enim qui moriuntur in singulari certamine ignaui sunt, sed ex eorum numero, qui si iusto decernerent bello, summam Regno parere possent utilitatem. Quæ causa potissimum Henricum Quartum Galliarum Regem haud multis ante annis impulit, ut infamia notaret quia uiderent controuersias & contentiones de honore armis & duello decidere. Nam cum percensuisset eos, qui se Rege in singulari certamine iam occubuissent, ingemuit, quòd totidem amississet ductores exercitus, quot in illa perisissent arena. Non enim gregales illi futuri erant in agmine, si ad iustum bellum, hoc est ad veræ fortitudinis capum reseruati potuissent.

Secundum aliqui ducunt argumentum ab Aristot. auctoritate, quem adprobare duellum

huiusmodi putant ideo, quòd adprobet sine dubio vindictam & ultionem. In horum enim Moral. lib. 5. c. 5. ait, Ciues, hoc est, eos, qui in bene instituta degunt Ciuitate, acceptam iniuriam solitos esse reponere, si possint; ac non posse reponere, seruitutem quamdam eos existimare. & in libro Rhet. 1. non modò laudare videtur ultionem, sed mala præterea designat, quæ cõsequantur, nisi poena repetatur ab inimicis. duellum ergo probat Aristot. qui veniam dat vlciscendi, reponendæque iis iniuriæ, à quibus acceperis impositas. Cùm enim liceat iniuriam ex eius sententia referre, deceatque virtutem nihil per dolum aut insidias agere, licet in duello maximè ultionem exposcere, ubi ex condicito pugnatur æquis armis, & quo campo, patronis, aduocatisque presentibus, Iudicibus inspectantibus, ceterisque legibus & cautionibus adhibitis, quæ fraudem omnem fallaciæque defendant. His ergo respondeo primum, Aristot. eiusmodi esse de honore, deque iniuria pronunciata, ut pugnet cum his quæ isti contendunt ab eo significari, cùm ultionem probat ac vindictam. Honorem enim ponit & constituit totum in virtutibus, ac propterea vult, aliena iniuria eripi non posse; cùm ab ea fundamentum & fons honoris non eripatur. Itaque cùm vlciscendi veniam dat, non dat in eam gratiam, ut honor ereptus recuperetur, quem eripi aliena iniuria non posse iam affirmat. Præterea Ciuitatis & Reipublicæ felicitatem ponit Aristot. in eiusdem Reipub. ordine ac veluti symmetria, quæ non potest esse vlla, ubi perturbatio & officiorum confusio est. Ergo non potest Aristot. id probare, ex quo Reipublicæ perturbatio cõsequeretur. At si probaret ultionem & vindictam, quam vnusquisque ex sua ipsius auctoritate priuata repetit ab inimicis in duello, probaret id quod Rempublicam perturbaret. Nulla enim Respublica maioribus esset obnoxia perturbationibus, quam ea, ubi vnicuique fas esset iniuriam vindicare. Hæc enim est causa, cur ne ipsis quidē creditoribus, quibus iure pecunia, fundusue debetur, liceat in eum fundum inuadere, sed necesse sit adire Iudicem, & ab eo repetere quod alioqui vident sibi iure deberi. Id verò nisi fiat, confusio statim existit officiorum, & turba. Denique numquam negaret Aristot. eum qui priuata necat inimicum auctoritate, non quidem ad tutelam sui iustam, sed ad iniuriam iam acceptam vindictam, iure plecti à Iudice ac damnari, ergo si daret veniam priuatæ vindictæ, diceretque probabile illam esse, ac iustitiæ consentaneam, diceret etiam, à Iudice iure damnari eum, qui aliquid egisset Iustitiæ congruens & virtuti. Respondeo itaque secundo: Aristot. probasse quidem ultionem & vindictam iniuriæ, sed iustis repetitâ ex causis & eo modo sumptam, quo leges, iura & Iustitia eam repeti ac sumi patiuntur. Quemadmodum enim haud licet vi abducere, ac tollere quod tuum est, sed Iudicem ac magistratum conuenire oportet, sic ea, quæ iniuriæ illatæ debetur ultio, non potest ab vnoquoque sumi, sed vel à Deo vel ab humano Iudice, cuius est bonum singulorum Ciuium priuatæ

& ciuitatis totius commune tueri. Ita que facile sic Platoni conciliabitur Aristoteles. Plato quippe in Critone vetat suos iniuriam vlcisci his planè verbis: Quamobrem nullo modo inferenda alteri iniuria est. nec si iniuriam passus fueris, vlcisci debes, vt vulgus putat, &c. & in lib. 11. de leg. statuit, ciuem contumeliosis affectum verbis ab altero, non debere verbis eum probrosis contra lacessere, sed excusare potius, ab eoque se purgare vitio, cuius nomine affectus iniuria est. Conciliari potest, inquam, Aristoteles facile Platoni, quia hic vlcisci quidem ciues vetat, & vindictam repetere auctoritate priuata, eoque modo qui lege damnatur; non vetat tamen vlcisci auctoritate publica, & eo modo, qui lege probatur, & Iustitiæ consentaneus est. qui enim eo modo vindictam expetit, in honesta muneris functione versatur, hoc est, in actu Iustitiæ vindicantis. Manet ergo, duellum, vbi auctoritate priuata repetitur pœna, nec ob eum finem, qui propositus est Iustitiæ, ab Arist. probari non posse.

Accedere possunt his argumentis ab auctoritate petitis aliquot rationes, quarum instar omnium vna ducitur ex eo, quod liceat vnicuique vim vi repellere, & præterea vitam in discrimen dare ad rem familiarem, pecuniâque tuendam suam, & eos occidere, qui hæc rapere velint, aut iam surripuerint. Hinc enim consequens videtur, licere multò magis id facere ad asserendum & recuperandum honorem; qui non modò re familiari, sed vita etiam ipsa carior est. Hæc ratio ponit veluti certa & explorata quædam, quæ falsa sunt, vel certè non ita comperta. Primum est: licere vnicuique, eum qui vim intulit, & rem familiarem, aut pecuniam eripuerit, occidere. id autem fas esse tantummodo scimus, cum corpori nostri vis instat exitiosa. hanc enim vim depellere licet vi cum ipso etiam inferentis interitu, si necesse sit, sed cum illata iam est vis, nec integrum est, vitam salutemque defendere, sed tantùm vlcisci, non licet eum occidere qui vim intulit: quia non est id vim vi repellere, sed pœnas sumere. Rem autem familiarem & pecuniam tueri vel recuperare cum raptoris interitu, & nostræ cum vitæ certissimo discrimine, tum solùm licet, cum sine illa re viuere omnino non possumus. tunc autem non tam rem familiarem & pecuniam, quàm vitam nostram anteponimus alienæ, hoc est, vitæ infidiatoris. At in duello non iam amplius defendimus, repellimûsque vim illatam corpori, sed vlciscimur, & honorem recuperare contendimus, qui nec recuperatur, nec est vitæ conseruandæ necessarius, nec vitæ anteponendus est, vt demonstrabimus. Secundum, quod ponitur exploratum & compertum esse, illud est: honorem per acceptam iniuriam eripi ab alio posse; per monomachiam recuperari. id verò paulò antè iam diximus esse falsum. quia neque potest aliena vlla iniuria nobis eripere virtutem, quæ fundamentum & fons honoris est: neque duelli felix exitus demonstrat honoratiorem esse qui vicerit, sed tantummodo fortio-rem, tractan-

dorùmque peritiorem armorum. Tertiū est, licere vitam honori posthabere, siue honorem esse bonum in excellentiore collocatum ordine, quàm vitam: ac propterea fas esse vitam negligere ob honorem, quod falsum esse ostendit ipsa bonorum humanorum series à sapientibus ita disposita, vt primo loco ponenda sit vita, secundo existimatio & honor, tertio res familiaris & fortuna. quamquam enim quinque illa humana bona, laus, honor, fama, gloria, sunt anteponenda bonis fortunæ omnibus, non debent tamen antecelli vitæ; vita quippe fundamentum est bonorum omnium, adeoque illâ sublatâ, frustra appetuntur cetera, quantumuis excellentia, & gloriosa. Quod si Iurisperiti quidam, alique dicunt interdum ignominiam esse peiorem morte, aut ad tuendum honorem esse mortem oppetendam, pro ignominia intelligi volūt id, quod formaliter est ignominiosum; pro honore, id quod formaliter est honestum bonum. illud autem malum ignominiosum est solum vitium; hoc bonum honestum est vna virtus. Cum igitur hæc ita se habeant, & is sit bonorum humanorum ordo, vt omnia ceteri minora debeant quàm vita, sequitur, eos perperam agere & ordine præpostero velletueri humana bona, qui suscepto duello vitæ anteponere velint honorem. quamquam vt dixi, ne hoc quidem assequuntur, vt faciant ac reparent honorem, cum exitus eius belli secundus testimonium honoris esse non possit, sed artis gladiatoris potius ac firmitatis.

Attamen inquires infamia notatur ab omnibus qui prouocatus, duellum detrectat. Responderim esse videndum quid prudentes & ij qui deprauata estimatione non sunt, ea de re iudicent, non quid vulgò sentiat ab iis, qui animum induxerunt suum, honori posthabendam vitam, ipsa quoque reclamante natura. quamquam enim aliqua etiam ciuitas esset, vbi publica lege notarentur infamia ij, qui non descenderent in arenam sic prouocati, dicerem tamen eiusmodi legem iniquam esse, nec eam Rempublicam bonis institutis administrari. Non autem à ciuitatibus, quæ malè reguntur, sed ab iis, quæ optimè iustissimèque temperantur intelligendum est, quid nos æquum, iniquumve existimare debeamus. Concedunt quidem aliqui, fas esse aggressorem occidere vbi fuga homini altcui maxime insigni sit omnium opinione ignominiosa: sed non concedunt tamen, duelli eandem esse rationem. Nam qui aggressionem patitur, aliter honorem suum tueri non potest. Qui verò ad duellum prouocatur, eundem honorem seruare ac retinere potest officio Principis.

*Azer in
tom. 3. lib. 2.
cap. 5. §. 6.
Quaritur.*

QVÆSTIO QVARTA.

*An fortitudo maximè cernatur in malis
subitis ac repentinis.*

QUAMQVAM alibi supra quæsiuimus,
an mala repentina sint formidolosiora

quàm cetera, nihil tamen eo loco de Fortitudine diximus: sed decreuimus tantùm, subita & repentina mala multo maiorem afferre formidinem, quàm prouisa. Quia verò consequens videtur hinc esse, illos fortitudine præstantiore pollere, qui eiusmodi mala non perhorrescant, necesse habemus hic eam proponere quæstionem, quæ prætermittenda tum est, atque in hunc reservata locum capitis 8. ubi ea de re ita disputat Aristoteles accuratius atque distinctius. Ideo esse etiam fortioris viri videtur in improvisis terroribus intrepidum, imperturbatumque se præstare, quàm in conspicuis. Similia tradit in 6. cap. supra, ubi dixit, fortitudinem versari maxime in his, quæ repenti ac subito mortem afferunt.

Sunt autem aliquæ rationes & argumenta, quæ Aristotelis dicta repugnare videantur. Nam primo quidem Aristoteles ipse in hoc cap. 8. & alibi ait, fortes viros bonam habere spem cum fortiter agunt. At spes expectat futurum, quod pugnat cum subito & repentino, ergo fortitudinis actio ab improvisis & repentinis est aliena. Deinde videtur ad virum verè fortem pertinere, quoniam ex animi consilio & deliberatione agit omnia, prouidere quicquid asperum, arduumque potest euenire, ut ad pericula paratior accedens, non retrocedat, sed contra tendat audentior. rectè quippe ait D. Ambrosius in lib. off. 1. cap. 38. viri fortis esse, non dissimulare cum aliquid imminet, sed prætere, & tanquam de specula quadam mentis obuiam ire cogitatione prouida futuris, ne fortè dicat postea: Ideo in ista incidi, quia non arbitrabar euenire posse, sed ubi repentina & subita mala sunt, ibi prouideri euentura & futura non possunt, cum sint improvisa. ergo ubi repentina sunt mala, ibi fortis viri cessat officium & fortitudo. Congruunt hæc definitioni à M. Tullio traditæ in 2. de Inuent. ubi ait, fortitudinem esse consideratam susceptionem periculorum, & laborum perperessionem. Considerata verò esse non potest in repentinis.

Animaduertendum est, in fortitudinis actione duo esse consideranda & distinguenda: quorum vnum ad electionem viri fortis pertinet, alterum in ipso fortitudinis opere positum est. Si enim viri fortis electionem intueamur, fortitudo non videtur in repentinis, improvisisque versari casibus. ex electione quippe vir fortis reputatur, meditatùrque futura pericula, & cogitando rationem peruestigat ea faciliè perferendi per tolerantiam, aut per aggressionem perueniendi. Sin autem fortitudinis opus considerare velimus eatenus, quatenus in eo declaratio quædam est & euentia boni habitus, maximeque firmati, intelligemus fortitudinem cerni potissimum in subitis malis, & repentinis. In his enim improvisis periculis habitus maxime se prodit; qui agit, ut loquitur D. Thomas, in modum naturæ, hoc est, faciliè celeriterque. Quapropter quò minus est periculum prouisum & meditatum, hoc magis habitus clucet fortitudinis, demonstratque iam altas in animo radices habere; cum ne subitis quidem

malis & nunquam antè cogitatis ab eo conuelli possit, aut dimoueri. Potest enim aliquis nullo munitus habitu fortitudinis, beneficio meditationis, præparationisque obfistere periculis quantumuis per se terribilibus & formidolosis, sed in periculis improvisis & repentinis imperterritum retinere animum sine fortitudinis habitu non poterit.

Animaduertendum secundo loco est: fortem virum etiam in subitis & repentinis malis agere fortiter ex electione atque consilio. cum enim diximus, electionem viri fortis non spectare mala subita & repentina, non significauimus, in repentinis malis cum accidunt, non uti electione. id enim abhorret à virtutis habitu perfecto: quem in usum actumque proferre sine deliberatione atque electione non possumus. Contendebamus ergo, cum illa pronunciauimus, repentinum & improvisum, non esse conditionem aliquam electam in obiecto à viro forti. quippe qui eligit obiectum, quod ea conditione innotuit non est. fertur enim in obiectum arduum, difficile, terribile, formidololum, non tamen adeo negabamus, virum fortem ex electione agere, cum euenit, ut malum difficile sit præterea repentinum & improvisum.

Itaque ut breuissimè faciam; cum dicitur electio non versari in repentinis, duplici modo id accipiatque intelligi potest. primo quidem, virum fortem cum aggreditur, aut perfert, ac sustinet improvisa & subita mala, non uti electione: id verò nihil aliud est, quàm dicere, virum fortem non esse fortem. secundo: rationem improvisi, & repentini in obiecto difficili quod proponitur fortitudini vniuersæ, non esse conditionem electam à viro forti: quod verissimum est; non enim vir fortis aut fortitudo vniuersæ id videt & inuestigat dum eligit: an malum sit subitum, sed an sit arduum, & honestum. Quòd si malum obiectum id etiam interdum habeat præterea, ut sit improvisum, illic propter habitus perfectionem deliberat, eligit, & ex deliberatione, electione, certòque consilio malum quantumuis improvisum aut perfert aut aggreditur ut oportet, & decet virum fortem. Habitus nempe celeritè agit, atque facillimè deliberat & eligit. Neque verò est habitus fortitudinis sine prudentia, quæ illam deliberandi, eligendique celeritatem impertitur. Propterea nimirum diximus, in repentinis versari maxime fortitudinem; quòd in his patet actio quædam sit habitus, non electio, licet est, non electa improvisi conditio.

Conclusio itaque sit. Fortitudinem cerni perfectiorem in subitis & repentinis malis, quàm in prouisis & meditatatis. Ratio apud Aristotelem ea est: quòd huius fortitudinis opus non possit nisi ab habitu proficisci. opus autem eius fortitudinis, quæ versatur in malis prouisis, à sola facultate animi beneficio præparationis & meditationis effici possit. ex habitu, inquit, id magis proficiscitur, minusque ex præparatione. nam quæ ante palam sunt, ex consideratione quispiam eligere, ac ratione potest: quæ repenti accidunt,

non nisi ex habitu. Cùm ergo fortior ille sit, qui fortiter agit ex habitu, quàm qui sine habitu agit, consequens est, eum, qui fortiter agit in repentinis, esse præditum fortitudine excellentiori, quàm qui fortiter agit in pro-
uulis & cogitatis.

Rationes & argumenta proposita, quoniam id tantum contendebant, fortitudini necessariam electionem esse, quæ in repentinis malis esse nulla possit, confutata iam sunt, cùm demonstrauimus; fortitudinem vniuersè providere periculum & meditari, ac propterea eligere & intueri modum aggrediendi & sustinendi: fortitudinem verò peculiarem, sine peculiarem fortitudinis actum versantem in repentinis, non præ eligere quidem illa pericula, quæ accidunt repente, sed tamen non carere deliberatione & electione sua, quæ necessariò manat ab habitu. Quamquam enim vir fortis non eligit ante periculum, quare repentinum est, repentinum tamen periculum quia pulcrum & honestum est, tum, cùm accidit facillimè, celerrimèque propter habitum eligit.

QVÆSTIO QVINTA.

An Vir fortis adhibeat iram in agendo.

AFFIRMAT id quidem Aristoteles, in hoc cap. 8. Iram esse fortitudinis adiumentum, atque præsidium, quo nimirum viri fortes ad aggredienda pericula se quodammodo concitent. Sed argumentis est respondendum quibusdam, quæ nonnulli apud D. Thom. proponunt hoc pene modo:

Primum. Docet Aristoteles in libello de Memoria cap. 4. actionem corporis & sensus, ubi mota est, non confestim quiescere ad nutum, atque imperium hominis, cum compescere volentis: ex quo sequitur, iram commotam iam & excitatam, quia corporis quædam est, & sensus affectio, non deferuiscere statim, & quiescere cùm homo vult. At nemo deberet eo uti præsidio, & instrumento actionis suæ, quod mouere & deponere non possit arbitrato suo. Id enim videtur esse proprium instrumenti, ut eo possit agens uti, aut non uti pro voluntate. Igitur Ira non est accommodatum instrumentum atque præsidium fortis viri.

Secundum. Numquam adhibemus ad aliquid agendum ea præsidia & instrumenta, quæ sint eiusmodi, ut sine iis melius & facilius opus efficere possimus, cùm iis ad efficiendum reddamur infirmiores, & tardiores. sed ratio sine ira potest ipsa per se facilius actum producere fortitudinis; adhibita ira, difficilius potest, & redditur ad producendum imbecillior: id quod disertissimè pulcherri-
mèque docet in lib. primo de ira cap. 16. Seneca in hunc modum: Aristoteles ait affectus quosdam, si quis illis bene utatur, pro armis esse. quod veram foret, si velut bellica instrumenta sumi, deponique possent induentis arbitrio. Hæc arma, quæ Aristoteles vir-

tuti dat ipsa per se pugnant, non expectant manum, habent & non habentur. Nil aliis instrumentis opus est. satis nos instruxit ratione natura. Hæc dedit telum firmum, perpetuum, obsequens, nec anceps, nec quod in dominum remitti posset. Non ad providendum tantum, sed ad res gerendas satis est ipsa ratio. Etenim quid est stultius, quàm hanc ab iracundia petere præsidium, tem stabilem ab incerta, fidelem ab infida, sanam ab ægra? Quid quod ad actiones quoque, in quibus solis opera iracundiæ videtur esse necessaria, multo per se ratio fortior est? nam cùm indicauit aliquid faciendum, in eo perseuerat. Nihil enim melius inuentura est se ipsa quo mutetur. Ideo stat semel constitutis. Iram sæpe misericordia retro egit. Hæc eo loco disputat Seneca. quibus non id modò demonstrat, quod hic contendimus: rationem videlicet posse per se melius opus efficere fortitudinis, quàm per iram; sed, quod paulo antè dicebamus iram instrumentum fortitudinis ideo esse non debere, quia pro arbitrato sumi, & deponi non potest.

Tertium. Si fortitudinis instrumentum est ira, est propterea, quod vir fortis per eam vehementius ad agendum permouetur. sed etiam à dolore, à tristitia, à cupiditate ad fortius agendum impellitur. Aut enim hic Aristoteles, etiam adulteros, & mæchos incitari ad agendum fortiter amore ac libidine sua, & feras pugnare vehementissimè ex tristitia vel dolore. ergo etiam has affectiones assumere fortitudo deberet, veluti præsidia & instrumenta quædam ad agendum. At nemo dixerit, eas esse fortitudinis instrumenta.

Animaduertere hic oportet, quod aliàs supra in cap. 6. diximus; de ira, ceterisque affectionibus animi nostri non eadem sensisse Stoicos ac Peripateticos. Illi enim omnes à viro sapiente propulsabant, hi ratione temperatas eidem tribuunt, & velut instrumenta quædam impertiuuntur. Neque verò fortassis in ipsa re, sed in nomine tantummodo discrepabant. Quippe illi affectus tantum damnabant, & à viro bono depellebant eos, qui rationis imperium detrectant, eosque tantum appellabant *passiones*; ratione autem temperatos alio nomine appellabant: hi tam hos, quàm alios dicebant vniuersè *passiones*.

Hinc adeo fit, ut prima illa argumentationis ratio nihil efficiat, quæ ponebat iram à viro forti non posse sumi, deponique pro arbitratu. Ira enim rationis imperio minime subiecta eiusmodi est: sed quæ rationis imperium audit, qualis est ira viri fortis; & vera virtute præditi, sumitur ac deponitur ubi libet, & opus est. Hinc etiam apparet, quàm infirma sit secunda illa argumentatio à Seneca mutuata. Non enim æquè bene potest recta ratio per se fortitudinis opus efficere, quæ non utatur ira illa temperata, atque ad nutum imperantis respiciente; nec ex ira eiusmodi redditur imbecillior ratio; nec ab instabili, incerta, & infideli re præsidium petit, cùm ab ira temperata petit, sed à certa, stabili,

fidelique. Instabilis enim, infidelis, & infirma res est effrenis & impotens ira; de qua nullus hic à nobis est sermo.

Tertia verò, quoniam longè alia graditur via, necesse habet alio modo solui & expediri. quod antequam facio, vnum pono, quod admonet D. Thomas: iram iuuare fortitudinem in aggrediendo, non autem in perferendo & sustinendo. Sustinenendi enim & perferendi munus sola ratio per se obire potest. idque tantummodo vincebat primum argumentum, quo contendebatur, ipsam per se rationem fortitudinis opus efficere posse. Quo posito, respondeo: longè aliam iræ, ac tristitiæ, amoris, aliarumque perturbationum esse rationem. Ira enim, quia suapte impetu fertur in res asperas, & contritantes, directè fortitudinem adiuuat: tristitia verò, quia per se succumbit rebus anxiferis, ac molestis, non potest directè fortitudinem promouere, ac iuuare, sed si aliquo modo iuuat, ac promouet, obliquè quodammodo id facit, atque per accidens. Impellit nimirum tristitia iram ad aggrediendum eatenus, quatenus interdum ipsius est iræ causa conficiens: vel quatenus obicit aliquem in discrimen atque periculum, vt molestiam fugiat. Idem dici de amore, ac de cupiditate debet. quæ per se in bonum iucundum, & delectationem afferens tendit. cum bono autem iucundo & delectationem habente pugnat aggressio periculorum. nihilo tamen minus ipsa quoque cupiditas adiuuat per accidens fortitudinem, & incitat ad aggrediendum periculum: eatenus videlicet, quatenus vult potius in periculum incidere certissimum, quàm iucundo illo bono carere. Quæ causæ faciunt, vt ex adumbratis illis fortitudinis generibus veræ fortitudini valde simile sit illud, quod nascitur ex ira. si enim bonus accedat finis, & electio, vera fortitudo statim euadet illa commotio quæ fuerat ira.

Dices tamen aduersum hæc: iram abalienare quodammodo hominem à sensu: ac propterea reddere illum vulneribus, doloribusque perferendis accommodatum. hæc enim eo facilius perferuntur, quo minor est sensus. Respondeo primum: non omnia, quæ sensum vulnerum, & doloris eripiunt, esse

idonea fortitudinis instrumenta, atque præsidia ad sustinendum. nihil enim esset accommodatius quàm ebrietas, quæ reddit homines omni prorsus sensu carentes. Necesse igitur est, affectionem, quæ fortitudo vt pro instrumento debeat ad sustinendum, eam esse, quæ directè fortitudinem ipsam ad sustinendum & perferendum adiuuet. Hoc autem ira non præstat. Quin reddere hominem minus sentientem dolorem & vulnera, non est iræ proprium, sed commune omnium perturbationum. Respondeo iterum, iram ratione temperatam non abalienare hominem à sensu, sed eam, quæ temperata non sit. Vir autem fortis vititur ea, quæ ad iustam redacta mediocritatem, & mensuram est.

Dices secundo. Tristitia idcirco dicitur fortitudinem adiuuare per accidens, quòd impellat hominem ad pericula subeunda, vt molestiam fugiat. At si hoc verè dicitur, dici etiam poterit ira eundem virum fortem iuuare, ac promouere per accidens. Adiuuat enim eum eatenus, quatenus contendit iniuriam & dolorem vlcisci. Respondeo: maximam, quod ad fortitudinis opus adiuuandum pertinet, inter affectiones hæc duas differentiam esse. Vir enim fortis in aggrediendis periculis non vititur ipsa tristitia, tamquam instrumento quodam, atque præsidio actionis suæ, nec tristitiam in eam gratiam eligit. sed contra potius eligit, aggrediturque periculum, vt tristitiam fugiat. Quo fit, vt tristitia sit malum aliquod antegrediens ipsum fortitudinis actum & propulsandum per aggressionem, non fortitudinis instrumentum & cum ea fortiter agens, dum fortitudinis opus efficitur. id enim est iræ proprium, quæ non est malum depellendum antecedens actum, sed in ipso assumitur & deligitur actu, vt cum viro forti fortiter agens, fortitudinis producat & efficiat opus.

Aliæ sunt huiusmodi argumentationes per multæ à Martino de Magistris inculcatæ, quas peruidere qui volet facillè poterit euerfas dissolutasque à Caietano in secunda secundæ quæst. 123. artic. 10.



CAPVT NONVM.

DE PROPRIETATIBVS FORTITVDINIS.

S V M M A.

Fortitudinem in timore potius versari quàm in audacia; & plus tristitiæ quàm delectationis habere.

DIVISIO CAPITIS IN PARTES QVATVOR.

1. Qua ratione Fortitudo se gerat in timoribus & audacia.
2. Quod officium eiusdem sis erga tristitiam.
3. Quod erga delectationem & iucunditatem.
4. Vera fortitudinis proprietates ab adumbrata illa, quæ militaris dicitur, excluduntur.

PARS PRIMA CAPITIS NONI.

ΠΕΡΙ θάρρους δὲ καὶ φόβου ἢ
αἰδρίας οὐσα, οὐχ ὁμοίως πε-
ρὶ ἀμφοῶ ἐστὶν, ἀλλὰ μᾶλλον περὶ
τῶ φόβου. ὁ γὰρ ἐν τούτοις ἀπίστα-
τος, καὶ περὶ τοῦθ' ὡς δεῖ ἔχειν, αἰ-
δρῆτος μᾶλλον, ἢ ὁ περὶ τῶ θάρρα-
λεῖα.

Cum autem circa fiducias, & metus
fortitudo versetur, non similiter circa
utraque est, sed magis circa formidolosa.
Nam qui in his perturbatione vacat, & cir-
ca hac ut oportet se habet, fortis potius est,
quàm qui versatur circa ea, quæ fiduciam
afferunt.

EXPLANATIO.

IN hoc ultimo Cap. de Fortitudine quasdam persequitur Aristoteles, explicatque Fortitudinis absolutæ proprietates. Quarum primam pe-
tit à comparatione timoris cum audacia, quas affectiones dixerat sæpe
iam supra, materiam Fortitudinis esse. Inuestigat adeo: in quam e-
duabus hisce perturbationibus versetur magis absoluta fortitudo: in
timore ne, an in audacia. respondetque; fortitudinem tractare sæpius ac potius ve-
luti materiam suam timorem, quàm audaciam, siue, quod idem est, in terribilibus
magis formidolosisque rebus, quàm in iis, quæ fiduciam afferunt, & audaciam
commouent, fortitudinem veram, absolutamque consistere. Cuius rei ea produci
probabilis à bonis interpretibus ratio videtur, quòd fortitudo in eo versatur magis,
propter quod vir fortis laudatur amplius, & maiorem consequitur adprobationem
ab omnibus. Sed vir fortis magis laudatur ex eo, quòd in terribilibus & formidolo-
sis rebus rectè se gerat, quàm quòd in rebus fiduciam afferentibus ac clementibus au-
daciam se præbeat moderatum. ergo in terribilibus potius versatur rebus fortitu-
do, quàm in iutis, & fiduciam afferentibus. Assumptio declarari potest in hunc mo-
dum: Timor accidit homini propter aliquid fortius & validius, quod idem homo
videt in se ferri & cadere: audacia verò nascitur ex eo, quòd aliquis existimat eum,
quem inuadit, non esse viribus & robore superiorem. sed difficilius est contra for-
torem stare, quàm æqualem, aut minorem inuadere. ergo laudabilior erit, in ter-
ribilibus versari rebus, quàm in iis, quæ fiduciam afferunt & commouent auda-
ciam ad aggrediendum. honestius enim & laudabilior est id, quod difficilius est.
Cum ergo fortitudo laudetur magis, quòd timorem regat & temperet in rebus
formidolosis, quàm quòd audaciæ modum ponat in rebus fiduciam afferentibus, fit,
ut in illis potius, quàm in his versari videatur. Hanc rationem, quam sic exposui-
mus, perstringit hic Aristoteles, cum ait. Nam qui in his (hoc est in formidolosis)
perturbatione vacat, is fortis potius est, &c. Videtur enim significare, eiusmodi
hominem propter fortitudinem laudari, magis quàm qui audeat ex fiducia quan-
tum debet. id quod declarat amplius verbis, quæ proximè sequuntur, & à nobis
interpretanda nunc sunt.

PARS SECUNDA CAPITIS NONI.

Τὸ δὲ τῶ λυπηρῶ ὑπομῆν, ὡς
εἴρηται, ἀνδρῶν λέγονται. δὲ καὶ
ὑπὲρ λυπὸν ἢ αἰδρία, καὶ διαχρῶς ἐπαίνε-
ται. χαλεπώτερον γὰρ τῶ λυπηρῶ ὑπο-
μῆν, ἢ τῶ ἡδύϊ ἀπέχεσθαι.

EX eo igitur, quod molesta perferant,
ut dictum est, fortes appellantur. Id-
circo & molestum quiddam est fortitudo, &
iure laudatur. Difficilius enim est molesta
perferre, quàm à iucundis abstinere.

EXPLANATIO.

SECUNDA fortitudinis proprietas hic explicatur, quæ petitur à tristitia, molestiaque cum hac virtute necessario coniuncta. At igitur, fortitudinem esse aliquid triste, siue proprium fortitudinis esse, tristitiam, dolorem, atque molestiam habere, certè non sine molestia & tristitia esse. Sed qua ratione, quòve syllogismo id demonstret, non satis liquet. Burleus, Aristotelis orationem disponit hoc modo: Fortitudo in iis posita esse debet, & in iis versari; propter quæ laudatur. sed laudatur illo nomine, quòd res perferat tristes, & molestas: ergo in rebus tristibus est posita in molestisque versatur. Assumptum constat ex eo, quod paulò antè diximus. laudatur enim propterea fortitudo quòd difficilia sint ea, quæ tractat, & in quibus versatur. sed perferre tristitia, non modò difficile est, verùm etiam difficilius, quàm à rebus iucundis, & delectationem offerentibus abstinere. Hoc modo disposita ratio verè demonstrat ac vincit, Fortitudini molestiam & tristitiam adiunctam esse. Sed tamen quia videtur Aristoteles hic à fortitudine disputationem traduxisse ad temperantiam, cuius est, res voluptatem afferentes iucundis que tractare, placet magis ordo, ac dispositio Gifanii, qui rem confici quidem ab Aristotele vult, vt diximus, sed putat tamen, eum fortitudinem ad extremum cum temperantia comparare, ac dicere, fortitudinem laudabiliorem esse, quàm temperantiam. perinde quali diceret perferre tristitia, quod est fortitudinis, non modò laudabile esse, verùm etiam laudabilius quàm à iucundis se continere, quod est temperantiæ. Dixi autem alibi, tristitia esse fortitudinis materiam eatenus, quatenus per sui præsentiam ardua mala & difficilia perpassu sunt: esse autem temperantiæ, quatenus sensum priuant aliqua voluptate, quam expetit.

PARS TERTIA CAPITIS NONI.

ΟΥ μὲν δὲ ἀλλὰ δεῖξεν αὐτῷ τὸ κατὰ τὴν αὐδραμίαν τέλος ἡδὺ. κατὰ τὴν κώλην δὲ ἀφανίζονται, οἳ καὶ ἐν τοῖς γυμνασίοις ἀγωνοῦσι. τοῖς γὰρ πύκτας, ὃ μὲν τέλος ἡδὺ, οὐ ἔνεκα, ὁ τέφρατος, καὶ αἱ πικρῆ. ὃ δὲ τυττώεται ἀγλῶν, εἴτε φρενοῖ, καὶ λυπηρῶν, καὶ πᾶς ὁ πόνος. ἀλλὰ δὲ ὃ πολλὰ ταῦτ' ἐστὶ, μικρὸν δὲ οὐ ἔνεκα, ὅστις ἡδὺ φαίνεται ἔχει. εἰ δὲ ποιούτων ἔστι καὶ ὃ πᾶσι τὴν αὐδραμίαν, ὁ μὲν θάνατος, καὶ τὰ τραύματα λυπηρὰ τὰ αὐδραμῶν, καὶ ἀκούσι ἔσται. κατὰ μὲν δὲ αὐτὰ, ὅτι χαλὸν, ἢ ὅτι ἀγλῶν ὃ μὲν. καὶ ὅσα αὐτῷ μᾶλλον ἢ θρεπτικῶν ἔχει πᾶσιν, καὶ διδάσμοντες ἢ, μᾶλλον ὅτι τὰ θανάτου λυπηρὰ. τὰ ποιούτων γὰρ μέγιστα ἔστιν ἀξίον, ἐπεὶ μεγίστων ἀγαθῶν ἀποστερήσει εἰδώς. λυπηρῶν δὲ τῶν, ἀλλὰ ὅστις ἡτῶν αὐδραμῶν. ἴσως δὲ καὶ μᾶλλον, ὅτι ὃ ἐν τῷ πολέμῳ χαλὸν αὐτῷ ἐκείνων αἰσθάνεται. ὅτι δὲ ἐν αἰσθησὶ ταῖς θρεπτικῶν τὸ ἡδὺς ἐνεργῶν κατὰρχῇ, πᾶσι ἐφ' ὅσιν τῶν τιλοῖς ἐφάπτεται.

Veruntamen videri possit esse is, qui secundum fortitudinem est, finis iucundus: ab iis vero quæ circumstant, obscurari. vt & in gymniciis certaminibus sit. Pugilibus enim finis quidem iucundus, cuius causa certant, corona & honores. verberari autem molestum, cum sint carnei, & omnis labor molestus sit. Quoniam autem multa hæc sunt, prorsum autem est id, cuius causa certant, nihil iucundum videtur habere. Quòd si tale est etiam illud, quod circa fortitudinem est, mors quidem & vulnera molestum viro forti etiam inuito erunt. Sustinet autem ipsa, quia honestum est, vel quia turpe, non sustinere. Ac quo magis virtutem habet omnem, & felicior est, eo magis ob mortem dolebit. Tali enim viro maximè vivere conueniens est: atque is maximis bonis orbatursciens. molestum autem hoc. verum nihilominus fortis est: fortassis autem & magis, quia id, quod in bello decorum est, illis malis anteponit. Non igitur in omnibus virtutibus iucundè agere inest, nisi quatenus finis attingitur.

EXPLANATIO.



ERTIAM hic proponit proprietatem in delectatione sitam, quam etiam inter tristitias & dolores obtinet fortitudo. Nam cum dixisset, fortitudinem habere necessariam cum tristitia & dolore coniunctionem, videretque posse aliquos suspicari, hoc pugnare cum his, quæ in primo libro cap. 8. posita sunt, ubi decretum est, nullam esse virtutis actionem, quæ careat voluptate: cum, inquam, hæc videret, voluit hic eiusmodi dubitationibus occurrere, affirmans, fortitudinis actiones, non tantam quidem habere fortasse voluptatem, quantam afferunt ceteræ, sed tamen habere aliquam, hoc est exiguam, & modicam à fine manantem fortitudini proposito. quoniam iucundus est, tristitiam illam operis, si minus diluit totam, certè aspergit aliqua voluptate. Cur autem finis non possit omnem prorsus abstergere amaritiam & dolorem, eam esse causam ait, quod circumstantes difficultates infuscare quodammodo videantur eam iucunditatem, quæ animo repræsentatur dum fortiter agit. significat enim eam voluptatem iucunditatemque debilitari, frangi, minuique propter difficultates, doloresque, quorum perpessione comparanda est. Illustrat hoc similitudine à Gymnicis petra certaminibus, in quibus ut plagæ, verbera, vulnera, doloresque tristitiam & molestiam afferant, intermisceretur tamen aliqua à proposito fine voluptas. Proponitur enim ludentibus & decertantibus corona, laurea, oleagina, myrtæa, proponitur victus è publico in Prytæneo, proponuntur statuae, aliæque honoris insignia, quæ facere quidem possunt, ut aliqua sentiat inter tristitias, molestiasque iucunditas, sed ut funditus tristitia tollatur & dolor omnis, efficere nullo pacto possunt. Non enim illorum caro ænea est, & quæ habeat indolentiam, aut tristitiæ vacuitatem, quia fortes sunt. Quare perstringit leuiter Stoicos, qui volunt fortem virum vniuersæque virtute præditum & beatum non angere tristitia, nec dolore. Ait enim cum dolere, & tristari, eoque dolere magis, & tristari, quo excellentiori virtute se præditum intelligit, & quo beator est. Huc enim maximè pertinet illud Aristippi philosophi inter maris tempestates exterræfacti responsum, ac dictum in iuuenem petulantem qui in eodem periculo nihil omnino se formidasse dicebat. Respondit, inquam, non eandem sibi atque illi causam esse formidinis: quoniam is quidem non esset magnopere sollicitus pro anima nequissimi nebulonis: se autem pro Aristippi anima timere magnopere. Gell. lib. 19. cap. 1. Quanto enim maiori bono priuatur aliquis, sciens, & intelligens, hoc magis tristatur & dolet. sed quo aliquis est melior, hoc maiori priuatur bono, quo se dignum esse intelligit. Igitur hoc magis tristatur, quo maiori priuatur bono. Quæ tum maximè vera sunt, cum intelligit, se præterea utilem futurum propinquis, amicis, Ciuitati. Non tamen propterea priuatur omni iucunditate. Ut enim ait Linconiensis, vir excellenti virtute præditus tamen tristatur ex iactura vitæ, quam obtinet honestissimam, & qua se dignissimum intelligit, gaudet tamen, quod videat, mortem sibi necessariam in eo temporis articulo esse, propter maiorem, amplioremque aliquam honestatem; cuiusmodi est bonum commune, Reipublicæ utilitas, religio, cultusque diuinus, aliæque huiusmodi, quæ ipsa vitæ præclatiora sunt ac meliora, & à viro forti ipsi etiam anteponenda vitæ. quæ mortis causæ præclaræ, & delectationem aliquam afferentes comprehensæ sunt hic ab Aristotele nomine belli, quod maximè refertur ad publicum bonum, & mortem habet honestissimam. Tractat egregiè locum hunc Cicero in lib. 1. Tusculanarum quaestionum, ubi aduersus eos disputat, qui contendebant, idcirco mortem esse perperam acerbissimam quod magnis nos vitæ commodis exuat.

PARS QUARTA CAPITIS NONI.

Στατιώτες δὲ οὐδὲν ἴσως καλύψουσιν τοὺς ποιοῦντας κακὰ πρὸς τοὺς ἀλλοτρίους. ἀλλὰ τοὺς ἡπιοὺς καὶ ἀδρείους, ἄλλο δὲ ἀγαθὸν μὴ εἶναι. ἐπιμαί γὰρ οὗτοι τοῖς κακοῖς, καὶ τὸ βίον τοῖς κακοῖς καὶ κατὰ

Milites verò nihil fortasse prohibet quin minimè etiam tales, præstantissimi sint, sed minùs quidem fortes; aliud autem boni nihil habentes. Parati enim hi ad pericula sunt, & vitam cum paruis lucris

καταλ-

καταμάσσονται. τὰ δὲ μὴ οὕτως αἰσχροῦς
ἐπὶ τοσοῦτον εἰρηάζονται. ὡς δὲ ἔστιν, οὐ χα-
λεπὸν τύπτειν καὶ ὡς ἔλαττον ἐκ τῆς εἰ-
ρημίας.

commutant. De fortitudine igitur hæte-
nus dictum sit. Quid autem sit, non est
difficile rudi figura comprehendere ex di-
ctis.

EXPLANATIO.



VARTVS hic locus non tam quartam continet fortitudinis proprie-
tatem, quàm ὁπματορ, siue corollarium, vt dicunt eorum, quæ de
fortitudine disputata sunt, militibus accommodatum. Colligit enim
Aristoteles, posse aliquem bonum esse militem, etiamsi fortis non sit,
nec iis bonis, aut virtutibus præditus, quibus ornatum virum fortem
esse oportere iam diximus. Nam propterea quòd aliquis eo magis metuat mortem,
quo maioribus instructus est bonis, eoque timeat minus, quo minoribus est orna-
tus, effici & consequens esse ait, vt miles quamquam iis non præstat bonis, quibus
instructissimus vir fortis est, paratus tamen sit obire pericula & vitam vilissimo pre-
tio, exiguo nimirum stipendio vendere. Stipendiarios quippe milites hic describi
docet Linconien. hoc est, viliores aliis qui suo militant ære, ac propterea perexi-
guo lucro vitam ipsam venalem habent. sunt enim expeditis sarcinis, nec amore
liberorum, coniugis, rei familiaris, & diuitiarum, quibus plerumque carent, à
periculis vitæ depelluntur. id quod declarasse videtur egregiè quidam, Itamus no-
mine, in exercitu Antigoni Macedoniæ Regis. Cùm enim stipendiarius esset,
multa sanè præclara facinora fecerat, & præstantissimus inter suos habebatur: sed
à Rege ad opes & fortunam euectus ampliorem, cunctatior factus, hostilémque
detrectans non congressum modò, sed etiam aspectum, eam eius mutationis in-
terroganti Antigono causam aperuit: quòd opes, coniux, liberi facerent milites
vitæ cupidos & ignauos. Ait igitur Aristor. milites huiusmodi, valentes, lacertosos,
torosos, viribus præditos & arte militari, ad pericula quzlibet obeunda paratos
esse, quia paucissimis instructi sunt bonis, ac propterea bonos esse, hoc est, Rei-
publicæ viles, tametsi præditi fortasse vera fortitudine non sunt. Ducuntur enim
sæpe pecunia tantùm, & lucro, nec labores, pericula, mortem referunt ad hone-
statem. Fortes verò, quoniam magnis instructi bonis, & beati sunt ampliùs fortasse
sibi timent, quàm hi, tristanturque, quòd bonam & beatam vitam sint amissuri:
sed delectationem tamen capiunt ex fine proposito honestissimo, ab eoque ad agen-
dum fortiter ex electione & consilio compelluntur.

EPILOGVS.

1. Fortitudinis proprietates hæ sunt. In timore, audaciâque versatur. non aequè tamen
versatur in utraque, sed magis in formidine ac timore, quam in audacia.
2. Sine tristitia esse non potest. sed tamen ea tristitia minuitur à fine proposito: qui par-
uam quidem, sed tamen aliquam viro forti periculum perferenti voluptatem af-
fert.
3. Vir fortis quo amplioribus pollet virtutibus, quòve beatior est, hoc magis ob mortem
tristatur imminentem. non tamen idcirco minus fortis est. sed ob honestatem consem-
nis prolixè vitam, ac tum maxime cùm in bello pro communi salute ponenda est.
4. Fieri adeo potest, vt stipendiary milites expediti, nullisque ornati animi aut fortuna
bonis, venalem pecunia & lucro vitam habentes multo minus tristentur ob mor-
tem, quam verè fortes viri, ac propterea promptissimi paratissimique ad pericula
sint.



IN CAPVT NONVM,

QVÆSTIO PRIMA.

An sustinere, perferre, ac pati sit præcipuum fortitudinis officium & actus.



VONIAM duo sunt Fortitudinis officia, vt sæpe diximus: perferre terribilia, & eadem aggredi: videndum est hoc loco, vbi Aristot. in timore moderando vult esse præcipuas fortitudinis partes, primum ne munus fortitudinis sit, perferre & pati, an aggredi, atque inuadere formidolosa. De Aristotelis sententia non videtur ambigi posse. Fortitudo enim per timorem perit: et alperas, terribiles per audaciam aggreditur; & vltro expetit; si ex Aristotelis auctoritate decreto fortitudo præcipue versatur in actibus, quæ timorem afferunt; in his quæ fiduciam ad audendum præbent, haud æquè, nec tam sæpe versatur. sit adeo, vt in perferendo & sustinendo ex eiusdem opinione præcipua fortitudinis actio posita sit, non in aggrediendo & inuadendo.

Sed tamen potest contra nonnullis argumentis & rationibus disputari, ut similibus, vt ait Buridanus, quibus Aristoteles contendit in dando & largiendo, non in accipiendo positum esse præcipuum ac primum officium liberalitatis.

Prima. Melius est vti, quàm possidere. sed aggredi est vti viribus suis, sustinere autem & perferre nihil aliud videtur esse, quàm vires suas quodammodo possidere. Secunda. Virtutis est magis bene agere, quàm bene pati. sed aggredi est bene agere. ergo melius est, quàm sustinere, quod est bene pati. Tertia. Amplioris, maiorisque virtutis est agere bene, quàm turpia non agere. sed aggredi est bene agere. perferre ac sustinere est non turpiter agere, hoc est, non se prouipere turpi fuga. Quarta. Virtuti debetur laus & gratia. ergo ampliori virtuti maior debetur laus, & amplior gratia. sed maior debetur iis, qui aggrediuntur hostes, quàm qui eorumdem sustinent impetum, & perferunt vim ingruentem. Quinta. Virtus in difficili versatur & arduo. ergo virtutis excellentior actio versabitur in eo, quod difficilius est. sed est difficilius aggredi, quàm perferre ac sustinere. Sexta. Illud dicitur esse magis virtuti consentaneum, & maius virtutis opus, quod Reipublicæ maiorem parit vtilitatem. Sed aggredi vtilius est Reipublicæ, quàm sustinere ac pati. Per aggressionem enim depelluntur hostes: per tolerantiam & defensionem sustinentur tantum, & retardantur. Septima est apud D. Thom. hoc modo proposita. Maioris videtur esse

potentiæ ac facultatis, posse in aliud agere, quàm ab alio non immutari. Sed aggredi est in aliud agere; sustinere ac pati est ab alio non moueri, & contra impetum perseverare. ergo maioris fortitudinis est aggredi, quàm perferre, ac sustinere. Octaua est apud eundem D. Thomam eiusmodi: Multo magis distat ab vno contrariorum alterum contrarium, quàm eiusdem contrarij simplex negatio. Sed qui perfert & sustinet, id solum efficit vt non timeat; nec præ se fert aliud, nisi negationem timoris: qui verò aggreditur, efficit illud præterea, vt per contrariam timori affectionem animi moueatur. ergo fortitudinis excellentiores sunt partes aggredi, quàm sustinere ac pati.

Dicendum nihilominus est: fortitudinem versari magis in comprimendis timoribus, quàm in audacia moderanda, & præstantius esse fortitudinis opus, sustinere ac pati, quàm aggredi, atque inuadere periculū. Fortitudo enim in eo versatur opere magis, quod difficilius est, & quod difficilius est opus, illud præstantius & excellentius est. Sed difficilius est pati, quàm inuadere & aggredi; quemadmodū demonstrari quatuor rationibus potest, partim à Buridano, partim à D. Thoma petitis. Quarum prima huiusmodi est: Sustinere ac perferre periculū videtur is solum, qui eum, quem sustinet, fortiolem, se debiliorem existimat: aggredi autem is solum dicitur, qui se fortiolem putat, eum quem aggreditur, imbecilliolem. Neque enim ille sustinet impetum, nisi opinaretur inimicum fortiolem, se vero debiliorem esse, neque hic aggredetur, nisi speraret se posse vincere quē inuadit. Sed difficilius est expectare ac sustinere fortiolem, vbi de salute propemodum desperatur, quàm aggredi debiliorem; vbi salutis & victoriæ spes est. Ergo fortitudinis opus difficilius, hoc est, præstantius, & potius est sustinere ac pati, quàm inuadere & aggredi. Secunda. Qui sustinet, habet pericula iam imminencia. ceruicibus & pene præsentia. qui autem aggreditur, habet prospicientque pericula tantum futura. sed difficilius est, non moueri à præsentibus, quàm à futuris. Idcirco nimirum Aristot. in hoc 3. lib. cap. de Temperantia ait: pericula futura, vel in vniuersum animo comprehensa, sine tristitia esse, præsentia vero & peculiaria tristitiam & dolorem afferre maximum. & in 2. Rhetor. pericula longè distantia non timeri magno opere, ac propterea audaciam afferre posse; qualis est mors, quam non timent adolescenti-

res, quia futuram multo pōst tempore putant, ac longè dūtare. Tertia, sustinere ac pati, res sunt; quæ temporis coniunctam habent diuturnitatem. sustinere enim & pati ut oportet nemo potest, qui non expectet periculum, in eoque non permaneat, & perseueret: aggredi autem potest aliquis subito motu. sed difficilius est, diu in periculis permanere, quàm eadem pericula subito aggredi. Quarta. Illud opus virtutis est præstantius, magisque præcipuum, quàm alia, ex quo tamquam magis è propinquo, ac magis immediatè virtus attingit honestum bonum. Sed sustinere ac pati, opera fortitudinis sunt, quorum vi magis immediatè fortitudo ipsa bonum attingit honestum. Aggressio enim quamquam id eundem contendit, atque hunc finem extremum propositum habet, ut bonum virtutis seruet, retineatque; immediatè tamen expetit vel victoriam, vel lucrum, vel depulsionem hostium. sed tolerantia, quæ cernitur in perferendo, & sustinendo, nihil eorum expetit immediatè, sed bonum honestum. Agit enim illud immediatè, & id vult atque contendit, ut turpitudinem fugiat, quæ futura esset in fuga, si inter ea pericula per ignauiam arriperetur.

Antequam respondeamus argumentis initio propositis, animaduertendum est, interdum esse melius aggredi, quàm expectare & sustinere; immò verò expectationem sine aggressionem vitiosam esse: interdum autem esse necessariam etiam fugam. quæ nisi suscipiatur, neque prudenter sustineri, neque suscipi per aggressionem periculum prudenter & honestè possit. Itaque quod dictum est, intelligi atque accipi non debet de vno eodemque actu fortitudinis iisdem conditionibus, & circumstantiis imbuto, sed de diuersis ac variis. significauimus enim atque hoc in summa volumus; actum expectationis & tolerantie qui perfectissimus sit, sua vincere præstantia & excellentia ipsum aggressionis actum, quantumvis in suo genere perfectum & excellentem.

Animaduertendum præterea est: fugam, tametsi actus interdum fortitudinis esse possit, non fuisse tamen hic inter actus atque officia fortitudinis adnumeratam: quia minimus quidam est eius virtutis actus, & vltimum obtinet locum. Est enim omnium facilis & timori similis. timor autem opponitur magis fortitudini, quàm audacia, ut ait Aristot. Cùm ergo minima sit in hoc actu difficultas, & similitudo aliqua cum vitio fortitudini summè opposito, præteriti solet in enumeratione actuum fortitudinis, illique adscribuntur duo tantùm maximè principes & conspicui; aggredi, & sustinere.

Respondeo nunc primo argumento, id concedens, quod in propositione dicitur; esse videlicet præstantius, melius, & virtuti magis consentaneum uti, quàm possidere. Sed dico tamen, eum, qui sustinet & perfert multo magis uti viribus animæ, quàm qui aggreditur. habet enim periculum præsens qui sustinet: qui aggreditur, habet futurum, de-

nique demonstratum iam est, esse difficilius expectare & pati, quàm aggredi. De secundo dicendum est bene facere melius esse, quàm bene pati; non in omnibus omnino virtutibus, sed in aliquibus, ac potissimum in officio liberalitatis. Cuius officium est potius bene dare, quàm bene accipere. accipere verò est quoddam pati, sed in fortitudine contra fit. præstantius quippe est sustinere & pati, quàm per aggressionem agere.

De tertio dicendum est, expectare, non essetantum turpiter non agere, aut non fugere, sed etiam bene agere, rectèque obire fortitudinis munus, cùm prudentia, ratioque iubet expectare. bene enim agere in genere moris est sic agere, quemadmodum virtus & ratio iubet. De quarto respondeo, viros prudentes, & rerum bonos æstimatores esse laudaturos amplius qui expectant periculum, & sustinent, cùm perferendum & sustinendum est, quàm eos, qui periculum aggrediuntur. populum autem & multitudinem imperitam ignaràmque rerum esse fortasse magis laudaturam aggressores. sed à vulgò non est petendum eius rei iudicium, nec à stulto populo, qui plus etiam laudabit prodigos quàm liberales. Quod si dicas, etiam à prudentibus laudari magis qui aggrediuntur, cùm aggrediendum est periculum, quàm qui periculum idem expectant & sustinent; si hoc, inquam, dicas, repetam responsionem ab iis, quæ primo loco suprà dixi esse animaduertenda: nimirum comparari à nobis opera hæc duo fortitudinis non in eadem versantia materia, sed per se singula tractantia suam. Cùm enim materia difficilis proposita viro forti eiusmodi circumstantiis instructa est, ut aggredienda sit, expectatio esset deterior, & fortasse vitiosa. Sed comparamus opus aggressionis suis instructum circumstantiis iustis, & opus expectationis instructum suis, & in ea versans materia, quæ non postulet aggressionem. è quibus est præstantior expectatio & fortitudini optabilior, ac magis eligenda, è duobus enim his operibus bonis, & sibi consentaneis eligeat potius expectationem, & in ea volet versari frequentius, quia præstantior est. In quinto ponitur pro comperto quod non modò controuersum, sed falsum etiam est, ut in ipsa quæstionis Conclusionè demonstrauimus. Ponitur, inquam, difficilius esse aggredi, quàm pati. Quod verò ponitur etiam in sexto tamquam exploratum & certum, longè aliter est. Non enim semper illud est simpliciter melius, quod ipse est Reipublicæ utilius. Interdum enim est Reipub. utilius ærarium plenum & pecunia, quàm ciuis bonus. ingens autem pecuniæ vis & exaggeratum ærarium non melius simpliciter est, quàm homo & ciuis vnus insignitè probus: quem Respublica tamen perire patietur, si ea incendant tempora, quibus necessariò vel ille sit amittendus ciuis, aut perdenda pecunia, & exhauriendum ærarium, sine quo consistere Ciuitas & Respublica non potest. Itaque re-

Et ait in hoc cap. ad extremum Aristot. multos milites corpore validos & ad audendum proictos, esse optimos, hoc est, Reipublicæ vtilis, & salutaris, qui tamen vera fortitudine præditi non sunt, cum animositatem illam referant ad lucrum & licentiam militarem, non ad honestatem. Adde, quod expectatio bona, & perperio periculorum esse potest interdum eiusmodi, ut multo melius seruet urbem & Rempublicam, quam aggressio; aut certe peræque seruet, ac illa. Pro seprimo animaduertendum est, sustinere & perferre esse quidem in corpore passionem quamdam, & negationem mutationis: sed tamen eam passionem & negationem proficisci ab anima vehementissimè agente, suâque contendente vires ad bonum, cui penitus inhaeret, retinendum. Hinc enim fit, ut non cedat passionibus ingruentibus. sed virtutis opus attenditur magis penes animam, quam penes corpus. Itaque qui sustinet, si animæ spectetur ipsa contentio, non sola defatigatio corporis; plus agit, quam qui aggreditur, inuaditque periculum. Responderi adeo potest assumptioni, in qua dicitur, eum qui sustinet, id tantum efficere, ut non moueatur ab alio: eum qui aggreditur, hoc præstare amplius, ut agat in aliud: præstabilius autem esse, agere in aliud, quam non moueri. Responderi, inquam, potest; eum qui sustinet etiam moueri; non quidem impetu corporis; sed animæ, vires contendenti suæ, & nervos omnes aduersus pericula penè præsentia; quæ grauiora sunt: ac propterea mouentur vehementius, quam qui mouetur ad aggrediendum.

Octauum eandem penè postulat responsionem. Non enim expectare, perferre, pati, & sustinere id tantum significant & sibi volunt, non timere: sed præter huiusmodi negationem, significant præterea perseverantiam, & diuturnitatem operis: Cum nemo intelligi verè possit sustinere, ac pati, qui non idem permanere, ac perseverare inter pericula intelligatur. Durare autem, & perseverare non est tantummodo non timere, sed præterea contendere vires animæ, & urgentia mala constanter perferre.

QVÆSTIO SECVNDA.

Quid difficilius & laudabilius sit. in prosperis ne, ac secundis, an in aduersis modum tenere.

CVm difficilius sit expectare & sustinere periculum, quam inuadere & aggredi, consequens illud videtur esse, ut difficilius etiam sit æqualitatem animi retinere in rebus aduersis, quam in secundis. Nemo enim aggreditur, nisi cum videt rem, quam aggreditur eam esse, quæ fiduciam afferat & spem victoriæ: nemo expectat & sustinet, nisi qui intelligit, nullum sibi, certè perexiguum esse fiducie locum inter summas angustias. Immo

dixit Aristoteles in hoc capite disertè: facilius nos à rebus secundis iucundisque abstinere nos posse, quam inter aduersas fortiter agere, easque, ut virum fortem decet, sustinere. quid enim est aliud à rebus iucundis abstinere, quam modum seruare inter res prosperas & secundas, quæ animo iucundæ sunt & corpori afferunt voluptatem? Quid multis opus est verbis, cum huius initio Capituli ita disputet? Cum in fiducia metûque fortitudo versetur, non peræque tamen in utroque, sed in rebus formidolosis cernitur magis. Nam qui in his omni animi motu ac perturbatione vacat, quique in eis ita affectus est animo ut debet, is fortior eo est, qui in rebus, quæ fiduciam afferunt, constantiam retinet, &c. sed melius & planius in 2. Oecon. c. 2. ubi hæc præcepta mulieri tradit. Non est sanè parum, secundis rebus bene uti, attamen aduersas moderatè perferre maius est existimandum. Vide locum. Est hæc igitur Aristotelis sententia; difficilius esse retinere gradum, & tueri locum inter res aduersas, quam inter iucundas ac prosperas habere modum, nec fortunæ se tradere.

Sed Aristoteli contraria est opinio Archytæ philosophi Pythagoræi. quam Stobæus in Serm. 2. de virtute commemorat his verbis, acceptam ex libro eiusdem Archytæ de viro bono & beato. Ut corpus, inquit, lædit quidem tam defectus, quam excessus, maiores tamen morbos afferre solet excessus, & quæ vocantur exuperantiæ: sic etiam animam lædit tam prosperitatis, quæ calamitatis species, si intempestiue ingruat. Atqui languores efficere solet grauiores quæ dicitur bona fortuna, quæ tanquam vinum bonorum virorum menti quamdam affert ebrietatem. Quare non aduersam fortunam commodè ferre ardua res est, sed prosperam. Omnes quippe quandiu in miseria permanent, moderatè plurimum, modestique videntur esse: in rerum autem successu audaces, elatique. potens nimirum est, & idonea calamitas ad contrahendam, & componendam animam: successus rerum contra, ad inflandum, eandemque animam reddendam inanem. Itaque vitam omnes instituunt prudenter, infortuniis pressi: importuni verò sunt, molesti, ac feroces in consuetudine vitæ, quibus res secundæ sunt. Ratio igitur Archytæ in eo posita est, quod res iucundæ blandissimæ dominæ sint, nec tyrannico, sed placido & suauiteneant imperio quos semel occupant: adeoque iugum illud blandum excutere difficilius sit, quam si durum & asperum esset. Plato etiam ipse in primo de legibus non horribilium tantum, sed etiam iucundarum quamdam reperiri, & esse scientiam rerum definiuit. Si quis verò velit contrahere totam illam Archytæ disputationem, dicet in summa: prosperam fortunam obesse magis homini, quam prodesse. aduersam verò contra prodesse potius, quam obesse. obesse autem illam, quia veluti quædam exuperantia morbos animi parit, inprimisque superbiam & elationem; prodesse hanc, quia videtur esse modestiæ parens, & moderationis. Id quod

etiam Boëthius in secundo de Consolatione prof. 8. pulcherrimè sic expressit, vtriusque fortunæ bona malique explicatius enumerans. Etenim plus reor hominibus aduersam, quàm prosperam prodesse fortunam, inquit, Illa enim semper specie felicitatis, cùm videtur blanda, mentitur: hæc semper vera, cùm se instabilem mutatione demonstrat. Illa fallit, hæc instat: illa mendacium speciei bonorum mentes fruuentium ligat, hæc cognitione fragilis felicitatis absoluit. Itaque illam videas ventosam, fluuentem, sui semper ignaram, hanc sobriam, succinctamque, & ipsius aduersitatis exercitatione prudentem. Postremo felix à vero bono deus blandiens trahit, aduersa plerumquæ ad verâ bonâ rediens velut vineo retrahit. An hoc inter minima æstimandum putas, quid amicorum tibi fidelium mentes hæc aspera, hæc horribilis fortuna detexit? &c. Quæ Boëthij disputatio id sibi demum vult & decernit: securitatem fortunam inflare & efferre mortalium animos, allicere ad voluptates, à cælestibus auertere, fluxis caducisque rebus alligare, obtundere prudentiam, vitia magis, & inscitiam, quàm virtutes, & sapientiam alere. aduersam verb, his tot ac tantis malis planè contraria bona parere; illudque potissimum præstare, ut amicos veros à falsis, atque assentantibus internoscamus. His similia profert ex Seneca siue ex Publio Mimo aut Laberio ille, qui Prouerbia collegit. Fortuna, quem fouet, inquit, stultum reddit. & Seneca ipse in Consolatione ad Heluiam ita loquitur: Vnum habet bonum assidua infelicitas, quod illos indurat quos vexat. Dicebat etiam Pythagoras, tum maxime in hominum mentibus versari religionem, cùm essent in miseriis & calamitatibus positi. Denique in ore omnium est quod à Tacito in lib. Histor. 17. pronuntiatur his verbis: Fortunam adhuc tantum aduersam tulisti. Secundæ res acrioribus stimulis animum explorant: quia miseriæ tolerantur; felicitate corumpimur. Simile quiddam apud Sallust. est in Catil. coniur. Quippè secundæ res, inquit, sapientum animos fatigant, ne dum illi (milites) corruptis moribus victoriæ temperarent. Lege præterea Lambin. ad illud Horat. lib. 3. carm. od. 27. *bene ferre magnam Disce fortunam.* Pugnare videntur, inquam, hæc philosophorum & grauium hominum dicta cum iis, quæ docet hic Aristoteles. quia cùm ipsi tam multa pericula velint esse in rebus secundis, & fiduciam afferentibus, contrariæque tantam putent inesse securitatem inter aduersas, significant haud dubiè, difficilius esse in illis, quàm in his retinere constantiam.

Dicendum est primo: prosperitatem vitæ ac fortunæ, siue res prosperas ac secundas per se quidem bonas, atque vtilis esse, quemadmodum diximus in primo lib. cùm demonstrauimus, esse necessarias perfectæ felicitati ciuili, cuius explent nimirum partes & numeros omnes: sed tantum fieri posse per accidens malas & perniciosas, si malus videlicet

& improbus vsus accedat. contra verò fortunam aduersam & res asperas esse malas & noxias humanæ vitæ, nec congruentes felicitati perfectæ: sed per accidens effici posse bonas vtilisque; si nimirum accedat ratio, & virtus, eas perferens vt oportet. Quamquam verò plerumque videmus contra fieri, vt res secundæ notent, pro sint aduersæ; mirum id esse non debet. quia læpissimè accidit, vt quod per accidens fit, frequentius atque in pluribus reperiatur quàm quod fit per se.

Cadit in hunc locum accommodatissimè quod ait Aristotiles, paupertatem asperam quamdā esse matrem, sed bonos parere filios. & quod dicunt alij quatuor bonas esse matres; quæ prauos pariant filios; prosperitatem; quæ superbiam gignit; veritatem, quæ odium: securitatem, quæ periculum; familiaritatem, quæ contemptum. Quæ profectò per accidens ita sunt. mala enim paupertas est; incommoda & inimica felicitati perfectæ ciuili: sed per accidens bona est, cùm eius vsus est bonus. Veritate verò, prosperitate, securitate, amicitia nihil melius. sed eas per accidens facit malas improbus vsus.

Dicendum secundo: esse difficile in rebus secundis ac prosperis habere modum, ac retinere constantiam, hoc est; non efferi quadam insolentia; & spiritus atque arrogantiam sibi non sumere. Id nimirum demonstrat aliquorum disputatio Philosophorum, quos supra laudauimus. Id sibi voluit Horatius, cùm admonuit Europam ad Iouis connubium, & regnum euectam, vt tam magnam fortunam bene prudenterque terre condiceret Od. 27. lib. 3.

Vxor inuisti Iouis esse nescis?

Mitte singulum. bene ferre magnam

Disce fortunam. tua felix orbis

Nomina ducat.

Tantalum felicissimum fuisse ac fortunatissimum canit Pindarus in Od. 1. Olym. sic profusus: vt à Diis etiam ipsis in conuiuium adhiberetur. Si quisquam mortalium, inquit, Diis in pretio fuit, Tantalus fuit. Sed tamen hunc eundem Tantalum ac non potuisse concoquere felicitatem suam, hoc est, non potuisse tantam illam bene ferre fortunam. Nec enim ambrosiamque paratam Diis, quod ipsis immortalitatis pabulum & alimentum est, surripiens, & qualibus suis compotioribus tribus impertiit, Ixioni, Sisypho, & Tityo, vt ibi dicitur, ac propterea damnatus infelici supplicio ad Inferos est. Cadit igitur & conuenit in istos Horatij monitum alterum ad Delium in Od. 3. lib. 3.

Æquam memento rebus in arduis

Seruare mentem non secus in bonis

Ab insolenti temperatam

Letitia morituro Deli.

Patebat huic præcepto Pamphilus apud Terent. in Hec. act. 3. sc. 3. Vt nobis res dant se se, ita magni, atque humiles sumus.

Dicendum est tertio: difficilius esse fortunam incommodam & aduersam, quàm prosperam & secundam bene ferre. Contrarium hoc dictum est iis, quos initio protulimus

philosophis, inprimisque Archyta, qui disertè pronunciauit, non esse rem arduam, aduersam ferre fortunam, sed prosperam. id quod cecinit etiam in assentatorio quodam epigrammate Martialis ad Nernam Traianum in lib. xi. Contendit enim, laudem eius Imperatoris esse maximam, quòd magna fortuna & felicitate labefactatus non sit; eoque nomine antefendum aliis esse: qui si boni fuerunt, inter res angustas, & perexiguas certè fuerunt.

*Tanta tibi est rebus reverentia, Caesar, & equi,
Quanta Numa fuerat. sed Numa pauper erat.
Arduas hac est, opibus non tradere mores,
Et cum tot Cresces viceris esse Numam.*

Contrarium, inquam, id est his philosophis & doctis aliis hominibus, sed consentaneum Aristoteli, ac rationi. Sustinere quippe ac pati difficilius opus fortitudinis est, quàm invadere, & aggredi, quemadmodum demonstratum est in questione proximè superiori. Qui enim aggreditur, aggreditur per modum fortioris cum qui debilior sit, aut debilior existimetur. qui sustinet, sustinet per modum debilioris cum, qui fortior & robustior sit. At perferre, patique fortunam incommodam est ingruentem eius impetum sustinere per modum debilioris id quod fortius est. perferre verò secundam & commodam, siue bene ac moderatè uti secunda fortuna, est res ipsas secundas & prosperas aggredi quodammodo per modum fortioris id quod debilius est, ut subigatur imperio rationis. Reliquæ rationes quæ demonstrant in ea questione difficilius esse sustinere, quàm aggredi, demonstrant etiam fortunam aduersam pati difficilius esse, quàm bene ferre magnam & cumularam. Et quoniam quod difficilius est, id laudabilius & præstantius est, erit longè laudabilius, res incommodas & asperas, quàm secundas & commodas bene ferre.

QVÆSTIO TERTIA.

An vir fortis capiat ex opere suo inter agendum voluptatem.

MVLTÆ sunt quæ demonstrant, virum fortem ex ipsa fortitudinis actione delectationem haurire; multa, quæ vincant in eadem actione occupari tristitia, ac propterea nulla perfrui voluptate. Necesse igitur erit utraque proponere hoc initio; ut ambigua distinguantur, & decidi possit de questione facilius.

Ea, quæ ostendunt, virum fortem in suo ipsius opere delectatione carere, & affici tristitia, hæc propemodum sunt: Primum. Aristoteles in hoc cap. ait disertè, viros fortes maximè cerni & apparere in perferendis iis, quæ tristitia sunt, & molesta: eoque fieri, ut fortitudo ipsa quiddam triste dicatur & sit. Addit ibidem paulò ante finem, non in omnibus virtutibus id inesse, ut cum iucunditate ac delectatione agamus; nisi eatenus, quate-

nus ipsum attingimus finem. Hoc autem sine dubio propter fortitudinem ita pronunciauit, in cuius opere nulla delectatio est, nisi quæ manare possit à fine. Quòd si dicas Aristotelem iam declarasse consilium & sententiam dicti superioris, cum in hoc posteriore doceat, opus quidem fortitudinis ipsum per se triste ac molestum esse, cuiusmodi sunt vulnera, & dolores, finem autem esse iucundum, qui possit voluptatem etiam inter vulnera & dolores asserre: si hoc, inquam, dicas, eundem iterum tibi opponam Aristotelem, affirmantem ibidem, finem fortitudinis iucundum quidem esse, sed à doloribus & vulneribus offuscari quodammodo, vinctique & obui ab ea tristitia, quæ nascitur ex perpersione rerum acerbissimarum: sic proprius, ut exigua illa delectatio evanescat, nec usquam inter dolores propter tenuitatem & exiguam suam apparere videatur. Secundum. Perferre mortem, ut oportet, fortitudinis opus & actio est, ut iam diximus. Sed in perferenda morte vir fortis delectationem voluptatemque non capit. Si enim ea mortis perpersione ac tolerantia delectaretur, vel sensu, vel intelligentia delectationem usurperet. At neutra facultate percipit voluptatem. Ac primo quidem non sensu; qui sine dubio trahitur & dolet: dolor autem & tristitia in eodem homine, eademque hominis facultate ac vi cum delectatione & voluptate simul esse non possunt. Quamquam enim aliqua tristitia lenissima, & remissa cum aliqua delectatione conciliat, maxima tamen & summa tristitia, qualis est ea, quæ in mortis ipsa perpersione sentitur, omnem omnino delectationem expellit. quippe non is malum omnium omnino formidolosissimum, & molestissimum est. Quod verò attinet ad intelligentiam, nullam in illa esse inter dolores, & vulnera voluptatem, demonstrari primo potest ex eo, quòd in hoc eodem cap. dicat Aristoteles eo magis aliquem trahi inter dolores & ipsa mortis pericula, quo se feliciorem, & virtutibus instructiorem esse intelligit. videt enim propterea vita se dignum esse, adeoque cum hoc intelligit, ad ipsam quoque intelligentiam tristitiam admittit. deinde, si delectaretur inter acerbitates viri fortis intelligentia, delectaretur ex opere & exercitatione virtutis, cuius beneficio comparatur habitus. Sed ob hanc causam capere delectationem non debet; cum ex mortis perpersione nihil virtutis acquiratur, sed ipsum amittatur & persumdetur fundamentum, quo virtus innitebatur, & servabatur. Itaque dixit in cap. 6. supra Aristoteles; nihil post mortem homini superesse, neque boni neque mali ex iis, quæ usurpanit in vita. Adde, quòd fieri non potest, ut aliquis eadem planè actione bonum virtutis acquirat, & eodem bono priuetur. Sed in perferenda morte vir fortis ipso virtutis bono priuatur, ut ait in hoc cap. 9. Aristoteles. Maximis enim bonis, inquit, priuatur sciens.

Hæc, inquam, argumenta & rationes conficere videntur; ab opere fortitudinis abesse

voluptatem. Aliæ verò sunt, quæ contra videntur ostendere, virum fortem inter agendum non posse delectatione ac voluptate carere. Prima quidem ab ipso petitur Aristotele, qui in primo lib. cap. 8. cuiuslibet virtutis actioni sic tribuit voluptatem, ut eam velit esse notam, & quasi virtutis ipsius characteristicam. Sic enim propè loquitur: Præterea qui bonis actionibus non delectatur, bonus minime est. neque enim, vel iustum quempiam dixeris, qui iuste agendo non delectetur, vel liberalem, qui liberalibus actionibus non gaudeat: & in aliis simili modo. quod si ita est, actiones secundum virtutem iucundæ per se sunt. & in cap. 3. lib. 1. initio; non modò voluptatem vult esse indicium perfectæ virtutis vniuersæ, sed fortitudinis nominatim. Signum, inquit, habitum sit, vel voluptas, vel agritudo, quæ facta subsequitur. Nam qui corporis voluptatibus abstinet, si eo ipso gaudet, temperans; si dolet, intemperans est iudicandus. Qui item perferens terribilia gaudet, vel certe non dolet, fortis; qui autem dolet, ignavus est. moralis enim virtus in voluptatibus & doloribus versatur. Denique in lib. 10. Eth. cap. 6. & 8. ait, delectationem esse operationem habitui consentaneam & naturalem, hoc est, ex habitu necessariò manantem. ergo etiam ab habitu fortitudinis manare debet, cū vir fortis ex habitu operatur. Accedere potest Aristoteli Seneca in ep. 68. vel 67. in fine, ubi hac de re ex Attali Stoici præceptoris sui, & Epicuri sententia sic disputat: Attalus Stoicus dicere solebat. Malo me fortuna in castris suis, quàm in deliciis habeat. Torqueor, sed fortiter; bene est. occidit, sed fortiter; bene est. audi Epicurum, dicet & dulce est. & in ep. 71. vel 73. Imperfectis, inquit, adhuc intersecinditur læticia: sapienti verò contextitur gaudium. nulla rumpitur causa, nulla fortuna. semper & ubique tranquillum est. Non enim ex alieno pendet, nec fauorem fortunæ, aut hominis expectat. domestica illi felicitas est. exiret ex animo, si intraret. ibi nascitur. Similia sunt apud Cic. in 2. Tuscul. ubi ait ex Epicuro. Sapientem virum in ipso etiam Phalaridistaurò dicturum esse, quàm hoc suauē.

Secunda ratio demonstrans, in ipso fortitudinis actu & opere debere delectationem esse, est apud D. Thom. in 2. 2. quæst. 123. artic. 8. Debilius, inquit, vincitur à fortiori: sed vir fortis plus amat bonum virtutis, quàm suum ipsius corpus, quod periculis mortis obiectat. ergo delectatio, quam capit ex opere virtutis, vincit & exhaurit dolorem corporis. Quoniam in vtramque partem hac de re ita differitur, ut hæc argumenta demonstrant quæ in vtraque parte vincunt aliquid, distinguere oportet quicquid in quæstione proposita latet ambigui. adeoque

Animaduertendum primo est: delectationem, vel certè imminutionem doloris, atque tristitiæ sequi necessariò ex qualibet adeptione rei, quæ vel bona sit, vel bona esse à nobis existimetur. Quin ipsa spes adeptionis futuræ, aut memoria præteritæ voluptate

ac delectatione vacare non potest. Contra verò nulla priuatio est rei bonæ, quæ non tristitiam aut remissionem delectationis aliquam afferat.

Animaduertendum secundo: duplicem esse delectationem; vnam quidem corporis, quæ nimirum sequitur ex tactione corporis; alteram animæ, quæ ex ipsa mentis agitatione subnascitur. Illa sensus tantummodo permulcet, hæc intelligentiam afficit, & rationem: adeoque ipsa virtutum opera comitatur, in quibus rationis est bonum. Et quoniam eadem est doctrina contrariorum, ipse quoque dolor & tristitia duplex est. altera corporis, quæ tactione sentitur, altera, quæ cogitatione tantum usurpatur & intellectu: iam verò fortitudinis officium est, tristitiam, & dolorem vtrumque perferre, hoc est, nascetem ex tactione, qualem afferunt vulnera, flagella, verbera; & eum, quem ipsa parit & procreat animæ cogitatio, dum intelligit, priuari se maximo bono, cuiusmodi est vita corporis, quam vir sapiens & virtute pollens maximè diligit; non ideo tantum, quod naturale quoddam bonum sit; sed quod illa sublata, non supersit præsidium proferendæ virtutis. Non enim sine vita vllum effici potest virtutis opus ex iis, quibus homines moribus imbuti bonis perfunguntur. Nihilotamen minus quia eadem anima intelligens & eadem ratio, quæ hanc habet tristitiæ causam, habet etiam aliam voluptatis à fine, quem propositum obrinet, iucundum & hilarem; cuiusmodi est opus perfectissimum fortitudinis, quod tum demum consummatur, cū vita honestatis causa deponitur, qualis est liberatio patriæ, propinquorum salus, aliæque huiusmodi, quærimus nunc, an hæc delectatio possit abstergere tristitiam illam vel vtramque, vel alterutram. adeptio enim boni, ut antè diximus, affert necessariò delectationem.

Animaduertendum tertio: virorum fortium, qui dolores, mortemque perferunt, duo esse genera: vnum eorum, qui præmium honestarum actionum secundum obitum expectant, & sperant aliquod, humano maius, alterum eorum, qui omnia terminari putant interitu, nec mercedem superesse credunt post mortem virtutis vllam, aut felicitatem humana præstantiorem. cuiusmodi fuere veteres aliqui philosophi futuræ vitæ curam omnem abicientes. Quæ res est hoc loco diligenter attendenda. quia permultum interest, speret ne præstantius aliquod bonum qui vitam amittit inter acerbos dolores & cruciatus, an speret nihil. qui enim sperat eiusmodi felicitatem excellentiorem, & virtutis præmium aliquod, vita præstantius, habet cur suum consolari dolorem possit, & fortasse delectationem aliquam capere.

Animaduertendum quarto: duplicem esse fortitudinis actum & functionem. Primo enim vir fortis decernit, fortiter ob honestatem agere, nec rebus succumbere formidolosis. quæ functio dicitur actus elicited à fortitudinis habitu, hoc est, à mente viri fortis,

habitu fortitudinis instructa. Deinde illa pericula terribilia magno adit animo, dolores acerbioresque re ipsa perpetitur, ut ante decreuerat. hæc autem functio posterior sensibus obitur externis, qui vulnera, doloresque percipiunt; ac dicitur actus imperatus. Id quod etiam animaduertere hic oportuit: quia videndum est, utraque ne, an alterutra, an nulla prorsus functione percipiat vir fortis voluptatem.

Primum hac de questione Decretum sit, virum fortem, quod attinet ad intelligentiam, atque apprehensionem animæ, habere aliquid, cur delectetur, & capiat voluptatem. Delectatur enim ipsa functione virtutis, & eius adeptione boni, in quod velut in finem sibi iucundum intuetur agendo. finis quippe non potest non afferre delectationem; quia obtinet rationem expectatæ ab animo requietis. sed tamen ex altera parte id etiam tenendum est, eundem fortem virum habere aliquid, cui eadem intelligentia & cogitatione animi tristitiam capiat, cum nimirum intelligit, amittere se maxima bona, quemadmodum supra declaratum est. Itaque hoc primo dicto nihil aliud decretum volumus, nisi à viro forti, cogitatione atque intelligentia, ex altera parte voluptatem, ex altera tristitiam percipi. Utra sit potior, non decernitur hic. Quæ sanè Conclusio cadere potest etiam in actum elicitum. hic enim consistit in ipsa cogitatione, ac reputatione mentis, deliberantis de functione virtutis, & decernentis fortiter agere. In quo sine dubio percipit animus voluptatem & honesto fine, quem sibi proponit, & ex opere virtutis pulcherrimo: tristitiam verò sumit ex periculo, & amissione carissimarum rerum, cuiusmodi vita est, amici, propinqui, res familiaris, alia.

Secundum. Vir fortis, quod attinet ad sensum, si dicendum sit id, quod plerumque accidit, quodque in iis cernitur, qui morali tantum præditi virtute sunt, non muniti diuina, nullam percipit omnino voluptatem. Non enim sensus ullam intueri potest rationem boni in vulneribus, in plagis, aliisque huiusmodi rebus, quibus ipse maxime deterretur & lædatur. Itaque quicquid boni in eis delitescit, mentis cognitione, non sensu percipitur. Conuenit hæc Conclusio in functionem illam, quæ dicitur actus imperatus. imperium enim fortitudinis adigit sensus, eosque cogit perferre terribilia, & dolorem asferentia grauissimum cruciamenta: adeoque hic actus, qui sensibus exercetur, affici delectatione non potest.

Tertium. Si tristitia & delectatio, quas vir fortis, ut diximus, animo capit & mente, conferendæ inter se sint, dicendum videtur, plus ab eo delectationis, quam tristitiæ animo percipi. Nam primo quidem ipse perseuerat persistitque in doloribus ac periculis cum fugere possit, & periculum declinare, seque doloribus eripere per turpem aliquam actionem. Fugeret autem & declinaret; si vinceret tristitia delectationem. ergo cum non fugit, demonstrat, delectationem in animo esse

se maiorem & potiore, quam in eodem tristitia sit. Deinde quo meliora & excellentiora esse aliqua iudicantur ab animo, eo maiorem eidem animo delectationem afferunt, cum cogitantur, & reputantur. at vir fortis iudicat, vulnera & cruciamenta esse meliora, quam vitam, & bona quæ vitam comitantur. ergo maiorem percipit ex eorum perpeffione voluptatem, quam tristitiam ex amissione bonorum. Vir enim verè fortis, quantumvis beatus, & virtutibus cumulatus omnibus diligit & vult potius, optione iam data, excellentissimum hoc bonum, quod virtutis actui continetur præstantissimo, quam habitus omnes virtutum, quibus se intelligit esse ornatum: cum iudicet optabilius esse ad fastidium perfectæ virtutis re ipsa actūque per interitum aliquando pervenire, quam superesse cum habitibus bonis in vita, hoc est, cum facultate agendi secundum virtutem. Id autem quoniam sic iudicat esse melius, sentit etiam esse iucundius cum patitur & perfert incommodum, quod commodis anteponendum vitæ iudicauit. Quod si faciamus hunc virum fortem cum etiam esse, qui de præmio sempiterno virtutibus proposito cogitet, res multo planior erit; cum felicitatis æternitas ab animo reputata, delectationem parere necessarium debeat, quæ sua magnitudine tristitiam vincat omnem, quantumvis exaggeratam & summam, animo ab ipsis doloribus, & vulneribus inflatam.

Quartum. Dolor qui sensu percipitur à viro forti, dum vulnera, resque patitur acerbæ, & perpeffu difficiles, efficit, ut perperam ac propè nihil illa sentiat animi delectatio, ab opere virtutis existens, atque ab honesto fine. qui quoniam iucundus alioqui est, ad animum persuadere deberet de illo inter ipsos etiam dolores & vulnera cogitantem. Neque enim sensus hominis vim amittunt suam ob rationis imperium, & mentis cogitationem, in finem præclarum, & in operis honestatem intuentis. Itaque anguntur nihilominus, ac torquentur: & quoniam sunt in agendo vehementissimi, sic ipsum etiam afficiunt & vexant animum, ut suam sentire delectationem voluptatemque non possit, certè sentire parum possit. Idcirco nimirum dixit Aristoteles, delectationem illam animi obnubi, & obscurari à tristitia sensus. hæc enim hæc patitur, illam apparere. Quapropter tristes esse dicuntur viri fortes, & fortitudo, ut idem loquitur, quiddam triste. Quoniam enim delectatio, quæ sentitur animo, vincit magnitudine sua tristitiam, quæ eodem animo capitur, sensus tamen dolor, quia vehementissimè nos afficit, infuscat animi delectationem, quantumvis ingentem, ac magnam. Quare ne illi quidem, qui præmium futuræ vitæ sempiternum opperiantur & sperant, possunt animi delectatione omnino vincere tristitiam sensus; quia dolor est præsens, præmium distans. afficit verò magis quod inest, quam quod abest. Excipiendi tamen sunt ij, qui diuinitus inter vulnera & cruciatus ita perfunduntur voluptate, ut in

rosa & viola esse se dicant, cum torquentur & comburuntur. qualis est Tiburtius in Fastis Christianorum, alique, qui clara voce delicias se reperire profitebantur in flammis. In his ergo apparet delectatio; quia non obnubilatur neque obruitur tristitia vi.

Quintum. Quamuis, ut diximus, sensus sibi relictus, & obiecto suo nullam percipere voluptatem queat, fieri tamen potest, ut appetitus sentiens imperio alicuius virtutis excellentis, voluntatisque castigatissimæ correctus & inclinatus vi, aliquam in opere fortitudinis voluptatem & delectationem capiat. Appetitus enim sentiens ex quolibet opere delectatur, & ex quolibet adepto sine gaudet, ad quem contendebat & inclinabatur, sed per virtutem inclinabatur ad sequendum rationis imperium, quantumvis durum, ergo aliquo modo delectatur. Similitudine rem hanc declarat appositam Buridanus, quam desumit ab animæ facultatibus variis; affirmans, inclinationem, & operationem virtutis vegetantis, interdum variari, non modo secundum obiecti proprii varietatem, verum etiam secundum imperium superioris, verbi gratia sentientis. Si enim cibus paulo deterior esse videbitur facultati sentienti, quantumvis re ipsa bonus, nocebit vegetanti. Sin autem videbitur conueniens, quamuis alioqui sit noxius, proderit tamen. Quæ si ita sunt, nihil mirum esse debet cur sensus duci possit intellectus iudicio, & ea probare ac iucunda sentire, quæ alioqui dolorem afferre deberent. Non tamen affirmo, eam delectationem fore magnam, nisi tantum in iis, quos diuinitus recreatos scimus inter exquisita tormenta, & in ardentibus prunis tanquam in mollissima culcitra decubuisse. Alios autem delectationem sensisse aliquam, docet exemplum Mutij Scævolæ. Non enim tam hilari, & constante vultu dextram iniecit in foculum, & inibi voleps attinisset, nisi aliqua delectatione dolorem leuare potuisset. delectatio verò oriebatur ex opere virtutis præclaro, & ex pulcherrimo fine. Idem de iis dicendum est, quos commemorat Valer. l. 3. cap. 3. de Patien. & lib. 6. cap. 2.

Respondendum nunc est argumentis utriusque partis. diximus enim & delectationem & dolorem sentire viros fortes in opere suo: delectationem quidem aliquam intelligendo & cogitando, dolorem verò perferendo sensibus quicquid acerbum est. eorum autem argumentorum aliqua contendunt, non sentire delectationem; aliqua sentire prorsus tantam, ut dolores depellat, & sensum omnem acerbis.

Argumentis autem primæ ita respondeo. Virum fortem in fortitudinis opere delectationem ex altera parte capere posse, tristitiam & dolorem ex altera. In eodem enim opere coniungi possunt aliquæ rationes boni, quæ delectationem afferant, aliquæ mali, quæ tristitiam pariant, & dolorem. Cum autem Aristot. ait, quicquid delectationis est, offensari aut etiam euanescere, nihil significat aliud, nisi parvam esse delectationem illam,

& vix apparere, aut sentiri: euanescere quippe prius, omninoque non potest in homine, cui perfecti sint & integri adhuc sensus rectæ rationi subseruientes. Quod si vis cruciatus, & doloris tam magna fuerit, ut læso iam organo sensus subseruire non possint amplius intelligentiæ ac rationi, delectatio prius delebitur, & euanescet, quia ratio ipsa non potest amplius agitatione mentis delectationem querere; cum omnis eius usus, & actio cesset. Neque enim in postremo vitæ puncto, ipsoque mortis articulo supremo est amplius delectatio, si usus amplius rationis non sit. De secundo argumento dico, delectationem capere virum fortem intellectu & cogitatione; sensu non capere, nisi cum virtus est excellentissima, & sensum etiam ipsum inclinavit ad perferendas res acerbæ, ut diximus in postrema conclusione, aut cum diuinitus recreatur vir fortis. Quamquam enim verum est quod in argumento dicitur, summam sensus tristitiam cum aliqua eiusdem delectatione in eodem esse non posse, tamen est falsum, in viro illo perfecto, dum patitur acerbos dolores, & mortem, summam esse tristitiam etiam secundum sensum. Nam per maiorem delectationem intellectus, aut etiam ipsius sensus, ob inclinationem, quam habet ad rationem, minuitur aliquantulum dolor. in sanctis autem aliquot viris quasi prorsus extinguitur. Sed quoniam in eodem argumento probatur, ne in intellectu quidem esse posse delectationem simul & tristitiam; respondeo secundo loco: in intellectu esse posse utramque propter varias causas & rationes. Cum autem dicitur viri fortis intellectus tristiari ex eo, quod videat se priuari maximis bonis & usu virtutis, distinguendi sunt viri fortes. Velenim ij sunt, qui de futuro præmio cogitant, vel ij, qui eiusmodi spem futuri non habent. Priores sine dubio delectantur, cum videant non amittere se bona illa, sed cum melioribus commutare. posteriores tristantur quidem ob eam amissionem, sed delectantur magis, ampliusque, quod opus faciât perfectissimæ consummataque virtutis, cuius causa vitam, & boni moris habitus omnes diligebant. De tertio, dico, actione fortitudinis perfecta, cuiusmodi mors est voluntaria, non amitti virtutem, nisi eo modo, quo amittuntur ea, quæ iam ad maturitatem perueniunt, & colliguntur, vti que iam tenentur, & fruitione tractantur. Virtus enim per illam mortis perpeffionem consummatur, atque ad postremam perducitur maturitatem. Itaque vir fortis ea tum fruatur iam, non eandem amittit. Neque enim dicitur propriè illum amittere fructus maturos, qui iis vescitur; cum in eam gratiam fructus aluerit. Itaque in illa ipsa amissione delectatur, cum amittit fruendo.

Ex argumentis secundæ partis, primum ac secundum habent aliquam vim. Primum enim demonstrat solum, virum fortem affici aliqua delectatione, quod verissimum est. Nam in tauro Phalaridis dicere: quàm hoc suaue, non est viri fortis, nisi ex opinione

Stoicorum. Vult enim Aristoteles, forti viro sensum doloris esse, & quidem magnum; sed cum eo perexiguam voluptatem. Quod verò attinet ad eundem Aristotelem, dicentem, signum habitus esse iucunditatem, &c. respondendum est, ipsum excipere fortitudinem in hoc capite, ac dicere, eam non habere voluptatem, ut virtutes ceteras; quia nimirum non habet tantam. Itaque in hac etiam potest esse signum habitus ipsa delectatio perexigua. satis enim est, si vir fortis non admodum tristetur; ut dici possit delectari. In summa ceterarum virtutum signum est apparens & euidens delectatio, fortitudinis verò est signum aliquodeadem delectatio, sed non ita euidens, ac manifestum.

Secundum autem contendit; eiusmodi delectationem mentis, quæ fortior est, oportere vincere tristitiam sensus, quæ debilior est.

Respondeo, fortiozem esse, ac magis percipi, duo esse, quæ valde inter se differant. Delectatio enim mentis sine dubio fortior, & firmior est, cum ex amore honesti excellentissimo, spernente omnes dolores & tristitias corporis, & à voluptate, quæ speratur ex honestate, oriatur, sed corporis dolor percipitur & sentitur magis; cum sensus natura fecerit maximè vehementes, & rerum cognitioni certius deferrent. Omnis quippe cognitio ducit ortum à sensu. Itaque delectatio mentis est fortior, sed dolor corporis magis ampliusque sentitur, ac propterea non vincitur à fortiori. fortius enim non vincit debilius, nisi cum debilius non habet aliunde aliquid, quo repugnare possit, & vincere. huiusmodi autem hic est sensus maior ex corporis dolore perceptus.

CAPVT DECIMVM.

DE TEMPERANTIA.

S V M M A.

Quid Temperantia sit, quæque illi subiecta materia.

DIVISIO CAPITIS IN PARTES QVATVOR.

1. Huius propositum Capituli quodnam sit.
2. De Temperantia differendum est. Cuius materia delectatio & tristitia est.
3. Sed delectatio ac tristitia duplex est: altera corporis, animi altera.
4. Non in animi, sed in corporis delectatione Temperantia versatur, & intemperantia.

PARS PRIMA CAPITIS DECIMI.

META δὲ τῶν πλεονεξίας καὶ πενίας λέγων. δοκοῦσι γὰρ τῶν ἀλλόγων μερῶν αὐτῶν εἶναι αἱ εὐδαιμονίαι. ὅτι μὲν οὖν μεσότης ἐστὶ τῶν ἐκδοτικῶν ἢ σωφροσύνη, εἴρηται ἡμῖν. ἥτις γὰρ καὶ οὐχ ὁμοίως ἐστὶ τῶν ἐκ λυπῶν. αὐτὴ γὰρ οὐκ ἐστὶν ἀκρίβεια φαίνεται.

Post hanc autem de Temperantia dicemus. Videntur enim rationis expertum partium ha esse virtutes. Mediocritatem igitur esse circa voluptates temperantiam, dictum à nobis est. Minus quippe & non simili modo est circa dolores. In his verò etiam intemperantia cernitur.

EXPLANATIO.



PREPARATIO quædam hæc est, & exordium huiusce capituli, in quo rationem primum continuationis ostendit idoneam, affirmans, esse de Temperantia differendum, absoluta iam disputatione de Fortitudine; cum utraque sit in ea parte animi, quæ rationis est experta, hoc est, in appetitu sentiente: cuius duæ facultates sunt, altera irascens, concupiscens altera. illius nimirum est Fortitudo, huius autem Temperantia est. Ratio igitur hæc prima continuationis in eo sita est, quod hæ duæ virtutes in eadem animæ parte, hoc est, in appetitu sentiente sedem habeant collocatam. Rationem alteram petit ex eo, quod eadem virtutes ambæ versentur in quibusdam animi com-

motionibus, quarum obiecta cum bellis habemus cōmunia : cuiusmodi timor est, & voluptas; illa Fortitudini, hæc Temperantiæ proposita. quas perturbationes, & earum obiecta sentiunt etiam bestiae, rationis expertes; cū & verbera, mortēque pertimescant, & à tactu voluptate afficiantur. Alia quippe obiecta perturbationum sunt, quibus animalia ratione carentia nihil prorsus afficiuntur, quales sunt diuitiæ, honores, secunda fortuna. Cū ergo Temperantiæ cum Fortitudine his aliisque conueniat nominibus, necessariò, inquit Aristoteles, eius tractatio excipere debet eam disputationem, quam de fortitudine ad exitum iam antè perduximus. Et quoniam in hoc capite id agendum est maximè, ut demum inueniamus, quibus in rebus operam collocet Temperantia suam, redigit nobis in mentem, alibi se dixisse de Temperantia tria. primum est. Hanc virtutem esse quamdam inter voluptates, tristitiisque mediocritatem, quæ tristitiæ dolorēsque nascuntur ex eorumdem desiderio voluptatum. secundum : Temperantiā minus in tristitiis, quàm in voluptatibus esse positam : rationem autem eam esse, quod vnumquodque efficacius agit per præsentiam, quàm per absentiam sui : tristitiæ verò nascuntur ex absentia voluptatum, ac propterea minus afficiunt animum quàm ipsæ, quæ præsentia sunt, voluptates. Tertium : Non Temperantiā modò, verū etiam intemperantiā versari in delectationibus ac tristitiis. quia contraria, hoc est, habitus contrarij, debent in eodem versari, & ea res, quæ alteri contrariorum est materia, debet alteri quoque materiam suppeditare. Ceterū voluptatum non vnum est genus : cū alia corporis, alia animi dicantur esse. Corpori enim adscribuntur quæ nascuntur à sensibus, & eorumdem beneficio percipiuntur. Animo verò illæ, quæ ab honoribus, quæ ab artium, & contemplationis studio manant. ad quas referri præterea possunt quæ ex diuitiis, ex venationibus, equis, & canibus alendis, ex congressibus, & colloquiis capiuntur. Quæ quoniam ita sunt, videndum est, in quibusnam voluptatibus, doloribusque Temperantia versetur, & intemperantia.

PARS SECVNDA CAPITIS DECIMI.

ΠΕΡΙ ποίας οὖν τῶν ἡδονῶν, καὶ ἀπορροίων. διακρίσεσθαι ὅτι αἱ ψυχικαὶ καὶ αἱ σωματικαί, ὅτι φιλοπρέμια, φιλομαΐα. ἐκείτῃς γὰρ τούτων χαίρει, οὗ φιληπικός ἐστίν, οὐδὲν πάροντος τῆς σώματος, ἀλλὰ μάλλον τῆς ἀφαιρίας. οἱ δὲ πλεῖστοι τῶν ἡδονῶν, οὔτε σάφῃ, οὔτε ἀκόλαστοι λέγονται. ὁμοίως δὲ οὐδ' οἱ περὶ τῶν ἄλλων ὅσαι μὴ σωματικαὶ εἰσὶ. τοῖς γὰρ φιλομυθίοις, καὶ διγυπικαῖς, καὶ πλεῖστοις τυχόντων καπατεῖσθαι τῶν ἡμερῶν, ἀδελέοις, ἀκόλαστοι δ' οὐ λέγονται. οὐδὲ τοῖς λιπομυθίοις ἐπὶ χρώμασιν, ἢ φίλοις. πλεῖστοι δὲ τῶν σωματικῶν εἰναι οὐκ ὁ σάφῃ, οὐ πᾶσαι δὲ οὐδὲ τούτων. οἱ γὰρ χαίροντες τοῖς ἀφαιρίας, ὅτι χρώμασι, καὶ χήμασι, καὶ χρῶσιν, οὔτε σάφῃ, οὔτε ἀκόλαστοι λέγονται. καὶ τοῖς δόξαι αὐτῶν, καὶ ὡς δὲ χαίρειν καὶ τούτοις, καὶ καθ' ἑαυτοῦ, καὶ ἑλλείψιν. ὁμοίως δὲ καὶ ἐν τοῖς πλεῖστοις ἀκούσιν. τοῖς γὰρ καθ' ἑαυτοῦ ἀκούσιν χαίροντες

Circa quales autem voluptates sit, nūc decernamus. Distincta autē sint, & animi & corporis voluptates, ut est honoris cupiditas & amor doctrinae. Vterque enim horū delectatur eo, cuius amans est, nihil patiente corpore, sed potius animo. Qui autem circa tales voluptates versantur, neq. temperantes, neque intemperantes appellantur. Similiter verò neque qui circa alias versantur, quosque ad corpus minimè pertinent. Cupidos enim fabularū, & narrationum, & in rebus quibuscumque conterētes dies, garrulos quidem, intemperātes verò minimè dicimus. neq. eos, qui dolēt de pecuniis siue de amicis. Circa eas verò, quæ corporis sunt, esse possit Tēperantia. non tamē circa omnes has. Nā qui delectātur iis, quæ visu percipiuntur, ut coloribus, & figuris, & pictura, neque temperantes, neque intemperantes dicuntur. etsi videtur fieri posse, ut & quemadmodum decet his etiam delectetur aliquis, & per exuperantiā, & per defectum. Similiter autem & in rebus, quæ pertineant ad auditum. Eos enim, qui immodicè delectantur

μῆρεσιν ἢ ὑποχρίσθαι, ὁσέως ἀκοράτοις
 λέγει. ὁσέως τοῖς ὡς δὲ, σὺ φρονεῖς. ὁσέως
 τοῖς ὡς πλεῖν ὁσμῶν, πλεῖν καὶ συμβε-
 βηκός. τοῖς γὰρ χαίροντας μῆλων, ἢ ῥό-
 δων, ἢ θυμιαμάτων ὁσμῶς, οὐ λέγουσιν
 ἀκοράτοις. ἀλλὰ πολλοὶ πρὸς μύρων,
 καὶ ὀψων. χαίρουσι γὰρ τοῖς τοῖς αἰ-
 λατοῖς, ὅτι διὰ τούτων ἀνάμνησις γὰρ
 αἰσῶς τῆς ἐπιθυμητῆς. ἴδωσι δὲ αὐτοὶ καὶ
 τοῖς ἄλλοις ὅτι περὶ πεινάσει, χαίροντας τοῖς
 τῆς βρωμάτων ὁσμῶς. ὅς ὁ τοῖς τοῖς
 χαίρει, ἀκοράτοις. τούτω γὰρ ἐπιθυμη-
 τὰ τούτω. ὅσα ἐστὶν ὁσέως τοῖς ἄλλοις
 ζώοις καὶ τούτω τοῖς αἰσθητοῖς ἡδονῇ,
 πλεῖν καὶ συμβεβηκός. ὁσέως γὰρ τοῖς
 ὁσμῶς τῆς λαζωδῶν αἰ κινῶν χαίρουσι,
 ἀλλὰ τῆς βρωσῆς. πλεῖν δὲ αἰσθητοῖς ἡ
 ἐποικισιν. ὁσέως ὁ λέων τῆς φωνῆς τῆς βοῆς,
 ἀλλὰ τῆς ἑδωδῆς. ὅτι ὁ ἐχθρὸς ὅστις, διὰ τῆς
 φωνῆς ἡδονῆς. καὶ χαίρει δὲ τούτῃ φαίνε-
 ται. ὁμοίως ὁ οὐδὲ ἰδῶν ἢ ὠρῶν ἐλαφον,
 ἢ ἄγριοι αἶγα, ἀλλὰ ὅτι βορᾶν ἔχει.

cantibus, aut histrionum actione, nemo in-
 temperantes dicit; neque eos, qui ut decet de-
 lectantur, temperantes. neque eos, qui dele-
 ctantur rebus odoratui subiectis, nisi per ac-
 cidens. Nam eos qui delectantur, malorum,
 siue rosarum, aut thymiamatum odoribus,
 non dicimus intemperantes: sed eos potius,
 qui gaudent unguentis, et obsonis. dele-
 ctantur enim his intemperantes, quia per
 hac memoria fit iis rerum concupitarum. In-
 spexerit autem aliquis etiam alios, cum esu-
 riunt, delectari ciborum odoribus. Talibus
 verò delectari, intemperantis est. Huic enim
 concupita sunt hac. Non est autem, neque
 aliis animantibus secundum hos sensus vo-
 luptas, nisi ex accidenti. Neque enim odori-
 bus leporum canes gaudent, sed pastu: sen-
 sum autem odor fecit. neque leo voce bonis,
 sed esu. quod verò profectus, per vocem sensit;
 et delectari quidem hac videtur. Itemque
 neque quod aspexerit, siue inuenerit ceruum,
 aut siluestrem caprā, sed quia pastū habebit.

EXPLANATIO.



ARTITIONE voluptatum facta, in eas quæ animi, & in eas quæ
 corporis propriæ sunt, animi primum depellit delectationes à Tempe-
 rantia finibus. quippe quæ non sint ex, ob quas aliquis dici temperans,
 aut intemperans debeat. Non enim quia plus nimio delectatur aliquis
 honoris studio, liberalium artium, musicæ, picturæ, venationis, cete-
 rarum rerum huiusmodi quæ sunt animi, dicitur intemperans; aut quia modicè,
 moderatèque capit ex iisdem voluptatem, appellabitur contra temperatus. Qui-
 bus exclusis, ait, temperantiam, intemperantiamque in corporis spectari volup-
 tibus. Temperans enim aut intemperans iure dicitur aliquis, quòd vel præter mo-
 dum, vel cum modo percipit corporis voluptates. Itaque tota ratiocinatio vide-
 tur huiusmodi. In iis voluptatibus non versatur Temperantia, aut intemperantia,
 propter quas nemo temperans aut intemperans appellatur. sed ob animi voluptates
 propriæ neque temperati neque intemperati dicuntur homines. ergo in iis, neque
 Temperantia versatur, neque Intemperantia. Assumptionem probat ex earum
 partitione voluptatum, quæ animi propriæ esse dicuntur, & adscribuntur animo.
 Cuiusmodi sunt quæ capiuntur ex scientia & disciplinis, ex honore, ex fabulis, ex
 histrionibus, & mimis, ex aliis. Relinquitur ergo, ut Temperantia, & Intempe-
 rantia earum sit voluptatum, quæ sensibus & corpore percipiuntur. voluptas enim
 & delectatio vel animi est, vel corporis. tertia vlla, & media esse non potest.

Verum quia corporis ipsæ voluptates variæ sunt, atque multiplices, accuratiore
 adhibita partitione, veram Temperantiæ materiam exquirat, percontandis, perlu-
 strandisque singulis, quorum vi percipit corpus voluptates suas. Ac primo quidem
 eas, quæ capiuntur oculis, depellit à materia Temperantiæ: quales sunt volup-
 tates, quas sentimus ex aspectu picturarum, tabularum, aut signorum & statuarum.
 his enim aspiciendis & requirendis quidam ad insaniam usque delectantur, ut est
 ille apud Horat. Damasippus in lib. serm. 2. serm. 3.

Infans veteres statuas Damasippus emendo.

Et apud Ciceronem C. Verres omnem in hoc genere superans modum & rationem
 cupiditatis:

cupiditatis : sic prorsus , ut non iam eius voluntatem & appetitionem harum rerum cupiditatem aut studium , sed morbum & insaniam appellandam esse cuncti dicerent qui rem non augere sed eleuare vellent. Venio , inquit , ad istius quemadmodum ipse appellat studium , ut amici eius morbum & insaniam , &c. Cur autem hæc delectatio , quæ capitur oculis , ex aspectu rerum pulcrarum , in Temperantiæ materiam non conueniat , eadem prorsus est ratio , quod nimirum nemo propter eam dicatur intemperans , aut temperatus. Idem ait esse dicendum de iucunditate , quam auribus percipit auditus ex mulicis , ex acroamatis , ex histrionibus. Non enim propriè quisquam appellatur intemperatus , aut temperans ob eam voluptatem , quæ accidit ad aures ex cantu. quæ causa est , cur idem Aristoteles in Eudem. lib. 3. cap. 2. eos qui Sirenium cantu capti fuisse feruntur , neget appellandos esse intemperantes. Quò reuocare possis etiam eos , qui narratione lepidarum rerum , aut nouarum , & rumorum audiendorum studio tenentur. quales fuisse Athenienses docet D. Lucas in Actis , cum eos facit cupidos audiendi semper aliquid noui. Ab his enim voluptatibus nullus Temperantiæ laudem consequitur , aut vituperationem accipit intemperantiæ. Neque à tractatione pecuniæ , aut ab usu & consuetudine amicorum , quibus rebus & cum modo & supra modum possumus delectari. Quamquam enim hæc , ut ait Albertus , corporis sunt , non tamen veluti corporea mouent , sed potius conturbant , & præter modum atque ordinem afficiunt mentem. denique , ut ipse suo loquitur more , corporalia sunt , sed non corporaliter mouent. Quòd si quæras , cuius demum virtutis officium sit , in his etiam aurium & in superioribus voluptatibus oculorum modum ponere ; respondit Gifanius , ad liberalitatem referenda omnia , quæ corriguntur in hoc luxu tabularum , vestium , vasorum , acroamatum , aliarumque huiusmodi rerum. Liberalitatis enim , ait Aristor in libello de virtutibus esse proprium τὸ φιλόχαλον. est autem φιλόχαλον , elegans , egregius , studiosus honesti cultus apud Isocrat. & φιλοχαλία elegantiae studium , honesti amor , siue studium rerum honestarum , & φιλοχαλία est sum studiosus elegantiae & pulcritudinis. Itaque cum τὸ φιλόχαλον sit propria materia liberalitatis , videntur ad eam pertinere , & illi corrigenda permitti debere omnia , quæ elegantiam & pulcritudinem habent. huiusmodi verò sunt illa , quæ oculis & auribus afferunt voluptatem.

Sed non video , qua ratione , quòue iure hos ingredi fines liberalitas possit. Quamuis enim sumptus illos nimios moderari , qui fieri solent in statuis , ac tabulis pictis coemendis , aut in cantoribus alendis , aut in fabulis & spectaculis exhibendis ad liberalitatem pertineat , quæ luxum depellit , ipsam tamen voluptatem temperare , quæ visu aut auditu capitur , ex his nullo modo liberalitatis esse videtur officium. cum etiam huiusmodi delectationem sensuum capere possimus etiam ex rebus alienis , hoc est , nullis impensis & nullo sumptu. Illud certè studium narrationum audiendarum quid habere potest , quod villo liberalitatis officio videatur attingi? Dixerim ergo potius , partes corrigendæ delectationis & voluptatis , quæ sensibus hisce percipitur , alicui demandatas esse virtuti , quæ careat nomine , sitque ipsi Temperantiæ simillima , nec ab ea vlla alia discrepet ex causa , nisi quod voluptates corporis & cum belluis homini communes prætermittat , & in iis consistat , quæ sint humanæ atque à mutis animantibus alienæ.

Sequitur ea voluptas , quæ sentitur olfactu , ut cum nares afflantur odore pomorum , rosarum , florum omnium , vnguentorum , suffimentorumque , & earum rerum vniuersè , quæ incensæ , vel prunis impositæ , vel conficæ , commotæ , calefactæ , aliòve modo excitatæ bene olent. ut ea quæ sunt apud Horat. l. 2. Od. 15.

— platani sive celebs
Euincet vlmos. tum violaria &
Myrtus & omnis copia narium
Spargent oliuetis odorem
Fertilibus domino priori.

Neque in his quidem propriè ac per se versari Temperantiæ vult , nisi fortasse per accidens. fieri enim potest , ut talis odor reducat in memoriam homini voluptatem aliquam , in qua propriè versatur temperantiæ : cuiusmodi potissimum sunt odores , qui ab opsoniis , atque ab vnguentis existunt ; sed potissimum ab opsoniis , quorum odore qui saturi iam sunt , non ampliùs excitantur. quod argumento est ; intem-

perantiam per se non esse in odoribus, in quibus non persistit intemperans, sed in epulis. neque temperantiam per se versari in ea voluptate, quæ capitur ex odore, sed in ea, quæ sumitur ex cibo. nidores igitur carniū, quamquam per se ad temperantiam non pertinent, possunt tamen excitare memoriam voluptatis, quæ gustu percipitur, & quam regere ac moderari Temperantiæ est. Quo nomine Intemperans sine dubio habendus sit Claudius Cæsar, qui cū Ius in Curia diceret, victus nidore carnis, inde se confestim proripuit vt ventrem expleret. Vnguenta etiam huiusmodi afflare possunt alicui per accidens odorem, qui cum ad Veneris incitet voluptatem. Vt si prætereunte femina odoribus respersa, & vnguentis delibuta, libido & cupiditas inflammetur. Docet enim Plin. in lib. 13. tantam quorundam vnguentorum esse commendationem, vt transeunte femina odor inuitet etiam aliud agentes. Itaque odores possumus in duo partiiri genera. vnum eorum, qui per se delectant, quales sunt odores florum: alterum eorum qui delectant per accidens: quales sunt odores opsoniorum, aut pulmentorum, & esculentorum omnium. vt Aristoteles loquitur in lib. de sensu, & sensili. Horum igitur odor tendit ad saporem, & ex euentu siue per accidens fit materia temperantiæ. Quam partitionem videtur spectasse Stratonicus; cuius vocem vrbānam laudat Aristoteles in Eudem. lib. 3. Dicebat enim florum odores formosos esse, opsoniorum verò iucundos. Simile quiddam habent quædam vnguenta, vt diximus. Posset idem fortasse dici de voluptate, quæ visu percipitur & oculis. per accidens enim ad Temperantiæ materiam reuocabitur, si in memoriam reducat voluptatem Veneris, & gustatus, quæ voluptas per se Temperantiæ materia dicitur & est. Intemperans enim ille fuit adolescens, cū Danaes à Ioue sub imbre aureo compressæ contuitus imaginem, ipsum se ad simile facinus concitauit. quod apud poetam Comicum est. Declarat hæc exemplo belluarum, quæ nullam propriam capiunt voluptatem horum trium sensuum vi, olfactus, auditus, visus. non olfactus, vt cernere posse nos ait in canibus, qui non gaudent per se leporum odore, quo sunt excitati, sed esu, & eorum carne, qua vellunt & cupiunt vesci. odor enim vicinum esse leporem illis significauit. non auditus, vt videre licet in leone, qui non per se lætatur mugitu, ac voce bouis, sed esu. Vox quippe illi iam indicat haud procul abesse, non visus; vt intelligimus ex eodem leone, cū gestit viso iam ceruo vel caprea. Non enim per se lætatur earum aspectu belluarum, sed ideo, quòd inuenerit vel inuenisse se putat id, quo famem expleat & cupiditatem suam. Similitudinem hanc desumptam volunt Gifanius & Zuingerus ab Homeri versibus in Iliad. 7. vbi Menelaum cum Paride congressurum comparat cum Leone, qui visa iam è longinquo cerua, capreæve, lætetur. Quod attinet ad ea, quæ ait de tribus hisce sensibus, quærere possit aliquis, verane sint. Sæpe quippe belluas cantus flexit, vt in orat. pro Arch. Cicero docet. Delphinus verò non homini tantum amicus est, inquit Plin. lib. 9. cap. 8. verum etiam musicæ arti, mulcetur symphonix cantu, ac præcipuè hydraulii sono, &c. & post multa. Quæ faciunt, vt credatur, Arionem quoque interficere nautis in mare parantibus, ad intercipiendos eius questus eblanditum, vt prius caneret cithara congregatis cantu Delphinis, cū se iniecisset in mare, exceptum ab vno, Tænarum in littus prouectum. De Luscinia verò hæc scribit in lib. 10. cap. 29. Deinde in vna musicæ scientiæ modulatus editur sonus. & nunc continuo spiritu trahitur in longum, nunc variatur inflexo. Ac ne quis dubitet artis esse, plures singulis sunt cantus, nec iidem omnibus, sed sui cuique. Certant inter se, palamque animosa contentio est. Victa, morte finit sæpe vitam, spiritu prius deficiente, quàm cantu. Meditantur alii iuniores, versūsque quos imitentur, accipiunt. Alia item de hac auicula scribit, quæ fieri ab ea sine voluptate vi cantus accepta non possunt. De musicæ vi in animantes rationis expertes vide Magium lib. 4. cap. 13. Quod verò pertinet ad olfactum, scimus, apes odore tantummodo retineri. Iubet enim Virgilius in 4. Geor. galbaneos incendere odores circa aluearia; vt eo captæ retineantur. Quod denique attinet ad visum, videntur etiam animantes rationis expertes vim serenitatis sentire, atque aspectu delectari, quod est item apud Virgil. in Geor. 1. Ait enim sudo & sereno cælo aliquas aues.

Nescio qua præter solitum dulcedine lætas

Inter se foliis stropitare. Ad hæc. Auiculæ quædam admirabili modo sibi placere videntur cū se contemplantur in speculis. Immo verò venatio pulcherrima est,

quæ speculis obiectis illas in decipulas vocat. Quid de pavone dicatur, qui plumis illis versicoloribus explicatis, & cauda, pulchritudinem suam admirabundus intuetur & gaudet? Possit, inquam, aliquis ob hæc dubitare, num verè dicatur ab Aristotele trium horum sensuum voluptates belluas & animantia ratione carentia non sentire. Sed respondeo, nullam ex his voluptatibus à belluis auibusque percipi per se, sed per accidens. Sunt enim signa alicuius voluptatis, quæ tactu gustuque iam sentiatur, vel speretur & cupiatur ab ipsis. Itaque aves illæ, quæ cantu sociarum delectari videntur, non delectantur per se, sed ideo, quòd eo cantu, qui significat sociam esse propinquam, excitentur ad Venerem, aut conuictum & pastum, cum sint congregabiles & gregales. Illa verò animalia, quæ à fidibus, & sono dicuntur capere voluptatem, non tam delectationem inde percipiunt, quàm stuporem quendam, qui earum sensus deuincit, & quasi soporat. quo fit, vt duci, aut retineri videantur. huiusmodi sunt, non modo Delphines, sed oues etiam, fistulam inflante pastore. huiusmodi sunt apes, quæ sono reprehenduntur, & continentur. huiusmodi sunt ex hoc genere alia, quæ plurima sunt. Non, inquam, ex sono voluptatem capiunt, sed stuporem qui nobis videtur esse delectatio. De olfactu responderim item; apes eadem odore galbani qui grauissimus est, obtupescere, ac propterea intra aluearia vel propè retineri, impediri que, ne fugiant. quòd si alio suauis odore tum ipsæ tum alia retineantur animalia, retinebuntur ideo; quòd odor excitat memoriam concupiti saporis. De aspectu id habeo dicere: serenitatem exhilarare aues, & belluas; quæ sic exhilaratæ incitantur ad voluptatem tactionis & gustus. adeoque cum serenitatem, aut viriditatem camporum aspiciunt, non in ea contuenda consistunt, sed ad venerem & pastum aspirant, quatum voluptatum his fecere memoriam locorum amœnitas, & cœlum serenum.

PARS TERTIA CAPITIS DECIMI.

ΠΕΡΙ τῆς τοιαύτης δὲ ἡδονῆς ἢ ποσὸς οὐκ ἔστιν ἡ ἀπολαύσις ὅτιν. ὦν καὶ τῆς τοιαύτης ζῶα κοινωνοί. ὅτιν αὖ δραπεδῶδες καὶ θηριώδες φαίνονται. αὖται δ' εἰσὶν ἀφῆ, καὶ ἄλσις. φαίνονται δὲ καὶ τῇ ἄλσιν ὅτι μικρόν, ἢ οὐδὲν χερσὶν. τῆς γὰρ ἄλσιος ὅτιν ἡ κρίσις τῆς χυλῶν. ὅτι ποιῶσι οἱ τοῖς οἷοις δοκιμαζομένης, καὶ τῆς ὅτι ἀρτυρομένης. οὐ ποῦν δὲ χερσὶν ποῦν, ἢ οὐχ, οἷον ἀπολαύσις, ἀλλὰ τῇ ἀπολαύσει, ἢ γὰρ πάντα δὲ ἀφῆς καὶ ἐπιστοίς, καὶ ἐν ποτίς, καὶ ἐν τῆς ἀφῆς διόσις λεγόμενοι. ὅτι καὶ πῦξ ἀφῆς φιλοζῆτος. Εἰς τῆς ὅτι φαίνεται αὐτῶν μακρότερον ἡδονῆς γένεσθαι, ὡς ἡδονῆς τῇ ἀφῆ. κοινωνοὶ τῇ δὲ τῆς ἀφῆς, καὶ ὡς ἡ ἀπολαύσις. καὶ ὁδὸς αὐτῶν διὰ τῆς ἐπορεύσεως ὅτι, ὅτι οὐχ ἢ ἀφῆς ποῖς ἐσμεν, ὡς ἀφῆ, ἀλλ' ἢ ζῶα. ὅτι πῶν τῆς χερσὶν, καὶ μάλιστα ἀφῆς, θηριώδες. ὅτι γὰρ αἱ ἡδονῆς τῆς ἀφῆς τῆς ἀφῆς ἡδονῆς, ἀφῆς τῆς ἀφῆς, ὅτι αἱ ἐν ποτίς γυμνασίους ἀφῆς τῆς ἀφῆς, καὶ τῆς ἀφῆς.

Circa huiusmodi ergo voluptates temperantia & intemperantia versatur, quatum & reliqua animantes participes sunt: itaque seruiles & belluina videntur hæc autem sunt tactus ac gustus. videntur verò etiam gustatu parum, aut nihil uti. gustus enim est iudicium de saporibus. quod faciunt qui vina explorant, & obsonia condiunt. non valde autem delectantur his, aut nihil, intemperantes; sed fruitione, quæ fit tota per tactum. & in esculentis ac poculentis & in rebus quæ venerem nominantur. Quapropter precatus est Erixius quidam, cum opsoniorum belluo esset, guttur sibi ipsi longius collo gruis innasci tāquam is, qui voluptate afficeretur ex tactu. Maxime verò communis omnium sensuum tactus est; circa quem intemperantia versatur. Ac videri potest iure vituperabilis esse; quia non quæ homines sumus, inest, sed quatenus animalia; Talibus verò rebus delectari, & maxime hac amare belluinum quiddam est. Et enim voluptatum liberalissima sunt ea, quæ per tactum perceptæ sunt. ut illæ quæ in gymnasium, per confricationem & calefactio-

σίας γινώσκουσι. οὐ γὰρ πᾶσι τὸ σῶ-
μα ἢ τῇ ἀνθρώπου ἀφῇ, ἀλλὰ πᾶσι
τῶν μέρων.

nem gignuntur. Non enim circa totum cor-
pus intemperantis est tactus, sed circa ali-
quas partes.

EXPLANATIO.



ONSTITUIT demum in hac extrema Capitis parte, designatque voluptates illas, in quibus propriè temperantia, eique contraria versatur intemperantia. Ait enim, esse illas, quæ oriuntur ex gustatu & tactione: quemadmodum ab idonea partium enumeratione, & ex iis, quæ paulò ante sunt dicta, consequens est. Demonstratum quippe est, Temperantiam, intemperantiámque in voluptatibus quidem versari, sed non tamen in iis, quæ propriæ hominum non sunt, quæque tribus aliis oriuntur ex sensibus. ergo reliquum est, in iis versari, quæ nascuntur ex gustatu, & tactione, hoc est, ex usu veneris, & ex sumptione potus ac cibi. quorum duorum tantummodo sensuum voluptates habemus communes cum belluis. Quo factum est, ut qui horum sensuum dediti delectationibus sunt, eos seruales & ferinos appellare soliti simus. cum enim id quod habemus commune cum belluis, in nobis ipsis seruale sit, & rationi sic obtemperare debeat, quemadmodum homini seruiunt bestię, iure dicimus istos belluas & mancipia, qui sensibus eiusmodi se permiserint, quos maximè cernimus in homine seruales esse, quosque habent homines cum mutis animalibus, ferisque communes.

Sed ne his quidem limitibus ita contractis contentus Aristoteles, angustiorē Temperantiæ materiam adhuc designat, affirmans, in vtraque quidem voluptate gustus & tactus versari Temperantiam intemperantiámque, sed cerni tamen multo magis in tactione quàm in gustatu. id quod etiam tradit expressius in Eudemis. Vulgò quidem, inquit, ex opinione multitudinis ἀκολασία, seu intemperantia in duobus, gustatu, & tactu; verè tamen & propriè in tactu tantummodo versatur. Quibus verbis videtur præterea ipsum gustatus sensum à Temperantia, & intemperantia prorsus eximere: sed num id sibi velit, videbimus infra. Non enim aliud hic pronunciat, nisi quod diximus; in tactu magis, quàm in gustatu intemperantiam cerni. quod conficere videtur hoc syllogismo: In iis magis est posita intemperantia, quibus magis delectantur intemperati. sed intemperati delectantur magis iis voluptatibus, quæ pertinent ad tactum, quàm iis, quæ ex gustatu gignuntur: idque ratione demonstrat & exemplo siue auctoritate cuiusdam Eryxij. Ratione quidem; Quia gustus actio propria posita est in eo, ut rebus gustandis admodum lingua idem gustus de saporibus iudicet: ex quo iudicio nascitur delectatio, quæ propriè tribuenda gustui est. Hoc autem ostendit eorum exemplo, qui opsonia explorant, & vina; quærentes, num idoneo prædita sint sapore. Hæc enim linguæ leuiter admovent, ubi propria delectatio gustus efficitur, & illud iudicium de sapore, ex quo ipsa existit & gignitur delectatio; nec opsonia illa, aut vina in ventrem demittunt, quod est intemperantium proprium & belluonum. tota videlicet eorum delectatio sita est in ipsa sumptione ciborum, & in usu venercorum, quæ necessaria tactione percipitur. Quo fit, ut in gustu non versentur, nisi catenus, quatenus dulciorem usum ciborum, & tactum illum reddit iucundiorē, quem efficiunt esculentia & poculenta, dum per guttur in ventrem descendunt. Et præfectò gurgites videmus aliquos, tanquam per infundibulum vinum haurientes, de sapore qui lingua percipitur, & iudicio proprio gustus nihil, aut parum laborantes. ut rem expressit egregiè apud Nonium his verbis Varro. Quis in omni vita belluo olfecit temerum? Perinde quasi diceret, nullus belluo vini suauitatem odoratu, neque saporem gustu, sed tactu, visu, & fruitione sentire contendit. Rectè ergo dixit Aristoteles, intemperantiám vel perparum vti gustu, vel nihil. Non enim eo vtitur nisi catenus, quatenus dirigitur & refertur ad tactum; & quantum attinet ad id quod est proprium gustui, & gustui secundum se conuenit, nihil vtitur gustu intemperantia. Nemo quippe eos appellat intemperantes, qui prægustandis epulis ac vinis, de saporibus tantummodo iudicant: quæ propria est & per se delectatio gustus. Quare sic

redigi hæc argumentatio posse videtur in formam. Delectatio propria gustus, vel parum, vel nihil afficit intemperantes. sed iidem intemperantes maxima voluptate afficiuntur ab iis, quæ ad tangendi pertinent sensum. ergo in iis potius, quæ tactus, quàm quæ gustus sunt, versatur intemperantia. Huic rationi subiungit exemplum & dictum Philoxeni cuiusdam Eryxij, hominis maximè intemperantis. Hoc enim nomine hunc appellatum inuenio in veteribus codicibus, quos ipse quoque secutus est Argyropolus. Sed Lambinus consuluit Florentinos, in quibus nomine vlllo proprio non appellatur hic homo, sed dicitur tantummodo quidam. Putat adeo positum fuisse ab aliquo, qui illud repererit in libris ad Eudemium, ac propterea legendum esse, non φιλόξενος Ερύξιος, sed φιλόξενος Ερύξιδος. id est filius Eryxidis. sic enim appellatur in Eudemiis & ab Athenæo. Vtrum hæc vera sint, haud magnopere laborandum puto. Turnebus retinuit hoc proprium nomen, & cum Philoxenum Eryxium scribit sine y in prima syllaba, quia in Græco codice suo legerat Ερύξιος. Hic ergo Philoxenus belluo insignis & vir apprimè voluptarius atque intemperatus optabat maximè, idque perebat à Diis vehementer, vt sibi daretur collo gruis productius & longius guttur, quo maiorem transmittendis cibis sentire voluptatem posset. Voluisset enim esculenta & poculenta diutius in gutture residere, nec tam citò transire, vt ampliore sensu voluptatis affici posset. adeoque declarabat, se non delectari gustu, qui viget in lingua, non in gutture; sed velle voluptatem capere ex solo tactu, quia sensum experiebatur in gutture. Haud scio, an hic idem ille sit Philoxenus, quem Cytherium a patria nominat Athenæus in lib. 8. cap. 6 vbi Machon Comicus ait. cum sibi optasse dari collum tricubitale, suspicor eundem esse quia Philoxenum Eryxidis Athenæus alibi commemorat, ac de eo idem hoc scribit, quod traditur hic ab Aristotele. collum autem tricubitale Comico illi nihil aliud fuit, quàm collum Gruis. sed Giraldus tamen in dial. 9. historiarum poëtarum Philoxenos facit omnino duos. alterum Cytherium poëtam Lyricum; alterum Eryxidis filium, & Dionysij Tyranni parasitum.

Ex his intelligi vult Aristoteles, cum sensum, in quo temperantia versatur & intemperantia, esse omnium maximè communem, cum nullum sit animantium genus, à quo eiusmodi delectatio non sentiatur, quæ nascitur ex tactione: ex eoque fieri, vt hæc voluptas maximè turpis, flagitiosa, & exprobranda sit, cum non ab illa nascatur actione, quæ propria sit hominis, sed ex eo sensu, quem cum omnibus omnino bestiis communicamus. Est enim, inquit, maximè ferinum hisce voluptatibus delectari, quæ gignuntur ex tactu. esse verò ratione ornatum hominem bestiis similem, & propè belluam, ita turpe, ac probris dignum putamus, vt nihil ei accidere possit in vita turpius.

Illustrat egregiè tum hunc locum, tum etiam superiores Aulus Gell. lib. 19. cap. 2. sic disputans. Quinque sunt hominum sensus, per quos voluptas animo, aut corpori quæri videtur. Gustus, Tactus, Odoratus, Visus, Auditus. Ex his omnibus, quæ immodicè voluptas capitur, ea turpis, atque improba existimatur. Sed enim quæ nimia ex gustu, atque tactu est, ea voluptas omnium rerum fœdissima est: eosque maximè, qui duabus istis belluinis voluptatibus se dediderunt, grauissimi vicii vocabulis Græci appellant ἀκολάστους, vel ἀκρατους. nos, vel incontinentes dicimus, vel intemperantes. ἀκολάστους, si interpretari coactiùs velis, nimis id verbum insolens erit. Istæ autem voluptates duæ gustus atque tactus, id est libidines in cibos, atque in Venerem prodigæ, solæ sunt hominibus communes cum bestiis: & idcirco in pecudum ferorumque animalium numero habetur quisquis est his ferinis voluptatibus præuinctus. Ceteræ ex tribus aliis sensibus proficiscentes, hominum esse tantum propriæ videntur. Hæc ibi disputat Gellius, atque ad ea firmanda, verba profert Aristotelis Græca ex problemate quodam sectionis 28. quæ Latina sic sunt: Cur incontinentes eos appellare solemus, qui voluptate contrectandi, aut gustandi exuperantur. nam qui immodicè re vtuntur venerea, & qui luxu delectantur ciborum, eos incontinentes vocamus. Ciborum tamen non eadem ratio est. sed partim linguam, partim gulam sua mouent suauitate. Quare Philoxenus gruis collum à Diis immortalibus sibi dari optabat. At verò qui in videndo, audiendoque modum excedunt, eos non eodem vocabulo significamus. An quia voluptates hisce sensibus accommodatas communes cum ceteris animantibus habemus? ergo vt communes spernimus, & notamus, solasque omnium aut maximè probro damus.

Itaque hominem iis deditum reprehendimus, & incontinentem intemperantemque dicimus, quod victus à terribissimo voluptatum genere ducatur. Hæc, inquam, Aristotelis verba aliâque profert ex illo problemate Gellius, ac postea sic declamat. Quis igitur habens aliquid humani pudoris, voluptatibus istis duabus coeundi, atque comedendi, quæ sunt homini cum sue, equo, alino communes, gaudeat? Socrates quidem dicebat, multos homines propterea viuere velle, ut ederent, & biberent, se se bibere atque esse, ut viueret. Hippocrates verò diuina vir scientia de coitu Venereo ita existimabat, partem esse quamdam morbi terribissimi, quem nostri Comitiales dixere. Ita claudit disputationem illam Gellius. Et similia profectò sunt apud alios, passim, ac vulgo eas voluptates belluinas & ferinas appellantes. D. Augustinus verò nominatim contendit, ideo apud poetas aliquos, aut in asinos, aut in sues commutatos fingi, quod sensibus illis, quos cum belluis habemus communes, plus tribuerint, quam ab homine tribui debuerit. Quantum verò attinet ad id, quod ex Galeno de coitu dixit Gellius, animaduertendum est, delectationes quasdam, in quibus est intemperantia, pertinere ad retinendam salutem individui, quasdam ad speciem conseruandam: illæ percipiuntur gutture, hæc partibus illis corporis, quæ ad procreandos liberos à natura sunt attributæ. At igitur Auicenna, delectationes illas, quæ pertinent ad sobolem & speciem propagandam, esse vehementissimas. Cum enim maximè turpes sint, deterreretur ab earum usurpatione vnusquisque, & pudore impediretur, nisi tam vehementes essent, ut impotenti quodam affectu impetûque ad eas raperetur, & in iis usurpandis à sensibus quodammodo alienaretur. nihil adeo mirum est, si coitus morbus quidam comitialis dicatur, qui hominem prosternit, & sui compotem esse non sinit.

Possit aliquis hoc loco dicere in illis etiam quæ ad tangendi cõrectandique pertinent sensum aliquod proprium esse bonum hominis, quodque ferinum non sit, ac propterea non omnè tactionis voluptatē habere nos cõmunem cum belluis: cuiusmodi est ea, quæ in balneis & in Gymnasio capitur ex frictionibus, calefactionibus, aliisque eiusmodi contrectationibus corporis Gymnasticis, quæ hominis maximè propriæ videntur esse. Occurrit huic dubitationi Aristoteles ad extremum, airque, à materia Temperantiæ intemperantiæque esse tollendas illas tactionis delectationes, quæ maximè liberales sunt: huiusmodi autem esse illas, quæ percipiuntur in Gymnasio, & palæstra, ex vñctione, ex aqua calida, ex lucta, pancratio, aliisque ludis, in quibus necesse est corpora contrectari etiam nuda. has autem delectationes propterea esse subducendas, nec in materia Temperantiæ intemperantiæve ponendas, quia tactiones illæ ad valetudinem & habitudinem corporis bonam comparandam, institutæ sunt, non ad vsum Veneris, aut sumptionem ciborum. Voluptas enim Veneris & cibi non gignitur ex tactione quarumlibet partium, sed certarum: quæ partes in iis exercitationibus Gymnicis non attrectantur, & commouentur, ac propterea quæ nascitur inde voluptas, non est ea, quæ ad temperantiam pertinere possit. Quæ enim delectatio materia propria temperantiæ est, nascitur quidem ex tactu, sed ex tactu quarumdam partium, quæ notissimæ sunt.

EPILOGVS.

1. *Temperantia est in illa parte animi, quæ per se rationis est expertis; sed rationi obtemperare debet. cuiusmodi est sentiens appetitus. Temperantia verò ipsa mediocritas quidem est inter voluptates, atque tristitias, sed tamen in voluptatibus magis, quam in tristitia versatur.*
2. *Neque verò in omnibus omnino voluptatibus moderandis versatur Temperantia, sed in iis nominatim, quæ corporis sunt, & corporu sensibus usurpantur. voluptates enim, quæ capiuntur animo, ad Temperantiæ materiam non pertinent.*
3. *Quin è sensibus ipsis aliqui sunt, quorum delectationes Temperantia per se regenda non permittuntur: Cuiusmodi sunt quæ percipiuntur tribus sensibus, visu, olfactu, & auditu. quas voluptates cum belluis communes homo non habet.*
4. *Reliquum est, ut Temperantia permitti propriè debeant regenda ac moderanda delectationes duorum sensuum, tactionu & gustus, quæ homini sunt cum omni belluarum genere communes: & inter has, illa potissimum fadiiores & magis belluina, quæ tactu*

sentiuntur. he quippe sunt magis belluarum propriæ, reddûnsque nos bestiis ipsis similiores, quàm alix. ac propterea probis & visuperatione digniores videntur esse, quàm ceteræ.

IN CAPVT DECIMVM;

QVÆSTIO PRIMA.

An Temperantia Virtus sit, & Virtus peculiaris.



Hæc duo querenda proponimus, quia de utroque ambigi non iniuriâ potest. Nam primo quidem Temperantiam virtutem non esse, videntur hæc argumenta demonstrare.

Non est in mediocritate posita: cùm dicat Aristot. in hoc capite, magis eam versari in voluptate, ac delectatione, quàm in tristitia. ergo virtus esse non potest. Si enim virtus esset, habitus esset medius æquè in delectatione atque in tristitia positus. Deinde nulla virtus contraria est propensione, atque inductioni naturæ. Dixit enim Aristot. suprâ in lib. 2. virtutes morales non esse quidem à natura, sed tamen præter naturam non esse. Temperantia verbò aduersatur inductioni naturæ. quippe quæ delectationes comprimere contendit, ad quas naturæ ductu compellimur, quemadmodum licet ex ipso intelligere Aristot. in primo Rhet. cap. 10. ubi ait, delectationem esse motum animi quemdam, & affectionem subitam in naturam proficiscentem, siue (ut alij locum illum Latine conuertunt) motum animi subitum & affectionem ad explendam instaurandamque naturam. Quin in cap. 11. initio, docet consequens ex ea definitione esse, ut ea iucunda, & delectationem afferentia sint, quæ sunt ex natura. Id quod etiam ostendi à contrario potest. Tristitia enim ab eodem Aristot. dicitur ibidem & in hoc 3. lib. esse naturæ contraria & naturam ipsam corrumpere. ergo delectatio eamdem seruat, retinetque naturam. Non potest adeo non esse præter naturam id quod eiusmodi delectationes exterminat naturales.

Promoueri potest amplius hæc ratio in hunc modum. primo quidem. Natura nihil instituit propter malum, & nihil ad malum dirigit, sed ad bonum omnia. regitur enim ipsa à Deo & Intelligentiis, quibus nullus error, & nulla vitiositas est, sed natura dedit nobis appetitum, & cupiditatem rerum iucundarum. ergo bonum est, eas capere, easdem adipisci, eisdem delectari: & magis iisdem delectari, melius est. Deinde. potentia & facultas dirigitur ad actus, & propter actus est tota, qui sunt potentia perfectiores. ergo quo magis potentia reducitur ad actus, eo est perfectior, & melior. at appetitus concupiscens est potentia. cupere & delectari sunt actus: ergo quo magis cupit, & delectatur, hoc melior & perfectior

est. Tertio. Illud, quod est bonum secundum se, quanto est maius, tanto melius est. sed delectatio est secundum se bona: cùm eam appetant omnia, quæ sensum habent ac primo Rhet. faciat eandem Arist. per se optandam, & eligendam. Et profectò distinguitur à bono utili, eique dicitur esse opposita. sed bonum utile refertur ad aliud. ergo delectatio quæ bonum est iucundum, est gratia sui. Postremo: Animantes ratione carentes & animalia, cùm omnes omnino persequuntur delectationes, non dicuntur peiores esse, quàm cùm non persequuntur. ergo natura quæ non minus de humano genere, quàm de belluino, aut volucris seruando laborare debuit, non potuit homini delectationes proponere quas persequi malum esset.

Non esse verbò Temperantiam virtutem peculiarem, & speciem aliquam, formamque propriam virtutis constituentem, videtur ostendi ex M. Tullio Cicerone posse. qui in off. lib. primo docet, in Temperantia cerni maximè ac spectari propriè decorum: decorum autem ab honesto separari non posse. At honestum proprium est singularum virtutum. ergo Temperantia, quæ in eo propriè versatur, non est peculiaris virtus, sed communis & generalis. Huc accedit, quòd D. Augustin. in lib. de Moribus Eccles. cap. 15. ait, Temperantiam propriè pertinere integrum hominem incorruptumque Deo seruare: & Ambros. affirmat in off. 1. cap. 41. in Temperantia maximè spectari tranquillitatem animi. At hæc duo virtutum singularum officia sunt, non propria Temperantiæ. ergo virtus communis est & generalis.

Quod attinet ad primum, de quo queritur in huius priori parte disputationis, animaduertenda sunt hæc. primo quidem mediocritatem, ut sæpius diximus, siue medium virtutis non esse spectandum penes æquale quoddam intervallum inter extrema, sed penes proportionem & conuenientiam affectionis, operationisque cum recta ratione. hæc autem proportio, & conuenientia esse potest, etiam abundante, & exuperante altero extremorum: illa enim exuperantia non est tunc nisi materialis; cùm si rectam consulas rationem, exuperantia non sit, sed mediocritas. videtur tamen exuperantia propter comparisonem cum altero extremo: cum quo comparari non debet, sed cum recta ratione; quæ

causa est, cur dicatur medium rationis. Secundo animaduertendum est, delectationes duplici modo dici posse naturales, quemadmodum ipsum naturæ nomen ambiguum est, & significat duo. Interdum enim natura est ipsa rei substantia; materia nimirum aut forma, & illæ præterea qualitates, quæ necessario manant ex his. Interdum natura dicitur aliquid, quod nec ipsa rei substantia est, nec quicquam necessario fluens ex substantia, sed quiddam illi consentaneum: cuiusmodi sunt habitus consuetudine partii, & usu diuturno corroborati. hi enim à substantia non manant, neque substantia ipsa sunt, sed tamen substantiæ sunt congruentes, & naturam alteram quoddammodo faciunt; quia operantur per modum naturæ. Itaque consuetudo ipsa ususque, in quo positus est habitus; appellatur sæpe natura. cuius rei rationem longè pulcherrimam affert Aristoteles in primo Rhet. ubi ait, id quod sæpe fit, esse finitimum ei, quod semper fit. naturam semper esse; habitum sæpe. Cum ergo naturæ vocabulum duplex hoc modo sit, etiam id, quod est naturale, duplici modo intelligi debet eiusmodi esse. primo quidem ita naturale, ut ab ipsa fluat promanetque substantia, si minus primario, certè secundario, & consequenter. secundo, sic, ut non quidem à substantia profluat, sed ab habitu partii, & consuetudine diuturna comparato, quam agere diximus ad modum naturæ. Ergo delectationes utroque modo dici possunt naturales. primo quidem, quia ex ipsa substantia nascitur ea delectatio, sine qua natura non moueretur ad agendum ob conseruationem sui: hinc enim fit, ut dici debeat quædam ex ipsa natura non primario fluens, sed subnascens & consequens qualitas, sine qua ipsa esse non queat. Secundo, quia delectationibus eiusmodi potest ipsa substantia sic assuescere & eum habitum sibi parare, ut iam per modum naturæ operetur usurpandis delectationibus, & voluptatibus sæpe, ac penè semper. Temperantia igitur non id agit, ut extirpare velit eas delectationes, quas ob sui conseruationem postulat ipsa natura, cum ea, quæ à natura primario fluunt, non possint aliter assuescere, nec adeo conuelli; sed ut tollat eas, quæ naturales dicuntur propter habitus aliquos prauos usu pessimo comparatos.

Animaduertendum est tertio: aliqua esse communia nomina, quæ tamen contrahuntur ad exprimenda nominatim, siue per antonomasiam præcipua & primaria quædam inter illa, quæ iisdem nominibus significantur. Nomen enim vrbis omnium propè oppidorum commune tum contrahitur, cum per excellentiam quamdam ad Romam significandam adhibetur, quæ prima est & præcipua inter vrbes. Ex hoc genere ipsum Temperantiæ nomen est; quod commune quidem videtur esse multarum rerum, sed contrahitur tamen ad peculiarem aliquam ex iis, & quidem præcipuam significandam. Cum generale nomen est, significat moderationem & quamdam veluti temperiem, quam ratio constituit

in affectionibus, & perturbationibus vniuersis animi. Et quoniam id vnicuique virtuti congruens est, generale Temperantiæ nomen vnamquamque virtutem ipsa suæ notionis amplitudine significabit. Cum autem Temperantia peculiare nomen est, à generali significatione discedens, per excellentiam quamdam atque præstantiam virtutem illam electè indicat, quæ cohibet appetitum, & ab iis nominatim animum reuocat, quæ maximè hominem alliciunt, ac trahunt ad se, qualia sunt quæ duobus proponuntur sensibus maximè voluptatis, gustatui, & tactioni. Quemadmodum enim vnaquæque virtus, quia firmitas quædam est, fortitudo interdum dicitur, sed ipsum tamen fortitudinis nomen peculiari cuidam virtuti propriè tribuitur, quæ nos maximè confirmat & munit aduersus res maximè arduas atque terribiles, cuiusmodi præsertim est mors: sic temperantiæ commune nomen vnamquamque virtutem significat, quia vnaquæque moderatio quædam & temperies est affectionum nostrarum, sed nominatim tamen adscribitur illi, quæ hominem retrahit ab iis, quæ maximè alliciunt animum, & in ea ponit affectione modum, quæ præ cæteris delectatione tangitur, & voluptate.

Dicendum igitur est primo: Temperantiæ esse virtutem, inter eas ponendam, quæ morales appellantur. Res est perspicua, nec multis necesse habet rationibus explicari, sed tamen ita demonstrari potest. Virtus illa moralis verè dicitur & est, quæ bonum hominem facit, eiusdemque opus probabile reddit, & dignum laude. sed Temperantia facit, ut verè bonus vir aliquis dicatur, eiusdemque opera probabilia reddit & digna laude. Igitur verè moralis est virtus. Quæ ratio probari maximè debet: quia ducitur ab Aristotele, qui virtutem in 1. lib. definit ex eo, quod bonum efficiat hominem, & eiusdem opus laudabile reddat. Temperantiæ verò id efficere, ut bonum hominem iure dicamus, eiusdemque opus probabile iudicemus, planius est, quàm ut debeat pluribus ostendi. Sed est alia ratio, quæ & hanc possit illustriorem facere, & rem de qua disputamus, multo magis in aperto collocare. Est autem huiusmodi. In delectationibus gustatus & tactus sæpe fit, ut plus aliquid usurpemus, quàm oporteat, & deceat vitam honestam; sæpe, ut minus aliquid capiamus, quàm ipsi naturæ secundum rationem & vitam honestam debeat. Sed Temperantia modum ponit & mediocritatem constituit inter has delectationes; Cum Temperantiæ id nominemus, quod secundum rationis præscriptum inter exuperantiæ defectumque huiusmodi delectationum intercedit; ergo Temperantia moralis est Virtus. omnis enim habitus inducens animum ad medium conseruandum tenendumque inter exuperantiæ, ac defectum perturbationum nostrarum sine dubio virtus moralis est, ut statuit Aristoteles in horum 1. lib. Moral. Quæ omnia firmari possunt ex eo, quod nisi Temperantia virtus sit,

quæ huiusmodi modum delectationibus ponat, sequitur, unicuique fas esse voluptatibus sctorum tradere, easque requirere semper amplius, ac semper amplius usurpare: quod ab hominis dignitate alienum est, & consentaneum belluis.

Dicendum secundo loco est: Temperantiam esse peculiarem virtutem, certamque materiam habere quam tractet, & in qua versari propriè debeat. Quinquam enim unaquæque virtus Temperantia est, & modus quidam, est tamen aliqua, cui nominatim & propriè propositum est, iis delectationibus præstituisse fines, quæ maximè hominem ad se vocant, & à rationis præscripto discedere iubent. Hæc autem Temperantia peculiaris est, ut diximus, & demonstravimus supra.

Argumentis, quæ proposita sunt, ad demonstrandum non esse virtutem ita respondetur. primo quidem: Temperantiam esse mediocritatem, siue medium non rei, sed rationis. hæc autem mediocritas esse in Temperantia potest, etiam si magis in delectatione, quam in tristitia versetur. Nam quicquid agitur secundum rectam rationem, siue magnum id sit, siue paruum per se, medium esse dicitur, & mediocritas rationis. quo fit; ut quamvis Temperantia maiorem in delectatione, quam in tristitia regenda collocet operam, medium tamen tenere dicatur rationis, quia secundum rationem id agit, ita præscribentem, & imperantem legibus suis.

Ceteris autem argumentis, quoniam ab eodem capite nascuntur, hoc est, à natura, quæ nobis ad delectationem & voluptatem inductionem iniecit, responderi potest, iisdem propè relegendis vestigiis, quibus adversum nos insistebatur. Natura enim dedit ipsa quidem nobis appetitionem voluptatum, ad easque sua nos inductione compellit. non tamen idcirco veniam dedit, ut eas immodicè sumamus; nec nobis in eo genere ita relaxat fræna, ut quaslibet delectationes, quantumvis immoderatas, nimias, & insanas pro nostro nos capere arbitrari patiatur. Quippe non frustra eadem natura, quæ hanc nobis cupiditatem & propensionem indidit, dedit etiam rationem, appetitioni & cupiditati naturaliter imperantem. Voluit nimirum nos usurpare quidem eas voluptates, ad quas impellit, sed tamen sic, quemadmodum postulat regimen & gubernatio rationis. Itaque appetere voluptates, & voluptatibus delectari secundum rationem, est proprium humanæ naturæ, quæ humana est: appetere autem, & delectari supra leges & veniam rationis, est hominis abutentis ea parte, quam cum belluis communem habemus. nihil igitur ea vincit argumentatio: Delectatio est bona per se, quia voluptatem appetunt omnia, quæ sensum habent. ergo non est ab ulla virtute reprimenda. Nam delectatio unicuique propria & naturalis, est bona secundum se, & unicuique naturaliter bona, sed delectatio minimè naturalis & minimè propria non est bona secundum se, nec ulli animantium natu-

raliter bona. Delectatio verò naturalis & propria hominis est ea, quæ regitur ratione. Nam immoderate voluptates non sunt bonæ nisi in speciem iis, qui appetitum non naturaliter temperatum, nec sanum habent, sed præter naturam corruptum & vitiatum. At natura, inquit, nihil instituit propter malum ergo non debuit instituere voluptates, si malæ sunt. Respondeo, non proposuisse aut instituisse nobis immoderatas voluptates, quæ ipsam corrumpunt evertuntque naturam. enervant enim corpus, & mortem ante tempus accersunt, intelligentiam debilitant, hebetant memoriam, afferunt animo molestias propemodum infinitas, ex delectatione consequentes: sed instituisse potius rationem regentem appetitum, illique voluptates vitales non noxias proponentem. Quid si alias ampliores, & immodicas persequamur, facimus id vitio nostro, non inductione naturæ à recta ratione temperata. Itaque, ut in summa dicamus, Temperantia non est contraria propensioni humanæ naturæ hæc enim, si verè est humana, hoc est, obediens rationi, Temperantiam amat, quæ ipsam servat retinetque naturam. Neque verò aliud sibi voluit Aristot. cum dixit, delectationem esse naturalem, & esse motum ad expiendam instaurandamque naturam. Naturalis enim appellat quod naturæ secundum rationem congruens est, & motum explentem naturam illum intellexit, qui secundum eandem rationem naturæ satisfacit. Atque ita eversa sunt argumenta, quæ volebant, Temperantiam non esse virtutem moralem.

Sequitur, ut aliis respondeamus duobus, quæ contendunt; non esse virtutem peculiarem: ac primo quidem priori, quo dicitur, Temperantia decorum esse, hoc est, pulcritudo quædam & honestas. pulcritudo autem & honestas ad omnes omnino virtutes pertinere videtur. Respondemus, inquam, decorum, pulcritudinem & honestatem omnium quidem esse virtutum, sed præcipuè tamen & excellenter ad temperantiam id pertinere. Compescit enim & comprimit in homine quæ illi sunt communia cum belluis, hoc est, voluptates gustus, & libidines Veneris, quæ maximè deformes sunt, maximèque turpificant hominem. Hinc adeo fit, ut temperantia, quæ vitia maximè deformia depellit, & odio habet, decorum, honestas, pulcritudo per excellentiam tribuantur. Honestus enim, inquit Isidorus, is verè dicitur esse, qui nihil turpitudinis habet.

Argumento posteriori responderi potest eodem pene modo. Integrum quippe servare hominem, & incorruptum, est virtutum omnium, ac propterea Temperantiæ communes, quia quaslibet virtus, quoniam moderatio & modus est, tuetur hominem ab aliquo vitio exuperante vel deficiente, quod eum corrumpere posset. sed tamen hoc excellenter & per antonomasiam adscribitur Temperantiæ peculiari; quia reuocat nominatim ab iis, quæ maximè illum corrumpere, easque integritatem adimere possent. huiusmodi sunt com-

meffationes, & libidines corporis immoderate. Nihil enim accidere corruptius animo potest.

QVÆSTIO SECVNDA.

An Temperantis ceteris virtutibus antecellat.

QUANTVAM hoc de Temperantia tantummodo nominatim quærimus, erit tamen idem de fortitudine disputandum; quæ videri potest alicui virtutum maxima. Nam versatur in difficillimis, & in iis, quæ in homine ipso sunt. In difficillimis quidem: quia mortem contemnit; in iis quæ sunt in homine; quia corpus ipsum & hominis vitam periculis certissimis obicit. sed virtus quo difficiliorem habet materiam; eo est præstantior, & ea sine dubio est excellentior, quæ in ipso versatur homine, quàm quæ in rebus tenetur externis; cuiusmodi Iustitia est. ergo fortitudo cui difficillima obicitur materia, quæque in rebus homini coniunctis, intusque versatur, omnium maxima virtutum atque excellentissima est, quæ fortasse causa sit, cur dicat Ambros. in offic. 1. cap. 35. fortitudinem esse ceteris excellentiorem.

Temperantiam verò ipsam ceteras excellentiâ vincere, eadem propè argumenta videntur ostendere. Amplioris enim & excellentioris virtutis est agere quod difficilius est, quàm agere quod est facilis. Sed cupiditates & libidines coërcere, iisque voluptatibus modum & legem ponere, quæ nascuntur ex tactu, difficilius est, quàm temperare ac rereactiones externas: quorum primum Temperantia, secundum Iustitia officium est: ergo Temperantia Iustitiæ antecellit. Antecellere autem fortitudini probari potest hoc modo: Quo aliquid est communius, eo magis necessarium esse videtur & melius. sed fortitudo versatur in mortis periculis, quæ rarè accidunt; Temperantia in delectationibus, & voluptatibus ex tactu nascentibus, quæ continenter occurrunt. ergo maior & communior est vsus Temperantiæ quàm fortitudinis. Denique præstare Temperantiam ceteris quoque virtutibus, videtur Ambros. docere in 1. offic. cap. 45. vbi ait, in Temperantia honesti curam, decorique considerationem spectari & quæri. Sed virtus eatenus est laudabilis, quatenus honesta est, & decora. ergo quæ maximè decora est, & honesta, maximè laudabilis est. Huiusmodi verò est Temperantia, cui decori præcipua cura committitur & honestatis.

Anima querere nos iubet D. Thom. ex Augustino: in iis, quæ non mole, sed excellentia magna sunt, id esse maius, quod melius est. quo fit, vt eo maior aliqua virtus sit, quo melior est. Quo posito, videndum est quod nam sit hominis proprium bonum, vt intelligere denique possimus id, quod inter omnia hominis bona maius, melius, & ex-

cellentius est. Bonum hominis proprium sine dubio bonū est rationis. quod bonum obtinet excellenter & essentialiter ipsa prudentia, quæ rationis est certa & primaria perfectio. Iustitia enim est huius boni quodammodo artifex, opifexque; cum ad eam pertineat, ordinem rationis in omnibus humanis actionibus ponere. aliæ verò virtutes idem bonum conseruant, ipsas temperantes affectiones animi, efficientesque, ne hominem abducant ab officio & bono rationis. Inter quas locum obtinet principem fortitudo: cum mortis periculum & timor ex eo periculo natus maximè valeant ad deterrendum, abducendumque hominis animum à bono rationis. Secundum fortitudinem sequitur Temperantia, cuique proximum tenet locum: quia delectationes tactus potissimum, præ ceteris delectationibus vniuersis, rationis bono repagulum atque obieci opponunt. Cum ergo id, quod essentialiter aliquod obtinet bonum, sit excellentius eo, quod est eiusdem boni causa vel conficiens vel conseruans, vel obiectum, atque impedimentum tollens, sit vt prudentia, quæ bonum rationis essentialiter obtinet, prima debeat laus; secunda Iustitiæ; tertia fortitudini, quarta Temperantiæ. Nam inter tres illas, quæ prudentiam sequuntur, Iustitia sibi vendicat primatum; quia causa est efficiens eius boni, quod est insum rationi. ponit enim in actionibus humanis ordinem rationis ac modum. Aliæ duæ, quia in affectionibus versantur humanis, atque id prorsus agunt, vt affectionibus ipsis temperatis, bonum rationis tueantur, ac seruent, Iustitia sunt deteriores. Sed si comparentur inter se, fortitudo Temperantiæ præstat, quia perturbationes regit validiores, hoc est eas, quæ facilius hominem à rationis institutione depellunt. Si denique Temperantia cum ceteris virtutibus, quæ quatuor principibus subiiciuntur, conferenda sit, ipsa esse videtur earum omnium excellentissima: propterea quod delectationibus aduersatur iis, à quibus animus facilius capitur ac ducitur, quàm ducatur & capiatur ab aliis.

Dicendum igitur primo loco est, Fortitudinem non antecellere virtutibus omnibus. Quia Prudentia quæ perfectio rationis est, continet essentialiter bonum illud, quod continere debent virtutes vniuersæ. bonum autem quod continere debent, est proprium hominis bonum, hoc est, bonum rationis. Iustitia verò est eiusdem boni opifex & conficiens causa; cum ordinem rationis statuatur in actionibus hominis. At fortitudo est tantum eiusdem boni causa conseruans, dum vi sua retinet hominem in officio, facitque, ne bonum deferat rationis ob timorem & metum imminentiis mali. Cum enim is, qui fortiter agit, honestatis gratia pericula subeat, & mortem contemnat, ipsum iam obtinet rationis bonum beneficio prudentiæ, Iustitiæque, ad quas nimirum retinendas, & conseruandas in discrimina sua voluntate procurrit. Rectè enim S. Thom. in 2. 2. quæst. 121. artic. 12. ad 3. ait, virum fortem corpus non exponere pe-

riculis, nisi ob iustitiam conseruandam: non quòd ob alias virtutes etiam non exponat, sed quòd nisi videat pericula esse iusta, non exponat. pericula enim ad seruandam castitatem, nisi iusta essent, non aggredieretur. Itaque semper habet materiam iustam, tametsi finis iustitia ipsa formaliter non est, sed vel castitas, vel charitas erga patriam.

Dicendum secundo est: Temperantiam non esse virtutum omnium maximam, nec præstare virtutibus vniuersis: tum ob eas, quas modò exposuimus rationes, tum ob alias, quæ peti possunt aliunde, in primisque ab ea utilitate, quæ manat à nonnullis virtutibus in Rempublicam & communem hominum societatem. Verum enim est quod docuit Aristot. in primo lib. Ethic. cap. 2. bonum multitudinis excellentius esse, quàm bonum vnius. immò verò bonum Ciuitatis aliquid esse humano maius ac videri diuinum. ex quo efficitur, vt eò sit aliqua virtus habenda præstantior, quò magis ad multitudinem pertinet eius utilitas. At iustitia, & fortitudo multitudini sunt vtiliores, opportunioreque quàm Temperantia. Fortitudo quippe versatur in periculis pro communi salute susceptis: iustitia statuit in actionibus hominum, quæ referuntur ad alterum, & equalitatem. Temperantia verò moderatur tantùm voluptatibus & delectationibus iis, quæ ad ipsum hominem solitariè pertinent.

Dicendum tertio loco est: Temperantiam cum ceteris collatam virtutibus, quæ principibus illis quatuor subiectæ sunt, illarum omnium excellentissimam, & præstantissimam esse. quia regit delectationes, affectionesque illas, quæ omnium maximè, facillimèque hominem à bono rationis auertunt. Nulla enim est hominis affectio validior, atque rapacior, quàm quæ libidine succenditur, & cupiditate Veneris inflammatur. quæ quoniam à ceteris virtutibus non attingitur, & ab vna regitur Temperantia, iure optimo primatum ipsi Temperantiæ tribuit inter eas virtutes, quæ quatuor illis principibus subii-ciuntur. Argumentis iis, quæ fortitudini primatum attribuunt, respondetur, virtutis omnem excellentiam & vim esse spectandam potius ex bono, quàm ex difficili: sic, inquam, vt si maius bonum sit, & excellentius, quod ab aliqua virtute paratur, virtus ipsa existimanda sit excellentior, quàm alia, quæ non tam magnum, sed difficilius comparat bonum. Quamquam ergo fortitudo difficilius parat homini bonum, potest tamen esse deterior, quàm iustitia, atque Prudentia, quæ bonum homini non tam difficile quidem, sed excellentius ac præstantius afferunt. Quod verò de corpore dicitur homini coniunctissimo, quod periculis exponitur, parum profectò ad rem pertinet. non enim excellentia virtutis petitur ex eo, quod periculis obicitur, sed ex fine præstantiori. Denique D. Ambros. anteponit fortitudinem ceteris, non quidem vniuersis, sed iis, quæ versantur in affectibus temperandis tum ob insignem utilitatem, quam ciuitatibus affert, in bello

versans, tum ob affectum illum timoris, quem adimit, oppidò validum, accommodatissimùmque ad homines à rationis bono depellendos. iustitia tamen & Prudentia, quam hanc non pariunt utilitatem, pariunt tamen aliam præstantiorem.

Aliis autem rationibus & argumentis, quæ contendunt, Temperantiam esse præstantissimam, respondetur primùm; Temperantiam non esse iustitia potiore, quia dignitas excellentiæque virtutis spectari debet potius secundùm boni rationem, quæ amplior est in iustitia, quàm secundùm rationem difficultatis, quæ maior est in Temperantia. Respondetur deinde, non esse digniorem fortitudine, quia utilitatis illa communitas, quæ pertinet ad multitudinem hominum; plus conducit ad excellentiam bonitatis, quàm quæ consideratur secundùm aliquid, quod frequenter occurrit. prior communitas in fortitudinem conuenit toti vtilem Ciuitati: posterior in Temperantiam, quæ vbique præsto est. non potest igitur esse Temperantia præstantior fortitudine simpliciter, sed tantummodo secundùm quid; hoc est propterea, quòd maximum & frequentissimum habet vsum. quo nomine posset non modò fortitudine, sed iustitia etiam dignior appellari.

Respondetur tertio loco. Temperantiam non esse maximè decoram; maximèque honestam ideo, quòd principem decori, honestatisque rationem obtineat: sunt enim aliæ virtutes honestiores, hoc est, digniores, excellentioresque: sed quòd depellat malum maximè turpe ac fædum; cuiusmodi est libido & delectatio illa, quam cum bestiis communem habemus. Illa quippe virtus, quæ nos reuocat à malo turpissimo, tametsi vincitur ab aliis honestate, hoc est, excellentia, & dignitate proprii boni, dici potest tamen honestissima maximèque decora, propter turpitudinem contrarij mali, quod depellit ab homine.

QVÆSTIO TERTIA.

An Temperantia versetur solum in delectationibus gustus & tactus?

ARISTOTELIS quidem ita contraxit Temperantiæ fines, vt ei regenda tantummodo permiserit horum duorum sensuum delectationes & voluptates. Duplex enim fecit genus voluptatum; vnum earum, quæ intellectu percipiuntur, & ratione, quas appellat animales; alterum earum, quæ sensibus corporis vsurpantur, & ab eo corpore nominantur. Illas à Temperantia subduxit: has non omnes eidem permisit, sed earum tantummodo partem, hoc est, illas, quæ à tactione, gustatùque nascuntur. Sed argumenta quædam & rationes sunt, quæ videntur ostendere, non cupiditates modò sentientis animæ, delectationesque corporis à Temperantia regi debere, verùm etiam alias: quædam, quæ demonstrent, aliorum

quoque sensuum delectationes, omnēque deum perturbationes animi in Temperantiz materiam cadere oportere.

Prioris generis argumenta sic sunt. Primum. Temperantiz videtur esse quicquid habet moderationem & modum, cum D. Ambros. in offic. lib. 1. cap. 4. dicat, a Temperantia ipsam moderationis gratiam proficisci. & M. Tull. in 1. item off. asseret, ad Temperantiam pertinere rerum omnium modum. Sed moderatio & modus, non in sensibus tantum gustatus & tactus ponitur, verum etiam in aliis delectationibus, & in actibus ipsis externis ergo non est materia Temperantiz intra fines duorum illorum sensuum circumscribenda. Secundum. Delectationes intellectus longē maiores sunt, quā quæ corpore capiuntur & sensu. Vt enim rectē ait Cic. in 1. off. paulō post initium, ex omnibus omnino rebus scientia maximē naturam attingit humanam, omnesque trahuntur ad cognitionis & scientiz cupiditatem. Itaque fieri facili potest, vt aliquis sciendi tanta cupiditate ducatur, vt ob eiusmodi voluptatem, & contemplationis dulcedinem ab officio discedat, & iustitiam, patriæque defensionem deterat, quam habere deberet sine dubio potiorē, quemadmodum ibidem ait M. Tull. Enumeratis enim disciplinis, quibus operam dare honestum putamus, disputationem ita concludit: Quæ omnes artes in veri vestigatione versantur: Cuius studio à rebus agendis abduci contra officium est. Virtutis enim laus omnis in actione consistit. Et paulō post, cum de iustitiz ageret officis, præposterum hoc aliquorum & alienum scientiz studium iterum damnat his verbis. suis studiis, occupationibusque sic impediuntur, vt eos quos tutari deberent, desertos esse patiantur. Itaque videndum est, ne non satis sit quod apud Platonem est in philosophos dictum: quod in veri inuestigatione versentur, quod ea quæ plerique vehementer expetunt, contemnant, & pro nihilo ducant, propterea iustos esse. Nam dum alterum iustitiz genus allequuntur, inferenda, necui noceant, iniuria, in alterum incidunt. discendi enim studio impediti, quos rueri debent, deserunt. Hæc ille. Et profectō eiusmodi fuisse videtur Archimedes, qui dum patria caperetur ab hostibus, lineas ducebat in puluere. eiusmodi alij philosophi, qui quoniam otiosi putabantur, eiekti sunt ex urbe, vt est apud Gell. lib. 15. cap. 11. quos homines Epictetus apud eundem Gell. lib. 17. cap. 19. appellat philosophos *αἱρετικοὺς*, *αἱρετικὸν λόγον*. factis procul, verbis tenuis. Disputat aduersus eiusmodi vitam otiosam disertē Lactan. in lib. 1. de fallā Sapient. cap. 16. siue lib. 3. eod. cap. & Nazian. cuius hæc verba sunt: Quid mambus alligatis at-
mamus linguam? Quō pertinuit ea Pici Mirandulani vox, tantum vnumquemque vere scire, quantum in opus lucēque proferret. Denique Pænnianum illud dictum locum hic habet aptissimum, quod est itē apud Gell. lib. 13. cap. 8. Ego odi homines ignaua

opera & philosopha sententia. Quem versum Macedo philosophus vir bonus & Gellij familiaris censebat pro foribus omnium temperorum scribi, & proponi debere. Cum ergo tam magnum periculum sit, ne ob illam sciendi cupiditatem innatam, contemplationisque dulcedinem, iustitiam, ceteraque virtutum officia deseramus, rationi consentaneum videtur esse, vt illa quoque voluptas Temperantiz moderanda & regenda permittatur. Tertium. Multæ sunt delectationes ex tactu nascentes, quæ Temperantiz materiam non attingunt. Cuiusmodi dicuntur ab Aristotele illæ esse, quæ sentiuntur in palæstra & gymnasio cum corpora balneis, lucta, pancratio, aliisque huiusmodi ludis exercentur & contrectantur. ergo materia Temperantiz non est vniuersè dicenda delectatio nascentes ex tactu.

Posterioris generis argumenta, quæ aliorum quoque sensuum delectationes Temperantiz regendas permittunt, sunt huiusmodi. Primum. Aliorum sensuum voluptates, & delectationes postulant aliquam virtutem, à qua regantur, & temperentur. Nam in singulis esse defectus & exuperantia potest, vt de visu constat, qui plus nimio vel nimis parum delectari coloribus potest: & de auditu; qui musicis percipiendis numeris, & modulatione, qui narratione rerum iucundarum in utroque peccare potest extremo. Ac ubi extrema sunt, coniequens est, vt etiam mediocritas inter extrema esse possit. Hæc autem virtus, quæ medium constituat, & modum ponat eiusmodi delectationibus, haud alia videtur esse, quā Temperantia.

Secundum. Ad eas delectationes moderandas requirere magis, & velle virtutem debemus, quæ magis, ac facilius augentur & crescunt. hæc quippe sunt eiusmodi, vt maiorem & faciliorem habeant exuperantiam, in qua vitium est positum à virtute depellendum. Sed delectationes ex visu nascentes facilius augentur, & crescunt in nobis, quā delectationes gustus ac tactus. Vt enim in proœm. Metaphy. ait Aristot. visum præ ceteris sensibus diligimus maximē. delectationes autem vehementiores sunt, augenturque magis, ac facilius illæ, quæ nascuntur ex eo, quod magis diligimus, quā quæ manant ex eo, quod diligimus minus. Igitur ob huiusmodi delectationes multo magis virtutem aliquam requirere, ac postulare debemus, quā ob alias. sed hæc non est, nisi Temperantia. ergo Temperantiz materiam non soli duo sensus suppeditant gustus & tactus, sed etiam ceteri.

Tertium. In us delectationibus moderandis Temperantia versatur, in quibus ipsa versatur intemperantia, lineam exuperans mediocritatis. sed intemperantia versatur etiam in delectatione visus per exuperantiam & excessum: id quod cernere licet in iis, qui forma mulierum elegantius plus nimio delectantur, & oculis ipsis quodammodo ordinem explent. Quod si dicas (quod apud Aristot. est, vt vidimus supra)

cuiusmodi

eiusmodi homines intemperantes, non delectari feminarum aspectu solitario & secundum se, sed eatenus, quatenus aspectus ille ac voluptas inde promanans referuntur ad tactum, quem denique sic concupiscunt, & potissimum volunt intemperantes, quemadmodum canes cum odore leporis excitati, non tam ipso ducuntur odore, quam desiderio & cupiditate propinqui iam cibi: si hoc, inquam, dicas, experimentum opponi potest, petitem à libidinosis istis, & mulierosis hominibus: qui magis vnius aspectu feminæ, quam alterius delectantur: non quoddam intelligant vnam esse tactu molliorem quam alteram, sed quoddam elegantiorē esse videant, & forma pulcriorem. Si enim aliquam ineleganti quidem forma ingratoque præditam colore, sed tactu molliissimam aspicerent, nullam visu caperent delectationem, nec eam expectarent. contraque, si forma speciosam & colore perfusam iucundo, sed tactu asperam atque horridam intuerentur, caperent ex aspectu voluptatem propter convenientiam illam partium, & oris colorem, tactum tamen haud expectarent, & complexum corporis, ergo intemperantia in visu per se, visusque voluptate versari potest, ac propterea regi contraria Temperantia debet.

Quartum. Temperantia non malè definitur à Tullio, cum dicitur esse rationis in libidinem atque in alios non rectos impetus animi firma & moderata dominatio. at impetus animi non recti sunt omnes omnino perturbationes animi ex leges & prauæ, non ipsæ tantum immoderate voluptates gustus & tactionis.

Animaduertendum est primum; Temperantiam in cupiditatibus, in delectationibus, voluptatibusque sic versari, quemadmodum fortitudo in timoribus & terroribus cernitur. Sed fortitudini proponuntur timores ex maximis orientes malis, hoc est, ex iis, quæ naturam extinguunt, ac propterea sit, vt Temperantia illas cupiditates, voluptatesque pro materia tractet suæ, quæ maximæ, ac rapacissimæ omnium sunt. Huiusmodi verò non sunt alia, nisi quæ ex gustu nascuntur, & tactu. Cum enim delectatio consequatur ex opere aliquo naturali, efficitur, vt delectationes, & voluptates eo sint vehementiores, quo ex opere magis proprio, & naturali sequuntur. At maximè naturalia sunt animalibus opera, quibus & conseruantur singula, & genus ipsorum retinetur & propagatur. singula verò conseruantur beneficio potus & cibi: genus retinetur & propagatur coniunctione maris & feminæ: sequitur ergo, eiusmodi opera esse animalibus apprime optabilia, & omnium iucundissima: adeoque Temperantiam in iis voluptatibus moderandis versari propriè debere, quæ veneris usu capiuntur & gustu.

Animaduertendum verò secundo loco est. Aristotelem in hac inuestiganda materia Temperantiæ propria hunc in modum esse philoſophatum. Partitus primò est delectationes in eas, quæ conueniunt animo, dicunturque ab ipso *ψυχῇ*, quasi animales, & in eas, quæ congruunt corpori, appellanturque ab eodem *σώματι*, ac dicendū: videntur corporales. Quo loco quæritur multi, ac differunt plurimis, quid his nominibus significarit. Videtur enim velle delectationes animales esse, quæ sentiuntur animo, nihil interea patiente corpore: delectationes corporis esse, quæ appetitu sentiente percipiuntur, ipso corpore patiente. Id quod est intellectu maximè difficile. nam inter voluptates animi non tantum scientiam, sed alias etiam delectationes ponit, quæ nascuntur ex honore, diuitiis, amicis, &c. At ex amico præsentis vel absentis, ex adeptione, vel amissione pecuniæ, & honoris, eiusmodi capitur delectatio aut tristitia, quæ corpus etiam alitur. Responderi primò potest, id non sic accipi debere, quasi simpliciter dictum sit, sed per comparisonem. Delectationes enim animales Aristot. intelligit eas, quæ gignuntur secundum interiorem apprehensionem. corporales, quæ gignuntur secundum exteriorem. Cum ergo ait illas excitari nihil patiente corpore, significat, minus corpus ab his pati, quam à corporalibus. corpus enim magis patitur secundum apprehensionem exteriorem, quam secundum interiorem. quod vt bene dicatur, responderi tamen etiam potest secundo: Aristotelem hac partitione voluptatum idem planè sibi velle quod voluit in 1. Rhet. cum diuisit sentientis appetitus cupiditates vniuersas bipartitò, in eas, quæ cum ratione concitantur, appellanturque rationales, & in eas, quæ præter rationem commouentur, dicique possunt irracionales. Ad irracionales enim pertinere vult quinque sensuum cupiditates, quas hic delectationes corporis dixit. ad rationales eas, quas hic ait in animo esse, nihil corpore patiente. cuiusmodi sunt delectationes ex honoribus, diuitiis, amicis, & existimatione perceptæ. Quas igitur hic animales delectationes nominat, ibi vocat cupiditates rationales; quas hic corporales dicit voluptates, ibi cupiditates irracionales appellat. id quod intelligi facile potest ex eius oratione; quæ à Maioragio Latine redditur in hunc modum. Cupiditatum autem alia ratione carent, alia sunt cum ratione coniunctæ. ratione carentes eas voco, quas non iudicio & cogitatione nostra suscipimus. sunt autem eiusmodi quæ natura nobis inesse dicuntur: velut ea, quæ propter vsum corporis nobis hærent. vt alimentis gratia sitis & fames, & cuiuscumque nutrimenti appetitio, & quæ gustatu percipiuntur. & in venereis rebus, & omnino quæ tactu delectant, & odorum suauium, qui naribus sentiuntur, & audiendi, videndique cupiditates. cum ratione coniunctæ sunt cupiditates illæ, quas alicuius oratione persuasi homines concipiunt, cum ab aliis ea laudari audiunt, & eorum verbis fidem habent. Ex his, inquam, verbis intelligi potest, has cupiditatum voluptatumque diuisiones nihil inter se differre. Appellat enim irracionales quæ gignuntur in nobis, nulla prorsus antea-

cedente ratiocinatione intellectus, sed solum per naturam & vim sensus concupiscentis & sentientis appetitus; cuiusmodi sunt libidines ac pabuli cupiditates omnium communis animantium, & illæ, quæ sensibus corporis insunt, & afferunt eadem corpori per se voluptatem. rationales autem quæ non gignuntur; nisi præeunte ratiocinatione intellectus, qui facit, ut aliquid nobis utile iucundumque videatur esse, quod solius beneficio sensus indicare non possemus. huiusmodi sunt disciplinarum, artiumque liberalium amor, cupiditas honoris, diuitiarum, amicorum, studium audiendarum fabularum, & alia huiusmodi; quæ à belluis aliena sunt, & à pueris, quia postulant antecedentem, & præeuntem rationem. Idcirco nimirum ait, eiusmodi voluptatum cupiditates excitari solere in nobis ex alicuius oratione ac persuasione loquentis. id quod in belluas conuenire non potest, quæ ad id tantum mouentur, quod adest & præsens est, nullam ratiocinationem, cogitationemve sequuntur. Itaque rectè Aristoteles quas in 1. Rhet. cum ratione coniunctas, aut rationales delectationes & cupiditates appellat, ait hæc eas esse, quæ in animo gignuntur, nihil corpore patiente. Non enim significat, nihil affici, patiue corpus, cum animus honorem, diuitias, amicos sitienter expetit, aut harum rerum adeptione iucundissime delectatur & tristatur amissione; sed non affici ac pati, nisi præeunte motu voluntatis, præiudicioque iudicio rationis. Quibus sic expositis; diuisisque, depellit à materia temperantiæ delectationes animi, vel animales, quarum videlicet moderatio, vel immoderatio neminem propriè possit Temperantem, aut intemperantem appellare. Itaque Temperantiæ reservat alias delectationes, & voluptates, quæ corporis sunt, & eorum sensuum; quibus percipiuntur. Immo ne omnium quidem sensuum voluptates ac delectationes Temperantiæ moderandas propriè tradit; sed eas tantum, quas cum belluis communes habemus.

Animaduertendum igitur est tertio: delectationem effici ac nasci ex apprehensione rei nobis conuenientis, & bonæ. Apprehensio verò ex quinque sensibus externis existere potest, & ab iis gradum facere ad interiores, omne iudicium rationis anteuerrens. Quo fit, ut delectationes corporis totidem esse dicantur, quot eiusdem corporis sensus sunt. Differunt tamen à ceteris delectationes gustus ac tactus, ideo quòd hæc cum animalibus etiam mutis communes sint, illæ propriè verèque solius hominis sint, non conueniant belluis. Non enim bestiarum delectationem propriè ac per se capiunt ex visu, auditu, odoratuque, sed tantum eatenus, quatenus per eos sensus ad gustum, tactumque concitantur, ut declaratum est supra, cum Aristotelem sumus interpretati, diximusque nominatum, auiculas ipsas, quæ capitulo delectari videntur, significare inter canendum, vel cupiditatem coitus, ad quem socias inuicant, vel eam iucunditatem, quam ex coitu

iam perceperunt. Natura enim indidit eiusmodi voluptates & delectationes animalibus coitum antecedentes, comitantes, consequentes, ut facilius coniungerentur ad filios procreandos, & propagandum genus. Ait igitur Aristoteles, Temperantiam non versari in iis delectationibus, quæ visu, auditu, odoratuque percipiuntur, sed nominatim electæque in iis, quæ gustatu sentiuntur & tactu.

Animaduertendum tamen est quarto: aliorum quoque trium sensuum delectationes posse per accidens ad Temperantiæ materiam pertinere; si nimirum ad delectationem gustus & tactus referantur. Fieri quippe potest, ut delectatio, quæ visu capitur & auditu, sæpe gradum faciat ulterius, & animi appetitionem ducat ad libidinem, & veneream voluptatem, quæ tactu percipitur. Olfactus vero delectatio longè læpius prouocat intemperantes ad eam voluptatem, quæ gustu sentitur. Itaque tunc, quoniam eiusmodi delectationes non sunt propriè illorum trium sensuum, sed ad tactum gustumque referuntur ac pertinent, à Temperantia contineri in officio debent, ac propterea non primariò, sed secundariò & per accidens materia Temperantiæ sunt.

Animaduertendum est quinto: In delectationibus ipsis tactus illas solum Temperantiæ materiam suppeditare, quæ vel venereæ sunt, vel ad eas aliqua ratione referuntur. Excepiendæ quippe sunt & eximendæ à materia Temperantiæ illæ, quæ ab Aristotele dicuntur liberales, cuiusmodi ait esse quæ in palastra, in gymnasio, & balneo inter varias exercitationes corporis sentiuntur ex tactu. Cum enim nullo modo ad libidinem & veneream voluptatem referantur, ad Temperantiam eas transmitti non oportebit. Quòd si hæc quoque alicuius hominis improbitate ad libidinem referrentur, haud dubiè materiam secundariè Temperantiæ tradent.

Dicendum adeo primo loco est, delectationes animales, siue voluptates animi, cuiusmodi sunt quæ capiuntur ex contemplatione ac scientia, vel ex narratione fabularum, vel ex honoribus, diuitiis, amicis; ad materiam Temperantiæ non pertinere. Faciè hinc pronunciato fidem Aristoteles ex eo, quòd nemo intemperantes appelleret illos, qui plus nimio eiusmodi voluptatibus capiuntur; & quod inde consequens est, ne temperatos quidem qui moderatè capiant easdem voluptates. Itaque cum ipse totam huius probandæ vim veritatis petat à communi hominum iudicio, nec aliam requirat, nixis idoneam aut efficacem, nullam nos præterea desiderabimus ampliore.

Dicendum secundo est: In delectationibus propriè visus, auditus, & olfactus non versari propriè Temperantiam. Quam ad rem demonstrandam eandem planè rationem adhibet Aristoteles ab hominum iudicio communi, sententiæque desumptam. Cum enim in iis tantum vera Temperantia versari debeat, in quibus ipsa quoque versatur intem-

perantia, sequitur, eas voluptates ad Temperantiam propriè non pertinere, in quibus versari non dicitur intemperantia. Sed intemperantia non versatur in voluptatibus horum trium sensuum. ergo ne Temperantia quidem. Intemperantiam verò in iis non versari vel ex eo satis nos intelligere posse confirmat, quòd nemo eos intemperantes appellet, qui supra modum delectantur coloribus, figuris, signis, pictura, quæ pertinent ad visum; aut musicis, & histrionibus, quæ sunt aurium & auditus propria, aut odoribus, floribus, suffimentis, quæ nares & olfactum oblectant.

Dicendum est tertio: Temperantiam versari propriè in delectationibus gustus & tactus. Id quod faciliè demonstrari ex idonea, iustaque voluptatum omnium partitione potest. Cùm enim Temperantia in voluptatibus delectationibusque regendis necessariò versetur, nec in iis versari possit, quæ animi sunt, nec in iis, quæ sunt corporis omnibus (excepimus enim voluptates nascentes ex visu, olfactu, & auditu) consequens est, ut versari propriè debeat in iis, quæ gustatu sentiuntur, & tactione.

Dicendum quarto: Non omnes omnino delectationes tactus in materiam temperantiz cadere, sed eas nominatim, quæ vel veneræ sunt, & gustu sentiuntur, vel ad has aliquo modo referri queunt. Sunt enim aliquæ voluptates existentes ex tactu, liberales, nec quas cum belluis communes habemus.

Dicendum postremo loco est, etiam visus, auditus, & olfactus delectationes posse ac debere ad materiam Temperantiz spectare, si referantur aliquo modo ad gustus propriam voluptatem & tactus. Cuiusmodi sunt quæ cupiditatem Veneris excitant, & appetitionem cibi potúsque commouent immoderatè. Eiusdem quippe virtutis est finem ipsum moderari, & ea, quæ diriguntur ad finem, aut ad eundem impetu compellunt & motu. Sed est Temperantiz proprium moderari voluptatibus gustus & tactus. ergo erit eiusdem, eas temperare quæ referuntur ad illas, aut ad illas impellunt, & excitant. At eiusmodi sunt delectationes visus, auditus, & odoratus, quibus sæpe ad delectationes Veneris & gustus excitantur.

Primum argumentum initio propositum & in priore collocatum ordine nihil vincit aliud, nisi aliquam esse temperantiam generalem, omnes virtutes circumcurrentem. Non solus Tullius, aut Ambrosius docent, Temperantiam esse moderationem quamdam & modum omnium rerum, verum etiam Aristoteles ipse in lib. 4. c. 3. vbi confirmat, cum qui re ipsa parvis est dignus honoribus, & parvis honoribus dignum se putat, eosque parvos expetit & vult, non esse magnanimum appellandum, sed temperatum. temperatum, inquam, non propriè, sed impropriè, hoc est, generali quadam instructum ornatumque Temperantia, quæ moderatio dicitur, & modus iustus omnium rerum. Nam honoris appetitio & voluptas, quæ capitur ex honore, dicitur hinc ab Aristotele non esse propria

materia Temperantiz. Ergo cùm ait eo loco ad Temperantiam pertinere modum illum & moderationem, temperantiam significat generalem, hoc est, singularum qualitatem virtutum, quæ sine moderatione ac modo consistere non possunt. Hinc autem modus præscribitur unicuique virtuti à Prudentia, adeoque necesse non est singulis præsto esse Temperantiam.

Secundum eiusdem ordinis argumentum nihil ampliùs efficit, quàm primum, ac propterea eadem responsione prorsus euetitur. Est enim prudentiz, & temperantiz generalis, modum ponere, ac moderationem adhibere ipsi quoque scientiz, ne ceterarum virtutum officia deleantur. Quòd si delectationes, quæ inde capiuntur, amplissimæ ac rapacissimæ sunt, non tamen ad temperantiam propriè pertinent, quia non percipiuntur sensu, nec appetitum sentientem magnopere commouent, in cuius impetum inuadit propriè virtus Moralis.

Tertium probat quod à nobis ex Aristotele disertè dictum est suprà: multos nimirum esse tactus, qui non pertineant ad Temperantiam, sed vniuersè voluptas tactus dicenda est Temperantiz materia: quia principatum in hoc genere obtinet illa, quæ capitur vsu Veneris & expletionem libidinis. Itaque ceteræ veluti subsecundariæ negliguntur, certè silentio præteriri possunt, cùm de voluptate tactus primaria disputatur.

Argumenta verò posterioris ordinis vix aliud ostendunt, quàm oportere Temperantiam quamdam esse generalem, & metaphoricam verè propriæque Temperantiz similem, quæ temperet & moderetur voluptates ceterorum etiam sensuum. Id, inquam, tantummodo probant argumenta illa, & præsertim primum: vbi dicitur, oportere temperari etiam exuperantias trium sensuum, visus, auditus, odoratus. Concedendum quippe ac dandum est, eas exuperantias tolli oportere ab aliqua virtute: hoc est, ab ea, ad cuius materiam eiusmodi voluptates exuperantes referuntur. Sæpe enim, ut alibi diximus, referuntur ad libidinem, & reguntur à Temperantia: sæpe ad aliam affectionem animi; & reguntur ab ea virtute, cuius est illam affectionem animi moderari. Quòd si aliquis plus nimio delectetur his sensibus, nec referat tamen alio delectationem, sed tantummodo conquiescat in obiectorum illorum cognitione atque admiratione, vix indiget aliqua moderatione, quia illa cognitio atque admiratio est bonum rationis. Nihil tamen minus, inquit, Albertus Magn. si aliqua sit in isto genere exuperantia, debet à virtute tolli, quæ nomen impositum non habet, sed dici posset Temperantia metaphorica, hoc est, illi similis, quæ propriè Temperantia dicitur. Ita, inquam, respondet Albert. Temperantiam appellans metaphoricam eam, quam esse dicimus haud nominatam.

Quod ad secundum attinet argumentum, negandum est, iis delectationibus moderandis magis necessariam esse virtutem, quæ ma-

gis augentur & crescunt. Si enim eiusmodi delectationes bonum augeant rationis; non requirunt cohibentem virtutem. huiusmodi vero sunt delectationes trium illorum sensuum, cum in ipsa obiectorum cognitione atque admiratione persistunt: nec postulant virtutis regimen, nisi cum exuperantiam habent; quæ rara est. sed tunc Temperantia metaphorica præstabitur erit.

De tertio respondendum est, ut dicitur, ita rem esse: reuocari oportere delectationem, quæ capitur ex aspectu feminarum à libidinosis, ad materiam Temperantiæ. Nec ea quæ contra sunt opposita, magnam habent vim. Nam delectatio, quæ capitur ex rebus aspectabilibus, à phantasia sic pendet, ut delectatio ipsa vel augeatur vel minuat, vel planè tollatur ipsius vi phantasiæ. id quod cernere licet in poculo per se quidem iucundo, sed ingrato tamen ob muscas innatantes. his quippe tam impuris animalibus commota phantasia reddit appetitioni poculum ingratum & insuauem, quod ei alioqui fuisset iucundissimum & suauissimum. Hæc igitur est causa, cur ex aspectu scdæ mulieris, sed tactu molliissimæ, non commoueat libido. phantasia quippe reddit minus iucundum illud obiectum, vel certè reddit prorsus ingratum. contraque facit, ut gratus id sit, quod per se non esset ita concupiscendum appetitui. ut cum aspicitur ea, quæ tactu aspera est, sed elegantissima specie. Non igitur ipsa voluptas, quæ capitur ex aspectu feminarum à libidinosis, in ipso conuoluit aspectu, sed gradum facit ad tactum. Quod si aliquis tamen sit, qui cum aspectum nullo modo referat ad tactum, is libidinosus & mulierosus non est, nec habet necesse regi nisi à metaphorica Temperantia, si in eo genere exuperantiam habeat. sed in argumento ponitur esse aspectus ille libidinosus.

QVÆSTIO QVARTA.

In gustu an in tactu versetur magis propriè Temperantia.

ID etiam per comparisonem querere necesse est quia disertè pronuntiat hic Aristot. in tactu versari principem, ac præcipuam Temperantiæ curam, in gustatu vel parum, vel propè nihil versari, hoc est, eatenus, quatenus ipse gustatus, transitus per palatum quidam videtur ac tactus. Hæc enim eius pene verba sunt. sed intemperantes gustatu parum, vel nihil uti videntur. quippe cum gustatus iudicium saporum sit, id quod faciunt ij, qui vel vina explorant, vel opsonia condiunt. at non admodum his oblectantur, vel non quatenus intemperantes, sed fruitione ipsa, quæ tota per tactum efficitur in cibis, in potibus, & in iis, quæ venerea nuncupantur. Ex his ergo, quæ de intemperantia sic disputat Aristoteles, consequens est, Temperantiam propriè in solo tactu versari, quia, ut supra dictum est, in iis ponit Tempe-

rantia debet, in quibus ipsa versatur intemperantia.

Animaduertendum igitur est primo, Temperantiam, ut etiam supra non nihil indicauimus, versari & laborare in illis delectationibus regendis ac moderandis, quæ pertinent & idoneæ sunt ad conservandos homines, tum vniuersè omnes, tum peculiariter & nominatim singulos. Conservando verbò generi est idonea voluptas venerea, conservandis singulis est idonea delectatio, quæ capitur ex cibo. sed in utrâque voluptate aliquid præcipuum ac primarium est, aliquid minus præcipuum & secundarium. primarium est id, quod rerum necessariorum usu continetur: cuiusmodi est in ipsius conservatione generis femina, in conservatione singulorum cibus ac potus. Subsecundarium in utrâque voluptate illud est, quod facit, ut harum usus rerum iucundior sit & optabilior. qualis est pulchritudo, atque ornatus feminae, qualis est sapor cibi, aut etiam odor. Hinc adeo fit, ut Temperantiæ cura potissimum ac præcipue versetur in tactu voluptate, quæ necessariò sequitur ipsum usum rerum necessariorum: in delectationibus autè gustus, visus, auditus, olfactus, versetur tantummodo eiusdem Temperantiæ cura & opera subsecundaria, eatenus videlicet, quatenus ex voluptates conferunt aliquid ad usum rerum necessariorum optabiliorem & iucundiorem.

Animaduertendum secundo loco est, in ipso gustatus usu duo esse. primum continetur iudicio quodam de sapore cibi ac potus: quod iudicium sit linguæ potissimum primore parte, quæ dicitur à nonnullis acumen linguæ, ubi præcipuus est sensus, & saporum cognitio. Quamquam enim in ipsis linguæ radicibus, in palato & gutture gustus sentitur aliquis, maior tamen est, & iucundior in ipsis culpe linguæ, teste Aristotele in 1. de hist. animal. cap. 11. & lib. 2. de part. anim. c. 17. Docet enim disertè, in linguæ acumine acriorem inesse gustum, & vehementiorem. idque ipso videtur experimento comprobari. Cum enim cibus ad radices linguæ deuolvitur, minus delectat, adeoque illum ad linguæ reuocamus acumen. contra verò cum aliquid gustu vel non sentire vel minus sentire volumus, ab acumine atque culpe ad inferiores linguæ partes raptim, cōfestimque deicimus. Itaque cum hæc dicimus, nihil affirmamus discrepans ab iis, quæ idem scribit Aristot. in lib. 4. de partibus anim. cap. 11. ubi etiam in gutture gustatum collocat his verbis: Esculentorum omnium voluptas in descendendo contingit, dum enim deglutimus, sentimus pingua, salia, dulcia, reliqua eiusdem generis: & omnium ferè condimentorum, esculentorumque in deuorando, gulæ actione suauitas existit, & gratia. Nihil, inquam, dicimus ab his differens; quia volumus, & contendimus id tantum; acerrimum esse sensum, & primarium in acumine linguæ, in ceteris linguæ partibus, in palato, in gutture minorem ac lubinde minorem, quoad tandem desinunt & finiuntur illi nervi, qui ab acumine

Conimbr. d.
an lib. 2. c.
10. art. 2.

linguæ ad ceteras partes infimas pertinent. Quæ cum ita sint, proprius sensus, & propria voluptas delectatioque gustatus posita sine dubio est in illo iudicio, quod sit primore linguæ parte. id quod docet Aristot. hic, cum ait, intelligere nos hoc posse ex iis, qui vinum explorant, bonumne sit an secus, & ex iis, qui degustant leuiter epulas, vt cognoscant an bene conditæ sint. optimè quippe de saporibus iudicant, etiamsi palato non admo-ueant, nec glutiant, aut hauriant intra gulam id, quod degustant. Hoc igitur est quod huic sensui diximus inesse primum; iudicium de saporibus quoddam, quod linguæ beneficio sit, atque perficitur. quanquam enim cibus potusque ceteris partibus, hoc est, palato, tonsillis, gulæ, ac gutturi non admoueretur, nihilo tamen minus ita gustus sensum afficeret, vt de illius sapore iudicari optimè posset. Alterum, quod in huius sensus vsu perpendendum videtur, positum est in ipso cibi potusque descensu. nam ad linguæ radices, ad palatum, & guttur paulatim delabitur, eas partes demulcens, atque afficiens voluptate. Qui descensus, & motus delectationis, quoniam tactione fit, nihil aliud videtur esse, ac dici debere, quàm tactus. Itaque Aristot. ipse in lib. de sensu & sensibili cap. 4. & in 3. de An. cap. 11. tex. 64. & lib. 1. de part. cap. 17. ait gustum esse quemdam tactum. & cap. 2. de sens. & sens. gustum esse speciem tactus. Quamquam enim ille quoque prior sensus, & iudicium linguæ primoris, tactione fit, dicitur tamen magis propriè gustus; quia, quemadmodum diximus, in ea parte cognitio idonea est eius voluptatis, ex saporibus existentis, quæ propria gustus est: ita prorsus, vt si reliqua non accederet aliarum tactio partium, posset tamen illa voluptas appellari gustus. Posterior autem ille sensus qui palato gulæque sentitur, etsi gustus est, dici tamen potius debet tactus, quia satis affectus est gustus à voluptate iam antegressa, nec postulat aliud, nisi vt eadem voluptas plures partes attingat. Id nimirum sibi volebat, vt ait Aristoteles; Eryxius quidam Philoxenus cum à Dîo peteret collum gruis, vt maiorem in obducendo cibo. potusque hauriendo voluptatem sentiret, afficiendis nimirum tangendisque pluribus partibus, quibus sentiri aliqua ratione cibi, potusque suauitas potest. Quid enim optabat aliud, nisi vt sensus ille voluptatis, qui lingua percipitur, plures partes attingeret? Ergo ille descensus epularum & potus à lingua, dicendus est potius tactus, voluptatem gustatus afferens, quàm propriè gustus. Neque verò consequens hinc est, duos hosce sensus gustandi, tangendique nihil inter se differre. Nam tactus duplici potest intelligi ratione ac modo. vno quidem abusu, vt cum quælibet facultas, ac potentia dicitur tactus, quæ percipit rem per contactum immediatum, cuius obiectum non sentitur medio intercedente, & traiciante species ad potentiam, sed immediatè per contactum. Ita nimirum gustus sapores percipit: ita calorem ac frigus sentit tactus. Non enim est ne-

cesse saporem à resapida, aut calorem ac frigus à corpore calido frigidove sic translineare, quemadmodum à re colorata transmeat color ad visum. Alio verò modo accipitur tactus propriè ac restrictè pro ea facultate nominatim quæ tactiles percipit qualitates: cuiusmodi calor, frigus, molities, ac durities sunt. Ergo, si priorem spectemus notionem, haud minùs gustandi, quàm tangendi sensum appellabimus tactum, cum neuter requirat medium intercedens ad percipiendum obiectum: sin posteriorem; dicere necesse est, esse sensus ac potentias specie naturæque diuersas, cum earum obiecta diuersa natura & specie sint. tactus quippe in calore versatur ac frigore, gustus in sapore: quæ discrepant & differunt inter se specie. Ad hæc: variis instrumentis vtuntur, percipiendis obiectis accommodatis. non enim in singulis corporis partibus quibus sentitur calor & frigus tactu, sentitur etiam sapor. Non, inquam, est consequens ex his, tactum à gustu non secerni. quia cum gustus ab Aristotele dicitur esse tactus, appellatur tactus nomine illo communi, quod est impositum omnibus iis facultatibus, quæ obiectum percipiunt sine medio transmittente species per contactum immediatum.

Animaduertendum igitur tertio est: Aristotelem velle, priores gustus voluptates, quæ continentur illo primo iudicio de saporibus, vbi linguam attingunt, esse proprias gustus delectationes, neque cadere in Temperantiz materiam: quia eiusmodi voluptates, neque temperantem quempiam, neque intemperantem denominant; id quod cerne licet in iis, qui explorant, vtum vinum bonum sit, & an epulæ conditæ sint probè. velle autem, posteriores voluptates, quæ palato, gutturi, ceterisque percipiuntur partibus, ad quas pertinet sensus gustus, in materiam temperantiz cadere: quia hæc sunt, quæ verè faciunt & denominant intemperantes aut Temperatos. Intemperatos, inquam, qui se ingurgitant, & plus nimio cibum ac potum vsurpant: temperatos verò, qui modicè, moderatèque iisdem vtuntur. sed has contendit esse potius voluptates tactus, atque ad tactus delectationes reuocari debere. Quod si quæras, cur ad tactum reuocari potius debeant, cum tam illæ priores, quàm hæc capiantur ex immediata tactione, nullo medio quod transmittat species interueniente, responderim, id propterea ab Aristotele dici, quod in illo vsu, quo leuiter admota lingua res delibamus, deque earum sapore iudicamus, attendere soliti potius obiectum simus, quàm modum ipsum, quo sentitur obiectum. obiectum autem est sapor, qui denominat gustum. In secundo autem vsu intuemur potius modum ipsum, quo potentia coniungitur cum obiecto: hic autem modus est tactio immediata. Quibus animaduersis

Prima Quæstionis hæc esse Conclusio debet. In delectationibus illis, quæ propriæ gustus sunt, hoc est, in delectationibus gustus eatenus acceptis, quatenus non referuntur & reuocantur ad tactus voluptates, non versatur

propriè Temperantia. Ratio profertur ab Aristotele vnica, huiusmodi, quæ satis sit. Videmus aliquos optimè de saporibus iudicare; & in eo iudicio capere voluptatem illam, quæ propria gustus est: qui tamen ex illo vñ neque temperati vnquam dici, neque intemperati possint. ergo in eiusmodi voluptatibus non versatur propriè Temperantia. Similitudines, & exempla exposita iam suprâ ex Aristot. sunt, ab his petita, qui vina degustant & epulas, ad saporem & condimentum explorandum. Quis enim eos dicat intemperantes, qui maximè ac nimio pere illo iudicio delectentur? Nemo, inquam, hos dicit intemperantes, sed eos, qui se ingurgitant. id autem pertinet ad vñ illum gustus, qui reuocatur ad tactum. Itaque

Secunda Conclusio est; voluptates gustus, quatenus reuocantur ad delectationes illas, quæ tactione percipiuntur, ad materiam Temperantiæ pertinere, in iisq; versari Temperantiam oportere. Si enim rectum omnium consulamus iudicium hominum, sine dubio intelligemus, eos Temperantiæ regendos & moderandos permitti debere, qui gulosi, helluones, & gurgites appellantur. At hi non illo primo iudicio de saporibus contenti sunt, sed epulis, vinoque se suprâ modum & per exuperantiam explent. id verò ad eas voluptates gustus est referendum, quæ potiùs tactus sunt appellandæ quàm gustus.

Tertia Conclusio. Temperantia in delectationibus tactus potiùs, quàm in delectationibus gustus moderandis operam collocat suam. Quæ Conclusio, quoniam necessariò sequitur ex iis, quæ posita suprâ & decreta iam sunt, non vult demonstrari probariue iterum pluribus.

Quarta Conclusio. Gustus delectatio, quatenus gustus est; nec reducitur ad tactum, materiam Temperantiæ suppeditat secundariam. Quia quemadmodum visus, quatenus incitat ad voluptatem Veneream, est materia Temperantiæ secundaria, sic debet esse gustus, quatenus incitat intemperatos ad ingurgitandos se, & capiendam delectationem illam ex gustu, quæ adscribitur tactui. Immo verò quia gustus, vt gustus est, propinquior est tactui, quàm visus, auditus, odoratus, idcirco gustus, quatenus gustus est, pertinet magis ad Temperantiam quàm alij cres, & in eo magis quàm in aliis versatur Temperantia. Est enim gustus propriè cognoscere ac iudicare de saporibus; quæ cognitio iudiciumque confert ad delectationem, quæ capitur ex alimento, ciboque per tactum. Rationes tamen quædam & argumenta confutanda sunt. quorum est

Primum huiusmodi. Illæ delectationes cadunt magis in Temperantiæ materiam, quæ magis conseruandæ vitæ necessariæ sunt. Sunt enim vehementiores. Temperantia verò debet regere magis illas, quæ vehementiores sunt. sed ex sunt magis necessariæ quæ sunt propriæ gustus, quàm quæ sunt propriæ tactus. ergo in illis magis versatur Temperantia, quàm in his. Respondeo primum: vehem-

mentiores esse delectationes Venereas, quia magis necessariæ sunt conseruandæ vitæ, non quidem singulorum, & indiuidui, sed generis & speciei. Deinde ipsi quoque conseruando indiuiduo non sunt magis necessariæ illæ, quæ sunt propriæ gustus, quàm quæ gustus quidem sunt, sed referuntur ad tactum: cuiusmodi sunt quæ nascuntur ex vñ alimenti, non ex iudicio tantùm de sapore. Idcirco nimirum Aristot. in 2. de An. t. 28. ait, tactum esse sensum alimenti, tactum videlicet illum, qui gustus etiam est. cùm enim cibis per palatum & guttur transmittitur in aluum, sentitur, & sapore afficit eas partes, quibus transmittitur, adeoque tactus ille sensus est alimenti. Itaque tametsi magis necessariæ essent hæ delectationes, essent delectationes ex tactu potiùs quàm ex gustu manantes. Delectatio enim, quæ capitur ex sapore & condimento alimentorum, est veluti quiddam aduentitium & accedens: delectatio verò, quæ tactu capitur in ipsa alimenti transmeatione, sequitur vñ cibi ac potus per se, adeoque hæc est magis quàm illa necessaria. Relinquitur ergo in tactu potiùs quàm in gustu versari Temperantiam.

Secundum. In iis Temperantia posita est, in quibus ipsa quoque versatur intemperantia, continentia & incontinentia; perseuerantia & mollicies, ad quam pertinent delicias, vt dicitur in horum Eth. 7. cap. 4. sed ad delicias reuocantur exquisiti ciborum sapores, quos dignoscere ac iudicare spectat ad gustum. Ergo Temperantia versatur in propriis delectationibus gustus. Respondetur: delicias præcipuè, per se, ac primariò esse in ipsa substantia alimenti, secundariò verò in exquisito sapore & condimentis epularum exoticis. Quare ad Temperantiam primariò pertinent illæ, quæ sunt in alimenti substantia: hæ autem tactione potiùs quàm gustu sentiuntur, vt diximus. Illæ verò quæ sicut sunt in exquisito sapore, ad Temperantiæ materiam pertinent secundariò, quemadmodum ad eandem pertinent voluptates auditus, odoratus ac visus.

QVÆSTIO QVINTA.

An intemperantia sit vitium omnium maximè probrosum.

ARISTOTELIS quidem in extrema huius capitis decimi parte planè confirmat, nullum esse vitium ita probrosum ac turpe, quod in eo genere videri possit intemperantia deterius: sed res tamen difficultatibus haud caret, quas oporteat explanare disputando.

Prima. Quædam vitia sunt, & humana peccata sine dubio grauiora, quàm intemperantia. cuiusmodi est parricidium, sacrilegium, impietas. sed grauiora peccata, grauiori probro atque ignominia debent hominem afficere. ergo intemperantia non est maximè probrosa.

Secunda. Peccata quo magis vulgaria sunt, & omnium propè communia, eo minus videntur esse probrosa. homines enim ex his multo minori verecundia & pudore suffunduntur, quàm ex inusitatis & raris. sed intemperantiæ vitia maximè vulgaria, & communia sunt; cum in iis posita sint rebus, quibus vulgò vtuntur homines, & in quibus vulgò peccant & errant. Ergo hæc errata non sunt maximè probrosa.

Tertia. Intemperantia versatur in delectationibus, & cupiditatibus humanis, vt Aristoteles docet in lib. 7. cap. 4. & seq. sed delectationes, & cupiditates humanæ quamquam turpes sunt, turpitudine tamen vincuntur ab aliis quibusdam, quas idem Aristot. in eod. lib. 7. cap. 6. belluinas ac ferinas appellat. ergo intemperantia maximè omnium probrosa & turpissima dicenda non est.

Animaduertendum est; probrum, si propriè loquendum sit, nihil aliud esse, quàm id, quod ad summam ignominiam in alicuius cōfertur conuicturque personam; veluti stuprum, adulterium, aliudve huiusmodi turpissimum, maximèque pudendum flagitium. Itaque videtur probrum esse non vitium vniuersè, sed nominatim illud, quod habet ignominiam aliquam, turpitudinem & fœditatem insignem, illi similem, quam habet stuprum, adulterium, & cetera peccata vitii, auditurque pudenda & fœda. Hinc sit, vt probrum, & res probrosa opponatur honori & gloriæ, eoque magis opponatur, quo magis fœda, probrosaque est, hoc est, quo maiorem habet vituperationem, ignominiam, & fœditatem. Et quoniam honor, vt alibi diximus, excellentiæ debetur & gloriæ, gloria verò claritatem quamdam, & splendorem præ se fert, quo excellentia declaratur, efficitur, vt illud maius probrum, eaque res magis probrosa sit, quæ magis excellentiam hominis infuscat, & obnubiat quodammodo honorem & gloriam. Quæstionis adeo

Conclusio sit: Intemperantiam esse maximè probrosam duabus ex causis. Primo quidem: quia maximè pugnat cum hominis excellentia. Est quippe in iis rebus, & delectationibus posita, quæ nobis sunt cum belluis ferisque communes. Deinde. Quia contraria est eiusdem excellentiæ, splendori & claritati, quam obtineret, si secundum virtutem viveret homo. Inter eas enim delectationes, & voluptates, in quibus versatur intemperantia, minus quiddam ex luminationis apparet, quàm in delectationibus ceteris. At tota claritas, pulchritudo, & splendor excellentiæ hominis à lumine rationis existit.

Quod attinet ad primum argumentum, responderi debet, multa hominum errata & peccata esse quidem graviora, & perniciosiora quàm cetera, sed non tamen esse turpiora

& fœdiora. Rectè adeo Gregor. vir sanctissimus in Moral. lib. 3. cap. 11. docuit, libidinis impuræ vitia minoris quidem esse culpæ, sed maioris infamiæ. Magnitudo enim culpæ certitur in declinatione quadam à fine: sic prorsus; vt ea sit habenda maior, quæ magis ab hominis fine discedit. infamia verò, dedecus, ac turpido; spectatur ex indecoro statu, ac fœditate peccantis.

Quod attinet ad secundum; dico, peccatum, quod vulgare sit, ac commune ex vsu vulgari communi que peccantium, non posso propterea fieri re ipsa minus turpe. Ille enim vsus & consuetudo vulgaris facit tantum, vt ex hominum opinione peccatum eiusmodi non sit adeo fœdum, sed efficere nunquam poterit, vt per se fœdum probrosūque ita non sit, quemadmodum re ipsa esse dicitur & est. Denique consulendum est: prudentium, bonorumque iudicium hominum, non vulgi atque improborum, eorumque, qui libidinis omnem contumeliam ex vsu vulgari subeunt, ac sine pudore. Boni enim ac prudentes viri respondebunt intemperantiam esse ignominiosissimam: quia per se talis est. Neque verò hærentem insitāmque illi penitus infamiām eripere potest peccantium vsus. De tertio respondeo primum: intemperantiam esse inter humana vitia maximè probrosam, adeoque cum diximus, intemperantiam esse vitiorum omnium ignominiosissimam, eam comparauimus cum vitiis humanis. humana verò vitia spectantur ex affectionibus & perturbationibus prauis, quas humana natura vulgò & communiter habet. Illa verò vitia, quæ ibi numerantur, superant modum humanæ naturæ, ipsamque quodammodo conditionem hominis prætergrediuntur ob singularitatem suam, ac propterea cum illis non est à nobis intemperantia comparata. Dari ergo, & concedi potest, esse illa vitia magis probrosa, quàm intemperantiam; quia propemodum humana non sunt. Respondeo secundo: etiam eiusmodi vitia reuocari ad intemperantiæ genus oportere secundum exuperantiam & excessum. Qui enim delectationem caperet ex esu carniū humanarum, aut ex coitu cum belluis, aut ex alia libidine monstruosa & inaudita, vitio quodam peccare diceretur intemperantiæ secundum exuperantiam & excessum, qui dicitur feritas, opposita virtuti heroicæ. Vt enim flos cuiuslibet & apex virtutis humanam propemodum conditionem excedentis heroica virtus dicitur, ita fastigium omnium vitiorum, & eorundem exuperantia quædam insignis dicitur feritas. Sed quemadmodum heroicæ virtutes reuocantur ad illa virtutum genera cuius apices sunt, sic reuocari debet feritas ad illud vitij genus, cuius esse dicitur excessus, & supra conditionem humanam exuperantia.

CAPVT VNDECIMVM.

DE VARIIS CVPIDITATVM GENERIBVS.

S V M M A.

Varios esse Téperantiæ atq; intéperantiæ actus pro cupiditatum varietate.

DIVISIO CAPITIS IN PARTES QVATVOR.

1. Quæ se ratione habeas intemperatus in delectationibus & cupiditatibus variis.
2. Quo modo, temperatus, intemperatusque in tristitia, molestiaque versentur.
3. Intemperantia vitium oppositum quod & quale sit.
4. Temperati hominis officium inter cupiditates, & delectationes atque tristitias quodnam sit.

PARS PRIMA CAPITIS VNDECIMI.

ΤΩΝ δ' ἐπιθυμιῶν, αἱ μὲν κοι-
ναὶ δοκοῦσιν εἶναι, αἱ δ' ἰδίαι καὶ ἐπι-
χρηταί. οἷον, ἢ μὲν τῆς ἑσφῆς, φεισικῆ.
πάντες γὰρ ἐπιθυμοῦσι, ὅτε μὲν ἐνδεής ᾖ, ἔπι-
ρας ἢ ὑπερας ἑσφῆς. ὁ, τὲ δ' ἀμφοῖν, καὶ
ἐνδεῆς, φησὶν Ὀμηροῦς, ὁ νέος καὶ ἀκμαζών.
ὁ δὲ πῶς δὲ, ἢ πῶς δὲ, οὐκ ἐπὶ πάντες,
οἷον τῶν αὐτῶν. δὲ φαίνεται ἡμέτερον
εἶναι. οὐ μὲν γὰρ ἕχεται καὶ φεισικῆ.
ἐπεὶ γὰρ ἐπέσις ἐστὶν ἡδέα. καὶ ἐπὶ πῶς
οἷον τῶν τυχόντων. εἰ μὲν οὖν τῶν
φεισικῆς ἐπιθυμιῶν, ὀλίγοι ἀμφοτέρου-
σι. καὶ ἐφ' ἐν ἐπὶ τὸ πλεον. ὁ γὰρ ἐαδὶς
τῶν τυχόντων, ἢ πῶς δὲ αὐτῶν πλεονῶν,
ὑπερβαλλὼν ἐστὶ τὸ καὶ φύσιν τῶν πλε-
ον. αἰαπλήρωσις γὰρ τῆς ἐνδεῆς, ἢ φει-
σικῆς ἐπιθυμίας. δὲ λέγεται οὕτως ἁπλῶς
μῶς, ὡς καὶ τὸ δέον πληροῦν
αὐτῶν. ἵσθαι δὲ γίνονται οἱ λίαν ἀν-
δραποδῶδες. καὶ δὲ τῶν ἰδίων τῶν ἡδον-
ῶν, πολλοὶ καὶ πολλαχῶς ἀμφοτέρουσι.
τῶν γὰρ φιλοποιούντων λεγόμενων, ἢ τῶν
χαίρειν οἷς μὴ δεῖ, ἢ τῶν μᾶλλον, ἢ ὡς
οἱ πολλοί, ἢ μὴ ὡς δεῖ, ἢ μὴ ὅ δεῖ. καὶ
πῶς δὲ οἱ ἀχάλατοι ὑπερβαλλοῖσι.
καὶ γὰρ χαίρουσιν οἷς οἷς οὐ δεῖ. μι-
σητὰ γὰρ. καὶ εἴ ποτε δεῖ χαίρειν τῶν ἡδον-
ων, μᾶλλον ἢ δεῖ, καὶ ὡς οἱ πολλοὶ
χαίρουσιν. ἢ μὲν οὖν καὶ τῶν ἡδονῶν
ὑπερβολὴ, ὅτι ἀκαλασία, καὶ ἡκτικὴ,
δύναται.

sa quippe sunt. & si alium rerum nonnullis oporteat delectari, magis quam oportet, & ut vulgus, delectantur. Eam igitur, quæ in voluptatibus est, exuperantiam, in-
temperantiam, & quiddam vituperabile esse perspicuum est.

Cupiditatum autem aliæ communes
videntur esse, aliæ propriae, & adsci-
ta: ut alimenti naturalis cupiditas. Omnis
enim appetit, cum vacuus est, siccum vel hu-
midum alimentum; non numquam utrum-
que: & maritalem thorum, inquit Ho-
merus, iuuenis experit & ætate rigens. At
hoc, vel illud alimentum non iam quidem
omnes, nec eadem desiderant. Itaque vide-
tur hoc proprie nostrum esse; quamquam ha-
bet quiddam etiam naturale. Aliæ enim a-
liis sunt iucunda, & aliqua aliquibus iu-
cundiora, quam qualibet oblata fortuito.
Igitur in naturalibus cupiditatibus pauci
peccant, & quidem in uno, quod nimium
est. Nam edere quæ offeruntur fortuito, aut
potare quoad plus nimio explearis, est per co-
piam excedere id quod secundum naturam
est. Expletio enim indigentia, naturalis cu-
piditas est. Itaque dicuntur hi, ventris ad
insaniam usque studiosi; ut potè qui eum
præter decorum expleant. At tales profectò
sunt qui mancipiorum admodum similes
sunt. At verò in propriis voluptatibus mul-
ti & multifariam peccant. Nam cum ta-
lium rerum amatores ex eo dicantur, quod
vel delectantur quibus non oportet, vel ma-
gis, quam oportet, vel ut multi, vel non ut
oportet, vel non qua parte oportet, omnibus
in rebus intemperantes excedunt. delectan-
tur enim nonnullis, quibus non oportet: odio-

EXPLANATIO.

DE actibus intemperantiæ, Temperantiæque videtur in hoc capite disputare. Cum enim in proximè superiori iam designat Temperantiæ atque intemperantiæ materiam, cibo potuque comprehensam & Venerè, pergit hic explicare, quemadmodum iis rebus utatur temperans vir, intemperans, & ille, qui dicitur expertus sensus. hoc enim appellatur nomine, qui per defectum in ipsa Temperantiæ peccat materia. Diuidit igitur hoc caput in partes quatuor. In quarum prima docet qua ratione modoque se gerant erga voluptates & delectationes intemperati: In secunda quid Temperantiæ rectè faciat, quid intemperantiæ peccet in mœrore atque tristitia: In 3. quoddam sit oppositum intemperantiæ vitium. In 4. quoddam erga cupiditates, delectationes, & tristitias officium Temperantiæ sit.

In hac ergo prima parte, ut ipsum utendi abutendique voluptatibus inueniat, & doceat modum, diuidit cupiditates voluptatēque bipartitò (non enim est magnopere his de nominibus laborandum, cum cupiditas sit bonorum futurorum, voluptas & delectatio præsentium) diuidit, inquam, cupiditates & delectationes in eas, quas naturales, omniumque communes appellat, & in eas, quas dici vult proprias singulorum, & naturalibus aduentitias. Ad naturales nimirum omniumque communes refert cibi, potusque, ac Veneris appetitiones. hæc enim expetunt homines duce natura, & quidem omnes, ac propterea esse communes eas oportet voluptates, quæ iis ex rebus expleta cupiditate percipiuntur.

Quo loco animaduertenda sunt duo. Primum est: cibum & potum hic ab Aristotele dici siccum & humidum. quia fames sicci, sitis, humidi alimenti appetitio est. sicci quidem, ad reparationem substantiæ, inquit Albertus, humidi, ad continuationem eiusdem substantiæ. sine humido enim non continuaretur substantia, quæ reparatur. itaque ait omnes omnino mortales alterutrum ex his appetere naturaliter, interdum etiam verumque, ac propterea eiusmodi cupiditatem, voluptatēque dici debere communem & naturalem. Alterum est: appetitionem veneris voluptatis fuisse ab eodem Aristotele cubilis nomine significatam, indicatamque verecundè Homericis verbis, quæ sunt in Iliad. ultimo libro: ubi Thetis Achillem filium plus nimio Patrocli ab Hectorè interfecti lugentem interitum, & ex dolore voluptates etiam illas capere recusantem, quæ communes sunt & naturales, arguit, hortaturque, ut cibo ac potu, ut Venere concubituque recreet animum dolore conflictatum ac luctu. Eius oratio si reddenda sit ad verbum, eiusmodi est.

Fili mi, quousque flens & doiens

Tuum arrodes cor, memor neque cibi

Neque cubilis? bonum verò est, mulieri in amore

Miseri, &c.

Τίχρον ἰμὲρ, τίς μὲν οὖν ὀδυρόμενος καὶ ἀχνοῦ

Σὺ δὲ ἴδδαι κρηδίων, μεμνημένος οὐδὲ τι σίτου,

Οὐτ' ἐνὶ ῥῆϊ. ἀγαθὸν δὲ γυναικὶ καὶ εἰ φιλότιτον

Μίσγασθ'.

Putarunt D. Thom. Gualt. Burl. Albertus, & alij eius ætatis & literarum Interpretes, hoc cubile, atque hunc lectum, quem Aristoteles hic commemorat inter ea, quæ naturaliter appetimus, referri oportere ad quietem, quam omnes amant, sic prorsus, ut velint Aristotelem significare, naturalem, & omnium communem esse cupiditatem cibi, potus, & quietis. Sed falluntur haud dubiè, cum Thetidis verba consequentia ad complexum, voluptatēque Veneris hortantis filium significant planissimè, quid cubilis & lecti nomine intelligendum sit. Quid enim attinebat addere bonum esse cum muliere commisceri, si tantum quietem & somnum significabat? Huc accedit, quod Aristoteles ait, cubile ac lectum illum Homericeum appeti nominatim à iuvene, atque ab eo, qui florente utatur ætate: quod dicere non oportebat electè de iuvene, sed dicendum vniuersè de omnibus erat, si cubilis nomine quietem indicare voluisset. Adde quod idem Aristoteles in horum librorum 7. cum corporis voluptates necessarias percenset, inter eas adnumerat nominatim venereas, quòd ex Christiana philosophia corrigendum est. Ipse enim ita necessarias naturæ putat, ut omnino eas depelli & vetari non debere dicat ab iis

qui Reipublicæ præ sunt. Quo loco tamen quietis mentionem non facit. Sed mirum non est, interpretes illos fuisse deceptos, cum etiam in Homeri lectione diu multumque versari viri, & Græcarum literarum apprime gnari eodem nomine peccarint. Est enim qui sic ea verba reddere Latinis verbis haud dubitavit.

Nate, quid usque adeo miseris consumere cuxis?

Lumina quid fletu crucias? quid pectora questu?

Immemor ora cibo committere; fessa quæsi

Corpora. quid Veneris te non mouet vlla voluptas?

Es pulcrum est blandis nonnumquam amplexibus et

Coniugis.

Rectius vertisset opinor, Committere fessa cubili corpora: ut ambiguo cubilis nomine significaretur etiam vsus Veneris. Quod si dicas, melius accipi cubile pro quiete: quia hæc etiam voluptas quæ communis est, significatur, & alia illa Veneris non prætermittitur; quippe quæ comprehenditur verbis consequentibus: cur Veneris te non mouet vlla voluptas? Si hoc, inquam, dicas, obitabit Aristoteles qui quoniam iuueni voluptatem istam cubilis adscripsit, interpretatus est Homerum in hanc sententiam, de qua diximus. His ergo de naturalibus & communibus voluptatibus expositis, aggreditur alias declarare, quæ propriæ sunt, atque aduentitiæ ab eo nominatæ. Huiusmodi voluptates ait apparere, atque in variis hominibus cerni; quoniam in singulis cernuntur varæ. Neque enim sunt vniuersimodi ac simplices, quemadmodum sunt illæ naturales, quæ ab omnibus expetuntur, & eodem modo capiunt omnes; sed varæ sunt: quia ex his aliæ alios afficiunt, alios aliæ vario-prorsus modo & ratione pro naturalis temperamenti varietate. pisces alij, alij carnes expetunt; alij supra modum vino delectantur, alij vinum odio habent, & abstemij sunt. Itaque cupiditates hæc propriæ, naturalibus quodammodo aduentitiæ sunt, atque ad naturales accedunt, quasi appendices & additamenta. ideoque dicuntur hic ab Aristotele adscitæ, vel adscititiæ. non propterea, inquam, quod naturales non sint, sed quod naturalibus esse videantur accessiones. Cibum enim naturaliter expetunt omnes: sed hunc cibum nominatim ac propriè aliquis expetit, suo naturali temperamento ad eum expetendum prouocatus. Melancholici amaro sapore; suauiori & dulci delectantur qui abundant sanguine. Populi, qui Septemtriones incolunt, multa carne vescuntur, & multo vtuntur potu: qui terras incolunt austro occidentique subditas soli, sunt in veroque moderatiores. Huic diuisioni voluptatum similis profectò est ea, quam excogitarunt Epicurei, ut est apud Græcum Interpretem huius loci, & apud Tull. in primo lib. de finibus. Diuidebant nimirum cupiditates, & voluptates in tria genera. primum earum, quæ & naturales essent, & necessariae: secundum earum, quæ naturales quidem essent, sed non necessariae: tertium earum, quæ neque naturales essent, neque necessariae, sed inutiles, atque inanes. Naturales dicebant & necessariae, quæ cibo capiuntur & potu: naturales & non necessariae, quæ capiuntur ex vsu veneris: neque naturales neque necessariae, sed inanes, quæ quadam ipsarum cupiditatum & voluptatum exuperantia continentur. cuiusmodi est nimia honoris, imperij, gloriæ, libidinum, & deliciarum appetitio. Consuli potest etiam Plato in lib. 8. & 9. de Republica, vbi multa huic loco accommodata disputat.

Proposita eiusmodi cupiditatum, voluptatumque partitione, aggreditur explicare quibus modis in iis peccari ab intemperantibus queat, ut ipsa virorum intemperantium discrimina facilius intelligantur. Ait igitur primum, in naturalibus peccare paucissimos, vnâque tantum ex causa: quod nimium videlicet expetant, & nimium velint ex iis rebus, quas vulgò appetunt omnes. hominum enim plerique eousque comedunt ac bibunt, quoad naturæ ipsius appetitioni satisfecerint. paucique sunt, qui modum hunc prætergrediantur, atque hanc lineam transeant: sed tamen inueniuntur aliqui, cuiusmodi sunt helluones, lurcones, gurgites, ventridemum nati quidam homines atque ad pastum proiecti, qui Græcè γαστήραρρηι nominantur ἀπὸ τῆς γαστήραρρηι. quæ ingluuiæ & ventris rabies ac vorago est. Non enim ἀκολάτοι tantum, hoc est, intemperantes, appellandos putat Aristot. eiusmodi homines, sed gulæ obediētes, & quasi pecudes pronas in pastum, vel ventris rabie correpti. Denique quicumque tandem hi sunt, eos ait esse maximè seruili præditos ingenio, & nihil à mancipiis abiectæ sortis discrepare. Itaque ut conclu-

damus omnia; peccant in hoc genere non multi, iique cum peccant, propter exuperantiam peccant. nemo enim est, aut vix reperitur aliquis, qui peccet ex defectu, & in eo, quod minus est; cum nemo vitam suam odio habeat, & alimenta corpori neget salutis necessaria. In propriis vero cupiditatibus longè plurimos, & quidem multimodis ac multifariam peccare docet. ad quas cupiditates eorum etiam peccata referri vult, qui Græcè dicuntur φιλοποιοί, talium rerum amici. Hoc autem appellantur nomine qui cuiuscumque rei præter modum amantes esse videntur, & studiosi. quales plerumque cernimus spectaculis, musica, vino, commestationibus, feminis præter ceteros & plus nimio deditos. sunt enim horum etiam cupiditates propriæ, & naturalibus adscititiæ. In his ergo cupiditatibus ait, non vno modo peccari, quemadmodum in superioribus, sed multiplici. ac primo quidem propterea, quod concupiscatur id, quod odio maximo dignum est, & quod concupiscere nefas sit: velut alienus thorus, & nupta aliena, aliæque libidinis inconcessæ genera. deinde, quod permittitur alioqui, concessæque voluptates plus æquo concupiscantur & usurpentur. quo nomine peccant qui vxoribus etiam suis libidinosis hærent, easque amant effluuium, & nimium admirantur; qualis omnino est apud Herodorum Candaules Lydiæ Rex initio libri 1. denique quod more vulgi, nulla decori, nulla honestatis habita ratione, nullo discrimine, nullo delectu voluptates expetantur, ut comotationes in publico, commestationes illiberales cum sodalibus infamia notatis, atque dedecore. Expetitur enim & usurpatur id quod alioqui licitum est expetere, sed expetitur alieno modo, & non eo quo illud expeti oportet; alieno loco, alienis comitibus, ceteris circumstantiis alienis, atque abhorrentibus à prudentia, & pudore. Est quippe verissimum quod ait Aristoteles in libello de virtutibus, libidinosos homines, atque intemperantes esse plerumque etiam inuerecundos & impudentes. Quin Cicero in libris de fin. ait, eosdem non esse ita religiosos, quin audeant vesci de patella, hoc est, cibos etiam arripere Diis dicatos, de vasculis & lancibus sacris. Claudis orationem affirmans hinc intelligi posse, intemperantiam omnem esse quamdam exuperantiam vituperatione dignissimam, & in eo peccato, quod nimium est. Quo tamen loco non statuit, intemperantiam carere vitio contrario, oppositæque exuperantiæ, hoc est, illo quod positum sit in defectu. hac enim de re infra disputabit: sed significat, pleraque peccata & magis propria esse, quæ continentur exuperantia.

PARS SECUNDA CAPITIS VNDECIMI.

ΠΕΡΙ δὲ τῆς λύπης, οὐχ ὥσπερ ἐπὶ τῆς αἰδρίας, τὰς ὑπομνήδων λέγεται σῶφρων· οὐδ' ἀκόλαστος, τὰ μὴ. ἀλλ' ὁ μὲν ἀκόλαστος τὰς λυπηρὰς πολλὰς ἢ δαί, ὅπ' ἴδ' οὐ τὸ χροῖον, καὶ πλεονάζει δὲ ποιεῖ αἰτὶς ἢ ἡδονῇ. ὁ δὲ σῶφρων, ὃς μὴ λυπηθεὶς τῇ ἀπονομίᾳ, καὶ ὃς ἀπὸ χροῖου τῇ ἡδονῇ. ὁ μὲν οὖν ἀκόλαστος ἐπιθυμεῖ τῇ ἡδονῇ πλεονάζει, ἢ τῇ μέλει. καὶ ἀγεται ὑπὸ τῆς ἐπιθυμίας, ὥστε αἰτὶς τῇ ἡδονῇ αἰσθάνεται. ὃς καὶ λυπηταὶ καὶ ἀπὸ τῆς χροῖου, καὶ ἐπιθυμίας. μὲν λύπη γὰρ ἢ ἐπιθυμία. ἀπὸ τῆς δὲ εἶναι ὃς ἡδονῇ λυπηθεὶς.

IN doloribus autem, non sicut in fortitudine perferendo dicitur quis temperans, nec intemperans non perferendo: sed intemperans plus dolendo, quam deceat, ex eo quod nullam voluptatem consequatur: adeoque affert ei dolorem voluptas: temperans vero propterea, quod nec abesse voluptatem doleat, nec eadem carere. Intemperans igitur omnes voluptates concupiscit, aut certe maximas, & ita cupiditate rapitur, ut eas præ omnibus rebus eligat. Itaque & non fruendo angitur, & concupiscendo. Est enim semper cum dolore coniuncta cupiditas: quamquam alius videtur, dolorem ex voluptate percipere.

EXPLANATIO.



TEMPERANTIÆ materiam non modò voluptates & delectationes esse, verùm etiam dolores, atque tristitias dixit in cap. proximè superiore. Et quoniam de voluptate iam decretum est, explicatiquè sunt modi, quibus in eo genere peccetur ab intemperatis, aggreditur nunc de dolore, tristitiâque differere, ac declarare qua ratione in ea peccet intemperans, aut temperans agat secundùm virtutem. Ac primo quidem differentiam proponit inter molestias & dolores, quatenus materia fortitudinis sunt, & quatenus sunt materia Temperantiæ. Id enim est etiam dictum, cùm de fortitudine disputaretur; Officium fortitudinis esse moderari ægritudinem, eiusdemque materiam esse molestiam ac dolorem. Quid enim molestius, quid tristius aut doloris conficientius esse possit quàm vulnera & mors, aut earum rerum pericula præsentissima? At igitur, dissimilitudinem & discrimen in eo positum esse, quòd vir fortis ille sit, qui versetur in molestia, dolore, tristitiâque præsentia, æquo animo ac propter honestatem: non fortis, siue ignauus ac timidus, qui eadem mala præsentia non perferat, vel non perferat vt oportet. vir verò temperatus ille verè dicatur qui ægrè non ferat, aut facillè & æquanimiter patiatur aliqua se carere iucunda re, & voluptatem à se aliquam ac delectationem abesse. In summa hoc illud est, quòd alibi supra docuimus: molestias, dolores ac tristitias, quæ nascuntur ex rebus molestis tristibusque præsentibus, cuiusmodi sunt vulnera, & mortis grauissima pericula, ad fortitudinis pertinere materiam, molestias verò, dolores, ac tristitias, quæ nascuntur & manant ex eo, quòd aliqua re iucunda careamus à nobis absente, in Temperantiæ materiam cadere. itaque duo inter hæc discrimina sunt. primum: quòd propositæ fortitudini molestiæ sint mali præsentis: obiecta verò Temperantiæ desideria sint absentis boni, quæ nonnulli boni carentias vocant. alterum est: quòd illæ tristitiæ & molestiæ, quas temperat fortitudo, efficiuntur à malo, quòd opponitur vtili bono, hoc est, corpori, & vitæ. hæ autem nascuntur è malo, quòd opponitur bono iucundo. Omnia enim iucunda, immo verò iucundissima quæque concupiscit intemperans, eorùmque cupiditate sic ducitur, vt illa cæteris existimet esse potiora. quare, cùm illis potiri non potest, dolore angitur & molestia, tristitiâque conficitur. semper enim, vt ait hic Aristoteles, est coniuncta cum dolore iucundæ cupiditas rei. Dicere tamen aliquis possit, inquit, absurdum esse à voluptate dolorem & tristitiam effici, hoc est, à contrariis gigni contraria; cùm similia gigni soleant ex similibus. qui nodus quamquam non soluitur ab Aristotele, solui tamen facillimè potest; cùm voluptas priuatiuè tantummodo tristitiam gignat; nec doloris causa sit, nisi priuatiua & negatiua. hoc autem modo gigni contraria etiam possunt à contrariis per accidens. dicimus enim, ipsum quoque gubernatorem esse causam, cur naui demergatur, eo quòd absit, nec gubernaculum moderetur ac regat.

Duo hic videntur esse postremo loco consideranda, & ex iis quæ dicta sunt, intelligenda. Primum: ad fortitudinem magis, quàm ad Temperantiæ dolores, molestias, atque tristitias pertinere. Quia fortitudo in iis versatur doloribus & molestiis, quæ sequuntur & nascuntur è rebus noxiis re ipsa præsentibus, & hominem dolore afficientibus ex præsentia sui: Temperantiæ verò in iis, quæ oriuntur ex desiderio, absentia verè rerum iucundarum, & earum, quæ delectationem possent afferre. At potior est effectus & magis principalis, qui sequitur ex præsentia causa, quàm quòd sequitur ex absentia. Alterum est, quòd monet Græcus interpret: intemperatorum omnium vitam, quæ videtur in speciem iucunda & delectationibus affluens, tristissimam tamen atque acerbissimam esse. Si enim concupiscendo tristantur, vt ait Aristoteles necessario, numquam autem non concupiscunt aliquid; consequens est, semper intemperatos in tristitia esse. contrariæque temperatorum hominum vitam esse iucundissimam. Quamquam enim à rebus iucundis vitæ temperatus non patitur se rapi prorsus impotenter, percipit tamen ab illis iucunditatem aliquam & voluptatem: quòd nisi faceret, cursum flecteret ad alterum vitium, Temperantiæ contrarium, quòd est positum in defectu, nec perciperet voluptates necessarias humano generi. Immo verò aiebat Democritus, Temperantiæ reddere suauiora, quæ iucunda per se sunt, quia depellit satietatem delectationibus inimicam.

PARS

PARS TERTIA CAPITIS VNDECIMI.

Ελαίοντες δὲ οὐδὲ τὰς ἡδονὰς, καὶ ἡπτόν ἢ δει χείρονας, οὐ πόρην γίνονται. οὐ γὰρ αἰσθητικὴ ἔστι ἡ τοιαύτη αἰσθησις. καὶ γὰρ τὰ λοιπὰ ζῶα ἀφ' ἑαυτῶν τὰ βρώματα, καὶ τοῖς μὲν χείρ, τοῖς δὲ οὐ. εἰ δὲ τὰς μὲν ἔστιν ἡδὺ, μὲν δὲ ἀφ' ἑαυτῶν ἔτερον ἔτιον, πόρῳ αὖ εἰν τοῦ αἰσθητοῦ ἐστίν. οὐ τέτυχε δὲ ὁ τοιοῦτος ὀνόματος, ἀφ' ὃ μὴ πόρην γίνεσθαι.

Qui autem parum aut minus, quàm æquum sit, voluptatibus latentur, pauci admodum existunt. Non enim propria est hominis huiusmodi stupiditas. Etenim cetera animalia pabulum à pabulo secernunt, aliòque delectantur, alio non item. Sed si alicui nihil sit iucundum, neque inter hoc aut illud differentia sit, is ab humanitate procul fuerit. Et quoniam talis haud admodum reperitur non obtinet nomen.

EXPLANATIO.

ACTENVS de peccatis illis, & voluptatibus est disputatum, quæ politæ in nimio sunt, & propterea dicuntur oppositæ Temperantiæ, quòd exuperantiam habeant. Explicat hic alterum vitium eidem virtuti contrarium, hoc est, in eo situm, quod est minus æquo, vel parum. Quemadmodum enim à Temperantiæ discedunt finibus illi, qui plus nimio se voluptatibus explent: sic eiusdem Temperantiæ metam ac modum non attingunt, qui etiam illas respuunt voluptates, quæ necessariae sunt, nec eas sumunt, quas sumere iubet vitæ ratio, & ipsius etiam Temperantiæ lex. Nam, ut alibi diximus, & ad genus conseruandum necessariae sunt Venereæ voluptates, & ad singulorum vitam retinendam ex, quæ ex cibo potùque capiuntur. Ceterum quia paucissimi sunt ex isto genere homines, factum est, ut proprio careant nomine. Neque enim sic appellationem propriam hi nacti sunt aliquam, quemadmodum obtinuerunt illi, qui ab exuperantia nomen intemperantium inuenerunt. existimatur nimirum esse perinde ac si non sit, quod accidit rarò. Rarò verò sit, ut inueniatur qui repudiet omnes omnino voluptates, & quicquid iucundum est, funditus nolit. In lib. 3. Eudem. ait idem Aristoteles, apud Comicos interdum reperiri aliquos huiusmodi homines tam agrestes, incommodos atque insuaues, ut omnem porro à se iucunditatem & delectationem ablegarint. cuiusmodi fortasse apud Terent. est ille Demea in Adelphis. sed omnium optimè Cicero demonstrat quàm rarum sit hoc hominum genus, & quàm asperum atque ab humanitate alienum in orat. pro Cælio. Quamobrem, inquit, si quem fortè inueneritis qui aspernetur oculis pulcritudinem rerum, non odore vllò, non tactu, non sapore capiatur, excludat auribus omnem suauitatem; huic homini ego fortasse, & pauci Deos propitios, plerique autem iratos putabunt. Carer igitur nomine tam rarum vitium. sed tamen, si aliqua ei sit appellatio tribuenda, vocandum est ut hic Aristot. docet, αἰσθησις; stupiditas, siue sensus vacuitas; siue, ut barbarè dicamus, insensibilitas. Ait enim hanc stupiditatem non esse humanam, hoc est, homine dignam; immo belluarum conditione deteriorem. quippe quæ pabulum à pabulo secernant, & vno quidem delectentur, & vescantur, aliud repudiante, & auerfentur. nimirum inductione naturæ ad delectationem quærendam in iis cibis qui vitæ conseruandæ necessarij sunt, impelluntur. voluitque natura illius beneficio delectationis insitæ quasi lenocinari animantium generi, ut faciliùs se conseruaret & tueretur. At hominibus istis hac stupiditate præditis & sensus vacuitate, nihil est iucundum, aut nihil magis iucundum videtur esse, quàm aliud; quia sunt omnis propè sensus, atque humanitatis expertes.

PARS QVARTA CAPITIS VNDECIMI.

Ο ΔΕ σώφρων, μέσως πρὸς ταῦτ' ἔχῃ. οὔτε γὰρ ἡδέεται, οἷς μέλιστα ὁ ἀκόλαστος, ἀλλὰ μᾶλλον δυσχεραίνει. οὔτε ὅλως οἷς μὴ δεῖ, οὔτε σφόδρα τοιούτῳ σθένει, οὔτε ἀπὸ τῶν λυπῖται, οὔδ' ὅπως μὲν, ἢ μετερίως, σθένει μᾶλλον ἢ δεῖ, οὔδ' ὅτι μὴ δεῖ, οὔδ' ὅλως τῶν τοιούτων σθένος. ὅσα δὲ πρὸς ὑγιάνει ὄντι, ἢ πρὸς βίεξις ἡδία ὄντα, τούτων ὀρέγεται μετερίως, καὶ ὡς δεῖ. καὶ τῶν ἄλλων ἡδέων, μὴ ἐμποδίων τούτοις ὄντων, ἢ πρὸς ὁ καλὸν, ἢ πρὸς πλεονεξίαν. ὁ γὰρ οὕτως ἔχων, μᾶλλον ἀγαπᾷ τὰς πικρὰς ἡδονὰς τῆς ἀξίας. ὁ δὲ σώφρων οὐ τοιούτος, ἀλλ' ὡς ὁ ὀρθὸς λόγος.

Temperans autem in his rebus medio quodam modo se habet. Nam nec delectatur iis, quibus maximè delectatur intemperans, sed potius angitur; nec omnino iis, quibus delectari non decet; nec valde vlla eiusmodi re; nec si absint, dolet; nec cupit, nisi moderatè, nec magis quàm decet, nec quando non decet: nec quid omnino generis eiusdem. Quæcumque autem ad valetudinē pertinent, vel ad bonam corporis habitudinem iucunda, ea concupiscit modicè, atque ut decet. ceterasque res iucundas, quæ his impedimento non sunt, aut contra honestum, aut supra facultates. Nam qui ita se habet, magis amat huiusmodi voluptates, quàm dignum sit. temperans verò non est talis, sed is quem recta postulat ratio.

EXPLANATIO.



VITIS explicatis extremis, inueniendum hac extrema parte medium est, in quo ponere Temperantiam necesse sit. Si enim intemperati per exuperantiam illi sunt, qui plus nimio voluptates usurpant; stupidi & sensus propemodum expertes, qui voluptates funditus repudiant, sequitur, eos esse temperantes qui inter hæc mediocritatem obtineant. Hanc autem qua ratione deprehendere, atque inuenire possimus docet, distinguendis rebus, quas concupiscimus, modo ac tempore, quo easdem concupiscimus, sine demum ac proposito, cuius gratia concupiscimus. At ergo primum, Temperatum hominem, vtrisque interiectum & medium, non lætari, aut delectari, ut rebus, quibus lætatur, & delectatur intemperans, sed potius iisdem angī, & quemadmodum hunc locum vertit Latinè Lambinus, ostendi. ἀλλὰ μᾶλλον δυσχεραίνει. sunt enim hæc voluptates inconcessæ, ac propterea odio dignæ, non amore ac delectatione boni viri. deinde; ne delectationes quidem concessas expetere plusquam decet, aut magnopere, atque immoderatè, aut alieno loco ac tempore, neque si absint propterea vexari animo & discrucari. tertio loco: res ipsas iucundas, & voluptates moderatè perceptas referre ad bonum finem, qui vel immediatè continetur honestate, vel mediatè: immediatè quidem, cum eas refert ad aliquam virtutem tuendam, qualis est castitas: mediatè, cum refert quidem ad valetudinem corporis eiusdemque bonam habitudinem, & statum firmiorem; sed hanc ipsam habitudinem & valetudinem expetit ob vsum perfectæ virtutis. Hanc enim valetudinem & firmitatem corporis ait Aristoteles hic esse finem Temperantiæ propositum immediatè, ac propterea voluptates in huius firmitatis & valetudinis gratiam capere temperatum virum: non eas modo, quæ necessariæ sunt, sed etiam eas, quæ minùs videntur esse necessariæ, sed tamen ab honestate non abhorrent. quippe sunt aliquæ inter honestas turpèsque mediæ voluptates. Itaque, ut melius quod contendit hoc extremo capite Aristot. intelligatur, voluptates ipsas sic diuidamus: ut aliæ sint per se inconcessæ ac turpes, aliæ per se honestæ, aliæ quodammodo neutræ, hoc est, mediæ, & interiectæ. per se turpes illæ sunt, quæ capiuntur ex commellationibus, ex stupris, aliisque probroliis libidinibus, in quibus maximè versatur vir intemperans, & à quibus in primis, potissi-

mumque se continet temperans ac moderatus. Tantum enim abest, ut ea concupiscat, ut etiam prosequatur odio, & detestetur. Honestæ per se dici possunt illæ, quæ capiuntur ex cibis usitatis, ex portionibus, balneis, ambulationibus, & exercitationibus ceteris, quibus uti vulgò solent omnes ad vitam, vires, valetudinem conservandam & retinendam. In his maxime versatur temperans, loco ac tempore; cum moderatione illas usurpans, quæ rectæ rationi valetudiniq; corporis & firmitati bonæque habitudini, quæ dicitur *ωεζία*, consentaneæ sint. Hunc enim, ut diximus, habet finem proximum atque immediate propositum Temperans. Voluptates denique neutrx, vel mediæ sunt, quæ sumuntur ex cibis laucioribus, ex potatu iucundiori, ex usu concessæ Veneris. Ex his, ut constat, secundæ necessariae sunt: tertiæ non sunt necessariae. primæ sunt detestandæ. hæc postremæ, hoc est, non necessariae, sunt eæ, in quibus versari etiam temperans sine dubio potest, sed multas cum leges multasque intueri cautiones oportet. Prima est: ut eiusmodi voluptates mediæ nihil valetudini noceant & bonæ constitutioni, atque habitudini corporis. quales esse solent, quæ sumuntur ex cibo, potuque superuacaneo, ex usu Veneris immodico, vel intempestiuo. Secunda, ut non pugnent cum honestate. cuiusmodi essent quæ ex adultério, aliave detestanda libidine caperentur. Tertia, ut ne sint eæ, quæ modum vincant facultatum domesticarum, aut diuitiarum; copiarumque, quibus est præditus ille, qui eiusmodi capit voluptates. qualis esset pauper, si vesci vellet quæsitioribus cibis, & uti cæna maxime sumptuosa. laudatur in hoc genere Pompeius, quod cum ægrotaret, medicique dixissent, turdos esse maxime idoneos ad reliquias morbi profligandas, noluerit tamen vesci turdis Luculli, hoc est iis, qui aliena anni tempestate non nisi à Luculli caueis accipi possent: addiditque dictum pulcherrimum. indignum esse, nisi Lucullus luxuriaretur, vivere non posse Pompeium. laudatur. inquam, hæc temperantia Pompeij à nonnullis perinde, ac si huic loco consentanea esset sed cum Petro Victorio suspicor esse alienam, ac Pompeium recusasse cibum illum, & magnificè sic locutum, quod Lucillum non amaret.

EPILOGVS.

1. Cupiditatum, & voluptatum alie communes sunt & naturales, alie uniuscuiusque propria & naturalibus adfite. In communibus peccant pauci, in propriis multi. qui peccant in communibus, sunt seruis ingenio homines, belluis similes. qui peccant in propriis ob exuperantiam, sunt intemperantes.
2. Temperantia versatur etiam in dolore, atque tristitia, sed alio sanè modo, ac versetur in iis fortitudo. hæc enim tristitiam regit ex præsentis natam malo; Temperantia vero depellit eam, qua nascitur ex desiderio & priuatione incunda rei.
3. Qui funditus repudiant voluptates, attingunt alterum vitium è duobus extremis, quibus interiecta temperantia est: vitium autem ipsum nomine caret, sed vacuitas sensus, aut stupiditas dici commodè potest.

IN CAPVT VNDECIMVM,

QVÆSTIO PRIMA.

An Temperantiæ mediocritatem & legem metiri debeamus ex vitæ necessitate.



VIDEATUR huius initio capituli Aristoteles id velle, ut ad Temperantiæ mediocritatem inueniendam, & obtinendam, ipsam corporis vitæque tuendæ necessitatem consulamus: ita prorsus. ut hoc existimemus in voluptatibus nimium, quod supra necessitatem est; id parum, quod ipsi non

consulit necessitati: id medium quod eandem explet necessitatem. Ita quippe de communibus & naturalibus disputat voluptatibus. Nam edere quælibet & potare quoad supra modum complearis, id verò est naturæ modum copia transire. Expletio enim eius quod deest, naturalis cupiditas est. Videtur igitur Aristoteles metiri Temperantiæ legem

ab ipsa naturæ necessitate, atque ab iis voluptatibus, quibus est contenta natura: huiusmodi verò sunt necessariae quaedam voluptates, sine quibus vita & salus retineri non potest; Cùm tamen multa præterea sint, quæ cum Temperantia se conciliare videantur, vt his rationibus apud D. Thom. aliqui demonstrare conantur.

Prima est huiusmodi. Qui legem, lineamque transiit à virtute præscriptam, is profecto delinquit, & peccat. peccabit igitur aduersus Temperantiæ leges ille, qui voluptates aliquas extra naturæ necessitatem vsurpabit, hoc est, non sumet eas, quæ retinendæ conseruandæque vitæ sic necessariae sunt, vt sine iis retineri non queat. At natura paucissimis est contenta. peccabit ergo, errabitque quicumque delectationes aliquas capiet, non quidem naturæ necessarias, sed bonæ corporis habitudini comparandæ accommodatas. Hoc autem videtur esse rationi contrarium.

Secunda idem probans, sed à contrario petita sic est ratio. Nemo peccare dicendus est, qui regulam attingat, lineamque virtutis. ergo si vitæ necessitas est regula Temperantiæ, quicumque illam attingit regulam, secundum virtutem aget, & non peccabit. Atqui possunt esse aliquæ voluptates vitæ conseruandæ necessariae, quas qui sumeret graui se peccato contaminaret; cuiusmodi esset vsus Veneris inconcessus, sine quo valetudinem, vitam, salutemque tueri non posset. ergo vitæ necessitas non potest esse regula Temperantiæ.

Tertia. Id quod est excellentius non debet ab eo regi, quod deterius est. Sed Temperantia est virtus animæ, adeoque aliquid excellentius ipsa vitæ corporisque necessitate. ergo non debet regi & leges accipere à necessitate corporis & vitæ.

Animaduertendum est: omnes res iucundas, & delectationem afferentes, quæ vsui sunt homini, dirigi ac referri debere ad aliquam vitæ necessitatem tanquam ad finem. Quare Temperantia intuetur ipsius necessitatem vitæ veluti regulam quamdam & legem rerum omnium iucundarum, vt tantum, & eatenus iis vtatur, quantum & quatenus postulat vitæ necessitas. Finis enim est regula earum rerum, quæ fini conducunt, & præsidia dicuntur esse consequendi finis. Porro ipsam vitæ necessitatem spectare, ac metiri debemus non solum ex iis, quæ satis sunt retinendæ, conseruandæque saluti corporis, verum etiam ex aliis externis rebus, quæ cuiusque officio, conditioni, decoro, atque honestati congruentia sunt. Non enim eadem necessaria priuatorum ac Principum vitæ iudicamus, non eadem pauperibus, ac diuitibus, non eadem morbosis, ac validis, non eadem militi & iis, qui ciuilibus delectantur studiis. Itaque in hoc extremo cap. Aristot. dixit in iis voluptatibus, quæ non sunt conseruandæ vitæ simpliciter & per se necessariae, temperatum virum videre debere; ne valetudini & bonæ corporis habitudini obsint, ne sint decoro, atque honestati contrariæ, ne

sint ampliores, quàm ferat census & fortunarum ratio domesticarum. Quæ profecto consentanea sunt D. Augustini verbis, & doctrina in libello de moribus Ecclesiæ cap. 21. vbi ait, temperatum hominem respicere non ipsam modò necessitatem vitæ, sed etiam officiorum. hæc enim officia etiam imponunt homini necessitatem aliquam delectationum congruentem, quæ non imponitur à natura & vitæ. Quare

Primam illam argumentationem ita diluere facile possumus, si ponamus, humanæ vitæ necessitatem ex duplici spectari rerum genere necessariarum, quarum vnum earum est, sine quibus conseruari vita nullo modo potest; cuiusmodi cibus est: alterum earum, sine quibus conseruari vita cum decoro, & conuenienter officio conditionique non potest. His enim ita positis, respondendum est, Temperantiæ, non solum intueri priorem illam vitæ necessitatem, verum etiam posteriorem. Ideoque ait Aristot. in hoc extremo capite, temperatum hominem præcipue quidem, atque ex primario animi sui consilio res illas appetere iucundas, quas valetudini, atque habitudini corporis idoneæ necessariae esse intelligit: sed tamen appetere posse etiam alias, quæ non sint valetudini contrariæ, & debeat vitæ statum. Quæ enim valetudini aduersa sunt, ea qui vsurpat, intemperans est. sed ea, quæ valetudini non quidem necessaria sunt, sed non aduersantur, vsurpat etiam temperatus, loco conuenienter ac tempori, & quemadmodum postulat eorum ratio, quibus cum viuit. Temperantia quippe necessariae vitæ voluptates ex illa necessitate metitur, quæ postulat vitæ præsidia, officio, conditionique singulorum congruentia. quæ vitæ, naturæve necessitas, si rectè spectetur, non potest dici paucis esse contenta, sed postulare permulta, quæ homini ciuili, atque in communi societate degenti conuenientia sunt. Vt enim solitaria natura, & vita ab omni societate remota paucissima velit adiuumenta, ac propterea voluptates requirat prope modum nullas, vita tamen ciuilis admittit longè plurimas. Quare vt in summa dicamus, quilibet rectus vsus voluptatum etiam illarum, quæ necessariae non sunt, alicui ciuilis vitæ necessitati succurrit, cùm dignitati, conditioni, atque officio ita conueniens sit, vt necessarius esse videatur.

Secunda diluitur etiam facilis. Quia qui sic ratiocinantur, non vident, Temperantiæ metiri quidem concessas voluptates à vitæ valetudinisque necessitate: sed tum solum, cum voluptates vitæ valetudinique necessariae non pugnant cum honestate. honestas enim ipsi est anteposenda vitæ. Quapropter ille Veneris vsus conseruandæ valetudini ac vitæ necessarius non obtinet mediocritatem cùm est inconcessus, & rectæ rationi contrarius. Mediocritas enim Temperantiæ non est rei, sed rationis, hoc est ea, quam non constituit rei natura, sed hominis ratio, circumstantias intuentis. Circumstantiæ verò tunc faciunt, vt quod aliqui medium vir-

tutis esset, extremum sit: cuiusmodi est usus Veneris inconcessus.

Tertia captio est. Virtus enim animæ, qualis est Temperantia, regulam per se accipit & legem à fine suo, hoc est, ab illo postremo atque optimo, ad quem omnia referuntur. hic autem est beatitudo, cum qua comparata deterior virtus est. sed à necessitate corporis, & vitæ, tanquam à fine proximo sumit legem & regulam non tam ipsa Temperantia, quàm ea res, quæ Temperantia vititur ad finem illum suum postremum atque optimum consequendum: hæc autem res voluptas est. Quod si velimus, etiam hoc fine proximo tanquam regula ipsam uti Temperantiam, dicemus non esse hoc rationi contrarium aut absurdum: Temperantiam quæ virtus animi excellens est, petere agendi regulam à re deteriori tanquam à fine proximo atque immediato, quia in eo fine non conquiescit, ac propterea nihil facit amplius, quàm quod agit excellentissimus artifex, cum vititur in strumento vilissimo ad præstantissimum finem consequendum.

QVÆSTIO SECVNDA.

An stupiditas siue sensus vacuitas vitium sit Temperantia contrarium, & ipsa peius intemperantia.

CVm omnis virtus duobus sit interiecta vitiis extremis; quorum alterum in exuperantia positum est, diciturque proprio nomine intemperantia; inuestigandum est aliud, in eo situm, quod æquo, iustoque minus est. Hoc autem inuentu difficile potissimum est in Temperantia, quia vix videtur aduersus eam virtutem posse peccare aliquis in eo, quod parcius voluptates gustus & rationis usurpet, minusque delectetur, quàm par sit iis rebus, à quibus abstinere maximè, ac summo pere se continere laudabile vulgò putatur. Nihilominus ait Aristoteles, esse quidem paucos, sed tamen esse, qui ad hoc etiam vitium prolabantur extremum, vt necessarias repudient voluptates. hi, quoniam dici non possunt intemperantes, vocabulo carent & nomine suo. cum enim rarò eiusmodi homines inueniantur, habiti pro nullis sunt, nec eis est impositum nomen, vt dixit Aristor. vitium tamen hoc extremum docet appellari posse *αιανδρεια*, hoc est, vacuitatem sensus, siue stupiditatem, & insensibilitatem. Quæ profectò videtur vel in nullo mortalium esse posse, vel certè non esse vitium: vt hæc quas subiungam excogitatæ à nonnullis argumentationes ostendunt.

Prima. Vitia in iis tantummodo rebus esse dicuntur ab Aristotele, quæ in manu & potestate nostra sunt, hoc est, in iis, quæ à nobis & fieri possunt, & prætermitti. sed usum tactus & gustus necessarium, si diutius vivere nos oporteat, contemnere, ac prætermittere non possumus. Non enim fieri potest, vt voluptates illas nolimus, quæ retinendæ seruan-

dæque vitæ necessariae sunt; aut ex iis voluptatibus cupiamus aliquid minus, quàm postulat vitæ seruandæ necessitas. Quippe fames & sitis appetitiones naturales sunt alimenti sicci humidique, quod necessarium est conseruationi corporis & vitæ. nihil ergo minus concupiscere possumus quàm necessarium sit, cum duce natura id concupiscamus & appetamus, neque in nostra manu est ac potestate non hæc appetere vel appetere minus, cum fames, & sitis in nostra potestate non sint, & à natura iam hauserint modum ac mēsuram earum voluptatum, quæ vitæ debentur, & corpori. Firmitat hæc Aristotelis auctoritas, qui cum in hoc cap. 11. diuisisset cupiditates bipartitò, in communes, hoc est, in eas, quæ omnibus insunt naturaliter, & eodem modo: cuiusmodi est cibi, potus, voluptatis Veneris voluntas; & in proprias, hoc est, in eas, quibus vnusquisque priuatim & nominatim ducitur: qualis est huius aut illius appetitio cibi, hoc, aut illud libidinis genus. cum, inquam, sic diuisisset cupiditates, hoc addidit: in naturalibus & communibus illis cupiditatibus peccare paucissimos, & qui peccant, in eo tantum peccare, quod nimium est. perinde ac si dixisset, in naturalibus cupiditatibus esse tantummodo vitium exuperantiæ: vitium autem quod petitur à defectu, atque ab eo quod est parum, in iisdem esse non posse. Et profectò id sibi eo loco Aristotelem voluisse declarat Eustratius, affirmans, peccatum defectus in communibus cupiditatibus non inueniri: quia prohibetur ab appetitu atque à naturali necessitate. Neque enim hæc ita falli potest, vt velit minus, quàm natura postulet ob vitæ corporisque conseruationem.

Secunda. Non debet vitium id dici, quod homini perfectæ virtute prædito consentaneum est. Sed sensus hæc vacuitas & *αιανδρεια*, maximè decet hominem perfectæ ornatum virtute, quemadmodum docet Eustratius in horum primo Moralium. At enim, cum, qui expetit & querit quod perfectum est, oportere ad absolutissimam perturbationum omnium rectæ rationi aduersantium profligationem, exterminationemque contendere. Accedit Commentator in prologo 8. phys. vbi confirmat hominem theoreticis edoctum disciplinis, inque planè imbutum instructumque perfectissimè, intelligere demum quanta sint contemptione, ac despiciatu dignæ affectiones animi sentientis, eaque & odio habere maximo, & auersari.

Tertia. Non est æquum, inter vitia id numerare quod maximum habet usum ad parandam virtutem. Sed hæc sensus vacuitas, quæ posita est in omnium propè contemptione voluptatum, perutilis est ad virtutis adeptionem, vt vel ex ipso possumus Aristotele discere. Cuius ea vox est in postremo cap. lib. 2. horum Moral. oportere nos, erga voluptatem illud præstare ac facere quod fecerunt Troianorum senes ac Procures aduersus Helenam, eorumdemque vti voce debere in dimittenda voluptate, ita enim peccaturos ait nos esse leuius, & minore cum affectu in res inhonestas

ac turpes esse lapsuros. At Procere illi & senes Troianorum apud Priamum Consiliarij, quamquam Helenæ pulcritudinem admirabantur, censebant tamen & acclamatione communi pronunciabant, dimittendam esse, ne pareret exitium ciuitati, Græcis iam imminetibus, ipsūque penè prehendentibus murum, & Pergamam rescindere cupientibus.

Censet igitur Aristoteles contemptionem omnium voluptatum plurimum habere momenti ad parandas virtutes. Ait enim, eos vel non peccaturos vel peccaturos leuius qui dimittent à se voluptatem tamquam Helenam. at qui non peccant, aut peccant leuius, vel adipiscuntur, vel incipiunt adipisci virtutem.

Quarta. Nullum vitium est, ad quod impulsu quodam, impetūque sentientis animæ non pertrahamur. sed sensus siue appetitio sentientis animæ tantum abest, vt impetu suo ad hanc feratur stupiditatem, vt naturaliter potius ad sensus voluptates, & delectationes corporis incitetur. ergo huiusmodi stupiditas in vitio ponenda non est. Antequam & de quaestione statuamus, & propositas diluamus argumentationes, animaduertere primum necesse est, ac videre, qui fieri possit, vt hæc stupiditas & sensus vacuitas, quam insensibilitatem vocant, in aliquo mortalium inueniatur. Neque enim valetudine corporis sanæque mente vtens videtur posse quispiam funditus omnes à se voluptates ablegare, quæ capiuntur etiam è necessario pabulo & alimento. Dixerunt ergo nonnulli, posse insensibilitatem inueniri, non quidem in hominibus bona corporis valetudine vtentibus, sed in quibusdam, constitutione prædictis incommoda, atque humorum complexione praua corruptis. sed hoc esset naturale vitium, non morale, nec electio, & consuetudine partum, quale nos quaerimus. Alij contendunt, insensibilitatem non esse sensus vacuitatem absolutam, & eiusmodi repudiationem voluptatum, quæ prorsus omnes nolit & auersecur: cum hæc homini viuenti, valenti, & viuere volenti non possit accidere, sed esse appetitum ad eiusmodi repudiationem gustum ipsum impellentem. At ne hoc quidem videtur esse veritati consentaneum; quia appetitus nihil aliud est, quam actus & operatio: nos autem de habitu disputamus. Est igitur ad probandum id accommodatius quod rectè proponit Buridanus, differens in hunc penè modum: Homo, qui ad perfectam virtutem affectat viam, intelligens, quàm multa, quàmque graua ex nimio cibo, potūque proueniant ad animum incommoda, facili iudicat, eiusmodi voluptates, quoad fieri possit, abiiciendas esse, nec vsurpandas, nisi eatenus, quatenus conseruandæ vitæ necessariz sunt. In quo iudicio quia fallitur, eligit cibaria incommoda, & noxia naturæ, & pauciora quàm postulet corporis seruandæ necessitas, aut officium, aut vita decens, quæ pro conditione cuiusque varia est. quam viuendi rationem diu multumque retinens comparat demum habitum, aliqua humorum

complexione haud ita salubri atque idonea, fallum illud iudicium adiuuante.

Dicendum igitur est primum, eiusmodi habitum illo iudicio prauo, illisque frequentatis operibus ita comparatum & inductione facientem sua, vt minùs appetamus & sumamus alimenti, minùsque delectemur voluptatibus necessariis, quàm postulet ipsa naturæ conseruatio, aut personæ conditio, officium, hōnor publicus, aliæve circumstantiæ, esse vitium, naturæ, bonis moribus, humanitati rationique contrarium. Contrarium, inquam, naturæ, quæ triplex est, vegetans, media, siue sentiens, & rationalis. Nam vegetans postulare plus alimenti, sentiens plures vellet voluptates; rationalis & superior iubere deberet ex delectationibus vel necessariis corpori, vel corporis valetudini non contrariis sumi quod oportet, habita ratione congruentis vitæ, decori, officiorum, & cōditionis eorum, à quibus capiendæ sunt voluptates. Est contrarium bonis moribus, quia impedit actionem opūsque prudentiæ. Frangit enim corpus, deteriora reddit organa sensuum, & quod inde consequens est, sensus ipsos interiores debilitat, facitque, vt minùs deferuire rationi queant, hoc est, prudentiæ, quæ dicitur esse nihil aliud, quàm recta ratio rerum agendarum. Impedita igitur atque obligata prudentia, actus atque opera omnium planè moralium virtutum impediuntur, quarum fax, magistra, & dux est ipsa prudentia. sed omnium maximè impeditur, & coercetur fortitudo, quæ operibus suis idoneas postulat vires, & robur corporis haud infirmum. Quod verò attinet ad humanitatem, nihil illi tam contrarium esse potest, quàm sensus vacuitas. voluptates nimirū natura quasi conciliatricula quædam operibus humanis aspersit ideo, vt homines singuli conseruentur, vt genus humanum propagatione retineatur & augeatur. postulat igitur hoc naturæ decretum, vt hæc delectationes adhibeantur, & vsurpentur ad singulorum salutem retinendam, conseruandumque genus commune, non potest adeo non esse humanitati maximè contrarium quod tollit vtrumque. Audiamus Senecam in Stoicorum caula penè præuaricantem ep. 5. lib. 1. Hoc primum philosophia promittit, inquit, sensum commune, humanitatem, congregationem. Videamus, ne ista, per quæ admirationem parare volumus, ridicula, & odiosa fiant. Nempe propositum nostrum est, secundum naturam viuere. Hoc contra naturam est, torquere corpus suum, & faciles odisse munditias, & squallorem appetere, & cibis non tantum vilibus vti, sed tectis & horridis. quemadmodum delicatas res desiderare luxuria est, ita vilitas, & non magno parabiles fugere, dementia est.

Dicendum secundo loco est: hunc eundem habitum esse vitium, Temperantiæ quidem altera ex parte contrarium; sed tamen minùs, quàm sit intemperantia. Esse vitium Temperantiæ altera ex parte contrarium constat ex eo, quod positum sit in defectu, & in

eo, quod minus xquo iustoque est. ac non est minus, nisi eo, quod postulat medium Temperantiæ. non enim ad aliam refert virtutem, nec cum alia comparari mediocritate potest, quàm cum ea, quæ duobus extremis interiecta est, quorum vnum in exuperantia cibi, potusque cernitur, alterum in defectu. Esse autem minus vitium quàm intemperantiam, demonstrari multis rationibus potest. Prima: quòd minus opponitur Temperantiæ, quàm illa, immò præ se fert Temperantiæ speciem, & similitudinem aliquam. Secunda: quòd ab extremo facilius ad Temperantiæ mediocritatem ascenditur, quàm ab exuperantia ad eandem redeatur. ad mediocritatem enim facilis est gradus ab eo, quod minus est; cùm adiunct plurimum infusa huiusmodi delectationis cupiditas & inductio naturæ ad voluptatem. Tertia: quòd hoc vitium difficiliorem habeat accessionem & incrementum propter naturalem, quem obtinemus ad voluptates impetum. Qui enim peccat contra Temperantiam, ideo quòd nimis paucas capiat voluptates, non ita facile capit pauciores, sicut capit plures ille, qui peccat per exuperantiam. ac propterea stupiditas difficilius augetur, quàm intemperantia. Quarta. quòd multo minus adimat vsum rationis, quàm intemperantia. Intemperantium quippe vita transigitur inter commensationes, somnum, & libidines. quo tempore non vtuntur recta ratione magistra & duce. Eorum verò viuendi ratio, qui ex defectu peccant, his vacui voluptatibus, abundant otio, quod disciplinarum studio tradant, & rerum contemplationi diuinarum.

Dicendum tertio loco est, tam ea, quæ hic dicta sunt, quàm quæ supra in altera questione sunt disputata, non esse contraria ieiuniis, ac Temperantiæ Christianorum. Diximus enim; Temperatos homines eas voluptates & delectationes prætermittere omnino nō posse quæ necessariae sunt, vel vitæ simpliciter, vel vitæ in hoc, illi vbi officio, & conditione transigendæ. Delectationes autem neque vitæ simpliciter, neque vitæ officio, & conditioni necessariae, posse temperantem hominem sumere, si neque valetudini sint contrariæ, neque cum honestate pugnent, neque modum diuitiarum superent. & ceteris consentaneæ circumstantiis sint, quæ secundum virtutem perpenduntur. Hoc autem non est asserere, oportere huiusmodi voluptates ab homine temperante necessario v'surpari. Nam quemadmodum sine præteritione medij datur illi venia, vt eas capiat, sic etiam datur, vt prætermittat. semper quippe retinetur medium: siue sumantur, siue prætermittantur, quia necessariae non sunt. Quin laudabilius putamus eas omnes contemnere, ac prætermittere; magisque Temperantiæ id consentaneum esse. quia magis hoc ab intemperantia distat, illud eidem intemperantiæ finitimum est.

Nihil, inquam, dicimus quod ieiuniis & Temperantiæ Christianorum aduersetur. quia hæc etiam quamuis posita est maxime in

præteritione voluptatum minimè necessariae, ad religiosam abstinentioniam, aut ad alium finem honestum relata, vetat nos tamen prætermittere vsum cibi, qui corpori seruando vel vitæ, muneri, officioque nostro congruenter exigendæ necessarius sit. Immo Senecam ipsum id sibi velle puto, cùm dixit, viti dementis esse, prætermittere mundicias, & voluptates quasdam minimè quasitas: puto, inquam, significasse, iis vti oportere, cùm corporis salutis necessariae sunt, & congruentes vitæ conditionique personæ, quam sustinemus. Nam alioqui etiam Ethnici laudarent, atque v'surparunt ieiunia quædam atque abstinentioniam à cibo & Venere propter superstitionem aliquam, quam ipsi religionem existimabant. Numa Pompilius cùm profugibus faceret, esu carniū & Venere abstinent. quod est apud Ouid. 4. Fast.

V'sus abest Veneri, nec fas animalia mensis

Ponere, nec digitis annulus illi inest.

Julianus Cæsar, vt scribit Theodoret. in Ecclesiast. histor. lib. 3. cap. 1. & seq. & Pompon. Lat. in vita, oleribus, leguminibusque tantummodo vesci solitus est, & parcissima cœna ob religionem. Qui sacris Idis initianti erant, iuebantur dies omnino decem parere carnibus, & vino: quod testatur Apuleius, cùm de se ipso initia dō amplissimè scribit in lib. Metam. 11. propè fin. Egyptios qui ceteros superstitione vincebant, in peruigiliis quibusdam dierum sacrorum celebrasse ieiunia docet Herodot. in lib. 2. his verbis. Posteaquam ieiunauerunt pridie diei festi, atque obdormierunt, vaccam immolant, &c. Apud Romanos verò decretum erat, vt in sacris Cereris ante noctem epularetur nemo, vtque à vino in primis abstinere & Venere: quod docet Seruius, & Plautus ostendit in Aulular. apud quem ille

Cereri nuptus facturi estis, quia nihil temerè allatum video.

De Venere quippe docet hoc ex antiquorum auctoritate Tiraquell. ad leg. Connub. lib. 15. num. 116. Apud eosdem quinto quoque anno ex Sibyllinis carminibus prodigiorum causa ieiunij indicabatur. narrat hoc Liu. lib. 6. dec. 4. In his ergo ieiuniis solemnibus, cùm quasdam à se ipsi etiam Ethnici repudiarent voluptates, quæ alioqui si ritè, tempore, loco, ac modo, qui consentaneus sit, capiantur, Temperantiæ contrariæ non sunt, significarunt, ne ab ipsa quidem Temperantia alienum esse his velle carere propter honestum finem, in primisque ob animi religionem ac pietatem. Atque, hoc est, quod docet D. Thom. luculenter in 2. 2. quæst. 191. artic. 1. vbi cùm affirmasset, insensibilitatem esse vitium, quo se induerent ij, qui nollent delectationibus illis vtī, quæ sunt conseruationi naturæ necessariae, addidit, à delectationibus tamen, quæ consequuntur huiusmodi operationes, hoc est, à delectationibus vitæ conseruandæ non necessariis, sed tamen à Temperantia non alienis, esse laudabile se continere ob finem honestum. Nunc argumentationibus

illis respondere necesse est, quæ sunt initio propositæ.

Prima peccat in eo, quodd existimat, stupiditatem & *αιδυνίαν* esse sensus atque appetitus extirpationem: quæ si esset in nobis, extingueret vitam. Itaque cum stupiditas non sit hæc extirpatio, sed minor quædam appetitio, quàm postulet ratio, respondeamus, famem & sitim non esse in nostra ipsorum potestate, esse tamen in manu nostra sitim & famem ratione temperatam, hoc est, ob eam famem sitimque plus aut minus sumere cibi, potûsque, quàm natura & vitæ necessitas, officium, persona, vel conditio postulet. Quod verò attinet ad Aristotelem, & Eustratium, affirmantes, in cupiditatibus communibus peccari semper per exuperantiam; & peccatum ex defectu, naturali necessitate prohiberi, dicendum puto, in disciplina Morali sæpe pronuciari quædam & affirmari generali aliqua propositione, in qua tamen excipiendum aliquid sit. quod docet Aristoteles in primo Rhet. in §. Moral. Affirmantur autem sic esse vniuersæ, & generali propositione; quia plerumque sic sunt. Cum igitur in cupiditatibus communibus & naturalibus rarè peccetur ex eo, quodd minus aliquid cupiamus aut velimus, aut vîrumpemus delectationis, quàm natura postulet, dictum ab Aristotele est, atque ab Eustratio, ex defectu numquam, hoc est, rarè peccari.

Secunda ponit pro explorato ac certo quod falsum est: conducere nimirum, atque utilitatis asserre plurimum hanc sensus vacuitatem adeptioni virtutis. Quodd si Eustratius videtur id velle, non id tamen contendit, sed illud: hominî virtutem expetenti perfectam, non esse quicquam utilius, quàm profligationem euersionemque perturbationum, non quidem omnium, sed rectæ rationi contrariarum. exterminatio verò perturbationum huiusmodi patitur esse in animo affectionem aliquam rectæ parentem rationi, & non patitur esse *αιδυνίαν*, hoc est, vacuitatem sensus; quia hæc ipsa pugnat cum recta ratione. Ergo ab eo, qui ad perfectam contendit virtutem, tollitur, non admittitur aut probatur & retinetur insensibi-

litas. Idem sibi voluit Commentator, cum dixit, Philosophum theoreticis imbutum disciplinis auersari, atque odio habere perturbationes, affectionesque animi vniuersas. voluit, inquam, significare, hominî perfecto displicere maximè, & odio esse perturbationes à ratione auersas, & alienas, non illas, quæ cum recta ratione consentiunt.

Tertia etiam ponit pro comperto, insensibilitatem conducere plurimum ad parandam virtutem; quod abhorret à veritate. De Aristotelis testimonio ac dicto respondeo, eum esse locutum de voluptate imperium rationis detrectante. In eam rectè enim vîrumpamus vocem eorum Procerum qui apud Priamum deliberantes non patiebantur omnino se capi Helenæ pulcritudine, quia permiciosa erat, & dimittendam esse clamabant.

Quarta profligata iam fuit antè, cum explicauimus modum, quo peccent ij, qui minus appetunt voluptatis, quàm velit natura. Non enim hoc faciunt inductione naturæ, sed prauo iudicio, & quasi sophismate quodam decepti, ex quo iudicio habitum comparant, qui eos iubet minus expetere, minusque voluptatis capere, quàm par sit, & naturæ postulet necessitas. Denique questionem hanc totam permultum sanè illustrabit Gualteri Burlei partitio huiusmodi. Potest aliquis fugere delectationes sensus vitæ non necessarias duplici de causa. primò propter bonum finem, qualis est valetudo, vel paranda vel conseruanda: qualis est comoda facilitorque muneris functio. hoc enim sequebantur pugiles, & athletæ, cum à cibis se continebant & vsu Veneris: & scientiæ studiosi id etiam agunt cum voluptates qualdam contemnunt, quæ alioqui non essent Temperantiæ contrariæ. secunda causa esse potest tardium quoddam & molestitia, qua afficitur appetitus sentiens, dum cogitat & arbitrat, eiusmodi delectationes esse malas, atque improbas. Concludit, hos postremos verè dici laborare insensibilitatis vitio, superiores illos ab eo eximi & liberari vitio oportere.



CAPVT DVODECIMVM.

DE INTEMPERANTIA ET TIMIDITATE.

S V M M A.

Intemperantiam magis esse voluntariam, quàm timorem.

DIVISIO CAPITIS IN PARTES DVAS.

1. Intemperantia cum timiditate confertur.
2. Eadem intemperantia cum puerorum visio comparatur.

PARS

PARS PRIMA CAPITIS DVODECIMI.

ΕΚΟΥΣΙΩ Δὲ μᾶλλον ἔοικεν ἡ ἀκο-
λασία τῆς δολίας. ἡ μὲν γὰρ δι-
ήδονός, ἡ δὲ ἀφ' ἡδονῆς. ὡς δὲ μὲν
αἰρετὸν, ὅ δὲ φθικτὸν. καὶ ἡ μὲν λυ-
πη ἐξίτησι καὶ φθίρει τὴν τοῦ ἔχοντος
φύσιν. ἡ δὲ ἡδονὴ, ὥσπερ τοῦτον ποιεῖ,
μᾶλλον δὲ ἐκούσιον. ἀφ' ἧς καὶ ἐποιδιζο-
τεσθαι. καὶ γὰρ ἐπαυτῶν ῥᾶν τοῦ
αὐτῶν. πολλὰ γὰρ ἐς τὴν βίαν τὰ παύ-
τα. καὶ οἱ ἐθισμοί, ἀκίνδυνοι. ὅτι τῶν
φοβερῶν δὲ ἀπάγει. δοξάζει τ' αὖ
οὐχ ὁμοίως ἐκούσιον ἢ δολίαν εἶναι, τοῖς
καθ' ἕκαστον. αὐτὴ μὲν γὰρ ἄλυπος.
ταῦτα δὲ ἀφ' ἡδονῆς ἐξίτησι, ὥστε
καὶ τὰ ὅπλα ῥίπτει, καὶ τὰ ἄλλα
ἀγνοεῖ. ἀφ' ἧς καὶ δοκεῖ βία αἰετῶν. τὴν
δὲ ἀκατάσταν ἀπάγει, τὰ μὲν κατ'
ἐκαστὸν ἐκούσια. ὅπως μὲν γὰρ καὶ
ὁρεσμεύει. ὅ δὲ ὅλοι ἦτον. ὥστε γὰρ
ὅπως μὲν ἀκατάσταν εἶναι.

REi autem voluntaria magis similis in-
temperantia quam timiditas est. illa
enim ex voluptate, hæc ex dolore fit. e qui-
bus voluptas eligenda est, dolor fugiendus.
A dolor quidem abalienat à mente, & la-
befaciat naturam eius, in quo est: voluptas
verò nihil eiusmodi facit, sed magis est quid
voluntarium: adeoque etiam probrosior est.
Nam assuescere facilius est in his. multa
quippe in vita accidunt huiusmodi, & eo-
rum assuefactio sine periculo est. In rebus
autem formidolosis contra evenit. Posset au-
tem videri haud similiter esse voluntaria ti-
miditas, ac res singula; quòd illa dolore ca-
reat, hæc sic abalienent à mente, ut arma
abdicere, & alia indecorè facere cogant. ac
propterea violentæ videntur. Intemperanti
autem contra est. res enim singula volunta-
ria illi sunt, quippe eas appetenti & concu-
piscenti. uniuersum verò genus minus.
Nam nemo cupit intemperans esse.

EXPLANATIO.



INTEMPERANTIA, de qua dicta in superiori capite multa sunt, continuat hoc extremum, coniungitque cum illo. Continuat autem & coniungit ideo, quòd intemperantia cum aliis quibusdam compara-
tur vitiis: ut intelligatur, an iis deterior habenda sit. Constat adeo, ut breuissimè faciam, hoc caput partibus omnino duabus. in quarum
prima quaeritur, an intemperantia sit timiditate deterior. in altera; an eadem in-
temperantia similis sit virtutis puerorum.

De priore parte nunc explicaturus, id dico: tres Aristotelem in ea propositio-
nes exponere. primam: intemperantiam plus aliquid habere voluntarij, quàm ti-
miditatem & ignauiam, quæ fortitudini aduersatur: secundam: Intemperantiam
propterea reprehensione ac vituperatione digniorem esse, quàm timiditatem. ter-
ciam: illud ipsum voluntarium, quod in timiditate cernitur, non eiusdem esse ge-
neris, atque illud, quod intemperantiam facit probrosiorem.

Quod attinet ad primam; demonstrat Aristoteles hoc modo, intemperantiam
vitiū esse magis voluntarium, quàm timiditatem. Intemperantia quicquid agit,
propter voluptatem & delectationem agit, ad quam videlicet refert omnia. timidi-
tas verò propter dolorem, atque tristitiam, quæ vi faciunt sua, ut difficilia pericula
subterfugiat. sed delectatio magis est voluntaria, quàm tristitia & dolor. delectatio
enim optatur & concupiscitur à nobis, tristitia & dolor euitatur ac fugitur. ergo
intemperantia voluptatem persequens magis est voluntaria quàm timiditas, tristi-
tiam auersans & fugiens. Affert huic loco lucem id, quod huius initio libri dictum
est: cupientibus nimirum & volentibus nobis fieri ea, quæ cum voluptate sunt.
quæ cum tristitia sunt, nobis nolentibus fieri. Atque hæc est prima ratio, cuius vi
demonstrat Aristoteles intemperantiam magis esse voluntariam, quàm timidi-
tatem. Sequitur altera huiusmodi. Id quod non corrumpit, sed seruat potius, reti-
netque naturam, est magis voluntarium, quàm id, quod eandem corrumpit, euer-
titque naturam. Atqui delectatio, propter quam mouetur & agit intemperans, non

modò non corrumpit naturam, sed seruat: tristitia, propter quam pericula declinat & fugit ignauus, eamdem stupore quodam, & horrore conturbat, labefactat, atque corrumpit. ergo intemperantia magis est voluntaria, quàm timiditas. legendus esset Cic. in 4. Tuscul. vbi copiosius explicat, quanta sit vis ægritudinis & doloris, nominatimque docet, dolorem, & tristitiam homines ab alienare de statu mentis, ac de rationis sede quodammodo deturbare.

Secundam Propositionem & dictum, quo confirmat, hinc effici, intemperantiam esse probrosiorem, & reprehensione digniorem, quàm timiditatem, probat non modò ex eo, quòd vitia magis voluntaria grauiora etiam sint, atque odio digniora, verùm etiam propterea, quòd vitia, quæ possunt facilius euitari, multo maiorem habeant reprehensionem cum admittuntur: intemperantia verò vitari facilius, quàm timiditas possit. id quod demonstrat hac ratione: Vitium, quod emendari potest assuetudine contraria, facili, nullumque aut casus acerbioris, aut vulneris, aut mortis periculum offerente, facile potest euitari. Huiusmodi sanè intemperantia est. Potest enim vnusquisque facile ac sine vllò grauiori periculo assue fieri Temperantiæ bonis operibus atque officiis, quorum necessaria functio sæpe ac frequenter occurrit, & quidem sine periculo vllò euentus acerbioris. Contra verò fortitudinis exercendæ, depellendæque timiditatis occasio contingit rarius, & vbi accidit, cum periculo semper acerbis casus, & cum vitæ, vel vulneris periculo proponitur. Ergo vitium oppositum Temperantiæ, hoc est, intemperantia ipsa, facilius euitari, ac superari potest, quàm vitium oppositum fortitudini, hoc est, timiditas & ignauia: quòdque inde consequens est, intemperantia debet haberi probrosior, & vituperatione dignior quàm timiditas.

Tertium dictum & propositionem, in qua vt intelligamus esse magis voluntariam intemperantiam, disputat de vario ordine ac genere voluntarij quod in timiditate atque in intemperantia deprehenditur, explicat & declarat hoc modo. Illa, in quibus versatur timiditas, sunt voluntaria vniuersè, siue in genere; in singulis autem rebus sunt inuoluntaria, vel certè non ita voluntaria. opera bellica vniuersè, voluntaria maximè sunt, quia non inferunt dolorem, atque tristitiam per pericula necis & vulnerum. sed huius, aut illius belli pericula, vbi hostes valentissimi, & ferocissimi, vbi tela volantia, vbi vulnera certissima sunt, incipiunt esse inuoluntaria, propter dolorem atque tristitiam, quam inferunt animo. quæ tanta, inquit, interdum est, vt cogat etiam audaces alioqui viros stupore correptos atque alienatos à mente abiicere parmam hastamque. Itaque soliti sumus id quod hoc modo per summum timorem fit, comparare cum eo, quod est violentum: & sæpe qui ex timore fugerunt, illo se purgant nomine, vt hoc loco tradit Albertus, quòd tristitia & cordis contractio ingenium obstupefecerit, & vicerit animi vires. sed opera intemperantiæ sunt voluntaria in singulis rebus; vniuersè autem, atque in genere sunt inuoluntaria. Nam admittere adulterium & intemperatè epulari opera sunt vniuersim inuoluntaria; cum nemo velit vniuersè intemperatus esse, aut adulter in genere. admittere autem hoc, aut illud adulterium, his aut illis vesci cibis immoderatè, opera sunt voluntaria. quia voluntas appetit hanc aut illam feminam, hos aut eos cibos intemperanter. His verbis non significat Aristoteles, ea quæ peccat in singulis periculis timiditas, non esse voluntaria, sed esse minus voluntaria, & mista quodammodo compositaque ex aliqua inuoluntarij parte, quia timiditas & tristitia, quæ timiditatem mouet, ad inuoluntarium sic pertinent, quemadmodum delectatio, quæ mouet cupiditatem, referri per se debet ad voluntarium. Hæc cum ita sint, Concluditur iterum, intemperantiam, quia nihil in singulis experendis, & vsurpandis voluptatibus habet inuoluntarij, esse magis probrosam, & deteriore, quàm timiditatem. Cum vitium magis voluntarium turpius etiam sit, & odio dignum ampliore.

PARS SECVNDA CAPITIS DVODECIMI.

Τὸ δ' ὄνομα τῆς ἀνορθίας, καὶ ὅτι τὰς παιδικὰς ἀμάρτίας φέρει. ἔχουσιν γὰρ τὰ ὁμοιότητα. πεπερη-

Nomen autem intemperantiæ ad puerilia peccata transferimus. quamdam enim similitudinem habent. Vtrum

δι' αὐτὸ ποτέου κελεύει, ὅθεν πρὸς
 τὰ νῦν ἀφ' ἑρμ. δηλονότι, ὅτι ὁ ὕψι-
 ρος ἀπὸ τῆς ἀρετῆς οὐ κακῶς ἢ ἐπι-
 κε μιν ἀνέχεται. κακοῦ δὲ γὰρ δι-
 ὅ τ' αἰσθάνει ὁρεζύειν, καὶ πολλὰ
 αὐτῷ ἐστὶν. τοιοῦτον δὲ μέγιστα ἢ ὅτι-
 θυμία, καὶ ὁ παῖς. κατ' ἐπιθυμίας
 γὰρ ζῆλος καὶ τὰ παιδεία, καὶ μάστιγας
 ἐν τοῖς ἢ τῆς ἡδύς ὁρεζύει. εἰ οὖν μὴ
 ἐστὶν ἀπειθής, ἔτι δὲ ἀρῶν, ἐπι-
 πολὺ ἢ ἐξ. ἀπλῆτος γὰρ ἢ τῆς ἡδύς
 ὁρεζύει, καὶ πολυτεχέει τῶν αἰσθητῶν, ἔ-
 ἢ τῆς ἐπιθυμίας ἐνέργεια αὐτῷ δὲ συ-
 ῥήεις. καὶ μεγάλα, καὶ σφοδρά ὥς,
 καὶ τὴν λογισμὸν ἐκκρούουσιν. δὲ δὲ
 μπειάς αὐτῷ ἐστὶν ἔτι ὁλίγας, καὶ δὲ
 λόγῳ μὴ δὲ ἐν ἀποδοῦναι. ὁ δὲ τοιο-
 ῦτον, ἀπειθὴς λέγεται, καὶ κακοῦ με-
 νοῖ. ὅσοι γὰρ τὸν παῖδα δι' ἑστὶ
 πρὸς τὰς τῆς παιδαγωγίας τῆς, οὐ-
 πε καὶ τὸ ἐπιθυμητικὸν καὶ τὸν λόγον.
 δὲ δὲ τῆς σωφροσύνης τὸ ἐπιθυμητικὸν
 συμφωνεῖν τῷ λόγῳ. ὅσοι γὰρ ἀμ-
 φὸν τὸ καλόν, καὶ ἐπιθυμίας ἢ σωφρον-
 ῶν δι', ἔτι δὲ, ἔτι δὲ. ὅτι. ὅτι δὲ τὰ-
 ται ἔτι ὁ λόγος. ταῦτ' οὖν ἡμῖν εἰρηάζω
 περὶ σωφροσύνης.

autem ab alio denominetur, nihil attinet
 in presenti; quamquam manifestum est, à
 priore ductum esse posterius. Nec malè qui-
 dem translatum esse videtur. castigari enim
 debet id quod turpia appetit, multamque lu-
 xuriam habet. huiusmodi autem præcipue
 est appetitio, & puer. nam secundum cupidita-
 tem vivunt etiam pueri, & in his maxi-
 me rei iucunda est appetitus. Si ergo non cri-
 benè obtemperans, & sub imperante, in ni-
 mium venies. Inexplebilis enim rei iucunda
 est appetitio, & omni prorsus ex parte in d-
 mente; & cupiditatis usus id quod cogn-
 tum est, amplificat. Quod si magna & ve-
 hementes sint, rationem extrudunt. itaque
 oportet modicas esse, & paucas, & nihil ra-
 tioni repugnantes. Atque huiusmodi est,
 quod obediens appellamus, & castigatum.
 Ut enim puer debet secundum pedagogi præ-
 scriptum vivere, ita hac vis concupiscendi
 secundum rationem. Quocirca debet vis con-
 cupiscendi temperantis viri rationi congrue-
 re. Vtrique enim scopus est honestum. appe-
 titque temperans quæ oportet, & ut debet,
 & quando oportet. ita enim præcipit & ra-
 tio. Atque hæc dicta sunt satis de Tempe-
 rantia.

EXPLANATIO.

IN hac altera, eaque postrema capitis parte, comparatur intemperan-
 tia cum peccato puerili. statutum enim supra iam erat, esse vitium ti-
 miditate deterius; quia vinci facilius potest: adeoque, ut intelligatur
 amplius, ita rem esse, & facillimè profligari posse, confirmat hic præ-
 terea, esse peccatum puerile, siue peccatum, quod cum erratis pue-
 rorum possit aliqua ratione conferri. idque demonstrat primum ex nomine. Græci
 enim Temperantiam quidem appellant σωφροσύνην, intemperantiam verò ἀκολα-
 σία. quæ vox significat propriè id quod est contrarium castigationi, emendationi
 ac disciplinæ. itaque barbarè reddi posset indisciplina. Et quoniam hæc in pue-
 ris plerumque cernitur, pueros ipsos proteruos, petulantes, expertes emendatio-
 nis & disciplinæ iidem Græci nominant ἀκολάστους. à verbo κολάζω, quod est emen-
 do, castigo, punio, aut animaduerto, addito ad contrarium significandum, alphiā
 priuatiuo. Cum ergo & intemperantiam appellemus ἀκολασία, quod vitium est pue-
 rorum proprium, & intemperantes viros dicamus ἀκολάστους, ait Aristor. vel ipsum
 nomen significare. intemperantiam quoddam esse vitium, quod comparati cum vi-
 tio puerorum proprio possit. Vtrum autem nomen ἀκολασίας sit primum impositum
 intemperantiæ, deinde translatum ad proteruiam puerorum: an contra inditum
 puerorum contumaciæ sit primum, deinde deductum ad intemperantiam signifi-
 candam, ait Aristoteles quæri quidem ab aliquo posse; sed quæstionem esse ab
 hoc loco alienam; satisque habet statuere, id quod posterius hoc nomine voca-
 tum est, à priore translatum & deductum fuisse oportere. sed in 3. ad Eudem. vi-
 detur significare hoc nomen ἀκολασίας puerorum peccatis, quæ castigata & emen-

data non essent, impositum primo fuisse, deinde translatum ad intemperantiam hominū exprimendam. Sed utcumque res sit, iure optimo translationem hanc adhibitam fuisse demonstrat: quia similitudo maxima inter pueros & viros intemperantes est. Similitudo autem est in eo posita, quod cum pueri toti sint in cupiditatibus, & cupiditate potius agant omnia, quā ratione, nec esse habent emendari, & castigari, ne illorum cupiditas, & voluptatum appetitio in immensum excrescat. oportet, inquit Aristot. quod intemperatum est, nimiumque luxuriat, & exuberat, coercere, ne serpat quotidie latius, & longius euagetur. Ea enim est cupiditatis natura & vis, ut nisi cohibeatur, ab una delectatione gradum faciat ad aliam cognatam, ac similem voluptatem. Est denique voluptatum sitis inexplebilis, ut docet Cic. 1. de fin. & 7. Parad. Plat. in lib. 4. Reip. Atque idata prorsus accidit in vita puerorum, nisi animaduersione corrigantur & emendentur disciplina. quia cupiditate, non ratione ducuntur; quam videlicet habent infirmam, hoc est, eam, quæ cupiditatibus & voluptatibus amplificatis, atque in immensum auctis opprimi facile possit. Correctis autem hisce cupiditatibus, pueroque iam emendato dicimus verè id quod remanet, inquit, esse temperatum & castigatum.

Comparat igitur hæc quæ de puero dixit cum viro intemperante; aitque, cum duci cupiditate, non ratione, eique sitim insatiabilem esse delectationum, & voluptatum; qualis potissimum esse solet homini stulto ac dementi. quæ causa fortasse fuit, cur Socrates apud Xenophontem appellaret intemperantiam, non *exalta-* *das*, sed *uarias*, dementiam & furorem. Quare quemadmodum puer institutoris & prædagi præscriptum audit, sic intemperans obtemperare rationi debet, cuius est institutio præclara: adeoque tum verè Temperans appellabitur, cum à ratione quasi puer correctus emendatusque, eam sentientis animæ partem quæ cupiditatum est domicilium & sedes, obtinebit virtuti congruentem & sapientiæ. Tunc enim appetet quod appetere decet, & quo tempore decet, & quemadmodum summa lex imperabit & ratio.

EPILOGVS.

1. *Intemperantia vitium est timiditate peius, atque deterius, quia magis voluntarium est, adeoque vituperationi obnoxium ampliori.*
2. *Voluntarium, quod in timiditate cernitur, non est eiusdem ordinis, atque illud, quod cernitur in intemperantia. Timiditas enim habet aliquid inuoluntary.*
3. *Intemperantia dici vitium puerile potest propter similitudinem, quam obinet cum peccatis, quæ propria puerorum sunt.*



IN CAPVT DVODECIMVM,

QVÆSTIO PRIMA.

An Intemperantia sit Vitium Timiditate deterius.



QUOD ab Aristotele decretum sit paulò antè iam vidimus. Sed tamen ipsam esse timiditatem intemperantia peiorem & deterio-rem hæc videntur argumentationes ostendere. Prima: Illud vitium inter cetera peius, & deterius est, quod meliori atque excellentiori virtuti contrarium est. Quare Aristoteles in lib. 7. cap. 1. ut ostenderet, feritatem esse vitium quoddam exuperans, & longè superans omnia, dixit, oppositum & contrarium esse virtuti Heroicz, quæ maxima omnium est, immò verò flos apèxque

virtutum. Sed timiditas opponitur excellentiori virtuti, quàm opponatur intemperantia. opponitur enim fortitudini, quæ ab Aristotele in lib. 1. Rhet. antefertur aliis virtutibus, excepta Iustitia. Ergo Timiditas est vitium peius, atque deterius.

Secunda. Vitium eo peius videtur esse, quo magis est voluntarium. id quod etiam docet in hoc cap. ipsemet Aristoteles. Sed timiditas multo magis videtur esse voluntaria, quàm intemperantia. Nemo quippe vult, & cupit esse intemperatus, ut ait hic idem Aristot. contraque multi, ne moriantur

et periculum adeant mortis, concupiscunt, volunt, & eligunt fugam.

Tertia sumi potest ex iis, quæ sunt apud Aristotelem in lib. 7. cap. 7. ubi ait, eum qui validissimis eximisque delectationibus aut doloribus tristicis vincatur, esse dignum venia & condonatione. & in lib. 2. cap. 3. ubi confirmat, difficilius esse contra voluptatem, quàm contrairam pugnare. Ita verò fortior videtur esse, quàm timor. Ex his, inquam, duci potest huiusmodi ratio: Quo difficiliora sunt & fortiora ea, quibus aliquis vincitur, hoc debet esse vituperatio minor, quæ ille dignus existimatur. At intemperantia vincitur à delectatione ac voluptate, quæ fortissima & potentissima est. ergo minori digna vituperatione ac probro est, quàm timiditas, quæ malo vincitur haud ita potenti, ac forti.

Dicendum nihilominus est, intemperantiam esse vitium peius atque deterius quàm timiditatem. Quod & rationibus ab Aristotele propositis, & aliis oppidò multis, iis similibus, demonstrant Burid. & D. Thomas. Summa videtur hæc esse. Cùm vitium vnum alteri comparatur, spectari ex altera parte debet vitij materia, ex altera hominis ratio peccantis ex vitio. Quæ duo si perpendamus in utroque vitio, intelligemus, intemperantiam esse sine dubio timiditate deterius. Nam primo quidem, quod ad maiorem attinet, timiditas reformidat effugitque mortis imminenti, aut vulnere, plagarumque pericula, ad quæ fugienda mentem hominem compellit vitæ conservandæ summa necessitas. Neque enim videt alio præsidio vitam tueri se posse, quàm fuga. Intemperantia verò tota in delectationibus est, quarum & appetitus & usurpatione non est vitæ conservandæ necessaria. Delectationes enim & voluptates, sine quibus consistere vita non potest, qui respuit, is adversus ipsam peccat Intemperantiam ex defectu. ergo intemperans, quoniam per exuperantiam peccat, semper in iis voluptatibus est, quæ vitæ servandæ necessariæ non sunt. At quo magis conservandæ vitæ necessarium est id, quod movet ad peccandum, eo minus ac levius peccatum habet. ergo timiditatis peccatum, ad quod impellit illa servandi corporis vitæque necessitas, est levius: intemperantiæ verò vitium, ad quod nulla incitat vitæ tuendæ necessitas, sed sola cupiditas voluptatis, est gravior. Ad hæc. vitium illud vitata omnia vincens vitia, & prope modum humano maius, dicitur ab Aristotele feritas in lib. 7. cap. 1. ut intelligamus eo vitium esse deterius, quo magis ad belluarum conditionem & naturam accedit. Sed intemperantia affinis est belluinis moribus, & belluis ipsis homines simillimos reddit, ut idem multis locis supra docuit Aristoteles. ergo, si materiam spectemus huius vitij, fateri necesse habemus, esse vitium longè deterius. Id quod etiam affirmabimus, si hominis hoc vitio laborantis peccantisque mentem, peccandi rationem intueamur & habitum. Tres enim hinc elici possunt argu-

mentationes idoneæ ad id quod contendimus ostendendum. Prima. Quo magis ille qui peccat est sui compos, hoc peccare magis dicitur & gravius. Hinc enim fit, ut qui mente sunt abalienata, nec ratione utuntur libera, quamquam in speciem acerbissima scelera committunt, peccare tamen & scelere se contaminare non censeantur. Sed tristitia gravis, & maximus timor, cuiusmodi accidit in periculis mortis, stupescit, abalienatque mentem hominis eximescentis; quod non facit intemperantia. ergo timiditas seddit eius peccatum levius: intemperantia maius. Secunda. Quo magis aliquod peccatum voluntarium est, hoc putatur esse deterius. sed intemperantia multo plus habet voluntarij, quàm timiditas. quæ enim ex timore sunt, causam habent extrinsecam accidentem, impellentemque peccantem, ac propterea violenta quodammodo censeantur, certe dicantur esse voluntaria mista in lib. 3. cap. 11. Intemperantia verò nihil habet, quod voluntarium simpliciter impediatur. ergo maius aliquod in hæc est vitium, quàm in timiditate ac metu. Tertia. Adversus intemperantiam facile potest adhiberi remedium, & pugnari etiam facile, hoc est, sine periculo. iucunditates enim ciborum, & venereæ voluptates occurrunt in vita pene quotidie; & sine vlllo vitæ graviori periculo creberrimis adibus expelli denique possunt. adversus timiditatem autem remedium difficilius est, nec sine periculo cum illa certatur. pericula quippe mortis ratioa sunt; & cùm imminet, non potest adhiberi timiditati remedium, nisi aggrediendo periculo. ergo difficilius hæc sanatur, & maiore cum periculo, quàm intemperantia.

Ut autem argumentationes initio propositæ consutentur, erit animadvertendum: vitij gravitatem è duobus spectari posse, hoc est, ex eo, quod priuat animum bono virtutis oppositæ, & ex eo, quod eundem animum turpificet inficiatque postivè. quæ duo faciunt, ut diversa ratione ac modo vitium vnum sit alio gravius atque deterius. Nam si velimus attendere virtutis bonum, quo priuatur animus opposito vitio, haud dubie vitium eo maius erit, quo maior & excellentior est virtus, quam eripit animo. Sin autem intueamur eam labem & notam, quam inurit animo vitium, eo maius existimari debet, quo turpiorem imprimet maculam. Ex his igitur intelligamus oportet, cur interdum timiditas intemperantia deterius, interdum intemperantia timiditate peior esse videatur. Nam, si bonum spectemus, quo timiditas animam priuat, haud dubie peior habenda timiditas, quàm intemperantia est. priuat enim fortitudinis bono, quæ virtus maior est, quàm Temperantia, quæ refertur ad bonum commune, vel aliquorum, vel civitatis. Sin autem inspicimus penitus eiusdem animæ maculam & turpitudinem, qua postivè inficitur à timiditate, inveniemus, timiditatem esse vitium levius, quàm intemperantia sit. Id videlicet ostendunt tra-

tionem in Conclusionem paulò antè propositæ ac declaratæ. Timiditas enim habet aliquid inuoluntarij, intemperantia tota suæ spontis est, & voluntate peccat ac iudicio suo. Timiditas rarò inuenit hostem; & cùm inuenit, difficillimam habet pugnam. intemperantia quotidie, assidueque pugnandi nanciscitur occasionem, & hostes habet, qui facillè possunt expugnari: quo fit, ut inurat animo maiorem turpitudinis notam. Denique intemperantia reddit homines similes belluis, & ducitur impulsu minore, quàm timiditas. hæc enim magnum habet impulsum ad fugam: illa minorem ad voluptatem. Itaque responderi primæ argumentationi debet, timiditatis vitium, si spectetur boni virtutis, quo priuat animum, esse deterius; si maculam, & turpitudinem, qua eundem inficit postrius, leuius quàm intemperantiam esse. Sed nos cùm in Conclusionem diximus, intemperantiam esse deteriorem, habuimus rationem eius turpitudinis, qua inficit animum, non boni, quo priuat.

Secundæ respondetur, timiditatem verè magis voluntariam in vniuersum, quàm intemperantiam esse, quæ tantùm est voluntariam rebus peculiaribus & singulis nominatim expetendis. Nemo enim vult vniuersè intemperatus esse, sed cùm quisque peccat ex intemperantia, peccat ex eo, quòd vult hanc aut illam delectationem peculiarem, & propriam. In his autem, quæ ad timiditatem pertinent, contrà fit; in quibus quod est commune ac generale, magis etiam voluntarium est: cuiusmodi est arripere fugam & vitam seruare. Qui enim hoc eligit, summo iudicio & voluntate eligit. Id verò, quod est magis peculiare ac proprium, non est ita voluntarium, ut abicere sentum & gladium. id enim cùm fit, ab hominibus stupore iam correptis & propè amentibus fit ac propterea non voluntarium simplex dicitur esse, sed mixtum. Ceterum voluntarium illud in generalibus rebus vix voluntarium appellari debet, & si voluntarium est, dicitur voluntarium secundum quid. qui enim simpliciter aliquid vult, nominatim hoc, aut illud vult, non vniuersim & generatim aliquid. Cùm ergo volunta-

rium spectetur magis in singulis rebus, quàm in vniuersis, & generalibus: hoc autem maius in intemperantia, quàm in timiditate fit, dicendum sine dubio est, magis esse voluntariam Temperantiam, quàm timiditatem. illa enim cùm res peculiares vult; habet aliquid admixtum inuoluntarij: hæc nihil habet admixtum eiusmodi, & plane voluntaria est.

Tertiæ responderi debet adhibita partitione timiditatis. timor enim, de quo à nobis est sermo, ille debet intelligi, qui nascitur ex propositione grauissimorum periculorum corporis & mortis. sed est alius timor, & tristitia existens ex periculo amittendarum diuitiarum, fortunæ, bonorum, aliarumque rerum. Quæ particio eo pertinet, ut intelligamus, timorem hunc posteriorem non esse perturbationum aut delectationum, affectionumque omnium potissimum, nec eum, qui omnium difficillimè superari queat. sed eiusmodi esse illum, qui nascitur ex propositione mortis. amor enim vitæ, qui facit pericula mortis omnia formidolosissima, & propter quem huiusmodi pericula fugiuntur, multo magis est hominum naturalis & insens; quàm cuiuslibet cupiditas delectationis, voluptatisque quæ ex cibo, aut Venere percipitur. huiusmodi enim delectationes ad conseruationem vitæ natura referuntur. ergo amor vitæ potior est, quàm ceterarum rerum omnium amores & voluntates. Hac, inquam, adhibita partitione, respondeo: difficilius esse timorem mortis vincere, quàm quemlibet alium affectum, amoremque voluptatis: non esse tamen difficilius, vincere timorem amittendæ rei familiaris, quàm aliam quamlibet affectionem, quia multi anteponunt diuitiis voluptatem rei venereæ, aut cibi potisque suauitatem. Cùm verò dixit Aristoteles, voluptates esse potentissimas, & eas, quæ difficilè vincuntur, quàm ira, alieque animi affectiones, si cum his affectionibus ipsam quoque timiditatem coniunxit, non eam intellexit, quæ oritur ex vitæ discrimine, sed quæ ex aliorum bonorum periculo nascitur.

GALETTI

HEAT

GALETTI

TARQVINII
GALLVTII
 SABINI
 E SOCIETATE IESV.
 IN
ARISTOTELIS
 LIBRVM QVARTVM
 MORALIVM
 AD NICOMACHVM,
*NOVA INTERPRETATIO, EXPLANATIO,
 QVÆSTIONES.*

TAROVINI
GALLVTH
SABINI
E SOCIETATE IESV.
IN
ARISTOTELIS
LIBRUM QVARTVM
MORALIVM
AD NICOLAVM
GONV VITELLIVM, EPISCOPVM
E. JONIV



EMINENTISSIMO
ET REVERENDISSIMO PRINCIPI
CARDINALI
ANTONIO
BARBERINO.

TARQUINIUS GALLIVS F.



ARVM tu moralium quaestionum, Illustrissime Princeps, indices ipsos & lemmata si lustraveris oculis, confestim intelliges, quid causæ fuerit, cur hunc potius librum honori tuo seponendum & dicandum putaerim. Occurrunt tibi nimirum in limine Liberalitas, Magnificencia, Magnanimitas; quas tibi virtutes delegisti præ cæteris, quia Principum, & copiosorum hominum propriæ sunt. Sequitur aliarum chorus, leniorum, & molliorum, quibus æquè Principum conditio, ac vita priuatorum excolitur. omnes denique longo procedunt ordine, quarum imagines in te, non indiciis adumbratas, sed perfectis iam operibus intuemur expressas. Neque enim istas ego Matronas humana specie celsiores allegare ausim ad te tanquàm ad Herculem hæsitantem in biuio, ac de vitæ genere consultantem; cùm tu pridem animo viceris ætatem, & in illo annorum flexu, quo ceteri de virtute deliberant, ipsum iam regnum obtineas, ditionemque virtutis. Itaque sola mihi suscepti à te consilij relictæ laudatio est: & si quod ab institutio-

ne mea proficisci præterea hortationis officium debet,
 non tam de capeßenda virtutis via, quàm de retinenda
 iam inita & arrepta, mihi facienda eße verba intelligo.
 Et quoniam ex multiplici numeroßæ virtutis itinere
 illud tibi potiffimùm placuit, quo leuanda pauperum
 inopia, tuendißque calamitofiß ac miferiß, itur ad glo-
 riam, perge quà te vocat ißta diuinæ benignitatis imita-
 tio, & factiß immortalibuß angußtiß æui, ac præteruo-
 lantiß vitæ mortalitatem extende. Nulliß crede morta-
 lium vocibuß in ißta fortuna, nißi naßcantur ex merito;
 nec, fi me audiß, applaufu delectaberiß & acclamatio-
 ne falutantium, nißi ſciäß, liberalitate ac benè factiß ar-
 cana te omnium peßtora promeruiß. Aurium enim
 & oculorum, vt dixit ille, caducus eß fructuß, bene-
 ficentiæ verò ac largitatiß, æternuß. VALE.





IN
ARISTOTELIS
LIBRVM QVARTVM
DE MORIBVS
AD NICOMACHVM
ARGVMENTVM.

DISPVTAVIT Aristoteles supra de virtutibus iis, quæ ipsum tuentur, & moderantur hominem. de aliis nunc explicare ac differere pergit, quæ in eiusdem hominis externis bonis malisque regendis occupantur. Totus enim hic liber diuidi potest in partes duas: quarum altera ad affectiones illas hominis pertinet, quæ reguntur à virtutibus, in materia versantibus externa; cuiusmodi est liberalitas & magnificentia, quæ facultates opesque in probos, ac rectos vsus conuertunt; cuiusmodi est magnanimitas, siue altitudo animi, quæ honores & expetit & ressuat ut decet: cuiusmodi est lenitas, aut mansuetudo, quæ iram in externam quoque prorumpentem ultionem in officio continet. Altera quosdam actus sermonesque, siue congressus amplectitur, quibus virtute conditis, tota vitæ consuetudo suaui efficitur & iucunda. Hos videlicet iusta suauitate, ac probitate imbuunt affabilitas, veritas, urbanitas, de quibus agitur in extremo libro, ipsa quoque pudoris ac verecundiæ moderatione ad ampliorem operis absolutionem adiecta.



CAPVT PRIMVM
DE LIBERALITATE.

S V M M A.

Quæ sit functio liberalitatis, quæ ratio extremorum.

DIVISIO CAPITIS IN PARTES QVATVOR.

1. De Liberalitatis, extremorumque materia discernitur.
2. Quas in dando aut in non dando spectare circumstantias virum liberalem oporteat.
3. Quibus in rebus exuperet prodigus, in quibus avarus deficiat.
4. Avaritia insanabilis est, ac varios obtrinet modos.

PARS PRIMA CAPITIS PRIMI.

Λεγόμεν δ' ἐξῆς πρὸς ἐλευθε-
ριότητα. δοκεῖ δὲ εἶναι πρὸς χρη-
ματα μεσότης. ἐπαίρεται γὰρ ὁ ἐλευ-
θεριος, οἷον ἐν τοῖς πολεμικοῖς, οὐδ' ἐν
οἷς ὁ σῶφρων, οὐδ' αὖ ἐν τοῖς κρί-
σειν, ἀλλὰ πρὸς δόσιν χρημάτων καὶ
λήψιν· μάλλον δ' ἐν τῇ δόσει. χρη-
ματα δὲ λέγουμεν πᾶντα ὅσων ἡ ἀξία
νομίσματα μετατρέπεται. ἐστὶ δὲ καὶ ἡ ἀσω-
τία, καὶ ἡ ἀνελευθερία πρὸς χρημα-
τα ὑπερβολαί, καὶ ἐλλείψεις. καὶ πλεον-
μὴν ἀνελευθερίας πρὸς αὐτοῦ ἀπὸ
τοῖς μάλλον ἢ δεῖ πρὸς χρηματα απο-
δαΐζουσι. πλεον δ' ἀσωτίας ὑπερβό-
λῃς εἴητε, συμπλέκοντες τοῖς ἀκρα-
τοῖς. τοῖς γὰρ ἀκρατοῖς καὶ εἰς ἀκολα-
σίας διαπορεύουσι, ἀπώτοις καλοῦμεν.
ὅς καὶ φανερὰται δοκοῦσιν εἶναι. πολ-
λας γὰρ ἅμα κακίας ἔχουσιν. οὐδὲν
εἰκείως πρὸς ταχέως βούλεται γὰρ
ἀσώτος εἶναι, ὁ ἐν τῇ κακίᾳ ἔχων, ὅς
φθίρει πλεον οὐσίαν. ἀσώτος γὰρ ὁ δὲ
αὐτῷ ἀπολλυμένος. δοκεῖ δὲ ἀπώλῃς
ἡ αὐτῇ εἶναι, καὶ ἡ τῆς οὐσίας φθορά,
ὡς τῇ ζῆν ἀφ' αὐτῶν ὄντες. οὕτως δὲ
πλεον ἀσωτίας ἐκδεχόμεθα. ὧν δὲ ἔστι
χρεία ἡς, ἐστὶ τούτοις χρῆσθαι, καὶ δεῖ,
καὶ κακῶς. ὁ πλούσιος δὲ ἔστι τῷ χρη-
σίμῳ. ἐκείνῳ δ' ἀεὶ χρῆται, ὁ ἔχων
πλεον πρὸς ἐκείνῳ ἀρετῶν. καὶ πλούσιος
δὲ χρῆται ἀεὶ, ὁ ἔχων πλεον πρὸς
τῇ χρημάτων ἀρετῇ. οὗτος δὲ ἔστιν ὁ
ἐλευθεριος. χρῆσις δ' εἶναι δοκεῖ χρη-
μάτων διαπορῆναι, καὶ δόσιν. ἢ δὲ λήψιν,
καὶ ἡ φυλακὴ, καὶ τῶν μάλλον. ὅς μάλλον
ἔστι τῷ ὑποδουλοῦντος ὅς διδοῖναι οἷς δεῖ, ἢ
λαμβάνειν ὅς δεῖ, καὶ μὴ λαμβάνειν ὅς
οὐ δεῖ. ἢ ἀρετῆς γὰρ μάλλον ὅς εὖ ποιεῖν,
ἢ ὅς εὖ πάσχειν, καὶ τῇ καλῇ πρὸς τῇ
μάλλον, ἢ τῇ αἰσχροῖ μὴ πρὸς τῇ. οἷον
ἀδελφὸν δὲ, ὅς τῇ μὴ δόσιν ἐπιτελεῖ ὅς
ποιεῖν καὶ ὅς καλῇ πρὸς τῇ. τῇ δὲ λήψιν. ὅς
εὖ πάσχειν, ἢ μὴ αἰσχροποιεῖν. καὶ ἡ χάρις ὅς
διδόναι, οὐδὲ μὴ λαμβάνειν, καὶ ὁ ἐπαί-
ριος δὲ μάλλον. καὶ ῥᾶν δὲ τὸ μὴ λαμβάνειν

Dicamus verò deinceps de Liberalita-
te. videtur autem esse in pecuniis me-
diocritas. laudatur enim liberalis, non in
bellicis rebus, nec in iis, in quibus tempe-
rans: neque rursus in iudiciis, verum
in largitione pecuniarum et acceptione;
sed magis in largitione. Pecunias autem
appellamus omnia, quorum aestimatio num-
mo ponderatur. Sunt autem prodigentia,
et illiberalitas in pecuniis exuperantia,
ac defectus. Et illiberalitatem quidem ad-
scribimus semper iis, qui magis, quam o-
portet pecuniis student. prodigentiam ve-
rò attribuiamus interdum, confundentes
intemperantibus. Incontinentes enim, et
ad intemperantiam sumptuosos, prodigos
dicimus. Itaque etiam improbiissimi viden-
tur esse: multa enim simul vitia habent.
Non igitur propriè appellantur. Videtur
prodigus esse, qui uno tantum vitio affe-
ctus est, quod consumat rem suam. Nam
prodigus est qui per se perit. Videtur porro
exilius quoddam sui ipsius esse etiam fa-
cultatum dissipatio; cum viuendi ratio pen-
deat ex his. Hoc igitur modo prodigen-
tiam accipimus. Quarum autem est rerum
usus aliquis, iis licet uti, et rectè, et per-
uersè. Atqui diuitiae sunt ex utilibus, et
qui singulis benè utitur, virtutem habet
in singulis. Diuitius igitur videtur optimè,
qui virtutem, circa pecunias habuerit. is
autem est liberalis. Usus verò esse vide-
tur pecuniarum sumptus, et largitio. Ac-
ceptio verò et custodia, possessio potius.
Quare potius liberalis viri est dare qui-
bus decet, quam accipere unde decet, aut
non accipere unde non decet. Virtutis e-
nim magis est afficere beneficio, quam affi-
ci, et praeclara agere potius, quam tur-
pia non facere. Dubium autem non est, quin
ex donatione sequatur benè facere, honesta-
que agere; ex acceptione verò, benè fieri, aut
non indecorè facere. Praeterea gratia dantem
sequitur, non cum qui non capit, et potius
laus: cum facilius sit, non accipere, quam

ἢ δόκωαι. τὸ γὰρ οἰκεῖον ἦτον παρ' αὐτοῖς
 μάλλον, ἢ ἢ λαμβάνουσιν τὸ ἄλλότριον. καὶ
 ἢ ἢ λαμβάνουσιν δὲ λέγεται οἱ δίδοντες. οἱ δὲ
 μὴ λαμβάνοντες, εἰς εἰς ἐλάττωσι-
 πται ἐπαριούται, ἀλλ' οὐχ ἦτον εἰς
 διανοουμένων. οἱ δὲ λαμβάνοντες οὐδὲ
 ἐπαριούται πᾶν. φιλεῖται δὲ ἢ ἢ
 δὲ μέγιστα οἱ ἐλάττωσι τῷ ἄτ' ἢ ἢ
 τῆς. ὡφέλκει γὰρ. τὸ δὲ ἐν τῇ δόξῃ.

donare. Nam suum multo minus profun-
 dunt, quam non accipiunt alienum. Libe-
 rales etiam dicuntur qui donant: qui verò
 non accipiunt, non a liberalitate laudan-
 tur, sed potius à iustitia. qui autem acci-
 piunt, non valde laudantur. Ferme verò
 amantur maximè liberales ex omnibus
 virtute præditi. utiles enim sunt. id verò
 in donatione positum est.

EXPLANATIO.



VR agere statim de Liberalitate voluerit Aristoteles, explicata iam
 temperantia & fortitudine, ea proferri potest probabilis causa; quòd
 duas illas virtutes in primis bonis, hoc est, in vita versantes & salu-
 te hominis, excipere debeat ea, quæ versetur in bonis secundis. Nam
 quemadmodum dux illæ virtutes vitam & retinent & impendunt se-
 cundum rationem, & prudentiæ leges, sic liberalitas opes, pecuniam, & secunda
 bona dat, aut retinet ex eiusdem imperio & præcepto prudentiæ. Diuiditur hoc
 Caput in partes quatuor. In quarum prima, liberalitatis & vitiorum liberalitati con-
 trariorum materia proponitur, eiusdem functiones virtutis explicantur. In secun-
 da, circumstantiæ liberalitatis inuestigantur, quæ faciunt, ut dare & accipere libe-
 ralitatis opera sint. In tertia statuitur de prodigo & liberali, eaque assignantur, in
 quibus exuperat prodigus, deficit illiberalis. In quarta, disputatur nominatim de
 illiberalitate, eiusque modi explicantur varij, quærunturque causæ cur dicatur in-
 sanabilis.

In prima ergo parte, de materia liberalitatis agit remota, ut docet hic Græcus
 Scholiastes. Nam materia propinqua liberalitatis non pecunia, sed cupiditas pe-
 cuniæ, & animi affectio est: quod etiam de fortitudine diximus, cuius materiam
 remotam voluimus esse cædes, vulnera, res terribiles: proximam, timorem &
 audaciam. In summa, propinqua materia virtutum singularum est aliqua animi per-
 turbatio remota, id quod perturbationem impellit & citat.

Docet igitur primùm Aristoteles, tam liberalitatem, quàm vitia, peccatæque
 contraria in nummo pecuniæque versari. adeoque fieri, ut hæc virtus nihil aliud sit,
 quàm mediocritas in pecuniis occupata. Id quod ampliùs demonstratur hoc modo:
 Quælibet virtus mediocritas quædam est, in iis versans & posita, in quibus ipsa fun-
 ctio virtutis opusque laudatur. Cum enim aliqua laudatur virtus, laudatur ideo, quòd
 certis quibusdam in rebus agendo, mediocritatem inuenerit. At liberalitatis functio
 cum laudatur, propterea sanè laudatur, quòd pecunias probè tractarit. Rectè quip-
 pe Aristoteles ait hoc loco, liberalem virum, cum laudatur, non ideo laudari, quòd
 prudenter se gesserit in bellicis rebus, aut quòd usurparit temperanter Veneris
 aliæve tactionis voluptates, aut quòd in iudiciis benè sanctæque versatus sit, hoc
 est, rectè iudicarit; & suum cuique reddiderit, quemadmodum lex iustitiæ præci-
 pit; sed quòd pecuniam tum dederit, tum acceperit, ut oportet. Non enim in sola
 donatione pecuniæ, sed in acceptione quoque versari liberalitas debet, ut decla-
 rabitur.

Poterat aliquis hic dicere non in sola pecunia versari liberalitatem, sed in aliis
 quoque bonis externis, aut fortunæ; quæ damus accipimurque. Responder, lo-
 cum occupans Aristoteles; pecuniæ nomine se complecti res omnes, quarum æsti-
 mationem nummo & pecunia metiri soliti sumus. Pecuniam hic appellat Græcè
 χεῖμα, & liberalitatem ait versari iis in rebus quæ χεῖματα Græcè nominantur.
 hoc autem nomen apud Græcos interdum quidem est pecunia, quæ habetur in nu-
 merato, sed tamen interdum significat etiam quicquid æstimari pecunia, & pretio
 potest; nummos, pecora, seruos, arbores, agros. Quæ vocabuli notio ita placuit
 ipsis quoque Latinis, ut M. Tull. hæreditatem definierit defuncti pecuniam. Hæ-
 reditas verò, non solos comprehendit nummos sed fundos etiam, aliæque permul-
 ta. Apud Iurisperitos huius est usus vocabuli frequens & multus. qui docent, in

appellationem pecuniæ omnia corpora conuenire, ac res, quæ pretio queant æstimari. Videnda est lex 4. 22. 125. 222. ff. de verbor. signific. Rectè adeo dicunt iidem Iurisperiti, nomine pecuniæ res sacras non comprehendere, quia pretio æstimari non possunt. Est ergo materia liberalitatis quicquid in patrimonio est: census totus, res familiaris, suppellex, facultates.

Cùm liberalitas sit virtus huiusmodi, hoc est, mediocritas in tractanda pecunia, sequitur, ut vitia per exuperantiam, defectumve liberalitati contraria in eadem pecunia versentur. peccatur enim tam in eo, quod nimium, quàm in eo quod parum est, dum pecunia datur aut retinetur. Vitium ergo quod in exuperantia positum est, ait appellari *ασοτία*. quam vocem nos Latine prodigiam vertimus, sed dicere poteramus asotiam. Sic enim latinitate donata est ab Aulo Gell. diciturque esse luxus, popinatio, helluatio, & nequitia. Quin ipse M. Tullius in 2. de fin. asotos eos appellat, qui ventri, gulæque dediti, consumunt atque obligantur patrimonium. Quem locum Budæus intuits, dixit, asotos propriè dici homines nequam, hoc est, luxus, & ganeæ studio perditos. Denique Theophilus Iurisperitus, qui Iustiniani iussu Græcas fecit Institutiones illas legum, quas alij Latinas ediderunt, luxuriosè viuere vertit *ἀσώτως ζῆν*. quæ verba Martialis in lib. 4. inter Latina ponere non dubitauit, Fabullam, feminam accusans & irridens quamdam, quæ lasciuia esset & in amoribus suis persequendis magnos faceret sumptus. Iudit autem in hac voce mirificè. quia cùm illa femina nata esset ex patre qui Clinicus Sora appellabatur, ipsa tamen esse videretur asora.

*Sora filia Clinici Fabulla,
Deserto sequeris Clitum marito,
Et donas & amas. ἔχῃς ἀσώτως.*

Itaque asotus propriè videtur is, qui rem familiarem in ventrem, in libidinem & res Venereas profundit, ut constat ex iis, quæ diximus, & præterea ex Athenæo: qui de Epicuro laudante voluptates corporis ita loquitur. Putat enim hic Philosophus etiam asotorum vitam non esse reprehendendam, si ad eam accesserit vacuitas à metu, & animi tranquillitas. Itaque sæpe asotia est intemperantia, quemadmodum hic docet Aristoteles. est tamen interdum asotus is, qui sua bona simpliciter dissipat, etiam si ea ad libidinum intemperantiam, & rerum Venerearum non conferat usum. dicitur enim asotus *ἀσώτης*, quod est seruare, & ab alpha priuatiuo; hoc est, ex eo, quod is qui est eiusmodi, seruari non possit; cùm ipsum se perditum eat, facultates, patrimonium & rem profundens suam, siue voluptatibus corporis, siue sumptibus immodicis aliò collatis indulgens. Itaque idem Theophilus Iurisperitus Instit. de Curat. §. furiosi. & §. Item prodigus. asotiam retulit ad sumptum, verèque *ἀσώτως* prodigum, eum nimirum significans, qui neque modum neque finem impensarum habet, sed sua bona dilapidando profundit. quæ definitio prodigi est. in leg. 1. ff. de Curat. fun. Hunc eundem prodigum euersorem appellat Caius lib. 1. Instit. de tutelis. quod nomen conuenit asotis, quia re profusa, non modò patrimonium, sed etiam se ipsos euertunt, nec seruare amplius vitam possunt, vitæ præditiis prorsus eiectis. Hæc vocabuli notio multiplex, fecit, ut prodigiam hic dicerem, quam alij dicunt asotiam. Placuit enim distinguere nomen ambiguum, cùm ab Aristotele ponatur hoc loco pro prodigiam vniuersè, non pro ea nominatim, quæ cernitur in intemperantia. Ac de vitij nomine quod per exuperantiam opponitur liberalitati, sic diximus. Est enim profusio & prodigiam.

Alterum, quod eidem per defectum aduersatur, appellari ait *ἀνελυθείας*. quam plerique omnes verterunt illiberalitatem, sed dicere poterant auaritiam. de quo vocabulo primùm ait Aristoteles, id esse inter ipsum, asotiæque discriminis, quod *ἀνελυθείας* hæc & illiberalitas semper opponatur liberalitati, cùm semper de vno eodémque auaritiæ pecuniarumque studio dicatur: asotia verò eidem liberalitati non semper opposita sit: cùm non profusionem pecuniæ solùm, sed aliud quoque vitium interdum significet, hoc est, intemperantiam atque libidinem. Quo loco veluti per episodum, vituperandæ intemperantiæ pulcherrimum designat atque aperit locum. Ait enim intemperantes esse deteriores, quàm ceteros, quia duobus contaminati sunt vitiis, profusione pecuniæ, & libidine: quæ duo vitia non necessariò cadunt in eos, qui liberalitate carent, & vitio aliquo præditi sunt liberalitati contrario. Denique intemperantes affirmat esse omnium pessimos, mul-

etisque coopertos sceleribus, quæ cum ipsa connexa sunt intemperantia. Atque hanc causam esse ait, cur intemperati non appellantur vno, simplicique vocabulo, sed aliquo, multa significante scelera; cuiusmodi est nomen asoti. At dices etiam prodigos appellari vocabulo ambiguo: cum ipsi quoque dicantur asoti, adeoque pessimi etiam dici possint. Respondet in intemperatos utramque vocabuli notionem conuenire, quia & libidinosi sunt, & profusi, & aliis inquinati vitiis, quæ asoti nomine significantur: in prodigos autem conuenire tantum alteram eius vocis significationem, hoc est, profusionem pecuniæ. aperitque vocabuli etymon, ut intelligamus cur hoc nomen, quod intemperantibus tributum est, etiam adscriptum sit prodigis. ait, inquam, eam esse causam, de qua supra diximus: quod prodigi res familiari perdita, ipsos etiam se perditum eant, & seruari non possint. In summa: is est prodigus verè ac propriè, qui res perdit suas, ideo solum, quod eas velit sumptibus consumere. quod si profusionem referat ad libidinem, vel alia vitia, intemperatus, aliòve inquinatus vitio dici debet, ad quod prodigentiam refert.

Quarum autem rerum usus aliquis, &c.] Diximus in hac prima Capitis parte explicari duo: liberalitatis extremorumque materiam, & eiusdem liberalitatis, eorumdemque vitiorum opera & functiones. Primum explicatum est satis: alterum nunc aggreditur, eas delignans & describens actiones, quibus liberalitas, & vitia liberalitati contraria versantur in materia iam inuestigata. Et quoniam eam materiam dixit esse pecuniam, diuitias, opes, rem familiarem, & quicquid æstimari pretio potest; ponit primum, in hac liberalitatis materia posse nos bene ac malè versari, hoc est, diuitiis ipsis posse nos uti bene vel malè: & bonum usum esse virtutis opus, malum autem esse prauam & vitiosam actionem. Posse verò nos uti bene diuitiis, & abuti pro arbitratu, demonstrari vult ex eo, quod diuitiæ bona vitia sunt. Bonorum autem vitium usus esse potest bonus ac malus. Vitia enim bona ideo dicuntur & sunt vitia, quia referuntur ad aliquem finem, ad quem vitia sunt. is autem esse bonus & malus potest.

Dubitabit tamen aliquis: an hæc verè dicantur, ac rectè. Quia virtus ipsa moralis dici quoque potest bonum vitale, cum ad felicitatem consequendam vitale, & conducibilis sit. Sed virtutis moralis id proprium est, ut ea nemo possit abuti, quemadmodum dicitur in lib. 2. Sed responderetur, uti nos posse virtute duplici modo. vel tanquam habitu, à quo virtutis actio promanat; vel tanquam obiecto, quod nostra collineat & contendit voluntas. Cum virtute tanquam principio utimur, & habitu, uti perperam & malè virtute non possumus. quia à virtute mala prauaque actio non proficiscitur. Cum autem utimur virtute tanquam obiecto, fieri potest, ut ea nos abutamus, finem videlicet nobis aliquem malum prauumque proponentes. Ut si virtutem aliquam exoptemus, exoptamusque ad ostentationem ingenui leuem, ad superuacaneas parandas diuitias, aut ad aliquid efficiendum eiusmodi, quod aliis virtutibus contrarium sit. Quotus enim quisque non vider, ad hos, aliòsve fines eiusmodi posse aliquem referre Temperantiam, Fortitudinem, Iustitiam, Prudentiam: ab his tamen habitibus effici ac prodire malum opus non potest. Sed quia cum virtute utimur, ea plerumque utimur tanquam habitu, dici solet vniuersè, inter humana, virtutem vnam esse, qua non possumus abuti. est enim bonum honestum ipsa per se, nec refertur ad aliud bonum; nisi magis honestum; qualis felicitas est, quæ demum ab ipsa virtute non differt, cum felicitas in virtutis actione sit posita, ut diximus alibi.

Atque hæc est causa, cur Aristoteles liberalitatis actus virtutis opera esse demonstraturus, exorsus tam altè sit, posueritque pro explorato quod erat notissimum, pecuniam, diuitias, opes, τὰ χρηματα, hoc est, rem familiarem, esse vitia bona, ac propterea, posse nos iis uti, & abuti pro arbitratu. Posset nimirum aliquis suspicari, esse honesta bona, ac propterea non esse ea, quibus abuti possumus, & uti bene. Nam si essent honesta bona, nullus eorum aut usus esset aut abusus. Virtute enim maximeque virtutis actu propriè non utimur, cum virtus expectatur ipsa per se: nec abutimur propriè, cum ipsa per se malum producere non possit. Est ergo ratiocinatio huiusmodi: Quarum rerum est usus, iis & bene uti licet & malè. At res familiaris, pecunia, diuitiæ, τὰ χρηματα, bona quædam sunt, quorum est pernecessarius mortalibus usus. Ergo iis uti malè vel bene licet.

Sed quorsum pertinent hæc, & cur ab Aristotele ita constituuntur initio, ac pro-

exploratis & certis habenda proponuntur? Vt intelligamus, virtutem in diuitiis, opibus, pecunia, aliisque huiusmodi rebus versari posse. Omnis enim habitus, cuius beneficio, re aliqua, qua possemus abuti, bene vtimur, est virtus, quod Aristoteles, tum hic diserte docet, tum in lib. 2. & præterea D. Augustin. in 2. de lib. arbit. cap. 19. ergo habitus ille, cuius beneficio & vi bene diuitiis vtimur, quibus abuti quoque possemus, est virtus. At eiusmodi habitus est liberalitas. His ita disputatis, officium liberalitatis ostendit, modum ipsum exquirens, quo vir liberalis bene re familiari, pecunia, & diuitiis vtitur, quibus posset abuti. Hunc autem modum petit à recto horum bonorum vsu, quem ait esse positum in dando potius, quàm in accipiendo, & custodiendo. Qui enim accipit rem ab alio, vel custodit ac seruat suam, non tam his bonis vti, quàm eandem quærere, parare, & quemadmodum ait hic Aristoteles, possidere videtur. In illa enim acceptione ac retentione rerum cernitur, inquit, *κτῆσις*, hoc est, possessio, non *χρῆσις*, hoc est, vsus. At diuitiarum finis in vsu, positus est. Ac rectè quidem de re familiari agens commemorat vsu, & quæstum: quia illa duo potissimum in Oeconomica videnda sunt: quomodo res & paratur, capiaturque primum, & postea detur ac proferatur in vsu. Maneat ergo, è duobus his actibus, officiisque tractandæ pecuniæ, & rei familiaris, quorum alterum appellat *δδαν*, donationem; alterum *ληψιν*, acceptionem, primum illud in dando positum ad liberalitatem magis pertinere, quàm alterum, quod cernitur in accipiendo, vt oportet, & retinendo, vel certè in non accipiendo. Idque sic esse rationibus ostendit, vt censet Burleus & Petr. Videt. quinque, vt alij sex, vt Gifanius, octo. Quem nos secuti sic eas ordine relegamus.

Prima. Liberalitatis officium maximè cernitur in vsu, quemadmodum liberalitatis ostendit materia, hoc est, diuitiæ, res familiaris, pecunia, quæ propter vsu sunt, & ad vsu referuntur. At horum bonorum vsus in donatione cernitur potius & sumptu, quàm in acceptione, ac quæstu, vt dictum est. ergo liberalitatis officium in dando potius, quàm in accipiendo & seruando spectatur.

Secunda. Quia virtutis magis est proprium bene mereri facere, prodesse aliis, & beneficium conferre, quàm beneficium accipere, iuuari, prælidium petere. id quod etiam docet iterum Aristoteles in lib. 8. cap. 13. vbi ait, hoc esse virtutis proprium, vt omnibus prosit: & in 2. Rhet. vbi virtutem definit vim & potestatem conferendi beneficia multa & magna in mortales. Ergo liberalitatis etiam, quæ sine dubio virtus est, erit magis proprium dare, quàm accipere.

Tertia. Quia magis proprium virtutis est, honestè agere, quàm non turpiter facere. Magis enim laudatur qui aliquid agit honestè, quàm qui turpiter aliquid non facit: & quemadmodum præclare docet in primo lib. offic. Cicero: non satis est homini probo & virtute prædico, afficere iniuria neminem, sed necesse est opibus & opera prodesse quamplurimis. Atqui vir liberalis in accipiendo id tantum præstare potest virtuti congruenter, vt non accipiat, neque velit accipere ab iis, à quibus accipere non oportet, & cum non oportet, quod est ab avaritiæ turpitudine se abstinere: in dando verò agit honestè, utilitatem aliis publicè ac priuatim afferens. ergo dare potius, quàm accipere est officium liberalitatis.

Quarta. Quia gratia solet haberi, non iis, qui nihil accipiunt quod non oporteat, aut cum non oporteat accipere, aut iis, qui omnino non accipiunt, sed beneficium dapnibus, & de aliis re ipsa bene merentibus. Immo verò ij, qui non accipiunt, & benignitatem alicuius repudiât, apud eundem interdum offendunt. id quod accidit Xenocrati, quemadmodum tradit Cicero. Cum enim magnam pecuniæ vim, quæ offerebatur ab Alexandro, repudiasset, iustioresque propterea legatos vidisset, offensionem vitandam ratus, aliquam eius pecuniæ partem accepit. Hinc ergo vult intelligi, liberalitatis esse potius dare, quàm accipere. quia gratiæ non aguntur illi, qui non accipit, aut non accipit nisi cum oportet, & vt oportet, sed ei, qui largitur & dat. ac gratiæ aguntur beneficentiæ & liberalitati. ergo dare liberalitatis est proprium, & in dando versatur potius liberalitas, quàm in accipiendo.

Quinta. Quia laudari magis solet qui dat, quàm qui nihil dat, & nihil accipit. quæ ratio mihi esse videtur huiusmodi. Quod laudabilius est, id, cum omni virtuti, tum liberalitati magis est proprium. At dare, in primis maximèque laudabile est. Temeritate enim remota, vt ait Cic. in lib. 2. offic. grauissima est liberalitas, eoque eam studiosius plerique laudant, quod summi cuiusque bonitas commune perfugium est

omnium. sed qui non dat, & nihil tamen accipit quod non oporteat, non laudatur. Ergo dare magis est liberalitatis proprium, quàm accipere. Quòd si dicas, cum quoque laudari solere, qui non accipit inde, unde non oportuit accipere, cum sit iustus. respondeo laudari quidem, sed parum, nec tantis excipi laudibus, quantis excipitur is, qui dat; ac propterea dare laudabilius esse, idque ad officium liberalitatis primum pertinere.

Sexta. Quia facilius est non accipere, quàm dare: quæ ratio videretur explicari sic posse: Quæ difficiliora sunt, ea virtuti magis propria sunt, quæ, ut alibi dictum est, versatur in arduo. Sed dare difficilius est, quàm non accipere. Neque enim tam facile sua donat aliquis, quàm ab alieno se continet. ergo dare liberalitatis est magis proprium munus, quàm accipere: & liberalitas in dando potius, quàm in accipiendo versatur.

Septima. Quia vulgò liberales habentur qui dant: qui verò non accipiunt quod non oportet, iusti potius, quàm liberales existimantur. Ergo dare potius ad liberalitatem pertinet, quàm accipere, vel non accipere.

Octava. Quia ex omnibus omnino virtutibus maximè diligitur vulgò liberalitas. Iusti quippe sæpe molesti sunt: prudentes habentur callidi: temperantes, acerbi & odiosi. sola liberalitas carissima omnibus & gratissima est. amatur & diligitur ab omnibus. Itaque Boët. in 2. de Consolat. largitas, inquit, maximè caros facit. & D. Ambros. l. 1. offic. c. 28. Iustitia excellentior virtus videtur, liberalitas verò gravior. Sed amatur & diligitur liberalitas, non quòd non accipit, sed quòd dat. Est enim utilis omnibus & commune perfugium, ut dixit Cic. Ergo id quod est in liberalitate primum & maximum, in dando positum est.

PARS SECUNDA CAPITIS PRIMI.

ΑΙ δὲ κατ' ἀρετὴν παρ' ἑαυτοῦ κα-
λαί, καὶ τῷ καλῷ ἐνεκεν. καὶ ὁ
ἐλευθέριος οὖν δῶσθαι τῷ καλῷ ἐνεκεν,
καὶ ὁρθῶς. οἷς γὰρ δεῖ, καὶ ὅσα, καὶ ὅτε,
καὶ ἅλλα ὅσα ἐπιταί τῇ ὁρθῇ δόσει. καὶ
ταῦτα ἡδύως, ἢ ἀλύπως. ὃ γὰρ κατ'
ἀρετὴν, ἡδὺ ἢ ἀλύποι, ἡκιστα δὲ λυ-
πηρόν. ὁ δὲ δίδωκεῖ οἷς μὴ δεῖ, ἢ μὴ τῷ
καλῷ ἐνεκεν, ἀλλὰ διὰ τὴν ἑαυτοῦ ἀλλόω
αἰτίαν, οἷα ἡδυδέριος, ἀλλὰ ἄλλος
ὡς ῥηθῆσεται. οὐδ' ὁ λυπηρὸς. μᾶλλον
γὰρ ἔλοιτ' αὖτ' ἐκ χρημάτων τῆς καλῆς
παρ' ἑαυτοῦ. τῷ δὲ οἷα ἡδυδέριος.
οὐδ' ἀνέψεται δὲ, ὅταν μὴ δεῖ. οὐδ'
γὰρ ὅτι τῷ μὴ ἡδυδέριος ἐκ χρημάτων
ἢ ποιότητι ἀνέψης. οἷα δὲ εἶπεν δὲ οὐτ'
αἰτιτικὸς. οὐ γὰρ ὅτι τῷ δὲ ποιουμένῳ
δι' ἑαυτοῦ διεργασθῆναι. ὅταν δὲ δεῖ, ἀνέ-
ψεται. οἷς δὲ τῷ ἰδίῳ κτημάτων, οὐχ
ὡς καλόν, ἀλλ' ὡς αἰσθητόν, ὅπως
ἔχει δίδωκεν. οὐδ' ἀνέψεται τῷ ἰδίῳ,
βουλομένῳ γὰρ διὰ τῶν ἑαυτοῦ ἰσίων ἐπὶ
καὶν. οὐδ' οἷς τυχεύει δίδωκεν, ἵνα ἔχει
δίδωκεν οἷς δεῖ, καὶ ὅτε, καὶ ὅς καλόν. ἡδυδέριος
δὲ ὅτι σφοδρὰ, καὶ ὃ παρ' ἑαυτοῦ ἐπὶ τῇ
δόσει, ὡς καταλείπειν ἑαυτῷ ἐλάττω. ὃ

HÆ autem secundum virtutem actio-
nes honestæ, & honesti causa sunt.
liberalis igitur donabit honesti causa, & re-
ctè; nimirum quibus oportet, & qua, &
quando, aliâque, quæ sequuntur rectam
dandi rationem. idque iucundè, aut non gra-
uatè. quod enim secundum virtutem est, iu-
cundum est, aut non graue; minimè verò
molestum. At qui dat quibus non oportet,
aut non honesti, sed alia quadam causa, non
liberalis, sed alius quisspiam dicitur. Neque
qui grauatè. Magis enim eligeret pecunias,
quàm honestam actionem. id verò non est
hominis liberalis. Neque verò accipiet unde
non oportet. non enim est eius, qui non hono-
rat pecunias huiusmodi acceptio. Nec erit
ad petendum nimis proclivis. non enim est
benefici, facile beneficium accipere. Unde au-
tem oportet, accipiet; nimirum de suis rebus:
non quòd honestum, sed quòd necessarium
sit; ut possit donare. Neque negliget sua,
volens de iis quibusdam opitulari. Neque
quibuslibet donabit; ut possit donare quibus
oportet, & quando, & ubi honestum est. li-
beralis autem est maximè, ita excedere in
dando, ut relinquat sibi pauciora. ipsum

TARVINI
GALLVTH

SABINI
E SOCIETATE IESV.

IN
ARISTOTELIS

LIBRUM OCTAVUM

MORALIUM

AD NICOMACHUM,

MONTEBELLUM, 1800. EDITUM.

ET ALII



EMINENTISSIMO
ET REVERENDISSIMO PRINCIPI
CARDINALI
ANTONIO
BARBERINO.

TARQUINIUS GALLIVS F.

HARVM tu moralium quaestionum,
Illustrissime Princeps, indices ipsos
& lemmata si lustraveris oculis, con-
festim intelliges, quid causæ fuerit,
cur hunc potius librum honori tuo
seponendum & dicandum putaue-
rim. Occurrunt tibi nimirum in li-
mine Liberalitas, Magnificencia, Magnanimitas;
quas tibi virtutes delegisti præ cæteris, quia Prin-
cipum, & copiosorum hominum propriæ sunt. Se-
quitur aliarum chorus, leniorum, & molliorum,
quibus æquè Principum conditio, ac vita privatorum
excolitur. omnes denique longo procedunt ordine,
quarum imagines in te, non indiciis adumbratas, sed
perfectis iam operibus intuemur expressas. Neque e-
nim istas ego Matronas humana specie celsiores alle-
gare ausim ad te tanquàm ad Herculem hæsitantem in
biuio, ac de vitæ genere consultantem; cùm tu pridem
animo viceris ætatem, & in illo annorum flexu, quo
ceteri de virtute deliberant, ipsum iam regnum obti-
neas, ditionemque virtutis. Itaque sola mihi suscepti à
te consilij relictæ laudatio est: & si quod ab institutio-



IN
ARISTOTELIS
LIBRVM QVARTVM
DE MORIBVS
AD NICOMACHVM
ARGVMENTVM.

DISPVTAVIT Aristoteles supra de virtutibus iis, quæ ipsum tuentur, & moderantur hominem. de aliis nunc explicare ac dissere pergit, quæ in eiusdem hominis externis bonis malisque regendis occupantur. Totus enim hic liber diuidi potest in partes duas: quarum altera ad affectiones illas hominis pertinet, quæ reguntur à virtutibus, in materia versantibus externa; cuiusmodi est liberalitas & magnificentia, quæ facultates opesque in probos, ac rectos usus conuertunt; cuiusmodi est magnanimitas, siue altitudo animi, quæ honores & expetit & restituit ut decet: cuiusmodi est lenitas, aut mansuetudo, quæ iram in externam quoque prorumpentem ultionem in officio continet. Altera quosdam actus sermonesque, siue congressus amplectitur, quibus virtute conditis, tota vita consuetudo suavis efficitur & iucunda. Hos videlicet iusta suauitate, ac probitate imbuunt affabilitas, veritas, urbanitas, de quibus agitur in extremo libro, ipsa quoque pudoris ac verecundia moderatione ad ampliorem operis absolutionem adiecta.



CAPVT PRIMVM.
DE LIBERALITATE.

S V M M A.

Quæ sit functio liberalitatis, quæ ratio extremorum.

DIVISIO CAPITIS IN PARTES QVATVOR.

1. De Liberalitatis, extremorumque materia decernitur.
2. Quas in dando aut in non dando spectare circumstantias virum liberalem oporteat.
3. Quibus in rebus exuperes prodigus, in quibus avarus deficiat.
4. Avaritia insanabilis est, ac varios obtinet modos.

PARS PRIMA CAPITIS PRIMI.

ΛΕΓΩΜΕΝ ΟΙ' ΕΨΗΣ ΠΕΙ ΕΛΔΗ-
ΛΕΙΟΤΗΤΟΣ. ΔΟΧΕΙ ΔΕ ΕΙ) ΠΕΙ ΧΡΗ-
ΜΑΤΑ ΜΟΣΙΤΗΣ. ΕΠΑΝΕΨΑΙ ΓΑΡ Ο ΕΛΔΗ-
ΘΕΙΟΣ, ΟΤΙ ΕΙ ΤΟΙΣ ΠΟΛΕΜΙΚΟΙΣ, ΟΥΔΙ
ΕΙ ΟΙΣ Ο ΣΩΦΡΩΝ, ΟΥΔΙ ΑΥ ΕΙ ΤΟΙΣ ΧΡΙ-
ΣΤΟΙΣ, ΑΛΛΑ ΠΕΙ ΔΟΣΙΝ ΧΡΗΜΑΤΩΝ ΚΑΙ
ΛΗΨΙ. ΜΑΛΛΟΝ ΟΙ' ΕΙ ΤΗ ΔΟΣΙ. ΧΡΗ-
ΜΑΤΑ ΔΕ ΛΕΓΩΜΕΝ ΠΡΩΤΑ ΟΣΩΝ Η ΑΞΙΑ
ΝΟΜΙΣΜΑΤΙ ΜΕΤΡΕΤΑΙ. ΕΣΤΙ ΔΕ ΚΑΙ Η ΑΣΩ-
ΤΙΑ, ΚΑΙ Η ΔΟΕΛΔΗΘΕΙΑ ΠΕΙ ΧΡΗΜΑ-
ΤΑ ΥΠΕΡΒΟΛΑΙ, ΚΑΙ ΕΛΛΕΙΨΙΣ. ΚΑΙ ΤΙΝΩ
ΜΕΝ ΑΙΕΛΔΗΘΕΙΑΙ ΠΡΟΣΑΨΘΕΜΕΝ ΑΓΕΙ
ΤΟΙΣ ΜΑΛΛΟΝ Η ΔΕΙ ΠΕΙ ΧΡΗΜΑΤΑ ΑΣΟΥ-
ΔΑΖΕΙΝ. ΤΙΝΩ ΟΙ' ΑΣΩΤΙΑΙ ΕΠΙΦΕΡ-
ΜΕΝ ΕΙΣΟΤΕ, ΣΥΜΠΛΕΚΟΤΕΣ ΤΟΙΣ ΑΝΕΡΓΑ-
ΣΤΟΙΣ. ΤΟΙΣ ΓΑΡ ΑΝΕΡΓΑΣΤΟΙΣ ΚΑΙ ΕΙΣ ΑΧΟΛΑ-
ΣΙΑΝ ΔΑΠΝΗΡΟΙΣ, ΑΠΩΤΟΙΣ ΚΑΛΟΔΕΜΟΙΣ.
ΕΙ ΚΑΙ ΦΑΥΛΟΤΑΤΟΙ ΔΟΚΟΔΟΝ ΕΙ). ΠΟΛ-
ΛΑΣ ΓΑΡ ΑΜΑ ΚΑΧΙΑΣ ΕΧΟΥΣΙΝ. ΟΥ ΔΗ
ΕΙΚΕΙΩΣ ΠΡΟΣΑΓΡΟΜΕΝΑΙ. ΒΟΥΛΕΤΑΙ ΓΑΡ
ΑΣΩΤΟΣ ΕΙ), Ο ΕΙΝ Η ΚΑΚΩΝ ΕΧΩΝ, Ο
ΦΘΙΡΕΙΝ ΤΙΝΩ ΟΥΣΙΑΝ. ΑΣΩΤΟΣ ΓΑΡ Ο ΔΙ
ΑΟΤΟΙΣ ΔΥΠΟΛΛΥΜΕΝΟΣ. ΔΟΧΕΙ ΔΕ ΑΠΩΛΕΑ
ΙΣ ΑΥΤΩ ΕΙ), ΚΑΙ Η ΤΗΣ ΟΥΣΙΑΣ ΦΘΟΡΑ.
ΩΣ ΤΩ ΖΗΝ ΑΓΓΑ ΤΟΥΤΩΝ ΟΝΤΟΣ. ΟΥΤΩ ΔΗ
ΤΙΝΩ ΑΣΩΤΙΑΙ ΕΚΔΕΧΟΜΕΝΑΙ. ΩΝ ΔΕ ΕΣΤΙ
ΧΡΕΙΑ ΙΣ, ΕΣΤΙ ΤΟΥΤΟΙΣ ΧΡΗΨΑΙ, ΚΑΙ ΘΙ,
ΚΑΙ ΚΑΚΩΣ. Ο ΠΛΟΥΤΟΣ ΔΕ ΕΣΤΙ ΤΩ ΧΡΗ-
ΣΙΜΩ. ΕΧΕΨΩ ΟΙ' ΑΕΙΣΑ ΧΡΗΤΑΙ, Ο ΕΧΩΝ
ΤΙΝΩ ΠΕΙ ΕΚΑΤΟΝ ΨΡΕΤΙΝ. ΚΑΙ ΠΛΟΥΤΩ
ΔΗ ΧΡΗΨΑΙ ΑΕΙΣΑ, Ο ΕΧΩΝ ΤΙΝΩ ΠΕΙ
ΤΑ ΧΡΗΜΑΤΑ ΨΡΕΤΙΝ. ΕΩΤ ΔΕ ΕΣΤΙΝ Ο
ΕΛΔΗΘΕΙΟΣ. ΧΡΗΤΟΙΣ ΟΙ' ΕΙ) ΔΟΧΕΙ ΧΡΗ-
ΜΑΤΩΝ ΔΑΠΝΗΝ, ΚΑΙ ΔΟΣΙΣ. Η ΔΕ ΛΗΨΙΣ,
ΚΑΙ Η ΦΥΛΑΚΗ, ΚΑΙ ΤΟΙΣ ΜΑΛΛΟΝ. ΕΙ ΜΑΛΛΟΝ
ΕΣΤΙ ΤΩ ΨΑΛΘΕΙΟΥ Ο ΔΙΔΩΝΑΙ ΟΙΣ ΔΕΙ, Η
ΛΑΜΒΑΝΕΙΝ ΟΤΙ ΔΕΙ, ΚΑΙ ΜΗ ΛΑΜΒΑΝΕΙΝ ΟΤΙ
ΟΥ ΔΕΙ. ΤΙ ΨΡΕΤΗΣ ΓΑΡ ΜΑΛΛΟΝ Ο ΕΥ ΠΟΙΕΙΝ,
Η Ο ΕΥ ΠΑΘΕΙΝ, ΚΑΙ ΤΑ ΚΑΛΑ ΠΡΑΞΕΙΝ
ΜΑΛΛΟΝ, Η ΤΑ ΑΙΧΡΑ ΜΗ ΠΡΑΞΕΙΝ. ΟΤΙ
ΑΔΗΛΟΝ ΟΙ', ΟΤΙ ΤΗ ΜΕΝ ΔΟΣΙ ΕΠΙΤΑΙ Ο ΕΥ
ΠΟΙΕΙΝ ΚΑΙ Ο ΚΑΛΑ ΠΡΑΞΕΙΝ. ΤΗ ΔΕ ΛΗΨΙ, Ο
ΕΥ ΠΑΘΕΙΝ, Η ΜΗ ΑΙΧΡΑ ΠΟΙΕΙΝ. ΚΑΙ Η ΧΑΙΡΙΣ ΕΙ
ΔΙΔΩΝΑΙ, ΟΥ ΕΙ ΜΗ ΛΑΜΒΑΝΕΙΝ, ΚΑΙ Ο ΕΠΑΙ-
ΝΟΣ ΤΙ ΜΑΛΛΟΝ. ΚΑΙ ΡΑΙΟΝ ΤΙ ΤΟ ΜΗ ΛΑΜΒΑΝΕΙΝ

DICAMUS VERÒ DEINCEPS DE Liberalita-
te. videtur autem esse in pecuniis me-
diocritas. laudatur enim liberalis, non in
bellicis rebus, nec in iis, in quibus tempe-
rans: neque rursus in iudiciis, verum
in largitione pecuniarum & acceptione;
sed magis in largitione. Pecunias autem
appellamus omnia, quorum aestimatio num-
mo ponderatur. Sunt autem prodigentia,
& illiberalitas in pecuniis exuperantia,
ac defectus. Et illiberalitatem quidem ad-
scribimus semper iis, qui magis, quam o-
portet pecuniis student. prodigentiam ve-
rò attribuimus interdum, confundentes
intemperantibus. Incontinentes enim, &
ad iniemperantiam sumptuosos, prodigos
dicimus. Itaque etiam improbißimi viden-
tur esse: multa enim simul vitia habent.
Non igitur propriè appellantur. Videtur
prodigus esse, qui uno tantum vitio affe-
ctus est, quòd consumat rem suam. Nam
prodigus est qui per se perit. Videtur porro
exuium quoddam sui ipsius esse etiam fa-
cultatum dissipatio; cum viuendi ratio pen-
deat ex his. Hoc igitur modo prod gen-
tiam accipimus. Quarum autem est rerum
usus aliquis, iis licet uti, & rectè, & per-
uersè. Atqui diuitie sunt ex utilibus, &
qui singulis benè utitur, virtutem habet
in singulis. Diuitis igitur videtur optimè,
qui virtutem, circa pecunias habuerit. is
autem est liberalis. Usus verò esse vide-
tur pecuniarum sumptus, & largitio. Ac-
ceptio verò & custodia, possessio potius.
Quare potius liberalis viri est dare qui-
bus decet, quàm accipere unde decet, aut
non accipere unde non decet. Virtutis e-
nim magis est afficere beneficio, quàm affi-
ci, & praeclara agere potius, quàm tur-
pia non facere. Diuuium autem non est, quin
ex donatione sequatur benè facere, honesta-
que agere; ex acceptione verò, benè fieri, aut
non indecorè facere. Præterea gratia dantiem
sequitur, non cum qui non capit, & potius
laus: cum facilius sit, non accipere, quàm

ἔδωκεν. τὸ γὰρ οἰκεῖον ἦτον παρ' αὐτῷ
 μάλλον, ἢ ἂν λαμβάνοιεν τὸ ἀλλότριον. καὶ
 ὁ δὲ δέξασθαι οἱ δίδοντες. οἱ δὲ
 μὴ λαμβάνοντες, οὐκ εἰς ἐλευθερί-
 τητι παροῦνται, ἀλλ' οὐχ ἦτον εἰς
 διανοουμένην. οἱ δὲ λαμβάνοντες οὐδὲ
 ἐπαροῦνται πᾶν. φιλεῖται δὲ ὅ-
 δὲ μάλιστα οἱ ἐλευθεροὶ τῶν ἀπ' ἀρε-
 τῆς. ὡφέλεια γάρ. τὸ δὲ ἐν τῇ δόξῃ.

donare. Nam suum multo minus profun-
 dunt, quàm non accipiunt alienum. Libe-
 rales etiam dicuntur qui donant : qui verò
 non accipiunt, non à liberalitate laudan-
 tur, sed potius à iustitia. qui autem acci-
 piunt, non valde laudantur. Ferè verò
 amantur maximè liberales ex omnibus
 virtute præditis. utiles enim sunt. id verò
 in donatione possum est.

EXPLANATIO.



Ua agere statim de Liberalitate voluerit Aristoteles, explicata iam temperantia & fortitudine, ea proferri potest probabilis causa ; quòd duas illas virtutes in primis bonis, hoc est, in vita versantes & salute hominis, excipere debeat ea, quæ versetur in bonis secundis. Nam quemadmodum duæ illæ virtutes vitam & retinent & impendunt secundum rationem, & prudentiæ leges, sic liberalitas opes, pecuniam, & secunda bona dat, aut retinet ex eiusdem imperio & præcepto prudentiæ. Diuiditur hoc Caput in partes quatuor. In quarum prima, liberalitatis & vitiorum liberalitati contrariorum materia proponitur, eiusdem functiones virtutis explicantur. In secunda, circumstantiæ liberalitatis inuestigantur, quæ faciunt, ut dare & accipere liberalitatis opera sint. In tertia statuitur de prodigo & liberali, eaque assignantur, in quibus exuperat prodigus, deficit illiberalis. In quarta, disputatur nominatim de illiberalitate, eiusque modi explicantur varij, quærunturque causæ cur dicatur insanabilis.

In prima ergo parte, de materia liberalitatis agit remota, ut docet hic Græcus Scholiastes. Nam materia propinqua liberalitatis non pecunia, sed cupiditas pecuniæ, & animi affectio est : quod etiam de fortitudine diximus, cuius materiam remotam volumus esse cædes, vulnera, res terribiles : proximam, timorem & audaciam. In summa, propinqua materia virtutum singularum est aliqua animi perturbatio : remota, id quod perturbationem impellit & citat.

Docet igitur primùm Aristoteles, tam liberalitatem, quàm vitia, peccatæque contraria in nummo pecuniæque versari. adeoque fieri, ut hæc virtus nihil aliud sit, quàm mediocritas in pecuniis occupata. Id quod ampliùs demonstratur hoc modo : Quælibet virtus mediocritas quædam est, in iis versans & posita, in quibus ipsa functio virtutis opusque laudatur. Cùm enim aliqua laudatur virtus, laudatur ideo, quòd certis quibusdam in rebus agendo, mediocritatem inuenerit. At liberalitatis functio cùm laudatur, propterea sanè laudatur, quòd pecunias probè tractarit. Rectè quippe Aristoteles ait hoc loco, liberalem virum, cùm laudatur, non ideo laudari, quòd prudenter se gesserit in bellicis rebus, aut quòd usurparit temperanter Veneris aliæve tactionis voluptates, aut quòd in iudiciis benè sanctæque versatus sit, hoc est, rectè iudicarit ; & suum cuique reddiderit, quemadmodum lex iustitiæ præcipit ; sed quòd pecuniam tum dederit, tum acceperit, ut oportet. Non enim in sola donatione pecuniæ, sed in acceptione quoque versari liberalitas debet, ut declarabitur.

Poterat aliquis hic dicere non in sola pecunia versari liberalitatem, sed in aliis quoque bonis externis, aut fortunæ ; quæ damus accipimurque. Responder, locum occupans Aristoteles ; pecuniæ nomine se complecti res omnes, quarum æstimationem nummo & pecunia metiri soliti sumus. Pecuniam hic appellat Græcè *χρῆμα*, & liberalitatem ait versari iis in rebus quæ *χρηματὰ* Græcè nominantur. hoc autem nomen apud Græcos interdum quidem est pecunia, quæ habetur in numero, sed tamen interdum significat etiam quicquid æstimari pecunia, & pretio potest ; nummos, pecora, seruos, arbores, agros. Quæ vocabuli notio ita placuit ipsis quoque Latinis, ut M. Tull. hæreditatem definierit defuncti pecuniam. Hæreditas verò, non solos comprehendit nummos sed fundos etiam, aliæque permulta. Apud Iurisconsultos huius est usus vocabuli frequens & multus. qui docent, in

appellationem pecuniæ omnia corpora conuenire, ac res, quæ pretio queant æstimari. Videnda est lex 4. 22. 125. 222. ff. de verbor. signific. Rectè adeo dicunt iidem Iurisperiti, nomine pecuniæ res sacras non comprehendere, quia pretio æstimari non possunt. Est ergo materia liberalitatis quicquid in patrimonio est: census totus, res familiaris, supellex, facultates.

Cùm liberalitas sit virtus huiusmodi, hoc est, mediocritas in tractanda pecunia, sequitur, vt vitia per exuperantiam, defectumve liberalitati contraria in eadem pecunia versentur. peccatur enim tam in eo, quod nimium, quàm in eo quod parum est, dum pecunia datur aut retinetur. Vitiū ergo quod in exuperantia positum est, ait appellari *ἀσώτια*. quam vocem nos Latine prodigiam vertimus, sed dicere poteramus asotiam. Sic enim latinitate donata est ab Aulo Gell. diciturque esse luxus, popinatio, helluatio, & nequitia. Quin ipse M. Tullius in 2. de fin. asotos eos appellat, qui ventri, gulæque dediti, consumunt atque obligantur patrimonio. Quem locum Budæus intueus, dixit, asotos proprie dici homines nequam, hoc est, luxus, & ganeæ studio perditos. Denique Theophilus Iurisperitus, qui Iustiniani iussu Græcas fecit Institutiones illas legum, quas alij Latinas ediderunt, luxuriosè viuere vertit *ἀσώτως* *ζῆν*. quæ verba Martialis in lib. 4. inter Latina ponere non dubitauit, Fabullam, feminam accusans & irridens quamdam, quæ lasciuia esset & in amoribus suis persequendis magnos faceret sumptus. ludit autem in hac voce mirificè. quia cùm illa femina nata esset ex patre qui Clinicus Sora appellabatur, ipsa tamen esse videretur asora.

*Sora filia Clinici Fabulla,
Deserto sequeris Clitum marito,
Et donas & amas. ἐξ ἀσώτου.*

Itaque asotus proprie videtur is, qui rem familiarem in ventrem, in libidinem & res Venereas profundit, vt constat ex iis, quæ diximus, & præterea ex Athenæo: qui de Epicuro laudante voluptates corporis ita loquitur. Putat enim hic Philosophus etiam asotorum vitam non esse reprehendendam, si ad eam accesserit vacuitas à metu, & animi tranquillitas. Itaque sæpe asotia est intemperantia, quemadmodum hic docet Aristoteles. est tamen interdum asotus is, qui sua bona simpliciter dissipat, etiam si ea ad libidinum intemperantiam, & rerum Venerearum non conferat vsum. dicitur enim asotus à *ἀσῆ*, quod est seruare, & ab alpha priuatiuo; hoc est, ex eo, quod is qui est eiusmodi, seruari non possit; cùm ipsum se perditum eat, facultates, patrimonium & rem profundens suam, siue voluptatibus corporis, siue sumptibus immodicis aliò collatis indulgens. Itaque idem Theophilus Iurisperitus Iustit. de Curat. §. furiosi. & §. Item prodigus. asotiam retulit ad sumptum, vertitque *ἀσώτως* prodigum, eum nimirum significans, qui neque modum neque finem impensarum habet, sed sua bona dilapidando profundit. quæ definitio prodigi est. in leg. 1. ff. de Curat. fun. Hunc eundem prodigum euerforem appellat Caius lib. 1. Instit. de tutelis. quod nomen conuenit asotis, quia re profusa, non modò patrimonium, sed etiam se ipsos evertunt, nec seruare amplius vitam possunt, vitæ præsidii prorsus eiectionis. Hæc vocabuli notio multiplex, fecit, vt prodigiam hic dicerem, quam alij dicunt asotiam. Placuit enim distinguere nomen ambiguum, cùm ab Aristotele ponatur hoc loco pro prodigiam vniuersè, non pro ea nominatim, quæ cernitur in intemperantia. Ac de vitij nomine quod per exuperantiam opponitur liberalitati, sic diximus. Est enim profusio & prodigiam.

Alterum, quod eidem per defectum aduersatur, appellari ait *ἀνελυθείας*. quam plerique omnes verterunt illiberalitatem, sed dicere poterant auariciam. de quo vocabulo primùm ait Aristoteles, id esse inter ipsum, asotiàmque discriminis, quod *ἀνελυθείας* hæc & illiberalitas semper opponatur liberalitati, cùm semper de vno eodémque auaritiæ pecuniarumque studio dicatur: asotia verò eidem liberalitati non semper opposita sit: cùm non profusione pecuniæ solùm, sed aliud quoque vitium interdum significet, hoc est, intemperantiam atque libidinem. Quo loco veluti per episodium, vituperandæ intemperantiæ pulcherrimum designat atque aperit locum. Ait enim intemperantes esse deteriores, quàm ceteros, quia duobus contaminati sunt vitiis, profusione pecuniæ, & libidine: quæ duo vitia non necessariò cadunt in eos, qui liberalitate carent, & vitio aliquo præditi sunt liberalitati contrario. Denique intemperantes affirmat esse omnium pessimos, mul-

risque coopertos sceleribus, quæ cum ipsa connexa sunt intemperantia. Atque hanc causam esse ait, cur intemperati non appellentur vno, simplici que vocabulo, sed aliquo, multa significante scelera; cuiusmodi est nomen asori. At dices etiam prodigos appellari vocabulo ambiguo: cum ipsi quoque dicantur asori, adeoque pessimi etiam dici possint. Respondet in intemperatos vtramque vocabuli notionem convenire, quia & libidinosi sunt, & profusi, & aliis inquinati vitiis, quæ asori nomine significantur: in prodigos autem convenire tantum alteram eius vocis significationem, hoc est, profusionem pecuniæ. aperitque vocabuli etymon, ut intelligamus cur hoc nomen, quod intemperantibus tributum est, etiam adscriptum sit prodigis. ait, inquam, eam esse causam, de qua supra diximus: quod prodigi re familiari perdita, ipsos etiam se perditum eant, & servari non possint. In summa: is est prodigus verè ac propriè, qui res perdit suas, ideo solum, quod eas velit sumptibus consumere. quod si profusionem referat ad libidinem, vel alia vitia, intemperatus, aliòve inquinatus vitio dici debet, ad quod prodigentiam refert.

Quarum autem rerum usus aliquis, &c.] Diximus in hac prima Capitis parte explicari duo: liberalitatis extremorumque materiam, & eiusdem liberalitatis, eorumdemque vitiorum opera & functiones. Primum explicatum est satis: alterum nunc aggreditur, eas delignans & describens actiones, quibus liberalitas, & vitia liberalitati contraria versantur in materia iam inuestigata. Et quoniam eam materiam dixit esse pecuniæ, divitiarum, opes, rem familiarem, & quicquid æstimari pretio potest: ponit primum, in hac liberalitatis materia posse nos bene ac malè versari, hoc est, divitiis ipsis posse nos uti bene vel malè: & bonum usum esse virtutis opus, malum autem esse pravam & vitiosam actionem. Posse verò nos uti bene divitiis, & abuti pro arbitratu, demonstrari vult ex eo, quod divitiarum bona utilia sunt. Bonorum autem utilium usus esse potest bonus ac malus. Utilia enim bona ideo dicuntur & sunt utilia, quia referuntur ad aliquem finem, ad quem utilia sunt. is autem esse bonus & malus potest.

Dubitabit tamen aliquis: an hæc verè dicantur, ac rectè. Quia virtus ipsa moralis dici quoque potest bonum utile, cum ad felicitatem consequendam utilis, & conducibilis sit. Sed virtutis moralis id proprium est, ut ea nemo possit abuti, quemadmodum dicitur in lib. 2. Sed responderetur, uti nos posse virtute duplici modo. vel tanquam habitu, à quo virtutis actio promanat; vel tanquam obiecto, quod nostra collineat & contendit voluntas. Cum virtute tanquam principio utimur, & habitu, uti perperam & malè virtute non possumus. quia à virtute mala pravaque actio non proficiscitur. Cum autem utimur virtute tanquam obiecto, fieri potest, ut ea nos abutamus, finem videlicet nobis aliquem malum pravamque proponentes. Ut si virtutem aliquam exoptemus, exoptamusque ad ostentationem ingenii leuem, ad superuacaneas parandas divitias, aut ad aliquid efficiendum eiusmodi, quod aliis virtutibus contrarium sit. Quotus enim quisque non videt, ad hos, aliòve fines eiusmodi posse aliquem referre Temperantiam, Fortitudinem, Iustitiam, Prudentiam? ab his tamen habitibus effici ac prodire malum opus non potest. Sed quia cum virtute utimur, ea plerumque utimur tanquam habitu, dici solet vniuersè, inter humana, virtutem vnam esse, qua non possumus abuti. est enim bonum honestum ipsa per se, nec refertur ad aliud bonum, nisi magis honestum; qualis felicitas est, quæ demum ab ipsa virtute non differt, cum felicitas in virtutis actione sit posita, ut diximus alibi.

Atque hæc est causa, cur Aristoteles liberalitatis actus virtutis opera esse demonstraturus, exorsus tam altè sit, posueritque pro explorato quod erat notissimum, pecuniæ, divitiarum, opes, τὰ γένητα, hoc est, rem familiarem, esse utilia bona, ac propterea, posse nos iis uti, & abuti pro arbitratu. Posset nimirum aliquis suspicari, esse honesta bona, ac propterea non esse ea, quibus abuti possimus, & uti bene. Nam si essent honesta bona, nullus eorum aut usus esset aut abusus. Virtute enim maximèque virtutis actu propriè non utimur, cum virtus exoptatur ipsa per se: nec abutimur propriè, cum ipsa per se malum producere non possit. Est ergo ratiocinatio huiusmodi: Quarum rerum est usus, iis & bene uti licet & malè. At res familiaris, pecuniæ, divitiarum, τὰ γένητα, bona quædam sunt, quorum est pernecessarius mortalibus usus. Ergo iis uti malè vel bene licet.

Sed quorsum pertinent hæc, & cur ab Aristotele ita constituuntur initio, ac pro

exploratis & certis habenda proponuntur? Vt intelligamus, virtutem in diuitiis, opibus, pecunia, aliisque huiusmodi rebus versari posse. Omnis enim habitus, cuius beneficio, re aliqua, qua possemus abuti, bene vtimur, est virtus, quod Aristoteles, tum hic diserte docet, tum in lib. 2. & præterea D. Augustin. in 2. de lib. arbitrii. cap. 19. ergo habitus ille, cuius beneficio & vi bene diuitius vtimur, quibus abuti quoque possemus, est virtus. At eiusmodi habitus est liberalitas. His ita disputatis, officium liberalitatis ostendit, modum ipsum exquirens, quo vir liberalis bene re familiari, pecunia, & diuitiis vtitur, quibus posset abuti. Hunc autem modum petit à recto horum bonorum vsu, quem ait esse positum in dando potius, quàm in accipiendo, & custodiendo. Qui enim accipit rem ab alio, vel custodit ac seruat suam, non tam his bonis vti, quàm eandem quærere, parare, & quemadmodum ait hic Aristoteles, possidere videtur. In illa enim acceptione ac retentione rerum cernitur, inquit, *κτῆσις*, hoc est, possessio, non *χρῆσις*, hoc est, vsus. At diuitiarum finis in vsu, positus est. Ac rectè quidem de re familiari agens commemorat vsu, & quæstum: quia illa duo potissimum in Oeconomica videnda sunt: quomodo res & paratur capiatürque primum, & postea detur ac proferatur in vsu. Maneat ergo, è duobus his actibus, officiisque tractandæ pecuniæ, & rei familiaris, quorum alterum appellat *δῶν*, donationem; alterum *λῆψιν*, acceptionem, primum illud in dando positum ad liberalitatem magis pertinere, quàm alterum, quod cernitur in capiendo, vt oportet, & retinendo, vel certè in non accipiendo. Idque sic esse rationibus ostendit, vt censet Burleus & Petr. Vict. quinque, vt alij sex, vt Gifanius, octo. Quem nos secuti sic eas ordine relegamus.

Prima. Liberalitatis officium maximè cernitur in vsu, quemadmodum liberalitatis ostendit materia, hoc est, diuitiæ, res familiaris, pecunia, quæ propter vsu sunt, & ad vsu referuntur. At horum bonorum vsus in donatione cernitur potius & sumptu, quàm in acceptione, ac quæstu, vt dictum est. ergo liberalitatis officium in dando potius, quàm in accipiendo & seruando spectatur.

Secunda. Quia virtutis magis est proprium bene mereri facere, prodesse aliis, & beneficium conferre, quàm beneficium accipere, iuuari, prælidium petere. id quod etiam docet iterum Aristoteles in lib. 8. cap. 13. vbi ait, hoc esse virtutis proprium, vt omnibus proste: & in 2. Rhet. vbi virtutem definit vim & potestatem conferendi beneficia multa & magna in mortales. Ergo liberalitatis etiam, quæ sine dubio virtus est, erit magis proprium dare, quàm accipere.

Tertia. Quia magis proprium virtutis est, honestè agere, quàm non turpiter facere. Magis enim laudatur qui aliquid agit honestè, quàm qui turpiter aliquid non facit: & quemadmodum præclare docet in primo lib. offic. Cicero: non satis est homini probo & virtute prædico afficere iniuria neminem, sed necesse est opibus & opera prodesse quamplurimis. Atqui vir liberalis in accipiendo id tantum præstare potest virtuti congruenter, vt non accipiat, neque velit accipere ab iis, à quibus accipere non oportet, & cum non oportet, quod est ab auaritiæ turpitudine se abstinere: in dando verò agit honestè, vtilitatem aliis publicè ac priuatim afferens. ergo dare potius, quàm accipere est officium liberalitatis.

Quarta. Quia gratia solet haberi, non iis, qui nihil accipiunt quod non oporteat, aut cum non oporteat accipere, aut iis, qui omnino non accipiunt, sed beneficium dantibus, & de aliis re ipsa bene merentibus. Immo verò ij, qui non accipiunt, & benignitatem alicuius repudiāt, apud eundem interdum offendunt. id quod accidit Xenocrati, quemadmodum tradit Cicero. Cum enim magnam pecuniæ vim, quæ offerebatur ab Alexandro, repudiasset, tristioresque propterea legatos vidisset, offensionem vitandam ratus, aliquam eius pecuniæ partem accepit. Hinc ergo vult intelligi, liberalitatis esse potius dare, quàm accipere. quia gratiæ non aguntur illi, qui non accipit, aut non accipit nisi cum oportet, & vt oportet, sed ei, qui largitur & dat. ac gratiæ aguntur beneficentiæ & liberalitati. ergo dare liberalitatis est proprium, & in dando versatur potius liberalitas, quàm in accipiendo.

Quinta. Quia laudari magis solet qui dat, quàm qui nihil dat, & nihil accipit. quæ ratio mihi esse videtur huiusmodi. Quod laudabilius est, id, cum omni virtuti, tum liberalitati magis est proprium. At dare, in primis maximèque laudabile est. Temeritate enim remota, vt ait Cic. in lib. 2. offic. grauissima est liberalitas, eoque eam studiosius plerique laudant, quod summi cuiusque bonitas commune perfugium est

omnium. sed qui non dat, & nihil tamen accipit quod non oporteat, non laudatur. Ergo dare magis est liberalitatis proprium, quàm accipere. Quòd si dicas, cum quoque laudari solere, qui non accipit inde, unde non oportuit accipere, cum sit iustus. respondeo laudari quidem, sed parum, nec tantis excipi laudibus, quantis excipietur is, qui dat; ac propterea dare laudabilius esse, idque ad officium liberalitatis primum pertinere.

Sexta. Quia facilius est non accipere, quàm dare: quæ ratio videtur explicari sic posse: Quæ difficiliora sunt, ea virtuti magis propria sunt, quæ, ut alibi dictum est, versatur in arduo. Sed dare difficilius est, quàm non accipere. Neque enim tam facile sua donat aliquis, quàm ab alieno se continet. ergo dare liberalitatis est magis proprium munus, quàm accipere: & liberalitas in dando potius, quàm in accipiendo versatur.

Septima. Quia vulgò liberales habentur qui dant: qui verò non accipiunt quod non oportet, iusti potius, quàm liberales existimantur. Ergo dare potius ad liberalitatem pertinet, quàm accipere, vel non accipere.

Octava. Quia ex omnibus omnino virtutibus maximè diligitur vulgò liberalitas. Iusti quippe sæpe molesti sunt: prudentes habentur callidi: temperantes, acerbi & odiosi. sola liberalitas carissima omnibus & gratissima est. amatur & diligitur ab omnibus. Itaque Boët. in 2. de Consolat. largitas, inquit, maximè caros facit. & D. Ambros. l. 1. offic. c. 28. Iustitia excellentior virtus videtur, liberalitas verò gravior. Sed amatur & diligitur liberalitas, non quòd non accipit, sed quòd dat. Est enim utilis omnibus & commune perfrugium, ut dixit Cic. Ergo id quod est in liberalitate primum & maximum, in dando positum est.

PARS SECUNDA CAPITIS PRIMI.

ΑΙ δὲ κατ' ἀρετὴν ποιεῖς κα-
λαί, καὶ τῷ καλῷ ἐνεκεν. καὶ ὁ
ἐλευθέριος αὖ δώσει τῷ καλῷ ἐνεκεν,
καὶ ὁρθῶς. οἷς γὰρ δεῖ, καὶ ὅσα, καὶ ὅτι,
καὶ ὅτι αὖτε ὅσα ἐπεταὶ τῇ ὁρθῇ δόσει. καὶ
ταῦτα ἡδύως, ἢ ἀλύπως. ὅ γὰρ κατ'
ἀρετὴν, ἢ δὴ ἢ ἀλύπως, ἢ καὶ δὴ λυ-
πηρόν. ὁ δὲ δίδωκεν οἷς μὴ δεῖ, ἢ μὴ τῷ
καλῷ ἐνεκεν, ἀλλὰ ἀφ' ἵνα ἄλλω
αἰτίᾳ, οἷα ἡδύως, ἀλλὰ ἄλλος
ὡς ῥηθῆσεται. οὐδ' ὁ λυπηρὸς. μᾶλλον
γὰρ ἔλπει αὐτῷ χρεῖματι τῷ καλῷ
πορεύσει. τῷ δὲ οἷα ἡδύως.
οὐδ' ἀνέπει δὲ, ὅτι μὴ δεῖ. οὐδ'
γὰρ ὅτι τῷ μὴ ἀνέπει τῷ χρεῖματι
ἢ ποιῶν ἀνέπει. οἷα δὲ εἴη δὲ οὐτ'
αἰτιώδης. οὐ γὰρ ὅτι τῷ δὲ ποιῶν
ἀνέπει ἀνέπει. ὅτι δὲ δεῖ, ἀνέ-
πει. ὅτι δὴ τῷ ἰδίῳ κτημάτων, οὐχ
ὡς καλόν, ἀλλ' ὡς ἀναγκαῖον, ὅπως
ἔχει δίδωκεν. οὐδ' ἀνέπει τῷ ἰδίῳ,
βουλεύμενος γὰρ ἀφ' ἑαυτοῦ ὡς ἐπὶ-
καῖν. οὐδ' ὡς τυχρὸς δώσει, ἵνα ἔχει
δίδωκεν οἷς δεῖ, καὶ ὅτι, ὅτι καλόν. ἡδύως
δὲ ὅτι σφόδρα, ὅτι ὅτι ἀνέπει αὐτῷ
δώσει, ὡς καταλείπει αὐτῷ ἐλεῖν. ὅ

HÆ autem secundum virtutem actio-
nes honestæ, & honesti causa sunt.
liberalis igitur donabit honesti causa, & re-
ctè; nimirum quibus oportet, & quæ, &
quando, aliæque, quæ sequuntur rectam
dandirationem. idque iucundè, aut non gra-
uatè. quod enim secundum virtutem est, iu-
cundum est, aut non graue; minimè verò
molestum. At qui dat quibus non oportet,
aut non honesti, sed alia quadam causa, non
liberalis, sed alius quispiam dicetur. Neque
qui grauatè. Magis enim eligeret pecunias,
quàm honestam actionem. id verò non est
hominis liberalis. Neque verò accipiet unde
non oportet. non enim est eius, qui non hono-
rat pecunias huiusmodi acceptio. Nec erit
ad petendum nimis proclivis. non enim est
benefici, facilè beneficium accipere. Vnde au-
tem oportet, accipiet; nimirum de suis rebus:
non quòd honestum, sed quòd necessarium
sit; ut possit donare. Neque negliget sua,
volens de iis quibusdam opitulari. Neque
quibuslibet donabit; ut possit donare quibus
oportet, & quando, & ubi honestum est. li-
beralis autem est maximè, ita excedere in
dando, ut relinquat sibi pauciora. ipsum

γὰρ μὴ ὀπιβλέπειν ἐφ' ἑαυτὸν, ὕδ-
 ρείου. καὶ τὴν οὐσίαν δ' ἡ ὕδρευσι-
 σις λέγεται. οὐ γὰρ ἐν ταῖς πλήθιν τῶν
 διδωμένων τὸ ὕδρευσις, ἀλλ' ἐν τῇ τῷ
 διδόντι ἐξ ἑαυτοῦ. αὐτὴ δὲ καὶ τὴν οὐσίαν
 δίδωσι. οὐδὲν δὲ καλὸν ἐλδρευώτε-
 ρον εἶναι τὸν ἑαυτῷ διδόντα, ἐὰν ἀπὸ
 ἐλαττοῦ διδῷ. ἐλδρευώτερος δὲ εἶναι
 δοκοῦσι οἱ μὴ κτησάμενοι, ἀλλὰ πα-
 ραλαβοῦντες, τὴν οὐσίαν. ἀπειροί τε γὰρ
 τῆς ἐνδείας. καὶ πόρτες ἀγαπῶσι μάλ-
 λον ἢ αὐτῶν ἔργα, ὥσπερ οἱ γυνεῖς, καὶ
 οἱ ποιηταί. πλουτεῖν δ' οὐ βούλονται τὴν
 ἐλδρευσις, μήτε ληπτικὸν ὄντα, μή-
 τε φυλακτικόν. πωρετικὸν δὲ, καὶ μὴ
 ἡμιῶν δὲ αὐτὰ ἑαυτῷ χεῖματι, ἀλλ'
 ἔτεκα τῆς δόσεως. δὲ καὶ ἐκτελεῖται τῇ
 τύχῃ, ὅτι οἱ μάλιστα ἀξιοὶ ὄντες, ἥκιστα
 πλουτεῖσι. συμβαίνει δὲ εἰς ἀλόγως
 τοῦτο. οὐ γὰρ οἷον τε χεῖματι ἔχον,
 μὴ ὀπιμολογούμενοι, ὅπως ἔχον. ὥσπερ
 οὐδὲ ὅτι τῶν ἄλλων. οὐ μὲν δὲ οὐδὲ γὰρ
 οἷς οὐ δῖναι, οὐδὲ ὅτε μὴ δῖναι, οὐδὲ ὅσα
 ἄλλα τοιαῦτα. οὐ γὰρ ἀπὸ ἐπὶ πωρετικοῦ
 καὶ τὴν ἐλδρευσις. καὶ εἰς τοῦτα
 ἀναλώσας, εἰς αὐτὸν εἰς αὐτὸν αἰα-
 λίσκον. ὥσπερ γὰρ εἴρηται, ἐλδρευσις
 ὅστις ὁ καὶ τὴν οὐσίαν διαπορεύει, καὶ εἰς
 αὐτὸν. ὁ δὲ ὑπερβάλλων, ἀσώτως. δὲ
 τοῖς τυράντοις οὐ λέγεται ἀσώτως. τὸ γὰρ
 πλῆθος τῆς κτήσεως οὐ δοκεῖ βούλονται
 ταῖς δόσεσι, καὶ ταῖς διαπορεύσεσι ὑπερ-
 βάλλει. τῆς ἐλδρευσις δὲ μεσότη-
 ρος οὐσίας, ὥς χεῖματι δόσιν καὶ λή-
 ψιν, ὁ ἐλδρευσις καὶ δόσιν καὶ διαπορεύ-
 σιν εἰς αὐτὸν, καὶ ὅσα δῖναι, ὁμοίως ἐν
 μικροῖς καὶ μεγάλοις. καὶ τοῦτα ἡδύως.
 καὶ λήψεται ὅταν δῖναι, καὶ ὅσα δῖναι. τῆς
 ἀρετῆς γὰρ ὥς ἀμφοῖν οὐσίας μεσότη-
 ρος, ποιῶσι ἀμφοτέρω ὥς δῖναι. ἐπεὶ
 γὰρ τῇ ἐπιφύσει δόσιν ἢ τοιαύτη λήψιν. ἡ
 δὲ μὴ τοιαύτη, ἐν ἀντιθέσει ὅστις. αἱ μὲν οὖν
 ἐπὶ οὐσίᾳ, γίγνεται ἅμα ἐν ταῖς αἰσῶσι.
 αἱ δὲ ἐν ἀντιθέσει γίγνεται ὥς οὐ. ἐὰν δὲ ὥς
 τὸ δῖναι, καὶ τὸ καλῶς ἔχει συμβαίνει
 αἰσῶσι αἰαλίσκον, λυπηθῶσι. μετρίως
 δὲ καὶ ὥς δῖναι. τῆς ἀρετῆς γὰρ καὶ ἡδε-

enim se non respicere, liberalis est. Pro facul-
 tatibus autem liberalitas appellatur. Non
 enim in multitudinere rerum, quae donantur,
 liberalitas est, sed in donantis habitu: qui
 sanè pro facultatibus donat. Nihil etiam
 prohibet, cum liberaliorem esse, qui minora
 donat, si de paucioribus donet. liberaliores
 porro esse videntur qui rem non acquisue-
 runt, sed ab aliis acceperunt. Nam et
 experti non sunt egestatem: et omnes a-
 mant impensius opera sua: ut sunt parentes
 et poëtae. locupletari autem difficile est li-
 beralem; cum nec ad accipiendum, nec ad
 conservandum valde propensus sit, sed ad
 largiendum: nec aestimat per se pecuniam,
 sed donandi gratia. Itaque accusant fortun-
 nam, quod qui dignissimi sunt, minimè lo-
 cuplescentur. Contingit autem haud temerè
 hoc. Non enim potest pecunias habere qui
 non curat ut eas habeat. quemadmodum
 ne in ceteris quidem rebus. Non tamen
 donabit quibus non oportet, nec quando
 non oportet, nec aliqua alia huiusmodi. Non
 enim iam ageret secundum liberalitatem.
 et si in hac impenderet, non haberet unde
 impenderet in ea, in qua oporteret impende-
 re. Ut enim dictum est, liberalis est qui pro
 facultatibus sumptum facit: et in eas res,
 in quas oportet. Qui verò modum superat,
 prolixus est. Quare Reges non dicimus pro-
 digos; quia copiam possessionis non videtur
 facile esse, donationibus impensisque supe-
 rare. Cum igitur liberalitas mediocritas sit,
 in rerum donatione, et acceptione, liberalis
 donabit et impendet in res, in quas oportet,
 et donabit quae oportet, perinde in parvis
 atque in magnis: idque incundè accipiet e-
 tiam unde oportet, et quae oportet. Nam,
 cum virtus in utroque sit mediocritas, faciet
 utrumque ut oportet. sequitur enim mode-
 ratam donationem talis acceptio. quae verò
 non est huiusmodi, contraria est. Consequentes
 igitur se mutuo res in eodem simul sunt. con-
 trarias autem constat esse non posse. Quod si
 praeter quàm quod decet et congruis ipsi, eue-
 nerit, ut sumptum feceris, dolebis, sed modera-
 tè, atque ut oportet. Virtutis enim est, et la-
 tari

αἰσῶν, καὶ λυπῶσθαι ἐφ' οἷς δεῖ, ἔως
δεῖ. ἀκρινέστερος δ' ὅστις ὁ ἐλαφύστερος εἰς
χρήματα. διώεται οὖν ἀδικεῖσθαι, μὴ
ἡμῶν καὶ τὰ χρήματα. ἔμᾶλλον ἀρ-
μῶς, εἰ ἢ δέον μὴ αἰετῶσαι, ἢ
λυπούμενος, εἰ μὴ δέον πὶ ἀνάλω-
σιν. καὶ τὰ Σιμωνίδῃ οἷα φρεσὶ-
μῶς.

tari, & dolere quibus de rebus oportet, &
quomodo oportet. Præterea in communica-
tione pecunia facilis est liberalis. iniuriam
enim pati potest; cum non veneretur pecu-
niam. agriusque fert si quid, ut oportuit,
non erogauerit, quàm doleat, si quid ero-
gauerit, quod non oportuit. Neque Simo-
nides ei probatur.

EXPLANATIO.



PROPOSITVM supra est officium liberalitatis vniuersè, quod in dando
potius, quàm in accipiendo positum esse dixit. Idem officium nunc
enucleatiùs explicat describendis, designandisque quibusdam cautio-
nibus & proprietatibus liberalitatis, quas intueri etiam oportet in
danda pecunia. Non enim satis est dare, nisi antè videamus & explo-
remus ea, quæ donationem aut rectam aut prauam efficere possunt. Quod præce-
ptum non solum Aristotelis est, sed aliorum quoque multorum, qui hoc argumen-
tum scribendo tractarunt. Deinceps, inquit Cic. in 1. lib. offic. de beneficentia & li-
beralitate dicatur. qua quidem nihil est naturæ hominis accommodatius: sed habet
multas cautiones. Et Seneca in lib. 1. de Benef. cap. 1. ita præfatur: Inter multos ac
varios errores temerè inconsultèque viuientium, nihil propemodum dixerim no-
centius, quàm quòd beneficia nec dare scimus, nec accipere. & in cap. 5. Non po-
test beneficium manu tangi, sed animo geritur. Multum interest inter materiam
beneficij, & beneficium. Itaque nec aurum, nec argentum, nec quicquam eorum,
quæ à proximis accepimus, beneficium est, sed ipsa tribuendi voluntas.

Prima igitur cautio, siue proprietas & nota liberalitatis à communi omnium vir-
tutum proprietate petitur, & in eo ponitur, ut quicquid datur, honestatis gratia
detur. omnium enim virtutum actiones honesti gratia suscipiuntur, & fiunt, ut sæpe
alibi dictum est. Quæ cautio & nota depellit è finibus veræ liberalitatis largitionem,
& quicquid datur maioris lucri, honoris, voluptatis, & libidinis causa. libidino-
sam liberalitatem nemo non detestatur: quæ stuosam ita damnat Sen. in lib. 4. de
Ben. cap. 13. & 14. Mercator urbibus prodest, Medicus agris: mango venalibus.
sed omnes isti, quia ad alienum commodum pro suo veniunt, non obligant eos,
quibus profunt. Non est beneficium quod in quæstum mittitur. hoc dabo, hoc re-
cipiam: auctio est. non dicam pudicam quæ amatorem ut incenderet, repulit. &
lib. 1. Tunc est virtus: dare beneficia: utique non reditura. In cap. verò 20. eius-
dem lib. 4. Ingratum voco, inquit, qui agro assidet, quia testamentum facturus
est. Faciat licet omnia, quæ bonus amicus, & memor officij debet, si animo eius
obuersatur spes, si lucri captator est, & hamum iacit, ut aues quæ laceratione cor-
porum aluntur, lapsa morbo pecora & casura è proximo speculantur: ita hic imminet
morti & circa cadaver volat. Et lib. 1. cap. 1. vel 2. Demus beneficia, inquit, non
sceneremus. Dignus est decipi, qui de recipiendo cogitauit, cum daret. Ambitosam
verò liberalitatem & eam, quæ corrupenda plebe ad honores adipiscendos affe-
ctat viam, insectatur Cicero, Philippi vocem cum admiratione sic laudans: Præcla-
rè in epistola quadam Alexandrum filium Philippus accusat; quòd largitione Mace-
donum beneuolentiam consecetur. Quæ te, malum! inquit, ratio, in istam spem
induxit, ut eos tibi fideles putares fore, quos pecunia corrupisses? An tu id agis, ut
Macedones non te Regem, sed ministrum, & præbitorem putent? quo quid fordi-
dius Regi? Melius etiam, quòd largitionem corrupelam dixit esse. Ad summam.
nulla donatio largitiõve liberalitatis meretur nomen, quæ ipsam liberalitatis hone-
statem non intueatur, per se optabilem & expetendam. Rectè hoc etiam Seneca lib. 4.
c. 14. & 15. Numquid dubium, inquit, est: quin contraria sit beneficio iniuria? Quo-
modo iniuriam facere per se vitanda atque fugienda res est, sic beneficium dare per
se expetendum. Illic turpitudine contra omnia præmia in scelus hortantia valet, ad
hoc inuitat honesti per se efficax species. At sæpe, inquires, liberaliter damus ob alia-
rum virtutum honestatem. Respondeo; eius tum promereri nos laudem virtutis, ad
quæ liberalitatem dirigimus. Qui enim in ædilitatib. suis sumptus fecere magnos in

ludos non quidem ad corrumpendam plebem, sed ad eam oblectandam publico spectaculo, fuere magnifici; tum præsertim, cum eos sumptus facere pro facultatibus & diuitiarum modo, eoque tempore, quo sic fieri esset vel necesse vel utile. ut eo loco idem Cic. docet. & in proximè consecutura cautione disputabimus.

Est enim secunda cautio, ut videamus, quibus dandum sit, quantum, & quo tempore, ceteraque omnia adhibeamus, quæ cum recta largitione coniungi debent. Quam eandem cautionem, certè huic similem M. Tull. proponit in offic. 1. his verbis. Videndum, inquit, primum est, ne oblit benignitas, & iis ipsis, quibus benignè videbitur fieri, & ceteris. deinde; ne maior benignitas sit, quàm facultates: tum, ut pro dignitate cuique tribuatur. Cum enim admonet, ut videamus, ne benignitas & liberalitas nostra maior sit, quàm facultates patiuntur, Aristotelis præceptum attingit, ut tantum demus, quantum oportet. Cum docet esse videndum, ut singulorum, quibus largimur, dignitatem, conditionem, honorem, egestatem perpendamus, admonet quod præcipit Aristoteles, ut attendamus eos, in quos esse volumus liberales. Cum denique iubet nos id cauere; ne cuiquam noceamus, vnam ex iis cautionibus exprimit, quas Aristoteles cumulo comprehendit, cum ad extremum ait, esse in largiendo adhibenda & videnda omnia, quæ rectam largiendi rationem comitari debent, & cum ea coniungi. Ut igitur ordiamur ab Aristotelis primo in hac cautione præcepto, quod apud Ciceronem est extremum; illud videamus oportet; quibusnam demus & largiamur. Est enim inuestigandum, an cognatione aliqua nos attingant, aut alio nexu societatis humanæ; an insigni virtute sint præditi: an bene de nobis aliquando meriti sint. Ut enim quisque pluribus est ex his communis, instructusque præsidus, hoc maiori liberalitate videtur à nobis ornandus. In summa. id videndum esse ait in benignitate Cicero: ut delectus habeatur dignitatis; considereturque quid promereatur is, cui benignè facere volumus. In quo & mores, inquit, eius spectandi sunt, & animus erga nos, & communitas ac societas vitæ, & ad nostras utilitates officia antè collata. quæ ut concurrant omnia, optabile est: sin minùs, plures causæ, maioresque, ponderis plus habebunt. Sed num indigni malisque præditi moribus arcendi sunt prorsus & à nostra liberalitate depellendi? Si nostra liberalitas neque illis, neque aliis ullis, neque Reipublicæ nocitura est, dicent Christiani philosophi, non esse depellendos indignos, & Deum imitandum parentem optimum, ac liberalissimum, qui malos æquè ac bonos imbribus & Sole perfundit. Legendus est Lactan. in lib. Instit. 6. Philosophi autem aliqui ex veteribus id vnum videntur excipere: ut nisi depellere possimus indignos, quin vnà cum illis dignos etiam excludamus, ipsis quoque bene faciamus indignis. Pulchrè Seneca in lib. 4. de benef. cap. 28. Dij quoque multa ingratias tribuunt: sed illa bonis parauerunt. Contingunt autem etiam malis, quia separari non possunt. Sanctius est autem prodesse etiam malis, quàm bonis decisse propter malos. Ita, quæ refert, diem, solem, hyemem, ætatisque cursus, & media veris, autumnique tempora, imbres & fontium hauritus, ventorum statos status, pro vniuersis inueniunt, excipere singulos non potuerunt. Rex honores dignis dat: congrarium & indignis. Frumentum publicum tam fur, quàm periurus, & adulter accipiunt: & sine delectu morum quisquis ciuis est. Cum aliquid est, quod tanquam ciui, non tamquam bono datur, ex æquo boni, ac mali ferunt. Deus quoque quædam in vniuersum humano generi dedit, à quibus excluditur nemo. Nec enim poterat fieri, ut ventus bonis viris secundus esset, contrarius malis. nec poterat lex casuris imbribus dici, ne in malorum improborumque rura defluerent. Quædam in medio ponuntur. Tam bonis, quàm malis conduntur Vrbes. medicina & sceleratis opem ministrat. Compositiones remediorum nemo suppressit, ne sanarentur indigni. Ius ferri omnibus dicitur. pace etiam homicidæ fruuntur: sua repetunt etiam qui aliena rapuerunt. Percussores & domi ferrum exercentes murus ab hoste defendit. legum præsidio qui plurimum in eas peccauerunt protegentur. Hanc ergo iustam idoneamque Seneca putat causam, cur indignis quoque rectè dari beneficium videatur, quòd homines indigni præteriri non possint, quin ipsi quoque digni prætermittantur. Aliam etiam proponit in c. 30. eiusdem lib. 4. quam

indigno atque ingrato coniunctionem aliquam habent. in eorum enim gratiam & meritum saepe beneficia dantur indignis. Aliquando, inquit, daturum me etiam indignis quædam non negauerim in honorem aliorum, sicut in petendis honoribus quosdam turpissimos nobilitas industriis, sed nouis prætulit. Non sine ratione sacra est magnarum virtutum memoria, & etiam plures bonos adiuuat, si gratia bonorum non cum ipsis cadat. Ciceronem filium quæ res Consulem fecit nisi pater? Cinnam nuper quæ res ad Consulatum recepit ex hostium Castris? Quæ Sextum Pompeium, aliosque Pompeios nisi vnus viri magnitudo? tanta quidem, vt satis altè omnes suos etiam ruina eius attolleret. Hæc debemus virtutibus, vt non solum præsentibus illas, sed etiam ablatas è conspectu colamus. Quomodo illæ id egerunt, vt non in vnam ætatem prodesse, ita & nos non vna ætate grati simus. Hic egregius maioribus ortus est, qualiscumque est, sub vmbra suorum latet. Vt loca sordida percussu solis illustrantur, ita inertes maiorum suorum luce resplendent. Excusare hoc loco, mi Liberalis, Deos volo. Interdum enim solemus dicere: quid sibi voluit Prouidentia, quæ Archideum Regno imposuit? Illi putas hoc datum? patri eius datum est & fratri. Quare Cæsarem orbi terrarum præfecit, hominem humani sanguinis audissimum? ergo tu illi hoc datum existimas? patri eius Germanico datum est, datum auo, proauoque, & ante hos minus claris viris. Hæc à Seneca secundo loco exceptio tradita à Christiana philosophia non abhorret, modò illis ipsis indignis aut cuiquam ex aliis liberalitas nostra non noceat. Nam si noceat, ne Christiani quidem philosophi dandum eis quicquam existimabunt. Quin idem Seneca id ipsum prouidit exceptitque disertè in lib. 2. cap. 14. vbi de beneficio nociturois, quibus datur, ita disputat. Sunt quædam nocitura impetantibus: quæ non dare, sed negare beneficium est. frigida ægris negamus; & lugentibus ac sibi iratis ferrum; amantibus quicquid contra se vsurus ardor petit. exorari in perniciem rogantium leuata bonitas est. Quemadmodum pulcherrimum opus est etiam inuitos nolentesque seruare, ita rogantibus pestifera largiri, blandum & affabile odium est. saepe nihil interest inter amicorum munera & hostium acta. Hæc de liberalitate accipienti nocitura Seneca. quæ consentiunt cum Ennii dicto pulcherrimo apud Tull. Benefacta malè locata malè facta arbitror. De illa verò liberalitate, quæ non quidem accipienti beneficium, sed aliis perniciofa est, disserit Cic. in offic. lib. 2. loco supra laudato. Videndum est, inquit, vt ea liberalitate vtamur, quæ profit amicis, noceat nemini. Quare L. Syllæ & C. Cæsaris pecuniarum translatio à iustis dominis ad alienos non debet liberalitas videri. nihil enim est liberale, quod non idem sit iustum. Prouerbiū est. De alieno liberalis. quo significatur facile esse largiri alienum. Ductum videtur ex Homer. Odyss. p.

ἐπὶ οὐκ ἐπὶ ἐπίχρισι, οὐδ' ἐλευτῶς

Ἀλλοτρίων χειρὶ δαδαι.

— Nam res largiri alienas

Haud res vlla vetat.

Et ex Senec. lib. 2. ep. 16. Non est, inquit, quod miteris animum meum. adhuc de alieno liberalis sum. Aut ex Terent. in Adel. vbi Mitio dicenti Æschino: promisi ego illis; responder. Promisisti autem. De te largitor puer. Legendus est etiam S. Augustin. hom. ex 10. septima. Restat id quod in hac cautione secunda non postremo loco proponitur: vt tantum tribuamus quantum non modò postulat aliena egestas, sed etiam quantum facultates nostræ patiuntur. Rectè enim Cic. in offic. lib. 2. Sape idoneis hominibus indigentibus, inquit, de re familiari est impertiendum: sed diligenter atque moderatè. multi enim patrimonium effuderunt, inconsultè largiendo. Quid autem stultius est, quàm quod libenter facias, curare, vt id diutius facere non possis? Atque etiam sequuntur largitionem rapinæ. Cum enim dando egere cœperint, alienis bonis manus afferre coguntur. Quamobrem nec ita claudenda est res familiaris, vt eam benignitas aperire non possit: nec ita referenda, vt pateat omnibus, modus adhibeatur, isque referatur ad facultates.

Tertia liberalitatis apud Aristot. cautio est, vt libenter, certè non grauatè, ac si-

ne molestia largiamur. omnes enim virtutum actiones, excepta fortitudine, vel iucundæ sunt, vel non molestæ. quod dictum est alibi. Denique hilarem datorem ipse quoque vult Aristot. Tractat hoc etiam præceptum sapienter & egregie Seneca in lib. de benef. 1. cap. 1. & 2. Gratiam corrumpimus omnem, inquit, non tantum postquam damus beneficia, sed etiam dum damus. Quis enim nostrum contentus fuit, aut leuiter rogari, aut semel? Quis non cum aliquid à se peti suspicatus est, frontem obduxit, vultum auertit, occupationes simulauit, longis sermonibus & de industria non inuenientibus exitum occasionem petendi abstulit, & variis artibus properantes necessitates elusit? In angusto verò comprehensus, aut distulit, aut timide negauit, aut promisit, sed subductis superciliis, sed malignis & vix exeuntibus verbis. Nemo autem libenter debet quod non accepit, sed expressit. Et cap. 7. Nonnunquam nos magis obligat qui dedit parua magnifice, qui Regum æquauit opes animo, qui exiguum tribuit, sed libenter. Ingrata sunt, licet re ac specie magna videantur, quæ danti aut extorquentur. aut excidunt: multo que gratius venit quod facili, quàm quod plena datur manu. Denique in lib. 2. cap. 1. Sic demus, inquit, quomodo vellemus accipere. ante omnia libenter, citò, & sine vlla dubitatione Ratio cur dare debeat libenter vel sine tristitia vir liberalis, ea dicitur esse ab Aristotele, quod qui cum tristitia dat, ostendit se diligere magis pecuniam, quàm actionem virtutis honestam. perinde ac si dicat: Qui magis diligit pecuniam, quàm actionem honestam, non est liberalis. At qui cum tristitia dat, diligit magis pecuniam, quàm actionem virtuti consentaneam. Non est ergo liberalis.

His explicatis cautionibus, quas in largiendo iubet liberalem virum intueri, proponit alias, quas eundem peruidere oportet in accipiendo & retinendo. Quamquam enim dare potius, quàm accipere & retinere viri liberalis officium est, sunt tamen aliquæ partes eiusdem liberalis, accipere & seruare. Nisi enim hoc faceret, non haberet unde largiretur & daret. Erunt igitur sua præcepta huic officio liberalitatis subsecundario, & primo illi atque præcipuo quod in dando positum est subseruienti. Primum ergo præceptum est: vt cum quid accipit, aut retinet ad liberaliter largiendum, de suo accipiat retineatque, non de alieno: de prouentibus nimirum suis, quos è fundis percipit, aliave de re fructus homini liberali reddente. Quo præcepto damnantur illæ aliquorum rapinæ, quarum beneficio videri liberales voluerunt, quemadmodum dictum est supra. Ratio Ciceronis verissima est. Quia nimirum liberalitas vacare omni debet iniustitia. Sed non sic accipiendum est & conseruandum, vt nihil præterea faciendum sit. debet enim res accipi & seruari eo consilio, vt erogetur. Cuius legem acceptionis & conseruationis ingeniosè peruestigat, atque inuenit Aristoteles. Non enim, inquit, magna per se est honestas accipere ac conseruare quod tuum est; sed est honestum maximè accipere tuum, & seruare, vt habeas unde liberaliter des. Nimirum vir liberalis non quærit pecuniam & rem tamquam aliquid per se bonum, sed ideo, quod sit aliquid necessarium ad largiendum iis, qui nostram opperiuntur liberalitatem. Secundum in accipiendo præceptum esse vult, vt vir liberalis minimè sit ad poscendum facilis & procax. sæpe enim non solum è fundis nostris prouentus & fructus, sed pecuniam etiam aliasve res ab amicorum propinquorumque benignitate honestè capimus. Itaque sicut è prædiis honestè capio fructus, eosque conseruo, vt esse possim in alios liberalis, ita ex eodem honesto dandi consilio, possum ab aliis petere & conseruare quod liberaliter effundam in alios. Hoc tamen agendum esse moderatè præcipit, ac sine procacitate, atque audacia. Ratio videtur ea esse; quod qui paratus est & pronus ad largiendum, is non ita facilè beneficium petit, nec eandem obtinet ad poscendum facilitatem, & pronitatem. Vt inter naturalia quæ maximè sunt actiua, passiua parum sunt (id quod cernere licet in igne) ita comparatum in moralibus est. dare & largiri est agere. accipere vero est quoddam pati. ergo qui propensionem habet ad benignè faciendum & dandum, parum ad petendum atque accipiendum pronus erit. sed liberalis facilis est, & quandam quasi pronitatem habet ad dandum. ergo non debet habere propensionem ad petendum.

Cautionibus præceptisque sic propositis, quas in dando & accipiendo perpendi ac teneri à viro liberali necesse est, quatuor præterea proponit Aristoteles liberalitatis proprietates. Primam. Liberalem virum in largiendo velle magnopere excellere, siue modum excedere ac superare. Græcè est *ὑπερβαίνειν*. quod verbum signi-

fiat exuperantiam habere. sed ne credamus hîc laudari quod vitiosum, & extremum est: addit, hanc exuperantiam in eo positam esse, ut donatio, & largitio liberalis viri superet eiusdem acceptionem retentionemque. plura enim dat, quàm retineat; & maiora dat aliis, minora & pauciora referuat sibi. Quæ proprietates non pugnat cum superiori præcepto, quo cauetur, ut liberalis modum suarum facultatum non excedat in dando, nè plus donet, quàm rei familiaris mensura patiatur. Loquitur enim hîc de superuacaneis; suprà de rebus vitæ conditionique necessariis. Rectè itaque huius proprietatis proferens hîc rationem idoneam, ait; liberalem virum se ipsum non respicere, nec sui ipsius rationem habere; in superuacaneis nimirum, & iis rebus, quas sibi necessarias non esse intelligit. Naturam enim vir liberalis imitatur: quæ superuacaneum alimentum in semen conuertit impertiendum generi quod propagatur: necessarium autem retinet & seponit sibi. In quo ideo differt à prodigo, quod is etiam necessaria profundit & proicit.

Secundam proprietatem ex eo repetit, quod liberalitatem metiri soliri sumus ex facultatibus. Non enim ex magnitudine, aut multitudine donorum spectari liberalitas debet, sed ex animo, habitu, & voluntate donantis. Hanc proprietatem persequitur & explicat multis Sen. in lib. 1. de benef. cap. 6. Non quid fiat, inquit, aut quid detur, refert; sed qua mente. quia beneficium non in eo, quod fit, aut datur, consistit, sed in ipso dantis aut facientis animo. Animus est, qui parua extollit, sordida illustrat, magna, & in pretio habita dehonestat. non est ergo beneficium ipsum quod numeratur aut traditur. sicut nec in victimis quidem, licet opimæ sint, aurorque præfulgeant, Deorum est honos, sed in pia, ac recta voluntate venerantium. Itaque boni etiam farre, ac fictili religiosi sunt, mali rursus non effugiunt impietatem, quamuis aras multo sanguine cruentarint. In cap. verò 7. Si beneficia in rebus, non in ipsa benefaciendi voluntate consisterent, eo maiora essent, quo maiora sunt quæ acceperimus. Id autem falsum est. Non nunquam enim magis non obligat qui dedit parua magnificè; qui exiguum tribuit, sed libenter, qui paupertatis suæ oblitus est, dum meam respicit. exiguum est quod in me contulit, sed amplius non potuit. Socrati cum multa multi pro suis quisque facultatibus offerrent, Æschines pauper auditor, nihil, inquit, dignum te quod dare tibi possim inuenio. itaque dono tibi quod habeo, me ipsum. Vides quomodo animus inueniat liberalitatis materiam etiam inter angustias paupertatis. videtur mihi dixisse: Nihil egisti, fortuna, quod me pauperem esse voluisti.

Tertiam proprietatem liberalitatis eam esse ait, quod liberaliores ij sint, qui à maioribus partas acceperunt diuitias, quàm qui easdem ipsi per se pepererint. sumpta videntur hæc ex Plat. in dial. primo de Rep. Affert autem Aristoteles huius proprietatis rationes duas. quarum prior est; quod qui translatitias atque à maioribus partas obtinent opes, ij nunquam inopiam experti sint, adeoque non magni pecuniam æstiment, nec eius egestatem magnopere pertimescant. Quemadmodum enim qui bello nunquam interfuere, sunt ad belli pericula proiectiores: sic ij, qui nunquam opum inopia laborarunt, sunt ad eas profundendas faciliores, quàm ij, qui aliquando inopiam passi, multo demum labore sibi diuitias compararunt. Quam eandem causam ait in 2. Rhet. Aristot. esse, cur adolescentes sint liberaliores quàm senes. Illi enim nondum egestate laborarunt, quàm hi propter vitæ longioris varias vicissitudines & partes sæpe numero sunt experti. Posterior ratio est. quod opus suum vnusquisque vehementius amat: idque demonstrat exemplo parentum, & poetarum. Illi enim impensè filios diligunt quos crearunt: hi versus suos quasi fetus ingenti labore ac nisu in lucem editos tamquam liberos amant & osculantur. De parentum charitate in filios acerrima & vehementissima dicitur infra copiosius in lib. 9. De poetarum amore in sua ipsorum scripta disputat Cic. in Tusc. 5. ubi tradit, Dionysium Siculum fuisse Musicum & poetam. Musicorum verò, inquit, perstudiosum fuisse accepimus; poetam etiam Tragicum: quam bonum nihil ad rem. In hoc enim genere nescio quo pacto magis quàm in aliis suum cuique pulchrum. Adhuc neminem cognoui poetam (& mihi fuit cum Aquinio amicitia) qui sibi non optimus videretur. Sic se res habet. Te tua, me delectant mea, Hæc Cicero. quæ nos illustrare magis & confirmare possumus exemplo Pub. Terentij Comici Poetæ nobilis, quem aliqui tradunt redeuntem ex Græcia, quò ad

explorandos gentis mores & instituta, commigrauerat, mortuum esse in Arcadia Stymphalo, morbo implicitum propter vehementissimum dolorem ac tædium ex amissis Comædiis, quas in naui iam demersa præmiserat. Erant enim Comædiæ octo & centum ex Menandro conuersæ præter eas, quas fecerat nouas. Sunt qui dicunt, ex eo dolore, ac desiderio in eisdem se fluctus dedisse præcipitem, quibus haustas intelligebat esse fabulas suas.

Quarto loco id proprium hominis verè liberalis esse confirmat, vt rarò sit diues, ac difficilè locuples fiat, aut inter diuites numeretur ciues. Rationem ait eam esse, quòd liberales neque sint *λαμπροί*, hoc est, accipiendi acquirendique auidi, neque *φυλακτικοί*, ad custodiendum & seruandum attenti. Dictum est enim suprà, liberales ad dandum potius, quàm ad accipiendum & retinendum esse procliuēs, nec accipere aut retinere, propterea quòd diuitias ament, sed eo consilio, vt donent & largiantur. ad hæc id habere proprium, vt excedant in dando modum; ac minora sibi referuent. Qui autem est huiusmodi, is diues & locuples esse non potest. Itaque sit, inquit, Aristoteles, vt vulgus accusare ac criminari fortunam soleat, quòd omnium minimè diuites ij sint, qui quoniam liberales sunt, essent copiis diuitisque dignissimi. Rectè adeò quidam è numero populi apud Sen. in Hercule Fur.

O fortuna, viris inuida fortibus

Quàm non aqua bonis premia diuidis.

Et alibi.

Res humanas ordine nullo

Fortuna regit, spargitque manu

Munera cæca, peiora fouens.

Quæ consequuntur atque his adiciuntur, easdem planè significant & continent cautiones, quæ descriptæ iam sunt. Ait enim, eum quidem esse liberalem virum, qui locuples fieri difficile queat, cum ad largiendum non ad accipiendum & retinendum procliuis sit: sed tamen in illa ipsa largitione videre ac circumspicere, quibus, quantum, & quo tempore det. liberalis enim, inquit, est, qui pro facultatibus, & in eas res, in quas oportet, sumptus facit. Vnum tantum ad extremum ponit, quod à ceteris differt, videturque ad eam pertinere partem, in qua de prodigo, qui liberali opponitur, est agendum. Ait enim, qui verò modum transit, est prodigus. Et verò sic existimauit D. Thom. in his nimirum verbis initium esse eius disputationis, in qua de prodigo, deque prodigi actionibus statuendum est. sed rectè Gifan. admonet, id quod hoc loco de prodigo dicitur, esse parergon appositum adhibitumque velut obiter ad demonstrandam magis ex ipso contrario veram actionem functionemque liberalitatis. Ita quippe melius dicimus quæ nam sit recta liberalis hominis actio, si videamus etiam quæ sit prodigi. Vult ergo vel ex eo intelligi debere, proprium esse liberalis hominis, modum in donando intueri ac tenere, nec quolibet, neque quibilibet, & supra facultates, quòd prodigi proprium sit, modum hunc minimè spectare, & quidlibet, quolibetve tempore, quibilibet, sine delectu donare, ac plusquam facultates & copiarum patiantur. id quod vt ostendat amplius, ac faciat illustrius, addit *τοῖς τυράννοις*, hoc est Reges, & viros Principes vix vmquam à nobis dici solere prodigos cum donant, sed semper liberales. est enim eorum conditio tam bona, & tam multis instructa copiis, diuitisque, vt modum superare, ac plus largiri quàm patiatur facultas, vix posse videantur. Excipiendus tamen est Caligula: qui, vt tradit Sueton. immensas opes à Tiberio Cæsare relictas, hoc est, vicies ac septies millies H. S. non toto vertente anno consumpsit. Vicies autem milles sestertium nobis sunt miliones 60. nummum aureorum: & septies milles sunt miliones 21. ex supputatione Ald. Man. Quo factum est, vt exhausto ærario egens, ad rapinas se conuerterit, ad proscriptiones atque calumnias, ad excipiendas accusationes iniquas, ad vectigalia imperanda insolentia & modum superantia facultatum Romanarum. Id igitur in summa vult hic Aristoteles eum qui modum non excedat facultatum suarum, quantumuis magna, multaue donet, liberalem dicendum esse, non prodigum.

Colligit ad extremum omnia, quæ de liberalitatis actionibus, functionibus, proprietatibusque iam dixerat, & tanquam in vnum coacta locum ob oculos ponit ea, quæ sparsim, diffusèque disputauerat. Quorsum autem id faciat, dicemus infra. Ait ergo primo loco, virum verè liberalem, quoniam liberalitas in dandis accipiendisque pecuniis versans, mediocritas est, sumptum facere in eas res, in quas facere

debet, & tantumdem largiri, quantum debet. Secundo: virum liberalem haud aliter habere se in rebus donandis magnis, quàm in parvis. Putat D. Thom. hoc dictum ideo, quòd velit Aristoteles liberalem virum etiam esse magnificum, atque ad magnificentiam rebus magnis dandis ascendere: perinde ac si res parvas intelligeret eas, quæ in privatis locum habent: ut cum captivus redimitur, illocabilis virgo collocatur, excipitur hospes, datur inopi sepultura: magnas verò quæ in Republica iuvanda versantur. qualia sunt bello tributa præsidia, Tempia, Fora, Porticus, Propylæa publicis usibus ædificata. sed quia de magnificentia disputatur in cap. proximè consequenti, atque hinc releguntur ea, quæ disputata iam sunt, crediderim, Aristotelem nihil aliud sibi velle, quàm liberalem non in magnis solum rebus largiendis cerni, sed in parvis etiam impertiendis spectari solere. quia ex animo dantis & voluntate, non ex magnitudine donorum metiuntur prudentes liberalitatem. Itaque res magnæ non sunt hic ex, quæ impenduntur à magnifico viro publicè, sed quæ dantur à liberali. hæc verò collatæ cum minoribus, dici meritò magnæ possunt atque exaggeratæ. Tertio ait, liberalem res suas, siue magnæ ex sint, siue parvæ, pro facultatibus impertiri libenter & cum animi iucunditate. Quarto: cum accipit, accipere quod oportet, quantum oportet, & unde oportet. Debet enim, inquit, bonæ donationi bona etiam & recta respondere acceptio, nec decet eum accipere malè, qui bene donat. Quinto. Si contingat tamen, ut liberalis contra quam oporteat, ac præter honesti regulam sumptuum faciat (ut si à populo, cui gratus esse vult, ad epulum, viscerationem & spectacula exhibenda compelleretur) ægrè quidem id ille feret, sed cum animi moderatione, & quemadmodum debet. Est enim virtutis lætari ac dolere iis tantum ex rebus, de quibus lætandum & dolendum est, & lætari ac dolere eo modo, ac ratione qua decet. Cauebit adeo liberalis, ne potius ob ipsa rei familiaris incommoda, quàm ob honesti violationem dolere videatur. Quin in societate rei nummarie, atque omni pecuniæ commutatione facilem se, commodumque præbebit, nec in rationibus subducendis, persequendoque iure suo multus aut nimius erit. Cuius rei rationem ait illam esse, quam supra sæpè commemoravit; quòd vir liberalis pecuniam non magno æstimat, & quemadmodum est in Græco codice, non honorat, ac veneratur. virtutis enim verbo *τιμῶ*. quod est in honore ac pretio habeo. Cum ergo vir liberalis non habeat in honore ac pretio pecuniam & divitias, sequitur, ut paratus sit ad perpetiendum æquanimiter eiusmodi detrimentum, doceatque potius, quòd sumptum non fecerit, cum res postulabat, quàm quòd fecerit, cum necesse non esset. Addit ad hoc illustrandum Aristoteles, viro liberali displicere Simonidis dictum, avari ac mercenarii poetæ. qui binas sibi arcas domi esse dicebat: alteram gratiarum, pecuniarum alteram, quas pro suorum carminum acceperat pretio. pecuniarum arcam quoties aperiret, plenam semper se reperire aiebat; gratiarum verò semper inanem. Huius, inquam, hominis rationem & dictum non probat vir liberalis. qui nummorum arcam plenam esse non patitur, nec ex ea plena gaudebit, sed potius ex gratiarum actione voluptate aliqua capietur. Avaritiam hanc Simonidis commemorat Plato in Hipparcho. Athen. lib. 14. Plut. de tarda Dei vind. Ælian. lib. 8. init. Adag. Simonidis Cantilenæ.

PARS TERTIA CAPITIS PRIMI.

Ο Δ' αὖτος καὶ ἐν τοῖς ἀφ' ὧν οὐτε γὰρ ἡδέεται ἐφ' οἷς δῆ, οὐτε ὡς δῆ. οὐτε λυπῶται. ἔσται ὅτε παρρησιασθεὶς φανερῶς περὶ εἰρηται δὲ ἡμῶν ἐπὶ ὑπερβολῇ, καὶ ἐλλείψει εἰσὶν, ἢ αἰσχύνη καὶ ἢ αἰσχύνη, καὶ ἐν δυνάμει, ἐν δυνάμει καὶ ληψί. καὶ πλεονεξία γὰρ εἰς πλεονεξία δίδωται καὶ μὴ λαμβάνειν ὑπερβολῇ, πλεονεξία δὲ λαμβάνειν

PRodigus autem etiam in his peccat. Nam nec latatur quibus de rebus oportet, neque quemadmodum oportet; neque dolet; id quod progredientibus erit apertius. Dictum autem à nobis est, exuperantiam & defectum esse prodigantiam atque illiberalitatem, & in duobus versari; in donatione, atque accipione. nam etiam sumptum in donatione ponimus. Igitur prodigantia donando, ac non accipiendo exuperat, accipiendo autem

ἐλλείπει. ἢ δὲ ἀνελκυσία, τὰ δὲ δι-
δόναι μὲν ἐλλείπει, τὰ λαμβάνειν δὲ
ὑπερβάλλει, πλείον ἔστι μικροῖς. Ἐ-
μὲν οὖν τῆς ἀσωτίας οὐ πόρῳ στυγνὰ
ῥέπει. οὐ γὰρ ῥαδίον μὲν δαμῆν λαμ-
βάνοντα, πᾶσι διδόναι. παχέως γὰρ ἔπι-
λείπει ἢ οὐσία τοῖς διδόντες ἰδιώτες, οἷον
καὶ δοκῶσι ἀσώτοι εἶναι. ἔπειθ' ὅρα τοιοῦτος
δοξαὶ αὐτῷ μὲν βέλτερον εἶναι τῷ ἀνελκυσ-
ίῳ. Διὰ τὸς τε γὰρ ὅτι καὶ ὑπὸ τῆς
ἡλικίας, καὶ ὑπὸ τῆς ἀπειρίας, καὶ ἔτι ὅ
μέσσι δυνάται ἔχουσιν. ἔχον γὰρ τῷ ἔξου-
σίῳ. καὶ γὰρ δίδωσι, καὶ ἡ λαμβάνει. ὁ δὲ
περὶ δὲ ὡς δεῖ, οὐδὲν δὲ. εἰ δὲ τῷ ἐπι-
δείν, ἢ πως ἄλλως μεταβάλλοι, εἴη δὲ
ἔξουσίῳ. δυνάται γὰρ οἷς δεῖ, ἔστι καὶ λαμβάνει
ὅτι καὶ δεῖ. ὅτι ἔστι δοκῶσι εἶναι τῷ φανῶσι ὅ
πῳ. καὶ γὰρ μακροτέρῳ, ὁ δὲ ἀνελκυσίῳ, ὅ
ὑπερβάλλει διδόντα καὶ μὴ λαμβάνοντα,
ἡλικίου δὲ. ὁ δὲ τῷ πᾶσι τοῖς ἀσώτοις,
πολύ δοκῶσι βέλτερον τῷ ἀνελκυσίῳ εἶναι,
ἀλλὰ τε τῷ εἰρησύνῳ, καὶ ὅτι ὁ μὲν ὠφε-
λεῖ πολλοῖς, ὁ δὲ οὐδένα. ἀλλ' ὁ δὲ
αὐτῶν. ἀλλ' οἱ πολλοὶ τῷ ἀσώτῳ, κατὰ
τὸ εἶρηται, καὶ λαμβάνουσιν ὅτι μὴ δεῖ.
καὶ εἰσιν καὶ τῷ ἀνελκυσίῳ. ληστικαὶ
ἢ γίνονται, ὅτι ὁ βούλεσθαι μὲν ἀνα-
λίσκειν, βέλτερος ἢ τῷ ποιεῖν μὴ δυνά-
σθαι. Ἐπεὶ γὰρ ὅτι λείπει αὐτοῖς τῷ
ὑπερβαρύνοντα. ἀναλίσκονται οὖν ἐτέρω-
θεν ποιεῖν. ἀλλὰ καὶ καὶ ὅτι μὴ τῷ
καλῶς φρονεῖν, ὁ ληστικῶς καὶ πόρῳ
λαμβάνουσιν. διδόναι γὰρ ὅτι θυμῶσι. ὅ
δὲ πῶς, ἢ πόρῳ οὐδὲν αὐτοῖς ἀφ' ὧν
ὅτι τῷ ὅτι ἔξουσίῳ αἱ δυνάται αὐτῶν
εἰσιν. οὐ γὰρ καλῶς, ὁ δὲ τῷ αὐτῷ ἐνε-
κα. ὁ δὲ ὡς δεῖ, ἀλλ' εἰότε οὐς δεῖ πεί-
θεσθαι, τῷ πλείονος ποιοῦσι. καὶ τοῖς
μὲν μετέροις τῷ ἡμῶν, ὁ δὲ αὐτῶν δύνει. τοῖς
ἢ καλῶς, ἢ ἡμῶν ἡμῶν ποιεῖται,
πολλά. ὅτι καὶ ἀνελκυσίῳ αὐτῶν εἰσιν οἱ πολ-
λοί. βέλτερος γὰρ ἀναλίσκονται, καὶ εἰς τῷ ἀνα-
λίσκονται δαπάνῳ εἰσι, ὅτι ὅτι μὴ πᾶσι
τῷ καλῶς εἶναι, πᾶσι τῷ ἡμῶν ἀνελκυσίῳ
αἰ. ὁ μὲν οὖν ἀσώτος ἀπαμειβόμενος ἡμῶν
μῶν, εἰς τῷ μετὰ λαμβάνει. τυχὼν δὲ ὅτι
μῶν, εἰς τῷ μέσσι, καὶ τῷ δὲ οἱ ἀφίχονται δὲ.

deficit. illiberalitas uerò donando quidem
deficit, accipiendo autem exuperat, præter
quàm in paruis. Itaque ea quæ sunt prodigi-
gentia, non admodum coherent. Non enim
facile est, eum, qui nullo ex loco accipias,
omnibus donare. Quippe celeriter facultates
deficiunt priuatos, si donent, qui et prodigi
videntur esse. Deinde uerò qui talis est, vi-
detur fortasse paulo melior esse quàm illibe-
ralis. sanabilis enim est, cum ætate, cum ino-
pia, atque ad medium potest venire. habet si-
quidem aliqua hominis liberalis. Nam do-
nat, et non accipit. neutrum tamen ut o-
portet, neque bene. Quare, si huic rei assue-
scat, aut alio quodammodo se mutet, esse pos-
sit liberalis. donabit enim quibus oportet,
et non accipiet unde non oportet. Quam-
obrem et uidetur non esse deprauatus mori-
bus. non enim est prauus, neque degeneris
exuperare donando, et non accipiendo, sed
stolidus est. Hoc autem modo prodigus longè
uidetur melior, quàm illiberalis esse, cum ob
ea quæ dicta sunt, cum quòd ille profit mul-
tis, hic nemini, ac ne sibi quidem ipsi. Ve-
rùm plerique prodigorum, ut dictum est, et
accipiunt unde non oportet, et sunt hoc ipso
illiberales. ad accipiendum propensi sunt:
quia cum uelint profundere, facile id facere
non possunt. cirò enim deserunt eos faculta-
tes. coguntur adeo aliunde suppeditare. Si-
mùlque quia nihil honesti curant, inconsi-
deratè et undique accipiunt. Donare enim
cupiunt: quo autem modo, aut unde, nihil
eorum refert. Quare, ne liberales quidem
donationes eorum sunt. non enim sunt ho-
nestæ; neque huius ipsius rei causa, neque ut
oportet, sed non nunquam quos decet inopes
esse, eos locupletant: et cum iis, qui mode-
ratis moribus sunt, nihil donent, assentato-
ribus, aliisque voluptatū administris multa-
dant. Idcirco intemperantes eorū sunt pleri-
que. Nam eum facile profundant, etiam in
libidines sumptuosi sunt: et quia non secun-
dum honestatē uiuunt, ad voluptates decli-
nant. Prodigus igitur, si rectore caruerit, in
hæc traducitur. si curationem admiserit, ad
medium, et decorum peruenire potest.

EXPLANATIO.

IN hac tertia Capitis parte Aristoteles accuratè, ac sedulò de prodigo ac prodigentia disputat. quò magis existimo, id quod supra de prodigo dixit, cum obiter, atque ὡς παρέρχεται dixisse.

Prodigus autem etiam in his peccat, &c.] Explicat ergo primùm de actionibus, siue qualitatibus prodigi. quas ut certius inuestiget, confert prodigum cum duobus, hoc est, cum liberali & cum illiberali, siue avaro, quibus opponitur. ac primo quidem cum liberali, recensens iterum, leuiterque perstringens qualitates liberalis. cum his enim illæ collatæ, iuxtaque quodammodo posita, multo sanè magis apparebunt. Ait adeò vniuersè, prodigum peccare in iis omnibus, in quibus liberalis agit honestè. Et quoniam dictum est, liberalem rectè honestèque se habere non modò in donatione, atque acceptione, verùm etiam in delectatione ac tristitia, quæ huiusmodi actiones comitari possunt, ait, in utroque affectu peccare prodigum. hoc est, non lætari, neque dolere is de rebus, de quibus lætari ac dolere oportet, nec quemadmodum oporteret: quod explanaturum se melius infra pollicetur. Interea comparare aggreditur prodigum cum avaro atque illiberali. sed ut hanc comparisonem melius teneamus, redigit nobis in memoriam quod supra positum est, prodigentiam, atque illiberalitatem siue auaritiam, quæ duo liberalitati contraria vitia sunt, opponi inter se propter excessum & defectum; qui in donatione atque acceptione cernuntur. admonet verò, se donationis nomine comprehendere etiam sumptum. est enim insumere atque impendere nihil aliud quàm dare. Quibus animaduertis, ait, tam prodigum quàm illiberalem atque auarum in utroque peccare; in exuperantia, inquam, & defectu: sed cum discrimine ac differentia. Nam prodigus exuperat in dando, & deficit accipiendo. Illiberalis siue auarus deficit in dando, in accipiendo modum exuperat. Excipit tamen res paruas; in quibus dandis docet, auarum non solere admodum sæpe deficere, nec in accipiendis exuperare. Quæ enim nihili & nullius momenti sunt, auarus etiam donat, nec magnopere curat accipere. quæ præcipua est inter illiberalem, liberalemque differentia. Pertinere videtur huc illius hospitis Calabri liberalitas apud Horat. lib. 1. epist. ep. 7. ad Mecenatem.

*Non quo more pyris vesci Calaber iubet hospes
Tu me fecisti locupletem. vescere sodes.
Iam satis est. At tu quantum vis tolle benigne.
Non inuisa feres pueris munuscula paruis.
Tam teneor dono, quàm si dimittar onustus.
Vt libet: hac porcis hodie comedenda relinques.*

Hac prima exposita inter prodigum auarumque differentia, secundam explicat, in eo positam; quòd prodigi vitia illa duo extrema, quæ sunt, semper atque omnibus largiri per exuperantiam; & nusquam atque à nemine quicquam accipere per defectum: hæc duo, inquam, prodigi vitia rarò inter se simul coherere atque in eodem esse, vel conuenire. Vix enim reperiri poterit qui semper largiatur, & nihil vnquam accipiat; cùm largitio fundum non habeat, & necesse sit, breui citòque priuati hominis exhauriri censum omnem, si semper ex eo detur aliquid, nihil vnquam accipiat. comparatur enim prodigitas cum cribro Danaidum. Ergo prodigi si in suo persistere vitio velint, debent etiam identidem accipere, ut profunderè possint. sed non tantumdem accipiunt, quantum profundunt. Auaria autem extrema vitia, quæ sunt accipere per exuperantiam semper, & nihil dare per defectum, concurrunt & in eodem esse cernuntur. Tertium discrimen petit ex leuitate aut gravitate vtriusque. Exquiris enim, quodnam è duobus peccatis, prodigitate atque auaritia, deterius sit. Ait ergo, prodigum, esse illum quidem improbum ac malum. sed meliorem tamen, quàm auarum atque illiberalem. Ex malis enim sunt aliis alia leuiora vel grauiora. Rationes huius dicti profert longè pulcherrimas, & verissimas. sed antequam explicentur, id nosse oportet: prodigi esse tria genera. vnum eorum, qui quoniam ad dandum procliuēs sunt, semperque dant, & nunquam accipiunt, dicuntur Græcè δότες, dantes siue datui: secundum eorum, qui & dant & accipiunt, sed vtrumque faciunt sine modo, dicunturque partim δότες, partim etiam λαμβάνοντες, dantes simul & accipientes: siue datui, & acceptui: tertium

eorum, qui degenerant in voluptarios & libidinosos, patrimonio, réque omni familiari in eiusmodi vitia profundendis. De primo sane genere prodigorum loquitur hic Aristoteles, cum eos anteponeat avaris, aut avaris dicit esse meliores.

Rationes adeo nunc explicemus, cur avari sint his prodigis deteriores. Rationes autem apud Aristotelem hic quatuor aut quinque sunt. quod prodigi vitium minus augeatur, quam avari: quod prodigus sit *ωίματος*, hoc est, ad sanitatem, frugemque facile reuocabilis; avarus autem *αίματος*, deploratus, & qui difficile reduci possit ad sanitatem, liberalitatemque: quod prodigus cum liberali cognationem habeat aliquam, nullam avarus. quod prodigus redigi facilius possit ad mediocritatem, quam avarus. quod prodigus denique multis profit, avarus nulli. Sed hæ rationes suis singulæ disponi syllogismis ita possunt: Prima. Ille, cuius viciositas minus augetur, est sine dubio minus malus, quam is, cuius vitium augetur magis atque facilius. sed vitium prodigi haud multum augetur, & vitium illiberalis aut avari maximè augetur atque facillimè. prodigientia quippe materia non potest admodum augeri, quia citò ac celeriter infumitur & deficit, dum videlicet datur semper, & nunquam accipitur. de hoc enim prodigi genere loquimur. auaritia verò materia permultum augetur, & facile: quia cum semper accipitur, nouæ fiunt illi semper accessiones. Ergo prodigus est minùs malus, quam illiberalis; & illiberalis, siue avarus est, prodigo deterior. Secunda. Ille, qui est facile sanabilis, & liberari haud magno negotio potest à vitio suo, minùs est malus, quam qui est insanabilis. sed prodigus sanabilis est, & curari facile potest: illiberalis atque avarus, est insanabilis. Prodigitas enim duabus sanari rebus facile potest; ætate, & egestate. ætate quidem, quia quo magis accedimus ad senectutem, hoc fieri solemus ad retinendum quam ad dandum procliuiores. egestate verò, quia prodigus ad egestatem redactus non habet amplius quod det; si vnquam habebit, experimèto iam didicit, quàm graue malum sit profundere sua, & alienis indigere. Ex hoc genere fuit Themistocles apud Græcos, apud Romanos Fabius Max. Vterque enim in adolescentia vitam corruptissimam traduxit, sic prorsus, vt Themistocles ex hæres à Neocle patre propter profusionem sit factus. sed vterque in ætate prouecta ita mores mutauit, vt nihil esse frugalius videretur. Cic. pro Cæl. At multi, inquit, & nostra, & patrum maiorumque memoria, Iudices, summi homines & clarissimi viri fuerunt, quorum cum adolescentia cupiditates deferbuissent, eximie virtutes extiterunt. Polemon etiam exemplo potest esse, qui si minùs ætate, vel egestate, certè voce magistri Xenocratis est correctus. Horat. lib. 2. Ser. Sat. 3.

— *faciasne quod olim*

Mutatus Polemon? ponas insignia morbi,

Fasciolas, cubitale, focalia: potus ut ille

Dicitur ex collo furtim carpisse corollas,

Postquam est impransus correctus voce magistri.

Illiberalitas autem & auaritia insanabilis est. certè curari difficillimè potest ob causas superioribus omnino contrarias. Nam auaritia ex eo nascitur, & gliscit semper in animo, quod timeamus, ne opes, pecunia, res familiares, & præidia illa nobis desint, quibus seruamur & retinemur in vita. timeamus autem ne desint, quia fieri potest, vt euadamus ad ea quærenda parandaque minùs idonei. At hoc periculum ætate procedente crescit semper, augeturque magis ac magis. ergo ætas grandior & senectus tantùm abest vt auaritiam minuat, vt eam etiam faciat auctiorem. Itaque bene tanquam vulgari prouerbio dicunt, ceteris senescentibus vitiis auaritiam solam esse, quæ renouetur semper, & quodammodo iuuenescat. Apud Terentium tamen Demea in Adel. ex aspero, duro, atque auaro lenem liberalemque se conatur ostendere.

Tertia Ratio. Is qui facile redigitur ad iustam virtutis mediocritatem, melior est, certè minùs est malus, quam qui difficile ad eandem mediocritatem reuocari potest. At prodigus facilius ad mediocritatem se recipit; quam avarus. prodigus enim multo conuenit magis cum liberali, quam avarus; certè minùs à liberali dissentit & distat; cum prodigus libenter det, nec facile accipiat; quæ partes sunt etiam liberalis: qui à prodigo non differt alio nomine, nisi quod hæc facit secundum rectam rationem, & vt oportet, & cum oportet: ille verò modum exuperat, tempus locumque non intuetur, personarum delectum non habet, ceterasque negligit cir-

cumstantias, & cautiones, quibus ornari necesse est actionem virtutis. Itaque si audiendis rectæ rationis præceptis insuescat, aut per ætatem, fortunæque vicissitudinem, & rerum experimentum variarum immutetur, superuacaneis amputatis, sublatæque exuperantia, facile medium obtinebit, & fiet liberalis. Correctus enim emendatúsque, iis tantum dabit, quibus dare par erit, & ab iis accipiet, à quibus accipere decet; nec accipiet unde accipere non oportet. Itaque ait ad extremum quasi colligens omnia, virum prodigum non debere dici haberique admodum improbum improbitate morali, nec tam mali moris esse, quàm malè sanæ mentis. Quanquam enim vitiosus est, quia caret ordine ac regula rationis, non tamen est vitiosus ideo, quòd corruptus sit in appetitu sentiente. Itaque vitium eius ad insipientiam quamdam pertinet, quæ cernitur in dando, & non accipiendo, non ad impetum aut improbitatem aliquam appetitus sentientis. quo fit, vt vulgò prodigi non improbi, sed stulti nominentur. cuiusmodi ille Rex Ægypti fuit Epiphanes, qui etiam est appellatus Epimanes, quòd incredibili quadam profusione videretur insanire. Quin ipsis cautum legibus sapientissimis est, vt prodigo tanquam stulto & furioso curator à Principe decernatur: quod est apud Vlp. l. 1. de curat. furios. & aliis dan. Quibus legibus ipse paruit Tiberius Cæsar, cùm Senatori per luxum opes & patrimonium dilapidanti curatorem imposuit, vt testatur Dio lib. 57. Prodigum enim quamquam rationis esse compotes videntur & mentis, quod tamen ad ipsorum pertinet bona, furiosum exitum faciunt, vt ex decreto Pij loquitur idem Vlpian. in leg. xii. de tutor. & curat.

Quarta Ratio, eaque postrema, demonstrans prodigum esse auaro meliorem, in summa sic est: Prodigus, de quo loquimur, quoniam dat & non accipit, vt noceat sibi, prodest tamen multis, & nemini præterea nocet. auarus nulli mortali, ne sibi quidem ipsi prodest, & multis fortasse nocet. Immo sibi ipsi nocere videtur maximè. Nam ————— *semper auarus eget.*

Quærit & inuenit miser abstinet ac timet vti,
ait Horat. Iuven. autem Sat. x.

*Non propter vitam faciunt patrimonia quidam,
Sed cæci vitio propter patrimonia viuunt.*

& Sat. xii.

*Sed quò diuitias hac per tormenta coactas,
Cùm furor haud dubius, cùm sit manifesta phrenesis,
Vt locuples moriens egenti viuere fato?*

Ceterùm hæc, quæ sunt hætenus disputata, de illo intelligi prodigo debent, qui dat & non accipit. Hic enim ab auaro differt iis nominibus & notis, quæ descriptæ iam sunt. Ne igitur existimemus, omnes prodigos eiusmodi prorsus esse, aliud nobis ad extremum proponit prodigorum genus: qui non tantum dant, & sunt ἀνδοί, verum etiam accipiunt, & sunt ἀποδοί, partimque dici prodigi possunt, ac partim illiberales, auarique. Nam quia profundunt & consumunt res suas, plus nimio dantes, fiunt ad accipiendum procliues, vt habeant ex alieno quod impendant in superuacaneos sumptus. Ad aliena igitur animum conuertunt, nullamque honesti aut religionis rationem habentes, pecuniam accipiunt unde non oportet, sumunt, rapiunt, furantur, vndique sine discrimine corradunt. Volunt enim omnino largiri; sed quomodo, aut unde largiatur, id verò magnopere non curant. auari autem vitium est hominis, atque illiberalis, accipere unde & quomodo non oportet. Igitur qui sunt huiusmodi habent aliquid auari. Neque verò ex altera parte habent. quicquā liberalis. Nam istorum quoque donationes à liberalitate abhorrent maximè, inquit Aristot. cùm honestatis causa non fiant, sintque cum rapina coniunctæ, & bono fine, ceterisque careant cautionibus idoneis, ac necessariis liberalitati. Dant enim non probis, ac dignis viris, sed iis, quibus non oportet: & sæpe homines perpetua dignos inopia locupletant: cuiusmodi sunt assentatores, lenones, alique voluptatum & libidinum administri. Rectè quippe Crates Thebanus horum diuitias dixit esse frugiferis arboribus similes, quæ tamen in locis præruptis editisque nascantur. Harum enim fructus, rerum difficultate impeditus, nemo decernit mortali, sed corui tantum & ceteræ volucres auferunt. Ex his consequens esse ait, vt prodigorum plerique sint intemperantes, aforti, & luxu ac libidine diffuentes. Merito itaque leges animaduertunt in prodigos aliquanto seuerius, quàm eorum vitium postulare videa-

tur. Sunt enim prodigi ipsi per se non admodum malè morati, ut dictum est, sed potius stulti. nihilo tamen minus lege plectuntur seuerissimè. Nam lex erat Solonis, ut est apud Laërtium, huiusmodi: Qui patrimonij versuram fecerit, infamis esto. Athenæus verò in lib. 6. tradit, prodigos graui multa puniri solitos à Corinthiis fuisse. Et apud Milesios, accepimus, ex institutis & legibus ciuitatis patrio priuatos fuisse sepulcro qui patrimonium consumpsissent. Qua pœna damnatus ab Abderitis Democritus physicus est, quia patrimonium dissipat, ut est apud Athen. in lib. 4. priuatus, inquam, iure sepulcri est adhuc viuens. Itaque cum eam pœnam ægrè ferret iam senior, & morti proximus, mundi totius atque inferorum arcana Ciuibus suis differendo legendoque libro à se scripto, quem Diacosinum appellabat, explicauit, affirmauitque iure iurando, sua se bona iis rebus indagandis intumplisse. Quare absolutus est, & quemadmodum scribit præterea Laërt. magna donatus est pecunia, ut publico funere efferreretur.

PARS QUARTA CAPITIS PRIMI.

Η δ' αἰχμηρία, αἰτίας ἐστὶ. δοκεῖ γὰρ ὅτι γῆρας, καὶ πᾶσα ἀδυναμία ἀνθρώποις ποιεῖ. καὶ συμφύεσθαι τοῖς ἀνθρώποις τὸ ἀσώπιας. οἱ γὰρ πολλοὶ φιλοχρήματοι μᾶλλον, ἢ δοτικοί. καὶ ἀφαιρτικὴ δὲ ἐπιπολὺ, καὶ πολυδιδέσθαι. πολλοὶ γὰρ ἔχουσι δοκοῦσι τῆς αἰχμηρίας ἐστὶ. ἐν οὗτοι γὰρ οὐσα, τῇ τε ἐλλείψει τὸ δόσιως, καὶ τῇ ὑπερβολῇ τῆς ἀνείας, οὐ πᾶσι νόκλῳσι περὶ γίνεται. ἀλλ' εἴοπτε χειρίζεται. καὶ οἱ μὲν τῇ ἀνείᾳ ὑπερβαλλοῖσιν, οἱ δὲ τῇ δόσει ἐλλείπουσιν. οἱ μὲν γὰρ ἐν ταῖς βιαιότητι περὶ γένεσις, οἱ φθόροι, γλίσσοι, χιμῆες, πόρτις τῇ δόσει ἐλλείπουσι. τῷ δὲ ἀλλοτεῖων οὐκ ἐφίενται, οὐδὲ βούλονται λαμβάνειν. οἱ μὲν ἀφ' ἑνὸς ἐπιπείκειται, καὶ διὰ τὸ αἰχμῶν. (δοκοῦσι γὰρ ἔνοιοι, ἢ φασὶ γὰρ ἀφ' ἑνὸς φυλάττειν, ἵνα μὴ ποτε ἀρὰ καὶ αἰχμῶν πὶ περὶ γένεσις. τούτων ὅτι καὶ οὐ κυμνοφίης, ὅτι πᾶς ὁ βιούτης. αἰχμῶν δὲ ἀπὸ τῆς ὑπερβολῆς τῆς μὴνι ἀπὸ δυνάμει) οἱ δὲ αὖ, ἀφ' ὅσον ἀπέρχεται τῷ ἀλλοτεῖων, ὡς οὐ γὰρ εἶναι αὐτὸν μὲν τὰ ἐτέρων λαμβάνειν. τὰ δὲ αὐτῷ ἐτέροις μὴ. ἀρεσκὴ οὖν αἰχμῶν, ὅτι μὴτε λαμβάνειν, μὴτε δίδναι. οἱ δὲ αὖ καὶ πλεὺς ἀνείᾳ ὑπερβαλλοῖσι πλεὺς πόρτις λαμβάνειν καὶ πᾶν. οἱ δὲ τὰς ἀνθρώποις ἐργασίας ἐργαζέμενοι, καὶ πορτοδοχοί, καὶ πάντες οἱ βιούτοι, καὶ ποιηταί, καὶ τὰ μετὰ ὅτι πολλῶν. πάντες γὰρ οὗτοι ὅτι οὐδεὶς λαμβάνει, καὶ ὅποσον δὲ. καὶ οὐδὲν δὲ ἐπὶ αὐτοῖς ἢ αἰχμῶν καὶ φάινεται. πάντες γὰρ

A T illiberalitas, insanabilis est. Videtur enim senectus, & omnis imbecillitas illiberales facere, estque ipsa quiddam magis innatum hominibus, quam prodigenia; (sunt enim plerique studiosi pecuniarum magis quam dandi) ac protenditur late, & multiplex est. Multi quippe modi videntur illiberalitatis esse. Nam cum in duobus versetur, in defectu donationis, atque in exuperantia acceptionis, haud quaquam in omnibus integra inest, sed interdum seiungitur: & hi quidem in acceptione modum transeunt, hi vero in donatione deficiunt. His enim hi appellationibus comprehensi, veluti parci, renaces, restricti, omnes donatione deficiunt. Sed res alienas non appetunt, nec volunt accipere: alij quidem probitate quadam studioque rerum turpium cauendarum. (Videntur enim nonnulli, aut certe aiunt, ob id se sua seruare, ne aliquando cogantur turpe aliquid admittere, quorum in numero est & cumini sector, & quisquis talis est: appellationem autem traxit ab exuperantia in dandonemini) alij rursus metus causa abstinere ab alienis, propterea quod non facile sit, aliquem res aliorum accipere, ipsius res alios minime. Itaque placet iis, nec accipere, nec donare. Alij demum in acceptione exuperantiam habent, quod undique accipiant, & quodcumque; veluti qui illiberalia opera faciunt, & lenones, & omnes tales, & fœneratores, & qui dat magna pro paruis. Nam omnes y unde non oportet accipiunt, & quatum non oportet. commune autem quiddam iis turpis quastus videtur esse. omnes enim

lucti,

ἐνεκα κέρδους, καὶ τοῦτο μικροῦ, ὁνείδῃ ἀπομύθουσι. πῶς γὰρ τὰ μεγάλα μὴ ὅταν δὲ λαμβάνοντες, μηδὲ ἀδυνάτου ἀνελκόμενοι. οἷον τοῖς τυράννοις, πόλεις πορνικῶντας, καὶ ἱερὰ συλαῖντας. ἀλλὰ πορνικῶν μαλλον, καὶ ἀσέβους, καὶ ἀδίκους. ὁ δὲ τοῖς κωδωνῆς, καὶ ὁλωποδύτης, καὶ ὁ ληστὴς τὸ ἀνὴρ κερδοῦν εἰσὶν. αἰχρὸ κερδοῦς γὰρ. κέρδους γὰρ ἐνεκα ἀμφοτέρω παραματῶνται, καὶ ὁνείδῃ ἀπομύθουσι. καὶ οἱ κωδωνῆς πῶς μεγίστους, ἐνεκα τῆς λήμματος. οἱ δὲ, ἀπὸ τῆς φίλων κερδαίνουσιν, οἷον δὲ δίδουσι. ἀμφοτέρω ὅταν καὶ δὲ κερδαίνῃ βουλομένοι, αἰχρὸ κερδοῦς. καὶ πάντα δὲ αἱ ποιεῖται ληστὴς αἰχρὸ κερδοῦς. εἰχρὸς γὰρ τὸ ἐλθεῖν εὐδαιμονίᾳ ἐναντίον λέγειται. μεῖζον τε γὰρ ὅτι καὶ τοῖς ἀσπασίας, καὶ μάλλον ὅτι τῶν πτωχῶν αἰχρὸ κερδοῦς, καὶ τῶν πτωχῶν λεγέμενον ἀσπασίας. περὶ δὲ οὗτο ἡ βουλομένης, καὶ τῆς αἰχρὸ κερδοῦς κακίαν, ποσά τ' εἰρηδῶ.

lucris, eiusque pusilli causa probra perferunt. Nam eos, qui magna non unde oportet accipiunt, et quæ non oportet, non dicimus illiberales, ut Tyrannos, cum urbes populantur, et fana diripiunt: sed scelestos potius, et impios, et iniurios. Verumtamen aleator, et spoliator, et latro ex illiberalibus sunt, turpis enim lucris studiosi sunt. Nam quævis causa utrique negotiantur, et dedecora perferunt. Et hi quidem pericula quam maxima emolumenti causa subeunt; illi ab amicis lucrantur, quibus oportet dare. utrique profectò unde non oportet lucrari volentes, sordidi quæstus avidi sunt. Et omnes quidem eiusmodi acceptiones sunt illiberales. Merito autem liberali uti illiberalitas contraria dicitur. Est enim et maius malum, quam prodigentia, et magis in ea peccant, quam in ipsa de qua diximus prodigentia. De liberalitate igitur, et de aduersantibus vitiis hæc dicta sint.

EXPLANATIO.



DE illiberalitate siue avaritia, quæ alterum est vitium liberalitatis extremum, disputat hac vltima Capitis parte. De qua id pronunciat primum quod ipsi contrarium prodigentiæ sit. Nam quia prodigos facili morbo liberari posse dixit, & prodigentiam esse vitium haud magno negotio sanabile, affirmandum hic contra censet, avaritiam insanabilem esse, nec ad mediocritatem facili redigi posse. Cuius rei duas profert rationes & causas. quarum priorem ab ætate petit, in quam plerumque ac pene semper conuenit avaritia, hoc est, à senectute. Quo enim magis hæc procedit, eo magis avaritia gliscit. Negat quidem apud Cic. Cato intelligere se, cur senes quo prouectiores ætate sunt, hoc etiam fieri sordidiores ac magis avaros: cum nihil absurdius esse videatur, quam ubi minus restat viæ, plus viatici quærere: Negat, inquam, id se scire Cato, sed idem profitetur intelligere se probè Aristoteles: qui duos huiusce cupiditatis aperit fontes & capita: alterum in 1. Rhet. ubi ait, ideo senes avaros esse, quòd longo didicerint vñ, quàm magno labore paratur pecunia, quanti valeat in Republica nummus: quàm magna stulticia sit, rem suam profundore. alterum hic: ubi docet, imbecillitatem omnem infirmitatēque auaram esse. Est enim infirmitas atque imbecillitas defectio quædam, inopia, & indigentia; quam omnes expleri magnopere cupimus: & quia id præstare non possumus viribus & copia; assequi ratione, parsimonia, atque avaritia contendimus. Cum igitur inter omnes ætatis partes imbecilla maximè sit infirmāque senectus, quo prouectior est, hoc magis est auara & cupida, & indigentiam explere vehementius cupit. Hæc adeo est prior ratio, cur avaritia sit insanabilis; atque hoc explicari syllogismo potest: Vitium, cuius causa vitari nequit, est insanabile. Avaritiæ verò causa vitari non potest. Quippe quæ senectus sit ætāsque prouectior. Igitur avaritia est insanabilis. Posterior autem ratio est, quòd avaritiæ vitium sit nobis συμφυῆς: hoc est, nobis ingentum magis insitūque natura, quàm prodigentia, & profusio. Quod profectò vel ex eo constar, quòd plures inueniamus φιλοχρηματίαι, hoc est, pecuniæ cupidos ac studiosos, quàm prodigos & largitores. Itaque hæc etiam ratio colligi concludique sic debet: Quæ nobis affinia magis sunt, & coniunctiora natura, illa possunt difficilius expelli. Avaritia vitium est nobis magis cognatum coniunctum.

que natura, quàm alia : sic prorsus, vt inditum & ingeneratum esse videatur. Ergo depelli difficilius potest, ac propterea videtur insanabilis. Quæ rationes illis contrariæ sunt, quas exposuit suprâ, cùm de prodigentia disputauit. Et quoniam quæ hîc de Auaritia differit, vult iis altera ex parte respondentia esse, plura aggreditur distinguere auaritiæ genera, quemadmodum multas prodigorum formas partitus est.

Ait igitur, auaritiam extendere se, ac patere latius, adeoque non simplicem, & vniuersum, sed multiplicem esse. Cùm enim in duobus auaritia versetur, in dando infra modum, ac minùs, quàm decet, & in accipiendo suprâ modum, ac plus quàm decet, duos nobis distinguit modos, & formas inter se varias, quæ secernuntur, nec in eodem auaro facillè vnâ reperiuntur, ac propterea duo auarorum, illiberaliumque constituunt genera. Vnum eorum, qui nihil quidem largiantur, sed nihil etiam accipiant, nec rapiant aut appetant aliena. abstinent autem ab alienis manus, inquit Aristoteles, duabus ex causis : alij quidem ex probitate quadam naturæ, ac turpitudinis fugiendæ studio vel vero, vel simulato : dicunt enim saltem se à rapinis abhorretere natura propter rei turpitudinem & probitatem suam, ac propterea retinere se velle sua, ne ad inopiam redacti aliquid turpiter agere cogantur. est enim male suada fames. Huiusmodi ait Aristoteles esse qui dicuntur φειδῶλοι, parci, γλίχροι, tenaces, κίβητες, sordidi, vt vertit Victor. restricti, vt Turneb. aridi, vt Aegytopol. Inter quos Aristoteles censeri vult eos, qui parcemiali vocabulo dicebantur κυμινωπρίται, cuminisecæ, vel cumini sectores, hoc est, eos, vt docet Græc. Schol. qui sic minuti sunt in dando, sic restricti & aridi, vt ipsum quoque cumini siue cymini granum secare medium ac diuidere non dubitent, ne concedant, & largiantur integrum. κίβητα appellauit Simonidem Chamæleon quidam apud Athen. l. 14. & eodem, aliisque nominibus in Comædiis antiquis fortasse carpebantur auari apud Græcos : apud quos sæpè vir sordidus & insignitè auarus dicitur Μυκόνιος à Mycone insula sterili, quæ incolæ cogebat non esse frugales modò, sed auaros, etiam nolentes & inuitos : & ῥυπαρίδης, à sordibus digitorum, quas non tollit, ne obolum dare balneatori cogatur & aliptæ : & σκολοπαγίδης apud Hipponactem & Archilochum, hoc est, qui solis ficibus ex auaritia victitat : & θυμωρεπίδητος, hoc est, qui solis herbis & thymbra præsertim vitam tolerat. Alij verò sunt auari, qui sibi temperant ab alienis, nec ea contingunt, non ex aliqua modestia & probitate, qua præditi natura vel simulatione imbuti sint, sed ex metu. Timent enim, ne eodem exemplo ipsi quoque diripiantur ab aliis : cùm difficile sit, cum qui tollat aliena, tueri ab aliis sua. Immo ne accipiunt quidem à spontè dantibus : ne ipsi de reddendo beneficio appellentur, & vel rei familiaris iacturam faciant, si gratiam referant, vel si non referant, iudicentur ingrati. Itaque prioris generis auaritiæ, quæ neque dat, neque accipit, duas habemus partes, vnâ eorum, qui ab alienis se continent rebus ex probitate atque honestate, alteram eorum, qui parcunt iisdem ex metu.

Alterum auaritiæ genus sine dubio peius atque deterius, ait eorum esse, & in iis cerni, qui nimij sunt, nec modum vllum in accipiendo tenent. quidlibet enim accipiunt, & vnde cumque captant lucrum, quales sunt opifices, qui operas præstant illiberales, atque à bonis moribus abhorrentes, vt perductores, lenones, mangones, sceneratores, testamentarij, aleatores, fures, grassatores, latrones, & vniuersim alij, inquit Aristoteles, qui magna pro paruis dant. quem locum sic vertit Lamb. & vniuersim ij, quibus exiguum lucrum magna mercede constat. Oratio enim Græca est valde præcisa, καὶ οἱ τὰ μικρὰ ἐπὶ πολλῷ. Itaque necesse habet adiuncto aliquo verbo explicari. Dicunt aliqui, hanc esse sententiam. & ij qui parua dant maioris quæstus gratia, ac propterea addunt δίδωμι hoc modo. καὶ οἱ τὰ μικρὰ δίδωμις ἐπὶ πολλῷ. & ij, qui parua pro magnis dant, hoc est, qui res dant paruas magnum pretium & mercedem accepturi. Id verò quanquam placet Victorio, pugnat tamen in eo, quod proximè sequitur. Ait enim Aristoteles hos homines propter exiguum quæstum, turpitudinem & vitæ contumeliam quantumvis magnam subire. ergo non accipiunt magnam mercedem, nec pro ea res dant paruas. nam accipiunt perexiguum lucrum, & magnum aliquid pro eo dant, cùm prodigant, subeunda turpitudine atque dedecore, honestatem ac famam, quæ maxima sunt. Probatur ergo mihi magis contrarium verbum quod addit Lambinus, λαμβάνουσι,

ita: καὶ οἱ τὰ μικρὰ λαμβάνοντες ὑπὲρ πολλῶν. & alij, qui parua accipiunt pro multo, hoc est, pro multo pretio quod impendunt. intelligi enim hic vult & coniungi cum πολλῶν substantiuum aliquod, vt μεθῶ, vel πᾶσι, pretio aut mercede. magna enim iis mercede, magno pretio ac damno constat paruum, & exiguum illud quod accipiunt lucrum; cū iacturam eos oporteat facere dignitatis & famæ. quales scurræ sunt, ceterisque turpis artificij homines; cuius causa notantur infamia. Si enim id spectes quod sibi quaerunt, ac parant, nihil est vilius. si quod impendunt, nihil præstantius. Nullum adeo turpius inueniri genus avaritiæ potest, quàm eorum cupiditas, quos tanta lucrandi, capiendæque pecuniæ libido tener, vt tam stultam commutationem facere non dubitent existimationis & famæ cum perexiguo quaestu. Merito igitur eximit ex his Tyrannos, qui fana spoliant, compilant prouincias, vrbes euertunt magni lucri gratia, quod fecit in Sicilia Verres. hi enim quamquam accipiunt vnde non oportet res multas & magnas, non tam avari tamen propriè dicuntur, quàm improbi, iniqui, immanes, & impij. In eorum enim classem, de quibus est dictum, referendi tantummodo sunt qui non turpem modò quaestum, sed paruum & perexiguum faciunt ingenti mercede, ac pretio, vt explicauimus, maximo.

Sed quia grassatores, sicarii, latrones, aleatores videntur esse Tyrannis affines ac similes, posset aliquis dicere, ne istos quidem esse appellandos auaros, atque illiberales sed iniustos improbòsque, cū idem faciant quod ipsi Tyranni. Responderet, omnes istos illiberales appellari, atque auaros, non iniustos oportere: quia singuli sunt αἰχροκερδῆς, turpis lucri studiosi. perinde ac si diceret, Tyrannorum studium non tam referri ad turpem quaestum debere, quàm ad impietatem quamdam, atque improbitatem, quæ sunt imbuti natura; cū etsi lucrum non habere propositum, aliquid tamen improbè, iniquè, impiè facerent propter insitam immanitatem: istorum verò studium referri totum oportere ad turpem quaestum & lucrum, cuius causa faciunt quicquid iniquè faciunt. nisi enim quaestus ille turpis iis proponeretur, iniquè non agerent. turpitudine autem lucri posita est in eo, quod latrones & grassatores in magno vitæ periculo versentur ob exiguum quaestum, reliqui omnes accipiant vnde non oportet. Nam aleatores nominatim ab amicis etiam interuerrere conantur pecuniam, quos locupletare potius & muneribus augere debent, quemadmodum liberalitas postulat. Hæc igitur duo sunt avaritiæ genera; quibus respondent illa tria, quæ ab eodem Aristotele proponuntur in libello de virtutibus. primum dicitur αἰχροκερδία, communi quidem vocabulo, turpis lucri studium; sed accipi debet pro opificum quorundam quaestu, quem turpi infamique faciunt artificio. Secundum φιλοψυχία, parsimonia; hoc est, tenacitas eorum insignis, qui nullos omnino faciunt sumptus. tertium χυμῖα. quæ avaritia quædam est sordida, arida, & ea quæ facit aliquos sumptus, sed malignè, restrictè, ac veluti per vim. Quos enim auaros supra Aristoteles nominauit χυμῖαι, eos Græcus Scholiastes sic dictos putat ideo, quod huiusmodi homines κινουῦνται βίᾳ, hoc est, ad dandum mouentur & impelluntur vi.

Ad extremum, vt intelligamus quantum, & quàm magnum vitium sit avaritia, quam hætenus cum prodigentia comparauit, confert eandem cum liberalitate, aitque, merito sanè avaritiam non modò dici vitium ipsi oppositum liberalitati, sed prodigentia peius & liberalitati magis oppositum, quàm prodigentiam ipsam: idque duabus ostendit rationibus; quarum prima est. Quia maius malum est avaritia, quàm profusio, minorémque cum liberalitate cognationem habet. Secunda, quia magis in avaritia peccant mortales, quàm in profusione. Sequitur enim hinc; magis homines esse ad avaritiam propensos, quàm ad profusionem, adeoque magis distare à medio liberalitatis propter avaritiam, quàm propter profusionem. Itaque vitium est liberalitati magis oppositum avaritia, quàm prodigentia.

EPILOGVS.

I. Liberalitas in dandis, accipiendisque pecuniis, hoc est, in dandis accipiendisque rebus omnibus, qua pecunia aestimantur & pretio, versans mediocritas est. Cuius extrema vitia, prodigitas & illiberalitas siue avaritia sunt.

2. *Prodigus, qui Græco vocabulo dicitur asotus, hoc est, sine salute, siue se ipsum perdens, is est propriè, qui patrimonium, & res dissipat suas, quibus dissipatis, ipsum se perdere videtur. Itaque si prodigus multis abundet vitiis, & per incontinentiam ac per ambitum dissipet sua, ab his vitis non dicitur & denominatur prodigus, sed à largitione immoderata, in quo nominatim prodigētia posita est.*
3. *Ergo vir liberalis est is, qui omnium optimè diuitis vitur; quibus alij abutuntur, quia virtute liberalitatis imbuti non sunt.*
4. *Vir liberalis officium est, non modò dare, sed etiam accipere interdum, ac retinere, ut dare amplius possit. eius tamen partes videntur esse, dare potius ut oportet, quàm accipere ut oportet & decet.*
5. *Vir liberalis honestatis gratia dat: & rectè dat, hoc est, iis, quibus dare oportet; cùm oportet, tantundem, quantum oportet: reliquasque tenet cautiones, quibus bonam laudabilemque largitionem instrui necesse est.*
6. *Vir liberalis cum delectatione, certè sine molestia dat. agit enim ex virtute: cuius proprium est, impertiri delectationem agentis.*
7. *Vir liberalis non accipies unde non oportet: per fraudem videlicet, aut per vim. neque ad petendum est valde procliuus ac procax, sed ad dandum.*
8. *Vir liberalis, ut modum in dando tenere debeat, sic tamen excellit in hoc genere, ut plura & maiora det aliis, pauciora & minora reseruet sibi.*
9. *Fieri potest, ut liberalior sis, qui pauciora & minora largitur.*
10. *Liberaliores solent esse qui paruas acceperunt opes, quàm qui easdem labore pararunt, ac studio.*
11. *Liberalem esse diuitem, & abundare, facile non est. contemnit enim erogātque diuitias potius, quàm retineat, & ad eas erogandas habet inductionem & pronitatem.*
12. *Tyranni ac Principes haud facile dici possunt prodigi. Est enim prodigus qui dissipat sua, & in largiendo modum superat facultatum. quos fines viri Principes & Tyranni propter magnas opes transire vix possunt.*
13. *Vir liberalis, si per imprudentiam dederit quibus non oportebat, aut cùm non oportebat, dolebit quidem, sed moderatè. dolet enim potius, quod sumptum non fecerit cùm oportuit, quàm quòd fecerit cùm non oportuit. quia pecuniam contemnit, & iacturam facile patitur.*
14. *Prodigētia & auaritia per exuperantiam & defectum peccant. sed vario modo. illa enim exuperat dando, deficit accipiendo: hac exuperat accipiendo, & retinendo, deficit dando.*
15. *Hac duo peccata, exuperantia in dando, deficitus in capiēdo, haud diu perseverant simul in prodigo. Non enim fieri potest, ut diu quis donet, si nihil unquam accipiat.*
16. *Auaritia deterior est, quàm prodigētia. Nam prodigus ab etate proejectiori propter experimentum corrigitur, & ab egestate, quæ donationem & sumptum sequitur. Et quoniam habes aliquam cum liberali affinitatem, facile redigi ad mediocritatem potest. auarus etate, copiæque sit peior. & à liberalitatis medio longius distat, cùm nihil habeat simile liberalitati.*
17. *Prodigētia tamen debes summa cura diligentiaque sanari. Nisi enim sanetur, facile ad intemperantiam, & cetera vitia gradum habet.*
18. *Auaritia verò morbus insanabilis est. gliscit enim in senectute. quæ quoniam est imbecilla, sibi videtur inops, & plura semper, ac plura praesidia quarit. ad hac: auaritia videtur nobis insita magis & ingenita natura, quàm prodigētia.*
19. *Auaritia non unum est genus, sed multiplex, nec omnia auaritia genera in uno eodemque facile reperiuntur, sed in diuersis ac plurimu. Aliqui sunt senaces & aridi: qui dando deficiunt, sic, ut numquam dent; sed tamen aliena nec rapiunt nec expesunt. Sed ex his aliqui non accipiunt aliena, vel ex probitate quadam natura modestiaque, vel propterea, quod timent, ne ipsi quoque similem patiantur iniuriam, & lationem. Alij sunt qui quodcumque & undecumque accipiunt, nec illiberales exercere dubitant artes ob turpem questum: ut lenones, assentatores, perductores omnes, delatores, faeneratores.*
20. *Latrones, fures, sicarij, aleatores his adnumerandi quoque sunt, cùm omnes turpem faciant questum. fures enim questus gratia pericula subeunt probrosa. aleatores accipiunt unde non oportet, & ipsos quoque compilans amicos, quos sua potius fouere pecunia & re familiari deberent.*



IN CAPVT PRIMVM,

QVÆSTIO PRIMÆ.

An liberalitas sit virtus, & quidem à ceteris distincta.

N dubium hæc res, quæ videtur alioqui planissima, quibusdam vocata est argumentis, quæ viri acutissimi olim exposuerunt. Primum est huiusmodi: Virtus est habitus quidem impellens nos, atque incitans ad agendum constanter & facili, sed non tamen impellit, atque incitat nos ad id, quod naturæ aduersatur, & rectæ rationi contrarium est. Nihil enim quod præter naturam sit, bonum esse potest, ut dicitur in 7. Politic. & cum ipsa quoque virtute pugnat, quod abhorret à ratione. Sed liberalitas incitat nos, prouocatque ad agendum id, quod naturæ aduersatur & rationi. Natura enim postulat & ratio, ut vnusquisque ipsum se plusquam alios diligat, suæque magis commoda procuret, quam aliorum. Quippe dicitur in 8. horum Moralium lib ei, qui magis est amicus, multo magis esse standum, quam ei, qui minus amicus sit. Liberalitas verò incitat, inducitque nos ad alia agenda omnia, cum dicat Aristot. in hoc cap. liberalitatis veræ perfectæque proprium esse, plura & maiora aliis dare, pauciora sibi & minora reservare.

Secundum. Nulla virtus est, quæ alteri sit impedimento. quominus officio suo perfungi possit. Sed liberalitas impedit officium magnificentiæ. Aut enim Aristoteles hîc, liberalem hominem non facili diuitem fieri, aut copias possidere, cum ad dandum habeat procliuatatem, & dando facultates demum exhauriat suas. Sed hoc summum est impedimentum magnificentiæ, quæ sine magnis diuitiis & copiis in actum prodire non potest.

Tertium. Virtutes sic inuicem connexæ, ac veluti catenatæ sunt, sic inquam, ut qui vna probè, perfectèque præditus est, præditus omnibus sit. At multi virtutes alias magnas & perfectas habent, qui non sunt liberales; cum eis non suppetat quod dent. Multi contra liberalissimè dant, qui tamen alioqui vitis sunt palmaribus insigniti.

Quartum. Liberalitas, quamuis virtus esse aut dicatur, aut sit, non tamen à Iustitia differt. Pecunia enim, quæ ponitur esse liberalitatis materia, ipsius etiam est materia Iustitiæ. id quod docet Aristot. in horum Moral. 5. vbi ait, tam iniustum hominem, quam auarum in bonis versari; non quidem omnibus, sed in iis, quæ fortunam admittere possunt bonam, & infortunium. Pecuniæ verò nomine omnia externa bona fortunæ comprehenduntur, quæ æstimari pecunia possunt. Promoueri potest hoc argumentum ex eo, quod Aristot. in 1. Rhetor. sic liberalitatem

extollit, ut velit antecellere temperantiæ, Temperantia enim est à quatuor illis virtutibus, quæ principales dicuntur, vna. ergo liberalitas si anteponi temperantiæ debet, inter virtutes principales est numeranda, & cum illarum aliqua sic coniungenda, ut ab ea distingui non possit. hæc autem nulla esse videtur alia, nisi Iustitia. Rectè adeò Marc. Tull. in offic. 1. scriptum reliquit, nihil esse liberale, quod non idem sit iustum.

Hæc, inquam, argumenta sunt, quæ iam diu liberalitatem oppugnarunt, sed tamen haud dubiè.

Dicendum est primo liberalitatem esse non modò virtutem, sed etiam distinctam à ceteris, ac nominatim à Iustitiâ. Prima Conclusionis huius pars, in qua dicitur esse Virtus, declarari sic & demonstrari ex Aristot. potest: Quibus rebus uti bene vel malè possumus, ex virtutem postulant aliquam à qua ad bonum vsum adhibeantur, auertantur à malo. Sed pecunia diuitiisque uti bene possumus, & abuti. Ergo hæc bona indigent aliqua virtute quæ faciat, ut iis nos utamur bene, non ad perniciem abutamur. Hæc virtus alia non est nisi liberalitas: cuius partes sunt, uti bene diuitiis, & secundum rationem sumptus facere; vbi decet, & oportet. Deinde vbi exuperantia & defectus accusabiles sunt, ibi medium esse laudabile debet. Sed in dandis, accipiendisque pecuniis exuperantia vituperatur & defectus, Ergo laudabile medium erit. At medium inter extrema laudabile non inuenit nisi virtus. Ergo liberalitas quæ hoc inuenit medium, virtus est.

Altera verò Conclusionis pars, in qua dicitur esse liberalitas à Iustitiâ distincta Virtus, ita probabitur, si quædam anteponatur, apud omnes explorata & certa, quæ facere possint nostrum probandi modum planiorem. Poni ergo debet hoc loco, quasdam virtutes Iustitiæ partes esse, non quidem veluti species, formæque generi subiunctas, & Iustitiæ rationem perfectam obtinentes, sed iis similes, quæ partes potentiales appellantur. Cuiusmodi sunt animæ facultates, ipsius animæ vim & rationem non nisi imperfectè participant. Hæ igitur virtutes quæ potentiales Iustitiæ partes metaphoricè dicuntur ob similitudinem, quam habent cum potentialibus animæ partibus, iustitiæ similes & dissimiles sunt. Similes quidem; quia & ad alterum referuntur, & non in appetitum, sed in voluntate sunt positæ: dissimiles autem; quia vel non spectant & sequuntur æqualitatem, vel non adiguntur ad agendum ex vera

Valent. 2. 2.
Disput. 5. de
parib. Iust.
q. 26. p. 118. 2.

propriâque debiti ratione. Virtutes ex hoc genere numerantur nouem: Religio erga Deum; pietas erga parentes, obseruantia erga eos, qui virtute & excellentia bonorum pollent, ad quam reuocatur obedientia: virtus; cuius beneficio & vi eum vnusquisque se ac talem exhibet alteri, facto verboque, qualis reuera est: ad quam reuocatur fides siue fidelitas: gratia, siue grati animi significatio; siue vt vulgò dicitur, gratitudo: quæ beneficium remunerat acceptum. vindictio; quæ maleficium pœna compensat: liberalitas, quæ aliorum consulit vtilitatibus largitione pecuniæ, rerumque pretio æstimandarum: magnificentia, quæ idem præstat, sed sumptibus magnis. affabilitas, aut amicitia; quæ variis officiis reddit hominem alteri gratiosum & carum. Ex his aded virtutibus, vt docet D. Thom. in 1. 2. quæst. 80. pietas & obseruantia ided discedunt à perfecta ratione iustitiæ, quia perfectè non reddunt æquale: reliquæ ided, quòd earum erga alios officia non sic verè proprièque sunt debita, quemadmodum sunt officia Iustitiæ: quæ verè debentur & propriè. ita prorsus, vt sæpe sancitis etiam præscribantur legibus, ciuilem imponentibus obligationem, à quibus eiusmodi officium Iustitiæ appellari legale debitum solet. Quare vt ab hoc legali distinguatur officium aliarum Virtutum, quod tam seuerum sanctumque non est, dicitur morale, hoc est eiusmodi, vt potius ex conuenientia quadam, quàm ex vera debitione spectandum sit. decet enim vnumquemque affabilem esse: sed nullis adigitur ad affabilitatem legibus. Dux igitur causæ sunt, vt summatim complectar omnia, cur Virtutes ad Iusticiam pertinentes à Iustitiæ tamen propria ratione discedant: quòd prorsus æquale non reddant, quòd si reddant, non reddant tamen ex vera propriâque debitione, quæ dux cautiones ita cum vera propriâque Iustitia debent esse coniunctæ, vt earum tantum vna si desit, cuiuslibet reddat virtutis functionem veræ Iustitiæ: altera saltem ex parte dissimilem. Religio enim, pietas, & obseruantia, siue obedientia reddunt quidem id quod propriè debetur, & scriptis etiâ legibus statutum est; sed non reddunt æquale. Species aded Iustitiæ verè proprièque dici possunt dux vel tres: quarum vna commutat, altera distribuit, tertia vindicat. quamquam hæc extrema, vt diximus, à nonnullis non dicitur esse propria Iustitiæ species. sed de his hæcenus hoc loco.

Ostendamus potius liberalitatem à Iustitia distingui debere, quod à nobis est in conclusione propositum, & cuius causa disputaui-
mus hæc. Id verò demonstrabimus hoc modo: Iustitiæ pars illa, quæ species vera propriâque Iustitiæ est, hoc est, ipsam perfectè participans rationem Iustitiæ, quicquid dat, ex vera perfectâque debitione dat. Liberalitas non dat ex vera & propria debitione. qui enim ex debitione dat, quod alterius est, alteri dat. Qui verò dat ex liberalitate, dat suum. Ergo qui dat ex liberalitate, non dat ex perfecta propriâque iustitia, sed ex illa debi-

tionem quæ moralis & congruens appellatur.

Dicendum tamen secundo loco est, liberalitatem duabus ex causis effinem & similem esse Iustitiæ: Prima; quòd ad alterum tota referatur, hoc est, aliena procuret commoda: Secunda; quòd in externis versetur actionibus regendis, sicut Iustitia, non in perturbationibus animi moderandis, quemadmodum alia. Itaque ob eiusmodi similitudinem rectè dici pars poterit Iustitiæ, sed pars tantummodo potentialis. Quibus ita decretis, Respondendum est argumēto, quod primo propositum loco est: vnumquemque debere quidem se ipsum plus diligere, quàm alios, sibi que magis quàm aliis commoda & bona procurare; non tamen id præitari ac fieri retinendis iis, quæ danda sunt secundum rectam rationem; sed iis exhibendis, & dandis alteri, quæ apud se retinere non decet, sed dare necesse est cum oportet, & quibus oportet, & vt oportet ex præscripto rationis atque prudentiæ. Id autem est procurare ac parare sibi virtutem, quæ commodum & bonum rationis est hominis proprium, & plus ipsum se diligere, quàm alios, quibus bona fortunæ tantummodo procurantur, & dantur. Itaque tantum abest, vt hoc alienum sit à naturæ inductione, vt ei maximè consentaneum sit, si natura tamen recta ratione regatur. Rectè enim in lib. 9. decernit Aristot. quid sit ipsum se magis diligere quàm alios; cum ait, amicum amici causa in discrimina res suas & se ipsum proicere, vt sibi bonum paret virtutis, cum illi bona corporis vel externa fortunæ procurat.

Secundo responderi debet, liberalitatem non esse impedimento functionibus & operibus magnificentiæ. quia liberalitas non dat non danda, & retinet retinenda. Si enim profunderet temerè, nec quicquam retineret, prodigenteria esset. Quod ad Aristotelem attinet, affirmantem liberalis hominis esse, plura & maiora dare, pauciora & minora sibi retinere, dico, eum non loqui de veris diuitiis, quæ vel vitæ simpliciter degendæ, vel degendæ cum decoro pro cuiusque conditione necessariæ sunt, sed de superuacaneis. Ex his enim sibi reseruat quidem pauciora; sed ea, quæ satis proferendæ magnificentiæ sint. Non enim magnificentiæ postulat pecuniam infinitam; cum infinita pecunia sit à vita hominis civili decenter instructa vehementer abhorrens, vt disputat Aristot. in Polit. pecunia quippe instrumentum est vitæ: vita verò non postulat pecuniam & opes infinitas. Ergo quædam sunt ipsi quoque magnificentiæ superuacanea. quæ si liberalis det, nihil aduersus magnificentiæ facit; quia retinet ipsa quoque idonea magnificentiæ præsidia, ad quam liberalis adspirat. Quæres, inquit Senec. quis sit diuitiarum modus. Respondet primum quod necesse est. deinde quod satis est. Id verò quod satis est, spectatur ex multis rebus, quæ hominem quasi circumstant.

Dicere tamen hic posset aliquis (vt hoc obiter amoliamur etiam impedimentum) liberalitatem à magnificentiâ non differre, nisi

secundum magis & minus. cum magnificus ille videatur esse qui facit maiores impensas, hoc est, liberalior sit. Sed est respondendum, differre secundum comparationem cum ratione metiente sumptus vulgares & communes, in quibus est posita liberalitas, & sumptus magnos, in quibus versatur Magnificencia. hæc autem varia comparatio facit, ut utriusque obiecta formalia differant inter se. pecunia enim eadem materialiter illa comparatione iam imbuta, non est eadem formaliter. Denique obiectum liberalitatis est pecunia spectata ex communi largitione quam facit vir liberalis; obiectum verò magnificentiæ est pecunia spectata ex ratione magnitudinis decori & dignitatis eius, qui sumptum facit. Præterea differens est utriusque finis. liberalitatis enim finis est gratuita donatio, & communicatio bonorum, sed magnificentiæ finis est operis magnitudo & excellentia, cuius gratiâ vir magnificus magnos sumptus secundum rectam rationem facit.

Tertio respondetur: de connexion virtutum nihil esse dicendum hoc loco, sed illud tantum quod argumento dissolvendo sit satis, siue connexæ sint, siue minus: pauperes nimirum esse liberales posse, quemadmodum ait Aristot. hic. Quia liberalitatem non ex dono aut rei magnitudine, sed ex donantis facultate metimur. Itaque in minimo etiam dono cerni liberalitas potest; & quidem maior, quam in magno, si eius qui magna dat exaggeratæ sint adeo facultates, ut pro magno non habeatur quod alioqui magnum existimari deberet; contrariè illius qui parva dat ita sint copiarum tenues, ut quod parvum per se est id cum facultatibus collatum videri magnum oporteat. Quod si nihil prorsus alicui suppetat quod det, is habitu tamen intimo & animi tantum hærente pollere potest; in quo sanè vis ipsa princeps, & quasi natura liberalitatis est posita. Non enim desiderantur nisi aliis utiles actiones externæ, quæ id addunt, ut quæ virtus monastica erat & solitaria, Civilis & Politica sit. Quod verò additur de iis, qui liberales sunt, & multis tamen inquinati sunt vitiis, dixerim primum, istos non esse liberales, si in ea vitia sumptus quosdam faciunt, qui videantur in speciem ad liberalitatem pertinere, sed esse prodigos. non enim sumptum faciunt honestatis gratia: deinde fieri posse, ut aliquis habitu liberalitatis nondum instructus, opus faciat liberalitatis ex imperiorationis, & obtemperacione facultatis; quod est cum ceteris commune virtutibus: denique si virtutes, quæ perfectum obtineant statum, verè dicuntur esse connexæ, dico, liberalitatem istorum non obtinere perfectum statum, ac propterea cum ceteris virtutibus non esse connexam, & cetera vitia non depellere.

Quarto respondetur: Liberalitatis & Iustitiæ remotam materiam univèrsim eandem esse; quia utraque versatur in bonis externis, & in pecunia: proximam tamen esse longè diversam. Iustus enim vir in aliena versatur pecuniâ; in sua ipsius vir liberalis. Ille quip-

pe, ut supra diximus, dat alteri quod alterius est, hic dat alteri quod suum ipsius est. Quare differentem ac diversum esse oportet habitum, qui dirigat actionem dantis alienum ab eo, qui regat opus donantis sui. à variis enim hæc opera proficiuntur animi motibus, quos à variis temperari ac regi virtutibus necesse est. At liberalitatem, inquit, extollit Aristoteles supra temperantiam. extollit ille quidem, sed ex opinione multitudinis, quæ liberales præter ceteros admiratur & suspicit ob eam, quam ex iis capit utilitatem. Re autem ipsa temperantia est liberalitate præstantior. Rectè enim ait D. Thom. unamquamque virtutem in bonum contendere aliquod: ex quo fiat, ut eo sit excellentior, quo maius & melius est bonum in quod tendit. liberalitas verò tendit in bonum duplici modo. primò siue per se, & ex consequenti. Primo quidem, ac per se tendit ad componendam affectionem cuiusque hominis propriam erga pecuniæ possessionem, & usum. Sed in hoc officio vincitur à Temperantia, quæ moderatur affectus & voluptates pertinentes ad corpus; & à iustitia & fortitudine, quæ spectant commune bonum; illa tempore pacis, hæc belli. ex consequenti verò tendit in bonum liberalitas, quia potest opus ipsum liberalitatis referre ad bonum maius, veluti ad divinum cultum. Quo nomine vincit Temperantiam & alias, quæ ad bonum divinum non referunt opus suum. Id verò quamquam commune cum omnibus virtutibus est, quæ opus suum possunt ad Deum etiam ipsum referre, videtur tamen hoc magis ad liberalitatem pertinere. quia ex eo quod aliquis non sit amans pecuniæ; qualis est vir liberalis, sequitur, ut facile cavetur ad commodum aliorum aut ad cultum divinum, aut ad alium huiusmodi finem præclarum ac bonum. Denique Temperantia, quoniam est virtus principalis, honestati hominis est necessaria; & qui eam habet, est bonus simpliciter. quamquam autem obtinet aliquis liberalitatem, potest tamen esse malus simpliciter, & bonus tantum secundum quid. Non ergo consequens est, liberalitatem esse oportere ex principalibus virtutibus unam: cum nulli earum verè anteponatur, sed dicatur tantum à multitudine pluri fieri, quàm aliquam à principibus quatuor. Dicunt quidem aliqui apud Burli. liberalitatem esse virtutem adiunctam Temperantiæ: cum sic moderetur cupiditati pecuniæ, quemadmodum Temperantia cupiditatis ciborum & Veneris. sed falluntur: quia Aristoteles in cap. 10. lib. 3. delectationes animi siue animales ne per accidens quidem ait revocari ad Temperantiæ materiam posse. at hæc delectationes & cupiditates divitiarum ad animum pertinent, ut idem eodem loco docet Aristoteles. Quod de M. Tullio ceterisque liberalitatem læpè Iustitiæ appellantibus dicitur, mirum esse non debet, cum liberalitas Iustitiæ sit adiuncta propter variam multiplicemque similitudinem atque affinitatem, quemadmodum diximus.

QVÆSTIO SECVNDÆ.

An pecunia sit materia liberalitatis.

NON hanc instituimus quæstionem ob leuia quædam argumenta à quibusdam olim ita proposita : Ad liberalem hominem spectat rectus probabilisque diuitiarum usus. diuitiæ verò naturales; agri, pecora, prædia, fruges, veriores & meliores diuitiæ sunt, quàm artificiosæ; quales sunt nummi atque pecunia, ut ait Aristoteles in 1. Polit. cap. 5. ergo liberalitatis materia non est pecunia. Deinde, omnis virtus moralis in perturbationibus animi temperandis versatur, excepta iustitia, quæ civiles regit actiones. ergo liberalitas non in tractanda pecunia posita est, sed in affectionibus animi moderandis. Non ob hæc, inquam, argumenta disputationem hanc proposuimus. quia nomine pecuniæ comprehenditur quicquid æstimari pretio potest, ut dixit hic Aristoteles, & Vlpian. in l. 178. ff. de verb. signif. ac planius Hermogenian. in l. 122. tit. eo. docetque D. Augustin. in lib. de Doctr. Christiana cap. 1. & nemo non videt, liberalitatis materiam proximam esse cupiditatem animi, remotam autem, esse quidquid metiri nummo soliti sumus.

Aliæ rationes igitur & argumenta nos iubent hanc proponere quæstionem. Quorum primum hoc est : Bonum doctrinæ non est eiusmodi, ut commutari pecunia possit, & nummo compensari. Sed ab aliquo Doctore liberaliter impertiri doctrina, & sine pretio potest. Igitur etiam in eo bono, quod metiri pecunia non licet, versari liberalitas potest. Secundum : Corpus humanum omnem antecellit & superat pecuniæ vim, nec vlllo potest æquari nummorum pretio tantum bonum, & tamen verè liberalis diceretur & esset, qui gratis exhiberet ad alius effectum operis corpus suum. ergo liberalitas non in sola pecunia, sed in aliis quoque versatur bonis. Tertium : Seruus, quoniam humano corpore constat & anima, pretio pecuniæ æstimari vlla non debet. Et tamen si quis donat seruum, habetur ab omnibus liberalis. Quin Seneca in lib. 1. de Benef. donare se ipsum liberalitatis opus esse contendit egregium & maximum. sic enim disputat in cap. 8. extrem. Socrati cùm multa multi pro suis facultatibus offerrent, Æschines pauper auditor, Nihil, inquit, dignum te quod dare tibi possim inuenio. Itaque dono tibi quod vnum habeo, me ipsum. Vides quomodo animus inueniat liberalitatis materiam? Ita Seneca.

Hæc, inquam, argumenta fecerunt, ut quærere de liberalitatis vera materia deberemus. sed non eam tamen exhibent difficultatem, quam amoliri facili non possumus.

Quod enim ad primum attinet, dicendum est, donationem, quæ propriè, verèque adscribenda liberalitati sit, numquam esse, nisi qui dat in alienam ditionem ac potestatem, vel rem ipsam tradat, vel ipsius rei transferat

& transcribat usum. sed doctor, si propriè loquendum sit, scientiæ suæ possessionem transferre non potest in potestatem & ditionem discipuli : cùm nunquam eam obtinuerit scientiam, quam sibi discipulus comparat. Id enim quod discipulo verè donat, est labor, quem in docendo ponit, sui que ipsius usus ad parandam scientiam, quem propriè tradit alteri, cui nauat operam. labor autem, & usus ille potest cum pecunia rectè commutari, cùm id ratio vitæ postulat aut indigentia. Atque hinc solui secundus etiam nodus facili potest. Qui enim gratuitam sui corporis operam alteri tradit, non tradit humanum corpus in ditionem alterius, quod pretium verè vincit & pecuniam omnem, sed eiusdem corporis usum, qui pecunia potest æquari. Neque verò aliam postulat soluendi rationem tertius; cùm res venales & vniuersim eæ, quæ donari queunt, non ipsæ quidem per se & secundum se commutentur pecunia; sed ex eo quod in hominis cadant usum, siue in vtilitatem vtentium. Itaque quamuis seruus, quia homo est, per se ac secundum se ipsum non possit æstimari pecunia, æstimari tamen ex eo potest, quod in usum & vtilitatem domini cadere potest, ab eoque dominus commodum capere; quod nummo æstimatur in pretio.

QVÆSTIO TERTIA.

An dare atque accipere sint functiones & opera liberalitatis. quidve hanc virtuti magis sit proprium.

DA RE hoc loco non est donare tantum aliis, sed etiam sumptum facere, aliòve modo pecuniam & rem consumere, vel impendere. & cùm accipere dicimus, non capere tantum, verum etiam seruare, custodire, ac retinere secundum rationem intelligi volumus: ut duas complectamur æconomicæ partes præcipuas; quarum vna quærit, parat, quæstum facit, seruat, custodit ac retinet: altera quæ sita iam & parata, siue seruata & retenta, distribuit, infumit, impendit, quemadmodum opus est, & domus regendæ ratio postulat. Proposuius adeo quæstionem hanc bipartitè diuisam. An vtrumque liberalitatis officium sit, dare atque accipere, & an in eorum aliquo maior posita sit vis & opera liberalitatis. Videtur enim eius proprium esse, vel dare & infumere solùm, & non accipere ac retinere; vel certè magis dare quàm accipere ac seruare. Proposuius, inquam, quæstionem hanc ita diuisam, quia in vtroque collocat quidem Aristoteles liberalitatis munus, & in eorum altero magis. sed tamen quæstionis vtraque pars oppugnari rationibus argumentisque sic potest.

Primum. Liberalitas est vna virtus intra speciem conclusa suam. igitur vnico contenta est actû; cùm virtutes, facultatésque omnes actibus inter se distinguantur & separentur suis. sed dare, & accipere quidam actus sunt differentes specie, ergo virtutis vnus

functiones & munera esse non possunt.

Secundum. Non potest ille actus vilius esse virtutis, qui consumit præsidia felicitatis. sed dare pecuniam & opes, est consumere felicitatis præsidia. ergo dare non est actus liberalitatis.

Tertium. Actus inter se contrarij non sunt eiusdem virtutis officia. Dicitur enim in lib. 3. potentiam quidem & scientiam habere posse contrarios actus. habitum autem ipsum non posse. liberalitas verò habitus est. ergo si dare & consumere sunt eius officia, accipere & retinere non sunt.

Quartum, in quo contenditur præcipuum liberalitatis actum, atque officium siue opus non esse dare sic proponitur. Nemo qui vera præditus virtute sit, ex opere suo, ad quod præcipue tendit & maxime, tristitiam capit, sed delectationem potius & iucunditatem, excepta fortitudine, ut alibi declaratum est. sed vir liberalis tristitiam interdum capit aliquam ex iis quæ dedit, ut docet Aristoteles in hoc cap. 1. Non igitur in dando posita est potissimum & præcipue liberalitas. Ad hæc. liberalitas non dat omnibus, ut ab eodem Aristotele dicitur hic. at si esset hæc præcipuus & primus eius actus, deberet omnibus dare & agere, ubicumque materiam agendi nanciscitur.

Non potest quisquam suspicari, Aristotelem velle hoc actus, dare atque accipere, ipsos per se, hoc est, nullis imbutos circumstantiis & cautionibus esse liberalitatis: cum certum sit, esse posse tam virtutis, quam oppositi vitij opera. nisi aliquid addatur, quod virtutis opus à vitio secernat. Itaque cum dicimus dare atque accipere, dare intelligimus & accipere secundum rationem legemque liberalitatis, quarum multas supra ex Aristotele proposuimus, atque hic iterum percurrendo relegemus. Quod enim attinet ad dandum, cauere oportet, ne maior largitas sit, quam facultas: ne detur quod noceat accipienti; ne detur indignis, aut improborum hominum adiuvetur scelus; ne detur ex alieno, aut ex rebus malè ac per iniuriam partis; ne detur alieno tempore ac loco, sed cito, sed ubi oportet: ne detur cum significatione molestiæ tristitiæve: ne detur ob improbum finem, sed gratia virtutis & honestatis.

Quod verò pertinet ad accipiendum, videre necesse est, ut tantumdem accipiat, quantum decet: ut accipiat unde decorum & æquum est accipere: ut nihil per vim, nihil per rapinam & compulsionem capiatur, retineaturve: ut accipiat demique serueturque ex honesto fine, hoc est, ad dandum liberaliter, & promendam in publicam virtutis honestatem. Hinc enim fit, ut quamquam dare, atque accipere & custodire, distracta inter se & contraria munera sunt, possint tamen in eandem virtutem convenire, si is, qui accipit & retinet, in eam accipit & retinet gratiam, ut loco ac tempore dare possit secundum rationem ac leges liberalitatis iis, quibus dare oportet ac decet.

Conclusio quæstionis itaque sit: dare atque

accipere, consumere & servare actus esse æque officia liberalitatis propria, sed dare tamen & consumere eius actum esse principem, officiūque primarium, ad quod alterum referatur. Prior huiusce Conclusionis pars probatur ex iis quæ dicta paulò antè iam sunt. Cum enim liberalitas in pecunia versetur, versari autem in pecunia nisi per aliquam actionem non possit, sequitur, ut eum in ea versetur, agat aliquid, hoc est, ipsa utatur pecunia, qui finis pecuniæ ac divitiarum est, ut ait Aristoteles. At nemo dicitur uti pecunia, nisi qui eam dat, & consumit. Ergo liberalitatis actio in donatione & consumptione pecuniæ posita est. Sed quoniam eisdem exauriretur pecunia, & materia liberalitatis dilabaretur omnis, si semper ex ea daretur, & nihil unquam acciperetur, & custodiretur, necesse est, liberalitatem ita in donatione & consumptione siue in sumptibus esse positam, ut etiam idemtidem, ac subinde accipiat aliquid & servet, ut diutius agat quod benè agit, & commodum quod aliquibus dat, pluribus impertiatur.

Altera verò pars, in qua dictum est; actum primarium & principem liberalitatis esse donationem & sumptum; acceptionem verò & custodiam esse subsecundarium actum & primario subseruientem, probari potest his rationibus. Prima. Bonum rei utilis magis est in ipsius rei positum usu, quam in eiusdem possessione. Finis enim semper obtinet rationem rei melioris: & usus est finis rei utilis, non possessio. Sed pecunia, & opes in quibus versatur liberalitas, sunt res utiles. Igitur earum bonum est positum in usu potius, quam in possessione: dare verò, impendere, consumere, sumptus facere est uti pecunia opibusque. accipere autem & custodire est possidere: ergo in danda, impendendaque pecunia, cernitur potius liberalitatis opus, quam in eadem accipienda, & retinenda. Confirmat hæc Aristoteles egregiè in primo lib. Rhet. ubi ait, divitem ex usu, non ex possessionibus æstimari: & M. Tullius ita disputans. Non ætimatione census, verùm victu atque cultu terminatur pecuniæ modus. Secunda ratio. Quia virtutis officium potius est benè agere, quam benè pati. Tertia. Virtutis magis est, bonum opus efficere, quam aliquid agere non turpiter. sed dare est bonum opus facere; accipere benè, & retinere, est non facere turpiter. Quarta. Gloria maior ac laus amplior debetur ampliori, maiori-que virtutis operi. Sed maior debetur gloria, & laus amplior homini liberaliter danti, quam benè accipienti & retinenti. Ille enim ab unoquoque laudatur magis, & diligitur, ut ait hic Aristoteles. Quinta. Virtus in difficiliore versatur potius actu, quam in faciliore. sed dare difficilius est.

Argumentum initio positum ex his quæ disputauiamus, facile confutatur. Dato enim & accipere opera sunt inter se varia ipsa per se, hoc est, nisi vnum alterius gratia fiat. sed quia liberalis in eam gratiam accipit, & reti-

net, vt det, opera illa non sunt ita distracta, vt eiusdem virtutis esse non possint. non enim differunt specie; cum eorum vnum subseruiat alteri.

In secundo ponitur id pro certo, diuitias ipsas per se & possessione retentas esse præsidia felicitatis; Cum tamen alia omnia dicere necesse sit: hoc est, diuitias non quidem possessas, aut possidendas, sed consumptas & consumendas ad felicitatem hominis habere momentum. Itaque cum liberalitas eas consumit, vititur ipso felicitatis instrumento, non tollit aut euerit præsidium felicitatis.

De tertio dictum iam est. Non enim sunt opera contraria, dare, & custodire vel retinere, cum vnum alterius gratia est & subseruiat alteri.

Quartam denique ludit in ambiguo. Non enim vult Aristoteles, liberalem virum tristari ex opere bono & secundum liberalitatem exhibito, cum disertè dixerit, liberalis esse, dare cum iuunditate, vel certè sine tristitia. Significat igitur eo loco, liberalem virum interdum dare per imprudentiam posse, quemadmodum non oportebat; ac tunc tristitiam capere moderatè, sed hoc non est tristari ex opere liberalitatis recto, sed ex opere liberalitati contrario. non enim tantum est contra liberalitatem non dare, sed etiam non dare quemadmodum decet, & iis quibus dare non decet, & quo tempore non oportet.

QVÆSTIO QVARTA.

An illiberalitas vitium sit oppositum liberalitati.

AVARITIAM placet hic illiberalitatem dicere, quia illiberalitas videtur accommodatè respondere Græco vocabulo quo vititur Aristoteles. Appellat enim auaritiam *φιλοτιμία*, vt ostendat, opponi liberalitati, quæ dicitur *λαμπρότης*. Causa verò cur hic queramus, an illiberalitas, aut auaritia vitium sit liberalitati contrarium, ea potissimum est, quod videatur potius opponi iustitiæ, vt disertè docet Aristot. in lib. 5. Eth. & probari hac ratione potest. Auaritiæ vitium in eo situm est, quod mensuram mediocritatēque transiliat in ipsa rerum possessione. sed hic modus & mensura constituitur à iustitia. ergo iustitiæ opponitur, non liberalitati. Ad hæc Aristoteles inter auaros recenset aleatores, scortatores, fures, latrones, & eiusmodi alios, qui quoniam iniusti sunt, iustitiam potius violant, quam liberalitatem, ac propterea vitio tenentur opposito iustitiæ, non liberalitati. Denique idem Aristot. in 5. Eth. cap. 1. & 2. ait auaritiam non habere contrarium vitium. ergo non opponitur liberalitati. Sic enim licebit ratiocinari: Liberalitas mediocritas est inter extrema duo contraria. Sed auaritia non habet contrarium ex Aristot. ergo alterum ex his extremis non est auaritia. & quod inde consequens est non opponitur liberalitati. Si enim auaritia liberalitati opponeretur, opponeretur ideo, quod

esset eius extremum. sed non est extremum. quia si esset extremum liberalitatis, alteri opponeretur extremo contrario. ergo ne ipsi quidem opponitur liberalitati. extremum enim quod virtuti opponitur, opponitur etiam alteri contrario.

Animaduertere nos oportet, illiberalitatem, vt declaratum est in superiori quaestione, vitium esse, siue vitiosum habitum, quo qui est imbutus, peccat in tractatione pecuniarum; siue quod eam non det, impendatve, siue quod eandem capiat, retineatve contra quàm velit & postulet recta ratio. sed quia multis in hoc genere peccatur modis, & varia multiplicique via vel non datur, vel accipitur & retinetur contra rationem, fit, vt totidem existant illiberalitatis atque illiberalium hominum genera, quot modi sunt, formæque dandi, capiendique vel retinendi contra rationem. Primus peccandi modus est eorum, qui cum pecunia & diuitiis abundant degendæ vitæ, conditionique seruandæ superuacaneis; nihil ex iis impertiuntur amicis, nihil propinquis, nihil pauperibus, nihil aliis sed sibi retinent omnia. Id verò rectæ rationi propterea contrarium est; quod qui sic agit, amicitiam euerit & corrumpit omnem, quæ bonorum postulat communicationem: quod ciuili vitæ rationem & vim funditus tollat, quæ societatis humanæ consulit indigentia: quod naturæ ductum exemplumque propositum homini ad imitandum contemnat & negligat, quæ superuacaneum corporis pabulum in semen vertit & lac, vt ex eo progignatur, ex hoc alatur animans generi simile. Secundus peccandi modus cernitur in iis, qui non modò superuacanea non dant, aut impertiuntur aliis, sed ne ad seruandam quidam suam ipsorum vitam, retinendamque conditionem & dignitatem, sumptus aliquos faciunt. Qui profectò idcirco præter rationem hoc agunt, quod diuitiarum peruertant finem; quem videlicet in vñ, non in possessione positum habent: adeoque diuitiis omnem omnino rationem eripiunt boni. si enim bonæ sunt, idcirco sunt bonæ, quod ad tuendam vitam utiles sunt. Tertius peccandi modus eorum est; qui non modò non impendunt pecuniam in aliorum commodum, vel in suam ipsorum utilitatem, verum etiam accipiunt ex habendi quadam infana cupiditate vndique, & ex iis, à quibus accipere non deberet. Itaque horum alij turpem faciunt questum ex artificijs infamia notatis; alij præterea ex iniquo scortore, ex alea, ex furtis, ex rapinis diuitias quaerunt. Id autem quàm rationi contrarium sit, nemo non videt; cum ex famosis artibus lucrum petere nihil aliud sit, quàm abincere à se per summam prodigentiam honestam famam, quæ nullo pretio æstimari potest; & rapere alienum, iniuria sit, omnium gentium legibus coercenda. Ergo, qui tenentur hoc vitio, tamen tres in classes à nobis distributi sic sunt, possunt tamen in duo solum genera contrahi, vt planius intelligatur id, cuius causa sic disputamus. Aliqui enim illiberales

ita sunt, ut nemini noceant, aut iniuriam faciant: cuiusmodi sunt qui neque dant aliis quicquam, neque sua causa sumptum vllum faciunt. aliqui sic pecuniam impotenter expetunt, ut omnem subire turpitudinis contumeliam, & iniuriam aliis facere non dubitent. Manere igitur id debet: avaritiam interdum intra suos se tenere cancellos, neque cum iniustitia, ceterisque se coniungere vitis; interdum iniustitiæ, aliorumque vitiorum communionem & societatem accersere. Vacant iniustitia, vacant veteris vitis qui suum fraudant genium; seque ipsos parsimonia discruciant: vacant qui non dant aliis, sed manus abstinant ab alieno. Vacant, inquam, vitio hi, nisi tamen illi quibus non dant, sint eiusmodi ut iis non dare iniustitia sit & iniquitas. Iniustitiam autem sociam habent fures ac latrones, fœneratores etiam & aleatores si fœnus sit iniquum, & alea dolosa, vel ea, quæ legibus aliòve iure vetita sit. denique cum intemperantia copulatur eorum avaritia qui pudicitiam venalem habent. Nam de licetoribus, de carnificibus, aliisque qui turpem infami artificio quæstum faciunt, nihil hoc loco statuendum est. discedunt illi quidem à decoro, sed dici vix potest quam virtutem violent nominatim. Non enim vlli faciunt iniuriam, neque alio se vitio contaminant, nisi eo, quod illiberalitatis & avaritiæ nomine continetur. Violant verò virtutes alias sæpe lenones, perductores, mango-nes; nec solum avari sunt, sed sæpe iniusti, sæpe intemperantes, sæpe crudelēs. de quibus tamen plura dicere necesse non est. Fieri adeo potest, ut interdum avaritia sine iniustitia, iniustitia sine avaritia sit. illa quidem, si nemini noceat, hæc, si nolit lucrum aliquod, sed iniuriam facere, ac nocere. ut si quis vicini pecora occidat, vineta incendat, filias extirpet sine quæstu ac lucro.

Animaduertendum adeo secundo loco est; avaritiam velari in pecunia propria, iniustitiam in aliena: sic inquam, ut avaritia contendat aliquid lucrari, possidere, suum facere quicquid occurrit: iniustitia verò rem alienam rapere, iniuriam facere ac nocere. Quo fit, ut duplici modo avaritia cum iniustitia copulari possit. Vno quidem, si is, qui non dat, aut accipit quod iustitia vel dare vel non accipere iubet, velit primo quidem & per se lucrari aliquid, deinde verò ac secundario iniuriam facere, quia nimirum ad quæstum pervenire sine aliena iniuria non potest. Altero, si primo ac per se velit iniuriam facere, deinde ex iniuria lucrum obtinere, tanquam aliquid ex ea redundans, & consequēs. Vterque, inquam, ex his avaritiam cum iniustitia coniunctam habet, sed eo differunt, quod ille primario avarus est, iniustus secundario, hic primario est iniustus, secundario autem avarus. Id quod etiam in alijs cerni vitis potest. Qui enim, profanata pudicitia, prostituit corpus, & in eam gratiam turpiter agit, ut quæstum faciat, avarus est primario, intemperans secundario. qui verò idem facit eo potissimum consilio, ut voluptatem ca-

piat; & ex ipsa deinceps voluptate quæstum ac lucrum, intemperans est primario, secundario autem avarus. Atque hæc etiam fortassis est causa, cur Aristot. dixerit, Tyrannos, qui provincias & regna compilant, proferibunt omnes, non tam avaros esse dicendos, quam iniustos. est enim credibile, illos ea facere primum ex animi quadam insita crudelitate, atque iniustitia; deinde verò ex quæstus, lucrique cupiditate. Sunt qui ad hæc avaritiæ distinguenda genera, avaritiam illam, quæ iniustitiæ vacat aliòve adiuncto vitio turpi & graui, dici velint illiberalitatem, eam quæ cum iniustitia aliòve graui vitio coniuncta sit, avaritiam propriè nominari. Sed hoc necesse non est, nisi iis, qui volunt, nullam avaritiam verè avaritiam appellari debere nisi inter ea peccata censi possit, quæ à Theologis septem lethalia nominantur. Non enim avaritia ipsa per se nisi vel caritatem vel iustitiam, aliàmve huiusmodi virtutem violet, inter illa crimina lethalia numerari debet, cum retinere res suas magnum scelus esse non possit, si res illæ non debeantur alteri ex legali vel naturali debito, sed tantum ex morali, quo tenetur liberalitas, ut diximus supra. Itaque huiusmodi homines in eorum avarorum classem qui dicendi sint tenaces, parci, aridi, ab Aristotele referuntur. Hi autem nullam virtutem violent præter liberalitatem, quia neque iustitia, neque naturalis charitas eos adigit ad dandas res suas: cum iustitia iubeat tantum dare iis, quibus debemus nostra; charitas iis, qui extrema vel graui laborant inopia. Non est, inquam, nobis necesse distinguere avaritiam ab illiberalitate, qui non intuemur quid sit aut non sit lethale crimen, ac propterea genus avaritiam facimus, siue illiberalitatem, cui subiungimus formas illas varias, de quibus est dictum.

Conclusio itaque sit. Avaritiam, siue illiberalitatem non alijs virtutibus opponi, quam liberalitati. Illi enim virtuti dici debet aduersari, cui primum opponitur & per se. At primum quidem ac per se liberalitati opponitur, iustitiæ aut pietati erga parentes & reliquos, aut alijs virtutibus non opponitur nisi secundario. Quæ enim primario iustitiæ contraria est, aut pietati, illa non avaritia, sed iniustitia atque crudelitas, aut impietas appellatur. Itaque Argumentum illud, quo contendeatur, Avaritiam esse quamdam iniustitiam & iustitiæ aduersari, quemadmodum dicunt aliqui, nihil aliud vincere potest, quam id quod modò diximus, avaritiam quamdam esse cum iniustitia coniunctam. quæ si ex primario præcipuoque consilio velit iniuriam facere, ex secundario lucrari, iniustitia verò est. Sin autem primo ac per se velit quæstum facere, avaritia quidem verò dicenda erit, sed secundario etiam iniustitia dici debet. Itaque nihil mirum est, quod Aristoteles dicat interdum, avaritiam esse quamdam iniustitiam, contraque aleatores, fœneratores, fures esse avaros. Nam & quod agitur avarè adscribi potest iniustitiæ, si præ-

cipue fiat ad inferendam iniuriam & nocendum; & fœneratores, aleatores, fures, si ex primario suæ mentis consilio lucrari velint, non iniuriam facere, avari potius discendi sunt, quàm iniusti. At mediocritas, quantum tenere liberalitas debet, statuitur à iustitia. id verò negatur. iustitia quippe statuit mediocritatem in iis, quæ danda aut accipienda sunt ex debito legali, in quo medium attenditur rei. Sed in iis, quæ ex debito morali dari aut accipi debent, mediocritatem statuit liberalitas. non ergo auaritia opponitur iustitiæ, à qua mediocritatem sibi præscriptam non videt, sed à liberalitate, cuius vel non attingit vel transiit regulam, non dando, aut nimis accipiendo.

Dicebatur ultimo loco, auaritiā ex Aristotele non habere aliud, cui opponatur extremum, ac propterea non posse opponi liberalitati, cui contraria prodigētia est. Respondeo, auaritiā posse etiam opponi iustitiæ, ut diximus, vel quia ex primario sui consilio vult iniuriam, vel quia in eandem iniuriam contendit ex consilio secundo: ac propterea eatenus, quatenus opponitur iustitiæ, non habere vitium oppositum: quia sola iustitia est, quæ vitium vnum tantum habet; oppositum ex altera parte, nullum habet. quicquid enim opponitur iustitiæ, per defectum opponitur; quia non redditur quod reddi debet aut tantundem quantum dari debet. si enim reddatur plusquam debeatur, & quod redditur exuperantia careat, erit opus liberalitatis. sin autem exuperantiam habeat, erit prodigētia. Quare auaritia cum verè auaritia est, hoc est, quatenus opponitur liberalitati, habet extremum aliud contrarium, prodigētiā; non habet verò quatenus opponitur iustitiæ.

QVÆSTIO QVINTA.

An auaritia maius aliquod vitium sit, quàm prodigētia.

PLANE id dixit, & multis hîc conatus est Aristoteles ostendere: auaritiā vitium esse prodigatè deterius; & prodigos meliores, certè minus malos esse, quàm illiberales & auaros. Plurimæ tamen rationes & argumenta huic Aristotelis sententiæ opponi sic possunt.

Primum. Maius videtur esse vitium illud, quo quis in se peccat, quàm id, quo peccat in alios. sibi enim ipsi nocere aliquid est magis naturæ contrarium, quàm aliis nocere. sed prodigētiæ vitio peccamus in nosmet ipsos, opes, patrimonium, rem familiarem, hoc est, ea, quibus seruamus & retinemus vitam, corrumpentes & euertentes: per auaritiā autem, atque illiberalitatem peccamus in alios: quibus videlicet non largimur, & quorum non subleuamus egestatem. Immo ne in alios quidem videtur illiberalis peccare, ille præsertim, qui per illiberalitatem tantummodo peccat, non per adiunctam e-

tiam iniustitiā. Neque enim vlllo iure adigitur ad dandum aliis: ac propterea iure potest sibi retinere res suas, nec in quempiam peccat, si nemini eas impertiatur.

Secundum. Eo maius est vitium, quo maiori contrarium virtuti est. Sed Prudentia virtutum omnium maximum est: cui tamen haud opponitur auaritia, sed prodigētia. Vocat enim in hoc cap. Aristoteles prodigos qui sua dant omnia, insipientes, imprudentes, & idiotas. Igitur prodigētia, quæ maximè opponitur virtuti, est deterius auaritia, quæ minori contraria est.

Tertium. Prodigētiæ proprium est, dare quibus non oportet, auaritiæ atque illiberalitatis, non dare quibus oportet. Sed dare quibus non oportet peius est, quàm non dare quibus oportet. Primo quidem, quia subducere bonum morale, peius est quàm non dare bonum fortunæ. at prodigus dans quibus dare non oporteret, hoc est, prauis, atque improbis hominibus, eripit illis bonum morale, quorum videlicet improbitatem alit opibus & pecunia: Rectè enim Seneca in libris de benef. pecuniam, inquit, non dabo illi, quem consumpturum adulterio sciam. Auarus verò cum non dat quibus oporteret, subducit illis tantum bona fortunæ: ergo minus peccat auarus, quàm prodigus. Deinde: peius est illud, ex quo peiora mala sequuntur. sed ex eo, quod detur quibus non oportet, peiora sequuntur mala, quàm ex eo, quod non detur quibus oportet. Nam ex eo, quod pecunia detur improbis, sequitur, ut improbi ipsi peiores fiant, cum iniquitas illa scruissima sit, quæ habet arma, ut dicitur in primo Polit. At ex eo quod pecunia non detur bonis, non sequitur, ut boni fiant mali. ergo prodigētia vitium deterius est, quàm auaritia. Denique peius est, perdere bonum vtile, quàm seruare. quia seruato illo bono bene uti aliquando possumus, perduto autem non possumus amplius uti. Sed prodigus dans quibus dare non oporteret, perdit pecuniam suam haud sanè minus, quàm si in mare proiceret: auarus non dans quibus dare non oportet, custodit ac seruat.

Recolere memoria hîc oportebit quod Aristoteles in hoc cap. de duplici prodigorum genere tradit. Quemadmodum enim auarorum aliqui simpliciter avari sunt, & cum avari volunt esse, nullam alterius vitij sibi societatem adsciscunt, aliqui auaritia minimè contenti, non dubitant in iniustitiā quoque aliæve se vitia per improbam illam cupiditatem inducere, sic & prodigis ipsis nonnulli ita prodigi sunt, ut iniusti etiam, intemperantes, aliæve genere vitiorum improbi esse velint. Itaque sicut avari illi ex pluribus compositi vitij non modò non dant, sed accipiunt vndecumque: sic hi prodigi ex vitiorum communione conflati, non solum dant supràm modum, verùm etiam præter rationem accipiunt. Differunt tantum ab illis, quod non accipiant idèd, ut retineant & seruent, sed ut habeant quod amplius dissipent ac profundant. Avari enim cuiuslibet est proprium, capere

capere in eam gratiam, ut retineat & seruet, nec quicquam dare nisi per exiguum & longè maioris lucri & compendij studio; quod est propè non dare, sed accipere. Quare si dicas, accipere esse proprium prodigum, profundere esse proprium prodigum, ac propterea non posse utraque extrema quæ contraria inter se sunt, convenire, responderi debet, accipere ut retineas & custodias, nec cuiquam des, esse aliquid pugnant cum prodigum, sed accipere, ut profundas, non esse aliquid contrarium profusioni, ac propterea illa duo extrema contraria non esse. Cum igitur hæc ita se habeant, ac tam illiberalitas & avaritia, quàm profusio & prodigum duplex sit, altera simplex, altera ex vitis pluribus peccatisque composita, possunt inter se vario modo ac ratione comparari, eum id in dubium vocamus, utra sit altera deterior. Quæri enim primo potest, an simplex illiberalitas, & avaritia simplici profusione ac prodigum peior sit. deinde an composita avaritia sit composita prodigum deterior. Tertio demum, an prodigum composita peior sit, quàm simplex illiberalitas: aut contra, composita illiberalitas quàm prodigum simplex.

Prima Conclusio. Simples prodigi meliores sunt avaris simplicibus, & illis hi deteriores, adeoque rectè dici potest universim, prodigum esse meliorem, siue minus malam, quàm avaritiam, & peius esse non dare quibus oportet, quàm dare quibus dare non oporteret. Id videlicet demonstrant illæ ab Aristotele propositæ rationes in hoc cap. Quatum prima petitur ex eo, quod prodigum sanabilis sit, avaritia insanabilis, illa enim minuitur, hæc crescit ætate. hæc nobis insita quodammodo est, illa paratur. Secunda ex eo, quod prodigi profusionem suam referunt ad honorem, qui inter honesta bona numeratur, avari dirigunt omnia ad opes, atque pecuniam, quæ in bonis utilibus locum habent. Tertia ex eo, quod prodigum virtuti similior sit, atque propinquior, quàm avaritia. dat enim: dare autem proprium est liberalitatis. Quarta ex eo, quod prodigum multis prodest, avaritia nemini. Quinta demum ex eo, quod prodigum viam faciat ad minus vitium, hoc est, ad intemperantiam, avaritia autem ad minus, hoc est, ad iniustitiam ducat.

Secunda Conclusio. Prodigum compositi facile possunt esse peiores, quàm simplices illiberales. Prodigum enim compositi referunt donationes suas ad intemperantiam, atque ad alia vitia graviora, & quia dant scelestis hominibus; lenonibus, meretricibus, assentatoribus, sicariis, iniustitiam, crudelitatem, omne genus improbitatis fouent. Simples autem avari, atque illiberales, quia nullum præterea vitium in avaritiæ societatem accersunt, istorum improbitatem æquare non possunt, nisi fortasse prodigi compositi tam leue vitium adiungerent prodigum suæ, ut peiores avaris simpli-

cibus iudicari non deberent. quod fieri vix potest.

Primum argumentum ex iis, quæ proposita sunt initio, vincit tantummodo, prodigum magis nocere sibi, quàm avarum, si bona fortunæ spectentur, & fortasse etiam corporis. quia dilapidat res suas, quibus euerfis & dissipatis, non habet amplius quo vitam toleret. sed si spectentur, animi bona, illiberalis & avarus multo sibi plus nocet, quàm prodigum. Prodigum enim, quia per profusionem contendit ad nominis famam, ad benevolentiam popularem, & gloriam, propositum habet honorem saltem apparentem & ementitum, qui inter honesta bona numerari debet. Quantum enim in prodigo est, vult honorem, sed decipitur, eligens ea præsidia, quæ veri honoris conscientia non sunt. Itaque iacturam illam eorum bonorum, quæ fortunæ sunt, compensat eius honestate boni, quod ceteris anteposit. Avarus autem, quoniam hæret in bonis fortunæ, ac totus in illis est, neque gradum ex iis facit ullum ad honestatem, multo maiore se ipsum afficit damno, multoque sibi nocet magis, quàm prodigum. nam per exuperantiam illam cupiditatis amorisque erga pecuniam & res fluxas animum turpificat suum; atque ita ab omnibus animi bonis est alienus, ut nullam attingat partem honestatis.

Secundum regeri potest in auctorem & ostendi, illiberalitatem, atque avaritiam multo magis contra prudentiam peccare, eique magis opponi, quàm prodigum. Non enim solus prodigum est imprudens, sed quilibet vitiosus. ideo enim dicitur in tertio omnis improbus ignorans esse. Potest, inquam, demonstrari, magis aberrare à prudentia illiberalem, quàm prodigum. quia prodigum peccat solum contra prudentiam per inconsiderantiam, non per magnam aliquam animi prauitatem. Neque enim prodigi animus est magnopere deprauatus; cum habeat quendam quasi prauitatem ad honestum, ut diximus. Sed illiberalis & avarus, volens, sciens, ac prudens per electionem peccat, antefereus utilitatem honesto; & per appetitum maxime corruptum rationem ipsam in errorem adducens. Qui verò sic peccat, gravius & deterius contra prudentiam peccat. Cur autem, inquires, prodigos nominatim appellat imprudentes atque insipientes non avaros? Quia id quod in prodigo deterius esse videtur & conspectius, est inconsiderantia: adeoque ab eo, quod in illo manifestius & peius est, voluit hominem aberrantem à recto denominari. in avaro autem id quod iudicari deterius debet, non est inconsiderantia, sed deprauatio mentis & appetitus, ac propterea non satis est, eum nominare imprudentem & stultum, sed necesse est dicere prauum. Denique quamquam avarus est imprudentior, stultior, insipientior, si spectetur ipse per se, prodigum tamen imprudentior & attentior appellari debet, si vulgi velimus intueri opinionem as-

sensum. Nemo enim est qui prodigum non appellet stultum. sunt autem multi, qui avaros ab hoc nomine vindicent, & nominare non dubitent sapientes.

Tertium, multas continet rationes, contententes, peius esse dare quibus non oportet, quàm iisdem non dare. Sed earum nulla vincit aliquid. Non prima. Quia cùm dicitur: eripere alicui bonum morale peius esse, quàm eidem subducere bonum fortuna, quod caducum & fluxum est, verè quidem dicitur; sed assumitur falsò, cùm additur, eum, qui dat quibus dare non oporteret, eripere iis bonum morale; nisi fortasse intelligatur, id fieri per accidens. Non enim prodigus qui tantum prodigus est, eo consilio dat, ut qui donum accipit, eo ad sui, aliorumque perniciem abutatur. si enim id vellet & sequeretur cùm dat, non esset simpliciter prodigus, sed grauioribus compositus & conflatus ex vitiis, ac propterea avaro simplici peior. Id igitur agit & vult prodigus, cùm dat, ut honorem inde consequatur, ac propterea honestatis aliquam inuictur & expetit speciem, non aliquam vitij turpitudinem, quam in eo velit esse, cui benignè facit, adeoque non eripit ipse bonum morale, sed sibi erit per improbitatem suam qui donum accipit. Ille verò qui non dat quibus oportet, subducit iis bonum fortunæ; & sibi ipsi bonum eripit honestum ac morale multo magis, quàm prodigus, ut supra demonstrauimus. auarus enim simplex, est prodigo deterior. Hæc responsio secundam quoque rationem euertit, qua contendebatur, grauiora mala sequi ex eo, quòd detur quibus non oportet. adulteria enim & cædes, aliæque huiusmodi flagitia sequi fortasse possunt ex prodigi donatione, sed in hæc eius consilium non fertur. Quòd si velimus verè dicere quid ex utroque per se sequatur, dicere necesse est, ex eo, quòd auarus non det quibus oportet, maiorem apparere animi deprauationem: ex eo, quòd prodigus det quibus non oportet, sequi minorem. Id enim consequens est per se. mala autem aliorum sequuntur per accidens. Tertia denique ratio, quæ vellet, peius esse dissipare rem, quàm retinere & seruare, ideo nihil efficit, quia melius est, certè non ita malum, si bonum morale spectetur, totam perdere pecuniam, & rem familiarem, quàm affici erga eam supra modum, eamque sic impotenter amare, quemadmodum amat auarus. Id enim deterius est, quia rationi magis aduersatur, quàm dare plus nimio, & iis dare quibus non oportet.

QVÆSTIO SEXTA.

An feneratorum inter auaros illiberalesque numerandi sint.

FOEVS: lucrum est ex mutuata partum pecunia, sic nominatum ut docet ex Varr. Gell. à fœtu: quòd pecunia pecu-

niam pariat. Itaque apud Græcos *νῆμα* tam partum significat, quàm fœnus: & *νυζέω* parere est, & fœnerari. Latine fœnus dicitur etiam vsura, quia lucrum illud & pecuniam quæ propriè fœnus est, creditori reddit debitor supra sortem ob vsum nummorum, quos ab eo mutuos accepit. De his ergo creditoribus præter sortem & pecuniam creditam accipientibus vsuras, quaerimus, an avari dicendi, atque illiberales sint, ut docet hic Aristoteles. Videntur enim avari non esse; cùm permulti mercatores, alique fœnori dent pecuniam suam, quos tamen honestos & Reipublicæ peritiles existimamus. Nam ab iis ipsi quoque Reges & Ciuitates fœnori pecuniam accipiunt. Locus hic operam polcit, & quaestio multis inuoluta capitibus est: adeoque repetenda quædam altius sunt.

Primo igitur animaduertendum erit, rerum genera, quæ possidentur à nobis, esse duo: quarum alteræ sic sunt, ut earum vsus donari possit, ipsa tamen retenta possessione rei. traditur enim in aliorum potestatem rei vsus, sed in eos possessio dominatilisque non transcribitur rei. id quod cerni fierique tantummodo potest in rebus, quæ vsu ipso non consumuntur. Cuiusmodi sunt fundi, prædia, domus, pecora, serui. Alteræ ita se habent, ut earum vsus permitti non possit aliis, quin iisdem ipsa quoque ditio possessioque rei permittatur. qualis est cibus ac potus, aliæque huiusmodi, quæ vsu consumuntur ipso, nec vtilitatem habent vllam nisi consumantur & impendantur. Talia dicuntur vniuersim esse quæ constant numero, pondere, & mensura. Ex hoc posteriori genere pecunia est, cuius vsus in consumptione consistit. neque enim potest vllomodo prodesse pecunia, nisi consumatur, & dispergatur. Quo fit, ut non possit aliis concedi pecuniae vsus, quin etiam vera possessio tradatur & dominatus eiusdem: ac propterea qui suam alteri pecuniam concessit ad vsum, si aliquid supra sortem repeteret vel acciperet, acciperet alienum. Cùm enim dominatus & vera eius pecuniae possessio transcripta iam in alterum sit, transcriptus etiam & translatus est vsus. vsus ergo alterius est. ex alieno igitur quaestum faceret, qui quaestum facere vellet ob illum vsum. Contra verò fit iis in rebus, quæ vsu non consumuntur. Nam quia substantia rei non datur, & tradito vsu, retinetur ipsius possessio rei, potest vsus ille, quoniam pretio æstimabilis est, vendi, ac pro eo aliquid accipi supra pretium rei. tunc tamen ea res non dicitur mutuo data, sed locata potius, aliòve modo aliis permittita & tradita. Sunt enim conuentionum quibus vititur humana societas vniuersim genera sex. venditio, emptio, permutatio, locatio, commodatum, mutuum. Sed ex his vnum tantum est mutuum, in quo si quid repetitur vltra sortem, id fœnus & vsura dicitur. quod enim commodatur reddi debet idem planè numero, nec consumitur vsu, ac propterea repeti aliquid ex commodato potest, tanquam

ex re locata, tunc enim commodatum, quod gratis dari debet, locati vicem obtinet, & transit in rationem locati. sed quod mutuo datur, redditur tantum idem specie, quia consumitur usu. Itaque necesse est esse mutuum ubi fœnus est proprium & usura. mutuum autem non est nisi iis in rebus, quæ pondere constant, numero, & mensura, quæque usu consumuntur. Et quoniam inter hæc principem obtinet locum pecunia, ferme usura & fœnus ibi est, ubi mutuatio pecuniae est. Denique fœnus & usura opponitur mutuo, quia verum fœnus ex mutuo sumitur. Apud Plaut. Amator ille in Afin. Nam si mutuo non potero, inquit, sumam fœnore.

Animaduertendum ergo secundo loco est, fœnus hoc, & usuram damnari iure diuino, humano naturali. damnari iure diuino docent Theologi ac doctissimi Patres ex augustissimis sacrae doctrinae monumentis, damnari humano & civili, docent ex antiquis legibus & institutis populorum omnium Iurisperiti atque historici passim. Romani enim ut ordiamur à sapientioribus, fœneratores non modò pro furibus habuerunt, sed grauiori etiam poena voluere multatos. Maiores nostri, inquit Cato, sic habuerunt, & ita in legibus posuerunt, furem dupli condemnari, fœneratorem quadrupli. Germanis ignotum fuisse fœnus tradit Tacit. in libris de morib. German. Lycurgus, qui Spartanis leges condidit, à tota provincia fœnus exterminauit, ut docet Plutarchus in Agide. Quin Agis ipse Lacedæmonum Rex, quod est apud eundem Plutarch. ita fœnus odio habuit, ut omnium fœneratorum tabulæ in forum afferri iusserit, & flamma comburi, quo incendio nullum clarius se vidisse lumen testatus est Agesilaus. Damnari denique iure naturali fœnus, & iniquum sic esse, ut tamen legibus non vetaretur, iniquitatem tamen obtineret suam, & iustitiae contrarium esset, demonstrari multiplici ratione potest, ab ea transcriptione dominatus petita, quæ cernitur & est in illa conuentione civili, quæ propriè mutuum dicitur. Cum enim in mutuo & res & usus simul in alienam potestatem tradatur, sequitur oportere mutuum gratuitum esse, nec posse aliquid supra sortem repeti sine iniustitia, quia repetitur alienum. Itaque ratiocinari sic licet. Primum. Iniquum est petere duplicem eiusdem rei compensationem; cum hoc sit plus accipere velle, quàm datum sit, ac propterea iniustitiæ prorsus aduersetur, quæ compensationem postulat æqualem. Id verò fœnerator agit, cum pro usu pecuniæ aliquid repetit supra sortem, hoc est, supra æqualem illam pecuniæ summam, quam mutuo dedit; id, inquam agit, ut duplicem obtineat eiusdem compensationem rei. Nam præter æqualem illam summam reposcit aliquid pro pecuniæ usu; adeoque his idem commutat. Deinde quia me iustum dicet, si repetam à te aliquid pro eo, quod non est amplius

meum, sed planè tuum? At usus pecuniæ quam tibi mutuo dedi, non est amplius meus, sed omnino tuus. Tertio. Quid iniquius sit, quàm reposcere ab aliquo fructum eius rei, quæ sit per se sterilis atque infrugifera? Quis eo iniustior, qui fœtum & partum quærat ex ferro, ex ære, lapide, & iis, quæ vim pariendi non habent? At pecunia quæ mutuo datur, sterilis est & infœcunda, nec vllum ipsa per se fructum parit. Quicquid enim afferre quæstus & lucri potest, ab hominis industria pendet & opera. Ergo repetere quæstum ex mutuo data pecunia, est repetere fructum quem ipsa per se pecunia non parit, sed eius industria fecit, cui data mutuo est. Id verò est alienum repetere. Quarto. Quod naturalem usum rei peruertit, ipsum violat naturæ ius. At fœnore usum naturalem pecuniæ peruerit ac mutari ex ipsa inuentione pecuniæ discere possumus. Fuisse quippe numum inuentum commutationis causa quatuor, ut alibi quoque diximus, probat Aristoteles rationibus in Polit. 1. cap. 6. quarum primam sumit à longinquitate locorum, ubi res sunt commutandæ. In Arabia videlicet aromata sunt, quibus indigent Europæi. sed haud facillè licet in Arabiam res comportare, quæ cum aromatis commutentur, cuiusmodi sunt ferrum, lana, &c. Necesse adeo fuit, aliquam rem inueniri parua constantem mole, quæ aromatis illis æquipolleret, & facillè eo conuehi posset. Secundam petit à differentia temporum. Habeo nimirum hoc anno vini plurimum. Non possum in proximum annum reservare, quia periculum subest, ne corrumpatur. at anno proximo egebo vino, quo hoc abundo: nec ij, qui vinum habebunt, à me sument oleum aut alias fruges. ego certè res alias non habeo, quibus cum vinum commutem: est mihi necesse aliquid quætere omnibus æquipollens rebus, quo vinum etiam anno proximo parem. id verò pecunia est ex abundante iam vino redacta. Tertiam petit à multitudine rerum commutandarum. Equum habes. at cibo cares & veste. si equum pro cibo des, adhuc vestimentum desideras: necesse fuit ergo nummos statuere, quibuscum & cibum & vestem mutes. Quartam ducit ab hominum indigentia. Pauper opus facit, ut res necessarias ad victum sibi suisque comparet. Tu verò cui laborat, cibum non habes. aliquid ergo habere te oportuit; quo tradito, pauper facillè sibi, suisque victum quærat. Id verò pecunia & nummus est. Cum ergo commutandarum rerum causa pecunia sit inuenta, & constituta in Republica; quasi earum mensura; contra naturæ ius agunt fœneratores, qui hunc peruertunt usum pecuniæ naturalem; efficiunt, ut pecunia ipsa non rerum mutandarum, sed eiusdem pecuniæ mensura sit.

Animaduertendum tamen est tertio, Civitates, & legislatores ipsos qui sic detestati sunt fœnus, sciuisse aliquando, fœneratores

quæstum ex mutuata pecunia facere, nec
 viuras affectisse pœnis, sed tantummodo cer-
 tis quibusdam limitibus circumscripsisse: ex-
 tra quos si egrederentur, subirent multam,
 intra quos si se continerent, nullam pœnam
 perferrent. Fecerunt hoc propterea, quòd
 locupletes gratuitò nollent pecuniam egen-
 tibus mutuam dare, adeoque, ne fame in-
 terirent inopes, aut ad extremam egestatem
 redigerentur tenuiores, vincenda permissio-
 ne fœnoris diuitum avaritia fuit. Prima cau-
 tio tamen ei præscripta est, & exceptio: ne
 ob fœnus adiudicari creditori, vel addici de-
 bitorum corpora possent, nève suprâ debito-
 ris facultatem scire creditori liceret. quæ
 lex Atheniensibus data primùm à Solone, di-
 ctâque Sisachthia est: deinde à Seruio Tullo
 Romanorum Rege probata his verbis, quæ
 apud Dionys. Halicar. sunt, lib. 4. Si qui in
 posterum à fœneratoribus mutuum accepe-
 rint, eos ob æs in neruum duci non sinam:
 cauebòque lege, ne fœneratoribus ius sit in
 libera corpora, sed contenti debitorum fa-
 cultatibus sint. Deinde sancita iterum ea-
 dem lex à Romanis est ob crudelitatem, au-
 ritiam, & libidinem creditorum. Huius en-
 im instaurandæ legis has profert Livius
 idoneas causas oppidòque probabiles. Eodem
 anno, inquit, in lib. 8. decad. 1. plebi Roma-
 næ velut aliud initium libertatis factum est,
 quòd necti desierit. Mutatum autem ius ob
 vnus fœneratoris simul libidinem, simul cru-
 delitatem insignem. L. Papyrius is fuit. Cui
 cum se C. Publius ob æs alienum paternum
 nexum dedisset; quæcetas formæque mileri-
 cordiam elicere poterat, ad libidinem, &
 contumeliam animum accenderunt, & flo-
 rem ætatis eius fructum aduentitium crediti
 ratus, primo perlicere adolescentem sermo-
 ne incesto est conatus. deinde, postquam
 aspernabantur flagitium aures, minis terri-
 tare, atque identidem admonere fortunæ:
 postremo, cum ingenuitatis magis, quàm
 præsentis conditionis memorem videret, nu-
 dari iubet, verberâque afferri. Quibus lace-
 ratu iuuenis cum se in publicum proripuis-
 set, libidinem, crudelitatemque conquerens
 fœneratoris, ingens vis hominum cum æta-
 tis commiseratione, atque indignitate iniu-
 rix accensa, tum suæ conditionis liberum-
 que tuorum respectu in forum atque inde
 agmine facto ad curiam concurrir. & cum
 Consules, tumultu repentino coacti, Sena-
 tum vocarent; introeuntibus in Curiam pa-
 tribus, laceratum iuuenis tergum procum-
 bentes ad singulorum pedes ostentabant. Vi-
 ctum eo die ob impotentem iniuriam vnus
 ingens vinculum fidei: iussique Consules fer-
 re ad populum. ne quis, nisi qui nexum me-
 ruisse, donec pœnam lueret, in compedibus,
 aut in neruo teneretur. pecuniæ creditæ bo-
 na debitoris non corpus obnoxium esset. Ita
 nexu soluci, cautumque in posterum, ne ne-
 derentur. Similis est apud Valerium in lib.
 6. cap. 1. eiusdem legis reponendæ causa.
 Titus Veturus, inquit, cum propter dome-
 sticam ruinam, & graue æs alienum Cælio

Plotio nexum se dare adolescentulus admo-
 dum coactus fuisset, seruilibus ab eo verberis-
 bus, quia stuprum pati noluerat, affectus,
 querelam ad Consules detulit. à quibus de
 hac re certior factus Senatus, Plotium in
 carcerem duci iussit, &c. Hæc, inquam,
 prima fuit permissi fœnoris cautio, ne in ser-
 uitutem, in nexum ac neruum traderetur
 corpus. Aliæ posuerunt ipsi fœnori modum,
 ne pro creditorum cupiditate liceret exigere
 quilibet viuras, sed præscripta tantummo-
 do legibus illis, quæ fœnebres appellatz
 sunt. earum prima videtur fuisse Licinia. Ne
 supra centesimam iure fœnoris quicquam
 pecuniæ solueretur. quæ vsura fuit omnium
 maxima ex iis, quæ permixtæ sunt legibus.
 æquabat enim sortem non intra centum an-
 nos, vt falso putarunt aliqui, sed intra cen-
 tum menses, hoc est, octauo ferè post an-
 no; vt docet Budæus, Tolosanus, alique
 scriptores intelligentes & eruditi. Itaque
 centesimum fœnus repetebat singulis men-
 sum Calendis ex centum nummis vnum, ex
 mille centum, ex decem millibus mille.
 adeoque Calendæ debitoribus molestæ di-
 cuntur ab Horatio. Secunda lex fuit Duillia
 Nænia: ne fœnus vnciario maius exercere-
 tur. quæ lex fuerat antè lata à Decemviris
 in xii. Tab. vt est apud Tacit. in lib. 5. Ita-
 que instauratio veteris fuit. Lenis hæc erat v-
 sura. quippe quæ non nisi longissima hominis
 exacta vita, hoc est, centesimo quoque anno
 sortem æquaret. fuit adeo superiori contra-
 ria, iubebatque Calendis singulis pendi ex
 centum non quidem vnum, vt illa, sed de-
 cimam partem vnus. Tertia lex fuit que-
 dam huius Duillie abrogatio atque corre-
 ctio. quippe quæ vnciarium fœnus ad se-
 miunciarium reuocaret, volueritque non nisi
 anno ducentesimo sortem æquari, cum sin-
 gulis mensibus penderetur vigesima pars v-
 nius nummi ex centum creditis. Lata fuit
 hæc lex à Tribuniis bis, vt scribit Liv. in lib.
 7. & Tacit. in 6. Aliæ permixtæ fuere leges,
 quæ taxatione ad certum modum redege-
 runt viuras fœneratorum, de quibus non
 est operæ pretium differere pluribus: cum id
 tantum velimus ex his intelligi; viuras, quæ
 naturali vetantur iure, fuisse interdum exer-
 citas ex concessione legum, modò lineam
 finisque præscriptos non egrederentur. Ita-
 que

Animaduertendum est quarto, non pro-
 pterea viuras illas iniustitia vacasse, quia le-
 gibus nec puniebantur, & mittebantur.
 Sunt enim alia quoque mala, quæ Respubli-
 ca non quidem adprobat, sed puniendi non
 censet, vt grauiora quædam mala declinen-
 tur & longius arceantur. Sed tamen à doctis
 viris inuenta ratio est liberandi fœnoris om-
 ni prorsus iniquitate, vt tum privati ciues,
 tum ciuitas, magistratus & Principes cum
 egent pecunia, præsidium paratum habeant;
 & qui pecuniam obtinent iusto inuitentur
 quæstu ad dandum iis, qui pecuniam postu-
 lant. Præcipiunt adeo videndum esse, num
 qui mihi pecuniam mutuo dat, aliquid de-

erimenti patiatur interea, vel certè quæstum non faciat aliquem, quem esset alioqui facturus, dum ego illius pecunia vtor. si enim detrimentum patitur, aut quæstum non facit, dicunt eum iure à me compensationem repetere posse; cum eam non ex mutuo reposcat, & ex vsu pecuniarum, quem mihi prorsus concessit, tradiditque totum in potestatem meam, sed propter acceptum interritum, quæstumque deperditum, qui pecunia pretioq; facile potest æstimari. Multa sunt præterea nunc inter aliquos conuenta iniquitate carentia, in quibus tradita pecunia, exigitur & quæritur auctarium. sed non ex mutuo. Cuiusmodi est ea conventio, quæ vulgò dicitur Census. Quamquam enim datur pecunia, & ex ea paratur quæstus, paratur tamen haud ex mutuo, sed ex emptione fructus alicuius fundi frugiferi: cum is qui pecuniam accipit, profiteatur vendere se partem fructus alicuius certifundi. eamque partem quia pretio certò potest æstimari, velle se singulis annis emptori tradere, non quidem re ipsa exhibenda, sed tanta numeranda pecunia, quanta valet illa fructuum pars, quoad fors ipsa restitnatur.

Vt igitur omnia planissima sint, & videre possimus qui nam ex his inter avaros censeri debeant, qui ab eorum numero depelli, fœneratores appellabimus omnes qui quæstum tradita pecunia quocumque modo faciunt. sed quia duobus possumus distinguere nominibus utrumque quæstum, hoc est, eum, qui caret iniquitate coniunctus est, & hunc qui caret iniustitia, illum appellare libet vsuram, quoniam hæc vox vulgò in malam accipitur partem, alterum hunc, dicere iustum fœnus. Est quippe verè iustum nisi vel taxationem egrediatur publicam, vel si taxatio publica non sit, iudicium prudentium & rectæ regulæ rationis non excedat. Sit ergo

Prima Conclusio: Quæstum, qui capitur ex mutuo, & eo nomine, quod mutuo data pecunia sit, numquam carere iniustitia posse, quantumvis legislatores, legesque conueniant, quod demonstratum est suprâ.

Secunda Quæstum, qui non ex mutuo fit, sed petitur aliunde, capiturque vel ad compensandum detrimentum acceptum, vel ad repræsentandum quicquid lucri factum non est, vel ad commutandam aliquam fructus partem iam emptam, quæstum, inquam, hunc & auctarium omni vacare iniustitia. id quod etiam est demonstratum.

Tertia. Fœneratores non ij modò, qui pro libidine sua lucrum ex mutuo quatenus mutuum est, & nullis circumscriptum limitibus faciunt, verùm etiam ij, qui continent se intra fines lege præscriptos, sed tamen lucrantur ex mutuo, quatenus mutuum est, avaros esse, & quidem ex illorum genere, quos alibi suprâ compositos appellauimus: sunt enim avari, quia turpem faciunt quæstum: & sunt iniusti, quia addunt avaritiæ etiam iniquitatem, accipientes alienum: ideòque sunt fures, & inter fures numerantur ab Aristotele.

Quarta Fœneratores qui tradenda pecunia repetunt auctarium propter incommoda, quæ patiuntur, aut propter quæstum, quem essent alioqui facturi, aut propter eam frugum partem, quam emere se profitentur, avaros quidem compositos non esse, sed tamen esse simplices, & eos, quos aliqui solùm appellant illiberales. Quamquam enim nemini nocent, quæstum tamen pecuniæ re ipsa faciunt, non ex naturalibus diuitiis, hoc est, ex agris, & pecore petunt, sed ex nummo, qui natura sua infœcundus est, & pecuniam parere non potest. Itaque cupiditatem illam lucrandi nimiam præse ferunt, quæ non possit illiberalitate carere. Rectè quippe Aristoteles in Polit. i. cap. 6 & 7 Oeconomum & patrem familias arte illa quæstuarium contentum vult, quæ pecuniam regendæ, alendæque idoneam domui parat ex naturalibus diuitiis: ab ea verò abstinere præcipit, quæ pecuniam ex pecunia quærit, quia cum illa satis sit, hæc vacare avaritia, certè illiberalitate non potest. Illiberalitas enim communior est, patetque latius quàm avaritia; ac propterea iis etiam tribuitur interdum actionibus, quæ non quidem inhonestæ, aut reprehendendæ sunt, sed non tam honestæ quàm aliarum cuiusmodi est fœneratio minimè vitata, nec inconcessa: quæ si cum agricultura comparatur, & cum ratione modòque augendarum diuitiarum naturali ex frugibus agrorum & pecore, non tam honesta videtur esse quàm hæc. Cadere quippe in hos quoque fœneratores aliquo modo potest quod dixit in præm. dere rest. Cato. Est interdum præstare mercaturis rem quærere, ni tam periculosum fiet, & item fœnerari, si tam honestum fiet. Itaque illiberalitatis vocabulo communi, quod etiam actionibus interdum non inhonestis imponitur, ex inopia propriorum, liberius abutimur, cum hanc non inhonestam nec reprehendam fœnerationem explicamus.

Obiici contra possunt aliquæ rationes, quæ demonstrare videntur vsuram, hoc est, quæstum ex mutuo partum non esse iure naturæ veritum, sed tantùm humano: ac propterea fieri posse, vt iniquitate atque iniustitia careat. Id verò si ita esset, fœneratores non essent avari compositi, cum vsuram ex mutuo, quatenus mutuum est, repetunt intra modum legibus & iure præscriptum, de quo suprâ diximus.

Prima itaque ratio est huiusmodi: Conuentio vtrique parti voluntaria, vtrique commoda, nulli mortalium noxia, non potest esse per se mala. si enim per se mala esset, enumerata fuisset ab Aristotele in lib. 3. inter conuentiones iniquas, inter quas non recensuit nisi noxias, aut vni saltem parti non voluntarias. At fœnus & vsura potest vtrique parti voluntaria esse, vtrique commoda, vtrique innocens. Vt cum mercator permultum oppidò lucraturus, pecuniam accipit à fœneratore sine cuiusquam hominis detrimento. Respondetur: eam conuentionem non esse simpliciter, absolutèque voluntariam alteri parti, sed secundùm quid, ac propterea con-

uentum illud & pactum eiusmodi, esse voluntarium cum inuoluntario mistum. Is enim cui pecunia sc̄nori datur, vellet gratis accipere, ac planè mutuum, sed necessitate adigitur ad sc̄nus : adeoque non omninò volens ac spontè pecuniam accipit, & sc̄nus pollicetur. Adhæc, illa conuentio est alteri parti noxia, hoc est, accipienti ; cùm cogatur reddere longè plus, quàm debeat, immò verò quod omninò non debet. Quare conuentio hæc recenseri debet inter eas iniustas, quæ sunt ab Aristotele numeratæ ; cùm & quadamtenus inuoluntaria sit, & prorsus noxia.

Secunda. Leges, vt dicitur in lib. 5. quoniam à sapientibus conditæ secundum rectam rationem sunt, vetando & iubendo præceptiones dant, quæ complectuntur vitia omnia fugienda, & virtutes persequendas vniuersas. Ergo non potest esse per se malum quod lege ciuili permittitur. At permittitur, vt diximus, vñura & sc̄nus. Respondetur ; legum ciuiliū de vitiis virtutibusque præceptum esse duplex. vñum quidem propriè dictum, quod iubendo vetandòve solet exprimi : alterum improprium & quod communi quadam vsurpatione vocabuli præceptum appelletur : sic prorsus, vt ipsa etiam hortatio & dehortatio dicatur interdum imperium & præceptum. Quibus positis, dico, si leges imperant priore illo præcipiendi modo, iis contrarium nunquam sanè permitti : sed si posteriore iubent ratione, iis contrarium permitti sapissimè : quia interdum propter maiora, quæ imminēt mala, conuiendum in minoribus leges putant. Itaque dandum est, leges sapienter conditas complecti debere vitia omnia fugienda : sed hoc partim præstant, imperantes illo præcepto proprio, partim admonentes & dehortantes, improprio. Ad hoc autem præcepti genus reuocari debet vsuræ vetatio, cuius contrarium interdum leges permittunt.

Qua responsione profligari quæstio quædam Politica potest, quæ alioqui caderet in hunc locum. Num in ciuitate ac Politica re-ctè constituta permitti & retineri fas sit vsuram & sc̄neratores. Responderi enim debet, permitti & retineri iure posse, ad grauiora mala propulsanda, quæ alioquin in ipsa ciuitate liberè grassarentur. In permissione enim vsuræ, vt monet Burid. in lib. 1. Pol. quæst. 13. tria fermè mala cernuntur & sunt : sc̄nerantis improbitas ; eius depauperatio qui sc̄nus pollicetur, & pendit : inæqualitas diuitiarum in ciuitate, hoc est, nimia aliquorum ex altera parte diuitiarum, ex altera paupertas aliquorum nimia. Sed nisi interdum, hoc est, cùm id tempus & res postulat, permittatur vsura, sequentur alia mala deteriora ; furta, dissensiones, rapinæ, cædes, aliæve huiusmodi incommoda, Reipublicæ priuatique maximè pernicioſa. Cùm enim ij, qui difficultate rei nummarie laborant, non habent vñde pecuniam sumant, ad furta se rapinæque conuertunt : & quia rapinæ fieri sæpè sine cæde non possunt, etiam sanguine se maculant ciuium.

Aliæ rationes id tantum probant quod di-

ximus suprâ : iure naturali veniam dari, vt aliquid quæstus accipiat ex tradita pecunia, non tamen propter mutuum, quod gratuitum esse debet, sed propter detrimentum aliquod, incommodumque tradentis, aut propter lucrum compendiumque, cuius ipse mutanda pecunia iacturam facit.

QVÆSTIO SEPTIMA.

An aleatores inter auaros numerandi sint?

QVid alea sit nosse primum oportet, antequam de aleatoribus disseramus. Aleæ nomine non ille tantum ludus qui pictis exercetur pagellis intelligendus est, sed quilibet alius, qui casu fortunæque potius, quàm ludentium arte gubernetur. Quo factum est, vt metaphoricè aleam iacere vel subire dicitur is, qui periculum adit, & se fortunæ permittit. Itaque ad hoc potissimum ludi genus pertinere debent tesserae, ac tali, hoc est, ollicula quadrilatera punctis nunc, sed apud antiquos cæcis distincta figuris, ac signis, quæ tamen numeros quoque significabant. Latus enim quo indicabatur vnitas, canis dicebatur, aut Canicula : in quam videlicet, si conuerteretur, talus, ponebatur ab eo qui talum iegerat, nummus ; quare damnosa nominatur à Persio. Eius oppositum latus Venus, siue Cocus iactus appellabatur, & numerum septenarium significabat. quem qui nactus iaciendo fuisset, septem lucrabatur nummos. Alia duo latera, Chius & Senio dicebantur : ternarium ille, hic quaternarium prænotant. Chius nummorum lucrum trium, Senio quatuor afferebat. adeoque Senio dexter iactus habebatur. Aliæ duæ sunt iactus differentia apud Plaut. similes his. quorum alter damnosus, dicebatur Vulturius, alter secundus & dexter, qui appellatus fuisse videtur Hercules. Talos, inquit, poscit sibi in manum : prouocat me in aleam. iacit Vulturios quatuor. talos arripio. Herculem iacto basilicum. Spissior est hic locus, & qui disputationem vellet ampliorem, diligentiorémque. Tesseras quippe distinguunt aliqui à Talis : distinguunt calculos, latrunculos siue latrones : & iactus faciunt longè plures, sed nobis hic abuti otio non licet, cùm satis sit hos ludos in casu fortunæque positos omnes, quod erat initio propositum, aleam dicere. Ad Alex. lib. 3. cap. 21. Is igitur propriè ludus est alea ; qui nullo prorsus artificio aut industria, sed casu fortunæque regatur. sed erit tamen operæ pretium etiam de ceteris ludis, qui arte regi possunt & industria quærere ; num ij, qui ludunt, auaritia notandi sint ?

Animaduertendum igitur est, ludum quemlibet, hoc est, tam cum qui prorsus fortunæ permittitur, quàm qui legitur etiam arte, institutum esse ad animi relaxationem quâdam honestam, ludòque propositum finem proprium ac verum esse relaxationem & remissionem animi. Quo fit, vt nisi vitium habeat aliquod ludus, virtutis cuiusdam actus sit,

quæ dicitur Eutrapelia ab Aristotele in hoc lib. 4. cap. 8. Pluribus autem potest corrumpi & viciari nominibus. Ac primo quidem à materia. ut si obscœna esset aut impia. obscœna fuit in Floralibus : impia, cum in his, cum in plerisque aliis. erant enim Ethnicorum ludi complures, quos qui celebrabant, sic ludebant, ut ludentes Deos ipsos venerarentur, quorum in gratiam honorémque fuerant instituti. Quo factum est ut in sacrarum literarum monumentis sæpè ludus nihil aliud sit quàm Deorum impius cultus. Nunquam cum ludentibus miscui me, inquit Tobias in 3. & Ieremias in 15. Non sedì cum ludentibus. Proscribunt, & damnant execrationibus ac diris antiqui Patres hos ludos, Cyprianus, Tertullianus, alique qui in spectacula sic inuehuntur, & sic Christianos accedentes increpant, quasi spectacula illa cultus quidam Deorum essent, & qui spectarent Christiani, impio se cultu cum ceteris contaminarent. Erat enim verè in spectaculis illis superstitionis impiæ professio, quia exhibebantur ad colendos Deos, atque ad impietatem omninò referebantur. Dici debet etiam ludi materia aliena & rectæ rationi contraria si sit periculosa. Cuiusmodi est aliquorum, qui strictis digladiantur mucronibus, aut equis inmissis utrinque, infestisque concurrunt hastis, aut alio modo in discrimen vitæ ludendo se dant. Secundo loco vitatur & corrumpitur honestas ludi ab iis rebus, quæ ludum comitari solent & circumstantiæ nominantur. Ut si is, qui honesto alioqui se recreat ludo, aliquid interea prætermittit, quod sine iniustitia, aut sine alicuius officij præteritione omitti non potest : aut si fraus adhibeatur inter ludum, & dolo. Aut si aliquis ad ludendum vi compellatur, aut importunis precibus trahatur inuitus. oportet enim ludum voluntarium esse. Tertio. Vitium habet ludus præcipuum ab alieno fine. Ut cum luditur non ad remittendum & relaxandum à laboribus & molestiis animum, sed nominatim electæque ad quæstum faciendum & petendum lucrum Est enim hoc abuti ludo, qui ad recreandum animum, ut diximus, inuentus est : adeoque natura sua referri præcipuè debet ad remittendum animum, nec ad quæstum referri potest nisi per accidens & ex obliquo Quarto denique vitatur ludus ex eo, quod aliquo iure ac lege Principum vetitus sit. Facit enim Principis imperium, ut ludus, qui alioqui honestus erat, illico vim omnem amittat honestatis, quia lege iusta vetatur. Quibus ita positis

Conclusio prima sit. cum eos, qui ludia in artificio positis & industria, tum illos qui vtuntur alea, hoc est, ludis omninò fortuitis ad animum præcipuè remittendum & relaxandum, sine dolo ac fraude, sine vi, sine turpitudine, alià vere, quæ ludum vitiet, inter avaros non esse numerandos. Non enim ex primario, præcipuèque consilio quæstum

spectant & lucrum, sed per accidens & ex obliquo. Quare accepimus, viros grauissimos alex ludo labores curasve leuasse, & eo nomine à sapientibus fuisse laudatos. Huiusmodi fuit Cato ille Uticensis, vir grauis, & philosophus, vt ostendit Plutarchus Scribit enim in eius Vita, conuenisse fortiri partes in cœnis : ac si non obtinisset, amicis ipsum prius recipere iubentibus respondere solitum fuisse, non benè se habere inuita Venere, hoc est, ex iactantorum infelici. Huiusmodi fuit etiam Augustus, quem alex facit impensè deditum Suet. in Vita cap. 71. Huiusmodi Domitianus ex eodem Suet. cap. 21. huiusmodi Claudius, qui lusorium quoque contempsit opus, & de ludendi arte librum emisit, ut idem tradit Suet. in Vita cap. 33. nisi tamen hi duo Imperatores plus nimio luserint.

Conclusio secunda. Qui ludo quolibet vtitur, siue in arte posito, siue in fortuna & casu, ea præcipuè gratia, eoque consilio, ut quæstum faciat, sed sine fraude, sine vi, ac dolo, sine aliis vitiantibus ludum circumstantiis, avarus est simplex. Quia ludo abutitur, finem illum peruertens, propter quem potissimum præcipuèque est institutus. quæstum itaque inde petit vnde petere non oporteret.

Conclusio tertia. Qui ludit eo præcipuè consilio, ut quæstum faciat etiam per fraudem ac dolum, etiam per contumaciam & contemptum legum, etiam cum aliis circumstantiis, quæ ludum corrumpunt, avarus est, & quidem compositus. addit enim auaritiæ ac lucrandi cupiditati etiam iniustitiam.

Dices tamen aduersum hæc : alex vsum vetari iure Ciuili in l. solent. ff. de alex vsu & aleat. In Auth. l. Aleatorum vsus & C. de Relig. & sumpt. fun. ergo nemini alex ludus, hoc est, ludus fortuitus esse potest honestus, adeoque nemo liberari poterit auaritiæ nota qui vtatur alex. Respondetur, his legibus non vetari ludum alex, qui reteratur ad animi remissionem, sed vetari tantum qui præcipuè, atque ex primario ludentis consilio reteratur ad quæstum. Sic enim leges interpretantur Iurisconsulti, earum veram germanamque sententiam accipientes ex l. Quod in conuiuiis. ff. de Alex vsu & aleat. Immo crediderim, leges illas exterminare velle nominatim eos, qui inter ludum fraude vtuntur, & dolo : cum circumueniant collusores artificio pessimo. hi enim videntur appellari communinome aleatores, atque himeritò ab Aristotele cum furibus & lacronibus coniunguntur. Quare Quæstio hîc etiam altera Politica profligari facillè potest à nonnullis tractata, num Aleatores ferendi sint in Ciuitate, si enim hos aleatores insidiosos intelligant, exterminandi sine dubio sunt : si autem aleatorum nomine lusores vniuersim accipiant, & ferendi & retinendi sunt : quia ludus est actus Eutrapeliæ.



CAPVT SECVNDVM.

DE MAGNIFICENTIA, VITIISQVE

Magnificentia contrariis.

S V M M A.

Quæ sit Magnificentia vis, qui fines, & extrema: quæ officia, & functiones.

DIVISIO CAPITIS IN PARTES QVINQVE.

1. Quæ materia Magnificentia sit: quæ illi opposita vitia.
2. Quæ ratione in sua versetur materia vir Magnificus, quæque proprietates Magnificentia sint.
3. Quo se pacto vir Magnificus gerat in prapuis sumptibus.
4. Quid sequatur in sumptibus minimè primis atque prapuis.
5. Extrema Magnificentia vitia quibus cernantur in rebus.

PARS PRIMA CAPITIS SECVNDI.

ΔΟξαι δὲ δι' αἰχλόνου ἐστὶ καὶ
 αὐτὴ μεγαλοπρεπείας διήκων. δο-
 καὶ γὰρ καὶ αὐτὴ αὐτὴ χρηματὰ ἵνα
 ὄρεται ἐστὶ. οὐχ ὡς περ δὲ ἡ ἡδοναί-
 ος ἀφαιρῶν αὐτὴ πάσας τὰς ἐν χρη-
 μασι παρὰ τὰς, ἀλλὰ αὐτὴ τὰς δα-
 πνηρὰς μόνον. ἐν ταῖς δὲ ὑπερ-
 τῆς ἡδοναίης μετρίῃ. κατὰ τὸ γὰρ
 τοῦτο αὐτὸ ὑποσημαίνει, ἐν μετρί-
 ῃ παρέπουσα δαπάνη ἐστὶ. ὅ δὲ μετρί-
 ος παρὰ τὴν οὐ γὰρ ὅ αὐτὸ δαπάνη-
 μα τετραπλάσιον, καὶ Ἀρχιτεκτονικόν. ὅ
 παρὰ τὸν δὲ παρὰ τὸν αὐτὸν καὶ ἐν τῷ, καὶ
 αὐτὸ δὲ ἐν μικροῖς ἢ ἐν μετείοις κατὰ
 αἰτίας δαπανῶν, οὐ λέγεται μεγαλο-
 πρεπής, οἷον ὅ, πολλάκις δοσὺν διή-
 κει. ἀλλ' ὅ ἐν μεγάλοις, ἐστὶ. ὁ μὲν
 γὰρ μεγαλοπρεπής, ἐλάττωτος. ὁ
 δὲ ἐλάττωτος, οὐκ ἐν μέλει μεγαλο-
 πρεπής. τῆς τοιαύτης δὲ ἔξεως, ἡ μὲν
 ἑλλείψις, μικροπρεπεία καλεῖται. ἡ
 δὲ ὑπερβολή, βασιλεία, καὶ ἀπειρο-
 καλία, καὶ ὅσα τοιαῦτα οὐχ ὑπερ-
 βάλλουσιν τὰς μετρίῃ αὐτὴ δὲ διῷ,
 ἀλλ' ἐν οἷς οὐ διῷ, καὶ ὡς οὐ διῷ,
 γαμψυκώματα. ὑπερὸν δὲ αὐτὴ αὐ-
 τὴν ἐργάζεται.

Videretur autem consequens esse, ut
 etiam de magnificentia differamus.
 Apparet enim, etiam ipsam in pecuniis
 quandam virtutem esse. Non tamen ut li-
 beralitas diffunditur in omnes pecuniarias
 actiones, sed in sumptuosas dumtaxat, in
 quibus superat liberalitatem magnitudine.
 Nam quemadmodum nomen ipsum subin-
 dicat, in magnitudine decorus sumptus est:
 at magnitudo ad aliquid refertur. Non e-
 nim idem sumptus Trierarcho conuenit et
 Architecero. Decorum igitur spectat ad
 ipsum, et ad id in quo, et ad ea, circa quæ.
 Qui verò in paruas res, vel in mediocres pro
 dignitate sumptum facit, non dicitur ma-
 gnificus; quale est illud, Sæpè ego donavi
 erroni, sed qui in res magnas talis est. Nam
 qui magnificus, liberalis est: at liberalis, non
 continuò magnificus. Huius autem habitus
 defectus quidem indecora parsimonia ap-
 pellatur, exuperantia verò, fabrilis que-
 dam in sumptu faciendo insolentia, et de-
 cori ignoratio, et quotquot tales sunt, non
 exuperantes magnitudine in quibus oportet,
 sed in quibus non oportet, et quemadmo-
 dum non oportet, splendorem ostensantes.
 Verum de his postea dicemus.

EXPLANATIO.



APUT hoc secundum, in quo de magnificentia, deque virtutis eidem oppositis virtuti differitur, quinque distingui partibus potest. In quarum, prima statuitur ipsius Magnificentiae, oppositorumque vitiorum materia propria. In secunda Magnificentiae, & magnifici viri proprietates explicantur. In tertia: docetur quo se pacto gerat vir verè Magnus in faciendis primariis sumptibus, hoc est, sacris ac publicis. In quarta decernitur eiusdem viri magnifici officium in faciendis sumptibus secundariis, hoc est, priuatis. In quinta: declarantur notæ quibus distingui & internosci vitia possint Magnificentiae contraria.

Primum igitur in hac parte, quam habemus in manibus, magnificentiae, oppositorumque vitiorum assignat materiam ipsa ordinis explicanda ratione. Postulare, inquit, videtur ordo, ut secundum liberalitatem de Magnificentia differamus, propter eam quam obtinent inter se ex eadem materia cognationem. Versatur enim & occupatur utraque *τῶν τε χρημάτων*, hoc est, in facultatibus & censu, in re familiari, ceterisque, quæ vno pecuniae nomine continentur, quorumque pretium metitur nummus, ut dictum est in cap. de Liberalitate. Discrepant tamen in eadem materia tractanda multis nominibus. sed potissimum ideo, quod liberalitas latissimè pateat, & in omnibus actionibus occupetur, quæ re familiari, pecunia & opibus utuntur: nulla est enim donatio, nulla acceptio, nullus sumptus, in quo versari liberalitas, aut eiusdem virtutis officium apparere non debeat. Magnificentia verò quotidianos, communes ac paruos contemnunt sumptus, solumque sibi seponit raros, inusitados, ac magnos. Itaque ut brevissimè faciamus, magnificentia eo potissimum discrepat à liberalitate, quod eam ipsa sumptus magnitudine superat: id quod nominis etymologia significare vult. Dicitur enim Græcè Magnificentia *μεγαλοπρέπεια*. quæ vox componitur *ἐκ τοῦ μεγάλου*, quod est magnum, & *ἐκ τοῦ πρέπου*, quod est decorum, & id quod decet. Quare nomen ipsum, inquit, Magnificentiae quæ *μεγαλοπρέπεια* dicitur, subindicat, proprios ei esse decoros, hoc est, splendidos, & magnos sumptus.

Veniet in mentem alicui dubitare, num hæc cum ea se mediocritate concilient, quæ cuiusque virtutis est propria. Magni enim sumptus videntur esse qui mediocritatis fines egrediuntur. Sed nulla est hic probabilis dubitandi causa; cum hi magni sumptus à mediocritate quidem liberalitatis fortasse discedant, sed non ab ea, quæ præscribitur Magnificentiae. Magni quippe dicuntur, non quod maiores sint, quàm ipsa postulet magnificentiae norma, sed quod magnitudine sua vincant eos, qui à liberalitate fiunt. Est enim in his etiam sumptibus magnis, in quibus ipsa se iactat magnificentia, parum, nimium, & mediocre: ac propterea cum magni ei permittuntur sumptus, permittuntur ij, qui inter magnos sumptus mediocres sunt. Quare Aristoteles rectè subiungit regulas aliquot, legesque, quarum beneficio & ductu ipsam in magnis quoque sumptibus mediocritatem inuenire possimus. Docet enim, magnitudinis vocabulum ex iis vnum esse, quæ cum comparatione referuntur ad alia: ac propterea, eum qui versatur in magnitudine, aut in re magna, intruere oportere quænam huic homini, quænam illi magnitudo conveniat, hoc est, quid huic, aut illi sit magnum; quid hoc tempore aut loco, quid alio tempore locoque magnum esse videatur. aliquid nimirum homini priuato permagnum est, quod Principibus, aut Magistratibus est paruum: & quædam incidunt tempora, quibus aliquid est magnum, quod alio tempore locove parum esset. Quotus quisque non intelligit, maiores esse faciendos sumptus difficillimo Reipublicæ tempore in Duce belli mittendo, quàm in oratore allegando tempore pacis, & in exadificandis Templis, quàm in horreis extruendis? Præclarum his explicandis rebus Aristoteles proponit exemplum duarum personarum obtinentium principatum. Prima est Trierarchi, hoc est, eius, qui Triremem regit, ac propterea Triremis Præfectus dici Latine potest, sed tamen à M. Tullio in Verrinis Græco nomine Trierarchus appellatur. altera est Præfecti cuiusdam qui dicebatur ab Atheniensibus *Ἀρχιεργισ*. cuius officium ut probe noscatur, altius id à Græcorum institutis & consuetudine repetendum est. Apud eos accepimus duo fuisse genera legatorum, quorum alterum dici profanum & vulgare potest, alterum sacrum. Vulgares & communes

legatos appellarunt *θεοῖς*; sacros dixere *θεοποι*. cuius vocabuli in hanc accepti sententiam mentio est apud Pollucem & Plutarch. in Demetrio. huiusmodi videlicet erant quos ad Olympicos, aliósque sacros ludos, aut ad oracula Iouis Olympici Apollinisque Delphici Pythiive consulenda, quósque in primis Delphos ad rem diuinam faciendam publicè mitterent: quia ipsum quoque nauigium permagnum, ornatissimum, instructissimúmque quo vehebantur eiusmodi legati dictum est *θεοπ*. in cuius gratiam legationis, quoniam erat celeberrima & religiosissima, multa, eaque incredibilia legatis ipsis, multa etiam aliis permittebantur. Toto enim illo tempore quo nauigabant, non licebat Atheniensibus quempiam, quantumuis grauibz obnoxium criminibus, extremo afficere supplicio. quæ causa fuit, cur Socrates iam damnatus, multos postea tamen dies vixerit superstes, vt Plato commemorat in Phædone. Huius ergo nauigij, horúmque legatorum Præfectus appellabatur *Ἀρχεθεοπ*, atque, vt probè animaduertit Victorius, apertè peccauit Argyropolis; qui *Ἀρχεθεοπ* Latine reddidit Præfectum spectaculorum. & quoniam Græcæ linguæ scientissimus erat, traxit in errorem etiam alios interpretes, qui corrigendi sunt.

Ex his duobus Principibus exemplum ducit Aristoteles rectæ probatæque Magnificentia, aut illius mediocritatis, quæ in ipsa quoque magnificentia retinetur. Ait quippe hanc mediocritatem esse variam, quia refertur ad homines varios atque multiplices. Neque enim iidem sumptus decent Trierarchum, hoc est, eum, qui Præfectus Triremis alicuius, aut celocis est, & Architheorum, hoc est, eum, qui præst illi nauigio permagno, publico, ornatissimóque, quo legati vehuntur sacri ad oracula, ad ludos Olympicos, aut ad rem diuinam faciendam in Delphis. sumptus videlicet, qui Trierarcho permagni sunt, verèque dici magnifici possunt, Architheoro sunt exigui, nec ipsam magnificentia metam attingunt. Est itaque harum circumstantiarum hæc summa, quæ magnos determinant & definiunt sumptus: vt primo quidem persona spectetur, quod trierarchi architheoríque exemplo declaratum est; deinde, vt consideretur locus; sumptus enim patitur magnos exædificatio villæ, sed non tamen eos, quos postulat domus urbana: tum, vt videatur tempus, & occasio, ne plus aliquid, aut minus impendatur, quam certa quædam efflagitant tempora; sunt quippe dies festi, sunt nuptiæ, sunt natales: vt ipsæ denique res perpendantur, in quas impenditur pecunia, & sumptus fiunt. Ridicula quippe Xerxis habita magnificentia est; qui cùm per Lydiam iter faceret, platani ramos est veneratus torquibus inditis aureis, & armillis, relictoque Curatore, qui custodiret. ridicula hæc, inquam, magnificentia fuit; quia in res omninò futiles sumptus fecit. Has adeo circumstantias complexus est Aristoteles verbis quibusdam perplexis, quæ illo à Trierarcho atque ab Architheoro desumpto iam exemplo subiunxit. *τὸ ἐπὶ τοῖς ἀνθρώποις, καὶ ἐν αὐτοῖς, καὶ ἐν τοῖς χρόνοις.* quem locum Perionius, Gruchius, Lambinus circumscribunt hoc ferè modo. Decorum igitur ex personæ, loci, temporis, & rerum ratione spectatur. Intelligunt enim sub *ἐν αὐτοῖς*, rationem temporis & loci, sub *ἐπὶ τοῖς ἀνθρώποις*, personam, sub *ἐν τοῖς χρόνοις*, res.

Maneat ergo: Magnificentiam suam habere mediocritatem rationis, sed tamen in ipsa mediocritate magnitudinem etiam sumptus, & impensarum obtinere. non enim à magnitudine sciungi virtus illa potest, quæ ab ipsa magnitudine nomen accepit. Id quod multo demonstrat postea magis Aristoteles, affirmans, eum qui sumptus faciat in res paruas, aut mediocres eo modo, quo postulat dignitas & ratio, non appellari magnificum etiamsi magnam paruis illis & mediocribz sumptibus impendat pecuniæ vim, & adæquet fortassis ad extremum sumptus illos, qui denominant hominem verè magnificum. In singulis enim sumptibus desideratur magnitudo, extra quam nulla esse magnificentia potest. Huiusmodi paruos sumptus identidem & subinde factos extra magnificentia fines ait fuisse, quos de se commemorat apud Homerum Vlyss. in Odys. 9. vbi cùm à proco Penelopes Antinoo stipem peteret nondum cognitus, ait se quoque sæpè mendicis erronibusque pecuniam suppeditasse. Contendit, inquam, Aristoteles, has largitiones, donationes, quantumuis crebras, iteratasque, quoniam singula parua sunt, à magnificentia non proficisci, sed tamen, quia rectæ rationi consentaneæ sunt, & cum dignitate fiunt, esse referendas ad liberalitatem. Ex quo id demum consequens esse vult, eum, qui magnificus sit, etiam esse liberalem: non tamen eum, qui sit libe-

ralis, esse propterea magnificum. quod enim est bipalmare, id etiam quod est palmare complectitur: sed quod palmare est, non continet bipalmare.

His de magnitudine, quæ cum materia magnificentæ proposita necessariò coniuncta est, explicatis, indicat hic ad extremum Aristoteles duo vitia, quibus hæc virtus est interiecta. Id enim quod parum est & in defectu positum, nec eos faciens sumptus, quos efflagitat Magnificentia, ait esse, appellarique *μικροπρία*, quam aliqui paruitatem vertunt; nos ob inopiam vocabuli sumus interpretati pusillitatem, sed reddi deberet ad verbum, paruidecentia, quemadmodum *μεγαλοπρία*, est propriè magnidecentia. Circumscribitur appositè à Lambino *μικροπρία*, diciturque indecora parsimonia, adeoque ipsa etiam *μεγαλοπρία*, dici per periphrasim posset, decora largitio. Illud verò quod nimium est &, in sumptibus magnis faciendis exuperantiam habet, appellari duobus nominibus Aristoteles affirmat: quorum primum est *βαυαυσία*, alterum *ἀπειροχλία*. *βαυαυσία* propriè quidem ars est, quæ ignis exercetur auxilio, qualis est fabrorum, excusorum, fusorum, aliorumve huiusmodi opificum permultorum, sed tamen accipitur etiam interdum pro qualibet arte sedentaria infimæ notæ, & pro quaestuario quolibet ac fœdido operarum opificio. Cur autem hæc exuperantia nomen ab huiusmodi mutuata sit arte, nemo docet interpretum præter vnum Eustratium, cuius hæc verba sunt. Sunt inepti operarii quos Græci vocant *βαυαύους*, sordidi ac viles opifices, qui sedentarias artes exercent, propriè tamen fabri, qui ad ignem & caminos operantur; ab eo dicti, quod caminos vehementer, & maiorem in modum incendunt. *βαύω* enim incendere, *βαύω* caminum significat. quia verò huiusmodi homines plerumque præter dignitatem effertur, suisque opificiis quali magnis & præclaris gloriari soliti sunt, inde factum est, ut hoc nomen ad eos etiam transferatur, qui maiora, quàm ipsis conveniant, indecorè aggrediuntur; Aristotelésque vitium Magnificentæ per excessum oppositum hoc nomine appellet: quæ est affectatio quzdam magnitudinis & splendoris in sumptibus pro dignitate ac decoro faciendis in iis, in quibus minime eos facere oporteret. Hæc eo loco Eustratius; docens in summa, eos qui hoc vitio peccant per exuperantiam Magnificentæ contrario, sic se insolenter efferre quemadmodum opifices illi supra modum suæ artis effertur & gloriantur. quod Lambinus & vidit, & egregiè transtulit, cùm *βαυαυσία* Latine dixit operariam in sumptu faciendo insolentiam. est enim hoc vitium eiusmodi, ut per similitudinem dici queat maior quidam in sumptu faciendo conatus, quàm operarum ratio postulet. Id, inquam, sibi vult *βαυαυσία*. Sed *ἀπειροχλία* est honesti, decori, & elegantie imperitia; ineptia, & rusticitas. *ἀπὸ τῆς ἀπειρίας*, quæ imperitia est, & *ἀπὸ χλίας*, quæ decorum significat & honestatem. quare *ἀπειροχλία* est vitæ mundioris expertus, imperitus honesti, & ineptus. Quod nomen ideo impositum iis est, qui adversus magnificentiam per exuperantiam peccant, quia nihil esse vel fingi potest ineptius aut imperitius eo, qui sumptus facere velit à sua ipsius persona & dignitate alienos, tunc videlicet cùm non oportet, & in res, in quas sumptum facere non decet. Talem existimant aliqui habendum esse Æsopi Tragœdi filium. qui aves cantu nobiles infano emptas pretio pro fœdulis turdisque conuiuis apposuit. summa enim in opipara, & splendida cœna imperitia, omniumque rerum apparuit ignoratio. Quorsum enim pertinebat singularis ille avium cantus, cùm de palato agebatur & gustu? Ac maior etiam in Heligabalo fuit infamia, dum studet esse magnificus. Sic enim scribit in vita Lampridius. Comedit sapius ad imitationem Apicii calcanes camelorum, & cristas vivis gallinacis dempsit, linguas pavonum & lusciniarum. Exhibuit & Palatinis ingentes dapes ex eis mullorum refectas, & cerebellis phœnicopterum, & perdicum ovis, & cerebellis turdorum, & capitibus psittacorum & phasianorum, & pavonum. canes iecinoribus anserum pavit. Misit vvas Apamenas in præsepia equis suis: & psittacis atque phasianis leones pavit, & alia animalia, &c.

Hos igitur duos esse statuit habitus magnificentie utraque ex parte propter exuperantiam, & defectum oppositos quos *βαυαυσία*, & *ἀπειροχλία* appellat. ille enim est qui sumptus facit magnos non in iis rebus, quæ sumptus volunt & postulant amplos; hic in iis, in quibus facere sumptus splendidos oporteret, paruos facit & indecoros.

PARS SECVNDA CAPITIS SECVNDI.

Ο Δὲ μεγαλοπρεπὴς, ἐπισήμο-
νι ἔοικε. ὁ γὰρ δυνάται
θεωρῆσαι, καὶ διαπονήσαι μέγα ἐμ-
μύχως. ὡς γὰρ εἰς δόξαν εἰπομένη,
ἡ εἰς. ταῖς ἐνεργείαις οὐκ ἔστιν, καὶ ὦν
ἔστιν. αἱ δὲ τῶ μεγαλοπρεποὺς διαπά-
ναι, μεγάλα καὶ ἀπέχουσαι. ἵαυτα
δὲ καὶ τὰ ἔργα. οὕτω γὰρ ἔστιν μέγα δια-
πονήμα, εἰ ἀπέχον τῶ ἔργῳ. ὥς ὁ
μὲν ἔργον, τῆς διαπόνης ἀξίον δι' αὐτὴν,
τὴν δὲ διαπόνην τῶ ἔργῳ, ἡ δὲ ὑπερ-
βάλλει. διαπονήσας δὲ τὰ ἵαυτα ὁ με-
γαλοπρεπὴς τῶ καλῷ ἐνεκεν. κρινόν
γὰρ τῶν ταῖς δόξεων. καὶ ἐπὶ ἡδέως,
καὶ περὶ πικρῶς. ἡ γὰρ ἀκριβοσύνη,
μικροπρεπὴς. καὶ πῶς κάλλιστον, ἢ ἀρε-
πιδέστατον σκέψασθαι αἱ μάλιστα, ἡ πό-
σου, καὶ πῶς ἐλαχίστου. αἰσχυρὸν δὲ
καὶ ὑβριστεῖον τὸν μεγαλοπρεπῆ (εἰ). καὶ
γὰρ ὁ ἐλθόντιος διαπονήσας αἱ δι' αὐτὴν, ἢ
ὡς δι' αὐτὴν. ἐν ταῖς δὲ τὸ μέγα τῶ με-
γαλοπρεποὺς, εἰς μέγας παρὰ ταῦτα
τῆς ἐλαττωτέρας οὐσίας. καὶ ἀπὸ τῆς
ἴσης διαπάτης, τὸ ἔργον ποιήσας μεγα-
λοπρεπῆς. οὐ γὰρ ἡ αὐτὴ δόξα καὶ
κτίσματι καὶ ἔργῳ. κτίσμα μὲν γὰρ τὸ
πλείους ἀξίον, καὶ ὑμνώτατον, εἰς χρο-
νόν. ἔργον δὲ τὸ μέγα καὶ καλόν. ἵδ
γὰρ τοῦτου ἡ περὶ αὐτὴν, θαυμαστὴ. τὸ δὲ
μεγαλοπρεπὴς, θαυμαστόν. ἢ ἔστιν δόξα καὶ
ἔργον, μεγαλοπρέπεια ἐν μεγέθει.

Magnificus autem scienti similis est.
decorum enim potest cernere, sum-
ptusque magnos concinne facere. Nam ut
initio diximus, habitus actionilus defini-
tur, & iis rebus, quarum est. Itaque viri
magnifici sumptus magni sunt, & decori.
& ideo talia sunt eius opera. Ita enim erit
magnus sumptus, si congruens fuerit operi.
Quapropter opus quidem sumptu dignum
oportet esse, sumptum autem opere, aut e-
tiam superiorem. Impendit igitur talia vir
magnificus honesti causa (commune enim
hoc virtutibus est) & praeerea iucunde
largiturque. Nam subtilis ratio sordidum
quiddam est. & quoniam modo pulcherrimum
ac maxime decorum opus effici possit
considerabit potius, quam quanti, & quae
ratione minimo. Necessesse igitur est, libera-
lem quoque magnificum esse. Etenim vir li-
beralis sumptus faciet quos oportet, & ut
oportet. In his autem rebus id quod est ma-
gnum Magnifici proprium est: veluti am-
plitudo; cum circa hac liberalitas sit. Et ab
aquali sumptu opus efficiet magnificentius.
Non enim eadem virtus rei possessa, atque
operis est. Nam res quidem possessa plurimo
digna pretio, etiam honestissima est; ut aurum:
at opus, illud quod magnum est & pulchrum.
eiusmodi enim spectatio mirabilis. at quod
magnificum est, id & mirabile. estque vir-
tus operis magnificentia in amplitudine.

EXPLANATIO.



VONIAM inuenta iam est Magnificentiae materia, videndum est
qua ratione se gerat in ea tractanda Magnificus vir. Id videlicet osten-
dit hac secunda parte Philosophus, quaedam nobis describens ipsius
Magnificentiae proprietates, quae septem numero sunt. Prima est. vi-
rum verè magnificum esse similem homini sapienti, siue videri do-
ctum, & quadam veluti scientia praeditum. id quod primo loco fortasse proponit,
quia supra ad extremum dixerat, eos, qui aduersus Magnificentiam per exuperan-
tiam peccant, laborare vitio quod dicitur ἀπειροχελία, hoc est, ignoratio decori,
& omnis elegantiae imperitia. Sequitur enim hunc, virum verè magnificum, quo-
niam illis contrarius est, scientissimum, & earum circumstantiarum legumque ap-
primè gnarum, quibus ipsa continetur absoluta magnificentiae ratio. Et lanè quem-
admodum boni artificis est, intelligere, ac probè cognoscere proportionem earum
rerum, quas artificio tractat, sic est hominis verè magnifici, tenere modum co-
piarum suarum, & probè noscere quid, quantum, & quo tempore locove sit im-
pendendum. Debent enim sumptus esse consentanei, tum operi, quod faciendum
est,

est, tum tempori, & loco ubi faciendi sunt, tum personæ, à qua sumptus ipsi sunt, aut imperantur, ut suprà dictum est. quam rationem tenere & quodammodo callere scientis hominis est & periti, hoc est eius, qui ἀπειροχέλῃ contrarius sit. Hæc decori cognitio, quæ unicuique virtuti veluti fax præit, quoniam difficilis est, & doctrinam, peritiâque postulat hominis secundum virtutem agentis, fecit; ut diceret Plato, vnamquamque virtutem quandam veluti theoriam & scientiam esse. Hæc, inquam, est prima Magnificentix proprietas, ab Aristotele proposita: ut vir Magnus sit peritus & sciens. Causa est, quia, ut ait ipse, sumptus magnos concinnè, & cum decore facit. decorum verò in rebus tractandis magnis, atque in sumptibus faciendis amplissimis inuestigare, intelligere, inuenire, hominis est prudentis, scientis, & ut loquitur Eustratius, theotici. Definire enim à Cic. in lib. offic. 1. decorum huiusmodi esse id, quod consentaneum est hominis excellentiæ. Hominis autem excellentiæ non est consentanea domus illa Neroniana, vasta, immanis, & magna inutilis ex parte. Sed dices, cur hæc scientia quæ omnium virtutum est, dicitur potius esse propria magnificentix, quàm liberalitatis? Respondeo: quia non sic est difficile decorum in liberalitate cernere, quemadmodum est in Magnificentia. Versatur enim illa in rebus parvis, in quibus quid decorum sit apparet facillimè; hæc versatur in magnis, quarum decorum propter propinquitatem, quam habent cum nimio, & cum eo, quod parum est, difficile percipitur. Nihil enim facilius est in sumptibus faciendis magnis, quàm vel eo non accedere, quò accedendum ex lege magnificentix est, vel prætergredi limites, extra quos exeundum non esset.

Secunda proprietas est, quæ unicuique virtuti tribuitur: ut vir Magnus id quod agit splendide, referat ad honestatem; & honesti causa ad sumptus faciendos amplos, magnosque permoueatur. Tertia: ut sumptus faciat magnos ac splendidos cum animi delectatione ac iucunditate. Hæc enim delectatio quamquam cuilibet operi virtutis adiuncta est, videtur tamen multo magis in sumptibus faciendis magnis requiri: cum inductione naturæ ad sumptus faciendos paruos propensi potius simus, quàm ad magnos. Quarta: ut sumptus hos magnos faciat copiose, prolixè, ac propemodum effusè, hoc est, non restrictè, non ad amulim quodammodo atque subtiliter. Cuius proprietatis pulcherrimam profert rationem Aristoteles admonens, subtilius rationes subducere, & exiliter exigueque ad calculos omnia reuocare esse hominis indecoram parsimoniam consecrantis. ἡ γὰρ ἀκριβολογία, μικροτεπεία. subtilis enim supputatio rationum suarum, sordidæ indecoræque parsimonix res est. perinde ac si diceret: idcirco prolixum oportere, & quasi profusum esse virum magnificum, quia qui malignius impensas facit, cuiusmodi est is, qui subtiliter exigueque resecat omnia, demonstrat, laborare se vitio illo magnificentix contrario per defectum, quod dicitur μικροτεπεία. Quinta: ut videat potius quàm præclarum esse debeat opus, quàm quanti constet, neque de pretio cogiter, sed de pulchritudine ac specie operis. vir enim magnificus vim animi omnem & cogitationem curiosius intendit, ut quàm pulcherrimum opus efficiatur, quàm ut paruo vel minori pretio fiat. Magnifica nimirum Vespasiani vox illa fuit, cum in Amphitheatri molitione Architecto pollicenti lapides illos Tiburtinos tam magnos ad apicem ædificij quàm minima se perducturum impensa, sic planè respondit. Sinite me pascere plebeculam meam. Agebat enim id, ut magnificum opus faceret, non ut sumptibus parceret & impensis. adeoque importunum illud consilium, inuentumque parsimonix repudiavit. Contrà verò sordidum atque à magnificencia longè alienum se demonstrauit Caligula, Imperator alioqui profusus, immo nequam ac nepos. qui tamen splendidum reuera triumphum duxit, scripserat tamen antè procuratoribus suis, qui Romæ erant, ut sibi triumphi pompam compararent amplissimam, sed quàm minimis sumptibus. Sexta: non tam proprietas videtur esse, quàm quædam ex suprà iam dictis consecutio. Ait enim id proprium esse viri magnifici, ut sit etiam liberalis: quia sumptus facit, ut oportet, cum oportet, & eas in res in quas oportet. has verò peristafes intueri & sequi est hominis pecuniam ex præscripto liberalitatis impendentis. Sequitur autem hoc ex iis, quæ suprà disputata & polita sunt, quia dictum iam est, in illa magnitudi-

ne sumptus, quæ propria magnificentiæ est, virum magnificum perquirere decorum. decorum autem illis circumstantiis continetur. Dictum præterea est, Magnificentiam sumptus cum delectatione, ac iucunditate facere: quod antè liberalitati tributum fuerat. Quare cum omnes liberalitatis proprietates in ipsa Magnificentia deprehendantur, consequens est, neminem esse magnificum, qui liberalis idem non sit. addit enim tantummodo magnificentia proprietatem aliquam, & differentiam, qua distinguatur à liberalitate, sed tamen ipsam quoque vi sua continet liberalitatem. sic prorsus, vt Magnificentia nihil videatur aliud esse, quàm amplitudo quædam, magnitudóque liberalitatis. In his quippe quæ liberaliter dantur quicquid est magnum, vt ait hic Aristoteles, ad magnificentiam est propriè referendum.

Septima proprietas declarat planius quod supradictum est: virum scilicet magnificum intueri magnificentiam potius operis, quàm impensas; nec videre quanti res constet, sed quàm præclare possit effici. Ait enim Aristoteles, id viro magnifico proprium esse, vt si aliquid efficiat sumptu, impensaque illi prorsus æquali; quam liberalis facit, facturum sit maius & magnificentius opus, quàm fiat à viro liberali. rationem autem hanc esse: quòd vir liberalis intueatur tantummodo pretium rei, quam dat; exempli gratia argentum, aurum, gemmas, vniones, sed opus, ipsiusque perfectionem & magnificentiam operis non intueatur: magnificus verò contrà, in ipsius excellentia & claritudine operis omnia ponat, in pretio rei, quam dat minimè conquescat. Egregium huius rei Græcus Scholiastes his verbis exemplum proponit. Pericles Iouem Olympium quem ingentem, & statura procerissimum ex marmore fecit, poterat iisdem sumptibus minorem facere; nimirum ex auro, gemmis, vnionibus: sed magnificum opus non fecisset. perinde quasi dicat: Periclem cum statuam Ioui posuit Olympio, non ideo habitum fuisse magnificum, quòd maximis eam sumptibus extruxisset, sed quòd maximam illam fecisset, altissimamque. Nam si eodem planè pretio sumptibusque aureum fecisset Iouem, gemmis vnionibusque distinctum, sed exiguum; magnifici laudem non fuisset consecutus, sed liberalis. Hanc Aristoteles rationem obscurè proponit quamlibet explicatè declarare. Affirmat, virtutem possessionis & operis eandem non esse. quo loco nomine virtutis perfectionem intelligit, vt alibi sæpè; & possessionem, quæ Græcè est *κτῆμα*, esse vult quicquid æstimari pecunia potest, & in materiam liberalitatis cadit, vt census & res familiaris. Est igitur hæc horum verborum sententia; rerum omnium, quas vitæ tuendæ causa possidemus, & operis à nobis rei possessæ beneficio facti perfectionem vnā eandemque non esse. Possessionis enim perfectio & summa ponitur in eius pretio: ita prorsus, vt quo maius est eius pretium, eo maior eiusdem perfectio sit, cuiusmodi videmus aurum esse, gemmas, & vniones; operis verò perfectio non eius pretium est, sed eiusdem operis præstantia, excellentia, magnificentia, magnis proposita & parata sumptibus. Ex his igitur duobus, posterius hoc ait esse viri magnifici; superius illud esse viri liberalis. Argumentum huius rei petit ab hominum admiratione. habet enim id quod magnificum est, admirabilitatem; quia maximè suspicitur à cernentibus. At qui cernunt, id admirantur, quod maius & spectabilius est: cum incurrat in oculos illa operis magnitudo & excellentia, non ingens rei perexiguæ pretium. Debet denique magnificentiæ proprium opus cuiusmodi esse, cuiusmodi apud Ouid.

*Regia Solis erat sublimibus alta columnis
Clara micante auro, flammâsque imitante pyropo,
Cuius ebur nitidum fastigia summa segebat.*

Vt enim intelligamus operis excellentiam præstantiamque in ea laudari potius, quàm pretium, additur illud,
Materiam superabas opus.

PARS TERTIA CAPITIS SECVNDI.

ΕΣΤΙ ΔΕ τῶν δαπανημάτων, οἷα λέγουμεν τὰ τίμια. οἷον πὰς τοὺς θεοὺς αἰνάζειν, καὶ κατασκευάζειν, καὶ θυσίας. ὁμοίως δὲ καὶ ὅσα πρὸς τὸν θεὸν δαυμόιον. καὶ ὅσα πρὸς τὸ κοινὸν ἀφιλοτιμητὰ ὄντιν, οἷον εἰς πῶν χρηστῶν οἰόντων δὲν λαμπερῶς, ἢ τετραρχίῳ, ἢ καὶ ἐστῶν πλὴν πόλιν. ἐν ἅπασιν δὲ, ὡς εἴρηται, καὶ πρὸς τὸν πρῶτον ταύτην ἀναφέρεται, τὸ τίς ὢν, καὶ ὅπως ὑποτασσόμενος. ἀξία γὰρ δεῖ τῶντων εἶναι, καὶ μὴ μόνον τὰς ἐργῶν, ἀλλὰ καὶ τὸ ποιῶντι ἀρέσκειν. δεῖ πῶς μὲν οὐκ εἶναι μέγαλοπρεπῆς. οὐ γὰρ ὅστις ἀφ' ὧν πολλὰ δαπανήσῃ ἀρέσκειται. ὁ δὲ ὑποτασσόμενος, ἡλίθιος. πρῶτον δὲ ἀξία γὰρ καὶ τὸ δίδω. κατ' ἀρετὴν δὲ τὸ ὁρῶν. ἀρέσκει δὲ καὶ οἷς τὰ θεῶντα πρὸς τὸν θεὸν αἰνάζειν, ἢ δὲ τῶν πρὸς τοῖς θεοῖς, ἢ ὧν ἡμῶν μετρίως, καὶ τοῖς ὀφείλοισι, καὶ τοῖς ἐκδοτέσι, ὅσα θεῶντα. πρῶτον γὰρ ταῦτα μέγας ἐστὶ καὶ ἀξίωμα. μάλιστα μὲν οὖν τοιοῦτος ὁ μεγαλοπρεπῆς, καὶ ἐν τοιούτοις δαπανήμασιν ἢ μεγαλοπρεπῆς, ὡς εἴρηται. μέγιστα γὰρ καὶ ἐπιμύητατα.

Sunt autem e sumptibus aliqui, quos dicimus honorabiles: ut Divi donaria, & apparatus, & sacrificia, & similiter quacumque in omne divinum numen impenduntur: quaeque erga Rempublicam honorifica laudis studio sunt. ut sicubi ludos splendide fieri oportere putent, aut Triremem apparare, aut epulum civitati praebere. Sed in omnibus, ut dictum est, etiam ad agentem pertinet, quis sit, & quarum facultatum. Consentanea enim quae agit oportet his esse: nec solum operi, sed etiam facienti congruere. Quocirca pauper quidem haud possit esse magnificus. non enim ei superis unde multos faciat sumptus decenter. Quod si conetur, stultus sit; quia praeter dignitatem, & praeter id quod decet conatur. Virtus autem est quod recte fit. Decent autem haec tum eos, quibus huiusmodi res vel ipsorum labore & virtute partae sunt, vel a maioribus aut ab iis quibus se coniuncti sunt, relicta: tum & honesto loco natos & claros viros; omnes denique, qui tales sunt, omnia namque haec magnitudinem habent, & dignitatem. Ac maxime quidem talis magnificus est, & in eiusmodi sumptibus est magnificencia, sicut est dictum. quippe qui & maximi & honorificentissimi sunt.

EXPLANATIO.



DO C V I T haftenus Aristoteles vniuersè, quales magnificos viros, quasque ipsius magnificentiae oporteat esse proprietates in omnibus sumptibus faciendis magnis ac decoris. Aggreditur hic nominatim, certos aliquos sumptus ex illis magnis ac decoris explicare, in quibus praecipuè, atque opera veluti primaria versari magnificus debet, quia in iis apparet & cernitur maximè magnificentia. Huiusmodi aut illos esse qui propter excellentiam quamdam honorifici vel honorabiles appellantur. nihil enim est quod honore magis afficiat splendidos viros, quàm hoc genus magnificentiae. Sunt autem huiusmodi omnino duo; sacri, & publici. Sacros appellat qui sunt in res Deo Caelitibusque dicatas; cuiusmodi sunt donaria, sacrificia, Tempa, legationes ad rem diuinam religiosam in locis faciendam. Quod attinet ad donaria, & ea, quae Graecè dicuntur αἰαθήματα, longum esset eorum seriem texere, qui hoc magnificentiae genere se nobilitarunt. Sesostris Aegyptiorum Rex, ut à Barbaris ordiamur, naucem ex cedro fecit ingentem, hoc est, cubitos longam ducentos & octoginta: quam intus argento rectam extra inductam auro dono dedit dedicauitque Deo, qui Thebis maximè colebatur. ut est apud Dio. lib. 1. cap. 4. Lysander Lacedaemonius victis bello nauali Atheniensibus, ipsisque captis Athenis, suam Delphis, singulorumque nauarchorum suorum statuas & stellas praeterea Tyndaridarum aureas de manibus consecrauit. quod scriptum

reliquit Plutarch. in Lysan. Nicias Atheniensis post sacra, ludósque Apollini factos; prædium Apollini dedicauit, quod drachmis decem nullibus emerat, ut ex eius fundi prouentibus epulum sacrum quotannis summa diei festi celebrata daretur. Plutarch. in Nicia. Romani, captis Veis, craterem aureum Delphos mittere decreuerant. Sed quia tunc in vrbe auri laborabatur inopia, matronæ ultro ad eam deliberationem certibus habitis, aurea ornamenta, totumque mundum muliebrem in illud donarium contulerunt. Merito itaque is honor ex Senatus decreto redditus illis est, ut in Matronarum laudem oratio funebis sic haberetur, quemadmodum habebatur in laudem virorum. Scribit hæc Plutarch. in Camillo. Vespasianus in Pacis & Iouis Capitolini Templis coronas ex cinamo, inclusas auro interrasili primus omnium dedicauit, ut testatur Plin. lib. 12. cap. 19. Hadrianus in eo Iunonis templo, quod fuit in planiore Eubææ parte, inter cetera donaria pauonem clarissimis pretiosissimisque distinctum lapillis & margaritis consecrauit. In quo magnificentia genere ipsa quoque perhibenda est Liua Augusta, quæ in Capitolio crystallum librarum circiter quinquaginta dedicasse fertur, ut est apud Plin. lib. 37. cap. 2.

*Belarm. de
Traslat. Rom.
imp. Eugub.
in diobus lib.
aduersus Lau-
ren. Vall. Ba-
ron. rom. 3.*

*Turfel 331
332. & 333.*

Vincuntur tamen hi à Christianis Principibus, quorum in donariis magnificentia fuit incredibilis. in primisque Magni Constantini; qui non auro tantum ac gemmis, aras & Cruces ornauit, verum etiam templa prouentibus amplissimis, prouinciarum tributis & vestigalibus instruxit; ipsum quoque sacrorum Principem, Pontificem Maxim. ditione pulcherrima Urbis Romæ, totiusque Italix donasse dicitur imperio. Quam æmulati magnificentiam sunt alij postea Principes, qui eandem possessionem aliorum ereptam iniquitate, Pontificibus vel totam, vel ex parte restituerunt. cuiusmodi Pipinus fuit Gallorum Rex, qui Astulphum acie victum coegit exarchatum, hoc est, ditionem totius Æmilix, ac Pentapolim quæ Anconam aliisque quatuor Vrbes continebat; in potestatem Romani Pontificis illico tradere. Quam donationem & sancitam voluit postea Carolus Magnus Pipini filius, & cumulauit amplissimè, adiecta præterea Corsica, Sicilia, Ducatu Spoletano Tuscoque; ea sola contentus Italix parte quam Longobardi tenuerant, & ipse Italix Regnum nouo titulo appellauit. Caroli Magni pietatem excepit Ludouicus Pius Caroli Magni filius. qui mortem instantem præsentiscens Lothario natu maximo Imperium & Regnum Gallix tradit, Pipinum Aquitanix, Ludouicum Bauarix constituit Reges, Pontifici Romano donationem autam paternamque confirmat, regnis nominatim designatis, prouinciis, urbibus, quas donabat. Extat huiusce donationis apud Volat. diploma, in lib. 3. Ad extremum Otho primus Imperator Germana ex gente sublektus, Pipini, Caroli, Ludouici donationes nouo decreto nouaque munificentia ratam voluit, ut ex antiquis monumentis testatur Sigon. in lib. histor. 7. Hæc de donariis & iis, quæ *αιαθίματα*, hoc est, consecrata vocantur.

De sacrificiis verò nihil est, cur multa dicantur. Magnificentissimum quidem fuit illud, quod appellarunt à centum bobus in eo mactari solitis Hecatomben, quemadmodum indicat nomen: sed tamen postea voluerunt idem etiam esse magnificentius, quàm ut bobus tantummodo contineretur. Immolabant enim in eo centum vnus generis hostias: ut centum oues, centum iuencos, centum arietes, centum boues, alia animalia pretiosiora etiam centena: id quod docet Capitolin. in Maximo & in Balbino his verbis; quæ & quid ipsa sit *ἑκατόμβη*, & quàm magnificè fieret à Principibus explicant. Tantum sanè lætitiæ, inquit, in Balbino fuit, ut hecatomben faceret statim ut Maximini caput allatum est. Hecatombe autem tale sacrificium est. Centum aræ vno in loco cespitiæ extruuntur, & ad eas centum iues, centum oues mactantur. Nam si Imperatorium sacrificium sit, centum leones, centum aquilæ, & cetera eiusmodi animalia centena feriuntur. quod quidem etiam Græci quondam fecisse dicuntur, cum pestilentia laborarent; & à multis Imperatoribus id celebratum constat. Hæc, inquam, Capitolini verba declarant, hecatomben fuisse priuatum sacrificium & publicum; in hecatombe non boues solum mactari solitos centum, sed alia etiam rariora animalia, ut leones: hecatomben fuisse usurpatam ab Imperatoribus sæpè, sed acceptam à Græcis. Ceterum non hecatombas tantum aris admouisse præcos video, verum etiam *χιλίομ-
βαι*, in quibus mille mactarentur Victimæ. Nam in Martyrologiis de Artemio sic

legimus. *χλιδέας ἔλαξ ἐξ ἰχθύου γένους θυμὸν αὐτῶν*. Ad hoc genus magnificentiæ reuocari posset sacrificium Triumphale : in quo duxerunt sæpè pluriima bouum paria , cornibus auratis & infulis ac coronis insignia. Sed nihil hæc ad Salomonem. qui, ut ceteros donariis vicit, sic sacrificiorum magnificentia longo superauit interuallo. Vndecimo enim anno regni, in Templi magnificentissimè à se conditi ornatique consecratione bouum viginti duo millia, & balantum centum viginti millia immolasse dicitur in Regum lib. 3. cap. 8.

Sequuntur in hoc genere fana & Tempia : quorum magnifica molitione nulla natio est, quæ non fuerit insignita. Celeberrimum & magnificentissimum habitum est Alexandriæ Templum Serapidis, Gazæ id quod dicatum est Marnæ, illius opinor ciuitatis Deo, Apameæ sanum Iouis Ammonis, Carthagine verò illud, quod in eius honorem extructum est Dei, qui Cœlestis dicebatur, Romæ Capitolinum : aliæque alibi multa, quæ ob admirabilem ingentemque strueturam miraculi nomen adepta sunt. Inter quæ iure principatum obtineat Ephesinæ delubrum Dianæ, per ducentos exadificatum annos ab Asia vniuersa. In solo palustri positum est, ne terræ motus sentiret, aut hiatus timeret. ne autem in lubrico tantæ molis fundamenta locarentur, calcatis ea substrauere carbonibus, dein velleribus lanæ. longitudo Templi pedum quindecim, & quadringentorum fuit, latitudo ducentorum viginti. Columnæ centum & viginti septem sexaginta pedum altitudine, & ex iis sex & triginta calatæ. Tectum è cedrinis factum est trabibus. Dæ simulacrum vitigenum aliqui tradiderunt. Plin. lib. 36. cap. 14. Hic etiam à magnificentia victor & longè superior est Salomon. qui cum suum illud ædificaret Templum, habuit triginta hominum millia è quibus in libanum denos millenos in menses singulos mittebat ad cadendam materiam pineam, cedrinamque, vectorum septuaginta millia; lapicidarum octoginta millia, operis præfector in amplius tria millia. Septem annis perfectum est opus. cuius latitudo ducentum fuit cubitorum, sexagenum longitudo; altitudo centum & vicensim; vestibulum denum. ianux trabes, parietes, concameratio, pavementum, omnia denique illita fuerunt auro. Quin aurea mensura vna, phialarum & paterarum item aurearum decem millia, argentearum numerus quadruplo maior. Candelabra decem millia ex auro, argentoque inibi numerabantur.

Hoc est igitur primum genus earum rerum, in quibus præcipuè magnificentia cernitur : donaria videlicet, sacrificia, Tempia, aliæque permulta, quæ facile his accedere possent, nisi plura essent quàm ut recensere locus hic pariat & tempus.

Aliud genus magnificentiæ spectabilis & eius, quæ primaria dici potest, ait Aristoteles contineri operibus publicis, non quòd superiora quoque publica ex parte non sint, sed quòd ad religionem pertineant, & eo nomine separari ab iis debeant, quæ sic publica sunt, ut sint etiam profana & publicæ tantum visitati consulentia, non ad religionem relata. Tria ex his commemorat Aristoteles; ludos & spectacula, Apparatus Triremium, & epulum populo exhibitum, ac ciuitati. Quatuor Athenis erant publicarum impensarum genera; *χορηγία*, hoc est, subministratio apparatus scenici, *ἑστιάσις* *φουλῆς*, prandia, & epulæ tribubus, siue populo exhibitæ; *πριπαρχία*, hoc est, munus instruendarum nauium bellicarum; & *γυμνασιαρχία*, præfectura, siue impensa, quæ in Gymnicos fieret ludos. E quibus tria tantummodo illa prima recenset Aristoteles hic. Nam ludos facere, dixit *χορηγίαν*, dare epulum populo, *ἑστίαν* *πρὸς πόλιν*, naues apparare, *πριπαρχίαν*. ludos intelligit vniuersè omnes, non tantum scenicos; sed hos tamen præcipuè, quia in his appareret magnificentia clarius, cum populo videantur esse gratiores. Quid enim magnificentius populo videri potuit quàm scena C. Antonii argentea, aut illa M. Scauri triplex columnis suffulta trecentis & sexaginta, signis æneis per intercolumnia positis numero circiter tribus millibus ornata, marmore in ima parte, in media vitro, in suprema inaudito pretij genere distincta? Damnant hæc quidem Cic. ait Plinius tanquam argumenta insanæ prodigentiæ, & populi corruptelas. Ac damnanda fortasse sunt, quia suspicari fas est, eos ciues & plus fecisse sumptus, quàm rei domesticæ sineret ratio, & ostentationem illam ad corrumpendam plebem, & emendicanda suffragia retulisse. sed tamen ea sunt, quæ nobis veræ magnificentiæ facillè possint exempla suppedicare. si enim & numio vacent sumptu, & honestatis causâ fiant ab iis, à quibus

fieri par est, & eo tempore locoque, quo decet, magnificentiam exhibent populo maximè probabilem, cui hoc genus spectaculi maximè placet. Sunt tamen etiam alia, quæ magnificentiam in suo lumine collocent, quia populum aspicientem admiratione complent, & delectatione perfundunt. qualia fuere quæ à Romanis appellata sunt munera, quia dabantur ab Ædilibus in gratiam populi quasi munus, ad eius beneuolentiam fauorémque promerendum. Huiusmodi fuere gladiatores, in foro Boario primùm exhibiti commissique, Appio Claudio, & Q. Fulvio consulibus à Marco, & Decio in funere Patris Bruti: deinde ad vsum tam frequentem immanémque prouecti, vt res barbarie non cauerit, & exotica crudelitate. Fuere huiusmodi, Circi venationes, & Amphitheatri spectacula. M. enim Scaurus in Ædilitatis suæ ludis Romæ primus Hippopotamum, & quinque Crocodilos ostendit ex Plin. lib. 8. cap. 6. leonum plurimum pugnam primus dedit Q. Scevola. quem secutus postea Sylla, exhibuit iubaros centum, Pompeius autem etiam sexcentos in Circo. Plin. lib. 8. cap. 16 Elefantos commisit primus in ædilitate Curuli Claudius Pulcher. Germanicus Cæsar etiam Rhinocerotem proposuit. Quid multa? Iulius Cæsar præter gladiatorum munus, & ludos vicatim Vrbe tota per omnium linguarum histriones exhibitos venationes dedit in Circo per dies quinque, sublatis è medio metis, vt latius commodiusque dimicaretur. Fodit in monte Cælio lacum ad nauale prælium, in quo biremes, ac Triremes Tyriæ, Ægyptiæque magno pugnantium numero conflixerunt. edidit equestrem pugnam, cui Troia nomen erat per nobilissimos pueros, antiquo more dimicantes ex equis, quibus cum iuuenes item primarij decertauerunt è curribus. quæ sunt apud Xiphilin. Augustus ludos fecit suo nomine quater, pro magistratibus qui aut abessent aut per inopiam eos facere non possent, ter & vicies: ac nonnunquam vicatim exhibitis histrionibus linguarum omnium: nec in foro tantum, aut in Amphitheatro & Circo, verum etiam in septis Athletas dedit extructis in Campo sedilibus ligneis. Nauale prælium circa Tyberim exposuit. In Circo aurigas, cursores & confectores ferarum produxit; Troiæ ludum frequentissimo puerorum delectu edidit. Sueton. Dio. Nic. & Plutarch. Caligula præter gladiatoria munera, partim in Theatro, partim in septis præposita interuit Circensibus ludis, nunc Afrarum venationem ferarum, nunc Troiæ decurionem, Circo interdum ipso, minio, & chrysocolle constrato: ex Suet. Claudius exhibuit Thessalos equites, qui per Circi spatia Tauros agerent, insilirentque defessos, & cornibus ad terram detraherent: pantheras item, quas conficiebat equitum Prætorianarum turma Tribunis ducibus, item ex Sueton. Nero edidit omnia spectaculorum genera. Naumachiam exhibuit aqua marina innatantibus Romæ belluis; pyrrhicas quasdam per ephebos. Inter quarum argumenta taurus Pasiphaën ligneo iuuenæ simulacro abditam iniit, & Icarus casside conatu volauit. Instituit præterea quinquennale certamen primus Græcorum more, triplex, Misticum, Gymnicum, Equestre. In ludis Maximis, quos in Agrippinæ matris honorem fecit, Elephas Theatrum ingressus, in summum eius fornicem conscendit, atque inde vehemens hominem ambulauit per funem. Cum in Theatro spectacula præboret, primum quidem eodem Theatro aqua maris expleto, in qua pisces, aliæque natabant animalia, bellum nauale Persarum cum Atheniensibus fecit: aquam deinde confectim eduxit, exsecatæque solo, multos rursus pedites, & binos & confectos congredi iussit. Xiphilin. Sergius Galba cum Prætor esset, in commissione ludorum Floralium, elefantos funambulos edidit: nouo post Neronem spectaculo Tiro Vespasiano Imperium obtinente, in dedicatione Amphitheatri grues inter se, & quatuor præterea elephanti item inter se concertarunt. Ferarum ad nouem millia interfecta sunt, & quidem à feminis ignobilibus. Amphitheatro aqua repente occupato, equos, tauros, aliæque animalia mansueta introducta sunt, quæ in aqua facere didicerant ea, quæ consueverant in terra. Extra hunc locum pugnatum est ab alijs in horro C. Lucij, quem Augustus perfodi cam ob causam iusserat. Ibi primo die bellum nauale, ex deique belluarum facta est; lacu, qua parte statuas spectat, tabulis ædificato, ac fixis undique trabibus. post die ludj Circenses dati: tertio die iterum nauale prælium inter hominum tria millia. Fuere per centum dies eius generis spectacula complura. Xiphilin. Domitianus præter bigas, quadrigasque datas in Circo, Venationes & gladiatores exhibuit noctibus etiam ad Lyncos pugnas præterea non virorum modo, sed feminarum. Edidit demum

etiam ipsa naualia praelia, effosso circa Tyberim lacu. Dio, & Sueton. Adriani die natali viri cum leonibus leonisque pugnarunt. leones interfecti sunt centum, leonæ totidem. Dio. M. Antoninus Pius elephantos, crocutas, rhinocerotas, hippopotamos, crocodilos, tygres, omniaque ex omni terrarum orbe animalia produxit ad dimicandum Herodian. Gordianus cum adhuc Ædilis esset, præter quingena gladiatorum paria, mille versos vna die, & Libycas feras centum in arenam exposuit. Habuit siluam, in qua fuere siluestres equi triginta, Alces decem, tauri Cyprij centum, Struthiones trecenti, Onagri triginta, apri centum quinquaginta, Ibices ducenti, & totidem damæ quæ omnia populo diripienda dedit eo die quo sextum edidit munus. Probus Siluam in Circo Maximo fecit extemporaneam ex arboribus radicibus extirpatis, ac militari manu eò translatis, altèque defossis. Habuit hoc nemus plures aditus: in quorum singulis singula essent animantium genera, & quidem millena in genera singula. Produxit etiam in Amphitheatrum iubatos leones centum vno missu, qui ad vnum omnes à iaculatoribus interfecti sunt. postremo trecenta dedit gladiatorum paria. Philippus Imp. è Persica reuersus expeditione ludis sæcularibus anni millesimi ab Vrbe condita, omnis planè generis animalia in venatione proposuit; elephantos triginta duos, tygres vigintri, leones mansuetos sexaginta, hyenas centum, gladiatorum fiscalium paria mille, rhinocerotem vnum, archoleontes decem, camelopardos decem, equos feros quadraginta, leopardos mansuetos triginta.

Infantia, quemadmodum suprà dixi, horum ludorum potius, quàm magnificentia fuit, cum præsertim & ex prouinciarum expilatione apparerentur interdum, & homines ingenui innocentisque cogerentur pugnare cum bestiis, & ingens multitudo inter spectandum comprimeretur, ipsis edicentibus Imperatoribus, ne cuiquam quantumuis in graui discrimine posito liceret abire spectaculo. Sed tamen, si iniquitate, crudelitate, rapina vacarent, si tolleretur quod nimium est, si ad honestum referrentur finem, nihil haberent, cur magnifici appellandi non essent. Quare commemorandi fuerunt, vt nobis ipsam saltē magnificentiæ materiam demonstrarent.

Secundum, quod inter magnificentiæ publicæ argumenta conspectiora ponit Aristoteles, est epulum, & conuiuium populo ac ciuitati datum. cuiusmodi erant apud Romanos Viscerationes, Cænæ funebres, triumphales, hoc est, carnis crudæ cæteræque distributiones, alia, quæ vno epuli nomine comprehenduntur. Eo enim significantur epulæ quædam celebriores, propriæque conuiuium publicum ciuibus & multitudini datum, siue in Deorum honorem, siue ad funera triumphosque laurius exhibendos, siue ad plebem deliniendam, & populi fauorem eo munere conciliandum. quod Romani sæpe facere soliti sunt, cum prensarent, cum peterent magistratus, cum ad Imperium & dominatum affectarent viam.

A Romulo res habuisse videtur initium. qui Brumalia instituit, hoc est, dies quosdam festos; quibus diebus à Rege, Senatus & milites alerentur. Suid. in verb. Brumalia. Hunc enim Regem secuti postea videntur, qui hoc in genere admirationem habuerunt. Vt Paulus Æmilius; qui cum deuicto Perseo, epulum populo magnificentissime daret, admirantibus Græcis, quod tantus Imperator curiosius conuiuium illud suis propè manibus instrueret, eiusdem esse animi respondit, aciem, & conuiuium benè disponere. illam quidem in hostes, hoc in amicos. Plutarch. in Rom. Apoph. & in Æmil. C. Seruilius Geminus in P. Licinij funere præter viscurationem etiam epulum proposuit populo stratis toto foro tricliniis. L. Sylla deposita Dictatura, vniuersi patrimonij sui consecrauit Herculi decimam, præbuitque populo epulum per dies plures, ita splendidum, vt quotidie magna cibariorum copia in subiectum proiceretur amnem, & vinum quadraginta vetustius annis per plateas & fora diffunderetur. Plutarch. in Sylla. Iulius Cæsar in Africano triumpho præter opsonia, quæ summa prolixitate distribuit vno die in duobus & vigintri millibus tricliniorum, instructis paratisque mensis epulum regali magnificentia fecit, & vini Falerni amphoras centum, Chij cados totidem populo dedit. Quin vna cæna sex murenarum millia proposuit, vt ex antiquorum monumentis docet Alex. ab Alex. lib. 6. cap. 6. Haud scio, an huc reuocari Luculli magnificentia debeat, videtur enim fuisse priuata: fuit tamen insignis, & ceteros forsitan vicit. Cum enim videret propter conuiuarum varietatem non vnam conuiuiorum sequendam

esse rationem, diuersa constituit cœnacula, definito singulis pretio atque apparatu. In quibus illud erat primum, atque præcipuum, cui nomen fecit Apollini. Quippe quinquaginta millibus cœnare solitus erat in Apolline. Plutarch. in Lucullo. Hoc magnificentia genus à Græcis ut cætera Romani didicerunt: apud quos nemo Cimonem Miltiadis filium in hoc genere superauit. domum enim suam ciuibus fecit *συνταγῆον χοῖον*, hoc est, publicum & commune Prytaneum ciuium, quos nimirum epulo identidem ac penè continenter excipiebat.

*Sigon. lib. 4
de Repub.
Atheniensium.*

Restat publicæ magnificentia genus tertium ex iis, quæ ab Aristotele proposita sunt, in apparatione triremium ad patriæ tutelam, hostesque maritimos propulsandos constitutum. Fuit enim Athenis vsus & consuetudo peruectus, ut trecenti ciues opulentissimi deligerentur, qui ab instruendis triemibus pro patriæ defensione Trierarchi dicebantur. Hos idcirco esse opulentissimos oportebat, quod triemes suis ipsi sumptibus compararent. Hoc, inquam, in munere Trierarchia ait Aristoteles apparere maximè magnificentiam publicam, sed tamen in aliis etiam nauibus, quæ vel ad animum leui nauigatione relaxandum, vel ad onera conuehenda, vel ad opum ostentationem, & famam parandam extruuntur, eandem magnificentiam videmus eluescere, quemadmodum subiungenda hic exempla demonstrabunt.

Caius, qui Tiberio successit, Liburnicis est vsus, quibus erant non inauratæ solum, verum etiam gemmatæ puppes, vela verò coloribus distincta variis, longæque pulcherrimis. Quin in iisdem Liburnicis thermas, porticus, triclinia laxitate quàm maxima fecit; vitibus etiam hinc, atque hinc, & pomiferis arbusculis admirabili varietate dispositis. Sueton. Ac Hieronem fortasse Siracusum est æmulatus: quem scribit Athenæus in lib. 5. cap. 8. nauem fecisse magnitudinis insanæ, faciendæque præfuisse Geometram primi nominis Archimedem. qui & eam iam perfectam, hærentibus ceteris, nec inuenientibus modum, quo deduceretur in mare, perpaucis commouit instrumentis, atque in portum auxit. Erat hæc nauis, quod ad structuram pertinet, tabulis quæritissimis, & æreis compacta clauis, quorum pondus ad decem accederet minas. quod spectat ad apparatus, viginti transtrorum fuit, ac tres habuit aditus: vnum, quidem ad penam, alterum in dextram: tertium ad armatos. Erant enim in ea dextræ complures, & triclinia, erant thori, lectique discubitorij. ac triclinares, cum multi, tum ornatissimi. Pavimentum præstabat maximè, pulcherrimis stratum lapillis, & vario compositum emblemate, quo tota Homeri poëtæ velut expicta referebatur Ilias. Erant ambulationes, ac xystrum longissimi, erant horti, erant alba ex hedera vitibusque scenz, ambulationes ipsas inumbrantes. erant thermæ, balnea, piscinæ, molæ, clibani, coquinæ. Erant in toto nauigio turres octo, in prora dux, totidem in puppi, in medio reliquæ. erant alia ex hoc genere multa, quæ prætermittere libet, quoniam vulgò patet ad Athenæum aditus, qui singula persequitur ex Mochio. illud præterire non possum, quod huius magnificentiam Regis pulcherrimè cumulat. Tanta Nauis, tam affabre, tanto cum impendio facta, cum excepisset intra carinam frumenti modios sexaginta millia, decem millia vasorum fictilium, in quibus salsamenta sicula essent, carnem tam multam, ut talentis viginti millibus æstimeretur, alia cibaria, præter remigum, nauatarum vectorumque comæatus, infinita, Ptolemæo Alexandriam; ubi annonæ penuria laborabatur, ab Hierone Rege muneri missa est. Ptolemæus cognomento Philopator, nauem. si minus tam admirabilem, amplissimam certè fecit, & magnitudinis incredibilis. Habuit enim ordines quadraginta; longitudinem cubitorum octoginta, altitudinem cubitorum duodequingenta; nautas, præter remiges, quadringentos; remiges ipsos quater mille: milites armatos tria millia. Plutar. in Demetrio. Athen. lib. 5. cap. 6.

Hæc haud sanè minorem oportuit esse, quæ ex Ægypto Cæsaris Principis iussu obeliscum illum vexit, qui in Vaticano Circo est collocatus. operæ pretium est audire iudicium Plinij in lib. 16. cap. 40. Abies, inquit, admirationis præcipuè visa est in nauis, quæ ex Ægypto Cæsaris Principis iussu obeliscum in Vaticano Circo statutum, quatuor truncos lapidis eiusdem ad sustinendum eum adduxit. quæ naue nihil admirabilius in mari visum certum est. Centum viginti millia modiorum lentis pro saburra ei fuere. Longitudo spatium obtinuit magna ex parte Ostiensis portus. latere læuo. Ibi namque demersa est à Claudio Principe cum tribus molibus turrium in ea ædificatis. Ita Plin. Maximas etiam ornatissimæque fuisse accepimus quæ-

dam, ad ludorum, dierumque festorum pompas extructas naues. qualis fuit Athenis ad Panathenæa celebranda ab Areopago fabricata, aut in Delo ab eius insulæ incolis ad dies Apollini sacros frequentandos instructa, ut est apud Pausan. lib. 1. Quibus comparanda videtur naus illa Bucentaurus, qua Venetos uti scimus, purpura & auro strata festis quibusdam diebus, & in Regum ac Principum ad Urbem accessu. Huius enim pompam adeo spectabilem facit Sabellicus lib. 8. En. 10. ut omnibus Quiritium antiquorum triumphis anteferre non dubitet. Est hæc Naus, ut ab eodem Sabellico didici, totius Senatus, Urbanorumque magistratuum capax, agiturque nunc remo, nunc velis; sæpius remulco. Sedet Princeps in aurea puppi, auro & ipse amictus pallio. alidet summus ordo, dextra, læuæque, maiestatis & silentij plenus, auro, holoserico, purpura conuestitus. Præcurrunt, & bucentauro velut apparent alia minora nauigia, aulæis instructa & festa fronde coronata, tubis, tibis, sistris undique circumsonantibus, pueris, puellisque eleganti forma cultuque exquisitissimo ex machina latenti puro, apertoque librat in aëre, Tritonum, Nympharum, aliarumque Dearum Deorumque speciem ementitis. Ad hæc. aurea signa toto nauigio defixa, ventoque agitata spectaculum præbent ita iucundum, nullum ut sit quod cum illo comparari queat. Claudat pompam infinita cymbarum vis, quæ prosequitur officij causa. Bucentaurum tanto studio, ut interdum totum mare quacumque prospectus patet, contegatur illo frequentissimo Comitatu.

Hactenus ea, quæ nobis Aristoteles proposita voluit tamquam argumenta publicæ magnificentie clarissima, & in quibus ipsa velut in primaria videtur versari materia. Sunt tamen alia, in quibus haud minus cerni vis atque officium publicæ magnificentie possit.

Sunt, inquam, ædificationes, aut instaurationes urbium, in quibus hi præstiterunt: Augustus; qui Urbem, ut Sueton. ait, pro maiestate Imperij iam ornatam excoluit adeo, ut iure sit gloriatus, marmoream se relinquere quam lateritiâ accepisset: Vespasianus; qui plurimas vrbes vel terræ motu collapsas, vel corruptas incendio restituit de suo: Domitianus, qui Capitolium item incensum instaurauit. Traianus, qui dirutum Circum erexit, inscriptione nominis sui prætermittit. Alexander Macedo; qui vrbes octo pulcherrimas & maximas in Bactriana & Sogdiana regione præter Alexandriam in Ægypto miram ilem, cuius descriptio est apud Diod. in lib. 7. condidisse dicitur à Strabone in lib. 11.

Sunt insulæ manu factæ Isthmique perfossi: Cuiusmodi opus aggressus Nicanor Seleucus, perficere non potuit. Isthmum enim qui spatium centum quinquaginta miliarium à Bosphoro Cimmerico dirimit Euxinum & Caspium mare cum cepisset abscindere, à Ptolemæo Cerauno antequam rem absolueret, est interfectus. Leucadia verò península in sinu Ionio Neritos olim appellata studio demum accolarum & opere obstinatissimo abscissa est à continenti. Plin. lib. 4. cap. 5. Ad hanc magnificentie gloriam permulti sine successu & casu conatu contenderunt. Tradit enim Herodorus lib. 1. Gnidi Isthmum, qui angustissimo spatium, hoc est, stadiorum quinque, duo maria diuidebat, aperire, ad ortos destitisse, ab oraculo ut desisterent admonitos hoc carmine.

Isthmum ne fodito, neu manibus induc. nam si

Iuppiter hoc vellet, medius potuisset in unda.

Pausan. in Corinth. Alexandro verò Macedoni hoc vnum ex sententia non cessit, quod Mimantem nobilem in Asia montem perfodere non potuit. Idem Pausan. in Corinth. Sensit hic etiam sibi vires deesse, qui se potentissimum arbitrabatur Dionysius Maior Syracusanus Tyrannus, qui postremam Italice partem ad Terinæum Sinum, ubi viginti millia passuum latitudo est circa portum, qui postea Hannibalis dictus est, intercideri voluit, atque adiacere Siciliæ, nec potuit. Plin. 3. cap. 10. Quid mulea? Isthmum bimari nobilem Corintho tam multi frustra tentarunt, ut Isthmum perfodere proverbium sit, in eos adigi solitum, qui aliquid magno quidem conatu, sed irritum moluntur. Adorti rem sunt Demetrius Poliorcetes, Cæsar Dictator, Caius Princeps, Domitius Nero, omnes planè sine successu operis & infelici cum exitu. Ac Demetrius quidem ideo prohibitus est, quod Architecti renunciarerint, Ionium mare altius esse, quàm Ægeum, adeoque periculum subesse, ne si medius intercideretur locus, vniuersum Ægeum deflueret in Ionium, & Ægina

insula cum proximis demergeretur. Totum enim pelagus, cuius esset alueus eminentior in Æginam Isthmo fracto erat effundendum. Cæsar, Caius, Domitius cur deteriti sint, haud scio. Nero plurimas habuit causas, sed præcipuè inconstantiam atque insaniam suam. sic enim commemorat Strabo in lib. 1. Nero ad Isthmios Ludos profectus, Isthmi commoditate animaduersa, eius perfodiendi consilium cepit. Progressus in Scenam, hymnum Amphitrites Neptunique cecinit: & quoddam canticum Leucotheæ, ac Melicertæ. Cum autem aureum ipsi ligonem porrexissent, Græciâque tanquam in tutelam commendassent, ad fodiendum profectus est cantu plausuque prosequentibus omnibus. Atque ubi terram ter tetigisset, & eos deinde quibus præfectorum atque imperia credita erant, opus capeßere iussisset, Corinthum reuertit; ratus, Herculis res gestas omnes fuisse iam à se superatas. Cum autem plures dies serui & exercitus omnis magna contentione fodissent, rumor quidam dissipatus est, Neronem cœpti pœnituisse iam operis, Ægyptiôsq; Geometras aquarum altitudinem metitos haudquaquam veriusque maris æqualem deprehendisse. Meditatus idem opus est Herodes Atheniensis Sophista; qui, ut est apud Cœlium lib. 21. cap. 19. cum tot, tantisque diuitiis instructus esset, ut plurima passim non tota Græcia modò, sed in Italia quoque incredibilis magnificentiæ monumenta proposuisset, nihil tamen suis se dignum opibus perfecisse arbitrabatur, quòd Isthmum non perfodisset. Cupiebat hoc vehementissimè, sed non ausus est ab Imperatore veniam petere; veritus, ne vitio illi verteretur, velut id agitant. Cui ne ipse quidem Nero fuisset par. Per similem, eundemque nacti sunt magnificentissimi conatus exitum, qui Rubrum aut Erythræum mare perducere voluerunt in Nilum, & per Nilum in Mediterraneum demittere, perfringendo, fodiendoque illo terrarum intervallo, quod inter vtrumque ad sexaginta duo millia passuum excurrit. Primus hoc aggressus dicitur Sesostris Ægypti Rex ante bellum Troianum: deinde Darius: tum Ptolemæus. qui & fossam duxit latitudine pedum centum: altitudine triginta, longitudine passuum septem & triginta millium usque ad fontes amaros. ne ultra tenderet deterritus est inundationis metu, excelsores tribus cubitis mari Rubro comperto, quàm terra totius Ægypti. Aliqui timuisse dicunt, ne immisso mari corrumpere aqua Nili, quæ sola potum præberet, ut est apud Plin. Alias alij proferunt causas, quas commemorat Diod. lib. 1. cap. 3. Strabo lib. 17. & Herodot. lib. 2. Successit tamen ex animi sententia Claudio Imperatori magnifica huiusmodi audacia, non quidem in mari, sed in Fucino lacu per montes effossos à se corruato. Emissarium hoc adortus est, non tam compendij spe quàm gloriæ cupiditate; cum quidam priuato sumptu deducturos se lacum repromitterent, si sibi siccati concederentur agri. Per tria passuum millia monte partim perfosso, partim exciso canale in absoluit agrè post vndecim annos, triginta hominum millibus sine intermissione laborantibus.

Sunt præterea Theatra, Amphitheatra Circi. Quorum molitione magnificentissima laudantur L. Tarquinius Romanorum Rex; qui Circum extruxit Maximum inter Palatinum Auentinumque longitudine stadiorum trium, dispositis Circa sedibus cementitiis, quæ fuerant ante lignea: Cn. Pompeius; qui Theatrum pulcherrimum ex quadrato lapide Romæ fecit primus, ad eius exemplar, quod viderat Mitylenis, testè Plutarch. Iulius Cæsar; qui Amphitheatrum primus omnium, ut docet Cornelius Tacitus, Romæ posuit in Campo Martio: quod paulò post Augustus, Mausoleum ædificaturus, demolitus est.

Sunt viæ publicæ vel apertæ, vel munitæ, vel strata purgatæve. In quibus excelluisse comperimus apud Barbaros Semiramidem: quæ viam ad Iarceum Medice montem breuiorem fecit abscessis anfractibus, locisque concauis expletis, explanatisque maximo sumptu. Diod. l. 2. cap. 57. Apud Romanos verò C. Gracchum: cuius in Tribunatu industria, videscriptum reliquit Plutarch. in Caio, viis muniondis, ornandisque potissimum enituit; quas nimirum ad lineam directas vndique ducebat per agros, quadrato lapide, glareâ, lateribusque sternebat, terra complebat & saxis, iungebat pontibus, lateribusque fornicibus, columellis per singula miliaria tractebatur, lapidibus, modicis inter se distantibus spatiis, hinc atque hinc instruebatur, quibus equitantes sine subiectibus ephippiariis commodius equos inscenderent: Appium Claudium; qui Censor viam Appiam Roma Brundisium usque stratam siliç, ac pontibus æquatam complanatamque aqua instructam, quæ dicta est item

Appia deduxit: M. Lepidum, & C. Flaminium, quos in Consulatu Ariminum vsque, & inde Aquileiam viam illam strauisse legimus, quæ dicta Flaminia est: M. Æmilius Consul, qui pacatis Liguribus, Placentia viam duxit Ariminum vsque, vt Flaminie coniungeretur. Iulium Cæsarem; qui Pontinæ palude magnis sumptibus, longisque laboribus exsecrata, pontibus subinde constructis viam direxit amplissimam, planissimamque, vt iter in Urbem commodius esset & breuius.

Sunt pontes impositi magnificè, qualis fuit à Dario Persarum Rege impositus Bosphoro; qualis à Bœoris cum duabus, hinc atque hinc altissimis turribus in eo factus est Euripo Chalcidis, qui patet stadia septuaginta. qualis à Traiano Imperatore supra Danubium est excitatus. quod opus omnium maximè, quæ ab eo facta magnificè sunt, habitum est memorabile. Pila numero viginti ex quadrato lapide centenis septuagenisque pedibus inter se distantes in profundo violentoque flumine ab imis eduxit vadis in altitudinem pedum centum & quinquaginta. Fornices imposuit maximos, per quos ad vltiorem pateret aditus ripam. quod spatium longum fuit stadia septem pedes ducentos & triginta, hoc est, passus planè non gentos & vnum. quod commemorat Dio, & Xiphilin. Omnium tamen in hoc genere vicissit magnificentiâ Pyrrhus Epirotarum Rex, si cogitata ducere potuisset in actum. Totum enim illud maris spatium quod Italianâ Macedonia dirimit, patetque quinque & quinquaginta millia passuum cogitauit actis integere pontibus, & vtramque terram tanta mole committere. Sab. l. 7. En. 10.

Sunt Balnea, Thermae, Natatoria publica, quibus summam adeptus est laudem Mæcenâs, Augusti familiaris in paucis, cum apud Romanos fuerit primus, qui aquæ calidæ balneum construxerit in vsum populi communem, vt Dio testatur in Augusto. Perhibetur Antoninus Caracalla, quod Thermas illas suo insignes nomine artificiosissimè ac sumptuosissimè factas publicis proposuerit commodis. Perhibetur Tacitus Imperator; quod domum suam demolitus sit, vbi priuato sumptu Thermas constitueret publicas. Celebrantur hoc nomine alij, quorum magnificentia aliqua Romæ vestigia hodieque inter rudera cernimus.

Sunt portus & naualia. quibus ædificandis excelluit apud Athenienses Themistocles: cuius consilio Piræi portus triplex circumductis vndique mœnibus est constitutus: cum antea Phaleræo portu neque portuoso neque magno vterentur. Probus in Themist. Excelluit et laudius Cæsar; cum Portum extruxit Hostiæ, circumducto dextra, sinistrâque brachio, & ad introitum profundo solo mole obiecta. Quam quo stabilis fundaret, nauem antè demersit, qua magnus obeliscus ex Ægypto fuerat aduectus, congestisque pilis superposuit altissimam turrim in exemplum Alexandrini Phari, vt ad nocturnos ignes cursum nauigia dirigerent. Sueton.

Sunt horrea & cellæ. quibus ex rebus laudem petit potissimum, vt testatur Procop. Theodericus Ostrogothorum Rex in Italia; cum publica fecit horrea, quorum longitudo tria obtineret passuum millia, latitudo milliare prorsus vnum.

Sunt Aquæ ductus & putei. quibus ex fontibus inter Barbaros Semiramis haud sanè mediocrem adepta est magnificentia gloriâ. Erat enim mons vrbis propinquus, nec amplius quàm stadia distans duodecim, Orontes nomine, asper accessusque difficilis, altusque stadia viginti quinque; ex altera montis parte magnus lacus efficiebat fluuium. quem illa effosso extirpatoque ab radicibus mōte in urbem induxit fossa, pedes alta quinque & quadraginta, quindecim lata. Diod. Sicul. l. 2. cap. 5. Nulli tamen aut Reges aut populi hoc genere splendoris æquarunt Romanos; in quorum urbem quatuordecim, vt Procopius numerat quasi flumina perducta erant fornices aluicisque coctili laterculo ædificatis, quorum tanta latitudo erat altitudoque, vt quemadmodum idem affirmat auctor, eques commodè per eos posset incedere. Liber, quoniam hic sumus, audire huius magnificentia veterum præconia scriptorum, ac primo quidem Strabonis in l. 5. Flumina, inquit, per Urbem fluere videntur: & vnaquæque propemodum domus fistulas habet & canales, quibus aquam inducat. Plin. Si quis æstimare diligentius aquarum abundantiam in publico, balneis, piscinis, domibus, euripis, hortis, suburbanis villis, spatioque aduenientium extructos arcus, montes persossos, conualles æquatas, fatebitur nihil magis mirandum fuisse toto orbe terrarum. Cassiod. in formis Romanorum verumque præcipuum est, vt & fabrica sit mirabilis & aquarum salubritas singularis. Quot enim illic flumina quâ constructis montibus perducuntur? Naturales credas

aluos soliditates saxorum; quando tantus impetus fluminis tot sæculis potuit sustineri. Duo igitur in tam magnifico demirantur opere: structuram aquæ ductus, & aquarum copiam. Quod enim attinet ad structuram, præterquam quod aliqui à quadragesimo milliari per valles, per montes, suprà infraque terram perducti fuerant, obtinebant altitudinem tantam, ut quibusdam in locis nouem & centum pedes eleuarentur: ut Rutilius in Itinerario sic canere non dubitarit,

Quid loquar ærio pendentes fornice rinos,

Qua vix umbriferas tolleres Iris aquas.

Hos potius dicas crenisse in sidera montes:

Tale Gygentium Gracia iactat opus.

De copia nihil est cur multa dicantur, cum ipse testetur Strabo, totam Urbem tam multis aquis velut amnibus per aquæductus excurrentibus exundasse, ut singulæ propemodum & de per subterraneos meatus, per siphones ac fistulas aquas in privatos corriuarent usus. Hatum curam aquarum præ se tulit diligentem Agrippa, qui Urbem aliis præterea monumentis & maximis & longè plurimis exornauit. ut meritis hinc extiterit ille locus Augusti vini largitionem flagitanti populo, satis ab Agrippa genero suo prouisum, ne populus sitiret, respondentis, ut apud Sueton.

Atque hæc verbosius fortasse quàm par erat dicta volumus de sumptibus illis duobus, sacris ac publicis, in quibus maximè præcipuèque versari & cerni Magnificentiam Aristot. putat; quia, ut ipse loquitur maximi, sunt, & honorificentissimi. additque postremo decorum & circumstantias à persona atque à diuitiarum modo petitas, quas in his etiam præcipuis magnificentiae sumptibus intueri oporteat. sed in his omnibus, inquit, ut dixi, ad agentem pertinet, quis sit & quæ suppetant ei facultates. Itaque duo videnda esse præcipit. primum, ut qui sumptus huiusmodi faciunt, diuites sint & opibus abundantes, siue sua ipsorum opera industriæque partis, siue à maioribus hæreditario iure ac per manus acceptis. Secundum: ut vel nobiles sint, & genere clari, vel in Magistratu & publico munere positi. Cum enim Themistocles ad Iouem Olympium ab Atheniensibus mitteretur legatus, ut illic rem divinam splendide faceret, munus illud, quod summam postularet magnificentiam, existimatum est non sàm Themistocli qui humiliore adhuc fortuna vteretur, quàm Cimoni opulento & nobili conuenire. Auctor ad Eudem. lib. 3.

Ex quibus id consequi vult, ut vir pauper cui diuitiæ desint & copiæ magnificus esse non possit, nec quicquam magnificè suscipere sine stoliditatis & stultitiæ nota: cum sumptus facere conetur, honestati, & decoro contrarios, quod à virtute alienum est. Virtutis enim est, inquit, quod rectè id est quod cum honestate & decoro fit. Non fit autem cum decoro, neque ut fieri debet, ille sumptus ita magnus & publicus à viro paupere, priuatoque, sed cum dedecore atque omnium risu.

PARS QVARTA CAPITIS SECVNDI.

ΤΩΝ ἡ ἰδίων, ὅσα εἰσάπαξ
 γῆ, καὶ γάμος, καὶ εἴ τι ποιού-
 νται. καὶ εἰ πᾶσι τι πᾶσαι ἡ πόλις αὐτοῦ
 δαΐ, ἢ οἱ αὖ ἀξιωμαται. καὶ πᾶσι ξέ-
 νων δὲ ὑποδοχὰς, καὶ ἀποστολαί, καὶ
 θυρεαί, καὶ αὐπιδυρεαί. οὐ γὰρ εἰς ἑαυ-
 τὸν διαπόνηρός ὁ μεγαλοπρεπὴς, ἀλλ'
 εἰς τὰ κοινά. ταῖ δὲ δῶρα τοῖς ἀγαθήμα-
 σιν ἔχει ἡ ὁμοιοι. μεγαλοπρεποῦς δὲ καὶ
 οἶκον κατασκευάσασθαι πρεπόκεως ὁ
 πλουτῶ. κόσμος γὰρ τις καὶ τοῦτο. ὁ
 πᾶσι τοῦτα μᾶλλον διαπνῶν, ὅσα πο-
 λυχρόσια τῶν ἔργων. καί τις γὰρ τοῦ-
 τα, καὶ αὖ ἐκείνους ὁ πρέπον. οὐ γὰρ
 ταῖ αὐτὰ ἀρμόζει τοῖς, καὶ ἀνδράποικις.

IN priuatis autem sunt qui semel fiunt,
ut nuptiæ, & si quid tale est, & si circa
quid huiusmodi tota ciuitas studiosè occu-
patur, vel qui in dignitate sunt. in hospitium
quoque susceptionibus dimissionibûsque, &
in donis & in remunerationibus. Non enim
in se sumptuosus est magnificus, sed in com-
munia. munera autem donarij habent ali-
quid simile. Magnifici autem est & domum
extruere congruenter diuitiis (ornamentum
enim quoddam hæc etiam est) & in ea po-
tius sumptus facere, quæ diuturna sunt ex
operibus, (pulcherrima quippe hæc sunt)
& in singulis decorum sequi. Neque enim
eadem conueniunt Dijs, & hominibus.

euntes muneribus ornatos, ac donis amplissimis. quod mirificè præstitisse, & in eo excelluisse Alphonsum illum Regem sapientem & munificum in paucis, docet Pontan. in lib. de Magn. laudat maximè Cicero ex testimonio Theophrasti genus hoc magnificentiz, quod continetur hospitio. Rectè, inquit, à Theophrasto laudata est hospitalitas. Est enim, ut mihi quidem videretur, valde decorum, patere domos illustrium hominum illustribus hospitibus. idque etiam Reipublicæ est ornamento, homines externos hoc liberalitatis genere in Vrbe nostra non egere. Est etiam vehementer utile his, qui honestè posse multa volunt, per hospites apud externos populos valere opibus & gratia. Theophrastus quidem scribit, Cimonem Athenis etiam in suos Curiales Laciadas hospitem fuisse. Ita enim instituisse, & villicis imperasse, ut omnia præberentur quicumque Laciades in villam suam diuertisset. Celebrantur antiquorum monumentis scriptorum viri longè plurimi hospitalitate nobiles, ut Cydon Corinthus hac magnificentiz parte tam insignis, ut quemadmodum tradit Aristephanis interpres, quicumque hospitalis maximè haberetur & esset, is veluti prouerbio quodam & excellenti cum appellatione diceretur Cydon: ut Gellius Agrigentinus, vir ditissimus, sed priuatus, qui quemadmodum narrat Diod. lib. 13. in plerisque domus suæ locis hospitalia constituerat, certosque delegerat homines, ut aduenas, aliosve quoslibet peregrinos quantumuis multos ad hospitium inditarent: inter quos, equites quingentos brumali tempore ex vrbe Gela eò profectos; vnus ipse cunctos intra domesticas ædes excepit, habuit splendide, tunicis, indumentisque donatos dimisit: ut Cymon ille Arheniensis, cuius Cicero mentionem fecit. qui vt ex auctoritate veterum narrat Sab. l. 7. cap. 3. priuatam domum, in publicum velut hospitium conuersam ciuibz iuxta, peregrini que patientem esse voluit, qui prædiorum suorum fructus omnibus legere volentibus proposuit; qui nullum præterire passus est tempus, quo non hospites haberet ad se diuertentes. Sed nemo Pythij cuiusdam, qui Celenisia vrbe Phrygiæ nobili habitabat, magnificentiam æquare se posse confidat: cum Xerxem & omnem eius exercitum ex decies centenis hominum constantem milibus & excepente hospitio, & abeuntem incredibili pecuniæ munere sit profecurus.

Quarto loco numerat Aristoteles inter opera magnificentiz priuata munera & remunerationes, easque potissimum, quibus hospites ipsos vel ornamus primi, vel affecti iam donis, ad grati significationem animi compensamus. Par enim est redonare sis, à quibus acceperis & quidem ex Hesiodo maiore mensura, ut agros imitemur, qui plus reddunt quàm acceperunt. Rationem huius rei pulcherrimam nobis exponit Aristoteles; ipsam aperiens causam, cur in his muneribus, aut dandis, aut fegerendis oporteat nos esse magnificos, hoc est, sumptus amplissimos facere. Ait enim eiusmodi munera, quæ dantur hospitibus, quamquam priuata sunt, patere tamen beneuolentiam toti ciuitati in qua sis; cum omnes eam diligant ciuitatem, cuius ciues hospitales sint, & hospites donis ac remunerationibus splendide prosequantur. Magnificus autem, sumptus faciens, aliorum intuetur utilitatem: ac propterea non potest in his dandis muneribus non esse prolixus, quæ videt etiam alius, & toti ciuitati beneuolentiam conciliare. denique huiusmodi dona comparari posse confirmat cum donariis & iis muneribus, quæ templis addicta & consecrata lautiores faciunt ciuitatem. Quemadmodum ergo in donariis, ut supra dictum est, decet impensas facere splendidiore, ita necesse est in muneribus his & remunerationibus pecuniam & rem familiarem liberaliter impendere.

Quinto loco recenset domum, quam vir magnificus inhabitet. Est etiam viri Magnifici, inquit, ædos extruere diuitis respondentes congruentisque, hoc est, eas, quæ amplitudine, ornamento, extrema denique specie opibus contentaneæ videantur. Afferit enim homini magnifico splendida domus plurimum existimationis & dignitatis. In hoc autem illud monet & cauendum præcipit viro Magnifico, ut cum domum molitur & struit, rationem potius habeat diuturnitatis, stabilitatisque, quàm cultus alicuius ornatusque fluxus ac facile perituri. Neque enim sibi tantum construere domum, verum etiam suis, futuræ posteritati, ipsi denique famæ, immortalitati que, cuius maximè appetens vir magnificus est. Denique hanc esse prophetiam & quasi Magnifici notam ait, ut in iis potissimum laboret & sumptus faciat, quæ stabiliora sine & diuturniora. Vt enim pulchritudinem, ornatum ac speciem amet, vult tamen eam pulchritudinem ornatumque cum diuturnitate ac

stabilitate coniunctum. Præclare Cicero declarat officium viri Magnifici in extruenda & præparanda domo his verbis, quæ Aristotelis hunc locum facient sine dubio luculentiores. Et quoniam omnia persequimur, inquit, in lib. 1. offic. dicendum est etiam qualem hominis honorati ac principis domum placeat esse, cuius finis est usus ad quem accommodanda est ædificandi descriptio: & tamen adhibenda dignitatis commoditatisque diligentia. Gn. Octavio, qui primus ex illa familia Consul factus est, honori fuisse accepimus, quod præclaram ædificasset in Palatio & plenam dignitatis domum. quæ cum vulgò viseretur, suffragata Domino, nouo homini, ad Consulatum putabatur. Et ut in ceteris habenda ratio est non sui solum, sed etiam aliorum, sic in domo clari hominis, in quam & hospites multi recipiendi, & admittenda hominum cuiusque generis multitudo, habenda est cura laxitatis. aliter ampla domus dedecori domino sæpè fit; si est in ea solitudo, & maxime si aliquando alio domino solita est frequentari, odiosum est enim cum à prætereuntibus dicitur. O domus antiqua, heu quàm dispari dominaris domino! Hæc Cic.

His explicatis, redit iterum Aristot. ad decorum, aitque, in hac etiam ædificatione, sicut in omni planè re, videndum esse quid deceat. Huius decori partem supra proposuit, cum dixit, oportere domum quæ construitur, esse diuitiis congruentem: quæ res à Cicerone illo eodem loco pulcherrimè declaratur. Cauendum est etiam, inquit, præsertim si ipse ædifices, ne extra modum sumptu & magnificentia prodeas. quo in genere multum etiam mali in exemplo est. studiosè enim plerique præsertim in hac parte facta principum imitantur. ut L. Luculli summi viri virtutem quis? quàm multi villarum magnificentiam imitati sunt? Quarum quidem certè adhibendus est modus, &c. Hanc, inquam, decori partem, quæ mediocritatem imperat in magnis sumptibus, indicauit iam supra: alteram nunc persequitur à re, siue ab opere quod fit petitam: quæ demonstret, quinam sumptus verè, hoc est, secundum decorum, appellari debeant magni. In magnis enim, ut diximus, versari magnificentia debet, paruos contemnere. Hinc igitur, inquit, videri potest, quid verè magnum sit, si res ipsa perpendatur, quæ nobis magnificè facienda proponitur. Non enim Diis, inquit, & hominibus conueniunt eadem. nec eodem Templum ac sepulcrum ædificandum est modo. perinde ac si dicat, quæ sumptuosa iudicantur & magna, si hominum causa fiant, eadem si Diis consecrantur, minus esse sumptuosa, nec magnitudinem habere magnificentia congruentem, iudicabuntur. Et sumptus qui fiet excitando sepulcro, censébitur omnium opinione magnificus, qui tamen si Templo ex ædificando adhibeatur, putabitur paruus, & ab ea magnitudine longè distans, quam magnificentia postulat. Quo loco aliud præter ea, quæ supra posita sunt, describit nobis priuati sumptus genus, in quo possit elucere magnificentia cum decoro, ac mediocritate, ipsis respondente personis, quarum causa sepulcra fiunt. Qui enim sibi magnificentius sepulchrum poneret, quàm persona pateretur, à magnificentia discederet legibus, nec poëtæ cuiusdam irrisum euaderet: qui prudentium hominum nomine Licinium consorem Augusti libertum prædiuitem iam factum, & in Via Salaria propè Urbem ad lapidem secundum pretiosissimi operis sibi ponentem sepulcrum, hoc epigrammate carpsit.

Marmoreo Licinus ramulo taret: at Cato paruo,

Pompeius nullo. credimus esse Deos?

Ne ipsi quidem reprehensione vacant Ægyptij Reges. Quamquam enim eorum personæ sepulcra magnificentiora congruerent, non tamen ea conueniebant, quæ Templorum amplitudinem superarent. Cuius autem Templi non vincant modum ac sumptum illæ Pyramides; quarum vnā Diodoro teste in lib. 2. septuaginta & trecenta hominum millia annos viginti construxisse dicuntur: altera decem hibi vindicauerit ad sui absolutionem operis annos: tertia, quæ vigesimo item perfecta est anno, tantum pecuniæ consumpserit, ut Rex qui eam ædificaret, ad extremam redactus inopiam, filiam, quam habebat formosissimam prostituere coactus haud magno pretio sit? Quid dicam de labyrinthis ad componendos item Ægyptios Reges excitatis, tanquam in communibus eorum sepulcris? Ita enim earum vnā describit Herodotus in lib. 2. Labyrinthus in Ægypto Regum commune sepulcrum, & insanientium opus à duodecim Regibus ædificata est. quā nihil in toto terrarum orbe mirabilius. Etenim duodecim eius aulae recto sunt opertæ portis oppositis alternisecus, &c. Quamquam hæc infamia & sepulcrorum luxus, magnificentia

perantiam contrarius, non Regum solum fuisse videtur, sed vniuersim omnium Ægyptiorum. Scribit enim in hunc modum Diodor. in lib. 1. cap. 4. Ægyptij parui faciendum huius vitæ tempus, quantumuis longum, esse contendunt. Futuræ verò gloriam, quæ virtute comparatur æstimandam maximi. Domos nostras diuersoria vocant, tamquam breui tempore à nobis inhabitandas. Defunctorum sepulcra sempiternas domos, quoniam apud Inferos infinitum est tempus, appellant. Ideo domus ædificandæ contemnunt curam, in sepulchrorum magnificentia summum studium & operam ponunt. Hastenus hæc.

Duo sunt ergo, quæ in decoro priuati sumptus à viro magnifico perpendi vult: vt ne superetur modus, personæ atque operi congruens; vt ne magnitudo illa desideretur impensæ, quæ à magnificencia, vt diximus, abesse non debet.

Reuertitur adeo ad huius explicationem magnitudinis ampliorem: id nobis, quantum animo complector, in memoriam reuocans: magnitudinem sumptus esse variam, atque multiplicem; tum propter impensarum, tum propter operum inter se collatorum varietatem. Quæ partitio eò pertinet, vt ostendatur, magnificum virum in vnoquoque genere magnitudinem spectare ac sequi oportere. Reperitur enim in vnoquoque sumptus, atque operis genere sua magnitudo, quam eligere vir magnificus omnino debeat. In re magna sua magnitudo est: aliis in rebus est etiam sua. veramque vir magnificus expendit, & eligit. Itaque alio modo institui eadem partitio potest; si dicatur alia esse operis, alia sumptuum magnitudo. potest enim res in suo genere magnifica esse, sed quæ nullo propè pareatur sumptu; cuiusmodi sunt puerilia munera; pilæ, phialæ, lecythi, ampullæ. quæ si elegantissima sint, dicentur in suo genere, hoc est, in genere munerum puerilium sanè magnifica; sed si sumptum spectes, magnifica non sunt. Magnificus igitur, si aliquando versetur in his, magnitudinem vult, quam ea videt in suo genere posse obtinere. donabit enim phialam, ampullam, lecythum ornatissimam, & iis paratam sumptibus, quos admittere munusculum puerile poterit. Rectè itaque Apollon. in Argon. 3. Venerem inducit pollicentem Cupidini pilam, siue sphæram *ἐπὶ ὄχλον*, Vulcani fabricatam manibus, si amore inflammet Iasonem. In his enim paruis rebus eam quoque esse oportere magnificentiam putauit, quæ deceret Deos. Ad extremum verò rationem addit, quæ declaret, cur in omni re sectari magnificus magnitudinem debeat: quam in summa ait eam esse; quod magnifici proprium sit, in operibus, impensisque semper alius antecellere, atque ita se tractare, vt ab aliis superari non queat. Hinc enim efficitur, vt tam in sumptibus, quàm in operibus, magnitudinem sequatur, & velit. In alterutro (cùm verumque præstare potest) si peccat, magnificentiam deserit; tum quod ab aliis superari in eo genere poterit, tum quod à decoro discedit, sine quo consistere nulla potest virtus. Quare in rebus etiam eminere magnificentia potest, non quidem primo ac per se, sed quodammodo per accidens. Vellet enim vir magnificus per se & magna quædam exhibere, & sumptus magnos facere. quos quia non patitur parua res, quam dare necesse esset pro conditione personæ cui datur, inuenit in ea parua re quod magnificè faciat; ipsa videlicet persequenda magnitudine operis, in eo genere: cuiusmodi sunt puerilia munera. neque enim pueris magna dare fas est. Atque hunc, talémque ait postremo virum esse magnificum mox dicturus, qualis nam sit qui magnifico contrarius est.

PARS QVINTA CAPITIS SECVNDI.

Οὗτος ὑπερβαλὼν καὶ βαίνουσι,
ὡς καὶ δὴ δὴ δὴ ἀνάλισκον, ὑπερ-
βαλὼν, ὡς περ εἴρηται. ἐν γὰρ τοῖς μι-
κροῖς καὶ δαπανημέτοις, πολλὰ ἀνα-
λίσκει, καὶ λαμβανέται καὶ μὲν ῥυθ-
μῷ ἐρασιμαῖς γαμικῶς ἐστὼν; καὶ κω-
μωδαῖς χορηγῶν, ἐν τῇ παρῶν πορ-
φύρῃ εἰς τὸν πορ, ὡς περ οἱ Μεγάρους.
καὶ πάλιν καὶ ὁμοῖα ποιεῖ, οὐ γὰρ

EXcedens autē, & insolens in sumptu
faciēdo, quia præter decorum sumptus
facit, excedit, vt dictū est. In rebus enim quæ
paruiorū sumptuum sunt, multa impendit,
& splendorem ostentat inconcinnè. vt qui
sodales datis symbolis conuiuio generaliter
excipit, & qui Comædis choragium suppedit-
tas, in aditu scenæ purpurā sternit, sicut Me-
garens. Atq; omnia huius generis facit, nō

κελὸς ἔτεκε, ἀλλὰ τὸν πλοῦτον ὅτι-
 δεικνύμενος, καὶ ἀφ' αὐτῶν οἰόμενος
 θαυμάζεσθαι. καὶ οὐ μὴν δεῖ πολλὰ
 αἰαλάσαι, ὀλίγα δαπνῶν. οὐ δὲ
 ὀλίγα, πολλὰ. ὁ δὲ μικροπρεπής, ὥς
 πόμπα ἐλλείπει. καὶ τὰ μέγιστα αἰαλώ-
 σαι, ἐν μικρῷ δὲ κελόν σπολά. καὶ ὁ, π
 αὐ ποτὴ μάλλων, καὶ σκαπῶν πῶς αὐ
 ἐλάχιστον αἰαλάσαι. καὶ αὐτ' ὁδυρ-
 μένος, καὶ πόρτ' οἰόμενος μείζω ποιῆν,
 ἢ δεῖ. εἰσὶ μὴν οὗτω αἱ ἑξῆς αὐταί, κα-
 χία. οὐ μὲν ὀνειδὴ γ' ὅτι φέρεσι, ἀφ'
 ὅ μὴτε βλαβερὰ τῷ πύλας εἶναι, μὴ-
 τι λίας ἀγήμετες.

honesti causa, sed ut diuitias ostēdet, & quod
 propterea putet se admirationi futurum. ubi
 autem multa sunt impendenda, pauca im-
 penderet: ubi pauca, multa. At qui indecorē
 parcus est, in omnibus deficiet: & si magnos
 sumptus fecerit, in re parua ipsum decorum
 euertit. & quicquid facturum est, cunctans
 faciet, spectansque quomodo minimum im-
 pendere possit, atque in his intemiscens, &
 omnia putans se maiora facere, quam o-
 porseat. Sunt igitur habitus hi vitia: non
 tamen opprobria afferunt: propterea quod
 neque noxij vicino sunt, neque valde in-
 decori.

EXPLANATIO.



E magnificentiæ extremis, deque iis, qui magnifico viro sunt oppo-
 siti, disputat hac extrema parte. ac primo quidem de illo, qui per exu-
 perantiam contrarius est, diciturque in Græco codice *ὡφθαλμῶν*, &
βαίαισος. quorum nominum prius, est omnium commune vitiorum
 quæ in exuperantia sunt posita. est enim *ὡφθαλμῶν*, nihil aliud quàm
 excedens & modum superans, quod in omnes cadit, qui per exuperantiam peccant
 in eo, quod nimium est. Posterius nomen est proprium eius, qui exuperat in sum-
 ptibus magnis, adeoque viro magnifico contrarius est. significat autem *βαίαισος*,
 ut suprâ dictum est, eum, qui in sumptu faciendo ineptus & insolens est, leuissimum
 fabrorum, aut aliorum eiusmodi humilium operatorum more. in quos propriè illud
 nomen cadit, quia suprâ facultatem artémque oratione ventosa se iactant, & ina-
 nitate verborum. Quibus quoniam similes sunt, qui aduersus Magnificentiæ leges
 in nimio peccant, insolentique quodam, & inepto conatu facultates ostentantes
 suas, plus aliquid indecorē facientes, quàm eorum conditio patitur, *βαίαισος* no-
 minantur. Duas ergo nobis ostendit notas, ex quibus eiusmodi hominem & nosca-
 mus & internoscamus à ceteris, qui vel vera magnificentia præditi sunt, vel altero
 laborant vitio, per defectum ipsi magnificentiæ contrario. Priorem petit notam à
 rebus & sumptibus; posteriorem à fine. A sumptibus quidem, quia in paruis, & nu-
 gatoriis rebus, aut etiam in iis, quæ parum decora sunt, magnos facit sumptus, in
 magnis verò ac grauibus facit paruos. Duobus hanc rem explanat exemplis: quo-
 rum primum ab iis ductum sodalibus est, qui cœnam parare solent, sua ab vno quo-
 que collata sumptus parte, quæ Græcè symbolum, Latinè Collecta dicitur à Cice-
 rone. Sodales enim mensæ Aristoteles appellat *ἱεραῖαι* *ἀπὸ τῶν ἱερῶν*, quæ vox col-
 latitiam cœnam, conuiuiumque significat, conflatum ex collectis & symbolis. At
 igitur hos homines, qui ad hoc delabuntur extremum, esse similes iis, qui cùm so-
 liti sint domi suæ sodales & familiares excipere cœna illa collatitia, velint eisdem
 excipere lautissimè, atque, ut loquitur Aristoteles, *γαμικῶς*, nuptialiter, hoc est,
 conuiuio ita splendido & geniali, ut in Nuptias conuenire possit amplissimas. Al-
 terum exemplum sumit à Megarensibus. quorum, ut aliqui dicunt, is fuit luxus,
 & insania, ut Theatra, quæ pellibus alioqui solebant intendi, purpureis ipsi pre-
 tiosissimèque aliis integere voluerint velis. id quod postea vulgò fieri cœpit, Romæque
 potissimum eiusmodi vsus increbuit, quem deplorat Plin. lib. 19. cap. 1. ac descri-
 bere videtur Lucret. in 4. paulò post initium.

Et vulgo faciunt id lutea rursusque vela,

Et ferruginea, cùm magnis intenta Theatris

Per malos volgata tabesque tremencia fluuant.

Per similem reprehendit luxum Cic. in Verr. quæ ait in littore carbaseis intenta ve-
 lis habuisse tabernacula. Græcus autem Schol. docet, hinc carpi Megarenses, quod
 purpureis in Comœdia peragenda vteretur vestibus, & ideo insulsi, frigidi, ineptiq;

haberentur. idque demonstrat ex Myrtyli poetæ Comici fabula, quæ Titanes inscribatur. Hoc, inquit, est tibi dæterium petulans ac Megaricum. Et frigide admodum irrides. Et ex Aristoph. in Vespis,

Debetis expectare nil maximum

A me: nec ut de Megarico huc risum afferam.

Ait igitur Aristoteles, huiusmodi quoque sumptus eum facere, qui magnificentiz sequatur, & amet exuperantiam, adeoque ex ea nota cognosci facile posse. Quis enim insolentem ineptumque non dicat ostentatorem, qui Choragium daturus histrionibus alicuius Comædiæ vihoris, velit Megarensum more dare purpureum? Id videlicet Aristotelis verba significant. ὅτι καὶ μάλιστα χερνύειν, εἰ τῇ παρόδῳ πορφύρας εἰσφύειν, ὡς οἱ Μεγάρειοι. Vt qui Choragium suppeditaturus histrionibus Comædiæ, det iis purpuram εἰ παρόδῳ, hoc est, in ingressu histrionum, siue ingredientibus histrionibus, siue ad ingressum histrionum. Alteram petit notam à fine; quod non honestatis & decori, sed ostentationis tantummodo causa faciat sumptus. qualis describitur à Luciano Nigrinus, quem propterea Athenis vulgò nominabant Pauonem. ostentator etiam graphice describitur ad Heren. lib. 4. De ostentatore igitur, hoc est, de eo, qui facit sumptus indecoros ita dixit.

Sequitur ut explicet de altero qui deficit, nec præscriptos à magnificentia fines attingit. Is Græcè, ut suprâ diximus, appellatur μικροπρεπής. Latine ab aliquibus dicitur sordidus, sed ea vox absolute non exprimit Græci vocabuli vim. Appellatur ergo, quoniam ita Lambino placuit, indecorè parcus. quem his notis ipse nobis designat, & expingit Aristoteles. Ait eum primo in omnibus rebus à modo discedere, minoresque sumptus in magna re facere, cum facere oporteret maiores, maiores autem in re parua, cum decebat minores facere. docet deinde, nihil hilari, promptoque animo eundem facere, sed cunctanter & dubitanter, circumspicientem omnia, & videntem, ut quam minimos sumptus faciat, putantemque semper, ampliùs ac plus æquo se pecuniam impendere.

Quibus explanatis in hunc modum omnibus, distinctisque iam extremis, docet ultimo loco quam in re continere videantur.

Ait enim, hos duos habitus extremos, atque inter se sic distractos, dissentientesque esse quidem vitia siue vitiosos: sed tamen non esse probrosos aut grauiore dignos reprehensione, qualis est intemperantia, quæ ut diximus in loco, ita est probrosa homini, turpisque, ut belluis eum facere deteriore videatur. qualis est iniustitia: quæ tantam commeteretur reprehensionem, quantam postulant ea vitia & peccata, quæ ceteris nocent, ac toti potissimum ciuitati. Quamquam enim sumptus sit, vel suprâ, vel infrâ Magnificentiz leges, ille tamen qui sic facit, neque deformi aliquo se contaminat vitio, neque ulli mortalium iniuriam facit. Vitia igitur hæc ita parum flagitiosa sunt, ut vix vitia videantur: id quod infrâ de magnanimitatis quoque dicendum extremis erit.

EPILOGVS.

1. Magnificencia virtus est in pecunia versans sicut liberalitas. discrepat tamen, quod in solo versatur sumptu, & quidem magno, decensque, sicut indicat nomen μεγαλοπρεπεια.
2. Magnitudo porro ipsa decens in sumptu, spectari debet ex eo, qui sumptum facit ex ea re, in quam sumptus fit, & ex iis, quæ rem sumptibus efficiendam circumstant. Non enim eadem magnitudo metitur omnes viri magnifici sumptus.
3. Magnificus adeo vir hominis scienti peritioque persimilis est. Quid enim iusta magnitudine decoroque sit ingens, probè intelligit, sumptusque facit pro dignitate, hoc est, cum decoro magnos, quemadmodum magnificentia habitus imperat, qui ad magna concitat animum operâ.
4. Magnifici viri quasi characteres & nota sunt hæc. si honestatis gratia sumptus facit, si cum voluptate ac sine parsimonia facit. Magnifici enim proprium est non de pretio, sed de magnitudine operis ac pulcritudine cogitare.
5. Sequitur ex his, primo: magnificum virum neminem esse posse, qui liberalis item non sit; cum in sumptibus uterque versetur: non tamen liberalem quemque oportere magnificum esse. differunt enim magnitudine sumptus, quæ propria viri magnifici est.

6. Sequitur secundo, equalis sumptu magnificum virum opus facere maius, & magnificentius, quàm hominem liberalem. hic enim pretium tantum attendis rei, quam donas, & satis habet rem donare pretiosam, ille praterea magnitudinem, spectabilemque pulchritudinem in opere vult.
7. Sequitur tertio: neminem pauperem esse posse magnificum, quia copiis caret & facultatibus ad sumptus pro dignitate, & quemadmodum postulas magnificentia faciendos.
8. Sequitur quarto: ne ignobiles quidem & novos, aut privatos nulloque praeclatis honore posse magnificos esse. quia magnitudo sumptus decora postulas persona qua sumptuum magnum facit, honorem ac dignitatem. idque potissimum in publicis sumptibus: cuiusmodi sunt viarum explanationes, navalium, navium, portuum adificationes, ludi, &c.
9. Sunt enim impensarum genera plura. unum sacrum in donariis, in adificatione Templorum, in alio rerum sacrarum cultu & procuracione positum; quod decet amplissimum esse. alterum publicum, quod cernitur in iis rebus, quas modò diximus, aliisque similibus. tertium est privatum, ut illud quod in nuptiis, in hospitio, in sepulcro, in muneriis & remunerationibus cernitur; in primisque in adibus extruendis domesticis: quae debent esse respondentes divitiis, & non speciem modò spectabilem, sed etiam diuturnitatem ac stabilitatem habere.
10. Denique Vir verè Magnificus omnibus in rebus decorum sectatur, persona congruens cui si opus magnificum, & in quolibet genere semper, etiam in ipsis parvis, puerilibusque muneribus magnitudinem quarit.
11. Magnificencia duo sunt opposita vitia. primum in eo positum, quod nimium est, & exuperantiam habet, diciturque Graecè Βαρυτία, Latine fortasse inepta sumptus insolentia dici potest: alterum in defectu, quod appellatur Graecè μὲν οὐκ ἐπιτήδεια; Latine dicitur à nonnullis pusillitas, ab aliis parvitas; melius fortasse dicitur indecora parsimonia.
12. Qui priore laborant vitio, distinguí possunt his notis. si splendorem exhibent in iis, quae splendorem non possulant, ut sunt coenae familiares; si ad ostentationem, non ad honestatem referunt quod impendunt: si parvos faciunt sumptus, ubi faciendi sunt magni, magnos, ubi faciendi minores sunt.
13. Qui posteriore laborant, internoscuntur his. si semper peccant in eo, quod est parum. si in iis quae magna sunt à decoro sumptu discedunt, ut aliquid reseruent & retineant parvum: si cunctanter, dubitanter, cum tristitia & querelis impendunt. si semper maiores putant se sumptus facere, quàm oporteat.
14. Haec duo vitia probrosa non sunt; nec flagitiosa, aut valde gravia. quia non talem deformitatem habent, qualis in intemperantia cernitur. nec alteri sic nocens, quemadmodum iniustitia.



IN CAPVT SECVNDVM

QVÆSTIO PRIMA.

Num Magnificencia virtus sit.



O Canquirendi debet initium esse. quia id iussit Aristoteles initio: Magnificenciam esse virtutem in magnis versantem sumptibus: cùm contrarium argumenta sint plurima, quae magnificentiae titulum illum indicemque virtutis abrogare videantur.

Primum. Omnis planè virtus laudabilis est, quemadmodum è definitionibus virtutis plurimis apud Aristotelem vna demonstrat, qua dicitur, virtus ea esse, qua honorati reddimur, & laudabiles. At Magnificencia laudabilis non est, cùm habitus ei per exupe-

rantiam & defectum oppositi vituperatione digni non sint, ut ait in hoc cap. ad extremum Aristoteles.

Secundum. Nemo est, qui virtutis cuiuslibet moralis particeps esse non possit, modò rationis & iudicii compos sit. Itaque tam inops, quàm dives & opulentus potest virtutem sibi parare; cùm uterque possit esse vir probus, nec illa dici debeat probitas, quae comparari non possit ab omnibus. Nulli praeclusa est virtus. omnibus patet, inquit Sen. in lib. 2. de benef. sed negat Aristoteles hic, pauperem posse magnificentiae participem esse; cùm ipsa magnitudinem sequatur in

sumptibus, & impensas faciat magnas, quas facere pauper non potest. ergo Magnificencia non est virtus.

Tertium superiori simile. Omnes omnino virtutes in potestate nostra sunt: ita prorsus, vt arbitrij nostri sit eas parare vel negligere; vt docetur in lib. 3. Diuitiz verò in potestate nostra hoc modo non sunt, cum bona fortune sint, hoc est, temeritati casibusque subiecta.

Quartum adeo potest argumentum sic esse: Paupertas sub arbitratu est, & ditione fortune. Virtus autem est libera, extraque fortune tela, & fulmina omnia posita est. Igitur impediri paupertate atque inopia non potest. Impediretur autem si pauper non possit esse magnificus. Magnificencia ergo virtus esse non potest.

Quintum. Virtutes catenatz sunt inuicem & implexz; sic, inquam, vt qui vnā obtineat, obtineat omnes, vt dicitur in 6. Sed potest aliquis alias obtinere virtutes absque Magnificencia, vt docet hic Aristoteles, affirmans non omnem liberalem hominem esse continuo magnificum, ac propterea liberalitatem esse sine magnificencia posse. Non ergo Magnificencia virtus est, quæ ceteris comparatis virtutibus non necessariò comparatur.

Sextum ducitur ab ipsa prudentiæ vi, cum is, qui prudentia pollet, omni præditus sit omnino virtute. pauper autem est prudentiæ particeps, & recti iudicii, ergo debet etiam esse Magnificentiæ particeps, si Magnificencia virtus est: Sin minus, ipsa Magnificencia virtus non est.

Septimum. Moralisis virtus in medio posita est. Magnificencia verbò non consistit in medio, cum in impensarum magnitudine tanquam in materia sua versetur, cum prætergrediatur liberalitatis modum, sumptusque maiores faciat, quàm liberalitatis mensura & mediocritas patiatur. Magnum quippe opponitur paruo, quorum medium est æquale, vt dicitur in 10. Metaph. Ergo magnificencia quæ posita est in magno, non obtinet medium & æquale illi mensuræ, quæ præscribitur à prudentia.

Octauum. Nulla virtus est inductioni, & procliuatati naturæ contraria: sed eandem potius dirigit, absoluit, ac perficit naturam, vt docet D. Thom. 1.2. quæst. 117. art. 1. & quæst. 108. artic. 2. At vir Magnificus, vt dicitur hic ab Aristotele, non respicit se ipsum; hoc est, sui causa non agit quicquid secundum magnificenciam agit, sed intuetur amplitudinem, & splendorem communem Ciuitatis, aut conditionis, aut Magistratus. Ergo Magnificentiæ actio naturæ inductioni, procliuatiquæ aduersatur, quæ maximè consulit sibi, adeoque à virtute proficisci non potest.

Nonum. Magnificencia dicenda est ars, cum in sumptibus faciendis magnis, hoc est, in exadificandis vrbibus & Basilicis, aliisque huiusmodi cernatur operibus, quæ factibilia philosophi vulgò nominant. hæc autem propria sunt artis: quæ ex Aristotele definitur recta ratio factibilium.

Quæ quidem argumenta & rationes vt refellantur, videndum est primo quid Magnificencia sit. id quod facillè colligemus ex iis, quæ suprâ in ipsis Aristotelis verbis explanandis declarata iam sunt. Diximus enim, Magnificenciam habitum quemdam esse magnorum sumptuum eligentem, propellentemque nostrum ipsorum animum ad magna opera sumptuosè ac splendide facienda. Quæ definitio quantumuis inchoata & imperfecta, demonstrat sine dubio Magnificenciam esse virtutem. Sæpè quippe indicunt tempora, quibus oporteat sumptus amplos & magna opera facere, quæ triplicis generis sunt. sacra; vt offerre donaria Deo Cœlitibusque, vel Templâ exadificare: publica, vt exercitus comparare, condere vrbes & oppida, sternere vias, portus effodere: priuata, vt nuptias instruere, hospites excipere, domum moliri, aliæque huiusmodi agere, quæ semel tantùm aut rardè fiunt. At fieri facillè potest, vt in magnis hæc faciendis sumptibus & operibus splendidis, tum sacris, tum publicis, tum priuatis, erremus per exuperantiam, aut per defectum. Si quis enim maius ampliusque facere velit opus, quàm domesticæ copiæ patiantur, adeoque redigatur ad inopiam; si quis fame perire sinat pauperem, quem alere deberet, vt ædificet magnificentiissimè templum, si quis opus efficiat lautius, quàm persona facientis postulet & dignitas: si quis faciat minus, si quis alieno tempore, alieno loco, nec propter honestatem, sed ad ostentationem diuitiarum & facultatis efficiat; si alias negligat circumstantias, quibus opus virtutis esse munitum debet, sine dubio in sumptibus magnis faciendis errabit. Idcirco Aristoteles ait sumptus magnificentiæ non solum esse magnos, sed decoros etiam & rationi congruentes oportere. sunt autem decori & rationi congruentes, cum nec exuperantiam habent, nec defectum, sed omnibus imbuti circumstantiis sunt, quas explicauimus suprâ, atque hic iterum colligemus ipsa Magnificentiæ descriptione perficienda. Est quippe Magnificencia habitus ita eligens magnorum sumptuum, vt in rebus etiam paruis quærat & sequatur id, quod in suo genere magnum est, nec tam in opere quod efficit, attendat pretium, quàm magnitudinem & splendorem operis. sed tamen hos magnos sumptus eligit secundum præscripta, legesque prudentiæ, habita ratione rerum in quas impensæ fiunt, siue sacrarum, quæ postulant maximas, siue publicarum quæ volunt magnas, siue priuatarum, quibus conueniunt minores, sed tamen in suo genere magnæ; habita ratione personæ, quæ magnum sumptum facere debet pro conditione ac dignitate; habita ratione temporis ac loci, habita pulchritudinis & magnitudinis, quæ cernitur in opere neglecta sumptus mentura quæ in pretio & pecunia posita est. Sed facillimum est in harum cognitione & delectu circumstantiarum errare ac labi. & ardua res est, inuenire in his mediocritatem. debet adeo aliqua esse virtus, quæ regat in his versantem hominem, quemadmodum aliz sunt, quæ

ceteris actionibus moderantur humanis. Nulla verò esse alia, quàm Magnificentia potest.

Dicendum igitur est, Magnificentiam esse verè virtutem, & quidem amplissimam, splendidissimamque, cùm in magnis cerni velit sumptibus, & sine magnitudine ac splendore esse non possit.

Primum autem argumentum confutabimus facili, si ponamus vituperationem esse duplicem: generalem vnam, peculiarem alteram; generalis & omnium vitiorum communis opponitur laudi, adeoque reprehendit etiam extrema illa vitia in nimio posita, & in eo quod parum est, quibus interiacet Magnificentia. sunt verò illa vitia vituperanda, quia laudari non possunt. neque enim laudatur à prudentibus quisquam qui vel maiores fecerit sumptus, vel minores, quàm par erat secundum rectam rationem & præscripta prudentiæ. Altera illa peculiaris & propria vituperatio quorundam vitiorum est, & illi generali quasi species & forma subiuncta, diciturque opprobrium & contumelia: quæ semper turpem aliquam notam & infamiam affert. Hæc igitur vituperatio non afficit extrema vitia, quibus est interiecta Magnificentia, quia nullo dignus opprobrio, nulla contumelia is, qui probroso infamique aliquo vitio non se contaminat. sumptum autem facere minorem, aut maiorem aliquid probrosam & infame non est. Est quidem eo modo probrosa intemperantia, quæ nos reddit belluis similes, ut diximus alibi.

Argumento secundo responderi duplici modo potest primo quidem, si dicas, inipem esse posse magnificum, quantum attinet ad habitum intimum animique, quantum attinet ad externum opus & actum, esse non posse, quia caret opibus quæ necessaria præsidia externæ magnificentiæ sunt. si enim opulentus aliquis sumptibus magnis spectabilis, & verè magnificus ad inopiam redigatur, retinebit haud dubiè habitum illum in anima perfectum absolutumque, sed eum tamen, qui foras prodire non possit in actum. ergo etiam inops, qui nunquam opulentus fuit, poterit sibi comparare Magnificentie habitum in anima intimum & hærentem. Idcirco nimirum dicuntur virtutes esse limmissimi quidam & maximè stabiles habitus, nec fortunæ telis obnoxij, sed fidissimi constantissimiq. Committes in qualibet rerum vicissitudine, quemadmodum canitur à Boëtio fortunam aduersam cuiusmodi virtutis constantia perferente.

Ille autem nullus potuit pervincere terror,

Ne hæstrum Comites presequerentur iter.

Atque hoc sibi voluit etiam Sen. in lib. 2. de benef. cùm dixit: Nulli præclusa est virtus omnibus patet. Inuitat omnes, omnes admittit, & ingenuos, & libertinos, & seruos, & Reges, & exules. Non eligit domum, nec centum: nudo homine contenta est. Alij respondent, inopem illum, qui nunquam habuit unde sumptus facere magnificè posset ac splendide, non posse magnificum esse: quia cuiusmodi vir non potest obtinere prudentiam in ea versantem materia, in qua versari Ma-

gnificentia debet. Nam prudentia gignitur & paratur experimento, assuetudine, atque actuum frequentatione, qui sine sumptibus exerceri & frequentari non possunt. Sed superior respondendi modus est accommodatior: quia facit vnumquemque virtutis compotem; & soluit præterea nodos qui tertio & quarto proponuntur argumentis. Sunt enim in nostra potestate actus habitusque virtutum intimi & hærentes in anima, nec ulli fortunæ temeritati sunt opportuni. externi verò actus & opera pendent à fortunæ bonis, adeoque illius varietate possunt impediri.

Quintum postulare explanationem dispositionemque de connexionem virtutum accuratam, sed satis est id in præsentia ponere: *D. Thom. i. 2. q. 9. art. 2. in corp.* virtutes absolutas perfectas, ad apicem denique fastigiumque perductas, quales sunt, quæ nobis inductionem quamdam facilem præbent ad agendum optimè ac perfectissimè, esse sic inter se connexas, ut ne vna quidem consistere sine ceteris queat. Neque enim vlla in eo statu perfectò virtus esse potest sine perfectissima prudentia: quæ quoniam omnes actionum nostrarum singularum intelligit veros fines, potest etiam eligere idonea præsidia quæ fini respondentia sint; ac præterea comitatum habet & familiam ducit virtutum omnium, quæ nostris moderantur actionibus & affectionibus singulis. Virtutes autem imperfectas, cuiusmodi nobis vel natura, vel assuetudine insitæ sunt multæ, non esse necessariò connexas; quia videmus aliquem vel ex ipsa naturali constitutione, vel ex aliqua consuetudine promptum esse proclivemque ad opera liberalitatis, qui tamen ad castitatis opera non eandem inductionem & proclivitatem obtineat. Sed tamen singulæ quoque virtutes imperfectæ præparant animum ad alias parandas similes propter materię cognitionem atque operum affinitatem. Quo de genere liberalitas & magnificentia sunt. Qui enim liberalis est, est idem magnificus vel verè perfectèque, si liberalitas illa perfectissima sit, atque ad culmen perducta, vel præparatoriè quodammodo, proximeque. quia nimirum liberalitas etiam imperfecta proximè præparat ad magnificentiam animum. Sed Aristoteles cùm dixit, non omnem liberalem esse magnificum, intelligi voluit inchoatè imperfectèque liberalem. liberalis enim perfectè etiam magnificus est.

Quæ responsio argumento quoque sexto videtur idonea; cùm, ut diximus, prudentia, quæ cum aliis necessariò colligata virtutibus est, esse debeat absolutissima & perfectissima: illa verò, quam obtinet imperfecta virtus, non circumvenit per omnes. videmus enim eos, qui virtutem aliquam obtinent imperfectam, in eius materia virtutis versari prudenter, & tamen in alia eadem cum prudentia versari non posse.

Septimo responderetur, verè Magnificentiam si rei spectanda sit quantitas, in extremo non in medio positam esse: sed si rationis regula perpendatur, in medio consistere sicut

virtutes ceteras. Quantumvis enim magni sumptus sint, & quantumvis ampla quæ facit opera, mediocritatem tamen habere dicuntur, qui lineam attingunt à ratione positam, nec ab ea per exuperantiam recedunt. Itaque id quod est magnum & extremum, est etiam medium: extremum quidem, totius habitus ratione quantitatis; medium, habitus ratione regulæ quam ratio statuit & prudentia.

De octauo dicendum est, magnificentiæ opera esse partim sacra, partim publica, partim priuata, vt supra significauimus. cum verò magnificentiæ proprium sit, efficere aliquid magnum, id potissimum ac præcipue sequitur, vt sumptus faciat in opera sacra & publica, quæ magna sunt, in priuata verò, quæ cum superioribus collata sunt parua, facit quidem sumptus, sed officio quasi subsecundario: non quòd magnificus negligat bonum suum, sed quòd in bono suo priuato non videt aliquid magnum. In magno enim opere persequendo situm intelligit esse maius bonum suum, hoc est, morale. Quòd si in priuato etiam opere intueatur aliquid magnum, sumptus facere magnos haud dubitat, vt in nuptias, in hospitia, in exedificationem domus.

Nonum habet exiguam vim. Neque enim magnificentiæ est ipsa per se operaria, vel conficiens operis, cuiusmodi est ars; sed imperat potius arti, vt opus faciat amplissimum. In summa venit arte ad magnificentiæ promendum actum, sed non tamen est ars. oportet enim, vt ait Aristoteles in lib. 6. Eth. cuiuslibet artis esse virtutem aliquam, quæ appetitionem incitet, inducâtque ad rectum vsum eiusdem artis. hæc autem ipsa Magnificentiæ est.

QVÆSTIO SECVNDA.

An Magnificentiæ virtus sit peculiaris à ceteris seiuncta virtutibus, in primisque à liberalitate.

QVÆSTIONIS genus, in quo peruestigatur ipsa vis alicuius & natura virtutis, à ceteris sua differens nota, communis omnium virtutum est, sed tamen Magnificentiæ maximè congruit: tum quòd à multis nihil distare videtur, tum quòd eadem vulgò censetur esse ac liberalitas. Proponendæ sunt ergo prius rationes, & argumenta, quæ probare videantur Magnificentiæ coniunctionem cum ceteris; tum illa nominatim quæ contendunt, Magnificentiæ nihil à liberalitate differre.

Ex priori genere sunt hæc. Magnificentiæ proprium est, efficere aliquid magnum, & huc pertinent omnes eius conatus & studia virtutis, vt in magnis amplisque cernatur operibus. sed efficere aliquid magnum, multarum est commune virtutum, si magnæ sunt. Nam qui magna præditus est, aut fortitudine, aut temperantia, aut iustitia, aut castitate, magnum earum virtutum efficit opus.

ergo magnificentiæ non est peculiaris aliqua virtus propriam obtinens speciem, sed generalis virtutum qualitas, eas exaggerans, amplificans, & efficiens magnas.

Præterea, eiusdem videtur habitus & virtutis esse, aliquid facere, & in idem tendere. sed in aliquid magnum cõtendere pertinet ad Magnanimitatem, quemadmodum eius declarat nomen, docetque ex Aristot. D. Thom. in 2. 2. quæst. 129. artic. 1. & 2.

Ex posteriori autem genere illud potissimum ac maximum est, quod petitur à discrimine inter id, quod paruum, & quod magnum est. Magnificentiæ quippe ac liberalitatis magno differunt & paruo. cum illa non nisi in magnis versetur sumptibus, hæc etiam in paruis. quod discrimen ita modicum est, vt specie differentes habitus efficere non possint. Quis enim dicat, oportere duas esse iustitiæ, fortitudinis, aut temperantiæ formas specie differentes, quia vna magna est & versatur in magnis, altera parua, quæ versetur in paruis?

Neque verò magis inter se discrepant magnæ diuitiæ, siue sumptus à paruis, quàm discrepet magnus timor à paruo, aut magna voluptas à modica. At eiusdem est speciei habitus ille fortitudinis, qui magnos vincit timores, ac ille qui superat paruos, & eiusdem planè formæ temperantiæ est illa, quæ maximas vehementissimâque contemnit cupiditates, ac illa quæ negligit paruas. nec alio nomine differunt, nisi quòd altera est altera maior, hoc est, melior, atque perfectior; siue quòd perfecta vna sit, altera verò imperfecta. Cuiusmodi est intermedia illa virtus quæ ab Aristotele ponitur in septimo; intermedia, inquam, intericquæque habitui iam absoluto, & ei, qui tantum est inchoatus, diciturque communi quodam nomine continentia. Ergo si magnificentiæ liberalitatisque differentia petitur & spectatur ex eo, quod liberalitas versetur in pecunia, sumptibusque necessariis, & minoribus, magnificentiæ in maioribus & splendidis, specie hi duo habitus inter se differre non possunt. Hæc ratio multos impulit viros doctos, in primisque Buridanum, vt dicerent, Magnificentiæ nihil aliud esse, quàm apicem quemdam perfectumque statum liberalitatis, quemadmodum fortitudo bellica est fastigium fortitudinis, & virginitas ratio quædam absoluta temperantiæ. Vt enim hi apices, & fastigia non differunt specie ab iis virtutibus, quarum apices & fastigia sunt, ita istorum opinione magnificentiæ à liberalitate non discrepat specie. Quòd si quæras, cur Aristoteles de liberalitate ac Magnificentiæ tamquam de duabus virtutum formis locutus sit, non de fortitudine communi & de bellica, respondent, id fecisse doctrinæ vulgaris causa. Vulgus enim contendit impotenter ad pecuniæ possessionem, adeoque fuit illi proponenda magnificentiæ distinctè ac separatim à liberalitate, vt vulgaris illa cupiditas notiores haberet gradus virtutis à quibus regeretur.

Dicendum tamen existimo primum, Magnificentiæ ab omnibus omnino virtutibus

distinguidam esse. ut colligi potest ex iis quæ docet D. Thom. 2. 2. q. 134. & ratio vincit ex materia, & fine petita. Habet enim materiam differentem à ceteris, habet scopum peculiarem, aliis denique finibus includitur suis ac propriis, qui certam ei speciem circumscribunt à ceteris differentem. Externa quippe materia continetur magnis sumptibus, intima est cupiditas, amorque pecuniæ, qui posset magnos hosce sumptus prohibere, nisi virtute regeretur. finis est ornamentum civitatis & familiæ, aut Dei cultus & Cælitum, quæ profectò in ceteras virtutes cadere non possunt.

Dicendum deinde censeo, nominatim & propriè Magnificentiam à liberalitate differre specie: idque Aristotelem sibi voluisse, cum huius initio Capituli de Magnificètia verba facere ingreditur: Videtur etiam hæc ipsa virtus in pecuniis esse: non tamen ut liberalitas in omnes pecuniarum diffunditur actiones, sed in sumptuosas tantùm, in quibus liberalitatem magnitudine vincit. Ut enim ipsum demonstrat nomen, in magnitudine decorus sumptus est. Quibus verbis planè significat, magnificentiam à liberalitate differre, non propter materiam modò, sed propter finem. Liberalitas enim ipsam tantummodo spectat amicorum & aliorum, quibus imperitur, commoditatem; Magnificentia verò decorum, hoc est, splendorem ornamentumque civitatis ac familiæ, & ipsum intuetur, ut diximus, Dei cultum, aliæque his similia, quæ à liberalitatis fine discrepant specie. At quæ fine discrepant, discrepant etiam forma, cum finis & forma nihil differant inter se, sed planè sint vnum, ut ait Aristot. 2. phys. text. 70. Neque verò est, cur dicatur, etiam in privatis sumptibus versari magnificentiam, ac propterea non solùm splendorem publicum illius esse scopum: Non est, inquam, cur hoc obiciatur, quia versatur in privatis opera subsecundaria, cùm primaria versari velit in publicis deinde in his etiam privatis quærit splendorem communem interdum totius civitatis, interdum familiæ. Nam cùm facit vir Magnus splendidam domum, cùm excipit hospites splendide, cùm lautissimas celebrat nuptias, non omnino privatum sui ipsius splendorem expetit, sed civitatis & familiæ, quæ iis operibus illustrantur. Est enim civitatis & familiæ ornamentum, esse privatorum civium domos amplas & splendidas, esse in civitatibus qui hospites habeant magnificè, esse qui nuptias & natales dies genialiter & splendide celebrent. quam splendoris publici, communisque rationem, quia vir magnificus sequitur, dicitur intueri finem ab eo discrepantem, quem intuetur & sequitur vir liberalis.

Argumenta rationesque quæ sunt initio propositæ, cognitionem postulant rerum aliquarum antequam singillatim ac per partes evertantur.

Ac primo quidem fuisse nonnullos, qui magnificentiam aliam fecerint. latius patentem, non quidem generalem, & per omnes cir-

cumcurrètem virtutes, cuiusmodi est fortitudo & temperantia generalis, sed peculiarem & propriam, versantem non in sumptibus, sed in magnis administrationibus, & muneribus amplissimis; quæ sunt Imperia, Legationes, Sacerdotia maxima. Id videlicet causæ putant cur D. Augustinus in lib. 83. quæst. q. 31. illam nobis à Cicerone desumptam tradiderit Magnificentia definitionem: Est rerum magnarum & excellentiarum cum animi ampla quadam & splendida propositione cogitatio, atque administratio. Hanc in ipso quoque salutis nostræ vindice atque assertore diuino fuisse dicunt, in quo nullam ab Aristotele definitam deprehendas magnificentiam, cùm sumptus fecerit omnino nullos, nullos exornaverit portus, nullas vires condiderit, nullos exceperit legatos, nullum exercitum scripserit, nullam aluerit familiam, nullas sibi struxerit ædes magnificas. sed hi profusa audiendi non sunt, quia in his muneribus administrationibusque nulla intelligitur esse magnificentia nisi sumptus splendide fiant, quemadmodum in iis à viro magnifico fieri iubet Aristoteles. In diuino autem Servatore ac Liberatore Christo, cuius super cælos eleuatam & in nubibus versantem magnificentiam sacræ prædicant literæ, dixerim haud dubitanter, verè fuisse magnificentiam. Cùm enim propriè illius sanguis pretium fuisse dicatur liberationis nostræ, nihil est, cui dicere vereamur, eum fecisse in sui muneris administratione magnificentissimos sumptus & in eo magnificentiam fuisse veram, versantem in sumptibus magnis, sed excellentiorem tamen eminentioremque, quàm hanc, de qua loquimur, vulgarem humanamque. Quare nihil mirum est, si propter hanc tam excellentem eminentemque magnificentiam supra cælos eleuatus esse & nubibus auchi dicatur; cùm magnificentia summa quædam etiam ab hominibus gloria tribuatur & laus.

Audienda tamen alij sunt, qui dicunt, magnificentiam quamdam esse generalem communemque unicuique propemodum congruentem virtuti, quæ aliorum consulit utilitati. Quemadmodum enim vnaquæque virtus fortitudo quædam esse videtur, quia firmitudo animi est, & cum vitis pugnat fortiter extremis, quemadmodum vnaquæque videtur esse quædam temperantia, quia mediocritatem inuenit, præscribitque perturbationibus animi modum: sic singulæ, quæ profunt aliis, magnificentia nomen quodammodo commereantur: quia quod in alios impenditur opus, sumptuosum videtur esse, & à viro prolatum splendido, magnifico quoque ipsius commoda alienæ utilitatis gratia negligente. Hinc adeo fit, ut multi sæpè magnifici dicantur, qui pecuniam nullam impendunt, & Deus ipse perhibeatur in sacris monumentis oraculisque magnificus, qui nullos facit sumptus, sed tamen amplissimè consulit omnium utilitati, resque mortalibus imperitur omnes, quas in tota rerum Vniuersitate contuemur. Atque hoc volumus

Vide Cain in 2. q. 114. art.

hoc loco prouideri, ut facilius prioris generis rationes labefactari possint, sed id præterea noscendum est, antequam posterioris generis argumentis respondeatur; magnificentia proprium esse, ad magnum aliquod efficiendum opus, vim omnem intendere. quod quidem ut congruenter fiat, idoneos postulat sumptus, hoc est, magnos & decoros ac splendidos, ut ait Aristoteles. Itaque in ea magnitudine ac splendore sumptus proposita est tota vis & ratio discriminis inter magnificentiam & liberalitatem. Hæc enim nota sic distinguit virum magnificum à liberali, ut eum omnino faciat specie differentem, quæ admodum proprietates ab ea manantes differentia demonstrabunt. Liberalis enim vir etiam in paruo sumptu, liberalitatis retinere potest laudem ac nomen, magnificus magnificentia nomen extra sumptus magnitudinem splendoremque non habet. Liberalis, non solum dat, sed identidem etiam accipit, ut supra diximus ex Aristot. Magnificus dat, & nihil accipit, & quemadmodum idem docet, dapilis tantum est, & quodammodo diffusilis. Liberalis vir cum magnifico collatus & eundem faciens sumptum, quem facit magnificus, minus faciet opus, quam ille. Magnificus enim non satis habet sumptum facere, sed ex sumptu vult opus existere splendendum, magnum, & spectabile: quæ quidem omnia negligit liberalis, cum largitione rei, quæ pretio possit æstimari, contentus sit. Magnificus esse pauper non potest, ut ait hic Aristoteles. Quin affirmat oportere viros magnificos esse non tantum opulentos, sed etiam primarios viros, nobiles, principes, aut magistratum administrantes. Neque enim decet, opera quædam publica, aut etiam priuata admodum magna homines nouos & priuatos quantumuis pecuniosos & opulentos facere. At liberalis esse unusquisque potest, etiam pauper, etiam priuatus, etiam nouus & filius terre. Aliæ sunt eiusmodi proprietates inter se differentes propemodum infinitæ, quas relegere licet; cum à nobis explicata iam fuerint, ipsis Aristotelis verbis explanandis.

Quibus ita constitutis, argumenta & rationes oppositæ facile dilabuntur. Primum enim ex iis, quæ contendunt magnificentiam esse communem virtutum omnium, quæ magnæ sunt, versatur in ambiguo magnificentia nomine. Magnificentia quippe generalis verè magnis omnibus est adnexa virtutibus: peculiaris autem & propria limites habet suos, hoc est, sumptus magnos ac decoros, extra quos egredi non potest.

Quod attinet ad secundum, fateor, magnanimitatis esse proprium in magnum aliquid tendere, & facere, hoc est, quocumque modo agere id quod in singulis virtutibus est magnum. Sed ita tamen, ut in magnitudine illa consistat, & solum sibi seponat in qualibet virtutis materia rationem magni, quam intuetur & vult: id enim quod in qualibet virtute proprium est, à virtutibus singulis agitur & fit. Magnificentia verò non hoc mo-

do tendit in id, quod magnum est, sed longe alio. Expetit enim, eligique nominatim magnitudinem in sumptibus, facitque opera magna non improprie, sed proprie. Quippe facere proprie verbum est in ea cadens, quæ opere sunt externo, cuiusmodi domus est, aut nauis. In quo genere opera magna verè Magnificentia persequitur & facit. At Magnanimitas patientiorem habet materiam, & cum dicitur facere magna, non efficit externa hæc opera, sed alia, quæ animo continentur intimo & appetitu.

Postremum illud, in quo contenditur, magnificentiam nihil aliud esse, quam magnam excellentemque liberalitatem, amolitionem habet ab iis, quæ supra disputauimus de variis & discrepantibus inter se vtriusque virtutis proprietatibus. Illæ enim, quoniam ex eo promanant, quod magnificentia versatur in materia, quæ magna sit, demonstrant magnitudinem non accedere ad magnificentiam tamquam aliquid aduentitium & extrinsecus accersitum, sed esse illi inditum, insitumque natura. Itaque paruum & magnum in eodem ordine non differunt specie: quia aduentitiæ qualitates sunt eiusdem ordinis, adeoque magnus & paruum homo non discrepant specie, sed tamen inter ea, quæ naturæ suæ parua sunt, & magna, speciei differentia potest intercipi. Si enim animantia quædam essent non ex euentu, sed naturæ suæ parua, specie different à magnis. Intelligerentur autem natura sua esse parua vel magna, si proprietates quædam obtinerent nominatim ab ipsa paruitate ac magnitudine promanantes. Ita prorsus cum Magnificentia comparatum est, sic ipsa est magna, ut parua esse non possit, nisi vim omnem amittat insitam, & quasi naturam suam. Quare non est magna liberalitas, sicut virginitas & fortitudo bellica: quarum illa est a per temperantiæ, hæc fortitudinis, nec illa à temperantia, neque hæc à fortitudine specie differt. Negandum est adeo quod in propositione dicitur: Magnificentiam nihil aliud esse quam magnam liberalitatem, nisi magnitudo ei addatur tamquam aliquid essentielle.

QVÆSTIO TERTIA.

Vtrum Magnificentia liberalitate præstantior & excellentior sit.

QUANDO à liberalitate Magnificentia specie differt, videndum est, vtrum illi præstantia antecellat & dignitate. Cum enim sumptus velit, & expetat magnos, cum splendorem amet, & rerum fastigia persequatur in iis, quæ vix attingit liberalitas, videtur haud dubiè præstantior & maior. Sed contra tamen aliqui pugnant his rationibus & argumentis:

Primum. Virtus, quo communior est, eo videtur esse præstantior, ut supra dictum est in primo libro de virtutibus iis, quarum usus quia tota cum ciuitate communicatur, diuina benignitati similis est. Quin etiam infra in lib. 5. adiceo iustitia dicatur esse ceteris excel-

lentior, quia communior est, & eius utilitas pertinet ac pervadit ad plures. At liberalitas communior est, quàm Magnificencia. Versatur enim in omni planè pecuniæ usu, omnesque regit actiones, quæ rem domesticam & pecuniariam tractant. Magnificencia verò magnas tantùm ac splendidas sibi seponit impensas, præcipuèque versatur in sacris, ac publicis, vs paulò antè declarauimus.

Secundum. Maiori malo maius opponitur bonum. Ideo quippe feritatis, vt dicitur in lib. 7. cap. 1. opponitur heroica virtus, quæ humana maior est, quia feritas est vitium humano maius. At liberalitas opponitur malo maiori, quàm opponatur magnificencia. Avaritia enim vitium deterius est, quàm illud, quod opponitur magnificentiæ: cùm in hoc cap. dicat Aristot. ad extremum, duo vitia Magnificentiæ contraria, non esse admodum deformia, nec nocere cuiquam, nec esse probrosa.

Tertium. Virtus illa, cuius actus primarius est præstantior actu primario principali-que alterius virtutis, est sine dubio ea virtute præstantior, & excellentior. Virtutis enim laus omnis ab actu petitur, vt dictum est in fine libri primi. Quo autem virtus est laudabilior, eo quoque præstantior & excellentior est. Sed principalis & primarius liberalitatis actus, qui est dare, excellentior est actu principali magnificentiæ, qui est impendere ac sumptus magnos facere in opera magna. Gratia quippe debentur homini, non tam propterea quòd magna fecerit opera, quàm quòd multa dederit, & impertitus sit. Hæc enim est ratio cur Aristoteles supra in cap. de Liberalitate, actum dandi anteposuerit actui qui positus est in accipiendo. Gratia, inquit ille, non redduntur homini liberali, quòd acceperit, vt oportet, aut non acceperit ab iis à quibus non oportebat accipere, sed quòd sua sit aliis impertitus. vult igitur Aristoteles, ipsum liberalitatis actum præcipuum ac primarium esse præstantiorem quàm principem actum magnificentiæ, quando illi debentur gratia, non huic.

Quartum ducitur item ex iis, quæ illo eodem loco docet Aristoteles, de liberalitatis officio siue actu primario. Affirmat enim, liberalitatem amabilem esse, & benevolentiam promitteri popularem, non propter eum actum, qui versatur in accipiendo, sed propter eum, qui positus in dando est. adeoque actum illum esse huic antefendum. Ex his enim necesse est id constituere tanquam exploratum ac certum, ex Aristotele eam virtutem excellentiorem, ac præstantiorem esse, quæ sit amabilior, & magis benevolentiam illam populi promereatur. At multo est amabilior, multo que rapacior benevolentia liberalitas, quàm Magnificencia. Hæc enim videtur expetere suum ipsius honorem & gloriam, liberalitas verò commodum alienum; quod est amabilius, & conuenit cum amicitia, quæ iustitiæ antefertur infra in lib. 8. propè initium.

Dicendum nihilominus est, Magnificentiæ esse liberalitate præstantiorem. quod

Aristoteles indicat hoc loco, cùm veram que perpendens, & alteram alteri comparans, ait, magnitudine vinci à magnificencia liberalitatem. Sed hoc eius testimonio prætermisso, quatuor rem ego rationibus planissimè demonstro. Prima. Virtus illa, quæ perfectionis obtinet rationem ac modum, ea præstabiliior absque dubio est, quæ ad eam perfectionem præparat viam. Hoc enim ex ipsa intelligimus perfectionis præparationisque ad eandem perfectionem natura & vi: è quibus illa, citra controuersiam, est excellentior, hæc deterior est. At Magnificencia perfectionis obtinet rationem; liberalitas verò præparationem quamdam habet ad ipsam Magnificentiæ perfectionem: adeoque, vt dicitur hic ab Aristotele, magnificencia sine liberalitate nulla est. Secunda. Quia omnis omnino virtus imperans, & quodammodo principatum obtinens eà præclarior est, quæ subseruit & famulatur. id quod tradit ipse quoque Aristoteles initio Metaph. Sed Magnificencia dominatum habet, exercetque in liberalitatem. Virtus enim, quæ versatur in fine, imperat virtuti, in iis versanti, quæ ducunt ad finem, vt dictum est in proœm. lib. 1. de arte militari, & ea, quæ fræna militari præparat eo modo, quem ipsa præscribit. Sed magnificentiæ vis omnis & actio versatur in earum rerum fine, quas liberalitas tractat velut materiam suam. tractat enim hæc pecuniam & opes, earumque bonam largitionem, acceptionemque demonstrat. Magnificencia verò Deum ipsum veluti scopum intuetur & bonum commune, cùm sumptus facit, vel sacros, vel publicos, vt eius officium primarium postulat. quæ profectò res finis esse debent pecuniarum & diuitiarum omnium, in quibus bene tractandis occupatur liberalitas. Tertia. Virtus illa, quæ in proposita materia difficiliore pulcrioresque rationes intuetur & sequitur, est excellentior: cùm virtus vniuersè omnis in arduo versetur & honesto, vt diximus in lib. 1. & sæpè alibi. sed magnificencia in pecunia diuitiisque tractandis difficiliore quasdam, & pulcriores sequitur rationes. quia in pecuniis impendendis, & faciendis sumptibus persequitur & vult magnitudinem, quæ difficultatem exhibet agenti. Quarta inter eas virtutes, quæ in eodem, certe in simili versantur actu, illa nobilior & præstantior est, quæ actum illum præstantiorem reddit & meliorem. sed inter has duas virtutes, liberalitatem & magnificentiæ, quæ in eodem versantur actu, hoc est, in consumptione pecuniæ, vel largitione, excellentiorem reddit & præstantiorem actum Magnificencia, quàm liberalitas. id quod constat exemplo quodam ab Aristotele proposito his penè verbis: Si enim, inquit, puero donanda sit pila, vel aliud eiusmodi munusculum, quod illam deceat ætatem, inueniet vir magnificus etiam in ea parua rem magnitudinem suam: dabitque rem parua, sed ornatissimam; & insignitè paratam. perinde ac si dicat, homini liberali satis esse donare pilam, aliudve puerile munusculum, cuius ætimationem pecuniâ metiri possimus: quia nihil

aliud contēdit, nisi dare id, quod pecunia estimetur & pretio. sed viro magnifico id illius non esse, quia in re quoque parua splendorem & amplitudinem inuestigat, cum etiam ipse res paruas quandam in suo genere magnitudinem habeant.

Neque verò argumenta illa, quæ sunt initio proposita, magnam exhibent ad nodos soluendos difficultatem. Primum enim refellitur ex partitione virtutis communis, aut communioris. duplici quippe ratione ac modo dici virtus aliqua potest communior. primo quidem, quia in pluribus actibus pluribusque negotiis versatur vna, quàm altera. Secundo: quia obiectum vnius ad communiteratem & publicum bonum magis pertinet, quàm obiectum alterius. Si primus spectetur modus & ratio, liberalitas est dicenda communior, quàm magnificentia, cum plures habeat actus; dandi, accipiendi, & custodiendi, pateatque latius, quàm ut intra splendidos & magnos tantummodo sumptus conclusi queat: sed tamen argumenti propositio prima in hanc sententiam accepta, falsa est. Neque enim quod hoc modo communius est, id etiam est præstantius & excellentius: cum excellentia peti debeat non ab actuum multitudine, sed ab eorum obiecti præstantia, & dignitate. Sin autem alterum intueamur modum, inuenimus magnificentiam esse liberalitate longè præstantiorem. Primaria enim magnificentie vis & ratio fertur in commune bonum: cum eius præcipuus & primarius actus in sacris & publicis versetur sumptibus, ut supra dictum est. id verò liberalitati non conuenit: quæ si priuatæ consultat utilitati, satis, superque suo perfungitur officio: si aliquid præterea conferat ad communem, vel cum magnificentia coniungitur, vel aliquid agit, quod ei non quidè necessarium, sed laudabilius est. Quod si in hanc sententiam primam illam argumenti propositionem interpretari velimus, dare profectò debemus, ac profiteri, præstantius id esse, quod est communius, hoc est, quod magis ad bonum commune conducit, & plus aliquid affert momenti ad reipublicæ commoditatem. hoc enim in magnificentiam præclare conuenit, quæ primariam operam bono nauat publico, priuato tantummodo secundariam.

Propositio argumenti secundi vera tantum haberi tunc debet, cum comparatio est inter ea, quæ propriè contraria sunt, nec oppositionem solum habent, sed oppositionem contrariam. propriè autem contraria sunt extrema. adeoque inter illa solum est oppositio contraria. Virtus verò non opponitur extremis, nisi oppositione priuatiua. obtinet enim eam perfectionem, qua cassi sunt actus, aut habitus extremi. In summa non potest aliquod vitium esse propriè contrarium virtuti, nisi eligat, agatque id quod summe aduersetur ei, in quibus virtus ipsa versatur & cernitur. Atque ut rem exemplo magnificentie ac liberalitatis illustremus, ita esset indecora parsimonia aut *paritas* propriè contraria magnificentie, si eligerent, agerentque malum aliquod maxi-

mè contrarium diuinis rebus, aut publicis, quibus ipsa limitibus continetur. Hæc autem virtus non eligit tam magna mala, sed medea. Quare potest aliquod esse vitium altero maius, cui opposita virtus altera melior, excellentiorque non sit: quia virtus non est vitio propriè contraria, sed opposita. Quod si virtus aliqua propriè contraria sit extremis, est eo perfectior & præstantior, quo contrarium vitium deterius est. Huiusmodi verò vix alia reperitur, nisi virtus Heroica, cui feritas verè proprièque contraria est, cum summe maxime, que illi opponatur propter eam exuperantiam, quæ omnem humani vitij modum egreditur. Ceterum propositione neglecta, satius erit assumptionem euertere. Non enim avaritia probrosa aut peior aut deterior, quàm vitia magnificentie opposita vitis, quæ illam exaggerent: cuiusmodi iniustitia aut intemperantia est. Sed hæc avaritia non tam liberalitati opponitur, quàm aliis virtutibus: ut iustitiæ, temperantiæque: quarum causa & probrosa, & aliis deterior vitis est. Avaritia verò simplex, quæ dici solet illiberalitas, quoniam nemini nocet, & intemperantiam, quæ probrosa est, non habet adiunctam, non est deterioris vitis, quæ magnificentie opponitur, & vitium quod leue censeri potest, atque ea, quæ per defectum opponuntur Magnificentie. Nam prodigentie respondet *paritas*; avaritiæ, *paritas*: ac propterea quod leue vitium est insolens illa sumptus ostentatio, ac prodigentia; & indecora partimonia quod leuis atque avaritia simplex. Vera verò è duabus sit peior, quæ retinet infra quemadmodum quæsitum est: An avaritia peior prodigentia sit.

In tertij quoque argumenti confutatione negandum est quod assumitur. Neque enim primarius liberalitatis actus est excellentior actu primario magnificentie: cum aliis dare sit virique proprium, ut ex Aristotele potest intelligi: qui disertè confirmat in hoc cap. magnificum virum sumptus facere magnos & spectabiles, non propter se ipsum, sed vel propter cultum rerum sacrarum, vel propter amplitudinem splendoremque reipublicæ, atque in eo positum esse primarium opus, officiumque magnificentie. Quare vel hoc ipso magnificentie primarius actus est excellentior, & maiores promeretur ac postulat à Republica gratias, quod ad commune bonum, & ciuitatis pulchritudinem splendoremque referatur.

Quartum utramque propositionem fallacem habet. Nam primò quidem, non omnis virtus eo melior est, quo amabilior. Est enim interdum virtus aliqua amabilior ei cupiditati, quæ bonum vtile vel iucundum expetit, non tamen amabilior illi voluntati, quæ bonum amat honestum. liberalitas verò, si est amabilior quàm ceteræ virtutes, est amabilior illi appetitioni, quæ bonum expetit vtile, non illi, quæ vult bonum honestum. oporteret autem, si veller omnes excellentia vincere, amabiliorem esse ob eum amorem, qui erga bonum honestum exciratur. Deinde ne propter amorem quidem erga bonum vtile amabilior est liberalitas, quàm magnificentia, ut

in assumptione contenditur. magnificentia enim utilior est Civitati.

QVÆSTIO QVARTA.

Quod nam è duobus extremis deterius sit.

MAGNIFICENTIA Græcè dicitur ab Aristotele *μεγαλοπρεπεια*, quæ minus Latine reddenda esset, magnidecentia. Vocabuli ratio ea est, quod sumptus faciat magnos, maximèque decentes. Duobus hæc virtus vitis interceptitur extremis: quorum alterum, quod in defectu positum est, *μικροπρεπεια* dicitur, & paruidecentia: barbarè nominatur à multis, quia sumptus facit paruos, nec decentes, nec eos, quos dignitas & decorum postulare; adeoque indecora parsimonia dici Latine cum Lambino potest. Alterum in exuperantia versans, appellatur *βασανια*, hoc est, insolens, aut gloriola sumptus ostentatio. Ac multi quidem quærent, num hæc verè vitia sint. Videntur enim eximi debere ab hoc nomine: Quia confirmat Aristoteles hic, non esse probrota. & in epistola quadam ad Alexandrum maximè laudat exuperantem supputandæ rationis diligentiam, quam tamen in hoc capite vult esse parvam, aut enim magnificum virum rationes sumptus non exiliter & ad vnguem, exigere. ergo tam nimium quàm parum in hoc genere laudat, quod profectò non faceret, si hæc essent vitia. Denique si sumptus illa insolens ostentatio vitium esset, esset idem, quod exuperantiam haberet, magnificentia contrariam. Id verò fieri non potest. Magnificentia quippe à magnitudine sumptus nomen accepit, ac propterea quo maior erit sumptus, hoc etiam perfectior erit & excellentior. Quærent hoc, inquam, aliqui, ac sic disputant, sed abutuntur otio; cum nemini dubium esse possit, quin hæc vitia sint, modò consideret quid ea nomina significant. Vt enim magnificentia est habitus, animum inducens ad magna opera, non quidem omnia, vel quælibet agenda, sed ad ea, quæ decora sunt, habita ratione personæ, quæ sumptus facit, loci, temporis, aliarumque circumstantiarum, quibus instructus esse debet omnis actus humanus, ita *μικροπρεπεια*, est habitus auertens à magnis & decoris operibus quæ facere oporteret habita circumstantiarum ratione; & *βασανια* habitus impellens ad facienda maiora, quàm oporteret, eadem neglecta ratione circumstantiarum. Cum igitur omnis habitus, aut excedens, aut deficiens, vitio carere non possit, illa duo citra dubitationem omnem vitia sunt, & vitij nomine carere non possunt. De probro autem vitiorum diximus supra, explicauimusque discrimen inter probrum siue vituperationem & inter simplicem accusationem. Nullum est enim vitium quod culpæ, accusari non debeat, sed tamen est aliquod minimè probrosum, hoc est, non magna dignum contumelia: cuiusmodi sunt hæc. Aristoteles verò cum laudat exuperan-

tem in supputandis rationibus diligentiam, non laudat exuperantiam ipsam, sed cautionem & studium tuendæ rei domesticæ idoneum, sine quo vlla esse liberalitas & magnificentia non potest. In summa, negligentiam damnat, cum laudat exquisitam diligentiam: & cum exuperantem diligentiam damnat in hoc capite, id damnat quod vniuersum est. Illud denique, quod dicitur extremo loco, confutauimus supra, cum diximus, magnitudinem magnificentia propriam, intimamque idcirco dici *μεγαλοπρεπεια*, quia debet esse decoro consentanea & rectæ rationi. hæc autem non est infinita, sed certis coercita finibus, extra quos egredi sine reprehensione non potest.

Hæc ergo questione præterita, id potius inuestigemus, quodnam è duobus, vitium peius & deterius sit. Ac videtur quidem insolentis *μικροπρεπεια*, siue indecora parsimonia deterius esse, quàm *βασανια*, & gloriola illa insolensque sumptus ostentatio. id quod vincere conantur his argumentis. Primum. Quia quemadmodum liberalitas est magnificentia similis, sic *μικροπρεπεια* similis est auaritia, *βασανια* verò prodigientia, sed auaritia deterius, quàm prodigientia est, vt diximus in cap. de liberalitate. igitur *μικροπρεπεια* peius est quàm *βασανια*.

Secundum. In extremis illud est deterius, quod magis longiusque distat à medio, vt in cap. de liberalitate supra dixit Aristoteles. Sed hæc indecora parsimonia distat magis à magnificentia medio, quàm *βασανια*, & illa insolens ac nimia sumptus ostentatio. conuenit enim hic ostentator bonæ quadam ex parte cum viro magnifico: quippe qui sumptuosa facit opera, nec alio nomine ab eo discrepat nisi quod sumptus facit magnos, vt non decet & oportet. quare facile habet ad medium regressionem & viam, contra verò indecora parsimonia magis distat à magnificentia: quia auaritiæ finitima est, & difficilius ad magnificentia mediocritatem perducitur.

Tertium. Ex vitis illud est peius, quod est insanabilius, vt docet Aristoteles in eodem cap. de liberalitate. Sed indecora parsimonia est insanabilior, quàm nimia & gloriola sumptus ostentatio. sanatur enim ætate, inopia, alii que præsidis quibus ipsa quoque sanari prodigientia solet.

Quartum. Inter ea vitia, quorum materia pecuniâ continetur & re, quæ pecuniâ æstimatur, illud peius est, quod minus prodest hominibus; illud melius, aut certe minus malum, quod magis prodest. Sed in impendenda pecunia indecora parsimonia prodest minus.

Quintum. Ex iis, qui pecunias tractant, ille deterius est, qui magis amat pecuniam, quàm homines. sed qui parsimoniam vult indecoram, magis amat pecuniam, quàm homines. qui verò exuperantiam in sumptibus magnis habet, plus amat homines, quàm pecuniam. ex amore quippe pecuniæ nascitur indecora parsimonia, ex contemptu pe-

cuniar, & ex amore erga homines ostentatio illa & exuperantia sumptus. Alij tamen volunt *parvus* ar, deteriore[m] ea esse, quæ *uix opima* dicitur, & versatur in eo, quod parum est, id quod demonstrare se putant rationibus plurimis. Quarum prima est. Quia *parvus* est, & insolens ille, gloriosusque sumptus ostentator cum exultante peccat læticia, & gloriatione fultis; ille verò, qui parsimoniam loquitur indecoram; cum tristitia peccat, ut docet hic Aristoteles. Peccatum verò eo est deterius & grauius, quod magis voluntarium est. At magis est voluntarium quod maiorem læticiam habet. Secunda. Quia qui per defectum & *impositum* peccat, eo nomine tantum peccat, quod non facit sumptus sicut oportet, facit enim sumptus præcise, imperfectè, serbè, cum tristitia. Ex alijs verò circumstantiis non egreditur, cum pecuniam impendat in ea, in quæ oportet impendere, & ubi oportet, & cum oportet. Sed gloriosus ostentator aggreditur quod aggredi non oportet, sumptus facit alieno loco, ac tempore, eoque modo, quo non deet, in ea, quæ non deceat facere; dat denique purpureum choragium ingredientibus proscenium Comiciis histrionibus, ut ait Aristoteles. Ergo plures præterit circumstantias, quàm ille superior, adeoque deterior est. Tertia. Quia ille qui nec id facit, quod bonum est, nec rectè facit, deterior est, quàm ille, qui tantummodo quod facit, non rectè facit. Sed gloriosus ostentator nec rectè agit, nec facit quod bonum est. præbet enim indumenta purpurea comædiarum histrionibus, & nuptiali conuiuio genialitèrque; vel plebeios; vel familiares excipit; & gloriam sequitur inanem, quod bonum non est, ac propterea non attingit materiam magnificentie, cum ab hac peccati materia longè absit magnificentia, sumptusque faciat in re non bonam. Ille autem qui sumptibus indecorè parcit, id facit quod bonum est, & quod ipse quoque magnificus faceret adhibito modo; atque ideo magnifico viro similior est, quàm gloriosus ostentator. Attingit enim magnificentie materiam, & facit quod bonum est, cum pecuniam impendat in ea, in quæ impendere oportet, & ubi oportet, & quo tempore oportet, nec alio peccet nomine, nisi quod modum, rationemque in eo sumptu non tenet idoneam.

Hæ sunt de Vitijs duobus, quibus est interiecta magnificentia dux inter se varie distractæque sententiar, de quibus ego iudicium ferre non possum, nisi comparationem explorem multiplicem, qua sic possunt inter se conferri, quemadmodum confertur auaritia cum prodigentia. Diximus enim primum in cap. de Liberalitate, tam auaritiam quàm prodigentiam & simplicem & compositam esse posse. simplicem esse, cum auarus parcat tantummodo rebus suis, sed non rapit alienas, quod esset iniustitia; cum prodigus profundit sua, sed ab alieno manum continet, nec profusionem refert ad explendam libidinem aliaue cupiditates, quod esset intemperan-

tia: Compositam verò, cum auarus non tantum res custodit ac retinet suas, sed furto, aut infami artificio questum facit, cum prodigus aut interuertit ab alijs quod profundat largiua, aut per largitionem sibi gradum facere contendit ad voluptates, ad tyrannidem & iniquum dominatum occupandum. Tum adieciimus; comparari primum posse auaritiam simplicem cum simplici prodigentia, compositam auaritiam cum composita prodigentia, deinde simplicem prodigentiam cum auaritia composita, aut contra; simplicem auaritiam cum composita prodigentia. De quibus comparationibus ita decreuimus. simplicem auaritiam esse peiorem simplici prodigentia, sed compositam prodigentiam esse posse deteriore[m] auaritia simplici.

Eodem igitur hic etiam erit comparandi ratio, cum querimus, quodnam è duobus hisce vitijs deterius sit. Video enim gloriosum illum ostentatorem, & eum, qui dicitur indecorè parcus, & simplicem & compositum esse posse. Simplex ostentator dici debet, cum de suo sumptum facit, nec eum aliud refert, nisi ad famam, gloriamque parandam: indecorè parcus, cum deficit tantum in magnis sumptibus, nec facit eos, quos magnificentie postulat ratio, sed sumptus tamen facit: cum magnos ipsos sumptus serbè facit, & cum tristitia, nec parcat sumptibus ideo, quod pecuniam perdidit amet, sed quod falsò putet, non suppetere sibi iusta præsidia ad suam suorumque amicorum vitam, salutemque tuendam, cum tamen diues & pecuniosus sit. neque enim pauper hoc vitio teneri potest, qui sumptus facere magnos non potest. Compositus autem ostentator est, qui non modò sumptus maximos facit in ea, in quæ oportet paruos facere, histrionisque comædijs vilissimos aureo instruit Choragio, & vulgares homines conuiuio regio excipit (id enim omnis facit ostentator,) sed qui non de suo Choragium dat, & accessionem etiam habet ab iniustitia, quique ad corruptelam plebis aut ad alia praua consilia refert insaniam sumptus. Qui verò est indecorè parcus, tunc est compositus, cum in re quoque parua parcus est, nec sumptus villos facit in rebus magnis. retinetque res suas, & parcat sumptibus, non quod velit sua, amicorumque & propinquorum indigentia consulere, sed quod pecuniam exaggerare studeat, quam amat impendio. Est enim hoc loco etiam illiberalitas & auaritia; & si parsimonia illa indecora referretur ad alia vitia, etiam eorum societatem vitiorum adfisceret.

Quibus ita distinctis, hæc sit huiusce questionis Prima Conclusio. Simplicem ostentatorem esse deteriore[m] eo, qui simpliciter est indecorè parcus. Id videlicet vincunt rationes illæ paulò antè secundo loco productæ in eorum gratiam, qui pronunciant vniuersè, gloriosam ostentationem sumptus esse peiorem, quàm parsimoniam indecoram. ostentator enim quoniam sumptum facit

magnum in ea, in quæ facere non oporteret, ac præsertim in rem parvam, præterit prorsus magnificentie materiam, & alias violat circumstantias, quas sanctè quodammodo colit magnificentia. Ille verò qui est indecorè parcus, vno tantum peccat nomine, quòd sumptum magnum in re magna non facit ut oportet, quæ violatio leuissima est, si cum illa sit conferenda, quæ se gloriosius ostentator obstringit. In summa, simplex ostentator esse nullus potest, qui non sit idem prodigus: ideo enim *βαρύπυρος* est & ostentator ineptus; quia perperam facit sumptus magnos. quòd à prodigientia separari non potest; dicitur tamen à nobis simplex, quia alia vitia adiuncta non habet, sed indecorè parcus haud necessarid coniuñctam auaritiā habet, immò necessarid liber ab ea societate est. Facit enim sumptus, & quidem in re magna, in quo liberalitatem facilè vincit: facit in re parua, in quo attingere facilè potest lineam liberalitatis. Res enim parua non postulat magnos sumptus, quemadmodum magna postulat magnos. Neque verò id necesse est id addere: compositum ostentatorem esse deteriozem eo qui simpliciter est indecorè parcus. id enim consequens est ex iis, quæ dicta sunt, cum ea compositio peiorem faciat ostentatorem.

Secunda itaque Conclusio sit huiusmodi parsimoniam indecoram, si composita sit,

esse deteriozem inepra sumptus ostentatione simplici. quia simplex ostentatio admittit solum societatem prodigientie; indecora verò parsimonia composita debet saltem cum auaritia coniungi, quæ peior est, quàm prodigientia, ut diximus in cap. de Liberalitate. Atque hoc est, quod conficiunt argumentationes illæ, rationesque prioris sententie, decernentis, indecoram parsimoniam esse deteriozem quàm ineptam sumptus ostentationem. Hæc enim composita verè insanabilis est, quemadmodum est auaritia, quæ cum ea coniungitur: hæc minùs prodest hominibus, hæc plus amat pecuniam, quàm homines: hæc plus distat à medio, & difficiliùs ad mediocritatem reducitur. In hanc denique cadunt omnia, quæ de auaritia dicta iam sunt. quia hæc verè similis est auaritie, siue potiùs auaritia ipsa. Illa verò simplex, quoniam vacat auaritia, nec auaritie similis est, non est iidem argumentorum telis exposita. Itaque negandum erit, magis eam distare à medio quàm ineptam sumptus ostentationem. Ut enim diximus, simplex hæc parsimonia materiam attingit magnificentie propriam, & sumptus facit magnos, nec aliam desiderat circumstantiam, nisi modum. sed vanus ostentator erga fines egreditur, ac propterea magis distat à medio difficiliùsque ad mediocritatem perducitur.



CAPVT TERTIVM. DE MAGNANIMITATE.

S V M M A.

Quid sit. quibus versetur in rebus. quæ viri magnanimi propria sint.

DIVISIO CAPITIS IN PARTES QVATVOR.

1. *Quæ sit materia Magnanimitatis, & vitiorum, quibus ipsa intermedia est.*
2. *Quæ sint Magnanimitatis functiones & actus.*
3. *Viri magnanimi proprietates quæ sint.*
4. *Quæ, qualiæve sint opposita vitia Magnanimitati.*

PARS PRIMA CAPITIS TERTII.

Η Δὲ μεγαλοψυχία, καὶ μεγαλὰ καὶ καὶ ἐκ τοῦ οὐνοῦ εἶναι εἶναι. καὶ ποῖα δ' ἐστὶ, καὶ πῶς αἰσθάνεται. καὶ φέρει δ' οὐκ ἐν πλεονεξίᾳ, ἢ τὸν καὶ πλεονεξίᾳ, οὐκ ἐστὶν. οὐδὲν δὲ μεγαλοψυχὸς εἶναι, ὁ μεγαλὸν αὐτὸν ἀξιοῦν, ἀξίος ὢν. ὁ γὰρ

Magnanimitas verò in rebus magnis vel ex ipso nomine videtur esse; in qualibus autem sit, principio cognoscamus. Interest porro nihil, habuimne, an cum, qui praditus habitu sit, consideremus. Videtur autem magnanimus esse qui magnus sese dignum existimat, dignus cum sit. Qui enim

μὴ κατ' αἰδῶν ἀπὸ ποιῶν, ἡλί-
θιος. τῷ δὲ κατ' ἀρετῶν, εὐδαίμων ἡ-
λίθιος, οὐδ' αἰήθιος. μεγαλόψυχος
μὲν οὖν ὁ εὐρημόμος. ὁ γὰρ μι-
κρῶν αἰεὶς, καὶ τούτων αἰεὶς ἐαυ-
τῷ, σάφρωι· μεγαλόψυχος δ' οὐ.
ἐν μεγάλῃ γὰρ ἡ μεγαλοψυχία,
ὥσπερ καὶ ὁ κάλλος ἐν μεγάλῃ σῶ-
ματι. οἱ μικροὶ δ', ἀεὶς καὶ σύμμε-
τροι, καὶ οὐδ' οὐ. ὁ δὲ μεγάλων
αὐτῶν αἰεὶς, ἀναξίος ὢν, ῥαῦτος.
ὁ δὲ μειζόνων ἢ αἰεὶς, οὐ πᾶς ῥαῦ-
τος. ὁ δ' ἐλαττόνων, ἢ αἰεὶς, μικρό-
ψυχος, ἐὰν τε μεγάλων, ἐὰν τε με-
τρίων, ἐὰν τε καὶ μικρῶν αἰεὶς ὢν,
ἐπ' ἐλαττόνων ἐαυτῶν αἰεὶς, καὶ μέ-
λιστα αὐτὸν δόξῃν ὁ μεγάλων αἰεὶς. τί
γὰρ αὐτὸν ἐπὶ, εἰ μὴ ποιούτων ἡ
αἰεὶς; ἐστὶ δὲ ὁ μεγαλόψυχος, τῷ μὲν
μεγέθει ἄκρος, τῷ δὲ ὡς δεῖ μέσος.
τῷ γὰρ κατ' αἰδῶν ἐαυτῶν αἰεὶς. οἱ
δ' ὑπερβάλλουσι, καὶ ἐλλείπουσι. εἰ
δὲ δὴ μεγάλων ἐαυτῶν αἰεὶς, αἰεὶς
ὢν, καὶ μέλιστα τῷ μεγέθει, πᾶσι
ἐν μέλιστα αὐτὸν εἶναι. τί οὖν τῷ ἐστὶν,
ἐκ τῆς αἰεὶς ἀποδείξον. ἡ δ' αἰεὶς
λέγεται πᾶσι ἐκ τῶν ἀγαθῶν. μέ-
γιστον δὲ τῷ δὴν θεῶν, ὁ τοῖς
θεοῖς ἀπενέμεται, καὶ οὐ μέλιστα
ἐφίεται οἱ ἐν αἰεὶς ματι, καὶ ὁ ἐπὶ
τοῖς καλλίστοις ἀθλοῖς. ποιοῦται δ' ἡ πι-
μὴ, μέγιστον γὰρ δὴ τῷ τῷ ἐκ τῶν
ἀγαθῶν. πᾶσι ἡμαῖς δὲ καὶ ἀπμίας ὁ
μεγαλόψυχος ἐστὶν, ὡς δεῖ. καὶ αὐτὸν δὲ
λόγου φαίνεται οἱ μεγαλόψυχοι πᾶσι
ἡμῶν (εἶ). ἡμῶν γὰρ μέλιστα οἱ με-
γάλων αἰεὶς ἐαυτοῖς. κατ' αἰδῶν δὲ.
ὁ δὲ μικρόψυχος, ἐλλείπει καὶ πρὸς αὐ-
τῶν, καὶ πρὸς τὸ τῷ μεγαλόψυχου
αἰεὶς ματι. ὁ δὲ ῥαῦτος, πρὸς ἐαυτῶν μὲν
ὑπερβάλλει. οὐ μὲν τὸν γε μεγαλόψυ-
χον. ὁ δὲ μεγαλόψυχος, εἴτε. τῷ
μεγέθει αἰεὶς, ἀεὶς αὐτὸν εἶναι. μέγισ-
τος γὰρ αὐτὸν ὁ βελτίων αἰεὶς, καὶ
μεγίστων ὁ ἀεὶς. τὸν ὡς ἀληθῶς
ἀρετῇ μεγαλόψυχον, δεῖ ἀγαθὸν εἶ-
ναι. καὶ δόξῃ δ' αὐτὸν εἶναι μεγα-

non pro merito hoc facit, stolidus est. at eo-
rum qui praediti virtute sunt, nemo stolidus
est, neque demens. Est ergo magnanimus is,
qui dictus est. Qui enim parvus est dignus,
eisque dignum censet seipsum, modestus est;
magnanimus vero minimè. In magnitudine
quippe magnanimitas consistit, quemadmo-
dum et pulcritudo in magno corpore. parui
verò elegantes sunt, et concinni, pulcri au-
tem minimè. Ille verò qui magnus se dignum
putat, indignus cum sit, elatus est. Sed qui
se maioribus dignum censet, non omnis su-
perbus. Qui autem minoribus, quam sit, di-
gnum se putat, animo pusillo est: siue magnis,
siue medicis, siue etiam parvis dignus
sit; et adhuc minoribus se censeat dignum.
maximèque talis esset, si videretur magnis
dignus. quid enim faceret, si talibus non esset
dignus? Est ergo Magnanimus magnitudi-
ne quidem summus, quatenus autem oportet,
medius. Nam secundum dignitatem seipsum
dignum putat. alij verò, excedunt, et defi-
ciunt. Verumtamen si magnis se dignum
existimat, dignus cum sit, et præcipue ma-
ximis, in uno maximè versabitur. quid igitur
id sit, ex dignitate intelligendum est. di-
gnitas autem refertur ad externa bona. ma-
ximum autem hoc esse statuere deberemus
quod Diis attribuimus, quodque maximè
appetunt qui sunt in dignitate, et quod præ-
clarissimarum rerum præmium est. Huius-
modi autem est honor. maximum enim hoc
est externorum bonorum. In honoribus igitur
et ignominiiis magnanimus versatur, ut
oportet. quin argumentatione remota ap-
paret, magnanimos in honore versari. ho-
nore enim præcipue magni viri se dignos pu-
tant: sed pro dignitate pusillanimus verò de-
ficit, et ad suam ipsius personam et ad ma-
gnanimi dignitatem comparatus, elatus au-
tem ad se comparatus excedit. non verò ad
magnanimum collatus. Quod si magnani-
mus est maximis dignus, optimus sit necesse
est. Maioribus enim semper qui est melior
dignus est, et maximis qui est optimus. I-
gitur qui magnanimus re vera est, cum opor-
tet bonum esse. Videtur verò esse Magna-

λοφύρου, ὅ ἐν ἐκάστῃ δρετῇ μέγα.
οὐδαμῶς τ' αὖ ἀρμόζοι μεγαλοψυχία
φάσιν ὡς αἰσίουσι, ὅς τ' ἀδικεῖν. ἡ-
τος γὰρ ἐνεκα περὶ αἰσίου, ὃ οὐκ ἐν μέ-
γα; καὶ ἐκάστῃ δ' ὅπως ποῦντι πᾶ-
σι μελῶς φαίνεται αὖ ὁ μεγαλοψυχός,
μὴ ἀγαθὸς ὢν. ὅς τ' εἴη δ' αὖ ὅς τ' ἡ-
μῶς ἀξίος, φαῦλος ὢν. τῆς δρετῆς γὰρ
ἀθλοῖν ἢ ἡμῶν, ὃ ἀπομένεται τοῖς ἀγαθοῖς.
εἶκοι μὲν οὖν ἡ μεγαλοψυχία, ὃς χέσμιος
πῶς εἴη τῇ δρετῇ. μίζους γὰρ αὐτὰς
ποῖς, ὃ οὐ γὰρ αὐτὸ ἐκείνων. Ἀλλὰ τῇ
χαλεπὸν τῇ ἀνδρίᾳ μεγαλοψυχὸν εἴη.
οὐ γὰρ οἷον τι ἀνδρὶ καλοκἀγαθίας.

nimi id, quod in unaquaque virtute ma-
gnum est. nulloque modo convenit Magna-
nimo fugere dimissis manibus, aut iniuste
agere. cuius enim rei causa turpia faciet, cui
nihil est magnum? singula verò consideran-
ti omnino ridiculus videretur Magnani-
mus, si bonus non sit. ac ne honore quidem erit
dignus, si malus sit. Virtutis quippe pramiū
honor est, & attribuitur bonis. Videtur ergo
Magnanimitas quasi ornamentum aliquod
esse virtutum. maiores enim ipsas efficit, &
non constat sine ipsis; ac propterea difficile
verè est Magnanimum esse. Non enim esse
potest sine eximia probitate.

EXPLANATIO.



QUONIAM de Magnanimitate, eiusque vitiis oppositis hoc tertio ca-
pite disseritur, quatuor distribui potest in partes. quarum prima ma-
teriam continet, tum huiusce virtutis, tum aduersantium ei vitiis:
secunda, functiones, actūsque Magnanimitatis in sua materia versan-
tes exquirat: tertia, percenset viti Magnanimi proprietates: quarta, vitia ipsa ei-
dem Magnanimitati contraria proponit & explicat.

In hac ergo prima, quam interpretari aggredimur parte, Magnanimitatis ma-
teriam ex vocabuli notione peruestigat, quemadmodum etiam fecit cum de Ma-
gnificencia disserat. Dicitur quippe Magnanimitas Græcè μεγαλοψυχία; Latine à
Cicerone Magnitudo, aut altitudo animi; à plerisque Magnanimitas. de qua dis-
putat Cic. in lib. 1. offic. Pontanus in duobus libris, Franc. Patrit. in lib. 7. de Re-
gno cap. 8. Nomen igitur ipsum significat, huius virtutis materiam esse aliquid ma-
gnum, & virum magnanimum versari procul dubio in magnis oportere. sed in eo
tamen illam adhibendam esse curam & diligentiam ait; ut inquiramus, qualia esse
necesse sit hæc magna, quibus magnanimitatis materia circumscribitur; cum ipsa
quoque magnificentia, ut supra diximus, occupetur in magnis. Quod antequam
præstet, ad doctrinæ viam aperiendam planius, vnum monet: parui, aut nihil re-
ferre in virtutibus explicandis, verum ipsum animi habitum, an cum, qui sit habitu
prædictus consideres, hoc est, verum de habitu & virtute ipsa verba facias, an de il-
lo, qui ea sit ornatus instructusque virtute. Eadem enim abstracti, & concreti ratio
est, ut Grammatici dicunt, eademque coniugatorum vis est & natura, quemad-
modum Dialectici loquuntur. Quapropter omnia hoc loco Magnanimo tribuit
quæ tribuenda Magnanimitati essent, ea fortassis ex causa, ut Gifanius arbitratum
quod sæpè uti debeat verbo ἀξίου, quod est dignum se iudicare, & ut barbarè ver-
tunt aliqui, dignificare se ipsum. id enim homini potius convenit, quàm rei. Duo
sunt igitur Aristoteli docenda & ostendenda; Magnanimitatem & in rebus magnis
versari, quod Magnificencia quoque commune est, & in certis quibusdam rebus
versari in magnis, quod est proprium Magnanimitatis. Primum, hoc est, in magnis
versari, ex magnanimi viri definitione demonstrat. definitionem autem paulo ali-
ter nobis tradit, quàm vulgò circumferatur. Illum quippe magnanimum omnes
dicunt, atque hoc nomen in eo ponunt homine, qui ad omnia, quæ vel aduersus
incurrunt, vel ex animi sententia eueniunt, sic paratum animum habet, ut nec rebus
efferri prosperis, nec aduersis deici se patiatur. Nimirum benè valentibus, sanisque
corporibus similem volunt esse magnanimum. Ut enim illa nec æstu languescunt,
nec frigore contrahuntur, ita magnanimus is vulgò putatur esse, qui nulla fortunæ
mutatione concussus, æquabilem ubique retineat tranquillitatem, rebûsque pro-

sus omnibus existimet se superiorem. Paulò, inquam, aliter hìc definiuit Magnanimum Aristoteles. Quamquam enim hoc etiam ei proprium esse confirmat, vt nec secundà nec aduersà fortunà concutiat, vult tamen eum potissimum esse, qui cùm magnis dignus sit, magnis quoque se dignum existimat, & ad magna contendit: cetera verò quæ Magnanimo tribuuntur, quasdam esse proprietates, quæ ex hoc capite proficiuntur. Ex hac, inquam, definitione rationem ita ducit, & concludit Aristoteles: Ille qui dignus est magnis; & magnis se dignum existimat, in magnis sine dubio versatur, & curam studiumque suum ponit in magnis. At magnanimus & dignus est magnis, & magnis se dignum existimat. Quam assumptionem veram esse duplici ratione à contrario peritâ conatur ostendere. Prima enim est huiusmodi. si Magnanimus non est is, qui se dignum censet magnis, cùm iis verè dignus sit, eum faciamus oportet magnanimum, qui se magnis existimat dignum, cùm verè non sit. At stolidus est, & fatuus qui talis est. virtus autem à stoliditate ac fatuitate disiunctissima est, nec quisquam qui virtute sit præditus, inuenietur amens, & stolidus. pugnant enim hæc inter se. Altera potest in hunc modum explicari: Nisi vir Magnanimus is est, qui cùm magnis sit dignus, dignum se iudicat magnis, erit ille fortassis, qui cum paruis sit dignus, paruis quoque se iudicat dignum. At is modestus dicitur potius, & ea temperantia præditus, quæ moderationem in vnoquoque rerum genere significat. Quæ cùm ita sint, efficitur, vt magnanimus versetur in magnis, quod erat Aristoteli demonstrandum. Hæ rationes si cui parum habere roboris videbuntur, aliter expediri sic poterunt: Si non est magnanimus, sed potius stultus & fatuus qui se magnis iudicat dignum, cùm verè non sit, erit ille magnanimus, qui se iudicat magnis dignum, cùm dignus verè sit. Si modestus, non magnanimus iure dicitur is, qui se paruis existimat dignum, cùm verè sit; erit is Magnanimus qui se dignum censet & iudicat magnis, quibus verissimè dignus est. Fateor tamen Aristotelem tamquam rem exploratam ac certam ponere: Magnanimum iudicare se dignum magnis: & rationibus illis id tantum vincere, Magnanimum iis verè dignum esse, quibus se iudicat dignum. Posset enim aliquis respondere Magnanimum non cum esse qui se dignum iudicat magnis. sed hoc, vt dixi, voluit haberi pro comperto. Magnanimus quippe vel ipso nomine demonstrat appetere se magna. non potest autem appetere nisi dignum se iudicet magnis.

Displicet hæc Magnanimi definitio Ludouico Viues in lib. 6. de causis corruptarum art. Reprehenditur à Vito Amerbachio in Comment. ad lib. 1. Magn. Moral. eo nomine, quod Magnanimitas ita definita cum Christiana pugnet: quæ inter maxima promerita minores semper honores expetit, iubetque Magnanimum, quo maioribus se dignum honoribus videt, hoc magis esse modestum & moderatum. Sed frustra virgulam istam censoriam in Aristotelem mouent: qui, vt infra videbimus, minimè vult arrogantem esse Magnanimum; quem intra suæ magnitudinis fines ita iubet se continere, nihil vt sibi plus arroget quàm mereatur. Neque verò Christiana philosophia vetat nos intelligere nostra promerita & dignitatem, aut ob ea honorem expetere, modo ipsum nostri promeriti Deum intelligamus auctorem esse, ei que tributum nobis honorem ex animo redonemus. Denique superbiam, elationem, arrogantiam damnat Christiana Magnanimitas; sed eandem ipse quoque proscribit Aristoteles; de his autem in quæstionibus diligentius explicabitur.

Videamus nunc, quid sibi velit Aristoteles, cùm ait Magnanimitatem cum pulcritudine congruere, ac similitudinem obtinere. Cùm enim dixisset Magnanimitatem in magnis necessariò versari rebus, nec à magnis rebus posse separari, adiunxit, Magnanimitatem sic in magnitudine sitam esse, quemadmodum in magno corpore sita est pulcritudo. significat nimirum his verbis, ita Magnanimitatem cerni & apparere necessariò in rebus magnis, vt pulcritudo necessariò est in magnis corporibus, à quibus seungi ac separari non potest. parua enim corpora, quod ait ipse, elegantia quidem, venusta & concinna dici vulgò solent, formosa & pulcra dici non solent. Reprehenditur meritò Perionius à Lambino, quod ita verterit hunc locum: Parui homines sunt quidem astuti: ratus ἀστῆτοι, quæ vox est in Græco codice, astutos esse, non elegantes, vt diximus. Reprehenditur meritò. Synonymon enim quod sequitur declarat quid significet. οἱ μικροὶ δὲ ἀσῆτοι, καὶ σύμμετροι, χαλοὶ δὲ οὐ. Rectè Xenophon Cyrum illum, quem non ad

optimi solùm, sed etiam ad pulcherrimi Regis describit normam, ita commendat. Alij prædicabant sapientiam: alij tolerantiam: alij lenitatem; alij denique dignitatem & magnitudinem. dignitatem videlicet pro pulcritudine posuit. Sapiēter etiam Ouid. de Romulo. Pulcer & humano maior. cur autem magna tantummodo censeantur pulcra, ea ratio redditur à Pontano: quòd pulcritudo dignitatem afferat, dignitas verò tantummodo sit in magnis; cùm in parvis contemptus potius quidam sit. sed addi hæc etiam potest: quod pulcritudo sit solùm rerum perfectarum, parua verò perfecta non sint; nec dici perfecta possint nisi quæ iustam magnitudinem habent. Colligit Pontan. virum magnanimum esse neminem, qui præditus magna insignique corporis dignitate non sit. sed fallitur. Vt enim dignitas, magnitudo, & pulcritudo corporis Magnanimum ornent, possunt tamen ab eo desiderari sine magnanimitatis intererimento.

His de Magnanimitate positis, & declaratis, aggreditur opposita vitia perquirere. quorum primum, quod exuperantiam habet, in eo cerni confirmat, qui magna se meritum imuneritò putat, & magnis dignum quibus indignus verissimè sit. atque hunc ait appellari superbum, elatum, tumidum, ventosum, inflatumve. vertunt aliqui lentum, quia Græcè est *χαυός*, hoc est, hiulus, vastus, laxus, aut lentus, quemadmodum isti Latinam eam vocem fecerunt, vocabuli proprietatem secuti, quod hoc loco metaphoricum est, & superbum elatumque significat. superbus enim elatusque cur vastus, hiulusque dici possit, planissimum est, cùm insanam quamdam infinitamque gloriæ cupiditatem, quasi vastam, hiulcamque voraginem præferat. Cur autem dici quoque laxus, lentusve possit, hanc esse causam aliqui putant, quòd quemadmodum pelles, & salices appellantur lentæ, quasi molles & flexiles, sic superbi, ventosi & tumidi dici lenti possint, quòd nihil solidi ad magnos consequendos honores afferant, sed tantum mollem quamdam & laxam existimationem sui. Idcirco enim suprâ stolidi & amentes ab Aristotele nominantur. Negat tamen, id quod suspicari aliquis posset, illum etiam appellandum esse tumidum ac superbum, qui maioribus, quàm verè meritis sit, se dignum existimat. Nam ex inscitia in eo peccare potest, & de veritate doctus facile corrigeretur. Esset eiusmodi qui, quoniam Rempublicam mediocri subleuauit opera, suminis se dignum eiusdem Reipublicæ putet honoribus, & primario magistratu. Non enim hic appellandus est *χαυός*, cùm aliqua promerita ad honores adipiscendos afferat. *χαυός* enim affert omnino nulla.

In hunc modum eo constituto, qui per exuperantiam errat, eum qui per defectum peccat, intelligi vult ex comparatione cum illo, qui maioribus se dignum existimat quàm meritis sit. Quemadmodum enim reperitur qui ampliora putat esse promerita sua, quàm verè sint; sic est etiam qui minora se mereri censeat, quàm mereatur. Hunc igitur non eo vindicat modo ab extremo vitio, quo vindicauit superiorem; sed contendit dicendum esse *μικρόψυχον*, pusillanimum, vt verbum illud compositum, altero composito, sed non ita Latino reddatur. dici enim per circumscriptiōnem deberet pusillo, inopi, humili, angustoque præditus animo: qualem esse se scribit Horat. in 1. ser. sat. 4.

Di beæ fecerunt, inops me quòdque pusilli

Finxerunt animi.

Is autem magnanimo planè oppositus est & contrarius, ac propterea peccat in eo, quod parum est perfectum, siue magna, siue mediocria, siue parua mereatur, modò minora sibi tribui oportere putet, quàm meritis sit. Addit tamen Aristoteles, eum maximè hoc vitio teneri, qui cùm magna sit meritis, magnisque sit dignus, minora, aut etiam minima, aut nulla sibi deberi arbitretur. Quid enim faceret, inquit, nisi tantis esset promeritis instructus? perinde ac si dicat. cùm tam humili abiectoque sit animo magnis ornatus promeritis, quanto esset humiliore, atque abiectiore si nihil meritis esset? Is adeo maximè humili, pusilloque animo est.

Quatuor igitur hominum genera, vt concludamus omnia, distinguere ac partiri liceret. primum eorum qui paruis digni, paruis quoque se dignos existimant, nec ad maiora contendunt: quos Aristoteles *σώφρονες* vocat, continentēs, seu temperantes; hoc est, vt suprâ diximus, modestos, & moderatos. alterum eorum, qui cùm sint indigni, nullisque promeritis ornati, maximis tamen se rebus arbitrantur dignissimos, quos *χαυίους*, elatos, tumidos, superbos appellat, hoc

est, eos, qui peccent in nimio, & per exuperantiam Magnanimis aduersentur. Tertium eorum, qui magnis quidem rebus digni sunt, sed maioribus tamen se dignos existimant, aut inscitia, aut amore sui decepti, cui aliqua danda venia est: quos propriè dicendos elatos superbosque non vult. Quartum eorum qui cum magna sint meriti, minora sibi deberi putant, aut minima, vel nulla. quos pusilli animi homines propriè dici iubet, Magnanimis per defectum oppositos.

Quoniam errandi ansam se dedisse videt Aristoteles iis, qui credere possent, Magnanimitatem hanc, quam facit in magnis versantem rebus, à medio discedere, submouet erroris occasionem, affirmans, Magnanimum, quamquam propter magnitudinem, in qua versatur, est summus, extremum tamen haud attingere, sed medium obtinere, non quidem rei, sed rationis: quia in ea magnitudine versatur ut oportet, & quemadmodum ratio præcipit. denique, ut alibi diximus, non est ipsa spectanda quantitas, sed ratio: à qua discedere non licet, quin discedatur à medio. Ratio verò admonet Magnanimum, ut iis se dignum censeat, quæ suæ virtuti respondeant. hæc autem quantumuis summa, si quantitatem spectes, media tamen sunt, si rationem ita iubentem incuearis.

Hactenus demonstratum est, Magnanimum in rebus versari magnis, immò verò in maximis; sed quæ, qualesve sint hæc res magnæ maximæque, nondum constat: adeoque sequitur, ut id necessariò videamus. Exquirens igitur has res, & perpendens singulas, ait esse honores; & honoribus se dignum magnis iudicare Magnanimum. id quod hac ratione demonstrat: Cum dicitur aliquis aliquibus dignus, eiusmodi dignitas ad bona refertur externa, quæ præmia rectè factorum sunt. Nemo enim meritorum suorum præmia vulgò dicit esse debere bona animi & virtutes, sed externa. ergo Magnanimus dignum se censet ob sua ipsius merita, quæ putat esse maxima, maximis bonis externis. At bona externa, quæ maxima sunt, vnica etiam sunt. maxima enim bona excellentia sunt: quæ autem excellent, fere vnica sunt. vnicam igitur oportet esse rem qua se dignum existimat Magnanimus. At hæc inter externa bona est ea, quam ipsi quoque tribuimus Deo. Deo autem ex externis bonis maximè tribuimus honorem, ut dicitur in Politic. lib. 1. cap. 12. ab Aristotele, & à Cicer. in primo lib. offic. Honore igitur existimat se dignum Magnanimus, & honorem expetit. Concludit hanc partem, pronuncians ad extremum; viri Magnanimi materiam, in qua ipse versetur, esse se honorem & ignominiam; idque absque ratione ostendi posse, hoc est, verbis & ratione doceri non oportere; cum experimento constet, viros magnos magnis honoribus censere se dignos, sed tamen ut oportet, hoc est, nec pluribus, aut maioribus; nec paucioribus minoribusque, quàm meriti sint. Quo nomine differunt ab iis, qui pusillo animo, & ab iis, qui tumido sunt & elato. Illi enim haud attingunt modum, quippe qui minoribus se censent honoribus dignos, quàm verè sint. Hi autem ab eodem modo discedunt, maioribus se dignos honoribus existimantes, quàm verè sint.

Duo possunt obici, & quidem ex Aristotele. Primum est in primo Rhet. vbi Magnanimi materiam non honorem, sed beneficentiam, & benefacta constituit. sic enim Magnanimitatem definit: Magnanimitas est virtus, quæ maxima in alios beneficia confert. huic contraria est paruitas animi. Vult igitur Magnanimitatem virtutem esse liberalitati aut Magnificentiæ coniunctam: quæ sua ipsius utilitate contempta, prodesse aliis maximè studeat, vitiūque Magnanimitati contrarium eorum esse, qui suam tantummodo quærunt utilitatem, neque vlla conferre beneficia conantur in alios. quæ omnia præclare Cicero comprehendit his verbis in offic. 1. Nihil est tam angusti animi, tamque parui, quàm amare diuitias, nihil honestius magnificentiūque, quàm pecuniam contemnere si non habeas; si habeas, ad beneficentiam, liberalitatēque conferre. Secundum est in libello de virtutibus: vbi præter honorem & dedecus, secundam etiam aduersamque fortunam esse Magnanimi materiam ait; cum eius officium esse velis in vtraque rectè se gerere, ac moderatè. De primo respondeo; in Rhetoricorum libris haud accuratè de virtutibus Aristotelem agere, nec earum vim, naturamque describere subtiliter, exiliterque, quod in Moralibus facit, sed modo quodam ad dicendi doctrinam accommodato. Itaque satis habet eo loco pro definitione Magnanimitatis aliquid proponere, quod Magnanimi sit. Quamquam enim solius

Magnanimi proprium non est benefacere, cum hoc liberalitatis & beneficentiae sit, diuitias tamen contemnere, ut alius benefacias, ad Magnanimum pertinet, & est ei res propria, sed non materia. Nihil ergo mirum est, si ab hac proprietate imperfectam petiuit definitionem, quae oratori sit satis. Quod ad secundum attinet; dico virtutem Magnanimitatis praecipue potissimumque in honore versari, secundario tamen etiam in aduersa fortuna, idque sibi Aristotelem in Politicis voluisse, ut infra etiam hic explicabitur.

Quod si Magnanimus est maximis dignus, &c.] Cum & res magnas, & certas quasdam res magnas, hoc est, honores, materiam esse magnanimitatis ostenderit, comparare aggreditur eandem cum ceteris virtutibus, inuestigatque, quodnam habeat cum illis commercium, aut coniunctionem. Ponit ergo primum, neminem esse magnanimum posse, qui non ceteris praeditus virtutibus sit, nec vllam posse constare Magnanimitatem sine ceterarum virtutum societate, adeoque magnanimum esse virum optimum & praestantissimum. Pronunciat autem hoc: ne quis putet, virum magnanimum esse posse, qui nulla honesti habitatione, per improbas artes honores adipisci velit & gloriam. Iubet enim cum ad virtutum omnium contendere cumulum, qui Magnanimitatis fructum capere velit; cum haec una sit virtus, quae virtutum omnium postulet comitatum, si vere dictum ab eo est, Magnanimitatem sine ceteris virtutibus constare non posse. Id vero probare sic nititur: Magnanimus est qui se dignum maximis honoribus existimat, & quidem optimo prudentissimoque iudicio; quia vere dignus illis honoribus est. At qui dignus maximis honoribus est, proculdubio est optimus, & praestantissimus. quo enim quisque melior est, hoc etiam maioribus censetur, & est dignus honoribus: & optimus quisque dignus est maximis. Igitur Magnanimus vir, optimus est etiam, & praestantissimus. Non potest autem eiusmodi esse, nisi virtutibus omnino instructus & communis sit omnibus. probitatem enim ex virtute, & excellentem probitatem ex omnium virtutum complexione metimur. Igitur Magnanimus omnium virtutum quasi familiam ducit & comitatum. Dubitare quis possit: an Magnanimitas ipsa per se habitus aliquis à ceteris seiunctus & separatus sit, quandoquidem ab aliis virtutibus ita dicitur inuidua. Amolitur hanc dubitationem Aristoteles, maximam ipsi Magnanimitati laudem adscribens. At enim, id quod in vna quaque virtute magnum, & amplum est, id esse viri magnanimi proprium. quasi dicat, vnamquamque virtutem in sua quidem versari materia, & cum in ea versatur, id agere, quod sibi proprium est: sed magnanimitatem sic in eadem singularum versari materia, ut agat id solum efficiatque quod in ea videt esse magnum. Fortitudo quippe satis habet cum suam tractat materiam, contemnere pericula: sed accedens magnanimitas non pericula tantum, sed maxima pericula despicit. Temperantia si spernat voluptates, officio suo fungitur appolite. sed Magnanimitas eandem aggressa materiam, aspernatur & frangit maximas cupiditates. Liberalitas, modo aliis impertiatur de suo, laudabilis est. magnanimitas nullam promeretur laudem, nisi in eo genere sumptum faciat magnum, & aliquid amplum aliis largiatur. Recte adeo in Eud. lib. 3. magnam huic virtuti cum Magnificencia & gravitate esse coniunctionem. Docet haec Aristoteles non quidem plane, sed abdicere per exempla contraria. cur enim dixisset id esse Magnanimi proprium, quod in vnaquaque virtute magnum est: addidit, non esse magnanimi aut iniuriam alicui facere, aut maximo cum timore fugere. perinde quasi diceret, esse Magnanimi id, quod est in iustitia summum, & quod in fortitudine censetur eximium. In quo perpendendum puto quod à fortitudine petiuit exemplum. Dixit enim, haud congruere Magnanimo *φύγει τὸ δεινόν*, fugere, ut cum interpretatus est locum Latinus, dimissis manibus; hoc est, praetimore festinanter & effuse currere. Qui enim celeriter, effuseque currere contendunt, manus iactant. quia manuum illa iactatione subleuatur cursus, adiuvaturque Aristotele recte in lib. de progressionē animal. Id vero Graeci dicunt *φύγει τὰ δεινὰ τὰ χεῖρα*. Latini currere dimissis manibus, ut est apud Plaut. in Epidico. Immo, si audias meas pugnas, inquit, fugias manibus dimissis domum. Et in Pseudolo. dimissis pedibus; peccavi insciens; dimissis manibus volui dicere. Significauit etiam hoc exemplo fortassis Aristoteles, Magnanimum in fortitudinis materia versantem id agere, ut nullum timoris argumentum praese ferat, aut certe, si aliquando fugiat;

non effusè fugere, sed in ipsa etiam fuga decorum & dignitatem retinere. id quod de leone animalium fortissimo ac generosissimo scriptum reliquerunt Aristoteles, & Plin. in 8. cap. 15. in quo illam nobilioris animi significationem agnoscunt, quòd qualibet magna canum & venantium turba ingruente, resistat in campis patentibus, idemque tamen ubi virgulta penerarit, acerrimo cursu feratur. Ita quoque fugientem facit Aiacein Homerus in Iliad. λ. & comparat cum leone.

Rationem vero subiungit & causam per interrogationem, cur neque timidè fugiat, neque sit iniustus vir magnanimus. cuius enim rei causa, inquit, turpiter faciat is, cui nihil est magnum, hoc est, qui omnia pro nihilo putet, atque infra se posita esse arbitretur: despiciit enim pecuniam, opes, voluptates, cetera, quæ prima vulgus existimat, ut docebitur infra.

Qua ex ratione secundam quoque vult existere causam, cur Magnanimum omnino bonum virum esse oporteat. Non enim habet, inquit, cur malus esse debeat is, qui despiciit, & pro nihilo ducit omnia. Cui tertiam denique subiungit ab absurdo desumptam, quòd re probè considerata singulisque virtutibus ad examen vocatis, sanè videatur stultus, qui velit dici magnanimus, ac tamen improbus sit. nihil enim æquè pugnat cum virtutibus, quas Magnanimitas amplificat. Quartam denique proponit à primo fonte repetitam. quòd ne honore quidem dignus sit qui bonus non est. At magnanum definitio id postulat, ut honore sit dignus. Honor enim & virtuti solum debetur, & virtutis præmium est.

Claudit hanc partem egregia verissimamque sententia: confirmans, Magnanimitatem denique omnium esse virtutum ornamentum, easque meliores, ampliores, excellentiores, atque ornatiores efficere; cum id quod in singulis eximium & maximum est, sequatur & velit. Iure itaque à Cicerone virtus hæc splendidissima dicitur, & à Pontano coronæ ex optimis quibusque flosculis intextæ comparatur: immo verò etiam Danubio aut Rheno fluuiorum Regibus, in quos cetera flumina tanquam in dominorum æraria delabantur. Ex quo id postremo intelligi vult Aristoteles, hanc virtutem parari difficile posse, rarosque viros reperiri verè magnanimos: cum nulli esse sine quadam insigni & vniuersa probitate magnanumi possint; quam probitatem appellat ipse χαλοκαγαθίας: hoc est, cumulum, & perfectionem virtutum omnium, quemadmodum ex eodem discere possumus in lib. 2. Magn. Moral. cap. 9. Debet quippe magnanimus esse χαλοκαγαθός, hoc est, omni probitate ornatus; quæ probitas ex omnium virtutum comprehensione cumulòque conflatur.

PARS SECVNDA CAPITIS TERTII.

ΜΑΛΙΣΤΑ μὲν οὖν τοῖς ἡμαῖς καὶ ἀπηνίας ὁ μεγαλόψυχος ὄντι. καὶ ὅτι μὲν ταῖς μεγάλας, καὶ ὑπὸ τῆς αὐτοδραμίας μετεῖας ἡδύσεται, ὡς τῆς εὐχαιῶν τυχεύων, ἢ ἐξ ἐλαπίων, ἀρετῆς γὰρ πλουτεῖας εἶναι αὐτῶν ἡμῶν ἀπηνίας. οὐ μὲν δὲ ἀποδίδεται γὰρ, τὰ μὴ ἔχον αὐτοῖς μείζον αὐτῶν ἀπονεύειν. τῆς δὲ ἀρετῆς τῆς τυχεύων, καὶ ὅτι μικροῖς, πάντων ἀλιγωρήσῃ. ὡς γὰρ τοῦτων ἀξίος. ὁμοίως δὲ καὶ ἀπηνίας οὐ γὰρ ἔστι δικαίως τοῖς αὐτοῖς. μάλιστα μὲν οὖν ὄντι, ὡς αὐτῶν εἴρηται, ὁ μεγαλόψυχος τοῖς ἡμαῖς. οὐ μὲν δὲ, ἀλλὰ καὶ τοῖς πλοῦσι, καὶ δυναστείαις, καὶ πάσαις ὠτυχίαις, καὶ ἀτυχίαις μετεῖας ἔσθῃ, ὅπως αὐτῶν γίνονται. καὶ οὐτ' ὠτυχεῖς ἀεὶ χαρῆς ἔσται, οὐτ' ἀτυχεῖς πένετος.

Maximè igitur in honoribus ignominisque Magnanimus versatur, atque in magnis quidem: & honoribus delatis à bonis viris modicè latabitur; ut potè qui proprios consequatur, aut etiam minores. Virtuti enim perfecta non potest tribui dignus honor. Accipiet tamen ideo, quòd non habeant illi maiora, quæ ipsi tribuant: Exhibitos autem à quibuslibet, & ob res paruas prorsus aspernabitur. Non enim est talibus dignus. similis modo etiam ignominiam. non enim erit pro merito ipsi. Maximè igitur versatur. sicut dictum est, Magnanimus in honoribus. sed tamen etiam in diuitiis, & in principatu, & in omni prospera, aduersaque fortuna moderatè se geret, utrumque contigerit. & neque prospera viens fortuna letius erit, neque viens aduersa, tristis.

οὐδὲ γὰρ πᾶσι πρὸς οὕτως ἔχει, ὥς μέγιστον ὂν. αἱ γὰρ διωσάμεναι, καὶ ὁ πλοῦτος, ὅς ἐστι πρὸς πρὸς αἰρε-
τά. οἱ γὰρ ἔχοντες αὐτὰ, πρὸς αὐτὰ δὲ αὐτῶν βούλονται. ὅ δὲ καὶ ἡ πρὸς μι-
κρόν ὂν, πούτω καὶ πᾶλλα. ὅς καὶ ὑποφύονται δοκῶσι (1). δοκεῖ δὲ καὶ
τὰ βύτηματα συμβάλλεσθαι πρὸς
μεγαλοψυχίας. οἱ γὰρ ἀνθρώποι ἀξιοῦνται
πρὸς, καὶ οἱ διωσάμενοι, ἢ οἱ πλου-
τιώτες. ἐν ὑποφύ. γὰρ. τὸ δὲ ἀγαθὸν
ὑποφύ. πᾶσι, ἐν μέρει. ὅς ἐστι τὰ τοι-
αῦτα μεγαλοψυχότεροι ποιεῖ. πρὸς τὰ
γὰρ ὑποφύ. κατ' ἀλήθειαν δὲ ὁ ἀγα-
θὸς μόνος πρὸς. ὅ δὲ ἀμφοῖν ὑποφύ.
μελλοὶ ἀξιοῦνται πρὸς. οἱ δὲ ἀμφοῖν ἀρε-
τῆς τὰ τοιαῦτα ἀγαθὰ ἔχοντες, οὐτε δι-
κείως ἐκαστὸς μεγαλύνει ἀξιοῦν, οὐτε
ὁρθῶς μεγαλοψυχὸν λέγειν. ἀλλὰ γὰρ
ἀρετῆς πρὸς τοῦ ὅς ἐστι τῶντα. ὑποφύ-
ται δὲ ὅς ὑποφύ, ὅς τὰ τοιαῦτα ἔχον-
τες, καὶ οἱ γίνονται. ἀλλὰ γὰρ ἀρετῆς, οὐ
ρὰ ὅς φέρει ἐμμελῶς τὰ βύτηματα.
οὐ διωσάμενοι δὲ φέρει, καὶ οἱ οἰκιστοὶ τῶν
ἀλλοιῶν ὑποφύ, ἐκείνων μὲν καπα-
φορῶσι αὐτοὶ δὲ ὅ, πὶ αὐτῶν, πρὸς
πρὸς. μιμνῶνται γὰρ πρὸς μεγαλο-
ψυχον, οὐχ ὁμοιοῦντες. τούτῳ δὲ δρῶσι
ἐν οἷς διωσάμεναι. τὰ μὲν οὖν κατ' ἀρετῶν
οὐ πρὸς, καπαφορῶσι ὅ τ' ὁμοῖον.
ὅ δὲ μεγαλοψυχος, δικείως καπαφορῶσι.
δοξάζει γὰρ ὁμοῖον. οἱ γὰρ πολλοὶ, τυχόντες.

Neque enim in honore ita versatur, quasi in
maximo bonum sit. Principatus quippe, &
diuitia ob honorem sunt expetendæ. itaque
qui habent ea, affici ob illa honoribus volūt.
Cui ergo etiam honor res parua est; ei cetera
quoque parua sunt. quapropter etiam con-
temptores videntur esse. Quin etiam viden-
tur fortuna prosperitates conferre ad ma-
gnanimitatem. nobiles enim digni censentur
honore, & potentes, aut diuites. excellentes
enim sunt. quicquid autem probitate ante-
cellit, honorabilius est. propterea & huius-
modi res magis magnanimos homines faciūt.
honorantur enim à quibusdam. sed reuera
solus bonus honorabilis est: cui tamen utra-
que insunt, ut magis dignus existimatur ho-
nore. Qui autem sine virtute huiusmodi bo-
na possident, neque meriti se magnis esse di-
gnos arbitrantur, neque rectè magnanimi
dicuntur. Nam absque virtute perfecta non
consistunt hac, sed contemptores, & contu-
meliosi, & similia habentes, vitiosi sunt.
Quippe sine virtute, non facile est ferre mo-
deratè prosperitates. Dum verò nequeunt
ferre, putantque se alijs antecellere, illos sanè
despiciunt: ipsi verò quicquid fortè inciderit,
agunt. Imitantur enim Magnanimum; cum
ei tamen dissimiles sint, idque faciunt in qui-
bus possunt. Ea igitur qua secundum virtu-
tem sunt, nequaquam agunt, sed contem-
nūt alios. At magnanimus meriti cōtemnit.
iudicat enim verè. vulgus autem fortuitò.

EXPLANATIO.

DE actibus hīc & functionibus disputat, quibus in sua versatur materia vir
magnanimus. Id enim consequens erat, ut traditā Magnanimi definitio-
ne, inuestigatāque materiā, ipsæ perquirerentur functiones & actus, qui-
bus à Magnanimo eadem materia tractaretur. Sed quia Magnanimi
materia duplex est. altera princeps & primaria, quæ continetur honori-
bus, & ignominia; secundaria & consequens altera, quam esse vult opes, potentiam,
prosperam aduersamve fortunam; explicat initio qua ratione se habeat Magnani-
mus in honoribus, & ignominia, in quibus primaria Magnanimitatis materia sita
est. ac primò quidem aperit eum modum, quo se gerit in magnis; deinde illum, quo
se habet in paruis. At igitur Magnanimum, cum magnos haberi sibi videt hono-
res, & quidem à probis, laudatis, & eximiis viris, moderatè lætari, ut porè gna-
rus, ea bona sibi deberi; ac minora etiam esse, quàm ipse meritis sit. probè quip-
pe Magnanimus intelligit, nullum honorem externum par esse virtuti præmium:
cum virtus bonum rationis sit, & rationis bonum omnia prorsus externa bona
longo post se relinquat interuallo. Ipsa quidem Virtus pretium sibi, ut egregiè
Claudian. Sed tamen accipit Magnanimus, admittitque tanquam suæ præ-
mium virtutis honorem, inquit Aristot. quia videt à mortalibus nihil maius aut

amplius afferri posse. Cùm autem paruos sibi honores deferri cernit, eosque à quibuslibet, hoc est, etiam ab imprudentibus, & vulgaribus viris, cuiusmodi honor est, qui habetur interdum ob diuitias, ob dominatum, ob egregiam formam, vel aliud eiusmodi bonum; tales ille prorsus honores aspernabitur & contemnet; quos videlicet non meretur. Eleganter & rectè Cicero sententiam eandem expressit in epist. 6. ad Catonem, lib. 15. his verbis: Latus sum, inquit, me laudari Hector apud Næuium, opinor, abs te patre laudato viro. Ea est enim profectò iucunda laus, quæ ab iis proficiscitur, qui ipsi in laude vixerunt. Et lib. 5. epist. 12. ad Luceium: Atque hoc præstantius mihi fuerit, & ad lætitiæ animi, & ad memoriæ dignitatem, si in tua scripta peruenero, quàm in ceterorum. Hectori Næuiano similis est apud Homer. Achilles Iliad. 1. qui Nestori suadenti, ut præmia, honoresque ab Agamemnone sibi delatos acciperet, respondet, à Ioue se præmia expetere, non ab Agamemnone inerti homine & ignauo. Quæ causa videlicet est, cur moneat in Critone Socrates, ne cuiuscumque reprehensionem vereamur hominis, sed eorum tantùm, qui prudentia, & sapientia præstant. Est operæ pretium legere Pontanum in cap. 1. libri 2. de Magnanimitate.

Hæc igitur est prima Magnanimitatis actio functione; hæc prima Magnanimi nota; honores excipere magnos à probatis delatos viris, iisque moderatè lætari; paruos & à vulgaribus exhibitos haud magnifacere, immò verò respuere & aspernari. Quæ eundem animi habitum ait præferre Magnanimum etiam in ignominia & dedecore, quod se meritum esse non videt. Aspernatur nimirum Magnanimus & floccipendit ignominias. quia cùm virtute perfectâ integrâque præcellat, intelligit, eas in se iure cadere non posse.

Sed tamen etiam in diuitiis.] Accedit secundùm hæc ad eos explicandos actus, quibus in secundaria versatur materia Magnanimus: ut ex his altera eiusdè Magnanimi nota deprehendatur. Secundaria verò hæc materia, ut dictum est supra, bonis continetur minoribus, malisve etiam externis, sed quæ vel fortunæ dicuntur esse, vel corporis. honor enim, ut bonum externum sit, est tamen externū animo. Aut igitur, in his etiam bonis moderatè versari Magnanimum; sic, inquam, ut neque diuitis, neque dominatu & potentia, neque prosperitate insolenter efferatur, neque inopia, orbitate, solitudine, morbo, aliave fortunâ contrahatur aduersâ. Disputat argumento à minori ad maius traducto. Eum enim, quæ neque honores efferant, neque ignominia frangant, quid possit ex iis commouere bonis, malisve fortunæ, quæ minora sunt & leuiora? Diuitias quippe, potentiam, dominatum cùm expetimus, expetimus ideo, ut earum beneficio rerum ab aliis honoremur. sit adeo, ut qui moderatè se gerit in honoribus, multo moderatiùs gerere se debeat in iis, quæ ad honorem tãquam ad aliquid excellentius referuntur: & nihil magnum putet is, qui potest etiam honorem parui æstimare. Atque hinc causam existere ait, cur vulgo Magnanimi superbi & contemptores habeantur. neque enim vulgus à falso verum internoscit, facileque decipitur à similitudine veri. Illuminat hunc locum pulcherrimè Cicero in Off. primo, his verbis, Magnanimitatem fortitudini coniungens: Omnino fortis animus & magnus duabus rebus maximè cernitur: quarum vna in rerum externarum despicientia ponitur; cùm persuasum sit, nihil hominem nisi quod honestum sit, aut admirari, aut optare, aut expetere, nullique, neque homini, neque perturbationi animi, nec fortunæ succumbere. altera est res, &c. Planius tamen & illustrius ipsemet Aristot. eundem nobis explicat locum in libello de Virtutibus. Magnanimitatis autem est, inquit, pulchrè ferre felicitatem & infelicitatem, & honorè & ignominiam: & non admirari neque delicias, neque clientelas, neque potestates, neque victorias gymnicas: habere autem quandam altitudinem & magnitudinem animi. Est verò magnanimus neque vitam magnificiens, neque vitæ amans, simplex moribus & generosus: iniuria potens lacessiri, & non vindex. sequitur porrò magnanimitatè simplicitas & veritas. Hæc ibi Aristoteles. Pergamus hinc expendere quæ sequuntur.

[Quin etiam fortunæ prosperitates conferre videntur ad magnanimitatem aliquid.] Quoniam dixerat magnanimum virum opes, diuitias, fortunæ bona omnia contemnere, dicta corrigit; adiungēs, diuitias ipsas & secundā fortunam adiumento tamē esse posse Magnanimitati: si videlicet cū virtute coniunctæ sint. Augent quippe honorem illum, quo se dignum iudicat esse magnanimus; cū genus, potentia, diuitiæ, dominatus, forma corporis faciant ut vulgus eos honoret, qui bonis illis præditi

Ne quis autem arbitretur, plus tribui fortunæ bonis externis aut formæ, valetudi-
nique corporis, quàm par sit, admonet improbos, & virtutis expertes, ne in animum
inducant suum, honore se ideo dignos esse, quòd opibus, aliisque fortunæ bonis &
corporis affluant. Neque enim, quia bona fortunæ Magnanimitati coniuncta, red-
dunt homines multo magis honorabiles magisque magnanimos, possunt etiam soli-
taria facere, ut aliquis & Magnanimus sit, & honore dignus. virtuti quippe præsertim
præcipuèque tribuitur honor: ceteris bonis eatenus tantùm tribuitur quatenus ad
virtutem aliqua ratione referuntur. Quin affirmat hic iterum quòd supra iam dixit,
Magnanimum non modò sine virtute, sed sine integra, perfectà, & omnibus parti-
bus expleta virtute (quòd est Græcè αὐτὸ ἀρετῆς παντλῆς) esse ac dici neminem posse.
Qui autem eiusmodi virtute nō est præditus, aut vitiosus etiam est, sed bonis tamen
fortunæ circumfluit, quorum causa ab errante vulgo se coli cernit & honorari, re-
bus elatus secundis, immoderatèque prosperitatem ferens, alios superbè contemnit,
irridet, & despiciit, inquit, Magnanimum in speciè imitatus, à quo longissimè distat.
Magnanimus enim si contemnit alios, iudicio contemnit, & rectè. Hic autem Ma-
gnanimitatis, omnisque virtutis expert, fortuitò, hoc est perperam contemnit & te-
merè. supra dictum est, Magnanimo nihil esse magnum: sed omnia parua; laudavi-
músque Ciceronem, quòd Magnanimo rerum humanarum despicientiam tribuat.
in Offic. 1. in Tusc. 2. in Part. orat. sed tamen cùm despiciit & contemnit, nihil ar-
roganter, nihil elatè superbèque facit, sed temperanter & moderatè omnia. est enim
quemadmodum idem Aristor. docuit, χαυροπητικός, ad despicientiam pronus.

PARS TERTIA CAPITIS TERTII.

NEque verò parua subit pericula, neq;
periculorum est amator, perinde ac si
parua sint qua magni faciat. sed adit magna,
& cùm in periculo versatur, non parcit vi-
ta; quasi dignum planè non sit eum vivere.
Est enim talis, ut benefaciat, sibi que benefe-
ri erubescat. excellentis enim illud est, hoc
autem eius, qui vincitur excellentia. plurimum
verò retribuēs est. Ita enim qui incipit, debi-
tor erit, & beneficio affectus. Videtur verò

καὶ μὴ μισθῆναι, οὐκ αὖ ποιήσασιν ὅ, ὣν δὲ αὐτὸ παθῶσι, οὐ. ἐλάττω γὰρ ὁ παθὼν ὅ, τῷ ποιήσαντι. βούλεται δὲ ἡ περὶ ἡμῶν καὶ τῶν ἡμῶν ἡδύς αἰσχύς, τὰ δ' ἀνδρός. δὲ καὶ πλεονάζειν οὐ λέγειν τὰς ἐργασίας ὅτι Διὶ οὐδ' οἱ Λακωνες πρὸς τοὺς Ἀθηναίους, ἀλλ' ἀπὸ τοῦ ποιοῦσθαι εὖ. μεγαλοψύχου δὲ καὶ τοῦ μετὰ τοὺς διδάσκειν, ἢ μῶς, ἡσυχαστῶν δὲ παρὰ τοὺς. καὶ πρὸς τοὺς ἐν ἀξιώματι, καὶ ἐντυχίαις, μέγα ἔστι. πρὸς δὲ τοὺς μέσους, μέτριοι. τῶν μὲν γὰρ ἡσυχάζειν. χαλεπὸν καὶ σιμῶν. τῶν δὲ ῥαδιόν. καὶ ἐν οὐκ αἰσχύῃ, σιμῶν εἶναι ὅτι αἰσχύνης. ἐν δὲ τοῖς ἁπλοῖς, φορτικόν, ὥστε εἰς τοὺς ἀσθενεῖς ἰσχυρίζεσθαι. καὶ εἰς τὰ ἐπιμα μὴ ἰέναι, ἢ ὅτι περὶ τοῦ αἵματος. καὶ ἀρῶν ἔστι, καὶ μελετῶν. ἀλλ' ἢ ὅπου πρὸς μεγάλην, ἢ ἔργον. καὶ ἐλίζων μὲν περὶ πικρὸν, μεγαλὸν δὲ καὶ οἰομαστῶν. ἀναγκάσει δὲ καὶ φαίεσθαι ἔστι καὶ φαίεσθαι φίλον. ὁ γὰρ λαοφίλος, φοβουμένη. καὶ μὲν τῆς δὴν ἡδύς μέλλον, ἢ τῆς δοξῆς. καὶ λέγειν, καὶ περὶ τῆς φαίεσθαι. παρρησιαστὴς γὰρ, ἀφ' ὅτι κατὰ φρονήτικόν ἔστι. κατὰ φρονήτικόν δὲ, ἀφ' ὅτι παρρησιαστικόν, καὶ δὴν φρονήτικόν, πλεονάζει μὴ δὲ εἰρωνείαν. εἰρωνείαν δὲ πρὸς τοὺς πολλοὺς. καὶ πρὸς τοὺς μὴ διδάσκειν ἔστι, ἀλλ' ἢ πρὸς φίλον. δουλικὸν γὰρ. διὸ καὶ πρὸς τοὺς ἡδύς, ἡδύς καὶ οἱ ταπεινοί, κόλακες. ὅτι θαυμαστικός. ὅτι γὰρ μέγα αὐτῷ ἔστιν. ὅτι μνηστικός. ὅτι γὰρ μεγαλοψύχου ὁ δὲ πομπηνοῦς, ὡς περὶ καὶ κακῶν. ἀλλὰ μέλλον παρὰ. ὅτι αὐτοπολόγος. ὅτι γὰρ περὶ αὐτῷ ἔρεϊ, ὅτι περὶ ἐπέρου. ὅτι γὰρ ἡδύς ἐπαρῆται, μέγα αὐτῷ. ὅτι ὅπως οἱ δὴν οἱ φέρονται. ὅτι αὐτῷ ἐπαρῆται ἔστι. διὸ περὶ κακολόγος, ὅτι ἡδύς ἐπέρου, εἰ μὴ δὲ ὕβρις. καὶ περὶ αἰσχύνης, ἢ μικρῶν ἢ κατὰ ὁλοφρονήτικόν καὶ διηλικόν. αὐτοδιδόχους γὰρ ὅπως ἔχουν περὶ. ἁπλῶς. καὶ οἷος κακῶν εἶναι μέλλον περὶ καλῶν καὶ ἀκαρπία.

etiam meminisse eorum, quibus beneficia dederint, eorum autem, à quibus acceperint, minimè. Qui enim accepit, minor est eo, qui beneficium contulit. vult autem Magnanimus superare: et illa quidem iucunde audit, hac iniucunde. Itaque neque Thetis beneficia Ioui commemorat, neque Lacedaemonij apud Athenienses, sed ea, quae acceperunt. Magnanimi quoque est, neminem rogare, aut vix: sed suppeditare perlibenter; et erga eos, qui sunt in dignitate, et profferitis, praestare se magnum: erga medios verò, mediocre. illos enim superare difficile est, atque egregium; hos verò facile. et inter illos quidem gloriari non ignobile est, inter humiles verò, importunum, quemadmodum aduersus imbecillos, viribus contendere. Et ad ea, quae honorata sunt, non accedere, aut in quibus principem locum obtinent alij. et cessatorem esse, et cunctatorem; praeterquam ubi honor magnus, aut res sit. et aptum esse ad parvas res agendas, sed eas magnas, atque percelebres. Necessè autem etiam est, eum aperte osorem esse, et aperte amicum. latere enim, timentis est: maioremque curam veritatis, quam opinionis habere; dicereque et agere aperte: est enim liberè loquens, quia contemptor est. est autem contemptor, quia liber in loquendo est; et in veritate dicenda, praeterquam ubi per dissimulationem agit: et esse ironicum apud multitudinem: et ad alterius arbitrium non posse vivere, nisi amici: seruile enim est. Quapropter et omnes assentatores, seruiles sunt; et humiles, assentatores. Neque est admirator. nihil enim magnum ipsi est. neque iniuriarum memor. nam magnanimi non est meminisse, praesertim malorum; sed potius despicere. Neque de hominibus cupidè loquitur. non enim de se dicet, neque de altero. neque enim ut ipse laudetur, curat, neque ut aly vituperentur. Sed nec laudator est: atque idcirco neque maledicus; ne in inimicos quidem, nisi ob contumeliā. Ac de necessariis, aut paruis malis minimè querulus est, et supplex. solliciti enim est ita se habere in his. Est etiam talis, ut magis possideat honesta, et infructuo-

τῆς καρπύου καὶ ἀφελίμου. αὐτὰρ
καὶ γὰρ μέλλου. καὶ κίποις δὲ βρα-
δυα τῆς μεγαλοψυχου δοκεῖ εἶναι, καὶ
φωνὴ βαρύνει, καὶ λέξις ἡσυχία. οὐ γὰρ
σπουδαῖος, ὁ πρὸς ὀλίγα σπουδαῖος. ὅτι δὲ
σιώπωνος, ὁ μὴ κινεῖ μέγα οἰόμενος. ἢ δὲ
ὀξύφωνος, καὶ ἢ ἄχρητος, ἀφ' οὗτων.
ἡσυχίας μὲν οὖν ὁ μεγαλοψυχος.

sa, quàm fructuosa & vtilia. hoc enim ho-
minis sibi ipsi sufficientis potius est. Et motus
autem tardus Magnanimi videtur esse, &
vox gravis, & locutio stabilis. Non enim
est festinus qui paucis studet: nec est vehe-
mens, qui nihil magnum putat. Acuta au-
tem vox & celeritas ex his existit. talis er-
go Magnanimus.

EXPLANATIO.



IN Magnanimi proprietates ac notæ hîc recensentur & explicantur
singulæ, quarum duo facit genera. primum earum est quæ desumuntur
ex comparatione cum aliarum materia virtutum: dictum enim suprâ
est, Magnanimum in singularum virtutum versari materia. alterum est
earum, quæ perpenduntur ex ipsius habitu Magnanimi.

Prioris generis initio proponit duas, ductas ex comparatione cum periculis
externis, quæ materiam fortitudini præbent. prima sita in eo est, quod Magna-
nimus non sit μικροκύνδωτος, hoc est, in parvis periclitans, & parvarum rerum
causâ pericula suscipiens, aut φιλοκύνδωτος, hoc est, facîle se periculis obiciens.
Quia nemo se periculis obicit, nisi earum causâ rerum, quas permagno æsti-
mat. Magnanimus verò non est is, qui parua magnificiat, sed qui res magnas
parui pendat. ac propterea potius est μεγαλοκύνδωτος, hoc est, magnorum ag-
gressor periculorum, & pro magnis se rebus in discrimen obiciens: cuius-
modi sunt ea, quæ pro communi salute, pro iustitia, pro cultu diuino susci-
piuntur.

Alteram proprietatem, & notam Magnanimi in eo ponit, quòd cùm se dat in
discrimen & pericula maxima, id cum summa contentione, ac vehementissimè fa-
ciat, nihil salutis suæ parcens, ac vitæ, sed quasi ea sit indignus, ad mortem non im-
petu quidem temeratio, sed prudenter ac iudicio ruens. Ex his igitur characteribus
agnosci facîle magnanimum posse ait, cùm in materia versabitur fortitudinis. Tum
quinque designat rursus proprietates, ac notas ex comparatione cum materia libe-
ralitatis: explicatque rationem ac modum, quo Magnanimus eius virtutis mate-
riam tractat. Primam notam esse ait: benè mereri ex animo de aliis, & beneficia
dare, sed non tam libenter accipere, aut accipere cum rubore. Secundam: benefi-
cium maiore quàm accepit mensurâ remeriri & reddere. vult enim eum, qui de se
prior bene meritus est, maiore illa mensura etiam atque etiam sibi debere, & de-
uinctum nouo beneficio esse. Tertiam: eos memoria potius recolere, ac retinere,
quibus benignè fecerit, quàm illos, à quibus affectus ipse beneficio est. Cuius rei
rationem hanc esse ait; quòd qui prior beneficium accepit, minor atque inferior
eo sit, qui dedit & contulit. Magnanimus autem nult esse superior & excellere.
Quæ ratio concludi potest hoc syllogismo: Magnanimus ampliorem capit dele-
ctationem ex eo quòd sit maior, quàm ex eo quòd minor sit. sed benefaciendo est
maior, accipiendo beneficium, minor. ergo maiorem capit delectationem ex be-
nefactis, quàm ex acceptis. At quæ iucundiora nobis sunt, ea magis cogitamus &
memoriâ recolimus. Igitur Magnanimus de iis plus cogitat, còsque magis memo-
ria retinet quibus bene fecerit, quàm eos, à quibus acceperit beneficium. non quòd
velit ingratus esse: (maiore quippe mensura reddit accepta,) sed quòd Magnani-
mitati studens, non tam id videre debeat, quòd acceperit ab aliis, & qua ratione
aduersum eos gratus esse possit, quàm in suam ipsius excellentiam intueri, à qua ad
præclare agendum incitetur. Excellentia verò non in eo sita est, quòd accepe-
ris, sed in eo, quòd dederis, & largitus aliis liberaliter sis. Denique Magnani-
mus à nullis mortalium accipit, cùm eos, à quibus acceperit, maiora rependens,
faciat iterum debitores. Itaque ingratus esse non potest, cùm non cogitat ea de re,
quam ipse non debet. Quartam proprietatem Magnanimi versantis in materia li-
beralitatis ait esse, cum iucunditate ac delectatione eorum audire commemorationem

nem beneficiorum, quæ in alios ipse contulerit; grauati autem eorum, quibus ipse affectus ornatúsque iam fuerit. Ratio eadem est, ac notæ proprietatisque superioris: quod illa sui erga alios beneficij commemoratione Magnanimus sentiat in memoriam sibi reuocari excellentiam suam, quam ipse nimirum amat tanquam eius fontem honoris, cuius est cupidissimus: commemoratione autem accepti beneficij videat sibi ante oculos poni suam imbecillitatem, quam auersatur & odio habet. Duobus hanc rem declarat exemplis Aristoteles. quorum alterum ab Homero sumit in Iliad. α. vbi Thetis Iouem pro Achille filio deprecatura, non ea commemorat beneficia, quæ Achilles ab ea commemorari vellet. Ita enim ea se res habet. Conspirant olim Iuno, Pallas, & Neptunus, idque ex conditō decreuerant, vt Iouem in vincula traderent. Thetis eorum cognitis insidiis, Briareum centimanum auxiliatorem adduxit, cuius metu Dijs se ab audaci facinore continerunt. Igitur eo loco apud Homerum Achilles maximopere cupiens, auxilio Iouis vlisci Græcos, inprimisque Agamemnonem, à quo insigni fuerat affectus iniuria, iubet Thetin parentem suam hæc beneficia Ioui commemorare, vt facilius impetret vltionem. Illa, quod ad cetera pertinet, parat filio. Iouem conuenit, auxilium enixè postulat, & Deorum Principi studiosissimè supplicat, sua tamen in eum beneficia non audet liberè commemorare, quod audire Ioui Magnanimo esset ingratum & odiosum; sed abdite solùm rectèque ac dubitanter ita subindicat,

— ἢ πῶς δὲ σὺ μὲν ἀβαιπίσιν ὄνεις

Ἡ ἔπει, ἢ ἔργα,

Promerui si quid de te bene sola tui inter

Magnos Cælicolas, sine est ea gratia verbis,

Seu factis impensa.

Id quippe sibi vult Aristoteles, cùm ait Thetidem non commemorasse beneficia sua. aliud enim est λῆψις, quo verbo vsus est, hoc est, prolixè liberèque narrare beneficia, quod illa non fecit: aliud attingere leuiter & proponere, quod præstitit. Illud viro magnanimo graue est audire, hoc molestiam fastidiumque non affert. Alterum exemplum ducit à Lacedæmoniis: qui, vt scriptum reliquerat Callisthenes in lib. primo rerum Græcarum, cùm Thebani, Epaminonda duce Laconicam regionem inualissent, Athenas missa legatione, petierunt auxilia. In quibus petendis non sua in Athenienses, sed Atheniensium potiùs in se beneficia commemorarunt. Intelligebant enim, illos esse magnanimos, ac propterea ab accepti beneficij commemoratione abhorre. Ita hic Aristoteles affirmat, & tradit Callisthenes apud Eustratium. sed tamen Xenophon in lib. 6 rerum Græcarum testatur contra, Spartanos tunc sua in Athenienses beneficia commemorasse. nos Aristoteli fidem habeamus. Quintam denique proprietatem & Magnanimi notam hanc ponit: Magnanimum, aut vix, aut nunquam cuiusquam opem aut auxilium implorare, τὸ μὴ δεῖν δεῖν, quod aliqui Latine vertunt, nullius hominis indigere. sed melius opinor ita vertitur, nullius opem rogare ac petere. vtrumque enim verbum illud significare potest, indigere ac rogare. hic autem accommodatius est rogare, quàm indigere. contrarium quippe est iis, quæ tanquam contraria subiunguntur. ὑπερπεῖν δὲ τῷ θεῷ. sed promptè opem alijs suppeditare. Rectè enim hæc sibi respondent per antithesim: proprium esse magnanimi, nullius opem rogare, vel vix rogare; sed potiùs alijs libenter ac statim auxilio esse. Ratio tradita supra iam est; quod excellentiam suam amet, expectatque Magnanimus. Excellentia verò in ope petenda sit nulla, ingens autem in ferenda. Id videlicet intuebatur Tit. Flaminius: cui gratiores fuisse scribit Plut. eos, qui opem operamque quærent suam, quàm qui præstarent & deferrent propriam hos enim velut aduersarios ad gloriam: illos tanquam segetem honoris & laudis existimabat.

Has notas Aristoteli à fortitudinis & liberalitatis materia placuit accersere. duas demum peruestigat, repetitque à propria & præcipua ipsius Magnanimitas, hoc est, ab honore, & excellentia, quæ caput est honoris & fons: cuius rei causa memoria recolendum id est: tres hominum ordines esse; summos, medios, infimos, quos partitur Aristoteles in lib. Polit. 4. cap. 11. Aduersum hos quemadmodum gerere se Magnanimus debeat, explicans, ait primùm erga summos, qui vel dignitate, vel copiis, vel genere præstent, magnitudine sua & grauitate vt oportere Magnanimum, magnum denique se atque excelsum ostendere: erga mediocres non item,

sed moderatum se potius, & facilem exhibere, multoque magis aduersum infimos. Id quod duabus conficit rationibus in hunc modum: Prima. Virtus in re difficili versatur. At excellere magnitudine ac grauitate inter magnos, graues, & prastantes viros, difficile quiddam est: excellere inter mediocres aut infimos, est facile. Illud ergo Magnanimus exeret potius, quam hoc. Secunda. Virtus id prius semper & potius eligit, quod maiorem habet dignitatem, & honorato viro magis consentaneum est. Sed velle inter magnos & praelaros excellere, dignitatem habet maximam: velle inter mediocres infimosque prastare, atque ab iis reuerentiam curiosius exposcere, à dignitate alienum est & ineptum, nec viro dignum eximio: quod ita demonstrat à simili. Velle se exhibere magnum inter mediocres & infimos perinde videtur esse, ac si quis valentissimis instructus viribus cum imbecillo congressi contendat. nihil enim fieri potest ineptius, aut indignius, aut ab honorato viro magis abhorrens, caditque in istos irrilio illa Iunonis & ironia.

Egregiam vero laudem, & spolia ampla referis

Tuque patrue tuas. magnum & memorabile numen,

Vna dolo. Diuum si femina victa duorum est.

Leonem potius vir honestus imitatur: Cui tamen ex feris, vt ait Plin. l. 8. cap. 15. clementia in supplices est: prostratis parcit; & in viros potius quam in feminas saeuic. in infantes non nisi magna fame. Praelarum huius rei proponit nobis exemplum in Iulio Cesare Hirrius. quem ait Alexandrinis, quibuscum bellum gerebat, eo consilio reddidisse Regem Ptolemaeum, quem apud se captiuum habebat, quod putaret splendidius atque honestius se postea contra Regem, quam contra conuenarum & fugitiuorum manum bellum esse gesturum. Neque verò quia de Magnanimo dicuntur hæc, datur ei venia, vt inter egregios & dignitate, fortunæque bonis prastabiles viros iactare superbè se possit, atque insolenter efferre. Id quippe solum ei conceditur ac datur ab Aristotele, vt inter eos dignitatem retineat suam, nec ab iis superari se patiatur. Quo fit, vt interdum liceat Magnanimo gloriose aliquid inter honoratos & claros viros de se pradicare. quod profectò alienum esset, nisi ad seruandam dignitatem necessariò fieret. Æneas à Virgilio Magnanimus haud dubiè describitur; de quo ad Venerem ita pronunciat Iuppiter.

Magnanimum Ænean seu ipsa & scire fateris

Deberi cælo, satisque ad sidera tolli.

Et tamen ipse de se liberè pradicat.

Sum pius Æneas famâ super æthera notus.

Intelligebat nimirum, suorum commemorationem meritorum inter viros prastantes adhibitam in tempore, non dedecere Magnanimum; quæ tamen inter mediocres, infimosque fuisset inepta. Secuti hoc etiam sunt praelari quidam Imperatores: qui viderunt excellentiam se, dignitatemque suam apud praelaros homines tueri non posse, nisi commemorandis, amplificandisque promeritis suis. Iphicrates optimus Imperator est testis: qui vt est apud Aristidem, Atheniensibus ob columnam sibi cum honorifica positam inscriptione ita gratias egit: Vos fortasse, Athenienses, istam columnam, & istas in ea literas inscriptas quasi praelarum quiddam & gloriatione dignum à vobis mihi corrigisse arbitramini. Mihi verò columna cælum attingens in Peloponneso virtutis meæ testis est constituta. Idem etiam apud eosdem aliàs ita gloriatus est. si qualis ego sum, tales vobis septem fuissent imperatores, deserta iam esset & inculta Lacedæmon. Similis est pradicatio Periclis. Mihi succensetis, inquit, tali viro: qui in his, quæ Reipublicæ sunt, vel obeundis, vel summa prouidentia & fide procurandis nemini me cessurum profiteor? Non sunt, inquam, hæc à magnanimitate abhorrentia, modò necessitas ita ferat, & meminerit magnanimus, rebus, & rectè factis tantundem abundare se oportere, quantum elati, tumidique abundant verbis. Alteram ab honoris appetitione ductam Magnanimi proprietatem subobscurè tradit. Ait enim eiusdem esse Magnanimi, *εἰς τὰ ὄψιμα μὴ ἵκναι*, ἢ οὐ παρωτύουσι ἀλλοι; hoc est, vt vertit Turnebus, ad res honoratas non accedere, aut eò, vbi principatum obtinent alij; vel vt Argyropol. ad ea non adire, quæ afficiuntur honore, & vbi alij principes occupant partes. vel vt Lambin. ad ea non ire, quæ sunt honorata, aut in quibus alij principem obtinent locum. In summa alij *τὰ ὄψιμα* ad res honoratas, alij ad locum item honoratum referunt. Si de locis accipiendum id sit, significabit, Magnanimum ad honorata loca non accedere, ne vltro appetere, aut

quæzere honorem videatur, quem delatum potius accipere debet, quàm curiosè perquirere: sin autem de rebus; hæc erit opinor sententia: Magnanimum ad res honoratas, hoc est, ad honores ipsos accedere vltro non debere, ne plus nimio ad eos affectare viam videatur, nève periculum adeat turpis repulsæ, quæ magnanimo est odiosa. Atque hæ proprietates Magnanimi sunt tum ab aliarum virtutum, tum ab ipsius Magnanimi propria materia repetitæ. quæ profectò quoniam vulgo notæ non sunt, dici possunt interiores Magnanimi notæ.

Ceterum alia sunt magis vulgares, & cognita, quæque foras quodammodo prodeuntes, in omnium incurrunt oculos, & ab omnibus agnosci faciliè possunt. Numerat ex his Aristoteles nouem. Quarum prima est: Magnanimum esse tardum, celsatorem, cunctatorem, & in agendo procrastinari, ac moliri. nisi fortasse tamen, aut summus proponatur honor, aut opus magnum, hoc est, ingens aliqua res agatur. tunc enim ad celeriter agendum suâ ipsius impellitur excellentiâ, & honoris appetitione concitatur. sed cum non instant eiusmodi res, cunctatur, & moras trahit: quia grauitatis est, non impelli continuò ad agendum leuissimis etiam ex causis. sed pulcherrima est huius rei ratio, quam ipse subiungit. ait enim ideo Magnanimum esse in agendo tardum & cunctari, quòd res paucas ille peragendas suscipiat, easque præclaras, magnas, & omnium sermone perhibendas. paucæ verò res & præclaræ non tam celeritatem volunt, & impetum, quàm consilium, grauitatem, atque prudentiam.

Secunda insignis profectò Magnanimi nota hæc est: tam odium & inimicitiam, quàm amorem ac beneuolentiam præferre palàm & apertè, nihil occultè, vel simulanter agere dicerève. sed omnia planè ac liberè. Huius causas proprietatis has adsignat: quòd occultari & latere velle sit hominis formidantis: à timore verò longè Magnanimus abest; adeoque odit & amat apertè, simultates omnes exercet palàm, nullas occultè, ac per insidias: quòd Magnanimus verax sit, maioremque veritatis gerat, quàm opinionis curam, hoc est, magis id agat & videat, quid verum sit, quàm quid alij opinentur ac iudicent; ac propterea nullo deterri pæcto queat, quominus id, quod verum est & præferat factis, & verbis expromat. Magnanimus enim, quia contemptor est, negligit ea, quæ iudicent ceteri, modò quæ vera sunt in bono lumine collocet, vultque magis esse, quàm videri bonus. quare *παρρησιασιν* etiam est, inquit; hoc est, in loquendo liber: neque aliud clausum in pectore, aliud in ore promptum habet; vt de iis, qui magnanimis opponuntur scriptum reliquit Salustius. Huiusmodi homines liberi fuere apud Rom. Cato, apud Athenienses Phocio, de quibus Plutarch. Vide etiam Cic. in epistol. famil. lib. 9. ad Pætum, vbi liberè se loqui gloriatur. Summa huius proprietatis hæc est: magnanimum non insidiis & dolo, non fictè, ac simulatè, sed verè apertèque agere omnia, & magna etiam cum libertate loqui. quod Cicero quoque faciendum præcipit in Offic. lib. primo. Quocirca nemo, inquit, qui fortitudinis gloriam consecutus est, insidiis & malicia laudem est adeptus. Nihil enim honestum esse potest, quod iusticia vacet. Et paulò post. Itaque viros fortes, & magnanimos eosdem bonos & simplices, veritatis amicos, minimèque fallaces esse volumus. Aristoteles etiam ipse in libello De virtutibus, simplices facit apertòsque Magnanimos. quem locum iam suprà protulimus in definitione Magnanimi. Achilles ipse, cum quo nemo de Magnanimitate contendat, simplicem se esse apud Euripidem ait: simplèxque prorsus ab Homero describitur & apertus in Iliad. 9. Talis etiam fuisse dicitur ab omnibus Alexander Macedo, à Philippo parente in ea re magnopere dissentiens, quem abdito penitus fuisse dicunt ingenio. Hanc nimirum sibi laudem adscribunt apud Cæsarem Heluetij in lib. 1. de bello Gall. qui confirmant, ita se à patribus didicisse; vt magis virtute, quàm dolo contenderent, aut insidiis niterentur.

Quæret hic tamen aliquis, an Imperatori turpe sit in bello insidiis vri. Achæi apud Polyb. lib. 13. existimarunt, nullam esse dignam laude victoriam, quæ pugna manifesta non pararetur. sic à fraude atque ab insidiis etiam aduersus hostes abhorrebant. Scriptum reliquit idem, Romanos insidiis vri rarò solitos fuisse: alios verò esse qui censeant, eum non esse bonum Ducem, qui manifestè aliquid rerum bellicarum exequatur. Sunt etiam in manibus libri complures de astu illo militari & stratagemate, quo magni vti sunt Imperatores, Alexander, Scipio, Cæsar, Q. Fabius Maximus, alij; qui citra controuersiam omnem fuere Magnanimi. senten-

tiæ in partes extremas distractæ sic sunt: sed equidem ita respondendum censuerim, aliquas in bello insidias esse, quæ vacent iniustitia, quasdam cum iniuria iniustitiæque esse coniunctas. eas, quæ vacant iniustitia, stratagemata dici, astutis, que milites, & iis sine reprehensione, immo etiam cum laude vel Magnanimum possit. Vt enim apertâ superare habemus commune cum belluis: sed astu & consilio vincere, proprium videtur hominis esse. Igitur Aristoteles non omnes omnino, sed iniquas tantum, & iniustitiæ coniunctas insidias vetat: quod iniuriæ genus turpissimum est, ut docet in Offic. 1. M. Tull. his verbis: Cum autem duobus modis, id est, aut vi, aut fraude fiat iniuria, fraudis quasi vulpeculæ, vis leonis videtur. utrumque alienissimum ab homine est: sed fraudis odio digna maiore. Hoc, inquam, tantum vult Aristoteles; Magnanimum ab iis insidiis abhorreere, quæ iniuriam, & iniustitiam coniunctam habent. quia, ut idem Cic. docet, nullum est tempus, ne belli quidem, atque insidiarum, quod vacare iustitiâ debeat. Exceptionem tamen adhibet Aristoteles, antequam de hac Magnanimi nota desinat dicere; exceptionem, inquam, adhibet, admonens, Magnanimum esse quidem in loquendo liberum & veracem, nihil occultare, omnia verbis & ore depromere; sed tamen incidere aliquæ tempora, quibus ipse quoque veritatem vel premat, vel dubiis ambiguisque sermonibus inuoluat. ut cum ironiâ vitetur, & simulatione aliqua, aut dissimulatione ne apud multitudinem & vulgus. vulgares enim homines haud satis idoneos putat, quibus sua committat consilia; ac propterea per dissimulationem eos contemnit & negligit. videtur quippe dissimulatio quidam esse contemptus. sed apud sui similes & magnos viros dissimulationem depellit omnem, & liberè loquitur, cum eos dignos existimet, quibuscum communicet sua.

Tertia nota ex magis vulgaribus & popularibus hæc est: Magnanimum alterius arbitratu aut nutu vivere non posse. Græcè *οὐκ ἔστιν ἄλλοι μὴ δούλῳ δουλεύειν*, Latini dicunt, in alterius esse potestate, & alterius nutum observare. Ratio verò, cur Magnanimi proprium sit, hoc vitæ genus auersari, ea est; quod ita vivere, videatur & sit seruire, ut ostendit Aristoteles exemplo scurrarum, parasitorum, & assentatorum omnium, qui nisi serui essent ingenio, non possent se ipsos, vitam, actiones omnes, verba, motus ad aliorum componere ac fingere voluntatem. Ac seruire quidem esse ad aliorum arbitratum, ac nutum vitam & actiones exigere suas, cum omnes intelligunt, cum planissimè docet Aristot. ipse in Polit. 1. cap. 3. indicatque in primo lib. Metaph. ubi eam scientiam hoc etiam nomine præstantissimam esse confirmat, quod ipsa nulli seruiat, ceteræ pareant, atque obtemperent ipsi. Magnanimus igitur, quoniam excellere vult, ab hoc seruilis vitæ genere vehementer abhorret: quin, ut Pontanus copiosius explicat, seruitutis impatiens est, libertatis amantissimus. Talis apud Homerum Achilles est, Agamemnonis, immo mortaliū omnium repudiāns, atque aspernans imperium, talisque à poetis vniuersis inducendus est ex Horatii præcepto,

Iura neget sibi nata, nihil non arroget armis.

Admonet tamen Magnanimos Cicero, ne leges contemnant, & iura, quod iniquum, alienūque à vera Magnanimitate est. Sic enim in Offic. 1. disputat. Sed illud odiosum, quod in hac elatione & magnitudine animi facillimè pertinacia, & nimia cupiditas principatūs innascitur. Vt enim apud Platonem est, omnem morem Lacedæmoniorum inflammatum esse cupiditate vincendi, sic ut quisque magnitudine excellit, ita maximè vult princeps omnium esse, vel potius solus esse. difficile autem est, cum præstare omnibus concupiueris, seruare æquitatem, quæ est iustitiæ maximè propria. ex quo fit, ut neque disceptatione vinci se, neque villo publico ac legitimo iure patiantur. In hac tamen etiam nota excipit vnum Aristot. Ait enim, Magnanimum ad alienum arbitratum & nutum vivere non posse, nisi fortasse amici alicuius, & necessarii. ad huius enim voluntatem se arbitratūque componere seruire non putat, sed humanum & liberale; quod verissimum est. nulla enim constare diutius inter amicos necessitudo potest & gratia, quorum idem velle idemque nolle non sit. Amicitiam verò colat Magnanimus necesse est: cui adiunctas omnes omnino virtutes Aristoteles, ut supra diximus, vult.

Quarta nota Magnanimi est: non esse *θαυμαστόν*, hoc est, nullius affici admiratione rei, non opum, non deliciarum & voluptatum, non comitatus, non imperij, non triumphorum, non rerum aliarum, quæ vulgò singulares existimantur, & sum-

ma: Hæc nimirum est illa rerum despicientia mortalium, quam in Magnanimo ponunt apud M. Tullium Stoici. Volunt enim illi persuasum esse: nihil hominem, nisi quod honestum, decorumque sit, aut admirari, aut optare, aut expetere debere. Ratio huius proprietatis & notæ repetenda hic iterum est, quod Magnanimo parua omnia sint & exigua, quæ vulgaribus hominibus admirabilia videntur, & magna: id quod etiam eodem loco adscribit Magnanimo Tullius. Nam & ea, inquit, quæ eximia plerisque & præclara videntur, parua ducere, eaque ratione stabili, firmæque contemnere, fortis animi, magnique ducendum est. Vt igitur omnia verbo claudamus vno; propria est Magnanimi ἀθαλασία, quam prædicat Horatius in Epistola quadam ad Numicium:

Nihil admirari prope res est vna, Numici,

Solæque, quæ possit facere & seruare beatum.

Quinta est: iniurias acceptas obliuisci faciliè, eorumque memoriam funditus obliterare. Rationem ait eam esse quod Magnanimus memoriâ solùm recolat quæ præclara sunt & bona: iniuriæ verò inter mala numerantur. sunt enim eæ, quibus læditur honor, & excellentia, quam amat vnicè Magnanimus. quin ex superiore proprietate videtur aliam quoque rationem ducere: quod nimirum qui nihil admiretur, nihilque magnum & eximium ducat, sed contemnat omnia, ipsas quoque despicere ac negligere debeat iniurias. Non enim, inquit, Magnanimi est, meminisse, præsertim malorum, sed potius ea contemnere & aspernari. Eleganter, argutèque notam hanc Magnanimitatis admiratur in Iulio Cæsare victore M. Tullius, quod nimirum qui tantâ memoriæ instructus esset vi, vt obliuisci nihil posset, solas obliuisceretur iniurias, & sempiternâ quadam obliteratione deleteret.

Sexta est: non esse ἀῤῥωπολόγητον, quod verbum perratum est, & obscurum prorsus esset, nisi ab ipso illustraretur & explicaretur Aristotele. Neque enim, inquit, de se, neque de altero loquitur. significat adeo ἀῤῥωπολόγητον eum esse, qui & de se & de aliis faciliè, cupidèque loquatur; hoc est, faciliè se laudet, alterum vituperet etiam faciliè. Ab hac ergo vaniloquentia alienum facit Magnanimum, illique vult esse proprium, pauca in sui commendationem dicere, ne gloriosus; in aliorum vituperationem ac dedecus omnino nihil, ne maledicus videatur. Non enim is est Magnanimus, qui aliorum probra & reprehensiones, suas existimet laudes; alienas laudes ducat vituperationes & probra sua. cùm enim honoris & existimationis suæ radices iam posuerit ac defixerit altissimas, ex alieno dedecore gloriam sibi colligendam non putat, nec eam; quam rectè factis est consecutus, augendam suo ipsius præconio curat. Caterùm, quia supra diximus, Magnanimum interdum sua commemorare facinora, & res præclaras; ne id, quod hoc loco ponitur, illi contrarium videatur; monendum id est: non hic vetari, Magnanimum omnino de se loqui, sed faciliè, hoc est, temerè loqui de se. Nam alioqui Magnanimitatem interdum ex sua ipsius elucere laudatione & iam diximus, & docet Plutarch. in libello *Ἐλ τὴ ἐπαυλῶν ἐαυτοῦ*. De laudatione sui ipsius. & Valerius etiam ostendit in lib. 3. cap. penult. & extremo. Huius est etiam proprietatis ac notæ quod adiungit: Magnanimum ne in ipsos quidem inimicos esse maledicum. adhibet tamen exceptione: extra quam si fortasse contumeliam acceperit. quod etiam docuit in Polit. lib. 7. cap. 7. prope fin. his fermè verbis: Neque enim Magnanimi sunt infesti, nisi aduersus eos, à quibus iniuria sint affecti. Quibus verbis non datur hæc venia Magnanimo, vt contumeliam regerat in auctorem per iniustitiam, sed solùm vt iuste repellat: quemadmodum iure vis defenditur ac depellitur vi. Potest enim vnusquisque sine conuicio atque iniuria eleuare maledicenti auctoritatem & fidem.

Septima est: de rebus tuendæ vitæ necessariis, præsertim paruis, non esse sic sollicitum, vt si desiderentur ac desint, queratur muliebriter & expostulet, aut alios propterea passim roget, vt suæ succurrant inopiæ. Faciunt enim hoc illi, qui toti prorsus in his rebus sunt, operamque ponunt omnem in conquirenda & augenda re familiari. cuiusmodi vulgus est & opifices; id inquam à Magnanimo remotissimum est: qui cùm alia multa, tum hæc in primis contemptui ducit & aspernatur. Idcirco nimirum ait Aristoteles, eam querelam & gemitum, eius esse, qui permagni bona fortunæ faciat, quique nimiam conferat curam in res mortales, nō eius, qui minimi ducat omnia, & res negligat humanas vniuersas: qualis magnanimus est.

Octava est: Magnanimum res elegantes & honestas & pulcras quantumvis infructuosas & steriles, ut hortos, tabulas, signa, equos, servosque, comitatum & satellitium possidere malle, quam res alias utiles, & fructuosas: agros, pecora, pascua, prata, pecuniam; eiusmodi ceteras. Rationem autem eam esse, quod hoc eius sit, qui se ipso, suisque contentus sit bonis, & nulla indigeat re. qualem nos Magnanimum fecimus supra.

Nona, eaque postrema. Magnanimi motum incessumque tardum esse, vocem non acutam, sed gravem, stabilem denique; ac constantem orationem, non variam, hoc est, non nunc celerem, & festinantem, nunc interiungentem, & tardam. Incessus quidem & gradus lenti hæc ratio est: quod Magnanimus pauca tantum, eaque graviora dumtaxat gerenda suscipit, ut dictum est supra. Ac hæc festinationem & celeritatem non efflagitant, sed lentitudinem potius ac tarditatem. Ille videlicet, qui multis se rebus occupat & negotiis leuib, necesse habet huc illucque discurrere, properare, ac volitare: qui pauca suscipit & graviora, non postulat incessus festinationem, sed tarditatem. Celerior enim ingressus aut multitudo, aut leuitatem negotiorum videtur vulgo significare. quæ duo à Magnanimo sunt aliena. Vocis autem gravis & orationis item tardæ constantisque ratio ea est, quod Magnanimo nihil sit magnum. Clamosi quippe sunt, acutoque sono vociferantur, & instabili inconstanti que utuntur oratione, qui rem aliquam magnam obtinere contendunt. Hinc enim iurgia, hinc clamores omnes, hinc omnis varietas, atque inæqualitas orationis. Magnanimitatis igitur haud dubiè signa præ se tulit Socrates: cuius constantiam vultus, orationis moderationem, eundemque semper ac perpetuum tenorem prædicant omnes. Milo etiam ille perhibetur, de quo M. Tull. si vultum, inquit, semper eundem, si orationem stabilem & non mutatam videtis, &c. Sed de incessu, voce, oratione non Magnanimi modò, sed hominis probi ac boni vniuersim legendus est idem Cic. in Offic. I. Status, inquit, incessus, sessio, accubatio, vultus, oculi, manuum motus teneant illud decorum, quibus in rebus duo sunt maximè fugienda: ne quid effeminatum aut molle; ne quid durum aut rusticum sit. nec verò histrionibus, oratoribusque concedendum est, ut iis hæc apta sint, nobis dissoluta. Et quoniam magna vis orationis est, eademque duplex: altera contentionis, altera sermonis, contentio disceptationibus tribuatur iudiciorum, sermo in circulis, disputationibus, congressionibus familiarium versetur; persequatur etiam conuiuia. sed cum orationis indicem vocem habeamus, in voce autem duo sequamur, ut clara sit, ut suavis, utrumque à natura petendum est. verum alterum exercitatio augebit; alterum imitatio præstare loquentium & leniter. Hæc ille.

PARS QVARTA CAPITIS TERTII.

Ο Δ' ἐλαίπων, μικρόψυχος ὁ δ' ὑπερβόλῳ, ῥαῦνος. οὐ κακοὶ μὲν οὖν δοκοῦσιν εἶναι, οὐδ' οὐτοι. οὐ γὰρ κακopoioί εἰσιν, ἡμῶν τε μὲν οὐδ' ὁ μὲν γὰρ μικρόψυχος, ἀξίος ὢν ἀγαθῶν, ἐαυτὸν ἀποστρεῖ ὢν ἀξίος ὅτι. καὶ εἴποιε κακὸν ἔχῃ τι, οὐ τῷ μὴ ἀξιοῦν ἐαυτὸν τῷ ἀγαθῷ, καὶ ἀγνοεῖν δ' ἐαυτὸν ὡς ἔχῃ γὰρ αὐτὸν ἀξίος εἶναι, ἀγαθῶν γε ὄντων. οὐ μὲν ἡλίθοι γε οἱ ποιοῦντες δοκοῦσι εἶναι, ἀλλὰ πολλοὶ ὀκνητοί. ἡ ποιῶντι δὲ δόξα δοκεῖ καὶ χείρους ποιεῖν. ἕκαστος γὰρ ἐφίανται τῷ κατ' ἀξίαν. ἀφίστανται δὲ καὶ τῷ ὑπερβόλῳ τῷ καλῶν καὶ τῷ ὀκνητῷ δυνάμει, ὡς ἀξίος ὄντες. ὁ μὲν γὰρ δὲ καὶ τῷ ὀκνητῷ ἀγαθῶν. οἱ δὲ ῥαῦνοι, ἡλίθοι, καὶ ἐαυτοὺς ἀγνοοῦντες,

QU i verò deficit, pusilli animi est: qui excedit, inflatus. Mali igitur ne hi quidem videntur esse; neque enim malefici sunt, peccantes tamen. Pusillanimus enim dignus licet sit bonis, iis tamen se ipsum priuat, quibus dignus est, videturque prauum habere quiddam ex eo, quod non putet dignum se bonis, & se ipsum etiam ignores. expeteres enim ea, quibus dignus est, cum bona sint. Non tamen stolidi huiusmodi homines videntur esse, sed potius pigri, talis autem opinio videtur etiā peiores reddere. singuli enim expetunt ea, quæ secundum dignitatem suam sunt. Abstinent etiam ab actionibus honestis & studiis, quasi indigni sint: itemque ab externis bonis. At inflati stolidi sunt, seque ipsos ignorantes;

καὶ αὐτὶ ἐπιφαιῶς. ὡς γὰρ ἀξιοὶ
ὄντες, τοῖς ἐστίμοις ἐπιχρῶσιν, εἰ-
πε ἀξελέγειται. καὶ ἐοδῆτι χρημα-
ται, καὶ γήματι, καὶ τοῖς ποιούτοις. καὶ
βούλομαι τὰ βύτχηματα φάμεθα εἰ
αὐτοῖς, καὶ λέγουσι πρὸς αὐτοῖς, ὡς ἂν
τοῦτων πικροσύνῃ. ἀπὶ πῆται δὲ τῇ
μεγαλοψυχία ἢ μικροψυχία μᾶλλον ἢ
λαγνότητος. καὶ γὰρ γίγεται μᾶλλον, ἢ
χρῆσθαι ὅτι. ἡ δὲ οὕτω μεγαλοψυχία, πρὸς
τιμῇ ὅτι μακάριον, ὡς εἰρηται.

atque hac palam. Nam perinde ac si digni
essent, res honoratas aggrediuntur. deinde
coarguuntur. Vestitus etiam ornantur et
habitu, atque aliis huiusmodi; et volunt
prosperitates manifestas esse suas. ipsique
predicant, de se quasi ob eas honores sine
consecuturi. Opponitur verò Magnanimi-
tati pusillitas animi magis, quam elatio.
Nam sæpius usu venit, et peior est. Ma-
gnanimitas igitur in honore versatur ma-
gno, sicut dictum est.

EXPLANATIO.



MITIA hic opposita Magnanimitati demum explicantur duo. quorum
primum in defectu positum ait eius esse, qui pusillo, angusto, humilique
ac demisso animo est: alterum in exuperantia locatum eius, qui ventro-
sus, superbus, tumidus, inflatus, elatusque sit. De his duobus vitiis id pro-
nunciat primum quod de oppositis etiam Magnificentie pronunciauit:
non esse flagitiosa & probrosa, sed tantum à recto aberrantia & iustæ mediocritatis
expertia. At rationem quidem eandem prorsus esse confirmat: quod nimirum ne-
que is, qui elato, neque qui abiecto & pusillo sint animo cuiquam noceant, aut male-
ficiose quicquam & improbe faciant: sed sint tantummodo ἡμαρτημένοι, hoc est, pec-
cantes, & à linea virtutis aberrantes. Peccare autem & errare primum qui pusillo sit
animo quatuor rationibus ostendit. quarum prima est, quod sit iniustus, non quidem
in alios, quibus, ut diximus, haud nocet, sed in se ipsum; iis enim se spoliatur, quibus est
dignus honoribus. secunda, quod hoc vitium faciat, ut qui eo laboret, pro scelesto
habeatur & improbo: occultis quippe vitiis & criminibus obstringi putatur is, qui
quamuis alioqui dignus honoribus videatur, iis tamen suo se iudicio priuet, tãquam
indignum, & flagitij conscium intestini. Tertia, quod qui pusillo est animo, videatur
neque se, neque sua nosse bona. nam si nosset, eas profectò res, quibus est dignus, ex-
peteret. cum optimæ sint, & ab vnoquoque bono vehementer expetendæ. Ignorare
verò se ipsum, vitiosum est, & turpe, ut præclare Plato docet in Philabo. Quarta de-
mum: quod hæc animi pusilli demissio atque humilitas languentem hominem red-
dat, auocetque à rebus præclare gerendis, à studiis honestis, à Magistratibus, ab ho-
noribus, à muneribus publicis. Auertit enim animum à rebus gerendis ille gloriæ
contemptus aut desperatio, quæ in eiusmodi homine necessario est. nec quisquam
publica munera suscipit, & res difficiles aggreditur, qui cum Lucretio dicere non
possit,

— sed acris

Percussit thyrsa laudis spes magna meum cor.

Ex his sequi videtur, hominem eiusmodi, pusillo angustoque ac deiecto prædictum
animo stolidum & bardum esse. ignorat enim se ac promerita sua, quod stoliditatis
est. At ne sic existimemus, occurrit Aristoteles, admonens, eum non esse propterea
stolidum, sed potius pigrum; ὀκνηρόν. Ita enim scriptum in plerisque codicibus inue-
nio, scripturamque probat Lambinus. Sed Gifan. deprehendit hic mendum, rescri-
bendumque iubet τοῖς. & iure quidem id iubet, quoniam apud Græcum Scholia-
stem sic legitur. & ita legendum hunc locum esse probabilis sanè suadet ratio. Nam
Aristoteles quæstionem occupat existentem ex eo, quod dictum erat, hominē hunc
animo prædictum pusillo se ipsum ignorare; ex quo consequens esse possit, etiam sto-
lidum ac stupidum esse. huic ergo quæstioni occurrens ultro, ait, non esse stolidum
atque inconsideratum qualis est elatus, ut dicitur, sed τοῖς, hoc est, cogitabundum
maximè, considerantemque. sic enim Græcus Scholiastes interpretatur hic τοῖς,
affirmans eosdem esse, ac σφραγίς, acres in cogitando, & ὁπποῦντοις consultantes
& cogitabundos. id quod ita esse videri potest ex verbo τοῖς, vel τόμῃ, à quo ducta
est vox τοῖς. significat enim intelligo, vel considero & cogito. Illud quidem verum
est

καρὸν, sæpè apud Græcos esse tantum intelligentem, aut intelligentiæ participem. Quare apud Dionysium & Gregorium Nazianzenum Angeli, hoc est, Mentes illæ intelligentes ac concretionis expertes, καὶ ἀγγέλοι appellatur, intelligentes naturæ. sed tamen hoc loco καὶ σοφοὶ pro iis ponuntur, quos Græcus interpret esse vult in cogitando acres, aut cogitabundos & consultantes. Videndum solum est, cur & quid tantopere cogitet is qui pusillo est animo, & alioqui sui ipsius suæque dignitatis ignarus. Nimirum eiusmodi vir longè plurima secum perpendat necesse est, semperque reputet animo, cogitetque hac se vel illa laude, honorèque indignum esse; quod est Magnanimitati contrarium. id videlicet ipse indicat Aristoteles, cum de eiusmodi hominibus ita loquitur: Absinent etiam ab honestis actionibus, ac studis, itemque ab externis bonis, quasi sint indigni. perinde ac si dicat, semper eos de sua ipsorum humilitate cogitare.

Elatus autem, inflatusque, qui per exuperantiam aduersus Magnanimitatem peccat, minori quam superior vitio laborat. Ex iis enim quatuor rebus, quas in illum cadere diximus, duæ tantum conueniunt in hunc; prima, & tertia. prima quidem, quod iniustus sit, plus sibi tribuens, quam ratio velit, & aq̃uitas. tertia; quia se ipsum ignoret, & stolidus est, quemadmodum ipsemet non dubiis declarat argumentis ac signis externis, hoc est, vestitu quodam insolenti, & prædicatione suæ laudis, ac virtutis inuercunda.

Claudit huius disputationem Capitis extremam Aristoteles, hæc duo peccata conferens inter se, ac postremo decernens, abiectionem animi multo magis aduersari huic virtuti, quam elationem. tum quod abiectio illa frequentior est, & quoduidiano penè versetur in usu, hoc est, in pluribus reperitur hominibus (plures enim videas abiecto animo ob paupertatem aliaque incommoda esse, quam elatos propter opes & secundam fortunam, quæ rara est) tum quod ipsa per se peior & deterior esse videatur. Reddit enim homines languentes ac frigidos, ut diximus, & Reipublicæ prorsus inutiles, cum eos auocet à muneribus & Magistratibus, ostendatque vulgò improbos esse, qui verè non sunt.

EPILOGVS.

1. Magnanimitas, ut ipsum indicat nomen, in rebus versatur magnis: & magnanimus videtur esse, qui rebus est verè dignus magnis, immo verò etiam maximis, magnisque se dignum intelligit. qui enim cura promeritum se dignum existimat rebus magnis, stolidus est.
2. Qui parvis est dignus rebus, rebusque se dignum agnoscit parvis, modestus est. qui magnis se dignum censeat, quibus inagnus est: dicitur elatus ac subidus, Magnanimo per exuperantiam oppositus. sed talis non est, si se maioribus censeat dignum, quam verè sit. Qui verò minoribus se putat dignum, quam meritis suis, pusillo abiectoque animo est, ipsi per defectum oppositus ex altera parte Magnanimo.
3. Magnanimus, quamquam versatur in summis ac maximis, consistit tamen in medio. quia magnus se dignum existimat rebus, ut raro possit.
4. Res ille magnæ, maximæque, quibus existimat se dignum Magnanimus, verèque dignus est, honores sunt: & quia contrarium est eadem disciplina, ipse quoque ignominia ac dedecora materiam suppedians Magnanimitati.
5. Magnanimus, quoniam dignus est maximis; optimus sit necesse est. & quoniam qui est optimus, virtutibus est præditus omnibus, is erit Magnanimus, qui quod est in unaquaque virtute magnum, ampliusque id omnino est affectus. Omnium adeo virtutum Magnanimitas esse videtur ornamentum, quæ ad elucem maiorem facit, & sine quibus esse non potest; quo fit, ut Magnanimitas præcipua virtus sit, ac difficilè comparatur.
6. Magnanimus inter honores non insolenter effertur. & ex his quosdam mediocri cum delectatione accipit, quosdam repudiat. accipit moderatè cum lætitia eos, qui deferuntur a magnis & laudatis viris; repudiat a parvis & vulgaribus declaratos hominibus.

7. Ceterum non in honoribus modo, atque ignominiiis versatur Magnanimus, verum etiam in diuitiis, dominio, prosperaque fortuna vniuersa: cuius aduersam vim magno perferet animo, & secundam moderatè sustinebit, aut etiam contemnet. quamquam à bonis ipsis fortuna aliquod etiam existere Magnanimitatis potest incrementum. sunt enim honore digna cum virtutibus adiuncta sunt.

8. Qui verò bona fortuna sine virtute nanciscuntur, honorantur vulgò fortasse, sed verè digni honore non sunt, imitanturque Magnanimum in expetendis honoribus, & despiciendis ceteris, sed à magnanimitate longissimè distant. Magnanimus enim verè dignus honoribus est, quos appetit, & eos iure despiciit, quos aspernat.

9. Quoniam singularum virtutum ingreditur quodammodo fines, materiamque Magnanimus, ager in singulis quod magnum est. Itaque non parua subibit pericula, sed magna cum fortis est: & cum liberalis, aut Magnificus, etiam multa tribuet, & magna, nec à quoquam facillè aliquid accipiet; quod si tamen acceperit, id maiore mensura rependet.

10. Magnanimi proprietates hæc sunt. eorum non meminisse, vel de iis non cogitare, à quibus beneficium acceperit, sed de iis, quibus ipse contra beneficium dederit. vult enim excellere, ac superior esse: accipere autem inferioris est, dare, superioris. est eiusdem, rogare neminem, & nullius opem implorare, atque inter magnos & spectabiles viros exhibere se magnum, excelsumque; mediocrem autem inter mediocres. nec ad loca honorifica ire, aut ad honores ipsos affectare viam temerè, properèque, sed pruden-ter ac lenitè.

11. Alia quadam viri magnanimi signa planiora sunt hæc. omnia palam agit ac loquitur: nec inimicitias quidem ipsas occultè gerit, nec ad aliorum viuere vitam arbitratumque potest, nisi amicorum, ne seruire quicquam facere videatur. Nihil admiratur, nihil magnum putat, ipsas etiam obliuiscitur & floccipendit iniurias. Neque de se, neque de aliis facile ad laudem aut vituperationem loquitur; nè de inimicis quidem, nisi cum depellenda contumelia sit. Non queritur, cum res desiderat vita nec parua, quas nimirum paruas esse intelligit, & nihili ducit. Res praeclaras & pulchras quantumvis infructuosas manu, quam utiles ac fructuosas. Denique tarde successu est, & lento gradu, graui sono vocis, & oratione item tardà atque constanti.

12. Magnanimis duo contrarii sunt. quorum alter in nimio peccat, & elatus dicitur, alter in eo, quod est parum, & pusillo animo est; qui profecto non tam improbi dicendi sunt, cum nemini noceant, quam peccantes & aberrantes à medio.

13. Quod si inter se, & cum ipso Magnanimo conferendi sint, illi magis oppositi magnanimo censeri debent, aliisque peiores, qui per defectum errant, & peccant in eo, quod parum est, honoribus se putantes indignos, quos maximè promerentur. languescunt enim illo decepti iudicio, & rebus gerendis inutiles sunt.

IN CAPVT TERTIVM

QUESTIO PRIMA.

An Magnanimitas sit Virtus, & utrum sit Humilitati contraria?

Huius Questionis esse causam putauit aliquis, quod cum Magnanimitati propositus sit magnus honor, & in magno, imò verò in maximo versetur honor, ut dictum est, infraque demonstrabitur, discedere videatur à medio, nec in mediocritate consistere, quam omnium virtutum scimus esse communem. sed hæc quæsa prorsus est ratio in questionibus de Magnificentiâ, quæ materiam item tra-

dat magnam, nec tamen à mediocritate rationis excedit: quia sumptus quidem facit magnos, sed tamen ut oportet & prescribit ratio. Quod igitur ad hoc attinet, profligata hæc est questio. nam ipsa quoque Magnanimitas, si medium vllum deserit, illud deserit tantum, quod dicitur rei rationis mediocritatem retinet, in qua posita virtus est.

Aliæ quædam rationes huius propriæ sunt questionis, quæ faciunt, ut dubitare debeat.

mus, an Magnanimitas virtus sit.

Quarum princeps, & omnium grauissima hæc est. Nulla virtus est alteri virtuti contraria. immò virtutis proprium id est, vt cum omnibus se conciliet, pugnet cum nulla. sed Magnanimitas aduersatur illi, quæ à Christianis philosophis latinitate donata iam est, & appellatur Humilitas. Magnanimus enim, vt dictum est in hoc cap. dignum se putat magnis honoribus, & contemnit alios.

Secunda. cuiuslibet proprietates & notæ virtutis laudabiles sunt. Magnanimitatis verò quædam sunt vituperatione dignissimæ. Dicitur enim Magnanimus hic ab Aristotele immemor beneficiorum, hoc est, ingratus; cessator & tardus, hoc est, otiosus & piger, dissimulatio & ironicus apud vulgus ac multitudinem, hoc est, fraudulentus, fallax & dolosus. Dicitur demum Magnanimus is esse, qui ad aliorum arbitratum viuere non possit; quod vitæ civili contrarium est, & communi ad quam factus est societati: quique male infructuosa ac sterilia, quàm vtilia & fructuosa possidere: quod à prudentiæ legibus alienum est.

Tertia. Virtus est rectus quidam habitus mentis, non corporis qualitas. sed Magnanimitas quamdam postulat in ipso corpore qualitatem, siue rationem ac modum. At enim Aristoteles in hoc cap. magnanimi viri motum ac gestum esse tardum, vocem grauem, locutionem constantem, ac stabilem.

Quarta. Nulla virtus moralis est, exceptâ Iustitiâ & prudentiâ, quæ non temperet & regat affectus sentientis animæ. Magnanimitas verò nullis moderatur affectibus animæ sentientis. Non enim honoris cupiditas in animo sentiente citatur; cum dicat Arist. hominem honoris amantem honore ipso gaudere corpore nihil interea patiente. quibus verbis significat, honoris cupiditatem in appetitu sentiente non esse: in quo tamen singuli sedem habent affectus, quos morales virtutes temperant & moderantur. Omnis enim sentientis affectus animi patiente corpore cietur, & pellitur.

Ad explorandum, num aliquis habitus Virtus sit, videndum est, an in eo reperiantur quæ propria virtutis sunt. ex notis enim & characteribus propriis ipsa rei cuiusque deprehenditur natura & vis.

Animaduertendum igitur primo loco est: maximè proprium virtutis esse, in earum appetitione rerum ponere legem ac modum, quæ appeti quidem rectè possunt: sed sæpè fit, vt quoniam, vel plus, vel minus æquo expetuntur, appeti malè prauèque dicantur. Huiusmodi profectò sunt bona omnia externa, quæ vel vehementius expetuntur, vel remissius, quàm postulet ratio, adeoque necesse habent ab ea expeti cupiditate, quæ virtute regatur. At inter externa bona honores principem obtinent locum, vt Aristoteles docet, ac propterea vehementius expetuntur. Efflagitat igitur honorum appetitio virtutem aliquam, ne, vel parum, vel plus æquo ab hominibus expetantur. Ac posse quidem, quod ad

honorum appetitionem attinet, in eo peccari quod parum est, facillè demonstrant ii, qui quamquam præclara doctrina & virtute præditi, diuitiis idoneis instructi, amicorum ornatu præfidiis optimorum sunt, rati se tamen ineptos esse, minùsque ornamentis illis communitos, quàm necesse sit, munus aliquod honorarium, & honestum officium respuunt, in quo & permultum prodesse populo possent, & multas proferre virtutum actiones sibi fructuosas, aliis vtilis ac salutaris. Posse verò contra per exuperantiam peccari, res est exploratio, quàm vt multis explicari velit. Sunt enim plures qui magis honores expetant, quàm virtutes, & nullis honestorum operum ornamentis instructi in Templum Honoris invadere audeant, quò nisi per ædem virtutis aditus patere non debet. Quod si virtute muniti sunt aliqua, plus tamen honoris expolcunt, quàm iis debeatur. Eiusmodi sanè homines sæpè sunt hypocritæ, ac velut Ethicæ quidam histriones: vt quos honores rectè factis assequi non possunt, eos demum arripiant simulatione virtutis. magis quippe id agunt, vt boni videantur esse, quàm vt sint. Querunt etiam adulatorem, assentatoresque, à quibus honoris & reuerentiæ postulant signa, quæ à prudentibus & probatis viris extorquere non possunt. Ad hæc. inuidenciam animi produnt cum honores consequi se non posse intui, tristantur, angunturque, quod videant alios honoribus affici. superbia denique non ferenda efferuntur; cum, vel propter diuitias, vel propter amicorum copiam, vel propter alia fortunæ bona se putent honore dignos, & ita sibi placeant, seque ac sua sic circumspiciant, vt nec excellentiores honorent, & mediocres despiciant, & inferiores omnino premant. Hinc adeo fit, vt quoniam in honorum appetitione vtrumque potest esse peccatum, hoc est parum, & nimium, aliqua debeat virtus vtrumque depellere, ac mediocritatem inuenire. Hæc autem vna Magnanimitas est, honores illos expetens, qui virtuti & debentur & prosunt, eos respuens, qui eidem nec debentur & obsunt. Quemadmodum enim fortitudo timores moderatur, temperantia voluptates, liberalitas opum cupiditatem, sic magnanimitas eam moderari debet appetitionem honoris, quam nulla alia virtus regit ac temperat.

Animaduertendum secundo loco est: apud Theologos & eos, qui de Christiani hominis officio disputant, quamdam esse virtutem, Aristoteli ex aliquorum sententia minimè cognitam; quam dicimus Humilitatem. Ego autem opinor aliqua ex parte ab Aristotele aliis descriptam nominibus, ex alia, propriam esse Christianorum, nec ab Aristot. significatam: sed cum ipsa tamen Magnanimitate non sic pugnare, vt qui humilis sit, Magnanimus esse, aut qui sit Magnanimus, humilis esse non possit. Videamus ergo primum quàm demum, qualémque hanc ipsi virtutem faciant, vt de re idoneo iudicio discernere possimus. Dicunt igitur, Humilitatem virtutem esse,

D. Th. 2. 2.
2. 102. art. 2.

num, ne in magnos honores excelsosque immoderatè contendat. sed nisi adderent alia quædam Humilitatis officia, quæ hoc animi frænum sibi proprium facerent, non haberet quicquam Humilitas; cur solis adscribenda Christianis esset, nec cum antiquis commutanda Philologis videretur. Nihil enim est aliud immoderatè ad honores magnos & excelsos ire, nisi ad honores illos sine præsidio virtutis iter arripere: aut maiores honores expetere, quàm meritis ob virtutem sis. Itaque duobus indigere volunt animum frænis. altero quidem, ne sine promerito appetat honores; altero, ne maiores appetat, quàm ei debeantur. At primum illud frænum inicit animo Magnanimitas, cuius ab Aristot. dicitur esse Magnanimus, qui honoribus illis se iudicat dignum, quibus verissimè dignus est: qui verò se iudicat dignum iis, quibus omnino dignus non est, appelletur ab eo stolidus & insanius. Magnanimitatis igitur est, cauere, ne facere, ne animus eos expetat honores, quibus indignus omnino sit. Secundum autem frænum, moderationemque præscribit homini modestia. At enim in hoc cap. Aristoteles, qui honores appetit mediocres & paruos, quibus se ob mediocre paruūque promeritum, esse dignum intelligit, cum esse modestum, siue temperatum, hoc est, ea prædictum temperantiâ, quæ modestia dicenda sit; cum non versetur in frangendis, regendisque cupiditatibus, sed in honoris appetitione moderanda. Erunt ergo modestiæ partes, animi cupiditatem & impetum intra honores illos continere; quos mereatur, nec pati maiores appetere. Alia sunt aded Humilitatis officia, quæ faciunt, ut hanc virtutem Christiana sibi religio vindicet, nec veteri sinat adscribi philologis. sunt autem illa, quæ conditori, auctori que honorum omnium ita subiciunt ac mancipant eius animum, qui verè dicitur Humilis, ut quamquam videt doctrinæ, virtutum, aliarumque rerum ornamentis se circumfluere quamplurimis, intelligat & profiteatur tamen, ea omnia sui ipsius promerita non esse; sed Dei præpotentis munera; cuius præsidio parati sunt nec sibi proprium aliud relinquit quàm vitium, inscitiam, rerum omnium inopiam, & egestatem. Nimirum probe cognoscat quod verissimum est, ab illo rerum Principe, principiōque haud minus se pendere, quàm umbram à corpore, lucem à sole, sensum ac vitam ab anima. Hac igitur imbutus notitia, multiplices hauriat ab humilitate muneris functiones. Quarum prima versatur in eo, ut Deum rerum omnium fontem summâ animi demissione veneretur, ceterosque mortalium, quoniam ab illo procreati sunt & donis pulcherrimis ornati, honore afficiat, existimâtque ceteros esse se ipso longè meliores, excellentioresque. secunda: ut hominum laudationes præconiisque auersetur ac fugiat. tertia: ut se præterea floccipendi sic optet, ut ad id consequendum industriad ac neruos omnes intendat ingenii. quarta: ut aliorum imperio parere cupiat semper, voluntati suæ morem gerere num-

quam velit. quinta: ut inutilem se rebus existimet omnibus, quæ nauum hominem postulant prudentem ac doctum aliisque dotibus excellentem. Quæ profectò à Magnanimitate discrepant omnia, cum ipsa laudes honoresque postulet, & eiusmodi officia modestiæ superent modum ab Aristotele descriptæ: quæ satis habet honores mediocres accipere, quos meretur, nec expetere maiores, quàm mereatur. humilitas verò etiam honores repudiat meritos, locumque sibi reseruat posterum, cum primarium interea principemque Magnanimitas optet, ut supra vidimus. Quod si quæras, quid causæ sit, cur Aristoteles, qui tam multa vidit, huius vim, rationemque virtutis inspicere non potuerit penitus; dixerim causas esse duas. primam; quod ab eo Præceptore non fuerit institutus, à quo doctrinam tam abditam & cognitionem accepimus. secundam; quod eas ipse perquirebat, recensébâtque tantummodo virtutes, quæ idoneum hominem redderent vitæ ciuili. Itaque Humilitatis eam partem, quæ parerit iis, quibus parendum est, & eos admittit honores, quos meritis sis, maiores autem amplioresque respuit, quoniam ipsa societati, ac tranquillitati consulit vitæ ciuili, est ille quidem persecutus, quæ Magnanimitatem, quæ modestiam eam appellans, sed alteram illam, quæ hominem solitarium perficit, componitque prorsus erga Deum, cuius causâ sic se ceteris subiicit, honoresque quantumvis meritos despiciat, alteram, inquam, hanc Humilitatis partem, quia Republicæ communis putauit inutilem, prætermisit. Quod si dicas, Magnanimum, ut ab Aristotele docetur, ipsos & honores contemnere. Respondeo primum, non omnes despici honores à Magnanimo, sed solum paruos, & eos, qui deferuntur à vulgaribus, minimæque laudatis hominibus: magnos verò, atque à magnis delatos hominibus, non modò non contemni, sed vehementer expeti, ut disertè scribit Aristoteles. hoc autem ab eo, qui dicitur Humilis, alienum est. Respondeo deinde: Magnanimum etiam tum, cum honoribus afficitur magnis, honores illos magnos, & ab excellentibus habitos viris haud magnificare, sed despiciere quodammodo ac paruipendere, non quod iis indignum se putet, sed quod minores censeat, quàm satis idonei sint suæ remunerandæ virtuti. Id quoque planissimè tradit ibidem Aristoteles; affirmans, Magnanimum esse contemptorem, nihil admirari, nihil magnum ducere, despiciere omnia, etiam honores magnos, quos tam vehementer optat. quia videt, ea præmia suis esse minora virtutibus. virtus quippe ipsa per se nullum inuenit æquale præmium; cum intima sit honestas, & ornamentum animi. loco tamen æqualis præmiū accipit honorem: quia maius aliquid apud mortales non inuenitur. At hoc etiam abhorret ab humili viro, qui cum honores repudiat magnos, repudiat ideo, quod iis indignum se putet, dignumque Deum ipsum esse videat, qui honoribus illis afficiatur: nec velit ipse præmium rectè factorum vllum,

quia rectè facta omnia semper adscribit Deo.

Animaduertendum tertio loco est: virum humilem interdum honores vel expetere, vel delatos perlibenter accipere: vt cum cogitat atque id secum animo reputat, eos à quibus honoratur hoc agere, vt Deum ipsum auctorem venerentur, eiusdemque munera honoribus afficiant, quæ in homine relegunt, ac recognoscunt. quam Humilitatis pulcherrimæ formam Diuum illum Franciscum præ se tulisse ferunt. cum qui honores omnes angustius peius alioqui auersaretur, obuiis tamen aliquando quibusdam oppidanis ad se magnâ frequentia concurrentibus hilari fronte vestem manusque præbuit exosculandas, admirantique rem tam insolentem comiti, & super ea sciscitanti respondit, ne minimam quidem eius honoris partem qui deberetur ab iis sibi delatam esse, qui cum id agerent, Deum ipsum honorare contenderent. Habet, inquam, hoc etiam proprium Humilis, vt ad venerandum Deum honores interdum expetat. tunc enim non se ipsum honore iudicat dignum, sed Deum, immò verò nullo se censet dignum honore; cum profiteatur, honorem sibi delatum deberi Deo. Non tamen ab hoc actu denominatur humilis, quia rarus est, & secundarius, quemadmodum in liberalitate est accipere. Itaque hoc etiam à Magnanimitate longissimè distat: cum in expetendis atque accipiendis honoribus id Magnanimus sequatur & velit, vt ipsemet honoretur, nec de venerando Deo tum cogitet, sed de promeritis & excellentia sua, non quòd Deum ipsum contemnat, vel excellentiæ suæ nolit eum auctorem esse (id enim esset superbix non ferendæ, & ipsa cum Magnanimitate pugnaret) sed quòd hoc illi tunc in mentem non veniat. Si enim veniret, Deum etiam ipse veneraretur, & suæ virtutis excellentiæque auctorem & parentem esse profiteretur. Sed expeteret tamen honores magnos, si minus illo ipso cum consilio, quo eos accepit vir humilis, honestatis certè gratiâ, & ob eum, quæ habet animo propositum finem præclarum atque homine dignum virtute prædito posceret. Sunt qui dicant Virtutem hanc Deo redonantem omnia, quam dicimus Humilitatem, Aristotelis quidem effugisse cognitionem, Platonis autem non effugisse. ex horum numero in primis est Chrysostomus Iauell. in Epitom. Platon. tract. 4. Putat enim has Humilitatis partes atque officia descripsisse in quinto de leg. vbi legum conditorem admonet, vt in primis de diuino cultu & de festis sacrisque diebus, de omni ceremoniarum genere præcipiat. sed reuera nihil ille sibi vult aliud, nisi, Deum esse summa cum demissione animi ac reuerentiæ significatione venerandum. an autem eos, qui venerari sic Deum velint, oporteat humanas respuere laudes & existimare se honoribus indignos, deterri-mosque mortalium, aut ceteris inferiores hominibus, id ille non disputat. Itaque præceptiones illæ de Religione sunt, non de humilitate. De Religione verò procuranda præcepta tradit non modò Plato, sed etiam Aristoteles in septimo Polit. vbi inter cetera Magistratus officia, sacerdotia vult obtinere primas partes, ac principatum. Hæc igitur esse debet huiusce Quæstionis

Prima Conclusio: Magnanimitatem, veram esse, germanamque virtutem. Quia cum videmus aliquod humanum bonum, in quo vel expetendo, vel vtendo, aliqua esse possit exuperantia, defectus, & mediocritas; intelligimus illicò, aliquam etiam oportere virtutem existere, quæ defectum exuperantiæque defendat, ipsam certâ mensurâ constituat mediocritatem. At honor humanum quoddam est bonum, in cuius appetitione, tum exuperantia, tum defectus, tum mediocritas esse potest. Igitur aliqua virtus existere debet, quæ mediocritatem inueniat, depellat extrema. Hæc profectò alia non est, nisi Magnanimitas, cum ceteræ intra suos se teneant fines, & ab honore qui Magnanimitati propositus est, iusto limite distent.

Conclusio verò secunda sit huiusmodi: Magnanimitatem permultum oppidò ab ea virtute differre, quæ appellatur à nostris Humilitas; cum ea tamen haud ita pugnare, vt virtus hæc in eo non possit esse, qui dicitur Humilis. Primam huius pronuntiati partem in qua contendimus, ab Humilitate discrepare, ita facillè probabimus, si numeremus ea, quorum causa Christianorum Humilitati responderi videtur, ac similis esse Magnanimitas. Magnum enim in ea similitudine inter vtramque discrimen intercedit. Ergo, vt breuiter faciam, similis videtur esse Magnanimitas Humilitati, quòd contemnat honores, quòd facillimâ quadam obliuione acceptas deleat iniurias, quòd euentu fortunæ secundo nihil efferatur, nihil commoueat aduerso, quòd despiciat omnia, quæ plerique mortalium æstimant plurimi. At in his tamen rebus Magnanimitatem maximè ab Humilitate discrepare deprehendemus, si Magnanimi viri Humilisque consilium in iis munerum functionibus obeundis diligenter & rectè perpendamus. Humilis enim honores ideo respuit, quòd iis se censcat indignum: Magnanimus ideo, quòd in honoribus haud tantam vim esse putet, quæ suæ remunerandæ afficiendæque iusto præmio virtuti sit satis. Humilis, cum facillè condonat iniurias & contumelias obliuiscitur omnes, idcirco condonat & obliuiscitur, quòd dignum se dedecore putet ac probro: Magnanimus verò propterea, quòd nolit iis de rebus cogitare, quæ obnubere atque obscurare videntur excellentiam suam: cuiusmodi sunt acceptæ contumeliæ, iniuriæque. In eo enim positus est totus, vt propter excellentiam, ac præstantiam suam honoretur ab aliis, ac propterea memoriam dedecoris accepti confestim depellit. Quin vnum Aristoteles addit, quod Humilitati maximè contrarium est. Ait enim, Magnanimum ad depellendam illatam contumeliam, probrum quandoqueregere. Ad hæc: cum Magnanimus prosperam aduersamque fortunam contemnit, resque mortalium omnes parui pendit, contemnit & parui pendit ideo, quòd intelli-

gat, omnia minora esse, quàm excellentiam suam, à quo iudicio ille abest longissimè, qui dicitur Humilis. de se enim modestissimè sentit ac iudicat.

Alteram verò partem in qua ponimus, cum Magnanimitate non sic pugnare Humilitatem, ut vir Humilis magnanimus, aut magnanimus humilis esse non possit, probabimus ex eo, quod eiusmodi habitus, quāquā ad actus operāque impellunt animum inter se ita contraria, ut eodem planè tempore idem homo utraque profectè non possit, sic tamen in eodem homine se conciliant, ut idem nunc in Magnanimitatis, nunc in Humilitatis adum prodire queat: cum uterque rectè rationi consentaneus sit, & eam obtineat rationis mediocritatem, quæ virtutum omnium est communis. Cum enim vir magnanimus honores expetit, & excellentiam suam veneratione vult affici, id propterea vult expetitque, quòd intelligat, tunc ita rectam iubere rationem ob honestum aliquem, quem propositum habet animo, finem. quòd si contra videat aliquando; respuendos honores esse, quoniam ita præcipit recta ratio eos, mutatā velificatione despicit, audiētque rationis imperium, quòd nemo bonus probatūque detrectat. Idem planè præstabit vir humilis, honorum ille contemptor eximius. Vbi enim honores sibi delatos deferendōve, vel aliis salutare futuros, vel Deo gratissimos agnoscat, excipiet sine dubio, atque ab Humilitatis secessu in ipsa Magnanimitatis castra conuolabit.

Denique inductiones, procliuatēque ab utroque habitu animo inditæ, quamquam ad diuersos oppositōsque incitant actus, non incitant tamen ad contrarios, pugnantēque, quia rectè consentanei sunt rationi, & mediocritatem à virtute præscriptam obtinent. id quod vniuersim omnes omninò spectant intuentūque habitus probabiles, ac boni, cum foras erumpunt in actus.

Primum igitur ac præcipuum argumentum euersum iam est, cum demonstrauerimus, Humilitatem esse Magnanimitati quidem oppositam, sed non tamen contrariam, hoc est, eam, quæ cum Magnanimitate se conciliare non possit. Potest enim uterque habitus in eodem animo hærere, duplicique inductione, ac procliuatē animum ipsum pro temporis, loci, personæ, aliarūque circumstantiarum varietate propellere. At alios contemnit Magnanimus. Contemnit ille quidem, sed eos, quos ipse quoque contemneret humilis. contemnit enim improbos, assentatorēque, cum malit ipse bonus, & dignus esse laude, quàm dici & videri. Qui enim adulatorēs audiunt & æstimant, ostendunt malle se haberi bonos, quàm esse. Denique Magnanimus non tam contemnit alios, quàm non æstimat: sed non æstimat supra eorum dignitatem; quia vitiosum hoc est.

Neque verò proprietates illæ notæque Magnanimitatis, quæ recensentur in argumento, alizque multæ, quæ apud Aristotelem sunt, vitium indicant aliquod, quamuis ipsum vitij nomen præ se ferre videantur. Nam cum

dicitur Magnanimus velle semper aliis antecellere, nulla in eo superbia nota designatur: quia vult antecellere virtute, promerito, rectè factis, benignitate, quæ à superbo sunt aliena: cum nullis munitus virtutum, rectèque factorum præfidiis, velit inter alios excellere. Cum dicitur Magnanimus pudore suffundi, quòd beneficio sit affectus, ne tunc quidem indicatur eius elatio aliqua & superbia, sed altitudo quædam animi, in eo viro posita, qui quoniam agere vellet, quod præstantissimæ honestatis est opus, verecundiā capitur, quòd necesse habeat facere id quod non ita præstans & præclarum sit. ornare verò alios beneficio, quod ipse vellet, præstantius est, quàm ornari. Quod autem attinet ad accepti memoriam beneficij, nullum in eo notatur ingrati animi vitium, cum dicitur eorum non meminisse, à quibus ipse beneficium acceperit. Non enim significatur, accepti beneficij memoriam prorsus à se depellere, sed minùs cogitare de accepto beneficio, quàm de eodem beneficio compensando, & maiore mensurā reddendo. hoc enim illi quoque proprium facit Aristoteles, ut accepti beneficij gratiam apud se sine maiore quadam remuneratione residere non patiatur, sed confestim ampliore mensura compenset. Id verò maximè consentaneum est illi virtuti, quam in hominibus gratis esse volumus: immò videtur eiusdem esse virtutis apex & absolutio: quæ numeros & partes expleat suas, non cum de beneficiis cogitat acceptis, sed cum ea maiori modo remunerat. Cessator autem, & cunctator non ideo dicitur, quòd tardus sit, aut piger, aut otiosus, ubi properandum esset & agendum festinatio. id enim vitio carere non posset: sed quòd res magnas & graues suscipiat: quæ quoniam tempus, otium, & commentationem postulant, iubent Magnanimum omnia circumspicere, ac moras aliquas trahere; non tamen eas, quæ modum superent, & nimis sint. Sequitur ironia, & dissimulatio, quam tribuit Aristoteles Magnanimo. hæc autem non est veracitati contraria, sed prudentiæ consentanea. nihil quippe affirmatè pronunciat: sed non pronunciat ea, quæ pronuntianda non sunt. Neque enim cā vitur Magnanimus nisi apud solam multitudinem, & vulgus: cui patefacere omnia sui animi consilia, stultum sit. Restat extrema proprietas, quæ sita in eo est, quòd Magnanimus non possit *οὐκ ἔστιν*, vivere ad alium, hoc est, ad aliorum arbitrium, aut cum aliis vivere, in qua tamen haud vlla describitur immanitas viri Magnanimi, sed indicatur solū, cum non posse parere ac morem gerere singulis, etiam vulgaribus hominibus, & gregaliis, aut cum omnibus vulgò vitam agere: quia vult, eos, quibus obtemperat, & eos quibuscum vitam exigit, esse bonos, & iustā præditos potestate, non improbos aut tyrannos, vult esse amicos, & honestos, non hostes aut assentatores. Idcirco nimirum id addidit exceptique Aristoteles *οὐκ ἔστιν*, quibus verbis significat, Magnanimum vivere ad arbitratum aliorum non posse nisi ad amicorum, hoc est, ad eorum quos

ipse & bonos & sui amantes existimat; quod nullum profectò vitium aut peccatum Magnanimi est. Vivere enim ad arbitratum omnium est servile, inquit Aristoteles, à qua servitute Magnanimus abhorret.

De tertio argumento haud sanè multùm est laborandum. Non enim cùm tardus incessus, & locutio item tarda Magnanimo tribuitur, assignantur virtuti corporis motus actionesque veluti propriæ, & ex, quas ipsa regere primario suo debeat officio, quæque ab ipsa propriè proficiantur. sed indicatur id, quod beneficio virtutis superior animi facultas exculca efficit etiam in ipso motu externisque functionibus corporis. Neque enim à ratione alienum est, id virtuti tribuere: quod non ipsa per se virtus, sed tamen animi facultas efficit exculca virtute. cuiusmodi est ille tardus incessus, & moderatio vocis.

De quarto demum argumento id dico, etiam in honoris appetitione corpus pati, hoc est, excitari & perturbari cupiditatem animi sentientis, cùm honor in ipsa re honorata consideratur ab ijs, qui honorem expetunt, qui enim victoriam aut triumphum cupiunt, in ipso quoque perturbantur appetitu sentiente: perturbantur tamen minùs, quàm ijs, qui ad voluptates corporis incitantur. id quod fortasse sibi voluit Aristot. Cùm dixit, honoris cupiditatem in nobis excitari, nihil corpore patiente, hoc est, non exquæ patiente ac cùm cietur aliqua cupiditas corporeæ voluptatis, aut ultionis, aut aliarum rerum, quæ sunt propriæ sensûs. Vel certè locutus Aristoteles est de honore à re honorabili seiuncto, & univèrsim animo, & cogitatione concepto.

QVÆSTIO SECUNDA.

Utrum Magnanimitas sit virtus aliqua peculiaris & propria.

DIFFICILIOR hæc fortasse quæstio, quàm superior sit. Aristoteles enim differtè in hoc Capite tertio ponit ac docet, Magnanimitatis esse proprium id efficere quod in vnaquaque virtute magnum est. Nulla verò peculiaris & alicuius certæ materiæ propria virtus in omnium virtutum fines inuadit, & vna cum omnibus partes agit suas, sed electè per se, ac separatim. Quod si quicquid est in singulis virtutibus excellens ac magnum ipsi tribuendum Magnanimitati sit, Magnanimitas vel ea virtus erit quæ dicitur Heroica, hoc est, humanam supra conditionem euecta, ac propterea non peculiaris, atque ab alijs omnibus separata, vel à ceteris nihil differet virtutibus, quarum opera magna & excellentia peragit. Magnum enim & paruum, specie differre non possunt, adeoque Magnanimitas nihil erit aliud, nisi maxima fortitudo, temperantia maxima, maxima liberalitas, & singularum virtutum apex, qui à virtutibus ipsis non discrepat specie. Quia ipsi quoque Magnanimitati diuersarum, variarumque virtutum adscribit Aristot. opera. At enim esse

Magnanimi, nihil iniquè agere, quod est opus iustitiæ: procliuatatem ac facilitatem quædam ad benefaciendum habere, quod est beneficentiæ, ac liberalitatis: vera dicere, nec quicquam simulare, aut dissimulare, quod est veritatis: in rerum penuria necessariarum non esse querulum, quod est tolerantie. At nulli peculiari virtuti variarum virtutum opera adscribuntur. Denique Magnanimitatem ait esse virtutum omnium ornamentum. At quælibet virtus, quæ sit peculiaris & propria, peculiaris & proprius quidam est ornatus animæ. Hæc, inquam, huic quæstioni difficultatem exhibent haud mediocrem. sed vt facilius explanentur,

Animaduertendum primo loco est; quamdam esse generalem, communemque magnanimitatem, per omnes peruagantem virtutes, quemadmodum fortitudo quoque ac temperantia generalis est. Vt enim vnaquæque virtus, quia firmitudo quædam videtur esse cum vitio pugnans aduersario, & moderationem quamdam ac mediocritatem habere, dici fortitudo ac temperantia solet, ita etiam quælibet virtus, quoniam aliquid magnum excelsumque sedatur, & animum concitat ad res peruincendas maximè arduas, appellari Magnanimitas potest. id quod à Seneca potissimum esse factum intuemur; qui omnem omnino virtutem opera conficientem ardua & magna, magnanimitatem appellare non dubitat, quin Aristoteles ipse videtur hoc sibi voluisse, cùm dixit, quicquid in singulis virtutibus est magnum ac summum, id proprium opus esse magnanimitatis, sed tamen aliud contendit, facitque Magnanimitatem ipsam per se virtutem peculiarem, in sua versantem materia, suosque se intra fines ab aliarum distinctos finibus continentem. Nihil adeo conficiunt qui contendunt etiam fortes viros dum fortia vel faciunt, vel patiuntur, etiam temperatos cùm vehementissimas compescunt cupiditates, etiam liberales, cùm ingentem pecuniæ vim largiuntur, esse magnanimos. Est enim ea magnanimitas generalis quædam communisquæ virtutum qualitas, non ea virtus, in honore tractando posita, cuius nunc officium & limites inuestigamus.

Animaduertendum secundo est, peculiaris cuiusque virtutis esse, rectæ rationis modum quemdam in certa aliqua, definitaque materia constituere. id verò cùm efficit Magnanimitas in magnis honoribus, quos rectæ ratione consecratur, dicenda peculiaris est virtus, peculiarem certumque rectæ rationis constituens modum in magnis honoribus expetendis & consecrandis. Sed honores ex virtutibus necessario nascuntur, & honores magni ex virtutibus item oriuntur magnis. Magnanimitas igitur non poterit in sua versari materia, hoc est, magnos honores promereri, nisi magna quædam efficiat opera virtutum, & quod inde consequens est, nisi materias singularum aliquâ ratione pertractet. Quapropter quod ex primario animi sui consilio contendit Magnanimus, non est id, quod à singulis efficitur tracta cûque virtutibus, sed magnus

honor: quia tamen honorem magnum promereri atque obtinere non potest, nisi beneficio magnarum virtutum. sic omnium arripit materiam, vt earundem fines & officia non perturbet; sed efficiat potius, vt & virtutes excellentissimum proferant actum, & nos habitibus earundem virtutum vtamur optimè. Triplex enim, quantum nunc ad nos attinet, virtus est: naturalis vna, intellectus altera, tertia moralis. naturali virtute vti benè possumus & abuti: virtute intellectus abuti per intellectum ipsum non possumus, sed tantummodo per voluntatem, atque vt dicere soliti sumus, moraliter: vt cùm aliquis arte celandi sculpendive abutitur ad simulachra mendacium Deorum perficienda. Virtute autem morali nemo potest abuti, vt dicitur ab Arist. in primo Rhetor. sed potest aliquis virtute non vti benè, hoc est, omninò non vti. quæ causa est, cur suprâ in primo libro dictum sit, felicitatem non in virtute, sed in virtutis actione positam esse. Potest etiam aliquis vti virtute morali benè, sed non optimè. Facit ergo Magnanimitas, vt non modò non abutamur naturali, intellectusque virtute, verùm etiam vt morali, cuius iam obtinemus habitum, vtamur optimè, & eius actum excellentissimum, perfectissimūque proferamus. Vult enim Magnanimitas honorem magnum, qui magno debetur operi fortitudinis, temperantiæ, liberalitatis, ac propterea in eo se semper exercet opere, quod cuiuslibet virtutis excellentissimum est. Rectè igitur pronunciat Aristoteles, virum magnanimum dici neminem posse, qui omnium complexiōe virtutum non sit instructus. neque enim potest magna illa virtutum opera efficere, qui virtutibus munitus ipsis non sit. Rectè etiam ait; Magnanimitatem singulas virtutes reddere maiores, efficere quicquid in singulis eximum cernitur, & præstantissimum; singularum denique ornamentum, hoc est, absolutionem & perfectionem esse. Quamquam enim Magnanimi primum præcipuumque consilium non fertur in honestatem illam vniuscuiusque virtutis, cuius causâ virtutes agunt, sed in honorem ex ipsis virtutibus existentem, secundariò tamen & ex consequenti consilio ad perfectæ virtutis opera contendit. Quo nomine haud mediocriter à ceteris virtutibus seiungi Magnanimitas debet: cùm ratio illa, quæ formalis dicitur, diuersa sit, hoc est, ea, quæ faciat habitus specie discrepantes. Qui enim cetera virtutum opera proferunt; propositam habent, & ex primario consilio petunt eorum operum honestatem intimam, vel honestatem eius virtutis, ad quam alterius referunt opus. Magnanimus verò id præcipuè sequitur, & ex primario consilio agit, vt honore, qui debetur excellentiæ, afficiatur. Sed tamen haud constat adhuc, quid causæ sit, cur illud opus excellentissimum fortitudinis (vt hoc exempli causâ dicamus) quod honorem magnanimo dat, adscribendum potius Magnanimitati, quàm fortitudini sit. Quamquam enim efficit illud Magnanimus ex consilio secundario, & propterea, quod videt a-

liter honorem assequi magnum se non posse, nisi fortiter agat, videtur tamen opus illud efficere fortitudinis beneficio & vi. Non enim quia magnum est, fortitudinis esse non debet: cùm illa & paruum & magnum facere possit opus, nec vllus inueniatur operis gradus, qui eiusmodi virtutis prætergredi vires queat.

Animaduertendum adeo tertio loco est: magnum & paruum si spectentur eatenus solum, quatenus alicuius rei vel quantificatis sunt, non differre specie. Neque enim magnus candor à paruo, neque parua linea differt à magna: sed si perpendantur tamen eatenus, quatenus relatiua sunt, specie posse differre: quale duplum est, & dimidium in quantitate. comparantur enim cum iis, quæ specie discrepant. Magnum igitur & paruum virtutis opus, si per se, simplicitérque spectentur, non discrepant specie; sed si referantur ad rationes formales specie discrepantes, differunt. At magnum opus fortitudinis, quod sit à Magnanimo, refertur ad magnum honorem; minus opus, aut paruum viri fortis refertur ad honestatem ipsius fortitudinis, aut alterius virtutis; ac propterea ob eas relationes ita differentes opera illa specie differunt. Quin ceteræ virtutes cùm opus faciunt magnum, non proponunt sibi magnitudinem operis quasi rationem obiecti formalem, magnitudo enim rationem quidem formalem obiecti comitatur, sed nō est ipsa ratio formalis obiecti. sed contra sanè magnanimus agit: qui cùm ex virtute aliquid efficit magnum, magnitudinem ipsam veluti scopum & rationem formalem intuetur. Quemadmodum enim calor ipse per se contendit calorem producere, sed quia tamen ipse magnus est, efficit etiam calorem magnum propter aduentitiam magnitudinem, quæ cum natura caloris coniuncta est; sic virtus ipsa per se opus vult producere virtutis, sed tamen interdum producit magnum opus, quia magna virtus est, & multis partibus exaggerata. Itaque magnitudo, quæ in fortitudinis opere cernitur, ab ipsa fortitudine manat, non quasi ratio formalis effectus, sed quasi appendix & conditio quædam adiuncta. à Magnanimitate verò illa eadem magnitudo proficiscitur tanquam ratio formalis obiecti, & tanquam id, quod præcipuè ipsa contendit.

Adhuc: inter paruum & magnum in disciplina morali maximum esse discrimen solet, si cum iis conferantur habitibus & facultatibus animæ, ad quas eorum tractatio pertinere videbitur. Magnum enim opus temperantiæ interdum dicimus, quod arduum quidem est, sed non vincit tamen ipsam magnæ temperantiæ vim, nec vehementiorem aliquam postulat animæ potentiam, quàm illam concupiscentem, in qua temperantiâ ponitur, moderans cupiditates. sed interdum opus insignitè magnum excellensque est ita etiam arduum, vt tum ipsius temperantiæ quantumvis magnæ, tum concupiscentis vincat vim facultatis, nec effici possit, nisi temperantiæ accedat Magnanimitas, quæ & illi impetum addat, & opus difficile vincendum permittat iras-

centi facultati, in qua sita Magnanimitas est. Quapropter eò usque ad temperantiam pertinet magnam opus temperantiae magnum, quoad concupiscentis vim non superat facultatis. sed cum ab iis limitibus transferendum est intra fines irascentis, ad Magnanimitatem confugere necesse est. Atque hæc est ratio, cur philotimia, quæ paruos, aut mediocres appetit honores, ut post docebimus in cap. 4. à Magnanimitate differat specie; cum tamen videatur esse parva quædam Magnanimitas. continet enim illa se intra concupiscentis limites facultatis, nec habet necesse in fines irascentis irumpere.

Animaduertendum est quarto virtutem in libro septimo quamdam ab Aristotele describi Magnanimitati similem in specie, sed e re ipsa longè dissimilem. Virtus Heroïca illa est, quæ nomen eiusmodi est nata, quia propter excellentiam suam ac præstantiam singularem humanum supra fastigium euehi videtur, nec eò tamen accedere, ut prorsus, omninoque vocari diuina possit. Quemadmodum ergo inter Deos, hominesque intericiuntur Heroës, qui superiores hominibus sunt, Diis tamen inferiores, sic inter diuinas virtutes, & humanas, quasdam collocare placuit medias, humanis maiores, & ad diuinas propè accedentes. Sunt nimirum Heroïcæ virtutes apices, & fastigia suprema moralium, hoc est, virtutes communi hominum conditione superiores, sed non tamen ab humana vi & natura sic alienæ, ut saltem in quibusdam paucis & raris hominibus esse non possint. Quia verò res excellentes, cum maximæ raræ sunt, vulgò censentur & appellantur diuinæ, sæpè huiusmodi virtutum apices, supremi, rari, ac singulares diuinitatis apud homines inueniunt nomen. Hæc ergo virtus Heroïca, similis, ut dixi, altera ex parte Magnanimitati est, altera verò ex parte dissimilis similis quidem, quia hæc etiam excellentissima quædam in singulis efficit opera virtutibus. Inuenitur enim Heroïca fortitudo, temperantia, liberalitas, ceteræ item Heroïcæ. Est autem dissimilis, quia longè perfectius efficit in singulis virtutibus opus, quam efficere vi suâ Magnanimitas queat. Quamuis enim eum quem potest maximum adhibeat conatum, & vires intendat Magnanimitas, numquam tamen Heroïcæ virtutis efficit opus, quod præstantissimum est, & à communi hominum conditione discedens. opus quippe Magnanimitatis, ut magnum sit, est illud certè quod à multis efficitur hominibus, nec vulgò diuinum appellatur. At hoc non videtur satis exponere causam, cur ab Heroïca virtute discrepare specie debeat Magnanimitas; cum non videatur alio nomine differre, nisi quia minus opus virtutis efficit, quam virtus efficiat Heroïca. Nimirum confugiendum iterum est ad rationem obiecti formalem quæ longè alia Magnanimitati, quam Heroïcæ virtuti est, operis quippe magnitudo, in quam intuetur contenditque Magnanimus, ratio formalis est eius obiecti, quod Magnanimo proponitur. Nam quia magnum ho-

norem Magnanimus vult, vult etiam magnitudinem operis, ex qua nascitur honor. adeoque operis illa magnitudo relationem adiunctam ad honorem habet. Magnitudo autem operis, quam spectat & sequitur Heroïca virtus, non habet eandem ad honorem relationem, quia virtus Heroïca vult eleuari honestatem operis magni, in eaque consistit, nec de honore nominatim & præcipuè cogitat. Et quoniam supra iam diximus, magnum & paruum eum relatiua sunt, specie discrepare, nihil mirum esse debet, si magnum opus Magnanimitatis minus illo, quod efficitur ab Heroïca virtute, discrepet specie, relationem enim adiunctam habet ad honorem. Duo igitur hinc efficiuntur, primum quidem, Magnanimitatem sic esse similem Heroïcæ virtuti, ut ab ea facilis sit ad virtutem Heroïcam transitus. præparat enim viam ad apicem illius excellentissimum & supremum fastigium, quod tenet virtus humanam penè supra conditionem euecta. secundum, eandem Magnanimitatem sic Heroïcæ virtuti esse dissimilem, ut virtus quædam peculiaris sit, in qua demum, sicut in ceteris, gradus Heroïcus exitere possit. Ut enim fortitudo aut temperantia, Heroïca tum dicitur, cum suæ metam absolutionis attingit, ita Magnanimitas tunc dicitur Heroïca, cum numerosius perfectionis explebit, & ad eum se promouebit gradum, qui humana conditione superior, excellentiorque videatur.

Ex his igitur hæc huius quæstionis poni Conclusio debet: Magnanimitatem, peculiarem quamdam, & propriam esse virtutem, distinctam, non à ceteris solum, sed ab ipsa etiam Heroïca nominatim, quemadmodum rationes propositæ vincunt, quæ hoc loco iterandæ non sunt.

Quin ex iisdem duci facile potest obiectarum difficultatum amolitio. Magnanimitas enim non inuadit in aliarum virtutum fines, ut dicitur in primo argumento. Quia tamen si materiam tractat singularum virtutum, sequitur tamen in ea materia peculiarem sui obiecti rationem, quæ est operis magnitudo ad honorem parandum retinendumve relata. Itaque, si spectetur hæc ratio formalis obiecti, dicenda est Magnanimitas ipsa per se partes suas agere, cum in eam rationem nulla virtus præter Magnanimitatem intueatur. Sin ipsam quoque velimus spectare materiam obiecti, fateri necesse est, Magnanimitatem vnâ cum aliis virtutibus habere communem materiam. sed nihil hinc consequens est absurdi: quia eiusdem tractatio materiæ non confundit habitus, nisi ratio formalis accedat eadem. Ratio verò formalis est ipsa magnitudo operis, quam ex primario cōsilio petit magnanimus, & eiusmodi magnitudo, quæ postulat irascentem facultatem, & ad honorem referatur. At inter Magnanimitatem, iniquies, & ceteras virtutes nullum est amplius discrimen, quam quod est inter magnum & paruum. id etiam dandum est, si ad paruum ac magnum accedat relatio ad rationem formalem, quæ facit ut magna opera magnanimita-

is specie differant à minoribus aliarum virtutum operibus, cum relatione illa careant ad magnum honorem.

De virtute verò Heroica dictum est satis. est sanè magnanimitas ad eam præparatio quædam, sed ab eius excellentia distat, nec vñquam, quantumvis vires, neruósque contendat omnes, Heroicæ virtutis æquabit opus. Quamquam verò etiam Heroica vult opus magnum primo fortassis ac per se, magnitudo tamen illa operis Heroici relationem ad honorem non habet, ac propterea etiam ab Heroicâ distinguetur ipsa Magnanimitas ex ratione formali à relatione petita. Vñum hîc quæri possit. an Heroica virtus specie differat à ceteris, an eius planè speciei sit, cuius est illa materia quam tractat, nec aliud addat, nisi gradum virtutis excellentissimum. si enim eiusdem speciei sit, incredibile videtur, temperantiam, nihil immutata specie, vbi ad eum gradum peruenerit, opus facere perfectius, quàm faciat in eadem versans materia Magnanimitas, sed hæc quæstio non est huius loci. Aliqui, imprimisque Gualt. Burleus, volunt virtutem Heroicam non differre specie à ceteris virtutibus, sed earum esse perfectionem & gradum excellentem. Diuus autem Thomas docere videtur in prima parte secundæ quæstionis 68. articulo primo ad primum distinguere specie. idque potest ea ratio confirmare, quòd communis virtus dirigit hominem ad actiones ciuiles, & humanæ naturæ, hoc est, communi conditioni congruentes; Heroica verò virtus ad actiones conuenientes excellentiori naturæ, hoc est, conditioni hominis ita præstanti, vt à communi subducta, & ad diuinam euecta videatur. Sed hæc ratio nihil vincit: cum actiones, ad quas dirigit Heroica, quantumvis perfectæ, humanæ demum sint, & ciuiles, non diuinæ. Diuus autem Thomas eo loco Heroicas virtutes appellat, opinor, illas, quas dicimus homini diuinitus infusas: quæ loquendi forma multis familiaris Theologis est. Itaque distinguere necesse est Heroicas virtutes in genera tria; vñum est nostrorum Theologorum, secundum poetarum, tertium Aristotelis, & Peripateticorum. A Theologis sæpè appellantur Heroicæ virtutes illæ Theologicæ & infusæ diuinitus: quæ à communibus sine dubio differunt specie. A poetis dicuntur item Heroicæ, quæ superant planè, prætergrediunturque conditionem hominis; cuiusmodi est fortitudo Heroum in bello, ea efficiens opera, quæ humanæ naturæ vincunt facultatem omnem ac vim, quæ profectò virtus sic vt ab aliis fingitur, à communibus etiam discrepat specie, cum non hominum sit, sed eorum, quos ipsi semideos appellant. Ab Aristotele ac philosophis Heroica dicitur ea, quæ adeo rara est, vt diuina esse videatur; sed est tamen humana, cuiusque aliqui homines, tametsi rarissimi, participes esse possunt. Hæc verò nullo modo mihi videtur à communi virtute discrepare. Sed qua ratione tam præclarum efficit opus, vt ipsam quoque magnanimitatem

tem longè superet? Dixerim sanè id fieri propter accidentia perfectiora: addit enim gradus & ampliores, & perfectiores, ac propterea ipsam quoque vincit excellentia Magnanimitatem. accidentia verò, essentia non mutata, permultum sanè discriminis asserre, tum in ceteris, tum verò maximè in rebus moralibus solent. itaque antequam accidentia illa superveniant, Magnanimitas vincit alias virtutes, sed additis illis, vincitur.

Quæres tamen, quid causæ sit, cur Magnanimitas specie dicatur ideo differre ab aliis virtutibus, quarum opera tractat, quòd efficiendum opus magnitudinem habeat, & difficultatem, quam ceteræ virtutes vincere non possint, non dicatur autem specie differre virtus Heroica, cui proponitur efficiendum opus longè maius & difficilius. Respondeo, arduum illud opus, quod Magnanimitati proponitur, non ideo solum arduum esse, quia crescit operis propositi perfectio, quæ plures postulet gradus & partes habitus, à quo debeat effici (satis enim hanc difficultatem exhaurire posset ea, quæ fieret ad virtutem accessio, nec nouus aliquis specie differens habitus ad eam rem conficiendam efflagitaretur) sed propterea, quòd postulet certam quamdam potentiam animi, facultatèque vehementem, qualis est irascens: ita prorsus vt si opus efficiendum à Magnanimitate sit temperantiz, necesse sit à concupiscente discedere, atque illud permittere irascenti, vt diximus suprâ.

Reliqua isdem quæ suprâ posita sunt responsionibus ad motis facillimè corrunt. Magnanimitati quippe iure tribuuntur illa iustitiæ, charitatis, liberalitatis, veritatis, aliarumque virtutum opera. sed quia ipsa in iis excellentiam, magnitudinèque ob magnum honorem nominatim & electè sequitur, ac vult, suo ipsius perfungitur officio, atque in suis versatur finibus, non in alienis. Neque verò aliud sibi voluit Aristoteles, cum appellauit Magnanimitatem ornamentum virtutum omnium, quàm eam virtutem esse specie quidem differentem à ceteris, sed eas tamen tanquam ornatum quemdam aduentitium extrinsecus accedere. Neque enim ornamentum alicuius virtutis eiusdem planè speciei necessario est: sed potest ab altera specie accersiri, quæ cum ea virtute similitudinem habeat, & coniunctionem, quæ verò possit esse similior, atque coniunctior quàm Magnanimitas, cum in singularum virtutum cernatur operibus, nec aliquid iis, nisi magnitudinem addat & excellentiam, honori, quem expetit consentaneam?

QVÆSTIO TERTIA.

An Materia Magnanimitatis sis honor?

QUAM QVAM & posuimus suprâ, & ex Aristotele docuimus, in honore tanquam in materia, quam tractat, versari Magnanimitatem, est tamen id hac quæstione

magis illustrandum ob aliquas, quæ contrâ proponi possunt argumentationes. Nam primo quidem Magnanimitas in irascente ponitur animi facultates honor autem quoniam virtutis est primum, expetitur à concupiscente. Non est igitur materia Magnanimitatis, quæ in irascente posita est. Deinde Magnanimitatis est prosequi magis, & contendere, quàm auersari & fugere. Ergo, si honor est materia temperantiz, honorem expetet magis, quàm fugiet & auersabitur. At boni viri laudantur ideo, quòd honores fugiant, non quòd consecretur & expetant. Ad hæc, cuiuslibet virtutis moralis materia est affectio aliqua, quam suscipit moderandam, sed honor non est affectio.

Denique si honor est materia Magnanimitatis & expetitur à Magnanimo, expetitur ideo, quòd magnum, immò verò maximum bonum sit. Magnanimitas enim in magna contendit; & quia cuiuslibet virtutis materiam metimur ex vltima parte, hoc est, ex perfectissima, ad quam peruenire virtus absolutissima potest, dicitur etiam in maxima contendere, sed honor, hoc est, honorem affici, non est aliquid maximum: cum honorare melius quiddam atque excellentius sit, quàm honorari; virtutis quippe magis est proprium benefacere, & cum aliis bonum communicare, quàm ab aliis idem bonum accipere. & quemadmodum in tractatione pecuniz, quæ liberalitatis est, pecuniam dare, quàm accipere & custodire melius est, sic excellentius videtur opus, honorem alius impartiri, quàm de latum accipere, vel expetere.

Ad huius decisionem quæstionis, iteranda hic videntur aliqua ex iis, quæ suprà disputata iam sunt, sic ergo brevissimè facio. Magnanimitas, ut ex ipsa notione vocabuli potest intelligi, significat quamdam animi contentionem ad res magnas, magnæ verò res, ad quas impetum habet, dux debent esse, actus & materia. Ille quippe magnus est virtutis actus, qui positus est in vfu optimo rei magnæ. Res autem, quæ cadunt in vsum hominis, externæ sunt, inter quas maior, & præcipua est honor, tum quòd cum virtute cuius est æstificatio, necessariam coniunctionem ac propinquitatem habet, tum quòd Deo tribuitur ipsi, ac probis hominibus, quibus externis bonis tribui debent meliora; tum quòd homines ipsi communi omnium iudicio censent, honorem esse bonorum maximum externorum, cui videlicet cetera omnia posthabere non dubitant. Quemadmodum ergo viri fortis appellationem nanciscitur aliquis ex iis, quæ fortiora sunt & difficiliora, in quibus eius versatur actio, sic Magnanimus quisque nomen accipit à rebus magnis, quas actu, & sui muneris functione pertractat. Maiores autem non inuenit, quàm honores, ab eorum adeo tractatione Magnanimus appellatur, & Magnanimitas nihil significat aliud, quàm contentionem per actus magnos in honores, *sup. 11.*

Conclusio quæstionis hæc sit. Magnanimitatis materia honorem esse, quod supra

demonstratum rationibus est.

Argumentationes autem initio propositæ confutari, depellique sic possunt. Primo, bonum ac malum, ipsa quidem per se ad concupiscere entem pertinent animi facultatem: sed tamen, si hoc habent præterea, ut difficilia sint & ardua, propter hanc accessionem difficultatis efflagrant vim irascentis, à qua solum ea vinci difficultatis additæ ratio potest. honor igitur, quia inter externa bona numeratur, ad concupiscentem pertinere facultatem deberet, & per se quidem ad eam pertinet. Sed tamen cum arduus est, atque ad boni rationem ac vim addit præterea difficultatem, postulat irascentem, & quod ad eam molliendam difficultatem attinet, ab alia tractari facultate non vult. Honoris autem una contentio (quod secundo loco dicitur) eos insignitè commendans, qui honores fugiunt & auersantur, id maximè probat, quod hac quæstione contendimus. laudantur enim ideo, quòd ad honestatem tuendam ipsos contempserunt honores, & quòd ab iis ad aliquid agendum turpiter impelli non potuerunt. Quod si quis honores ita contemneret, ut quæ sunt honore digna tum negligeret facere, cum facienda potissimum essent, reprehenderetur profecto ac vituperaretur maximè. Atque id est, quod Magnanimitas cauet in honoribus appetendis. studet inquam ea, quæ sunt honore dignissima tum facere cum facienda sunt, nec honorem tanti æstimat tamen, ut ad eum assequendum ab honestate rectè factorum discedere velit. Eiusmodi autem hominem honoris appetentem & gloriæ, hoc est, ad honorem rectè virtutis grassantem & contententem viâ, laudant omnes, vituperat nemo: & ea fortasse incidunt interdum tempora, ut qui sic honores expetit, laudetur etiam magis, quàm qui ob rectè facta eisdem nollet honores. sunt enim sæpè honores aliis salutare, & ii, sine quibus consuli publicæ utilitati à viro civili non possit. At vniuersè magis, inquit, laudatur qui contemnit honores etiam rectè factis debitos, quàm qui eisdem expetit, laudetur sanè, sed ita, ut à Magnanimo laus illa non putetur aliena, qui honores altera ex parte non magni æstimat, ut ait hic Aristor. sed Magnanimitatis officiū primum est: in appetitione potius honoris, quàm in eiusdem contemptione versari; ut infra docebitur. Alia enim virtus est, cuius primarium officiū sit honores contemnerè. Itaque tametsi isto nomine non laudaretur Magnanimus, nihil contra Magnanimitatem propterea conficeretur. non enim ab eo laudari debet officiū, cuius ad Magnanimitatem non pertinet functio. satis est si Magnanimitatis opera laudabilia sint; cum non contendamus esse magis laudabilia, quàm ceterarum virtutum opera.

Honorem, affectionem aut commotionem animi non esse, concedendum est: ex eo tamen haud consequens est, Magnanimitati præbere non posse materiam remotam, cum sit id, in quo versari potest affectus animi, qui materiam suppeditat proximam, affectus au-

tem, quos ducit, regit, & moderatur Magnanimitas, sunt cupiditas, spes, delectatio. Concitat enim animum ad veri cupiditatem & spem honoris eo tempore, eo loco, eo modo; quo concitari debet; efficitque, ut honorem iam adepto moderatè delectetur, & utatur optimè.

Id verò quod dicitur extremo loco, verissimum est. præstat enim honorare alios, quàm honorari. cum honor iudicium sit de aliorum excellentia signis quibusdam honorificis patefactum, ac notis. quod iudicium honoranti homini est intimum, externum autem siue extrinsecus accedens honorato. bonum verò eo melius est, quò magis est intimum. sed Magnanimitas non ea est virtus quæ tractare ac moderari debeat quicquid pertinet ad honorem. Hoc adeo in honore solùm videt, ut appetatur secundum rectam rationem, & adeptus ex eiusdem præscripto ad vsus vitæ civilis adhibeatur. sed videre quando honorem aliis habere oporteat, & qua ratione modòve oporteat exhiberi, alterius hoc virtutis officium & opus est. Id quod intelligere facilius ex pecunia possumus. in qua non videt & circumspicit omnia virtus, aut ars illa liberalitati subiuncta, quæ dici quæstuaria potest. Huius enim officium est, pecuniam ad honestos liberalitatis & Magnificentie vsus expetere, & adeptam seruare: eandem verò, ut decet, impendere liberalitatis est & Magnificentie. Itaque nihil argumentatio coniecit, nisi aduersus eos, qui dicerent, Magnanimitatem tractare quasi materiam suam quicquid ad honorem pertinet, & ea omnia esse Magnanimitatis officia, quæ regere possint honorem, tum delatum, tum deferendum. quod falsum est. At perfectior erit, inquit, ea virtus quæ honorantem ad honorem deferendum inducit; & in eo tribuendo regit, quàm magnanimitas. Id quoque concedendum est: quia fortassis ad iusticiam pertinet. sed ea de re non disputamus.

QVÆSTIO QVARTA.

An Magnanimus honores magis appetat, quàm contemnat?

VTRVTRVQVE Magnanimo tribuit Aristoteles, ut & honores expetat, & eosdem contemnat. Sed quoniam in his duobus actibus æquè versari non potest; quærendum est, in quonam versari potius ac prius debeat; & utrum honores secundum Magnanimitatis virtutem ac vim, appetendi magis sint, quàm contemnendi.

Si Magnanimi definitionem intuemur, & quædam alia, quæ Magnanimo propria esse vult Aristoteles, statuere propemodum cogimur, Magnanimum expetere magis honores, quàm contemnere. Aut enim primo, eum esse Magnanimum, qui cum magnis verè dignis honoribus sit, honoribus illis intelligit & existimat esse se dignum. Eiusmodi verò vir honores appetit potius quàm contemnit. Ne-

mo enim contemnit obiectum virtutis suæ. Honor verò, ut ex illa definitione intelligitur, & ex aliis verbis Aristot. est obiectum Magnanimitatis. ergo non potest à Magnanimo contemni. Docet secundo; honorem Diis deberi, & esse virtutis præmium. sed nemo rectè contemnit quod Deo debetur, & virtuti. Docet tertio; Magnanimum honoribus delectari magnis. Nemo verò contemnit rem qua delectatur. Docet quarto, Magnanimum inter magnos viros excellere velle, & beneficio afficere omnes; à nemine autem beneficio affici, nec accipere beneficium sine pudore. At qui vult excellere inter magnos, & aliis benefacere, nec à quopiam accipere beneficium, aut si accipit, cum pudore accipit, honorem appetit, non contemnit. Docet quinto: Magnanimum non posse ad aliorum arbitratum vivere; hoc est, aliis obtemperare, aut aliorum se accommodare voluntati, quod existimet hoc esse seruile. At qui eiusmodi est, non despicit honorem, sed vehementer expetit: abhorret enim maximè ab eo, quod imminuere aliquam partem honoris queat. Docet sexto: Magnanimum intermedium duobus esse quorum alter *χαῖρος* sit, inflatus & ventosus, hoc est, cum exuperantia expetens honores: alter *ὑπόψυχος*, pusillo præditus animo, & qui plus nimio eisdem honores repudiet: hoc est, qui per defectum peccet. sed Magnanimus est illi propinquior, qui nimium expetit, quàm huic, qui expetit parum. ergo magis expetit, quàm contemnit. Hac igitur argumenta demonstrant, Magnanimum honores non modò magis expetere, quàm contemnere, sed ne contemnere quidem posse. Sed his accedit, quòd nemo prudens repudiat ea, quæ propter felicitatem optabilia sunt. Honor autem ob felicitatem est optabilis, ut dicitur in libro primo.

Altera tamen ex parte alia quædam adscribit idem Aristoteles Magnanimitati, quæ videntur ostendere; magnanimum virtutis aspernari potius honores, quàm expetere. Facit enim primo, Magnanimum eum, qui de aliorum opinione laboret nihil, sed de rei veritate plurimum. At qui animo sic est affectus, honorem omnino contemnit, qui in aliorum opinione positus est, & ab hominum iudicio pendet; cum nihil aliud sit honor, quàm vel honorifica quædam opinio de aliorum excellentia, vel signum eius excellentie foras exhibitum. Ait secundo loco: Magnanimum negligere laudem, at qui negligit laudem, ipsum quoque negligit & contemnit honorem. honor enim exhibitur ac significatur laude: & inter honoris signa quæ recensentur ab Aristotele in primo Rhetor. vnum in sermone atque oratione ponitur, hoc est, in laude, quæ verbis exprimitur. Non potest adeo quisquam aspernari laudem, quin ipsum quoque despiciat, & aspernetur honorem. Quod si cum Aristotelis auctoritate aliorum quoque sapientium testimonia coniungere velimus, inueniemus, neminem esse, qui vero Magnanimo nolit esse magis propriam honorum contemtionem, quàm appetitionem eorumdem.

dem. Omnes enim ad vnum, id quasi proclamantes admonent, ut honores si boni, si fortes, si magni viri volumus haberi, contemnamus. Si vis honestus fieri, inquit Senec. in epist. 21. non honoribus adiciendum est, sed cupiditatibus detrahendum, & in epist. 66. Omnia ista, in quæ dominatum casus exercet, feruilia sunt; pecunia, corpus, honores. Hæc etiam vincere videntur, Magnanimo nõ modò contemnendos honores esse, sed omnino non appetendos. At re tamen ipsa, neque hæc, neque superiora demonstrant quid sequendum potius ac prius Magnanimo sit, sed tantummodo, in utroque illum versari solitum, hoc est, in appetendis, & contemnendis honoribus, quod, ut initio diximus, in confesso est, & ab Aristotele disertè docetur, sed nos id inuestigamus, ac quærimus, quid ex his antereferendum sit, & in quo magis ipsa spectetur Magnanimitatis laus & vis; in appetendisne, an in contemnendis honoribus. quod genus quæstionis ad omnes omnino virtutes pertinet; quæ duabus functionibus vtuntur & actibus. Fortitudo duobus vtitur, quorum alter in aggreddendo periculo, alter in sustinendo, aut in expectando ac perferendo positus est. Liberalitas etiam duobus, quorum alterum in dando, alterum in accipiendo, & custodiendo cernimus. Sed cùm de fortitudine disputatur, quæritur, æquis eorum actuum sit præstator, quique magis fortitudini proprius; & cùm de liberalitate differitur, quænam sit liberalitatis functio melior, & in quo versetur magis liberalitas; in dâdo ne, an in accipiêdo. Idem videlicet etiâ sequimur, cùm in disputatione de Magnanimitate hoc inuestigamus, & quærimus, in honoribusne magis appetêdis, quàm in contemnendis versetur Magnanimitas, & quid ex his secundum Magnanimitatem melius ac præstantius sit. Itaque certa prius ab incertis secernenda sunt, ut demum appareat planissimè quæstionis huius & status & profligatio.

Primo igitur loco certum est; honoris nomen interdum sumi pro ipsa honoris causa, quæ virtus est; interdum pro iudicio & opinione, quam animo consignatam habemus de aliorum excellentia, & Virtute: sed propriè tamen significare signum externum aliquod reherentis, quo iudicium illud patefacimus & virtutem honoramus. cuiusmodi sunt gestus aliqui, obseruantiam significantes, prima in consessu loca, monumenta publica, triumphi, orationes, & panegyrici, alia huiusmodi multa, ab Aristot. numerata in 1. Rhetor. quæ tametsi soli virtuti debentur, interdum tamen diuitiis ipsis, formæ, nobilitati, & ceteris corporis ac fortunæ bonis externis, vel solitariè ac per se sumptis, vel vnâ cum virtute compositis exhibentur. Fit enim sæpè, ut errore vulgi honorentur diuites, formosi, proceri, nobiles, fortunati homines, nullâ prorsus instructi virtute, quod minimè decet; sit interdum, ut qui Virtute sunt præditi, & opibus præterea, forma, nobilitate, ceterisque bonis externis pollent, honorentur magis, quàm qui sola virtute ornati sunt, quod rationi vi-

taque Politicæ maximè consentaneum est. debet enim iis maior aliquis honor impendi, qui rectè opibus & corporis ac fortunæ bonis vsi sunt. Magnanimus ergo primum illi honorem, hoc est, virtutem & honestatem nunquam contemnit, nec contemnere potest, si Magnanimus, hoc est, insigni virtute præditus esse vult, illos, qui propter opes, & bona corporis aut fortunæ deferuntur iis, qui nullâ insignes ornatique virtute sunt, omnino contemnit, nec potest accipere Magnanimus, nisi velit ab ipsa Magnanimitatis ratione ac lege discedere, quæ iubet ut supradiximus, Magnanimum ex apice singularum virtutum honorem petere, non ab iis, quæ nullum per se honorem promerentur & gloriam. Duo sunt igitur honores, quos interdum expetit, accipitque; interdum negligit repudiâtque Magnanimus, i) qui propter solam virtutem electè ac nominatim reddi virtute præditis solent, & ij, qui præcipuè quidem ob ipsa virtutis promerita dantur, sed tamen etiam exhibentur propter accessionem diuitiarum, aliorumque bonorum externorum, quibus vsa virtus honestè est, seque tanquam præditiis ad agendum perfectissimè communiuit. Est enim verumque veræ Magnanimitatis officium; honores illos expetere interdum, interdum contemnere, quos ptomerita virtus sit. Aristides quippe Magnanimus sine dubio habendus est, quod Trophææ Milciadis æmulatus, somnum oculis admittere non posset, sed dies noctesq. ad persimile, aut etiam amplius parandum honoris genus se concitaret: At Magnanimus etiam est habitus, habebiturque semper M. Fabius, quod superatis acerrimâ & cruentâ pugna Veientibus, oblatum à Senatu triumphum recusauerit, eumque permiserit militibus, quorum operâ esset parta victoria, ut est apud Dionys. Hal. lib. 9. Liu. Dec. 1. 2. Val. l. 1. c. 5.

Secundo loco: certum id esse debet, Magnanimum, tam cùm expetit, quàm cùm contemnit hos honores, rectè duci ratione, sanòq. cõsilio. Nam primo quidem, cùm expetit, accipitve, non eos anteposit honestati, immo verò expetit ideo, quod videat esse honestati maximè cõgruentes. Intelligit nimirum, honores sibi delatos esse perutiles aliis, qui ad rectè agendum incitabuntur; intelligit, atque id omnino vult, alios à quibus ipse honoratur, explere partes numerosque iustitiæ, cùm eos virtuti habent honores, qui virtuti debentur, adeoque amat illud iustitiæ genus in aliis, cùm amar veidetur honorem, & gloriam suam. intelligit, multo se magis prodesse Reipublicæ posse, si magnos adipiscatur, & accipiat honores, quàm si eosdem negligat & contemnat. Itaque nunquam honores illos ad se refert, sed ad honestatem semper, vtilitatemque publicam, aut priuatam. Id quod etiam sequitur cùm honores aspernatur. videt enim tunc rei vel publicæ, vel priuatæ rationem postulare, ut contemnantur. Atque hoc demum est, quod rationes initio in vtramque partem expositæ vincent: interdum ea esse tempora, loca, personas, cetera, quæ rem cir-

cumstant, vt Magnanimus appetere debeat honores, non contemnere, interdum contemnere, nō appetere, quod verissimum est. Quin ita quoque cum ipsa fortitudine comparatum est, vt interdum aggredi debeat & non pati, interdum expectari, ac pati, non inuadere & aggredi.

Sed tota institutz quæstionis ratio & vis eò pertinet, vt videamus quid ex his præstantius sit, aut quid sit, in quo potius versari & cerni Magnanimitas velit; appetitio ne honorum, an eorumdem contemptio. Quæstionem hanc duo tantummodo, quod ego sciam, attigerūt, Buridanus, & Giraldus Odonis: reliqui prætermiserunt. Censet ille, secundum Magnanimitatem appetendos esse potius honores, quàm contemnendos, vincere tamen id conatur argumentationib. illis, quas primo loco proponimus initio. vt autem suprā indicauimus, non hoc ex rationes ostendunt, sed illud tantummodo: oportere interdum Magnanimum virum honores non contemnere, sed appetere, sic iubente prudentiā, & ratione aliquā priuatæ publicæque honestatis. Quod si Aristoteles in definitione Magnanimi proposuit illi tractandos honores, proposuit inquit interdum expectendos, interdum cōtemnendos, quemadmodum ipse planè demonstrat, explicans deinde magnanimi notas, & proprietates, inter quas aliquæ ad appetitionem pertinent, ad contemptiōem, & despicientiam aliæ. Nihil enim in ea definitione confirmat aliud, nisi, Magnanimum eum esse, qui cū magnis verè dignus honorib. sit, illis se dignum honoribus existimat. ac potest etiā ea præditus existimatione & cognitione, honores illos respicere, quibus se videt & iudicat dignum. Itaque cū hoc facit, non contemnit obiectum suum, nisi materialiter. Formaliter enim in suo versatur obiecto, & in obiectum tendit, cū despicit honorem: obiectum enim Magnificentiz honor est, vel expectendus, vel contemnendus. His inquam, per motus rationibus censet Buridanus honores secundum magnanimitatem expeti potius, quàm contemni debere. Giraldus autē Odonis putat, Magnanimo contemnendos potius honores, quàm expectendos, & Magnanimitati magis esse consentaneum honores despiciere quàm appetere. Sed hic etiam iis tantummodo rationibus id se probare satis existimat, quas secundo loco recensuimus: re tamē ipsa nihil probat amplius, quàm interdum esse viri magnanimi honores haud expetere, sed aspernari. Id enim sibi volunt illæ Magnanimi proprietates, neque hominum de se opinioniones & iudicia, neque laudes aut alia honoris signa magnificientis, sed negligentis potius & contemnentis. Intelligit nimirum, interdum ita rectam rationem iubere ac velle. Probanda mihi videtur esse potius huius hominis sententia, quàm ratio. Aliis adeo rationum momentis adductus

Dicendum puto: Magnanimitatis esse honores magis contēnere, quàm appetere. Quærum sanè rationum prima, illi simillima est, qua demonstrat Aristoteles, liberalitatem in

dando potius quàm in accipiendo & custodiendo positam esse. Aut enim, ideo in dādo potius, quàm in accipiendo cerni liberalitatem; quia id esse præcipuum & primum in qualibet virtute debet, quod maiori dignum est laude, ampliorib.que præconiis excipitur ab omnibus. id enim in definitione virtutis ab Aristotele dicitur ei proprium, vt laudabilis sit, reddatq. laudabiles eos, in quibus est: ex quo consequens esse debet, vt id in vnaquaq. virtute præstātius, melius, & maius sit, quod maiori dignum est laude. At cū viri liberales laudantur, laudantur ideo, quod dederint, nō quod acceperint, vt oportet: certè laudantur eo nomine magis, quàm hoc. Quæ profectō ratio vincit etiam, Magnanimitatem in honorum contemptiōe magis, quàm in appetitione versari. Magis enim laudatur Magnanimus, quod contempserit, quàm quod expecterit honores. Huc enim pertinent omnia Scriptorum præconia, quibus ornant Magnanimos. demonstrat enim honores, imperia, Magistratus, triumphos, arcus, statuas, monumēta eos contempnisse, quibus erant dignissimi. Secunda ratio sumi potest ab eodem Aristotele, sic de illo duplici liberalitatis actu ac functione disputante. Id in vnaquaque virtute melius, aut prius ac præstantius esse debet, quod difficilius est; cū vnaquæque virtus in arduo versetur, & id etiam illi proprium sit, vt aggrediatur, amoliatūque difficultates. Difficilior verò est, dare, quàm accipere quēadmodum decet. ad dandum enim non sumus inductione naturæ propensi, sed ad accipiendum, custodiendumque sumus. Hæc, inquam, ratio vincit, ipsam quoque Magnanimitatē in repudiandis & cōtemnendis honoribus versari potius, quàm in expectendis & persequendis. Difficilior enim est, honores contemnere, quā expetere vt oportet; cū insit hæc habemus honoris cupiditatē, & ad honorem propensi naturā sumus, ad honoris cōtemptiōem autē nullam à natura propensionem obtineamus.

At Magnanimus, dicit aliquis, similior est tumido & ei, qui aduersus Magnanimitatem per exuperantiam peccat, quàm ei, qui peccat per defectum & pusillo præditus animo est. sed tumidus & inflatus honores expetit, non repudiat, pusillo præditus animo repudiat, & non expetit, certè expetit parum. Magnanimus igitur honores magis expetit, quàm repudiet; cū ab eo vitio minùs distet, quod appetit, & non repudiat, quàm ab eo, quod repudiat, & parum aut nihil, appetit. Hæc ratio certè vincit, liberalitatem in dando potius, quàm in accipiendo & custodiendo positam esse: quia protigentiā quæ semper dat, & nihil aut parum accipit, est liberalitati similior, quàm avaritia; quæ semper accipit & nihil aut parum dat. Ergo debet etiam vincere, Magnanimitatem in appetendis potius, quàm in despiciendis honoribus occupari; cū vlti vitio similior videatur esse, quod in nimia honoris appetitione versatur. Responded, rationem hanc verè demonstrare, liberalitatem in dando potius, quàm in accipiendo positam esse. quia verè prodigus minùs distat à liberali,

quàm auarus; vt docet Aristot. adeoq. actum habet opusque liberalitati simile, cuius primum officium ex omnium consensione est, dare, nec alio nomine differt à prodigo, nisi quòd in gratiam honestatis dat, & eo modo, quo dare decet oportetque secundum rectam rationem & prudentiæ leges. si enim omnium iudicia consulamus, respondebunt id se non doctrinâ, sed velut anticipatione naturæ quadam intelligere, liberalitatis proprium esse, largiri, & dare: sed quia diu dare non potest, nisi etiam interdum aliquid accipiat, & seruet, hoc etiam eiusdem officium subsecundarium esse. Itaque primaria illa liberalitatis notio, quæ in omnium propè oculos statim incurrit, similitudinem obtinet maximam cum prodigo, cum auaro nullam: ac propterea liberalitatem magis in dando positam esse quàm in accipiendo verissimè dicimus. Id inquam, vincit hæc ratio similitudinis, sed non vincit tamen, etiam Magnanimitatem in expetendis & accipiendis honoribus esse magis positam quàm in despiciendis: quia falsum est, quod in propositione dicitur; tumidum, & eum, qui per exuperantiam peccat, esse similiorem Magnanimo, & minus ab eo distare, quàm ab eo, qui pusillo animo est. Non enim Magnanimitatis eam habemus in animo notionem imprecisam, vt audito viri Magnanimi nomine, eum illicò intelligamus esse, qui expetat honores, sed eum potius, qui repudiet. Itaque similior ei videtur esse, qui per defectum, quàm ei qui per exuperantiam peccet. Ad summam; negandum id est, quod tanquam exploratum ac certum proponitur initio exuperantiam esse huic virtuti similiorem quàm defectum.

Dices iterum, Magnanimū agere quidquid magnum in singulis virtutibus est, & tamen ab eis differre virtutibus, quarum efficit opera, quia opus illud magnum refert ad honorem, cuius causa magnum efficit opus, vt supra posuimus. ergo magis illi proprium est appetere, quàm contemnere. si enim id proprium habet, vt efficiat singula virtutum opera, quæ magna sint, propter honorem, consequens est, vt honorem magis expetat quàm contemnat: non enim quicquam, nisi propter honorem agit. Redigendum hic in mentem est quod de Magnanimo alibi diximus; malle eum esse bonum, quàm videri. Id enim præclaris illis virtutum operibus agit; quæ cum efficit, honorem vult promereri, ac propterea dicitur ad honorem contendere. Potest autem aliquis honorem promereri, ac deinde honorem ipsum repudiare, vel accipere, quemadmodum existimat rationi magis esse consentaneum. Itaque Magnanimus ex primario suæ mentis animique consilio promeritum potius honoris in operibus illis expetit, quàm honorem ipsum, & tamen rectè dicitur ea efficere propter honorem, quem videlicet vel querit & accipit, vel negligit & contemnit. Neque enim in definitione dicitur Magnanimus is esse qui honores expetat, aut contemnat, sed qui se dignum iis censet honoribus, quos verè meritus est. quare primo satis habet, ea facere, quorum causa iure censere se

possit honoribus dignum: de accipiendis iisdem aut repudiandis, deinde, ac secundo loco deliberat.

Dices denique honores repudiare esse primum officium eius virtutis, quæ dicitur Humilitas. Hic etiam reuocandum in memoriâ est, quod supra docuimus ex Aristot. Magnanimum honores ideò contemnere quòd videat non esse omnino virtutis idonea præmia: cum autem virum qui dicitur humilis honores idcirco repudiare, quòd se non existimet iis dignum, sed Deum parentem auctoremque bonorum omnium, qua de re non cogitat Magnanimus, sed de sua ipsius excellentia, quantumuis à Deo patente optimo corruata semperque pendente.

QVÆSTIO QVINTA.

An bona fortune ad Magnanimitatem aliquid conferant.

QVÆSTIONEM hæc idcirco proponimus, quòd Aristoteles dixerit, Magnanimum contemnere quidem bona fortunæ, sed tamen ab iisdem bonis posse promoueri Magnanimitatem. Rationes enim alia omnia demonstrantes multæ proferri possunt in hunc modum:

Prima. Nulla virtus incrementa capit ab externis bonis; cum ipsa sibi sit satis, vt ait Seneca in lib. de Ira, nec aliunde præsidia querat. Ergo ne Magnanimitas quidem ab iisdem sit auctior, cum apicem obtineat singularum virtutum.

Secunda. Nemo, qui virtutis alicuius sit compos, ea contemnit, quibus amplificari, augeriq. virtus illa possit. Sed Magnanimus bona fortunæ & externa commoda contemnit omnia, vt ait hic Aristoteles: & docet Tull. in off. 1. affirmans Magnanimitatem in rerum externarum omnium despicientia versari.

Tertia. Idem Aristot. affirmat ibidem & eodem etiam loco M. Tull. nullam ex infortuniis ac rerum acerbitatibus humanarum capere tristitiam eum, qui verè Magnanimus sit. Sed nemo est virtute aliquâ præditus qui non tristetur & doleat, cum videt sibi eripi ea, quibus augere virtutem posset. ergo bona fortunæ, & externa commoda, quibus opponuntur infortunia, non augent Magnanimitatem, neque ad eam virtutem aliquid conferunt.

Animaduertendum hic est quid sibi velit Aristot. cum dicit, bona fortunæ promouere vel iuuare Magnanimitatem. Suprà enim iam significauimus, externa bona omnia, tum fortunæ, tum corporis, ipsam deniq. prosperitatē vniuersè materiam suppeditare Magnanimitati secundariâ. Sed cur ab iis peti materia secundaria debeat, nondum satis fortasse declarauimus. Causam, vt breuissimè faciam, esse puto, quòd hæc omnia bona vulgo putentur honore digna, & verè honore digna sunt, haud exiguo, si cum virtute coniuncta sint, & virtuti præsidium ad agendum, opemque suppeditent. Laudatur enim qui diuitiis, potentia, dominatu, formâ, & robore corporis est vsus ad præclara virtutum opera, multo que laudatur

magis, quàm qui præfidiis illis careat. Quemadmodum e. go primaria materia Magnanimitatis est honor ille verus ac proprius qui non aliunde, quàm à virtute promanet, sic etiam secundaria esse debet is aduentitius & accersitus extrinsecus, qui petat ab opibus, aliorumq. bonorū eiusmodi præfidio potest. Erat ergo Magnanimi primò quidem præcipuè, in virtutum magnis & perfectissimis operib. versari, ex quib. verus existit honor, quem tractat veluti materiam suā primariā ac propriā; sed tamen deinde, & tanquam opera subsecundaria versabitur etiam in illius cupiditate honoris, quem diuitiæ parit, & cetera corporis ac fortunæ bona. Hæc enim si spectentur ipsa per se, ad alia pertinent virtutes; sed ex ea parte, qua esse possunt honorifica, sunt propria Magnanimitatis. Nam & ipsa per se ac solitariè sumpta honoratur à multitudine, & cum virtute coniuncta honore digna contentor etiam à sapientibus. Duplici ergo de causa fructum capit Magnanimus ex bonis externis quatenus honorifica sunt. primum quidem, quia interdum honorem illum ab eiusmodi manantem bonis accipit, & ad eundem consequendum opera virtutū efficit ingentia. secundum: quia interdum eundem honorem respicit, & contemnit, gnarus aliquo maiore præmio remunerandam esse virtutem & rectè facta, quàm honore illo, ab opib. externis hūc bonis promanante. Vtroq. autem actu, hoc est, cupiditate honoris, & eiusdem contempnitione iuuatur, augeturq. Magnanimitas, sunt enim ambo Magnanimitatis proprij.

Annaduvertendū secundo loco est, alium quoque vium asserre Magnanimitati bona fortunæ haud mediocrè, in quo Magnanimitatis, quæ per appetitionem, quæ per despicientiam & contempnitionem, cerni possit intimatio & vis. Cùm enim huius propriū sit Magnanimitatis, efficere quicquid magnum eximiumque in singulis virtutibus est, petet sine dubio præfidiū à bonis fortunæ, utq. rectè ac sapienter vitetur, cùm adierint, ad opera virtutum cumulatiùs & perfectiùs efficienda. diuitiarum enim, dominatus & amicorum beneficiorum facultatem nanciscimur exercendæ promendæq. virtutis accommodatissimam. Quod si tamen hæc copiar ac bona fortunæ non adfuerint, ea non admodum desiderabit, requirètque Magnanimus: immo verò eadem contemnet & negliget, satis superque sciens, etiam absque diuitiis, bonisq. fortunæ retineri virtutem animo posse, hoc est, habitum illum, in quo posita omnis virtutis intimatio est.

Dicendum est adeo, bona fortunæ ad Magnanimitatem conferre plurimū, & Magnanimitatem, si rectè à Magnanimo tractentur, haud mediocriter posse promouere. Si enim spectetur honor, qui à bonis etiam fortunæ solet existere, habet in iis Magnanimus paratam ad suū promendū actum materiam & segetem; cùm eum secundum rectam rationem vel expectat & accipiat, vel negligat & repudiet. Sin autem attendatur vsus, quæ bona fortunæ suppeditare virtuti possunt, inuenit in eorū copia Magnanimus idonea præfidia magnorum illorum operum, quæ sunt propria Magnanimitatis, & in eorum inopia non angetur, aut tristabitur, sed despicientiam præ se teret potius, & contempnam.

Prin. i argumenti ratio confutata alibi sæpè iam est. Virtus enim sibi quidem satis, la est: quia si

ne bonis externis consistere atque hærrere potest in animo, eius beneficio habitus, qui actuum frequentatione paratur. Sed tamen, vel, ut prodeat ab animo foras, vel, ut quod est effectura, faciliùs efficiat, & expeditiùs, externa quoque præfidia bonorum externorum efflagitat. Est autem viri Magnanimi eadem negligere, cùm vel necessaria non sunt, vel desiderantur, ut diximus.

Ex quo nascitur etiam secundi argumenti confutatio. est enim Magnanimi externa bona contemneret; non quòd ea funditus, omninoq. repudiet, sed quòd ne tum quidem externa bona permagni faciat, cùm ad opera magna efficienda iisdem vitur. Magnanimo quippe nihil est magnū, sed omnia parua, etiam honor ipse, qui ei propter virtutem exhibetur. ex quo efficitur vult Aristoteles, ipsa externa bona, & prosperam, aduersamq. fortunam esse Magnanimi materiam secundariā, & consequentem. Consequens enim est, ut qui honorem ipsum haud magni estimat, sed existimat esse paruum præmium, nec illud planè, quod virtuti respondeat, parui etiam ducat cetera bona, quæ dignitate ac magnitudine longè ab honore superantur. Itaque despicientia illa Magnanimi non est in eo posita, ut repudiet funditus, sed ut non magnificat, & parui ducat ea, quibus etiam vitur.

Atque hinc demum intelligitur, ne tertium quidem argumentum habere robur vllum aut vim. Est enim eius, qui aliquid non magnificat, neque tristi cùm illud amittit, neque magnopere gaudere, cùm idem adipiscitur; ac retinet. adeoque partes Magnanimi sunt, neque magnam ex bonis fortunæ lætitiā, neque ex eorundem iactura tristitiā capere: quia bona illa non estimat magni; sed parua esse putat, nec ea, quorum causā lætitiā, vel tristitiā magnā bonum affici vitum oporteat. Non tamen hinc consequens est, Magnanimum repudiare illa, quibus augeri, amplificarique Magnanimitas queat. sic enim parui estimat externa bona, ut iis tamen vitur, si adfuerint, & earum præfidium postulet virtus, nec eadem magnopere requirat, si desiderentur, & absint.

QVÆSTIO SEXTA.

An Magnanimitas sit Fortitudinis pars.

QVAMQVAM suprā demonstrauimus; Magnanimitatem esse peculiarem virtutem; distinctam & differentem à ceteris, ponendum tamen hic est, esse etiam aliquo modo communem & generalem. Triplici enim ratione ac modo dici & esse potest aliqua virtus communis ac generalis, primo quidem, quia, ut Dialectici loquuntur, de multis virtutibus prædicatur, in quam sententiam ipsum solū virtutis commune nomen est generale, quia prædicari de multis potest. secundo: quia singularum efficit opera virtutum, cuiusmodi tantū est ea Iustitia, quæ legalis appellatur. est enim hæc Iustitia omnis iuris & legum omnium obseruantissima: quæ & vitia vetant omnia, & iubent secundum omnem virtutem homines vivere, ut ab Aristot. docetur in lib. 5. Tertio. quia si mi-

nus ipsa per se virtutum omnium efficit opera, cum omnibus tamen agit & efficit vna cum virtutibus quod sibi proprium est. Huiusmodi nimirum est Prudentia: quæ generalis ideo dicitur, quod nulla prorsus virtus efficiat aliquid sine prudentia, agente simul, & cuilibet agendi rationem præscribente. Certum adeo est, Magnanimitatem non esse generalem ideo, quod prædicari de multis possit; cum non sit ipsum virtutum omnium genus, sed aliqua certa species & forma virtutis: neque propterea, quod singularum virtutum efficiat opera; quia quæ virtus huiusmodi est, id agit, quod est sibi proprium; suoque munere fungitur, nulla prorsus alia simul agente virtute. Qui enim pecuniam, aliamve rem suam non idcirco largitur aliis, quod ad eam largitionem ab aliquo liberalitatis incitetur habitu, sed propterea solum, quod legi hoc præcipienti obtemperare velit, agit secundum legalem iustitiam, opus illud actionemque nullâ prorsus aliâ comitante virtute. Magnanimitas verò sine aliarum opera, comitatu & præsidio virtutum efficit nihil, ut in hoc cap. tertio docet Aristot.

Est ergo generalis virtus Magnanimitas ideo quod singulas adiunget, earumque promoveat actiones in eam gratiam, ut quod faciunt, optimè, absolutissimèque prorsus efficiant. Differt tamen à Prudentiâ eo nomine, quod sine Prudentiâ præeunte, & modum præscribente, ac simul etiam agente nulla omnino virtus quicquam unquam efficiat; sed sine Magnanimitate multa facere possint singulæ, si minùs optimè, certè sine vitio ac bene. Non enim quia Magnanimitas agere, ac suo perfungi munere sine ceterarum actione non potest, sequitur etiam, ceteras sine magnanimitate esse vacuas & otiosas. Agunt videlicet ipsæ per se quod possunt: sed cum magnum efficiendum est opus, perfugium & receptum habent ad Magnanimitatem; quoniam addit eas virtutibus vires, quæ operi magno perficiendo necessariæ sunt, sibi verò vindicat opus, quod ab illis efficitur, diciturque temperantiæ, liberalitatis, magnificentia fecisse opus, cum ipsa tamen Magnanimitas, neque temperantia, neque liberalitas, neque magnificentia sit. Neque enim de virtutibus prædicari potest, ut diximus, tanquam genus, cum ipsa peculiarem obtineat, propriamque materiam, hoc est, opus magnum, ad honorem relatum: quo limite secernitur & separatur ab omnibus.

Vna tamen est fortitudo, quæ de Magnanimitate prædicari posse videtur in recto. Quin videtur contra magnanimitas ipsa posse de fortitudine prædicari; sic prorsus, ut nihil aliud fortitudo sit, quam Magnanimitas, nec aliud Magnanimitas, quam fortitudo. sic enim in libello illo de quatuor virtutibus, qui falsò quidem adscribitur Senecæ, sed hominis est de moribus rectè iudicantis, scriptum est. Magnanimitas, quæ & fortitudo dicitur, si insit animo tuo, magna cum fiducia vires, liber, intrepidus, alacer. Magnanimi hominis bonum est, non vacillare, constare

sibi, & finem vitæ intrepidum expectare. Sic ille, Magnanimitati ea tribuens, omnia quæ fortitudinis officia sunt. M. etiam Tullius in libro primo Officiorum utramque virtutem ita coniungit. viros fortes magnanimos eosdem esse volumus, veritatis amicos minimeque fallaces. Neque verò cum Magnanimitas dicitur fortitudo, communilio nomine sic appellatur, quod virtutibus convenit universis ideo, quia singulæ firmitudinem quamdam obtinent, & tendunt in arduum. Cur enim magnanimitas appellanda fortitudo videatur, peculiaris reddi ratio potest à peculiari firmitudine petita, & quidem varia, atque multiplici, quam Magnanimitas obtinere necessarium debet. Quippe Magnanimi magnum virtutis opus aggredi volenti triplex occurrere solet impedimentum, quod eius frangere consilium & electionem queat. Primum in ipsius obiecti magnitudine positum est, quæ legnitiam affert & pigritiam animo, futuri mollem operis extimecenti. Secundum nascitur ex dilatione, atque expectatione rei, ad quam contendit animus, & quam vult. cum enim prorogatur & differtur quod vehementer exoptamus, molestia facile corripitur & depressimur tædio. Tertium denique suboritur ex calibus vitæ variis, infinitaque rerum humanarum vicissitudine, quæ sæpè reddit homines inconstantes & dissimiles sibi. id quod de suo quaeritur animo Boethius, ex mobilitate fortunæ, commutationem inconstantiamque perpeffo.

*Dum lenibus malefida bonis fortuna saueret,
Penè caput tristis merferat hora meum.*

*Nunc quia fallacem mutavit nubi vultum,
Protrahit ingratis impia vita moras.*

Oportet adeo, Magnanimum habere firmitudinem aduersus legnitiam, cum obiectum est arduum ac propter magnitudinem, difficultatem ac negotium aggredienti facessit. Quemadmodum enim nulla res est tam magna, quæ illum in admirationem adducat sui, sic nihil esse tam ingens, ac magnum potest, quod eundem afficere segnitie queat, atque ab opere detertere. Necesse est, eundem Magnanimum esse instructum firmitudine aduersus animi contractionem & tædium, quod ab expectatione, ac prolatione rei vehementer exoptatæ promanat: nec ullis succumbere periculis incommodisque, quoad demum re potitur, quam expetebat. oportet denique contra varietatem inconstantiamque fortunæ firmitudinem animi retinere constantissimam, hoc est, nec aduersis deici rebus, nec prosperis insolenter effetri. Cum ergo tam varia multiplicique vallatus firmitudine debeat esse Magnanimus, sit, ut Magnanimitas ipsa non modò propter illam firmitudinem, quæ omnium communis virtutum est, commune fortitudinis nomen adepta sit, sed propter has peculiare & proprias, ipsa fortitudo esse videatur. Nihil enim est aliud fortitudo, quam firmitas. Duo adeo quaerenda sunt.

Primum. Num fortitudo ac Magnanimitas specie inter se differant & forma. secundum: si differant specie; num tamen conue-

miant, ideò quòd earum vna sit primaria species, altera secundaria, quemadmodum fit in analogis attributionis: & quænam sit è duabus principalis, hoc est, num Magnanimitas fortitudini, an fortitudo Magnanimitati veluti pars subiungatur. Illa enim quæ subiungitur, est secundaria.

De primo dicendum primo loco est; inter Magnanimitatem, ac fortitudinem discrimen ac differentiam illam esse, quæ inter res intercedit specie differentes. Fortitudo enim, animi quædam firmitas est, timorem frangens, & compescens audaciam in periculis mortis; Magnanimitas verò firma quædam cupiditas & spes est magni boni, hoc est, honoris, qui magnis virtutum operibus queat obtineri. ergo tam animi affectus, quos regunt ac temperant, quàm externa materia & finis, specie differunt. Non possunt adeo specie convenire virtutes, quarum materia finisque non conveniant inter se.

Dicendum secundo loco est; convenire tamen inter se propterea, quòd vna sit primaria species, altera secundaria generis analogi, quod petere possumus ab ipso nomine firmitatis, aut firmitudinis utriusque communi. Nam utraque firmitas quædam est, aduersum id nitens, quod arduum est, & utrique vincendum proponitur. Quo fit, ut quo difficilius est quod proponitur virtuti superandum, hoc ampliore, excellentiore, & meliorem habitum virtutis efflagitet. At difficilius est, animi retinere firmitudinem in periculis mortis, quæ fortitudo contemnit, quàm eandem servare in bonis sperandis magnis, aut adipiscendis, ad quæ Magnanimitas animum firmat. Igitur fortitudo principalis & primaria firmitas est: Magnanimitas fortitudinis quædam est pars, & secundaria firmitudo.

QVÆSTIO SEPTIMA.

An tumiditas & paruitas animi sint opposita Magnanimitati vitia?

DVONVS Aristoteles interiectam facit Magnanimitatem vitii extremis, quorum alterum in nimio peccans appellatur *χαυρός*, hoc est, tumiditas, aut arrogantia, aut superbia, aut inflatio, & barbarè, præsumptio: alterum *μυροδυσία*, hoc est, paruitas, vel ut sic dicatur, pusillitas, & exiguitas animi, quæ vulgò pusillanimitas nominatur. qui per exuperantiam peccat, dicitur *χαυρός*, qui per defectum, *μυροδυσία*. Querendum tamen est, utrum ea sint verè vitia Magnanimitati contraria, quia multæ sunt rationes, quæ illa hoc vitii nomine liberare posse videantur.

Prima. Quia *χαυρός*, & *μυροδυσία*, hoc est, inflatus & pusillo præditus animo, dicuntur ab Aristotele esse non mali: qui autem aliquo sunt præditi vitio, mali sunt.

Secunda. Illi tantùm honore sunt digni, qui possent virtutibus & probitate. sed qui pusillo præditus est animo, dignus honoribus est, ut intelligere licet ex eius definitione, quam

hoc modo tradit Aristoteles. Qui autem se minoribus dignum, quàm mereatur existimat, is angusto & pusillo animo est; siue magnis, siue mediocribus, siue parvis dignus; etiam minora sibi tribui putat oportere. loquitur enim de honoribus, ut legenti constabit, quibus reuera dignus est is, quem pusillo animo præditum dicimus. Honoribus autem non est quisquam dignus, nisi propter virtutem. Ergo vir animi pusilli virtutibus est ornatus, adeoque non debet existimari vitium parvitas animi.

Tertia. Inflatus & tumidus, hoc est, is qui per exuperantiam peccat, peccat ideo, quòd vehementissimè quadam appetitione concitetur ad honores. sed summè honores appetere, non est vitij; cùm honor magnus parari non possit, nisi beneficio magnorum operum, quæ à virtute proficiuntur, adeoque qui vehementissimè summos honores appetit, ea cupiditate ad summa virtutum opera concitetur. ergo appetitio illa, quantumvis vehemens & magna; vitiosa non est. neque enim illa cupiditas adscribi vitio potest, quæ nos ad maximas virtutes in actum producendas impellit.

Quarta. Superbus & tumidus is est, qui eos appetit honores, quibus ipse non est dignus, ut constet ex definitione, quam tradit Aristot. At hoc non videtur esse rectæ rationi contrarium: cùm ipse quoque vitiosus nullis sit dignus honoribus, & tamen appetere honores non modò sine reprehensione, sed cum laude queat. Potest enim, ac debet appetere virtutes, quas necessariò consequuntur honores: ergo ipsos etiam debet ac iure potest honores appetere. Cùm enim recta ratio iubeat, id appetere quod antecedit, non potest esse eidem rationi contrarium appetere quod consequens est.

Quinta. Quod fit ex ignorance, ex nullo prorsus vitio fit. neque enim pueri, ceterique, qui per inscitiam peccant, vitiosi dicuntur. sed tam inflatus ac tumidus, quàm pusillo præditus animo per inscitiam, & ignorantiam peccant. Illum enim, quoniam dignum censet iis, quibus verè dignus non est, ait Aristoteles esse insipientem & stolidum: hunc affirmat, se ipsum suæque merita prorsus ignorare, ac propterea iis se minus dignum censere, quibus esset re verè dignissimus. ergo uterque per ignorantiam peccat.

Dicendum tamen est, hæc duo extrema verè vitia esse ipsi opposita Magnanimitati. Quod facile demonstrabimus, si videamus hic iterum quid hæc nomina propriè significant. sæpè quippe illi, qui per exuperantiam peccat, magnanimi nomen imponitur; illi qui per defectum, appellatio modesti tribuitur. Est ergo *χαυρός*, hoc est, superbus, ventosus, & inflatus is, qui magnis se dignum honoribus censet, quibus indignus est. At qui, cùm sit indignus, inquit Aristot. dignum tamen se magnis putat, inflatus est. In quo tamen adiungit vnum, quod haud mediocriter inflatum secernit ab eo, qui pusillo præditus animo est. Addit, inquam, hæc verba:

non tamen omnis qui maioribus se dignum existimat, quàm sit dignus, inflatus est. hoc est, non omnis, qui se putat maioribus dignum honoribus, quàm verè sit, est dicendus *μεγαλόν*, superbus, & inflatus. necesse enim est qui sit huiusmodi, nullis esse dignum prorsus honoribus: qui verò se dignum censet maioribus quàm verè sit, is aliquibus saltem est dignus. Quæ profectò, ut opinor, ideo dicit, quòd velit, eiusmodi hominem appellari potius immodestum, quàm inflatum, aut arrogantem, aut superbum, & ut vulgò dicitur, præsumptuosum. Ait enim eodem loco, qui se dignum parvis censet honoribus, quibus verè dignus est, eum dicendum esse modestum, quo fit ut qui aliquos mereatur, & tamen maiores velit, appellandus sit immodestus, hoc est, vulgò præsumptuosus. *μυρολόγος* autem, hoc est, qui pusillum obtinet animum, is, inquit, est, qui minoribus se dignum arbitrat honoribus, quàm promeritus sit. & ille posissimùm est eiusmodi, qui cum honores meritus sit magnos, dignum se tamen existimat aut nullis, aut parvis. Inter hos igitur ait eum intercedere qui Magnanimus verè dicitur & est. Est igitur Magnanimus, inquit, magnitudine summus, quatenus autem oportet medius. nam se dignum eo censet, quod prodignitate est. illi autem excedunt & deficient. Ex his ergo ratiocinari sic licet: Vbi habitus est virtutis, in mediocritate consistens, ea quæ habitum illum quæ per exuperantiam, quæ per defectum utrinque circumstant, vitiosa sunt, sed Magnanimitas habitus virtutis est in honorum appetitione magnorum obtinens mediocritatem. Igitur ea, quæ illi per exuperantiam, aut per defectum opponuntur, vicio carere non possunt.

De prima Ratione ex iis, quæ contra propositæ sunt, dicendum est, vulgò eos tantùm appellari malos, qui se vel turpibus quibusdam contaminant vitiis, vel aliis iniuriam faciunt. quæ quoniam inflatus, pusilloque præditus animo non faciunt, non dicuntur esse mali. Atque in hanc sententiam locutus Aristoteles est. sed tamen à prudentibus etiam hi dicuntur & censentur mali, hoc est, à recta ratione, prudentiæque præscripto declinantes. in hos enim omnes cadit malitiæ, siue improbitatis quoddam commune nomen, quod neque turpitudinem insignem, neque iniuriam significat illatam aliis, sed peccatum, & aberrationem à medio, præscriptoque prudentiæ.

Secunda, quæ proponitur ratio, ludit in ambiguo. Is enim qui pusillo est animo, & per defectum peccat, verè dignus honore non est, sed vituperandus potius & improbandus, cum discedat à medio, ac propterea peccet. dicitur tamen illo dignus honore, quem alioqui promereretur, nisi eo, propter illud vitium estimationis & opinionis suæ, se redderet indignum. habet enim eam scientiam, prudentiam, opes, clientelas, amicos, ceteraque præsidia, quorum vi posset ipse magistratus cum dignitate gerere, adeoque dignus esset honore: sed quia praua illa dece-

ptus opinione, se his indignum existimat, nec recto utitur iudicio, reprehendendus & vituperandus est quare si hanc abiceret opinionem errantem, illico dignus honore fieret propter ea bona, quæ honorem iure, verèque promerentur. cum ergo reprehenditur & vituperatur, vituperatur nominatim ob illud iudicium errans, non ob ea, quæ laudabilia sūt, ac propterea potest & dignus & indignus honore dici. dignus quidem ob ea promerita, indignus autem propter opinionem errantem & contractionem animi alienam à recto.

Tertia etiam ratio verba inuoluit ambigua. Appetitio enim honoris recta, iusta, rectæ rationi parens, & mediocritatem obtinens, ad opera nos virtutum impellit; illa verò tam vehemens & immoderata, non ad virtutes, sed ad vitia nos potius incitat. Neque enim qui sic honores appetit, appetit eos & vult propter opera virtutum, quæ velit efficere, vel quæ fecerit; cum, ut suprà diximus, sit omnino iis indignus honoribus, quos appetit; adeoque illos velit honores, qui non virtuti debeantur, neque à bonis & prudentibus tribuuntur viris, sed qui dantur interdum opibus, & potentis, nec à probatis hominibus, sed ab adulatoribus & parasitis impenduntur. Quapropter honorum hæc appetitio à legibus aliena prudentiæ ac rationis, non ad virtutes, sed ad vitia, hoc est, ad superbiam, arrogantiam, insolentiamque nos incitat.

Quarta nihil prorsus habet difficultatis. Neque enim malum est, aut vitium etiam antequam virtus paretur, eos honores cupere & appetere, qui postea ex partâ virtute nascuntur: cum id nihil sit aliud, quàm honorem optare ac velle beneficio virtutis, vbi comparata iam erit & parta, non hoc tempore, cum adhuc parta non est, sed si honor expectatur non modò antequam paretur virtus, sed etiam sine vlllo præsidio virtutis, quod facit inflatus & arrogans, qui tunc honorem vult, cum nullam obtinet virtutem, cui debeat honor, nec animo tantùm appetit eum, qui postea virtutem consequetur, sed re ipsa nunc eum vult, qui nondum virtuti debetur, quoniam parta non est: si hoc, inquam, modo expectatur honor, appetitio est summè vitiosa, maximeque rationi aduersatur, & est inimica prudentiæ.

Quinta denique non vincit, timiditatem & paruitatem animi carere vicio propter ignorationem & inscitiam: quia non omnis prorsus ignoratio & inscitia facit, ut quod agitur, vicio careat & voluntate peccandi, sed ea solùm, quæ vinci ac superari vlllo humano studio industriâque non potest. Quæ enim ignoratio nascitur ex appetitione praua, immoderatâque, deberet à nobis vinci, & corrigi, ipsâ castigandâ emendandâque appetitione, quæ peccat, ideoque voluntaria est, quia non emendatur appetitio, ex qua ipsa manat & oritur ignoratio. Atque hinc fit, ut dicatur in tertio, vnumquemque peccantem ac malum ignorantem esse, hoc est, per ignorantiam illam peccare, quæ cum animi praua

appetitione coniuncta est. Ignorans enim est quilibet malus, quia deceptus, corruptusque praua immoderataque cupiditate, vim recti probè non videt, eiusmodi videlicet est superbi pusillique animi ignoratio: cum ille dignum se censeat honoribus magnis, quos verè non est meritus; hic indignum se putet iis, quos verè meretur & expetere iure potest. sed tamen vtriusque ignoratio culpanda est maximè: illius quidem, quia ineptà, stultaque occæcatus appetitione, non videt quod vnicuique prudenti notissimum esse debet: huius, quia contractione animi atque angustiis impeditus, non intelligit promerita sua, & indignū honore se putat, quo est verè dignissimus. Debet enim ille, si secundum rectam rationem agere velit, stultam appetitionem emendare; debet hic illam animi pusilli contractionem depellere: quibus ex fontibus nascitur ignoratio. Et quoniam id quod iure deberent efficere, non præstant, iudicio & voluntate probare, atque amare censentur ignorationem & infortiam suam.

QVÆSTIO OCTAVA.

Num animi paruitas deterior sit, quàm tumiditas & inflatio?

H A o de re Aristoteles quidem in ipsa Capituli extrema parte sic pronunciat. Magnanimitati autem pusillus animus magis opponitur, quàm inflatus, nam & sæpius vsu venit, & peior est. Quibus ex verbis sine dubio sequitur Aristotelem censuisse, arrogantem illam elationem animi minùs esse malam, quàm demissionem & contractionem immodicam aut paruitatem. Sed videndum tamen est, an ita, vt dicitur, verum id sit. Contra enim aliqui sic disputant. Elatus ac tumidus duobus est finitimus aut coniunctus vitiis longè grauissimis. Nam superbus est vel superbiz propinquus, quæ vitiiorum omnium deterrima est, & ad iniustitiam accedit, aliorum deprimere dignitatem contendens, vt ipse videatur excellentior; & meliores honorare detrectans: quod est genus iniuriæ perniciosum & graue. pusillo autem & deiecto præditus animo ad eam vergere virtutem videtur, quæ dicitur humilitas, omnium excellentissima & melioribus honorem impartitur, vt iustitia postulat. Igitur elatus ac tumidus est eo deterior, qui pusillo præditus animo est: hic melior aut certè non ita malus. Ad hæc elatus & tumidus nullo prorsus est honore dignus, demissus & deiectus est dignus aliquo, vt ex vtriusque definitione apud Aristotelem constat, quam in superiori proximè disputatione produximus. Melior adeo videtur hic esse quàm ille.

Animaduertendum primo loco est: cum dicimus Magnanimum honores appetere, & dignum se censere magnis honoribus, non id velle nos significare, eum appetere solum honoris externa signa, & dignum se tantum externis illis signis arbitrari, sed ad opera quoque virtutum egregia contendere, qui-

bus honores ipsi debentur, & idoneum se censere magnis virtutum operibus efficiendis. Itaque tum iudicium de dignitate sua, tum appetitionem honoris ad opus refert virtutis, cui iure redditur & habetur honor. Cum enim se dignum censeat ac iudicat magistratibus, & muneribus honorificis, censeat etiam se idoneum iis promerendis. Virtutum operibus, quibus ille magistratus & munera proportionem respondeant: & cum eisdem magistratus expetit & vult, non propter honores solum illos externos ampliores & excellentiores vult, sed ea gratia, vt in iis muneribus excellentiora & perfectiora proferre possit opera Virtutum. In summa, cum vir verè magnanimus dicitur honore se dignum censere, & honorem appetere, non est tantum honoris nomen referendum ad externa signa reuerentiæ, sed multò sanè maximè ad eorum causam signorum, quæ in magnis virtutum operibus sita est. quod si breuiter hæc explicare velimus, illum dicemus honorem formaliter, siue substantialiter, qui continetur signis, hunc causaliter, qui comprehenditur in virtutum operibus tanquam in stirpe. Hinc adeo fit, vt pusillo vir animo, quoniam opponitur, ex defectu, Magnanimo, non is sit, qui honorem tantum illum signis exhibitum externis repudiet, & eodem honore se putet indignum, sed qui præterea ineptum se putet virtutum efficiendis operibus, & eadem opera virtutum ex animi quibusdam angustiis negligat, abhorreatque ab iis officiis & Magistratibus, in quibus exercere virtutem animi posset, & iis naturæ præsidii ac doctrinæ præclarè uti, quibus instructus est, & satis ad munera illa gerenda communitus. Itaque cum honorem repudiat, non eum repudiat solum, qui formaliter, siue substantialiter honor dicitur, & in signis est positus, sed eum quoque, qui causaliter appellatur honor, & in virtutum operibus velut in causa continetur ac latet. Honorem enim illum externum, quem meritis sis, respuere, est etiam cum eo commune, qui dicitur Humilis. Is autem eo nomine differt ab homine animi pusilli, quod sic honorem repudiet, vt non tamen à virtutum operibus abhorreat, sed velit omnino res honore dignas agere, & honorem nihilominus ipsum contemnere. Pusillo igitur animo qui dicitur, is est, qui non modò ab honore, sed à causis etiam honoris abhorret. Et quoniam huic aduersatur elatus, propter exuperantiam peccans, debet elatus is esse, qui honorem vult, & virtutum opera funditus repudiet ac nolit. qui enim propter exigua promerita virtutisq; magnos expetit honores, & maioribus se dignum præconii censeat, quàm promerita patiantur, alio nomine, hoc est, immodestus, & vulgò præsumptuosus appellatur, vt alibi diximus.

Animaduertendum tamen est secundo loco: sæpè pro huiusmodi elato, & tumido viro accipi etiam eum, qui omnino repudiet non opera virtutum, sed honorem magnum petere velit ab opere meritòq; perexiguo, quæ vitiositas, quamquam in illum propriè conuenit, qui

appellatur immodestus, plerumque tamen vtrique tribuitur, hoc est, tam ei, qui dicitur inflatus elatusque, quàm immodesto: ita prorsus, ut pusillo præditus animo videatur interdum quidem eum elato tumidoque confetti, retamen ipsa cum immodesto comparatur. Quæ ut ita sint, sit sæpè tamen, ut pusillo vir dicatur animo etiam ille, qui honoris tantummodo externa signa non appetit, hisque se putat indignum, nec virtutem, quæ honoris est causa, cū honore ipso coniungit, cū honorem negligit, sed habet se negatiuè, neque eam appetens neque contemnens. Itaque cū dicitur is honorem non appetere, vel negligere, vel honorem se indignum putare, accipitur honor formaliter, siue substantialiter, non casualiter, & cū virtute coniunctus. ita, inquam, ut contemptus cadat in illa reuerentiæ signa externa, nō in virtutē. Cū ergo variè possint inter se hæc extrema cōponi, & multis planè modis cōparari, consequens est, ut non possit hæc quæstio simplici aliquo dicto profligari, sed debeat decidi multiplici, quod paulò pōst faciemus.

Anima uertendum autem tertio loco est: cū vitia conferuntur inter se, quæriturque quid sit deterius ad rem peruidendā & de quæstione decernendā, inspicere oportere, quodnā ē positus, collatūque inter se vitis sit, ad quod magis propensi proniq; naturā sumus. quod enim est eiusmodi, sine dubio deterius est, ut docet Arist. in lib. 2 est autē deterius & peius, quia frequentius est & crebrius. Id videlicet est causa, cur in eius extrema Capitis parte, cū dixisset, animi paruitatē esse peiorē, quàm elationē, ac tumiditatē, hæc vnā causam intar omnium, atq; hanc rationē produxerit, quod crebrior sit, & inter mortalium errata frequentior. Quæ ratio ita vincit, si alia omnia paria sint in vitis, quæ cōferuntur inter se. Tunc enim illud censetur sine dubio peius, ad quod magis naturā propendimus, & quod crebrius est. Nam alioqui grauitas vitii petenda est ex obiecto. Huiusmodi verò sunt ea, de quib. hoc loco differimus. Videntur nimirum in ceteris paria, sed propter vsum frequentiore distingui tamen inter se debere. Videndū ergo nobis etiā est, cū variè paruitatē & exiguitatē animi cum tumiditate, & elatione componimus, quidnā ex hisce duobus vitis in singulis comparisonibus videatur esse frequentius. Illud enim deterius erit.

Prima igitur huiusce tam implexæ quæstionis Conclusio sit. elationē ac tumiditatē propriam & veram, quæ sine virtute promeritoq; honorem expetit, & vult, peiorem esse, quàm illam animi paruitatem, quæ honorem repudiatur ipsum formaliter acceptum in signis positū externis, non tamen abiecto cultu studioq; virtutis, quæ honoris est causa. Est enim eiusmodi tumiditas & elatio in vīu vitæ frequentior, & ad eam magis propendimus, pronioresque naturā sumus: hanc animi verò paruitatem, hoc est, honoris externi contemptionē, quo digni sumus, videmus esse rariorem, minúsque frequentem, & ad eam multò nos minús propendere, quàm ad elationem, hoc est, ad appetitionem honoris, quo sumus indigni, cū honor sit iucundissimus, & ad ea, quæ iucunda sunt inductione naturæ cōpellamur. Ad hæc. Hono-

rem expetere sine præsidio virtutis, hoc est, honorem supra ceteros, qui meliores sunt, velle, quem promeritus ipse nō sit, eundemq; honorem, quoniam à bonis consequi non potes, ab assëtoribus quærere (id quod facit elatus) summa cuiusdam iniquitatis est, & leuitatis, quorum nihil in eo deprehendas, qui propter angustias animi aut repudiat, aut non expetit honorem. Ergo ille deterior est. Quemadmodū enim ille peior est habendus, qui pecuniā vult non suam, quàm qui suam non vult: sic ille peior existimari debet, qui honorem expetit sibi non congruentem, quàm qui honorem sibi cōuenientem debitūmq; repudiat. Denique verū est quod in argumēto contenditur, huiusmodi hominē, quē pusillo animo præditū ideo dicimus, quod honorē substantialiter acceptū repudiat, accedere propius ad eū, qui appellatur Humilis; eū autē, qui hoc modo dicitur elatus, nō modò ad superbiam accedere, sed verè superbū esse: cū nullis munitis præidiis, aut promeritis virtutis, audeat honorē exposcere. Nō igitur hoc modo cōparauit vtrumq; Arist. cū dixit χαῖνον, hoc est, inflatum esse meliorem.

Conclusio secunda. Eum qui pusillo dicitur animo propterea, quod non honorem modo, sed etiam posituè nolit ipsa virtutū opera, cū eo comparatum elato, de quo in proximè superiore Conclusionē diximus, non esse peiorem. Repudiat enim vterque honoris causam, opūque virtutis, adeoque in ea vitiositate sunt pares: sed quia propensi magis sumus ad expetendum honorem sine promerito, quàm ad eundē sine promerito repudiandum, & plures inueniuntur, qui ea ratione velint honorem, quàm qui nolint, frequentior hæc vitiositas elati est, quàm illa, eoque nomine, ut supra posuimus, deterior est. Neque verò pusillus hic animus est humili similis, sicut superior: Is enim qui verè dicendus est humilis, non repudiat, sed cōplectitur omnia prorsus officia, & opera virtutis: quæ quoniam superior ille, qui descriptus est in superiore Conclusionē, non contemnit posituè, dictus est aliquo modo ad humilitatē vergere; certè magis accedere, quàm elatus, qui ab ea longissimè recedit. Itaque, ne de hac quidem cōparatione verba fecit Arist. cū elatū anteposuit illi, qui esse pusillo dicitur animo.

Tertia igitur Conclusio hæc denique sit. pusillo virū animo, qui cū honorem cōtemnit, eoque se indignū existimat, posituè repudiat ipsa virtutum officia & opera, nec ea exercere aut efficere vult, cū eo collatum tumido, elatoq; qui nō omnino destitutus promerito est, aut virtutē funditus repudiat, sed maiori se dignum honore cēset, quàm verè sit, & maiores expetit honores, quàm ipse promereatur, esse deteriore, quàm hunc, atq; in hanc sententiā esse dictum Arist. accipiendum. Plures enim inueniuntur qui nolint opera virtutū, & honorē velint, quàm qui virtutē velint aliqua, & honores exposcant virtute promeritoq; maiores, ac propterea frequentius illud est vitii, & ad illud proniores sumus, quàm ad hoc. ita que illud cēsendū deterius est. Rectè enim dicitur in 1. Rhe. desidiam, otium, celsationē, ludū, somnū, quietem esse res homini iucundissimas, cōtrāque solitudinem, studia, conatum, industriam,

res eidem tristissimas ac molestissimas esse. ergo ad illa potius, quam ad hæc propensi natura sumus. Illa deum videtur esse ratio, vincens omnino, illum deteriores esse, quam hunc; quod deterius sit, à bono prorsus, omninoque desistere, quam ad bonum contendere, quantumvis præter ordinem & immoderatum. sed ille desistit prorsus à bono; cum nec opera virtutum velit, nec illos accipere Magistratus & honores, in quibus egregio perfungi virtutum officio posset, ad quod idoneus est: hic ad bonum contendit aliquod, nec alio nomine peccat, nisi quia vel plus appetit honoris, quam mereatur, vel minus ex opere virtutis amplectitur, quam illa magni honoris appetitio postulare. Ergo melior est.

Ex his planissime constat, quid efficiat primum argumentum initio contrà propositum. Vincit enim, elatum illum, qui funditus omnia repudiat opera officiaque virtutis, quique multis compositus vitis est, iniustitia præsertim & arrogantia, peiorem esse, quam illum pusilli hominem animi, qui eiusmodi vitis non est præditus, sed quoniam non negligit opera virtutis, humili videtur esse aliqua similis ex parte: quod supra declarauimus, & nunc vltro concedimus.

Quod attinet ad secundum, rem & nomen ambiguum explicauimus etiam supra: cum diximus, pusilli animi virum esse honore dignum aliquo propter opus virtutis à integro sum, non autem ob eam actionem operis, cuius causa pusillo esse animo dicitur. illo enim nomine vituperandus est, & multo magis quam sit vituperandus elatus, ob actionem illam suam peculiarem, cuius causa elatus & tumidus appellatur. Eadem quippe appetitione, qua per exuperantiam peccat, elatus vult aliquid virtutis; pusillo autem vir animo prorsus nihil. sed dicitur hic esse honore dignus propter aliquam quam habet ad honorem præparationem, si vellet opera complecti virtutis, cui postea deberetur honor. habet enim prudentiam, scientiam, solertiam, alia eiusmodi præsidia, quibus administrare cum dignitate Magistratum posset, & prodesse plurimis, nisi labore detereretur, & opinione illa sua præter rationem ac modum à recto iudicio procul aberrantem. At cum hi duo comparantur inter se, non comparantur ob eiusmodi præparatoria ad virtutem præsidia, sed ob eas actiones vitiosas nominatim, quæ faciunt vt ille dicatur pusillo vir animo, hic tumido & elato, quæriturque quodnam ex his duobus vitis deterius sit.



CAPVT QVARTVM.

DE HONORIS STUDIO MODERATO.

S V M M A.

Virtutem quamdam esse, carentem nomine, Magnanimitati per similem.

DIVISIO CAPITIS IN PARTES TRES.

1. *Propositio disputationis, & argumentum.*
2. *Rationes quibus res proposita demonstratur.*
3. *Hæc etiam virtus suam habet medietatem & extrema.*

PARS PRIMA CAPITIS QVARTI.

Εἰς τὴν αὐτὴν οὐκ ἔστιν ὁμοιοῦς, ὡς ἐπὶ τῆς
ἑκάστης ἐν τοῖς ἀρεταῖς ἔχοντι, ἢ
δοξῇ αὐτῶν ἀπλοῦς ἔχειν τοῦ
μεγαλοψυχίας, ὡς αὖτε ἢ ὑποκειμένης
τοῦ
μεγαλοπρεπείων. ἀμφω γὰρ αὐ-
ταὶ, ὅ μὲν μέγα δυνάμει αἰφύσσει. αὐτὴ δὲ τὰ μέ-
γιστα, καὶ τὰ μικρὰ διατηρεῖται ἡμᾶς ὡς δεῖ.

VIdetur autem in hoc etiam esse virtus
quædam, vt in superioribus dictum
est, quæ videri posset ita se habere ad magna-
nimitatem, sicut quoque liberalitas ad Ma-
gnificentiā. amba enim hæc à magno sanè
abstinent, & in mediocribus ac paruis af-
ficiunt nos vt oportet.

EXPLANATIO.



ALIA in hoc cap. virtutem proponit, & explicat Aristoteles Magnanimitati similem; hoc est, eam cum Magnanimitate rationem & comparisonem habentem, quam obtinet, cum Magnificentiā liberalitas. Diuiditur autem hoc caput in partes tres. In quarum prima totius disputationis proponit argumentum, & rem, de qua est explicaturus, breuiter indicat. In secunda ipsum expolit argumentum, & probat rationibus id, quod propositum est. In tertia decernit de medio extremisque huiusce virtutis.

Aitigitur in hac prima, quam explicamus, aliam quamdam esse virtutem in honore versantem, ipsumque tractantem honorem, quæ Magnanimitati sic proportionem respondeat, quemadmodum respondet Magnificentia liberalitas. Liberalitas autem ita similis est Magnificentia, ut in eadem tractanda materia, quæ pecunia est, ob magnitudinem discrepet, & paruitatem. Illa enim sumptus facit magnos, & à parvis abstinet, hæc abstinet à magnis, & persequitur mediocres, ac paruos. Quo fit, ut quoniam Magnanimitas, & hæc altera, quæ proprio caret nomine, in honore versantur, differre honoris magnitudine debeant, & paruitate. hæc enim, quæ nomine vacat, & liberalitati similis est, in honore versatur mediocri ac paruo, à magno autem excellentique se continet. adeoque sic nos moderatos efficit in parvis & mediocribus expetendis honoribus, quemadmodum reddit liberalitas probos idoneosque in tractandis pecuniis & sumptibus.

PARS SECUNDA CAPITIS QVARTI.

Ωσαύτως δὲ ἐν ἀνθρώποις, καὶ δόξης χρηματικῆς, μισοῦται ὅτι, καὶ ὑπερβολὴ πρὸς τὴν ἀλλοτρίαν. οὕτως καὶ ἐν ἡμεῖς ὀρέσθαι, ὅ μᾶλλον ἢ δεῖ, καὶ ἡττοῦ, καὶ ὅθεν δεῖ, καὶ ὡς δεῖ. τὸν τε γὰρ φιλότιμος ψεύδεται, ὡς καὶ μᾶλλον ἢ δεῖ, καὶ ὅθεν οὐ δεῖ, πρὸς ἡμεῖς ἐφείδεται. τὸν τε ἀφιλότιμος, ὡς οὐδ' ὅθεν πρὸς καλῶς περιμενέμενος ὑμᾶς ἀπαρτίζει. ὅτε τὸν φιλότιμος ἐπαυρόμενος ὡς αἰσχροῦ καὶ φιλόκαλος. τὸν δὲ ἀφιλότιμος, ὡς μέτερος, καὶ σώφρων, ὡς περὶ καὶ ἐν πρὸς πρὸς εἰπαρῶν. ὅταν δὲ ὅτι πλεοναχὲς τῷ φιλοτιμίου τοῦ λεγόμενου, οἷον ὅτι ὁ αὐτὸς αἰσφείδεται τὸν φιλότιμον. ἀλλ' ἐπαυρῶν τις μὲν, ὅτι τὸ μᾶλλον ἢ οἱ πολλοί. ἡμεῖς δὲ, ὅτι τὸ μᾶλλον ἢ δεῖ.

Quemadmodum verò in acceptione & donatione pecuniarum mediocritas est, & excessus & defectus: sic etiam in honoris ac petitione est plus quam oportet, & minus, & unde oportet, & ut oportet. Nam & ambitiosum vituperamus, quod & magis quam oportet, atque unde non oportet, honorem expetas: & honoris contemptorem, quod ne ob res quidem honestas velit honorari. Fit tamen interdum, ut ambitiosum laudemus, quasi virilem, & honesti studiosum; contemptorem autem honoris, quasi modestum & temperatum, ut & in superioribus diximus. Perspicuum verò est, cum pluribus modis aliquis amans rei dicatur, non ad idem semper nos referre ambitiosum. sed cum laudamus, ad id referre, quod plus facit, quàm vulgus; cum autem vituperamus, referre ad id, quod plus facit, quam deceat.

EXPLANATIO.

RATIONES secunda pars hæc habet, quibus ostenditur, oportere virtutem aliquam esse in parvis, aut mediocribus occupatam honoribus. ostenditur autem ex eo, quod in horum quoque honorum vel cupiditate vel contemptione mediocritas esse possit, & id quod parum, & quod nimium est. Duplici argumento id demonstrat, ac primo quidem à similitudine ducto pecuniarum mediocris aut parvæ, quæ datur à viro liberali, vel accipitur, & retinetur. Quemadmodum enim in parvarum aut mediocrium largitione acceptioneque pecuniarum mediocritas invenitur quædam, exuperantia & id quod est parum, sic in appetitione vel contemptu mediocris honoris, aut parvi quædam cernitur mediocritas, & vitia quædam apparent extrema. Potest enim aliquis honorem expetere medicrem plus quam oportet, & iis ex rebus, ex quibus petere non oporteret, & eo modo quo non oporteat. Potest contra minus appetere, quàm par sit, aut nolle petere ex iis rebus, ex quibus petendus esset, cuiusmodi sunt res honestæ, aut alio modo plus contemnere ac nolle quàm postulet ratio. potest denique inter hæc, mediâ quadam ingredi viâ, quod haud minus virtuti tribuendum est, quàm prior illa mediocritas liberalitati tribuatur. Itaque tota vis &

summa primæ huius argumentationis est hæc: Vbi sunt extrema, ibi medium est: vbi medium est, ibi virtutem esse oportet. Sed tum in appetitione, tum in contemptu mediocrium ac paruorum honorum extrema sunt. ergo medium, & quod inde consequens est, virtutem quoque reperiri aliquam necesse est. esse autem in eadem contemptione, appetitūque extrema, constat ex similitudine paræ magnæve pecuniæ. Secundum argumētum ducit ab vsu loquendi vulgato cōmunique, quo soliti sumus aliquem honoris appetentem, qui Græcè φιλότιμος appellatur, nunc vituperare, nunc laudare: vituperare quidem, cum honorem vel appetit vel contemnit, non sicut oportet, (tam enim vituperamus qui vehementius & plus honorem appetit quàm decet, quàm cum qui repudiat, vt non decet, & negligit honestas ac magnas res agere, ex quibus sequitur honor.) laudare verò, cum eundem honorem experit, vt decet, & ratio præcipit. id quod etiam in appetitione parui vel mediocris honoris facere soliti sumus. At quæ vituperamus, ea vitia sunt extrema; quæ laudamus, mediocritatem habent, & vim obtinent, nomēque virtutis. igitur in parui quoque, ac mediocris appetitione honoris cerni debet aliqua virtus. Admonet tamen, ex errore humano fieri, vt ambitiosum quasi virili animo præditum, cum verò qui funditus omnes repudiet honores, tanquam modestum, & temperatum laudibus extollamus. sed moralis Philosophus hæc internoscit; secernitque veram laudis materiam ab adulterina & falsa.

PARS TERTIA CAPITIS QVARTI.

Αναγνώστης δ' οὖτος τῆς μεσότητος, ὡς ἐρήμης, εἰσὶν ἀμφισβητοῦν τὰ ἄκρα. ἐν οἷς δ' ἐστὶν ὑπερβολὴ, καὶ ἐλλείψις, καὶ τὸ μέσον. ὁρίζονται δὲ ἡμῖς, καὶ πολλοὶ ἢ δει, καὶ ἡ πόλις. ἐστὶ δὲ καὶ ὡς δει. ἐπαίνοισιν γὰρ ἢ ἐξὶς αὐτῇ, μεσότητι οὖσα πρὸς μέγαν, αἰώνιος. φαίνεται δὲ πρὸς μὲν τὴν φιλοτιμίαν, ἀφιλοτιμίαν. πρὸς δὲ τὴν ἀφιλοτιμίαν, φιλοτιμίαν. πρὸς ἀμφοτέρω δὲ, ἀμφοτέρω περ. εἰσὶ δὲ τῶν τῶν καὶ πρὸς τὰς ἄλλας ἀρετάς. αἰτιάζονται δὲ ἐν ταῦτα οἱ ἄνθρωποι φαίνονται, ὅτι τὸ μὴ ὀνομάζονται τὴν μέσων.

Quia verò nomine vacat mediocritas, tanquam de regione deserta videntur contendere extrema. quibus autem in rebus est nimium & parum, mediū etiā est. experitū autem honorem & magis quā oportet & minus. sit ergo, vt etiam expectant quemadmodū oportet. laudatur igitur habitus hic, qui mediocritas est in honore, nomine vacans. Videtur autē, si cum ambitione quidem cōparetur, ambitionis vacuitas, si cum hac contemptione, ambitio: si cum vtraque, vtraque, quodāmodo. apparet verò; id etiam esse in ceteris virtutibus. Pugnare autē hic inter se extrema videntur: propterea quod nullum nomen sortitum est medium.

EXPLANATIO.



PVLCHERRIMA similitudine declarat quid fiat ex eo, quod nomine careat ea mediocritas, in qua posita huius virtutis est natura omnis & vis. Similitudinem autem accersit ab iis regionibus, quæ domino carent, & desertæ dicuntur. De iis enim tanquam de finibus incertis vicini pugnant, & altercantur, rati esse debere occupantis. Itaque nunc in huius, nunc in illius populi potestate sunt. Hac, inquam, similitudine vsus, ait, eam sedem extremis duobus intermediam, in qua sita est virtus, de qua loquitur, quoniam suo caret nomine, occupari tanquam aliquam vacuam regionem nunc ab vno, nunc ab altero extremo, quæ possessionem illam inuadere, atque ad se interuertere conantur. supra quippe dictum est, errore humano fieri, vt tam ambitiosum, hoc est, eum, qui in honoris huius appetitione habet exuperantiam, quàm eum, qui defectu laborat, sæpe laudari; cum existimetur ille honesti cupidus, hic modestus ac moderatus. Hæc verò concertatio quædam esse videtur inter extrema ad occupandam sedem fundumque domino ac possessore carentem.

Laudatur igitur hic habitus.] Sed iniquo possessore delecto, habitus hic in possessionem

sessionem est inducendus: qui quamquam haud est nominatus, vel ex eo tamen virtus esse intelligitur, quod laudatur ab omnibus. Atque, ut melius, qualis ipse sit, videamus, adiungit, habitum huiusmodi, si cum ea conferatur ambitione, quæ honorem vehementissimè, ac plus nimio concupiscit, videri posse habitum, honoris cupiditate profusè carentem & vacuum; si cum altero conferatur extremo, hoc est, cum honoris contemptu, videri posse ambitionem; si cum utroque comparetur, utriusque similem apparere. Id quod etiam in reliquis cernitur virtutibus, inquit, quarum unaquæque alteri extremo comparata, alterius extremi speciem præfert, quamquam talis omninò non est. Fortitudo enim audaciæ comparata, timiditas videbitur esse, quamvis timiditati longè contraria sit.

Denique aut, extremos habitus, hoc est, nimiam honoris cupiditatem, & eiusdem contemptum videri inter se tantum opponi, non pugnare cum medio: quia medium titulo vacat & nomine. Nam ea quæ nomen haud habent, fallunt multos; cum reperiri & esse nusquam existimentur.

EPILOGVS.

1. *Honoris appetitio mediocris, ratione directâ, virtus quædam est, liberalitati similis, quæ parvis versatur in sumptibus.*
2. *Suis igitur extremis ipsa quoque concluditur, suamque mediocritatem si habet, ut liberalitas.*
3. *Sed hæc virtus appellatione propriâ caret & nomine; adeoque falsis sæpe, nec sibi convenientibus extremorum nominibus obnoxia est.*



IN CAPVT QVARTVM

QVÆSTIO VNICA.

An habitus in mediocribus versans honoribus sit ab ipsa Magnanimitate distinctus.



MAGNORVM appetitionem honorum superior illa moderatur virtus, quam ideo appellari Magnanimitatem diximus. Sunt enim in magnis ac principibus viris magnæ quædam atque interdum immodicæ vastæque maximorum ac singularium honorum cupiditates, nec omnes fortunæ memores suæ, moderationem illam animi retinēt, quam in regno retinuit Agathocles. Nam ut Aufon. canit,
*Fama est fidei libus conasse Agathoclea Regem,
 Atque abacum Samio sæpe onerasse luto.
 Fercula gemmatæ cum poneret aurea vasis,
 Et misceret opes, pauperiæque simul,
 Quærenti causam respondit. Rex ego qui sum
 Sicania, figulo sum genitore satius.
 Fortunam reuerenter habere quicumque repente
 Dives ab exili progrediens loco.*

Hanc, inquam, animi moderationem raro cernimus in Principibus, cernimus autem sæpius immensam quamdam atque insatiabilem honoris, gloriæque cupiditatem, cuiusmodi fuit apud Curtium in Alexandro, à Scytharum legatis oratione minimè barbara sic redarguta. Si Diis habitum corporis tui auiditati parem esse voluissent, altera manu orientem, altera occidentem contingeres: & hoc assecutus, scire velles ubi tanti numinis ful-

gor conderetur. Sic quoque concupiscis quæ non capis. ab Europa petis Asiam, ex Asia transis in Europam. deinde, si humanum genus omne superaueris, cum silvis, niuib. & fluminibus, forisq; ac bestis gesturus es bellum. Quid tu ignoras arbores magnas diu crescere, vna tamen hora extirpari. Stultus qui fructus earum spectat, altitudinem non metitur. Vide, ne dum ad cacumen peruenire contendis, cum ipsis ramis quos comprehenderis, decidas. Leo quoque aliquando minimarum auium pabulum fuit. & ferrum rubigo consumit. nihil tam firmum est, cui periculum non sit etiam ab invalido, sic, inquam, apud Curtium legati Scytharum, quos imitatus est Cineas Thessalus, alloquens Pyrrhum, quem sanare cupiebat, apud Plutar. in vita. Victis Romanis, inquit Cineas, quid agemus? Vincemus Italiam respondet Pyrrhus. victâ Italiâ? vincemus Siciliam. quid eâ victâ? A Libya & Carthagine quis abstinere his victis eritne finis militiæ nostræ? Nequaquam. sed Macedoniam, Græciam, reliquas orbis terrarum partes hac potentia faciliè superabimus. Subactis omnibus quid acturi sumus? otium transigemus, & suauissimis colloquiis cum lætitiâ perfruemur. Ergo, excepit Cineas, adest nobis, Pyrrhe, facultas eorum omnium, ad quæ per eandem & sanguinem ducis nos. Cur

presentibus non fruamur? Eandem carpit cupiditatis insaniam Iuuenalis in Annibale.

*Expende Annibale. quot libras in duce summo
Inuenies? hic est, quem non capit Africa magno
Perfusa Oceano. Nilque admota repenti
Rursus ad Æthiopum populos, aliisque Ele-
phantos.*

*Additur imperiis Hispania. Pyrenaum
Translit. opposuit natura Alpemque iuvencque.
Diduxit scopulos & montem rupis aceto.
Iam tenet Italiam, tamen ultra pergere tendit.
Et paucis concludendum est. mors sola fatetur
Quantula sint hominum corpora scula.*

Hæ sunt, inquam, Regum, magnorumque hominum nihil mediocre, sed summa omnia per insatiabilem animi voluntatem appetentium cupiditates. quas moderatur & temperat ea virtus, cuius officium est, in magnis honoribus finem & modum ponere magnis ac principibus viris.

Sed privati animi angustia quamquam tantam honoris non capiunt amplitudinem, nec tam ingentem exquirunt gloriam, cuius se capaces esse non sentiunt, possunt tamen etiam intra limites honoris exigui in eo, quod est vel nimium vel parum per similitudinem peccare. aliquam igitur esse virtutem oportet, inquit Aristoteles, quæ sic in paruo versetur honore, ut animum in eo appetendo neque deficere, neque ultra terminum dilabi patiatur. Hanc adeo virtutem liberalitati similem esse ait, quia sicut liberalitas in parvis privatorum moderandis sumptibus posita est, magnosque regendos permittit Magnificentiæ, ita hæc virtus, honoris parui cupiditatem gubernat, magni autem appetitionem honoris illi moderandam relinquit, quæ Magnanimitas appellatur. Quo nomine verò hæc honoris parui moderatio ornanda sit, non modo non docet Aristoteles, verum etiam dissentit confirmat, illi nomen imponi non posse.

Sunt qui hanc virtutem eam putant esse, quæ Modestia dicitur, sed si propriè loqui velint, quantopere decipiantur, sic ingredior ostendere. Modestiae triplex esse videtur notio, triplicique ratione videtur eiusdem nomen usurpari. Nam primo quidem modestiae generalis omnium conditio virtutum est; cum singulæ positæ sint in moderatione quadam affectionum & modo, à quo ipsa modestia nomen accepit, ut docent DD. Ambrosius & Augustinus. Hanc ergo notionem atque hunc nominis usum qui sequitur, is omnem sanè virtutem modestiam, hoc est, inter extrema ipsa moderationem & modum appellabit. Secunda notio restrictior aliquanto est, neque cum omnibus communicari virtutibus potest, sed cum iis tantum, quarum officium peculiare, ac proprium est, moderari quasdam affectiones animi, quæ nos infestant, lacerantque frequentius; quales sunt libido, ingluviens, ira, superbia, ceteræque huiusmodi, quæ necesse habent ad modum iustamque mensuram redigi, ne si excrecant, & vagentur liberius, reddant nos mutis animantibus similes, ac prorsus efferatos. sed in his rebus versans modestia nomen amittit, dicitur quo temperantia,

sobrietas, clementia, mansuetudo: nec modestia suam illam recuperat appellationem, nisi cum in his affectionibus moderatur ea, quæ moderari haud magnopere difficile sit. Quod enim est, vel in actione, vel in magni honoris appetitione, vel in ira moderari difficillimum; temperantia moderatur, Magnanimitas, & clementia: nec habet quid in his modestia regat, nisi faciliora, quæ huiusmodi virtutes el regenda & temperanda relinquunt. At ne in his quidem tractandis proprium habet modestia nomen, sed improprium, atque attributum ab iis, qui sapè temperantiam, pudicitiam, sobrietatem, mansuetudinem, clementiam alieno vocabulo modestiam nominant, quo de numero M. Tullius est, atque Macrobius pluribus locis.

Tertia igitur vera, maximèque propria Modestiae notio moderationem animi quamdam, compositionemque significat, quæ foras prorumpit, apparètque potissimum in ore, in oculis, in ritu, in dictis, siue ioco, siue serio prolatis, in actione, motu, gestu, ac totius habitudine corporis. Ex his enim decorum quoddam exiit, ornatuque vitæ in convivio, communique societate laudabilis; quem propter ordinem illum & modum, in quo positus est, Modestiam appellamus. Dicitur ergo primum hæc virtus moderatio quædam animi & compositio, ut habitus esse intelligatur inherens animo, sine quo nulla profus est virtus. Dicitur deinde foras erumpere, atque in externa corporis forma, in dictis ac factis apparere: quia intima illa moderatio non prius appellari propriè modestia potest, quàm in conspectu appareat, & emineat foras. Ab illa enim radice hic surculus pullulat & flos, totamque corporis veluti faciè, atque ipsa demum indumentis lepore quodam aspergit & luce. Diuinitus enim ac verè dicitur in Ecclesiastici cap. 19. Amicus corporis & risus dentium; & incessus hominis enunciant de illo. Dicitur tertio loco ille decor ac lux, quæ totius corporis habitus afflatur, esse in ciuili vitæ convivio laudabilis, quia proprium virtutis est, posse ac debere laudari. neque enim vlla esse virtus intelligi potest, quæ laudem, commendationemque non mereatur. Hæc autem dicitur nominatim suam nascisci laudem in convivio, ac ciuili societate; quia moderatur ea, ex quibus in communi vitæ genere laudem, aut vituperationem obtinemus, modum enim ponit in dictis, factisque, in risu, in corporis motu, in indumentis aliisque rebus externis, quas certa ratione regendas à nobis esse vitæ societas iubet. sequitur ex his, virtutem hanc ab Aristotele in minorum honorum appetitione collocatam, dici modestiam nisi impropriè non posse. Est enim illa quidem generalis moderatio, quæ in singulis existit, apparètque virtutibus: est etiam illa magis peculiaris aliarum virtutum molliorum moderatio; qualis in clementia, in mansuetudine, ac temperantia cernitur; & quoniam in honoris appetitione regit & temperat id nominatim, quod est mediocre, idque quod est summum alteri virtuti, quæ magnanimitas est, temperandum

relinquit, Modestiz nomen videtur sibi peculiari aliquâ de causâ vindicare. Sed tamen quia motus corporis, gestûsque non regit, nec officia illa probi hominis exequitur, quæ habitudinem externam componunt, ac temperant, Modestiz veram appellationem ac propriam obtinere non potest.

Ceterum quæstio suboritur hand facilis, & quidem huiusmodi: Cur adeo necesse sit ad mediocritatis honoris appetitionem temperandam, virtutem excogitare peculiarem ac propriam, cum hanc appetitionem eadem illa virtus videatur temperare, ac regere posse, quæ magnorum cupiditatem honorum regit & moderatur. Videmus enim in aliis virtutibus longè aliter fieri; cum in earum definitione & constitutione, propter magna & parva, distincti, diuersique habitus animi non ponantur, satisque putetur vna virtus idonea esse magnis moderandis & paruis. fortitudo enim eadem in omnibus æquè versatur periculis mortis, siue maxima ea sint & præsentissima, siue mediocria & parua. Temperantiam verò quæ cupiditatibus & delectationibus moderatur exiguis, quis esse dicat ab ea differentem quæ frangit & temperat magnas? aut quis animum inducere possit, vt credat, aliam esse mansuetudinem, quæ in ira magna versatur, aliam, quæ versatur in parua? His permoti rationibus aliqui, præcipuè Giraldus Odonis & Buridanus dixerunt, hanc virtutem, quæ philotimia nominatur ab Aristotele, nihil à Magnanimitate differre; nisi ratione quadam & modo: idemque de Magnificentia, & liberalitate pronunciant.

Sed placet Gualterum sequi, censentem hanc philotimiam à Magnanimitate non solum ipso modo, sed essentia quoque, ac definitione differre. Cuius opinionis & sententiæ ratio ponitur in eo, quod vbicumque in ipsa virtutum materia longè alia & diuersa ratio se difficultatis obicit, diuersas, atque inter se differentes oporteat constitui virtutes, quarum singulæ singulas atque inter se differentes vincant expugnentque difficultates. Nunc autem, quoniam Magnanimitati, & philotimiz in eodem honore diuersa proponitur ratio difficultatis, diuersas esse virtutes eas oportet, quarum vnaquæque pro se suam peculiarem ac propriam difficultatem amoliat. Id verò vt planius & euidentius fiat, sciendum est, ex affectibus & commotionibus animi quasdam esse, quæ rationi resistent & reluctentur præcipuè per se ipsas, quasdam, quæ non tam per se ipsas præcipuè, quam propter

eas res, quæ ipsis perturbationibus obiciuntur, maxime mouentes appetitionem maximeque rapaces. Perturbationes autem ipsæ per se non ita magnam habent cum ratione repugnantiam; cum appetitus rationi suapte naturâ subiiciatur: ideoque virtutes, quæ in eiusmodi moderandis perturbationibus affectibusque versantur, id sibi regendum præcipuè ac moderandum in iis seponunt, quod magnum ac summum in singulis est. fortitudo quippe timores præcipuè intuetur & temperat maximos: temperantia cupiditates maximas, mansuetudo iras item, & indignationes maximas. timores autem, cupiditates, iras & indignationes paruas quodammodo intuentur ex obliquo, & opera secundaria moderantur. Itaque in hac parua materia non est necesse virtutem aliquam versari peculiarem ac differentem; cum ex obliquo paruos timores fortitudo, paruas cupiditates temperantia, paruas iras mansuetudo moderetur & regat.

Sed animi perturbationes & commotiones illæ, quæ præcipuè propter obiecta rationi resistent, non inueniunt tantummodo difficultatem in rebus maximis, verum etiam in mediocribus & paruis: quia bona externa, quæ perturbationibus illis obiciunt atque offerunt se se siue magna sint, siue parua, maxime sunt optabilia, summæque ad se rapiunt animi cupiditatem, cum ad vitam vel simpliciter degendam, vel traducendam cum gloria, perutilia & necessaria existimentur. Pecunia enim, quæ materia liberalitatis est, necessaria putatur ad vitam simpliciter exigendam; honor autem censetur necessarius ad eandem vitam gloriosè splendidèque ducendam. duplicem adeo difficultatem obtinent: in maioribus vnam, in minoribus alteram. non enim difficile solum est, magnos sumptus facere, sed etiam paruos, nec solum honorem vel contemnere, vel appetere magnum, vt oportet, sed etiam paruum, quia & parua pecunia & paruus honos æstimatur plurimi, valdeque ac vehementer animi cupiditatem inflamat. Ergo non satis est vnam esse virtutem, quæ sumptibus & honoribus moderetur magnis, sed aliam esse oportet, quæ versetur in paruis. In aliis verò perturbationibus, quæ difficultatem rationi non ingerunt, nisi versentur in maximo, non est necesse duas collocare differentes, distinctasque Virtutes, quia obice maximo sublato, non haberet secunda virtus quam tolleret difficultatem.



CAPVT QVINTVM.

DE MANSVETVDINE SEV LENITATE.

S V M M A.

Mansuetudinem esse inter irarum extrema mediocritatem.

DIVISIO CAPITIS IN PARTES SEX.

1. In ira & extrema inueniuntur, & mediocritas.
2. Quisnam sit verè mansuetus & lenis.
3. Vitia opposita mansuetudini quanam sint.
4. Illud nominatim quod in exuperantia positum est, quale sit.
5. Extrema vitia quam habeant cum mansuetudine comparisonem.
6. Quo loco ac tempore, & quatenus irascendum sit.

PARS PRIMA CAPITIS QVINTI.

Πραότης ἢ ἔστι μὲν μέσότης τοῦ ὀργαίου. αἰώνιον ἢ ὅπως τῆς μέσης, σχεδὸν δὲ καὶ τῆς ἀκέραι, ἐπὶ τοῖς μέσῳ πλεὺς πραότητα φέρονται, πρὸς πλεὺς ἑλλείψιν ἀποκλίνουσιν, αἰώνιον ὁρῶνται ἢ ἢ ἢ ἀσβεστική, ὀργιλότης ὡς λέγεται ἄρ.

Mansuetudo autem est sanè mediocritas in iris. Sed cum nomine careat medius, & ferè etiam extremi, ad medium mansuetudinem transferimus, ad defectum inclinantem, cum vacet nomine. Exuperantia verò iracundia quadam dici potest.

EXPLANATIO.



DE ipso Mansuetudinis extremorumque vocabulo ac nomine prima hæc explicatio est. Ait enim, Mansuetudinem esse quidem inter extrema mediocritatem, sed tamen & medium ipsum, & extrema, quibus intercipitur, proprio carere nomine: quasi dicat, hanc mediocritatem appellari vulgò *πραότητα*, Mansuetudinem; cum verè proprièque medium illud *πραότης*, hoc est, mansuetudo dici non debeat. postulat enim eiusmodi medium iræ moderationem, quæ non est in eo sita, ut non irascamur, sed ut, quo loco, ac tempore, quo modo & quatenus oportet, irascamur. At *πραότης* Græcè, hoc est, mansuetus & lenis, non est propriè is, qui moderatè irascitur, sed qui animo sic sedato & composito est, ut omnino non irascatur. Itaque qui mediocriter irâ concitatur, qualem esse oportet quem dicimus mansuetum & lenem, à Græcis propriè nunquam appellabitur *πραότης*. Rationem autem & causam cur hoc *πραότης*, hoc est, mansuetudinis & lenitatis nomen, quæ vacuitatem potius iræ, siue, ut Cicero loquitur lentitudinem significare videtur, impositum mediocritati sit, eam esse docet, quòd hîc habitus medius ad alterum extremum, hoc est, ad defectum, & id quod est parum, propendere potius videatur, quàm ad exuperantiam, & id, quod nimium est. Hæc de medio. Extrema verò etiam ipsa proprio carere nomine contendit; quia *ὀργιλότης*, hoc est, iracundia, quæ ad exprimendam exuperantiam adhibetur, non id tantum significat quod in ira nimium est, sed aliquid amplius, ac latius patens, hoc est, facultatem ipsam, & vim naturâ insitam ad irascendum. Quare non nisi impropriè ad exuperantiæ significandum habitum usurpatur. Restat alterum extremum in eo positum, quod est parum. huius autem improprium nomen ipse non profert, esse tamen potest ἀσβεστία, lentitudo, ut dixi-

mus, & iræ vacuitas. Quemadmodum enim alterius extremi nomen ὀργλότης haud omnino accommodatum est ad exprimendam exuperantiam iræ, sic minùs idoneum est nomen ἀοργησία ad significandum defectum, & id quod est parum in ira: cùm priori nomini non addat aliud, quàm alpha privativum; cuius causa Latine redditur ἀοργησία, vacuitas iræ, quæ potius vacuitatem facultatis irascendi significat propriè, quàm iræ vacuitatem. summa demum hæc est: extrema proprio apud Græcos carere vocabulo, & mansuetudinem Græcum nomen verum ac proprium non habere, sed mutuari à defectu, in quem potius, quàm in exuperantiam propender. Nos autem hac inopiâ vocabuli non impedimur, adeoque Latino nomine maximè propriè videmur exprimere hominem in hac mediocritate positum, cùm eum mansuetum appellamus, quasi manu assuetum; à feris ductâ metaphora, quæ per educationem demum & tractationem feritatem deponunt. cuiusmodi est apud Virgil. Siluæ ceruus,

Ille manum patiens mensaque assuetus herili.

PARS SECUNDA CAPITIS QVINTI.

Τὸ μὲν γὰρ πάθος ἐστὶν ὀργή. τὰ δὲ ἐμπροσθεν, πολλά, & ἀσφύεοντα. ὁ μὲν οὖν ἐφ' οἷς δι, καὶ οἷς δι ὀργισμός, ἐπὶ δὲ καὶ ὡς δι, καὶ ὅτε, καὶ ὅσον χρόνον, ἐπαίρειται. πρῶτος δὲ αὐτῷ ἐστὶν, εἴτε ἢ πρῶτος ἐπαίρειται. βούλεται γὰρ ὁ πρῶτος, ἀπάρατος εἶναι, καὶ μὴ ἀγασθαι ὑπὸ τῶν παθόντων. ἀλλ' ὡς αὖ ὁ λόγος λέγει, οὕτω, καὶ ἐπὶ πύττει, καὶ ἐπὶ πύττει χρόνον χαλεπαίνει. αἰμώτορ δὲ δοκεῖ μέλλων ἐπὶ πύττει ἔλκεσιν. οὐ γὰρ ἡμερησίως ὁ πρῶτος, ἀλλὰ μέλλων συγγραμμικός.

E Tenim affectus est ira. ea verò, quæ ipsam efficiunt, multa sunt, & diuersa. Qui igitur ob ea, propter quæ oportet, & quibus oportet irascitur, & præterea ut oportet, & cùm oportet, & quanto tempore oportet, laudatur. mansuetus igitur hic esset; si quidem mansuetudo laudatur. Vult enim Mansuetus perturbatione vacare, neque duci ab affectu; sed quemadmodum ratio iubeat, ita, & ob hæc, & tanto tempore irascitur. Peccare autem videtur magis in defectu. Non enim ad vilesendum propensus est mansuetus, sed potius ad ignoscendum.

EXPLANATIO.



VOCABVLORVM ac nominum explicatâ vi, aggreditur hic ostendere, mansuetudinem in mediocritate positam esse. id verò duplici ratione demonstrat, hoc est, ex eo, quod virtus sit; & ex ipsâ mansuetudinis propriâ notione, ac significato. [Etenim affectus quidam.] Dicit ergo primùm, iram affectum quemdam esse, qui multis, diuersisque concitetur ex causis: ut intelligas facilius iram, quàm alias animi perturbationes ad exuperantiam euehi. qui enim affectus plures habet, magisque diuersas, quibus moueatur, & augeatur causas, pronior haud dubiè ad exuperantiam est, pluribusque modis regi vult, & temperari. Hinc adeo fit, ut eo magis sit necesse, habitum aliquem inuenire, qui tantam, tamque multiplicem exuperantiam in ira moderetur. Nam ex diuersitate causarum diuerso etiam modo ipsa mansuetudo ponit mediocritatem in ira; cùm ex aliqua causa magis irascendum cum ratione sit, ex altera minus. Sed quantumuis demum aliquis irascatur ex probabili causa, irasci debet ob ea, quæ iram iure postulant, & iis, quibus irasci oportet, & cùm oportet, & quanto tempore oportet. Quæ enim ira his munita circumstantiis est, ea solùm habetur probabilis: & laudatur ab omnibus is, qui ad eum modum irascitur. At quæ his ornata circumstantiis ira est, ea solùm ad mediocritatem redacta est. mediocritas verò illa est Mansuetudo, & quod inde sequitur, ipsa Mansuetudo nihil aliud, quàm iræ mediocritas est.

Manfuetus enim perturbatione vacare.] Secunda ratio quæ demonstrat, Manfuetudinem esse mediocritatem, ducitur ex etymologia, & notatione nominis. Quis enim est manfuetus, & hoc nomen cui demum imponimus? nempe illi cui tam lene ingenium & natura est, vt ab omni animi tumultu sit solutus, & liber, nec se à perturbationibus duci, trahique patiatur; sed irascatur eatenus, quatenus præceperit & præscripserit ratio. Peccare ille quidem videtur in eo, quod parum est: quia vir mitis & lenis vel ipso nomine significat, se non esse vltionis appetentem, sed clementiæ studiosum, & paratum potius ad ignoscendum. est tamen re ipsâ in medio positus, nec omnino deficiens, nec excedens.

PARS TERTIA CAPITIS QVINTI.

Η δὲ ἐμψυχία, εἴτ' ἀργησία τίς ἔστιν, εἴθ' οἱ, πὶ δὲ ποτε, ἵσταται. οἱ γὰρ μὴ ὀργιζόμενοι ἐφ' οἷς δεῖ, ἡλίθιοι δοκῶσιν εἶναι, καὶ οἱ μὴ ὥς δεῖ, μὴδ' ὅτε, μὴδὲ οἷς δεῖ. δοκεῖ γὰρ οὐκ αἰσθάνεσθαι, ὅσῳ λεπνίσταται. μὴ ὀργιζόμενος πὶ οὐκ εἶναι αἰσιν πικρὸς. ὁ δὲ περιττακίζόμενος αἰέχεσθαι, καὶ τοῖς οἰκείοις πείθεσθαι, ἀνδραποδῶδες.

D Effectus verò, siue lentitudo sit, siue quiduis aliud, vituperatur. Nam qui non irascuntur ob ea, propter quæ oporteret, fatui videntur esse. Et qui non irascuntur vt oportet, nec cùm oportet, neque quibus oportet. Videntur enim neque sensu vlllo, neque dolore affici. Et qui non irascitur, ne ad vlciscendum quidem est propensus. At rem contumeliosam perferre, & suos negligere, seruire est.

EXPLANATIO.

D ESCRITO iam medio, ad extrema proponenda, & explicanda se conuertit oratio; ac primum ad illud, quod parum est, & defectus dicitur. Ait idè, in ira affectu notari quandam siue lentitudinem, siue illius affectus vacuitatem; quæ digna odio, & vituperatione sit, quæ autem vituperatione sunt digna, ea sine dubio vitia sunt. Porro lentitudo hæc iræ propè vacuitas in homine tum apparet cùm ob ea non irascitur, ob quæ irasci deberet, vel non irascitur iis, quibus irasci deberet, vel non eo modo, vel non eo, tantòque tempore, quo & quanto deberet irasci. Esse autem huiusmodi lentitudinem vituperatione dignam, tribus rationibus ostendit. Prima. Quæ sunt stoliditatis & fatuitatis indicia vituperantur ab omnibus. sed non irasci quibus oportet, stoliditatis & fatuitatis est signum, vt Zeno Eleates ostendit, cùm reprehensus, quòd maledictis conscissus talis tantusque philosophus exandesceret, respondisse sic fertur: Si conuicia æquo admiserim animo, ne ipsas quidem sentiam laudes; significans, haud dubiè stupidi hominis, immò lapidis esse, non irasci cùm irascendi suppetunt locupletissimæ causæ. Secunda. Ea non vindicare quæ secundum rationem vindicanda sunt, & turpe, & dignum vituperatione censetur. Sed interdum non irasci, est non vlcisci ea quæ secundum rationem vlciscenda essent. ergo lentitudo ac defectus iræ est interdum vituperandus & turpis. Tertia. Perferre iniurias, & eas à se non depellere cùm depellendæ secundum rationem sunt, animi est humilis ac seruilis. sed ex lentitudine iræque vacuitate sit interdum, vt iniuriæ secundum rationem depellendæ non arceantur. Igitur ex lentitudine plus nimio redditur animus seruilis & humilis. animus autem plus nimio seruilis, abiectusque in vicio est, & vituperatur ab omnibus.

PARS QVARTA CAPITIS QVINTI.

Η δὲ ὑπερβολὴ καὶ πάντα μὲν γὰρ οἷς οὐ δεῖ, καὶ ἐφ' οἷς οὐ δεῖ, καὶ μᾶλλον ἢ δεῖ, καὶ παρ' ὅν, καὶ πλείω χρόνον. οὐ

E Xuperatia verò omnibus modis accidit. hoc est, in eos, in quos non oportet, & propter quas causas nō oportet, & magis quā oportet, & citius ac diutius. Non

μὲν ἀπὸ τῆς γὰρ τῶν αὐτῶν ὑπαρχῆς.
οὐ γὰρ ὁ μὲν διώκειτο (εἶ). ὁ γὰρ κακὸν καὶ
αὐτὸ δὲ πόλλισι, καὶ ὁ λόγος ἡ, ἀφ' ὅ-
ρηται γὰρ. οἱ μὲν οὖν ὀργίλοι ὁργίως
μὲν ὀργίζονται, καὶ οἷς οὐ δεῖ, καὶ
ἐφ' οἷς οὐ δεῖ, καὶ μᾶλλον ἢ δεῖ. παύον-
ται δὲ ὁργίως, ὅ καὶ βέλτερον ἔχουσι.
συμβαίνει δὲ αὐτοῖς τῷτο, ὅτι οὐ κατέ-
χουσι τὴν ὀργὴν, ἀλλὰ αὐτοποδιδά-
σιν (ἢ φανεροί εἰσι) ὅτι τὴν ὀξύ-
τητα, εἴτα ἀποπαύονται. ὑπερβολὴ δὲ
εἰσὶν οἱ ἀχρόνιοι ὀργῆς, καὶ παρὰ τὴν
ὀργὴν, ὅτι πᾶσι· ὅτι καὶ τοῦτο-
μα. οἱ δὲ πικροὶ, δυσδίαλυτοι, καὶ
πολὺν χρόνον ὀργίζονται. κατέρχονται γὰρ
τὴν θυμῷ. παύει δὲ γὰρ, ὅταν αὐ-
τοποδιδῶ. ἢ γὰρ τιμωρία παύει τῆς
ὀργῆς, ἡ δὲ αὐτὴ τῆς λύπης ἐμποιοῦ-
σα. τοῦτο δὲ μὴ γινώσκουσι, ὁ βαρὺς
ἔχουσι. ὅτι γὰρ ὁ μὲν ὅτι φανερὸς (εἶ),
ὅτι συμπίπτει αὐτοῖς ὁδῶς. ἐν αὐτῇ
δὲ πᾶσι τὴν ὀργὴν, χρόνου δεῖ. εἰσὶ
δὲ οἱ τοῦτο ἑαυτοῖς ὁχληρότατοι, καὶ
τοῖς μέγιστα φίλοις. χαλεποὶ δὲ λέ-
γεται, τοῖς ἐφ' οἷς τὴν μὴ δεῖ χαλε-
παίνοντες, καὶ μᾶλλον ἢ δεῖ, καὶ πλείω
χρόνον. καὶ μὴ ἀφ' ἁλλήλων αὐτῶν
ὑμφορίας, ἢ κολασίας.

tamen omnia eidem insunt. Non enim is
posse esse. malum quippe, & ipsum se in-
terimit, etsi integrum sit, intolerabile sit.
Iracundi igitur cuius quidem irascuntur, &
quibus non oportet, & propter quas causas
non oportet, & plus quam oportet. Sed de-
sistunt citò, quod sane optimum habent. hoc
autem ideo fit, quod non retinent iram, sed
statim acceptam referunt iniuriam. Itaque
manifesti sunt ob celeritatem; deinde de-
sistunt. Suprà modum autem biliosi, celeres
sunt, & ad omnia iracundi, & in omni-
bus: unde etiam nomen ipsum acceperunt.
Amari autem cum difficultate placantur,
longoque tempore in ira perseverant. Re-
tinent enim iram; cessatio autem fit cum
acceptam resulerint iniuriam. Nam vl-
tio sedat iram, voluptatem loco doloris ef-
ficiens. Quod si non fiat, onus habent.
Nam quia id manifestum non est, ne sua-
det quidem illis quisquam. Ad concoquen-
dam autem in se ipsis iram tempore indi-
gent. sùntque huiusmodi homines sibi
ipsis permolesti, & maximè amicis. Dif-
ficiles verò dicimus eos, qui ob quas cau-
sas non debent, irascuntur, & gravius,
quàm debent ac diutius, & non recon-
ciliantur sine ultione vel pena.

EXPLANATIO.



EST AT alterum extremum, quod in ira nimium & exuperantia est:
de qua hinc pluribus & explicatius agit, quia malum hoc communius,
frequentiusque videtur, & perniciosius esse. Duo verò sunt, in quibus
hæc omnis hæret disputatio ad eiusmodi exuperantiam describendam
& demonstrandam. Docet primùm, exuperantiam iræ multiplicem
esse, & in iis omnibus cerni posse, quæ actiones hominis circumstant, & comitan-
tur. deinde tres exuperantis iræ species formasque distinguit varias, quæ rei, de qua
differitur, clariorem lucem possint afferre.

Exuperantia verò omnibus accidit modis.] Ex omnibus omnino circumstantiis ait
existere posse nimium, & exuperantiam in ira. Fit enim sæpe, ut aliquis irascatur iis,
quibus irasci non deberet, & quibus non deberet ex causis, & quatenus non deberet,
aut celerius, aut diutius quàm deberet. Non tamen hæc omnia in vnũ simul eundẽm-
que hominem cadere possunt, inquit, quia malum tam cumulatũ & multiplex, si in
vnum simul eundẽmque conueniret & incurreret hominem, se ipsum interimeret ac
pestiundaret. interimeret autem se ipsum ideo; quia illum ipsum hominem in quo
esset, exturbaret ac perderet; cum tanta mali vis in vnum coacta tolerabilis esse non
possit. Aliqua igitur solũ pestis huiusce pars in hominem cadit; tota verò simul &
integra cadere non potest, quin homo ipse vel è mortalium expungatur nume-
ro, vel ex conuictu vitæque ciuili deiciatur. Faceret enim vtrumque ille impetus

morbi in animum impotenter incurrentis, & aliis molestiam incredibilem exhibentis. Id nimirum est, quod vniuersè dicitur: malum integrum esse non posse, quin se ipsum perimat & euertat: euertit enim & perdit eum in quo est. quod potissimum in eo malo cernitur, quod est priuatio boni. Nam si homo priuationem haberet integram perfectionis suæ, esset orbatus visu, auditu, animâ, corpore, adeoque non esset homo. si tamen oculis tantum orbatus esset, & homo esset, & in ceteris partibus retineret, conseruaretque perfectionem suam.

Iracundi igitur citò, &c.] Nunc exuperantis atque in nimio peccantis iræ tres partitur, & distinguit species, vt tanta lues penitus, & clariùs agnoscat. Primam eorum dicit esse, quos primum ὀργίλοι, hoc est, iracundos vniuersè, deinde magis propriè, ἀκροχέλοι nominauit, quos Latine nos diximus, supra modum ac summè biliosos: quia ἀκρόχολοι sunt illi, in quibus ἀκρα χολή, hoc est, extrema, siue summa bilis est. Quamquam enim apud Suidam ἀκρόχολος dicitur esse ὁ πρὸς ὀλίγον ὀργιζόμενος, hoc est, qui ad breue tempus irascitur, propria tamen eius verbi notio est, quam ex compositi nominis resolutione iam diximus. Quin ἀκροχολία est promptitudo quædam & procliuitas ad irascendum apud Plurac. & ἀκροχολίω est repentè subitòque irascor, & ad iram excitor apud Platonem in quinto de Leg. Primum igitur genus exuperantiæ ponit in iis, qui dicuntur ἀκρόχολοι, qui summâ præditi bile sunt, qui subitò, qui facillimè, & leuissimis irascuntur ex causis, quique in ira videntur excellere; quemadmodum ipsum, inquit, declarat nomen. Quamquam enim hi dicuntur etiam ὀργίλοι, hoc est, comuni vocabulo iracundi, propriè tamen ἀκρόχολοι sunt, hoc est, summè, facilè, citò, ac celeriter excandescences, dicique Latine vnica voce possunt irritabiles. Horum proprium esse ait, iram quidem facilè citòque concipere, sed eandem facilè, citòque deponere, quod in eis optimum esse ait. cuius rei hanc affert rationem & causam; quòd iram non continent intra se, nec celant, nec prohibent, quo minùs confestim erumpat foras, & dolorem vlciscatur suum. Itaque velut apes aculeo iam amisso, quiescunt illico, & tanquam calor, carceris impatiens & repaguli, emissio statim vapore subsidunt. Ad hanc nimirum habitudinem animi præparantur à cholera, quâ plus nimio huiusmodi homines abundant, & breuem illum furorem præ se ferunt, de quo canit Horat.

Ira furor brevis est.

Hac exuperantiâ, quam ipsi quoque Græcorum sapientes dixerunt μανίας ὀλιγοχρόνιος, hoc est, furorem ad tempus, laborare optimum quodque videtur ingenium, vt de se ipso idem ait Horat.

Ira fæci facili, tamen vt placabilis essem,

& M. Tull. ep. 16. lib. 1. ad Att. de omnibus loquitur vniuersim his verbis: Nam si ita statueris, & irritabiles animos esse sæpe optimorum hominum, & eosdem placabiles, & esse hanc agilitatem, vt ita dicam, mollitiemque naturæ plerumque bonitatem, &c. Sapienter adeo Pub. Mimus. Bonos apud viros citò moritur iracundia. Quo æquius Horatius sibi curandum putauit, vt bonis alioquin hominibus hoc vitio laborantibus medicinam faceret, & remedium sic adhiberet.

Ira furor brevis est. animum rege: qui nisi paret,

Imperas. hunc frænis, hunc tu compeſce satenis.

Fingit equum tenerâ docilem cervice magister

Ire viam. verum qui non moderabitur ira,

Infectum volet esse dolor quod suaserit & mens,

Dum pænas odio per vim festinat inuito.

Secundum exuperantiæ genus ponit in iis, qui πικροὶ Græcè, Latine verò acerbi, amarive dicuntur, suntque naturâ ingenioque superioribus omnino contrarij. Nam hi occulunt intra se atque abditam penitus silentio premunt iram. id quod fecit Tibertius aduersus Scaurum, cui alioqui quod liberiùs in Senatu locutus fuerat, erat vehementer iratus. Cùm enim in ceteros, quibus non ita erat insensus, apertè, palàmque fuisset inuectus, Scaurum, inquit Tacitus, cui implacabiliùs irascebatur, silentio transmisit. Præterea difficillimè hi desistunt ab ira, nec irasci desinunt ante vindictam, nec nisi relatâ in authores iniuriâ, repositòque dolore conquiescunt. Tunc autem quiescunt & cessant; quia dolorem, qui fouebat iram, vltio tollit, pro dolore afferens voluptatem. hoc autem nisi assequerentur, graui

deprimerentur onere, quod ipsos perferre tamen oporteret; quia cum eorum dolor ignotus aliis sit, illo amicorum præsidio carent, quod præsentissimum est, ad virus eiciendum, medicamentum. Quapropter sicut viciati humores, nisi vel naturæ vi, vel artis beneficio foras mittantur, hominem aliquando conficiunt; ita conceptum semel animo venenum nisi demum euomant, coquere non possunt, nec nisi post diuturnum temporis spatium conualescunt. Quo fit, ut & sibi ipsis grauissimi sint, & familiaribus suis atque amicis incommodent. Neque enim aliis iucundi esse possunt, qui tam malè ab suo animo dissident, & secum ipsi tantopere digladiantur. Rectè igitur *πικροί*, hoc est, amari, acerbique nominantur.

Tertium exuperantiæ genus adscribit iis, qui Græcè *χαλῖποι*, hoc est, asperi, sæui, siue infesti, siue atroces, ac difficiles appellantur, dicunturque in Eudemiis *ἀγριοί*. Sunt hi omnium omnino pessimi, & ex duobus superioribus concreti atque compositi. Nam, & sicut primi palàm ac manifestè, facillimè, ac nullis propè de causis irascuntur, & ut secundi diu tenent & comprimunt iram, nec alia ratione quàm vindictâ placantur, & sunt in conuictu communique societate molestissimi. Itaque eo tantum nomine, ut Græcus admonet Scholiastes, discrepant à secundis, quòd apertè iram promunt & profitentur: ita cum ultionis cupiditate sunt impotentes. Inter hos autem tres iracundorum hominum ordines, hæc mihi videtur in summa diuersitas esse. *ὀργῖλοι*, siue *ἀπρόχαλοι*, illi videlicet primi irritabiles, summè biliosi, siue acutæ homines iræ, qui propterea etiam dicuntur *ἐξύχαλοι*, illi, inquam, celeriter irascuntur, & iram in apertum exponunt, sed citò placantur, & irasci desinunt. *πικροί*, secundi illi, acervi, atque amari, non adeo sunt ad irascendum faciles, sed addunt iræ diuturnitatem, & implacabilem animum. *χαλῖποι* denique, hoc est, asperi illi, ac sæui tertio loco commemorati, apertiores sunt, quàm acervi, & difficiliiores ad deponendam iram, & ultionis appetentiores, non tamen sunt, ut illi primi, ad irascendum celeres ac proclives. Singuli tamen in his ordinibus positi peccant in nimio, & plus quàm debent, & iis, quibus non debent, & ex causis quibus non debent, irascuntur. Itaque iracundiæ virus totum simul in eodem prorsus homine reperiri non potest, diuisum ac distributum in has tres partes reperiri facilè in variis hominibus potest.

PARS QVINTA CAPITIS QVINTI.

ΤΗ ἀρετῇ δὲ μέλλοι τι τὸ ἄλλω ἀπὸ τῆς ἀρετῆς. καὶ γὰρ μέλλοι γὰρ. ἀνδραπικώτερον γὰρ τὸ μᾶλλον ὑμμερῶσαι. καὶ πρὸς τὸ συμβῆναι οἱ χαλῖποι, χείρονα.

Mansuetudini autem magis exuperantiam opponimus. etenim frequentius accidit: quandoquidem hominibus vsitatus est, potius punire: & ad vitam simul degendam asperi, sunt deteriores.

EXPLANATIO.

ILVD Aristoteli solemne atque vsitatum in his libris Moralium est, ut cuiusque virtutis naturâ iam explicatâ, & definitione propositâ, quæ mediocritate continetur inter extrema, per comparisonem quære re aggrediatur, quòdnam ex extremis deterius vitium sit, quòdque ab illa virtutis mediocritate magis abhorre re, & cum eadem fortius pugnare videatur. Id videlicet est, quod exequi & præstare contendit his verbis, quorum summa hæc est; Iracundiam, siue ipsam exuperantiam iræ, Mansuetudini multò magis esse contrariam, quàm id quod in eadem ira parum est, & defectus appellatur. Hoc autem vsitatis etiam rationibus, atque argumentis ostendit, sed iis, quæ summum habent ad rem comprobendam firmamentum & vim. Primum. Quia illud vitium, ad quod magis ipsâ naturâ propendemus, virtuti magis aduersatur, atque ab eiusdem virtutis finibus longius abest. Sed propensiores naturâ sumus ad exuperantiam iræ, quàm ad defectum. est enim, inquit, ἀνδραπικώτερον, hoc est, homini magis proprium vlci scilicet. quasi dicat: Sumus ipsamet naturâ, quæ humana est, ad puniendum, & vlci scendum, quàm ad ignoscendum & condonandum proniores. ergo id quod est in ira nimium, est virtuti magis contrarium, quàm

quod est parum. Secundum. id in quo sæpius frequentiùsque peccamus, magis est virtuti contrarium, quàm id, in quo rariùs peccamus acminus. Sed sæpius atque frequentius in ira peccamus exuperantia & in nimio, quàm in defectu. ergo exuperantia, & nimium iræ, multo magis cum virtute pugnat, quàm quod est parum. Tertium. Illud vitium deterius est, & virtuti magis opponitur, quod in conuictu, communique societate intolerabilius est. sed in conuictu vitæque communi iræ nimium & exuperantia intolerabilior, & perperu difficilior est, quàm defectus, & parum. Igitur exuperantia & nimium iræ deterius est vitium, & Mansuetudini magis aduersatur, quàm id, quod est parum, nec iræ mediocritatem attingit.

PARS SEXTA CAPITIS QVINTI.

Ο Δὲ καὶ ἐν τοῖς ἀνωτέροις εἴρηται, καὶ ἐκ τῶν λεγομένων δυνάτων. οὐ γὰρ ῥαδίον διαλέσθαι τὸ πῶς, καὶ τίς, καὶ ὅτι ποῖς, καὶ πόσον χρόνον ὀργιστοί, καὶ μέχρι τίνος ὀργῆς ποῖς τις ἢ ἀμφοτέρω. ὁ μὲν γὰρ μικρὸν πῦρεκαίνων, οὐ ψέγεται, οὐτ' ὅτι τὸ μέλλον, οὐτ' ὅτι τὸ ἡπτόν. εἰσὶν γὰρ τοῖς ἐλλείποντες ἐπαμφοτέρω, καὶ τῶν περισσεύοντων. καὶ τοῖς χαλεπαίνοντες αἰσχροδύς, ὡς διωαμφοτέρω ἀρχή. ὁ δὲ πόσον καὶ πῶς πῦρεκαίνων, ψεκτός, οὐ ῥαδίον τὰ λόγῳ ἀποδιδῶναι. ἐν γὰρ τοῖς κατ' ἕκαστα καὶ τῇ αἰσθησὶ καὶ κρίσει. ἀλλὰ τὸ γε πρῶτον δύνανται, ὅτι ἡ μὲν μέση ἔστι, ἐπαμεινῆ, καὶ ὡς αἰσθῶν ὀργισμοῦ, καὶ ἐφ' οἷς αἰσθῶν, καὶ ὡς αἰσθῶν, καὶ πάντα τὰ τοιαῦτα. αἱ δὲ ὑπερβολαὶ καὶ ἐλλείψεις, ψεκταί. καὶ ὅτι μικρὸν μὲν γινόμεναι, ἥρεμα. ὅτι πλέον δὲ, μέλλον. ὅτι πολὺ δὲ, σφόδρα. δύνανται οὖν ὅτι τῆς μέσης ἕξεως αἰσθητέον. αἱ μὲν οὖν τὰ ἐν τῷ ὀργῶν ἕξεως, εἰρηδοσάμ.

Habitus igitur, qui in ira versantur, explicati iam sint.

Sed, quod etiam in superioribus dictum est, ex his quæ dicuntur manifestum est. non enim facile est constituere, quonammodo, & quibus hominibus, & qualibus ex causis, & quanto tempore irascendum sit; & quousque rectè faciat aliquis vel peccet. Qui enim paulum transgreditur, non reprehenditur, siue ad id quod est nimium, siue ad id quod est parum. nam interdum deficientes laudamus, & mansuetos appellamus, & iracundos viriles dicimus, tanquam idoneos ad imperandum. Quantum verò & quomodo is, qui transgreditur vituperabilis sit, non est facile verbis tradere. in singularibus enim rebus atque in sensu iudicium est. sed hoc perspicuum est; medium habitum laudabilem esse, ex quo quibus oportet irascimur, & ob quæ oportet, & quomodo oportet. & omnia huiusmodi. exuperantie autem, & defectus vituperabiles sunt. & si parum quidem fiant, leniter: sin autem plus, grauius, si multum, maximè. Constat igitur medium habitum complectendum esse.

EXPLANATIO.



ANTE QVAM disputationem hanc claudat, excusat Aristoteles operam suam, causamque reddit, cur huius affectionis proprietates & habitum medium curiosius enodatiùsque non explicarit, sed dicere satis habuerit, mansuetudinem ac lenitatem mediocritatem quamdam extremis interpositam esse, quæ iubeat quomodo, quibus ex causis, quamdiu, & quibus hominibus irascendum sit. Excusat, inquam, ieiunitatem hanc suam eo nomine, quòd difficile sit, hæc omnia subtiliùs persequi: hoc est definire ac statuere, quas ob res, & quatenus, & quamdiu, & quibus demum irasci debeamus. Difficultatis verò rationem hanc affert, quod qui paulum recedit à medio, siue in nimium transiliat, siue deflectat in id, quod est parum, haud dignus vituperatione censeatur. Quin interdum laudamus eos, qui citra lineam mediocritatis subsistunt, & in eo peccant, quod parum est. dicimus quippe illos mansuetos

ac lenes. & iterum grauititer iracundos & bile irritabiles acutâ, virili animo praeditos appellamus, tanquam ad imperandum, atque ad dominatum in alios exercendum idoneos. quod est etiam apud M. Tull. in 4. Tuscul. Virum denique videri negant, inquit, qui irasci nesciat, & imperia seueriora nulla esse putant sine aliqua accubitate iracundiæ. Quamquam enim homines supra modum iracundos censuit alicubi Plato minus esse ad rempublicam capeßendam accommodatos, & Antiochus Sophista, quod eo vitiose laborare cognosceret, vltro ab administratione rei communis abstinuit, alibi tamen idem Plato docet, Imperatoribus & magistratibus ad sumendas à fontibus poenas iram & stomachum vtilem esse. Cur autem hæc res ira circumsepta difficultatibus sit, eam esse causam adiungit, quod eiusmodi iudicium in rebus singularibus atque in sensu positum sit. Itaque res non tam præceptis, regulisque communibus, quàm vsu quotidiano ac sensu diiudicanda est. Illud denique ait solum esse clarissimum; habitum inter extrema vitia medium, esse laudabilem, extrema ipsa vituperabilia, & reprehensione dignissima.

EPILOGVS.

1. Mansuetudo mediocritas est inter iram nimiam ac parum.
2. Hominis mansueti proprium est, affectu non duci, irasci quemadmodum oportet, ad defectum potius, quàm ad exuperantiam vergere; ad ignoscendum potius, quàm ad vltiscendum propendere.
3. Defectus, est ira vacuas, quæ ab animi stupiditate nascitur. exuperantia ex omnibus existit circumstantiis; quæ tamen omnes in unum simul eundemque conuenire nequeunt hominem.
4. Eorum, qui per exuperantiam ira delinquant, alij sunt cito, facileque irritabiles; alij amari, acerbire, qui oculunt diuque continent iram, nec facile placabiles sunt; alij difficiles, & sibi ipsis, amicisque suis granissimi; qui vocantur infesti.
5. Exuperantia cum ipsa Mansuetudine multo pugnat magis, quàm defectus, & id quod est parum.
6. Non est facile definire quomodo, & quatenus & quibus irascendum sit: cum à rebus singularibus & ab vsu, sensuque hoc pendere iudicium videatur.

IN CAPVT QVINTVM
QVÆSTIO PRIMA.

An Mansuetudo virtus aliqua sit peculiaris & propria.

NON potest hac de questione cumulatè disputari, atque discerni, nisi antè ad viam expediendam & præparandam hæc perquirantur: An ira perturbatio quædam sit peculiaris. An irasci, bonum interdum & laudabile sit. An à clementia mansuetudo & lenitas distinguatur. Cum enim ira Mansuetudini proposita materia sit, distinctam à ceteris virtutem sibi vindicabit, si ipsa à ceteris affectionibus animi differens & distincta sit. Præterea: si aliqua laudabilis est ira, virtutis alicuius beneficium & vi laudabilis est. Denique si à clementia secernitur Mansuetudo, ab omnibus haud dubiè secernitur, cum nulli similior, quàm ipsi clementia sit. Sit igitur hæc

Prima Positio. Ira est peculiaris quædam animi commotio à ceteris differens ac distincta; vt ex eius intelligi definitione potest, quæ, vt ab Aristot. in lib. 2. Rhet. accepimus, huiusmodi fermè est: Ira est anxiosa quædam & cum dolore coniuncta sperata vltionis appetitio aduersus eum, à quo quispiam aut se, aut suorum aliquem contemptum & neglectum immeritè putat. Cui similis est, sed aliquanto præcisior altera M. Tullij Ciceronis in hunc modum exposita. Ira est libido puniendi eius qui læsile videatur iniuria. Ex iræ definitione statim apparet, hanc animi commotionem habere comites alias duas, hoc est, tristitiam, & voluptatem. Contemptus enim & neglectus, ex quo nascitur ira, obtinet speciem mali, adeoque inferit animo tristitiam

& angorem: spes autem ultionis animo, & cogitatione concepta delectationem parit ac voluptatem. quod demonstrat Aristoteles hac ratione. Ea, quæ cum adsunt, exhilarant animum, eundem sperata & cogitatione repræsentata delectant. Sed ira sine spe ultionis villa non est: idcirco enim definitur ac dicitur appetitio siue libido sperata punctionis. Quare in primo Rhetor. idem docet Aristoteles, neminem propriè ira irasci, qui dignitate ac potentiâ longè sunt superiores, & de quibus expectari sperarique ultio non possit. Si enim viri nimis fortis & pauper à Rege per iniuriam contemni se videat, tristatur ille quidem & doler, odiùque Principem habet, à quo negligitur, propriè tamen haud irascitur; quia vindictam ultionemque non sperat. Ceterum quamquam tristitia & voluptas cum ira coniunctæ sic sunt, ira tamen ipsa, neque dolor aut tristitia, neque voluptas aut delectatio illa formaliter est. non tristitia, quia hæc separari potest ab ira; ut cum aliquis à Rege contemptus, tristatur quidem, sed non irascitur. Non delectatio: quia delectatio illa ex spe ultionis accepta, ubi re ipsa sumitur ultio, augetur & crescit, contra verò ira ipsa immittitur, & decrescit. Ultio enim, ut ait Aristoteles, placat, & quietum irascentis animum hominis reddit. Igitur ira, neque tristitia, neque delectatio illa est, neque alia vlla ex perturbationibus animi, quibus cum nullam habet coniunctionem, sed est affectio & commotio quædam peculiatis ac propriæ.

Secunda Positio. Irasci non semper est malum, sed interdum bonum est, atque probabile. Quicquid enim ira natum actum naturâ est, ut virtutis actionem, opusque adiuuare possit, ac promouere, potest sine dubio mereri commendationem, ac laudem. sed ira sic est, ut fortitudinis opus actionemque propellere ac promouere facile possit; quod Aristoteles ex Homeri auctoritate demonstrat, ita canentis. Virtutem immitte furori: neque enim illi aliud est furor, quam ira, hoc est, brevis insania, quam virtute fortitudinis immissa iniectioneque vult informari, ac perfici. Quin Aristoteles ipse ait, fortes & bellicosos viros agere quidem fortiter ex vi fortitudinis honestatem, sed irâ tamen ac furore ad fortiter agendum vrgeri, ac iuari plurimum. Nam ubi inter pugnandum grauissimè vulnerantur, tam magnos interdum doloris, timorisque sentiunt impetus, ut succumbere necesse sit, nisi sanguine per iram accenso doloris omnem sensum timorisque depellant. Præterea: malum est, & vituperabile numquam irasci, ergo bonum erit & laudabile interdum irasci. Id etiam Aristoteles docet in hoc capite 3. lib. 4. Ait enim stupidi hominis ac fatui esse, non irasci cum oportet: & iræ vacuitatem Mansuetudini contrarium vitium esse, seruilemque illum præ se ferre habitum animi, qui supinus ac negligens iniurias perferat, nec ea vindicet quæ vindicari vult, & imperat ratio. Quippe malum est, occasionem ansamque peccandi præbere malitiosis & improbis: cum illa Senecæ sententia veris-

simâ sit: Qui peccantem non corrigit, peccare imperat. Sed eiusmodi præbent occasionem sceleris qui scelus non vindicant, cum secundum rationem est vindicandum. Denique haud frustra cunctis animantibus insita naturâ est ira, quod autem frustra non inditur, id ad aliquem referri probabilem finem oportet. Ira igitur ad opus laudabile, quod est virtutis, referri potest. Multa quidem Seneca in toto libello de ira contrâ disputat, contendens ostendere, numquam iram probabilem esse, vituperabilem semper: sed eius argumenta pugnant solùm, & vim habent aduersus eam iram, quæ rectâ ratione non incitetur, & temperetur. Aristoteles autem eam tantummodo probat iram, quæ rationis imperio pareat, quæ vindicet, quæ depellat iniuriam, quæ pœnas repetat, ubi velit hoc ratio. Accersenda tunc enim est ira & inferenda virtuti; & virtus ipsa in bello atque in honesto periculo est immittenda furori. quod in eodem librò ipsemet ad extremum fatetur Seneca. Numquam, inquit, admittenda est ira, sed aliquando simulanda. signo enim audientium animi concitandi sunt, sicut tardè confluentes ad cursum equos stimulis, facibusque subdatis incitamus. aliquando incutionis est his motus, apud quos ratio non proficit.

Tertia Positio. Quamquam interdum ipsi Mansuetudini clementiæ nomen imponitur, verè tamen differt & distinguitur à clementia mansuetudo, nec hæc duæ virtutes omnino sunt idem. Mansuetudo enim est moderatrix interioris iræ, abdita quæ in animo perturbationis; clementia verò externam actionem ultionemque moderatur, & irrogationem pœnæ, ab intimâ & iam animo conceptâ proficiscentem irâ. Præterea mansuetudo eas regit & temperat iras, quæ maximè inter priuatos & æquales, simulque convenientes intercedunt, clementia iis frænum immittit, quibus superiores aduersus inferiores accenduntur & æstuant. Docetur hoc à Seneca in libro primo & secundo De clementia, probaturque à D. Thom. in 2. 2. quæst. 157. artic. 1. sed Buridano, Martinòque de Magistris apud Caietanum haud sanè probatur. Contendunt enim nullam esse moralem virtutem, quæ non versetur in intimis animi perturbationibus frangendis, & in regendis simul externis actionibus, quæ ab ipsis perturbationibus exeunt: nec alteram esse debere virtutem, quæ intimum aliquem affectum moderetur, alteram quæ legem ponat actionibus externis, quæ ab illo producuntur & imperantur affectu. Sed respondet Caietanus sapienter ac rectè clementiæ, ac mansuetudini propositas esse materias diuersas ac proprias, sicut iustitiæ & liberalitati. clementia quippe moderatur infligendam pœnam, intra limites tamen & fines à lege præscriptos, crudelitatisque depellens extremum, tantum de severitate remittit, quantum iustitia patitur. est igitur propria clementiæ materia, supplicium & pœna infligenda, quatenus imminui atque ad mediocritatem redigi potest. Mansuetudo

suetudo autem non in hac moderandâ pœnâ versatur, sed in irâ, cuius impetus cohibet, & lenitudinem quantum est opus, extimulat. Itaque non est eadem utriusque sic proposita materia, ut altera intimum moderetur affectum imperantem, altera regat & dirigat actiones imperatas. nam unaquæque per se, & intimum componit affectum, & moderatur externum. mansuetudo nimirum & iram intimam & verba, ceterasque in officio continet actiones, quæ nascuntur ab irâ, clementia ex ira item intima quæ cietur ad repetendam de scelere pœnam, adimit quantum est satis, & ipsamet irrogandæ pœnæ, severitatiq; modum illum imponit, quem idoneum putat. Dicitur tamen illa iræ perturbationem intimam, hæc actiones externas regere ac moderari, quia illud Mansuetudini propositum imprimis, atque præcipue videtur, hoc maxime potissimumque Clementia sequitur. Huc accedit, quod eiusdem interdum effectus utraque virtus causa conficiens est, quemadmodum eandem pecuniâ interdum & iustitia tribuit, & liberalitas. Fieri enim potest, ut eandem pœnam remittat clementia, promeritum supplicium quantum potest imminuens, eandemque mitiget mansuetudo, iram animi severitatemque intra fines & mensuram attemperans. Sed eiusmodi concursus accidens est, nec facere potest, ut una, eademque virtus Mansuetudo & clementia sit.

His ita positis, atque ad difficultates amolendas explicatis, summa quæstionis Conclusio sit, Mansuetudinem virtutem esse moralem, peculiarem, & propriam, in irâ temperandâ & moderandâ versantem. Cum enim ira peculiaris animi commotio sit, quæ virtuti præsto esse, atque adiumentum virisque præbere possit, proprium aliquem ad sui moderationem & regimen postulat habitum. Hic autem vel mansuetudo vel clementia est: neque enim aliæ virtutes ullâ ratione iram attingunt. At clementia non est, quæ promeritæ pœnæ moderationem atque imminutionem intuetur; & virorum Principum, certe superiorum propria est. Ergo ipsa est mansuetudo, quæ iram cuiusque moderatur, privatorum propria, functionem, atque officium retinens inter æquales. Exuperantiâ enim castigatâ, & lenitudine, seu vacuitate depulsâ, quamdam collocat in animo mediocritatem, quæ neque sensum respuit, neque irascitur, & succenset immodicè. Nam qui plus nimio irascitur, is quibus non debet, & propter eas ob quas non debet causas & supra modum irascitur. lentus omnia supino fert animo, ac ne is quidem iniuriis commouetur, quas à se prohibere, ac propulsare necesse interdum est. Mansuetus ac lenis medium occupat locum, irâ quæ irascitur, ut à vehementi perturbatione sit liber. Mediocritatem hanc expressit M. Tullius his verbis in Officiorum libro primo, cum de fortitudine disputaret: Nec verò audiendi sunt, inquit, qui graviter irascendum inimicis putant: idque magnanimi & fortis viri esse censent. nihil enim laudabilius, nihil magno & præclaro viro dignius

placabilitate.

Multa sunt quæ ad eximendam virtutum numero mansuetudinem contra possunt opponi. sed nullo negotio confutantur ex iis, quæ proposita & disputata iam sunt.

Dicunt aliqui primum: à clementiâ Mansuetudinem verè non esse distinctam: quia utriusque idem contrarium extremum est. crudelitas quippe tam mansuetudini, quàm clementiæ videtur adversari. Sed iam diximus, crudelitatem esse clementiæ proprium extremum, in exuperantiâ vindictæ positum & pœnæ: mansuetudinis autem esse iracundiam in tres illas iracundorum hominum classes, ordinisque distributam, quorum primi dicuntur acuti, secundi amari, difficiles tertii: nec uniri materiam huius utriusque virtutis, nisi per accidens, cum utriusque concursus est ad eundem proferendum effectum, illi similem, quem interdum iustitia simul producit & liberalitas: quæ tamen etiam tum formaliter inter se distinguuntur & differunt.

Dicunt secundò: iram esse totam funditus extirpandam, non minuendam solum, & redigendam ad mediocritatem; cum tota, quanta quanta est, perniciosa sit. Ergo frustra in censu virtutum numeratur Mansuetudo; quæ si virtus est, debet in ira inveniri mediocritatem, quæ tamen vitium est. Esse autem irâ quantumvis exiguam & mediocrem vitiosam ac malam, hæc Senecæ contendunt rationes in primo libro de Irâ. Prima. Nihil eorum, quæ præter naturam sunt, existimari debet & dici bonum. Sed quælibet ira etiam mediocris & parva præter naturam est, & contraria naturæ. Nulla enim est ira tam remissa, ut aliquam irrogare pœnam nolit, & irrogatâ non gaudeat, cum ex accepta exciteui iniuria, quam ipsa reponere ac referre contendit cum spe, ex qua læticia quædam oritur, & delectatio, ut ex iræ definitione cognoscitur. pœnam autem infligere, vel inflictâ gaudere inhumanum est, ac naturæ contrarium. Ira, inquit, avida pœnæ est, cuius cupidinem inesse peccatissimo hominis pectori minimè secundum eius naturam est. beneficiis humana vitâ constat & concordia, nec terrore, sed amore mutuo in secdus auxiliûmque commune constringitur. Secunda: vir bonus non lædit, pœna verò lædit. pœna igitur homini bono non convenit, ac propterea ne ipsa quidem ira, quæ nulla esse potest, quin pœnam appetat, & gaudeat pœnâ. Tertia. si bona est ira, tunc bona est, cum non tota tollitur, sed temperatur, eoque detractò, quod exundat, ad salutarem cogitur modum, ne langueat actio, ac vis vigôrque animi resoluatur. Sed facilius est excludere perniciosa, quàm regere, non admittere, quàm admissa moderari. Cum enim in possessione se poluerunt, ipso potentiora rectore sunt. nec recidi se, minime patiuntur. Præterea: ratio ipsa cui nostrarum actionum fræni traduntur & imperium, tamdiu potens est, quamdiu segregata ab affectibus est. Vbi se illis immiscuit, inquinavitque, non potest continere quos initio summovere potuisset. Quarundam enim rerum

initia in nostra potestate sunt, vltiora, sua nos rapiunt vi, nec regressum relinquunt. Ergo non potest ira temperari, quin hostis potentissimus admittatur in animum, & tyrannus, qui rationem in regni possessionisq; discrimen adducat: adeoque ne temperata quidem ira bona & probabilis esse potest. Quarta: Si alicui demum rei prodesset, & utilis foret ira, castigationi aut vindictæ utilis esset; sed ipsa vindicta, si à castigatione separatur, bona laudabilisque non est: castigatio verò iram non habet, & ea, quæ iram comitatur, delectatione ac lætitiâ vacat. Eò enim differt à castigatione vindicta, quòd castigatio, quemadmodum ait Seneca, non nocet, sed medetur, atque ut dicitur ab Aristotele in primo Rhetoricorum, in patientis adhibeatur gratiam, hoc est, ut melior efficiatur: vindicta verò sumatur ideo, ut hominis pœnam inferentis appetitio satietur. Igitur ira cum vindicta, quæ pœnâ lætatur, coniuncta, improba est, à castigatione quæ sincera, & innocens est, debet abesse, ac propterea neutri ad vllam partem utilis est. Quinta: Ira, vel ira non est, vel inutilis est. Si quis enim ideo pœnam exigit, quia pœnæ audus est, malè illam, ac præter boni animi rationem exigit. sin omni liber ira exigit, quia exigere demum oportet, non est adnumerandus iratis. At qui repetit pœnas, citra omnem iræ commotionem repetere debet, & leges ipsas imitari, quæ puniunt quidem, sed non irascuntur: irasci enim deberent iis, quos non vident, & iis qui nondum viuunt, sed futuri sunt, cum in hos etiam constituent & promulgent pœnam. Sexta: Idcirco videtur ira prodesset, quòd malos terreat, & contemptum effugiat, sed nihil ad hanc rem affert commoditatis & vsus. Periculosius enim est timeri, quàm despicì. & vir sapiens rectæ rationis iudicio armatus ac præditus facilè terrebít improbos, & contemptum effugiet; ira verò spoliata sapientiâ multò sanè maximè iniuriæ, despicientiæque, improborum est opportuna.

Hæc, inquam, aliæque permulta proponuntur ac nobis opponuntur à Seneca, quæ subruto fundamento, confestim concidunt. Innititur enim hic Philosophus illi Stoicorum pronuntiato: Perturbationes omnes ab imis euellendas esse radicibus, ne, si vel minimis hæteant fibris, totum euertant, & dissipent animum. Dissilabimus, inquam, statim hæc argumenta, si primo negemus fieri posse, ut stirpitus, omninoque ac funditus euellantur affectus; deinde dicamus, etiamsi possent euelli, tantùm abesse, ut ex hac extirpatione iuuaretur virtus, ut etiam damno maximo, summòque afficeretur incommodo, id quod nominatim supra demonstratum in irâ est, sine quâ se penumero languet fortitudo. At hoc ipsum propugnaculum atque hanc arcem oppugnat Seneca, contendens ne fortitudini quidem iram prodesset, quòd tamen hic confutare necesse non habeo, cum supra in disputatione de fortitudine confutatum à me sit, ubi quæ suui, An ira fortitudini necessa-

ria videatur. Itaque confutare satis est cetera, quæ eò pertinent, ut suadeant, rationem iræ quantumvis modicâ turbari, subiici, capi, catenis obligari, quæ frustra dicuntur. Nulla enim tanta est ira, quàm regere, atque in officio continere non possit ratio: nec aliud illæ vincunt argumentationes, quàm id: irasci præter & contrarationem, aut supra modum esse malum acturpe, sinere se ab irâ vincì nec audire rationis imperium, id etiam esse malum: & iram, cui frænum non iniecerit ratio animi pestem atque incendium esse: quòd libentissimè damus, quia verissimum est.

Neque verò quicquam conficiunt alii, qui dicunt, mansuetudinem in defectu positam esse; idque Aristotelem confirmasse in hoc capite quinto, cum dixit, mansuetudinem in eo peccare potius, quòd parum est. nihil, inquam, conficiunt, quia eo loco abusus est Aristoteles verbo peccandi, cum significaret tantummodo velle, Mansuetudinem similiorem esse defectui, quàm exuperantiæ; quæ admodum temperantia similitudinem potius obtinet cum defectu, quàm cum eo, quòd nimium est. vel ad summam id sibi voluit: Mansuetudinem, si corrumpatur, ad defectum facilius, cui propinquior est, quàm ad exuperantiam, à quâ distat longius, esse gradum, ac transitum habituram.

QVÆSTIO SECVNDA.

Vtrum ea mansuetudo sit melior, quæ hominem corrigit naturaliter iracundum, an illa, quæ lentitudine laborantem emendat.

QVÆRI posset hoc loco, quòdnam è duobus extremis, quibus est interposita lenitas & mansuetudo, deterius, quòd minus vituperabile & quasi melius sit. sed prætermitti quæstio potest, ne res explorata vocetur in dubium. Illud enim extremum deterius ac vituperabilius est, quòd à virtute longius abest, quòdque virtuti dissimilius magisque contrarium est. Eiusmodi verò iracundia, vel iræ, ut planius dicatur, exuperantia est. longius enim à mansuetudine, ac lenitate distat, eique dissimilior, magisque contraria est, quàm quælibet iræ vacuitas, aut lentitudo. Itaque hæc dissertatione prætermittenda, quærendum id potius putauit Buridanus: Vtrum ille mansuetus, ac lenis, qui naturaliter est iracundus, propensiusque ad exuperantiam iræ, sit illo melior & laudabilior, qui naturâ procliuus ad lentitudinem & eiusdem iræ vacuitatem est. Nam vtrumque lenitas & mansuetudo vindicauit à vitio, atque in virtutis libertate collocavit; & vterque suo cum hoste congressus victoriam reportauit ac lauream, cuius causâ suam quisque laudem ac præconium promeretur: sed quis eorum promeretur amplius & cumulatiùs, haud planè liquet.

Videtur enim primo ille melior & excel-

lentior, & laudabilior esse, qui suapte natura cietur ad exuperantiam iræ, qualis est quibile supra modum abundat. quod his ostendi rationibus atque argumentationibus potest.

Prima. Non est solum laudabile, adipisci bonum, verum etiam effugere malum. Ergo illa virtus est laudabilior & melior, cuius beneficio & vi, maius deteriusque malum effugimus. Sed per mansuetudinem effugit iracundus multo maius & perniciosius malum, quam effugiat lentus, hoc est, is qui sensu caret iracundia, atque in defectu subsistit. Ergo mansuetudo, quæ in homine sit naturaliter iracundo, ea melior, & laudabilior est, eâ quæ in lento cernitur, & iracundia sensu carente. Est enim simile, ut si quis in aquas duas summæque præterque naturam frigidus, quarum tamen una esset altera frigidior, infunderet calidas item duas, quarum altera calidior, quam altera esset; illa quippe censenda esset calidior, quæ frigidior ad naturale temperamentum reduceret. Ex hac, inquam, similitudine hunc in modum aliqui ratiocinantur: Sicut illa calidior aqua censetur & est, quæ frigidior ad iustam reuocat mensuram & modum; ita illa est habenda virtus excellentior & melior, quæ peiorem hominem bonum reddit, quam quæ minus malum efficit bonum: sed summè iracundus, qui peiori tenetur vicio, est lento deterior, qui tenetur minori. Ergo mansuetus ille qui erat ad summam iracundiam propensus, est melior, & meliorem, laudabiliorémque mansuetudinem obtinet, quam is, qui erat ad lentitudinem iræque vacuitatem procliuus.

Secunda. Illa virtus est præstantior & melior, quæ in materia difficiliori versatur. At virtus iracundi materiam tractat longè difficiliorem, quam virtus hominis lentis. Difficilius enim est, iram effusam & debacchantem reprehendere, vel comprimere, quam pigram & resistentem incitare.

Tertia. Hominem ætate prouectum, ac senem propter continentiam & castitatem haud magnopere laudamus, certè minus quàm iuuenem & ætate vtentem ad capiendas corporis voluptates idoneam. Igitur eum quoque plus laudare debemus, qui vitio fortiori debellato, factus est bonus, quam qui minori atque imbecilliori deuicto, virtutem obtinuit.

Quarta. Melior habendus est, qui ex maiori contentione animi, ac vehementiori honestatis amore, quam qui ex minori & remissione bonus efficitur, sed iracundus, factus est lentis & mansuetus ex animi conatu maiori, & ex honesti amore ardentiori, quam factus sit lentus & iræ vacuus. Igitur ille melior, quam hic & laudabilior est.

Ceterum altera ex parte multa suppetunt argumenta, quæ probent, eum & præstantiorem, & commendatione digniorem esse, qui ex lento factus est mansuetus, lentitudine illam naturali atque iræ vacuitate ad mediocritatis vique huiusmodi & mensuram concitatus.

Primum. Aristotelis dictum & sententia est: felicitatem, hoc est, felicitatis substantiam

intimam, quæ virtute continetur, accedente alio bono, vel minimo, esse optabiliorem, & digniorem quæ à nobis eligatur, quam aliam quamlibet illius accessione boni minus ornatam. sed homo tardus ac lentus ubi virtutem parauit, mansuetudinis iam substantiam habet, & præterea maiorem illam cum virtute similitudinem, propensionemque naturæ, siue habilitatem ad capeffendam virtutem. Quicquid enim id est, obtinet boni rationem, quia minus est malum, quam iræ illa exuperantia & nimium, longissimè distans à virtute. Ergo huius mansueti virtus est præstantior & laudabilior, quam iracundi. Ad hæc idem Aristoteles ait, verè quidem & propriè solum hominem virtute præditum ac probum honorandum esse; sed si diuitiæ præterea, dignitas, aut nobilitas accedant, esse magis honorandum, quam eum, qui solus sit instructus ornatuque virtute. Igitur etiam ille, qui una cum virtute plus habet ex aliquo alio bono, quam alter, maiori est afficiendus honore, ac longè plus commendandus. sed is, qui factus est mansuetus ex tardo, una cum mansuetudinis virtute habet societatem eius boni, quod in illa maiori virtutis capacitate naturali positum est. Igitur est magis honorandus, laudandusque quam iracundus, eiusque virtus excellentior & laudabilior est.

Secundum. Vitium eo peius & censetur, & est, quo minus existimatur & est sanabile. Idcirco enim supra in Capite de Liberalitate dictum est, auaritiā esse prodigentiā deteriore, quia minus sanabilis est. Igitur etiam censendum erit, eum esse meliorem, qui minus est ad ægrotationem procliuus, quam qui ad eandem ægrotationem procliuus & propensus est magis. At lentus minus est ad ægrotandum procliuus, quam iracundus. Difficilius enim in vitium labitur, ad quod ipsa natura minus propendet, habetque minorem ad lapsum occasionem. ergo censendus est melior.

Tertium. Virtus ita cum animā comparatur, sicut cum corpore sanitas. ergo quemadmodum ille se melius habet, qui naturaliter est ad valetudinem & sanitatem accommodatus, quam qui est ad ægrotationem procliuus; sic ille melior est habendus, qui est ad animæ sanitatem naturaliter aptus; quam qui sua naturā videtur ad ægrotationem & morbum præparatus. At lentus naturam habet ad suscipiendam virtutem opportunam; iracundus ad capeffendum vitium accommodatum. Igitur ille, quam hic habendus est melior.

Quoniam questio hæc minimè simplex est & vniuersi modi, non potest vnica Conclusionem decidi, sed definiri vult multis, quod singulatim & per partes sic explicabimus.

Primum ergo si queratur, & disputatio sic instituatur: An mansuetudinis virtus ipsa per se in homine naturaliter iracundo, quam in lento melior & laudabilior sit.

Dicendum est, æquè præstabilem esse in utroque, si æquè perfecta æqualibusque numeris & gradibus in utroque sit absoluta. Nam voluntas tam in iracundo, quam in len-

to potest bene, ac sapienter eligere & æquè quidem in vno, atque in altero agere prudenter ac bene: nec à naturali corporis, humorumque constitutione potest impediri, quominus in operis sui functione rectè versetur. multiplicandis enim, frequentandisque gignitur & perficitur actibus, quaecumque demum in corpore complexionem nanciscatur humorum. Igitur in vtroque iisdem planè numeris æquisque partibus per se firma esse potest, atque perfecta.

Secunda Conclusio. Concedendum tamen est, antequam virtus ipsa mansuetudinis gignatur in animo, difficilius esse voluntati, mansuetudinis opus eligere in iracundo, quàm in lento. Magis enim in illo, quàm in hoc appetitus animæ sentientis electioni ac rectæ rationi contrarius est. quo fit, vt quamquam voluntas ab eo verè non cogitur, propter quamdam tamen benevolentiam propensionemque, quam erga illum veluti dominus erga seruum habet ab ipsa natura, alliciatur, tendatque in id quod ei proponitur ab appetitu.

Tertia Conclusio. Sequitur hinc iracundum longè laudabiliorem esse ob adeptum partemque mansuetudinis habitum ac virtutem, quàm lentum. non quidem propterea, quòd virtus in eo melior & præstantior sit, sed quòd in opere magis arduo sit versatus, maioreque in illa virtutis adeptione difficultates vicerit, & labores exanularit.

Quarta Conclusio. Si quaestio proponatur hoc modo: An mansuetudo, ipsi melior sit iracundo, quàm lento; cum rei partitione ac distinctione respondendum est. Nam positiuè quidem eorum vtrumque mansuetudo reddit æquè perfectum ac bonum, hoc est, probè laudabiliterque versantem in irâ: sed priuatiuè quodammodo mansuetudo ipsi est iracundo melior, vtriusque, quàm lento; cum eum à longiori reuocet aberratione, atque à deteriori purget extergatque vitio, peioribus cum libetans actionibus, & perniciosiorem animi propensionem attemperans.

Quinta Conclusio. Si denique id nominatim quaeratur, Mansuetusne naturali præditus iracundi melior sit, an qui naturali præditus est lentitudine; responderi potest, moraliter quidem alterum altero meliorem non esse; quia si spectetur ipsa moris conditio & vis, æquè bonus videtur vterque; cum vterque æquè bene, vt supra diximus, versetur in

ira: sed naturaliter tamen eum videri meliorem, qui ad lentitudinem est propensus. quia naturaliter illa lentitudo ad bonum morem, laudabilemque mansuetudinis habitum suscipiendum paratior est.

Ex his adeo intelligitur, rationes propositas partim confutandas esse, partim probandas. Atque, vt de prioribus priori loco dicamus, haud omninò repudiandum est quod in primo contenditur argumento: hoc est, mansuetudinem ipsi biliolo & iracundo meliorem esse, modò meliorem esse intelligamus priuatiuè, vt paulò antè declarauimus. Secundum autem argumentum probè demonstrat, iracundo mansuetudinis adeptionem esse difficiliorem, quod concedimus & fatemur, idcirco laudabiliorem esse. non tamen hinc sequitur, huius mansuetudinem hominis esse formaliter & per se meliorem. Neque verò aliquid amplius, quàm hoc, conficit tertium argumentum. damus enim, ante virtutis adeptionem, opera mansuetudinis iracundo, quàm lento esse difficiliora. eoque nomine iracundum ipsum videri laudabiliorem. sed quia parto iam habitu, sunt vtrique illa mansuetudinis opera æquè facilia, non potest virtutis iam genita eo nomine dici per se perfectior alterâ, imperfectiorve, si gradibus ac numeris absoluta paribus & æqualibus cum altera sit. Quartum contendit, ac probat, iracundum laudem aliquam promereri maiorem: quod in eam sententiam, quam explicauimus, verissimè dicitur. Vltimum non vincit, iracundi opera, & actiones, quibus mansuetudinem parat, esse magis voluntarias: sunt enim fortasse minùs voluntariæ propter illam naturalis iracundiæ repugnantiam, sed conficit solùm, actiones illas oportere plures & frequentiores esse; quod etiam verum est, nec aliquid habet incommodi.

Ex rationibus autem posterioris partis prima concludit, mansuetum, qui lentus fuerat, esse naturâ meliorem. Sed naturaliter esse meliorem concessimus. Idem probat secunda; nec quicquam ampliùs demonstrat tertia, quæ postrema est, similitudinem adhibens ægrotationis & sanitatis, lentus enim, qui ante virtutis adeptionem sanabilius est, atq; ad suscipiendam animæ valetudinem paratior, naturaliter tantùm, vt diximus, censendus est melior. moraliter enim, post partam virtutem, per se quidem haud melior est,



CAPVT SEXTVM. DE AFFABILITATE, SEV COMITATE. S V M M A.

Habitu quemdam esse mediocrem & suis interiectum extremis, in sermone, & consuetudinis humanæ iucunditate versantem.

DIVISIO CAPITIS IN PARTES TRES.

1. In suauitate atque asperitate sermonis & consuetudinis humane medium quoddam inuenitur, & extremum.
2. Quid sit hic medius habitus, quodque illi nomen, quæue proprietates sint.
3. Quanam sint extrema vitia, quibus idem habitus medius interceptus.

PARS PRIMA CAPITIS SEXTI.

ΕΝ δὲ ταῖς ὁμιλίαις, καὶ ταῖς συ-
ζησίαις, καὶ λόγοις, καὶ πρᾶγμα-
ταισιν, οἱ μὲν ἀρεῖσιν δεκοῦσιν ἑῷ,
οἱ πάντα πρὸς ἡδονὴν ἐπαυνοῦντες, καὶ
οὐκ ἀπειθοῦντες, ἀλλὰ δὴ οἰοῦντο
δύο ἄλλοι τοῖς ἐπιτυχέουσιν ἑῷ. οἱ
δὲ ἐξ ἐναντίας πύτοις πρὸς πάντα
ἀπειθοῦντες, καὶ τὴν λυπὴν οὐδὲ ὁ-
λοῦν φρονιζόντες, δύσκολοι, καὶ δύσ-
ειδεις καλεῖνται. ὅτι μὲν οὖν αἱ εἰρη-
μολογίαι ἐξ ἧς, ψακταὶ εἰσιν, οἷα ἀδη-
λον. καὶ ὅτι ἡ μέση πύτων ἐπαμειβή,
καθ' ἣν ἀποδείξεται ἂν δὲ, καὶ ὡς δὲ,
ἰσότης δὲ ἐδουχεῖται.

Sed in congressionibus, & conuietibus,
& in sermonum, negotiorumque com-
munitate, alij quidem placidi videntur esse,
qui omnia ad voluptatem laudant, nullaque
aduersantur in re, sed censent debere mini-
mè se molestos esse eis, cum quibus versan-
tur. Alij verò his contrarij in omnibus ad-
uersantur, neque se molestos esse in qualibet
re curant, ideòque morosi ac liigiosi nomi-
nantur. Cur igitur explicati habitus vitu-
perabiles, sint haud obscurum, & cur me-
dium horum laudabile. ex quo probabuntur
quæ oportet, & sicut oportet, similiterque
repudiabuntur.

EXPLANATIO.



VM in superiori capite de Mansuetudine, hoc est, de virtute qua-
dam leniori disputat, quæ omnem ab hominis societate depellit
inimicitia, ac discordia causam, in hoc, & duobus proximè conse-
quentibus de iis explicat, quæ à quotidiana consuetudine, atque con-
uietibus à dictis factisque omnem submouent asperitatem, eundemque
reddunt hominem & iucundum, & affabilem & urbanum. Rectè igitur ab Eustra-
tio, Græco Scholiaste, appellantur hæ virtutes ὁμιλητικαί, hoc est, sociabiles & affa-
biles, cum id agant singulæ, vt homini in conuietibus ac societate degenti morum sua-
uitatem, iucunditatemque sermonis impertiantur. Nam cum horas haud paucas
ex eo tempore quod ad viuendum nobis est attributum, in familiaribus colloquiis,
vsuque cōmuni soliti simus insumere, nostrarum partium est, operam dare, vt omni
asperitate, atque iniucunditate deposita, quæ in vitiis extremis est, suauitatem, quæ
in mediocritate cernitur, inueniamus; vt ad bene beatèque viuendum, ne hoc qui-
dem, quod minimè contemnendum est, nobis aliquando præsidium desit. Quapro-
pter ab eo ducit initium habitus, qui gratissimus ac iucundissimus est. sed qualis sit,
demonstrare non potest, nisi designatis antè vitiis, quæ dicuntur extrema.

In congressibus igitur hominum, in conuietibus, omnique verborum, factorumque
communione reperiri quosdam ait, qui blandiendo, assentando, obsequendo placere
se studeant singulis, quique ad alienum se fingant arbitrium, atq; ad aliorum volun-
tatem ac voluptatem faciant & loquantur omnia: cuncta quæ vel viderint vel au-
dierint laudent, nec vllam re cuiquam aduersentur, aut dolorem ac molestiam affe-
rant. Hos nimirum tribuere videtur mores adolescenti filio apud Terentium Simo,
cum de illo sic ait:

*Sic vita erat. facile omnes perferre ac pati
Cum quibus erat cumque vnà iis sese dedere;
Eorum obsequi studiis, aduersus nemini;
Numquam proponens se alius: ita vt facillimè
Sine inuidia inuenias laudem, & amicos pares.*

Hæc, inquam, quasi non essent assentationis argumenta, ignarus admiratur in filio.
Simo, eoque dementior laudat Sofia, ita heri sermonem & sententiam adprobans.

*Sapienter vitam instituit. namque hoc tempore
Obsequium amicos, veritas odium parit.*

Alios contra docet esse his omnino dissimiles, in omni re, omnibusque dictis ac factis aduersantes cæteris, nec sua multum interesse putantes; verum hos, aut illos offendant: quos ait appellari posse *δυσκόλους* & *δυσέριδεις*, hoc est, importunos, morosos, molestos, difficiles, litigiosos. Vtrumque habitum tam priorum, qui exuperantiam habebat, & plus nimio faciunt quod minùs faciendum esset, quàm horù posteriorum, qui in defectu subsistunt, & parum agunt in eo, in quo agendum amplius esset, ait sine dubio vitiosum ac vituperabilem esse: interiectum autem his, atque intermedium esse laudabilem, & in virtute ponendum: hunc autem in eo cerni, quicquid probanda, & laudanda sunt, probat ac laudat quantum, & quemadmodum decet, eademque ratione, hoc est, quantum ac sicut oportet, repugnabit aduersabiturque contrariis.

Denique summa sic est: Habitus, cuius extrema vituperabilia sunt, laudabilis ac probabilis est. Sed in dictis factisque atque in humano conuietui velle placere omnibus aut placere nemini, habitus extremi sunt, vituperabiles & odio digni. Ergo habitus intermedius, atque his interpositus extremis, probabilis & laudabilis est. Habitus verò laudabilis haud dubiè virtus est.

PARS SECVNDA CAPITIS SEXTI.

Ονομα δὲ οὗτο ἀποδίδεται αὐτῇ ἡ. εἶκοι δὲ μέγιστα φιλία. ποιοῦ-
τος γὰρ ἔστιν ὁ καὶ πλεονέκτης ἐξῆς,
οἷ βουλόματα λέγειν τὸν ὀπίσθην φίλον,
ὃ τέρψαν παροσφάσσει. ἀφαιρῶ δὲ
τῆς φιλίας, ὅτι ἀπὸ πάντων ἔστι καὶ
τῷ τέρψαν, οἷς ὁμιλεῖ. οὐτε γὰρ πᾶς
φιλεῖ ἢ ἐχθραίνει, ἀποδίδεται ἕκαστος
ὡς δεῖ, ἀλλὰ πᾶς τοῦτο εἶ. ὁμοίως
γὰρ πρὸς ἀγνοῦντες καὶ γνωστοὺς, καὶ
σωτήρας, καὶ ἀσωτήρας αὐτὸ ποιήσας,
πλεονέκτης καὶ ἐν ἕκαστοις ὡς ἀρμόζει. οὐ
γὰρ ὁμοίως παροσφάσσει σωτήρων, καὶ
ὀφειλῶν φροντίζον, οὐδ' αὖ λυπῶν.
καθόλου μὲν οὖν εἴρηται, ὅτι ὡς δεῖ,
ὁμιλεῖται. αἰσφαιρῶ δὲ πρὸς τὸ καλὸν
καὶ τὸ συμφέρον, εὐχαρίσται τῷ μὴ λυ-
πῶν, ἢ σωτηριώδην. εἶκοι μὲν γὰρ πε-
ρὶ ἡδονῶν καὶ λύπης εἶ. τὰς ἐν ταῖς
ὁμιλίαις ἡμετέρας. τούτων δ' ὅσας μὲν
αὐτῷ ἔστι μὴ καλόν, ἢ βλαβερόν σωτη-
ριώδην, δυσχεραίνῃ, καὶ παροσφάσσειται
λυπῶν. καὶ πᾶς ποιῶν δὲ ἀχρη-
σιμῶν φέρῃ, καὶ τούτων μὴ μικρὰν,
ἢ βλαβεράν. ἢ δ' ἐν ἀδυνάτοις μικρὰν
λύπην. οὗτο ἀποδίδεται, ἀλλὰ δυσχε-
ραίνῃ. ἀφαιρῶντος δ' ὁμιλεῖται τοῖς ἐν
ἀξιώμασι καὶ τοῖς τυχεύουσιν, καὶ μάλ-
λον ἢ ἡ πρὸς γνωστοῖς. ὁμοίως δὲ καὶ καὶ τὰς

NOmen autem aliquod non tributum
est ipsi: sed est maxime similis amici-
tia. talis enim est qui medium hunc habitum
habet, qualem solemus dicere probum ami-
cum, ubi amorem assumpserit. Discrepat
autem ab amicitia, quod sine affectu est, at-
que amore aduersus eos, quibuscum fami-
liariter viuit. Neque enim ex eo, quod amet,
vel oderit, probat singula, ut oportet, sed
quia talis ipse est. Nā pariter apud ignotos,
notosque & familiares, ac non familiares
idem est facturus: in singulis tamen quem-
admodum conuenit. Non enim aque decet
familiares, atque alienos studio prosequi,
neque contra dolore afficere. Vniuersim igitur
iam dictum est, quomodo ut decet versa-
bitur. respiciens autem ad honestum atque
utile, videbit, ne quempiam contristet, aut
oblectet. Videtur enim in iis voluptatibus,
molestiisque versari, quae in congressionibus
sunt. Harum autem si quae sunt, in quibus
vel non honestum ipsi fuerit, vel damnosum
obsequi, eas repudiabis, eligerque potius do-
lorē afferre. Quod si id agenti dedecus affe-
rat, & hoc non paruum, repugnantia verò
exiguū dolorē, nō probabis, sed agrè feret.
lōgē verò aliter versabitur cū iis, qui digni-
tate aliqua praediti sūt, & cū quibilibet &
magis vel minùs notis, similiterq; secundum

ἄλλας διαφορὰς, ἐκαστοῖς ἀποδίδωμι ὅ
 τὸν καὶ κατ' αὐτὸ μὲν αἰσχρομήδης ὁ
 στυγερὸς, λιπὺν δὲ ἐλαβούμενος.
 τοῖς δὲ ἀποδιδόναι ἐὰν ἢ μείζω, στυε-
 πόμενος. λέγω δὲ τὴν καλὴν καὶ ὁ συμ-
 φέρων. καὶ ἡδονῆς δὲ ἔνεκα τῆς εἰσαυτῆς
 μεγάλης, μικρὰ λιπὸς. ὁ μὲν οὖν μέ-
 ος τοιοῦτος ὅστις, σὺν ἀνόμεναι δέ.

*alias differentias, singulis tribuens id quod
 decet. Ac per se quidem eliger oblectare,
 ac ne dolorem afferat cauebit. ea verò quæ
 sunt euentura, si maiora sint, sequetur;
 honestum, inquam, & utile. voluptatis
 autem gratia, quæ magna inde sit pronen-
 tura, parum contristabit. Talis igitur me-
 dius est, non autem nominatur.*

EXPLANATIO.



NOMEN hîc huius habitus mediij primùm, deinde proprietates eiusdem inquit. Ac nomen quidem huic habitui nullum impositum esse ait, sed illud tamen eo quo potest modo ac ratione demonstrat per similitudinem, quam hæc virtus haud nominata ipsa cum amicitia videtur habere; cum hic habitus medius & amicitia similes sint & conueniant inter se actu quodam externo. qui potissimùm cernitur in suauis, iucundòque conuiuiu. Nam quemadmodum amicus cum amico iucundè versatur, ea probans, quæ probanda sunt, & improbens ea, quæ probanda non sunt, sic ille, qui hoc habitu medio præditus est, idem prorsus agens, suauiter & iucundè vitæ consuetudinem, & communionem cum aliis habet. Itaque facilè posset ad amicitiam gradum facere, & bonus probatúsque amicus fieri, si adderet, quod in amicitia primum est, intimum & in animo penitus hærentem affectum amoris. Quamquam enim hi duo habitus inter se maxime congruere videntur propter facilem illum, iucundumque conuiuium externum, utrique communem, discrepant tamen ac dissimiles sunt differentiis suis. differt, inquit, hic habitus medius ab amicitia vera, quòd eiusmodi habitus virtus quædam sit, amoris carens affectu, ac motione. Nam qui hunc obtinet, adprobat in aliis, quæ probanda sunt, seque ad aliorum fingit arbitrium ac voluntatem sicut oportet, non quòd amet, aut odio habeat, sed quòd ita se propensum intelligit, ac talis sit, per eum habitum compositus & comparatus. cuius rei vel illud esse potest argumento, quòd in hunc modum æquè se gerat erga familiares, ac notos, atque aduersum externos & ignotos. simile profectò aliquid in liberalitate cernitur, si cum amicitia conferatur. Amicus enim amico benignè facit, amore permotus, vir autem liberalis in alios beneficus est, non ex eo potissimùm, quòd illos diligat, & cum iisdem amicitia coniunctus sit, sed ideò prorsus, quòd habitu quodam proprio ad liberaliter agendum impellatur. Cæterum hæc similitudo non peræque cadit in omnia, sed solum in id, quod habet hic habitus cum amicitia commune. id autem est iucundè cum aliis, suauiterque versari. quantum enim attinet ad peculiare versandi, ac simul viuendi modos, alià se ratione gerit erga domesticos ac suos, alià erga externos & alienos. Cum omnibus quidem agere suauiter & iucundè possumus, cum singulis eadem uti suauitate congruenter, appositèque possumus; quia singuli postulant suam.

Quoniam ergo habitus hic amicitia propriè non est, quia nullo per se affectu compellitur ad agendum, placuit nonnullis eum affabilitatem, & comitatem Latine dicere. ac iure quidem. Est enim affabilis qui se facilem, iucundumque præbet in congressibus humanis, hoc est, in loquendo, audiendo, respondendo, ut Cicero docet in offic. lib. primo & secundo, ubi eum laudat, qui in omni sermone omnibus affabilem iucundumque se esse velit. Vnde ductum affabilitatis nomen fuisse idem ipse declarat his verbis: Difficile dictu est quantopere conciliet animos comitas affabilitasque sermonis.

Vniuersim igitur, &c.] Constituta virtute in medio, cuiusque iam extremis assignatis, videndum est eiusdem officium, functio, munus. Sequuntur adeo nunc huius habitus mediij proprietates, quas Aristoteles numero quinque percenset.

Primam sumit ex modo congregiendi, & colloquendi. ait enim eum, qui hac ornatus, instructusque virtute sit, cum omnibus agere, versari, & colloqui iucundè suauiterque, sed quemadmodum decet & decori postulat ratio. Secundam

ducit ex fine: quia debet idem illam sermonis & consuetudinis iucunditatem non ad turpitudinem aliquam vitæ suæ, vel damnum alienæ, sed ad honestatem, veritatemve referre. Simul enim homines iucundè versantur ac viuunt, ut & virtutem, quæ bonum honestum est, foueant, & salutem corporis tueantur. Tertiam petit à comparatione iucunditatis cum contraria tristitia, quam interdum alius afferre oporteat eum, qui alioqui comis atque affabilis est. Hanc nimirum ait euenire atque incidere posse necessitatem duplici modo. primo quidem, si is, cum quo versatur & cum quo viuit, atque colloquitur, parum honestus sit, aut etiam ipsi affabili perniciosus. cuiusmodi sunt qui absque pudore ac verecundia obscœna proferunt verba, quæ homini virtute prædito auditu quoque turpia sint, aut ij, qui tantâ scelerum peccatorumque flagrante infamiâ, ut vel ipsâ consuetudine atque colloquio eandem aliis ignominiam maculam, & probum aspergant. Secundo: si ij, erga quos affabilis esse vult, aliquid dicant, aut agant quod sibi ipsis damnosum, ac malum sit: ut si inimicitias & similitates contrahant, si rem familiarem per prodigiam profusionemque comminuant. Cum hæc & eiusmodi alia inciderint aliquando tempora, & cum hos homines nanciscetur affabilis; non modò per facilitatem & comitatem suam istorum dicta, inquit, non probabit, aut facta, verum etiam per increpationem eos afficere tristitiâ non dubitabit. Præstat enim eos leui potius conturbare molestiâ, quam aut iisdem, aut sibi magnum detrimentum afferre. Id videlicet admonet Salomon eo prouerbio cap. 27. Meliora sunt vulnera diligentis quàm fraudulenta oscula blandientis. Non omnis (inquit D. Augustin.) qui parcat, amicus est, neque omnis qui verberat inimicus. Meliora sunt amici vulnera quàm voluntaria oscula inimici. melius est cum seueritate diligere, quàm cum lenitate decipere. & alibi. Non solum arguendi sunt amici, sed si opus fuerit, obiurgandi. obiurgandus saepe est amicus, si veritatem aspernatur. obsequiis atque blanditiis in crimen impellitur.

Quartam comitatis proprietatem ponit in eo, quòd qui hoc pollet habitu tam iucundæ virtutis, non per æquè omnibus se præbet affabilem, sed aliter iis, qui honore aliquo publico, ac dignitate sunt præditi, aliter priuatis, aut infimæ sortis hominibus, aliter notis, ignotis aliter, suum cuique proportionem ac certâ mensurâ tribuens, atque impendens officium.

Quintam denique haud dissimilem tertiæ repetit iterum ex fine, sed variâ ratione ac modo. Affirmat igitur, affabili viro propositum quidem esse delectare, adeoque ab inferenda tristitia cum prorsus abhorreere: si tamen ab inferendo dolore ingentia quædam bona, & maiora commoda prouidet euentura, contristaturum potius esse, quàm delectaturum.

PARS TERTIA CAPITIS SEXTI.

ΤΟΥ δὲ συνδυόντος, ὃ μὴ τὴν
ἡδὺς (ἢ) συχαζόμενος, μὴ δὲ π
ἄλλο, ἀρεσκός. ὃ δὲ ὅπως ὠφέλιος ὡς
αὐτὸν γίνονται εἰς χεῖματα, καὶ ὅσα
ἀπὸ χεῖματος, καλὰ. ὃ δὲ πᾶσι
δυσχεραίων, εἴρηται ὅτι δύσκολος καὶ
δύσπερος. ἀντιπαύεται δὲ φαίνεται τὰ
ἀχρεῖα αὐτοῖς, ἀπὸ τῶν ἀνώνμων (ἢ)
τῶν μέσων.

O Blectantium autem is quidem, qui
id spectat, ut iucundus videatur, nec
ob aliud quidquam agit; blandus est. Ille
verò qui ut aliqua sibi utilitas existat in
pecuniis, & in omnibus, quæ pecuniâ com-
parantur, assentator. Qui autem omnibus
est molestus, dictus est morosus, & con-
sentiosus. Aduersari verò videntur extre-
ma sibi ipsis; quæ acaret nomine medium.

EXPLANATIO.



DE vitiis hîc agitur, quibus est affabilitas interiecta. Duobus enim op-
ponitur extremis, quorum alterum quod est in exuperantia positum,
ait eorum esse, qui placere volunt omnibus, iisque delectationem af-
ferre. Hoc autem si faciant in eam tantummodo gratiam, ut delectent,
dicuntur ἀρεσκοί, hoc est blandi, aut gratiæ aucupatores; si autem id
agant, ut pecuniam inde corradere possint, aut opes, aliudve, quod pretio æsti-
mari soleat, sibi que commodum & emolumentum parare, nominantur adulato-
res. Cuius nominis causam & etymon traditur variè. Festus quidem ait adulatores

esse dictos ab alludendo, paucis literis immutatis, quasi adulo, vel ut antiqui dicebant adulo, sit alludo, hoc est, blandior, & gestu verbóve quasi ludibundus gratiam aucupor. Idem docuisse videtur Nonius cum tradat, adulationem proprium esse canum blandimentum, consuetudine iam traductum ad homines, canes enim tum dicuntur adulari, cum caudæ ac corporis totius motu dominis blandiuntur, ut canit Ouid. Metam. 14.

*Quin etiam blandas mouere per aëra candas,
Nostræque adulantes comitans vestigia.*

& Lucret. in lib. 3.

Longè alio pacto gannitu vocis adulant.

Eandem propè nominis interpretationem secuti sunt alij, qui putarunt, adulatorum nomen esse natum ab vtra Græcorum vocabulo, quo significatur cauda. id enim est οὐρά apud Aristotelem in lib. 2. de Anim. cap. 12. perinde ac si adulari diceretur, quasi adulari, hoc est, caudam canum more ad blandiendum mouere. Sed ab iisdem Græcorum fontibus aliâ viâ ducit originem vocis Laurentius Valla in lib. 5. cap. 69. Adulari, inquit, est inseruire & adniti, ut fauorem emeremur quoquo modo vel voce vel gestu; estque tractum ἀπὸ τοῦ δουλεύειν, quod seruum significat. est enim sanè quàm seruale hominèque ingenuo minimè dignum ob lucrum præsertim assentari: quod Romæ faciebant Græci, ut docet in eos grauiter inuehens Iuuenalis. Sat. 3.

*Quid quod adulandi gens prudentissima laudat
Sermonem indocti, faciem deformis amici,
Et longum inualidi collum cernicibus equat
Herculus? &c.*

Neque abhorret ab hac etymologia notio quædam verbi antiqui, adulo, quæ lambere significat, aut ebibere, ut est apud Tull. in 2. Tuscul. ex Accij Prometheo de aquila siue vulture, qui ipsius Promethei cor exedebat. sublimè aduolans pennatâ caudâ nostrum adulat sanguinem. Nam ipsi quoque assentatores, hi præsertim extremi, in eam adulantur gratiam, ut alienam pecuniam, quasi sanguinem ebibant. Alterum extremum in eo peccans, quod parum est, illis adscribit Aristoteles, qui nemini placere student, nihil adprobant, ad nullius fingere se possunt arbitrium ac voluntatem, omnibus denique quibus cum versantur & viuunt, verbis ac re asperi sunt, molesti & odiosi. quos ait posse δυσκόλους, hoc est, importunos ac morosos, & δυσέρχους, hoc est, litigiosos, iurgatores turbulentos, ad summam, nulli affabiles appellari. Quod vitium quantum & quale sit, & quàm acerbum omnium mereatur odium, nemo sanè melius, quàm Virgilius expressit, hunc morem tam insuauem, atque incommodum tribuens Polyphemo, quo nullus importunior extitit, aut immanior inter mortales.

*— ipse ardens, aliâque pulsât
Sydera. Dij talem terris auertite pestem,
Nec visu facile, nec dictu affabilis ulli.*

EPILOGVS.

1. In congressibus & conuietibus, in ipso sermonis usu iucundo ac suauis quidam versatur habitus medius, atque laudabilis, suis interiectus extremis.
2. Videtur hic habitus amicitia esse; ab ea tamen ideo discrepat, quod non ut illa, amoris affectu compellitur.
3. Huius habitus officium & proprietas est, verbis factisque delectationem aliis afferre, & in conuietibus placere, sed tamen ut decet, & ratio recta præscribit.
4. Duo sunt habitus extremi: alter in nimio positus, eorum proprius qui assentatores dicuntur, alter in eo quod parum est, illorum, qui molesti, asperi, ac diffidiles appellantur.



IN CAPVT SEXTVM

QVÆSTIO PRIMA.

An affabilitas, sine comitas virtus per se sit ab aliarum finibus separata.

DVO querenda hic sunt. an comitas seu affabilitas, virtus sit, & si sit virtus, verum distingatur à ceteris. Ad utramque constitutendam quæstionis partem, quædam sunt animaduertenda: quorum

Primum est, sermonis, aliarumque rerum communicationem esse hominum generi necessariam, quemadmodum docet in primo lib. Politicorum Aristot. Ait enim, hominem suapte naturâ communem conuiuium ac societatem plûs amare, quàm ipsæ ament apes, ceteraque animantia congregabilia, quæ sine grege ac sociis viuere non cernuntur. Multis quippe indiget, quibus parandis omnibus, sibi ipsi satis, idoneusque non est. Alius texit, alius coquit, alius agrum colit, alius alia persequitur humanæ societatis officia, quæ pro sint omnibus, singuli omnia obire per se nequaquam possunt. Atque in hanc gratiam, ut idem eodem loco scribit Aristot. datus est homini sermo, cuius animantes ceteræ minimè participes sunt: quia plura postulat ad vitam degendam, quæ nisi colloquij sermonisque beneficio conquirere non potest. Est igitur homini necessariò cum aliis versandum, agendum, & transigendum, imprimisque per actus & gestus externos, per ipsa colloquia communicandum animi consilium, ac significandum quid sibi velit, quibus indigeat rebus, quid petat ex communi conuentu vel præsidij, vel voluptatis. Ceterùm cum hæc & probè facere possit & malè, aliquam haud dubiè virtutem oportet esse, quæ in his eum semper benè, laudabiliterque versari doceat, certis ei præscribendis legibus, quarum beneficio corrigat quicquid in hoc genere à se fieri perperam ac malè cognosceret.

Animaduertendum secundo est, horum actuum externorum, sermonumque triplicem ordinem esse posse: primum eorum, quibus animi sensa penitus abdita declaramus: secundum eorum, quibus ad capiendam voluptatem iocamur ac ludimus; tertium eorum, quibus utilia tractamus & seria. Primos ea regit virtus, quæ veritas dicitur, secundos ea, quæ vocatur eutrapelia: tertios moderatur hæc affabilitas, aut comitas, de quâ disputationem hoc loco suscepimus. Dicuntur autem actus, sermonesque serij quicumque nec ad patefaciendum verum, nec ad iocationem ac ludum, sed ad persequendum aliquid utile fugiendumque contrarium adhibentur. Neque verò cum dicimus, affabilitatem & comitatem in actibus versari serus, hanc illi

peculiarem, ac propriam adiudicamus materiam; cum eiusmodi actus aliarum quoque virtutum, ac si minus omnium, certè plurimarum artium humanarum obiecta sint. sed id in summa contendimus, hanc virtutem eos actus, gestus, & colloquia iustâ moderatione componere, cum iisdem utimur ad versandum iucundè, decentèque cum aliis, quod sapissimè faciendum est. Postulat enim ipsa vitæ degendæ necessitas, ut communi hominum consuetudine, congressibus, & colloquiis utamur; sed ciuilis, hoc est, humanioris, politiorisque vitæ ratio id etiam vult, ut cum hæc agimus, & iucundè & suauiter, & decenter agamus: quod consequi absque propriæ virtutis operâ, officioque non possumus.

Animaduertendum est tertio: duo esse vitia, quæ iucundam hanc, suauemque in congressionibus communicationem & corrumpant, & hominibus adimant; quorum vnum in iis cernitur, qui voce, gestu, sermone placere omnibus student, & in aliis probant, ac laudant omnia, siue proba, siue improba sint, ac vituperationem commerita: alterum in iis, qui nihil in aliis probant, nemini placere student, omnia contentionibus turbant, ac propterea dytcoli, hoc est, morosi, contentiosi, atque insociabiles nominantur. Qui enim placere volunt omnibus, nec vllâ quempiam afficere tristitiâ, sed aliorum diâta iacta que, quantumvis improba, laudare non dubitant, veram, probabilem, honestam consuetudinis humanæ suauitatem perditum eunt, cum eâ laudatione ipsum vitium augeant quod commendant. Nam quemadmodum laudata virtus fieri solet auctior, & incrementa suscipere, sic amplificatur improbitas, ubi nullâ honorum reprehensione carpitur, sed stultorum assentionibus adprobatur. Non potest igitur ea conuictus & colloquij iucunditas vitiosa vituperabilisque non esse, quæ vitium auget, & approbatione leuissimâ, improbitatis alienæ particeps est. Illi autem insociabiles & dytcoli, qui nihil eorum probant, quæ ab aliis dicuntur, aut fiunt, qui contentiosi semper sunt, ac repugnantes, amicitiam, concordiam, & consuetudinem societatis humanæ funditus tollunt, atque ab illâ naturali communicatione, cuius innata nobis cupiditas est, hominis appetitionem ac voluntatem auertunt.

Est igitur huius virtutis, quam affabilitatem & comitatem dicimus, illam exuperantiam & hunc defectum ab humano conuiui depellere, atque inter utrumque vitium po-

nere modum, extremis vtrinque reductis, ac medio designato. Dicitur enim affabilitas, quia congruentem iustamque sermonis suavitatem in loco impartitur ac tempore. dicitur comitas, quia iucundos & comes homines reddit inter agendum, communicandūque cum aliis. Duo igitur hæc postulat virtus, quorum vnum obtinet locum suis, alterum videtur instrumentum ac medium esse, quo affabilitas & comitas ipsa tendit in finem. Finis quidem eius est, consuetudinis verborūque suauitas in actionibus vitæ seriis. id enim agit ac sequitur, vt eos quibuscum seris versamur, ac loquimur, oblectet quantum & quemadmodum decet. instrumenta verò atque præsidia, quæ ad hunc finem consequendum assumit, motus, gestus, sermones sunt iucunditate quadam & suauitate reisperi: cum eius sit, qui huius virtutis functione tenetur, in rebus atque actionibus seris ita verba motūque componere, vt ipsum oportet ac decet, eorum habitū ratione quibuscum versatur, ponderatisque negotiis, quæ transiguntur, ac tempore circumspicito, quod non idem semper à nobis officium postulat. Nam quemadmodum iustitia in iis, quæ propriè agit, id præstat, vt sine vllius iniuria & verba & negotia peragantur: sic affabilitas efficit, vt in his, quæ dicuntur ac fiunt, nemo vel agrestis sit, vel alteri, cum quo vivit versaturque, molestus, sed loquendo potius, versando, gestum ipsum faciendo, iucundum se quisque, suauemque præbeat omnibus, vt par est, & efflagitat ratio, pro negotij, personæ, loci, ac temporis varietate. Neque verò prohibet idcirco comitas, impeditque prorsus hominem, quominus aliquid etiam afferre tristitiæ dolorisque possit ei, quem afficere suauitate contendit. Incidunt enim interdum ea tempora, quibus temporibus adprobanda non sint quæ ab aliis imprudenter, aut improbè fiunt. Sed tunc eiusdem est virtutis officium subducere suauitatem suam, ne illius peccati particeps esse velle videatur. videretur autem particeps esse velle, si suam rerineret iucunditatem, aut aliquo signo rem sibi displicere non demonstraret.

Animaduertendum est quarto: huiusce virtutis quinque posse recenseri proprietates. Prima hæc est: Vir comis atque affabilis cum omnibus iucundè loquitur, ac suauiter agit, vt decori lex postulat. Secunda: Vult ille quidem aliis delectationem afferre, & cum aliis versari ac viuere iucundè, sed non turpiter aut cum detrimento vel suo, vel alieno. Tertia: Suo itaque iudicio ac sponte alios aliquā tristitiā interdum afficit, ad honestum aut vile bonum conseruandum, quorum bonorum gratiā eligunt homines communem vitæ societatem. Quarta: Iucunditatem, suauitatemque sermonis & consuetudinis suæ non eandem & vniuersi modi omnibus semper exhibet, sed aliam principibus viris, aliam priuatis, infimæ fortis hominibus aliam. Quinta: Operatur quidem ipse per se alios delectatione perfundere, sed tamen, si bona consecuturus maiora & ampliora sit, ab inferendâ tristitiâ non

abhorret. Quibus ex proprietatibus colligendum id est, affabilitati propositum esse: non modò delectationes humanæ ciuiliſque consuetudinis, verum etiam tristitias temperare, sic prorsus, vt cum alium in loco contristat ac tempore, à finibus officij sui recedere censei non debeat.

Animaduertendum est quinto, Affabilitatem & comitatem cum aliis quibusdam virtutibus obtinere similitudinem, & iisdem tamen dissimilem esse. Primo quidem, quantum ad actum attinet externum, amicitiæ similis est. Quemadmodum enim amicus cum amico iucunde viuit, eumque contristat vbi sit opus, sic prorsus affabilitas eodem fungitur officio aduersus eos, quibuscum colloquium & consuetudinem habet: est tamen in eo dissimilis, quòd amicus ad sic agendum amore mouetur intimo; affabilis ipso tantum incitatur habitu comitatis suæ. Deinde propter eam, quam tractat materiam, videtur esse similis temperantiæ. versatur enim in delectatione atque tristitia, quas tractare, moderari, ac regere temperantiæ est, vt diximus in libro tertio. Sed tamen ab hac etiam discrepat eo nomine, quòd ipsa eas delectationes & tristitias moderatur, quæ sunt in humano conuictu; temperantia verò illas, quæ nascuntur extra. Denique censei potest, & quidem æquius, ipsi iustitiæ similis. Vir enim affabilis per comitatem suam non id agit, vt se ipsum oblectet, sed vt iucunditate ac delectatione afficiat alios; quod videtur esse iustitiæ proprium: cum hoc homo debeat homini, vt eum delectet, nec vllâ tristitiâ conturbet aut dolore percellat. At in hac tanta etiam similitudine dissimilitudinem habet: quia ratione perfecti absolutique debiti non tenetur affabilitas, quæ admodum ipsa tenetur iustitia; quæ hominem cogitat persoluendum, reddendumque quod imperat lex, aut quod accepti beneficii ratio postulat, ei que cui hæc debentur, ius tribuit ad reposcendum. Præstat enim affabilitas nō id quod ius legale requirit, & exigit, sed quod debitum quoddam honestatis efflagitat, ab ipsâ naturali hominum coniunctione promanans. hoc autem debitum penes eum spectatur potius, qui debet, quàm penes illum, cui debeatur. sociabile nimirum animal homo est: ipsa verò sociabilis vitæ ratio vult, vt vnusquisque cum socio loquatur, verseturque suauiter & iucundè, ne societas propter tristitiâ dissiluat & dilabatur. cuiusmodi verò debitiō non ab aliquâ nascitur æqualitate, ex eo facienda & præstanda, quòd acceptum aliquid ab alio sit, sed ex eo, quòd sermo & actio vniuscuiusque sociali vitæ accommodata esse debeat, & opportuna. Itaque tametsi ego ex honestate id tibi debeo, vt delectationem afferam in conuictu, non tamen id tu iuris habes, vt hoc à me reposcas, perinde ac si mihi aliquid dederis quod reddendum & compensandum sit. Cuius rei vel illud argumento est, quòd si ego non id facio quod affabilitas iubet, & asper tristisque sum, vbi comis atque affabilis esse debeo, haud ita magnum flagitium admitto, sicut admitterem, si à me præ-

terminaretur officium, quod ipsa verè propriaque iustitiæ ratio postulat. Non est igitur affabilitas iustitia, sed iustitiæ fortasse aliquo modo subiici potest.

Dicendum igitur est primò, affabilitatem & comitatem verè proprièque virtutem esse, quod ex Aristotele sic demonstratur: In humano conuictu, communique consuetudine, quæ iucunda & suavis esse debet, duo vituperabilia vitia cernuntur extrema; quorum alterum in exuperantiâ, alterum in defectu positum est. ergo aliquem esse medium habitum oportet, à quo vitium vtrumque iustâ mediocritate corrigatur. Hic autem habitus affabilitas est.

Dicendum secundo loco est: eandem affabilitatem peculiarem quamdam esse virtutem, nec materiam sinemque communem habere cum aliis. Si enim cum aliquâ communiter haberet, eam haud dubiè deberet habere vel cum amicitia, vel cum temperantiâ, vel cum iustitiâ, quibus simillima virtutibus est. Sed ab harum singulis differt, vt dictum est supra. Igitur affabilitas propria quædam & peculiaris est virtus.

Sed argumenta quædam soluenda sunt, in quibus haud mediocris alicui posita esse videbitur vis.

Primum. Affabilitatis materia multarum esse videtur virtutum, facultatûque communis; cùm ei proponantur emendandæ, moderandæque actiones humanæ, quibus vtitur ad vitam iucundè ac decenter in ciuitatibus exigendam. Sed eadem actiones materiam suppeditant Politicæ, & Oeconomicæ, quæ facultates sunt; suppeditant iustitiæ, liberalitati, mansuetudini, ceteris, sine quibus trāsigi vita iucundè non potest. Igitur affabilitas nec virtus est, nec peculiaris est virtus. Respondeo, formale affabilitatis obiectum, eiusdemque finem nullâ cum arte vel facultate, nullâque cum virtute communicari. Non cum facultatibus: quia Politica & Oeconomica latiore ampliorique materiam habent, quàm delectationem & quasi libentia in conuictu, quemadmodum restrictè comitas atque affabilitas habet. Quod si hoc etiam illæ facultates & cauent & vident, vt suauiter & iucundè in communi consuetudine viuamus, id tamen agunt, exequunturque beneficio comitatis, cui leges & præcepta describunt. Virtutes autem ipsæ, quamquam in actionibus humanis versantur corrigendis & temperandis in eam gratiam, vt ciuilem vitam, laudabilem, quietam, & iucundam generatim & vniuersè sit, non tamen id illis nominatim propositum est. neque ad eum propriè collineant scopum, vt suauitatem ac iucunditatem colloquiis & gestibus eorum inferant, qui in communi conuictu restransigunt inter se. Neque enim affabilitas intuetur ipsam actionum humanarum substantiam, aut principes earum circumstantias, quod aliarum officium virtutum est, sed rationem ac modum, hoc est, sermones ac gestus, quibus tribuit suauitatem. Denique virtus hæc de industriâ suauitatem & iucunditatem impartitur: alix, si quid in hoc ge-

nere præstant, aliud agentes & ex accidenti præstant. ex singulis enim virtutibus gratia quædam sequitur, & incunditas, quam propriè non intuebantur qui se virtutum illarum actibus exercebant.

Secundum. Nulla virtus fictè ac per simulationem agit. hæc autem simulare videtur & fingere. est enim ementita quædam amicitia, vt ex Aristotele colligimus; cùm vir affabilis ita se gerat, vt videatur amicus, qui verè tamen amicus appellandus non est. Respondeo, non ex eo, quod affabilis habitum obtinet amicitie similem, consequens esse, virum affabilem amicitiam simulare. Neque enim, si bos & equus aliqua in re naturali conueniunt inter se, fictè dicuntur id agere quod naturâ est vtriusque commune. Habet verò affabilitas cum amicitia communem externum actum; quem cùm exercet, ac profert, non fictè profert, necideo, vt ipsa consensatur amicitia, quæ verè non sit, sed vt suo perfungatur officio, quo fungi absque simulatione potest, etiam in actu aliquo communi, proprio tamen haud prætermisso.

QVÆSTIO SECVNDA.

E duobus extremis vitiis affabilitati contrarium quodnam videatur esse deterius.

NON potest vnica conclusione quæstio definiri: quia vtriusque vitij vna simplexque ratio non est. Quemadmodum enim auaritiæ, prodigitiæque, vt supra diximus, duo genera sunt, quorum alterum simplex ab Aristotele dicitur, alterum verò mistum atque compositum: sic adulatorum dyscolorumque constituendi plures ordines sunt, vt idonea cum singulis comparatio fiat, cernaturque planius quodnam è duobus inter se collatis aut lenius aut grauius ac deterius sit.

Animaduertendum igitur est, de vtroque nos vitio disserere posse dupliciter. Interdum enim ipsam solùm intuemur & consideramus vtriusque speciem vitij, quæ simplex vniusmodi est: vt cùm is, qui adulatur nihil aliud contendit, quàm alteri placere, nec propterea tamen villo alio scelere se contaminat; & qui morosus, & contentiosus, aut litigator est, ex asperitate quadam naturæ potius eiusmodi est, quàm ex aliquo delectu studiove aliis incommodandi; neque morositatem illam suam aliis diuersi generis vitiis amplificat. Interdum verò vtrumque videmus extremum aliis quoque vitiis auctum, & tamquam copulis auxiliaribus exaggeratum. Fit enim sæpè, vt qui verba gestusque in aliorum componit gratiam, non solùm iis placere, verùm etiam inde honorem adipisci contendat, quo sit indignus, vel quæstum ac lucrum facere, quod per auaritiâ sitienter expetit. Quin id quoque non raro euenit, vt cum illo placendi studio laudet & probat omnia, id etiam approbet, quod turpe, vel publicè priuatimque perniciosum est. Huc accedit, quod aliqui etiam eo consilio laudant

laudant & probant res aliorum, ut eis facilius nocere possint, ac detrimentum aliquod vel animi, vel corporis afferre. Ille verò, qui nemini iucundus est, nec ulli mortalium placere studet, & improbat omnia, non id semper ex agresti, quæ præditus est, naturâ, incommodâque humorum complexione facit, sed interdum ex ipso contendendi studio, deidâque operâ & ex industria ad ipsam oppugnandam veritatem, vel ad eos in contemptum adducendos, quorum opera & dicta verbis, nutu, gestuque parvipendit.

Itaque dicendum primo loco est: cum placendi studium est simplex, & ille, qui per exuperantiâ dicta, factâque laudat aliena non improbat, laudationem illam suam aliò non refert, eiusmodi hominem eo solùm culpandum videri, quòd nimius sit. quicquid autem in eo genere committitur, leuius est, quàm quod ab illo peccatur, qui per defectum etiam simplicem ex aliorum dictis factisque laudat aut comprobatur nihil; non eo, inquam, consilio, ut aliis molestiam ingerat, aut eosdem aspernabiles reddat, sed quia sic factus ficiturque naturâ est, ut iucundè cum aliis versari ac transigere nesciat. Quamquam enim is nocendi consilio caret, ac propterea formaliter dycolus & contentiosus non est, quantum tamen attinet ad effectum, est contentiosus, litigiosusque materialiter, & re ipsâ contristat alios; quod multò magis est affabilitati contrarium, quàm id, quod ab alio in afferendâ delectatione plus nimio fit. Cum enim id affabilitati propositum sit, ut iucundè suauiterque consuetudinem cum aliis habeat, ab illo erit alienior extremo, quod magis à delectatione ac iucunditate recedet. Plus autè recedit qui nullam habet in consuetudine suauitatem, & tristitiâ plurimùm habet, quæ qui nihil habet tristitiæ, sed delectationis tantummodo nimium. Denique argumentum in capite de Liberalitate propositum, ad demonstrandum, simplicem avaritiam esse simplici prodigentiâ deteriore, hic etiam locum habet. Nam quemadmodum idcirco deterior est avaritia, quia liberalitati est dissimilior, & ab eadem recedit ac distat longius, quàm prodigentiâ; sic etiam illa simplex & naturalis morositas contentiosæque, quæ nihil approbat, peior existimari debet, quàm nimia commendatio, atque approbatio virtutis alienæ: quia illa affilitati & comitati dissimilior, quàm hæc, magisq; dissimilior est. Ac faciliè potest id, eiusdè Aristotelis autoritate firmari docentis, eum qui sic peccet in nimio ex ipso tactum placendi studio, appellari blandum oportere. Qui autem approbationem illam & laudationem suam ad quæstum, aliâve refert utilitatem, eum dici debere assentatorem. Significat igitur eo nomine leniori, illum leuissimè peccare, qui per simplicem exuperantiâ in hoc genere peccet.

Dicendum secundò: adulationem compositam, ac mistam cum asperitate illâ & contentione item compositâ & mistâ collatam, interdum esse deteriore, interdum verò non esse. Cum enim grauitas vtriusque vitii ab

his malis petenda sit, quæ vnūquodque creatum vel adulationem, vel asperitatem & contentionem suam assentator, & litigiosus ad improbum aliquem referunt finem, illud erit deterius & grauius vitium, quod maius ex obliquo inferet damnum. Adulator enim grauiissima interdum commendat scelera, vel molitur insidias; morosus & contentiosus interdum vel tristitiâ formaliter afficere studet alios, vel morositate minimè contentus suâ, id etiam agit, ut contemptissimos & despicatissimos efficiat eos, quorum dicta & facta per contentionem & litigium improbat. Vtræque conclusio planissima est, nec argumentis vllis concuti tam validis potest, ut necesse sit magnopere propugnare.

Vnum & perpendendum, & explorandum videtur amplius, quod de adulatione ad lucrum & quæstum relatâ pronunciat Aristot. Cum enim simplicem illam, quæ in ipso placendi studio consistit, haud multum improbasset, nec ita grauem censuisset, ut assentationem dici debere putaret, illam impositio grauiori adulationis nomine, maxime damnauit, quæ in eam gratiam placere studet aliis, ut fructum aliquem inde referat, & quæstum faciat. Non enim apparet, cur hoc tantum scelus & crimen sit; cum ipse præsertim dixerit, viri affabilis officium & partes esse, ut videat, ne cui tristitiâ pariat, sed ut delectationem potius & iucunditatem afferat, ad honestatem, vel ad utilitatem omnia referens. Nam si placendi studium referre potest ad utilitatē, nihil sanè peccabit, cum ad lucrum dirigit & quæstum, hoc est, ad pecuniam, opesque parandas, quæ commodum afferunt, & bona vtilia sunt. Et profectò finis hic in lucro & quæstu bonorum vtilium positus, nihil præferre videtur mali, cuius causâ debeat illa placendi cupiditas ita damnari & proseribi; cum hæc vtilia bona dicantur mediâ, hoc est, neque laudabilia, neque vituperabilia ipsa per se. Ergo nisi modus intersit malus, aut alius finis accedat extremus, quæ ea reddat improba, nullus eorum quæstus videtur esse vituperandus. Quin histriones ipsos & saltatores, qui placere volunt aliis ideo, ut pecuniâ corrogent, nisi alio se obstringant scelere, neque mortalium vllus damnat, neque leges pleunt, aut depellendos decernunt. Igitur hominibus propter lucrum, quæstumque blâditi, peccatum morale non est.

Animaduertendum iterum hîc est, quod supra diximus, affabilitatem & comitatem addere seriis atque vtilibus actionibus & colloquiis eam iucunditatem & suauitatem, quæ ex naturali debitione quadam honestatis homo homini debet in vlu, conuictuque civili. Quo fit, ut turpe admodum sit, hanc ipsam iucunditatem naturâ homini debitam cum quo versamur, pretio, lucroque subicere, ac non potius gratuito, ac sine mercede præstare, quemadmodum illa ratio naturalis honestatis exposcit. Quemadmodum enim si quis vellet ideo pretium & pecuniam ex eo reposcere, quòd in colloquendo verum dixerit, turpissimè faceret, quia vera loqui debet, cum

inter homines agit & loquitur: sic ille, qui debet hominibus affabilitatem, improbè facit, si ex ipsa comitate pretium quaerit. Itaque in eo posita hæc turpitudine atque improbitas est, quod affabilitas cum suâ naturâ referri ad quaestum utilitatemque non possit, referatur tamen, & tanquam venalis in nundinis habeatur. Quod si affabiliter agenti hæc pecunia non proponatur utilitas, sed ipsa tantum honestas affabilitatis, & ex ipsa tamen affabilitate sequatur utilitas, huic obesse virtuti non debet quaestus, quem ipse non petit. Fit enim interdum ut honestum bonum ita conexum cum utili sit, ut separari non possit.

Atque hinc discrimen apparet maximum inter affabilitatem & ludicras illas histriionum, ac saltatorum artes, quæ ad aliorum delectationem paratæ sic sunt, ut primum tamen finem habeant in pecuniâ positum, & collocatum in quaestui. Placere enim in ludis ac iocis homo homini naturâ non debet, sicut debet in rebus seriis, in quibus versatur affabi-

litas, adeoque huiusmodi vel facetiæ, vel iocis, ludique referri suapte naturâ possunt ad lucrum, & sic locari, quemadmodum alias locamus & vendimus operas, quibus perfungi nullâ naturâ conuictusque debitione iubemur.

Quod autem attinet ad Aristotelem, respondere, non cum velle utile bonum esse finem affabilitatis, cum ait, virum affabilem referre suauitatem suam ad bonum, utile, sed significare finem actuum, qui sunt affabilitatis materia, ipsam esse posse utilitatem. perinde ac si diceret, colloquia, gestus, & opera in quibus affabilitas ponit suauitatem suam, referri posse ad honestum & utile, quia seriæ sunt, non ludicra & lenia, qualia esse cernimus ea, quæ iocis, ac ludis continentur, ipsi-que materiam suppeditant Eutrapeliæ. Non tamen hinc sequitur, eam utilitatem ab affabilitate per se spectari, sed posse spectari ab alio. spectatur autem ab actibus ipsis, qui affabilitatis materia sunt.

CAPVT SEPTIMVM.

DE VERITATE.

SVMMA.

Veritatem, inter iactantiam ironiamque mediocritatem esse.

DIVISIO CAPITIS IN PARTES QUATVOR.

1. Certa quadam virtus est, opposita iactantia, de qua differendum erit.
2. Hæc virtus mediocritas est, suis interposita virtutis extremis.
3. Quisnam eiusmodi medius habitus, & qualis sit.
4. Extrema visia quibus est interiecta veritas, quanam sint, quod eorum videamus deseriui.

PARS PRIMA CAPITIS SEPTIMI.

ΠΕΡΙ τῆς αὐτῆς δὲ χερδὸν ἔστι καὶ ἡ τῆς ἀλαζονείας μεσότης. αἰώ-
νους δὲ καὶ αὐτῇ. οὐ χεῖρον δὲ καὶ
τῆς ὑπερβολῆς ἐπιλεγειν. πολλοὶ γὰρ
ἀπὸ εἰδήσεως τῆς παρὰ τὸ ἥθος, καὶ ἐ-
καστοὶ διελθόντες. καὶ μεσότητος τῆς
ἀρετῆς περὶ τῆς αὐτῆς αἰ, ὅτι πολλοὶ
οὕτως ἔχον στυγνότητες. ἐν δὲ τῇ συζῇ,
οἱ μὲν παρὰ τὸ ἥθος, καὶ λυσιτελοῦ-
σι, εἰρηναῖοι. παρὰ δὲ τῇ ἀν-
θυποκρίσει τε καὶ ἀνυποκρίσει εἰρηναῖοι,
ὁμοίως ἐν λόγοις καὶ πράξεσι, καὶ
τῇ παρὰ τὸν ἥθος.

Circa similia fere vertitur etiam ar-
rogantia mediocritas: nomine autem
ipsa quoque caret. Non malum autem erit
res huiusmodi persequi. multo enim ma-
gis cognoscemus ea, quæ ad mores perti-
nent, si singula persequamur; & medio-
citates esse virtutes credemus, non om-
nibus ita se habere perspicientes. In con-
uictu igitur qui ad delectationem vel mo-
lestiam congregiuntur, dicti iam sunt: de
veracibus nunc, mendacibusque dicamus,
æquè in verbis atque actionibus & si-
mulatione.

EXPLANATIO.



RES in hoc extremo libro, ut supra diximus, considerandas sibi proposuit virtutes ad vitæ societatem celebrandam & retinendam idoneas, affabilitatem, veritatem, eutrapeliam. Ad secundam aggreditur, quando de prima iam dictum est satis. Et quoniam hæc etiam proprio caret nomine, adumbranda fuit descriptione quadam ab extremis desumptâ, quæ notiora sunt, & vocabulum habent ac nomen suum.

Primum ergo descriptionem petit ab exuperantia, quam Latine arrogantiam vertimus, sed iactationem quoque poteramus, siue iactantiam dicere. est enim Græcè ἀλαζονεία. quæ vox, ut arrogantiam quoque fastumque significet, solet tamen sæpius usurpari pro gloriatione, siue iactatione quadam inani, qua res suas aliqui plus nimio venditant. Itaque Vlpianus Demosthenis interpretæ ait, ἀλαζονείας quorundam hominum esse, qui plura, quàm efficere, ac præstare possunt, polliceantur. & Aristoteles ipse in primo lib. Rhet. ἀλαζονείαν describens; eius ait hominis hoc vitium esse, qui suam magnificè prædicare, de se nimium polliceri, aliena facta sibi adscribere, solitus sit. Rectè igitur idem Demosthenis enarrator Vlpianus ἀλαζονείαν vaniloquentiam interpretatur: ac nos præterea ostentationem, gloriationem, venditationem aut iactationem appellare meritò possumus, quibus ipse Cicero ad huius vocis exprimendam Latine sententiam nominibus vitæ. Neque verò ab ipso iactantiæ nomine abhorrendum est, quamvis eiusmodi vox Ciceroni sit insolens. Usurpatur enim à Quintiliano in lib. 9. cap. 11. quod satis est, ut Latinum videri vocabulum debeat, à philosopho non alienum.

Circa similia fere, &c.] Ait adeo velle de virtute quadam hæud nominata differere, quæ in iis propè versatur rebus, in quibus versari iam diximus affabilitatem. Est enim hæc virtus nihil aliud quàm arrogantia siue iactantiæ mediocritas, ac propterea sic emendat id quod est in verborum aliorumque actuum gloriabunda iactatione nimium, quemadmodum comitas & affabilitas exuperantiam corrigit eius nimia iucunditatis, & suauitatis, quæ in verbis, actibusque cernitur assentatoriis. Itaque & materiam eandem propemodum habent, & in eo præterea similes sunt, quòd nomine carent. sed sicut ab affabilitate tamen invenimus illi nomen, ita faciemus huic à veritate. Quamquam enim veracitas dici potius deberet, quia studium quoddam veritatis continet, & veritas ipsa verum significare solet, non φιλαλήθεια, hoc est, amorem veritatis, hanc tamen inceptum habet à Cicerone notionem, ut ipsam significare virtutem possit versantem in veritate. In lib. enim secundo de Invent. inter virtutes Veritatem quoque recenset his verbis: Veritas est per quam immutata ea quæ sunt, aut antè fuerunt, aut futura sunt, dicuntur.

Non malum autem erit, &c.] Dissertationem hanc ex usu futuram esse contendit, atque hunc fructum allaturam, quòd habitibus his extremis explicatis, & medio, planius intelligemus ea, quæ ad hanc doctrinam de moribus pertinent, & facilius nobis in animum inducemus; singulas virtutes quasdam esse mediocritates. Sed hæc utilitas non tam est huius loci propria, quàm omnium communis. offertur tamen hic, ne frustra suscipi disputationem hanc existimemus. susciperetur enim frustra, nisi utilitatem saltem fructumque communem ex ea nos esse decerpturos intelligeremus. Dicendum ergo sibi proponit de iis qui in humano conuictu vitæque societate veritatem colunt, deque iis, qui verbo, factis, simulatione mentiuntur, quandoquidem de comitate, atque affabilitate sic est supra iam disputatum, nihil ut possit præterea desiderari.

PARS SECUNDA CAPITIS SEPTIMI.



ΔΟκίῃ δὲ ὁ μὲν ἀλαζών, περὶ ἀπομιμήσεως τῶν ἐνδεξίων, καὶ μὴ ὑπαρχόντων, καὶ μετρίων ἢ ὑπαρχόντων. ὁ δὲ εἰρωνεύων αἰάπαλιν, ἀρνούμενος τὰ ὑπάρχοντα, καὶ



Videtur autem arrogans, propensus ad fingendum illustria, & ea quæ sibi non insunt, & maiora quàm insunt: dissimulatur verò contrà, negare quæ habet, vel

ἐλαττω ποῖν. ὁ δὲ μέσος, αὐτὸς ἑαυτοῦ ὡς
ὢν, ἀληθευτικὸς καὶ πᾶσι βίῃ καὶ πᾶσι
λόγῳ, ὅτι ὑπαρξάντα ὁμολογᾷ ἔτι
πρὸς αὐτὸν, καὶ οὐτὶ μείζω, οὐτὶ
ἐλάττω. ἔστι δὲ πούτων ἕκαστα, καὶ ἐν-
καί πῖες ποῖν, καὶ μετρώς. ἕκαστος
δὲ οἷός ἐστι, πᾶσι λέγει καὶ πρᾶτ-
ται. καὶ οὕτω ζῇ, ἐὰν μὴ ὕψος ἐν-
κα πρᾶτῃ. καὶ αὐτὸ δὲ ὁ μὲν ψευ-
δος, φᾶλον καὶ ψεκτός. ὁ δὲ ἀλη-
θής, καλὸν καὶ ἐπαγγελίαν. οὕτω δὲ καὶ
ὁ μὲν ἀληθευτικὸς, μέσος ὢν, ἐπαγ-
γετός. οἱ δὲ ψευδομένοι, ἀμφότεροι μὲν
ψεκτοί· μάλλον δὲ ὁ ἀλαζών.

minora facere. Sed medius, cum talis aper-
te sit, qualis est, verax est & vita & ver-
bo, illa quæ habet apud se profitens esse,
neque maiora neque minora. Accidit au-
tem, ut horum singula & causâ alicuius
rei fiant, & nullius. quisque verò qua-
lis est, talia loquitur & agit; & ita
vivit, nisi alicuius rei gratiâ agat. Per se
autem ipsum quidem mendacium, impro-
bum est & visuperabile: sed verum, ho-
nestum ac laudabile. itaque verax, cum
sit medius, laudabilis est. Mendaces au-
tem ambo quidem visuperabiles sunt: sed
magis arrogans.

EXPLANATIO.



EXTREMOS habitus, quorum vnum supra leuiter attigerat, & me-
dium ipsis interceptum extremis, quem etiam vix indicauerat, expli-
cat hic distinctius, iis notatis hominibus, in quibus sunt. Qui per
exuperantiam peccant, eos ait arrogantes appellari, siue ostentato-
res, iactatores, venditatores & gloriosos, his quippe nominibus apud
Latinos significantur ij, quos Græci nominant ἀλαζόνας. Gloriosi passim à Cice-
rone dicuntur: ostentatores à Liuiο in lib. 1. ab Vrb. cond. & à Plauto in Curcul.
iactatores verò à Quintil. in lib. 11. cap. 1. venditatores denique ab Aulo Gell. in
lib. 18. cap. 4. Apollinaris Sulpitius, inquit, in memoria nostra præter alios do-
ctus, iactatorem quempiam & venditorem Sallustianæ lectionis irrisit. Scopu-
lum hic indicat Pet. Victorius, quem nemo defugerit interpretum; cum omnes
ad vnum, ἀλαζονείαν dicere non dubitarent arrogantiam, & ἀλαζόνας, arrogantes,
miranturque Lambinum latinæ alioqui scientissimum hic esse prolapsum nec
vidisse, arrogantiam esse superbiam, non huius gloriationis, inanisque prædicationis,
quæ mendacium, non superbia est. Sed hunc indicem ego non quidem spreui,
sed hoc loco minùs audiendum putavi. credidit quippe, Aristotelem loqui de vi-
tio veritati contrariò, quod ψευδολογία vocatur, quia in verbis tantummodo men-
dacibus, ac falsis positum est; cum tamen in actibus etiam iis collocatum velit,
quibus aliquid in nobis esse quòd verè non sit, vel maius esse, quàm sit signifi-
camus. Vt enim affabilitati contraria adulatio non ipsis tantum verbis atque collo-
quiis, verum etiam in gestibus, aliisque humanæ consuetudinis actibus cernitur:
ita hoc vitium, quod veritati per exuperantiam aduersatur, latius patet, quàm ut
verbis & oratione contineatur. Quapropter qui in eo genere peccant, dicti sunt
à bonis interpretibus non gloriosi tantum, verum etiam arrogantes communi vo-
cabulo cum insolentia atque superbia, quod tamen ad hoc significandum con-
trahi possit. Nam, ne ipsa quidem ἀλαζονεία vnius est, simplicisque notionis apud
Græcos; cum ipsemet Aristoteles in lib. Magnor. mor. 1. cap. 24. ἀλαζονείαν ap-
pelleret exuperantiam in magnis faciendis sumptibus, ipsi oppositam contrariam-
que magnificentiam. μεγαλοπρέπεια δὲ ἔστι μεσότης ἀλαζονείας. Quin à quibusdam
ἀλαζονεία dicitur ipsa prudentiæ simulatio: ut intelligamus omnem insolentiam,
atque elationem, omnemque fictionem, siue factis siue verbis ad inanem gloriam
captandam exhibitam, ἀλαζονείαν esse. Quemadmodum igitur tam latè patens vo-
cabulum in angustum adduxit Aristoteles, ad significandum vitium verbis factis-
que veritati contrarium, cuiusmodi iactantia est, & ostentatio, quæ verbis, aut
signis exprimitur: sic Latini explanatores atque interpretes ad idem explicandum,
arrogantiæ nomen contrahere potuerunt; cum ipsa quoque iactatio quoddam sit
arrogantiæ genus, & arrogantia atque superbia quoddam esse mendacium videa-
tur. Cum igitur hæc vocabula ita inuicem commutentur, commodius arrogantia,

quàm iactatio vel ostentatio verti videtur hic ἀλαζονεία, ut ea quoque gloria-
tio significetur, quam non verbis, sed factis, signisq; præ se ferunt iactatores.
Nos adeò, quoniam de re constat, sine discrimine his vocibus utamur, dicamús-
que iterum quod iam indicavimus; Aristotelem id quod nimium in hoc genere est,
arrogantiam siue iactationem & gloriationem appellare, eòsq; qui per exuperan-
tiam aduersus veritatem peccant, dicere arrogantes & iactatores. At adeo, iacta-
torem cum esse, qui præclara quædam atque illustria de se fingit & simulat: id-
que duplici ratione ac via. vnà quidem, cùm simulat aliquam se præstantiam &
gloriosam excellentiam habere, quam verè non habeat; alià, cùm id gloriosi
præclarique quod habet, verbis aut signis extollit, & maius aliquid, atque am-
plius esse fingit, quàm verè sit. Huic verò contrarium & per defectum peccantem
in eo quod parum est, ὑπόκρισις, hoc est, dissimulatorem, aut cauillatorem docet ap-
pellari debere. ὑποκριτής quippe apud Græcos est dissimulatione vtor, vnde ductum
nomen dissimulantis est ὑπὸ κρυπτῶν, & ὑποκρίσιν, quæ dissimulatio dicitur à Marco Tullio
Cicerone in 2. de Orat. Urbana etiam, inquit, dissimulatio est, cùm aliter sentias,
ac loquare. Et paulò post: In hoc genere Fannius in Annalibus suis Africanum
hunc Æmilianum dicit fuisse, & cum verbo Græco appellat ὑπόκριαν. sed vti ferunt
qui melius hæc norunt, Socratem opinor in hac ironia, dissimulantiaque longè le-
pore & humanitate omnibus præstitisse. De ironia loquitur oratorum, qua sæpè ad
illudendum, & irridendum vtuntur aduersarium: qualis est illa pro Rab. At cre-
do cùm innumerabiles hostium copias in Italia fudisset, atque obsidione Italiam
liberasset, omnia sua secum vnà moritura arbitrabatur. Sed hæc oratorum ironia
non semper est ea, de qua hic loquitur Aristoteles, & quam ei tribuit qui iacta-
tori contrarius sit. Satis enim habent oratores, si cùm hac vtuntur figura, sic fingant;
ut aliud dicant, aliud sentiant: id quod est omnium commune qui mentiuntur. Nam
illi quoque superiores, qui se iactant, & habere se quod non habent, aut plus ali-
quid habere se simulant, quàm habeant, conerà loquuntur & agunt quàm omni-
no sentiant. qui autem ostentatori opponitur, is nominatim est, qui fingit se non
habere quod habet, aut minùs habere, quàm habet. itaque Latine dissimulatio dicitur,
cuiusque fictio propriè, restrictèque dissimulatio nominatur. Neque enim inter
simulare, ac dissimulare discrimen est leue: cùm simulare sit falsum pro vero trade-
re, teste Donato, ductum, ut quidam volunt, à simul; perinde ac si simulare sit, ea
quæ longè absunt simul esse ostendere. quale illud est apud Cicer. pro lege Man. si-
nitimis suis bellum inferre simulauit; & illud Cæsaris in primo de bello Gall. simu-
labat amicitiam, cùm interim illi perniciem moliretur. In summa simulamus id quod
verum non est. non enim bellum illud & amicitia vera erant, sed vera esse ostende-
bantur. Contrà verò, dissimulare est fingere id non esse, quod verè est, siue verum
occultare, & connuere. Si quis est paulò erectior, inquit Tull. in lib. 1. off. occul-
tat & dissimulat appetitum voluptatis. & Liu. Dissimulabat silentio acceptam iniu-
riam. Est ergo simulator qui verum id esse fingit, quod minimè verum sit, dissimu-
lator qui fingit verum non esse quod verissimum est; ut meritò Tiberius, qui artifi-
cium verumque tenebat, cuiuslibet rei simulator fuisse dicatur. Illi adeò quos Ari-
stoteles ἀλαζονες appellat, simulatores dicendi sunt, cùm ostentatores & venditator-
es e mentis gloriæ sint: ij verò, quos nominat ὑποκριται, dissimulatores dicendi viden-
tur; cùm verum occultent, in accepta conniueant iniuria, nec præ se ferant id,
quod verum est, sed apud se premant. Horum autem duplex etiam facit genus,
vnum eorum, qui student ostendere, illam sibi non esse præstantiam, quam habent;
aliud eorum, qui eandem præstantiam suam fingunt minorem esse, quàm sit.

Sed medius, &c.] His interiectum & medium docet esse appellandum αὐτίχης-
τος, quæ vox rigidum significat, naturâ seuerum, & rectum, æquumque persequen-
tem exactè, ut ex Plutarcho in Alcibiade & Platone colligitur. Cur autem is vocetur
αὐτίχηςτος; hæc ab aliquibus causa profertur, quòd qui sunt ita rigidi, ut dixi-
mus, ea, quorum sibi reddendam rationem purant, αὐτὰ ἑχέστα, hoc est, ipsorum
singula accuratissimè recensent, extimescentes, ne quid è iusto numero elabatur.
sed hic apud Aristotelem αὐτίχηςτος est is, qui factis, verbisque ipsâ vitæ ratione
atque consuetudine sit verax, & omnia, ut reuera se habent ac per se sunt, ita
esse demonstrat, nihil eorum augens, nihil extenuans, aut imminuens. id enim vi-
deretur indicare huius notatio nominis; cùm qui talis est, proferat ἑχέστον, ut est

αὐτὸ, hoc est, singula, vt ipsa sunt. Ita videlicet veracem hominem duobus illis mendacibus interpositum, & habitum ipsum medium sibi describendum putauit, quem hic carere nomine contendit, sed in Magnis Moral. & in Eudemus veritatem appellare non dubitat.

Accidit autem, &c.] Diligentiorē subiicit horum nominum explicationem. Verum enim ac falsum dici multifariam potest, quemadmodum aggreditur adhibita distinctione declarare. Eam quippe docet esse rerum naturam ac vim, in quibus veritas versatur ac falsitas, vt & alicuius, & nullius omnino rei gratia fieri possint. Mentiuntur aliqui vel ex metu vel ex alicuius commodi, & gloriæ causâ. alij nullo proposito præmio, nullôve compulsi metu; sed quia tam improbo more, tamque peruerso præditi sunt habitu, mentiuntur. Verum item nonnulli dicunt, vel supplicio deterriti, vel pactis adacti, quibus obtemperare etiam ipsorum interit: alij nullâ re prouocati, sed ideo tantum, quod tam bono instructi sunt habitu, vt verum per se ament dicere, & ex professione veri percipiant animo delectationem. Quâ differentiâ sic explicatâ & propositâ, ait huc pertinere, non eos, qui vel metu, vel aliâ compulsi causâ, sed qui ex habitu veritatem ament, & verum libenter, ac faciliè profiteantur. Nam alij ad alias allegandi virtutes sunt, à quibus accipiunt leges, & moderationem agendi: Quotusquisque non videt, eos, qui verum dicant promissione coactos, ad iusticiam pertinere, quæ fidem præstare iubet conuentis & pactis? Hos igitur, ceteris ab hac quaestione reiectis, id sibi seponit, quæritque, quinam ex tribus habitibus iam commemoratis cum virtute coniuncti sint, quinam ab eadem virtute sint alieni. Et quoniam laus in virtutem, vituperatio in vitium propriè cadit, ex eo statuit, veritatem virtute contineri, mendacium vitio, quod laudabilis veritas, vituperabile mendacium sit. id verò probat & demonstrat hoc modo: Cuius hominis actio censetur laudabilis, ille laudabilis est; & cuius actio vituperabilis existimatur, ille vituperabilis est. Sed veracis hominis actio ab omnibus putatur laudabilis, iactatoris ac dissimulatores actio omnium iudicio vituperabilis habetur; cum vtriusque actio mendacium sit. Igitur verax intermedius, est laudabilis: vterque mendax extremus, vituperabilis est. Quod autem est laudabile, virtutem habet; quod est vituperabile, vitium obtinet, cuius videlicet causâ vituperatur. Addit vnum ad extremum, quod verissimum est, sed probabitur infra: ambos nimirum mendaces, hoc est, iactatores, qui verum aut simulant, aut augent, & dissimulatores, qui verum aut occultant; aut imminutum eunt, esse quidem vituperabiles, sed vituperatione maiori dignos haberi gloriosos, & iactatores, quia longius à veritate recedunt.

PARS TERTIA CAPITIS SEPTIMI.

ΠΕΡΙ ΕΧΑΤΕΡΟΥ ΔΕ ΕΙΠΩΜΕΝ, ΠΡΟΤΕΡΟΝ ΔΕ ΠΕΡΙ ΤΗΣ ΑΛΗΘΕΙΑΣ. ΟΥ ΓΑΡ ΠΕΡΙ ΤΗΣ ΕΝ ΤΗΣ ΟΜΟΛΟΓΙΑΣ ΑΛΗΘΕΙΑΣ ΛΕΓΟΜΕΝ. ΟΥΔ' ΟΤΙ ΕΙΣ ΑΔΙΚΙΑΝ, Η ΔΙΑΦΟΡΩΣ ΣΙΩΠΗΣ. (ΑΛΛΗΣ ΓΑΡ ΔΥ ΕΙΝ ΤΑΥΤ' ΕΡΕΤΗΣ.) ΑΛΛ' ΕΝ ΟΙΣ ΜΗΤΕΡΟΣ ΓΙΟΥΝΤΟ ΔΙΑΦΕΡΕΤΟΣ, ΚΑΙ ΕΝ ΛΟΓΩ, ΚΑΙ ΕΝ ΒΙΩ ΔΗΘΕΛΩ, ΤΑΙ ΠΛΗΡΕΣ ΓΙΟΥΝΤΟΣ ΕΙ). ΔΟΞΕΙ ΔΕ ΔΥ Ο ΓΙΟΥΝΤΟΣ ΕΠΙΔΕΧΕΤΑΙ ΕΙ). Ο ΓΑΡ ΦΙΛΑΛΗΤΗΣ, ΚΑΙ ΟΙΣ ΜΗ ΔΙΑΦΕΡΕΙ ΔΗΘΕΛΩΝ, ΔΗΘΕΛΩΣ ΚΑΙ ΕΝ ΟΙΣ ΔΙΑΦΕΡΕΙ ΕΠΙ ΜΑΛΛΟΝ. ΩΣ ΓΑΡ ΑΙΧΜΕΝ, Ο ΨΥΔΟΣ ΔΙΑΓΕΝΗΣΤΑΙ, ΟΥΚ ΕΚΑΙ ΚΑΘ' ΑΥΤΟΝ ΗΥΛΑΖΕΤΑΙ.

DE viroque autem dicamus, ac prius quidem de veraci. non enim de illo qui in stipulationibus, & in iis, quæ ad iniusticiam, vel iusticiam pertinent, verax est, loquimur. (hæc enim alterius fortasse virtutis sunt) sed de eo, qui in iis rebus, in quibus hoc nihil refert, & sermone & vita verax est, quia eiusmodi secundum habitum est. Videtur autem qui talis est, probus esse. nam qui veritatis est studiosus, & vbi nihil refert, est verax, multò magis dicet verum vbi refert. Nam tamquam rem turpem mendacium cauebit, quod iam per se vitabat.

ὁ δὲ τοιοῦτος ἐπαρτεῖς. ὅτι δ' ἐλαττω-
 δὲ μᾶλλον τῷ ἀνθρώπῳ ἀποκρίνῃ. ἐμμε-
 λότερον γὰρ φαίνεται, ἀφ' οὗ δ' ἐπαρτεῖς
 τὸ κατὰ φύσιν εἶναι.

Talis autem laudabilis est. sed tamen ad defectum potius veri declinat. Concinnius enim videtur: quia odiosa exuperantia sunt.

EXPLANATIO.



DIXERAT ad extremum supra, se de utroque mendaci, hoc est, de iactatore, ac de ironico siue dissimulatore disputaturum explicatius esse, sed prius tamen de veraci, qui inter utrumque medius est. Id aggreditur hoc loco præstare; veracem hominem sibi propositum distinguens à ceteris, ut planius demum appareat, de quo ipse loquatur ac disserat. Ait igitur primum, de illo veraci se verba non facere, qui in stipulationibus, siue in pactionibus conuentisque obligatam seruat ac præstat fidem, aut verum proficitur in aliis rebus, quæ ad iustitiam aliquâ ratione referuntur: ut cum quis appellatus ab eo, cum quo contraxit, aut interrogatus à iudice, fatetur id quod res est (ad iustitiam enim, non ad veritatem id pertinet) sed de illo, qui & verbis & re, ipsaque ratione vitæ verum dicit, ac præ se fert in iis quoque rebus, quæ nihil ad iustitiam, aut iniustitiam attingunt. Quamuis enim nihil intersit interdum, si mentiatur, quod fidem iurum non violat pactionibus obligatam, neque conuentum ullum & contractum infringat, mendacium tamen fugiet, & verum nihilominus fatebitur, nullo proposito sibi externo fine, sed quia eiusmodi ingenio atque habitu animi est, à quo ad veritatem ubique ac semper profitendam permouetur. Seruit denique moribus suis, & cum verum dicit, neque damno vllò, neque vilitate mouetur, sed mendacii deterretur turpitudine, quam odio habet; atque ipsa veritatis honestate compellitur, quâ delectatur. Talis igitur vir, inquit Aristoteles, merito & æquus & probus habendus est. Nam qui in rebus illis, in quibus veritatem sequi ac profiteri, aut parum, aut nihil refert, amat tamen & vult verum proferre, multò sanè magis vera loquetur in iis, in quibus verum dicere permagni refert. Mendacium quippe tanquam aliquid turpe in re magnâ facillè vitabit, quod iam ipse per se fugiebat in leui. Ceterum quia difficile est inter loquendum, ipsum quasi medium punctum veritatis attingere, si ad aliquam partem declinandum sit, is qui veridicus est, hoc est, iusto instructus habitu veritatis, ad id potius quod parum est, quàm ad nimium declinabit. sed tamen intra mediocritatis latitudinem se tenebit, nec ipsius defectus fines penitus ingredietur. Nam citra vitium, ad extenuandam veritatem rerum, à quibus accepturus esset laudem, propensior est: quia hoc videtur, inquit Aristoteles, ἐμμελότερον, quod alij concinnius, & elegantius, alij moderatius vertunt. utrumque rectè. nam res suas laudabiles & gloriosas eleuare, atque imminuere cum ratione ac modo, hominis profectò boni & moderati, atque compositi animi est. Denique confirmat vniuersè, omnem exuperantiam, & quicquid est nimium, odiosum esse, sed videri velle præstare ceteris, inuidiosissimum & molestissimum esse. ut intelligamus ab hoc potius scopulo, quàm à superiori cauendum esse.

PARS QUARTA CAPITIS SEPTIMI.

Ο Δὲ μᾶλλον τῷ κατὰ φύσιν
 προσποιούμενος, μᾶλλον ἐ-
 νεκα, φαύλω μὲν εἴκεν. οὐ γὰρ
 μὲν εἴχετο τὰς ψυχὰς. μάλιστα δὲ
 φαίνεται μᾶλλον ἢ κακός. Εἰ δὲ
 εἴκοιτο ἄλλος, ὁ μὲν δόξης ἢ τιμῆς,

AT verò qui maiora quàm insint, in-
 esse sibi simulat, nullius rei gratiâ,
 improbo sanè similis est, (non enim gaudere mendacio) vanus tamen potius videtur,
 quàm malus: sin autem alicuius rei causa
 is, qui gloria, vel honoris gratiâ faciat,

οὐ λίαν ψευδής. ὡς ὁ ἀλαζών. ὁ δὲ ἄρ-
 γυεῖον ἢ ὅσα εἰς ἄργυριον, ἀρχιμονέτε-
 ρος. εἴτε ἐν τῇ διωάμει, ἢ ὅτιν ὁ ἀλα-
 ζών, ἀλλ' ἐν τῇ παρορέσει. καὶ πλεονέχει
 γὰρ, καὶ πάλ' ἑαυτὸς δὲ οἶ, ἀλαζών ὅτιν.
 ὡς πρὸς καὶ ψεύτης, ὁ μὲν πάλ' ψεύδεται αὐτῷ
 χαίρων, ὁ δὲ δόξης ἐρεγόμενος, ἢ κέρ-
 δους. οἱ μὲν οὖν δόξης χάριν ἀλαζ-
 νόνοισι, καὶ τοιαῦτα παρομοιωται,
 ἐφ' οἷς ἔπαυτος, ἢ ὁ δαυμωσιμός. οἱ
 δὲ κέρδους ὧν καὶ ἀπὸ λαοῦς ἔστι πῖς
 πάλαι, καὶ αὐτὸς ἀλαζών ὅτιν μὴ ὄν-
 ται. οἷ. ἰατρὸς, ἢ μάστις, ἢ σφοδρὸς.
 Ἀλλὰ τῆς οἱ πλεονέχει παρομοιωται
 καὶ τοιαῦτα, καὶ ἀλαζονεύεται. ἐστὶ γὰρ
 ἐν αἰσῖς καὶ εἰρημίας. οἱ δὲ εἰρω-
 νιστὰς ὁ ἄρα πρὸς λέγοντες, χαίρει-
 ῶν μὲν καὶ ἡ δὲ φαίνεται. οὐ γὰρ κέρ-
 δους, ἀνεκα δόξουσι λέγειν, ἀλλὰ φά-
 νηται ὁ ὀκνηρὸς. μέλιστα δὲ καὶ οὐ-
 ται καὶ ἐδόξα ἀπὸ τοῦ πρὸς. οἷ. καὶ Σω-
 κράτης ἐπὶ οἷ. οἱ δὲ καὶ καὶ μὴ καὶ καὶ
 φέρει καὶ παρομοιωται, βασιλοπα-
 νοῦργος λέγονται, καὶ βικατοφροῖνται
 εἰσι. καὶ ἐνὶ οἷ ἀλαζονεία φαίνεται.
 οἷ. ἢ τῷ Λακωνικῷ ἐαυτῷ. καὶ γὰρ ἢ
 ὑπερβολῇ, καὶ ἢ λίαν ἐλλείψει, ἀλα-
 ζονεύει. οἱ δὲ μετρίως χρώμενοι τῇ
 εἰρωμείᾳ, καὶ πρὸς καὶ μὴ λίαν ἐμπο-
 δῶν καὶ φανερὰ εἰρωνὴ ἐκδιδόντες, χα-
 εἰντες φαίνεται. Ἀπὸ κείνου δὲ ὁ ἀλα-
 ζών φαίνεται ὡς ἀνθρώπου, χαίρων γὰρ.

non est magnopere vituperandus, aut ar-
 rogans: qui verò pecunia gratiâ, aliarum-
 que rerum, quæ pecunia locum obtinet; mul-
 to fadior est. Neque verò in potentia con-
 sistit ostentator, sed in electione; ex habitu
 namque & ex eo, quod talis sit, arrogans
 est; sicut & mendax: quorum hic, ipso men-
 dacio delectatur, ille gloriam affectat, aut
 lucrû. Qui ergo gloria causâ iactantes sūt,
 ea simulant, in quibus laus & beatitudo
 consistit: qui verò lucri gratiâ, ea, quorum
 fructus peruadit ad propinquos, quæque la-
 tere possunt si non adsint, ut medicum esse,
 vel vatem, vel sapientem. Atque ob hanc
 causam quamplurimi simulant huiusmodi
 res, & sibi arrogans. sunt enim in ipsis ea,
 quæ diximus. Ironici autem minùs, quàm
 insit, dicentes, elegantiores moribus viden-
 tur non enim quæstus gratiâ videntur lo-
 qui, sed fugientes elationem. atque hi maxi-
 mè gloriosa de se pernegant: quod & So-
 crates faciebat. Sed qui & parua, & ma-
 nifesta dissimulant, versutè graues appel-
 lantur, & aspernabiles sunt. Atque inter-
 dum arrogantia videntur: qualis est Lacedæ-
 monum vestitus. nam & nimium &
 valde parum, arrogantis est. Atqui mode-
 ratè viuunt dissimulatione; & in iis, quæ
 non valde prompta & manifesta sunt, dis-
 simulant, elegantes videntur. Ceterum ad-
 uersari iactator perspicitur veraci: deter-
 ior etenim est.

EXPLANATIO.



Ab itv veracis exposito, duo restant extremi, quibus ille interitus
 est. Ab exuperantia, hoc est, ab habitu vitioso iactantiæ ducit ini-
 tium, hæc tria demonstrans: Primum: quàm varia ratione, & quor
 modis in eo peccetur. Secundum: quid sit id, penes quod attenditur
 præcipuè, maximèque iactantiæ vitium. Tertium: quibus potissimum
 in rebus ipsa iactantia cernitur.

Quod attinet ad primum: affirmat, iactantiæ peccatum posse ab aliquo tribus
 modis admitti. Primus; si gloriatur ea sibi inesse, quæ non insint, vel inesse ma-
 iora, quàm insint, idque nullius alterius rei gratia, nisi propterea, quod in eo de-
 lectetur, & gaudeat. Hunc hominem ait esse simillimum improbo, & flagitioso;
 quia capit ex mendacio voluptatem: re tamen ipsâ nec esse, nec dici debere im-
 probum, sed μάταιον; hoc est, ut aliqui interpretantur, stultum, ut alij, futi-
 lem, ineptum aut vanum, ut alij, leuiculum, & nugatorem. neque enim est
 alius perniciosus, aut noxius, sed tantummodo leuis, ac vanus, quia mendacio de-
 lectatur inutili. Secundus iactantiæ modus est, cùm quis gloriosè de se loquitur ex
 honoris & gloriæ cupiditate: quem hominem ait, haud magnopere vituperabilem

esse, quia honoris & gloriæ bonum quamdam habet affinitatem cum bonis honestis, quorum causa laudamur, & honoramur. Tertius est; cum aliqui ex illa sua gloriatione lucrum, & pecuniam quærunt, aut ea, quæ pecuniâ metiri, atque æstimare soliti sumus. Hos autem docet longè turpiores, maiorique vituperatione dignos esse, quia propter minus ac deterius bonum mentiri non dubitant.

Neque verò in potentia, &c.] E tribus rebus, quas de iactantia dicturus erat, secunda hæc est. Explicat enim penes quid attendi præcipuè iactantia debeat. At adeo, spectari oportere potissimum ex electione, non ex potentia & facultate, qua gloriosè potest aliquis se iactare. Non enim iactator esse quispiam iudicatur ex eo, quòd habeat vel non habeat unde venditare se possit, sed ex eo, quòd consilio eligit & voluntate: cum ostentator vnusquisque talis dicatur esse propter habitum ex quo huiusmodi consilium sequitur & electio. id quod etiam de mendaci existimari debet, quia mendax dicitur ex eo, quòd mendacium eligit. Nam vel ipso gaudet & delectatur mendacio, vel propter honoris & gloriæ cupiditatem accuratè mentitur. Arbitratur meritò Gifanius, hæc aduersus Platonem tela torqueri, quem in Hippiâ Maiore differentem & contendentem legimus, mendacem ac veracem vnum planè atque eundem esse, quòd & mendax verum, & verax mendacium dicere possit. Falsum quippe id esse demonstrat Aristoteles ex eo, quòd hæc non ex potentia & facultate spectentur, sed ex electione, hoc est, ex animi consilio & voluntate. Vtiosi enim habitus hi sunt, quos appellamus extremos. Qui autem agit ex habitu, ex electione agit, longèque differt ab eo, qui nullo habitu, sed sola potentia & facultate præditus est. Itaque videtur hoc modo disputare. Vbi habitus est, ibi non modò facultas & potentia, verum etiam consilium & electio est. sed iactantia quidam habitus extremus est, per exuperantiam veritati contrarius. Igitur vbi iactantia est, ibi non solam potentiam & facultatem, sed ipsam etiam esse electionem oportet. Eandem Platonis sententiam confutat in lib. 4. Metaphysicæ, damnatque ampliùs hic exemplo mendacis, quem profectò non ex potestate, sed ex electione ac voluntate metimur: quod ita demonstrat: Mendax ipso gaudet, delectaturque mendacio. ergo spectari debet ex habitu, non ex potentia & facultate: perinde quasi plenius hoc pacto disliceret: Qui gaudet & delectatur actionibus, quibus ipse perfungitur, is necessariò præditus & instructus est habitu. Atqui mendax gaudet, & delectatur ipso mendacio per se, nullòque prorsus alio sibi sine proposito. Ergo mendax suo præditus & communitus habitu est. Habitus autem absque consilio & electione esse non potest. Quoniam adeo iactator cum mendace coniunctionem, atque affinitatem tantam habet, vt quamuis non omnis mendax sit ostentator, omnis tamen ostentator & arrogans mendax sit; consequens est, vt si mendax non ex sola potestate, sed ex electione spectatur, ex eadem quoque spectari debeat arrogans & vendicator.

Qui ergo gloriæ causa, &c.] Restat è propositis tertium: hoc est, quibus potissimum in rebus & quomodo cernatur verseturque peccatum iactantiæ. Recolendum est hic memoriâ quod diximus suprâ, quia hic etiam iterum ex Aristotele idem confirmamus; quosdam nimirum cum se iactant solam spectare iactantiam, quosdam honorem & gloriam persequi, alios demum pecuniam & quæstum expetere. itaque in tribus hisce rebus cernitur, versaturque iactantia. quo verò pacto & ratione versetur, ita declarat: Qui se gloriosè venditant, nullo sibi proposito fine, sed ideo tantum, quòd ipsa iactantiâ delectantur, & gaudent, quibuscumque prorsus in rebus communiter ac promiscuè gloriantur, & iactant se. Illi, qui honorem & gloriam aucupantur, ea sibi arrogant, easque se res habere fingunt, ob quas laudari vulgò solent homines, ac perbeati ab omnibus existimari; qualia sunt ipsa virtutis opera, ceteraque corporis & fortunæ bona, vt opes, valetudo, dignitas oris, nobilitas: quæ politicam constant, absoluuntque felicitatem. Ij demum qui studio quæstus & lucri se iactant, duo rerum genera sibi fingunt inesse: vnum earum, quarum vsus siue ad voluptatem, siue ad vtilitatem capiendam aliis pernecessarius sit (nisi enim tales sint, quæstum se facturos ex iis frustra sperarent) alterum earum est, in quibus facile sit fallere, & aliis fucum facere, ac cauere, no ipsi ostentatores in mendacio deprehendantur. Huiusmodi fere sunt animi bona, scientiæ quædam, artes ac disciplinæ, quarum euentura professio multos fallit, nec facile detegitur. Tres ex hoc arrogantium & iactatorum genere nominat Aristot-

teles; diuinos, medicos, & sapientes. horum enim latere ignorantiam posse perspicuum est, cum plurimi eas sibi vindicent, atque arrogant artes, quarum tamen imperitissimi sint; nec facile deregantur. Ac meritò quidem hos tres electè, inprimisque recenset; cum olim infinitus propemodum esset eorum numerus, qui se ad pecuniam corradendam, vel hariolos, vel medicos, vel sapientes venditarent. De diuinis atque hariolis testatur id Sophocles in Antigone. τὸ μαυρικὸν φιλάργυρον πᾶν γένος: omnis hariolorum natio pecuniæ cupida: & Quintus Cicero in lib. de Diuin. primo, & Ennius vetus poëta, quorum ille versus commemorat: Hæc, inquit, habui de diuinatione quæ dicerem. nunc illa testabor; non me sortilegos, neque eos, qui quæstus causa hariolentur, ne psychomantia quidem, quibus Ap-
pius amicus tuus uti solebat, agnoscere. non habeo denique nauci Marsum augurem.

Non vicanos haruspices, non de circo Astrologos,

Non Isacos coniectores, non interpretes somnium.

Non enim sunt ij scientiâ aut arte diuini,

Sed superstitiosi vates, impudentesque harioli,

Aut inertes, aut insani, aut quibus ægestas imperat.

Qui sibi semitam non sapiunt, alteri monstrant viam.

Quibus diuitias pollicentur, ab iis drachmam ipsi petunt.

De his diuitiis sibi deducant drachmam, reddant cetera.

De medicis & pharmacopolis impostoribus non est necesse multa proferre, cum in oculos incurrant non modò circulatorum illi, & circumforanei, sed alij plurimi, qui cum imperiti sint, scientiam tamen ostentant, & occulunt imperitiam suam. Sapientes autem eos intelligere videtur, quos appellarunt antiqui Sophistas. hos enim & arrogantia, & auaritia nomine multis sanè locis inculcat Plato. Hos, inquam, omnes ait latere facile posse, & alios fallere. quia verum Sophista veris utatur rationibus, an captiosis, utrum medicus erret in opere suo, à paucissimis intelligi potest. Harioli verò, quia multa fortè diuinant, ementitum artificium pro vero nullo negotio venditant.

Ironici autem, &c.] De altero dissimulatum extremo vitio, in defectu posito, ea nunc tradere pergit, quæ in hac capitis parte cognoscenda sunt. Et quoniam dissimulatum, ut supra diximus, sunt duo genera, vnum eorum, qui minùs de se prædicant, quàm veritas patiatur; aliud eorum, qui multa comminiscuntur & habere se fingunt, quorum nihil prorsus habent, de illis primùm explicat, exinde de his. Docet ergo, ironicos hosce ac dissimulatores, qui bona sua extenuant, & imminuunt verbis, minora esse fingentes, quàm verè sint, minùs esse vituperabiles, quàm iactatores: cum elegantiores sint, & moribus politiores. Rationem autem suam ita proponere videtur, atque disponere. Inter eos, qui aliquid peccant in vita, illi minùs vituperabiles habentur, qui modestiores sunt, & moribus cultiores. Dissimulatores autem ij, qui eo tantummodo peccant nomine, quòd minorem faciunt excellentiam suam, quàm verè sit, moribus haud dubiè cultiores sunt & modestiores, quàm homines illi iactatores, & gloriabundi. Neque enim huiusmodi dissimulatores bona sua contegunt & verbis imminuunt, alicuius lucri gratiâ, quod faciunt iactatores; sed ideo tantùm, quòd fugere contendunt elationis ac superbiae notam. Quibus sic demonstratis, eos aggreditur, qui per dissimulationem & ironiam iis omnino carere se fingunt bonis, quibus abundant maximè. hos autem duplices facit. primos quidem eos, qui se negant habere quæ ad summum honorem pertinent, & putantur gloriosissima; cuiusmodi sunt ingentes opes, magnum ingenium, singularis eruditio: in quo numero Socratem ponit, cuius vita perpetua quædam fuisse dissimulatio videtur & ironia, cum semper, & vbiq; dicere non dubitaret, nescire se prorsus omnia, qui alioqui acutissimus philosophus esset, & rerum omnium scientissimus. Fabij Quintiliani de re testimonium audiamus ex lib. 9. cap. 2. Vita vniuersa, ironiam habere videtur, qualis est vita Socratis. nam ideo dictus ἰρων, id est, agens imperitum, & admiratorem aliorum tanquam sapientium. Tradit eadem plurimis locis Cicero, in primisque in libris Academicarum quæstionum. Socrates, inquit, de se ipso detrahens in disputatione, plus tribuebat his, quos volebat refellere. ita cum aliud diceret atque sentiret, libenter uti solitus est ea dissimulatione, quam Græci ἰρωνεία vocant. Atque hos etiam qui res tam ma-

gnas occultant, Aristoteles modestos & elegantes appellat, quia videntur id facere ad notam arrogantiz defugiendam. Secundos aut eos esse, qui per ironiam & dissimulantiam res quasdam paruas, ac penè plebeias & manifestas occultare student; ut ingenium commune, vulgarem doctrinam, & opes exiguas. quos Græcè docet appellari debere *βαυκατιστῆρας*. qua nominis compositione quid sibi velit, haud facillè conicitur. Græcus enim Scholiastes versutè delicatos, aut versutè gloriosos interpretatur, existimans *παυδῆρας* esse callidos, fraudulentos ac versipelles, & *βαυκαῖς* esse molles ac delicatos, ducto nomine à quibusdam Ioniedrum calceis muliebribus, delicatis & luxum habentibus, qui sunt appellati *βαυκιδες*, apud Aristoph. in *cafabula*, quam sacra Cereris Celebrantès inscripsit. Sed quorsum mollietates, & delicatæ pertinent, ubi de iis agimus, qui dissimulatione ventur in rebus exiguis occultandis? *παυδῆρας* istos esse, hoc est, versutos, fraudulentos, & veteratores intelligo; cum fucum aliis facere velint, & persuadere, se magnà quasdam abdere, cum occultant parua; sed cur molles & delicati sint, non intelligo. Itaque minùs audiendos puto plerosque interpretes, qui Eustratium ipsum fortasse secuti, *βαυκαῖς* hoc loco delicatos & molles Latine dixerunt: additæque versutia, quam iis benè suppeditant *παυδῆρας*, voluerunt *βαυκατιστῆρας* esse versutè delicatos: censeo, inquam, hos haud esse probandos; atque ad aliam potius confugiendum interpretationem, quam idem indicat Eustratius, sed prætermittit. Scribit enim, à Clitarcho Glossographo dictum, *βαυκαῖς* idem esse, atque *σπυγῆς*, quæ vox gravem quandoque significat, ut merito à Cicerone *σπυγῆς* dicta Latine sit gravitas. Erit igitur *βαυκατιστῆρας*, idem ac *σπυγῆστις*, hoc est, qui gravitatem astutè versutèque etiam in re levissima venerat ac præ se ferat, id quod appositè cadit in eos, de quibus loquitur Aristoteles, cum dissimulent & tegant res exiguas, quasi graves ac maximas. Et quoniam sæpè *σπυγῆς* non est tantummodo gravis in bonam, sed etiam in contrariam partem, hoc est is, qui odiosam, affectatamque præferat gravitatem, quæ levissima res est, multo sanè magis in eosdem conveniet hæc interpretatio, si eo modo huius notatio nominis accipiat. Hos ergo non elegantes appellat & moribus excultos, sed ridiculos & despicatos aut aspernabiles, monetque iactatores potius dicendos, quàm ironicos ac dissimulatores esse. eius importunæ rei repetit exemplum à Lacedæmoniis, qui ut est apud Xenophon. in lib. de rep. Laced. vestibibus utebantur vilissimis, nec infra genua demissis, ut frugalitatis laudem aucuparentur. id verò cum quidam sapiens & cordatus vir aspexisset, Novum enimvero, exclamavit, gloriationis & iactantiz genus, cum sub amictu villosa ac sordido, animum contegerent arrogantissimum. Concinnunt & congruunt his ea verba D. Hieronym. Sordidæ vestes candidæ mentis indicia sunt. mundi contemptum probat vilior tunica, sed ita, ne tumeat animus, ne habitus & sermo differant. Itaque dissimulatores hoc ordine recensentur & comparantur, tum cum iactatoribus, tum etiam inter se. Illi qui sua bona imminuunt ac de se detrahunt, meliores sunt, quàm iactatores & gloriosi. Qui prorsus occultant bona sua, illaque in se negant esse, quæ sunt, & quidem præclara, & magna, meliores etiam sunt, quàm ostentatores. Qui res dissimulant exigui ponderis, videntur iactatoribus æquales, duobus tamen aliis dissimulatoribus longè peiores. Rectè igitur ultimo loco proponit comparisonem inter ironicum & iactatorem univèrsim, quæritque quisnam ipsi veritati magis oppositus & contrarius sit. Decernit magis contrarium esse iactatorem: quia veraci dissimilior est, ac longiùs à veritate discedit, quemadmodum ex iis, quæ disputata sunt, intelligi facillè potest.

EPILOGVS.

1. Iactator & arrogans is est, qui ea in se simulat esse, quæ non sunt, aut quæ sunt maiora fingit esse, quàm sint. Ironicus & dissimulator est qui ea in se negat esse, quæ sunt, vel quæ sunt minora ostendit esse, quàm sint.
2. Vterque vituperabilis est. verax autem utriusque interpositus, est laudabilis. medium enim obtinet habitum, qui proprio caret nomine, sed dici tamen veritas potest.
3. Huiusmodi verax haud ille est, qui in iudiciis, & in iis, quæ ad iustitiam pertinent, verum dicit, sed is, qui etiam ubi mendacium iustitiam non violat, veritatem fa-

etur & amat. in qua veritatis professione ad dissimulationem potius, quæ est modestior, quàm ad iactantiam, quæ odiosior est, propendere videtur.

4. Non omnes ostentatores aequè vituperabiles sunt. Nam qui bona sua verbis augent ad captandam gloriam, vani potius, quàm improbi sunt. qui lucri studio id agunt, vituperabiliores existimantur: quales medici quidam impostores harsoli, aut sophista sunt.

5. Dissimulatores, qui res suas præclaras, & magnas extenuant, collati cum iactatoribus, dicendi sunt poliores. Lucri enim studio non tenentur. Qui verò per dissimulationem res suas paruas occultant, perinde ac si maxima forent, aut res manifestas conantur obtegere, ridiculi sunt, & stultè versuti, aut grauissimè affectatores appellantur.



IN CAPVT SEPTIMVM

QVÆSTIO PRIMA.

Verum Veritas virtus sit,

DIXIMVS ex Aristotele supra, de illa veritate non hic esse disputationem, quæ in pactis, conuentisque, atque in iudiciorum tractatione cernitur, cum hæc ad iustitiam pertineat. sed ut distinctius agamus, ad id ipsum, hanc eandem Veritatem, de qua querimus, an virtus sit, nec esse veritatem iustitiæ, nec veritatem doctrinæ, nec veritatem vitæ. ita enim ex D. Hieronymi auctoritate patitur. Theologi nomen & genus vniuersum veritatis, est autem veritas iustitiæ quædam æqualitas & proportio iudicii cum regula iudicandi, quæ posita est in forma iuris & facti, veritas doctrinæ vel est disciplinarum in sola cognitione consistentium, vel actuum quarundam, quæ aliquid faciendi aut agendi præcepta tradunt. veritas vitæ est viuendi ratio diuinis, humanisque præceptionibus exquisitè respondens. At hæc veritas, de qua loquimur, nec vllius iudicii est, nec vllius doctrinæ vel artis, nec vitæ secundum leges & præcepta diuinis; humanique iuris exactæ. Non est iustitiæ: quia qui hoc veritatis habitu instructus est, etiam cum verum dicit, cum, si mendacium proferret, nullam tamen iustitiam aut iuris iurandi religionem violaret. Non est doctrinæ, quia veritas hæc non est intellectus, sed appetitus ac voluntatis. Non demum est vitæ: quia huiusmodi veritas nullas propriè intuetur præceptiones & leges humanas, diuināsque, quibus viuendi ratio dirigitur, sed solam dictorum factorumque cum rebus, quæ dicuntur, æqualitatem. Rectè igitur ab Aristotele inter eas ponitur virtutes, quæ propria carent appellatione. Veritas enim impropiè dicitur. mutuatur nimirum hoc nomen ab obiecto, sicut ut dicatur verius, ab opere, quod efficit in obiecto. Materia quippe huiusce veritatis ipsi sermones & actiones externæ sunt, quibus designamus, ac patefacimus nostram ipsorum conditionem ac statum in humanis bonis; cuiusmodi nobilitas est, amicorum frequentia, diuitiarum copia, doctrina, &

sapientia, robur corporis, ac pulchritudo, aliæque ex hoc genere plurima, in quibus iactantia, vel ironia & dissimulatio locum habent; qui eiusdem veritatis extremi habitus sunt ac vitiosi, in eorundem sermonum, actionumque duplici falsitate versantes. Iactantia enim verò maiora, ironia autem & dissimulatio verò minora comminiscitur bona. sit ergo Quæstionis propositæ.

Prima Conclusio. Veritatem hanc, moralem esse virtutem, hoc est, habitum inclinantem inducentemque voluntatem ad veri designationem, per sermones ac verba, per nutus, aliāsque actiones externas, quemadmodum recta ratio iubet, duobus vitis extremis, quorum alterum iactantia & ostentatio est, alterum dissimulatio & ironia. Illa enim per exuperantiam, aut bona simulat nobis inesse quæ non sunt, aut inesse maiora, quàm insunt. hæc autem per defectum vel negat inesse quæ insunt, aut minora fingit inesse, quàm insunt: quorum utrumque à recta ratione alienum est. Itaque vel hinc intelligi, demonstrarique potest, hunc habitum verè virtutem esse, quod sit habitibus duobus extremis interiectus. Vbi enim in humanis actionibus exuperantia reperitur & defectus, ibi medium quoque habitum oportet esse laudabilem, qui utrumque corrigat, redigatque ad iustam agendi mediocritatem.

Secunda Conclusio. Veritas, peculiaris & propria virtus est, neque cum aliarum vlla communis. Habet enim obiectum materiāque, quam tractat seiunctam à cæteris; cum nulla sit, quæ verba & signa iubeat vera sic esse, quemadmodum postulat ratio etiam tunc, cum neque iustitia, neque religio, neque alia virtus dictorum à nobis factorumque veritatem efflagitat. Quod si ad aliam reuocanda virtutem esset, ad iustitiam, cui similissima est, reuocari deberet, sed à iustitia supradiscrimine differentiæque secernitur. cum veritas verborum sit & factorum cum rebus quæ dicuntur ac fiunt adæquatio, iustitia verò rei cum re videatur æqualitas, dica-

diciturque propterea unicuique reddere quod suum est.

Tertia Conclusio. Quamquam veritas non est ipsa iustitia, aliqua tamen dici potest iustitiæ pars, ipsique subiungi iustitiæ debet, quemadmodum à M. Tullio subiungitur in lib. 2. de Inuent. Vt enim docet D. Thom. in 2. 2. quæst. 109. artic. 3. ex eo nos intelligimus, virtutem aliquam esse iustitiæ subiunctam veluti partem secundariam principali, quod partim cum iustitiâ congruat, partim ab eiusdem iustitiæ perfecta ratione dissentiat. Congruit autem iustitiæ Veritas primò, quod referatur ad alterum; cum huius virtutis beneficium ac vi vnusquisque patefaciat alteri ea, quæ in se ipso esse aut nō esse cognoscit; adeoque talem se ipsum esse ostendit aliis, qualis omnino & secundum veritatem est. Conuenit deinde: quia constituit in dictis ac factis humanis æqualitatem, sicut iustitiâ eandem æqualitatem in rebus inuenit. Verumtamen à perfecta iustitiæ ratione discedit, quia non leges, aut legale ius intuetur, sed debitum tantum naturalis honestatis, quæ facit, ut vnusquisque, si degere honestè cum aliis in societate velit, debeat alteri patefactionem communicationemque veritatis.

Ceterum, quia multa sunt, quæ has conclusiones euertere videantur, ea singillatim enumerare oportet & confutare.

Primum. Opus facultatis intelligentis, non potest esse moralis virtus, tū quod virtus ipsa non est aliquod opus, tū quod virtus moralis est appetentis, non intelligentis facultatis. Sed veritas & opus aliquod est, & intelligentis animæ nominatim est opus, ut docet Arist. in horum Moral. lib. 5. idque firmatur ex eo, quod ibidem dicitur, in mente, hoc est, in intelligentia, esse affirmatio & negatio, in appetitu verò prosequutio & fuga. At verum in affirmatione ac negatione consistit, & cernitur. Igitur ad intelligentis, non ad appetentis pertinet animæ facultatem. Respondeo, veritatem, quæ virtus moralis est improprie dici veritatē, ut paulo antè docuimus. propria enim veritas est quædam intellectus æqualitas cum intellecta re, adeoque non est habitus, sed obiectum. Itaque bene dicitur veritas propria intelligentis esse facultatis, non appetentis: veritas autem hæc impropria, moralis est habitus, voluntatem impellens ad verum proficendum, ac propterea in appetitu intellectivo, siue in voluntate est. est enim hæc veritas etiam ad æquationem quædam, non tamen intellectus rei cum intellectu, sed rei cum dictis, factisq; quibus bona & mala quæ sunt in nobis, ostendimus.

Secundum. Omnis virtus abhorret ab extremo. Veritas autem ab extremo non abhorret: quia quamuis ex defectu peccare possit, per exuperantiam tamen peccare non potest; cum eo magis verax, siue viridicus ex hac virtute dicatur aliquis, quo magis, ampliusque verum proficetur. Quapropter Aristoteles disertè pronunciauit, mendacium esse per se prauum & vituperabile, verum autem esse per se honestum, atque laudabile;

perinde ac si dicere voluisset apertius, in mendacio, quantumvis exiguo, quia per se malum ac turpe est, nihil reperiri posse laudabile; in vera professione quantumvis magna & prope nimia, quia per se bona est & honesta; nihil inueniri posse vituperabile. Sed dictum alibi sæpius est, medium virtutis esse quamdam rationis mediocritatem, non ex alio spectandam termino, quàm ex ipsa circumstantiarum omnium consensione, quæ statuunt quatenus virtuti progrediendum, & vbi denique consistendum sit. Itaque nulla virtus in opere tam bono laudabilique versatur, quæ à circumstantiis non habeat limites suos: adeoque Veritas, quamuis in veri professione, si res ipsa spectetur, exuperans & nimia esse non posse videatur, habet tamen ratione circumstantiarum peccare facile potest in nimio. Quis enim non videt, verum alieno prolato tempore ac loco plurimis sæpè nocere; & eum, qui suæ recte præclaræque facta plus nimio commemoret, prædicetque, quamuis verà pronunciet, nec maiora faciat bona sua, quàm sint, iactantem tamen culpa teneri, & illo nomine vituperabilem esse? Maneat ergo: nunquam esse quidem mentiendum, sed non idè capientem qui, semper & vbi que esse verum proferendum. Circumstantiæ quippe videndæ ac ponderandæ sunt, quibus veritatis modus & ratio definitur. Quod si nullus ad circumstantias habendus respectus esset, liceret tristem ita rationari. Docet Aristoteles in hoc cap. 7. veracis hominis esse, & eius, qui habitu veritatis instructus sit, ea verbis, factisque patefacere, quæ in ipso sunt, neque maiora fingere, neque minora. Hoc autem semper laudabile non est, sed vituperabile potius interdum & damnandum. Vel enim eum patefacere oportebit res suas præclaras; & resprehendetur ab homine sapientissimo ad monitionem illa pulcherrima: *Laudet te alius* Proverb. 27. *nus, & non os tuum: vel erit necesse palam facere occulta scelera, quod turpissimum gloriationis & impudentiæ genus est. Si nulla, inquam, circumstantiarum habenda ratio sit, vim hæc argumentatio, sine dubio habet aliquam: sed vbi circumstantiarum respectus interuenit, habet nullam. Neque enim satis est verum fateri ac proferre, quod ex genere quidem suo bonum est, sed oportet præterea ipsam veri professionem imbui atque instrui circumstantiis suis, citra quas nullus veritatis actus virtuti consentaneus est, sed potius vitiosus. Itaque cum dicitur Veritatis esse proferre, ac palam facere quæ in homine sunt, dicitur etiam id fieri debere quemadmodum, & quo tempore, & quo loco fieri oportet.*

Tertium. Veritas omnis absque dubio esse videtur intellectus obiectum. nam etiam ille, qui verum dicit, ipsam rei veritatem intuetur. Sed obiectum, & actum & habitum antecedit. Ergo veritas neque habitus ipse, neque virtutis est actus. Huius etiam argumenti solutio leuiter adumbrata est supra. veritas quippè, ut diximus, significat inter-

dum ipsum verum, ac propterea, cum id significat, obiectum est. sed tamen significato potest etiam habitum, adumque, quo veriamur in vero. Cuiusmodi est veritas hæc moralis, habitus videlicet honestus, idoneusque ad id patefaciendum quod est in nobis eo modo, quo recta ratio præcipit.

Quartum. Non potest Veritas appellari iustitiæ pars, nisi aliqua ratione reddat alteri quod debet, cum non ipsius iustitiæ modo, verum etiam aliarum virtutum omnium, quæ iustitiæ subiunguntur, id proprium sit, ut debitum aliquod alteri reddant. sed cum aliquis verum dicit eo modo, quo explicauimus supra, nullis pactionibus aut promissis, nullis denum Reipublicæ legibus adigitur, ad votum dicendum; adeoque si mentitur, iustitiæ non violat. Igitur veritas dici non debet iustitiæ pars.

Præterea, iustitia in voluntate posita est, veritas in intellectu. Responsorem, solutionemque repetere oportet ex dictis. Homo quippe animal est naturæ lociabile, ac propterea vnusquisque mortalium id alteri naturæ debet, sine quo societas humana seruati ac retineri non potest. Non possunt autem homines simul viuere, ac societatem celebrare, nisi sibi inter se crederent ac fidem haberent. Quapropter ipsa Veritatis virtus, quæ conciliat homini fidem, spectat aliqua ratione debitum; non id quidem quod ex legibus aut pacto vel iure iurando nascitur, sed quod contrahitur ipsa necessitate viuendi, diuque solet naturalis debitum honestatis.

Quod autem attinet ad intelligentiam, & voluntatem, certum est, veritatem, cognitam & perceptam animo, esse obiectum intellectus, adeoque in ipsamet intelligentia contineri. Sed homo imperio voluntatis, cuius vi vitur habitibus & membris, profert externa quædam signa ad ipsam animo iam conceptam patefaciendam veritatem. quæ sanè patefactio voluntatis est actus, ideoque rectè dicitur veritas ita manifestata, non quidem in intellectu contineri, sed esse posita in voluntate.

QVÆSTIO SECVNDA.

An duo tantum extrema vitia sint opposita veritati. & è duobus quædam deterius esse videatur.

DV o s quidem Aristoteles esse dixit habitus improbos & vitiosos Veritati contrarios, iactantiam & ironiam; sed videtur addi debere tertius, hoc est, hypocrisis, quæ simulatio est in eum cadens, qui cum sit improbus, externam tamen specie simulat probitatem. Quin histrionis actio, & ipsamet oratoris pronuntiatio dicitur à Græcis *hypocrisis*, quia vtraque simulatio quædam est. Histrion quippe alienam personam, orator alienas lacrymas & affectus imitatur. Hinc nimirum est illud quod de Demosthene scribit in vita

Plut. *ὁ ὑποκριτὴς ἐν πᾶσι τοῖς λόγοις, ὡς καὶ οἱ ἄλλοι, ἔχει τὴν αἰσιν.* quod apud Ciceronem sic legitur. Pronuntiationi in toto genere dicendi palmam dedit; eidem secundum & tertium locum. Histrion etiam quia simulator est alienæ personæ, ab Aristotele aliisque Græcorum appellatur hypocrisis. Itaque tamen non omnis simulatio hypocrisis dici potest, ipsa tamen hypocrisis certa quædam est simulatio, hoc est illa, quæ personam alterius aliquis ementitur. Cum igitur hypocrisis simulatio sit, contraria sine dubio veritati est, quæ nulla dicitur esse, & omnem simulationis faciem auerari, debuit adeo inter habitus illos extremos adnumerari, quibus veritas est interiecta. Neque verò idem censere de mendacio debet, quod maxime, inprimisque eidem opponitur veritati: cum ipsum mendacium genus sit, omnes continens, complensque species falsitatis, quæ veritati contrariæ sunt. non enim satis est huic virtuti contrarium tantummodo esse genus, cum veritas debeat esse pluribus extremis interposita vitis, quorum causa medium; aut mediocritas appellatur. Itaque species potius falsitatis dicenda fuerunt habitus extremi, quàm genus ipsum, quod est mendacium. Cum autem inter has species etiam numeretur hypocrisis, videtur ponenda fuisse inter eos habitus, qui veritatem obsident, & quasi circumstant, haud minus, quàm iactantia, & ironia.

Dicendum tamen est primò: causam, cur hypocrisis inter opposita veritati vitia numerata non sit, illam ipsam esse, quæ facit, ut ne mendacium quidem ipsum inter eadem vitia nominetur. Est enim hypocrisis mendacij quidam species, sed iactantia tamen & ironia genus. Iactantia enim ostentatione, ac venditione rerum suarum id agit, ut is esse videatur, qui verè non est: & ironicus ac dissimulator obtegens, atque imminuens sua, id sequitur & vult, ut videatur is non esse qui verè est. sed verumque nihil est aliud, quàm alienam ementiri personam, quod est proprium hypocristarum. Quare iactantia & ironia mendacium habent & hypocrisis, quibus veluti suis generibus formæ subiunguntur, ac suppositæ sunt. Nam vtraque falsa quædam est vocis, factique significatio cum consilio propositoque fallendi, quod mendacium est, & vtraque personata prorsus apparet & ementita, quod est hypocrisis.

Dicendum secundo loco est: alterum extremorum, quibus est veritas interiecta, iactantiam esse. Habet enim exuperantiam in rebus extollendis, atque iactandis, unde nomen accepit, adeoque in excessu atque in nimio posita est. Duos illi modos assignat Aristoteles, quorum vnus tum cernitur, cum quis ea se bonâ comminiscitur habere, quibus est vacuus; atque, cum ea bona, quæ verè habet, exaggerat, & maiora esse quàm sint, verbis & factis conatur ostendere. vterque verò modus est per exuperantiam veritati contrarius, cum extra lineam veritatis egrediatur. veritas quippe res ut verè sunt, ita profert, & publicas facit: nec pedem effert

ultra cancellos, quos sibi præscripsit.

Dicendum tertio est: ironiam alterum esse vitium extremum per defectum veritati contrarium. Nam vel in homine illa negat esse bona, quæ sunt, vel ea ipsa, quæ sunt, extenuat, ac minora quàm sint, esse demonstrat. Vtrumque autem est, lineam ipsam punctumque veritatis non attingere, quod est aduersus veritatem per defectum delinquere: quæ vetatè rebus præclaris & gloriosis, oratione factisque aliquid detrahi, atque decerpi.

Dicendum quarto loco est: iactantiam vniuersè longè magis aduersari veritati, & ipsâ ironiâ deteriore esse. idque tribus rationibus demonstratur. Prima. Illud vitium est deterius, quod aliis, quibus cum viuimus molestius & grauius est, sed in humano conuictu odiosior, grauior, atque intolerabilior est iactantia, quàm ironia. peior igitur & deterior quàm ironia iactantia est. Secunda. Illud vitium, cui deterior finis propositus est, grauius ac deterius existimatur. Atqui iactantiæ propositus est abiectionis, & deterior finis, cum iactator vel ex inanis gloriæ atque honoris, vel ex questus lucisque cupiditate ad res vitandas suas impellatur: ironicus autem ac dissimulatio ex consilio fugiendæ tumiditatis illis permolestæ, ad sua bona contegenda & dissimulanda plus nimio moueatur. Tertia. Iactantia frequentior est, quàm ironia, vt ait Albertus, est enim homini maior ad ostentationem, quàm ad dissimulationem innata propensio. Vitium autem in quod facilius, & frequentior est prolapsio, deterius existimatur, quàm illud, in quo difficilius peccatur & rarius.

Dicendum tamen est quinto, fieri posse per accidens, vt interdum ironia grauior, & deterior ipsâ iactantiâ sit, vt si dissimulatio dissimulationem suam dolosè referat, dirigatque ad decipiendum aliquem. est enim tunc illi deterior, quàm iactatori, propositus ad fingendum finis. finis autem actionibus & probitatem & malitiam impertitur. Denique in hoc toto genere sic se res habet ex D. Thom. Mendacium aliquod est altero grauius interdum propter materiam; hinc enim efficitur, vt qui mentitur in doctrina religionis, mentiri grauissimè ac pessimè censeatur: interdum est vnum altero maius propter finem ei propositum, qui mendacium profert: quæ causa est, cum perniciosum mendacium habeatur officioso deterius. Ironia igitur, & iactantia, quod attinet ad materiam, in qua mentiuntur, æquales sunt; cum veraque verbis, ac signis in ipsa personæ conditione mentiatur, illa extollendo & ostentando, hæc dissimulando & occultando. sed vbi finis vtriusque consideratur, villicè iactantia deterior esse reperitur. Nam plerumque qui se venditat, ex honoris & gloriæ, aut ex lucri cupiditate se venditat. Hæc autem vniuersim ita dicuntur & in genere: quia plerumque sic sunt. Nam aliquin hic ipse finis facere potest, vt ironiâ vel æqualis iactantiæ sit, vel etiam iactantiâ peior. Si hoc agat, vt ex dissimulatione maiorem gloriam adipiscatur, ex

ironia iactantia sit. si id sequitur, vt decipiat atque in fraudem adducat eos, apud quos dissimulat, & occultat bona sua, ostentatione atque iactantiâ deterior est. sed quoniam hoc ex genere suo non habet, rectè dicitur vniuersim leuius vitium esse, quàm iactantia sit, minùsque quàm iactantiam cum veritate pugnare.

Hic etiam plurima confutanda sunt argumenta, quibus ea, quæ diximus oppugnantur.

Primum. Veritati opponitur, aduersaturque mendacium. Sed iactantia non est semper adiuncta mendacio. Fit enim interdum, vt aliquis excellentiam suam ac rerum suarum ostendet, sed non supra id, quod veritas patitur. cuiusmodi fuit, vt aliqui disputant apud S. Thom. illa nobilis Assueri ostentatio, cum sumptuosissimum quidem & magnificentissimum epulum regni Proceribus ac populo dedit, sed suis tamen opibus ac potentia par. Illa, inquam, ostentatio dicitur ab Historico sacro iactantia, quæ tamen haud vllum habuit in ea venditione mendacium, cum supra facultates ac diuitias Assueri non esset. Non enim iactator mentitur, nisi cum simulat habere quæ non habet, aut maiora se fingit habere quàm habet. Respondet hic S. Thom. iactantiam, quia dicta est à iactando & extollendo, tunc esse veram, ac propriam, cum aliquis se supra res veritatem extollit, vel bona se fingens habere, vel simulans habere vero maiora: sed tamen aliam quoque iactantiam reperiri minùs propriam ac velut adulterinam. vt cum aliquis de se, rebusque prædicat suis, non quidem supra veritatem, sed supra id, quod opinantur homines, quæ eam excellentiam non esse tantam, quantum est, arbitrantur. Itaque Assueri magnificentia dicitur improprie iactantia, & dicitur ideo, quia hominum vici opinionem, qui de opibus eius ac potentia non tam liberaliter opinabantur, sed tanto splendori tantisque sumptibus imparem eam existimabant. Quæ profectò verissimè dicuntur: sed addendum est vnum: eum, qui se iactat, sed non supra rei veritatem, quia verè habet excellentiam illam præstantiamque, quam venditat, posse in ipso modo peccare: quia veritas proferenda est eo modo, quo decet proferri; adeoque is, qui modum illum excedit, etiam si vera dicit, aduersus veritatem tamen peccare per exoperantiam potest.

Secundum. Iactantia dicitur à multis, in primisque à Magno Gregori in lib. Moralium, elationis & superbiæ species, cuius est, id quod non habet, arrogare sibi ac venditare. Non igitur opponitur veritati iactantia, sed elationi potius atque superbiæ. Huic etiam argumento respondet D. Thom. iactantiam, si species ipsa consideretur actus, veritati contrariam esse, quia res aliter, ac sunt ostendens ac proferens, mendacium in summa & falsum proferre: si autem eadem iactantia spectetur ex causa, ex qua non quidem semper, sed plerumque proficiscitur, dici potest superbiæ forma quædam & species esse. Ex

cap. 3.

enim quod aliquis elationem & arrogantiam animo fouet, verbis gloriosis, aliisque signis venditat, & ostentat res suas, adeoque iactantia illa non quidem per se, sed propter causam elatio & superbia nominatur. sed eiusmodi loquendi forma est minus propria; cum ex ipsis quoque diutius dicatur sepe nasci iactantia, ut illi apud Salomonem demonstrant, qui suam ita complorant, & lamentantur insaniam: Quid nobis profuit superbia, aut diuitiarum iactantia quid contulit nobis? Nemo tamen est, qui propter iactantiam eo pertinere propriè contendat, quod diuitiarum profusio pertinet & luxus. sunt enim hæc quoque iactantiæ causa, non ipsa iactantia.

Tertium. Ironia non potest esse veritatis contraria, cum ipsa vitium non sit, ut ex Aristotele colligitur pluribus locis. Docet enim primum in hoc cap. 7. dissimulatores & ironicos esse aliis gratos, quia modesti videntur, iactatores ingratos, quia graues sunt, & odiosi, sed modesti, & aliis gratiosi, laudabiles sunt, ergo ironici & dissimulatores, qui modesti sunt, & aliis gratiosi, vitio carent. Deinde in hoc eodem cap. docet, ironicos & dissimulatores ideo bona sua præstabilia per dissimulationem occultare, & extenuare, quia tumiditatem, hoc est, elationem atque superbiam fugere student. Hoc autem virtuti consentaneum est, non vitiosum. Quin ibidem haud dubitat affirmare, virtutem veritatis ad id quod, est minus, hoc est, ad extremum in defectu positum declinare: hoc autem est ironia: ergo si vitium est ironia, Veritas inclinabitur ad vitium, quod dictu peruersissimum est. Denique in cap. de Magnanimitate, ait, vitium magnanimum vni solitum interdum ironia. Nullus autem virtute præditus vir vitio ad functionem obsequendam muneris sui. Igitur ironia vitium ex Aristotele non est. Ut his penè omnibus Aristotelis locis & responsio & lux afferatur aliqua, ponendum est, ironiam intelligi ac percipi animo posse duplici modo: vno quidem, si neget id esse quod est, aut ostendat non tantum esse, quantum est; in quo sine dubio certitur apparere mendacium: altero verò, si quæ sunt, ita minora esse dicat, ut maiora tamen oratione non excludat. Ut si quis, inquit, Iulius, magnis amicis potentibusque circumfluas, dicatque se nonnullos amicos & magnos & potentes habere, is profecto nihil omnino mentitur, quia cum assumat, aliquos sibi magnos ac potentes amicos esse, non negat esse plurimos. De hac igitur ironia, quæ mendacio vacat, sermonem habuit Aristoteles, cum eum & gratiam aliis facit, & Magnanimo tribuit viro, & à veritate, quæ in ipsam potius inclinat, abhorrere non vult. quamquam enim huius postremi loci explanationem aliam protulimus supra, est tamen hæc etiam cum superiore iungenda, ut quæ magis arriuerit, deligatur. Quod verò de dissimulatore subiungitur ad ironiam confuigente, ut fugiat notam elationis, id à D. Thoma non ponitur in laude, quia nemo de-

bet ad aliud vitium se conferre, ut declinet ab alio. ac propterea non est ideo laudandus absolute, simplicitérque dissimulatores, quod ad effugiendam elationem animi se induat in mendacium: sed tamen laudari comparatè potest, quemadmodum ab ipso commendatur Aristotele. Collatus enim cum iactatore, qui deterius ac vituperabilius, & odiosius vitium eligit, videri potest dissimulatores aliqua ratione laudabilis.

Sunt qui dicant, mendacium reddi posse laudabile probabili, & bono fine, adeoque ad aliquod vitandum vitium, aut priuatum publicumque defugiendum malum, fas esse mendacium capessere. Ita sunt opinati aliquot Aristotelis interpretes & antiqui, & boni; Eustratius, Linconiensis, Albertus, rati Aristotelem ipsum id sibi voluisse, cum in hoc capite dixit, veracem hominem in minus, hoc est, in defectum quod mendacium est, declinare: perinde ac si dixerit, veracem hominem semper verum ex habitu dicere, & nullo sibi proposito fine probabili, numquam à vero discedere, sed maioris boni consequendi, vel maioris mali declinandi gratiâ, habitui suo vim quamdam facere, ac mentiri: eoque tempore minus potius, & defectum, quod est vitium leuius, quam exuperantiam, quæ grauior est è duobus extremis veritatis eligere. Sic enim loquitur & disputat Græcus interpres Eustratius. Veridicus, inquit, si quando ingruet necessitas, ut vel amico, vel patriæ in magna aliqua calamitate possit opem afferre, vim sibi quodammodo inferet, & contra suum habitum mentietur, id est, falsum quidpiam dicet. Quæ veteris interpretis, & Græci hominis oratio à nostris arrepta est & descripta, sed non ab omnibus æquè probata: Gualterius enim Bursius & lauellus existimant id verè tactum modo de officioso mendacio dici, de pernicioso non verè. Quia lauellus adiungit, hæc intelligenda esse moraliter, quasi dicat, hæc ab antiquorum philosophia morali aliena non esse, sed à Christianæ disciplinæ sapientiæ prorsus abhorrere, sed frustra sic disputat, & Aristoteli moralis philosophiæ præceptori repugnat, qui disertè pronunciat in hoc capite, mendacium esse per se prauum, & quidem rectè, quodlibet enim mendacium siue officiosum & leue, siue perniciosum & graue ita ex genere suo ac per se malum est, ut haud magis fieri bonum possit, quam adulterium, aut superstitionem, hæc ne philosophiæ quidem antiquorum morali consentaneum est, affirmare vnicuique fas esse priuati alicuius, publicique communi gratiâ mentiri. Sapienter adeo communi Theologorum pronunciatio decretum est, nullum esse bonum & probabile mendacium posse. cum ipsum mendacium actio quædam sit à naturæ legibus & instituto aliena. Nam cum voces suapte naturæ notionum in intelligentia collocatarum signa sint, id voce significare quod in mente non sit, naturale non est. Aduersus istos, qui in aliquo temporis articulo, & necessitate mendacium probant, disputat D. Augustinus in libello

Contra mendacium cap. 7. decernitque Gra-
tianus 21. quæst. 2. Nihil enim est necesse
Theologos proferre, ac recensere, qui eam
opinionem ad vnum damnant & proscribunt
omnes. quo magis mirandum sit, Albertum
aliisque Aristotelis interpretes ab hoc scopu-
lo non defugisse. Mihi adeo venit in mentem
suspiciari, aliud quiddam eum probarunt,
mendacium indicare voluisse, quàm quod vi-
dentur eo loquendi modo significare; hoc
est, eos, qui alicuius adipiscendi commodi
gratiâ, vel declinandi mali studio mentian-

tur, peccare quidem aduersus veritatem, sed
tamen eâ culpâ minimè teneri, quæ ciuilibus
punienda legibus sit. Hanc mihi defensionis
aperit viam Albertus, cuius hæc verba sunt:
Si fortè per mendacium saluatur vita homi-
nis aut fama, in declinatione veritatis non sit
præiudicium aliquod ciuilitati. Qui loquen-
di modus Alberti monuit opinor Gualterum
Burleum, ut diceret, ex maiori bono com-
pensari mendacium, fierique, ut qui maioris
utilitatis gratiâ mentitur, is ciuilitate non pu-
niatur.



CAPVT OCTAVVM.

DE EVTRAPELIA.

S V M M A.

Virtutem hanc; ioci, ludique moderationem, ac mediocritatem esse.

DIVISIO CAPITIS IN PARTES QVATVOR.

1. In iocis ludisque nimum, ac parum, & inter utrumque mediocritas esse potest.
2. Qui sint eis extremi, qui medius habitus.
3. Ad eosdem habitus singulos quid propriè pertineat.
4. Quod sit inter hanc virtutem, ac duas proximè iam antegressas discrimen.

PARS PRIMA CAPITIS OCTAVI.

ΟΥτος δὲ καὶ αἰσπαύσεως ἐν τῇ
βίῳ, καὶ ἐν ταύτῃ ἀφ' ἧς
μὲν παιδιᾶς, δοκεῖ καὶ ἐν ταύτῃ
ὁμιλίᾳ ὡς ἐμμελὲς, καὶ οἷα δὲ λέ-
γειν, καὶ ὡς ὁμοίως δὲ καὶ ἀκούειν.
Διοίσι δὲ καὶ τῇ ἐν τοῖς τοῖς λέγειν,
ἢ τοῖς τοῖς ἀκούειν. Δῆλον δὲ ὡς καὶ
ἐν ταύτῃ ὅτιν ὑπερβολὴ τι, καὶ ἑλ-
λipsis τῶν μέσων.

Cum autem sit etiam requies in vitâ,
in eâque oblectamentum cum ioco,
videtur hic quoque esse communicatio qua-
dam sermonis concinna, & ea, quæ oportet,
dicendo & ut oportet; ac similiter
etiam audiendo. Intererit verò, apud sa-
les ne dicas, an tales audias. Perspicuum
autem est, etiam in his exuperantiam &
defectum medij esse.

EXPLANATIO.



HÆC est ultima virtus è tribus illis, quæ in suaui conuictu, atque in
communi societate iucundè colenda versantur. Affabilitati simillima
est, ac nomen fortasse meretur urbanitatis, cum in facetiis, iocis-
que ac ludis certâ ratione moderandis posita sit. sed de nomine ad
extremum videbimus, ubi de ipsa virtutis vi, atque proprietatibus
erit abundè ac satis explicatum. Igitur in hac prima parte pronunciat primum Ari-
stoteles, etiam in iocis ac ludis virtutem ac vitium deprehendi posse, atque hac ra-
tione conciliat sententiæ suæ: Ea humanæ, ciuilibusque vitæ conditio
est, ut quies ei, ac relaxatio necessaria sit. Sed in eiusmodi requiete, ac relaxatione
iocus ludusque principem obtinent locum. vsurpantur enim quietis gratiâ, ut ipse
met ait in Politicorum lib. 8. cap. 3. & docet his verbis in Officiorum primo M. Tul-
lius. Ludo autem & ioco uti illo quidem licet, sed sicut somno, & quietibus cæte-

ris tum, cū grauib, seriisque rebus satisfecerimus. Ludus igitur & iocatio humanæ vitæ perutilis & necessaria est. Quo posito, sic promouet argumentum: In eo, quod humanæ vitæ utile quidem ac necessarium est, sed exuperantiam & defectum habet, virtus esse debet ac vitium. Locus est humanæ vitæ perutilis ac necessarius, sed defectum sæpe, atque exuperantiam habet. Igitur in lusione ac ioco virtus ac vitium reperiri debet. Assumptio declaratur hoc modo: In ludo ac ioco humanæ vitæ summa quædam utilitas est, cū vt diximus, iocando & ludendo relaxetur à laboribus animus & conquiescat. Nam quemadmodum corpus, ne labore fatiscat immodico, quietem postulat: sic ne cura studiove nimio languescat animus, iocandi, ludendique oblectatione recreandus est. sed dum facietis ac dictis vt volumus, & colludere, facile fit, vt vel in nimio peccemus, vel in eo, quod parum est. est enim iocandum & ludendum tum loquendo tum audiendo, vt oportet, & quantum oportet, ceterisque cum cautionibus, extra quas nulla esse potest legitima virtutis exercitatio. Igitur inter iocandum ac ludendum virtuti ac vitio locus est.

PARS SECVNDA CAPITIS OCTAVI.

ΟΙ δὲ τῶν τῶν γελοίων ὑπερβαλλόντες, βωμολόχοι δοκοῦσι εἶναι καὶ φορτικοὶ, γλιζέωμεν πάντας τῷ γελοίου, καὶ μᾶλλον τραγικοὶ τῷ γέλωτι ποιῶται, ἢ τῷ λέγειν εὐχέλματα, καὶ μὴ λυπεῖν τοὺς ακωτῶν ἄνθρωπον. οἱ δὲ μὴτ' αὐτοὶ ἀλλ' εἰπόντες μὴδὲν γελοῖον, τοῖς τε λέγουσι δυσχεραίνοντες, ἄγριοι καὶ σκληροὶ δοκοῦσι εἶναι. οἱ δὲ ἐμμελῶς παίζοντες, εὐπράπιλοι θεωροῦνται, οἳ δὲ ὀϊστοὶ. τῷ γὰρ ἡδονὴ αἱ τοιαῦται δοκοῦσι κινήσεις εἶναι. ὡσαύτ' δὲ τὰ σώματα ἐκ τῶν κινήσεων κρίνεται, οὕτως καὶ τὰ ἥθη. εὐπράπιλος δὲ τῷ γελοίου, καὶ τῷ πλείων γελοίων τῇ παιδιᾷ, καὶ τῷ σκωτῶν μᾶλλον ἢ δειλὸς, καὶ οἱ βωμολόχοι εὐπράπιλοι θεωροῦνται, ὡς γελοῖοι. ὅτι δὲ τῶν φέρονται καὶ οὐ μὲν, ἐκ τῶν εἰρημίων δῆλον.

Igitur qui in ridiculis exuperantiam habent, scurræ videntur esse, atque importuni, affectantes omnino ludicrum; & id potius spectantes, vt risum moueant, quàm vt loquantur honesta, nec eum dolore afficiant, in quem scommata iaciunt. Qui autem neque ipsi dicere possunt quidquam ridiculum, & alios dicentes permolestè ferunt, agrestes ac duri videntur esse. Sed qui aptè iocantur, eutrapeli nominantur, quasi flexiles fando. morum enim huiusmodi videntur motiones esse; atque vt corpora ex motibus discernuntur, ita etiam mores. Iam verò cū abundè ridicula iam suppetunt, & plerique delectentur diutius magis, quàm deceat, scurræ quoque eutrapeli nominantur, quasi elegantes. Differre autem, & quidem non parum ex dictis perspicuum est.

EXPLANATIO.



CVM dixerit, in iocando, ac ludendo, & nimium & parum & medium inueniri, singula hîc describit, ipsis declarandis vocabulis, & aliquot eorum proprietatibus explicandis. Primum ergo de nimio atque exuperantia id docet: eos, qui hoc vitio sic laborant extremo, vt immoderatiùs faceti sint, intemperantèrque iocentur ac ludant, à Græcis appellari βωμολόχοις, & φορτικοῖς. & ex eo dignosci, quòd qualibet ex re risum captent, studeantque potius ridicula, quàm honesta proferre; nec admodum cauent, ne aliorum offendant animos, modò ridiculè aliquid & facietè dicant. Cur huiusmodi homines βωμολόχοι nominentur, haud vna redditur à scriptoribus ratio. Græcus interpretatur, propriè βωμολόχος aues quasdam esse, quæ cū cibi sint auidissimæ, soleant λοχεῖν τοῖς βωμοῖς; hoc est, aris insidiari, captantes nimirum quicquid reliquiarum ex immolatis victimis fortè remanserit. Quemadmodum enim aues illæ cibum vndique conquirunt, & rapiunt; sic hi risum & iocum ex

quacumque rei captant occasione, ne ipsis quidem artis, sacrisque parcentes. Sed Suidas βαμολόχοι non aues proprie dicit esse, sed homines quosdam, qui dum hostiæ caduntur & immolantur, adstant, emendicantes particulam, aut dolo, furtimque captantes. qui quoniam infimæ sortis erant & pauperrimi, fecerunt, ut mendici omnes vniuersim βαμολόχοι dicerentur: & quia blandis verbis atque infima supplicatione risum populi & victimariis exercebant, nomen etiam vniuersè dederunt iis, qui plus nimio faceti & ridiculi in humana consuetudine sunt. legendus est Cælius Rhod. in lib. 10. cap. 6. Dicuntur præterea qui sic in nimio peccant φορτικοί, hoc est, odiosi, inepti, importuni, ac permolesti. Hi nimirum sunt, quos scurras & sanniones appellamus. Non enim solum versantur in nimio, sed ipsam quoque dicacitatem suam venalem habent, opulentorum ac Principum cœnas aut pecuniam aucupantes. Illi autem, qui defectu laborant, alia omnia sequuntur & agunt. nihil enim vniquam faceti, falsique loquuntur, nec vniquam festiue iocantur: immo verò iocantes alios permolestè ferunt. Ait igitur, agrestes & duros, siue insutos appellari debere. Græcè ἀγροί, ἢ σκληροί. Denique medium ipsum inter hos extremos obtinentes ait eos esse, qui moderatè iocis vtuntur, & appellari propterea ὑπεράπλοιοι quasi ὑπερίπιοι, hoc est, bene faciliq̃ue flexibiles, ὡς τὸ ὠ. quod est facile vel benè, & πείπει quod significat flectere. Cuius vocabuli notationem & etymon petit Aristoteles à facili quodam motu eorum, qui hac urbanitate morum laudabili & iustà loquendi festiuitate sunt præditi. Cernuntur enim in singulorum hominum moribus conuersiones & flexiones quædam ita variæ, ut hic ad festiuitatem celeriter & facili moueatur, alius difficulter & lentè. Ut enim ex motu intelligitur, utrum corpora morbosa sint, an valentia, inertia ne & pigra, an apta & agilia, ita ex inferioribus animi commotionibus iudicantur mores habitusque, ac deprehenditur, quales quantivè sint. Itaque qui bene, qui facili, qui concinnè mouentur ad sales & dicta in loco ac tempore inter colloquendum adhibenda, hi dicuntur eutrapeli, & eo iudicantur instructi iam habitu esse, qui dicitur Eutrapelia. Transiit hoc verbum etiam ad Latinos. Nam Voluminium Senatorem dictum esse cognomento Eutrapelum demonstrat Cicero in epist. 26. lib. 9. qui eum Eutrapelum Græco vocabulo, sed Latinis literis & declinatione nominis item Latina ap̃ellare non dubitat. Appellatum autem ita esse ab Eutrapelia, hoc est, à iocis, & à festiuitate ac lepore, quo præditus erat, idem significare videtur his verbis Cicero in ep. 32. lib. 7. quæ ad ipsum scribitur Voluminium. Quod si ne prænomine familiariter, ut debebas, ad me epistolam misisti, primum addubitavi num à Voluminio Senatore esset quo cum mihi magnus est vsus. deinde ὑπεράπλοια literarum fecit, ut intelligerem tuas esse.

Iam verò cum abundè, &c.] Ceterum quamquam hæc ita sunt, sæpè tamen, inquit, nomen hoc Eutrapeliæ transfertur ad extremum ipsum exuperantiæ significandum, sic profus, ut scurræ, Eutrapeli nominentur, & scurrilis dicacitas appelleretur Eutrapelia. Itaque nomen hoc mediocritatis & virtutis sæpe sumitur in malam partem, & pro scurrarum vitio ponitur, quemadmodum est in epist. ad Ephes. cap. 5. μὴ δὲ ὁμιλεῖσθαι εἰ ὑμῖν ἀχρότης, ἢ μωρολογία, ἢ ὑπεράπλοια. Ne nominetur quidem in vobis obscenitas, & stultiloquium, aut scurrilis dicacitas. Neque enim cum eutrapeliam damnat, ipsam notat ac proscribit festiuitatem sermonis, quæ ponitur in virtute: sed diæteria illa illiberalia & scurrilia, quæ & nimia sunt, & nullum ad finem referuntur honestum, atque probabilem. Cur autem hoc nomen à propria illa virtutis significatione translationem acceperit ad impropiam, eam indicat & designat Aristoteles causam, quod ex frequenti ac nimio iocorum & dicacitatis vsu, virtutis nomen, ut sæpe contingit in aliis, impositum vitio sit. Cum enim, inquit, plurimi iam sint, homines præsertim opulenti, ac principes, qui facetiis & salibus impensè delectentur, cumque ridicula, & diæteria maximè iam increbuerint, factum est, ut quos appellare scurras oporteret, eos Eutrapelos, hoc est, facetos, iocosos, & lepidos ipsa virtutis appellatione nominemus. Ita videlicet ipso etiam Aristotelis æuo sannionum illa colluuiæ grassari experat, quæ consecutis postea temporibus per aulas, & cœnacula Principum liberius est debacchata. Distinguendos igitur hos & sciungendos esse ait ab iis, qui verè ac meritò eutrapeli nominantur. Nam inter utrosque plurimum esse discriminis ex iis quæ dicta sunt hætenus, intelligi potest.

ΤΗ μέση δ' ἐξ οἰκείων καὶ ἡ ὀπί-
 δεξιότης ἐστὶ. τὴ δ' ὀπίδεξιόν ἐστι
 τοιαῦτα λέγειν, καὶ ἀκούειν, οἷα τὰ ὀπίθεαι,
 καὶ ἡ ὀπίθεα ἀρμότις. ἐστὶ γὰρ ἵνα πρέ-
 ποντα τὰ τοιοῦτα λέγειν ἐν παιδία μέρει,
 καὶ ἀκούειν. καὶ ἡ ὀπίθεα παιδία δὲ
 φέρει τῆς τῆς ἀποδοδεύς, καὶ αὐτὴ τῆς
 πεπαιδευμένης καὶ ἐπαιδευμένης. ἴδοι δ' αὖ
 τίς καὶ ἐκ τῆς κωμωδίας τῆς παλαιᾶς καὶ
 τῆς νεωτέρας. ποῖς μὲν γὰρ ἰὺ γελῶν, ἡ
 αἰσχρολογία. ποῖς δὲ μᾶλλον, ἡ ὑπο-
 νομία. δὲ φέρει δ' οὐ μὲν τὰ ταῦτα πρὸς
 εὐχρηστούν. πότερον αὖ τὴν πῶ σκώ-
 τισιν οὐκ ἐστὶν τὰ λέγειν ἀπὸ πρὸς ἡ
 ἡρᾶ; ἢ τὰ μὴ λιπεῖν τὸν ἀκούον-
 ταν, ἢ καὶ πέρπει; ἢ καὶ τὸ γὰρ τοιοῦτον
 αἰετοῖς; ἄλλο γὰρ ἄλλο μισθὸν τι καὶ
 ἡδὺ τοιαῦτα καὶ ἀκούσται. αὐτὸ ὑπο-
 μνήσκειν, ταῦτα καὶ ποιῆν δοκεῖ. οὐ δὲ
 ποῦ ποιῶν. ὁ γὰρ σκώμμα, λυσιδότημα π
 ἐστὶν. οἱ δ' ἰομοίεται ἕνα λυσιδότην κω-
 λούσιν. ἐδὲ δ' ἴσως καὶ σκωτῶν. ὁ δὲ
 γαίης καὶ ἡ ἡρᾶς, οὕτως ἐξ, οἱ ἰο-
 μος ὡν ἑαυτὰ. τοιοῦτος μὲν αὖ ὁ μέσος
 ἐστὶν, εἴτ' ὀπίδεξιός, εἴτ' ὀπίθεα πρὸς
 λυσιδότην. ὁ δὲ βωμολόχος, ἡ ἡρᾶ ἐστὶ τ
 γελῶν, καὶ οὐτε ἐμῶν, οὐτε τῆς ἄλλων
 ἀπὸ τῶν, εἰ ἡ ἡρᾶ ποιῶν καὶ
 τριαυτα λέγων, ὡν οὐδὲν αὐτὸ γαίης εἰ-
 ποι ἕνα ὅπου αὐτὸ ἀκούσται. ὁ δὲ ἄγχιος,
 εἰς τὰς τριαυτὰς οὐκ ἔστι ἀγχιός. ὁ δὲ
 γὰρ συμβαλλόμενος, πᾶσι δυοῖν.
 δοκεῖ δὲ ἡ ἀνὰ πᾶσι καὶ ἡ παιδία ἐν
 τὰ βίᾳ εἶναι αἰσχρολογία.

Medio autem habitui congrua etiam
 dexteritas. dexteri autem hominis
 est, talia dicere et audire, qualia probo at-
 que ingenio conueniunt. Sunt enim aliqua,
 quae decet talem hominem dicere lusionis loco
 et audire. et ingenii iocus differt ac ser-
 uilis, et eruditi atque ineruditi. id quod per-
 cipere quisque potest ex comediis, et vere-
 ribus et nouis. Illa enim ridicula res erat
 verborum obscenitas, his autem potius ob-
 scura significatio. Intereſt verò non parum
 inter hac ad decorum. Vtrum igitur is, qui
 bene in alterum dicta iacias, ex eo deſinien-
 dus est; quòd illa dicat, quae decet ingenuum?
 an quòd non offendat illum qui audit, an etià
 delectet? An et hoc tale indefinitum est?
 aliud enim alij et odiosum est et iucundum.
 Talia verò etiam audiet: nam quae quisque
 patitur audiendo, ea etiam facere videtur.
 non igitur omnia faciet. etenim salsum di-
 ctum conuicium quoddam est. At legum la-
 tores nonnulla conuiciari vetant. Sed oport-
 cebat fortasse etiam vetare scommata. Vir
 igitur elegans et ingenuus sic se habebit,
 perinde ac si lex ipsi sibi sit. Ac talis quidem
 medius est, siue dexter siue facetus appelle-
 tur. Scurra autem ridiculo vincitur, et ne-
 que sibi, neque aliis parcat, dummodò sum-
 moueat: eaque dicit, quorum nihil elegans
 diceret; nonnulla verò, quae ne audiret qui-
 dem. Sed agrestis ad huiusmodi congregatio-
 nes inutilis est. cum enim nihil ipse conferat,
 omnibus offenditur. Videtur autem requies
 et iocus in vita esse res necessaria.

EXPLANATIO.



N hac tertia Capitis parte designat accuratiùs quasdam horum ha-
 bituum proprietates; ac primo quidem ducit exordium ab habitu me-
 dio. de quo hæc dicit in summa: ei, qui habitu medio eutrapeliæ præ-
 ditus sit, esse propriam ὀπίδεξιότητα, hoc est, dexteritatem: immo
 verò eutrapeliā ipsam, quamdam esse dexteritatem. est autem dex-
 teritas, conuenientia quædam, sagacitas & humanitas in agendo ducta ab agilitate
 manus dexterae, quæ sequax, & ad quodlibet opus versabilis est. Tanta, inquit Li-
 uius. in lib. 8 belli Pun. inerat comitas Scipioni, atque ad omnia naturalis ingenij
 dexteritas. & in lib. 7. belli Maced. Multa in eo & dexteritas & humanitas visa. Ita-
 que dexteritatis vocabulum videtur esse synonymon Eutrapeliæ; cum dexteritas
 nihil aliud sit, quàm comitas, humanitas, siue conuenientia, & in agendo concin-
 nitas: quæ omnia conueniunt in eutrapeliā, quæ nulla est, immo viciosa est, nisi
 ab humanitate sagaci, & congruenti comitate proficiatur. Est quippe huius virtu-

ris, inspicere, quibus cum hominibus, quibus locis ac temporibus, cuius rei gratiâ, & quatenus iocandum sit. Neque enim vir verè vrbanus ac facetus alia vel diceret, vel audiret ioca, nisi quæ liberos & ingenuos decent. Nam est quoddam iocandi genus ingenuum & liberale, quoddam illiberale, ac flagitiosum, ut hîc docet Aristoteles, explicatque pluribus in primo libro de officiis Cicero. Inter quæ illud discrimen est, quod alterum elegans sit, honestum, virôque dignum humanitate ac probis moribus expolito, alterum verò probrosum ac turpe, nec bono dignum viro, nec eo, qui propter virtutem, & liberales mores laudabilis sit. Quemadmodum enim, inquit, permagna differentia est inter iocum eruditi hominis & indocti, sic plurimum discrepat hominis ingenui festiuitas à dicacitate ac petulantia hominis illiberalis. Plurimum verò docti, liberalisque viri, & indocti atque illiberalis iocum differre demonstrat Aristot. exemplo veteris, nouæque Comædiæ: quæ vtræque iocabatur, & salibus dictisque risum aucupabatur. sed vetus Comædia plus nimio dicax, & in iocando fuit illiberalior, cum ex quacumque re, quantumuis obscæna & turpi ridiculum peteret, & viuentes præsentisque irridere ac carpere non dubitaret, ut apud Horatium est Sat. 3.

*Eupolus atque Cratinus Aristophanisque poeta,
Atque alij, quorum Comædia prisca virorum est,
Si quis erat dignus describi, quod malum aut fur,
Quod machinus foret, aut sicarius, aut aliqui
Famosus, multa cum libertate notabant.*

Fuit ergo tanta hæc iocandi libertas & obscænitatis, publicâ lege coercenda, & depellenda de theatro, nouæque inducenda Comædia, quæ mollius, humaniusque iocaretur. quod idem indicat Horat. in arte poetica:

*Succesit vetus huius comædia non sine multa
Laude: sed in vitium libertas excidit, & vim
Dignam lege regi. lex est accepta, chorusque
Turpiter obtinuit sublato iure nocendi.*

Rectè igitur Aristoteles eo veterem à noua Comædia differentem facit, quod illa nullâ pudoris habitâ ratione obscænitatem in ridiculis apertam, & licentem non recusaret, hæc ut decoro verecundiæque consuleret, turpiculæ rei sententiam obscuram & testam haberet, factâque inhonesta per allusiones, & clanculum indicaret. Sit hæc igitur huius loci breuiter conclusa sententia: eum qui iocandi mediocritatem habet & virtutem Eurypelidæ, vel ex hac nota & proprietate cognosci, quod & dicat, & audiat ea, quæ probum hominem decent; nec iocos admittat inhonestos, ac turpes, sed ingenuos tantum ac liberales.

Utrum igitur is, &c.] Ex proprietate iam tradita interiorē nunc hominis verè faceri notam inuestigat. inuestigat autem, perquirendâ eiusedem appositâ, congruentique definitione. Quærit igitur, qua ratione definiendus sit qui facietis ac salibus utitur ut decet, & an eius propria & intima nota sit, ea festiuè dicere, atque audire, quæ viro probi ingenuoque conueniunt, ut suprâ diximus; an verò dare operam, ne quempiam offendant, nève alicui dolorem inurat; aut etiam id videre, ut iis voluptatem afferat, quibuscum iocatur & consuetudinem habet. Hæc enim omnia in superiori proprietate perstricta videntur. nam ex eo, quod vir facetus & lepidus ea tantummodo per iocum dicit, quæ moderatum animum & ingenuum decent, consequens videtur esse, eum abstinere à conuitio illiberali oportere, & illos debere potius oblectare, quàm lædere, quibus cum iocosè loquitur, & versatur. Quid de quæstione decernat, haud facillè potest intelligi: obscurior enim etiam à bonis interpretibus existimatur locus. videtur tamen id velle, ac statuere: superiorem illam notam esse principem & magis propriam eutrapeliæ, posteriorem hanc minùs præcipuam & secundariam esse. Respondet enim quæstioni per nouam interrogationem, qua secundam hanc proprietatem, ac notam æstimare se longè minoris ostendit. An hoc quoque incertum nec definitum, inquit, est? quasi dicat; peruidere, ne quempiam offendas, aut qua ratione vnumquemque delectes, inexhausti laboris & negotij est; cum rei iucundæ molestæque infinita quædam varietas sit. est enim id vni permolestum quod est alteri iucundum, & quod hunc offendit ac vulnerat, alterum recreat & oblectat. quin eadem res eidem prorsus homini nunc est grata, nunc odiosa. itaque nota hæc tam instabilis & incerta haud parum vide-

tur à proprietatis vera ratione discedere, quæ constans semper & stabilis esse debet: qualis est illa superior, eadem semper & vniuersimodi. Neque enim viro bono, & virtute prædito licebit vnquam intet iocandum ea dicere vel audire, quæ liberum non deceant hominem. Itaque rectius dici contendit, hanc esse primariam eutrapeliæ proprietatem ac notam: sed tamen alteram non excludit. est enim eiusdem faceti hominis & vrbani, neminem illiberali conuitio lædere, vnumquemque festiuitatibus recreare. id verò cùm agit, non timide cuiuslibet hominis cauet & circumspicit offensionem, neque quid huic aut illi, sed quid viro bono placeat displiceatve, cuius & sanum & probabile iudicium est. Quapropter ea potius dicit, quæ se ipsum deceant, quàm quæ aut non offendant alios, aut oblectent. Cùm enim ignoret audientium conditionem ac voluntatem, ex se ipso metiri iocum sic debet, vt ea dicat in alios, quæ se deceant, & quæ ipse libenter audiret, vt deinde planius disserit.

Talia verò etiam audiet.] Indicauit quidem suprà, faceti hominis officium esse, non solum vrbane falsæque, ac citra conuitium dicta iacere, verum etiam eadem facile audire, & eodem genere vrbانيتatis excipere. Sed nunc tamen posteriorem hanc officij partem diligentius ac separatim explicat, in hunc modum: Qualia vir vrbani & falsus in alterum dixerit, talia se ab aliis auditurum in animum inducit. nam quæ vnusquisque haud grauatur sed libenter, & æquo audit animo, ea facere videtur. quasi dicat, ex hac æquanimitate faceti hominis in audiendis aliorum dictis fieri, vt ipse quoque arbitretur idem sibi facere licere, sibi que concedendum esse, vt idem in alium dicat. Nimirum hic iterum significat, ipsum sibi oportere normam & legem esse, & ex se ipso intelligere quid iuris in alium habeat, cùm videt quid, aut quantum id sit, quod ab alio ferre ac perpeti possit. Sequitur enim hinc, non omnia eum in alium iacere dicta debere, sed probro carentia, liberalia tantum, ac moderata, hoc est, ea, quæ ipsemet in se torqueri & conferri per iocum facile pateretur, vt postea declarat his verbis.

Non igitur faciet omnia: etenim falsum dictum conuitium quoddam est.] Quemadmodum igitur ipse conuitium illiberale non ferret, sic in iocando idem maledicus, contumeliosus, ac petulans esse non debet. Non igitur omnia faciet, inquit, hoc est, non omnia ridiculi genera passim arripiet. quædam enim acerba sic sunt, aut ita fœda, vt conuitia esse iudicentur. Hæc autem ipse perferre audiendo non posset. pati quippe contumeliosa, videtur ignaui hominis esse, turpia & obscœna ferre, intemperantis. Non enim villo modo laudandus; sed vituperandus potius ab omnibus sis,

Inuen. Sat. 9.

*Si potes illa pati, quæ nec Sarmentus iniquas
Cæsaris ad mensas, nec vilius Galba tulisset.*

Ergo legis huius ea summa est, vt quoniam tu contumeliosa, & turpia dicta ferre non potes, ne alios quidem à te audire patiaris. scommata nominat Aristoteles hæc dicta, vel turpia, vel amara & virulenta. cuius etymologiam vocabuli tradit nobis in lib. 1. Poëticæ Scaliger. metaphoram enim hanc ab aue ductam Asione purat, quæ *σκατὰ* à Græcis dicitur, ridicula & mirabunda circumactu capitis & colli flexu. Hinc adeo fluxit *σκατίζω*, quod est agitatione capitis aliquem irridere, & *σκατίζω*, quod est ridiculum & amarum ioci conuitium. Hæc autem scommata vetari legibus oportuisse ait Aristoteles: ac miratur vetita non esse, quemadmodum cetera maledicta. Rectè, inquit, legum conditores pœnam statuerunt in eos, qui seridè maledicerent, & famosis libellis traducerent alios, sed oportebat etiam animaduvertere in hæc scommata, hoc est, in ridicula, probrosa & turpia; cùm quoddam sint maledicti genus, atque conuitij, iniuriam inferens & dolorem inurens. Dictum, & scommata, quod hic esse ait conuitij genus, quia festiuitatis aliquam habet speciem, in secundo lib. de arte dicendi, appellauit ipso virtutis nomine eutrapeliam, dixitque esse contumeliam eruditā. Marcus etiam Tull. in Orat. pro Cælio hoc ridiculi genus conuitium & contumeliā existimauit. Maledictio, inquit, nihil habet propositi præter contumeliam; quæ si petulantius iactatur, conuicium, si facetiùs, vrbane nominatur. Concludit eleganter hunc locum Arist. præclara cum laude faceti hominis & vrbani: quem sibi ipsi legem & normam esse contendit. Nam quia dixerat, eam iocandi licentiam, quæ conuitium habet, oportuisse legibus coerceri, addidit ad extremum, virum verè festiuium ac facetum nullas ad laudabiliter & moderatè iocandum requirere leges, & Magistratus edicta, cùm ipse sibi sit lex, nec aliquod vm-

quam dicturus ridiculum sit contumeliosius, tametsi nullis ea de re legibus, aut iure caueatur. Itaque si quærat aliquis, quatenus homini veram eutrapeliam habentilicet scominata, & dicta in alios iacere, respondebit Aristoteles, eum sibi ipsi legem modumque præscribere.

Scurra autem à ridiculo vincitur.] Habitus medijs proprietatibus, notisque iam distinctis, ad eas describendas accedit, quibus internoscuntur extremi. ac primò quidem ipsas scurrarum proprietates expingit: quos ita factos ait, ut ridiculis sibi temperare non possint, sed quaecumque risus materiam occasionemque nanciscantur, eam sibi sumant, & tractent intemperanter, Græcè est, ὁ δὲ βαμολόχος ἡθῶν ἐστὶ τῷ γαλοῖον. Scurra autem ridiculo inferior est, siue à ridiculo superatur, hoc est, ita impotenter ad illiberaliter iocandum abripitur, ut suæ propensione resistere, si-bique ipsi moderari non possit, quin risum moueat qualibet in re & quocumque loco ac tempore aliquid ridiculè ac falsè dicat. est enim ipsis quoque prudentibus viris perdifficile modum in facetiis habere, quemadmodum illa vox declarat Ennii, apud M. Tullium Ciceronem: flammam à sapiente facilius ore inardente opprimi, quàm bona dicta tenere. id enim cùm in aliam sententiam fuisset ab Ennio dictum falsi quidam homines eo flexerant, ut bona dicta falsè dicta interpretarentur, ut idem Tullius ait. Denique hanc in iocando, irridendoque scurræ intemperantiam & impotentiam tantam esse ait, ut ne sibi quidem ipsi aut ulli suorum parcere possit, dummodo risum, inquit Horatius,

Excusas sibi, non hic cuiquam parces amico.

Quin ut idem alibi scribit Horat. de illo Menio scurra,

Impransus ciuem qui non dignosceres hoste,

Qualibet in quemuis opprobria dicere sauis.


quod grauissimè damnat in oratore M. Tullius, & in ipso M. Tullio Plutarchus accusat. quem Quintilianus alioqui Ciceronis amantissimus ait non extra iudicia tantum, sed in ipsis etiam orationibus habitum esse nimium risus affectatorem: Culpatur in hoc genere Liuius Philippum Macedoniæ Regem, alij Vespasianum Imperatorem, quem fuisse dicacitatis plurimæ, scurrilis ac sordidæ Suetonius testatur in vita. Hæ sunt ergo proprietates eorum, qui versantur in nimio: sequuntur illæ, ex quibus agnoscitur is, qui defectu laborat, & citrà terminum subsistit, nec punctum ac lineam ipsius mediocritatis attingit. Hunc ἀγχιον, hoc est, agrestem & inconditis ac subrusticis præditum moribus appellat, ad urbana & faceta colloquia prorsus ineptum. Caret enim utroque genere urbanitatis, cùm & nihil ipse faceret & commodè dicere, neque alios festiuè comiterque iocantes audire possit. Id videlicet est, quod ait Aristoteles, huiusmodi hominem insulsum & rusticum, neque quicquam operæ ad iocandum conferre, & omnibus facetiis falsèque dictis offendit, nec ullius in se ridiculum pati posse. Hoc autem vitium esse, ita demonstrat: Ille qui auersatur & odio habet id quod humanæ vitæ perutile ac necessarium est, recenseri inter vitiosos & peccantes in vita debet. sed iocus est humanæ vitæ perutilis ac necessarius. ergo qui ludum auersatur, vitiosus habendus est, & inter eos censeri debet, qui peccant in vita.

PARS QUARTA CAPITIS OCTAVI.

TΡῆς οὖν αἱ εἰρηδύουσαι ἐν ταῖς βίαις μεσότητες. εἰσὶ δὲ πᾶσαι αὐτῶν λόγων ἡρώων καὶ ἀποφθέγων κοινωιδίαι. ἄλλαι φέρονται δὲ, ὅτι ἡ μὲν αὐτῶν ἀγχιον ἔστιν, αἱ δὲ αὐτῶν ὁ ἡδύ. ἥ δὲ αὐτῶν πλεον ἡδονῆς, ἡ μὲν ἐν ταῖς παιδαίαις, ἡ δὲ ἐν ταῖς καὶ τῶν ἄλλων βίαις ὁμιλίαις.

TRes igitur iam dictæ sunt in vita mediocritates. versantur autem omnes in verborum quorundam, actionumque communitate. differunt verò, quòd una in veritate est, alia in iucunditate. ex iis verò quæ in iucunditate sunt, altera in iocis, altera in reliqua vita posita congressionibus est.

EXPLANATIO.



SÆPIVS est dictum suprâ, tribus hisce virtutibus Affabilitati, Veritati, & Eutrapeliz permitti moderandum, & iucunditate condiendum sua conuietum humanum. Ipsas aded nunc iam explicatas comparat inter se: & in eo conuenire docet omnes, quod in verborum, factorumque societatis humanæ communicatione versentur, sed in eo differre, quod earum vna veritatem in conuietu sequatur, reliquæ duæ suauitatem: inter quas tamen id esse discriminis, quod prior ex his duabus, quæ affabilitas est, iucunditate quadam seriâ contineatur; posterior autem quæ vocatur eutrapelia, in voluptate udicra, iocisque posita sit.

EPILOGVS.

1. Ioco recreandus est visa labor. sed in iocando nimium & parum esse potest. aliquam ergo virtutem oportet esse mediam, quæ utrumque reducat extremum; nec aliam profecto, quàm quæ dicitur Eutrapelia.
2. Extremus habitus exuperantia in scurris & sannionibus cernitur: qui neque modum, neque genus ioci considerant, aut pensi habent. defectus, aggressum quorundam hominum est, omnem habentium odio festiuitatem: qui propterea sunt ad omnem visa iucunditatem inusiles.
3. Qui medio pradius est habitus, non omnibus vititur facetus: cum aliqua sint, quæ conuiuium habent: conuiuium autem vetatur legibus, & pænis coercetur.



IN CAPVT OCTAVVM

QVÆSTIO VNICA.

An in iocis ludisque vera virtus aliqua possit esse.



LVDI, iocique vocabula discrepant inter se, cum propriè ludus in facto, iocus autem dici videatur in verbo. dicitur enim pilæ, alcarum, tessarum ludus, & ipsa sæpe specacula plurali numero ludi sunt, sed nihil horum propriè iocus est, aut plurali numero ioca, quia hæc facetis verbis continentur & salibus. Video tamen interdum ipsum ludum pro ioco positum, ut apud Terent. in Eun. Qui si occæperit ludum amare iocumque: planiusque apud Horat.

Sed tamen amato queramus seria ludo.

— & seria vertere ludo.

Iocum enim vniuersum id omne dicimus, quod contrarium serio est. itaque qui serio ludum opponit, ludum haud dubiè pro ioco ponit. sed tamen cum pro ioco ludum ponunt scriptores, libentiùs lusum videntur dicere quàm ludum. Quin etiam contrà videtur interdum pro ludo iocus usurpatus, ut suspicari me cogit ille Valerij locus in lib. 1. cap. 15. Iuuentus rudi atque in composito motu corporum iocabunda gestus dedit. Non hæc ideo disse- ro, quod dici rectè putem pro ludo iocum, sed ut significem, ipsum quoque sæpe ludi nomine comprehendi, quod ego secutus hinc

sum, cum de ioco, deque iocatione disputabo, idque sic agere propterea necesse plus habeo, quod ad iocandi virtutem quæ nominatur Eutrapelia, ludum verum ac proprium reuocet D. Thomas & alij. Cum enim iocatio & Eutrapelia posita sit in relaxatione animi, & requiete, ludus autem cum usurpatur ut decet, ad quæstum non referatur & auaritiâ, sed ad eandem animi defatigati recreationem & quietem, cuius causa est institutus, haud alium sibi postulat inter virtutes locum, quàm accessionem & appendicem ad ipsam Eutrapeliâ; quæ maximè præcipueque recreat vitam. Aristoteles quidem in hoc octauo capite nullam apertè ludi mentionem facit, sed de ioco tantummodo disputat, & præcepta designat: sed tamen quodam communi vocabulo etiam ludum videtur amplexus, cum de eutrapelia disputationem initio proposuit, non enim dixit de eutrapelia explicaturum se esse, sed de ludis, quæ vox tum ludum, tum omnem animi relaxationem significat, & ipsum etiam iocum, ut est apud Plutarc. in lib. de non irasc. *ἡ δὲ εὐφροσύνη, ἡ μωρία*. Itaque cum ludum ego nominauero, ludum interdum propriè, interdum fortasse iocum, interdum utrumque significabo; cum utrumque virtus eutrapeliâ complectatur, & iustis legibus

mode.

moderetur. Neque verò de ludo separatim ac propriè multa mihi dicenda sunt, cum hoc argumentum suprà perstrinxerim, cum de liberalitate disputans, eam institui quæstionem; an aleatores inter auaros adnumerandi sint. Quapropter eatenus solum ludus huc pertinebit, quatenus animum relaxat, & quietem laboribus impartitur.

Quæramus igitur vniuersim, An eutrapelia verà virtutis appellatione digna sit, quæ, quoniam in ludicro versatur & iuu, videtur à maiestate tanti nominis aliena.

Videndum primò est, an in ludo defectus & exuperantia vitia sint. hinc enim intelligitur, an eutrapelia, quæ medium obtinere debet, veram virtutis appellationem promeretur. Primò quidem vt de defectu dicatur, id compertum & exploratum est: longo perpetuòque labore corporis & opere lassari membra sensusque, ac propter remissionem aliquam, requiem, & somnum efflagitare. Sed eadem remissionis quietisque necessitas ipsi etiam imposita est animæ. longà enim, accuratàque mentis intentione intima illæ defatigantur & languescunt virtutes, quæ vocantur animales, adeòque recreatione identidem indigent & requiete.

Quæcumque, inquit Aristot. in lib. de somno & vigil. aliquod opus efficiunt secundum naturam, vbi tantum in agendo tempus expleuerint, quantum ad opus faciendum requirebant, deficiant, & requiem postulent necesse est. Huic autem lassitudini, quæ ex animi studiosa vehementisque contentione nascitur, haud vllum corporis quies ipsa per se remedium ac subsidium præbet; cum etiam corpore quiescente, possit ea lassitudo mentis amplificari. ac ne somnus quidem eidem defatigationi languorique succurrit: cum externos tantum subleuet sensus, qui absque vlla etiam mentis agitatione lassari possunt. relinquuntur ergo huic animæ lassitudini remedium ex contrario petendum esse. Quemadmodum igitur ex alta nimiaque mentis intentione lassamur, quæ spiritus animales in organis interiorum virtutum commouentur, & resoluuntur: sic oportet per mentis quamdam euagationem ad iustam nos quietem & tranquillitatem animæ reuocari. Mens autem hominis à studio grauium rerum & seriarum abstracta maxime vacat & quiescit in ludis, quo fit, vt quemadmodum ait Albertus vsurpandi ludi, iocique necessarii sint, ne animus ad mentis agitationem reddatur inutilis. Neque enim natura, quæ nihil molitur incassum, tantam nobis ad ludendum, iocandumque provisionem indidisset, nisi ludi iocique ad aliquid magnum & graue summam vtilitatem essent allaturi. Hinc adeò constat, in ludis interdum inueniri posse quod parum est, idque in iis cerni, qui tristi quadam & inamena consuetudine tenentur, nec vllis ludis, aut dicendis, audiendisque salibus in colloquio delectantur. quod sine dubio vitium est, & sapientium iudicio vituperandum, vt monemur à Seneca sic differente: Nec in eadem intentione & qualiter reuocanda mens est, sed ad locos

reuocanda. Cum pueris Socrates ludere non erubescerebat, & Cato vino laxabat animum curis publicis fatigatus, & Scipio triumphale illud & militare corpus mouit ad numeros, non molliter se infringens, vt nunc mos est, sed vt illiantiqui viri solebant inter lulum ac festa tempora virilem in modum tripudiare, non facturi detrimentum, etiam si ab hostibus suis spectarentur. Danda est remissio animis. meliores acriorisque requieti surgent. Vt fertilibus agris non est imperandum (cito enim exhauriet illos nūquam intermissa fecunditas) ita animorum impetus assiduus labor frangit: vires recipient paululum resoluti, ac remissi. Nascitur ex assiduitate laborum hebetatio quædam animorum & languor: nec ad tanta hominum cupiditas tenderet, nisi naturalem quamdā voluptatem haberet lusus, iocisque; quorū frequens vsus omne animi pondus omnemque vim eripiet. Legum conditores festos instituerunt dies, vt ad hilaritatem homines publicè cogerentur, tanquam necessarium laboribus interponentes temperamentum. Et magni viri quidam sibi menstruas certis diebus serias dabant, quidam nullū non diem inter ocium & curas diuidebant. qualem Polionem Asinium, oratorem magnū meminimus, quem nulla hora vltra decimam retinuit. ne epistolas quidem post eam horam legebat; ne quid nouæ curæ nasceretur, sed totius diei lassitudinem duabus illis horis ponebat: multas hic habemus à Seneca præceptiones & monita, sed illud in primis, eū plus nimio agrestem & incommodum esse, qui naturæ reclamet imperio, ad ludos, ac iocos nostrum ipsorum animum post longa rerum variarum studia reuocantis. Est igitur in hoc etiam genere defectus, & id quod parum iudicio virorum prudentiū existimatur. Sequitur, vt videamus, an in eodem etiam vituperabilis exuperantia possit esse. sed vt haud longam disputationem id postulat; cum hoc extremum in ludo ac ioco vitiosum esse notius & conspectius sit, quàm vt velit ab indice demonstrari. Nam primò quidem, sicut vigilia melior, quàm somnus, & præstantior est, cum finis somni vigilia sit; ita res seria, ac mentis intentio diligens & studiosa præstabilior est eiusdem remissione in ludicris & iocis: opera quippe graui & seria fines & proposita sunt ludicrorum. Igitur exterere plus temporis in ludo, quàm deceat & par sit, nihil aliud quàm alienis horis sponte dimittere serium opus, quod est præstantius: & otium eligere quod deterius est.

Rectè enim Seneca in loco suprà laudato de hac experientia ita loquitur: Nam & somnus refectioni necessarius est. hunc tamen si per diem noctemque continues, mors erit. multum interest, remittas aliquid, an soluas. Secundo, In ludum ac iocum sæpe numero cadit error, propter modum, & alia, quæ circumstant. Vitiosus enim est, si turpia & obscena intermiscantur dicta; quæ in septimo libro Politicorū vitantur & exterminantur è ciuitate, quia facilis à dictis est gradus ad scelus, quod verbis dictisque significatur. Vitiosus est, si minus conueniens sit personarum quæ loquuntur

conditioni. dominum quippe nō decet omnia loqui ac dicere, quæ dicit & loquitur seruus, neque senī ea decora sunt verba, quæ iuuenem fortasse non dedecent. Vitiosus deum est, si contumeliosus atque importunus sit, si alieno tempore ac loco adhibeatur; quod notissimum est.

Dicendum igitur est, eutrapeliam verè ac propriè virtutem esse moralem. Quia in iis humanis actibus moderandis aliqua debet versari virtus ad modum nos, & mediocritatem inducens, in quibus vituperabilis exuperantia cernitur & defectus. sed in ludis ac iocis, qui actus humani sunt, & defectus interdum contingit vituperabilis & exuperantia sæpius. Ergo ludis iocisque moderandis aliquam necessariò requirimus dirigentem virtutem. hæc autem alia non est, nisi quam tractamus eutrapelia.

Hæc ex Aristotele ita decernere ac probare facile fuit. Difficilius est argumenta confutare, quæ numero non pauca, vi non infirma proponuntur à multis.

Primum. Omnis ars, omnisque virtus in opere versari dicitur arduo, ut iam vidimus in lib. 2. ludere autem & iocari difficile non est; cum ipsæ quoque bellæ ludant, & pueri iocentur inter se, qui sunt veræ virtutis expertes. Igitur eutrapelia, quæ in ludo, iocòque versatur, vera virtus dici non debet.

Secundum. Tria sunt, quæ planè demonstrant eutrapeliam non esse virtutem: ipsius vis & natura, instrumenta quibus vitur, effectus, quem suo producit ex opere. Ex vi, naturæque sua id habet eutrapelia, ut iocetur & ludat. sed ludere, opus intemperantis, ac mollis hominis est, ut infra dicitur in libro 7. cap. 11. Igitur Eutrapelia non est virtus: cum in virtutis opere non laboret, sed in vitio; cuiusmodi intemperantia & mollietas est. neque enim ullius opus vitij potest esse virtutis opus. Instrumenta verò quibus vitur ad iocandum, sunt ex Aristotele, derisio, siue ridiculum, & conuiuium. Nulla verò virtus ad sui perfectionem operis adhibet hæc instrumenta; cum improba sint. Effectus denique lusionis & iocis risus est: risus autem à Rege sapientissimo error esse censetur atque stulticia. sed vera virtus ea esse non potest, quæ fundit effectum ita vituperabilem ac malum, ut stulticia sit. Ergo verè virtus Eutrapelia non est.

Tertium. Virtutis opus, vel felicitas est, vel ad felicitatem præparatio quædam & via. sed ludus ac iocus, neque felicitas est, neque aliquid pertinens ad felicitatem: dicitur enim in notam librorum decimo, ludos ad nihil omnino referri.

Quartum. Si virtus occupatur in ludo, consequens est, eum qui scit melius, & excellentius ludere, maiori excellentiorique præditum esse virtute; adeoque histriones, qui omnium callidissimi veracissimi que sunt in ludendo, vincere omnes excellentiâ & perfectione virtutis.

Quintum. In eo virtus poni non debet, ubi nec exuperantia, nec defectus vituperabilis ac prauus intercedit, quorum ipsa medium siue

rantia nec defectus est ullus vituperandus ac prauus. Non exuperantia: quia multi sic ludunt intemperanter, ut totam planè vitam in ludis ac iocis infumant, cuiusmodi mimi sunt, & histriones, qui damnantur à nemine, & quorum artificio ad animi relaxationem vtuntur etiam boni ac moderati. quod profectò non facerent, si eorum esset ars vituperabilis & vitiosa. neque enim viro bono ad remissionem animi sui alienum adhibere vitium & peccatum licet. Præterea. In eo non videtur vitium esse per exuperantiam posse, quod habet excusationem errati. vnum enim peccatum non excusatur ab altero, ideòque dictum est supra, ebrietatem duplici puniri supplicio debere. sed ludus habet excusationem peccati. multa quippè si fierent serio, grauissimè plecterentur, quæ tamen excusantur, nec reprehenduntur aut damnantur, quia facta per iocum & lusionem sunt. Neque verò est vituperabilis, damnandusque defectus, cum ad agendum secundum virtutem & rationem nullum afferat impedimentum. Virtutis enim actio, postulat potius animi grauitatem, & dignitatem, quàm leuitatem iocorum; certè iocos ipsos ac ludum minimè requirit; cum ludus in quadam animi aberratione ac mentis euagatione consistat.

Necesse hinc habeo renarrare huius cautiones, legesque virtutis, intra quas tenere se debet, ne ad exuperantiam disfluat, aut punctum per defectum non attingat, sed in sua mediocritate locum occupet, nullis reprehensionibus opportunum. Prima est; ut ludus ac iocus liberalis sit, honestòque homine dignus. Secunda, ut moderatus sit, intraque certam dicendi, audiendique mensuram contineatur. Tertia; ut contumeliis vacet, & iniuriis. Quarta, ut ne sit importunus, & alieno loco ac tempore vsurpetur. Quinta, ut ne molestus & grauis alius sit. adhibetur enim remissionis & lætitiæ causâ. Sexta, ut honestus sit, omnique verborum actionumque turpitudine careat. Septima, ut festiuitate sit & iucunditate conditus. Octaua, ut sit idoneus ac iustus, hoc est tantus, quantum ad finem propositumque consequendum satis esse videatur. in defectu enim peccabit, si minor sit, quàm remissionis necessarii ratio postulauerit. Possunt demùm ea relegi, quæ docuimus in libello de Comœdia capite sexto.

Quibus eutrapeliæ conditionibus & circumstantiis iterum inspectis; Respondeo primum: ludere quidem simpliciter, absoluteque, esse facile, bene autem ludere, difficile atque arduum esse. Tunc enim bene rectèque ludimus, cum illud rationis mediū obtinemus, quod in omnium circumstantiarum complexione consistit. Itaque non est virtutis opus, tantummodo ludere, sed ludere ut oportet & decet. quod neque bellæ neque pueri faciunt. Quæ ratio secundum etiam refellit argumentum: Eutrapelia quippè suis instructa cautionibus & circumstantiis imbuta, non est hominis intemperantis & mollis, sed ea intemperato tribuitur, quæ nominatim circum-

stantiis & cautionibus caret; qualis est, quæ delectationem tantum & voluptatem in ludo sequitur, nec cum refert ad recreandum animum, & reddendum virtutis operibus aptiorem. Neque verò recta eutrapelia instrumentis vititur ad iocandum vitiosis ac malis, quia densio, siue ridiculum quod adhibet, festiuitate conditum est & salibus suis, neminem offendentibus. quoddam si ridiculum illud interdum appellatur conuitium, per abusionem, & similitudinem appellatur; quemadmodum liberalitas ipsa interdum profusio dicitur, quæ vitium est. sunt enim sæpè eutrapeliæ dicta tam arguta, vt conuitia esse videantur, verà tamen contumeliâ carent; quia rectâ ratione temperantur, nec è medio virtutis egrediuntur. Denique verus huiusce virtutis effectus ille remotior, est vtilitas animi relaxati, non risus; proximus tamen est quidem risus, sed ratione temperatus, & circumstantiis suis. hic autem nec error, neque stultitia est. Eadem planè responsione confutatur tertium. ludus enim in sola delectatione totus positus, nec ad virtutis vllam susceptus vtilitatem, neque felicitas est, neque aliquid pertinens ad felicitatem; sed qui suscipitur ad recreandas animi facultates; vt habitiores, & alacriores prodeant in actum virtutis, ad felicitatem refertur, & pars etiam est felicitatis.

Quantum præstigias & fallacias habet. ex eo enim, quod ludus est virtus, sequitur, eum, qui melius, callidiùsque scit ludere, maiori, excellentiorique præditum esse virtute, si quid sit, scire melius ludere, interpretari velimus vt est necesse. Nam qui scit melius ludere per artem, non propterea meliorem excellentiorémque virtutem obtinet. Immo verò qui ludicram aliquam artem melius callent, solent in ea per exuperantiam peccare, aut plus nimio ludere. sed qui melius ludere scit per prudentiam, rectâque rationem tribuentem ludo circumstantias suas, haud dubiè virtutis excellentiorem obtinet gradum.

De quinto, vt id primùm refellamus, quod ad exuperantiam attinet, dicendum est, mediocritatem hanc ludendi esse rationis, quemadmodum est cæterarum virtutum, non autem rei, ac propterea spectandam exuperantiam esse ex ipso medio rationis. Histriones adeò & ludiones, si ludicram artem faciunt ad necessaria vitæ conditionisq; sibi paranda præsidia, & honestis, concessisq; lusionibus ac iocis vtantur, ad eos oblectandos, qui spectant & audiunt, tametsi toto vitæ decursu id faciant, medium tamen, modumque rationis haud excedunt. Sin autem vel avaritiæ causâ ludunt, vel obscenitate rerum; verborumque spectatores, & auditores oblectant, aut lusionem huiusmodi aliam exhibent inconcessam, à rationis medio discedunt, etiam si parum & mediocriter ita ludant. Hi autem non sunt qui damnentur à nemine, quæ à bonis & moderatis probentur viris. tantum enim abest, vt permittantur à Magistratibus, & à bonis honestis-

que probentur viris, vt publicis legibus notentur infamiâ, & è ciuitatibus eliciantur. scribitur enim in leg. 2. §. ait Prætor ff. de his qui notantur infamiâ, eum qui prodierit in scenam, infamiâ affici debere: ac paulò post; omnes propter præmium in scenam descendentes famulos esse. Immo verò Budæus in compendio quodam Iuris ciuili, quod Græco sermone scriptum est, seruatürque in Bibliotheca Vaticana, se legisse testatur hæc verba: Omnes qui quæstus causa incertamen descendunt, simul & qui in scenam per ostentationem prodeunt, infames sunt. Haud dubiè hi fuere non histriones modò, sed etiam Mimi, Pantomimi, & Archimimi: contra quos, quia obsceni erant, & sordidi, quæstumque illiberalem atque avarum faciebant, aliæ plurimæ lætæ sunt leges; in primisque l. Titius fin. ff. de act. empt. Quare Pantomimos sustulit Domitianus, vt scribit Sueton. in vit. cap. 7. & à Nerua restitutos iterum Traianus eiecit: quod est apud Plin. in Paneg. Quin histriones omnes eius generis Tiberius primùm, deinde Nero depulit, vt testatur Tacitus in lib. 4. & 13. Quod verò dicitur de ludo, peccatum excusante, ita verum est, si peccatum ex eorum genere non sit, quæ per se mala semper & improba sunt, quale parricidium, aut adulterium est. neque enim hæc excusari possunt vnquam eo nomine, quod per ludum iocumve commissa sint. Quod si aliquid admittatur in iis, quæ peccata idèò solùm censentur & sunt, quod ex improbo animi consilia propositioque proficiantur, ea facilem ex ludo ac ioco excusationem recipient, modò ludus iocusque ex inconcessis vetitisque non sit, nec aliâ ratione vel circumstantiâ vitiat. aliqua enim verba, quæ alioqui contumeliosa essent, vacare tamen contumeliâ putantur, quia & dicuntur & excipiuntur per iocum honestum, neque nimium, neque aliis displicentem. Hinc autem non sequitur, in ludo exuperantiam esse non posse, sed potius esse posse, quia si ludus vitium habeat, hoc est, si mediocritate careat suâ, nullum omnino peccatum excusat.

Quantum denique pertinet ad defectum, respondendum est, non semper animi grauitatem, & personæ dignitatem à ludo abhorre. Incidunt enim tempora, quibus oporteat animi grauitatem deponere, atque ad ludum descendere, quod magni fecerunt sæpè ac sapientes viri. Huiusmodi verò temporibus animum ludo ac ioco non remittere peccatum est in defectu positum, quemadmodum cetera sunt, quæ virtutis metam ac lineam non attingunt.

Vnum superest, quod refelli non posse videtur per hoc effugium ad mediocritatem. Diuus enim Ambros. optimus officiorum, vitæque magister in primo lib. cap. 23. ita loquitur: Non solùm ergo profusos, sed etiam omnes iocos declinandos arbitror. Id verò si probandum est, ludus ac iocus mediocritatem, hoc est, ipsam rationem virtutis habere non potest. Quod enim potest

secundum virtutem fieri, prorsus omninoque declinandum non est, sed cum mediocritate modòque potest ac debet adhiberi. Respondet D. Thom. iis verbis non omnino atque vniuersim ab humana consuetudine iocos excludi, sed à sacra doctrina nominatim, atque ab iis, qui res diuinas aut scriptis aut orationibus & concionibus tractant. Probat enim quod docetur à M. Tull. in primo lib. de Inuent. non esse inutile defa-

rigatos auditores re aliqua noua & ridicula recreare, si tamen rei dignitas non admittit iocandi facultatem. Cùm ergo sacra doctrina summam quamdam obtineat dignitatem, eripit haud dubiè ioci facultatem iis, qui eam docent aut interpretantur. Neque enim inter docendum ac dicendum eorum vacare culpa ridiculum potest, quod alio loco ac tempore probaretur.



CAPVT NONVM.

DE VERECUNDIA.

S V M M A.

Verecundiam esse potiùs commotionem animi laudabilem, quàm virtutem.

DIVISIO CAPITIS IN PARTES TRES.

1. Verecundia ipsa per se non est virtus.
2. Obiectum verecundia quoddam sit.
3. Verecundia comparatur cum continentia, quæ similiter virtus non est.

PARS PRIMA CAPITIS NONI.

ΠΕΡΙ δὲ αἰδοῦς ὡς ἑνὸς ἄρε-
της, οὐ παροίηται λέγειν. πᾶσι
γὰρ μάλλον ἔοικεν, ἢ ἕξει. οὐδεὶς γὰρ
ῥαῖον φόβος τῆς ἀδολξίας. ἀποτέλειται ὅ-
τι πᾶσι τὰ δὴνὰ φόβῳ παρὰ πλῆ-
στον. ἐρυθραίνονται γὰρ οἱ αἰχμωμόνιοι.
οἱ δὲ τὴν θάνατον φοβούμενοι, ὡς ἐμ-
σι. σωματικὰ δὲ φαίνεται πως εἶναι ἀμ-
φότερον. ὅτι οὐδὲν πᾶσι μάλλον, ἢ
ἐξέως εἶναι.

DE verecundia verò tamquam de
quodam virtute non conuenit dice-
re. commotioni enim potiùs similis est, quàm
habitu. Definitur adeo timor quidam in-
famiae. existit autem in rebus duris haud se-
cus ac timor. Erubescunt enim qui verecun-
dantur: qui autem mortem timent, expal-
lescunt. Ad corpus igitur pertinere appa-
ret quodammodo utrumque: quod videtur
perturbationis potiùs, quàm habitus esse.

EXPLANATIO.



QUONIAM virtutes est persecutus eas, quæ in omni sermone factò-
ve conuictum exornant, & condiunt humanum, sibi committendum
non putat, ut alia quædam silentio prætereant: quæ tamen virtutes
verè non sunt, ita tamen sunt cognata, & similia virtutibus, & ita
colloquia, consuetudinem, actionemque hominum cohonestant, ut
germanæ, propriæque virtutes esse videantur. Sunt enim virtutes quodammodo
naturales, siue principia quædam & semina virtutum, quæ cultu sensim adole-
scunt, atque ad maturitatem facillè perducuntur. Quin & mediocritatem quam-
dam habent, & rationis imperium audiunt, & laudabilia sunt; quas sanè pro-
prietates virtutibus assignauimus suprà. Ex hoc genere verecundia est; quæ dici-
tur etiam pudor. Sed nonnulli hunc ab ea volunt aliqua ratione differre. Dicunt

adeo, pudorem existere ob mala iam perpetrata, verecundiam autem ob perpetranda: pudorem non curare, quid quomodo agatur; est enim post factum; verecundiam in eo cum primis laborare, ut omnia decenter & concinnè fiant. quippe præcedit & antevertit factum. Sed hæc discrimina nobis curæ non erunt, nec aliam verecundiam, alium pudorem faciemus, sed eandem rem utroque vocabulo significabimus; cum tam pudor quàm verecundia dedecoris timor sit, vel ex re futura, vel ex præterita natus.

De hac ergo verecundia disputaturus Aristoteles hoc ingressu, pronunciat, eam non esse dicendam virtutem & habitum, sed affectum potius aliquem, & animi commotionem. Si enim virtus esset, habitus esset, cum dictum in eius definitione sit, virtutem habitum esse. Demonstrat autem duplici ratione ac viâ, verecundiam non habitum, sed perturbationem & affectum esse: primo quidem ex eius definitione; deinde ab effectu & indicio quodam externo. Ex definitione quidem: quia definitur ac dicitur ab omnibus verecundia esse quidem dedecoris atque ignominiae metus. Idque ab ipso docetur Aristotele in lib. 2. Rhet. & à Plat. in Euthydem. sed metus est affectus, & animi perturbatio, non habitus. Ex effectu autem & euentu idem probat hoc modo: Propria perturbationum ea conditio est, ut corpus non nihil immutent, moueant, & aliquâ parte semper afficiant. Perturbationes enim & affectus in sentientis animæ sunt appetitu, qui corporis vititur organis, ac propterea sine corporis immutatione ac motu fieri non possunt. Sed verecundia cum corporis mutatione, ac motu semper existit. Quemadmodum enim qui timent, immutato colore corporis in rebus formidolosis expallescent, sic ij, qui pudore afficiuntur inter res ignominiosas ac turpes, erubescunt. Igitur verecundia haud minùs, quàm timor, est perturbatio, congruitque cum ea in genere: quia corpus immutat; discrepat ab eadem ipsa immutationis specie: quia formido pallore, verecundia rubore, faciem corpusque suffundit. quòd si quis in parergo scire velit quid causæ sit, cur expallescant timentes, erubescant autem verecundantes, res haud difficilè declarabitur. Natura enim impellit, transmittitque spiritus & humorem eò, vbi vitæ defectum sentit, ut vitæ deficienti succurrat. Et quoniam sedes vitæ cor est, sit, ut vbi timentur aspera, maximèque, vbi periculum imminet mortis, spiritus & sanguis velut ad muniendam arcem confugiant ad cor, & faciem extimâsque corporis deferant partes: quæ spiritibus & sanguine destitutæ pallorem contrahunt & exalbescunt. Afficit ergo mortis timor intimam corporis partem, vbi sedes est vitæ, facitque propterea ut sanguis, hoc est pabulum omne, atque instrumentum vitæ ad intima conuolet & deferat extrema. Verecundia verò, cui obicitur honor, & ignominia, quæ non versatur in abdito, sicut vita, quæ mortis timori proponitur, sed in rebus aspectabilibus & externis, verecundia, inquam, & pudor vbi ex metu dedecoris & ignominiae permouetur, spiritus & sanguinem ad externa transmittit, in primisque ad faciem & oculos, quibus honoris & dedecoris signa cernuntur. quo efficitur, ut sanguine perfusæ corporis extimæ partes illico rubescant & colorentur. Sed hæc, ut diximus, attingenda sunt cursim & in parergo: aliorum accuratior est. Ex his quæ de affectu ac perturbatione corpus immutante, ac mouente disputata sunt, id colligit Aristoteles, verecundiam videri affectum potius esse, quàm habitum. habitus enim quietem habet, non turbationem & motum, quemadmodum habet verecundia cum excitatur.

PARS SECVNDA CAPITIS NONI.

Οὐ πάση δ' ἡλικίᾳ τὸ πάθος ἀρμόζει, ἀλλὰ τῇ νέᾳ. οἴομαι γὰρ διὸν τοῖς πρῶτοις, ἀνθρώποις εἶναι, ὡς τὸ πάθος ζῶντας, πολλὰ ἀμάρτυναι, ὡς τῆς αἰδοῦς δὲ καλύεσθαι. καὶ ἐπαρῶν, τῶν μὲν νέων τοῖς ἀνθρώποις: παρῶν τε.

Non omni tamen ætati affectus hic congruit, sed tantummodo iuuenili. Censemus enim oportere illos, qui ea sunt ætate, verecundos esse. propterea quòd secundum affectum viuentes multa peccant, sed tamen verecundiâ prohibentur. Ac laudamus è iuuenibus quidè verecundos; senio-

ἐστὶ δὲ τοῖς δὴ ἐπαμείβεσθαι, ὅτι
αἰσχυντοί. οὐ γὰρ οἰόμεθα διὸν
αὐτὸν πρᾶξι, ἐφ' οἷς ἔστιν αἰσχύνῃ.
τοῖς γὰρ ἑπὶ τοῖς ἑστέροις ἔστιν ἡ αἰσχύνῃ, εἰ-
περ γίνεσθαι ὅτι τὰς φάσεις. τοῖς
γὰρ πρᾶξι. τὰ τὰ αὐτὰ. εἰ δὲ
ἐστὶ τὰ μὴ κατ' ἀνθρώπου αἰσχύνῃ, τὰ
δὲ τὰ δόξαν, οὐ γὰρ ἀφ' αὐτοῦ τοῖς
πρᾶξι γὰρ πρᾶξι. ὡς τὰ αἰσχύν-
τοί. φάσεις δὲ καὶ τὸ εἶναι τοῖς
ὅτι πρᾶξι πὶ τῇ αἰσχύνῃ. τὸ δὲ οὐ-
τως ἔχει, ὡς εἰ πρᾶξι πὶ τῇ
τοῖς, αἰσχύνεσθαι. καὶ ἀφ' αὐτοῦ
οἰεσθαι ἑπὶ τῇ εἶναι, ἀποποι. ὅτι τοῖς
ἐκαστοῖς γὰρ ἡ αἰσχύνῃ. ἐκαστὸς δὲ ὅτι
καὶ, τοῖς πρᾶξι τὰ φάσεις.
Εἴη δὲ αὖ ἡ αἰσχύνῃ ὅτι πρᾶξι.
ἑπὶ τῇ. εἰ γὰρ πρᾶξι, αἰσχύνεσθαι
αὖ. τὰ εἴη δὲ τῇ πρᾶξι τὰ φά-
σεις. εἰ δὲ ἡ αἰσχύνῃ φάσεις,
καὶ τὸ μὴ αἰσχύνεσθαι τὰ αἰσχύνῃ
πρᾶξι, οὐ γὰρ μάλλον τὸ πρᾶξι
πρᾶξι αἰσχύνεσθαι, ἑπὶ τῇ.

rem verò nemolaudauerit, quòd pudore sit
prædictus: nihil enim eorum arbitramur
oportere eum facere, ex quibus existis pu-
dor. Nam ne probi quidem viri est vere-
cundia; quippe qua oriatur ex turpibus re-
bus. neque enim agenda res eiusmodi sunt.
Quòd si alia reuera sunt turpia, alia opi-
nionè, nihil id refert. neutra enim agen-
da sunt. quare pudore affici non oportet.
Improbi autem hominis est, esse talem, ut
agat aliquid eorum, quæ turpia sunt: ita
verò esse affectum, ut si gesserit aliquid
talium, pudore afficiatur; ideòque arbi-
trari se probum esse absurdum est. ex iis e-
nim, quæ sponte agimus existis verecundia.
Sua sponte verò probus vir nunquam facies
mala. Sed potest esse tamen verecundia ex
condicione bonum. Nam si egerit quis, ve-
recundabitur: Non contingit autem hoc
in virtutibus. Si verò impudentia ma-
lum est; et pudore non affici cum turpia
sunt; nihilo magis talia agentem vere-
cundari, probum est.

EXPLANATIO.



A C secunda Capitis parte ipsum verecundia inuestigans obiectum
tria nobis intuenta & consideranda proponit. quibusnam verecundia
conueniat: quibus contra non conueniat: quas, & quàm falsas habeat
à nonnullis reprehensiones.

Primum igitur id affirmat: verecundiam non omnem ætatem dece-
re: sed nominatim iuuenili decoram & honestam esse; quod duabus rationibus
ostendit; altera quidem ab adolescentiæ quadam proprietate, altera verò ab hu-
mana consuetudine desumpta. A proprietate iuuentutis hoc pene modo: iis, qui
proni sunt ad peccandum verecundia maximè congruens est, cuius monitu & vi à
peccato sæpe deterrentur & retardantur. Sed iuuenes propter ætatis calorem &
æstum, cupiditatibus abrepti, sunt quidem ad peccandum procliuēs, sed quia tur-
pitudinem timeant, verecundiæ sæpe ac pudore reuocantur. Igitur adolescentiæ
verecundia maximè congruit. Ab humana consuetudine sic: Illos potissimum
deceat verecundia, quos propter verecundiam, pudorēque laudare soliti su-
mus. sed nos adolescentes eo nomine potissimum laudamus, quòd modesti
sint, prudentes, ac verecundi. ergo verecundia & pudor adolescentes maximè de-
cet. Existimant aliqui contentionem hic suscipi contra Platonem; qui tametsi in
Charm. videtur hanc laudabilem animi commotionem adolescentibus adscribe-
re, in libro tamen quinto de Repub. cum viris eam adultis, senioribusque com-
municat. sed quod disputat Aristoteles, est verissimum; adolescentes à pudo-
re plurimum commendationis habere, cum bonæ frugis spem polliceatur, cōs-
que demonstret vitæ turpitudinem ac dedecus reformidare. Rectè adeo senex
ille apud Terent. filium conspiciat à meretricis domo prodeuntem, futuræ
in eo pœnitentiæ spem concepit, statim atque cum rubore suffusum exire ani-
maduertit. Erubuit, inquit, salua res est. simile prorsus est quod de Xenophonte

iuvene pulcherrimo traditum literis est. Illi enim è iustro egredienti obuiam factus in angiporro Socrates, adolescentem porrecto baculo consistere iussit, cœpitque percontari singillatim, vbi nam venalia essent ea, quibus est vsus in vita. Cum ad singula id quod erat respondisset Xenophon, rogauit ad extremum Socrates, vbi demum probi homines fierent & boni. quâ perculsus interrogatione adolescens, in ipso pene fornice, hoc est, in scelorum officina deprehensus, tacuit, & erubuit. Colorem illum futuræ probitatis indicium cum vidisset Socrates, Sequere me igitur, inquit, & discere. Hominem secutus, ingens euasit philosophus, & laudatissimus vir.

Docet contrâ, secundo loco, verecundiam non decere senilem ætatem, ex eadem argumentationis sede rationem ita produciens: His non congruit verecundia, quos propter verecundiam laudat nemo. sed propter verecundiam ac pudorem nemo laudat senes, & ætate prouectos. ergo pudor & verecundia non decet senes. Assumptionem probat ex eo, quod persuasissimum nobis sit, nullum senem aliquid turpe commissurum esse, cuius causâ eum pudere oporteat, & erubescere. diximus enim verecundiam & pudorem ex formidine dedecoris existere; dedecus autem ex suscepta turpitudine nascitur. Putamus quippe, senes, propter vitæ diuturnitatem, experimento quoque iam didicisse, nihil esse turpiter agendum; & cupiditatis, aliarumque perturbationum calore iam fracto, sic relanguisse, ut nihil prauè turpisve perpetrare posse videantur, cuius causâ eos oporteat rubore perfundi ac verecundari. Atque ad id firmandum, exemplum affert probi hominis, atque innocentis, quem docet etiam nullo affici pudore, quia nullam habet verecundiæ causam, qui turpitudinem vnde dedecus & ignominia nascitur, non admittit. Quemadmodum enim vir bonus nullam petere potest à pudore commendationem ac laudem, quia cum innocens sit, non habet vnde dedecus extimescat, in quo timore posita verecundia est: sic senibus qui nullo se vitæ dedecore commaculare debeant, omnibus ad verecundiæ laudem est aditus interclusus. Hæc etiam disputari videntur aduersus Platonem, qui pudorem & bonis viris & senibus æque decorum & probabilem facit in lib. i. de Legibus & in Protag.

Ceterum quia hæc suprà fidem & minimè credibilia videntur, ea, quæ contrâ obiici ac disputari possunt, tertio loco aggreditur amoliri.

Quod si alia re vera, alia opinione sunt turpia.] Tres proponit argumentationes, quibus aliquis aduersus ea, quæ dicta sunt, ire facile possit. Ad explicationem primæ ponendum est, duo esse turpitudinis genera, vnum naturâ, instituto atque opinione alterum. furtum, latrocinium, adulterium, cetera ex hoc genere ipsa per se, ac naturâ sunt turpia, sed gestum inconditum ac rusticum facere, cibum in via sumere, vel canere, vel insolenti cum veste procedere, opinione, consuetudine, institutione, siue lege turpia existimantur. Romæ turpia habebantur quæ honesta & decora erant in Græcia, & Græcis erant probrosa quæ apud Romanos turpitudine ac probro vacabant, de quibus audiendus est Æmylius Probus in sui operis exordio. Neque enim Cimoni, inquit, fuit turpe Atheniensium summo viro sororem germanam habere in matrimonio. quippe cum ciues eius eo vterentur instituto. At id quidem nostris moribus nefas habetur. laudi in Græcia ducitur adolescentulis, quamplurimos habere amatores. Nulla Lacedæmone tam nobilis est vidua, quæ non ad scenam eat mercede conducta. Magnis in laudibus tota fuit in Græcia, victorem Olympiæ citari, in scenam verò prodire & populo esse spectaculo, nemini in eisdem gentibus fuit turpitudini. quæ omnia apud nos partim infamia, partim humilia, atque ab honestate remota ponuntur. Contra: pleraque nostris moribus sunt decora, quæ apud illos turpia putantur. Quem enim Romanorum pudet uxorem ducere in conuiuium? Aut cuius non mater familias primum locum tenet ædium, atque in celebritate versatur? quod multo fit aliter in Græcia, &c. Ex his aliisque quæ commemorat Æmylius Probus, apertissimum est, oportere duo illa constitui turpitudinis genera, quæ diximus. Hoc autem posito, primum aliquorum argumentum sic explicat Aristoteles: Verecundia non solum ex iis rebus existit, quæ per se ac reuera putantur turpes, verum etiam ex iis, quæ turpes tantummodo sunt ex opinione vel instituto. Sed homini probò, ac virtutis habitu prædito quantumvis honestè secundum veritatem agenti contingere verecundia potest ex iis

quæ secundum opinionem institutumque turpia sunt. Igitur in virum probum conuenire verecundia potest. Neque enim vir bonus æstimatur ex eius odio turpitudinis, quæ secundum opinionem est, sed ex eius, quæ per se, ac re verâ est turpitudine. Itaque cum dicitur vir bonus nullo affici pudore debere, quia peccare non debet, de peccato, deque verecundia fit sermo, quæ per se, ac secundum veritatem verecundia est. Huic istorum argumento idem Aristoteles ita responderet, nihil id referre, hoc est, eiusmodi rationem nihil ponderis habere: quia probo viro, & virtute prædito, neque secundum veritatem, neque secundum opinionem turpia placere debent, adeoque ne ex iis quidem, quæ abhorrent ab honestate secundum opinionem tantum, affici verecundiâ potest. Cauebit enim sibi etiam ab iis, quæ aliorum iudicio putantur inhonesta, cum in iis absque turpitudinis aliqua nota peccet nemo. Cynicorum fuit ista ratio; hominum opiniones oculosque negligere: in angiportis esse, comedere, coire cum vxoribus, nihil demum turpe putare, quod per se ac naturâ turpe non esset. Sed Archytæ aliud consilium erat, cum si quid ex obscænis hominum proferendum esset, non enunciaret voce, sed describeret in pariete.

Secundum proponit argumentum huiusmodi: Vir probus & perfectâ virtute munitus non habet quidem aliquid, cuius causâ debeat pudore suffundi: sed tamen est ita factus & præparatus, ut si quid umquam turpiter ageret, ex ea re summum esset pudorem & verecundiam contracturus. Igitur à virtute prædito & perfectio viro verecundia non abhorrebit. Hoc etiam argumentum duplici ratione confutat. Prima. Verecundia propriè non cadit, nisi in errata, noxasque voluntariè susceptas, quibus tantummodo vituperatio debetur & ignominia. Est autem virtuti dissentaneum, ut qui virtutem habet, dum eam retinet, spontè peccatum admittat, & suo iudicio turpiter agat. Non igitur homini probo & virtute munito congruens est pudor & verecundia; ne ex conditione quidem. neque enim conditio virtutem tollit, sed ponit peccare cum, qui virtutem habet, nondum deserat virtutem. Id quippe sibi vult qui dicit, bonum virum suscepturum esse verecundiam saltem, si aliquando peccatum spontè susceperit. Vir autem bonus, cum bonus est, non peccat. ubi desinit, esse bonus, tum demum peccat. Itaque illa conditio ponit fieri posse quod fieri non potest. Secunda ratio. Quicquid bono viro eo nomine congruit, & ideo, quod bonus & virtute præditus est, id conuenit ei simpliciter, ac non ex sola conditione, ut in omnibus cernere virtutibus licet. Sed verecundia, ut ponitur in argumento, non conuenit homini bono, & virtute prædito nisi ex conditione: ut, si aliquid turpe committeret. Igitur verecundia viro bono & virtute perfectio ne ex conditione quidem congruit. Si enim ex conditione congrueret, sequeretur verecundiam esse aliquid cum virtute coniunctum, quia laudabilis per se est; & aliquid vitiosum; quia vitium ex conditione ponitur esse.

Tertium denique istorum argumentum exponitur hoc modo: Impudentia quæ verecundiæ aduersatur, est aliquid malum, cum verecundiâ non affici ex turpi commisso, prauum & vituperandum sit. Igitur verecundia, hoc est, turpi actione verecundari & pudore affici, bonum erit, quod videtur cum recto iudicio ac ratione pugnare. Quid enim dictu peruersius sit, quàm actionem turpem esse bonam? nisi enim bona esset, verecundia ipsa laudabilis & bona non diceretur. Argumenti fallaciam ita resoluit. Hæc duo quæ ponuntur in argumento, non verecundari ex turpi actione, & ex eadem verecundari, non sunt immediatè contraria; cum eorum verumque sit malum, quia verumque in actione turpi fundamentum, & materiam habet: sed minus tamen mala est verecundia, quàm impudentia, & cum ea comparata bona etiam est, atque laudabilis. illa enim ab improbis hominem operibus auocat, hæc eundem fouet, & confirmat in scelere. Denique vult hic Aristoteles, verecundiam non esse virtutem, sed laudabilem animi permotionem, ut initio dixit. quod etiam alibi de nemesi pronunciauit. est quippe nemesis tristitia quædam & dolor ex improborum felicitate susceptus; qui quidem laudabilis est, sed virtutis non obtinet nomen, & vim.

PARS TERTIA CAPITIS NONI.

ΟΥΚ ἔστι δὲ οὐδ' ἡ ἐλκεύπτια
 ἀρετὴ, ἀλλὰ τις μικτὴ. δὲ δὴ
 οὐκ ἔστι δὲ αὐτῆς ἐν τοῖς ὑπεροχῇ. νῦν
 δὲ αὖτε διακρίσεως εἰπωμεν.

NEquè verò est continentia virtus,
 sed quoddam mistum. Explicabitur
 autem de ipsa posterius. Nunc de iustitia
 differamus.

EXPLANATIO.



X similitudine rem illustrat. similitudinem autem petit à continentia, id in summa significans, sic verecundiam non esse virtutis habitum, quemadmodum ipsa continentia non est, sed utramque ait laudabilem aliquam animi affectionem esse. Atque ut planius explicet quid continentia sit, & unde habeat, cur laudabilis videatur adiungit, eam quidem non esse virtutem, sed aliquid mistum. habet nimirum quiddam, quod ad virtutem pertineat, quia continens ductum interdum sequitur rationis, quod est virtutis: habet quiddam ex vitio: quia cupiditatibus vehementioribus vincitur, & ab animi perturbationibus trahi se patitur, quod est vitiosi. Huic, inquam, simillimam facit verecundiam, quia turpitudinem reformidat, quod ipsi quoque faciunt viri virtute perfecti, & inter animi perturbationes vehementes versatur & recensetur, quæ cognatæ sunt vitio. Itaque ipsa etiam verecundia videtur mista, & ex vitio quodammodo ac virtute compolita.

EPILOGVS.

1. Verecundia non est virtus, sed perturbatio. est enim dedecoris & ignominia timor. timor autem affectio est.
2. Non omnes conuenit ætati, sed solum adolescentiæ; neque probis hominibus, qui non peccant, ac propterea nullo vera turpitudinis timore percelli possunt.
3. Est adeo verecundia continentia similis. sicut enim continens laudabilis est, nec tamen est virtus; ita prorsus verecundia est.



IN CAPVT NONVM

QVÆSTIO PRIMA.

An verecundia ex turpi actione nascatur.



Xtradita definitione oritur hæc quæstio. Ac dicendum quidem videtur, verecundia fontem ipsam esse turpitudinem actionis & vitæ; cum verecundia metus ignominia sit, atque dedecoris; dedecus autem & ignominia non nisi ex actionum aliqua turpitudine possit existere. sed faciunt plurima, ut non confestim, ac temerè ita constituere debeamus.

Nam primò quidem interdum illi ipsi, qui nihil egere probrosum ac turpe, immò qui virtutis actionibus exercentur, dedecus atque ignominiam patiuntur illatam ab improbis, cuius causâ verecundantur, & faciem rubore conspergunt. Igitur verecundia ex turpi actione non nascitur.

Secundò. Illa tantummodo dicenda viden-

tur turpia, quæ cum vitio, peccatove coniuncta sunt. sed rerum aliquarum homines pudet, quæ vitia, & peccata non sunt. ut, si quis in seruili occupatus opere conspiciatur, aut ignobilis & pauper existimetur ergo verecundia nasci propriè non videtur ex actione turpi.

Tertio. Virtutum opera, tantum abest, ut turpia sint, ut etiam pulcherrima iudicentur. quemadmodum dicitur in horum lib. primo Moralium cap. 8 Sed fieri potest, ut aliquis etiam ex opere virtutis pudorem & verecundiam colligat; ut si quis vir primarius ac Princeps ad liberandam obsidione patriam rusticano se indueret amictu, quod fecit Codrus Atheniensium Rex, & tamen ementitum illum, & vilem gestare habitum erubesceret, quod non fecit Codrus.

Quarto. Multi ex grauissimorum perpetra-

tionem scelerum laudem petunt, & summo-
re gloriantur; quos maxime verecundari sum-
moque affici pudore oporteret, si verecundia
ex actionibus turpibus oriretur. quo enim
turpiores sunt actiones, eo maiorem incutere
verecundiam pudoremque deberent.

Animaduertendum primo loco est; timo-
rem propriè, essentiali alicuius ardui, hoc est,
eius, qui vitari difficile queat: adeoque vere-
cundiam non cuiuslibet turpitudinis timo-
rem dici debere, sed eius nominatim, quæ
ardui mali rationem habere possit. Duplex
enim est turpitude: altera vitiosa quidem est,
& in actus voluntarij deformitate cernitur;
sed mali ardui rationem non habet; cum id
quod in sola voluntate consistit; difficile ac
suprà facultatem hominis positum esse non
videatur. Itaque nostra ipsorum cogitatione
tamquam aliquid terribile non comprehen-
ditur: cum illud malum & turpitudinem vi-
tiosam euadere nostro iudicio & facultate
possimus. Rectè igitur Aristoteles in 2. Rhet.
docuit, timorem eiusmodi mali nullum esse,
quia vitari & depelli solâ voluntate facillimè
potesst. Altera verò turpitude est, vt dicunt,
quasi pœnalis, in vituperatione sic posita,
quemadmodum gloriæ claritudo in cuiusdam
honoris exhibitione consistit. Eiusmodi au-
tem vituperatio rationem obtinet ardui mali,
sicut honor rationem habet ardui boni.
Quare verecundia, quæ turpitudinis metus
est, potissimum quidem atque præcipuè vitu-
perationem, & opprobrium intuetur: sed
quia vituperatio in vitium propriè cadit, &
debetur vitio, consequens est, vt verecundia
non vituperationem modò, sed ipsam quo-
que turpitudinem vitiosam reformidet, quæ
posita est in actus voluntarij deformitate. Id-
circo enim Aristot. in 2. Rhet. affirmat, & ex
iis prauitatibus, quæ nostrâ nobis voluntate
ac vitio minus contingunt, minori nos affici
verecundiâ, quàm ex iis, quæ iudicio & vo-
luntate contractæ sunt. Itaque propria & pri-
maria verecundiæ materia est vituperatio, hoc
est, illa pœnalis turpitude, sed consequens
& secundaria est etiam turpis actio à volun-
tate profecta. Quin ipsa quoque generis ob-
scuritas, paupertas, ac seruitus verecundiæ
materiam ex accidenti suppeditant. Nam pri-
mò quidem ac per se dedecus & ignominia
cadit in culpam, sed secundo loco, & ex acci-
denti, hoc est, ex opinione conuenit etiam in
paupertatem, obscuritatem generis, & serui-
tutem. ex qua hominum opinione verecundia
minus propria nascitur. neque enim pauper-
tas, aut seruitus propriè vituperabilis est, nisi
culpa contrahantur & vitio.

Animaduertendum secundo est: opus vere-
cundiæ, & id, quod in sua ipsius materia per
animi commotionem ipsa efficit verecundia,
esse duplex: primum; vt qui pudore corripi-
tur, à vitiosis actionibus ob timorem vitu-
perationis & opprobrii deterreatur. secundum;
vt ex eiusdem infamiae atque ignominiae metu
conspectum hominum fugiat & publicum vit-
tet; cum verecundiæ proprium sit, vt Gregor.
docet Nyssen. occulere turpia, & hominum

oculos declinare. Quæ causa est, cur Aristote-
les in 2. Rhet. dixerit propter eos qui nobis
coniunctiores, propinquiore & notiores
sunt, solitos nos esse multo maxime verecun-
dari. Vituperatio enim & opprobrium op-
ponitur honori, adeoque sicut honor testi-
ficatio est alicuius excellentiæ, præsertimque
virtutis in eo posita, quæ honoramus, ita etiam
opprobrium & vituperatio, cuius timor vere-
cundia est, testificationem habet alicuius pra-
uitatis & vitij, adeoque quo maioris ponderis
esse testimonium alicuius existimatur, eo ma-
gis ex illo verecundamur & erubescimus. Por-
rò testimonium aliquod maioris est autori-
tatis & ponderis duabus ex causis. Nam primò
quidem virorum sapientium, proborumque
testimonium propter excellentiam iudicij &
veritatis, quam habet, longè pluriæstimatur,
quàm testimonium aliorum. Itaq; ab his multo
magis, quàm ab aliis honorari cupimus, & ab
iisdem multo sanè minus, quàm ab aliis vitu-
perari volumus; cum ex eiusmodi vituperatio-
ne verecundia maior, & pudor oriatur. Idèd
enim coram pueris & belluis aliquid turpiter
agere non erubescimus, quia eorum iudicium
ac testimonium, cum nullum planè sit, non re-
formidamus. Alij deinde sunt, quorum tes-
timonium permagni facimus propter rei co-
gnitionem, quam obtinent. Ea enim vnus-
quisque iudicat optimè, quæ maxime cognos-
cit. quo sit, vt summo nos afficiant pudore
coniunctiores; cum res nostras intimè norint,
easque maxime considerent; peregrini verò
ignotique minorem nobis verecundiam fa-
ciant, cum ad eos rerum nostrarum cognitio
difficilius sit peruentura. Quæstionis igitur
huius

Conclusio sit. Verecundiam illam, quæ pro-
priè verecundia dicitur, quoniam timor igno-
miniae, atque dedecoris est, ex turpibus actio-
nibus existere, quæ solæ verò dedecus & igno-
miniam afferunt: verecundiam autem minus
propriam & patentem latius oriri etiam ex
quibusdam prauitatibus, vitiisque non tam
voluntariis, quàm naturâ, casuque contractis.
Dicuntur enim etiam hæc esse deformia, &
turpitudinem habere, cuius causa commotio
quædam secundaria pudoris excitetur.

Atque hinc ea, quæ per argumenta sunt
contrà proposita, refelluntur, in primisque
quod dicitur in primo. Verecundia enim pro-
priè quidem dedecus & vituperationem re-
formidat. dedecus autem & vituperatio culpæ
debetur sponte susceptæ ac voluntariæ, op-
probria verò & dedecora, quibus aliquis affi-
citur ob actiones virtutis, vir quidem virtute
perfectus aspernatur, & negligit, vt de Ma-
gnanimo nominatim affirmat Aristoteles,
adeoque nulla ex iis verecundia & pudore suf-
funditur. Fit autem ex inchoatione atque im-
perfectione virtutis, vt aliquis verecundiam
contrahat ex opprobriis, quæ propter virtutis
exercitationem perferre cogitur. Quo enim
quisque perfectiori præditus est virtute, eo
magis reprehensiones iniquas, illatûmque
per iniuriam dedecus contemnit, ac pro ni-
hilo ducit.

Confutatur item ex his id quod ponitur in secundo. Nam sicut honor, quamquam per se ac propriè vni tantummodo debetur virtuti, & tamen ad alias quoque res, quæ aliquam obtinent excellentiam, qualis nobilitas & diuitiæ sunt, velut officio quodam secundario peruat ac permeat, ita dedecus & opprobrium propriè rectèque confertur in culpam, sed tamen ex obliquo petit etiam alia, quæ voluntario peccato carent, & culpa; cuiusmodi paupertas & obscuritas natalium est; cuiusmodi sunt naturales faciei & corporis prauitates. Neque verò momenti plus habet quod dicitur in tertio. Quippè virtutis opera ipsa per se nullum asserere pudorem possunt, cum non modò turpitudine vacent, verùm etiam maximè decora & pulcherrima sint. Fit tamen per accidens, ut aliquis ex illis verecundiæ pudor, quæ commotionem persentiat, quòd ex opinione hominum errante ac prauà parum decora, & viro digna honesto ac nobili iudicentur.

Denique, ut postremò refellatur quod contenditur in quarto; reputandum id est: fieri sæpè, ut grauiora quædam peccata, quorum non ita est apparens & euident turpitudine, multo minorem afferant verecundiam, quàm aliqua leuiora, quorum in ipsos propè oculos incurrit deformitas. Eiusmodi sunt vniuersim ea, quæ sub sensus non cadunt, sed sola intelligentia cõtinentur, & voluntate. Quamquam enim grauissima sunt, leniora tamen vulgò putantur, quàm quæ sunt aspectabilia, & corporis etiam ministerio cõmittuntur. Quin inter hæc etià aspectabilia & quasi corporata, perperà, ac minùs dispositè intercedere videtur interdù pudor. Maior enim verecundiam furtum asserit, quàm rapina, illud nimirum fit ex insidiis, hæc ex vi, quæ quamdam præ se fert authoritatis formam, ac speciem potestatis. Cernitur idem in perturbationibus extremis animi, præsertim in audacia, & timiditate. Nemo enim est quem non magis timiditatis pudeat, quàm audaciæ. Non igitur ex eo quòd aliqui ex turpioribus animi peccatis non maiora efficiantur verecundià, sed minori, quàm ex aliis, consequens est, verecundiam ex turpitudine non oriri. per accidens enim id fit ex opinione iudicioque hominum errante ac falso, qui vbi maxima est turpitudine, ibi turpitudinem nullam aut exiguam vident.

QVÆSTIO SECVNDA.

An Verecundia virtus sit?

Aristoteles in horum lib. Moralium 3. cap. 8. disertissimè pronunciat, verecundiam virtutem esse. In libro autem 2. & planius in hoc lib. 4. cap. 9. contendit pluribus, eandem verecundiam non esse virtutem, sed laudabilem quamdam animi permotionem. Conciliet hæc qui potest; aliqui scriptorum dicunt, perinde ac si verborum hæc dissentio implacabilis esset, nec vllas admitteret con-

cordiæ conditiones. Sed repugnantia tollitur à nobis omnis, vbi quædam decreuerimus, ac proponemus, quæ rebus implexis, obscurisque distinctionem ac lucem clarissimam asserunt.

Animaduertendum igitur est; notionem virtutis duplicem esse: vnā quidè propriam & restrictam, alteram communem, fundentemque se latius. Virtus enim propriè perfectio quædam est, ut docetur in lib. 7. Phys. ac propterea quicquid perfectioni contrarium est, quantumuis per se bonum sit & excellens, discedit tamen à ratione virtutis. At verecundia repugnat, & contraria perfectioni est. Est enim timor alicuius turpitudinis quæ faciliè vituperari possit & exprobrari. timor autem ipse, affectus animi est concitatus à malo imminenti & arduo, hoc est, eo, quod declinare difficillimum sit. Sed qui virtutis habitu perfectus est, non concipit vnquam neque consignat animo quicquam turpe, imminens & arduum quod sibi faciendum videatur, neque re ipsā turpitudinem vllam admittit, ex qua vituperationem & opprobrium extimescat. Verecundiæ igitur intima & propria notio caret perfectione virtutis; cum eam virtute perfectus vir, ita depellat à se, ut nihil eorum timeat, quæ verecundia reformidat. Quantumuis adèd laudabilis, probabilisque verecundia sit, ipsam tamen virtutis vim nō attingit: quia virtutis perfectionem homini non impartitur. Communis autem ampliòque virtutis notio complectitur, quicquid in humanis actionibus affectionibusve bonum est atque laudabile. sunt enim quædam in homine probabilia, & laudem commerentur antiquam, quæ perfectionem tamen haud tribuunt, sed inchoant fortassis, aut promouent inchoatam. quod de genere verecundiæ est, ac propterea dicitur interdum virtus, sed minùs propriè, quemadmodum etiam haud propriè laudabilis appellatur; cum propriè verèque ipsa laus nisi in veram, propriamque virtutem cadere non debeat. Mirum ergo non est, quòd Aristoteles in lib. 3. dixerit, verecundiam virtutem esse, qui eandem in secundo & quarto è virtutum numero choròq; depulerit. Virtutem enim eam appellauit ex notione communi & ampliori nomine: quia semivirtus quodammodo est, siue semen virtutis, atque ad virtutem via. oritur quippè ex honesti desiderio, & ignominie metu; quæ virtutis principia, atque ad virtutem quasi quædam calcaria sunt. Quin dici etiam verecundia potest naturalis virtus, cum permotio quædam sit, humanæ naturæ, quæ abhorret à turpitudine vitæ, concinnè accidens & congruenter. Nihil igitur apud Aristotelem est dissentiens, atque repugnans: sed multa tamen argumenta præterea sunt, quæ verecundiam ad veram propriamque Virtutis notionem prouehere videantur.

Primum. Proprium vetæ Virtutis est, esse in medio, quemadmodum ipsa ratio definiens, ut dictum est in lib. 2. cap. 6. sed verecundia eiusmodi medium rationis admittit, & in ea mediocritate inter duo conquiescit extrema. Igitur verecundia propria virtutis appella-

tione carere non debet. Huic argumento respondet D. Thom. in 2.2 quaest. 144. artic. 1. docens, in medio consistere, ad perfectam virtutis rationem constituendam, haud satis esse. Quamquam enim id aliquam definitionis obtinet partem, virtutis tamen propria ratio postulat præterea, ut sit habitus eligens; hoc est, consilio agens & electione prudenti. Verecundia verò non est habitus, sed timor dedecoris; hoc est, permotio; & permotio quidem non ex electione, sed ex perturbationis impetu profecta, quod pugnat cum vi & perfecta ratione virtutis. Omnis enim virtutis actio in eius est potestate, qui secundum virtutem agit. sed verecundia non est in verecundantis hominis potestate. non est ergo virtutis actio.

Secundum. Quicquid est laudabile, vel virtus est, vel aliquid pertinens ad virtutem. sed verecundia laudabilis est, ut ipse docet Aristoteles, nec ad ullam omnino virtutem pertinet tamquam pars. Igitur est virtus ipsa per se. Quia ratione laudabilis verecundia sit, indicauimus supra, cum diximus, propriè quidem nihil esse laudabile nisi virtutem, sed minus tamen propriè esse laudabile quicquid aliquam præ se fert excellentiam, aut boni alicuius obtinet rationem. quare laudabilis idèd esse verecundia potest, quia præstans & bona est. bona verò esse potest etiam si habitus proprius, virtutisque peculiaris haud sit. Ad quam autem virtutem pertinere verecundia videatur, est difficile constituere. Cum enim sit timor, videtur fortitudini permittenda. sed melius allegabitur ad temperantiam, quæ cum vitio longè turpissimo ac maximè vituperabili bellum gerit. Ducit enim temperantia copiosam familiam laudabilium ancillarum: qualis est pudicitia, continentia, & verecundia. Itaque cum verecundia laudabilis est, habet à temperantia, cur laudetur. nec distingui videtur à pudicitia, quæ non libidinis modò turpitudinem auersatur, sed tactiones etiam, aspectum & colloquium impudicum, aliisque eiusmodi signa, quæ ad Venerem præcursoria sunt.

Tertium. Ibi vera semper est virtus, ubi cernitur honestas. honestum enim virtutisque conuoluunt inuicem se, nec alterum ab altera separatur, ut ex M. Tullio didicimus in Offic. lib. 1. eo loco, ubi de temperantia disputat. Verecundia verò quædam pars est honestatis ex D. Ambrosio in lib. 1. offic. cap. 42. Respondetur, honestum quod propriè dicitur & est honestum, à virtute, quæ habitus est electius, non esse separabile. verecundiam autem honestam quidem esse, sed tamen haud attingere veram propriamque rationem virtutis, cum & habitus non sit, & careat electione. Neque verò D. Ambrosius ait, verecundiam esse partem honestatis, sed honestatem fouere, quod verissimum est, & diximus supra.

Quartum. Nullum vitium est, quod alicui virtuti non opponatur. At vitia quædam sunt opposita verecundia, cuiusmodi per exuperantiam est impudentia, & stupor quidam immoderatus per defectum. Igitur verecundia,

verissima, maximèque propria virtus est. Respondetur, quodlibet vitium eo modo, quo vitium est, opponi Virtutis ita prorsus, ut si vitium impropriè vitii sit, virtuti opponatur impropriè. Nunc quia impudentia, quæ verecundia dicitur exuperantia, permotio potius est praua, quam habitus, opponi verecundia debet tamquam impropriè virtuti, cui vitium respondeat improprium. Verè enim ac propriè verecundia laudabilis, impudentia vituperabilis est affectus. sed nec verè, nec propriè verecundia virtus est, aut impudentia vitium. Responderi etiam hoc modo potest, non oportere virtutem esse illud omne, cui vitium opponitur, sed satis esse, si quod opponitur vitio aliquid bonum, & laudabile sit. bonum autem & aliquo modo laudabile id etiam est, quod à virtutis perfectione discedit. hæc enim ex omnium circumstantiarum cõplexione conflatur, quibus aliqua ex parte verecundia caret sed bona tamè ita est, ut malo, quod est in vitio, possit opponi.

Quintum. Idcirco verecundia dicitur non esse virtus, quia non est habitus. sed habitum eam esse debere demonstrat Aristotelis locus ex secundo libro horum Moral. ubi ait ex actibus similes habitus semper existere. sed verecundia laudabiles habet actus. ergo laudabilem etiam aliquando propignet habitum. Habitum autem laudabilium operum, ut idem ipse docet Aristoteles, est virtus. ergo verecundia, & habitus ac virtus existimanda est.

Postremum hoc argumentum rem conficere videtur, & propositum vincere; sed confutatur hoc modo. similes, hoc est, frequentati, atque identidem exerciti verecundia actus efficiunt quidem & gignunt habitum, sed habitum eius virtutis, cuius vi aliquis turpia facinora per verecundiam vetat. Itaque actus verecundia non pariunt verecundia habitum, nec efficiunt, ut aliquis amplius semper ac magis verecunderetur, sed ut virtus exaggeretur & crescat, quæ materiam illam tractat propter quam excitatur pudor & verecundia. Quis enim non videt augeri temperantiam ex actibus verecundia, cum sæpius ex materia, in qua versatur temperantia, mouetur, & concitatur pudor ad animum ab intemperantia turpitudine deterrendum; fatetur tamen D. Thom. ex illius habitu virtutis verecundia subsidio partem fieri demum, ut aliquis paratior sit, accommodatiorque ad verecundiam contrahendam, ubi se se offeret animo deformitas & turpitudine.

QVÆSTIO TERTIA.

An in senes, in probos, ac virtute perfectos viros cadat verecundia congruenter.

SI verecundia virtus esset, frustra hæc institueretur quaestio, cum veræ virtutis omnes esse participes homines oporteat, nec vllum ordinem, vllamve deceat ætatem depleri à possessione virtutis. sed quia virtus, ut diximus, ipsa non est, iure quaerimus, an in certos aliquos homines aptè conveniat. Quamquam enim vniuersim ipsa per se lau-

dabilis est animi permotio, potest tamen ali-
cui non esse laudabilis.

Aristoteles in hoc cap. 9. haud dubiè pro-
nunciavit, verecundiam à senibus atque à vi-
ris bonis, hoc est, virtutis habitu commu-
nitatis atque perfectis, alienam esse. sed eius-
modi pronunciatum cum Platone pugnat, &
cum Theologis nostris. cum Platone quidem:
quia in Protagora scriptum reliquit, iusti-
tiam & pudorem esse munera Iouis, per Mer-
curium tributa mortalibus, ut ornarent ciui-
tates, ciuésque ipsos mutuà beneuolentià
conciliarent. Ac paulò post ipsum inducit
Protagoram ita loquentem. omnes si quidem
horum participes esse debent. legem propter-
ea meo nomine condas: quia quisquis omni-
no, vel iustitiae, vel pudoris est expertus, tam-
quam ciuitatis pestis quaedam vltimo suppli-
cio afficiatur. In quinto autem libro de Legi-
bus, ipsos planissimè designat & nominat se-
nes, quibus verecundia congruat. Sapiens
legum conditor, inquit, senioribus præcipiet,
ut sint coram iunioribus verecundi.

A Theologis verò hæc Aristotelis dicta
dissentiant: quia cum omnes aliquam peccati
turpitudinem in vita contrahant, verecun-
diam omni hominum ordini omnique pro-
fus ætati esse idoneam & congruentem voluit;
nec alio nomine cum Aristotele concordant,
nisi quod etiam ipsi adolefcentibus congruen-
torem, quàm aliis verecundiam faciunt. Sic
enim decernit Ambrosius in lib. 1. off. Verecun-
dia cum sit omnibus ætatibus, personis &
temporibus, & locis apta, tamen adolefcent-
es iuuenésque decet. Ut artifex in materià
commodiore meliùs operari solet, in ipso
quoque corporis decore plus eminet. Et D.
Bernardus enarrans Cantica, Quid amabi-
lius, inquit, verecundo adolefcente? quàm
pulera, & quàm splendida morum gemma est
verecundia in vita & vultu adolefcentis!
quàm vera, & minimè dubia bonæ spei, nun-
tia bonæ indolis, virga disciplinæ, expugna-
trix malorum, propugnatrix puritatis inna-
tæ, specialis gloria conscientiae, famæ, vitæ
decus, virtutis sedes, virtutum primitiæ, na-
tura laus, & insigne totius honesti!

Ut hæc & conciliantur, & componantur
omnia, distinguenda diligentius, & animadu-
uertenda nonnulla sunt. Ac primò quidem,
verecundiae nomen interdum iuni pro natu-
rali quadam inductione ac propensione ad
verecundiam motum; in quam sententiam iu-
uenem, aut aliquem alium hominem dicere
verecundum non dubitamus, tamen si se ipsa
non verecundet, sed alia omnia agat, aut e-
tiam dormiat: interdum verò accipi pro per-
turbatione ac motu, qui ab ea existit naturali
propensione, ubi aliquid accidit, cuius causa
vituperationem & opprobrium extimesci-
mus. Quem profectò motum definiuit Aristo-
teles huius inuitio c. 9. cum dixit, verecundiam
esse dedecoris atque ignominiae metum inter-
dum denique pro huius effectu timoris ac mo-
tus, qui ita timetur, ubi quis in turpi ali-
qua deprehenditur actione. Apparet enim il-
lico rubor in ore, qui etiam pudor & verecun-

dia sæpe nominatur. Hunc videlicet Arist. di-
xit ibidè, indicè esse, qui demonstrat, verecun-
dià ubiq; corporis immutatione non excitari.

Animaduertendum secundo; propriam pro-
priae verecundiae causam esse turpe commis-
sum, hoc est, voluntariū & sponte susceptum
in vita peccatum, ac propterea, cui non conue-
nit eiusmodi peccatum & turpe commissum,
ei ne verecundiam quidem conuenire, si lo-
quendum pressius ac restrictius de verecun-
dia sit. Hinc adeo fit, ut vir bonus & virtute
perfectus propria restrictaq; verecundia non
afficiatur; quia dum probus est, & virtutem
retinet, nihil turpe committit, ac nullum pro-
pterea dedecus extimescit. Quamquam verò
hæc ei propria, & angusta verecundia non con-
gruit, conuenit tamen alia quædam latior, &
quasi diffusior. Monetur enim hæc & concit-
tatur etiam ex alieno dedecore: quia non est
tantummodo metus ignominiae propriae pro-
pter peccatum voluntate susceptum, sed for-
mido quoque alienae propter aliorum vitium,
cuius causa ipsi profectò non sumus. Nam
quis probus & perfectus vir nullo pudore cō-
mouetur, si parentem videat aut propinquum
furti conuictum ad infame patibulum rapi?
Itaque cum definitur ac dicitur verecundia
esse timor ignominiae atque dedecoris, intel-
ligi debet esse timor dedecoris vel proprii, vel
alieni. Quin interdum ita latè patet verecun-
diae nomen, ut pro qualibet reuerentia, pro
qualibet cautione, vel formidine moralis ma-
li etiam non adeo turpis, & pro quolibet odio
sceleris, & pro quouis amore ac cupiditate
honestatis vsurpetur.

Animaduertendum est tertio: inter senes
ut docuit Arist. in lib. 1. c. 3. aliquos esse quidè
ætate senes, sed iuuenes moribus ac vitâ, qui-
bus haud dubiè minus malum esset pudere, ac
verecundari, quàm sine pudore honestique
respectu scelera perpetrare. Atque, ut hoc
distinctius explicemus, triplex constitui po-
test series & ordo senum: intemperatorum
vnus, qui propter habitum inueteratum vere-
cundià non capiuntur. secundus incontinen-
tium, qui pudore tenentur aliquo: tertius tē-
peratorum, de quibus idem esse iudiciū debet,
ac de viris virtute perfectis. eo enim modo, &
in eam sententiā his verecundia non cōgruit,
in quam non cōgruit virtute præditis viris ac
probris. Sit ergo rerum hæctenus disputatarum

Conclusio prima. Virtute præditus vir
illâ verecundiâ non potest affici, quæ timor
est, existens ex actione turpi, vel rubor ex
eo natus, quod aliquis in turpi actione sit
deprehensus. quod his rationibus demon-
stratur. Prima. Quisquis actionem turpem
extimescit, actioni propinquus est turpi.
mala enim non timemus nisi proxima: quæ
procul absunt non formidamus. quam pro-
fectò causam dixit in 2. Rhetoricorum Ari-
stoteles esse, cur mortem ipsam simplici-
ter non timeamus, sed mortem proximam,
& imminentem. At vir bonus & virtute
præditus actioni turpi propinquus non est,
quippe qui virtutis habitu communitus, ob-
firmatusque aduersus turpitudinem sit. Et

go nec turpem actum, nec ex actu ruborem existentem pertimescit. Secunda. Qui timet, ne turpi deprehendatur in actu, eam longè plus metuit deprehensionem, quàm ipsam turpitudinem actus. nemo enim sollicitus est de vituperatione atque dedecore, nisi propter eos, à quibus & quibus coram dedecorari nollit, ut ait Aristoteles in secundo lib. Rhetoricorum; idque quotidiano cernitur experimento in iis, qui verecundiâ perfunduntur. ex aliorum quippe vel noticia vel præsentia pudorem illum & ruborem contrahunt, quem prorsus ipsi non sentiunt, ubi resturpis in occulto perpetratur, hominûmque oculos ac notitiam fugit. Sed vir simpliciter bonus, & virtute perfectus plus timet turpitudinem actus, quàm notitiam & præsentiam hominum; ut de magnanimo dixit Aristoteles, quem de rei veritate laborantem plurimum facit, de hominum opinione nihil, ergo vir perfectus & probus verecundiâ non commouetur. Tertia. Quisquis verecundiâ tenetur, quominus in turpitudinem delabatur aliquam, corporis immutationem patitur, ut suprâ dixit Aristoteles, & exemplo permeantis in faciem sanguinis demonstravit. At nullus verè probus ac simpliciter bonus turpitudinis actu prohibetur ex immutatione corporis, sed ex electione atque consilio. Nam si propter illam corporis agitationem, turbationemque sanguinis à peccato deterreretur, ad honestatem impelleretur timore quodam feruili à bono viro maximè alieno, qui liberè ac propter ipsam virtutis honestatem ad benè honestèque agendum incitatur. Hæ rationes vincunt etiam, senes bonos, & qui moribus etiam & vitæ ratione sunt senes, verecundiâ non commoueri; adeoque nullus præterea vult ea res argumentis ostendi.

Secunda Conclusio. Vir etiam bonus ex verecundiâ moueri potest, cuius nomen & notio patet latius, eamque significat animi perturbationem, qua mouemur ex alieno dedecore ad nos propter propinquitatem, aut propter amicitiam, aliâve necessitudinem & coniunctionem pertinente. Virtus enim hominem non reddat immobilem, nullisque commotionibus perituum, ut falsò Stoici prædicabant; ac propterea vnusquisque quantumvis probus & virtute perfectus vir, gloriæ appetens est & honoris, quo se dignum esse intelligit, ut hoc etiam habeat ad felicitatis absolutionem præsidium, quæ omni bonorum genere perficitur & cumulat. Igitur iure tristari potest, ubi contingat, ut suorum aliquis afficiatur ignominia, cuius ipse propter coniunctionem aliqua ratione particeps sit. Itaque verecundari eonomine potest, & eiusmodi vituperationem ac dedecus extimescere. Habet tamen hoc amplius vir probus, ut cum eiusmodi verecundiâ permouetur, animo potius quàm corpore commoueat, nec adeo magna pudoris indicia proferat in vultu, quemadmodum præ se ferunt ij, qui propter turpitudinem propriam vera propriâque verecundiâ pertur-

bantur. Hæ quoque rationes ostendunt, bonis & virtute præditis senibus impropriad hanc verecundiâ congruentem esse, cum ipsi etiam quamquam turpitudinem suam ac propriam non pertimescant, suorum tamen dedecore commouentur.

Conclusio tertia. Si eius habenda ratio verecundiæ sit ita latè patentis, ut pro naturali quadam ad verecundiâ propensione ac præparatione, vel pro qualibet reuerentia, vel pro quacumque cautione, aut formidine mali etiam non voluntarij, proque sceleris odio, atque honestatis amore non rarò ponatur, dicendum est, viros bonos ac senes, omnes homines, omnesque proliis ætates verecundiæ participes esse. Cernimus enim etiam bonos verecundiâ capi ex publico populi conspectu, vel ex congressione cum Principibus ac magnis viris, quod est reuerentiæ signum vel suspicionis cuiusdam timorisve, ne quis gestus solutior aut verbum inconcinnius ipsis etiam nolentibus excidat. Quin videmus ad viros quantumvis bonos moribus & expertos ætate quamdam peruadere verecundiâ & ruborem, ex ipsis etiam laudibus, quibus afficiuntur ab aliis, cum suspicantur, aut se irrideri, si nimis sint, aut haberi audaciores & cupidiores gloriæ, si eas admittant, & probent, quasi debitas promerito suo.

De hoc nimirum verecundiæ genere loquuntur ij, qui omnibus hominibus atque omni proliis ætati volunt congruentem verecundiâ esse. Produximus eos suprâ, sed addendus est Seneca, in epistola vndecima libri primi sic disputans cum Lucilio: Locutus est mecum amicus tuus bonæ indolis, in quo quantum ingenij, quantum etiam profectus, sermo primus ostendit. Vbi se colligebat verecundiâ, bonum in adolescente signum, vix potuit excutere, adeo illi ex alto suffusus est rubor. Hic illum, quantum suspicor, etiam cum se confirmauerit, & omnibus vitiis exuerit, sapientem quoque sequetur. Nulla enim sapientia naturalia corporis aut animi vitia ponuntur. quicquid infixum, & ingenicum est, lenitur arte, non vincitur. Quibudam etiam constantissimis in conspectu populi sudor erumpit, non aliter, quàm fatigatis, & æstuantibus solet. quibudam tremunt genua dicturis, quorundam dentes colliduntur, lingua titubat, labia concurrunt. Hæc nec disciplina, nec vsus vmquam excutit, sed natura vim suam exercet, & illos vitiij sui etiam robustissimos admonet. Inter hæc & ruborem esse scio, qui grauissimis quoque viris subitus suffunditur. Magis quidem in iuuenibus apparet, quibus & plus caloris est, & tenera frons, nihilominus & veteranos & senes tangit. Ita Seneca genus hoc verecundiæ facit omnium commune. Quod si naturæ vitium vocat; non id propterea tacit, quod eiusmodi verecundiâ semper exuperantiam habeat (est enim etiam in iis qui boni sunt & virtute perfecti,) sed quod alieno loco ac tempore alienisque de causis sæpenumero commoueat.

Conclusio quarta. In hoc verecundiæ ge-

nere vituperabilis quidem habetur exuperantia, sed cauenda tamen longè minùs est adolescenti, quàm viris iam firmatis, aut ætate prouectis. In adolescentibus enim quamuis aliquid nimium sit, semen tamen probitatis præ se ferre, ac virtutis siue primitias & flores, vt D. Bernardus loquitur, siue colorem & speciem, vt dixit Plato, videtur habere. Platonis hæc in Charmide verba sunt: Tunc ipsius Charmidis genæ rubore suffuse gratiorem speciem ostenderunt. eam enim ætatem verecundia decet. Scitum illud Diogenis dictum in iuuenem est verecundia rubeccentem. Sume animos, adolescens; Eiusmodi enim virtutis est color. Declarat hoc exquisitè Plutarchus, in libello de vitioso pudore. Quædam eorum, quæ terra gignuntur, inquit, cum sint ipsa per se siluestria, & incremento suo seminibus officiant hortensibus, agricolæ tamen pro certo indicio soli non mali, sed egregij ac fertiles habent. Eodem modo animi etiam quædam sunt affectiones haud bonæ, sed quasi germina è bono pullulantis ingenio, & quod culturæ se satis exhibiturum tractabile sit. In his etiam vitiosum censeo pudorem, qui signum est non malum, &c. Et paulò post. Sanè Cato eos magis qui rubeccerent, quàm qui pallecerent se probare dicebat adolescentes. Contrà verò idem pudoris nimium & exuperantiam in viris iam adultis & prouectioribus indicium haud sanè bonum, existimat Seneca in epistola illa vndecima libri primi. Cum enim dixisset, verecundia non adolescentes modò commoueri, sed viros etiam interdum, senesque perstringi, hæc de viris adultis exinde subiungit: Quidam numquam magis, quàm cum erubuerint timendi sunt, quasi omnem verecundiam effuderint. Sylla tunc erat violentissimus, cum faciem eius sanguis inuaserat. Mediocritas demum in hac etiam affectione deligenda est, vt laudabilis sit, & aliquam speciem similitudinemque virtutis obtineat, vt idem præcipit Plutarchus his verbis. Concinna quædam vtrinque temperanda est ratio, quæ & nimis pertinaciæ impudentiam & modum excedenti lenitati imbecillitatem auferat: quæ quidem correctio difficilis est. sicut enim colonus siluestrem plantam & inutilem excindens, ligone viribus adacto, nihil parcens, radicibus etiam proruit, aut igne subiecto cremat; ad vitem autem, malum, vel oleam putandam accedens, cautè manum admouet, metuens ne quid vtile lædat: sic philosophus ex animo adolescentis inuidiam tollens, degener germen, & intractabile, aut avaritiam intempestiuam, aut studium voluptatis intemperans, sauciat, premit, vulnus altè adigit, cicatricemque ducit magnam. Cum autem delicatæ ac teneræ parti animæ emendatricem applicat, qualis est quæ nimio pudore subuertitur, summo studio cauet, ne imprudens simul cum vitio verecundiam eliciat. Contendit in summa Plutarchus, laudabilem verecundiam duabus intermediis deterrima esse, ex quibus quidem impudentia deterrima sit, sed suâ tamen non carere vituperatione ni-

mium exuperantemque pudorem, qui mollem effeminatumque ostendete videtur animum. Vtilis ratione demum sit verecundia, quæ sublato excessu, mediocritatem relinquit. Persuasum debet ei esse, quem nimius pudor urget, affectu se teneri damnoso, nihil autem eorum quæ damnoſa sunt, pulcrum est.

Dices fortasse, nimium pudorem, ad quem natura propensi sunt aliqui, vinci vllâ ratione vel arte non posse, quemadmodum Seneca, & suo ipsius iudicio, & multorum exemplo contendit. Nihil, inquit, erat mollius ore Pompeij, numquam non coram pluribus erubuit; vtique & in concionibus Fabianum, cum in Senatum testis esset inductus; erubuisse memini, & hic mirè illum pudor decuit. Non accidit hoc ab infirmitate mentis, sed à nouitate rei, quæ in exercitatos etsi non concutit, mouet, in hoc facilitate corporis pronos. Nam vt quidam boni sanguinis sunt, ita quidam mentati & mobilis, & cito in os prodeuntis. Hæc nulla sapientia abigit, alioquin haberet rerum naturam sub imperio. Cum ergo naturalis hæc pudoris exuperantia ex habitu corporis ac subtilitate sanguinis existens tolli consilio & ratione non possit, frustra dicitur à prudentia redigi ad mediocritatem debere. Respondeo, ruborem quidem illum externum è naturali manantem sanguinis mobilitate ac tenuitate nec prohiberi, nec imminui studio posse; posse tamen cura minui, ac regi ratione motum intimum, qui conturbat animum. hic enim in sapientibus haud dubiè remissior est, quamuis color in ore summè rubicundus appareat, qualis erat in ore Pompeij viri grauis & moderati, & in eius Fabiani vultu, quem tantopere laudat, & magno cum elogio commemorat Seneca. Quamquam enim in sapientem quoque ac bonum virum cadunt motus inconsulti, motus tamen prouisi sunt in eodem languidiores, & tardiores, & rariores.

Conclusio quinta. Nihil igitur Aristoteles aut à Platone, aut à Theologis abhorrens pronunciauit, cum dixit, bonos viros ac senes pudore ac verecundia vacare. Senes enim appellat probos & virtutis omnibus absolutos numeros senes, eamque verecundiam intelligit, quæ nascitur exactioribus impuris, peccatisque iudicio ac voluntate susceptis. Senes enim incontinentes, aut intemperatos verecundi à permoueri concedit, & verecundiam illam finibus patentem amplioribus nec proprio dedecore, vel turpitudine restrictam in viros etiam bonos cadereatque in omnem prorsus ætatem conuenire. Quæ profectò planiora & illustriora sient quibusdam & proponendis & explicandis argumentis.

Primum. Etiam vir bonus, & virtute præditus infamiam timet. Infamia verò non solum ex vera propriâque nascitur culpa, sed ex impostura quoque falsi criminis, & ex aliorum delictis, quorum dedecus ob coniunctionem ac propinquitatem amicitiae vel sanguinis re-

dundare videatur ad nos. Diximus iam, hoc verecundiæ genus quod ex aliena turpitudine nascitur, improprium & latè patens esse: similiterque illud, quod existit ex impostura. Vix enim bonus eam propriè ac per se quidem timet infamiam, quæ nascitur ex vero crimine; sed non potest tamen eam non metuere, & ex ea non verecundari, quæ ducitur etiam ex falsò; quia non solum auersatur id, quod per se, verum etiam quod secundum opinionem aliorum est turpe. Itaque si alienum aurum ei nescienti, nescientem ab alio condatur in sinu, haud dubiè verecundabitur ubi cum alieno deprehendetur auro. Quamvis enim ex conscientia lætatur sua, rubore tamen perfunditur ex aliorum opinione, qui latrocinium suspicantur. Quæ causa etiam est, cur non modò pertimescat vera Veneræ turpitudinis signa, cuiusmodi tactiones & oscula sunt, verum etiam ea, quæ vera quidem signa non sunt, sed ab aliis vera esse existimantur. Hæc tamen verecundia non est illa propria & restricta, sed alia fusior & impropria, ut sæpè iam diximus; quæ pertinet ad longè plurima. Nam is etiam, cui fortè fortuna corporis pudenda deteguntur, afficitur verecundiâ, quæ quoniam ex nulla vera turpitudine sic oritur, vera & propria dici non debet.

Secundum. Verecundia est animi permotio laudabilis. Igitur à viro bono & virtute prædito non abhorret, cui quicquid est laudabile maximè congruit. Respondeo, verecundiam non esse perturbationem animi simpliciter ac per se laudabilem, sed ex positione aliqua & conditione. Laudatur enim verecundia propter aliquid turpiter perpetratum, quod ipsa vellet infectum; vel ob perpetrandum, à quo ipsa deterret hominem incitatum, & retrahit. Itaque ut verè dicatur quicquid est simpliciter laudabile, homini virtute perpolitò congruere, dicitur tamen haud verè. eidem etiam

conuenire quicquid est per accidens, & ex conditione laudabile.

Tertium. Vir magnanimus est simpliciter bonus & perfectè virtute munitus. Sed id habet Magnanimus proprium, ex Aristotele, ut beneficiis affectus pudore afficiatur & verecundia. Igitur simpliciter bonus & perfectus virtute, laudabiliter affici verecundiâ potest. Ne hæc quidem propriè verecundia est, sed propter similitudinem tamen verecundia dicitur. Ut enim propria verecundia à turpibus actionibus hominem retrahit, ita hæc impropria, sed propriæ similis, ab accipiendis beneficiis Magnanimus deterret, & tamquam ab actu quodammodo turpi, hoc est, minus honorifico reuocat. Magnanimus quippe honoris est appetens & gloriæ, adeoque turpe putat quicquid sibi minus est honestum & gloriolum. Et quia minus honestum est accipere beneficium, quàm dare, cum accipere sit indigentis, seque alius subiicientis & deuincientis hominis, Magnanimus ab accipiendo tanquam à turpi alienus est, ad dandum tanquam ad rem honorificam & gloriosam incitatur. Est autem hæc impropria verecundia: quia beneficium accipere turpitudine impropria est, & per accidens illi turpitudine videtur, qui ex habitu Magnanimitatis ad beneficia conferenda propendit.

Quartum. Homini perfectò & bono consentaneum videtur quicquid vel virtus, vel aliquid virtutis est. Sed verecundia vel virtus est, vel aliquid virtutis. Igitur bono viro consentanea est. Respondeo verecundiam neque virtutem esse per se, neque aliquid virtutis, nec eo nomine laudari, quòd vel virtus sit, sed quod sit futuræ virtutis indicium, vel ad virtutem præparatio & via, vel alicuius custos virtutis. Immo verò vel ex eò demonstratur, virtutem non esse, quòd in homine simpliciter bono esse non possit.

TARQVINII
GALLVTII
SABINI
E SOCIETATE IESV.
IN
ARISTOTELIS
LIBRVM QVINTVM
MORALIVM
AD NICOMACHVM,
*NOVA INTERPRETATIO, EXPLANATIO,
QVÆSTIONES.*

Eccc



ILLVSTRISSIMO

ATQVE EXCELLENTISSIMO PRINCIPI

T H A D A E O
B A R B E R I N O

ARCIS ÆLIANÆ PRÆSIDI,

vtriusque Custodiæ Præfecto, Urbis

Leoninæ Moderatori,

TARQVINIVS GALLVTIVS F.



ON possum, Excellentissime Princeps, implere numeros officij mei, nisi te quoque in aliqua huius operis parte compellem, quo auditore, non nihil eorum, quæ toto volumine continentur, è loco superiori est à me publicè disputatum. Quintum igitur hunc librum patrociniò tuo prodire patieris ornatum: ne, cùm alij vestro Barberinorum nomine probe muniti lucem aspiciunt, hic vnus, qui, quoniam de Iustitia est, præter ceteros alienam opem, defensionemque desiderat, neglectus, & suo destitutus præsidio videatur. Est quidem Iustitia, vt canit Hesiodus, virgo: sed insidias extimescit ac vim, quam à se absque propugnatoribus arcere non potest. Et istius est oppidò personæ quam sustines, Iustitiam non solum officiis colere, sed etiam armis ac propugnatione defendere. Quorsum enim Prætorianis imperas, Æliam arcem nouis absolutam ornamētis & aggeribus habes, Vrbi


Eccc ij

Leoninæ, quæ videtur instructior, moderaris, tantam denique rei militaris in ditione Pontificia partem attingis, nisi; vt Apostolorum mœnia, hoc est, priuatorum & Reipub. commune ius legione ac propugnaculis ab hostium iniuria tuearis? Erit ergo fidei tuæ, cui salus publica, & ciuium tutela committitur, hunc etiam de Iustitia Commentarium tegere, qui cùm prodit in vulgus, publici fit iuris, & è priuata possessione in omnium potestatem & ius commune transcribitur.

V A L E.



IN
ARISTOTELIS
LIBRVM QVINTVM
DE MORIBVS
AD NICOMACHVM
ARGVMENTVM.



ETERIS expositis iam, explicatisque virtutibus, quæ per-
turbationibus animi componendis ipsum expoliunt hominem,
preparantque ad bono, beatæque, cum in solitudine, cum in ci-
uitate degendum; sequitur, ut de illa copiosius, accuratiusque di-
catur, quæ actiones vitæ civilis attemperat, in dando, reddend-
oque singulis quod oportet. Alia quippe satis habent efficere,
ut nulla sit in homine commotionum animi seditio, & turba; hæc illud præterea
videt, ne qua sit in Civitate iniquitas & iniuria, quæ quietem & statum pu-
blicæ tranquillitatis evertat. Iure adeo ita præstabilem virtutem, & humana
societati sic necessariam tam longa disputatione tractandam, & complectendam
existimat, ut qui ceteras contractius, & capitulatim perstrinxerat, hanc unam
eximere, ac velut egregiam habere voluerit, cuius amplitudine totum librum dis-
serendo compleret. Has enim quæstiones accuratè persequitur. De prima defini-
tione Iustitiæ. De Iustitiâ legali vel generali. De peculiari Iustitiâ. De compa-
ratione veriusque inter se. De iure ac Iustitiâ commutante. De iure, ac pæna
rationis. De differentiâ iuris paterni, politici, ac Principalis. De modis agendi
iustè, iniustèque variis ac diversis. De triplici ratione fraudis inferenda. De vo-
luntaria iniuriæ perpeffione. De iudicium, litigatorumque Iustitiâ. De bono &
æquo, deque legum interpretatione. De iustitiâ hominis erga se ipsum. De viro
improbo faciente iniuriam & patiente. De aliis longè plurimis, quæ particula-
tim explicabuntur.



CAPVT PRIMVM.
DE IUSTITIA ET INIUSTITIA.
S V M M A.

Rudis vtriusque tractatio traditur, & quidem generalis.

DIVISIO CAPITIS IN PARTES QUATVOR.

1. De Iustitia, iniustitiâque considerandum quid sit.
2. & vtriusque definitio.
3. Vtriusque divisio.
4. Quid sit Iustitia legalis.

PARS PRIMA CAPITIS PRIMI.

ΠΕΡΙ δὲ δικαιοσύνης καὶ ἀδικίας οὐκ ἔστιν ὡς πάλαι περὶ τῶν ἄλλων οὐσῶν τῶν ἐνδεῶν, καὶ περὶ μισοσύνης ἔστιν ἢ δικαιοσύνη, καὶ τὸ δίκαιον, ὡς καὶ μὲν, ἢ ὡς ἐστὶν ἢ μὴ ἔστω καὶ τὸ αἰτιῶν μὴ ὁδοὶ τοῖς ἀνθρώποις.

DE Iustitia autem, & iniustitia considerandum est: circa quales versentur actiones, & qualis mediocritas sit iniustitia: & iustum, quorum medium sit. Consideratio autem nobis sit secundum eandem methodum, quae fuit in supradictis.

EXPLANATIO.

DE Iustitia se disputaturum esse in fine libri quarti iam dixerat: itaque argumento leuiter hic indicato, tria sibi tractanda, & explicanda proponit primum: quibus nam in actionibus humanis Iustitia versetur & iniustitia: secundum; cuiusmodi mediocritas ipsa Iustitia sit, & quale medium ius, siue iustum esse videatur: tertium; quænam sint extrema, quibus interiecta Iustitia sit. Quæ sanè idcirco perpendenda, & considerata esse confirmat, quia his tribus veluti differentiis ab aliis virtutibus ipsa Iustitia segregatur. Nam primo quidem virtutes & vitia, de quibus explicatum est suprâ, in perturbationibus, & commotionibus animi versantur, ac sunt. Id quippe demonstratum præcipuè in singulis est; qua ratione iis affectus quisque se habeat intimè, quòve propendat, habitibus illis instructus & confirmatus. quid autem foris agat, quidve actionibus molietur externis, superior illa tractatio non intuetur ipsa per se, sed ex consequenti, hoc est, eatenus tantum, quatenus actiones externæ ex intimis animi perturbationibus oriuntur. In contemplatione verò Iustitiæ, atque iniustitiæ quid actionibus efficiamus externis in primis ac præsertim attenditur: quo autem modo intimè simus affecti, non consideratur, nisi fortassis etiam ex consequenti. Deinde in ceteris virtutibus id quod est medium, rationis medium est: iustitiæ vero est medium rei. Denique aliarum omnium virtutum duo sunt extrema vitiositates, quibus est virtus intermedia, iustitia verò vnum tantummodo habet extremum cui contraria sit, ut in loco pluribus demonstrabitur, & sæpius indicatum est suprâ. Itaque tres illæ differentiæ satis accommodatæ, atque idoneæ sunt ad Iustitiam à ceteris distinguendam; adeoque de ipsi iure sibi proponit agendum ubi aggreditur de Iustitia disputare.

PARS SECUNDA CAPITIS PRIMI.

Οραμὸν δὲ, πρῶτος τὴν βου-
 λήν ἔχειν βουλευόμενος λέγειν δι-
 καιοσύνην, ἀφ' ἧς δικαιοὶ τῶν δι-
 κίων εἶσι, καὶ ἀφ' ἧς δικαιοὶ περὶ δικαιο-
 σι, καὶ βούλειται τὰ δίκαια. τὸν αὐτὸν
 δὲ ἔπειν καὶ περὶ ἀδικίας, ἀφ' ἧς
 ἀδικοῦσι, καὶ βούλειται τὰ ἀδίκαια. ὁ δὲ
 καὶ ἡμῖν περὶ τούτων, ὡς ἐν τυπῶν ὑπο-
 κείμεναι τούτοις. εἰδὲ γὰρ τὸν αὐτὸν καὶ
 ἔπειν ὅτι τὴν ἐπιτηδεύει καὶ δυνα-
 μειν, καὶ ὅτι τῶν ἐξέων δυναμὸς
 μὲν γὰρ καὶ ἐπιτηδεύει δοκῇ τῶν ἐναρ-
 τῶν ἢ αὐτῇ εἶ. ἔστι δὲ ἡ ἐναρτία
 τῶν ἐναρτίων, οὐ. ὅτι δὲ τῆς ἐναρτίας
 οὐ περὶ τῆς ἐναρτίας. ἀλλὰ τὰ
 ἐναρτία μόνον. λέγει μὲν γὰρ ἐναρτίας
 βαδίζειν, ὅπου βαδίζει ὡς αὐτὸς ἐναρ-
 τῶν. πολλάκις μὲν οὖν γινώσκεται ἡ
 ἐναρτία ἐξ ἑξέων τῆς ἐναρτίας. πολλά-
 κισ δὲ καὶ ἐξ ἑξέων, δὲ τῶν ὑποκειμέ-
 νων. εἰαι πε γὰρ ἡ ἐναρτία ἡ φανερὰ,
 καὶ ἡ καχεξία φανερὰ γάρ. καὶ ἐκ
 τῶν ἐναρτίων ἡ ἐναρτία, καὶ ἐκ τῶν
 τῆς ἐναρτίας. εἰ γὰρ ὅτι ἡ ἐναρ-
 τία πυκνότης ἀρκὺς, ἀσάκης καὶ τὴν
 καχεξίαν εἶ μὲν τῶν ἀρκὺς. καὶ ὁ
 ἐναρτίας, ὁ ποιητικὸς πυκνότητος ἐν
 ἀρκί.

Videmus igitur, omnes huiusce-
 modi habitum velle appellare Iu-
 stitiam : à qua idonei ad res iustas a-
 gendas sunt, & per quam iusta gerunt,
 voluntque iusta. Eodem autem modo &
 de iniustitia, per quam iniusta gerunt,
 & volunt iniusta. Quapropter etiam
 nobis primum rudi figura promanitur hac.
 Neque enim eodem se res habet pacto
 in scientiis & facultatibus, atque in ha-
 bitibus. facultas namque & scientia vi-
 detur contrariorum eadem esse : habi-
 tus autem contrarius contrariorum non
 est. veluti à sanitate non sunt contraria,
 sed salubria solum. Dicimus enim, ali-
 quem valenter ambulare, cum ambulat ut
 valens. Sape igitur cognoscitur contrarius
 habitus ex contrario : sape autem habi-
 tus ex rebus subiectis. si enim bona ha-
 bitudo fuerit nota, etiam mala perspicua
 sit, & ex efficientibus bonam habitudi-
 nem bona habitudo sit nota, & ab hac
 res efficientes habitudinem bonam. Nam
 si bona habitudo sit densitas carnis, ne-
 cesse est, malam habitudinem esse rari-
 tatem carnis, & quod efficiat bonam ha-
 bitudinem esse id, quod facit densitatem
 in carne.

EXPLANATIO.



PER STRICTIS suprâ, notatisque breviter iis, quibus à ceteris vir-
 tutibus Iustitia distinguatur, adfert hic adumbratam, ac popularem
 Iustitiæ, iniustitiæque definitionem, quæ vulgi sensibus accommoda-
 ta, & consentanea sit. Docet adeo, Iustitiam vulgò existimari affectio-
 nem animi quamdam esse, vel habitum, quem ex tribus internosca-
 mus effectis. Nam primo quidem propensione quamdam in homine ponit ad ope-
 ra iusta peragenda, ex qua qui eo præditi sunt habitu, solent appellari δικαιοί τῶν
 δικίων, periti rerum iustarum, siue ad res iustas agendas idonei, atque accommo-
 dati. siue, ut minus Latine, sed planius aliqui dicunt, rerum iustarum operativi.
 Secundo loco, hic habitus, quem Iustitiam dicimus, actionem ex animo & pro-
 pensione illa foras extrudit, efficitque, ut qui eum obtinet, non sit tantummodo
 δικαίος, hoc est. propensus ad opera iusta, iustitiæque peritus ac sciens, verum
 etiam, ut re ipsa iusta faciat opera, omnibusque in rebus iustitiæ legibus obtempe-
 ret, & obsequatur. Tertiò demum idem habitus Iustitiæ id agit, ut non solum ad
 res efficiendas iustas propensum, atque idoneum simus, utque res iustas re faciamus &
 opere, verum etiam ut iusta velimus. quod profectò non frustra subiungitur. Signi-
 ficatur enim his verbis non modo iustitiam oportere voluntariam esse, quod Giffa-

nus autumat, verum etiam, ut tradit obseruatè Burleus, Iusticiam esse in voluntate tanquam in subiecto, in qua morales alie virtutes haud sunt; cum perturbationes animæ sentientis moderentur, & regant, ut in secundo libro est vberius explicatum. Neque enim vulgus cum continuo iustum dicit, qui ad res agendas iustas propensus & idoneus sit, quive re ipsa iuste etiam agat, inuitus tamen atque coactus, sed qui suo iudicio & voluntate Iustitiæ operibus & officio perfungatur. Omnes ergo cum Iusticiam nominant, inquit, significare velle videntur habitum quemdam, cuius inductione, ac vi aliquis ad opera iusta propendeat, eadem exequatur opera, & eadem non inuitus efficiat, sed iudicio & voluntate: perinde ac si diceret, Iusticiam ex vulgi opinione non tam esse potestatem & facultatem agendi iuste, vel rerum iustarum actionem, quam iudicium & voluntatem agendi iuste quod iuste facit. Idem Aristoteles in lib. 6. Top. definitionem illam Iustitiæ negat esse probabilem, qua dicebatur à nonnullis esse *δυνάμεις*, potestas, & facultas tribuendi cuique suum; cum iustus, inquit, potius sit *παραρροῦν*, volens, eligensque tribuere, quam *δυνάμει*, hoc est, potens, & facultatem obtinens tribuendi. Plato etiam in Gorgia plurimum in voluntate posuit, vbi de Iustitia loquitur. Cum enim dixisset, iustum esse qui iusta facit, addidit paulò post, iustum non modò esse qui iusta faciat, sed eum qui *βούλεται πράττειν τὰ δίκαια*, hoc est, qui velit suo iudicio res iustas agere. Hinc haud dubiè definitionem hauriunt suam Iurisperiti, cum dicunt, Iusticiam esse constantem, perpetuamque voluntatem, ius suum cuique tribuendi.

Quod si quæras, cur hac notà Iustitia nominatim à ceteris virtutibus distinguatur, cum singulas oporteat esse voluntarias, propositam supra responsionem habes ex eo quòd Iustitia sedem habeat in voluntate, reliquæ in appetitu animæ sentientis: quæ cum parer virtutibus, obtemperat voluntati. sed respondebit planius fortasse Plutarch. in Catone: qui Iusticiam eo nomine, quòd voluntaria sit, præter ceteras laudari contendit, quia reliquæ virtutes adiumenti plurimum habent à natura, iusticia verò à voluntate, motuque hominis tota proficiscitur. Cum enim alie in aliqua politæ sint animi commotione, ad quam temperanda in naturâ fortasse propensi quodammodo sumus, permultum oppido virtus à natura tunc adiuuatur, cuius nimirum beneficio ea virtutis rudimenta in animam habeamus. Quibus quoniam caremus ad opera iustitiæ actionibus obeunda, studio potius hæc, & voluntatis conatu, ac motu dicimur agere, quam aliqua inductione naturæ.

Tradita definitione Iustitiæ, ipsius etiam Iniustitiæ rationem, definitionemque persimilem, & eandem prorsus esse confirmat. Si enim Iustitia est habitus, quo redimur ad iuste agendum propensi, atque idonei, & cuius vi iuste agimus, ac iuste agere volumus, sequitur, iniusticiam habitum esse, quo propensi accommodati-que simus ad agendum iniuste, & cuius vi res iniustas faciamus, & velimus facere.

Neque enim eodem pacto, &c.] Definitionem hanc Iustitiæ atque iniustitiæ quantumvis popularem, & in typo traditam, siue rudi adumbratam figurâ in suo genere probabilem & idoneam esse contendit, cum ex eo, quòd agamus & velimus agere iusta, vel iniusta, satis utraque vulgò manifesta reddatur. idque demonstrat luculenta ratione, à Dialecticorum doctrina repetita, cuius duos veluti canones, & præcepta proponit. Primum quidem differentiam inter habitus, & inter facultates ac scientias continet. scientias enim & facultates dicunt esse contrariorum, habitus verò non esse; ut disputatur in lib. 1. Top. & in Metaph. 9. Adeamdem quippe potentiam, siue facultatem, aut scientiam contraria pertinent: ut ad videndi vim album & nigrum, ad medendi scientiam ægrotum & sanum. ad habitum verò vnum tantummodo contrariorum pertinet è duobus. Exemplum proponit habitus hærentis in corpore; cuiusmodi bona valetudo est, siue sanitas, quæ benè constituti corporis censetur habitus. Ait enim; à sanitate proficisci tantummodo sana, siue sanas actiones, aut opera sana, non autem existere posse contraria, & minimè sana, Quippe is, qui bene valet, validè ambulat, nimirum tanquam valens & sanus, non tanquam is, qui morbosus sit, & ex ægrotatione laboret. Idem cernitur in fortitudine, à qua fortia manant opera, non inertia. idem in aliis omnino virtutibus, quarum habitus operum vnicò genere definitur, à contrario verò prorsus abhorret. Quæ cum ita sint, planissime constat, propositas definitiones popularium sensibus accommodatè traditas esse, satisque palam facere quid iustitia sit, & iniu-

sticia; cū per opera vnicuique propria, definita & certa, sint explicata. neque enim Iustitia, quoniam habitus est, iniusta potest opera facere, neque iusta iniustitia: sed vtraque contrariis est inimica. quod profectō non ita contingeret in facultate, ac scientia; quæ quoniam contrariorum sunt, non benè perfectèque manifestæ sunt per alterum contrariorum. Quis enim explicare se satis existimet, si vim oculorum definiat facultatem videndi coloris albi, cū etiam nigrum cernere possit? aut quis perfectè complecti se putet amplitudinem artis medendi, si eam esse dicat salubrium scientiam rerum, cū sit etiam insalubrium? Iurisperiti certe sapienter, ut cetera; cū Iurisprudenciam suam definiunt iusti scientiam & iniusti. Præclare quoque Galenus, & Aristoteles medendi peritiam dicunt esse salubrium cognitionem, pestilentium, & neutroque. Itaque tota hæc ita esse videtur argumentatio: Si Iustitiæ, iniustitiæque definitio ex operibus iustis, iniustisque ducta, & tradita, haud satis idonea esset ad eas vulgò proponendas & declarandas, id propterea fieret quod vtraque alia quædam, hoc est, contraria posset opera facere. sed neutra potest agere contraria. Definitio igitur idonea satis, atque accommodata est ad vtramque populariter explicandam, & declarandam. Alterum Dialecticæ præceptum demonstrat nominatim & propriè iniustitiæ definitionem esse bonam. est autem præceptum quoddam de cognoscendis habitibus, ad quorum videlicet notitiam duplici ratione ducimur, ac via. Interdum quippe alterum ex altero contrario, interdum ex rebus ipsi subiectis apertè planèque cognoscimus. Prioris viæ ac rationis exemplum in bona siue athletica corporis habitudine proponit, quæ dicitur *ῥηξία*. Si enim hæc intellecta & cognita sit, contraria etiam illic intelligetur & cognoscetur, quæ dicitur, *καρχία*: eodem planè modo ubi cognita fortitudo est, vel temperantia, confestim ignavia quoque intemperantiæque cognoscitur. Rerum autem subiectarum exemplum petit ab eadem habitudine corporis. Nam si constet quid *ῥηξία* sit, constabit etiam & quid ipsa, & quid ei contraria sit *καρχία*. Ut si bona illa corporis habitudo subiectum postulat densum, & carnem solidam, ex densitate ac soliditate carnis, ex qua nascitur, habitudo bona corporis intelligetur, adeoque malam quoque, infelicemque corporis habitudinem ex raritate carnis & laxitate cognoscemus. Hæc, inquam, quæ sic disputantur ab Aristotele, significant iniustitiæ definitionem probè declaratam & explicatam esse, cū ex habitu contrario desumpta sit, & per eum perque res illi subiectas satis superque patefacta sit iniustitia. Intellecta enim iustitia, eiusque subiectis, quæ sunt opera iusta, ipsa etiam iniustitia, eiusque subiecta, quæ iniusta sunt opera, statim intelliguntur.

PARS TERTIA CAPITIS PRIMI.

Ακολουθεῖ δὲ ὡς ὑποτιπολὺ, ἐὰν
ἴατερα πλεοναχῶς λέγηται, καὶ
ἴατερα πλεοναχῶς λέγεσθαι. οἷον εἰ
ὁ δίκαιος, καὶ ὁ ἀδίκος. εἶκοι δὲ πλεοναχῶς
λέγεσθαι ἢ διαποσειν, καὶ ἢ ἀδικία. ἀλλὰ
ἀλλὰ ἀλλὰ ὁ σωφρονιστὴς (ἢ) τὴν
ὁμοιότητα αὐτῶν, λαμβάνει. καὶ
εὐχόμενος ὅτι τῶν πᾶσι, δὴ μάλ-
λον. ἢ γὰρ ἀσφοδὲς πολλὴ, ἢ καὶ
τὴν ἰδέαν. οἷον ὅτι καλεῖται καὶ ὡς
νύμφη, ἢ τε ὑπὸ τὴν αὐχίαν τῶν
ζώων, καὶ ἢ τὰς ὑπὸ καλίστοις. εἰ-
ληφθῶ δὲ ὁ ἀδίκος, ποσῶς λέγε-
ται. δοκεῖ δὲ, ὅ, τε καὶ ὁ ἀδίκος
εἶ, καὶ ὁ πλεονεχτής, καὶ ὁ ἀπίστος.
ὥστε δὴλα, ὅτι καὶ ὁ δίκαιος εἶται ὅ, τε

Sequitur autem plerumque, si altera
multis modis dicatur, etiam altera
multis modis dici: ut si iustum; etiam iniu-
stum. Videtur autem multis modis dici iu-
sticia, & iniustitia: sed quia propinqua est
communio nominis ipsorum, latet; & non
sic ut in iis, quæ longè distant, manifesta
magis est. Differentia enim permulta est,
quæ existit secundum formam ipsorum,
veluti quæ appellatur clavis æquiuocè, &
ea quæ sub ceruice animantium est, & ea
quæ fores claudunt. Sumatur ergo iniu-
stus quos modis dicatur. Videtur nempe
& qui leges violat iniustus esse, & qui pius
sumit, & inæqualis. quare perspicuum est,
iustum etiam futurum & eum qui legibus

νόμιμος, καὶ ὁ ἴσος. ὁ μὲν δὲ δικαίον
ἀρετὴ ὁ νόμιμος, καὶ ὁ ἴσος. ὁ δὲ
ἀδίκος ὁ ἀνόμιμος, καὶ ὁ ἀνί-
στος. ἐπεὶ δὲ καὶ πλεονέκτης, ὁ ἀδι-
κος, καὶ τὰ ἀγαθὰ ἔσται, οὐ
πάντα, ἀλλὰ καὶ ὅσα βέλτεια,
καὶ ἀτυχία, αὐτὸς μὲν ἀπλάως
αἰεὶ ἀγαθός. ὑπὲρ δὲ, εἴη αἰεὶ. οἱ
δὲ ἀνθρώποι τὰτα βέλτεται καὶ διώ-
κονται. δεῖ δὲ οὐ. ἀλλ' ἄρα καὶ μὲν τὰ
ἀπλάως ἀγαθὰ, καὶ αὐτοῖς ἀγαθὰ
εἶναι. αἰρεῖσθαι δὲ, τὰ αὐτοῖς ἀγαθὰ,
ὁ δὲ ἀδίκος εἴη αἰεὶ ὁ πλέον αἰρεῖται,
ἀλλὰ καὶ ὁ ἔλαττον, ὅτι τὸν ἀπλάως
κακῶν. ἀλλ' ὅτι δοκεῖ καὶ ὁ μείων κα-
κῶν ἀγαθὸν πᾶς εἶναι; καὶ ὁ ἀγαθὸς
ἔστιν ἢ πλεονέκτης, ἀλλὰ τοῦτο δοκεῖ
πλεονέκτης εἶναι. ἔστι δὲ αἰσός (τοῦ-
τι γὰρ καὶ ἐλεῖ καὶ κοῖνόν) καὶ πα-
ρανομός. τοῦτο γὰρ ἢ ἀνόμιμος,
ἢ πᾶσι ἢ αἰσός, καὶ ἐλεῖ πᾶσιν
ἐδικαίαν, καὶ κοῖνόν ὅτι πᾶσι ἀ-
δικίας.

obtemperat, & enim qui sit aequalis. Iustum
est igitur quod legitimum, & quod aqua-
le est. iniustum autem quod non est legiti-
mum, & est inaequale. Quia verò pluri-
avidus, est iniustus, circa bona versabi-
tur, non omnia, sed circa qualibet, in qui-
bus bona fortuna, vel infortunium est.
quae sunt quidem semper simpliciter bona;
alicui verò non semper. homines autem
hac votis expectant, & persequuntur: o-
portet id verò minime, sed exposcere pro-
fectò simpliciter bona, & sibi ipsis bona
esse, & eligere sibi ipsis bona. Iniustus
autem non semper plus expetit: verum e-
tiam minus in simpliciter malis, sed ideo
quia videtur minus malum etiam bonum
aliquo modo esse: boni verò aviditas est
plus habendi: ac propterea videtur plus
habendi cupidus esse. est autem inaequalis
(hoc enim continet; & commune est) e-
tiam legum violator. Nam id quod est le-
gum violatio, siue inaequalitas, compre-
hendit omnem iniustitiam, & commune
est omnis iniustitia.

EXPLANATIO.



DE FINITIONE Iustitiae iam adumbratæ, sequitur eiusdem diuisione,
quam ex eodem canone Dialecticorum petendam putat. Cum enim
ea lex id decretum & certum velit, altero contrariorum cognito, al-
terum quoque cognoscei; consequens est, ut si eorum alterum mul-
tifariam dicatur, hoc est, pluribus intelligatur modis, & sub vno
nomine multa contineat, etiam alterum multimodis dicatur, & multiplicis notio-
nis, ac sententiae sit. sed tam Iustitia, quam iniustitia significationem habet om-
nino multiplicem, & variam: varietas tamen ipsa latet, inquit, nec ita perspicua
est: quia ea, quae varietatem & multiplicem significationem sub iustitiae iniustitiae-
que nomine faciunt, propinqua, hoc est, inter se conuenientia & valde similia sunt.
contra quippe sit in ius, quae remota sunt, longèque distant inter se; cum differen-
tiam habeant proidentem illico se, planèque patentem. Quis enim facilius, & ci-
tius differentiam non agnoscat inter equum & hominem longissimè inter se distan-
tes, quam inter hominem & feminam similitudine inter se & naturae coniunctione
propinquiores? Exemplum proponit Aristoteles in ipso nomine clauis æquiuoco:
cuius ambigua significatio minus latet, quia res ea voce significata plurimum
distant, & differunt inter se. Nam & clauis est, quae fores & ostium aperit, & clauis
praeterea dicitur operculum, quo arteria in collo ac ceruice animalium clauditur,
& aperitur. Iustitiae verò atque iniustitiae varietates ac genera latent & fallunt nos
propter cognationem, similitudinem, & propinquitatem, quam obtinent inter se,
sed tamen utraque multiplex est & multifariam dicitur. Hinc ergo atque ex hac
lege petenda Iustitiae diuisione est. quia, si iniustitia multis dicitur modis, multis etiam
ac plane totidem ipsa quoque iustitia dicenda est, totque prorsus distinguetur ge-
neribus quot distinguitur iniustitia.

Sumatur ergo iniustus, &c.] Iniustum verò multifariam dici, siue iniustitiae

multas esse formas ac species, ostendit ex eo, quòd vno quidem modo dicatur iniustus ille, qui leges violat; alio qui ex bonis iusto plus appetit, & habere vult; cuiusmodi quidam auidi atque auari homines sunt: alio is, qui de malis, vt de labore, deque inopia rerum habere vult minus. Primus dicitur *ὀλιγομυθός*, legum contemptor, aut violator, à nonnullis barbarè illegalis: secundus *πλεονέκτης*, pluris auidus, aut plus possidens, quàm par sit: tertius *ἀνίσος*, hoc est, inæqualis, aut iniquus: qui tamen à proximè superiore vix differt. nam vterque iniquus & inæqualis est. Itaque duas in summa facit Aristoteles iniustitiæ varietates, ac formas; alteram eorum, qui leges contemnunt, ac violant, diciturque legalis iniustitia; eorum alteram, qui bonorum, malorumque volunt esse participes inæqualiter, & iniquitas dicitur, aut inæqualis iniustitia: omnes tamen communi nomine appellantur iniusti. Iustus igitur, quoniam iniusto contrarius est, etiam ipse bipartitò diuiditur, in eum, qui legum obseruantissimus est, & in eum, qui sit æqualis, hoc est, qui non è bonis iusto plus appetat, & è malis minus, sed qui velit æqualiter bonorum, malorumque particeps esse. Duo adeo iustitiæ genera sunt, quorum alterum legale dicitur, alterum appellatur æquale.

Quia verò iniustus pluris auidus est, &c.] Eius iniusti qui *πλεονέκτης* dicitur, hoc est, plus æquo expetens, & habens, eiusque vitiositatis, quæ *πλεονεξία* nominatur, rationem conditionemque declarare nunc explicatiùs incipit, docens, eiusmodi virum iniustum non de omnibus quidem bonis, quæ in hominis voluntatem cadunt, expetere ac velle plus quàm æquum, iustumque sit, sed de iis nominatim, in quibus prospera vel aduersa fortuna locum habet & dominatur. Huiusmodi autem bona simpliciter, absolutèque bona sunt, sed tamen haud semper, eodèque modo sunt bona, & alicui fortasse non bona sunt. Quapropter errare vehementer eos affirmat, qui eiusmodi bona obsecrationibus suis, & votis à Diis efflagitant, perinde ac si semper, & vnicuique bona essent, cùm tamen nec semper, nec æquè omnibus bona sint. apparet quippe huiusmodi homines laborare *πλεονεξίᾳ*. nisi enim eà cupiditate pluris habendi, quàm æquum sit, tenerentur, non à Diis poscerent ea bona, sed quæ mala nemini sunt, nec vñquam esse possunt mala; & eosdem precarentur Deos, vt quæ sunt simpliciter bona, sibi esse bona concederent, nè in detrimentum fraudemve eiusmodi bona conuerti paterentur. Ita monet Aristoteles. Nempe id est, quod Iuuenalis in Sat. 10. proponit hominibus exposcendum orantibus Deos.

*Orandum est, ut sis mens sana in corpore sano.
Fortem posce animum, mortis terrore carentem,
Qui spatium vita extremum inter munera ponas
Natura, qui ferre queat quoscumque labores.
Nesciat irasci, cupias nihil, & potiores
Herculis arumnas credat, sanosque labores
Et Venere, & canis, & plumis Sardapali.*

Id etiam illud erat, quod à Diis oprandum & petendum esse dicebat Socrates, cùm monebat, ab iis poscere nos oportere bona solum generatim & vniuersè, nec vltra quicquā addere debere. ipsos quippe scire Deos quæ nobis nominatim & præcipuè bona sint & vtilia; nos autem penitus ignorare. Idem est eiusdem Aristot. monitum in principio lib. 7. Metaphys. Sit igitur hæc huius loci conclusio: eam iniustitiam, quæ pleonexia dicitur, hoc est, cupiditas habendi plus iusto, & possidendi plura, superiora, atque ampliora quàm quæ habent & possident alij, non in omnibus omnino bonis versari, nec omnium bonorum appetitionem esse, sed nominatim eorum, quæ fortunæ bona vulgo nominantur. neque enim dicitur *πλεονέκτης*, qui bonorum animi appetentior sit, adeoque nec appellandus iniustus. Itaque ratiocinari sic licet ex Aristotele: Vbi pleonexia est, ibi etiam iniustitia reperitur, vt communis omnium sensus est. ita enim plerumque sit, vt qui plura velit & habeat, æquo ac iusto plura velit & habeat. Pleonexia verò in bonis tantum fortunæ versatur. Quatuor enim *πλεονέκτης*, hoc est, is, qui omnia vult habere superiora, in bonam partem interdum sic intelligatur, vt ille quoque sit *πλεονέκτης*, qui alios longè virtute superat & scientiâ; quamquam, inquam, is interdum est *πλεονέκτης*, plerumque tamen ac pene semper est qui plus æquo ex bonis fortunæ possidet, atque in malam partem eiusmodi nomen vsurpatur. Ergo pleonexia iniustitiæ

ὅτι ἔστιν, ὅτι ὁ ἔχων αὐτὴν, καὶ πρὸς
ἐπερὶ διώσκει τῇ ἀρετῇ χρῆσθαι,
ἀλλ' οὐ μόνον καθ' αὐτὴν. πολλοὶ γὰρ
ἐν μὲν τοῖς οἰκείοις τῇ ἀρετῇ διώσκει
χρῆσθαι. ἐν δὲ τοῖς πρὸς ἐπερὶ, ἀ-
διωκτέσι. καὶ διὰ τὴν τοῦ δόξει ἔχειν ὅ-
τι Βίαντις, ὅτι ἀρετὴν τὴν αὐτὰν δεῖξαι.
πρὸς ἐπερὶ γὰρ, καὶ ἐν κοινότητι ἔστι ὁ
ἀρετῇ. διὰ τὴν αὐτὴν τὴν καὶ ἀλλότριον
ἀρετὴν δοκεῖ εἶναι ἢ δικαιοσύνη, μὴ τῇ
ἀρετῇ, ὅτι πρὸς ἐπερὶ ὅτι. ἀλλὰ γὰρ
τὰ συμφέροντα πρὸς τὴν, ἢ ἀρετῇ, ἢ
κοινῷ. καὶ κίτος μὲν οὖν ὁ πρὸς αὐτὸν, καὶ
πρὸς τοῖς φίλοις χρῆσθαι τῇ μετρίᾳ.
ἀρετῇ δὲ οὐχ ὁ πρὸς αὐτὸν τῇ ἀρε-
τῇ, ἀλλ' ὁ πρὸς ἐπερὶ. τὴν γὰρ ἔρ-
γει χαλεπὴν. αὐτὴ μὲν οὖν ἢ δικαιο-
σύνη οὐ μέγας ἀρετῇ, ἀλλὰ ὅλη ἀρε-
τῇ ὅτι. οὐδὲ ἐναντία ἀδικία μέγας κα-
χία, ἀλλ' ὅλη καχία. τίς δὲ ἀρετῇ ἢ ἀρε-
τῇ, ἢ δικαιοσύνη αὐτῇ, δεῖξαι ὅτι τὴν εἰρη-
μύῳ. ἔστι μὲν γὰρ ἢ αὐτῇ. ὅτι δὲ τῇ, οὐ
ὅτι αὐτῇ. ἀλλ' ἢ μὲν πρὸς ἐπερὶ, δικαιο-
σύνη. ἢ γὰρ τοιαύτη ὅτις ἀπλῶς ἀρετῇ.

autem est, quia qui habet ipsam, etiam er-
ga alium potest virtute uti, non autem so-
lum erga se ipsum. multi enim in propriis
rebus virtute possunt uti, in iis autem quæ
ad alterum pertinent, non possunt. Ac pro-
pterea bene videtur se habere illud Biantis:
Magistratus virum ostendet. ad alterum
enim et in communitate iam qui imperat
est. Propter hoc autem ipsum etiam alie-
num bonum videtur esse Iustitia sola è vir-
tutibus; quia ad alterum est. alteri enim
conducibilia gerit; aut imperanti, aut com-
munitati. Pessimus igitur est qui erga se, et
erga amicos vititur prauitate: optimus au-
tem non qui erga se ipsum virtute vititur,
sed qui erga alterum. hoc enim opus ar-
duum est. Hæc igitur iustitia non pars vir-
tutis, sed vniuersa virtus est: neque ei con-
traria iniustitia pars vitij, sed vniuersum
vitium est. Quid autem differat virtus et
iustitia hæc, perspicuum ex dictis. est enim
eadem; sed esse, non idem. Et quatenus ad
alterum refertur, iustitia; quatenus verò
talis habitus, simpliciter virtus est.

EXPLANATIO.



X Superiori diuisione iustitiæ, sibi sumit declarandam illam, quæ le-
galis dicitur, & est tota virtus, siue virtus vniuersa. Ac primò quidem
de iusto legali disputat, quia nobis est notius; deinde de ipsa virtute
præcipit & explicat, quæ versatur in iusto. Pronunciat ergo: legitima
omnia, siue legalia, hoc est, ea, quæ definita sunt legibus, aliquo mo-
do iusta esse. Pronunciat autem restrictè, esse aliquo modo iusta, non simpliciter,
& absolutè: quia aliquod legitimum huic ciuitati videtur iustum, quod alteri ci-
uitati iustum non est, propter differentiam Rerum publicarum, & genera regendæ
ciuitatis omnino diuersa. Nam vnaquæque lex ad certum aliquod Reipublicæ sta-
tum propriè temperandum sancitur & conditur, quæ ad alterum moderandum ac-
commodata non est, adeoque fit, vt singulæ iusticiam habeant in suo, in alieno
fortasse non item. sunt ergo quæ legibus imperantur & definiuntur iusta quodam-
modo, & secundùm quid, non iusta simpliciter & absolutè. si enim simpliciter, ab-
solutèque iusta essent, in omni Reipublicæ statu ac genere dicerentur & essent iusta.
Declaratur id ex eodem Aristotele in 3. lib. Politicorum exemplo democratiæ &
aristocratiæ. In democratiâ enim, quæ popularis imperij ratio est, æqualitas ciuium
iusta putatur; sed iusta secundùm quid, hoc est, secundùm libertatem; cùm in
hoc genere dominatiis ex eo metiri iustum soliti simus, quòd ciues æquè participes
sunt libertatis. Id verò in aristocratiâ iustum non est, in qua non ex libertate popu-
larium, sed ex optimatum virtute spectatur æqualitas. Ceterùm, cur hæc non sim-
pliciter esse iusta dixerit, sed quodammodo, siue secundùm quid, aliam aliqui,
Eultratum secuti, rationem proferunt, quæ contemnenda & prætermittenda non
est. Est autem huiusmodi: Cùm legibus omnia virtutum opera contineantur, oportet
singula opera suo nomine appellare, non iusta dicere. Fortitudinis enim ope-
ra fortia sunt nominanda, non iusta, eodèque modo aliarum virtutum alia: vt
liberalia, magnifica, temperata. sed tamen, quia societatem ciuilem tuentur vni-

uersa, quod munus videtur esse iustitiæ proprium, earum opera, quamuis per se fortia, magnifica, vel temperata sint, nihilominus iusta dicuntur haud incommode secundum quid, & aliquo modo, hoc est, à communi siue legali iustitia mutuato nomine, non ab ea, quæ propria est & peculiaris. Hæc igitur ratio etiam videtur idonea, sed superior adprobatur à pluribus.

Leges autem præcipiunt, &c.] Vt planius intelligamus, esse iusta quæ præcipiuntur & præscribuntur à legibus, ipsum legum finem & propositum inuestigare nos iubet. Hunc autem finem ait esse communem utilitatem, siue omnium, ut in populari dominatu, siue optimorum ut in aristocratia, siue præcipuorum, ut in regno cernitur; ubi vnus aliquis imperium obtinet, vel virtute, vel nobilitate, vel opibus, vel alio nomine ceteris antecellens. Neque verò est, cur dicas, utilitatem quæ referatur ad Principes, non esse communem, sed eorum propriam: quia boni Principes utilitatem suam existimant communem & publicam, nec vllum è principatu capiunt fructum, quem cum Republica nolint communicatum. Itaque cum legum finem Aristoteles ad Principes refert, ad totum Reipublicæ corpus sub bono capite refert. Neque enim aliud Rerumpublicarum omnium tripartitò diuisarum commemoratione contendit, nisi publicam utilitatem, siue felicitatem à singulis conquiri, & appeti earum beneficio legum, quæ statutz sunt sapienter in singulis. habet nimirum vnaquæque leges suas peculiare & proprias, quibus parari felicitas, & communis utilitas in ciuitate facile possit. Ad salutem ciuium, inquit M. Tull. in 1. de leg. ciuitatùmque incolumitatem, vitamque hominum & quietam, & beatam conditæ leges sunt. & in 1. de Inuent. & virtute & sapientia maiores nostri fecerunt, ut scribendis legibus nihil sibi nisi salutem, utilitatemque Reipublicæ proponerent. Cum autem utilitas communis, siue publica felicitas haud aliis, quàm virtutum præfidiis comparatur, sit, ut leges benè, prudenterque conditæ de singularum officio virtutum, & functione præcipiant. nullæ sunt ergo leges idoneæ, atque in suo Reipublicæ genere inueniendæ felicitati satis accommodatæ, quæ omnes virtutes vno quasi vinculo non complectantur. Itaque Iustitia hæc legalis communis iustitia dicitur, & virtus vniuersa, siue virtus omnis meritò nominatur. Iubent enim leges fortitudinem in acie stare, nec ordines deferere, aut scutum abiicere, temperantiam reuocare ciuium cupiditatem ab adulterio, clementiam, siue mansuetudinem iratorum animos coercere, ne quempiam verberent, nè vlla contumelia, conuictioque grauius afficiant; eodémque modo aliarum virtutum partes & officia persequuntur. Atque hinc intelligere licet, cur à Iurisconsultis in Inst. tit. de iust. & iur. rectè dicantur, tria esse præcepta Iuris; honestè viuere, alterum non lædere, suum cuique tribuere. Si enim hæc de peculiari iustitia & iure singulari dicuntur, vera profectò non essent, cum iustitiæ peculiaris officium proprium haud sit, honestè viuere, sed cuique tribuere quod suum est. Verùm quia de iure ac iustitia legali, communique dicuntur, quæ omnem vitam complectitur honestatem, cum singularum virtutum præcepta tradit, verissima sunt, & sapientissimè decreta. Addit Aristoteles extremo loco, de omnibus omnino virtutibus præcipere leges duobus modis, iubendo nimirum & prohibendo, siue præmiis proponendis, & pœnis ac suppliciis irrogandis; quæ omnium legum partes, atque officia sunt, ut M. Tullius pluribus locis ostendit. In primo lib. de leg. lex, inquit, est ratio summa, insita in natura, quæ iubet ea quæ faciendæ sunt, prohibetque contraria. In Philipp. 11. lex nihil est aliud, nisi recta, & à numine Deorum tracta ratio, imperans honesta, prohibensque contraria. In 2. de Orat. legibus proposita sunt supplicia vitiis, præmia virtutibus. Ad summam: lex optimè constituta, inquit Aristoteles hic, de virtutibus omnibus, vetando, iubendoque rectè præcipit; quæ autem inconsulta est, & subito ac temerè lata, non rectè præcepta tradit: significans haud dubiè, prudentem legem nullam officij, virtutisque partem prætermittere, ac propterea virtutibus ornatum omnibus cum esse, qui legum obseruantissimus sit.

Hæc igitur Iustitia virtus est perfecta, &c.] Quoniam de iusto legali, quod virtutibus continetur omnibus, & iustitiæ legalis materia est, abundè iam, satisque disseruit, de ipsa nunc incipit agere Iustitia legali: quam principio perfectam virtutem appellat, non quidem absolute, simpliciterque, sed comparatè. quia nimirum refertur ad alterum. Aliæ simpliciter, absoluteque perfectiores fortasse virtutes sunt, sed in eo vincere Iustitia perfectione videtur ceteras, quod ad alienam utilita-

tem tota referatur. Huc accedit, quòd versatur in vsu virtutum omnium, quarum officia ad eandem parandam vtilitatem suscipit, & persequitur singula. Non potest adeo non esse, ac dici meritò perfectissima eiusmodi virtus, quæ omnium virtutum obit quodammodo munera, vt alienæ, hoc est, publicæ prospiciat vtilitati. Rectè igitur elegantèrque ad Iustitiam illustrandam senarium quendam profert ignoti poetæ, cuius verbis pronunciat, nec Hesperum, vbi Solem subsequitur, nec Luciferum, vbi solem eundem antegreditur, posse cum Iustitia de admirabilitate, de pulcritudine, deque claritate contendere. Versiculus Græcè sic est:

Ὅτι τὰς ἐπὶ οὐρ' ἔσθ' ὅτις δ' αὖ ποσειδῶν.

quem Canterus ita Latine reddidit, vt verbis singulis verba respondentia fecerit.

Nec tam Hesperus nec Lucifer mirandus est.

Euripidis hunc esse versum putauit Acciaiolus, sed fortasse deceptus est aliorum quorundam similitudine, qui sunt in Tragedia, quæ inscribitur, Heraclidæ. Hanc profectò Iustitiæ claritatem & lucem intuiti sunt qui Iustitiam olim aris positæ & sacris institutis Deam fecere. Illi enim & thus adolet, & duos canit hymnos Orpheus Græcorum poeta Lyricus tamquam clarissimæ Deæ, vt alios omittam, qui eandem sub nomine Themidis aut Astræ venerati sunt. Versum præterea Theognidis qui apud Stobæum est, vsurpat hic veluti prouerbium ad Iustitiæ commendationem ac laudem Aristoteles. Eum sic donat latinitate Lambinus:

Iustitia vna alias virtutes continet omnes.

Et Adrian. Turnebus:

Iustitia in se virtutes complectitur omnes.

Ac iure quidem hunc versum, siue prouerbium laudat; quo causa continetur ipsa, cur tam clara, excellensque virtus Iustitia sit. complectitur enim, vt in eo dicitur, vno quali vinculo virtutes omnes. id quod etiam est apud Platonem in lib. 4. de Rep. vbi Iustitiam omnium virtutum nexum & comprehensionem appellat. consentitque Calcidius Platoniceus in Timæum; qui Iustitiam animi concentum siue morum vocat harmoniam, & Alcinous, qui eandem, omnium animæ partium consensionem & symphoniam vocauit. quæ vox & sententia Euripidis etiam est apud Stob. Iustitiam enim ait esse totius animæ harmoniam cum concinnitate. Sed nemo hac metaphorâ vsus est liberius & copiosius quàm Pythagoreus Polus in libro de Iustitia; vbi sic loquitur. Existimo, Iustitiam reliquarum virtutum matrem ac nutricem esse dicendam. si quidem absque hac nec temperans, nec fortis, nec prudens quisquam esse potest. Est enim hæc animi totius cum concinnitate pax, atque harmonia. Ac manifestior fiet huius dignitas, si ceteros habitus considerauerimus. Vt enim illorum vsus ad vnum aliquod refertur, ita hæc ad cæteros integros & multitudinem. Et in mundo quidem totum administrans imperium Prouidentia, Harmonia, ac Dike vocatur ex Deorum quorundam decreto: in vrbe verò pax & recta legum constitutio, &c. Cadunt, inquam, hæc omnia in solam legalem Iustitiam, quæ omnium complexione virtutum animos temperat, Reipublicæ concordiam parit, ac fouet, cupiditates coercet, homines feros, reddit cicures & mansuetos, vt præclare cecinit Claudian. in paneg. de Consularu Manlij & Theod.

— Tu prima hominem siluestribus antris

Elicis, & sædo desergis secula victu.

Te propter colimus leges, animosque ferarum

Exanimas. nitidis quisquis se sensibus hausit,

Irruere intrepidus flammis; hyberna secabit

Aequora; confertos hostes superabis inermis.

Hanc Aristotelis rationem, aliasque, quas subiungit ad demonstrandum Iustitiam legalem absolutissimam & præstantissimam esse virtutem, contrahere Dialecticè sic possumus; Illa virtus, qua benè quis vitur, non solum erga se ipsum, verum etiam aduersus alios, maximè perfecta & præstantissima est. Iustitia verò legali non modò erga nos ipsos, sed etiam erga alios vitur: quod aliarum quarundam beneficio virtutum præstare non possumus, quibus vt tantummodo licet aduersum nos. ergo Iustitia perfectissima est & præstantissima virtus. Propositio fidem habet ex eo, quod difficilius homini sit aliqua re benè vt etiam aduersus alios, quàm benè vt solum erga se ipsum, & benè se gerere erga se non sit ita difficile, difficillimum autem sit, benè se aduersus alios comparare, ac gerere. multos quippe videas, qui in

rerum domesticarum administratione non malè se tractent, & tamen in conuictu, communique societate, siue in rerum publicarum procuratione sint ineptissimi. Idque confirmatur voce peruagatissima, & vulgatissima siue Biantis, vt hic habes apud Aristotelem, & apud Theophrastum; siue Solonis, vt tradit Harpocration in Lexico suo. Dicere namque solitus erat; in Magistratu, ac Principatu virum ostendi & declarari. Probat hanc vocem Plutarch. in præceptis ciuilibus, & in vita Ciceronis ad fin. Quin apud Sophoclem eadem sententia planius exprimitur in Antigone, vbi dicitur esse difficile animum eius, sensusque cognoscere, qui numquam gesserit Magistratum. est autem difficile, quia Magistratus & Principis virtus declarari debet aduersus alios. quoniam verò virtutis opus, quod est difficilius, etiam perfectius est, atque præstantius, fit, vt ea virtus perfectissima sit, cuius opere non solum erga nos, verum etiam aduersus alios benè fungimur. Assumptionem autem, in qua contenditur, eiusmodi virtutem alienæ consulentem vtilitati, ipsam esse legalem iustitiam, idcirco probatam existimat, quòd iustitia dicatur & sit alienum bonum. Est autem alienum bonum, quia eius vsus ad alios pertinet, aliisque deseruit. Id enim vnum agit, vt afferat societati communi, Reipublicæ ac Principibus vtilitatem. Quare à M. Tull. in lib. 3. de Repub. apud August. hæc iustitia dicitur esse virtus, quæ foras spectat, & proiecta est tota. & rursus ibidem virtus, quæ præter ceteras totam se ad alienas vtilitates porrigit, atque explicat.

Pessimus igitur est, &c.] Altera hæc est ratio, quæ demonstret, iustitiam esse perfectissimam, præstantissimamque virtutem: sed ducitur à contrario. Cum enim ex eo, quòd vir iustus ex omnibus virtute præditis perfectissimus & præstantissimus sit, ostendere velit, iustitiam ipsam perfectissimam & præstantissimam esse, de viro iusto reticer, de iniusto ei contrario verba facit, quem ait ex omnibus omnino vitiolis hominibus esse pessimum; cum suo ipsius vicio non solum ad perniciem suam, verum etiam ad aliorum vtatur incommodum. Hinc videlicet necessario consequens est, iustitia præditum & ornatum hominem; qui virtutem suam non ad propriam tantum vtilitatem, sed ad aliena quoque commoda conferat, ex omnibus virtute præditis ac bonis esse optimum, ac propterea iustitiam, à qua ille dicitur iustus, virtutum optimam, & excellentissimam esse.

Hæc igitur iustitia non pars virtutis, &c.] Ex dictis ac disputatis vnum concludit quod initio prius indicauerat: iustitiam nimirum hanc, quam legalem dicimus, non esse virtutis aliquam partem, sed totam virtutem, siue virtutem vniuersam. idque ponit esse demonstratum ex rationibus suprâ iam explicatis. Illa enim virtus, ad quam pertinet qualibet vti virtute, est tota virtus. Sed quauis vti virtute, ad iustitiam legalem pertinet. Est enim huius virtutis proprium, sumere velut instrumentum quamlibet omnino virtutem, quæ adhiberi possit ad alienam, hoc est, ad communem vtilitatem. omnis autem omnino virtus adhiberi, ad moueri que ad alienam & publicam vtilitatem potest. Ergo iustitia legalis non est pars virtutis, siue virtus aliqua peculiaris, sed tota est, & vniuersa virtus. Cui quidem rationi firmiter & robur adiungit à contrario petitur. Iniustitia enim legalis iustitiæ legali contraria, non est pars vitij, sed tota, planèque vniuersa vitiositas est. ergo legalis ipsa iustitia est tota virtus, & vniuersa probitas.

Quid autem differat virtus, &c.] Proponit, profligatque in hac extrema parte quæstionem, quæ nasci potest ex dictis. Nam si iustitia legalis est tota virtus, credere possit aliquis, legalem iustitiam esse superuacaneam, cùm satis sit de virtutibus ipsis singillatim cognoscere, ac singulas comparare. qui enim omnes obtinet, totam obtinet virtutem, ac propterea iustitiam quoque legalem obtinet, quæ nihil est aliud, quàm vniuersa & tota virtus. Quæstioni respondet in hunc modum: legalem iustitiam esse totam, vniuersamque virtutem, non quidem simpliciter absoluteque, sed quatenus est ad alterum, siue quatenus erga alios vsum habet, & prominet quodammodo foras. Itaque iustitia legalis & tota virtus idem sanè sunt re, sed non sunt idem, inquit, τῇ εἰρᾷ, secundum esse, hoc est, ratione. id quippe est hoc loco differre τῇ εἰρᾷ, quod est alibi differre τῇ λόγῳ, vt hunc locum interpretatur Eustratius, & pluribus locis ostendit Gifanius.

Differunt igitur ratione non re, neque secundum substantiam. quia si accipiantur omnes omnino virtutes, ne ipsa quidem excepta iustitia peculiari, tota illa virtutum complexio simpliciter accepta dicenda est tota virtus absolute. Sin autem

intelligatur, & sumatur eadem complexio comparatè, hoc est, quatenus vsum habet aduersus alios, & prodest humanæ societati, Iustitia legalis est, à tota virtute, siue à virtutum omnium comprehensione solâ ratione distincta: quæ satis idonea causa est, cur de ipsâ separatim differere necesse sit.

EPILOGVS.

1. Considerandum est quibus in actionibus versetur Iustitia. est enim habitus, quo red-
duntur homines ad res iustas agendas accommodati, aguntque, ac volunt res iustas.
iniustitia vero habitus, quo efficiuntur idonei ad res iniustas, & que volunt &
agunt.
2. Ab eodem habitu iusta & iniusta non proficiuntur; neque enim habitus est contrario-
rum, quemadmodum scientia & potentia, seu facultates, quæ ad virumque contrario-
rum paratæ sunt.
3. Ex iustitia tamen ipsa cognoscitur iniustitia: cum per sepe contrarius habitus ex contra-
rio deprehendatur, ut cum ex bona corporis habitudine intelligitur mala.
4. Itaque, si iniustitia & vir iniustus pluribus dicatur modis, sequitur, ut etiam pluri-
bus iustus & iustitia dicatur. At iniustus dicitur & qui leges violat, & qui plus de
bonis, aut minus de malis accipit, quam oportet. Igitur etiam iustus est & qui legi-
bus obtemperat, & qui de bonis, malisve tantumdem sibi sumit, quantum oportet.
5. Iniustus tamen non ex omnibus omnino bonis plus æquo sibi sumit, & vult, sed ex bo-
nis ut nominatim, in quibus fortuna dominatur.
6. Iniustitia illa, quæ legum violatio est, omnem continet iniquitatem, cum in omnes pec-
ces virtutes communitatis perussiles, quæ bonis legibus comprehenduntur universæ.
adeoque iustitia ipsa legalis universa quædam æquitas, & virtus est. neque enim
quicquam sanatur bonis legibus, quod iustum, viriutque consentaneum non sit.
7. Igitur legalis iustitia præstantissima est, & perfectissima virtus: virtus enim omni-
bus omnino virtutibus ad communem aliorum utilitatem, & versatur in opere
difficillimo.

IN CAPVT PRIMVM

QVÆSTIO PRIMA.

*An Iustitia versetur in actionibus tantum humanis, non autem in
commotionibus animi.*

M VITIS iam locis in superio-
ribus horum Moralium libris
veluti pro comperto positum à
nobis est, aliis quidem virtuti-
bus materiam quam tractant, in
animi perturbationibus esse positam: iusti-
tiam verò in humanis tantum actionibus di-
rigendis & corrigendis occupari. Sed hoc lo-
co necesse habeo rem in dubium quæstionem-
que deducere, quia multas, quas antè nus-
quam proposui, extruendas esse mihi video
difficultates.

Igitur, ut brevissimè faciam, ij, qui D.
Thomam sequuntur auctorem, ad vnum om-
nes affirmant, Iusticiam, primariâ quidem
operâ, & per se versari tantum in actionibus
humanis, rectè ritèque aduersus alios diri-
gendis ac disponendis, non autem in mode-

randis commotionibus, & perturbationibus
animæ sentientis: in quibus, si demum ver-
satur, operâ secundariâ versatur, & ex conse-
quenti. Id autem verissimum est, atque his
ostenditur argumentis. Primum. Aristoteles
hoc initium libri quinti per continuationem
cum reliquis antecedentibus exorsus, diserte
monet, velle se de Iustitia disputare, atque
id nominatim querere: circa quas, qualisve
actiones hominis ipsa versatur. Nam quia
in superioribus libris de virtutibus illis
tantummodo dixerat, quæ non in actioni-
bus, sed in affectionibus, & perturbatio-
nibus animi positæ sunt, continuato ser-
mone pergit in hoc quinto ea de virtute
differere, quæ actiones humanas per se
tractat, & regit, nullas per se animi com-
motiones attingit. Igitur Aristotelis ip-

sus doctrina est, humanis actionibus totam Iustitiæ tractationem teneri & circumscribi. Secundum. Virtutes, quibus moderandæ, regendæque commotiones animi permittuntur, in appetitu sentiente sunt, ubi perturbationes illæ residunt, quibus ipsæ moderationem & leges imponunt, ut copiose demonstraui in lib. 1. ad cap. 13. quæst. 4. §. Dicendum nihilominus. Iustitia verò posita est in voluntate, non in appetitu; ut in eadem quæst. docuimus §. Dicendum quinto loco. Igitur Iustitiæ voluntatis actiones regit, non cupiditates aut iras appetitus. Tertium. Officium Iustitiæ proprium non est, id curare ac facere, ut plus nimio neque concupiscamus, neque irascamur, aut metuemus, sed ut unicuique præstemus, reddamûsque quod ipsi debemus. Aliarum est enim virtutum, affectiones illas in officio tenere ac moderari. ergo Iustitiæ relinquuntur actiones humanæ, quæ necesse habent dirigi, & recta ratione haud minùs, quàm perturbationes animæ sentientis informari. Hæc, inquam, aliæque huiusmodi sunt argumenta, quibus hi authores ostendere se putant, materiam, quam tractat, & in qua versatur ipsa Iustitia, humanas actiones esse; veluti pacta, conuentû, emptiones, venditiones, permutationes, vindicationes; non autem affectus, & motus animi, quos Fortitudo, temperantia, mansuetudo, cæteræque virtutes coercere, & continent, de quibus in libris antecedentibus est disputatum. Ac verò quidem id demonstrant, sed contrariis à Buridano propositis rationibus haud respondent, argutis opinor, nec incuriosè recensendis, & confutandis.

Prima est. Morales virtutes id intueri debent & agere, ut prius hominis perturbationes affectûsque moderentur, quàm regant eiusdem hominis actiones. debent enim primum id tollere, quod impedit virtutis opus, ut opus ipsum proferre possint ex habitu, hoc est, expedire, iucundè, constanter, & facilè. Sed operi Iustitiæ repugnant plurimæ perturbationes animi contumaces ac perduelles; qualis est amor quidam insanus, cupiditasque pecuniæ, quale odium est, aliæque huiusmodi affectiones, ut ipso comprobatur experimento. Ex altera enim parte vellet quidem animus ex præscripto iussûque rationis alienam pecuniam, vel non accipere, vel iam acceptam dominis reddere; sed tamen ex altera eandem pecuniam & cupit interuerrere ad se, & interuersam restituere nolle. Qui ergo fieri poterit, ut facilè, iucundè constanterque reddat, quod virtutis est opus, nisi prius exturbatum sit impedimentum, quod in ipsa positum est cupiditate? Ac nemo sanè dubitat, quin multi propter animi cupiditates, aliisque turbidas affectiones iniusti sint, cum id in ipsos oculos continenter incurrat. Quapropter in primo libro de Cælo ait Aristoteles; oportere eos, qui rectè iudicaturi sunt, non esse iniuriosos, ut enim ibi docet Commentator Auerroës, potissima causa diuersitatis in iudicando, odium & amicitia est. Quin idem Aristoteles in primo Rhet. docuit, in bene

temperata Republica plurima definita & constituta esse debere legibus, paucissima verò permittenda iudicibus esse. leges enim & legum conditores omni animi perturbatione soluti ac liberi de rebus futuris decreuerunt; Præfecti autem & Iudices de præsentibus statuant; in quibus diiudicandis amore vel odio, voluptate, vel tristitiâ facillimè duci possunt.

Secunda. Ars, & virtus semper in difficiliore versantur. In singulis enim rerum generibus ea, quæ facilia sunt, non desiderant habitum, certè non magnum: sed difficiliora maiorem postulant, & difficillima maximum. Iustitia verò virtus est, & virtutum præclarissima, ut dicitur in hoc cap. primo lib. 5. Sequitur aded, Iustitiam in re difficillima versari. idque confirmat ibidem Aristoteles, cum ait, multos quidem uti facilè posse virtute in suis rebus, qui tamen eadem difficillimè uti possint in alienis. nemo enim est, qui facilè non consulat rebus suis: omnes verò difficilè consulunt & prospiciunt alienis. At Iustitia id vnum agit, ut alienæ consulat utilitati. versatur aded in opere difficillimo. Quin idem Aristoteles eodem loco ait, pessimum esse qui erga se ipsum & erga alios utitur vitio, atque improbitate sua; optimum autem esse eum, qui non solum erga se, verum etiam aduersus alios suâ virtute utitur, & probitate; quia hoc opus difficillimum est. Sed non deberet opus Iustitiæ difficillimum dici, nisi primum, ac per se necesse haberet affectiones animi coercere, ac moderari, quemadmodum aliæ virtutes efficiunt. Nisi enim ex hac pugna Iustitiæ cum perturbationibus eius oriatur operis difficultas, dici non potest unde nascatur. Igitur Iustitia sicut cæteræ virtutes, primò ac per se, cum egestatis metu, cum amore pecuniæ, cum lucri cupiditate, cum tristitia & voluptate configit. Sapienter quippe M. Tullius in lib. primo Offic. Nemo enim, inquit, iustus esse potest, qui mortem, qui dolorem, qui exilium, qui egestatem timeat. Neque verò dici potest, eiusmodi difficultates, quas habet opus Iustitiæ, positas esse in proportionibus inveniendis geometricis, quæ distributionem reddunt idoneam, non in comprimendis affectibus animi. Hæc enim difficultas non per virtutem moralem immittitur, aut tollitur, sed per artem, atque prudentiam. per artem quidem: quia multi sunt mercatores, & quæstores, multi ratiocinatores aut rationarij, qui nullo instructi habitu iustitiæ, eiusmodi proportionès facilè deprehendunt, & distribuerent optimè, nisi aliqua perturbatione vel odij vel amoris impedirentur. per prudentiam verò: quia difficultas, quam in opere huius virtutis, offendimus, est duplex: vna quidem in præstituendo bono fine, qualis est æqualitas exempli gratia, quam inter nos aliòsque constituere volumus: altera in ratione, modòque inveniendi ad finem consequendum idoneo. In prima quidem amollienda difficultate moralis versatur virtus: in secunda verò prudentia. sed prior illa difficultas non aliis oritur ex causis, quàm ex pertur-

bationibus animi nos impellentibus ad plus accipiendum, & dandum minus, quàm æquum sit, ergo iustitia id agere per se primo debet, ut iis moderandis affectionibus illam difficultatem amoliat.

Tertia, Aristoteles suprà in lib. 2. cap. 3. cum de materia virtutum omnium ageret, vniuersè pronunciauit, omnem omninò moralem virtutem inter tristitias, delectationesque versari; idque rationibus oñto demonstrat: atque ad extremum claudit disputationem eò cum dicto: circa delectationes demùm atque tristitias omne virtutis politicæ negotium verti. Delectationes verò atque tristitiæ affectiones animi sunt, ergo etiam iustitia, quæ una moralium virtutum est, inter delectationes tristitiæque versabitur, hoc est, inter affectiones & perturbationes animi, quas regit, & temperat.

Quarta, Præcipuaratio, cur dicatur iustitia non in perturbationibus versari, sed in actionibus hominis, ea est, quòd iustitia sit in voluntate, non in appetitu sentientis animæ, ubi perturbationes ipsæ sedem, ac domicilium habent. Sed hæc ratio futilis est, & nulla. Non enim in voluntate ponenda est sola iustitia, sed etiam fortitudo, temperantia, liberalitas, & cæteræ virtutes, quas morales nominamus: cum non vni iustitiæ necessarius sit voluntatis actus, sed virtutibus vniuersis, sensus quippè non iudicat, ab hoc cibo potiùs abstinendum esse, quàm ab alio, neque hoc potiùs tempore, quàm alio vel aggrediendum hostem, vel mortem oppetendam esse, ac dura omnia perferenda: sed hæc appetitus intelligentis, hoc est, voluntatis opera sunt, quæ sensum ipsum quantumvis cæcum ac reluctantem impellit, inclinâtque ad ea peragenda, quæ nec videt nec per se amat, aut eligit. Itaque oportebit ceteras quoque virtutes, non solam iustitiam esse in voluntate.

Alia quædam præterea Buridani sunt in hoc genere argumenta, quæ quoniam ab eodem principio ducuntur, & voluntur eodem, prætermitti facillè possunt. Nos autem ne propositis deteriti rationibus loco cedere cogamur, hæc animaduertamus oportet.

Primo quidem, vel odio, vel amore, vel cupiditate lucri atque pecuniæ, vel inopiæ metu posse profectò iustitiæ ipsius opus & functionem impediri; nò tamen hæc impedimenta iustitiam ipsam per se tollere, sed per accersitam operâ, hoc est, aliarum præsidio virtutum, iuuant enim se mutuo singulæ, dum singulæ aliarum impedimenta funditus amoliuntur. Mansuetudo, exempli gratia, iram temperat, adeoque virtutes illas adiuvat, quarum functiones per iram impediri possunt. fortitudo timori moderatur, liberalitas amori, & cupiditati pecuniæ, aliis affectionibus aliæ. Itaque iustitiæ, cui repugnat ira, odium, timor, & amor quæstus atque habendi cupiditas, præstò sunt hæc virtutes, quas diximus adiutrices, & quasi præcursorias ad viam dominæ sternendam, & comparandam in hominis animo sedem. Non ergo necesse habet iustitia sibi ipsi per se molere, per se coquere, per se sternere, cum

tam multas habeat virtutes administras & ancillantes.

Animaduertendum secundo est: iustitiam tamen existimari, ac dici debere opere secundario animi perturbationes eatenus moderari, quatenus impedimento sunt, quominus ipsa propositum attingat, & finem illum intimum consequatur, cuius causa laborat, & agit omnia. Hic autem finis & propositum iustitiæ est, reddere cuique ius suum: à quo retardari potest amore vel odio, timore vel cupiditate, vel aliis demùm commotionibus animi turbidis probitati contrariis, inimicis, que iustitiæ. Itaque studio saltem secundario debet in iis versari & esse, in quibus primariò non laborat, nec versatur per se. Cum enim ego volo pecuniæ cupiditatem, aut timorem inopiæ, aliàsve perturbationes eo consilio moderari, ut nemini faciam iniuriam, & vnicuique ius tribuam, moderatio, quæ sequitur ex opere ac labore aliarum virtutum, adscribitur voluntati meæ, iustitiam diligenti, adeoque dici debeo ex amore erga iustitiam temperasse perturbationes illas opere secundario & ex consequenti. Quin omnis omninò virtus ob suum finem intimum ac supremum potest ac debet quasuis actiones externas aliarum virtutum, ad eum accommodatas, atque idoneas imperare, ut docet D. Thom. in 1. 2. quæst. 17. artic. 5. Moderatio autem perturbationum est idoneum accommodatùmque præsidium, ac sæpè etiam necessarium ad finem propositumque iustitiæ consequendum. Ergo iustitia potest ac debet eam animi temperiem, perturbationumque moderationem imperare. Eiusmodi verò moderatio quamquam actus opusque iustitiæ dicitur, actus tamen eius censeri debet, non primarius, atque immediatus, sed secundarius solùm, & ut diximus ex consequenti, quia ex amore iustitiæ, non ex eiusdem iustitiæ quasi manu, & molitione producit.

Itaque argumentis Buridani responsum est satis. Nihil enim conficiunt ampliùs, quàm iustitiam oportere saltem opere ac studio secundario, siue per imperium perturbationes animi temperare. Quamuis enim priùs oporteat obicem illum depellere, quem opponunt iustitiæ perturbationes animi, non tamen iustitiæ primarium opus est amolitiò perturbationum, sed æqualitas, quæ in animo consiliòque longè prior est, quàm ipsa perturbationum temperies & moderatio. Neque enim opus primarium dici debet quod priori tempore sit, sed quod ex consilio propositoque imperantis, ac volentis animi prius est, id autem est æqualitas, ad quam primariâ voluntate contendit, moderatio verò perturbationum quantumvis antecedens, si ad animum, & voluntatem imperantis referatur, posterius est, & secundarium opus.

Quod verò de voluntate contendit, in qua non iustitiam modò, sed omnes omninò virtutes collocandas putat, explanatum est à nobis vberimè in lib. 1. ad cap. 13. quæst. 4. ubi diximus, etiam alias virtutes esse in voluntate improprie, & esse participes voluntatis, quia

voluntatis imperata faciunt: sed iustitiam esse in voluntate formaliter & subiectiuè. Itaque ratio proposita vim habet, & valentissima est.

QVÆSTIO SECYNDÆ.

*Quia tradita Iustitia d. finitio probabilis
& idonea videatur?*

IPs o primi Capitis initio cum superioribus libris continuato, à definitione iustitiæ disputationem exordiens Aristoteles, ait, iustitiam esse habitum quo reddimus ad res iustas agendas idonei, & quo facimus & volumus iusta. Sed ea definitio neque perfecta videtur esse, neque probabilis, multis sanè de causis.

Prima est. Quia videtur habere quædam frustra posita, prorsusque supernacanea. Satis enim erat dicere, iustitiam esse habitum, quo ad res iustas peragenda accommodati reddimur, & idonei, nec erat addendum illud: & quo iusta facimus, & volumus iusta, cum id in priori parte comprehensum iam sit. nullus enim agit nisi ex illius vi, à quo redditur ad agendum idoneus.

Secunda. Quia non videtur aperte describi iustitia ex opere atque actione: sequitur enim ibi non esse iustitiam, ubi actus opulque iustitiæ non sit; quod est falsum, laudatur enim qui non accipit alienum, quamquam actum nihil agit & opere.

Tertia. Quia voluntas est animi quædam facultas; quâ volumus quicquid demùm optamus & volumus, sed iustitia est voluntas, ergo non est facultas, quâ volumus iusta.

Quarta. Quia non agendo, & volendo iusti sumus; sed agendo & volendo iustè. Multi enim agunt iusta, qui quoniam ea iustè non agunt, appellari iusti non possunt, ut infra demonstrabitur. Igitur oporteret potius dicere, iustitiam esse, quâ iustè agimus, & volumus iustè, quam quâ agimus & volumus iusta.

Quinta. Quia hæc definitio id quod notius est per aliquid ignotius, obscuriusque describit. Iustitia quippè notior est, quàm iustum; cum iustitia iustum appellatum ac denominatum sit, ut dicitur in leg. prima ff. de iustit. & iure.

Sexta demùm causa, cur Aristotelis definitio apta esse non videatur, ea est, quod illi dissimilis sit, quæ traditur ab Vlpiano in leg. illa iustitia ff. de iust. & iur. & à Iustiniano Instit. initio in hunc modum: Est constans & perpetua voluntas, ius suum unicuique tribuens. Definitiones enim quæ traduntur à lege, hoc est à sapientissimis & doctissimis viris, perfectissimæ ac numeris omnibus absolutissimæ sunt. Huic, inquam, Iurisprudencium definitioni dissimilis est: quia nullam ponit constantiam voluntatis, nullum genus, aut communitatem, qualem illa verba significant, ius suum cuique tribuens. id quod omnino Iusti-

tia postulat. Neque enim est ille iustus, qui erga vnum, vel alterum, sed qui erga omnes iusta peragit, & iusta vult. Præterea iustitiam ex iusto describit, Iurisconsulti autem eandem iustitiam describunt ex iure, quæ non sunt eadem, sed discrepant inter se. Denique iustitiæ definitio pertinere debet ad omne iuris præceptum, quod Aristotelis definitio non præstat; cum iuris præcepta ex Vlpiano ibidem tria sint, honestè viuere, alterum non ledere suum cuique tribuere: quæ præcepta omnia Aristotelis definitio non complectitur, cum secundum divisionis membrum hoc est, neminem ledere non comprehendat: sed complectitur illud eadem definitio Iurisconsulti. Ut hæc argumenta soluantur, & de quæstione proposita statuat.

Videndum principio diligenter est, quid iustum sit, quove nomine distinguatur à iure. Ut enim interdum idem sit iustum, ac ius, sapientissime tamen differt, quia ius longè aliis quoque subiectum notionibus est cum non modò legem siue publicam ciuitatis, siue iudicis priuatam, quâ ius continetur, verum etiam artem ipsam & peritiam legum plerumque ius appellare non dubitemus. In hanc enim sententiam iuris nomen usurpat Celsus Iurisconsultus, cum ex Vlpiani testimonio in leg. i. ff. de iustit. & iure, artem boni, & æqui ius definiat; quam loquendi formam etiam apud Isidorum reperias in lib. i. etymol. cap. i. Atque idem est huius vsus vocabuli, cum dicimus, hoc aut illud esse iure naturali vel ciuili constitutum. significauimus enim, id lege vel naturali vel ciuili statutum sic esse. Ab hac notione iuris aliæ quædam per similes emanant; ut cum Iudex quantumuis iniquus, & quantumuis iniustus sententiam ferat, ius reddere, aut iuri dicendo præ esse dicitur, ex Paulo Iurisconsulto, in l. penult. ff. de iustit. & iure. aut cum is, qui legitimam obtinet potestatem alicuius rei faciendæ, vel alicuius officij ac functionis obeundæ, dicitur eius rei ius habere, & suo vel iure, ubi rem agit, cuius agendæ potestatem legitimam habet & facultatem. Quin idem Paulus ibidem affirmat, iuris nomen adhiberi etiam interdum ad significandum locum, in quo ius dicitur. Hinc enim ea fluxit antiquorum formula, quâ dicebant, eum se vocare in ius quem ad Tribunal, siue ad Prætorium pertrahabant. Non probat id Dominicus Soto, ratus, vocare in ius non tam esse vocare ad iudicij locum, quàm ad iudicem qui ius dicit. sed probat hoc Diuus Thomas 2. 2. quæst. 57. artic. primo. minimè ausus ab antiqui Iurisconsulti sententia, atque interpretatione discedere. Hæc, inquam, aliæque huiusmodi iuris notiones nihil ad iustum pertinent, sed aliæ tamen sunt quæ prorsus cum iusto consentiunt. Iustum quippè duplici ratione sumitur ab Arist. in hoc primo cap. lib. 5. vna quidem, cum iustum significat quicquid legitimum, hoc est, quicquid respondens & consentaneum legibus est: adeoque quodlibet virtutis opus legi consentiens est, appellari potest in hanc sententiam iustum, cum in omni vir-

eius materia statuunt aliquid sapienter & recte conditæ leges, ut supra diximus. altera verò, cum iustum non facimus ita latè patens & amplum, sed cogimus, & contrahimus ad significandum id, quod est æquale atque alteri debitum. Hæc enim tria debet habere iustum coactiùs & restrictiùs acceptum, ut sit æquale, ut sit debitum, ut referatur ad alterum. dicimur quippè iustum alteri reddere cum æquale reddimus ac debitum. Igitur hoc utrumque iustum rectè ac propriè ius etiam nominatur: quia iuris nomen æquiuocum est, & multas quidem notiones habet, sed earum præcipua, princeps & primaria est, quæ iustum utrumque significat. ex hac enim ducuntur ceteræ minùs propriæ, de quibus est dictum.

Ponendum secundo loco est, ex variis hæc notionibus iuris variam quoque nasci eiusdem iuris diuisionem. Si enim ius pro iusto, atque alteri debito accipitur, diuiditur in iustum per æqualitatem rerum, & in iustum per æqualitatem proportionum. si pro lege: diuiditur in ius naturale, ac positium. positium autem in humanum, ac diuinum. diuinum in vetus ac nouum, humanum in ius gentium & civile. Si pro legitima potestate aliquid agendi, inhibendi, repositendi, diuiditur primum ex diuisione principiorum, hoc est legum, ex quibus oritur, diciturque aliud esse naturale, quia naturæ permissum est lege, aliud positium, quia est lege vel diuina vel humana concessum. Et quia legum humanarum alie publicæ sunt, alie priuatae, alie gentium, alie civiles, ex his etiam generibus oriuntur alie iuris diuisiones.

Ponendum tertio. Propositum siue finem, siue obiectum iustitiæ dici quidem & esse ius, non tamen cuiuslibet notioni subiectum. Cum enim ius legem significat, siue notitiam legum, siue aliquid aliud eorum, quibus impropriè iuris nomen imponitur, ius, non est iustitiæ propositum, aut finis aut obiectum. lex enim est iustitiæ regula, & iusti dimensio. nulla verò norma & regula potest esse propositum, & obiectum, aut finis eius rei, cuius est regula, sed est id, quo qui vititur, propositum finemque consequitur, & obiectum attingit. At singulae virtutes in functionibus suis diriguntur debent ex præcepto legum. Nam si legibus consentaneæ non sint, nec erunt perfectæ, nec omnino laudabiles. Igitur etiam iustitia dirigitur, & normam habet à legibus. Cum autem sumitur ius pro legitima potestate, quamquam verè, proprièque non est iustitiæ propositum & obiectum, est tamen aliquid unde pendet obiectum. Cum enim obiectum iustitiæ sit id, quod est iustum, alteri debitum & æquale, ut dicemus, debet à iure, hoc est, à legitima potestate pendere, quæ facit, ut id quod redditur alteri, meritò illi debeatur ac iure. quippè, quod debetur alteri, eius profectò iuri & legitimæ potestati debetur. Nam legitima potestas est ius ad rem aliquam obtinendam, functionemve, vel quasi functionem obeundam, cuius violatio facit ac parit iniuriam. Est igitur illud tantummodo

ius obiectum iustitiæ, quod idem est ac iustum, ut explicauimus supra. Illud enim commune ac latè patens iustum ex virtutibus compositum omnibus, & communitati debitum, quod quia consentaneum legibus est, legale dicitur, iustitiæ communis obiectum est: quod autem est peculiare ac singularibus debetur hominibus per æqualitatem, est obiectum iustitiæ peculiaris.

Ponendum est quarto: iustum ex iure ac lege nasci ipsam verò legem ac ius nihil aliud esse, quàm Principis ac domini præceptum, iis conditum ac denunciatum hominibus, quos habet in dominatu. Princeps autem ac dominus qui præcipit, & legem condit, aut est Deus author iuris diuini, aut natura, iuris parens naturalis, aut homo iuris humani conditor, sed præditus supra ceteros potestate. Neque enim par in parè ius vllum, aut præceptum ac legem instituere potest. Est adeò iustum quod eiusmodi præcepto iurique commensum & consentaneum est: & iustum duplex ex hac dominorum præceptione nascitur, duplexque iustitia. alia quidem ad dominum pertinens, ad eos altera, qui sub domini iure ac potestate sunt. Iustitia domini quædam est virtus quæ dominus optimè comparatus est ad ea præcipienda, quæ suis prodesse plurimum, ac minimè possunt obesse eorum verò iustitia, qui dominis parent virtus est, cuius vi ad obtemperandum impelluntur, & obseruanda diligenter ea, quæ præcipiuntur à dominis. Consequens autem hinc est, domini iustitiam naturaliter antecedere ius ac iustum eiusdem domini, cuius nimirum est causa: cum ipsa iustitia faciat, ut suis dominas iusta præcipiat, illorum verò iustitiam, qui sunt in potestate dominorum iusto ac iure posteriorem esse; cum iustitia eos ad parendum præceptis impellat ideo, quòd iusta sint. Itaque iustum prius videtur esse, quàm iustitia sit. Quibus ita positis,

Dicendum est, iustitiam ab Aristotele congruenter ac rectè fuisse descriptam. Tunc enim alienius virtutis probabilis & recta descriptio siue definitio est, cum ducitur ex proprio genere, & ex obiecto, vel actu proprio: quia per hæc omnis omnino moralis habitus, virtutis palam sit, ac propè videndam se prodat; cum propria differentia cuiusque virtutis, aut facultatis ex actu proprio, proprioque cognoscatur obiecto. Itaque definitio cuiusque virtutis per genus, ac per obiectum proprium actumve tradita, tamquam per genus ac differentiam tradi videtur. At eiusmodi prorsus iustitiæ definitio est ab Aristotele proposita. dicitur enim esse habitus, qui hoc loco pro genere est, non quidem propinquo, sed remoto, quod satis est in rerum definitione moralium, quæ, ut ait Aristoteles, exquisitam doctrinæ subtilitatem non amant. dicitur præterea habitus esse, cuius vi ad res iustas agendas idonei reddimur, agimurque ac volumus iusta: quibus verbis obiectum actumque pro differentia ponitur. Quare nihil hæc definitio desiderat eorum, quæ perfecta rerum moralium definitio postulat.

Restant argumenta proposita, quæ facillè refelluntur ex dictis. Nam primò quidem, superuacanea non debent in definitione censeri ea, quæ ponuntur ad differentiam magis ac perfectiùs declarandam, cuiusmodi est actus, opusque habitus in alicuius definitione virtutis, quæ planè perfectèque cognosci non potest, nisi per actum. Itaque additus est actus ad explendam numeris suis differentie cognitionem, quemadmodum adiecta quoque voluntas est. Nam quia sæpè iusta agimus, sed non iustè, cùm voluntariè non agamus, non fuit hæc differentie plenior explicatio prætermittenda; & quia iustitia voluntatem habet pro subiecto, quod plurimæ virtutes haud habent, ne id quidem erat omninò reticendum, sed rectè saltem ac latenter indicandum. Non ergo sunt appellanda superuacanea, quæ definitionem & perfectiorem reddunt, & clariorem.

Secundum argumentum est captiosum, perinde ac si Aristoteles, cùm iustitiam vult habitum esse, quo agimus iusta, contendat, hominem iustitiâ præditum oportere semper agere, ac nunquam interquiescere, vel cessatorem esse. est enim illa hypothetica quædam enunciatio, significans, virum iustum res iustas agere, cùm oportet, & decet agere, non semper autem oportet.

Tertium similes præstigias habet. Non enim cùm per iustitiam res iustas volumus, absque voluntate volumus, sed volumus per vtramque; per voluntatem quidem tamquam per potentiam & facultatem, quæ in eiusmodi actum dominatum, atque imperium obtinet; per iustitiâ verò, tanquam per habitum, ipsam definientem potentiam, inclinantiemque ad hunc potiùs, quàm ad alium actum producendum. Itaque dici potest iustitia iusta voluntas, & voluntas ipsa iusta, esse iustitia. est enim necesse in opere iustitiæ vtrumque coniungere, iustitiæ habitum, & voluntatem.

Quartum in iisdem captionibus est. Nam qui per habitum res iustas agit & vult, iustè agit, & vult. Itaque non oportuit dicere iustè; cùm ante præpositus fuisset habitus. possumus quidem iusta agere non iustè, cùm ex habitu non agimus: sed si habitus accedat, quas res agimus iustas, eas iustè quoque nos agere necesse est.

Quintum haud mediocrem habet difficultatem. Quamquam enim Sotus contendit, iustitiam esse dictam à iure, hoc est, à iusto, ea ductus ratione, quòd habitus nomen trahat ab obiecto, non obiectum ab habitu, tamen id verum plerumque non est, cùm ab aspectu, & visu dicatur obiectum aspectabile. Itaque rectè Iurisconsultus decernit, à iustitia demum appellari, denominarique iustum obiectum; ac propterea nisi aliam ineamus rationem, fateri necesse est, iustitiam esse iusto priorem, ac propterea natura ipsa notio-rem, quàm iustum, vnde ducta iustitiæ definitio est. Ineamus igitur aliam viam, dicamùsque iustum non semper à iustitia nominari, nec iustitia semper esse posterius. Vt enim sæpè

sic intelligatur, quasi nomen sortitum à iustitia sit, vnde natum est, interdum tamen sumitur, intelligiturque denominatum à iure, quatenus leges & Principis, dominive præcepta significat. hoc enim modo sumptum & usurpatum, est iustitia priùs; cùm priores leges & præcepta sint, quàm ipsa iustitia, quæ iustitiæ nomen obtinet idèò, quòd præceptis illis & legibus consensanea sit. Itaque si hac ratione iustum in definitione intelligatur neque posterius, neque ignotius est, quàm ipsa iustitia, sed prius & notius.

Reliqua sunt ea, quibus contèditur, Aristotelis hanc definitionem ab illa peruulgata dissentire, quam nobis exposuere sapientissimi Iurisconsulti. Dissentaneam verò illi non esse demonstrare conatur D. Thom. 1. 2. quæst. 58. artic. 1. & solis verbis ab ea differre arbitrat: cùm re ipsa & verè nihil aliud sit, iustitiam esse habitum quo apti reddimur ad res agendas, & quo iustas res agimus ac volumus, nisi, iustitiam esse constantem & perpetuam voluntatem, suam unicuique iustitiam tribuentem. Nam hic voluntatis nomine non potentiam, sed actum intelligi vult D. Thomas, vt in illa Aristotelica, & actum ipsum loco habitus esse positum, sicut in definitione fidei, cùm dicitur apud D. Augustinum tract. 79. in Ioan. esse, credere quod non vides. actus enim credendi locum occupat habitus, quo ad credendum id quod non cernimus inclinamur. Itaque sententiam eius definitionis hanc esse putat. Iustitia constans est, & perpetua voluntas, hoc est, habitus, quo inducimur & inclinamur cum constantia, & firmitate ad ius suum unicuique volendum, & tribuendum. Quamquam enim ius suum cuique tribuere iudicis, & Magistratùs videtur munus, qui pronuntiando quid cuique debeat exponat, ad vnumquemque tamen pertinet ius suum unicuique tribuere iustitiæ præceptionibus & operibus exequendis. Itaque Iurisconsultorum definitio non est ex D. Thomæ sententia peculiaris & eius propria iustitiæ, quæ in tertio iuris præcepto versatur, quod est ius suum unicuique tribuere, sed generalis, nec minùs communis, quàm quæ proponitur ab Aristotele. Buridanus tamen Iurisconsultorum definitionem putat esse Iustitiæ peculiaris, adeoque nihil mirum esse, si cum Aristotelica, quæ communis & generalis est, minùs consentire videatur. Sed quod docet D. Thomas verosimilius est. oportuit enim etiam ipsos definitionem aliquam iustitiæ communem initio tradere. Itaque definitiones hæc geminæ sunt, & admirabili modo consentiunt. ponit enim in sua etiam Aristoteles constantiam voluntatis, cùm ponit habitum, cuius est proprium, firmiter, æquabiliter, & constanter agere: ponit communiter, cùm vniuersè ait, iustitiam esse habitum, quo res iustas agimus. qui enim propensus ac pronus est ad res iustas agendas, erga omnes est iustus, adeoque ius suum unicuique impartitur, & tribuit. Denique cùm iustitiæ descriptionem ex iusto petit, ex iure petit, sicut Iurisconsulti. ius enim & iustum idem esse pos-

sunt, vt suprâ docuimus.

Quod verò de illo triplici iuris præcepto dicitur, nihil habet momenti; cùm is, qui res iustas agit, quemquam lædere non possit. ac propterea non fuit hoc in definitione ponendum.

QVÆSTIO TERTIA.

An idem habitus possit esse contrariorum?

DO C V T hîc Aristoteles, iustitiam quidem ex iniustitia posse cognosci, non tamen vtriusque habitum eundem esse; cùm non possit idem habitus contrariorum sic esse, quemadmodum scientiæ sunt & facultates. Sed falsò videtur id dici, quemadmodum demonstratur his argumentis.

Primum. Multæ sunt virtutes quarum officia functionesque contrariæ sint. Nam liberalitatis est, non tantùm dare ac sumptus facere, sed etiam accipere, seruare, ac retinere, quod contrarium est. Temperantia in tristitia & voluptate versatur. fortitudo non solum aggreditur, sed etiam expectat, & interdum etiam fugit, quæ item contraria sunt. ergo idem moralis habitus potest complecti & exercere contraria. idque confirmatur ex eo, quòd cuius est agere sicut oportet, eiusdem est diuersè, & contrario modo etiam agere. interdum enim remissè faciendum est & lentè, interdum celeriter & vehementer.

Secundum. Concedit Aristoteles hîc, & in lib. 9. Metaphy. scientiam in contrariis atque pugnantibus posse versari. id verò non propterea dat, quòd eodem tempore possint simul esse contraria, quæ vnâ scientiâ complectatur, sed quod alterum contrariorum nunc in scientiam cadat, alio tempore in eandem scientiam conueniat alterum. Sed eadem planè ratione virtus quoque contrariorum habitus esse potest, cùm hoc tempore det, aut aggrediatur, alio verò accipiat, & fugiat.

Tertium. Habitus intelligentiæ sunt contrariorum, vt docetur in eodem lib. Metaphy. 9. ergo etiam morales habitus rerum contrariarum sunt. Quia quemadmodum habitus moralis ita definit, & terminat appetitum, vt vnum tantùm expectat, sic habitus intelligens ita definit intelligentiam, vt in contrariorum altero conquiescat. Hæc enim ab Aristotele profertur ratio, cur & scientia & potentia possint esse contrariorum: quòd ab altero contrariorum definitur, terminaturque non sint; cùm eadem facultas & album cernat & nigrum, eademque scientia salubria tractet & insalubria. Cùm igitur hæc ratio non respondeat veritati, ne illa quidem respondebit, quæ morales habitus vult esse definitos.

Obseruatè notandum hîc est, Aristotelem non loqui de quolibet habitu, cùm pronunciat, eundem habitum rerum contrariarum esse non posse, sed nominatim de naturali, ac de morali, vterius exempla declarant. naturalis exemplum petit ab habitu corporis ido-

neo, ex quo valetudo & sanitas existit. Quicquid enim ab hoc habitu proficiscitur, valens & sanum est, quia ad valetudinem & sanitatem semper, omninoque pertinet, ad agrotationem atque incommodam valetudinem nunquam: ita prorsus, vt etiam ingressus eius, qui eiusmodi corporis habitudine præditus est, vel indicet valetudinem, vel tucatur & seruet. exemplum moralis à virtute duxit, quam cum potentiis, scientiisque comparauit, affirmans illam non esse contrariorum, has autem esse. Ratio verò cur Virtus definitum habeat habitum, comparatumque ad alterum tantùm contrariorum, ea est, quòd Virtutis habitus naturam imitatur, vt docet disertè M. Tullius in lib. 2. de Inuentione. Nam virtus, inquit, est habitus animi naturæ modo consentaneus. Virtus quippe ex vsu & consuetudine paratur. consuetudo autem est altera natura; & quod consuetum est velut innatum est, vt ait idem Aristot. in lib. 1. Rhet. Naturales verò habitus non sunt contrariorum, sed tantùm vnius, vt dicitur in libro 9. Metaphy. Itaque non de habitu communi loquitur hîc Aristoteles, sed nominatim de morali, cuius causa disputationem instituit. ac propterea de moralibus habitibus nominatim perquirenda & constituenda sunt tria, quibus intellectis, & probè cognitis, argumenta proposita dilabuntur.

Primum. An habitus moralis possit aliquo modo dici esse contrariorum, & qua ratione esse dicatur vnius. Secundum. Quid in eo videatur habere conuenientiæ, vel discriminis si cum habitu intelligentiæ conferatur. Tertium. Quæ illi cum potentiis similitudo, vel dissimilitudo sit. Quod ad primum attinet, quoniam habitus moralis, & virtutis, & vitij est, de virtute quidem

Dicendum sic puto. perturbationes hominis, actionesque intelligi & considerari posse duplici ratione ac modo; vno quidem secundum substantiam, altero autem, quatenus recte rationi, vel audientes, obedientisque, vel contrà, minus obtemperantes & audientes sunt. Si secundum substantiam accipiantur, virtus ad neutram potius contrariorum affectionum propendet & inclinatur, nec remissiorem potius eiusdem perturbationis gradum, quàm vehementiorem postulat. Neque enim fortitudo propendet potius in substantiam audaciæ, quàm timoris, cùm interdum necesse sit aggredi, interdum opperiri periculum, aut etiam fugere. nec leuiorem potius iram efflagitat, quàm grauiorem, cùm interdum eam reprimere necesse habeat, interdum acuire & ad furorem vsque concitare, nisi laudet imprudenter Homerum Aristoteles, quòd fortitudinem Hectoris exardescantis in pugna, furorem è naribus erumpentem appellauit. Sin autem eatenus accipiantur, intelligentiæque commotiones animi, quatenus excipiunt, aut excipere debent recte rationis imperium, virtus ad alteram contrariorum restrictè, definitè, nominatimque inclinatur & prona est. Non enim tunc fortitudo ad audaciæ æquè ac timorem, ad hunc,

aut illum iræ gradum parata est, sed ad certam perturbationem, certumve gradum iræ propendet, quem illi præscribit, & statuit ratio. Itaque virtus priori quidem circumscripta ratione, potest dici esse contrariorum, sed intellecta, & comprehensa secundo modo, vnius tantummodo esse contrarij existimanda & dicenda est. De vitiis autem longè aliter est pronunciandum. Semper enim ad certam quandam perturbationem, affectumque propendent etiam secundum substantiam. prodigētia quippè numquam est ad accipiendum parata, sed semper ad dandum. audacia numquam est ad fugam, sed ad aggressionem semper & temeritatem prona. Nihil ergo argumentis illis conficitur, quibus contende-
batur, virtutem in contrariis affectionibus, vel in vnius contrariis gradibus partibusque versari. quia non de contrariis secundum substantiam locutus est Aristoteles, sed de contrariis recte rationi subiectis.

Dico secundo: habitus intelligentiæ duplices esse. alios in cognitione consistentes & contemplantes, qualis est scientia & sapientia, alios in opere positos, & aduofos: cuiusmodi est ars, & prudentia. Contemplantes finem constitutum habent in sciendo, & cognoscendo. actiuos, cognitionem prætergrediuntur, & opus præterea volunt. In sciendo autem & cognoscendo duo sunt: comprehensio propositionum, & earum veritati assensus, vel dissensus à falso. Si propositionum siue obiectorum comprehensionem attendamus, tam contemplantes, quam actiuos habitus sunt contrariorum, cum alterum contrarium ex altero cognoscatur. priuatio quippè comprehenditur ex habitu, adeoque rectè dicitur eadem esse disciplina contrariorum. Sin autem assensum illum aut dissensum attendamus, philolophandum de iis peræque ac de moralibus virtutibus est. Sicut enim moralis virtus definitur ac certò indicat animum ad prosequendum id, quod oportet, fugiendumque contrarium, ita virtus intelligens inclinat ad assentiendum vero, ac dissentiendum à falso. Quod si velimus nominatim considerare de habitibus illis intelligentiæ actiuosis, & ad opus ex cognitione progredientibus, habemus necesse dicere, artem vtriusque contrarij capacem esse. Medicus enim eodem artis habitu, & pessumdat & seruat, structor, aut architectus commodam, opportunamque salubribus auriis ædificat domum, & idem facit pestilentibus etiam obnoxiam atque incommodam. Prudentia verò non ita se habet. sed definita est, & altero contrario terminatur: quia ipsa cum virtutibus moralibus necessarium nexum & coniunctionem, obtinet, vt docetur in lib. 6. Virtutibus autem bene ac malè uti non possumus, sed semper utimur bene, vt ait Aristot. in primo lib. Rhetgorum. Restant potentia, ac facultates: de quibus

Dico tertio loco: potentias, & facultates cognoscentes, cuiusmodi sunt intelligentia, sensus, voluntas, appetitus, esse contrarium in comprehendendo. virtus enim albi, nigri-

que, lucis ac tenebrarum est visus. Quin intelligentia potest oppositorum esse, etiam assentiendo; cum fieri possit, vt alteri parti per scientiam, alteri per errorem assentiatur; ipsis exceptis principiis primis, ad quorum cognitionem nullus patet errori locus. De potentiis autem & facultatibus appetentibus nihil est cur dubitemus, an possint esse contrariorum. Eadem enim potentia & admittit, & refellit, prosequitur & fugit, odio habet & amat.

Quibus ita disputatis, conclusisque, quoniam ratio suppetit refellendis singulis argumentis idonea, & plana, quæstioni modum imponimus.

QVÆSTIO QVARTA.

Quenam, & qualis ea Iustitia sit, qua ab Aristotele generalis, & legalis appellatur?

NON quærimus verum sit, quia eiusmodi Iustitiam esse & summi doctoris authoritas docet, & suadet ratio. Omnis enim Reipublicæ pars duplici modo comparari potest ad alteram partem. primo quidem velut pars ad partem, siue ciuis ad ciuem: ex qua comparatione Iustitia peculiaris, non generalis & legalis exitit. Iustitia quippe singularis, & peculiaris est, quæ hominem homini debentem excolit ac perficit, vt officium alteri præstet, reddatque quod debet. Secundo verò modo pars Reipublicæ comparatur ad alteram tamquam ad totum Reipublicæ corpus. qua sanè ratione generalis hæc Iustitia constituitur, quæ hominem præparat, perficit, & reddit idoneum ad Reipublicæ totius utilitatem & commodam. Et quoniam ea perfectio tribuitur homini beneficio legum & vi, quæ omnia virtutum genera complectuntur ad eam perfectionem homini tribuendam accommodata, eiusmodi Iustitia dicitur legalis, hoc est, ex omnium legum obseruantia, cultuque constata. Pertinet enim ad Legislatores, & Rerum-publicarum administratos, non eas modò sanctiones ac leges instituere, quæ Iustitiæ principalis, seu cardinalis præcepta contineant, verum etiam quæ ad fortitudinem, temperantiam, ceterasque virtutes comparandas accommodatæ sint: cum eorum sit munus, vt in hoc cap. decernit Aristoteles, tales & legibus & administratione sua ciues efficere, quales bonum commune & Reipublicæ decus efflagitat. Sed, vt ciues euadant tales, & sint, non est satis, si iustitiam ipsam non violent, sed necesse est eosdem fortitudinis imperata facere, ordinibus in acie seruandis, nec loco deserendo per metum; temperantiæ, adulteriis euitandis ac stupris, modestiæ, cultu corporis & vestibus adhibendis honestis, ac moderatis, ne molliores fiant, & facultates inuilitur & per luxum impendant; aliarum denique virtutum singularum officiis & partibus exequendis. Sapienter itaque Vlpian. vt supra diximus, ea Iuris præcepta

pta commemoratur, honestè viuere, quod ex omnium virtutum complexione conficitur; alterum non lædere, & ius unicuique tribuere, quod iustitiæ peculiaris tractatione consequimur. Quin etiam rectè idem Vlpian. in l. ff. de Iust. & iure, & Iustinian. in Instit. eod. tit. §. Huius, Iuris studij duas esse positiones, hoc est, partes, affirmat: ius publicum, quod ad statum communem Reipublicæ spectat, & privatum, quod ad singulorum pertinet utilitatem. Atque hinc, intelligi potest, cur in sacrarum literarum monumentis comprehensio virtutum omnium, vniuersa vitæ probitas & sanctitas, ipsa demum humani diuinique Iuris obseruantia passim Iustitia nominetur. Attendite ne iustitiam vestram faciatis coram hominibus, Matth. 6. & Beati qui esuriunt & sitiunt Iustitiam, & Nisi abundauerit Iustitia vestra, &c. Quin Ioannes Apost. in epist. priore cap. 3. huic Iustitiæ generali, quæ in omnium complexu virtutum, & in legum diuinarum obseruantia perfecta consistit, opponit Iniustitiam item generalem, quæ legum violatione continetur. καὶ ὁ πῶς ὁ τῷ ἀμαρτῆς, & τῷ ἀσεβῆς ποίῳ. Omnis qui peccatum facit, legum violationem, hoc est, iniquitatem, siue iniustitiam facit.

Ratio verò huiusce nominis singulis virtutibus imposita videtur esse, quod omnis virtutis actio, quatenus per eam is, qui virtutem exercet, recte rationi se adæquat & legibus, appellari Iustitia potest. Nemo itaque dubitarit, verum Iustitia generalis constitui debeat aliqua, sed quique iure quæsierit, quid hæc Iustitia sit, quod eius officium: quâ ratione distinguatur ab aliis.

Minimè spernendæ rationes sunt, quæ demonstrare videntur haud esse distinctam ab aliis, sed cum singulis communicatam. Prima. Disertè pronunciat Aristoteles in hoc cap. primo, legalem iustitiam non esse virtutis partem, sed totam virtutem, eique contrariam iniustitiam non esse partem vitiositatis, sed totum vitium. ergo re ipsa legalis iustitia nihil aliud est, quàm ceteræ virtutes, siue omnium congregatio, complexioque virtutum. congregatio verò atque complexio à partibus, ex quibus existit & fit, separari ac seungi non potest. Secunda. Virtutes, quæ diuersæ, differentiæque sunt, diuersis distinguuntur obiectis. Virtutum enim & potentialium distinctio ab obiectis petitur & ab actibus. Sed legalis iustitiæ nullum aliud obiectum est, neque aliud opus, quàm quod reliquarum omnium virtutum est. Opera quippe iustitiæ legalis ea sunt, quæ præcipit lex. hæc autem singularum imperat officia virtutum. Ait enim hic Aristoteles, legem imperare fortitudini, ne deleat aciem, temperantiæ, ne sinat hominum cœtus adulterio pollui; mansuetudini, vt iram teneat, & arceat à ciuitate conuiuium, aliis virtutibus, vt vna quæque partes expleat & numeros suos. Igitur iustitiæ legalis obiectum & opus, ab aliarum virtutum obiecto & opere non discrepat, adeoque ipsamet ab aliarum virtutum vi & natura non differt.

Alia contra sunt rationes, quæ vincere videntur, legalem iustitiam suam obtinere speciem, ordinemque distinctum à ceteris, neque cum iis aliud habere commune, quam genus. Prima. Si iustitia legalis non distinguitur à virtutibus vnâ connexis, non posset iure dici virtus vna, sed virtutes. Philosophorum quippe verissimum est essatum, ex pluribus in actu non posse fieri vnum per se. Igitur iustitia legalis non est eadem, ac ceteræ virtutes, vel complexus congregatioque virtutum. Secunda. Si iustitia legalis non differt à ceteris, in virtutum partitione non potest adnumerari cum ceteris. Id verò aduersus Aristotelem pugnat, qui confirmat in hoc primo cap. iustitiam hanc virtutum omnium præclarissimam esse, & cum ceteris collatam virtutibus splendore luminis antecellere omnibus, quemadmodum Heïperus & Lucifer sideribus omnibus antecellit. Tertia. Si iustitia non esset ab aliis distincta virtutibus, non posset verè dici, hanc solam virtutem esse alienum bonum, & totam, quanta quanta est, ad alterum, hoc est, ad alienum referri utilitatem. Neque enim ex omnium numero virtutum composita complexio id habet, vt bonum alienum, & tota communis iuris ac Reipublicæ sit.

Propter has, aliâque ex hoc genere rationes & argumenta geminas in partes huius doctrinæ distrahuntur authores. Nam D. Thomas in 1. 2. quæst. 58. artic. 5. 6. 7. & affectæ putarunt, legalem Iusticiam virtutem esse certam ac propriam, distinctam prorsus & seunctam à ceteris. Alij verò contendunt à ceteris non distingui virtutibus, nec aliud esse quàm virtutum omnium congregationem ac nexum.

Ceterum id conuenit inter omnes, oportere virtutem aliquam esse, quæ perficiat hominem in eam gratiam, vt ad bonum commune procurandum, seruandūque reddatur idoneus. Sicut enim ad ipsum perficiendum hominem in se, reddendūque sibi consentientem & vtilem sibi, aliquos esse volumus habitus, priuatam impertientes homini perfectionem; ita ad eundem perficiendum in Reipublicæ gratiam, cui debet omnia, quoniam politicum animal est, aliqua constituenda est virtus, quæ hominem præparet, ornétque habitu ad boni communis procurationem & publicam vtilitatem accommodato. Est enim, vt supra diximus, Reipublicæ pars. Pars autem, totius esse debet pars, & bonum totius velle ac procurare. Deinde virtutum habitus ideoque requirimus, quòd necesse habeamus iis instrui, ad ea bene, iucundè, faciliè, constanter agenda, quæ difficilia sunt. sed difficillimum est bene se comparare ab bonum alienum faciliè, iucundè, constantèque quærendum & procurandum. maximè quippe in nostram ipsorum vtilitatem curandam propendemus, in alienam minimè, vt docet Aristoteles in lib. secundo Politicorum his penè verbis: Quod commune plurimorum est, minimè curam sortitur. de propriis enim omnes laborant

Soc. de Just.
lib. 3 qu. 2.
art. 3. aliqz
apud eund.

Andr. Vega
I. g. in Cons.
Ind. cap. 41

maximè : de communibus autem minùs quàm quantum ad vnumquemque pertineat. Igitur ad tollendas eiusmodi difficultates aliquis necessarius. Virtutis habitus est, qui homini naturaliter aliò propendenti facilitatem, iucunditatem, & constantiam imperiatur. Præterea. Idem Arist. infra, aliqua esse confirmat, quæ per se, & ex sui principio non postulant ita, vel aliter fieri; qualia sunt longè plurima antequam legis conditæ sanctione definiantur. neutrum enim contrariorum tunc malum est, & vitiosum, cùm neutram partem præceperit aut vetuerit lex. sed posita iam lege, alterutram partem vetando, vel iubendo definiente, plurimum interest, hoc an illo modo fiant. peccat enim qui non efficit quod lege præcipitur, vel qui facit quod lege prohibetur. In his igitur quæ per se definita non sunt, lege autem sunt definita, nulla præcipua, & peculiaris virtus moderatur ac dirigit nos. habet enim vnaquæque materiam suam, in qua medium ex rectæ rationis ductu & regula peruestigat, quemadmodum eiusmodi materię conditio postulat: adeoque virtute aliqua opus est, quæ nos inducat & dirigat in his, ad agendum ex lege. Hæc autem virtus & communis esse debet, & sua ipsius inductione facere, vt nostrum opus ad bonum commune referatur. Est enim huius communis virtutis munus, vt supra diximus, singularum virtutum opera ad Reipublicæ incolumitatem & commodum adhibere. singularum autem virtutum opera legibus comprehenduntur; cùm dicere non dubitet Aristoteles, legem benè constitutam de quacunque virtute comparanda, atque ad utilitatem Reipublicæ conferenda, deque omni vitio fugiendo, atque à Republica procul amandando præcipere. Rectè enim ait Eustratus hanc virtutem effectricem esse totius politicæ felicitatis, quæ in benè conditatum legum obseruantia continetur.

Hoc igitur apud omnes est in confesso, nec ulli sunt, qui non in hac opinione dictoque consentiant; oportere virtutem aliquam esse, quæ nos ad bonum ciuitatis commune dirigat, ac perducatur. Vident enim, voluntatem, ac procuracionem boni communis habere peculiarem & propriam honesti, laudabilisque rationem: quæ ratio in aliarum virtutum functionibus haud inuenitur. Utilitatem enim, & commodam Reipublicæ intueri, ac procurare multo sanè honestius, & laudabilius est, quàm studere priuatis. Ergo ad aliquam id pertinet virtutem; quæ Iustitia legalis appellari commodè possit. Iustitia quidem, quia quodammodo respicit alterum, hoc est, Rempublicam: legalis verò, quia complectitur omnia, quæ lege statuta sunt propter bonum commune. Itaque cùm dissentiant, id quarunt, ac disputant, qua ratione huiusmodi virtus à ceteris distinguatur. Hinc enim intelligi debet & quid ipsa sit, & quod eius officium ac functio propria esse videatur.

Quidam & scriptoribus nuperis affirmant,

hanc virtutem, quæ Reipublicæ bonum intuetur & curat, esse peculiarem ac propriam, suam formam speciemque distinctam à ceteris: sed sententur, se ab Aristotelis opinione discedere, dicuntque, aliud in hac quaestione pro rei veritate, aliud ex Aristotelis sententia decernendum esse. Quia id etiam contendunt: hanc virtutem, quam legalem iustitiam primus nominauit Aristot. obedientiam esse potius appellandam; quia legibus, & Principum præceptionibus obtemperat. Qui profectò, quia magna ex parte secuti videntur antiquiores aliquos, quorum apud Buridanum sententiæ sunt, his confutandis, etiam ipsi facile refellentur.

Tres sunt igitur apud Buridanum authorum ordines, qui legalem iustitiam propriam quidem peculiaremque virtutem faciunt, sua specie definitam: sed neque desertores Aristotelis haberi volunt, nec ad id demonstrandum eadem viâ vtrique ingrediuntur.

Primi id pro re comperta, & veluti profundamento positum principio volunt: alias virtutes omnes opus suum dirigere ac referre ad proprium ipsarum bonum etiam tum, cùm videntur in alieni boni procuracione laborare. Quamquam enim earum exercitatione videtur aliquis in alterius bonum intendere, illud tamen bonum, vel parentum est, vel filiorum, vel coniugis, vel familiarum, vel amicorum, aliorumque huiusmodi hominum; qui, vt ait Eustratus, nihil à nobis differre, quorumque commoda & bona, nostra esse exultimantur. quin ipsa quoque iustitia peculiaris, propriæ studeat utilitati; cùm curare dicitur alienam. Nam cùm emimus, & vendimus, cùm permutamus, aliòve modo contrahimus, nobis ipsis emimus & vendimus, nobis contrahimus & permutamus. Vna est ergo legalis iustitia, quæ verè ac propriè in bonum contendit alienum, hoc est, publicum, & commune, ac propterea dicitur ab Aristotele esse tota alterius, Reipublicæ nimirum & ciuitatis. Hoc igitur posito, ita hi conantur ostendere, legalem iustitiam à ceteris virtutibus esse ex sua ipsius propria specie separatam.

Ac primam quidem rationem ducunt à fine. Illæ quippe virtutes verè differunt specie, quarum fines proprii specie distinguuntur, cùm singulæ virtutum species formæque varix, vt Aristoteles supra docuit in lib. 3. cap. 6. de fortitudine, suo proprio certoque fine constituantur. Sed fines aliarum virtutum à fine legalis iustitiæ specie differunt. aliarum enim finis est bonum hominis, iustitiæ legalis est bonum commune ciuitatis. Dicitur enim in primo lib. Polit. bonum æconomicum, & politicum distinguui specie; adeoque multò distinguui oportet magis bonum hominis priuatum, & bonum Reipublicæ commune. Secundo loco sic argumentantur: Illæ virtutes diuerse, differentesque specie sunt, quarum subiecta & obiecta specie differunt. At enim Aristoteles in lib. 10. Metaphy. non modò specie, sed genere etiam ea differre, quorum non est communis, & vna materia. Sed aliarum virtutum subiecta, & obiecta specie differunt ab obiecto, subiectoque legalis iustitiæ. Illarum enim subie-

Leonard.
Loff. de iust.
& iur. lib.
2. cap. 1. de
his, 3. pmo
post iust. 5.
Notandum.

Quum est homo, huius autem est ciuitas & Respublica. Illarum obiecta sunt perturbationes animi, vel actiones humane peculiaris priuataque utilitatis imbutæ ratione, huius verò sunt eadem perturbationes, actionesque, quatenus ad commune ciuitatis bonum castigabiles & reuocabiles sunt. Tertiò. Virtutes illæ specie differunt, quarum actiones & opera propria distinguuntur, & discrepant specie. Virtutes enim & facultates, ut supra diximus, nisi ex actibus operibusque propriis distinguere, ac separare non possumus. Sed opera non iustitiæ legalis ab operibus aliarum virtutum specie discrepant. Quemadmodum enim necesse est, plures quidem in homine distinctas esse actiones propter proprias, distinctasque naturas partium hominis, aliamque actionem esse manus, aliam pedis, aliam capitis, aliam ventris, quia singulorum partium natura est varia; sed esse tamen præterea quandam actionem oportet totius communem hominis, ipsi per se debitam, & attributam, ita oportet aliquam esse actionem, quæ unicuique propria sit homini per se, aliam verò totius ciuitatis, ad quam tamen vnusquisque ciuis agendo contendat, & veluti pars aliqua referatur. Sed hoc opus, & hæc actio nulla videtur esse alia, quàm quæ legibus dirigitur, & iustitiæ legalis propria est. Cùm ergo iustitiæ legalis actio ad communitatem relata, specie distinguatur ab operibus aliarum virtutum propter hominis priuati bonum, utilitatemque susceptis, sequitur, ipsam quoque legalem iustitiam specie distinctam à cæteris esse. Idque confirmatur ex eo, quòd ciuitatis partes ita cum tota ciuitate comparantur, ut membra cum corpore. Sumamus igitur in homine cerebrum in cerebrorum genere perfectissimum, & quantum ad qualitatem, & quantum ad molem & magnitudinem pertinet. Numquam sanè dubitabimus, quin ex se huius habitudo & actio cerebri perfectissima sit, & homini per se accommodatissima: sed non tamen vnquam dicemus, eiusmodi habitudinem actionemque cerebri unicuique corpori congruentem esse. neque enim puero infanti congrueret, aut viro, cui paruum esset & debile cor; tùm ipsa membrorum consensio & harmonia seruari in ea dissimilitudine non possit. Igitur eodem planè modo fieri nequit, ut eadem animi habitudo & actio quæ homini per se optima est, sit etiam optima atque accommodatissima ciuitati. Non adeò erit eadem virtus, quæ hominem per se perficit, & quæ perficit eundem in eam gratiam, ut accommodatus, & idoneus sit bono parando, seruandòque totius communitatis.

Alia eiusmodi proferunt, & disputant plurima, sed recensere non est necesse, cùm frustra sic differant. Quamuis enim verum fortasse sit, legalem iustitiam ab aliis idcirco differre, quòd ad bonum commune referatur, non tamen est consequens, legalem iustitiam propterea nominatim oportere ab aliis virtutibus specie discrepare, quæ de

proprio bono sollicitæ sunt. Quia si homines peculiaribus præditi virtutibus, intuentes commune bonum, ad illud referant dirigantque suarum virtutum opus, veluti fortitudinis, magnificentiæ, aliarum, non dicentur ad eiusmodi finem impelli à Virtute, quæ à fortitudine, vel temperantia specie differat, sed ab eadem fortitudine, vel magnificentiâ, quibuscum ille publici boni finis optimè se conciliat. Aristoteles enim supra in lib. 4. cap. de magnificentiâ, disertè confirmat, Magnificum virum non esse sumptuosum in se, sed in rem publicam & communem. De viro autem forti id quoque nominatim enunciat in eodem lib. cap. de fortitudine: ex habitu fortitudinis eum expectare ac perferre mortem in bello libentem & volentem, quia hoc intelligit bonum esse. sed non videtur esse rationi consentaneum, magnos & prudentes viros, quique sibi, & aliis possint prodesse quàm plurimum, absque vlla fuga eiusmodi mortem expectare, nisi bonum commune respiciant. quod etiam bonis interpretibus eius loci placuisse video. Cùm enim dixisset idem Aristoteles, virum verè perfectèque fortem non in cuiuslibet versari ac cerni periculo, sed in discrimine pulcherrimæ mortis, quæ plerumque in bello contingit, adiunxit per interpretationem Eustratii, id accipiendum esse de bello, quod committitur & fit propter Reipublicæ tranquillitatem, & communium legum defensionem. Idque probat Albertus & alij, quicquid locum scholiis & disputationibus illustrent. Igitur & magnificus & fortis vir ex suo ipsorum habitu patriæ splendorem & commune bonum ciuitatis attendunt. Quin ipsemet Aristoteles id planissimè declarat, cùm ait amplius, honores in ciuitatibus esse constitutos à Principe vel Magistratu, quibus afficiantur viri fortes; quia propter commune bonum fortitudinis opus exercuerunt. Quod si in materia fortitudinis versaretur legalis aliqua iustitia, ab ipsa fortitudine specie atque essentia differens idèò, quòd opus virtutis ad bonum Reipublicæ commune referretur, consequens esset, inter hominem, & communitatem ciuilem, intermediam esse cõmunitatem aliquam specie distinctam, hoc est æconomicam, cuius causa oportet instituere tertiam quamdam virtutem præter fortitudinem, & iustitiam legalem. Qui enim fortiter agit, potest interdum id agere, ut domus commune bonum, & rem domesticam tueatur. At eiusmodi virtutem nullus adhuc excogitauit. Denique: nisi quælibet virtus peculiaris in opere suo ad commune bonum intendere deberet, sequeretur ipsam virtutem interdum posse malè ac perperam agere; quod dici non debet, cùm virtutibus abuti numquam possimus ex Aristotele in primo Rhetoricorum. Fieri enim posset, ut virtutis actio interdum esset laudabilis ex enumeratione circumstantiarum omnium, tamen si nulla prorsus haberetur ratio boni communis; & tamen eadem actio, praua simpliciter esset, quia lædit vel impedit bonum commune. ut

si quis dum oporteret patriæ muros defendere, liberalitatis operibus esset intentus, ad quod opus alioqui liberalitas eum propelleret, nisi oporteret communi omnium incolumitati operam omnem ac studium eo tempore commodare.

Neque verò istorum propositæ rationes efficiunt aliquid. Ad quarum primam reuincendam, animaduertendum est, finem vltimum, & communem virtutum omnium humanarum, esse felicitatem; quam decernit Aristoteles in lib. 2. Polit. eandem esse cuiusque hominis, ac totius ciuitatis. quo fit, vt virtutes vniuscuiusque hominis ac totius ciuitatis eadem esse videantur. fines autem peculiare & propinquiores virtutum, earumdem virtutum opera sunt pro cuiusque materiâ secundum rectam rationem directâ. Finis enim temperantiæ proprius, est opus circa delectationes gustus & tactionis optimum: fortitudinis finis est opus circa timores & audacias ratione perfectum. Hæc autem opera optima & perfecta sunt, cum perfectè sunt rectæ rationi commensura, hoc est, ad omnium circumstantiarum exacta regulam & explorata. Tunc autem virtus etiam ipsa perfectâ dicitur, & perfectè finem suum censeatur attingere, cum eiusmodi opera suæ dimensionis, hoc est, rectæ rationis regulæ inueniuntur æqualia. Si autem opera illa eiusmodi quidem dimensionis propinqua sint, sed tamen, quantum ad alias circumstantias pertinet, minùs perfectè rectæ rationi commensura, erunt etiam bona, sed non optima, ac tum etiam erunt eius virtutis finis, sed finis haud planè perfectus: ac propterea ne illa quidem virtus erit simpliciter absoluta, sed erit tamen virtus, donec erit tanta operis cum recta ratione commensio, vt inde bona reddatur actio. Vt enim in 1. lib. declarauimus, difficile admodum est, medium virtutis attingere prorsus vndique, ac perfectè, adeoque non vituperatur qui paulum, aliquantulumque declinet à medio siue in nimium, siue in id quod est parum. Opus igitur, si eius intueamur substantiam, non est finis virtutis; quia potest idem opus secundum substantiam interdum à virtute, interdum à vitio provenire; sed ita opus ipsum est finis, si perfectè moderationem, & mediocritatem suam ab omnibus habeat circumstantiis ex præscripto & regula rectæ rationis. Hoc enim modo virtutis opus vel est felicitas, vel ad felicitatem proximè pertinet. Constat igitur, finem perfectum virtutis non esse omnino simplicem; cum recta operis moderatio, in qua finis verè perfectèque consistit, ex eo potissimum attendatur, quod in opus confluant, & concurrant omnia, quæ melius illud ac perfectius efficere possint, omniâque ab eo depellantur, quæ possint idem opus imperfectius, & deterius reddere. Quibus animaduertis, primo istorum argumento sic respondetur, nostrum ipsorum opus in timore atque audacia moderanda inter belli pericula dirige-

re ad proprium bonum, & ad commune bonum dirigere, non esse diuersos virtutis, aut virtutum fines, sed partes vnius absoluti, perfectique finis, qui fortitudini propositus est. Fortitudinis enim perfecta virtus opus suum in audacia, & timore verfans absolutissimum & perfectissimum reddit. id quod efficit, ad bonum priuatum simul & commune præparans illud, ac dirigens. quippe, si fieri possit, ad vtrumque, priuatum publicumque contendit: sin minus; id consequi conatur, quod habitâ singularum ratione circumstantiarum, est melius. Denique non est fortitudinis alia species cum tu pugnas in bello pro filio, quia es pater: alia, cum pugnas pro patre, quia filius es; aut pro suppellectili ac fundis tuis & pro tua familia, quia dominus & æconomus es, aut pro patria, quia ciuis es, & Reipublicæ membrum, pro qua veluti pro capite omnia periculorum genera subire debes. sunt hæc circumstantiæ, quas intueri oportet eum, qui ex virtute agere velit, & iustum fortitudinis opus exercere.

Secundum argumentum confutandum magnopere non est, cum dictum iam ex Aristotele sit, felicitatem hominis & ciuitatis differre specie non oportere. Itaque, nec subiecta specie differunt, nec obiecta. homo enim ipse per se & homo ciuis ac Reipublicæ membrum non differunt specie, & affectus perturbationesque ad priuatam utilitatem componendæ non discrepant specie ab iis, quæ ad Reipublicæ commodum sunt moderandæ.

Quod verò contenditur in tertio, ex parte dandum & concedendum est: actiones nimirum & opera iustitiæ differre ab operibus aliarum virtutum secundum substantiam. Immo verò id quoque fatendum: eiusdem planè virtutis opera secundum substantiam non differre solum, sed esse contraria. vt dare & accipere quod est liberalitatis, aggredi, & fugere, quod fortitudinis est. At speciei differentia non ducitur ex substantiæ varietate, sed ex diuersitate formæ, quam dicimus formalitatem; forma autem vtrarumque actionum & operum specie sanè eadem est, cum sit bonum priuatum & bonum commune, quod sub vna specie continetur. Similitudo verò proposita, est quidem accommodata ad explicandam consensionem partium cum ciuitate, sed in eo deficit, quod corporis partes naturâ ducuntur & impelluntur ad opera sua, homines autem virtute præditi, qui sunt partes ciuitatis, non naturâ, sed ratione concitantur ad sua. Natura quippe idem & eodem modo semper agit: ratio verò idonea est & parata, vt in lib. 9. Metaphys. dicitur, ad opposita. Quamquam ergo cerebrum optimè comparatum ad opera sua in homine valenti ac magno non esset item accommodatum ad eadem opera in imbecillo ac paruo; virtus tamen excellentissima & magnis, & paruis, & maioribus,

& minoribus operibus accommodata est: quia non compellitur natura, sed ratione temperatur ac regitur.

Secundi huius opinionis authores volunt quidem, iustitiam legalem à ceteris virtutibus in eo distingui, quòd illa referatur ad alterum, sed qua ratione legalis iustitia potius, ac magis ad alterum referri, quàm alia debeant, aliter omnino declarant quàm primi, & quidem hoc modo. Dicunt enim, unicuique virtuti congruere, ut ad alterum multis modis referatur. Primo: quia exercetur vnà cum altero, ut in fortitudine, liberalitate, atque aliis cernitur, quatuor omnium opus inter duos, aut plures intercedit, vnà fortassis exceptà temperantiâ, nisi peculiarem eius rationem habeamus in legitima, concessâque coniunctione maris & feminae ad liberos procreandos, in qua temperantiæ quoque versatur officium. Secundo: quia quilibet virtus in altero, cum quo, & aduersus quem opus honestum exercet, circumstantias omnes perpendit; quæ bonum aut improbum opus efficiunt, quod enim in muliere propria & coniuge temperantiæ fuit officium, fuisset intemperantiæ probrum in aliena: quæ fuit aduersus hostes fortitudo, in eos qui patriæ non sunt inimici, fortitudo non est: vnumque aut alterum hominem aggredi aut expectare fuit fortitudinis opus; aggredi, vel expectare decem, temeritatis est. & largiri pecuniam ludionibus & Comædis, fuit fortasse prodigentiæ, eamdem largiri Philosophis, & doctis viris, est liberalitatis. Tertiò: quia quilibet virtus in alterius redundat utilitatem & commodum. Quilibet enim virtutis opera transitum in alterum habent: transitum autem omnem in alterum vel utilem, vel inutilem, vel etiam noxium & perniciosum oportet esse. virtus verò neque noxia, vel perniciosa, neque inutilis est. igitur utilis est & fructuosa. Quartò demum: quia cuiuslibet virtutis est, opus suum non modò ad proprium, sed ad bonum etiam commune dirigere. non enim hoc videtur esse munus vnius tantummodo virtutis, sed omnium, cum ad publica ciuitatis commoda cursum convertere possint omnes. Cum ergo ex his virtutum officiis aduersus alterum, quoniam omnium communia sunt omnia, nullum possit efficere, ut hæc iustitia distinguatur à ceteris, dicunt, oportere distingui non ex eo, quòd aduersus alterum sit, sed idèd, quòd cum erga alterum suo fungitur officio, ex longè diuerso Concilio fungatur, & ratione, quàm alia, ex consilio enim, propositoque singularum vario, fieri putant, ut virtutes varix sint, & specie differant inter se. Sed ne istorum quidem explicatio probabilis est. Quia virtutes morales nunquam sanè redduntur idèd specie diuersæ, quòd diuersa ratione propositoque moneantur ad agendum, vel non agendum: cum in eadem planè virtute diuersæ cernantur interdum rationes, & agendi vel non agendi consilia, quæ nullam in ea differentiam, varietatèque constituunt. constat enim eundem fortitudinis habitum nunc ad aggrediendum, vel expectandum, nunc ad fugiendum, aut declinandum diuersa ratione consilioque compelli. quòd si hæc rationes & consilia varia in diuersis virtutibus differentiam varietatèque

tèdque constituunt, leuior esse debet, quàm quæ dicitur essentialis. Itaque iustitia ipsa quæ ad dandum ex debitione mouetur, à liberalitate, quæ similiter largitur & dat propter honestatem ipsam liberalitatis, sola ratione & ex accidenti distinguitur.

Tertij demum authores, qui legalem iustitiam à ceteris virtutibus faciunt specie discrepantem, explicant hac ratione sententiam suam. Quoniam moralis virtus non inducit, aut inclinat appetitum ad aliquod per se definitum opus in sua ipsius quam tractat, & in qua versatur materia, sed ad iudicium rationis persequendum, à quo statuitur, fugiendum ne sit, an resistendum, sumendæ ne sint voluptates an repudiandæ, sit, ut non satis sine prudentiæ formæ peculiare & propriæ, quas ponimus in intellectu ad singularum virtutum opera moderanda, sed communis quædam prudentia præterea requiratur, quæ in qualibet rerum omnium agendarum materia subiectis sibi formis peculiaris prudentiæ leges imponat. Quemadmodum igitur in intellectu communis hæc, atque architectonica prudentia ponitur, sic in appetitu constituendam censent communem quædam virtutem moralem, quæ ipsum inducat, & inclinet appetitum ad prudentiæ communis sententiam exequendam. Adsunt hostes, exempli gratia, quos illico ratio, solam illam & per se materiam intuita fortitudinis opportunam, iuberet sinè repellere per aggressionem, ad quam fortitudo ipsa propendit. sed adsunt etiam eodem tempore turmatim ciues, frequentes & plurimi ad Prætorium, ius efflagitantes & repentes, quòd ipsis publicè priuatimque deberetur; eadem ratio si solam iustitiæ materiam attendat, ius dici iuberet, & vnicuique petentium reddi suum. Quinecque etiam inopes multi, quorum indigentiam vellet liberalitas subleuare, alij qui per urbanitatem, & affabilitatem excipiendi essent; alij, quibus alia virtutum officia deberent, longè plurimi. Quid igitur agendum est potius, cum omnia simul agere non possimus? aut quis habebitur in tanta officiorum varietate delectus? Nimirum, quia formæ illæ, partèdque peculiare prudentiæ, quæ virtutibus præsidet singulis, in tam anceps deliberatione nihil expediunt, nec certi quicquam videre possunt, vbi consistere debeant, communem illam virtutem & prudentiam consulent dominam, ut quicquid illa decreuerit, id ex tam magno, varioque rerum agendarum numero potius eligant. Atque hanc communem virtutem legalem illi dicunt esse iustitiam à ceteris virtutibus specie sic differentem, quemadmodum in discipulis theoreticis Metaphysica differt ab aliis, quæ res tractant materiæ participes & corporatas.

At hæc etiam opinio in magnas induit se difficultates, ac primo quidem: quia eiusmodi virtus communis, cum omnibus prædicto virtutibus aliis sit, ambigentibus, & de rebus agendis incertè deliberantibus, interdum referetur ad alterum, interdum non referetur: cum enim operam dat virtutibus, quæ alienam utilitatem gratia comparantur, refertur ad alterum; cum alias iuvat & dirigit, quæ sibi laborant ipsis, ad alterum non refertur. Quod si tamen aliqua

ratione ab aliis distinguatur virtutibus eo nomine, quod ad alterum referatur, causa certe nulla videtur esse, cur eiusmodi communis virtus debeat potius dici iustitia, quam fortitudo vel temperantia, vel ex omnium numero alia. Præterea: hæc virtus non ex eo desumitur, quod ad leges, & legum præcepta, vel ad commune bonum, quod leges expetunt, referatur, sed ex eo, quod comparatur cum illa communi prudentia, in singularum virtutum materia, sapienter & bene ratiocinante. Nihil igitur est, cur legalis appellanda iustitia sit, quæ legalis, aut legitima nominatur à legibus.

Placet igitur Eustratii sententia interpretis antiquissimi, qui faciem prætulit omnibus, & hos fortasse libros illustrauit accuratius primus. Placet autem præter ceteras, quia dictis Aristotelis congruenter & summè concordat. Ait enim Aristoteles iustitiam hanc legalem perfectam esse virtutem, non quidem simpliciter, sed quatenus refertur ad alterum, ac propterea præstantissimam esse: non esse denique virtutis partem, sed totam, vniuersamque virtutem; quemadmodum illi contraria iniustitia non est vitiositatis aliqua pars, sed vitiositas vniuersa. His inquam Aristotelis pronuntiatis quoniam opinio interpretatiōque Eustratii mirè consentit, haud dubie deligenda, atque anteponenda est omnibus. Docet quippe, in appetitu triplicem esse virtutem: primam quidem naturalem, quam ait Aristoteles in libro 3. esse omnibus iustitiam aliquo modo, quia iustos, temperatos, & fortes videmus penè aliquos anticipatione naturæ: quo ex numero fuisse videtur Achilles, ipsa prope modum cum fortitudine susceptus in lucem. secundam moralem vsu, doctrina, & exercitatione paratam, quæ bipartitò diuiditur. est enim altera simplex, altera composita. simplex est vnaquæque virtus peculiaris, sua simplici materia, subque officio & opere proprio circumscripta. qualis fortitudo, in timore atq; audacia, temperantia, in voluptate ac tristitia posita; alix suis inclusæ legibus, & contentæ finibus suis. Composita verò virtus est ex omnibus simplicibus aggregata, & ex earum inter se atque vnà cum prudentia connexionem conflata. Hæc ergo non est iam ampliùs virtutis pars, sed tota, vniuersa & perfecta virtus. Et quia qui perfecta sunt instructi virtute, per habitum illum probitatis non modò sibi ipsis agunt, verùm etiam aliis, & in commune bonum operam conferunt, ex hoc vsu quem alienæ commodant vtilitati, eandem virtutem iustitiæ nomine cohonestant. Itaque idem prorsus habitus secundum substantiam & virtus dicitur & iustitia; virtus quidem, quia perficit habentem, & eius opus bonum, ac perfectum reddit, quod proprium virtutis est: iustitia verò, quia refertur ac tendit in bonum commune, munusque ac functionem suam in alterum dirigit. Quid autem differat virtus communis, & vniuersa, siue virtutum omnium complexio ab eiusmodi iustitia, intelligi facile potest. Vtraque enim est tota virtus & ex virtutibus omnibus aggregatio quædam atque connexio, secundum esse autem, hoc est, secundum rationem, inter se differunt. id quod differre docuit hic Aristoteles, cum dixit, totam virtutem & iustitiam idem

quidem esse ipsa, sed differre tamen τὸ ὄναι, secundum esse, hoc est, τὸ λόγῳ, ratione, vt Eustratius interpretatur. Itaque differre secundum esse non est eo loco differre secundum essentiam, sed secundum definitionem aliquam & rationem. Communis enim, & vniuersa virtus est habitus animæ rationalis optimus ac perfectus: iustitia verò est præterea eiusmodi habitus vsus aduersus alterum, ac præsertim erga Rempublicam.

Hæc autem iustitia idè dicta legalis est, quia in eam gratiā, in quam ipsæ leges conditæ sunt, agit semper & opus exercet suum. leges enim in commune feruntur, hæc iustitia eidem bono studet & operam nauat. Ad hæc: leges omnem omnium virtutum materiam complectuntur; eiusmodi iustitia, cum tota atque vniuersa sit virtus, omnem eiusdem materiæ partem attingit, singula corrigens, quæ legibus, & Reipublicæ præceptionibus consentanea non sunt. Quod si quæras, quæ ratione differat à qualibet peculiari virtute, respondebit Buridanus, ab vnaquæque differre secundum substantiam, & cum vnaquæque secundum substantiam conuenire, eo planè modo, quo totum & cum qualibet sui parte conuenit, & ab eadem etiam discrepat. componitur enim hæc iustitia ex virtutibus singulis, sicut totum ex partibus. Cæterum hæc per suas conclusiones & pronuntiata euidentiora fient, ac faciliùs explicabuntur. Sit aded

Prima Conclusio. Iustitia legalis non est virtus aliqua peculiaris, à ceteris specie differens & essentia, sed est virtutum omnium complexio, vel virtus vniuersa. Pronunciatur est hoc Aristotelis, affirmantis, iustitiam legalem non esse virtutis partem, hoc est speciem aliquam eius generis, quod virtutis nomine significatur; sed esse totam vniuersamque virtutem, vt docuimus supra.

Secunda. Iustitia tamen legalis & aggregatio illa, complexioque virtutum differunt inter se. Quia virtutes, quæ differentes perficiunt, & bonas faciunt res, differunt inter se, quod infra docetur ab Aristot. in lib. 10. cap. 3. Vt enim eiusdem rei perficiendæ plures possint esse perfectiones, rerum tamen plurium quæ perficiendæ sint, non potest vna eademque prorsus esse perfectio. sed legalis iustitia, & virtutum illa complexio res differentes perficiunt. Illa enim ciuem, quæ ciuis est, hæc hominem perficit, quæ est homo. ciuis autem & homo differunt; cum homo non referatur ad alterum, ciuis autem ciuitatis sit pars, atque ad Rempublicam referatur. Præterea. Quarum virtutum fines sunt differentes & differunt, inter se. Sed legalis iustitiæ & vniuersæ fines virtutis differentes sunt, cum virtutis vniuersæ finis hominis felicitas sit: finis autem legalis iustitiæ sit felicitas ciuitatis, vt ex ipsomet Aristotele docet hic Eustratius. Ergo iustitia legalis, & virtutum omnium complexio, siue virtus vniuersa, differunt inter se.

Tertia. Iustitia legalis eadem aggregatione & complexione virtutum omnium præstantior, & præclarior est. Inter virtutes enim illa est præclarior, & perfectior, quæ reddit id, in quo est, præstantius atque per-

fectius. Iustitia verò legalis eiusmodi est, qui cuius simpliciter bonus, in optima ciuitate, vbi similitum hominum regimen & principatus est, præstantior dici debet, atque præclarior homine simpliciter bono, cum cuius id etiam habeat, ut homo sit, & adiciat præterea coniunctionem illam suam cum ciuitate, cuius causa refertur ad alterum, atque ad Reipublicæ bonum dirigitur totus. ergo legalis Iustitia præclarior est, atque perfectior, quàm aggregatio illa complexioque virtutum. Quin omnium simpliciter est præstantissima virtutum Iustitia, ut hic ait Aristoteles. sed id rationibus nunc demonstrandum non est, cum id iam representatum à nobis sit in lib. 3. ad cap. 10. quæst. 2.

Quarta: Iustitia legalis, & virtutum aggregatio, quod ad essentiam & substantiam attinet, vna sunt & eadem virtus, nec differunt alio nomine, quàm ratione. quod multiplici modo probatur. Primo. Quia dicit hic Aristoteles, legalem iustitiam eandem rem esse atque virtutum complexionem, & eandem non esse: eandem videlicet in essentia & re, non eandem in esse, hoc est, ut supra docuimus, in ratione. Ex eo enim, quod iustitia bonum alienum procurat, complexioni virtutum id addit præterea, ut referatur ad alterum; quod non rei discrimen adiungit, sed differentiam aliquam rationis. Neque verò multitudo illa virtutum facit, ut Iustitia legalis tamen si peculiaris virtus & certa definita specie non sit, minus tamen dici debeat vna. Nam ne totus quidem mundus est certa quædam rerum species, & tamen est vnus: videmusque Aristotelem sæpè de composito differere, tamquam de re à materia formaque distincta.

Quinta. Hæc verò virtus, Iustitia legalis merito dicitur. Iustitia quidem, quia refertur ad alterum, hoc est, ad Rempublicam, cuius est tota, & cui debet omnia: legalis verò, quia eundem finem propositum habet, quem sibi leges, legumque conditores proposuerunt; & quia virtutes amplectitur omnes, ut faciunt leges.

Sexta. Hæc Iustitia legalis haud rectè dici potest obedientia. Quamquam enim ipsa etiam obedientia legibus vniuersis & Principum decretis obtemperat, non tamen id agit in eam gratiam, ut bonum Reipublicæ commune tueatur, ac seruet; quod Iustitiæ legali propositum est.

Septima. Iustitia legalis est in Principe, Rectoribusque ciuitatum architectonicè: quia per leges ea constituunt & imperant, quæ ad commune bonum Reipublicæ conferunt, faciuntque, ut vnusquisque ita se tractet in humana societate, sicut communis eiusdem Reipublicæ ratio postulat. In iis autem, qui Principibus & Magistratibus obtemperare debent, eadem virtus est tamquam in iis, quos exequi & facere oporteat imperata. Quo planius apparet, sapienter hanc virtutem appellatam esse legitimam aut legalem. Docet hæc D. Thom. 2. 2. quæst. 58. art. 6.

QVÆSTIO QVINTA.

Utum Iustitia præclarissima sit & virtutum omnium perfectissima.

HÆC de re diximus aliquid in lib. 3. ad c. 10. quæst. 1. vbi quæsitum est, an temperantia virtutibus omnibus antecellat. Sed hoc loco tractanda quæstio de industria est, quia placuit Aristoteli nominatim id de Iustitia pronunciare; omnium esse virtutum præclarissimam & perfectione facillè ceteras superare. Videndum igitur hoc initio est, cur hanc Iustitiæ supra ceteras excellentiam tribuat; ut rei difficultatem facilius & amplius intelligamus. Hæc in summa eius oratio & disputatio est. Ipsa profectò Iustitia virtus est perfecta, non quidem simpliciter, sed quatenus refertur, & est ad alterum: ac propterea præclarissima videtur virtutum omnium, & nec Hesperus, neque Lucifer æquè mirabilis esse. Itaque rationem cur Iustitia tam clara sit & perfectione ceteris præstet, designare videtur eam, quod qui ea prædictus est, non solum ea utatur erga se, sibi tribuens honestatem, verum etiam aduersus alios, alienæ consulens vtilitati, & hominum cæcibus ipsius bonum virtutis impertiens. quod opus esse difficillimum affirmat: cum multos videamus, erga se ipsos uti virtute facillimè, qui erga alios eadem uti difficillimè possint. Est igitur hæc præstantia & maior perfectio attendenda penes vsum virtutis aduersus alios, qui Aristoteli videtur & præclarissimus & perfectissimus esse.

Et quoniam Iustitia duplex est, ut diximus, legalis vna vel generalis, altera priuata quodammodo, & peculiaris, quæque ipsius legalis est pars, videndum est, an vtrique præstantiam hanc, & perfectionem adscribat. Aliquæ sunt enim rationes, quæ neutram claritate, ac perfectione vincere ceteras patiantur; aliquæ verò, quæ peculiarem nominatim præstantissimam non esse, videntur efficere.

Primæ rationes huiusmodi sunt: Iustitia, ut ait hic Aristoteles, non est omnium maximè perfecta simpliciter, sed eatenus, quatenus est ad alterum, hoc est, quatenus ad alienum refertur vtilitatem. Ergo non absolutè, sed comparatè vult eam ceteris antecellere. Sed ex eo dicitur aliquid magis, minusve tale, quod tale simpliciter sit, non comparatè, collatèque cum altero. Ignis enim leuissimus dicitur, quia leuissimus simpliciter est, & non comparatè, collatèque cum aliis. Igitur Iustitia non potest perfectissima dici ex eo, quod per comparisonem, ac non simpliciter perfectissima sit.

Secunda: Ratio, quæ impulit Aristotelem ad dicendum, Iustitiam esse omnium præstantissimam, & præclarissimam ea in summa videtur esse, quod Iustitia, erga alterum tota sit, aliæ virtutes quodammodo erga se ipsas, hoc est, eos perficiant, in quibus sunt, & eorum

gratia functiones exerceant suas. Sed melius videtur ac perfectius esse, erga se ipsum virtutis officio fungi, quàm erga alios, cum prima claritatis opera prius vnusquisque erga se, quàm erga alios debeat. Igitur ea ratio non potest facere, vt Iustitia præclarissima virtutum omnium & perfectissima sit.

Tertia illa dicitur & est virtus perfectior, quæ in difficilioribus versatur actionibus, vt diximus in lib. 2. At fortitudo & liberalitas in difficilioribus versatæ videntur operibus, cum illa in mortis vulnerumque perpeffione sit posita, quod rerum omnium est difficillimum; hæc opes, & bona largiatur sua; quod est difficilius, quàm aliena reddere & vnicuique tribuere quod cuiusque est. Rectè enim dixit Aristoteles in lib. 4. facilius esse non accipere, quàm dare: ex quo consequens etiam est, facilius esse, non rapere, aut retinere aliena, quod est iustitiæ, quàm dare de suo, quod est liberalitatis.

Quarta inter viros virtute præditos ij magis amantur, qui præclariori, & præstantiori virtute ceteris antecellunt. Sed amantur omnium maximè liberales, vt idem Aristoteles pronunciauit in l. 4. in cap. de liberalitate. Ergo liberales omnium præstantissima & præclarissima virtute, qua præditi sunt, ceteris antecellunt. Hæc, inquam, argumenta videntur vincere, Iusticiam, neque legalem & communem, neque peculiarem, ac propriam superare ceteras excellentia & claritate. Sed

Dicendum tamen est primo: legalem iusticiam virtutes omnes perfectione ac præstantia vincere, atque vt loquitur Aristoteles, virtutum omnium præclarissimam & perfectissimam esse. Rem explicat Eustratius ex triplici vel quadruplici virtutis perfectæ distinctione in hunc penè modum: Virtutem primo perfectam esse ita intelligemus, si eam diuidamus in moralem & naturalem. hæc enim perfecta dicitur, quia virum efficit simpliciter bonum, illa verò imperfecta, quia est habitus, qui in pueris etiam, belluisque conspicitur, ac propterea non raro ipsi nocet habenti; qui rationis ductu non vtatur & intelligentiæ vi. Dicemus deinde virtutem perfectam, si virtutem ipsam moralem diuidamus in vniuersam & peculiarem, siue in totam, & in partem. tota enim virtus siue communis & vniuersa perfecta est: peculiaris autem virtus, siue totius & vniuersæ pars virtutis cum tota & generali collata est imperfecta. Tertia ipsa pars vniuersæ virtutis, siue virtus peculiaris diuidi potest in eam, quæ absque aliarum virtutum comitatu est in alicuius appetitu, qui semper, exempli gratia, fortitudinis aut temperantiæ, liberalitatis autem, vel aliarum virtutum numquam exercuerit opera, & in eam, quæ in eodem appetitu cum aliis connexa & copulata virtutibus sit. Prior illa perfecta esse non potest, immò verò si qua cuiusmodi sit, imperfectissima & inconstantissima, atque infirmissima est. non ex eo solùm, quòd tota virtus & vniuersa non est, sed ideo, quòd sæpè fieret, vt in sua ipsius

materia proprio munere fungi non posset; existerent enim illico perturbationes animi effrænes, & turbidæ, quas moderari & frangere deberet ex officio, nec tamen posset, quia destituta ceterarum virtutum præsidio est. Veluti, si toto vitæ spatio temperatè quidem vixeris, opus tamen fortitudinis aliquod haud vnquam egeris; tyrannus verò propositâ morte velit te ad opus intemperantiæ cogere, fieri poterit, vt tantus exoriat in te formidinis impetus & tristitiæ, vt tuam facilem temperantiæ superet. quod tibi profectò non accidisset, si fuisses antè fortitudinis habitu communitus. Contra verò, quantum libet in opere fortitudinis & iustitiæ fueris exercitus, si cupiditate & libidine commoueberis, citò sanè frangeris & superaberis, iniustè aut timidè faciens propter voluptatis cupiditatem, quam temperantia non tollit, aut moderatur. Constat igitur, peculiare & singulare virtutes, eam quam per se non obtinent constantiam & firmitatem, ab aliarum societate ac nexu mutuari. Ex hac diuisione multiplex faciliè intelligitur, nullam ex enumeratis virtutibus esse præstantissimam ac perfectissimam omnium, cum singulæ peculiare ab aliqua perfectiori vincantur, omnes autem generali & vniuersa virtute sint imperfectiores. Sed rursus ipsa virtus generalis, & vniuersa triplici ratione ac modo suo fungitur officio ad perficiendum & dirigendum hominem. primo quidem, cum eum impellit, vt rectè agat erga se ipsum, & erga suos: secundo, cum eum incitat ad bene agendum aduersus alios. tertio, cum eundem permouet ad virtutem exercendam erga se ipsum ac suos, & simul etiam erga alios, sed propter bonum commune. Perspicuum igitur est, generalem & vniuersam virtutem, quatenus hominem perficit & reddit idoneum ad bene agendum solùm erga se ipsum & suos, non esse omnino perfectam, cum non omnibus intentis circumstantiis sit, quibus ipsa perfici potest, & rectè præstantior. esset enim excellentior & perfectior, si de bono etiam alieno, & de communi utilitate cogitaret. Quatenus verò erga alios bene agentem hominem efficit, si solùm alienæ utilitati eum reddit idoneum, non modò imperfecta, sed ne virtus quidem dicenda videtur, cum recta ratio postulet, vt prius vnusquisque contulatur sibi, quæ, quàm aliis. Sin autem sibi prius prospexit, ac deinde in aliorum quoque commodum & salutem incumbit, perfectiorem quidem obtinet gradum; sed quia commodum illud, & utilitas aliena, cui nauat operam, non est Reipublicæ, sed priuatorum, nondum culmen fastigiumque suæ perfectionis attingit. Tunc ergo perfectissima est, & numeros explet omnes præstantiæ suæ, cum hominem à se perfectum ab utilitate propria ad alienam conuertit non modò priuatorum, sed etiam Reipublicæ, ac ciuitatis. Atque hæc demum est, quæ præclarissima dicitur, quæque suprâ ceteras obtinet principatum. Ea enim virtus, quæ aliarum domina est, debet veluti princeps ac regina Reipublicæ & communi om-

nium vtilitati prospicere. Quoniam verbū communis & generalis virtus eatenus ad bonum commune refertur, quatenus obtinet Iustitiæ nomen, propterea non virtus generalis, sed generalis & communis Iustitia virtutum omnium præclarissima & perfectissima dicitur esse. procuratio quippe publici boni diuinum opus ab Aristotele nominatur: adeoque sua ipsius præstantia, & illa similitudine diuinitatis ceterarum virtutum omnium functiones & officia superat. Ea igitur ad summam ex Aristotele ratio est, cur Iustitia legalis & generalis virtutum omnium perfectissima sit, quod non modo suæ vtilitatis & boni gratia, verum etiam suæ simul & alienæ, & quidem communis ac publicæ studio, moueatur ad agendum.

Quod si dicas, agere in gratiam alienæ vtilitatis non esse præstantius opus, quam agere in gratiam suæ, cum insita homini charitas à natura, sanctissimâ lege præcipiat, vt vnusquisque bonum suum anteferat alieno: si hoc, inquam, dicas, responderi ex Aristotele potest; rectè agere in gratiam boni communis esse agere studio vtilitatis & boni sui, quia singuli partes sumus communis. Quare sine communi bono domus, aut ciuitatis, bonum priuatum ac proprium consistere non potest, nec bene de propria deliberat vtilitate qui nihil cogitat de communi. id quod Aristoteles significasse videtur his verbis: Fortasse non est bonum ipsius absque economia, & ciuilitate. Quin in ipso iustitiæ opere videtur vir iustus multo magis propter se, quam propter alios & publicum bonum agere. Agit enim ille quidem gratia boni communis, sed agit eo consilio, vt sibi bonum honestum pareat ex ipsa virtute, quod est bonum intimum, & prius hærens in animo, quam pareatur & producat Reipublicæ commodum.

Argumenta verbò contra proposita sic confutantur. Primum verbis inuoluitur ambiguus. Cum enim Aristoteles ait, generalem & totam virtutem esse perfectissimam, non quidem simpliciter, sed quatenus refertur ad alterum, de illius perfectione nihil per eam exceptionem imminuit. Neque enim significat, comparatè, & quatenus confertur cum imperfectiori esse tantummodo perfectam, ac non per se, perinde ac si haberet aliam se ipsa perfectiorem, sed non obtinere perfectionem suam ultimam ac supremam, nisi cum Iustitiæ rationem assumit. Virtus quippe vniuersa prius intelligitur esse, quam legalis iustitia sit; cum ipsamet generalis virtus illud iustitiæ nomen perfectius & præstantius promereatur ex eo, quod suo minimè contenta bono, ad publici etiam administrationem egrediatur. in quo sanè statu & suum & alienum, & Reipublicæ bonum procurat, adeoque simpliciter est perfectissima; cum omnes obtineat gradus perfectionis suæ, nec aliam habeat, à qua vincatur.

Secundus nodus solutus est supra, cum dictum est, virum iustum sibi ipsi maximè tum prodesse, cum aliis ciuibus, & Reipu-

blicæ prodest. Illo enim virtutis opere tam excellenti, atque, vt loquitur Aristoteles, diuino, intimè perficit animum suum, quæ vtilitas ea longè maior est, quam aliis impartitur.

Quod in tertio argumento primùm de fortitudine, ac deinde de liberalitate dicitur, explicationem postulat ampliorem. Non enim omnino maior excellentia virtutis æstimanda ex eo est, quod actum opusque habeat asperius & difficilius, nisi paria sint & consentiant cetera, quæ cum virtute solent esse coniuncta. In iustitia verbò cetera non sunt paria, sed maiora, & quæ fortitudinis opus excellentia suâ & præstantia superent. quod vt planius intelligatur, illud est hîc admonendum: vnâquamque virtutem duas parere atque afferre nobis vtilitates. Prima capitur ex ea perfectione, qua imbuitur animus intimè, quæque dicitur immanens & inhærens. altera foras erumpit, & in ipsis cernitur bonis externis, tum nostris, tum alienis. Temperantia quippe non sua tantùm honestate temperantis hominis instruit & exornat animum, verum etiam opes & rem familiarem conseruat, ab ægritudine tuetur corpus, vsum rationis liberum præstat. Fortitudo præter additum illum habitum quem inserit animo, defendit immerentes, hostes publicos in fugam auertit, patriam rapinis & incendio liberat. Liberalitas non satis habet, animum præparare, & habitu quodam honestissimo conuestire, quo redditur ad largiendum propensus, verum etiam alienam leuat inopiam, afflicto erigit, indigentium calamitati succurrit. Fieri adeo potest, vt fortitudo, quoniam verè difficilius opus exercet, perfectionem illam intimam æquè impertiatur animo, ac Iustitia; immo etiam fortasse maiorem. sed tamen in ceteris rebus externis, ex quibus etiam perfectio virtutis expenditur, est inferior. finis enim Iustitiæ legalis præstantissimus est, hoc est, conseruatio atque amplificatio boni communis: materia eiusdem petitur ab obiectis singularum virtutum & opus & actio, belli pacisque tempore semper & vbique necessaria sunt. Fortitudinis verò finis ipse per se, quamquam alienam fortassis vtilitatem attingit, non est tamen bonum commune: materia certa est & definita; opus & actio inter hostes & bella locum habent, quietis Reipublicæ temporibus cessat, & conualescit. Aristoteles verbò cum legalem Iustitiam præclarissimam esse contendit, non illum Iustitiæ habitum intimum comparauit cum ceteris, sed opera ipsa ex habitu prodeuntia, quæ propter vsum, quem vbique, ac semper habent in Republica præstantem, & singularem, ceteris anteferenda sunt. Quin etiam, si concederetur, difficillimis Republicæ temporibus, & inter belli pericula fortitudinem præstare Iustitiæ, nihil hinc tamen aliud vinceretur, quam hoc, Fortitudinem, non quidem simpliciter, sed per accidens, ac secundum quid Iustitia excellentiorem esse, ipsa etiam operis externi habita ratione. Simpliciter enim Iustitia præstantior est, & vt

lius opus exercet, quia belli pacisque temporibus, atque omnibus locis bono publico nauat operam. Quare si omnes homines essent iusti, bellicæ fortitudinis usus nullus esset. Idem dici de liberalitate debet, quæ difficilius fortassis opus propositum habet, sed non habet tamen cetera paria, cum ipsa priuatæ studeat utilitati, iustitia verò communi.

Denique verum est quod dicitur in quarto: liberales amari maximè, sed maximè tamen amantur ab iis, qui beneficium acceperunt propter proprium ipsorum & priuatum bonum: prudentes autem & qui bono Reipublicæ student, omnium maximè commendant, & diligunt iustum, cuius opus pertinet ad vniuersos.

Dicendum secundo loco est, ipsam quoque peculiarem iustitiam, quæ generalis est pars, virtutum aliarum peculiarium omnium præclarissimam, & præstantissimam esse duabus ex causis. Prima est: Quia virtutes ceteræ sunt in appetitu, iustitia in voluntate; quæ facultas animi præstantior est. Secunda. Quia proprium opus, munusque iustitiæ difficilius est, quàm ceterarum: sed ratio difficultatis non solum ex eo petitur, quod ad bonum aliorum, quantumvis priuatum & singulare, omne studium conferat, & operam, sed ex alio capite vberiori, quod sic explicatur. Fortitudo & temperantia, ut hoc exempli causa dicatur, perturbationes quidem sibi habent aduersas maximè validas & vehementes, sed alia tamen ex parte habent alias propemodum auxiliares, & plurimum adiuuantes. Si quis enim in acie mortem extimescit, & rei tam horribilis facie pectus

tur, ex alio timore ad agendum fortiter incitatur; quippe qui timet etiam crudelitatem hostium & seruitutem, timet bonorum iacturam & orbitatem, timet alia incommoda quæ pati cogeretur, si in manus hostium perueniret. Præterea timorem illum suum amore depellit, aut minuit. diligit enim parentes, uxorem, liberos, pro quibus ipsæ quoque pugnant & dimicant ferè. Denique ad timorem illum, vel frangendum, vel deponendum ipsa etiam ira iuuatur & odio. Pugnatur nimirum aduersus hostes, quos odio prosequitur, & ex quo illa concitatur, & existit ira, quam ceteram fortitudinis appellamus. nihil autem ad depellendum timorem esse potest efficacius, quàm furor & ira. Eadem ratio in ipsam quoque temperantiam cadit. Nam si quis ardentissimè voluptates expetit, appetitionem illam & cupiditatem cogitur aliqua formidine temperare, timet quippe corporis ægrotationes & morbos, timet rei familiaris interitum & inopiam, timet alia plurima, quæ ad cupiditatem explendam subito debet incommoda. Sed iustitiæ omnes omnino & cuiuscumque modì perturbationes aduersantur: quales potissimum sunt amor quæstus, honoris cupiditas, ira & odium aduersus eos, à quibus fueris iniuria lacessitus, alix prorsus omnes affectiones animi quæ sunt implacabiles, ac ne per accidens quidem iustitiam adiuuant.

Argumenta quæ aduersus hæc ab aliquibus obiciuntur, facile confutari possunt ex aliis, quæ suprà disputauimus, & ex aliis, quæ diximus in lib. 3. ad cap. x. quæst. 2. An temperantia ceteris virtutibus antecellat.



CAPVT SECVNDVM.

DE PECVLIARI IYSTITIA.

S V M M A.

Duplicem esse peculiarem, singularemque iustitiam: eique respondere ius duplex.

DIVISIO CAPITIS IN PARTES QVATVOR.

1. Præter iustitiam legalem alia restrictior etiã iustitia est, quæ dici peculiaris & propria debet.
2. Inter utramque, & convenientia, & differentia est.
3. Quæstio hinc enascens ostenditur, sed alteri loco reservatur.
4. In distribuentem communemque iustitiam hæc peculiaris iustitia bipartitò diuiditur.

PARS PRIMA CAPITIS SECVNDI.

Ζητῶνται δὲ καὶ τὴν ἐν μέρει
δικαιοσύνην. ἔστι γὰρ
ἡ αὕτη διὰ τὴν ἐν μέρει

Varimus autem eam, quæ in parte
virtutis est, iustitiam. est enim quæ-
dam, ut diximus. Similiter verò & de ea

ἀδικίας τῆς κατὰ μέρος. σημειοὶ δὲ, ὅτι ἔστι. καὶ μὴ γὰρ τὰς ἄλλας με-
 ρηθείας ὁ ἐνεργῶν, ἀδικεῖ μὴ, πλεο-
 νεκτεῖ δὲ ὁ σφδὶν. ὅς ὁ ρίψας πλὴν ἀσπί-
 δα, ἀφ' ὁδὸς δόλιας. ἢ ὁ κακῶς εἰπὼν,
 ἀφ' ὁδοῦ χαλεποτέρῃ. ἢ οὐ βοηθῶντας χρε-
 μασι, δὲ αἰχμηταίῳ. ὅταν δὲ πλεο-
 νεκτῇ, πολλάκις κατὰ σφδὶμίαν τῇ
 τριούται, ἀλλὰ μὴν σφδὶν κατὰ πάσας,
 καὶ ποικίλῳ δὲ γὰρ ἴδια. ψέγει μὴ γὰρ
 καὶ κατὰ ἀδικίαν. ἔστιν ἄρα γὰρ ἡ
 ἄλλη ἀδικία, ὡς μέρος ἢ τῆς ἑλπίς,
 καὶ ἀδικεῖν ἢ ἐν μέρει τῆ ὁλοῦ ἀδικου,
 τῆ ὁλοῦ τὴν ὁρμήν. ἔπ' εἰ ὁ μὴ τῆ
 καρδίας ἐνεκα μισοῦσιν, καὶ πλεονε-
 καίῳ, ὁ δὲ πλεονεκτηῖς, καὶ ζημιού-
 μῳος δὲ ὁπτιζομένη. σφδὶν μὴ ἀνέλα-
 σος δόξῃν ἀν' ἑῷ μᾶλλον, ἢ πλεο-
 νεκτεῖς. ἐκεῖνος δὲ ἀδικῶς, ἀνέλαστος
 δὲ οὐ. δῶλον ἄρα ὅτι ἀφ' ὁ καρ-
 δίας. ἔπ' ὅτι μὴ τῆ ὁλοῦ πᾶσι
 ἀδικήματα γὰρ ἢ ἐπὶ μαφορῇ ὅπτι
 ἴδια μερῶν αἰεὶ. ὅς εἰ ἐμίσχου-
 σιν, ἔπ' ἀπολασίου. εἰ ἐκτελείπε
 τὴν ὁλοῦ σφδὶν, ὅπτι δόλιας. εἰ δὲ
 ἐπάταξεν, ὅπτι ὁρμήν. εἰ δὲ ἐκέρδα-
 σεν, ὅπτι σφδὶμίαν μερῶν, ἀλλ' ἢ
 ἔπ' ἀδικίας.

iniustitia, quæ secundum partem est. Si-
 gnum autem hoc est, quod sit. Nam circa
 alias prauitates qui agit, iniuste facit qui-
 dem, plus autem habet nihil: velut abiiciens
 clypeum ob ignauiam, aut qui maledixit
 propter asperitatem, aut qui auxiliatus
 non est pecunia ob illiberalitatem. quando
 autem plus capit, sæpe ex nulla harum agit:
 sed neque etiam ex omnibus, ex improbita-
 te tamen aliqua. vituperamus enim eum
 quoque ob iniustitiam. Est igitur etiam ali-
 qua alia iniustitia tamquam pars quadam
 totius, & iniustum aliquid in parte totius
 iniusti, quod prater legem est. Prater eā.
 si aliquis quidem questus causā adultere-
 tur, & plus accipiat; alius largiatur, &
 damno afficiatur ob cupiditatem, hic qui-
 dem intemperans videretur esse potius,
 quàm plus capiens: ille autem iniustus, in-
 temperans verò minimè. Perspicuum ergo
 est propter lucrum id esse. Ad hac: in aliis
 quidem omnibus iniuste factis sit relatio ad
 aliquam prauitatem semper; ut, si adulte-
 rarius est, ad intemperantiam: si deseruerit
 proximè stantem in acie, ad ignauiam: si
 autem verberauit, ad iracundiam: si verò
 questum fecit, ad nullam prauitatem, nisi
 ad iniustitiam.

EXPLANATIO.



DE peculiari & singulari iustitia, explicatā iam communi & generali,
 disputaturus Aristoteles, quia videt, aliquem posse primū quære-
 re, an sit, ponit & pronunciat initio, eam esse: idque sic ponit ex om-
 nium opinione communi, quam iis exprimit verbis, ἢ γὰρ πῶς, ὡς φα-
 μὲν. quæ tamen si vertenda Latine sic sunt; est enim aliqua, (hoc est,
 peculiaris iustitia) quemadmodum dicimus; sibi volunt tamen aliquid amplius &
 argumenti vim obtinentā communi omnium opinione, iudicioque petiti. Nam ὡς
 φάμεν, non significat tantum, ut dicimus, sed, ut communiter, & vulgò volumus
 ac putamus. itaque vel ex eo probatum vult, præter legalem communemque iusti-
 tiam, aliquam oportere peculiarem & priuatam esse, quod vulgò sic existimatur;
 & omnes ita dicimus, ac putamus. Pergit autem idem ampliori quadam ratione
 demonstrare: quæ, ut planior fiat, reuocandum in memoriam est, iniuste factorum
 duo genera esse, pleonecticum & paranomicum. pleonecticum est eorum, qui plus
 aliquid accipiunt, & habent, quàm æquum & par sit, cuiusque vitiositas pleonexia,
 & qui ea tenetur, pleonectes appellatur. paranomicum verò in legum violatione
 consistit, cuius vitiositas est paranomia, hoc est, legum violatio, & qui ea notatur,
 paranomos, hoc est, legum violator dici solet.

His commemoratis, Aristotelis argumentum sic proponamus. Præter iniusti-
 tiam communem & generalem, quæ communis vitiositas & malitia est, quædam
 est iniustitia, quæ peculiaris vitiositas & malitia dici debet. Ergo præter legalem
 iustitiam, quæ communis & generalis est virtus, alia quædam est iustitia peculiaris
 & singularis, quæ peculiaris est virtus. habitus enim, ut in proximè superiori capite

dictum est, ex contrariis optimè cognoscuntur. Huius argumenti propositio antecedens triplici argumentatione probatur. Prima. Ea, quorum alterum separari ab altero potest, haud dubiè distincta sunt. Sed iniustitia communis & legalis, quæ paranomia est, & legum violatio, separari potest à pleonexia, quæ est peculiaris iniustitia, plus aliquid sibi sumens & habens, quàm æquum sit. Ergo præter legalem iniustitiam, & generalem paranomiam, quæ omne vitium continet, est alia peculiaris iniustitia in certo quodam & peculiari vitio posita. Assumptio probatur hoc modo: Ille, qui agit ex aliarum vitiositatum habitu, iniuste quidem agit, per iniustitiam legalem peccans, quia facit quod lege vetatur; sed tamen haud peccat ex pleonexia, hoc est, ex eo, quod sibiumat & retineat plus, quàm æquum sit, à iustis dominis rem interuertens: ut cum aliquis in acie scutum proiecerit ex ignauia, aut contumeliam fecerit, probrosaque in alium verba protulerit ex morositate, vel asperitate naturæ, aut amico pecunia & re non fuerit opitularus ex illiberalitate; adeoque legalis iniustitia potest esse sine pleonexia, siue auaritiâ illâ plus sibi sumente, quàm æquum sit. nam ille, qui clypeum abiicit, aut non fert opem amico, aut morosus est, peccat quidem contra leges, sed nihil rapit. Ergo peculiaris iniustitia à generali, communique ac legali separatur. id quod etiam demonstrari potest amplius à contrario. Peccat interdum aliquis ex illa pleonexia & auaritia, quæ sibi plus accipit, rapiens aliena, nec per aliquam aliam vitiositatem, neque per omnes peccat, adeoque non est legalis iniustus; & tamen iniustus est, quia tanquam iniustus vituperatur ab omnibus. Ergo iniustitia peculiaris à communi & legali distinguitur.

Secunda ratio. Illæ vitiositates distinctæ inter se sunt, quæ ad diuersos distinctosque referuntur fines. sed pleonexia, siue auaritia illa, quæ sibi plus sumit, & iniustitia peculiaris est, ad finem dirigitur ab eo distinctum, in quem contendit iniustitia legalis. Igitur hæ duæ distinctæ vitiositates inter se sunt. Prima Propositio declaratur ex eo, quod habitus ex distinctione finium distinguuntur. Nam potest aliquis adulterij crimen admittere duplici modo: primo quidem, quæstum ex adulterio faciens, & eo quæstu ad turpitudinem ductus, altero autem, libidine incitatus, & voluptatis cupiditate, nullo autem pertractus lucro, immo etiam interdum rei damnum patiens, & iacturam pecuniæ ac facultatum. Is, qui lucris studio adulterium facit, non est libidinosus, quia scelus ea gratia non commisit, ut libidini satisfaceret suæ, sed est auarus aut iniustus, quia propter lucrum & adulterium commisit, & iniuste fecit: ut si mulierem adulterio cognouit in eam gratiam, ut eam auro mundòve spoliaret per fraudem aut vim, vel alia ratione compendium & lucrum iniquum ex adulterio tulit. quale capitur ex ea, quæ quoniam sub viri potestate est, ius dandi adultero amatorive non habet. Nam alioqui meretrices vniuersim haud iniuste quæstum faciunt, ex Labeone & Marcello apud Vlpian. in l. Si ob stuprum de condict. ob turpem caus. & D. Thom. 2. 2. quæst. 62. artic. 5. & tamen interdum etiam ipsæ cum opere Venereo coniungunt iniustitiam, quia pecuniam corradunt ab iis, qui eius pecuniæ domini non sunt. Sed qui adulterio ideo se contaminat nominatim & propriè, ut libidinem expleat, ille verè libidinosus & voluptarius est; quia in eum finem voluptatis & delectationis propriè solitariæque contendit. Habitus igitur ex suis finibus distingui debent, in quos feruntur. Sed iniustitia legalis dirigitur in alias vitiositates velut in finem: auaritia verò & pleonexia quæ peculiaris est iniustitia, in suum certum ac proprium ab iis longè varium ac diuersum. igitur hi duo distincti, separatique habitus inter se sunt.

Tertia ratio. Quicumque aduersus aliquam peccat virtutem, contra legalem iustitiam peccat, quæ moralium virtutum omnium imperat opera: non tamen quisquis contra moralem aliquam virtutem agit, contra peculiarem iustitiam peccat. Ergo præter vitiositatem legalem alia peculiaris est vitiositas, quæ peculiaris iniustitia dicitur. Nam si quis adulter, aut mæchus sit, iustitiam violat legalem, quia eiusmodi vitium ad libidinem inconcessam refertur, quæ lege prohibetur: si quis in bello desertor sit, etiam contra legalem iustitiam facit: quia hoc peccatum reuocari debet ad timiditatem & ignauiam, & est fortitudini contrarium, quod legibus etiam aduersatur. Si quis proximè stantem socium verberauerit, contra legalem iustitiam deliquisse dicitur, quia opus illud adscribitur iræ, cuius moderatio lege præcipitur. Sed si quis iniquè lucratus aliquid est, & plus aliquid habet per quæstum iniquum,

non

EXPLANATIO.



UPERIORIS orationis vltimam partem hoc initio concludit, pronuncians; ex iis, quæ disputata iam sunt, constare planissimè, præter cõmunem iniustitiam aliam esse in parte, hoc est, tanquam partem siue particularem, ex quo consequens sit, etiam præter legalem, generalẽque iustitiã aliam esse peculiarem iustitiæ cõmuni & generali subiectam vtriusque partem. Quibus ita conclusis, aggreditur exponere vtriusque iustitiæ convenientiam quamdam & differentiam sub eodem iustitiæ nomine. idcirco enim vtramque appellauit synonymam. Ambæ igitur in eo conueniunt, quòd in vtriusque definitione idem sit genus, cùm petatur ex eo, quod vtræque ad alterum referatur & sit. id quippe videtur esse genus vtriusque commune. Discrepant autem in materia, hoc est, in eo, quòd peculiaris iustitia & iniustitia versatur in peculiaribus & certis bonis, ex quibus communicationem attendimus inter homines: cuiusmodi sunt honor, pecunia, & ea, quæ ad salutem corporis pertinent. Id enim significat hoc loco salus, quod obseruatè perpendendum videtur: cùm rara ea notio sit, & fortasse singularis. solus enim opinor Aristoteles *σωτηρίαν*, hoc est salutem, appellat omnia, quæ ad vitam corpûsque tuendum necessaria sunt. Hæc, inquam, bona ait esse materiam peculiaris iustitiæ & iniustitiæ, & si qua præterea sunt, quæ vno comprehendendi nomine queant. Vollet enim iustitiæ, iniustitiæque singularis materiam vno complecti nomine, sed videt id fieri non posse propter eiusdem materie varietatem, & multiplices partes. Posset quidem dicere, hanc materiam esse bona fortunæ, in quibus tantum viros iniustos versari posuit suprâ, sed videt id etiam angustius dici. Itaque ampliori vocabulo appellandam putat lucrum ac damnum, sed improprie sunt enim hæc ad materiam additamenta quædam, & accessiones, non ipsa materia. sed iustitia legalis atque iniustitia versantur vniuersim in tota morali materia, hoc est, in iis omnibus, in quibus occupari potest vir probus & virtutis studiosus. Itaque communis iustitia legalis & peculiaris, seu singularis, differunt eo nomine, quòd hæc certam, habeat definitamque in re morali materiam, illa moralem prorsus omnem materiam complectatur, cùm nulla sit virtus, cuius præcepta non tradat, cuiusque fines & materiam non attingat.

Quod igitur sint iustitiæ plures, &c.] Genere iam, ac differentia vtriusque iniustitiæ deprehensa, ex quibus intelligitur, & iustitiam aliquam esse singularem, & quid ipsa sit, explicandam ait esse postmodum quæstionem qualitatæ, & inuestigandum, qualisnam eadem sit. Sed antequam id aggrediatur inquirere, colligit ea, quæ disputata sunt hætenus, atque hæc in summa esse confirmat. iustitias esse plures; legalem, & æqualem, ac præter communem & generalem aliam quoque singularem, peculiaremque reperi: iniustum esse etiam duplex; alterum inæquale, alterum paranomicum, hoc est, ex legum, iurisque contemptu & violatione constitutum: ex hoc duplici genere duplicem quoque iustitiam, atque iniustitiam exoriri. Cæterum hic admonet vnum: illud iniustum, quod appellatur inæquale, non esse simplex & vniusi modi, cùm non sit idem inæquale, atque id, quod dicitur plus: alterum enim est veluti pars, alterum autem vt totum. nam omne quod plus est, inæquale est, non tamen quicquid est inæquale, plus est: cùm aliquod iniustum inæquale sit, non quòd plus habeat, sed quòd minus: vt cernitur in iis, qui malorum & incommodorum communium minus participes sunt, quàm oporteret. Ad summam, inæquale videtur esse quiddam commune vtriusque iustitiæ singularis, hoc est, eius, quæ plus quàm æquum sit vsurpat de bonis, & eius, quæ minus quàm deberet, sibi sumit de malis. Itaque inæquale habet se sicut legale. Quemadmodum enim iniustitia inæqualis non est eadem atque iniustitia legalis, sed eius est pars, sic id quod est plus non est idem atque inæquale, sed altera pars inæqualis. Ad extremum ait, ex duplici iustitia iniustitiæque sibi velle se ponere ac sumere peculiarem illam & singularem ad disputandum, prætermittit legalem & generalem, quæ ad vniuersam pertinet, totamque virtutem. est enim legalis iustitiæ proprius vsus cuiuscumque virtutis, & legalis iniustitiæ vsus cuiuscumque viciositatis. Itaque eius tractatio prætermitti facillè potest, cùm perspicuum sit quidnam dici debeat iustum iniustumve legale, quæque iustitia legalis aut iniustitia sit. Declarantur enim hæc à lege planissimè; cum maxima legalium pars præceptorum eâ iubeat, quæ congruen-

tia sunt vniuersæ virtuti. Iubet quippe nos lex secundum vnamquamque virtutem viuere, & eadem à quacumque vitiositate nos prohibet. Quæ causa est, cur lex à Papiniano in l. 1. ff. de legibus & Senatuscon. delictorum correctio, & communis Reipublicæ sponso nominetur.

PARS TERTIA CAPITIS SECVNDI.

ΤΑ δὲ ποικίλῃ τῆς ὅλης ἀρετῆς ὅτι τῶν κοινῶν ὅσα νομοθετεῖται, αὐτὴ παιδεία τὴν πρὸς τὸ κοινόν. αὐτὴ δὲ τῆς καθ' ἑκάστην παιδείας, καθ' ἣν αἰπλῶς αἰτὴ ἀγαθὸς ὅτι, πότερον τῆς πολιτικῆς ὅτιν, ἢ ἐτέρας, ὕστερον δὲ εἰσέρχεται. οὐ γὰρ ἴσως ταυτὸν αἰεὶ τε ἀγαθὸν εἶναι καὶ πολίτην πόρπ.

Efficiencia autem totius virtutis sunt ex legalibus quæcumque sancit a legibus sunt, ad institutionem erga commune. de singulari institutione, secundum quam simpliciter vir bonus est, verum politica sit, an alterius, postea definiendum est. Non enim fortasse idem est virum bonum esse, & ciuem omnem.

EXPLANATIO.

VIA dixerat, pleraque fermè legitimorum, siue legalium præceptorum totius, vniuersæque virtutis officia præscribere, affert hic legitimorum, siue legalium omnium partitionem; vt intelligatur de quibus nam id quod ipse dixerat, accipiendum sit. Commemoratur adeo, proponiturque duo institutionis & disciplinæ genera, alterum publicæ, alterum priuatæ, quæ benè constitutis legibus continentur. Publicæ institutionis habent & proponunt genus, cum vniuersè benè viuendi rationem, vt supra dixit, secundum virtutem ostendunt, verantque generatim adulteria, latrocinia, exedes, aliæque flagitia, quæ pessundant euertuntque Rempublicam: priuatæ verò, cum singulis hominum ordinibus, ætatibus, opificiis, ac studiis particulatim & propriè singularia præcepta tradunt. Vt enim hic ait Aspasius vel Eustratius Græcus interpret, prudentis legum latoris est, non solum vniuersè de tota virtute præcipere, & ea generatim sancire, quibus tota Respublica contineatur, quæque totius, siue generalis, communisque virtutis conficiencia sunt discernere, verum etiam ea proponere, quibus boni & suis muneribus idonei reddantur singuli ciues, opifices, mercatores, agricolæ, hominum demum ætates, & ordines singuli. Hoc institutionis priuatæ genus à multis legum conditoribus prætermisum fuisse conuenitur idem Aristoteles in lib. 10. horum moral. ad fin. & in Polit. lib. 7. & 8. & Plato multis in locis eorum librorum, quos scripsit de Legibus. Atque vt ostenderet, quanti hanc priuatam Rerumpublicarum institutionem æstimaret, totis fermè decem de Republica libris, & aliquot de Legibus, eam accuratè, ac diligenter est persecutus. Sed in lib. 4. de Republica præsertim ac nominatim id ait, in hac potius operam ac studium ponere legum latoris, quàm in forensium iudiciorum descriptione debere. In his enim explicandis qui plurimum laborat, eum insanire ait, & velut hydræ capita pullulancia semper, & subnascencia refecare. Porro inter hanc & superiorem institutionem illud discrimen est, quod superior informat, redditque accommodatum hominem bono communi, siue procurando, siue fouendo & conseruando; hæc autem posterior eundem hominem proprio reddit idoneum bono, & eatenus perficit, quatenus in se ipso bonus efficitur. Vt igitur id aliquando dicamus cuius causâ hæc disputauimus, ponendum est; ea quæ principio hic pronunciat Aristoteles de legum præceptis, siue legalibus totius & vniuersæ virtutis conficientibus, accipiendum esse de publica institutione, non de priuata.

Cum autem certum sit, legalia, siue legitima, hoc est, ea, quæ legibus præcepta traduntur, esse conficiencia totius & vniuersæ virtutis, cuius ipsæ leges explicant & proponunt officia per institutionem illam & disciplinam, quæ publica dicitur, cum, inquam, hoc ita sit, exoriri quæstio potest, verum institutio quoque ac disciplina priuata, qua informatur & perficitur homo, vt suis obeundis officiis idoneus sit, & proprium bonum consequatur, ad Politicam pertinere, an ad aliquam

aliam scientiam videatur. Sed hoc ait esse posterius explicandum, hoc est, vel infra in lib. 10. cap. ult. vbi docet esse Politicæ munus, non modo de prima illa, sed de hac etiam altera institutione præcipere, vel in lib. Polit. 3. vbi ostendit, non eundem esse bonum virum & bonum ciuem in quacumque Republica, sed in sola Aristocratia, atque in perfecto regiminis, & imperij genere. In aliis enim quantòpote bonus ciuis & vir bonus inter se discrepent, docuit his verbis in epistola quadam ad Lentulum Cicero: Ego cum ipsa quasi Republica sum collocutus, ut mihi tam multa pro se perpesso atque perfundo concederet, ut eum quem bonum ciuem semper habuisset, bonum virum esse pateretur.

PARS QUARTA CAPITIS SECUNDI.

ΤΗΣ ΔΕ Τῆς μέγας δικαιοσύνης, καὶ τοῦ κατ' αὐτὴν δικίου, ὃ μὲν ἔστιν εἶδος, ὃ ἐν ταῖς ἀφαιρέσεσιν, ἢ ἡμῶν, ἢ χρημάτων, ἢ τῶν ἄλλων, ὅσα μείζονα τοῖς χριστοῦσι τῆς πολιτείας. ἐν τοῦτοις γὰρ ἔστι καὶ αἱ σὺν ἑξὶ καὶ ἴσσι, ἑπεὶ ἐπὶ τούτοις. ἐν δὲ, ὃ ἐν τοῖς σωμαλλάγμασι διακρίνεται. τούτου δὲ μέρη δύο. τῶν γὰρ σωμαλλάγματων, τὰ μὲν ἐκούσια ἔστι, τὰ δὲ ἀκούσια. ἐκούσια μὲν τὰ ποιεῖν, ὅτι πρὸς αἰσῶν, ὡς, διακρίνεται, ἐξουσία, χρῆσις, ἀδικία, ἀδικία, μίσθωσις. ἐκούσια δὲ λέγεσθαι, ὅτι ἡ ἀρχὴ τῶν σωμαλλάγματων πύτων, ἐκούσιος. τῶν δὲ ἀκούσιων, τὰ μὲν ἀδικία, ὅτι κλοπὴ, μοιχεία, φαρμακεία, πονηρία, δουλοπαιτεία, δολοφονία, ἀδελφονεκία. τὰ δὲ βία, ὅτι αἰκία, δεσμός, δάσκαλος, ἀπάτη, πύτων, κακουργία, πονηρία, κακουργία.

Eius autem, quæ secundum partem est iustitia, & eius iusti, quod secundum ipsam est, vna quidem est species, quæ in distributionibus honoris, vel pecunie, vel aliarum rerum quotquot diuidi possunt iis, qui participes eiusdem Reipublicæ sunt, versatur. In his enim contingit, & inæquale habere, & æquale alium ab alio: Vna autem, quæ in contractibus emendatrix est. huius verò partes sunt duæ. contractuum enim aliqui voluntarij sunt, alij inuoluntarij. Voluntarij quidem huiusmodi: veluti venditio, emptio, mutuum, fideiussio, commodatum, depositum, locatio, & conductio. voluntarij verò dicuntur, quia principium contractuum horum, voluntarium est. Inuoluntariorum autem alij sunt clandestini; ut furtum, adulterium, veneficium, lenocinium, serui deceptio, cedes dolo commissa, falsum testimonium. alij verò sunt violenti; ut verbera, vincula, mors, rapina, mutilatio, maledicentia, contumelia.

EXPLANATIO.



PÆTERMISSA legali iustitia, ingreditur demum sedulò, deditaque opera de peculiari, singularique iustitia differere, tractationem eius exordiens à diuisione. Partitur enim hanc peculiarem iustitiam in species duas, quarum altera in distributione, altera in commutatione rerum posita est. Sed hæc secunda diuiditur iterum in plures ex commutationum differentia multiplici, ut videbimus. Ve igitur unicuique & suam materiam tribuat, & designet officium, primam illam iustitiam distribuentem versari ait in partitione, ac distributione aliquarum rerum communium, siue bonarum, ut honorum, pecunie, Magistratuum; siue malarum, ut laboris, vigiliarum, sumptuum, vectigalium, aliorumque incommodorum, quorum & quæ oportet esse participes omnes, qui eiusdem ciuitatis & Reipublicæ communione coniuncti inter se sunt. Atque hoc iustitiæ distribuentis officium esse probare videtur in hunc modum. Vbi reperitur æqualitas & inæqualitas vnius hominis ad alterum comparati, ibi oportet esse ac versari iustitiam peculiarem, cuius est proprium æqualitatis medium inuestigare ac definire. Sed in distributione honorum, præmiorum, aliorumque bonorum communium inter eos, qui eiusdem ciuitatis communica-

etisque participes sunt, & æqualitas & inæqualitas esse potest. Ergo in ea distributione versari oportet iustitiam peculiarem. Hæc videlicet est causa, cur Chrysippus apud Gell. lib. 14. cap. 14. tribuerit huic iustitiæ oculos rectos, acres, immotos, & quos in iudicando non flectat, & cur Heliodus eandem iustitiam virginem fecerit, quæ corrumpi se violatque non sinat, ac propterea Dux ipsis admirabilis sit.

*Ille quidem virgo est, supero Ione nata parente,
Nimine clara suo, cætuque verenda Deorum.*

Atque in hanc potissimum cadit illa definitio Iurisperitorum. Est enim hæc maximè constans & perpetua voluntas, ius suum unicuique distribuens. Est, inquam, voluntas, hoc est, habitus actioque voluntatis: est constans, hoc est, firma, & minimè nutans, aut vacillans, aut dubitans. est denique perpetua, non quidem ut Deus, sed ex certo stabilique proposito agendi semper ex lege.

Alteram peculiaris iustitiæ formam ac speciem eam facit, quæ in rerum commutationibus occupatur, quarum vi ex vnius hominis ditione ac potestate aliquid transfertur in alium; ut fieri cernimus in emptione, venditione, ceterisque huiusmodi conuentis & pactis. Ex quo discrimen apparet euidens inter hanc & superiorem iustitiam distribuentem; cum illa à communitate, ac Republica transferat aliquid ad certos homines, & singulares: hæc à singularibus ad singulares transferat & priuatos. Quemadmodum igitur superiori distribuenti materiam dedit in honoribus & pecunia, vel rebus, quæ pecuniâ æstimantur ac pretio, positam, sic huius commutantis materiam esse vult vno, simplici que comprehensam nomine, hoc est, eam, quam appellat *συνάλλαγμα*. quod vocabulum est accuratius explicandum; cum eius cognitio plurimam ad hoc argumentum sit utilitatem & lucem allatura. Ipsa huius origo & notatio nominis indicare videtur, institutum atque impositum id esse ad res, siue negotia significanda, quibus homines dando, accipiendoque, facultates inter se permutant, & in alium transferunt, aut conuertunt ad se. Nam *συνάλλαγμα* dictum est, ut putat Giffan. *συν* τὸ ἀλλάζειν, hoc est, à permutando, unde componitur *συναλλάττειν*, quod est cum aliquo permutare atque contrahere. Itaque *συνάλλαγμα*, contractus cum aliquo est. Sed Budæus in Pand. ductum esse docet à *συναλλάττειν*, quod est item contrahere, permutare ac pacisci, unde corruatum potius videtur esse *συνάλλαγμα*, contractus, pactio, vel permutatio, ut docent Lexica. Simile huic & geminum apud Græcos vocabulum est *συμβόλαιον*, commercium, seu negotiatio. nam plurali numero τὰ συμβόλαια, contractus, condita, pacta & conuenta apud Aristotelem ipsum significant. est igitur *συνάλλαγμα* id quod à Iurisperitis nomine contractus exprimitur; & id quod Cicero pactum, pactionem, aut res contrahendas appellat. contractus enim nomen apud eum est nusquam, quamquam est sæpissimè contrahere cum aliquo. ut in Verr. de Rubrio Quæstore. Nam quas pecunias ferebat iis expensas, quibuscum contrahebat, eas ipsi illi referebat acceptas. & in Off. lib. 2. Neque si tecum agas quid, neque si cum altero contrahas, &c. Sed non est tamen hoc vocabulum quasi non Latinum omnino repudiandum. Nam & Iurisperitorum antiquorum est, quibus haud est levis authoritas, & Quintiliaui Rhetoris boni, nec latinitatis extremæ. Eius enim hæc verba sunt: Dicam quæ acta sunt antè ipsum rei contractum, dicam quæ in re ipsa, dicam quæ postea. Id, inquam, est *συνάλλαγμα*, atque eadem eius vocis est vera & propria notio, quæ apud Latinos in vocabulo contractus est. Aristoteles tamen eiusmodi notionem amplificauit, extraxitque hoc nomen ad significandum non modò contractum, verum etiam delicta, flagitia, omnia denique ciuilia negotia, ut testamenta, nuptias, aliæque ex hoc genere plura, quod Giffan. obseruauit. Quin eodem modo symbolæum, quod commercium, ut dixi, negotiationemque & plurali numero contractum item pactionemque significat, ad alia transtulit & produxit plurima. Duæ sunt ergo quas hætenus exposuimus notionnes huic nomini subiectæ; Aristotelis vna latissima, quæ non modò contractum, sed delicta, & ciuilia negotia complectatur omnia, ut declaratum est proximè: Secunda, Iurisperitorum restrictior, quæ contractus tantum pactionemque, & commutationes ex quibus inter plures obligatio nascitur, comprehendat. Sequitur tertia etiam angustior Iuris ciuilis propria: cuius doctores vocant interdum *συνάλλαγμα* negotium, ex quo actio ciuilis oriatur. Est denique quarta etiam coacta, & Iurisper-

consultis tantummodo vsitata, quæ non omnes omnino contractus, sed certos quosdam solum significat, ex quibus verinque nascitur obligatio; qualis est venditio, emptio, locatio, conductio, societas, aliæque similia his, quæ ipsi duntaxat *συνάλλαγμα* nominant, ut docet Ulpian. ex Labeone ff. de verb. & rer. sign. l. 19. Disertè namque ait tibi Labeo, id quod Græci *συνάλλαγμα* vocant, esse contractum vltro citròque continentem obligationem. Multa quippe contrahuntur, ex quibus verinque inter contrahentes obligatio non existit, sed ex altera tantum parte, ut est mutuum, commodatum, stipulatio, quæ *συνάλλαγμα*, si vim huius notionis attendas, propriè verèque non sunt. Vendo tibi fundum; loco domum: ego quidem fundum domumve tibi tradere debeo; sed soluere pretium debes, quia vltro citròque, ut ait Labeo, ex eo contractu extitit obligatio. Mutuos tibi dedi aureos centum: debes tu centum reddere. tibi ego nihil omnino debeo. Promisi ego tibi per stipulationem argentum meum, illud tibi equidem tradere debeo, tu mihi profectò nihil; quia ex eiusmodi contractibus verinque non oritur obligatio.

Ex tam multiplici huius vocabuli notione debet intelligi, quàm latè materia commutantis iustitiæ pateat. Cadit enim in eam, quoniam *συνάλλαγμα* est, quicquid demum *συνάλλαγμα* significat: siue permutatio & contractus id sit ex vtraque obligans parte, aut ex altera tantum, siue pactio & conuentio, siue delictum etiam, aut quidpiam aliud, quod actionis civilis nomine contineri possit. Est demum eadem huius iustitiæ materia quæ Iuris civilis est, atque ab ipsis Iurisconsultis, personarum, rerum, & actionum nomine comprehenditur. ea enim omnia vno verbo exprimit suæ notionis amplitudine *συνάλλαγμα*, adeoque rectè commutantis iustitiæ materia dicitur.

Emendatrix est.] Quoniam contractus, permutatio, civilis actio, ipsum denique *συνάλλαγμα* commutantis iustitiæ materia est, proprium quoque videtur esse demonstrandum officium, quo in eiusmodi materia versans iustitia fungitur. Hoc igitur officium ait esse positum in emendandis, corrigendisque commutationibus, contractibus, & civilibus actionibus, quarum vi aliquid ab vno transfertur in alium. Multa enim in his per inæqualitatem vulgò peccantur, quæ ab aliqua castigari virtute, atque ad iustam redigi debent æqualitatem.

Huius autem partes.] Porro ex hoc officio sequitur, ut Iustitiæ commutantis partes emendatrices sint omnino duæ. Commutationes enim ipsas, contractus, actionesque civiles, quas corrigit, bipartitò sunt diuidendæ; cum aliæ voluntariæ sint, aliæ iniuriæ, nec spontè susceptæ. Iurisconsultis quidem contractus solus est qui voluntarius est. Sed Aristoteles etiam non spontè initum generali nomine contractum appellat. quem in omni bonorum, malorumque communitate esse posse inter homines videt. Fit enim in civilibus humanæ societatis actionibus personarum quædam inter se mutua commutatio eiusmodi, ut alia agat, alia patiatur: quia ut infra in hoc lib. cap. 9. declarabitur, in qualibet singularis iustitiæ specie τὸ ἀντιπρὸς, hoc est, reciproca perperitio locum habet, quæ vulgò dicitur contrapassum. Itaque inter pulsantem & pulsatum, inter furtum facientem, & eum, cui furtum fit, commutatio personarum est, quia ille agit, hic patitur iniuria, & quidem iniuriæ. Ergo, ne hanc commutationem & actionem civilem prætermittat Aristoteles, in contractum voluntarium, inuoluntariumque partitur, atque duo commutationum esse genera, quorum alterum spontè, alterum iniuriæ ac minimè voluntariè fiat. voluntarium autem illud esse, cuius principium in ipso contrahente est. quod repetitur ex lib. 3. vbi iam demonstrauit, id verè proprièque voluntarium dici, cuius principium in agente sit, cuiusmodi apparet esse venditionem, locationem, depositum, fideiussionem, & alia, quæ commemorat, obligationem afferentia, quia voluntaria sunt. Nam ex hoc principio voluntario ea nascitur inter contrahentes obligatio, quam Iurisconsulti necessitatem appellant. dicunt enim esse contractuum inspicienda principia, quia voluntatis est contrahere, contractis stare, necessitatis. l. si quid initio. C. de obligat. & act. & ff. commodat. l. in commodato §. sicut. Idem apud Lucian. est in Abdicato. Voluntatis, inquit est, arbitrium adire, necessitatis, arbitri sententiæ stare. Contra verò inuoluntarium, aut non spontè, sed iniuriæ susceptum commutationis dici debet genus id, cuius principium in commutante, & contrahente non est. Sed hoc ipsum iniuriæ initi contractus & commutationis genus diuidit rursus in duo. Est enim commutatio quædam propter ignora-

tionem, quædam propter violentiam inuoluntaria. Præterea ex commutationibus inuoluntariis per ignorantiam ait esse quamdam clandestinam & occultam: ex inuoluntariis propter vim, quamdam esse manifestè violentam. Inter commutationes per ignorantiam occultè inuoluntarias furtum recenset, quo res aliena clam surripitur ab inuito, adulterium, aut stuprum, quo coniux aliena vel virgo etiam occultè corrumpitur: veneficium, quo vel cantionibus arcanis conficiuntur homines, aut abdito veneno epulæ inficiuntur & pocula: lenocinium, quo vel ad scorta, vel ad matronas mæchi perducuntur, & adulteri: alieni serui corruptio, qua clanculum à domino subducitur: dolosa cædes, qua quis per abditas insidias & fraudulenter è medio tollitur: falsum testimonium, quo per mendacium obtegitur, & occultatur veritas. Hæc autem omnia ait esse occultè inuoluntaria propter ignorantiam, quia qui ea patitur, pestem occultam ignorat. Neque enim vir notum habet lenocinium, quo coniux eius occultè corrumpitur, nec dominus fraudem scit, qua seruus abducitur & pertrahitur in fugam. Commutationes autem inuoluntarias propter illatam palam & manifestè vim, quam patimur inuiti, has esse ait; rapinam, mutilationem, debilitationemve membrorum, maledicta, contumelias, vincula, pulsationem, & verbera, mortem, seruitutem: quæ Author ad Herenn. reuocauit ad tria iniuriæ genera, quorum vnum pulsatione corpus, alterum aures conuitio, tertium turpitudine vitam commaculet. Ac meritò quidem hæc ita diuisit Aristoteles. voluntarium enim atque inuoluntarium in commutationibus varias diuersasque constituunt species; cùm in commutationibus voluntariis intercedat tantummodo rei subtractio, quam per æqualitatem oporteat compensari, in inuoluntariis autem non sola sit rei subtractio, verùm etiam iniuria, qua fiat, vt raptor non modò rem per æqualitatem compensare cogatur, sed præterea puniri propter ipsam iniuriam debeat.

EPILOGVS.

1. *Præter legalem communemque iustitiam alia quadam est peculiaris & singularis, quæ superioris est pars: quia constat, eiusmodi quoque singularem & peculiarem iniustitiam esse totius vity partem, cui singularis debeat etiam respondere iustitia.*
2. *Esse autem eiusmodi peculiarem, & singularem iniustitiam ab iniustitia generali distinctam, id demonstrat; quòd multi contra leges agunt, veluti qui deserunt aciem, aut adulterium committunt, non ob lucrum aliquod iniquum, sed ad explendam cupiditatem, qui nemini tamen quicquam eripiunt, neque plus accipiunt, aut habent, quàm æquum sit. proprium autem iniustitiæ peculiaris est, eripere aliis, & plus habere, quàm oporteat. Quòd si hæc à superiori distincta non esset veluti pars, is qui violat leges, hanc inæqualitatem efficeret.*
3. *Itaque id quod præter legem, aut contra legem est, & inæquale, non sunt idem: cùm inæquale sit pars iniusti. quod autem contra leges est, sit totum & vniuersum iniustum. leges enim virtutem omnem complectuntur.*
4. *Peculiaris hæc & singularis iustitia duas habet partes, quarum altera bonorum communium distribuens est, altera commutans priuata, & inæqualitatis est emendatrix. adeoque in contractibus tota versatur, quorum alij voluntarij sunt, alij verò inuito suscepti, vel propter ignorantiam, vel propter vim.*



IN CAPVT SECVNDVM

QVÆSTIO PRIMA.

An præter legalem communemque Iustitiam aliam esse peculiarem oporteat, quæ generalis Iustitiæ communisque sit pars.

NECCESSARIÒ quærendum & inuestigandum id est; quia legalis iustitia est vniuersa & tota virtus, adeoque virtutes continere videtur omnes, multoque magis ipsam peculiarem iustitiam, quæ illius dicitur & est pars. Sed præstat hoc dilemmate rationem om-

nem quæstionis includere. Hæc peculiaris & propria iustitia si distinguitur à legali, vel distinguitur tamquam à toto pars, vel idèd solum, quòd vna non comprehendat & includat aliam. Si priori modo distinguitur, non videtur esse constituenda vna tantum peculiaris & propriè iustitia, sed plures, hoc est eodem, quot virtutes

peculiares sunt; cùm omnes sint partes iustitiæ legalis, quæ, vt suprà dictum est, virtutes complectitur vniuersas. Itaque virtus illa, quam Aristoteles appellauit æqualem, & in æqualitate positam esse, ac verum voluit, haud magis erit dicenda iustitia, quàm ceteræ. Si posteriori distinguitur modo, iustitia legalis non erit tota, & vniuersa virtus, quia non includit peculiarem hanc iustitiam: totum enim nihil dici debet, quod non omnia comprehendat, quorum causa dicitur totum. Ceterùm quia decreuit Aristoteles, & rationibus ostendit plurimis, iustitiam peculiarem à legali, vniuersamque distingui, ac propterea præter legalem, hanc etiam esse ponendam, & in virtutum numero collocandam,

Animaduertendum est primò, virtutem aliquam ex eo quidem sumere iustitiæ nomen, quòd referatur ad alterum, sed non tamen satis esse, si ad alterum quemlibet ipsa referatur. Nam quæ virtus refertur ad coniugem, ad liberos, ad parentes, ad familiam, pietas fortasse sit, certè iustitia non appellatur, quia hi à nobis distincti non esse putantur, & res eorum inter eorum nostratum numero esse censentur ab omnibus. Itaque cùm erga eos aliquid agimus, erga nos ipsos videmur & dicimur agere. Necesse igitur est, alteros illos, ad quos ea refertur virtus, quæ verè proprièque iustitia est, esse prorsus alienos, nec alia nobis propinquitate coniunctos, quàm humanæ societatis. Nam quia civile, & congregabile animal homo est, non solum tantum, sed alterius etiam gratus est.

Animaduertendum secundò ex humanis bonis quædam esse nobis propria, quædam aliena, quædam nobis aliisq; communia. Quæquæ enim bonorū externorū nulla sunt alicui propria naturā, civili tamen vitæ non est visum expedire; omnia esse communia, vt in l. 2. Politicorum docuit Aristoteles, cap. 1. 2. & 3. atque hinc est factum, vt bonorum plurima, quæ communia iam fuerunt, priuata nunc à propria esse videamus aut occupatione vacuæ possessionis, aut victoriæ ex bello relatæ, aut lege, ac pactione, aut conditione aliqua, aut sorte, aut alio diuidendi modo, quo res in medio positæ ad certos aliquando deueniunt possessores ac dominos. Quod cùm ita sit, necesse est, hominem bene animo comparatum & instructum esse ad rectè agendum non modò erga se ipsum & sua, verum etiam aduersus alios, & ea, quæ aliorum propria, & quæ omnium, aut multorum communia sunt. id verò ita consequitur, si, quemadmodum ait Tullius, communibus vtatur vt communibus, priuatis vt suis. Qui enim communibus vtitur vt priuatis, ac plus sibi sumit quàm æquum sit, qui vè aliena occupat tamquam sua, violat haud dubiè ius humanæ societatis. Bona quippe communia, & quodammodo nostra dici possunt, & quodammodo aliena. nostra quidem; quia nobis bonis communibus vti licet: aliena verò; quia iisdem bonis vti non licet, vt propriis. Quare possunt appositè bona omnia, quibus vtimur, diuidi in partes duas, quorum hæc nostra sint, illa verò aliena: communia enim nisi cum æqualitate ac proportionem sumantur, aliena sunt.

Animaduertendum est tertio: virtutem referri ad alios nihil aliud esse, quàm ad bonum alienum referri. eadem verò virtus referri ad bonum alienum duplici modo potest. primo quidem, quia

bonum alienum procurat, & in alienum bonum seruandum, augendum vè tamquam in finem propositumque contendit; altero, quia bonis virtut alienis ad inueniendum in iis æqualitatem. Itaque virtus priori modo ad bonum refertur alienum per procuracionem & expetitionem alieni boni tamquam finis. atque propositi: posteriori, ad idem bonum refertur per vsum & per tractationem alieni boni; ad còque posterior hæc relatio ad alienum bonum, videtur esse quodammodo materialis: illa prior, magis propria & quasi finalis.

Ex his tres Conclusiones existunt huiusmodi. Prima. Sola iustitia legalis, non autem hæc singularis nomen iustitiæ mutuatur ex priori modo, hoc est, ex eo, quòd virtus refertur ad alienum bonum, vel gignendum & creandum, vel seruandum, amplificandumque. quod est referri ad alterum per procuracionem alieni boni. Demonstratum id est suprà in quaestione de legali iustitia ad proximum superius caput primum huiusce libri.

Secunda Conclusio. Ex posteriori modo, quo virtus refertur ad alterum, ducta est appellatio iustitiæ peculiaris, hoc est; ex eo, quòd in sua ipsius actione & opere bonis vtatur alienis, ad inueniendam, & constituendam æqualitatem. idq; hac ratione facillè potest ostendi: Vbi cumq; inter actiones humanas exuperantia deprehenditur, defectus & medium, ibi aliquam esse virtutem oportet, quæ depellat extrema, designet medium. Sed in alienorum bonorum vsu, tractatione, vel assignatione, dum ea, vel nobis, vel aliis adscribimus, & vindicamus, defectus, exuperantia, & mediocritas esse cernitur. Ergo ad rectum bonorum alienorum vsu, tractationem, assignationem, vindicationem vè aliqua peculiari virtute, quæ nos dirigat, indigemus. Assumptio, quantum attinet ad exuperantiam, constat ex iis, qui ex alienis bonis per iniuriam interuersis auctiores & ditiores fiunt, nec damnum illatum vlla bonorum suorum compensatione relaxant. Qui enim cuiusmodi sunt, haud dubiè plus habent, quàm æquum sit, & per exuperantiam peccant, ipsam conuelleres humanæ societatis æqualitatem ac ius. Quod verò pertinet ad defectum, difficilior est demonstrare qua ratione quis in vitio possit esse, vel quia non capit, vel quia minus capit ex alienis bonis, quàm æquum sit. sed iam diximus, ipsa bona communia appellari etiam posse aliquo modo aliena. contrariæque ipsa bona quæ verè sunt aliena, & alicuius propria, videmus interdum, dici posse communia: vt in suprema necessitate, cum absque alienorum præsidio bonorum retineri vita, & conseruari non potest. Quibus ita positis, peccare per defectum dicitur is, qui ex alienis, hoc est, ex communibus bonis, aut non capiet quod sibi necessarium est, aut non tantum quantum capere necesse est: & ille, qui vbi eam supremæ necessitatis inciderint tempora, id quod ad vitam seruandam est satis sibi non vindicat ex alienis bonis, quæ facta iam sunt supremâ illâ necessitate communia, etiam per defectum peccare censetur. Erigitur alicuius virtutis, inter hæc extrema iustum inuenire, medium, & æqualitatem. id verò non alterius, sed iustitiæ peculiaris officium est. Itaque iustitia peculiaris ab hoc bonorum alienorum vsu & tractatione, in quibus æqualitatem inuestigat, & medium iustitiæ sibi nomen inuenit,

ac propterea referri dicitur ad alterum, quod aliena bona, vel sibi, vel aliis secundum re-
dam rationem vsurpet & vindicet.

Tertia Conclusio. Peculiaris hæc Iustitia ita pars est Iustitiæ legalis, ut à singulis aliis virtutibus distincta specie sit. Signum huius distinctionis ab Aristotele demonstratur hoc modo: Tunc aliqua virtus ab aliis distincta esseprehenditur, cum aduersus eam peccari potest, etiam si non peccetur aduersus alias; & cum aduersus alias peccatur, nec tamen peccatur aduersus illam. Sed contra peculiarem iustitiam peccari potest, tamen si non peccetur aduersus alias; & contra quamlibet peccare contingit, nec tamen peccatur contra Iustitiam. ergo Iustitia est à ceteris distincta virtutibus, singulæque virtutes distinctæ à Iustitia sunt. Si quis enim rem sibi vindicauit alienam præter legem, & iniusto domino, vulgò vituperatur, damnatur à Iudice, & reddere cogitur quod perpetram vsurpauit, quia contra Iustitiam per exuperantiam egit. eiusmodi tamen peccatum neque contra fortitudinem, neque contra temperantiam, neque contra virtutes alias est. qui verò contra fortitudinem, aut temperantiam, aliasque virtutes agit, nihil propterea per se contra Iustitiam agit: Igitur illa ab his, hæ ab illa distinguuntur, & discrepant specie.

Quarta. Eadem peculiaris Iustitia sic distinguitur à legali, quemadmodum legalis ipsa distinguitur à ceteris. quod declarari potest ex iis, quæ de legali Iustitia disputata sunt in c. i. Ibi enim inter ipsas, reliquasque virtutes exposuimus eam differentiam, quam illi quoque intercedere oportet cum Iustitia peculiari, quia hæc etiam, ut ceteræ, Iustitiæ legalis, hoc est, vniuersæ virtutis est pars. Sed tamen, ut rem iterum hinc perstringamus, à distinctione capiemus exordium. Nam hæc duæ Iustitiæ duplici modo intelligi possunt. vno quidem secundum ipsarum substantiam, altero secundum rationes varias, quarum causâ Iustitiæ nominantur. Igitur, si priori spectetur modo, peculiaris Iustitia pars est legalis, sicut aliæ virtutes, ac propterea ex sui substantia ab ea distingui non potest, cum partis substantia non distinguatur à toto. Sin autem posteriori modo considerentur, & vtriusque rationes perpendantur, à quibus ipsum Iustitiæ nomen acceperunt, quamquam in vna nominis & relationis ad alterum communitate conueniunt, in ipsa tamen relatione discrepant plurimum. Neque enim referri ad alterum ideo, quia bonum alienum procuratur, ac tamquam finis expetitur, quod est legalis Iustitiæ proprium, & ad alterum item referri ideo, quia bonum alienum vsu tractatur. ex vno transfertur in alium, variæque ratione vindicatur & assignatur, quod agit hæc Iustitia peculiaris & propria, vnum prorsus & idem est. quia rationes illæ quibus referuntur ad alterum, variæ, differentesque sunt, ex quarum varietate distinctio petitur. quæ profecto varietas ex eo maius inter vtramque relationem ponere discrimen debet, quod legalis Iustitia non in bonum alienum modo contendit tamquam in

finem, sed nominatim in Reipublicæ bonum: Iustitia verò peculiaris bonum tantummodo priuatum & peculiare pertractat. Idcirco nimirum Aristoteles, ut ostenderet esse distinctas, fieri sæpius dixit, ut aliquis contra legalem Iustitiam delinquat, qui peculiarem tamen, hoc est, legalis partem haud violat: quemadmodum cernitur in eo, qui nullâ quæstus iniqui cupiditate ductus, libidine se contaminat. Is enim legalem violat Iustitiam, quæ libidinem vetat, sed nihil contra peculiarem Iustitiam peccat, cum nemini quicquam per vim, dolum, aut iniuriam eripiat, adeoque intemperans quidem legumque violator & contemptor appellatur; iniustus verò non dicitur, nisi ad intemperantiam illam quæstus iniquitas accedat & iniuria.

Atque hinc intelligitur, & constat ratio confutandi ea, quæ principio sunt obiecta. Iustitia enim hæc haud dubiè, si eius tantum substantia spectetur, à legali Iustitia nullo modo distinguitur, sed si variæ comparationes considerentur, quibus ad alterum vtræque refertur, ita distinguitur, ut longè alia sit. Neque verò, quia aliæ quoque virtutes secundum substantiam suam partes legalis Iustitiæ sunt, ipsum Iustitiæ sibi vindicant nomen; quia per se non referuntur ad alterum, sicut hæc Iustitia peculiaris, cuius officium est constituere in priuatorum bonis æqualitatem. Quod si legalis Iustitia dirigat interdum referatque virtutes ad commune bonum, non propterea tamen ipsæ virtutes partes Iustitiæ sunt, cum id non habeant ipsæ per se, ut referantur ad alterum, sed imperio principis Iustitiæ referantur.

Ceterum alia quædam aduersus ea quæ in hac disputatione diximus, & grauiora & fortiora existere possunt argumenta. quorum

Primum est. Iustitia in commutatione versans, quæ huius Iustitiæ peculiaris est pars, non alienis modò, sed propriis etiam vtitur bonis; cum pro rebus suis, quas dat, accipiat alienas; quæ dantur ab aliis. ergo falsò positum est, huius Iustitiæ peculiaris esse proprium, uti rebus alienis ad inueniendam in iis æqualitatem. Respondeo: Iustitiam commutantem in eam gratiam, & eo consilio uti rebus suis, ut accipere possit alienas, ac propterea dici debere in alienis versari, in quas ex primario consilio propositoque contendit.

Secundum: Si parentes, liberi, coniuges, amici à nobis distincti non esse putantur, & eorum bona nostra censentur, ut dictum est, sequitur, inter eos ac nos Iustitiam hanc peculiarem, quæ in distribuentem, commutantemque diuiditur, nullum omnino locum inuenire; cum ipsa versari debeat in bonis alienis, ut positum est. Id verò falsum esse demonstrat commutationes, distributionesque, quæ fieri quotidie cernuntur inter hos, & querimonias, quæ deferuntur ad iudicem, ut eorundem controuersias, litèsque suâ iurisdictione componat. Quin si pater occidit filium, aut coniugem vir, plectitur tamquam iniustus. ergo inter eos intercedere Iustitia potest.

Dicendum hæc est, parentes, fratres, libe-

ros, & alios eiusmodi quosdam homines habere sæpè sua, & prænata bona, quæ cum aliis communicare nolunt, nec ad ea communicanda iure adigi possunt. Eatenus ergo, quatenus illa bona minimè communia possident, censentur esse disiuncti, adeoque omne iustitiæ munus admittunt, & fieri inter se patiuntur æqualitatem. Quamquam ergo filius & vxor dicuntur esse patris, virique possessio, id tamen certo quodam vsu definiri debet. neque enim patri filium, vxorem coniugi licet occidere, vel in seruitutem tradere, vel eo modo habere, tractare, distrahere, quo cetera quæ possidemus, pro arbitratu distrahimus, pesiumdamus, retinemus. Cùm ergo diximus, officium iustitiæ non cerni aduersum hos, quia nobiscum ita coniuncti sunt, vt alteri esse non existimentur, id intuiti sumus, cuius causa coniuncti sunt, non ea bona, quorum causa inter se distincti, alienique putantur, ac propterea iustitiæ munus & officium postulant.

QVÆSTIO SECVNDA.

Utrum qui propter quæstum intemperans est, intemperatus dici debeat an iniustus?

Necessitatem huiusce quæstionis imposuit nobis Aristoteles, cùm dixit, eum, qui adulterium committit ob quæstum, iniustum dici debere, non intemperatum aut mæchum, & qui non ob quæstum, sed propter libidinem adulteratur, eum non iniustum esse, sed libidinosum & intemperatum. Vbi dubitauerit aliquis: an Aristoteles id sibi voluerit; omnes, qui quæstum ex adulterio faciunt, iniustos esse, & adulteros aliquos esse posse tantum intemperatos ac non etiam iniustos. Hæc enim vera non sunt. Nam & meretrices idè meretrices & meritoria sunt, quia Veneris stipendia merent, vt docere videtur Labeo apud Vlpian, in l. si ob stuprum. de condi. ob turpem causam. vbi decernit, repeti non posse quod meretrici datur. Illa, inquit, turpiter facit, quod sit meretrix, sed non turpiter accipit, cùm sit meretrix. Id igitur argumento est, ipsam per se veneream operam locari posse, ac pretio æstimabilem & venalem esse. Itaque lucrum ex adulterio factum turpe quidem semper ab aliquo fortassis existimabatur, iniustum verò non semper, sed tum solum, cùm res aliena per adulterium interuertitur & paratur. Constat tamen, adulteros semper iniuriam coniugi facere, ac propterea nunquam intemperatos esse, quin etiam iniusti sint, & alienæ rei contrectatores, aut profusores.

Hæc nimirum causæ faciunt, vt credendum sit, Aristotelem de quæstu illo tantummodo verba facere, qui per adulterium ita fit, vt ex ea muliere capiatur, cui pretium ex re viri liberorumque, adultero dandi ius fasque non sit: & cùm adulterium nominat, nullam eius iniuriæ rationem habere voluisse, quæ alteri coniugum in adulterio sit, sed eius tantum in-

æqualitatis, quæ ex iniquo pretio interdum existit. Hanc enim inæqualitatem emendare commutantis iustitiæ est, de qua nunc loquitur, non de illa, quam vltix iustitia vindicat; cuiusmodi est quæ semper in adulterio cernitur. Cùm ergo duplex esse in adulterio iniustitia possit, altera, quæ cum eo coniuncta semper est, altera quæ ab iniquo pretio interdum ad ipsam accedit, illâ prætermisâ, de hac sola disputat, perinde ac si nulla præterea in adulterio esse videatur iniuria.

Itaque hoc posito, iure quæremus: intemperatus ne ac libidinosus, an iniustus appellari debeat is, qui adulterium ob quæstum, siue ob pretium quasi mercedem admittit. ea enim, quæ sunt exposita, declarant quâ ratione pretium libidinis iniquum sit, & in quam sententiam adulter intelligi solum possit intemperatus, non autem iniustus, qui tamen semper iniustus, & iniurius in alios est.

Aristoteles quidem, vt suprâ dixi, haud dubitanter affirmat, eum qui adulterium facit, non ad explendam libidinem, sed ad quæstum ex ea turpitudine faciendum, iniustum esse ac dici debere, non intemperatum & libidinosum. Sed aliquæ se se rationes offerunt contrâ pugnantes, & quæ videntur ostendere, intemperatum potius esse, quàm iniustum. Prima. Vbi duo cum re aliqua coniunguntur, id quod est in ea coniunctione posterius, rationem prioris tollere non debet: cùm præsertim id quod est prius cum ipsius rei natura magis coniunctum & connexum videatur. sed quæstus in adulterio posterior est, intemperantia & libido prior, quæ ab adulterio segregari non potest, sicut sæpè segregatur quæstus & lucrum, ergo quæstus accedens, intemperantiæ prioris & potioris tollere rationem, appellationemque ab adulterio non debet. Secunda. Appendix & accessio facere numquam potest vt rei principalis vis & ratio varietur. At principalis, primæque actio in adulterio intemperantia est, quæstus & lucrum accessio. Igitur quæstus accedens facere non poterit, vt quæ actio erat intemperantiæ, non amplius intemperantiæ sit, sed iniustitiæ. Tertia. Ex electione gignitur, siue probus, siue improbus habitus moralis, vt demonstratum est in lib. 2. ac propterea tum virtus, tum ipsum quoque vitium dicitur habitus electiuus. Sed adulter tametsi quæstus causâ stuprum committit, intemperantiæ tamen opus volens elegit, ac prudens, ergo facere non potest, quin ab opere illo, quod eligit, appellationem ducat, & habitum contrahat multo sanè magis, quàm à pretio & quæstu, qui finis est, ac propterea non eligitur. Supra enim hoc etiam diximus, in lib. 3. non esse finem, qui eligitur, sed præsidia potius, quæ referuntur in finem.

Ponendum est primo; opera, ex quibus pendet & gignitur virtus, aut vitium, duplicis esse generis: quorum alterum externum est, & foras erumpens, alterum intimum & reuersum penitus in cognitione; quod eas complectitur actiones, quas animi consilia vel voluntatis electiones appellamus. externæ illæ actiones, quæ foris exercentur, non sunt præcipue pri-

marizque virtutis aut vitij parentes & effectrices, sed tantummodo secundariæ: quia nimirum imperata faciunt illarum interiorum, hærentium in animo, & voluntate. Intimæ igitur actiones illæ, quas electiones dicimus, principes sunt virtutis humanæ, vitiique procreatrices: quia virtutis ac vitij substantiam attingunt, & intimam vim: adeoque actiones & opera ex earum imperio foras erumpentia ad eos virtutis aut vitij reuocari debent habitus, ad quos pertinent imperantes electiones.

Ponendum secundo loco est, in electionem quidem non cadere vltimum finem; quia finis vltimus & beatitudo, cum omnem boni rationem contineat, nihil habet, cum quo comparatur, eique per electionem anteferatur. electio quippe inter plura semper intercedit, quorum alterum alteri comparatur. Itaque actio illa, quæ contendit in finem, intentio dici solet, non electio voluntatis. sed peculiari tamen virtutum fines electionis materia facile possunt esse, quia vltimi non sunt, & pares alios, aut meliores, aut deteriores habent, quibus conferantur, & deliberantem animum ambiguum reddant, ac dubitantem quem potius eligant. Opus fortitudinis, vt hoc exempli causa dicatur, hand dubiè propter honestatem expetitur; sed quia rationem omnis boni non habet, comparari cum contrario potest, quod iucundum est fortasse, vel vtile. aggredi enim hostem, & in bello mortem oppetere ad publicam propulsandam iniuriam, honestum est, sed vitam seruare ac vulnerum dolorem fugere, iucundum & vtile existimatur. Similiter, opus temperantiæ honestatem proponit suam, & quia honestum est, voluntati optabile est, sed non tamen appetitionem voluntatis ita definit, vt à contrario voluntas ipsa non moueatur & impugnetur. Nam quia opus illud, quantumvis honestum, asperitatem tamen & tristitiam habet, existit illico voluptas, quæ iucundo bono contrà proposito, voluntatem ad deliberandum & eligendum impellat. Solus ergo vltimus finis, & sola beatitudo ita triplicis boni partes explet omnes ac numeros, vt omnem deliberationi, & electioni adimat locum, atque intentionem solam in se voluntatis efflagitet. Nihil adeò mirum esse debet, si etiam finis alicuius vitij cadere possit in deliberationem electionemque voluntatis, & qui quæstum ex adulterio quærit, ipsum etiam eligat quæstum, qui per se non vltimus inter fines est, sed referri aliò solet. Itaque fieri potest, vt eligat vtrumque. sed

Ponendum est tertio: cum, qui duo eligit, quorum alterum alteri subseruit, & propter alterum eligitur, vnum ex iis eligere præcipuè, ac per se, alterum obiter ac per accidens. Cadit enim in hoc illud Dialecticorum effatum: propter quod vnumquodque tale, &c. facitque, vt id multo magis dicatur eligi, propter quod eligitur alterum. Atque hinc fit, vt eiusmodi electiones rerum, quæ propter alias expetuntur & eliguntur, ad virtutes & vitia non pertineant, nisi per accidens, & veluti quædam accessiones principi ele-

ctioni subiungantur, ac seruientes. Quapropter adulter, qui quæstum iniquum in primis eligit & vult, & propter quæstum adulterium, multò magis dicitur lucrum, quàm adulterium eligere, quod per accidens, ac velut obiter eligit: & quoniam quæ per accidens eliguntur, ad virtutes & vitia non reuocantur & pertinent, nisi per accidens, per se dicitur iniustus, per accidens autem adulter. est ergo quæstionis exactæ iam & profligatæ

Prima Conclusio. Qui non propter delectationem, & voluptatem adulteratur, sed electè, nominatimque propter iniquum quæstum, præcipuè potissimumque dicitur & est iniustus. Cuius enim hominis electiones præcipuè, potissimumque, ac per se ad iniustitiam pertinent, ille præcipuè ac per se dici debet iniustus, sed adulteri huius electio primaria & præcipua refertur ad iniustitiam quæstus. ergo eiusmodi adulter per se, præcipuè, ac potissimum est, & appellatur iniustus. Præterea, opera vitiosa ad ea reuocari vitia debent, ad quæ spectant per se affectiones animi, horum operum effectrices. sed ad huius adulteri opera vitiosa spectat iniqua lucri cupiditas, quæ ad intemperantiam adulteriumque pertrahit. Igitur adulteri huius opera vitiosa debent ad vitium iniustitiæ reuocari.

Secunda Conclusio. Peccat tamen hic adulter etiam contra temperantiam obiter & per accidens, adeoque adulter etiam per accidens est appellandus, & duplici culpâ tenetur; altera primaria, altera secundaria, & adiuncta per accessionem ad alteram. Quia virtus non modò tollit, aut comprimit vitiosam propensionem, sed inserit animo habitum vitio aduersantem, & propensionem reponit sublatæ contrariam, ac propterea temperantia non solum facit, vt qui ea præditus est, nolit adulterari, verùm etiam, vt id animo propositum & decretum habeat, numquam, nusquam, nulla prorsus ex causa præiuvne adulterium esse committendum. Itaque tametsi quis non ob delectationem, & voluptatem adulterium committit, contra temperantiam tamen peccat, quæ ab adulterio semper abhorret.

Argumenta, quæ sunt initio proposita, solutionem ampliorem haud postulant. Primum enim ponit quod falsum est: finem huic adulterio primarium, esse libidinem, quia prior est tempore. est enim prior in proposito quæstus, cetera in decursu disputationis confutata iam sunt.

QVÆSTIO TERTIA.

Rectène Iustitia peculiaris in distribuendum, commutansque diuidatur?

ITA in hoc extremo Capite 2. lib. 3. diuidit peculiarem iustitiam Aristoteles, vt alteram in distributionibus, in commutationibus alteram positam, & versantem faciat. Sed dubitant aliqui, num in has formas appositè diuisa sit. Nam vel distinctæ videntur inter se

non esse, vel si distinctæ sint, desiderabunt tertiam, quæ cernitur in vindicando.

Dicendum tamen est primo: partitionem hanc idoneam esse, satisque ac bene peculiatem iustitiam in distribuentem & commutantem ab Aristotele fuisse diuisam. Tres enim sunt Reipublicæ comparationes. prima quidem Reipub. cum partibus suis, hoc est, partium cum toto: secunda, totius cum partibus: tertia, partis cum parte; quarum singulas certa quædam moderatur & dirigit Virtus. Igitur ea, quæ singulas partes dirigit ad totius Reipublicæ bonum, iustitia legalis dicitur, cui est boni communis per virtutes singulas permixta & tradita procuratio. Quæ verò totum, hoc est, Rempublicam dirigit, & componit erga partes, iustitia distribuens est, quæ in rebus communibus viritum ac pro merito inter ciues partiendis occupatur, ac propterea Magistratus, aut Principis est propria, sed tamen ad priuatos etiam quodammodo pertinet, cum eos præparet & idoneos reddat ad iustam distributionem amandam, probandamque, ut intelligi potest ex D. Thom. in 2. 2. quæst. 61. artic. 1. Quæ demum Reipublicæ partem cum parte congruentem facit, iustitia commutans est, quæ constituit inter ciues æqualitatem, earum actiones, quarum beneficio inter se transigunt, & communicant inuicem, iustā prorsus æqualitate dimetiens. Itaque probè cernitur ex his, has duas peculiaris iustitiæ species (neque enim de legali iustitia dicendum hic est) aliquid habere commune, in quo consentiant; aliquid habere diuersum, in quo dissentiant. Consentiant primū in eo, quod vtraque aliquo modo debitum spectat & ius alienum, dum reddit vnicuique suum. consentiunt deinde propterea, quod æqualitatem vtraque venatur & deprehendit. Differunt autem propter diuersam debiti æqualitatisque rationem, quam intuentur, & statuunt. Iustitia quippe distribuens debitionem illam nominatim, ac per se spectat, quæ debetur alicui quidpiam ex eo, quod communitalis est pars, & quod Reipublicæ bona communia, quæ abundant, & superant, eiusdem Reipublicæ partibus debeantur. Nam quia Respublica nihil est aliud, quam ipsa complexio partium, eius bona communia partium sunt, ac propterea, si qua redundent, diuidenda & distribuenda sunt partibus. Iustitia verò in commutationibus posita omne debitum respicit, quod quouis alio nomine ad vnumquemque pertineat: adeoque magna quædam inter has duas debiti rationes differentia est. Quod enim primā illā ratione debetur, non omnibus Reipub. partibus debetur æqualiter; sed vnicuique pro conditione quam obtinet in Republica. ex quo efficiuntur & consequentia sunt duo; primum, ut quo pluribus constat ipsa Respublica partibus, eo minus de bonis communibus debeatur singulis. secundum; ut ubi certus aliquis numerus est partium, quibus distribuenda sunt bona communia, non debeatur singulis portio simpliciter æqualis, sed ea, quæ conditioni ac dignitati cuiusque respondeat. Quod autem po-

steriori debetur modo, ubi datur ac redditur, oportet esse simpliciter æquale, hoc est, cum debito æquā prorsus dimensione consentiens. Emisti fundum, fundo pretium debes æquale. Promisisti centum aureos, centum debes. centum furatus es, debes etiam centum. Itaque, ut planius & explicatius id tractetur, hæc in summa inter vtramque iustitiam differentia sunt. Prima: iustitia commutans facit, ut vir priuatus, vel qui priuatus censetur, bene se habeat erga priuatum. distribuens autem, ut Respublica, vel is qui Reipublicæ personam sustinet, suo etiam erga priuatum fungatur officio. Secunda: illa commutationes regit, hoc est, contractus omnes, pacta & conuenta priuatorum: hæc, perpendit & moderatur distributiones intercedentes Reipublicæ cum priuatis. Tertia: iustitia commutans, alienæ rei pretium examinat, ut omnino reddat æquale: distribuens, personæ conditionem inspicit, ut aliud nobili, aliud ignobili, aliud opulento, aliud inopi, aliud docto, aliud indocto ex Reipublicæ bonis, non quidem æquali mensurā, sed æquā tantum proportionem reddatur. Quarta: iustitiæ commutantis propositum & finis intimus est, inter datum & acceptum æqualitatem statuere: distribuentis verò æqualitatem inter proportionem & proportionem inuenire. Videt enim id, ut eadem rerum sit proportio, quæ personarum est, quibus res ipsæ distribuuntur. Ex his vtriusque definitio duci potest huiusmodi: iustitia distribuens virtus est, quæ Reipublicæ partibus id reddit, quod ipsis ex honorum communione debetur. Iustitia verò commutans virtus est, vnicuique reddens quicquid vnicuique alio nomine debetur, quam ideo, quod pars Reipublicæ sit. Maneat ergo posita initio disputationis instituta conclusio: diuisionem hanc idoneam esse, neque quicquam in ea desiderari, vel superuacaneum esse.

Contrā tamen dici primò sic potest. Iustitia quædam est. quæ cernitur in vindicta, quoties vel ipsa Respublica, vel aliqua Reipublicæ læsa pars vltionem reposcit ac pœnam. Tunc enim iudices, & ij, ad quos ea vindicatio pertinet, æquum exigunt, infliguntque supplicium per æqualitatem inuentam & constitutam ab ea iustitia, quam vlticem & vindicantem dicere possumus. Igitur hæc iustitia in proposita diuisione desideratur. Respondendum breuiter est, vindicantem hanc iustitiam sic affinem esse commutanti, ut ad eam reuocanda videatur: cum inspectā rerum personarumque proportionem, pro delicti atque iniuriæ vel magnitudine vel paruitate repetat pœnam. Sed quia pœna ipsa, quam vltrix hæc iustitia ad vindicandum scelus imponit, haud compensat, resarcitve damnum illatum, sed solum facit, ut tantumdem patiatur reus, quantum æquum est ipsum pro perpetrato crimine perpeti, ex perfecta ratione commutantis iustitiæ multum desiderat. Quare, ne sub commutante quidem continetur, nec inter partes peculiaris iustitiæ proprias numeratur, sed inter eas, quas nominant potentialex ex D. Thom. 2. 2. quæst. 108.

Dici contrā secundo potest: commutantem iustitiam sibi vsurpare interdum distribuentis materiam, vel distribuentem intra fines inuadere commutatis, quod profecto non facerent, si verē distinctæ essent inter se. Cū enim Respublica militi stipendium dat, aut mercedem publicis operis, aut Doctoribus salarium, aut præmium bene meritis, iustitiæ distribuentis opere fungitur, si verē dictum est suprā, huius virtutis officium cerni in distributione bonorum communium, sed commutantis hæc potius opera videntur esse; cū in iis nulla personarum æstimetur conditio, quod facit distribuens, sed pretium operis præstitæ ex conditio pacti & priuatorum cum Republica, perpendatur, & illud attendatur solum, ut æqualitas rei cum re constituatur, quod est proprium iustitiæ commutantis. Respondetur, iustitiam commutantem non idē exercere officium partis erga partē, quod nunquam possit ipsa Respublica erga partem idē officium exercere; sed quod plerumque in officio priuato partis erga partem, hæc iustitiæ forma versetur & posita sit. Verum tamen etiam tunc, cū Respublica iustitiæ commutantis vitur officio, non tam Reipublicæ, quā partis obtinet rationem. ad eos enim quibus stipendium, aut mercedem aut præmium impartitur, non veluti eorum quoddam ad partes, sed tamquam pars ad partem comparatur. subit quippe tunc Respublica vnius rationem personæ, conducentis, remunerantisque operas singulorum ex initā iam pactione. Nam quemadmodum, si Respublica mutuos det alicui ciuium aureos mille, debet ciuis ex iustitiæ commutantis imperio & vi ipsi Reipublicæ, perinde ac si certa quædam persona esset, reddere mille: sic, vbi Respublica promissio pretio conducit aliquorum operas, vel alia ratione cum iis contrahit, atque paciscitur, laud minustenetur conuentis, quā priuata persona, adeoque iustitiæ commutantis lege se obstringit ad pretium persoluum. Itaque cū pretium, stipendium, salarium & mercedem promissam reppendit, non distribuentis, sed commutantis iustitiæ munere fungitur. Immo etiam, cū ad gratias agendas bene de re communi merentibus aliquid ciuibz veluti præmium, nulla quidem ex pactione, sed ex voluntate, ac suo iudicio tribuit, in commutatione versatur, tamquam priuata persona, non in distributione tamquam communis & publica. Quare distincta prorsus est à distribuyente commutans iustitia: cū etiam tunc, cū distribuere videtur bona communia Reipublicæ redundantia, non tribuat partibus pro conditione, ac dignitate singularum, sed remuneret & compenset per æqualitatem rei cum re opera illa, quibus propositum & promissum est pretium. Est ergo

Secunda Conclusio: distribuentem, commutantemque iustitiam duas esse peculias

iustitiæ species infimas & postremas; cū earum neutra differentias habeat præterea plures, quæ faciant, ut ampliùs diuidi possint. Quamquam enim plurimæ vitiorum species commutanti iustitiæ contrariæ sunt, ut furtum, adulterium, parricidium, alia, quia tamen vni virtuti plura vitia semper aduersantur, ut liberalitati prodigētia & auaritia plures adhuc, & distinctas iustitiæ formas ea varietate non postulant. D. Thomæ decretum hoc est in 2. 2. quæst. 61. artic. 3. sed à Rurid. in lib. 5. Ethic. quæst. 7. minimè probatum. probatur tamen rationibus huius quæstionis initio propositis, demonstrarique potest ampliùs hoc modo: Communia bona priuatis distribuenda ciuibz expetenda sunt sub ratione ab ea longè varia, & distincta, sub qua bonum expetendum est priuatum ac proprium. sed in illis iustitia distribuens, in hoc verò commutans est posita. Igitur hæc duæ iustitiæ distinctæ specie inter se sunt, vbi enim expetendæ rei ratio diuersa est, diuersæ virtutes etiam sunt, quæ appetitionem ipsam cortigant & moderentur. Idque confirmatur ex eo, quod in iis distinctæ ponendæ virtutes sunt, in quibus appetitus multiplici pugna rectæ rationi potest aduersari. sed in distribuendo, & commutando multiplex contra rectam rationem esse aduersitas appetitus & repugnantia potest: ut tum accidit, cū Princeps & Magistratus plus quidem indigno, digniori autem distribuit minus, aut cū is, qui plus accepit, in commutatione, restituit minus. ille quippe fidem violat, quam Reipublicæ debet, adeoque bonis communis abutitur, hic verò nihil quidem aduersus commune peccat, sed in illum, cui non exhibet, & reddit quod oportet. ergo hæc alia quædam vitiositas est, ac propterea virtutem postulat aliam, à qua tollatur. Præterea distinctorum extremorum distinctæ sunt mediocritates. vbi verò distinctæ mediocritates sunt, ibi distinctas esse virtutes oportet. sed extrema distribuentis iustitiæ differunt ab extremis ipsis iustitiæ commutantis. illa enim sunt Magistratus infidelis plustribuens, & vir priuatus rebus distributis indignus: hæc autem sunt priuatus homo cum priuato collatus, quorum vnus plus accipit, alter reddit, & restituit minus. hæc autem in moralibus actionibus discrepant maximè. Denique ratio administri alicuius rei longè differt à ratione domini. Sed Princeps, aut Magistratus distribuens, bonorum Reipublicæ, quæ distribuit, est solum procurator & administer; vir verò priuatus, est eius dominus rei, quæ cadit in commutationem. Igitur iustitia distribuens, quæ actionem inuoluet personæ, ditionem rei, quam distribuit & possessionem non habentis, differt à commutante, quæ actionem attendit personæ, eius rei, quam cum altero commutat, ius & potestatem obtinentis.



CAPVT TERTIVM. DE IVRE IVSTITIÆ DISTRIBUTIVIS.

S V M M A.

Iustitiæ distribuentis iustum siue ius esse medium & æquale.

DIVISIO CAPITIS IN PARTES DVAS.

1. Id quod in distribuyente iustitia iustum censetur & ius, medium quoddam secundum proportionem est.
2. Qualis nam proportio sit, secundum quam iustitia distribuentis metiri medium solui sumus.

PARS PRIMA CAPITIS TERTII.

ΕΠΕΙ Δ' ὁ, τε ἀδικος αἰστος, καὶ ὁ ἀδικὸν αἰστος, δηλοῦν ὅτι καὶ μέσον τι ἔστι τῶ αἰστος. τὸτο δ' ἔστι ὁ ἴσος. ἐν ὁποῖα γὰρ ἀδικεῖ ἔστι ὁ πλέον καὶ ὁ ἔλαττον, ἔστι καὶ ὁ ἴσος. Εἰ δὲ αὖτ' ὁ ἀδικὸν αἰστος, ὁ δίκαιος ἴσος. ὁ δὲ καὶ ἀμὲν λόγῳ δοκεῖ πᾶσιν. ἐπὶ δὲ ὁ ἴσος μέσον, ὁ δίκαιος μέσον τι αὖ ἐστίν. ἔστι δὲ ὁ ἴσος ἐν ἐλαχίστοις δυοῖν. ἀνάγκη γάρ τινι ὁ δίκαιος μέσον τε, καὶ ἴσος εἶναι, καὶ πλεον, καὶ ἔλαττον. καὶ ἡ μὲν μέσον, ἡ δὲ ἴσος, πλεον, καὶ ἔλαττον. ἡ δὲ ἴσος ἔστι, δυοῖν. ἡ δὲ δίκαιος, ἡ δὲ ἀδικος ἀδικος ὁ δίκαιος ἐν ἐλαχίστοις εἶναι τέλει. οἷς τε γὰρ δίκαιος τυγχάνῃ ὄν, δύο ἔστι, καὶ ἐν οἷς τὰ ἀδικήματα, δύο. καὶ ἡ αὐτὴ ἔσται ἰσότης οἷς, καὶ ἐν οἷς. ὥς γὰρ ἐκείνα ἔχῃ τὰ ἐν οἷς, οὕτω καὶ ἐκείνα ἔχῃ. Εἰ γὰρ μὴ ἴσοι, οὐκ ἴσα ἔξουσιν. ἀλλ' ἐντεῦθεν αἱ μέτρα, καὶ τὰ ἐλαχίστα, ὅταν ἡ ἴσος μὴ ἴσα, ἡ μὴ ἴσος ἴσα ἔχῃ, καὶ μέτρα. ἐπὶ δὲ τὸ κατ' ἀξίας τὸτο δηλοῦν. ὁ γὰρ δίκαιος ἐν τοῖς ἀφαινομένοις ὁμομετροῦσι πάντες κατ' ἀξίας ἡμεῖς δὲ τὸ. τὸ μὲν γὰρ αἰστος οὐ τὸ αὐτὸ λέγουσι πάντες ἀδικεῖν. ἀλλ' οἱ μὲν δημοκρατικοί, οἱ δὲ ολιγαρχικοί, οἱ μὲν πλούσιοι, οἱ δὲ δεισφύλακες, οἱ δὲ δημοκρατικοί, οἱ δὲ δεισφύλακες.

Quoniam autem & iniustus inæqualis est, & iniustum inæquale, perspicuum est, medium etiam esse rei inæqualis. hoc autem est æquale. In quacumque enim actione est plus & minus, est etiam æquale. Si ergo iniustum est inæquale, iustum est æquale: quod etiam sine ratione videtur omnibus. Quia verò æquale medium est, iustum medium quoddam erit. Est autem æquale in minimis duobus. Necesse igitur est, iustum medium, & æquale esse, & ad aliquid, & quibusdam: & quæ quidem medium est, aliquorum est: hæc autem sunt magis & minus. quæ vero æquale est, duorum est. quæ autem iustum, quibusdam. Necesse igitur est, iustum in minimis esse quatuor. Nam & quibus iustum est, duo sunt, & in iis, in quibus res sunt, duo. atque eadem erit æqualitas quibus, & in quibus. Ut enim illæ se habent in quibus, ita & ea se habent. Si enim non sunt æquales, non æqualia habebunt. sed hinc prælia, querelæque cum æquales non æqualia, vel non æquales æqualia habuerint, & adepti fuerint. Præterea ex eo, quod secundum dignitatem sit, hoc perspicuum est. Nam iustum in distributionibus fatentur omnes pro cuiuscumque dignitate aliqua oportere esse. Verum dignitatem non eandem dicunt omnes esse, sed qui populari quidem videntur statui, libertatem, qui verò paucorum domi-

nari, aliqui quidem diuitias, aliqui autem nobilitatē. qui verò optimatum, virtutem.

EXPLANATIO.

HÆC Aristotelis disputatio obscura est, & perturbata videtur esse ac temerè fusa: sed per analysim retexetur omnis, & planissima fiet. Est illi consilium in hac priori capitis parte docere, distribuentis iustitiæ, siue iustum, siue ius, esse medium & æquale. Id autem sic esse, tum ratione, tum omnium hominum auctoritate conatur ostendere. Ac ratio quidem à contrariorum natura desumitur, hoc est, ex eo, quod iniustum, distribuentis iustitiæ oppositum iusto & iuri, sit inæquale. hinc enim sequitur, iustum & ius eiusdem iustitiæ æquale quiddam esse oportere. idque intelligi vult ex partibus inæqualibus, quibus interiectum est iustum. sunt autem eiusmodi partes plus & minus, quæ in quolibet reperiuntur iniusto. qui enim plus boni capit, & minus mali, is dicitur inæqualis, & iniustus. qui autem per hæc extrema æquis portionibus intercurrit, iustus dicitur & æqualis. Auctoritas autem ex communis omnium petitur opinione, qui putant & sentiunt, quod iniustum est, id esse inæquale, & quod iustum, id æquale. atque hoc ad vnum cuncti farentur, tamen si nulla id prorsus argumentatione vel ratione demonstraret. Vulgò quippe quod est inæquale dicunt iniustum, & quod est iustum, appellant æquale. Idcirco videlicet M. Tull. in Offic. lib. 1. ait, æquitatem esse iustitiæ maximè propriam, sed cum æquitatem dicit, æqualitatem intelligit. Quin ipsum quoque ius civile appellavit æquitatem in Top. Ius civile, inquit, est æquitas constituta iis, qui eiusdem sunt civitatis; hoc est, æqualitas. Præclare id etiam Seneca sic explicavit. Æqualitas prima pars est æquitatis. perinde ac si diceret, omnem æquitatis, hoc est, iustitiæ vim esse positam in æqualitate. Quoniam verò quod est æquale id etiam esse medium oportet, efficitur, ut iustum, & æquale sit, & medium quoddam, ut ipse concludit Aristoteles. est enim positum inter id, quod plus esse cernitur, & inter id, quod minus existimatur.

Est autem æquale.] Æquale verò medium hoc sit, in quo positum vult esse iustum, aut ius, haud satis declarasse se putat cum esse dixit æquale; addit ergo præterea, esse secundum proportionem quamdam similitudinem æquale. Id verò demonstraturus, duo ponit veluti certa & explorata. primum quidem est; æquale in duobus minimis, hoc est, in duobus minimum reperiri. secundum verò: id quod est iustum ad aliquid referri debere. Quæ profectò nihil significant aliud, quàm hoc: iustum, quatenus est æquale, in quibusdam, hoc est, in duabus rebus esse, inter quas cernitur æqualitas. æquale enim duarum rerum æquale est: quatenus autem iustum, inter duas personas esse: cum quod est iustum, id aliquorum erga alios debeat esse, adeoque inter duas saltem personas intercedat necesse est.

Concludit adeo, iustum, siue ius distribuentis iustitiæ esse oportere in quatuor minimis, hoc est, in terminis, ut philosophi loquuntur, quatuor. Quæ enim parte æquale est, inter plus & minus est æquale; quæ iustum est, alicuius est iustum hominis, qui refertur ad alium. itaque iustum, & duas oportet habere res, quarum æqualitatem vir iustus inuestigat, & personas duas, quibus deprehensam & constitutam rerum duarum tribuat æqualitatem. Sed cur hi termini dicantur minima, explicat ex veteribus nemo, ac se nescire profitetur Acciaiolus. lucem præfert aliquam ad conciliendum Lambinus. qui cum id, quod hic est Græcè *ἡ ἐλαχίστη διῃσις*, minimum in duobus, & *ἡ ἐλαχίστη τέτταρις*, in quatuor minimum Latine vertisset, Perionium reprehendit, quod vertere non dubitasset, in minimis duobus, & in minimis quatuor; id admonens & contendens, non ita loqui Latinos: perinde ac si diceret, eam Aristotelis Græcam loquendi formam *ἡ ἐλαχίστη*, &c. illi respondere quàm vulgò vel barbarè dicimus ad minus vel ad minimum in duobus, ad minus vel ad minimum in quatuor. Latine quippè dicendum est minimum, ut ex Varrone didicimus in lib. 2. cap. 1. de re rust. Ita fiunt, inquit, omnium partes minimum octoginta. & in lib. 3. cap. 3. Harum singula genera minimum in binas species dividi possunt. Illi simile est plurimum pro plerumque. quod aliqui dicunt, ut plurimum, non quidem barbarè, sed minus vlitatè. Vlitatius enim est plurimum. ut apud Terent. in Phorm. Domum ire pergam. ibi plurimum est. & apud Plin. in lib. 9. cap. 36. Purpuræ vivunt annis plurimum septenis. ac de vrsis in lib. 8. cap. 36. Pariunt plurimum quinos. Quin interdum non significat plerumque, sed quod est

contrarium aduerbio minimum, quòdque dicitur ad summum & summum. Idem Plinius est author in lib. 17. cap. 22. Interesse, inquit, medio temperamento inter vites binas oportet pedes quinos: minimum autem, lato solo pedes quaternos, tenui plurimum octonos. Hæc, inquam, ponit Aristoteles, ut quale medium sit ius, inuestiget, illudque non tantum demonstraret esse æquale, sed æquale eiusmodi, ut saltem, minimumque cernatur in terminis quatuor; inter quos habeat illam proportionum similitudinem, quæ ex inopia vocabuli & propter breuitatem dicitur à nonnullis haud Latine proportionalitas.

Quibus ita positis, duo producit, ad rem de qua disputat ostendendam, argumenta. quorum primum huiusmodi est: Illud medium, quod consistit minimum in quatuor terminis, inter quos proportio & comparatio vnus cum altero est, sicut reliqui cum reliquo, est medium secundum aliquam proportionalitatem. Est enim proportionalitas similitudo vel æqualitas duarum proportionum: adeoque id quod medium est secundum æqualitatem duarum proportionum est medium secundum proportionalitatem. sed iustum distribuentis iustitiæ consistit in quatuor minimum terminis, inter quos vnus proportio cum altero est sicut reliqui cum reliquo. Ut enim primus comparatur ad secundum, ita tertius comparatur ad quartum. Ergo medium distribuentis iustitiæ medium est secundum aliquam proportionalitatem. Assumptio probatur ex eo, quod ubi iustus, iustumque constituitur ex distribuyente iustitia, ibi duo sunt homines, inter quos ius ipsum, iustumque decernitur; & duæ res, inter quas inuenitur æqualitas illa, quæ iustitia est. oportet autem, eandem æqualitatem esse personarum, quibus ius redditur, & rerum, in quibus iustum inuenitur; ita prorsus, ut quemadmodum personæ se habent, & inter se comparantur, sic ipsæ se habeant, & comparentur inter se res. Nisi enim hoc ita fiat, personæ, quibus ius quæritur, non habebunt æqualia. atque hinc querimoniarum, inquit Aristoteles, contentiones, & accusationes exoriuntur, perinde ac si in distributione violatum sit ius, cum æquales non recipiunt æqualia ex diuisione bonorum communium, vel cum non æqualibus dantur æqualia. ut si non æquè laborantibus stipendia reddantur æqualia, aut æquè laborantibus inæqualia stipendia persoluantur. Tota hæc fermè dissertatio sumpta videtur à Platone in lib. 6. de Legibus, ubi de huiusmodi expostulationibus, & rixis ex inæquali distributione nascentibus plurima disputat. In Phædro idem Plato distributionis æqualitatem amicitiae matrem appellat, & quod inde necessariò sequitur, inæqualem distributionem, inimicitiae, discordiarumque procreatricem existimat. Ipse quoque Aristoteles in lib. horum Moraliū 8. communem iuris & amicitiae parentem nominat æqualitatem. Denique Plutarch. in libello de amore fraterno, Solonem vehementer accusat, quòd neglecta æqualitate, seditionibus & turbis Atheniensium Rempublicam impleuisset.

Secundum argumentum petit ex ratione dignitatis, & ex omnium iudicio atque sententia, qui communiter hoc dicunt, & ita confirmant; oportere distribuentis iustitiæ iustum decerni, constituique, ex cuiusque merito ac dignitate. atque hæc ratio huius est iustitiæ propria, non ut superior, communis etiam cum ea, quæ in commutatione versatur, in qua spectatur æqualitas, non dignitas rei. Ratio autem ipsa ita contexitur. In distributionibus tunc esse iustum intelligitur, ac ius, cum unicuique datur id, quod eius est consentaneum dignitati: sic, inquam, ut qui maiorem obtinet dignitatem, plus habeat; qui minorem, habeat minus. in quo sanè similitudo illa, & proportionum æqualitas cernitur, quæ proportionalitas, aut proportionabilitas appellatur. Quemadmodum enim hoc, quod est distributum, est dignum vno, sic illud est dignum altero. Ceterum quamquam omnes ita sentiunt; debere distributionem fieri ex eorum dignitate ac merito, cui res communis & publica distribuitur, omnes tamen dignitatem ipsam penes idem intuentur & meriuntur. Nam in populari Reipublicæ statu, in quo plebs obtinet principatum, penes libertatem attenditur dignitas; cum in ea, non virtutis, non diuitiarum, aut nobilitatis, sed vnus tantummodo libertatis in tribuendis honoribus, aut in aliorum communium distributione bonorum habeatur ratio: vsque adeo, ut quod grauissimè reprehendit Isocrates ad Nicoclem, & Plutarch. in libello de amore fraterno, tantum opifici, quantum Themistocli, quoniam ambo liberi sunt, tribuendum honoris, & bonorum esse censeatur. In oligarchia verò, quæ pauco-

rum est dominatus, spectatur dignitas ex opibus, aut ex generis nobilitate, cum hæ propriæ sint oligarchiæ notæ, quæ propterea vocatur à Cicerone factio. illi enim pauci qui dominantur, non virtute, sed diuitiis & generis claritate præcël-
lentes, imperium sibi deberi eò nomine putant, adeoque veluti conspiratione
quadam & factione auferunt ceteris, sibi vindicant principatum. id quod etiam de-
testatur Aristoteles in lib. 4. Polit. & Isocrates loco laudato. In Aristocratiâ verò,
vbi aliqui virtute spectabiles ex omnium numero delecti rerum potiuntur, attendi-
tur in distributione dignitas ex virtute, ut ille plus habeat, qui excellentiori virtute
præstat, qui præditus est minori, habeat minus. quod laudatur ab eodem Isocrate
ibidem copiosè; amplissimè verò in Arcopagitico.

Ex his hoc modo confici potest argumentatio. In quolibet Reipublicæ statu,
cum honorum aliorumque bonorum communium distributio fit, spectatur & per-
penditur cuiusque dignitas, ac meritum: ut maiori dignitati plus, minus autem
tribuatur minori. sed in hac dignitarum meritorumque comparatione quatuor ter-
mini sunt, inter quos sicut comparatur primus cum secundo, ita tertius compara-
tur cum quarto. Ut enim maior honos comparatur cum homine maioris, excel-
lentiorisque virtutis, ita minor comparatur cum homine virtutis inferioris. Igitur
in distributione illa est similitudo, & æqualitas proportionum, quam diximus ap-
pellari proportionalitatem. Et quoniam æqualitas illa proportionum imbuat me-
dium distributivæ iustitiæ, medium ipsum dicendum est esse iustum, siue ius non
solum æquale, verum etiam æquale secundum æqualitatem proportionum, quod
erat Aristoteli demonstrandum.

PARS SECUNDA CAPITIS TERTII.

ΕΣΤΙΝ ἄρα τὸ δίχασι ἀνάλο-
γόν τι. τὸ γὰρ ἀνάλογον οὐ μόνον ἔστι
μοναδικῶς διαιρετὸν ἴσῳ, ἀλλ' ὅλως
διαιρετὸν. ἢ γὰρ ἀνάλογια, ἰσότης ἔστι
λόγων, καὶ ἐν τέτταρσι ἐλαχίστοις. ἢ
μὲν οὖν διηρημένῃ, ὅπῃ ἐν τέτταρσι,
διέλθῃ. ἀλλὰ καὶ ἡ συνεχὴς. ὥ γὰρ ἐν ὡς
δυὸς χηρίσθῃ, καὶ δις λέξῃ. ὅτῃ ὡς ἢ
τῷ α, πρὸς πέντε τῷ β, οὕτως καὶ ἢ
τῷ β, πρὸς πέντε τῷ γ. δις οὖν ἢ τῷ
β, εἴρησθῃ. ὥστε αὖ ἢ τῷ β, τετρή δις,
τέτταρα ἔσται τὰ ἀνάλογα. ἔστι δὲ καὶ τὸ
δίχασι ἐν τέτταρσι ἐλαχίστοις, καὶ ὁ
λόγος ὁ αὐτός. διηρησθῇ γὰρ ὁμοίως
οἷς τε καὶ α. ἔσται ἄρα ὡς ὁ α ὅρος
πρὸς τὸν β, οὕτως ὁ γ πρὸς τὸν δ.
καὶ ἐναλλάξ ἄρα, ὡς ὁ α πρὸς τὸν γ,
ὁ β πρὸς τὸν δ. ὥστε καὶ τὸ ὅλον πρὸς
τὸ ὅλον. ὁ γάρ ἢ τομὴ συνεχὴς. καὶ οὕ-
τως συνεχὴς, διχαίως συνεχὴς. ἢ ἄρα
τῷ α ὅρου ὥ γ, καὶ ἢ τῷ β ὅρου δ, συζυγίς, τὸ
ἐν δίχασι δίχασι ἔστι, καὶ μέσσι τὸ δίχασι,
ποῦ τίς τῷ πρὸς τὸ ἀνάλογον. τὸ γὰρ ἀνά-
λογον, μέσσι. τὸ γὰρ δίχασι ἀνάλογον. κα-
λοῦσι γὰρ τὴν τοιαύτην ἀνάλογιαν γεωμε-
τρικῶς εἰ μαθηματικοί. ἐν γὰρ τῇ γεωμε-

EST igitur iustum proportionē con-
stans. nam quod proportionē constat
non est solum solitarij numeri proprium, sed
omnino numeri. Proportio enim æqualitas
est rationis, & in quatuor minimis est.
Distinctam igitur esse in quatuor manife-
stum est: sed etiam continuam. Nam uno,
ut duobus videtur, & bñ dicit; veluti quem-
admodum est ratio a, ad b; sic & b, ad c.
Bis ergo ratio b, dicta est. Quapropter, si
ratio b, posita fuerit bis, quatuor erunt pro-
portionē sibi respondentia. Est autem & ius-
tum in quatuor minimis, & ratio eadem.
distincta enim sunt similiter & quibus &
qua. erit igitur ut a terminus ad b, ita c ad
d. & vicissim igitur: quemadmodum a ad
c, ita b ad d. Quare & totum ad totum,
quod distributio copulat; & si ita composita
fuerint, iustè copulat. Igitur a, termini cum
c, & b, cum d, coniugatio illud iustum est,
quod in distributione est, & medium ius-
tum, hoc est, eius rei, quæ est præter propor-
tionem. Quod enim proportionē constat,
medium est: iustum autem proportionē con-
stat. appellant verò hanc proportionem
Geometricam Mathematici. In Geome-

πεικῇ συμβαίνει καὶ τὸ ὅλον πρὸς τὸ ὅλον, ὅσῳ ἐκείνου πρὸς ἐκείνου. ἔστι δ' οὐ συνεχὴς αὐτὴ ἡ ἀνάλυσις. οὐ γὰρ ἦν εἰς ὁρισμὸν ὅρος ὧν, καὶ ὅ. τὸ μὲν οὖν διχαῖον τὸ τοῦ, ἀνάλυτον. τὸ δ' ἀδιχαῖον, τὸ πρὸς τὸ ἀνάλυτον. ἦν ἄρα, τὸ μὲν πλέον, τὸ δὲ ἔλαττον. ὅσῳ καὶ ὅπῃ τῶν ἔργων συμβαίνει. ὁ μὲν γὰρ ἀδικῶν, πλέον ἔχει. ὁ δ' ἀδικουμένους, ἔλαττον τῷ ἀγαθῷ. ἐπὶ δὲ τῷ κακῷ, ἀνάλυτον. ἐν ἀγαθῷ γὰρ λόγῳ ἦν τὸ ἔλαττον κακόν, πρὸς τὸ μείζον κακόν. ἔστι γὰρ τὸ ἔλαττον κακόν μᾶλλον αἰρετὸν τῷ μείζονος. τὸ δ' αἰρετὸν ἀγαθόν, καὶ τὸ μᾶλλον, μείζον. τὸ μὲν οὖν ἐν εἰσδοῦς τῷ δικαίου τῷ τ' ἔστι.

trica namque euenit & totum ad totum esse, quod utrumque ad utrumque. Est autem non continua hæc proportio. non enim fit vnus numero terminus cui, & quod. Iustum igitur, hoc est, proportionē constans: iniustum autem illud, quod à proportionē alienum est. fit igitur alterum quidem plus, alterum verò minus. quod etiam in factis euenit. Nam is qui iniuriam facit, plus habet: qui autem iniuriam accepit, minus boni. In malo autem contrà. In boni enim loco ponitur minus malum, comparatum ad maius malum. Est quippe minus malum optabilius, quàm maius. optabile autem bonum est, & quod magis, maius. Igitur vna species iusti hæc est.

EXPLANATIO.



QUONIAM distribuentis iustitiæ medium est æquale secundum æqualitatem proportionum, siue secundum proportionalitatem, explicandum hic putat quid hæc æqualitas, aut proportionalitas sit, ex qua iustitiam metimur ipsam in iure distributiuo. Sed antè præponit duo quæ vult haberi pro certis. Primum est: proportionalitatem vniuersim non modò reperiri in vnitatum numero, qui simpliciter numerus est, diciturque monadicus, hoc est, solitarius, quia constat ex vnitatibus abstractis à rebus, vt sunt tria, quinque, decem, verùm etiam in numero ipso rerum numeratarum; cuiusmodi sunt tres digiti, quinque pedes, nummi, vel homines decem. Proportionalitas enim nihil aliud est, quàm æqualitas proportionum: quæ cernitur esse, cùm hoc æqualem proportionem obtinet cum illo; illud verò cum alio. proportio verò est comparatio vnius quantitatis ad aliam, quæ non in solo vnitatum numero à rebus abstracto esse potest, sed etiam in qualibet alia re, habente numerum & quantitatem. Quapropter ex gemina illa proportionē simili atque æquali similitudo quædam & æqualitas in vtroque numero prouenit, quæ proportionalitas appellatur. Alterum, quod præmonet Aristoteles est: omnem proportionalitatem oportere consistere minimùm in quatuor terminis, vel secundum rem, vel secundum rationem. potest enim habere terminos plures, vt si dicamus: quemadmodum se habet hoc cum hoc, & illud cum illo, similiterque deinceps illud cum alio, sic istud cum isto, &c. sed pauciores omnino habere non potest, quàm quatuor. Id autem hoc modo probatum vult. Omnis disiuncta, siue discreta proportionalitas consistit in quatuor minimùm terminis: & omnis proportionalitas continua in terminis item consistit minimùm quatuor. sed omnis proportionalitas, vel disiuncta est & discreta, vel continuata & coniuncta. omnis ergo proportionalitas consistit in terminis minimùm quatuor. Vt huius intelligatur argumentationis ratio & vis, ipse docet Aristoteles, quamnam proportionalitas appelletur disiuncta, quæ continuata, seu continua nominetur. significat igitur, proportionalitatem disiunctam, æqualitatem esse duarum proportionum in vno aliquo termino minimè conuenientium, vt si dicatur hoc modo. sicut se habent sex ad tria, ita se habent decem ad quinque. Nam hæ duæ proportionē, inter sex & tria, & inter decem & quinque non conueniunt in vno aliquo termino: atque adeo proportionalitas, quæ harum duarum proportionum æqualitas est, disiuncta, siue discreta nominatur. Proportionalitas verò continua, siue coniuncta, æqualitas est duarum proportionum in vno aliquo termino conuenientium, & coniunctarum; vt si dicatur, sicut se habent octo ad quatuor, ita se habent quatuor ad duo. Hæ quippe proportionē duæ conueniunt & copulantur in vno termino, hoc est, in quatuor, qui repetitur bis. Quibus ita declaratis, ar-

gumentationis etiam propositio clarissima redditur. Omnis enim proportionalitas distincta, quia duarum proportionum æqualitas est, nullo modo communi termino copulatarum, quatuor postulat terminos re ipsa distinctos, cuiusmodi sunt sex & tria, & decem & quinque. Proportionalitas verò coniuncta, siue continua tribus quidem videtur esse contenta terminis, sed quia bis sumitur, & repetitur vnus, cuiusmodi est in exemplo proposito quatuor, quo termino coniunguntur octo & duo, termini quatuor sunt, non re, sed ratione distincti. Illa enim repetitio facit, vt ex vno termino fiant duo.

Est autem iustum in quatuor minimis.] Sequitur nunc, vt quoniam id quod iustum dicitur, medium est, & medium æquale secundum proportionalitatem, videamus qualis nam ipsa proportionalitas sit. Ait ergo, proportionalitatem hanc esse æqualitatem proportionum, non autem duarum partium quantitatis. Ad cuius explanationem rei, animaduertendum est: duplicem esse proportionalitatem; geometricam vnā, arithmeticā alterā. Geometrica spectatur ex æqualitate proportionis, quæ inter quatuor terminos est. Vt cum dicimus. sicut comparantur nouem ad sex, ita sex comparantur ad quatuor. Est enim vtrobiq; eadem proportio, sesquialtera scilicet: quia quemadmodum in nouem sunt sex & tria: sic in numero sex, sunt quatuor & duo. itaque proportionum vtrobiq; similitudo & æqualitas est. Sed non tamen vtrobiq; est eadem quantitatis æqualitas, quia nouem tria continent supra sex: sex autem non continent supra quatuor, nisi duo. Arithmetica verò proportionalitas ex æqualitate quantitatis expenditur. vt cum partes quantitatis quatuor hoc modo comparamus. sicut octo se habent ad sex, ita sex se habent ad quatuor. octo namque duo sunt supra sex, & sex duo sunt supra quatuor. vtrobiq; adeo secundum eandem quantitatem exuperantia est. sed in hac cōparatione quantitatis æqualis, proportionum æqualitas & similitudo non est, cum in priori parte cōparationis sit proportio sesquitertia, in posteriori verò proportio sesquialtera sit. octo enim ad sex proportionē sesquitertiam, sex ad quatuor proportionem sesqui alteram habent. Est igitur Aristoteli cōsiliū demonstrare, distribuentis iustitiæ iustum, siue ius, esse medium æquale secundum proportionalitatem, siue proportionum æqualitatem geometricā, & quidem disiunctā, siue discretā. Ac primo quidem habere proportionalitatem sic ostendit: Vbicumque sunt termini quatuor, quorum duo eandem obtinent inter se proportionem, quam habent reliqui duo, ibi est proportionum æqualitas. sed in iusto siue iure distribuentis iustitiæ quatuor termini sunt, quorum duo eandem prorsus obtinent proportionem, quam reliqui habent duo. Igitur in iure distributiuo proportionum æqualitas est, ex qua ius ipsum siue iustum, & medium esse dicitur, & æquale. Assumptio sic declaratur. Vbicumque iustitia distribuens est, ibi oportet, vnus personæ, cui distribuitur aliquid, ad rem ipsam distributam eandem esse proportionem, quæ est alterius personæ ad rem itē distributam. Nam secundum eandem proportionem personis dantur res, quæ distributō diuiduntur, secundum quam ipsæ personæ differunt & distinguuntur inter se. quod Eustratius hoc exemplo demonstrat. Faciamus Achillem esse meriti ac dignitatis vt 12. Aiacem verò dignitatis & meriti vt 6. quæ ratio ac proportio dupla dicitur. ex altera parte res ponamus distributō diuidendas inter ipsos duas: quarum altera sit æstimationis ac pretij, vt 8. altera, vt 4. His positis, sicut se habet & comparatur Achilles qui est meriti vt 12. ad Aiacem qui est vt 6. ita se habet & comparatur res 8. ad rem 4. est enim dupla proportio inter personas & res. Ergo vicissim & commutatā proportionē, sicut se habet & comparatur Achilles 12. ad rem 8. ita se habet & comparatur Ajax 6. ad rem 4. Est enim vtrobiq; proportio sesquialtera, quemadmodum in priori cōparatione fuit dupla. sunt adeo hæ duæ proportionum æqualitates differentes, quia termini quatuor variè sunt dispositi bis. Constat igitur in iure iustitiæ distribuentis esse medium æquale secundum proportionalitatem, hoc est, secundum æqualitatem proportionum. quocumque enim modo quatuor termini disponantur, semper inter duos ac duos erit proportionum æqualitas.

Appellant autem proportionem Geometricā.] Docet nunc, quod erat secundo loco demonstrandum: hanc æqualitatem proportionum eam esse, quam Geometricā dicunt Mathematici. In geometrica enim proportionē sit, vt sicut se habet & comparatur totum ex duabus compositum partibus ad totum ex totidem

partibus conflatum ita se habeat & comparetur altera pars eiusdem totius ad reliquam partem, quod non cadit in arithmeticam proportionem, ut in sequenti cap. 4. explicabitur planius.

Est autem non continua.] Denique quod ad extremum erat docendum hic explicat: proportionalitatem hanc Geometricam non eam esse, quam supra nominata coniunctam, siue continuam, sed disiunctam, atque discretam. Docere autem videtur hoc modo. Illa proportionalitas, in qua vtriusque comparationis & proportionis nullus communis est terminus, coniuncta & continua dici non potest. sed in proportionalitate iustitiæ distribuentis non est aliquis communis terminus, qui veramque comparationem proportionemque coniungat, inter quas æqualitas & proportionalitas est. sunt enim duæ personæ, ac res duæ differentes, inter se prorsusque distinctæ; adeoque nullus terminus bis repetitur. ergo hæc non continua, sed disiuncta, & discreta proportionalitas est.

Iustum igitur hoc, &c.] Clausula Capitis, & rerum disputatarum complexio hæc est, in qua decernit, id quod est in distributione iustum, id esse, quod proportionalitate affectum est; iniustum id, quod eadem proportionalitate caret, & plus habet, aut minus, quam ipsa proportionum & comparationum postulat æqualitas, ut intelligi facile potest ex operibus, factisque iuste vel iniuste susceptis, ac perpetratis. Is enim qui iniuste agit, & iniuriam facit in bonis, ex iis plus sibi sumit, quam velit æqualitas. qui autem patitur iniuriam, habet ex iisdem minus. Contra verò in malis atque incommodis accidit. Qui enim iniuste facit, minus sibi suscipit mali, qui patitur iniuriam, eiusdem mali plus habet. Ratio verò, cur vir iniurius, iniustusque minus sibi sumat ex malis, ea est, quod minus malum obtinet speciem boni, ac propterea potest optari, & eligi ab homine iniurioso & iniusto qui bonum expetit cum iniuriam facit. Certè minus malum magis in electionem cadit, quam maius malum.

EPILOGVS.

1. Distribuentis iustitia ius siue iustum est medium inter plus ac minus æquale.
2. Est autem æquale secundum proportionum æqualitatem inter terminos minimum quatuor; quæ Geometrica dicitur, & disiuncta, hoc est, nullo communi termino copulata.
3. Igitur ij, qui aduersus hanc iustitiam peccant, vel plus habent, vel minus, quam postulet proportionum æqualitas: plus quidem de bonis, minus autem de malis.



IN CAPVT TERTIVM

QVÆSTIO VNICA.

An Iustitia quæ in distributione versatur, Ab Aristotele rectè fuerit exposita?



DESIGNATAM ac descriptam esse perfectissimè virtutem hanc ab Aristotele ea demonstrant, quæ posita & disputata sunt supra. sed duo confutanda sunt argumenta, quibus abrogari fides Aristotelis authoritati videtur ac dictis.

Primum. Permittit Aristoteles distribuenti iustitiæ peruersum quemdam hominum delectum, qui dici vulgò solet acceptio personarum. hæc autem inimicissima iustitiæ est. Distributores enim Reipublicæ eo nomine non modò priuatim vituperantur, verùm etiam publica laborant infamia. ergo aliquid huic iustitiæ permittit, quod ipsi iustitiæ contrarium sit. Peruersus enim delectus siue improba personarum acceptio est, antequam ho-

minem homini non æquâ, nec probabili de causa. Hanc autem veniam iustitiæ distribuenti dat Aristoteles, cum dignitatem personarum, quibus communia bona distributò sunt diuidenda, spectandam proponit ex libertate, quod in statu populari sit, aut ex diuitiis ac nobilitate, ut fieri cernitur in oligarchia, aut ex virtute, quæ summum obtinet locum in optimorum dominatu: quæ sanè causæ iniquæ sunt, nec ex, propter quas vnus alteri debeat anteponi. Itaque, si ob eas anteponatur, peruersio quædam delectus erit, & acceptio personarum. supra enim in lib. 4. cap. de Magnanimitate, ipsemet Aristoteles, cum dixisset, honorari multos propter potentiam, ob diuitias, & ob generis claritatem, decernit ad extremum, id perperam fieri; ac verè, proprièque solos bonos eos & virtute præditos

viros honorandos esse. Quare diuitiæ, potentia, & claritas generis æquæ, atque idoneæ causæ non sunt, cur aliquis anteferatur alteri, & maioribus quàm alter honoribus afficiatur. Quin ipsa etiam virtus minùs æqua videtur esse causa, cur quisquam aliis anteponatur. Fac enim esse duos, alterum virtute præditum, alterum verò minimè, qui conferant in medium atque in commune ad mercaturam faciendam argenti libras mille, æt totidem mille sociali negotiatione lucrentur. Non esset hinc profectò causa imparis distributionis idonea, si ex communi pecunia, quæ accessit ad sortem, alteri, qui vel nulla, vel minori præditus est virtute, vel nihil, vel minus, quàm alteri tribueretur.

Secundum argumentum est. Aristoteles nullam esse distributionem æquitati consentaneam putat, nisi quæ inter plures personas ac minimùm duas intercedat, quibus per æqualitatem proportionum bona publica diuidantur. Vult enim esse positam in terminis quatuor, quorum duo sunt res, duo, personæ, quibus res ipsæ distribuendæ sint. Sed possunt bona communia vni tantummodo iure distribui. Ergo iustitia distribuens plures personas, quibus bona Reipublicæ distribuat, non requirit. Ponamus enim vnum quemdam ciuium pro Republica laborasse solùm, & pro communi salute ac libertate defudasse plurimùm, sanguinemque acceptis vulneribus profudisse. Huic haud dubiè de bonis communibus debentur plurima. ergo si ei tribuantur, rectè tribui dicentur ac iure; nec per aliam iusticiam, nisi per eam quæ distribuens est.

Ad prioris argumenti confutationem animaduertendum est primò: distributionis formas esse duas, quarum vna posita est in conferendis & transferendis bonis aut malis à communi in singulos; alia in transferendis bonis à singulis in commune: cuiusmodi sunt quæ à ciuibz ad sustinenda communia Reipublicæ onera pro ratione census, aut capitum numero conferuntur in medium. Materia verò distributionis tres etiam distribuendi varios constituit modos. distribuitur enim interdum quod reddi debet, interdum quod debet dari, interdum quod offerri congruens est. Vbi distribuitur id, quod alioqui reddi deberet, ij, quibus distribuitur, habent in illud potestatem ac ius; vt mercatores in commune lucrum, piscatores, venatores, & victores milites in id, quod captum est labore communi; adeoque quod eis è re in medio posita distribuitur, reddi potius debet dici, quàm dari. Vbi verò distribuitur id, quod dari debet, ij quibus distribuitur in rem distribuendā non habent ius ac potestatem, vt cùm Princeps Præfecturas & munera publica distribuit suis, distribuit quidem ipse quod alicui debet dare, sed quia, neq; huic, neque illi dare debet, ij, qui rem distributam accipiunt, nullum eius sibi vindicandæ ius obtinebant. Vbi denique distribuitur id, quod dari ex aliquo iure non debet, sed offerri tantummodo congruens est, ij, quibus tribuitur res, eam non

possunt iure deposcere. Ex hoc genere distribuendarum rerum sunt honores quidam insignes ac præmia, quæ distribui bene merentibus de Republica congruit.

Animaduertendum secundo est: hanc delectus peruersitatem, quam personarum acceptionem appellant, ita posse nos ex auctoritate sapientium ac sanctorum hominum appositè definire, si dicamus, esse anteferre, vel posthabere personam personæ propter causam minùs æquam & non idoneam. est inquam non solum anteferre, sed posthabere, quia sit interdum, vt præferre personam personæ sit ex iniqua causa eam excipere, vel eximere, quod cernitur in distributione laborum & impensarum, quæ iubentur à Magistratibus & Republica, in quibus is, qui eximitur, posthaberi videtur potius quàm anteponi; & in eo indice, qui neutrum litigantium videtur antepondere, quia neutrum impensius diligit, sed tamen secundum alterum iniquè decernit ex alterius odio: id enim videtur etiam posthabere potius esse quàm antepondere. Antepondere enim vulgò intelligimus eum, qui in honorum, & commodorum distributione, vel ex amore vel ex avaritia alteri alteri præferat; itaque cùm non in honorum, sed incommodorum distributione, & cùm nō ex amore, aut alia eiusmodi cupiditate mouetur ad anteferendum alterum alteri, dici solet, ad eam iudicii differentiam exprimendam, posthabere potius, quàm anteferre. Quoniam verò dictum in definitione est, personarum acceptionem non modò esse antepondere alterum alteri, sed antepondere ex iniqua, nec idonea causa, videtur etiam id significari, esse posse iustam aliquam & probabilem causam, cur in distributione vnus alteri anteferatur. Idcirco

Animaduertendum est tertio: vniuersim, & penè communi ex regula tenendum id esse, in distributione alterum alteri antepondere propterea tantummodo licere, quodd magis, quàm alter eius causæ particeps sit, propter quam bona publica distribuuntur. alix quippe causæ, quæcumque demum sunt, iniquæ, nec idoneæ sunt. Id enim significauit Aristoteles, cùm dixit, in distributione habendam esse rationem dignitatis, ac meritum, illorum nimirum, propter quæ bona communia distribuenda sunt, non aliorum. Quæ sanè regula ad iustam explorandam distributionem certissima est, ne cui plus, minùsve distribuatur, quàm æquum sit. obtinet enim in eo Dialecticæ axiomate firmamentum, quod in secundo Topicorum apud Aristotelem est. sicut se habet simpliciter ad simpliciter, ita magis ad magis, & maximè ad maximè. Quippe hinc fit, vt si solùm is, qui in sorte, ac totius mercaturæ capite aliquid de suo posuit, aliquid etiam ex quæstu debet recipere, illa verò, qui plus posuit, recipere plus debeat, & qui plurimum, recipere debeat plurimum. Si autem honores & commoda Reipublicæ distribuenda sunt bonis, & ita Respublica decreuit, vt non distribuantur nisi bonis, nec alio nomine dentur, nisi ex causa probitatis, ex eo

dem axioma sequitur, eum, qui bonus sit esse simpliciter honorandum, & commodis exornandum meliorem, honorandum; & exornandum magis; optimum autem honorandum & exornandum maximè. Hæc igitur est vna causa; quæ iustum atque probabilem reddere personarum delectum in distributione possit, eumque ab iniqua personarum acceptione vindicare, si personæ, quæ deliguntur & anteponuntur ceteris, eius rationis participes, aut magis participes sint, cuius gratiâ instituta Principum auctoritate distributio est. Quæ causa, vbi non subest, existit illico ex acceptione personarum iniustitia distribuenti opposita iustitiæ, quæ dignitatem ac meritum, non homines & personas intuetur. Admittitur autem personarum acceptio tribus modis: in iudicio, vbi debet unicuique ius reddi; in eo delectu, qui vulgò promotio nominatur, vbi debent solemnes honores aliquibus dari; in extraordinaria distributione, vbi eisdem honores ac præmia dari congruens est.

Dicendum igitur est, Aristotelem distribuentem iustitiam rectè definiuisse, eique regulam ex personarum dignitate ac merito tradidisse, vbi in argumentorum confutatione monstrabitur.

In priori enim ponitur quasi certum, Aristotelem omnes illas causas probasse, ex quibus dixit, spectari solere personæ dignitatem in singulis Reipublicæ generibus: quod à vero alienum est; cum inter varias Reipublicæ formas etiam recenseat oligarchiam, quæ corrupta est, & vitiosa. Id igitur solum ea commemoratione ac recensione Rerum publicarum ostendere vult, in distributione habendam esse rationem dignitatis vniuersim. idque sic fieri debere, intelligere nos ex qualibet, siue probabili, siue vitiosa forma Reipublicæ posse; cum in singulis, vbi distributio fit, personarum perpendatur dignitas, & meritum. Quod si aliqua Reipublicæ peccent in eo, quod dignitatem ex libertate singulorum, aut ex diuitiis & nobilitate malè perpendant, & metiantur, id ipse negligit in præsentia, quia non hoc agit, vt doceat quæ probabilia & bona, quæ vitiosa & praua Rerum publicarum genera sint. Neque verò virtutem esse regulam, & dimensionem dignitatis ipse pronunciauit, sed satis habuit vniuersim dicere, spectandam esse dignitatem, cuius causâ bona communia ex Reipublicæ decreto distribuenda sint; siue ea causa sit virtus, siue aliquid aliud, cuius gratiâ id fieri, vel iustum, vel congruens, & æquum esse putauerit ipsa Reipublica. Itaque male colligitur, ex eo quod Aristoteles dixerit, in bene temperata Republica, qualis est Aristocrata, spectari dignitatem & meritum ex virtute, negotiatorem, qui vel nullâ, vel minori virtute præditus est, nihil omnino aut minus de communi quæstu accipere debere, si vel æquam, vel ampliorem partem in sorte posuerit. Non enim causa distributionis est virtus, sed pecuniæ pars ad negotiandum in commune deposita, quæ

verò distributionis, à mercatorum societate constituta est causa, illa prorsus putari ac dici dignitas & meritum debet. Ac ne in ipsa quidem Aristocrata, aliâve bene constituta Republica dignitas semper ex virtute spectatur. Statuit enim sæpè Magistratus, ex communibus bonis, indigentibus & pauperibus ciuibus esse viritum aliqua distribuenda, siue virtute præditi sint, siue minus, quo tempore spectatur etiam dignitas & meritum. ipsa enim paupertas & indigentia eius distributionis est meritum. Quid cum militibus belli tempore donatiuum distribuitur? virtutisne an belli peritiam perpenditur? improbo certè, sed rei militaris scientissimo plus debetur, & impartitur, quàm virtute cultissimo, sed ignauo. Id enim tunc inuestigat Respublica, atque hanc distributionis esse vult causam, dignitatēque ac meritum hoc intuetur in suis, belli gerendi peritiam, & scientiam militarem. Ad summam in ea re posita dignitas est, quàm distributionis rationem & causam esse Respublica vult, ac non in alia. Violaret adeo distributor ipsum distribuentis iustitiæ ius, si virtuti dare vellet quod Respublica tunc dandum esse decreuit inopia.

Posterius argumentum nihil falsè proponit. Verè enim, vt docet Gualter. Burleus, vni tantummodo, qui solus Rempubicam defendisset, de quæ ciuitate bene meritis esset, ex bonis communibus esset aliquid Principis aut Magistratus imperio tribuendum, nec alia id faceret virtus, quàm iustitia, quæ in distributione posita est. quia verò id re ipsa non fit, vt commune bonum totius ciuitatis ab vno defendatur & conseruetur, sed à pluribus pro Republica laborantibus, idcirco putat idem author, ab Aristotele constitutam fuisse distributionem inter plures homines, de patria de quæ re communi bene meritos, quibus reddi præmium, & tribui mercedem pro merito ac dignitate necesse sit. Quare ab Aristotele id dicitur solum quod fieri solet; quod autem fieri posset, omittitur.

Ac multa nos etiam hîc prætermittimus, quæ disputabuntur in proximo cap. 4. vbi quæretur, an idem sit distribuentis & commutantis iustitiæ medium.

Vnum tantum inuestigare præterea hac extremâ quæstione præstabit, An ea, quæ docet hîc Aristoteles de spectanda, & commutanda dignitate secundum Geometricam proportionem, vt in distributione inueniatur æqualitas, cum iis consentiant, quæ docentur ab aliis. Nisi enim iis consentanea sint, tertium proponi potest argumentum, ab aliorum, & quidem veterum ac sapientium auctoritate ductum, ad ea demolienda, quæ suæ veluti firmamenta doctrinæ posuit hîc Aristoteles.

Dicam ergo breuissimè: omnes quidem fermè veteres Philosophos & Oratores laudasse Geometricam in distributionibus æqualitatem. Isocrates certè in Arcopagitico adprobans, atque ad cælum Atheniensem

Republicam euehens, inter ea, quæ felicem illi statum pepererunt, hoc vnum ait valuisse plurimum, quod cum duo sint æqualitatis genera, quorum alterum omnibus easdem res ex arithmetica proportionione, alterum pro dignitate ex proportionione Geometricâ sua cuique tribuat, Athenienses repudiata priori æqualitate, quæ nullum inter bonos, improbâsque discrimen ponit, alteram complexi essent, quæ pro suo merito, ac dignitate vnumquemque honoribus afficiat & præmiis. & in libello ad Nicoclem, differens de rebus, quibus regnum oligarchiæ præstet, & democratiæ, hanc vnam esse maximè notam decernit, quæ distinguat singulos; geometricam æqualitatem. In regno enim tribui ait optimo cuique primas honoris & præmij partes, proximo secundas, tertias, & quartas aliis: in oligarchia verò ac democratia omnia omnibus æqualia dari. grauissimum autem & molestissimum esse improbos ac bonos iisdem honoribus ac præmiis exornari: æquissimum & iucundissimum, vnumquemque honoris & præmij mensuram capere pro dignitate. Plato quoque duo hæc arithmetice, geometricæque æqualitatis genera commemorat in lib. 6. de Legibus: sed geometricam ait esse verissimam, ac diuinam, quæque homini vix deprehensa, & soli propemodum Deo cognita sit. quantulacumque tamen eius æqualitatis agnitio data sit homini, eam vnam esse ait, qua Respublicæ, domus, cætus, & conuentus omnes in officio, ac tranquillitate contineantur. Id enim præstat, vt maiori maiora, inferiora minori, suum denique cuique pro dignitate, ac merito tribuatur. Hoc verò nisi fiat, & in æqualitati etiam tribuantur æqualia, grauissimas existere contentiones affirmat, quibus tota Respublica concutiat. Plutar. in lib. 2. Symposiacorum cap. vlt. instituta quæstione, vtrum præstet, in mensa suam cuique partem æqualem apponere veterum more, hoc est, Homeri tempestate, atque ex vna vesci lance communi, quod sua fiebat ætate, factumque fuisse memoria parentum acceperat; duobus respondet modis, quia de re in vtramque partem Academicè differit. Probat igitur ille quidem Homeri mensam, quia magis æqualitati consentanea erat, hoc est, arithmetice proportioni; quam summè etiam laudat in lib. de Amore fraterno, vbi vult inter fratres ad dirimendas contentiones omnia esse prorsus æqualia, nec eorum quemquam dicere posse, id esse suum; sed tamen idem affirmat, in Republica longè aliam æqualitatem instituendam & seruandam esse, hoc est, dignitatis proportionem quæsitam & geometricam, non vt Solon existimauit, arithmetice, discordiarum, & seditionum procreatricem. Placet igitur Plutarcho magis ætatis suæ consuetudo, ex communi patina, & lance vescendi, quia vt ipse ait similitudinem habet geometricæ proportionis, qua probatæ Respublicæ in distribuendis honoribus, & fortunæ bonis vtuntur, æqualem enim dissimilibus magnitudine, calore, indigentia hominibus in mensa portionem proponere haud minus absurdum putat, quàm si medicus


aliquis velit omnibus ægrotis, eodem modo eademque mensura medicamenta præbere. Denique geometricæ huius æqualitatis exempla ab antiquis probatæ passim inueniuntur apud Historicos: laudatæque in primis Iphicrates à Polieno in libro stratagematum primo, quod prædam, & donatiuum diligentissimè distribuerit inter Tribunos & milites, hoc est, cum exquisito delectu: contrâque vituperatur Marius apud Plut. in Apophtheg. quod Romanis ciuibz honore, ac dignitate Phanorinos milites exquasset, quorum opera in bello Cimbrico esset feliciter vsus.

Igitur, vt reuertar ad orationis initium, æqualitatem hanc ex dignitatis ac meriti proportionem desumptam, quæ geometrica dicitur, plerique omnes in distributionibus adprobant: sed tamen Aristoteles ab aliis duplici differentia discrepat. Prima est, quod alij quamvis æqualitatem hanc in distributione commendent, non tamen omninò damnant arithmetice. Idem enim Plato in illo libro 6. de legibus etiam arithmetice proportionis & æqualitatis vsus reperiri ait in Republica bene composita, vt cum Magistratus & Præfecturas, & munera sortitò distribuit. cum enim in ea forma distributionis non iudicium, & æstimatio dignitatis, sed casus ac fortuna dominetur, in arithmetica potius æqualitate, quàm in geometrica proportionem mensuram habet. Quin illam bonorum omnium communionem in commentitia Republica, quam animo consignabat, ex arithmetica proportionem instituendam putauit Plato, Spartanum Lycurgum imitatus. Quæ causa fuit, cur ab Aristotele in lib. 2. Polit. & à Lactan. in lib. Instit. 3. grauissimè reprehenderetur.

Secunda differentia est, quod alij materiam huius æqualitatis ex proportionem geometrica petitam faciunt ampliorem ac latius patentem. Ad omnes enim priuatorum actiones, atque ad res omnes, in quibus aliquis ordo & descriptio seruanda sit, eam pertinere & extendi debere contendunt. Huiusmodi faciunt multiplicem illam obseruantiam, quam impendimus aliis variè. alia enim Deo, alia parentibus & patriæ, alia Principibus debetur & Magistratibus, vt à Cicero distinguitur in lib. de offic. primo. In hoc genere ponunt victum & cultum; cum alius in eo sit splendor viri principis, ac primarij, alius priuati hominis & vulgaris. Renotant huc etiam concessum, congressumque, in quibus excellentiori cuique potior, ac prius assignandus est locus, vt fieri debet in conuiuio ex Plutar. in Sympos. lib. 1. cap. 2. & in Theatris ex lege Roscia, de qua Dio in lib. 42. in consiliis & sermonibus, vbi videndum Cicero præcipit, quibus de rebus, & apud quos agas. Quin hanc æqualitatem videtur agnoscere Plato in ipsa mundi molitione, cui partes ab opifice Deo admirabili ordine descriptæ sunt, & distributæ. ordo verò inter tam varias & inæquales partes esse nullus absque hac geometrica proportionem potest. Quapropter adiungit ibidem Plato, ne hominem quidem ipsum qui microcosmus est, sine hac æqualitate geo-

metrica cōstare. hæc enim iram, cupiditatem, aliaque perturbationes, affectionesque tam varias attemperat, atque ad libellam rationis exæquat. Aristoteles autem, quia de Politica distributione pressius & coactius agit, sortem ab ea depellit, & communionem bonorum, æstimationemque dignitatis ac iudicium postulat, nec eas distributiones existimat, quibus priuata res diuiduntur, sed quibus honores publici Magistratus, & præmia,

bona denique communia Principum auctoritate tribuuntur iis, in quibus ipsa causa distributionis à Republica decreta deprehenditur. Multo adeo magis illæ metaphoricæ rerum distributiones, quæ cernuntur in mundo, in oratione, ac sermone, in conuiuiis, in theatris, in reliquis, ubi aliquis est ordo partium, ab hac Politica distributione sunt alienæ, quam solitariè tractat Aristoteles, nec de metaphorica vel priuata laborat.



CAPVT QVARTVM. DE IUSTITIA COMMVTANTE. S V M M A.

Huius opus iustitiæ, siue iustum in commutationibus cerni, ad proportionem arithmeticam exploratum.

DIVISIO CAPITIS IN PARTES DVAS.

1. Commutantis iustitiæ proprium opus, atque officium quodnam sis. à distribuyente quid differat.
2. Qua ratione medium inueniatur in hoc iusto, quod in commutationibus dirigendū est positum.

PARS PRIMA CAPITIS QVARTI.

Τὸ δὲ λαμβάνειν ἐν τῷ ἀποδοτέῳ, ὅ
τι ἐν τοῖς συναλλάγμασι καὶ τοῖς
ἐμπορίαις καὶ τοῖς ἀγοραῖς. τὸ δὲ δὴ δι-
καιοῦς ἄλλο εἶδος ἔχει τῷ ποσότητος.
ὁ μὲν γὰρ ἀποδοτέων διανοῖται τὸ
κοινόν, αἱ δὲ καὶ πλεονάζοντες ὅτι
πλεονάζοντες. καὶ γὰρ διὰ χρημα-
τικῶν κοινόν, ἐὰν γίνῃται ἡ ἀξιοκρατία,
ἔστι καὶ τὸν λόγον τοῦ αὐτοῦ, ὅτι ἐχρεώ-
ται ἀλλήλους ἐξ ἰσότητος. καὶ δὲ ἀδι-
καιοῖς, δὲ ἀδικεῖν καὶ διὰ τὴν αὐτὴν, πα-
ρὰ δὲ αἰσχύνην ὅτι. ὁ δὲ ἐν τοῖς συναλ-
λάγμασι δικαιοῦς, ἐστὶ μὲν ἴσος, ὁ δὲ ἀδι-
καιοῖς αἰσχύνη. ἀλλὰ οὐ καὶ πλεονάζοντες
ἐκείνους, ἀλλὰ καὶ πλεονάζοντες ἀδικεῖν.
οὐδὲν γὰρ ἀδικεῖν, εἰ ὁπότερῃ φαν-
τασθῇ ἀδικεῖν, ἢ φαντασθῇ. οὐδὲ εἰ
ἐμὶ χροῖον ὁπότερῃ, ἢ φαντασθῇ. ἀλλὰ
ποσότητος βλάβος καὶ ἀφαιρέσεως μόνον βλά-
πτει ὁ νόμος, ὁ καὶ ὡς ἴσος, εἰ ὁ μὲν ἀδι-
καιοῖς, ὁ δὲ ἀδικεῖται. καὶ εἰ ὁ μὲν ἐβλάψαν,

REliquum autem vnum in corrigendo
positum est, quod versatur in contra-
ctibus, & voluntariis & inuoluntariis. hoc
autem iustum aliam speciem habet à priori.
Iustum enim positum in distributione re-
rum communium semper est secundum di-
ctam proportionem. Nam si ex pecuniis pu-
blicis fiat distributio, erit secundum ratio-
nem eandem, quam obtinent inter se ea,
quæ collata sunt: & iniustum quod opponi-
tur iusto huic, extra proportionem est. Quod
verò in contractibus iustum versatur, est
quidem æquale quid, & iniustum inæquale;
non verò secundum proportionem illam, sed
secundum arithmeticam. nihil enim refert,
si bonus malum fraudauit, aut malus bonum.
neque si adulterium fecit bonus, aut malus.
sed ad damni differentiam tantum respicit
lex: & videtur ijs tanquam æqualibus, si
hic quidem faciat iniuriam, ille iniuriæ af-
ficiatur: etsi vnus quidem damnū inuulerit,

ὁ δὲ βέλτερόν ἐστι. ὥστε δὲ ἀδικεῖν τὸ τοιοῦτον, ἀνίσταται οὖν, ἵσα ἔξιν πειράται ὁ δικαστής. καὶ γὰρ ὅταν ὁ μὲν πληγῇ, ὁ δὲ παλαῖται, ἢ καὶ κτείνει, ὁ δὲ ἀποθνήσκει, διηρησάμενος τὸ πάθος, καὶ ἡ πρᾶξις εἰς ἀρίστη. ἀλλὰ πειράται τῇ ζημίᾳ ἵσα ἔξιν, ἀφαιρῶν τὰ κέρδη. λέγεται γὰρ, ὡς ἀπλῶς εἰπεῖν, ὅτι τοῖς τοιούτοις, καὶ εἰ μὴ ἔσονται οἰκτεροῦν ὁ νόμος εἶναι, τὸ κέρδος, οἷον παλαῖσθαι, ἢ ἡ ζημία δὲ παθόντι. ἀλλ' ὅταν γὰρ μετρηθῇ τὸ πάθος, καλεῖται δὲ μὲν ζημία, τὸ δὲ κέρδος. ὥστε τὸ μὲν πλείονος καὶ τὸ ἡμίσητος δὲ ἴσον, μέσση. τὸ δὲ κέρδος καὶ ἡ ζημία, τὸ μὲν πλείον, τὸ δὲ ἡμίσητος, ἐναρτίως. τὸ μὲν τὸ ἀγαθοῦ πλείον, τὸ κακῶς δὲ ἡμίσητος, κέρδος. τὸ δὲ ἐναρτίον, ζημία, ὡς ἡ μείσση τὸ ἴσον, ὁ λέγουσιν οἷον δίκασιν. ὥστε τὸ μὲν ἐπιδιορθωτικὸν δίκασιν, ὃν εἶναι τὸ μέσσην ζημίαν καὶ κέρδος. δὲ καὶ ὅταν ἀμφισβητῶσιν, ὅτι τὸν δικαστὴν καλεῖσθαι γοῖσι. τὸ δὲ ὅτι τὸν δικαστὴν ἰέναι, ἰέναι ὅτι ὅτι τὸ δίκασιν. ὁ γὰρ δικαστὴς βέλτερος οἷον δὲ δίκασιν ἐμφυλῶν, καὶ ζητῶσι δικαστὴν μέσσην, καὶ καλεῖσθαι ἔτι μεσιτοῖς, ὡς εἰναι τὸ μέσσην τύχουσι, τὸ δὲ δικαστὴν πευξόμενοι. μέσσην ἀρὰ καὶ τὸ δίκασιν, εἰσὶν καὶ ὁ δικαστής. ὁ δὲ δικαστὴς ἐπιδιορθωτικὸς.

alter acceperit. Itaq; iniustum hoc, inaequale cum sit, exaequare conatur iudex. cum enim hic percussus fuerit, ille percusserit, aut etiam occiderit, hic autem mortuus sit, diuisa est perpeſſio & actio in inaequalia: sed nititur damno exaequare, detrahens de lucro. Dicitur namque, ut simpliciter loquar, in talibus rebus, etiam si quibusdam proprium nomen non fuerit, lucrum, velut illi qui percussit: & damnum ei qui passus est. Sed ubi ad mensuram examinata perpeſſio est, nominatur hoc quidem damnum, illud verò lucrum. Itaq; pluris & minoris aequale medium. lucrum autē & damnum hoc quidem plus; illud verò minus, contrario modo: hoc quidem boni plus: hoc autē mali minus, lucrum: contrarium verò, damnum, quorum fuit medium aequale, quod dicimus esse iustum. Quapropter quod quidem ad corrigendum valet iustum, esse poterit medium damni & lucri. Idcirco & cum dubitant, ad iudicem confugiunt. Adire autem ad iudicem, adire est ad iustum: Iudex enim debet esse velut iustum animal: quaruntque iudicem medium, & vocant nonnulli intermedios, ut si medium obtineant, futurum sit, ut iustum consequantur. Medium igitur quiddam iustum est, si quidem & Iudex. Iudex autem exaequat.

EXPLANATIO.



LETTERA iuris explicatur in hoc capite pars & species, quae posita in commutationibus est, atque in dirigendis, emendandisque contractibus & conuentis tum spontè, ac iudicio initis, tum ingratas inuitòque susceptis, quae illi proposita materia est. Huius adeo iustitiae naturam & vim expositurus Aristoteles, primo quidem comparatè cum superiore de illa disputat, deinde simpliciter & separatim. Et comparatè quidem primo loco de hac iustitia disserit, ut quoniam à specie priori distinguitur, omnes inter utramque differentiae causas & distinctionis ostendat. Differentiam autem hoc initio proponit duplicem: quarum prima & planissima haec est, quod distribuētis iustitiae iustum ac ius in proportionē geometrica positum sit, ius commutantis aequalitatem omnino postulet ex arithmetica proportionē. Alteram differentiam latenter & rectè subindicat commemoratis communibus & publicis bonis, ex quibus instituenda & peragenda distributio est. Significat enim, priorē illam iustitiae speciem, quae distribuit, in bonis versari communibus, hanc posteriorem in priuatis operam ponere. Sed secunda praetermissa, de prima differentia potissimum laborat, & plurimum. Ait ergo, distributionis & diuisionis optimae ius ex geometrica proportionē spectari, cum facultatum publicarum bonorumque communium, in quibus hoc cernitur & tractatur ius, distributio semper ea ratione fiat, quam habent inter se ταύτης ἀντιλογία, hoc est, collata, siue, ut aliqui verterunt, illata. Sunt autem haec ea, quae à ciuibus conferuntur in publicum. Si enim asperis Reipublicae temporibus alius aureorum decem millia, alius quinque, alius duo contulerit ad patriam subleuandam hi omnes bona quaedam ciuitati tribuunt, quae à collata pecunia, collatòque studio

collata, siue illata vocari possunt, quibus ciuium, qui eam contulerunt, promerita ex geometrica proportionione respondent. Itaque cum ipsis ob eam charitatem in patriam retribuendus est honos, aut commodum aliud redonandum, non omnibus æquale redditur, sed eadem planè proportionione, quade suo contulerunt in medium. Qua igitur ratione fit hæc distributio iis, qui pecuniam in publicum contulerunt, eadem planè fit etiam iis, qui non pecuniam, sed militarem fortitudinem, solertiam, ac sagacitatem, vigilias, studia, labores plurimos patriæ commodarunt, sunt enim hæc quoque *virtutes*, & in medium ad Reipublicæ salutem collata, quibus ex geometrica proportionione debetur honos ac præmium. Quod si aliter fiat, illico iniustum existit huic contrarium iuri ex perueria, nec ad proportionis regulam castigatâ distributione profectum. quippe iniustæ diuisionis & distributionis illico existit forma, si neque officij, neque virtutis, aut dignitatis habeatur ratio, & Tribuni militibus æquentur, aut milites inter se, & ex arithmetica proportionione stipendio vel muneribus exornentur; quod aliquando factum esse scribunt Tacitus & Suet. in vita Tiberij. Id, inquam, esse distribuents iustitiæ proprium ait Aristot. ut proportio rei distribuendæ spectetur ex dignitate ac merito personarum: atque in hoc differre maximè à cōmutante, quod enim cernitur in contractibus, & in conuentis ac pactis, iustum quidem æquale est, & iniustum inæquale quemadmodum ea, quæ in distributionibus posita sunt, sed in eo differunt, quod iustum iustitiæ cōmutantis, eique contrarium iniustum æquale esse & inæquale ex arithmetica proportionione cognoscitur, distribuents autè iustum, iniustumque contrarium ex geometrica spectatur æqualitate. Ipsa porro arithmetica proportio non ex dignitate personarum, sed ex æqualitate quantitatis inspicitur, & iudicatur, ita prorsus, ut nihil intersit, inquit Aristot. bonusne vir malum fraudauerit, an malus bonum. probusne adulteriū, an improbus fecerit, cum ad solam damni differentiā respiciat lex, & disparis conditionis hominibus utatur ut paribus. Nimirū hæc, quantumuis personæ sint dispares & inæquales, ipsa lex & Iudex æstimatione facta per arithmeticam proportionē exæquat. Nullam enim considerat proportionū æqualitatem inter res & personas, quæ proportionalitas geometrica dicitur, sed solū quantitatis excessum. Sex, exempli gratia, ex arithmetica proportionione sunt medium inter octo & quatuor; quia sex tot vnitatibus superant istorum alterum, quot superantur ab altero: cum sex quatuor superent vnitatibus duabus, & duabus superentur ab octo. sed ex proportionē geometrica sex non sunt mediū inter octo, duo, & quatuor. quia non est eadem proportio inter sex & quatuor, & inter octo & sex. Sex enim proportionem obtinent sesquialteram ad quatuor, cum sex contineant quatuor, & præterea dimidiū quaternarij, hoc est, duo: & octo proportionem habent sesquiterciā ad sex; cum octo comprehendant sex & tertiam præterea partē, hoc est, duo. sed sex est medium inter nouem, duo, & quatuor ex geometrica proportionione: quia quæ cōparatio & proportio est nouem ad sex, eadem est sex ad quatuor; cum vtroque sesqui altera proportio sit. In summa medium exactum ad geometricam æqualitatem eadem proportionione superat vnum, & ab altero superatur. sed non eadem quantitate superat & superatur. Medium autem secundum arithmeticam proportionem tanta quantitate aliud superat, quanta superatur ab alio. Cernere id licet in num. sex, quæ sunt ex proportionē geometrica medium inter 9. 2. & 4. & inter 8. 2. & 4. sunt mediū ex arithmetica. Hanc igitur arithmeticam æqualitatem & proportionem ait Aristot. in iustitia cōmutante spectari. idque sic videtur ostendere. Vbi æqualitas non perpenditur ex dignitate ac proportionē personarum, sed solū ex lucri damnique quantitate, ibi spectatur æqualitas secundum arithmeticam proportionem. Iustitia verò quæ in cōmutationibus est posita, metitur æqualitatem non ex dignitate, ac proportionē personarum, sed solū ex lucri damnique quantitate. Igitur in cōmutante iustitia ex arithmetica proportionē perpenditur & spectatur æqualitas. Assumptionem, qua dicitur in cōmutante iustitia non spectari dignitatem, aut proportionem personarum inter se declarat ex eo, quod vbi adulterij, vel furti perpetrati iudicium est, non id quaeratur & videatur, vir ne probus, an improbus furtum fecerit, aut adulteratus sit. Lex enim & Iudex cum volūt sarcire per cōmutantem iustitiā detrimentū illatum, damnūq; ac lucrum lucro damnūq; compensare, vel ex æquare, non ipsam personarum proportionē, sed damni lucriq; differentiam solēt intueri: ut ille nimirū qui plus nocuit & damni plus intulit, plus etiā compenset, quacūque demum personæ dignitate, vel conditione sit præditus. Itaque si è duobus hominibus vnus iniustum faciat, alter iniustum patiatur, hoc est, vnus lædat, & alter læ-

datur, lex, inquit Aristot. & iustitia cōmutans aduersus istos, quantumuis dignitate & conditione dispares, perinde se gerit, ac si pares essent & æquales. Iudex enim qui legis est custos & administer, inæqualitatem personarum, quæ inter lædentem & læsum intercedit, ad æqualitatem reuocare conatur, æqualitatem ipsam non in diuersarum proportionem personarum, sed in rerum quantitate constituens. Idque declarat exemplo duorum hominum, quorum vnus percutiatur, & vulneretur, alter percutiat & vulneret; vel alter interimat, alter interimatur. Actio nimirum hic & perperessio sunt inæquales, cū percutiens, aut occidens plus habeat de bono, quia nimirum suæ voluntati satisfecit, adeoque videtur in lucro esse: ille autem qui percutitur, aut occiditur, de malo plus habet, quia valetudine corporis aut vitâ priuatur; ac propterea versari videtur in damno. Iudex igitur contendit inæqualitatem hanc ad æqualitatem redigere, subtrahens à lucro, & in damno reponens quod à lucro detractum est. tollit enim aliquid à percutiente, vel occidente, idque conuertit in honorem aut commodum eius, qui percussus est aut interfectus. Tradunt quidem Iurisconsulti, hominum liberorum corpora æstimabilia non esse, sed intelligunt, propriè restrictèque æstimari non posse. Nam alioqui latiori æstimationis vocabulo subiecta sunt, cū, vt hic monet Gifan. in legibus Alemannicis, Longobardicis ac Francicis sæpissimè digitus auris, articulus, profundum etiam vulnus, & alia eiusmodi corporis damna pecuniâ æstimentur, & certo pretio. Itaque hæc etiam detrimenta sarciri quodammodo poterunt ex arithmetica proportionem: quæ in qualibet rerum priuatorum commutatione vsum ac locum iustissimum habet. Rectè adeo Cyrus puer apud Xenophontem in lib. 1. *trachias* vapulasse dicitur eo nomine, quod cū alios duos vidisset pueros, quorum vnus breuiori, longiori alter amictus tunicâ esset, interrogatus à præceptore philosopho, num iustitiæ postularet æqualitas, vt tunica longior longiori daretur, breuior breuiori, sic omnino ex iustitiæ præscripto faciendum esse respondisset. Habuit enim personarum in eo iudicio rationem & geometricæ proportionis, quæ locum, inquit Xenophon, in priuatorum possessione non habet. vidēdū erat præterea, num ille qui longiori amiciebatur tunicâ, exuperantiâ illâ accepisset, & sustulisset ab eo, qui breuiori tunica erat indutus. Neq; enim res equari cōpensatione, & proportionem arithmetica debent, nisi cū damnū intercessit & lucrū.

Dicitur namq; lucrum, &c.] Suboriri alicui dubitatio potest ob hæc nomina damni, & lucri, quæ locum omnino nullum habere videntur in iis iniuriis, quibus ipsæ afficiuntur personæ, sed solum in iis, quæ bonis possessis aut possessionibus fiunt. Questionem hanc & dubitationem anteuertens, admonet, lucri, damni que nomina dici propriè, vsurparique in rerum possessione, rebusque possessis: sed quia certa quædam actionis perperessionis que mensura in eiusmodi iniuriis, quæ fiunt personis accipi non potest, eadem nomina translata sunt ad iniurias personarum. Itaque cū perperessio & actio ad iustitiæ mensuram exactæ & exploratæ sunt, tunc id quod plus esse deprehenditur, lucrum illius dicitur, in quo deprehenditur; quod minus inuenitur, eius, in quo reperitur, detrimentum & damnum appellatur. Denique actio contumeliosa, & iniuriosa per metaphoram lucrum, perperessio ex iniuria profecta damnum eadem metaphora & similitudine nominatur.

Quapropter.] Colligit igitur duo; quorum primum est: iustum, quod à commutante iustitia proficiscitur, appellari posse medium inter damnum & lucrum: quod videtur hoc modo probare: Commutantis iustitiæ ius est quiddam inter plus & minus medium & æquale. sed lucrum, ac damnum in iis, in quibus commutationes fiunt, plus & minoris habent rationem. Igitur id quod in commutante iustitia ius dicitur & iustum, æquale medium dici potest inter damnum ac lucrum. sed quia damnum, & lucrum haud similem habent plus minorisque modum in bonis atque in malis, ait Aristoteles, præterea, aliter obtinere plus minorisque rationem in bonis, aliter in malis. Nam habere plus de bonis, ac minus de malis, ad rationem pertinet lucri: ad rationem verò damni pertinet habere plus de malis, ac minus de bonis. Secundum, quod colligit ex dictis Aristoteles, est: Iudicem esse quiddam iustum, hoc est, medium, & secundum arithmetica proportionem æquale. quod probat hoc argumento: Cū de damno & lucro dubitant homines, nec iustum aut medium vident, adeoque sic ambigentes inter se rixantur & litigant, ad Iudicem confugiunt, tamquam ad id, quod iustum & æquale medium est. Quippe ad Iudicem ire, nihil est aliud, quàm iustum & medium conuenire, cū Iudex veluti

iustum quoddam animatum & spirans debeat esse, & à iustitia totus tamquam corpus ab anima possideri. Consentit his M. Tull. in lib. 3. de leg. ubi Iudicem legem loquentem appellat, & Iuriconsultus in tit. de iustit. & iur. qui Prætozem viuam iuris ciuilibus nominat vocem. Denique Iudicem esse ius ipsum, siue iustum ac medium, hominesque de iure, hoc est, de medio ambigentes & contententes ad ipsum confugere tanquam ad medium, ex eo intelligi vult Aristoteles, quod vulgò iudices appellant *μισοδίκαι*, quod vocabulum rarum est, & scripturæ codicum variant. In aliquibus enim est *μισοδίκους*. sed præstat retinere *μισοδίκαι*. quæ vox etiam est in 4. lib. Polit. & Eudemiorum similiter lib. 4. Significat autem hoc vocabulum, Iudices esse medios, siue intermedios, atque, ut aliqui Latinum illud fecerunt, mediatores, quia inter damnum & lucrum, inter æquum, iniquumque ipsi quodammodo medium sunt, vel attingunt medium. Concludit adeo, iustum nihil aliud esse, quàm medium quoddam æquale, cùm iudex ipse, qui iustum inuenit, medium quoddam sit, damnumque ac lucrum veluti partes inæquales adæquet.

PARS SECUNDA CAPITIS QVARTI.

ΚΑΙ ὡς περ γραμμῆς εἰς αἰῖα τι-
τμημένης, ὃ δὲ μείζον τμήμα τῆς
ἡμισίας ὑπερέχει, τὸ δὲ ἀφελὲς, καὶ τὸ
ἐλάττω τμήματι προσέθηκεν. ὅταν δὲ
διχα διαμεθῇ ὁ ὅλον, πότε φασὶν ἔχειν
τὸ αὐτὸν, ὅταν λαβῶσι τὸ ἴσον. ὃ δὲ ἴσον
μέσον ἐστὶ τῆς μείζονος, καὶ ἐλάττωτος καὶ
τῆς ὑπομνητικῆς αἰαλοῦσας. διὰ τὸ τοῦτο
ὀνομάζονται διχαίον, ὅτι διχα ἐστὶν, ὡς περ
αὐτὸ εἴ τις εἴποι διχαίον, καὶ ὁ δικαστής,
δικαστής. ἐπεὶ γὰρ δύο ἴσων ἀφαίρεθῃ ἀπὸ
ῥατίου, ῥατίου δὲ πλεονάζει, ὡς περ
τοῦτο ὑπερέχει τὸ ἑτέρου. εἰ γὰρ ἀφαιρήσῃ
μὲν, μὴ προσέτιναι δὲ, εἰνὶ δὲ μέσῳ
ὑπερέχει. τῆς μέσου ἀρὰ εἰν, καὶ ὁ μέσος
τὸ ἀφ' οὗ ἀφαιρήσῃ, εἰν. τοῦτω ἀρὰ γε-
νομένη, πότε ἀφελὲν δεῖ ἀπὸ τοῦ πλεονέ-
χοντος, καὶ τὴν προσέτιναι ὃ ἐλάττω ἐχόντι.
ὃ μὲν γὰρ τῆς μέσου ὑπερέχει, τοῦτο προσέτι-
ναι δεῖ ὃ ἐλάττω ἐχόντι. ὃ δὲ ὑπερέχει,
ἀφελὲν ἀπὸ τοῦ μεγίστου. ἴσαι αἱ ἐφ' ὧν,
αα, ββ, γγ, ἀλλήλας. ἀπὸ τῆς αα, ἀ-
φαιρήσῃ τὸ αε, καὶ προσέτιναι τῇ γγ,
τὸ ἐφ' ὧν γοι. ὡς ὅλη ἡ δγγ, τῆς
αε, ὑπερέχει ὃ γοι, καὶ ὃ γζ. τῆς
ἀρὰ ββ, ὃ γοι. ἐστὶ γὰρ ὅτι τῶν ἄλλων
πεχῶν τοῦτο. ἀντιστοιχῶν γὰρ αὐτὸ εἰ μὴ
ἐπὶ τῇ δ ποιῶν, καὶ ὅσον, καὶ ὅτι. καὶ ὃ
πᾶρον ἐπαρὲς τοῦτο, καὶ τοσούτο, καὶ
ποιοῦτο. ἐλλήλυθε δὲ τὰ ὀνόματα ταῦτα,
ἢ τε ζημία, καὶ τὸ κέρδος, οὐκ ἔχει οἰσίου
ἀλλ' αἰσίου. ὃ μὲν γὰρ πλεονέχειν ἢ τὰ ἐαυτοῦ,
κέρδαριν λέγεται. ὃ δὲ ἐλάττω ἢ τὰ ἑαυτοῦ,
ζημία, ζυμοῦσας. ὅτι ἐν ὃ πωλῶν, καὶ ὡιδῶν,
καὶ ὡς ὅσους ἀλλοῖς ἀδῶναι ἔδωκεν ὁ νόμος.

AC veluti linea in inæqualia secta, quo
maius segmentum medietatē superat,
hoc detraxit, & minori segmento adiunxit.
cū autē bifariā diuisū fuerit totū, tūc dicū
habere quod suū est, cū acceperint æquale.
æquale autē medium est maioris & minoris
secundum arithmetica analogiam. & pro-
pterea appellatur διχαίον: [iustum] quia est
διχα [bifariam] perinde ac si quis dixerit δι-
χαίον [iustum] & ὁ δικαστής [iudex] δικαστής.
Duabz enim rebus æqualibus existentibz.
vbi detractū quid fuerit ab altera, ad alterā
autē adiunctū, his duobz superat alterā. Si
enim detractū fuerit quidem, non additum
autē, vno dumtaxat superaret. mediū igitur
vno, & mediū id à quo detractū fuit, vno.
Ex hoc ergo cognoscemus quid detrachere
oporteat à plus habēte, & quid addere mi-
nus habenti. quo enim medium superat, hoc
addere oportet minus habenti: quo autē su-
peratur, id detrachere à maximo. Aequales
sint αα, ββ, γγ, inter se. ex αα, demptum sit
αε, & additum γγ. id quod est in γδ. Qua-
re tota linea δγγ. superat αε, parte γδ, &
partem γζ: lineam igitur ββ, parte illa γδ.
Est autem etiā in ceteris artibus hoc. tolle-
rētur enim nisi faceret agens, & quantam,
& quale, & patiens pateretur hoc & tan-
tum & tale. Prouenerunt autem nomina
hæc & damnum & lucrum ex voluntaria
commutatione. Nam plus habere quàm
sua, lucrari dicitur; minus verò habere,
quàm à principio, damno affici; velut in
vendendo, & emendo, & in quibuscum-
que aliis, quorum permissionem dedis lex.

ἑκάστῳ δὲ μὴτε πλέον, μὴτ' ὀλίγον, *Cum autem neque plus, neque minus, sed*
 ἀλλὰ αὐτὰ δι' αὐτῶν ῥυθίται, καὶ αὐτῶν *suamque per se cōrigerint, res suas aiunt se*
 φασὶν ἔχειν, καὶ οὐτε ζημιόσασθαι, οὐτε *habere, & nec affici damno, neque lucrari.*
 κερδαίνειν. ὥστε κέρδους πινός, καὶ ζημίας *Itaque lucri alicuius, & damni medium*
 μέσση δὲ δικαίον ὅστις τῶν αὐτῶν δὲ ἐκούσιον, *iustum est, eorum, quæ præter voluntarium*
 τῶν ἴσων ἔχει καὶ αὐτῶν τε προῖον καὶ ὑστερόν. *fiunt, æquale habere & prius & posterius.*

EXPLANATIO.



VSTVM siue ius, commutantis iustitiæ medium quoddam esse ad arithmeticam exactum & exploratum æqualitatem, dictum explicatumque est in priori Capituli parte. Demonstratur in hac posteriori, qua ratione huiusmodi medium inueniatur. Docet enim primùm Aristoteles, inueniri posse in commutatione rerum, tum eiusdem rationis, tum etiam longè diuersarum. Deinde originem aperit horum nominum, damni & lucri, ex quibus inueniendi mediij tota ratio ducitur & via. Ac redigenda sunt hîc in memoriam quæ proximè de Iudice docuit, ubi dixit, ad eum confugere litigantes, & de iure ambigentes, tanquam ad medium; cùm ipse sit, qui lucri exuperantiam, & damni defectum per inuentionem mediocritatis adæquet. Est enim Iudex huiusce minister iuris, quod in commutationibus cernitur inter priuatos, quemadmodum est Magistratus rerum communium distributor. Magistratus quippe publica persona est, Iudex, & Iurisconsultus priuata, ut ipsemet explicat Aristoteles in Politicis. Pergit ergo nunc in eandem sententiam sermone continuato, atque hac ratione differere. Iudex plus & minus, siue damnum & lucrum, ad æqualitatem & medium haud aliter redigit, quàm si lineam in partes diuisam inæquales vellet ad medium æqualitatemque reducere. Auferret enim à maiori parte id, quo totius lineæ medietatem exuperat, & minori adiungeret parti. Hac enim accessione facta, partes, quæ remanent, sunt æquales: quia utraque pars ipsa per se totius lineæ dimidium est. Itaque totius lineæ medietas erit veluti regula quædam & mensura, per quam inæqualia reuocantur ad æqualitatem ex arithmetica proportionem. ubi enim totum bifariam diuisum est in partes æquales, æqualia sunt omnia, & deprehensum & medium, ut infra melius, & ductis lineis declarabitur. Ita igitur à Iudice fieri contendit, cùm aliquod duarum, aut plurium hominum tantùm ab eo diuiditur in partes æquales. accipit enim quasi mensuram & regulam medietatem totius ad diuidendum bifariam totum in partes æquales, ab altera quidem parte exuperantiam auferens & excessum, alteram autem adaugens ex eo, quod in altera excessus & exuperantia est. Cùm, inquam, in hunc modum diuiderit bifariam iudex, id, de quo contendunt inter se litigatores in partes æquales, & unicuique adiudicauerit suam, tum denique fatentur omnes æquale se recipere, atque id, quod inter plus & minus medium est per arithmeticam proportionem. quia medium commutationum siue iustitiæ commutantis quantâ parte superatur ab eo, qui plus habet, tantâ superat illum qui habet minus; quæ proportio arithmetica est. Itaque, ut dicamus in summa, huius medium iustitiæ eiusmodi est, ut æqualiter & superetur à parte maiori, & minorem exuperet: atque adeo huius inuentio mediij erit, auferre tantumdem ab eo, qui plus habet, quanto medium ipsum excedit, ablatumque reddere parti, quæ minus habet. ita enim peruenitur ad medium iustitiæ commutantis.

Et propterea appellatur iustum, &c.] Rationem profert & causam, cur iustum, lineæ bifariam diuise comparauerit. causam autem esse ait, quod apud Græcos iustum siue ius à bipartita diuisione videtur habere nomen. Dicitur enim δίκαιον quasi δίκαιον à δίκαι, & δίκαι. est autem δίκαι, & δίκαι aduerbium, non vocabulum aliquod regulam significans, ut interpretem aliqui putarunt, Græcarum literarum prorsus ignari: est, inquam, id, quod nos dicimus bifariam: à quo aduerbio diuinat & coniecit Aristoteles, initio quidem iustum fuisse dictum δίκαιον, quasi bifariam diuisum, hoc est, in partes æquales, quod postea suauioris soni & euphoniæ causâ sit fortassis appellatum δίκαιον, mutato χ in κ. Eadem ratione coniecit, iudicem, quæ Græci postea dixerunt dicuntq; δικάστης, initio fuisse δικάστης, quasi bifariam diuisorem, siue bipartitorē, hoc est, eum, qui ad rectè iudicandū diuidat rem controuersam, veluti lineam in partes æquales, ex parte demēs exuperante quod deficienti ad incrementū adiūgat.

Duabus enim rebus æqualibus existentibus, &c.] Pergit eundem inueniendi assequendi que medijs præscribere modum, sed copiosius. Ita verò præscribit. sint duo æqualia, quorum vtrumque duas habeat mensuras, veluti duos palmos, aut duos pedes; medietas autem subtrahatur ab vno, & apponatur alteri. constat propterea id quod componitur ex eo, quod est additum, & ex eo cui facta accessio est, duabus partibus alterum superare: cum in eo, cui subtractum est, non remaneat nisi vnum: in eo verò, quod auctum & compositum est, numerentur tria. si autem quod ab vno subtrahitur, alteri non addatur, huius exuperantia non erit nisi vnus. efficietur ergo, vt & id, cui est adiunctum, vnâ parte medium superet, & medium vna similiter illud excedat, à quo deductum est, quemadmodum ex linearum similitudine mox demonstrabitur. Atque hoc est, quod Aristoteles obscurissimis indicat verbis. Medium igitur vno, inquit, & medium, à quo deductum fuit, vno. id est illud, cui facta est vnus partis accessio, medium quod interiacet iam inter duo inæqualia, superat vna parte; & medium ipsum medietatem eius æqualis, quod inæquale iam factum est, superat item vna parte. itaque medium superatur ab eo, quod est auctum, & superat id quod est imminutum. Sed quorsum, dicit aliquis, hæc euadit oratio? vt intelligamus nimirum, cum eo cui additur, comparari qui plus habet, cum eo, cui subtrahitur, cum conferri, qui habet minus. Cum enim qui plus habet superet medium vno, hoc est, ea parte, quæ addita ipsi est, medium verò eum, à quo subtractum aliquid est, vna etiam parte superet, hoc est ea, quæ alteri est subducta, ex hoc, inquit Aristoteles, id est, ex medio, facile cognoscemus quid oporteat auferre ab illo, qui plus habet, eique adiungere, qui habet minus. Quippe minus habenti addere necesse est illud, quo superatur à medio, & à maximo, hoc est, ab eo, qui plus habet, auferendum est id, quo ipsum superat medium. Declarat autem hæc ex trium comparatione linearum, quas ita designare nos iubet. Sint lineæ tres æquales inter se, in quarum prima

scribatur a ————— a
in secunda b ————— b
& in tertia g ————— g

Ipsa verò linea bb quæ intermedia est, diuisa non sit. linea tamen aa diuidatur media in puncto c. linea denique gg secetur etiam ipsa media in puncto z. Auferatur igitur à linea aa vna pars, quæ est a c, & addatur lineæ gg, & vocetur hoc additum gd. Perspicuum est, totam lineam, quæ est g z, & d. superare eam, quæ est a a duabus partibus, vna quidem, quæ est g d. altera verò quæ est g z. Sed linea b b. vna solum parte superat g d. Quapropter illud quod est maximum, vna parte superat medium, duabus verò superat minimū ad rationem arithmeticæ proportionis: adeoque, si redigenda omnia sint ad æqualitatem, à tota lineæ g z d subtrahendum est g d, & restituendum lineæ aa, ex qua fuerat ante sublatum. Remanebunt enim rursus æquales lineæ tres, exactæ ad lineam b b. tamquam ad regulam, quæ inuariabile medium est, ac propterea norma quædam æqualitatis

a ————— c ————— a
b ————— b
g ————— z ————— g ————— d

Media igitur linea similitudinem quamdam præ se fert iudicis æquatoris. quemadmodum enim ipsa docet quodammodo quæ linea æqualis sit, aut inæqualis, iubetque ab excedente linea partem alienam tolli, reddique illi, à qua fuerat ablata, sic iudex res controuersas inspicit, ac meretur, adimitque ab altera exuperantiam, eique iubet adiungi à quo fuerat antè deducta.

[Est autem etiam in ceteris artibus, &c.] Huius loci continuatio subobscura & inuentu difficilis est. Putant plerique Aristotelem hic ea, quæ de huius æqualitate iustitiæ dicta iam sunt, ceterarum exemplis artium confirmare velle & illustrare: sed qua ratione id faciat, ipsi non explicant. Placet coniectura Burlei & Acciatoli: qui arbitrantur, Aristotelem suprà disseruisse de medio, deque æqualitate, quæ cernitur & constituitur inter res eiusdem rationis, vt inter pecuniam, & pecuniam, inter fundum ac fundum, inter mancipia, & mancipia, inter equos & equos. In his enim statuit iudex æqualitatem, si è litigantibus alterum inuenit ex his rebus habere plus, alterum minus, vt demonstrauimus. Sed hic existimant nunc cum docere, eandem æqualitatem eodem planè modo, hoc est, ex arithmetica proportionè in commutationibus rerum diuersarum artium

oportere cōstitutū, nisi velimus artifices tollere, atque opificia omnia prorsus euertere. quod ita demonstrat: Nisi medium ex arithmetica proportionē inueniretur in rebus diuersarum artium, ipsæ pessum irent, & euerterentur artes. ex artibus enim alia est aliā præstantior, & opus efficit excellentius, quàm alia: adeoque nisi inter artium opera fieret adæquatio, ipsæ deficerent artes: quia præstantior artifex opus suum excellentius permutare nollit cū alterius artificis opere deteriori, nisi agens, hoc est, ille, qui efficit opus, quo alius indiget, ageret quantum & quale susciperet patiens. patiens autem appellatur ille, qui eiusmodi indiget opere. Est enim hic obseruare notandum: Aristotelem, appellare agentem illum artificem, qui facit aliquod opus, quo indiget alius, eum verò qui tali indiget opere, illudque suscipit, nominare patientem. fieri tamen potest, vt in operum permutatione idem variâ ratione. Agens & patiens: quemadmodum in fabro & sutore licebit cernere. faber enim domum facit, qua ipse non indiget, ac propterea dicitur agens: sed quia indiget calceo, & calceum à sutore suscipit, etiam patiens appellabitur. eadēque ratio sutoris est. quippe calceum facit, quo non indiget, & dicitur agens, sed indiget domo, quam suscipit à fabro, ac propterea dicitur etiam patiens. Est animaduertendum præterea, Aristotelem hic dicere, inter agentem & patientem, hoc est, inter varios artifices intercedere tantum & tale, quantum & quale. quia cū longè diuersa fiant ab iis opera, in commutationibus ea redigi ad aliquam æqualitatem oportet, sic prorsus, vt quamquam aliud opus per se quidem non est ita perfectum, sicut aliud, cum quo facienda permutatio est, tot & tam multa tamen ex eo genere accipienda sūt, vt alterius perfectionem exæquent. Hoc enim pacto vnum opus euadet & fiet tantum ac tale, quantum & quale opus alterius est. sic igitur ipse disputat. Perirent sanè ac funditus artes & opificia tollerentur, nisi in operibus variarum longèque diuersarum artium inueniretur medium. Inuenitur autem, quia opifex ille, qui dicitur agens, agit opus quantum & quale; hoc est, quantum & quale ipsius perfectio postulat; & artifex ille, qui patiens appellatur, suscipit ab agente opus tantum & tale, hoc est, ita perfectum & præstans, sicut est, factaque operis æstimatione, tot ac tam multa ex suo ipsius artificio reddit opera deteriora, & non æquè perfecta, vt multitudine ac numero præstantiam demum melioris operis & perfectionem adæquet.

Prouenerunt autem hæc nomina, &c.] Reuersio quædam hæc est ad superiora. Dictum enim suprâ iam est, plus & minus quibus interiacet iustum, & medium, appellari luerum & damnum. Vult igitur hic horum nominum originem querere, & causam aperire, cur exuperantia & defectus huiusce iustitiæ his nominibus explicentur. Ait igitur, hæc nomina orta esse ab iis actionibus, quibus spontè contrahunt inter se homines, cuiusmodi sunt emptiones ac venditiones, talisque aliarum commutationes, quæ vsu permittuntur ac lege. In his enim is propriè luerum facere dicebatur, qui post contractum plus habebat, quàm haberet prius; is damno affici, qui postea minus haberet quàm prius ante contractum initum habuisset. Sed hæc nomina translata deinde per similitudinem sunt ad ea significanda commercia, quæ inuitis fiunt hominibus, nec legibus permittuntur. In his enim nunc dicimus potius damno affectum esse, qui vel ignarus, vel aliâ ratione contraxit inuitus, adeoque inæqualitas illa, quæ in contractu minimè voluntario intercessit, à iudice, vel lege corrigitur, atque ad æqualitatem reuocatur. Fit autem æqualitas cū qui damnum fecit, tantumdem reddit, quanti damnum æstimatur: isque, qui damno est affectus, tantumdem boni recipit, quantum detrimenti susceperat, & vterque contrahentium tantum habet, quantum antè contractum habuerat prius. Concludit itaque iustum illud & ius, de quo nunc disputatur, esse medium, & æqualitatem inter damnum & luerum; quibus postea nominibus semper vtemur, siue propriè, siue translata, quemadmodum vsus & occasio flagitabit.

EPILOGVS.

1. Iustum commutantis iustitia discrepat à superiore, cū non ex dignitate persona, sed ex arithmetica proportionē perpendatur.
2. Commutationum hoc ius, siue iustum inter plus ac minus, siue inter damnum & luerum æquale medium est, quasi linea quoddā duabus interiecta, & arithmetice vtramque dimens.

3. In omnibus etiam opificiis, longèque diuersarum artium operibus locum habet hoc iustum, ad arithmeticam aequalitatem exaltum.
4. Lucrum & damnum nomina sunt ad omnes commutationes significandas traducta; adeoque id quod in commutationibus est iustum, dici merisò potest medium inter damnum & lucrum.



IN CAPVT QVARTVM

QVÆSTIO PRIMÆ

An eodem modo metiendus sit medium in distribuyente, asque in commutante Iustitia.

IN vtriusque medio Iustitiæ peruestigando plurimum esse discriminis docuit Aristoteles, cum alterum arithmeticum, geometricum alterum fecit; quæ proportionem summè discrepant inter se, sed tamen aduersus eiusmodi pronunciatum hæc apud aliquos auctores argumenta leguntur, quibus contenditur eodem planè modo in vtraque medium quæri ac deprehendi oportere.

Primum. Dictum sæpè iam est, iustitiæ medium esse medium rei, sed medium rei est semper idem, & vniuersum. ergo medium vniuersi iustitiæ ab alterius medio discrepare non potest.

Secundum. Idcirco vult Aristoteles, hæc media inter se distingui ac discrepare, quod distribuentis iustitiæ medium ex meritis ac dignitate personarum inspecta & ponderata per geometricam proportionem designetur, medium verò commutantis nullâ personarum habitâ ratione, ex excessu, defectuque quantitatis per arithmeticam proportionem deprehendatur. Id verò frustra contenditur: cum in ipsâ quoque iustitiæ commutantis æstimatione personarum dignitas & meritum inspicere debeat: Docebit enim ipsemet Aristoteles in proximo cap. 5. non oportere ex iustitiâ commutante Principem percipi, si percusserit aliquem: contraque si quis ipsum percusserit Principem, eum debere non modò percipi, sed puniri ac supplicio plecti. Quod profectò facere nefas esset, nisi nos personæ dignitatem attendere commutantis iustitiæ vis iuberet & ratio. Quin in ff. de pœnis l. ad bestias. datur venia damnatis, si præclari alicuius artificij homines sint. Id verò iustitiâ, quæ commutationem & vindictam vellet, non pateretur, nisi etiam in commutatione meritum dignitatemque personarum intueri iuberet.

Quamquam ex his quæ supra de iure ac medio distribuentis iustitiæ disputata sunt pluribus, intelligi potest, quo nomine ab eo differat medium commutantis, libet tamen hic particulatim enumerare vtriusque discrimina, & differentias, vt facilior & breuior huius quæstionis decisio sit.

Primum ergo discrimen est, quod ad distribuentis medium inueniendum necesse sit

personarum dignitatem intueri, cum ex eadem dignitate ac merito distributio numerum habeat & dimensionem suam: ad medium verò commutantis assignandum, non oporteat personarum expendi meritum & dignitatem, siue proportionem rerum commutandarum, & personarum, inter quas commutandæ res sunt, sed solam rerum commutandarum æqualitatem. Si enim tu de re mea plus habes, quàm mihi reddideris, mihi facis iniuriam, & ex commutante iustitiâ tantum mihi debes, quantum à me accepisti, quicumque demum sis, siue summus, siue medius, aut infimus, siue Magistratus, aut Princeps, siue priuatus. Secundum discrimen est, quod personæ commutantes in eo, quod pertinet ad res commutandas ante commutationem ipsam æquales sunt: cum res commutandæ debeant æquales esse, si iusta fieri commutatio sic debeat, vt vnâ vnus habeat, alteram alter: personæ verò, quibus distributio fit, ante distributionem respectu rerum distribuendarum æquales non sunt; cum ei qui maiori pollet merito ac dignitate plus debeat, ei minus, qui pollet minori. Tertium: quod commutantis iustitiæ medium cum exuperantia & excessu collatum, in quo qui lucrum fecit, superat eum qui passus est damnum, metiendum & exigendum est ad arithmeticam proportionem: distribuentis verò medium semper exigitur ad geometricam. Vocatur autem medium ad arithmeticam proportionem exactum illud, quod ex diuisione quantitatis in æqualia designatur. Exempli gratia, nummi duo medium sunt collati cum quatuor; & quinque ad decem comparati medium item sunt. In commutationibus adeò medium petitur ab exuperantia & excessu, cum quo arithmetice comparatur: quia comparatione mediij factâ cum exuperante & excedente parte, quicquid excedit, desumitur, & in parte, quæ deficit à medio, collocatur. Socrates quippe ac Plato ante commutationem existimantur æquales. sed si Socrates duorum passus damnum & laetiam est, quæ lucratus est Plato, planissime constat à Platone superari Socratem in quatuor. iustum adeò in illorum quatuor medietate consistit, hoc est, in duobus; quæ propter eâ sunt à lucro tollenda, & in locum damni restituenda. Ita enim iterum fient æquales,

Quemadmodum ante commutationem erant. Medium autem in rebus distribuendis aliter quæritur, & tenetur. Nam si sex distribuenda sunt Socrati & Platoni: Socrates autem habeat meritum duplex, æquum est, Socratem accipere quatuor, & Platonem duo. Faciamus ergo Socrati dari quinque, vnum autem Platoni. Socrates profectò Platonem superabit in quatuor, quorum duo medium sunt. & tamen æquum non esset auferri à Socrate duo, & dari Platoni: tunc enim haberet vterque tria, quod esset iniquum: quia meritum Socratis duplex est. Necesse igitur est, explorare ac metiri medium ex geometrica proportionem. Medium enim ad geometricam proportionem examinatum, est æqualitas non quantitatis, sed proportionis aliquorum; siue plurium, siue duorum: quæ reperiri potest in rebus continuis, nulla ratione secundum quantitatem commetiendis. & quidem hoc pacto perquirendum & deprehendendum esse medium in distributione, cernitur in exemplo proposito. Si enim Socrati dentur quinque, Platoni vnum; proportio rei Socratis ad rem Platonis, proportionem meriti ad meritum superat. oportebit ergo non ipsam tolli medietatem eius rei, in qua Socrates habet plus quam Plato, sed ex ea tantum auferri, ut proportio rei ad rem proportioni meriti ad meritum sit æqualis.

His positis, dicendum est, medium vtriusque iustitiæ diuersum ac differens esse. nec posse commutationis materiam distributionis lege ac proportionem tractari. Noua ratione res demonstranda non est; cum ex vtriusque iustitiæ mediis inter se collatis explorata iam sit. Argumentis autem respondetur hoc modo:

Primum quidem nihil affert difficultatis: cum ipsum rei medium quod proprium dicitur esse iustitiæ, proprium commutantis sit, non etiam distribuētis, quæ per geometricam proportionem, hoc est, per aliquid secundum rationem variabile medium inuestigat. Ut enim temperantiæ medium, quia non idem semper est, dicitur medium rationis, ita iustitiæ distribuētis æqualitas, quia non eadem semper, sed ex personarum dignitate varia est, à ratione pender, medium ex consideratione multiplici deprehendente: adeoque dici potest ipsa quoque medium rationis. Commutantis autem iustitiæ medium, quoniam idem ac stabile semper est, atque ad quantitatis mensuram exactum, dici verè, proprièque debet medium rei. quod satis, superque videri debet, ut verum sit quod alibi diximus: iustitiæ medium esse medium rei. est enim alicuius iustitiæ medium.

Secundum autem argumentum confutat D. Thomas in 2.2. quæst. 61. artic. 2. ita respondens in emendationibus & vindicationibus, quæ commutantis iustitiæ sunt, ipsam personæ conditionem habere momenti plurimum ad rei, siue iniuriæ perpendendam gravitatem, aut leuitatem: excellentiori enim personæ iniuria vel vis illata, haud dubiè maior existimari debet & grauior, adeoque per-

pendenda & consideranda semper est. non tamen ea personæ conditio per se spectatur & immediatè, sed ex accidenti & mediatè, quatenus videlicet aut amplificat, aut eleuat, & minorem facit iniuriam. Primò enim ac per se consideratur illatum damnum, deinde ac secundariò siue mediatè persona perpenditur. In distributione verò per se primum atque immediatè spectatur ipsa personæ conditio, ex qua sumitur rei distribuendæ dimensio non ex damno vel lucro, vnde sit in iniustitia commutante. idque ut planius explicet Buridanus, illud adiungit: rectè quidem Aristotelem dicere repercutiendum & puniendum esse qui Principem percussit, Principem ipsum, qui alium percusserit, non esse repercutiendum, aut puniendum: non tamen hoc proficisci ex Principis dignitate per se, sed ex minori, vel maiori damno, quod est illatum. Nam qui percutit Principem, non Principi solum iniuriam facit, nec eius personæ tantummodo contumeliosus est, sed toti etiam Reipublicæ, cuius obtinet vices ac locum. damnum adeò, quod in ea commutatione perpenditur, est grauissimum, idque iustitia primum intuetur ac per se; personæ verò conditionem respicit ex accidenti, vel consequenti. Atque id etiam de priuatis dicendum hominibus est, si priuatus priuatum iniurià lædat. Grauius enim puniri debet qui grauem percutit, & primarium ciuem, quam qui plebeium verberat, aut puerum. lædit quippè præstantiorem Reipublicæ partem. Princeps autè cum percutit, quia dignitate longè omnibus antecellit, vel nullam omnino vel leuissimam facit iniuriam. Nihil adeò mirum esse debet, si lex agere lenius in eum iubeat, qui aliquo præditus est artificio ipsi Reipublicæ perutili, cum is Reipublicæ membrum & pars ob eam vtilitatem & commodum spectabilis maximè sit, ac propterea non tantam facere censeatur iniuriam iis, quibus excellentior & superior existimatur, alij nempe non æquè atque ille operam conferunt in bona communia.

QVÆSTIO SECVNDA.

An omne iustum sit medium damni & lucri?

DE sola commutante iustitia quærendum id aliqui putant, rati, Aristotelem, cum in hoc capite quarto pronunciauit, iustum dirigens, siue corrigens, aut emendans esse medium damni & lucri, de iusto quod in commutationibus cernitur, id accipi voluisse, non etiam de eo, quod est in distributionibus positum. Nam quia disputationem huiusce capitis in hunc penè modum exorsus est; restat vnum, quod in corrigendo positum est, versaturque in contractibus, tum iis, quos voluntariè, tum iis, quos iniuri faciunt homines: hoc autem iustum alia species est differens à priore. quia, inquam, ita loquitur Aristoteles, ubi de commutationibus agit, profligata iam

quaestione de distribvente iustitia, quam iusti speciem priorem appellat, id quod sequitur, hoc est, iustum esse medium damni & lucri, de medio iustitiae commutantis intelligi volunt. idque huiusmodi ratione confirmant. si iustum distribuentis iustitiae damni ac lucri medium est, iniustum erit ipsum damnum ac lucrum: lucrum quidem eius, qui facit iniuriam; damnum autem eius, qui eandem iniuriam patitur. Idem enim Aristoteles infra dicit in hoc libro, iustam actionem esse mediam inter iniustum facere, & iniustum pati, quia qui iniuste agit, iniustum, siue iniuriam lucrando facit: qui patitur iniusta, damnum accipiendo patitur. Sed aduersus distribuentem iustitiam plerique peccant, nullum omnino lucrum facientes. ergo in distribuyente iustitia id quod iustum, & ius dicitur, non est medium inter damnum & lucrum. Assumptio probatur exemplo. Iudex, siue Magistratus plus indigno distribuens, digno autem distribuens minus, iniuste quidem facit, sed lucri tamen inde haud aliquid habet, quia totum distribuit, nec quicquam ex re distribuenda retinet sibi. ergo in hac iniustitia non reperitur lucrum facientis iniuste, & quod hinc necessarium sequitur, opposita illi iustitia non potest esse medium inter damnum & lucrum. Ut videamus, an recte sic disputetur,

Animaduertendum est primo, quid sit id, quod lucri, damni que nominibus intelligere nos oporteat, cum de iustitia, iniustitia que differimus. ex hoc enim capite totius nodi petenda solutio est. Igitur, ut breuiter omnia perstringamus, lucrum dicitur quicquid aliquis ex actione sua vel habet amplius boni, vel mali minus, quam haberet prius: damnum vero quicquid aliquis ex opere item & actione sua vel minus habet boni, vel amplius, & plus mali, quam prius haberet. Malum enim quamuis simpliciter ac per se numquam dici debeat bonum, improprie tamen & comparate, minus malum saepe bonum appellatur, quia cum malo deteriori collatum, ut supra in extremo cap. 3. dixit Aristoteles, magis eligendum videtur, quam minus malum. quod autem eligendum videtur, est bonum, & magis eligendum, magis est bonum, quam eligendum minus. Quia ratione loquendi potest dici simpliciter id lucrum esse, quod non modo habet aliquis amplius ex bono, verum etiam quod minus habet ex malo: damnum autem non solum esse id quod aliquis habet amplius ex malo, sed quod minus est consecutus ex bono. minus enim mali videtur esse plus boni, & minus boni videtur esse plus mali.

Animaduertendum secundo loco est; aliquos existimasse lucrum nullum in multis commutationibus esse locum: ut cum aliquis alium interfecit, ex illa enim caesa non modo lucratur nihil, sed iacturam etiam facit, cum adiudicetur morti & proscribatur. sed hi non viderunt, aliquid dici posse bonum duplici modo: vno quidem ex rei veritate, alterum ex opinione atque aestimatione animi sic iudicantis. Quamuis ergo nullum sibi parauerit vere

bonum qui alium interemit, ex opinione tamen & aestimatione animi consecutus est aliquid, siue enim aestimationem intueri velimus eius, qui interfecit, siue illius, qui interfectus est, siue aliorum qui de caesa iudicant, inuenimus aliquid secundum aestimationem bonum ad authorem caedis esse profectum. Quippe is, qui alium laedere velit, ita comparatus est animo, ut laesionem illam plus aestimet, quam aureos mille: adeoque ne proposito quidem ingenti pretio continere velit a maleficio manus. quare si laedat, aut parricidium faciat, mille sibi videtur esse lucratus aureos. Is vero qui laesus est, ne lucro quidem & compendio aureorum mille laedi vellet, ac propterea tantum ille qui laedit lucratus putatur, quanti qui laesus est aestimat laesionem suam. Denique alij qui de laesione iudicant, cuiusmodi iudices sunt, laesionem ipsam aestimant pretio: adeoque decernere videntur, in eius qui laesit lucro tantum esse positum pretium, quanto ipsi damnum illatum, & maleficium aestimarunt. Itaque lucrum aut damnum, cum de iustitia loquimur, non est secundum veritatem semper accipiendum & metiendum, sed secundum aestimationem, ut demonstrauimus.

Animaduertendum est tertio: tum commutationes, tum etiam distributiones interdum voluntarias esse, interdum vero minime voluntarias. Voluntariae porro dicuntur quae non solum vni partium, inter quas distributio fit, aut commutatio, placent, sed partium utriusque probantur, nec earum displicet modus, & omnes circumstantiae cognoscuntur. Fieri enim potest, ut commutatio, vel distributio placeat, sed distribuenti, vel commutandi non placeat modus, & ut placeat quidem etiam modus, sed circumstantiae distributionis & commutationis ignorentur, aut non peruideantur. Commutationes autem & distributiones haud voluntariae tum sunt, cum vni saltem displicet parti distributio & commutatio, vel ipse displicet modus, aut per fraudem aliqua circumstantiarum occultitur, quae si detegeretur, faceret, ut vel modus vel res ipsa displiceret. Quibus animaduertis, id quoque sciendum est, neminem, ut post docebit Aristoteles, iniustum pati sponte, ac voluntarie, adeoque in voluntariis commutationibus, aut distributionibus nullum accidere lucrum, aut damnum contra iustitiam posse, modo inconcessae arceantur usurae, hoc est, quilibet eorum, inter quos est commutatio, id contrahendo commutet, cuius ipse dominus sit: & rerum commutatio vel distributio fiat earum, quas distribuendi & commutandi potestatem fecerit lex. lucrum igitur & damnum, si in hisce voluntariis commutationibus & distributionibus intercesserint, contra iustitiam accidere non putantur. Quin hoc modo per voluntariam commutationem, hoc est, per damnum & lucrum fit, exerceturque mercatura probabilis, ex qua utraque contrahentium pars id capit, aut tradit, quod sibi censet utilius capere vel tradere. Tradere enim alteri sua, videtur esse damnum pati, capere ab altero

ro aliena, lucrum & quæstum facere, sed quia utrumque voluntariè sit, nihil eorum contra iustitiam sit. Damnum igitur & lucrum contra iustitiam accidunt in commutationibus, quæ voluntariæ non sunt, siue quòd alteri displiceant parti, siue quòd earum non probeatur modus, siue quòd circumstantiæ notæ non sint. Quippe puer ac fatuus, quia circumstantias ignorat, contrahere non possunt & commutare, quantumvis enim de circumstantiis doceantur, numquam tamen eas perfectè cognoscunt, quia rationis vñ perfectò carent: ac propterea nisi tutor inter sit, inuiti contraxisse, & commutasse putantur, hoc est, damno per iniuriam censentur affecti: & alij qui cum iis contraxerunt, lucrum etiam iniquè fecisse iudicantur. In his, inquam, commutationibus, quæ voluntariæ non sunt, damnum & lucrum intercedere perspicuum est: sed de distributionibus, quantumvis inquit susceptis, aut factis ob eam causam, quam initio quæstionis exposui, dubitari merito potest. Ut enim iniustus sit & damnum patiatur is, cui distributio iniqua sit, & minus merito distribuitur, ille tamen qui distribuit, lucrum ex distributione non facit, ac propterea eius iustitiæ medium non videtur esse inter damnum ac lucrum. Hæc tamen ratio facere non potest, ut distribuentis iustitiæ medium inter lucrum damnumque non sit. Distributor enim si non per ignorantiam plus vni tribuat, & alteri minus, quàm iis debeat, sed aliquo perturbatus affectu, id sanè faciet idèd, quòd ille, cui plus æquo distribuit, sibi vel amicitia vel propinquitate, vel alià necessitudine coniunctus est, aut cerèd coniunctior altero. Quod autem propinquis, aut necessariis volumus & lucratur, nobis ipsis velle ac lucrari censetur. Fieri quidem potest, ut Magistratus, aut Iudex nulla moueatur amicitia vel propinquitate ad distribuendum iniquè, sed odio solum aduersus eum, cui damnum infert, & facit iniuriam; tamen tunc etiam lucrari secundùm æstimationem & metaphoricè dicitur, quia damnum quod infert, nullo pretio nollet illatum, idèdque tantumdem facere videtur quæstum, quanti æstimat iniuriam & damnum, quo alium afficit. Denique quisquis explet cupiditatem animi sui, eiùsque compos est rei, quam vehementer expetit, lucrum facere dici potest. Qui verò eum, quem odio habet, vel à distributione depellit, vel aliqua distribuendorum bonorum spoliatur parte, voti compos est, suæque satisfaciunt voluntati.

Dicendum igitur vniuersim est; tam in commutationibus, quàm in distributionibus ipsis intercedere damnum & lucrum, & quòd utrarumque iustum appellatur, id esse medium inter damnum & lucrum.

Sed aliqui contra sic disputant. Primum. Medium vtrique; opponitur extremorum: ergo fieri non potest, ut cum corū aliquo concilietur & sit. Sed iusta commutatio sæpè quidem fit cum lucro partis vtriusque commutantis, ut cum vterque mercator quæstum fecit in iis rebus quas commutauit; sæpè autem cum

vtriusque detrimento, ut cum vterque commutantium iacturam facit & afficitur damno; sæpè demum cum alterius lucro & alterius detrimento. Igitur hoc iustæ commutationis medium cum extremorum aliquo, vel cum vtriusque se plerumque conciliat: quòd à ratione videtur alienum: cum ea sit natura mediij, ut abhorreat ab extremis. Hunc argumenti locum nos occupauimus suprà, cum diximus, in voluntariis commutationibus & distributionibus iustum non esse medium inter damnum & lucrum, cum damnum & lucrum voluntarium iustitiæ non aduersetur, ut declarauimus. Illæ verò commutationes, quæ proponuntur in argumento, sunt voluntariæ.

Secundo: Iure sæpius accidit, ut vñ litigantium tota causa, de qua controuersia fuerat, adiudicetur, hoc est, totum lucrum tribuatur; alteri verò tota abiudicetur causa, hoc est, totum damnum inferatur. ex quo consequens est, ut in hoc iudicio ex altera parte totum sit lucrum, & ex altera totum damnum. ergo iustum hoc non est medium inter damnum & lucrum, sed vel totum damnum, vel totum lucrum. Respondeo, lucrum illud vni, & damnum illud alteri litigantium parti iure deberi. Huius autem lucri ac damni, quæ iure debentur, iustum esse medium nullum potest. Iustum enim quod damni, lucrique medium appellamus, medium esse debet eius lucri, quod plus debito est, & eius damni, quod est debito minus. Itaque cum dicimus, iustum esse medium inter damnum & lucrum, de lucro loquimur illo, quod plus aliquid est, & de damno, quod aliquid est minus, quàm debeat. Responderi etiam potest in hoc quoque iudicio medium inueniri. Alter enim litigantium totà causà superabat alterum; in quo summa erat inæqualitas. adeoque Iudex vbi totam alteri adiudicauit, constituit inter eos æqualitatem. Remanent videlicet æquale sicut erant antequam alter sibi totum usurpasset. igitur hoc etiam iustum potest appellari medium, cum sit æquale.

Tertio. Si iustum esset medium inter damnum & lucrum, esset profectò inter damnum patientis iniustum, & inter lucrum facientis iniustum. id autem verum omninò non est: cum ille qui facit iniustum, non modò lucrum non faciat, sed damno grauiori afficiatur, quàm qui profert idem iniustum. Is enim qui patitur iniustum, bonorum externorum, & summum bonorum corporis iacturam facit, ille verò qui facit lucrum, iustitiæ, amicitia, innocentia iacturam facit, & sæpè salutem corporis amittit, à iudice vel grauissimis excruciat tormentis, vel extremo supplicio adiudicatus. Respondetur, damnum & lucrum, vbi de iustitia loquimur, non perpendi spectarique ex bonis intimis animæ debere, quæ non potest aliis quisquam distribuere, aut cum altero commutare. Necesse enim est bona, quæ amittuntur, ad aliorum lucrum accedere, & quæ lucro parantur, ex aliorum bonis esse detracta, si damnum aut lucrum illud velimus esse, quod in distributionibus, & commutationibus accidit. Quod si is, qui

facit iniuriam, puniatur à iudice; non idèò damnum pati ex iniuriola illa sua, iniustaque dicitur actione (inde quippe lucrum facit saltem secundum æstimationem) sed ex actione Iudicis æqua, illum plectentis, & pari damno ex iusticia commutante afficientis.

QVÆSTIO TERTIA.

*Princeps ne bonus, siue Iudex in imperio
anteponendus sit legi, an Principi
aut Iudici lex?*

TRACTAT hanc quæstionem, nec profligat Aristoteles, contentus rationibus vtrinque propositis in lib. 3. Politicorum cap. 11. sed placuit Giraldo Odoniseam hunc in locum inculcare; quis hîc, vt vidimus, docet idem Aristoteles, eos qui de iusto ambigunt, ad legem, vel ad Iudicem Principemve tamquam ad medium quod quærent, æqualitatemque confugere. Quoniam ergo neque ab hoc loco aliena quæstio est, nec ab Aristotele omninò decisa, à nobis hîc agitari debet, ac planè constitui. sed animaduertere primum oportet, atque id ponere tamquam certum, quod sæpe cernitur: accidere nimirum posse, vt Iudex, aut Princeps, aut Magistratus armatus gladio, iuris quidem contemptores asperimè puniat, bonusque sit minister æqui, ac recti quo Respublica teneatur & regitur: sed idem tamen improbus homo sit, nec iis præditus moribus, quibus vita cuiusque priuatim excolitur. neque enim est idem vir bonus, ac bonus ciuis, aut Magistratus; cùm permulti turpibus inquinati vitiis Rempublicam & fortissimè defendant, & prudentissimè moderentur. Animaduertendum præterea est: controversiam inter aliquos & quæstionem hanc esse, verum lex omnis proba sit, & iusta, an aliqua sit, quæ appellari praua debeat, & iniusta. ex altera enim parte videtur oportere legem omnem esse probam ac iustam, cùm lex omnis ex bono profluat fonte, hoc est, ex sapientia, prudentiaque legislatoris, & in bonum dirigat ac ducat eos, quorum causa est condita, bonumque Reipublicæ commune pariat, & conseruet. Suprà quippe dixit Aristoteles, legem omnia complecti virtutum officia, quibus beata, felixque reddi Respublica possit. Altera verò ex parte multi de legum iniquitate queruntur, & quasdam agrestes, barbaras, inhumanas appellant. Quin ipsæ quarundam nationum leges inter se pugnant. iustum verò cum iusto non pugnat. sed hæc ex varia multiplicique legis ratione conciliari facillè possunt. Multa enim in lege sunt; quorum aliqua eidem legi extrinsecus accidunt, sed necessaria putantur: cuiusmodi est; oportere legem esse præceptionem publicam, & ex Principis voluntate, decretoque manare: alia verò intimè illi congruentia, & ex altioribus petita principis, quale est, debere legem ex diuina mente initium ducere, diuinæ prouidentie

diuinisque mandatis consentaneam esse, naturæ ordinem æmulari, ad bonum illud ciues dirigere, quòd verè ac naturæ suæ sit bonum. Inter hæc duo plurimum sanè discriminis est, primum quippe in facultate Principis est positum, alterum verò minimè. primum est forma quædam legis popularis & externa, alterum est forma præcipua, & ipsius intima legis essentia. leges adèò, quæ primà illà prædictæ sunt formâ, dici possunt æquiuocè leges, & eo modo, quo marmorea statua dicitur homo, quæ autem formam obtinent illam secundam, hoc est, principem & propriam, leges verè sunt, tametsi approbatione careant, & mandato Principis. ex vtraque tamen forma existit absolutissima lex. Constat igitur his expositis, omnem legem reuerà, siue per se, atque ex sui natura esse probam ac rectam: legem autem, quæ non tam verè ac propriè, sed æquiuocè dicitur lex, posse improbam atque iniustam esse. Qui adèò secundam hanc legem obseruat, & colit, dicitur obseruare, ac colere ius, non quidem simpliciter & absolute, sed ius prauæ imperfectæque Reipublicæ: qui autem obseruat & colit primam, ius absolute, siue legem, siue legitimum iustum obseruare dicitur & colere; cùm hæc sola sit simpliciter & absolute lex, altera verò editum potius, decretum, institutum, præceptumque Principis appellari debeat. Denique illa apud omnes gentes est eadem, nec mutatur, hæc pro gentium varietate, varia & mutabilis est. Id nimirum est causæ, cur Plato in Minoë pronunciarit, eam solam esse legem Regiam, quæ recta sit; quæ verò non sit recta, non esse legem.

Cùm igitur & Iudex siue Princeps esse possit aliquis bonus, qui bonus homo non sit, & lex aliqua tantùm analogicè sit lex, sed re vera improba & iniusta, videndum est quænam quæstionis à nobis institutæ sententia debeat esse. Vt breuiter absoluam, cùm Iudicem aut Magistratum dicimus, non modò bonum ciuem Iudicem & Magistratum facimus, sed bonum etiam & moderatum & emendatis præditum moribus intelligimus hominem: cùm legem nominamus, legem iustam, & ipsam legis vim intimam atque essentiam nominamus, hoc est eam, quæ verè proprièque, non tantùm analogicè dicitur lex. Quærimus itaque, vtrum conducibilius Reipublicæ sit, absque vllis legibus ab vno aliquo regi, qui non modò bonus Iudex, aut Magistratus, aut Princeps sit, verum etiam bonus homo; an à lege sola bona & iusta, & ea, quæ verè sit lex abique bono Principe siue Iudice ac Magistratu. Proponi etiam breuius id potest hoc modo: Præstet ne administrari Rempublicam imperio viri optimi, an potius æquo iure & optimis legibus. Cui quidem quæstioni

Respondendum est; satius esse, Rempublicam optimi viri gubernatione teneri, quàm legibus, quantumuis bonis atque idoneis administrari. Multis id rationibus demonstramus, ac primam quidem ex Aristotelis problemate repetamus. disputat enim de re in vtramque partem, vt diximus. Non possunt,

inquit,

inquit, omnia, quæ quotidie, ac continente r
accident, legibus comprehendere; cum legum
præcepta non de rebus singulis, sed de com-
munibus, de quæ rerum singularum vniuersi
genere sint. ergo satius est, ciuitates hominibus
optimi prudentiæ, quàm legum imperio regere.
Consecutionem probat Aristoteles aliarum
exemplo artium, ac potissimum medicinarum. In
omnibus enim artibus stultum esse ait, præcep-
ta tantum generalia sequi, nulla hominum,
temporis, loci, aliarumque circumstantiarum
atque attributorum habita ratione; idque in-
telligere nos vult ex eo, quod olim fecerunt
Ægyptij, apud quos, vt testatur etiam Dio-
dorus, id cautum erat, vt medici ante quatri-
duum (non autem, ante triduum, vt perpe-
ram aliqui verterunt) nihil mouerent. artis
medicæ forma loquendi hæc est. *morbus* enim,
hoc est mouere, significat apud medicos hu-
mores extrahere, vel depellere, eaque fuisse
videtur huiusce legis ratio, quod sæpe mor-
borum initia vel inedia, vel aliquo naturæ
subsidio coerceri soleant, & medicamentis
irritentur potius, quàm tollantur. Ceterum
quamuis hæc mora interdum utilis sit, & suc-
cessum habeat, sæpe tamen sit, vt propter cor-
porum, loci, ac temporis circumstantias, non
modò salutatis non sit, sed sit etiam pernicio-
sa. est enim interdum morbus, vbi præsertim
violentior apparet, medicamentis occupan-
dus initio, & iugulandus. Videtur adeo id sibi
velle huius exempli commemoratione Ari-
stoteles: eodem planè modo leges regendæ
ciuitatis haud omnino semperque seruandas
esse, quemadmodum seruari semper haud pos-
sunt artium leges, in primisque medicinarum.
Sunt enim vtrique præcepta generalia, nec
possunt singulas complecti circumstantias,
quas peruidet omnes vt sapiens ciuitati præ-
positus, & quia vir bonus est, etiam sequitur,
seque loco accommodat ac tempori. longè
aliter exemplum hoc accipit atque interpre-
tatur Petrus Victorius, sed à sententia iam ex-
posita non discedit. Putat enim, in Ægypto
præceptum fuisse medicis, vt toto quatri-
duo vterentur lege quadam certa medendi præscri-
pta iam, & constituta, nihilque eo tempore
mouerent, hoc est, ex designata ratione me-
dendi mutarent nihil: sed elapso quatri-
duo, si quid mutandum censerent, pro arbitratu mu-
tarent suo, quemadmodum ex arte id mutan-
dum iudicarent. Est, inquam, eadem eius loci
sententiæ, quia fieri poterat, vt intra quatri-
duum esset aliquid mutandum, adeoque pru-
dentiæ fecissent Ægyptij, si rem prudentiæ
medicorum permisissent. ex hoc enim vincere
cogitavit Aristoteles, ciuitatis imperium &
regimen melius peritari bono ac sapienti
viro, qui circumspiciet res singulas, & quæ
dominenter eueniunt, quàm bonis legibus
quæ generalia tantum præcepta continent,
nec res singulas amplectuntur.

Secunda Ratio. Ad agendum sapienter, ac
rectè magis est idonea res animata, quam ani-
ma carens, ac mortua. Sed vir bonus Reipu-
blicæ rector, bonique Iudex ac Princeps in
ciuitate ius est animatum, vt in hoc cap. 41

dixit Aristoteles: lex autem ipsa quantumuis
bona & sapiens anima carens & ius mortuum
est, membrana, hoc est, mortuæ pecudis pelli
similis, in qua scribitur. ergo bonus Iudex, ac
Princeps regendis ciuitatibus est accommo-
datior, & magis idoneus, quàm iura, leges-
que descriptæ.

Tertia Ratio. Ad rectè agendum melior
haud dubiè causa est, quàm eiusdem effectus
causæ, si Dialecticorum illud pronunciatum
est verum; Propter quod vnumquodque talè
&c. Sed homo est causa iuris ac legis; cum
ab homine lex condita sit, non à lege pro-
creatus sit homo. Igitur ad agendum bene,
melior est homo, quàm lex.

Quarta. Illud regimen est ciuitati melius
& congruentius, quod est ad finem, & felici-
tatem ciuitatis parandam accommodatius.
Sed accommodatius est comparandæ felici-
tati Politicæ regimen boni viri, quàm legis
bonæ præceptio. Ergo regimen boni viri ci-
uitati melius & congruentius est, quàm præ-
ceptio legis. Assumptio vera esse demon-
stratur hoc modo: Finis, & felicitas ciuitatis
in eo posita est, vt boni, iusti, prudentes-
que sint ciues. vbi enim id consecuta erit,
alia quædam aduentitia, quæ felicitatem ex-
plent, nullo negotio consequetur. Sed huius
felicitatis conscientior est administratio
probi viri, quàm legis imperium. Igitur ad
parandam Reipublicæ felicitatem accommo-
datius est regimen probi viri, quàm præcep-
to legis. Huic rationi confirmatio potest
accedere tribus ex rebus, quæ hominem fa-
ciunt felicitatis, hoc est, probitatis virtutis-
que politicæ conscientior, quàm legem.
Hæ res verò sunt, potentia, iustitia, prudentia;
Hominem enim primum in hoc genere
potentior, quàm legem ex eo licet in-
telligere, quod obtinet omnia, quæ ad red-
dendos bonos, moderatos, & idoneos ciues
summam habent etiam supra leges poten-
tiam & efficacitatem. Hæ autem sunt, me-
tus, amor, adhortatio, & exemplum. Metum
quippe ad inferendam ciuium animis virtu-
tem & probitatem valere plurimum docet
Aristoteles in lib. horum Moral. 10. cap. 11.
vbi ait permultos esse, qui necessitati magis
obediant, quàm sermoni, & bonorum iactan-
tiæ, quam timent, moueantur potius, quàm
honestate. De amore accipiendum id est,
quod ait idem Aristoteles ibidem: paternos
sermones ac mores ad persuadendum poten-
tiores esse, quàm leges; quia proheleantur
ab eo, qui diligit, & ab iis libenter excipiun-
tur, qui diligi se putant. De adhortationis
autem, ac sermonis vi præclarum est Quinti-
liani testimonium in lib. 2. cap. 2. licet enim,
inquit, satis exemplorum ad imitandum ex
lectione suppeditet, tamen viua illa, vt di-
citur, vox alit plenius, præcipueque eius præ-
ceptoris; quem discipuli amant, & venerun-
tur. idque D. confirmat Hieronymus his ver-
bis in epist. ad Paulinum: Habet nescio quid
latenter emergens viuz vocis actus, & in au-
res discipuli ex auctoritis ore transfusa fortius
sonat. Exemplum denique validissimum esse

docuit Ciceronem in lib. 3. de orat. Duo, inquit, nos maximè mouent, similitudo, & exemplum. Sed Seneca ipso etiam sermone vult exemplum esse potentius. longum iter est per præcepta, inquit, breue & efficax per exempla. Zenonem Cleantes non expressisset, si cum tantummodo audisset: vitæ eius interfuit, secreta prospexit, obseruauit illum, an ex formula sua viueret. Plato & Aristoteles & omnis in diuersum itura sapientium turba plus ex moribus, quàm ex verbis Socratis traxit. Testatur idem apud Platonem in Theage Aristides, ubi sic loquitur: Ego, ô Socrates, nihil à te didici, vt nosti, proficiebam autem quoties tecum vnâ eram, &c. Cur verò plus exemplis & vitæ quàm verbis & doctrinæ fides, habeatur, explicat idem Seneca loco laudato. Homines, inquit, plus oculis quàm auribus credunt, cui concinit illud Horatij,

*Segnius irritant animos immissa per aures,
Quàm quæ sunt oculis subiecta fidelibus.*

Quamquam ergo bonus vir & bona lex in eo pares sunt, quòd metu ciues & terrore percellunt, cùm tam ille quàm hæc vltorem gladium habeat ad puniendos, plectendoque peccantes, in ceteris tamen impares sunt. Bonus enim Reipublicæ rector paterno ciues amore prosequitur, hortatione commouet, exemplo confirmat, quorum nihil præstare lex potest, cùm mortua sit. Igitur ad bonos efficiendos ciues, pariendamque publicam felicitatem, maiorem obtinet vim potentiamque vir bonus, quàm bona lex; quod hoc loco conamur ostendere. Sequitur iustitia, cuius causa bonum Principem vtiliorem, & meliorem diximus esse, quàm legem. Lex enim idèò solum dicitur iusta, quia iusta præcipit: sed Magistratus, ac Princeps idcirco iustus dicitur, quia non modò præcipit, sed etiam vult, eligit, & peragit iusta. Præterea quia lex in vniuersum est lata, fieri potest, vt in aliqua re peculiari aduersus ipsam peccetur iustitiam, si legi vniuersim præcipienti pareatur. Sed vir bonus, quia secundùm illam æquitatem & leniorem iuris interpretationem, quæ Græcè dicitur *ἐπιείκεια*, dirigit & corrigit communem sententiam legis, vt infra docebitur, errare, ac contra iustitiam peccare non potest. Ergo iustior est ipsa lege, quæ non vititur epixia, sed iuris seueritate metitur omnia: Denique probum virum & Principem bonum maiori præstare prudentiâ, quàm legem, probatur idèò, quòd lex non potest omnia, quæ incidunt, suis præceptionibus amplecti, nec ea describere, ac designare, quæ pro temporis, personæ, locique varietate varium à prudentia regimen postulant & modum. neque enim legislator, vt dicitur infra, potest omnia, conuentorum pactionumque, aut peccatorum & scelerum genera peruidere. At ubi lex silet, consulendus vir bonus est, atque ad eius arbitrium est habendum perflugium. Arbitrium autem boni viri prudentia est. Igitur vir probus, & bonus Princeps legem ipsam prudentia & sapientiâ superat. Adhæc in bono viro prudentia quædam est, quæ in viro probo tantummodo reperitur, in improbo nunquam, vt

docebitur in lib. 7. Sed iuris, legumque cognitio, siue prudentia esse potest in improbis, ergo maior & præstantior est prudentia boni viri, quàm legum. Quoniam adèò vir bonus & Rector ciuitatis probus legem ipsam, potentia, iustitia, & prudentia longè superat, sequitur conducibilis esse Reipublicæ bonum Præsidentem ac Rectorem habere, quàm bonis legibus administrari, quæ propositæ quæstionis Conclusio est.

Sed argumenta quædam confutari debent, quæ Principi legem anteferunt, ac videntur ostendere, vtiliorem esse Reipublicæ bonam legem, quàm virum & Principem bonum.

Primum huiusmodi apud Aristot. est: Quilibet homo tristatur, cupit, indignatur, ceteris animi perturbationibus est obnoxius, quibus impeditur, aut non videt iustum, aut non sequitur quod iustum videt. lex autem nullo commouetur, aut turbatur affectu, sed semper est eadem, & vniuersum, nec vniuersum defleat à recto. Igitur bona lex, est opportunior, vtiliorque Reipublicæ, quàm vir bonus. Huius argumenti solutio petenda est ab iis, quæ sunt à nobis initio posita, cùm voluimus, eum Reipublicæ Præsidentem, quem cum lege comparamus, non modò bonum Iudicem, bonumque Principem esse, verum etiam bonum virum. bonus autem vir esse non potest, nisi qui cupiditates, animique perturbationes omnes in officio contineat & potestate. Itaque tametsi cupit, aut dolet, aut metuit, aut indignatur, commouetur tamen his affectibus, vt oportet. Qui autem eiusmodi est, melior atque accommodatior est Reipublicæ moderator & custos, quàm ipsa lex, quæ nullis affectibus est obnoxia. Moderatius enim vititur imperio, & ex his affectibus, quos ipse, si minus victores patitur, certè aggressores experitur, eorum misereri discit, qui vincuntur, & peccant. Rectè adèò Aristoteles infra in lib. 10. cap. vlt. eos Philosophos appellat Sophistas, qui cùm ciuilem vitam non degant, docere se tamen posse Politicam putant. Huc accedit, quòd iidem ipsi, qui obtemperare alicui debent, facilius obtemperant his, quos obnoxios quidem perturbationibus cernunt, sed perturbationum tamen esse victores intelligunt. Cùm enim ij, quibus aliquid præcipitur, vident, id sibi ab eo præcipi, qui perturbationibus quidem natura est opportunus, sed eas tamen intra recti cancellos & iustitiæ tenet, libentius parent, quàm si præciperetur idem ab eo, qui perturbationum omnium immunis esset, qualis est lex; & ad imperata faciendâ, hoc est, ad frangendas, peruincendâque affectiones animi exemplo præcipientis incitatur.

Secundum argumentum: Homo ciuitatibus & populis præsidens, iis multiplici de causa grauis est, & sumptus quamdam necessitatem imponit. Postulat enim victum, stipendium exflagitat, vestigalia, vel exigit vetera, vel noua constituit. lex autem nemini grauis est, vt dicitur in lib. 10. cap. 11. & de publico nec victum poscit, nec requirit salarium. Ergo ciuitatibus optabilis est à

lege dirigi, quàm à bono viro gubernari. Responsio ex eodem fonte ducenda est. Nam quia vir bonus omnibus est virtutibus instructus, in primisque iustitiâ, tyrannidem non exercet: adeoque eùm victum, aut stipendium postulat, iuris terminos haud egreditur, nec plus flagitat, quàm æquum sit. id verò non est ciuitatibus ac populis graue, quibus ipsâ naturâ id impositum oneris est, vt eos alant, quibus publicæ tranquillitatis & pacis est demandata custodia. Neque enim id grauius esse debet, quàm liberos & familiam alere, vt naturæ præscribit imperium. Itaque Princeps, vir bonus ac iustus, vt dixi, suoque contentus stipendio, nec inhians in alienum, non modò gratis ciuitati non est, verùm etiam ipsius ciuitatis onera communia subleuat, quippe qui stipendium ipsum suum confert in medium ad publicam tuendam vtilitatem & quietem.

Tertium. lex adeo præstat homini, vt cum eo collata, rebus humanis maior & diuina esse videatur. Id enim quod communius est, non excellentius modò, sed diuinius ab Aristotele dicitur suprà initio lib. 1. lex autem communior est, & in ipsa regendi ratione latius patet, quàm homo, cuius statum ac promulgata est veluti quædam diuina vox omnes æquè alloquatur, & hortetur, quantumvis locis inter se longè diffitos ac remotos; quod efficere non potest homo. Vt huius argumenti fallacia cognoscantur, animaduertendum est, legem non esse hominè communiorē ea cōmunitate, quæ in effectiōne communioris boni posita est, & de qua dicitur ab Aristotele, illud esse diuinius bonum, quod est cōmunius. Si enim hanc intueamur boni cōmunionem, quæ à bono viro Rempubicam administrante proficiscitur, dicendus est lege communior; cùm, vt suprà diximus, longè maiorem habeat ad virtutis publicæ, hoc est, ad felicitatis politicæ procreationem efficacitatem, quàm muta lex. Itaque infra in lib. vij. cap. 1. dicit Aristoteles, homines propter excellentiam virtutis, quam eam ceteris cōmunicant, haberi pro Diis, & in cælo collocati.

Quartum. Lex omnino dici debet æquior esse, ac iustior homine, si verè pronunciatum est ab Aristotele in Politicis, eum esse iustiorē, qui erga litigantes æquior, atque, vt dicimus, indifferentior sit, hoc est, qui non in hanc potius partem, quàm in illam voluntate propendat. Sequitur enim hinc, legem esse propterea iustiorē, quòd erga omnes æquabilior videatur esse, quàm homo. Nemo quippe ex hominibus est, qui omnes æquè diligit, vt diligit lex, aut æquè aduersus omnes aliquo alio moueatur affectu, quemadmodum ipsa mouetur lex. Rectè demum in Authen. dicitur tit. 1. de hæred. & falcid. §. fin. legem non permittere hominem in paupertate viuere, nec in anxietate mori. Id autem homo quan-

tumvis bonus, ac iustus interdum permittit. Negari profectò non potest, legi maiorem indifferentiam esse, quàm homini; non tamen hinc efficitur, esse ideo simpliciter meliorem iustiorēque, quàm hominem. sunt enim, causæ longè plurimæ, cur homo simpliciter, ac propriè iustior videatur esse, quàm lex. Igitur, vt verè dici possit ipsa iustior lege, satis est, si erga omnes ita sit æquabilis, vt nulla perturbatione animi à iustitia detorqueatur. Sed, vt paulò antè demonstrauius, vir bonus ita suas habet in potestate perturbationes, vt quantum est satis, erga omnes æquabili, atque indifferenti studio sit comparatus ad reddendum cuique quod iustum est. Itaque facturus est etiam ipse quod facit lex in illo Authen. tit. 1. vt neminem in paupertate sinat viuere, nec in anxietate mori, si eum in paupertate viuere vel in anxietate mori, iniquum atque alienum à iustitia sit.

Quintum. Lex plus videtur rationis habere quàm homo, cùm hic rationis vsum interdum amittat, illa semper in ratione sit; immo etiam ipsa sit ratio, cùm lex dicatur à Iurisconsultis mens, consilium, ratio ciuitatis. Itaque non potest esse non recta. Respondeo, legem non esse rationem ipsam, sed sententiam rationi consentaneam, vel effectum rationis, verbis, aut scriptis expressum. Ratio quippe numquam extra mentem hominis est: adeoque plus habet homo veræ rationis quàm lex.

Sextum. Lex est perfectior in præcipiendo, quàm homo. Imperat enim omnia virtutum officia, & omnia vitiorum vetat opera, vt in primo huius libri capite dictum est. Homo autem non potest hæc omnia comprehendere, nec omnium reminisci, adeoque nec potest de omnibus ad suos sermonem habere, nec eosdem ad omnia virtutum officia cohortari. Respondetur, legem non esse viro bono perfectiorem, quia tametsi lex omnia virtutum officia & vitiorum opera omnia imperando, & vetando persequitur, vir tamen bonus secundum omnia virtutum officia viuunt, & vitiorum omnium deuitat opera; quod longè melius & perfectius est, quàm præcipere, vel vetare. Habet enim vir bonus ad clauum Reipublicæ sedens vtrumque. præcipit nimirum & efficit; quod lex ipsa non præstat.

Septimum. Lex bona tutior est & certior, quàm bonus Princeps, minúsque fidendum est homini bono, quàm bonæ legi: ideo enim ait Aristoteles paucissima, esse permittenda Iudici, legi verò plurima. Quin in 2. lib. Polit. iubet omnia definiri per leges, quia certius earum iudicium est, quàm sententia Principis. Sed hæc etiam vim habent solùm aduersus eos Iudices, ac Principes, qui solidâ virtute firmati non sint, non aduersus eos, quos nos ponimus egregiâ, probitate iustitiæque perfectos. horum enim virtus est constantissima, nec vlla perturbatione concutitur.



CAPVT QVINTVM.

DE TALIONE.

S V M M A.

Pythagoreos errasse, qui ius emendationis non arithmetica proportionem, sed Talionis æqualitate definierunt.

DIVISIO CAPITIS IN PARTES QVATVOR.

1. *Iustum non est mutue perpeſſio, ut Pythagorei voluerunt.*
2. *Qua ratione verè dicatur, commutantis iustitia ius & mutua perpeſſio idem eſſe.*
3. *Qua ratione in commutationibus proportio mutua perpeſſionis obſervari queat.*
4. *Quale medium iustitia ſit.*

PARS PRIMA CAPITIS QVINTI.

ΔΟΚΕΙ δὲ τοι καὶ τὸ αἰτιπεποιθὸς
(ἢ) ἀπλῶς δίχαρον, ὥσπερ οἱ Πυ-
θαγόρειοι ἐφασάν. ὡρίζοιτο γὰρ ἀπλῶς τὸ
δίχαρον, τὸ αἰτιπεποιθὸς· τὸ δ' αἰτιπεποι-
θὸς οὐκ ἐφαρμόζει οὐτ' ἐπὶ τὸ δὴ γενεμη-
τιχὲν δίχαρον, οὐτ' ἐπὶ τὸ δὴ ὁρθωτικόν. καί
τοι βούλονται γε τῶν λέγειν, καὶ τὸ Πα-
δαμάνθους δίχαρον. Ἐἴκα παλὸν (αἰ) ἐρε-
ξε διενεῖ ἰστία ἡμίσιον. πολλαχὸς γὰρ
ἡ ἀφαιρέσις· ὅτι εἰ ἀρχὴν ἔχων ἐπάταξεν,
οὐ δὲ ἀπὸ πληγῶν. καὶ εἰ ἀρχὴν ἐπά-
ταξεν, οὐ πληγῶν μόνον δεῖ, ἀλλὰ καὶ
καταδικάζει. ἐπὶ τὸ ἀκούσιον, καὶ τὸ ἐκού-
σιον ἀφαιρέσις πολὺ.

Videtur autem aliquibus etiam talio
esse simpliciter iustum, quemadmo-
dum Pythagorei dicebant. Definiebant e-
nim simpliciter iustum esse talionem. talio
autem non convenit neque in distribuens
iustum, neque in corrigens. quamquam vo-
lunt hoc dicere ipsum esse Rhadamanchi
iustum, si quis patiarur quæ feceris, iustitia
recta erit. Multis locis enim dissonat: ut si
quis Magistratum gerens percusserit, non
debet reperiiri; & si Principem percusse-
rit, non percuti solum debet, sed etiam
puniri. Præterea voluntarium & inuitum
differt multum.

EXPLANATIO.



ETIAM in hoc Capite de iure quod in commutationibus & emenda-
tionibus est positum, agit Aristoteles, exorsus à Pythagoreorum con-
futatione, qui ius, siue iustum tum commutationis, emendationis-
que, tum distributionis, talionis æqualitate definiebant. est autem ta-
lio quædam reciproca & mutua perpeſſio, quam aliqui constitutam
voluerunt aduersus eos, qui alium affecissent iniuria, siue ut describitur ab Iliodoro,
est similitudo vindictæ, ut taliter quis patiarur, ut fecit. Græcè appellatur αἰτι-
πεποιθὸς, quod vertunt aliqui contrapassum, ad significandam reciprocā perpeſſio-
nem, qua par pari reddebatur, & ut quisque fecerat, ita patiebatur: Eiusmodi est
lex, quæ promulgatur in Exod. 21. rependique iubet oculum pro oculo, dentem
pro dente, manum pro manu, pedem pro pede, adustionem pro adustione, vul-
nus pro vulnere, liuorem pro liuore: Talis etiam est quæ Decemuiris placuit, &
in duodecim tabulas est relata. Si membrum rapserit, vel ut apud Gell. legitur in

lib. 20. cap. 1. si membrum rupit meum, è pacto talio esto. Vult igitur hæc lex vindictam ad amissam iniuriæ æquiparari, & velut in librili perpendi. Hæc æquiparatio, & tam exacta reciprocatio perpeffionis, quæ appellatur vnico verbo talio, Pythagoricis ita placuit, vt in ea omnem censerent esse positam iuris vim, neque aliam vellent cum in distributionibus, tum in commutationibus æqualitatem, quam quæ in talione consistit. Hanc igitur istorum refellit opinionem, demonstrans, talionis æqualitatem, neque distribuenti iustitiæ, neque commutanti congruere. Ac de distribuyente quidem perspicue constat. quia hæc iustitia non id intuetur & agit, vt æqualitatem constituat inter duos; quorum alter ab altero passus aliquid sit, sed vt de bonis communibus distribuat unicuique secundum dignitatis & meriti proportionem. De commutante verò potest esse dubitatio: quia Pythagorici suam tuebantur de talione sententiam autoritate Rhadamanthi, cui placuit hæc seueritas. Huius enim Regis ea vox erat, quam Æschylus, etiam ipse Pythagoreus, expressit eo versiculo, quem in hanc sententiam profert hic Aristoteles. Si id quod aliquis fecerit passus vicissim fuerit, hæc demum iustitia recta erit. quod Lambinus adstrinxit numeris in hunc modum.

Si quis quod fecit patitur, ius erit æquum. Sed ne Rhadamanthi quidem autoritate moueri nos oportere docet Aristoteles, aut impediri, quominus dicamus, ab ipsa quoque commutante iustitia talionis æqualitatem abhorreere, cum plurimis locis ac serpsissimè talionis acerbitas à commutationis iure dissentiat. quod duplici ratione demonstrat. Prima. In iis, quæ differunt secundum dignitatem, non est idem iustum, & reciproca perpeffio, siue talio, & quod inde consequens est, iustum & mutua talionis perpeffio non sunt simpliciter idem. Nam si quis dignitate præpollens, prædictusque principatu vel Magistratu vir priuatum percussit hominem, iustitiæ commutantis ratio non postulat, vt reperiatur & pari pœna plectatur: contrarièque, si quis priuatus ipsum percutiat Principem, iustitia commutans haud satis habet ipsum reperiute, sed acerbiori pœna plectendum præterea censeat. Igitur commutationibus singulis talio minimè congruit: ac propterea commutationis iustum & talio non sunt simpliciter idem. Quamquam enim commutationis iustitia non intuetur personæ dignitatem, sed damnum, interdum tamen accidit, vt ipsam quoque personæ conditionem respiciat, vt declarauimus supra. Quippe damnum quod inferitur, interdum est rei, interdum personæ, cum est rei, pretium perpenditur ipsius rei, quæ à quocumque demum homine subducta, siue imminuta sit, semper est eadem, cum idem mihi damnum inferat Rex, à quo prius centum aureis, & idem priuatus, à quo spoliis eoridem. cum autem est personæ, damnum non semper est idem, quia personæ conditione nunc minuitur iniuria, nunc auctior sit. Consulendus est Iurisconsultus in l. ait Prætor §. atrocem ff. de iniur. Hinc enim illud pronunciatum exortum est: ex facto ius oriri, hoc est, pro factorum, seu circumstantiarum varietate ius iniuriæve discerni in l. si ex plagis ff. ad leg. Aquil. Secunda ratio. Vbi variat iustum ex voluntarij, atque inuoluntarij varietate, ibi non potest iustum & talio idem esse. quia si actiones duæ sint æquè malæ, & vna voluntaria sit, altera inuoluntaria, commutantis iusti ratio non debet in eo poni, vt utrique actioni pœna eadem infligatur: maior enim pœna debetur operi malo voluntario, quam operi item malo, sed minimè voluntario. At si iustum & talio idem sunt, eadem utrique operi erit irroganda pœna; cum talio Pythagoreorum confundat omnia, parique supplicio plectat eum, qui inuitus, & eum qui volens alteri dentem detraxerit, aut excusserit oculum. utrique enim dentem detrahitis, & oculum excutit ad æqualitatem constituendam, quod rationi, & iusto maximè dissentaneum est.

Denique ratio hæc potest ita proponi: Si maior & grauior irrogatur pœna operi voluntario, quam inuoluntario, rectè sanè irrogatur, atque in eiusmodi vindicta iustum cernitur emendationis. sed in hac emendatione & vindicta non est talio. Ergo iustum separari à talione potest, nec est simpliciter idem ac talio. Tractatur hoc argumentum acutè & copiosè apud Aul. Gell. à Cæcilio Iurisconsulto. Quid si membrum, inquit, alter imprudens ruperit? quod enim per imprudentiam factum est, retaliari per imprudentiam debet. Idus quippe fortuitus & consultus non cadunt sub eiusdem talionis similitudinem. Quoniam igitur

modo imprudentem poterit imitari qui in exequenda talione non licentiae ius habeat sed imprudentiae. Reliqua eiusdem hominis disputatio eò pertinet ut ostendat quibusdam in rebus adhiberi non posse talionem, quibus tamen iusta & numeris absoluta suis adhibetur aequalitas. Qui enim per imprudentiam interfecit, deberet per imprudentiam interfici ad talionis aequalitatem. Id verò non potest fieri, sed aliâ ratione iusta compensatio quaeritur. Iustum adco à talione distinguitur.

PARS SECUNDA CAPITIS QVINTI.

ΑΛΛ' ἐν μὲν ταῖς κοινωνίαις ταῖς ἀλλακτικαῖς συνέχεται ὁ τοιοῦτον δίχαρι ὁ ἀντιπεποιθὸς, κατ' αἰαλογίαν, καὶ μὴ κατ' ἰσότητά. τὰς αὐτοποιήν γὰρ αἰαλογίαν συμμείει ἡ πόλις. ἢ γὰρ ὁ κακῶς ζῆται, εἰδὲ μὴ, δουλεία δοκεῖ εἶναι, εἰ μὴ ἀντιποιήσῃ, ἢ ὁ δὲ. εἰ δὲ μὴ, μετὰ δόσιν οὐ γὰρ. τῇ μετὰ δόσιν δὲ συμμείσει. δὲ καὶ χαλεπὸν ἔργον ἐμποδῶν ποιοῦται, ἵνα αὐτοπόδοις ἢ. τῷ γὰρ χαλεπὸς ἴδεναι αὐτοπηρεῖσθαι γὰρ δὲ τῷ χειρομύκῳ, καὶ πάλιν αὐτὸν ἀρῆσαι χειροζώμῳ. ποῖς δὲ τὸ αὐτοπόδοις ἢ κατ' αἰαλογίαν, ἢ κατ' ἀφ' ἑαυτοῦ οὐ ζῶντος. οἷοι δὲ μοι εἶναι α, στυπτόμος εἶναι β, οἰκία εἶναι γ, ὑπόδημα εἶναι δ. διὲν οὖν λαμβανόμεν πῶς οἰκοδόμον παρὰ τῷ στυπτόμου ὁ ἐκείνου ἔργον, καὶ αὐτὸν ἐκείνῳ μετὰ δίδοναι ὁ αὐτῷ. εἰ δὲ οὖν παρὸν ἢ ὁ κατ' αὐτολογίαν ἴσιν, εἴπερ ὁ ἀντιπεποιθὸς ἄνθρωπος, εἴπερ ὁ λεγόμενος. εἰ δὲ μὴ, οἷον ἴσιν, οὐδὲ συμμείει. οὐκ γὰρ καλὴν χρῆται εἶναι ὁ θατίου ἔργον, ἢ ὁ θατίου. διὲν οὖν δὲ ταῦτα ἴσασθαι. εἴ δὲ τῷ καὶ ὅτι τῷ ἄλλῳ τεχνῶν. ἀντιποιήν γὰρ αὐτῷ, εἰ μὴ ἐποῖς ὁ ποιοῦν, ὅσοι καὶ οἷον, καὶ ὁ πάρον ἐπαγε τῷ, καὶ τοιοῦτον, καὶ τοιοῦτον. οὐ γὰρ ἐκ δύο ἰατρῶν γὰρ κοινωνία, ἀλλ' ἐξ ἰατροῦ, καὶ γεωργῶν, καὶ ὅλως ἐτέρῳ καὶ οἷον ἴσιν. ἀλλὰ ταῦτα διὲν ἴσασθαι.

V Erum in societatibus ad commutandum institutis continet eiusmodi ius talionem secundum proportionem, & non secundum aequalitatem. Nam par pari proportionem reddendo conservatur civitas. Aut enim malum reddere student homines, ac si non reddant, servitus videtur esse, aut retribui sibi bonum: quod si non fiat, compensatio non fit. compensatione autem conservantur. Quapropter & Gratiarum Templum in propatulo condunt, ut remuneratio sit. hoc enim gratia proprium est. Nam referre beneficium oportet illi, qui gratiam dedit, rursusque ipsum incipere beneficium dare. facit autem remunerationem quae secundum analogiam est, coniunctio quae secundum diametrum est: veluti faber in quo a, sutor in quo b, domus in quo g, calceus, in quo d. Oportet igitur accipere adificiorum opificem à sutore illius opus, & ipsum illi impertiri suum. Si igitur prima sit quae secundum analogiam est aequalitas, deinde reciproca perperessio fiat, erit id quod dicitur. sin minus, non aequale, neque permanet. Nihil enim prohibet praestabilius esse alterius opus, quam alterius. oportet igitur hac exaequari. est etiam hoc & in aliis artibus. tollerentur enim, nisi ageret agens quantum & quale, & patiens pateretur hoc & tantum & tale. Non enim ex duobus medicis fit societas, sed ex medico, & agricola, & omnino ex diversis, & non aequalibus. sed hoc oportet exaequari.

EXPLANATIO.




EXPOSITA Pythagoreorum de talione sententia, suam proponere ag-
greditur, docens, quamnam huius talionis ad ius, siue ad iustum com-
paratio sit, quæve vtriusque cognatio aut dissimilitudo. Ac summa
quidem eorum, quæ dicturus est videtur hæc esse: Talionem esse pro-
fecto ius, & rebus contrahendis pernecessariam, non tamen absolute
simpliciterque ius dici posse. Ad iuris enim iustive constitutionem duo necessaria
esse ait: talionem, & analogiam. De talione primùm hæc disputat; talionem aliqua
ratione dici posse ius & iustum esse, idque cerni in rerum vltrocitroque permutan-
darum communionibus atque commerciis. in his enim talionem esse docet non
quidem æqualitatis arithmeticæ, sed geometricæ proportionis, quam ipse veluti
proprio nomine semper hic appellat analogiam, hoc est, proportionum æqualita-
tem, & similitudinem, siue vt aliqui eam semilatinè vocant, proportionalitatem.
Hanc, inquam, reperiri ait in commutationibus singulis, quia in singulis est reci-
proca perperessio, ac propterea dici aliquo modo posse in singulis esse talionem. Quæ-
res hic quid sit causæ, cur Aristoteles probet nunc in commutationibus geometricam
analogiam, qui suprâ contenderit in hoc iure cerni solùm arithmeticam æqua-
litatem. Respondeo cum Gualt. Burl. iustitiam commutationum, quatenus veritatur
in rebus externis, oportere semper habere arithmeticam proportionem, & rei æqua-
litatem cum re: quatenus verò posita in actionib. est, in quib. illa mutua & reciproca
perperessio semper accidit, habere geometricam proportionem. quippe vnius artificis actio
maior actione alterius, & excellentior est, vt cernitur in ædificatione domus, & in
calcei compositione. neque enim in cōmutatione permutaret architectus actionem
suam cum actione sutoris, sicut permutat opus cum opere, cū non sic æqualitas ac-
ceptæ, ac datæ rei sit, quemadmodum est domus & calcei, vbi tot recepti calcei sunt,
vt pretio æquiparent æstimationem domus. Itaque in illa mutuarum actionum com-
mutatione adhibere necesse est geometricam æqualitatem, in qua locum habet ta-
lio secundum proportionem, quia in ea mutatione, reciproca perperessio est. dici-
tur enim pari qui recipit & agere qui dat. & quia tam sutor, quàm architectus reci-
pit, inter vtrumque reciproca perperessio & talio est; quæ quoniam ad actiones, non ad
res externas refertur, dici debet æqualitas proportionum. Igitur in commutatio-
num iure siue iusto perperessionem hanc reciprocam & talionem esse quæ pro exhibi-
ta actione regerat, & reddat alteram, Aristoteles probare videtur hoc modo: Ius-
tum commutationis continet id, cuius vi permanent homines in societate ciuili, &
ipsa ciuitas conseruatur. leges enim in eam gratiam conditæ sunt, vt seruetur ciui-
tas, & ciues ipsi in conuictu, & communi vitæ societate perseuerent: ac propterea
commutationis iustitia, quæ legibus est constituta, debet id continere, quo ciuitas
ipsa, ciuēsque probè seruentur. sed ciuitas ideo conseruatur, ciuēsque in conuictu
perseuerant, quia perperessionem inter se mutuam & reciprocam habent. Compensan-
dis enim factis, & par pari reddendo, vt proportio postulat, ciuitas & ciuium
communio conseruatur. Ergo iustum commutationis continet reciprocam perperes-
sionem, quæ talio nominatur. Conseruari verò ciuitatem, ciuēsque ideo in vita
sociali permanere, quia inter ipsos est talio & reciproca perperessio, quod assumptum
in argumento est, ita demonstratur: Si quis ciuium aliquid in alium fecerit, ille alius
omni studio nititur facturæ quali facto rependere. Nam vel affectus maleficio est, &
maleficio imploratæ publici iuris ope, reponere studet, aut ornatus est beneficio; &
gratiam illico referre contendit. In vtroque autem facto mutua & reciproca per-
peressio est, hoc est, par pari redditur, & res accepta compensatur. Id autem nisi fie-
ret, ciues in societate non permanerent, nec ipsa conseruaretur ciuitas, sed fun-
ditus tolleretur. si enim repetere æquales è maleficio non liceret pœnas, seruitus
illa conditio esset. non vita ciuilis: seruitus autem est contraria ciuitati, & vim om-
nem vitæ ciuilis extinguit. Si beneficium pari beneficio compensare nefas esset, ipsa
interiret officiorum vicissitudo, qua potissimum coniunctio ciuium continetur.
Funditus ergo tolleretur ipsa communio ciuitatis, si æqualis accepti beneficii com-
pensatio tolleretur. quod quia satis intelligunt probi homines in ciuitate degentes,
nihil habent antiquius, aut prius, quàm vt illico accepta beneficia gratiarum actio-
ne, veluti quodam sacrificio prosequantur. Rectè quippe apud Xenoph. Socrates

ingrati animi vitium ait esse puram iniuriam, vel meram iniusticiam, quæ inimicissimæ est, & maxime contraria ciuitati. propterea igitur id ipsa ciuitas summo opere cauet, vt benignè facienti confestim gratia referatur. Iulento id Aristoteles declarat antiquorum exemplo: qui Gratiarum Templum ante oculos omnium in propatulo, mediòque Urbis loco ponere consueuerunt, quo promptior, & facilius esset gratiarum actio. Agebant enim illud, vt ciues admonerentur officij sui, atque ad gratias referendas vehementius excitarentur. Gratiarum Templum non in locis Urbis temoris, sed in medio foro positum fuisse Spartz, Pausanias commemorat in Laconicis: alterumque Orchomeniis in Bœotia constituit, & tertium Olympiæ, vt scribit in Bœotiis, & in prioribus Eliacis. Quin in ceteris quoque templis ædificandis præcipuam loci rationem habuerunt antiqui, vt Vitruuius in lib. 1. cap. 7. demonstrat his verbis: Ioui & Iunoni, & Mineræ in excelsissimo loco, vnde mœnium maxima pars conspiciatur, aræ distribuebantur: Mercurio autem in foro, aut etiam, vt Isidi, & Serapi, in emporio. Apollini, patrique Libero secundum theatrum. Herculi, in quibus ciuitatibus non sunt gymnasia, neque amphitheatra, ad Circum. Marti extra urbem, sed ad campum. itemque Veneri ad portum. Huius autem tam variaz posituræ causam aperiens idem ipse Vitruuius ait, extra murum Veneris, Vulcani, Martis sana ideo collocari, vt non insuecat in vrbe adolescentibus seu matribus familiarum Venerea libido: Vulcanique vi in mœnibus religionibus & sacrificiis euocata, ab timore incendiorum ædificia videantur liberari. Martis verò diuinitas, inquit, cum sit extra mœnia dedicata, non erit inter ciues armigeræ dissensio. In eodem lib. cap. 2. idem argumentum ita persequitur omnibus templis saluberrimæ regiones, aquarumque fontes his locis idonei eligentur, in quibus sana constituentur: deinde maxime Æsculapio, salutis, & eorum Deorum, quorum plurimi medicinis agri curari videntur. cum enim ex pestilenti in salubrem locum corpora agra translata fuerint, & è fontibus salubribus aquarum vsus subministrabuntur, celerius conualescent. Ita efficietur, vt ex natura loci maiores, auctasque cum dignitate diuinitas excipiat opiniones. Cum ergo tam curioso studio singulis templis antiqui locum & positum eligerent idoneum, haud mirum sit, si Gratus Ædem in vrbe illustri ac celeberrima parte, velut in foro, in emporio aut in Circo locatam vellent, vt de gratiarum agendarum, ac referendarum officio ipsa quæ in omnium incurreret oculos admoneret ædificatio. tanti enim hoc officium æstimabant, vt eo sublato, communionem societatemque conuietus consistere non posse in ciuitatibus existimarent, quod hic indicat Aristoteles: ad significandum, in commutationibus oportere inter ciues esse reciprocam illam perpellionem & talionem, quæ in mutua rerum contrahendarum vicissitudine continetur. Quippe videtur hoc dilemmate: In ciuitatibus & conuietibus, aut volunt homines illata tibi mala in authorem regerere, idque si non possint, seruitutem putant, quæ ciuitatis exitium est; aut gratiam referre; quod nisi liceat ipsa ciuium coniuñctio tollitur, in qua tota vis & ratio ciuitatis est posita. sed in utroque reciproca perpellio & talio est. Dicitur enim pari qui aliquid suscipit, siue malum illud sit, siue bonum, vt supra monuimus. Igitur absque reciproca perpellione & talione consistere ciuitas conuietibusque non potest.

[Facit autem remunerationem, &c.] Dixit initio, mutua hanc, reciprocamque perpellionem in commutationibus accidere, secundum analogiam, hoc est, secundum similitudinem æqualitatemque proportionum; quæ proportionalitas appellatur. Hanc analogiam exponere nunc aggreditur, & qua ratione cum talione commutationum eadem analogia coniungenda sit, insistit diligentius explicare. Fit enim sæpè commutatio inter opera duorum opificum, quorum vnum præstantiâ, æstimatione, ac pretio longè superat aliud, adeoque non potest in his æqualitas vlla esse arithmetica, sed proportionum tantummodo similitudo, quæ proportionalitas dicitur. Exemplum calcei proponit, & domus. ille sutoris est opus, hic fabri parietarij vel architecti. Neque enim tanti calceus æstimatur, quanti domus & ædificatio: ac propterea cum commutanda hæc sunt, inuenienda erit compensatio per analogiam. Quippe sutor, qui domum à fabro sumit, & dicitur pari, perpellionem suam regerit in fabrum, tot ei dandis & rependendis calceis, quot esse putantur satis ad pretium domus exequendum. hæc enim compensatio est reciproca perpellio, quæ talio nominatur. Iubet adeo nos Aristoteles, copulatione per diametrum

facta, huiusmodi proportionem compensationis, seu rationis ita deprehendere, oculisque subiicere. Describatur quadratum $a b c d$. Deinde ducantur duo diametri se intersecantes $a d$ & $b c$. sit igitur architectus aut faber a . sutor b . domus autem, quæ fabri vel architecti est opus c . & calceamentum, quod sutoris est opus d .



oportet enim interdum ita commutationem fieri, ut faber accipiat à sutore calceum vilioris operis & pretij, sutor autem à fabro domum, quæ præstantioris est operis, longèque maioris æstimationis, ut cernitur ex diametris in descripta figura. Inuenietur ergo in hac commutatione per proportionalitatem æqualitas, si constituentur ex vna parte tot calcei, ut æquiparent pretium domus, sitque compensatio siue talio & reciproca perperissio: quia faber tam multos recipit calceos, ut sumptus in ædificanda domo iam factos pretio calceorum exæquet, & sutor domum habet vnā quidem, sed quæ pluribus illis calceis æstimatione ac pretio censeatur æqualis. Erit igitur, inquit Aristoteles, id quod dicitur, hoc est, id, quod contendebamus. Nam æqualitas hæc, & analogia commutationis commodè per gemini coniugationem & copulationem diametri deprehenditur. Quod si per hanc analogiam in commutationibus æqualitas non constituatur, quæ ratione sit inuenienda, non cernitur, cum res, inter quas est permutatio, sint inæquales, tum quantitate, tum qualitate, hoc est, numero, magnitudine, & bonitate; nec ad æqualitatem possint, nisi per analogiam reuocari. Quod de Sutore ac fabro dixit, de ceteris intelligi quoque vult artificibus, quæ profectò perirent & dilaberentur omnia, nisi commutatio inter ea per analogiam fieret, cum plerumque permutatio inter opera longè diuersarum artium accidat. id quod medicorum & agricolarum exemplo declarat. Non enim inter medicum & medicum, vel inter vtriusque opera permutatio fit, certè ratio accidit, sed inter medicum & agricolam. adeoque hoc magis adhibere oportet in compensatione analogiam, quoniam maius inter vtrumque artificem & inter vtriusque opera discrimen ac dissimilitudo est.

Iure possit hic aliquis iterum querere, cur Aristoteles, qui iam dixerat, in commutationibus solam æqualitatem & proportionem arithmetica esse, nunc in iisdem esse velit analogiam, quod vocabulum, ut supra demonstrauimus, apud eum in his disputationibus significat proportionum æqualitatem, siue geometricam proportionem aut proportionalitatem. Huc accedit, quod proportio iam descripta ex fabri ac sutoris exemplo videtur arithmetica esse: cum calceos eo usque multiplicet, quoad pretium domus ad arithmetica dimensionem exæquet. Non erat igitur huiusmodi proportio appellanda analogia, quæ nominatim geometricam significat, non arithmetica æqualitatem. Quæstionem hanc supra dissoluimus ex auctoritate Gualteri Burl. qui in rebus inter opifices commutandis distinguit, & partitè considerat duo res, siue opera ipsa opificio facta; & actiones quibus opera sunt effecta. Si res, quæ commutantur, ipsas per se solum intueri velimus, haud dubiè dicendum est, inter eas arithmetica esse proportionem; cum vtrarumque pretium æquali æstimandum pecuniâ sit. Sin autem vnā cum rebus & operibus, quæ permutantur, ipsam quoque coniungamus actionem, qua sunt effecta, non possumus in iis æqualitatem inuenire, nisi ad geometricam proportionem confugiamus, est enim architecti actio longè præstantior actione sutoris, adeoque non potest cum ea nisi per geometricam proportionem comparari. Quin etiam memini me dicere, in commutationibus interdum ipsam quoque spectari geometricam proportionem,

sed ex consequenti atque per accidens. Si enim facienda sit fama Principis, maior illi compensatio datur, quam homini privato: sed respicit hoc obliquè commutatio, quæ primo ac per se damni quantitatem inuenitur & ponderat. Hæc, inquam, supra iam dixi, sed addam hoc loco excogitatam ab Oberto Gifanio solutionem. qui nullam hic agnoscit geometricam proportionem in verbo *ἀναλογίας*, sed arithmeticam æqualitatem. Cur autem Aristoteles præter morem ea sit vsus voce ad æqualitatem arithmeticam significandam, ita diuinat: Proportio arithmetica non dicitur ab Aristot. analogia, sed æqualitas, *ισότης*. geometrica verò proportio quasi proprio vocabulo nominatur analogia. Quia tamen arithmetica proportio interdum est inter ea, quæ idem solum habent pondus, siue pretium, interdum inter ea quæ eundem etiam numerum habent, placuit hic Aristoteli, res, quæ proportionem numeri non habent, æquales dicere secundum analogiam, perinde ac si quæ arithmeticam habent æqualitatem, ea propriè, ac per se arithmeticè sint æqualia, quia inter se conueniunt non æstimatione solum, sed etiam numero. Cum ergo sutoris calcei architecti domum æquiparent pretio, sed numero superent, propter hanc inæqualitatem videntur habere geometricam proportionem, non quidem simpliciter, sed comparatè cum ea, quæ in rebus est numeratis. absolute quippe arithmetica est, sed ubi confertur cum ea, quæ inter res numero distinctas intercedit, quæque maximè propriè arithmetica est, appellanda videtur esse geometrica. Itaque si Burlei sequi velimus interpretationem, analogiam in eiusmodi commutationibus dicemus esse geometricam, non quidem propter res commutandas, sed ob actiones, quibus ipsæ res efficiuntur. altera enim est altera præstantior. Sin autem probare malimus explicationem Gifanii, respondebimus, esse quidem arithmeticam, sed geometricæ nomine insigniri, quia geometricæ similis est: cum inter res sit, quarum altera numero superat alteram. Ad inueniendam enim æqualitatem, geometricæ similitudinem adhibere oportet: cum ob excellentiam architecti actio longè superet actionem sutoris; nec sutoris actio possit unquam ad æquare actionem architecti, nisi propter veriusque voluntatem. In illo enim voluntario contractu architectus dat quantum & quale, sutor autem accipit tantum & tale. hoc est, uterque voluntariè permutat opus suum, & cum altero volens ad æquat.

PARS TERTIA CAPITIS QVINTI.

ΔΙΟ πόρτα συμβλητά δι' πω-
 ρήν, ὡς ἐστὶν ἀλλαγὴ. ἐφ' ὃ δ'
 νόμισμα ἐλήλυθε. καὶ γίνεται πῶς μέ-
 σον. πόρτα γὰρ μετρεῖ. ὥστε καὶ πέν-
 τωροχλὺν, καὶ πέντ' ἐλλήψιν. πόσα
 ἀπὸ αὐτῆς δι' ἀποδομῆς ἴσιν οἰκίαν, ἢ
 ἑσφῆν. δι' ἰσίου ὅθεν ὁ οἰκεδόμενος πρὸς
 αὐτοτόμον, πόσα δι' ἀποδομῆς πρὸς
 οἰκίαν, ἢ ἑσφῆν. εἰ γὰρ μὴ πέν-
 τω, οὐκ ἔσται ἀλλαγὴ, οὐδὲ κοινω-
 νία. τῶς δ' ἔστι, εἰ μὴ ἴσα εἴη πῶς,
 οὐκ ἔσται. δι' ἀρὰ εἰς πῶς πάντα με-
 τρεῖσθαι, ὥστε ἐλέγχει πρὸς τι-
 ρον. τῶς δ' ἔστι τῇ μὲν ἀληθείᾳ ἡ
 χρεία, ἢ πάντα συνίχει. εἰ γὰρ
 μὴ τὸν διοίσοι, ἢ μὴ ὁμοίως, ἢ οὐκ
 ἔσται ἀλλαγὴ, ἢ οὐχ ἡ αὐτή. οἷον
 δι' ἀλλαγῆς τῆς χρείας δ' νό-
 μισμα γίνεται καὶ πέντ' αὐτοτόμῳ.

QUapropter omnia comparabilia o-
 portet aliquo modo esse, quorum est
 permutatio: quam ad rem nummus exitit,
 & sit quodammodo medium. cuncta quippe
 metitur; adeoque etiam excessum & defe-
 ctum: quoniam calceamenta æqualia do-
 mui, vel alimento sint. oportet igitur quod
 edificator ad sutorem est, tot calceamenta
 ad domum aut alimentum esse. Nisi enim
 hoc fuerit, non erit commutatio, nec socie-
 tas. Id autem nisi æqualia sint quodammo-
 do, non erit. Necessè igitur est, vno quodam
 omnia nos commetiri, ut dictum est prius.
 hoc autem reuera quidem indigentia est,
 qua omnia continet. Si namque nulla in re
 indigentia esset, vel non pariter, aut non
 erit commutatio, aut non eadem. nimirum
 propter commutationem, indigentia num-
 mus substitutus est secundum pactiorem.

καὶ ἂν τὸ τοιοῦτον ἔχῃ νόμισμα,
ὅπῃ οὐ φύσις, ἀλλὰ νόμος ἐστὶ, καὶ ἐφ'
ἡμῖν μεταβάλλειν, καὶ ποιῆσαι ἄλλου-
ρον. ἔσται δὲ αὐτοπαιδὺς, ὅταν ἰσταδῇ.
ὥστε ὁ αὐτὸς γεωργὸς πρὸς σκυτοπῶν, ὃ
ἔργον τὸ σκυτοπῶν πρὸς δὲ τὸ γεω-
ργεῖν. Εἰς γῆμα δὲ ἀναλογίας δι' αὐτὸν,
ὅταν ἀλλαξωσιν. Εἰ δὲ μὴ, ἀμφο-
τέρως ἔξῃ τὰς ὑπορχαίς ὃ ἐπερὶ ἀ-
κρον. ἀλλ' ὅταν ἔχουσιν αὐτῶν, οὐ-
τως ἴσιν καὶ κοινοὶ, ὅτι αὐτὴ ἡ ἰσότης
διώκεται ἐπ' αὐτῶν γίνεσθαι. γεωργὸς α,
ἔσθῃ γ, σκυτοπῶν β, ὃ ἔργον αὐτῶν ὃ
ἰσαμένον δ. Εἰ δὲ οὕτω μὴ ἔνδιον
πεποιθέναι, οὐκ αὖ ἐν κοινῳία. ὅτι δὲ
ἡ χρεία συνεχὴ ὥστε ἐν τῇ ὄν, δηλοῖ,
ὅπῃ ὅταν μὴ εἰς χρεία ὥσι ἀλλήλων, ἢ
ἀμφοτέρω, ἢ ἀπὸ ἑκαστοῦ, οὐκ ἀλλὰ ἐ-
καστοῦ. ὥστε ὅταν οὐ ἔχῃ αὐτοὶ, δὴ-
ταί τις, οἷον, διδοῦντες αἵτις δὲ α-
ναγκάζονται. δι' αὐτὰ τὸ ἰσταδῆναι. ὑπὸ
δὲ τῆς μεταβολῆς ἀλλαγῆς, εἰ νῦν μη-
δὲν δεῖται, ὅπῃ ἔσται, ἐὰν δευτέρῃ, ὃ
νόμισμα οἷον ἐξυπὶς ὅστις ἡμῖν. δι' γὰρ
τὸ φέρειν εἰς λαβὴν. πᾶσι μὲν οὖν
καὶ τὸ αὐτὸ. οὐ γὰρ αἰεὶ ἴσιν διώ-
κεται. ὅμως δὲ βούλεται μὲν μάλλον.
δὲ δι' πᾶσι περὶ μὴ εἶναι. οὕτω γὰρ
ἔσται αἰεὶ ἀλλαγή. Εἰ δὲ πᾶσι, κοι-
νωία. ὃ δὲ νόμισμα, ὥστε μέσον
σύμμετρα ποιῆσαι, ἰσότης. οὕτω γὰρ
αἰ μὴ οὕτως ἀλλαγῆς, κοινωία ἔνδιον, οὐτ'
ἀλλαγή, ἰσότης μὴ ὕψους, οὐτ' ἰσότης,
μὴ οὕτως σύμμετρας. τῇ μὲν οὖν ἀνα-
λογία, ἀδιώκεται τὰ ποσῶν ἀφ' ἑαυ-
τοῦ, σύμμετρα γίνεσθαι. πρὸς δὲ τὴν
χρείαν, εἰδέχεται ἰσότης. ἐν δὲ τῇ
δι' οἷον. πᾶσι δὲ εἰς ὑποχρέωσιν, δὲ
νόμισμα καλεῖται. πᾶσι γὰρ πᾶσι
ταῖς σύμμετρας. μετρίται γὰρ πᾶσι
ταῖς νόμισμα. οἰκία ἐφ' ἧς α, μετρί-
ται β, κλίμα γ. ὃ δὲ α πᾶσι β
ἡμισυ, εἰ πάντες μὲν αἰεὶ ἢ οἰ-
κία; ἢ ἴσιν. ἢ δὲ κλίμα ἢ δὲ α-
πὸ μέρους, ὃ γ πᾶσι β. δὴλον πᾶ-
σι πᾶσι κλίμα ἴσιν οἰκία, ὅπῃ πᾶ-
σι. ὅπῃ δὲ οὕτως ἢ ἀλλαγή ἔνδιον

Et idcirco nomen habet nomisma, quod non naturæ, sed lege est, in nobis que sit mutare, ac reddere inutile. Erit igitur reciproca perpeſſio cùm adaquata res fuerit: ut quod agricola ad ſutorem eſt, id opus ſutoris ad opus agricola ſit. In figuram autem proportionis eſt opus redigere, cum permutabunt. ſin minus, utraſque habebit exuperantias alterum extremum. Sed ubi habuerint ſua, ita æqui & ſocy ſunt; quia hæc æqualitas poteſt in ipsis fieri. agricola a. alimentum g. ſutor b. opus ipsis æquatum d. Si autem ita non licuiſſet par pari referri, nulla fuiſſet communicatio. Indigentiam verò continere tamquam vnum aliquod, id declarat, quod quando non in indigentia ſunt inter ſe, vel utrique, vel alter, non faciunt commutationem: ut cum eo quod habet hic, indiget quiſpiam, veluti vino, dant frumenti exportationem. oportet igitur hoc exæquari. In futura autem commutatione ſi nunc nihilo indiget, fore tamen, ſi egerit, nummus veluti ſponſor eſt nobis. oportet enim hunc afferenti licere accipere. patitur igitur & hic idem, non enim ſemper æquali pretio valet: tamen ſolet permanere magis. Idcirco oportet cuncta æſtimata eſſe. ita quippe erit ſemper commutatio: quod ſi hoc, etiam communicatio. Nummus igitur tamquam medium ubi res commenſurabiles feceris, adaquas. Neque enim non exiſtente permutatione, communicatio eſſet, neque permutatione, æqualitate non exiſtente; neque æqualitas non exiſtente ſymmetria. Re vera igitur impoſſibile eſt, ea, quæ ſic differunt, commenſurabilia fieri. ad indigentiam tamen valet ſatis. Vnum igitur quoddam oportet eſſe: hoc autem ex inſtituto. unde etiam nomisma vocatur. hoc enim omnia reddit commenſurabilia. quippe menſurantur omnia nummo. Domus ſit ſuprà quàm a. mina decem b. lectus g. a igitur dimidium erit b, ſi quinque minis æſtimata fuerit domus, aut æquali pretio: lectus autem g erit decima pars ipsis b. Perſſicuum igitur, quot lecti æquales ſint domui: nimirum quinque. ſic autem permutationem

ταῖς δὲ νόμισμα ἢ, δῆλον. Ἀφ' οὗτο
 γὰρ ὁρίν, ἢ εἰ κλίται πέντε αὐτὴ οἰ-
 χίας, ἢ ὅσα αἱ πέντε κλίται. ἢ μὲν οὖν
 δ' ἀδικον, καὶ ἢ δ' δίκαιον ὅτιν, εἰ-
 πλεον.

fuisse antequam nummus esset, pater. In-
 terest enim nihil verum lecti quinque pro
 domo dentur, an quanti quinque lecti va-
 lens. Quid igitur iniustum, quid iustum sit
 dictum est.

EXPLANATIO.



OCVIT haftenus, rationem quidem in commutationibus esse, sed non puram absolutamque; cum postulet inter res contrahendas & permutandas analogiam. Hinc effici nunc ostendit, easdem res oportere comparabiles esse aliquo modo, hoc est, si minus per se, certe ex euentu atque per accidens. est enim haec huius argumenti ratio & vis.

Rerum contrahendarum, permutandarumque aliqua proportio est. ergo compara- biles inter se sunt. perspicuum enim apud Geometras est, non posse proportionem esse nisi inter *συμβλητά*, hoc est, inter ea, quae comparabilia sunt. legendus Eu- clid. lib. 5. init. Compertissima igitur haec res, & exploratissima est. Illud videndum tantummodo superest, comparabilesne per se ac naturam oporteat esse, an saltem ex euentu & instituto: quod declarare aggreditur in hunc modum. ea est rerum con- trahendarum permutandarumque natura, ut per se inuicem comparari non possint. Quia tamen in permutatione comparari inuicem debent, inueniri debuit aliqua velut intermedia symmetria, quae verasque compararet inter se. nimirum excogita- tus est nummus, quali medium quoddam, quo tanquam canone, ac mensura res aliqui dissimiles inter se compararentur. Res enim omnes inaequales, cuiusmodi ferme sunt res commutandae, debent in emptionibus & venditionibus ad commu- nem aliquam redigi mensuram, & adaequari. Ea est ergo vera nummorum origo, ut eamque gratiam inuenta pecunia est, ut rebus contrahendis, per se, suaeque natu- ra inaequalibus aequalitatem & proportionem impertiretur. Nummus itaque in re- rum contrahendarum analogia medium est, & τὸ μέσον, ut loquitur hic Aristoteles, vocabulis vsus Geometrarum, apud quos in qualibet analogia duo sunt τὰ ἄκρα, hoc est, extrema, & medium vnum, quod dicitur etiam τὸ μέτρον, mensura: quia verè pecunia est rerum permutandarum simul inter media, simul mensura, & sym- metria. Cur enim nummus medium sit, rationem hanc affert, quod omnia metia- tur, sic prorsus, ut ipsorum etiam extremorum sit mensura. metitur quippe nimium & parum, quorum alterum superat, ab altero superatur: velut in proposito iam exemplo domus, & calceorum cernitur, ubi mensura & medium à domus pretio superatur, sed superat pretium calceorum; efficit igitur, ut quoniam duo calcei non aequiparant pretium domus, calcei vsque adeo multiplicentur, ut aliquando tan- dem illud exaequent. Id verò nisi fieret, nulla vnquam permutatio esset, cum ne- mo res suas permutare in animum inducat, nisi extrema redigantur ad aliquam aequalitatem. rediguntur autem beneficio nummi, in quo rerum omnium, non qui- dem naturam, sed ex hominum instituto aequalitas est, ac propterea non dicitur ab- soluta, sed aliqua. Ceterum, quia nummus inuentus propter indigentiam est, pos- set aliquis existimare, mensuram commutationis priorem, & potiore esse indi- gentiam hominum mutuae, ex qua natus est nummus. Ne id quidem reticeret Ari- stoteles, & ipsam indigentiam cum nummo coniungit, eandemque mensuram appellat.

Necesse est vno quodam omnia commetiri: hoc autem indigentia est.] Quasi dicat ipsam indigentiam oportere mensuram potius appellare, si redordiri velimus omnia, atque ad id peruenire, ex quo tanquam ex fonte nummus & pecunia fluxit. Videtur igitur indicare; indigentiam verè ac naturam, nummum verò ex instituto, & conuentione mortalium esse mensuram. Porro indigentiam ipsam esse in rerum commutatione mensuram, ita videtur ostendere: Id, sine quo commutatio fieri nequit, commutationis est medium: medium autem est extremorum mensura, ut declarauimus supra. Sed absque indigentia nulla inter homines commutatio fit. Si enim, inquit, nulla indigeant re, aut non pariter ac similiter, hoc est, nili mutua indigentia sit, & si ego tua re non indigeam, cum tu egeas mea, nulla erit omnino permuta-

permutatio, nec societas humana cōsistat. idque confirmari ea ratione potest, quòd permutatio fuerit ante nummū, qui ex hominum consensione substitutus est rebus. ergo tūc aliquod permutationis esse mediū debuit, idq; non fuit aliud, quàm indigētia, quæ tamquam cōmuni vinculo continet omnia. Plato quidē in l. 2. de legibus, & ipsemet Arist. in l. 6. Politicorū indigentiā non appellant cōmutationis mensurā, sed principiū societatis humanæ, & opificiorū omnium, quibus hominū cœtus abundat, cū civitates in eam gratiā institutæ sint, ut quod mihi superat, detur alteri; & quod deest, ab altero mihi suppeditetur. Verumtamē huic loco, quē in præsentia tractamus, nihil contrariū dicunt: quia idem potest esse principiū conuictus & mensura mutæ cōmutationis. tanti quippe ante nummorū institutionē res permutāda æstimabatur & valebat, quāta erat eius indigētia, qui rem vnā cum altera permutabat. Sunt igitur nunc dux cōmutationis mensuræ; indigētia, quæ semper est eadē, & nummus, qui rerū permutandarū obtinet locum: nec alio nomine differunt, nisi quòd illa naturalis est, & mutari non potest, hic autē hominū institutus ingenio & mutabilis est. Quod Arist. argumento à nominis notatione desumpto conatur ostendere. nummus enim Græcè νόμισμα dicitur, quod nos vocabulū Latinū iam fecimus; qui numinū, numisma vel nomisma etiā appellamus. Ducit, inquā, argumentum ab huius notatione vocabuli: quia νόμισμα ductum est à νόμος, hoc est, à lege, ut intelligamus, nummum non natura regulā & mensurā esse, sed lege, hominūmq; consensione & pactione, qui nūmum regulā, normā, & mensurā rerū omnium esse voluerūt. Quo fit, ut hæc mēsurā sit obnoxia mutationi; cū ex hominū institutione, ac volūtate pēdeat, cuius est arbitrij aliam atq; aliā depulso nummo, ad res cōmutandas idoneam excogitare mensuram.

Erit igitur reciproca perperessio, &c.] De nūmo, deq; indigētia disputavit hætenus ideo, ut videamus accommodatas has esse mensuras ad res inæquales in cōmutationibus exæquandas. id adeo nunc probare contendit hoc pene modo: Quoniam cuncta, quæ in cōmutationem cadunt, ex indigētia naturali, & ex artificioso nummo metimur, tunc profectò reciproca perperessio, siue cōpensatio & talio rectè fiet, cū ad geminas illas mēsuras examinabuntur, & explorabuntur omnia. Examinabuntur autē, si quantum, ut hoc exēpli gratia dicatur, agricola, cuius opus est alimētum hominis, sutorem superat, cuius opus est calceus, tātundem, siue tāta p̄portione opus sutoris ad agricolæ opus per incrementū accedat, multiplicatis nimirū calceamentis, ut alimentum pretium exæquetur. Nam, si modius tritici decem nummis æstimatur, calceamentū verò duobus, sutor quinque calceamenta dabit agricolæ, & æqualitatē inter inæqualia ex nummi lege, ac mensura cōstituet. Oportebit igitur, eos, antequā inter se permurent, figurā proportionis sibi proponere, quæ duci, expingiq; potest hoc modo. Describatur quadratum a b c d, & diametri se interfecantes duo a d b c. Sit igitur agricola a. alimentū quod est opus agricolæ, velut modius tritici c. Sutor verò sit b. & sutoris opus d quod est calceamentum siue calceamenta, tritici modio respondentia. Erit profectò reciproca perperessio & compensatio, si d quod est sutoris opus tritici modio exæquatum, reddatur a, hoc est, agricolæ pro c. hoc est, pro modio tritici. Hæc enim compensatio ita necessaria est, ut nisi hoc modo fiat, futurum sit, ut homines non communicent inter se. Cū alia ratione inueniri non possit æqualitas. oportebit, inquit Aristoteles, permutantes huiusmodi figuram constituere, & res exæquare antequam permurent. quia nisi sic faciant, utrasque habebunt exuperantias; hoc est, alter habebit nimium, alter parum. Quamvis enim ὑπερβολή, exuperantia, sit extremum illud, quod dicitur nimium, interdum tamen est illud etiam, quod dicitur parum, ut ex autoritate Galeni, aliorūque docet Gifanius.



Indigentiam verò continere, &c.] Redit iterum ad explicandas æqualitatis normas quibus in commutationibus utimur, ostenditque qua ratione tum indigentia tum nummus sint in mutua rerum exæquatione mensura: Ac primò quidem ait, ex eos nos intelligere posse, indigentiam humanam omnia quæ commutationi subiecta sunt continere ac metiri, quòd cum homines duo ita se habent, ut vel uterque, vel eorum alter ea re non indigeat, quam possidet alius, inter se non commutent. Inter eum enim qui vinum, & inter eum, qui triticum habet, ideo commutatio sequitur, quòd ille, qui vino abundat, indiget tritico, & qui triticum habet, indiget vino. ex qua indigentia mutua sequitur exportatio tritici, viniq; extra prouincias, & vltro citròque commeantium negotiatio mercatorum. Docet deinde, nummum non modò præsentis indigentia, verum etiam futura mensuram esse, cum sit nobis veluti fideiussor & sponzor rei, qua fortassis in posterum indigebimus. quod explanare videtur hoc modo. Mihi vinum est, tibi frumentum. eges tu quidem vino meo: sed ego tritico tuo non egeo. si permutationem poscas, dabo tibi ego vinum meum, tu mihi frumentum non dabis tuum, quo ipse non egeo, sed frumenti loco pecuniam dabis, ut si aliquando indigeam vino, tum à te vinum reddita pecunia recipere possim. Nummus igitur non præsentis modo indigentia, sed futuris etiam commerciis utilis est; & veluti sponzor ac fideiussor, ipsa etiam futura commoda pollicetur. nihil est enim, quod eius pretio ac vi parari permutariue non possit. Denique vsus nummi ibi potissimum & maximè cernitur, vbi mutua indigentia non est, hoc est, tu re mea eges, ego verò non egeo tua, ut ait Iurisconsult. Vlpian. in l. i. ff. de contrahend. empt. Vbi enim vtrinque est indigentia mutua, vtrinque res est, cuius mutua indigentia est, ac propterea potest absque nummo commutatio esse. Sed quia rerum quarundam ea est natura, ut ex aliis importari prouinciis, aut ad alias exportari debeant, cum his abundemus, illas requiramus, & desideremus, per necessaria pecunia est, quæ potest facile circumferri. ut copiosius docet Arist. ipse in Polit. lib. i. cap. 6. Triplex igitur est vsus nummi. primus, ut sit rerum omnium permutandarum mensura: secundus, ut permutationi succurrat, vbi mutua indigentia non est: tertius, ut easdem sustinet permutationes, vbi res difficile importari possunt, aut exportari. Ad summam res omnes exæquat nummus, & rerum omnium loco sola pecunia substitui potest.

In futuram autem commutationem, &c.] Nihil fieri potest obscurius, quàm quod disputatur hoc loco, nec quorsum euadat oratio, aut quid sibi velit implexa verborum syntaxis, intelligi potest. sed partim aliorum filo, partim consilio meo ex ambagibus ita conabor euadere. Dictum est supra, permutationi rerum, haud necessariam esse mutuam indigentiam, sed satis esse, si alter è permutantibus indigeat, quia nummus locum & vicem subit eius rei, qua non indiget alter. Ut enim tritico non egeat qui vinum dat, indiget tamen pecunia, quæ continet omnia, hoc est, pretium rerum omnium comprehendit, nec vlla potest accidere indigentia, cui nummus & pecunia non succurrat; afferenti enim pecuniam, inquit Aristoteles, fas est omnia capere, hoc est, emere, vel redimere ac permutare. Itaque nummus, qui nobis in manu est, videtur esse fideiussor futuri. quamquam enim hoc tempore quis non eget, postea tamen egebit, & volet permutationem facere. nummus igitur tunc, qui iam antè sponzor, ac vas illi fuerat, & promiserat in futura commutatione, vbi egeret, copiam & facultatem cuiuscunque rei commutandæ se facturum, omnem explebit indigentiam: quia nummum afferenti omnia licet accipere. Id, inquam, mihi significare videntur hæc verba. [In futuram autem commutationem si nunc nihilo indiget, fore tamen, si egerit, nummus veluti sponzor est nobis.] hoc est; tamen si quis hoc tempore non indigeat vlla re, tamen pro futura permutatione, si vnquam indigerit, nummus veluti fideiussor pollicetur, fore copiam & facultatem permutandi. Quæ quidem vera sunt, sed oportet tamen eum esse nummum, qui hoc possit efficere: quia; si esset adulterinus, vel in vsu non esset, vel ulli pretium decreuisset, permutatio non fieret; ac propterea falsum esset, ex eo, quod indigentia non semper est mutua, nummum intercedere oportere, ut locum indigentia subeat: erit enim indigentia, ac nummi peræqua ratio; cum æquè mutuetur nummus, atque indigentia. ex quo fiet, ut quemadmodum vbi abest indigentia, non sit commutatio, sic vbi nummus abest, aut vbi nummo pretium deest, aut imminutum est pretium, permutatio non sequatur: adeoque falsus, fallaxque sponzor nummus fuisset. occupat hoc argumentum

Aristoteles, conceditque nummum etiam idem pati, hoc est, eidem mutationi obnoxium esse, sed multo tamen minus, quam indigentiam, quæ sæpissimè commutatur, nec semper in eodem est homine. Accidit igitur interdum id etiam nummo, ut non semper eadem eius æstimatio sit, quod Romæ belli Punici secundi tempore intellectum est, cum denarius, qui decem antea æstimabatur assibus, valuit sexdecim, ex testimonio Plinii; nummus tamen ipse permanet magis, inquit Aristoteles, & constantior est. Quin æstimationem suam retinet nummus multo firmitus & constantius, quam ipsæ res, quarum pretia pro locorum, ac temporum varietate sunt incertissima, maioremque, quam ipsa pecunia patiuntur æstimationis ac pretij varietatem; ut ait Cuius in l. 3. ff. de eo, quod certo loco, &c. cuius verba sic sunt. Scimus quàm varia sint pretia rerum per singulas ciuitates, regionesque, maxime vini, olei, frumenti: pecuniarum quoque, licet videatur vna & eadem potestas vbique esse, alius tamen locis alia est. Vellet ideo Aristoteles, rerum pretia definita esse. [Idcirco, inquit, oporteret cuncta æstimata esse.] rationemque subiungens ait, hoc modo faciliorem, constantioremque futuram permutationem, & quæ inde sequitur, hominum ætiores inter se societatem, & communionem, cuius causâ inuentus est nummus. quam rem huiusmodi gradatione confirmat: Neque enim societas, & communicatio sine permutatione, nec permutatio sine æqualitate, nec æqualitas absque symmetria, hoc est, communi mensura, & conuenientia potest esse. Symmetria autem, hoc est, mensura communis, cum qua conueniunt ea, quæ commutimur ad permutandum, est nummus. hinc enim intelligemus, an rectè vinum tritico mutemur, si utrumque intermedio nummo & pecunia mensi fuerimus, viderimusque, tot nummis æstimari vinum quod traditur, quot triticum quod accipitur, æstimatur. Quin res aliquas esse ait, quæ naturâ suâ mensuram inter se non patiuntur, quia symmetræ, ut Græci dicunt, & ut nostrorum aliqui loquuntur, commensurabiles inter se non sunt, cuiusmodi esset frumentum & equus, aliæque diuersi ordinis, & quibus nulla generis similitudo & cognatio est. oportet adeo communem aliquam esse mensuram, & symmetriam, quæ ista quoque conciliet, vnòque pretio reddat æqualia, quod non efficit nisi nummus, hominum conuentione ac lege ad res omnes metiendas & ex æquandis institutus; cui quidem nullum pretium naturale est, sed illud ei est impositum ex hominum lege, quemadmodum, in rebus quidem ipsis aliqua naturalis æstimatio est, sed ciuilis & libera. Exemplo id quod dixit, & figuræ propositâ descriptione demonstrat. Si enim permutandus sit lectus ac domus, quoniam hæc dux res symmetræ non sunt, nec eidem generi subiectæ, permutari non possunt, nisi ad communem aliquam redigantur mensuram, quæ nummus est, earum pretium in se continens, & æquipollens verisque. Iubet igitur figuram sic conformari. Sint decem minæ, hoc est, aurei nummi centum, cum singulæ minæ contineant aureos decem, ut docet in libris de Assè Bud. Sit ex altera parte lectus, ex altera domus: dicamusque lectum valere minam vnâ, domum verò, quinque minas: ita domus erit dimidia pars decem librarum, lectus verò decima: adeoque lectus erit sumendus quinquies, ut fiat æqualis domui. quinque igitur lecti domum æquabunt, hoc est, pretium quinque lectorum compensabit pretium domus: atque hoc modo res ad symmetriam reuocari possunt beneficio nummi. Antequam enim inuentus esset nummus, & cum rerum indigentia erat mensura, difficilior permutatio fuit. oportuit quippe non pretiū dare, sed lectos quinque, nec ita facile deprehendi potuisset, an lecti quinque domum ex æquarent, cum pecunia non esset, quæ ex vnius lecti pretio demonstrat, quot lectos sumere debeamus ad æquandam domum. Fuissent enim labores insumpti in ædificanda domo comparandi cum iis, qui adhibiti sunt ad lecti structuram, & ex ea comparatione videndum erat, quot lecti domui possent æquiparari, quod laboriosius est. Atque hæc huius tertie partis est explicatio, si minus idonea, certè ea, quam opportuniorem existimaui-
mus, nec quicquam addendum præterea puto, nisi hoc vnum, quod omnem possit difficultatem amoliri. Putare namque possit aliquis, id quod paulò antè de indigentia mutatione diximus, pugnare cum iis, quæ suprà de eiusdem immutabilitate posueramus, cum eam naturalem fecimus, ac propterea semper eandem, nec variabilem. sed respondeo, me cum indigentiam immutabilem feci, quia naturalis est, locutum vniuersim esse de indigentia communi, generalique, quæ semper in aliquo mortalium est; cum nemo sit, qui re aliqua non indigeat, quæ idcirco semper

est eadem generatim & vniuersè, quia nunquam ab humano genere prorsus abest. nummus autem cui opponitur, aliquando non fuit, ac propterea mutabilior est. cum verò deinde dixi, indigentiam esse nummo mutabiliorem, nec semper eandem esse, de indigentia peculiari hoc dixi, quæ in hoc aut illo cernitur homine. hæc enim mutatur in horas; cum is, qui aliqua re nunc indiget, paulo post eadem abundet. quæ varietas nummo non tanta est, cum nummularius imminuatur pretium, nec vnquam vsus pecuniæ subducatur.

PARS QUARTA CAPITIS QVINTI.

Διωριμένον δὲ τοῦτο, διὸν ὅτι ἡ διαφορὰ μέσσι ἐστὶ τῇ ἀδικίᾳ, καὶ ἀδικεῖσθαι. ὃ μὲν γὰρ πλείον ἔχει, ὃ δὲ ἑλαττόν ἐστιν. ἡ δὲ διαφορὰ, μεσότης ἐστὶν, οὐ τὸν αὐτὸν ἔχουσα ὅτις παρ' ἑαυτῇ, ἀλλ' ὅτι μέσος ἐστὶν, ἡ δὲ ἀδικία τῶν ἀκρων. καὶ ἡ μὲν διαφορὰ ἐστὶ, καὶ ὡς οὐδὲν ἀκρὸς λέγειται παρὰ μὲν καὶ παρὰ αὐτῇ τῇ διαφύᾳ, καὶ ἀνεμενέως καὶ αὐτῇ παρὰ ἄλλοις, καὶ ἐτέρῳ παρὰ ἑτέρῳ. οὐχ ὡς τῷ μὲν αἰρετῇ, πλείον αὐτῇ, ἑλαττόν δὲ, ὡς πλησίον. τῇ βλαβερόν δὲ ἀνὰ πάλιν. ἀλλὰ τῷ ἴσῳ κατ' αἰσθησίν. ὁμοίως δὲ καὶ ἄλλοι παρὰ ἄλλοις. ἡ δὲ ἀδικία τοῦ αὐτοῦ τῇ ἀδικίᾳ. τῷ δὲ ἐστὶν ὑπερβολὴ καὶ ἑλλείψις τῷ ὠφελίμῳ, ἡ βλαβερόν καὶ αἰσθησίν. ὅς ἐστιν ὑπερβολὴ καὶ ἑλλείψις ἡ ἀδικία, ὅτι ὑπερβολὴ καὶ ἑλλείψις ἐστὶν. ἐφ' αὐτῷ μὲν, ὑπερβολὴ τοῦ ἀπλῶς ὠφελίμου. ἐλλείψις δὲ, τοῦ βλαβεροῦ. ὅτι δὲ τῷ ἄλλῳ, ὃ μὲν ὅλον, ὁμοίως. ὃ δὲ καὶ αἰσθησίν, ὅποτέρως ἐτύχε. τοῦ δὲ ἀδικήματος, ὃ μὲν ἑλαττόν, ὃ ἀδικεῖσθαι ἐστὶ. ὃ μὲν γὰρ, ὃ ἀδικεῖν. καὶ μὲν οὖν διαφορᾶς ἔστι ἀδικίας, τίς ἑκατέρως ἐστὶν ἡ φύσις, εἰρησθῶ τοῦτον τὸν ἔχον. ὁμοίως γὰρ καὶ τῇ διαφύᾳ ἔστι ἀδικίᾳ καὶ ὅλον.

Definitis autem his, perspicuum est, iustam actionem medium esse inter afficere & affici iniuriā. hoc enim plus habere est, illud verò minus est. Iustitia verò mediocritas est, non eodem modo, quo priores virtutes, sed quia mediū est; iniustitia verò extremorum. & quidem iustitia est, secundum quam iustus dicitur aptus ad agendum secundum electionem quod iustum est, & aptus ad distribuendum sibi ad alium, & alteri ad alterum, non ita ut rei expectendæ plus sibi sit, minus verò proximo, damnosæ autem contrā; sed æquale illius, quod secundum proportionem est: similiter autem & alteri erga alterum. Iniustitia verò contra iniusti est: hoc autem est excessus & defectus utilis aut damnosæ præter proportionē. Idcirco exuperantia & defectus iniustitia est, quia exuperationis & defectus est: in se quidem exuperantia rei simpliciter utilis, defectus autem rei damnosæ. In aliis verò rebus in summa facit similiter. Illud autem quod præter proportionem est, verocumque modo contingit. Iniusti autem facti, alterum quidem minus, iniuriam pati est; alterum verò maius, iniuriam facere. De iustitia igitur & iniustitia quæ sit utriusque natura, dictum sit in hunc modum, similiterque & de iusto & iniusto vniuersim.

EXPLANATIO.



HACTENVS est demonstratum, iustum siue ius, quod iustitiæ peculiari proponitur, æquale ac medium esse: sed quia demonstratum id est in eam gratiam, ut qua ratione ipsa quoque iustitia medium & mediocritas sit, intelligatur, id agere in hac extrema parte nunc aggreditur Aristoteles, affirmans initio, actionem iustitiæ, mediocritatem esse quamdam inter iniustum facere & iniustum pati: iniustum autem facere esse plus habere, quàm æquum, ac debitum sit, iniustum pati habere minus. qui enim iniustum patitur, aliqua re priuatur, quæ iure illi debetur ac merito. Itaque

actio iusta inter plus & minus interposita constituit medium æquale, quod ius, siue iustum appellatum est supra. Iustitiæ verò mediocritatem inquirat ex actionibus, quia non est vlla exquirenda, perpendendaque virtutis ratio facilior ac via, quam quæ ex actionibus ad cognitionem habitus recta perducit. Ergo cum sciamus, actionem iustam esse inter iniustum facere & iniustum pati, facile cognoscimus, ipsum habitum iustitiæ, unde prodeunt actiones, esse medium inter extrema illa, quorum alterum est iniuste facere, alterum iniuste pati. Ceterum, ne quis proprietatis similitudine deceptus existimet, Iustitiam sic esse medium inter duas vitiositates, quemadmodum aliarum quoque virtutes sunt, quæ in perturbationum moderatione versantur, adiungit, extrema ipsa ita opponi iustitiæ, ut alterum tantum, hoc est, iniuste facere, vitiosum sit, & opus iniustitiæ, quæ de bonis sibi plus accipit ac de malis minus; alterum verò, hoc est, iniustum pati, vitiositatem non habeat, sed potius poenam. Itaque Iustitia quamquam est habitus, suis interiectus extremis, non tamen est medietas duarum malitiarum, cum alterum extremum in vitiositate non sit.

Ratio verò, cur iustitiæ vnum tantum opponatur vitium, nec ut aliarum, virtus hæc duabus vitiositatibus intercipiatur, ea est, quod virtutum aliarum extrema, exempli gratia, timiditas & audacia, peccata sunt, quæ diuersis, usque inter se contrariis actionibus committuntur. neque enim fieri potest, ut vnica tantum actione peccet quis in audacia & timiditate, quæ fortitudinis extrema sunt, ac ratione inter se differunt & re. Sed iniustitia vna prorsus & eadem actione plus & minus, hoc est, exuperantiam & defectum admittit, quæ profecto idem re sunt, ac discrepant tantummodo ratione. Qui enim aufert, plus habet, & is, cui aufert, habet minus, adeoque vnica tantum ereptio facit eum plus habentem qui eripit, & minus habentem eum, cui contra surripitur. Qua propter iniustitia vtrumque extremum reddit vnum, nec patitur esse duo, nisi quatenus subeunt rationes plurius & minoris excessus ac defectus. quamuis enim vna tantum iniustitia sit, alia tamen est eius ratio, quatenus est aliquid plus, alia, quatenus est aliquid minus.

Et quidem iniustitia.] His explicatis iustitiæ, iniustitiæque terminis, proponit definitionem, quam Græcus Scholiast. *ἡ ἀρετή*, descriptionem appellat. Ait ergo, iustitiam habitum esse, quo vir iustus accommodatus redditur & aptus ad iuste agendum ex electione, hoc est, ad reddendum, & tribuendum æquale. Sed quia id duplici modo facere potest; primo, si & sibi, & alteri iustum tribuat, secundo si inter alios duos æqualitatem constituat, ut facit iudex, nullum horum modorum prætermisit, sed in descriptione complexus vtrumque est. id enim significant ea verba, sibi ad alterum, alteri ad alterum; significant, inquam, virum iustum aptum esse ad agendum iuste, hoc est, ad constituendam æqualitatem tum inter se & alium, tum inter alios duos, quorum ipse sit arbiter. Iniustitiam autem contrà ait esse habitum, quo vir iniustus ex electione agit iniuste per exuperantiam & defectum, quia vel plus, vel minus, quam decet tum commodorum, tum etiam incommodorum distribuit. ex rebus enim optabilibus & expectendis, velut ex diuitiis & honoribus, plus sibi tribuit ac minus aliis, ex rebus laboriosis & noxiis, plus aliis ac sibi minus. Quin tum etiam, cum nihil tribuit sibi, sed totum aliis, alteri plus commodi, ac minus incommodi, alteri plus incommodi, commodi verò tribuit minus. est enim iusto omni prorsus ex parte contrarius. Denique ex his duobus iniuste agendi generibus & modis, inquit, plus accipere, & habere dici solet esse iniustum facere, & accipere vel habere minus esse iniustum pati.

EPILOGVS.

1. Pythagorici haud rectè definierunt iustum, cum dixerunt esse perpeffionem reciprocam & rationem. Sed tamen aliqua ratione dici potest talio iustum ipsum esse, si ea cum proportionem, quæ compensationem & distributionem omnem decet, adhibeatur.
2. Commutationum causa excogitatus est nummus, ut æqualitatem constitueret, & rerum omnium communis esset ac certa mensura.
3. Ipsa etiam indigentia humana rerum commutandarum mensura dici potest, sed naturalis, quæ nummo accidente perficitur. Neque verò indigentiam rerum oportet mutuatam esse, ubi vsus est nummi, qui substituitur in locum rei, cuius indigentia non est.

4. Nummus non idem semper pretium habet, sed habet tamen constantius, quàm ipsa res, quarum aestimatio facilius commutatur.
5. Aestimatio autem rerum non tam ex earum natura & veritate petitur, quàm ex hominum instituto & indigentia.
6. Actio iusta medium quoddam est inter iniustum facere, & iniustum pati, quorum alterum est plus habere, alterum habere minus.
7. Iustitia medium quidem est, sed non ut cetera virtutes, quæ duobus extremis interiectæ vitiosæ sunt. hæc enim unam tantum habet vitiositatem extremam, cui propriè contraria sit. Iniustitia verò utrinque tenet extremum, plus sibi de bonis usurpans, de incommodis minus, vel minus de incommodis, plus de bonis.



IN CAPVT QVINTVM

QVÆSTIO PRIMA.

An iustum & talio idem sint.

NON est iterum dicendum quid talio sit. huius enim vocabuli vis explicata satis est suprâ, cum diximus, esse id, quod vulgò iam appellatur repassio, siue contrapassio vel contrapassum; quia est æqualis eius compensatio damni, quod ab altero passus est alter. Redigendum potiùs in memoriam est quod etiam suprâ posuimus, in disputatione de iustitia, apud Aristotelem hæc vocabula, pati & facere, non vulgaris esse notionis, sed propriæ. In commutationibus enim pati nihil aliud est, quàm recipere non modò damnum, sed etiam lucrum ab alio; & agere nihil aliud, quàm alteri non modò damnum, verùm etiam lucrum afferre. porrò ipsum lucrì vocabulum, vbi de iustitia vindicante agitur, in eum quoque convenit, qui pulsauit, vulnerauit, aliæue iniuria incommodòve affecerit alium. Itaque in commutationibus ille quoque dicitur pati, qui damnum lucrùmve suscepit, & in vindicationibus, is etiam lucrum facere, qui percussit. Erit adeo retaliatio siue reciproca perpassio vel talio illa iustitiæ actio, quæ perpassionem vnus in damno vel lucro comparat cum alterius perpassione in damno item & lucro, vt quantum eorum vnus damni, vel lucrì suscepit, tantumdem alter damni lucrìve recipiat. Id verb, quod per eam comparationem actionum & perpassionum alteri redditur, dicitur vulgò contrapassum, sed appellari Latine retaliatum posset, opinor; cum apud Gellium retaliari dicatur id quod hoc modo compensatur & exæquatur. De hac ergo talione ac mutua perpassione quærimus, vtrum idem sit iustum, ac retaliatum, siue talio & reciproca perpassio. Sed quoniam duplex iustitia est, altera in distributione posita, in commutationibus & vindicationibus altera, de ambabus quærendum id est, vtrum in reciproca perpassione ac talione iustum illud, siue ius positum habeant, ad quod contendunt.

Ac de iustitia quidem distribuyente omnes

pro certo id habent, talionem, & reciprocam perpassionem nullum in ea locum habere. Distributio enim fieri debet ex communibus Reipublicæ bonis, & iis hominibus fieri, quibus debetur; cum si gratis fiat, & iis, quibus iure non debeatur, liberalitas dicenda potiùs, quàm distributio sit. Ex hac ergo distributione ius quoddam, siue iustum exoritur, quod duplici potest ratione considerari, quia duplicem præ se fert æqualitatem; alteram quidem inter Rempublicam distribuentem, & ciues, quibus distributio fit, alteram inter ciues tantum, & eos, quibus bona communia distribuuntur. Distributis enim communibus bonis, æqualitas existit, tam inter Rempublicam quæ bona illa ciuibus debet, & inter ciues, quibus debentur, quàm inter ciues ipsos, quibus est per æqua bonorum portio distributa; cum nisi hoc modo bona communia distribuuntur, inæqualitas inter ipsos esse dicatur, & id quod appellamus iniustum. ex quo rixæ inter ciues contentionesque nascuntur, vt suprâ dixit Aristoteles.

Si ergo primam illam æqualitatem intueamur, habemus necesse dicere, iustum inter Rempub. & ciues ex bonorum debita distributione subortum habere quidem perpassionem reciprocam & talionem, sed distributorem eo modo consideratam dici debere commutationem, ipsùmque iustum siue ius, commutantis opus esse iustitiæ, non distribuentis. Quippe ciues dant Reipublicæ operam suam, ciuibus Respublica compensando, & commutando dat bona communia, ciues vicissim aliam rursus operam, & promeritum suum in Rempublicam referunt, quod est, acceptum compensare ac permutare. Itaque iustum inter Rempublicam & singulas partes vtroque relatum talionem continet, & reciprocam perpassionem; cum qui accipit dicitur pati cum accipit, & cum reddit æquale rebus acceptis, perpassionem suam in auctoritate regere videatur. Illud tamen satendum

est, huiusmodi commutationem non nihil à propria commutatione differre, quæ inter partem & partem Reipublicæ est, non inter Rempublicam & partes singulas, ac propterea distributio nominatur. Sin autem illud intelligamus, & consideremus iustum, quod distribuentis iustitiæ proprium est, & quod ab ea propriè constitui dicitur & effici, dicemus haud dubiè, iustum non admittere talionem, & perpeffionem reciprocam. Hoc enim iustum est æqualitas illa, quæ per geometricam proportionem inter eos ponitur, quibus bona communia distribuuntur, quod proprium opus est iustitiæ, quæ in distributione versatur. Ratio verò, cur in eiusmodi iusto esse non possit reciproca perpeffio, ea est, quòd inter eos ciues, quibus boni communis distributio fit, non est pati & agere, hoc est, dare & accipere mutuò, quod in reciproca perpeffione necessarium est. Neque enim eorum vllus in alium egit, neque vllus ab alio passus, cum eorum nemo alteri dederit aliquid, neque vllus ab altero quicquam acceperit, sed quicquid egerunt singuli, in Rempublicam egerunt, & quicquid sunt passi, à Republica passi sunt. Hæc nimirum ad singulos relatio illa est, quæ facit, vt inter Rempublicam & singulos sit commutatio per arithmeticam proportionem. quia quatenus singulis dat; æquale prorsus debito dat, sed quatenus pluribus dat, analogicè & cum proportionem dat, quia pluribus illis non dat, aliquid æquale, sed analogum geometricè. Actio verò propria distributionis, plures, non singulos intuetur: inter quos nisi fiat comparatio, dici non potest arithmeticè inæquale, & æquale geometricè quod distribuitur. nam quod singulis datur absque comparatione cum aliis, non distribui dici deberet, sed commutari. In summa, quemadmodum in commutatione non primo & per se, sed ex consequenti, ac per accidens spectari dignitas, & meritum personæ tolet, vt cum in societate publicanorum ille plus accipit, qui plus in sorte posuit de suo, aut eum Principis existimatio sarcitur, cui maior compensatio debetur, quàm homini priuato, sic in distributione spectatur interdum æqualitas arithmetica per accidens: vt cum actio Reipublicæ distribuentis ipsa per se consideratur quatenus erga singulos est, ac non comparata cum pluribus, ex quibus æqualitatem, inæqualitatemque metiri necesse est.

Vtrum autem ius commutantis iustitiæ in talione positum, & reciproca perpeffione sit, disputant aliqui apud Buridanum variè, nec quæstionem vnica solutione decidunt. dicunt enim, commutationem esse duplicem, voluntariam vnâ, iniuriam, atque inuoluntariam alteram. Negant adeo in commutationibus inuoluntariis idem esse iustum, ac talionem, sed concedunt, idem prorsus in voluntariis commutationibus esse. Primum demonstrare se putant ex personis, tum inæqualibus, tum etiam æqualibus, inter quas accidit commutatio. De inæqualibus enim ait Aristoteles, iustitia non latuisse, eum qui percussit

rit Principem, perque repercutere, nisi multo etiam plectat & puniat grauius. ergo iustum hoc in commutationibus inuoluntariis non meretur iustitia ex talione ac perpeffione illa reciproca, quæ per æquam solum percussionem efflagitaret. Quod verò attinet ad æquales, ne in harum quidem personarum offensione compensanda ex talione dicunt posse inuestigari iustum & damnum illatum sarciri. Nam qui æqualem, aut percusserit, aut respoliauerit sua, quamuis æquè repercutiatur, aut tantumdem omnino cogatur reddere quantum sustulit, non propterea tamen existimatur æquitati & iustitiæ satisfecisse; cum non modò vni damnum intulerit & iniuriam fecerit homini, verum etiam toti societati & Reipublicæ, cuius videlicet & tutelam in qua ille erat, violauit, & potestatem contumaciter est aspernatus. Ius igitur, aut iustum commutantis iustitiæ postulat, vt aliquid ille patiatur grauius, quàm talio, & reciproca perpeffio velit: adeoque in commutationibus inuoluntariis talio & reciproca perpeffio lenior est pœna, quàm quæ ab æqualitate reposcitur. Rectè nimirum in primo lib. Magn. Moralium Aristoteles ita disputat: eum qui dupliciter peccauit, dupliciter oportere puniri. qui autem percussit æqualem, dupliciter peccauit, vt diximus, & si prior percussit, sola repercussione non satis plectitur, quia cepit prior iniuriam facere, quia pacem violauit, quia immerentis hominis innocentiam læsit.

Secundum verò, hoc est, in commutationibus voluntariis oportere iustum talione ac reciproca prorsus perpeffione definiri, sic docent. Ea ratione ac modo ius in commutationibus voluntariis iustumque seruatur, quo totius ciuitatis ipsa seruatur, retineturque communitas. hæc autem seruatur vsu, & beneficio talionis. Si quis enim affectus damno, & aliena læsus iniuria, vt ait Aristoteles hic, non possit in ciuitate compensationem reposcere prorsus æqualem, conuictum in ea ciuitate non conuictum & coniunctionem, sed seruitutem existimabit: cum seruorum sit, non posse repetere compensationis æqualitatem.

Sed hæc istorum opinio displicet Buridano, ac meritò quidem: quia cum Aristotele non consentit. Talio quippe ac reciproca perpeffio sumitur apud eum, intelligiturque dupliciter: primò quidem ad arithmeticam proportionem exacta, deinde, per geometriam examinata. Si de talione loquamur ad arithmeticam proportionem exacta, hoc est, ad quantitatis æqualitatem, necesse habebimus dicere, Aristotelem non modò in commutationibus inuoluntariis, sed ne in voluntariis quidem admittere talionem. Eius enim verba in hoc quinto cap. sunt hæc. Verum in societatibus ad commutandum institutis, eiusmodi ius talionem secundum analogiam continet, & non secundum æqualitatem. Differre autem eum de voluntariis commutationibus ex eo constat, quòd statim proponit exempla voluntariæ commutationis: qualis

est ea, quæ inter architectum & sutorem intercedit, cum sutoris calceamenta architecti domo commutantur. Sin autem loqui velimus de talione secundum geometricam proportionem explorata, id quoque constat: Aristotelem non modò in commutationibus voluntariis talionem probare, sed etiam in inuoluntariis. Nam si seruus, ut disputat in primo libro Magn. Mor. percusserit liberum, non est iustitiæ consentaneum, ut tantummodo percipiat, sed oportebit eum plurifariam puniri, & multis verberibus accipi: quia iustum in ea compensatione debet ex geometrica proportionem pendere. quo enim liber est seruo melior, excellentiorque, hoc magis debet seruo illatam illi contumeliam, & iniuriam compensare. Probat igitur Aristoteles etiam in commutationibus inuoluntariis talionem geometricæ proportionis; adeoque ab Aristotelis doctrina dissentiunt qui dicunt talionem in commutationibus inuoluntariis non inueniri. Itaque istorum opinio, quod ad inuoluntarias commutationes attinet, vera non est. De voluntariis verò, quamquam est ex Aristotelis autoritate dictum satis, alia præterea potest addi ratio, quæ cogat eos pugnantiæ loqui. Nam si quisquam alienam attrectauerit uxorem, ipsa, ipsiusque marito volente, nec illius inuita coniuge qui attrectauit, voluntaria sunt omnia, nec tamen commutatio postulat, ut vir eius quæ fuit attrectata per talionem attrectare debeat coniugem illius, qui suam impudicè tractauit. esset quippe retaliatio hæc turpis & inhonesta turpitudine verò & inhonestum non potest cum iustitia conciliari. Ad hæc: huiusmodi opinio duos apud Aristotelem locos in speciem sibi inter se repugnantes haud potest concordare facere; quorum primus id habet: referre nihil ad iustitiæ commutantis officium & vim utrum is, qui aliquem vulnerauit, aut alia affecit iniuria, vir sapientia & virtute spectabilis sit, an rerum imperitus, & natura, vel institutione vituperabilis: cum iustitia commutans, ipsa per se iniuriæ magnitudinem aut leuitatem exploret, ad personæ verò conditionem respectum non habeat, nisi secundarium, & consequentem. Alter locus id continet, quod sæpe iam diximus, eum qui Magistratum percussit, longè grauius oportere puniri, ac percipi; quia per ignam publicam iniuria violauit. id verò priori videtur esse contrarium dicto. Itaque aliqua est inuenienda sententia, quæ in hac locorum repugnantia convenientiam faciat. Hæc autem ex tribus huiusce questionis conclusionibus existit, quarum

Prima est. Iustum in commutationibus haud semper constituitur, & definitur talione, ad æqualitatem quantitatis vel arithmetice proportionem explorata. idque primum in commutationibus inuoluntariis esse verum demonstratur exemplis eorum, qui percipiunt Principem, nec æquali solùm re percussione plectuntur, sed grauiori, & ex quotidianis pœnis, quæ repetuntur è furibus, quos non modò sarcire damnum ad arithme-

ticam æqualitatem iubent iudices, sed maioribus etiam suppliciis afficiunt, & ipsa, quæ nihil est homini carius, spoliant vita. ergo talionis æqualitas in commutationibus inuoluntariis non est lex & definitio iusti, cum læpe maiorem esse oporteat, quàm talio postulet. Fieri adeo potest, ut si ex huius regula talionis plectenda delicta sint, puniatur interdum quod grauius est minori pœna, & maiori quod minus est, contra quam iubet Deus in Deuter. 25. vbi pro mensura peccati, plagarum constituit modum. Esset enim ex vitæ talionis pari pœna mulcandus vir primarius, qui plebeium pulsauit, quod delictum est leue; ac vir plebeius, aut seruus, qui nobilem verberauit, quod longè grauius est peccatum: & qui forte fortuna, vel impetu aliquo vehementi perturbatus alium vulnerauit, æquè plectendus esset, ac qui per inuidias, & ex certo animi consilio simile vulnus imposuit. & tamen in Deuter. 19. Vrbes quædam à Deo statutz sunt ad asylum & certum perflugium iis, qui casu aliquem occidissent, ad quas tamen receptum patere noluit insidioso interfectori. Præterea verum est quod ex aliorum sententia diximus supra, eum à quo iurgium cœpit, & eum, qui prior alium læsit, ac pacem violauit, grauius committeri supplicium, quàm qui prouocatus, iniuriam reuoluit, sed si ex talione sit exigenda pœna, utriusque par, æqualisque debet irrogari. Quin hæc etiam locum habet quod de turpitudine in voluntariis commutationibus consecutura dixerunt alij. In his enim inuoluntariis, si exiliter, exigueque atque ad arithmeticam æqualitatem reuocanda sit reciproca damni permissio, sequitur, eum qui stupro alienam corripuit uxorem, non posse puniri, sicut ius & æquum postulat, nisi eius uxor, quæ fortasse pudica est, illius libidini subiciatur inuita, cuius ipse coniugem adulterio polluit. quod ne auditu quidem tolerabile videtur; cum nemo vnquam putauerit, aut dixerit, iustam commutationem, vindicationemque inhonestam esse posse, atque innocentem perniciosam. Denique ut talio & reciproca permissio, iusta in commutationibus sit, ea debet esse, quæ refarciat damnum. sed reciproca permissio ad arithmeticam proportionem æquata in commutationibus inuoluntariis damnum acceptum non refarcit. Neque enim, quia oculus euellitur ei, qui tibi eruit tuum, damnum tibi sarcitur, & restituitur oculus: neque propterea, quod domus eius comburitur, qui corrumpit incendio tuam, alia tibi redditur domus æqualis tua. Ergo reciproca permissio ad arithmeticam proportionem æquata in commutationibus inuoluntariis non compensat damnum illatum.

Sed ne in ipsis quidem voluntariis commutationibus, vbi mutua bonorum est communicatio, arithmetice proportionis talio iusta est. Cum enim tu bona mecum communicas tua, & ego tecum communico mea, ipsa bonorum quantitas ex duplici ratione ac modo perpendi potest: primo quidem ex eo, quod res illæ, quæ commutantur, molem habent

de quantitate, siue concretæ, aut corporatæ sunt, adeoque certæ cuidam dimensionis subiiciuntur: cuiusmodi est quantitas domus, & quantitas calceamenti, ne ab Aristotele exemplo ducedamus. Secundo ex eo, quod eadem res venales sunt, habentque certam pretij quantitatem ad humanam indigentiam ex æquitate. Nunc, si domus tua centum nummis æstimatur auctis, vnum vero calceamentum aucto vno, iustum iuste postulat, ut centum calceamenta vna domo permutentur. calceamenta vero non sunt æqualia domui, si quantitas ipsa spectetur molis, & extensio secundum quam commetiri calceamenta, domumque non possumus. ergo illa permutatio & compensatio non exigunt ad æqualitatem quantitatis, sed ad æqualitatem indigentiarum, quæ geometrica proportio, siue proportionalitas est, cum in ea spectentur personæ, quæ magis, aut minus indigent. indigentia vero personarum mutua est, quæ pretium illud ad exigendæ commodum vitæ in vtraque re permutanda constituit. Itaque in commutationibus voluntariis arithmetica talio non potest ponere medium absque geometrica proportionem, quæ per comparisonem ad maiorem, vel minorem indigentiam, ex qua pretij constituitur æqualitas, in vtraque re commutanda, ipsam parit proportionem arithmetica, cuius vi res immediate permutantur. non enim commutamus nisi pretio arithmetice constituto. pretium autem ipsum constitui non potest absque illa comparisonem ad humanam indigentiam maiorem aut minorem: quæ comparatio per geometricam proportionem fit, quia in aliquo est maior, in alio minor. Quapropter nihil hic dicitur contrarium us, quæ supra sunt posita, cum dictum est, in qualibet commutatione proportionem arithmetica esse. est enim in commutationibus singulis propter pretium, sed in iudem absque geometrica non est, idque propter comparisonem rerum ad maiorem siue minorem personarum indigentiam, ex qua pretij constitutio nascitur. Atque, hoc est, quod Aristoteles aduersus Pythagoricos disserit. cum enim eos errasse contendit ideo, quod in omnibus omnino commutationibus arithmetica talionem efflagitarent, neque ullam in iis geometricæ proportionis talionem admitterent.

Secunda Conclusio. Interdum tamen, sed raro quidem, iustum in commutationibus ex arithmetica solum talione perpenditur, quemadmodum ex commutationum enumeratione constabit. Intelligemus enim quænam ex ipsis admittant, quæ respuant proportionis arithmetice talionem. Commutationum Aristoteles duo fecit genera; voluntarium vnum, inuitè factum, atque inuoluntarium alterum. Voluntarias commutationes constituit multas; venditionem, emptionem, mutuum, siue commodatum, fideiussionem, & sponsonem, vsum, depositum, conductionem: quibus liberam quoque donationem addere potuisset. quæ quidem omnia dicuntur voluntaria, quia horum commerciorum principium in nobis,

atque in nostra voluntate positum est. Inuitè vero factas atque inuoluntarias commutationes appellat, quæ vel nobis, ignorantibus accidunt, vel extrinsecus illata vi, nobisque scientibus, sed inuitis & nolentibus sunt. Illa sunt clandestina omnia, ut furtum, adulterium, veneficium, lenocinium, seruorum deceptio, dolosa cædes, falsa testificatio: hæc autem violenta omnia & compellentia, ut vincula, rapina, mutilatio, conuicium, ludibrium, verberatio, mors. quæ profecto inuoluntaria sunt, quia eorum principium in nobis, atque in voluntate nostra non est. Quod attinet ad hæc inuoluntaria, dictum, & demonstratum est satis, proportionis arithmetice talionem neque sarcire damnum illatum, ut in eruto cernitur oculo, vel si resarcit, non esse satis ad repetendam æqualem penam, ut videmus in furto, quod non modo damni compensationem puniatur, sed grauiori supplicio plectitur. Restat igitur, ut de voluntariis commutationibus inquiramus, eundo per singulas, ut demum intelligamus, an aliqua sit, quæ ius æquale, & compensationem positam habeat in arithmetica talione. Venditio, contractus, & actio est, per quam qui vendit suæ ditionem rei transfert in alterum accepto pretio: emptio vero est actio, per quam emptor ditionem alienæ rei dato pretio transfert in se. sed in his tanè commutationibus ad quantitatis æqualitatem iustum explorari non potest, quia datum acceptumve pretium non est eiusmodi, ut cum re vendita vel empta ex ratione ac dimensione quantitatis adæquetur. Neque enim in venditione, vel emptione triticum pro tritico, aut gladius pro gladio datur, sed pro tritico vel gladio pecunia, quod profecto respexit Aristoteles cum dixit, non inter duos medicos, hoc est, inter duorum opera medicorum fieri commutationem, sed inter medicum & agricolam, hoc est, inter opus medici & opus agricolæ, quæ differentia genere sunt, & ea, quæ nos commetiri quantitate non possumus: ac propterea subiungit, oportere eos ad æquare, hoc est, eorum opera communi aliqua mensura, quæ pretium & pecunia est, eorum opera redigi ad æqualitatem. Mutuatio est actio, quia qui mutuo dat, rei suæ ditionem & possessionem transcribit in alterum, ut eiusdem generis recipiat aliam similem, & æqualem. ut cum tibi mutuum do sextarium vini, ut alium tu mihi sextarium vini restituas. In hac vero commutatione luce clarius est, inueniri iustum ex arithmetica proportionem: cum vtriusque rei quantitas sit æqualis, nec aliud officere huic æqualitati potest, nisi gratiarum actio, quam præterea debet is, qui sextarium vini restituit. huius enim gratiarum actionis æqualitas pertinere videtur ad geometricam proportionem. Fideiussio est actio, qua quis obstringit se, deuincitque ad satisfaciendum pro altero, si suæ ille debitioni non satisfecerit. Atque hæc etiam oculis propemodum cernitur æqualitas quantitatis, quæ ius, iustumque constituit. Si enim fideiussor id quod debebat alter de suo reddidit, apertissime constat, alterum ei tantumdem omnino, ac tot

numero nummos rependere debere, quot ille iam ad satisfaciendum dedit. sed hic etiam accedunt ad arithmetica compensationem gratiarum, quas agere sponso suo debetis, qui res alienum re alieno dissoluit. Itaque hic arithmetica proportio non videtur esse solitaria, cum gratias etiam postulet ad æqualitatem explendam. Vltus videtur apud Aristotelem esse contractus & actio, qua quis alteri rem suam vtendam permittit, eiusdem rei apud se ditione retentâ. cuius æqualitas & iustum in eo positum est, vt planè idem, eademque quantitate dimensum, sed cum gratiarum actionis accessione reddatur. Depositum est contractus, quo aliquid apud alterum seruandum tradimus, & eiusdem fidei, tutelaque committimus: adeoque iustum eius, & æquitas erit, rem eandem omnino restituere, nisi fortasse addendum aliquid sit ad sumptus custodiæ compensandos, aut gratiam ei referendam, qui rem sartam, tectamque conseruauit, & domino reddidit. Conductio actio quædam ciuilis est, qua certum ad tempus vendit aliquis vltum rei suæ. In hac autem perspicuum est, haud constitui iustum ex arithmetica proportionem quantitatis: cum vltus & pretium non sint res secundum quantitatem comparabiles. Donatio demum est actio, qua quis in alterum res suæ dominatum & possessionem transfert eiusdem recuperandæ deposita spe & absque compensationis vlla, remunerationisque promissione. Huius verò iustum commutationis in sola gratiarum actione, aut liberalitatis laudatione positum est, vel in aliquo exhibendo voluntatis & operis obsequio, aut in alia huiusmodi significatione grati animi demonstranda, quæ beneficium eo quo potest modo compensare conetur. Dehemus enim ex iustitiæ vi gratiam ei, à quo beneficium accepimus, vt docet author libelli de re familiari.

Tertia Conclusio. Iustum semper constituitur ex mutæ perpeffionis æqualitate, quæ secundum proportionem geometricam desumitur ab aliqua mensura, rerum commutandarum pretium æstimante; quemadmodum per idoneam enumerationem, demonstrari potest. Nam primo quidem in emptionibus, venditionibus, & conductionibus pro vno vnum accipere necesse non est, nisi omnes velimus artes funditus tollere, vt ait hic Aristoteles. Nemo quippe domum ædificaret, si ad calceamentum parandum vnum, dare vnam omnino domum oporteret. Igitur æstimanda domus est, & tot compenlanda calceamentis, quot exquant æstimationem ac pretium domus: hæc autem æqualitas proportionis est ad certam mensuram exacta, quæ nam verò sit hæc mensura, in consecuturis quæstionibus explanabitur. Deinde in mutatione, fidei iussione, vltu, deposito, & donatione per gratiarum actiones adæquantur, etiam compensatio est ex mensura, & pretio acceptæ rei, sic prorsus, vt quo maius est pretium, eo maiores agenda gratiarum sint: quæ item adæquatio non quantitatis est, sed geo-

metricæ proportionis. Neque verò est, cui dicas, fieri non posse, vt sola gratiarum actione compensari, & retaliari tantum beneficium queat collatum in nos ab eo, qui nullo aureos liberâ nobis est donatione largitus. Rerum enim pretium ex humana æstimatur, & constituitur indigentia. Potest igitur euenire, vt qui dat mille, quia maxime nummatum, & pecuniosissimum est, pecunia nummisque nihil indigeat, sed honore, populari gratia, exultatione, & celebritate nominis ac famæ indigeat plurimum. ploris ergo faciet gratiarum actionem, & laudationem, præconiumque ab eo profectum, cui largitus est aureos mille, quam aureos ipsos mille, ac longè præterea plurimos. idque præsertim tum fiet, cum qui donum accepit & gratiam habet, insignis est probitatis auctoritatisque, hoc est is, cuius elogium & laudatio supra pecuniam omnem, ac pretium rerum debeat à prudentibus æstimari. Quin id etiam fieri poterit, vt is, qui donum & beneficium accipit, tanta polleat excellentia, & dignitate, vt iusta compensatio videri debeat, quod accepit. Itaque per ipsam gratiarum actionem, & laudationem compensatur & adæquatur interdum donum ex communi mensura & pretij proportionem. Atque hæc quidem sunt voluntariæ commutationes, quæ absque proportionis æqualitate compensationem suscipere non possunt. sequuntur inuoluntariæ, in quibus videndum id primum est; cum qui alterum iniuriam, violentiamque damno afficit; duplici nomine, atque aduersus duos iniuste agere: primo quidem aduersus eum, quem lædit, secundo in Rempublicam, & communem societatem, tum quod ille communis est pars, tum quod legem eiusdem Reipublicæ violat, tum quod alius ad similiter agendum exemplo præit. Quod attinet ad damnum, quo priuatum afficit hominem & singularem, in retaliationē vel compensationē illatum ei detrimentum æstimandum est, & eadem æstimatione, ac pretio sarcendum. neque enim æqualitati satis esset, si ille pari detrimento mutaretur, & domus incendio puniretur, qui alienam domum incendio sustulisset, vt supra diximus. Quod si qui damnum intulit, non habet vnde satisfacere ac damnum sarcire per æquale pretium possit, pro delicti mensura corpore luet quod ære non potest. Nam si quod leges & iura iubent, interdum fieri non queat, faciendum est quod propinquius erit, cum id quod fieri non potest, iuris æquitas imperare non debeat. Quod verò ad Rempublicam pertinet, cuius pars læditur in priuato, non potest eidem Reipublicæ satisfieri, nisi ad certam pretij mensuram damnum illatum æstimetur. maius enim intulit damnum qui Principem percussit, quam qui priuatum, aut seruum, magisque si publicè, aut infidiosè, & ex animi consilio, quam si in occulto, aut casu, & ex impotenti aliqua perturbatione animi, quæ reatum cernere vix patitur. Nam lædere Principem aut primarios viros, est iniuriam facere nobiliori Reipublicæ parti, & lædere consub-

tò ac de industria, vel in foro, aut in theatro, aliòve huiusmodi publico & frequenti loco, est magis contemnere leges, quàm ex animi perturbatione, vel in abdito lædere.

Itaque series & summa quæstionis huius est hæc. Aristoteles Pythagoreos reprehendit, non quòd iustum in talione posuerint, sed quòd nominatim posuerint in ea talione, quam ex arithmetica proportionem metiebantur: & contendebant, iustum esse simpliciter absolutèque arithmetice talionem. Neque enim hæc in distribuentis iustitia reperitur, & in commutante vix solitaria cernitur, cùm in plerisque commutationibus talio sit ad geometricam proportionem exacta. adeòque non essent Pythagorici reprehendendi, si dixissent, aliquod iustum talione definiri, si talionem præsertim vniuersè dixissent, ac non ad eam adhæsissem, quæ ad viuum atque arithmetice refecanda sit. Quare sic nos decreuimus, iustum simpliciter, absolutèque non posse talione definiri, cùm multa sint in distributione iusta, quæ talionem admittere non debent, ac ne in commutationibus quidem omnibus arithmetice proportionis talionem semper esse: in aliquibus tamen interdum inueniri, sed rarò. talionem demum ex geometrica proportionem definitum in singulis commutationibus esse. Hæc, inquam, dicere debuimus, si Aristotelis doctrinam sequi & scripto tradere volebamus.

Sed suboritur hinc noua quædam ac propemodum inexplicabilis quæstio. Si enim hæc vera sunt, falsò dicimus, geometricam proportionem in solis distributionibus esse spectandam, arithmetice esse commutationibus propriam: quod ita iam in ore omnium est, ut aliud confirmare, & contendere dementiæ sit. Quid ex Aristotele dicendum fuerit, demonstrauimus satis. Repugnantiam verò cum dicto communi puto non tantam esse, ut ad veri concordiam reuocari non possit. Ac nodi quidem solutionem nos indicaui supra multiplicem, sed sparsim & intercisè. Colligenda & exponenda nunc est. Inuento iam ex hominum institutione ac lego nummo, rerum omnium commutatio haud dubiè per arithmetice proportionem sit, quia rerum omnium commutatio haud dubiè per arithmetice proportionem sit, quia rerum omnium æstimatio constituta est; nec possumus iam res commutare, quin pretium ex nummo definitum, & certum habeant. pretium autem pecuniæ alteri pretio simili ad arithmetice proportionem respondet, sed tamen, quia pretium ipsum, quod ex pecuniæ communi mensura rebus imponimus, constitui non potest sine quadam comparatione ad humanam indigentiam, quæ plus, minùsve res pretio taxandas ad vsum efflagitat, geometrica proportio arithmetice antecedit. Neque enim aliud est prior illa rerum comparatio ad inueniendum pretium ex humana indigentia, nisi geometrica proportio vel geometricæ similis: cùm geometrica ipsa proportio nihil aliud sit, quàm duarum comparatio, & similitudo proportionum. Quoniam igitur huius-

modi comparatio in singulis commutationibus aliqua ratione intercedit, iure dixit Aristoteles, errasse Pythagoreos, qui talionem arithmetice proportionis solitariam absque talione geometrica in singulis commutationibus constituerent; cùm singulæ geometricæ proportionem carere non possint. Itaque cùm contendit, in singulis commutationibus geometricam esse talionem, arithmetice esse non negat: sed vult eum geometrica præcedente coniungi. Cæpimus autem omnes iam vulgò dicere, arithmetice proportionem commutationum omnium esse propriam, quia in singulis commutationibus, arithmetice, quæ per nummum, veluti per quantitatem æquato rerum pretio, vltimam videtur imponere manum, rationem habemus, de geometrica non cogitamus: Itaque si vnquam, vbi de commutatione differimus, geometricæ proportionis aliqua mentio sit, dicere soliti sumus, eos qui commutant, eiusmodi proportionem non primò ac per se, sed ex consequenti, & per accidens intueri. Aristoteles autem, quia contra Pythagoricos instituta de industria disputatione differit, in sola geometrica proportionem consistit, quam illi neglexerant, perinde ac si sola hæc esset, quam oporteret in commutationibus inspicere. Cur autem, inquires, in secunda Conclusionem dictum est; in quibusdam commutationibus ex Aristotele solam esse talionem ad arithmetice proportionem exactam? Respondeo, quasdam esse commutationes in quibus exiguum ac propè nullum habeat locum geometrica proportio; cuiusmodi est mutuum, commodatum, & vsus. est enim in compensatione reddendum vel idem, vel aliquid eadem prædictum magnitudine, & quantitate, nec aliud spectari geometrica proportio potest, nisi ex gratiarum actione, quæ debet iustam etiam quantitatis mensuram æqualitatemque compensare. gratiarum autem actio, ut rei acceptæ proportionem respondeat, debet geometricè quidem perpendi: quia verò non ex pactione debetur, sed laudabiliter redditur, ac recte rationi congruenter, in eiusmodi contrahibus geometrica proportio præterita est.

QVÆSTIO SECYNDÆ.

An rerum commutandarum possit esse communis aliqua mensura, quæve nam ea sit.

QVONIAM æqualitatis illa proportio, quæ iustam compensationem, perperfectionemque reciprocam & talionem in commutationibus rerum inæqualium efficit, ex aliqua mensura petenda est, quærere nunc oportet, vtrum eadem omnium sit mensura communis, ad quam singulæ debeant exquiri, quæve demum sit eiusmodi norma, quæ inæqualia possit ad æqualitatem reuocare. Quod ad primum attinet,

Dicunt aliqui, rebus omnibus commutandis non posse certam aliquam & communem

adsignari mensuram, nec res omnes commutandas ad vnam, eandemque mensuram exigere, & perpendi posse. nam quæ nos commetiri possumus, ea videmus eiusdem generis esse, quia mensura eiusdem generis esse debet, cuius est res, quam ipsa metitur. vtraque igitur res permutanda in eodem debet esse genere, in quo est mensura: & quia quæ sunt eadem vni tertio, eadem sunt inter se, res commutandæ, quæ cum mensura genus communicant, communicare deberent idem inter se. id autem fieri non potest, quia res, quæ commutantur diuersæ prorsus genere sunt. ea verò, quæ ad communem aliquam mensuram exiguntur & comparantur, genere oportet eadem esse, vt docere videtur Aristot. in lib. 10. Metaph. & Commentator Auerri. in 4. Phys. ad finem, vbi ait, mensuram non esse extra genus eius rei, quam ipsa metitur. Præterea res, quas inter se commetiri possumus, comparabiles inter se sunt. Sed non omnia, quæ commutamus comparabilia inter se sunt. Igitur non omnia quæ commutamus, commetiri possumus. Res verò commutandas non esse inter se comparabiles, quod est in assumptione positum, docet Aristoteles in lib. 7. Phys. vbi contendit, comparabilia æquiuoca esse non debere. sed res commutandæ quia genere differunt, æquiuocè tantum inter se conueniunt. ergo res commutandæ non sunt inter se comparabiles, & quod inde sequitur, communem aliquam mensuram commetiendæ non sunt inter se.

Sed Aristoteles hic contrà decernit. Ait enim diserte, res commutandas omnes oportere nos prius communem aliquam mensuram perpendere & commetiri, sine qua redigi ad æqualitatem non possunt. Et quoniam id verissimè dicitur, distinguenda res est, ac dicendum: ea, quæ à nobis commutantur, duplici notioni subiecta esse. sic enim interdum ea nos intelligimus, vt solas ipsorum substantias & rationes absolutas ac simplices intelligamus; interdum autem eadem accipimus eo modo, quo in contraham veniunt & humanum adhibentur in vsum. Si primo illo modo intellecta, & animo comprehensa in disputationem vocentur,

Dicendum est, res commutandas non oportere communi mensura commetiendas esse. Res enim commutandæ, si substantiam spectes, longè diuersis subiectæ generibus sunt; ac propterea commetiendæ non sunt; cum ea, quæ differunt genere, communem aliquam admittere mensuram non possint. Deinde, res, quæ communem patiuntur mensuram, ita factæ sunt, vt earum quælibet, si minor altera sit, augeri aut duplicari toties ac multiplicari possit, vt aliquando tandem maiorem vel æquet, vel superet. sed res omnes commutandæ, quod ad earum substantiam pertinet, non ita sunt factæ. nam pretiosi lapides & ferrum, equus, & capra, aliæque huiusmodi, multo etiam magis differentia, in commutationem veniunt, quæ tamen in substantiæ perfectione ita se habent, vt eorum alteram, quantumvis multiplicatam, alte-

rius perfectionem substantiæ nec superet, nec æquet. Sin autem eatenus res commutandæ in disceptationem veniant, quatenus ad vsum humanum adhibentur, distinguendæ iterum sunt.

Videmus enim earum aliquas esse, quæ rectè, ac iure commutentur, alias, quæ nisi per iniuriam aut per summam improbitatem commutari non possint; eum earum commutatio sit naturæ, legibus & honestati contraria. De iis, quæ iustè rectèque commutantur,

Dicendum est, omnia vnam prorsus habere mensuram, & ea esse, quæ nos ad eandem mensuram facillè comparare & commetiri possumus: quod demonstrari sic potest. Necessè est illud in rebus humanis esse, sine quo seruari conuietus, societasque civilis & natura non potest. Homo quippe, vt sæpius ex Aristotele dictum est, natura ciuile animal est, & congregabile, hoc est, ad communicandum cum aliis natum ac factum. Cum ergo natura non desit in necessariis, nec quicquam efficiat incassum, suppetere homini oportet id, sine quo societas humana, & naturalis illa communicatio non seruetur. Sed hæc seruari & retineri non potest, si nos res commutandas ad communem perpendere mensuram, & commetiri non possumus. Ad retinendam enim, conseruandamque societatem naturalem & communicationem humanam necessaria est bonorum omnium, quæ in vsum humanum cadunt, multiplex, & varia commutatio, cum tanta humanæ naturæ sit indigentia, vt mortalium vel nulli, vel rari possint sibi ipsis soli consulere, & necessaria vitæ parare præsidia; quæ tamen commutationis beneficio facillè parant. quippe frumentaria prouincia hæc est, sed vino caret: illa vini feracissima, sed frumentis infæcunda. hic habet calceos, quia sutor est, sed vestibus eget alteri superantibus, qui postulat calceos. Igitur ad vitam degendam humanam oportet hæc homines inter se commutare. hæc autem commutatio nulla esset, si res commutandæ communi aliqua mensura commetiendæ non essent. Nemo quippe, nisi velit gratis esse liberalis, commutabit domum suam, aut vestem longè pretiosiore cum vno calceamento: oportebit igitur calceamentum exquiri domui, vel frumento, vt commutatio sequatur. sed hæc exaquis abique communi mensura non fit: adeoque res commutandas necesse est esse communi aliqua mensura commetiendas. Id, inquam, dicendum est, vbi de iis differitur, quæ iustè ac legitime commutantur. Quod si de iis quoque decernendum sit, quæ iustè commutari non possunt, sunt partienda simili modo, cum eorum etiam duo genera sint. Quædam enim ideo commutare non licet, quia lege vetantur, quædam ideo, quia conditionem, naturamque non habent, vt rectè iustèque commutari possint. Priora, nisi lex vetans ea commutari noller, commutare liceret; ac propterea vt venire possent in humanum vsum, oporteret ad communem aliquam mensuram esse comparabilia, sicut ea, quæ supra diximus. De posterioribus autem

Dicen.

Dicendum est, nullam habere communem mensuram cum iis, quæ fas est iure ac legitimè commutare: quemadmodum à repugnantibus demonstratur. Si enim communem cum iis mensuram obtinerent, possent eius beneficio mensuræ ipsis adæquari, contra quàm suprà positum à nobis est: quia fecimus hæc bona suâ naturâ sic esse, ut cum aliis commutari non debeant. sed si aliis adæquarentur, possent cum ipsis commutari. Quin si perquiramus, quænam eiusmodi bona sint, inductione comperiemus, ad communem mensuram cum aliis comparari non posse, & sic adæquari, ut in commutationem legitimè cadant: sunt enim hæc, vita, salusque corporis, animi bona, coniux, liberi, aliaque ex hoc genere, quæ ceteris anteponimus. Quis enim sanus ac recto iudicio præditus, corporis incolumitatem & vitam cum bonis externis, quantumvis amplis, exaggeratisque commutet? aut quis impudentiæ tam proiectæ sit ut coniugem ac liberos quolibet proposito pretio alienæ potestati tradat, & voluntati? Bona verò animi cum nullis, aut corporis, aut fortunæ bonis communem habere mensuram multò etiam magis perspicuum est. Finis enim bonis animi propositus ita magnus, & excellens est, ut cum corporis & fortunæ bona quantumvis multiplicata & aucta nunquam possint attingere. Præterea sub longè diverso genere sunt: cum animi bona sint honesta; corporis & fortunæ vel iucunda, vel utilia sint. Diversorum autem genera honorum à communi mensura sunt aliena.

Ex his propositorum apparet argumentorum fallacia. Quamvis enim ea, quæ iustè commutantur, eiusdem generis haud sint, & quod ad substantiam earumque rationes absolutas & simplices pertinet, maximè differant inter se; eatenus tamen quatenus in humanum veniunt usum, & subiecta contractibus sunt, certa quadam convenientia, & ratione concordant, quia nimirum utraque socialis vitæ utilia sunt, & indigentiam explent humanam. Itaque quantumvis per se sint æquivoca, & genere discrepent, ad humanum tamen usum adhibita consentiunt, & communem aliquam patiuntur mensuram, quæ commutationem adæquat. Quod si aliqua sint, quæ communem respuant mensuram, ex iis sunt, quæ iustè commutari non possunt: qualia diximus esse animi bona collata cum externis, quæ fortunæ esse dicuntur, & corporis.

Quærendum nunc potius videtur, quænam, qualisve sit hæc mensura, quæ lapides, agros, ferrum, ligna, volucres, quadrupedes, animata & inanimata, aliaque sic inter se discrepantia comparare possit & commetiri. Aristoteles quidem in hoc cap. communem rerum commutandarum mensuram, sed naturalem, humanam esse ait indigentiam. hæc autem videtur esse non posse mensura communis: cum à rebus commutandis genere differat. mensura quippe idem genus cum re communicat, quam metitur. Præterea men-

sura simplex, & indiuidua dicitur in libro 10. meta. Indigentia verò humana non est huiusmodi, cum homines multis rebus & multifariam egeant. Denique mensura patitur id esse secum, quod ipsa metitur. Sed indigentia res venales secum esse non patitur. neque enim cum eas habemus, hisdem amplius indigemus. Verumtamen hæc rationes facilè conuellantur. Prima quippe ac secunda rectè pugnant aduersus mensuram quæ quantitatem adæquat; cum hæc sola debeat cum re, quam metitur, genus habere commune, & simplex atque indiuidua esse, mensuram autem de qua loquimur non oppugnat. hæc enim quia res ex analogia & proportionem metitur, potest alterius esse generis, & multiplex, atque diuidua, cuiusmodi indigentia est, quæ ex comparatione, ac proportionem varia cum indigente spectatur, ac propterea geometricam constituit æqualitatem, & nunc maior, nunc minor est pro personarum indigentium varietate. Tertia verò ratio vincit quidem, indigentiam peculiarem, & certæ alicuius hominis, certæque rei propriam, cum re, quam indigentia peculiaris ipsa metitur, esse non posse; quia ubi rem aliquis obtinet, cuius egebat, indigentia illa peculiaris haud ampliùs est, cum iam ex illa rei præsentia depulsa sit: sed non demonstrat, indigentiam communem haud sinere secum esse res, quas sua vel amplitudine, vel mediocritate, aut paritate metitur. Quod anim de indigentia dicitur, vniuersim dicitur; adeoque satis est, si semper indigentia communis & vniuersa patiatur esse secum ea quæ metiri debet ad iustam commutationem efficiendam. hæc autem semper id patitur, quamvis indigentia peculiaris expleta sit. cum indigentia communis semper habeat cur expleri possit, & res commutandas sua dimensione definiri. Quæstionis ergo

Conclusio sit: indigentiam rectè rerum commutandarum naturalem mensuram ab Aristotele dici. quod primum probatur hac ratione: Pretium & æstimatio rei spectatur ex fine, propter quem ipsa res exhibetur in usum: ideoque Commentator Auerroës in lib. 2. Metaph. docet, nihil esse bonum, & æstimandum, nisi propter finem. Sed naturalis finis, in quem iusta commutatio bona dirigit externa, est humanæ supplementum indigentia. Si enim ego indigeam tritico vinove, quo tu abundas, sed indiges oleo, cuius mihi copia est, commuto tibi vinum aut triticum oleo; atque ita utriusque nostrum expletur indigentia. ergo supplementum indigentia rerum commutandarum est vera mensura. supplementum autem ipsum metiri nisi ex indigentia non possumus. maioris enim pretij supplementum illud est, quod maiorem explet indigentiam, minoris illud, quod explet minorem: sicut pluri æstimandum est vinum, quod maiorem explet dolij capacitatem, quàm quod explet minorem. Secunda ratio ducitur à signo. Cernimus quippe eo tempore, quo vinum deficere iam incipit, vinum ipsum vendi carius, quia maior eius

est indigentia: & in iis regionibus in summo esse pretio, vbi vites terra non patitur, quia ibi summa eius indigentia est. Tertia ratio. Iustitia commutans non æstimat rerum commutandarum pretium naturale. si enim hoc in commutationibus perpenderetur, pluris esset æstimanda musca, quoniam animata est, quàm aurum, omnesque vniones & gemmæ, quæ sunt inanima. Sed earum æstimat pretium eatenus quatenus in humanum veniunt vsum. In humanum autem vsum non veniunt, nisi vt humanas expleant indigentias. ergo tantum est illarum pretium, quanta humana indigentia est: adeoque rerum commutandarum mensura, ipsa est hominum indigentia.

Neque verò est, cur dicas, hinc consequens esse, pauperes, quibus maior indigentia est, oportere carius triticum emere, quàm copiosos, & opulentos viros, qui eodem tritico minus egent, quia non est huius aut illius indigentia hominis ea, quam nos rerum commutandarum mensuram & pretium appellamus, sed communis eorum, qui non quidem actu commutant, sed possunt inter se commutare. Itaque tametsi certus aliquis homo, ac singularis rei pretium ex indigentia non metiatur, vniuersè tamen id verum est, pretium ex indigentia metiendum esse, hoc est, ex communi, qua in aliqua regione communiter homines teneri solent. quòd si aliquis minori, quàm alij teneatur, id accidens est. Vel certè concedendum est, diuitem hominem emere minoris, quàm pauperem, vbi nulla lege constitutum est pretium, quia cum minus egent, non tanto pretio cogitur emere, quanto coguntur ceteri, qui plus egent, ac propterea mensuram hanc naturalem admittere pro singulorum indigentia varietatem; quia non est vniuersi modi & individua, sicut ea, quæ adæquat, & comparat quantitates. Quòd si lege vel conuentione mercatorum constitutum sit pretium, etiam diues pari pretio cogetur emere, sicut communis indigentia postulat. Qui enim illud decreuerunt rerum commutandarum pretium, non hanc, aut illam intulerunt indigentiam, sed communem, qua solent homines in certis provinciis, regni que laborare. Sed

Potest tamen obiici fortasse quiddam valentius: est autem huiusmodi. Multa sunt, quæ valde carè æstimantur & summo habentur in pretio, quibus tamen haud multum nos indigemus, & quibus ipsi tantum vtuntur opulenti homines, non tam ad indigentiam, quàm ad infinitam quamdam cupiditatem explendam, quæ non degendæ vitæ necessaria quærit adiumenta, sed delicias superuacaneas & voluptates. Non est igitur indigentia, commutationis siue rerum mensura commutandarum. Id, inquam, videtur esse difficilior. Sed animaduertendum est, diuites ac pauperes duplici modo se habere, duplicique modo à nobis intelligi posse: primo quidem, si solum spectentur ex copia, inopiæque bonorum fortunæ, quemadmodum vulgò spectantur, & intelliguntur ab omnibus, qui bonis fortunæ circumfluentes exultant solum, & dicunt

diuites, eorumdemque bonorum egestate laborantes appellant pauperes. Secundo, si non eorum consideretur bonorum copia vel inopia, sed animi cupiditas aut moderatio. Hæ quippe affectiones animi varix, faciunt, vt quod alicui non est satis, sit satis alteri, & plus quàm satis. qui modus est iis metiendis aptissimus diuitiis, quæ à sapientibus verè diuitiæ nominantur, & illi definiendæ paupertati, quæ iure meritoque paupertas est appellanda. Iudicem consulamus ipsum etiam Epicurum apud Senecam sic decernentem. Honestas res est & lata paupertas. illa verò, inquit Seneca, non est paupertas si lata est, cui enim cum paupertate bene conuenit, diues est. Non qui parum habet, sed qui plus cupit pauper est. Quid enim refert quantum illi in arca, quantum in horreis iaceat, quantum pascat, aut fœneret, si alieno imminet, si non acquisita, sed acquirenda computat? Quis sit diuitiarum modus quæris? Primus, habere quod necesse est, proximus quod sat est. Paradoxum Ciceronis vltimum totum huc pertinet; vbi præclare res explicatur. Animus tuus, inquit, oportet se iudicet diuitem, non hominum sermo, neque possessiones tuæ qui si tibi nihil deesse putas, nihil curas amplius, concedo, diues es. Sin autem propter cupiditatem pecuniæ nullum quæritum turpem putas, si quotidie fraudas, decipis, poscis, pacisceris, aufers, spoliās. &c. hæc verum abundantis an egentis signa sunt? animus hominis diues, non arca appellari solet. quamuis illa sit plena, dum te inanem videbo, diuitem non putabo. legendus est Iust. Lips. in Manud. ad Stoicam philosophiam. dissert. 11. parad. 9. & Aristoteles in lib. 1. Rhetor. vbi discretè ait, tam pauperes, quàm diuites concupiscere: pauperes quidem propter indigentiam, diuites autem propter exuperantiam. Itaque duplicem videtur indigentiam facere, alteram pauperum, quæ necessariis vellet expleri vitæ præliis; alteram diuitum, quæ superuacaneas opes efflagitat ad potentiam, minimèque necessariae voluptates. Quibus positis, argumento sic respondetur: commutationis mensuram non modò esse indigentiam rerum necessariarum, quæ apud pauperes est, verum etiam indigentiam exuperantiæ, siue rerum superuacanearum, quæ in diuitibus cernitur. Qui enim concupiscit indiget, & quanta illi cupiditas est, tanta etiam est indigentia, ex qua rerum quæ ad delicias emuntur, constituendum est pretium. Nihil adeo mirum est, si diuiti emenda magno pretio hæc ipsa sunt: cum eorum indigentia labore magna, hoc est, tanta, quanta eorumdem habendorum cupiditate tenetur.

Sed quæres qui fieri possit, vt etiam nummus rerum commutandarum mensura iure dicatur & sit, cum vnius rei secundum vnā rationem commetiendæ vnica debeat esse mensura. Commutabilia namque secundum nullam rationem in nummi cadere mensuram possunt, nisi secundum eam, qua in vsum venire dicuntur humanum. Sed secundum hanc rationem aliam habent mensuram, quæ hu-

mana indigentia est. ergo non possunt secundum ullam rationem cadere in nummi mensuram. Deinde: si nummus rerum mensura venalium esset, sequeretur, semper æquali eodemque pretio emi posse venalia: quod contra tamen accidit: cum interdum viginti nummis vnum tantum vini dolium emamus, interdum duo. Denique; quia rerum commutatio ad vitam tuendam & retinendam civilem necessaria est, natura verò numquam deest in necessariis, efficitur, institutum & paratum à natura esse quicquid necessarium est ad commutandum. Sed nummum à natura non extitisse, & in nostra esse potestate, suo illi priuare pretio, atque inutilem reddere, docet hic Aristoteles. Igitur nummus non est necessaria mensura rerum commutabilium. Hæc, inquam, videntur ostendere, duplicem rerum commutandis non posse designari mensuram, adeoque nummum oportere ab ipsius mensuræ ratione depelli. Sed Aristoteles contra contendit, tum in hoc cap. tum etiam in lib. 1. Polit. vbi ait ex necessitate ortum habuisse nummum, quia res commutandæ non poterant ex longinquis regionibus ad longinquas & remotas abique summis incommodis importari. Itaque duabus positionibus hæc definienda quæstio est. Quarum

Prima sit: perfectæ hominum consuetudini conservationique societatis humanæ vsum nummi per necessarium esse, ut rerum commutationes fiant, & commercia celebrentur, sine quibus esse conuictus & mutua communicatio non potest. quod multiplici ratione monstratur. Prima ex locorum, vbi res commutandæ sunt, longinquitate delimitur. Dantisci in Polonia, exempli gratia, frumenti vis ingens & copia est, sed vini, in primisque rubelli summa penuria: quo affuit, dissuitque Provincia in Gallia. Volunt ergo Dantisci populares triticum suum cum vino illo Provincie commutare; sed importatio longissimum, per Oceanum Balticum, & mare Mediterraneum postulat circumactum, adeoque sumptibus exhauriretur quicquid inde referri compendium posset, & nihil aut certe perparum vni rubelli pro magna frumenti copia reciperetur. Necesse igitur est, aliquid esse paræ quidem molis, sed magni pretij, quod & frumento æquipolleat, & vino, cuius beneficio possit verumque parari. id vero nihil aliud commodius esse potest quam nummus: qui Dantisci pro tritico accipiat ex mercatoribus, qui de propinquioribus locis frumento indigentibus eò commeant; numereturque in Provincia pro vino rubello quod deportandum in Poloniam sit. Secunda ratio duci potest ex longinquitate temporum. Et enim ego nunc vini plurimum habeo, anno consecuturo habebo nihil, aut parum. vinum quod mihi nunc est, seruare non possum. oportet igitur aliquid esse, quod ego nunc accipiam loco vini, & idem retineam ad vinum parandum, cum opus erit. id autem nihil aptius esse quam pecunia potest. Atque hæc est ratio, quam iupia subobscure nobis indicauit Aristoteles his penè verbis. ad futuram

verò commutationem, si nunc non indiges, numisma fideiussor est, si fortassis indigebis. Tertia ratio petitur ex multiplici, variæque hominis indigentia. operam suam, exempli causa, opulento viro locat faber, aut rusticus, qui multis indiget rebus, veluti pane, oleo, vino, veste, calceamentis, aliis denique longè plurimis, quæ apud diuitem omnia sunt. Ergo si faber, aut rusticus eum ex suo capturæ labore sit fructum, quem ad vitam tuendam esclagitat, aliquid recipere debet, cuius vi omnia possit sibi comparare per partes. Id autem nummus & pecunia est. Quarta ratio ex quibusdam desumitur rebus magni pretij, quæ diuidi non possunt. Equum habeo; sed egeo veste, cibariis, calceamentis. Equum profectò non dabo sutori, qui vestem, quam cum equo permutet fortasse non habet, nec agricolæ, cui forsitan calceamenta non sunt, quæ pro equo mihi rependat. quin id etiam fieri facile potest, ut neque sutor, neque agricola indigeat equo. Cum igitur equus diuidi non possit in partes, & qui res habent singulas, equo non egeant, necesse est aliquid equi loco recipere, quod diuidi queat: cuius nimirum pars cum veste, pars cum cibariis, pars cum calceis, aliisque humanæ vitæ munitis facile commutetur. Quapropter oportet, ut præcipiunt aliqui, nummum certis quibusdam esse præditum conditionibus, ut commodiorem præbeat vsum, & rebus æquipolleat singulis. Prima lex & conditio est, ut nummus parua quantitate ac mole contineatur: ne si plus nimio magnus sit, imminui per fraudem facile possit. ex parua quippe mole quicquid decerpseris, illi eò deprehenderetur. Secunda: ut præ se ferat alicuius vitæ principis effigiem, vel insignia, vel characterem, ne possit adulterari, falsusque pro vero supponi. id quippe si fieret, commutationum tolleretur æqualitas. Tertia: ut certi ponderis sit. aliter enim non posset certum pretium rebus commutandis imponi. Quarta: ut constantem & permanentem habeat æstimationem. Nam si facile mutaretur, non posset indigentia futuræ consulere. Quinta, ut in materia designetur æstimabili. Ita enim fiet, ut in exigua re, paruoque loco plurimum pretij reponi possit, & ad loca longinqua facile circumferri. Sexta denum: ut diuidi possit in partes exiguas, idque in gratiam, vsumque præcipue pauperum, qui læpè rebus indigent plurimis, quæ vili veneunt, aut pretio constant mediocri.

Secunda Positio. Ex hac nummi opportunitate, ac necessitate consequens est: nummum rerum commutandarum necessariam esse mensuram: sed qua ratione illas metiatur, necesse est paulò copiosius explicare. Pecuniarum pretium ex humana indigentia metiendum & constituendum à Principibus est in aliqua materia, ut diximus, æstimabili, hoc est, ea, cuius indigeant homines. Quamquam enim ad necessaria vitæ paranda præsidia auro nos, argentove fortasse non indigemus, eo tamen primates, & viri diuites ad luxum & exuperantiam indigent: adeoque videmus aurum

argentive massam tanti propemodum esse pretij, quanti est eadem massa, ubi in monetam redigitur, & Principis effigie, vel charactere consignatur. Cum ergo pecuniarum pretium ad humanarum indigentiarum mensuram exactum & constitutum fuerit, res omnes commutandae faciliè possunt aestimari ex proportionem, quam obtinent cum pecunia. quæ enim proportio cum humana iis indigentia est, ea prorsus cum pecunia erit; cum ipsa quoque pecunia ab humana item indigentia mensuram acceperit, & pretium suum. Neque verò discutendum est, posse Principem, aliquam iam constituta, & in usum circumcurrente pecunia, nouam eudere nouo cum pretio, ac decernere, verbi gratia, nouum denarium à se institutum tribus aestimandum esse denariis veteribus iam proscriptis. Id, inquam, concedendum quidem est. sed si materia noui denarii ad humanam indigentiam comparata non tanti vel propè tanti sit aestimabilis, quantum decernit Princeps aestimandam esse, faciet haud dubiè contra iusticiam; cum ex populi pecunia quam proseripsit, pecuniosior ipse fiat, & opulentior. Excipienda tamen est belli necessitas, aut difficillimum aliquod Reipublicæ tempus, quo tempore fas sit Principi priuatorum bona communia facere.

Argumentum autem primo loco propositum, quo contendebatur, vnius rei vnicam oportere mensuram esse, non duas, quemadmodum velle videmur nos, cum non solum humanam indigentiam, verum etiam nummum rei cuiusque commutandæ mensuram facimus, argumentum, inquam, hoc confutamus, sic respondentes: mensuram propriam, primam, principem, immediatam rerum commutandarum vnicam esse, in humana videlicet positam indigentia: non tamen absurdè dici, aliam quoque mensuram esse mediam, & secundariam, quæ primæ illi, immediatæque commensura & adæquata, vna cum ea possit omnia dimetiri. Quod secundo loco dicitur, consequens ex nummo res dimittente non est. Neque enim quia certum est illi pretium constitutum, sequitur, res venales eodem semper venales esse pretio; cum nummus certa rerum venalium mensura non sit, nisi eatenus, quatenus & nummus ipse, & res venales ad humanam indigentiam referuntur. Itaque quia humana variat indigentia, & hunc maior, hunc minor rerum venalium copia est, nihil mirum esse debet, si pretium venalium variat, eodem semper pecuniarum pretio permanente. Facilius tamen impenditur nummus hoc tempore, difficilius alio; pro copia nimirum, penuriæve pecuniarum.

Extremum argumentum id habet: naturam, quæ necessaria vitæ degendæ præsidia dat omnibus, debuisse mensuram quoque commutationi necessariam constituere, nummus autem naturalis mensura non est. Sed hoc etiam ita confutatur. tantam populorum, gentiumque multitudinem, quanta nunc est, dico haud contumodè in sociali vita conservari, & reuereri posse absque plurimis rebus,

quas natura sine aliquo artificio non suppeditat. Neque tamen hinc sequitur, naturam in necessariis deficientem & curtam esse. impertita quippe nobis est rationem, cuius beneficio artes & opificiorum omnia genera comparamus.

QVÆSTIO TERTIA.

Utrum iustitia inter duas vitiositates extremas posita sit.

QUÆRENDUM id etiam est: quia pronunciauit hic Aristoteles, iusticiam esse quidem medium, siue mediocritatem, sed non tamen eo modo, quo ceteræ virtutes sunt: cum ipsa duobus utrinque vitis non intercipiatur, sed vni tantum, hoc est, iniustitiæ opposita sit. Idque firmat his argumentis: Extrema ceterarum virtutum ita se habent inter se, ut vnumquodque vitium per se sit ab altero distinctum, illique contrarium. auaritia quippe vitium est ipsa per se, à prodigentia differens: & timiditas etiam per se vitium est ab audacia longissimè discrepans: adeoque liberalitas & fortitudo duobus vitis iure dicuntur intercipi. sed extrema iustitiæ longè alio modo comparantur inter se. neque enim vnum extremum vnum constituit vitium ab altero & re distinctum, & nomine, sed re ac nomine prorsus idem. siue enim quis per exuperantiam, siue per defectum peccarit, vnum iniustitiæ peccatum admittit, non duo inter se discrepantia, sicut in ceteris accidit. Itaque tametsi iustitia inter duo posita extrema sit, non est tamen duobus interiecta vitis inter se distinctis: cum extremum vtrumque vnum idemque vitium tam per defectum quam per exuperantiam pariat. Sit ergo rationis hæc forma: Idem vitium vtrouque tenetur extremo, quibus interposita iustitia est. tam enim qui plus æquo sibi sumit de bonis, quam qui minus æquo sibi sumit ex malis, & tam is, qui sibi plus æquo tribuit, quam qui minus alteri, per vnam eandemque iniusticiam peccat. ergo iustitia quamuis duobus intermedia sit extremis, non tamen duobus vitis intermedia est. Præterea iustitia, ut dicitur supra, media est inter iniustum facere, & iniustum pati. qui enim agit iniuste, aduersus aliquem agit iniuste. ergo in qualibet iniustitia necesse est aliquem iniuste agere, aliquem iniuste pati: inter quæ iustitiæ virtus interiacet; cum sit mediæ coniectrix. Sed qui patitur iniuste, nullum patitur ob vitium saltem voluntarium & morale. Igitur iustitia ex ea parte, suo quidem premitur extremo, sed minimè vitioso: adeoque vnum tantum habet vitiosum ex altera, cui solum ipsa opponitur, & aduersatur.

Ceterum quamquam hæc verè dicuntur, à Buridano tamen & Giraldo duabus rationibus oppugnantur. Quarum prima hæc est. Quod singulis debetur virtutibus ex communi ratione ac definitione virtutis, eodem plane modo debetur singulis. Sed esse medium

inter duo vitia singulis debetur virtutibus ex communi ratione ac definitione virtutis, ut dictum est in lib. 2. cap. 5. Igitur id eodem planè modo ipsi quoque debebitur iustitia, cum debeatur virtutibus singulis, ac propter ea ipsa quoque iustitia duobus virtus, licet ceteræ virtutes, est interiecta. Secunda. Ex actionibus gignitur, & creantur habitus, & ex talibus actionibus tales habitus generantur. Igitur ex actione iniustitiae, quæ peccat in nimio, gignitur talis habitus, & ex ea quæ per defectum peccat, gignitur talis; talis autem habitus à tali discrepat, adeoque duò vitia sunt, quibus interiacet iniustitia.


Huius solutio quæstionis ex alterius explanatione pendet, cum quæ videtur inuoluta. Videndum enim est quomodo verum sit quod ab eodem Aristotele dicitur, opus iustum esse medium inter iniustum facere, & iniustum pati: ex hoc enim sequi videtur, iustitiam esse mediam inter duas iniustitias.

Animaduertendum igitur est: non hîc queri an iustitia duobus extremis interponatur. Cum enim sit virtus moralis, dubitari non potest, quin ipsa mediocritas quædam inter extrema sit, & quidem, inter plus ac minus æquo interiecta, atque inter duo inæqualia ponens æqualitatem. sed iure tamen dubitatur, ac queritur, an hæc duo extrema tali sint, qualia ceterarum virtutum moralium esse diximus, hoc est ea, quodum utrumque vitium, siue viciositas sit. quia qui per defectum peccat, haud dubiè iniustitiae vitium & iniusti appellationem contrahit, cum quod debet, aut quantum debet, alteri non reddat; sed qui per exuperantiam plus reddit; quam debeat, nunquam in vitio iniustitiae dicitur esse, neque iniustus appellari potest. Altera tamen ex parte qui plus sibi de bonis sumit, de malis minus; & alteri plus de malis dat, minus de bonis, ex utraque parte, hoc est, & per excessum & per defectum vitiorum videtur iniustus.

Animaduertendum itaque rursum est, pro multiplici iustitiae varietate multis modis aduersus eam illos peccare qui sunt iniusti; interdum quidem per excessum, interdum vero per defectum. In distribuyente quippe peccat is, qui sibi plus sumit ex bonis, & minus ex malis, & alteri plus tribuit ex malis, ac minus ex bonis: in commutante verò is, qui non id, aut tantum reddit, quod & quantum debet. Si enim plus reddit, nihil contra iustitiam facit; sed facit ille, qui in distributiva iustitia sibi plus sumit ex bonis. Ut igitur hanc varietatem brevissimis complecteretur verbis Aristoteles, dixit, iustitiam esse positam inter iniustum facere & iniustum pati. Qui enim in distributione plus de malis ac minus de bonis habet, iniustum patitur: qui sibi plus sumit ex bonis, de malis minus, iniustum facit. In commutationibus verò qui minus accipit, iniustum est passus, qui minus reddit, iniustum fecit. Iustitia igitur est medietas inter iniustum facere & iniustum pati, non

tamquam inter duas iniustitias & distincti vitia, sed tamquam inter duos eiusdem iniustitiae modos. dicitur autem esse medietas effectiva, quia medium inter duos illos constituit eiusdem iniustitiae modos. Accipit enim id quod plus est ab eo, qui fecit iniustum, & quæ dat; qui propterea per passus iniustum est, quod minus accepit atque ita constituit æqualitatem illam, in qua vis omnis posita iustitiae est. Sed extrema, inquam, illa duo, quibus intercipitur iustitia, vitia inter se distincta & differentia non sunt; quia tamen iniustum facere viciositas est, iustum tamen pati non vitium, sed accepta iniuria, siue, ut loquuntur aliqui, pœna est. non potest enim vitium dici quod sponte susceptum, voluntariumque non sit. nichil autem voluntarium & sponte iniustum patitur, & afficitur iniuria, ut quæ in distributionibus, atque in commutationibus cernitur. Siue enim quis, animaduertens, se plus accepisse, sponte reddit alteri quod plus accepit, licet apud Iudicem tractata iam sit, alter cogitur reddere quod plus habet, & eius damnum sarcire, qui minus habuit, illi qui damnum fecit, iniustus censetur, quia damnum iniustumque passus est, nunquam excusetur, & dicitur iniustus, sed iniqua pœna multatus aut affectus iniuria. Constat ergo, iustitiam non esse mediocritatem inter duo vitia, sed inter vitium ex altera parte, quod propriè verèque iniustitia dicitur, & inter acceptam iniuriam, siue pœnam ex altera, quod vitium non est.

Dicendum igitur est, Iustitiam esse quidem inter extrema duò, sed vni tantum oppositi vitio, quod ex utroque constatur extremo. ex eo enim quod aliquis iniuriam & damnum fecit, & ex eo, quod alter iniuriam accepit & passus est damnum, iniustitia componitur, quæ sola contraria iustitiae est. Itaque duobus virtus interiecta non est, quamquam verè duobus intercipitur extremis. Rationes quæ rem sic esse demonstrant, initio sunt explicatae. Restat adeo solum, ut argumenta contra proposita refellamus. Quorum primum falsò ponit, in communi definitione virtutis dici, quamlibet omittendò virtutem esse mediocritatem inter duo vitia. dicitur enim Virtus vniuersim esse mediocritas inter extrema; verum autem extrema illa semper oporteat esse vitiosa, non dicitur. Secundum verò frustra laborat. Nam & ex eo, quod est nimium, & ex eo, quod est parum, talis gignitur habitus, qualem postulant actus. sed actus ex utroque capite, hoc est, ex defectu & exuperantia postulans, ut idem gignatur habitus iniustitiae, cum, siue in nimio peccetur, siue in eo, quod parum est contra iustitiam vnus idemque iniustitiae gignatur habitus. In aliis verò virtutibus contra sit. Qui enim contra Temperantiam, aut fortitudinem, aut liberalitatem peccat per defectum, contrahit habitum longè discrepantem ab eo, quem contrahit is, qui per exuperantiam peccat.



CAPVT SEXTVM.

DE EO, QVI VERE SIT APPELLANDVS
iniustus, ac de multiplici iurē.

S V M M A.

Qui verè appellatur iniustus, cum à fine sic appellari in quolibet iniustitiæ genere, siue ciuili contrario iuri, siue alteri, quod per analogiam ius nominetur.

DIVISIO CAPITIS IN PARTES TRES.

1. Iniustus ne dicendus quilibet sit, qui facit iniuste.
2. Quid politicum iustum sit, quibusve conuenias, & quibus minimè.
3. Iustum herile, paternum, & conjugale, non simpliciter, sed per similitudinem & comparationem iusta sunt.

PARS PRIMA CAPITIS SEXTI.

ΕΠΕΙ δὲ ἔστιν ἀδικυῶτα μήπω
ἀδικεῖν εἶναι, ὅποια ἀδικήματα ἀ-
δικῶν ἢ δὴ ἀδικεῖς ἔστιν ἐκείνων ἀδι-
κίας, οἷον κλέπτειν, ἢ μοιχεύειν, ἢ ληστεύειν;
ἢ οὐ πῶς μὲν οὐδὲν δόλοσιν; καὶ γὰρ αὖ
συλῆναιτο γυναικί, εἰδὼς δὲ ἡ. ἀλλ' οὐ
ἀλλ' ἀποπαρέσχεις ὁρῶν, ἀλλὰ δὲ
πᾶσι. ἀδικεῖ μὲν οὖν, ἀδικεῖ δὲ οὐ
ἔστιν. οἷον οὐδὲ κλέπτειν, ἔκλεψεν δὲ.
οὐδὲ μοιχεύειν, ἐμοιχέυει δὲ. ὁμοίως
δὲ καὶ ἐπὶ τῶν ἄλλων. πῶς μὲν οὖν
ἔστι δὲ αἰτιοποιεῖς τοῦτο δὲ δικαιοῦς
εἶναι καὶ ἀδικεῖν.

Quoniam autem accidit, cum qui iniuste faciat, nondum iniustum esse, qualia iniuste facta sunt, qua iniuste faciens iam iniustus est in vnaquaque iniustitia, ut fur, aut adulter, aut latro, an ita quidem nihil insereris? Etenim fieri potest, ut quis coeat cum muliere, sciens cum qua: non tamen ob electionis principium, sed ob affectum. iniuste quidem facit, iniustus autem non est: quemadmodum nec fur, furatus tamen, nec adulter, adulteratus tamen. similiter autem & in ceteris. Quomodo igitur se habeat reciproca perpeßio ad iniuste factum dictum est ante.

EXPLANATIO.

DIVISIT supra iustitiam iniustitiámque in partes duas, easque & iustum simul atque iniustum duplex, quod ab utraque proficiscitur, bene longa declarauit oratione. Sed quia iustum, iniustumque adhuc multifariam dicitur, nec superior illa diuisio complectitur omnia, quæ iusta nominantur & iniusta, aggreditur ea persequi singula, initium capiens à dubitatione, vel quæstione hoc ponè inodo. Quoniam contingere ac fieri sanè potest, ut aliquis iniustum quidem faciat, nec dum tamen iniustus sit, ex quibusnam vnusquisque appellandus erit iniustus in quolibet iniustitiæ genere, velut in furto, in adulterio, in latrocinio, in huiusmodi ceteris? Num hæc dubitatio aspernabilis est, nec, quicquam interest, verum aliquis iniuste faciat ex habitu, an subita quadam animiuerturbatione commotus, sed quacúmque demum ratione iniuriam faciat, illico dicendus iniustus est? Certè qui non facit iniuriam ex electione, consilioque suscepto, non appellatur iniustus. Neque enim dicendus est fur aus

latro qui non furetur aut latrocinetur, furtum ipsum aut latrocinium eligens, & ex habitu, sed impetu vehementi, atque impotenti animi commotione pertractus. Quin is etiam, qui cum aliena coniuge impudicè se miscet, alienam esse non nescius, opus quidem iniustum facit, & adulterium perpetrat, iniustus tamen, adulterque dici non debet, si hoc ex animi consilio non facit, sed cupiditate solum effreni, ac libidine concitatus. Hoc, inquam, modo atque his penè verbis Aristoteles exorditur, ambigens num dici debeat iniustus & improbus, qui non consultò, sed ex animi perturbatione aliquid faciat quod iniustum videatur, & improbum. Ac merito sanè hac de re dubitatur; cum nemo peccantium sit, qui excusationem ab hoc capite non repetat aliquam. Ita nimirum aliquo modo se purgat Thaidi Chersona Terentianus. Vnum scito, inquit, contumeliæ me non fecisse causa, sed amoris. Nimirum in omni prorsus iniustitiæ genere permultum interest, utrum animi aliqua perturbatione, quæ plerumque brevis est, atque ad tempus suscepta, an consultò & cogitatò iniuria fiat. Merito igitur & iure quærendum est, quibus ex circumstantiis fiat, ut qui facit iniustum, verè proprièque sit appellandus iniustus. Ex hoc enim planius intelligetur quid iustum etiam sit, & quis demùm appellationem ac nomen iusti promereatur. In eam quippe gratiam de iniusto disputatio suscipitur, ut iustum ipsum, quod est multiplex, distinctius ac melius intelligatur. est enim civile, herile, æconomicum & coniugale, ut infrà dicitur.

Ceterum quia posset aliquis ambigere an hoc iustum multiplex & varium, de quo disputaturus est, in reciproca illa perpeffione sit positum, quæ ratio dicitur, ait ad extremum, de hac satis suprà se disputasse, nec aliquid ampliùs adiiciendum hic esse.

PARS SECVNDA CAPITIS SEXTI.

ΔΕΙ δὲ μὴ λαμβάνειν, ὅτι τὸ ζυγόν, καὶ τὸ ἀπλῶς δικαίον, καὶ τὸ πολιτικὸν δικαίον. τὸ πρῶτον δὲ ἐστὶν ἐπὶ κοινῶν βίου πρὸς τὸ εἶναι αὐτάρκειον, ἐλευθέρων καὶ ἴσων, ἢ κατ' ἀναλογίαν, ἢ κατ' ἀριθμὸν. ὥστε ὅσοις μὴ ἐστὶ τὸ πρῶτον, οὐκ ἐστὶ βύπαις πρὸς ἀλλήλους τὸ πολιτικὸν δικαίον, ἀλλὰ ἢ δικαίον καὶ κατ' ὁμοιότητά. ἐστὶ γὰρ δικαίον, ἐν οἷς καὶ νόμος πρὸς αὐτοὺς. νόμος δ' ἐν οἷς ἀδικία. ἢ γὰρ δίκη, κρίσις τῶ δικαίου καὶ τῶ ἀδίκου. ἐν οἷς δ' ἀδικία, καὶ τὸ ἀδικεῖν ἐν βύπαις. ἐν οἷς δὲ τὸ ἀδικεῖν, οὐ πάντες ἀδικία. τὸ πρῶτον δ' ἐστὶ, τὸ πλεον αὐτῶν νέμειν ἢ ἀπλῶς ἀγαθῶν· ἐλάττω δὲ, ἢ ἀπλῶς κακῶν. δὲ οὐκ ἐν οἷς αὐτῶν ἀρχὴν αὐτοκρατορίας, ἀλλὰ τὴν λόγον. ὅτι ἐαυτῶν τὸ πρῶτον ποιῶν, καὶ γὰρ τύραννος. ἐστὶ δὲ ὁ ἀρχὴν φύλαξ τῶ δικαίου. Εἰ δὲ τῶ δικαίου, καὶ τῶ ἴσου. ἐπὶ δ' οὐκ αὐτῶν πλεον εἶναι δικαίον, εἴτε δὲ δικαίον (οὐ γὰρ νέμει πλεον τῶ ἀπλῶς ἀγαθῶν αὐτῶν, εἰ μὴ πρὸς αὐτοὺς ἀναλογίαν ἐστὶ) δὲ ἐπὶ τῶ πρῶτον ἀλλότριον εἶναι φασι ἀγαθῶν τῶ δικαίου.

ΟPortet autem non latere, id quod quaeritur esse & simpliciter iustum, & civile iustum. Hoc autem est in sodalibus vita ad constituendam rerum copiam sufficientem liberorum hominum & equalium, vel secundum analogiam, vel secundum numerum. Quapropter quibus non est hoc, non est is inter ipsos civile iustum, sed quoddam iustum & secundum similitudinem. Est enim iustum in iis, in quibus & lex inter ipsos: lex verò in iis, in quibus iniustitia. Nam iniustitia diiudicatio est iusti & iniusti. In quibus autem est iniustitia, etiam iniuste facere in iis est. in iis verò, in quibus est iniuriam facere, non in omnibus est iniustitia. hoc autem est plus sibi tribuere simpliciter bonorum, minus verò simpliciter malorum. Quapropter non sinimus dominari hominem, sed rationem: quia sibi hoc facit, & fit tyrannus. est autem qui imperat custos iusti. si autem iusti, & equalis. Quia verò nihil sibi plus esse videtur, si quidem iustus (non enim tribuit plus simpliciter boni sibi, nisi ad ipsum proportionem accommodatum sit) idcirco alteri laborat, & propterea alienum esse dicunt bonum iusti.

filium, seruum ac dominum, vxorem & virum, iustitia propriè, iustumque non est. ergo his propriè, præcipuèque non datur lex, adeoque iisdem ius ciuile non congruit, nisi per similitudinem & comparisonem, vt dictum est. Necesse igitur erit aliud constituere ius, quo hi teneantur inter se in ea societate, quam natura tribuit singulis: cuiusmodi est herile, paternum & coniugale, quæ viuendi communiones sunt, vt docuit Aristotel. in lib. primo Politicorum, naturales. Quod si quæras, quid sit hoc iniustum, quod intercedere potest solum inter æquales, & quod lege corrigendum vel vindicandum sit, respondet primum, non semper iniustum ab iniustitia, hoc est, ab habitu proficisci; cum plurimi ex solis animi perturbationibus iniuste faciant, sed iniustitiam semper iniustum parere: ac propterea non semper vbi est iniuste facere, ibi etiam iniustitiam esse, quamquam contra vbi est iniustitia, hoc est, habitus, iniuste facere semper est. Respondet deinde, hoc iniustum, quod iure ciuili corrigitur & vindicatur, nihil aliud esse, quàm plus sibi tribuere de iis, quæ sunt simpliciter & absolute bona, quales honores ac diuitiæ sunt, minus autem de iis, quæ simpliciter & absolute sunt mala, cuiusmodi labores sunt, & incommoda publica, quorum oporteat vnumquemque participem esse.

Quapropter non sinimus hominem, &c.] Colligit ex dictis tria. Primum est: in recto Ciuitatis & Reipublicæ statu non permitti homines dominari ex voluntate vel arbitrio, sed ex lege ac ratione: vt intelligamus, illam æqualitatem, quam postulat ius ciuile, ipsos quoque complecti Principes, & Magistratus. Quamquam enim ob imperium quod obtinent, videntur inæquales, iure tamen ciuili ac lege tenentur. neque enim ipsi sic coniuncti cum ciuibz sunt, sicut filius cum patre, cum seruo dominus, cum coniuge vir. Inter hos enim est tanta copulatio, vt seruus domini, filius patris, vxor viri portio quædam esse videantur, ac propterea veram propriamque non admittunt æqualitatem, quæ inter res omnino seiunctas intercedere debet. Inter ciues, inquam, & magistratus siue Principes non est tanta coniunctio; adeoque non sinimus, inquit, rectores ciuitatum plus sibi sumere de bonis, minusque de malis. In eam enim gratiam institutus est Princeps, vt iustitiæ custos, & æqualitatis sit. quam profecto primus euerteret, si plus sibi de bonis, de malis verò minus vlturparet, quod est proprium Tyrannorum. Ministrum & custodem iuris Principem facit etiam Iurisperitus in l. nam & ipsum ius ff. de iustit. & iure & Plato in lib. 4. de leg. vultque Magistratum subesse legi, & legi seruire, nec plus sibi sumere, &c. vt perfecta Reipublicæ sit æqualitas, de quo pluribus disputat. Præclare Seuerus & Antoninus Imperatores, Licet legibus soluti simus, inquiunt, tamen legibus viuimus. Secundum est: Principem tamen & Magistratum non violare iustitiam & æqualitatem, cum aliquid plus de bonis accipiunt, ac de malis minus. Seruatur enim tunc proportionis æqualitas, quæ distributiones in ciuitate moderatur. Nam quia Princeps pro publica tranquillitate velut excubias agit, & aliis laborat, ac vigilat, pluribus est dignus bonis, ac minoribus debet subesse malis, vt ex labore fructum & mercedem accipiat, si geometrica proportio, non æqualitas arithmetica spectanda sit. Tertium est. Huiusmodi mercedem longè maiorem, ampliorèque quæ Principi debetur & Rectori ciuitatis, nihil aliud esse, quàm honorem, decus, & gloriam, quæ illis ab omnibus vt par est, exhibentur. Quod si quispiam sit, cui hæc tam ampla bona non satis sint, sed requirat præterea plura, veluti compendium ac lucrum diuitiarum, cum ait iniustum illico fieri & Tyrannidem exercere.

PARS TERTIA CAPITIS SEXTI.

Tὸ δὲ διαπολιτικὸν δίκαιον, ὃ πα-
τερικόν, οὐ γὰρ τὸ τοῦ τοῦ, ἀλλ' ὁμοίον.
οὐ γὰρ ὅτιν ἀδικία πρὸς τὰ αὐτοῦ
ἀπλάως. ὃ δὲ κτήμα ἐστὶ τὸ τεκνον ὡς αὐ-
τῷ περικλόν, ὃ μὴ χωριστὸν, ὡς πρὸς μέρος
αὐτοῦ. αὐτὸν δὲ οὐδεὶς ἀποστροφῇ βλά-
πτει. δὲ οὐκ ἔστιν ἀδικία πρὸς αὐτὸν ὅτι
ἀδικία ἀδικον, οὐδὲ δίκαιον ὃ πολυπ-

Herile autem iustum, & paternum
non est idem his, sed simile. Non e-
nim est iniustitia ad hæc, quæ ipsius simpli-
citer sunt. Possessio autem, & filius donec
fuerit quantulus, & non separatus, velut
pars ipsius est. seipsum verò nemo eligit la-
dere. Quare non est iniustitia erga seipsum:
neque igitur iniustum, neque iustum politi-

κάν. καὶ νόμος γὰρ ὡς καὶ οἱ εἰς ἐπι-
φύκει εἶναι νόμος. οὗτοι δὲ ἦσαν, οἱς
καὶ ἀρχὴ ἰσότητος τοῦ ἀρχαίου καὶ ἀρχαι-
οῦ. δὲ μᾶλλον πρὸς γυναικας ἔστι δι-
καιοσύνη, ἢ πρὸς τέκνα καὶ κτήματα. τοῦ-
το γὰρ ἔστι ὁ οἰκονομικὸν δίκαιο. ἐπεὶ
δὲ ἔστι καὶ τοῦτο τοῦ πολίτου.

cum. Secundum legem enim constat, & in
quibus natura natum est, ut sit lex. Hi
verò sunt quibus inest aequalitas imperan-
di, & obtemperandi. Itaque magis erga
uxorem est ius, quàm erga liberos, & pos-
sessiones. Id enim est æconomicum iustum.
diuersum autem est & hoc à civili.

EXPLANATIO:

EXPLICATIVVS & distinctiùs hic demum docet, quam habeat ius
ciuile comparisonem cum herili iure, paterno & coniugali. Primum
quippe ait, triplex hoc ius non esse dici debere simpliciter iustum: quod
hac ratione demonstrat. Homini non potest esse simpliciter iustum,
aut iniustum erga ea, quæ sua prorsus ipsius sunt. iustitia enim erga al-
terum est, qui planè distinctus à nobis ac separatus sit. Seruus autem est domini tam-
quam possessio, filius verò patris veluti pars quamdiu erit *παιδίος*, hoc est, quantu-
lus, siue rantulus, nec dum ad eam peruenerit ætatem, ut migrare potuerit è pote-
state patris, & ab eodem separari. Vxor demum etiam ipsa censetur esse pars coniu-
gis, à quo seiungi, diuellique non potest. itaque inter hos simpliciter & propriè ius-
tum non intercedit. Si enim intercederet iustum, ipsum quoque intercederet ini-
ustum, & eorum alter alterum per iniustitiam læderet. At nemo se ipsum per iniu-
riam propriè lædit. Itaque non potest inter hos esse simpliciter & absolute iustum,
cùm omnino distincti separatique non sint inter se. Consentiunt his ea, quæ à Iuris-
cōsultis quoque in hoc argumento docentur & decernuntur. Nam ipsi etiam dicunt,
patrem ac filium esse quasi personam vnā, non homines omnino duos, & vocem
filij esse tanquam vocem patris, ut est in §. & verò. Instit. de inutili stipul.

Neque igitur iniustum, neque iustum politicum, &c.] Demonstratum est, inter
seruum ac dominum, patrem ac filium, uxorem & virum, iustum simpliciter esse
non posse. docet nunc amplius, etiam si iustum inter eos aliquod sit, quemadmo-
dum est iustum illud, quod herile diximus, paternum & coniugale, eiusmodi tamen
ius non esse, nec dici debere ciuile. quod probat hoc modo. Iustum politicum se-
cundum legem est, hoc est, lege continetur, & in iis est, quibus ita congruit lex, ut
iis nata & natura condita esse videatur. Huiusmodi autem ij sunt, quibus ita con-
gruit æqualitas imperandi & obtemperandi, ut vnus alteri natura non subiiciatur.
Sed seruus natura subiicitur domino, filius patri, coniugi vxor. Igitur inter hos ius-
tum ciuile non cernitur, sed quod diximus, herile, patrum, & coniugale. Quod
si hæc tria iura comparare velimus inter se, dicendum erit, ius coniugis aduersus
uxorem obtinere iuris iustique rationem ampliorem, quàm cetera, quia inter eos
est maior æqualitas. quod in hunc modum ostendit. Vbi minus alter alteri subiici-
tur, ibi maior æqualitas est. sed minus vxor est viro subiecta, quàm seruus domi-
no, vel patri filius. ergo inter virum & coniugem est maior æqualitas, & quod in-
de consequens est, amplius & perfectius ius. Illud quippe perfectius dici debet ex
tribus, quod iuripolitico similis est. Similior autem est ius coniugale, cùm æcono-
micum sit. vir enim domui præest tamquam Princeps Reipublicæ, ac ciuitati. Vi-
debat nimirum Aristoteles vulgò putari & dici ius quoddam inter parentes ac filios,
inter dominum ac seruum, inter uxorem & coniugem esse. debent nimirum liberi
parentibus obseruantiam, & pietatem, debent parentes liberis defensionem, ali-
menta, educationem: Athenis enim qui liberos aliqua non instituisset arte, ne à
liberis quidem ipsi ali debuit, ubi ad egestatem reductus fuisset. Debet seruus
obsequium domino debet etiam alimenta & iustam clementiam dominus. Nam
ut ait Iustinianus in Inst. nullis hominibus licet sine causa legibus cognita in seruos
suos supra modum seruire. Debet maritus augendæ rei familiari operam dare; de-
bet vxor educare liberos, ancillas habere in officio, instrumentum domesticum ser-
uare, disponere, expolire. Huius igitur rei probè gnarus Aristoteles, politici qui-
dem iuris vmbra, & similitudinem inter hos esse, verum ius ciuile, iustitiāque
non esse pronunciauit.

EPILOGVS.

1. Non continuo est iniustus qui ex animi perturbatione, sed qui ex habitu agit iniuste in quolibet iuris, iustique genere, quod multiplex est.
2. Ius civile inter eos est, in quos vera, propriaque iustitia cadit & iniustitia. hac autem cadit in eos qui seiuncti prorsus inter se sunt, & aequales, & quorum alter alteri non subicitur.
3. Aequalitas verò ex proportionem spectatur. cadit enim iustitia & iniustitia civilis etiam in Principem, quia lege tenetur, samet si maius quam alij commercetur premium, & mercedem, hoc est, honorem; cum ceteris labores, & pro Republica vigilet. Quòd si honore minimè contentus alia quarat, Tyrannus efficitur.
4. Herile ius, paternum & coniugale tamen si civile dici non potest, simile tamen civili videtur esse.



IN CAPVT SEXTVM

QVÆSTIO VNICA.

Vtrum ius politicum differat ab herili iure, paterno & coniugali.



POLITICVM ius est iustum simpliciter, vt ab Aristotele dicimus, & inter æquales ciues intercedit, à lege natum, quæ fundamentum & origo civilis est iuris. Dictum est adeo ius hoc politicum non congruere seruis ac dominis, non filio ac patri, non vxori & viro, qui non sunt æquales inter se, quibus condita non est lex, quæ ciues inter se conciliat, & communem componit ciuitatem, non domum per se regit, quæ hoc triplici iure tenetur, herili, paterno & coniugali; ex quo factum est, vt aliqui triplex hoc ius & economicum appellent, non quidem malè sit totum regimen ab eo profectum intueamur, sed haud scio, an Aristoteli congruenter, qui ius coniugale vel vxorium tantummodo semel economicum appellauit. Itaque ad voces ambiguas declinandas, interdum triplex dicemus ius, interdum distinguemus idem in partes, & suis nominibus appellabimus singulas. Hæc, inquam, ab Aristotele sic posita sunt. sed aduerus eum quædam pugnant argumenta, quibus videtur ostendi, ius civile ab hoc triplici iure non esse distinctum. Primum est. Omne ius naturale ius politicum est, cum illud naturale sit iuris politici species, & forma subiecta quemadmodum infra dicitur ab Aristotele in cap. proximo. Sed ius herile, paternum & vxorium naturale est, vt copiosè docetur in primo lib. Polit. vbi serui ac domini, patris ac filij, vxoris & viri coniunctiones naturales esse demonstrantur. Ergo triplex hoc ius in iure civili tamquam in fonte vel in genere continetur. Secundum. Inter eos est ius civile, inter quos communis est lex, & actio legitima intercedit, quod in hoc capite planè tradit Aristot. Sed hæc inter virum & vxorem sunt, vt est in ff. de seru. corrupt. l. sed &

inter patrem, ac filium ff. de iudiciis in l. lis. & inter seruum ac dominum ff. eo. l. vix certis. Igitur inter virum & coniugem, inter patrem, ac filium, inter seruum ac dominum ius politicum intercedet, & quod hinc consequens est, ius coniugale paternum & herile politicum erit, nec à politico secernetur, vt voluit Aristoteles. Tertium. Principatus politicus, regius & despoticus includere videntur & continere politicum ius inter Principem imperantem, & alios Principi subiectos, atque obtemperantes intercedens. Sed vir vxori politice imperat, filio pater regiè, dominus seruo despotice, vt dicitur in primo lib. Polit. Igitur in his tribus hominum ordinibus ius politicum est: adeoque ius illud triplex à politico non distinguitur.

Animaduertendum est, iustum politicum esse ius, quo certus quidam constituitur ordo, ac dispositio inter ciues liberos, æquales, & sub eodem principatu, seu Reipublicæ genere ac dominatu degentes. Porro liberos & æquales dicimus, non quia quantum vnus acquirit aut possidet, tantumdem omnino parare ac possidere debeat alter, sed quia singulis æqualiter liceat parare ac possidere quantum possunt, ac volunt absque ciuitatis iniuria, vel ciuium offensione. quod facere non licet iis, qui non sunt æquales, vt serui, filij familias, & vxores; horum enim possessio ab aliorum arbitrio pendet, ac voluntate, quorum vel membra vel instrumenta sunt, ac propterea non liberi nec æquales. Iustum herile ius quoddam est, quo inter seruum ac dominum ea ratio disponitur & vitæ modus, vt ille seruiat, & obtemperet, hic dominetur & imperet; ille rem augeat domini, hic vitam serui ab iniuria defendat, & cibo, vestituque tueatur. Ius verò patrum est, quo de-

ita probat Aristoteles. Non potest ibi politicum esse iustum, ubi etiam iniustum esse non possit. Sed patris aduersus filium, domini erga seruum, viri aduersus uxorem non est iniustum: iniustitia quippe aduersus alterum est, hoc est, aduersus eum, qui sit à nobis omnino disiunctus: & iniustum facere nihil est aliud nisi nocere; sibi verò si nemo nocet. Ad hæc. Aduersus eos iustum, iniustumque simpliciter esse non potest, ad quos lata & condita non est lex. sed lex ad patrem, dominum, aut coniugem lata non est. Neque enim pater, si filium percusserit antequam sit adultus, vlla lege punitur. puniretur autem si etiam aduersus eum esset condita lex. Alteram eiusdem positionis partem probare licet ex eo, quod si eorum habenda ratio bonorum sit, quæ illi separatim possident, quæque alienæ potestati minimè subiecta sunt, haud minus liberi sunt, & æquales, quàm alij ciues. ergo iuris politici & legis latæ participes sunt, cuius beneficio repetunt suum. Itaq. Iudicem conueniunt, & actionem ac ius impetrant aduersus eos, quibus alioqui subiecti sunt. Neque enim in iis bonis seruus domino subiectus, patri filius, vxor coniugi; sed liberi, solutique sunt, vt diximus, haud minus, quàm alij.

Ex propositis argumentis primum sic confutatur. Aliquod ius naturale etiam politicum est, & aliquod politicum est etiam naturale, quia quod iure naturali præcipitur, ipsa etiam lege ciuili præcipi potest, sed neque omne ius naturale politicum est, neque omne politicum est naturale, cum lex ciuilis aliquod ius naturale prætermittere possit, quia per se notum est omnibus, & aliquid ipsa præcipiat, quod iure naturali non continetur, sed eidem non aduersatur. Diuiditur tamen ius politicum in naturale & positum, siue legale, velut in differentias quasdam aduentitias essentia, quas dicimus accidentales. Verò quippe ius politicum aliquod est etiam naturale, quia differentiam hanc accidentem, & aduentitiam habet. sed non verò omne politicum ius est naturale, quia eiusmodi differentia non est essentialis. Secundum autem argumentum refelli potest hoc modo: Legalis iustitia humanæ vitæ officia complectitur omnia, nec quicquam leges omittunt, quod possit aliqua ratione conuictum hominum & societatem excolere. Sed non omnia tamen æque decernunt, aut ab omnibus æquali iure ac voluntate repossunt. Aliqua enim plane præcipiunt, aliqua tantum admonent, & veluti per institutionem & doctrinam tradunt. Itaque cum leges etiam patrem & filium, seruum ac dominum, uxorem & coniugem cum ceteris inuoluunt, eos instituunt, monent officij sui, non adigunt vi, nec vllam aduersus eos repossendi iuris permittunt actionem. Quod si leges tamen aliquæ sint, quæ hanc seruo, filio, & vxori actionem concedere videantur, concedunt ideo quod fieri non possit, vt bonorum quorundam domini sint, quorum causa politici iuris æque participes sint, atque

alij ciues, nec ea bona cum vlllo communicent, nec in ea possessione aliquorum partes, aut membra vel instrumenta censeantur. Patrem denique abutitur nomine regij principatus. Principatus enim paternus tantummodo per similitudinem est regius; propriè verèque non est, vt docetur in primo lib. Politic. & infra in horum octauo Moral. Similitudo etiam est politici iuris, quæ facit, vt vxori dicatur coniux impetare politice.

Dices tamen præterea, filium arctissimo quodam iure teneri erga patrem, & grauius peccare cum eum contemnit, quàm cum despiciat ceteros. Igitur nullo iure potest absolui, adeoque tenetur aduersus eum etiam iure ciuili.

Respondet, Aristotelem negare quidem inter patrem & filium esse iustum simpliciter siue ciuile, non tamen negare esse simpliciter debitum naturale, quod erga eum obstringatur arctissime, hoc est, multo magis, quàm alio quolibet iure possit adstringi. Ratio verò, cur neget patrem & filium iustum simpliciter, aut politicum esse, ea est; quod eiusmodi iustum simpliciter, siue iustum politicum, aut ciuile tria postulet. primum, vt sit erga alterum, hoc est, erga illum, qui sit à nobis omnino seiunctus, nec nostra possessio vel instrumentum sit, neque membrum aut pars secundum; vt inter nos, & alterum illum ita seiunctum; vera debiti intercedat, siue debiti propria ratio: tertium, vt ipsum ius, siue iustum eiusmodi sit, vt inter eos, in quibus, & inter quos esse dicitur, constituat æqualitatem. Sed in filio, si cum patre comparatur, primum desideratur & tertium. Primum quidem, quia non est prorsus alter, aut omnino seiunctus à patre, sed pars illius, ita prorsus vt dolor filij, quasi patris esset, ita patrem attingat. Valenti Locrensi Legistoris ac Principis, qui Tullij Hostilij vixit ætate, siue Seleuci, vt eum Valerius nominat, ad id comprobandum proponi solet exemplum: culus filius adulterij damnatus crimine, ex lege ab eo iam constituta utroque oculo erat orbatus. Ita verò alienus dolor ad eum peruenit, & sic ille vulnus filij putauit suum, vt alterum sibi prius oculum erui iussit, dein de alterum filio, ratus, ita se satisfacurum iustitiæ, & pietati. Desideratur inter patrem & filium etiam tertium, hoc est æqualitas. Quis enim patri reddat quod eius meritò videatur æquipollere? Atque hæc eadem causa est, cur inter nos, ac Deum iustum simpliciter esse non possit. quippe quicquid à nobis agitur, Dei erga nos promerito vincitur partibus infinitis. Sed non desideratur secundum, hoc est, ratio debitionis ex iure naturæ profecta: hæc autem, vt longè maior in filio sit erga patrem, quàm aliorum omnium erga ceteros, quia tamen est solitaria, nec cum reliquis coniuncta conditionibus est, quæ veram iusti rationem absoluunt, facere non potest, vt inter patrem & filium iustum simpliciter, aut ciuile constituat.



CAPVT SEPTIMVM.

DE IVRE NATVRALI ET LEGITIMO.

S V M M A.

Non omne ius esse legitimum.

DIVISIO CAPITIS IN PARTES DVAS.

1. *Iustum politicum in partes distribuitur suae.*
2. *Iustum politicum qua ratione cum singularibus comparatur.*

PARS PRIMA CAPITIS SEPTIMI.

ΤΟΥ Δὲ πολιτικοῦ δικαίου, ὃ μὲν φυσικὸν ἔστι, ὃ δὲ νομικόν. Φυσικὸν μὲν, ὃ πᾶσι τοῖς ἀνθρώποις ἐξ ἀνάγκης, καὶ οὐ κατὰ δόξαν, ἢ μὴ. νομικὸν δὲ, ὃ ἢ ἀρχῇ μὲν οὐκ ἔστι ἀφ' ὧν οὕτως ἢ ἄλλως. ὅτε δὲ πάντες, ἀφ' ὧν οὕτως, ὅτι, ὅμοιαι λυσιτελεῖν, ἢ ὅτι ἀγαθὰ διὰ τῶν, ἀλλὰ μὴ διὰ τοῦτο. ἔτι, ὅσα ἔστι τῶν κατὰ ἕκαστον νομικῶν. ὅτι, ὃ τῶν βρασιδῶν, καὶ τῶν ἰσοσταθμῶν. δεῖ δὲ κρίνειν πάντα τὰς βρασιδῶν, ὅτι ὃ μὲν φύσις, ἀκίνητοι, καὶ πᾶσι τοῖς ἀνθρώποις ἐξ ἀνάγκης. ὡς περὶ τῶν κατὰ ἀνάγκην, καὶ ἐν Πέρσῃ καὶ τῶν δὲ δικαίων κινητῶν. ὅσα ἔστιν οὕτως ἔχει, ἀλλ' ἔστιν ὡς, καὶ τοῖς κατὰ τῶν δικαίων οὐδ' ἀμύνει ἔχει. περὶ ἡμῶν δὲ ἔστι μὲν καὶ φύσις κινήτων, οὐ μὲν τῶν πάντων. ἀλλ' ὅμοιαι ἔστι ὃ μὲν φύσις, ὃ δὲ οὐ φύσις. ποῖον δὲ φύσις τῶν ἐνδεχόμενων, καὶ ἄλλως ἔχει, καὶ ποῖον οὐ, ἀλλὰ νομικὸν καὶ συνθήκη, ἔστι ἄμφω κινήτῃ ὁμοίως, δηλον. καὶ ἔστι τῶν ἄλλων ὁ ἀντὶς ἀρμόσιος διορισμός. φύσις γὰρ ἡ δικαιοσύνη κινήτων. καὶ τῶν ἐνδεχόμενων πάντες ἀμφιδέξιναι γινώσκονται. ὅτι ὃ καὶ συνθήκη καὶ ὃ συμφέρον τῶν δικαίων, ὁμοίαι ἔστι τῶν μετέωρων. ὃ γὰρ πᾶσι τοῖς ἴσα τὰ οἰκονομικὰ καὶ σιτηρὰ μέτρα, ἀλλ' ὃ μὴ ὡς οἰκονομικὰ, μετρώ. ὃ γὰρ πωλοῦσι, ἐλαττω. ὁμοίως

Politici verò iurū, hoc quidem naturale est, hoc autem legitimum. naturale quidem, quod ubique eandem obtinet vim, & non quod videatur, aut non : legitimum verò quod ab initio quidem nihil refert hoc modo, an aliter. ubi verò sancita fuerint, refert : quale illud : mina redimi, aut capram immolare, sed non duas onus. Praeterea, quae de singulis lege sanciant, ut lictore Brasidae, & plebiscita. Videntur quibusdam omnia esse talia, quia quod natura constat, immobile est, & ubique eandem habet vim, ut ignis & hic & apud Persas urit. iusta autem mutata vident. hoc verò non ita se habet, sed est quodammodo, quamquam apud Deos fortasse nullo pacto se habet : apud nos autem est sanè quoddam & natura mutabile, non tamen omne. Verumtamen est aliud quidem natura, aliud verò non natura. Quale autem sit natura ex his, quae euenire possunt, & aliter se habere, & quale non, sed legale, & ex constitutione, si utraque mutabilia sunt, similiter perspicuum est, & in ceteris eadē conueniet definitio. natura enim dextra melior. Atqui potest euenire, ut omnes ambidexteri fiant. Quae verò secundū institutū & utilitatem iusta sunt, similia sunt mensuris non enim ubique aequales vinariae, & frumentariae mensurae, sed ubi quidem emunt, maiores, ubi verò vendunt, minores. similiter

δὲ καὶ τὰ μὴ φυσικά, ἀλλ' αἰθερόνια
 διγίνα, οὐ γὰρ παντὶ πόλει ἔστι ἐν αὐτῇ
 πολιτεία, ἀλλὰ μία μόνον πόλις ἔστι
 καὶ φῶς, ἢ ἀσὶς.

verò & non naturalia, sed humana iusta
 non eadem ubique; quia neque Respublica;
 sed una solum ubique secundum naturam,
 quæ optima est.

EXPLANATIO.



VS politicum, quod in superiore capite commemoratum & explicatum est, hic diuiditur in partes duas, hoc est, in legale, siue legitimum, & insitum seu naturale. quæ diuisio ab eorum partitione non differt, qui dicunt, ius, aliud esse naturale, aliud positium. Ius enim legale, siue legitimum, positium etiam est, hoc est positum, siue constitutum ab hominibus & lege sancitum. Quid sit autem naturale iustum, aut ius, ex effectu demonstrat & ex causa. Ex effectu quidem, cum ait, iustum naturale illud esse, quod eandem ubiq. ac semper obtinet vim & potestatem, ad coercendos videlicet improbos, & probos ad honestum incitandos. Præclare M. Tull. in l. 3. de republ. apud Laëtan. l. 6. c. 8. hanc naturalis constantiâ iuris & vim apud omnes gentes pertinentem expressit. Est, inquit, vera lex recta ratio, naturæ congruens, diffusâ in omnes, constans, sempiterna: quæ vocet ad officium iubendo; vetando à fraude deterreat. Nec verò per Senatû aut per populû hac lege solui possumus. neque est querendus explanator aut interpret eius alius Nec erit alia lex Romæ, alia Athenis, alia post hac, sed & omni genti, & omni tempore una lex sempiterna & immutabilis, vnusque erit communis magister & imperator omnium Deus. ille legis huius inuentor & disceptator & lator &c. In summa ius naturæ perpetuum & semper est idem, ut ipse quoque Sophocles ait in Oedipo Tyran. & Iustin. in Instit. de iur. nat. gent. & ciu. §. vltim. adeoque diffusum est, ut iidem Iurisperiti dicere non dubitent, ius naturale esse quod natura docuit omnes animantes, hoc est, etiâ belluas, Instit. cod. tit. §. ius naturale. Ita, inquam, ex effectu docet Arist. quid naturale ius sit, eius vim, efficacitatem ac potestatem ad omnes pertinentem homines, & eandem ubique ac semper esse demonstrans. Ex causa verò idem ampliùs ostendit, hoc est, ex eo quod ius naturæ sua vi valeat & per se, non autem ideo, quòd ita hic, aut ille decernat, vel ita huic homini, aut illi iustum esse videatur. neque enim ex hominum opinione, sed ex sua ipsius veritate, ac vi eam habet, quam obtinet apud omnes potestatem. Naturalis quippe iuris est propria veritas, sicut est naturæ, iuris autem legitimi, vel legalis est opinio, ut docet Aristot. in lib. Elench. 1. cap. vltim. in fin. ubi legem ait esse δόξαν. quæ vox non significat eo loco dignitatem, splendorem, ac maiestatem, ut alibi, sed opinionem, atque sententiam, ut etiam apud Platonem in Minoë, apud Plutar. in Solone. Idem tradit M. Tull. in lib. 2. de Inuent. ubi sic loquitur: Ac naturæ quidem ius est quod non opinio genuit, sed innata quædam vis afferat, ut religionem, pietatem, vindicationem, veritatem. Quin Aristoteles ipse vocabulum legis, quod apud Græcos est νόμος, ab opinione petitum vult in lib. primo Magnor. Moral. in cap. de Iustitia. ait enim originem ducere ὡς τὸ νομίζειν, quod est existimare, & opinari. Quòd Plato etiam respexit, cum dixit in Minoë νόμον, legem dictam esse quasi νόμῳ, hoc est, existimationem, aut mentem. Non tamen ignoro, alios esse, qui νόμον dici putant ὡς τὸ νέμειν, quod est diuidere, vel tribuere: quia nimirum lex suum cuique distribuit. quam etymologiam secutus Cicero est in libro primo de Legibus, Latinum legis vocabulum, à delectu deducens, perinde ac si deligendo inueniat quid cuique tribuendum sit. Id, inquam, non ignoro, sed primum illud etymon cadit hoc loco magis in rem meam: ubi contendo, ius naturæ à veritate, ius legitimum ab hominum opinione vim obtinere, quod ex ipsa legitimi iuris explicatione melius intelligetur. Ait enim, eam potissimum designari posse differentiam, siue notam ex quo legale iustum internoscatur à ceteris, quòd illud sit & dicatur legitimum, siue legale iustum, quod ab ipsa tantum, omninoque constituitur lege; sic, inquam, ut à principio quidem, hoc est, antequam lege statueretur nihil interesset, utrum hoc an illo modo res fieret: sed ubi iam est decretum, intersit plurimum, hoc ne modo peragatur an alio. Ante quippe illud facere vel non facere iubebatur nemo, adeoque nullius iniustitiæ culpa tenebatur qui fecisset: postea verò, & facere iustum est, & præterire iniustum. Tribus rem illustrat exemplis.

Primum est Lacedæmoniorum, apud quos in bello Poloponnesiaco aduersus Athenienses lege cautum fuit, vt captiuos vna tantum mina siue libra, hoc est centum denariis liceret redimere, cum antè, tantum pretij petere, vel dare licuisset, quantum petere, vel dare collibitum esset. traditur hoc ab Herod. in Erato, & Thucydide in lib. 5. quamquam dicunt, legem Lacedæmone latam esse de redimendo captiuo duabus minis. Secundum exemplum est Thebæorum in Ægypto, apud quos, vt scribit Herodot. in Euterpe, sancitum est lege, vt Ioui capra postmodum immolaretur, non oues dux, quemadmodum antè solemne iam fuerat, & vlitatum. Tertium exemplum continet legem de singularibus, non de communibus, vt superiores leges sunt, quæ spectant ad omnes, & excipiunt neminem. Amphipolitarum singulare decretum hoc fuit, & priuilegium ad vnum tantummodo pertinens hominem. legem quippe tulerunt, vt Bralidæ Lacedæmonio, imperatori fortissimo sacra fierent, & diuini haberentur honores. Mortuus quippe fuerat in Peloponnesiaco bello quod fortissimè, iustissimè, ac temperantissimè administrauerat, & Amphipolitas ab omni hostium vi, iniuriæque defenderat, vt est apud Thucyd. in lib. 5. Plato in Sympos. Achilli cum comparare non dubitat propter fortitudinem, & robur corporis admirandum. & Pausanias in Laconicis honorarium apud Spartanos suos sepulcrum consecutum esse commemorat. Huiusmodi honores multos magnosque meritis est viuens, & post mortem adeptus Aratus Sicyonius, quod narrat Plutarc. in vita. Ad hoc genus legis, quæ de singularibus est, reuocat Aristoteles ea, quæ Græci dicunt *ἰνδιόματα*, nos plebiscita dicere possumus. sunt enim hæc non communia Senatus populiue secreta, sed plebis priuatæ leges, quæ plebeio interrogante Magistratu ferebantur, vt in Inst. scriptum est de iur. natur. gent. & ciu. §. constat.

Videntur autem &c] Non deerant qui putarent, cuncta iusta huiusmodi ac talia esse, hoc est legalia, siue lege sancita, nec vlla esse præterea, quæ hoc nomine appellari deberent: adeoque ius naturale nullum esse arbitrabantur. Ac rationem quidem reddebant aliquam sententiæ suæ; cum dicerent, id quod natura constat, & est à natura, moueri, mutarique non posse; atque in omnibus terris ac populis eandem virtutem & potestatem habere: qualis est ignis, qui & apud Græcos, & apud Persas eandem comburendi retinet facultatem, ac vim. Contra verò quæ iusta sunt, ea dicebant se cernere mutationi obnoxia, variari, corrumpi, vitari. & sane quod antè displicuit, hodie placet: quodque alicui ciuitati iustum videtur, iniustum est aliis. Eduliorum furta Spartani laudabant, quæ cæteris turpia sunt. Seditiõni publicæ se non immiscere capitale fuit apud Athenienses ex lege Solonis; apud alias gentes laudabile, ac salutare. Iusta igitur omnia putabant hi opinione constare, quæ mutabilis est, id quod placuit Archelao Socratis magistro, Aristippo & Epicuro, non autem natura, quæ mutari, voluique non potest, & apud omnes vbique semper est eadem. Hæc igitur ita refellit, vt eorum alteram partem confuteret, concedat alteram. At enim, vniuersim non sic se rem habere, quemadmodum isti contendebant. Cum enim dicimus, naturalia esse immutabilia, si omnia simpliciter immutabilia esse intelligamus, falsò dicimus; sin autem velimus esse mutabilia quodammodo, rectè id dicimus, & verè. Natura quippe Mentium cælestium ab omni corporis concrectione separatarum, quas hic Aristoteles antiquorum more nominat Deos, ita verè se habet, vt isti putant; nec vlli mutationi exposita est, ac propterea quicquid apud eos est naturale, id etiam immutabile est: sed apud nos, qui mortales sumus, & corporeæ concrectionis participes, quæ mutabilis est, multa secundum naturam sunt, siue naturalia, quæ tamen vel per se, vel per accidens mutabilia sunt. Natura comparatum in nobis est, vt duas habeamus manus, quarum dextera valentior sit, sinistra debilior. id tamen aliquo mutari casu facillè potest: vt nimirum & cum vna tantum manu nascamur, & consuetudine vel exercitatione fortior sit laeva, quàm dextera vel æquè valeat, & expedita sit vtræque, quod cernimus in iis, quos dicunt ambidexteros. Nihil adeo mirum esse debet, si aliqua sint humanorum natura recta, & iusta quæ tamen etiam mutabilia sint. Quid magis naturæ iustitia reposit, & æquitas, quàm vt res credita, depositumque reddatur? & tamen furioso non reddendus est gladius. Cum igitur istorum propositio falsa sit, quæ dicebant, omnia naturalia immobilia esse, atque immutabilia; quorum aliqua mutabilia interdum experimur, falsam etiam esse consecutionem oportet, in qua

pronunciatum est, nullum esse iustum naturale, sed legitima omnia, cum omnia iusta mutabilitatem admittant. Sequitur, inquam, hanc quoque consecutionem esse falsam, quia tamen iura etiam naturalia mutantur interdum quibusdam in locis, non tamen efficiuntur, quin alia iura naturalia, alia non naturalia, sed legitima sint possunt enim esse naturalia & mutari.

Quale autem sit natura &c.] Ex huius solutione quaestio quaestio nova suboritur, quam etiam proponere aggreditur & profligare. Quaestio autem & dubitatio huiusmodi est: Cum iusta omnia, quae apud homines sunt, mutabilitatem patiantur, ut dictum est, & tamen eorum aliqua dicenda naturalia sint, alia legitima, quam potest, quamnam sint ea, quae naturalia dici debeant, cum eorum nota, quae possint ab aliis internosci, ab immutabilitate peti non debeat. utraque enim mutabilia sunt. Respondet, id distinguere facillimum esse, utiturque ad rem planius explicandam, exemplo dexterae manus ac laeva. Quemadmodum quippe plerumque natura sit, ut dextera sit valentior, firmitiorque quam laeva, sic in iustis iuribusque naturalibus euenire plurimum solet. Quae igitur iura & iusta videbimus plerumque, ac saepius ad eundem planè modum & apud plerasque gentes se habere, ea naturalia dicemus. Quare plerumque diuerso modo se habent, & quotidie omnibusque ferme locis varia sunt, quales esculentorum & poculentorum cernimus esse mensuras, quae in singulis prope ciuitatibus variant, ut ait quoque Iurisconsultus in l. 3. ff. De eo quod certo loco; haec inquam iura, quae saepissime & ubique mutantur pro Rerum publicarum varietate, ea nos ciuilia siue legitima nominabimus.

PARS SECVNDA CAPITIS SEPTIMI.

ΤΩΝ δὲ δικαίων καὶ νομίμων ἕκαστον, ὡς τὰ καλῶς τοῦ καὶ ἕκαστα ἔχει. τὰ μὲν γὰρ ποσότηματα, πλεονεχίῳ δὲ ἕκαστον ἐστὶ καλῶς γὰρ. ὁ δὲ ἀδίκημα καὶ τὸ ἀδικεῖν, καὶ τὸ δικαίωμα καὶ τὸ δίκαιον. ἀδικεῖν μὲν γὰρ ἔστι τῇ φύσει, ἢ πάρῳ. τὸ αὐτὸ δὲ τὸ ποσόν, ὅπου ποσότης, ἀδίκημα ἔστι. ὅτιν δὲ ποσότης, οἷον, ἀλλ' ἀδικεῖν. ὁμοίως δὲ καὶ δικαίωμα. καλεῖται δὲ καὶ τὸ κοινόν, μάλλον δικαιοσύνη. δικαίωμα δὲ, τὸ ἐπὶ νόμῳ τῷ ἀδικήματος. καὶ ἕκαστον δὲ αὐτῶν, ποῖα τι ἐστὶ καὶ πόσα, καὶ ὅτι ποῖα τυγχάνῃ ὄντα, ὅτερον ἐπισκεπτέον.

Iustorum autem & legitimorum vnumquodque sicut vniuersum ad singularia se habet. Nam quae aguntur, multa sunt, illorum autem vnumquodque vnum: vniuersum enim est. Differt verò iniuste factum, & iniustitia, & iure factum, ac iniustitia. Iniustum quippe est natura, vel instituto. idem autem cum gestum fuerit, iniuste factum est. prius vero quam actum sit, non dum; sed iniustum. similiter autem & iuste factum. Vocatur verò & ipsum quod est commune potius iuste facti ratio. iuste verò factum correctio iniusti facti. In quoque autem horum qualesnam species & quot, & circa qualia versentur, postea considerandum.

EXPLANATIO.



VONIAM saepissime, cum de iustitia, deque iusto fuit sermo, vocabulis vsus quibusdam est, quae magnam inter se videntur similitudinem obtinere, cuiusmodi est iustum, siue iuste factum, iustitia siue iusta actio, iniustum, siue iniuste factum, iniustitia siue iniusta actio & ius, ut intelligatur apertius, quid vnumquodque significet, id primum de iuris ciuilis appellatione pronunciat; iustum quodlibet ciuile tanquam vniuersum aliquod accipi solere, & esse quiddam commune ac generale. veluti: colendum esse Deum, tutos oratores & legatos esse oportere, depositum domino reddendum, & his similia. His autem communibus veluti iuribus singularia quaedam subiecta sunt, veluti species & formae generi. exempli gratia, depositum esse reddendum, vnum est ex iis iuribus, aut iustis ciuilibus & legitimis, quae generalia, vel vniuersa nominat, quia multas res reddendas personaeque singulares, quibus

reddendæ sunt, continet, veluti sibi subiectas atque suppositas. Hæc enim est causa, cur generale, vel commune dicatur. Et quoniam eadem est aliorum ratio, vniuersim docet, iustorum ciuiliū & legalium vnumquodque, quamuis aliquid esse peculiare videatur, habere se tamen & comparari ad singularia, hoc est, ad opera secundum iustitiam effecta, tamquam aliquid commune, ac generale. opera enim singularia, siue singulares actiones ex iustitia profectæ continentur sub illo peculiari iusto tamquam sub genere, perinde ac si dicat, ipsa quoque singularia iura vim & locum generis obtinere, si cum operibus iustis conferantur magis singularibus, quæ ab illo iuris præcepto peculiari nascuntur. Quæ profectò in eam gratiam disputat; vt statuatur, inter quatuor vocabula differentiam, hoc est, inter iniustitiam, siue iniuste factum, & inter iniustum; & inter iustum, ac iuste factum. significat enim in summa; iustum & iniustum esse quiddam vniuersum atque commune, antequam agatur. Iustum nimirum est, vt diximus, depositum reddere: sed cum id agitur, & huic aut illi depositum redditur, tunc demum apud hunc aut illum verè dicitur esse iustum, ex quo nascitur iuste factum. Itaque omne iuste factum post iustum est, & ex iusto fit, non autem contra post iuste factum est iustum, & ex iure fit. iustum quippe redactum ad opus dicitur iuste factum. Iniustum etiam, siue illud intelligas, quod est natura iniustum, & naturali iusto contrarium, siue illud, quod est iniustum tantum ex hominum institutione ac lege, quod legitimo & constituto ab hominibus iusto aduersatur; hoc, inquam, iniustum commune aliquid est, & vniuersum: cuiusmodi est, adulterium admittendum non esse. cum autem adulterium committitur, aut commissum est, tunc esse iniuria, vel iniuste factum dicitur. Denique iustum est antequam fiat. reddere enim depositum, & punire maleficia iustum est. vbi factum id est, illud quod antè dicebatur iustum, iam iustitia dicitur, & iuste factum. Ceterum id adiungit, & monet, rectè vti nos quidem iusti vocabulo cum iustum dicimus quicquid iuste re ipsa fit, aut factum est: sed tamen idem interdum à nobis vsurpari ad significandam emendationem iniuriæ; vt cum dicimus iudicem reddidisse vel fecisse iustum, vbi maleficia aliquod emendauit. Id inquam Aristot. monitum voluit, sed plerumque tamen ait fieri, vt quod actum est iustum, hoc est, omne iustum opus, iuste factum appellemus, siue in distributionibus, siue in commutationibus id fiat. Ad distinguenda verò opera iusta, duo proponit Græcorum vocabula, quorum alterum est *δίκαιον*, alterum verò *δικοπραγία*. Omnia enim iuste facta à quocumque demum fiant, & siue in distribuendo, siue in commutando sint posita, *δικοπραγίαι* nominantur. Iusta autem illa, quæ à iudice aut arbitro vel Magistratu fiunt, alienam iniuriæ vindicant, & damnum ac fraudem passis suum restituentem *δίκαιον* dicuntur. Itaque *δίκαιον* restitutio est & iniuriæ quædam emendatio, videturque veluti species superiori subiecta, quod appellatur *δικοπραγία*. Hæc esse mihi visa est Aristotelis sententia verbis obscurissimis & ingenium interpretum fatigantibus abdita. Quo magis venia digni sumus, si eam, commentando, interpretandoque assecuri non sumus.

EPILOGVS.

1. Non omnia iusta ex lege, atque institutione sunt, sed sunt aliqua naturalia; tamen si mutari aliqua ratione possint, nec eam apud homines perennitatem habeant, quam obtinet ipsa natura. Immutabilia tamen dici merito possunt.
2. Ea verò, quæ ex hominum institutione, ac lege tantummodo iusta sunt, non habent constantiam, & pro temporum locorumque varietate sæpissimè variant.
3. Iniustum & iniuria, siue iniuste factum, iustum, & iustum ac iustitia, siue iuste factum, differunt inter se. Iniustum quippe dicitur id quod, vel ex natura præcepto, vel ex institutione, ac lege aduersus alterum agendum non est; iniuria siue iniuste factum, est hoc ipsum cum fit, aut factum est. Iustum est id, quod vel natura, vel legis imperio faciendum erga alterum est: iustitia siue iuste factum est hoc ipsum iustum cum fit, & *δικοπραγία*, hoc est, iusti actio, siue iustum opus appellari solet.

IN CAPVT SEPTIMVM

QVÆSTIO PRIMA.

An sit aliquod iustum naturale.

QVAMQVAM Aristoteles confutavit eos, qui dicebant, nullum esse naturæ ius, debet tamen ea quæstio plenius explicari, quia plura suppetunt ad eisdem confirmandos argumenta, quàm quæ ab Aristotele proposita sunt. Primum quidem huiusmodi est: Nulla est propriè iustitia, quæ virtus moralis dicenda non sit. Virtus autem moralis non hauritur à natura, sed exercitatione paratur & usu. Igitur ex loco à coniugatis est consequens, nullum iustum à natura proficisci, sed quodlibet iustum ab assuetudine & exercitatione pendere. Secundum. Quodlibet iustum in aliqua communicatione consistit, ut suprâ in hoc lib. 5. docuit Aristot. ampliùsque docebit in octavo. Sed hominum communicationes naturales non sunt, cùm voluntariæ sint. ergo nullum iustum est naturale. Tertium. Nihil eorum, quæ naturalia sunt, aliter assuescit, quàm factum sit à natura. Sed iusti, quicumque demùm sint, aliter assuescunt, & sunt iniusti. Ergo nihil est iustum quod sit, & dici debeat naturale. Quartum est eorum, qui, ut paulò antè apud Aristotelem vidimus, sic disputabant: Naturale est quod ubique, atque apud omnes gentes eandem vim ac potentiam semper habet, cuiusmodi est ignis, qui apud nos, atque apud Persas æquè comburit. Sed nullum est iustum, quod non mutetur ex gentium, locorum, temporum, aliarumve circumstantiarum varietate, quarum causa confugimus etiam interdum ad æquum & bonum, siue ad illam iuris elementem interpretationem, quæ dicitur *ἐκ τῆς φύσεως*. Propterea nimirum dixit Aristoteles in lib. 1. bona & iusta, in quibus politica versatur, tantam apud varios homines habere differentiam & varietatem, ut lege tantum, & hominum consensu, non natura constituta esse videatur.

Animaduertendum primo loco est: iustum hoc loco id esse, quod paulò antè iustum appellari voluit Aristoteles, ab eo distinctum, quod iusto continetur opere, diciturque ab eodem *ἀπὸ τῆς φύσεως* hoc est iustè factum siue *δικαιοσύνη*. Iustum enim illud, *δικαίον*, quod propriè iustum dici vult, etiam antequam fiat, existimatur & dicitur iustum: cuiusmodi est reddere depositum parenti, vel Principi obtemperare. Sed quoniam hoc iustum, quod præcepto quodâ & lege continetur, appellari potius Latine deberet ius, à iuris nomine non abhorrebimus, dicemusque interdum iustum, interdum ius, sed idem semper legemus, hoc est, præceptum quoddam, quo facere, vel iu-

bemur, vel vetamur aliquid. Ex hoc enim deinde nascitur aliud iustum, quod non est antequam fiat, sed ipso consistit in opere, ac propterea *ἀπὸ τῆς φύσεως*, siue *δικαιοσύνη* nominatur. Querimus adco, an aliquod naturæ sit ius, præceptumque, iubens, aut vetans aliquid, ex quo iustè factum nascatur & opus iustum illud, quod est *δικαίον*. Et quoniam quicquid rectè præcipitur, videndum est, quinam sint domini, quine illi, qui præcipiendo, hoc est iubendo ac vetando aliquid nobis præcipere possunt & ius constituere, quo teneamur. Hinc enim intelligemus, an inter eos ipsa quoque natura sit, quæ ius aliquod nobis naturale proponat, rationis anticipatione susceptum, non legibus, & Principum auctoritate sancitum.

Animaduertendum ergo secundo loco est, homini triplicem quasi datum esse dominum, à quo vitæ præceptiones accipere debeat; Deum, naturam, ac Principem, siue Rempublicam, & civitatem. Ac Deus quidem, vel præcipit interprete natura, vel nullo interprete, aut internuntio, sed per se. Cùm præcipit interprete natura, quam dirigit, & moderatur, eiusmodi ius à iure naturæ non distinguimus, appellamusque nihilominus naturale. Sed cùm ipse per se nullòq. intermedio hoc est per visâ, vel oracula præcipit aliqua, & nobis vitæ quædam documenta commoustrat, quæ rationis ac naturæ vi, nec percipere, nec assequi possumus, tum enim verò quod iubet aut vetat propriè dicitur esse diuinum ius. Sed hæc iura diuina, nec commemorat, nec fortassis intelligit Aristoteles. Cætera igitur intueamur, quæ à duobus aliis dominis proficiscuntur. Secundum dominum diximus esse naturam, quæ quoniam omnium parens est, in omnes dicionem habet, & principatum. Porro natura ipsa dicitur esse ab Aristotele tam materia, quàm forma. sed materia, quoniam subternitur formis, & agentium imperio subiicitur, nullum obtinere principatum potest. relinquitur ergo, ut si natura dominans est, in forma sedem habeat & regnum suum. Ceterum, ne omnes quidem formæ possunt imperare ac dominatum habere, sed illæ solùm, quæ cognitionis dicuntur, aut cognoscentes; vel quia ipsæ per se cognoscunt, cuiusmodi est intelligentia, & ratio; vel quia cognitione præeunte, actionem exercent suam, qualis est appetitus sentiens, & voluntas. Neque enim animalis virtutes ac facultates hominis, quæ inanimis quoque conueniunt, & humanæ non sunt, cuiusmodi nutritus est hoc sibi possunt imperium vindi-

que non tribuat, quorum beneficio & vi ipsum consequi finem possit; ne in necessariis deesse videatur. Alia sunt & dicuntur iura naturalia secundario: quia nimirum ex iis, quæ primò proprièque naturalia dicuntur, deducta & corruata sunt. Hæc autem sunt omnia alia iusta & iura, quæ ex iis primis tamquam è fontibus hausta sunt; non quidem peræque, sed omni discrimine. Quædam enim ex ipsis oriuntur, veluti conclusiones ex principiis suis: & hæc ab Aristotele iusta etiam & iura naturalia, à Iulio Iulio iura gentium nominantur. Alià verò nascuntur ex iisdem principiis, non tamquam conclusiones, sed veluti consequentia ex conclusionibus decreta, quæ in exequendo sunt posita. Concluditur, exempli gratia, ex iure naturali secundario siue ex iure gentium, furem esse plectendum, sed quo modo, quæve poena plectendus sit, non concluditur. Id verò legislatores definiunt, aliòque modo, atque alio supposito in hac ciuitate, alio in altera furtum puniendum constituunt, quæ quidem sanctiones & leges dici etiam possunt illo maxime communi, vniuersoque vocabulo iura naturalia, quia consonant principis & conclusionibus naturalis rationis. hæc enim propriè naturalia iura nominantur.

Dicendum igitur est: iustum aliquod siue ius verè esse, ac dici debere naturale; quemadmodum rationibus supra propolitis est demonstratum. Neque verò argumenta refellere arduum est. Vt enim de primo dicamus, non idcirco, quòd obiectum habitus est à natura, oportebit etiam habitum à natura promanare ac naturalem esse: doctrina quippe vsu atque assuetudine comparatur, vt heri cernimus in ipsa iustitia quæ in iure iustove naturali; hoc est, in obiecto suo se frequenter exercens; habitus aliquando fit, assuetudine parvus & confirmatus. Rectè namque dixit Aristoteles supra iustum esse antequam fiat, & eum fit, & factum est, esse *supra natura*, hoc est iustum opus, aut *supra natura*, iustitiam actionem: vt significaret iustum naturale ante habitum esse, qui actione iusta in iusto naturali versante comparatur. Quòd si velimus concedere, iustitiam quoque ipsam esse naturalem, nihil abtundum concedemus. est quippe naturalis, non quòd homini sit innata, nec doctrinà, & consuetudine parva, sed quòd humanæ naturæ conueniens sit.

Idem penè de secundo dicendum est. Nam humanæ communicationes conventionesque; verè sunt naturales, si naturalem ad eas propensionem hominis intueamur, qui natura congregabile animal est, adeoque accommodatum ad ciuiles contractus iustè obeundos & rectè: sed hæc propensio naturalis voluntate perficitur, & in actum euocatur à iustitia voluntariè comparata.

Tertium argumentum haud plus efficit, quàm secundum. Cum enim iniustus aliquis ex iusto sit, non iustum ipsum aliter affuiscit, seu mutatur iustum ac ius, sed opus aut actio iusta, quæ versari debuit iniusto, siue in iu-

re, à quo discedit. Itaque iustum & ius naturale semper est idem; sed ipsa mutatur actio, à qua iusti vel iniusti nominantur. Et quonià postremum argumentum eundem lapidem mouet, respondeo, non omnia, quæ naturalia sunt, vbique ac semper apud omnes eadem esse, sed plerumque, & ex parte profectò maiori. quemadmodum plerumque ac penè semper quinque cum digitis nascuntur homines, & eorumdem dextera valentior est, firmiorque quàm læua & vt Aristoteles ait. Quamquam enim accidere contrarium potest, non impedit tamen, quomòdus dicere iure possimus, id esse naturale, quòd semper, vbique atque apud omnes ita esse, ac heri solet.

QVÆSTIO SECVNDÀ.

An rectè iustum politicum fuerit ab Aristotele diuisum in naturale, & in legitimum, siue legale?

NON est hic iterum dicendum quòd supra docuimus: politicum apud Græcos quidem patère latius, quàm ciuile apud Latinos, sed in his disputationibus pro ciuili à nobis vsurpari. Cum adeo ius, siue iustum politicum dicimus, illud intelligi volumus, quòd ciuile nos appellamus, quærimusque an rectè diuidatur in legitimum & naturale. ad cuius tractationem quæstionis, necesse habemus ciuile ius & legitimum in varias partiri notiones: quòd facere non possumus, nisi memoria repetamus quòd in proximè superiori quæstione de iure naturali posuimus, cum diximus, aliud esse ius naturale commune, aliud maxime commune, tertium denique proprium, siue maxime proprium. Proprium quippe est quòd naturali continetur instinctu, homines æque ac ceteras animantes dirigente, commune quòd omnibus cum gentibus communicamus; commune quòdlibet omnino ius, etiam legitimum, etiam conditum, etiam paternum, vxorium, herile: quia velut à primo fonte hauriuntur omnia per rationationem à natura. Ex hac distinctione, peti similitudo debet, ipsumque ius ciuile constitui etiam triplex, proprium, commune, & maxime commune. Ius ciuile maxime commune dicemus esse id quòd admonent præcipiuntque legislatores habitatione boni communis: adeoque quòdlibet virtutis opus iustum ciuile dici potest, & ius herile, paternum, aut coniugale hoc maxime commune iuris nomine comprehenditur. Ius verò politicum commune videtur dicendum esse id, quòd ciuitas, aut Princeps, aut legislator addit supra ius æconomicum, hoc est supra paternum herile, & coniugale. In hanc enim sententiam & notionem accipitur ciuile ius, cum distinguitur ab æconomico, quòd sæpe fit, Significat, inquam, id nominatum, quòd publica lege ad communes ciuitatis, non autem ad priuatz domus tuendas ratio-

nes decernitur. Iustum denique politicum propriè, contrahitur ad significanda præcepta, & consuetudines alicuius Reipublicæ pecoliaris, aut ciuitatis. neque enim oportet alibi quoque iustum esse quod in hac ciuitate peculiari iustum dicimus: sed satis est, si habeatur & sit hoc loco iustum. Eadem diuisio ius legale partitur, quod etiam triplex est. Iustum enim legale, siue legitimum maxime commune ac generale illud est, quod completitur quicquid lege vel scripta, & promulgata, vel digna scribi & promulgari siue continetur, siue potest aliquando contineri. Itaque ius hoc erit iterum omne virtutis opus, & iustitiæ legalis obiectum, de quo huius initio libri disputauius satis. Commune autem ius legale dicitur id esse, quod est secundum legem re ipsa scriptam & promulgatam. quippe opponitur iusto per epixiam constituto, quod scriptum quidem promulgatumque non est, sed quadam est legis interpretatione collectum. Denique legale iustum propriè vocandum est illud, quod lege scripta & promulgata sic continetur, vt si lege præceptum non esset, haud magis iustum, quam eius oppositum dici deberet. Est enim aliquid iustum etiam ante conditam legem, & aliquid, quod nisi lege propostia iubeatur, iustum dici non potest.

Animaduertendum tamen hic est, legalis, siue legitimi iuris nomine ipsam quoque consuetudinem comprehendere, quæ ubi sit inueterata, vim obtinet legis, vt vel ipse disputat in lib. 2. de Inuentione Marc. Tullius. Consuetudinis, inquit, ius esse putatur id, quod voluntate omnium sine lege veritas comprobatur. & in secundo ad Herenn. Consuetudine ius est id, quod sine lege æquum ac si legitimum sit, vtitur est. Quod argentario obtuleris expensum, à socio eius rectè repetere possis. Itaque vetustitiam, atque approbata consuetudine vtimur tamquam aliqua scripta lege, adeoque nullum interdum discrimen ponimus inter legem & consuetudinem veritate temporis & consensione populi comprobata. Quia tamen haud prorsus idem scripta lex & consuetudo est, tamen eamdem vtrique obtinet efficacitatem ac vim, placet interdum diuidere consuetudinem à lege: quod facit Tullius loco laudato. partitus est tamen in tria membra, dixitque id esse ius quod vel natura vel consuetudine, vel lege constat. Quin ipse Iustinianus in Instit. de iur. nat. gent. & ciu. §. sine scripto, à lege scripta distinctam consuetudinem vult. Cum enim dixisset, Romanorum ius partim scripto, partim sine scripto constare, hæc de iure non scripto subiungit: Sine scripto ius venit quod vltus adprobauit. nam diuturni mores consensu vtrientium comprobati legem imitantur. Origo ab institutis duarum ciuitatum, Athenarum scilicet & Lacedæmoniorum fluxisse videtur. In his enim ciuitatibus, ita agi solitum erat, vt Lacedæmonij quidem magis ea, quæ pro legibus obseruabant, memoriæ mandarent, Athenienses verò quæ legibus scripta comprehensus, custodirent. Sic, inquam, Iustinianus

consuetudinem à lege scripta distinguit, sed distinctio quædam rationis est.

Animaduertendum id etiam est, tam ius naturale quam legitimum siue legale ab aliquibus multiplici partitione distingui. Dicunt quippe, ius naturale idem interdum esse, ac ius diuinum, cum nimirum naturale pro eo iure ponitur & accipitur, quo vniuersa, tam animata quam inanimata, tam ratione prædita, quam rationis expertia gubernantur. est enim hoc ius primæ illa rerum ratio, qua Deus omnia condidit, & condita motu suo moderatur ac temperat, vt canit Boet. in libro 3. met. 9.

O qui perpetua munitione ratione gubernas

Terrarum calique Sator, qui tempus in auro

Ire iubet, stabilisque manens das cuncta moueri.

Dicunt secundo, ius naturale interdum vsurpari pro instinctu naturali, hoc est, pro ea lege, quam natura docuit omnes animantes, vt Iurisconsulti loquuntur, & in superiori quæstione nos explicauimus. Est enim hoc ius quod naturaliter veluti principium quoddam, conclusionemve absque ratiocinatione ac disputatione percipimus: atque vt Cicero ait in 2. de Inuent. natura ius est quod non opinio genuit, sed quædam innata vis infertur. Dicunt tertio, ius naturale interdum illud esse iudicium rationis, quo totum genus humanum vtitur, institutum communi quadam æstimatione naturæ. Hoc ius à Iurisconsultis appellari ius gentium solet, vt supra monuimus, sed naturale dicitur non solum ab Aristote. sed etiam initio Decretorum: vbi disertè docetur, duobus regi genus humanum, naturali iure, hoc est, ratione naturali, & moribus, hoc est, lege ciuili. Hoc etiam naturale ius illud est, vt arbitratur Girald. Odopis, quod commemoratur in epist. ad Roman. cap. 2. his verbis: Cum enim gentes, quæ legem non habent, naturaliter ea, quæ legis sunt, faciunt, eiusmodi legem non habentes, ipsi sibi sunt lex, quæ ostendunt opus legis scriptum in cordibus suis. Huius quippe iuris sunt species omnino sex; religio, pietas, obseruantia, gratia, veritas & vindicta, quasi iuri quoque naturali subiecit M. Tull. in locis supra laudatis; vt intelligamus, etiam ab eo iuris naturalis nomine appellatum esse ius gentium, cuius enumeratæ virtutes formæ quædam subiunctæ sunt. Neque enim hæc ad illud naturale ius pertinent, cuius etiam animantes mutæ dicuntur participes. Hæc isti de naturali iure partiendo, & diuidendo disputant. Ius autem legale, siue legitimum ex authorum conditorumque varietate faciunt etiam multiplex. lex enim aut conditur à Deo, diciturque diuinum ius, non quidem illud, quod etiam appellatur naturale, sed aliud quod nominari solet ius diuinum positium: aufertur ab homine, & ius humanum appellatur. sed ius humanum, vel est ciuile, hoc est, à ciuium principibus datum; aut sacrum, hoc est, à sacerdotibus conditum. Ius verò ciuile quatuor habet genera conditorum, à quibus nouam distinctionem, ac varietatem desumit. Velenim

ciuitas, in qua conditur, populari utitur dominatu, & dicitur plebiscitum; vel regitur ab optimatibus, & Senatusconsultum vocatur; vel vnius tenetur imperio & nominatur edictum. Quod si publica potestate non conditur, sed ex compromisso per arbitros constituitur, responsum prudentium appellatur. Singula hæc nomina in iure Romani continentur imperij: quia ciuitas vario Reipub. statu pro varietate temporum, & eodem quoque tempore misto regimine, ut Polybius ait, vsa est: quod apparet etiam in Instit. de iur. nat. gent. & ciu. §. Constat. & sequent. Ita enim omnia distinctè partitur Imperator. Constat, inquit, ius nostrum, quo utimur, aut scripto, aut sine scripto. Scriptum autem ius est lex, plebiscitum, Senatusconsultum, Principum placita, Magistratum edicta, responsa Prudentum. Lex est quod populus Romano Senatorio Magistratu interrogante (veluti Consule) constituebat. Plebiscitum est quod plebs, plebeio Magistratu interrogante (veluti Tribuno) constituebat. Plebiscita verò non minùs valere quàm leges cœperunt. Senatusconsultum est quod Senatus iubet atque constituit. nam cum auctus esset populus Romanus in eum modum, ut difficile esset in vnum eum conuocari legis faciendæ causa, æquum visum est, Senatum vice populi consuli. Sed & quod Principi placuit, legis habuit vigorem. quodcumque ergo Imperator per epistolam constituit, vel cognoscens decreuit, vel edicto præcepit, legem esse constat. Prætorum quoque edicta non modicam obtinent iuris auctoritatem. Proponebant & Ediles Curules edictum de quibusdam causis. Responsa Prudentum sunt sententiæ & opiniones eorum, quibus permissum erat de iure respondere, &c. Complectitur, inquam, hæc omnia genera iuris ciuili Imperator, atque in vna Romanorum Ciuitate constituit; quia singula dominatus genera Romæ esse videbantur. Si enim Reges & Dictatores intuearis, erat Regium, si Consules, erat optimatum, si populum & Tribunos, multitudinis fuit & populare. Atque id est, quod Polybius indicat cum ait, Romanam Rempublicam vsum esse permixto quodam & composito dominatu. Quibus animaduersis

Dicendum est: iustum politicum rectè ab Aristotele diuisum esse in naturale, ac legitimum, siue legale. In hac enim diuisione politicum ius est illud maximè commune, comprehendens omne virtutis opus quod à legiflatore præcipi potest propter bonum commune: & iustum naturale est etiam illud commune, hoc est, omne ius, quod ante quamlibet conditam legem, vim habet suam: ius autem legale intelligitur hîc propriè, hoc est, illud, quod propterea solum dicitur iustum, quia lege præcipitur; ita prorsus, ut nisi præciperetur, haud plus esset iustum, quàm quod ei per aduersitatem opponitur. Itanimus sit, ut omne iustum politicum, vel naturale, vel legitimum sit, & nullum iustum naturale sit legitimum, nec vllum le-

gitimum sit naturale. Nam quia politicum hoc ius maximè commune omne comprehendit virtutis officium, quod à legiflatoribus tradi potest, continebit etiam ius illud commune naturæ, cuius multæ partes etiam legibus explicantur, cuiusmodi est ius herile, paternum, & coniugale, cuiusmodi est obseruantia, pietas, religio, aliæque permulta, de quibus ipsi quoque præcipiunt legum conditores, tametsi naturalis eius sint iuris, quod naturæ, ac gentium quoque complectitur ius. Plurima quippe leges imperant explicationibus, quæ iure naturali gentiumque tenentur, adeoque hoc comprehenduntur generali iuris politici nomine, quod officia cuncta virtutum amplectitur, à legum conditoribus explanata. inter quæ illa etiam sunt, quæ tametsi legibus non explicarentur, ac præciperentur, honesta tamen & iusta essent ipsa per se. Cum verò ius hoc politicum ita commune, etiam ea contineat, quæ iusta tantummodo sunt, propterea quod lege præcipiuntur, in quo positum est propriè ius legitimum, siue legale, dici rectè verèque potest aliqua pars politici iuris esse legitimum ius, ac propterea benè diuidi communiter politicum ius in legitimum, ac naturale. Et quoniam id postulat recta diuisio, ut alterum membrum altero non claudatur; nec ius illud naturale commune dici propriè legale poterit, quia continet solum quod ante positam & sancitam legem est iustum, nec legitimum appellari naturale; quia legitimum ideo solum est iustum, quod lege præcipitur, nec antequam lex conderetur, est iustum.

Quæ cum ita sint, atque in hanc accipi sententiam debeant, quædam aduersus hanc Aristotelis diuisionem argumenta iactantur incassum. Quorum

Primum est. Nulla rectæ diuisionis pars vel superare vel exæquare potest totum. Sed iustum legale, vel superat, vel exæquat politicum ius. Videtur enim esse iustum legale totum id, quod pertinet ad legalem iustitiam. Hoc autem, si minus superat, saltem exæquat politicum ius. Frustra, inquam, hoc argumentum in Aristotelem iacitur, quia legale iustum accipi vult propriè, eoactèque pro eo, quod ideo solum est iustum, quod legibus imperatur. Huiusmodi verò iustum nec superat, nec exæquat politicum illud commune ius, quod omne virtutis officium præcipit. Quamquam enim ipsum quoque iustum legale potest id etiam interdum significare, pro eo tamen generali nomine hoc loco non ponitur, sed pro illo peculiari & proprio, ut multis id antè iam declarauimus. Secundum. Huius membra diuisionis inuicem se conuoluunt, & implicant: cum ius naturale scribi possit, & legibus præcipi, adeoque possit esse legitimum, aut legale. Dictum quidem iam est, naturale ius illud nominatum hîc esse, quod iustum est antequam lex scribatur, & proferatur: vbi verò inter leges refertur, iam politicum vniuersè vocandum esse. Sed ius legale iunitur hîc strictim & maximè propriè, hoc est, pro eo, quod ideo iustum

est, quia lege cauetur, ac propterea quantumuis naturale ius lege scripta præcipiatur, numquam tamen esse legale proprium poterit, quia iustum erat antequam legem præciperetur.

Tertium. Hæc diuisio abhorret ab ea, quæ traditur à Iurisconsultis, qui ius diuidunt in naturale ac ciuile in Instit. de iur. natur. gent. & ciu. §. Ius ciuile. Cùm enim ciuile nihil aliud quàm politicum sit, sequitur, eos velle ius naturale à politico sic distingui, vt ei con-

trarium sit eo modo, quo esse contraria oportet membra diuisionis. Respondoo: ius naturale Iurisconsultis in sua ipsorum diuisione illud esse, quod maximè propriè ius naturale dicitur, hoc est id, quod natura docuit omnes animantes. hoc autem ciuile ius esse non potest; cùm ciuibus apud eisdem Iurisconsultos illud sit, quod non modò scriptum est, verùm etiam alicuius ciuitatis est proprium, vt decernitur in Instit. eodem loco.



CAPVT OCTAVVM. DE IVSTE, INIVSTEVE FACTIS.

S V M M A.

Triplex esse damnum quod aliis irrogatur.

DIVISIO CAPITIS IN PARTES QVATVOR.

1. Iuste interdum aliquid, iniusteve fit absque iustitia, vel iniustitia.
2. Iustitia atque iniustitia interdum est, cùm tamen is qui agit, iustus iniustusve appellari non possit.
3. Quo tempore iuste factum aut iniuste cum iustitia, iniustitiave agentis coniunctum sit.
4. Ex voluntario vel iniusto petenda decisio est.

PARS PRIMA CAPITIS OCTAVI

ΟΝΤΩΝ δὲ τῶν δικαίων καὶ ἀδικῶν τῆ εἰρημῶν, ἀδικεῖ μὲν καὶ δικαιοπραγεῖ, ὅτερον ἕκων τις αὐτὰ πράττει. ὅτερον δὲ ἄκων, οὗτ' ἀδικεῖ, οὗτε δικαιοπραγεῖ, ἀλλ' ἢ καὶ συμβεβηκός. οἷς γὰρ συμβεβηκε δικαίους εἶναι, ἢ ἀδικούς πράττειν. ἀδικημα δὲ καὶ δικαιοπραγίαν αἰεταί τὰς ἐκούσιαι, καὶ ἀκούσιαι. ὅτερον γὰρ ἐκούσιον ἢ, ψεγάται. ἀμα δὲ καὶ ἀδικημα τότε ἐστίν. ὥστε ἀδικεῖν ἢ εἶναι μὲν, ἀδικημα δὲ ὁμοῦ περ, ἐὰν μὴ ὁ ἐκούσιος πράσῃ. λέγω δὲ ἐκούσιον μὲν, ὥσπερ καὶ πρῶτον εἴρηται, ὃ αὖ τις τῶν ἐφ' αὐτὰς ὄντων εἰδώς, καὶ μὴ ἀγνοῶν, πράττει, μήτε ὄν, μήτε ὧ, μήτε οὐ εἶναι. οἷς πᾶσι τούτοις, καὶ πῶν, καὶ πῶς ἐνεκα. καὶ ἐκείων ἕκαστον, μὴ καὶ συμβεβηκός, μηδὲ βία. ὥσπερ εἰ τις λαβὼν πῶν χεῖρα αὐτοῦ, τούτοις ἐπεί. οὐχ ἕκων δέ. οὐ γὰρ

Utrum autem iusta, & iniusta ea sint, quæ dicta sunt, iniuste quidem agit, & iuste agit, cùm voluntarius aliquis ea facit: cùm verò iniustus, neque iniuste agit, neque iuste, sed secundum accidens. quibus enim contingit iusta esse, vel iniusta, ea agunt. Iniuste factum autem & iuste factum definitur voluntario, & involuntario. Cùm enim voluntarium est, vituperatur, simul verò & iniuste factum tunc est. Quare iniustum quoddam erit quidem, iniuste autem factum nondum, nisi voluntarium accesserit. Dico autem voluntarium quidem, quemadmodum & prius dictum est, id quod aliquis eorum quæ in sua potestate sunt, sciens, & non ignorans agit, neque quem, neque quo, neque cuius gratia: seu quem verberat, & quo, & cuius causa, & eorum vnumquodque non secundum accidens, neque vi, veluti si quis apprehendens manum alicuius verberaret aliquem, non voluntarius autem, non enim

ἐπ' αὐτοῦ.

ἐπ' αὐτοῖς. εἰδὶχέναι δὲ τὸν τυττόμε-
 νοι πατέρα εἶναι, τὸν δὲ ὅτι μὴ ἀδελ-
 φός, ἢ τῷ πατρὶος ἕως, καὶ οὐκ ἐπὶ
 δὲ πατὴρ, ἀγνοῖν. ὁμοίως δὲ τὸ ὑπο-
 ποτι δοξάζειν καὶ ἐπὶ τῷ οὐ ἐνεκα, καὶ
 πάλιν πάλιν πάλιν ὅλιν. τὸ δὲ ἀγνοῦ-
 μέν, ἢ μὴ ἀγνοῦμένον μὴ, μὴ
 ἐπ' αὐτοῖς δὲ ὅν, ἢ βία, ἀκύνσιοι. πολλὰ
 γὰρ καὶ τῷ φύσει ὑπαρχόντων εἰ-
 δότες καὶ πατρὶος καὶ πατρὶος, ὅν
 οὐκ οὐτε ἐκύνσιοι, οὐτε ἀκύνσιοι ὅτιν.
 ὅτι τὸ γινώσκον, ἢ ἀπὸ τῆς φύσεως. ἐστὶ δὲ ὁμοίως
 ἐπὶ τῷ ἀδελφῷ καὶ τῷ δικάῳ, τὸ καὶ
 συμβεβηκός. καὶ γὰρ αὐτὸ πάλιν πάλιν
 τῷ δικαίῳ ἀποδοῖν ἕως ἀκύν καὶ ἀπὸ
 φό-
 βος, οὐτε δικάῳ πάλιν, οὐτε δι-
 καῳ πάλιν φάτιον, ἀλλ' ἢ καὶ συμ-
 βεβηκός. ὁμοίως δὲ καὶ τὸν ἀδελφῷ
 μὴ ἀποδοῖν, καὶ συμβεβηκός φάτιον
 ἀδελφῷ, ὅτι ἀδελφῷ πάλιν.

in ipso est. fieri verò potest, ut is qui verbe-
 ratur, pater sit, hunc autem hominem, aut
 presentium aliquem esse scias; patrem au-
 tem esse nescias. similiter verò hoc idem de-
 finitum sit etiam in eo, cuius gratia, & in
 actione vniuersa. Quod igitur ignoratur,
 aut minimè ignoratur quidem, non in ipso
 autem sicut erat, aut vi sit, inuoluntarium
 est. multa namque etiam eorum, quæ natu-
 ra insunt, scientes & agimus & patimur,
 quorum nihil, neque voluntarium, neque
 inuoluntarium est: ut senescere, aut mori.
 Est autem similiter in rebus iniustu & iu-
 stis id quod secundum accidens est. Et enim
 si depositum reddiderit aliquis iniuste, &
 propter metum, neque iusta agere, neque
 iuste agere dicendus est; sed secundum acci-
 dens. uenque qui vi coactus & inuolunta-
 rius depositum non reddidisset, secundum
 accidens dicendus est iniustus esse, & iniu-
 ste agere.

EXPLANATIO.



V O V suprâ in cap. 6. de factis iustis iniustisve differuit, ex quibus
 aliquis verè iustus, iniustusve dicendus sit, explicat hic accuratius,
 diuidenti factorum partitione propositâ, quorum alia spontè, alia in-
 uitò proficiscuntur à nobis: quamquam de iustè, iniusteve agentibus
 disputare videtur hoc loco potius, quàm de iustè factis aut iniustè. In
 hanc enim sententiam exorditur: Quæ iusta sint, aut iniusta, perspicui potest ex iis,
 quæ sunt hactenus explicata de proportionè ac ratione, de iure paterno, herili, &
 coniugali, de iure politico, naturali, ac legitimo, siue legali. Nunc de iustè, iniusteve
 agentibus exponendum est: de quibus tamen disputari rectè non potest, nisi quæ
 iustè, iniusteve sint facta, iterum, atque accuratius explicemus. Primum ergo de
 iustè iniusteve facientibus id ponit: eos iustè, vel iniustè facere, & verè iustos aut
 iniustos appellari debere, qui spontè, ac voluntariè faciunt: qui verò non spontè,
 sed inuitè faciunt, eos neque iustè, neque iniustè facere, neque verè iustos aut in-
 iustos esse, nisi fortasse per accidens. Qui enim iniustum aliquid facit inuitò, iniu-
 stè quidem facit & iniustus est, non propriè tamen ac per se, sed impropriè omnino-
 que per accidens. Euenit enim, & quasi casu accidit, ut quod ille fecit, iniustum
 aut iustum sit. Quippe dicitur iniustum iustumve, cùm rei potius factæ, quàm fa-
 cientis habetur ratio: sed facientis potius est intuenda voluntas, quàm facti ratio,
 si deprehendere velimus, quid propriè iustum, iniustumve sit, quis verè iustus in-
 iustusve nominandus videatur. Parricidium, exempli gratiâ, ipsum per se iniustum
 appellatur, & est; ab ignorante autem aut furioso perpetratum iniustum propriè di-
 ci non debet, sed iniustum per accidens; quia nimirum verè, per se ac propriè ex
 sola ratione facientis iniustum est, euenit tamen, ut vulgò putetur & dicatur in-
 iustum habita solum ratione facti. Denique redigit hic nobis in memoriam quod
 in libro tertio copiosius docuit, id quod est propriè iustum, iniustumve, volunta-
 rio, atque inuoluntario definiri, quod verissimum est. Ex his enim manarunt fonti-
 bus grauissimæ Iurisconsultorum disputationes de casu, de fortuitis incendiis, aut
 ruina, de inundationibus fluminum, de culpa, negligentiaue, de metu vel vi, de ira,
 de ebrietate, deque aliis eiusmodi plurimis, quæ tractantur in l. contractus ff. de re-
 gul. iur. in l. quod Nerua. depositi in l. aut facta. de pœnis. in l. si aut certo. cōmodati.

Dico autem voluntarium.] Iterat quæ docuit initio libri tertij de voluntarij definitione. Ait enim rursus, id se voluntarium dicere, quod aliquis, cum in sua sit potestate, sciens fecerit & prudens, nec quicquam eorum ignorans, quæ factum circumstant, & comitantur. Has autem circumstantias tum dicitur quis habere perspectas, cum aliquem, verbi gratia, verberarit, nec ignorauerit quem, aut quo instrumento, aut quo modo, aut quam ob rem, siue cuius rei gratia percussisset. Duo igitur in eo postulat, qui verè voluntarius agens appellandus sit: vt rem quam agit, eiusque circumstantias omnes agnoscat, vt rei, quam agit agendæ vel non agendæ potestatem habeat sibi intimam, hoc est, positam & collocatam in se. casus enim & vis à voluntario depelluntur. Neque enim ea, quæ fortè accidunt, vel ea, quæ per vim extrinsecus illatam facimus, in nostra sunt manu, ac potestate: adeoque dixit in 3. ea solùm esse voluntaria, quorum principium in nobis est. Explicat hæc exemplo luculento & populari: Si quis, inquit, alicuius manu per vim comprehensa, illa ipsa manu verberauerit alium; ille, cuius est manus, non percutiet voluntarius, quia non est in eius potestate non verberare. Neque verò quælibet scientia & cognitio satis est, vt quis dicatur agere voluntarius. oportet enim, cum, qui voluntariè agit, id quod agit, eiusque circumstantias scire per se, ac non per accidens. id quod etiam exemplo demonstrat: Si quis patrem, inquit, percussisset, patrem esse nesciens, tamen si sciat, hominem aliquem, & vnum ex præsentibus à se percuti, non diceretur voluntariè patrem percussisse, sed hominem, quia cum patrem esse per se non agnoscat, sed per accidens: quia nimirum scit, hominem se percutere, & è præsentibus vnum. Excipiendam tamen ignorationem illam putat, quam vnusquisque deberet à se depellere. Si enim is debuisset, & potuisset patrem agnoscere, culpa tenetur, & iniustus est: quod illis indicat verbis: aut minimè ignoratur quidem, sed non in ipso situm erat. Significat quippe, voluntarium non esse quod à nobis vel ignoratur, vel non ignoratur quidem, quia scitur per accidens, vt declarauimus, sed tamen eiusmodi est, vt illud per se scire in potestate nostra non sit. Nam qui patrem percussit, ratus alium hominem esse, si percussit inuitò, scire non poterat, esse patrem; si scire poterat, sed scire neglexit, spontè percussit. Ceterùm, ne quisquam id fortasse miretur, quod antè dixerat, etiam à sciente atque intelligente quædam inuitè fieri, quemadmodum apparet in eo, cuius manus ab alio comprehensa per vim, alium percutit, ait vniuersim, non omnia quæ scientes agimus, aut patimur, agere nos aut pati etiam volentes, & spontè: quod similitudine quadam à natura repetita declarat. Multa quippe agimus, inquit, patimurve natura, agere nos & pati scientes, sed non spontè tamen agimus, aut volentes patimur. Senescimus videlicet & morimur, probè id intelligentes, scientesque, sed non tamen voluntariè morimur aut senescimus, nisi per accidens: quia nimirum accersere mortem possumus, & per abstinenciam ac temperanciam canos & senium aliquantulum remorari. Idem igitur etiam in iustis, iniustisque actionibus vsu venit. quemadmodum enim in rebus naturalibus inuenitur id, quod est per accidens voluntarium, sed non per se, sic designari potest in iustis operibus, aut iniustis quod iustum iniustumve per se, vel per accidens sit. Si enim depositum, aut pignus reddit aliqui ei, cuius est, non quidem voluntarius, ac spontè, sed per metum aut vim, non diceretur agere iustè, nec iustum opus efficere, nisi per accidens: & si alius depositum, pignusve non reddit item per accidens: & si alius depositum, pignusve non reddit item per metum ac vim, iniuste facere, atque iniustus censetur esse per accidens. Hæc autem si voluntariè fierent, essent iusta per se.

PARS SECUNDA CAPITIS OCTAUI.

ΤΩΝ δὲ ἐκείνων, ἃ μὲν
πρὸς ἐλπίδι, πρὸς φόβῳ,
ἢ οὐ πρὸς ἐλπίδι. πρὸς ἐλπίδι
μὲν, ὅσα πρὸς βουλήσιν. ἀπὸ
αἵρεται δὲ, ὅσα ἀπὸ βουλήσιν.
πρὸς δὲ οὐκ ἔστι βλάβη τῇ ἐν τῇ
κατωτάτῃ, ἃ μὲν μετ' αἰσχύνης,

Voluntariorum autem hæc quidem
præligentes agimus, hæc verò non
præligentes. præligentes sanè agimus qua-
cumque praconsultauimus. non praelecta
verò sunt quacumque non sunt praconsulta-
ta. Cum ergo tria sint damna in societati-
bus, ea quidem quæ cum ignorantia sunt,

ἀμάρτηματὰ ἔστιν, ὅταν μήτε ὄν, μήτε ὡς, μήτε ὅ, μήτε οὐ ἐνεκα ὑπελάβε, ἡδὲ παρὰ τὸ ἔχειν. ἢ γὰρ οὐ βαλόν, ἢ οὐ πύτων, ἢ οὐ τέρν, ἢ οὐ πύτου ἐνεκα ᾤηθη. ἀλλὰ σιωπῇ οὐχ οὐ ἐνεκα ᾤηθη. ὅ, οὐχ ἵνα πείσῃ, ἀλλ' ἵνα κεντρίσῃ, ἢ οὐχ ὄν, ἢ οὐχ ὡς. ὅταν μὲν οὖν παρὰ τὸ ἔχειν ἢ βλάβῃ ᾤηται, ἀτύχημα. ὅταν δὲ μὲν παρὰ τὸ ἔχειν, αὐτὸ δὲ κακίαι, ἀμάρτημα. ἀμάρτημα μὲν γὰρ ὅταν ἐν αὐτῇ ἢ ἀρχῇ ἢ τῇ αἰτίᾳ. ἀτυχεῖ δὲ, ὅταν ἔξωθεν. ὅταν δὲ εἰδὼς μὲν, μὴ παρὰ βουλήσας δὲ, ἀδίκημα. ὅ, ὅτε περὶ τῶν θυμῶν καὶ ἄλλα πάθη, ὅσα ἀναιδέα, ἢ φυσικὰ συμβαίνει τοῖς αἰσθητοῖς. ἡδὲ παρὰ τὸ βλάπτειν καὶ ἀμάρτημα, ἀδικούσι μὲν, καὶ ἀδικήματα ἔστιν. οὐ μὲντοι πᾶσι ἀδικοῖσι παρὰ τὸ ἔχειν, ὅτι πᾶσι. ὅτι γὰρ ἀπὸ μαρτυρίας ἢ βλάβῃ. ὅταν δὲ ἐκ παρὰ τὸ ἔχειν, ἀδικῶς καὶ μαρτυρίας.

peccata sunt, cum quis neque quem, neque quomodo, neque quo, neque cuius causa existimavit, hac fecerit. Aut enim non percutere, aut non hoc instrumento, aut non hunc, aut non huius rei causa cogitavit, sed conigit non cuius causa existimavit, veluti, non ut vulneraret, sed ut pungeret, sine non quem, siue non quomodo. Cum igitur prater consilium damnum illatum fuerit, infortunium est. cum verò minimè prater consilium, sed sine vitio, peccatum est. peccat enim quis cum in ipso principium fuerit causa: infortunatè vero agit cum extra est. Vbi autem quis sciens quidem, sed non praconsultans agit, iniuste factum est, cum quacumque propitiam iram, & alios affectus sunt, qui necessarii, aut naturales accidunt hominibus. In his enim qui nocent & peccant, iniuste quidem agunt: & iniuste facta haec sunt, nondum tamen iniusti sunt propter hac, neque improbi. Non enim per malitiam damnum fit. cum verò ex praelectione, iniustus & improbus est.

EXPLANATIO.



NONIAM quid propriè, ac per se, quid impropiè ac per accidens iustum iniustumve sit, ex voluntarij definitione constitutum est, ac demonstratum. qua ratione interdum aliquid iustum iniustumve dici non debeat, sequitur, ut videamus, quænam actio ita iusta vel iniusta sit, ut eum vera iustitia, iniustitiave coniungatur, & verè iustum, iniustumve faciat agentem. Principium verò ducit ab eorum diuisione, quæ voluntaria, siue spontè facta nominantur. Ait quippe, quædam ex iis esse, quæ cum praelectione, quædam quæ absque praelectione nos agimus. illa esse ea, de quibus antegressa deliberatio est: hæc autem ea, de quibus nullum ante captum consilium est, nec deliberatio prius antecessit. In summa id illud est, quod sæpe dicimus; quædam à nobis consultò fieri, quædam inconsultò. Ad hanc nimirum partitionem ipse per fugium habuit Tullius in causa Milonis, à quo Clodium quidem occisum esse fatebatur, sed inconsultò, ac sine deliberatione antegressa, hoc est, ex tempore, atque in arena capto consilio ad defensionem corporis sui. Itaque Milo spontè quidem occidit & voluntariè, sed quia de re non antè deliberauerat, occidisse dicitur inconsultò. Cum igitur inconsultò aliquid factum dicimus, non dicimus inuitò, sed sine antecedente iam consultatione factum. quamquam enim in quolibet voluntario aliqua debet esse deliberatio, ipsum comitans opus, in aliquo tamen deliberatio desideratur antecedens. Hac diuisione proposita, ostendit quodnam sit opus illud iniustum, quod absque iniustitia sit. ostendit autem ex noua partitione damnorum, quæ per opus iniustum inferuntur. nulla quippe iniustitia est, quæ alicui fraudem non faciat. sed eiusmodi damnum quo nomine sit à Latinis appellandum aliqui disputant. Dicitur hic ab Aristot. βλάβη. quæ vox vertitur ab aliis noxa, ab aliis fraus, ab aliis damnum. Noxa mihi videtur Latine dici vix posse, fraus verò & Latine diceretur, & M. Tullio Ciceroni aliisque scriptoribus antiquis in primisq. Iurisconsultis congruenter ac rectè. Horum enim est ea formula. Quod sine fraude mea, aliorumque fiat, hoc est, sine damno. Itaque Cicero fraudem ferre dixit, quod est damnum afferre in epistola quadam ad Att. lib. 7. Rectè, inquam, βλάβη diceretur fraus, sed

malo damnum dicere, quod magis populare vocabulum atque vſitatus eſt. Tria, inquam, ait eſſe damna, quæ in hominum ſocietate alij aliis inferunt; vnum quidem inſcienter, ac non voluntariè; ſecundum voluntariè quidem, ſed non ex deliberatione iam antegreſſa; tertium, voluntariè, & cum deliberatione antecedente. Inſcienter autem & per ignorantiam tunc damnum inferitur, cum is, qui inferit, neque ſcit, intelligitve quid faciat, neque aduerſus quem faciat, neque quo instrumento, neque cuius rei gratia faciat. veluti ſi neſcit cum quem percutit, eſſe patrem, aut ſi putauit, rotundo & tereti ferro ſe percutere, quod tamen erat acutum, vel ſi voluit in eam gratiam percutere, vt tantummodo pungeret, & tamen vulnerauit.

Rurſus aliam partitionem designat eorum, quæ ſunt à nobis inuitis; duplicem in iis veluti conſtituens gradum. Quædam enim ait fieri *ἁδρόως*, præter rationem atque conſilium; eaque non eſſe peccata, ſed infortunia, ſiue læſiones, & damna fortuita: veluti, ſi quis è tecto decidens prætereuntem opprimat: quædam vero non præter rationem fieri; & ea tunc eſſe peccata, cum agendi principium & poteſtas in nobis eſt. ſed quia cogitatò, conſultòque per deliberationem antegreſſam facta non ſunt, peccata cenſentur eſſe extra malitiam vel ſine vitio; ſed peccata tamen, quia vis erat in nobis & facultas, vt ea declinare poſſemus. Nimirum contendit hic Ariſtoteles explicare quis iuſtus, iniuſtusve ſit: ſed primo tamen loco perquirat quis ſit iniuſtus, vt eo cognito, etiam iuſtus à contrario cognoscatur. Iniuſtus autem eſt qui nocet, qui damnum affert, ac facit iniuriam; adeoque neceſſe habet per euſmodi partitiones, gradusque nocendi verum damnum, veramque iniuriam inueſtigare, quæ propriè verèque hominem faciat, & designet iniuſtum. quamquam eum potiùs hæcenus deprehendit, qui propriè non ſit iniuſtus, quàm qui iniuſtus propriè dicendus ſit. Huc enim pertinent propoſitæ diuiſiones, & id quod adiungit de ſciente, ſed non præconſultante. qualis eſt is, qui per iram, aliamque euſmodi, vel naturalem, vel neceſſariam animi perturbationem alium læſerit. naturalis eſt timor, amor, indignatio; neceſſaria ſitis, fames, ſomnus, alia. Quippe ſi metu quis aut ira vel miſericordia, vel alia commotione ſic incitatus aliquid egerit, vt antè deliberare non potuerit; aut ſi fame, ſitueve compulſus intolerabili, alicui nocuerit, aut ſomno minimè ſuperabili correptus, officij ſui partes omiſerit, iniuſtus propriè, nec habendus, nec appellandus iudicatur. Quamuis enim ea, quæ ſic ſunt, iniuſta ſint, quia tamen in-conſultò, nec ex antegreſſa deliberatione perpetrantur, facere non poſſunt, vt verè iniuſti improbiſque nominentur ij, qui hoc modo extra malitiam peccant. Quibus ita conſtitutis, relinquitur, vt is ſolùm verè ſit habendus & appellandus iniuſtus, qui ex deliberatione ſuſceptòque conſilio alteri nocet & fraudem facit.

PARS TERTIA CAPITIS OCTAVI.

ΔΙΟ κελεύει, ὅτι ἐκ θυμῶ, ἐκ
ἐκ παρορτίας κρίνεται. οὐ γὰρ ἀρ-
χὴ ὁ θυμῶ ποιεῖν, ἀλλ' ὁ ὀργισμός. ἐπὶ
δὲ τοῦτο πάλιν τῆς ἀνέστασις, ἢ μὴ, ἀμ-
φοτεροῦται, ἀλλὰ πάλιν τῆς δικαίου.
ὅτι φαίνεται γὰρ ἀδικία ἢ ὀργὴ ὅτι.
ἐν γὰρ ὡς περ ἐν τοῖς σωματικαῖς πάλιν
τῆς ἀνέστασις ἀμφοτεροῦται, ὡς αἰσθη-
τὸν ἔτερον ἐν μὲν ὀργῇ, αὐτὸ μὴ ἀφ' ἑ-
λπίδος αὐτὸ δρῶσιν. ἀλλ' ὁμογενεῖς
πάλιν τῆς παρορτίας, πάλιν τῆς ποτὶς
δικαίου ἀμφοτεροῦται. ὁ δὲ ἐπιβουλεύ-
σας, ἐκ ἀγνοίας. ὡς ὁ μὲν οἶσται ἀδικεῖ-
ν, ὁ δὲ ἄνθρωπος ἐκ παρορτίας βλά-
ψῃ, ἀδικεῖ. καὶ γὰρ ταῦτα ἴδοντες ἀδικη-
ματὰ ὁ ἀδικῶν, ἀδικῶν, ὅταν πάλιν
ὁ ἀδικῶν ἢ, ἢ πάλιν ὁ ἴσων. ὁμοίως ἢ καὶ

QUapropter rectè quæ ex ira ſunt,
non ex prouidentia facta eſſe iudi-
cantur. non enim incipit is, qui ex ira facit,
ſed qui prouocauit ad iram. Præterea non de
facto, aut non de facto controuerſia eſt, ſed
de iure. nam ex apparēte iniuſtitia ira exi-
ſtit. Non enim ſicut in commerciis, de facto
controuerſantur homines, quorum neceſſe
eſt alterum eſſe improbum, niſi propter obli-
uionem id faciant, ſed conſentientes de re, de
eo verum iuſtum ſit, liſigant. qui autem inſi-
diatus eſt, non ignorat. Quare alter putat
iniuria ſe affectum eſſe, alter verò minimè.
Quòd ſi ex præelectione nocueris, iniuſtè a-
git, & qui ſecundum hæc læſiones iniuſtè fa-
cit, iniuſtus eſt, cum præter proportionem ſit,
aut præter æqualitatem. ſimiliter verò &

ὁ δίκαιος, ὅτε μὲν ἄλλος ἀδικῶν δίκαιοι παρὰ γὰρ. *iustus, cum praeligens iuste egerit; iuste au-*
 δίκαιοι παρὰ γὰρ, αὐτὸν μόνον ἐκ τῶν ἀδικῶν. *tem agit, si solū voluntarius agit.*

EXPLANATIO.



V *Æ* duo dicta iam sunt; interdum iniustitiam esse absque vitiositate, ac malitia, quæ agentem facere non debeat iniustum, interdum cum vitiositate, malitiæque coniungi, quæ vera iniustitia est, ea nunc exemplis & ratione demonstrat. Ac primo quidem, interdum iniustitiam, siue opus iniustum aliquod citra malitiam esse, à quo is, qui agit non sit propriè dicendus improbus, & iniustus, ostendit hoc modo: Vbi aliquis ex ira nocet, & damnum affert perturbationibus incitatus, agit iniuste, atque iniustitiam admittit: agit enim voluntariè. Sed qui ex ira nocet ac damnum perturbatione compulsus infert, non propterea nominatur, & est iniustus. Igitur interdum est iniustitia, cum is, qui agit iniuste, nec malus est nec iniustus. Assumptio sic declaratur: Ille qui non ex electione, ac providentia, hoc est, non ex animi consilio susceptæque deliberatione nocet, & fraudem facit, non est iniustus; qui verò per iram, aliâve animi perturbationem impotentem nocet, ac damnum affert, non ex animi consilio, nec ex deliberatione suscepta nocet, aut facit iniuriam; quia qui facit ex ira non incipit prior nocere, sed incipit ille qui eum provocavit ad iram. Ergo qui ad iram eum concitavit, consultò fecit & ex consilio, non ipse qui concitatus & repente turbatus exarsit. Præterea demonstrari potest idem ex signo. Vbi enim aliquis ex ira fecit iniuriam, disceptatur apud iudicem de iure, non de facto. palam enim iratus, & manifestè agit, adeoque factum non diffitetur, aut negat, quemadmodum sæpè fit in humanis commerciis, in quibus altercatio est sæpè de facto, negaturque, verbi gratia, rem fuisse depositam, aut mutuo datam. itaque si qua disceptatio & controuersia de damno per iram illato est, de iure est. Sed non esset eiusmodi questio & lis de iure, si ille simpliciter ac palam iniustus esset. Similitudo, ut cernitur, ex Rhetorum, & Iurisperitorum questionibus est petita, quarum alix facti esse dicuntur, alix iuris, quod apud Cicer. est in Orat. Milon. alibi sæpè, & in l. i. ff. ad Vlpianum. Secundo autem ratione item probat, iniustitiam contra interdum esse cum malitia coniunctam, à qua verè qui agit, nominetur & sit iniustus. Cum aliquis, inquit, opus agit iniustum ex animi consilio & deliberatione, propriè verèque agit iniuste. suo enim iudicio violat proportionem & æqualitatem; quarum illa iustitiæ distribuentis est, hæc verò commutantis & vindicantis. Ergo prudens & volens agit iniuste, ac propterea verè, proprièque iniustus atque improbus est.

PARS QUARTA CAPITIS OCTAVI.

ΤΩΝ δὲ ἀνοσιῶν, τὰ μὲν ὅτι
 συγγνωμονικά. τὰ δὲ οὐ συγγνω-
 μονικά. ὅσα μὲν γὰρ μὴ μόνον ἀνοσιώ-
 τες, ἀλλὰ καὶ δι' ἀγνοίας ἀμάρτυρου-
 σι, συγγνωμονικά. ὅσα δὲ μὴ δι' ἀ-
 γνοίας, ἀλλ' ἀνοσιώτες μὲν, ἀγ-
 παθὸς δὲ μήτε φυσικῶν, μήτ' αἰθε-
 ρικῶν, οὐ συγγνωμονικά.

E *Orum autem quæ inuitè fiunt alia*
quidem ignoscenda sunt, alia verò
non ignoscenda. Quæcumque enim non so-
lūm inscientes, sed etiam propter ignoratio-
nem peccant, ignoscenda sunt; quæ verò
non propter ignorance, sed inscientes qui-
dem, propter affectum tamen, neque natu-
ralem, neque humanū, non sunt ignoscenda.

EXPLANATIO.



X *iis, quæ disputata sunt, posset aliquis ratiocinando colligere, quic-*
 quid nobis inuitis & nolentibus fit, culpa vacare, ac venia dignum es-
 se. Ad hunc amoliendum errorem, quæ dicuntur inuitè facta, bipar-
 titò diuidit, in ea, quæ condonanda, & in ea, quæ minimè condonan-
 da, atque ignoscenda censentur. Accipit hic enim Aristoteles inui-
 tum amplissimè, comprehendens inter inuitè facta id etiam, quod ex ira, aliâve ani-
 mi perturbatione fit: cum tamen alibi dixerit, id esse voluntarium, & spontè factum,
 quia principium agendi & facti causa in nobis est. Hoc igitur aliâque, quæ, vel na-
 turalia, vel necessaria sunt, nec ab antecedente illa deliberatione nascuntur, quo-

niam aliquantulum à perfecta voluntarij ratione discedunt, inter ea reponit inuitè facta, quæ condonanda putamus. Præterea vult inter ignoscenda numerari quæ peccamus non ignorantes solum (hæc enim venia digna non putat.) sed quæ per ignorationem admittimus. docuit enim in tertio, eos ignorantes peccare qui rem vniuersam, & communem ignorant, per ignorantiam illos, qui rem peculiarem, & peculiares, ac proprias ignorant circumstantias rei. Si quis ignorat adulterium esse improbum & iniustum, ignorat id, quod est vniuersum & commune, adeoque peccat ignorans; si quis ignorat, hanc alienam vxorem esse, putans absque dubio esse suam, non solum ignorans, sed per ignorationem peccat. priorem illum ait non esse venia dignum, sed esse posteriorem. Eodem planè modo de perturbationibus, perpeſſionibusque minimè naturalibus aut humanis existimat. si quis enim illectus voluptate vel auaritia, non fame compulsus, iniuriam fecerit, nulla dignus est venia, quia eiusmodi affectio humana non est; sed dignus est venia, si fame, siti, somno coactus aut damnum intulit, aut ab officio discessit.

Nullas in hoc caput octauum quæstiones instituemus: quia quæ de voluntario dicuntur disputata sunt initio libri 3. quæ verò de iusto, iniustove à iustitia iniustitiave diiuncto decernuntur, explicata suprâ sunt in hoc libro cap. 6. Quemadmodum enim hominem simpliciter bonum noneum fecit Aristoteles, qui bene agat, sed qui agat ex habitu, vt diximus in lib. 2. cap. 4. sic iustum simpliciter hominem non eum hic dicit qui iustum agat, sed qui consultò, & ex deliberatione animi agat. adeoque nihil iustum iniustumve vult esse, quod non à iustitia, iniustitiave, hoc est, non ex habitu, aut antecedente deliberatione proficiſcatur.

EPILOGVS.

1. *Iustum & iniustumve fieri potest ab eo, voluntariè non agat, vt si per vim, aut metum reddas alicui sum, aut si per igno. riam noſcat.*
2. *Voluntarium sola scientia, & cognitione non definitur. multa enim agimus, patimurque natura scientes, qua minimè vellemus. Quippe ſeneſcimus, & morimur scientes, & tamen inuiti. Est igitur addenda electio & deliberatio, ſiue conſilium antecedens.*
3. *Agit itaque aliquis opus iniustum absq. iniustitia, quia vel neſciens, vel non ex animi deliberatione agit, ſed per iram, aliamve animi perturbationē, aut indigentia naturalē agit.*



CAPVT NONVM.

DE EO, QVI PATITVR INIVRIAM.

S V M M A.

Dubitari poſſe, an aliquis volens patiatur iniustum.

DIVISIO CAPITIS IN PARTES DVAS.

1. *Iniustum pati ex altera parte minimè voluntarium eſſe videtur, ex altera voluntarium, vt rationes vtrinq. demonſtrant.*
2. *Qui præter dignitatem perſonarum diſtribuit, ſemper agit iniuſtè, qui recipit, non quidem ſemper, ſed tamen interdum iniuſtè facit.*

PARS PRIMA CAPITIS NONI.

Απορίσκει δ' αὖ τις, εἰ ἰκανῶς διω-
 ρισται αὖτε τῶ ἀδικησῶν, καὶ τῶ ἀδι-
 κατῶν. αὐτοὶ μὲν εἰ ὅστις ὡς αὐτὸς Εὐριπίδης
 εἶρηκε, λέγων ἀπόπως μητέρα κατέ-
 κταται ἢ ἐμελῶ. βραχὺς λόγος, ἐκὼν ἐκδο-
 σθαι, ἢ ὁλιγοσύνῃ οὐχ ἐκὼν. ποτὲ γοῦν

Dubitet autem aliquis, virum satis de-
 finitum sit de eo, quod est iniustum pa-
 ti, & iniustum facere. primum quidem, an
 sit sicut Euripides dixit; inquit absurdè:
 matrem necavi meam, brevis sermo, volens
 volentem, vel volentem non volens. Virum

ᾧ ὡς δὴ πρὶν ὅτι, ἐκόντα ἀδικεῖσθαι, ἢ οὐ. ἀλλ' ἀκούσας ἀπὸ τοῦ ὡς, καὶ ὅτι ἀδικεῖν πρὸς ἐκούσιον; καὶ ἄρα ἀπὸ τοῦ οὕτως ἢ ἐκείνως (ὡς περὶ ὅτι ἀδικεῖν πρὸς ἐκούσιον) ἢ ὅ μ' ἐκούσιον, ὅτι ἀκούσιον; ὁμοίως δὲ καὶ ἐπὶ τῷ διαφθεῖσθαι. ὅτι ᾧ διαφθεῖσθαι πρὸς ἐκούσιον, ὡς τ' ὁμοίως ἀδικεῖσθαι ὁμοίως καὶ ἐκόντες, τὸ, τ' ἀδικεῖσθαι, καὶ ὅτι διαφθεῖσθαι, ἢ ἐκούσιον, ἢ ἀκούσιον εἶ. ἀπὸ τοῦ δὲ ἀδικεῖν καὶ ἐπὶ τῷ διαφθεῖσθαι, εἰ ἀπὸ τοῦ ἐκούσιον. ἐνίοι γὰρ διαφθεῖσθαι οὐκ ἐκόντες. ἐπὶ καὶ τὸ γὰρ ἀφαιρεῖσθαι ἀμύνης, πότερον ὅτι ἀδικεῖν παρὰ τὸ ἀδικεῖσθαι πᾶς. ἢ ὡς περὶ καὶ ἐπὶ τῷ ἀφαιρεῖσθαι, καὶ ἐπὶ τῷ παρὰ τὸ ἀδικεῖν. καὶ συμπεριλαμβανόμενος γὰρ ἐκδέχεται ἐπ' ἀμφοτέρων μεταλαμβάνει τῷ ἀδικεῖν. ὁμοίως δὲ δὴλον, ὅτι καὶ ἐπὶ τῷ ἀδικεῖν. οὐ γὰρ θεωρεῖν ὅτι ἀδικεῖ ἀφαιρεῖν, τῷ ἀδικεῖν. ὅτι ὅτι ἀδικεῖ παρὰ τὸ ἀδικεῖσθαι. ὁμοίως δὲ καὶ ἐπὶ τῷ διαφθεῖσθαι, εἰ διαφθεῖσθαι. ἀδυνάτου γὰρ ἀδικεῖσθαι, μὴ ἀδικουῦτος. ἢ διαφθεῖσθαι, μὴ διαφθερομένου. εἰ δὲ ἐστὶ ἀπλῶς ὅτι ἀδικεῖν, ὅτι βλάπτειν ἐκόντα ἑαυτὸν. ὅτι ἐκόντα, εἰδότες καὶ ὅτι, καὶ ὅτι, καὶ ὡς. ὅτι ἀφαιρεῖσθαι ἐκὼν βλάπτει αὐτὸς αὐτόν. ἐκὼν τ' αὐτὸ ἀδικεῖν, καὶ ἐκδέχεται αὐτὸν αὐτὸν ἀδικεῖν. εἰ δὲ καὶ τῷ ἐπὶ τῷ ἀφαιρεῖσθαι, εἰ ἐκδέχεται αὐτὸν αὐτὸν ἀδικεῖν. ἐπὶ ἐκὼν αὐτὸς δὲ ἀφαιρεῖσθαι ὑπὸ ἄλλου βλάπτειν ἐκόντος. ὡς εἰ καὶ ἐκόντα ἀδικεῖσθαι. ἢ εἰ καὶ ὁμοίως ὁ ἀφαιρεῖσθαι; ἀλλὰ περὶ τῷ βλάπτειν, εἰδότες καὶ ὅτι, καὶ ὅτι, καὶ ὡς, ὅτι ἀφαιρεῖσθαι ἐκείνου βούλονται. βλάπτειται μὴ οὕτως ἐκὼν, καὶ ὅτι ἀδικεῖ παρὰ τὸ ἀδικεῖσθαι. ἀδικεῖται δὲ οὐκ ἐκὼν. οὕτως γὰρ βούλεται, οὐδ' ὁ ἀφαιρεῖσθαι. ἀλλὰ περὶ τῷ βούλονται ἀφαιρεῖσθαι. οὐτε γὰρ βούλεται οὕτως, ὅ μὴ οἶσθαι εἶ. ἀφαιρεῖσθαι. ὅ δὲ ἀφαιρεῖσθαι ὅτι οἶσθαι δὴν ἀφαιρεῖσθαι, ἀφαιρεῖσθαι. ὅτι πρὸς αὐτὸν διδοῦν, ὡς περὶ Ομηροῦ Φησι, διδοῖν πρὸς Γλαυκὸν εἰς Διομήδεος χερσὶν.

enim verè contingit, volentem iustum pati nec ne, an iniustum id omne est, quemadmodum etiam iniustum facere omne inuoluntarium est. Et verum omne sic, aut illo modo, sicut et iniustum facere omne voluntarium, an hoc quidem voluntarium, aliud verò inuoluntarium, similiterque de ratione iusti patiendi? Nam iuste agere omne voluntarium est. Quapropter consentaneum est opponi similiter secundum verumque, et iniuriam pati, et iustum pati, siue voluntarium, siue inuoluntarium sit. absurdum verò videretur etiam in iure faciendo, si omne voluntarium sit. aliqui enim iustum patiuntur non volentes. nam etiam de hoc ambigeret aliquis, verum qui iniustum aliquod passus est, afficiatur iniuria omnis: an sicut et in agendo, etiam in patiendo est. Secundum accidens enim fieri potest ut in viri, que pariceps sit iustorum, pariterque perspicuum est etiam in iniustis. Non enim simile est iniusta agere, et iniuriam facere, neque iniusta pati, et iniuria affici. item verò etiam de iuste agendo, et de iuste patiendo. impossibile enim est iniuriam pati, nisi sit qui iniuriam faciat, aut iustum pati, nisi sit qui iuste agat. Si verò simpliciter iniustum agere est ledere sponte aliquem, sponte autem ledere est scientem, et quem, et quo, et quomodo: intemperans vero volens lade ipse se, volens iniuria afficeretur, et contingeret ut ipse se ipsum iniuria afficeret est autem et hoc unum quoddam ex iis, qua dubitantur, verum fieri possit, ut ipse se ipsum ladat. Præterea volens aliquis propter intemperantiam ab alio laderetur volente: unde fieret, ut volens iniuria quis afficeretur. An non recta definitio est? sed addendum erit ad ipsum ledere, scientem et quem, et quo et quomodo præter illius voluntatem. ladi-tur igitur aliquis volens, atque iniusta patitur. iniuria verò afficitur nemo voluntarius. nemo enim vult: ne incontinens quidem. sed præter voluntatem agit. neque enim vult aliquis quod non putat esse bonum. incontinens verò quod non existimat oportere facere, agit. qui verò sua ipsius dat, sicut Homerus ait, dedisse Glaucum Diomedæ aurea pro-

χαλκείων, ἐκατόμβοι, σὺν αὐτοῖς, σὺν
ἀδικεῖται. ἐπ' αὐτῷ γὰρ ἔστι τὸ διδόναι.
τὸ δ' ἀδικεῖσθαι, σὺν ἐπ' αὐτῷ, ἀλλὰ τὸν
ἀδικουῦντα δὲ ἄρχειν. αὐτὸ μὲν οὖν
τῷ ἀδικεῖσθαι, ὅπου ἔχουσιν, δὴλον.

ancis, centum boues pronouem bobus, non
accipit iniuriam. in ipso enim est dare iniu-
ria verò affici, non ipso est; sed iniuria affi-
cientē oportet esse. De eo igitur, quod est in-
iustū pati, nō esse voluntariū, perspicuū est.

EXPLANATIO.

PLURES in hoc capite proponit explicatque quæstiones, existentes ex
iis, quæ disputata iam sunt, imprimisque perquirendum existimat: utrum
re vera sua voluntate ac spontē aliquis afficiatur iniuria, an omnes inuiti,
an quidam inuiti, quidam volentes iniuriam patiantur. Quæ profectō
iure quærentur hoc loco, quia paulō antē iam dictum est, eum qui verē facit iniu-
riam, spontē. ac suo iudicio facere; nec iniustum dici debere quempiam, nisi qui ex
electione, animique consilio alteri noceat. Hinc enim videtur esse consequens eum
etiam, qui patitur iniuriam, spontē pati, cū hæc relatiuē sibi respondeant inter se,
ἀδικῶν, & ἀδικεῖσθαι, iniuriam facere & iniuriam pati, eadēque debeat esse vtriuf-
que ratio, quia eadem est disciplina contrariorum. Ex altera verò parte videtur ab-
surdum, & rationi dissentaneum esse, eum qui patiatur iniuriam, spontē pati, nec
quicquam à veritate dici posse alienius, quàm quod apud Euripidem ait ille, qui cū
matrem occidisset, ad purgandum parricidium suum, ita loquitur. matrem occidi
meam, ut breuiter dicam, volens volentem, vel volentem non volens: siue ut Sena-
rios illos vertit Turnebus,

Meam parentem occidi ego (sermo breuis)

Lubens lubentem, vel volentem non lubens.

siue ut Lambinus,

Matrem ut meam necauerim paucis loquar,

Volens volentem, vel volentem non volens.

Tragœdiam Euripidis, in qua pronunciata hæc sunt, ait Eustratius fuisse Bellerophontem, quæ desideratur. sed verba illa non possunt esse Bellerophontis, ut puta-
uit Acciaiolus, cū nemo, quod sciam, scriptum reliquerit, à Bellerophonte fuisse
matrem interfectam. Quicumque tamen is fuerit, absurda & pugnancia locutus esse
videtur, inquit Aristoteles. Quid enim dici possit ineptius, aut à fide magis abhor-
rens, quàm volentem, libentēque à filio matrem interfici, nec vlla esse affectam
iniuria, cū omnes existimarent, Bellerophontem iniustē fecisse? Hæc, inquam,
rationes vtrinque propositæ quætere nos iubent, utrum interdum fiat, ut iniuriam
pati sit voluntarium, an semper iniuriam, & damnum pati inuoluntarium sit: &
quoniam iniuriam facere relatiuum est, id quoque fortassis oporteret inquirere,
utrum semper is, qui facit iniuriam, faciat voluntariē, an interdum inuitus, ac
minimē voluntariē faciat. Sed hæc quæstione submota, priorem tractare aggreditur
argumentis in vtrāque partem exhibendis, quæ probent, iniustum pati & volun-
tarium, & minimē voluntarium esse. Perutilis nimirum ea quæstio est, Iurisconsul-
torum quoque disputationibus frequentata, qui sæpè ac multis sanè locis vocarunt
in dubium, an spontē quispiam afficiatur iniuria; ut si volens aliquis veneat, & in
seruitutem tradatur l. i. §. vsque adeo ff. de iniuriis. aut si aliquis sit, cui furtum vo-
lenti fiat. l. inter omnes §. penult. de furtis: vel si volens femina rapiatur l. i. in fin.
C. de raptu virginum. Quin ipsi etiam Theologi disputant, an ij, qui conuicia,
contumelias, verbera, eadē libenter & lætissimis animis pro Christo perferunt,
pati dicantur iniuriam. Hanc ergo quæstionem ita celebratam & nobilem in vtrā-
que partem agitat hic Aristoteles, & quoniam paulatim rem & quasi remigando
promouet, conatur primum probare quodlibet iniustum pati vel voluntarium vel
inuoluntarium esse. Conatur autem probare hoc penè modo: Iustum agere ac ius-
tum pati opposita sunt. Sed quot modis dicitur, & appellatur vnum oppositorum,
totidem etiam dicitur, & appellatur alterum. ergo quot modis dicitur iustum agere,
totidem dicetur etiam iustum pati. At quodlibet iustum agere, aut voluntariū dicitur,
aut inuoluntarium. quippe iam positum suprā est, interdum nos agere quod est
per se iustum, sed inuoluntariē tamen agere, quia ex animi consilio, & deliberatione
non agimus. Igitur etiam quodlibet iustum pati, vel voluntarium vel inuoluntarium
dicendum erit. Hoc ita probato, & posito, aliud producit argumentum, quo de-

monstret, non omne iniustum pati voluntarium esse. Cùm enim quicquid iniustum patimur, aut voluntarium sit, aut inuoluntarium, sequitur, ut videamus, voluntariumne sit, an inuoluntarium quicquid iniusti patimur. Sic ergo demonstrat non quodlibet iniustum pati voluntarium esse. Constat apertissime, idque oculis penè cernitur, eos, qui vel percutiuntur, vel bonis spoliantur suis ab aliquo per vim, iniustum eiusmodi pati nolentes & inuitos. Ergo non quodlibet iniustum pati voluntarium est. Sed tamen ait, posse aliquem huiusmodi quæstionem ambigendo proponere; An omnis qui patitur iniustum materialiter, ac per accidens, dici possit iniustum pati formaliter ac per se. Si enim qui patitur id quod materialiter & per accidens iniustum est, non patitur id quod per se ac formaliter est iniustum, posset aliquis posita rationi respondere, cum qui nolens verbera patitur, aut rapinam, id pati, cui fortè accidit iniustum esse, ac propterea non per se ac formaliter, hoc est, non verè proprièque iniustum pati. Soluit quæstionem ex iniusti atque iniuriæ distinctione, docens nimirum, haud idem esse iniustum pati, & iniuriam pati. Sicut enim agens, iniustus & per accidens agere potest iniustum, nec facit tamen iniuriam; sic patiens potest per accidens iniustum pati, qui non tamen iniuriam patitur. Itaque ille qui patitur id, quod iniustum materialiter ac per accidens est, non patitur iniustum formaliter, hoc est, iniuriam; sed non sequitur hinc, cum qui patitur iniustum formaliter & iniuriam, non pati eam inuitum.

Si verò simpliciter iniustum, &c.] Nunc autem id quærendum restat quod præcipuum est; an quodlibet iniustum pati inuoluntarium sit. Antequam rationes proponat, quæ demonstrare videantur, non quodlibet iniustum pati inuoluntarium esse, describit, definiève quid propriè verèque sit iniustum agere, ut ex ea definitione argumenta ducat ad rem demonstrandam idonea. Ait ergo, iniustum simpliciter agere idem esse ac lædere, siue nocere scienter ac spontè: nec posse quempiam, simpliciter, ac verè dici iniustum agere, nisi qui volens lædat, ac sciens quem lædat, quo instrumento, vel quo modo lædat, aliàsve circumstantias peruidens, & intelligens, quibus omnis instructa moralis est actio. Hac, inquam, descriptione proposita, sic aggreditur ostendere, non omne iniustum pati inuoluntarium esse. Incontingens, siue intemperans scienter & voluntariè se ipsum lædit, ac sibi suoque corpori volens & sciens nocet, cùm id agat, quod suæ salutis contrarium esse cognoscit. Igitur ex definitione proposita dicendus est iniustum agere in se ipsum. Sed iniustum agere, & iniustum pati simul oportet esse, ac separati non possunt. Ergo intemperans volens & sciens iniustum patitur à se ipso. Itaque non omne iniustum pati, inuoluntarium est. Præterea, sæpissimè fit, ut aliquis volens & intelligens lædatur ab alio. ut cùm quis amore meretricis ad insaniam perditus, ab ea se spoliari patitur, atque ad postremam inopiam se redigi spontè scienterque permittit. Fit igitur sæpe, ut aliquis voluntariè patiatur iniustum, adeoque non omne iniustum pati, dicendum inuoluntarium est. Ad has rationes euertendas corrigit primùm definitionem propositam, contenditque hanc ei particulam adiiciendam esse [præter eius, qui læditur voluntatem,] ut iniustum simpliciter agere non modò sit voluntariè, scienterque alium lædere, sed lædere præter læsi voluntatem. Hinc enim consequens est, ut quoniam eadem est oppositorum disciplina & ratio, etiam iniustum pati, sit lædi contra eius qui læditur voluntatem. Quapropter tametsi aliquis patitur, læditurque, si tamen præter eius voluntatem non læditur, pati simpliciter & verè non dicitur iniustum. Quod autem attinet ad exemplum illud ab intemperato petrum, qui & se ipsum lædere, & ab alio lædi videtur volens, respondet, neminem esse qui perfecta voluntate pati velit iniustum, ne ipsos quidem incontinentes, & libidinosos. Nam primo quidem ille qui per intemperantiam sibi nocet, habet etiam ipse voluntatem boni, sed ex impotenti cupiditate trahitur ad malum. Cùm enim voluntas sit appetitio boni, nemo vult nisi quod existimat bonum esse. Incontingens verò cùm extra perturbationem est, & liber affectu, non existimat bonum id, quod expetit ex animi perturbatione, quasi mente commotus. Quare simpliciter absoluteque non id vult, quod ex illa cupiditate prosequitur, sed tamen affectu turbatus tanquam bonum id agit, quod sanus iudicat fieri non oportere. Ille verò qui volens & prudens ab alio læditur, veluti qui à pellice redigitur ad rerum omnium & supremam inopiam, aut huiusmodi alius, non patitur præter sui voluntatem iniuriam. Qui enim sua dat volens, & sciens, simpliciter, absoluteque non

afficitur iniuria, quemadmodum declarat exemplo Glauci apud Homer. Iliad. 6. qui arma sua aurea, & pretiosissima Diomedī dat volens, ab eo receptis armis aeneis, quæ pretio atque æstimatione longè sunt inferiora. In hac enim permutatione tale damnum patitur Glaucus, ut simile id videatur esse, ac si quis boues centum daret pro nouem: sed tamen quia iacturam illam spontè facit, & damnum patitur volens, iniustum, siue iniuriam verè simpliciterque non patitur. Perpicuum igitur est, id quod est simpliciter iniustum, à nemine iudicio & voluntate perferri. pati enim & perferre id quod est simpliciter iniustum, est perferre patique præter voluntatem.

PARS SECVNDA CAPITIS NONI.

ΕΤΙ Δ' ὦν παρὰ δόξα, δύο ὅστιν εἶπεν. πότερον ποτε ἀδικεῖ ὁ ρέμας πρὸς τὴν ἀξίαν ὃ πλεον, ἢ ὁ ἔχων. καὶ εἰ ἐστὶν αὐτὸν αὐτὸν ἀδικεῖν. εἰ γὰρ ἐνδέχεται ὃ παρὰ τερῶν λεγέσθαι, καὶ ὁ ἀφ' ἐνέμων ἀδικεῖ, ἀλλ' οὐχ ὁ ἔχων ὃ πλεον. εἰ τις πλεον ἐτέρῳ, ἢ αὐτῷ ῥέματι, εἰδὼς καὶ ἐκὼν, ἔσται αὐτὸς αὐτὸν ἀδικεῖν. (ὅτι δὲ δοκοῦσι οἱ μέτεροι ποιεῖν. ὁ γὰρ ὁπτιχὴς ἐλαττωτικὸς ὅστιν.) ἢ εἰδὼς τὸ τοῦ ἀπλουῦ; ἐτέρῳ γὰρ ἀγαθῷ, εἰ ἔτυχεν, ἐπλεονέκτει, ὅτι δόξης, ἢ τῷ ἀπλῶς καλῶ. ἔτι λυέται καὶ τὸν δόξισμὸν τῷ ἀδικεῖν. οὐ γὰρ πρὸς τὴν αὐτῷ παρὰ βούλησιν. ὥστε οὐκ ἀδικεῖται ἀλλὰ γὰρ τῷ τοῦ. ἀλλ' εἰδὼς, βλάπτειται μόνον. φανερόν δὲ καὶ ὅτι ὁ ἀφ' ἐνέμων ἀδικεῖ, ἀλλ' οὐχ ὁ ὃ πλεον ἔχων αἰεί. οὐ γὰρ ὁ ὃ ἀδικεῖ παρὰ ἀδικεῖ, ἀλλ' ὁ ὃ ἐκὼν τῷ τοῦ ποιεῖν. τῷ τοῦ ὅτι ἢ ἀρχὴ τῆς παρὰ δόξης, ἢ ὅστιν εἰς τὴν ἀφ' ἐνέμων, ἀλλ' οὐκ ἐν τῷ λαμβανέσθαι. ἔτι ἐπὶ πολλαχῶς ὁ ποιεῖν λέγεται, καὶ ὅτι ὡς τὰ ἀφ' ἐνέμων κατεῖναι, καὶ ἡ χεὶρ, καὶ ὁ οἰκίτης ὁπτιχὴς, αὐτός, οὐκ ἀδικεῖ μὲν, ποιεῖ δὲ τὰ ἀδικεῖ. ἔτι εἰ μὲν ἀγνοῶν ἐκρίνει, οὐκ ἀδικεῖ καὶ ὁ νομικὸν δίκαιον, οὐδ' ἀδικος ἢ κρίσις ὅστιν. ἔστι δὲ ὡς ἀδικος. ἐτέρῳ γὰρ ὁ νομικὸν δίκαιον καὶ ὁ παρὰ τὸν. εἰ δὲ γνώσκων ἐκρίνει ἀδικῶς, πλεονέκτει καὶ αὐτὸς, ἢ χείριστος, ἢ ὑμφορίας. ὥστε οὐκ καὶ εἰ τις μελετάται τῷ ἀδικήματι, καὶ ὁ ἀφ' ἐνέμων κρίσις ἀδικῶς, πλεον ἔχων. καὶ γὰρ

Praterea verò, eorum quæ proposuimus, duo sunt exponenda: verum nam iniuriam faciat is, qui tribuit præter dignitatem plus, an qui habet; & verum fiat, ut quis semetipsum iniuria afficiat. Nam si fieri potest id quod prius dictum est, etiam qui distribuit, iniuria afficit, sed non qui habet plus: si quis plus alteri, quam sibi tribuit sciens & voluntarius, hic ipse semetipsum afficit iniuria: quod consueuerunt modesti facere. modestus enim procliuus ad minuendum est. An neque hoc simplex est? Alterius enim boni, si casu contingit, plus consequitur veluti gloria, aut simpliciter honesti. Ad hæc soluitur id ex definitione faciendæ iniuria. nihil quippe præter suam patitur voluntatem. Quare non patitur iniuriam propter hoc, sin minus, læditur tantum. Apertum etiam est, distribuentem iniuria afficere, sed non qui plus habet semper. non enim is cui iniustum inest, iniustum facit, sed is cui voluntarium est hoc facere. id autem est unde principium actionis, quod est in distribuyente, sed non in accipiente. Præterea quoniam multis modis facere dicitur, & contingit, ut quodam modo inanimata res interficiant, & manus, & seruus mandante domino, non iniuriam quidem faciunt, faciunt tamen iniusta. Præterea si quidem ignorans existimauit, non iniuriam facit secundum legitimum ius, neque iniusta existimatio est. est autem quodammodo iniusta. aliud enim legitimum ius, ac primum. Si autem cognoscens existimauit iniuste, plus nāciscitur & ipse vel gratia, vel vindicta. Perinde igitur ac si quis partem accipiat iniusti facti, etiam ille, qui ob hæc existimauit iniuste, plus habet. Etenim

ἐπὶ ἐκείνων ὁ τὸν ἀγρὸν κρίνας, οὐκ ἀγρὸν, ἀλλὰ ἀργύριον ἔλαβεν. οἱ δὲ αὖθις παρ' ἐφ' ἑαυτοῖς οἰοῦνται ἔτι ὅτι ἀδικεῖν. ὅθεν καὶ ὁ δίκαιος ἔτι ῥα-
δύει, ὅτι οὐ οὕτως ἐστὶ. συλῆμασθαι μὲν γὰρ τῇ τῷ γαίῳ, καὶ παλάξαι τὸν πλησίον, καὶ δουῶσαι τῇ χεὶρὶ ὁ ἀρ-
γύριον, ῥαδύει, καὶ ἐπὶ αὐτοῖς. ἀλλὰ ὁ ὡδὶ ἔχοντες ἑαυτὰ ποιῶν, οὔτε ῥα-
δύει, οὔτ' ἐπὶ αὐτοῖς. ὁμοίως δὲ καὶ ὁ γράψαι τὰ δίκαια καὶ τὰ ἀδικα, οὐ-
δὲν οἰοῦνται σφόδρ' ἔτι, ὅτι παρ' ὧν οἱ νόμοι λήγουν, οὐ χαλεπὸν ξυμμετρεῖν. ἀλλ' οὐ τούτ' ἐστὶ τὰ δίκαια, ἀλλ' ἢ καὶ συμπεσονκός. ἀλλὰ πῶς παρ-
τόμιστα, καὶ πῶς νεμόμενα, δίκαια. τῷ-
το δὲ πλεονέκτον, ἢ τὰ ὑγιεινὰ εἰδέ-
ναι. ἐπεὶ καὶ καὶ μὲν μὲν καὶ οἶον, ὅτι
ἐλλέβορον καὶ καὶ σῖτον, καὶ ἱερὸν εἰ-
δέναι ῥαδύει. ἀλλὰ πῶς δὲ ἡμέρη
παρ' ὑγιεινὰ, καὶ πῶς, ὅτι πότε, ἱε-
ροῦτον ἔργον, ὅστις ἱερός ἐστι. δὲ αὐτὸ ὅ-
τι τοῦτο, ὅτι τῷ δικαίου οἰοῦνται ἔτι οὐκ ἔστι
πῶς ἀδικεῖν. ὅτι οὐκ ἔστι ἡττον ὁ δίκαιος,
ἀλλὰ ὅτι μᾶλλον διώκειτ' αὐτὸν ἕκαστον
παρ' ἑαυτῶν. ὅτι γὰρ συλῆμασθαι
γυναικί, καὶ παλάξαι, καὶ ὁ αἰδρός τιμῶν
ἀσπίδα ἀφέναι, καὶ γραφεῖς ἐφ' ὅποτε
ἐκπορεύεται πρὸς τὸν πόλεμον. ἀλλὰ ὁ δὲ δολοφόνος καὶ ὁ
ἀδικεῖν, οὐ ὁ τούτῳ ποιῶν ἐστὶ, πλεονέ-
κα καὶ συμπεσονκός. ἀλλὰ ὁ ὡδὶ ἔχοντες,
ἑαυτὰ ποιῶν ἐστίν. ὡς περὶ καὶ ὁ ἰατρὸς καὶ
ὁ ὑγιαίνειν, ἢ ὁ τέμνειν, ἢ μὴ τέμνειν,
ἢ φαρμακεύειν, ἢ μὴ φαρμακεύειν
ἐστίν, ἀλλὰ ὁ ὡδὶ. ἐστὶ δὲ τὰ δίκαια οὐ
τούτοις, οἷς μάλιστα τῶν ἀπλῶς ἀγαθῶν.
ἔχουσιν καὶ ὑπερβολὴν ἐν τοῖς καὶ ἐλλεί-
ψιν. τοῖς μὲν γὰρ οὐκ ἐστὶν ὑπερβολὴ
αὐτῶν, οἷς ἴσως τοῖς θεοῖς. τοῖς δὲ οὐκ
μὲν οὐκ ὡφέλιμον, πῶς ἀνίσταται καὶ κα-
κός, ἀλλὰ πᾶσι βλάπτει. τοῖς δὲ,
μέγιστον τῶν. ὅθεν τῶν αἰσθητῶν ἐστὶ.

ex iis, qui agrum adiudicavit, non agrum,
sed argentum accepit. Homines autem in
se ipsis putant esse, iniuriam facere, pro-
pterea etiam iustum esse facile, quod tamen
non est. Coniungi namque cum vicini uxore,
et percutere proximum, et largiri
manu pecuniam, facile et in ipsis; sed ita
affectos hac facere, neque facile, neque in
ipsis est. Similiter autem et cognoscere
iusta, et iniusta nullius putant sapien-
tia esse, quia ea, de quibus leges loquun-
tur, non difficile est intelligere. Ceterum
non hac sunt iusta, sed secundum acci-
dens. verum certo quodammodo facta,
et quodammodo distributa iusta sunt.
Id autem maius opus est, quam salubria
cognoscere. nam illic quidem mel et vi-
num, et belleborum et adustionem,
et incisionem cognoscere facile est, sed
quomodo oporteat hac tribuere ad vale-
tudinem, et cui et quando, tantum opus
est, quantum medicum esse. ob id au-
tem ipsum et hominis iusti putant esse,
nihil minus iniuriam facere: quia ni-
hil minus iustus, immo etiam magis po-
test unum quodque facere horum; et
coniungi feminae, et percutere, et vir
fortis clypeum abicere, et aversus in
utramlibet partem currere. sed ignavum
esse, et iniuriam inferre, non hac fa-
cere est, praterquam ex accidenti, sed ita
affectum hac facere est; veluti et mederi,
et sanare non est incidere vel non incide-
re, vel pharmaco purgare, aut pharmaco
non purgare, sed hoc modo. Sunt autem iu-
sta in iis, quibus communio est simpliciter
bonorum. habent autem etiam exuperan-
tiam in his et defectum. quibusdam enim
haud est exuperantia horum, veluti fortas-
se Diis; quibusdam vero nulla pars utilis,
insanabilibus videlicet et pravis, sed om-
nia nocens; quibusdam autem quadamte-
nus. ob id humanum est.

EXPLANATIO.

DIVERTIMAS, easque inter se distractas initio diximus tractari quaestiones in hoc capite nono, quod verissimum est: duae tamen insigniores & praecipuae sunt. prima, an quis patiatur iniuriam volens, quae profligata iam est. secunda: in distributione isne qui plus tribuit & supra personae dignitatem impartitur, an is qui plus accipit etiam supra meritum, iniuriam facere dicendus sit: cui quaestioni veluti per appendicem id etiam accidit: num sibi ipsi facere quis iniuriam possit; adeoque bipartita haec altera controuersia est, id quod ipso significat initio, cum ait, ex propositis duo superesse planius explicanda. Quae verò ratione possit cum superiore continuari, vix intelligetur, nisi memoria repetatur quod de Glaucō & Diomedē postremo loco iam dixit. Cum enim ostendere vellet, cum qui damnum patitur volens, iniustum, iniuriāve non pati, exemplum Glauci produxit in medium, qui cum Diomedem veterem hospitem suum agnouisset, voluit cum eo aurea arma aeneis permutare, in qua permutatione Glaucus iacturam quidem fecit, & damnum est passus, sed nullam accepit iniuriam, quia passus est volens. pari enim iniustum est lœdi præter eius, qui lœditur voluntatem. Hinc ergo sequi videbatur, ut quaereretur, quisnam in praua distributione iniuriam patiatur. Vix enim inueniri posse videtur qui præter voluntatem lœdatur, cum & qui agit, hoc est, qui distribuit; & qui patitur, hoc est, qui accipit, iniusti sint; nec tamen pariantur iniustum; quia non modò non iniusti, sed etiam maximè volentes sunt. Verùm, quia facilius id statueretur, si primum perquiratur quis eorum in eadem distributione sit iniustus & iniuriam faciat, in hac primum quaestione consistit, inuestigatque, num is, qui prauè distribuit, plus tribuendò, quàm æquum sit, an qui plus accipit, quàm meritum patiatur, & dignitas, iniuriam facere videatur. Ac rationem quidem, quae probare possit in speciem, cum qui perperam ac malè distribuit, iniuriam non facere, hanc ipse proponit, quòd fieri queat, ut qui plus dat quàm personae dignitas postulet, plus alteri det volens ac sciens, quàm tribuat sibi, cum tamen ipse sit dignior, & merito suo longè superet alterum. Ergo si qui plus alteri distribuit, quàm postulet meritum, iniustus est, & iniuriam facit, sequitur, aliquem sibi ipsi posse iniuriosum esse, & iniuste agere contra se ipsum; quod videtur absurdum, cum id modesti homines & moderati facere soliti sint, ut in distributione plura tribuant aliis, sibi minora reseruent. Hoc enim esse probi hominis & moderati proprium ait, ut sit *ἐλαττωπὴς*, hoc est, si vertendum barbarè sit, minoratiuus. Id autem significat, esse propensum ad meliores, maiores, & potiores partes distribuendas aliis, sibi verò minores, deterioresque reseruandas, quod est laudabile. Duplici ratione soluit hunc nodum Aristoteles. Respondet enim primò, cum qui in distributione munus sibi sumit diuitiarum, illarumque rerum, quas dicimus bona fortunæ, sibi tribuere plus eorum bonorum, quae appellantur honesta, hoc est, sibi sumere plus gloriæ ac dignitatis: ex ea quippe distributione tantum apud omnes honorem consequitur, ut nihil minus sibi tribuere videatur, cum bona contemnit externa, quàm si eadem eligere, ac sibi retinere voluisset. nullam adeo sibi facit iniuriam, cum alteri plus tribuit, sibi verò plus merenti reseruat minus, nec distribuentem iusticiam violat, quia sibi non deest. Respondet deinde per definitionem supra positam; ubi dictum est, iniustum facere si propriè loquendum sit, esse nocere ac lœdere præter eius voluntatem qui lœditur, & cui nocetur. Distributor enim ille, qui pauciora sibi tribuit & deteriora, præter voluntatem suam patitur nihil; adeoque non afficitur iniuria, neque patitur id, quod propriè verèque dicitur iniustum.

Apertum etiam est, &c.] Ceterum is, qui præter dignitatem distribuit, tamen si non ideo iniustus habendus est, quod seipsum lœdat, iniustum tamen agit alio nomine, ac diuersa sanè de causâ facit iniuriam. Itaque, ut videatur, quisnam iniuriam in distributione faciat, illene, qui plus æquo alteri tribuit, an qui plus accipit, quàm dignitas velit, quod in hac altera Capitis parte præcipuè quaeritur, id ponit; eum, qui plus accipit, non semper iniustum esse, sed interdum: esse autem iniustum qui plus æquo distribuit. Tribus verò rationibus id demonstrat. Quarum prima sic est: Ille, cui inest iniustum, inquit, hoc est, ille, qui patitur iniustum,

non

non agit iniustum; sed agit iniustum ille, qui volens agit; hoc est is, in quo principium est actionis. Sed principium actionis est in distribuente, nimirum in eo, qui volens distribuit, non in accipiente id quod distribuitur. Ergo distribuens iniuriā facit, non autem accipiens. Secunda ratio: Multis sanè modis dicitur aliquis iniustum agere. primo quidem, tanquam causa princeps & primaria: secundo, tanquam instrumentum inanimatum, ut cum gladius, telum, sagitta, lapis, aliave inanima interficere dicuntur aliquem: tertio, velut instrumentum animatum, cuiusmodi manus est, aut seruus, cum occidunt vel damnum inferunt ex mouentis impulsu, aut ex iussu precipientis. Nihil enim horum per se facit iniustum, sed id cui accidit iniustum esse, ac propterea non formaliter iniustum agit, nec propriè facit iniuriā, sed materialiter & impropriè. Cū ergo iniustum facit is, qui princeps est & primaria causa, hoc est is, in quo principium inest actionis, formaliter ac verè, proprièq; facit iniustum. cū autem qui dicitur iniustum agere, non author actionis, sed instrumentum est, vel motum, vel obtemperans, non propriè aut per se neque formaliter iniustum agere dicitur. Sed distribuens, quoniam in se principium obtinet actionis, auctor est & causa primaria, recipiens verò videtur esse organica quēdam causa, obtemperans aut impulsā. Igitur iniustum propriè verèque non recipiens, sed distribuens agit. Rectè tamen adiunxit, interdum ipsum quoque recipientem iniuste agere: tunc videlicet, cū ipse vel suasionē, vel studio, vel alia eiusmodi opera efficit, ut habeat plus, quā in æqua distributione promereatur. Tertia ratio. Distribuens triplici modo potest agere, inuitò, spontè, ex electione: Agit inuitè per ignorancem iusti. ignoratio verò vel est legitimi iuris, vel naturalis. si ex legitimi iuris inscientia prauè iudicet in distribuendo, malèque distribuat, id quod agit non est prorsus iniustum, sed quasi quoddam iniustum, quia quod iudicatur, iniustum est. sin autem ex naturalis ignorance iuris malè iudicet, vitioseque distribuat, omninò facit iniuriā, quia ex culpanda ignorance delinquit, cū vnumquemque scire oporteat quod natura est iustum, ipsumque naturale ius, ut alibi dictum est. Hinc ergo huiusmodi ducitur argumentum: Qualis esse debet in commutationibus iudex, talis debet esse in distributionibus distributor. sed iudex in commutationibus malè iudicans ex ignorance iuris, verè proprièque iniustus est, cū eum oporteat scire ius. ergo distributor ex eadē inscientia prauè distribuens, propriè verèque facit iniuriā, quia debet ius non ignorare. Videtur in summa hæc huius esse vis rationis: Qui malè distribuit, vel agit sciens, vel ignorans. si sciens agit, haud dubiè iniustus est, quia sciens iniuriā facit. sin autem ignorans, iniuste censetur agere, quia nescire ius ille non debet, qui distributurus ex iure est.

Homines autem in se ipsis putant esse, &c.] Tres nunc aggreditur hominum opiniones refellere, quæ apud vulgus ea tempestate florebant. Prima pertinet ad agentem iniustum. erat enim hæc opinio: facillimum esse iniuste agere, cū iniustos nos esse, & iniuriā facere in promptu sit, atque in nostra positum potestate. veluti uxorem vicini adulterio violare, inquit, aut alium percutere, aut argentum ad parricidiū perpetrandum largiri; quæ singula sunt iniusta, difficile non est, cū arbitrij nostri sit & potestatis hæc agere. Quam ipse opinionem confutat, affirmans quidem & cōcedens, eiusmodi res iniustas facere materialiter esse proum ac facile, sed eadem homines facere certo quodam affectos modo ac ratione, hoc est ex habitu, expeditè & cum delectatione, id verò non esse proclive ac facile, cū non sit in hominis potestate id quod agit statim ex habitu agere, sed temporis necessaria diuturnitas sit, & assuetudo ad habitum comparandum, ex quo facilitas existat & iucunditas in agendo. Secunda opinio posita erat in iustorum, iniustorumque cognitione. opinio autem facit huiusmodi: non esse magnæ ingentisque sapientiæ, iusta vel iniusta cognoscere, cū difficile non sit, intelligere ea, quæ leges loquuntur & imperant. hæc enim in summa sunt ea, quæ iusta nominantur. Sed quod facilè percipi atque intelligi potest, id dicebant isti facilè quoque fieri posse, adeoque facillimum esse iniustas actiones exercere. Hanc etiam explodit opinionem propterea, quod illa, quæ leges loquuntur, simpliciter accepta, non sunt iusta, nisi per accidens, & quatenus is accidit, ut iusta sint. non enim iustum, quod scripto continetur, est per se iustum, sed quod voluntatem, & spontè agendi principium respicit. Quare tametsi facile est, percipere atque intelligere iustum, quatenus scriptum est, quod est materialiter intelligere, non est facile tamen id agere quod sibi volunt scriptæ leges & præcepta

iuris prudentiæ: quæ fieri iustum imperant iis conditionibus imbutum, quas iustæ postulat actio. Exemplum petit ab arte medendi, in qua non est difficile scire quæ valetudinis, ac sanitatis conscientia sunt, & hellebori, adustionis, aut sectionis cognoscere vim, sed iis uti quemadmodum oportet ad parandam valetudinem ac sanitatem: id verò tam esse difficile ait, quàm est difficile medicum esse: Tertia opinio versatur in iniustæ actionis facilitate. Putabant enim isti, iustum hominem haud posse minus iniustum agere, quàm quemlibet alium; cùm ex eo quòd aliquis iustus est, multò sanè melius iniustum cognoscat, ac propterea non minùs, immodò etiam magis agere possit eorum quodlibet, quæ censentur iniusta, cuiusmodi est alienam coniugem attrectare, pulsare alium, abicere clypeum in acie, exercitum prodere, aliæque huiusmodi committere, quæ iustitiæ dissidentanea sunt. Sed hos ad extremum persimili ratione confutat, ostendens, iniustè vel timidè agere, non esse agere iniustè, vel timidè materialiter, & per accidens, sed agere iniustè timidèque formaliter, ac per se. agere autem hoc modo, eius tantum esse ait, qui certà quadam ratione præditus, & affectus sit; cuiusmodi est ille, qui habitum iniustitiæ ac timiditatis obtineat, & ex animi consilio, ac præeunte, vel antegressà deliberatione sic agat. Quemadmodum enim potionem dare, vel venam incidere, non est mederi nisi materialiter & per accidens, nisi accedat etiam habitus & ars, sic alienam uxorem vitiare vel furtum facere, non est iniustum, nisi materialiter, & per accidens, nisi actio illa iniusta & improba cum iniustitiæ atque improbitatis habitu coniungatur. Sed iustus non est eiusmodi præditus habitu, ut expedire, iucundè, ex animi proposito & antecedente deliberatione iniuriam faciat. Ergo non idcirco quòd iniustum intelligit, facilè aget iniusta, quemadmodum isti contendunt, & opinantur, sicut enim, inquit, artis medicæ non id solum est; phar̃macum dare, vel non dare, venam incidere vel non incidere, sed hæc benè & quemadmodum oportet efficere, ita iustum aut iniustum esse non est agere iusta vel iniusta, sed ex habitu, & ex antegressò consilio agere.

Sunt autem iusta in iis, &c.] Proponit ad extremum eos, quibus propriè iustum insit, explicatque ad quos iustitia verè pertineat. Docet igitur, in eos propriè iustum conuenire, in quos conueniunt ea, quæ dici possunt bona simpliciter & absolute; quales diuitiæ, aliæque huiusmodi sunt, quæ homini extrinsecus accidunt. Quamquam enim simpliciter bona, si loquendum propriè sit, virtutes sunt, & ea, quæ possidentur ab anima, diuitiæ tamen etiam ipsæ dici debent bona simpliciter, quia vir bonus & moderatus rectè diuitiis & honoribus semper utitur. Atque, ut ostendat de diuitiis, aliisque huiusmodi se loqui, cùm verba facit de iis, quæ sunt bona simpliciter, ait eiusmodi bona exuperantiam & defectum habere. Bona verò animi nec exuperantiam, nec defectum admittunt; quia virtus obtinet medium, quod exuperantia caret & defectu. Nullam igitur eorum facit mentionem bonorum, quæ intima in animo sunt, cùm hæc neque ab aliis per iniuriam eripi possint, nec distribuuntur, ut externa. Significat ergo, iustorum, iustitiæque de qua loquitur, omnes esse participes, qui diuitiarum & bonorum externorum participes sunt, in iisque aliqua ratione versantur. Excipit tamen deos, quos omnibus quidem bonis abundare putat, sed quia ius non possunt abuti, non sunt iuris, iustique participes. ibi enim ius esse oportet, ubi nimium & parum est: inter Deos autem hæc esse non censet, cùm iis nulla bona sint nimia, nec vlla defint, & omnibus bonis ipsi rectè ac sapienter utantur, ut arbitratur. Aliam quoque rationem cur inter Deos nullum ius aut iustum intercedere dicat infra in lib. 10. cap. 8. producit huiusmodi, quòd Diis indignæ sint rerum contrahendarum actiones. Excipit deinde genus quoddam hominum, cui bona fortunæ nullam afferant utilitatem, sed omnia mala sint, cùm omnibus bonis abutantur. hos homines insanabiles vocat, perditos, deploratos, & eos, quibus iustum ac ius inesse non possit. Neque enim in iis habere locum ius & iustitia potest, quibus semper omnium bonorum abusus & inæqualitas est. Reliqui sunt igitur inter hos duos interiecti & medij, qui in his bonis nunc nimium, nunc parum obtinent, iisdemque nunc benè, nunc malè ac perperam abutuntur. Et quoniam hi plerique mortalium sunt, idcirco Aristoteles hoc genus appellat *ἀνθρωπίνους*, hoc est, humanum & quasi commune.

EPILOGVS.

1. Certum est, non omnes voluntariè iniuriam pati, nec omnes, qui patiuntur iniustum iniuros pati. neque enim idem est, iniustum pati & iniuria affici, quemadmodum non est idem damno affici & iniuriam pati.
2. In distributione bonorum perversa, is, qui plus distribuit, quàm oportet, & plus quàm postulet persona dignitas, agit iniuste: qui verò plus & supra meritum recipit, non semper iniuste dicitur agere.
3. Non est facile iniustum esse, cum habitus & existens ab habitu facilitas & iucunditas in agendo requiratur, quæ disturnitatem temporis & consuetudinem postulant.
4. Iustum ac ius in eis est, quibus bona fortuna sunt. excipiantur tamen Di, & improbi quidam homines: illi, quod bonus suis abusi non possint, adeoque nec nimium nec parum unquam habeant. hi verò, quod semper abutantur bonis, nec unquam consistant medio. Soli ergo his interiecti iusti iurisque participes sunt.



IN CAPVT NONVM

QVÆSTIO PRIMA.

An aliquis volens iniustum aut iniuriam patiatur?



NIL sane videtur esse certius quàm volentem, libentemque iniuriam pati neminem. Sed tamen hæc veritas tam multis obseptis difficultatibus est, ut ex eis euadere non facile sit. Nam primo quidem in ore omnium est, eum, qui velit antecedentia, etiam velle consequentia, quæque necessariò ex antecedentibus oriuntur. Sed plurimi volunt, & eligunt aliqua, ex quibus iniuriæ iniustique propria perperessio est necessario consequutura. cuiusmodi esset qui à Tyranno morte proposita peierare iussus, aut adulterium perpetrare, detrectaret imperium. Faceret enim id, ex quo sequitur iniqua mors. ergo libens & volens pateretur iniustum. Dein illæ ea, quæ præter voluntatem, siue contra voluntatem accidunt, ut in lib. 4. diximus, iniucunda & tristia sunt. Sed fuere permulti, qui ad nostræ religionis veritatem contestandam, libentes & læti pertulerunt iniqua supplicia, nec quiscquam haberi vir bonus debet, qui, si detur optio, non malit id eligere, unde sequitur interitus, quàm religionem, honestatemve deserere. Igitur iniuste pati, voluntarium aliquid esse potest, & spontè susceptum. Tercio. Fœnus lege veritum, & Principum edito proscriptum iniustum est. & tamen aliqui sunt, qui spontè cum iniquo fœneratore contrahere non dubitent. igitur spontè ac voluntariè patiuntur iniustum. Quarto: dicitur in hoc lib. 5. ab Aristotele expressimè, fieri non posse, ut iniustum aliquis patiatur, quin alius iniuste faciens sit. Igitur, ne hoc quidem fieri poterit, ut quis iniuste agat, quin etiam sit, qui patiatur iniustum. Quo

posito, si quis interfici velit, eumque tu, ab ipso rogatus occidas, iniuriam absque dubio facis, eoque nomine damnaris à iudice, quod iustitiam violaueris. Id quod cernitur in adulescente illo, qui Saulem, id postulantem interemerat, & tamen à Rege, supremo supplicio damnatus est 2. Regum. cap. 1. Ergo si te iniustum faciente alium oportet esse, cui fiat iniuria, is qui à te interficitur, volens ac spontè patietur iniustum. rogauit enim te. Quinto. Aliquos esse ait Aristoteles amatores tam impotentes, ut à meretrice omni se spoliari pecunia & patrimonio patiantur igitur iniustum voluntariè perferunt. Denique idem dixit Aristoteles supra in lib. 2. malum pluribus accidere modis, quàm bonum. Sed iustum pati, hoc est, accipere quod iustum est, bonum putatur. ergo iniustum pati malum est. Iustum autem pati voluntarium interdum est, interdum verò minime voluntarium, cum ij, qui iustitia vindicante puniuntur, voluntarij non sint, & qui à commutante reddere iubentur aliena, suo iudicio & voluntate non reddant, sed Iudice, ac Prætoris cogente. Igitur etiam iniustum pati, voluntarium interdum erit, interdum non voluntarium.

Vnum hic animaduertendum puto, quod facile possit difficultates obiectas explanare: Aristotelem de voluntario & involuntario longe aliter hic loqui, quàm supra in lib. 3. disputari. Quippe in 3. libro voluntarium esse voluit latissimè patens, cum id omne voluntarium appellari, cuius ipsa voluntas etiam imperfecta vel indirecta, vel mixta quacumque denum ratione sit causa: involuntarium verò restrictè sumptum, & in angustum

adduxit; cū id solum inuoluntarium fecerit, cuius voluntas nulla prorsus ratione sit causa, cuiusmodi est purum violentum, & id quod ex ignorantia minimè superabili fit. In hoc autem cap. nono alia omnia sibi vult, & contra contendit. Voluntarium enim, a gustum constituit ac pressum, cū id solum appellandum voluntarium putet, quod à voluntate perfecta, simplici, libera, & expressa profectum sit: inuoluntarium autem facit amplum, atque ad plurima pertinens; cū ea omnia dicat inuoluntaria, quibus istarum conditionum desit aliqua. idque vel ex eo potest intelligi, quòd quardam peccata vituperabilia esse dicit, quæ tamen inuoluntaria esse concedit. hoc autem non diceret, nisi amplè sumeret inuoluntarium, hoc est, pro eo, cui desit aliqua perfecti voluntarij conditio, quæ facere tamen haud possit, vt qui peccat, inuitus omnino fecisse dicatur, & vituperatione sit liber.

Dicendum ergo primum ex Aristotele sic est: iniustum, siue iniuriam neminem pati volentem ea voluntate simplici, perfecta, libera, expressaque, de qua diximus. neque enim iniustum pati hoc modo, voluntarium esse potest. Nam si aliquis absolute perfectæque voluntarius pateretur iniustum, tum profectò pateretur, cū patitur damnum, & rerum suarum iacturam facit. Qui verò simplici, absoluteque, ac perfectissima voluntate damnum patitur, nulla ratione pati potest iniustum: quia iniustum pati, vt paulò antè dixit Aristoteles, non est tantummodo pati damnum, sed præter voluntatem pati. Nullo autem modo præter voluntatem iacturam & damnum patitur is, qui tam perfectò iudicio ac voluntate patitur. ergo nulla ratione patitur iniustum, adeoque nemo patitur iniustum, perfecta voluntate volens iniustum. Confirmari res potest ex l. ita tamen ff. de administr. §. gessisse: vbi decernitur, secundum iura id agi, quod ex alterius auctoritate agitur. Sequitur enim hinc damnum fieri secundum iura quod eius, qui patitur damnum, auctoritate sit & voluntate.

Dicendum secundo est: imperfecta, nec absoluta & expressa, sed conditionibus circumscripta voluntate posse aliquem iniuriam & iniustum pati. Idcirco enim voluntate perfecta vel absoluta, & nullis conditionibus obligata nemo patitur volens iniustum, quia damnum illatum, in quo posita iniuria est, tota atque integra voluntas vult, nec vlla pars est voluntatis, quæ damnum illud non spontè suscipiat. vbi verò voluntas imperfecta est, aut conditionibus adstricta, non tota, atque integra damnum vult, sed eius aliqua pars ab eodem damno est aliena, quamuis alia non repugnet, aut planè consentiat. Quatuor adeo incidere possunt tempora, quibus temporibus in damno perferendo voluntas, vel non omnibus expleta partibus, vel inclusa conditionibus videatur. Primum est, cū aliquis tacitè vult damnum suum, nec verbis tamen eam voluntatem exprimit. vt si quis equum quem ipse habet in prædio, inquit

Giral. Odonis, à vicino suo, quem odio habet, cupiat & velit interfici, vt damnetur à iudice, penàsque luere, ac damnum sarcire cogatur. Si enim equum occidat, iniuriam facit; quia tacita illa & recta domini voluntas, interficiendi equi non tribuit veniam & facultatem, quæ admodum tribueret si verbis exprimeretur. Hæc ergo voluntas vix appellari voluntas debet; quia non tam damnum suum, quod refarciendum videt, quàm inimici iacturam, atque incommodum vult. Facit tamen, vt qui damno afficitur, aliqua ratione dici possit libens & voluntarius. Secundum tempus est, cū voluntas integra non est, sed altera ex parte velle videtur, ex altera nolle. vt si quis lædi velit & iniuriam pati, quòd sibi bonum hoc esse intelligit, sed minimè vellet alterum à quo læditur, iniuriam illam facere, ex qua inimicitiam cum Deo contrahit, & supplicii sempiternis addicatur. Hæc nimirum habitudine animi & voluntatis illi erant præditi religionis nostræ sanctissimi testes, quos ob excellentiam Græco nomine Martyres appellamus. quamquam enim eorum voluntas perfectissima erat in eo, quòd omnem subire cruciamentorum iniquitatem pro Christo cuperent, dici tamen potest non quidem imperfecta, sed non integra, quia absque aliena iniustitia ea tormenta, mortemque perpeti voluissent. Itaque id quod in hoc voluntario desideratur, de perfectione operis nihil imminuit. Quod enim in eo voluntas nollit, alienum est scelus. Velle autem cruciatum ac mortem pro Christo, sed nolle in ea scelus alienum interuenire, perfectissimæ voluntatis est opus. Tertium est, cū voluntas haud est absoluta, nec simplex, sed alienius accessione conditionis implexa. vt si quis scænorum pecuniam velit accipere, quam, si posset, mallet accipere gratuitam & mutuo. Hic enim voluntariè quidem cum scænatore contrahit, sed vellet tamen haud contrahere, adeoque non prorsus ac plenè vult & patitur damnum suum. Quartum denique tempus est, cū voluntas obligata & vineta videtur esse non soluta, nec libera, qualis in puero, vel in homine grauitè ægrotante conspicitur, qui noxia plerumque ac pestifera vult. Hæc enim qui puero, vel ægrotò suppeditaret, ut volentibus noceret, & damnum inferret, sed tamen iniuriam faceret, quia voluntas eorum impeditur, nec liberè vult, ac propterea ex aliorum iniquitate suscipere possunt iniuriam, quam profectò non accipiunt ij, qui soluta & libera voluntate volunt, & eligunt detrimentum suum.

Dicendum tamen est tertio: vniuersim posse pronuciari, iniuriam damnumque pati volentem neminem. quia tametsi, vbi hæc inciderint tempora, videtur aliquo modo voluntas damnum & iniuriam velle, quia tamen, vel imperfecta est, & minus integra, vel est obligata, & conditionibus circumscripta, vix appellari voluntas potest, nec illud, quod tunc iniuste perfertur, dici voluntarium potest, nisi amplissima quadam voluntarij

notione, quæ comprehendit omnia, quorum quocumque modo sit aliqua causa voluntas, siue perfecta, siue imperfecta, siue soluta & libera, siue obligata & impedita. Id nimirum est quod Aristotelis illæ rationes Dialecticè tractatæ consueverunt in hoc cap. 9. Voluntarium, inquit, atque inuoluntarium opposita inter se sunt, & iniustum facere, atque iniustum pati etiam sunt opposita. Sed quodlibet iniustum facere est voluntarium: ergo quodlibet iniustum pati inuoluntarium est. Præterea quot modis dicitur vnum oppositorum, totidem dicitur etiam alterum. sed iustum facere vno tantum dicitur modo, hoc est, voluntarium esse. Igitur iniustum pati vno etiam modo dicitur, hoc est, inuoluntarium esse. Hæc, inquam, rationes id vincunt in summa, vniuersim quodlibet iniustum pati esse inuoluntarium, nec inueniri quemquam qui patitur iniuriam volens, si inuoluntarium commune intelligatur, hoc est, etiam imperfectum, vel cum voluntario mixtum, vel ab impedita etiam, & conditionibus quibusdam imbuta voluntate promanans. Quin in hanc quoque sententiam atque in hanc inuoluntarij notionem tam latè patentis accipienda est l. 1. §. vsque adeo ff. de iniuriis, & l. in diem ff. de aqua plu. arcen. quæ sic ad extremum concluditur Nullam potest videri iniuriam accipere qui semel voluit, quod profectò de qualibet voluntate pronunciatum est, quæ ad contrahendum idonea sit, ad contrahendum vero satis est voluntas etiam conditionibus circumscripta vel mixta, aut aliquo alio modo ex iam descriptis imperfecta.

Superesset, vt argumenta refelleremus, sed his positis & cognitis, haud magno negotio confutantur. Nihil enim demonstrant amplius, quàm aliquas iniurias, & damna homines quosdam pati volentes voluntate vel non integra & plena, vel non simplici & absoluta, vel aliquo alio modo imperfecta, quæ non omnem planè inuoluntarij notam & rationem expungit. nec aliquid est quod maiorem habeat vim, quàm quod de amatore ab amica furtim compilari se patiente, de quo illo, qui se iubet interfici, disputatur. Sed hæc eo modo, hoc est, absoluta & simplici voluntate perpeti, dixit iam Aristoteles, non esse iniustum pati, nisi per accidens & materialiter. appellat autem ipse hoc iniustum per accidens, quia posset ei accidere, vt iniustum esset, si qui patiuntur, nolentes essent & iniusti. Sed quia simpliciter volentes sunt, non patiuntur id quod iniustum formaliter est: hoc enim est illud, quod nolentes patimur & iniusti. Neque verò quia illa facit iniustè, quæ spoliat & compilat spoliari & compilari volentem, & quia ille quoque iniuriam verè facit qui volentem & iubentem occidit, sequitur, oportere hos iniustum pati, quod formaliter est iniustum. Satis est enim si patiuntur id quod materialiter est iniustum. id enim significat vox illudque pronunciatum Aristotelis, ibi esse oportere iniustum pati, vbi est iniustum agere. significat, inquam, ibi saltem materialiter iniu-

stum pati esse oportere, vbi faciens iniustum etiam formaliter est.

QVÆSTIO SECVNDA.

Iudex ne corruptus delinquat grauius, an corruptor.

QVONIAM ait Aristoteles distributorem quidem iniuste facere, cum plus alicui tribuit, quàm personæ, cui tribuit, meritum & dignitas ferat, sed eum, qui ab illo plus accipit quàm par sit, non semper iniuste agere: quoniam, inquam, id ita pronunciat, significat haud dubiè, etiam eum, cui plus tribuitur, quamquam non semper agit iniuste, interdum tamen iniuste facere, quod profectò tum saltem agit, cum iudicem, distributoremque corrumpit. libet ergo querere, vter iniustior sit eorum, grauiusque delinquat aduersus illud iustitiæ munus, cuius dicitur esse proprium, vnicuique suum tribuere, hoc est, neque plus dare, neque plus accipere quàm æquum sit. Aristoteles quidem videtur hic velle, iudicem peccare grauius, quàm corruptentem, cum dicat, iudicem peccare semper, cum verò, cui iudex addicit plus quàm oporteat, non semper delinquere. quod explicatius docet & planius in lib. 9. Magnor. Moral. vbi absolute confirmat, ludorum præsidem, qui palmam immerenti, nec digno cursori, vel athletæ adiudicat ac det, iniuste quidem agere, sed non eum, qui adiudicatam sibi ab iniquo præside palmam accipit. Rationes tamen proponuntur vtrinque validæ, quæ rem in hanc, illamque distrahant partem.

Iudex enim videtur peccare grauius, vt multis ostendi potest argumentis, ab Aristotele magna petitis ex parte: quorum primum huiusmodi est: Iudicium & sententia multo magis est in Iudicis quàm in alterius, qui cum corrumpit, potestate, ille autem, qui maiorem agendæ, vel non agendæ rei potestatem habet, maiori sanè peccato delinquit, quia principium agendi habet insitum in se, quod est caput, & origo libertatis. Ergo iudex, iniquum iudicium & sententiam ferens, delinquit grauius, quàm is, à quo corrumpitur, atque ad ferendam sententiam vel metu, vel donis aut pollicitationibus incitatur. Secundum. Magis peccat qui princeps & dominus, quàm qui adiunans tantum, aut obtemperans est in agendo. sed actionis iniustæ princeps ac dominus est iudex, corruptor verò causa quædam adiunans, aut obtemperans est. ergo peccat grauius quàm corruptor. Tertium. Plus peccat ille, qui ius aufert ab alio, quàm qui recipit ablatum. Sed iudex aufert ab alio ius, corruptor ablatum recipit. Igitur iudex amplius peccat, corruptor minus. Quartum. vbi duo pluresve debent fideliter agere, si infideliter agant, ille plus peccat & turpius, qui deberet agere fideliter,

peccatum enim eo maius existimatur, quo maior est peccati fugiendi debitus. sed Iudex debet fidelius agere, quam corruptor: cum suprà dixerit Aristoteles, litigantes, & altercantes ciues ad iudicem, tamquam ad ius animatum, confugere, silentes, ac pro comperito habentes, sua se recuperaturos esse. Ergo plus peccat quam qui eum corrumpit, atque ad iniustitiam incitat. Hæc, inquam, rationes sunt quæ iudicem ostendere videntur iniustitiam esse: sed sunt alia quæ grauius delinquentem faciant corruptorem.

Prima. Qui & suo delinquit vitio, & peccat alieno, plus haud dubiè delinquit, quam qui tantummodo peccat suo. Sed ille, qui iudicem corrumpit, & suo peccat vitio, quia corruptor alienæ innocentia est, & delinquit peccato iudicis, cuius nimirum est causa: iudex autem non alio sanè quam suo peccato delinquit, nec alienæ fraudis est particeps, sicut corruptor. ergo iudex minus, corruptor verò grauius & amplius peccat. Secunda ratio fundamentum obtinet in eo, quod Aristoteles dixit in lib. 1. cap. 10. principium esse plus quam dimidium totius operis. Hoc enim posito, ratiocinari sic libet, Plus peccat is, qui facit id quod est plus quam dimidium operis mali, quam peccet ille, qui reliquum eiusdem operis facit. sed corruptor efficit plus quam dimidium operis mali, cum ipsemet principium sit iniusti operis, quod à iudice corrupto proficiscitur. ergo plus peccat quam iudex. *Tertia.* Quemadmodum est melius, & magis virtuti consentaneum bene agere, quam bene pati, quod dixit idem Aristoteles in lib. 4. cap. de liberalitate, sic vitiosius est malè agere, quam malè pati. Sed corruptor malè agit, corruptus iudex malè patitur. Igitur ille, quam hic vitiosior est. *Quarta.* Grauiori tenetur culpa qui peccat in plures, quam qui peccat in pauciores. Qui verò iudicem corrumpit, in plures peccat quam iudex ab eo corruptus; cum ipse peccet in se, in iudicem, & in eum, cui minus æquo tribuitur: iudex autem in se tantum delinquat, & in eum quem damno afficit & iniuria. Quinad hoc certius firmandum, ipsum quoque proferunt Liberatoris nostri testimonium & dictum verissimum, quo iudicem compellat suum, Iudexorum comminationibus & clamore corruptum propterea qui me tradidit tibi, maius peccatum habet. Ioann. 19.

Animaduertendum est, humanum iudicium quatuor quidem perueriti, corrumpique affectibus animi, vt ex Gregor. dicitur in 11. quest. 3. c. quatuor. hoc est timore, cupiditate, odio, amore, sed non ab omnibus eodem modo corrumpi. duobus enim prioribus, hoc est, cupiditate ac metu perturbatus propinè corrumpi dicitur ab alio. posterioribus duobus impulsus, non ab alio corrumpi dicitur, sed à se. Quippe timore ac cupiditate impeditur iudex, quominus æquum iustumque decernat, cum vel minis & obiecta rerum horribilium deterretur, vel expetendarum promissionibus rerum, & donis allicitur.

Tunc autem rectè proprièque corruptus ab alio dicitur; cum ei extrinsecus & aliunde obiciatur timor, & pecunia, vel alia res expetendæ proponantur. Cum autem amore inflammatus, aut odio ab officio discedit, & iniquè decernit, haud propriè corrumpi dicitur ab alio, qui apud eum litiget, aut ius postulet suum: cum is & ignoret fortasse illas animi commotiones, quæ iudicem è statu deturbant, nec earum interdum ipse sit causa, sed alij, qui ad eum nihil omnino pertineant. Itaque horum affectuum ipse iudex est causa, itque turbatus à se ipso corrumpitur, amore nimirum & odio huc atque illuc extra iuris & recti fines impulsus: adeoque fit, vt cum hoc loco eum corruptum dicimus, non his posterioribus, sed prioribus illis corruptum affectibus intelligere debeamus. volumus enim & ponimus, ab alio corruptum esse, non à se. Qua distinctione proposita, tribus conclusionibus expeditur tota quaestio potest, quarum prima viam præparat ad reliquas duas. Ipsa autem,

Prima Conclusio huiusmodi est: Iudex cupiditate corruptus, amplius peccat, quam si formidine corrumperetur & metu. Peccatum quippe eo maius existimatur, & grauius, quo magis est volutarium. Peccatum verò ex animi cupiditate conceptum & perpetratum multo sanè magis est volutarium, quam admissum ex metu. Qui enim timore correptus obiectuque rei formidolosæ deterretus agit, agere videtur inuitus, certè cum animi molestia & ingratis agit. Ergo minus est volutarius, quam ille, qui agit cum animi gaudio, ac voluptate: cuiusmodi est is, qui cupiditate corruptus, improbitatis atque iniustitiæ turpitudinem non reformidat. Timor denique vehementius animum percellit, & conuenit, quam cupiditas: cum tristitia & dolore conturbet animum, quibus affectibus, vt dictum est in libro tertio, difficilius quam cupiditati resistitur. Quod tamen ita verum est, si ea quæ timorem afferunt, maximè terribilia sint & ea, quæ cupiditatem alliciunt haud suprà modum sint iucunda, & voluptatis conuoluentia. Fieri enim potest, vt quod metum efficit, non magnopere formidandum sit, & quod cupiditatem commouet, incundissimum ac suauissimum sit. Itaque quod diximus, habendum pro certo est, nisi circumstantia incident aliqua, ex quibus alia ratione hi duo inter se comparentur affectus.

Secunda Conclusio. Iudex cupiditate corruptus longè plus peccat, quam corrumpens. Id nimirum ostendunt rationes exposita, quibus contenditur, iudicem plus peccare, quam corruptorem. Ostendunt, inquam, iudicem non externis minis ac timore, sed cupiditate corruptum sua amplius delinquere, quam eum, à quo corrumpitur. Rationibus tamen illis addendæ sunt hæc: Plus profectò peccat is, qui ab alio rem aufert, quam qui recipit rem, ab alio iam ablatam, recipere quippe non est peccatum, nisi propterea, quod ablata res est, quæ recipitur. ablata est autem ex alterius iniquitate, & alteri tradita, cui non

debetur: id quod à iudice fit cupiditate corrupto. Ergo plus peccat, quàm is, à quo corruptitur. hic enim rem alienam à domino non eripit, sed tantum recipit ereptam. Nempe illud opus vitij peius, ac deterius est, quod est dissimilius operi virtutis. opus autem iudicis dissimilius est, quàm opus eius, à quo corruptitur. opus enim iudicis ex actu primario virtuti repugnat, cum vendat, tradatve in alienam potestatem quod non est suum: hoc autem virtuti per se contrarium est, & ex actu primario, quia cum iustæ venditionis pugnat natura & vi. Ille verò qui iudicem corruptit, ex actu primario id solum contendit, ut de suo rem emat alterius, quod iustæ consentaneam emptioni est, nec alio peccat nomine, nisi quia emit ab eo, qui dominus venditæ rei non est. id autem est, propter circumstantias, non propter actum primarium delinquere. Præterea, peccare putatur gravius ille, qui graviores personam sustinet, quàm qui minorem. omnes quippe in eum intuentur qui dignitate præpollent, & eius exemplo in utramque partem ad virtutem aut improbitatem summo opere commouentur. Iudex autem graviores & digniores personam in Republica sustinet. ergo peccat gravius, quàm ceteri; cum præsertim ad eum magis, quàm ad alios pertineat iustitiam colere, cuius ipse custos & administer est. Id etiam intelligendum, accipiendumque sic est, quem admodum id quod in antecedente conclusione diximus. Fieri enim potest, ut qui corruptit, ex vehementiore cupiditate moveatur, quàm Iudex, adeoque peccet magis. sed nos de quod fieri plerumque solet locuti sumus: qua posita, sequitur, Iudicem peccare gravius, ut exposita rationes ostendunt.

Tertia Conclusio. Iudex timore corruptus minus ac levius peccat, quàm is, à quo iniecto timore corruptitur. Præcipua huius rei ratio illa eadem est, quam supra tractauimus, iterumque perstringemus hoc modo: Peccatum illud est maius & gravius, quod magis ex animo fit, magisque voluntarium est, & ex minori, levioriue causa committitur. sed peccatum hominis, Iudicem timore percellentis, & corruptentis magis est voluntarium, & leviori de causa, quàm Iudicis corrupti peccatum, committitur. Timor enim qui iudicem turbat, vehementior affectus est, quàm habendi cupiditas, quæ commouet corruptorem. Ad hæc. Causa princeps in agendo plus censetur agere ac plus peccare, quàm instrumentum obediens. Sed corruptior est princeps causa peccati; Iudex autem est velut instrumentum obtemperans. Ergo plus corruptor, quàm Iudex, & minus Iudex, quàm corruptor delinquit. Hic etiam eum timorem esse volumus, qui virum quantumvis constantem & fortem concutere possit, non eum, qui lenia quædam incommoda ponat ob oculos Iudicis, quibus vir constans & fortis non moueretur.

Hic igitur hac triplici conclusione distinctis, argumentis initio propositis responderi sic debet: ea quidem quæ contra Iudicem ob-

iecta sunt, aliquid veritatis & roboris habere singula, si aduersus eum coniecta nominatim intelligantur; qui pecuniæ sit cupiditate corruptus. is enim gravius peccat, ut in prima & secunda conclusione demonstratum est. Sin autem illum etiam petant Iudicem, qui timoris magnitudine corruptatur, omni prorsus vi carent & veritate. Ea verò, quæ probare contendunt, corruptorem plus peccare quàm Iudicem; si contendunt, plus peccare, quàm Iudicem timore corruptum, nihil habent, cur confutentur: id enim in tertia Conclusionem posuimus & multiplici ratione firmavimus. Quod si hoc sibi præterea volunt, corruptorem peccare magis, quàm Iudicem cupiditate corruptum, necesse habent singula confutari. De primo igitur, in quo veluti certum ponitur, primam causam, quia est, ut dicitur causa secundæ, multo magis affinem esse culpæ, quàm secundam, quæ monetur à prima, de primo, inquam, dicendum est, peccatum, quod primam habet, & secundam causam, non semper vel plus, vel æquè adscribi, ac tribui primæ. Cum enim secunda causa est libera, vel liberior, quàm prima, non æquè, vel plus adscribitur primæ, id quod hic accidit, & aptè conuenit in rem nostram, cum Iudex æquè liber, immò verò liberior esse debeat, quàm causa corruptens, adeoque magis delinquat, & peccet, quàm prima, cum agit iniuste. Id videlicet est causæ, cur Deus qui humane voluntatis est, non dicatur tamen esse causa peccati, quod à voluntate promanat, quia voluntas non est veluti gladius ac telum, sed libertate pollens, & facultas, quæ rectè vel perperam agere possit. Secundum argumentum ex Aristotelis autoritate desumptum, pronunciare non dubitantis, principium esse plus quàm totius dimidium operis, vera proponit, si spectanda difficultas agentis sit, non operis quantitas. Concedendum enim est, corruptorem, qui principium operi facit, tollere maiorem partem difficultatis, quod est, aliquo modo maiorem operis partem efficere. non tamen efficere maiorem partem quantitatis in opere improbo ac malo. quantitas enim scelus est gravitas, cuius maior & deterior pars Iudici corrupto reservatur. Itaque corruptor maiorem partem difficultatis submouet ab opere, sed Iudex maiorem sibi reservat partem iniquitatis & gravitatis, quæ in opere cernitur. peccatum verò metiri debemus ex peruersitate, atque iniquitate operis, non ex difficultate, quam in opere agens offendit. Illud etiam quod dicitur in tertio, dandum esset, si Iudex corruptus tantummodo pateretur, & in ea perpeffione consisteret. Verè enim vitiosus est, malè agere, quàm malè pati, si qui patitur nihil agat præterea, sed tantummodo patiatur. Ceterum quia Iudex iam corruptionem perpeffus suo ipsius agit & perpetrat scelus motu, idcirco peccare plus potest in actu proprio, quàm corruptor in suo. Quod verò ponitur in quarto, cum peccare gravius qui peccet in plures, verum esse, non potest, nisi

omnia utrinque sint paria. plus enim peccat qui unum interficit, quàm qui pecunia spoliatur plures. Hic autem paria cuncta non sunt, ut ex dictis ac disputatis perspicuum est. De Iudice illo corrupto, qui Christum liberatorem adiudicauit patibulo, non est cur aliquid dicamus, cum ille timore perterritus iniquè fecerit, suprà enim iam diximus, Iudicem ex timore agentem iniuste, minus peccare quàm corruptorem. Hic verò cum corruptore comparamus eum nominatim, qui non timore, sed cupiditate corruptus paruam peruersamque sententiam ferat:

QVÆSTIO TERTIA.

Utum difficilius sit, hominem esse iustum, quàm medicum bonum.

ARISTOTELIS in hoc capite nono aduersus quosdam aggressus differere, qui dicebant, iustum hominem euadere non esse difficile, quia quæ iusta sunt & iniusta facile cognoscuntur, ab arte medendi petunt exemplum, quo demonstrat id facile non esse. dixit enim facilius esse salubria & insalubria, quàm iusta & iniusta cognoscere: nec tamen esse facile medicum fieri ex eo, quod quis salubria, atque insalubria facile deprehendat, quia necesse præterea est, salubribus illis rebus callide, ac bene uti, & insalubria prudenter, scilicet depellere. Quod etiam faciendum est ei, qui iustitiæ sibi velit scientiam comparare. Quantumuis enim iusta, atque iniusta cognoscat, frustra hæc intelligit & tenet, nisi cognitionem suam producat in actum. Quin id quoque, dum huiusmodi tractaret exemplum, affirmavit, difficilius esse, iustum hominem, quàm bonum peritumque medicum fieri, quod ipsi etiam probatur Enstatio. Quære igitur hic venit in mentem Buridano, qui fiat, ut verum id sit, cum haud contemnendis ostendi videatur argumentis, longè difficilius esse medendi artem callere, quàm præpollere doctrina iustitiæ: Nam primo quidem difficilius est, intueri multa, quàm pauca. In arte verò medendi cum cumspectenda res innumerabiles sunt, in iustitia paucissimæ ac definitæ. Nimirum oportet in medendo diligenter inspicere, perleutarique singillatim omnia, quæ circumstant ægrotum, ætatem, regionem, constitutionem corporis, humorumque complexionem, ipsam temporis punctum; quod ægrotationis initium fuit, astrorum positionem, & arcanam in animantia vim, aliaque generis eiusdem infinita. Iniusto autem vel iure perquirendo id solum nobis spectandum est ex Aristotele, ut illati damni differentiam & varietatem inueniamus. Ille quippe iustus est, qui nullum alteri damnum infert, iniustus verò qui damno alterum afficit, iniustior qui maiori, minus iniustus, qui minori. Deinde facilius est illa perspicere, quæ ipsi nos in actionibus nostris externis efficiunt, quàm quæ intus, atque in abditis, reclusisque corporis huma-

ni recessibus agit natura. Sed iustitia in actionibus hominis versatur externis, medendi autem ars in naturæ penetralia peruat peritus. ergo facilius est iusti, rectique scientiam quàm medendi artem tenere. Denique medendi ars, quæ rimatur omnia naturæ latibula, eiusque venatur effectus in humano corpore, subtilior esse videtur & altior, quàm iuris legumque scientia, quæ de iusto, iniustoque decernit. ergo medendi ars difficilior est, quàm iurisprudentia.

Antequam de quæstione constituamus, distinguenda quædam sunt & sic explicanda. Difficultas, quam offendit habitus, aut actio, spectari potest vel ex obiecto, vel ex agente: & ex obiecto quidem duplici modo; uno, qui nascitur ab exuperantia quadam & excellentia quæ facit ut obiectum agentis facultati nulla proportionem respondeat; altero, qui existit ab eiusdem obiecti inconstantia & mutabilitate. Nam & res diuinæ propter exuperantem excellentiam, quæ humanæ vim omnem intelligentiæ prætergreditur, & res naturales, moralesque propter mutabilitatem, & inconstantiam suam, qua subinde vertuntur, dicuntur esse difficiles. Ex agente verò difficultas inspicitur propterea debet, quod homini non solum intelligentia tributa est ad cognoscendum, sed etiam anima sentiens ad expetendum. appetendi verò facultas intelligentiæ negotium exhibet ac repugnat, efficitque, ut minus expeditè suo fungi munere possit, hoc est, in sua, sibi que propria contemplatione versari. Ex hac adeo gemina difficultate; quam intelligentiæ habitus, actioque nanciscitur, aliqui cognosci volunt, quæ nam è duabus rebus in hac quæstione propositis difficilior esse videatur. Tribus itaque Conclusionibus id quod ipsi sentiunt, ac nos sentire præcipiunt partiuntur: quarum


Prima hæc est. Si difficultas inspicatur agentis, difficilius est, esse iustum hominem, quàm medicum peritum ac bonum. Ratio autem est: quia difficultas à nobis agentibus ad habitum actionemque peruat ideo, quod sentientis animæ facultas ita facta sit, ut rationi reluctetur, eiusque iudicium sæpè peruertat, quod in incontinentibus cerni ait Aristoteles, qui aliter cum perturbatione tenentur, aliter cum perturbatione liberi sunt, de rebus agendis, de virtute ac de vitio iudicant. Sed animæ sentientis appetitus multo magis est pronus ad obstitendum rationi in iustitiæ materia versanti, quàm eidem rationi, artis medicæ materiam sua cognitione, usuque tractanti. sæpè quippe lucri, honoris, voluptatis cupiditas, sæpè timor ac tristitia, sæpè amor aut odium, sæpè alie commotiones ab appetitu subortæ animum hominis à recto iustitiæ tramite detorqueant: ut dicere propterea non dubitauerit Aristoteles in primo lib. Rhet. paucissima permittenda iudiciibus esse, qui ab appetitu facile corrumpuntur; pleraque verò legibus, quæ corrumpi peruertereque non possunt, tradenda esse & explicanda. id verò qua ratione sit accipiendum explicauimus suprà.

Secunda Conclusio. Si spectetur obiecti qualitas excellens ad intellectum comparata, dicendum videtur, difficilius esse bonum fieri medicum, quàm iustum hominem. Quippe res, quarum tractatione vir iustus efficitur, ab uno quoque vel intelliguntur ipsæ per se, vel facili negotio percipiuntur. Quis enim ignoret ius unicuique suum tribuendum esse, nemini faciendam fraudem, pro personarum dignitate, Reipublicæ bona distribuenda, rem in commutatione parem exhibendam esse vel pretium? sed intimos in corpore morbos, eorumque retrusas penitus, & intus abditas intelligere causas non omnium est, nec in promptu, nec facile.

Tertia Conclusio. Si autem in obiecto spectanda mutabilitas & inconstantia sit, difficilius profectò erit, iustum hominem esse, quàm bonum medicum. obiectum quippe iustitiæ sunt actiones humanæ. sed in iis maior est mutabilitas & inconstantia, quàm in humorum complexione, & in humani constitutione corporis varia. In hoc autem obiecto,

quod medicorum est proprium, omnis inconstantia ex ipsa materia nascitur, hoc est, ex humorum, elementorumque, quæ sunt in corpore varia proportionem, ac mensuram, quæ non in omnibus hominum corporibus eadem est. sed humanis actionibus non solum à materia mutabilitas accidit, verum etiam à fine, à tempore, à loco, à ceteris circumstantiis, quæ propemodum innumerabiles sunt. Igitur, si hanc intueamur in humanis actionibus inconstantiam, fateri necesse habemus, difficilius esse, iustum hominem, quàm bonum medicum effici. Ibi enim propter obiecti mutabilitatem maior est difficultas, ubi maior est mutabilitas. sed maior in actionibus humanis, quàm in humani corporis constitutione, humorumque complexione, mutabilitas est: ergo maior est in humanis actionibus, quàm in corporis constitutione, humorumque complexione difficultas.

Argumenta proposita per partes confutari non debent, quia ex triplici Conclusionum partitione confutata iam sunt.



CAPVT DECIMVM.

DE ÆQVO AC BONO.

S V M M A.

Sitne idem æquitas ac iustitia?

DIVISIO CAPITIS IN PARTES DVAS.

1. Bonum & æquum quid sit, & à iusto quid differat?
2. Æquitas ipsa habitus est suo definitus obiecto.

PARS PRIMA CAPITIS DECIMI.

ΠΕΡΙ δὲ ἐπιχειρίας καὶ τοῦ ἐπιχειροῦ, πῶς ἔχει, ἢ μὴ ἐπιχειρεῖν πρὸς δικαιοσύνην, ὃ δὲ ἐπιχειρῶν πρὸς δίκαιον, ἐχόμενον ἔστιν εἰπεῖν. οὐ γὰρ ὡς τῶν ἁπλῶν, οὐδ' ὡς ἐπεὶ πᾶσι καὶ φαίνεται σκοποῦμενοι. καὶ ὁ τε μὲν ἐπιχειρῶν ἐπαυροῦμεν, καὶ ἀνδρᾶ τὸν τοιοῦτον. ὡς καὶ ἐπὶ τῶν ἄλλων ἐπαυροῦντες μεταφέρουμεν, ἀπὸ τοῦ ἀγαθοῦ τὸ ἐπιχειρεῖν, ὅτι βέλτερον, δηλοῦντις. ὅτε δὲ ὁ λόγος ἀκολουθοῦσι φαίνεται ἅπαντες, εἰ τὸ δίκαιον τι ὄν, ἐπαυροῦν ἔστιν. ἢ γὰρ τὸ δίκαιον ἢ ἀποδοῦναι, ἢ τὸ ἐπιχειρῶν δὲ δίκαιον, εἰ ἄλλο. ἢ εἰ ἄμφω ἀποδοῦναι, τῶν ὄντων. ἢ μὲν οὖν ἀπειρία γε δὲν συμβαίνει, ἀλλὰ τῶν πᾶσι τὸ ἐπιχειρῶν.

DE æquitate autem, & æquo, quomodo se habeat, æquitas quidem ad iustitiam, æquum autem ad iustum, consequens est ut dicamus. Neque enim ut idem simpliciter, neque ut aliud genere apparet considerantibus. & interdum quidem æquum laudamus, & virum talem. quapropter & ad alia laudantes transferimus, pro bono ipsū æquius melius esse declarantes. Interdum verò rationem sequentibus apparet absurdum, si æquum cū præter iustum quiddam sit, laudabile est. vel enim iustum non est bonum, vel æquum non est iustum, si aliud est; vel si ambo bona sunt, idem est. Quæstio igitur ferme contingit propter hac de æquo ac bono.

EXPLANATIO.

DISPVTATIONES de iustitia, quas suprà tractauit, excipere debet explicatio de æquo & bono, siue de æquitate, vt demum intelligatur, an ipsa quoque æquitas dici iustitia debeat, cùm mitis quædam & mollis iuris interpretatio sit. Dicitur enim Græcè ἐπιείκεια, quæ vox significat quidem interdum lenitatem vniuersè, siue clementiam, atque modestiam, sæpiùs tamen est summi iuris moderatio, quemadmodum ἐπιείκειος est qui hanc stricti iuris moderationem amat, & ἐπιείκειος ipsum æquum & bonum, quod leni, clementique iuris interpretatione statuitur. Ius enim quoddam est summum, hoc est, rigidum & inflexibile, quod strictum aliqui dicunt, Aristoteles ἀκριβοδύτης vocat, quasi ius exactius duriusque: quod qui amant, ij ἀκριβοδύτης ab eodem Aristotele nominantur, hoc est, asperi, præduri que iuris interpretes siue deterioris iuris studiosi, usurpatoresque, vt ait Budæus. Ac stricti quidem iuris Iuriconsultorum peculiare vocabulum est. reliqui scriptores summum ius id appellant, & improbant quasi plus nimio seuerum & rigidum. Cic. in Offic. 1. Existunt etiam sæpè iniuriæ calumnia quadam, & nimis callida iuris interpretatione; ex quo illud, summum ius, summa iniuria, factum est iam tritum sermone prouerbiū. Terent. in Heauton. Neque tu scilicet eò nunc confugas. quid mea? num mihi datum est? num illa oppignerare filiam meam me inuito potuit? verum illud Chreme dicunt, ius summum sæpè summa malitia est. Columel. in lib. 1. vbi de patrisfamilias officio loquitur, summum ius, inquit, antiqui summam putabant crucem. Hinc videlicet summo iure agere dixerunt pro eo quod est non ex æquo ac bono, sed iniquiore, ac severo quodam iure agere, vt Cicero loquitur in orat. pro Cecinna, id quod idem alibi dixit, ad extrema, & inimicissima iura decurrere: vt merito Paulus Iuriconsultus in l. si seruum. ff. de verbor. obligation. ita pronuntiet. In hoc genere (hoc est in summo iure persequendo) plerumque sub auctoritate iuris scientiæ perniciosè erratur. Hic nimirum ille nauticus error in vita est, quem cauendum Euripides homini sic proponit: Summo iure vttere moderatè. naus enim summa vi tentis rudentibus, mergitur, erigitur autem si rudentes laxaueris. Id denique est quod in Ecclesiastæ cap. 7. monitum voluit Salomon, cùm dixit, μὴ γίνῃς διεγὼς πολὺ. noli esse iustus multum. Huic ergo summo iuri opponitur æquitas, & æquum ac bonum, siue absque copula, æquum bonum, quo legum asperitas, & sœuitia corrigitur, ac temperatur. quod fecisse Claudius dicitur à Tranquillo. Nec semper præscripta legum secutus, inquit, duriciam, lenitatemque multarum ex bono & æquo, perinde vt afficeretur, moderatus est. est itaque æquum & bonum vel æquitas, temperamentum quoddam, siue quædam inter ius & licentiam indulgentiamve mediocritas: adeoque Donatus, inter ius, inquit, & æquitatem hoc interest, quod ius omnia recta, & inflexibilia exigit, æquitas verò de iure multum remittit.

De hac igitur æquitate deque bono & æquo sibi agendum esse confirmat, & exponendum, qua ratione se habeat, cum iustitia, iustitiae comparatum. Videtur enim interdum idem esse ac iustitia in genere, interdum diuersum, hoc est, non esse simpliciter idem, adeoque dubitatio nascitur & quaestio, quid demum sit, & utrū à iustitia distinguatur: incipit ergo in utramque partem disserere, ac primum probare æquum ac bonum idem ac iustum non esse. Id quod magis laudari solet, quàm iustum, inquit, videtur esse diuersum à iusto. sed soliti sumus interdum æquum & bonum, quod est æquitatis obiectum, longè magis laudare quàm iustum, in quo versatur & posita iustitia est; dicimusque id quod æquum appellatur & bonum rectè factum esse, & quidem melius, quàm si ad syllabas & verba legis exactum fuisset. quin illum ipsum, qui agit ex æquitate, hominem se præbere dicimus, laudamusque eo nomine, quod æquus ac bonus sit, hoc est, facilis, benignus, ac legum, mitis interpres, multoque laudamus magis, quàm si seuerus & asper esset, ipsique iuris apicibus adhæresceret. Cùm ergo magis laudare soliti simus æquum ac bonum quàm iustum & ius, eosque pluris æstimare, qui bonum sequuntur, & æquum, quàm qui iuris duriciam & seueritatem amant, sequitur, vt bonum & æquum non sit simpliciter idem ac iustum & ius, sed aliquid à iure, iustitiaeque distinctum. Contra verò sic probari videtur, æquum & bonum esse idem, ac iustum & ius. Si bonum & æquum non esset idem, ac iustum, eorum alterum honestum non esset, aut di-

gnum laude : hoc autem non est æquum & bonum , cū iam demonstratum sit esse laudabile : igitur erit iustum ac ius . At absurdum , & à ratione alienissimum est , affirmare , ius ac iustum honestum non esse , nec dignum laude . Vel igitur utrumque honestum est , atque laudabile , vel utrumque est idem . Quare cū disputatio hæc , & questio in utramque partem agitari sic possit , postulat , ut constituatur à nobis , & sua conclusione definiatur .

PARS SECUNDA CAPITIS DECIMI.

ΕΧΕΙ δ' ἅπαντα ἔπει πινὰ ὀρθῶς , καὶ οὐκ ἔστιν ὁποῖός τις αὐτοῖς . τὸ , περὶ δ' ὁποῖός τις , δικαίου πρὸς ὃν , βέλτιον ἔστι δικαίου . καὶ οὐχ ὡς ἀλλότιος ὢν , βέλτιον ἔστι τῷ δικαίου . ὁ αὐτὸ ἄρα δικαίου καὶ ὁποῖός τις . καὶ ἀμφοῖν ἀποδοχαὶν ὄντων , κρείττον ὁ ὁποῖός τις . ποῖός τις δὲ τὸν ἀποδοχόν , ὅτι ὁ ὁποῖός τις , δικαίου μὲν ἔστι , οὐ δ' ἔστι τὸν νόμον δὲ , ἀλλ' ἐπιδόρυμα νόμου δικαίου . αἴτιον δ' , ὅτι ὁ μὲν νόμος καθόλου πᾶς , πᾶσι δὲ αἰῶνι δὲ , οὐχ οἷον περὶ ὀρθῶς εἰπεῖν καθόλου . ἐν οἷς οὖν αἰάγνη μὲν εἰπεῖν καθόλου , μὴ οἷον περὶ ὀρθῶς , ὁ ὡς ἐπιτελέειν ἀμφοῖν ὁ νόμος , οὐκ ἀγνοῖν ὁ ἀμφοτέρωθεν . καὶ ἔστιν ὁποῖός τις ὁποῖός τις . ὁ γὰρ ἀμφοτέρωθεν οὐκ ἐν τῷ νόμῳ , οὐδ' ἐν τῷ νόμῳ δὲ , ἀλλ' ἐν τῇ φύσει τῷ ποσὶ μακρῶς ἔστιν . ἀλλ' οὐ γὰρ ἡ τῇ ποσὶ μακρῶς ἔστιν ὁποῖός τις . ὁποῖός τις λέγει μὲν ὁ νόμος καθόλου , συμβῆναι δ' ὅτι τούτοις πᾶσι τὸ καθόλου , τότε ὀρθῶς ἔχει , ἡ ποσὶ μακρῶς ὁ νόμος , καὶ ἡμῶν ἀπλῶς εἰπὼν , ἐπιδόρυμα τὸ ἐλλείπειν . ὁ καὶ ὁ νόμος οὕτως αὖ εἰποι , ἐκεῖ πρῶτον . καὶ εἰ ἡδὲ , ἐπιδόρυμα δὲ . δὲ δικαίου μὲν ἔστι , καὶ βέλτιον ἢ δικαίου , οὐ τῷ ἀπλῶς δ' , ἀλλὰ τῷ δὲ ἀπλῶς ἀμφοτέρωθεν . καὶ ἔστιν αὐτὴ ἡ φύσις ἡ τῷ ὁποῖός τις , ἐπιδόρυμα νόμου , ἡ ἐλλείπειν ἔχει ὁ καθόλου . τὸ γὰρ αἴτιον καὶ τῷ μὴ πρῶτον ἔστι νόμον δὲ , ὅτι πᾶσι ἐν αἰῶνι ἀδυνάτων ἔστι νόμον . ὡς ἡ φύσις δὲ . καὶ γὰρ ἀόριστον , ἀόριστον καὶ ὁ καθόλου ἔστιν . ὡς πρὸς τῆς Λεσβίης οἰκοδομῆς , ὁ μολυβδίνος καθόλου . πρὸς γὰρ ὁ γῆρας τῷ λίθου μετακινεῖται , καὶ οὐ καὶ ὁ καθόλου . καὶ τῷ ἡ φύσις πρὸς τὴν ποσὶ μακρῶς . τί μὲν οὖν ἔστι τὸ

Habent se autem omnia quodammodo rectè , & nihil repugnans est ipsis : nam cū æquum iuris cuiusdam sit , melius est ius , & non tanquam aliud quoddam genus , melius est iure . Idem igitur iustum & æquum : & cū ambo honesta sint , præstantius est æquum . efficit verò dubitationem , quòd æquum , iustum quidem est , non secundam tamen legem , sed correctio legitimæ iuris . Causa autem est , quòd lex quidem omnis generalis est , de quibusdam verò rebus fieri non potest , ut rectè dicatur uniuersè . In quibus ergo necesse est dicere in uniuersum (non potest autem rectè id fieri) quòd plerumque sit , id suscipit lex , non ignorans id quòd peccatur ; & est nihilominus recta . nam peccatum non in lege , neque in legislatore , sed in naturâ rei est , statim enim rerum agendarum materia huiusmodi est . Cū igitur locuta fuerit lex in uniuersum , contigerit autem in rebus præter illud uniuersum , tunc rectè habet qua parte deficit legislator , & peccauit simpliciter loquens , corrigere quòd reliquum est : quòd etiam legislator ita locutus esset , si illic adesset , & si sciuiisset , ita legem tulisset . Quare iustum quidem est , & melius quodam iure , non simpliciter tamen , sed illo , quòd peccatum est , propterea quòd simpliciter enunciatum est . Atque hæc est natura æqui ac boni , correctio legis qua parte deficit ob uniuersum . Hæc enim causa est , cur non omnia secundum legem sint , quòd de quibusdam impossibile est statuere legem . quapropter plebiscito est opus . rei quippe non definita indefinita quoque regula est , ut & Lesbia structura plumbea norma est . ad figuram namque lapidis inflectitur , & non manet norma : sic etiam plebiscitum ad res ipsas accommodatur . Quid igitur sit æquum

habeant plures, sic legislator de actionibus humanis aliquid certum vniuersè pronunciat, tamen si nouit in paucis euenire posse contrarium. Illud quippe Platonis monitum de legibus est, ut ferantur iis de rebus, quæ plerumque accidunt, non de iis, quæ raro fiunt. idèoque Solon nihil decreuit contra parricidas; quia parricidia putauit vel nulla esse, vel raro futura. Igitur ubi euenient id, quod legi vniuersim prolata non congruit, æquitatis, vel æqui bonique adhibenda interpretatio, moderatio, & correctio est. Necessaria igitur est æquitas, & hæc legum in leniorem partem interpretatio, quod erat Aristoteli demonstrandum. Neque verò propterea defectus hic & fallacia, inquit, vim adimit legi, aut iusti legalis perfectionem euerit. lex enim ipsa per se perfecta & recta est, cum secundum rationem à legislatore posita sit. Nulla igitur est culpa legis, aut eius qui legem tulit, sed actionum humanarum singularium, quæ sub vna, certaque regula comprehendere non possunt, adeoque defectus omnis, & fallacia ex materię mutabilis, & varię, non ex legis, legislatorisve vitio nascitur. Res enim humanę non semper eodem modo se habent, sed varietatem suscipiunt, saltem in paucis, hoc est, interdum & aliquando. Quippe depositum reddere iustum est vniuersim, sed tamen iniquum interdum, & malum est reddere.

Cum igitur locuta fuerit lex &c.) Consecutio ex suprà disputatis, ac positis hæc est: oportere aliquid esse, quod ius legale moderetur, & dirigat. Cum enim quod vniuersim lege præcipitur ita variet in singularibus, ut interdum fieri non debeat, & incidant aliquando tempora, quibus temporibus etiam contrarium faciendum videatur, consequens est, oportere aliquid esse, quo lex ipsa corrigatur aut expleatur in singularibus illis, quæ comprehendere legis amplitudine non potuerunt. Videtur autem syllogismus hic esse: Eius præceptionis vniuersę generalique, quæ deficit interdum, atque in singularibus imperfecta sic esse deprehenditur, ut fieri quod præcipitur, utile, honestumve non sit, oportet esse regulam aliquam dirigentem, & moderantem. Sed ius legale sic deficit interdum, ut facere, quod iure præcipitur nec utile, nec honestum sit. oportet ergo legalis iuris aliquam esse dirigentem, & moderantem regulam, ut ad eam iuris partem adhibeatur, quæ imperfecta, & curra deprehenditur esse. Atque hoc ita faciendum esse, demonstrat ex eo, quod si legislator adesset ubi ea incidunt tempora, quibus corrigi & temperari legem oportet, ipsemet eam corrigeret, aliąque ratione disponderet. Neque enim eo modo constituisset legem, si res omnes singulares nosse atque intelligere potuisset. legendus est Quintilianus in lib. 7. cap. 6. ubi plurima ponit exempla legum illarum, quæ corrigi debent, aut explicari legislatoris potius spectato consilio, & iure naturali, quàm verbis & syllabis legis. Quid autem id sit, quo lex corrigenda & suis explenda partibus videatur, iam supra significauit, iterumque demonstrat, affirmans hoc esse quiddam iustum, sed aliquo iusto melius, hoc est, esse id, quod ipse *ἄνδρες* nominat, nos æquum ac bonum appellamus: hoc enim, iusto quidem naturali non est præstantius, sed iure legali, cui peccatum, hoc est, defectus accidit, melius & excellentius est. æquitas nimirum est, quæ corrigit emendatque quicquid in eo deprehenditur defectus & vitij, ac propterea melior est & præstantior ea re, quam dirigit, emendat & corrigit. Multa quippe peculiaria & singularia, ut diximus, omittunt leges, quæ leges ipsę generali sua sanctione non possunt amplecti, quia sunt infinita. Atque hinc ait esse nata *ὑποβιωτά*, hoc est, populi decreta, siue plebiscita, quæ populi, plebisque sunt leges minimè perpetuę, sed ad tempus, quarum usus ea gratia in Rempublicam est inductus; ut quia legibus omnia scribi, & comprehendere nequeunt, id quod legibus est omissum consensione populi decernatur: cuiusmodi sunt indictio belli, legis latio, Magistratuum creatio, legatorum missio, aliąque negotia repente, atque in dies accidentia, de quibus à principibus ciuitatum rogandus est populus. Non tamen idcirco mentionem plebisciti facit hic Aristoteles, quod velit etiam plebiscitum dici debere bonum & æquum, cum populi scitum ad publica negotia semper, æquum ac bonum ad priuata plerumque pertinere videatur, cuiusmodi contractus sunt, pacta, & conuenta ciuilia. Quare apud Historicos, qui describunt publica, vix æquum bonumque reperias, apud Iurisperitos verò qui versantur in priuatis, offendas sæpius. Significat igitur hac plebisciti mentione, duo esse legum adiumenta, quibus ea quæ omiserint suppedientur, & suppleantur, psephisma, hoc est, plebiscitum, & æquum ac bonum: quæ, ut diximus, inter se dis-

rentia sunt. Habent tamen hoc commune, vt res peculiares, ac singulares à legibus omittas decernant. ac propterea Lesbix regulæ comparantur, quæ flexibilis erat. Quippe Lesbij propter asperitatem fortassis ac duritiem lapidum, quos ea ferebat insula, vti regula, normæque sunt plumbea, quæ se flecteret, accommodaretque ad lapidum inæqualitatem, cum alioqui lapides dirigi & laxigari debeant ad rectitudinem regulæ minimè flexibilis. Ad eundem ergo modum & populi scita & æquum ac bonum se habent, quæ ad res singulares, instabiles nimirum, inæquales, & incertas flectunt atque accommodant se, quod leges ipsæ non faciunt. quæ quoniam generalia tractant, hoc est, res minimè mutabiles per se sunt, æquales scilicet ac terrez.

Manifestum autem est, &c.] Epilogus huius capituli hic est Colligit enim duo. Primum: eum, qui pronus ad bonum æquumque sit, & æquitatem sequatur in iudicando, non accipere verba legis in deteriore atque asperiore parte, quemadmodum faciunt ij, qui ἀκριβοδύγοι, hoc est, asperè iusti, siue asperi iudices appellantur, sed benigna potius explicatione eadem verba iuris interpretari: nam æquus ac bonus iudex, inquit, est ἐλαφρόπικρος, ad minuendum pronus ac paratus, hoc est, ad minuendam seueritatem: quia propendet ad remittendum de seueritate legis & iuris benignitatem amplectendam. Secundum: æquitatem ipsam nihil aliud esse, quàm iustitiæ speciem & habitum à iustitia non differentem: quæ totius est conclusio quæstionis: cum initio dixerit, velle se differendo quærere num æquum ac bonum siue æquitas idem ac iustum, aut iustitia sit. Hoc autem quod decernit, qua ratione sit verum, exponemus in quæstionibus adiungendis.

EPILOGVS.

1. *Æquum ac bonū iustū quidē est, sed melius aliquo iusto, hoc est, iure legitimo, quod emēdat.*
2. *Porro legem ipsam interdum corrigere necesse est, quia generalia tantum præcipit, nec peculiaria, quæ sunt innumerabilia, comprehendere potest.*
3. *Æquus & bonus is est, qui leniorem in partem iuris seueritatem interpretatur, aut quod in legibus est omissum, reponit ac supplet. æquitas autem est habitus ad eiusmodi benignitatem procedens, nec ab ipsa iustitia separatus.*



IN CAPVT DECIMVM

QVÆSTIO PRIMA.

An æquum & bonum ipsius quoque iuris naturalis correctio sit.



EQVO ac bono ius legitimum corrigi & explicari debere sic certum est, vt nisi sic corrigatur, & explicetur, summa interdum ex legibus iniuria existeret possit, & summa crux. Sæpe quippe vel aliquid in lege deest, vel aliquid iubetur, quod haud semper agendum sit. Exemplis id illustremus à dicendi magistris, aut ab oratoribus acceptis, apud quos sæpe de summo iure, ac de æquitate controuersia fuit. Apud Græcos quidem hæc sunt. lex est, ne quis ferro alium vulneret: quidam annulum gestans ferreum, alium percussit, & vulnerauit. si iure agendum sit, damnatur, si ex æquo & bono, absoluitur. Neque enim euentum illum fortuitum prouidere potuit legislator. Narrat Dynarchus in oratione contra Demosthenem, Polyzæctum capite damnatum in Arcopago fuisse, quod Megaram, ad Nicoclem exulem se contulisset, sed absolutum à populo, quod constaret ad consolandum in Coniugis funere Nicoclem vitricum suum in urbem illam contendisse, quod pium ac necessarium officium fuit, non autem ad aliquid contra

Rempubicam moliendum; quod cauere voluit lex, & legislator, cum capitis proposita pœna; sancit, ne quispiam cum exulibus sermonem conferret, & consilia communicaret. Rectè enim Lysias monuit, iudicantes Magistratus ea mente præditos esse oportere, quæ legislatoribus fuit, qui profecto ubi huiusmodi res incidunt, si adessent, non summo iure, quod ait hic Aristoteles, sed ex æquo ac bono iudicarent. laudatur adeo Philopœmen à Plutar. in T. Quintio, quod non solum ex præscripto legum, verum ipsis quoque legibus è hono publico sciret imperare. Alia sunt apud Quintilianum exempla in lib. 7. cap. 6. lex est: liberi aut patrem alant aut vinciantur. nisi ad æquum bonumque confugiatur, viciendus est infans, qui patrem non alit. Peregrinus, si murum urbis ascenderit, capite puniatur. Cum hostes murum ascendissent, peregrinus eos depulit. petitur ad supplicium, si lex ipsa spectatur, absoluitur vero, & afficitur præmio, si bonum æquumque consulitur. Qui nocte cum ferro deprehensus fuerit, alligetur. cum annulo ferreo deprehensus ciuis alligabitur à Magistrate, qui legis inspicit & sequitur apices, ab æquo,

bonoque iudice confestim dimittitur, quia cum ferro deprehensus innoxio est. Eleganter & lepidè Cicero pro Cecinna sic exagitat Aduersarium: Istum locum fugis & reformidas, & me ex hoc, ut ita dicam, campo æquitatis ad istas verborum angustias, & ad omnes literarum angulos reuocas: in his ipsis intercludere vis insidiis, quas mihi conaris opponere. non deieci, inquis, sed eieci. peracutum hoc tibi videtur. hic est mucro defensionis tuæ &c. Refellit enim eum, qui aduersus interdictum se non fecisse contendebat, cum Cecinnam non vi de fundo deiecisset, quod interdicto verabatur, sed eiecisset infecto metu. fecerat enim ut Cecinna perterritus, ad fundum accedere non ausus esset. Contendit adeo Cicero, Prætoris mentem & consilium fuisse cum scriberet interdictum, ut is quoque deicere de fundo intelligeretur, qui metu minisque faceret, ut alius ad fundum non auderet accedere. Hæc, inquam, aliæque his similia vincunt, & certissimum esse demonstrant, bonum & æquum siue æquitatem necessariam quamdam esse legitimi iuris explicationem.

Sed an æquum ac bonum, ipsum quoque naturale ius interpretetur, & explicet, quæri disputando potest, quia æquum ac bonum ius omne dirigit & moderatur, quod alicubi deficit, & moderatione indiget, aut correctione. Ius naturale deficit interdum, & correctionem, moderationemque desiderat, ut multis argumentis ostendi potest.

Primum. Naturale ius postulat, ut omnes æquali præditi simus libertate: quod tamen ius emendatum iam est, & conuersum in melius regnum quippe præstantius est regimen & salutaris, quam democratia, hoc est, populi dominatus, ubi æquali omnes fruuntur libertate, sed abuehantur. Secundum. Ius naturæ omnia posuit in medio & omnium voluit esse communia, ut docet ac disputat in lib. primo de officiis Cicero. Sunt autem, inquit, privata nulla natura; sed aut veteri occupatione, ut qui quondam in vacua venerunt; aut victoria, ut qui bello potiti sunt, aut lege, aut pactione, aut conditione, sorte. ex quo fit, ut ager Arpinas Arpinatum dicatur, Tusculanus Tusculanorum, similique privatarum possessionum descriptio &c. At hoc ius naturale corrigendum, & mutandum fuit, demonstratum est enim in lib. 2. Politicorum ab Aristotele, bonorum illam communionem haud bonam, & vilem existimatum fuisse; cum id quod est commune, curet nemo, de privatis autem ac propriis sit unusquisque sollicitus. Itaque, ne communia negligenterentur, rerum sequuta diuisio est, & unicuique suum attributum, quod qui alteri vel per vim vel furtim surripiat, aut iterum facere velit hominum commune, iura violare censetur humanæ societatis, ut idem Cicero loquitur. Igitur hoc est iam emendatum & castigatum, quod iure naturæ constitutum initio fuit. Tertium. Non patitur naturale ius alteri nos auferre, vel de manibus extorquere rem suam. furioso tamen eripien-

das è manibus & extorquendus est gladius. Quin eidem furioso ne res quidem deposita reddenda est, qua sit abusus, cum tamen iure naturæ reddi depositum debeat vniuersim ab omnibus. Quartum: Ibi magis est necessaria correctio, ubi defectus est maior. Sed Aristoteles in hoc capite decimo pronunciat, non in lege, neque in legum conditore vitium esse, causamque, cur corrigi mutariue debeat quod iure legitimo sancitum est, sed in rei natura, hoc est, in natura humanarum actionum, quæ per se mutabiles sunt, ac varietatem subinde patiuntur. Quintum: Nisi natura deficeret & peccaret, nec monstrare cerneremus, quæ naturæ peccata dicuntur, nec medicinæ vis aut usus esset ullus, quæ in eo posita est & laborat, ut naturæ defectum adiuuet, quod est naturæ peccatum errorémque corrigere.

Aristoteles tamen velle videtur, naturale ius esse moderationis & correctionis expertum, cum disertè pronunciet, bonum & æquum habere locum ubi lex in singularibus deficit, & curta deprehenditur esse. significat adeo, ius naturæ non posse corrigi, nec mutari. Quin æqui bonique regulam iuri legitimo designat veluti propriam, ubi peculiaria prætermiserit & singularia, quæ lex propter eorum infinitatem vnà complecti non potest. Sequenda igitur Aristotelis est autoritas, quam valida etiam rationum momenta confirmant. Nam primo quidem id quod æquitatis moderationem & correctionem admittit, potest iniustum esse. neque enim correctionem & moderationem postulare, nisi fieri posset iniustum, & conuersum in melius. Sed ius naturale iniustum esse non potest; cum ius naturale sit illud, quod naturali rationi consentaneum est. quod verò naturali consonat rationi, iniustum esse non potest. Deinde id quod dirigendum & corrigendum est, deficit interdum & mutari potest. Ius verò naturale nusquam deficit, & semper est idem. Dixit enim Aristot. supra in hoc lib. 3. naturale ius apud omnes gentes, ubique ac semper eandem habere vim, atque potentiam. Igitur ubique ac semper iustum est, aut iniustum, iniustum dici non potest, quia ius appellatur iustum. erit ergo semper iustum; & correctionem non postulabit. Præterea, natura dirigitur à rectore, qui decipi, atque errare non potest, ergo etiam ipsa natura est experta erroris: ex quo sequitur, emendari corrigique non posse.

Ad argumenta supra iam posita confutanda tenendum id primo est: naturam quidem numquam in opere suo labi, deficere, aut peccare ipsam per se, sed sicubi deficit, aut errat, deficere, & errare propter aliquod impedimentum extrinsecus accidens, quemadmodum in monstris cernimus, quæ natura nollit, & respuit, sed patitur tamen, impedimento coacta. Quin tunc etiam cum impeditur, efficit quod efficere præstantius & melius potest, ut si minus assequitur quod volebat, simile saltem aliquid, & quod est perfectio proximum assequatur, quæ causa est,

cur semper rectè dicatur agere. rectum enim id etiam est, quod minus est prauum.

Animaduertendum secundo loco est: iustum siue ius naturale intelligi, & comprehendendi animo posse dupliciter. Interdum enim id esse naturale iustum intelligimus, quod est naturæ consentaneum ipsi per se, nulla prorsus habita impedimenti ratione: quo fit interdum, vt quod ipsa veller, agendum non esse videatur. Quippe etiam tunc, cum illud agendum non est, ipsi per se naturæ idem consentaneum dici potest. quamquam enim eo tempore propter circumstantias impediētes consentaneum verè non est, est tamen eidem consentaneum vniuersè. Interdum verò ius naturale id volumus esse, quod consonat operi naturæ non impeditur. Hoc igitur est inter verumque discrimen, quodd primum illud ius mutabile non est, nec in legem politicam cadit. neque enim posset aliud præcipere legislator, nisi hoc generatim & vniuersè id quod est naturæ consentaneum agendum esse. hoc verò politica lege frustra præciperetur, quæ furta, sacrilegia, peculatus, parricidia verat, non vniuersè illa, quæ naturæ dissentanea sunt.

Alterum autem ius naturale propter impedimenta mutationem admittit, & lege comprehendendi facile potest, cum lex nominatum veterat aliqua iure naturæ proscripita, quæ tamen ex impedimento mutantur. Quæ ex differentia consequens est, vt naturale ius secundum primam illam notionem acceptum, dirigi, corrigiue non possit, cum semper sit idem, & mutationi non opportunum, sed possit tamen emendationem aliquam admittere, si secunda notione circumscriptum intelligatur. est enim propter impedimenta quædam incidentia mutationi sic obnoxium, vt iniustum sit, si fiat quod præcipit, nec vlla incidentis impedimenti ratio habeatur. Quia tamen hoc ius naturale lege quoque politica præcipi potest, cum emendationem & moderationem postulat, non tam naturale, quàm legale videtur appellandum esse. vt verum sit quod ex Aristotele pronunciauimus, æqui bonique interpretationem, & correctionem esse propriam iusti legitimi, nec cum naturali iure communicari.

Animaduertendum est tertio: quædam esse peculiaria etiam in lege politica, iure naturæ sic iusta, vt mutabilia propter impedimentum vllum esse non possint. Quemadmodum enim aliqua sunt opera naturæ, quæ numquam impediuntur; qualis est Luna Solisque circumactus, sic aliqua iusta sunt naturalia, quæ scripto etiam iure præcepta, numquam desinunt esse iusta: cuiusmodi solent esse quæ negante præceptione vetantur: vt, Non furtum facies, non parricidium, non adulterium, non alia, quæ statim atque nominantur, intelliguntur esse conuoluta peccato, vt supra in lib. 2. cap. 6. loquitur Aristoteles. Sed non omnia quæ suggerit lex naturæ, eodem planè modo inmutabilia sunt: quia non semper imperio præcipit, sed interdum consilio, atque hortatione suadet honesta, cuiusmodi est de

vnica tantum vxore præceptio, quæ diuina nunc est: interdum concedit vtilia, cuiusmodi fuit in suo illo innocentie bonorum communio, interdum patitur aliqua fieri minus bona, ne peiora ex hominum improbitate committantur, cuiusmodi nunc eorundem bonorum diuisio est.

Quibus ita positis, argumenta omnia facile confutabuntur. Nam primo quidem libertas omnium æqualis imperata non fuit, sed permixta, & concessa iure naturæ. mutari adeo potuit, & varius dominatus, statûque rerum publicarum institui, quemadmodum instituta seruitus est, quam homini vtilem esse demonstrat Aristoteles in Politicis, eam plurimis expediat seruire potius, quàm imperare, quia facti natura videntur ad seruiendum. Deinde ne id quidem imperatum est, sed permixtum, vt communis omnium rerum possessio esset: ac propterea potuit consilio ac ratione corrigi. designatum enim est vnicuique suum, vetitumque homines etiam per alienum fundum transire, quia comprobatum experimento est, bonorum illam communitatem humano generi æquè ac diuisionem nec vtilem, nec probabilem esse. Denique rei depositæ restitutionem, aliæque permixta ius imperat naturæ, vbi nullum intercedit impedimentum, quo res fieri prohibeantur, quas alioqui præcipit ipsa natura. Illa verò, quæ nulla ratione corrigi posse diximus, nec bonum & æquum admittere, non huiusmodi sunt, sed ex eo genere, quæ quoniam absolute sunt mala, simpliciterque per imperium præceptumque vetantur, mutari non possunt, nec interpretationem æquitatis accipere.

QVÆSTIO SECVNDA.

An æquitas sit virtus moralis differens à iustitia.

ARISTOTELES quidem videtur omnino decernere, bonum & æquum, siue æquitatem esse virtutem, cum in extremo capite dixerit, habitum esse à iustitia non discrepantem; quod etiam in libro primo Rhetoricæ docuit. Itaque iustitiæ quædam species videtur existimanda esse, adeoque moralis virtus, quemadmodum ipsa quoque iustitia est. idque confirmari potest ex eo, quodd æquitas habitus quidam sit electiuius & dirigens id, quod à ratione descedit, quoddque fieri bene potest aut malè. quæ definitio virtutis sæpe his in libris ab Aristotele tradita est. Dirigit quippe æquitas legale præceptum, quod interdum in quibudam singularibus aberraret à ratione, nisi per æquitatem corrigeretur. Ergo virtutis officio fungitur, & virtus est.

Sed plurimæ tamen rationes aliter id esse demonstrant. Primo enim virtutis id maxime proprium est, vt cum vno quoque mortalium conciliet & communiect se, ita prorsus, vt nemo non particeps eius habitus esse possit,

qui verè sit virtus. Itaque rectè dixit Eustratius in lib. 1. nemini volenti, agentique quod agere potest, vilius virtutis possessionem denegari: nec quidquam ab Aristotele sæpius ac pluribus locis inculcatur, quàm vnamquàmque virtutem in cuiuslibet hominis esse manu ac potestaté. Sed æquitatis non potest vnusquisque particeps esse, nec æquitas ipsa eiusmodi habitus est, qui possideri, tenerique possit ab omnibus. est enim æquitatis proprium in mitiorem & benigniorem partem interpretari leges, quæ simpliciter absolutèque sunt constitutæ. Hoc autem non est cuiuslibet, sed solius Principis, & eius, qui condidit leges, cùm iura omnia proclamant, ad eum tantummodo pertinere, leges interpretari, à quo scriptæ & conditæ sunt. Itaque, si æquitas virtus esset, propensos ac pronos redderet homines ad agendum id quod nefas est agere. Nam quia virtus est, debet omnium esse communis; & quia virtus quælibet animum hominis prouocat ad id, quod ipsius virtutis est proprium, debet etiam impellere omnes, in quibus est, ad leges simpliciter latas in molliorem partem interpretandas: quod nemini fas est, nisi Principi & legum authori, conditorique.

Deinde, nulla virtus alteri virtuti opponitur & aduersatur. Æquitas verò aduersatur, & opponitur veritati; cùm is, qui æquitate præditus est, & æquum bonumque sequitur in iudicando, sit, vt ait Aristoteles, *ἀντιστοχός*, ad minuendum pronus, hoc est, ad minuendam illam seueritatem, quam continent leges, in genere præcipientes & vniuersæ. hoc autem facit, legem ipsam interpretando, & efficiendo, vt lex vnum dicat, & aliud sentiat, quod est adimere legi veritatem, cùm ibidem dicat Aristoteles, eum qui sit æquus ac bonus, interpretari leges in benigniorem & clementiorem partem, quamuis habeat legem ipsam adiuuantem, hoc est, de contraria seueritate præcipientem. Ergo cùm seueritatem interpretatur, eamque dicit esse clementiam, falsò pronunciat: & pugnat cum veritate.

Denique Aristoteles ait in hoc cap. decimo, æquum ac bonum, esse aliquid melius iusto legitimo, seu legali. Igitur æquitas non est virtus. si enim esset virtus, esset melior legali iustitia, legalis autem iustitia virtutum omnium perfectissima, atque excellentissima est, vt diximus initio libri. Ergo æquitas virtus esse non potest.

Animaduertendum primo loco est, duo legalium iustorum esse genera, quantum ad nos in præsentia pertinet, quorum vnum continetur iis, quæ in vniuersum inveniunt scriptis legibus, aut vetantur, alterum autem in iis consistit, quæ sunt legibus prætermissa propter rerum euentorumque singularium infinitatem, quæ legum conditor explicare quidem verbis haud potuit, sed animo tamen atque consilio voluit esse generali quoque lege comprehensa. Huiusmodi videlicet illæ sunt iuris exceptiones, accessionesque, quæ faciunt, vt quamquam plerumque iu-

stū sit agere quod verbis exprimit, & loquitur lex, interdum tamen, idem agere, iniquum iniustumque sit. Igitur quod per exceptiones iuris constituitur, id verè proprièque appellatur. *ἐνταῦθα*, & à nobis æquum dicitur ac bonum, quod profectò iustum est illud, in quo posita est, & versatur æquitas. Est enim æquitas virtus quædam electiva iuris, nulla quidem lege definiti, sed ex animo, & voluntate legislatoris educti. Et quoniam quælibet virtus mediocritas est, id etiam adiungi debet; æquitatem esse medium, aut mediocritatem inter legale iustum verbis expressum, & iniustum legale, quod voluntati repugnat authoris, qui legem scripsit, & generalia iura sancit, in quibus comprehendit tamen voluit etiam singularia; quæ non potuit verbis exprimere. Denique, quia in virtutum definitione ipsa quoque peculiaris propensio ponitur, quam virtus animo tribuit eius, qui virtute præditus est, ad definitionem concludendam, postremo loco dicendum est, habitum hunc, quem æquitatem appellamus, inclinare animum ad misericordiam, ac veniam in suppliciis, mediumque ex arbitratu boni viri inter nimiam seueritatem, nimiamque remissionem deprehendendam. Ex quo sequitur, æquitatem non esse veram iustitiæ speciem re ipsa distinctam ab habitu illo, quo inclinamur ad iuste agendum ex lege scripta, sed vnum, eundemque prorsus habitum esse, qui ad vtrumque nos iustum inclinet. Nulla enim virtus inclinat ad agendum semper ex lege scripta, quia inclinaret interdum ad malum, cùm interdum id, quod lex præcipit, fieri non debeat; nec aliqua virtus inclinat ad agendum semper præter legem, quia ipsa etiam perperam interdum ageret, & iniuste. est igitur æquitas vna, eademque virtus ac iustitia, ad agendum inclinans, vt oportet ac decet. decet autem interdum verba legis inspicere, interdum assequi cogitatione quid legislator hoc temporis articulo maluisset.

Animaduertendum secundo loco est, legem ipsam interpretari, & mollire iuris scripti seueritatem, non omnium esse, sed Principis & legum authoris. Propriè vero legem interpretatur is, qui perplexa & dubia verba legis explanat, decernitque in quam sententiam accipi debeat quod ambiguit scripto iure præcipitur. Atque interdum quidem aperta lex est, nec quicquam habet orationis dubie, quæ velit interpretem; cùm verba tam illustria & clara sint, vt ipsamet, nullo prorsus explanatore, sententiam indicent: sed tamen etiam tunc admittere potest interpretationem aliquam haud ita propriam; vt cùm ad mentem legislatoris confugimus, ac decernimus, aliquod peculiare, ac singulare delictum ob aliquas circumstantias ea lege non comprehendit, quæ aduersus illud delicti genus in vniuersum est condita. Itaque qui deliquit, aut pœnam euadit, aut subit minorem, quàm constituat lex. Id, inquam, non est propriè legem interpretari, sed vti lege ex mente consilioque legislatoris. nihilo tamen minus hæc

etiam dici solet interpretatio, quia, tamen si verba legis, quæ plana sunt, & aperta, non explicamus, ipsum tamen legislatoris animum & voluntatem interpretamur. Ipsas igitur leges in hunc modum interpretari ad legum latorem, aut Principem pertinet, ut dicebam; sed intercedere tamen aliqua possunt tempora, quibus etiam iudici eadem interpretatio permittatur, ut docet Buridanus. Nam si fieri potest, ut Iudex absque sui alteriusve detrimento Principem consulat, ab eoque legis interpretationem accipiat, inconsulto Principe legem interpretari non debet. Sin autem id commodè fieri non potest; cuilibet Iudici fas est, legem interpretari, eamque verborum deligere sententiam, quæ sibi magis esse probabilis, magisque rationi consentanea videatur. Discrimen tamen inter utramque interpretationem est maximum. Interpretatio quippe legislatoris aut Principis impertitur explicatæ legi auctoritatem ac vim, sic inquam, ut ea deinceps haberi debeat, & dici germana sententia, quam legislator aut Princeps esse decrevit. privati verò Iudicis explicatio, nihil roboris addit legi, sed tribuit tantummodo vim sententiæ suæ, ne contra legem lata esse videatur. Itaque cum dicitur, eius esse legem interpretari, cuius est condere, verè dicitur, quia de illa interpretatione sermo est, quæ sententiæ legis explicatæ tribuit apud omnes auctoritatem, & pondus.

Ex his argumenta proposita confutari sic possunt: Primum nihil habet amplius roboris, quàm habeat quod in Magnificentiam quoque Magnanimitatēque producit, quæ virtutes ab Aristotele dicuntur esse Principum propriæ. diximus autem habitus illius intimi & hærentis in animo viri magnanimiti, vel magnifici quilibet esse posse participem, tamen si non possit nisi Princeps externa quædam opera Magnificentiæ ac Magnanimitatis efficere, quibus ille habitus intimus in lucem & publicum prodit. Eadem ergo etiam æquitatis conditio est. quamquam enim id quod æquitas foris agit, solius Principis, & legislatoris est, id tamen quod intus agit in animo, eundem ad eiusmodi sententiæ benignitatem & clementiam pronum & propendentem efficiens, omnium potest esse commune. Cum autem eam pronitatem propensionemque in clementiorem & benigniorem partem hominis animo indit, ad nihil vetitum inconcessumque illum inclinat; cum inclinet ad peruestigandam, sequendamque mentem, ac voluntatem legislatoris: quod non est violare legem, sed ipsi legi potiùs obtemperare, quæ non tam scripto, quàm legislatoris consilio, ac voluntate continetur.

Neque verò seueritati, aut alteri virtuti æquitas aduersaria est, dum clementiam sequitur, & inris mitigat acerbiteratem, facit enim hæc, ut oportet, atque ut ratio postulat. seueritatem verò mollire eo modo, quo præscribit ratio, non est aduersari virtuti, quod per exuperantiam fit, sed ipsius virtutis medium sequi & obtinere.

Iustum autem legale, ut de argumento dicam extremo, interdum intelligimus esse tantum illud, quod scriptum est, dicique potest materiale: interdum verò pro eo ponimus, quod in electione voluntatis est situm, quæ probat, amatque. quod scripto iure præcipitur, & idem sibi sequendum & faciendum proponit, quod verè propriè ac formaliter est iustum, nec potest vnquam iniustum esse. Cum igitur Aristoteles dixit, æquum ac bonum esse melius & præstantius iusto, comparauit æquum & bonum cum iure scripto materiali, quod interdum esse potest iniustum, ut cum æquitas est necessaria; ne, si fiat quod scripta lege mandatur, ipsa iustitia violetur. Rectè adeo, verèque. tunc bonum & æquum legislatoris animo cōsentaneum, hoc est, formaliter iustum, melius est iure scripto materiali, cum illud iniustum esse non possit, hoc autem ob ea, quæ rem agendam sæpe circumstant, iniustum aliquando videatur, & sit.

Vnum superest, de quo meritò possit ambigi. Quærat enim aliquis, an æquitas ita corrigat, interpreteturque legem in mitiorem partem, ut eius tamen seueritatem interdum augere possit. Solon apud Athenienses, ut scribit Plutar. ac Laërt. in vita, & Romulus apud Romanos, ut idem docet Plutar. & Marc. Tullius, vel rati, neminem fore tam impium, ut parentes vnquam auderet occidere, vel suspicati, docturos se scelus, si vetando prohiberent, nullam aduersus parricidas constituere legem voluerunt. Si quis ergo nondum lege contra parricidium lata, tantum flagitium admisit, non potuit alia plecti pœna, quàm ea, quæ in conuictos perpetratæ cædis vniuersim itatuta fuerat, si ex lege scripta puniri debuit. Quod si grauiore aliquo supplicio debuit affici, & augeri pœna, quæ aduersus cōmunes cædis authores est condita, debuit consuli mens, & voluntas legislatoris, qui si de re cogitasset aliquando futura, grauiorem pœnam suppliciumque aduersus eam constituisset, id quod factum videtur cum M. Mæcæolus matre interempta, Romanorum primus noua damnatus est pœna. insutus enim culeo, est deiectus in mare, ut scriptum reliquit in epit. Flor. lib. 68. & Orof. lib. 3. cap. 16. quod supplicium postea mansit, & firmatum est lege, ut docet Cicero ad Heren. 1. his planè verbis. Lex est: qui parentem necasse iudicatus erit, ut is obuolutus, & obligatus corio, deuehatur in profluentem. & pro Rosc. Amer. loquens de parricida. Ut optet, inquit, utrum malit ceruices Roscio dare, an insutus in culeum, supplicium parricidarum, per summum dedecus vitam amittere. Quin hæc etiam amplificata subinde pœna est, ut in crimen insolitum seuerior semper ac maior appareret. addita enim, & insuta cum parricida etiam simia est, & vipera, & canis, & gallus gallinaceus, ut in Institutionibus legimus lib. 4. tit. 18. de publicis iudiciis. §. alia. & in l. 1. & l. 7. ff. de pœn. & in l. 1. C. eod. tit. Hinc nimirum illud Iuuenalis in Neronem, qui matrem occiderat Sat. 6.

Cum supplicio non debuit una parari

Simia, nec serpens vnus, nec culex vnus.
Hæ igitur accessiones, amplificationesque
pœnarum additæ videntur legibus per inter-
pretationem, adeoque videntur ad æquum
ac bonum pertinere posse, cuius est proprium
coniicere de mente legislatoris, eiusque vo-
luntatem & consilium interpretari. Sed se-
quitur hinc, dicet aliquis, æquitatem non esse
tantum interpretationem in meliorem ac
benigniorē partem, vt ait hic Aristoteles;
nec seueritatis acerbitatibusque remissionem;

vt sæpè diximus. Lælius Peregrinus concedit
hanc etiam amplificationem pœnz, atque in
duriorem partem interpretationem esse bo-
num, & æquum, vel æquitatem. Sed mihi
nulla ratione ita videtur appellanda; cum ne-
mo vnquam id ausus sit dicere, nec quispiam
fuerit, qui in æqui bonique definitione vo-
luerit id etiam addere, vt in seueritate verse-
tur. Itaque ad iusticiam quidem id pertine-
bit, sed cum ea iusticiæ parte, quæ dicitur æ-
quitas inuolui coniungique non debet.



CAPVT VNDECIMVM.

DE HOMINIS INIVSTITIA
erga se ipsum.

S V M M A.

Neminem propriè sibi met ipsi facere iniuriam posse.

DIVISIO CAPITIS IN PARTES TRES.

1. Nec legali generalique iustitiæ, nec peculiari, & singulari ea iniustitia contraria est, quæ
quis aduersus semetipsum iniustum videri potest.
2. Tam iniustum facere, quàm iniustum pati malum est, sed iniustum facere deterius. ex
accidenti tamen fieri potest, vt iniustum pati sit peius.
3. Iustitia quidem, & iniustitia metaphorica inter hominis partes est aliqua, sed nulla ta-
men totius hominis erga se ipsum esse iustitia vel iniustitia potest.

PARS PRIMA CAPITIS VNDECIMI.

ΠΟτερον δὲ ἐαδὲν ἑαυτὸν ἀ-
δικεῖν ἢ οὐ, φανερόν ἐκ τῆς ἐι-
ρημότητος. τὰ μὲν γὰρ ὅτι τῆς δικαιο-
σύνης καὶ πᾶσαν ἀρετὴν ἀπὸ τῆς νόμου
τεταγμένην, οὐ καλὴν ἑαυτὸν ἀδικεῖν
ὁ νόμος, ἀλλὰ καὶ καλὴν, ἀπαγο-
ρεύει. ἐπὶ ὅτῳ τῶν νόμων βλάπτῃ,
μὴ ἀντιβλάπτῃ, ἐκὼν ἀδικεῖ. ἐκὼν
δὲ, ὁ εἰδὼς καὶ ὅτι καὶ αὐτός. ὁ δὲ δὴ ὁρ-
γανὸν ἑαυτὸν σφάττει, ἐκὼν τῷ νόμῳ
κατὰ τὸν ὅρον νόμου, ὁ οὐκ ἐστὶν ὁ νό-
μος. ἀδικεῖ ἄρα. ἀλλὰ τίνα; ἢ πᾶν
πόλιν, αὐτὸν δὲ οὐ; ἐκὼν γὰρ πᾶσι.
ἀδικεῖται δὲ οὐκ ἐκὼν. ὅτι καὶ ἡ πό-
λις ζῆμιος. καὶ ὡς ἀπὸ μίας πόλεως
ἑαυτὸν ἀφαιρούμεν, ὡς πᾶν πόλιν
ἀδικεῖται. ἐπὶ καὶ ὁ ἀδικῶν ὁ μόνον ἀ-
δικεῖ, καὶ μὴ ὁ ἅλος Φαῦλος, οὐκ ἐστὶν
ex eo quod iniustus est is, qui tantum iniuste agit, & non omnino prauus, non potest

Vtrum autem accadat aliquem in se-
ipsum iniuste agere, nec ne, perspi-
cuum est ex dictis. quædam enim sunt iusto-
rum, quæ secundum omnem virtutem à le-
ge sunt constituta. vt, non iubet seipsum oc-
cidere lex; quæ autem non iubet, vetat.
Præterea, cum quis contra legem nocet,
non vicissim ladens, voluntarius iniustum
facit. voluntarius autem agit qui sciens
& quem, & quomodo, agit. Qui verò per
iram se ipsum interficit, voluntarius id agit
contra rectam legem, quod non permittit
lex. Iniustum facit igitur: sed cui? an ciuita-
ti, sibi verò minimè? voluntarius enim pati-
tur. afficitur verò iniuria nemo volunta-
rius. Idcirco etiam ciuitas eum mulctat,
& quædam ignominia inest interficienti
se, quasi ciuitati iniuriam facienti. Ad hæc:

ἀδικῆσαι αὐτόν. τὸ γὰρ ἄλλο ἐκαίτου. ἔτι γὰρ πως ὁ ἀδικὸς οὕτω ποιητὴς, ὡς ὁ δίκαιος, οὐχ ὡς ὁ δίκαιος ἔχει τινα ποιηταί. ὡς ὁ δὲ καὶ τὸ αὐτὸ ἀδικεῖ. ἀμα γὰρ τὸ αὐτὸ αὐτὸ ἐστὶν ἀφῆρησθαι, καὶ προσεῖναι τὸ αὐτό. τὸ δὲ ἀδικῆσαι. ἀλλ' αἰεὶ ἐν πλείοσι ἀδικεῖ τὸ δίκαιον καὶ τὸ ἀδικόν. ἐπὶ δὲ ἐκούσιον τε καὶ ἐκ προαιρέσεως, καὶ πρότερον. ὁ γὰρ δὲ ἐπὶ ἑκάστῃ, καὶ τὸ αὐτὸ ἀδικῶν, ἐν δὲ ἀδικεῖ. αὐτὸς δὲ αὐτὸν, καὶ αὐτὸς ἀμα καὶ παρὰ καὶ παρὰ. ἐπὶ ἑκῇ αὖ, ἐκείνη ἀδικεῖ. πρὸς δὲ πύττις αὖ καὶ μὲν ἀδικημάτων, οὐκ ἀδικεῖ. μοιχῶν δὲ ὁ δὲ αὐτὸς, ὁ δὲ μοιχῶν καὶ τὸν αὐτὸς πορνῶν, ὁ δὲ κλέπτει τὸν αὐτὸν. ὅλως δὲ λυτὸς τὸ αὐτὸν ἀδικεῖν, καὶ πὺν δολοφονίαν τὸν αὐτὸν τὸ ἐκείνῳ ἀδικεῖν.

iniuria afficere seipsum. hoc namque diuersum ab illo est. est enim quodammodo iniustus sic prauus, quemadmodum timidus, non ut totam habens prauitatem. quare neque secundum hanc facit iniustum. Simul quippe eidemliceret auferri, & addi idem. id verò impossibile: sed semper in pluribus necesse est esse iustum & iniustum. Præterea verò & voluntariū & ex electione, & prius est. Nam is, qui quoniam passus est, idem vicissim facit, non videtur iniustum facere. ipse autem in seipsum eadem simul & patitur & facit. Adhuc fieri posset, ut voluntarius afficeretur iniuria. Accedit autem his, quod sine singulis iniuste factis nemo facit iniuriam. adulterat autem nemo suam, neq. perfodit suum parietem, neq. furatur sua. omnino autē id quod est se ipsū iniuria afficere, deciditur secundum definitionem de voluntaria iniuria perpeffione.

EXPLANATIO.



N hoc extremo capite libri quinti venit in mentem Aristoteli de iustitia quadam explicare, cui non propriè, sed translātè ipsum est iustitiæ nomen impositum. Hactenus quippe de propria, verāque iustitia, iniustitiāque disseruit, omnes eius partes persecutus, & genera. Nunc autem, ne illam, quæ metaphorica est, prætermisissè videatur, cū præsertim alicubi etiam suprà perstringenda fuerit & leuiter attingenda, sedulo accuratèque de ea his propè verbis aggreditur exponere: Ex iis, quæ dicta sunt, perspicuum videtur esse, vtrum sibi metipsum quispiam facere possit iniuriam iniustèque agere etiam contra se. Diximus enim, iustitiam, iniustitiāque referri ad alterum, & erga alios à nobis omnino distinctos, esse debere. ex quo videtur esse consequens, iniuriam sibi facere aut erga se ipsum iniustum esse, posse neminem. Ambiget de re tamen aliquis, & suspicabitur, posse hominem etiam in se ipsum iniustum esse duplici ratione permotus: prima, quod ea, quæ secundum vnāquāque virtutem iusta sunt, imperantur à lege singula, adeoq. id quod nullo modo legibus imperatur, secundum nullam virtutem est iustum: itaque videtur iniustum. sed nusquam, nec villo tempore lex iubet, aliquem semetipsum occidere. ergo nusquam, nec villo tempore se ipsum occidere iustum est, sed semper iniustum. quod enim nullo vnquam tempore, nec in vlla rerum vicissitudine fieri lex imperat, id vetat & prohibet eadem lex. quod autem lex vetat & prohibet, id est iniustum. Igitur, si quispiam sit, qui se ipsum interimat, is verè dicitur & est iniustus. At fieri potest, ac re ipsa fit, ut aliquis semetipsum percutiat, vulneret, interficiat. ergo fieri potest, ut aliquis erga se ipsū iniustus sit. Secunda ratio est, quod ille, qui contra præceptum legis alteri nocet, nulla prius ab eo læsione suscepta, nec iniuriam regerens, quemadmodum facit ille qui læsus est prior, & reponit incommodum, diciturque ἀντιβλάπτειν, hoc est, contrā, vel vicissim nocens; ille, inquam, qui nocet alteri, nulla prius iniuria laceratus, nec resistens lædenti, facit iniuriam volens, & sciens quid agat, quem, & quo instrumento alterum lædat. Sed ille, qui per iram, aliāve animi perturbationem & dolorem eximium interimit se, reclamante lege, sibi nocet, & damnum infert volens, ac sciens. Ergo volens ac sciens erga se ipsum iniustus est. Quod enim contra legem perficitur, est iniustum, nec alia ratione vindicari liberarique ab iniustitia potest, quam si per ignorationem aut violentiam fiat. sed author lux cædis, & voluntarius est, & sciens.

ergo nulla ratione potest ab iniustitia vindicari, adeoque in se ipsum iniustus est, si-
bi que ipsi facit iniuriam.

Sed cui? ancivitati? &c.] Incipit rationes propositas confutare, demonstratur-
us eum, qui sibi nocet, aut se ipsum occidit, neque legalem, neque peculiarem
singularemque iustitiam violare, cuius causa erga se dici debeat iniustus. Quam-
quam enim peccat aduersus iustitiam, peccat tamen aduersus eam, quam alius de-
bet, non autem contra illam, quam debet sibi. Cum ergo quicumque iniustus est,
is vel contra legalem iustitiam agat, vel aduersus peculiarem, contendit primo eum,
qui se ipsum lædit, & interficit, non ideo dici posse sibimet ipsi iniuriam facere, quia
ex eo nominatim ac per se, quod sibi nocet, legalem iustitiam violat. Violat enim
ille quidem legalem iustitiam, sed alio nomine longe diuerso, hoc est ideo, quod
Reipublicæ facit iniuriam, quam suo priuat ciue, cum se ipsum interficit. Duo igitur
affirmat, & rationibus probat. Primum; eum, qui se ipsum occidit, sibi quidem
ipsi iniustum non esse. secundum; esse iniustum Reipublicæ, ac ciuitati. Primum
demonstrat ex eo, quod qui sibi vim affert & necem, voluntarius, ac sciens patia-
tur interitum. Supra quippe dictum in definitione iniusti est, illud propriè iniustum
esse quod præter voluntatem patimur. Cum ergo qui se ipsum occidit sua se, volun-
tate spoliet vita, damnum non patitur, aut iniustum inuitus: adeoque sibimet ipsi
propriam, ac veram non facit iniuriam. Neque enim satis est, eum pati damnum,
qui verè dicendus sit iniuste pati, sed necesse est præterea contra voluntatem, & in-
gratis pati. Secundum ostendit à signo quodam & nota. Cernimus nimirum Princi-
pes ac Rempublicam ea, qua possunt ignominia illos afficere, qui vita sponte se pri-
uant, vel insepultos eos relinquentes, vel alia notantes infamia, quæ demonstrat,
velle se iniuriam ciuitatis vlcersi. Quapropter, si legalis ab eo, qui se occidit iustitia
violatur, non violatur ideo, quod sibi verè, proprièque faciat iniuriam, cum dam-
num illud sponte patiatur, ac sciens, sed quod Reipublicæ ac ciuitati noceat, cui
prælidium adimit, cum eripit ciuem. Sequitur, vt demonstrat, ne ipsam quidem
violari peculiarem iustitiam ex eo, quod aliquis sibi manus afferat, & voluntariam
necem. Ac primo quidem ponit, eum, qui secundum peculiarem iniustitiam est in-
iustus, non esse omnium violatorem virtutum, sed alicuius, & certum aliquod ha-
bere vitium, non vniuersam viciositatem. est, verbi gratia, timidus, & ex nimia formi-
dine agit quod iniustum est, non tamen est etiam avarus, aut iracundus, aut super-
bus & arrogans, aut incommodus & asper, ceterisque insignis notatusque vitiis,
quibus variorum hominum improborum vita cernitur inquinata. Hoc autem ad ius-
titia, iniustitiæve notionem declarandam constituto, probare sic insistit, eum qui
se interimat, secundum peculiarem iustitiam iniustum non esse. Ille qui secundum
peculiarem iniustitiam est iniustus, plus aliquid habet, quàm iustum sit: ille verò,
qui secundum peculiarem iniustitiam iniuriam patitur, habeat aliquid iusto minus.
Ergo si quispiam sibimet ipsi secundum peculiarem iniustitiam est iniustus, & plus
æquo aliquid habebit, & æquo minus. Idem enim sibi facit iniuriam, & idem pati-
tur, adeoque idem plus habet, & idem minus, quæ pignantia sunt, & ex eorum ge-
nere, quæ dicuntur *aduersa*.

Præterea. Qui facit iniuriam, voluntarius, eligens, & ex deliberato consilio fa-
cit. Ergo is, qui sibi facit iniuriam, voluntarius facit, & voluntarius patitur. at ne-
mo volens iniuriam patitur, vt dictum est *suprà*. Et quoniam prius aliquid est, iniu-
stum facere, quàm iniustum pati (nam ille qui prior læsus lædenti resistit, & iniuriam
regerit in authorem, vt lex permittit, non facit iniustum) quoniam, inquam, id quod
est propriè iniustum facere id antecedit quod est iniustum, aut iniuriam pati, se-
quitur, eum, qui sibi ipsi facit iniuriam, simul omnino facere ac pati, simul priorem
& posteriorem esse, quo nihil excogitari potest absurdius. Denique per inductio-
nem ostendit, neminem esse, qui sibi faciat iniuriam, aut dici verè possit erga se
ipsum iniustus. Inductio verò petitur ex singulis ac peculiaribus iniustitiæ formis,
quarum nulla facere possit, vt aliquis in se dicatur iniuriosus. Iniustitiæ species est
adulterium. sed nemo dicitur adulterium committere cum coniuge sua: adulterari
enim est alienum thorum violare, non vti suo. Furtum item & latrocinium iniusti-
tiæ forma est: nemo tamen ex eo fur appellatur aut latro, quod rem suam accipiat,
aut parietem effodiat suum. id quod etiam de ceteris eiusmodi rebus eodem planè
modo dicendum est. Ergo quælibet iniustitia lædit alterum, si vera iniustitia sit, nec

in aliquo deprehenderetur umquam, qui propriè dici possit iniustus in se. In summa si strictim hæc quæstio decidenda sit, inquit, decideret ex ea definitione, qua declaratum est suprà quid propriè, verèque sit iniustum pati. Dictum est enim iniustum pati non esse tantummodo damnum, ac læsionem accipere, sed accipere præter animi voluntatem; ex quo consequens est, eum qui se lædat, iniuriam verè non pati, quia damnum patitur volens.

PARS SECVNDA CAPITIS VNDECIMI.

Φ Απερὶ δὲ καὶ ὅτι ἀμφω μὲρ
 φάσκει, καὶ ὁ ἀδικεῖσθαι, καὶ
 ὁ ἀδικεῖν. ὁ μὲν γὰρ ἔλαττον, ὁ δὲ
 πλεονεχὲς ὅτι τῷ μέσῳ. ὡς περὶ ὕψους
 μὲν ἐν ἰσότητι, διεκπλεῖν δὲ ἐν
 γυμναστικῇ. ἀλλ' ὅμως χεῖρον ὁ ἀδι-
 κεῖν. ὁ μὲν γὰρ ἀδικεῖν μὲν κακίας,
 καὶ ψεκτὸν ὧν, καὶ κακίας ἢ τῆς τελείας
 καὶ ἀπλῆς, ἢ ἐξυγῆς. οὐ γὰρ ἀπὸ τοῦ
 ἐκρύπτει μὲν ἀδικίας. ὁ δὲ ἀδικεῖσθαι,
 διὸ κακίας, καὶ ἀδικίας. καὶ αὐτὸ
 μὲν οὖν ὁ ἀδικεῖσθαι, ἦτον φάσκει.
 καὶ συμβεβηκὸς δὲ οὗτ' ἐν κοινῇ μετίζον
 τῇ κακίᾳ. ἀλλ' οὐδὲν μὲν τῇ πέτρῃ.
 ἀλλὰ πλεονεχὲς λέγει μετίζω ὅσον
 παρομοιωσάμενος. καὶ τοὶ γὰρ οὗτοι αἰ ποτε
 δάπτειν καὶ συμβεβηκὸς, εἰ παρο-
 μοιωσάμενος ἀφ' ὃ πᾶσι συμβαίνει
 ἐκ τῆς πολέμιον λαφύρας ἐν ἀπο-
 φάσει.

Perspiciuum autem est, ambo quidem hac esse mala, & iniuria affici, & iniuriam facere. hoc enim minus, hoc autem est plus habere mediij: veluti salubre quidem in medicina, bona verò habitudo in gymnastica. Sed tamen peius est iniustum agere: nam iniustum agere cum vitio, & vituperabile est; & cum vitio quidem aut perfecto & absolutè, aut propè. Non enim omne voluntarium cum iniustitia est: sed iniuria affici sine vitio & iniustitia est. Per se igitur iniuriam pati minus malum est: secundum accidens verò nihil vetat maius esse malum. verùm hoc nihil cura est arti, sed lateris dolorem dicit malum esse morbum offensione pedis: quamquam fieri posset interdum, verumque per accidens, si eueniret ut ille qui ex offensione pedis lapsus est, ab hostibus caperetur, & interficeretur.

EXPLANATIO.



PISO DIVM videtur hoc esse, atque à re proposita diverticulum quoddam ad explicanda planius illa duo, quæ sunt, iniuriam facere, & iniuriam accipere, vel pati, quando tam sæpè supra commemoranda fuerunt. Comparatur igitur hæc inter se, quæritque quodnam ex iis deterius sit. sed antequam id quærat, utrumque malum esse demonstrat. neque enim quærendum esset, quodnam è duobus peius & deterius sit, nisi malum utrumque esset. Ergo tam iniustum facere, quàm iniustum pati malum esse ita primum ostendit. Habere minus quàm iustitiæ postulet medium, est malum, & plus habere, quàm idem iustitiæ medium pariat, est etiam malum, cum omnis à mediocritate discessio mala sit. In commutationibus enim & distributionibus idem evenit, quod accidere cernimus in arte medendi & gymnastica. veraque enim, id quod in sumendo medicamento ac labore, vel est minus vel amplius, quàm præscribat mediocritas docet esse malum ac noxium. sed qui patitur iniustum, habet minus quàm iustitiæ medium postulet, qui facit iniustum, plus habet, quàm cum idem habere sinat iustitiæ medium. Ergo tam iniustum facere, quàm iniustum pati malum est. Quo sic demonstrato, quæstionem de peiori, minorive malo constituens affirmat, iniustum facere peius esse malum, quàm iniustum pati: idque probat hoc modo. Id quod est vituperabile, comunctumque cum vitio, deterius est, quàm id, quod neque vituperabile est, & vitio vacat. sed iniustum facere quiddam est vituperabile, comunctumque cum vitio simplici, absolutoque, hoc est, vel cum eo, quod ex animi voluntate, & electione suscipitur, vel cum eo, quod ad vitium absolutum perfectumque accedit proximè, quale cernitur ubi quis iniuriam facit non ex

animi consilio & electione, sed ex ira, vel alia perturbatione, quæ nos solet ad agendum impellere. Sed iniustum pati neque vituperabile, neque cum vilo eiusmodi coniunctum vicio est. Igitur iniustum facere deterius est, quàm iniuriam pati. Ceterum hoc loco adiungendum id putat; ex euentu aliquo, & ex accidenti fieri posse, vt iniuriam accipere, atque iniustum pati peius sit, quàm iniuriam facere; vt si aliquis ex eo, quod iniuriam accipiat ad maiores prouocetur iniurias faciendas, quam ipse patiatur. Patitur quis, verbi gratia, Coniugis probra: & dolore percitus sœuit in immerentes, quod fecit fortasse Claudius, cùm vxoris Messalinæ conquirebat adulteros. Tacit. Annal. 11. Magistratus aliquis iniuriis afficitur, & ex perperione timidiior factus, iniurias non vlciscitur. Magistratum ipsum in contemptum adducit. His quidem deterius est iniustum pati; sed hoc accidens est, inquit Aristoteles: accidentis autem non habet rationem ars, sed eius quod fieri solet per se. idque declarat exemplo. Medicina, inquit, comparat dolorem lateris, & offensionem pedis ad lapidem, docetque deteriorem esse lateris dolorem quàm pedis offensionem; euenire tamen & contingere casu posse, vt sit deterior offensio pedis, veluti si quis ex offensione illa prolapsus in terram, capiatur ab hostibus & occidatur, quod in Hispania Gn. Pompeio Magni filio dicitur accidisse: qui victus à Cæsare, cùm fugeret, talum intorsit, impeditoque cursu captus ab hostibus & trucidatus est, vt scriptum reliquit Hist. Hoc autem ait esse, fierique per accidens, quod non curat, neque considerat ars.

PARS TERTIA CAPITIS VNDECIMI.

KΑΤΑ μὲν ὁμοίαν δὲ καὶ ὁμοίαν
τιπὲ ὅστις ἐστὶ αὐτῶν πρὸς αὐτὸν
δικαίον, ἀλλὰ τῶν αὐτῶν ἡσὶν. οὐ γὰρ δὲ
δικαίον, ἀλλὰ τὸ δικαιοῦν, ἢ τὸ οἰ-
κονομικόν. ἐν τοῖς γὰρ τοῖς λόγοις
διέστηκε τὸ λόγον ἔχει μέγεθος τῆς ψυχῆς
πρὸς τὸ ἄλλο. Εἰς αὐτὴν βλέποισι, καὶ
ὁδοὶ εἰς ἀδικίαν πρὸς αὐτὸν, ὅτι ἐστὶ ἐν
τοῖς πᾶσι πρὸς τὰς ἐαυτῶν ὁρέξεις.
ὡς οὖν αὐτῶν καὶ ἀρχαῖα καὶ ἀρχαῖα
πρὸς ἄλλαν δικαίον πρὸς ἑαυτοῖς. καὶ
καὶ οὖν δικαιοσύνη, καὶ τῶν ἄλλων τῶν
ἡλικῶν ἀρχαῖα διορίσας τὸν ἑαυτῶν.

PEr translationem verò & similitudi-
nem est non sibi erga se ius, sed suo-
rum quibusdam: non omne autem iustum,
sed herile vel æconomicum. In his enim ra-
tionibus differe rationem habens pars a-
nimi ab ea, quæ ratione caret. Ad quæ
spectantibus nobis videtur esse iniustitia
erga se; quia licet in his pati aliquid
præter suas appetitiones. Sicut ergo Prin-
cipi & subito est inter se iustum aliquod,
ita & his. De iustitia igitur, & aliis
moralibus virtutibus definitum sit hoc
modo.

EXPLANATIO.

EX episodio reuertitur ad priorem de iniuria sibi metipso facienda dispu-
tationem. Quod enim supra decreuit, neminem sibi posse iniuriam fa-
cere, temperandum & moderandum hic putat. Id quippe verum ait
esse per se, absolutèque, non tamen improprie ac metaphoricè, cùm
translatè ac per similitudinem dici possit, hominis partibus & faculta-
tibus variis inter se ipsas, & ius, & iniuriam aliquam esse, tametsi toti homini erga
totum hominem nulla neque iustitia, neque iniuria sit.

Differit hæc fortassis aduersus Platonem, qui docuisse putatur, homini erga se &
partibus siue facultatibus eius iustitiam, atque iniustitiam esse propriam. id quod
longa disputatione persequitur in fine lib. 4. de Republica, vbi duo iustitiæ consti-
tuit genera; intimum vnum, externum alterum. Intimum appellat iustitiæ genus
trium animæ partium, rationis, iræ, libidinis, inter quas iustitiam, quam vocat
harmoniam & concentum, tunc esse putat, vbi ratio tenet imperium, obtemperant
ceteræ, suumque singulis officium permittitur liberum, quod singulis est à natura
tributum. sed hæc iustitia metaphorica est, vt ait hic Aristoteles, non propria, vt
existimare videtur Plato. Externum autem appellat iustitiæ genus hoc ipsum pro-
prium, de quo supra & in libris Politicorum agit Aristoteles, aliūque, qui commu-

rationibus, & distributionibus in ciuitate leges ac iura præscribunt. Viderur igitur Aristoteles hic ita ratiocinari: Si homini iustum aliquod est erga se ipsum, hoc profectò non est illud ciuile, de quo locuti iam sumus, sed metaphoricum quoddam: cuius modi est iustum partis erga partem, illi simile, quod est heri erga seruum, erga filium patris, viri demum aduersus uxorem. Quippe ius, hoc est, inter animæ partem ratione præditam, cui naturâ debetur imperium, & inter rationis expertem, quæ rationi debet obtemperare, sicut seruus domino, vxor viro, filius patri. cum ergo dominatur ratio & clauum in puppi tenet, appetitus autem reliquæque partes ancillares obtemperant, iustitia inter ipsas partes quædam existit, & harmonia, quia obtinent singulæ quod suum est. Quod si secus fiat, & appetitio rationem pertrahat in seruitutem, iniustitia nimirum oritur illa, quæ singulis eripit suum, nec patitur naturalem inter animæ partes ordinem & proportionis æqualitatem esse. Sed iustitia eiusmodi atque iniustitia non est illa propria, quæ non modò suum cuique vel tribuit vel eripit, verum etiam tribuit aut eripit alteri, hoc est, homini distincto prorsus & seiuncto ab eo, cui iustitia inest, vel iniustitia. Est ergo metaphorica quædam iustitia, & iniustitia, cuius causa rectè Plato dixisset hominem sibi ipsi iniuriam facere, vbi patitur, appetitiones & commotiones animi eripere dominatum rationi, si translata non propriè locutus fuisset. Metaphoricè quippe illa etiam accipi debet oratio grauissima D. Ioannis Chrysostomi, cuius argumentum & titulus est, Neminem lædi posse nisi à seipso.

EPILOGVS.

1. Qui se ipsum lædit, aut interficit, non est in se ipsum iniustus, quia nemo sibi ipsi propriè facit iniuriam. est tamen iniustus in Rempublicam, & ciuitatem.
2. Iniuriam tam facere quàm pati malum est, cum is, qui facit iniuriam, plus habeat aliquid, quàm æquum sit, qui verò patitur, habeat minus.
3. Sed iniuriam facere malum per se est longè deterius, quàm iniuriam pati. nam id & voluntariam, & cum vitiositate consunctum est, verum ex accidentis fieri potest, ut minus & lenius sit facere, quàm pati.
4. Attamen iniustitia quædam homini potest esse erga se ipsum, si translata ac metaphoricè loquendum sit.

IN CAPVT VNDECIMVM

QVÆSTIO PRIMA.

An fieri possit, ut sibi aliquis iniuriam faciat.

Possit aliquis existimare, quæstionem hanc vix esse tractandam, cum nemo dubitare videatur, quin vnusquisq. sibi faciat iniuriam, cum sibi adimit quod sibi proprium est; qualis est vita, & alia quædam animi vel corporis bona, quæ tributa homini natura, vel studio parca sunt. Quin rationibus etiam id vinci potest illis, quas huius initio capitis proponit Aristoteles ex eorum dictis & opinione petitis, quibus persuasissimum est, vnumquemque mortalium iniustum esse posse in seipsum.

Prima in eo posita est, quod aliquis lædere se ipsum, atque interficere possit. cum autem qui se interficiat, in se ipsum iniustum esse, sibi quæ iniuriam facere sic demonstratur: Ille profectò iniustus est, verèque facit iniuriam,

qui aliquid agit, quod lege vetitum est. Sed hominem se ipsum interficere vetat lex. Ergo qui se ipsum interficit, iniustus est. Assumptio quodam probatur argumento, quod explanationem & lucem postulat. est autem huiusmodi: Lex censetur illa vetare, quæ ipsa non iubet. Non iubet hominem se ipsum occidere. Igitur vetat. Hoc, inquam, argumentum explanationem desiderat: quia quod vniuersè in propositione sic dicitur, verum non est, nisi certis limitibus circumscribatur. Neque enim putandum est, inter præcipere ac vetare nihil omnino medium esse; cum multa sint, quæ nec iubentur leges, nec vetantur, aut prohibentur, sed permittuntur hominum arbitrio & voluntati; cuiusmodi est, rem aliquam emere, vel vendere, aut alium instituere atque

inire

inire contractum, qui absque legis violatione & prætermitti potest & luscipi. Ergo, si vera ea propositio habenda sit, de iis accipi debet, quæ intinè sunt, ac per se mala, sic prorsus ut bona fieri nunquam possint. hæc enim quia lex iubere non potest, vetare censetur. Illa verò, quæ dicuntur *ἀδικοῦ*, hoc est indifferentia, adeoque possunt lege iuberi non sunt eiusmodi, ut si non iubeantur, vetita esse censi debeant. Cùm igitur id, de quo loquimur, per se malum sit, & rectè fieri nunquā possit, vel ex eo ventum lege censetur, quòd nullo in quā tempore lege iubeatur, aut iuberi possit. In hanc ergo sententiam habet argumentatio suum robur. Secunda istorum ratio ducitur ex pœna, quæ Principum & civitatis auctoritate irrogatur iis, qui se ipsos occidunt. Quamquam enim pœnam sentire non possunt, cùm mortui sint, plectuntur tamen eo modo, quo plecti possunt. Inuitur inuitum ignominia cadaueri, quod inhumatum relinquitur, aut alia eiusmodi notatur infamia. Sed publica pœna non irrogatur, nisi ob iniusticiam & iniuriam illaram, ut experimentum & exempla demonstret. Igitur qui se ipsum interimit, iniustus est, & iniuriam facit. neque enim iussu Magistratus & Reipublicæ puniretur, nisi fecisset iniuriam, & fuisset iniustus.

Tertia. Iniustum, aut iniuriam facere, ut supra diximus, est voluntariè alicui nocere, ac damnum inferre, sed qui se interficit, sibi nocet & damnum infert voluntariè. Igitur iniustus est, & sibi met ipsi facit iniuriam.

Hæc istorum argumenta negligit Aristoteles, quidque de re constituendum sit, pluribus ipse declaravit, ac nos exposuimus supra, sed iterabimur hoc loco, ut quasdam perpendamus Aristotelis rationes, atque verum id vincant, quod ipse contendit. diligentius inspiciamus.

Conclusio ex Aristotele prima est, sibi met ipsi neminem iniuriam verè proprièque facere posse, nec quemquam esse, qui dici debeat iniustus erga seipsum. Quod satis probatum videri poterat ex iis, quæ dicta sunt huic initio libri quinti, ubi positum est, iusticiam, & iniusticiam ita referri ad alterum omnino distinctum ab eo, qui iustus iniustusve nominatur, ut ne inter patrem quidem, ac filium, inter seruum ac dominum, inter vxorem ac vicum propria sit ac vera iustitia: quia inter se prorsus distincti, seiunctique nō sunt. Hinc enim est consequens, multò minùs esse posse iusticiam iniusticiamve hominis erga se ipsum, cùm nemo non modò esse, sed ne fingi quidem possit distinctus à se. Poterat, inquam, hæc ratio satis esse, sed voluit Aristoteles adiungere plures. quarum una est. Nemo patitur iniustum volens. sed qui sibi nocet, aut se ipsum interimit, sibi nocet, & damnum patitur volens. ergo qui sibi nocet, & seipsum occidit, iniustum, iniuriamve non patitur. Non enim sibi manus afferreret, nisi mortem oppetere suo iudicio vellet. Sed nihil videtur hæc ratio vincere: quia cùm quis interimit se, non oppetit mortem voluntate simplici, sed ea quæ mista est, & habet aliquid ex inuito. Quippe ob aliquam rerum infortuna aut animi, corporisq; dolorem acerbissimum, à quo non nisi beneficio mortis liberari se posse credas, interficit se: adeoque tamen liberari mallet, quàm vivere, simpliciter tamen vivere mallet, quàm mori. Sed volun-

tarium ex hoc genere quod mistum dicitur, haud facit, ut quod excipitur damnum, iniustum, iniquumque non sit, quemadmodum alibi diximus. Debet enim voluntas, quæ damnum admittit, id prorsus habere, ut nulla ex parte dici possit inuita. Respondet primùm Burid. in doctrina de moribus non esse postulandas rationes omnino vincentes ac demonstrantes, sed probabiles, & huic idoneas disciplinz, quod sæpe docuit Aristoteles. Respondet secundò, voluntarium mistum non posse fieri, ut quod patitur dici possit iniustum, si mistum ita sit, ut plus alteram velimus partem, quàm alteram. qui enim sicatio pecuniam dat, ne occidatur, magis vult dare, quàm non dare, quamvis etiam dare vellet. Denique cùm is, qui damnum patitur, aliquam actionis partem omnino vult, vel certè multò magis, quàm aliam vult, debet voluntarius dici potius quàm inuitus: qualis est is, qui sua voluntate sibi mortem conficit. quamvis enim vivere vellet, mauult tamen interire, quàm eo cum animi dolore vel cum inopia aut ignominia vivere. Dici adeo debet voluntarius esse potius, quàm inuitus.

Altera ratio, qua probat Aristoteles, neminem erga se ipsum iniustum esse, huiusmodi est. Genus absque aliqua sibi subiecta specie innitri non potest. Nam si animal mouetur, & currit, equum oportet currere vel hominem. Sed in nulla iniuriæ, iniustitiæve specie cernimus, hominem sibi ipsi facere iniuriam posse. Ergo simpliciter absolutèque sibi ipsi facere non potest iniuriam. Species enim iniuriæ sunt, adulterium, furtum, parietum perfossio, aliz res his similes plurimæ. Sed nemo dicitur adulterari, cùm coniuge vitur sua, nemo furtum facere, cùm rem accipit suam, nec ædes diripere vel invadere, cū parietem perfodit suum. Ergo nemo sibi ipsi facit iniuriam, sed cùm facit, alteri facit à se distincto. Aduersus hanc rationem pugnare videtur Seneca in libello ad Serenum, cuius inscriptio est. In sapientem non cadere iniuriam. Si quis cum vxore sua, inquit, tanquam cum aliena concubat, adulter erit, quamvis illa adultera non sit. Censet igitur Seneca adulterium etiam posse committi cum coniuge, ac propterea posse aliquem sibi ipsi iniuriam facere. Sed dicendum videtur, mores ex animi potius electione, atque consilio quàm ex operibus externis oportere spectari; cùm etsi nullum ex electione propositum & sequatur opus, ipsum tamen animi propositum & electio peccatum, ac vitium censetur. Rectè namque idem Seneca in eodem libro docet, omnia scelera etiam ante ipsum operis effectum, quantum culpæ satis est, esse perfecta. Aliquis mihi venenum dedit, inquit, sed vim suam remissum cibo perdidit. venenum illud dando, sceleri se obligauit, etiam si non nocuit. Non minus læro est cuius telum opposita veste elusum est. Censet igitur illum adulterum esse, quia ea cum animi præparatione atque consilio accessit ad suam, ut cum aliena concumberet, nec eam fortassis attigisset, nisi putasset alienam. Quod si querat & Seneca, cui nam ille fecerit iniuriam, quoniam adulter, hoc est iniuriosus, & iniustus est, respondebit, sæpe iniuriam ab aliquo fieri, quæ accipitur à nemine. quanquam enim in-

iusta perperſſio abſque iniuſta actione non eſt, poteſt tamen iniuſta eſſe actio abſque perperſſione iniuſta. Si iniuriam accepi, inquit, neceſſe eſt factam eſſe. ſi eſt facta, non eſt neceſſo accepiſſe me. multa enim incidere poſſunt, quæ ſubmo- uent iniuriam. ut ſi quis rem, cùm in villa mea ſurripuit, in domo mea ponat, ille furtum fecit, ego nihil perdidit. Ita inquam diſſerit eo loco Romanus philoſophus. Sed de hac iniuſtitia animo concepta, & conſilio præparata non loquitur Ariſtoteles, adeoque verè potuit vniuerſim dicere, neminem appellari adulterum debere qui rem habeat cum ſua. Agit enim de openibus iniuſtiæ quæ foras prodeunt, & poſta plectuntur, aut compenſantur æſtimatione pecuniæ. Ex adulterio autem illo animo tantum concepto, nec re perpetrato nullum iniuſtiæ prodit opus, vel compenſatione dignum, vel poena plectendum.

Secunda Concluſio, eum qui ſe ipſum interſi- cit, eſſe tamen iniuſtum erga Rempublicam & ciuitatem, ut explicauimus, cùm Ariſtotelis ver- ba ſumus interpretati. Atque id demum eſt, quod illæ rationes initio propoſitæ probant, cùm con- ſiſtunt; eum qui ſe ipſum interimat, iniuſtum eſſe. eſt enim iniuſtus, non aduerſum ſe, ſed ad- uerſus Rempublicam, nec ſibi facit iniuriam, ſed ciuitati. Nec propterea quòd volens damnum inferre, ſequitur ſibi ipſi nolenti iniuriam facere; cùm multi volentes, & ſcientes noceant, alij ve- rò volentes damnum excipiant: ſed ſequitur, damnum inferre nolenti Reipublicæ, quæ æ- dem illam vetat, & legibus punit.

Tertia. Totus quidem homo erga totum ſe ipſum iniuſtus eſſe non poteſt: quia nullo modo eſt à ſeipſo diſtinctus, & alter, ſed propter partes & facultates animi varias, quas obtinet, meta- phoricè dici poteſt erga ſe ipſum iniuſtus. poſ- ſunt enim appetentes animi facultates à ratione deficere: cuius defectus cauſa homo dici de- beat iniuſtus, quia patitur appetitum eripere im- perium rationi. ſed hæc metaphorica, inquam, & translata iniuſtitia eſt, ut etiam declarauimus ſu- pra.

QVÆSTIO SECUNDA.

Utrum iniuſtum facere deterius ſit, quàm iniuſtum pati.

HOc etiam videri paradoxum poteſt. Cùm enim quaerimus, peius ne ſit iniuſtum age- re, quàm iniuſtum pati, videmur veluti certum & exploratum ponere, iniuſtum ſiue iniuriam pati malum eſſe, quod à ratione abhorre- re, his fortasſe demonſtrabitur argumentis. Primum. Nihil in eſſe mali poteſt optimis viris, & ut ait Seneca, Sapiens nullius mali patiens eſt neque enim optimus eſſet, ſi aliquid admitteret mali. ſed optimi viri patiuntur iniuſtum, quod aſſiduè cer- nimus. ergo cùm patiuntur iniuſtum, non patiū- tur malum, & quod hinc conſequens eſt, iniuſtū pati malum dici non debet. Secundum. Id quod homini bono bonum eſt, dicendum eſt ſimplici- ter bonum. ſed homini bono bonum eſt iniuſtū pati, ut in primo libro ex Ariſtotele diximus. quippe bonum virtutis elucet clariùs in viro bo- no, cum aliorum iniquitate vexatur, quàm cum

otio fruitor, & neminem habet aduerſarium, à quo in arenam & puluerem euocetur. ſapienter enim & verè Seneca in epiſtola quadam ad Lu- cilium, cuius initium eſt ſubinde, virtutē, inquit, intelligo animoſam, & excelsam in quicquid in- feſtat. & in alia, cui principium fecit multum tibi, non poteſt athleta, inquit, in agnos ſpiritus ad cer- tamen aſſerre, qui ſanguinem ſuum non vidit, cu- ius dentes ſub pugno non crepuere, &c. Denique iniuſtum pati honeſtum eſt ex eodem Seneca in locis ſupra laudatis, ubi ſic ſtatuit. Omnia in- commoda ſuo iure bona vocabuntur, quæ modo virtus honeſtauerit. iacere in conuiuium malum eſt, torqueri in equuleo bonum eſt, ſi illud turpiter, hoc honeſtè ſit. Tertium. Iuſtum pati non ſolūm honeſtum, verum etiā vtile eſt. Ac ſatis quidem, vel ex eo demonſtratur eſſe vtile, quod honeſtum eſt, ſi M. Tullio fidem habemus in libro ſecundo de officiis ita diſſerenti. In hoc verbo lapſa conſue- tudo deſlexit à via, ſenſimque eò dediſta eſt, ut honeſtatem ab utilitate ſecernens, conſtitueret eſſe honeſtum aliquid, quod vtile non eſſet, & vtile quod non honeſtum, quæ nulla perniciēs maior hominum vitæ potuit aſſerri. Satis, inquit, eſſe vtile vel ex eo demonſtratur, quod honeſtum eſt. ſed addi præterea illa ratio debet, quòd ini- uſtæ perperſſiones, aliæque res aduerſæ, quæ vicis bonis eueniunt, diriguntur ab ipſis & deſtinantur in opus optimum, hoc eſt in opus virtutis, quæ rebus aduerſis, & iniuriis perſeuerandis exercetur. Quartum. Non eſt malum id quod vir bonus non perhorreſcit. vir enim bonus appetitū præ- ditus eſt recto, adeoque bonum expetit atque abhorret à malo. Sed ab iniuſta perperſſione non abhorret. Igitur iniuſtum perpeti non eſt malū. Quintum. Iniuſtum pati non eſt malum, ſi is, qui malum patitur, ex eiſmodi perperſſione nec damnum patitur, nec aſſicitur iniuria. At hoc de- mum eſt, quod Seneca docet in toto libello, cuius titulus, & argumentum eſt: in Sapientem non cadere iniuriam, quòdque Stoici docent in para- doxis illis, quæ colligit Lipſ. in lib. 4. Manud. ad Stoicam philoſophiam. Ipſum audi Senecam ſic diſſerentem. Quid igitur? non erit aliquis qui ſapienti facere teneat iniuriam? tentabit, ſed non perueniet ad eum. maiore enim intervallo à contactu inferiorum abductus eſt, quàm ut vlla vis noxia uſque ad illum vires ſuas proferat. Cùm potentes imperio editi, & conſenſu ſeruientium validi nocere ei tentant, tam citra ſapientem om- nes eorum impetus delinunt, quàm quæ neruo tormentiſue in altum exprimuntur, cùm extra vi- ſum exilierunt, citra cælum tamen ſecluntur. Quid tu putas? cùm ſtolidus ille Rex multitudi- ne telorum diem obſcurasſet, vllam ſagittā in ſolem incidiffe? aut demiffis in profundum catenis Ne- ptunum potuiſſe contingi? Vt cæleſtia humanas manus effugiunt, & ab his qui templa diruunt, ſue ſimulachra conſtant, nihil diuinitati nocetur, ita quicquid ſit in ſapientem proteruè, petulantè, ſuperbè, fruſtra tentatur. Hæc Seneca perorans, & declamatoriè agens: ſed dialecticè quoque preſſiſſque ſic diſputat. Omnis iniuria, inquit, diminutio eius eſt, in quem incurrit: nec poteſt aliquis iniuriam accipere ſine aliquo detrimento vel dignitatis vel corporis, vel rerum extra nos poſitarum. Sapiens autem nihil perdere poteſt.

omnia in se posuit, nihil fortiter credit, &c.

Sed dicendum primo Aristotelis opinioni congruenter est, non solum iniustum agere, verum etiam iniustum pati malum esse. quod hac ratione Buridanus ostendit. Malum triplex est, & triplici opponitur bono, hoc est honesto; utili, ac iucundo. Iniustum agere opponitur honesto bono, iniustum pati opponitur utili, aut iucundo, cum is, qui patitur iniuriam, aut re spoliatur sua, quod est damnosum, aut doloribus afficiatur, quod est iniucundum ac triste, quia involuntarium est. Igitur verumque malum est. Aristotelis autem ratio longe alia est, & explicationem desiderat. est inquam huiusmodi. Omnis à medio recessus est malus. Sed tam ille qui agit iniuste, quam qui patitur, recedit à medio. qui enim agit iniuste, plus aliquid habet, quam ipsum iustitiae medium postulet. qui vero patitur iniustum, habet minus. ergo tum iniuste agere, tum iniuste pati, malum est. Hæc ratio contendere videtur, ut censet Burid. iniustum pati esse malum cum culpa coniunctum, & vituperabile, hoc est oppositum honesto bono ac non solum utili, ac iucundo: sed tamen id verum non esse demonstrat secunda comparatio, in qua confert Aristoteles verumque malum, quæritque quodnam peius ac deterius sit. ait enim iniustum facere deterius esse, quia & voluntarium, & cum vitio peccatoque coniunctum est, iniustum autem pati levius esse malum, quia nec voluntarium, nec coniunctum cum vitio est. ergo cum dixit verumque malum esse, significavit alterum, hoc est iniustum facere esse malum oppositum honesto, alterum, hoc est iniuria affici vel iniustum pati, esse malum oppositum utili, vel iucundo. quod profectum malum dici etiam potest esse recessus à medio, verum recessus, quem affectus iniuria non efficit, sed patitur; adeoque non est in malo culpe, sed in eo quod malum peius nominatur.

Argumenta quibus contenditur, iniustum pati malum non esse, confutabuntur ex iis quæ dicuntur ad alia refellenda, quibus videtur ostendi, iniustum pati peius esse malum quam iniuriam agere. sunt autem huiusmodi.

Primum. Illud est malum deterius, quod patienti gravius est. Sed iniustum pati malum est patienti gravius, quam iniustum facere. Qui enim iniuste patitur, summe tristatur, ac dolet: qui facit iniuste, non modo tristatur minus, verum etiam deiectione plerumque solet affici, non tristitia. Secundum. Saepè fit, ut qui facit iniuste, vitum bonum, & spectabili virtute perditum vexet. Sed peius est malum quod torquet bonum virum, quam quod malo & improbo nocet. iniusta verò perperatio gravis est bono, iniusta actio nocet iniusto, ac malo. Igitur iniustum pati malum gravius, & deterius est, quam iniustum agere. Tertium. Lucrum facere melius est, quam damno affici. sed iniustum agere lucrum facere est & iniustum pati est affici damno, ut dictum est alibi. Ergo melius est iniustum agere quam iniustum pati.

Dicendum tamen ex Aristotele secundo loco

est: iniustum agere, malum peius ac deterius esse quam iniustum pati. Peius enim est homini, quod eum reddit simpliciter improbum, quam quod eundem non reddit eiusmodi. sed iniustum agere malum quoddam est, quod hominem reddit simpliciter improbum ac vitiosum; iniustum autem pati non efficit hominem improbum, nec vituperabilem aut vitiosum. Igitur iniustum agere malum deterius est quam iniustum pati.

Primum argumentum, quod contra propositum est, explicationem postulat accuratorem, ductam à divisione geminæ partis, quam in hominis anima constituunt sapientes: alteram superiorem appellant, inferiorem alteram. illa intelligentia continetur & voluntate; hæc in appetitu sentiētis facultatis est posita. Hac enim partitione facta, respondendum est, iniustum agere, malum esse gravius & perniciosius parti superiori, quam iniustum pati, cum illud labefactet & vitio inquinat voluntatem, hoc nullam omnino labem afferat animo. iniustum autem pati, malum interdum esse quidem graue inferiori parti, quæ dolorem & damnum suscipit iniuste: sed hoc damnum cum eo collatum, quo vir iniuste agens afficitur, longe levius est. immò verò nullum sæpe censeri debet; cum vir bonus in perperatione rerum iniquarum & asperarum virtutem animi clariorem faciat, & spectandam publice proponat. quod bonum superioris animæ ita partis inferioris compensat malum, ut dolorem sensus omnem abstergere videatur. Atque hoc est, quod illa etiam euerit argumenta, quæ probare videbantur, iniustum pati non esse malum. Neque enim est malum superiori parti, sed inferiori; quæ quidem in viro bono minus commouetur, & percellitur, sed tentatur tamen. Levis autem illa commotio facere non potest, quin longè maiorem in superiori parte voluptatē percipiat, quam in inferiore dolorem. Quæ verò disputat Seneca, è Stoicorum officina sunt, qui putarunt omnem animi perturbationem quantumvis leuem, & malam & vituperabilem, & felicitatis expultricem esse: quod multis confutatum est locis.

Ex hac etiam distinctione refellitur secundum. Malum enim, quod afficit hominem agentem iniuste, contaminat superiorem animæ partem, malum hominis iniuriam patiens afficit inferiorem: ac propterea illud grauius, hoc dicendum est levius, cum præsertim animum viri boni medioeriter ac prope nihil incommoda per iniuriam suscepta perturbent.

Tertium ex eodem Capite solutionem habebit. Neque enim lucrum facere semper est melius, quam iacturam facere, vel damno affici. Si enim is, qui lucrum facit, solius pecuniæ, vel honoris aut dignitatis questum facit, sed virtutis iacturam patitur, & turpificat animum, ille autem qui patitur iniuste, ac pecuniæ, vel honoris detrimentum accipit, ex decenti rerum aduersarum iniuriæque perperatione, virtutis & bonorum animi lucrum facit, alia ratione ac via philosophandum est. melius quippe est iniuriam & damnum pecuniæ pati, quam pecuniæ questum facere.



INDEX
RERVM PRÆCIPVARVM
QVAE IN HOC OPERE
DISCVTIVNTVR.

A.

ABSTINENTIA à cibo & Venere
apud Ethnicos. 659. col. 2.
Academia Platonis in solo inlublri,
& sub cælo concreto. 31
Academix & gymnasia institui debent à Princi-
pe. 25
Accidens vnum esse in alio, quo sensu id intelli-
gendum. 276
Achillis clypeus quam habebat inscriptionem.
25.
Acroamatici commentarij. 268. 269. 270.
Acrochirilimus quodnam exercitationis genus.
459.
Actio quo sensu finis. 47. eiusdem & motus
differentia. ibid.
Actio animi secundum rationem est opus homi-
nis. 175.
Actio honoris, qualis. 119. col. 1. 131. col. 1.
Actio, siue actus, an bonum appetat. 43. quid sit
& unde nascatur. 44.
Actio iusta medium quoddam est inter iniustum
facere & iniustum pati. 940. 941.
Actionis humanæ principia. 359. 362.
cui Actioni debeat felicitas. 124. col. 1.
Actiones humanæ & hominis an eadem. 37.
Actiones hominis liberæ materia sunt Ethicæ. 33.
35. 36.
Actiones in singulis sunt. 441. 446.
an Actiones quædam possint esse mixtæ ex vo-
luntario & inuoluntario. 442-445. 448.
463.
Actiones externæ sintne requisitæ ad parandam
virtutem. 312. 313.
Actiones probi, iusti, liberalis. 194.
Actiones humanæ quomodo iudicari volunta-
riæ, vel inuoluntariæ debeant. 446. de his quæ
renuant ex uno metu id quod semper &
omnino turpe est. 449. quæ referun-
tur ad finem, sunt in nostra potestate. 508.
509. 521. an oatum detur finis vltimus.
72. 74. &c. 81. 83. 84. summa earum est va-
rietatis, inconstancia, error, incertitudo.
90. 91.
Actionum virtutis multiplicium elucidatio. 135.
136.
Actiones secundum virtutem stabiles. 232. 233.
234.

qualibus Actionibus gignatur virtus & corrup-
tatur. 319. 330. & seqq.
de Actionibus per ignorantiam, leg. quest. 4. pag.
470. 471. & per cupiditatem & iram, leg.
quest. 5. 473. 474.
Actus voluntatis duplices. 464. col. 1.
Actuum humanorum principia & fontes, duo.
41. eorundem diuisio in quatuor. 43. an sit ido-
nea. 44.
Actus habitusque non per se quæ & simili modo
voluntarij sunt, & nostræ potestatis. 520.
521.
cur Adoratores Deorum licet condicti damnentur.
464. col. 2. 467. col. 1.
Aduersa esse vitiora & conducibilia quàm
prospera. 213. col. 2. non esse. 218. col. 1.
& 2.
in Aduersis æqualitatem animi retinere sine
difficilius quàm in prosperis. 620. 621.
Aduersitas in lucem euocat virtutem. 13.
Adulatorum nomen unde ortum. 809. eorum
ordines plures. 811. 813.
Adulterium committens ob quæstum iniustusne
haberi debeat an intemperatus. 898. 899.
Actus inlublritas an philosophis noxia. 21.
Æmulationis descriptio: & de his qui æmulatione
tanguntur. 434.
Æquale & iustum sine idem. 903. 904.
an Æquitas sit virtus moralis differens à iustitia
904. & seqq. 1000. 1001.
Æquum & bonum quid sit: & an idem quod
iustum. 993. 994. 998. an ipsius quoque
iuris naturalis correctio sit. 998. 999.
Æquus & bonus quis sit. 996. 997. 998.
Æstimatio rerum unde petatur. 919. 941.
942.
Ætatis & temporis perfectio an debeat esse cum
felicitate coniuncta. 187.
Æterna consultationem non admittant. 489.
496.
Affabilis quis dicatur. 807. quodnam eius
officium, functio, munus. ibidem. & 808.
811.
Affabilitas, seu comitas quid sit, eius proprietates,
& vitia extrema. 804. 805. &c. an sit
virtus ab aliarum finibus separata. 810. 811.
quodnam è duobus extremis vitis ei contra-
rius sit deterius. 812. 813.
Affabilitatis extrema. 389. 392.

I N D E X.

- Affectiones animi quasdam esse, quæ tamen si virtutes non sunt, laudabiles tamen sunt. 389.
- Affectiones quid significant, & quænam earum species. 390. 391. 392. 393. 394.
- an Affectus omnis mediocritatem virtutis admittat. 377. 378.
- Affectuum pugna & resistentia. 392. 393.
- Agentis secundum virtutem cautiones & leges. 597.
- Agere bene & perfectè quid sit. 288. col. 1.
- Agere bene in genere moris, quid sit. 619. col. 1.
- Agere iuste & temperatè an idem quod iuste & temperata facere. 394. 395. & seqq.
- Agere secundum rationem an idem sit quod agere secundum virtutem. 175. 176.
- Aggredi sitne melius quàm expectare & sustinere. 618. 619.
- Agonotheta vel Athlotheta. 110.
- Alchymica quàm periculosa. 76. 77.
- Alcæonis ridicula excusatio quod matrem occiderit. 443. 447.
- Alea quid sit: & an aleatores inter avaros habendi sint. 695. 696. 710. 711.
- Alexandri edictum quoad suam imaginem. 19. eiusdem vox, malle se esse Diogenem quàm Alexandrum, an eo digna & vera. 19.
- Amato, quid sit: & quot amandi causæ. 423. 424.
- Amantes quàm difficiles adeant casus. 591. 592.
- Amicitia, quid sit, unde dicta: quot & quæ requirantur ad eam constituendam. 423. an sit medium illud quod in suauitate atque asperitate sermonis & consuetudinis humane reperitur. 806. 807.
- Amicitia & gratia quale bonum. 11. non faciunt beatum. 13.
- Amicitia extrema. 389. 392. quid in ea spectandum. 112. col. 2. ut conferat ad felicitatem. 217. col. 2. 218. col. 1. an posthabenda sit veritati. 148. 150. & seqq.
- Amicitiam rebus omnibus anteponendam quo sensu dixerit Aristoteles. 161. col. 1.
- Amicus ut definiatur. 149. col. 1.
- de Amicis nonnulla. 807. 808.
- in Amicos cum viuentes, tum mortuos bonam vel malam fortunam redundare. 147. 148. & seqq. ad 154.
- Amicus quis: & nonnulla de eo loca egregia. 218. col. 1. 218. col. 2.
- Amor mutuus tria requirit. 423. ad quos pertinet. ibid. & 424.
- Amuletum quid sit, & an eo vsi sunt sapientes. 197.
- Animæ quid sit. 110.
- Animæ quando mala, quando bona & proba dicatur Plotino. 69. col. 1. tria potissimum habet, affectiones, facultates, habitus: quid sint? & quodnam ex tribus illis sit virtus. 358. 359.
- de Anima mundi, Platonis opinio. 146.
- Animæ partes duæ, & in qua durum possum sit beatitudo. 263. 264. 271. 276. & seqq.
- Animal politicum hominem esse. 51. 52. 60.
- Animalia partim congregabilia partim solitaria. 60. col. 1.
- Animus deformitate corporis non sedatur. 12.
- Animi perturbationum appendix in quâ singularum definitiones delibantur. 414. 415. & seqq.
- Animi tranquillitatem eripiunt diuitiæ. 119. col. 2. eiusdem bona quæ sint. 192. 193. eius voluptates ad temperantiam non pertinent. 618. 619. illius in corpus dominatus. 284. col. 1.
- an Animo periculum imminet ab opibus, à valetudine, à formositate. 16.
- Appellus encomium: & ut reprehensum quoddam eius opus fuerit à iure. 22.
- an Appendices aut ornamenta debeant esse ipsi operibus longiora. 178. 181. 184.
- Appetere nos omnia propter vltimum finem, an verum. 84. col. 2. & 85.
- an Appetitio semper sit boni. 44. 45.
- Appetitio nostra vel secundum substantiam, vel secundum similitudinem tantum. 34. col. 1. & 2.
- Appetitiones cibi, potus & veneris naturales & maxime omnium communes. 649.
- Appetitus electiuus & executiuus. 43.
- Appetitus hominis duplex: & in quonam posita sint morales virtutes. 183. 184. & seqq.
- Appetitus animæ sentientis triplex. 101. col. 2.
- Appetitus sentientis partes duæ, ex quibus omnes emanant perturbationes. 337. col. 2.
- Appetitus alter corruptus & prauus aut deceptus à iudicio; alter integer & recta ratione temperatus. 185. col. 1.
- Appetitus contrarij quo pacto ferantur in contraria scilicet in bonum & malum. 33. col. 2.
- Appetitus duplex, & quo dicatur Deus appetere bonum. 52. col. 1.
- an Appetitus boni & finis frustra nobis inditus esset, nisi daretur in finibus aliquis vltimus. 83. col. 1.
- Apuleius de sua formositate postulat iudicio ut se defenderit. 127.
- Aqueductus quidam magnifici. 727.
- Arcana nostra scientes peritescendi. 426. col. 1.
- Architæ Tarentini septimum Imperatoris scientia & res præclare gessit. 23.
- Architectonica quænam ars: & de eius fine. 49. est artium theoricarum princeps. 76. 77. 86.
- Aristocrata quodammodo iusta. 865.
- in ea attenditur in distributione dignitas eius virtute. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.
- Aristotelis commentatio duplex exoterica & acroamatica: & quid sit utraque. 263. 269.
- suæ insus, & à Luciano inductus peritocum. 14. vera eiusdem de bonis externis quoad beatitudinem opinio. 15. 17. 20.
- Aristotelis & Theophrasti scripta ut latuerint. 31.
- Arithmetica commutationibus inseruit. 916. 917.
- Arma callidè sapienterque tractata à philosophis. 23. 24.

INDEX.

Arrogantia & spiritus superbi ex diuitiis. 13.
 Ars quid sit. 177.col.1. an verum sit quoddam
 nemo in ea quam non experimento didice-
 rit ac tractauerit, rectè versari possit. 12.
 an in opere difficili versetur & arduo. 342.
 340. bonum quoddam expetit. 43. quid sit.
 ibid. an bonum semper expetat. 45.
 Artes tres quæ videntur eadem, inter se tamen
 sciundæ sunt. 70.col.1.
 in Artes liberales sententiæ, vna capitalis, altera
 inhumana. 15.
 quæ Artes & exercitationes necessariae sint insti-
 tutioni. 124.125.
 de Artibus Reipublicæ damnosis, & cuius sit
 facultatis eas repudiare ac depellere. 76. 77.
 Artium genus duplex apud Græcos: & de
 iis quæ admittant ac postulant consultatio-
 nem. 490.
 Artium liberalium doctrina an necessaria Prin-
 cipi. 12.
 Assentator quinam dicatur. 208.
 Astrologia diuinatrix. 76.
 Auaricum quæ ciuitas: & quid de ea referatur
 à Cæsare. 60.col.1. 61.col.1.
 Auaritia ex prole multâ. 13.
 Auaritia in quibus versetur, & quàm latè pateat.
 694. 695. 696. deterior est prodigentia. ibid.
 & 704.
 Auarus cur sordidus & *Murice* dictus. 694.
 Auctoris præfatio cur ab arte dicendi ad mores
 explicandos se contulerit. 1. saluberrimo
 natus loco, & fruens lætissimo cælo sit gra-
 cilentus, ac subalbidus. 21. vt in aliena
 quam non didicit arte demonstret errata. 23.
 Auidia felicitati debet inesse. 168.169.
 Auiditate & ratione nititur quæuis sciens. 189.
 an Audaces sint initio pugnæ, vel ante pericula
 quàm in periculis ipsis promptiores. 468.
 quomodo per exuperantiam peccent: &
 qui propriè dicantur audaces. 567.col.2.
 an eorum, fortium & timidorum eadem sit
 materia. ibid.
 Audaces qui dicantur, & qui differant à fortibus.
 553.552.556. quales ante pericula, & in pericu-
 lis ipsis. 553.556.
 in Audacia minùs quàm formidine versatur for-
 titudo. 614.617.618.
 Audacia materia an eadem quæ fortitudinis &
 ignauiæ siue timiditatis. 553.
 Audacia est arrogans, gloriosa, veræque fortitu-
 dinis imitatrix & simulatrix. 552.
 Audaciæ acceptiones, definitiones, & causæ. 564.
 565. obiectum. ibidem.
 Audaciæ timorisque peccata, quæ dicuntur ex-
 trema, quæ sint. 566. 567.568. appetitus est
 motus sentientis. 568.col.2.
 Audentia siue idem quod audacia. 564.col.1.
 Auditor doctrinæ moralis, à pueritia institutus &
 bene moratus esse debet. 111.112.113.
 qualis requiratur. 95.96.&c. bene institutus
 esse debet. 105.&c.
 Auditus incunditas vnde oriatur; & an conue-
 nire p. sit in materiam temperatiæ. 629.630.
 Augusti prompta & profluens oratio. 24.
 de Auiculis quibusdam sibi placensibus dum se
 contemplantur in speculis. 630.631.

Auri vis quanta. 119.
 Axioma explicatum: *Vt se habet simpliciter ad
 simpliciter, ita magis ad magis, & maximè ad
 maximè.* 213.col.1. 217.col.2.
 Axiomatis, *Qualis unusquisque est, talis vi-
 detur esse finis*, elucidatio. 180.col.1.

B.

Babilon vrbs quanta. 6.
 Balnea, thermæ, natatoria publica, inter ope-
 ra magnifica. 717.
 Basilus in quo patronus & defensor Platonis.
 21.
 Beatitudo & prolapsio inter se pugnant. 11.
 Beatitudo non est materia Ethicæ. 17.
 Beatitudo variis vocabulis expressa. 106.107.
 de Beatitudine hominis quoad omnia bonorum
 genera vt intelligendus Aristoteles. 14.15.
 in quo constituta ab eodem. 10.
 de Beatitudine mortalium opiniones variæ ac
 multiplices. 108.109.
 Beatitudo cælestis & beatitudo humana quàm
 differenter se habeant. 101.col.1.
 Beatitudinis notio duplex. 125.
 Beatitudo integra & perfecta posita est in du-
 plici genere virtutis. 176.
 Beatitudo, bona quædam vita & actio. 120.
 an carere debeat omnimodo. 149.col.1. 144.
 col.1.
 an Beatitudo formalis in ideæ contemplatione
 contineatur & sit. 141.142.& seqq.
 Beatitudinis definitionem ab Arist. propositam
 convenire cum aliis philosophis. 188.189.
 & seqq.
 Beatitudinis proprietates tres, & definitiones
 duæ. 163.164.& seqq.
 Beatitudinem non esse positam nec in volupta-
 te, nec in honore, nec in virtute, minùs in
 diuitiis, *legi cap. v.* 114.115. & seqq. 124.
 aliquid diuinum videri propterea quod hono-
 re potius quàm laude digna sit. 152.153.
 & seqq. an de ea sit consultatio. 497.
 col.1.
 Beatus & felix an idem. 106.107.
 an Beatus quis dici possit dum vivit. 227.228. &
 seqq. 239.240.241.
 Beatus in copia & inopia qualis esse debeat. 15.
 ex Beato miserum neminem fieri posse, quo sen-
 su dixerit Aristoteles. 335.col.1. 336.col.1.
 Beati omnes esse cupiunt. 85.col.2.
 Belli duplex acceptio. 543.col.2. priuati ratio
 ad multa pertinet. 544.545.
 in Belli periculis siue propriè posita fortitudo.
 542.543.&c.
 vt in Bello, spectatur maximè fortitudo. 530.531.
 Belli ineundi ratio apud varias nationes. 554.555.
 an Bellica facinora maiora sint urbanis. 70.80.
 Bellus ex olfactu, auditu, visu nullam propriam
 capiunt voluptatem. 630. an beatitudinis ex-
 pertes esse. 223.224. an in illis sit electio. 479.
 in eis inesse voluntarium non liberum. 460.
 462.463.col.1. 473.col.1.
 Beneficium: quodnam honore dignum putetur.
 130.col.1.
 Beneficio reddendus honos. 130.col.1.

I N D E X.

Bestiam aut Deum, quæ vocet Aristoteles. [64.](#)
[col. 2. 69. col. 1.](#)
 Blandi qui dicantur, & qui differant ab adulato-
 ribus. [808.](#)
 Bonigenia quid sit. [106.](#)
 Bonitas operis à virtute pendet. [334.](#)
 Bonitas rerum in quo posita iuxta Pythagoreos.
[151.](#)
 Bonum *avroçale* quid sit. [169. 170.](#)
 Bonum omnia expetunt: quomodo id intelli-
 gendum. [45.](#)
 Bonum morale quomodo pulchrum. [18. col. 2.](#)
 Bonum primum quid dicatur, & an verè dici
 possit quod omnia appetunt illud, cùm bonum
 appetunt vniuersè. [11. col. 2. 54. col. 1.](#)
 Bonum diuinum, humanum, physicum ac me-
 taphysicum. [55. col. 1. 56. col. 1.](#)
 Bonum perfectissimum quod. [184.](#)
 Bonum per se non redditur melius: morale verò
 augeri potest. [564. col. 1.](#)
 Boni definitio ex Aristotele. [43.](#) an perfecta
 censeretur, & cuius boni definitio sit. [51.](#)
[52. 53.](#) cur in ea nulla sit habita ratio pulchri.
[56. col. 2. 57. col. 1. & 2. 58. col. 1.](#)
 an Bonum separatum, quod ipsa est idea, sit bo-
 num per se. [149. 150. 151.](#)
 an ex Boni diuisione possit intelligi bonum sepa-
 ratum esse communem bonorum omnium
 ideam. [153. 154.](#)
 Bonum separatum tripliciter ab aliquo compre-
 hendi potest. [162. col. 1.](#)
 an Bonum & finis idem sint atque inuicem con-
 uoluantur. [47. 54. col. 2. 55. col. 1. & 2.](#)
 vt Bonum lex propria sui ratione sit fusile, siue
 diffusiuum sui. [82. col. 1. 2.](#) tribus modis in-
 telligitur [ibid. & 83.](#)
 Bonum id vnicuique est quod ei bonum videtur:
 probo quod est verè ac semper bonum: impro-
 bo id quod bonum esse contingit. [504. 505.](#)
 Bonum generale quomodo de cæteris affirmitur.
[155.](#)
 vt Bonum apparens expetatur. [506.](#)
 Bonum & æquum quid sit, & à iusto quid diffe-
 rat. [993. 994. 998.](#)
 Bonum facere, quomodo sit virtutis proprium.
[280. col. 1.](#)
 an Bonum diuturnius sit optabilius & melius.
[138. col. 2.](#)
 Bonum hominis proprium quodnam sit. [638.](#)
 an Bonum hominis vnius & totius ciuitatis sit
 idem. [82.](#)
 quale Bonum in quod voluntas fertur. [504. 505.](#)
[506.](#)
 Boni iucundi, & molesti mali duplex acceptio.
[104. col. 1.](#)
 Bono suo constant omnia. [128.](#)
 summum Bonum esse vltimum finem. [72. 73.](#)
 an eiusdem procuratio ad facultatem spectet.
[75. 82.](#) in quo positum sit. [88. col. 2.](#) an illud sit
 cui summum malum opponitur. [127. eius](#) con-
 sideratio, quæ respondeat philosophiæ Chri-
 stianæ, duplex. [216. col. 1.](#) vt eidem satis sit
 virtus. ibidem. eiusdem tractatio qua ratio-
 ne ad Politicam & Ethicam pertineat. *lege*
quest. 4. pag. 86. 87. 88. illius peruestigandi
 methodus ac ratio propria. [110. 111.](#)

summo humanæ vitæ Bono triplex opponitur
 malum. [143. col. 1.](#)
 Bona quatenus verè bona. [13.](#)
 Bona omnia in deliberationem cadere, quo sen-
 su dixerit Aristoteles. *lege quest. 2. pag. 499. 500.*
 Bona corporis quæ sint, & an sint præsidia felici-
 tati humanæ necessaria. [204. 205.](#)
 Bona externa quot & quæ sint, & an necessaria
 sint felicitati. [209. 210.](#)
 Bona corporis non efficiunt beatitudinem. [11.](#)
 non obtinent vim vltimi finis, & cur. [128. 140.](#)
 Bonorum series & ordo. [151.](#)
 Bonorum omnium aggregatio quo modo fit in
 Deo, & in homine. [167.](#)
 Bonorum omnium vna nō est idea. [141. 144. 145.](#)
 Bonorum animi, corporis & externorum diuisio
 quàm telebris. [190. 191.](#)
 Bonorum corporis & fortunæ infinita quædam
 varietas, incertitudo, mutabilitas. [91. 92. 93.](#)
 an quibus bona fortunæ sunt, iustum ac ius in iis
 sit. [983. 986. 987.](#)
 an Bonis externis indigeat beatitudo. [198. 199.](#)
[200.](#)
 quibus in Bonis felicitas ab Aristotele constituta
 sit. [11.](#)
 Bonus qui dicendus. [111. 112. & 226. col. 2.](#)
 Bonus simpliciter qui dicatur. [342. 343. 346.](#)

C.

Cæsar Dictator, summus orator. [24.](#)
 Calamitas diuitiarum. [119. col. 2.](#)
 in Calamitates inuicatas lapsus, an possit dici
 beatus. [227. 228. 236. 239. 242. 243.](#)
 in Calamitatibus sitne felicitas. [215. col. 1.](#)
 Caligula nefaria vox. [415. col. 1.](#) eius inter num-
 mos deambulatio. [139.](#)
 Cantus efficacia. [630. 631.](#)
 Carolus Magnus belli gloria, doctrina scientiæq;
 clarissimus. [24.](#)
 Casus: an pugnet cum beatitudine. [11.](#)
 Cebes qualis philosophus: & simulacrum eius-
 dem de humana vita. [2.](#)
 Celtæ qui populi, & quàm stupidi & stolidè fe-
 roces. [551.](#)
 Cerinthe de beatitudine sententia. [135.](#)
 Certitudinis in scientia gradus triplex. [92. 100.](#)
 Characteres duplices apud Ægyptios, necnon
 apud Latinos. [9.](#)
 Charitas erga patriam vt discatur. [13.](#)
 de Charybdis fumo & fluctu. [406. 407. 410.](#)
 Christi philosophia qualis præ illa antiquorum
 illorum philosophorum. [20.](#)
 Chrysopæia quænam ars. [26.](#)
 Cibum & potus cur siccus & humidus. [649.](#) variè
 expetuntur. [640.](#)
 Ciceroni qualis decretus honos à Romanis. [130.](#)
 col. 1.
 Cingali qui dicantur. [64. col. 2.](#)
 Circuitores & Circumcelliones. [375. col. 1.](#)
 Circumstantiæ quot & quæ: & an earum igno-
 ratio efficere possit actiones inuitas ac minimè
 voluntarias. [452. 457. 458. 459.](#)
 Circumstantia circa quid, coniungitur à multis
 cum ea quæ dicitur quid. [460.](#)
 Ciues ac ciuitates ratione seruari, an verum. [14.](#)
 an Ciues dicendi sint, & in ciuitate retinendi qui

I N D E X.

solitariè viuunt, vel erraticè. [64.65.](#)
 Ciuilis doctrina potissimùm Principi querenda. [26.](#)
 Ciuilis scientia pro Ethice. [32.](#)
 Ciuilis scientiæ obiectum. [35.36.37.](#) quænam illius diuisio. [38.](#) finis. *ibid.* duæ sunt eius partes. [40.](#)
 Ciuilis doctrina pro politica. [75.](#) cur ita nominata. *ibid.* in quas habeat imperium & dominatum. *ibidem* & seqq.
 Ciuitas est finis omnium humanarum coniunctionum. [59.](#) col. 2.
 Ciuitas omnis natura constat. [59.](#) col. 1. 2. quibus partibus coalescat. *ibid.* quid sit. [60.](#) col. 3. demonstratur à natura non esse. [61.](#) col. 1.
 Ciuitatis materia & forma explicatur. [60.](#) col. 2. ut differat ab vrbe. *ibid.* illius institutio vnde processit. [69.](#) col. 1. finis quis. *ibidem.*
 an Ciuitatis regimini magis idoneus sit vir bonus quàm lex. [924.925.](#) & seqq.
 in Ciuitate formali duplex ordo, duplex nexus siue consensio ciuium. [61.](#) col. 2.
 Ciuitates singulæ certa quædam habent studia rerum. [729.](#)
 Ciuitatibus perniciosæ artes, quæ sint. [76.](#)
 de Clamore belli. [554.555.](#)
 an à Clementia distinguatur mansuetudo & lenitas. [699.](#) col. 1. 800. col. 2.
 Codex cur ita dictus. [16.](#)
 Comœdiæ nouæ & veteris differentia. [832.](#)
 833.
 Comitatus in sermonibus. [810.811.](#)
 Commensura membrorum quid sit. [57.](#) col. 2.
 Commoda externa siue pars beatitudinis. [13.](#)
 Commodatum ut reddendum: & an ex eo repeti aliquid possit. [706.](#) col. 2.
 Comotiones corporis quomodo temperentur ab anima. [63.](#) col. 1. & 2.
 Communicatio ciuilis in quo posita. [160.](#) col. 1.
 Commutationum ius. *vide* iustitia distribuens. & cap. 5. de ratione. [928.929.](#) & seqq.
 Commutandarum rerum possit ne esse communis aliqua mensura, quæue namea sit. [947.](#)
 948.
 Confidentia, quid sit. [566.](#) col. 1.
 de Confidentia, siue fiducia nonnulla. [427.](#)
 428.
 Connubij leges varix apud diuersas nationes. [91.](#)
 91.
 Constans & pertinax qui differant. [469.](#) col. 1.
 Consultatio, de quibusnam rebus sit aut non sit. [489.490.499.](#) de eiusdem modo, ordine, effectu ac termino. [492.493.](#) vis eius & ratio decernitur ex comparatione cum electione quæ ipsam excipit, & consequitur deliberationem. [495.496.](#)
 an Consultationis & electionis materia sit eadem. [496.497.](#) siue consultatio de omnibus bonis malisque. [499.500.](#)
 Contemtionis despiciatúsque genus quadruplex. [416.](#)
 Continens & incontinens in perturbationibus animi eodem modo se habent. [287.](#) col. 1.
 Contingens triplex. [99.](#)
 Contrariorum siue idem habitus. [875.876.](#)

Contrariorum locus luculenter explicatus. [400.](#)
 401.
 Contumelia, quid sit, & quot res in ea sunt. [416.](#)
 402.
 Contumeliosi nonnulli notantur. [417.](#)
 Conuentionum quibus vitatur humana societas vniuersim genera lex. [706.](#) col. 2.
 Conuicia legibus vetita. [811.814.](#)
 Conuiuij tollendi causæ quinque ex Platone. [571.](#) col. 1.
 Corpus ornatur pulchritudine animi non contra. [12.](#)
 Corporis voluptas non est beatitudo obiectiua, neque beatitudinis accidens, aut proprietas. [126.127.](#)
 Corporis voluptatum varietas & enumeratio: & ut sunt materia temperantiæ. [628.629.](#) &c.
 Corruptio virtutis vnde pendeat. [339.](#)
 an Corruptor grauius peccet quàm corruptus. [989.990.](#)
 Cræti Thebani & Hipparchæ nobilissimæ virginis factum mirabile. [19.](#)
 Crepiraculum pueris permittendum. [127.](#) col. 1.
 Cretensum Duces philosophi. [13.14.](#)
 Χρηματιστι quænam ars. [70.](#) col. 1.
 Crudelitas quorundam philosophorum. [23.](#)
 Cubilis nomine quid intelligant Aristoteles, D. Thomas, Gualt. & alij. [649.](#)
 Cupiditas impotens dicitur libido. [414.](#)
 Cupiditas nec est nec dici debet electio. [479.](#)
 480. an sit causa cur nemo sua sponte peccatam agat & improbe. [522.](#) col. 2. 524. col. 1.
 per Cupiditatem facta, siue inuoluntaria. [460.](#)
 462.463.
 Cupiditates rationi subiectientes sunt idonei moralis philosophiæ auditores. [98.](#)
 Cupiditatum varia genera. [648.649.650.651.](#)
 in Cupiditatibus communibus quomodo peccatur. [660.](#) col. 1.
 Cursus genera duo apud Græcos, & de Cursurum præmiis. [110.](#)
 Cynici philosophi quàm sordidi. [118.](#) nomen Herculis timere sibi non erubuerunt. *ibidem.* vnde dicti. *ibidem.* eorundem opinio de non turpibus in connubio. [110.](#)

D.

Dæmon, suprema hominis pars. [106.](#)
 Damni & lucri notiones in commutationibus. [914.915.916.919.920.921.922.](#)
 Damnum quod alius interrogatur triplex. [972.973.](#) & seqq.
 Decorationem habere debet magnificus. [711.](#)
 Defectus & exuperantia virtutum. [386.387.](#)
 392.
 Definitionis compositione & resolutione quando utendum. [179.180.](#)
 de Definitione notatu dignum. [179.](#)
 Delectari quorum est. [194.](#)
 Delectatio quid sit. [200.615.](#) col. 1. vnde nascatur. [642.](#) col. 1. qui differat à voluptate [200.](#) an requiratur ad constitutionem beatitudinis. *ibidem* & seqq. in quibus propriè reperitur. [201.](#) col. 2.

I N D E X.

Delectatio & tristitia duplex: & quomodo in his
versetur temperantia. [617. 618. &c.](#)
Delectatio quæ ratione bona sit. [102. col. 2.](#)
[203. col. 1.](#) an debeat esse in ipso fortitudinis
actu. [611. 613.](#) vnde oriatur eiusmodi dele-
ctatio. [ibidem.](#)
Delectatio duplex, corporis scilicet & animæ: &
quid utraque sit. [623. col. 1.](#) quænam ex illis
fortior. [616.](#)
de Delectatione & tristitia prout in eis versatur
omnis moralis virtus. [146. 147.](#)
Delectationem felicitati esse coniunctam. [196.](#)
Delectationes & tristitiae medicinae quædam.
[342. 343.](#)
Delectationes duplici modo possunt dici natu-
rales. [636. col. 1. 637.](#)
an Delectationes sibi invicem aduersentur.
[102.](#)
Delectationes sensus vitæ non necessitate duplici
de causa fugi possunt. [669. col. 2.](#)
Delectationum partitio. [641. 648. 649.](#)
Delphini proprietates nonnullæ. [610.](#)
Deliberatio non est de omnibus rebus & de quib-
us sit, & an cadat in eam quidquid in ele-
ctionem cadere potest. [lege quest. 3. lib. 9.](#)
[487. 488.](#) & seqq. [496. 497. 499. col. 2.](#)
an sit inquisitio quædam analytica, quæ re-
soluens dicitur, & vtrum abeat in infinitum.
[100. 101.](#)
Dementiæ exempla nonnulla. [571. 572.](#)
Democritus an laudabilius quod agros dereliquisset
suos in pascua publica. [20.](#)
Democritus cur oculos sibi eruerit. [39.](#)
an Demonstrationes à morali philosopho requiri
debeant. [99. 95. 99. 100. 105. 106.](#)
Demonstrativa ratio in qualibet scientia, qualis
esse debeat. [90.](#)
Desperatio, quid sit: & quodnam eius obiectum.
[136. 137.](#)
an Deus verè dicatur appetere bonum. [46. 53.](#)
[col. 1.](#)
an Deus possit aliquo modo comprehendi. [161.](#)
[col. 1.](#)
quomodo Deus sit bonum propter se & propter
aliud. [185. 186.](#)
Deo tributus honor, vnde nascatur. [119. col. 2.](#)
[132. col. 1.](#)
cum Deo comparandus qui dicatur. [144.](#)
Dialectica terra intuitusque: num tamen neces-
saria Principibus. [14. 15.](#)
Difficile pro impossibili usurpatum ab Aristotele.
[336. col. 1.](#)
Dirigens directo perfectius. [118.](#)
Diocletiani & Maximiani aurea in philosophum
quendam sententia. [16.](#)
Diogenes cum Agamemnone cur se compareret:
& cur vulgo Canis diceretur. [18. 19. eius do-
ctrina quàm insolens. ibidem. quàm distet à
nostra. ibid.](#)
Dion Platonis auditor, & quàm strenuus impe-
rator. [23.](#)
Disciplina cuiuslibet sunt quinque præcepta.
[184.](#)
Disciplinarum, quarum finis est actio, duæ
sunt partes. [40.](#)
Distribuens triplici modo potest agere. [285.](#)

Distributio: multa de eâ, à pag. [201. 203. ad 211.](#)
Diuinorum ordo iuxta Platonem. [146.](#)
Diuitem esse quam sapientem, an præstet. [139.](#)
[col. 1.](#)
Diuitiæ veræ quæ dicantur, & an sint finis oeco-
nomicæ. [70. col. 1.](#)
Diuitiæ veræ solidæ quæ in quo possunt. [80.](#)
Diuitiæ variæ sunt: earum partes. [209. col. 2.](#)
[210. col. 1.](#) argumenta ab eis petita aduersus
constitutionem felicitatis. [213. col. 1.](#) eo-
rundem solutio. [217.](#) eas non esse felicitate-
tem, ostendit Aristoteles. [111. 112. 113. 114.](#)
[139. 140.](#)
Diuitiæ naturales & artificiosæ: quæ dicantur.
[140. col. 1.](#) utriusque discrimen. [ibidem.](#)
[col. 2.](#)
Diuitiarum semper ampliorum famis compara-
tio egregia. [140. col. 1.](#)
Diuitiæ non faciunt hominem beatum: & an
inter bona numerandæ. [13.](#) quales esse de-
beant ad politicam felicitatem. [15.](#) an intem-
perantem animum faciant. [17.](#)
Doctrina omnis bonum expetit. [43.](#) quomodo
definiatur. [ibid.](#)
Doctrina quàm necessaria virtuti intellectuæ
comparandæ. [208. 209.](#)
Doctrina omnis cynicos habuit allatantes, ex-
cepta morali. [3.](#)
Doctrina non mala ad vitia fugienda virtutisque
parandas necessaria. [122. col. 1. 123. col. 1.](#)
in Doctrina qualibet duplex considerandi ratio.
[189.](#)
Doctrinæ explosivæ, quæ. [1. & 2.](#)
Doctrinarum è civitatibus eliciendarum parti-
tio. [76.](#)
Doctor Ethicæ qualis requiratur. [89. 90. 91. &c.](#)
Docti homines & eruditi misericordia commo-
uentur. [436.](#)
vt Dolor se habeat cum delectatione. [201.](#) vt à
viro forti sentiat. [611. 613. & seqq.](#)
Dominatus genera quatuor. [183. col. 2.](#)
Domus sapientiæ publica. [15.](#)
Domus magnificæ commendatio. [730.](#) vt con-
struenda. [711.](#)
Domus ex quibus coalescat. [59. col. 1.](#)
Domestica & familiaris res. [vide Oeconomica.](#)
Duellum, quid sit: & an pertinere videatur ad
aliquod veræ fortitudinis genus: & plurima
alia de eodem. [lege quest. 2. à pag. 603. ad 611.](#)
Duillij honor à Romanis impetratus. [130. col. 1.](#)
Divisiones bonorum perstrictæ. [191.](#)

E.

Educatio puerilis quàm conferat ad virtutis
acquisitionem. [104. 105.](#)
Educatio proba quàm necessaria quærendæ vir-
tuti, virtutisque fugiendo. [122. col. 1. 123.](#)
[col. 1.](#)
an ab Effectis ad causas, an contrà à causis ad
effecta progrediendum in aliqua scientia. [110.](#)
[111.](#)
Electio bonum expetit. [43.](#) quid sit. [ibid.](#) est ap-
petitus electivus. [ibid.](#) variis nominibus appel-
latur à variis. [476.](#) cur ad Ethicam pertineat
eius tractatio. [ibid.](#)

I N D E X

quid non sit, quantum verum est; quid sit, verum intellectus sit & voluntatis. 476. 477. &c. 484. 485. an sit eorum tantum quæ fieri possunt, eorumque præsertim quæ fieri possunt per nos. 485. 486. an sit idem quod deliberatio. 495. 496. an versetur in repentinis, & necessaria sit fortitudo. 611. 612.

Eloquentia de primatu contendit cum politica. 81. est Principibus perutilis. 24. fuit multis exitiosa. 93. 94.

Emendationis ius, siue iustum in quo sit politum. 918. 929. & seqq.

Enchiridion quid sit. 110.

Encyclicorum librorum author quis sit. 119. 120.

Epaminondæ peritia mirabilis. 14.

Epicuri de felicitate opinio. 114. 115.

Epitaphicæ artes quæ dicantur. 49.

an Errones aut erratici quidam homines dicendi sint Cives, & in Civitate retinendi. 64. 65.

Esulentorum furtum apud quos honestum. 91.

Ethice quid sit, & quot in partes diuidatur. 31. eius finis. ibid.

Ethica aliquo modo politica. 18. col. 1. an habeat hostes. 1. & 2. eius comparatio cum medicina. 40. quibus utilis. 100. col. 1. & 101. illius materia inconstans & variabilis. 90. 91.

Esse & Idem quæ differant. 301. 302.

Ethicæ, Oeconomicae & Politicæ distinctio. 87. col. 1.

Ethicam docendi modus ac ratio. 89. 90. 91.

Euangelizans, *εὐαγγελίζων*, *εὐαγγελιστής*, *εὐαγγελιστὴς* quinam beatitudinis gradus. 106. 107.

Eutrapelia quæ virtus: eius extrema: quid differat inter affabilitatem & veritatem. 819. 830. & seqq. usque ad 840.

Excandescencia: nonnulla de ea. 160.

de Exemplari quid sentiat Seneca. 146.

Exercitus à philosophis instructi. 23.

Existimatio vnde colligatur. 11. in quo bona consistat. 10. 110.

Exoterici libri. 201. 211. 268. 269. 270. &c.

Expectationis actus an vincat aggressionis actum. 619.

Experimentum quid sit. 129.

Experientia militaris beneficia. 185. 186. 187.

Expetendi propter se & propter aliud ratio expenditur. 181. 184.

an Expetendum propter se tantum sit perfectius quam id quod & propter se & propter aliud est expetendum. 184. 185. 186.

Expetendorum gradus. 166. tria genera. 506. col. 1.

Extremum in virtutibus vnde spectatur. 1542. col. 1.

Extrema virtutum singularum. 392.

Extrema mediis & sibi inuicem aduersantur. 394. 395.

an Extremis inter se pugna maior quam mediis cum extremis. 397. 399.

Extremorum alterum plus pugnat cum virtute quam alterum. 397. 398. 399.

Exuperantia singularum virtutum. 386. 387. 392. an Exuperantia & defectus habeant terminos & fines in actionibus humanis & animi perturbationibus. 379. col. 1. 381. col. 1.

F.

Fabulae quales & quando pueris narrandæ. 322. col. 1.

Fabulla, nata Clinici Sotæ, asota. 676.

Facere bene sitne melius quam bene pati. 619. col. 2.

Facta iuste vel iniuste. lege cap. 8. lib. 5. 271. 273. & seqq.

de Factionibus apud Athenienses & Romanos. 91.

de Facetiis, lege cap. 8. lib. 4. 829. 830. & seqq.

Facultas vegetans, & locomotiva sitne virtutis expertes. 281. col. 2.

Facultatis appetentis & cognoscentis, siue iudicantis discrimen. 364. col. 2.

Facultatum nomine quid significetur, & an virtus sit facultas. 358. 359. 360. & seqq.

Facundia quam necessaria Principibus. 242.

Falsa quam citò apparent & deprehenduntur. 190.

Fama bona, in quo sit posita. 210. col. 1.

Fames & sitis sitne in nostra potestate. 660. col. 1.

Felicitas nulla sine virtute. 13. De ea sententia nobiliores. 109. de eadem varias antiquorum sententias enumerat & comprehendit Arist. in definitione. 193. eadem componit. 194. 195. vide Epilogum. 300.

Felicitas quænam operatio sit. 84. col. 1.

Felicitas & beatitudo an differant. 106. 107.

Felicitatis tractatio spectat & ad Ethicam & Politicam, sed non eodem modo. 86. col. 1. & 87.

an Felicitas in voluptate sit. 14. 125. an in aliquo corporis bono ponenda videatur. 127. 128. an in virtute suo in virtutis habitu posita sit. 132. 133. an in diuitiis posita sit. 139. 140. an in aliquo bono corporis aut externo collocari possit. 140. 141. an sit in idea. 141. 142. & seqq. quoniam virtus rationalis virtuti continetur. 176. 184.

Felicitas duplici modo intelligi potest. 187. col. 1. an ponenda sit inter bona laudabilia, an inter honorabilia. 252. 253. ad 261. in quam animi parte sit posita. 263. 264. &c. an ex accessione alicuius minimi boni reddatur optabilior & dignior. 285. col. 1. & 286. col. 1. in actione consistere egregia similitudine, & tribus exemplis ostenditur. 195.

Felicitas humana in quo posita. 235. col. 2. 237. col. 1. an pereat prius, ipso intereunte homine. 252. 253. 254.

an Felicitas hominis ab Aristotele tradita differat ab ea quam proponit Christiana philosophia. 10. 11. &c.

Felicitas hominis duplex ex Theologia. 240. col. 1. 241. 242.

Felicitas, quo sensu sit bonum homini per se factis & sufficiens. 240. col. 1. 244. col. 1. an pel-lat omne malum. ibid.

I N D E X.

- Felicitatis dotes, qualitates, definitiones. 164.
 103. & seqq. eiusdem qualitates à Sophocle distinctæ, & quænam illæ sint. 108. illius gradus plures. 108. 107.
 Felicitatis nomen, significatione multiplex, & ambiguum discutitur. 132. col. 2. circumscriptione. 184.
 an Felicitari constituendæ necessaria sit voluptas, siue delectatio. 200. 201. quid de bonis corporis? 104. 105.
 Felicitati contemplatiuæ & solitariæ sintne necessaria bona externa. 216. col. 2. an & politici? ibid.
 Felicitatis causa non fortuita, sed vel diuina vel humana: & quænam eiusdem participes esse non possint. 218. 219. ad 220. tempus. 226. 227. & substantia. 229.
 Felicitati nil affert momenti, vel est contraria venustas. 12.
 Felix, iuxta sapientum dictum, qui censendus. 192. 193.
 Felix ante obitum an quis dicendus. 228. 230. 241. col. 1.
 Felicior qui dicendus. 188.
 an Felices pueri & adolescentes dici possunt. 187. col. 1.
 Feroes nonnulli & stolidi. 552. 553.
 de Fiduciâ, non pauca. 427. 428.
 Finis primarius, siue intentionis primariæ: & finis secundarius siue intentionis secundariæ. 183. col. 2.
 an Finis & bonum sint idem & inuicem conuertantur. 54. 55.
 an Finis unicuique ignotus sit. 521. col. 1. 522. col. 1. 523. col. 1.
 Finis propter sui perfectionem vult tripliciter considerari. 483. col. 2. quando habeat rationem finis. 100. col. 2.
 Finis duplex, proximus scilicet & remotus ex S. Thoma. 569. col. 2.
 Finis vltimus qui & quomodo probetur. 72. 82. 83. 84.
 Finis formalis, obiectiuus, cuius gratia, qui, quo. 162.
 Finis propositus triplici modo spectandus. 215. col. 2.
 Finis multarum artium. 62. col. 2.
 Finem vltimum vniuersè & nominatim accipi, quid sit? 84. col. 2.
 in Finem aliquid referri duobus modis, qui velint. 85. col. 1.
 Finem vltimum an sibi quisque propositum habere debeat in agendo. 86. col. 1. & 86. col. 1.
 Finem ab omnibus expecti, quibus probet Aristoteles. 43.
 ex fine metienda esse omnia. 215. col. 2.
 Fines complures, sed non omnes perfecti. 164. 183.
 Finium varietas multiplex, eorumque accurata explanatio. 46. 47. 48. 50.
 Firmitas & obur à natura dantur ad seruitutem. 128. col. 1.
 Firmitudo corporis quomodo intelligenda. 205. col. 2.
 Florum odores formosi, opsoniorum iucundi. 610.
 Fluminum more decurrit vita. 12.
 Forma multis lenocinata est. 206.
 Formæ damna & incommoda. 11.
 de Formarum naturalium origine. 309. 306.
 Formidandorum varietas. 547. & c. 555. 561. 562.
 Formositas & virtus an conueniant. 16.
 an Fortis qui fortiter & strenuè vi tam defendit ab aggressore. 544. col. 1. fortiter essentialiter & specihè. 545.
 an Fortis cum fortiter agit, habeat solùm animo propositum ipsum bonum, honestatēque proprii habitus. 569. 570.
 Fortes, iracundi & furiosi. 540. col. 1. nihil agunt impetu perturbationis adacti. 554.
 verùm Fortes dicendi qui sibi mortem afferunt. 571. 572. & c. an & hi qui ad calamitates declinandas, sibi manus afferunt. 553. 555.
 Fortitudo pro robore corporis & laterum firmitate. 91. 92. cur eam adscripserit corpori Aristoteles. ibid. cur noceat, duplex causa. ibid.
 Fortitudo quid sit. 165. col. 2.
 Fortitudo politica in quo posita. 15.
 Fortitudo siue in appetitu sentiente. 284. 286. col. 2. eius medium audacia & timor. 386. 392. tria extrema eidem assignat Aristor. ibidem.
 Fortitudo omnium virtutum laudatissima. 521. timorem temperat & audaciam. 525. 533. non in omnibus omnino timoribus versatur & cernitur. 527. 528. 533. de materia eiuslibet. 530. 531. 532. 533. & seqq.
 Fortitudo in timore & audacia versatur & in harum perturbationum medio consistit. 538. non omnem timorem pro materia propositum habet. ibidem & 539. solutio argumentorum demonstrantium eius materiam non esse timorem & audaciam. 540. an versetur tantum in periculis & timore mortis. 542. num in periculis belli. 542. 543. & seqq.
 Fortitudo interdum improprie pro generali quadam firmitudine. 540. cur inter cardinales numeretur virtutes. 543.
 Fortitudinis species multæ. 541. eiusdem officium. ibidem. præcipua eiusdem forma. ibidem. quæ dicatur perfecta & imperfecta. 541. col. 2.
 Fortitudinis verus & proprius actus. 547. 548. 549. eiusdem comparatio cum quibusdam fortitudini similibus. 552.
 Fortitudini opposita vitia. 551. 552. 556.
 an Fortitudini proponi semper debeant fines, proximi scilicet & remotus. 570. col. 1.
 quæ Fortitudo sit perfectior illâne quæ fortitudinis honestati adiungit aliam ab alio petitam sine, an hæc quæ sequitur tantummodo suam. 570. col. 1. haud verè, sed adumbratæ genera quædam. 581. 582. & c.
 Fortitudo ciuilis aut politica quæ differat à verâ fortitudine. 581. 582. 596. quid sit militaris. 585. 586. 596. quid item iracunda & timida. 588. 589. 596. de confidente ac victoriam sibi promittente. 593. 594. 596. de periculorum ignara. 595. 596.

I N D E X.

an Fortitudo civilis sit similior veræ fortitudini
quàm cæteræ fortitudinis adumbratæ species.
597. 598.
Fortitudinis actus principes & primarij duo.
597. col. 2. in eius actione duo consideranda.
611. col. 1. eiusdem actus & functio duplex.
623. col. 2. Quænam eius proprietates. 613.
614. & seq. an sustinere, perferre, ac pati sit
eius præcipuum officium & actus. 618. 619.
Fortitudo, qua ratione se gerat in timoribus &
audacia. 614. Quod officium eiusdem sit erga
tristitiam. 614. 615. Quod item erga delecta-
tionem & iucunditatem. 615. 616. Versatur
magis in comprimendis timoribus quàm in
audacia moderanda. 618. 20 magis in repentinis
quàm in prouisis elucescat. 594. 611. 612. an
cæteris virtutibus antecellat. 638. ad eam ma-
gis pertinere videntur dolores & molestiæ
quàm ad temperantiam. 652.
Fortitudinem esse virtutem pro æquitate pu-
gnantem, an rectè dixerint Stoici. 657. col. 1.
Fortuna casum antegreditur. 13.
Fortunæ bona quæ vocentur. 191.
Fortunæ commutatio amicos viucentes afficit.
247. 248. 252. afficit etiam mortuos, sed cum
discrimine & differentia. 249. 250. 252. qua ra-
tione mortuos afficiat. 251. 252. 253. 254. vt fe-
cerit in pictura naturam. 355. an eius mutabili-
tas impedire possit quo minus viucentes beati
esse & dici possimus. 227. 231. 239. 240.
Fortunæ bona, *lege quæst. iv. pag. 209. 210. 211.* &
seq.
de Fortunæ aduersa & secunda: & quàm difficile
sit in vtraque modum tenere. 620. 621.
secundùm Fortunam multa euenire. 232. 235.
Eam esse causam felicitatis, à ratione prius
alienum est. 218. 219. 221. 224. 225. & 226.
Frigoribus perferendis assuefaciendi sunt infan-
tes. 321. col. 1.
an Fuga sit fortitudinis actus. 619. col. 1. an ea vir
forti sibi consulere debeat. 601. 603.
Funambuli dexteritas admirabilis abducit popu-
lum à Terentio. 5.
Furum imprudentia. 85. col. 2.
Furor & ira pro fortitudine. 540. col. 1. & 589.

G.

Gellius qualis vir: & vt in ambiguitate eu-
iusdam causæ Phauonum philosophum
consultaerit. 27.
Genethliæca ars quàm perniciofa. 26.
Genius quid apud Græcos. 106.
Geographia apprimè Principibus utilis. 25.
Geometrix in distributionibus æqualitas, huius
proportionalitas laudabilis. 905. 906. 910. 911.
Gitani qui vocentur. 64. col. 2.
Gloriæ bonum vnde pendeat. 210. col. 1.
Gloriæ collectio vnde. 11.
Græcorum Duces literarum scientissimus. 24.
Gratia, quid sit, & an requiratur ad felicitatis
compositionem. 312. col. 1. 213. col. 2. 218.
col. 1. eius infusio & collatio siue miraculum
308.
in Gustatus vsu duo sunt: & plura alia de eo. *lege
quæst. 4.* 644. 645.
Gustus actio in quo propriè sit posita: & an circa

eum versetur magis quàm circa tactum tem-
perantia & intemperantia. 632. 639. 640.
Gymnastica quænam ars. 324.

H.

Habitus & actus differentia. 355. 356.
Habitus qui dicantur. 319.
Habitus tales, quales fines: & contrarij. 49.
an Habitus pluribus necellariè producantur acti-
bus, an vno tantummodo generari queat. 314.
316.
ex Habitu virtutis duo promanant iudicia, quibus
virtutes vel vicia cuiusque cognosci possunt.
476.
an Habitus idem possit esse contrariorum. 875.
an Habitus in actione atque opere dirigendo pri-
mas agat partes. 158. col. 1.
an Habitus sit causa corruptionis iudicij rectæ-
que rationis. 507.
Habitus cuiuslibet virtutis inter se contrarij, quot
& qui sint. 394.
Habitus laudabiles, virtutes appellantur. 274.
275.
Habitus magnificentiæ oppositi duo. 715.
an Habitus sint magis in nostra potestate quàm
actiones. 520.
Habituum quinque enumeratio: & nonnulla de
his. 277. 278. & seqq.
Habituum corporis & animi explicatio. 233. quæ
sit eorum stabilitas. ibidem. & 244. 245. 246.
Habitus bonos & veras virtutes esse in appetitu
sentiente. 385. col. 1.
Hercules in rogo quomodo beatus. 18.
Herodis Attici dictum de philosopho quodam
stipem procaciter esflagitanti. 28. 29.
Hippias Eleus qualis vir: & vt totam Græciam
in se conuerterit. 12.
Hispani cuiusdam regis dictum in literas aliquan-
to mollius: & quomodo refutatum. 25.
Historia quàm utilis Principi. 24.
Histrio qui dicatur. 826.
an Homo naturaliter sit animal sociabile. *lege
quæst. v. 58. 59. &c.* an ita sit natura politæum
animal vt solitarium esse non possit. 61. col. 2.
an semper finem vltimū spectet inter agendum.
84. col. 2. superatur in multis ab animantibus
multis. 128. an voluntariè fiat improbus. 521.
522. an fieri probus ex improbo possit. 524.
525. in eo solo est quod perfectè dicitur vo-
luntarium. 465. col. 2. illius quid maximè pro-
prium. 139. col. 1. 184.
Hominis vita propria. 174. opus. 175.
de Hominis iniustitia erga seipsum, *lege cap. 11.*
lib. 5. 1003. 1004. & seqq.
an Homines spectentur ex factis potius quàm ex
animo. 476. 477.
Homines hominum causa geniti. 169.
Hominum triplex ordo. 38.
Honestatis causa vir fortis agit quæ fortitudinis
sunt. 547. 549.
Honestum sitne inuoluntarium. 443. 451. 461.
Honesti quibusdam, aliis turpia. 21.
Honesti facere is, cui nullæ suppetunt faculta-
tes, non potest. 198.
Honor non est felicitas. 118. 119. 129. quomodo
est in honorante. 117. 129. 131. quid sit. 119.
150.

I N D E X.

130.col.1.nomen eius ambiguum, & notiones multiplices. 129. multis à multis imperitus. 130.col.1. ut discernatur à laude. 130.col.2. honoris genera vnde decim. 131.an sit actio transiens. 129.col.1. 131.col.1. quomodo dicatur virtutis primum. 129.col.1. 131.col.2. ut debeatur Deo & praestantissimis rebus. 129.col.2. 131.col.1. ab hominibus anteponitur rebus omnibus, vna beatitudine excepta. 131.col.1.
Honor quid sit, quoduplicia eius signa, plurimaeque alia de eodem pro & contra felicitatem argumenta. 210.211. 217.col.2. verum fortitudinis plus utilitatis afferat quam ira. 600.col.1. an cadat in felicitatem. 152.253.& seqq. multa de eo. 159.260.261.
Honore nihil leuius. 13.
Honores etiam nocent. 93.
Honorati in Republica qui dicantur. 130.
Horreorum, cellarumque magnificentia. 727.
Horribila quae sint. 425.col.2.
Hospitij commendatio & magnificentia. 730.
Humilitatis medium. 379.col.2. 382.col.2.

L

Lactura in tempestatibus sitne voluntaria, an iniuta. 442.446.
Idus fortuitus & consultus non cadunt sub rationis similitudinem. 929.
Idea: an sit summum bonum. 141. an eius auctor fuerit Plato. 142.144. cur appelletur vniuersale. 141. non est vna bonorum omnium idea. 144.145.157. bonum separatum quod est ipsa idea, non est per se bonum. 149.150.150.151. bonum separatum non est communis bonorum omnium idea. 153.154. ne si esset quidem, ad moralis doctrinae propositum pertinere. 155.156.
an Idea boni & pulcri sit in qualibet categoria. 58.col.1.
Ieiunia etiam apud Ethnicos usurpata. 659.
Ignavi qui proprie dicendi. 551.553.556.
Ignominia, vnde nascatur. 416.col.2.
Ignorantiae variae acceptiones: & de iis quae sunt per ignorantiam. 451.452.453.461.
Ignorantia alicuius rei duplici modo teneri possumus. 471.
an Ignorantia facere possit ut quidquid peccamus, iniuris nobis peccemus. 521.col.1. 521.col.2.
Illiberalitas, vitium est insanabile. 690.692.693. plura de eadem. ibid.& seqq. 702.703.
Immutabile esse non est hominis, sed Dei. 339.
Imperatores philosophi. 23.
Imperatoris artis encomia. 79.
Imperio parando & augendo annales veterum necessarij. 14.
In Impotentia facere possit ut peccare dicatur iniustus, qui se peccatis obstringit. 521.col.1.
Improbis omnis quo sensu dicatur ignorans, siue inscienter peccare. 455.456.
cur Improbus & vitiosus veri boni speciem sequatur. 507.col.1.
an Improvisum & insolitum malum sit magis terribile quam prouisum & solitum. 561.
per Imprudentiam factum, an idem quod per ignorantiam: & de nonnullis imprudentiae generibus. 453.454.
Inanima quomodo dicantur bonum appetere. 45.52.

de Incremento & imminutione rerum, notatu dignum. 335.col.1. 336.337.
Indigentia humana rerum commutandarum causa dici potest. 935.936.937.941.947.948.949.
Indignatio, inuidia & malevolentiae mediocritas. 390.391.392.
Infelicitissimus mortalium qui dicendus. 11.
Infinitum vinci ac superari non potest. 72.
Infinitus processus vnde videatur argui. 82.83.
an Infortunia reddant miserum eum, qui verè beatus sit. 136.137.219.243.
Ingenium fortissimum ac beatissimum sub qualibet cute latere posse. 207.col.1.
Ingratitudo Aristotelis erga Platonem. 144.147.
Inimicitiae causa conficiens. 424.425.
quorum Inimicitiae pertimescenda. 426.col.1.
Iniuria affici & iniustum pati sit ne idem. 978.980.987.
an Iniuriam aliquis sibi facere possit. 1003.1004.1008.& seqq.
Iniuriam qui faciliè possunt facere, valde timendi. 416.col.1. quinam ex iis qui iniuriam acceperunt, maximè timendi. 416.col.2.
Iniuste semper agit qui praeter personarum dignitatem distribuit: qui recipit non semper, sed interdum iniuste facit. 982.983.
Iniustitia viribus armata quàm timenda. 416.col.1.
Iniustitiae descriptio. 940.941.
Iniustitia peculiaris. 887.& seqq.
de Iniustitia aduersus seipsum. 1003.1004.& seqq.
Iniustum an idem quod inaequale. 903.
Iniustum & iniuria, siue iniuste factum; iustum & iustitia siue iuste factum quid differant. 965.966.
Iniustum esse non est facile. 985.987.
an Iniustum aut iniuriam patiatur aliquis volens. 978.987.988.
Iniustum facere & iniustum pati, malum: & quod deterius. 1006.
Iniustus aduersus semetipsum an quis esse possit. 1003.1004.& seqq.
Iniustusne dicendus quilibet qui facit iniuste. 954.955.957.
Infantia saepenumero animum voluptate perfundit. 425.col.1.
Infans & stupidus qui dicendus. 551.552.556.
Insensibilitas: an verum sit quod in nullo mortalium esse possit, vel certè non sit vitium: & plura alia de eadem. 657.658.659.660.
Institutio recta quàm utilis, & quid emendet. 316.317.& seqq. de eadem per aetatis partes distributa praeeptiones egregiae. 321.322.& seqq. artes & exercitationes eidem utiles. 324.325.
Institutionem vnius hominis non praetermisit Aristoteles in suis Ethicis. 40.
cur Instrumenta non ponantur necessariò in definitione. 187.col.2.
de Insulis quibusdam magnificis. 725.
Intellectus definitio. 277.col.1.
Intellectus speculatiuus & practicus cur sic appellatur. 43.
de Intellectus & aliarum facultatum animi superiorum in inferiores imperio. 281.col.2.
an Intelligentia subiectum sit verè virtutis. 176.col.2. 277.&c.
Intelligentiae & corpora caelestia quàm intentione dicantur esse propter inferiora. 185.col.2.

INDEX.

an Intemperans propter quæstum intemperatus dici debeat, an iniustus. [898.899.](#)
 Intemperantia nonnullorum. [630.](#)
 Intemperantia circa quæ versetur. [628.629.630.](#)
[632.](#) an sit vitium omnium maximè probrosum. [646.](#) [647.](#) vitium ei oppositum quod & quale sit. [653.657.](#) eius habitus in quonam appetitu sit. [287.col.2.](#) eiusdem cum timiditate collatio. [661.662.](#) vitium puerile dici potest: & an sit vitium timiditate deterius. [ibid.](#) & seqq.
 Intemperantiam non admittit felicitas. [17.](#)
 Intemperatus, qua ratione se habeat in delectationibus & cupiditatibus variis, [648.649.](#) quomodo in tristitia molestiaque versetur. [651.652.655.](#)
 Intemperatorum vita tristissima & acerbissima. [652.](#)
 Invidentiæ, siue invidiæ definitio: & qui hoc affectu moveantur. [433.434.](#)
 de Inuito, siue inuitè facto, *lege cap. i. lib.3.* [441.442.](#) & seqq.
 Inuitè facta an veniã digna. [977.978.](#)
 Inuoluntarium per vim quid, quale, quotuplex sit. [442.443.](#) & seqq. [463.464.](#)
 Inuoluntarium ex ignorantia. [451.452.453.463.](#) [470.471.](#)
 quod Inuoluntarium tristitiam & dolorem habeat. [472.col.2.](#)
 Locatio in quo sit posita. [836.](#)
 in locis & ludis sit ne mediocritas: qui sint iis extremi, qui mediæ habitus: quid propriè ad eosdem habitus singulos pertineat. [829.830.](#) &c. vique ad [840.](#)
 Iouis Elci solum quibus inscriptionibus ornatum. [25.](#)
 Ira, quid sit. [414.](#) unde dicta. [ibid.](#) an feratur in certam aliquam personã. [ibid.](#) & [415.](#) qui fiat ut ei voluptas adiuncta sit. [ibid.](#) commotio dicitur. [ibid.](#) quomodo habeat dolorem & voluptatem. [416.col.1.](#) quando augetur. [418.col.2.](#) qui differat ab odio & inimicitia. [424.425.col.2.](#) misericordiam tollit. [431.col.1.](#) per iram facta an sint inuoluntaria. [460.462.463.473.474.](#) melle dulcior. [474.col.2.](#) non est electio. [480.481.](#) pro fortitudine usurpata. [540.col.1.](#) quo pacto ex iniuria & vulneribus acceptis nascatur & cieatur. [568.569.col.1.](#) fortibus auxiliatur. [588.589.](#) an plus confert ad fortitudinem quàm honor. [600.col.1.](#) siue fortitudinis adiumentum atque præsidium. [612.613.](#)
 cum Ira pugnare, quanta sit difficultas. [350.col.1.](#) siue magis homini naturalis quàm cupiditas. [352.](#)
 Iræ extrema. [387.389.](#)
 an Iræ repugnare sit difficilius quàm voluptati. [350.351.](#)
 an Ira perturbatio quædam sit peculiaris. [729.](#)
 Irasci non semper est malum, sed interdum bonum est, atque probabile. [800.](#)
 Iratici facile qui dicantur. [417.418.](#) de variis hominum generibus quibus facile irascimur. [418.419.](#)
 Iratus dolorem facere contendit. [425.col.1.](#)
 Iratorum affectio propria. [417.col.2.](#)
 Ironia quomodo veritati aduersetur, & siue gra-

uior inconstantia. [827.828.](#)
 Isthmi descriptio. [725.](#)
 Iucundissimum quid. [194.](#) conuenit beatitudini. [ibid.](#) & [198.](#)
 Iucundum naturaliter ac per se, semper est iucundum. [102.col.2.](#)
 an Iucunda & honesta sint inuoluntaria. [443.451.463.](#)
 Iudex ne corruptus delinquat grauius an corruptor. [989.990.](#)
 Iudicis aut Magistratus nomine quid intelligendum veniat. [924.](#)
 Iudices sunt quiddam iustum, ipsum ius, lex, mediatores: & quid sit adire ad iudicem. [913.915.916.](#)
 Iudicium rationis quomodo dicatur infuscarì & perturbari ab affectibus. [335.col.1.](#)
 Iudicium amore & odio pervertitur. [213.col.2.](#)
 Iudicium ac ratio ab habitu magis quàm à perturbatione corrumpitur. [507.col.2.](#)
 Iurisprudentia, moralis ciuilique disciplinæ surculus & propago. [26.](#)
 Iurisprudentiæ & politiciæ coniunctio. [79.](#)
 Iuriconsulti an philosophis præferendi. [26.27.28.](#)
 Ius erit ex facto quid sit. [929.](#)
 Ius naturale quid postulet. [999.col.1.](#) possitne corrigi. [998.999.](#) animo intelligi & comprehendì potest dupliciter. [1000.col.1.](#)
 Iuris naturalis & legitimi acceptiones & differentie. [969.970.](#)
 Ius siue iustum politicum aut ciuile, quid sit, quibus conueniat, & quibus minimè. [955.956.](#) an differat ab herili, paterno & coniugali. [957.958.](#)
 Iustitia Principi colenda. [16.](#) an ei anteponenda sit amicitia. [160.](#) siue ponenda in voluntate. [288.col.1.](#) non potest esse in appetitu sentiente. [ibid.](#) bonum iustitiæ æquiuocè acceptum. [289.col.1.](#) illam medium non habere. [380.col.2.](#) qua ratione mediocritas, & cur enumeratis virtutibus, eam præterierit Aristoteles. [390.391.](#) an præclarissima sit & virtutum omnium perfectissima. [883.884.](#) qui differat ab aliis virtutibus. [858.](#) definitio eiusdem. [858.869.](#) siue definitio illa probabilis & idonea. [872.873.](#) diuisio illius. [861.862.](#) an versetur in actionibus tantum humanis, non autem in commotionibus animi. [869.](#)
 Iustitia peculiaris duplex. [887.895.](#) eius & legalis conuenientia & differentia. [889.890.](#) diuiditur in distribuentem & commutantem. [192.193.194.195.](#) recte an sit illa diuisio. [899.900.901.](#)
 Iustitia legalis, quænam & qualis sit virtus. [865.866.867.869.876.877.](#)
 Iustitiæ distribuentis iustum, siue ius, est medium & æquale. [901.903.](#) qualis sit proportio secundum quam eius medium meriti soliti sumus. [905.906.](#) an hæc iustitia distribuens ab Aristotele rectè fuerit exposita. [908.909.](#) &c.
 Iustitiæ commutantis proprium opus & officium quodnam sit: & à distribuyente quid differat. [912.913.914.](#) quodnam eius medium. [916.917.918.](#) siue medium eius idem quod distribuentis. [920.](#)

INDEX.

Iustitiz commutantis ius & mutua permissio, an idem. [230. 231.](#)
 Iustitia quale medium sit. [245.](#) descriptio eiusdē. [241.](#) an inter duas viciolitates extremas posita sit. [222. 231.](#) quid differat ab æquitate. [223. 224.](#) & seqq.
 Iustitia quidem & iniustitia metaphorica inter hominis partes est aliqua, sed nulla tamen cotius hominis erga seipsum esse potest iustitia vel iniustitia. [1007. 1008.](#)
 Iustitia atque iniustitia interdum est, cum tamen is qui agit iustus iniustusve appellari non possit. [274. 275.](#)
 Iustitiz genus duplex, intimum vnum, externum alterum; & quid utrumque. [1007.](#)
 Iusta agere & agere iuste quid differant. [313. 314.](#) & seqq.
 Iuste interdum aliquid, iniuste sic absque iustitia vel iniustitia. [272. 273.](#) quo tempore iuste factum, aut iniuste cum iustitia iniustitiave agentis coniunctum sit. [276. 277.](#)
 Iustum & talio sine idem. [242. 243.](#)
 Iustum nihil esse nisi opinione & iudicio, qui sentierint. [91.](#)
 Iustum non est mutua permissio, contra Pythagoreos. [929.](#)
 an Iustum onine sit damni & lucri medium. [231. 221.](#)
 an sit Iustum aliquod naturale. [262. 263. 267. 268.](#)
 Iustum politicum quas in partes distribuitur. [262. 263.](#) siue recte diuisum ab Arist. in naturale & in legitimum siue legale. [269. 270. 282.](#) ratione cum singularibus comparetur. [265. 266.](#)
 Iustum ac ius in quibus sit. [983. 986. 987.](#)
 Iustum hominem euadere quam medicum bonum, verum difficilius. [292.](#)
 Iuuenis non est disciplinz moralis auditor idoneus. [98.](#)

L.

Labor in diuitiis parandis quantus. [122.](#)
 an Labores & pericula sint materia fortitudinis. [340. col. 2.](#)
 Lac infantibus vt præbendum. [321. col. 2.](#)
 Lacedæmonum Duces philosophi & doctrina clarissimi. [14.](#)
 Lar pro suprema hominis parte. [106.](#)
 Laus à virtute. [161.](#) an pertineat ad felicitatem. [252. 253. ad 262. 263.](#)
 Laus & honoris discrimen. [130. col. 2.](#)
 de Laude & vituperatione in actionibus voluntariis & inuoluntariis. [443. 449. 450.](#)
 Legalium partitio. [891.](#)
 Legalium iustorum duo genera. [1001.](#)
 Legalis viciositatis duplex. [888.](#)
 Legalis & naturalis iuris distinctio. [270.](#)
 Legislatorum propositum. [102. 103. & 111. col. 1.](#)
 an Legitima siue legalia omnia iusta sint. [864. 865.](#) conscientia sunt totius virtutis. [891.](#)
 Legitimorum & iustorum vnumquodque sicut vniuersum ad singula se habet. [265. 266.](#)
 Lex bona à mala quomodo diiudicanda. [91.](#)
 an Lex omnis proba sit; & iusta & an principi siue iudici anteponenda sit. [214. 225.](#)

Lex amicitiz prima ex Tullio. [161. col. 1.](#)
 ex Lege non omnia iusta [962. 963. 996. 967. 908.](#) illam interdum corrigere, an necesse sit. [225. 227. 228.](#) &c.
 Leges humanæ quales esse debeant. [469. col. 2.](#) quid vocent inuoluntarium. [470. col. 1.](#)
 an Leges profint absque morum disciplina. [26.](#) Iuriconsultis à philosophis traditur. [27.](#)
 Legum præceptiones quomodo iustæ. [864. 865. 866.](#)
 Legum civilium de vitiis & virtutibus præceptum duplex. [710. col. 1.](#)
 Legibus principem alligari debere. [116.](#)
 Lenitatis excessus & defectus. [391.](#)
 Liberalitas & magnificentia, quæ virtutes, & quonam in appetitu ponendæ sint. [289. 290.](#) decet Principes. [26.](#) eius habitus facilius acquiritur à prodigo quam non prodigo. [367. col. 2.](#)
 Liberalitatis munus. [629.](#) illius extremorumque materia. [674. 675.](#) officium eiusdem in quo consistit. [674. 677. 678.](#) cautiones eiusdem ac circumstantiæ. [679. 680. 681. 684. 685.](#)
 Liberalitatem, vnde metiantur prudentes. [687. 699. col. 1.](#)
 Libertas an requiratur ad paratum virtutis & vitij declinationem. [322. col. 1.](#) an sit in appetitu sentiente. [18. col. 2.](#)
 Liberorum multitudo animum in auaritia contrahit. [12.](#)
 Liberum & voluntarium non idem. [465. col. 1.](#)
 Librorum circulatorum auctor. [119.](#)
 Libido, quæ conueniat iuxta. [414.](#)
 Lingua latina quando laborauit. [8.](#)
 Lucra, quales in Principe requirantur. [25.](#)
 Litigiosi quinam appellentur. [805. 806. 808. 810. col. 1.](#)
 Loci salubritas an querenda. [21.](#)
 Loci rationem habebant antiqui in ædificandis templis. [20. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.](#)
 Locorum mores qui dicantur. [31.](#)
 an Logica sola tibi modum sciendi vendicat. [255.](#)
 Ludi iocique differentia. [836.](#) multa de his, ibidi & seqq.
 an in Ludis & iocis virtuti & vitio sit locus: quid sint; & multa alia de illis. [819. 830. & seqq.](#)
 an Lucreti actio fuerit violenta, vel voluntaria. [464. col. 2. 466. col. 2.](#)
 Lucrum & damnum quæ nomina. [913. 915. 916. 919. 920. 921. 922.](#)
 Luscinia cantu delectatur. [632.](#)

M.

Macedonum Reges philosophi, in primis Philippus. [164.](#)
 quæ Magia detestanda. [76.](#)
 Magistratus iusti, & disputationes philosophicæ, quæ differant. [341.](#)
 an Magnanimus tendens ad summum, careat medio. [379. col. 1. 381. col. 1.](#) eiusdem extrema. [392.](#)
 Magnanimitatis extrema. [392.](#)
 Magnanimitatis & magnificentiæ discrimen. [738. col. 1. 740. col. 1.](#)
 Magnificenna quid sit. [736. col. 1.](#) quomodo

I N D E X.

consultat in medio. [737.col.2.](#)
Magnificentie & liberalitatis differentia, & de earum mediocritatibus. [386.387.388.](#)
Magnificus scienti sapientique similis. [715.716.](#)
714. characteres eiusdem ac notæ. [ibid.](#)
Magnificus nemo, qui liberalis non sit. [716.718.714.](#)
Magnificus circa quos sumptus versari debeat. [719. & seqq. 731.](#) qualis debeat esse domus eius. [730.](#)
Magnitudo & proceritas, ut sunt bonum corporis, quomodo definiantur. [205.col.2.](#)
Mageon quænam beatitudo dicatur. [107.108.](#)
Malum: ut dicatur expeti. [31.col.1.](#) an possit expetere bonum. [31.col.1.](#)
an Malum summum sit tristitia. [127.](#)
an Malum morale timorem augere possit. [562.col.2.564.col.1.](#)
Malum duplex, animi scilicet & corporis: & quid utrumque. [527.](#)
Malum remedio carens duplex. [563.col.2.](#) duplex item impendens. [ibid.](#)
Mali molesti & iucundi boni notio duplex. [364.col.1.](#)
de Malo naturæ: an inter omnia mala timeri possit. [562.563.](#)
an Mala repentina timeantur magis quam prouisa. [561.61.](#) an ea quæ remedio carent sint magis terribilia quam alia. [562.](#)
Malorum series & ordo. [551.](#)
Martyrum cruciatus & perpeffiones quomodo violenti & voluntarij rationem habeant. [464.col.2.467.col.1.](#) de illorum fortitudine & bello. [542.col.2.546.col.1.](#)
Materiæ & subiecti differentia. [36.](#)
ut in Matrimonio quæ turpia non sunt, nec in foro, vel in via flagitiosa esse diceret Cynici. [19.](#)
de Matrimonio vi ac metu contracto. [469.col.1.470.col.2.](#)
Maurulij qui sint. [64.col.2.](#)
Medici apud Egyptios ante quadrimum nihil mouebant: & quid sit mouere. [925.col.1.](#)
Medicinarum distributio apud Græcos. [265.](#)
Mediocritate gigni virtutem, exuperantia & defectu corrumpi. [329.330.335.339.](#)
Mediocritas singularum virtutum. [lege cap. 7. 3381.384. & seqq. 392.](#)
Mediocris inueniendæ præcepta. [401.403. & seqq. 409.410. & seqq.](#)
Mediocris sine medium spectatur penes proportionem & convenientiam affectionis operationisque cum recta ratione. [635.col.2.](#)
Medium rei quid appellet Aristoteles. [369.](#)
Medium attingere difficile, ab eo discedere facile. [375.378.379.](#)
Modij partitio multiplex ex Eustratio. [380.col.2.](#)
in Medio virtutem non consistere, argumenta decem. [179.](#) solvantur. [381.](#)
Medium rei & rationis. [380.col.2.381.col.1.](#)
arithmeticum & geometricum. [ibidem.](#)
Medium extremus & extrema inter se contraria sunt. [324.325.322.](#) extremis interiectum est. [372.373.](#) an admittatur ab omni siue actione, siue affectione. [377.378. duplex.](#) [37.](#)
Medij rei & medij rationis quid sint. [536.col.1.](#)
Mendacium possitne reddi laudabile à probabili & bono fine. [828.col.2.](#)

Mendacio citò dissonat veritas. [188.390.](#)
Menedemi intemperie quantæ. [18.](#)
Mens sana, non valetudo, optanda. [206.col.1.](#)
de Mente quid senserit Plato. [140.](#)
Mentes cælestes sine operatione aliqua non felices. [139.col.1.](#)
Mensa: Sapientis super eam dictū percelebre. [25.](#)
an Metaphysica sit simpliciter & absolute præstantior omnibus aliis disciplinis. [86.col.2. & 88.col.2.](#)
Meticulosi qui propriè dicendi. [311.](#)
Metus quid sit, & quæ de eo disputet Aristoteles. [425.426.](#)
Metus ex sapientium partitione duplex. [469.col.1.](#) eius effecta duplici genere continentur. [536.col.2.](#)
an ex Metu facta, semper culpanda videantur. [467.468.](#)
Methodus pro scientia & doctrina contemplante. [44.](#)
Methodus ad peruestigandam in qualibet doctrina veritatem duplex. [110.](#)
Midas quàm stolidus, & cur ei datæ auriculæ asini. [123.](#)
Militaris scientiæ quanta dignatio. [79.](#) quàm utilis sit. [585.586.587.](#)
Milo Crotoniates viribus confusus petiit. [11.](#)
Miloni athlete illustri quàm noxia fortitudo. [92.93.](#)
Minos scientia & nonnulla præclarissimè gesta. [21.24.](#)
Miser nunquam qui verè felix. [217.](#)
Miseria dupliciter opponitur felicitati. [112.](#)
Miserationis siue misericordiæ descriptio & causæ. [430.431.](#)
de Misericordia dignis. [452.456.](#)
Mites & sedati num timendi? [561.562.](#)
Modus sciendi quomodo conveniat Logicæ & alijs scientiis. [95.](#)
Modus viuendi secundum rectam rationem triplex. [38.](#)
Modum tenere in secundis siue difficilius quàm in aduersis. [620.621.](#)
Mollis & enervus quinquā appellandus. [553.554.556.](#)
an Molles & timidi censeantur, qui sibi mortem consciscunt. [571.572.573.](#)
an Monastica sit pars ethicæ. [38.39.](#)
Monasticæ ac vitæ solitariæ præcepta nō propriè proponuntur in libris ethicis. [40.](#) duplex eiusdem notio. [41.](#)
Morbus iracundum hominem reddit. [417.col.2.](#)
Mos propriè de quibus dicatur. [10.11.](#)
Moris etymologiæ ac notiones quot & quæ. [31.32.](#)
Morum varietas apud diuersos populos, & vnde nata. [91.](#)
Morum probitas & improbitas vnde spectetur. [476.](#)
Morum doctrinam omnino per se tenere principem oportet. [26.](#)
Moralis doctrinæ finis duplex. [17.](#) medicina quædam est. [17.](#)
an Moralis doctrinæ sit agere de virtute. [264.](#)
Moralis philosophiæ quibus vultus & necessaria. [100.101. & seqq.](#)
Moralis philosophia Princeps perficitur. [21.22. & c.](#)
de Moralium procreatione. [101. & seqq.](#)

I N D E X.

hi Moraliū libri cuius verē sint. 31.
 Moralibus percipiendis quis idoneus. 111. 112. 114.
 Moralis philosophus qui cōsēdus. 98.
 Morosi qui vocentur. 805. 806. 808. 810.
 Mors quo sensu dicatur rerum omnium terribilissima. 118.
 Mors maxime terribilissimū est: & an circa eam versetur fortitudo. 330. 331. &c. an sit priuatio omnis boni & praefenda quibuscumque turpibus & flagitiosis. 467. 468. an sit malum inter mala remedio carentia formidolosius, & sine ullo omnino remedio. 562. 563.
 Mortis pulcræ exempla nonnulla. 531. 532.
 Mortis genera, quæ vir fortis perhorrescit. 531.
 de Mortem sibi cōfiscantibus. 555.
 an Mortem in periculis excipere sit semper viro forti necesse, nec liceat vnquam fugere. 600. 601.
 de Morte voluntaria, quid sentiant tum morales philosophi, hi, tum Theologi. *lego quæst. 8. 9. & 10. pag 571. 572. 575. 579.*
 Mortuorum status iuxta philosophos antiquos. 241. 242. 252. 255.
 an ad Mortuos posterorum vel amicorum fortunæ pertineant. 247. & seqq. ad 254.
 Motus & actio eadem. 47. 48.
 Motus temperatus & ætati idoneus tres præstat pueris virtutes. 321. col. 1.
 an Motus manus, vel brachij, & lapidis sursum sunt voluntarij. 464. col. 1. 466. col. 1.
 Moysis imperator philosophus. 23.
 Multitudinis deceptio ob voluptatem innascitur. 504. 505.
 Mundus quæratione vnus. 132. col. 1.
 de Muneribus priuatis & remunerationibus. 730.
 Muscam in Republica improbat Plato 76. de formis illius. 314. 325. 426.
 Musicæ vis in animantes rationis expertes. 630.
 Mutuum in quibus rebus sit: & quando fœnus & vsura dicatur. 706. col. 2. 707. col. 1.
 Myconis insule ad auariciam relatio. 694.

N.

N Arcissus amore formæ contabuit. 11.
 Natura triplex. 658. col. 2.
 Natura, æqua parens omnibus, nulli nouerica. 212. col. 2. non deest in necessariis. 309. col. 1.
 an Natura sit finis. 59. col. 1.
 Natura hominis est ipsa per se capax felicitatis & sapientie. 20.
 Natura hominis quomodo anceps. 63. col. 1. perficitur in solitudine. ibid.
 Naturæ nomen ambiguum. 636. col. 2.
 an Naturæ sit aliquod ius. 967. 968.
 Naturæ bona quæ dicantur. 191. Eiusdem fortunæque bona cur. non exprimantur in definitione felicitatis. 187. col. 2. 188. col. 1.
 Natura idonea virtuti parandæ, vitiisque declinando necessaria. 522. col. 1. 523.
 vt Natura se habuerit in inductione delectationum. 635. col. 1. 637.
 Naturale quid dicatur: & quomodo conueniat ciuitati. 59. col. 1.
 Naturale & non naturale quid sit. 307. col. 2. 309. col. 1.

an Naturalia aliter assuescere possint. 61. col. 2.
 an opponantur voluntarius. 62. col. 1. an sint incurabilia. 562. 563.
 Naturalium rerum cognitio quā necessaria Principi. 25.
 Necessarium rerum genus, quod. 22.
 Necessitas vitæ, mediocritas est & lex temperantie. 656.
 Neglectus genera quatuor. 414. col. 1. 416.
 an Negligentia possit esse causa cur peccemus inuiti. 522. col. 2. 524. col. 1.
 Nilum, qualis animi motus. 391. quid sit, vnde dicta, & quomodo misericordie opponatur. 432. 433.
 Nomen aliquod commune contrahitur aliquando ad exprimendum nominatum aliquod præcipuum. 636. col. 1.
 Nomine multa carere, & nominis vnius plures notiones. 189.
 Nero ad alienam facundiam per fugium habuit. 24.
 Nicomachi quinque. 30. cuius Moralium libri adiudicantur. 33.
 Nobilitas an pars beatitudinis putanda. 11. quomodo necessaria. 15.
 Nobilitas, quod bonum; quid, quod duplex, an necessaria ad constitutionem beatitudinis politæ: & plura alia de eadem loca. 202. col. 2. 212. col. 2. 216. col. 2.
 à Notionibus exordium in singulis doctrinis. 110.
 Notiora duplicia sunt. ibidem.
 Nummularia quænam ars, an differat à pecuniaria & cui subseruiat. 70. col. 1. & 2.
 an Nummi sint veræ diuitiæ. 70. col. 1.
 Nummus cuius rei gratia inuentus: & de eius pretio. 707. col. 2. 934. 940. 941. eius necessitas. 911.
 Nuptiarum aliquot magnificentia. 729.

O.

O Beliscus: quid de illo narretur à Plinio. 714.
 Odium, quid sit, & quid differat ab ira. 424. 415.
 Odorum duo genera: & quanta sit eorum commendatio. 630.
 Oeconomica scientia, quæ. 18. eius dignitas, præstantia, vtilitas. 80. quibus de rebus agat. 86. 87. 88.
 Oeconomice finis, & multa alia ad eam pertinentia. *lego quæst. 8.* 69. 70. 71.
 Officia honore digna. 130.
 Olfactus voluptas quibus ex rebus nascatur: & an in his versetur temperantia. 628. 629. 634. 640. 641. &c.
 Omissio culpanda tres habet condiciones. 465. col. 2.
 an Operatio sit finis vltimus. 84. col. 1. an sit eadem in toto, quæ in partibus. 174.
 Operationis secundum virtutem qualitates. 198.
 Opes virtuti non obstant. 16.
 Opes naturales quæ dicantur Aristoteli. 122. 123.
 Opinio sitne electio. 482. 483. 484.
 Optare Latinis ita pe est eligere. 49.
 an Opus sit perfectius actione. 47. siue finis præstantior operatione. 42. 49.

I N D E X.

Opus hominis proprium. 174. 175.
Opus iustum iniustumve. *vide* Iustum.
Opera iusta siue temperata duplici modo dicuntur casis. 111. col. 1. temperata & iusta quatenus sic dicantur. 356.
an Opera omnia tum artis, tum virtutis, ab arte, & à virtute proficiantur. 354. 358.
Optimus qui dicatur Hesiodo. 111. & 112.
Oraculi responsio de profligatione hostium. 139. col. 1.

P.

P *Archieus*, quid dictus. 323. col. 1.
Pars à toto quomodo differat. 71. col. 2.
Partis modus & ratio duplex. 71. col. 1.
Partes quo pacto pulcræ. 58. col. 2.
an Pauper possit esse magnificus. 719. 735. 736. col. 1. 737. col. 2.
an Pauperes sint de numero Civium. *lege quest. 7.* pag. 64. 66.
Patris: pro eius liberatione decreti honores & status. 110. col. 1.
Pax, quo sensu & bona & non bona. 542. col. 1. 546. col. 1.
an Peccare quis possit iniustus & non sponte. *lege quest. 1.* 521. 522. 523.
an Peccata per iram & cupiditatem sint iniunctantia. 460. 461. 463.
Pecuniarum acceptiones. 674. 675. 676. an sit mercantia liberalitatis. ibid. & 695. & 700. cur inuenta. 707. col. 2.
Pecuniarum opumque prolektorum quam infirmam haberent virtutem. 16. 18.
Pecuniarum nummorumque vis. 140. col. 1.
Pecuniaria quænam ars. 70. col. 2.
Pecuniaria vita laboriosa est & violenta. 121. non est naturalis. 122.
Perfectum, perfectius, perfectissimum. 165. 166. 167. 184. col. 2. 185. col. 1. & 186. col. 1.
Periculis responsum rogati ab amico de falso deciderando. 158. col. 2.
an in Periculis eligere mortem debeat vir fortis potius quam salutem. 600. 601. 602. 603.
Peripateticorum felicitas mollis, clumbris, & ceteris sita Stoicos. 215. col. 1.
Perperissio mutua quid sit: an idem quod ius commutantis iustitiae. 928. 929. & seqq.
Perpetuitas & diuturnitas in beatitudine perfecta esse debet. 177.
Pertinacia qui differat à constantia. 469. col. 1.
Perturbationes quæ & quot sunt. 359. 363. 364. 365.
Perturbationum singularum definitiones. 414. 415. & seqq.
Perturbationum nomine quid intelligendum. 359. non sunt neque virtutes, nec vitia. 361. earum definitio. 363. numerus. 364. 365. earundem origo & numerus. 357. col. 2.
Philippi Macedonis quanta scientia. 24.
Philosophantes non vita & factis, sed verbis tantum & oratione graviter reprehensibiles Aristotele. 357.
Philosophia Christiana qualis. 20.
Philosophia practica nomine Moralis interdum venit. 32.
Philosopho à se dissentienti nihil turpius. 16.
Philosophum multa etiam primi nominis, insignitè

deformes: paucissimi formosi. 11. 12. 106. col. 2. 209. col. 1.
Philosophi non pauci in consilium adhibiti ab Imperatoribus. 23.
Philosophi reges, aut reges philosophi: dictum Platonis an verum. 21.
Philosophi Imperatores. 23. 24.
Philosophi legum conditores. 27.
Philosophorum duo genera fecerunt ut doctrina tam male audierit, & à rerum publicarum administratione depulsa sit. 28.
Philosophorum multorum opinio de felicitate. 14. 18.
Philotimix extrema. 391.
Physica non à Principe ableganda. 25.
Pictura antiliberalis, & an pueris necessaria. 318.
I. Pictus qualis philosophus, & quanta corporis habitudine. 17.
Placibilitatis natura ac vis, causæ & effecta, quomodo cognoscantur. 420. 421.
Plato duorum arguitur. 21. carpitur ab Aristotele. 181. unde dictus. 206. col. 2. Eiusdem habitudo quoad corpus, & cur dictus antea Aristoteles. 12.
Platoniceorum opiniones de beatitudine. 109.
Ploratus pueris non inhibendus. 322. col. 2.
Politica propriè quæ dicatur. 75. duplex constituitur. ibidem. eiusdem officium. ibid. & 76. 77. 78. duobus modis imperat reliquis artibus. 79. de summo bono supremoque fine perfectius agit quam Ethica. 82.
cur Politicæ tribuatur ab Aristotele summi boni tractatio. 86. 87. ratio, eam non esse principem omnium. 88. an sit communis aut generalis aliqua scientia. 86. col. 1. & 89. col. 1. eiusdem effecta, causæ, principia. 111. cur agat de voluntario & inuito. 443. 444.
Politica felicitas in quo consistat. 15.
Politicæ leges an singulos nominatim homines spectent. 41.
Politicone sit considerandum de anima. 165. 266.
C. Pontij Imperatoris votum. 159. col. 1.
Pontium nonnullorum magnificentia. 727.
Populus quos amet, quibus se subiciat. 16.
ut Populum iudicem operum suorum adhibuerit Apelles. 22.
an Post rerum felicitas, aut infortunium tangat mortuos. 248. 253. 254.
Potentia prior quàm actio. 301.
Potentia cur in Principe requiratur. 26.
Præcepta quinque in qualibet disciplina servanda. 184.
Præcepta generalia tantum sequi in artibus, stultum est. 925. col. 1.
an Præfatio sit de officio scriptoris, & in quo consistat. 30.
Præstantiora sunt magis expetenda & eligenda. 49.
Præmium rerum unde spectandum. 949.
Primi calamitates patiens, an dici possit beatus. 218. 236. 218. 239. 243.
Princepsne bonus, siue iudex in imperio antepotendus sit legi, & contra. 914. 925.
Principij momentum quantum. 188. 189.
Principium finale politice. 112.
Principia universorum. 151.
Principia quæ ratione percipiuntur. 178.

I N D E X.

Probrum propriè quid sit. [647.col.1.](#)
 Probus qui censetur. [111.112.](#) quibus actionibus delectetur. [194.](#)
 Probùne ex improbo fieri possit. [124.125.](#)
 Probum esse, quàm arduum. [401.403.](#)
 Prodigenta & liberalitatis similitudo non parua. [167.col.2.](#)
 Prodigenta quale vitium. [674.676.696.10](#) quo exuperet & deficiat: & multa alia de eâ. [687.688.](#) & seqq. [696.704.& 705.](#)
 Prodigio tanquam stulto & furioso curator discernendus: & multæ alia in eundem leges. [691.692.704.](#) col.2.
 Prolegomenon quid sit. [30.](#)
 Proles bona: de eâ non pauca. [109.col.1.113.col.1.117.col.1.](#)
 Proportio iustitiæ distribuentis sine geometrica. [905.906.907.908.](#)
 Prosecutio in appetitu vehementior quàm in fugâ. [101.](#)
 Prosperitas vitæ beatitudinem offuscat. [11.](#) non diuturna. ibid. quid dicatur. [111.col.1.](#) an felicitati sit necessaria. [116.col.1.118.col.1.](#) multa de eâ, *lege quæst. 1.* [630.631.](#)
 Prouerbiū, *vsque ad deos, vel vsque ad arces*, vnde natum. [158.col.2.](#) aliud, *vna hirundo non facit ver, nec dies unus*, ex quo similitudo quoad felicitatem. [177.](#) aliud: *De toga ad pallium*. [14.](#) aliud, *Somnia beatus*. [415.col.1.](#)
 an Prudens dum peccat rectam habeat prudentiam. [181.](#) *versf.* Quartum, & Quarto.
 Prudentia qualis habitus. [177.col.1.](#)
 Prudentia politica in quo posita. [15.](#)
 Prudentia nunquam est virtus secundum quid. [179.col.1.](#) an sine illa possit esse virtus moralis. [180.181.](#) de eius syllogismis & aliis aliarum disciplinarum. [182.col.2.](#)
 vt Pudicitiam adolescens formosissimus à mulierum procacitate sartam testamque præstiterit. [16.](#)
 de Pudore ac verecundiâ satis multa. [412.419.](#)
 Puérine beati dici possint. [223.224.](#) eorum errata intemperantiam sapiunt. [663.664.](#) cur *αὐτὰρ αἰσὶ* dicti. ibidem.
 Pueros voluntariè operari non liberè. [460.463.](#) [465.col.1.](#) de illorum educatione. [116.117.& seqq. 121.122.](#)
 an Pugna cum clamore sit incunda. [154.155.](#)
 Pulcritudo non rarò noxia. [91.91.](#)
 Pulcritudo in animo, quæ. [17.col.1.](#)
 Pulcritudo diuersarum ætatum vt se habeat in singulis. [104.& 105.col.1.](#)
 Pulcritudo plurimis obfuit. [11.& 106.col.1.](#)
 Pulcritudo, summi boni character & nota. [16.col.2.](#) quid sit propriè. [17.col.1.](#) & [158.col.1.](#) & 1.
 Pulcrum vnde dictum. [16.col.1.](#) quid de eo sentiat Aristoteles. [57.col.1.](#)
 Pulcrum, difficile. [404.](#)
 Pulcrum, vnum, bonum an idem. [16.col.2.](#)
 Pulcrum primum Deus. ibid.
 Pulcherrimum quid. [194.](#) conuenit felicitati. ibid. & [108.](#)
 Purgatio in musica quid sit. [126.col.1.](#)
 Purgatorium etiam ab antiquis philosophis admissum. [153.](#)
 Purificationes seu purgatorie virtutes, quæ di-

cantur. [63.col.1.](#)
 Pythagoræ & Zenonis pulcritudine suæ pulcritudini patrocibatur Apuleius. [12.](#)
 Pythagoreorum *συμμετρία*. [175.](#) eorum error, iuxta emendationis non arithmetica proportionem, sed rationis æqualitate definitum. [218.219.&c.](#)

Q

Questoris officium, sublata Romanorum Republicâ. [15.](#)
 Quæstus, quando licitus, quando iniustus. [709.](#)
 Quæstiosa vita quæ. [131.](#)
 an Qualitatis sit qualitas. [176.col.1.](#)
 an Quies nomine lecti significari possit. [649.650.](#)

R

Ratum, honorabile, sine pretio dignum & carum. [104.](#)
 Ratio: quid sit secundum eam agere. [175.176.](#) est optimum in homine. [128.](#)
 Ratione carentia, an & quomodo bonum appetere dicantur. [45.](#)
 an Rationi rectæ plus officiat sentientis animi perturbatio, quàm habitus prauus. [107.](#)
 de Rationis intelligentiæque virtutibus. [197.198.](#) & seqq.
 Rationem aboleri, ligari & impediri quominus intelligat quid agendum sit, quo sensu dixerit Aristoteles. [521.col.2.](#) [123.](#)
 Rationes secundum materiam postulandæ. [129.](#)
 Rectoribus populorum quid in summa propositum. [444.](#)
 Rerum genus duplex. [99.](#)
 Rerum ordines & familiar. [151.](#)
 Rerum sibi inuicem respondentium bipartita series. [125.](#)
 Rerum, quæ à nobis possidentur, duo genera. [706.col.1.](#)
 Resolutione quando vtendum. [179.180.](#)
 Reipublicæ seminarium. [19.col.1.](#)
 Rempublicam administrari præstetne imperio viri optimi, an potius æquo iure & optimis legibus. [924.925.](#)
 Rex multis facultatibus & doctrinis minime cum incommodo carere potest. [35.](#)
 in Regis delectu triplex excellentia esse debet. [16.](#)
 Regem bonum perfici morali ciuilique philosophia. [21.22.&c.](#)
 Reges quales esse debeant. [116.](#) an philosophari debeant, ex dicto Platonis. [11.](#) cur ab Homero Iouis filij dicantur. [417.col.1.](#) de eorundem ira. ibidem.
 Rhetorica quales habeat reprehensores. [1.](#) eam à Repub. ablegandam censuere nonnulli. [77.](#)
 Robur corporis & firmitas plurimis exuosa. [11.](#)
 Romanorum Imperatores sapientia clarissimi. [14.](#)
 Rusticorum vitæ laudes nonnullæ. [413.col.1.](#)

S

Salomon apprimè dialecticus. [24.15.](#)
 an vnâ tantum habuerit scientiam. [16.](#)
 eiusdem duo loca, *Nescit homo finem suum, &c.*
Nemo sit vitium amore an odio dignus sit, quomodo intelligenda. [121.col.1.](#) [121.col.1.](#) [123.col.1.](#)

INDEX.

Sanctitatis etymologia. [159.col.2.](#)
 Sanniones. *vide* Scurra.
 an Sapiens misericordia capi possit. [431.col.1.](#)
 an aliquid timere possit. [427.col.1.](#)
 Sapientum testimonia quanti momenti ad constitutionem rerum. [189.](#)
 Sapientissimus mortalium quoniam habendus. [13.](#)
 Sapientia qualis habitus. [277.col.1.](#)
 Sapientie domus publica à Salomone ædificata. [25.](#)
 Sardanapalus quàm voluptarius. [115.](#) eiusdem epitaphium. [116.](#)
 Scientia ex Aristotele quid sit. [34.](#)
 Scientia civilis quàm necessaria Principi. [26.](#)
 Scientia practica subiectum propriè habere non videtur. [36.](#)
 an Scientia producat vno actu. [316.col.2.](#)
 Scientie ratio ac modus duplex. [234.](#) an sit virtute certior & stabilior. *ibid.* & [244.245.246.](#) eiusdem habitus definitio. [277.col.1.](#)
 Scientie actus & contemplantes cuius facultati subiciantur. [25.26.](#)
 Scientiarum certitudo unde petatur. [99.100.](#)
 Scientiarum duo genera apud Græcos: & de illis quæ cadere possunt in consultationem. [490.](#)
 Scire quid sit. [34.](#)
 Scurra eutrapeli: & scurrilis dicacitas eutrapelia nominatur [831.](#) eorum proprietates. [835.](#)
 ut Seneca propter opes malè audierit & se defenderit. [16.](#)
 Senectus commoda an beata. [12.](#)
 Senectutis commoda & incommoda. [205.col.2.](#)
[207.col.1.](#)
 an Senum propria sit verecundia. [848.849.](#) de eorum misericordia. [431.col.1.](#)
 Senum series & ordo triplex. [849.](#)
 an Sensus vacuitas aduerietur temperantie. [657.658.](#)
 de Sensuum voluptate egregius Auli Gellij locus. [633.](#)
 Sermo cur proprius hominis. [60.col.1.](#)
 Sermonis aliarumque rerum communicatio quàm necessaria. [810.col.1.](#)
 Sermonum actuumque externorum triplex ordo. *ibid.*
 Serpentera quæ Varroni dicantur. [321.col.2.](#)
 Servi nomen quid significet, iuxta Philosophum. [59.col.1. & 2.](#)
 Seruiles sunt voluptarij. [115.](#)
 Sesostris educatio, scientia, & militia. [23.](#)
 Simonidis responsum de diuite & sapiente. [319.col.1.](#)
 Sinarum regnum mœnibus conclusum. [61.col.1.](#)
 Silentium: quibus probatum, quibus improbatum in prælio. [554.555.](#)
 Simplex an pulcrum. [58.col.1. & 2.](#)
 Societas communis tribus ex causis potest esse odiosa. [41.42.](#)
 Societatis nomen ut conueniat homini. [58.col.2.](#)
[59.60.&c.](#)
 Socrates Deorum multitudinem detestabatur. [3.](#) vocatus à Roterodamo sanctus. *ibid.* compositio illius exterior. [12.](#)
 Solitarius an beatus ex Aristotele. [61.](#)
 an Solitarij dicendi sint Ciues. [64.65.](#)
 Solitarij humana cõditione superiores. [60.col.1.](#)
 Solitudo improbat. [39.](#) cur à quibusdam ame-

tur. [62.col.2.](#) an aduerfetur humanæ naturæ. *ibid.* & [63.64.](#)
 Solitudinem colentes, dii, non è numero ciuium ex Aristotele. [20.](#)
 Solonis præclarè dicta. [228.229.](#)
 an Spes sit species veræ fortitudinis. [593.594.596.](#)
 Spensippi habitudo qualis. [11.](#)
 Spuria quantum pudicitie studiosus. [16.](#)
 Stabilitas quibus rebus potissimum inest. [231.232.244.245.](#)
 de Stadio apud Græcos. [110.](#)
 Statuarum pro beneficiis excitatio & positio. [130.col.1.](#)
 Stoicorum opinio de beatitudine. [18.](#)
 Stupiditas sine contrarium temperantie vitium. [657.658.](#)
 Subalternatæ à subalternante an distinguantur. [71.col.1.](#)
 Subiectum & materia alicuius scientie an idè. [36.](#)
 Subiectum rerum, quas cognitione theoricâ contemplamur, duplex. [246.col.1.](#)
 Subtilitas in quantum querenda. [178.181.](#)
 Sufficiens rerum ubi reperitur. [59.col.1.](#)
 Sufficiens, ut est tertia beatitudinis dos & qualitas. [168.169.](#) & seqq.
 Sumptus magni qui dicantur. [713.](#) de publicis & honorabilibus. [719.720.](#) privati qui sint; & de eorum magnificentia. [719.730.731.](#) Decorum in his seruandum. [731.732.](#)
 Sumptuum amplorum genus triplex. [736.col.2.](#)
 Sustinere ac pati præstantius est quàm aggredi atque inuadere periculum. [618.](#)
 Suisior quid sit. [110.](#)

T.

Tactus duplici potest intelligi ratione & modo: & multa de voluptatibus eiusdem. [644.645.646.](#)
 Tactus voluptas vera & propria temperantie & intemperantie materia. [632.640.641.644.645.](#)
 Talio quid sit: & de eo non pauca. [34.928.929.](#) & seqq. [942.943.](#)
 Tantalus is est qui felicitatem suam concoquere nescit. [17.](#)
 Temeritas in Milone Crotoniate incredibilis. [22.23.](#)
 Temperans & intemperans quarum rerum ratione quis dicendus. [618.619.](#) & seqq.
 Temperantia & fortitudo quoniam in appetitu sint. [284.287.](#)
 Temperantie partes subiunguntur. [193.](#) cum malo terribili non pugnat, sed cum tristitia. [545.col.1.](#) de eius medio. [385.](#) cur magis in voluptatibus quàm in doloribus & tristitiis moderanda sit posita. [386.](#) qua in parte sit animi. [616.614.](#) cur de ea post fortitudinem agit Aristot. [627.](#) quid sit & in quibus posita. [627.628.634.](#) sensus in quo versatur, omnium maximè communis. [633.](#)
 an Temperantia virtus sit & virtus peculiaris. [635.636.637.](#) an ceteris virtutibus antecellat. [638.639.](#) an verietur solum in delectationibus gustus & tactus. [639.640.](#) in gustu an in tactu versetur magis propriè. [644.645.](#)
 Temperantie atque intemperantie varij actus

INDEX.

pro cupiditatum varietate. [648. 649.](#) & seqq.
quomodo versetur in dolore atque tristitia.
[651. 652. 655.](#)
Temperantiae mediocritas & lex unde sumenda.
[655. 656.](#) quodnam sit vitium temperantiae
contrarium. [657.](#)
de Temperantia in affluentia. [1617.](#)
an Temperati sint qui temperata faciunt. [353.](#)
[354.](#) & seqq.
Temperati hominis officium inter cupiditates &
delectationes atque tristitias quodnam sit.
[654. 655.](#)
Tempus longum quod dicatur. [187. col. 1.](#)
de Tempore parandam virtutem. [398. 399. 400.](#)
Terribilium rerum partitio. [147. 361. 362.](#)
Theodosij Imperatoris cum Salomone compa-
ratio. [25.](#)
Timiditatis & intemperantiae comparatio: & non
pauca alia de iisdem. [661. 662.](#) & seqq.
Timidus & meticulosus in altero versatur extre-
mo vicio. [167. col. 2. quæst. 1.](#) eius materia. [ibid.](#)
Timidi qui dicantur. [551. 553. 556.](#)
Timon Atheniensis eum *ωιδύμων* appellatus. [41.](#)
Timonis non ira, sed odium. [415. col. 1.](#)
Timor quid sit: quæ timeant homines: qui sint
homines qui timeantur: quomodo sint affecti
qui timeant. [425. 426. alia](#) eiusdem definitio,
& quibus concitetur ex malis. [125.](#) in quo ti-
more versetur fortitudo. [126. 127.](#) & c. [138.](#)
[139.](#) quomodo versetur in malo. [561. col. 2.](#)
mali expectationem adiunctam semper habet.
[427. col. 1.](#)
Timor siue ignavia quo pacto fortitudini aduer-
setur. [551. 553.](#)
in Timore potius quam in audacia versatur for-
titudo. [614. 617. 618.](#)
Timoris variae definitiones, causæ, effectus, parti-
tio. *lege quæst. 1. pag. 556. 557.* & seqq. quæ
magis timenda. [561.](#)
quænam Timoris & audaciæ dicantur extrema.
[168. 167. 168.](#)
Tremor unde nascatur: & quomodo pereccat
audaces. [168.](#)
Tristitia quod malum. [127.](#) duplex est. [ibidem.](#)
alio modo vincenda temperantiae atque forti-
tudini obicitur. [545. col. 1.](#)
an Tristitia & dolor differant, & ut se habeant
cum delectatione. [201.](#)
an Tristitia omnem omnino delectationem ex-
pellat. [622. col. 2.](#) ut conveniat viro forti. [ibid.](#)
& seqq.
in Tristitia & molestia non eo modo temperatus
& intemperatus versantur quo [fortis. 651. 652.](#)
[655.](#)
de Tristitia & voluptate ut sunt causæ actionum
nostrarum & eadem actiones consequuntur.
lege cap. 1. lib. 3. pag. 140. 341. & seqq.
Turpia nec eliguntur, nec perferuntur à forti. [553.](#)
Turpiter quorundam insignis, qui tamen feli-
ces habitu sunt. [206. col. 1. 309. col. 1.](#)
an Turpiter quædam eligenda sit potius quam
mors. [467. 468.](#)
Typo comprehendere quid sit apud Aristote-
lem. [73.](#)

V.

Valerudo corporis quomodo accipiēda. [104.](#)
virtuti perfectæ non obest. [16.](#) beatum

non efficit. [11.](#) est magnum ad peccandi inci-
tamentum est. [206. col. 1.](#)
Valerudo corporis & sanitas, cur non felicitas?
[128.](#)
Veneris voluptas cubilis nomine significata. [649.](#)
quid de ea sentiat Aristoteles. [ibidem.](#)
Veneris voluptates belluinarum & ferinarum. [634.](#) quo-
modo percipiuntur. [ibid.](#) de iisdem plura. [644.](#)
[644.](#)
Venter ad insaniam studiosi. [648. 650.](#)
Verborum obscenitas à pueris ableganda. [322.](#)
[col. 2. 523.](#)
de Venia dignis. [452. 456.](#)
Verecundia quid sit: de iis in quæ cadat, & quæ
eam consequantur. [428. 429. 430.](#)
Verecundia siue virtus: obiectum eius: compa-
ratio cum continentia. [389. 840. 841. 842. 843.](#)
[844.](#) an ex turpi actione nascatur. [845. 846.](#)
Semiivirtus quodammodo est. [847.](#) quo sensu
eam esse virtutem dixerit Aristoteles. [ibidem.](#)
an in senes, in probos, ac virtute perfectos vi-
ros cadat congruenter. [848. 849. 850.](#) siue
animi perturbatio. [852.](#)
Verecundiæ acceptio duplex. [849.](#)
Veritas quæ virtus: quibus vitis interiecta. [814.](#)
[815.](#) & c. [824. 825.](#) de eius extremis, siue tan-
tum duo, & de duobus quodnam sit deterius. [825.](#)
[826.](#) improbis semper odiosa. [3.](#)
Veritatis divisio triplex. [159. col. 1.](#) eius extrema
duo. [382. 392.](#)
Veritati omnia consonant quæ insunt. [188. 189.](#)
an Veritatem aliquando deserere amici causa fas
sit. [158. 159.](#)
Verorum regula. [190.](#)
Viarum aliquot publicarum magnificentia. [236.](#)
Vici urbis respondent rusticorum pagis. [19. col. 1.](#)
Violentia quædam in querendis divitiis. [121. 122.](#)
de Violentia & violento. [416.](#)
an Violentia sit causa cur aliquid dicatur inno-
luntarium. [463. 464.](#)
Violentum quid sit. [442. 443. 445. 450.](#)
Violenta nonnulla minime iniucunda & tri-
stia. [464. col. 1.](#)
Violenti nomine quid significetur. [465. 466.](#)
Virginitatis medium. [379. col. 1. 381. col. 2.](#)
Viro bono nihil accidere mali. [117. col. 1.](#) de eo-
dem locus egregius. [127. col. 1.](#)
Vir fortis in quo spectetur. [547. 549. 551.](#) an ei in
periculis oppetenda sit potius mors quam que-
renda salus per fugam. [600. 601. 602. 603.](#)
Vir fortis non est omnino impertectus, nec ti-
moris prorsus habet vacuitatem. [567. col. 1.](#)
timet & audet propter virtutem & finem ho-
nestum peculiarem. [ibid.](#) an eiusdem, audacis
ac timidi eadem sit materia. [ibid.](#) etiam in su-
bitis & repentinis malis agit fortiter ex electio-
ne atque consilio. [611. col. 1.](#) an in agendo ad-
hibeat iram. [612. 613.](#) an capiat ex opere suo
inter agendum voluptatem. [612. 613.](#)
Virorum fortium duo genera. [613. col. 1.](#) co-
rundem exempla quædam. [531.](#)
Virorum proborum siue propria verecundia.
[849. 850.](#)
Virorum quorundam illustrium calamitas feli-
citati par. [23.](#)
Viri virtute præditi caligibus & infortuniis ple-
rumque iactantur. [134. col. 2.](#) dat rationem
Seneca. [135. col. 1.](#)

I N D E X.

- Virtus in tenebris quando prematur.** 13
Virtus est viaticum. 16. est præcipua Principis. 26. non est felicitas. 118. 119. 124. 132. 133. an actione careat. 119.
Virtus vnde bona. 135. col. 2. quomodo expetenda. 136. col. 1. est duabus interposita vitiofitatibus extremis. 203. col. 1.
Virtus duplex, intellectiva, & moralis: neutra indita nobis est & insita natura. 197. 198. 305. 306. utraque carnis gignitur & corrumpitur ex causis. 303. 304. 309.
ad Virtutis paratum procreationemque, momēti plurimum habet puerilis educatio. 304. quomodo dici possit satis esse beatitudini. 116.
an Virtus sit in animæ potentia. 276. an generetur ab assuetudine atque exactionibus frequētat. 309. 310. 311. quo sensu vltimum potentiz dicatur. 335.
Virtus in corpore pulcro an grata. 12.
Virtus omnis parva in voluptatibus & doloribus occupatur. 340. 346. 347. de eiusdem conditione & statu, qualis sit. 341. 342. 349. statum eius vnde metiri debeamus. 343. 344. 350. 351.
an Virtus augeri imminui atque corrumpi possit. 334. 335. quibus modis quāue ratione augeatur. 336. quo pacto nobis innata, & nobis inesse natura dicatur. 306. col. 2. aliqua ex parte producitur à doctrina. ibidem. absoluta siue secundum perfectionem aut perfectiū non inest nobis natura, neque à doctrina producit, sed assuetudine, exercitatione, labore: ex actionibus demum & operibus producit. 307. secundum substantiam & perfectiū posset in nobis gigni naturaliter duplici de causa. 307. col. 2. quo pacto dicatur formaliter medium passionum. 367. col. 1. refelluntur dicentes non esse habitum. ibid. col. 2. qualis sit habitus. 368. 369. est habitus in medio positus. 372. 373.
an Virtus quolibet virtutis actu augeatur. 337. quibus rebus quāue ratione corrumpatur eius habitus. 339.
Virtus ipsa utrique aduersatur extremo. 396.
an Virtus & extrema sibi magis opponatur quā duo extrema vitia. 399. 400. an magis cum vno quā altero pugnet extremo. 401.
cur Virtus in perturbationibus versans in difficili versari dicatur & arduo. 337. col. 1. quo sensu dicatur mediocritas perturbationum. ibid.
an Virtus & ars versentur in opere difficili & arduo. 349. 350.
an sit Virtus quæ non sit humana, & quodnam eius officium. 279. col. 2. 280. col. 1.
Virtus affecta contumeliis quantoperè timenda. 426. col. 1.
possitne Virtus moralis aliquando vnico actu comparari. 314. 315.
Virtus intellectiva & moralis quā differant. 274. 276. 278. col. 1. de vtriusque perfectione. 279.
an Virtus aliqua moralis possit esse in pluribus potentiis tanquam in subiecto. 189. 190.
Virtus moralis, qualibus actionibus generetur. 329. 330. mediocritate gigni. 331. 332. profert actus in mediocritate positos. 333. an verè consistat in medio inter exuperantiam & defectū. 379. 380. an possit esse sine intellectiva, & contrā. 280. 281. eius officium duplex. 282. col. 1.
- Virtus omnis aliqua ratione in tristitia & delectatione versatur.** 340. col. 2.
Virtutis definitio. 279. col. 1. eius ratio propria in quo sit posita. 279. col. 2. eius definitio quid habeat pro genere. 365. 366. quid sit. 368. & seqq. 378.
Virtutis pars duplex. 263. & seqq. 275. 276. & seqq.
Virtutis diuisio vnde petenda. 274. 275. 276. illius operatio insitam habet voluptatem: & quibus qualitatibus affecta & prædita. 197. 198.
Virtutis actionum, operumque genera. 135. 136. 137. 138.
Virtutis excellentia vnde petenda. 639. col. 2.
Virtutis notio nomēque duplex. 335. col. 1. 380. col. 2. 400. col. 1.
Virtutis notio alia propria & restricta, alia communis & se latè fundens: & quid utraque sit. 847. col. 2.
Virtutis operatio duplici modo accipi potest. 569. col. 2. illius habitus non est bonum excellentissimum. 133. col. 2.
an Virtutis possessio ad aliorum utilitatem referenda sit. 62. col. 2. 63. col. 1. 64. col. 1.
Virtutis præmium esse honorem, quo sensu dictum à Cic. & Aristot. 129. 131. 132. quodnam sit post mortem. 241. 242.
Virtutis tractationem esse doctrinæ moralis. 264.
Virtutis parandæ medium inuenire ac deprehendere quā arduum operosumque negotium. 403. præcepta quædam ad hoc requisita. 404. 405. 409. qua ratione tandem paratur, exponitur. 408. 409. 410.
Virtutis actus quilibet, vt laude vera dignus & & probabilis sit, quas habere debeat cautiones. 597. 598.
Virtutem assequi quā difficile. 375. 376. 378. an ad eam parandam necessariæ sint actiones externæ. 312. 313.
Virtutem esse indiuiduam. 379. col. 1. quo sensu. 381. col. 2. voluntariam esse non vitium asserentes, errarunt. 510. 511. quomodo dicatur vltimum potentiz. 379. col. 1. 382. col. 2.
Virtutem omnem esse facultatis & potentiz cognoscentis, & in difficili arduoque versari. 283. col. 1. 284. col. 1.
an actiones Virtutem antecedentes à consequentibus specie discrepent. 309. col. 2. 310. 334.
Virtutum origo eadem quæ formarum naturalium, iuxta philosophos veteres. 305.
ad Virtutem parandam vitiumque declinandum quatuor requiruntur. 521. col. 1. 522. col. 2.
Virtuti, nomen vitij sæpe datum. 395.
Virtuti scientiam parum aut nihil prodesse, an verum. 356.
Virtuti tribuenda beatitudinis intima vis & ratio. 15. quantum ei deserat Seneca. 133. col. 1.
Virtute præditi, incontinentis & vitiosi discrimen. 287. col. 2.
in Virtute qualibet tres notantur habitus inter se pugnantes. 394. 395.
Virtute præditum fieri, quā difficile. 402. 403. 409.
an Virtutes sint scientiis constantiores & firmiores. 234. 244. 245.
Virtutes principales & cardinales quot & quæ.

I N D E X.

1021

541. cui sic appellatur. ibid. quanta necessitas earum. ibidem. & 541. admirabilis earundem nexus. ibid.
- Virtutes exemplares, præstantissimæ ex Platone. 63.col.2.
- Virtutes, quæ sunt ad alterum, proprium, certumque voluntatis habitum postulant. 188.col.2.
- Virtutes principales & cardinales quæ dicantur, & cur ita dictæ. 542. admirabilis earum nexus. 543.
- Virtutes morales infuse quo pacto differant ab us quæ studio partæ sunt & labore. 308.col.1.
- Virtutes & vitia in nostra sunt potestate. 508. 509. 511.
- Virtutes omnes in iustitia contineri. 865. 866. 867. an aliquæ veræ in intelligentia sint. 276. 277. & seqq.
- Virtutum tria genera quibus ad Deum perveniuntur. 63.col.1.
- Virtutum disciplina, peculiaris ac propria principum. 26.
- de Virtutum numero, mediocritatūque dispositione inter extrema. 383. 384. 392. siue earum enumeratio idonea. 392. 393. de earundem ac vitiōrum oppositione. 394. & seqq. earum extrema vnde spectanda. 541.col.1. quænam illarum connexio. 736.col.1. 737.col.2.
- Virtutum moralium duplex genus. 534. earum inter se discrimen. ibid. de medio earum inter se diverso. 536.
- an de Virtutibus esse possit deliberatio & consilium. 499. 500.
- Vires corporis aliquando nocent. 92. 93. exitio fuisse mulus. 206.col.1.
- de Viribus ut sunt tertium bonum corporis. 205.col.2.
- Virus & oculorum voluptas possint ad temperantiam materiam reuocari. 629. 630.
- Vita quàm exigua. 12.
- Vita optima cui conveniat. 187.col.1.
- Vita bene acta, & res bene gesta, beatitudo. 191.
- Vita mortalium similis conuiuio. 573.col.1.
- Vita prospera, quæ: & an necessaria sit ad constituendam beatitudinem. 211.col.1. 213.col.2. 216.col.2. 218.col.1. & 2.
- Vita civilis, communisque societas, quibus ex causis fugi possit. 41. 42.
- Vita rationalis propria hominis. 174. 175. 184.
- Vita triplex. 44. 172. 174.
- Vitæ perfectæ nomine quid intelligat Aristoteles. 177.
- Vita quæstuaria, violenta. 121. minimè vitalis. 122.
- Vitæ humanæ tres formæ magis insignes & notiores. 114. 115. eiusdem simulacrum. 2. illius necessitas ex duplici rerum genere spectatur. 656.col.2.
- Vivendi modus quatuorplex. 38.
- Vivere aliquando idem esse atque operari. 276.col.2.
- Vivere aut sentire non est proprium hominis opus. 174. 184.
- Vitium virtuti quo pacto contrarium. 203.col.1.
- ad Vitium declinandum quatuorplex notitia requiratur. 521.col.1. 522.
- Vitia sunt à nobis: & quæ differant ab actionibus. 508. 509. 521. an in ea labi facilius sit quàm virtutem assequi. 375. 376. 378.
- Vitiōrum omnium maximè probrosum quodnam sit. 646. 647.
- de Vitiōrum ac virtutum mutua repugnantia. *leg. cap. 8. lib. 2.* 394. 395.
- Vituperatio à vitio. 361.
- Vituperatio duplex. 737.col.1.
- Vitiū aliquid dandū in rebus humanis. 84.col.2.
- Vlyssia verba inter Charybdim Scyllamque navigans. 405. eius navigationis historia. ibid. & 410. 411. & 412.
- Vingenta ad vicerem excitant. 630.
- cur Vniuersale dicatur ideæ. 242. 243.
- Vniuersi finis qui. 162.col.2.
- Vnum vni quomodo contrarium. 203.col.1. 204.col.1.
- Vnum quomodo fortius valentiūque quàm plura. 353.col.2.
- Voluntarium & sponte factum quid sit. 460. 461. 463.
- Voluntarium & inuitum differt multum. 923.
- Voluntarium quibus insit, & quibus rebus interdum possit impediri. 465.col.2.
- Voluntarium formaliter & virtualiter quid appetetur. 471.col.1.
- Voluntarium sola scientia & cognitione non definitur. 974. 975. 978.
- an Voluntarium & naturale sint opposita. 62.col.1.
- Voluntarij & liberi discrepantia. 465.col.1.
- Voluntarij acceptio restricta, inuoluntarij autem ampla. 987. 988. variz notiones scitu dignissimæ. 464. 465. distinctiones quædam & discrimina. 471. 472.
- de Voluntario timiditatis & intemperantiæ. 661. 662. 664. 665.
- Voluntas quomodo bonum appetat cum possit non appetere. 53.col.1. ad imperandum quomodo idonea. 287.col.1. cur non sit electio. 481. 484. 485.
- Voluntas duplici de causa rationis ductum non sequitur. 538.col.2.
- Voluntas in finem fertur, hoc est in bonum: & quodnam sit huiusmodi bonum, verumne an apparens. 501. 503. 504. 505. 506. an possit dissentire & refractaria esse prudentiæ. 281. an possit appetere infinitum. 84.
- an Voluntati possit vis asferri: & de eius actibus elicitis & imperatis. 463. 464.
- an in Voluntate ponendus sit virtutis habitus. 287. 288.
- Voluptarij duobus reprehensionis telis petiti. 115.
- Voluptas quàm difficile expugnetur. 351.col.1.
- Voluptas & delectatio non idem. 200. tam in corpus quàm in animam cadunt. 347.col.1.
- Voluptas, multitudinis corrumpit iudicium. 504. 505.
- Voluptas iræ comes. 415. in formis etiam capitur. ibid.
- an Voluptas ad felicitatis compositionem spectet. 195. 196. quænam pugnet cum dolore & tristitia. 416.col.1.
- Voluptatem non esse beatitudinem. 114. 115. 124.
- Voluptati repugnare siue difficilius quàm iræ.

INDEX.

350.351. ut ei respondeat pulcritudo. 57.col.1.	Urbanitatis extrema. 392.
quæ Voluptates, circa quas & temperantia ver-	an Urbanæ res maiores quàm bellicæ. 79.80.
setur & intemperantia. lege cap. 9. lib. 3. pag.	Urbis principium. 59.col.2.
626. 627. & seqq. 639. 640. earum divisio iux-	Urbis & Civitatis discrimen. 60.col.2.
ta Epicureos. 630.	V furas accipientes an avari & illiberales dicendi
Voluptatum aliz sunt corporis, aliz animi pro-	sint. 706. 707. & seqq.
priæ: & circa quas versetur temperantia. 616.	in Vlturæ permissione tria mala cernuntur &
627. 628. 634. 640. 641.	sunt. 710. col. 1.
Voluptatum genus duplex. 639.col.2. 641. 648.	an Vti melius & magis virtuti consentaneum sit
649.	quàm possidere. 619.
an Vota metu naufragij nuncupata sint volunta-	X.
ria, & adimplenda. 469.col.2. 470.col.1.	
Vox communis animantium: homini sermo da-	X Enopionis Imperatoris & philosophi res
tus. 60.col.1.	aliquot gestæ. 23.
Vocis contentiones non inhibendæ pueris. 322.	
col.2.	

FINIS.

MG 200.2444





